

# PATROLOGIÆ

## CURSUS COMPLETUS

SIVE  
BIBLIOTHECA UNIVERSALIS, INTEGRÆ, UNIFORMIS, COMMODA, ŒCONOMICA,  
OMNIUM SS. PATRUM, DOCTORUM SCRIPTORUMQUE ECCLESIASTICORUM  
QUI  
AB ÆVO APOSTOLICO AD INNOCENTII III TEMPORA  
FLORUERUNT;

### RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER DUODECIM PRIORA  
ECCLESIE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,  
PERQUAM DILIGENTER CASTIGATA;  
DISSERTATIONIBUS, COMMENTARIIS LECTIONIBUSQUE VARIANTIBUS CONTINENTER ILLUSTRATA;  
OMNIBUS OPERIBUS POST ANPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS  
DETECTIS, AUCTA;  
INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALICUIUS MOMENTI  
SUBSEQUENTIBUS, DONATA;  
CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM  
SUPERIOREM DISTINGUENTIBUS SUBJECTANQUE MATERIAM SIGNIFICANTIBUS, ADORNATA;  
OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM  
ECCLESIASTICAM POLLENTIBUS, AMPLIFICATA;  
DUOBUS INDICIBUS GENERALIBUS LOCUPLETATA: ALTERO SCILICET RERUM, QUO CONSULTO, QUIDQUID  
UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR; ALTERO  
SCRIPTURÆ SACRÆ, EX QUO LECTORI COMPERIRE SIT OBVIUM QUINAM PATRES  
ET IN QUIDUS OPERUM SUORUM LOCIS SINGULOS SINGULORUM LIBRORUM  
SCRIPTURÆ TEXTUS COMMENTATI SINT.  
EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR: CHARACTERUM NITIDITAS  
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS  
TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANter  
SIMILIS, PRETH EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,  
SEXCENTORUM FRAGMENTORUM OPUSCULORUMQUE HACTENUS NIC ILLIC SPARSORUM,  
PRIMUM AUTEM IN NOSTRA BIBLIOTHECA, EX OPERIBUS AD OMNES ETATES,  
LOCOS, LINGUAS FORMASQUE PERTINENTIBUS, COADUNATORUM.

### SERIES SECUNDA,

IN QUA PRODEUNT PATRES, DOCTORES SCRIPTORESQUE ECCLESIE LATINÆ  
A GREGORIO MAGNO AD INNOCENTII III.

Accurante J.-P. Migne,

BIBLIOTHECÆ CLERI UNIVERSÆ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA BINA EDITIONE TYPIS MANDATA EST, ALIA NEMPE LATINA, ALIA GRÆCO-LATINA. —  
VENEUNT MILLE FRANCIS DUCENTA VOLUMINA EDITIONIS LATINÆ; OCTINGENTIS ET  
MILLE TRECENTA GRÆCO-LATINÆ. — MERE LATINA UNIVERSOS AUCTORES TUM OCCIDENTALES, TUM  
ORIENTALES EQUIDEM AMPECTITUR; HI AUTEM, IN EA, SOLA VERSIONE LATINA DONANTUR

PATROLOGIÆ TOMUS CLXXXII.

S. BERNARDUS ABBAS CLARÆ-VALLENSIS.



EXCUBEATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO DENFER NOMINATAM,  
SEU PETIT-MONTROUGE.

1854

8022



# THE JOURNAL OF THE

AMERICAN MEDICAL ASSOCIATION  
PUBLISHED WEEKLY  
CHICAGO, ILL., U.S.A.

Subscription price, Five Dollars per Annum in Advance

Single Copies, Fifteen Cents

Entered as Second-Class Matter, October 3, 1902, under Post Office No. 364, at Chicago, Ill., under special permission of the Post Office and General Office, at special rate of postage provided for in Section 1103, Act of October 3, 1917, authorized on July 16, 1920.

Acceptance for mailing at special rate of postage provided for in Section 1103, Act of October 3, 1917, authorized on July 16, 1920.

Postage paid at Chicago, Ill., and at additional mailing offices.

Copyright, 1920, by American Medical Association

Printed at the Journal of the American Medical Association, Chicago, Ill.

Volume 21, No. 1, January 1920

Editor: J. C. Thompson

Business Manager: J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson



PATROLOGICAL TONES GLAZI

1. JOURNAL OF THE AMERICAN MEDICAL ASSOCIATION

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

Editorial Board: J. C. Thompson, J. C. Thompson, J. C. Thompson

SÆCULUM XII

# S. BERNARDI

ABBATIS PRIMI CLARÆ-VALLENSIS

## OPERA OMNIA

SEX TOMIS IN QUADRUPLICI VOLUMINE COMPREHENSÆ

POST HORSTIUM DENUO RECOGNITA, AUCTA ET IN MELIOREM DIGESTA  
ORDINEM, NECNON NOVIS PRÆFATIONIBUS, ADMONITIONIBUS, NOTIS ET  
OBSERVATIONIBUS INDICIBUSQUE COPIOSISSIMIS LOCUPLETATA

TERTIIS CURIS

**D. JOANNIS MABILLON**

PRESBYTERI ET MONACHI BENEDICTINI E CONGREGATIONE S. MAURI

EDITIO NOVA

ACCESSERE APPENDICES AMPLISSIMÆ VITÆ SANCTI DOCTORIS ET EJUS ÆTATEM ILLUSTRANTES

ACCURANTE J.-P. MIGNÉ

BIBLIOTHECÆ CLERI UNIVERSÆ

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITOREM

---

VOLUMEN PRIMUM

S. BERNARDI OPERUM DUOS PRIORES TOMOS COMPLECTENS

---



VENIUNT 4 VOLUMINA 28 FRANCIS GALICIS



EXCUDERATUR ET VENIT APUD J.-P. MIGNÉ EDITOREM  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM  
PETIT MONTROUGE

1854

'8022

# ELENCHUS

AUTORUM ET OPERUM QUI IN HOC TOMO CLEXII CONTINENTUR.

## S. BERNARDUS ABBAS CLARÆ-VALLENSIS.

OPERUM TOMUS PRIMER. — Epistola.	col. 67
OPERUM TOMUS SECUNDUS. — Tractatus morales, doctrinales et ascetici.	721
De consideratione.	727
De moribus et officio episcoporum.	809
Sermo de conversione, ad clericos.	853
De praecepto et dispensatione.	859
Apologia.	895
Liber ad milites Templi de laude novae militie.	921
Tractatus de gradibus humilitatis et superbiae.	941
Liber de diligendo Deo.	973
Tractatus de gratis et libero arbitrio.	1001
Tractatus de baptismo aliisque questionibus.	1031
Capitula haeresum Petri Abaelardi.	1049
Tractatus de erroribus Petri Abaelardi.	1053
Vita S. Malachiae.	1073
Hymnus de S. Malachia.	1117
Tractatus de cantu.	1121

### Appendix ad tractatus morales et doctrinal

S. Bernardus super hymnum : « Jesu nostra redemptio.	1133
Liber de Passione Christi et doloribus matris ejus.	1134
Tractatus ad laudem gloriose virginis Mariae.	1141
Tractatus de corpore Domini.	1149
Tractatus cantandi Graduale.	1151
Tonale S. Bernardi.	1153



SANCTISSIMO PATRI  
ALEXANDRO VIII  
PONTIFICI MAXIMO

*Ad tuæ sanctitatis vestigia, beatissime Pater, venerabundi, at securi accedimus, quo tua non minus dignitas, quam tua dignatio nos vocat. Summus es, sed omnium Pater; idem ipse qui olim fuisti, natura facilis ac benignus adversus omnes, qualem nos nuper et verbis toties, et factis coram experti sumus. Majestate itaque cedente, quidni cedat pudor, ut tantæ dignationis, atque ejus, qua nostram dudum congregationem prosecutus es, benevolentia memores, iucunda tui Pontificatus initia obsequiorum nostrorum publica professione celebremus? Et ecce nobis in animo agitantibus, ultro sese obtulit sanctus Bernardus, magnus ille abbas Claræ-Vallensis, qui festinantibus prelis quasi exaltationi tuæ præcurrens, in novam lucem sub tuæ sanctitatis auspiciis prodire gestiebat. Quin etiam ille quondam honorum ac dignitatum osor, nunc summæ tuæ potestatis consortium ambit, non auctoritatem ut minuat tuam, sed ut fulciat, ut pastoralis regiminis curas et sollicitudines levet, ac sacræ doctrinæ ministerium in se suscipiat.*

*Neque vero est, beatissime Pater, quod tam celebri et eximio doctori vices suas committere vereatur sanctitas tua. Nemo quippe illo melius de sancta apostolicâ sede meruit, nemo rectius de ea sentit, nemo de summo pontifice magnifecentius loquitur. Te quippe principem episcoporum, te heredem apostolorum, te potestate Petrum, unctione Christum agnoscit, et prædicat (1). Parumne hoc? Etiam assertorem veritatis, fidei defensorem, refugium oppressorum, ultorem scelerum, regum patrem, legum moderatorem, canonum dispensatorem, et, ut cætera uno comprehendat, vicarium Christi, et Christum Domini constitetur et asserit (2). Denique in te suspiciit plenitudinem potestatis, sed quæ maximam curam et sollicitudinem exigit: adeo ut ei censeat orbe exeuendum, qui forte volet explorare, quæ non ad tuam pertinent curam (3).*

*Te vero, sanctissime Pater, ad tantum pondus sustinendum finxit divina providentia, cum ingenium facile, sublime, amplissimum, judicium exquisitissimum, prudentiam et sagacitatem incredibilem tibi liberaliter concessit. Innatam prudentiam confirmavit longus rerum agendarum usus, cum per singulos honorum gradus deductus, non prius ex inferioribus proventus es, quam congruis meritis aditum tibi parasses ad altiores. In actuosa vita semper compos tui, in privata nunquam remissus aut otiosus. In maximis et arduis rebus, ubi alii sub sarcina gemunt, tu ipse, quasi nihil agendo, omnia tranquillus exsequeris: et quæ aliis laboris impatientiam, quietis ac inertis otii amorem afferre solet propecta ætas; tuæ sanctitati contra quietis et otii impatientiam, laboris amorem ac diligentiam inspirat, augetque. Isti sedulitati non dies toti sufficiunt. Ipsius etiam noctis inducias tuæ requieti subducis, dictitare solitus, diligentia et festinatione opus esse in ista ætate, cui multa, et quidem maxime, agendo incumbunt; ratus cum Bernardo, non esse locum otio, ubi sedula urget sollicitudo omnium Ecclesiarum (4). Sic exemplo tuo jubes facessere leges, quæ majorem annis sexaginta otio reddunt (5).*

*Cum sic a natura, a gratia, ab ipsa rerum experientia sis comparatus, Pater sanctissime, in ista tamen suprema dignitate procuranda, non tam tuis te credis consiliis, quam alienis. Hinc*

(1) De consideratione, lib. II, cap. 8.

(2) Ibid., lib. IV, cap. 7.

(3) De consideratione, lib. II, cap. 1.

(4) Ibid., cap. 6.

(5) Plinius, lib. IV, epist. 23.

ista ad cardinales vox, maximo certè pontifice digna, nihil e re christiana te moliturum unquam aut facturum, quod ad eorum consilium prius non relatum fuerit. Quod si quem alium insuper consiliarium maxime prudentem, expertumque in istum sacrum senatum adhibere volet sanctitas tua, nullum magis idoneum incorruptumque inveniet, quam Bernardum; cujus vel soli De consideratione libri, plane cedro digni, tot oraculis referti sunt, ut ad dirigendos summos pontifices, imo ad regendam universam Ecclesiam, quasi divinitus dictati esse videantur. Id sane pro comperto jamdudum habuere sanctissimi decessores tui, non modo Eugenius III, ad quem scripti sunt, sed præ cæteris Pius V, et Gregorius XIII, qui sacros illos libros tanti faciebant, ut eorum lectionem etiam mensæ adhiberent. In eisdem porro libris, atque in aliis ejusdem sancti doctoris scriptis, invenient omnes quid fugiant, quid sequantur, cardinales, episcopi, alique inferiorum ordinum ministri. Ab eisdem etiam reges et principes discent leges regnandi, ipsique plebei homines, nedum ingenui ac nobiles, Christianæ vitæ pro suo quique statu documenta haurient. Hoc auctore per te plebes clericis, clerici sacerdotibus, sacerdotes Deo in ea qua oportet humilitate subjecti erunt (6). In monasteriis et locis religiosis servabitur ordo, disciplina vigilabit. Super prava opera et dogmata censura ecclesiastica vigeat, et vestra ipsorum apostolica mandata et instituta, ea qua dignum est sollicitudine observabuntur (7). Hoc duce increduli convertentur ad fidem, perversi ordinabuntur ad rectitudinem; subversi ad veritatem revocabuntur, subversores inlicitis rationibus convincuntur, ut vel emendentur ipsi, si fieri potest; sin minus, perdant auctoritatem alios subvertendi. Denique hoc doctore cessabit ambitio, dominandi libido, cupiditas; nec dignitates honoribus, sed virtutibus, sed cura et sollicitudine æstimabuntur. Atque ita demum Ecclesia in eum reflorescet statur, qui sanctissimum pontificem, qui Alexandrum, qui Petrum, imo qui et Christum ejus sponsum deceat.

Id fere perfectum et absolutum Bernardo vivente, satagente, collaborante; nec dubium quin modo simile quid contingat, si Bernardo vocem et auctoritatem integram restituat Alexander. Hanc vocem Bernardo tribuerunt Patres synodi Stampensis, cum dubio pontifice invicem dissidentes, voces universim suas et sua quique suffragia in ejus ore ac sententia reposuerunt. Eandem mox vocem sibi propitiam sensit Innocentius II, qui sancti Patris prædicatione et auctoritate ab omnibus tandem pro legitimo Pontifice agnitus, ejusdem lingua et calamo usus est adversus schismatis reliquias, adversus nascentes hæreses atque errores. Inde Bernardus evasit oraculum ac interpret conciliorum, Senonensis, Remensis, et aliorum; adeo ut ex ejus ore penderent fere omnia, nihilque in Ecclesia, aut in aulis regum ac principum, imo nec in privatis fere familiis, absque ejus consilio et sententia gereretur. Vidit illum Roma non semel: quæ quantum ei tribuerit, vel ex hoc solo conjici potest, quod Anacleto extincto, cum Victorem pseudopontificem, usurpatis insignibus nudatum, ad Innocentii pedes adduxisset, tanta apud Romanos in reverentia deinceps habitus est, ut ab omnibus Auctor pacis et Pater patriæ prædicaretur. Denique « exeuntem Roma prosequitur, deducit clerus, honorat populus, universa nobilitas comitatur. Neque enim poterat sine communi mœnore dimitti, qui colebatur amore communi (8). » O si eodem honore, eadem reverentia modo tractarentur legerenturque sanctissimi doctoris libri! Quantus inde fructus, quanta utilitas in rempublicam Christianam redundaret! Certe, quoad in nobis fuit, sacris ejus scriptis nativæ formæ gratiam et integritatem, ut gratius, fructuosiusque lectitarentur, restituere conati sumus. Tuum est, beatissime Pater, eidem reddere vocem virtutis, quam illi nec ipsa mors adhuc penitus eripere potuit. Viget etiam nunc apud pios virtusque, imo etiam apud hæreticos ipsos, ejus auctoritas; vigeatque amplius in posterum, si tuæ vocis oraculo denuo confirmetur. Si tua sanctitate probante, monente, jubente, omnibus legendus, terendus, sequendusque proponatur Bernardus, erit vox ejus tanquam vox Domini confringentis cedros, intercidentis flammam ignis (Psal. xxviii). Nulla Bernardo vitia, nulla adversa potestas aut vis resistere, Deo suffragante, valebunt. Et confringentur sub Alexandro cedri, id est capita superbiorum et tyrannorum; et

(6) De consideratione, lib. iii, cap. 5.

(7) Ibid., cap. 1.

(8) Vitæ libro ii, cap. 7.

*intercidetur flamma discordiarum atque bellorum. Et jam suscitavit Deus spiritum vicini regis, qui repletus zelo, miseransque optimi regis dejectionem, ferat opem, ut a suis pulsum, desertumque a cæteris regem, regno restituat suo, quemadmodum suo tempore factum Bernardus scribit de piissimo illo Hiberniæ rege, qui a germano exturbatus, dedit locum iræ, ut suorum sanguini parceret (9). Funestissimam hanc scenam nostris oculis renovatam conspiciamus; similem ejus exitum a maximo pontifice, a maximo rege, suspensis interim animis, exspectamus et exoptamus. Sic fiet, ut quem Ottobono quondam cardinali et legato, qui postmodum Adrianus V fuit, honoris causa cessit Henricus III, eundem thronum alterius Ottoboni, id est Alexandri VIII, curis et subsidiis postliminio acceptum referat Jacobus II. Sed longius abripit nos impetus votorum nostrorum pro gloria tui pontificatus, beatissime Pater, cui non alio ad res magnas aggrediendas monitore, non alio incentore opus est quam Alexandro, ubi in causa Deus est, et Ecclesia. Tantum sanctissimis consiliis tuis propitius sit ille, cujus vicem geris, tuosque de nostris, si liceat, annos augere velit ad omnia illa gerenda et efficienda quæ in Dei gloriam, in Ecclesiæ utilitatem a tua sanctitate agitantur, et sperantur. Nos vero prorsus felices ac fortunatos reputabimus, si hoc votorum nostrorum pignus, hoc perennis observantiæ in se monumentum, benignis, uti alias solet, oculis accipiat sanctitas tua, nosque omnes paterna sua benevolentia et apostolica benedictione dignetur.*

Offerebat supplex nomine suæ congregationis

F. JOANNES MABILLON M. B

(9) Vitæ S. Malachiæ capite 4.

## PRÆFATIO GENERALIS.

I. Posteaquam studiorum meorum primitias in S. Bernardi opera impenderam, non ita primæ illius editionis curam abjicere visum est, ut de ea expolienda et exornanda, imo etiam, si necessarium esset, penitus reformanda nequaquam cogitarem. Cum enim eam juvenis ac pene rudis tiro aggressus essem, non sic rem a me perfectam, numerisque omnibus absolutam fuisse existimavi, quin multa in Bernardo et restituyendo, et illustrando limatius et accuratius elaborari possent, ubi litterarum major usus, et experientia diuturnior accessisset. Quapropter, etsi processu temporis in aliena prorsus a tanto doctore studia longius abductus essem, ita nihilominus sanctissimi viri recordatio et amor pectori meo semper inhæsit, ut si qua in evolvendis, versandisque aliis auctoribus, quæ ad ipsius opera vel emendanda, vel illustranda conferre possent, mihi occurrerent; hæc omnia diligenter adnotare, et in opportunum tempus ad secundam editionem seponere non omitterem. Atque ita demum accidit, ut cum tempus pene nullum huic meditationi vacuum mihi ob alias lucubrationes antea concederetur; jam tepescente et refrigerato per has bellorum tempestates aliarum litterarum cultu, unus mihi fere in manibus relictus sit Bernardus, qui ut juventutis, sic ingravescentis ætatis otium occuparet. Libenter itaque hoc otio, ex superiorum nostrorum indulgentia, usus sum ad novam lucem dandam auctori optime de omnibus merito; nec dissimulare possum, me non parum laboris ac diligentie, una cum collegis ac sociis meis, in id operis posuisse, ut non tam secunda, quam nova prorsus, et, quoad in nobis erat, elaborata editio haberetur.

II. Erunt fortasse, qui tot editionum repetitiones improbaturi sunt, easque in litteratorum incommodum verti causabuntur. Nec diffiteor sane longe optabilius fore, si prima statim editione auctores quique in eum statum, qui ad perfectionem quam proxime accedat, omnino restitui possent. Verum qui in ejusmodi studiis versati sunt, nec illi optime norunt quam operosum sit, ne dicam impossibile, id assequi in tanta veterum librorum copia hinc inde dissipata, in tanta etiam eorundem discrepantia: ut multo ac longo labore, atque etiam aliquando Œdipo et interprete opus sit, tum ad faciendam non tam voluminum, quam foliorum hæc illacque dispersorum collectionem, ac variantium lectionum delectum; tum ad sanandos locos male affectos et ad obscura penetranda; tum denique ad instruendam genuinorum operum censuram. Quæ omnia, aliaque id genus permulta, ut prima statim recognitione ad amissim comparentur, necessarius est felicius genius, quam ut eum mihi tribuere liceat, nec scio an quisquam sibi arrogare possit. Utut est, malim primæ, si qua est, temeritatis culpam deprecari, quam fortasse augere excusando, aut priorem editionem relinquere imperfectam. Aliam itaque castigatorem, politioreque adornare visum est operæ



pretium : atque adeo post novam sancti doctoris operum recognitionem et collationem ad vetera exemplaria factam typographici denuo pistrini importunis servitiis me cum meis sociis mancipavi, certa quadam animatus fiducia, hoc consilium novumque laborem nostrum non ingratum fore cordatis viris, cum facti nostri rationes, atque novæ hujus editionis, quas quidem speramus, utilitates penitus intellexerint.

§ I. — *De variis sancti Bernardi operum editionibus : ubi novissimæ hujus editionis tum causæ, et rationes, tum commoda, utilitatesque explicantur.*

III. In primis nihil magis Bernardi meritum et pretium arguit, quam adeo frequentes et toties repetitæ ejus operum editiones, sive ante, seu post inventam artem typographicam. Quippe multiplex illa editio argumento est, quam comparetur Bernardus a multis, quam avidè legatur, quam denique ab omnibus ametur. Neque id sane mirandum. In ejus enim scriptis elucet ingenium natura nobile, generosum, excelsum; sed humanum, civile, et honestum. Eloquentia quasi congenita, sine fūco, non sine ornamento, sed nativo. Stylus pressus, oratio vivax, dictio propria, cogitatus sublimes, affectus pii, lepores sponte nascentes, totus sermo unum Deum ac cælestia spirans. Ardet, non urens, sed inflammans. Pungit et stimulat, non ut irritet, sed ut moveat. Corripit, increpat, non ut detrahat, sed ut attrahat. Arguit, minatur, terret; sed amando, non indignando. Blanditur, sed non adulatur; laudat, sed non extollit. Urget blande, perstringit absque molestia; delectat, recreat, placet. Quippe oratio ejus, inquit Sixtus Senensis, ubique dulcis et ardens, ita delectat, et ardentè incendit, ut suavissima lingua ejus mel et lac verborum fluere, et ex ardentissimo ejus pectore ignitorum affectuum incendia erumpere videantur. Jam vero doctrinam habet minime vulgarem, Scripturæ sacræ verbis ac succo refertam; sic autem Patrum sententiis in hærentem, ut tamen propria ejus esse sentiat. Ita quippe scribit de rebus divinis, de gratia et libero arbitrio, de moribus et officio pontificum, clericorum, monachorum, laicorum, ut fontem hæc indicent, non rivum aut canalem. Et miramur si vir tantus amatur? si ejus scripta comparantur, leguntur, teruntur ab omnibus? si editiones eorum sine numero fiant? si viri docti et eruditi illis augendis, illustrandis, emendandis, et ad nativam integritatem revocandis operam adhibeant suam? si Roma ipsa, orbis domina et magistra, quæ Bernardum quondam docentem, imo et redarguentem venerata est; si Roma, inquam, ipsa libros de Consideratione, Eugenio III primum oblatos, tum Nicolai V jussu elegantissime descriptos; demum pontificiis typis sub Clemente VIII publicari passa est, totum Bernardum editura in lucem, si Gerardus Vossius operam itidem suam in totum Bernardum contulisset? Quo minus mirandum est, si in metropoli Galliarum tantum Gallicæ lumen regis typis meruit honorari.

IV. Quamquam quod tot Bernardi editiones et recognitiones factæ sunt, aliæ etiam fuerunt causæ, et quidem non improbandæ, imo necessariæ. Una et quidem præcipua est, quod cum in variis plurimisque codicibus scriptis hinc inde dispersa fuerint sancti doctoris opera, non potuerunt prima statim editione simul prodire omnia, sed per particulas, quatenus in hominum studiosorum manus et cognitionem veniebant.

Prima quippe editio videtur fuisse illa, quæ Moguntia a Petro Schoyffero facta est anno 1475, complectens sermones de tempore et de sanctis, necnon etiam de diversis, atque librum ad milites Templi, cum aliis nonnullis Bernardo perperam ascriptis.

Eodem tempore Rothomagi, absque anni designatione, vulgata sunt tria beati Patris opuscula, nempe libri de Consideratione, apologia ad Guillelmum abbatem, et liber de Præcepto et Dispensatione.

Accessit anno 1481 editio Bruxellensis, quæ sermones de Tempore et de Sanctis, atque prima vice Epistolæ suppeditavit, editoris uti et typographi nomine prætermisso. Deinde Parisiensis anni 1494, epistolæ trecentas et decem exhibens cum sermonibus in Cantica, per magistrum Rouauld, sacræ theologiæ doctorem castigatis et emendatis.

Hanc excepit editio Spirensis anno 1501, et post annos duos Veneta, sed absque epistolis; cæterum spuris et alienis scriptis media ex parte jam infarta. Brixiensem item anni 1495 suggerit Possevinus, quæ homilias in *Missa est*, cum aliis quibusdam opusculis continebat.

Prima, quæ Bernardi Opera fere omnia in unum corpus redegit, est editio Parisiensis anni 1508, seraphica, uti præfertur, melliflui devotique doctoris sancti Bernardi scripta complectens, diligentissime cum archetypis bibliothecæ Claræ-Vallensis tunc demum in optimam unius codicis formam redacta, cura et industria magistri Joannis Bocardi, impensis autem Joannis Parvi bibliopolæ jurati Universitatis Parisiensis.

Post annos sex, et quidem anno 1515, Jodocus Clichtoveus Neoportuensis eadem opera denuo recognovit, ac typis Joannis Cleyn Alemanni vulgavit Lugduni, adjectis Gilleberti de Hoylandia sermonibus in Cantica; quæ recognitio multoties Lutetiæ Parisiorum, uti et Lugduni recusa fuit.

Interim anno 1520 alia prodiit editio Lugdunensis, per duos monachos Claræ-Vallenses, Lambertum Campestem et Laurentium Dantiscenum, adornata; quæ sane omnium emendatissima est.

Secundum hos recognitores (nam varias editiones mitto) Franciscus Comestor A-neduceus, socius collegii Sorbonici, aliam sancti doctoris recognitionem adortus est, præfixa Ludovico De Rie episcopo Genevensi nuncupatoria epistola, in qua testatur, se revolvendo vetera exemplaria, quæ refertissima collegii

Sorbonici bibliotheca tum suppedabat, incidisse in epilogum libri de Diligendo Deo, in editis prætermisum; deinde in opusculum de Amore Dei ac Dignitate amoris: quos libros viduæ Claudii Chevallonii cum aliis edendos suppeditavit anno 1547.

Non una hujusce recognitionis editio facta est: cum interim Antonius Marcellinus aliam editionem Basilæ apud Joannem Hervagium adornari curavit anno 1552, solerti, quod ipse asserit, ad vetustiorum exemplarium fidem collatione facta, cum nova censura, novoque ordine operum; ut primum locum tenerent Sermones, subsequentem Epistolæ, tertium Tractatus, postremum spuria et aliena.

Hanc editionem anteverit Veneta, cujus meminit Joannes Gillotius Campanus in præfatione ad editionem Nivellianam, apud Parisios anno 1572 procuratam: ubi etiam mentionem injicit recognitionis factæ a theologis Parisiensibus, qui postremas editiones tam suo privato conatu, quam ex collatione veterum codicum, quos in Galliarum bibliothecis corrigere licuit, restituerunt: ut qui post tot, tantosque viros, ait ille, redintegrata instaurare, et sanatis iterum mederi tentaret, labefacere, malumque inferre videretur. Quanquam idem Gillotius subdit, se adjecisse quasdam correctiones non poenitendas, et argumenta sive distinctiones capitum in libros quinque de Consideratione ad Eugenium, et in libellum de Præcepto et Dispensatione, quos Henricus Cyncius Cutemburgensis ad septem manuscripta exemplaria correxerat. Exponit deinde operam suam, tum in secernendis Bernardi operibus nativis a spuris, tum in nativis ad rectum et commodum ordinem redigendis: tametsi inter genuina Gillotius spuria nonnulla vel jam edita reliquit, vel de novo adjecit, cum Floribus ex S. Bernardi operibus collectis.

Verum ante sex annos, videlicet anno 1566, alia editio Parisiis prodierat apud Guillelmum Merlinum et Sebastianum Nivellium, præmissa epistola Francisci Comestoris, mox laudati, ad episcopum Genevensensem: cui editioni adjecta est Appendix Hervagiana, Basilæ apud hæredes Joannis Hervagii vulgata, opera ac studio Jacobi Pamellii Brugensis, qui Bernardi parvos Sermones numero sexdecim, tum Parabolam de Christo et Ecclesia, item Soliloquiorum librum, et alia nonnulla Bernardo supposita protulit in lucem. Eodem anno Ludovicus Miræus Rosetanus aliam Bernardo Appendicem, a Francisco Comestore acceptam, Lutetiæ itidem apud Carolam Guillard adjici curavit.

Mitto alias ejusdem sæculi editiones pene innumeras; ut nullus fere annus abierit, qui non aliqua Bernardi operum editione fuerit insignis. Omnium elegantissima fuit illa quæ anno 1586 sub symbolo navis facta est, cum epistola nuncupatoria Joannis Gillotii ad R. P. Guñdonem Cornuatum abbatem Vallis-Clare, ejusdemque præfatione ad lectorem.

Quin etiam eodem sæculo plerique Bernardi Sermones cum Opusculis in Gallicum idioma translati sunt, nempe anno 1575, per Hubertum Lescotum canonicum regularem, sed absque Epistolis; quæ in versione item anno 1622 per Philippum Le Bel doctorem Parisiensem adjectæ sunt, uti et in novissima versione R. P. Gabrielis a S. Malachia Fulienis.

V. Jam vero quod attinet ad varias editiones sæculo nostro factas, omnes percensere res fuerit pene infinita, nec minime necessaria. Duas tantum notare juvat: unam Edmondi Tiraquelli monachi Cisterciensis, anni 1601, alteram Joannis Picardi, anni 1609, cum notis et aliquot epistolarum accessione, et cum epistola nuncupatoria Tiraquelli ad R. P. Edmundum a Cruce abbatem Cisterciensem; atque etiam cum epistola et præfatione Gillotii.

Hæc Picardi editio eodem anno Antwerpæ apud Joannem Keerbergium recusa est, atque inde multoties repetita: donec tandem optima omnium et accuratissima prodiiit anno 1641 Jacobi Merloni Horatii, viri piissimi ac doctissimi, recensio, quæ alias omnes obscuravit, sæpissime deinceps ad prelum revocata.

VI. Quid ab erudito viro in illa editione præstitum sit, paucis observare juvat. Principio mirari se dicit, quod cum inter omnia sanctorum Patrum opera, nullus frequentius versetur in manibus, quam Bernardus, unus tamen adeo hactenus neglectus sit, ut frequentissime quidem, semper tamen idem, imo subinde deformior, corruptiorque prodiret, tanquam vel indignus, vel non indigens curatione. Id in causa fuisse, cur ipse medicam adhibuerit manum. Et primo quidem omnia Bernardi opera in sex tomos distribuisse, ut primus epistolæ; secundus sermones de Tempore et de sanctis; tertius sermones in Cantica; quartus tractatus varios; quintus aliena; sextus denique duorum sancti doctoris discipulorum, Gilleberti et Guerrii, opera complecterentur, adhibita pro loco trutina ac censura. Deinde se Tractatus in capita et sectiones distinxisse; tum epistolis singulis ac tractatibus argumenta seu summaria præfixisse. Ad hæc non pepercisse diligentæ neque sumptibus, quominus ex variis variarum regionum bibliothecis Bernardianam editionem augeret; tametsi multa, quæ a nonnullis indicantur, puta a Possevino, aliisque, consequi non potuerit. Præter ea, præambula complura adjecta; Vitam S. Bernardi septem libris, cum diversis elogiis et chronologia præmissam. Denique adjectas adnotationes prolixas, præter alias breviores sparsim per totum opus insertas ad marginem, cum indicibus uberioribus locorum Scripturæ, rerum et verborum. Cæterum se conscium esse immensi laboris, quo editionem omnino correctissimam reddere conatus sit; etsi typographorum diligentia votis suis non plane responderit. Aliam quidem editionem, et auctiorem, et accuratiorem, parabat vir doctus: sed huic proposito immortuus est die aprilis vigesima, anno 1644.

VII. Primam nihilominus editionem illam, quantum homini docto, diligenti, ac Bernardi perquam studioso, sed privato, licuit, feliciter exsecutus est Horstius: ita ut ejus editio ambabus, ut aiunt, manibus accepta fuerit ab omnibus et probata, et in variis provinciis ac locis sæpissime recusa. Verum cum Bernardi textum Horstianum ad gallicanos codices complures præfectorum nostrorum jussu exegisset noster Claudius Cantelovius; quosdam nihilominus in illo textu deprehendit nævos, qui horum codicum ope sanari postulabant. Et Bernardi quidem sermones de Tempore ac de Sanctis in secunda forma emendatissimos emisit in lucem. Verum, cum aliis eadem diligentia evulgandis daret operam, hanc ipse mihi provinciam morte resignavit, adolescenti in re litteraria novo et inexperto, cui nunquam venisset in mentem cum doctissimo Horstio laborare et industriam conferre, nisi renitentem ac cunctabundum ad persequendum demortui Cantelovii opus præfectus noster generalis piæ memoriæ, reverendissimus Bernardus Audebertus, me compulisset. Parui itaque vel invitus, et symbolam in primis ex Cisterciensis bibliothecæ exemplaribus conferente religioso viro Jacobo Lannoy ejus præfecto, editus tandem Bernardus est in majori et in minori forma, non eo quidem modo quo decebat, sed qualem ferre potuit rudis mea ætas, art vero qualem a librario, suæ magis, quam publicæ rei addicto, impetrare licuit.

VIII. Cum vero ejusmodi studiorum continuo usu multa in dies observassem, quæ ad limandam et illustrandam Bernardi editionem conferre poterant; hæc omnia, ut jam dixi, diligenter notare studui, ut si quando tempus et otium mihi suppeterent, aliam emendatiorem, politioiorem, perfectioremque adornarem. Verum cum ad id operis me accingerem, in alium scopulum me coniecit misera typographicarum legum conditio, ex qua tandem, tanquam tempestate quadam, in hunc qualemcumque portum delatus sum, ea sane fortuna, quam nihil attinet modo commemorare.

IX. Etsi vero a moribus meis et ab instituto nostro prorsus alienum esse debeat propriam venditare operam, interest tamen hoc in limine demonstrare, quibus in rebus novissima hæc editio tum ab Horstiana tum etiam a priori nostra differat. Et primo quidem in conferendis vetustis codicibus antea mihi non visis, iis maxime, quos vel in variis provinciis a nobis subinde perlustratis consulere et revolvere licuit, vel quos in bibliothecam Colbertinam magno rei litterariæ commodo post nostram editionem conegessit vir bonis litteris juvandis et illustrandis natus Stephanus Baluzius, secundas curas adhibui; tum ex variis lectionibus eas seligere, et in textum restituere curavi, quæ Bernardi sententiæ accommodatiores videbantur: quæ res usum veterum librorum pene assiduum, gustum usu acquisitum, maturiusque judicium exigit, quam litteratorum vulgus opinatur, qui aranearum telas captare nos existimant, dum has, quas putant, minutias consecramur. Verum sentiant id genus homines de nobis quidquid volent; modo nostram operam approbet non hominum plausus, sed publica Ecclesiæ, reique litterariæ utilitas.

X. Neque tantum in textu restituendo censura a me adhibita est, sed etiam in discernendis Bernardi genuinis scriptis a supposititiis et falsis, quæ in editione Horstiana et nostra priori inter Bernardina adhuc delitescabant. Hinc expunctæ epistolæ duæ, ex Bernardi Brito Annalibus ab Horstio Bernardinis insertæ: rejecti sermones quatuor aut quinque ex sermonibus de Tempore et de Sanctis; rejectus etiam liber Declamationum; et alia nonnulla, quæ Bernardi non esse ex certis argumentis et indiciis manifestum est.

XI. Ad hanc censuram faciendam adjumento fuere non modo Vitæ Bernardinæ scriptores, imprimis Gaufridus, qui præcipuorum sancti doctoris operum indicem exhibent; sed etiam veteres codices, veterumque auctorum citationes, præ cæteris vero antiqua collectio ex Bernardi scriptis, quæ Liber Florum, Florilegium, et Bernardinum appellatur, primum edita Parisiis anno 1503, multo probabilior alia collectione, quæ anno 1571 ab Huberto Scuteputeo canonico regulari facta est, in Bernardi editis a Joanne Picardo intrusa. Longe vero antiquior est prima illa collectio, cujus auctorem nobis suggestit vetus codex Cisterciensis, in quo hæc habetur cum sequenti inscriptione: « Incipit prologus domni Willermi, monachi Sancti Martini Tornacensis, in Bernardino, quem idem excepit et compilavit de libris et dictis sancti Bernardi abbatis Clare-Vallis. » Prologus ita incipit: « Cum non essem alicui exercitio magnopere occupatus, » etc. ut in editis, in quibus desideratur auctoris nomen, quem sæculo tertio decimo vixisse facile colligitur ex antiquitate codicum, in quibus hæc collectio reperitur. Porro etsi quædam opuscula, quæ Bernardum auctorem non habent, laudet collector iste, utputa epistolam ad fratres de Monte Dei, meditationes, librum Declamationum; in cæteris tamen non levis est momenti ad internoscendos maxime Bernardi sermones: quod in causa fuit, ut sicubi de quibusdam dubitandi ratio occurrit, ut in sermonibus de Diversis, has ex Bernardino citationes adnotare visum sit. Nec vero mirum, quod tum epistola ad Fratres de Monte-Dei, tum Declamationes et Meditationes in illa collectione sub Bernardi nomine adducantur: cum et sanctus Bonaventura idem peccet in laudata epistola; et libri Declamationum et Meditationum ex Bernardi centonibus constant, ut suis locis dicturi sumus.

XII. Præter censuram operum, aliquid etiam mutatum in ordine Horstiano, nempe in dispositione cum tomorum, tum opusculorum. Nam ubi Horstius epistolis secundo loco subiecit sermones de Tempore ac de Sanctis; tertio loco sermones in Cantica; quarto vero opuscula seu tractatus: consultius visum est epi-



stolis subjicere Opuscula seu Tractatus, qui plerique vel epistolari modo scripti sunt, vel ex epistolarum classe in tractatum ordinem redacti. Ex hoc ordine consequitur, ut tertio loco succedant sermones de Tempore et de sanctis; quarto, sermones in Cantica: quibus in quinto subsequitur eorumdem sermonum continuatio, id est Gilleberti Sermones in eadem Cantica. De ordine duorum reliquorum tomorum, quinti nimirum ac sexti, in præfatione ad tomum quintum uberius dicendum erit; uti etiam de prioribus in singulis ad eos præfationibus agendum.

XIII. Atque ut genuina omnia Bernardi opera uno volumine continerentur, libros de ejus Vita et Gestis, quos Horstius in primo volumine præmiserat, rejecimus in finem tomi sexti seu secundi voluminis; ne vel germana Bernardi opera a sese divellerentur, vel nimium inæqualis esset voluminum magnitudo. Porro in fine prioris voluminis, uti et secundi, proprios indices copiosissimos collocavimus, ut priores indices omnia genuina opera, posteriores aliena complecterentur.

XIV. Denique uberiores notæ et observationes, quæ ab Horstio vel a me quondam in epistolas et alia opuscula conditæ sunt, textui subiunguntur. Brevis interim chronologia præmissa est tomo primo, quod ipsarum notarum veluti fax quædam, et quasi commune quoddam sit fundamentum. Ad hæc singulis fere opusculis, in tomo secundo contentis, admonitiones præposuimus ad argumentum cujusque libri explicandum, aliasque circumstantias ad id pertinentes. Hæc fere sunt, quæ universim in hac novissima Bernardi editione præstitimus.

XV. Verum ut ad examen tomi primi, qui Bernardinas epistolas complectitur, descendamus, non mediocrem operam denuo adhibuimus in iis emendandis, illustrandis, ordinandis et augendis. Ad emendationem quod attinet, varios variarum bibliothecarum codices consulimus, Vaticanos, Colbertinos, Belgicos Sancti Petri apud Gandavum, et Aureæ-Vallis, præter eos, quibus in priori editione usi fuimus. Ex uno eodice Corbeiensi quasdam aliquanti momenti inscriptiones restitimus, varique loca tum ex eodem codice, tum ex duobus Colbertinis bonæ notæ, quorum unus signatus est n. 1410; alter n. 2476, Bernardi etiam opuscula continens, cum quo eadem opuscula contulimus. Ad hæc notæ marginales singulis fere epistolis appositæ sunt ad historica maxime facta paucis explicanda.

XVI. De ordine epistolarum diu anceps fuit cogitatio, an ordinem receptum servaremus, an potius novum institueremus. Variæ in utramque partem rationes sese offerebant. Ad servandum antiquum ordinem movebat primo antiquitas illius ordinis, quem ipso Bernardo adhuc vivente institutum fuisse constat, nimirum pro trecentis illis ac decem epistolis, quarum ultima est ea, quæ ad Arnoldum Bonæ-Vallis abbatem a Bernardo extrema scripta fuit. Nam cæteræ, sparsim hinc inde dispersæ, a posteris deinde in corpus Epistolarum in editis libris redactæ sunt, non semel, sed per varia intervalla, prout sese vel collectoribus vel auditoribus obtulerunt. Deinde antiquo ordini favebat temporis ratio, in veteri illa epistolarum collectione utcumque servata: cum alias timendum esset, ne plus incommodi ex illius recepti ordinis mutatione, quam utilitatis consequeretur, ob receptas nimirum epistolarum citationes, ne quid dicam de solemniori ordine veterum exemplarium: In contrarium pugnabat epistolarum quarundam confusio intolerabilis, ubi ordine præposito aliquando responsio ad quasdam litteras facta, longo intervallo eas præcedebat. Accedebat aliud ex eo consequens incommodum, quod ejusdem argumenti tractatio perturbate relata, a se ipsa devulsa et distracta erat. In his angustiis mediam inire viam satius visum est, vulgatum scilicet ordinem retinendo in prioribus trecentis ac decem epistolis: in aliis vero quæ subinde adjectæ sunt, eas ad rationes temporis revocando, apposite ad marginem ordine, quem unaquæque epistola antea obtinebat. Ubi vero quædam ex novo hoc ordine epistolæ præcedentibus coherere debuerant, illarum lectionem præmittendam aut subiungendam esse monuimus. Sic antiquo ordini servatus est honos, et e novo sublata confusio. Sed ne veterem illum ordinem vivente ipso Bernardo concinnatum gratis dixisse videamur, testem appellamus Guillelmum, S. Theoderici quondam abbatem, qui ante Bernardum vivere desiit. Is enim in libro primo de Vita sancti doctoris, ipso superstite scripto, tradit n. 50 Bernardi ad Robertum consanguineum suum epistolam, quæ in medio imbre non fuerat madefacta, « ob tam grande miraculum in codice epistolarum ejus, » scilicet Bernardi, « a fratribus non immerito primam fuisse ordinatam. » Cæterum id a se factum memorat tertie Vitæ scriptor a nobis editus, quem Gaufridum sancti viri notarium esse existimamus.

XVII. In omnibus tamen antiquis libris non omnino constans est epistolarum ordo, tametsi in plerisque cum vulgato consentit usque ad epistolam trecentessimam decimam; qui numerus in omnibus item codicibus non habetur. Ex quo intelligitur, non unam, sed plures factas fuisse Bernardinarum epistolarum compilationes. In tribus codicibus Vaticanis habentur illæ epistolæ, et in primo quidem elegantissimo, signato n. 662, continentur epistolæ ducentæ nonaginta sex eodem fere ordine atque in editis; quarum postrema est ad Hibernienses, de transitu beati Malachie. In alio codice n. 664, idem etiam ordo in epistolis ducentis quinquaginta duabus; ex quibus ultima est ad Hugonem militem Templi. Verum in tertio,

qui n. 663 praeclivis est, exstant epistolae ducentae quadraginta, quarum ordo ab editis penitus diversus est: ita ut prima sit illa, quae in antehac editis trecentesima decima tertia, ad Haimericum cardinalem; extrema ducentesima septuagesima quinta, ad Eugenium papam de electione Antissiodorensi. In aliis codicibus idem fere ordo servatur atque in editis, nisi quod in Gandavensi monasterii Sancti Petri hae epistolarum compilatio dividitur in tres partes: quarum prima continet epistolas centum; altera, epistolas sexaginta quatuor supra centum; tertia epistolas septuaginta sex; quarum penultima est Bernardi ad Rorogonem de Abbatis-Villa; ultima Joannis Casae-Marii ad Bernardum. Et fortasse in nullo alio codice plures simul habentur Bernardi epistolae, quam in isto Gandavensi; quo codicis, vel certe simili, usus est Willermus Tornacensis monachus in suo Bernardino superius laudato, ubi epistolas ex prima, secunda, et tertia parte adducit. Ceterum in codice Vallis-Clarae ordinis Cisterciensis exstant epistolae trecentae septem; in Aurea-Vallensi, trecentae sex, utrobique postrema ad Arnoldum abbatem, quae certe Bernardi extrema est. Primam illam haud dubie collectionem ad se mitti petebat Joannes Saresberiensis in epistola nonagesima sexta, ad Petrum Cellensem: cui in epistola sequenti « pro epistolis beati Bernardi » gratias agit.

XVIII. Jam vero ut de epistolarum accessione in hac editione facta (quod postremo loco tractandum erat) agamus, praemittendum est, in prima Bernardinarum epistolarum editione Bruxellensi anni 1481, atque in Parisiensi anni 1494, exhiberi trecentas decem epistolas, quarum antepenultima est ad Arnoldum Carnutensem abbatem; penultima ad fratres Hibernienses, in obitu sancti Malachiae episcopi, ultima ad Guidonem abbatem Arremarensem. In editione vero anni 1520 per duos Clarae-Vallenses monachos, ut diximus, adornata, exstant epistolae omnino trecentae quinquaginta et una, quarum extrema est ad Hugonem novitium, postea Bonae-Vallis abbatem. At epistola ad Arnoldum trecentesima decima est; epistola vero ad Hibernienses trecentesima undecima. Hujus discriminis ratio est, quod in priori illa editione desunt epistolae duae, nempe epistola octogesima quarta, quae est secunda ad Simonem abbatem Sancti-Nicolai; et epistola centesima quadragesima septima, ad Petrum abbatem Cluniacensem. Jodocus Clivovius in sua editione anni 1515 et in consequentibus habet epistolas tantum trecentas quinquaginta, omissa epistola ad Hugonem novitium, quae in editione Basileensi anni 1552 ab Antonio Marcellino restituta fuit, uti et insequentibus usque ad Joannem Picardum. Is epistolas septemdecim jam vulgatis adjecit, sed absque ordine dispositas; quarum duas extra ordinem editis praemisit ex codice Pithæano, ceteras longo post vulgatas intervallo protulit ex bibliotheca sua Victorina. Detractis itaque quibusdam epistolis perperam repetitis, Horstius vulgatum earum numerum redegit ad trecentas sexaginta sex, quibus duas ex Bernardo Brito spurias, et ex codicibus Anglicanis septemdecim genuinas addidit, una cum epistola Fastredi abbatis coronidis loco adjecta, quae numerum trecentarum octoginta sex absolvet. Denique in priori nostra editione epistolae undecim additae sunt; et in hac novissima epistolarum numerus ad quadragintas octoginta duas accrevit, tum ex viginti octo Bernardi epistolis recens in Germania repertis, et Appendicis instar Horstio Coloniae adjectis; tum ex quibusdam alibi inventis, tum denique ex aliis, sive ad Bernardum, sive in Bernardi causa scriptis, quae ad Bernardinas illustrandas necessariae visae fuerunt. Omnes porro istae epistolas redigimus in tres classes quarum prima quae prior est epistolae trecentas et decem exhibet, antiquum ac vulgatum retinet ordinem; secunda, ad epistolam quadringentesimam quinquagesimam quartam reliquas Bernardi genuinas epistolas; tertia dubias, spurias et alienas complectitur. Hae fere sunt quae in primi tomii recognitione praestitimus; cetera diligens Lector facile observabit. Reliquis tomis singulis praefixa est sua praefatio, in qua quid in unoquoque praestitum sit, abunde docetur.

XIX. Postremo quae Bernardi opera in variis bibliothecis delitescere causatus est Horstius, ea non esse Bernardi jam olim observavimus. Quippe liber in Hexaameron, est Arnoldi abbatis Bonae-Vallis in agro Carnutensi; Commentarius in psalmos poenitentiales, Innocentii III; Expositio in psalmum *Afferte*, Richardi Victorini; alia in psalmum quinquagesimum, Urbani; Commentarius in Pauli Epistolas, Bernardi Clavonensis Augustiniani, teste Possevino. Commentarius in Apocalypsim a Caramuele falso tributus Bernardo est: qui commentarius cum quodam Bernardi opuscula in codice subsequeretur sub titulo « ejusdam, » Caramuel legit « ejusdem » atque hunc Bernardo, uti et praecedentia ascripsit. Sane nulla superesse Bernardi opuscula, saltem alicujus momenti, haud edita existimo, praeter nonnullas epistolas, quae hactenus desiderantur. Sunt autem sequentes, videlicet: Epistola una ad Hugonem Pontiniae abbatem, ut patet ex epistola trigesima tertia, ad eundem, n. 1; epistolae duae ad Innocentium II; adversus Petrum Bisuntinum, ex epistola centesima nonagesima octava. Una item ad eundem pro Petro Pisano, ex fine epistolae ducentesimae decimae tertiae. Plures item ad eundem pro introductione Praemonstratensium in Viridunense monasterium Sancti Pauli, ex epistola ducentesima quinquagesima tertia, n. 1. Una ad Ansellum subdiaconum Trecentensem indicator in epistola ducentesima tertia, ad Attonem. Una excusatoria ad Sugerium, in epistola ducentesima vigesima tertia, ad Joslenum, n. 1. Duae ad Joannem de Buzao, in epistola ducentesima trigesima tertia, ad eundem. Una ad Eugenium III, in gratiam episcopi Clari-Montis, ex fine epistolae ducentesimae octogesimae quartae, ad ipsum Eugenium. Item altera ad eundem Eugenium pro Ecclesia Tornacensi, ex Herimanno monacho Tornacensi, n. 115 (10). Una encyclica contra duella, ad Remensem

(10) Vide *Spicilegii* tomum II, pag. 483.

et Senonensem archiepiscopos, ad episcopos Suessionensem et Autissiodorensem, et ad Theobaldum et Radulfum comites, ex epistola alias trecentesima quinquagesima octava, nunc trecentesima septuagesima sexta. Ad hæc Petrus Venerabilis in quadam epistola, quæ modo inter Bernardinas exstat ordine trecentesima octogesima octava, refert fragmentum cujusdam sancti doctoris epistolæ pro Anglico quodam abbate in hæc verba, n. 4, « Quasi subversum sit judicium. » etc. quæ quidem in nullis Bernardi litteris legere memini.

XX. Meminit etiam Ordericus Vitalis unius Bernardi epistolæ ad Natalem abbatem Resbacensem pro Uticensibus monachis, qui S. Ebrulfi reliquias petebant, Guarino, eorum abbate imprimis id curante, et postulante a Natali abbate. « Gaufridus Claras-Valles se ire velle intimavit : et si secum ire vellet annuit. Ambo itaque cum suis famulis Claras-Valles abierunt : benigne a fratribus illius cœnobii suscepti sunt, qui Regulam sancti Benedicti omnino ad litteram observare satagunt. Dominum vero Bernardum, illius monasterii patrem, quasierunt : cum eo locuti sunt, et plurima sciscitantes, magnam in eodem sapientiam invenerunt. De sanctis enim Scripturis luculenter tractavit, et votis eorum et interrogationibus satisfecit. Causam quoque Uticensium ut audivit, Guarinum abbatem benigne adjuvit, litterasque exhortatorias Resbaceusi conventui destinavit. Guarinus ergo abbas epistolam venerabilis Bernardi protulit, quam Resbaceusis conventus libenter suscepit, et audita libentius complere decrevit. » Ita Ordericus in libro sexto.

XXI. Præterea Ademarus Ecolimensis monachus in Chronico, ubi de origine Carthusiensium agit « Hic ordo, inquit, teste Bernardo, inter omnes ecclesiasticos ordines primatum tenet, non ratione temporis, sed vigore sanctitatis. Unde ipse vocat eum speciosissimam columnam Ecclesiæ : » quod in editis non invenitur.

XXII. Denique Joannes Picardus, ex Joanne Mauburno in tractatu de Habitu canonicorum regularium, laudat quamdam epistolam ad Fulconem, ex qua hæc verba Mauburnus delibet : « Non comperies nigras aut griseas a collo dependentes ; sed alias a mulierculis mutantur a collo dependentes, rubricatas murium pelles : » quasi hæc verba ex quadam epistola nondum edita referantur. Verum ad sensum exstant in epistola secunda ad Fulconem, n. 41. Item quæ idem Picardus ex eodem Mauburno tanquam haud vulgata refert de dotibus cardinalis, hæc habentur in libro quarto de Consideratione, n. 12. Hæc sunt quæ de hac epistolarum editione præmittere visum est operæ pretium.

#### § II. — De Bernardi sanctitate, doctrina, et auctoritate in Ecclesia.

XXIII. Antequam ulterius procedamus, juvat expendere duos, qui Bernardo tribui solent, titulos, nempe quod sit inter doctores mellifluis, atque ultimus inter Patres, sed primis certe non impar. Doctoris nomen Ecclesia his tribuit, quorum doctrina publico ipsius suffragio approbata est, maxime ubi sanctitatem concentus accedit. Patres vocat eos, quos sanctitas, doctrina, et antiquitas commendat ; doctrina, inquam, Scripturæ et traditioni potius, quam rationibus philosophicis inherens. Itaque doctores appellari possunt statim a morte viri sancti doctrina illustres : Patres vero nonnisi quos recepta jamdudum auctoritas venerabiles fecit, et modus tractandi res, a philosophica ratione alienus. Utrumque elogium merito sortitus est Bernardus. Et primum quidem in ipsa ejus canonizatione eidem tribuit Alexander III in missa, quam de eo tunc celebravit, dicto Evangelio, quod solis doctoribus sanctis assignatur ex Matthæi capite quinto, *Vos estis sal terræ* (Math. v). Diserte vero Innocentius III idem elogium confirmavit in Collecta a se composita, in qua « beatus Bernardus abbas et doctor egregius » appellatur. Melliflui adjectivum, quod recentius est, sancto doctori asseruit Theophilus Raynandus libello singulari, qui Apis Gallicana inscribitur. Primi inter editores hoc epitheton in fronte apposuerunt, Lugdunensis quidem anno 1508, tum Jodocus Clitoveus anno 1515, atque etiam duo illi monachi Claræ-Vallenses jam superius laudati ; idemque ab aliis subinde postea neglectum restituit Horstius. Verum inter elogia illud referre præstat : cum nomen sancti Bernardi nomen satis ipsius operum titulum commendat, quod auctoris implet elogium. Sane si quod aliud epitheton Bernardo convenit, maxime Θεολόγος, ab aliis editoribus eidem tributum : propterea quod doctrina non tam humanis viribus acquisita, quam cœlitus infusa præditus fuisse videatur.

XXIV. Quanquam ei non deficit labor et industria in legendis versandisque auctoribus, non modo sacris, sed etiam profanis, ut ex horum verbis subinde adductis manifestum est. Verum haud dubie in sæculo hæc didicerat juvenis, quæ etiam seni in memoriam aliquando recurrebant. At rebus theologicis accurate operam dederat monachus : quarum rerum cognitio quam profunda et sublimis in eo esset, docent imprimis sermones duo in Cantica, nempe octogesimus et octogesimus primus, ubi de imagine Dei, quæ in Verbo et in anima est, et de simplicitate Dei tam alte et apte disserit, ut nemo melius ante vel post eundem etiam dicendum de Christi pro nobis patientis satisfactione, quæ miro sane modo in epistola centesima nonagesima ad Innocentium explicatur. Ad hæc quid in canonum scientia eximiis ejus de Consideratione libris comparari potest ? Hinc confirmatur istud Leonis Magni effatum ; « Verus recti amor in



semetipso habet et apostolicas auctoritates, et canonicas sanctiones. Denique doctor sanctus quantum in Scripturæ sacræ lectione versatus fuerit, ubique clamant ejus scripta, et quæ nihil aliud quam centones divinorum voluminum, et ut Sixti Senensis verbis utar, dici possunt; quippe undecunque Veteris ac Novi Testamenti sententiis ita distincta, ceu gemmeis emblematis, hisque adeo commode et apte insertis, ut ibi nata esse credantur: Qui quidem scribendi modus sicut in quovis argumento promiscue usurpari non decet; ita in rebus sacris non debet improbari. Huc enim adduci potest quod Petrus apostolus ait: *Si quis loquitur, quasi sermones Dei* (I Petr. iv). Quod vero Bernardus quosdam Scripturæ locos in sensum improprium ac minime litteralem quandoque detorquet, adeo ut ludere potius in verbis, quam verba ipsa exponere videatur; id sane ea ratione excusare licet, quod in Scriptura multiplicem sensum, qui ad mores informandos conducatur, accommode erui posse crediderit vir sanctus, præsertim ubi non de fide agitur, sed de pio quodam argumento exornando, ad excitandam scilicet auditorum attentionem ac delectationem.

XXV. Jam vero sanctissimum virum non tantum in Scripturæ sacræ, sed etiam in sanctorum Patrum lectione apprime, quantum ferebant variæ ipsius occupationes, versatum fuisse, nemo inficiabitur, qui ejus scripta diligenter lectitarit. Nam et Patres aliquando, eorumque sententiæ in his laudantur, et doctrina eorum per omnia ejus opera respersa est. Unde cum « quercus et fagos » se magistros habuisse dicit (11), id eo modo interpretandum est, quem cardinalibus ipse suggerit in libro quarto de Consideratione, n. 12, nempe « in omni re orationi plus fidendum, quam propriæ industriæ vel labori, » quod Bernardo re quidem vera Gaufridus apertavit (12). Cæterum quantum ex lectione Patrum, præsertim sancti Augustini, profecerit, probat imprimis liber de Gratia et Libero Arbitrio, quod Augustinianæ doctrinæ eruditum quoddam summarium est. Ambrosium Augustino adjungit in epistola seu opusculo undecimo, ad Hugonem Victorium; additque, ab his duabus Ecclesiæ columnis non facile se avelli. Athanasium item laudat in opusculo decimo, contra Petrum Abaelardum; aliquando etiam Gregarium Magnum. Denique in clausula homiliarum de Laudibus Virginis, multa a Patribus accepisse se fatetur. Mirum vero est, hominem sanctum, tot morbis et infirmitatibus obnoxium, tot curis distractum, negotiisque non modo domesticis (quæ sane nec levia, nec pauca erant in tam numeroso monachorum cœtu), sed maxime publicis interpellatum, parem fuisse, aut tot libris legendis, aut tam disertis eruditisque scriptis elaborandis: adeo ut præter naturale ingenium, quod in eo excellentissimum et sublimissimum erat, divinam quamdam ipsi loquenti, agenti, docenti, ac scribenti sapientiam adfuisse nemo dubitare possit. Unde confessus est aliquando, ait Gaufridus, « sibi meditati vel oranti sacram omnem, velut sub se positam et expositam, apparuisse Scripturam » (13). « Etsi vero fateri solitus erat, se melius Scripturarum sensum assequi « in primæ originis suæ fonte, quam in decurrentibus expositionum rivis; sanctos tamen et orthodoxos earum expositores humiliter legens, nequaquam eorum sensibus suos sensus æquabat, sed subiebat formandos: et vestigiis eorum fideliter inhærens, sæpe de fonte, unde illi hauserant, et ipse bibebat (14). » Hæc sancti doctoris erga sanctos Patres reverentia passim elucet in ejus scriptis, ut in epistola nonagesima octava, n. 1, sermone quinto in Cantica, n. 6, et alibi. Ad eos porro legendos otium ipsi concessit diutina illa infirmitas quæ primis præfecturæ suæ annis ipsum a cœtu fratrum abesse, et quasi privatim seorsim in monasterio degere coegit, primo quidem « ex præcepto » Guillelmi (episcopi) Catalaunensis, » et abbatum « sui ordinis, testante altero Guillelmo abbate; deinde vero ex vi ingravescentis infirmitatis (15). Vidit illum Guillelmus abbas « feriatum ab omni sollicitudine domus, tam interiori quam exteriori, vacantem Deo et sibi, et quasi in deliciis paradisi exultantem. » Tunc vir sanctus disseruit illi de Cantico canticorum, uti fusius ille prosequitur. Accessit Bernardo convalescenti ad impetrandam in sacra studia feriatiorem procuratio Girardi germani sui, qui ejus vices in monasterio ita supplebat, ut Bernardus sermone vigesimo sexto in Cantica ei ascribat spiritualium studiorum suorum profectum. Hæc vero studia erant, orare, legere, scribere, meditari, et similia, ex sermone quinquagesimo primo in Cantica, n. 3. Sic beatus Pater vixit per annos quindecim, id est a condito monasterio Claræ-Vallensi, ad schisma Petri Leonis: quo tempore magnis arduisque rebus adhibitus, talis demum evasit, qualem postea tota Europa, ne dicam orbis universus, admirata est.

XXVI. Non immerito itaque magnus ille Nicolaus Faber, Ludovici Justi præceptor, teste Francisco Balbo in ejus Vita, cum Patres omnes summo opere venerari solitus erat, tum maxime divum Augustinum, cujus lectioni assidue inhærebat, et ex recentioribus divum Bernardum, quem ultimum Patrum nominabat. Et certe hoc elogium nullus veterum melius meruerit secundum Augustinum, quam Bernardus, nullus ita post eum: cum nulli aut sanctitas miraculis et factis illustrior, aut doctrina purior, traditionisve tenacior, aut dicendi scribendive modus divinior, aut denique major fuerit auctoritas. « Cujus enim, » ut Guillelmi verbis utar, « voluntati sic detulit, cujus consilio sic se humiliavit omnis tam sæcularis, quam ecclesiasticæ

(11) Vita libro i, n. 25.

(12) Ibid., libro iii, n. 1.

(13) Ibid., n. 7.

(14) Ibid., libro i, n. 24.

(15) Ibid., nn. 33, 40.

dignitatis altitudo? Reges superbi, principes et tyranni, milites et raptores sic eum timebant, ut videatur in eis impletum, quod in Evangelio legitur Dominus dixisse discipulis suis : *Ecce, inquit, dedi vobis potestatem calcandi super serpentes (Luc. x)*, etc. Porro inter spirituales... longe ei alia auctoritas erat. Sicut enim dicitur per prophetam de sanctis animalibus, quia cum fieret vox supra firmamentum, quod immineret capiti eorum, *stabant, et submittebant alas suas (Ezech. i)* : « sic hodie, » inquit, « ubique terrarum spirituales quique, loquente eo seu tractante, stant cedendo præcedenti, et sensibus ejus vel intelligentiis submittunt sensus vel intelligentias suas. Testantur hoc scripta ejus (16), » etc. Merito proinde Cæsarius Heisterbacensis monachus ait tantam fuisse ejus auctoritatem, « ut per unius os Bernardi purpurati patres, reges, principesque terrarum, quasi per commune mundi oraculum, loquerentur (17). » Hæc sancti doctoris existimatio ad nostram usque ætatem propagata est, ut fidem faciunt illustrium virorum de eo testimonia, in quibus Bartholomæus a Martyribus, piissimus ille Bracarensis antistes, Bernardi cultor et admirator, non inferiore loco obtinere debet.

XXVII. Hanc porro auctoritatem cum multa ei viventi conciliabatur, tum maxime eximia ejus in honoribus ipsis humilitas, quo nihil, ipsius Bernardi judicio, sublimius (18). Audi Ernaldum : « Plurima autem in eum probabilia et laude digna concurrunt. Alii namque doctrinam, alii mirantur miracula. Ego quidem, ait ille, « his omnibus honorem defero : sed præ omnibus, quantum in me est, hoc sublimius duco, hoc propensius prædico, quod cum esset vas electionis, et nomen Christi coram gentibus et regibus ferret intrepidus ; cum obedirent ei principes mundi, et ad nutum ejus in omni natione starent episcopi ; cum ipsa Romana Ecclesia singulari privilegio ejus veneraretur consilia, et quasi generali legatione concessa, subjecisset ei gentes et regna ; cum etiam, quod glorio ius judicatur, facta ejus et verba confirmarentur miraculis : nunquam excessit, nunquam supra se in mirabilibus ambulavit : sed de se semper humiliter sentiens, venerabilium operum non se auctorem credidit, sed ministrum ; et cum esset omnium judicio summus, suo sibi judicio constitit infimus (19). » Quippe « vincebat sublimitatem nominis humilitas cordis : nec tantum poterat universum eum mundus erigere quantum se ipse dejicere solus (20). » Neque vero tanta sui demissio et abjectio profectum ejus apud alios minuebat, imo amplius augebat. « Nimirum quo humilior, eo semper utilior fuit populo Dei in omni doctrina salutari (21). »

XXVIII. Patris sanctitati ex æquo respondebat sanctimonia filiorum, quæ in Patris etiam gloriam redundabat. Testis ipsa Romana curia, quæ Innocentium ad Claram-Vallem comitata est. « Flebant episcopi, flebat ipse summus pontifex ; et omnes mirabantur congregationis illius gravitatem, quod in tam solemnem gaudium oculi omnium humi deflxi, nusquam va, abunda curiositate circumferrentur ; sed complosis palpebris, ipsi neminem viderent, et ab omnibus viderentur. Nihil in ecclesia illa vidit Romanus quod cuperet. Nulla ibi supellex eorum sollicitavit aspectum ; nihil in oratorio, nisi nudos viderunt parietes. Solis moribus poterat inhiare ambitio, nec damnosa poterat esse fratribus hujusmodi præda, cum minui non posset asportata religio (22). » His columnis ac præditiis fulta erat Bernardi auctoritas, adeo ut « austeritatem suavitatis morum tolleretur, auctoritatem sanctitas conservaret : quasi de cælo afferens inter homines miraculum quoddam conquistæ apud Deum plusquam humanæ puritatis (23). » Porro sanctitatem illam ac puritatem attestabantur miracula, quæ adeo clara et illustra fuerunt, ut etiam ejus adversarii ea faterentur ; tam crebra et frequentia, ut Bernardus ipse obstupesceret, apud Gaufridum (24).

XXIX. Non mirum proinde, si tantum potuit ejus auctoritas, primum quidem « circa resuscitandum, » ut Guillelmus loquitur, in monasterico ordine antiquæ religionis fervorem (25), « deinde, ex Gaufrido, « in Catholicorum moribus corrigendis, in schismaticorum furoribus comprimendis, in hæreticorum erroribus confutandis (26). » Quod tum ex ejus Vita, tum ex ejusdem scriptis, maxime ex epistolis manifestum est.

### § III. — De Bernardi profectu in emendandis moribus clericorum, monachorum, et laicorum.

XXX. Corruptos sui sæculi mores passim lugeat ac deplorat vir sanctus, maxime in Ecclesiæ ministris, quorum plerosque ad meliorem frugem adduxit : adeo ut tota Ecclesiæ ac cleri, imprimis Gallicani, facies suis monitis ac sermonibus penitus immutata fuerit, et in antiquum decus restituta. Quippe Eugenium, virum sanctissimum, Romanæ sedi suppeditavit, atque in eo Romanos pontifices omnes ad rectam et legitimam suæ dignitatis administrationem erudit et accendit, libris editis de Consideratione, plane divinis. In episcopis Henricum Senonensem, Stephanum Parisiensem, aliosque permultos ab aulico vivendi genere ad mores episcopali ordine dignos revocavit : multos etiam e suis, in aliorum exemplum, episcopos protulit (27). Clericis omnibus salutaria monita dedit in sermone de Conversione, ad clericos. Quæ omnia si quis accurate videre cupit, legat librum sextum de Vita sancti Bernardi gallice edita, cujus Vitæ tres

(16) *Vitæ* libro I, n. 70.

(17) *De miraculis*, lib. xiv, cap. 17.

(18) *Homilia* iv De laudibus Virginis, n. 9.

(19) *Vitæ* libro II, n. 25.

(20) *Ibid.*, libro III, n. 22.

(21) *Ibid.*, n. 8.

(22) *Ibid.*, libro II, n. 6.

(23) *Ibid.*, libro III, n. 21, et libro I, n. 28.

(24) *Ibid.*, libro III, n. 20.

(25) Guillelmus, lib. I, n. 42.

(26) Gaufridus, lib. III, n. 12.

(27) *Vitæ* libro II, n. 49.

libri posteriores ex ejus scriptis magna cum pietate et cum insigni delectu contexti sunt. De moribus et officio episcoporum legenda imprimis epistola quadragesima secunda ad Henricum Senonensem, quæ in Tractatum classem modo tomo secundo relata est. Merito itaque in libro de episcopis Virdunensibus dicitur is esse Bernardus, « cujus consilii regna et Ecclesiæ Gallicanæ hodie, » inquit auctor, « innotuntur (28). »

XXXI. Erat in eo mirifica dicendi gratia, « ut non posset ne ipsius quidem stilus, licet eximius, totam illam dulcedinem, totum retinere fervorem. » Quippe « placibilem, et persuasibilem et eruditam linguam dederat ei Deus, ut sciret quem et quando deberet proferre sermonem; quibus videlicet consolatio vel obsecratio, quibus exhortatio congrueret vel increpatio: ut nosse poterunt aliquatenus qui ejus legerint scripta, etsi longe minus ab eis, qui verba ejus sæpius audierunt (29). » Quod si ejus scripta legendo ita accendimur, quanto magis illi qui loquentem audiebant? Non itaque mirum, quod Deus tot et tanta, in sui temporis hominum salutem per eum operatus est.

XXXII. Quis vero explicet, quæ et quanta ab eodem patrata sint ad monastici instituti primigenium fervorem denuo suscitandum? Testantur hoc eximia ejus hac de re epistolæ ac descriptiones, liber de Præcepto et Dispensatione, apologia ad Guillelmum abbatem, varique sermones: in quibus monachos ad retinendum revocandumque veterum Patrum primum institutum animavit, id est, ad poenitentiae labores, austeritates, modestiam et humilitatem, paupertatem, mundi contemptum, amorem solitudinis ac silentii, et ad continuum profectum: in quibus totius rei monasticæ cardinem versari intelligebat. Hinc non immerito Petrus Venerabilis in epistola, quæ est inter Bernardinas ducentesima vigesima nona, vocat eum, n. 30, « lacteam fortemque columnam, cui innititur monastici ordinis ædificium: » ac « rutilum sidus, » quod « exemplo, verboque non solum monachis, sed et toti Latine Ecclesiæ suo tempore insigniter lucem donavit. »

XXXIII. Laurentius de Leodio in libro de Episcopis Virdunensibus, ~~his~~ ordines, Cisterciensem et Præmonstratensem, comparat cum duobus cherubin propitiatorum obumbrantibus: « quorum unus Cisterciensis, duce Bernardo sanctissimi nominis abbate, monasticum ordinem, jam pene lapsum, ad primam apostolicæ vitæ normam reparavit. » Et « Cisterciensis quidem, per istud temporis, » inquit, « triennium, jam in ducentas circiter abbatias magni nominis, meriti, et numeri accrevit; et usque in barbaros Sarmatas et extremos Scythas jam diffundi cœpit (30). » Tantum potuit Bernardi fama et opinio sanctitatis, ejusque discipulorum! Inde factum est, ut ordinis Cisterciensis, qui Bernardum alumnum habuit, quasi fundator habitus sit ipse Bernardus, ab ejusque monasterio Claræ-Vallensi dictus ordo Claræ-Vallensis suo tempore; imo postea et sancti Bernardi, etsi id vetuit Innocentius VIII in litteris unionis monasterii Claræ-Vallensis cum Cisterciensi. Hinc in litteris Alberonis episcopi Virdunensis apud Laurentium de Leodio mox laudatum, abbates Trium-Fontium et de Caladia dicuntur « de ordine Claræ-Vallensi (31); » et a Petro Cellensi « Cisterciensis sive Claræ-Vallis ordo » vocatur in libro primo, epistola vigesima quarta. Sic in epistola Samsonis Remensis antistitis, quæ est ordine quadringentesima trigesima quinta inter Bernardinas, ordinis Claræ-Vallensis mentio non semel habetur. Quamquam dici potest, ordinis Claræ-Vallensis nomine lineam tantum Claræ-Vallensem, non totum ordinem, sæpius designari.

XXXIV. Qualis ac quanta fuerit sive Cisterciensium, sive Claræ-Vallensium sub Bernardo districtio et rigiditas, non est necesse hoc loco exponere, quando id satis superque patet tum ex Bernardi litteris ac scriptis, tum ex ipsius Vita, maxime ex libro primo, cap. 5, ubi primi Claræ-Vallis incolæ Deo servisse memorantur « in paupertate spiritus, in fame et siti, in frigore et nuditate, in vigiliis multis. Pulmentaria sæpius ex foliis fagi conficiebant. Panis ex hordeo, et vicia, et milio erat. » Ita Guillelmus testis oculatus. Bernardo in epistola prima, ad Robertum, « olus, faba, pultes, panisque cibarius cum aqua, » Cisterciensium delicia perhibentur. Nec aliæ apud Fastredum in epistola sua inter Bernardinas. « Tanta in cibo parcimonia, » inquit Stephanus Tornacensis in epistola septuagesima secunda, « ut duobus tantum pulmentis utantur, quæ aut ager ex leguminibus, aut ex oleribus hortus affert. Ipsi pisce tanto rarius utantur, quanto frequentius apud eos audiri solet, quam videri. » Plura videsis apud eundem auctorem, et apud Petrum Cellensem. Perseveravit hic ordinis vigor non modo ad finem sæculi duodecimi, quod patet ex Petri Blesensis epistola octogesima secunda, sed etiam ultra medium sæculum decimum tertium testante Jacobo a Vitriaco in Historiæ orientalis et occidentalis capite decimo tertio: « Carnes, » inquit, « nisi in gravi infirmitate non manducant. Piscibus, ovis, lacte, et caseo non vescuntur communiter. »

Eandem vitæ severitatem nos Galli etiam nunc reflorescere conspiciamus in piissimis monachis beatæ Mariæ de Trapa, aliisque nonnullis eorum imitatoribus: qui vitæ suæ puritate, austeritate, solitudinis amore, silentio, labore, aliisque religiosis virtutibus, id factu possibile astruunt, quod de Bernardo, ejusque discipulis legebamur, nec fere credebamus.

XXXV. Subjungit idem Jacobus a Vitriaco in capite sequenti, feminarum sexum fragiliorem « a principio ordinis ad tantæ districtiōis severitatem » aspirare ausum non fuisse; sed id demum in morem postea

(28) *Spicilegii* tomo XII, pag. 311.

(29) *Vita* libro III, n. 7.

(30) *Spicilegii* tomo XII, pag. 325.

(31) *Ibid.*, pag. 322.



venisse. Verumtamen vivente ipso Bernardo non fuit omnino expertus istius instituti femineus sexus. Id probat Hermannus Laudunensis monachus in libro tertio de Miraculis sanctæ Mariæ, cap. 17, ubi agit de Monasterio, Cisterciensium virginum ad Laudunum parthenone, a Bartholomæo episcopo constructo: in quo sanctimoniales sub Guiburge abbatissa, et depositis omnibus lineis indumentis atque pelliciis, solis tunicis laneis utebantur; et non solum nendo vel texendo, sed etiam in agris fodiendo, et cum securi et ligone silvam succisam extirpando, spinas et yepres evellendo, manibus propriis assidue laborantes, cum silentio victum sibi querebant, vitanque Claræ-Vallensium monachorum per omnia imitabantur.

XXXVI. Longius progredere oratio, si quotquot Bernardus ad monasticam vitam pertraxit, illustriores utriusque sexus homines, quos scilicet novimus, in medium adduceremus: quales fuere Henricus, Ludovici VI Francorum regis filius, Ermengardis Britannicæ ducissa, Adelais Lotharingæ, et alii, aliæque innumeræ. Verum illud paulo minus prædicandum et mirandum, quod hominibus in sæculo remanentibus piissimam et rectissimam vivendi rationem persuasit. Adhæsit ei præ omnibus quidem ex principibus comes Theobaldus, et se, et sua in subsidia Claræ-Vallis exposuit, et in manibus abbatis posuit animam suam, deposita altitudine principali, se inter servos Dei conservum exhibens, non dominum, ut obediret ad omnia, quæcunque domus illius infirmi postulassent (32). Quid tantus princeps, monente et hortante Bernardo, præstiterit, tum in construendis, dotandis juvandisque monasteriis, tum in egenis sublevandis, tum denique in exercendo optimi principis officio, testis est Ernaldus abbas, ex quo præmissa retulimus: testes etiam Bernardi epistolæ de eodem. Theobaldi pium studium æmulabatur nobilis et illustris femina Beatrix, ut discimus ex epistola centesima decima octava. Denique, quantum Bernardi auctoritas in corrigendis hominum moribus valuerit, exemplo est conversio Guillelmi Aquitanicæ ducis, quem ex pertinacissimo schismatico obsequentissimum et piissimum principem effecit (33). Ut paucis cum Gaufrido absolvam: Quæ scelera non arguit? quæ odia non exstinxit? quæ scandala non compescuit? quæ schismata non resarcivit? quæ hæreses non confutavit (34)? Verum hæc duo postrema, nempe quæ ad schismata et hæreses pertinent, peculiarem exigunt tractationem.

§ IV. — De schismate Anacleti per sanctum Bernardum compresso.

XXXVII. Etsi Baronius, alique scriptores ecclesiastici, de schismate, post Honorii II obitum, anno 1130, Innocentium inter et Anacletum conflato, multa scripsere; nonnulla tamen ampliori explicatione egent, quæ ex veterum monumentorum lectione supplere conabimur, ad illustrandas Bernardi hoc de argumento epistolæ; atque, ut ordine procedat oratio, primo quidem inquirendum, quales Gregorius de Sancto Angelo cardinalis, et Petrus Leonis (nam hæc Innocentii et Anacleti prima nomina erant) ante schisma fuerint. Deinde propius consideranda Innocentii electio, ejusque accidentia et conditiones, atque Anacleti oppositio. Postremo quid exinde consecutum sit, investigandum.

XXXVIII. Petrus Leonis, ex gente Leonina Romanus, ex monacho Cluniacensi creatus est primum (si Onuphrio credimus) a Paschali II, diaconus cardinalis tit. sanctorum Cosmæ et Damiani: dein a Callisto II, presbyter cardinalis Sanctæ Mariæ trass Tiberim, tit. Callisti, anno 1120. Fuit hic Petrus, uti ex Chronico Mauriniacensi discimus, Petri filius, filii Leonis. Leo vero a Judaismo pascha, id est transitum, faciens ad Christum, a Leone baptizari, et ejus nomine meruit insigniri. Leonem IX interpretare. Hic vir, scilicet Leo ex Judeis, quia scientissimus erat, in curia Romana magnificus effectus, genuit filium nomine Petrum, magnæ famæ, magnæque potentie post futurum. Ea tempestate inter regem Teutonorum, qui ex successione Caroli Magni Romanorum patricius erat, et Ecclesiam Romanam illa turbulentissima de investituris orta est seditio. In qua vir ille in tantum armis strenuus, consilio providus, et Ecclesiæ Romanæ fidelis existit, ut ei cum cæteris munitionibus, quæ Romæ sunt, illam quoque, quæ illius urbis videtur obtinere similitudinem, turrim dico Crescentii, quæ a parte Galliarum in parte Tiberini pontis sita est, papa committeret, et eum præ cæteris familiarem haberet. Hac occasione mirabiliter excrescens, quotidie sui melior efficiebatur, et divitiis, possessionibus, honoribus augmentabatur. Hæc præmittenda fuerunt, quoniam ex Petri genere, Judaismo, potentia, turre Crescentii (arcem Sancti Angeli appellant) qua Anacletus se tutabatur, pendet rei gestæ notitia. Pergit chronographus Mauriniacensis: Inter cæteram sobolem, cujus plurima multitudo sexus utriusque a quibusdam Antichristis gloriabatur, sequit hunc Petrum, de quo sermo nunc est: qui litteris traditus, a quibusdam Antichristi præambulus appellabatur. Hoc convicium ex consequentibus seu ex eventu ei impositum existimem. Iste studi gratia Gallias atque Parisius adiit: et cum repatriaret, apud Cluniacum, diuissimum atque sanctissimum cœnobium, monachilem habitum induit. Aliquantisper inibi regularibus institutionibus imbutus, a papa Paschali II patris admonitione retrahitur ad curiam; et cardinalis effectus tempore Callisti papæ, cum eodem Gregorio, qui postea Innocentius II, missus ad Gallias, Carnoti, Belvacique concilia celebravit. Nulla hic mentio de titulo diaconi cardinalis, quem titulum Petro Leonis a Paschale concessum fuisse Onuphrius tradit: qua in re potior est auctoritas chronographi Mauriniacensis, ejus temporis æqualis.

(32) *Vita* libro II, n. 52.

(34) *Ibid.*, libro III, n. 30.

(33) *Ibid.*, n. 57 sqq.



XXXIX. Gregorius diaconus cardinalis tit. Sancti Angeli ab Urbano II creatus dicitur; et deinde legatus a Callisto II in Galliam missus cum Petro Leonis, anno 1124, Sagium Neustriæ civitatem cum eo accessit, teste Orderico (35). De hac legatione ita scribit Vincentius in libro secundo de Vita Stephani Grandimontensis cap. 49: «Excellentissimi quoque cardinales, Gregorius et Petrus Leonis, inter quos postmodum de papatu schisma fuit, cum in Galliam missi, in partibus Lemovicis legatione sua fungerentur, ad hunc virum Dei Stephanum pariter convenerunt.» Et quidem constitutioni Sugerii abbatis anno 1125 subscripserunt ambo ut legati, apud Chesnium: «Ego Petrus sedis apostolicæ presbyter cardinalis et legatus laudo et confirmo. Ego Gregorius Sancti Angeli diaconus cardinalis et apostolicæ sedis legatus (36), etc.» Eodem tempore Bernardus quasdam epistolas scripsit Petro diacono cardinali legato, nimirum epistolam decimam septimam et sequentes: quem ipsum esse Petrum Leonis aliquando cum Manrico opinatus sum. At cum Petrum illum cui Bernardus scribit, diaconum, non presbyterum cardinale fuisse constet; epistolæ illæ Petro Leonis convenire non possunt, qui tunc sine dubio presbyter cardinalis erat, ut probat non solum Onuphrius cum aliis, sed etiam præmissa ipsius Petri subscriptio, atque Sugerii testimonium, quod mox adducemus. Itaque Petrus ille diaconus cardinalis ac legatus, cui Bernardi superiores epistolæ inscriptæ sunt, fortassis is ipse fuerit, qui adversus Pontium abbatem Cluniacensem exactoratum, ejusque fautores Pontianos, in Galliam accessit ex mandato Honorii papæ; cujus rei auctorem habemus Petrum Venerabilem in libro secundo de Miraculis, cap. 13: «Decesserat jam è vita supra scriptus venerandus papa Calixtus, nec se inferiorem papam Honorium acceperat successorem. Hic tantæ Ecclesiæ Cluniacensis tantos tumultus audiens, misso de latere suo legato, domino scilicet Petro cardinali, Pontium et Pontianos, qui tunc sic vocabantur, omnes adjuncto sibi Lugdunensi primati Hubaldo, terribili anathemate condemnavit.» Cujus vero tituli is cardinalis fuerit, non facile est definire: nam plures tunc temporis erant, præter Petrum Leonis, eo nomine cardinales; nimirum Petrus episcopus Portuensis, Petrus Pisanus tit. Sanctæ Susannæ, Petrus Burgundus tit. Sancti Marcelli, Petrus tit. Sancti Equitii, qui prima Honorii creatione promotus est anno 1125, Petrus presbyter cardinalis tit. Sanctæ Anastasiæ anno sequente, ac demum biennio post Petrus diaconus tit. Sancti Adriani. Sed ante horum duorum creationem Bernardi epistolæ scriptæ videntur.

XL. Intra hæc moritur Honorius pontifex medio februario anni 1130. Præcedentem assignat chronographus Mauriziacensis de more Gallicano, quo novi anni initium a Paschate deducebatur. Tum «cardinales,» ait idem chronographus, «qui cum cancellario Haimérico inibi aderant, et Honorio infirmanti assederant, Gregorium quemdam, eum scilicet quem modo laudabamus, scientia ac religione præclarum, sibi præficiunt, et nimis festinanter, ut a quibusdam dicitur, pontificalibus induunt insignibus. Id illius gratia dispensationis factum dicunt, ut Petrum quemdam, qui sæculariter ad papatum videbatur aspirare, spe sua frustrarentur. Fuit hic Petrus Petri filius, filii Leonis, et cætera, que superius de eo retulimus. Factum clarius exprimit Sugerius in libro de Vita Ludovici Grossi, ubi ait, «Romanæ Ecclesiæ majores et sapientiores, extincto Honorio, ad removendum Ecclesiæ tumultum consensisse, apud Sanctum Marcum, et non alibi, et non nisi communiter Romano more celebrem fieri electionem.» At «qui assiduitate et familiaritate propinquiores apostolici fuerant, timore tumultuantium Romanorum illic convenire non audentes, antequam publicaretur domini papæ decessus, personam venerabilem, cardinalem de Sancto Angelo diaconum Gregorium, summum elegerunt pontificem: qui autem Petri Leonis parti favebant, apud Sanctum Marcum pro pacto alios invitantes convenisse; dominique papæ morte comperta, ipsum eundem Petrum Leonis, cardinalem presbyterum, multorum, et episcoporum, et cardinalium, et clericorum, et Romanorum nobilium consensu votive elegerunt:» sive schisma perniciosum conflatum fuisse. Prior itaque erat Innocentii electio: sed præpropæra, nec ab universo eligentium cœtu facta. «Cum autem Petri Leonis pars tum parentum suffragio, addit Sugerius, tum Romanæ nobilitatis præsidio prævaleret; Innocentius Urbem deserit, et ad partes Galliarum navigio descendit, nuntiisque ad regem Ludovicum destinatis, ejus opem efflagitat. Quamobrem Ludovicus Stampas indicit concilium archiepiscoporum, episcoporum, abbatum et religiosorum virorum; et eorum consilio magis de persona, quam de electione investigans, Innocentio dat manus, auctore Bernardo, in cujus suffragium totius concilii vota convenerant teste Ernaldo in libro secundo de ejus Vita, cap. 1. Sub hæc Sugerius, uti ipse persequitur, mandato regis obviam Innocentio missus Cluniacum usque; cujus loci abbas Petrus Venerabilis et monachi Anacleto, monacho quondam suo, Innocentium prætulerant, ut postea notabimus ad epistolam centesimam vigesimam sextam. Rex ipse usque ad Floriacense sancti Benedicti monasterium cum regina et filiis suis papæ occurrit, et regium verticem, tanquam ad sepulcrum Petri inclinans, pedibus ejus procumbit. Ejus exemplo rex Angliæ Henricus, itidem Innocentio Carnotum occurrens, devotissime pedibus ejus prostratus, suam suorumque obedientiam ei promittit. Innocentius vero «visitando Gallicanam Ecclesiam, ad partes se transfert Lotharingorum. Cui cum imperator Lotharius civitate Leodii cum magno archiepiscoporum, et episcoporum, et Tentoniæ regni optimatum collegio celeberrime occurrisset; in platea ante episcopalem ecclesiam humillime se ipsum stratorem offerens, pedes per medium sanctæ processions ad eum festinat,

(35) Ordericus, lib. XII, p. 877.

(36) Chesninus, tomo IV, pag. 547.

alia manu virgam ad defendendum, alia frenum albi equi accipiens, tanquam dominum deducebat. Descendente vero tota statione, eum suppodando deportans, celsitudinem paternitatis ejus notis et ignotis clarificavit. » Hæc anno 1150 gesta : ubi Sugerius silet de Bernardo, quem assiduum Innocentii comitem itineris per Galliam fuisse ex Ernaldo discimus.

XXI. Antequam cætera persequamur, non ab re fuerit observare, quid tunc temporis Leodii actum sit. Id explicant Annales Magdeburgenses seu Saxonici mss. ad annum 1131 : « Dominica ante mediam Quadragesimam, undecimo Kalendas aprilis, celeberrimus conventus triginta et sex episcoporum et principum fit Leodii, domno apostolico Innocentio et rege Lothario ac regina presentibus; ubi multa tam de ecclesiasticis quam de regni utilitatibus provide ordinata sunt. Ibidem Halberstadensis episcopus Otto, ab Honorio papa jam triennio episcopatu privatus, interventu regis et principum, officii sui restitutionem promeruit. » Ernaldus tradit, eo in conventu actum de investituris, quas tandem Lotharius, agente Bernardo, Ecclesie remisit. Hoc concilium præcesserat synodus Wirceburgensis; uti habent iidem Annales, ab auctore æquali scripti. « Concilium sexdecim episcoporum mense octobri a rege Wirceburgi congregatur, cui adfuit archiepiscopus Ravennæ, apostolicæ sedis legatus : ubi Gregorius, qui et Innocentius, qui Petro Leoni in electione prævaluit, a Lothario rege et omnibus ibi congregatis eligitur, et confirmatur. »

XLII. Post conventum Leodiensem Innocentius, teste Sugerio, remeant in Franciam Paschæ festum apud Sanctum Dionysium transigit et « transactis tribus post Pascha diebus, » Parisios accedit. « Exinde Galliarum ecclesias visitando, et de earum copia inopiæ suæ defectum supplendo, cum per terram aliquantisper deambulasset, Compendii demorari elegit. » Subinde concilio Remis habito, ut tradit Sugerius, et quidem decimo quarto Kalendas novembris, testante Dodechino, ibidem Ludovicus Junior regia insignia ab Innocentio accepit octavo Kalendas easdem, prout notavit Robertus Sigeberti continuator. Annales Saxonici « manuscripti ad annum 1131 : « Innocentius papa, iterum collectis ecclesiasticis viris, » id est post synodum Leodiensem, « et fidelium turbis, apud Remensem urbem in festo sancti Lucae grandi synodo per aliquot dies præsidebat. » Addit Sugerius, papam « soluto concilio, » Autissiodori moras egisse; ac demum cum Lothario repetiisse Italiam. Autissiodori moram chronographus concilio Remensi postponit.

XLIII. Ernaldus in libro secundo de Vita Bernardi, capite primo, concilium Remense ante Leodiensem collocat, atque Innocentium Leodio Claram-Vallem, ac deinde, post brevem in Gallia moram cum Lothario Romam contendisse scribit. At synodum Remensem Leodienso posteriore esse constat, tum ex Sugerii narratione, tum ex Annalibus Saxonis, sed maxime ex Chronico Mauriniacensi, in quo Innocentii iter accurate describitur. Tradit quippe chronographus, post agnitionem Carnoti ab Henrico Anglorum rege Innocentium, « statutum fuisse in curia ad patricium Romanorum et Teutonicorum regem iter dirigere, et de Carnoto statione prima apud Mauriniacum hospitari, » quod Benedictinorum monasterium est in suburbio Stampensi. In illo vero comitatu, præter episcopos et cardinales, adfuisse « Bernardum abbatem Claram-Vallium, qui tunc temporis in Gallia divini verbi famosissimus prædicator erat; » et Petrum Abælardum monachum et abbatem, qui « vir religiosus, et excellentissimus, » id est theologiarum, « rector scholarum » dicitur. Mauriniacensis ecclesiæ dedicatione facta, « luce tertia dominus papa cum suo comitatu discessit, et ad suum colloquium, quod apud Leodium fuit, profectus est... Exinde rediens Innocentius ad Galliam, diuque Autissiodori commoratus, cum tempus convocati concilii, quod in festività beati Lucae evangelistæ Remis celebraturus erat, appropinquaret, conciliato prius apud Turonum Gaufrido Martello... rursus per Aurelianensem, Stampensemque rediens provinciam, sua præsentia Parisius illustravit. » Interea Philippi regis designati mors accidit. Mortis hujus audito nuntio, papa præcordialiter permotus, mittit a latere suo ad consolandum regem venerabiles episcopos, Gaufridum Catalaunensem, et Matthæum Albanensem. » Tum Remos profectus, in frequenti synodo Ludovicum regem solemniter inungit. Litteræ obedientiæ et fidei indices ei mittuntur a Lothario Alamannorum, et ab Henrico Anglorum, iidemque ab Hildephonso seniore citerioris, et juniore interioris Hispaniæ regibus. Ad hæc ingenti gaudio pontificem recrearunt « excellentissimorum eremitarum Carthusiensium litteræ, quæ per quemdam venerabilem abbatem de ordine Cistellensi delatæ, et in concilio per Gaufridum Carnotensem episcopum recitatæ sunt. » Abbas iste erat Pontiniacensis, nempe Hugo, ut testantur litteræ, quas idem chronographus refert in fine libri secundi. Addit initio tertii, Innocentium paulo post concilium Remense, Romam repetiisse. « Sed quia Petrus, injustus conviciarius, maximam partem sibi sociaverat civitatis, Innocentius ecclesiam beati Petri, in qua divini sacerdotii dignitas pendebat, solus per se obtinuit : Petrus vero Lateranensis palatii sedem, ad quam imperialis celsitudo pertinet, occupavit. » Exstant hæc de re litteræ Lotharii imperatoris in tomo sexto Spicilegii, in quibus Norbertus archiepiscopus Magdeburgensis cancellarii titulo afficitur, nempe vices agens Brunonis Coloniensis, ut legitur in Chronico Saxonico, qui Bruno in Italiam cum imperatore profectus non fuerat. Verum Innocentius civitati consulens, Pisas se contulit, ibique ad mortem usque Petri demoratus est, id est ad annum 1137.

XLIV. Petrus interea temporis, seu Anacletus, nihil non molitur, ut quoscunque insigniores viros ad partes suas adjungat. Ex episcopis ei adhasit Girardus Engolismensis, qui cum legati munus sub pontificibus proximis gessisset, illud idem vel ab Anacleto impetrare in votis habuit. Idem Guillelmum Picta-

vorum comitem ad Anacletum pertraxit. Præterea Rogerium Apulizæ ducem ut sibi conciliaret Anacletus, sororem suam ei tradidit uxorem, eumque Siciliæ regem coronavit, teste Orderico in libro duodecimo (37). In epistolis Anacleti pontificem se ferentis, quæ omnes in codice Casinensi habentur, partim apud Baronium editæ, una est, in qua vehementer conqueritur de abbate Farfensi, quem, quia sibi contrarius erat, « Ecclesiæ funda pereussit, » id est, « excommunicationis sententia condemnavit. »

XLV. Tot tantæque turbæ, quas fusiùs fortasse quam locus pateretur, hic descripsimus, multum negotiù Bernardo facesserunt, qui varias epistolas circumquaque scripsit ad conciliandos Innocentio schismaticos, et continendos in officio fideles; varia item itinera ejusdem rei causa suscepit, ut ex sequentibus epistolis, et ex Vitæ libro secundo, capp. 6 et 7, intelligitur.

XLVI. Superest hic agendum de Girardo Engolismensi episcopo, cujus mores egregie descripsit Arnulfus, tum Sagiensis archidiaconus, dein episcopus Lexoviensis, in tractatu adversum eum edito, quem Acherius noster in tomo secundo Spicilegii typis vulgavit. Ait eum patria Northmannum, ob paternæ domus familiarem inopiam inde profectum, et « casu » tandem electum antistitem Engolismensis Ecclesiæ, ut « exitum qualemcumque » eligentium discordia consequeretur. Tum nepotibus suis, « obscuro loco » natis, dignitates ecclesiæ suæ conferre, crimina impunita relinquere, legati munus a summo pontifice quærere et impetrare, in singulos grassari, concilia et synodos convocare ad fastum. Addit Arnulfus, eum electo Innocentio primum-favisse: sed cum legati munus ab ipso impetrare non potuisset, ad Petri Leonis partes concessisse; a quo ipsi nova legatio concessa est, ut quidquid ab Alpibus usque ad fines Occidentis interjacet, ejus ditioni subjectum esset; adjectumque, ut « ubicunque calcaret pes » ejus, ibi etiam « esset legatio. » Hæc vero dignitate accepta satis egisse, ut Anglorum et Hispanorum reges ad Anacleti partes pertraheret; sed frustra. Pictaviensis ac Lemovicensis Ecclesiarum episcopis ejectis alios nefarios substituisse: ipsum etiam Girardum Ecclesiæ Burdigalensi incubasse, episcopum simul et archiepiscopum; quod etiam Ernaldus in libro secundo de Vita sancti Bernardi, cap. 5 tradit. Deinde Anacleti fautores Arnulfus enumerans, ita subdit: « Infidelis universitas illa, quam sequeris, Petri Leonis est, nondum fermento Judaicæ corruptionis penitus expiata: et tyrannus ille, quem alitrix tyrannorum Sicilia sustinet... Huic numero solus Pictaviensis comes adjicitur, voluptatum vir, animalis homo, arcana spiritualium non attingens, ob repulsam petitionis illicitæ mancipatus errori. » Hi Anacleti fautores. « Partem vero nostram, » inquit Arnulfus, « omnis imperator, omnis rex, omnis princeps, omnis homo denique proficitur, quicumque Christiani nominis insignitur honore. » Sed « horum in hoc mihi consensus præcipuus est, horum me movet, motum trahit, tractum tenet auctoritas, quibus datum est nosse mysterium regni Dei, quorum in cælis esse jam ex parte conversatio perhibetur: quales revera sunt, qui Carthusiæ perpetuas nives inhabitant; et qui a Cisterciensi vel Cluniacensi monasterio profluentes, lucis suæ radios undique diffuderunt. » Hæc Arnulfus in Girardum, quem tamen alii nonnulli laudant: sed Arnulfi prævalere debet auctoritas. « Nihil enim scripsi, » inquit, « quod non vel ipse cognoverim, vel auctore probabili non haberem, vel quod saltem fama publica non affirmet. » De eo plura in notis ad epistolam centesimam vigesimam septimam. Interea moritur Girardus anno 1136. Tunc Gaufridus Carnotensis episcopus mandato Innocentii « omnem Galliæ regionem, ipsius quoque Aquitaniz, studiose circueiens, omnia sanctarum ecclesiarum altaria, quæ vel Girardus ille seditionis auctor et obtentor, vel Gilo Tusculanensis episcopus, aut eorum complices, chrismalis unctionis benedictione schismatis tempore consecraverant, propriis manibus dissipavit, » ut legitur in Chronici Mauriniacensis libro III. Sed diutius his immoramur. Plura qui de Innocentii et Anacleti professione, vita et moribus scire voluerit, legat Arnulfi Tractatum mox laudatum. Paschalis II litteræ de legatione Girardo commissa exstant in Spicilegii tomo tertio: Synodus Losdunensis sub eo habita anno 1109, tomo quarto.

XLVII. Per funesta ac diuturna schismatis illius tempora, quantos Bernardus labores sustinuerit, quot itinera confecerit, ex ejus Vita et epistolis, ut jam diximus, intelligitur. Hujus rei causa ter in Italiam profectus est, ejusque tandem opera compressum, mortuo Anacleto anno 1138; cui schismatici Victorem antipapam substituerunt, « non tam pertinacia schismatis, quam ut opportunius per aliquam temporis moram papæ Innocentio reconciliarentur. » Et re quidem ipsa Victor « ad virum sanctum, » id est Bernardum, « nocte se contulit; et ille eum, nudatum quidem usurpatis insignibus, ad domini Innocentii pedes adduxit (38). » Et hic funesti ac diuturni schismatis finis.

XLVIII. Tanti beneficii, maxime per Bernardum accepti, memor Innocentius, Cisterciensibus decimas ex omnibus quas habebant possessionibus propria auctoritate relaxavit, inconsultis iis ad quos ejusmodi decimæ pertinebant. Et hæc nova discidiorum causa, quæ non parum molestiæ Bernardo accersivit. Conquesti sunt potissimum hac de re Cluniacenses, quibus magna rei familiaris jactura ex gratuita illa Innocentii liberalitate afferebatur: eoque progressa est eorum indignatio, ut monachi Gignienses vicinum sibi Cisterciensium monasterium, Miratorium dictum, susque deque verterint. Totam hujus tragediæ historiam explicant epistolæ potissimum duæ, una Petri Venerabilis, altera S. Bernardi, quæ sunt inter

(37) Ordericus, lib. XII, pag. 498.

(38) Vitæ libro II, n. 47.



Bernardinas ducentesima vigesima octava et ducentesima octogesima secunda, et Noīe nostræ ad easdem. Neque vero statim extincta est lis illa, sed processu temporis ad alias etiam regiones permanavit.

XLIX. Id patet ex epistola octogesima secunda, quam Richardi archiepiscopi Cantuariensis nomine, Petrus Blesensis « abbati et conventui Cisterciensi » scripsit. In ea enim epistola, præmissis Cisterciensium laudibus, subdit in uno eorum famam decolorari, quod « monachis et clericis decimas auferrent: Et quæ est, » ait, « hæc injuriosa immunitas, ut exempti sitis a decimarum solutione, quibus obnoxie terræ erant, antequam vestræ essent; et quæ solutæ sunt hactenus, non personarum obtentu, sed territorii ratione? Si in vestram possessionem terræ devolutæ sunt, quare in hoc periclitatur alienum jus? nam ad vos terræ, juxta communem æquitatem, cum suo onere transierunt. » Et objecto sibi payæ, id est Innocentii, privilegio, reponit, id potuisse « tolerari ad tempus, quod causa necessitatis fuerat introductum: dum ordo » scilicet Cisterciensis « in paupertate gaudebat, dum in usus egentium suæ tenuitatis viscera liberaliter effundebat. » Verum, multiplicatis possessionibus « etiam in immensum, privilegia hæc potius ambitionis, quam religionis instrumenta censi. » Cæterum « quidquid indulgeant privilegia Romanæ Ecclesiæ, non expedire, contra conscientiam quod alienum est usurpare. » Ad extremum, si pertinaces et inflexibiles hac in re se exhibebunt, interminatur Richardus, se « vinculo anathematis innodaturum universos » qui aliquid Cisterciensibus dederint, aut vendiderint, « unde jus decimationis obveniat; » et ad thronum summi judicis appellaturum, « ne quis hujus vinculum excommunicationis absolvat. » Quin etiam se principum favorem obtenturum, « ut gladio spirituali manus civilis assistat; et quidquid contra principale oraculum, venditum aut donatum » ipsis Cisterciensibus fuerit, « confiscetur. » Hæc ex genio Petri Blesensis.

L. De eadem re itidem conquestus est Gaufridus prior Vosiensis in Chronico: ubi postquam Cistercienses laudavit, quod elemosynas de labore suo multas tribuerent; quod in choro psallerent ordinate, pluraque peragerent honesta: in eis tamen id notat, quod cæteris terras et decimas auferrent: ad hæc, quod quorundam sanctorum memoriam indiscrete abraderent (59). Hæc auctor ille exeunte sæculo duodecimo scribebat: quo tempore tempestas illa de decimarum relaxatione, ab Innocentio in gratiam Cisterciensibus facta, nondum sedata erat.

§ V. — *De erroribus Petri Abælardi, et Gilberti Porretani a sancto Bernardo refutatis.*

LI. Illud non parum confert ad Bernardi gloriam, quod non alios habuit adversarios, quin homines erroneos aut hæreticos; imo non homines ipsos, sed eorum errores. Inter errantes censendi sunt in primis Petrus Abælardus, et Gilbertus seu Gislebertus Porretanus: inter hæreticos nequissimus Henricus, ejusque assecræ, ad ipso dicti Henriciani. De duobus primis hoc loco, de Henrico ejusque sequacibus in proximo capite agendum.

LII. Petrus Abælardus vivis coloribus se ipse depingit in Historia calamitatum suarum, eundemque postea Otto Frisingensis episcopus benigno penicillo expressit. Ejus vitæ compendium habes in nostris Notis ad Bernardi epistolam centesimam octogesimam septimam, ubi Abælardi defensores ac patroni refutantur. Hic tantum summam eorum quæ Bernardus contra eum gessit, exhibere juvat: ac deinde ex ipsis ejus defensorum verbis ostendere, quam iniqui sint in veritatem, qui Abælardo favent præ sancto Bernardo.

LIII. Imprimis observare licet, Abælardum, longe antequam cum Bernardo quidquam commercii habuisset, a Copone sedis apostolicæ legato provocatum fuisse ad concilium Suesione anno 1121 celebratum: atque in eo librum ejus de Theologia, in quo erronea capitula continebantur, flammis traditum fuisse, auctore in monasterium Sancti Medardi retruso. Inde vero egressus, per varios hic inde discursus, prima sua dogmata disseminare pergit. Hinc hæreticus audit apud plerosque. Quod nomen graviter ferens, Bernardum, quem hujusce convicii auctorem existimabat, ad concilium Sennonense anno 1140 invitum ac renitentem pertraxit. Hic coram episcopis et aliis secundi ordinis illustribus viris iterum auditus Abælardus ipse, atque a Bernardo confutatus; examinata, iterumque proscripta ejus doctrina, intacto auctore, qui ad sedem apostolicam appellavit. Verum intellecto, synodi sententiam ab Innocentio II fuisse approbatam, ab appellatione destitit, atque hortante Petro Venerabili in Cluniacense monasterium se recepit, et tandem apud Cabilonem in Cœnobio Sancti Marcelli laudabili fine quievit.

LIV. Varias Bernardus contra Abælardum epistolas scripsit, quarum præcipua est ad Innocentium epistola centesima nonagesima, quæ inter opuscula undecimo loco relata est. In hac epistola Bernardus præcipua errorum capita, quæ in Abælardi scriptis animadversa fuerant, summam refert, ac valide revincit. In hac editione eidem epistolæ seu opusculo ex codice Vaticano præmittimus capitula quatuordecim ex Abælardi scriptis a Bernardo excerpta, quæ una cum dicta epistola Innocentio submissa sunt. De tota hac controversia fuse agemus in admonitione eidem opusculo undecimo præmissa. Hic tantum quedam de Abælardi defensoribus delibamus.

LV. Primus adducitur Abælardus ipse, qui in apologia sua conqueritur, sibi quædam « per multam »

(39) Vide Labbe, Bibliothecæ tomo II, pag 328.



imposita fuisse : imprimis quod « Pater sit plena potentia, Filius quædam potentia, Spiritus sanctus nulla potentia. » Quæ verba « non tam hæretica, quam diabolica » abhorret, nec in suis scriptis posse reperiri affirmat. Verum de hoc, aliisque capitulis agendum in observationibus ad Bernardi opusculum undecimum. Interim in eadem apologia sua fatetur Abælardus, se aliqua scripsisse « per errorem, quæ non oportuit; » at « nil per malitiam, aut per superbiam; » additque, se, si qua per multiloquium excessit, paratum semper esse « ad satisfactionem de male dictis » suis corrigendis sive delendis; » ac demum se Ecclesiæ filium, « cuncta quæ recipit recipere; quæ vero respuit respuere. » Bene. Nolumus Abælardum hæreticum : sufficit pro Bernardi causa eum fuisse in quibusdam errantem; quod Abælardus ipse non dissimulat.

LVI. Quid vero contra sanctum doctorem, aut pro Abælardo Otto Frisingensis? Nimirum Bernardum « ex Christianæ religionis fervore zelotypum, et ex habituali mansuetudine credulum : » adeo « ut magistros, qui humanis rationibus et sæculari sapientiæ confiderent nimium inhærebant, abhorreret, et si quidquam ei Christianæ fidei absolum de talibus diceretur, facile aurem præberet (40). » Verum hæc ipsa in sancti doctoris gloriam cedunt : cum nihil magis ad doctorem catholicum pertineat, quam ejusmodi homines, philosophicis ratiunculis plus justo tribuentes; maxime ubi nova eundem vocabula, quæ in errorem inducere possunt incautos, quamprimum reprimere. « Porro, » ut cum Guillelmo loquar, « si nimietas in eo reprehenditur sancti fervoris, habet certe apud pias mentes excessus iste reverentiam suam... Felix cui solum reputatur ad culpam, quod cæteri sibi solent præsumere ad gloriam (41). » Verum Otto ipse, quantumvis Abælardo favens, fatetur tamen, ipsum tres sanctæ Trinitatis personas nimis attenuasse, non bonis usum exemplis; » atque ob hoc apud Suessionem in provinciali synodo, « Sabellianum hæreticum judicatum. » Quid ergo mirum, si eadem iterum recantans, male audit apud sanæ fidei amatores?

LVII. De Berengario Pictaviensi, qui apologiam pro Abælardo præceptore suo contra synodum Senonensem et Bernardum scripsit, non est quod multum curemus : tum quia homo flocci fuit ac nullius auctoritatis; tum quia idem, ad sanio rem mentem reversus, noluit amplius esse « patronus capitulorum obsectorum Abælardo, quia etsi sanum saperent, non » tamen « sane sonabant : » librum suum suppressurus, si potuisset, ut ipse testatur in epistola ad episcopum Mimatensem. Cæterum etsi Abælardi opera, in quibus errata sua respererat, modo non habeamus omnia, in his tamen quæ restant, multa sunt « salebrosa, » ut notarunt theologi Parisienses, qui « singulis periculosioribus dictis amuletum : » in limine ejus operum adhibuerunt : ex quibus optandum quidem esset, ut præfatio apologetica expungeretur. Sed de Abælardo satis.

LVIII. Non minorem Bernardo invidiam conflavit Gilberti Porretani episcopi Pictaviensis damnatio, quam Abælardi. Is « Pictavis oriundus, » ait Otto Frisingensis, ex discipulo magister, ex magistro tandem ejusdem civitatis episcopus evasit. « Ab adolescentia magnorum virorum disciplinæ se subjiciens, magisque illorum ponderi, quam suo credens ingenio, non levem ab eis, sed gravem doctrinam hauserat, » cum scientiæ laude morum gravitate conjuncta. Magistri illi fuerunt « primo Hilarius Pictaviensis, post Bernardus Carnotensis, ad ultimum Anselmus et Radulfus Laudunenses, germani fratres. » Hilarium hunc non alium esse existimo ab illo magno Hilario Pictaviensi episcopo, cujus auctoritate Gilbertus utebatur, teste Gaufrido. Bernardus Carnotensis non aliunde, quam ex Ottonis testimonio mihi notus : Radulfus Laudunensis ex Guiberto et Hermanno Laudunensi monacho, et ex Gaufrido sancti Bernardi notario notissimus, uti et Anselmus ejus frater, Laudunensis Ecclesiæ decanus. Commentarios in psalmos et in Pauli Epistolas, atque in Boetium dum condid Gilbertus, nonnulla secus quam licebat de divinitate, aliisque religionis capitibus philosophatur. « Erant inter cætera, quæ illi objiciebantur, de divina maiestate, » ait Otto, « quatuor capitula, » nempe : « Divinam essentiam non esse Deum; proprietates personarum non esse ipsas personas; theologicas personas in nulla predicari propositione; divinam naturam non esse incarnatam (42). » Hæc clarius in consequentibus exponemus. « Minora » capitula item alia jactitabat, videlicet : « Nullum mereri præter Christum; nullum baptizari nisi salvandum, » et alia id genus, quæ Gaufridus commemorat (43).

LIX. Cum vero in frequenti suorum clericorum conventu sermonem habuisset episcopus, eisdemque errores disseminasset; duo ejus archidiaconi, Arnaldus et Calo, rem ad Eugenium III, tunc ad Gallias venientem, apud Senas in Tuscia deferunt. Pontifex causæ examen in Gallias remittit. Archidiaconi interim Bernardum in partes suas pertrahunt. Examen factum Autissiodori et Parisiis, judicium prolatum in concilio Remensi anni 1148. Quid in singulis conventibus actum sit, paucis Otto commemorat, pluribus Gaufridus Bernardi notarius, qui et opusculum de rebus in concilio Remensi hæc de re gestis, et post annos inde quadraginta epistolam scripsit ad Henricum cardinalem episcopum Albancensem. Utamque scriptiorem hic habes in due tomi-sexti.

(40) Otto, *De Frid.* 1, cap. 47.

(41) *Vita* libro 1, n. 41.

(42) Otto, *De Frid.* lib. 1, capp. 46, 50.

(43) *Libello contra capitula Gilberti* : infra in Ap-  
pendice.

LX. De conventu Autissiodorensi, qui ab uno memoratur Ottone, nihil singulare comperimus: sed contra non pauca de Parisiensi. Habitum fuisse « in solemnitate paschali » tradit Gaufridus, ac proinde anno 1147: quandoquidem concilium Remense « mediana Quadragesima » anni sequentis fuit celebratum, ex Ottone et quidem undecimo « Kalendas aprilis, » ex Appendice ad Siebertum. Itaque coram pontifice apud Parisios coram cardinalibus, episcopis, aliisque venerabilibus et eruditis viris sistitur Gilbertus, de his capitulis responsurus. Id actum per aliquot dies. Producentur contra eum duo magistri, Adam de Parvo-Ponte, vir subtilis, et Parisiensis Ecclesiæ canonicus recenter factus; et Hugo de Campo-Florido, cancellarius regis, sancte affirmantes se aliqua eorum ex proprio ejus ore audisse. Interim dum hinc inde multa sibi objicerentur, inter cætera dixisse traditur: « Confiteor Patrem alio esse Patrem, alio Deum; nec tamen esse hoc, et hoc. » Dictum indigne tulit Joslenus Suessionensis episcopus. Hæc prima die contigerunt. Alia die accusatus, quod in prosa de Trinitate « tres personas tria singularia vocasset, » Rothomagensis archiepiscopus (Hugo tertius is erat) causam aggravavit, dicens, « Deum potius debere dici unum singulare. » Ita fere Otto episcopus Frisingensis, de conventu Parisiensi (44).

LXI. Paulo aliter Gaufridus de eo agit, cui synodum Viterbiensem in eadem causa habitam præmittit. Gilberti ad pontificem delatorem unum memorat archidiaconum Arnaldum, cui cognomen tribuit. « Qui non ridet. » In conventu vero Parisiensi unum Gilberto adversarium opponit Bernardum, « cui omne negotium Christi, ubicunque eum contigisset adesse, tanquam omnino proprium, protinus incumbere. » Requisitus episcopus ut suam ipsius in Boetium expositionem, in qua suspecta continebantur capitula, proferret: ad manus se non habere respondit. Negabat autem episcopus, docuisse vel credidisse aliquando se, vel litteris commendasse, « quod divinitas non esset Deus, » etc. Huc testes producebat et discipulis suis potissimum duos, Rotoldum scilicet Ebroicensis episcopum, postea Rothomagensis; et magistrum Ivonem Carnotensem, alium sine dubio ab illustri illo Ivone episcopo Carnotensi. Existimo hunc esse magistrum Ivonem, canonicum regularem abbatiae Sancti Victoris apud Parisios, deinde cardinalem ab Innocentio II creatum, ad quem Bernardi epistola centesima nonagesima tertia. In his altercationibus pontifex jubet prædictum librum afferri ad futurum concilium, « quod eodem anno in civitate Remorum celebrare proponebat: » tametsi dilatum est in medianam Quadragesimam anni insequentis, sed intra unum annum a conventu Parisiensi, quem in festo paschali præcedente habitum diximus.

LXII. Interim missam ab auctore expositionem in Boetium Godescalcus, tunc in Monte-Sancti-Eligii prope Atrebatas abbas, postmodum ejusdem urbis episcopus, Eugenii mandato examinat, et ex ea capitula suspecta elicit, atque ex libris sanctorum Patrum auctoritate ipsis contrarias notat. Plura in Gilberti vitam et doctrinam attulisset Albericus Ostiensis episcopus et in Aquitania legatus, nisi eum paulo ante mors præmatura e medio sustulisset. Demum in concilio Remensi ventum est ad discussionem capitulorum, quæ prædictus abbas Godescalcus notaverat: sed quia ipse nimis erat elinguis, liber ille cum sanctorum testimoniis ei contrariis a domino papa traditus est sancto Bernardo. Concilium constabat ex quatuor regnorum episcopis, Galliarum, Germaniarum, Angliarum et Hispaniarum. In his aderant viri magni, nec mediocriter litterati, Gaufridus de Oratorio Burdigalensis archiepiscopus, cujus suffraganeus erat Gilbertus; Milo Morinorum episcopus, Joslenus Suessionensis, et Sugerius abbas Sancti Dionysii, cui Francorum rex Ludovicus, Jerusalem proficiscens, totius regni commiserat administrationem, et quidem, addit Otto, « juxta illius cænobii prærogativam (45). » Gaufridus de Oratorio, etsi Gilberti doctrinam non probabat, sed homini favebat.

LXIII. « Prima die consistorium ingressis, Gilbertus inagnorum voluminum corpora per clericos suos afferri curavit, causatus, decurtata tantum testimonia ab adversariis proferri. Et: « Quid necesse est, ait Bernardus, circa hujusmodi verba diutius immorari? Non aliunde procedit scandalum hujus origo, nisi quod plures credere vos credunt, et docere, quod divina essentia vel natura, divinitas ejus, sapientia, bonitas, magnitudo, non est Deus, sed est forma, qua est Deus. Hoc si creditis, palam dicite: aut negate. » Ille ausus est dicere, formam hanc Deum non esse. Tum Bernardus: « Ecce, ait, tenemus quod quærebamus: scribatur ista confessio. » Ita præcepit summus pontifex; et dominus Henricus Pisanus, tunc Romanæ Ecclesiæ subdiaconus, futurus postea Clara-Vallensis monachus, et ex abbate Sancti Anastasii Sanctorum Nerei et Achillei presbyter cardinalis, ad ejus mandatum perrexit et attulit chartam, calamum et encaustum. Cum autem scriberet istam confessionem: « Et vos, » inquit ad Bernardum Gilbertus, « scribite, quod divinitas est Deus. » Ad hoc Bernardus: « Scribatur, inquit, stylo ferreo in ungue adamantino. » Cum multis ultro citroque disputatum esset, dixerunt cardinales, se deinceps rem definituros. Commoti hoc dicto episcopi, quod cardinales sibi solis causæ definitionem reservarent, Bernardum interpellant, ut Gilberti capitulis alia contraria cum symbolo fidei conderentur: ne (quod Gilberti plurimi ex cardinalibus fautores volebant) re infecta concilium solveretur. Itaque Bernardus id præstitit: tumque episcopi confessionem ab se subscriptam per Hugonem Autissiodorensis, Milonem Morinensem episcopos, ac Sugerium abbatem pontifici obtulerunt confirmandam; id quod facile obtinuerunt. Vocatus demum in conventum Gilbertus, in insigni palatio, cui

(44) Otto, *de Frid.* lib. 1, cap. 51, 52.

(45) Otto, *de Frid.* lib. 1, cap. 55.

nomen est Tau (sic Remensis archiepiscopi ædes appellabantur ob formam græci element), capitulis singulis a se prolatis libere renuntiavit; eademque pontifex damnavit cum libro auctoris, districte præcipiens, ne eundem librum legere, vel transcribere quis auderet, nisi prius eum Romana Ecclesia correxisset. Dicente Gilberto, se ad nûtum pontificis correcturum, pontifex negavit. » Hæc carptim ex Gaufrido.

LXIV. Quædam singularia habet Otto, quædam item a Gaufrido discrepantia. Et primo quidem tradit, Gilberti examen « finita synodo, et promulgatis decretis » initum fuisse: tum « decursa medianæ Quadragesimæ hebdomada, sacroque Dominicæ Passionis tempore inchoante, » Gilbertum in medium vocatum ad iudicium. Deinde lectis ab eo orthodoxorum Patrum libris in sui defensionem, Eugenium tædio affectum intulisse, quod Gaufridus Bernardo tribuit, simpliciter diceret Gilbertus, « anne illam summam essentiam crederet esse Deum. » Hunc vero diutina collatione fatigatum, inconsiderate respondisse, « Non. » Quod dictum, mox ab ejus ore raptum notarius exceperit. Sub hæc conventu dimisso, totum quod superfuisset illi dici spatium cum nocte sequente, amicis suis cardinalibus, quos habuit non paucos, prensandis Gilbertum adhibuisse.

LXV. Die subsequente recitatum ipsius scriptum, ejusque rationem ab episcopo exactam: eum vero ita demum sententiam suam exposuisse, ut si Dei nomen pro natura ipsa sumatur, Deum quidem esse concederet; secus si pro persona: ne, si id « indeterminatè » profiteretur, eo adduceretur, ut quicquid de qualibet persona dicitur, et de essentia pariter esset asserendum: atque adeo « sicut personam Filii, ita divinam essentiam indeterminatè incarnatam, passamque » confiteri cogeretur. Hanc porro distinctionem ab eo assertam testimoniis Patrum, Theodoret et Hilarii, atque auctoritate concilii Toletani: « quam auctoritatem cum determinare vellet Clara-Vallensis abbas, et aliqua verba protulisset, quæ cardinalibus displicerent; » Gilbertum petiisse, ut id scriberetur: Bernardum vero, quod Gaufridus notat, respondisse: « Scribitur stylo ferreo, ungue adamantino. » Demum abbatem sanctum episcopos convenisse, simulque cum eis fidem suam contra Gilberti capitula exposuisse. Quod Gallicanæ Ecclesiæ factum tam graviter sacri cardinalium senatus acceperit, ut hac de re ad pontificem conquesiti sint, tum contra episcopos, tum contra Bernardum ipsum, quod « tanquam finituræ sententiæ ultimam manum apponendo; » ipsis inconsultis, fidem suam scribere ausi fuissent; quæ res ad Romanam sedem pertineret. Tandem Bernardum jussu pontificis, ut cardinales placaret, accersitum, humiliter et cum reverentia respondisse: « Se, vel dominos episcopos nihil de præfatis capitulis diffinisse: sed quia ab eodem episcopo Pictavino audierat, ut fides sua scriberetur; idcirco, quia solus nollet, illorum auctoritate ac testimonio simpliciter se quod sentiret exposuisse. » Quo humili ac modesto responso accepto, prædicta cardinalium indignatio conquieverit, « ita tamen ut præfatum scriptum, tanquam inconsulta curia prolatum, velut auctoritatis pondere carens, pro symbolo in Ecclesia non haberetur. » Atque ita « de tribus capitulis propter præmissam tumultuationem nihil definiri potuerit. » Quod mirum non esse ait Otto qui et addit, Gilbertum in quarto ab aliis discordasse episcopis, « cum illi profiterentur naturam incarnatam, sed in Filio: » Gilbertus vero: « personam Filii incarnatam non sine sua natura. De primo tantum Romanus pontifex definivit, ne aliqua ratio in theologia inter naturam et personam divideret, neve Deus divina essentia diceretur ex sensu ablativi tantum, sed etiam nominativi. » Quam summi pontificis sententiam Gilbertus reverenter exceperit, atque archidiaconis suis in gratiam receptis, « cum ordinis integritate et honoris plenitudine » ad propriam diocësim remeaverit (46).

LXVI. In his omnibus apparet, Ottonem Gilberto admodum fuisse; nec proinde mirandum, quod in consequentibus addubitet, « utrum prædictus abbas Clara-Vallensis in hoc negotio ex humanæ infirmitatis fragilitate, tanquam homo, deceptus fuerit: vel episcopus, tanquam vir litteratissimus, propositum astute celando, Ecclesiæ judicium evaserit. » Verum Otto morti proximus, teste Radevico, librum suum, in quo hæc scripserat, sibi afferri præcepit, et religiosis viris tradidit: « ut si quid pro sententia magistri Gilleberti dixisse visus esset, quod quempiam posset offendere, ad ipsorum arbitrium corrigeretur (47). » De tota hac disputatione merito Gaufridus lectores ad Bernardi sermones in Cantica remittit, nempe ad sermonem octogesimum, in quo vir sanctus, eos, qui Gilberti sententiam propugnare pergebant, hæreticos pronuntiare non dubitat: tametsi auctoris nomini ob resipiscentiam parcit.

§ VI. — De Henricianis, aliisque hæreticis a Bernardo repressis.

LXVII. Gilbertum et Abelardum, qui ex perverso philosophiæ usu theologiam deformabant, ratione et auctoritate revocit Bernardus: at hæreticos factis etiam et exemplis superavit. Varie id genus pestes varias Gallicæ provincias ævo illo infestabant: Tanchelmus Antwerpiensis in Flandria, Petrus Brusius in Provincia, a quo dicti Petrobrusiani; Henricus in Aquitania, alii sine certo duce in Lotharingia et in locis Colonizæ-Agrippinæ vicinis, quos ob id Colonienses appellabimus. His omnibus Arnaldistæ adjungere licet.

(46) Otto, de Frid. lib. 1, capp. 56, 57.

(47) Radevicus, lib. II, cap. 11.



LXVIII. Tanchelmum, ejusque sequaces aggressus est beatus Norbertus, ut ex ejus Vita constat; atque eorumdem « cursum et impetum retardavit » in Trajectensi diocesi Fridericus Coloniensis antistes: quæ de re exstat apud Tegnagelum: epistola Trajectensis Ecclesiæ ad eundem Fridericum « de Tanchelmo seductore, » ubi istius hæresis origo et summa describitur. Quid in Petrobrusianos egerit Petrus Venerabilis, tractatus contra illos ab eo editus docet. Bernardi in rem Christianam studium exercuit in primis Henriciana hæresis, quam factis et scriptis strenue exagitavit. Legenda hæc de re epistola ducentesima quadragesima, et subsequens, cum capite sexto libri tertii de Vita Bernardi auctore Gaufrido, quæ omnia ex aliis monumentis illustrare juvat.

LXIX. Henricus, quem vir sanctus « monachum apostatam, » et post eum Gaufridus appellat, « pseudo-eremita » vocatur in Actis episcoporum Cenomannensium, tomo tertio Analectorum, ubi ejus mores et perversi actus accurate describuntur. Quo ex loco ortus sit, non satis indicant hæc verba: « Per idem fere tempus, » nempe sub Hildeberto episcopo, « in adjacentium finibus regionum surrexit quidam hypocrita, quem propria actio, mores perversi, dogma detestabile scorpionibus et parvicidalibus dignum protestantur suppliciis. » Is sub ementito « sanctitatis et scientiæ » nomine turpia flagitia exercens, omnium mortalium « excessus, cæteris incognitos, » ex solo aspectu se cognoscere facitabat. Missi ad Cenomannos duo ejus discipuli, « die Cineris suburbia civitatis » attigerunt. « Gerebant ex sui doctoris consuetudine baculos ac vexillum crucis, colore et exteriori conversatione habitum prætendentes poenitentium. » Ille specie delusi Cenomanni, eos « tanquam angelos susceperunt. » Eosdem etiam « blande » excepit Hildebertus episcopus, qui « Romanum iter » aggressurus, « inter cætera suis iniecit archidiaconis, ut illi pseudoeremita Henrico pacificum ingressum et licentiam sermoninandi ad populum permitterent: » cuius rei postmodum ipsum abunde poenituit. Ex his forte quis inferat, Henricum fuisse ortum ex proxima Cenomannis regione, quibus primum suæ perversæ doctrinæ virus propinavit. Si enim jam aliunde notus fuisset, eum in suam civitatem non tam facile admisisset Hildebertus antistes doctus et oculatus. Verum ex longinqua regione istuc accedere potuit, et fortasse ex Italia, ut postea dicturi sumus.

LXX. Henrico civitatem ingresso, « vulgus solito more applausit novitati. » Quin etiam « plerique clericorum eidem alimenta ministrabant, tribunalque præparabant, unde concionator ille turbas alloqueretur, » qui « mirum ad modum facundus erat. » Eo audito, « plebs in clericos versa est in furorē, » eos habens « sicut ethnicos et publicanos: adeo ut « famulis eorum minaretur cruciatus, nec eis aliquid vendere, vel ab eis emere vellent. » Imo « non tantum eorum ædes obruere, et bona dissipare, sed illos lapidare, aut affigere patibulo decreverant, nisi princeps et optimates nefandis ausibus restitissent. »

LXXI. Hoc serius licet comperto, clerus Cenomannensis Henrico, ejusque sociis predicationem edito libello interdixit. Quare Henricus, Hildeberti reditu intellecto, « recessit in castrum Sancti Carilei, » nequaquam ab inceptis desistens, sed ad pejora prorumpens in dies. Interim cum Hildebertus, ex Romano itinere reversus, populo benedictionem impertiri vellet, indigne habitus est a populo, hæretici sermonibus corrupto. Tum ille seductorem adit, se scitatus, « cuius ordinis fungeretur officio. » Ille vero se diaconum esse respondit: qui ex illa provincia discedere jussus, « clam aufugit, cæteras regiones, nisi oclor esset fama, simili modo pertrahatur, » et verperino flatu suo infecturus. Hactenus ex Actis Hildeberti.

LXXII. Inter hæc duo Henrici discipuli, Cyprianus et Petrus, ab ejus præstigiis resipuerunt, ut fidem facit encyclica Hildeberti epistola septuagesima octava, in qua ita eorum magister depingitur: « Henricus is erat, magnus diaboli laqueus, et celestis armiger Antichristi. Huic et habitu religionem, et verbis litteraturam simulanti, tandiu præscripti fratres adheserunt, donec eis et turpitudine in vita, et error innotuit in doctrina. Ubi enim cognoverunt vias ejus vias esse non rectas, prius ad se reversi sunt; dehinc ad nos transierunt, cuius diocesim sic infecerat, ut renitens ei clerus vix inter parietes ecclesiæ suam tueretur libertatem. » Ita Hildebertus sexius agnovit, quantum periculi imminet ex incauta approbatione novorum doctorum qui sub specie pietatis animos auditorum corrumpunt.

LXXIII. Ex his patet, Henricum illum longe prius Cenomannos infecisse, quam ad partes Tolosanas. unde eum expulsi Bernardus, subiret: quippe cum Romanum iter, quod Hildebertus adhuc Cenomannensis episcopus aggressus est, quo tempore infans ille præstigiator zizania sua seminavit apud Cenomannos. contigerit ante annum 1125, quo anno Hildebertus in metropolim Tyronicam migravit. At vero Bernardus nonnisi anno 1147 ad Tolosanas partes profectus est. Et certe in epistola ducentesima quadragesima prima, quam in partibus Tolosanensis constitutus scripsit ad Hildefonsum comitem, id satis innotuit vir sanctus his verbis: « Inquire, si placet, quomodo de Lausana civitate exierit, quomodo de Cenomannis, quomodo de Pictavi, quomodo de Burdegali. » Hæc quippe videtur esse series itineris illius apostatæ, qui a Lausana, deinde a Cenomannis prædicandi exordium sumpsit. Et fortasse Lausanam venerat ex Italia, ex qua ejusmodi fæces in partes Gallicanas transmigrarunt, reliquæ Manichæorum, uti et illi Cameracenses hæretici ex Italia advecti, qui anno 1025 damnati sunt in synodo Atrabatensi, quo etiam tempore similis ejusmodi pestes apud Aurelianos igni perierunt. Et quidem Henricianos appellat Manichæos Exordium Cisterciense in libro septimo de Vita sancti Bernardi, cap. 17, ubi legatus pape, alique episcopi, « pro



confutanda hæresi Manichæorum, » ad partes Tolosanas cum viro sancto accessisse memorantur. Jam vero quo pacto ejusmodi hæreticis, eorumque sequacibus, Manichæorum nomen et errores competant, illustrissimus Meldorum episcopus in eximio opere suo, quod de Variationibus hæreticorum scripsit, luculentè ostendit libro undecimo.

LXXIV. Iidem Henriciani hæretici in Petrocorios effusi, Pontio duce et antesignano, uti docet Heriberti epistola in tomo tertio nostrorum Analectorum: ubi peculiaria Pontianorum illorum commenta referuntur. Inde est, quod Bernardus ad Petrocorios seu Petragoricos populos se contulit, ut patet ex tertia parte libri sexti qui est de ejus Miraculis, n. 4, ubi Arianos plurimos apud Tolosates invenisse, eosque, uti et Henricum hæreticum, fugasse memoratur. Quin etiam idem Henricus, in Pisano concilio antea damnatus, et Bernardo, ut monachus in Clara-Valle fieret, commissus dicitur. Verum ille acceptis a Bernardo ad Clara-Vallenses litteris, in suscepto semel errore obfirmate persistere maluit, quam ad salutis viam hoc compendio redire.

LXXV. Henricum vivis coloribus depingit Bernardus in prædicta epistola ducentesima quadragesima prima, ubi cum litteratum, speciem habentem pietatis, sed aleis et meretricibus deditum scribit. Impia ejus dogmata hæc fere commemorat: Sacerdotum et clericorum respectus nullus; sacramentorum atque festorum abolitio; baptisus parvulis negatus. Alterius classis erat apud Hildebertum in epistola quinquagesima prima hæreticus ille, qui sanctorum intercessionem rejiciebat, ipsum Hildebertum in suæ sectæ patrocinium traducere perperam conatus. An vero iidem cum Henricianis fuerint hæretici illi, quos Bernardus in sermone sexagesimo quinto et subsequenti super Cantica impugnat, modo inquirendum.

LXXVI. Et quidem non alios fuisse aliquando mihi fuit persuasum: at reperta Evervini abbatis Steinfeldensis epistola, quæ prædictis sermonibus occasionem dedit, mutanda est sententia. Colonienses quippe fuerunt isti hæretici, in nonnullis quidem consentientes cum Henricianis, sed ab his in multis discrepantes. Colonienses in duas classes distinguit Evervinus. Uni dicebant Ecclesiam apud se tantum esse, quasi ipsi soli vestigiis Christi inhaerent. In cibis vetabant lactis usum, et quidquid inde conficitur. In sacramentis suis velo se tegebant, et quotidie cibum et potum suum in Christi corpus et sanguinem se consecrare asserebant: cæteros in sacramentis procul a veritate abesse. Præter baptismum aquæ, alium addebant in igne et spiritu per solam manuum impositionem. Baptismum vero nostrum cum nuptiis respuebant. Denique aiebant, quemlibet e suis electum seu baptizatum habere potestatem alios, qui digni fuissent, baptizandi; et in mensa sua corpus Christi et sanguinem conficiendi.

LXXVII. Alii vero sacerdotibus Ecclesiæ, utpote sæculari more viventibus, consecrandi potestatem adjudicabant, aliaque sacramenta conferendi, excepto baptismo, quem solis adultis, non parvulis conferebant. Omne conjugium, præter illud, quod inter virgines masculum et feminam contrahitur, fornicationem reputabant. Postremo suffragia sanctorum, jejunia, cæterasque corporis macerationes respuebant, uti et purgatorium, et suffragia pro mortuis.

LXXVIII. Itaque Henricianis et Coloniensibus hæreticis communis fuit genius, odium in Ecclesiæ ministris, sacramenta, baptismum parvulorum, et nuptias: pauca peculiaria, quæ non sectæ genus, sed quamdam tantum capitum diversitatem arguunt. Uno verbo, diversi fuerunt rami, sed ex eadem radice procedentes. Nec dubitem, Colonienses illos hæreticos ex Tanchelmi officina prodiisse. Is laicus in Flandria, teste Abelardo, maxime apud Antwerpiam, errores suos disseminans, in tantam se erexit dementia, ut se Dei Filium vocitari, et a seducto populo, ut dicitur, templum ædificari sibi faceret. Ob id Antwerpiae in ecclesia Sancti Michaelis ab episcopo Tornacensi, cujus ditioni tunc locus subiacebat, institutus est cætus duodecim clericorum, qui se impiis dogmatibus opponerent: quæ ecclesia postmodum sancto Norberto tradita est. Quæ fuerint Tanchelmi perversa dogmata, discimus ex epistola Trajectensis Ecclesiæ ad Fridericum antistitem Coloniensem (de Tanchelmo seductore). Is quippe aiebat, « Ecclesias Dei lupanaria esse reputanda; nihil esse quod sacerdotum officio in mensa Dominica conficeretur; pollutiones, non sacramenta nominanda; ex meritis et sanctitate ministrorum virtutem sacramentis accedere: » quæ omnia belle præmissorum hæreticorum deliriis conveniunt. Presbyter quidam, Evervacherus nomine, « a sacerdotali dignitate apostatans, nefandi hominis magisterio adhæsit, et illum Romam persecutus » est, idemque postea multa damna intulit Ecclesiæ Trajectensi. Porro Friderico gratias agit clerus Trajectensis, quod Tanchelmi cursum et impetum retardavit. » Ex quo intelligitur, ejus errores usque in Trajectensem, imo et in Coloniensem (ut ex Evervini epistola patet) diocësim penetrasse, atque ab eodem auctore Colonienses illos hæreticos ortos fuisse.

LXXIX. Hugo Metellus, tunc apud Tullum-Leucorum canonicus regularis, testis est in epistola ad Henricum ejusdem urbis episcopum, ejusmodi pestes in solum Tullense irrepsisse. « Latent in episcopatu tuo, » inquit, « imo jam apparent pestilentes homines, qui veriori nomine bestię appellari possunt, quia bestialiter vivunt. Conjugium enim detestantur, baptismum abominantur, sacramenta Ecclesiæ derident, nomen Christianum abhorrent. » Hæc sine dubio Coloniensium hæreticorum infesta et infausta soboles erat.

LXXX. Henricianis succedere, seu accessere ejusdem farinae homines, qui se Catharos, id est solos mundos, jactabant : quorum errores, qui Mediolani quondam eorum magister fuerat. Bonacursus detexit, confutavitque libro edito, in Spicilegii tomo decimo tertio ; ex quo eos Manicheorum erroribus, uti et superiores illos, infectos fuisse manifestum est. Catharos insectari videtur Gillebertus de Hoilandia in sermone trigesimo sexto in Cantica, n. 6 : « Erumpunt, » inquit, « his diebus ligna quedam, quæ non plantavit Pater celestis ; ligna, quæ non sunt plantata ex Libano nostro. Fortitudinem prætendunt operis, injuriarum insensibilitatem, parcimoniæ tolerantiam. Cedrina videntur sed Libani non sunt : quia immunda est eorum mens et conscientia. » Adversus Catharos item exstant sermones Ecberti abbatis Scho-nangiensiis.

LXXXI. Passagios et Arnaldistas Catharis adjungit Bonacursus : quorum illi Mosaicæ legis ritus omnes observandos esse dicebant, Filii et Spiritus sancti æqualitatem negantes, et Ecclesiæ universæ doctores omnes, Romanæque imprimis auctoritatem abjicientes : hi vero, id est Arnaldistæ, « pro malitia clericorum sacramenta Ecclesiæ esse vitanda » censebant.

LXXXII. Ita dictos existimo ab Arnaldo illo factioso homine, qui specie libertatis ac reipublicæ in Urbe restituendæ, omnia pontifici temporalia jura abrogari volebat, sola sacrorum potestate cum decimis et oblationibus ipsi relicta. Is ex Italiæ civitate Brixia oriundus, ejusdemque Ecclesiæ clericus Petrum Abaelardum præceptorem habuerat, singularitatis amator, testante Ottone Frisingensi, novitatis cupidus, qui a Gallicano studio in Italiam reversus, religiosam habitum, quo melius incautos deciperet, induit, monachorum nihilo minus osor, et maxime clericorum ; sed laicorum adulator. « Dicebat enim, nec clericos proprietatem, nec episcopos regalia, nec monachos possessiones habentes, aliqua ratione salvari posse : cuncta hæc principis esse. Præter hæc de sacramento altaris, de baptismo parvulorum non sane dicitur sensisse (48). » Atque adeo Petrobrusianorum et Henricianorum erroribus affricus erat. Innocentius II hominem ex Italia fugavit, et Turegum apud Helvetos secedere compulit. Comperta morte Innocentii, circa principia pontificatus Eugenii Romam ingressus, eum eam in pontificem commotam vidisset, seditionis ignem excitavit. Res vero eo tandem progressa est, ut cardinales male habitii, pars etiam sauciati ; ipse Eugenius Urbe pulsus sit. Pontificis causam tuendam suscepit Bernardus, scripsitque egregiam hac de re epistolam ad Romanos, quæ est ducentesima quadragesima secunda. Ei succedit alia ejusdem argumenti ad Conradum regem Romanorum, quem litteris suis, ab Ottone relatis, Romani ad suas partes pertrahere frustra moliti sunt (49). Sic nulli Ecclesiæ negotio, nulli necessitati deerat vir sanctus, qui ad communem reipublicæ Christianæ utilitatem natus erat. Ad extremum Arnaldus comprehensus, atque a præfecto Urbis, cui tantopere assentatus fuerat, ligno adactus est, cadavere in favillas redacto, « ne a stolidâ plebe corpus ejus venerationi haberetur. » Plura de eo videsis apud Ottonem, et ex eo in notis ad Bernardi epistolam centesimam nonagesimam quintam.

§ VII. — *De expeditionis sacræ prædicatione per sanctum Bernardum facta, ejusque infelici successu.*

LXXXIII. Inter extremos Bernardi labores censenda est prædicationis sacræ expeditionis in terram sanctam ; quæ res quantum sudoris, quantum molestiæ ipsi attulerit, ex ejus Vita et scriptis facile intelligere licet. Hujus expeditionis occasio, ut ex Ottone Frisingensi discimus (50), nata est per Ludovicum Juniores Francorum regem ; qui ad loca sacra pergendi desiderio pressus, quod germanus suus Philippus, « eodem voto astrictus, » morte intercedente exsequi non potuerat, consilium suum regni principibus aperit. Illi Bernardum consulendum decernunt. Accersitus abbas sanctus, tanti momenti negotium « ad Romani pontificis examen » referendum censet, id magnopere laudavit probavitque Eugenius, « auctoritate prædicandi, animosque cunctorum ad hoc commovendi prænominato abbati, qui apud omnes Galliæ ac Germaniæ populos ut propheta vel apostolus habebatur, concessa. » Paret tandem apostolicis litteris Bernardus, « et excitatus ad transmarinam expeditionem multorum animis, » Ludovicum regem apud Vizeliacum cruce signat « cum Theodorico Flandrensi, et Henrico-Theobaldi Blesensis filio, comitibus, » aliisque baronibus et nobilibus.

LXXXIV. Interim Radulfus quidam monachus crucem itidem dum in Germania prædicat, Christianos in Judæorum necem accendit. Hominem litteris repressit Bernardus, atque ipsemet sacræ expeditionis prædicationem aggressus est in orientali Francorum regno, hoc est in ea Germaniæ regione, quæ ad Rhenum sita est. Hinc Conradus imperator generalem conventum Spiræ indixit : quo Bernardus profectus, « Principi cum Friderico fratris sui filio, aliisque principibus et viris illustribus crucem sumere persuasit, plurima in publico vel occulto faciendo miracula. » Fridericum Sueviæ ducem, qui filium suum cruce signatum indigne ferebat, Bernardus emollivit ; Radulfum monachum in claustrum suum retrudi jussit ; et loco sui Adamum Eberacensem abbatem Conrado, in Bajoariam pergenti, ad urgendum itineris negotium dedit socium. Exstat Bernardi hac de re epistola ad Francos orientales, quæ modo est ordine trecentesima sexagesima tertia, quam proxime subsequitur alia ad Henricum archiepiscopum Moguntinum ad reprimendum

(48) Otto, *de Frid.* lib. II, cap. 20

(49) Otto, *de Frid.* lib. I, cap. 28.

(50) *Ibid.*, cap. 34 sqq.

Radulfum. « Igitur non solum ex Romano imperio, » ait Otto, sed etiam ex vicinis regnis, id est occidentali Francia, Anglia, Pannonia, innumeris populis ac nationibus hac expeditionis fama ad sumendam crucem commotis, repente sic totus pene Occidens siluit, ut non solum bella movere, sed et arma quæpiam in publico portare nefas haberetur. »

LXXXV. Tanta porro totius Occidentis commotio Bernardi prædicationi tributa est: verum cum hæc expeditio non bene pro votis successisset, tota etiam mali eventus invidia in eum rejecta, pro communi more mortalium, qui ex eventis res æstimare solent. Neque fere ulla alia res fuit, quæ Bernardi animum majori dolore affecerit, quam ista, non tam sui, quam Dei causa. Unde ipse initio libri secundi de Consideratione: « Si necesse sit unum fieri e duobus, malo in nos murmur hominum, quam in Deum esse. Bonum mihi, si dignetur me uti pro clypeo, Libens in me recipio detrahentium linguas maledicas, » etc. Adeo porro omnium fere animi hoc eventu turbati sunt, ut sanctus doctor beatum pronuntiet eum « qui non fuisset scandalizatus in eo. » Quanta denique fuerit Bernardi super hoc tristitia, patet tam ex epistola docente-sima octogesima octava, quam in lecto, forsitan ex animi ægritudine, decumbens, hac de re scripsit: tum ex epistola Joannis abbatis Casæ-Marii ad Bernardum ipsum, quæ modo est inter Bernardinas trecentesima octogesima sexta, in qua virum sanctum, quem ob sinistram expeditionis eventum audierat afflictum, consolatur.

LXXXVI. Non desuere tamen, qui Bernardi partes defendendas susceperint: quos inter non ultimo loco numerandus est Otto episcopus Frisingensis, Bernardo non admodum favere solitus. Is in libro de Gestis Friderici, capite sexagesimo excursum facit ad excusandum eventum illius expeditionis, cui et ipse interfuit. In fine excursus philosophici potius quam historici, ita concludit in gratiam Bernardi: « Quamvis si dicamus, sanctum illum abbatem spiritu Dei ad excitandos nos afflatum fuisse, sed nos ob superbiam lasciviamque nostram salubria mandata non observantes, merito rerum personarumque dispendium reportasse, non sit ab antiquis rationibus vel exemplis dissonum. » Unum tamen addit, nempe « spiritum prophetarum non semper subesse prophetis: » ut nempe innuat incertum esse, an Bernardus ex spiritu divino de hac expeditione, ejusque eventu conjecerit.

LXXXVII. Attamen Bernardus ipse initio libri secundi de Consideratione ad Eugenium, ubi factum a calumnia tuetur, se ad id divinitus impulsus esse non dissimulat. Diximus: « Pax, » inquit, « et non est pax: promissimus bona, et ecce turbatio. » Tum hæc subdit ad sui defensionem: « Quasi vero temeritate in opere isto, aut levitate usi simus. Cucurrimus plane in eo, non quasi in incertum, sed jubente te, imo per te Deo. » Et inferius, objectis sibi hominum impropriis: « Unde scimus quod a Domino sermo egressus sit? quæ signa tu facis, ut credamus tibi? » ita reponit Eugenium alloquens: « Non est quod ad ista ipse respondeam: parcendum verecundia meæ. Responde tu pro me et pro te ipse secundum ea quæ audisti et vidisti. » Quibus verbis miracula, ab se in prædicationis confirmationem facta, sine dubio modeste innuat.

LXXXVIII. Verum omnium optime Gaufridus sanctum parentem suum a calumnia vindicat in libro tertio de ejus Vita, cap. 4. Primo quod illius expeditionis primum propositum ab eo non sit profectum « Cum enim multorum jam animos permovisset audita necessitas, a rege Francorum semel et iterum propter hoc expetitus, apostolicis etiam litteris monitus, nec sic acquievit super hoc loqui, vel consilium dare, donec per ipsius tandem pontificis generalem epistolam jussus ab eo est, tanquam Romanæ Ecclesiæ lingua, exponere populis atque principibus. » Deinde quod prædicandi officium, ab eo ex obedientia susceptum, divinitus confirmatum sit tot tantisque miraculis ac signis, « quanta vel numerare, nedum narrare difficile foret. » Denique quod si ex illa protectione orientalis Ecclesia liberari non meruit, certe celestis meruit impleri et lætari, nempe ob eorum mortem, « qui in fructibus poenitentiae purgatas variis tribulationibus Christo animas reddiderunt. » Et quidem hoc ipsum est, quod Joannes, Casæ-Marii abbas sanctus, sibi ex revelatione compertum Bernardo significavit.

LXXXIX. Sed quid moramur in vindicando Bernardo? ejus tanta auctoritas id jamdudum obtinuit apud omnes, etiam heterodoxos, ut ejus vita, eximia sanctitas, et doctrina communi omnium suffragio et estimatione sint approbatæ.

XC Hæc sunt quæ præfari visum est de nova hac sancti Bernardi operum editione: quæ si viris studiosis accurata videbitur, gratiam habebunt studiorum meorum sociis, domno Michaeli Germano et D. Theoderico Ruinarto, atque etiam D. Edmundo Martenio, qui operam suam in hanc editionem strenue et peramanter impenderunt. Mihi vero hæc una sit gratia, qui unus scopus fuit, sancti Bernardi cultoribus, Ecclesiæ, et reipublice Christianæ vel tantillum qualicumque labore meo profuisse.



*Additur in editione anni 1719.*

Hæc sunt quæ præfari visum est D. Mabillonio de nova hac sancti Bernardi operum editione: quæ si viris studiosis accurata videbitur, gratiam habebunt erudito illi auctori, qui toto vitæ tempore erendis expoliendisque Bernardi operibus, aliis licet iisque gravissimis studiis distractis, omnem curam, diligentiam omnem impendit. Habebunt et D. Massueti qui operam suam in hanc editionem conferre cœperat, et porro conferre perrexisset, ni præmatura mors studiorum ejus cursum abruptisset. Huic debentur ex I vol. duæ recens inventæ epistolæ, scilicet 418 et 419, et tertia ducta ex tom. IV Miscell. Baluz., ordine 425, nec non et duæ chartæ, quarum prima est pro Luxoviensi et S. Apri monasteriis; altera pro monasterio S. Amantii. In altero vero volumine hæc reperiuntur nova, nimirum tertius liber epistolæ ad fratres de Monte-Dei et Admonitio D. Massueti, quæ epistolam integram Guillelmo a S. Theoderico ascriptam, Cui-goni V. Majoris Carthusiæ priori vindicat. Item alia ejusdem observatio, quæ *Tractatus de contemplando Deo, ac de natura et dignitate amoris* Guillelmo a S. Theoderico adjudicat. Denique epistola Tromundi monachi Claræ-Vallensis de S. Bernardi canonizatione, antehac inedita.

## CHRONOLOGIA BERNARDINA.

Anno Christi 1091, Urbani papæ II 4, Henrici IV imperatoris 33, Philippi I Galliarum regis 31, natus est Bernardus in castro Fontanis appellato, prope Divionem in Burgundia, patre Tescelino Soro, domino de Fontanis, matre Aletha Bernardi domini Montis-Borrensis filia. Paternæ ejus ædes recens, beneficio Ludovici XIII Galliarum regis, RR. Patribus Congregationis Fulcensis concessæ, in monasterium conversæ sunt. De genere sancti Bernardi lege Admonitionem præmissam initio Vitæ S. Bernardi, et Joannem Eremitam in Vita quarta, ubi Viri sancti genus paternum ex veteri Burgundia ducenti familiam originem duxisse fertur.

1098. B. Robertus abbas Molismensis, assumptis secum ex eodem monasterio viginti et uno monachis, in eremum Cistercii secadit, ibique novum monasterium extruit, in diocesi scilicet Cabilonensi, quinque circiter leucis a Divione, opulentibus simul et probantibus Gualtero Cabilonensi et Hugone Lugdunensi præsulibus; prædia vero largiente Odone Burgundie duce, quo ibi cum sociis strictius ad animum observaret Regulam S. P. Benedicti, ejus die sacro in Dominicam Palmarum hoc anno incidente, opus illud tum primum exordium sumpsit. Ex primis B. Roberti sociis fuere Alericus, Odo, Joannes, Stephanus, Letaldus, et Petrus.

1099. Henrici IV imperatoris 45, Philippi Galliarum regis 39, Urbano II decimo nono anno pontificatus, quarto kalendas augusti defuncto succedit Paschalis II ex monacho Cluniacensi.

Beatus Robertus Molismensium interpellationibus in concilio Romano ac Pontificis jussu Molisimum redit eique Albericus ex priore substituitur, apud Cistercium. Ecclesia in honorem beatæ Virginis hoc anno dedicatur.

1109. Hoc anno Joannes, et Ildodus monachi Romanam mittuntur ab Alberico Cistercii abbate, cum litteris commendatitiis Joannis et Benedicti cardinalium, Hugonis archiepiscopi Lugdunensis, atque Walteri presulis Cabilonensis, quorum precibus Paschalis II institutum Cisterciense confirmat peculiari privilegio dato Froja decimo quarto kalendas maii indict. 8, pontificatus anno 2. Exstat apud Baronium et Manriquez.

1101. Albericus abbas artissimam Regule S. Benedicti observationem instituit in novo monasterio, abiciens quicquid Regule adversaretur.

Obit beatus Bruno institutor Ordinis Carthusiensis (qui anno millesimo octogesimo sexto exordium sumpsit), patria Coloniensis, sanctitate ac scientia illustris.

1102. Odo Burgundie dux, Cistercii fundator, moritur, et sepelitur in ecclesia Cisterciensi; eodem

que anno Henricus ejus filius habitum monasticum ibidem induit.

1103. Cistercienses nigrum habitum in album commutasse creduntur, et beatæ Virginis officium quotidie recitandum sibi proposuisse.

1105. Obitisse putatur Aletha S. Bernardi mater, kalendis septembris, ex Necrologio S. Benigni Divionensis, ubi sepulta est: ejus corpus post annos centum quadraginta quinque translatus est Claram-Vallam. Ejus obitum describit Guillelmus in Vita S. Bernardi, lib. 1, cap. 2.

1106. Paschalis II anno 7, Philippi I Galliarum regis 46, Henricus IV infelicitè vitam clausit anno imperii 49. Huic successit Henricus V hostili in Ecclesiam animo patri non degener filius: qui Romanam pergens, Paschali Pontifici manus iniecit, ob eoque per vim ecclesiarum investituræ extorsit; sed et coronam imperatoriam anno 1111.

1108. Paschalis II anno 9, Henrici V 2, tertio kalendas augusti, Philippus rex Francorum obiit apud Milidunum: cui Ludovicus ejus filius, cognomento Grossus, successit.

1109. B. Albericus, secundus Cistercii abbas obiit septimo kalendas februarii, anno regiminis nono et dimidio: cui substitutus B. Stephanus Hardingus, nobili apud Anglos stemmate oriundus, prioris antea vice functus, qui et ipse cum aliis, Molisimo vitam arctioris desiderio egressus fuerat.

1110. Hoc anno ad superos migravit tertio kalendas maii B. Robertus abbas Molismensis, Cistercii primus institutor, non anno 1098, ut vulgo creditur.

1113. Paschalis II 14, Henrici V 8, Ludovici VI 6, B. Bernardi conversione celeberrimus est. Qui annos natus circiter viginti tres, Cisterciensium familiæ sub Stephano abbate una cum triginta sociis nomen dedit. Ex quo tempore Cisterciensis Ordo mirifico propagari et florere cœpit.

Eodem anno Firmitas, prima Cistercii filia, fundatur in diocesi Cabilonensi ad Gronam fluvium, a dominis Vergiacensibus, Savarico et Guillelmo ejus filio, comitibus Cabilonensibus. Primus abbas Bertrandus.

1114. S. Bernardus metendi artem et facultatem, cum per corporis imbecillitatem alias non valeret, divinitus impetravit, Vitæ libro 1, cap. 4.

Fundatur Pontinniacum, secunda Cistercii filia, quatuor ab Antissiodoro leucis distans, in alodio Heriberti canonici Antissiodorensis, concurrente Herveo comite Nivernensi, sub Humbaldo episcopo: ejus cœnobii basilica a Theobaldo Campaniæ comite postmodum adificata, fundatoris nomen n. x. obit. Prius abbas Hugo Matiscouensis, portus



episcopus Autissiodorensis, ad quem plures Bernardi epistolæ.

1115. Fundatur hoc anno Clara-Vallis et Morimundus, tertia et quarta Cistercii filie. Clara-Vallis quidem, ad fluvium Albani in comitatu Campanie et diocesi Lingonensi, septimo kalendas julii, non a Theobaldo (ut quidem opinantur, canonici Claræ-Vallensis translationem, de qua anno 1053, cum fundatione confundentes), sed ab Hugone Truceusi comite, ut probatur in Notis ad epistolam 51. Claræ-Vallensi monasterio præficitur Bernardus, et a Guillelmo de Campellis Catalaunensi episcopo, absente scilicet Josceranno episcopo Lingonensi, consecratur, quatuor et viginti agens annos. Vite libro 1, cap. 7. Morimundus vero, in eadem diocesi, ab Odolrico de Agri-Monte et Adelina ejus uxore, dominis de Choiseul. Primus abbas Arnouldus, ad quem epistola 4. Et hæc sunt quatuor abbatæ quasi totidem Cistercii filie primigeniæ, ex quibus inde ceteræ omnes sunt exortæ.

Eodem anno obiit Ivo Carnotensis episcopus, vir doctissimus, qui successorem habuit Gaufridum, legati in Gallia honore perfunctum, S. Bernardi charissimum, de quo epist. 15, 47 et 55. et De Consideratione, lib. iv, cap. 5, tum etiam Vite S. Bernardi libro II, capp. 1 et 6, et libro IV, cap. 4.

1116. Primum Cistercii capitulum generale a B. Stephano convocatum, quotannis in posterum frequentandum iudibus septembris, ut habet Jacobus a Vitriaco, Historiæ Occidentalis capite 14.

1117. B. Bernardus gravi infirmitate detentus, medico rusticano curandus committitur, procurante Guillelmo episcopo Catalaunensi. Vite libro 1, cap. 7. Quo quidem anno vel circiter accidisse fertur conversio Tescelini S. Bernardi parentis, qui non multo post sanctitatis fama celebris decessit die 11 aprilis, ut habet Necrologium S. Benigni Divionensis.

1118. Henrici V 12, Ludovici VI 10, Paschali II post annos pontificatus octodecim et menses quinque vite functo successit Gelasius itidem II ex monacho itidem Cluniacensi, cui Henricus imperator Mauricium Burdunum, archiepiscopum Bracarensem, Gregorii nomine opposuit.

Hoc item anno cepit Ordo militum Templi, cujus primi auctores Hugo de Paganis et Gaufridus de S. Aldemaro, ut testis est Tyrius, Belli sacri libro XII: quo etiam auctore idem Ordo confirmatur in concilio Trecenti, anno 1128, ut diserte habet Michaelensis scriba concilii, postea extinguendus a Clemente V sub Philippo IV Galliarum rege, anno Christi 1313, in concilio Viennensi.

Fundatur monasterium Trium-Fontium, prima filia Claræ-Vallis, in diocesi Catalaunensi. Primus abbas Rogerius; secundus, Guido ad quem epistolæ 69, 70. Item Fontanetum, secunda Claræ-Vallis filia, in diocesi Eduensi. Primus abbas Godefridus, Bernardi consanguineus, qui fundato loco regulariterque ordinato, refert liber sepulchorum Claræ-Vallis, ad suam Claram-Vallam rediit, ubi tertius prior fuit, demumque episcopus Lingonensis.

1119. Henrici V 15, Ludovici VI 11, Gelasio II Cluniaci e vivis sublato successit est Callistus II, Viennensis antea episcopus, Guido appellatus, qui hoc anno Remis concilium celebravit duodecimo kalendas novembris, et Burdini schisma feliciter compressit.

Eodem anno conficitur Charta Charitatis vulgo appellata, triginta constans articulis seu capitulis, agente B. Stephano abbate Cisterciensi, assentientibusque ceteris coabbatis, ad providendum paci et tranquillitati Ordinis Cisterciensis, quæ a summo Pontifici Callisto II approbata est. Exstat apud Manriquez.

1120. Sanctus Norbertus, quem Bernardus et Spiritus sancti statulam a vocat epist. 56, Ordinem Præmonstratensem instituit in loco territorii Lau-

denensis, Præmonstrato vulgo nuncupato. Vide epistolam 253, et Notas ad eandem.

1121. Celebratur synodus Successionensis adversus Petrum Abelardum, præsidente Conano episcopo Prænestino, apostolicæ Sedis legato, in quo ipse Petrus librum suum de Trinitate flammis tradere compulsus est. Guillelmus Campellensis episcopus Catalaunensis eodem anno ineunte obiit: de quo vide Notas ad epistolam 3.

Fundatur Fusiniacum, in diocesi Laudunensi, cujus abbati Rainaldo Bernardus scripsit epistolam 72, 73 et 74.

1122. Petrus Mauricius, natione Arvernus, dictus Venerabilis, charissimus Bernardi amicus, abbas Cluniacensis in Octavis Assumptionis. Notæ ad epistolam primam S. Bernardi.

1123. Hoc circiter anno eligitur episcopus Tarentasiensis, Petrus Firmatilis abbas, primus e familia Cisterciensis episcopus, substituto in ejus locum Bartholomæo Bernardi fratre.

Item Adamo S. Dionysii prope Parisios abbate defuncto, communibus eligentium votis successor renuntiatus est Sugerius. Exstant Bernardi complures ad eum epistolæ.

1124. Henrici V imperatoris anno 18, Ludovici VI Galliarum regis 16, Callistus papa obiit pontificatus anno 6; Sedemque apostolicam Honorius II antea dictus Lambertus, episcopus Ostiensis, eodem anno conscendit.

1125. Henricus V imperator moritur Trajecti ad Rhenum, cum annos undeviginti imperasset, ac nullis post se liberis relictis, funestum diuturnumque ortum est discidium, Bernardi opera aliquando componendum, inter Lotharium Saxonum ducem et Conradum Henrici decessoris sororium, qui a Friderico fratre et aliis rex proclamatus, consensu Alpibus, a Mediolanensibus, suscipitur, ac ab eorum archiepiscopo Anselmo, inquit Otto Frisingensis, qui ista narrat Chronici libro VII, cap. 17, Moloyei, sede Italici regni, in regem ungitur. Pro Mediolanensium reconciliatione cum Innocentio atque Lothario hujus nominis II (in cujus gratiam electionis jure Imperii summa cessit) multum fuit Bernardo insudandum, ut postea dicitur.

Eodem anno gravis famies, in Gallia maxime et Burgundia sæviens, Bernardi charitatem exercet, Vite libro I, cap. 10; quo anno ipse etiam gravi morbo conflictatus incidit in vitæ discrimen, ope tandem B. Virginis et SS. Benedicti atque Laurentii, sanitati restitutus, ibidem: ac postmodum singulis ejus sanctitatis et doctrinæ celestis fama per urbem et orbem volavit.

1126. Otto, postea Frisingensis episcopus, celebris historiographus, monachum induit in cœnobio Morimundi, is, ut scribit familiaris ejus Radevicus, imperatorum Henrici IV nepos, Henrici V sororius, Conradi frater uterinus et Friderici patris fuit, ex patre clarissimo et pio principe Leopoldo Austriæ marchione, et matre Agnete, filia Henrici IV.

1127. Hoc circiter anno Stephanus, ex cancellario episcopus Parisiensis, a curiæ frequentia ad meliorem frugem Bernardi monachi revocatus, graviter a Ludovico rege exagitatur, tandemque post multas infestationes, Cisterciensem, maxime vero Bernardi opera in gratiam restituitur. Quod etiam Henricus Senonensis archiepiscopus non multo post eandemque de causa expertus, eundem habuit causæ patronum ac defensorem. Consule epistolam 45 et Notas.

Fundatur Ignaicum, quarta Claræ-Vallis filia, diocesis Remensis, a Rainaldo de Pratis Remorum archiepiscopo. Primus abbas Humbertus, ex Casadei monacho Claræ-Vallensis factus, qui non multo post amore-quietis, dimissa prefectura, Claram-Vallam rediit; qua de re a Bernardo in Italia tunc propter schisma detento acriter correptus epist. 14, nihilominus hoc in sancto otio perstitit ad diem usque mortis, in quo S. Bernardus de eximii ejus virtutibus sermonem habuit. Abbas secundus Guer-

ricus pietate juxta ac scriptis percelebris, cujus sermones hic in tomo sexto.

1128. Concilium Trecense celebratur (non vero anno 1127, teste Michaelensi scriba concilii) in solemnitate S. Hilarii, presidente Matthæo Albanensi, apostolicæ Sedis legato: eique interfuerunt Stephanus Cisterciensis, Bernardus Clara-Vallensis, alique ejusdem Ordinis abbates. In ipso Patres Templariis Regulam vestesque candidas (quibus Eugenius III postea rubeam crucem attexi curavit) præscribere.

Fundatur Regniacum, in diocesi Autissiodorensi, 1129. Matthæus Albanensis (verba sunt Alberici in Chronico) legatus, ex Ordine Cluniacensi, concilium tenuit apud Catalaunum in Purificatione beatæ Mariæ Virginis: ubi de consilio S. Bernardi abbas, Henricus Viridunensis episcopus episcopatum dimisit, et factus est episcopus per biennium quidam Ursio abbas S. Dionysii Remensis.

Fundatur Ursi-Campus, in diocesi Noviomensi, a Simone episcopo.

1130. Lotharii II imperatoris, Ludovici VI Galliarum regis 22, mortuo Honorio papa decimo sexto Kalendas februarii, pontificatus sui sexto, gravissimum schisma in Ecclesia Dei oritur, Innocentio II canonice electo decimo tertio kalendas martii, qui Gregorius antea vocabatur; sed Petro Petri Leonis filio, violentia amicorum suorum, qui potentissimi in Urbe erant, favente sibi Rogerio Siculo, intruso. Innocentius causam Bernardus per octo annos strenue propugnavit. Vide epistolam 124 et sequentes. Nam et inter alia hoc ipso anno a Patribus concilii, Stampis ea de re habiti, arbitri voce constitutus, Innocentium Anacleto præferendum declaravit et Henricum Angliæ regem ad eum suscipiendum induxit, Vita libro 2, cap. 1. Vide Præfationem nostram generalem, § 4.

Eodem anno ipse Bernardus summa animi demissione episcopatum Genuensem, Sigefridi anno superiori ad superos translatus morte destitutum, recusavit. Baluinus vero in concilio apud Claram-Montem in Gallia habitio, primus ex Cisterciensibus sacro cardinalium collegio adscriptus est: cui adjunctus putatur Martinus vir ille integerrimus, cujus meminit Bernardus in libro 4 de Consideratione, cap. 5. de Balduino, in epistolis 144, 241.

1131. Innocentio Leodii magnifice recepto, cum prius sub finem anni superioris in Galliam se recepisset, Bernardus repressit Lotharium imperatorem, episcopales investituras repetentem; eumque summus Pontifex ibidem in Germaniæ regem coronavit, Romæ post duos annos imperatorio diademate donandum. Peracta vero Leodii Quadragesima præsentis anni, Innocentius in Gallias rediit, ad concilium contra Anacleto mense octobri Remis indictum profectus, Ludovicum Juniorem in locum Philippi fratris, ex equilapsu infeliciter necati, regem consecravit. Quo quidem concilio soluto, inquit Sugerius in Vita Ludovici Grossi, dominus Papa Autissiodori delegit demorari, reliquo nempe tempore labentis anni, cum prius Cluniacum, cujus ecclesiam dedicavit, deinde Claram-Vallem aliasque ecclesias visitasset, comitante ipsum ubique Bernardo. Leodii conventum post concilium Remense narrat Ernaldus in libro 2 de Vita Bernardi. cap. 1, contra expressam Sugerii auctoritatem.

Hoc etiam anno Bernardus, ut habet magnum Chronicum Belgicum, episcopatum Catalaunensem electus recusavit, et per ipsum Gausfredus abbas Sancti-Medardi-Suessoniensis sit episcopus Catalaunensis. Idem refert Albericus, qui et addit, Innocentium Sancti-Medardi ecclesiam consecrasset, idibus nimirum octobris, ante concilium Remense ut habet Chronicum ejusdem monasterii.

Hoc itidem anno, Thomas prior Sancti Victoris Parisiensis, vir integerrimus, pro justitia crudeliter perimitur a nepotibus Theobaldi Neoterii archidiaconi Parisiensis, cui ob exprobratas in ecclesiasticos

exactiones inivisus erat. Nec multo post Archembaldus subdiaconus Aurelianensis idem mortis genus eademque de causa subiit, Joanne auctore ecclesiam S. crucis itidem archidiacono. Pro priore S. Victoris scripsit Bernardus epistolam 158, 159, 160, 162; et pro subdiacono, epistolam 61. Suscepta autem est et agitata utriusque causa in concilio Jotrensi, diocesis Meldensis.

Fundantur Morerola, in Castella et territorio Zamorensi; monasterium S. Joannis de Tarouca in Lusitania, diocesis Lamecensis; Longus-Pons, in diocesi Suessionensi; Charus-Locus, in diocesi Bisuntinensi; Bonus-Mons, in Sabaudia, diocesis Gebennensis; Rievallis, in Anglia, diocesis Eboracensis.

1132. Diacedentem e Galliis Innocentium Bernardus in Italiam prosecutus, Pisanos et Genuenses reconciliavit, oblatumque denuo Genuensem pontificatum, Syro vel deferente, vel in sedem necdum evecto, modeste constanterque rejectit.

Exorta item est Cluniacenses inter et Cistercienses magna controversia, occasione videlicet privilegii, quo istos Innocentius a decimarum solutione exemti. Vide epistolam 228, 223.

Fundantur monasterium Yalecellense, in diocesi Cameracensi; vide epistolam 186; ac monasterium Trium-Fontium, in Anglia, diocesis Eboracensis. Vide epistolam 92, 94 sqq.

1133. S. Bernardus, in Italiam anno superiori profectus, cum vires Innocentio non sufficienter ad Romam expugnandam (Lothario quippe armatorum duntaxat duo millia ministrante), Henrico Majoris Britannię regi scripsit epistolam 158, ad ferendum supplicat. Sed tandem Innocentius urbem ingressus, in basilica Lateranensi Lotharium coronavit imperatorem; quo abeunte, Anacleto per urbem grassanti cedere coactus, Pisas se contulit. Unde Bernardus mittitur in Germaniam, Conradum cum imperatore Lothario reconciliaturus. Qua occasione captata, Rogerius Siciliæ tyrannus, ab Anacleto regis nomine donatus, Pisanos ab Innocentii obedientia retrahere conatur: quibus in fide constanter persistentibus, S. abbas congratulatoriam hoc anno dedit epistolam 150. Porro in illo ejus itinere contigit Mascelini conversio, de qua Vita libro 4, cap. 3, necnon et ducesse Lotharingæ, ibid.

1134. Concilium Pisanum celebratur, ad quod cum Bernardus Innocentii jussu facta pace cum Lothario et Conrado accedens per Lombardiam iter ageret, Mediolanenses sacrorum communionem et metropolitana dignitate privati, quod Anselmum archiepiscopum secuti, Conrado et Anacleto adhaerissent, litteris illum interpellant, de restituenda sibi pontificis et imperatoris Lotharii gratia, quibus peracto concilio adfuturum se promisit, datis epistolis 152, 153. Nec mora, concilio ejus potissimum prudentia absoluto, cum Matthæo Albanensi et Guidone episcopo Pisano cardinalibus, necnon et Gausfrido Carnotensi, delegatur ad componendam Mediolanensem pacem: a quibus ingenti plausu et summa veneratione acceptus, archiepiscopalem honorem sibi pertinaciter delatum vix effugere potuit. Multis vero ibidem conversis de quibus epistola 155, primam eodem loci Ordinis sui coloniam, scribit Claram-Vallem, aliis mendose Claram-Vallem, excitavit. Inde jussu Innocentii, ut habet Sigonius, de Regno Italiæ, lib. 11, ad pacificandas ipsas inter se Lombardiæ civitates profectus, Papiam et Cremonam se contulit. Cum autem apud Cremonensem nihil profecisset, eorum Innocentio pertinaciam significavit epistola 318.

Interim post concilium ad superos migrat Norbertus Ordinis Præmonstratensis fundator. Sed et Stephanus abbas Cisterciensis, quinto kalendas aprilis: cui post reiectum Widonem, qui Stephanum adhuc superstitie electus, sex menses pedum gessit pastorale, substitutus est Rainaldus, filius Milonis comitis

Bernardus per Sequaniam, inquit lib. 8 Ordericus monachus Clara-Vallensis. Is præclara instituta capitibus octoginta septem comprehensa in capitulo generali ordinavit, quæ videre licet in Annalibus Manriquez.

Fundatur præter Claram-Vallem Mediolanensem. Item erodum, in diocesi Trevirensi; Vallis Clara, in diocesi Landunensi. Primus abbas Henricus de Mordach, ad quem epistola 321.

1155. Bernardo ex Italia reduce per urbem Mediolanensem, vite libro 2, cap. 4, transfertur Clara-Vallis in commodiorem locum, vite libro 2, cap. 5, ubi cum vix tantisper consedisset, jussus est in Aquitaniam se conferre cum Gaufrido Carnotensi, ad revocandum Guillelmum comitem Pictavensem, aliosque schismaticos a Gerardo Engolismensi episcopo seductos, ibidem cap. 6. Postea aliquandiu a bi redditus, insignem illam in Cantica explanationem, hortante altero Bernardo Portarum priore Cartusiano aggressus est. Vide epistolas 153, 154.

Fundatur Bussium, in diocesi Nannetensi, ab Ernengarde Britanniæ comitissa, quam in prædico minere a sæculi vanitate revocavit. Vide epistolas 116, et 117. Primus abbas Joannes, ad quem epistola 232. Fundatur etiam Alta-Comba, in diocesi Gebennensi; Gratiæ-Dei, in Santonensi; Eberbachum, in Moguntina.

1156. Guido, inter Bernardi fratres natu major, extra Claram-Vallem, juxta fratris vaticinium, vite libro 2, cap. 12, moritur, nimirum Pontiniaci.

Fundatur Balerna, in diocesi Bisuntinensi; prius abbas Burchardus, ad quem epistola 146; Dominus-Dei, ad Claram fluvium in diocesi Bituricensi, ejus abbas fuit Robertus Bernardi consanguineus, ad quem epistola 1; Alta-Ripa, in diocesi Lingonensi. Denique adoptatur monasterium Alpanse, diocesis Gebennensis, tradente Guarino abbate, postea episcopo Sedimensi. Vide epistolam 253.

1157. Innocentius II 8, Lotharii II imperatoris 12, Ludovicus VI regni sui anno 29 Parisiis mortuus est kalendas augusti; cui successit filius Ludovicus VII Junior appellatus, quod vivente patre regnare coepisset.

Hoc ipso anno Bernardus ab Innocentio accitus, tertio in Italiam progreditur, sub Anacleto laborantem vexatione Rogerii Siculi, qui a Rainulfo duce Bernardi precibus superatus, cum armis prævalere non posset, ad verba se convertit, atque Anacleti causam in ore Petri Pisani viri eloquentissimi ponere se simulans, cum ipsum a Bernardo convictum et reductum vidisset, ne sic quidem ad meliora potuit emoliri.

Fundatur monasterium Columbar, in Italia, diocesis Placentinæ; Bochia in Hungaria, diocesis Vespriensis, quamvis a nonnullis ad annum 1153 refertur. Item adoptatur monasterium Belli-Fontis, nunc Vallis-Paradisi nuncupatum, in Hispania, diocesi Zamorensi.

1158. Lotharius II imperii anno decimo tertio regnare desinit tertio nonas decembris, succedente Conrado Franconie dnce, quondam ejus æmulo. Quo etiam anno misere interit Anacletus pseudo-pontifex, cui successus ex Rogerii factione Gregorius cardinalis, Victor vocatus, qui supremæ dignitatis insignia Bernardo resignans, schismati tandem, post septem annos S. Doctoris studio ac prudentia compresso, finem optatum imposuit. Vide epistolam 317. Abbas vero sanctus Romanam curiam nulla mora interposita deserens, nihil inde in Gallias referre voluit pro xeniis, præter dentem S. Casarii, a iasque sanctorum reliquias, vite libro 4, cap. 1. Qui de statu electionis Lingonensis a Lugdunensi metropoli contra sponsonem Romæ initam celebratæ certior factus, varias scripsit epistolas 165 et sequentes, cui quidem dolori accessit alius longe gravior, nempe de Gerardi fratris obitu, cujus induc-  
tas in Italia, ubi eundem cum haluerat in extrema

A sua peregrinatione, a Deo impetrarat, quem multis lacrymis prosecutus est sermone vigesimo sexto in Cantica, a quo resumpsit aureum hoc opus a se interruptum.

Ipso anno Rainaldus Remensis archiepiscopus obiit, ut refert Ancitarium Gemblacense: post biennium vero, scilicet anno 1140, Samson Carnotensis ecclesiæ præpositus Remorum ordinatur archiepiscopus, cum ipse Bernardus hanc dignitatem recusasset.

Fundatur monasterium Benedictionis-Dei, in diocesi Lugdunensi, cui præfectus Albericus, ad quem epistola 175. Adoptatur etiam monasterium Dunense, diocesis Brugensis. Primus abbas Robertus, cui scribitur epistola 324, Bernardo apud Claram Vallem aliquando successurus.

1159. Convocatum est Romæ concilium Lateranense mille circiter episcoporum, in quo iterato damnati Petri Leonis fautores, infirmate ab eo factæ ordinationes, torneamenta interdicta, Arnoldus Brixianus, tanquam hæreticus Italia excedere jussus. A qua quidem sententia adversus Anacleti fautores severitate Bernardus vindicare laboravit Petrum Pisanum cardinalem, Innocentio prius a se reconciliatum, ut patet ex epistola 215. Nec multo post Innocentius ipse a Rogerio Siciliæ dnce dolose captus est, quod pacis diu exoptatæ inter utrumque componendæ fuit occasio.

Hoc item, anno Malachias archiepiscopus, Hiberniæ primas, Romam iter aggressus est, non vero, ut vult Baronius, anno 1137, cum constet ex Bernardo, vite S. Malachie capite 10, Malachiam ab hac peregrinatione novem duntaxat annos supervivisse, itemque ex capite ultimo, anno 1148 decessisse. Malachias vero in hoc itinere Claram-Vallem adiens, ibi sex socios reliquit, qui Cisterciense institutum edocui, illud postea in Hiberniam transtulerunt.

1140. Habetur concilium Senonense adversus Abelardum, qui condemnatis errorum capitulis Sedem Romanam appellavit quidem, sed Petri Venerabilis persuasione cedens appellatione, Cluniacensis remansit: ac ejusdem opera Ecclesiæ reconciliatus, cum per biennium ibi laudabiliter vixisset, in monasterio S. Marcelli Cabillonensi, quo morbi curandi causa se contulerat, cessit et vita. Vide epistolam 197 et sequentes, et ibidem Notas.

Fundatur hoc anno Clarus Mariscus, in diocesi Audomarensi; Blancha-Landa, in Wallia Angliæ provincia, diocesi Menexensi; Ursaria, in regno Callæciæ, diocesi Auriensi; Aripatorium, aliis Ripatorium, in diocesi Trecenti, cui præfectus Albinus, postea episcopus Autissiodorensis, vite S. Bernardi compilator. Item Innocentius monasterium S. Anastasii ad Aquas-Salvias reparatum Clara-Vallensibus attribuit, præfecto Bernardo Pisano, S. Bernardi discipulo, qui subinde Eugenii III nomine in Sedem Romanam assumptus est. Denique adoptantur monasterium Beuchorensis, a Malachia Hiberniæ primatæ Bernardo concessum; necnon et Casæ-Marium, in civitate Verulana, in Italia.

1141. Innocentius papa, ait Robertus, de Monte, interdixit terram dominicam regis Ludovici, quia nolebat recipere archiepiscopum Bituricensem, quem tamen postea recepit, et absolvit eum de sacramento quod irrationabiliter fecerat. Vide epistolam 218 et sequentes.

Quo etiam anno idem rex Francorum Ludovicus, ut habet idem auctor, affixit comitem Theobaldum, et vastavit terram ejus, maxime in Campania, ubi combussit castellum Vitruvium, seu Vitriacum, ubi multitudo diversi sexus hominum et ætatis, nimirum mille trecentæ anime, teste Roberto de Monte in Supplemento ad Sigibertum, qui hoc refert ad annum 1145, cremata est. Consulæ epistolas 217, 220, 222, 223.

Hoc tempore contigit obitus Umbelinæ sororis sancti Bernardi, de qua vite libro 1, cap. 6,



Fundatur cœnobium Melli-Fontis, in Hibernia; diœcesis Armachane, Malachia procurante, ascitis ex Clara-Valle Christiano ac sociis, quos prædictus episcopus instituendos ibi reliquerat. Vide epistolam 356, 357.

1142. Ivo presbyter cardinalis ex canonico regulari S. Victoris apud Parisios, mittitur in Gallias ad ferendam sententiam in Radulphum Viromandorum comitem, qui repudiata priori uxore Petrouilla, Theobaldi comitis sorore, Guillelmi Aquitanie ducis filiam, Regine sororem, superinduxerat. Quo etiam anathemate involuti Bartholomæus Laudunensis, Simon Noviomensis, Petrus Silvanectensis episcopi, divortii auctores. Vide epistolam 216, 217, 220, 221.

Item Alfonsus Lusitanie rex se summæ regniû Clara-Valli vestigale fecit, assignatis quinquaginta marabitinis sive dipondiiis auri probati.

Quo etiam anno, tunc Roberto de Monte, vel proxime evoluto, ut tradit Ortelius in Anselmo Gemblacensi apud Mirænum, animam cœlo reddidit magnus ille Hugo Victorinus, S. Bernardi amicus et cultor præcipuus, alter sui sæculi Augustinus. Vide epistolam 70.

Fundantur monasteria Melonis, in Callæcia, diœcesis Tundensis, et Superadi, circa hæc tempora in diœcesi Compostellana. Item Alta-Crista, in Sabaudia, diœcesis Lausanensis.

1143. Conradi III imperatoris 5, Ludovici VII Francorum regis 6, Innocentius papa moritur octavo kalendas octobris cum sedisset annos fere quatuordecim; cui succedit Guido de Castello, dictus Cælestinus II, ad quem epistolæ 234, 235.

Fundantur Alvastrum, in Suecia, diœcesi Lincopensi; Nova-Vallis (aliis post quadriennium, ibidem; Bella-Pertica, in diœcesi Montis-Albani; Meyra, in Callæcia, diœcesis Lucensis.

1144. Cælestinus papa, semestri necdum exacto, decessit: cui subrogatur Gerardus camerarius ex canonico regulari, presbyter cardinalis tit. S. Crucis in Jerusalem, Lucius II nuncupatus. Quo tempore Bernardus inter Ludovicum regem et Theobaldum comitem pacei composuit. Legende epistolæ 220 et sequentes.

Hoc item anno moritur Bartholomæus Firmatatis abbas, frater S. Bernardi. Item Stephanus Catalaunensis cardinalis episcopus Prænestinus ex Ordine Cisterciensis, vir magnæ sanctitatis, cui Bernardus varias inscripsit epistolam.

Fundatur Belli-Loeus, in diœcesi Rutenensi.

1145. Conradi III imperatoris 7, Ludovici VII Francorum regis 8, Lucio papa quinto kalendas martii defuncto substituitur Eugenius III ex abbate S. Anastasii ad Aquas-Salvias, Bernardus antea vocatus, de quo supra anno 1140. Vide epistolam 237 et sequentes. Quo tempore S. Bernardus a Ludovico rege de sacra expeditione consultus, rem ad summi Pontificis sententiam remittit, ex nostra Præfatione generali, § 7.

Fundatur Pratea, in diœcesi Bituricensi.

1146. In concilio Carnotensi pro expeditione sacra indicto hoc anno, ad quod Petrus Venerabilis invitatus, epistola 364, venire non potuit, ut colligitur ex ejus responsione, epistola 48, lib. 6. S. Bernardus in primum militie ducem electus, ex mandato Eugenii, Germanie populos, Francos Orientales, Bajorios, Anglos, etc. ad capessendam Crucem tum literis, tum viva voce cohortatus est, multis suffragantibus miraculis, epistolis 363, 365, et libro de Miraculis S. Bernardi.

Hoc item anno Tornacensis Ecclesiæ, quæ per quingentos et amplius annos episcopis Noviomensis Ecclesiæ commendata fuerat, proprium episcopum, Anselmum nomine, ex abbate S. Vincentii Laudunensis, ab Eugenio papa III recepit, Bernardo abbate Clara-Vallensi inter alios procurante.

Fundantur Boxelona, in Anglia, diœcesis Cantuariensis; Villarium, in Brabantia, diœcesis Namur-

ensis. Hujus fundacionem Auctarium Gemblacense apud Mirænum reponit anno sequenti, his verbis: «Monachi duodecim cum Laurentio abbate, et quinque Conversis, a B. Bernardo ex Clara-Valle in Brabantiam missi, Villariense monasterium ædificaverunt.»

1147. Eugenius anno superiori, Romanis Arnaldi factione, de qua epistola 242, infestantibus, in Galliam confugiens, hoc anno Parisiis honorifice excipitur a Ludovico rege, qui cum anno præcedenti, ut refert Robertus de Monte in Appendice ad Sigibertum, apud Vezeliacum, die dominica in Ramis palmarum crucem assumpsisset, simulque Robertus frater ejus, et Gaufridus comes Mellenti, et alii multi, hoc anno Parisios recesserant, n mirum die 14 junii, ut habet Chronologia Cluniacensis, in Syriam contra Saracenos profecturi.

Hoc eodem anno plures variis in locis habita synodi. Prima Stampis, in qua de negotio Jero-solymitano et regni dispositione, Bernardo presente, actum est, Gallicæ administratione Sugerio S. Dionysii abbati commissa. Vide Chronic. S. Dionysii tom. 2; Spicil. et lib. Miræ. S. Bernardi, cap. 16. Secunda Autissiodori, presidente Eugenio. Tertia Parisiis, teste Ottone Frisingensi, in Frid. lib. 1, cap. 59. In quibus causa Gilberti Porretani proposita, ad concilium Remense anno proximo celebrandum remissa est. Vide Præfationem generalem.

Præterea Bernardus cum Alberico cardinali Ostiensi et legato, Gaufridoque Carnotensi, pergit in Aquitaniam contra Henricum hæreticum, de quo in nostra Præfatione generali, et in epistola 241. Quo etiam anno Alfonsus Lusitanie rex, urbe Scalabi meritis S. Bernardi expugnata, datis literis monachos petiit ad instituendum Ordinis Cisterciensis in suo regno monasterium.

Fundantur Alcobatia a prædicto rege in Lusitania: diœcesi Ulissiponensi; Vallis-Richerii, in diœcesi Bajocensi; Morganum, in Wallia; monasterium a de Spina, in diœcesi Palentina in Castella a Sancia Alfonsi regis sorore. Vide epistolam 301. Item adoptat Grandis-Silva Ordinis S. Beneficii in diœcesi Tolosana, Bernardo ejus abbate se ei domum suam tradente. Vide epistolam 242.

1148. Initio concilio Remensi decimo quarto kalendas aprilis, Eugenio presidente, carcere damnatur Eon fatuus hæreticus: Gilbertus vero Porretanus, Pictavensis episcopus, a Bernardo convictus, suos retractat errores. Nec multo post Eugenius, agente sameto abbate, scripta Hildegardis approbavit in concilio Trevirensi, cum prius Tullensis ecclesiæ dedicationem, cui et Bernardus interfuit, peregrisset. Quo eodem anno præfatus Eugenius tum capitulo Cisterciensi adfuisse, novumque cœmeterium sacrasset, fratribus non sine lacrymis valedicens, in Italiam remeavit.

Post Eugenii et Gallia discessum, S. Malachias Hibernie primas, Romam denuo ad summum Pontificem pallii causa profecturus, optato die et loco apud Claram-Vallem diem feliciter causit ipso die solemnem Commemorationis omnium defunctorum, ejus memoria statim ab ipsius morte celebris haberi cepit. Vide epistolam 374, consolatoriam ad Hibernienses; item Vitam ejus, tomo 2; et duos sermones in ejus depositione habitos, tomo 3. Porro cum S. Malachias in extremis jam fere ageret, consummato ædificio novæ Clara-Vallis, ossa venerabilium Patrum, qui in priori cœnobio obdormierant, e veteri cœmeterio in novum translata sunt, in festo omnium Sanctorum, ex sermone primo de S. Malachia, n. 2. Ejus canonizatio in Chronico Clara-Vallensi apud Franciscum Chiffletium refertur ad annum 1192.

Eodem anno obiit beatus Humbertus abbas Igna-censis, non anno 1145, ut putat Maricus. Probationes vide in Notatione ad sermonem de ejus obitu a Bernardo habitum, qui exstat in tomo III.

Fundatur Camberona, in diœcesi Cameracensi. Primus abbas Fastradus ex Clara-Valle, cui etiam post Robertum præfuit. Adoptatur etiam Alno, prius Benedictinorum, deinde canonicorum regularium in diœcesi Leodiensi. Item in capitulo Cisterciensi, hoc anno Serlo abbas Saviniacensis se ac triginta monasteria, quæ a Saviniaco Benedictinorum monasterio diœcesis Abrincensis pendebant, Claræ-Valli subdidit: quatuor vero Stephanus, congregationis Obazinensis in diœcesi Lemovicensi nascentis pater et institutor.

1149. Hoc anno cum infelicem exitum habuisset transmarina expeditio, Ludovicus in Galliam reversus est. Vide epistolam 386, librum 2 de Consideratione, cap. 1, et Vitam S. Bernardi, lib. 3. cap. 4. Qui quidem ad novam iterum se accingens, a Cisterciensibus retardatur, ut tradit Robertus abbas in Chronico ad annum 1150.

Eodem anno Henricus, Ludovici regis Franciæ frater (verba sunt Chronici Turonensis) prius Thesaurarius Beati Martini Turonis, post apud Claram-Vallem monachi veste indutus, provehitur ad episcopatum Belvagicæ civitatis: quod quidem Chronicon Sancti-Petri-Vivi Senonensis anno sequenti reponit. Lege epistolam 307 et Notas.

Fundantur Fons-Moriniacus, in diœcesi Bituricensi; Albæ-Petræ, in Lemovicensi; Longum-Vadum, in Lingonensi; Laus-Beatæ-Virginis, in Tornacensi. Adoptatur Bullencuria, canonicorum regularium in diœcesi Trecenti.

1150. Eugenius Romæ ad S. Petrum post multos conflictus restituito, Bernardus librum secundum de Consideratione transmittens, apologiam de Ierosolymitanæ expeditionis consilio prætexit, recipitque epistolam consolatoriam a Joanne Casæ-Marii in civitate Verulana abbate, que est modo epistola 386 inter Bernardinas.

1151. Rainaldo abbati sub finem anni superioris Iesuncto, nimirum decimo septimo kalendas januarii, successit Gosevinus ex abbate Bonæ-Vallis Viennensis. Vide epistolam 270.

Item moritur Hugo Autissiodorensis episcopus, vir bonæ memoriæ dictus in Chronico S. Petri-Vivi. De successoris electione vide epistolas 261, 274 et

sequentes. Obiit item Sugerius abbas S. Dionysii, vir integerrimus, cui in extremis posito Bernardus scripsit epistolam 266. Hoc anno, Ludovicus et Alienora, inquit Robertus de Monte, in Quadragesima apud Balgencium, dato sacramento coram archiepiscopis et episcopis quod consanguinei essent, separati sunt auctoritate Christianitatis.

Fundatur monasterium Esronense, in Dania, diœcesi Roskildensi.

1152. Eugenii III 8. Ludovici VII Franciæ regis 15, Conradus imperii anno 13 purpuram morte resignat Friderico cognomento Enobarbæ, Sueviæ duci, Conradi ex fratre nepoti. Sed et Theobaldus Campaniæ comes, vir insignis pietatis, sexto idus januarii defunctus, in monasterio Latiniacensi, ad Matronam aijus fuerat advocatus, sepelitur, ad quem non longe ante obitum Bernardus scripsit epistolam 271.

Adoptatur abbatia de Morolis, in diœcesi Maleacensi. Fundatur abbatia Clari-Montis, in diœcesi Cenomannensi. Circa hoc tempus adoptatur Armenaria, in Callæcia, diœcesi Compostellane.

1153. Friderici I imperatoris 2, Ludovici VII Franciæ regis 16, Eugenius diem clausit sexto idus julii, cum sedisset annos octo menses quatuor dies tredecim; cui successit Conradus, ex canonico regulari episcopus Sabinensis, dictus Anastasius IV. Nec longe post sanctissimus doctor Bernardus, multis pro Deo et Ecclesia defunctis laboribus, cum a media hiemis tempestate gravi morbo correptus, ut scribit epistolis 288, 307, 308, pacem nihilominus inter Metenses composuisset, in pace tandem ipse quievit decimo tertio kalendas septembris, tribus ante meridiem horis, anno ætatis sexagesimo tertio, monasticæ professionis quadragesimo, præfecturæ trigesimo octavo. Qua etiam hebdomada Ascalon, munitissima civitas in Palestina, juxta Sancti promissionem frequentius repetitam, a Christianis capta est, ut testatur Gaufridus Viæ S. Bernardi libro 3, cap. 4. Bernardus apud Claram-Vallem successorem habuit Robertum ex abbate Dunensi.

Fundantur monasteria Petrosæ, diœcesis Petragoricensis; De Moris, diœcesis Lingonensis; et adoptatur abbatia Montis-Rami, diœcesis Auriensis in Callæcia.

# SANCTI BERNARDI

ABBATIS CLARÆ-VALLENSIS

## OPERUM TOMUS PRIMUS

COMPLETENS

### EPISTOLAS NUMERO CCCCLXXXII

(Collatæ sunt ad tres codices Colbertinos, Cistercienses duos, Corbeiensem unum, unum item Compendiensem consulti etiam codices Vaticani, Sorbonicus, Regiæ Navarra, Gandavensis S. Petri, Claræ-Vallensis Vallis-Claræ, Auræ-Vallis, etc.)

#### I EPISTOLA PRIMA (51).

AD ROBERTUM NEPOTEM SUUM, QUI DE ORDINE CISTERCIENSI TRANSIERAT AD CLUNIACENSEM (52).

Robertum consanguineum, qui vel horrore strictioris

(51) Scripta circa annum 1119.

(52) Ita scripti fere omnes: in uno S. Germani,

regulæ, seu vitæ laxioris illecebra, vel etiam blanditiis et subdolis aliorum susurris inductus a Cisterciensibus ad Cluniacenses transierat, mira charitate et affectu plusquam paterno revocat.

1. Satis et plusquam satis sustinui, dilectissime

Incipit epistola B. Bernardi abbatis ad domnum Robertum monachum et cognatum suum, qui Ordinem

fili Roberte (53), si forte Dei pietas, et tuam per se, et meam per te animam dignaretur invisere: tibi scilicet inspirando salutarem compunctionem, mihi- que de tua salute lætitiā. Sed quoniam usque adhuc frustratum me cerno ab expectatione mea, jam non valen tegere dolore meum, anxietatem reprimere, dissimulare tristitiā. Unde et contra juris ordinem cogor revocare, læsus, eum qui me læsit; spretus, requirere contemptorem; injuriam passus, injuriatori satisfacere; rogare denique, a quo rogari debueram. Dolor quippe nimis non de- liberat, non verecundatur, non consulit rationem, non metuit dignitatis damnum; legi non obtemperat,

*Cisterciensem post professionem dimiserat, et ad Clu- nicum se transferat.*

(55). Nulla hujus epistolæ inscriptio, præterquam in duobus S. Germani codicibus, *Bernardus abbas Roberto adolescenti*, an genuina, incertum.

Hæc epistola sub dno a Bernardo dictata, « in medio imbre sine imbre, » ut loquitur Guillelmus sancti Theoderici abbas, libro primo Vitæ S. Bernar- di, cap. 2, ob id miraculi cæteris epistolis præ- posita est. Locus ubi id contigit, prope Claram- Vallem, oratorio spectabilis est ob facti memoriam. Exarata est a Guillelmo, primo postea Rievallis in Anglia abbate, cui non recte quidam tribuunt elogium illa, quæ Gilbertus de Hoilandia sermone 41 in Can- tica commemorat de quodam abbate Rievallensi, procul dubio de Guillelmi successore, nomine Aelredo, qui teste Pitsæo obiit anno 1166. Non enim ferri potest, ut Guillelmus ille Rievallensis, anno 1145 ad superos translatus, a Gilberto in eo sermone celebraretur laudatione funebri ut recens mortuus, cum ipse Gilbertus solum a morte S. Bernardi, ni- mirum post annum 1155, explanationem in Cantica prosequendam suscepit, ac sermone 30 mentionem faciat schismatis a Friderico imperatore adversus Alexandrum III anno 1159 excitati. Robertus, ad quem hæc epistola directa est, Bernardi carne pro- pinquus vocatur in ipsa epistola, n. 9, et in epistola 52, n. 3. De eo Joannes eremita, illius temporis auctor, in Vita S. Bernardi, libro 1, cap. 2, n. 5, ita scribit: « Nepos siquidem ejusdem matronæ, » nempe Alaydis S. Bernardi matris, « de qua volumus pertractare; filius autem sororis suæ, ad quem etiam beatus Bernardus primam epistolarum suarum dirigit. » Ibidem Robertus ad Clara-Vallenses re- versus, sexaginta septem annis sub jugo disciplinæ regularis vixisse dicitur. Petrus Franciscus Chiffle- tius Societatis Jesu, in Appendice ad Diatribam de illustri genere S. Bernardi suspicatur, Roberti ma- trem fuisse Dianam, uxorem Othonis de Castellione e familia Montis-Barri; ac vulgo Bernardi nepotem vocitatum, vel collectoris epistolarum allucinatione, vel eo loquendi genere olim usitato, quo nepos dici solebat etiam patruelis, aut consobrinus, aut ami- tinus, si modo patrueli suo, consobрино, aut amittino esset inferior ætate, qualem fuisse Robertum re- spectu sancti Bernardi, tum ex hac epistola, tum ex libro primo Vitæ, cap. 2, satis intelligitur. Quod attinet ad rationem temporis, hæc epistola scripta videtur circa annum 1119. Etenim Robertus sole- nam apud Cistercienses emisisse videtur professio- nem anno 1116, ut inferius demonstrabitur: qua audita statim Cluniacenses eum subdole ad se revo- care tentaverunt. Sic enim refert Exordium Cister- ciæ, 3, cap. 9: « Interca Cluniacenses fratres au- dientos quod idem adolescens Ordini Cisterciensi se reddidisset, indignati sunt vehementer.... Cumque auctoritate beati Bernardi premerentur ne eum pu- blice repetere præsumerent, ad callidiora sese argu- menta vertere. Missus est namque prior quidam, »

A judicio non acquiescit, modum ignorat et ordinem: id omnimodo et solummodo satagente animo, quo vel careat, quod se dolet habere; vel habeat, quo se dolet carere. At, inquis, nec læsi quempiam, nec spreui; sed spretus potius jeco, ac multifarie læsus, tantum fugi malefactorem meum. Cui injuriam feci, si injurias fugi? An non expedit cedere persecutori, quam resistere? fugere ferientem, quam referre? Recte: assentio. Non ut contenderem cæpi hæc, sed ut contentionem dirimerem. Fugere persecutionem non est culpa fugientis, sed persequentis. Non con- tradico. Omitto quod factum est, non requiro cur, vel quomodo factum est: culpas non discutio, non

etc. Interim diu dissimulavit S. Bernardus, ut ex hujus epistolæ exordio constat: sed tandem concepti doloris impatiens, hanc epistolam scripsit, qua nec quidem revocari potuit Robertus, ut ille epistola 32 conqueritur, donec a Petro Venerabili restitutus est. Quod autem Robertus anno 1116 professionem emisit, sic demonstrari posse videtur. Robertum fuisse unum ex triginta sociis, quos Bernardus mundo subtractos Cistercium secum adduxit, sentiunt scriptores pene omnes, tam domestici, quam externi. Quod quidem indicare videtur Bernardus ipse in hac epistola his verbis: « Nam si dignaris, et verbo, et exemplo meo in religionem ego te genui. » Sed cum pro ætatis statu teneriori ad bien- nium remissus fuisset, ut etiam ibi asserit Bernar- dus, n. 8, eo tandem elapso ad conversionem ad- missus est. Atqui Bernardus anno 1115 ingressus est Cistercium: cui numero si tres annos adjeceris, duos scilicet dilationis, probationis alterum; Ro- bertum anno 1116 profectum habebis. Hoc argu- mentum non parum roboratur Exordii jam citati auctoritate, ubi Robertus prius dicitur admissus Cistercii ad probationem, quam Bernardus Clara- Valli præficeretur; proindeque ante annum 1115, quo Claram-Vallem fundatam legimus. Sic enim habet Exordium Cisterciense: « Dominus Robertus, quondam Domus-Dei abbas, et beati Bernardi se- cundum carnem propinquus, in adolescentia sua jugum Domini suave et onus ejus leve apud Cister- cium suscepit. Postmodum vero reverendissimo viro Dei Bernardo Clara-Vallis abbati constituto, sub ipso in eodem cœnobio cœlestibus disciplinis instituebatur. » Ex quibus manifestum apparet, Roberti e Clara-Valle discessum sive potius seductio- nem contigisse Pontii abbatis Cluniacensis consilio ac impulsu, qui ab anno 1109 ad annum 1122 Clu- niaco præfuit; non vero sub Petri Venerabilis præ- fectura, qui Pontio post Hugonem II tribus mensibus elapsis successit, ut constat ex Chronico Cluniacensi. Et certe quis a Petro Venerabili, pacis ac sinceritatis amatissimo, non existimet alienum, ut priorem miserit Claram-Vallem ad decipiendum adolescentem? vel etiamsi id fecisse concedatur, ut inter beneficia et charitatis officia sancto Bernardo exhibita computaverit Roberti restitutionem? quasi de injuria beneficium promereri potuisset. Ita enim in quadam epistola ad Bernardum: « Cur ergo, » inquit, « mi charissime, unus saltem mihi per men- sem non conceditur, cum Robertum tibi sanguine proximum, cum Garnerium, cum quosdam alios, tractus amore tui, non mense uno, sed perpetuo concesserim (libri vi epistola 55)? » Ex quibus obiter observare velim, Robertum tandem aliquando Claram-Vallem rediisse, restitutum scilicet a Petro Cluniacensi statim ab initio præfecturæ, ac Domus-Dei in dioecesi Bisuntinensi abbatem a Bernardo postea institutum. Vide Manriquez in Annalibus, anno 1113 et anno 1117, ex quo nonnulla huc adduximus.



tracto causas, non recorder injurias. Solent enim hæc magis instigare, quam mitigare discordias. Solium quod mihi magis est cordi, loquor. Me miserum, quod te careo, quod te non video, quod sine te vivo, pro quo mori, mihi vivere est; sine quo vivere, mori! Non igitur quero cur abieris, sed quod jam non redieris queror; non causas discessionis, sed moras causor regressionis. Veni tantum, et pax erit: revertere, et satisfactum est. Redi, inquam, redi, et lætus cantabo: *Mortuus fuerat, et revixit; perierat, et inventus est* (Luc. xv. 32).

2. Fuerit certe meæ culpæ quod discessisti. Delicato quippe adolescentulo austerius existeram, et tenerum dorus nimis inhumane tractavi. Illic enim et præsens quondam adversum me, quantum memini, murmurare solebas; 2 hinc et nunc, sicut audivi, etiam absenti derogare non cessas. Non tibi imputetur. Possem forsitan excusare et dicere, quia sic lascivi pueritæ motus coercendi erant; ac rudibus annis debebantur aspera illa disciplinæ districtioris initia. Scriptura attestante, quæ ait, *Percute filium tuum virga, et liberabis animam ejus a morte* (Prov. xxiii. 13); et rursum: *Quos enim diligit Dominus, corripit; flagellat autem omnem filium quem recipit* (Hebr. xii. 6); et illud: *Utiliora sunt verbera amici, quam oscula inimici* (Prov. xxvii. 6). Sed fuerit, ut dixi, meæ culpæ quod discessisti: ne dum de reatus perpetratione contenditur, emendatio retardetur. At vero hinc vel procul dubio incipiet esse et tuæ, si non parcas penitenti, indulgeas confitenti: quia potui quidem aliquando in aliquibus fuisse erga te misericors, sed certe non malevolus. Quod si et in futuro hanc ipsam indiscretionem meam suspectam habes; noveris me jam non esse qui fueram, quia nec te puto fore qui fuisti. Mutatus mutatum invenies, et quem ante metuebas magistrum, comitem amplectere securus. Itaque sive mea culpa recesseris, ut tu putas, et ego non excuso; sive tua, ut multi putant, etsi ego non accuso; sive mea simul et tua, quod ego magis puto: ex hoc jam si redire remevis, solus profecto inexcusabilis eris. Vis ab omni culpa liber esse? revertere. Si tuum agnoscis, ignosco: ignosce et tu mihi, ubi meam agnosco. Alioquin aut tibi nimis indulges, qui tuam culpam et agnoscis, et dissimulas; aut mihi nimis immisericors es, cui nec satisfaciendi ignoscendum putas.

3. Jam si redire recusas, aliam quere occasionem unde falso blandiaris conscientie tuæ: quia non

(54) Theodoretus, Historiæ ecclesiasticæ libro iii, cap. 3, testatur Julianum imperii cupiditate incensum, perillustrasse Græciam, conquississe vates et hætiolos, sciscitaturum ab illis, votive compos futurus esset. Atque incidit forte in hominem, qui hoc ei prædicere pollicitus sit. Qui quidem, deducto eo in fanum simulacrorum, et infra ejus adyta collocato, fraudulentus demones invocavit. Quibus specie quæ solent apparentibus, metus eiegit Julianum signo crucis frontem suam signare. Demones igitur, Dominici tropæi conspicati figuram, et suæ ipsorum cladis recordati, confestim evanuerunt. Tum præstigator, causa cur fugerent intellecta, Julianum

A erit ultra quod formidare debeas de rigore distributionis meæ. Neque enim formidandum est quod futurus sim præsentī formidolosus, cui adhuc absenti jam toto sum corde [at. corpore] prostratus, totis adstrictus visceribus. Humilitatem exhibeo, charitatem promitto: et tu times? Intrepidus veni quo te vocat humilitas, pertrahit charitas. Securus accede, talibus præventus obsidibus. Fugisti sævum, revertere ad mansuetum: revocet te mea lenitas, ejus severitas effugavit. Vide, fili, quam te cupiam duci, non spiritu servitutis iterum in timore, sed spiritu adoptionis filiorum, in quo clamare et tu non confundaris, Abba, Pater (Rom. viii. 15): causam utique tanti doloris mei non minis apud te, sed blandimentis; precibus, non terroribus agens. Alius forsitan aliter tentaret. Et vere quis alius non magis discerneret reatum, et inculceret metum; non opponeret votum, et proponeret judicium; non argueret inobedientiæ, non indignaretur apostasiæ; quod de tunicis ad pelliceas, de oleis ad delicias, quod denique ad divitias de paupertate transieris? Sed ego novi animum tuum, qui facilius possit amore flecti, quam timore compelli. Denique quid necesse est tibi pungere non recalcitrantem, valde timidum magis exterrere, per se satis 3 erubescentem confundere amplius: cui sua ratio magister, cui propria conscientia virga, et ingenua verecundia lex disciplinæ est? Quod si cui mirum videtur, quomodo puer verecundus, simplex timoratus, ausus fuerit contra voluntatem fratrum, magistri imperium, regulare decretum, suum deserere et votum, et locum: miretur etiam quod et David sanctitati subreptum sit (II Reg. xi), quod sapientiæ Salomonis illusum (III Reg. xii), quod Samson fortitudini obviatum (Judic. xvi). Qui protoplastum dolo captum expulit de patriæ felicitatis, quid mirum si tenero subripuit adolescentulo in loco horroris et vastæ solitudinis? Huc accedit quod nec, sicut illos Babylonicos senes, species decepit eum (Dan. xiii. 8); nec, sicut Giezi, pecuniæ amor (IV Reg. v. 2); nec honoris ambitio, sicut Julianum Apostatam (54); sed seculi illius sanctitas, seduxit religio, perdidit auctoritas seniorum. Quæris quomodo?

4. Primo quidem missus est magnus quidam prior ab ipso principe priorum; foris quidem apparens in vestimentis ovium, intrinsecus autem lupus rapax; deceptisque custodibus, æstimantibus quippe ovem esse, vae! vae! admissus est solus ad solam lupus

oburgat: qui tum timorem, quo correptus erat, declaravit, et se virtutem crucis vehementer admirari dixit. Nam demones, quoniam ejus figuram ferre non poterant, aufugisse. Cui præstigator: « Ne, » inquit, « amabo te, sic existimes. Siquidem non eam ob causam formidabam; sed tuum fastum detestati, se ab oculis nostris removerunt. » Ita miser ab eo in fraudem impulsus, tum impiis initiis mysticis, tum peccatis ejus scelere completur, et infelix propter imperii cupiditatem pietate omnino spoliatur. Ita Theodoretus, ejus verba, etsi prolixiora, recenseo, quia ad ea Bernardus plane mihi abussus videtur.

oviculam. Nec refugit ovicula lupum, quem et ipsa putabat ovem. Quid plura? attrahit, allicit, blanditur. et novi evangelii prædicator commendat crapulam, parcimoniam damnat; voluntariam paupertatem, miseriam dicit; jejunia, vigiliis, silentium, manuumque laborem, vocat insaniam; e contrario otiositatem, contemplationem nuncupat; edacitatem, loquacitatem, curiositatem, cunctam denique intemperantiam nominat discretionem. Quando, inquit, delectatur Deus cruciatibus nostris? ubi præcipit Scriptura quempiam sese interficere? Qualis vero religio est fodere terram, silvam excidere, stercora comportare? Nunquid non sententia Veritatis est, *Misericordiam volo, et non sacrificium?* (*Matth. ix, 13.*) et, *Nolo mortem peccatoris, sed magis ut convertatur et vivat?* (*Ezech. xxxiii, 11.*) et, *Beati misericordes, quoniam ipsi misericordiam consequentur?* (*Matth. v, 7.*) Utquid vero Deus cibos creavit, si non liceat manducare? utquid nobis corpora delit, si prohibeat sustentare? Denique, qui sibi nequam, cui bonus? (*Eccli. xiv, 3.*) Quis unquam sanum sapiens, carnem suam odio habuit? (*Ephes. v, 29.*)

5. Talibus tandem allegationibus male credulus puer circumventus seducitur, seductorem sequitur, Cluniacum ducitur; tondetur, raditur, lavatur; exiunt rusticanis, vetustis, sordidis; induitur pretiosis, novis ac nitidis; et ita in conventum suscipitur. Sed cum quali putas honore, cum quo triumpho, cum quanta reverentia? Desertur ei super omnes coetaneos suos, et tanquam victor rediens a pugna, siclandatur peccator in desideriis animæ suæ (*Psal. x, 3*). Sustollitur in altum, statu non mediocri collocatur, ita ut multis senioribus prælatus sit adolescens; faret, blanditur, congratulatur ei universa fraternitas; exsultant omnes, tanquam victores capta præda, quando dividunt spolia (*Isai. ix, 3*). O Jesu bone! quam multa facta sunt pro unius animulæ perditione! Cujus ad hæc quantumlibet robustum pectus non emollesceret? ejus interior, quantumvis spiritualis, oculus non turbaretur? cui inter talia ad suam liceat recurrere conscientiam? quis denique in tanta pompa vel veritatem valeat agnoscere, vel obtinere humilitatem?

6. Mittitur interea pro eo Romam. Apostolica compellatur auctoritas; et ut Papa non neget assensum, suggeritur ei infantem olim a parentibus oblatum fuisse monasterio. Non fuit qui refelleret (nec enim contradicor est expectatus), judicatum est de parte, abjudicatum absentibus. Justificati sunt qui injurias fecerunt, exciderunt a causa qui passi sunt, absque satisfactione absolvitur reus. Firmatur privilegio crudeli nimium clemens sententia absolutionis; quo reportato & confirmaretur fluctuanti male suas stabilitas, securitas dubitanti. Et hic tenor litterarum, hæc judicii summa, hæc totius causæ definitio, ut teneant qui tulerunt, sileant qui amiserunt: inter hæc autem pereat anima pro qua Chri-

(55) Promissio votum parentum spectat; donatio, pueri oblationem per eosdem factam, ejus forma

PATROL. CLXXXII.

stus mortuus est, et hoc, quia Cluniacenses volunt. Fit professio super professionem, vovetur quod non solvetur; proponitur quod non tenebitur; et cum primum pactum irritum factum sit, in secundo geminatur prævaricatio, et fit supra modum peccans peccatum (*Rom. vii, 13*).

7. Veniet, veniet qui male judicata rejudicabit, illicite jurata confutabit; qui faciet judicium injuriam patientibus (*Psal. cxlv, 7*), qui judicabit in justitia pauperes, et arguet in æquitate pro mansuetis terræ (*Isai. xi, 4*). Veniet pro certo, qui per prophetam minatur in Psalmo dicens: *Cum accipero tempus, ego justitias judicabo* (*Psal. lxxiv, 3*). Quid faciet de injustis judiciis, qui ipsas quoque justitias judicabit? Veniet, inquam, veniet dies judicii: ubi plus valebunt pura corda, quam astuta verba; et conscientia bona, quam marsupia plena: quandoquidem Iudex ille nec fallitur verbis, nec flectetur donis. Tuum, Domine Jesu, tribunal appello: tuo me judicio servo, tibi committo causam meam, Domine Deus sabaoth, qui judicas juste, et probas renes et corda (*Jerem. xi, 20*); cujus oculi sicut fallere nolunt, ita falli non possunt; tu vides qui tua, vides qui quærunt et sua (*I Cor. xiii, 5*). Tu nosti quibus ei visceribus in cunctis tentationibus suis semper adfuerim, quantis pro eo gemitibus aures tuæ pietatis pulsaverim, qualiter ad quæque illius scandala, perturbationes, molestias ego urebar, torquebar, affligebar. Et nunc timeo ne frustra. Puto enim, quantum expertus sum, adolescentis per se satis ferventis et insolescentis nec corpori talia expedire fomenta, nec menti illa gloriæ tentamenta. Itaque, arbiter meus Domine Jesu, de vultu tuo judicium meum prodeat, oculi tui videant æquitatem (*Psal. xvi, 2*).

8. Videant et judicent, quid potius stare debuerit, an votum patris de filio, an filii de se ipso, præsertim cum filius aliquid majus devoverit. Videant et famulus tuus legislator noster Benedictus, quid regularius fuerit, utrum quod factum est de infante, nesciente ipso; an quod ipse per se postmodum prudens et sciens fecit, cum jam ætatem haberet ut de se loqueretur. Quanquam dubium non sit; promissum illum fuisse, non donatum (55). Nec enim petitio quam Regula præcipit, pro eo facta fuit a parentibus; nec manus illius cum ipsa petitione involuta palla altaris, ut sic offerretur coram testibus. Ostenditur deinde terra, quæ cum illo, et pro illo dicitur data fuisse. Sed si cum terra eum receperunt, cur non et cum terra eum retinuerunt? An forte requirebant magis datum quam fructum, et pluris æstimata est terra quam anima? Alioquin oblatus monasterio, quid quærebat in sæculo? Nutriendus Deo, cur expositus erat diabolo? Ovis Christi cur inventa est patere morsibus lupi? De sæculo quippe, non de Cluniaco, te teste, Roberie, venisti Cistercium. Quæstisti, pelisti, pulsasti; sed præcipitur a sancto Benedicto in Regule capite 59, quæ oblatio pueros olim ligabat.

pro tui adhuc teneritudine, te licet invito, dilatus es per biennium. Quo tempore patienter expleto, et absque calumnia, tuis demum precibus, multisque (si meministi) lacrymis, diu expectatam impetrasti misericordiam; et quem satis desideraveras ingressum, obtinuisti. Post hæc per annum juxta Regulam (*Reg. S. Benedicti*, capp. LVIII, 58, 59), in omni patientia probatus, perseveranter et sine querela conversatus, post annum sponte professus; tunc primum sæculari veste rejecta, religionis habitum suscepisti (56).

9. O insensate puer! quis te fascinavit non solvere vota tua, quæ distinxerunt labia tua? Annon vel ex ore tuo justificaberis, vel ex ore tuo condemnaberis? Quid de parentis voto sollicitus es, negligens tui; cum ex ore tuo, non illius, habeas judicari; tuorum, non illius, vota laborum exigendus sis? Et quid tibi frustra quispiam blanditur de absolute apostolica, cujus conscientiam divina ligata tenet sententia? Nemo, inquit, mittens manum suam ad aratrum, et respiciens retro, aptus est regno Dei (*Luc. ix, 62*). Nunquid et hoc persuadent non esse retro respicere, qui dicunt tibi: Euge, euge? (*Psal. xxxix, 16*). Filiolæ, si te lactaverint peccatores, ne acquiescas eis (*Prov. i, 10*). Noli credere omni spiritui (*I Joan. iv, 1*). Sint tibi multi necessarii, unus autem sit sibi consiliarius de mille (*Eccli. vi, 6*). Tolle occasiones, respue blandimenta, adulationibus claudere aures, te interroga de te, quia tu te melius nosti quam alius. Attende cor tuum, discute intentionem, consule veritatem: tua tibi conscientia respondeat, cur abieris, cur Ordinem tuum, (57) cur fratres, cur locum, cur me, qui et tibi propinquus carne, et propinquior spiritu sum, deserueris. Si ut acrius, ut rectius, ut perfectius viveres; securus esto, quia non retro aspexisti: sed et gloriare cum Apostolo dicens: Quæ retro oblitus, et ad ea quæ ante sunt extensus, sequor ad palmam gloriæ (*Philipp. iii, 13*). Sin alias, noli altum sapere, sed time (*Rom. xi, 20*): quoniam, ut cum venia tui dixerim, quidquid tibi amplius indulges in vicio, vestituque superfluo, in verbis otiosis, in vagatione licentiosa et curiosa, quam videlicet promisisti, quam apud nos tenuisti; hoc procul

A dubio retro aspicere est, prævaricari est, apostatare est (58).

10. Et hæc dico, fili, non ut te confundam, sed ut tanquam filium charissimum moneam: quia etsi multos habeas in Christo pædagogos, sed non multos patres (*I Cor. iv, 14*). Nam si dignaris, et verbo, et exemplo meo in religionem ego te genui. Nutrivi deinde lacte, quod solum adhuc parvulus capere poteras; daturus et panem, si expectares ut grandesceres. Sed heu! quam præpropere et intempestive ablatatus es! Et vereor ne totum quod foveram blandimentis, roboraveram adhortationibus, orationibus solidaveram; jamjamque evanescat, deficiat, pereat; et lugeam miser, non tam cassi laboris dampnum, quam damnatæ sobolis miserabilem casum. Placetne tibi quod alius nunc gloriatur de te, qui nihil utique laboravit in te? Simile mihi contigit, quod et illi meretrici apud Salomonem: cui videlicet parvulus suus ab altera, quæ suum a se oppressum exstinxerat, furim sublatus est (*III Reg. iii, 20*). Tu quoque de sinu mihi, et utero abscissus es. Ablatum gemo, repeto violenter avulsum. Non possum oblivisci viscera mea; quorum nimirum parte detracta non modica, non potest nisi torqueri pars reliqua.

11. Verumtamen quo tuo cominodo, qua tui necessitate hoc nobis moliti sunt amici nostri? quorum manus sanguine plenæ sunt (*Isai. i, 15*; *Lxx, 5*), quorum animam meam pertransivit gladius (*Luc. ii, 35*), quorum dentes arma et sagittæ, et lingua eorum gladius acutus (*Psal. lvi, 5*). Nam utique mihi, si in aliquo unquam eos offenderam (quod utique mihi conscius non sum), plenam prorsus rependere vicem. Mirum vero si non plus talione recepi; si videlicet tale aliquid in eos deliquisse potui, quale nunc ab eis pertuli. Nam, ut verum fatear, non os de ossibus meis, vel carnem de carne mea; sed tulerunt mihi gaudium cordis mei, fructum spiritus mei, coronam spei mee, et (velut mihi sentire videor) animæ meæ dimidium. Utquid hoc? forte miserti sunt tui: et cæco cæcum ducenti indignantes, ne perires post me, in suum te translere ducatum. O molesta charitas! o dura necessitudo! Tantum tuam dilexere salutem, ut in meam impin-

(56) Nimirum pueri Deo oblati statim monasticis vestibus induebantur: adulti vero nonnisi post annum probationem, ex Regulæ capitibus 58, 59; qui ritus initio servatus apud Cistercienses ex hac epistola, postea mutatus est exemplo Cluniacensium, apud quod Novitiorum habitus Professorum vesti omnino similis erat, uti modo apud omnes, præterquam quod, quando erant absque benedictione, sic professionem vocabant, sola cuculla carebant, ex Udalrico, in libro II, cap. 1. Quo tempore Cistercienses hunc morem admiserint, vide librum VII de Vita S. Bernardi, cap. 13.

(57) Sic Bernardus in libro de Vita sancti Malachie, n. 36, Mailros « Ordinis nostri » monasterium vocat: et in epistola 2, n. 9, Ordinem aut disciplinam, quasi synonyma videtur usurpare. Confer epistolam 4, n. 2, et epistolam 198, n. 2. Petrus Ven-

rabilis nihilominus Cluniacenses et Cistercienses « ejusdem Ordinis viros » appellat in sequente epistola 229, n. 10; et n. 50, « unius nominis Ordinis maximas congregationes. » Denique Bernardus ipse Guillelmum abbatem sancti Theoderici « Ordinis nostri » virum appellat in epistola 79; et in epistola 42 « Ordinis nostri » abbates vocat etiam nigrorum (quos vocant) monachorum, n. 33. Diversum Ordinem dicit Nicolaus Claræ-Valleensis in sua epistola 22.

(58) Formidolosa sententia in monachos, qui laxiora querentes, regulares institutiones pro nimino habent quibus « si pudor negat apostasiam corporis, timendum est ne tepor ipse paulatim ingerat apostasiam cordis, » ut loquitur Bernardus sermone 5 in Psalmum xc. Confer epistolam 382, maxime epistolam 313.



gerent. Nisi me perempto, tu salvari non poteris? A Et utinam ipsi te absque me salvent. Utinam et si ego moriar, vel tu vivas. Sed quid? Salus ergo magis in cultu vestium, et ciborum est opulenta, quam in sobrio victu vestituque moderato? Si pellicie lenes et calide, si panni subtiles et pretiosi, si longæ manicae et amplius caputium, si opertorium silvestre et molle stamineum (59), sanctum faciunt; quid moror et ego quod te non sequor? Sed hæc infirmantium sunt fomenta, non arma pugnantium. Ecce enim qui mollioribus vestiuntur, in domibus regum sunt (Matth. xi, 8). Vinum et similia, mulsum et pingua corpori militant, non spiritui. Frituris non anima saginatur, sed caro. Multi in Ægypto fratres, multo tempore Deo sine piscibus sertierunt (60). Piper, gingiber, cuminum, salvia, et mille huiusmodi species salsamentorum, palatum quidem delectant, sed libidinem accendunt. Et tu mihi in his securitatem pones? tu cum huiusmodi tutam duces adolescentiam? Prudentem sobriæque conversanti satis est ad omne condimentum sal cum fame; quæ sola non expectata, necesse est alias atque alias de nescio quibus succis extraneis confici permissiones, quæ videlicet palatum reparent, gulam provocent, excitent appetitum.

12. Sed quid faciet, inquis; qui aliud non potest? Bene. Scio quia delicatus es, et quod his assuetus modo, duriora non possis. Sed quid, si potes facere ut possis? Queris quomodo? Surge, præcingere, tolle otium, exere vires, move brachia, complosas explica manus, exercitare in aliquo; et statim senties sola te appetere quæ famem tollant, non fauces demulceant. Reddet quippe sapes rebus exercitium, quos tulit inertia. Multa quæ respis otiosus, post laborem sumes cum desiderio. Siquidem otium parit fastidium; exercitium famem; fames autem

(59) Hic notat Bernardus vestium genera, quæ Cistercienses abiecerant, tanquam Regula contraria, cum in usu essent apud Cluniacenses. Quippe illi rejecerant « froceos, pelliceas, stamineas, caputia quoque et femoralia, pectinia et coopertoria lectorum » ut legitur in parvo Exordio Cisterciensi. Hinc in libro Institutum « cuculle deforis floccate » rejiciuntur, cap. 15. Cluniacensibus apud Bernardum Cluniacensem, in codice manuscripto Consuetudinum Cluniacensium, cap. 30, inter alia conceduntur ad amictum « duo frocci et duæ cuculle, stamineæ duæ, tria pellicia; » et ad lectum « capitale, coopertorium, supercoopertorium, lodex, et stragula. » Frocci a cucullis differant materia et forma: quod cuculle absque ullis, aut certe cum strictis manicis et angusto caputio; frocci amplius et manicis et caputiis, et quidem ex pretioso panno, quem froccum seu floccum (unde inditum froccis nomen) appellabant. Cucullis hæsit vetus flocci nomen vulgare apud nostros; Cisterciensibus cuculla vocabulum, vulgo coulle, ob innatum odium froccorum. Coopertorium silvestre sancto Bernardo est primum stragulum ex pellibus animalium ferarumve silvestrium. Cattinum redarguit Apologia ad Guillelmum, n. 24, Bernardus Cluniacensis jam dicto loco: « Coopertoria, quæ non licet esse discooperita, aut agnini sive putini, seu leporini generis, et nunquam de ullo genere majoris pretii. » Confer Vitæ librum iv, n. 36.

(60) Hæc patet, Cisterciensibus pisces in usu tunc non fuisse (nisi rarius, et in itinere, ut ex

A miro modo dulcia reddit, quæ fastidium facit insipida. Olus, fæsa, pultes, panisque cibariorum (60) cum aqua, quiescenti quidem fastidio sunt, sed exercitatio magnæ videntur deliciae. Jam forte tunicis dissuetus (61) exhorres nimium eas; tam propter hiemis frigus, quam propter ætatis ardorem: sed 7 nunquid legisti, Qui timet pruina, veniet super eum nix? (Job vi, 16.) Vigiliis times et jejunia, manuumque laborem: sed hæc levia sunt meditant! flammæ perpetuas. Recordatio deinde tenerrarum exteriorum facit non horrere solitudinem. Si futuram cogitas de verbis otiosæ discussionem (Matth. xii, 36), non valde displicebit silentium. Fletus æternus et stridor ille dentium, ante cordis oculos reductus, pares tibi reddet matrem et culcitram. Denique si totum de nocte, quod Regula præcipit (Reg. S. Benedicti, cap. 9 sqq.), bene ad psalmos vigilaveris; nimis durus erit lectus, in quo quiete non dormias. Si tantum in die, quantum professus es, manibus laboraveris; durus erit cibus quem libenter non comedas.

13. Surge, miles Christi, surge, excutere de pulvere, revertere ad prælium unde fugisti, fortius post fugam præliaturus; gloriosius triumphaturus. Habet quidem Christus multos milites qui fortissime ceperunt, steterunt, vicerunt: paucos autem qui de fuga conversi, rursus se periculo ingesserint quod declinaverant; rursus fugarint hostes quos fugiebant. Et quia omne rarum pretiosum; gaudeo te de illis posse esse, qui quanto rariores, tanto apparebunt gloriosiores. Alias autem si multum timidus es, cur vel times ubi non est timor, non autem times ubi magis est timendum? An quia fugisti ex acie, putas te manus hostium evasisse? Libentius te insequitur adversarius fugientem, quam sustineat repugnantem;

Vitæ libro vii, cap. 20); imo neque ova, neque vinum, ex numero sequenti. De ovis id colligitur ex epistola Fastredi abbatis, edita hic post Bernardinas, ubi Novitius inter extremi morbi nauseam, « ovi cocti desiderio affectus, » abstinentiam ad finem usque servavit. Ibidem « herba sine oleo et abdomine coctæ » dicuntur: et Bernardus ipse « pultes ex farina » confectas, « addito oleo et melle, » non butyro, « cum scrupulo » comedit ad stomachum calefaciendum. Hanc epistolam perlego cum sequente epistola Petri de Roya, in qua Clara-Vallenses cerevisia, ejusque loco aqua simplici usos legimus, « raro vino, » et quidem « misto aqua plurima, » quali ob infirmitates vix ex obedientia utebatur Humbertus, de quo Bernardus in Sermonibus de Sanctis, n. 4; item Bernardus ipse ex libro primo de ejus Vita, n. 46: vide sermonem 30 in Cantica. De vinea Clara-Vallensi maledicta, vide Joannem Eremitam in libro secundo de Vita Bernardi, n. 10.

(60) Quali pane uterentur eo tempore Clara-Vallenses, docet liber secundus de Vita S. Bernardi, n. 6; et Fastredi epistola mox laudata panem « ex avena » confectum habet.

(61) Nempe tunicas corpori adherentes gerebant Cistercienses absque intermedia interula, lanea seu staminea ex dictis: non tamen cilicium, ex libro primo de Vita Bernardi, n. 59. Vide præfationem in totum II.

et audacius insistit a tergo, quam resistat in faciem. **A** securus nunc projectis armis capis matutinos somnos, cum illa hora Christus resurrexerit: et ignoras quod exarmatos, et tu timidior, et hostibus minus timendus sis? Armatorum multitudo circumvallaverunt domum, et tu dormis? Jam ascendunt aggerem, jam dissipant sepe, jam irruunt per posticum. Tutiusne est ergo tibi ut te inveniant solum, quam cum aliis; nudum in lectulo, quam armatum in campo? Expergiscere, sumo arma, et fuge ad comitiliones tuos, quos fugiens deserueras; ut qui te ab eis disunxerat, ipse te denuo timor jungat. Quid armorum refugis pondus et asperitatem, delicate miles? Adversarius instans et circumvolantia spicula facient clypeum non esse oneri, lorica non sentiri vel galeam. Et quidem subito procedenti de umbra ad solem, de otio ad laborem, grave cernitur omne quod incipit; sed postquam ab his dissuescere, et ad illa se paulisper assuescere coeperit, usus tollit difficultatem, invenitque facile esse quod impossibile ante putavit. Solent etiam fortissimi milites audita buccina ante congressum trepidare; at ubi ad praelium ventum fuerit, spes victoriae, et timor ne vincantur, reddit intrepidos. Quid vero tu trepidas, quem fratrum unanimitas armatorum circummuniet, cui Angeli assistent a latere, quem dux belli Christus praebit, suos animans ad victoriam, et dicens: *Confidite, ego vici mundum?* (Joan. xvi, 33.) Si Christus pro nobis, quis contra nos? (Rom. viii, 34.) Securus potes pugnare, ubi securus es de victoria. O vere tuta cum Christo, et pro Christo pugna! in qua nec vulneratus, nec prostratus, nec conculcatus, nec millies (si fieri possit) occisus, fraudaberis a victoria, tantum ne fugias. Sola causa, qua perdere possis victoriam, fuga est. Fugiendo potes illam amittere, moriendo non potes: et beatus si pugnando moriaris, quia mortuus, mox coronaberis. Vae autem tibi, si declinando pugnam, perdis et victoriam simul et coronam! Quod ipse avertat a te, fili dilectissime, qui in iudicio de his meis litteris majorem tibi habet inferre damnationem, si nullam ex eis in te reperit emendationem.

## § EPISTOLA II (62).

AD FULCONEM PUERUM QUI POSTEA FUIT LINGONENSIS  
ARCHIDIACONUS (63).

*Fulconem canonicum regularem, quem avunculus blanditiis et promissis ad saeculum retraxerat, gravior et serio monet, ut potius Deo quam avunculo obediat et adhaereat.*

Bonae indolis adolescenti Fulconi, frater Bernardus peccator, inde letari in adolescentia, unde in senectute non poenitet.

1. Non miror si mireris, sed miror si non mireris, unde mihi ut ad te scribere vellem, civem rusticus, scholasticum (64) monachus, cum nulla hinc tibi occasio necessaria occurrat, nulla se ratio patens

**A** ostendat. At si attenderis quod scriptum legis, *Sapientibus et insipientibus debitor sum* (Rom. i 14); et illud, *Charitas non querit quae sua sunt* (I Cor. xiii, 5): forsitan intelliges quid illa jusserit, non esse praesumptum. Charitas enim ad te oburgandum me compulsi, quae tibi condolet, quamvis non dolenti; quae tibi miseretur, licet non miserabili. Et inde magis dolet, quod cum sis dolendus, non doles: et inde magis miseretur, quod cum miser sis, miserabilis non es. Nec frustra forsitan tibi compatiatur, dummodo patienter tu audias unde compatiatur. Vult te tuum sentire dolorem, ut jam non habeas unde dolere: vult te tuam scire miseriam, ut incipias miser non esse. O bona mater charitas, quae sive foveat infirmos, sive exerceat proVectos, sive arguat inquietos; diversis diversa exhibens, sicut filios diligit universos! Cum te arguit, mitis est; cum blanditur simplex est. Pie solet seivere, sine dolo mulcere: patienter novit irasci, humiliter indignari. Ipsa est quae hominum mater et Angelorum, non solum quae in terris, sed etiam quae in caelo sunt, pacificavit. Ipsa est quae Deum homini placans, hominem Deo reconciliavit. Ipsa est, mi Fulco, quae fratres illos, cum quibus olim dulces capiebas cibos, habitare facit unius moris in domo (Psalm. lxxvii, 7). Haec talis tamque honorabilis mater a te se queritur offensam, expostulat lasam. Lasa tamen non provocat: sed spreta te revocat, ostendens tibi in te de se veraciter scriptum esse, *Charitas patiens est, benigna est* (I Cor. xiii, 4). Licet lasa, licet offensa, si conversus fueris ad illam, obviabit tibi quasi mater honorificata. Contemptus oblita sui, ruet in amplexum tui; gaudens quem perdiderat, esse inventum; qui mortuus fuerat, vivum (Luc. xv, 32).

**B** 2. Sed in quo, inquis, lesi? in quo contempsi? Audi. In eo, procul dubio, quod te quem sinu suo lacte nutriendum materno suscepit, ante tempus ablactasti; quod expertam lactis dulcedinem, in quo posses crescere in salutem, tam leviter, tam celeriter exussillasti. O puer insensate! o puer magis sensu quam aetate! quis te fascinavit a bene incepto itinere tam cito discedere? Avunculus, inquis. Sic Adam quondam uxorem, uxor serpentem ad excusandas excusationes in peccatis (Psalm. cxl, 4), praetendebant, utique tamen suae culpae dignam exceptit sententiam (Gen. iii, 16). Nolo decanum accusare, nolo te per illum excusare: inexcusabilis enim es. Illius culpa tuam non excusat. Quidnam ille fecit? Nunquid te rapuit? nunquid vim intulit? Rogavit, non ligavit; blandiendo attraxit, non violenter traxit. Quis te cogebat credere blandienti, assentire attrahenti? Ille sua nondum reliquerat; quid mirum si te qui suus eras, requirebat? Si agnum de grege, vitulum de armento cum perdit, requirit, et nemo causatur; te quoque, qui multis ovibus vel vitulis apud eum plures es, ad-

in saeculo remansisse.

(64) Scholarem puerum, infra n. 8, id est adolescentem.

(62) Scripta circa annum 1120.

(63) Sic titulus in manuscriptis; ex quo patet Fulconem Bernardi monitis non obtinuisse, sed

ptum si repetit, quis inde miretur? Siquidem non A pit. Quid plura? veterem hominem exiit, et novum induit; quodque solo nomine exstiterat, moribus et vita canonicum proficitur. Fama volat, bonus odor Christo; rei novitas circumquaque diffusa pervenit ad aures avunculi.

Si quis abstulerit tua, ne repetas (Luc. vi, 50). Repetebat ergo suum, qui sua adhuc tenebat. At tu qui jam sæculum spreveras, sæcularem sequi debebas? Fugit ovis tremebunda, veniente 9 lupo; abscondit se columba tremens, accipitre viso; de cavernula sua mus esuriens exire non audet, ambiente cato: et tu cum videbas furem, currebas cum eo? (Psal. xlix, 18.) Nam quid aliud quam furem dixerim, qui pretiosam Christi margaritam, id est animam tuam, furari non dubitaverit?

3. Volebam, si possem, illius errorem dissimulare, ne odium et nullum fructum consequerer ex veritate. Sed non potui, fateor, intactum transire, quem usque ad hanc diem comperi Spiritui sancto pro viribus restitisse. Nam qui manum non retinet a malo quo [al. quod], potest, licet quandoque frustretur effectus, non minus culpatur affectus. In me certe fervorem novitum extinguere voluit; sed, Deo gratias, non valuit. Alteri quoque nepoti suo Guirrico, cognato tuo, multum restitit: sed quid nocuit? Imo plurimum præstitit. Destitit invitus tandem senex avunculus a persecutione; exstitit invictus puer nepos, gloriosior de tentatione. Sed heu! quomodo te vicit, qui illum vincere non potuit? Aut quomodo qui te vicit, ab illo superatus est? Nunquid te fortior ille? nunquid prudentior? Certe qui antea utrumque noverant, Guirrico Fulconem præferebant. At postquam ventum est ad bellum, exitus indicavit hominum errasse iudicium. Ibi, pro pudor! fugit qui præferebatur, ubi fortiter vicit qui inferior credebatur.

4. Sed quid de avunculi dicam malitia, qui a Christi militia retrahit nepotes suos, ut secum trahat ad inferos? Itane solet beare amicos? Quos Christus vocat secum in æternum mansuros, avunculus revocat secum in æternum arsueros. Miror si jam Christus ei non irascatur, et dicat: *Quoties volui congregare nepotes tuos, quemadmodum gallina congregat pullos suos sub alas, et nolui? Ecce relinquetur tibi domus tua deserta* (Matth. xxiii, 37). Christus dicit, *Sinite parvulos venire ad me; talium enim est regnum celorum* (Matth. xix, 14): avunculus ait, *Sinite nepotes meos ut ardeant mecum*. Christus dicit, *Mei sunt, mihi debent servire*: Sed oportet, inquit avunculus, eos mecum perire. Christus dicit: *Mei sunt, ego illos redemi*: Sed ego, inquit avunculus, eos nutriti. Tu quidem, ait Christus, illos nutriti, sed pane meo, non tuo; ego vero redemi non sanguine tuo, sed meo. Sic carnalis avunculus contra Patrem spirituum pro nepotibus certat, quos dum bonis cupit onerare terrenis, cœlestibus exheredat. Christus tamen non rapinam arbitratus, si suos quos fecit et redemit sanguine proprio, ad se venientes collegerit, juxta quod ante promiserat, *Et eum qui venit ad me, non ejiciam foras* (Joan. vi, 37), Fulconi primo pulsanti letus aperuit, letis amplexibus letum ex-

5. Quid ergo faceret carnalis nutritus, qui carnis, quam nutrierat, quam carnaliter amabat, solatium perdebat? Etsi aliis fuit res illa odor vitæ ad vitam (II Cor. ii, 16), sed non illi. Quare? Quia animalis homo non percipit ea quæ sunt spiritus Dei. Stultitia enim illi videtur (I Cor. ii, 14). Nam si spiritum Christi haberet, non tam de carne doleret, quam gauderet de spiritu. Sed quia terrena, non quæ sursum sunt, sapiebat, turbatus et tristis tale aliquid secumolvebat: Quid audio? vix mihi! a quanta spe cecidi! Sed quid? debetne stare quidquid absque meo consilio, absque mea licentia fecerit? Quod jus, quæ lex, quæ justitia, quæ ratio, ut quem ex utero nutriendum suscepit, alius fruatur adulto? Jam caput aspersum canis, heu! vitæ meæ reliquum expendam cum morore, quia me deseruit baculus senectutis meæ. Heu mihi! si hac nocte expetitur a me anima mea, quæ paravi, ejus erunt? (Luc. xii, 20.) Promptuaria mea plena, erectantia ex hoc in illud: oves meæ fetosæ, abundantes in egressibus suis; boves meæ crassæ cui remanebunt? (Psal. cxlvi, 15.) Prædia, prata, domus, argentea vasa et aurea, 10 cui congregata sunt? Ditiores quosque ac quæstuosiores ecclesiæ meæ honores acquisieram mihi; reliquos, etsi non licebat habere, spe tamen in Fulcone tenebam. Quid igitur faciam? Propter illum unum tot et tanta perdam? Nam quidquid sine illo possederim, amisisse me iudico. Quin potius et ista retinebo, et illum revocabo si potero. Sed quomodo? Factum est, auditum est. Quod factum est, non potest non fieri: quod auditum est, celatum esse non poterit. Fulco canonicus est regularis; si revertitur ad sæculum, notabilis erit et infamis. Sed tolerabilis est hoc audire de illo, quam vivere sine illo. Cedat ergo nunc honestas utilitati; pudor necessitati. Malo non parcere verecundiæ pueri, quam miserabili subiacere tristitiæ.

6. Acquiescens itaque consilio carnis, rationis obliis et legis, tanquam leo paratus ad prædam (Psal. xvi, 12), et sicut leæna raptu catulo rapiens et rugiens, sacra non veritus, sanctorum irrupit habitaculum, in quo tirunculum suum Christus absconderat a contradictione linguarum, postmodum admisturus consortio Angelorum. Quærit ac flagitat reddi sibi nepotem suum; queritur et clamat injuste se ab illo relictum, Christo reclamante et dicente: Quid agis, miser? quid furis? quid me persequeris? Non sufficit tibi, quod tuam, tuoque exemplo multorum mihi animas tuleris, si non etiam hunc ausu sacrilego rapias de manu mea? Non times tu futurum iudicium? an contemnīs terrorem meum? Cui hoc facis? cui bellum indicis? Terribili utique, et ei qui aufert spiritum principum (Psal. lxxxv, 15).



Iusane, redi ad cor tuum; memorare novissima tua. A et non peccabis (*Eccli. vii, 40*): memorare quæ tua substantia, et utiliter timebis. Et tu puer, inquit, si assenseris, si acquieveris, morte morieris (65). Memento uxoris Lot de Sodoma quidem ereptæ, quia Deo credidit; sed in via mutata, quia retro aspexit (*Gen. xix, 26*). Disce in Evāgelio quod non liceat retro aspicere ei, qui semel manum ad aratrum misit (*Luc. ix, 62*). Avunculus tuus quærit animam tuam, qui jam perdidit suam. Verba oris ejus, iniquitas et dolus. Noli intelligere, fili mi, ut male agas (*Psal. xxxv, 4*); noli intendere in vanitates et insanias falsas (*Psal. xxxix, 5*). Ecce in via qua ambules, abscondit laqueos, tendit retia. Molliti sunt sermones ejus super oleum, et ipsi sunt jacula (*Psal. lrv, 22*). Vide, fili mi, ne capiaris a labiis iniquis, et a lingua dolosa. Configat carnes tuas divinus timor, ne te decipiat carnalis amor. Blanditur, sed sub lingua ejus labor et dolor; lacrymatur, sed insidiatur; insidiatur ut rapiat pauperem, rapere pauperem dum attrahit eum (*Psal. x, 7, 9*). Cave, inquam, fili mi, i.e. acquiescas carni et sanguini (*Galat. i, 16*); nam gladius meus devorabit carnes (*Deut. xxxii, 42*). Sperne blandimenta, contemne promissiones. Promittit magna, sed ego majora; offert plura, sed ego plurima. Dimittes ergo pro terrenis cœlestia, pro temporalibus æterna? Alioquin oportet te solvere vota tua, quæ distinxerunt labia tua. Juste exigitur ad spoliandum, qui non cogitur ad vovendum: nam etsi eum pulsasses, non repuli; tamen ut intrares, non exampuli. Non licet ergo dimittere quod sponte promissisti: non est fas requirere quæ per te dimissisti. En utrumque vestrum præmoneo, utrique salubriter consulo. Tu, inquit ad avunculum, regularem ne reducas ad sæculum; quia si reducis, seducis quem apostatare facis. Tu, regularis, sæcularem ne sequaris; quia si illum sequeris, me persequeris, cui de te ipso injuriam facis. Tu si seduxeris animam pro qua mortuus sum, crucis meæ te constituis inimicum. Qui enim non colligit mecum, dispergit (*Matth. xii, 30*); quanto magis qui collectos dispergit? Tu vero si ei consentis, a me dissentis; quia qui non est mecum, contra me est (*Ibid.*). Quanto magis qui mecum fuit, si me deserit, contra me est? Tu si circumvenis parvulum qui ad me venit, seductor ac sacrilegus judicaberis: tu vero si quod ædificaveras, iterum destruis; prævaricatorem te constituis. Ambos vos necesse est neo judicio presentari, ambos assistere meo tribunali: alter de propria prævaricatione, **II** alter de alterius seductione judicabitur; et unde alteri in iniquitate sua morietur, inde morientis sanguis de manu alterius requiretur (*Ezech. iii, 18*). Hæc et his similia, utriusque teste conscientia, utrique, Christe, invisibiliter, sed terribiliter intonabas; his

(65) Solet Bernardus de salute eorum dubitare, qui ad religionem vocati, Deo vocanti non acquieverint; necdum qui ingressi, sed non professi, in sæcu-

lris sacris monitis amborum mentes pie terrendo pulsabas. Quis ad hæc non timeret, timendo recipisceret, nisi qui more aspidis surdæ et obturantis aures suas, vocem venefici incantantis sapienter, aut non audiret (*Psal. lvi, 5, 6*), aut se audire dissimularet?

7. Sed usquequo jam satis vel nimis longam pro-  
trahimus epistolam, dum inviti loquimur rem  
silentio dignam? Cur tantis circutionibus ad veri-  
tatem ambimus, dum pudenda revelare timemus?  
Dicam tamen, dicam cum pudore, quod multis  
cognitum, occultare etsi volo, non valeo. Sed  
quare cum pudore? Utquid me scribere pudeat,  
quod illos non puduit facere? Si pudeat audire quod  
impudenter egerunt; non pudeat emendare quod  
libenter non audiunt. Proh dolor! neutrum illorum  
revocare potuit, aut illum a seductione timor et ratio;  
aut hunc a prævaricatione pudor et confessio.  
Quid plura? verba præcipitationis concinnat lingua  
dolosa: concepit dolorem, et persuasit iniquitatem.  
Subvertit perversus conversum: revertitur canis ad  
vomitus (*II Petr. ii, 22*). Ecclesia vestra suum  
recepit alumnum, quem melius habebat amissum. Sic  
Lugdunum olim, studio similiter et industria sui decani,  
ejusdem decani nepotem, suum canonicum, quem  
bene perdidit, male recuperavit. Sicut ille Fulconem  
beato Augustino, sic Othbertum iste sancto Bene-  
dicto subripuit. O quam ordinatius ipse cum sancto  
sanctius efficeretur, quam cum perverso sanctus  
perverteretur! o quam pulchrius senem sæcularem  
puer religiosus ad se traheret, et sic vinceret uter-  
que, quam religiosus sæcularis se retraheret,  
in quo victus est uterque! O senem infelicem! o  
avunculum crudelem! qui jam decrepitu, statim  
moriurus, nepotis animam prius interfecit; quem  
ut peccatorum suorum haberet hæredem, a Christi  
sorte privavit! Sed qui sibi nequam est, cui bonus?  
(*Eccli. xiv, 5*). Maluit in suis facultatibus habere  
successorem, quam pro iniquitatibus intercessorem.

8. Sed quid ad me de decanis magistris nostris,  
qui principatum meruerunt in ecclesiis? Clavem  
scientiæ tenent, et primas cathedras in conventibus  
possident. Viderint ipsi qualiter subditos judicent,  
fugitivos revocent, revocatos, si ita voluerint,  
iterum effugent, dispersos colligant, collectos disper-  
gant: quid ad me? Fateor, aliquantulum in illos  
propter te, mi Fulco, modum nostræ parvitatatis  
excessi; dum tuam de illis cupio palliare verecun-  
diam, temperare culpam. Omitto ergo illos, ne non  
tam reprehensioni, quam reprehensori juste indig-  
nentur; nec tam de sua correctione cogitent,  
quam mihi de præsumptione calumnientur. Non  
Ecclesiæ principem, sed puerum scholarem objur-  
gare suscepti, qui nesciat indignari, non norit irasci.  
Nisi forte et tu sensu, non malitia parvulus, idip-

sum relinqueret. Confer epistolas 107 et 108. At Fulco  
religionem professus erat.

sum mihi calumniaris, et dicas: Imo quid mihi et ipsi? quid ad illum de peccato meo? Nunquid ego sum monachus? Et ad hoc, fateor, quod respondeam non habeo; nisi quod confusus sum tum de tua, quam in te credidi, ingenita mansuetudine, tum de Dei charitate, qua et in principio epistolæ excusasse me memini. Ejus zelo tantum tui erroris misertus, tantum tuæ miseriæ compassus sum, quatenus supra modum et morem meum de te non meo me intromiserim. Gravis lapsus tuus ac miserabilis casus provocavit me ut hoc præsumperim. Quem enim coetaneorum tuorum me vidisti arguere? cui vel brevissimas aliquando litteras direxisse? Non tamen quod omnes cæteros sanctos putaverim, aut nihil in eis reprehensione dignum invenerim.

9. Cur ergo, inquis, singulariter me reprehendis, cum et in aliis videas quod justius forsitan reprehendere possis? Ad quod ego: Propter singularitatem erroris tui, propter immanitatem peccati tui. Nam etsi **12** plerique alii perditæ vivunt, etsi inordinati et indisciplinati sunt; nondum tamen ordinem aut disciplinam professi sunt. Sunt quidem peccatores, sed non prævaricatores. Tu vero quantumlibet modeste et honeste vivas; si caste, si sobrie, si omnino religiose te habeas: Deo tamen minus accepta est tua religio, quam deturpat voti prævaricatio. Idcirco, charissime, ne te tuis coetaneis compares, a quibus professio te separat; nec respectu sæcularium de tua tibi forte paulo graviori continentia blandiaris, cum tibi Dominus dicat: *Utinam te calidum aut frigidum invenissem.* Hic ostenditur aperte, quia minus Deo tepidus places, quam si vel quales illi sunt, frigidus esses. Illos utique Deus patienter expectat de frigore quandoque ad calorem proficere, te vero indignans advertit de calore jam in teporem defecisse. Et quia tepidum te inveni, incipiam, inquit, *te evomere ex ore meo* (Apoc. iii, 15, 16). Et merito, quia tu ad tuum vomitum redisti, quia tu ejus gratiam evomisti.

10. Heu! quomodo Christum tam cito fastidis de quo scriptum est: *Mel et lac sub lingua ejus?* (Cant. iv, 11.) Miror, quod ad gustum cibi dulcissimi nausearis; si tamen gustasti quam dulcis est Dominus. Aut certe nondum gustasti, et nescis quid sapit Christus; ideoque non appetis inexpertum: aut si gustasti, et dulce non sapuit, sanum non habes palatum. Ipse quippe Dei est sapientia, quæ ait: *Qui comedit me, adhuc esuriat, et qui bibit me, adhuc sitiet* (Eccli. xxiv, 29). Sed quomodo potest esurire vel sitire Christum, plenus quotidie siliquis porcorum? Non potes bibere simul calicem Christi, et calicem dæmoniorum (I Cor. x, 20). Calix dæmoniorum superbia est, calix dæmoniorum detractio et invidia est, calix dæmoniorum crapula et ebrietas est; quæ cum impleverint vel mentem vel ventrem tuum, Christus in te non invenit locum. Non niteris quod dico. In domo avunculi tui non potes inebriari

**A** ab ubertate domus Dei. Cur, inquis? Quia domus deliciarum est. Quomodo ignis et aqua simul esse non possunt, sic spirituales et carnales deliciæ in eodem se non patiuntur. Ubi crapulam ructantis inter pocula senserit Christus, vina sua, dulciora super mel et favum, menti propinare non dignatur. Ubi curiosa ciborum diversitas, ubi divitis supellectilis discolor varietas oculos pariter pascit et ventrem, cælestis panis jejunam deserit mentem. Eia latere, juvenis, in adolescentia tua, ut decedente pariter cum ætate temporali lætitia, succedat quæ te absorbeat æterna tristitia. Sed absit hoc ab adolescentulo nostro, avertat hoc Deus a puero suo. Quin potius disperdat Dominus universa labia dolosa eorum qui tibi tale concilium donant, qui dicunt **B** tibi quotidie, Euge, euge; et querunt animam tuam. Hi sunt cum quibus habitas, quorum prava colloquia [*al. concilia*] adolescentis bonos mores corrumpunt.

11. Sed quamdiu jam non exis de medio eorum? Quid facis in urbe, qui claustrum elegeras? quid tibi cum sæculo, qui sæculum spreveras? Funes ceciderunt tibi in præclaris, et tu opibus inhias terrenis? Si vis habere simul et hæc et illa, breviter tibi respondebitur: *Memento, fili, quin recepisti bona in vita tua* (Luc. xvi, 25). *Recepisti* dixit; non, *Rapui*: ne etiam de hoc tibi frustra blandiaris, quod tuis contentus, aliena non rapias. Verumtamen quæ sunt illa tua? Beneficia Ecclesiæ? Recte. Quia surgis ad vigiliis, vadis ad missas, horis choram nocturnis diurnisque frequentas; bene facis. Sic Ecclesiæ præbendam gratis non accipis. Dignum est ut qui altario deservit, de altario vivat. Conceditur ergo tibi, ut si bene deservis, de altario vivas; non autem ut de altario luxurieris, ut de altario superbias, ut inde compares tibi frena aurea, sellas depictas, calcaria deargentata, varia griseaque pellicea a collo et manibus ornatu purpureo diversificata. Denique quidquid præter necessarium victum ac simplicem vestitum de altario retines, tuum non est; rapina est, sacrilegium est. Orabat quidem sapiens tantum victui suo tribui necessaria non superflua (Prov. xxx, 8). **13** *Habentes*, ait Apostolus, *victum et vestitum* (I Tim. iv, 8); non, *Victim et ornatum*. Et quidam alius sanctus: *Si dederit, inquit, mihi Dominus panem ad manducandum, et vestimentum quo operiar* (Gen. xxviii, 20). Nota, *quo operiar*. Sic ergo et nos contenti simus vestimentis quibus operiamur, non quibus lasciviamus, non quibus superbiamus, non quibus muliereculis vel simulari, vel placere studeamus. Sed hoc faciunt, inquis, cum quibus habito; si non facio quod cæteri, de singularitate notabor. Propterea, inquam, exi de medio eorum. ne aut in urbe notabiliter vivas, aut exemplo pereas aliorum.

**12.** Quid agis in urbe, delicate miles? Commilitones tui quos fugiens deseruisti, pugnant et vincunt; pulsant et inirant; cælum rapiunt et regnant.

et tu sedens super ambulatorem tuum, indutus purpura et bysso, circuis plateas, vicos perambulas? Hæc sunt pacis ornamenta, non belli munimenta. An dilecti, Pax et non est pax? (Ezech. xlii, 10.) Purpura non propulsat libidinem, non superbiam, non avaritiam repellit; et si qua sunt alia ignea inimici jacula, non exstinguit. Denique, quod magis metuis, febrem non prohibet, mortem non arceat. Ubi sunt arma bellica? ubi scutum fidei? ubi galea salutis? ubi patientiæ lorica? Quid trepidas? Plures sunt nobiscum, quam vis illis. Sumo arma, resume vires, dum adhuc prælium durat. Adsunt Angeli spectatores et protectores: adest ipse Dominus adiutor et susceptor, qui doceat manus tuas ad prælium, et digitos tuos ad bellum (Paul. cxliii, 4). Procelamus in adiutorium fratrum, ne si forte sine nobis pugnent, sine nobis vincant, sine nobis ingrediantur; novissime cum clausa fuerit janua, sero pulsantibus, nobis de intus respondeatur: Amen dico vobis, nescio vos (Matth. xiv, 42). Fac, quæso, te prius sciri, fac te prius videri: ne tunc nesciaris ad gloriam, sciaris autem ad poenam. Si te Christus agnoscit in bello, recognoscet in cælo; et sicut promissit, manifestabit tibi se ipsum (Joan. xiv, 21); si tamen, et tu poenitendo et respiciendo talem te exhibueris, ut cum fiducia dicere possis: Tunc cognoscam, sicut et cognitus sum (I Cor. xiii, 12). His interim admonitionibus verendum adolescentis animum pulsatum esse sufficiat. Jam enim nostris etiam precibus pro eo divina pulsanda est pietas; quæ si ad ictus nostrarum invectionum ejus mentem vel parum mollitam invenerit, confido de ipsa, quod citius nos de ipso lætificabit.

### EPISTOLA III (66).

AD CANONICOS REGULARES DE AILDICURTE.

Laudibus omnis se terreri magis, quam demulceri.

(66) Scripta anno Christi 1120.

(67) Hunc titulum sic restitimus ex codice Corbeiensis. Quinam sint isti canonici regulares, non liquet.

(68) Hic dictus de Campellis, mortuus anno 1121, Bernardi in primis amicus, in ejus Vita laudatus non semel. Ante episcopatum, abdicato docendi munere, secesserat ad monasterium Sancti-Victoris Parisiense, Hildebertus, Cenomannensis tunc episcopus, ei de hoc facto gratulatur epistola prima, quæ sine titulo in editis, in codice Sancti-Taurini Ebroicensis inscripta est: ad Willelmum de Campellis. Conon cardinalis et legatus in Mauriniacense prope Stampas cœnobium accessit anno 1120, et habens secum velut auxiliatorem magnum Willelmum Catalaunensem episcopum, qui sublimes scholas, id est theologicas, rexerat; et tunc zelum Dei habens, super omnes episcopos totius Gallie divinarum Scripturarum scientia fulgebat: ex Chronico Mauriniacensi. Unde redarguas eos qui ejus obitum reponunt anno 1119. Hugo Metellus in epistola 4, ad Iulocentium, occasione Abbatræ, qui Guillemi discipulus et adversarius fuerat: Mortuo, inquit, Anselmo Laudunensi et Guillemo Catalaunensi, ignis verbi Dei in terra defecit. De hoc Guillemo ita anonymus auctor apud Chesnium, in notis ad Abbatardum: Eodem tempore, inquit, magister Willelmus de Campellis, qui fuerat archidiaconus Parisiensis, vir admodum litteratus et religiosus, assumens habitum canonici regularis, cum aliquibus discipulis extra urbem Parisius, in loco ubi erat capella quædam S. Victoris martyris, cepit edificare monaste-

Deinde quosdam ex canonicis S. Augustini, a se susceptos non esse impediendos.

Clericorum qui sunt in loco qui dicitur Aildicurtis, Deo servientium, sancto conventui, magistro S. et discipulis, pusillus grex Claræ-Vallensis fratrum, et eorum qualicumque minister frater BERNARDUS, in spiritu ambulare, et spiritualiter omnia examinare (67).

Exhortatio illa in litteris vestris tam salubris, tam compendiosa, magna quidem scientiæ mira charitatis vestræ indicia, mirantibus nobis et congratulantibus præfert. Sed quod de laudibus nostris pro vestra devotione, quæ tamen non probastis, tam excellentia præmisistis; etsi ad humilitatis quoque formam (quantum ex vobis est) non mediocriter instruere nos potuit, conscientias tamen nostras multo inferius jacentes, quantum in nobis est, vehementer exterruit. Quis enim nostrum suam attendens conversationem, tanta de se et tam indebita, sine magno vel metu, vel periculo possit audire? De hujusmodi quippe alieno, seu etiam proprio se iudicio committere, securum non est. Qui enim judicat nos, Dominus est (id. iv, 4). Cæterum de fratribus, de quorum salute vestram nimirum charitatem sollicitam esse cognovimus, ut securos vos reddamus; noveritis multorum illustrium virorum, et maxime clarissimi viri Willelmi (68) Catalaunensis episcopi, hortatu et consilio ad nos declinasse, seque a nobis suscipi multis precibus ac supplicationibus impetrasse: ea videlicet intentione, ut ob teorem arctioris vitæ, ab institutionibus beati Augustini ad observantias sancti Benedicti Dei adiutorio sic transeant, ut tamen ab ejus magisterio qui unus est omnibus Magister in cælo et in terra (Matth. xxiii, 8), non discedant; illamque primam idem, quam apud vos,

rium clericorum, quod postea Ludovicus Grossus rex magnifice consummavit. Assumpto autem illo ad episcopatum Catalaunensem, anno scilicet 1115, ut habet Albericus in Chronico, venerabilis Gilduinus ejus discipulus primus abbas ibi factus est. Is ipse de Guillemo, qui sanctum Bernardum abbatem consecravit, libro primo Vitæ, cap. 7; eumque tam impense coluit, ut cum Sanctus in gravem infirmitatem incidisset, ejus curam suscepit: ibid. ubi plura de eo. Diem feliciter clausit, non quidem anno 1119, ut multi volunt, ejus ordinationem ad annum 1112 referentes; sed anno 1121, ut scribit idem qui supra Albericus, cui suffragantur vetera monumenta Ecclesiæ Catalaunensis et Acta episcoporum ejusdem Ecclesiæ apud Carolum Rapi-neum. De eo Roberius de Hoveden, Annalium parte prima, ad annum 1121, ita scribit: Willelmus de Campellis, Catalaunensis episcopus, octo diebus ante obitum suum, suscepto habitu monachico (nempe cum in lecto morti proximis decumberet, pro more illorum temporum) vita decessit decimo quinto Kalendas Februarii. Qua in re variat Necrologium Corboliense, in quo teste Joanne Picardo sic legitur: Octavo kalendas februarias anniversarium Willelmi Catalaunensis episcopi et nostri canonici. Sepultus est apud Claræ-Vallens, teste Rapineo, in sacello a se exstructo. Cæterum cum hæc epistola eo adhuc vivente scripta sit, sub annum 1121 reponenda est. Varia Guillemi de Campellis theologica scripta laudantur in Panchry-is codice manuscripto Cheminiacensi; Moralium epitome in Claræ-Vallensi



imo quam primum in Baptismo promiserunt, non irritam faciant, sed salvam integramque custodiant. Talibus itaque taliter susceptis, absit ut sinceritatem vestram, aut in suscipiendo lesam, aut in retinendo lædendam esse credamus: dum tamen illos, si forte infra annum probationis, qui regulariter constitutus est, coepit deserere, et ad vos redire velle contigerit invitos non detineamus. Alioquin, sanctissimi fratres, vestra non refert, ut spiritum libertatis qui in eis est, anathemate inconsulto frustra impedire nitamini: nisi forte (quod Deus avertat) quæ vestra, non quæ Jesu Christi sunt, querere studeatis.

#### EPISTOLA IV (69).

AD ARNOLDUM (70) ABBATEM MORIMUNDI.

*Arnoldum abbatem, tenere relicto monasterio peregrinantem, ad monasterii curam revocat, fratrum scandala et gregis pericula exponens.*

Domno abbati ARNOLDO, frater BERNARDUS de Clara-Valle, spiritum compunctionis et consilii.

1. Primo scire te volo, domnum Cisterciensem, necdum quando tuus nuntius ad nos venit, de Flandria, quo paulo ante per nos transierat, remeasse; et ob hoc nec litteras accepisse, quas ei jussisti presentari, et adhuc esse tantæ a te præsumptæ novitatis ignarum. Felix interim, cui tam tristes rumores, vel ad tempus liceat ignorare. Deinde quod de tui, desperando nos, revocatione interdixis, ne quod quasi inconcusse apud te fixum est, frustra tibi litteras dirigendo dissuadere conarer: in hoc tibi obedire fortasse quidem pro ratione non debui; revera autem præ dolore, fateor, non potui: cum etsi pro certo scirem, ubi te opportune invenissem, ipse potius venissem, quam has misissem, effecturus fortasse per me ipsum, quod nullis litteris possum. Rides forsitan meam hujusmodi tanquam casam fiduciam, utpote propriæ pertinaciæ conscius: ad quam utique flectendam, nullam vim, nullam precem, nullam speras prævalere industriam. At vero ego de illius potentia non diffidens qui dixit: *omnia suntabilia credenti* (Marc. ix, 22): fidenter usurpans et mihi illam sententiam, *Omnia possum in eo qui me confortat* (Philipp. iv, 13): quamvis in magna parte lapidei cordis tui obstinationem et ipse non ignorem, utinam nunc tamen,

A sive fructuose, sive frustra, tuo lateri adhererem.

Quanta quæ me movent adversum te, frustra nescio an fructuose, jacerem tibi in faciem; non solum verbis, sed et vultu et oculis. Tuis deinde provolutus vestigiis, tenerem pedes; amplecterer genua; totusque a collo pendens, illud mihi dulcissimum **15** caput deosculare, quod sub uno mecum proposito, suavi jugo Christi jam pluribus annis attritum est. Flerem quoque, quantum valerem, rogarem et obsecrarem per Dominum Jesum, quatenus parceres, primo quidem ejus cruci, qua utique redemit quos tu quantum in te est, perimis; collegit quos tu dispergis. Perimis, inquam, et dispergis, sive quos tecum ducis, sive quos hic deseris: quibus utique etsi diversum, non dispar tamen utrisque metui-mus periculum. Deinde etiam parceres et nobis amicis tuis: quibus licet immeritis, nonnisi sletum et lacrymas reliquisti. O si hoc mihi licuisset, flexissem forsitan affectione, quem ratione non possum: pectusque illud ferreum, quod nec Christi timore in hac re duntaxat cedere acquiescit, fraterna forte pietas emollisset. Sed heu! et hanc nobis copiam subtraxisti.

2. O magna nostri Ordinis columna! Patienter quæso, audi amicum vel absentem, tuæ penitus discessionis impatientem, tuo medullitus et labori, et periculo compatiens. O, inquam, magna nostri Ordinis columna! non metuis te ruente magnam mox procul dubio ruinam secuturam? At ego, inquires, non ruo: scio quod facio; bonam conscientiam habeo. Esto: credimus tibi de te. Sed nunquid de nobis, qui jam et gravia tuo exccessu gementes sustinemus scandala et graviora paventes expectamus pericula? An et tu quoque non ignoras ista, sed dissimulas? Qua ratione ergo multorum faciendæ ruinam, te ruere non præsumis: qui in hoc videlicet positus eras, ut non quod tibi est utile, sed magis quod aliis; nec quæ tua, sed quæ Jesu Christi sunt, querere debeas? Quomodo, inquam, securus abis, qui gregi tibi commisso omnem de se securitatem in perpetuum aufers? Quis occurrat lupis incursantibus? quis consolabitur in tribulationibus? quis providebit in tentationibus? quis denique leoni resistet rugienti, et querenti quem devoret? Pate-

D 4, 5), quibus alias addit (epistolam 6), ad Brunonem nobilem Coloniensem, qui postea Friderico successit, ut eos curaret revocari. Sed frustra: nam Arnoldus diem clausit extremum in Belgio, anno 1126, tertio nonas Januarii. Quo audito, Bernardus ex capituli generalis indicto errantes alios denuo persecutus est, scripta Adamo epistola (nempe epistola 7), excommunicationem intentans nisi resipiscerent. Quod quidem feliciter obtinuit, eumque Adamum scriptores esse vulgo suspicantur, qui primus monasterio Eberbacensi diocesis Herbipolensis in Franconia prælati sit anno 1127, qui quæ expeditionem sacram prædicaverit apud principes Germanos, ut refert Otto Frisingensis, de Gestis Friderici imperatoris, libro I, cap. 40, denique in sanctitatis existimatione diem ultimum clausurit. Plura de istis vide apud Manriquez, *Annalium* tomis I et II, præcipue ad annos 1115, 1125, 1127.

(69) Scripta circa annum 1127.

(70) Hic patria Coloniensis, genere nobilis, Friderici tunc præsulis Coloniensis germanus, magnæ spei juvenis, a Stephano Cistercii abbate primus præficitur Morimundo (hæc est quarta Cistercii filia), fundato anno 1115 in diocesi Lingonensi. Cui cum decennio præfuisset, tribus monasteriis excitatis, nempe Bella-Valle Bisuntinensi, Crista-Alba Lingonensi, et Veteri Campo Coloniensi, demum sæcularium vicinorum infestatione turbatus, et quorundam e suis inobedientia, ut testatur Bernardus, epistola 141, ad Humbertum, monasterium deseruit, nonnullis monachis secum abductis, inter quos quatuor præcipui, Adamus, Everardus, Henricus, Conradusque, cum interim Stephanus Cisterciensis in Flandria pro negotiis Ordinis sui detineretur, quod quidem contigisse affirmat Manriquez ad annum 1125. Interim Bernardus fugitivos revocare nititur litteris ad Arnoldum Adamumque seorsim datis (scilicet epistolam

bunt sine dubio morsibus malignantium, qui devorant plebem Christi sicut escam panis. Heu! quid fient novellæ plantationes Christi, quæ per manus tuas consite fuerant diversis in locis, et locis horrois, et vastæ solitudinis? Quis circumfodiet? quis impingnabit fimo? quis sepe circumdabit? quis succrescentes sollicitus erit rescindere surculos? Aut flante profecto tentationum vento, tenerrimæ adhuc, heu facile eradicabuntur: aut inter fruteta certe simul exorientia, cum non erit qui purget, suffocatæ nullum afferent fructum.

3. Quæ cum ita sint, judica tu quale hoc tuum bonum erit, aut si vel esse poterit bonum cum tantis malis. Quantumlibet dignos facturum te fructus penitentia confidas, nonne hujusmodi spinis necesse erit suffocari? Nonne denique si recte offers, et non recte dividis, peccas? (*Gen. iv, 7, sec. LXX.*) Quid enim? Rectene forte dividere esse dices, soli animæ tuæ consulere; et filios tuos quos orphanos relinquis, consilio paterno destituere? O miseros et miserabiles, et eo miserabiliores, quo vivo se conspiciunt orbari patre! Quanquam dubitare te quoque oportuerit, an vel tibi recte consulas, in eo videlicet, quod absque consilio fratrum et coabbatum tuorum, absque patris et magistri tui licentia, rem tam novam præsumis. Illud etiam multos permaxime movet, quod pueros imbecilles et delicatos juvenes tecum ducis. Alioquin si boni et robusti sunt, desolata domui fuerant necessarij: si delicati (ut dixi) et imbecilles, duræ ac laboriosæ peregrinationi non erunt idonei. Sed et regendis animabus eorum nequaquam te ultra credimus velle præesse: quippe ejus cognovimus esse propositum, pastorem abjicere sarcinam duntaxat tuorum, et soli deinceps vivere tibi. Valde enim incongruum esset, ut alibi præsumptuose non vocatus resumeres, quod alibi prohibitus inconsulte relinquis. Sed jam ne omnia scienti multa superfluo ingeram; in fine et in fide tibi polliceor, si opportunitatem loquendi tecum mihi dederis, daturum **16** ne operam, quatenus idipsum quod inordinate et periculose aggressus es, licite et ob hoc secure peragas. Vale.

#### EPISTOLA V (71).

AD ADAM MONACHUM.

*Dehortatur, ne Arnoldo abbati Morimundi adherent, nec se peregrinationis, aut potius vagationis ejus socium præbeat.*

1. Tua mihi satis comperta humilitas, et instantis periculi necessitas præbet mihi fiduciam conveniendi te acris, et arguendi liberius. O insensate! quis te fascinavit tam cito recedere ab illo saluberrimo consilio, in quo dudum tibi pariter et mihi, Deo solo teste, conventum est? Cogita, insipiens, vias tuas, et converte pedes tuos in testimonia Domini. Non recordaris, quod primo in Majori-Mona-

(71) Scripta anno Christi 1125.

(72) De Majori-Monasterio prope Turonos lege epistolam 397; de Fushiac, diœcesis Laudunensis, epistolam 72.

Asterio tuæ conversionis initia dedicasti; secundo apud Fusniacum (72), nostræ te qualicumque providentiæ commendasti; tertio in Morimundo stabilitatem tuam firmasti; quarto tecum rursus inito consilio, suggeste tibi ab abbate Arnolde peregrinationi, imo vagationi, ingenue abrenuntiasti; ipsius quoque tibi consortium, si non ipse licite posset abire, illicitum judicasti? Quid enim? Licite, dices, illum recedere, qui et sibi commissis lacrymabile scandalum reliquit, nec commissoris licentiam expectavit?

2. Sed quorsum, inquires, tendunt hæc, quæ sic retractare voluisti? Ut te manifeste levitatis arguam, ut Est et Non esse apud te evidenter ostendam: sicut errorem tuum jam tandem agnoscens et erubescens, vel sero discas ab apostolo, non omni spiritui credere (*Joan. iv, 1*); discas a Salomone multos quidem amicos, unum autem habere consiliarium de mille (*Eccli. vi, 6*); discas Præcursoris Domini exemplo, non solum mollibus non vestiri, sed nec in modum vento agitatæ arundinis (*Matth. xi, 9, 8*) circumferri omni vento doctrinæ; discas ex Evangelio domum tuam supra petram fundare (*Matth. vii, 24*); discas et cum discipulis serpentis non oblivisci prudentiam cum simplicitate columbæ (*Matth. x, 16*): et tam ex his, quam ex aliis atque aliis Scripturarum testimoniis hanc colligas summam, quantum tibi videlicet usque modo milleformis ille seductor illisit, qui cum in te boni initium non valuit præpedire, invidit perseverantiæ: hoc nimirum suæ posse sufficere malitiæ judicans, si hanc posset auferre tibi, quam solam virtutum noverat coronari. Obsecro te per viscera misericordiæ Christi, ut nullatenus abeas, aut vel non priusquam ad nos loco quidem opportuno venias loqui, si quod forte tantis malis, quæ jam nobis ex vestra discessione, aut venisse sentimus, aut ventura metuinus, queat remedium inveniri. Vale.

#### EPISTOLA VI (73).

AD BRUNONEM COLONIENSEM.

*Monachos quosdam abbatis Morimundi vagabundos opera Brunonis reduci cupit ad monasterium.*

Domino BRUNONI viro illustri (74), et dilecto suo, frater BERNARDUS abbas dictus de Clara-Valle, salu-

D tem, et si quid potest peccatoris oratio.

1. Ex quo dudum Remis nostri invicem utrique gratam cepimus notitiam, non puto vos nostræ penitus fuisse parvitatibus oblitum. Et ob hoc non timide tanquam ad extraneum, sed fidentissime scribo ad vos quæcumque volo, ut ad notum et familiarem nostrum. Arnoldus abbas Morimundensis, in grave totius nostri Ordinis scandalum, suum nuper monasterium satis inordinate deseruit: quippe qui nec coabbatum suorum in tam scrupuloso facto expectavit consilium; nec ipsius, cui præcipuum debebat

(73) Scripta anno Christi 1125.

(74) Is postea Coloniensis archiepiscopus, ad quem epistolæ 8, 9.

subjectionem, abbatis **17** scilicet Cisterciensis, licentiam vel assensum : sed cum esset homo sub potestate, habens et ipse sub se milites, potestatis impatiens superioris, alienum quidem jugum a propria cervice superbus abiecit, suum autem superbior in subjectis retinuit. Siquidem de magna multitudine monachorum, quos circueiens inire et aridam inaniter congregarat, non Christo, sed sibi; paucis admodum, hisque simplicioribus ac remissionibus relictis desolatis, meliores quosque et perfectiores sui socios erroris assumpsit. Inter quos, tres quorum nos maxime ablatione turbavit, ausus est etiam seducere, et secum ducere statuit; Evrardum videlicet fratrem nostrum [al., vestrum], et Adam quem bene nostis, nobilemque illum puerum Conradum, quem et pridem non sine scandalo tulerat de Colonia. Quos tamen, si operam dare volueritis, vestra confidimus posse revocari industria.

**2.** Nam de ipsius Arnoldi revocatione, quia jam in pluribus ejus inflexibilis animi obstinationem probavimus, incassum laborare vos nolumus. Audivimus autem Evrardum et Adam, et nonnullos ejusdem consorcii alios fratres, in vestris adhuc partibus demorari. Quod si verum est, oportet vos eos per vos interim, si dignamini, convenire, flectere precibus, ratione convincere, et columbinam eorum simplicitatem prudentia instruere serpentina; ne putent obedientiam inobedienti adhærere, ne licite sequi se posse confidant vagantem illicite, ne seducantur deserere professum Ordinem propter inordinatum hominem; cum ipsum quoque angelum de cœlo, si aliud eis evangelizaverit, dubitare non oporteat apostolica auctoritate anathema dicere (*Galat. i, 8*) (75) : et ab ipso doceantur Apostolo, se ab omni fratre inquiete ambulante debere subtrahere (*II Thess. iii, 6*). Qui vos quoque doceat, non superbe sapere, nec sperare in incerto glivitiarum (*I Tim. vi, 17*), donec omnibus abreuniantem, probatum sibi Christus vindicet discipulum. Valet.

#### EPISTOLA VII (76).

AD ADAM MONACHUM (77).

*Adamum ut ad monasterium vel nunc tandem abbate mortuo redeat, hortatur : ostendit, in tali causa nullum fuisse obedientiae vinculum. Demum respondet, cur aliorum Ordinum religiosos recipiat.*

**1.** Si maneres in charitate, quam in te olim aut novimus aut putavimus, charitatis profecto damna sentire, quæ utique sunt scandala pusillorum. Nec enim charitas charitatem offenderet aut contemneret, cum sentiret offensam. Nam se ipsam non potest negare, nec enim in se divisa est. Novit potius in se divisa conjungere : conjuncta dividere pœcit. Proinde, ut dixi, si maneret in te, non sileret, non quiesceret, non dissimularet, gemens et æstuans,

(75) Ita in scriptis omnibus, et recte ad sensum Apostoli, ipsum angelum dicere anathema, id est reprobatum.

(76) Scripta anno Christi 1126.

**A** et intra pium pectus tuum procul dubio submurmurans illud : *Quis scandalizatur, et ego non uror?* (*II Cor. ii, 29.*) Siquidem benigna est, pacem diligit, congaudet unitati. Sola quippe est quæ illam generat, colligat, solidat, et conservat ubicunque servari cognoscitur in vinculo pacis. Infensa ergo vobis hæc tam honorabili matre unitatis et pacis, quo pacto, queso, vestrum quodcumque sacrificium Deo fore acceptum præsumitis, cum absque illa nec martyrium quidem aliquid esse putet Apostolus? (*I Cor. xiii, 5.*) Aut qua ratione vobis forte infensam non esse confiditis [al. creditis], cujus castis visceribus, cujus charis pignoribus tam inhumane agendo non pepercistis nec parcitis, scindentes unitatem, rumpentes vinculum pacis? Ponendum est ergo munus quodcumque offerre paratis, et prius habentibus adversum vos, non fratri, sed fratrum multitudini reconciliandum. Ecce nimirum universæ fraternitatis unitas adversum vestram paucitatem, quodam veluti vestri discessus gladio sauciata conqueritur, **18** quasi quæ plangens miserabiliter dicat : *Filii matris meæ pugnaverunt contra me* (*Cantic. i, 5*). Et merito : qui enim non est cum illa, contra illam est. Putas sine gemitu tam justum filiæ gemitum pia possit mater charitas audire? Ideo et ipsa nostris lacrymis jungens suas, ait de vobis : *Filios enutriti et exaltati, ipsi autem spreverunt me* (*Isai. i, 2*). Charitas ipse Deus est. Pax nostra Christus, qui fecit utraque unum (*Ephes. ii, 14*). In trinitate unitas maxime commendatur. Cui ergo charitas, pax et unitas irata cognoscitur, quid habet in regno Christi et Dei?

**2.** Sed forsitan dicis : Abbas noster abduxit nos, et secum ire præcepit; num inobedientes esse debuimus? Scis quidem, nisi forte oblitus sis, quid quadam die, communicato necum jam conspirati scandali consilio, ac diligenter mutua collatione discusso, inter nos convenerit. In quo si permansisses, et de te illud non incongrue diceretur : *Beatus vir qui non abiit in concilio impiorum* (*Psal. i, 1*). Sed esto. Debuistis obedire filii patri, magistrum sequi discipuli. Licuerit certe abbati monachos suos ducere quo libuerit, et docere quod voluerit : sed quandiu vixit. Nunc vero mortuo illo, quem vel audire doctorem, vel sequi ducem cogimini, quo adhuc tam grave scandalum emendare cunctemini? Quis jam prohibet, non dico me, sed Deum nostrum per os Jeremiæ benigne vos revocantem audire? Ait enim : *Nunquid qui cecidit, non resurget? aut qui aversus est non revertetur?* (*Jerem. viii, 4.*) An et ille mortuus interdictus, ne vel post casum tenetis resurgere, post aversionem mutire audeatis de reversione? Itane etiam defuncto necesse est vos obedire, et obedire contra charitatem, obedire in vestra ipsorum salutis periculum? Sed arbitror quod nequaquam firmitus seu tenacius

(77) In codice regio inscribitur, *De discretione obedientiæ*. Hæc epistola scripta fuit post mortem Arnoldi abbatis, quæ in Belgio contigit anno 1126.



dices esse vinculum abbatum ad subditos, quam conjugum ad se ipsos, quorum quippe Deus copulam, et non homo, inviolabili ligavit sacramento, loquente Salvatore: *Quod Deus conjunxit, homo non separet* (Matth. xix, 6). Apostolo autem asserente, solutam esse mulierem a lege viri mortuo illo (Rom. vii, 2); tu te abbatibus existimas defuncti lege teneri, et hoc contra legem quæ sanctior est, legem videlicet charitatis?

3. Et hæc dixi, non quod putem vos vel viventem in hoc paruisse debere, aut vel dicendam esse obedientiam sic paruisse. Alioquin generalis de hujusmodi illa sententia est: *Declinantes autem in obligationes adducet Dominus cum operantibus iniquitatem* (Psal. cxxiv, 5). At ne forte quis abbatum etiam in malo obedientiam ab hoc maledictoliberam esse contendat, audi alibi apertius: *Filius non portabit iniquitatem patris, et pater non portabit iniquitatem filii* (Ezech. xviii, 20). Ex his ergo liquido apparet, mala imperantibus non esse parendum, præsertim dum pravis obtemperans imperiis, in quo homini videris obediens, Deo plane, qui omne quod perperam agitur interdixit, inobedientem te exhibes. Valde autem perversum est profiteri te obedientem, in quo nosceris superiorem propter inferiorem, id est divinam propter humanam, solvere obedientiam. Quid enim? quod jubet homo, prohibet Deus; et ego audiam hominem surdus Deo? Non sic Apostoli. Clamant quippe dicentes: *Melius est obedire Deo, quam hominibus* (Act. v, 29). Illic Dominus in Evangelio Phariseos increpans: *Quare et vos, inquit, transgredimini mandatum Dei propter traditiones vestras?* (Matth. xv, 3.) Et per Isaiam: *Sine causa autem, ait, colunt me, mandata et doctrinæ hominum tenentes* (Isai. xxix, 13). Et item ad Protoplastum: *Pro eo quod obedisti voci uxoris tuæ plus quam meæ, maledicta terra in opere tuo* (Gen. iii, 17). Igitur facere malum, quolibet etiam jubente, constat non esse obedientiam, sed potius inobedientiam.

4. Sane hoc advertendum, quod quædam sunt pura bona: quædam pura mala, et in his nullam deheri hominibus obedientiam: quoniam nec illa omittenda sunt, etiam cum prohibentur; nec ista, vel cum jubentur, committenda. Porro inter hæc sunt media quædam, quæ pro modo, loco, tempore vel persona, et mala possunt esse, et bona: et in his lex posita est **19** obedientiæ, tanquam in ligno scientiæ boni et mali, quod erat in medio paradisi. In his profecto fas non est nostrum sensum sententiæ præscribere magistrorum: in his omnino prælatorum nec jussio, nec prohibitio contemnenda. Videamus ne forte tale fuerit quod arguimus in vobis; et ob hoc forsitan argui non debuerit. Quod evidentiùs elucebit, si præmissæ divisionis exempla subjecero. Fides, spes, caritas, et cætera hujusmodi, pura sunt bona: quæ quia male non possunt vel juberi vel teneri, bene non possunt vel prohiberi vel non teneri. Pura mala sunt furum, sacrilegium, adulterium, et cætera talia, quæ utique nec vel bene

A præcipi vel perfici possunt, nec male prohiberi vel non fieri. Adversus hujusmodi non est lex. Nullius quippe prohibitio valet obviare præceptis: nullius jussio præjudicare prohibitis. Sunt deinde media, quæ quidem per se nec bona esse noscuntur, nec mala: possunt tamen indifferenter et bene pariter et male vel prohiberi, vel juberi, sed male nullatenus in his a subditis obediri. Ex his sunt, ut exempli gratia ponam, jejunare, vigilare, legere, et quæque talia. Sciendum vero quia media quædam in purorum plerumque honorum seu malorum trans-eunt rationem. Nam conjugium cum et fieri liceat, et non fieri, factum jam solvi non licet. Quod ergo ante nuptias medium esse liquebat, in jam conjugatis puri boni vim obtinet. Item propria possidere, sæculari quidem homini medium est, quoniam et non possidere licet: monacho vero quia possidere non licet, purum malum est.

B 5. Videsne jam, frater, vestrum factum cui potissimum membro divisionis conveniat? Si puris aptandum bonis, probabile est: si puris malis deputandum, vituperabile est: sin vero collocandum inter media: via quidem excusari forsitan potest propter obedientiam, mora vero penitus non potest, quæ non sit per obedientiam. Nam mortuo jam abbati, si quid ante jussit quod non debuit, nequaquam esse parendum, superior patefecit disputatio. Et si res per se jam satis elucescat, tamen propter quosdam qui quærent occasionem, ubi ratio non suppeditat, clarum faciam breviter, et ita clarum ut omnis dubietatis umbra dispareat; quod nec purum, nec medium bonum, sed plane purum fuerit malum sic obedisse, sic vestrum monasterium reliquisse. Et quidem taceo de mortuo, qui suum et solum jam judicem habet Deum, et vere nunc suo domino aut stat aut cadit: ne forte indignans, et merito indignans dicat Deus: Tulerunt omnes a me iudicium. Tamen ad correctionem viventium, non quidem quod gessit, sed quod jussit discutio; utrum videlicet illa jussio vim habere debuerit, quatenus in scandalum multorum ei fuerit obsequendum. Et præmittendum, quod si qui simpliciter, nihilque suspicantes mali, male licet proficiscentem secuti sunt, putantes eum episcopi Lingonensis et abbatibus Cisterciensis (nam utrique debitor erat) licentia proficisci (quod utique nonnullos de illo comitatu sic credidisse incredibile non est); nostra hæc illos non tangit reprehensio, dummodo ubi compererint, sine mora regrediantur.

D 6. Igitur adversus illos tantum, imo pro illis sermo est nobis, qui scientes et prudentes miserunt manus in ignem, qui consilii præsumptionis secuti sunt præsumptorem; non audientes Apostolum prohibentem et denuntiantem, ut se ab omni fratre ambulante inordinate subtraherent (*II Thess. iii, 6*); contemnentes et ipsius Domini vocem dicentis: *Qui non colligit mecum, dispergit* (Matth. xii, 30). Vos, fratres, vos, inquam, aperte et specialiter notat illud apud Jeremiam, quod cum dolore quidem re-

beri vel  
Nullius  
nullius  
media,  
ur, nec  
pariter  
nullate-  
exem-  
et quæ-  
dam in  
trans-  
liceat,  
d ergo  
conju-  
videre,  
am et  
sidere

potis-  
pran-  
utan-  
inter  
opter  
quæ  
ti, si  
esse  
i res  
dam  
lita,  
du-  
me-  
sie  
Et  
jam  
aut  
audi-  
um.  
tem  
de-  
in  
rac-  
pi-  
nt,  
as-  
offi-  
fic  
on  
ne

er-  
nt  
ti  
o-  
re  
ui  
e,  
nt

miniscor, opprobrium. *Hæc est, inquit, gens quæ non audit vocem Dei sui (Jerem. vii, 28).* Dei enim proprie vox est ista, hostem suum proprio designantia ex officio, et tanquam digito demonstrantis, ut simplices ab ejus impio deterreat consecratu: *Qui non est, inquit, mecum, dispergit*: ac si dicat, In hoc te jam mecum non esse intelligas, si sequeris dispersorem. Deo ergo clamante, **20** *Qui non colligit mecum, dispergit*; sequi vos oportuit dispersorem? Deo, inquam, vos invitante ad colligendum, homini potius ad dispergendum obsequi debebatis? Magistros contemnebat, subditos exposebat, socios conturbabat; et vos videntes furem currebatis cum eo! Silere de mortuo statueram: sed compulsus sum, fa-teor, aliquantulum prætergredi, dum non potuit improbari obeditio, si non reproba monstraretur et jussio. Porro jussio et actio hominis cum diversa non fuerint, impossibile visum est unam sine altera vel approbari, vel respui. Liqueat tamen hujusmodi jussioni non fuisse obtemperandum, Deo quippe imperante contraria. Item majorem institutis, minorum non esse præponenda, aut communibus privata non præjudicare imperia quis dubitat? Nam ex Regula sancti Benedicti (*Jerem. lxxi*) hoc habemus.

7. Possem quidem abbatem Cisterciensem ad medium deducere, qui utique superior illo quantum pater filio, quantum magister discipulo, quantum denique abbas commissio sibi monacho, merito se a vobis propter ipsum queritur fuisse contemptum. Possem et episcopum, cujus nihilominus quia non fuit expectatus consensus, inexcusabilis est et contemptus, cum ad ipsos et de ipsis Dominus dicat: *Qui vos spernit, me spernit (Luc. x, 16)*. Sed quoniam his posset ambo-bus opponi et anteponi Romani pontificis tanquam gravior auctoritas; cujus quippe vos aiunt præmuntius fuisse licentia (quæ et ipsa licentia suo quidem loco erit discutienda (*Infra*, n. 9); talis potius proferatur, cujus omnino fas non sit auctoritati contradicere. Certe summus ille Pontifex qui per sanguinem proprium solus et semel introivit in sancta, æterna redemptione inventa (*Hebr. ix, 12*) terrificæ voce denuntiat in Evangelio, ne quis unum de pusillis ejus audeat scandalizare (*Matth. xviii, 6*). Vobis autem unius donetur scandalum, si non ultra processit malum. Facilis sequetur venia culpam, ex qua grave damnum non oritur. Nunc vero quod dubium non est, pluribus scandalizatis, quis aperte non videat quam inhumane humanam jussionem divinæ præ-tuleritis? Quod quidem audere, quis nisi amens dicere audeat bonum esse aut bonum fieri posse, quantalibet dignitatis homine præcipiente? Quod autem nec bonum est, nec bene fieri potest, purum procul dubio malum est. Unde consequenter advertitur, quod iter vestrum in multorum usurpatum scandalum, ac per hoc et contra Dei mandatum, non purum bonum aut medium, sed purum omnino fuerit malum: quoniam quidem et purum bonum semper bonum est, et medium bene fieri potest.

8. Quomodo ergo vel abbatis jussio, vel Papæ permissio licitum facere valuit, quod purum (sicut irrefutabiliter probatum est) malum fuit: cum superius nihilominus allegatum sit, ea quæ hujusmodi sunt, id est pura mala, ut nunquam justo juberi, sic nec licite posset fieri? Vides quam inanis excusatio de humana obedientia, ubi in Deum vincitur facta transgressio? Nec timendum mihi arbitror, quod ad illud Domini responsum de sibi nuntiato scandalo Phariseorum refugias, ut quomodo ille nihili pendeat dicens. *Sinite illos, cæci sunt, et duces cæcorum (Matth. xv, 14)*; ita et nostra vobis scandala non esse timenda existimes. Viles nempe quam nil simile habeat in hac parte proportio. Nam si compares personas, illic Pharisei superbi, hic pauperes Christi scandalizantur: si causas, hic levitas ibi veritas in causa esse dignoscitur. Rursus, quod et superius propositum est, vos non solum divinæ humana, sed et communibus privata prætulisse imperia, hoc solum ad probationem sufficiat, quod vestræ illi et novitati insolite, et insolenti præsumptioni, non tantum nostri Ordinis universitas, sed etiam omnium monasteriorum et consuetudo, et institutio reclamare videtur.

9. Quod et vos quoque non immerito timentes, nec satis de propria causa confidentes, remorsas ac renou-dentes conscientias apostolica conati estis definire licentia. Ofrivolum satis remedium! quod non est aliud, nisi more Protoplastorum cauteriatis conscientias **21** texere perizomata, videlicet ad velamentum, non ad medicamentum. Apostolicam, inquit, licentiam quæ-sivimus, impetravimus. Utiam non licentiam quæ-sissetis, sed consilium; id est, non ut liceret, sed an liceret. Unde tamen quærebatis licentiam? Ut liceret quod non licebat? Facere itaque volebatis quod non licebat. Sed quod non licebat malum erat. Mala igitur erat intentio, quæ in malum tendebat. Nisi forte tale hoc fuisse dicatur, quod absque licentia quidem non liceret, liceret autem si cum licentia fieret. Verum id jam superius invincibili exclusum est ratione. Nec enim Deus ubi ait, *Nolite contemnere unum ex iis pusillis qui in me credunt*; addidit etiam, *Nisi cum licentia, aut dicens: Qui scandalizaverit unum de pusillis meis (Matth. xxiii, 10, 6)*, et cætera, determinavit subjungens, *Sine licentia*. Constat igitur ubi veritas, et veritas necessaria in causa non est, nec licite scandalum quodlibet posse a quolibet committi nec joste præcipi, nec innoxie consentiri. Hujus tamen patranda mali quærendam putastis esse licentiam. Sed ad quid? An ut quanto licentius, tanto securius; et quo securius, eo et periculosius peccaretis? Mira cautela, et stupenda providentia! Malum quod jam corde conceperant, opere tamen cauti fuerunt non implere nisi cum licentia. Conceperunt dolorem, sed non pepererunt iniquitatem, donec iniquo Papa conceptui præbuisset assensum. Quo lucro? quoque saltem compendio mali? Nunquid ideo aut malum esse desiit, aut vel minoratum est, quia Papa concessit? Quis vero malum esse neget, assensum præbere malo?

Quod tamen summum fecisse Pontificem nequaquam crediderim, nisi aut circumventum mendacio, aut inopportunitate victum. Quando etenim aliter hujusmodi vobis licentiam indulgeret, seminandi videlicet scandala, schismata suscitandi, amicos contristandi, fratrum conturbandi pacem, et confundendi unitatem, propriumque insuper contemnendi episcopum? Et hæc qua necessitate, necesse non habeo dicere, cum rei exitus satis indicet. Profectos nempe plangimus, profectum non cernimus.

10. His ergo talibus et tam gravibus malis dare assensum, exhibere obsequium, impendere adiutorium, tu mihi obedientiam nominas, modestiam nuncupas, appellas mansuetudinem? Tu, inquam, conaris pessima vitia virtutum palliare nominibus? An te putas hoc sine injuria facere Domini virtutum, quod virtutibus facis injuriam? Vanissimam præsumptionem, turpissimam levitatem, crudelissimam dissensionem, obedientiæ, modestiæ, mansuetudinis nominibus velas, et velatis sordibus sacra illa vocabula maculas. Hanc ego nunquam æmuler obedientiam: talem mihi nunquam libeat modestiam, vel potius molestiam, imitari: hujusmodi mansuetudo semper longe fiat a me. Talis siquidem obedientia omni est contemptu deterior: talis quoque modestia ultra omnem modum extenditur. Ultra dicam, an citra? Sed verius forsitan et utroque competentiùs dixerim, extra. Qualis denique illa est mansuetudo, quæ ipso etiam auditu omnium aures exasperat? Volo tamen eam ipsam ut et mihi modo exhibeas. Cum tam patiens sis, ut a quolibet etiam quo non licet, pertrahi non contendas; liceat et me, obsecro, paulo nunc confidentius agere tecum. Alioquin male multum merui de te; si (quod nemini soles) soli mihi indignandum putaveris.

11. Igitur itam convenio conscientiam. Volens, an invitus profectus es? Sed si ex voluntate, jam non ex obedientia. Si autem invitus, suspectum videris habuisse imperium, cui obsequi gravabaris. Ubi vero suspicio, ibi discussio necessaria. Verum tu ut tuæ patientiæ dares vel caperes experimentum; nihil discutens, trahi te passus es, non solum præter voluntatem tuam, sed et contra conscientiam. O patientia omni digna impatientia! Non possum, fateor, non irasci huic contentiosissimæ patientiæ. Videbas dispergentem, et sequen-  
 22 Mirum vero quod hominem audiebas fur-  
 tive susurrantem, Deum non audiebas aperte reclama-  
 mantem, tali quasi cœlitus emissâ tonitru: *Vae illi per quem scandalum venit!* (Matth. xviii, 7.) Non tantum autem Dominus, sed et sanguis ipsius clamore nihilominus, vehementi, surdis licet, terribiliter ir-  
 rugiebat. Clamor ejus, ejus effusio. Effusus quippe pro dispersis filiis Dei ut eos congregaret in unum, juste fremebat in dispersores. Odit nimirum dispersores, qui non novit nisi colligere. Magnus ejus

A clamor, et vehemens, qui corpora de sepulcris, animas ab inferis excitavit. Terram cœlosque tuba illa convocavit in unum, quippe quæ in terra et quæ in cœlis sunt, pacificans. In omnem terram exivit sonus ille, et vestram non valuit rumpere audritatem? Vox nempe illa in virtute; vox illa in magnificentia. Et quid clamat? *Exurgat Deus, et dissipentur inimici ejus* (Psal. xvii, 2): et iterum: *Disperge illos in virtute tua et disperse eos protector meus Domine* (Psal. lviii, 12). Sanguis Christi est, frater Adam, sanguis Christi est qui pro piis congregatis adversus impios dispersores quasi tuba exaltat vocem suam. Minatur autem se dispersores dissipere, qui pro dispersis colligendis effusus est. Et si ejus vocem tu non audis, audit eam de cujus latere manavit. Quomodo namque proprium non audit, qui Abel sanguinem audiebat? (Gen. iv, 10.)

12. Sed quid ad me, inquis? Ille viderit cui mihi contradicere fas non erat. Non est discipulus super magistrum. Docendus, non docturus, ejus lateri adhærebam. Sequi debui, non præire præceptorem auditor. O istorum temporum Paule simplex, si tamen et ille alterum se tibi exhibuisset Antonium, ut quidquid vel leviter de labiis ejus proce-  
 deret, necesse non haberes discutere, sed sine cunctatione ad omnia nihil hæsitans obedires? O monachum obedientissimum, cui ex quibuslibet seniorum verbulis ne unum quidem iota prætervolet! Non attendit quale sit quod præcipitur, hoc solo contentus quia præcipitur, hoc solo contentus quia præcipitur (78). Et hæc est obedientia sine mora. Si ita oportet, sine causa legitur in Ecclesia: *Omnia probate, quod bonum est tenete* (Thess. v, 21). Si ita oportet, deleamus jam de libro Evangelii, *Estote prudentes sicut serpentes*, sufficiente quippe quod sequitur, *et simplices sicut columbæ* (Matth. x, 16). Nec dico a subditiis manila præpositorum esse dijudicanda, ubi nil juberi deprehenditur divinis contrarium institutis: sed necessariam assero et prudentiam, quæ advertatur si quid adversatur; et libertatem, quæ et ingenue contemnatur. Cæterum iste, Nihil, inquit, habeo interrogare: viderit ille quid juserit. Dic, quæso, si dato in manus gladio, suum te armari jussisset in jugulum, acquievisses? aut si se tuo voluisset impulsu in ignem vel in aquam præcitem dari, obtemperasses? Nonne etiam ab his non prohibere cum possis, in crimen tibi reputatur homicidii? Age ergo, vide ne forte sub prætextu obedientiæ in quidpiam ei gravius inservieris. Non ignoras certe quis dixerit (nam mihi hinc fortasse non crederes) expedire scandala facientibus demergi potius in profundum maris (Matth. xviii, 6). Cur hoc dixit, nisi quia significare voluit tam gravia illos in posterum manere tormenta, ut eis comparata mors temporalis, nec pœnalis esse videatur, sed commoda? Quid ergo eum scandala facere juvisit? juvisit enim sequendo illum, obsequendo illi. Nonne utilius, juxta præmissam Veritatis sententiam,

(78) Alias deest hoc.... præc.



molam asinariam colle ejus suspenderes, et sic eum demergeres in profundum maris? Quid ergo? Tu ille obedientissimus discipulus, illum patrem et præceptorem tuum, quem ne puncto quidem temporis, vel transverso, ut dicitur, pedis, a te, quandiu vixit, passus es elongari, ita ut in soveam quoque post eum, non quidem cæcis, sed apertis more Balaam, oculis cadere non cunctatus sis: tunc, inquam, illum tuo ita beandum putasti obsequio, ut morte illi graviorem exhibueris obedientiam? Revera nunc expetior, quam vera sit illa sententia: *Inimici hominis, domestici illius* (Michæ vii, 6). Sic itaque sentiens, sic conscius ipse tibi, nonne, si sapis, gemis; et si non desipis, tremis? Quippe cujus obedientia non **23** meo, sed Veritatis judicio, pejor inventa est homicidio.

**13.** Si hæc non ignoras, quomodo non trepidas? quod si trepidas, quomodo non emendare festinas? Alioquin qualem hinc ad illud tribunal terrificum conscientiam portas, ubi iudex teste non indiget, ubi veritas discutit intentiones, ubi inquisitio culpam pertingit ad abdita cordis, ubi denique secretissimos recessus mentium divinus ille investigat intuitus, et ad subitum illum Solis justitiæ fulgore, animarum expansi sinus, cuncta sive bona, sive mala evomunt quæ celabant? Ibi, frater Adam, facientes et consequentes pari poena puniuntur. Ibi fures et socii furum similem sunt excepturi sententiam. Ibi par subibunt iudicium et qui lactant, et qui lactantur peccatores. Perge igitur jam dicere, Quid ad me? ille viderit. Tange picem, et dic: Non sum inquinatus ab ea. Absconde ignem in sinu tuo, et te jactato non aduri. Pone denique portionem tuam cum adulteris, nihilque tua interesse putato. Non ita Isaias: redarguit enim se ipsum, non solum quia ipse immundus, sed et quod socius sit immundorum: *Quia*, inquit, *vir pollutus labiis ego sum, et in medio populi immunda labia habentis ego habito.* Redarguit autem se dixerim, non quia cum malis habitaret, sed quia mala non redarguerit. Sic namque ait: *Vae mihi quia tacui!* (Isa. vi, 5.) Quando vero ipse malum facere acquiesceret, quod se in aliis non redarguisse redarguit? Quid enim etiam David? nonne alieni contagione peccati se senserat inquinari posse, cum diceret, *Cum hominibus operantibus iniquitatem, et non communicabo cum electis eorum?* (Psal. cxi, 4.) denique et orat dicens, *Ab oculis meis munda me, Domine, et ab alienis purge serro tuo* (Psal. xviii, 13, 14). Unde etiam malorum, quorum noluit participare malum, studuit declinare consortium. Ait etenim: *Non sedi cum concilio vanitatis, et cum iniqua gerentibus non introibo.* Huic versiculo concinit et subsequens: *Odivi*, inquit, *ecclesiam malignantium, et cum impiis non sedabo* (Psal. xxv, 4, 5). Audi denique et Sapientis consilium: *Fili mi, ait, si te lactaverint peccatores, ne acquiescas eis* (Prov. i, 10).

**14.** Tu ergo adversus hæc atque alia in hunc modum innumera veritatis testimonia, putasti cupiam obediendum? O odiosa perversitas! Obedientia

A virtus quæ semper militat veritati, adversus veritatem accingitur. Felicem ego dixerim fratris Henrici inobedientiam, cui cito resipienti ab errore, et revertenti ex itinere, talem contigit non experiri obedientiam. Quam potius nunc et dulciorem suæ hujusmodi inobedientiæ carpit, jamjamque degustat fructum, bonam habens conscientiam, quod cæteris collegis suis fraterna corda gravi scandalo concutientibus, ipse inter fratres in proposito et Ordine suo sine querela conversetur? Cujus ego, si optio detur, pigram potius elegerim inobedientiam cum ipsius conscientia, quam horum studiosam obedientiam cum scandalo. Æstimo enim, quia melius agit iste sic inobediens abbati, sed non charitati, servando unitatem in vinculo pacis; quam illi qui ita obtemperant homini uni, ut unam præferant unitati. Fidenter et hæc addiderim, expedire magis cuilibet sola unius hominis periclitari obedientia, quam reliquis omnibus pietatis bonis, et votis propriæ professionis.

**15.** Siquidem, ut cætera taceam, duo præcipua nobis in monasterio conversantibus observanda traduntur; subjectio abbati, et stabilitas in loco: et ita observanda, quod neutrum præpedit alterum, nec alterutrum sibi præjudicent. Ut, verbi gratia, sic te stabilem in loco exhibeas, ut abbati subjici non contemnas: sic obedias subjectus abbati, ut stabilitatem non amittas. Porro, si detestaris in loco licet perseverantem, qui abbati forte subdi contemnis imperiis; miraris si reprehendimus obedientiam, quæ vobis vestrum deserendi locum vel causa existit, v. l. occasio? præsertim cum in professione regulari sic promittatur stabilitas, ut de subjectione abbati exhibenda nulla penitus mentio fiat.

**16.** Sed quæris forsitan, inquit mihi: Qui l ergo **24** tu de stabilitate tua facis, quam apud Cistercium firmasti; et nunc alibi habitas? Ad quod respondeo: Ego quidem Cisterciensis monachus ibidem professus, ab abbate meo ubi nunc habito missus sum, sed missus in pace, missus sine scandalo, sine discordia, missus juxta consuetudinem et communem institutionem. Quandiu ergo in eadem qua missus sum, pace et concordia persevero, quandiu in unitate sto, communibus privata non præfero, D quietus et subditus in quo positus sum permaneo, secunda dico conscientia, quod promisi, firmiter teneo. Quomodo enim stabilitatis prævaricor votum, qui unanimis non rumpo vinculum, pacis firmitatem non desero? Et si corpus absentavit obedientia, sed spiritum semper ibidem præsentem tenet concursus devotio, et in nullo dissimilis conversatio. Qua die autem (quod quidem Deus avertat) aliis incipiam vivere legibus, aliis moribus conversari, diversis diservire observantiis, advenire nova, extraneas usurpare consuetudines: transgressor professionis, promissam stabilitatem jam non me tenere confido. Dico ergo abbati per omnia obtemperandum, sed salva professione. Verum tu professus secundum Regulam sancti Benedicti, ubi promissisti obedi-

tiam, promisti et stabilitatem. Quod si obedieris quidem, stabilis autem non fueris; dum offendis in uno, factus es omnium reus: si omnium, et ipsius obedientie.

17. Vides itaque pondus tux obedientie? Quomodo nempe stabilitatis transgressionem sufficit excusare, quæ nec sibi quidem valet patrocinari? Idem notum est solemniter ac regulariter profiteri quemque in præsentia abbatis. In præsentia ergo tantum, non etiam ad nutum ipsius sit cuiusque professio. Testis proinde adhibetur abbas, non dictator professionis; adiutor, non fraudator adimplentionis; vindex, non auctor prævaricationis. Quid igitur? Ponam in manu abbatis quod absque ulla exceptione coram Deo et sanctis ejus propria manu et ore firmavi, audiens ex Regula (*Reg. S. Benedicti*, cap. 58), si quando aliter fecero, a Deo me esse damnandum, quem irrideo? Si abbas meus, aut etiam angelus de celo contraria jusserit, libere recusabo hujusmodi obedientiam, quæ me transgressorem voti proprii, et pejerare faciat nomen Dei mei. Scio enim me juxta Scripturæ veritatem ex ore meo vel condemnandum (*Luc. xi, 22*), vel iustificandum; et quia *os quod mentitur, occidit animam* (*Sap. i, 11*); et quod Deo veraciter canitur, *Perdes omnes qui loquuntur mendacium* (*Psal. v, 7*); et quia *unusquisque onus suum portabit* (*Galat. vi, 5*), et *unusquisque pro se rationem reddet* (*Rom. xiv, 12*). Alioquin qua fronte psallam mentiens in conspectu Dei et angelorum illud de Psalmo: *Reddam tibi vota mea, quæ distinxerunt labia mea?* (*Psal. lxxv, 13, 14*). Viderit denique abbas meus, quid sibi faciendum putet de eo quod ex Regula ad ipsum specialiter dirigitur, « Ut præsentem regulam in omnibus conservet: » et item, quod universaliter præcipitur, et nemo excipitur, « Ut omnes » scilicet « per omnia magistrum sequantur regulam; nec ab ea temere devietur a quoquam (*Reg. S. Benedicti*, capp. 64, 5). » Ego sic ipsum sequi decrevi semper et ubique magistrum, ut nequaquam a Regule, quam teste ipso juravi et statui custodire, deviem magisterio.

18. Occurramus breviter questioni, quæ a latere nobis surgere posse videtur, et sic jam nimis longam finiamus epistolam. Videor nempe contraria loqui rei quam facio. Quæri etenim a me potest, si hos damno, qui abbatis sui non solum consensu, sed et jussu suum monasterium deseruerunt, quo pacto illos et recipiam, et retineam, qui de aliis monasteriis, fracto stabilitatis voto, et contempto seniorum imperio, ad nostrum Ordinem veniunt. Ad quod quidem brevis responsio, sed periculosa. Vereor namque displicere quibusdam quod dicturus sum. Cæterum mihi magis verendum puto, ne tacendo veritatem, illum versiculum non veraciter cantem: *Justitiam tuam non abscondi in corde meo; veritatem tuam et salutare tuum dixi* (*Psal. xxxiv, 11*). Hac ergo illos ratione suscipimus, quoniam non putamus esse malum, si vota labiorum suorum, quæ in locis suis potuerunt quidem promittere, sed nequaquam

A 25 persolvere; Deo qui ubique est, ubicumque poterunt, reddant; et solius ruptæ stabilitatis damna reliquorum regularium præceptorum integra observatione compensent. Si cui displicet hoc, et murmurat adversus hominem quærentem salutem suam; respondebit pro eo salutis Auctor: *Nonne oculus tuus nequam est, quia ille bonus?* (*Matth. xx, 15*). O quisquis es qui saluti invides aliena, parcito vel tux. An nescis quod *invidia diaboli intravit mors in orbem terrarum* (*Sap. ii, 24*). Attende itaque tibi. Si enim ubi invidia; ibi mors; profecto non potest simul et invidere, et vivere. Quid molestus es fratri tuo, quoniam satagit quemadmodum quæ processerunt de labiis suis, non faciat irrita? Si quærat homo, ubi et quomodo persolvat quod pollicitus est Deo; quid tu perdis? Fortassis si aliquantæ pecuniæ tu eum debitorem teneres, circuire cogeres mare et aridam, donec usque ad novissimum quadrantem debitum redderet universum. Quid igitur meruit de te Deus tuus, quoniam non vis ut et ipse a suo quod suum est, debitore recipiat? Imo uni invidens, duos tibi reddis infensos: dum et dominum servi obsequio, et domini gratia servum fraudare conaris. Tu quare illum potius non imitaris, et ipse videlicet persolvendo quod debes? Putasne et tuum non requiretur debitum? An potius propter hoc magis irritas impie Deum, quia dicis in corde tuo, Non requiret?

19. Quid inquis? omnes ergo damnas qui similiter non faciunt? Non: sed audi quid et de ipsis sentiam; et noli frustra calumniari. Quid me vis odiosum facere multis millibus sanctorum, qui sub nostra professione non nostro conversantes more, tamen aut sancte vivunt, aut beate defuncti sunt? Non ignoro quod reliquerit sibi Deus septem millia virorum, qui non curvaverunt genua sua ante Baal (*III Reg. xix*). Audi ergo [*al. ausculta ergo*], æmule; calumniator, ausculta. Dixi rur de aliis monasteriis ad nostra venientes, recipiendos censuerim. Nunquid non venientes damnavi? Exeuso illos, non istos accuso. Soli sunt invidi, quos excusare nec volo, nec valeo. Quibus exceptis, si quis cæterorum ad Regule cupiat transire puritatem, sed propter scandalum non audeat, aut certe etiam ob certam corporis infirmitatem; puto quia non peccat, dum tamen in suo studeat loco sobrie, et juste, et pie conversari. Nam si qua ex more monasterii minus forte stricte, quam Regula constituisse videtur, observare compellitur; excusabit hoc forsitan aut illa charitas, qua cunctatur migrare ad melius propter scandalum, juxta illud, *Charitas operit multitudinem peccatorum* (*I Petr. iv, 8*); aut illa humilitas, qua propriis consensu infirmitatis se reputat imperfectum: siquidem et de ipsa scriptum est: *Deus humilibus dat gratiam* (*Jac. iv, 6*).

20. Multa quidem tibi, charissime, locutus sum, cum multis opus non habeas; quippe cui sit et ingenium velox ad intelligendum quod dicitur, et voluntas agilis ad eligendum quod utiliter spadetur,

sed licet specialiter quidem ad te, non tamen tam multa propter te scribenda putavi. Hæc itaque, quibus Deus providit fore necessaria. Te autem, ut meum jam olim familiarissimum, paucis et cum omni fiducia moneo, ne jam diutius animas desiderantium te, in tuæ quidem animæ horrendum periculum, tui expectatione suspendas. En tua eorumque (ni fallor) qui tecum sunt, et mors, et vita in manu tua est. Arbitramur enim quidquid feceris tu aut volueris, illos esse facturos. Alioquin aperte denuntiā illis, quia juxta omnium abbatum nostrorum non contemnendam sententiam, quæ merito processit in vos: Qui redierint, vivent; qui renuerint, morientur.

## 26 EPISTOLA VIII.

AD BRUNONEM COLONIENSEM ELECTUM (79).

*Bernardus a Brunone consultus de acceptando episcopatu Coloniensi, ita respondet, ut suspensum eum teneat, imo terreat mole tanti muneris, monens per orationes consulere Deum.*

1. Quæris a me consilium, vir illustris Bruno, an volentibus te promovere ad episcopatum acquiescere deas. Quis hoc mortalium definire præsumat? Deus forsitan vocat: quis audeat dissuadere? Forte non vocat: quis appropinquare consulat? Utrum vero vocatio Dei sit, an non sit; quis scire possit, excepto Spiritu qui scrutatur etiam alta Dei, vel si cui forte revelaverit ipse? Magis quoque dubium reddit consilium illa in litteris tuis humilis, sed terribilis confessio, qua vitam tuam tam graviter, et, ut credo, non nisi veraciter accusas. Nec enim negandum est, hujuscmodi vitam esse indignam tam sacri dignitate ministerii. Sed rursum non immerito e regione times (nam et nos idipsum metuimus) si ob malum conscientie de commissio scientie talento non facis lucrum: nisi quod alio forte negotiandi genere, etsi minus copiose, minus tamen periculose fructificare valeres. Horreo, fateor, sic enim tibi, ut mihi loqui debeo quod sentio; horreo, inquam, considerans, unde, quo vocaris: præsertim cum nullum intercurrerit pœnitentie tempus, per quod utcumque hujuscmodi periculosissimus transitus fiat. Et quidem rectus ordo requirit ut prius propriam, deinde alienas curare studeas conscientias. Primus quippe pietatis gradus est, e quo scriptum est: *Miserere animæ tuæ placens Deo* (Eccl. xxx, 24). Ex hoc autem ad miserandum proximum recto jam tramite charitas ordinata procedit; quippe quem ad sui quisque mensuram amare præcipitur. Quod si in hunc modum quo te hactenus ipse amasti, et tibi committendos amaturus es, malo ego quidem tibi non committi, quam sic

A diligi. Si autem prius te diligere didicisses, et me forsitan scires amare.

2. Sed quid, si suam Deus acceleret tibi gratiam, et multiplicet misericordiam, et sit ad restituendam innocentiam efficacior velox clementia quam diuturna pœnitentia? Beatus siquidem, cui non imputabit Dominus peccatum (Psal. xxxi, 2). Nam quis accusabit adversus electum Dei? Si Deus justificat, quis est qui condemnet? Hoc solutis compendium sanctus ille latro consecutus est: quo eodemque die simul et confessus latrocinia, et introductus in gloriam, brevi quodam contentus ponte crucis ad transigendum [at. transeundum] de regione dissimilitudinis in terram viventium, et de luto facis in paradysum voluptatis (Luc. xxiii, 40-43). Hoc subitum B pietatis remedium percepit felix illa peccatrix, cum repente ubi superabundaverant delicta, abundare cepit et gratia. Absque multo pœnitentie labore dimissa sunt ei peccata multa, quoniam dilexit multum (Luc. vii, 37-50); et in brevi meruit charitatis accipere latitudinem, quæ, ut scriptum est, *cooperit multitudinem peccatorum* (I Petr. iv). Hoc et ille paralyticus in Evangelio duplex atque celerrimum potentissimæ bonitatis persensit beneficium, prius mente quam carne curatus.

3. Sed aliud et celerem adipisci veniam peccatorum, et aliud de ipsis sceleribus ad infulas mœx proveli dignitatum. Video tamen Matthæum de telonio ad apostolatus culmen assumptum (Math. ix, 2-9); sed hoc me rursum conturbat, quod non prius audierit cum cæteris coapostolis suis, *Ite in orbem universum, prædicate Evangelium omni creaturæ* (Marc. xvi, 15); quam egerit pœnitentiam, multo tempore ac labore sequendo Dominum quocunque iret, permanens cum eo in tentationibus suis. Sed et si 27 occurrat de Ambrosio, quod de tribunalibus ad sacerdotium raptus fuerit (THEODORET, Hist. lib. iv, cap. 6), non me valde confortat, cum a puero mundam in mundo duxerit vitam, et sic etiam fuga et latebris multisque dissimulationum modis declinare conatus sit. Si de Saul quoque factus repente Paulus, repente vas electionis, repente Doctor gentium in exemplum adducitur: hoc exempli evacuat similitudinem, quod ille ideo misericordiam consecutus sit, quia ignorans ipso teste peccavit, manens in incredulitate (I Tim. i, 13). Quanquam si tale quidpiam quandoque bene et utiliter factum fuisse agnoscitur, de quo dici veraciter possit, *Hæc est mutatio dexteræ Excelsi* (Psal. lxxvi, 11), non tam exemplum, quam miraculum afferri debeat.

4. Hæc interim a me ad id quod queritis, suspensive responsa sufficiant. Neque enim possum,

(79) Scripta anno Christi 1151. Bruno II, filius Engelberti Altenæ comitis, consecratus anno 1152 a Guillelmo cardinali episcopo Prænestino, Frederico sub finem anni 1151 mortuo successit in sedem Coloniensem. Anno 1156 cum Lothario imperatore in Italiam profectus, in pervigilio Pentecostes anni insequentis ex minutione sanguinis extinctus. Barri in Apulia sepultus est, in ecclesia B. Nicolai; Hugone decano ipsi successit, qui et ipse anno proximo itidem

ex minutione decessit. Hæc ex Chronographo Saxonico inedito. Porro Brunonis sepulcrum uti et Rannulphi ducis Rogerius Scitiæ princeps paulo post effregit, et cadavera eorum educta per forum traxit, ac demum plus quam barbara crudelitate dilaceravit. Vide Baronium ad hunc annum; Ottonem Frisingensem, Chronici libro 17, capp. 21, 25; Sigonium, De Regno Ital. libro 2, et Chronographum Saxonicum ineditum.



unde certius non sum, certam proferre sententiam. A Sic contingere debet querenti rem ubi non sit sermo a propheta. Consilium a sapiente querendum est. Nunquid enim de luto limpidum quidpiam haurire potestis? Unum tamen est quod amico absque periculo, et nequaquam sine fructu impendere possumus, nostræ videlicet pro hac re orationis ad Deum qualemque suffragium. Deo ergo relinquentes sui, quod ignoramus, secretum consilii, ipsum supplici devotione et devota supplicatione precamur, ut in vobis et de vobis operetur, quod et se deceat, et vobis expediat. Habetis autem dominum Norbertum, (80) quem melius præsentem præsens de talibus interrogare potestis. Nam tanto vir ille in divinis aperiendis mysteriis nobis promptior, quanto et Deo propior esse cognoscitur.

## EPISTOLA IX (81).

AD EUNDEM JAM ARCHIEPISCOPUM COLONIENSEM.

*Brunonem recens creatum archiepiscopum Coloniensem ad timorem inducit.*

Dignationis vestræ suscepi scripta devotus, et ad Injuncta sollicitus fui; et si profui, vos probabit. Sed de hoc satis. Porro in eadem charitate audeo quæ sequuntur. Si cunctos qui vocantur ad ministerium, constat eligi et ad regnum, profecto securus est Coloniensis archiepiscopus. Quod si etiam ei Saulam in regno, et Judam in sacerdotio legitur elegisse non alius quam ipse Deus; et non potest solvi Scriptura quæ hoc asserit: timeat necesse est et Coloniensis archiepiscopus. Si vero (quod verum est) et illa sententia hodie quoque viget, quia non multos nobiles, non multos potentes, non multos sapientes elegit Deus (I Cor. I, 26), nunquid non triplicem quoque habet timendi causam Coloniensis archiepiscopus? Curemus ergo in alto positi, non altum sapere, sed timere, sed humilibus consentire. *Principem, inquit, te constituerunt: esto in illis tanquam unus ex illis (Eccl. xxxii, 4): et iterum: Quanto major es, tanto humilia te in omnibus (Eccl. iii, 20). Sapiens est qui hoc consulit, quippe haud secus sentiens ab ipsa Sapientia quæ ait: Qui major est vestrum, fiat sicut minor (Luc. xxii, 26). Alioquin judicium durum his qui præsumunt (Sap. vi, 6): timeat potestas. Servus quoque sciens voluntatem domini sui, et non faciens dignæ, vapulabit multis (Luc.*

xii, 47): timeat qui cognovit litteraturam. Timeat nobilis, quia iudex omnium non est acceptor personarum. Iste profecto necessarij timoris funiculus triplex difficile rumpitur. Durusne videor, quia non blandior, quod metum incutio, quod amico cupic initium sapientiæ? Sic mihi contingat semper beare amicos, id est, terrendo salubriter, non adulando fallaciter. Ad illud me provocat qui dicit: *Beatus homo qui semper est pavidus (Prov. xxviii, 14). Ab hoc revocat qui ait: Popule meus, qui te beatificant, in errorem inducunt (Isai. iii, 12).*

## 28 EPISTOLA X (82).

AD EUNDEM.

*Brunonem ad justum corripiendi ælum excitat.*

Horrendum punire nefas, etsi duplici ratione incumbat vobis, tum videlicet pro debito officij, tum quia et apostolica injungit auctoritas; puto tamen quod non supervacua in re tanta etiam amici communitio accedit. Hoc autem est quod amicum et patrem cupimus esse admonitum, ut hæc ipsa ultio quæ facienda est, eo quoque relo quo facienda est, fiat: quatenus non solum præsens facinus multum esse videatur, sed etiam a simili temeritate audiens omnis malignitas compescatur.

## EPISTOLA XI.

AD GUIGONEM PRIOREM (83), ET CÆTÆRÆ CARTÆÆ MAJORES RELIGIOSOS.

*De veræ et sinceræ charitatis lege, signis, effectis, gradibus, perfectione Patriæ reservata, multa præ disserit.*

Inter patres reverendissimis [al. reverentissimis], et inter amicos charissimis, Guigoni priori Cartusiensi, cæterisque sanctis qui cum eo sunt, frater BERNARDUS de Clara-Valle, salutem æternam.

1. Sanctitatis vestræ litteras tam lætus accepi, quam avidus et olim desideraveram. Legi eas, et quasolvebam in ore litteras, scintillas sentiebam in pectore: quibus et concaluit cor meum intra me, tanquam ex illo igne, quem Dominus misit in terram (Luc. xii, 49). O quantus in illis meditationibus exardescit ignis, e quibus hujusmodi evolant scintillæ! Vestra illa succensa et succendens salutatio sic mihi, ut verum fatear, accepta fuit, et est, quasi non ab homine, sed certissime ab illo qui mandat salutem Jacob, descendere videretur. Non me sane

(80) Præmonstratensis Ordinis fundatorem. Vide de eo epistolam 59.

(81) Scripta anno Christi 1132.

(82) Scripta anno Christi 1132.

(83) Scripta circa annum 1125. Guigo, cognomento de Castro, natione Gallus, patria Delphinus, civitate Valentiniensis, Cartusiæ majoris a B. Brunone quintus prior generalis, Statutorum primus scriptor, Bernardo charissimus, ut constat tum ex hac epistola, tum ex libro tertio Vitæ S. Bernardi, cap. I. Petro Venerabili infra, in epistola 388, dicitur « singularis suo tempore et præclarissimus religionis flos. » Idem in libri 6 epist. 40, ad Basilium, Guigonis in Cartusiæ majoris regimine successorem: « Deceveram renovare tecum, » inquit, « antiquas illas et sanctas felicitis memoriæ domini Guigonis prædecessoris tui mecum sæpe habitas collationes,

quibus velut scintillis ab ejus ore prodeuntibus accendebar, et omnium pene humanarum rerum obvisci cogebar. » Vir erat insignis modestior, uti suis se ipse coloribus depinxit in quadam epistola ad Petrum Cluniacensem: « Petimus, » inquit, « per eam qua in nos indignos vestra fervent viscera dilectionem, ut quando nostræ exiguitati vestra scribere dignatur serenitas, ita de propria cogitetis edificatione, ut infirmitatem nostram periculosa non infletis elatione. Et illud præ omnibus et super omnia quæsumus, et delixis in terram genibus obsecramus, ne vilitemus nostram Patris nomine dignum ulterius æstimetis. Satis et super satis est, si frater, si amicus, si filius appeletur, qui nec servi nomine dignus habetur » (inter Epistolas Petri Venerabilis, libri I epist. 25). Quo quidem exemplo ipse Venerabilis Petrus ad Bernardum scribens postmodum usus est,

arbitror salutatum in via, non in transitu, non veluti ex occasione, ut assolet, consuetudinis; sed plane ex visceribus, ut sentio, charitatis prodiit hæc tam grata et inopinata benedictio. Benedicti vos a Domino, qui me ir benedictionibus dulcedinis tantæ prævenire curastis, ut daretur puero vestro, vobis primum scribentibus, fiducia rescribendi, scribere quidem ad vos jam pridem gestienti, sed non præsumenti. Verebar nimirum sanctam, quam in Domino habetis, importunis scriptitationibus infestare quietem, iuge illud vestrum sacrumque silentium a sæculo, susurrium cum Deo, vel ad modicum interrompere, nostraque ingerere auribus secretis penitus occupatis supernisque eulogiis. Timebam omnino molestus fieri vel Moysi in monte, vel Eliæ in deserto, aut certe excubanti in templo Samueli, si divinis intentissimos confabulationibus aliquatenus avocare tentassem. Clamat Samuel, *Loquere, Domine, quia audit servus tuus* (1 Reg. iii, 10): et ego me audiri præsumerem? Timebam, inquam, ne si et David elonganti se et fugienti, manentique in solitudine, importunus insisterem, indignans excusaret et diceret: Sine me, non audio te modo; audiam potius quod dulcius ausculto. *Audiam quid loquatur in me Dominus Deus; quoniam loquetur pacem in plebem suam, et super sanctos suos, et in eos qui convertuntur ad cor* (Psal. lxxxiv, 9). Aut certe illud: *Declinate a me, maligni, et scrutabor mandata Dei mei* (Psal. cxviii, 115). Quid enim? egone tam temerarius essem, ut inter sponsi brachia suaviter quiescentem auderem suscitare dilectam, quousque vellet ipsa? Putarem illico auditurum me ab illa: Noli mihi molestus esse: *Ego dilecto meo, et dilectus meus mihi, qui pascitur inter lilia* (Cantic. ii, 16).

**29** 2. Verum quod non audeo ego, audet charitas, et cum omni fiducia pulsat ad ostium amici, nequaquam putans pati se debere repulsam, quæ amicitiarum matrem se novit; nec veretur vestrum, etsi gratissimum, paulisper inquietare otium, propter suum negotium. Ipsa profecto, ipsa cum vult, facit vos excedere Deo; ipsa et cum voluit, fecit sobrios nobis: adeo ut minime duceretis indignum, non modo sustinere loquentem, sed tacentem insuper benigne provocare. Amplector benignitatem,

ut videre licet hic epistola 388: uterque forsitan æmulatus Bernardum, epistola 72. Scripsit vero et ipse plura, quibus, inquit Trithemius, nomen suum immortalitati donatum est: nempe Vitam S. Hugonis Gratianopolitani episcopi, quæ Innocentio II dicata reperitur apud Surium tomo II, die prima Aprilis; Meditationes, quæ exstant in Bibliotheca Patrum; tractatum de Veritate et Pace, manuscriptum in Bibliotheca Cartusie Coloniensi, Institutorum Cartusiensium librum unum; item librum de Contemplatione; Epistolas denique varias, ex quibus quatuor hic habes tomo 6, aliis a me post Horstium inutili diligentia perquisitis. Cum enim ea de re scripsissem ad reverendissimum Patrem D. Joannem Pegon, priorem Cartusie majoris atque Ordinis Generalem, hoc ab eo responsum habere merui, nimirum, post

**A** dignationem admiror, laudo et veneror puritatem, qua de nostris profectibus, quos putatis, tanta in Domino exultatione gloriamini. Glorior et ego plurimum tanto testimonio, et servorum Dei tam grata, quam gratuita admodum familiaritate delector. Hæc jam gloria mea, hoc gaudium meum, hæc delicæ cordis mei, quod non frustra levarim oculos meos in montes, unde quippe jam non mediocre venit auxilium mihi. Hi jam nobis stillarunt montes dulcedinem; et adhuc spero quia stillabunt, quousque valles nostræ abundabunt frumento. Festivus enim erit mihi dies ille ducendus, et memoriale sempiternum, in quo virum illum videre ac suscipere merui, per quem factum est ut in cordibus vestris ego reciperer. Et quidem jam ante receperatis, ut **B** apparet in litteris vestris: sed nunc arctius, ut comperi, et familiarius, cum ille vobis retulit de me quedam, quæ etsi non probaverit, putavit tamen. Fidelis quippe et religiosus, absit ut aliter loqueretur, quam credidit. En revera in me experior quod ait Salvator: *Qui recipit justum in nomine justī, mercedem justī accipiet* (Matth. x, 41). Mercedem quippe justī dixerim, quod justus reputor, non ob aliud, nisi quod justum recepi. Nam si quæ superaddita sunt, ea justus non tam ex veritate rei, quam ex puritate sui locutus est. Audistis, credidistis, exultastis, scripsistis, et me non parum lætificastis, non solum quod aliquem locum gratiæ, et locum non medicrem, apud vestram merui sanctitatem, sed et quod nobis vestrorum non parva ex parte puritas animorum innotuit. Paucis pro certo aperuistis, cujus spiritus estis.

**C** 3. Gaudeo proinde mihi, gaudeo et vobis; meæ utilitati, et vestræ sinceritati. Illa siquidem vera et sincera est charitas, et omnino de corde puro, et conscientia bona, et fide non ficta judicanda procedere, qua proximi bonum æque ut nostrum diligimus. Nam qui magis, aut certe solum diligit suum, convincitur non caste diligere bonum, quod utique propter se diligit, non propter ipsam. Et hic talis non potest obedire prophetæ, qui ait: *Confitemini Domino, quoniam bonus* (Psal. cxvii, 1). Confitetur quidem quia fortasse bonus est sibi, non autem quoniam bonus est in se. Quapropter noverit in se dirigi illud ab eodem propheta opprobrium: **D** *Confitebitur tibi cum benefeceris ei* (Psal. xlviii, 19).

sex incendia, quæ sacra illa domus ab incunabulis passa est, vix quidquam superesse instructissimæ illius manuscriptorum suppellectilis, quam majores sui summa cura et diligentia adornaverant. Tribuitur etiam eidem Guigoni liber de Scala Claustriale, relatus tomo 6. Nec omitendum quod de illo refert Trithemius, scilicet quod Epistolas S. Hieronymi nimio scriptorum vitio depravatas, diligenti studio ad veritatis limam emendaverit, et in unum comportaverit. Guigonis hac de re epistolam habes hic ex Analectorum tomo 1. Porro quinquagesimum ætatis agens annum, inquit Sutor, de Vita Cartusiana, libro 2, cap. 5, conversionis vero trigesimo, Prioratus sui vigesimo septimo vel circiter, non sine sanctitatis opinione spiritum Domino reddidit anno 1157, ab inchoatione vero Ordinis quinquagesimo tertio.

Est qui confitetur Domino, quoniam potens est; et est qui confitetur, quoniam sibi bonus est: et item qui confitetur, quoniam simpliciter bonus est. Primus servus est, et timet sibi; secundus mercenarius, et cupit sibi; tertius filius, et desert patri. Itaque et qui timet, et qui cupit, uterque pro se agunt: sola quæ in filio est caritas, non querit quæ sua sunt. Quam ob rem puto de illa dictum, *Lex Domini immaculata, convertens animas* (Psal. xviii, 8); quod sola videlicet sit, quæ ab amore sui et mundi avertere possit animum, et in Deum dirigere. Nec timor quippe, nec amor privatus convertit animam. Mutant interdum vultum vel actum, affectum nunquam. Facit quidem etiam servus nonnunquam opus Dei: sed quia non sponte, in sua adhuc duritia permanere concivitur. Facit et mercenarius; sed quia non gratis, propria trahi cupiditate cognoscitur. Porro ubi proprietas, ibi singularitas; ubi autem singularitas, ibi angulus; ubi vero angulus, ibi sine dubio sordes sive rubigo. Sit itaque servo sua lex timor ipse, quo constringitur; sit mercenario sua cupiditas, qua et ipse arcatur, quando ab ipsa tentatur abstractus et illeceus. Sed harum nulla aut sine macula est, aut animas convertere potest. Caritas **30** vero convertit animas, quas facit et voluntarias.

4. Porro in eo eam dixerim immaculatam, quod nil sibi de suo retinere consuevit. Cui nempe de proprio nihil est, totum profecto quod habet, Dei est: quod autem Dei est, immundum esse non potest. Lex ergo Domini immaculata, caritas est, quæ non quod sibi utile est querit, sed quod multis. Lex autem Domini dicitur, sive quod ipse ex ea vivat, sive quod eam nullus nisi ejus dono possideat. Nec absurdum videatur quod dixi etiam Deum vivere ex lege, cum non alia dixerim quam charitate. Quid vero in summa et beata illa Trinitate summam et ineffabilem illam conservat unitatem, nisi caritas? Lex est ergo, et lex Domini caritas, quæ Trinitatem in unitate quodammodo cohibet, et colligat in vinculo pacis. Nemo tamen me existimet charitatem hic accipere qualitatem, vel aliquod accidens; alioquin in Deo dicerem (quod absit) esse aliquid quod Deus non est; sed substantiam illam divinam: quod utique nec novum nec insolitum est, dicente Joanne, *Deus caritas est* (I Joan. iv, 16). Dicitur ergo recte caritas et Deus, et Dei donum. Itaque Caritas dat charitatem, substantiva (84) accidentalem. Ubi dantem significat, nomen est substantiæ; ubi donum, qualitatis. Hæc est lex æterna, creatrix et gubernatrix universitatis. Siquidem in pondere, et mensura, et numero per eam facta sunt universa: et nihil sine lege relinquitur, cum ipsa quoque lex omnium sine lege non sit; non tamen alia quam se ipsa, qua et se ipsam etsi non creavit, regit tamen.

5. Cæterum servus et mercenarius habent legem non a Domino, sed quam ipsi sibi fecerunt, ille

A Deum non amando, iste plus aliud amando. Habent, inquam, legem non Domini, sed suam, illi tamen quæ Domini est subjectam. Et quidem suam sibi quisque legem facere potuerunt; non tamen eam incommutabili æternæ legis ordini subducere potuerunt. Tunc autem dixerim quemque sibi suam fecisse legem, quando communi et æternæ legi propriam prætulit voluntatem, perverse utique volens suum imitari Creatorem: ut sicut ipse sibi lex, suique juris est, ita is quoque se ipsum regeret, et legem sibi suam faceret voluntatem: grave utique et importabile jugum super omnes filios Adam, heu! inclinans et incurvans cervicem nostras, adeo ut vita nostra inferno appropinquaverit. Infelix ego homo, quis me liberabit de corpore mortis hujus? (Rom. vii, 24.) quo utique sic premor, ut nisi quia Dominus adjuvit me, paulo minus habitasset in inferno anima mea (Psal. xciii, 17). Sub hoc onere gravatus gemebat qui dicebat: *Quare posuisti me contrarium tibi, et factus sum mihi metipsi gravis*? (Job vii, 20.) Ubi dicit, *Factus sum mihi metipsi gravis*, ostendit quod lex ipse sibi esset, nec alius hoc quam ipse sibi fecisset. Quod autem Deo loquens præmisit, *Posuisti me contrarium tibi*; Bei se tamen non effugisse legem indicavit. Hæc quippe ad æternam justamque legem Dei pertinuit, ut qui a Deo noluit suaviter regi, pœnaliter a se ipso regeretur; quique sponte jugum suave et onus leve charitatis abiecit, propriæ voluntatis onus importabile pateretur invitus.

C 6. Miro itaque modo æterna lex, fugitivum suum, et posuit sibi contrarium, et retinuit subjectum: dum videlicet nec justitiæ pro meritis legem evasit, nec tamen cum Deo in sua luce, in sua requie, in sua gloria remansit; subjectus potestati, et submotus felicitati. Domine Deus meus, cur non tollis peccatum meum, et quare non auferis iniquitatem meam (Ibid. 21), ut abjecta gravi sarcina propriæ voluntatis, sub levi onere charitatis respirarem, nec jam servili timore coercear, nec mercenaria cupiditate illiciar, sed ægæ spiritu tuo, spiritu libertatis, quo aguntur filii tui: qui testimonium reddat spiritui meo, quod et ego sim unus ex filiis, dum eadem mihi lex fuerit quæ et tibi; et sicut tu es, ita et ipse sim in hoc mundo? Hi siquidem qui hoc faciunt, quod ait Apostolus, *Nemini quidquam debeatis, nisi ut invicem diligatis* (Rom. xiii, 8), procul dubio sicut Deus est, et ipsi sunt in hoc mundo; nec servi aut mercenarii **31** sunt, sed filii. Itaque nec filii sunt sine lege, nisi forte aliquis aliter sentiat propter hoc quod scriptum est: *Justis non est lex posita* (I Tim. i, 9). Sed sciendum quod alia est lex promulgata a spiritu servitutis in timore, alia a spiritu libertatis data in suavitate. Nec sub illa coguntur esse liberi, nec sine ista patiuntur. Vis audire quia

(84) Alias, mendose, substantia.



tamen sine lege charitatis non sint? *sed accepistis*, A ait, *spiritum adoptionis filiorum* (Rom. viii, 15). Denique audi justum utrumque de se fatentem, et quod non sit sub lege, nec tamen sit sine lege. *Factus sum*, inquit, *his qui sub lege erant, quasi sub lege essem, cum ipse non essem sub lege; his qui sine lege erant, tanquam sine lege essem, cum sine lege Dei non essem, sed in lege essem Christi* (I Cor. ix, 21). Unde apte non dicitur: *Iusti non habent legem; aut, Iusti sunt sine lege: sed Iusti non est lex posita*; hoc est, non tanquam invitis imposita, sed voluntariis eo liberaliter data, quo suaviter inspirata. Unde et pulchre Dominus: *Tollite*, ait, *jugum meum super vos* (Matth. xi, 29). Ac si diceret: Non impono invitis, sed vos tollite si vultis. Alioquin non requiem, sed laborem invenietis animabus vestris.

7. Bona itaque lex charitas et suavis, quæ non solum leviter suaviterque portatur, sed etiam servorum et mercenariorum leges portabiles ac leves reddit, quas utique non destruit, sed facit ut impleantur, dicente Domino: *Non veni legem solvere, sed adimplere* (Matth. v, 17). Illam temperat, istam ordinat, utramque levigat. Nunquam erit charitas sine timore, sed casto; nunquam sine cupiditate, sed ordinata. Implet ergo charitas legem servi, cum infundit devotionem; implet et mercenarii, cum ordinat cupiditatem. Porro timori permixta devotio ipsum non annullat, sed castificat. Pœna tantum tollitur, sine qua esse non potuit dum fuit servitius; et timor manet in sæculum sæculi castus et filialis (Psalm. lxxviii, 10). Nam quod legitur, *Perfecta charitas foras mittit timorem* (I Joan. iv, 18), pœna intelligenda est, quæ servilli, ut diximus, nunquam deest timori, illo scilicet genere locutionis, quo sæpe causa ponitur pro effectu. Deinde cupiditas tunc recte a superveniente charitate ordinatur, cum mala quidem penitus respuuntur, bonis vero meliora præferuntur, nec bona nisi propter meliora appetuntur. Quod cum plene per Dei gratiam assecutum fuerit, diligitur corpus, et universa corporis bona tantum propter animam, anima propter Deum, Deus autem propter se ipsum.

8. Verumtamen quia carnales sumus, et de carnis concupiscentia nascimur, necesse est cupiditas vel amor noster a carne incipiat: quæ si recto ordine dirigitur, quibusdam suis gradibus duce gratia proficiens, spiritu tandem consummabitur: quia non prius quod spirituale, sed quod animale, deinde quod spirituale; et prius necesse est portemus imaginem terrestris, deinde cœlestis (I Cor. xv, 46-49). In primis ergo diligit se ipsum homo propter se. Caro quippe est, et nil sapere valet præter se. Cumque se videt per se non posse subsistere, Deum sibi quasi necessarium incipit per fidem inquirere et diligere. Diligit itaque in secundo gradu Deum, sed propter se, non propter ipsum. At vero cum ipsum cœperit occasione propriæ necessitatis colere et frequentare cogitando, legendo, orando, obediendo, quadam hujuscemodi familiaritate paulatim sensim-

que Deus innotescit, consequenter et dulcescit; et sic gustato quam suavis est Dominus, transit ad tertium gradum, ut diligit Deum, non jam propter se, sed propter ipsum. Sane in hoc gradu statuit, et nescio si a quoquam hominum quartus in hac vita perfecte apprehenditur, ut se scilicet homo diligit tantum propter Deum. Asserant hoc si qui experti sunt: mihi, fateor, impossibile videtur. Erit autem procul dubio cum introductus fuerit servus bonus et fidelis in gaudium Domini sui, et inebriatus ab ubertate domus Dei. Quasi enim ebrius, miro quodam modo oblitus sui, et a se penitus velut deficiens, **32** totus perget in Deum, et deinceps adhærens ei unus spiritus erit.

9. Arbitror hoc prophetam sensisse cum diceret: **B** *Introibo in potentias Domini; Domine, memorabor justitiæ tuæ solius* (Psalm. lxx, 16). Sciebat profecto cum introiret in spirituales potentias Domini, exitum se iri universis infirmitatibus carnis, ut jam nil de carne haberet cogitare, sed totus in spiritu memoraretur justitiæ Dei solius. Tunc pro certo singula Christi membra dicere poterunt de se, quod Paulus aiebat de capite: *Elsi cognovimus secundum carnem Christum, sed nunc jam non novimus* (II Cor. v, 16). Nemo ibi se cognoscit secundum carnem, quia caro et sanguis regnum Dei non possidebunt (I Cor. xv, 50). Non quod carnis substantia illic futura non sit; sed quod carnalis omnis necessitudo sit defutura, carnisque amor spiritus absorbendus, et infirmæ quæ nunc sunt humanæ affectiones in divinas quasdam potentias habeant commutari. Tunc sagena charitatis, quæ nunc tracta per hoc mare magnum et spatiosum, ex omni genere piscium congregare non desinit, cum perducta ad littus fuerit, malos foras mittens, bonos solummodo retinebit. Siquidem in hac vita ex omni genere piscium, intra sinum suæ latitudinis, charitatis rete concludit: ubi se pro tempore omnibus conformans, omniumque in se sive prospera, sive adversa trajiciens, suæque quodammodo faciens, non solum gaudere cum gaudentibus, sed etiam flere cum flentibus consuevit. Sed cum pervenerit ad littus, velut malos pisces omne quod triste patitur, foras mittens, sola quæ placere et jucunda esse poterunt, retinebit. Nunquid enim tunc, verbi gratia, Paulus aut infirmabitur cum infirmis, aut uretur pro scandalizatis, ubi scandala et infirmitas procul erunt? aut certe lugebit eos qui ante non egerunt poenitentiam, ubi certum est, sic neminem sane fore qui poeniteat, quomodo qui peccet non erit? Absit autem ut vel eos qui ignibus æternis cum diabolo et angelis ejus deputandi sunt, plangat et defleat in illa civitate, quam fluminis impetus lætificat (Psalm. xlv, 5), cujus diligit Dominus portas super omnia tabernacula Jacob (Psalm. lxxxvi, 2); quod videlicet in tabernaculis etsi quandoque gaudetur de victoria, laboratur tamen in pugna, et plerumque periclitatur de vita: in illa autem patria nulla prorsus admittitur adversitas

sive tristitia, quemadmodum de illa canitur : *Sicut letantium omnium habitatio in te* (Psat. 86, 7); et rursum : *Lætitia sempiterna erit eis* (Isai. LXI, 7). Denique quomodo misericordiæ recordabitur, ubi memorabitur justitiæ Dei solius? Proinde ubi jam non erit miseriæ locus, aut misericordiæ tempus, nullus profecto esse poterit miserationis affectus.

10. Longum quidem adhuc texere sermonem insatiabili colloquendi ad vos desiderio pulsor, fratres mei charissimi et desideratissimi; sed tria sunt quæ finem indicunt. Primum quidem, quod maxime vereor ne flam onerosus vobis: secundum, quia pudet loquacitatis: tertium, quod domesticis urgeor curis. In fine precor, miseremini mei; et si exultastis in bonis de me [tantum auditis, certis, quæso, compatimini malis. Vidit fortassis qui vobis ea narravit, aliqua parva, et de parvis grandia æstimavit; vestra autem sinceritas facile credidit quod libenter audivit. Gratulor quidem de charitate, quæ omnia credit (I Cor. XIII, 7); sed confundor pro veritate, quæ omnia novit. Volo vos mihi credere de me magis quam alteri, qui tantum videt in facie. Nemo quippe scit quæ sunt in homine, nisi spiritus hominis qui in eo est (I Cor. II, 11). Dico vobis ego qui de me loquor non ex conjectura, sed ex sententia: Non sum talis qualis putor vel dicor. Quod quidem tam securus fateor, quam certus experior: ita ut nil malim vestris orationibus specialiter obtinere, quam ut talis flam, qualem literæ vestræ prædicant.

### 33 EPISTOLA XII.

AD EOSDEM.

*Orationibus eorum se commendat.*

Amantissimo domino, et reverendissimo patri GREGORIO priori Cartusiensi, et sanctis fratribus adherentibus ei, frater BERNARDUS de Clara-Valle, modicum id quod est.

Primum quod, accedens ad partes illas, non adjeci pervenire usque ad vos videre facies vestras, rememorari iniquitates et necessitates meas: etsi vobis forsitan satisfacere possum, mihi, fateor, non possum. Irascor occupationibus meis, quibus factum est, non ut neglexerim, sed ut nequiverim. Hoc

(85) Scripta anno Christi 1126. Illustris cardinalis Baronius hanc epistolam refert ad annum 1129, sicut et tres sequentes. Verum, ut optime advertit Manriquez in Annalibus, ad annum 1126 pertinere debet. Nam ex suppresso Bernardi nomine, imo ex ipso contextu, prima ad Honorium scripta intelligitur, cui se tunc incognitum Bernardus existimabat. At certe exstant alie ad ipsum Honorium datæ, scilicet epistolæ 47 et 49, quas ipse Baronius reponit ad annos 1127 et 1128; proinde hæc anno superiori, nimirum 1126, collocanda est, quo Ebali Catalaunensis obitum, in cuius locum electus est Albericus, Acta ejusdem. Ecclesie contigisse probant.

(86) Illustris certe fuit Albericus, Remensis nuncupatus, si non genere, saltem doctrina et virtute. Abaelardi quondam sub Anselmo Laudunensi condiscipulus, denum antagonista, quo potissimum agente in synodo Suesionensi, is suum librum de Trinitate flammis tradere compulsus est. Ipse vero Albericus ex Remensi scholasticus episcopus Catalaunensis est.

A frequenter patior, et ideo frequenter irascor: dignus utinam, cui omnis sanctus condoleat. Alioquin dupliciter miser sum, si nec miserabilis sum. Ego vero fraternæ pietati locum in me ostendo, non meritum. Miseremini mei, non quia dignus, sed quoniam inops et pauper sum ego. Justitia meritum quærit: misericordia miseriam intuetur. Vera misericordia non judicat, sed afficit: non nititur discussione, occasione contenta. Non enim exspectatur ratio, ubi affectio trahit. Lugebat Samuel Saul, miserans, non deliberans (I Reg. xv, 35). Fundebat lacrymas David filio parricidæ, etsi non profuturas, pias tamen (II Reg. XVIII, 33). Ita et vos, miseremini mei, non quia merui, sed quia egeo. Miseremini tanquam misericordiam consecuti a Domino, ut sine timore a mundi tumultibus liberati, serviat ei. Felices, quos abscondit in tabernaculo suo in umbra alarum suarum sperantes, donec transeat iniquitas. Cæterum ego infelix, pauper et nudus, homo natus ad laborem, implumis avicula pene omni tempore nidulo exsulans, vento exposita et turbini, turbatus sum et motus sum sicut ebrius, et omnis conscientia mea devorata est. Miseremini proinde, etsi nil meriti, certe sic affecti.

### EPISTOLA XIII.

AD DOMINUM PAPAM HONORIUM (85).

*Alberici electionem ad episcopatum Catalaunensem ratam haberi petit.*

C Summo pontifici Honorio, frater quidam professione monachus, conversatione peccator, se ipsum quantillus est.

Alium apud vos plus valere pauperis precem, quam potentis vultum. De qua vestra singulari dignatione tam sancta opinio facit me dignitatis celsitudinem non vereri, quo minus audeam loqui ad vos, id præsertim quod charitas suggerit. De Ecclesia dico, domine, Catalaunensi, cujus, quantum in me est, nec valeo, nec debeo dissimulare periculum. Videmus nimirum, jamjamque imminere sentimus, nos qui vicini sumus, pacem videlicet memoratæ Ecclesie graviter mox esse turbendam, si electioni illustis illius viri, id est, magistri Alberici (86), in quam 34 utique totus tam clerus, quam populus

D nensis est electus post obitum Ebali, non vero Guillelmi de Campellis ut volunt Picardus, Horstius, Chesnius et alii. Sive enim Guillelmus decesserit anno 1119, ut ipsi numerant; sive anno 1121, quod supra probatum est in notis ad epistolam 3, verisimile non est sedem Catalaunensem vacasse ad promotionem Honorii papæ (ad quem Bernardus pro Alberico scribit), factam anno 1124. An autem electio et Bernardi commendatio effectum sortita sit, affirmat aliter Albericus in Chronico ad annum 1126; negant alii fere omnes, quod quidem certissimum videtur. Nam in nomenclatura Patrum qui concilio Trecenti anno 1127 seu 1128 interfuerunt, recensitis Patribus ipsoque Catalaunensi episcopo, suppresso licet nomine, magister Albericus Remensis inter alios inferioris ordinis exprimitur. Denique constat ipsum in sede Bituricensi defuncto Ulgrino successisse, ut recte probat Chesnius in notis ad Abaelardum. Albericus, Ecclesie Remensis scholarum magister, scientia literarum atque consilii prudentia clarissimus, a teste

pari voto et voce convenerant et conveniunt, vestra pietatis assensum impetrare nequiverint. De qua re si et nostra queritur aut curatur sententia, novius hominem sanæ fidei et doctrinæ hactenus existisse; in divinis pariter et humanis prudentem esse; et speramus in domo Dei (si tamen ipse elegit eum) fore vas in honorem, et utilem futurum non solum illi, sed et omni Gallicanæ Ecclesiæ. Vestra jam discretionis est judicare, an merito flagitetur a vobis facienda dispensatio, unde talis potest sperari recompensatio.

## EPISTOLA XIV (87).

AD EUMDEM HONORIUM PAPAM.

*Causam Ecclesiæ Divionensis, summo Pontifici commendat.*

Summo pontifici HONORIO, frater BERNARDUS vocatus abbas Claræ-Vallis, salutem, et si quid potest peccatoris oratio.

Quanto ad vos timore scribam, novit ipse quem timeamus in vobis. Sed ut audeam, domina charitas facit: quippe quæ imperat et vobis. Pro Ecclesiâ Divionensi rogatus (88), suscepi facere precem; sed quid potissimum precari debeam, pene dubito. Nam sicut tentare aliquid vel prece vel pretio adversus iustitiam iniquum est: sic pro iustitia multum labo-

rare apud iustitiæ amatorem superfluum. Verum etsi nos quid oremus, sicut oportet, nescimus, confidimus tamen quod vestra benignitas, præsertim in causa religiosorum (89), otiosa esse non poterit. Et quidem sanctitatis vestre prudentia sollicitaque discussio quid inventura sit, ego nescio; sed hoc dico quod audivi et frequenter audio, quia videlicet longo et inconcusso tenore fertur Divionensis Ecclesiâ possedisse ea, de quibus adversus eam causantur Luxovienses: ita ut hi qui videntur antiquiores de vicinis, mirentur et indignentur, novam abominantes calumniam (90).

## EPISTOLA XV.

AD HAIMERICUM CANCELLARIUM (91).

Unde supra.

**B** Viro illustri domino HAIMERICO apostolicæ Sedis cancellario, BERNARDUS de Clara-Valle, quæ retro sunt oblivisci, et ad ea quæ ante sunt, Apostolum sequi.

Non latet amicos nostros quod me familiari affectu diligitis, et tantæ mihi felicitatis fructum invident, si solus habere voluero. Monachi Divionenses ob antiquam illius Ecclesiæ religionem mihi charissimi sunt. Sentiant, si placet, quod non sit amor otiosus, sive vester ad nos, sive noster ad illos, salva tamen

Roberto de Monte, « Remensis » originte dicitur a Petro Abelardo in Historia Calamitatum suarum, cap. 5, et discipulus Guillelmi de Campellis, « condiscipulus » Abelardi, ab Heloissa in epistola 2. Ad eum de Christi timore Gualterus episcopus Landunensis scribit epist. 4 quæ exstat in Spicilegio tomo 2, pag. 469. Fallor si non ipse est « magister in Francia », quem tacito nomine suggillat Abelardus in Theologiæ introductione, pag. 1066. Obiit anno 1141. Confer epistolam 58, quæ ante hanc scripta est ad Ebalum, et legis Marlotum in Metropolis Remensis tomo 2, pag. 285. Fuit alter Albericus Remensis, dictus de Porta-Veneris, de quo Joannes Saresburiensis, epistola 182. Quod spectat ad periculum, quod Bernardus in hac epistola dicit imminere Ecclesiæ Catalaunensi, nisi confirmetur Alberici electio, non videtur interpretandum de ambitu Henrici Viridunensis, quem Baronius, Manriquez ad annum 1129, et auctor Gallix purpuratæ in Mathæo, asserunt voluisse invadere sedem Catalaunensem; sed potius de perturbatione consequenda, si vota et unanimis tam cleri quam populi postulatio frustrarentur, ut in consequentibus Bernardus satis insinuat. Quod autem asserunt præfati auctores pro fundamento suæ sententiæ, fragmentum videlicet epistolæ 48 ejusdem sancti ad Haimericum, ubi sic ait, « Quid in me, o boni viri, displicuit paternitati vestræ? utrumne » quod apud Catalaunum amotus est a villicatione » sibi credita homo usquequaque diffamatus, qui in » Ecclesia Viridunensi, cui præfuerat, dissipasset » bona Domini sui? » hoc tantum indicat Henrici depositionem apud Catalaunum a Mathæo legato factam esse, ut refert Albericus ad annum 1129, dicens concilium a Mathæo legato « Catalauni celebratum » in Purificatione beatæ Virginis, ubi de » consilio sancti Bernardi Henricus Viridunensis episcopus » scopatum dimiserit. » Exstant apud Wassebourg, Antiquitatum Belgicæ Gallie libro 4, hujusce rei testes Honorii ad Mathæum litteræ, in quibus inter alia sic habetur: « Tu vero tam prædictum episcopum » (nempe de bonorum ecclesiasticorum dilapidatione accusatum) » quam partem adversariam » (Viridunenses canonicos, prout ibi utrumque expri-

mitur) » ad tuam præsentiam evocas, Catalaunum » adeas, ibique adscitis tibi Treverensi archiepiscopo » et aliis episcopis, sapientibus etiam et religiosis » viris, negotium studiose audias, et diligenti indagatione perquiras. Quod si accusatores et testes » idonei apparuerint, communicato fratrum consilio » canonice causam definias, » etc. Sed de his satis. » (87) Scripta circa annum 1126.

(88) Id est pro monasterio Divionensi S. Benigni monachorum, quos ob antiquam religionem sibi charissimos in epistola sequente dicit Bernardus, cujus pater et mater in eorum ecclesia sepulti sunt, inde postea translati Claram-Vallem. Bernardo, aliisque ejusdem ævi scriptoribus familiare ecclesiæ nomine significare monasteria, infra in epistolis 59, 60, 559, 582, 584, 595, etc. cum alias ecclesiæ quævis non raro monasteria dicta sint. Nota hic S. Benigni ecclesiam simpliciter vocari Divionensem, quod primaria sit urbis ecclesiæ.

(89) Hoc nomine non raro Bernardus aliique utuntur ad monachos designandos, ut in epistolis 45 et 202, et in sermone 26 de Diversis, n. 2; sed et longe ante eum Gregorius Magnus in libro 1, epistola 59.

**D** (90) Lis ista vertebatur de duabus cellis, Clari-Montis et Vangionis-Rivi, anno tandem 1129 decisa per Stephanum archiepiscopum Viennensem et alios, apud Perardum in Burgundicis Monumentis, pagg. 224 et 228.

(91) Scripta eodem anno. Haimericus, natione Burgundus, ex Castra Bituricensium oppido, quod Castreæ familiæ nomen dedit, oriundus, Petri de Castra Biturigum archipresulis consobrinus, ex canonico Lateranensi a Calixto II creatus est cardinalis diaconus tituli S. Mariæ novæ, anno 1120, et cancellarius sanctæ Romanæ Ecclesiæ institutus ante obitum Chrysogoni Pisani, sui in hoc munere antecessoris; quo per aliquot annos præclare functus, decessit anno 1141, quinto Kalendas Junii, ut fidem facit kalendarium Sancti-Victoris Parisiensis. Bernardus frequentes et familiares ad eum scripsit epistolas, necnon tractatum De diligendo Deo.



in omnibus iustitia, contra quam ne amicum quidem A  
respicere fas est.

### 35 EPISTOLA XVI (92).

AD PETRUM PRESBYTERUM CARDINALEM.

*Unde supra.*

Charissimo domino suo Petro presbytero cardinali, frater BERNARDUS abbas Claræ-Vallis, salutem, et non in via.

Ego causam non habeo; causam tamen Divionensium monachorum, quia viri religiosi sunt, meam facio. Manu tenete eam ut meam; sic tamen meam, ut et iustitiae sit. Quod utique et nos confidimus, et tota fere patria testatur.

### EPISTOLA XVII.

AD PETRUM DIACONUM CARDINALEM (93).

*Excusat se quod vocatus non venerit: de scriptis postulat respondet.*

Domino venerabili Petro, Romanæ Ecclesiæ diacono cardinali et legato, frater BERNARDUS, se ipsum quantum potest.

Quod ad vos non veni ut mandastis, non mea pigritia, sed causa fuit non contemnenda. Siquidem salva vestra omniumque bonorum reverentia, mihi propositum est nequaquam egredi de monasterio, nisi certis ex causis, quarum utique nulla modo se obtulit, ut licite possem vestræ in hoc, imo et nostræ satisfacere voluntati. Verum vos quid facitis de eo quod jamdudum vestrarum priorum litterarum promissione tenemus, vestro scilicet, quem adhuc sustinemus, adventu? Quæ illa deinde scripta sint, quæ et ante vobis [*al. nobis*] fieri iussistis, et nunc requiritis, omnino nescimus; ideoque nihil paravimus. Ego enim nescio me quidpiam quandoque scriptitasse de moralibus, quod vestræ Excellentie (94) studio dignum putem. Aliqui fratres nonnulla ex his quæ me coram audire loquentem, stilo suo exceperunt. Quorum unus vobis præsto est, præcentor videlicet Trecentis et archidiaconus Gebuinus (95); et facile potestis habere, si qua placent, quæ ab illo accepta sunt. Tamen si curæ vobis, aut curis quandoque vestris vacuum fuerit, et ita dignum iudicatis, dignitatis videlicet vestræ promissam præsentiam expectantibus exhibere filioli, tunc si quid in manibus inventum, aut nostro posse adhuc elaborari studio visum fuerit quod forte delectet, vestræ

(92) Scripta eodem anno.

(93) Scripta circa annum 1127. Petrus iste alius sine dubio est a Petro Leonis itidem legato, sed presbytero cardinali, ut probavimus in Præfatione ad hunc tomum. Videtur esse Petrus, quem legatum de latere suo Honorius II initio sui pontificatus in Galliam misit contra Pontium et Pontianos, teste Petro Venerabili, in libro secundo de Miraculis, cap. 15. An Petrus de Fontanis, Bernardi conterraneus, cardinalis tituli S. Marcelli a Calixto creatus anno 1120.

(94) Excellentie nomine S. Bernardus cardinales compellere solet, ut in epistolis 306 et 311; aliquando Sanctitatis, epistola 306. Excellentie titulum tribuit etiam regibus, epistola 45, n. 2; item Papa, epistola 349; imo episcopis, epistola 65.

(95) Gebuinum « moribus et litteratura conspi-

omnino pro viribus non deero voluntati. Diligimus enim bonam famam vestram; reveremur quam in vobis audivimus, circa res Dei sollicitudinem et sinceritatem; et ideo valde gratum habemus, si nostra vobis forte in aliquo esse possit officiosa rusticitas.

### EPISTOLA XVIII (96).

AD EUNDEM (97).

*Opinionem sanctitatis a se amoliri nititur, et promittit se quos scripserat libellos communicaturum.*

1. Cum totum me dederò vobis, parum est, ut digne mihi videar recompensasse vel dimidium benevolentie, quam erga nostram humilitatem habere vos aiunt. Gaudeo quidem de gratia: sed temperat, B fateor, pro tanto favore lætitiā, quod eundem mihi favorem non opus, sed opinio acquisierit. Pudet nimirum granditer exsultare, cum sentio in me 36 venerari vel diligi, non quidem quod sum, sed quod putor. Neque enim ego tunc diligor, quando sic diligor: sed nescio quid in me pro me, quod non sum ego (98). Imo ut verius loquar, non nescio: nam certissime scio quod nihil. Nihil enim procul dubio est, quidquid putatur et non est. Porro cum amatur quod non est sed esse putatur, non amor vel amans nihil est, sed quod amatur. Mirandum, sed magis dolendum quam mirandum, quod id quod nihil est, amari potest. Hinc plane sentimus unde, quo venimus; quid perdidimus, quid invenimus. Adhærendo ei qui semper et beate est, semper C et nos esse, et beate esse poteramus. Adhærendo autem dixerim, non solum per cognitionem, sed per amorem. Nam quidam ex filiis Adam cum cognovissent Deum, non sicut Deum glorificaverunt, aut gratias egerunt: sed evanuerunt in cogitationibus suis. Merito proinde obscuratum est insipiens cor eorum: quia cum veritatem cognoscerent et contemnerent, jure receperunt in pœnam ut nec cognoscerent. Hæu! sic adhærendo veritati per cognitionem, sed ab illa defluendo per amorem, amando pro illa scilicet vanitatem, homo vanitati similis factus est. Et quid vanius quam diligere vanitatem; et quid iniquius, quam contemnere veritatem? Quid vero justius quam contemptoribus subtrahi et ipsam cognitionem? quid, inquam, justius, quam ut jam de ejus D cognitione gloriari non possit, qui cognitam non

enim » vocat Hildebertus in epistola 53. Ejusdem eloquentiam et sapientiam prædicat Nicolaus Claræ-Vallensis in epistola 5, ubi ejus sermonem memorat in illud Evangelii, Si Filius vos liberaverit, etc. Sermonum ipsius volumen exstat in Bibliotheca Victorina. Hic est ille cantor Trecentis, cujus flores peti Joannes Saresberienensis in epistola 96. Confer Petrum Venerabilem in libro II, epistolis 34 et 35.

(96) Scripta circa annum 1127.

(97) Variant in hoc titulo manuscripti. Colbertinus n. 1410, et Compendiensis habent, Ad eundem Aimericum, alii tres Colbertini, Ad eundem, ut id referatur ad Petrum diaconum: quod præferendum, ob libros petitos in superiori epistola, et in hac, n. 5.

(98) Ita fere Augustinus in epistola 143, n. 3.

glorificavit? Itaque appetitus vanitatis est contemptus veritatis; contemptus veritatis, causa nostræ cæcitatibus. *Et quia non probaverunt, inquit, Deum habere in notitiam, tradidit illos in reprobum sensum* (Rom. 1, 21, 28).

2. Ex hac ergo cæcitate descendit, quod plerumque pro eo quod est, amamus vel approbamus quod non est: quoniam dum sumus in hoc corpore, peregrinamur ab eo qui summe est. Et quid est homo, o Deus, nisi quod innotuisti ei? Itaque si notitia Dei causa est ut homo aliquid sit, ignorantia facit ut nihil sit. Sed qui vocat ea quæ non sunt, tanquam ea quæ sunt, miseratus quodammodo redactus in nihil; manna illud absconditum (de quo Apostolus, *Et vita, inquit, vestra abscondita est cum Christo in Deo* (Coloss. 3, 3), quia necdum possumus contemplari per speciem, vel plene amplecti per amorem, dedit interim nobis ei sapere per fidem, et querere per desiderium: per quæ utique duo ad esse de non esse secundo reducti, fieri incipiamus initium aliquod creaturæ ejus, transituri quandoque in virum perfectum, in mensuram ætatis plenitudinis Christi. Quod procul dubio erit, cum justitia convertetur in judicium, hoc est, fides in intellectum, justitia videlicet quæ ex fide est, in judicium plenæ cognitionis, et item desiderium peregrinationis in plenitudinem commutabitur dilectionis. Si enim adhuc absentes initiat fides, et desiderium, præsentibus profecto consummat intellectus et amor. Sicut autem fides ducit ad plenam cognitionem, sic desiderium ad perfectam dilectionem. Et sicut dicitur: *Nisi credideritis, non intelligetis* (Isai. vii, 9, sec. LXX): sic dici æque non absurde potest, Si non desideraveritis, non perfecte amabitis. Intellectus igitur est fructus fidei, perfecta charitas desiderii. Interim justus ex fide vivit (*Habac. 11, 4*); nam beatus ex intellectu. Interim justus desiderat ad Deum sicut cervus ad fontes aquarum: nam beatus haurit jam in gaudio de fontibus Salvatoris, hoc est, delectatur in plenitudine charitatis.

3. His igitur fortassis quasi duobus animæ brachiis, intellectu videlicet et amore, id est cognitione et dilectione **37** veritatis, amplectitur et comprehenditur cum omnibus sanctis longitudo, latitudo, sublimitas et profundum, hoc est æternitas, charitas, virtus et sapientia. Et hæc omnia Christus. Æternitas est, quia hæc est vita æterna, ut cognoscant te verum Deum, et quem misisti Jesum Christum (*Joan. xvii, 3*). Charitas est, quia Deus est: Deus enim charitas est (*I Joan. iv, 16*). Est et Dei virtus, et Dei sapientia (*I Cor. 1, 24*). Sed quando hæc erunt? quando videbimus eum sicuti est? Quando amabimus eum prout est? Nam expectatio creaturæ revelationem filiorum Dei expectat. Vanitati enim creatura subjecta est non volens (*Rom. viii, 19, 20*). De qua universali vanitate inest nobis et velle laudari, cum simus vituperabiles; et nolle laudare quos scimus esse laudabiles. Sed et hoc va-

(99) Guillelmum scilicet S. Theoderici abbatem, quæ Apologia legitur hic in tomo II.

num est, quod nostra plerumque ignorantia et taceatur quod est, et prædicatur quod non est. Quid ad ista dicemus, nisi quia *vani filii hominum, mendaces filii hominum in stateris, ut decipiant ipsi de vanitate in idipsum* (Psal. lxi, 10.) Laudamus [al. laudamur mendaciter, delectamur inaniter; ut et vani sint qui laudantur, et mendaces qui laudant. Alii adulantur, et ficti sunt; alii laudant quod putant, et falsi sunt; alii utrorumque præconiis gloriantur, et vani sunt. Solus sapiens qui cum Apostolo dicit: *Parco autem ne quis me existimet supra id quod videt in me, aut audit aliquid ex me* (II Cor. xii, 6).

4. Hæc interim vobis nimis festine, et ob hoc minus festive exaravi potius quam dictavi, ac fortassis loquacius quam debui, sed omnino veracius non potui, prout sapui. Sed ut inde sumat epistola finem, unde sumpsit exordium, nolo vos de me incertæ famæ nimis credulum esse: quæ, ut optime nostis, sape in sua solet utrobique falli sententia; et de laude videlicet, et de vituperatione. Probate, si placeat, et æstimate, quatenus amor vel favor vester et justus, et eo sit amplius amico gratus, quo pro meritis moderatus: ut cum laus de gravitate judicii, non mendacio processerit vulgi, et si minus honoris, minus quoque conferat et oneris. Est certe quod me magis, quantuluscumque sum, quod esse vestrum: quod videlicet in rebus Dei strenue sincereque, ut aiunt, pro vestra vice versamini. Hoc ut semper de vobis vere dicatur, semper in vobis vere inveniat.

5. Librum quem quæsisitis ad transcribendum, habetis. Opuscula nostra quæ requiritis, et pauca sunt, et nihil est in eis omnino quod vestro studio dignum putem. Tamen quia melius judico mihi, nostrum culpari ingeniolium, quam voluntatem; et periclitari apud vos potius imperitiam, quam obedientiam: quæ horum, et quo vobis placet ut mittam, scripto nobis per præsentem nuntium significat; ut quæ modo penes me non sunt, ab his qui habent ea requiram, et dirigam quocumque mandaveritis. Et ut sciatis quid petatis, scio me scripsisse libellum, qui inscribitur, De humilitate; et quatuor homilias in Laudibus Virginis Matris (nam hunc habet titulum), super illum videlicet locum Evangelii apud Lucam, ubi dicitur, *Missus est angelus Gabriel* (Luc. 1, 26); necnon et Apologiam ad quemdam amicum nostrum (99), ubi aliqua disserui de Cluniacensibus, et nostris, id est Cisterciensibus, observantiis. Sed et paucas ad diversas epistolas dictavi. Aliqui fratres ex his qui me coram audire loquentem, suo silo exceperunt, et penes se retinent. Utinam, quod minime spero, nostra volis in aliquo possit esse officiosa rusticitas.

### 38 EPISTOLA XIX (100).

AD EUNDEM.

*Commendat Remenses legatos.*

Tempus est ut promissum exigam; utque probem

(100) Scripta circa annum 1127.

ne forte frustra de vobis semper confisus sim, ex quo vestram et notitiam merui, et amicitiam. Mihi siquidem vos præstitisse confidite, quidquid opis vestræ isti Remenses (101) legati præsto sibi esse persenserint. Non quia me tanti putem, hæc audeo, sed quia vos promisistis: utrumne digne, vos videtis.

## EPISTOLA XX (102).

AD HAIMERICUM CANCELLARIUM.

*Unde supra.*

Viro illustri domino HAIMERICO sanctæ Romanæ sedis cancellario, frater BERNARDUS de Clara-Valle, salutem et orationem.

Quia semel cœpi, loquar, et loquar ad vos: eroque importunus, sed importunus charitatis, sed veritatis, sed iustitiæ. Nam etsi tanti non sum, ut Romæ habeam propria negotia, nulla tamen quæ Dei esse constiterit, a me duco aliena. Quapropter si veræ id mihi gratiæ apud vos manet quod multorum habet opinio, liceat illud obsecro legatis domini, archiepiscopi Remensis in præsentī negotio experiri. Nil quippe eos, nisi quod iustum est, perferre vel quærere suspicamur.

## EPISTOLA XXI.

AD MATTHÆUM LEGATUM (103).

*Excusat se perbelle, quod vocatus ad negotia tractanda, non accesserit.*

1. Fuit quidem parere paratum cor meum; sed non æque et corpus meum. Scævientis siquidem acutæ febris exusta ardoribus et exhausta sudoribus, non valuit sufficere spiritui prompto caro infirma. Volui ergo, sed prævolanti voluntati obstitit ea quam dixi occasio. Quæ an iusta sit, ipsi iudicent amici nostri, qui me omni exclusa excusatione, obedientiæ retribus circumclusum, quotidie de claustro ad civitates pertrahere moluntur; simulque attendant istam me occasionem non fallaciter adinvenisse, sed graviter pertulisse: ut vel nunc experiantur, quia non est consilium contra consilium Domini. Quibus si ego respondissem, *Exui tunicam meam, quomodo induam illam? lavi pedes meos, quomodo inquinabo*

*illos? (Cantic. v, 3), profecto indignarentur. Nunc autem divino aut succenseant, aut acquiescant iudicio, quo factum est ut etsi velim, non valeam proficisci.*

2. Sed grandis, inquit, fuit causa, gravisque necessitas. Quærendus ergo fuerat qui grandibus definiendis fuisset idoneus. Si me talem putant, ego me talem non esse nequaquam puto, sed scio. Denique sive grandia sint, sive parva, ad quæ me ita perurgent ego causam non habeo. Quæro siquidem: Facilia sunt an difficilia, quæ ad perturbandum amicū silentium tantopere imponere curatis amico? Si facilia, absque me possunt fieri; si difficilia, per me non possunt effici, nisi forte tanti æstimor, cui grandia et impossibilia reserventur, tanquam ea ego possum, quæ nemo alius facere potest. Quod si ita est, Domine Deus meus, quomodo tuum de me solo frustratum est iudicium, ponens sub medio lucernam, quæ poterat lucere super candelabrum; et, ut apertius loquar, tentans me facere monachum, et volens abscondere in tabernaculo tuo in die malorum, hominem necessarium mundo, sine quo episcopi non possunt sua pertractare negotia? Sed et hoc mei mihi necessarij præstiterunt, ut nunc quoque videar loqui turbatus homini, cuius nunquam nisi serenus et cum omni iucunditate soleo recordari. Vos tamen vobis (dico, pater) noveritis quia paratus sum, et non sum perturbatus, ut custodiam mandata vestra. Vestræ autem indulgentiæ erit parcere mihi, ubi parcendum decreveritis.

## EPISTOLA XXII.

AD HUMBALDUM (104) LUGDUNENSEM ARCHIEPISCOPUM ET LEGATUM.

*Causam episcopi Meldensis commendat.*

Reverendissimo domino et patri suo HUMBALDO Lugdunensi archiepiscopo, Romanæ sedis legato, frater BERNARDUS Claræ-Vallis abbas, si quid potest peccatoris oratio.

Dominus episcopus Meldensis (105) cum accepit litteras vestras, forte tunc ad nos visitandi gratia veniebat. Cumque jam e domo nostra rescribere pa-

(101) De hac legatione nihil lego apud Marlotum. Forte directa est Honorio ad obtinendum pallium pro Rainaldo de Martiniaco, qui ad sedem Remensem ex Andegavensi translatus est anno 1124. Sed aliud negotium innuit epistola sequens.

(102) Scripta circa eundem annum.

(103) Scripta sub finem anni 1127. Matthæus, nobilibus fuit parentibus in Remensi provincia ortus, deinde canonicus Remensis, sed mox omnibus repudiatis, Ordinem Cluniacensem Parisiis in monasterio Sancti-Martini a Campis professus, demum episcopus Albanensis et cardinalis creatur ab Honorio II, anno 1125, et in Franciam legatus concilio Trecenti præfuit anno 1128, ejus auctoritate convocato, cui Bernardus repugnans licet interesse compulsus est. De hac concilii Trecenti celebratione sic loquitur Johannes Michaelensis scriba Concilii: «In solemnitate S. Hilarii, anno 1128 ab incarnato Dei Filio, ad Trecenti, Deo duce in unum convenientes, etc. De Matthæi vita et virtutibus fuse agit Petrus Venerabilis in libro tertio de Miraculis, cap. 3 sqq.

(104) Scripta ante annum 1128. Hunc et Humbert-

tum vocat Ordericus, et alias dicitur Humbaudus. Is ex archidiacono Eduensi primas Lugdunensis creatus, in legationis munere adjunctus est Petro Fontanensi cardinali, initio pontificatus Honorii II, non vero sub Callisto, ut habet Severtius in Historia Episcoporum Lugdunensium, ad coercentiam in primis Pontii Cluniacensis nuper cœnobiarchæ insolentiam: quod et præstitum est ab ipsis, Pontio anathemate percusso, prout hæc omnia diligenter scribit Petrus Venerabilis in libro secundo de Miraculis, cap. 13. Unde hæc epistola scripta videtur non longe ab anno 1125, certe ante annum 1129, quo obitus Rainaldi, Humbaldi successoris (qui paucis diebus sedem Lugdunensem occupavit), constanter a Severtio reponitur.

(105) Nimirum Burchardus, non Manasses II ejus successor. Hoc enim exigit concursus temporis cum Humbaldo, defuncto (ut vidimus) ante annum 1129; cum Burchardus ad annum 1133 supervixerit, utique post cruentam cædem Thomæ Sancti-Victoris Prioris, juxta quem sepultus commune habere meruit epitaphium, ut videre licet in Gallia Christiana et



raret, suis nostras tanquam vestri familiaris litteras jungere curavit, suo sperans negotio profuturas. Cui cum non possem negare quod vellet, id solum vestræ Reverentiæ familiariter breviterque intimandum putavi quia si adversus episcopum querentem quæ sunt Jesu Christi, homines se ipsos amantes, et quæ sua sunt querentes audieritis, hoc nec vestræ congruit dignitati, nec officio.

## EPISTOLA XXIII.

AD ATTONEM (106) TRECENSEM EPISCOPUM.

*Attonem episcopum, qui in morbo mortem cogitans, omnia sua distribuerat in pauperes, restitutum valetudini solatur, et laudat.*

Pauperi episcopo pauper abbas, paupertatis consequi pramium, quod est regnum celorum.

1. Laudarem vos, et jure laudarem, si non me revocaret illa sententia, *Neminem laudaveris in vita sua* (Eccl. xi, 30); siquidem rem laude dignam egistis: sed ei laus adscribenda est, a quo accepistis et velle, et perficere quod merito laudaretur. Deum ergo per vos, et in vobis operantem glorificamus,

Severtio. Unde mendum irrepsisse liquet in Tabularium Sancti-Martini de Campis relatum a Chesnio in notis ad Abælardum, ubi Manasses II Sancto Martino ecclesiam de Choisiaco legitur concessisse anno 1125, quem pro anno 1135 mendose inductum testatur Historia ejusdem cœnobii a P. Marrier evulgata. Quæ quidem observatio etiam facile persuadet, episcopum Meldensem, cujus mentionem Bernardus facit statim ab initio epistolæ 42, ad Henricum Senonensem, non esse Manassen II, ut multi hactenus opinati sunt, sed ipsummet Burchardum. Hæc enim epistola scripta est ad Henricum recens ab aulico vivendi genere conversum, ut clare insinuat Bernardus tum his, tum aliis verbis: « Nuper autem, » inquit, « nobis a vestris partibus flare cœpit aura secundior. Rumoribus siquidem recentioribus nuntiata sunt de vobis solito lætiora, » quod scilicet Carnotensis episcopi consiliis vitam in melius instituisset, ut infra declarat. Atqui hanc præsulis Senonensis mutationem Honorii II tempore contigisse constat tum ex epist. 49, ad ipsum Honorium, cui Henricum maxime commendat adversus Ludovici Grossi infestationes; tum ex ipsarum causa infestationum, quam non aliam fuisse præter Henrici conversionem, disertis verbis ibidem asserit. « Qui ante, » inquit, « in habitu actuque sæculari honorati sunt sublimes, judicati fideles, habitus familiares: modo inimici facti sunt digne suo sacerdotio conversantes, et per omnia honorificantes ministerium suum.... Hinc et nunc domini Senonensis constantiam concutere et labefactare conatur, » etc.

(106) Scripta circa eundem annum. Attonem (alias, *Hatonem*) monachum fuisse Cluniacensem affirmant omnes: sed qui ante adeptum pontificatum, facile revincuntur ex Petri Venerabilis epistola 50, lib. 2: « Ubi est, » inquit, « devotio illa, ubi est affectus ille cœlo approprians, imo ipsum cœlum, ut jam videbatur, exsuperans, quo te mihi non dico in fratrem, sed, ut verbis tuis te familiariter arguam, in filium ac monachum devovisti? Ubi fides data, ubi tempus constitutum, ubi denominata dies, quando te mundum deserere, humilem et pauperem Jesum sequi sublimis adhuc et dives episcopus devovisti? Idem habet libri quarti epistola 27: « Quod non dedit, » inquit, « amicitia juvenus, conferet saltem senectus. » Sed omnem omnino difficultatis umbram abigit epistola Petri Prioris... Joannis Evang. Senonensis ad eundem Attonem congratulatoria, quam publici juris fecit Severtius in Catalogo episcoporum

A qui tantum ad hoc in vobis voluit glorificari, ut et vos redderet gloriosum. Qui nimirum cum sit mirabilis in majestate sua, etiam in sanctis suis gloriosus apparere dignatur, ne solus habeat gloriam. Ipse nempe licet sit sibi sufficiens ad omnem magnificentiam, querit tamen gloriam et in sanctis, non ut augeat sibi, sed ut suis communicet. Novit autem qui sunt ejus: sed nobis non facile innotescunt, nisi cum ipse revelare dignabitur. Scimus sane de qualibus scriptum est: *In labore hominum non sunt, et cum hominibus non flagellabuntur* (Psal. lxxii, 5). Et quia vobis hæc ipsa sententia non congruat, nihilominus modo cognoscimus. Scriptum quoque est: *Quem diligit Dominus corripit, flagellat autem omnem filium quem recipit* (Prov. iii, 12, et Hebr. xii, 6). Flagellatum video et emendatum, et aliud suspicer quam unum esse ex filiis? Porro correctionis vestræ clarum satis insigne tenemus, ipsam nunc paupertatem vestram. Nobilis revera titulus paupertatis, quam ipse Deus ore commendans prophético: *Ego sum, ait, vir videns paupertatem meam* (Thren. iii, 1).

Matisconensium, in Joceranno, § 4, cujus hic aliquot apices representare lubet:

« Dilectissimo D. et patri suo venerando pontifici *Hatoni* capitulo B. Benedicti feliciter laureato, P. pusillus servus Christi, oblivisci populum suum et domum patris sui.

« Sacramentum unctionis tuæ transmigratio tua, venerande pater, non dissolvit: sed quo magis accedis ad Dominum, eo gemma tui meriti pulchrius elucescit. Lucerna quippe ne a ventis exsuffletur, a publico sublata melius in domo lucet; et navis quam tempestas in fluctibus agitabat, latibula cryptarum ingressa tuta manet; et persona quæ mundi turbines evadens domum pacis ingreditur, jacturam aliorum respiciens de tranquillitate sua gratulatur. Recessus a mundo, sicut Paternitas tua novit, accessus est ad cœlestem thronum, et cathedra sponte derelicta majoris est dignitatis signum. Eapropter domos suas plures exierunt, et majori satis felici commercio lucrati sunt. Gregorius Nazianzenus sedi suæ renuntiavit, ruri vitam monachi egit. Justus Lugdunensis ad eremum Ægyptium declinavit. Wulfrannus Senonensis, Frisonum apostolus, monasterio Fontanelle ad extremum se tradidit. Quia hi quidem meritis exigentibus sacris pulvinaribus corporaliter exhibentur: pontificale vero nomen sepultus etiam conservatur. Possem et alios hujusmodi adducere plures in medium: sed in omni verbo sufficere potest trium testimonium. Cæterum ad te, charissime pater, distilum verto, tuæque felicitati totus congaudeo, quem Senonensis Ecclesia decanum et archidiaconum habuit, Treassina sedes pontificem gloriosum obtinuit, Cluniceus civem sanctorum et domesticum Dei facit. »

Idem episcopus interfuit concilio Trecenti anno 1128, tum etiam Pisano anno 1134, in reditu capite sauciatus prope Tremulum Pontem Italiae oppidum, captivusque abductus cum plerisque Galliarum præsulibus: de qua quidem injuria Petrus Cluniacensis missis litteris, nempe epistola 27 lib. 5, apud Innocentium exposulavit. Diu tamen supervixit, denum Cluniaci mortuus anno 1145, quarto kalendas septembris, ut notatur in Calendario cœnobii Arrenarenensis. Vide Camusatium in Promptuario sacrarum antiquitatum Treassinae diœcesis, et Severtium in Catalogo Episcoporum Trecentium et Episcoporum Matisconensium.

Super omnes regios thesauros hic vos titulus nobilitat amplius, et reddit illustrem.

2. Scio me ex Scriptura commemorasse superius, non esse laudandum hominem in vita sua. Verum quomodo me possum cohibere a laude illius, qui post aurum abire jam desiit, et sperare contempsit in pecuniæ thesauris? De quali nimirum viro Scriptura sic loquitur: *Quis est hic, et laudabimus eum? facti enim mirabilia in vita sua* (Eccli. xxxi, 8, 9). An fortasse non est quidem laudandus homo in vita sua, quæ tentatio est super terram, nec ideo tamen laudandus non est, cum mortuus peccato vivit Deo? Vana quidem laus et seductoria, qua laudatur peccator, in desideriis animæ suæ, in quo qui me beatificat, in errorem inducit: sed non idcirco prædicanda, et multum commendanda non erit illius vita, qui dicere potest: *Vivo autem jam non ego, vivit vero in me Christus* (Galat. ii, 20). Cum ergo laudatur homo in quo jam vivit non ipse, sed Christus, non in sua laudatur sed in Christi vita, ac per hoc non laudatur contra sententiam, quæ prohibet hominem laudari in vita sua.

3. Cur denique dignus meis laudibus non erit, quem sui quoque hominis Deus laude dignatur, dicente David: *Pauper et inops laudabunt nomen tuum?* (Psal. lxxiii, 21.) Laudatur Job, quod sua patienter amisit: et non laudabatur episcopus qui et libenter dimisit, et liberaliter distribuit? Non exspectavit mortem; quando jam nec dare, nec retinere in sua haberet potestate: quod utique multi faciunt, quorum videlicet testamentum nonnisi in mortuis confirmatur: sed adhuc inter spem vitæ metumque positus mortis, vivens libensque dispersit et dedit pauperibus, ut justitia ejus maneret in sæculum sæculi (Psal. cxi, 9). Numquid et pecunia (mensura similiter erat in sæculum sæculi? Bona ergo recompensatio justitiæ pro pecunia, quando pro eo quod teneri non poterat, id restitutum est quod feliciter maneat in æternum. Melior est enim incomparabiliter justitia, quam pecunia quod illa ditet et repleat arcem, hæc animam. Denique sacerdoties Dei induuntur justitia, et multo utique decentius et ditius, quam auro vel serico.

4. Sed gratias Deo, qui jam harum rerum in vobis gloriæ transitorie gloriosum est operatus contemptum, dum de animæ periculo saluberrimum incussit metum. O mira circa vos divina clementia! Mortem intentavit, ne inferret: formidare vos voluit, quam vos noluit experiri. Cum hoc fecit, quid effecit, nisi ne vestra vobis essent chariora quam vos? Inter medullas artuum febris acuta sæviebat, et tardante sudore, cruciatus vehemens in dies ingravescebat.

(107) Scripta circa annum 1130. Sic dictus, Gillebertus quod « in cunctis hujus mundi sapientium litteris luderet, » seu excelleret, ut hoc loco scribit Bernardus. Fuit ante pontificiam dignitatem canonicus Antissiodorensis, de quo Necrologium ejus Ecclesiæ: « Secundo idus augusti obiit venerabilis memorie magister Gislebertus, Veteris et Novi Testamenti glossator eximius, hujus Ecclesiæ canonicus, postmodum vero Londoniensis episcopus factus:

A Cumque jam foris membris frigescentibus calor molestissimus introrsum se colligens, exhausta longafinedia viscera depasceret, pallidæ interim mortis ante oculos tristes versabatur imago. Et ecce tanquam de supernis vox emissa divinitus insonuerit: *Ego sum, ego sum qui deleo, non te, sed iniquitates tuas* (Isai. xliii, 25); mox ubi sacerdos Dei, ut pauper moreretur, sua omnia pauperibus erogavit, cæperunt subito de intimis desperati jam sudoris inopinati fontes erumpere; sicque animæ pariter et corporis suo ordine salutem utraque procedens, liquido monstravit in vobis adimpletum quod in Scriptura sua pollicetur Deus: *Ego occidam, et ego vivere faciam; percutiam, et ego sanabo, et non est qui de manu mea possit eruere* (Deut. xxxii, 39). Percussit carnem, ut anima sanaretur: occidit avaritiam, ut justitiæ viveretis. Sic vivificato et sanato, quid sperandum est, nisi ut jam non sit qui vos de manu Dei possit eruere? si tamen evangelicum illud consilium observare non negligitis: *Ecce sanus factus es, jam noli peccare, ne deterius aliquid tibi contingat* (Joan. v, 14). Quod videlicet idcirco præmonet pius Pater, quia non vult ut contingat: quippe qui non vult mortem peccatoris, sed magis ut convertatur et vivat. Et merito. Quæ enim utilitas in sanguine peccatoris? non enim infernus confitebitur Deo, neque mors laudabit eum: sed vos qui vivitis, benedicitis Domino, et dicitis: *Non moriar, sed vivam et narrabo opera Domini*; et illud: *Impulsus eversus sum ut caderem, et Dominus suscepit me* (Psal. cxvii, 17, 13).

#### 41 EPISTOLA XXIV.

AD MAGISTRUM GILLEBERTUM UNIVERSALEM (107), EPISCOPUM LONDONIENSEM.

*Laudat Gillebertum, quod factus episcopus pauperiam colat.*

Longe satis exiti sermo quem fecisti, et magnum dedit suavitatis odorem, ad quoscunque potuit pervenire. Exstincta est avaritia; cui non suave refoleat? charitas regnat; cui dulce non sapiat? quando hoc cognoscunt omnes; quia vere sapiens sis, qui sapientie hostem maximum contrivisti: hoc certe et tuo sacerdotio dignum et nomine. Tali profecto decebat specialem [al. spiritualem] tuam philosophiam clarescere testimonio, hoc præclara illa tua studia fine compleri. Vera illa et indubitata sapientia est, quæ turpia lucra contemnit, et indignum sibi judicat eodem cum idolorum servitute contubernio frui. Non magnum fuit magistrum Gillebertum episcopum fieri: sed episcopum Londoniensem pauperem vivere (108), id plane magnificum. Nec enim tanto nomini quidquam augere

qui præter cætera quæ ecclesiæ nostræ ex Anglia transmiserat ornamenta, octoginta duas libras eidem ecclesiæ contulit, » etc. Londoniensis Ecclesiæ præfuit ab anno 1128 ad annum 1133.

(108) Avaritiæ (sic sunt hominum judicia) id in Gisleberto imputavit Henricus Huntindoniensis in epistola de Contemptu mundi, edita in Spicilegii tomo 8.

gloriæ potuit sublimitas digressus: auxit autem A plurimum humilitas paupertatis. Pauperiem æquo animo ferre, virtus sapientiæ est; sponte appetere, sapientiæ laus est. Laudatur denique et admirabilis prædicatur, qui post aurum non abiit; qui vero et abiecti, plus nihil merebitur? Nisi quod vigil ratio mirandum minime ducit, si sapiens sapienter agit, et ille sapiens qui in cunctis hujus mundi sapientium litteris et studiis ludens, omnem quoque studuit et potuit divinam quodammodo revocare et renovare Scripturam. Quid enim? Dispersisti, dediisti pauperibus, sed pecuniam. Quid vero pecunia est ad illam quam pro ea commutasti justitiam? *Justitia*, inquit, *ejus manet in sæculum sæculi* (Psal. cxl, 9). Num ita et pecunia? Quæstuosum sane honestumque commercium, illam quæ præterit, pro illa dare quæ permanet. Sic semper tibi negotiari detur, bone et omni laude prosequende magister. Superest ut laudabile principium condignum consequatur finem, et cauda hostiæ capiti conjungatur (109). Benedictionem tuam libenter accepimus, præsertim quod tanta tuæ hujus perfectionis fuerit cumlata jucunditate. Latorem epistolæ, etsi pro seipso satis commendabilem, tamen etiam pro me vestræ magnificentiæ esse cupio commendatum. Est siquidem mihi pro sua honestate et religiositate chiarissimus.

## EPISTOLA XXV.

AD HUGONEM, ROTOMAGENSEM ARCHIEPISCOPUM (110).

*Hortatur Hugonem, ut apud suos Rotomagenses patientia simul ac pacificus esse studeat: zelum quoque discretionem moderetur.*

1. Si diei malitia invalescit, non prævaleat; si turbat, non perturbet. Mirabiles elationes maris, sed mirabilior in altis Dominus. Benigne, si non dissimulas, egit tecum usque adhuc superna miseria, pater illustris. Provida namque dispensatione, non prius præfectus es malis, quam sociatus bonis, quorum 42 consortio et exemplo bonus fieres, et sic postmodum etiam inter malos vivere bonus posses. Et quidem inter bonos bonum esse, salutem habet; inter malos vero, et laudem. Illud tantæ facilitatis est, quantæ et securitatis: hoc tantæ virtutis, quantæ et difficultatis. Quale nempe est istud, taggere picem, et non inqui ari ex ea; in igne sine læsione versari, et in tenebris absque caligine? Palpabant quondam tenebras Ægyptii, cum tamen de populo

(109) Parcemia Bernardo familiaris ad significantem perseverantiam, ex Levitico, iii, 7. Vide notas ad epistolam 78. Petrus Cellensis in libri quinti epistola 8: « Cave caudam; cum tam omnis laus, quam omne vituperium in cauda, id est in fine terminetur. »

(110) Scripta anno Christi 1130. De electione Hugonis, quæ anno 1130 facta est, exstat cleri Rotomagensis epistola ad Honorium II papam in Spicilegii tomo 3, pag. 151, ubi hæc verba: « Elegimus electione communi filium nostrum Hugonem, abbatem Radingensem, nobis in pontificem. » Fuerat is monachus primum Cluniaci, dein abbas primus Radingæ in Anglia, diocesis Salesberiensis. Unde in iisdem litteris subditur: « Super hoc quesivimus assensum domini nostri Henrici regis Anglorum, et

Dei Scriptura dicat: *Ubiunque Israel erat, lux erat* (Exod. x, 23). Erat David verus Israelita, et ideo caute dicebat se habitare non in Cedar, sed cum habitantibus Cedar (Psal. cxix, 5), tanquam qui semper habitaret in lumine, licet ipsi fuerit cum habitantibus Cedar corporalis cohabitatio. Unde et arguit quosdam non veros Israelitas, quod commisti inter gentes didicerint opera eorum, et factum sit illis in scandalum (Psal. cv, 35, 36).

2. Dico ergo: sufficiebat tibi apud Cluniacenses custodire innocentiam, sicut scriptum est, *Cum viro innocente innocens eris* (Psal. xvii, 26). Porro apud Rotomagenses [al. Rotomagus] opus est patientia, quemadmodum docet Apostolus: *Seruum Dei, inquit, non oportet litigare, sed magis patientem esse ad omnes* (II Tim. ii, 24); nec solum patientem, qui nolit vinci a malo, sed et pacificum, qui vincat in bono malum: alterum, ut malos portes; alterum, ut et quos sustines, sanes. In patientia tuâ possides animam tuam (Luc. xxi, 19): sed sis etiam pacificus, ut et commissas tibi possideas. Quæ tanta gloria quam dicere posse: *Cum his qui oderunt pacem, eram pacificus* (Psal. cxix, 7). Esto ergo patients, quia es cum malis: esto pacificus, quia præes malis. Habeat charitas zelum, sed adhibeat pro tempore modum severitas. Censura quidem nunquam remissa, intermissa tamen plerumque plus proficit. Vigor justitiæ semper fervidus, sed nunquam præceps. Sic ut non omne quod libet, licet; sic non omne quod licet, statim etiam expedit. Hæc melius me ipso nosti, ideoque supersedeo. Orari pro me instanter postulo, quia incessanter pecco.

## EPISTOLA XXVI (111).

AD GUIDONEM LAUSANNENSEM [al. LAUSENNENSEM] EPISCOPUM.

Manum vestram misistis ad fortia, opus est fortitudine. Speculator domui Israel factus estis; opus est prudentia (112). Sapientibus et insipientibus debitor estis, opus est justitia. Postremo maxime temperantia opus est: ne qui aliis prædicat, ipse (quod absit) reprobus fiat.

## EPISTOLA XXVII (113).

AD ARDUTIONEM [al. ARDUTIUM] GEBENNENSEM ELECTUM.

*Monet ut electionem suam divinæ gratiæ tribuat, eique sedulo deinceps cooperari studeat.*

Credimus electionem tuam esse a Deo, quam tanto

obtinuimus; ab episcopo quidem Salesberiensis, sub cuius manu abbatis officio fungebatur, nobis eum reddi liberum et absolutum quesivimus, et cum libertate suscepimus, etc. Ejus electionem ad annum 1130 refert Ordericus, in fine libri xii, his verbis: « Eodem anno Hugo Ambianensis, monachus Cluniacensis, abbas Radingensis, factus est archiepiscopus Rotomagensis. » Quantum sedulitatis Innocentio II exhibuerit, docet idem auctor in libro xiii pag. 900.

(111) Scripta circa annum 1130.

(112) Eadem verba leguntur in epistola tertia Nicolai Clare-Vallensis in persona Bernardi ad episcopum Leducum: infra, epist. 463.

(113) Scripta circa annum 1135.



cleri populi que consensu fuisse celebratam accepimus. Gratulamur gratiæ ejus, ne dicam meritis tuis, quoniam ne tibi plusquam oportet, blandiamur: non ex operibus justitiæ, quæ fecisti, sed secundum suam misericordiam hoc fecit tibi. Si secus tu (quod absit) sapias, erit exaltatio in ruinam. Si **43** autem cognoscis gratiam, vide ne in vacuum acceperis. Bonas fac de cætero vias tuas, et studia tua, et ministerium sanctum: si vitæ sanctitas non præcessit, sequatur saltem. Tunc vere fatebimur te præventum in benedictionibus dulcedinis, tibi de bonis meliora sperantes. Exsultabimus et lætabimur, quod fidelis servus et prudens constitutus sit super familiam Domini: futurus ex hoc filius felix et potens, super omnia bona Patris constituendus. Alioquin si altior quam meliorem esse delectat, non præmium, sed præcipitum expectamus. Optamus et oramus ne hoc contingat: parati, si opus est, obvias manus apponere, et pro nostro exiguo posse, juvare ad id potius quod decet et expedit.

## EPISTOLA XXVIII (114).

AD EUMDEM JAM EPISCOPUM.

*Interim hortatur ut dignitatem, quam sine meritis præcedentibus obtinuit, saltem subsequentibus ornent.*

1. Præbet audaciam charitas, ut fiducialius loquar tibi. Cathedra, charissime, quam nuper sortitus es, hominem multorum expetit meritorum: quæ in te aut nulla, aut non quantum satis est, præcessisse dolemus. Siquidem et facta tua, et studia tua præterita in nullo prorsus visa sunt episcopali convenire officio. Quid tamen? Non potest Deus de lapide hoc suscitare filium Abrahæ? non potest facere Deus, ut quem præire debuerant bona, vel subsequantur? quod utique et libentius accipimus, si contingat. Nescio enim quo pacto plus placebit subita hæc mutatio dextere Excelsi, quam si vitæ prioris merita suffragarentur. Dicemus nempe, quia a Domino factum est istud, et est mirabile in oculis nostris (Psal. cxvii, 25). Sic Paulus ex persecutore Doctor gentium factus est; sic Matthæus de telonio vocatus, sic Ambrosius de palatio assumptus est: iste ad episcopatum, ille ad apostolatam. Sic alios quam plures novimus de vita et habitu sæculari utiliter exsultasse promotos. Denique nonne multoties ubi superabundaverunt delicta, videtur superabundare et gratia?

2. Et tu igitur, charissime, his atque hujusmodi animatus exemplis, præcinge sicut vir lumbos tuos, bonas facito deinceps vias tuas, et studia tua: quatenus novissima tua antiqua sopiant, et delicta juventutis tuæ deleat vespertina correctio. Paulum imitari curato in honorificando ministerium tuum.

(114) Scripta anno Christi 1135.

(115) Scripta circa annum 1126. Hic anno 1120 ejecto Adalberoni, ejus nominis quarto Metensium episcopo, subrogatus est ut lego in brevibus Annalibus cœnobii Sancti-Vincentii Metensis ad cyclos Paschales adjunctis, in quibus Stephanus anno 1165 obiisse memoratur, tertio kalendas Januarii. De eo

A Honorificabis autem gravitate morum, maturitate consiliorum, actuum honestate. Hæc sunt quæ officium episcopale maxime nobilitant et ornant. Omnia fac cum consilio, nec tamen omnium aut quorumcunque, sed tantum bonorum. Bonos in consilio, bonos in obsequio, bonos habeas contubernales, qui vitæ et honestatis tuæ et custodes sint, et testes. In hoc enim te bonum probabis, si testimonium a bonis habueris. Sint pietati vestræ commendati pauperes fratres nostri, qui circa vos sunt; Alpenses, illi de Bono-Monte, et illi de Altacumba. In his experiemur quanta vobis de nobis cura sit.

## EPISTOLA XXIX.

AD STEPHANUM METENSEM EPISCOPUM (115).

*Congratulatur Stephano de pace Ecclesiæ reddita, idque nonnisi unius Dei beneficio tribuendum.*

B STEPHANO Metensis Ecclesiæ Dei gratia strenuo ministro; ejus in Christo humiles fratres de Clara-Valle, salutem et orationem.

Ex quo dudum, si recolitis, nostræ vos fraternitati dignanter sociastis, postros vos orationibus **44** humiliter commendastis; semper solliciti fuimus, ut debuimus, aliquid scire de esse vestro; et eventus vestros crebro sciscitari studuimus a quibus potuimus, desiderantes jugiter et orantes vos prosperari in Dei opere ad quod assumptus fueratis et gressus vestros dirigi in semitam mandatorum ipsius. Benedictus itaque Deus, qui non amovit orationem nostram, et misericordiam suam a vobis; lætificans utique nos per hunc venerabilem fratrem Guillelmum, **C** cujus profectio nos non minus verbis, quam nostris credimus oculis de vestra sospitate et prosperitate ac pace per vos Ecclesiæ reddita. Congratulamur vobis; sed damus gloriam Deo: scientes quod estis et quod potestis, ipsius, non vestrum esse. Quod et vos semper sentire in vobis amicablem admonemus: ne nihil et esse, et posse incipiat, si quid aliter sapitis, et vestris (quod absit) meritis vel viribus quidpiam horum adscribitis. Alioquin verendum, ne convertatur pax vestra in perturbationem, et prosperitas in adversitatem; sic nimirum illo juste judicante, qui ut humilibus gratiam dare, ita et superbis resistere consuevit: qui et non solum cum sancto sanctus, sed et cum perverso perversus, in Psalmo legitur (Psal. xvii, 26); nec tantum faciens pacem, sed et creans malum, per prophetam describitur (Isa. xlv, 7).

## EPISTOLA XXX.

AD ALBERONEM PRIMICERIUM METENSEM (116).

*Negotium quoddam, quod Albero urgebat, ex Dei beneplacito perficiendum monet, non tam requirens datum, quam fructum.*

Honorabili viro ALBERONI, Dei gratia Metensis Ecclesiæ primicerio, fratres qui in Clara-Valle qua-

graves Bernardi querelæ in epistolis 177 et 178. De pace, cujus hic mentio, lege Historiam Laurentii de Leodio, Spicilegii tomo XII, pagg. 318, 319.

(116) Scripta circa annum 1126. Tres adverte hujus nominis in primicerii dignitate sibi succedentes: primum ex stirpe ducis Lovaniensis, postea episcopum Leodiensem, de quo Egidius Aureæ-Vallis

licunque obsequio serviunt Deo, salutem et orationem.

Fidelem curam vestram in his quæ Dei sunt, etsi jam olim et audieramus et videramus; sed nunc in nobis ipsi experiendo persensimus. Cæterum cum in his quæ nuper a nobis missi fratres, vestro quidem consilio, suggererunt episcopo, et vestram benevolentiam, et ipsius episcopi promptum teneamus assensum: quia tamen Dei quoque beneplacitum in omnibus, et his maxime quæ ad eum pertinent, ante omnia et super omnia necesse est nos et inquirere, et custodire; idcirco ad comprobandum certius quid ipse de hac re potius velit, rem sicut inter episcopum monachosque convenerat, vestra utique industria mediante et ordinante qualiter fieri deberet, et hortante ut celeriter, et juvante ut honorabiliter

A fieret; non quidem omittendam, sed usque post missionem, tum pro vestra, tum pro temporis opportunitate expectanda, necessario intermittendam esse putavimus. Jam vero tunc, si et episcopi voluntas in eodem persisterit, et vobis nihilominus idipsum æque ut modo placuerit: tali conjectura Dei quoque esse consilium securius confidentes, speramus nos vestræ utriusque devotioni juxta quod diffinitum erat, satis esse facturos. Arbitramur enim acceptum esse Deo, si quantum in nobis est, nemini oneris studuerimus: ne non tam fructum, quam datum in hoc ejus negotio requirere (quod absit) videamur; et præcipue vestris nos majoribus atque instantioribus occupationibus sub jussu rei occasione importunius ingerere, et molestos, cum necesse non est, vobis exhibere; et hoc gratum

Ordinis Cisterciensis monachus, de Gestis Pontificum Leodiensium, cap. 23: « Successit domino Friderico, » anno scilicet 1122, « dominus Albero primicerius ex clero Sancti Stephani Metensis, frater ducis Lovaniensis Godfredi, vir summæ auctoritatis et innocentie, etc. Obiit in Circumcisione, anno Domini 1128. » Alterum lego Alberonem ex primicerio Metensi factum archiepiscopum Treverensem, qui cum Gerardo Sedis apostolicæ legato sanctum Norbertum ad sedem Magdelburgensem promovendum curavit. Sic enim habet Robertus in Supplemento ad Sigibertum, ad annum 1127: « Parthenopolitane civitatis archiepiscopo defuncto, cum clerici et cives ejusdem urbis coram imperatore Liuthero ad eligendum archiepiscopum apud Spiram convenissent, nutu domini Gerardi Romanæ Sedis legati, qui postea factus est papa Lucius, et Alberonis Metensis primicerii, qui postea factus est Treverorum archiepiscopus, » nimirum anno 1132, « Norbertum Præmonstratæ ecclesiæ patrem... in pastorem eligunt. » Idem legitur in Vita sancti Norberti apud Surium, cap. 40. Ejus nomine Bernardus scripsit epistolam 176 ad Innocentium II. Is in antiquis membranis frequenter subscripisse reperitur, promissæ vocatus Albero, Adelbero, cum altero Alberone archidiacono. Sic enim in quadam charta Sancti Arnulfi Metensis: « Ego Adelbero primicerius subscripsi et collaudavi, Richerus decanus subscripsi, Adelbero archidiaconus, etc. anno Dom. Incarn. 1126. » In alia vero Sancti Petri de Monte, scripta anno 1127: « Hujus vero donationis testes sunt, Albero primicerius, Richerus decanus, » etc. quas videsis apud Meurcium, in Historia Episcoporum Metensium, qui hunc Alberonem eundem facit non recte cum altero Alberone itidem primicerio, Conradi comitis Luxemburgensis filio, qui hac dignitate potiebatur ad annum 1086, ut apparet ex Conradi patris epitaphio ab ipso auctore prolato, pag. 386, cum iste, de quo agimus, ab anno duntaxat 1122, quo Alberoni Lovaniensi successit, ut plurimum hanc dignitatem obtinuerit. Præter Luxemburgensem itaque tertium habemus Alberonem, qui ex primicerio factus est Leodiensis episcopus hujus nominis secundus, anno 1135, de quo ita Aegidius superius laudatus: « His diebus, » inquit, « cum in derisum et subsannationem venisset civitas Leodiensis his qui erant in circuitu suo per turpem Alexandri depositionem, communibus votis, pari assensu clerus et populus subrogavit sedi Leodiensi Alberonem, hujus nominis secundum, primicerium Metensis Ecclesiæ, juvenem quidem ætate, etc. Elegerunt eum sane columnæ Ecclesiæ, hac spe maxime, quod esset de prosapia Namurcensi, » etc. Tres igitur, præter Luxemburgensem, habemus primicerios Metenses ejusdem nominis sibi continue

succedentes. Ad quem vero ex his Bernardus hanc epistolam scripserit, non ita in promptu est definire. Verumtamen, quantum ex serie litterarum colligere licet, ad secundum referenda videtur, cum scilicet, qui postea ad archiepiscopatum Treverensem assumptus, sanctum Virum maxime familiarem habuit, ut constat ex pluribus epistolis, quas in ejus gratiam ad Innocentium Romanamque curiam direxit. Quin et argumentum epistolæ hujus, quæ agit de fundatione cujusdam monasterii, procurante Alberone, a Stephano Metensi episcopo concepta, suffragari videtur. Quod quidem non est intelligendum de ullo cœnobio ab ipso Stephano constructo; sed vel de illa Capetarum domo, quam ipso conferente monialibus sui Ordinis Bernardus attribuit, imposito nomine Claræ-Vallis, circa annum 1130, vel de fundatione Belli-Prati prope Lunæ-Villam, a Folmaro comite Metensi constructi, quam quidem ipse Stephanus ratam habuit et confirmavit, ut constat ex diplomate, cujus hoc initium: « Ego Stephanus manifesto generationi quæ nunc est et futura, quod Folmarus comes Metensis construxit abbatiam monachorum Cisterciensis ordinis in banno Morasine, quæ vocatur Bellum-Pratum, etc. Datum anno 1130, » quamvis in alia charta Henrici episcopi Tullensis, ad annum 1135 hæc fundatio referatur, quod fortasse de ædificiorum integra perfectione accipiendum est. Quod spectat ad Primicerii nomen apud antiquos usitatissimum, non uni officio vel dignitati proprium fuit, sed iis tribui solium, qui in quocumque ordine primum locum obtinerent. Hinc in Novella Constit. 8, sæpius repetitur, « Notariorum primicerius; » et, « Primicerius fabricæ, » l. 2, C. de Fabricens. l. 11. « Primicerius domesticorum protectorum equitum, » l. 2, et l. ult. C. de Domesticis et prot. « Primicerius mensurum, » C. 1 de Mensor. l. 12. « Primicerius in officio protectorum, » Præterea apud Vegetium, lib. 2, cap. 21, « Primicerius protector; » apud Ammianum Marcellinum, lib. 18, « Primicerius Præceptorum, Singulariorum Augustalium, Scriniorum, Deputatorum, Sacri cubiculi, » l. 1, qui a præbit, tiro in Codice Theodos. et apud Cassiod. lib. 11, variat. Sic « Primicerius legionis, » apud Gullielmum Tyrium, de Bello sacro, lib. 2, cap. 19. Sic « Primicerius defensorum et cardinalis primicerius, » apud Luitprandum, lib. 6, de Rebus per Europ. Sic sanctus Augustinus vocat sanctum Stephanum « primicerium martyrum, » sermone 21, de Tempore. Hic vero apud Bernardum, Primicerii Metensis nomine intelligitur prima canonicorum ecclesiæ Sancti Stephani Metensis dignitas, cui quidem inter alias prærogativas crucem ad pectus gestare concessum erat, uti veste purpurea, primumque locum in choro et capitulo tenere.

non esse Deo, et nostris scimus moribus non congruere.

#### 45 EPISTOLA XXXI.

AD HUGONEM COMITEM CAMPANIE (117), MILITEM  
TEMPLI FACTUM.

*Hugoni gratulatur ob susceptam militiam sacram; et beneficiorum memoriam promittit.*

Si causa Dei factus es ex comite miles, et pauper ex divite, in hoc profecto tibi, ut iustum est, gratulamur, et in te Deum glorificamus, scientes quia hæc est mutatio dexteræ Excelsi. Cæterum quod tua jucunda præsentia nobis ita nescio quo Dei est subtracta iudicio, ut ne interdum quidem videre te valeamus, sine quo nunquam, si fieri posset, esse vellemus, æquanimitèr, fateor, non portamus. Quid enim? possumusne oblivisci antiqui amoris, et

(117) Scripta anno Christi 1125. Hugo, Theobaldi III, Campanie comitis filius, erga ecclesias, maxime Arremarensem et Molistensem, munificentissimus, primo quidem Barrensis ad Albam comes, deinde vero Trecensis post decessum Odonis fratris. Ipso auctore factum est, ut extincto post illam unionem Trecensis et Barrensis comitatum nomine, successores Campanie comites nuncuparentur, cum antea hoc nomen Barrensis æque ac Trecensis singularim usurparent, ut notavit Franciscus Chiffletius in sua Diatriba de illustri genere sancti Bernardi. Ad eundem spectat Ivonis Carnotensis epistola 245, cujus argumentum ex ipso limine accipimus his verbis: « Audivimus et cognovimus, quod Ierosolymam profecturus militie Christi te ipsum devovisti, illam evangelicam arrepturus militiam, qua cum decem milibus secure pugnatur adversus eum, qui cum viginti milibus adversum nos pugnaturus occurrit. » Et infra: « Duxisti uxorem, » etc. Denumque ita concludit: « Oportet ergo ut in hoc proposito sic tibi provideas, quatenus ita novissima vota impleas, ut statuta naturalia et legitima non frangas. » Horstius suspicatur Ivonem eo loci revocare Hugonem a militia Templi proposita lege vinculi conjugalis. At cum teste Guillelmo Tyrio, de Bello sacro lib. 11, cap. 13, cui astipulantur universi, Ordo Templariorum anno dominicæ 1118 sumpserit exordium; Ivo autem anno 1115 certo calculo deserit, consequens est eum intelligendum esse vel de militia Hospitalium, quam Hugo Ierosolymam profiteri statuisset; vel de spirituali et evangelica seu temporaria quadam continentia, quam in secundæ peregrinationis ad loca sacra intervallo servare deberet. Ter siquidem ipsum Ierosolymam iter aggressum esse constat, ut recte probat idem qui supra Chiffletius. Primo quidem anno 1113, iterum circa annum 1121, postmodum vero quando Templariorum militie sese addixit, quod anno 1125 discrete collocat Albericus in Chronico. « Eo postremum discessurus, » (si fides habenda Petro Pithæo, inquit Chiffletius) comitatum suum Theobaldo fratri sui Stephani filio vendidit, Odonem filium exheredavit, et quam secundam uxorem duxerat (Constantia Philippi I Galliarum regis filia ob consanguinitatem dimissa, anno scilicet 1104) gravidam reliquit, obitque in partibus transmarinis die mensis Junii decima quarta, quamvis in Necrologio Sancti-Claudii obiisse dicatur undecimo kalendas julias. » Ita fere ille. Porro Hugonem istum alium esse ab Hugone militie Templi magistro, cui Bernardus direxit Exhortationem ad Milites Templi, colligitur ex Guillelmo Tyrio, de Bello sacro, lib. 12, cap. 7 apud quem hic « de Paganis » cognominatur, et successorem videtur habuisse Robertum, quantum ex eodem auctore, lib. 17, cap. 1, conicere licet.

(118) Nimirum ipse Hugo Bernardo fratribusque concesserat locum ipsum Claræ-Vallis cum suis

beneficiorum quæ domui nostræ tam largiter contulisti (118)? Utinam ipse pro cuius amore fecisti, in æternum non obliviscatur Deus! Nam nos, quantum in nobis est, minime prorsus ingrati, memoriam abundantie suavitatis tuæ mente retinemus, et, si liceret, opere monstrarem. O quam libenti animo et corpori tuo pariter et animæ providissemus, si datum fuisset, ut simul fuissemus! Quod quia non est, restat ut quem præsentem habere non possumus, pro absente semper oremus.

#### EPISTOLA XXXII (119).

AD ABBATEM SANCTI-NICASII REMENSIS.

*Abbatem ob discessum et transitum Drogonis monachi ad aliud monasterium, consolatur, et ad patientiam hortatur.*

1. Quanto affectu tibi condoleam, scit ille qui appendicibus, ut merito Fundatoris nomine censeri debeat. Quod cum hactenus paucis innoverit, lubet hic ipsam describere chartam donationis, quam sæpe laudato Chiffletio, qui eam primus in sua Diatriba evulgavit, ex autographo Claræ-Vallensis acceptam referre debemus:

In nomine sanctæ et individue Trinitatis incipit charta comitis Hugonis. Notum sit omnibus præsentibus et futuris, quod ego comes Trecensis do Deo et beatæ Mariæ et fratribus Claræ-Vallis, locum ipsum qui vocatur Clara Vallis, cum pertinentiis, agris, pratis, vineis, silvis et aquis, nihil omnino mihi aut hæredibus meis retinens. Unde testes Acardus Remensis, et Petrus, et Robertus Aurelianensis, milites mei. sciendum quo Gaudfridus Felonia dat pasturas suas in finagio de Juvencourt, tam in bosco quam in plano, omni tempore: et si aliquod damnum in:ulerint animalia dactorum fratrum, solum capitale restituetur sine emenda. Hæc autem omnia dedi in præsentia supradictorum testium. Sciendum quoque est, quod dominus Josbertus de Firmitate, cognomine Rufus, et dominus Rainaudus de Perceris dederunt eisdem fratribus pasturam et usuarium per totam terram suam, et præcæpue in aquis, silvis, pratis, in finagio de Perrecin. Hujus rei testes sunt Acardus Remensis, et Robertus miles mei. Item sciendum quoque est, quod ego Hugo comes Trecensis laudo et concedo eisdem fratribus libere et quiete possidere terram et siltam de Arctela. Has donationes confirmamus ego Joscerannus Lingonensis episcopus, et ego Hugo comes Trecensis de sigillo et annulo meo.

Quod spectat ad annum fundationis, qui non exprimitur in his tabulis, idem auctor Sancti Mariani Autissiodorensis Chronographum secutus, refert ad annum Christi 1114, mense Junio. Et quidem de mense conveniunt omnes: quoad annum vero, cum tam externa, quam domestica instrumenta refragari videantur, inter alia vero Exordium Cisterciense, dist. 2, cap. 1, tabella sancti Bernardi tumulo appensa, quæ disertis verbis annum 1115 exprimit; receptæ jamdudum sententiæ adhærere satius videtur, cum alioqui vix Bernardus professionem emisisset mense Junio anni 1114, et Hugo ipse, qui locum concessit, adhuc in Oriente versaretur. Clara-Vallis itaque primo quidem ab Hugone Campanie comite fundata, postea vero, anno 1135, in ampliore locum translata, opitulante Theobaldo ipsius successore, nova fabrica donata est; unde primi fundatoris nomen obtinuit apud aliquos, translationem cum fundatione confundentes, ut bene monet Manricus in Annalibus, ad annum 1115, cap. 1.

(119) Scripta circa annum 1120. Drogo (cujus occasione scripta est tum epistola 33 et epistola 34), videtur non perseverasse in ordine Cisterciensi, sed abbas si Joranni (ad quem hæc epistola) importunis tandem querelis ante professionem fuisse



nostros omnium dolores in corpore suo tulit. Quam libenter tibi, si scirem, consulerem; si possem, succurrerem: tam efficaciter ipse mihi qui omnia scit, et omnia potest, in cunctis meis necessitatibus consulat et succurrat. Si frater Drogo de sua discessionem me consulisset, absit ut consentirem: si post discessionem ad nos divertisset, absit ut susciperem. Denique, quod solum potui, ad abbatem qui eum suscepit, nostras mox, sicut scis, pro eo litteras (120) misi. Et nunc super hoc quid tibi ultra possum facere, pater? Jam vero quantum ad te pertinet, optime mecum novit Sanctitas tua, perfectos solere viros non solum in spe, sed et in tribulationibus gloriari, consolante eos Scriptura, et sic loquente: *Vasa figuli probat fornax, et homines justos tentatio* (Eccli. xxvii, 6). *Juxta est Dominus his qui tribulatio sunt corde* (Psal. xxxiii, 20); et, *Per multas tribulationes oportet nos introire in regnum celorum* (Act. xiv, 21); et, *Omnes qui pie volunt vivere in Christo, persecutionem patiuntur* (II Tim. iii, 12). Nec ideo tamen immerito his quos in anxietate positos videmus, amicis nostris compatimur; quibus utique dum exitum ignoramus, defectum metuimus: quoniam quidem sicut sanctis et electis tribulatio operatur patientiam, patientia probationem probatio spem, spes autem non confundit (Rom. v, 3-5); sic damnandis et reprobis tribulatio parit e contrario pusillanimitatem, pusillanimitas perturbationem, perturbatio desperationem, et illa interimit.

2. Ne ergo hæc te tam horrenda (quod Deus avertat) demergat tempestas aque, ne hujus tam tremende abyssus absorbeat profundum, neve urgeat super te tam inexplebilis puteus os suum: sollicite studeat humilis prudentia tua non vinci a malo, sed vincere in bono malo. Vincas autem, spem tuam in Deo fortiter figendo, et rei finem longanimitate expectando. Et si quidem ille resipuerit, sive ob tui timorem, sive ob suum laborem; bene: sin autem, bonum est tibi humiliari sub potenti manu Dei, et nequaquam velle resistere supernæ dispositioni; quia 46 si ex Deo est, non poterit dissolvi. Conan-

revocatus; isque idem ipse videtur, qui expulsi sanctimonialibus e monasterio Sancti-Joannis Laudunensis, monachorum cœtum illic adduxit, quibus ex Priore Sancti-Nicasii Remensis in primum abbatem præfectus est anno 1128, ut dicitur infra ad epistolam 48. Postmodum vero cardinalis et episcopus Ostiensis creatus est ab Innocentio II, anno 1156 (ut probat noster Acherius in suis ad Guibertum notis), non vero 1153, ut habet Ciaconius; vel 1154, ut censet Ughellus in Italia sacra. Gesta Drogonis percurrit Hermannus, de Miraculis, lib. iii, cap. 22; et auctor Appendicis ad Sigibertum, ad annum 1128, qui eum e vita migrasse asserit anno 1158, his verbis: « Obiit Drogo bonæ memoriæ Ostiensis episcopus, vir religione ac sapientia clarus. » Et Necrologium Sancti-Joannis Laudunensis: « Decimo quarto kalendas januarii obiit Drogo Ostiensis episcopus et cardinalis, primus abbas nostræ congregationis, et Mathildis soror ejus. » Scripsit sermonem de Passione Domini, qui exstat in Bibliotheca Patrum. Soliloquia quoque edidisse notatur in Bibliotheca Belgica manuscripta. Porro quod spectat ad Jorannum abbatem, quantum eo regente asceterium

dum est potius tibi, tuæ, licet justæ indignationis stimulos illa reprimere sententia, quam quidam sanctorum in simili fertur causa protulisse. Siquidem instigantibus eum quibusdam fratribus atque increpantibus, cur suum in sui injuriam ab alia susceptum Ecclesie fugitivum non requireret: « Nequaquam, » inquit, « Ubique enim est, si bonus est, meus est. »

3. Fraudulenter tibi et non fideliter consulo, si idipsum a meipso non exigo. Nam, cum unus noster non solum religione professus, sed et carne propinquus (121), Cluniaci me invito et susceptus sit, et detineatur; doleo quidem, sed sileo, orans et pro illis ut velint ablatus reddere, et pro illo ut velit sponte redire: sin vero, servans ei vindictam qui facturus est iudicium injuriam patientibus, et arguere habet in æquitate pro mansuetis terræ. Fratrem Hugonem de Lausanna ore tuo, et nostro spiriui commonemus non omni spiritui credere, et ne cito moveatur certa pro incertis deserere, sciens diabolus soli semper perseverantiæ insidiari, quam solam virtutum novit coronari: intiusque esse in ea vocatione qua vocatus est, simpliciter perseverare, quam sub specie quasi melioris boni, id quidem quod jam cœpit, dimittere, nec ad id quod præsumit, fortassis sufficere.

#### EPISTOLA XXXIII (122).

AD HUGONEM PONTINIACENSEM ABBATEM.

Planius mentem suam perscribit de susceptione Drogonis, et omnem a se sinistram suspicionem depellit.

Dilectissimo suo domno Hugoni abbati, frater BERNARDUS de Clara-Valle, idem quod sibi.

1. In nostris prioribus litteris (123) aut ego, quantum ex vestris perpenditur, minus aperte scripsi quod volui; aut vos aliter illas intellexistis quam debuistis. Siquidem quæ vobis de monachi illius susceptione eventura denuntiavi, veraciter ita timui, et adhuc timeo, ut scripsi. Non tamen ad hoc illa vobis prædicere studui, quo vel suaderem, vel consulerem; vel certe ut scribitis, censerem solum de-

Nicasianum floruerit, probant viri insignes, qui ex eo ad regularem disciplinam longe lateque propagandam prodierunt. Nam præter Drogonem istum, Gaufridus apud Sanctum-Theodericum prope Remos, ac post eum Guillelmus in abbatem assumptus est; Simon apud Sanctum Nicolaum de Bosco in diocesi Laudunensi, ad quem epistolæ 83 et 84; Arnulfus apud Gemblacum, ut testatur Auctarium Gemblacense. Ipse vero Jorannus solitudinis studio accensus, Ordinem Carthusianum in cœnobio Montis-Dei amplexus est anno 1158, ubi se tam præclare gessit. ut in cardinalium numerum ab Innocentio II sit cooptatus. Cæterum cum hæc epistola scripta sit Roberto sancti Bernardi consanguineo nondum sibi restituto, ut sanctus Doctor hic asserit, ad annum circiter 1120 referenda est.

(120) Priores iste litteræ exciderunt, ut patet ex epistola sequente, in qua earum quædam verba referuntur.

(121) Robertus ad quem epistola 1.

(122) Scripta circa annum 1120.

(123) Exciderunt hæc litteræ.

bere reddi : quippe qui ipsius jamdudum ferventissimum desiderium novi, et ei potius, quod nunc illud adimpleverit, debeo congratulari. Sed cum a familiarissimo nobis abbate ejus, et ab archiepiscopo Remensi (124), nostræ litteræ ad requirendum illum vehementer exigerentur; ut a me, si fieri posset, omnem depellerem suspicionem, tales, prout scivi, dictare curavi, quibus et ipsis satisfacerem, quo a me contra eorundem imminentes calumnias, vobis illas non tacendo, præmunirem. Hæc me ita in illis litteris sensisse vestram sagacitatem vel ex eo advertere posse credidi, quod in fine illarum posuisse me meministi, si tamen eo a vobis oculo legeretur, quo a me scriptum fuit. Nam, cum denuntiatis malis quæ non immerito vobis metuebam, tandem inferrem, « Quod si hæc omnia pati melius ducitis, quam illum amittere; mea nihil interest, vos videritis : » aut enim ipsa mea verba sunt hæc, aut proprie ipsa : cum itaque hoc in fine dixi, quid aliud vobis quam illa superiora dispensatorie (ut non dicam, simulate) a me ita scripta fuisse latenter intimavi?

2. Quod vero scripsistis, me per nuntium eidem monacho de querenda, si ad nos divertisset, ipsius absolute privatum insinuas; veritatem testor, hoc verum non esse. Egone de notissimo mihi monasterio vel jactarem, vel sperarem monachum me posse suscipere, quem nec vos quidem putatis sine grandi scandalo posse retinere? Sed esto. Invidebam illum vobis et mihi attrahere gestiens, aliquid de ejus obtinenda absolute machinari me posse sperabam sive 47 fingebam. Sed nunquid credendum fuit, me hoc meum consilium ipsi nuntio, quod utique contra suum monasterium excogitaveram, voluisse patefacere? Sed jam, ne quod de nostra erga vos dilectione hucusque credidistis, falso vos credidisse inveniat; pro vestra (ut video) causa, non saltem æque ut pro mea, imo multo amplius laborandum est mihi, et hoc non quomodo hucusque solebam, ut videlicet nostra unanimitas fortius solidetur, sed ne penitus dissolvatur. Quid dicam vobis? Ego certe nec vobis, nec de vobis tale aliquid credere possem, quale vos sola de me suspicione divinas. De cætero novarit vestra Benignitas, comitem Theobaldum (125) nostras pro Humberto litteras jam recepisse, sed needum suo mihi rescripto quidquam respondisse. Quid super hoc vobis agendum sit, ipsa vos melius pietas docebit, si pie hominis injuste exsultantis miseriam pensare non negligitis.

#### EPISTOLA XXXIV (126).

AD DROGONEM MONACHUM (127).

*Congratulatur Drogoni, quod ad strictiorem observantiam transierit : hortaturque ad perseverantiam.*

1. Quam non immerito tui jamdudum non mediocri fueram affectus amore, nunc appareat, dilectis-

(124) Radulfo Viridi.

(125) Theobaldus comes Campaniæ. Vide infra epistolam 37 et sequentes.

(126) Scripta circa annum 1120.

(127) In Colbertino 1510 et in Compendiensi ad

A sime Drego. Et ante quidem totum pulchrum, totum erat amabile quod cernebaris; sed ego nescio quid aliud de te supra id quod videbam aut audiebam ex te, excellentiori dignum veneratione præsenferam. Nunquid forte cælestis Sponsi, ejus nunc ætius castis te amplexibus impressisti, jam tunc vocem audieras dicentis ad pudicissimam turtorem suam animam tuam : *Tota pulchra es, amica mea; tota pulchra, absque eo quod intrinsecus lateat?* (Cantic. iv, 7.) Quid fecisti? Quis hoc crederet? Sanctum te ac religiosissimum tota civitas personabat, ita ut nihil tibi addi posse crederetur ex omnibus bonis : et tu velut e secularibus unus, monasterium tanquam sæculum deserens, jam attritum Christi sarcina collum novæ rursum observantiis disciplinæ submittere non erubescis? In te nunc, frater, veram probamus illam esse sententiam, qua dicitur : *Cum consummatus fuerit homo, tunc incipit* (Eccli. xviii, 6). Indicium ergo tuæ consummationis est quod nunc cœpisti; et in quo arbitrararis te non comprehendisse, jam comprehenderas. Nemo quippe perfectus, qui perfectior esse non appetit; et in eo quisque perfectiorem se probat, quo [al. quod] ad majorem tendit perfectionem.

2. Sed ecce, charissime, is ejus invidia mors intravit in orbem terrarum, arcum suum tendit, et paravit illum : et quia pulsus de corde tuo intus potestatem amisit, foris sæviet quantum poterit. Et, ut apertius loquar, nescis quia Pharisei scandalizati sunt in hoc verbo quod fecisti? Sed memento non omnium scandalum magnopere esse curandum, juxta responsum Domini dicentis : *Sinite illos; ceci sunt, et duces cæcorum* (Matth. xv, 14). Melius est enim ut scandalum oriatur, quam veritas relinquatur (GREG. homil. 7 in Ezech.). Memento, qui natus fuerit in ruinam et resurrectionem multorum (Luc. ii, 34); et non mireris, si tu quoque aliis quidem sis odor vite in vitam, aliis odor mortis in mortem. Si maledictiones intentaverint, si anathematum intorserint spicula, audi Isaac pro te respondentem : *48 Qui maledixerit tibi, sit ille maledictus; et qui benedixerit tibi, benedictionibus repleatur* (Gen. xxvii, 29). Sed et tu muro inexpugnabili conscientie tuæ circummunis, de intus responde, et dic : *Si consistant adversum me castra, non timebit cor meum; si exsurgat adversum me prælium, in hoc ego sperabo* (Psal. xvi, 3). Non enim confunderis cum sie loqueris inimicis tuis in porta. Confido autem in Domino, quod si ad primos ictus fortiter steteris, et nec minis eorum cesseris nec blandimentis, cito conteres Satanam sub pedibus tuis : et tunc videbunt recti et lætabuntur, et omnis iniquitas oppellat os suum.

*Hugo-Drogonem, tametsi in contextu epistolæ legitur, Drego. Nomen est compositum ex vocabulo Hugonis abbatis Pontinnacensis, cui acceptissimus erat Drego.*

## EPISTOLA XXXV.

AD MAGISTRUM HUGONEM FARSITUM (128).

*Humbertus ejusdem causam ei commendat, monetque ut in sententia quadam erronea corrigi non erubescat.*

Charissimo fratri et cohabiti suo Hugoni, frater BERNARDUS, debitum sincerissimæ dilectionis affectum.

Humbertum istum, injuste, ut aiunt, exhereditatum, cujus nos pro Dei amore apud vestrum Comitem causam iuri suscepimus, de vestra confidentes charitate vestro patrocinio committimus, per vos, ut fideliter speramus, terræ principi, cæli Domino cooperante, reconciliandum; patris, uxori, filiis, rebus et amicis suis restituendum. Hoc autem satagendo, et egenum de manu peccatoris liberabit, et oppressoris ipsius nihilominus saluti consulitis: nobis quoque vos non mediocriter officiosum exhibebitis; sed et officium implendo pacificorum, vobis inter filios Dei sedem in excelsis collocabit. De cætero, epistolam illam, quam ad me jam olim scribere Sanctitas vestra dignata est, non me (sicut vos audisse audivi) incendio tradidisse, sed penes me adhuc servare noveritis. Quid enim hoc livoris, imo furoris fuisset, opus utile et laudabile, ubi nihil nisi quod sanæ fidei, quod doctrinæ saluberrimæ, quod ædificationis spiritualis est deprehendi, temerario damnare iudicio? excepto, quia inter amicos contra veritatem nulla debet esse meticulousa, cum sit periculosa, palpatio, quod hoc me, fateor, movit et movet, quod illam inter nos jam ante habitam de

A sacramentis collationem, in principio prædicti opusculi defendere et astruere conati estis. In qua utique collatione, si res ræ suam sententiam bene meministis, an sensui conveniat [al. conuat] ecclesiastico, vos videritis. Vestre autem ingenium humilitatis est non erubescere corrigi, si quid aliquando aliter sapuistis. Valete.

## EPISTOLA XXXVI (128')

AD EUND.

*Respondet litteris Hugonis, suadetque ut ab impugnanda episcopi jam defuncti sententia desistat.*

Dilectissimo suo, et olim, et modo, Dei gratia sancto abbati Hugoni, frater BERNARDUS de Clara-Valle, irreverberatum sinceræ dilectionis affectum.

B Ad litteras vestre dignationis, licet quidem breviores quam cupierim, longiores tamen quam meruerim, rescribere largius et debui, et volui: sed festinus nuntius non permisit. No tamen vacuus omnino recederet, pro tantis, quarum me debitorem agnosco, has tantillas, quas et vix expectavi, velocissime reddidi. Ubi primum breviter ac veraciter insinuo, antiquum nostrum et dilectorem, et dilectum, tota me charitatis visceribus et suscipere ut catholicum, et suscipere [al. venerari] ut sanctum, et amplecti ut charissimum. Siquidem de integritate fidei, credo vestræ confessioni; famæ et opinioni, de sanctitate; de affectu, quem erga vos me habere protestatus sum, propriæ conscientie. Nam, quod illius sententiæ, quæ meæ simplicitati merito, ut mihi videbatur,

(128) Scripta anno Christi 1128. Conjeciebam eundem esse Hugonem Farsitum, cujus sententiam impugnât Bernardus in epistola 77, quæ inter tractatus relata est, ad Hugonem Victorinum; quod tamen nolum asserere.

Plures invenio per id tempus Hugones Farsitos. Duo monachos: alterum Latiniacensem, laudatum in libro sexto de Re diplomatica, pag. 585; alterum Sancti Luciani apud Bellocacos, de quo Necrologium sexto kalendas Aprilis, « Obiit Hugo Farsitus monachus professus. » An qui in Historia Louveti, p. 555? Tertium lego Hugonem Farsitum, canonicum regularem Sancti-Joannis-de-Vineis, laudatum in Necrologio Ecclesie Snessionensis. Quartum suggerit Farsitum Abaelardus in sermone de S. Joanne Baptista, pag. 967, ubi Norbertum et coepistolum ejus Farsitum memorat, forsan Hugonem Præmonstrati abbatem, Ordinisque præpositum post Norbertum, cujus primus ac præcipuus discipulus fuit, ad quem epistola 255. Qualis meriti Hugo Farsitus, insigni discipulus harum epistolarum testimonio, in quibus cum Bernardus « charissimum fratrem et cohabitum, antiquum dilectorem et dilectum » appellat, imo et « sanctum » fama et opinione constante; sed quis tandem fuerit, non ita liquet. Apud doctos familiare nomen, cætera fere ignota. Possevinus in Apparatu affirmat eum fuisse monachum Sancti-Medardi Snessionensis, sed mera, ut puto, conjectura. Ex litteris nostri Hildefonsi Vrayet olim accepimus, Hugonem Farsitum fuisse canonicum regularem Sancti-Joannis-de-Vineis apud Suesionem, ut manifeste probant ejusdem abbatis Necrologia, publicæque instrumenta, quibus ipse frequens subscriptus reperitur. In Calendario cathedralis ecclesie sancto Gervasio sacræ hæc de eo habetur memoria:

« Pridie nonas augusti obiit Hugo Farsitus, canonicus regularis, qui dedit nobis libros suos tam divine pagine quam secularis. » Cujus loci abbas fuerit, incertum. Alii apud Castrum-Theodoric præfuisse suspicant, alii apud Valevacenas; forte potius abbatis Sancti-Joannis Carnotensis, cui anno 1151 abbatem nomine Hugonem præpositum lego. Locum utunque inuit epistola 35, abbatiam nempe ditioni subjectam Theobaldi comitis, quem ipse Hugonis « Comitem » appellat. Existimo enim, cui directæ est præsens epistola, esse illum ad quem Hugo Metellus per id tempus canonicus regularis apud Tullam-Leuorum, epistolam 34 manuse ipsam inscripsit « Hugoni Carnotensi magistro venerabili. » An Hugo iste in regimen abbatis Sancti-Joannis apud Carnutes successit Stephano, qui anno 1128, electus patriarcha Jerusalem, ad quam epistola 82? Cæterum quam non mediocri litteraturæ fuerit, probat in primis, illa librorum suppellex ecclesie cathedrali concessa; insuper liber Sacramentorum, cujus meminit Bernardus in epistola 35; in quo libro cum aliquid ad fidei apices non satis accuratum admisisse reprehendatur, facile inducor de eo esse intelligendum Hugonem Victorinum Bernardum consulentem de sententia ejusdem auctoris, aliter quam par esset, de Baptismo sentientis, quem ideo suppresso nomine designavit, quia suum. Denique præ manibus est liber manuscriptus de Miraculis beate Marie Snessionensis ab eodem in triginta et unum capita distinctus, in cujus titulo scribitur, « Hugo Farsitus venerabilis memorie. » Hic liber totus editus est in Historia gallica parthenonis Snessionensis, auctore nostro Michaelæ Germano.

(128') Scripta anno Christi 1128.



scrupulum movebat, oblitum vos esse fatemini, tam libenter accipio, quam latus compendiosam purissimæ veritatis assercionem in litteris vestris novissimis lego: ita ut me potius sensa vestra non intellixisse, quam vos quidpiam mali sensisse pene crediderim. Deinde modestiæ vestræ fraterna præsumptione consulo, quatenus episcopum sanctum et doctum (129), quem quiete vivere permisistis, mortuum inquietare desinatis: ne, dum non valentem pro se respondere reprehenditis, magis hoc ex charitatis inopia, quam veritatis fiducia descendere, totam pro eo respondentem Ecclesiam audiat. Pro Humberto, sicut rogavi vos, iterum rogo; ut vestrum ei, cum poteritis, nec consilium desit, nec patrocinium. Valete.

## EPISTOLA XXXVII.

AD THEOBALDUM COMITEM CAMPANIÆ (130).

*Miratur se in causa Humberti iusto et æqua petentem pati repulsam: monetque intuitu supremi Iudicis misero non neget opem et misericordiam*

Laudabili principi THEOBALDO, BERNARDUS eorum qui in Clara-Valle sunt, servorum Dei inutilis servus, sospitatem et pacem.

1. Quod de nostra infirmitate vos audivi fuisse

(129) Fallor si non is est Guillelmus de Campellis, episcopus Catalaunensis, Bernardo charissimus, ex dictis ad epistolam 3: cuius Guillelmi varia Theologiæ opuscula in codice Cheminionensi diocesis Catalaunensis memorantur in libro dicto Panchrysis, in quo multa eorum fragmenta referuntur.

(130) Scripta anno 1128. — Mira et magna Theobaldi encomia passim leguntur apud scriptores ejus ætatis. Anselmus Gemblacensis ad annum 1134: « Theobaldus comes, » inquit, « Blesensis sive Carnotensis, præ cunctis principibus Galliæ, magno pondere justitiæ eminet in Francia, religiosis monachis et clericis plus ac familiaris, Ecclesiæ defensor, pauperum adiutor, morientium consolator, in commerciis negotiatorum cautus et discretus, in reis et a reo deviantibus ultor et vindex. » Eisdem omnino elogiis celebratur ab Hugone monacho Autissiodorensi, ad annum 1136. Quod spectat ad justitiæ zelum, ob quem præcipue commendatur ab hoc Anselmo, illustre habes argumentum ex epistola 39 et aliis, ex quibus discimus quam rigide in monachos a principibus fere ubivis toleratos, primus, aut certe inter primos, animadverterit, id quod clericis longe antea interdixerant canones, ut docet Ivo Carnotensis episcopus in epistola 247. Idem Theobaldus ab officiis charitatis et misericordiæ ab Ernaldo Bonne-Vallis abbate mirifice prædicatur in Vita sancti Bernardi, lib. II, cap. 8; item a Gaufrido, lib. IV, cap. 3, quibus adde novam epistolam 416. Unde apparet quantum ex sancti Doctoris familiaritate et documentis profecerit. Obiit sexto idus januarii, anno 1152, sepultusque est, non in monasterio Pontiniacensi, ut vult Jongelinus, et post eum Manricus, ad annum 1114, cap. 2, n. 6. Vincen- centium Bellovacensem secuti; neque in Claræ-Vallensi, ut Brito Lusitanus; sed in monasterio Launiacensi Ordinis sancti Benedicti ad Matronam fluvium, cujus fuit advocatus, teste Bernardo epistola 250: quod nimirum hæc abbatia ab Heriberto Campaniæ comite circa annum 990 instaurata fuisset, ubi tumulus ipsius Theobaldi porphyreticus etiamnum visitur. Sepulturæ locum sicut et diem obitus Elinandus monachus in Chronico aperte indicat: « Anno 1152, » inquit, « moritur comes

A sollicitum, non mediocriter gratum habeo. In hoc quippe dum vestram erga me agnosco dignationem, Deum quoque vos diligere non dubito. Quando enim tantillum tantus vel nosse dignaremini, nisi propter Deum? Cum ergo constet quod diligitis Deum, et me propter ipsum; miror quomodo ad unam Dei fiducia præsumptam petitiunculam, nec injustam, ut puto, nec irrationabilem, a vobis tamen repulsus sum. Si aurum, si argentum, vel quodcunque hujusmodi quæsissem; vere, prout de vobis confido, sine dubio accepissem (131). Sed quid dico, quæsissem? Nam etiam non quærens, jam plurima vestræ largitatis beneficia suscepimus. Hoc autem unum, quod non mei, sed Dei causa, nec tam mihi, quam vobis a vobis postulavi (132),

B quid causæ exstitit, quod accipere non merui? Quid enim? ergone judicatis indignum vel mihi ad petendum, vel vobis ad præbendum, ut homini christiano, quantolibet apud vos crimine accusato, postquam se purgavit, faciatis misericordiam? Aut certe, si non creditis quod plene se purgaverit, quia hoc in curia vestra non fecit; ejusdem rursus vos in vestri præsentia recipiat satisfactionem, et sic consequatur indulgentiam.

Campaniæ Theobaldus, sexto idus januarii, et apud Latiniacum sepelitur. Habuit autem illius sex. Prima fuit Maria Burgundiæ ducissa; secunda, Agnes Barri-Ducis comitissa; tertia quædam ducissa in partibus remotis. Hanc postea duxit Guillelmus Goez in diocesi Carnotensi. Quarta, comitissa Mathildis Pertici; quinta, monialis Fontis-Ebraldi: sexta fuit Adela Francorum regina. » His omnibus astipulatur Albericus in Chronico, ad annum 1152, qui et addit Theobaldum quatuor habuisse filios hoc ordine: « Henricum, comitem Trecentem Palatinum, largitate et liberalitate famosum; Theobaldum, comitem Blesensem et Carnoti; Stephanum, comitem de Sancerra; et Guillelmum, archiepiscopum Senonensem, et postea Remensem. » Theobaldi epitaphium, quod Henrici comitis precibus composuit magister Simon, cognomento Capra Aurea, Sancti-Victoris Parisiensis canonicus, edidit in Diatriba Franciscus Chiffletius, ex manuscripto codice monasterii Charitatis Ordinis Cisterciensis, dignum certe quod in honorem tanti principis hic transcribatur:

*Transiit ille comes Theobaldus, clarus ubique,  
Ecclesiæ matris filius, imo pater.*

*Magnus honore, potens armis, spectabilis ortu,*

*Mente sagax, verbis lucidus, ore decens.*

*Exiguus parvus, tumidis ferus, asper iniquis.*

*Simplicibus simplex, omnibus omnis erat.*

*Lætus pauperibus, monachis, agrisque paraba:*

*Incessanter opem, munera, templa, domos.*

*Hujus erat servare bonos, punire nocentes;*

*Hujus erat juste vivere, justa loqui.*

*Omnēs virtutes in eo lucere videres,*

*Certabantque simul mirificare virum.*

*Gallia nostra gemitu tanto viduata patrono,*

*Sicut eo stabat stante, jacendo jacet.*

*Ergo dies decimus Jani fuit ultimus illi,*

*Cui Deus est melior millibus una dies.*

(131) Ita codex S. Germani. Alias omititur, vere, prout de vobis confido, sine dubio accepissem.

(132) Hinc patet non esse hanc primam pro Humberto epistolam, sed priorem esse tempore epistolam 39, ex qua discimus Humberti patriam et supplicii genus.

2. An ignoratis quis minetur : Cum accepero tem-  
pus, ego justitias judicabo ? (Psal. lxxiv. 3.) Quod si  
justitias, quanto magis injurias ? An non timetis  
quod rursum scriptum est : *Quia in qua mensura  
mensi fueritis, remetietur vobis* ? (Matth. vii. 2.) An  
nescitis quia quam facile vos Humbertum, tam faci-  
le, imo incomparabiliter facilius Deus Theobaldum  
(quod absit!) exheredare possit ? Et quidem in tali-  
bus, ubi culpa tam aperta atque inexcusabilis esse  
videtur, quatenus nulla nisi cum justitiæ periculo  
misericordiæ occasio relinquatur ; etiam tunc tre-  
mens et dolens vindicem vos exhibere debetis 50 ;  
magis videlicet officii compulsus necessitate, quam  
vindicanæ libidine. Ubi autem objectum crimen, aut  
minus certum esse cognoscitur, aut excusandum  
suscipitur ; hoc non solum non renuere, sed et li-  
bentissime debetis amplecti, lætus nimirum quod  
salva justitia, pietas vestra locum invenerit. Ecce  
hoc secundo vestræ supplico Eximietati, ut sicut  
Deum vobis vultis misereri, ita vos Humberto mi-  
sereamini : sive illa vobis promissione dominica  
blandiente : *Beati misericordes, quoniam ipsi miseri-  
cordiam consequentur* (Matth. v. 7) ; sive illa vos com-  
minatione terrente : *Judicium sine misericordia illi  
qui non fecerit misericordiam* (Jacobi ii. 13). Vale-  
lete.

## EPISTOLA XXXVIII (133).

AD EUMDEM.

Unde supra.

Pio principi THEOBALDO, BERNARDUS abbas de Cla-  
ra-Valle, salutem et orationes.

4. Valde timeo ne occupatissimis auribus vestris,  
crebris interpellationibus meis præsumptuosius me  
ingerendo molestus fiam. Sed quid faciam ? Si vos  
offendere timeo, sæpius ad vos scriptitando ; quanto  
magis Deum, cui utique magis timoris debeo, ti-  
mendum est mihi, ne offendam non interpellando  
pro misero ? Alias autem indulgeat mihi Benignitas  
vestra, quia non possum non misereri illius miseri,  
pro quo jam en et alia vice importunus forsitan pre-  
cator accessi, Humberti videlicet mendici et paupe-  
ris, et hoc facti de divite, quod est infelicius. Non  
possum non compati viduæ et orphanis, sed vivo  
orbatis patre, quod est miserabilis. Gratias ago  
vobis pro gratia, quam de hac re in oculis vestris  
invenire merui, et quod ipsius Humberti pro se di-  
gnanter acquievestis veram suscipere defensionem,  
et quod falsam adversus ipsum justissime repulistis  
accusationem. Illud autem quod ad consummandum  
pietatis opus, reddendam uxori et liberis ejus  
suam hæreditatem benignissime disposueratis ; satis

(133) Scripta anno Christi 1128.

(134) Alias, domno. Vide epistolam 56.

(135) Scripta anno 1127.— Inter cætera de quibus  
Theobaldum sollicitat hac epistola sanctus Bernardus,  
interfcedit pro misero quodam, nomine Humberto,  
pro quo prima hæc epistola scripta est ante epi-  
istolam 37 ; qui duello victus, jussu principis et loculis  
et oculis mulctatus est, ut nec superesset unde  
miseram utcumque vitam sustentaret. Gravis quidem  
pena, et quæ Bernardi animum charitatis spiritu de-

A mirari non possum quid impederit, ut tam pium  
verbum vestrum necdum factum consecutum sit.

2. Et quidem in aliis principibus si quando ver-  
bum levitatis, aut etiam falsitatis deprehendimus,  
nec novum, nec mirum reputamus. At vero apud  
comitem Theobaldum Est et Non nequaquam omnino  
patienter audimus : cui, ut dicitur, simpliciter di-  
cere, jurare est ; et leve mendacium, grave perjurium  
imputatur. Inter plurima quippe virtutum insignia,  
quæ vestram plurimum nobilitant dignitatem, et  
vestrum per orbem clarum reddunt et celebre no-  
men, præcipue laudatur in vobis veritatis constantia.  
Quis ergo suo vel hortatu, vel consilio tantum ro-  
bur firmissimi pectoris vestri enervare tentavit ?  
quis, inquam, veritatis in vobis tam sanctum, tam  
eximium, tam omnibus imitabile principibus pro-  
positum evellere sua fraude conatus est ? Fallaciter,  
non veraciter vos diligit, fraudulenter et non fide-  
liter vobis consulit, qui tam gloriosam de veritate  
famam vestram obnubilare sua cupiditate contendit :  
dum verbum quod os vestrum locutum est, et ver-  
bum Deo placitum, vobis dignum, pie justum, ac  
juste pium, evacuare, nescio qua malitia, nocendo  
pauperi satagit. Obsecro vos per misericordiam Dei,  
ut eandem vos consequamini, cavete ne superbiat  
impius, unde incenditur pauper : et hoc potius agite,  
quatenus promissionis vestræ veritas compleatur ;  
qua primum quidem domino (134) Norberto, deinde  
etiam nobis pollicitus estis, restitutum vos Hum-  
berti hæreditatem ejus et uxori, et filiis. Valete.

## 51 EPISTOLA XXXIX.

AD EUMDEM (135).

*Diversorum causas Theobaldo commendat. Denique ut  
erga episcopos, concilii causa in ejus civitate con-  
stitutos, honorifice et reverenter se gerat, horta-  
tur.*

1. Cum multa mihi vestræ, erga me dignationis  
indicia præbeatis, hoc me maxime toto vobis affectu  
dilectionis astringit ; quod cum sciam me vestram  
jam pro multis ausum fuisse, interpellare dignita-  
tem, in nullo tamen repulsum me meminisse. Hinc non  
immerito factus fidentior, rursus pro canonicis de  
Larzurte (136) non dubius precator accedo. Non  
quidem pro ipsorum jure nunc precor, in tantum  
quippe de vestra justitia et legalitate confidens, ut  
nec hosti vestro in vestra curia placitanti de suo  
jure tinendum esse existimem : sed hoc est quod  
pro ipsis et cum ipsis omni, qua possum, absens  
supplicatione depono, et quod eis omnino esse  
cognovi necessarium, ut videlicet ad vestræ Sere-  
nitatis vultum, solito illis clementiorem atque prom-

linitum justissime movit ; sed tanto et tam pertinaci  
morbo talis medicina debebatur. De monomachæ usu  
et ritu teterrimo vide si lubet Sirmundum, in notis ad  
Gaufridum Viadocinensem, lib. iii, epist. 58 ; Che-  
snum, ad Bibliothecam Cluniacensem et alios. Confer  
Bernardi epistolam modo 376.

(136) Canonici de Larzurte regulares ordinis  
S. Augustini, diocesis Catalaunensis in decanatu  
Partensi, ubi quondam prioratus possidebatur a  
Patribus societatis Jesu.

piorem indulgentis accessum, quatenus vicini eorum religioni debitam discant exhibere reverentiam, cum vos eis benevolam esse cognoverint : et si quis forte militum seu ministrorum vestrorum res illorum iniuste contingere, aut quietem, quam in Deo habere debent, infestare in aliquo tentaverit ; pro certo se sciat vestram sibi ob hanc rem gratiam gravissime redditurum infensam.

2. Item aliud est quod supplex exoro. Nuper forte per Barrum transeunti occurrit mihi mulier satis miseranda ; anima quippe ejus in amaritudine erat ; et mea super suis doloribus commovit viscera, satisque egit suis precibus ac lacrymis, quatenus pro ipsa apud vos intercedere deberem. Ipsa est uxor Belini illius hominis vestri, in quem dudum juxta malum quod ipse commiserat, multa et gravia reddidistis. Facite cum ea misericordiam, ut et vos apud Deum eam inveniat.

3. Et quia semel cepti, loquar adhuc cum domino meo. In manu Barrensis prepositi dudum facto duello, qui victus fuit, statim ex vestra jussione oculos amisit. Insuper quoque, quasi parva hæc mala essent, quod et victus, et oculis orbatus fuerat, res ei omnes sue a ministris vestris, sicut ipse conqueritur, ablatae sunt. Justum est, si vobis placet, ut ei vestra pietate restituatur, unde misera ejus vita possit utcumque sustentari. Sed et filiis ejus innocentibus patris iniquitas non debet imputari : quominus paterna, si qua sunt, hæreditent ædificia.

4. In fine volumus vos sanctos episcopos, qui pro his quæ ad Deum pertinent, in vestra civitate conveniunt, omni habere acceptione dignos. Sed et ipsi legato, qui vos vestramque civitatem tanti celebratione concilii (137) voluit honorare, per omnia, quantum in vobis est, devotus et obediens assistatis ; roborare et confirmare bona quæque ab eo jussa et instituta, curetis. Nostrum quoque ac vestrum pariter episcopum id est Lingonensem, abundantiori, ut decet, honore suscipiatis ; et de casamento (138) quod tenetis, hominum [al. homagium] quod debetis, reverenter ei et humiliter offeratis. Valete.

## 52 EPISTOLA XL (130).

AD EUNDEM.

*Pauperem religiosum Theobaldum commendat.*

Duo vobis commendamus in homine isto quem videtis, paupertatem et religionem, ut si uni non

(137) Trecentis ineunte anno 1128 celebrati, de quo in notis ad epistolam 21, ad Mattheum legatum, cuius hic mentio.

(138) Casamentum, feudum quod a casa dominica pendet.

(139) Scripta circa annum 1127.

(140) Scripta circa eundem annum.

(141) Henricum I scilicet Anglorum regem, qui Theobaldi avunculus erat, teste Ernaldo in libro secundo de Vita Bernardi, sub finem, et Roberto de Monte ad annum 1151, nimirum quod Theobaldus matrem habuerit Adelam, Guillelmi Conquestoris filiam, Henrici sororem.

(142) Scripta circa annum 1123.

compatimini, alterum in eo revereamini : quo nulloatenus id ei negare possitis, propter quod vos cum tanto labore de longe requirere curavit. Itaque etsi non propter ipsum, certe propter vos ei succurrite : quia quantum vos illi sua paupertas, tantum, imo amplius, vobis illum necessarium facit sua æque religiositas. Denique de multis quos eadem de causa jam ad vos misimus, nullum fuisse recolimus, de quo magis Deo placere sciamus, quam si huic benefeceritis. Valete.

## EPISTOLA XLI (140).

AD EUNDEM.

*Senem religiosum commendat.*

Timeo vos gravari in tam crebris scriptationibus nostris ; sed in hanc importunitatem urget me Christi charitas, et amicorum necessitas. Hunc itaque et senem, ut videtis, et de domo, ut nos scimus, religiosa ad vos missum non remitti vacuum supplicamus : et insuper ut vestris litteris ad avunculum vestrum regem (141) iturum munire dignemini, rogamus. Vellem omnes servos Dei, si fieri posset, vestros fieri debitores, qui pro mammona iniquitatis quandoque vos recipere in æterna tabernacula. Valete.

## EPISTOLA XLII.

AD HENRICUM SENONENSEM ARCHIEPISCOPUM.

*Hæc epistola potius justit tractatus nomen et locum merebatur : itaque e sede sua submotam ad totum secundum inter Tractatus remisimus, cum hoc titulo : De Moribus et officio episcoporum epistola 42 seu tractatus, ad Henricum Senonensem archiepiscopum.*

## EPISTOLA XLIII (142).

AD EUNDEM HENRICUM.

*Scribit pro libertate ecclesie Molismensis*

Prioris precis nostræ benigna susceptio præbet ampliora sperandi fiduciam. Præmissa itaque devotissimarum gratiarum actione pro experta benevolentia, iterum audeo petere quod iterandis gratiis secundo me faciat debitorem : quatenus videlicet Molismensi Ecclesie (143) ipsam ecclesiam, pro qua se vestram Serenitatem quoquo modo obtulisse dolebat, eadem libertate tenere concedatis, qua prædecessorum vestrorum temporibus eam certum est tenuisse. Valete.

## EPISTOLA XLIV (144).

AD EUNDEM.

*Unde supra.*

Videtis certe quantum præsumam de vestra be-

(143) Monasterium Ordinis S. Benedicti, diocesis Lingonensis, auctorem habuit Robertum abbatem, qui primus itidem Cisterciensi abbas. Unde Molismensem causam sæpe agit Bernardus in epistolis 44 et 60. Vide epistolam 80. Petrus Cellensis in libri vii, epistola 14, ad Molismenses : « Gallina illa Molismensis, plena plumis, et bene pennata, quot et quales de uero suo feins produxit, dum ex se collegium Cisterciense originario germine pullulavit? » Ille agitur de ecclesia Senolina, ut in epistola sequenti, quæ olim Prioratus diocesis Senonensis in decanatu Cartiniacensi.

(144) Scripta circa annum 1123.



nevolentia : ut nec crebra impetratio preces finiat, et toties exauditus, rursum accedere precatore importunus non verear. Magna quidem præsumptio ; sed non meretur indignationem, quoniam de charitate, non de temeritate descendit. Meminit, nisi fallor, **53** vestra Paternitas, quod dudum Trevis querelas universas, quas pro Ecclesia Senoia adversus Molismenses monachos ante habueratis, pro amore Dei et nostro penitus omisit. Et ecce eundem monachi conqueruntur, quod nescio quas novas, et, ut ipsi aiunt, indebitas vobis consuetudines in prædicta Ecclesia vindicetis. Obsecro ergo et ipsas dimitti, confidens me, ne hac quidem vice passurum repulsam : ut qui jam de majoribus merui non repelli, in obtinendis minoribus non confundar Valere (145).

## EPISTOLA XLV (146)

AD LUDOVICUM REGEM FRANCORUM (147).

*Cistercienses Ludovicum regem, Parisiensi episcopo infestum ac injuriam, graviter ac libere redarguunt, eumque illius apud pontificem Romanum acturi, si rex a male captis non desisterit.*

Eximio regi Francorum LUDOVICO, STEPHANUS abbas Cisterciensis, totusque conventus abbatum et fratrum Cisterciensium, salutem, sospitatem, et pacem in Christo Jesu.

(145) Illic manuscripti codices repetunt epistolam 15.

(146) Scripta anno Christi 1127.

(147) Cognomento Crassum.

(148) Stephano, qui ab anno 1121 ad annum 1144 Parisiensem Ecclesiam rexit, alius a Stephano de Garlanda dapifero. Causa hujus infestationis secessus Stephani a curia, Ecclesie libertas. Eadem fortuna, eandem fere ob causas, contigit Henrico Senonensi, ex epistola 49. His litteris non flexus est Regis animus, c. jus filium Philippum, jam regem designatum, ob id morte a Deo mulctatum ferunt. Mirum est eo mortuo proceres et episcopos de impedienda Ludovici Junioris successione cogitasse, teste Orderico, in libro xiii, pag. 895 sqq. Mira in sanctis viris dicendi libertas, intrepidus justitie zelus, quo pro episopi defensione adversus regem humiles monachi insurgere non verentur. Sed qualis fuerit Ludovico Stephani Parisiensis episcopi insectandi ratio, ex antiquis monumentis non ita facile est divinare. Rem utcumque Bernardus insinuat in simili causa Henrici archiepiscopi Senonensis, epist. 49, ad Honorium papam : « Rex, » inquit, « non tam episcopos, quam in episcopis justitia persequitur zelum. » Quod amplius declarans ait : « Qui ante in habitu ac utique seculari honorati sunt sublimis, iudicati fideles, habiti familiares ; modo inimici facti sunt digni suo sacerdotio conversantes, et per omnia honorificantes ministerium suum. » Illic Baronius ad annum 1127 totum latius explicat his verbis : « Profecerant siquidem episcopi provincie Senonensis Cisterciensium monachorum exemplo, atque verbis litterisque sancti Bernardi, præcipue vero quem diximus Parisiensis episcopus, atque Parisiensis abbas Sancti Dionysii Sugerius, qui monasterium illud monastica penitus disciplina solutam, fidei regularis observantie arte construxerat : quo nomine ipsi sanctus Bernardus congaudent, gratuloriam ad eum dedit epistolam » (nimirum epist. 78). « Quod vero etiam et ipse metropolitanus Senonensis archiepiscopus Henricus aique admodum litteris sancti Bernardi » (ep. 42), « et quidem prolixioribus, ad

**A** 1. Rex cœli et terræ regnum vobis in terra donavit, donaturus et in cœlo, si id quod accepistis, juste et sapienter administrare studueritis. Hoc est quod vobis optamus, et pro vobis oramus ; ut et hic fideliter, et illic feliciter regnetis. Cæterum vos quoniam consilio eisdem nostris pro vobis orationibus (quas, si recolitis, olim tam humiliter requisistis) modo tam acriter repugnatis ? Quia enim jam fiducia manus pro vobis levare præsumimus ad Sponsum Ecclesie, quam ita, et sine causa (ut putamus), ausu inconsulto contristatis ? Gravem siquidem adversum vos apud eundem Sponsum et Dominum suum querimoniam deponit, dum quem acceperat defensorem, sustinet oppugnatorem. Attenditis jam cui ex hoc infensum vos redditis ? Non utique episcopo Parisiensi (148), sed Domino paradisi ; et quidem terribili, et ei qui aufert spiritum principum (*Psalm. lxxv. 12, 13*). Ipse quippe est qui ad episcopos dicit : Qui vos spernit, me spernit (*Luc. x. 16*).

**B** 2. Hæc ita vobis et pro vobis audacter quidem, sed amanter intimare curavimus : monentes et rogantes per illam invicem amicitiam nostram et fraternitatem, cui vos satis dignanter sociastis, sed nunc ipsam graviter læsistis, quatenus a tanto malo citius desistatis. Alioquin si non meremur exaudiri, sed contemnimur, et nos fratres, et amici vestri, et

meliolem frugem conversus, ea quæ essent optimi pastoris munera diligenter explet, eadem ex causa ejusdem principis indignationem incurrit, etc. Sed quæ ista reformatio, » inquit, « fuit, quæ adeo displicere potuerit regi christianissimo ? Illa scilicet, quod episcopi assueti prius, relicta ecclesia, curie regis assistere, militiam sectari, jam sese ad ecclesiam et curiam aique militiam avocassent, atque etiam subditos sibi clericos pariter revocassent. Erat horum haud exiguus numerus in palatio Regis militantium, nec in ipsa palatina tantum, sed et in castrensi militia merentium. Quod deporat idem sanctus Bernardus cum in pluribus locis, tum præsertim, quod ad rem spectat, in epistola ad Sugerium abbatem Parisiensem, » etc. Hæc usque Baronius. Sed ut historie apud auctores illius ætatis alto silentio sepulta ex veteribus etiam instrumentis nonnihil lucis afferamus, lubet ejusdem familiaris ad ipsum Stephanum Parisiensem epistolam, quam noster Acherius Spicilegii tomo tertio vulgavit, proferre in medium, ejus hæc verba sunt :

Quamvis Paternitati vestre constantiam nihil adhuc mutari nec debilitari persenserim, tamen pro vobis more amici sollicitus vos moneo et remoneo, ne a proposito vestro et justitie rigore declinetis, nec Ecclesie vestre libertatem, quæ temporibus antecessorum vestrorum floruit, annihilari permittatis, illamque Dominicam sententiam memoriter retinentis : Beati qui persecutionem patiuntur propter justitiam. Sciatis autem me in omnibus et per omnia vobiscum persecuturum, nec pro damnis, quæ mihi et hospitibus meis pro vobis contigerunt, a proposito meo pedem retrahere. Rex enim et regina meis hospitibus duodecim libras dederunt, et hoc totum pro redemptione suarum rerum abstulerunt : et mei parentes et amici regi et reginæ vinum meum exstirpari jubentibus, decem libras dederunt, et hoc totum decani et archidiaconorum instigatione, imo G. successoris nocturna insurrectione peractum est. Deo vero vobis et mihi subveniente, me omnia, quæcunque amiserim, recuperaturum non vereor, nec vos sine me rerumque mearum recuperatione pacem recepturum arbitror. Præterea nisi vos consilio satis abunde

qui quotidie oramus pro vobis et filiis vestris et regno; ex hoc jam noveritis parvitatem nostram, in quibus valuerit, non posse deesse Ecclesie Dei, et ministro ejus, venerabili videlicet patri et amico nostro episcopo Parisiensi: qui nostram adversus vos humilitatem interpellans, nostras pro se ad dominum Papam jure fraternitatis (149) litteras requisivit. Verum non justam ducentes his prius litteris vestram Excellentiam convenire, præsertim quia idem episcopus per manum omnium Religiosorum

A se ad justitiam offert, si tamen prius (quod quidem eadem ipsa justitia videtur exigere) res ei suæ injuste ablata restituantur (150): ejus interim petitioni differendo superseديمus. Et siquidem Deo inspirante placuerit vobis nostris precibus aurem inclinare, nostro consilio studioque pacem cum episcopo, imo cum Deo reformare; parati sumus hujus rei gratia fatigari usque ad vos, quocunque vobis placuerit: sin autem, non amicum audire, et Dei sacerdoti obedi-  
dire necesse est. Valete.

*dare seniorem, parvitas mea Paternitati vestræ consuleret, ut dominum Senonensem archiepiscopum et coepiscopos vestros precibus vestris et amicorum vestrorum vobis alliciat, et ad justitiæ vestræ aggravationem, ut in episcopatibus suis a divinis cessent, modis omnibus impetrare non differatis, ut ejusdem justitiæ participes vobis contra omnes subveniant, et, si necesse fuerit Romani nobiscum veniant.*

Ex hac epistola tria colligimus notatu digna: primo, non solum episcopum, sed et familiares iisque conjunctos, bonis omnibus a rege spoliatos; secundo, hanc persécutionis procellam instigantibus quibusdam clericis excitatam; tertio, libertatem ecclesiasticam a rege violatam. Quæ quidem omnia mihi facile persuadent, totam hujus mali lernam a quibusdam clericis repetendam, qui cum pro regis arbitrio ecclesiasticis personis exactiones imponerent, experienturque Stephanum adversantem; regis animum adversus il um pessime irritantes, in bonorum omnium discrimen adduxerint, imo etiam in ipsius necem conspirarint, ut patet ex alia epistola (Spicilegii tomo III; pag. 162, epist. 37) ad Stephanum scripta. Unde factum est, ut etiam ipso in regis gratiam bonaque omnia res ituto, Thomas Sancti-Victoris Parisiensis Prior pro istius cause defensione postmodum occubuerit, ut videre est epist. 158 sqq. At quodcumque tandem hujus tragediæ seminarium fuerit, Stephanus armis spiritualibus utens, regis terram interdicto supposit; ejusque indignationem declinans, ad Henricum Senonen-em, tum ambo ad capitulum Cisterciense confugientes, fraternitatis jure, qua tum ipsi, tum etiam rex Cistercio se sociaverant, litteras ad flectendum regis animum a Patribus impetrarunt: quas Bernardus cum Hugone Pontiniacensi, multisque aliis prelati, Ludovico supplicem offerens, repulsam indigne passus est. «Episcopos,» inquit «Emilius in Ludov. » deprecantes a genibus suis repulit Ludovicus: cui impoenitentia Bernardus abbas iram celestem vindicem instare, denuntiasset fertur. » Adhuc vero Bernardum Gaufridus; Vita S. Bernardi libro IV, cap. 2, et ex eo Gaguinus Historiæ Franc. libro VI memorat: «Hæc, inquit, tua, rex, pertinacia filii interitu multabitur. » Cujus vaticinii veritas in Philippi nece infelici probata est. Tanta licendi libertate a proposito princeps aliquanto dimotus, ad Honorii pape litteras, quibus interdictum solvebatur, animum refricans, male coepta ardentius prosecutus est. Quod Bernardus impatienter ferens, tam suo, quam Gaufridi Carnotensis nomine litteras ad Honorium justæ querimonie plenas dedit (epist. 46, 47). Tandem vero tam pertinax, tamque concitata dissensio finem accepisse videtur in concilio Trecenti, anno 1128, vel certe non multo post, ipsius Honorii auctoritate: qua de re Bernardus gratias retulit, ad eum denuo scribens, epist. 49: «Hinc enim,» inquit, «gravibus contumeliis et injuriis episcopi Parisiensis constantia pulsata est, sed non quassata: quia Dominus supposit manum suam, cum vestram opposuit. » Porro hunc Stephanum Parisiensem, antea cancellarium, distinctum esse a Stephano de Garlanda dapifero, de quo in Annalibus Teulfi, diserte probat Chesnii in notis ad Abaelardum, nec obscure intelligitur ex epistola quadam Gaufridi

Carnotensis, quæ exstat Spicilegii tomo III, pag. 260, in qua scribit sanctum Bernardum fuisse electum ad pacem cum Stephano Parisiensi et Stephano de Garlanda componendam. Quod ulterius ad Ludovicum spectat, quem sanctus Bernardus ad Honorium scribens epist. 49, alterum Herodem appellat; memoria certe dignum est, quanta religione et penitentia diem clauseri extremum, anno scilicet 1137. «Qui ut erat in consilio providus,» inquit Sugerius in ejus Vita, «sibi ipsi consulens, et miseratus animæ suæ Deo placens, frequenti confessionis et orationis sibi devotione providebat, hoc unum toto animi affectu peroptans, apud sanctos martyres protectores suos, Dionysium sociosque ejus, se quomodocumque deferri, et ante sacratissima eorum corpora, regni et coronæ depositione, coronam pro corona, pro regalibus insignibus et imperialibus ornamentis humilem beati Benedicti habitum commutatum, monasticum ordinem profiteri. » «Videant,» inquit optime cardinalis Baronius ad annum 1136, «qui monasticæ paupertati derogant; quomodo non solum archiepiscopi, sed et ipsi reges transitoria vitam æternam præferentes, ad securissimum monastici ordinis tutelam confugiant. » Addit vero Sugerius, regem facta peccatorum confessione, «inopinate se levasse, obviamque corpori Domini exisse, ac devotissime attitisse. Ubi,» inquit, «videntibus cunctis, tam clericis quam laicis, regem, exiens regnum deponit, peccando regnum administrasse confitetur, filium suum annulo investit, Ecclesiam Dei, pauperes et orphanos tueri... fide obligat. Ubi etiam aurum et argentum et ecclesiis, et pauperibus et egenis pro amore Dei distribuens, nec chlamydis, nec regis indumentis usque ad camisiam pepercit. » Mirandum sane in tanto rege exemplum! Cæterum de donis pretiosissimis Ecclesiæ Sancti-Dionysii ab ipso attributis videsis apud eundem auctorem.

(149) Fratres quippe censebantur qui in societatem suffragiorum admissi erant. Ita Case-Dei monachi Ludovico Juniorem fratrem vocant in epistola 308, inter Chesnianas tomo IV.

(150) Nimirum expoliati prius sunt restituendi, quam ad causam vocandi. Vide Canones a Gratiano collectos, Causa 3, q. 1, ubi ait Caius papa: «Episcopis suis rebus expoliatis, vel a propriis sedibus ejectis, omnia quæ eis ablata sunt, legibus sunt reintegranda; quia priusquam hoc fuerit factum, nullum crimen eis obijci potest. » Ibidem Joannes papa: «Reintegranda sunt omnia expoliatis... et in eo loco, unde abscesserant, funditus revocanda... ante accusationem, aut regularem ad synodum vocationem eorum,» etc. Vide ibidem plura: item Capitula in Decretal. Gregor. tit. de Restit. spol. Unde et Goffridus Vindocin. epistola ad Ivonem ita scribit: «Cum de re nostra a nobis diu et juste possessa, et injuste ablata, secundum sacros canones investiti fuimus; si postea de nobis conqueruntur, quod justus iudex, quod divina lex faciendum judicaverit, non recusamus. » Vide eundem, epistola ad Ranulfum Sanctonensem episcopum, ubi etiam, eum Bernardo, testatur legibus apostolicæ Ecclesiæ prohibitum, «ne quilibet expoliatus vocetur ad iudicium. »

## 54 EPISTOLA XLVI (151).

AD DOMINUM PAPAM HONORIUM II.

*Unde supra. — Conqueruntur apud Pontificem, quod relaxatione interdicti subreptitie obtenta, Rex Galliarum jam pridem pronus ad pacem, factus sit obstinatio.*

Summo Pontifici Honorio, pauperum Christi abates, Hugo de Pontiniaco, et BERNARDUS de Clara-Valle, quidquid potest peccatorum oratio.

Lacrymabilem episcoporum, imo totius Ecclesie querimoniam, nos quoque ejus filii, si tamen digni, dissimulare non possumus. Quae vidimus loquimur. Magna siquidem nos necessitas de claustris ad publicum traxit: ubi et quod loquimur vidimus. Tristes vidimus, tristes et loquimur: honorem Ecclesie, Honorii tempore non minime læsum. Jam Regis flexerat iram humilitas, vel potius constantia episcoporum: cum ecce a summo Pontifice summa superveniens auctoritas, heu! dejecit constantiam, superbiam statuit (152). Scimus quidem id a vobis per mendacium fuisse subreptum (quod ex vestris litteris palam datur adverti), ut everti tam justum tamque necessarium interdictum juberetis. Sed nunquid non vel tandem deprehenso mendacio, mentitam se sentiet iniquitas sibi, et non tantæ utique majestati? Est autem quod miramur, quam ratione judicatum sit de parte, adjudicatum absenti. Quod quidem non temeraria præsumptione reprehendimus, sed filiali amore paterno cordi suggerimus, quantum ex hoc et superbit impius, et incenditur pauper. Cæterum quando illum pati, quantumve huic compati debeatis; non est nostrum præscribere vobis: vos vestra hinc potius, dulcissime Pater, viscera consulite. Valet.

## EPISTOLA XLVII (153).

AD EUNDEM EX PERSONA GAUFRIIDI CARNOTENSIS EPISCOPI.

*Exponit Pontifici causam episcopi Parisiensis a rege Ludovico inique oppressi, qui interdicto ab episcopi Gallicanis compulsus restitutionem promiserat, sed absolute ab Honorio obtenta contumacior factus non præstitit.*

Tristissima historiae seriem vobis et causam replicare superfluum est; qua jam quippe Paternitatis vestrae viscera, scribente religioso Parisiensi episcopo, commota esse non ambigo. Ne tamen fratri et coepiscopo etiam nostrum deesset testimonium; quæ vidi ego et audiui, necessarium duxi breviter intimare. Accepta siquidem tam modesta prædicti episcopi querimonia, Senonensis diocesis universi episcopi una cum venerabili metropolitano nostro; adscitis etiam nobiscum quibusdam aliis religiosis

(151) Scripta anno Christi 1127.

(152) Relaxando scilicet interdictum, quod a com-  
provincialibus episcopis in terram Regis illatum fuerat ob infestationem episcopi Parisiensis, ex epistola sequente.

(153) Scripta anno Christi 1127.

(154) Scripta circa annum 1150.

(155) Ita constanter omnes scripti, aut fere omnes, et recte nam cardinales olim absolute dicebantur Fratres, in libro secundo de Vita S. Bernardi, n. 42; et in Chronico Andrei, Spicilegii tomo IX, pag. 481.

A personis, Regem super gravi injuria per nos ipsos humiliter, ut debuimus, convenimus: ut episcopo, nil quidem tale merito, sua quæ tulerat, restitueret, rogavimus; nec impetravimus. Sentiens tandem nos ad arma Ecclesie pro Ecclesia velle confugere, timuit, annuitque sese omnia redditurum. Sed in eadem forte hora supervenientibus litteris vestris, quibus ejus terram ab interdicto absolvi præcepistis, male in malo confortatus, quod bene promiserat, minime executus est. Die tamen nominata, qua id se rursum promisit executurum, ejus non conspectui præsentantes, sustinuvimus pacem, et non venit: quæсивimus bona, et ecce turbatio. Hoc denique litteris 55 vestris factum est, ut male ablata pejus teneantur, et reliqua passim in dies rapiantur, eo utique secure, quo impune illa retinentur. Soluta nempe ad vestrum imperium episcopi justo (ut putamus) interdicto, nostroque quod parabamus et quo sperabamus pacem consequi, vestro æque timore suspenso, facti interim sumus opprobrium vicinis nostris: quousque? vestrae videri pietatis compassio.

## EPISTOLA XLVIII (154).

AD HAIMERICUM CANCELLARIUM, UNDE SUPRA, ET CONTRA OBTRACTORES.

*Bernardus querelas in se factas diluit, et solitudinis silentiique facultatem precatur.*

Viro illustri HAIMERICO, sanctæ Romanæ sedis cancellario, frater BERNARDUS abbas dictus Clara-Val-  
lis, salutem, et non in via.

1. Etiamne pauperi et inopi veritas odium parit, et ne ipsa quidem miseria declinare invidiam potest? Querar, an gloriæ, quod factus sum et ipse inimicus vera dicens? Vera dicens, an recta agens? Sed hoc viderint fratres vestri, qui contra legem maledicunt surdo (*Levit. xix, 14*), et maledictum propheticum non verentes, dicunt *bonum malum, et malum bonum* (*Isai. v, 20*). Quid in me, o boni viri, displicuit fraternitati vestrae (155)? Utrumne quod apud Catalaunum amotus est a villicatione sibi credita homo usquequaque diffamatus, quia in ecclesia Vir-  
dunensi cui præfuerat, dissipasset bona domini sui? An quod in urbe Cameracensi monasterii sui manifestus destructor Fulbertus cedere compulsus est Parvino, qui omnium testimonio fidelis est servus et prudens? An certe quod Lauduni de prostibulo Veneris suum Deo sanctuarium restitutum est (156)? Propter quod horum me, non dico, lapidatis, sed laceratis, ut minus aliquid recipiam a Domino meo? (*Joan. x, 52*.) Et hoc merito atque cum omni gloria responderem, si quid in eis meum cognoscerem. Nunc autem ut-

Petrus abbas tam dominum Papam, quam Fratres ex more visitasse perhibetur; et initio hujus epistolæ *Fratres vestri*, mendose quibusdam *nostris*, et apud Willelmum Tyrensem in libro xiii, cap. 15, «Fratres vero tam episcopi, quam presbyteri et diaconi cardinales, etc. Confer librum de Conversione ad Clericos, infra tomo IV.

(156) Tribus de rebus apud Haimericum hac in epistola purgat sese Bernardus. Primo quidem, de Henrici Viridunensis episcopi depositione: de qua agitur apud Laurentium de Leodio, in Historia Viridunensi,



quid iudicor ego de factis alienis? aut si meis, cur A  
tanquam de malis? cum cuncta hæc iuste atque  
præclare gesta fuisse nulla imprudentia dubitare,  
nulla negare impudentia possit. Eligite nunc utrum-  
libet: aut negate certe, aut fateamini me horum  
auctorem. Si feci; laude dignum est laudabilia  
pergissee, et inique redarguor, unde laudari merue-  
ram. Si non feci; ut laudem non merui, sic profecto  
nec vituperationem. Novum genus detractionis, et  
revera simile aliquid habens operi Balaam, qui duc-  
tus et conductus ad maledicendum populo, magis  
benedictionibus cumulabat (*Nam. xxii-xxiv*). Quid  
iustius, quid iucundius, quam ut quem reprehendere  
intendis, plus commendes; ut præconiis pro con-  
viciis utaris nescius; et volens detrabere laudes in-  
vitus? Quasi vero nulla mea mala inveniant ut pro  
malis mihi bona obijciant, vel potius adjiciant  
aliena.

2. At ego nec indignis vituperationibus moveor,  
nec indebitas recipio laudes: nil mea refert de his,  
quorum auctor non exstiti. Laudent si volunt, vel  
vituperent, si audent; de primo quidem dominum  
Albanensem, de secundo vero dominum Remensem;  
porro de tertio eundem æque archiepiscopum simul  
et episcopum Laudunensem, cum Rege pariter et  
36 multis aliis reverendis personis qui se utique  
auctores in his et principes existisse minime diffi-  
tentur. Si bene egerunt, quid ad me? si aliter, quid  
æque ad me? An tota et sola culpa mea est quod  
adfui, homo solis latebris dignus; soli mihi iudex,  
soli acuator et arbiter constitutus, quatenus mon-  
stret actio quod habet professio, et nomen monachi  
solitaria mihi conversatio interpretetur? Adfui enim,  
negare non possum; sed vocatus, sed tractus. Si hoc

amicis displicuit; fateor, et mihi. Utinam non is-  
sem ad illa, utinam non irem ad similia. Utinam et  
nuper non issem, ubi vidissem adversum Ecclesiam  
apostolica (proh dolor!) auctoritate violentam ar-  
mari tyrannidem, quasi non satis per se insanisset.  
Tum demum sensi iuxta prophetam adhærere  
linguam meam palato meo (*Psal. cxxxvi, 6*): cum su-  
bito pondus superjectum est nostris cervicibus, atque  
irrefragabilis auctoritas litterarum. Heu! obmutui,  
et humiliatus sum, et silui a bonis, et dolor meus  
renovatus est (*Psal. xxxviii, 5*), quando vidi repente  
ad illas litteras palatri facies innocentium ignomi-  
nia, et lætari amplius impios quod malefecerint, et  
exultare in rebus pessimis. Misertum est impio, ut  
iuxta dictum propheticum, non disceret facere ius-  
titiam: et qui in terra sanctorum iniqua gessit (*Isai.*  
xxvi, 10), ipsius terra iustissimo quo tenebatur,  
absoluta est interdicto (157).

3. Propter huiusmodi, etsi aliud non sit, gravor  
interesse causis: quarum præsertim mea non inter-  
esse cognosco. Gravor, sed trahor. At vero ab hac  
necessitate per quem melius retrahi posse sperave-  
rim, quam per vos, vir optime? cui in hac re, nec  
potestas deest, nec voluntas, ut comperi. Gaudeo  
nempe, quod et vestre prudentie nostram in talibus  
occupationem displicere cognovi. Et quidem iustis-  
simo, et amicissime. Age ergo si ita vultis, imo quia  
sic cernitis ac decernitis, et amico expedire, et mo-  
nacho convenire: date, queso, operam, quatenus  
una utriusque voluntas citius impleatur, quo et vo-  
bis videlicet satisfaciat ad iustitiam, et mihi ad salu-  
tem animæ consulatur. Indicatur, si placet, clamoris  
et importunis ranis de cavernis non egredi, sed suis

parum in eodem monasterio refrigerat, exteriores  
quoque possessiones paulatim diminutæ erant, sed  
et nonnulla sinistrae læmæ de eisdem virginibus di-  
cebantur. Unde multum contristatus idem pontifex  
(videbat enim eas frequenter a se communitas emen-  
tationem quidem verbo promittere, sed facio non  
implere) consilio et auctoritate domini pape Inno-  
centii, dominique Rainaldi Remorum archiepiscopi,  
Ludovici quoque regis Fradcorum, ad quem eadem  
ecclesia proprie pertinere dicebatur, omnes pariter  
illas sanctionales ex illa eiecit. Assumens quoque  
virum religiosum domnum Drogonem cenobii San-  
cti-Nicasi Remensis Priorem, eum ibidem primum  
abbatem ordinavit, et monachos illic sufficienter ex  
diversis monasteriis posuit. Ita ille. Quod autem  
Innocentii auctoritate hoc factum asserit, intelligen-  
dum est de confirmatione, non vero de ipsa reor-  
matione, quæ biennio ante Innocentii creationem  
agitata est, et definita in comitiis episcoporum, pre-  
sente Ludovico rege Atrebatibus sexto idus  
maii, anno 1128, quibus interfuere Rainaldus Re-  
mensis, Joslenus Suessoniensis, Bartholomæus Lau-  
dunensis, Simon Noriomensis, Joannes Morinensis,  
Garinus Ambianensis, Robertus Atrebatensis, Cla-  
renbaldus Silvanectensis, et Petrus Belvacensis, prout  
hæc omnia constant, tum ex diplomate regio, tum ex  
decreto Matthæi Albanensis, aliisque huius historie  
monumentis, quæ una cum Innocentii litteris in lu-  
cem edidit noster Acherius in suis ad Guibertum  
notis, pag. 828 sq.

(157) Vide supra epistolas 46, 47.

Spleilegii tomo XII, pag. 311, ubi ejus causa ab Ho-  
norio commissa dicitur Matthæo Albanensi episcopo  
et in Gallis legato, qui Catalaunum hac de resynodo  
indixit. « Henricus primo capit consilium a Bernardo  
sanctæ memoriæ, abbate Claræ-Valleis, ejus consi-  
litis regna et ecclesiæ Galliarum hodieque, » ait  
Laurentius, « innotuerunt. Ille consultat gravissimum  
esse invitum violentæ præresse. Ideoque priusquam  
ignominiosa in eum accusatio ad publicam tantorum  
virorum audientiam veniat, solus omnibus cedat,  
episcopatu abrenuntiet. Cedit et consilio ejus ille;  
baculum reddidit, et abrenuntiavit episcopatu, ac  
recedit anno decimo tertio ex quo suscepit eum de  
manu Cæsaris, » nempe anno 1129, ex notis ad epi-  
istolam 13. Ad eandem epistolam 62 et 63. Secundo  
purgat se Bernardus de ordinatione Parvini in ab-  
batem Sancti-Sepulchri Cameracensis, ex monacho  
Sancti Vincentii Laudunensis, teste Hermannio mo-  
nacho, De miraculis, lib. iii, cap. 20, in locum Ful-  
berti expulsi a Rainaldo de Pratis, Remorum archi-  
episcopo, ob malam administrationem, ut Bernardus  
hic tradit. Porro cenobium Sancti-Sepulchri Ordinis  
S. Benedicti olim extra muros Cameraci, fundatum  
est anno 1064, a Lietherto episcopo, ejus Vita ex-  
stat in Spleilegii tomo nono. Vide Meyerum et Mi-  
ræum. Tertio denique purgat se Bernardus de refor-  
matione monasterii Sancti-Joannis Laudunensis, ubi  
puellis ob vitæ licentiam (jæc is, substituti sunt mo-  
nachi: ejus rei historiam ita describit præfatus  
Bernardus, De miraculis B. Mariæ, libro tertio, cap.  
22: « In diebus vero præfati domini Bartholomæi  
episcopi, Laudunensis scilicet, antiqua religio non



suo quæ in terra sunt, et quæ in cælo; aut in ipso A Deus non fuerit mundum reconcilians sibi. Laudabatur quondam archiepiscopus in desideris animæ suæ, et in sæculari vita et habitu benedicebatur. At nunc sub pannis infantie Jesu queritur simonia, et inter nascentes virtutes emortuorum vel cadavera vitiorum scrutatur curiosa malitia. Videtis et nunc stare Jesum in signum cui contradicitur. Per ipsum vos obsecro, pro ipso supplico vobis. Habet siquidem et unde illum revereamini, et unde illi misereamini. State pro ipso nunc in defensione archiepiscopi, cui quandoque et vos adstare habetis in examinatione vestri. Valete.

## EPISTOLA LII (163)

AD EUMDEM.

*Episcopum Carnotensem non affectasse protectionem Jerosolymitanam. Causis et negotiis publicis absolvi se rogat.*

Amicus vester et noster dominus Carnotensis episcopus (164) voluit vobis etiam per me certum fieri, quia id quod de ipso a quibusdam domino papæ persuasum fuisse cognovimus, ut eum videlicet Jerosolymam permitteret proficisci, nec sui fuerit studii, nec voluntatis. Quod etsi multum voluisset, proficisci tamen non poterat nisi cum gravi scandalo omium qui apud nos sunt bonorum, metuentium quippe ne plus mali ejus absentia faceret suis, quam boni alienis præsentia. Hæc pro episcopo. Cæterum ut et pro me aliquid loquar secundum quod Scriptura admonet, *Miserere*, inquit, *animæ tuæ placens Deo* (Eccli. xxx, 24); placetne vobis ut causis onerer, occuperque negotiis, nihilque prosit exoccupari propriis, cum totus implicer alienis? Si inveni gratiam in oculis vestris, date operam ut prorsus amovear ab hujusmodi, quatenus liceat mihi pro meis atque vestris orare delictis. Et quidem nihil mihi securius judico, quam obedire domini papæ voluntati; sed si dignetur attendere ipse quid possim. Utinam nempe noverit quam ista non possim aut quam difficile possim. Et de hoc satis dictum sit sapienti. Quæsit a me præfatus episcopus aliqua ex nostris opusculis, quæ vobis mitteret; sed non fuit ad manum, quod vestro dignum crederem studio. Libellum tamen De gratia et libero arbitrio nuper edidi: illum vobis libenter mittam, cum vos velle cognovero. Valete.

## 59 EPISTOLA LIII (165).

AD EUMDEM.

*Duos religiosos, et in his seipsum Haimericum representat.*

Pro multis et per multis memini me scripsisse ad vos; sed nunc ipse qui loquebar, ecce adsum. Tres in duobus conspiciis, quoniam absque me esse non

(163) Scripta circa annum 1128.

(164) Gaufridus: infra epistola 55.

(165) Scripta circa annum 1128.

(166) Scripta circa annum 1136.

(167) Scripta circa annum 1128. Virtutum hujus magni præstulis, magnus admirator et præco, uti et testis orulatus, Bernardus fuit, utpote qui cum eo ad varia Ecclesiæ negotia conficienda sæpius

possunt, in quorum jugiter pectoribus requiesco, et quidem securius atque suavius quam in proprio. Mentiri videor, sed ei qui amicitie vim nunquam sensit, qui virtutem charitatis ignorat, qui non credit multitudinis credentium fuisse cor unum, et animam unam (Act. iv, 32). Qui ergo videt eos, videt et me, etsi non in meo corpore: et quod loquuntur ipsi, ego pariter loquor, sed eorum linguis. Corpore, fateor, absom: sed hæc est exigua portio mei. Porro qui vidit faciem meam tantum, sine culpa et sine nota mendacii asserit se vidisse non partem mei, sed me: cum tamen nonnisi partem, et partem modicam viderit. Quanto itaque verius esse me dixerim, etiam sine præsentia corporis, ubi meam sentio voluntatem, meum spiritum et amorem, quæ utique est pars potior digniorque mei? Tribus ergo in corporibus unum nos esse noveritis, non pari sanctitate, qua ambobus ego inferior sum, sed eadem voluntate, et summa concordia animorum. Cur enim unitatem hanc inter diversos non faciat compago charitatis in uno spiritu, si carnalis copula efficit ut sint duo in carne una? Quartum vos addi velim, si dignum judicatis et in eandem concurrere unitatem dilectionis. Quod facile, si non contemnitis, obtinebitis: tantum id vos nequaquam contemnere eis cognitum faciatis. Valete.

## EPISTOLA LIV (166).

AD EUMDEM.

*Vivianum abbatem commendat, monetque de cura animæ serio gerenda.*

Volo et precor ut harum lator venerabilis Altæcumbæ abbas Vivianus, mihi ob suam religiositatem admodum familiaris amicus, amicum vos pro Dei amore et nostro, in suo negotio experiatur. Et hæc pro illo, reliqua autem vobis. *Quid prodest homini si universum mundum lucretur, animæ autem suæ detrimentum patiat? aut quam dabit homo commutationem pro anima sua?* (Matth. xvi, 26.) Nec totus mundus sufficeret. Magna res anima quæ Christi sanguine redempta est. Gravis animæ casus, quæ non nisi Christi cruce potuit reparari. Si rursus corruerit peccato duntaxat ad mortem, unde jam reparabitur? Nunquid aut alter Christus, aut idem iterum crucifigi habet pro illa? Super hoc vellem vos nunquam oblivisci illud Sapientis consilium: *Fili, memorare novissima tua, et in æternum non peccabis* (Eccli. vii, 40).

## EPISTOLA LV

AD GAUFRIDUM CARNOTENSEM EPISCOPUM (167).

*Monachum quemdam reclusum desertiorem instituti, sed jam resipiscientem, a Gaufrido suscipi et juvari postulat.*

Fidelissimo ac prudentissimo servo Dei GAUFRIDO Carnotensi episcopo, BERNARDUS pauperum Christi

auctoritate Pontificis adhibitus fuit. Vide Vitam sancti Bernardi, libro ii, capp. 1, 2, 6, et alibi. Sed fuisse virum vere apostolicum, et Bernardi moribus, affectui et ingenio per omnia parem, vel ex eo patet quod dulcissimam illius sibi fateatur esse memoriam. En quibus idipsum verbis ostendat: « Sed, o mihi locum suavem, » inquit, « ubi incidit occasio memorandi et nominandi suavisissimi odoris virum, epi-



mundus a sorde, nec infans cujus est unus diei vita super terram. Nunc abluitur sponsa, nunc purificatur, ut in cœlestibus illis nuptiis sponso suo sine omni macula præsentetur. Quæramus ergo hydrias sex, in quibus hæc ablutio Judæorum, id est confidentium, purificatio fiat. Nam si dixerimus quia peccatum non habemus, nos ipsos seducimus, et veritas in nobis non est, quæ sola liberat, sola salvat, sola lavat. Quod si confiteamur peccata nostra, non deerunt veris Judæis purificationis hydriæ; quoniam fidelis est Deus, qui dimittat nobis peccata, et emundet nos ab omni iniquitate (1 Joan. 1, 8, 9).

7. Ego quidem sex hydrias, sex observantias arbitror esse, quas ad purificanda confidentium corda sancti patres instituere, et omnes illas, ni fallor, hic poterimus invenire. Prima siquidem hydria, continentia est castitatis, qua diluitur quidquid ante luxuria inquinavit. Secunda vero jejuniæ est, ut quod maculaverat crapula, nunc abstinentia mundet. Per segnitiam quoque et otiositatem, quæ inimica est animæ, multas contraximus sordes contra Dei sententiam, in sudore vultus alieni, non nostri, pane vescentes (Gen. 31, 19); propter hoc quoque tertia hydria nobis apponitur, ut sordes illæ in labore manuum diluantur. Sic **810** et per somnolentiam cæteraque noctium et tenebrarum opera, multa deliquimus; ideo quoque quarta hydria vigiliarum observantia ponitur, ut nocte surgentes ad confitendum Domino, non bonas noctes præteriti temporis redimamus. Jam vero de lingua quis nesciat, quam multum inquinaverit nos per vaniloquia et mendacia, per detractiones et adulationes, per verba malitiæ et verba jactantiæ? Pro his omnibus necessaria est hydria quinta, silentium scilicet, custos religionis, et in quo est fortitudo nostra. Sexta quoque hydria disciplina est, qua non nostro arbitrio, sed alieno vivimus, ut deleatur quidquid indiscipline vivendo deliquimus. Lapidea sunt hæc, dura sunt, sed necesse habemus in his lavari, nisi forte volumus [alias voluerimus] propter scditates nostras a Domino accipere libellum repudii. Attamen in eo quod dicuntur lapideæ, non solum duritia, sed multo melius soliditas potest intelligi; quoniam non lavant hæc, nisi firma stabilitate permanserint.

8. Ait ergo Dominus ad ministros: *Implete hydrias aqua*. Quid sibi istud vult, Domine? Ministri solliciti sunt de vini penuria, et tu dicis: *Implete hydrias aqua*. Illi de poculis cogitant, et tu præcipis ut vasa purificationis impleant. Sic omnino, sic suspiranti

A Jacob ad Rachelis amplexus, Lia a patre supponitur (Gen. xxix, 22-24). Nobis, fratres, qui ministri sumus et servi vestri, per Christum nobis præcipitur implere hydrias aqua, quoties deest vinum. Ac si dicatur: Illi devotionem desiderant, vinum requirunt, fervorem flagitant; sed nondum venit hora mea: implete hydrias aqua. Quæ est enim aqua sapientiæ salutaris, etsi non adeo suavis, nisi fons vitæ, et initium sapientiæ timor Domini? Dicitur ergo ministris: Incutite metum, et spiritu timoris non tam vasa quam corda replete; quia, ut ad charitatem perveniant, initiandi sunt a timore, ut dicant et ipsi, *A timore tuo concepimus, Domine, et parturivimus spiritum salutis* (Isai. xxvi, 18). Sed quomodo implebuntur hydriæ? Prædixerat enim Evangelista: *Capientes singulæ metretas binas vel ternas*. Quæ sunt duæ metretæ, quæve tertia? Utique duplex timor communis, et notus omnibus; at tertius quidem minus communis, et minus notus. Primus enim timor est, ne cruciemur in gehenna; secundus, ne exclusi a visione Dei privemur tam inestimabili gloriâ; tertius replet animam omni sollicitudine timidam, ne forte deseratur a gratia.

9. Et quidem: omnis timor Domini, sicut aqua exstinguit ignem, sic exstinguit peccati concupiscentiam; sed is maxime cum ad omnem tentationem statim occurrit, ne forte contingat amittere gratiam, ut sibi derelictus homo labatur quotidie de malo in pejus, de peccato minori in graviorem culpam; quales utique multos videmus cum in sordibus sunt, sordescentes adhuc. Nam adversus timorem istum non est unde sibi blandiatur anima sive de minori forte quantitate peccati, sive de emendatione futura. Talibus enim blandimentis impediuntur aliquatenus duo prima genera timoris. Præcipit ergo nobis Dominus, ut hac aqua hydrias impleamus. Sunt enim aliquando vacuæ, et plene vento, si quis tamen adeo insanus est ut in eo per vanitatis studium illæ, quas prædiximus, observantiæ mercede perpetua vacuentur, ut sunt fatuæ virgines, in quarum vasis oleum non habetur (Matth. xxv, 3). Interdum autem (quod pejus est) plene quidem sunt, sed plene veneno, quod est invidia, murmur, rancor animi, et detractio. Propterea ne forte subintrent ista, dum D vinum deest, jubemur implere hydrias aqua, ut observentur mandata Domini in timore; quæ tunc mutatur in vinum, cum timor expellitur a charitate, et implentur omnia fervore spiritus et jucunda devotione (17).

## IN SEPTUAGESIMA,

### SERMO I.

1. Magna mihi consolatio est, fratres mei, in verbo illo Domini, *Qui ex Deo est, verba Dei audit* (Joan.

viii, 47) **811**. Propterea enim vos libenter auditis, quia ex Deo estis. Nec ignoro quod alio in loco dicit Scriptura: *Ex ipso, et per ipsum, et in ipso sunt*

(17) Confer sermonem 55 de Diversis. ubi eodem fere modo hydriæ istæ moraliter explicantur, et de metretis sermonem 57.

rum se mortem, nisi prius videat generalem in Ecclesia persecutionem. De cetero memorari vestram pietatem volo illius pauperis et exsulis Humberti nomine: qui dudum, cum Trevis essetis, vobis supplicabat, quatenus ad comitem Theobaldum, qui eum exheredaverat, intercederetis. Quod et ego nunc pro ipso, et cum ipso iudem a vestra flagito pietate. Nam nostras litteras de hac re precatorias jam ad prædictum principem misi (172): sed gratiam non inveniens nihil effeci. Jam quod libenter auditis, libenter debeo dicere vobis. Stephanus vester sic currit, non quasi in incertum: sic pugnat, non quasi aerem verberans. Orate, quatenus sic currat ut comprehendat; sic pugnet ut vincat.

## EPISTOLA LVII (173).

AD EUNDEN.

*Per minora vota non debere impediri majora bona.*

astrologus. Item Henricus Ranzovius nobilis Danus, in suo de Annis climacter, et imperiorum periodis libro. Sic plures astronomi, dum voluerunt ex siderum motu, conjunctionibus, et variis aspectibus futura prænuntiare, quæ mero Dei subsunt arbitrio et gubernationi, toti se mundo ridiculos præbuerunt. Eventusque illis, quod S. Thomas in 4, distinct. 44, scribit: « Omnes, » ait, « qui tempus prædictum numerando voluerunt prænuntiare, falso loqui inventi sunt, quorum falsitas jam patet, et similiter patebit falsitas illorum, qui adhuc computare non cessant. » Si quem forte magis lepida et ridicula fanaticorum hominum de fine mundi præsentia, aut potius somnia et deliramenta legere delectat, adeat Titmami Bredenbachii, viri piissimi, et illustris Ecclesie Sancti-Gereonis hic quondam canonici, Collationes sacras, lib. vii, capp. 32, 33: adeat Cochlaeum in Actis Lutheri, anno 1535: Fridericum Nauseam episcopum Viennensem, libro de Consummatione sæculi; vel præ cæteris Florimandum, de Progress. hæres. lib. ii, cap. 4, et lib. de Antichristo, cap. 7; denique Harpocratem divinum Remacii de Vault. Hæc occasione memorari de Antichristo vaticinii commemorare visum est, non tamen in suggillationem Norberti, viri sanctissimi, quem supra « finem mundi » Bernardus appellat. Nec enim solus ipse, sed et plures sanctorum Patrum finem mundi suo tempore hand procul abesse opinati, aut opinati sunt: ut inter cæteros, Tertullianus, libro de Fuga in persec. cap. 12; Cyprianus, epist. 56, 58, 63; Hieronymus, epist. ad Ageruch. vel Geront.; Leo, serm. 8, de Jejun. decimi mensis, Basilii, epist. 71; Chrysostomus, homilia 33 in Joannem; Ambrosius, oratione in Satyrum frat. Gregorius, lib. iv, epist. 72, et homilia 1 et 15 in Evangelium; Bernardus, serm. 6, in Psal. xc; Vincentius Ferrerius, Ordinis Prædic. epist. ad Benedictum papam, et plures alii. Sed adverte longo diversa ratione viros sanctos de fine mundi locutos, quam quos supra meminimus. Illi enim vel ex observatione siderum et planetarum (quæ fere in aliis prædictionibus, sed in hac maxime, nimis fallax est), vel ex quibusdam Scripturæ sententiis in falsum sensum detortis, vel sola mentiendi et fallendi libidine, vel studio popularis aures et venerationis, hujusmodi commenta sparserunt. At sancti viri, horrore scelerum et malorum, quæ passim toto orbe inundabant, vix ultra posse mundum consistere putabant, nec aliud superesse, quam ut propediem, mole criminum et iniuratum impellente, lapsaceret, ira scilicet Dei terminum orbi constitutum prævertebant. Et hinc pie ac prudenter monet auctor quidam recentior, ita inquit: « Si plures Patres, quos propter eximiam san-

A *Vide'ur hoc, nisi fallor, scribere in causa monachi, de quo supra epistola 55.*

Sicut is a vestra mihi parte reportavit, idcirco ipsius desiderio et petitioni usque adhuc satisfacere distulisti; quia primum votum, pergendi videlicet Jerosolymam, irritum vobis fecisse vide'ur. Super quo si nostram requiritis sententiam, ego non arbitror minora vota impedire debere majora; nec Deum exigere quodcumque sibi promissum bonum, si pro eo melius aliquid fuerit persolutum. Enimvero alicui forte 61 debenti vobis duodecim nummos, nunquid si pro eis die constituto marcam solveret argenti, iuste irasceremini? Jam si et ab hujus episcopo aliquid timetis, securum vos reddo, quia non solum ei, si quod huic auxilium impenderitis, non displicebit, sed etiam valde gratum habebit. Valete.

C *citatis et doctrinæ præstantiam admiramur, animadvertentes suorum temporum, vel improbitalitatem ac multitudine, vel magnitudinem atrocitatemque persecutionum, Christianos urgentium, vel horrendas hereticorum grassationes, aut denique incendia urbium, bellorum procellas, ingentes terreni otus, coeli, aerisque atque elementorum tetras ac funestas immutationes, imperiorum occasus, humani sanguinis inhumanas effusiones, in eam cogitationem meum et trepidationem toti tantorumque malorum adlucubatur, ut jam prope adfuturum Antichristum et finem sæculi, vel pertinescerent, vel forte crederent; non sunt aut levitatis aut falsitatis traducendi, vel quoque modo linguæ virulentia contaminandi. Nam sic opinati aut locuti sunt, quod præsentia mala semper videantur atrociora: quorum intuitu, timore prope consternabantur, ac aliis timorem, ut nimirum emergent, et se ad fugam bonam, ut dicitur, recipiunt, incutere, et animo commiebantur, et prædicatione contendebant; arbitrabantur etiam totum hoc tempus quod decurrit, vel brevissimam mori esse aternitatis comparatum. Denique Dei iudicium in dies singulos magis atque magis appropriare, circa veritatem in dispendium, et de ere poterant, et proclamare. Quod quidem Scripturis familiare esse ac proprium, nemini eorum qui illas legerit, potest esse impervium. » Ita auctor Harpocratis divini. Nec absimilia fuerunt varia prophetarum oracula, quibus finem mundi ob impendentia mala, quasi jam futurum præciperent. Cujusmodi est illud apud Ezech. ii, 2: *Finis venit, venit finis super quatuor plagas terræ, et huic similia.* Huic refertur potest visio illa Remigii, Florentiæ civitatis episcopi, de qua B. Gregorius, lib. iii Dial. cap. 38. Mira sunt, quæ narravit apud Baronium, nempe circa annum Domini 419, tot visa signa et tam horribilia portenta super montem Olivæ: ut multæ vicinarum gentium, tam visu quam auditu perterritæ, ad Christianorum sacra convolverint, omniumque baptizatorum in lacis crucis Christi Salvatoris, divinitatis nutu expressa fuerit. Hujus rei admirabilis occasione de tempore adventus Domini, ex divinis prædictionibus cepti sunt ubique misceri sermones. Et hinc videtur Iesychius scripsisse ad sanctum Augustinum de supremo mundi die inquirendo, cui respondet Augustinus epistolis 78 et 88, quæ posteriorum in hac materia omnino expedit legere, quippe quæ plurima Scripturæ loca varie de fine sæculi loquenda, docte et prolixè explicat. Sed nunc ad alia transeamus.*

(172) Epist. 37-59.

(173) Scripta circa annum 1128.

## EPISTOLA LVIII.

AD EBALUM CATALAUNENSEM EPISCOPUM (174).

*hortatur Ebalum, ut monasterio seu ecclesie Omnium Sanctorum virum idoneum præfici curet.*

Domino EBALO venerabili sanctæ Catalaunensis Ecclesie Dei gratia episcopo, frater BERNARDUS abbas de Clare-Valle, si quid potest peccatoris oratio.

1. Navienſe illius (de ecclesia loquor Omnium Sanctorum) (175), quæ sub oculis vestris gubernatore destituta fluctuat (non est bonum vobis negligere vel dissimulare periculum. Res quippe vestræ curæ est. Unde miror, quæ ratione, quæ securitate a clerico illo, qui a religiosis personis vir, ut aiunt, religiosus eidem ecclesie electus est, requirendo desistitis, etiam hoc quorundam, qui in ipsa ecclesia sunt, incuria vel desidia non mereatur: qui, ut audivimus, illum qui electus est nolentes, nec aliud nisi quod religiosus est, afferentes [at. asserentes], de eligendo alio vestram quoque ausi sunt compellere gravitatem: quasi qui videatur esse communior et affabilior, qui non sit extraneus: sed civibus tam grætos quam cognitis, morum patrie gnarus, rebus ecclesie tractandis idoneus: revera (ut ad istos cautissimos consultores me vertam) qui vitia vestra non redarguat, qui miserae conversationi vestræ, aut consensiat, aut contradicere non audeat. Non sunt audiendi; sed potius, velint nolint, omnimodo satagendum est vobis, ut is qui boni testimonii est, ecclesie desolatæ quantocius perquiratur: quoniam, si talis est qualis prædicatur, Deus procul dubio cum ipso erit, qui suam ei gratiam ministrabit, placentem omnibus, efficacem in omnibus.

2. Quod si hunc, istis fortasse non merentibus, nullo modo haberi posse contigerit; alius de alia qualicunque domo religiosa qui videatur idoneus, providetur: non qualem isti volunt, qui, nisi quod suæ carnalitati blanditur, volunt; sed qui sic sciat negotia disponere rerum exteriorum, ut norit per omnia præponere curam animarum. Certe duobus monasteriis, sancti videlicet Petri, et sancti Urbani (176), pastoralis aliquando solatio similiter destitutus, bonæ memoriæ prædecessor vester dominus Guillelmus non longi itineris laborem, non hiemis repu-

A tans asperitatem, his (nisi fallor) Cluniacum, semel Divionem per seipsum addit: hincque virum bonum dominum Hugonem, qui post defunctus est; illinc virum venerabilem, qui adhuc superest, dominum Radulfum vix multis precibus impetratos abducens, singulum singulo præposuit monasterio, tutum videlicet non arbitrans cuiquam monachorum domesticorum illam committere curam. Quod id o vobis in exemplum adduxi, 62 ut vestram charitatem commonefaciam, qualiter et in hoc quod nunc in manibus est, oporteat eam esse non minus cautam quam sollicitam.

## EPISTOLA LIX (177).

AD GUILLELUM LINGONENSEM EPISCOPUM.

*hortatur ut res quasdam ecclesie S. Stephani Divionensis, per obitum Garnerii vacantes, ad tollendum scandalis et calumniis anam, eidem ecclesie cedat.*

Domino suo et patri GUILLEMO (178), Dei gratia Lingonensi episcopo, frater BERNARDUS Clare-Valis abbas, seipsum.

Audito obitu domini Garnerii archidiaconi (179), necessarium duximus vestram Paternitatem precibus prævenire, imo præmunire consilio, si tamen dignum putatis monitis nos ræ acquiescere parvita is: quatenus videlicet de rebus sancti Stephani Divionensis, quas tenet, placeat liberalitati vestre misericordiam superexaltare iudicio. Siquidem non ignoramus, quod in manum vestram debeant redire, juxta quod in Capitulo Lingonensi dispositum, et scripto firmatum fuisse etiam nos meminimus, quando filius vester Harbertus in ecclesia illa primus abbas regularis constitutus est. Sed quia canonicis gravis scandali, et abbati magni improperii occasionem fore cognovimus, si ad ea quæ diutenuit illa ecclesia, quacunque occasione manum vestram extenderitis; conquerentibus quippe illis et illo, quasi qui malum principium dederit adveniens, cum ejus causa et ad ejus introitum tam grande ecclesia damnum incurrerit: pietati vestræ supplicamus, et supplicando consulimus, ut et tot pusillæ Christi a tanto scandalo pareatis, et hanc vicariam Christi a tanto improperio simul liberare curetis,

Campellis ad meliorem frugem revocaverat.

(177) Scripta anno Christi 1129.

(178) Wilencus, alius et Guillelmus, ex archidiacono Lingonensi, apud Perardum in Burgundia Monumentis, pag. 87.

(179) Is etiam abbas fuerat ecclesie Sancti Stephani Divionensis, antequam eo inducerentur canonici regulares, quod fieri ceptum anno 1113, quo anno quatuor canonici ex ea ecclesia in villam Quintiniacum secesserunt, ut ibi vitam regularem proflerentur. Anno 1116, duodecim jam numero existentes, ad suam ecclesiam reverſi sunt. Interim a Prioribus Arnulfo et postea Galone ecclesia ista gubernata fuit usque ad annum 1125, quo domus Erbertus seu Harbertus abbas institutus est, presentibus Hubaudo Lugdunensi archiepiscopo, Stephano episcopo Eduensi, Goceranno seu Joceranno Lingonensi, aliisque personis. Hæc fusius apud Perardum, pagg. 86, 87, ubi Vita Garnerii legitur.

(174) Scripta circa annum 1124. Fuit Ebalus nepos Hilduini comitis Roceiensis, filius Andree comitis de Rameruco, teste Hermannno monacho Laudunensi, in libro primo de Miraculis B. Marie, cap. 2. anno 1122 creatus episcopus Catalaunensis post Guillelmum Campellensem, de quo in epistola 5 successorem sortitus Elbertum seu Robertum anno 1126, et post eum Gaufridum ex Sancti-Medardi abbate, ad quem epistola 66. Itaque hæc epistola scripta est sub annum 1126, et quidem ante epistolam 15 scriptam in gratiam Alberici, qui post Ebalum electus, sedem tamen ejus non obtinuit.

(175) Abbatia canonicorum regularium Ordinis S. Augustini apud Catalaunum, ejus abbati Petro, forsitan a reformatione primo, epistolam scripsit ineditam Hugo Metellus, canonicus itidem regularis Sancti-Leonis apud Tullum Leuorum.

(176) Monasteria hæc Ordinis S. Benedicti, deinde sub congregatione S. Vitoni, primum in ipsa urbe, alterum in diocesi Catalaunensi: quæ Guillelmus de



rum se mortem, nisi prius videat generalem in Ecclesia persecutionem. De cætero memorari vestram pietatem volo illius pauperis et exsulis Humberti nomine : qui dudum, cum Trevis essetis, vobis supplicabat, quatenus ad comitem Theobaldum, qui eum exharredaverat, intercederetis. Quod et ego nunc pro ipso, et cum ipso iudem a vestra flagito pietate. Nam nostras litteras de hac re precatorias jam ad prædictum principem misi (172) : sed gratiam non inveniens nihil effeci. Jam quod libenter auditis, libenter deo dicere vobis. Stephanus vester sic currit, non quasi in incertum : sic pugnat, non quasi aerem verberans. Orate, quatenus sic currat ut comprehendat; sic pugnet ut vincat.

## EPISTOLA LVII (173).

AD EUNDEN.

*Per minora vota non debere impediri majora bona.*

astrologus. Item Henricus Ranzovius nobilis Danna, in suo de Annis climacter. et imperiorum periodis libro. Sic plures astronomi, dum voluerunt ex siderum motu, conjunctionibus, et variis aspectibus futura prænuñtiare, que mero Dei subsum arbitrio et gubernationi, toti se mundo ridiculos præbuerunt. Eventus illis, quod S. Thomas in 4, distinct. 44, scribit : « Omnes, » ait, « qui tempus prædictum numerando voluerunt prænuñtiare, falso loqui inventi sunt, quorum falsitas jam patet, et similiter patebit falsitas illorum, qui adhuc computare non cessant. » Si quem forte magis lepida et ridicula fanaticorum hominum de fine mundi præsentia, aut potius somnia et deliramenta legere delectat, adeat Tilmanni Bredenbachii, viri piissimi, et illustris Ecclesiæ Sancti-Gerconis hic quondam canonici, Collocationes sacras, lib. vii, capp. 32, 33 : adeat Cochlaeum in Actis Lutheri, anno 1535; Fridericum Nauseam episcopum Viennensem, libro de Consummatione sæculi; vel præ cæteris Florimundum, de Progress. hæres. lib. ii, cap. 4, et lib. de Antichristo, cap. 7; denique Harpocratem divinum Remacii de Vaulx. Hæc occasione memorat de Antichristo vaticinii commemorare visum est, non tamen in suggillationem Norberti, viri sanctissimi, quem supra « finem mundi » celestem Bernardus appellat. Nec enim solus ipse, sed et plures sanctorum Patrum finem mundi suo tempore haud procul abesse opinati, aut omnino sunt : ut inter cæteros, Tertullianus, libro de Fuga in persec. cap. 12; Cyprianus, epist. 56, 58, 63; Hieronymus, epist. ad Ageruch. vel Geront; Leo, serm. 8, de Jejun. decimi mensis, Basilii, epist. 71; Chrysostomus, homilia 33 in Joannem; Ambrosius, oratione in Satyrum frat. Gregorius, lib. iv, epist. 72, et homilia 1 et 15 in Evangelium; Bernardus, serm. 6, in Psal. xc; Vincentius Ferrerius, Ordinis Prædic. epist. ad Benedictum papam, et plures alii. Sed adverte longe diversa ratione viros sanctos de fine mundi locutos, quam quos supra meminimus. Illi enim vel ex observatione siderum et planetarum (quæ fere in aliis prædictionibus, sed in hac maxime, nimis fallax est), vel ex quibusdam Scripturæ sententiis in falsum sensum detortis, vel sola mentiendi et fallendi libidine, vel studio popularis aure et venerationis, huiusmodi commenta sparserunt. At sancti viri, horrore scelorum et malorum, quæ passim toto orbe inundabant, vix ultra posse mundum consistere putabant, nec aliud superesse, quam ut propediem, mole criminum et iniquitatum impellente, latuaceret, ira scilicet Dei terminum orbi constitutum præverterent. Et hinc pie ac prudenter monet auctor quidam recentior, ita inquit : « Si plures Patres, quos propter eximiam san-

*A Vide ut hoc, nisi fallor, scribere in causa monachi, de quo supra epistola 55.*

Sicut is a vestra mihi parte reportavit, idcirco ipsius desiderio et petitioni usque adhuc satisfacere distulisti; quia primum votum, pergendum videlicet Jerosolymam, irritum vobis fecisse vide ut. Super quo si nostram requiritis sententiam, ego non arbitror minora vota impedire debere majora; nec Deum exigere quodcumque sibi promissum bonum, si pro eo melius aliquid fuerit persolutum. Enimvero alicui forte **61** debenti vobis duodecim nummos, nunquid si pro eis die constituto marcam solveret argenti, iuste irascere mini? Jam si et ab huius episcopo aliquid timetis, securum vos reddo, quia non solum ei, si quod huic auxilium impenderitis, non displicebit, sed etiam valde gratum habebit. Valete.

ctitatis et doctrinæ præstantiam admiramur, animadvertentes suorum temporum, vel improbitalatem ac malitiam, vel magnitudinem atrocitatemque persecutionum, Christianos urgentium, vel horrendas hereticorum grassationes, aut denique incendia urbium, bellorum procellas, ingentes terreni otus, coeli, aerisque atque elementorum tetras ac funestas immutationes, imperiorum occasus, humani sanguinis inhumanas effusiones, in eam cogitationem meum et trapedationem tot tantorumque malorum adluc-batur, ut jam prope adfuturum Antichristum et finem sæculi, vel pertinescerent, vel forte crederent; non sunt aut levitatis aut falsitatis traducendi, vel quoque modo lingue virulentia contaminandi. Nam sic opinati aut locuti sunt, quod presentia mala semper videantur atrociora : quorum intuitu, timore prope consternerantur, ac aliis timorem, ut nimirum emergent, et se ad frugem bonam, ut dicitur, recipiunt, inentere, et animo comitebantur, et predicatione contendeabant; arbitrabantur etiam totum hoc tempus quod decurrat, vel brevissimam mori-esse aternitatis comparatum. Denique Dei iudicium in dies singulos magis atque magis appropriare, circa veritatem in dispendium, et dicere poterant, et proclamare. Quod quidem Scripturis familiare esse ac proprium, nemini eorum qui illas legent, potest esse imperivum. Ita auctor Harpocratis divini. Nec absimilia fuerunt varia prophetarum oracula, quibus finem mundi ob impendentia mala, quasi jam futurum præcinerent. Cujusmodi est illud apud Ezech. i, 2 : *Finis venit, venit finis super quatuor plagas terræ*, et huic similia. Huc referri potest visio illa Revel. ii, Florentiæ civitatis episcopi, de qua B. Gregorius, lib. iii Dial. cap. 38. Mira sunt, quæ narrantur apud Baronium, nempe circa annum Domini 419, tot visa signa et tam horribilia portenta super montem Oliveti; ut multe vicinarum gentium, tam visu quam auditu perterritæ, ad Christianorum sacra convolverint, omniumque baptizatorum in iunctis cruc Christi Salvatoris, divinitatis nutu expressa fuerit. Huius rei admirabilis occasione de tempore adventus Domini, ex divinis prædictionibus cepti sunt ubique misceri sermones. Et hinc videtur Iesychius scripsisse ad sanctum Augustinum de supremo mundi die inquirendo, qui respondet Augustinus epistolis 78 et 88, quam posteriorem in hac materia omnino expedire legere, quippe quæ plurima Scripturæ loca varie de fine sæculi loquentia, docte et prolixè explicat. Sed nunc ad alia transeamus.

(172) Epist. 57-59.

(173) Scripta circa annum 1128.

## EPISTOLA LVIII.

AD EBALUM CATALAUNENSEM EPISCOPUM (174).

*Hortatur Ebalum, ut monasterio seu ecclesie Omnium Sanctorum virum idoneum præfici curet.*

Domino EBALO venerabili sanctæ Catalaunensis Ecclesiæ Dei gratia episcopo, frater BERNARDUS abbas de Clara-Valle, si quid potest peccatoris oratio.

1. Navicula illius (de ecclesia loquor Omnium Sanctorum) (175), quæ sub oculis vestris gubernatore destituta fluctuat non est bonum vobis negligere vel dissimulare periculum. Res quippe vestræ curæ est. Unde miror, quæ ratione, quæ securitate à clerico illo, qui a religiosis personis vir, ut aiunt, religiosus eidem ecclesiæ electus est, requirendo desistitis, etiam si hoc quorundam, qui in ipsa ecclesia sunt, incuria vel desidia non mereatur: qui, ut audivimus, illum qui electus est nolentes, nec aliud nisi quod religiosus est, afferentes [at. asserentes], de eligendo alio vestram quoque ausi sunt compellere gravitatem: quasi qui videatur esse communior et affabilior, qui non sit extraneus: sed civibus tam gratus quam cogitus, mortui patriæ gnarus, rebus ecclesiæ tractandis idoneus: revera (ut ad istos cautissimos consultores me vertam) qui vitia vestra non redarguat, qui miserae conversationi vestræ, aut consentiat, aut contradicere non audeat. Non sunt audiendi; sed potius, velint nolint, omnimodo satagendum est vobis, ut is qui boni testimonii est, ecclesiæ desolatæ quantocius perquiratur: quoniam, si talis est qualis prædicatur, Deus procul dubio cum ipso erit, qui suam ei gratiam ministrabit, placentem omnibus, efficacem in omnibus.

2. Quod si hunc, istis fortasse non merentibus, nullo modo haberi posse contigerit; alius de alia qualicunque domo religiosa qui videatur idoneus, provideatur: non qualem isti volunt, qui, nisi quod suæ carnalitati blanditur, volunt; sed qui sic sciat negotia disponere rerum exteriorum, ut norit per omnia præponere curam animarum. Certe duobus monasteriis, sancti videlicet Petri, et sancti Urbani (176), pastoralis aliquando solatio similiter destituti, bonæ memoriæ prædecessor vester dominus Guillelmus non longi itineris laborem, non hiemis repu-

A tans asperitatem, bis (nisi fallor) Cluniacum, semel Divionem per seipsum adiit: hincque virum bonum domnum Hugonem, qui post defunctus est; illinc virum venerabilem, qui adhuc superest, domnum Radulfum vix multis precibus impetratos abducens, singulum singulo præposuit monasterio, tutum videlicet non arbitrans cuiquam monachorum domesticorum illam committere curam. Quid id o vobis in exemplum adduxi, 62 ut vestram charitatem commonefaciam, qualiter et in hoc quod nunc in manibus est, oporteat eam esse non minus cautam quam sollicitam

## EPISTOLA LIX (177).

AD GUILLELMUM LINGONENSEM EPISCOPUM.

*Hortatur ut res quasdam ecclesiæ S. Stephani Divionensis, per obitum Garnerii vacantes, ad tollendum scandalis et calumniis ansem, eidem ecclesiæ cedat.*

Domino suo et patri GUILLEMO (178), Dei gratia Lingonensi episcopo, frater BERNARDUS Clara-Valtis abbas, seipsum.

Audito obitu domini Garnerii archidiaconi (179), necessarium duximus vestram Paternitatem precibus prævenire, imo præmonere consilio, si tamen dignum putatis monitis nos ræ acquiescere parvita is: quatenus videlicet de rebus sancti Stephani Divionensis, quas tenebit, placeat liberalitati vestræ misericordiam superexaltare iudicio. Siquidem non ignoramus, quod in manum vestram debeant redire, juxta quod in Capitulo Lingonensi dispositum, et scripto firmatum fuisse etiam nos meminimus, quando filius vester Harbertus in ecclesia illa primus abbas regularis constitutus est. Sed quia canonicis gravis scandali, et abbati magni improprietatis occasionem fore cognovimus, si ad ea quæ diu tenuit illa ecclesia, quacunque occasione man in vestram extenderitis; conquerentibus quippe illis de illo, quasi qui malum principium dederit adveniens, cum ejus causa et ad ejus introitum tam grande ecclesiæ damnum incurreret: pietati vestræ supplicamus, et supplicandam consulimus, ut et tot pars Christi a tanto scandalo pareatis, et hunc vicarium Christi a tanto improprietate simul liberare curetis,

(174) Scripta circa annum 112 b. Fuit Ebalus nepos Hilduini comitis Rociensis, filius Andree comitis de Rameruco, teste Hermannio monacho Laudunensi, in libro primo de Miraculis B. Marie, cap. 2. anno 1122 creatus episcopus Catalaunensis post Guillelmum Campellensem, de quo in epistola 5 successoris sortitus Elbertum seu Robertum anno 1126, et post eum Gaufridum ex Sancti-Medardi abbate, ad quem epistola 66. Itaque hæc epistola scripta est sub annum 1126, et quidem ante epistolam 15 scriptam in gratiam Alberici, qui post Ebalum electus, sedem tamen ejus non obtinuit.

(175) Abbatia canonicorum regularium Ordinis S. Augustini apud Catalaunum, ejus abbati Petro, forsitan a reformatione primo, epistolam scripsit ineditam Hugo Metellus, canonicus item regularis Sancti-Leonis apud Tullum Lencorum.

(176) Monasteria hæc Ordinis S. Benedicti, deinde sub congregatione S. Vitoni, primum in ipsa urbe, alterum in diocesi Catalaunensi: quæ Guillelmus de

Campellis ad meliorem frugem revocaverat.

(177) Scripta anno Christi 1129.

(178) Wilencus, alius et Guillelmus, ex archidiacono Lingonensi, apud Perardum in Burgundiciis Monumentis, pag. 87.

(179) Is etiam abbas fuerat ecclesiæ Sancti-Stephani Divionensis, antequam eo inducerentur canonici regulares, quod fieri ceptum anno 1115, quo anno quatuor canonici ex ea ecclesia in villam Quintiacum secesserunt, ut ibi vitam regularem proficerentur. Anno 1116, duodecim jam numero existentes, ad suam ecclesiam reveri sunt, interim a Prioribus Arnulfo et postea Galone ecclesia ista gubernata fuit usque ad annum 1125, quo domus Erbertus seu Harbertus abbas institutus est, presentibus Hubaudo Lugdunensi archiepiscopo, Stephano episcopo Eduensi, Goceranno seu Joceranno Lingonensi, aliisque personis. Hæc fusius apud Perardum, pag. 86, 87, ubi Vita Garnerii legitur

concedendo ecclesiæ utique, quod hactenus juris A  
ecclesiæ fuisse cognoscitur (180).

# EPISTOLA LX (181).

AD EUMDEM.

*Supplicat pro ecclesia Molimensi.*

Pro ecclesia Molimensi supplex, non, ut arbitror, importunus interventor, accedo. Multa quippe sunt quæ me confortant, ut repulsam non metuat hæc nostra petitio. Primum quia non pro qualibet extranea, sed pro vestra vobis ecclesia supplicamus. Deinde quod eandem ecclesiam non alienum usurpare, sed suum jus tantum a vestra æquitate requirere credimus. Tertio quod idipsum talis nobiscum postulat, qui solus ad impetrandum etiam majus aliquid a vobis sufficere possit; videlicet comes Theobaldus. Quartum quoque si addidero, non temere id me præsumere putaverim. Neque enim vel ipsi de nostra adeo humilitate diffidimus, quin audacter, si opus sit, per nosmetipsos ad vestræ celsitudinis nobis jam satis expertam benevolentiam, petituri quod rationabile visum fuerit, accedamus. Valete.

# 63 EPISTOLA LXI (182).

AD RICUINUM TULLENSSEM EPISCOPUM.

*Hominem qui penitentiam subiturus, jussu episcopi Tullensis venerat, ad eundem remitti curandum.*

Reverendo patri, domino RICUINO (183), gratia Dei Tullensi episcopo, frater BERNARDUS dictus abbas de Clara-Valle, salutem et orationes.

Peccatori huic, quem ad nos peccatores ob animæ suæ consilium vestra, ut ipse perhibuit, dirigere curavit dignatio, nihil ad præsens sanius consulere in promptu habuimus, quam ut ad sinum paternæ pietatis rediret, et ex ore sacerdotis legem requireret. Nos enim nostræ parvitas et officii mensuram attendentes, nec nos ultra nos extendentes, dare penitentiam, maxime in criminalibus, nulli hominum præsumere omnino solemus, nisi solis, quos in nostram curam suscepimus. Quia namque temeritate tractanda episcoporum negotia, et hujusmodi negotia, peccatores et imperiti suscipimus, qui ipsi quoque, sicut et cæteri hominum, quoties gravior aliqua causa inter nos oboritur, quam per nos definire aut nescimus, aut nequimus, aut non audemus; episcopali, ut dignum est, sententiæ reservamus: et nisi summi prius Sacerdotis vel judicio vel consilio confirmati, securi non sumus? Provideatur igitur morbidæ ovi a proprio

(180) Id a Guilelmo præstitum docet ejus charta apud Perardum, pag. 97 edita, cui subscribunt inter alios abbates Cisterciensis et Claræ-Vallensis apud Lingonas, anno 1129. Eodem anno controversia quæ erat inter eandem ecclesiam et Sancti-Sequani monachos, composita est ab eodem Joceranno, judicio et consilio Galterii Cabilonensis, abbatumque Cisterciensis, Besuensis, Claræ-Vallis, ibid. pag. 102. Res ad Innocentium postea delata, Stephano Cistellensi et Bernardo Claræ-Vallensi a pontifice commissæ est, pag. 103. Sic unus omnia præstabat Bernardus, unus omnes lites et controversias finiebat.

(181) Scripta circa annum 1128.

pastore, et tali pastore, qui canones non ignorat, congrua penitentiae medicina: ne si in peccato, quod absit, anima pro qua Christus mortuus est, moriatur; sanguinem ejus de manu vestra summus Pastor requirat. Verum nos Deo illi inspirante mundum relinquere persuasimus: si tamen homo senex et pauper in aliquo se recipi intra diocesim vestram sanctorum conventu, vestro obtinere poterit interventu. Plenum vos dierum suscipiat dies una illa melior in atriis Domini super millia, sancte ac venerabilis Pater.

# EPISTOLA LXII (184).

AD HENRICUM VIRDUNENSEM EPISCOPUM (185).

*Feminam multis obstrictam peccatis, sed jam penitentem commendat episcopo.*

B DOMINO HENRICO, Dei gratia Virdunensi episcopo, frater BERNARDUS dictus abbas de Clara-Valle, salutem et orationem.

Hæc muliercula, quam ecce jam multis annis, multis et perplexis peccatorum nodis Satanas alligavit, super statu salutis suæ, nostræ parvitas consilium expetiit: et tale accepit, ut post multum videlicet ac diuturnum-erratum, ad proprii pastoris sinum profuga ovicula fidenter recurreret: qui utique eo citius ac sollicitius inopi ferret opem, quo se certius scit atque districtius de sibi commissæ, Agno qui pro ipsa mortuus est, redditurum rationem. Nostrum fuit deviantem corrigere; vestrum sit peccatricem non despiciere, imo penitentem suscipere: et si vera est suæ, quam nobis exposuit, infelicitatis historia; aut viro suo priori, si adhuc vivit, reconciliare; aut, si ille noluerit, sicut hanc innuptam, sic illum cogere absque uxore manere. Valete.

# 64 EPISTOLA LXIII (186).

AD EUMDEM.

*Purgat se de facto temerario, cujus insinulatus fuerat: ejus notitiam cupit: Guidonem eidem commendat.*

D Super his quæ a nobis vestræ excellentiæ placuit sciscitari, aut nos fallimur, aut ille qui ea vobis retulit, fallit. Si quid tamen fuit (suspectam quippe habeo meam, quam novi, labilem memoriam), ne tantam in fratre qui hæc loquitur, suspicer falsitatem: hoc me certissime scire confido, et vos indubitanter credere volo, nemini me super nomine vestro reprehensionis aliquando vel accusationis verba fecisse, vel injunxisse. Absit hæc a nostra pusillitate temeritas, ut contra episcopos, et absen-

(182) Scripta circa annum 1125.

(183) Ricuinus anno 1126 obiit, uti ex Alberico probant Sancta-Marthani. Unde hæc epistola post hunc annum differri non potest: certe ante annum 1124 scribi vix potuit, cum scilicet Bernardi fama et doctrina jam celebris erat. Ad eundem Ricuinum epistola 396.

(184) Scripta ante annum 1129.

(185) De eo vide epistolam 48, ubi eum suadente Bernardo episcopatu cessisse notavimus, et quidem anno 1129.

(186) Scripta circa annum 1128.



tes, loqui quæ ad nos non attinent, audeamus. A præsertim quæ non probavimus! Deinde quod nostri notitiam dignanter expetitis, gratanter accipimus, abundantius nos et innotescere vobis, et vos noscere cupientes. Qua jam sane fiducia Præstantiæ vestræ supplicamus, imo vestram fidenter commonemus benevolentiam, de loco illo (187) quem sub tutela vestra, vestro, ut aiunt, hortatu, frater reverendus et coabbas noster dominus Guido de Tribus-Fontibus construere suscepit. In illo nobis quantum nos curatis, ostendite; et quicquid ei feceritis, nobis factum reputate. Valete.

#### EPISTOLA LXIV (188).

AD ALEXANDRUM LINCOLNIENSEM EPISCOPUM (189).

*Philippus volens proficisci Jerosolymam, ad Claram-Vallē forte divertens, illic manere decrevit. Alexandri ad hoc consensum requirit. Negotium cum creditoribus Philippi illi commendat. Denique hortatur eundem ne gloriæ mundanæ nimium fidat.*

Viro honorabili domino ALEXANDRO, Dei gratia Lincolniensi episcopo, BERNARDUS abbas Clara-Vallis, velle honorari magis in Christo, quam in sæculo.

1. Philippus vester, volens proficisci Jerosolymam, compendium viæ invenit, et cito pervenit quo volebat. Transfretavit in brevi hoc mare magnum et spatiosum, et prospere navigans attingit jam litus optatum, atque ad portum tandem salutis applicuit. Stantes sunt jam pedes ejus in atriis Jerusalem; et quem audierat in Ephrata, inventum in campis silvæ libenter adorat in loco ubi steterunt pedes ejus. Ingressus est sanctam civitatem, sortitus est cum illis hereditatem, quibus merito dicitur: *Jam non estis hospites et advenæ, sed estis cives sanctorum et domestici Dei* (Ephes. ii, 19). Cum quibus intrans et exiens, tanquam unus e sanctis, gloriatur et ipse cum cæteris, dicens: *Conversatio nostra in cælis est* (Philipp. iii, 20). Factus est ergo non curiosus tantum spectator, sed et devotus habitator, et civis conscriptus Jerusalem, non autem terrena hujus, cui Arabiæ mons Sina conjunctus est, quæ servit cum filiis suis; sed liberæ illius, quæ est sursum mater nostra (Galat. iv, 25, 26).

2. Et, si vultis scire, Clara-Vallis est. Ipsa est Jerusalem, ei quæ in cælis est, tota mentis devo-

(187) Caladia scilicet, diocesis Virdunensis, anno 1128 fundari coepit sub Henrico, ab Adalberone ejus successore consecrata, « ubi nunc, » inquit Laurentius de Leodio, « sub abbate sanctæ memoriæ Guntero, militans regno cælorum fere trecenti servorum Dei. » Cæpit autem sub Henrico præsule, quando ibi Robertus, venerabilis nostri cænobii, id est, Sancti-Vitoni Virdunensis monachus, « cum duobus sociis primum eremitavit, ecclesiola et quibusdam mansuiculis fabricatis. Sed eo ad ecclesiam Belli-Loci assumpto, cum locus vacuus renfensisset, a viro nobili Waltero nepote, cujus erat, data est venerabili Guidoni abbati de Tribus-Fontibus, Henrico pontifice annuente et monente, et maxime Herveo viro nobili, hoc totum inuente et hortante: qui Herveus se cœtibz eorum associavit exemplo mirabili, nempe uxore dimissa, et laqueo circum-

tione, et conversationis imitatione, et cognatione quadam spiritus sociata. Hæc requies ejus, sicut ipse promittit, in sæculum sæculi: elegit eam in habitationem sibi; quod apud eam sit, etsi nondum visio, certe expectatio veræ pacis, illius utique de qua dicitur: *Pax Dei, quæ exsuperat omnem sensum* (Philipp. iv, 7). Verum hoc suum bonum, etsi desuper accepit, in vestro tamen beneplacito hoc facere cupit, imo se fecisse confidit. sciens vos Sapientis non ignorare sententiam: quod filius utique sapiens sit gloria patris (Prov. x, 1) (190). Rogat autem paternitatem vestram, rogamus et nos cum illo et pro illo, quatenus de præbenda sua quod ipse suis creditoribus constituit (191), immobiliter stare faciatis; ne in aliquo fraudator (quod obest!) debiti, et prævaricator pacti inveniat; et ita munus contriti cordis, quod offert quotidie, non recipiatur, dum frater quispiam habet aliquid adversus eum. Precatur deinde ut domus quam ipse matri suæ in terra Ecclesiæ construxit, cum terra quam ibi delegavit, eidem matri, quamdiu vixerit, concedatur. Hæc pro Philippo.

3. Reliqua hæc pauca pro vobis, ipso quidem intimante, imo vero inspirante Deo, adjicienda putavimus, hortari vos in charitate præsumentes, ne cursuri gloriam mundi quasi stantem aspiciatis, et vere stantem amittatis; ne plus vobis aut pro vobis vestra diligatis, et sic vos et vestra perdat; ne blandiens præsens prosperitas sui vobis finem abscondat, et adversitas sine fine succedat; ne lætitia temporalis luctum vobis æternum et operiat quem parit, et pariat quem operit; ne mors longe esse putetur, et præoccupet improvidum; et vita, dum longa expectatur, cito deserat male conscium, sicut scriptum est: *Cum dixerint, Pax et securitas, tunc subitaneus superveniet eis interitus, tanquam in utero habenti, et non effugient* (1 Thess. v, 3). Valete.

#### EPISTOLA LXV.

AD ALVISUM ABBATEM AQUISCINCTI (192).

*Laudat in Alviso paternam erga Goduinum mansuetudinem. De admissione se excusat, et veniam precatur.*

ALVISO abbati Aquiscincti monasterii, BERNARDUS, salutem ex corde.

1. Retribuat vobis Deus misericordiam, quam fe-

gulam alligato, ex Spicilegii tomo duodecimo, pag. 537.

(188) Scripta circa annum 1129.

(189) Alexander Lincolniensi seu Lincolniensi apud Anglos Ecclesiæ præfuit ab annis 1125 ad annum 1147.

(190) Ita Bernardus passim hunc locum citat; Vulgata, *Filius sapiens lortificat patrem*.

(191) Eiusdem argumenti est Philippi abbatis epistola 18, ad Alexandrum III, rogantis ut bona archidiaconi Aurelianiensis, qui religionem ingressus fuerat, creditoribus concedantur, in tomo primo Bibliothecæ Cisterciensis, pag. 246.

(192) Scripta circa annum 1129. Monasterium ordinis sancti Benedicti ad Scarpum fluvium, secundo milliari a Duaco. Anno 1029 inceptum est hoc cænobium, Sancti Salvatoris dictum, in insula

cistis sancto filio vestro Goduino. Audivimus enim quod, audito ejus obitu, mox velut immemor pristinae calumnie, sed non amicitiae, consolatorem potius quam ultorem vos exhibuistis. Patrem quippe vos cognovistis, ut res exigebat, non judicem. Ideoque quod pietatis, quod charitatis est, ut vere filio pater impendere studuistis. Quid melius, quid laudabilius, quid vobis dignius agere poteratis? Sed quis hoc crederet? Vere nemo scit quæ sunt in homine, nisi spiritus hominis qui in eo est (1 Cor. ii, 11). Ubi est nunc illa austeritas, illa severitas, illa indignatio, quæ olim in illum lingua, vultus, oculi, terribiliter ostentare et intentare solebant? Ad unum nempe nuntium de morte filii, paterna viscera commota sunt; subitoque hæc omnia, quæ simulatoria, sed dispensatoria, ac per hoc transitoria erant, disparuerunt; illa vero quæ vera erant, sed latebant, charitas, pietas, benignitas apparuerunt. Siquidem in religioso animo vestro misericordia et veritas obviaverunt sibi; et quia nimirum misericordia superabundavit iudicio, iustitia et pax osculatæ sunt. Nam quantum mihi videor conji-ciendo videre, quid animi tunc habueritis, cum ad ulciscendam illam, quæ vobis videbatur facta, injuriam, iustitiæ zelo accensa veritas se accingeret, illa quæ exemplo Joseph prudenter antea dissimulabatur misericordia, ultra jam latere non ferens, ne in hoc quidem dissimiliter ab Joseph (Gen. xlv. 4), ex abdito celatæ pietatis erupit, seque veritati adiungens repressit motum, temperavit zelum, pacem cum iustitia fecit.

2. Tunc de purissimo placidi pectoris fonte talium **66** credo limpidissimi cogitationum rivuli ebullierunt: Quid opus est indignari? misereri potius oportet, et non oblivisci quod scriptum est: *Misericordiam volo, et non sacrificium* (Osée vi, 6); et implere quod insum est: *Solliciti servare unitatem spiritus in vinculo pacis* (Ephes. iv, 3); et expectare quod promissum est: *Beati misericordes, quoniam ipsi misericordiam consequentur* (Matth. v, 7). Alioquin num filius meus erat iste? quis vero irasci filio potest? Nisi forte tunc tantum filius fuit, dum mecum fuit, et non etiam cum me deseruit. Sed nunquid quia corpore ad tempus recessit, etiam

quæ dicitur Aquiscinctus, a viris illustribus Sichero ac Waltero, sub Gerardo il Cameracensi præsule, ad cujus diocesim tunc locus ille pertinebat. Vide Aub. Miræum in Chronico Ordinis sancti Benedicti, cap. 68. Porro congregationi Cluniacensi Aquiscinctini monachi se aggregaverunt, ejusque reformationem susceperunt anno 1110, uti refert Iperius in Chronico suo Bertinensi. Anno Domini millesimo centesimo decimo, monasterium Aquiscincti ad religionem reparatum est et reductum per dominum Lambertum abbatem nostrum, cum ex monachorum dissensionibus nactus esset opportunitatem, monachis Aquiscincti inter se tumultuantibus, in tantum, ut suum abbatem expellentes deponerent. Hoc itaque dominus Lambertus considerans, per secretos internuntios illos induxit ut virum venerabilem, moribus egregium, et prudentia facundiaque decoratum, sibi sumant in abbatem, quo collapsa eorum ecclesia relevetur. Et eis nominari fecit dominum Alvisum,

A animo recedere potuit? aut forte vel ipsa mors eum mihi poterit auferre? Itane localis corporalivæ necessitas animorum sese amantium libertatem angustat? Certus sum quia nec locorum distantia, nec corporum vel mors vel absentia disjungere poterit quos unus spiritus vegetat, una charitas ligat. Denique, si iustorum animæ in manu Dei sunt (Sap. iii, 1), profecto et qui jam in ipso, deposita carne, quiescunt, et qui ipsi adhuc in carne non secundum carnem militamus, simul procul dubio sumus. Meus ergo erat vivus, meus erit defunctus, meum in patria recognoscam. Si quis est qui de manu Dei possit eruere, et a me illum separare valebit.

3. Itaque pro filio quidem vestra vobis affectio satisfecit; sed de nobis, pater, quid erit? quæ, inquam, de nobis digna vobis satisfactio placebit, quibus utique pro grandi injuria imponitis quod, a vobis recedens, a nobis receptus sit? Quid dicam? si dixerò: Non recepimus (quod utinam sine peccato dicere possem), mentior plane; si dixerò, Recepimus quidem, sed iuste; excusare me velle videor. Sed tutius respondebo, Peccavimus. Verumtamen quantum? Non ad defensionem dico: a quo enim ille non recipereur? quis, inquam, sanctum illum aut pulsantem repelleret, aut susceptum expelleret? Quis vero scit si de vestra abundantia nostram Deus voluerit supplere inopiam, ut scilicet unum de multis, qui forte apud vos religiosi tunc erant, ad nos dirigeret, nobis quidem ad solatium, sed nihilominus vobis ad gloriam? Filius quippe sapiens gloria est patris (Prov. x, 1). Denique non eum prævenimus sollicitando, non circumvenimus attrahendo, quo vos desereret, vel ad nos veniret; quin potius rogantem, pulsantem, supplicantem non prius, Deus scit, consensimus recipere, quam remittere ad vos tentavimus. Non autem eo acquiescente, ejus nos importunitati vix tandem acquievimus. Hominem ergo religiosum, peregrinum, solum, si culpa est quod suscepimus et ita suscepimus, non erit vobis indignum semel tantum commissam culpam, talemque culpam dimittere; cui etiam fas non est ne usque quidem septuagies septies peccantibus in vos veniam negare (Matth. xviii, 22).

4. Ut tamen noveritis quam non leviter seu ne-  
D monachum nostrum reformatum, ecclesie Santi-Vedasti tunc intendentem. Igitur Acquisincintenses monachi Alvisum instinctu Lamberti abbatis nostri in suum abbatem elegerunt, qui consilio et auxilio ejusdem Lamberti, eandem ecclesiam reformavit, et in spiritualibus ac temporalibus sic exaltavit, ut ejus nomen celebre fieret ubique, et idem Alvisus tandem eligeretur in episcopum Atrebatensem. Hactenus Iperius. Porro hujus monasterii fama ac gloria plurimum toto orbe crevit a gymnasio Aquiscinctino, quod in Duacena academia excitavit Joannes Letailleur, hujus loci abbas dignissimus, et Patrius societatis Jesu, raro sed præclaro exemplo, tradidit. Vide Jacobum Bonfrer, societatis Jesu theologum et insignem Scripturæ interpretem, Dedicat. in Pentateuchum. Alvisus, de quo item mentio infra in epistola 66, Atrebatensem Ecclesiam, cui parit Aquiscinctum, episcopus rexit. Ad eum hoc nomine scripta epistola 395.

gigenter, ino quam non impune seramus quod unquam Reverentiam vestram quoquo modo offendimus, sæpe Deum testor, quod corpore non possum, mente ad vos supplicii transeo, sæpe genibus flexis humiliter satisfaciens, vobis adstare me video. Utinam ipse qui id mihi fortasse inspirat, vobis quoque Spiritus sentire faciat quam flebilis, quam miserabilis, tanquam præsens, ad genua usque vestra descendo! quam frequenter nudus humeros, virgasque in manibus gestans, et quasi ad vestram jussionem vapulare paratus, peto veniam, gratiam tremebundus exspecto! Hæc qualiter vobis, Pater, accepta sint, vestro, si vos non gravat, citius scire flagitamus rescripto; ut, si satis, jam securi de indulgentia consolemur; si quo minus, magis (ut dignum est) humiliemur, et amplius aliquid a nobis si possumus, exigamus, quo dignius satisfacere debeamus. Valete.

### 67 EPISTOLA LXVI.

AD GAUFRIDUM ABBATEM SANCTI-MEDARDI (193).

*Operam ejus requirit in reconciliando sibi abbate Alvisio: solatur eundem in tribulationibus.*

Domino GAUFRIDO abbati Sancti-Medardi, frater BERNARDUS ecclesie Claræ-Vallis ordinator incompotus, salutem, et non in via.

Primo precor ut præsentes litteras domno abbati Aquiscineti monasterii dirigere non graveris. Deinde ut, ad id quod portant, pro absente amico præsens

(193) Scripta circa annum 1129. Editi ac scripti præter unum (quos quidem viderimus) omnes habent, *S. Theoderici*; at legendum, *S. Medardi*, ut in codice Corbeïensi, ex quo sequentem inscriptionem (quæ aliis deest, præterquam in Spicilegio tomo 3), restitimus: *Domno* etc. Et quidem licet utrique cænobio, nempe S. Medardi apud Suessionas; et S. Theoderici prope Remos, successive præfuerit Gaufridus; abbas tamen S. Medardi erat tum, cum hæc epistola scripta est. Scripta est autem (ut ex epistolarum serie intelligitur) ante annum 1151 quo evectus est Gaufridus in episcopatum Catalaunensem ex abbacia S. Medardi, cui ab anno 1119 præfuerat post annos octo regiminis apud S. Theodericum.

Procurante sancto Bernardo, qui electus acquiescere noluit, in sedem Catalaunensem suffectus est anno 1151 in locum Herberti, non post dedicationem ecclesie Sancti-Medardi, ut tradit Albericus in Chronico, Idibus Octobris ejus anni ab Innocentio factam; sed ante illam, ex Chronico Sancti-Medardi, ubi « prædictus Papa, ante dedicationem ecclesie predictæ, Odonem abbatem ecclesie Beati-Medardi, nolente sed contradicente episcopo Suessionensi, Aurelianus benedixisse perhibetur pridie Kalendas Octobris. » Obiit, teste Alberico, anno 1143, et quidem sexto Kalendas Junii, ut Sancti-Theoderici Necrologium testatur his verbis: « Sexto Kalendas Junii obiit Gaufridus noster abbas, Catalaunensis episcopus. » In serie vero anniversariorum notatur, ipsum tres præbendas in Refectorio legasse in elemosynam pro se et pro Adalberone Remensi archiepiscopo, qui ibidem monachos restituit. » Exstat epistola Gaufridi ad Petrum Venerabilem in Bibliotheca Cluniacensi, ipsiusque Petri ad eundem rescriptum, in quo cum vocat Cluniacensis, innoventi Ordinis, per totam Franciam primum disseminatorem, auctorem, prorectorem, inveterati draconis de tot monasteriorum cubilibus expulsores, diuturni somni et monastici torporis excitatorem de duobus alterum » (Bernardus alter, in primis erat), quos non fictæ charitatis vertice totius

A satagas cum venerit locus. Neque enim cuiuslibet, nedum tanti patris, justum injustumve adversum me debeo scandalum dissimulare; quod quam non faciam, loquens potius quam scribens, ei aperire forsitan potuissem. Nam solet in talibus acceptior esse sermo vivus quam scriptus, et effracior lingua quam littera. Oculi quippe loquentis fidem faciunt dictis; nec ita potest affectum exprimere digitus, quomodo vultus. Nunc autem, quia absens per me non possum, per te satisfacio quantum possum. Rogo ergo te, et iterum rogo, ut de regno Dei, quod est videlicet intra nos, scandalum auferas, dum salubriter potes; ne si (quod absit!) usque ad angelos, qui utique in fine sæculi in id ministerii deputandi sunt (*Marc. xiii, 27*), perduraverit rancor, necesse sit irrevocabiliter aut ambos aut alterum a nobis de medio tolli. Unde autem ad me tu jamdudum scripsisti, conquerendo super tribulationibus vestris, scitis quia juxta est Dominus his qui tribulato sunt corde. De ipso confidite, quia ipse vicit mundum. Ipse scit inter quos habitatis, et in conspectu ejus sunt omnes qui tribulant vos. Ipse exaudiet vos in abscondito tempestatis, qui nunc probat ad aquas contradictionis. Valete.

### EPISTOLA LXVII.

AD MONACHOS FLAVIACENSES (194)

*Susceptionem B. monachi tuetur, tanquam de ignoto*

Gallie Belgicæ amicis præponendos non tantum crederet, sed et publice prædicaret. Præclara certe C elogia, quæ tandem his verbis ita concludit: « In ultimo fratrem domni Garnerii subprioris nostri, charissimi mei, ita vobis commendo, ut cum labore vestro probus, sapiens, litteratus factus fuerit, nobis eum, sicut de altero fecistis, reconsignetis. » Ex quibus colligere est, Gaufridum doctrinæ et sapientiæ laude conspicuum, instituendæ juventutis cum ipso episcopali munere operam suscepisse. Sub eo apud Suessionas habitum est generale monachorum Ordinis nostri capitulum de quo in epistola 91. Interfuit concilio Senonensi anno 1140; et in epistola synodali ad Innocentium directa, quæ est inter Bernardinas 191, tertius nominatur.

(194) Ita legendum cum purioribus manuscriptis; non vero *Flaviniacenses*, ut perperam volunt Horstius et alii nonnulli, quod ex ipsius contextu epistolæ tribus argumentis manifeste refellitur. Primo namque sanctus Bernardus asserit quod eorum ad quos scribit, « non habitationis, non religionis ac conversationis usque ad hoc tempus vel tenuem D notitiam habuerit, sed nec aliquam aliquando mentionem sibi de ipsis factam » fuisse meminisse. Deinde, « Multis, » inquit, « terrarum spatii, et diversis provinciis, et dissimilibus linguis ab invicem distamus. » Postremo denique, « Nec solum, » ait, « episcopatus propriis absumus, sed etiam in eodem archiepiscopatu non degimus. » Quæ omnia Flaviniaco non posse competere clarius est, quam ut probatione indigeat. Est enim Flaviniacum oppidum in Burgundiæ ducatu, Fontanis, unde Bernardus originem traxit, vicinum, nec multum distans a Clara-Valle, habens olim monasterium Ordinis sancti Benedicti, diocesis Eduensis sub metropoli Lugdunensi, sicut et Clara-Vallis, pretiosis sanctæ Regine reliquiis illustratum. Restituendum itaque, *Flaviacenses*; sumpta denominatione a Flaviaco, qui vicus est diocesis Bellovacensis ad Eptam fluvium, in quo a beato Geremaro conditum est nobile Benedictinorum cænobium sub annum 650, unde nonnunquam



sibi hactenus monasterio, et iustas ob causas discedentis.

Domino H. Patri Flaviacensis (195) ecclesie, et fratribus qui cum eo sunt, fratres qui in Clara-Valle sunt, salutem.

1. Lectis litteris vestris, vestram Reverentiam propter quemdam monachum qui apud nos est, contristatam cognovimus. De qua vestra tristitia nos quoque contristati sumus, timentes ne non sit illa tristitia, de qua quibusdam dicebat Apostolus: *Contristati enim estis secundum Deum* (11 Cor. vii, 9). Nam si secundum Deum esset, non usque adeo vos commovisset, ut nos, etsi vobis ignotos, fratres tamen vestros, et si placet amicos, quos necdum vel presentes verbo conveneratis, vel absentes scripto pramonueratis, hac prima vice tam subito, tam acriter argueretis. Miramini, ut scribitis, quod fratrem Benedictum (196) suscepimus; minamini nisi eum vobis cito restituerimus. Proponitis nobis de Regula, de noto monasterio monachum non suscipiendum (Reg. S. Benedicti, cap. 61), pro constanti scilicet habentes vestrum non esse ignotum. Sed quid si aliis notum, dummodo nobis ignotum sit? Etsi enim, ut verba ipsa 68 vestra ponam, religionis vestre se adeo fama effuderit, ut etiam Romæ ecclesie vestre habeatur notitia, nos tamen, qui utique multum citra Romam positi sumus, nescio quo pacto ita præterit, ut ne uniusquidem vestrum, abbatis scilicet vel monachorum, non ipsius vestre habitationis, non religionis ac conversationis, usque ad hoc tempus vel tenemur notitiam habuerimus, sed nec aliquam aliquando mentionem nobis de vobis factam fuisse meminimus. Nec tamen mirum, quia et multis terrarum spatiis, et diversis provinciis, et dissimilibus linguis ad invicem distamus; nec solum episcopatibus propriis absumus, sed etiam in eodem archiepiscopatu non degimus. Putamus autem quod non de cuicumque notis, sed tantum de nobis notis monasteriis monachos suscipere prohibemur; alioquin, cum nullum monasterium sit quod alicui notum non sit, nullum nobis relinquatur de quo quis regulariter suscipiatur. Quomodo ergo illud implebitur quod a beato Benedicto vel præcipitur vel permittitur, peregrinum

Flaviacum, passim vero Sancti-Geremari de Flaviaco, appellabatur. Quod spectat ad nomen abbatis Flaviacensis hoc grammate decurtatum, *Domno H. Patri Flaviacensis ecclesie*, etc. exprimendum esse puto Hildegarium I, qui ab anno 1106 usque ad annum 1123 Flaviaco præfuisse memoratur in vulgato indice Acheriano ad Guibertum. Verum eum ad annum saltem 1126 pervenisse colligo ex serie harum epistolarum. Sunt qui Hugonem hoc loco notent, sed perperam. Duo quidem leguntur ejus loci abbates, Hugonis nomine; sed primus desit anno 1100, secundus Hildegario II successit anno duntaxat 1172, uterque proinde longe extra sancti Bernardi calculum. Porro ex eodem cœnobio viri doctrina et pietate insignes prodierunt, ex quibus Radulfus, Levitici interpres, circa annum 912, multique alii deinceps, maxime præfati Hildegarii tempore floruerunt, quos inter Guibertus, exinde in abbatem Navigenti prope Codiciacum assumptus, velut sidus

A videlicet monachum non solum debere suscipi ad habitandum pro hospite, quanto cupit tempore, sed etiam inventum utilem suaderi ad manendum omni tempore? (Reg. S. Benedicti, cap. 61.)

2. Quanquam tamen nos aliter erga prædictum fratrem egerimus. Nam cum veniens se suscipi a nobis humiliter postularet, primo quidem repulsus, deinde admonitus est ut ad monasterium suum rediret. Sed ille non acquiescens, in vicinam nobis eremum se contulit, ibique septem ferme menses, nullam interim calumniam passus, quiete habitavit. Sed cum sibi tutum non crederet quod solus degeret, post primam repulsam, idipsum quod prius a nobis requirere non erubuit. Rursus nos admonentes eum de reditu, cum causam suæ ab eo discessionis inquireremus: « Abbas, inquit, meus habebat me non monachum, sed medicum (197). Cogebat servire, imo ipse serviebat per me, non Deo, sed sæculo, quando, ne sæcularium malevolentiam incurreret principum, mederi me compellebat etiam tyrannis, raptoribus, excommunicatis. Quod animæ meæ periculum cum ei nunc privatim nunc palam suggessissem, nec profecissem, quorundam tandem sapientium virorum consilio fretus, fugio meam damnationem, non congregationem, perditionem, non religionem. Consultite salutem querenti, aperite pulsanti. » Cujus nos videntes constantiam, audientes causam, et nullam contra eum calumniam, annuimus introitum, probavimus susceptum, adstrinximus probatum, tenemus professum. Nec intrare compulsumus, nec exire cogimus. Quamvis si eum ejiceremus, ad vos (ut ipse asserit) non rediret, sed magis se adhuc a vobis elongaret. Desinite ergo, fratres, desinite tam indebitis innoxios lacessere jurgiis, et cassis scriptitationibus inquietare: quia nec cumulatæ etiam contumeliis provocari poterimus ut vobis, nisi quod reverentiæ est, respondeamus, nec minis exterreri quominus monachum teneamus, quem regulariter suscepisse nos credimus.

## 69 EPISTOLA LXVIII,

AD EOSDEM.

Unde supra.

Reverendis fratribus Flaviacensibus, abbati H.

D eminebat; ut non immerito Flaviacenses in sua ad Bernardum epistola, ut hic ipse testatur, monasterii sui famam Romam usque diffusam gloriarentur.

(195) Ita legendum, non, *Flavinacensis*; ut constat ex momentis in nota modo præcedenti expositis.

(196) In editis, G; at in scriptis non paucis, B. Nomen integrum, *Benedictum*, exhibet codex Corbeiensis optimæ notæ, ex quo etiam sequentis epistolæ inscriptionem præter alias restituiamus.

(197) Medicos olim agebant et clerici et monachi. De clericis id probat Christianus Lupus in notis ad varias epistolas concilii tum Ephesini, tum Chalcedonensis, p. 100 sq. Monachorum item varia exempla suppetunt, quorum unum insigne est apud Lupum Ferrariensem, in epistola 72, de Didone abbate Senonensi. Utrique medicina recentiori jure interdicta.

cæterisque omnibus fratribus, frater BERNARDUS, A salutem.

1. Modestiae quidem vestrae erat, o boni fratres, super querimonia vestra priori nostra satisfactione contentos esse debere, et jam ab immeritorum infestatione quiescere. Sed quia prioribus malis pejora junxistis, et rursum nobis jurgiorum seminaria transmisistis (quæ absit ut germinet! sicut nec priora germinarunt in nobis), ne tamen, non respondendo, culpam, quæ non est, agnoscere videamur, hoc etiam secundo ad ea quæ procaciter obijcitis, veraciter respondemus. Hæc tota nostra culpa est, quantum æstimamus, hæc grandis illa injuria quam vobis fecimus, quod monachum, solum, peregrinum, pauperem, miserabilem, animæ suæ periculum fugitantem, salutem suam sollicitè quærentem, pulsantem, supplicentem suscepimus; seu quod talem, taliter a nobis susceptum, denuo sine causa non ejicimus, ut, quod ædificavimus iterum destrueres, prævaricatores nos constituamus. Hinc Regulæ, hinc canonum, hinc ipsius naturalis legis transgressores judicamur. Opponitis enim indignantes, cur vestrum et a vobis excommunicatum nobis sociare præsumpsimus, quod utique ab alio pati nolumus. Sed de excommunicatione quid respondebimus, quando vos inde vobis satisfacitis pro nobis, scientes procul dubio prius a nobis fuisse receptum, quam a vobis excommunicatum? Cum autem prius susceptus, dum tamen regulariter, fuerit, profecto non jam in vestrum, sed in nostrum vestrae maledictionis sententiam intorsistis; quod si recte factum sit, vos videritis.

2. Restat igitur sciendum, et hoc tantum quæritur inter nos, an rationabiliter susceptus fuerit. Et vos quidem, quoniam de ignoto monasterio monachum regulariter posse suscipi negare non potestis, vestrum nobis notum esse contenditis. Negamus, et non creditis. Verum si non creditis simpliciter negantibus, credite vel jurantibus. In veritate, quæ Deus est, vobis dicimus: nec novimus vos, nec noscimus, ignotorum scripta suscepimus, ad ignotos rescripsimus. Sensimus quidem stimulationes et inquietationes vestras, sed necdum stimulatorem et inquietatorem ipsos agnovimus. Vos tamen ad convincendum nos de simulata ignorantia invictissimum argumentum inducitis, non posse videlicet ignotos esse nobis, quorum et abbatis scilicet et ipsius monasterii nomen in nostris posuimus litteris; quasi mox ut rerum vocabula scimus, etiam res ipsas noverimus. Multum ergo valet mihi Michaelis, Gabrielis, Raphaelis nomina nosse, quando ex solo auditu vocabulorum, etiam de ipsorum beatorum spirituum cognitione jam beatus sum. Non mediciter, inquam, profeci quia didici ab Apostolo paradisum et tertium cælum nominare, si, etiam non raptus cum Apostolo, solis ex nominibus secreta cælestia jam novi, et audiui ineffabilia verba quæ non licet homini loqui. Stultus ego, qui jam sciens nomen Dei mei, nescio quid adhuc superflue quoti-

die gemo, frustra suspirans et dicens cum Propheta: *Vultum tuum, Domine, requiram (Psal. xxvi, 8); et illud: Quando veniam et apparebo ante faciem Dei? (Psal. xli, 3.) et: Ostende nobis faciem tuam, et salvi erimus (Psal. lxxix, 4).*

3. Sed quid est quod vobis facimus, quod nobis fieri nolumus? Hoc nos utique nolle putatis, ut quis a nostro monasterio discedens monachus, in alio suscipiatur. Utinam omnes nobis commissos, sine nobis salvare possetis! Si quis de nostris ad voc majoris perfectionis gratia et arctioris vitæ desiderio convolaverit, 70 non solum non causamur si ei in tali studio consultis, sed et multum precamur ut hoc faciat; nec offensos nos conqueremur, sed valde in hoc adjutos esse fatebimur. Negatis deinde quod de vobis audieramus, vestro scilicet jussu vel assensu fratrem B., quamdiu fuit apud vos, in medicinali arte sæcularibus deservisse; ipsumque, qui hoc dixit, falsitatis arguitis. Si mentitus sit, nescimus; ipse viderit; sed hoc scimus, quia sive per se ipsum, ut vos fatemini, sive per vos, ut ipse testatur, hæc fecerit, in magno interim periculo fuit. Quis vero tam inhūmanus, qui sic periclitanti non succurreret si posset, non consuleret si nosset? Atamen si, ut asseritis, non compulsus obedientia, sed proprii quæstus cupiditate ac vagandi curiositate, hæc illacque artem suam venditans discurrebat, quid causæ exstitit quod a vobis discessit? An quia jam tandem censuræ pastoralis districtione non ei licebat quod ante licuerat? Cur igitur cum jam apud nos esset, volentes eum revocare, ad persuadendum de reditu promissistis ei quietem in claustris, nisi quia hoc velle hominem noveratis, hoc quæsisse memineralis? At ille, jam adepto apud alienos quod non potuit inter suos, ne certa pro incertis desereret, tenuit quo jam fruebatur, spernens quod sero sibi offerebatur.

4. Desinite itaque, fratres, desinite fratrem sollicitare, de quo non valde necesse est vos sollicitos esse, nisi forte, quod absit! quæ vestra, non quæ Jesu Christi sunt, quærat, et magis vestrum de illo solatium, quam ejus salutem diligatis. Nam cum semper apud vos gyrovagus fuisset, et, ut scribitis, contra suum propositum et abbatis imperium, in proprios usus quod de arte sua conquirebat expenderet, gaudeat qui eum diligit, quod apud nos Deo miserante sanatus sit. Testimonium enim ei perhibemus quod nusquam modo aliqua occasione vagatur, sed quiete perseverans in monasterio, pauper inter pauperes sine querela conversatur, primam fidem, quam quidem apud vos promisit sed non tenuit, non irritam, ut dicitis, faciens, sed ratam integramque custodiens, morum utique conversione, et obedientissima conversatione, sine qua sese fallit qui de loci stabilitate confidit. Rogamus vos, fratres, ut quiescat jam indignatio vestra, et desinat inquietatio nostra. Sin autem, facite quod vultis, scribite ut vultis, persequimini quantum vultis: charitas omnia suffert, omnia sustinet. Nobis autem decretum est ex hoc

jam vos pure diligere, reverenter suscipere, familiariter colere.

### EPISTOLA LXIX.

AD CEIDONEM ABBATEM DE TRIBUS-FONTIBUS (198).

*Guidonem, qui incuria ministrantium in consecratione calicis erraverat ob defectum vini, instruit.*

1. Unde te contristatum cognovimus, contristatum quidem te esse laudamus, sed si non nimis. Contristatus enim, nisi fallor, quomodo ait Apostolus, secundum *Drum* (11 Cor. vii, 9); nec dubium est hujusmodi tristitiam tuam converti quandoque in gaudium. Itaque, dilectissime, irascere, et noli peccare. Peccabis autem non minus nimis irascendo, quam omnino non irascendo. Siquidem non irasci ubi irascendum sit, nolle emendare, peccatum est: plus vero irasci quam irascendum sit, peccatum

(198) Fuit is secundus abbas Trium-Fontium, jam laudatus in epist. 63. Anno 1129 successerat Rogerio primo abbati, de cuius obitu in epist. 71. Primum abbatem fuisse Rogerium legitimus in Vita sancti Bernardi, lib. I, cap. 15, cui, anno 1127 desicenti, manum dedit Guido, qui anno sequenti cum Bernardo et Hugone Pontinnaciensi, concilio Trecenti interfuit, postea vero Ordinem suum quatuor monasteriorum fundatione, nimirum Caladix, Castellionis in diocesi Virdunensi, Aureæ-Vallis in Treverensi, Alti-Fontis in Catalaunensi, non parum promovit et ampliavit. Porro Trium-Fontium cœnobium, prima filia Claræ-Vallis, agente Guilhelmo de Campellis episcopo Catalaunensi, ut testatur Guillemus abbas Sancti-Theoderici, Vitæ sancti Bernardi libro I, cap. 15, in sua diocesi constructum est anno 1118, cuius quidem primordia, nonnihil adhuc obscura, lubet paulisper illustrare. In Actis episcoporum Catalaunensium recitatur Charta Bozonis episcopi septimi a Guilhelmo, quæ partem silvæ Luis ab Alardo, alisque Sancti-Salvatoris canonicis regularibus contraditam, condendo monasterio impensisse testatur. Sic enim habet: «Nihil æque securitatem parit in longinquum, quam cum ea quæ piis et fidelibus donantur ecclesiis cura diligenter traduntur litteris. Ideoque ego Bozo, Dei gratia Catalaunensis episcopus, notum facio omnibus tam presentibus quam futuris, quod Hugo, comes Trecentis, illam divisionem silvæ, quæ dicitur Luis, quam jussit fieri per Petrum Vitriaci præpositum, et per majores ejusdem silvæ, id est Milonem de Sera, Walterum, Vierdum et alios, Alardo sacerdoti, cæterisque confratribus in Oratorio Sancti-Salvatoris, quod in eadem parte situm est, canonicè et regulariter vivere volentibus, in manibus Willelmi, Catalaunensis Ecclesiæ episcopi, dereliquit; Alardo præcipiens ut quod ab eo postulabat, a confratribus Compendiensi ecclesiæ exciperet; et quod ipsi concederet, episcopus sibi confirmaret. Hæc autem omnia habitatores loci illius per manus Willelmi episcopi Catalaunensis dederunt Bernardo abbati Claræ-Vallis, concedente Hugone comite, ad abbatiæ construendam, quod et factum est. » Ex quo vides non tam Guillemum, quam Hugonem comitem, de quo supra actum est in notis ad epistolam 31, censeri debere Trium-Fontium fundatorem. Quod vero additur de concessione confratrum Compendiensi, quid inde actum sit, discimus ex litteris sequentibus, ex Archivio monasterii Compendiensi primum erutis:

In nomine sanctæ et individuæ Trinitatis, Gaufridus, sanctæ Compendiensi ecclesiæ decanus, Joannes cantor, nosque simul ejusdem loci fraternitas universa, tam futuris quam presentibus cunctis volumus innovescant quia domini regis Ludovici, ejusque conjugis reginæ Adeluidis, atque comitis Theobaldi, necnon

A peccato addere est. Quod si malum est peccatum non emendare, quomodo malum non erit augmentare? Si ex rerum eventibus reatum penderet judicium, non foret culpanda tua etiam ingens tristitia, ubi nimirum constitisset quod ingens fuisset et culpa. Tanto quippe culpa gravior, quanto res sacrior appareret. Nunc vero quia rerum causa, non materia, nec exitus actuum, sed intentionis propositum culpas discernit et merita, dicente: **71** Domino, Si oculus tuus simplex fuerit, totum corpus tuum lucidum erit; si nequam, totum corpus tuum tenebrosum erit (*Matth. vi, 22, 23*), in tui quoque examinatione commissi, non tam, ut arbitror, sacrorum est attendenda majestas, quam propria intentio discutienda. Porro ego et Prior noster multum rem ipsam et intra nos pensantes, et inter nos conferentes,

virorum venerabilium Goisleni Suessionensis, Gaufridi Carnotensis, Guarini Ambianensis episcoporum, dominique Claræ Vallensis abbatis petitionibus, locum quemdam, qui Tres-Fontes vocatur, in silva Luis, quæ tota de jure nostræ est ecclesiæ, fratri Guidoni abbati et monachis cum eo ibidem Deo servientibus inhabitandum concessimus. Quod ne longæva temporum vetustate a memoria tolleretur, litteris fecimus assignari. Placuit itaque nobis ut terram illam, et nemus, et quidquid de terra ecclesiæ nostræ, ubicunque jaceat in eadem silva, salvis aliorum terminis, ulterius eis accesserit, dicti monachi possiderent... et quidquid in ea nostri juris erat, libere et quiete perpetualiter obtinerent. Firmatum est igitur hoc presentii chirographo, firmatum est et sigillo, signisque personarum quæ adfuerunt ad posterorum notitiam roboratum, scilicet Goisleni Suessionensis, scilicet Gaufridi Carnotensis, scilicet Guarini Ambianensis episcoporum, scilicet Bernardi Claræ Vallis abbatis, scilicet Gaufridi decani, scilicet Joannis cantoris, scilicet Odonis et Haimonis præpositorum, scilicet Rainardi abbatis Sancti-Bartholomæi, scilicet Theoderici abbatis Sancti-Eligii Noriomenisim. Actum Compendii in publico capitulo, anno ab Incarnatione Domini millesimo centesimo tricesimo.

Ex quibus cernitur illorum temporum fides, ut concessio ab Hugone facta, sine litteris in annum 1154, quo Bozo episcopus regere cepit Catalaunensem Ecclesiam, vigeret, simulque donatio Compendiensi annos a monasterii fundatione duodecim. Ex abbatiâ Trium-Fontium processisse perhibetur, ut jam diximus, abbatiâ Alti-Fontis, in eadem diocesi Catalaunensi sita, de ejus incremento has ab illustrissimo hujus loci abbate de Noaliis accepimus:

In nomine sanctæ et individuæ Trinitatis, B. (Bozo) Catalaunensis episcopus. Presentibus et futuris notum fieri volumus quod Theobaldus, digne reverendus abbas Dervensis, communi totius capituli sui assensu, interventus summæ religionis viri abbatis Bernardi Claræ-Vallensis, pro amore Dei concessit ecclesiæ de Alto-Fonte, existente ibidem Guarino abbate, omnem partem quæ ad ecclesiâ Dervensem pertinet, de decimis eorum quæ propriis aratris operabuntur in parochia de Alta-Villa. Actum est hoc in presentia abbatis Claræ-Vallensis, abbatis Theobaldi Dervensis, Araldi abbatis Sancti-Urbani, Guarini abbatis de Alto-Fonte, Amalucii monachi, Joannis conversi ejusdem loci. Ut autem hoc donum ratum et inconvulsam permaneat, presentem paginam sigilli nostri impressione per manum Manni cancellarii nostri firmari præcepimus.

Alia est abbatiâ Trium-Fontium, seu sanctorum Vincentii et Anastasii ad Tres-Fontes prope Romam, ad quam abbatiâ spectat electio Turoldi abbatis, de qua in epistola 306.



tuam quidem ibi deprehendimus ignorantiam, ministrantium quoque negligentiam, sed plane nullius malitiam. Et certe optime nosti nullum esse bonum, nisi fuerit spontaneum. Malum ergo poterit esse magnum, quod constat voluntarium non fuisse? Alioquin si quod sit a non volente, bonum quidem nullam gratiam, malum autem multam consequitur poenam, hoc est si circa unam eandemque causam, et malum imputatur, et bonum non suscipitur, quisquis ita sentit, asserat, si vult, quod non sapientia malitiam, sed malitia vincit sapientiam.

2. Ut tamen faciamus satis inquietiori conscientiae tuae, et ne forte malum hoc mali cuiuspiam gravioris latentis adhuc in monasterio fuerit commonitio, pro poenitentia tibi injungimus septem psalmos poenitentiales quotidie usque ad Pascha, septies prosternendo te, decantare (199), septem disciplinas accipere. In hunc modum satisfaciatur et ille qui tibi ad illam Missam ministravit. De illo autem qui sibi ante apparuerat (200), et oblitus est mittere vinum in calicem, cujus et majorem in hoc aestimamus culpam, si tamen et tu ita putas, tuo arbitrio derelinquimus. Sane si sermo exiit inter fratres, et ipsi omnes singuli singulas accipiant disciplinas, ut fiat quod legitur, *Alter alterius onera portate* (Galat. vi, 2). Deinde quod comperta, sero licet, negligentia, vinum fudisti in calicem super hostiae sacratae particulam, laudamus, nec sub tanto articulo melius fieri potuisse putamus, arbitantes liquorem, etsi non ex consecratione propria atque solemni in Sanguinem Christi mutatum, sacrum tamen fuisse ex contactu Corporis sacri (201). Aiunt tamen nescio quem alium aliud sensisse scriptorem, non posse videlicet absque tribus, id est pane, vino, et aqua, hoc sacrificium esse, ita ut si quodlibet horum deesse contigerit, reliqua non sanctificentur. Sed de hujusmodi unusquisque in suo sensu abundat.

3. Ego autem pro meo fatuo sensu, si mihi idem contigisset quod tibi, vellem ad remedium malum unum e duobus egisse: aut ipsum quod fecisti, aut certe, ab illo loco ubi dicitur, « Simili modo postquam cœnatum est, » verba sancta iterasse; et sic complesse quod restabat de sacrificio (202). Neque enim dubitaverim de Corpore jam consecrato, qui utique juxta ritum Ecclesiae dedit ab ipsa quod et ipsa accepit a Domino, panem scilicet ac vinum, et simul apponere, non simul tamen ex his sacra conficere. Cum ergo prius de pane Corpus, quam de vino Sanguis more ecclesiastico conficiatur, si per oblivionem tardius quod posterius sacrandum est, apponatur, non video quid sacris

(199) Id est recitare, quo sensu *decantare* passim usurpatur apud veteres. « Sanctus antistes Ambrosius, » inquit Beda in epistola ad Egbertum apud Waræum, « hoc de Fide loquens admonet, ut verba Symboli matutinis semper horis fideles quique decantent. »

(200) Quidam codices, *apparaverat*. At præferendum, puto cum plerisque, *apparuerat*; id est qui adverterat: Gallice, *qui s'en était aperçu*.

(201) Idem censet præter scholasticos Jacobus a

A præcedentibus tarditas possit præripere consequentium. Puto enim quod si Domino post factum de pane suum Corpus, vini consecrationem placuisset aliquandiu intermittere, aut certe penitus omittere, nihilominus Corpus mansisset quod fecerat [*al. fuerat*], nec factis facienda præscriberent. Nec nego panem et vinum, aqua quidem mixtum, simul debere apponi, quin potius assero haud aliter debere fieri; sed aliud est culpae negligentiam, aliud negare efficaciam. Aliud, inquam, est quod causamur non bene quidpiam fieri, et aliud quod mentimur nec fieri. Hæc interim de hac re dixerim et senserim, absque præjudicio vel tuæ sententiae, si quid melius sapis, vel cujuslibet sanius sapientis.

## 72 EPISTOLA LXX.

AD EUNDEM.

*Docet qualis misericordia in pastore esse debeat, monetque ut sententiam in monachum transgressorem latam retractet.*

Domno abbati GUIDONI, frater BERNABDUS, spiritum scientiae et pietatis (203).

Considerans miseri hujus miserabilem conditionem, misereor quidem, sed vereor ne frustra. Neque enim non ideo mihi videor frustra misereri, quod, ipso licet remanente in sua miseria, mea tamen vel mihi non sit infructuosa misericordia. In quam utique misericordiam non propria utilitas inclinavit, sed intimis eam visceribus proximi miseria et fraternus dolor infixit. Misericordia quippe affectio est, quæ nec voluntate coercetur, nec rationi subjicitur; quando non eam in se quisque pertrahit voluntario motu [*al. nutu*], sed ipsa piæ mentes ad compassionem dolentium necessario cogit affectu, ita ut, etiam si peccatum esset misereri, etsi multum vellem, non possem non misereri. Potest quidem ratio vel voluntas affectui effectum subtrahere; sed nunquid ipsum affectum evellere? Discendat a me qui me consolantur, et dicunt quia oratio mea in sinu meo revertetur, dum is pro quo emissæ est, nondum convertitur. Nec audio illos qui mihi blandientes afferunt, *Justitia justi super eum erit*, (Ezech. xviii, 20), dum impius in sua adhuc impietate remoratur. Non, inquam, recipio consolationem ubi fratris video desolationem. Si ergo, dulcissimo fili, tua quoque pia mens similiter affecta est, immo quia aliter affecta non est, quanquam tibi infelix iste cunctas suæ egressionis de monasterio, et denuo regressionis, regulares vices infelicitate percurrisse videtur, quia tamen ipse aliter putat, non solum patienter, sed etiam libenter audiendum est quod humiliter calumniatur, si forte tam desperatæ salu-

Vitriaco, in Historia occidentali, pag. 427; qui auctor præsentem casum proponit pag. 444. Vide Commentarium nostrum in Ordinem Romanum; vide etiam nostrum Edmundum Martene, de Ritibus monasticis, libro II, cap. 7.

(202) Vide rubricas generales Missalis, cap. De defectibus materiae, artic. De defectu vini.

(203) Et hæc inscriptio restituta ex codice Corbeiensis, n. 553.

tis reparandæ rationabilis ulla occasio invenitur, A quam (ut bene mecum tua intelligit experientia) difficile quidem in congregatione, sed multo difficilior foris poterit obtinere. Inito itaque omnium fratrum consilio, omnia quæ in eum fecisti iudicia diligenter retractare non dedigneris, quatenus tua humilitate ejus contumacia sanetur, si vel sic videlicet adinveniri poterit quomodo adhuc semel regulariter suscipiatur. Nec timendum est in hac retractatione quod displiceat justo ac misericordii Deo, si misericordia superexaltetur iudicio (204) Valet.

## EPISTOLA LXXI (205).

AD MONACHOS EJUSDEM LOCI.

*Se distulisse hactenus visitationem, non incuria, sed expectatione opportunitatis; de Rogerii abbatis obitu eos consolatur.*

Quod nondum veni ad vos, non putetur incuria. Curamus siquidem vos tanquam viscera nostra. Si mater potest filii uteri sui negligere curam, possum et ego forsitan in suspicionem duci et argui negligentiae. Itaque opportunitatem expectavimus et expectamus, ut, cum venerimus, visitatio nostra non sit sine fructu. Interim de abscessu patris vestri non turbe-

(204) Ex octo quos vidimus hujus epistolæ codicibus scriptis, quinque sunt in quibus sequens legitur additamentum, nempe duo Cistercienses, unus Vallis-Lucentis, Corbeiensis item unus, et quintus Fulcardi Montensis; at in tribus Colbertinis desideratur. Post extrema verba, *superexaltetur iudicio*, additamentum est hujusmodi: *Rem similem, quam mihi contigisse memini, exempli causa refero vobis. Olim (frater quidam (alius, Bartholomæus) dum adhuc viveret, quadam die, quia me constrixtaverat, furore commotus vultu et voce minaci præcepi ut de claustro exiret; qui statim egressus est, et ad unam de nostris grangiis pergens, ibi demoratus est. Quo cognito, cum eum revocare vellemus, respondit se non aliter rediturum, nisi in suo et non in ultimo ordine, nec ut fugitivum, sed ut in consulte et sine iudicio expulsam reciperemus. Dicebat quippe non debere se subire regulare iudicium in revertendo, quod expectatum non fuit in expellendo. De hoc ejus responso et meo facto, quia propter carnalem affectum, proprium iudicium habui suspectum, fratribus omnibus commissi iudicandum. Itaque me absente iudicatum est ejus receptionem regulari sententiæ non esse obnoxiam, ejus expulsionem constabat non fuisse regulariter factam. Si ergo in illo tantum semel egresso tanta habita est consideratio pietatis, quanta putamus debet esse in isto in tantæ articulo necessitatis? Hoc totum additamentum a Bernardi genio, moribus, cæterisque factis prorsus alienum videtur. Impetio ille furoris, præceptum monachi ejectio e monasterio nunquam cecidissent in tantum virum, in quo quidem zelus erat, sed mansuetudine et clementia conditus, ut vel ex ipsa epistola patet, ubi tantum lenitatis in transfugam exhiberi suadet. Imo, etsi in hanc culpam lapsus fuisset Vir sanctus, eam potius poenitentiam diluere, et silentio tegere studuisset, neque eo imprudentiæ devenisset, ut id Guidoni abbati attulisset pro exemplo, quod et ipsius Bernardi scopo contrarium, et scandali occasio Guidoni futurum fuisset. Omnino id ad marginem ejusdem codicis, forsitan Cisterciensis, primo id scriptum fuisse videtur a quodam abbate, ac deinde e margine translatum in textum; quo ex codice quidam alii id acceperint, neutiquam vero Clare-Vallenses, qui in hac causa majoris momenti sunt.*

(205) Scripta anno Christi 1227.

(206) Fusniacum, diocesis Laudunensis, filia Clare-Vallis a Bartholomæo episcopo anno 1121 fundari

tur cor vestrum. Deus vobis providebit alium, sicut speramus, pro eo idoneum; sed nec istum perdetis. Nam etsi translatus est, non tamen ablatus. Tantum qui vobis fuerat specialis, erit communis et nobis. Donec ergo venio, viriliter agite, 73 et confortetur cor vestrum, et omnia vestra in charitate fiant. Valet.

## EPISTOLA LXXII.

AD RAINALDUM FUSNIACENSEM ABBATEM. (206)

*Ostendit quam sit alienus a laudibus. Jugum Christi leve esse. Patris nomen detractat, Frater vocari contentus.*

Dilectissimo suo RAINALDO, BERNARDUS ejus, non pater aut dominus, sed frater et conservus, quod fratri charissimo et fideli con-

B

servo.  
1. Primo ne mireris si terrear dignitatis nomini-  
bus (207), cum me ipsis rebus sentiam indignum. Et te quidem deceat ut facis, sed mihi assentire non expedit. Nam si tibi observandum putas illud, *Honore invicem prævenientes* (Rom. xii, 10), et, *Subjecti invicem in timore Christi* (Ephes. v, 21); si non frustra utroque positum est *invicem*, intelligis et mihi

ceptum, ex Charta in Notis ad Guibertum relata, pag. 659, ubi Eilbertus seu Eilbertus, Sancti-Michaelis in Terrascia abbas e nostris, locum monasterio condendo cessisse perhibetur. Primus Fusniaci abbas Rainaldus, cui hæc epistola inscripta est. De Fusniaco vide epistolam 5 et librum 1 de vita S. Bernardi, n. 25.

(207) Nempe Domini (nam ita legendum) et Patris. Mirum certe modestiæ in Bernardo exemplum, ter-  
C reri videlicet ad dignitatum nomina, quibus alii, imo ipsis amplius dignitatibus lascivium. Simile habes (præter ea quæ supra retulimus, in notis ad epistolam 11) in Vita beati Mechthildis exemplum, cap. 10: «Soror Mechthildis,» inquit auctor, «contendit appellari nomine adjectio, altum omne contempsit in nomine; sed usus exegit domus et monasterii Regula ut domina vocaretur et abbatis-  
D sa.» Et certe quantum ad primum, Augustus, teste Suetonio, in Augusti Vita, cap. 55, demini appellationem ut maledictum et opprobrium semper exhorruit, et Tiberius dominus aliquando appellatus, contumeliæ loco reposuit. Unde postea a scriptoribus, ut vocabulo humiliori uterentur, littera per synecopem detracta, sanctos viros, episcopos, aliasque personas ad ipsa usque Bernardi tempora dominos vocitatos legimus. Sic Severus Sulpicius epistola 2, «Domnum Martinum,» inquit, «obisse nuntiant.» Sic Gregorius Magnus, lib. 1, epist. 6, et lib. vii, epist. 127, sic passim in epistolis Desiderii Cadur-  
D censis, et apud Gregorium Turonensem Historiæ libro ix, cap. 42, ex quibus nos ad Hispanos et Italos derivatus invenimus; imo apud ipsos Græcos recentiores pro τὸ κύριος in simili casu κύριος usur-  
D pari solet, ut doctissime observavit et notavit Hugo Menardus in notis ad Concord. Regul. cap. 70. Hujus autem vocabuli Domnus mentio facta est a sancto Patre Benedicto, in Regula, cap. 65, ubi sic habet: «Abbas autem, quia vices Christi agere videtur, dominus et abbas vocetur, non sua assumptione sed honore et amore Christi.» Quod quidem nomen, eist ex Regule auctoritate soli abbati concedatur, decur-  
rentium tamen temporum lege ad ipsos etiam monachos sacerdote initiatis, sicut et Patris nomen, tractum est. Quæ de re vide Menardum loco citato; Hæften. lib. iii, Disq. tract. 4, Disq. 4 et 5; Julium Nigron. in Regul. comm. societatis Jesu reg. 22.

æque utrumque congruere. Quod si cogitas tibi illam regulæ sententiam observandam, « Juniores priores suos honorent (Reg. S. Benedicti, cap. 63) », mihi e regione in mentem venit ex regula Veritatis: *Erunt primi novissimi, et novissimi primi (Matth. xx, 16); et: Qui major est vestrum, fiat scilicet junior (Luc. xxi, 26); et: Quanto major es, tanto humilia te in omnibus (Eccli. iii, 20); et: Principem te constituerunt? esto inter illos quasi unus ex illis (Id. xxxii, 1); et: Non quia dominamur fidei vestræ, sed adjuutores sumus gaudii vestri (II Cor. i, 25); et: Nolite vocari ab hominibus rabbi; et: Patrem nolite vocare vobis super terram (Matth. xxiii, 8, 9).* Quantum itaque tuis attollor favoribus, tantum his molibus premor. Unde merito in Psalmo non canto, sed plango: *Exaltatus autem humiliatus sum et conturbatus (Psal. lxxxvii, 16); et: Quia elevans allisisti me (Psal. ci, 11).* Sed verius fortasse proferrem quod sentio: quia videlicet qui me exaltat, humiliat; et qui me humiliat, exaltat. Tu me ergo potius exaltando deficis, et extollendo premis. Sed ne ita premas ut opprimas, consolantur me hæc et his similia Veritatis testimonia, quæ miro modo, dum reprimunt, erigunt; dum deficiunt, erudiunt; ita ut unde projectus, inde et proventus, tota cum hilaritate decantem: *Bonum mihi, Domine, quia humiliasti me, ut discam justificationes tuas. Bonum mihi lex oris tui, super millia auri et argenti (Psal. cxviii, 71, 72).* Et hoc miraculum agit sermo Dei vivus et efficax; hoc illud Verbum per quod facta sunt omnia, benignissime et potentissime operatur; hoc denique facit jugum Christi suave, et onus leve (Matth. xi, 30).

2. Libet admirari quam leve sit onus Veritatis. Num vere leve est, quod portantem non gravat, sed levat? Quid eo levius onere, quod non solum non onerat, sed et portat omnem, cui portandum imponitur? Hoc onus potuit uterum gravidare virgineum, gravare non potuit. Hoc onus ipsa, quibus se præbuit sustentandam, senis Simeonis brachia sustentabat. Hoc etiam Paulum, in gravi licet et corruptibili corpore positum, rapiebat usque ad tertium cælum. Quæro in rebus si quid forte huic exoneranti oneri simile inveniam, et occurrit mihi de pennis avium, quod ei utcumque coaspet; quæ, quodam videlicet singulari modo, et copulentiorum reddunt substantiam et agiliorem. Mirum opus naturæ! Unde grossescit materia, inde sarcina levigatur; et quantum crescit in massa, tantum decrescit in pondere. Hoc plane in pennis, Christi oneris exprimit similitudinem, quod et ipse ferunt a quibus feruntur. Quid et de quadriga dicam? Hæc nimirum adnotata jumento, sarcinam quæ ab ipso moveri non poterat, auget quidem, portabiliorem facit. Onus oneri additur, et minus onerat. Sic et oneri gravissimo legis accedens quadriga Evangelii, et auxit perfectionem, et difficultatem minuit. *Velociter, ait, sermo ejus (Psal. cxlvii, 15).* Sermo utique ante notus in Judæa tantum, nec se præ sui quidem gravidine valens ultra extendere, quippe qui et

A ipsius 74 Moysi manus suo pondere prægratas demitteret, levigatus per gratiam, et rotis evangelicis superpositus, velociter in omnem terram exivit, et in fines orbis terræ celerrime pervolvit. Sed longe nimis digredior.

3. Tu itaque, dilectissime, cessa jam indebitis me honoribus magis obnoscere quam attollere; alioquin cœtui te inimicantium mihi, amica licet voluntate, commisces. Ipsi sunt de quibus soleo soli Deo ita conqueri in orationibus: *Et qui laudabunt me, adversum me jurabant (Psal. ci, 9).* Ad quam meam querimoniam Deum audio respondentem mox, et attestantem quod verax sit: *Vere, inquit, qui te beatificant, in errorem te mittunt (Isai. iii, 12).* Et ego: *Avertantur ergo, inquam, statim erubescences, qui dicunt mihi, Euge, euge (Psal. lxxix, 4).* Quod tamen ne puteur in quoscunque adversarios a me quandoque intorta maledictio vel imprecatio, exponere debeo qualiter intelligam. Precor nimirum ut quicumque existimant de me supra id quod vident in me, aut audiunt aliquid ex me, avertantur, id est, a laudibus meis, in quas ignari nimie feruntur, resiliant et pedem retrahant. Quomodo? Quandoque videlicet cognoscentes plenius quem immoderatus laudant, et consequenter erubescences vel errorem suum, vel amici deprehensam inutilitatem. Et hoc modo utrumque nocentium genus, et illi scilicet qui volunt mihi mala, et me adulatorie commendant, et hi qui, licet innocenter, tamen nocent, dum benevole quidem sed nimie laudant, avertantur retrorsum, et erubescant; hoc est, tam vilis et abjectus eis appaream, quatenus pudeat eos talem ita laudasse, et sic desinant jam indiscrete laudare. Igitur adversus utrosque laudatores illis me duobus munire consuevi versiculis: contra malevolos quidem priorem, *Avertantur retrorsum et erubescant qui volunt mihi mala*, contra benevolos autem proferens sequentem: *Avertantur statim erubescences qui dicunt mihi: Euge, euge.*

4. Cum ergo, ut ad te revertar, exemplo Apostoli tux religiositati non dominari, sed congratulari tantum debeam, et juxta verbum Domini unus sit pater noster in cœlis, nos autem omnes fratres simus, non immerito domini patrisque celsa nomina, quibus me honorandum, sed non onerandum putasti, sento a me veritatis repuli, congruentius pro his me fratrem nominans et conservum, tum propter eandem hereditatem, tum propter æquam conditionem, et ne, si forte quod Dei est usurpavero mihi, audiam ab ipso: *Si ego Dominus, ubi est timor meus? si Pater, ubi est honor meus? (Malach. i, 6).* Et patris quidem habere me erga te affectum non nego, sed auctoritatem renuo. Nec enim te minor, ut existimo, quam paterno complector affectu. Hæc ergo pro tituli causa.

5. Jam vero ut ad reliqua epistolæ tux respondeam, eandem, quam tu de mei, possem et ego vicissim de tui absentia non immerito facere querimoniam; nisi quia nostris (quod ipse non negas) et affectibus



et profectibus Dei est proponenda voluntas. Alioquin quando ego te comitem mihi charissimum valdeque necessarium, quippe obedientissimum in agendis, studiosissimum in inquirendis, in conferendis utilissimum, promptissimum in rememorandis, paterer longe fieri a me, si non esset Christus in causa? Beati si sic permanserimus usque in finem, semper et ubique querentes non quæ nostra sunt, sed quæ Jesu Christi.

### 75 EPISTOLA LXXXIII.

AD EUMDEM.

*Rainaldum de commisso sibi prelationis munere nimis anxium et querulum instruit; monetque opem et solatium suis votis impendendum quam ab eis requiringdum.*

Dilectissimo filio suo Fusniacensi abbati, spiritum fortitudinis (208).

1. Plangis, dilectissime fili Rainalde, super multis tribulationibus tuis, plisque querimoniis me quoque excitas ad plangendum. Nec enim te dolente possum dolere, nec nisi molestus et anxius tuas molestias et anxietates audire. Verum quia hæc ipsa mala, quæ te invenisse causaris, et ego prævideram, et tibi, si recordaris, prædixeram, puto te levius præscita portare debere, et mihi, unde parcere potes, molestum non esse. Satis namque et plusquam satis crucior te carendo, te non videndo, te, dulcissimo mihi solatio, non fruendo; ita ut pene pœniteat me quod te elongaverim a me. Et licet charitas hoc cogeret, quacumque tamen necessitate, quo te non videam, missum, plango te tanquam amissum. Cum ergo super hoc etiam velut quodam tuæ pusillanimitatis læculo me percellis, qui mihi debueras esse baculus sustentationis; tristitiam super tristitiam ingeris et cruciatum cruciatibus addis: et si mihi pium est nullas tuas angustias dissimulare, tibi tamen durum est sic affecto cunctas indicare. Quid enim necesse est satis sollicitum amplius sollicitare, et absentia filii saucia patris viscera gravioribus torquere dololoribus? Onus meum tibi paritum sum ut filio, ut necessario, ut fidei coadjutori meo. Vide quomodo te oporteat paternam portare sarcinam. Si enim sic portas ut me non alleves, sed magis premas; tu quidem es oueratus, sed ego non sum exoneratus.

2. Hoc autem onus animarum est, et infirmarum. Nam quæ sanæ sunt, portari non indigent, ac, per hoc, nec onus sunt. Quoscunque igitur de tuis inveneris tristes, pusillanimes, murmurosos, ipsorum te patrem, ipsorum te novaris esse abbatem. Consolando, exhortando, increpando agis opus tuum, portas onus tuum, et portando sanas quos sanando portas. Si quis vero ita sanus est ut magis juvet te quam juvetur a te, hujus te non patrem, sed parentem, comitem, non abbatem agnoscas. Quid igitur causaris te aliquorum

A qui tecum sunt magis gravari consortio quam frui solatio, cum solus omnium omnibus datus sis solatium, tanquam omnibus sanior, omnibus fortior, qui omnibus sufficiat per Dei gratiam solatiari, et a nemine omnium indigeas confortari? Denique in quantum gravaris, in tantum lucraris; et in quantum juvaris, in tantum tua tibi præmia minnis. Elige ergo quos eligas, an qui gravando juvant, an qui juvando gravant. Hi tibi promeritores, illi fraudatores meritorum existunt. Nam qui socii laboris, procul dubio et mercedis participes erunt. Sciens ergo te missum juvare, non juvari, illius te agnosce vicarium qui venit ministrare, non ministrari. Plura tibi ad tui consolationem scribere volebam; sed non fuit necessarium. Nam quid opus est verbis superfluis mortuam chartam implere, ubi viva præsens loquitur? Viso siquidem Priore, puto quod ista tibi sufficiant, et ad ejus præsentiam spiritus tuus revixerit, ita ut jam consolationem scriptorum non requiras, cui interim licet verborum illius solatio relevari, in quo et per quem meum quoque spiritum, quem tibi in tuis litteris mitti postulasti, si quo modo tamen mittere potui, missum esse non dubites; cui quippe, ut bene nosti, idem mecum consilium, eadem sollet esse voluntas.

### 76 EPISTOLA LXXXIV.

AD EUMDEM.

*Optaverat Bernardus Rainaldum molestis abstinere querimoniis; nunc jubet de rebus ejus se reddi certiores.*

C Sperabam, charissime, aliquod me percepturum meæ pro te sollicitudinis remedium, si tua te non indicante nescirem incommoda. Unde et alia in epistola memini me ad te sic inter cætera scripsisse: « Et si, inquam, mihi pium est nullas tuas angustias dissimulare, tibi tamen durum est sic affecto cunctas indicare (Epist. 73, n. 1). » Sed ecce unde meas mihi curas credidi levigari, inde fateor amplius gravari me sentio. Nam ante quidem sola quæ te innotescente perceperam, aut dolebam, aut metuebam; nunc autem quid unquam mali evenire potest, quod ego non metuam? Imo juxta tuum Ovidium (Heroid. epist. 1, vers. 11).

*Quando ego non timui graviora pericula veris?*

D eo quippe suspectus omnia, quo incertus de omnibus, veram sæpe de falsis tristitiam contrahere cogor. Mens siquidem quam semel affecerit charitas, sui juris esse non sinitur. Metuit quod nescit, dolet quod non oportet, sollicitatur plus quam voluerit, et unde noluerit, compatitur nolens, miseretur invita. Et quia vides, fili, nec meam meticulosam industriam, nec tuam piam prudentiam in hac parte prodesse mihi, jam, quæso, noli celare quæ circa te aguntur, ne unde te mihi parcere putas, magis affligas. Opuscula mea quæ habes, da operam, cum opportune potueris, ut habeam.

(208) Sic ex codice Corbeiensi. Alias omittitur inscriptio.

## EPISTOLA LXXV.

AD ARTALDUM PRULLIACENDEM ARBATEM (209).

*Dissuadet monasterii conditionem in Hispania.*

Dulcissimo amico et confratri suo ARTALDO abbati, frater BERNARDUS, salutem (210).

Quidquid gratiæ et dilectionis impendere sibi possunt absentes amici, puto et me debere tibi, et mihi deberi a te, non solum ob consortium propositi et professionis, sed etiam ex debito nostræ invicem pristinæ societatis quæ tam grata utrique; tamque debita devotio quantum in unoquoque nostrum ferveat, in nullo evidentius agnoscere seu innotescere possumus, quam si alterutrum non celemus, si quid forte de alterutro quod non deceat audimus. Audivi autem ego de te, quod de sancto conventu tuo abbatiam in Hispania construere velis. Quod mihi nimirum in magnam admirationem venit, quid causæ videlicet sit, quid consilii, quidve utilitatis, quod filios tuos exulare cupis, in locum utique tam longinquum, tanto sumptu et labore et quærendum et ædificandum, cum prope te habere possis, ubi eos colloques, jam ædificatum et bene præparatum. Nec enim, ut reor, hinc te excusare potes, quod locus ille tuus non sit, cum certissime sciam quod facillime, si vis, tuus esse possit. Numquidnam domnus abbas Pontiniacensis (211), qui illum tenet, tibi requirenti negaret? Imo si velles accipere, gratissimum haberet; non quia bonus non est, sed quia sibi, ut scis, opus non est. Timendum valde tibi pariter et mihi ne, si sollicitè in operibus nostris non servamus quod Apostolus dicit: *Nemo adolescentiam tuam contemnat* (1 Tim. iv, 11), citius, quia juvenes sumus, de levitate notemur. Sed confido quia tu consultius ages, et locum qui vicinior et jam constructus est, eliges; quem amico quidem tenenti nostri oneri esse, tibi autem necessarium fore. Vale.

## 77 EPISTOLA LXXVI.

AD ABBATEM CANONICORUM S. PETRI-DE-MONTE (212).

*Quid agendum cum viro qui, post diuturnam in aomo*

(209) Scripta anno Christi 1127. Artaldus iste, seu Artaldus, abbas fuit Prulliacensis. Ita legendum, non *Pultiacensis*, de quo vide notas ad epistolam 80. Erat autem Prulliacum, cœnobium ordinis Cisterciensis in diœcesi Senonensi, fundatum anno 1118 a Theobaldo Campaniæ comite et Adela ejus matre, ut refert Guillelmus Nangius in Chronico, relatus a Mauricio in Annalibus ad hunc annum, quo quidem anno nihilominus Theobaldus Campaniæ comitatum necdum habebat, ut colliges ex notis ad epistolam 51 Hanc epistolam dirigam Prulliacensem seu Cisterciensem, non autem ad Pultiacensem, manifeste colligitur ex ipso contextu; nam Bernardus Artaldum sibi charissimum esse dicit, non solum ob consortium propositi et professionis, sed etiam ex debito suæ invicem pristinæ societatis.

(210) Hanc inscriptionem, uti et plures alias, restituit codex Corbeiensis.

(211) Sic codex Corbeiensis. In aliis, *abbas P.* Locus de quo hic agitur, est Vallis Lucentis, in quo

A *et habitu religioso conversationem ad sæculum et secundas nuptias transierat.*

Reverendissimo patri canonicorum Sancti-Petri-de-Monte, frater BERNARDUS, debite dilectionis officium.

Unde placuit tuæ dignationi fratrem hunc nostram parvitatem consulere, sic nos, quod nobis visum fuit, noveris consilium dedisse, ut saniori non præjudicaverimus. Ne ergo rerum quas scis superflua narratione te gravemus, hæc est summa consilii. Periculosum quidem est et fortassis illicitum, hominem, post diuturnam in domo et habitu religionis conversationem, ad sæculum redisse, quique prius, et adhuc prior uxore sua vivente ac consentiente, fortissime ac diutissime continentiam tenuit, secundis rursus amplexibus se ineptissime atque inhonestissime implicuisse. Quia tamen publice ac solemniter juxta morem cæterorum hominum, et sine querela vel calumnia, ipsum qualecumque conjugium celebratum fuit, non nobis videtur tutum, illum illam non consentientem dimittere, nisi prius episcopalis auctoritatis vel consilio fretum, vel imperio, aut certe ecclesiastico canonicoque judicio (213). Quoniam vero hoc tam grande hominis periculum ad te nimirum non minima ex parte respicere credimus (ex eo quippe quod volentem ac flagitantem suum confirmare propositum, nimis suscipere distulisti, occasione sumpta, diabolus in hæc eum mala præcipitavit), omnino ex charitate suademus et consulimus ut quacunque industria, quocunque sumptu vel labore potes, miserum omni modo satagas liberare: conveniendo scilicet aut mulierem, ut illum sponte dimittat, et continentiam promittat; aut episcopum, ut ambos vocari jubeat, et, quod recto posse fieri credimus judicio, separet.

## EPISTOLA LXXVII.

AD MAGISTRUM HUGONEM DE S. VICTORE.

Hæc quoque Epistola hoc loco sublata, inter Tractatus primo secundo locum meruit.

D Artaldus, consilio Bernardi, monasterium construxit anno 1127 (quæ hujus epistolæ epocha), duodecim monachis eo missis sub Norpaldo abbate.

(212) In editis hæc epistola hactenus inscribitur, *Ad eundem*. Sed veram inscriptionem, ac proinde titulum, restitimus ex sepe laudato Corbeiensi manuscripto. Erat autem abbatia S. Petri-de Monte, diœcesis Tullensis, ordinis S. Augustini, non procul a Mortana fluviolo, qui in Mortam influit.

(213) Quidam post diuturnam in domo et habitu religionis conversationem ad sæculum reversus uxorem duxerat. Inde consultus Bernardus, non satis aperit mentem suam, quid de hujusmodi conjugio sentiat. « Periculosum » id ait fuisse, et « fortasse illicitum »; et quia illud « qualecumque conjugium solemniter celebratum sit, » sibi non videri tutum uxorem invitam dimitti. Præterea non satis patet, quali voto obstrictus ille fuerit. Confer ejus opusculum de Præcepto et Dispensatione, cap. 17, et notas ad eundem locum.

## EPISTOLA LXXVIII.

AD SUGERIUM ABBATEM SANCTI DIONYSII (214).

*Laudat Sugerium, misso fastu et externo splendore, ad modestam et religiosam disciplinam curam inopinato conversum. Clericum aulæ potius quam Dei ministerio deditum acriter perstringit.*

1. Exiit sermo bonus (215) in terram nostram, in bonum sine dubio bonis cooperaturus, ad quoscumque pervenerit. Enimvero audientes omnes qui timent Deum, quanta fecit animæ tuæ, gaudent et stupent super tanta et tam subita mutatione dexterae Excelsi. Ubique in Domino laudatur anima tua, audiunt mansueti et lætantur; et mirantur etiam qui te non noverunt [*al. viderunt*], sed tantum audiunt qualis de quali factus es, atque in te Deum glorificant. Auget vero gaudium et miraculum pariter, quod salutis consilium, cælitus infusum tibi, protinus tuis refundere, atque ita implere satagisti quod legitur: *Qui audit, dicat: Veni* (Apoc. xii, 17); et illud: *Quod dico vobis in tenebris, 78 dicite in lumine; et quod in aure auditis, prædicate super tecta* (Matth. x, 27). Sic strenuus in bello miles, imo sic pius ac fortis militum dux, ubi suos forte conspexerit in fugam versos, jamque hostili passim gladio trucidari, etsi se vel solum videat evadere posse, libet tamen mori magis cum illis, sine quibus vivere pudet. Proinde stat in prælio, fortiter dimicat, et inter cruentos gladios per medias acies hac illacque discurrens, voce et ense terret quantum valet adversarios, animat suos. Ubi acrius insistere hostem, sociisque gravius comperit imminere periculum, ibi adest. Occurrit ferienti, pereunti succurrit, eo quippe mori paratus pro singulis, quo desperatus de universis. At vero, dum paulisper retentare et retardare nititur insequentes, suos vero quos valet, erigit conterritos, revocat fugientes; fit plerumque ut in manu forti tam gratam quam inopinatam obtineat salutem suis, hostibus confusionem. Fugant tandem quos fugiebant, superant quos pene sustinebant victores; et qui prius periclitabantur de vita, postmodum exsultant de victoria.

2. Sed quid nos tam religiosum, tam forte factum

(214) Scripta anno 1127. Abbatia Sancti-Dionysii Areopagite, Francia apostoli, secundo a Lutetia Parisiorum urbe lapide, in vico Catuliaci, Ordinis S. Benedicti inter abbatibus Gallie celeberrima, fundata a Dagoberto rege Francorum, ejus nominis primo. Porro Sugerius successit Adamo, quem falso ut vitii infamem Abaelardus accusat in Historia Calam. pag. 49. Vide Duchenum ibid. in notis. Successit, inquam, anno 1123 electus absens. Agebat enim apud Calixtum II papam, missus a rege Ludovico Grasso, pro quibusdam regni Galliarum negotiis. Obiit anno 1152, ætatis septuagesimo, sepultus in ecclesia, quam ipse instauravit eo schemate quo etiamnum visitur perquam magnifica in formam crucis, longa pedes trecentos et nonaginta, lata centum, alta a pavimento ad forniciem octoginta, columnis seu pilis sexaginta suffulta. Vitreis fenestris incomparabilibus, choro vario marmore strato, et sexaginta sedibus superioribus ornato, pluribus regum procerumque aliorum sepulchris decorata. Hic ergo, attestantibus Annalibus dicti monasterii, « Per

A secularibus comparamus, quasi exempla nobis de ipsa desint de religione? An non liquido certus erat Deo pollicente Moyses, si quidem perisset populus cui præerat, se non solum pariter perituro non esse, sed insuper et missum iri in gentem magnam? Et tamen quo affectu, quo studio, quibus pietatis visceribus irritantibus subvenit, obviat irascenti? Denique et se obijciens pro Jelinquentibus ait: *Si dimittis, dimitte; sin autem, dele me de libro tuo quem scripsisti* (Exod. xxxii, 31, 32). Fidelis advocatus, qui, quoniam non querit quæ sua sunt, facile obtinet omne quod querit. Plane benignus, qui tanquam caput unitum membris, genti suæ firma charitate cohærens, aut illam salvabit secum, aut non potest nisi idem cum illis subire periculum.

B Jeremias quoque vinctus [*al. junctus*] et ipse inseparabiliter suis, sed affectu compassionis, non contentionis assensu, præ communi exilio et servitute contempsit natale solum ac propriam libertatem [*al. voluntatem*]. Quippe cui cæteris migrantibus libere manere in patria liberum fuit; sed maluit captivus adduci cum populo, cui se fore [*al. forte*] et in ipsa captivitate noverat necessarium. Paulus eodem procul dubio spiritu optans anathema esse ab ipso etiam Christo pro fratribus (Rom. ix, 3), proprio experitur affectu quam vera sit illa sententia: *Fortis est ut mors dilectio, dura sicut infernus æmulatio* (Cant. viii, 6). Videtis quorum vos imitatores probaveritis? Sed addo adhuc (quem pene prætermiseram) et sanctum David, qui, cernens dolensque populi stragem, angelo percutienti festinus occurrit, et in se potius domumque patris sui divinam transferri flagitat ultionem (II Reg. xxv, 17).

C 3. Quis hanc tibi perfectionem proponebat? Ego tanta fateor audire de te, etsi desiderabam, non tamen sperabam. Quis nempè te crederet salto, ut ita dicam, repentino summa occupare virtutum, sublimia meritorum attingere? Sed absit ut pro nostræ fidei speive angustiis immensa Dei pietas æstimetur, qui quod vult, in quo vult operatur, accelerans opus, et allevans onus! Quid enim? tua certe, non et tuorum errata, sanctorum carpebat

industriam suam, ordinem sanctæ Religionis instauravit. Antea namque per abbatum negligentiam, qui ante ipsum fuerant, et quorumdam illius monasterii monachorum, regularis institutio ita ab eodem loco abjecta fuerat, ut vix speciem religionis monachi prætenderent, » uti etiam hic Bernardus dicit. Vide notas in epistolam 263.

(215) Nempè de ejus conversione, hand dubie Bernardi monitis concepta sub annum 1127, tametsi monasterii Sancti-Dionysii reformatio per Sugerium anno 1125 forsân anticipata, refertur in Chronico Nangiano, in quo Sugerii electio ita describitur: « Sugerius, Sancti Dionysii in Francia monachus, Scripturarum scientia clarus, cum solummodo esset ad diaconatus ordinem promotus, a Roma regrediens, quo fuerat a rege Francie Ludovico missus, abbate suo Adam defuncto, eligitur in abbatem; qui reverendus primo presbyter ordinatur, et post, præsentem rege, a Bituricensi archiepiscopo in sua Sancti-Dionysii ecclesia in abbatem benedicitur. »



zelus; tuis, non ipsorum excessibus succensebant, A solumque in personam tuam, non etiam in abbatiam fratrum susurrium immurmurabat. Solum denique te in causam vocaverant. Tu te corrigeres, et nil residuum quod pateret calumniæ. Te, inquam, mutato, mox omnis tumultus concideret, quiesceret strepitus. Solumque ac totum erat quod 79 nos movebat, tuus ille scilicet habitus et apparatus cum procederes, quod paulo insolentior appareret (216). Denique deponeres fastum, habitumque mutares, et facile omnium quiescere poterat indignatio. Cæterum tu et fecisti satis causantibus, et adiecisti quod merito collaudemus. Quid enim jam in humanis operibus jure laudabitur, si hoc summa admiratione et laude dignissimum non habetur? Quanquam non humanum, sed divinum profecto sit opus, tantorum simul et tam repentina immutatio. In cælestibus magnum suscitatur gaudium unius peccatoris conversio; quid totius congregationis? quid et istius?

4. Locus quippe ab antiquo nobilis, et regie dignitatis exstiterat; palatii causis regumque exercitiis deservire solebat. Sine cunctatione et fraude, sua Cæsari reddebantur; sed non etiam Deo quæ Dei sunt, persolvebantur æque fideliter (217). Quod audivimus, non quod vidimus, loquimur: claustrum ipsum monasterii frequenter, ut aiunt, stipari militibus, urgeri negotiis, jurgiis personare, patere interdum et feminis. Quid inter hæc cæleste, quid divinum, quid spirituale poterat cogitari? Nunc vero vacatur inibi Deo, studetur continentie, discipline invigilatur, lectionibus sanctis intenditur. Juge quippe silentium, et ab omni strepitu sæcularium perpetua quies cogit cælestia meditari. Porro continentie labor et rigor discipline psalmodiarum hymnorumque dulcedine revelantur. Pudor de præteritis novæ conversationis temperat austeritatem. Is autem qui in præsentem per patientiam capitur bonæ conscientie fructus, futurorum quoque bonorum operatur desiderium, quod non frustrabitur, et spem, quæ non confundit. Venturi timor judicii pio cedit fraternæ charitatis exercitio; charitas quippe foras mittit timorem (I Joan. iv, 18). Tædium et acediam procul pellit sanctarum varietas observationum. Et hæc reteximus ad laudem et gloriam Dei, tanquam omnium auctoris; non tamen sine vestra, tanquam ipsius coadjutoris in omnibus. Potuit quidem ea ipse agere sine vobis; sed maluit vos operum habere consortem, ut haberet et gloriæ. Increpabat Salvator quosdam, quod orationis domum speluncam latronum facerent (Matth. xvi, 13). Habebit ergo sine dubio commendatum, qui e regione operam dedit vindicare sanctum a canibus, a porcis margaritam; cujus studio et industria Vulcani

A officina studiis videtur mancipata cælestibus, imo sua Deo habitatio reddita; et, in id potius quod ante fuit, ex synagoga Satanae restituta.

5. Sane non ad confusionem cuiuspiam sive improprium præterita mala reteximus, sed ut, ex comparatione veterum, novitatis decus gravius venustiusque appareat, quia tunc recentia jucundius bona clarescunt, cum fuerint malis comparata prioribus. Similia ex similibus innotescunt, sed ex contrariis contraria aut placent amplius, aut displicent. Junge nigra candidis, et mutua collatione in proprio quoque colore distinctius enitescunt. Sic sæda admota pulchris, pulchriora reddunt, magis sæda redduntur. Ne qua tamen offensionis vel confusionis subrepat occasio, replicamus et nos vobis illud Apostoli: *Et hoc quidem fuistis, sed abluti estis, sed sanctificati estis* (I Cor. vi, 11). Jam nullus sæcularibus in domum Dei patet aditus, nullus ad sancta curiosis accessus. Nulla jam cum otiosis confabulatio permiscetur, solitus puerorum aut puellarum strepitus non auditur. Solis pueris Christi, de quibus dicitur, *Ecce ego et pueri mei mecum* (Isa. viii, 18), locus sanctus pervius et expositus, divinis tantum laudibus ac sacris solvendis votis, debita sollicitudine et reverentia custoditur. Quam læta martyres aure, quorum permaxima locum ipsum turba nobilitat, horum clamores puerorum strepitusque 80 percipiunt! quibus et vicissim non minori utique suæ affectionis clamore respondent: *Laudate, pueri, Dominum; laudate nomen Domini* (Psal. cxi, 1); et rursum, *Psallite Deo nostro, psallite; psallite regi nostro, psallite* (Psal. xlii, 7).

6. Dum manibus pectora, genubus pavimenta tunduntur, votis et devotis precibus altaria cumulantur, sordent genæ lacrymis, gemitibus atque suspiriis mugiunt diversoria, et pro forensibus causis, canticis spiritualibus sacra tecta resultant, nil supernis civilibus magis spectare libet, nil Regi summo jucundius exhibetur. Quid enim aliud est quod ait: *Sacrificium laudis honorificabit me?* (Psal. xlii, 23.) O si quis haberet oculos apertos, quos orando propheta puero revelavit! (IV Reg. vi 17.) videret procul dubio quemadmodum præveniunt principes conjuncti psallentibus, in medio juvenularum tympanistiarum (Psal. lxxvii, 26). Videret, inquam, quæ cura quoque tripudio intersunt cantantibus, adsunt orantibus, insunt meditantibus, supersunt quiescentibus, ordinantibus et procurantibus præsent. Agnoscent nimirum supernæ potestates concives suos, et pro his qui hæreditatem capiunt salutis, sollicitè congaudent, confortant, instruunt, protegent, providentque omnibus omnes in omnibus. Felicem ego me dixerim qui adhuc vivam, ista etsi non videre, quoniam absens sum, certe vel audire. Cæterum

(216) Forte de ipso intelligendum quod Bernardus ait in Apologia capite 10: «Mentior, si non vidi abbatem sexaginta equos, et eo amplius, in suo ducere comitatu,» etc.

(217) Id confirmat Guillelmus Nangius ad annum

1123, ut jam supra fusius relatum est: «Nam per abbatem negligentiam qui ante ipsum fuerant, et quorundam illius monasterii monachorum, regularia instituta ita ab eodem loco abjecta fuerant, quod vix speciem religionis monachi prætendebant.»

vos, fratres, longe feliciores, quibus ea datum est et actitare. Porro super omnes benedictus, quem tanti primatu boni totius auctor boni dignatus est; de qua merito prærogativa tibi præcipue, charissime, congratulamur, per quem utique totum est quod miramur.

7. Gravaris forsitan laudibus nostris: sed non oportet. Nil quippe simile habet quod loquimur, illorum blanditiis qui dicunt *bonum malum, et malum bonum* (Isa. v, 20), atque ita quemcumque beatificent, in errorem inducunt. Blanda, sed periculosa laus, cum *laudatur peccator in desideriis animæ suæ, et iniquus benedicitur* (Psal. ix, 3). Noster qualiscumque favor de charitate procedit, et veritatis limitem, prout sapimus, non excedit. Securus gloriatur qui in Domino gloriatur, hoc est in veritate. Nos non malum bonum, sed malum diximus quod malum erat. Verum si malis audacter, cum vidimus, oblatravimus (218), nunc, cum ad bona ventum est, silere debemus, et non magis testimonium perhibere bono? Alioquin corrosores fuisse convincimur, non correctores, et mordere quam emendare maluimus, si bonis obmutescimus, qui in tantum reclamavimus malis. Justus corripit in misericordia, peccator adulatur in impietate: ille, ut curet; iste, ut occultet quod erat curandum. Nihil tibi apud eos qui timentes Dominum glorificant, suspicandum est de oleo peccatoris, quo tuum quondam caput impingere solebant. Laudamus te, quoniam tu facis unde non nos sane adulamur; sed in te Dei munere adimpletur quod psallis: *Qui timent te, videbunt me, et lætabuntur, quia in verbo tuo supersperavi* (Psal. cxviii, 74); et item: *Collaudabunt multi sapientiam ejus* (Eccli. xxix, 12). En tuam quam plures prædicant sapientiam, sed qui priorem detestati sunt insipientiam.

8. Volo te talium præconiis delectari, qui tam timeant palpare vitia, quam detrectare virtutibus. Veri isti sunt laudatores, qui ita bona laudare soleant, ut lactare in malis non noverint. Sunt enim ficti laudatores, veri autem detractores, quos Scriptura commemorat, dicens: *Vani filii hominum, mendaces filii hominum in stateris, ut decipiant ipsi de vanitate in idipsum* (Psal. lxi, 10). Illi plane sunt devitandi, juxta consilium Sapientis dicentis: *Fili, si te laceraverint peccatores, ne acquiescas eis* (Prov. i, 10). Habent ergo et lac et oleum peccatores, suave quidem, sed venenosum, sed mortiferum. *Molliti sunt, inquit, sermones ejus, hoc est adulatoris, super oleum, et ipsi sunt jacula* (Psal. liv, 22). Habet oleum et justus; sed misericordiæ, sed sanctificationis, sed lætitiæ spiritualis. Habet etiam et vinum, quod animæ insolentis infundat vulneribus. Siquidem dolentis, et quem [al. quam] corde viderit esse contrito, oleo misericordiæ consuevit delinire tristitiam. Ubi corripit, vinum infundit;

(218) Hinc apparet, Bernardum in laxiores ejus cænobii monachorum mores antea scripsisse, forsitan in Apologia, ut mox notatum.

A oleum, cum blanditur; et quidem vinum absque odio, oleum sine dolo. Proinde non omnis laus adulatio, sicut nec omnis reprehensio de animi rancore descendit. Beatus qui dicere potest: *Corripiet me justus in misericordia, et increpabit me; oleum autem peccatoris non impinguet caput meum* (Psal. cxl, 5); quod ubi longe fecisti a te, dignum te probasti oleo et lacte sanctorum.

9. Quærant sibi jam in parvulis Babylonis dulces, sed truces matres, quibus lac mortis emulgeant, quos blandis mulceant favoribus ac flammis nutriant sempiternis. Nam Ecclesiæ alumnus ex uberibus sapientiæ, lactis melioris expertus dulcedinem, jam in eo cœpit crescere in salutem; jam et ex eo satiatu eructat, dicens: *Meliora sunt ubera tua vino, fragrantia unguentis optimis* (Cantic. i, 1, 2). Et hoc ad matrem. Verum item gustato, ac probato quam suavis est Dominus, ut vere patrem dulcissimum, ait ad ipsum: *Quam magna multitudo dulcedinis tuæ, Domine, quam abscondisti timentibus te!* (Psal. xxx, 20). Impletum est profecto desiderium nostrum. Olim enim, cum dolens cernerem tanta te aviditate de labiis adulantium, mortis escam, peccati sugere fomitem (219), optans tibi et gemens, intra me aiebam: *Quis mihi det te fratrem meum sugentem ubera matris meæ?* (Cantic. viii, 1). Sint procul a te jam blandi ac fraudulentum lactatores, qui, cum in faciem te benedicerent, probris omnium atque ludibriis exponebant et eorum præsens *Euge* (Psal. xxxix, 21) orbis tibi fabulam pariebat, imo te fabulam orbi. Si mussitant etiam nunc, dicito illis: *Si adhuc vobis placerem, Christi servus non essem* (Galat. i, 10). Quibus in malis placuimus, æque et in bonis placere non possumus; nisi forte, mutati, prius incipiant et ipsi odisse quod fuimus, et sic demum quod sumus diligere.

10. Duæ nostris temporibus ortæ sunt in Ecclesia novæ et execranda præsumptiones, quarum una (ut pace tua commemoem) tua est illa pristinae conversationis insolentia. Sed hæc auctore Deo emendata est, ipsi ad gloriam, tibi ad coronam, ad gaudium nobis, omnibus ad exemplum. Potest etiam facere Deus ut citius et super altera consolemur. Quam sane odiosam admodum novitatem et vereor proferre in medium, et prætermittere gravor. Urget quippe linguam in verba dolor, sed timor ligat. Timor duntaxat ne quem offendam, si palam fecero quod me movet, quoniam veritas nonnunquam odium parit. Verumtatem de hujusmodi odio, ipsam, quæ parit illud, ita me audio consolantem: *Necesse est, ait, ut veniant scandala*. Nec me, ut æstimo, tangit omnino quod sequitur: *Væ autem homini illi per quem scandalum venit* (Matth. xviii, 7). Cum enim carpuntur vitia et inde scandalum oritur, ipse sibi scandali causa est qui fecit quod argui debeat, non ille qui arguit. Denique nec cautior sum in

(219) Alludit Bernardus hoc loco ad Sugerii nomen.

verbo, nec circumspicior in sensu, illo qui ait: A Quod plane credibilis ex eo videtur, quia, cum  
 « Melius est ut scandalum oriatur, quam veritas  
 relinquitur. (S. GREG. Magn. Hom. 7 in Ezech. paulo  
 post init., et S. AUG. De lib. arbit. et De prædest.  
 sanctorum.) » Quanquam nescio quid prosit si quod  
 mundus clamat ego tacuero, omniumque passim  
 naribus injecto fetore solus dissimulo pestem, nec  
 audeo nasum contra pessimum putorem propria  
 munire manu.

11. Cujus enim cor non indignatur, cujus vel clam  
 lingua non submurmurat, diaconum contra Evange-  
 lium Deo et mammonæ pariter ministrantem, sic  
 quippe sublimatum honoribus ecclesiasticis ut nec  
 episcopis inferior videatur, sic implicatum militari-  
 bus officiis ut præferatur et ducibus? Rogo quid hoc  
 est monstri, ut, cum et clericus et miles simul videri  
 velit, neutrum sit (220)? Par satis utrobique abusus,  
 sive quod diaconus mensæ regie deputetur ministe-  
 rio, sive quod Regis dapifer mysteriis altaris inser-  
 viat. Quis sane 82 non miretur, imo et detestetur,  
 unius esse personæ et armatum armatam ducere  
 militiam, et, alba stolaque indutum, in medio ecclesiæ  
 pronuntiare Evangelium; tuba indicare bellum mili-  
 tibus, et iussa episcopi populus intimare? Nisi forte  
 (quod intolerabilis est) erubescit Evangelium, de  
 quo Vas electionis admodum gloriatur (Rom. 1, 16;  
 II Tim. 1, 8, etc.); et confunditur videri clericus,  
 magisque honorabile ducit putari se militem;  
 curiam Ecclesiæ præferi, Regis mensam altari  
 Christi, et calici Domini calicem demoniorum. C

(220) Diaconus ille fuit Stephanus de Garlanda,  
 seneschallus sive dapifer regis Galliarum, quem  
 alii male confundunt cum Stephano cancellario, qui  
 postea factus est episcopus Parisiensis, ut recte probat  
 Duchenus in notis ad Abælardum. De quo Teul-  
 fus in Annalibus Moriniacensis cœnobii, ita scribit,  
 libro II: « Defuncto Vuillelmo, Anselmi dapiferi ger-  
 mano, Stephanus frater amborum Major regie domus  
 effectus est. Hoc retroactis generationibus fuerat  
 inauditum, ut homo qui diaconatus fungebatur offi-  
 cio, militiæ simul post regem duceret principatum.  
 Hic vir industrius, et sæculari præditus sapientia,  
 cum multis ecclesiasticorum bonorum rebus, tum  
 familiaritate regis, quam sic habebat ut ei potius  
 diceretur a quibusdam imperare quam servire,  
 temporali felicitate supra cæteros mortales nostris  
 temporibus efflorescebat. Tradita vero nepte sua in  
 conjugium Almarico de Monte-Forti, cum honore de  
 Rupe-Forti, qui puellæ de matrimonio obvenerat,  
 tumefactus oblitusque sui, Adalam reginam frequen-  
 tissimis molestiis sibi reddidit infestam; odiisque  
 crescentibus, rege turbato, depositus ab honore pul-  
 satus a curia. Ipse vero, veluti quadam correptus  
 insaniam, regnum turbare totis viribus enititur; et  
 viri in armis strenui, Almarici dico, fretus auxiliis,  
 patriam hanc bellis accendit, etc. Idem, nisi fallor,  
 Stephanus (nam et de Garlanda cognominatur)  
 male audit apud Ivonem episcopum Carnotensem,  
 epistola 87, ubi apud cardinales arguit Belvacenses  
 eum sibi in episcopum assumptis. « Nempè quod  
 postposita omni canonica obedientia clericum quem-  
 dam illiteratum, aleatorem, et cæteris hujusmodi  
 lenociniis vacantem, procul etiam a sacris ordinibus  
 inventum, quondam quoque propter publicum adulte-  
 rium a legato Romanæ Ecclesiæ, Lugdunensi archi-  
 episcopo, de Ecclesia ejectum, pro volutate regis et

honores non paucos, sed quantos nec canones  
 nisi inviti patiuntur, teneat in Ecclesia, unius  
 tamen, quem et in palatio assecutus est, magis, ut  
 aiunt, gloriatur ex nomine, quam cæterorum quolibet  
 appellari. Cumque sit archidiaconus, decanus, præ-  
 positusque in diversis Ecclesiis nihil horum tamen  
 tam cum quam Regis delectat vocitari dapiferum. O  
 nova et exosa perversitas! itane plus decet hominis  
 quam Dei famulum nominari? ac terreni, quam cœ-  
 lestis Regis dici officialem, altioris ducitur dignitatis?  
 Qui clero militiam, forum antepontit Ecclesiæ; divinis  
 profecto humana, cœlestibus præferre terrena con-  
 vincitur. Ergo pulchrius est vocari dapiferum, quam  
 decanum, quam archidiaconum? Est equidem, sed  
 laico, non clerico; militi, non diacono.

12 Mira, sed circa ambitio, magis inis quam sum-  
 mis delectari; et cui funes ceciderant in præclaris,  
 insatiabili desiderio amplexari stercora, et pro nihilo  
 habere terram desiderabilem! Confundit penitus or-  
 dines, et utroque officio delicate satis abutitur,  
 dum et hinc eum delectat pompa, non militia sæcula-  
 ris, et illinc quæstus, non cultus religionis. In quo  
 quis facile non advertat quantum sit dedecoris, non  
 minus utique regno quam sacerdotio? Ut enim cle-  
 ricalis constat non esse dignitatis regum stipendiis  
 militare, sic nec regie majestatis, rem fortium  
 administrare per clericos (220\*). Denique quisnam  
 regum suæ unquam militiæ clericum præfecit  
 imbellem, et non magis quempiam fortissimum ex

illius contubernalis suæ, in episcopum assumpserunt.  
 Prædictus autem intrusus, Stephanus vocatur de  
 Garlanda, cui si ad episcopalem ministrationem,  
 aliquando apostolica auctoritate patuerit aditus,  
 manifestum est temporibus nostris exitiale silentium  
 impositum esse canonicis legibus. Quomodo enim a  
 fontem scientiæ pertingemus, si ab ipsis, qui clavem  
 tenent, intrare non permittimur? Ita Ivo. Hunc  
 etiam Stephanum Deo lucratus est Bernardus.

(220\*) Hic Bernardus pariter et clericum regi mili-  
 tantem reprehendit, et regem clerico militaria mun-  
 dia demandantem perstringit. Et vero uterque re-  
 prehensibilis: ille, quod dignitatem sui status non  
 agnosceret; hic, quod aulæ militiæque functiones  
 suæ personarum delectu ac discrimine conferret,  
 clericos abhibens ubi laicos oportebat. Occurrit  
 simile quid in alio quoque Galliarum rege Ludovico  
 XI. Nam cum ab eo cardinalis Balua, episcopus Ebroi-  
 censis, Lutetiam Parisiorum missus ad recensendos  
 milites, veste linea ornatus, mula vectus, munus  
 illud indignum pontifice exsecutus esset, id equi-  
 tum magister Chabanius ægerime tulit, et regem  
 adit, et provinciam visitandi Ebroicense canonico-  
 rum collegium, seu de initiandis ibi clericis scruti-  
 nium sibi demandari cupit. « Mirum, » inquit rex,  
 qua id fronte petere audeas. An nescis illud munus  
 a persona et conditione tua nimis alienum esse? »  
 Tum Chabanius: « Cur minus, » inquit, « mihi  
 conveniat clericos in ordinem cogere, quam episcopo  
 milites recensere? » Quæ verba regi stuporem, cæte-  
 ris risum moverunt. Guaguinus, Historia libro X;  
 Claudius Espenceus, vir eruditione ac sanctitate in  
 Gallia celebris, lib. II, cap. 6 Digress. in Epistola  
 prima ad Timotheum; Bosquier, in Plutarcho Christ.;  
 Dorozetus, in Apophieg. Gall.



militibus? quis item clericorum aliquando æque A sibi non iudicavit indignum, laice ejusecundumque personæ mancipari obsequiis? Ipsum certe quod gestat in capite signum, plus regius decet fastus, quam famulatus; itemque regale fastigium magis armis, quam psalmis innititur. Sane si alteri forte (ut assolet) accessisset quod detrahitur alteri, quo vel regis videlicet humiliatio clericum amplius sublimasset, aut clerici certe dejectio regio contulisset honori (ut verbi gratia, si nobilis aliqua mulier viro nubat plebeio, illa quidem minuitur ex illo, sed ex illa crescit ille); si ita, inquam, vel rex ex clerico, vel clericus ex rege proficeret, malum, quod ex parte fuisset, utcumque forsitan tolerari debuerat. Nunc autem, cum utriuslibet diminutio neutrum provehat, sed suæ potius alterutrum plurimum detrahant dignitatis, quando nec clericum decet regis, ut dictum est, esse vocari dapiferum, et nihilominus regem, nisi in manu utique fortium, regni gubernacula possidere; mirum valde quomodo utraque potestas hoc patitur quod vel Ecclesia non abjicit diaconum militarem [at. militem], vel curia clericum principem non contemnit.

13. Et acrius ista et multiplicius inculcare volebam, ac fortassis debueram, nisi epistolaris brevitatis supersedendum indiceret; maximeque quia te offendere veritus sum, peperi homini; quippe quem tibi aiunt familiaribus jam olim amicitias esse devinctum. Sed nollem te habere contra veritatem amicum. Si tamen persistis, verum te amicum proba, et da operam quomodo et ipse amicus sit veritatis. Tunc demum veræ erunt amicitiae, si veritatis fuerint fœderate consortio. Quod si ille non acquieverit tibi, tene quod tenes, hostiæque caudam junge capiti (221), ac tunicam, Dei gratia jam polymitam, 83 cura facere et talarem; quoniam crepisse nil proderit, si (quod absit!) non perseverare contigerit. Et hic sit epistolæ finis, ubi tu de fine boni commonitus es.

#### EPISTOLA LXXIX.

AD ABBATEM LUCAM (222).

*Feminarum contubernium fugiendum monet. Et quid de fratre in crimen lapsi faciendum*

1. Bonum nobis de te, charissime, et bonum valde rarum ostendisti, dum minoris te non solum non contempseris monita, sed gratias insuper retuleris monitori, prudenter utique non a quo, sed

(221) Id est, finem junge principio. Hortatur ad perseverantiam, alludens ad ritum legis, jubentis caudam hostiæ simul offerri. Exod. xxix. Levit. iii. Rationem tropologicam dat Radulfus: « Cauda, » ait, « quæ finis est corporis, symbolum est consummationis et perseverantiae in sanctis operibus. » Unde et S. Gregorius, I Moral. cap. 40: « Cauda, » ait, jubetur adoleri Deo, ut omne bonum quod incipimus, etiam perseverantiae fine impleamus. » Idem, Homil. 25 in Evang.: « Præcepto legis, » inquit, cauda hostiæ in sacrificio jubetur offerri. In cauda quippe finis est corporis, et ille bene immolat, qui sacrificium boni operis usque ad finem debite perducit actionis. »

(222) Haudquaquam Montis-Cornelii apud Leodium

quid moneretur attendens. Gratias ago et ipse Deo, quod mea præsumptio gratiam egit magis, quam indignationem meruerit. Tenentes itaque tuæ tantæ humilitatis insigne, ampliori jam fiducia monemus quod et prius monuimus. Obsecramus per sanguinem illum qui pro animabus susus est, ne tanti emplarum parvipendantur periculum, quod maxime ex virorum et feminarum cohabitatione non immerito timetur ab his qui, in schola Dei diu jam contra diaboli tentamenta luctati, propria experientia edocti dicere possunt cum Apostolo: *Non enim ignoramus astutias ejus* (II Cor. ii, 11). Denique quam non negligenter te oporteat audire non meum, sed ipsius Apostoli de hac re consilium, in eo præceptum, aperte clamantis, *Fugite fornicationem* (I Cor. vi, 18), ipsius nunc tam turpiter lapsi fratris (super quo et nostram dignatus es consulere parvitatem) te doceat experimentum. De quo quidem miror, quid tibi visum fuerit me tam remotum expetere consultorem, cum prope habeas virum sapientem nostri Ordinis, et tuæ præcipue domus amatorem, Guillelmum scilicet abbatem Sancti-Theoderici. Sed et apud Præmonstratum non ambigo viros esse consilii, qui in rebus dubiis enodandis et prudentes sint et fideles.

2. Verumtamen quia sic tibi placuit, videris tu cur ita placuerit, ego labia mea non prohibebo. Si frater casum suum, quantumlibet gravem, quantumlibet turpem, prior ipse confessus fuisset, et curandus foret, et non effugandus. Nunc autem, quoniam tanti mali aliunde fetor emersit, nihilominus quidem ejus, si fieri potest, curationi operam dare necesse est, sed aliter. Fortassis enim non expedit ut ulterius apud vos remorari sinatur ne forte, quod te non immerito quidem timere scripsisti, pusillus et novellus grex hujusmodi tæbe contaminetur. Nec tamen filio, quantumlibet peccatori, paternæ omnino claudenda sunt viscera. Arbitror autem et patri pium et filio tutum esse consilium, si quas ei quomodo in aliqua e remotioribus domini Norberti domibus recipiatur, ubi sub di-strictiori disciplina, mutato loco, non proposito, pœnitentiam agat, donec quandoque, cum tibi visum fuerit, ad locum proprium revocetur. Nam ad nostrum Ordinem ut transeat, vestro fortassis non expedit. Et quidem quod scripsisti illum sæpe dixisse nostra se promissione tenere quia eum, si cum licentia veniret,

(qui nunc Belli-Reditus appellatur) quod falso putaverunt Picardus et Horstius; sed monasterii Cuissiacensis, Ordinis Præmonstratensis, in diocesi Laudunensi, ut habet bibliotheca Præmonstrat., et satis ipse Bernardus indicat, dum mirari se proficitur, cur Guillelmum Sancti-Theoderici abbatem, utpote viciniorem, vel aliquem ex Præmonstrato sibi proximo, consuluerit. De Luca ac de monasterio Cuissiacensi sic habes apud Hermannum monachum: « Sed et aliud construxit » (Bartholomæus episcopus Laudunensis) « monasterium clericorum in loco qui vocatur Cuissiacus, abbatemque ibi ordinavit donum Lucam, virum religiosum. » Ita ille, De miraculis B. Mariæ Laudunensis, libro iii, cap. 16.

susciperemus; hoc in nostra præsentia etiam ipse negavit. Sane si tibi non placet usquam eum illorum quæ dixi locorum mittere ad habitandum, aut te volente iste forsitan non consentit, aut cum utrique complacere, forte non invenitur qui eum recipere velit; tunc oportet ut aut urgente necessitate causa, quocunque ad salvandam animam suam ire voluerit, cum litteris dimittatur; aut dispensante pietatis gratia, in suo loco retineatur: si tamen persentiri potuerit, quomodo ibidem **84** omnis ei occasio iterandi aut seminandi hanc turpitudinem penitus subtrahatur. Et de isto ista sufficiant.

3. Est aliud apud vos de quo ea præsumptione, qua soleo, non cunctabor dicere quod sentio. De molendino illo dico, quod Conversi (**225-43**) custodientes, feminarum pati coguntur frequentiam. Si mihi creditur, unum e tribus fiet: aut videlicet feminarum accessus omnimodis a molendino prohibebitur; aut molendinum cuicunque extraneo, et non Conversis custodiendum committitur; aut idem omnino molendinum relinquetur.

#### EPISTOLA LXXX (244)

AD GUIDONEM ABBATEM MOLISENSEM (245).

*Consolatur afflictum ex gravi injuria: vindictam vero misericordia temperandam.*

Quanto tibi in hac, quam audiavi, tua adversitate affectu condoleam, novit affectuum Deus omnium cognitor, bonorum immissor. Sed rursus cum considero, non per quem, sed a quo immissa sit hæc tribulatio; quantum tibi de præsenti molestia compatiatur, tantum de prosperitate mox futura spero congratulari: si tamen et tu consilium in perturbatione non amittendo, idipsum mecum sapias, et de manu Domini mala, sicut et bona, cum sancto Job æquanimitè suscipias (*Job* II, 10); imo exemplo sancti David, non tam his, etsi servis tuis, pro tantis malis indignari, quam sub potenti manu Dei (qui procul dubio illos misit ad malefaciendum tibi) humiliari te oportere scias (*II Reg.* XVI, 10). Verum quia et ad te constat pertinere correctionem illorum, utpote servorum ecclesie tibi commissæ, dignum est ut pro tam nefaria præsumptione servi nequam corripiantur, ac de rebus eorum damnum monasterii aliqua ex parte recompensetur. Sed ne tuam magis in hoc ulcisci injuriam, quam illorum ferire culpam videaris; rogo, rogansque consulo, ne tam

A quod illi digni sunt, penses, ut quod tibi dignum est non consideres: ut videlicet misericordia judicio superexaltetur, et in tua modestia Deus glorificetur. Porro illum filium tuum, mihi quoque propter te et propter se ipsum satis charum, ore tuo et nostro spiritu commonemus, ut non eatenus sua, etsi justa, indignatione debrietur, quatenus dominici illius præcepti obliviscatur; quo percutienti unam maxillam, præbere jubemur et alteram (*Matth.* V, 39).

#### EPISTOLA LXXXI.

AD GERARDUM ABBATEM PULTARIENSEM (246).

*Purgat se adversus iniquam criminationem.*

Scriptis me aliquid ad comitem Nivernensem in tuæ personæ accusationem, nec recordor, nec verum est. Cæterum si pro ecclesia tua ad eumdem principem litteras misi, hoc non adversum te, sed pro te egisse me arbitror. Siquidem audieram ipsum tuo et assensu, et consilio proposuisse venire ad visitandum vos; ad probandum de tantis malis quæ de domo vestra divulgabantur, an vera essent, aut cujus culpa essent: ut quod forte sinistrum reperi-  
B ret, ibidem ejus et studio et sollicitudine corrigetur (**247**). Cujus tam justum et tam pium propositum si hortatu nostro roborare curavi, cur te inde læsum jure conqueraris, non video. Puto enim me recte fecisse, si de dono Dei zelum Dei habens, ejus providentiam qui emendaturus erat, commonui. Quod autem ex auctoritate Scripturæ arguis me peccasse, quasi qui **85** prius te non corripuerim: scito me nullam de persona tua querelam habere; sed solum ut pax fiat in ecclesia tua, ex charitate procurare. Denique ipsius rei veritatem plenius cognosces, si ad nos causam ipsam, ut dicis, attuleris. Poteris autem hic me invenire, quacunque instantis hebdomadæ die libuerit.

#### EPISTOLA LXXXII.

AD ABBATEM SANCTI JOANNIS CARNOTENSIS (248).

*Abdicationem curæ pastoralis, et peregrinationem Jerosolymitanam dissuadet.*

1. Ad ea de quibus nostram curas consilere parvitatem, primum quidem non respondere statue-  
ram: non quod dubitaverim quid respondere deberem, sed quia viro consilii consilium dare aut præsumptuosum judicabam, aut superfluum. Cæ-  
D terum cogitans quod plerisque, imo cunctis penè contingere sapientibus solet, in rebus videlicet

nensis, fundatum a Gerardo comite, non longe a suo castro, ubi et postea cum uxore sua Berta sepultus est. Vide Acherii nostri notas ad Opera Guiberti de Novigento, pag. 955 sqq.

(247) Nempe is in jus successerat Gerardi comitis, Pultariensis monasterii fundatoris.

(248) Scripta circa annum 1128. Indubie Stephanum innuit, qui ex abbate Sancti-Joannis apud Carnutenses Ordinis S. Augustini, factus est patriarcha Jerosolymorum ineunte anno 1128, post Germundum, teste Orderico Vitali sub finem libri XII. Idem epistolæ Fulconi Andegavorum comiti per Willemum de Buris misisse perhibetur in tomo tertio Analectorum, pag. 355. Confer epistolas 33 et 82, atque Papebrochii Præfationem de patriarchis Jerosolymitanis ad Mail tommum III.

(225-43) De conversis infra, ad epistolam 143. Similis epistola 404 de fugiendo consortio mulierum.

(244) Scripta circa annum 1130.

(245) Guido secundus post S. Robertum abbas cenobii Molisensis, de quo in epistolis 43, 44, 60.

(246) Scripta circa annum 1130. Horstius legendum putat, *Prulliacensem*; sed perperam, reclamantibus nimirum manuscriptis, imo ipsis epistolæ verbis, ex quibus satis intelligitur Bernardum non loqui ad ullum abbatem ordinis Cisterciensis, qualis est Prulliacensis; alias comitem Nivernensem ad reformanda istius monasterii vitia neutiquam interpellasset. Ex qua observatione addendus videtur Gerardus ad seriem abbatum Pultariensium, hactenus omissus. Erat autem Pultariense monasterium, ordinis S. Benedicti, diocesis Lingon-

dubius plus alieno se, quam proprio credere iudicio; et qui aliorum facile ambigua quæque elucidant, in suis consueverunt scrupulosius hæsitare: statutum non, ut arbitror, irrationabiliter frango, sed simpliciter pando quod visum est mihi, non præjudicans sanius sapienti. Significasti mihi, nisi fallor, per virum religiosum Ursum abbatem Sancti Dionysii (249), suggeri tibi a cogitationibus tuis, deserere patriam, domumque, cui Deo auctore præes; et pergere Jerosolymam, vacare deinceps Deo, vivere tibi. Et quidem tenenti ad perfectionem, patriam relinquere fortassis expedit, dicente Deo: *Exi de terra tua et de cognatione tua* (Gen. xii, 1): sed qua ratione curam tibi creditam animarum exponere debeas, omnino non video. Quid enim? blanditur depositæ sarcinæ libertas? Sed charitas non querit quæ sua sunt. Forte quietis provocat et otii gustus suavior? Sed evacuatur dispendio pacis. Libenter carebo quantolibet etiam spiritali quæstu, qui non possit acquiri nisi cum scandalo. Ubi enim scandalum, ibi procul dubio charitatis est detrimentum: ubi autem diminutio charitatis, miror quod vel quale possit spiritalis exercitii sperari lucrum. Denique si propriam quisque quietem communi prætulit utilitati, quis jam veraciter dicere poterit: *Mihi vivere Christus est, et mori lucrum?* (Philipp. i, 21), ubi erit quod item dicit Apostolus: *Nemo sibi vivit, et nemo sibi moritur?* (Rom. xiv, 7). Et: *Non quod mihi utile est, sed quod multis?* (I Cor. x, 33). Et: *Ut qui vivit non jam sibi vivat, sed ei qui pro omnibus mortuus est?* (II Cor. v, 15.)

2. Sed dicis: Unde ergo mihi tantum desiderium, si ex Deo non est? Pace tua dixerim quod sentio. *Aquæ furtivæ dulciores sunt* (Prov. ix, 17), et hujusmodi omni, ut ita loquar, absinthio amariorem dulcedinem ab angelo satanæ sub prætextu angeli lucis, sitiienti cordi tuo infundi non dubitat, quisquis ejus astutias non ignorat. Et revera quis alius possit scandalorum esse suggestor, discidii auctor, turbator unitatis et pacis, nisi veritatis adversarius, charitatis emulus, hostis antiquus generis nostri, et

inimicus crucis Christi diabolus? Siquidem is ejus invidia mors intravit in orbem terrarum, etiam nunc bonis quæ te facere videt, invidet: et cum sit mendax ab initio, mentitur et nunc, meliora pollicens quæ non videt. Quando namque veritas fidelissimæ illi sententiæ obviaret: *Alligatus es uxori? noli querere solutionem* (I Cor. vii, 27), aut quando charitas scandalum suaderet, quæ ad omnium scandala uri se perhibet? (II Cor. xi, 29.) Ille ergo, ille, inquam, nequissimus, et charitati per livorem, et per mendacium veritati contrarius, falsum mel cum vero felle permiscens, dum promittit dubia pro certis, immitit etiam vera pro falsis: non ut conferat quod frustra speras, sed ut auferat quod fructuose tenes. Circuit et querit, qualiter ovibus curam pastoris subripiat, procul dubio perituris, dum non erit qui eripiat; et nihilominus pastorem horrendo illi maledicto subjiciat: *Væ illi per quem scandalum venit* (Matth. xviii, 7). Sed confido de sapientia tibi a Deo data, quod nullis maligni versutis abduci vel seduci poteris, spe incerti bonicertum inire malum, et æque certum deserere bonum.

#### EPISTOLA LXXXIII.

AD SIMONEM ABBATEM SANCTI NICOLAI (250).

*Eum in persecutione solatur. Pios conatus non semper optatos habere successus. Præfato arcitoris disciplinæ studioso quid agendum cum subditis.*

1. Persecutionem (251) quam propter justitiam pateris, per litteras tuas non sine compassione cognoscentes, hæc Christi consolatio de promissione regni tibi sufficiat; tamen nos quod nostrum est, et consolationem quam possumus, et consilium quod intelligimus sanum, fideliter exhibemus. Quis enim sine anxietate videat Petrum de mediis fluctibus brachia tendentem? sine dolore audiat columbam Christi non cantantem, sed gementem, tanquam quæ dicat: *Quomodo cantabimus canticum Domini in terra aliena?* (Psal. cxxxvi, 4.) Quis, inquam, sine lacrymis lacrymas ipsius Christi, de limbo profundum etiam nunc levantis oculos suos in montes, unde veniat auxilium tibi, respiciat? Verumtamen nos, ad quos pro humi-

(249) Ursus seu Ursio, abbas quintus Sancti Dionysii apud Remos canonicorum regularium ordinis S. Augustini, episcopus postea Viridunensis, de quo in Spicilegii tomo XII, pag. 312. Hic ad Viridunensem cathedram provectus, anno 1129, successorem apud Sanctum-Dionysium habuit Gillebertum; sed, abjecta dignitate, ad suos tandem reversus, abbatie regimen denuo resumpsit: apud Marlotum in Metropoli Remensis tomo II, pag. 152. In Necrologio abbatie suæ: *Ursio pie memorie abbas* » laudatur quarto Kalendas Martii.

(250) Scripta circa annum 1129. Simon ex monacho Sancti-Nicasi apud Remos, factus est abbas Sancti-Nicolai in silva Vedogii, diocesis Laudunensis, de quo Hermannus monachus Laudunensis in libro tertio de Miraculis B. Mariæ, cap. 48. Frater erat Guillelmi abbas Sancti-Theoderici, de quo supra in epistolis 85 et 86. Vide infra, tomo quinto, Admonitionem in epistolam seu librum ad Fratres de Monte-Dei.

(251) Huc etiam spectat illa persecutio, quam passus est Simon a monachis suis propterea quod

altaria quædam (sic parochiarum curas appellabant) episcopo Atrebatensi ob simoniam notam resignasset. Legimus hac de re litteras Samsonis Remensis et Josleni Suessionensis pontificum, ad Innocentium II, qui eos istius causæ arbitros designaverat: legimus et alias Eugenii III ad Bartholomæum Laudunensem, quibus significat se causam litis inter Alvisum episcopum Atrebatensem et G. abbatem Sancti-Nicolai motæ velle cognoscere. In litteris Samsonis ad Innocentium dicitur abbas Simon, » quia monachi sui cum eo non consentiebant ut altaria illa redderet, aliquanto tempore abbatiam dimisisset, et in longinquam regionem abiisset; » sed tandem a suis revocatum, » magis eligentibus, altaribus illis quam abbate suo velle carere. » Unde colligitur tum integritas et probitas Simonis, sub quo monasterium » religione et multimoda possessione » floruisse dicitur ab Hermannus: tum tempus scriptæ epistolæ, haud dubie ante Innocentii pontificatum, id est ante annum 1130. Da Gilleberto Simonis successore vide ad epistolam nunc 399.



litate tua respicere te dicis, montes non sumus; sed et ipsi de convalle lacrymarum laboriosis conatibus ententes adversus renitentis inimici insidias, ac mundialis malitiæ violentiam, tecum clamamus: *Auxilium nostrum a Domino, qui fecit cælum et terram* (Psal. cxx, 2).

2. Omnes quippe, qui pie volunt vivere in Christo persecutionem patiuntur (II Tim. iii, 12): ita ut cum eis nunquam desit pie velle [*al. vivere*], non semper tamen adsit et perficere pro bona voluntate. Sicut enim impiorum est piis bonorum propositis assidue reluctari, sic contra pietatem non est, propter multitudinem adversantium, quamvis justa et sancta desideria paucorum plerumque non perfici. Sic Aaron sceleratis tumultuantis populi contra voluntatem suam clamoribus cessit (Exod. xxxii). Sic Samuel eidem populo, inordinate regem petenti, invitus Saulem inunxit (I Reg. x). Sic David cum vellet construere templum, propter instantium tamen bella inimicorum, quia vir bellicosus erat, prohibitus est facere **87** quod sancte proposuit (II Reg. vii). Simili forma tibi, pater venerande, consulimus, ut tamen sapientiorum consilio non prajudicemus, quatenus ad tempus propositi tui tibi que consentientium rigorem sic temperes, ut infirmorum salutem non negligas. Invitandi quippe sunt ad arcio rem vitam, non cogendi, quibus utique semel in Ordine illo Cluniacensi præesse consensisti. Illis autem qui arcitius vivere desiderant, aut condescendere imbecillioribus ex charitate, quantum sine peccato possunt, suadendum est, aut ibidem tenere quod cupiunt permittendum, si absque utrarumque partium scandalo fieri potest; aut certe de congregatione liberos dimitti, fratribusque aliis secundum eorum propositum viventibus sociari oportet.

#### EPISTOLA LXXXIV.

AD EUMDEM.

*Monachum erroneum (252) remittit, sed reducere lenius et mitius tractari suadet.*

Provide, ut videtis, et non frustra erronea ovicula vestra contra morem nostrum a nobis, non nobis,

(252) At similia non sunt; nam secundum philosophos, causæ finales et impulsivæ faciunt actionum discrimina. Itaque similia tantum sunt in genere entis, ut cum iisdem loquamur, non in genere moris. Sed hoc axioma eleganter enarrantem Augustinum audiamus. « Cum boni, » inquit, « et mali eadem faciunt, eademque patiuntur; non factis et pœnis, sed causis utique discernendi sunt. Pharaon populum Dei duris laboribus atterebat; Moyses eundem populum impie agentem duris coercionibus affligebat. Similia fecerunt, sed non similiter prodesset voluerunt: ille dominatione inflatus, iste dilectione inflammatus est. Jezabel occidit prophetas; Elias occidit pseudopphetas. Puto quod diversa sint merita facientium, diversa passorum. Aspice etiam tempora Novi Testamenti, quando jam ipsa mansuetudo charitatis non solum in corde erat servanda, verum etiam in luce monstranda; quando Petri gladius in vaginam revocatura Christo, et ostenditur non debuisse de vagina eximi nec pro Christo. Legimus tamen non solum, quod ceciderunt Judei Paulum apostolum, verum etiam quod ceciderunt et Græci pro Paulo apostolo Sosthenem Judæum: nonne similitudo facti quasi utrosque conjungit, et

A sed sibi et vobis detenta est, cum tali circumventionem, imo utili subventionem, ut fratri pro arcioris vitam desiderio, et pro fratris reditu vestræ tandem nihilominus voluntati satisfactum sit. Hæc autem dico non ut nostram erga vos in hoc velim commendare benevolentiam, quam per quidquid facere possum, vix sufficerem, sicut est, demonstrare: sed ut certum nunc habeatis, quod et ante vobis dixisse me memini, quia sæpe inquietos animos, quibus sua, in qua sunt, vita non sufficit, districtior experta compescit. Consilium nostrum super ipso fratre reconciliato velle vos scripsistis audire: sed non putavi necesse fore, cum paratus veniat non suam, ut solet, a vobis extorquere, sed vestræ, ut decet, in omnibus voluntati acquiescere. Difficultatem ingressus, quam valde timet, pro ipso et cum ipso supplicamus pie temperari, et aliquanto mitius cum eo agi, quam cum cæteris solet fugitivis. In similibus enim factis (253) causa dissimilis simile recusat judicium. Multum quippe differunt a se, qui timore aut odio religionis de monasterio fugit, et qui ejusdem amore et desiderio transit ad aliud

AD GUILLELMUM ABBATEM S. THEODERICI.

*Hic inseritur ab aliis Epistola ad Guillelmum Sancti Theoderici abbatem, quam vice Prasationis Apologiæ ad eundem scriptæ prælixam vide tomo II.*

#### EPISTOLA LXXXV.

AD EUMDEM GUILLELMUM (254).

C *Suaviter perstringit Guillelmum, conquerentem sibi a Bernardo paribus amoris officiis non responderi.*

Domno abbati GUILLELMO, frater BERNARDUS, charitatem de corde puro, et conscientia bona, et fide non ficta (255).

1. Si nemo scit quæ sunt in homine, nisi spiritus hominis qui ipso est (I Cor. ii, 11); si sola in facie videt homo, quia solus Deus intuetur cor (I Reg. xvi, 7), miror, nec satis mirari possum, quomodo, quave ratione sciam atque meam ad invicem dilectionem pensare et distinguere potuisti, quatenus non solum de proprio, sed et

tamen eos causæ dissimilitudo discernit? Nemo Deus proprio Filio non pepercit, sed pro nobis omnibus tradidit illum: nemo de Filio ipso dicitur, *Qui me dilexit, et tradidit semetipsum pro me*: nemo et de Juda dicitur, quod introierit in eum Satanæ, ut traderet Christum. Cum ergo et Pater tradiderit Filium suum, et ipse Christus corpus suum, et Judas Dominum suum; cur in hac traditione Deus est pius, et homo reus, nisi quia in re una quam fecerunt, causa non una est ob quam fecerunt? Et post inducta plura exempla, tandem subjungit: Discamus in similitudine operum, discernere animos operantium. Ita S. Augustinus, epist. 93. n. 6, 7. (255) Nicolaum vocat Bernardus ipse in Apologia ad Guillelmum, n. 4.

(254) Scripta circa annum 1125. Venerabilis Guillelmus, sancti Bernardi quondam delicia, ex urbe Leodiensi nobili genere ortus, Remos studiorum causa missus cum alio nobili adolescente, nomine Simone (quem Majoris-Monasterii codex manuscriptus plures Bernardi complectens epistolas, ipsius Guillelmi

(255) Inscriptio ex collice Corbeiensis.

de alieno sententiam corde proferres. Error siquidem A est humanæ mentis, non modo bonum putare malum, et malum bonum, aut verum falsum, et e converso: sed etiam certa recipere pro dubiis, dubia pro certis. Forte verum est quod dicis, minus scilicet a me amari **88** te, quam me diligis: sed certe certus sum, certum non esse tibi. Quomodo ergo pro certo affirmas, de quo certum est quia certus minime sis? Mirum! Paulus se suo iudicio non credit, sed neque, inquit, me ipsum iudico (1 Cor. iv, 3). Petrus luget suam quæ se fefellerat præsumptionem, cum de suo loqueretur, dicens: *Etsi oportuerit me mori tecum, non te negabo* (Matth. xxvi, 35). Discipuli de proditiōe Domini, nec in suis fidentes conscientiis, singuli respondebant: *Nunquid ego sum, Domine?* (Ibid.) David suam de se ignorantiam fatetur orans et clamans: *Et ignorantias meas ne memineris* (Psalm. cxiv, 7.) Tu verò nescio quia fiducia, non solum de tuo, sed et de meo corde tam aperte declamas: « Ut plus amans, » inquit, « minus diligar. »

sins Guillelmi fratrem fuisse testatur), spretis mundi deliciis in Sancti-Nicasii Remensis asceterium, regularis observantiæ tunc temporis fama celebre, cum illo se recepit: ubi peracto felicibus auspiciis tirocinio, cum uterque virtutum laude excelleret, ille abbatæ Sancti-Nicolai de Saltu diocesis Laudunensis, Guillelmus vero in locum Gaufridi, ad Sanctum-Medardum Suessionensem translati, monasterio Sancti-Theoderici prope Remos præfectus est anno 1120. Cum autem Bernardi fama sanctitatis sese undique diffunderet, plurimosque ad sui contemplationem et admirationem alliceret; Guillelmus noster, tum privatus apud Sanctum-Nicasium, auidia ægritudine, qua Vir sanctus non multo post a sua ordinatione correptus est, cum quodam abbate eum inivit: quocum aliquandiu conversatus, fibulam construxit artissimæ illius necessitudinis, qua sese postea mutuo complexi sunt. « Tanta enim Guillelmus affectus est suavitate circa Bernardum, tantoque desiderio in paupertate illa et simplicitate cohabitandi ei, ut si optio illa die sibi data fuisset, nihil tam optasset, quam ibi semper cum eo manere ad serviendum ei. » S. Bernardi Vitæ libro 1, cap. 7. Hinc proficiscébatur sensus ille doloris, quo calumnias Bernardo impactas iniquius ferens, eum ipsum ad sese purgandum adversus Cluniacensium querelas induxit, eleganti Apologia ad se scripta, quam vide tomo II et ibid. notas. Verum nec has etiam Guillelmi in Bernardum amor passus est angustias: imo pastoralis sarcinæ pertæsus, et Bernardi consuetudinis cupidissimus, cum sæpius a Clare-Vallis ingressu repulsus fuisset, ut etiam patet ex hac epistola, tandem abdica præfectura in cœnobium Signiacense ordinis Cisterciensis diocesis Remensis se contulit sub annum 1135, siquidem annos quatuordecim et menses quinque abbatem apud Sanctum-Theodericum egisse testatur ejusdem monasterii abbatum Catalogus manuscriptus, cui suffragatur charta quedam cœnobii Sancti-Nicasii Remensis, in qua Rainaldus Remorum archiepiscopus res a Joranno abbate acquisitas confirmat anno 1155, teste Helino Sancti-Theoderici abbate, qui ex priori Sancti-Amandi Guillelmo successus est. Guillelmus vero, Signiaci stabilitatem professus anno circiter 1135, cum aliquot annos in summa animi demissione ac modestia, iugue rerum celestium contemplatione (quam « quotidianum ejus exercitium » vocat Chronicon manuscriptum Signiacense) exegisset; ad superos translatus est circa annum 1150, certe post annum 1144, cum epistola ad fratres de Monte Dei, cujus est auctor, nuncupata sit Ilaimoni priori, qui

2. Hæc quippe sunt verba tua, quæ nollem fuisse tua, quia nescio si sunt vera. Sed et tu, si scis, unde scis? unde, inquam, probasti magis nos a te diligere, quam te a nobis? An ex hoc quod in tuis litteris subjunxisti, quia videlicet qui vadunt et veniunt per te de nostris, nullum tibi a nobis deferunt monumentum gratiæ vel amoris? Quod vero monumentum, quod amoris experimentum a nobis requiris? Nunquid forte scrupulum movet tibi, quod ad plura jam tua ad nos scripta, necdum vel semel rescripti (256)? Sed quando ego maturitatem sapientiæ tuæ delectari posse putarem scriptitationibus imperitiæ meæ? Sciebam enim qui dixit: *Filioli, non diligamus verbo neque lingua, sed opere et veritate* (1 Joan. iii, 18) Quando vero unquam opere meo opus tibi fuit, et defuit? B O scrutans renes et corda Deus! qui unus sol justitiæ diversa servorum tuorum corda diversis gratiis, velut radiis, illustras; quod diligam illum ex dono tuo, et suo merito, tu scis, et ego sentio: quatenus autem diligam, tu scis, ego nescio. Tu, inquam, Domine,

isto anno Gaufrido primo priori successit: at vero ante S. Bernardi obitum, a quo statim Ernaldus librum ejus Vitæ secundum, mortuo Guillelmo, aggressus est, ut ex notis ad epistolam 310 intelliges. De Guillelmi obitu ita scribit Chronicon Signiacense: « Cursum vitæ suæ sancto fine complens obdormivit in Domino. Corpus ejus in claustrum juxta introitum capituli traditum est sepulture: » postmodum vero, nempe octogesimo post mortem anno, Aegidius Signiaci abbas nonus « ossa D. Guillelmi, » pergit idem Chronicon, « abbatis Sancti-Theoderici, Arnulfi abbatis Sancti-Nicasii » (in Catalogo Abbatum Sancti-Nicasii dicitur simpliciter monachus), « et Gerardi abbatis Florinensis » (quos Signiaci Guillelmus conversionis socios habuerat) « de tumulis, in quibus usque ad illud tempus jacuerant, levavit, et eadem intra murum oratorii, et juxta introitum ecclesiæ a parte claustrum in quadam theca cum honore debito collocavit. » Hæc quidem de Guillelmo fuisse, sed non otiose fortassis. Quem quanti Bernardus fecerit, quamque non impari sit persecutus affectu, ex ipsius epistolis innoscit: maxime ex epistola 85, in qua Guillelmo amice expostulanti, quod multum diligens, minus a Bernardo amaretur, eleganti et Christiana omnino responsione facit satis: sed et ex epistola 88 ad Ogerium scripta, ubi arrepta ex improviso Guillelmi mentione, in hæc verba prorumpit: « Sed heu! in quanta sermonis angustia mentio se ingessit de tali viro: ne liceat, ut dignum erat, in tam dulcissimam nobis memoria aliquandiu immorari, quoniam jamjamque desiderat epistola finem? » Porro tantum ejus etiam probavit eruditionem et doctrinam, ut librum De gratia et libero arbitrio, Guillelmo nuncupatum, ipsius censura subjecerit; et Luca Guissiacensi, de quibusdam difficultatibus se consulenti responderit (epist. 79), mirari se, cur Guillelmo prætermisso, suum expectasset suffragium. Certe viri doctrinam et pietatem spirant et loquuntur egregia illius monumenta, in primis vero diserta illa et plane aurea ad fratres de Monte-Dei epistola, ultimus (si forte librum primum Vitæ S. Bernardi excipias) Guillelmi fetus: ubi cum suarum lucubrationum catalogum in præfatione, quam tomo quinto hic integram exhibebimus, instruat, nihil est quod is amplius immoremur. Plura de eo in Admonitione ad epistolam ad Fratres de Monte-Dei, tomo quinto, et in tomo tertio Bibliothecæ Patrum Cisterciensium.

(256) Hæc ergo prima est Bernardi ad Guillelmum epistola, quæ promde sub annum 1135 scripta est.

qui dedisti, scis quantum dedisti vel illi me, vel mihi A illum amare. Et quomodo aliquis nostrum, cui tu non dixisti, audeat dicere, « Plus amans, minus diligor : » nisi forte qui jam in lumine tuo videat lumen suum, id est, in lumine tuæ veritatis agnoscat quanto ardeat igne charitatis?

3. Ego autem, Domine, interim contentus videre in lumine tuo tenebras meas, quoadusque visites sedentem in tenebris et umbra mortis, et per te revelentur cogitationes cordium, et manifesta fiant abscondita tenebrarum, fugatisque tenebris jam non videatur in lumine tuo nisi lumen : sentio quidem de munere tuo quod eum diligam; sed necdum video in lumine tuo, si vel satis diligam. Neque enim scio si jam pervenerim ad illam, qua nemo majorem habet, dilectionem, ut animam suam ponat quis pro amicis suis. Nam quis gloriabitur castum se habere cor, nedum perfectum? O Domine, qui illuminas lucernam meam, qua jam video et horreo tenebras meas; Deus meus, illumina ipsas quoque tenebras meas, ut videam et gaudeam ordinatam in me charitatem, sciens et diligens quæ diligenda sunt; et quantum, et ad quid diligenda sunt; me quoque nolens diligere nisi in te, et quantum diligendus sum. Væ etenim mihi, si (quod valde vereor) aut ego plus ab illo quam merui, aut ille a me minus quam dignus sit, diligatur. Verumtamen si meliores magis diligendi sunt (sunt autem meliores, qui magis diligunt): quid aliud dixerim, quam illum plus me diligere, quem meliorem esse non dubito; me vero minus illum quam debeo, quia minus valeo?

4. Sed quanto in te (tibi, pater, dico) major est charitas, tanto minus contemnenda est a te nostra possibilitas, quia, etsi plus diligis, quoniam plus vales; non tamen plus diligis quam vales. Nos autem, etsi minus diligimus quam debemus, diligimus tamen quantum valeamus: tantum autem valeamus, quantum accepimus. Trahe nos post te, ut te apprehendamus et tecum amplius accipiamus, unde largius diligamus. Quid ergo tu niteris nos apprehendere, et 89 quereris non posse? quos apprehendisti, si attendisti; et adhuc facere poteris, cum volueris, quales quidem sumus, non quales sperabas. Nescio quippe quid aliud intueris in nobis, quod non habemus; et sequeris pro nobis, quod non sumus. Ideoque non consequeris, quia non sufficimus: et ut denique in epistola tua juste causaris, Deus tibi in nobis, non nos deficiamus. Nunc vero si talia placent, qualia modo nugatus sum, mandato, et adijciam: ut cum obediero, præsumptionis non timeam notam. Præfatam enim (257) quam tibi mitti jussisti, non habui modo ad manum: neque enim adhuc dictaveram,

(257) Epistola scilicet quæ præfigitur Apologie ad eundem Guillelmum, quæ huic epistolæ in plerisque præmittitur manuscriptis. Confer epistolam 88, n. 3, et alias ad Guillelmum.

(258) Scripta circa annum 1150.

(259) Cisterciensium, ut puto, exemplo, quorum omnia monasteria beatis in hac Virgini dedicata sunt, Domina nostra vocari cepit. Hinc Petrus Cellensis

quia nec necessariam esse putabam. Quidquid vel tibi, vel amicis tuis recte vis; qui dedit velle, det et perficere pro bona voluntate, omni mihi amicitia jure colende, pie ac reverendissime pater.

# EPISTOLA LXXXVI (258).

AD EUMDEM.

*Monachum fugitivum dure increpatum et increpandum remittit. Ipsi vero Guillelmo, mutationem aut vitam privatam meditantis, perseverare suadet.*

Frater BERNARDUS de Clara-Valle, suo illi quod suo.

1. Hanc mihi tu salutationis formulam tradidisti, scribendo, « Suus ille quod suus. » Accepe quod tuum est, et agnosce usurpationem unanimis esse indicium, et cum quo est mihi commune verbum, animum non distare. Jam ad tuas litteras breviter pro tempore respondendum est: quæ cum mihi in manus venerunt, Natalis Domine nostræ (259) dies festus illuxerat, cujus me totum jure sibi devotio vindicans, nihil aliud cogitare sinebat. Sed et nuntius repedare festinans, vix usque in crastinum, ut hæc jam festo exoccupatus qualiacunque rescriberem, expectavit. Fugitivum itaque fratrem dure a me, utpote durum corde, increpatum, nihil melius interim potui, quam ad locum remittere unde fugerat (al. exierat): quippe quem juxta nostras consuetudines domi absque consensu abbatis sui retinere non debui. Oportet autem et a te eum similiter aspere increpari, et ad humilem provocari satisfactionem; deinde tuis confortari litteris, ad abbatem pro eo directis.

2. De infirmitate nostra nihil certius modo sciscitanti tibi indicare possum, nisi quod infirmus et fui, et sum; nec minus solito, nec multum plus. Quod vero non nisi quem missurus eram, causa est, plus me animarum scandalum, quam unius corporis periculum timuisse. Jam ne quid horum, de quibus mandasti, omnino prætermittam, venio etiam ad te. Velle te audire scripsisti, quid te ego (tanquam qui omnia tua norim) facere velim. Sed hoc, nisi fallor, si modo dicerem, nec tu posses, nec ego consulerem. Volo enim et ipse quod te velle de te jam olim non latet me (260). Cæterum mea atque tua æque, ut æquum est, voluntate postposita, magis quod velle Deum de te puto, et mihi ut tibi suadeam, tutum duco; et tibi si persuadeam, non incommodum. Tene itaque meo consilio quod tenes, mane in quos, et stude prodesse quibus præes; nec præesse refuge, dum prodesse potes: quia væ quidem tibi si præes, et non prodes; sed væ gravius, si quia præesse metuis, prodesse refugis.

de Bernardo, in libro vi, epistola 25: « Alumnus enim familiarissimus fuit domine nostræ, cui non unam tantum basilicam, sed totius ordinis Cisterciensis basilicas dedicavit. »

(260) Cupiebat nimirum Guillelmus abdicata abbatibus dignitate se recipere ad Clara-Vallem: sed, Bernardo non sinente, Signiacum secessit, ut dictum est supra, in nota ad epistolam 85.



## 90 EPISTOLA LXXXVII.

AD OGERIUM CANONICUM REGULAREM (261).

*Improbatur abdicationem curæ pastoralis, etsi pia quietis amore factam. Instruit nihilominus, quomodo deinceps privatus in cœnobio vivere debeat.*

Totis visceribus charitatis amplectendo fratri Ogerio canonico, frater BERNARDUS monachus, sed peccator, digne Deo conversari usque in finem.

1. Si tibi ad tuas litteras tardius videor rescripisse, noveris potius opportunitatem nuntii defuisse. Quas enim nunc primum legis, jamdudum crede dictatas: sed, ut dixi, propter latoris inopiam tardavi mittere, quod scribere non tardavi. Legi itaque in tuis litteris, te illam, quam graviter ferebas, curæ pastoralis sarcinam deposuisse, licentia siquidem ab episcopo vix impetrata, imo extorta tua importunitate: et hoc non aliter, nisi ut in ejus episcopatu, quocumque alibi manens, ab ejus subjectione non recederes. Tu vero cum tibi hoc non placeret, archiepiscopum adiens, et ab ipso tanquam superiori auctoritate securitatem accipiens, ad priorem locum, et ad tuum abbatem reversus es. Ubi qualiter post hæc vivere debeas, a me doceri flagitas, egregio utique doctore et magistro incomparabili, qui cum cœpero docere quod nescio, vel tunc incipiet sciri quam nihil scio. Itane lanam querit ovis a capra, aquam molendinum a furno, verbum sapiens a stulto? Præterea per totam seriem litterarum attollens me supra me, multum de me laudabilia intermiscis: quorum quia ipse mihi conscius non sum; et tuæ hæc lenivolentiae adscribo, et ignosco igno-

A rantiae. Tu enim vides in facie, Deus autem in corde: sub ejus tremendo aspectu si sollicite me circumspicio, certum est quod eo ipse mihi notior sum quam tibi, quo propinquior. Ideoque magis credo mihi de me videnti me, quam tibi opinanti de me quod non vides in me. Quod si quid forte a me audisti quod posset prodesse tibi, gratias Deo age, in ejus manu sumus nos et sermones nostri.

2. Satisfacis etiam mihi pro eo, quod consilium meum non tenueris, confortantis te et monentis animo non frangi, pusillanimitate non vinci, sed portare patienter onus impositum, quod semel susceptum deponere non licebat: de qua re ipse mihi, sicut postulas, satisfacio pro te. Agnoscens siquidem sapientie meæ siccitatem, imo insipientie meæ semper suspectam habens temeritatem; cum non sit quod fieri laudo, nec audeo, nec debeo indignari, desiderans quemque consultus agere, quam a me acceperit. Quoties vero mea sententia eligitur ac tenetur, gravi, fateor, onere me premi sentio, rei finem semper pavidus et nunquam securus expectans. Videris tu tamen, si consulte meum de hac re consilium mutaveris (262). Viderint hi quorum saniori, si quorum tamen, super hoc fretus es consilio, an rationaliter egeris. Viderint, inquam, si liceat Christiano injunctam sibi dimittere obedientiam ante mortem, cum Christus factus sit obediens Patri usque ad mortem. Etiam, inquis, per licentiam: nam quesivi eam ab episcopo, et accepi. Bene, licentiam quidem quesisti, sed quomodo non licebat; ac per hoc non accepisti, sed extorsisti. Extorta

(261) Scripta circa annum 1126. — Hujusmodi titulum plerique calumniantur aut rident, quod verba synonyma seu idem significantia, etsi diverso idiomate, frustra congeminet: quasi canonici alii sint quam regulares; sive quasi regulares alii sint, et alii irregulares. Sed vide Joannem Baptistam Signinum, libro De Ord. Canon. cap. 2; et Navarr. Com. I de Regul. ad cap. 12 Cui portio Deus, q. 1, ubi docet non omnem verborum geminationem censendam esse battologiam. Nam et apud jurisperitos ejusdem clausulae vel dictionis geminatio plurimum operatur. V. I. Baptista, § ad Senatuscons. Trebell. Adde quod et geminatio ejusdem verbi apud Hebræos singularem habet vim, et emphasis intendendi vel augendi id quod dicitur: Psal. LXXXVI, 5, *Homo et homo natus est in ea*, id est, multi homines; Psal. LXVII, 15, *Ilex virtutum dilecti, dilecti*, id est dilectissimi, et alibi sæpe. Vide Genebr. locis citatis. Porro ejus loci abbas fuerit Ogerius, discimus ex Historia Restaurationis monasterii Sancti-Martini Tornacensis, auctore Hermannno monacho Tornacensi, ubi Ogerius religiosus canonicus de Montesa icti-Eligii prope Atrebatum, a Simone episcopo Tornacum evocatus memoratur, ut ecclesie Sancti-Medardi præesset; ibique et super plantam Scaldi domus ecclesiam lapideam in honorem S. Nicolai cum officinis congruentibus construxisse, pluresque tam clericos, quam laicos, necnon et mulieres ibidem congregasse, ipsamque abbatiam appellari fecisse Sancti-Nicolai de Prato. Hæc in Specilegi tomo II, pag. 469. Novæ ecclesie dedicatio facta est anno 1125. Similiter Ogerium primum presidem fuisse Sancti-Nicolai Pratensis ad Tornacum Nerviorum, testatur Picardus ex schedis Dionysii Villarii, canonici et cancellarii Tornacensis.

(262) Suaserat Bernardus ne renuntiaret curæ pastoralis, etiam amore quietis propriæ. Hinc jam improbat factum Ogerii, huic consilio non parentis: et quamvis licentiam ab episcopo acceperit, eum tamen non esse securum, ut quæ extorta sit, et licentia potius dicenda sit: additque divinæ cum ordinationi resistere, ut qui promotus a Deo, sese dejiciat, aliaque plura in eadem sententiam. Hinc ergo oritur gravis questio: An non liceat renuntiare curæ pastoralis, et sese subducere turbis et negotiis, et quietius vacandum Deo et saluti propriæ? Augent questionis difficultatem tam multa sanctorum virorum exempla, quos id fecisse novimus. Inter minores quidem prælatos plurimi fuerunt, sed nec pauci episcoporum, cardinalium, imo et pontificum nonnulli. Bruno III comes de Altena, Coloniensis presul, abdicato pontificatu, ad monasterium Veteris-Montis ordinis Cisterciensis secessit anno 1119. Eskilus Lundensis in Dania archiepiscopus, in Clara-Valle vitæ se privatæ dedit. Petrus Damiani ex monacho Benedictino cardinalis et episcopus Ostiensis, postquam pro ratione officii et dignitatis causam Ecclesie annis aliquot strenue et mira constantia gessisset, amore solitudinis et quietis in cellam reversus, vitam cum fratribus in tranquillitate deinceps exegit: sed redargutus a summo pontifice, cur publicam curam salutis privatæ, vir utilis et idoneus posthaberet. De quo illud memorabile, quod injunctam ob repudiatum episcopatum a pontifice centum annorum poenitentiam (qua nempe jubebatur in dies ad Psalmi et recitationem disciplinam facere, idque centum annis, si tot viveret) unius anni spatium integrum compleverit. Ita alias legisse memini. Vide Operum ejus tomm I, epist. 10; seu, juxta novam editionem, tomm III, Opusc. 20, ad Alexandrum ponti-

autem seu coacta licentia, licentia non est, sed violentia. Quod ergo tua importanitate victus **91** episcopus fecit invitus, non fuit absolvere, sed abrumperetur.

3. Congratulor quidem tibi, quod sis exoneratus : sed veretur ne Deus a te, quantum in te est, exonoratus sit; cuius procul dubio ordinationi resistis, dum promotus ab illo tu te deiecis. Quod si excusans paupertatis præteritis necessitatem; necessitas parit coronam : si difficultatem, si impossibilitatem; omnia possibilia sunt credenti. Sed responde quod verius est, quia scilicet placuit tibi magis quies tua, quam utilitas aliena. Nec mirum : placet fateor et mihi, quod hæc quies placeat tibi, si tamen non nimis. Quodeunque autem bonum ita placet, ut si recte fieri non possit, placeat tamen fieri eo etiam modo quo fas non est, nimis est : ac per hoc jam quia bene non fit, non est bonum. Scriptum est enim : *Si recte offers, et non recte dividis, peccasti* (*Gen. IV, 7, sec. LXX*). Aut ergo oportuit te gregem dominicum minime servandum suscipere, aut susceptum nequaquam relinquere, juxta illud : *Alligatus es uzori? noli querere solutionem* (*I Cor. VII, 27*).

4. Sed ad quid nitor his ratiocinationibus? Nunquid suadeo tibi redire ad onus regiminis, cum jam non pateat locus recuperationis? aut desperare te intendo, quasi qui te tali ligaveris culpa, quam jam solvere non possis? Absit! sed tantum nolo te illud, tanquam nullum vel parvum malum, negligere; imo semper timere, semper poenitere, semper securum non esse, sicut scriptum est : *Beatus homo qui semper est pavidus* (*Prov. XXVIII, 14*). Vides certe quem timorem tibi incutere nitor, non qui tibi sit laqueus desperationis, sed qui spem acquirat beatitudinis. Est siquidem timor inutilis, tristis, crudelis, qui veniam, quia non querit, non consequitur. Est et timor pius, humilis, fructuosus, qui cuilibet, quantumlibet peccatori, facile misericordiam promeretur. Talis timor generat, nutrit, et servat humilitatem, sed mansuetudinem, sed patientiam, sed longanimitatem. Quem non delectet tam inclyta proles? Alterius vero misera soboles est pertinacia, immoderata tristitia, rancor, horror, contemptus et desperatio. Non hoc ergo qui desperationem, sed illo qui generat spem, timens ne non timeres, vel parum timeres, tuam tibi culpam sic rememorandam esse putavi.

5. Est etiam adhuc, quod magis timeo tibi, ne forte, sicut de quibusdam scriptum est, quod *letan-*

fiam et Hildebrandum cardinalem qui postea factus pontifex nomine Gregor. VII, ubi se purgat ob dimissum episcopatum, et factum sum, improbatum a pontifice et cardinali, plurimis adductis exemplis tuetur. Sed si legibus potius quam exemplis iudicandum est, uti jurisconsultus ait, vide Augustinum, epist. 84, ad Eudoxium; Liberium papam, epist. ad omnes episcopos: Leonem I; epist. 32, ad Rusticum Narbonensem; Innocentium III, ad episcopum Arelatensem, et de Regular. cap. *Licet*; Belarminum, ad Henricum a Lotharinga episcopum

*tur cum malefecerint, et exsultant in rebus pessimis* (*Prov. II, 14*); tu quoque deceptus, non solum hoc putes culpam non esse, sed insuper (quod absit) in corde tuo glorieris, te magnum aliquid, et quod a paucis solet fieri, fecisse : dum qui emancipatus etiam aliis præeras, contemnens prælationem rursus subdi prælato malueris. Falsa humilitas, veram inducens superbiam in cor talia cogitantis. Quid namque superbius, quam spontaneæ et tanquam liberæ ascribere voluntati, quod vel cogit necessitatis vis, vel pusillanimitatis infirmitas? Quod si nec labore victus, nec necessitate compulsus, sed volens hoc fecisti; nihil hoc quoque superbius. Dei quippe consilio tuum prætulisti, magis eligens tibi quiescere, quam ejus operi deservire, ad quod te ipse assumpsit. Si ergo unde Deum contempsisti, inde ad majorem ejus gloriæ contemptum, non est bona gloriatio tua. Sed cave gloriationem, tolle et securitatem : quatenus utiliter semper sollicitus sis; semper humiliter pavidus, non illo scilicet timore, qui, sicut jam dixi, provocat iram, sed illo qui mitigat.

6. Qui horribilis timor si quando terrendo tuum pulsaverit animum, tacite suggerens tuum obsequium Deo esse non posse acceptum, et quod tua sit infructuosa poenitentia, quia videlicet unde Deus a te offensus est, per te emendari non potest : ne ad momentum quidem recipias, sed fidenter responde et dic, Male quidem egi, sed factum est, et jam non potest non fieri. Quis scit si hoc mihi Deus expedire providerit, et de malo meo ipse qui bonus est, bonum mihi operari voluerit? Malum ergo puniat quod ego feci, **92** bonum autem maneat quod ipse providit. Nostris quippe inordinatis seu voluntatibus, seu actionibus novit bonitas Dei uti, semper quidem recte in sui ordinis pulchritudinem; sæpe etiam pie in nostram utilitatem. O clementissima circa filios Adam divinæ pietatis recordatio! quæ sua non desinit largiri beneficia, non solum ubi nullum invenit meritum, sed plerumque etiam ubi totum videt contrarium. Sed ad te redeamus. Secundum ergo duos timores qui supra distincti sunt, volo te timere, et non timere; præsumere, et non præsumere. Timere, ut poeniteas; non timere, ut præsumas : porro præsumere, ne diffidas; non præsumere, ne torpescas.

7. Agnosce, frater, quantum de te confisus sum, qui te tam acriter increpare; tuum factum, nec mihi satis probatum, tam audacter dijudicare non dubitaverim, cum id forsitan rationabilius a te actum fuerit, quam mihi lucusque notum sit. Neque.

Viriunensem; S. Gregorium, De cura past. lib. I, cap. 5 sqq. Petrum Blesensem, epist. 44 et 101, S. Thomam, 2-2, q. 85; Gillebertum de Hoylandia, elegantissima epistola ad Ogerium (an forte eundem, ad quem est præsens Bernardi epistola? certe utriusque epistolæ et inscriptione et argumento conveniunt) quam habes hic tomo V. Item vide Tubas nostras discipline eccles. pag. 521; Claudium Espenceum, lib. III Digress. in Epistola I ad Timotheum.

enim tu in tuis litteris fortasse rationes omnes illas, quibus excusari posset hoc factum, ponere voluisti, vel propter tuam humilitatem, vel propter litterarum brevitatem. De re ergo quam plene non novi, suspensam relinquens sententiam, unum quod fecisti irretractabiliter laudo, quod videlicet deposito iugo regiminis, sine iugo tamen esse noluisti: sed amicam repetens disciplinam, de magistro fieri denuo discipulus non erubuisti. Nam cum pastoralis vinculo solutus posses tui remanere juris: siquidem promotio abbatis, emancipatio filii est (263): tu tamen hac potestate tui non utens, sicut aliis dominari renueras, sic tibi quoque præesse timuisti: quique ut magister esses aliorum, minus te iudicabas idoneum; nec te quidem tibi credens, tuus fieri discipulus contempsisti. Et merito: quia qui se sibi magistrum constituit, stulto se discipulum subdit (264). Et quidem quid alii de se sentiant, ignoro: ego de me expertus sum [al. sentio] quod dico: et facilius imperare, et securius possum præesse aliis multis, quam soli mihi. Prudens ergo humilitas humilisque prudentia fuit, quod nequaquam credens ad salutem te posse sufficere tibi, alieno potius arbitrio deinceps vivere proposuisti.

8. Laudo etiam, quod non novum vel magistrum, vel locum requisisti, sed ad claustrum de quo exieras, et ad patrem sub quo profeceras, familiariter redisti. Rectius quippe fuit ut domus quæ te nutrierat, sed pro fraterna charitate dimiserat, exoccupatum reciperet, quam de ejus dissolutione aliena gauderet. Quod tamen in hoc episcopi licentiam non habueris, nolo ut negligenter ducas: sed aut per te, aut per mediam personam, quantum in te est, satisfacere non differas. Post hæc conversare simpliciter inter fratres, devotus Deo, magistro subditus, senioribus obediens, junioribus contemperans [al. obtemperans]. Angelis placens, verbo utilis, humilis corde, mansuetus ad omnes. Cave autem, ne, quia olim in honore positus fuisti, etiam nunc te putes præ cæteris honorandum: sed magis humilem omnibus exhibeas, tanquam de cæteris unum. Nec enim dignum est ut inde exigas honorem, unde refugis laborem.

9. Potest hinc etiam nasci aliud periculum, ad quod te præmonitum et præmunium esse volo. Nam sicut omnes ita mutabiles sumus, ut plerumque quod heri volebamus, hodie recusemus; et quod

A hodie nolumus, eras desideremus: sic quandoque diabolo suggerente poterit contingere, ut ex memoria relictis honoris tui animi pulset cupiditas; ita ut omnia quæ viriliter contempsisti, pueriliter desiderare incipias. Dulcescent animo quæ prius amara fuerunt, sublimitas loci, domus cura, rerum dispensatio, obsequia famulorum, libertas tui, potestas in alios; in tantum ut propere reliquias te pœniteat, quod prius tenere gravabat: cui pessima tentationi si vel ad horam (quod absit) assensum præbueris, non mediocriter damnum incurres tuæ conversationis.

10. En tota illius elegantissimi et eloquentissimi 93 doctoris sapientia, a quo doceri de tam longinquo postulasti: en illud expectatum ac desideratum eulogium, quod audire tantopere studuisti: hæc summa nostræ eruditionis. An adhuc aliquid magnum expectas? totum audisti. Quid amplius requiris? exhaustus est fons, et tu quæris aquam in sicco? Exemplo illius evangelicæ viduæ, de paupertate mea totum quod habui, misi (*Luc. xxi, 2-4*). Quid verecundaris? quid vultum dimittis? Tu me coegisti. Sermonem quæstisti; sermonem habes. Sermonem, inquam, habes jam satis longum, sed mutum; verbis plenum, sensibus vacuum: non quo, ut petieras, in corde tua charitas ordinetur, sed quo mea inscitia publicetur. Nam unde jam poterit excusari? Possem forsitan dicere, quod febre tertiana laborans, quod pro officio meo curis occupatus hæc dictaverim, cum scriptum sit: *Sapientiam acripe in otio* (*Ecclesi. xxxviii, 25*). Sed hæc recte prætenderem, si grande aliquod atque operosum opus aggrederis fuisses. Nunc autem in tantillo opusculo, ut occasionibus me non exausem, nihil horum certius prætereundum possum, quam, ut sæpe jam dixi, scientiæ paupertatem.

11. Sed habeo nonnullam meæ confusionis consolationem. Nam etsi non feci ut petieras, si non misis quod speraveras; agnoscis certe quia volui. Sufficiet autem voluntas, ubi deesse vides facultatem explendi. Denique etsi tibi nullam conferat utilitatem, vel mihi proficiet ad humilitatem. Stultus quippe dum non loquitur, sapiens putatur (*Prov. xvii, 28*): nam quod non loquitur, non sensus inopia, sed humilitatis esse custodia creditur. Ego itaque si adhuc siluisssem, sapiens dicerer, sed non essem. Nunc autem alii insipientem me ridebunt, alii subsannabunt

(263) Nimirum qui ex monacho fit abbas, eximitur a iure et subiectione sui abbatis.

(264) Argutum et sapiens sancti Bernardi dictum. Nam *caritas* seu amor sui ipsius, magnus errorum artifex, in causis propriis fere mentem et oculos homini surripit: facitque adeo illum stultescere, et veram de rebus iudicium amittere, ita ut qui aliis non raro recte norunt consulere, in propriis fœde exequantur, imo desipiant, seseque misere decipiant. Porro in via vite spiritualis seu religiosæ sine duce velle procedere, res plena discriminis est, ut passim sancti Patres et ascetici scriptores ostendunt. Adi August. *Prolog. lib. de doctrina Christi*. Basil. *Constitut. Mon.* cap. 23, et *Quest. Brev. n. 501*; Gregor

Nyssen. *lib. De Virg. Hieron. epist. 4, ad Rusticum*; Greg. *Magn. lib. 1 Dial. cap. 4, et lib. ii, in librum 1 Reg. Cassianum, Collat. 2, capp. 11, 15*; S. Dorothei. *Serm. 5*; Vincent. Ferrer. *tract. De Vita spir. cap. 4*; Turrescrem. *tract. 9 in Reg. S. Benedicti*; S. Bonav. *lib. De Sex Aliis*; Alphons. Rodrig. *m. p. Exercit. tract. 7, cap. 2 1*; Ludov. de Ponte, *p. n. Duc. spir. tract. 4, cap. 2, et p. 1, De Perf. Chr. tract. 2, cap. 9*; Rossignol. *De Discipl. Perf. lib. 1, cap. 1*; Hier. Plat. *De Bon. Stat. rel. lib. 1, cap. 24*; Jacob. Alv. de Paz. *De Vita spir. tomo 1, lib. v, capp. 12, 13*; denique Julium Nigron. *in Tract. ascet. tract. 1*.



idiotam, alii presumptori indignantur. Putasne parum hoc mihi conferat religionis emolumentum, cum humilitas, ad quam utique ducit humilitatio, totius sit spiritualis fabricæ fundamentum? Siquidem humiliatio via est ad humilitatem, sicut patientia ad pacem, sicut lectio ad scientiam. Si virtutem appetis humilitatis, viam non refugas humiliationis. Nam si non pateris humiliari, non poteris ad humilitatem provehi. Prodest itaque mihi meam insipientiam sciri, et a scientibus [at., sapientibus] jure confundi, cui sæpe contigit a nescientibus injuste laudari. Terret me Apostolus, qui et ipse territus dicit: *Parco autem, ne quis me existimet supra id quod videt in me, aut audit aliquid ex me (II Cor. xii, 6)*. Quam pulchre dixit, parco. Non parci sibi arrogans, non parci sibi superbus, non cupidus vanæ gloriæ, et jactator actuum suorum, qui vel sibi arrogat quod est, vel mentitur de se quod non est. Solus qui vere humilis est, parci animæ suæ: qui ne putetur, quod non est, semper quantum in se est, vult nesciri quod est.

12. Grande revera periculum, audire quemquam de se supra quam sentit in se. Quis dabit mihi apud homines tantum de veris digne humiliari, quantum vel de falsis datum est indigne exaltari? Illam mihi vocem propheticam jure assumerem: *Exaltatus autem, humiliatus sum et conturbatus (Psal. lxxxvii, 16)*; et illud: *Ludam, et vilior fiam (II Reg. vi, 22)*. Ludam scilicet ut illudar. Bonus ludus, quo Michol irascitur, et Deus delectatur. Bonus ludus, qui hominibus quidem ridiculum, sed Angelis pulcherrimum spectaculum præbet. Bonus, inquam, ludus, quo effluimur opprobrium abundantibus, et despectio superbis. Nam revera quid aliud sæcularibus quam ludere videmur, cum, quod ipsi appetunt in hoc sæculo, nos per contrarium fugimus; et quod ipsi fugiunt, nos appetimus? More scilicet jocularum et saltatorum, qui capite misso deorsum, pedibusque sursum erectis, præter humanum usum stant manibus vel incedunt, et sic in se omnium oculis designant. Non est hic ludus puerilis, non est de theatro, qui femineis fœdisque anfractibus provocet libidinem, actus sordidos representet: sed est ludus jucundus, honestus, gravis, spectabilis, qui cœlestium spectantium delectare possit aspectus. Hoc casto et religioso ludo ludebat qui dicebat: *Spectaculum facti sumus Angelis et hominibus (I Cor. iv, 9)*. Hoc ludo et nos interim 94 ludamus, ut illudamur, confundamur, humiliemur, donec veniat qui potentes deponit, et exaltat humiles; qui nos lætificet, glorificet, in æternum exaltet.

## EPISTOLA LXXXVIII (265)

AD EUMDEM.

*Se multis occupationibus impeditum, hactenus non potuisse vois ejus satisfacere; cogigne etiam modo parcius scribere. Opusculum quoddam suum edi in publicum velit, nisi reçoignitum.*

1 Omitto nunc imperitiam meam, taceo profes-

(265) Scripta circa annum 1127.

sionis humilitatem, seu humilitatis professionem, nec jam obtendo vel loci, vel nominis mei non dico abjectionem, sed mediocritatem: quia quidquid tale dixerò, tu hoc non necessariam excusationem, sed dilatoriam occasionem nominabis, qui meam, ut mihi videbatur, justam verecundiam, pro tuo libitu nunc indiscretionem, nunc falsam humilitatem, nunc etiam veram superbiam interpretaris. Horum itaque, quia tibi in dubium venire possunt, nihil assero. Illud autem simpliciter tuæ dilectioni intimo, quod indubitanter te credere volo: toto scilicet hoc tempore, ex quo tuus nuntius, non is, sed alius recessit a me, nullum mihi omnino fuisse otium ad id quod poscis idoneum, tum propter dierum malitiam, tum propter noctium brevitetem. Sed et nunc quoque ita me novissimæ tuæ litteræ occupatissimum invenerunt, ut ipsas etiam occupationem causas pro mei exarsatione longum fuerit mihi scribere tibi. Vix quippe illas tuas inter prandendum (nam illa hora mihi primum redditæ sunt) perlegere potui. Vix has meas quantulasculumque furtim, raptim, anticipatis horis, breviter succincteque rescripsi. Quarum quidem brevitetem an æquo animo feras, tu videris.

2. Ego enim, ut verum fatear, propter te, mi Ogeri, ipsis curis meis compellor irasci, quanquam in his teste conscientia, soli charitati cupiam deservire: cujus profecto imperio, quia sapientibus et insipientibus debitor sum, ipsa sola facere potuit, ut necdum tibi potuerim satisfacere. Quid ergo? charitas tibi denegat quod tu petis ex charitate? Petisti, quæsisisti, pulsasti; et charitas te frustrata est. Quid mihi indignaris? Si vis, si audes, irascere charitati. De qua namque præsumis impetrare quod postulas, ipsa prohibente fit ne impetres. Et ecce jam longum causatur sermonem, et tibi indignatur qui cogis. Non quod sibi displiceat zelus quo id facis; quippe quem et ipsa donavit tibi: sed vult te illum habere secundum scientiam, ut cautus sis majora minoribus non impedire. Vides quam invitatus avellor a longiori epistola, dum ductus delectatione tibi colloquendi, et desiderio satisfaciendi, dominæ charitati molestus fio, qua jamdudum imperante finem fieri, necdum taceo. O quam lata in tuis litteris patet materia respondendi. Quod si digne licuisset ut libuisset, et tibi forsitan satis esset et mihi. Sed quæ aliud præcipit, domina est, imo dominus est. Deus enim charitas est (I Joan. iv, 16): et satis agit pro imperio, quatenus debeam potius obtemperare sibi, quam vel mihi, vel tibi. Et quoniam oportet charitati Deo magis obedire quam hominibus; nolens dolensque, non quidem nego quod postulas, sed interim differo: ne dum tuæ cupio humiliter satisfacere voluntati, sub prætextu falsæ humilitatis per veram superbiam, arcem tantæ potestatis, quæ, te veraciter attestante, etiam Angelis imperat in cœlis, terrenus vermiculus in terra videar impugnare.

3. Libellum quem queris, ipse quoque antequam tuus nuntius ad nos veniret, ab eo cui commenda-  
veram, requisivi: sed necdum recepi. Dabo autem  
operam ut vel cum veneris, si tamen unquam ali-  
quando veneris, illum invenias, videas, et legas;  
non autem transcribas. Nam illum alium quem te  
significas transcripsisse, ego quidem legendum tibi  
miseram, non transcribendum: videris tu, qua vel  
quorum utilitate transcriperis. Quod autem te mit-  
tente eum nunc habet abbas de 95 Sancto-Theo-  
derico, ego quidem non jusseram (266), nec tamen  
displicet mihi. Ut quid enim libellus meus oculos ejus  
formidaret, cui se videndum animus quoque meus  
totum, si posset, expanderet? Sed heu! in quanta  
sermonis angustia mentio se ingressit de tali viro,  
ne liceat, ut dignum erat, in tam dulcissima nobis  
memoria aliquandiu immorari, quando jamjamque  
desiderat epistola finem? Obsecro te ne graveris  
opportunitatem querere quomodo ad eum pergas,  
praedictumque opusculum non prius cuiquam scri-  
bendum vel legendum exponas, quam eum eo totum  
pervideas; pariterque conferatis, et corrigatis quae  
corrigenda sunt, ut in ore duorum testium stet  
omne verbum. Et tunc demum an passim cuilibet,  
an paucis tantum, an vel cuiquam, an forte etiam  
nulli expediat demonstrari: et si illa quoque praefati-  
uncula (267), quam de nostris aliis litteris eidem  
coaptasti, apte sedeat, an vero aptior queri debeat,  
vestro utriusque iudicio derelinquo.

4. Sed jam pene mihi exciderat quod in principio  
epistolae tuae questus es, quod te arguerim menda-  
cii. Hoc aliquando me locutum fuisse, non satis re-  
colo. Si quid tamen fuerit (nam magis me oblitum,  
quam tuum nuntium mentium crediderim), jocando  
potius quam serio dictum fuisse non dubites. Egone  
levitate te usum putaverim, aut apud te esse Est et  
Non? Absit a me haec suscipio de te, qui iugo veri-  
tatis beatus quod portas ab adolescentia, lascivos  
annos morum superas gravitate! Nec tam simplex  
sum, ut simplicem oris prolationem sine cordis dupli-  
citate mendacium putem: nec tam incuriosus tui,

ut oblitus sim, vel quod jamdudum conceperis in  
affectu, vel quid ab effectu impederit.

## EPISTOLA LXXXIX (268).

AD EUNDEM.

*Scriptio brevitatem excusat propterea sacri tem-  
poris, cui potius silentium competat: item profes-  
sionis et ruditatis, ut docendi munus usurpare non  
audent.*

1. Indignaris forsitan, vel, ut temperantius dicam,  
miraris, quod pro longiori epistola, quam a nobis  
speraveras, tam brevem chartulam receperis. Sed  
memento juxta virum Sapientem, omnia sub caelo  
tempus habere: et tempus quidem loquendi, et  
tempus esse tacendi (*Eccle. III, 1, 7*). Quando au-  
tem suum tempus silentium habebit, si hos etiam  
sacros dies Quadragesimae nostra sibi vindicat con-  
fabulatio? Eaque ipsa tanto occupatior, quanto  
laboriosior; dum non quidem praesentes alter-  
utrum dicere leviter valeamus quae volumus, sed  
absentibus necesse est nobis invicem diligenter  
dictare, quae vel petimus ab invicem, vel peti-  
mur. Dum vero absens cogito, dictito, scriptito,  
mittoque quod praesens legas; rogo ubi otium, ubi  
silentii quies (269)? Sed haec, inquires, omnia facere  
potes in silentio. Mirum si ex sententia hoc respon-  
deas. Quantus enim tumultus est in mente dictan-  
tium, ubi multitudo perstrepat dictionum, ubi ora-  
tionum varietas et diversitas sensuum concurrat:  
ubi saepe respicitur quod occurrit, et requiritur  
quod excidit: ubi quid pulchrius secundum litte-  
ram, quid consequentius juxta sententiam, quid  
planius propter intelligentiam, quid utilius ad con-  
scientiam, quid denique, cui, vel post, vel ante po-  
natur, intentissime attenditur; multaque alia quae  
a doctis in hujusmodi curiosius observantur? Et tu  
in hoc mihi dices esse quietem? tu hoc, etiamsi  
lingua sileat, silentium nominabis?

2. Quanquam non solum temporis, sed nec meae  
96 professionis est, huic rei operam dare quam  
postulas, nec possibilitatis adimplere quod optas.  
Siquidem vel monachi quod esse videor, vel pecca-

(266) Opusculum istud procul dubio non aliud est,  
quam Apologia ad Guillelmum abbatem, quam  
Ogerius expectabat utque apud Claræ-Vallem,  
dum eam Bernardus perficiebat, ut patet ex ultimis  
ejusdem Apologiae verbis. Sed cum eam necdum  
accurate descriptam ante discessum obtinere po-  
tuisset Ogerius, eam postea a Bernardo missam  
accepit examinandam, atque eo inconsulto commu-  
nicavit Guillelmo abbati, cui inscripta est, quam  
Bernardus emendatam ipse transmissurus erat.

(267) Praefatiuncula haec epistola est ad eundem  
Guillelmum, quae inter Bernardinas censeri solet,  
ordine octogesima quinta, in capite Apologiae relata.

(268) Scripta circa annum 1127.

(269) Haec epistola gravibus verbis significat vir  
sanctus, quam sit alienus a litteris ad amicos minus  
utilibus et necessariis scribendi, quod id fiat cum  
jaetura temporis et otii, graviusque magisque san-  
ctis negotiis tribuendi; item silentii, quod religiosis  
incumbit; denique quietis et tranquillitatis internae,  
cujus dispendium adfert illa scribendi cura et occu-

patio. Loquitur Bernardus de officio et vocatione  
monachi secundum se. Nam monachus, quatenus  
talis, non vocatur ad praedicandum et docendum;  
sed ad vacandum in solitudine Deo et saluti propriae,  
per meditationes et virtutum exercitia. Unde epi-  
stola 42 (habetur tomo II inter Tractatus) ait S. Ber-  
nardus: Labor et latebrae et voluntaria paupertas,  
haec sunt monachorum insignia; haec vitam solent  
nobilitare monasticam. Quapropter ne fortassis  
temere et imprudenter inertes, si qui tales alicubi  
latitant monachi, auctoritate sancti Patris abutantur  
ad fomentum ignaviae suae, quasi studia litterarum  
et scientiam improbet in monachis, audiant hi  
ipsum alibi tales manifeste redarguentem. Videat  
forsitan, inquit, nimius in suggillatione scientiae,  
et quasi reprehendere doctos, ac prohibere studia  
litterarum. Absit! Non ignoro quantum Ecclesiae  
profuerint et prosint litterati sui, sive ad refellendos  
eos qui ex adverso sunt, sive ad simplices instru-  
endos, etc., ejusdem sermonis, quae legisse juvabit  
serm. 36 in Cantica, n. 2.

toris quod sum, officium non est docere, sed lugere. A Indoctus quoque (quod et vere me fateor esse) si præsumat docere quod nescit, nihil indoctus agit. Docere itaque nec indocto est in promptu, nec monacho in ausu, nec pœnitenti in affectu. Sed et propter hoc elongavi fugiens, et maneo in solitudine, et cum propheta proposui custodire vias meas, ut non delinquam in lingua mea (Psal. xxxviii, 2), quoniam juxta eundem Prophetam: Vir linguosus non dirigitur super terram (Psal. cxxxix, 12); et secundum aliam scripturam: Mors et vita in manibus linguæ (Prov. xviii, 21). Silentium autem, dicente Isaia, cultus justitiæ est (Isa. xxxii, 17); et, Bonum est, ut docet Jeremias, expectare salutare Dei cum silentio (Thren. iii, 26). Ad hunc ergo justitiæ cultum, hanc omnium virtutum matrem, nutricem, custodem, ne penitus videar negare quod petisti; et te, et quicumque tuis similes proficere cupiunt in virtutibus, invito et provoco, etsi non verbo doctrinæ, certe mei silentii exemplo, ut vel silendo doceam te silere, qui loquendo compellis me docere quod nescio.

3. Sed quid ego facio? Mirum si non rides, quod ego qui multiloquium tantopere damnare videor, in tam multa verba tam loquaciter jam progredior; et dum cupio tibi commendare silentium, contra silentium per multiloquium pugno. Guerricum nostrum (270), de cujus conversatione et pœnitentia consolari desideras, quantum ex fructibus ejus perpendimus, noveris Deo digne conversari, dignosque pœnitentiæ facere fructus. Libellum autem, quem a me exigis, penes me modo non habeo. Quidam enim amicus noster eodem zelo, quo tu flagitas, diu est quod apud se illum detinet. Sed ne tuæ pietatis [al., benignitatis] petitionem abire patiar omnino frustratam, alium nuper a me editum, in Laudibus Virginis matris (271), tibi transmittito: quem, quia ejus exemplar non teneo, rogo ut quantocius ad me remittas; vel, si maturius adveneris, ipse deferas tecum.

#### EPISTOLA XC (272).

##### AD EUNDEN.

Amorî sincero non opus esse prolixis litteris, aut multis verbis: sequæ e valetudine propemodum desuperata convalescere.

4. Breves brevibus reddidi litteras, occasionem utique breviter rescribendi de tuarum brevitate libenter accipiens. Et vere quid juvat veras, et, ut veraciter loqueris, æternas amicitias vanis atque transitoriis jactitare verbulis? Quantalibet versuum diversitate, verborum multiplicitate, scriptorum varietate tuam mihi charitatem ostentare seu commendare coneris, minus certe sentio te exprimere

quam diligis, idemque tu de me sentiendo non falleris. Cum tuæ litteræ in manus nostras venerunt, te in corde nostro qui eas miseris, invenerunt. Has quoque nostras nec me sine te scribere certus sum, nec te sine me confido lecturum. Laboramus quidem uterque ad alterutrum scriptitando, fatigantur et nuntii alterius ad alterum scripta portando: sed nunquid spiritus gravantur amando? Cessent igitur quæ absque labore non possunt acitari; et illud frequentetur, quod quanto attentius satagitur, tanto minus constat laborari. Quiescant, inquam, a dictando ingenia, labia a confabulando, a scribendo digiti, a discurrendo nuntii (273): non autem quiescant corda die ac 97 nocte meditari in lege Domini, quæ est charitas. A quo negotio quanto quietiores sumus, tanto minus quiescimus: quantoque occupatiores sumus in illo, tanto nos quietiores sentimus ex illo. Amemus, et amemur; in altero nobis, in altero nostris consulentes. Nam quos amamus, in ipsis profecto requiescimus; a quibus autem amamur, ipsis nos in nobis requiem paramus. Porro amare in Deo, charitatem habere est: studere vero propter Deum amari, charitati servire est.

2. Sed quid ego facio? Ego promissor brevitatis, jam tenebor prolixitatis exhibitor. Si de fratre Guerrico desideras, imo quia desideras scire, sic currit non quasi in incertum, sic pugnat non quasi aerem verberans. Sed quoniam scit neque pugnatis esse, neque currentis, sed miserentis Dei; ipsum rogat a te orari pro se, quatenus qui jam donavit ei et pugnare et currere, dei et vincere et pervenire. Abbatem vestrum mihi, non tantum propter te, sed et propter suam bonam famam charissimum, corde meo et ore tuo saluto, gratantissime eum visurus illo et tempore et loco quo promisisti. Notifico etiam tibi, quod et nunc paulisper aggravata manu Domini super me, impulsus eversus sum ut caderem, ita ut securi ad radicem infructuosæ arboris corporis mei apposita, jamjamque succidi metuerem: cum ecce tuis cæterorumque amicorum nostrorum orationibus et hac vice pius Dominus pepercit mihi, sub spe tamen promissi fructus in futuro.

#### EPISTOLA XCI.

##### AD ABBATES SUESSIONE CONGREGATOS (274).

Abbates excitat ad strenue curandum negotium, cujus causa convenerant. Studium profectus serio commendat: nil morandum, si tepidi quidam et dissoluti forsân detrectent et obmurmurent.

Reverendis abbatibus apud SueSSIONem in nomine Domini congregatis, servus sanctitatis eorum

(270) Guerricus iste anno 1138 factus est abbas Ignaconsis, cujus sermones in tomo sexto. De eodem rursus in epistola sequente.

(271) Sic inscribit Homilias super Missus est.

(272) Scripta circa annum 1227.

(273) Hujusmodi scriptationes devotioni et orationi impedimento esse dicit in epistola prædix

Apologie ad Guillelmum abbatem, et supra in epistola 89.

(274) Scripta circa annum 1150. — Hoc unum est ex primis capitulis generalibus nigrorum, ut vocant, monachorum ex provincia Remensi. Causa ejus et occasio videtur Apologia Bernardi ad Willelmum, qui auctor fuerit, Cluniacensium et Cisterciensium



frater BERNARDUS abbas dictus de Clara-Valle, quæ recta sunt videre, constituere, et tenere.

1. Irascor occupationibus meis, quibus impediō interesse conventui vestro, corpore tamen duntaxat. Nam spiritum nec spatia terrarum, nec turba curarum absentare queunt : quippe orantem pro vobis, congratulantem vobis, atque in vobis quiescentem. Non me, inquam, sanctorum potest carere conventus, nec loci corporisve distantia privat prorsus a consilio iustorum et congregatione : illo præsertim consilio, in quo non hominum traditiones (275) obstinatius defensantur, aut superstitiosius observantur; sed diligenter humiliterque inquiritur, quæ sit voluntas Dei bona, et beneplacens, et perfecta. Ille toto desiderio feror, devotione immoror, condelector amore, inhæreo consensu, æmulatione persisto.

2. Ne ergo in vacuum vos (quod absit) convenisse subsannent qui dicunt vobis, Euge! euge! contendite, obsecro, bonas facere vias vestras et studia vestra, quæ profecto nimis bona esse non possunt. Esto quod possis nimium fortassis esse justus, possis et nimium sapiens : sed plane bonus ultra modum esse non potes. Et quidem lego : *Noli esse nimium justus* (Eccle. vii, 17); lego : *Non plus sapere quam oportet sapere* (Rom. xii, 3) : nunquid autem, aut, Ne sis nimium bonus; aut, Non plus bonus quam oportet? Nemo esse bonus plus quam oportet potest. Bonus 98 erat jam Paulus; et tamen nequaquam contentus, libenter se ad ea quæ ante sunt, extendebat, posteriora obliviscens (Philipp. iii, 13), et se ipso semper melior effici studens. Solus Deus melior se ipso esse idcirco non vult, quia non valet.

3. Recedant a me et a vobis qui dicunt : Nolumus esse meliores quam patres nostri, tepidorum et dissolutorum se filios protestantes. Quorum memoria in maledictione est, quia manducaverunt uvas acerbas, quibus dentes filiorum obstupuerunt. Aut si sanctis et bonæ memoriæ patribus gloriantur; imitentur certe sanctitatem, quorum indulgentiis dispensationesque pro lege defendunt. Quamquam sanctus Elias, *Non sum*, inquit, *melior quam*

exemplo, convocandi hunc cœtum, ut regulari observantia labenti succurreretur. Habitum est indubie apud Sanctum-Medardum sub abbate Gaufrido, ad quem epistola 66. Hunc jam episcopum Catalaunensem Petrus Venerabilis in libri ii epistola 43 laudat, veluti Cluniacensis, divini Ordinis per totam Franciam primum disseminatorem, auctorem, protectorem, imo : inveterati draconis de tot monasteriorum cubilibus expulsores, et monastici corporis excitatorem : quæ verba huc forsitan referenda. Innocentius II ejusmodi capitula generalia per nigros monachos quotannis in posterum fieri voluit, ut constat ex epistola 480, infra, in append. ad epistolas.

(275) Illo loco hominum traditiones appellantur indulgentiæ et relaxationes vite regularis, de quibus infra, et in epistola 154, n. 1.

(276) Scripta anno Christi 1132.

(277) Quid Bernardus hoc loquendi genere innuat, prodit historia originis Fontanensis monasterii his

patres mei (III Reg. xix, 4) : et non dixit se nolle patribus esse meliorem. Vidit Jacob in scala Angelos ascendentes et descendentes (Gen. xxviii, 12) : nunquid stantem quempiam, sive sedentem? Non est stare omnino in pendulo fragilis scalæ; neque in incerto hujus mortalitatis vite quidquam in eodem statu permanet. Non habemus hic manentem civitatem, nec futuram adhuc possidemus, sed inquirimus. Aut ascendas necesse est, aut descendas : si attentas stare, ruas necesse est. Minime pro certo est bonus, qui melior esse non vult : et ubi incipis nolle fieri melior, ibi etiam desinis esse bonus.

4. Recedant etiam a me et a vobis qui dicunt bonum malum, et malum bonum. Qui dicunt cultum justitiæ malum, quoddam bonum jam bonum reputari sunt? Unum verbum olim locutus est Dominus, et Pharisei scandalizati sunt (Matth. xv, 12). At novos nunc Phariseos non verbum, sed silentium scandalizat. In hoc uno certe advertitis, quod occasionem quærent adversum vos. Sed sinite illos; cæci sunt, duces cæcorum. Intendite salutem parvulorum, non murmuri malevolorum. Non valde illorum vobis curandum est scandalum, qui non sanantur, nisi vos infirmemini. Sed nec ut vestris ipsis omnia in omnibus placeant quæ statuitis, expectandum. Alioquin aut nullum, aut rarum bonum constituitis. Satis vero ipsorum profectibus, quam voluntatibus providetis; fideliusque invitos trahitis ad Deum, quam desideris cordis eorum relinquitis. Commendo me sanctis orationibus vestris.

#### EPISTOLA XCII (276).

AD HENRICUM REGEM ANGLORUM.

*Monachis a se missis ad construendum monasterium, regis favorem postulat.*

HENRICO 108 Regi Anglorum regi, BERNARDUS abbas dictus de Clara-Valle, cœlorum Regi de terrene regno servire fideliter, et humiliter obedire

In terra vestra tenetur præda Domini mei atque vestri (277), et illa præda, pro qua maluit mori, quam carere illa. Ego eam sequi disposui, et mittere de nostra militia, qui in manu valida, si vobis non displicet, requirant, recuperent et reducant. Et nunc hujus rei gratia præmisi hos quos præsentem

verbis : « Bernardus abbas Claræ-Vallensis missis expeditionis suæ militibus, jam finitimas occupaverat regiones, claros agens de hoste antiquo triumphos, eripiens prædam, et restituens Regi suo. Hic instinctu divino de nobili sua Claræ-Vallensi tinea quamdam bonæ spei plantationem ad Anglicanas partes direxerat, fructum in illa gente quærens, sicut ubique terrarum. Exstat adhuc eadem epistola, quam pro eis ad regem scripserat, asserens teneri prædam Domini sui in terra illius, misisse de militia sua viros strenuos, qui eam requirant, recuperent, et reducant. Suadet regi ut nuntiis assistat, et in hoc nō deserat feodum suum; quod et factum est. Suscepti cum honore a rege et regno, in provincia Eboracensi jaciunt nova fundamenta, constituentes abbatiam quæ Rievallis nominatur. Et hæc prima plantatio Ordinis Cisterciensis in territorio Eboracensi. » Ex monastici Anglicani tomo I, pag. 755. Plura de Henrico hujus nominis primo vide, si lubet, in notis ad epistolam 138.

cernitis exploratores, qui esso (278) rei indagent sagaciter, renuntientque fideliter. Assistite eis tanquam nuntiis Domini vestri, et in ipsis sendum vestrum deservite (279). Ipse vero ad honorem suum, ad salutem vestram, ad patriæ ospitalem et pacem, letum vos et inclytum perducatur in bonum ac placidum finem.

### 99 EPISTOLA XCIII.

AD HENRICUM WINTONIENSEM EPISCOPUM (280).

*Officiose eum salutatur.*

Viro illustri domino HENRICO, Dei gratia Wintoniensi episcopo, BERNARDUS abbas dictus de Clara-Valle, in Domino salutem.

Multorum jam relatione letabundus accepi, locum gratiæ non infimum humilitatem nostram apud vestram Celitudinem obtinere. Non sum meritis, sed eo non ingratus. Itaque refero gratiam pro gratia, etsi non condignam, certe quam possum. Nec vereor, quantula sit, oblatam, vel potius relatum a vobis sperni, quam et amanter promereri, et di-

(278) Familiaris Bernardo hæc vox esse ad significandum rei aut hominis statum, in epistolis 118, 304.

(279) Quippe reges et principes sunt tanquam Dei vassalli.

(280) Scripta circa annum 1152. — Henricus, Henrici I Anglorum regis ex sorore nepos, Stephani Angliæ itidem regis frater, atque Stephani comitis Blesensis filius, postmodum episcopus Wintoniensi, in Anglia, ex abbate Glastoniensi, Guillelmo Giffardo successit Wintoniæ anno 1128, laudatur ab Anglicis historicis, præterquam ab Henrico Huntingdoniensi in Spicilegio tomo VIII, pag. 190, ubi Henrici regis nepos dicitur, « novum quoddam monstrum, scilicet monachus et miles. »

« Mater ejus » (Adela), inquit Guillelmus Neubrigensis, in Historia Angl. libro 1, cap. 4, « ne soli sæculo liberos genuisse videretur, apud Cluniacum tonsoravit, » nempe anno 1126, uti diserte refert Historia Glastoniensis (Monastici Anglicani tomo II, pag. 18), eum inter suos abbates connumerans, in qua dicitur « vir quem abundans litteraturæ peritia illustravit, morumque honestas apprime decoravit, cuius industria tanta Glastoniensi ecclesiæ præstitit beneficia, quod ejus ibidem memoria æterna vigebit per sæcula, » etc. De Henrico ad sedem Wintoniensem postea evecto sanctus Bernardus conquestus est epistola 257 ad Eugenium scribens : « Quid dicam de domino Wintoniensi ? » Opera quæ ipse facit, testimonium perhibent de eo, » nimirum quod præter arces a principibus (ut auctor est Harpsfeldus, sæculo 12, in Henrico) ad convivium invitatis extortas, Guillelmum Eboracensem intrusum consecrasset, teste Rogerio, in Annalibus ad annum 1140, ubi eum Romanæ sedis legatum vocat. Male itaque a Brito et Henriquez inter Cistercienses recensetur, nec rectius ab isto fortasse inter viros sanctitatis insignes (Menolog. Cisterc. ad diem 11 Octobris), occasione sumpta ex testimonio Wionis in Ligno vite, qui virum prophetiæ spiritu clarum prædicat, quod Henrico nepoti ipsum visitanti mortuus prædixit castigandum a Deo ob necem sancti Thomæ Cantuariensis, quem ipse consecraverat : quasi ea vox non ipso potuerit esse timentis potius, quam prophetantis, inquit recte Mauricus in Annalibus. Plures ad eum exstant Petri Venerabilis epistolæ, inter alias vero epist. 24 et 25 libri IV ipsum interpellat, ut ad summum Cluniacense monasterium corpus depositurus revertatur, quibus necnon Adriani IV litteris, Ludovici Francorum regis et

agnanter prævenire curastis. Verum modo plura scribere supersedi, donec vestro, si dignum iudicatis, agnoscam rescripto, hæc pauca qualiter accipiat. Quæ autem rescribere vel injungere verbo placuerit, abbati Ogerio (281) committere bene potestis, per quem et hæc nostra receperitis. Pro quo etiam vestram Excellentiam compellamus, quatenus eum et notum ex hoc habeatis, et commendatum, utpote hominem honestate, scientia, religio- neque commendabilem.

### EPISTOLA XCIV (282).

AD ABBATEM CUJUSDAM MONASTERII EBORACENSIS (283), UNDE EXIERAT PRIOR CUM ALIQUANTIS FRATRIBUS (284).

1. Consilium expetitis a [me] litteris transmarinis, quod utinam ab alio potius quæsissetis. Coarctor siquidem et duobus. Si enim non respondero, taciturnitas contemptum quodammodo sonare videbitur. Respondere autem sine periculo me posse non video, cum quidquid respondero, necesse sit aut

Burgundiæ primatum precibus invitatus (ut refert Chesnius in notis ad Bibliothecam Cluniacensem) præmisso per Petrum Venerabilem thesauro suo, absque permissu regis ab Anglia Cluniacum clam appulit anno 1155. Monasterium gravi aeris alieni pondere oppressum exoneravit, factis ad septem nullia marcarum argenti seu ad quadraginta millia librarum expensis, monachos quadringenos et amplius Cluniaci degentes pavit; calices quadraginta pro Missis celebrandis, pannumque sericeum magni pretii dedit ecclesiæ, manibusque propriis Petrum Venerabilem Kalendis Januarii anni 1157 defunctum sepelivit. Tandem reversus in sedem suam, non sine magno Cluniacensium luctu diem clausit, quinto Idus Augusti anni 1171.

(281) Ad quem epistola 87 et sequentes.

(282) Scripta anno Christi 1152.

(283) Gaufridum scilicet, abbatem monasterii Sanctæ-Mariæ in diocesi Eboracensi, Ordinis S. Benedicti, quo ex loco monachi duodecim cum Priore egressi, cum ad Cistercienses convolare eis non liceret, confugium fecerunt ad Turstinum archiepiscopum Eboracensem, quem ob præsidium eis impensum laudat Bernardus epistola sequente. Confer epistolam 313, ad eundem Gaufridum.

(284) Ex quo monasterio transierint ad Cistercienses, distincte indicat epistola modo 313, nempe Sanctæ-Mariæ Eboracensis Ordinis S. Benedicti, confirmatque Monasticum Anglicanum, tum in ipsius monasterii Eboracensis, tum præcipue Fontanensis Historia, ex qua hujus, duarumque præcedentium epistolarum argumentum compendiose hic describimus. Abbatia Sanctæ-Mariæ Eboracensis anno 1088 fundata est ab Alano comite, Guidonis comitis Britannici filio, in ecclesia sancto Olavo dedicata, Eboraco proxima, cui rex Guillelmus, cognomento Rufus, Sanctæ-Mariæ nomen postea dedit. Huc acciti e cœnobio Wittebiensi abbas Stephanus et monachi Benedictini, sub quibus regularis disciplina non sine fenore propagata, circa annum 1152 Gaufrido tertio abbate tantisper languescere cœpit. Spargebat ubique famam tunc temporis Cisterciensis religio, anno 1128 (Waverleicensi monasterio in agro Surregiensi primitias obtinente) in Angliam primò invecita : cuius pia æmulatione adducti quidam illius cœnobii monachi numero duodecim, cum per abbatem suum ad Cistercienses convolare sibi non liceret, Turstinum Eboracensem archiepiscopum in sui propositi patronum implorant. Eo itaque duce anno ab incarnatione Domini 1152, pridie

scandalum culpiam generare, aut reddere securum quemquam plus quam oportet, aut certe in quo non oportet. Quod a vobis recesserunt fratres vestri, nec nostro, nec nostrorum factum est, me sciente, consilio vel libritatu. Credimus autem ex Deo fuisse, quod nec tantis potuit dissolvi conatibus. Credimus hoc idem et ipsos sentire fratres, qui nostrum tantopere de se ipsis consilium flagitant. credo remordente eos conscientia quod retro abierint. Alioquin beati sunt secundum Apostolum, si se non iudicant in eo quod probant (Rom. xiv, 22). Cæterum quid faciam, ut interrogatus nec silendo, nec respondendo molestus sim cuiquam? Ita fortassis expediar, si misero eos qui me interrogant, ad doctiorem, et cuius reverentior sanctiorque auctoritas sit. Sanctus papa Gregorius in libro Pastoralis: « Quisquis bonum majus subire, » inquit, « proposuit, bonum minus, quod potuit, sibi illicitum fecit. » Ad quod probandum subiicit testimonium de Evangelio, dicens: *Nemo mittens manum suam ad aratrum, et respiciens retro, aptus est regno cælorum* (Luc. ix, 62), et infert: « Qui igitur fortiori studio intenderat, retro respicere convincitur, si relictis bonis amplioribus ad minima retorquetur (parte III, cap. 28). » Item ipse in Homilia tertia super Ezechielem: « Sunt nonnulli, qui bona quidem quæ noverunt, operantur, atque hæc operantes meliora deliberant; sed retractantes, meliora quæ deliberaverant, immutant. Et quidem bona agunt quæ cœperant, sed a melioribus quæ deliberaverant, succumbunt. Ii nimirum ante humana iudicia stare videntur in opere; sed ante omnipotentis Dei oculos occiderunt in deliberatione. »

2. En speculum. In hoc non vultum nativitat, 100 sed factum reversionis suæ considerat: hic se discutiant, hic se dijudicent, cogitationibus suis accusantibus sive defendentibus, et quidem apud spiritualem qui omnia dijudicat, et ipse a nemine iudicatur. Quidnam vero majus aut minus, superius aut inferius, arctius sive remissius sit, quod videlicet reliquerunt, an ad quod redierunt; ego quidem haud temere defuierim, ipsi viderint. Et hoc illis Gregorius. Tibi vero, pater reverende, tam tuta certitudine, quam nuda veritate ego dixerim, omnino non expedire spiritum velle exstinguere. Noli,

A inquit, *prohibere eum qui potest bene facere; sed, si vales, et ipse bene fac* (Prov. ix, 27). Gloriari autem magis oportet in profectibus filiorum, quoniam filius sapiens gloria est patris (Prov. x, 1). De cætero nemo mihi molestus sit, quod iustitiam Dei non abscondi in corde meo: nisi quod minus fortasse, ob vitandum scandalum, quam debui, dixi.

#### EPISTOLA XCV (285).

AD TURSTINUM ARCHIEPISCOPUM EBORACENSEM.

*Charitatem et beneficentiam ejus erga religiosos laudat.*

Patri charissimo et domino reverendo TURSTINO, Dei gratia Eboracensi archiepiscopo, BERNARDUS abbas Claræ-Vallis, salutem plurimam dicit.

B Splendor operis, et opinionis odor bene, ut comperi, in gloria vestra convenerunt. Opinionem opus probat nec falsam fuisse, nec vacuum, cum quod ante sparserat ubique fama volans, res ipsa faciat manifestum. Quomodo nunc vel maxime claruit zelus justitiæ, emittit et invaluat sacerdotalis vigor in defensione videlicet pauperum, et pauperum quibus non erat adiutor (286)! Olim quidem opera misericordiae et elemosynas vestras enarrabat omnis Ecclesia sanctorum: sed hoc vobis commune cum pluribus, quippe quod et a cunctis substantiam hujus mundi habentibus exigitur. Verum hoc opus episcopale, hoc paternæ pietatis tam egregium specimen, hic vere divinus fervor, quo pro tuendis suis pauperibus ille procul dubio zelum vestrum accendit et accinxit, qui facit Angelos suos spiritus, et ministros suos ignem urentem; hoc totum, inquam, speciale accessit, vestræ dignitatis decus, insigne officii, ornamentum coronæ. Aliud est relicere ventrem esurientis, et aliud sanctam zelare paupertatem. Ibi enim servitur naturæ, hic gratiæ. Visitabis, inquit, *speciem tuam, et non peccabis* (Job v, 24). Ergo qui alienam carnem fovet, facit ne peccet: qui autem alienam sanctitatem honorat, fructificat sibi. Ideo ait: Desudet elemosyna in manu tua, donec invenias [al., videas] justum cui des. Quo fructu? Quoniam *qui recipit justum in nomine justī, mercedem justī accipiet* (Matth. x, 41.) Solvamus proinde naturæ debitum, ne peccemus: sinus gratiæ coadjutores, ut et participes fieri mereamur. Sane utrumque ita in vobis admiramur, ut

Nonas Octobris, reclamante abbate egressi sunt ex ipso monasterio sacerdotes duodecim cum uno levita, Richardus scilicet Prior; alter Richardus sacrista, alique in prædicta Historia recensiti, de rebus monasterii præter habitum nihil asportantes. Qua desertione turbatus abbas Gaufridus apud regem, vicinosque episcopos et abbates, præcipue vero apud sanctum Bernardum, de communi violatæ religionis injuria literis exposulat: Turstinus vero pontifex apologeticam ad Willelmum metropolitam Cantuariensem epistolam scribit (exstat hic supra, pag. 795); imo ipse Bernardus ad prædictum Turstinum, tum ad tredecim illos monachos congratulatoriam, ad Gaufridum autem abbatem excusatoriam transmittit (Epist. 94, 96 et 315). Interea prædicti monachi in episcopali Turstini domo conclusi, cum abbatibus sui censuris revocari non po-

tuissent, locum ad habitandum ab ipso episcopo accipiunt ad Ripponam, a cunctis retro sæculis incultum, spinis consitum, et inter convexa montium et scopulos hinc inde prominentes, Richardo Priori ipso die Natalis Domini a Turstino in abbatem ordinato, qui bieme sub ulmo incredibili vitæ austeritate transacta, se suumque locum, ab ipsis Fontes appellatum, sancto Bernardo tradidere: quibus ipse virum religiosum direxit, Gaufridum scilicet de Amaio (de eo vide librum quartum Vitæ S. Bernardi, cap. 2), a quo Cisterciense institutum incredibili devotione et alacritate susceperunt.

(285) Scripta anno Christi 1152.

(286) Quid Turstinus præstiterit in defensionem prædictorum monachorum, qui studio majoris perfectionis ad eum confugerant, docet ipsius epistola ex Monastico Anglicano referenda post Bernardinas.



utrumque datum vobis desuper fateamur : quatenus divinis laudibus æternaliter miscetur, quidquid ex vobis temporaliter necessitatibus nostris impenditur, merito reverende et omni amoris sinceritate colende atque amplectende pater.

### 101 EPISTOLA XCVI.

AD RICHARDUM FONTANENSEM ABBATEM (287). ET SOCIOS EJUS, QUI DE ALIO ORDINE AD CISTERCIENSEM TRANSIERANT.

*Laudat eos ob renovationem religiosæ disciplinæ.*

Quanta audivimus et cognovimus ea, et fratres nostri uterque Gaufridus annuntiaverunt nobis, quemadmodum noviter recaluistis igne Dei, convalescistis de infirmitate, refluistis in novitate sancta. Dignus Dei est iste, subtiliter operans, suaviter renovans, salubriter mutans, non quidem de malis bonos, sed de bonis faciens meliores. Quis dabit mihi ut transeam, et videam visionem hanc magnam? Nec enim minus mira minusve jucunda ista promotio est, quam illa mutatio : nunc quod multo facilius reperias multos sæculares converti ad bonum, quam unum quempiam de religiosis transire ad melius. Rarissima avis in terris est, qui de gradu, quem forte in religione semel attigerit, vel parum ascendat. Vestrum proinde, dilectissimi, tam insigne, quam salubre factum non solum nos, qui servi vestræ sanctitatis esse percipimus, sed et universam merito lætificat civitatem Dei : quippe quo rarius, eo et clarius. Erat autem et necessarium ad cautelam, proximam defectui mediocritatem transcendere, et declinare teporem, qui Deo vomitum provocat; sed et sic oportebat propter conscientiam. Professis siquidem sanctam Regulam, an citra ejus puritatem sistere gradum tutum sit, ipsi sensistis. Dolens doleo, quod urgente diei malitia, et nuntio festinante, plenum affectum exili cogor designare stilo, et brevi chartula latam comprehendere charitatem. Si quid deest, frater Gaufridus viva voce supplebit (288).

### EPISTOLA XCVII.

AD DUCEM CONRADUM (289).

*Dehortatur eum a bello comiti Gebennensi inferendo, ne contra se ultorem Deum provocet.*

1. Omnis potestas ab ipso est, cui dicit propheta :

(287) Scripta anno 1132. Richardus prior fuerat in monasterio Eboracensi Sanctæ Mariæ, inde egressus cum duodecim, ut dictum est, monachis, Romæ mortuus, ex tomo primo Monastici Anglicani, pag. 744. Huic successit Richardus alter, sacrificus quondam in prædicto cœnobio Eboracensi, mortuus apud Claram-Vallem, ut legitur in ejusdem tomi pag. 745, de quo in epistola 320. Monasterium Fontanense diocesis Eboracensis ad Cisterciensem institutum commigravit anno 1132. Mira sunt quæ de horum monachorum fervore leguntur in tomo primo Monastici Anglicani, pag. 753 seqq. Confer epistolam nunc 315 et epistolam 320, ubi de morte Richardi abbatis, nomine et ordine secundi.

(288) Hic est Gaufridus, dictus de Amayo, vir sanctus et religiosus, multorum monasteriorum ordinator et institutor, quem sanctus Bernardus ad Fontanenses monachos misit, ut eos formam Ordinis Cisterciensis doceret : ex tomo primo Monastici Anglicani, pag. 741. De eodem Gaufrido in Vita S.

*Tua est potentia, tuum regnum, Domine : tu es super omnes gentes (I Paral. xxi, 41).* Hinc ergo dignum duxi tuam, o illustris princeps, commonere Excellentiam, quantum te oporteat deferre terribili, et ei qui aufert spiritum principum. Comes Gebennensis, ut accepimus per os ejus, ad justitiam se obtulit, et offert de omnibus quæ te dicis habere adversus eum. Si super hoc alienam pergis invadere terram, ecclesias destruere, incendere domos, exulare pauperes, homicidia perpetrare, et humanum fundere sanguinem; non est dubium quin graviter irrites adversum te Patrem orphanorum et Judicem viduarum. Eo certe irato, non expedit tibi dimicare in quantalibet multitudine vel fortitudine. Nihil enim intererit apud omnipotentem Dominum sabaoth, in multis an in paucis, cui volet dare victoriam. Ipse nimirum cum voluit fecit, 102 ut unus mille, et duo fugarent decem millia (Dent. xxxii, 50).

2. Hæc pauper ego, pauperum permotus clamoribus, tuæ Magnificentiæ scribere volui, sciens tibi honorificentius humilibus consentire, quam hostibus cedere : non quod putem hostem te fortiores, sed quod noverim Deum omnipotentem potentiores, qui superbis resistit, humilibus autem dat gratiam. Hujus rei gratia tuam, vir nobilis, præsentiam adissem, si licuisset. Nunc autem pro me hos de fratribus nostris destinare curavi, si forte suis et nostris precibus a tua Dignitate obtineant vel perfectam concordiam, si fieri potest, aut certe inducias, usquedum liceat nobis firmam querere pacem, ad Dei voluntatem, et honorem tuum, et patriæ salutem. Alioquin si nec oblatam justitiam recipis, nec nos precantes respicis, imo Deum in nobis de tua te salute commonentem non attendis, videat ipse et judicet. Scimus autem quod merito formidamus, difficile posse congressi tantos exercitus absque partis gravissima strage.

### EPISTOLA XCVIII.

DE MACHABÆIS, SED AD QUEM SCRIPTA SIT IGNORATUR (290).

*Respondet ad questionem, cur ex jure antiquæ legis, solis Machabæis Ecclesia diem festum decreverit.*

1. Quod per fratrem Hescelinum (291) tua Charitas

Bernardi, libro quarto, cap. 2, n. 10.

(289) Scripta circa eundem annum. — Conradus, Zeringensis dux, quem contra Amedeum I, comitem Gebennensem, his diebus arma cogitasse, Samuel Guichenon auctor est, in Historia Gallicæ Ducum Sabaudia. Fuit autem Zeringen (inquit Munsterus, Cosmographiæ libro iii) castrum quoddam nunc dirutum, a quo duces Zeringenses suum titulum habuerunt, semi-militario infra Friburgum in Brisgoia. Illi duces a comitibus Habsburgensibus progeniti, et circa tempus Henrici III imperatoris exortii Gebizone auctore, in sexto demum hærede, Egone nuncupato, ad annum 1357 desiêre.

(290) Hunc titulum habent scripti fere omnes. In uno tamen Cisterciensi, epistola inscribitur : *Ad Brunonem Coloniensem, ut putatur, de martyrio Machabæorum*

(291) Hescelinus, cujus hic mentio, videtur esse canonicus Insulanus, de quo in tomo primo Analictorum, pag. 289.

a mea parvitate quæsiuit, inde jam ad me scripserat Fulco Sparnacensis abbas (292). Cui ego nil rescripsi; volens, si quam forte super hoc reperissem Patrum sententiam, ipsam potius ei transmittere, quam novum vel nostrum quidpiam respondere: qua non facile occurrente, jam quod sentio ego, sic interim utrique respondeo, ut quodcunque forte rationabilius quilibet vestrum super eadem quæstiuncula quandoque vel legerit, vel audierit, vel certe ipse senserit, mihi vicissim impartiri non negligat. Quæris itaque quidnam visum Patribus fuerit, ut solis ex omnibus antiquis justis singulari quodam privilegio Machabæis annuum celebritatem pari cum nostris martyribus veneratione decernerent in Ecclesia solemniter exhibendam? Si dixerò dignos merito martyrum gloria judicatos, quibus non impar fuit in martyrio virtus; erit forsitan solum, cur ipsos, sed necdum plane cur solos: cum et alios nonnullos ex veteribus pari constet zelo pietatis occubuisse, non tamen pari et tripudio recoli meruisse. Quod si illis non immerito hujusmodi legatur sollemnis celebritas, quia nimirum quod præbuit virtus, præripuit tempus: cur non et eadem fuit in Machabæis consideratio? siquidem et ipsi pro tempore, non ad cæli mox gaudia, sed ad inferni tenebras descenderunt: ne tunc quippe apparente Primogenito ex mortuis, qui aperiret credentibus regna cælorum; agno videlicet de tribu Juda, qui aperit, et nemo claudit, ad cuius introitum cum omni auctoritate supernis potestatibus dicoretur, *Tollite portas, principes, vestras; et elevamini, portæ æternales, et introibit Rex gloriæ* (Psal. xxiii, 7). Proinde, si incongruum videtur cum gaudio recollere transitum qui gaudii non fuit, caveatur et in istis: aut, si istos ob suæ virtutis meritum **103** festivo prosequi favore placet, cur non itidem deferretur et illis?

2. An dicendum est, utrosque quidem in morte communem habuisse cum martyribus pietatis causam, sed non etiam utrosque pariter eandem cum illis adeptos fuisse martyrii formam? Universis nempe tam Veteris, quam Novi Testamenti martyribus æque convenit pro justitia occubuisse: sed interest quod isti passi sunt, quia illam tenebant; illi, quia non tenentes reprehendebant; isti, quod eam non desererent; illi, quod deserentes perituros esse assenserent. Et ut breviter totum in quo differunt, proferamus: hos cultus, illos zelus justitiæ martyres fecit. Soli ex veteribus Machabæi, quia non solum causam, sed et formam, ut dixi, novi martyrii tenuerunt;

**A** runt; jure fortasse in Ecclesia cum novis Ecclesiæ martyribus eandem consuetæ celebritatis gloriam assecuti sunt. Instar quippe martyrum nostrorum libare et ipsi diis alienis, patriamque deserere legem, imo mandata Dei transgredi cogebantur; renuebant, et moriebantur.

5. Non sic Isaias, non sic Zacharias, non denique vel magnus ille Joannes Baptista ita mortuus est: quorum primus serra fertur scissus fuisse; secundus inter templum et altare legitur occisus (Matth. xxiii, 35); tertius in carcere decollatus. Si quæritur, a quibus? ab injustis et impiis. Si qua causa? pro justitia et pietate. Si quomodo? non tam eas confitendo, quam proponendo. Proponebant veritatem odientibus [*al. audientibus*] eam: veritas pariebat eis odium, et odium mortem. Licet injusti et impii, non tam tamen in illis pietatem persequerentur, quam a se repellebant: nec tam in illorum justitiam ferebantur, quam propriam tuebantur injustitiam. Aliud est aliena invadere, aliud defendere sua. Non est idipsum nolle sequi veritatem, et persequi; invadere credentibus, et increpantibus indignari: obturare os confitentium, et redarguentium stimulos non ferre patienter. Denique misit Herodes, et tenuit Joannem. Quam ob rem? quia Christum prædicabat? quia vir bonus erat et justus? imo propter hoc magis reverebatur illum, et audito eo multa faciebat. Sed quoniam arguebat Herodem Joannes propter Herodiadem uxorem Philippi fratris sui: ideo victus, ideo et decollatus est (Marc. vi, 17-28), passus quidem et ipse pro veritatis, sed quam zelare videbatur, non negare cogebatur. Hinc est quod hæc ipsa tanti martyris passio, multorum, etiam longe minorum, festivitatis minus festive recolitur.

4. Profecto si tali ratione et ordine passi fuissent Machabæi, ne ulla quidem fieret de eis mentio. Nunc autem quoniam similes illos fecit martyribus christianis non dissimilis veritatis confessio, merito eos similis prosequitur et veneratio. Nec moveat sane, quod, quemadmodum martyres, nominatim et ipsi pro Christo minime passi sunt: quia non interest, sive sub Lege pro legalibus observantiis, sive sub Gratia pro mandatis evangelicis quis patiat. Uterque enim æque pro veritate, ac per hoc pro Christo, qui dixit, *Ego sum veritas* (Joan. xiv, 6), pati cognoscitur. Itaque plus contulit Machabæis in hac parte martyrii genus, quam virtus: quando ne hos quidem ex Patribus, quos pari constat virtute illo in tempore pro justitia decertasse, pari etiam

*Machabeorum.* In veteri editione: *Putatur scripta ad Hugonem de Sancto-Victore.* Conjectura pro Brutione Coloniensi antistite inde nata videtur, quod in ea urbe asserventur sanctorum Machabeorum reliquiæ: at istuc post Bernardi obitum Mediolano allata a Rainoldo antistite, qui eas a Friderico I imperatore obtinuit. In quibusdam manuscriptis hanc epistolam proxime antecedit epistola 77 ad Hugonem de Sancto-Victore.

(292) Fulco abbas Sancti-Martini Sparnacensis, ad Matronam, diocesis Remensis, is est cui inseri

bitur epistola 13 Hugonis Metelli, a Fulconi reverendo et in Christo benedicto abbati Sparnacensi, de repetitione ejusdem canonici Sparnacensis ab abbate Willelmo. Abbas primus ejus loci fuit Fulco post inductum consilio Bernardi et Guidonis ejus fratris Ordinem canonicorum regularium, anno 1128, eo adductus ex Tullensi Sancti Leonis abbacia. Litteras ejus rei habet in Spicilegii tomo XIII, pag. 305 seqq. Basilicæ Sancti-Martini fundatio per Odonem comitem, pag. 281.

honore concelebrat præsens duntaxat Ecclesia. Puto quod arbitretur indignum, quantumlibet laudabili morti, quæ Christi mortem præcederet, diem festum impendere: præsertim cum ante illam salutiferam passionem, non festiva gaudia, sed claustra tenebrosa quosque morientes exciperent. Sane Machabæos ideo, ut dictum est, excipiendos iudicavit Ecclesia, quoniam quod eis negabat tempus, contulit martyrii genus.

5. Nec solum ipsos, sed et qui forte Vitæ jam in carne manifestatæ mortem sua morte prævenierunt, sive morientes in ipsa, sicut Simeon et Joannes Baptista; sive etiam pro ipsa, sicut Innocentes, quos alia ratione, licet ad inferos et ipsi descenderint, ritu nihilominus solemniter veneramur. Et innocentes quidem, quoniam injustum profecto fuit innocentiam

**104** pro justitia morientem ulla vel præsentis gloria defraudari. Joannes quoque, sciens quod a diebus suis regnum cælorum vim patitur, unde et clamat, *Agite penitentiam, appropinquavit regnum cælorum* (Matth. iii, 2); simulque videns Vitam se protinus seculuram, mortem lætus excepit. Quod utique ab ipso Domino moriturus sciscitari sollicitus fuit, ac certificari meruit. Nam cum per discipulos eum interrogasset, *Tu es, inquit, qui venturus es, an alium expectamus?* post enarrata plura miracula audivit: *Et beatus qui non fuerit scandalizatus in me* (Matth. xi, 5-6). In quo nimirum verbo significavit se Dominum moriturum, et tali morte, quæ posset Judæis esse scandalum, Gentibus stultitia. Ad hanc vocem sponsi gaudens amicus sponsi alacri animo præcessit, quo et illum in proximo esse venturum, jam dubitare non potuit. Porro qui lætus, et tam lætus potuit mori, potuit et lætam sibi memoriam promereri. Sed et senex ille tam plenus virtutum quam dierum, morte jam propinqua Vitam bajulans in manibus, aiebat, *Nunc dimittis servum tuum, Domine, secundum verbum tuum in pace: quia viderunt oculi mei salutare tuum* (Luc. ii, 29, 30); ac si diceret: Securus descendo in carcerem, qui tam præsto meam sentio redemptionem. Et hic ergo, qui cum tam secunda jucunditate et jucunda securitate moritur, merito in Ecclesia celebrari cum gaudio memoratur.

6. Cæterum illa qua ratione mors festiva reputabitur, quam nulla gaudiorum festivitas comitatur? D aut unde gaudium sumeret moriturus, qui se et ad infernales descendere tenebras certus erat, nec certi quidpiam secum ferebat, unde in proximo de sui liberatore consolaretur? Inde est quod unus sanctorum, cum audiret, *Dispone domui tuæ, quia morieris tu, et non vives*, convertit se ad parietem, et flevit fletu magno, atque ita impetravit exosæ mortis aliquam dilationem. Hoc denique et miserabiliter plangebat, dicens: *In dimidio dierum meorum vadam ad portas inferi*, et paulo post: *Non videbo, inquit, Dominum Deum in terra viventium, non aspiciam*

(293) In scriptis non paucis sequentes quatuor epistolæ nullum habent titulum præter istum, *De iisdem*, id est Machabæis, quod falsum. Willelmus,

PATROL. CLXXXII.

*A* hominem ultra, et habitatorem quietis (Isa. xxxviii, 1-11). Hinc et alius quidam: *Quis mihi hoc tribuat*, ait, *ut in inferno protegas me, et abscondas me, donec pertranseat furor tuus; et constituas mihi tempus in quo recorderis mei?* (Job xiv, 13.) Israel quoque ad filios aiebat: *Deducetis canos meos cum dolore ad inferos* (Gen. xlii, 38). Quid in his sollemnis lætitiæ, quid festivæ celebritatis apparet?

7. Nostri autem martyres cupiant dissolvi, et esse cum Christo; certi, ubicunque est corpus, illo sine mora congregatum iri et aquilas. Mox, inquam, ibi exsultant iusti in conspectu Dei, et delectantur in lætitia. Ibi, ibi, benignissime Jesu, ibi statim, ut de hoc sæculo nequam sanctus quisque eripitur, adimpletur lætitia cum vultu tuo. Una ibi vox jubilo resonat sempiterno, vox una exultationis et salutis in tabernaculis justorum: *Anima nostra sicut passer erepta est de laqueo venantium; laqueus contritus est, et nos liberati sumus* (Psal. cxviii, 7). Nunquid hoc decantare libebat apud inferos sedentibus in tenebris et umbra mortis, dum non erat qui redimeret, neque qui salvum faceret, quando necdum visitaverat nos oriens ex alto, primitiæ scilicet dormientium Christus? Merito igitur Ecclesia, quæ gaudere cum gaudentibus, flere cum flentibus novit; quos pater judicat in virtute, discernit tamen ex tempore; nec pari putat prosequendum obsequio, et transitum ad vitam, et descensum ad inferos.

8. Itaque martyrium facit causa, tempus genusque discernunt. Tempus quippe Machabæos a novis martyribus disjungit, conjungit antiquis. Genus vero novis aggregat, segregat a veteribus. Et hæc quidem in Ecclesia præmissis ex causis differentiæ observantur. Cæterum apud Deum universo cœli sanctorum commune est quod sanctus ait Propheta: *Pretiosa in conspectu Domini mors sanctorum ejus* (Psal. cxv, 15). Unde autem pretiosam dixerit, exponit nobis: *Cum dederit, inquit, dilectis suis somnum, ecce hereditas Domini filii, merces fructus ventris* (Psal. cxxvi, 2, 3). Nec putemus solos martyres esse dilectos, cum recolamus dictum de Lazaro, *Lazarus amicus noster dormit* (Joan. xi, 11): **105** denique, *Beati mortui qui in Domino moriuntur* (Apoc. xiv, 13). Non soli qui pro Domino, sicut martyres, sed et qui in Domino moriuntur, sicut confessores, profecto beati sunt. Duæ proinde res mihi videntur mortem facere pretiosam, vita et causa; sed amplius causa, quam vita. Porro illa erit pretiosissima, quam et causa commendat et vita.

#### EPISTOLA XCIX.

AD MONACHUM QUENDAM (293).

*Ob monachi cujusdam a suo cænobio discessum anxius, ejusdem litteris sinistra se suspitione liberatum scribit.*

Nantium quo te dicis fuisse turbatum, frater Wil-  
eujus mentio initio epistolæ, erat monachus illa  
Claræ-Vallensis, de quo in sequente epistola 105.



lelmus non sua, sed tua necessitate putavit ad te dirigendum. Siquidem ipse suo more Dei gratia fortiter agit, alienam a se interim adhuc faciens illam sententiam: *Vir duplex animo inconstans est in omnibus viis suis* (Jacobi. 1, 8). Vias quippe Domini simpliciter, ac per hoc confidenter ambulans, non sentit illud *Vae*, de quo dicitur: *Vae terram ingredienti duobus viis!* (Eccli. 11, 14). Te autem audieramus in discordia versari, domum vestram non sine gravi scandalo abbatis et fratrum deseruisse, solumque habitare in nescio quo satis inconvenienti loco. Quo rumore nobis permotis, anxieque querentibus si quo modo tibi a nobis posset consultum iri; nihil paratius occurrere potuit, quam ut, te vocato ad nos, per te de te certiores prius effici curarem: sicque quod in promptu esset, præsentes præsenti consuleremus. Sed jam tuo scripto, nostroque rescripto, utrorumque ab alterutro falsæ suspicionis timore depulso, pariter quiescamus. Verum hac falsitate quam vera sit ad nos invicem dilectio, comprobatum est; quam quidem dilectionem per hanc mutuam nostri sollicitudinem, non infructuose nunc renovatam esse putaverim; cuius fructum tunc nos quidem copiosum speraremus accipere, si tui nobis copia cum opportunitate daretur. Alioquin opportunius ducimus nos nostra contentos esse inopia, quam importuna copia abundare.

## EPISTOLA C.

AD EPISCOPUM QUEMDAM.

*Ejus erga religiosos pauperes favorem et beneficentiam laudat.*

Si minus vos pro tanti operis susceptione servare comperissemus, hortandus nobis super hoc et obsecrandus essetis. Nunc vero cum prima invitaverit nos vestra præcurrens devotio, restat ut ei a quo bona cuncta procedunt, et referamus grates pro bono quod dedit velle; et fundamus preces, ut adjiciat et perficere pro bona voluntate. Tamen gaudium meum non tacebo vobis. Quas nempe putatis delicias cordi meo afferat vestra hujuscemodi intentio? Delectabitur in crassitudine anima mea, si infatigabilem cognovero vos in studiis salutaribus et honestis. Gaudeo enim, non quia quero donum, sed requiro fructum. Libenter accipio beneficium quod prosit danti; alioquin non ambulo in charitate illa quæ non querit quæ sua sunt (1 Cor. xiii, 5). Et quidem nobis in hoc bene facitis, sed vobis melius: nisi forte excidit vobis illa sententia, *Beatus est datus quam accipere* (Act. xx, 35). Hoc plane decet episcopum, hoc sacerdotium vestrum commendat, ornat coronam, nobilitat dignitatem, si quem ministerium prohibet esse pauperem, administratio probet pauperum amatorem. Non enim paupertas virtus reputatur, **106** sed paupertatis amor. Denique *beati pauperes*, non rebus, sed spiritu (Matth. v, 3).

## EPISTOLA CI.

AD RELIGIOSOS.

*Monachum, qui sine licentia discesserat, redeuntem benigne suscipi postulat.*

Fratrem Lambertum, quem in aliquibus forte fluctuantem suscepimus, orantibus quidem vobis pro ipso constanter remisimus, et nulla jam, ut opinamur, scrupulositate pristina laborantem. Causam quippe adventus ejus, necnon et discessionis modum et intentionem sollicitè nobis perscrutantibus, intentionem quidem visus est habere inculpabilem, sed causam plane non sufficientem, ut tali modo, id est sine licentia, discedere debuisset. Unde et sumpta justè in eum invectionis occasione, increpato ut oportebat, et confirmato in quibus nutabat, reditum ei persuasimus. Et pro redeunte rogamus, dilectissimi fratres, esse vos videlicet præstabiles super fratris præsumptione, sed præsumptione, ut videtis, satis simplici, et non malitiosa: quandoquidem neque ad dexteram neque ad sinistram declinavit, sed directo ad nos tramite venit, quos utique pro certo sciebat vestræ esse sanctitatis servos, vestræ religionis amatores sincerissimos, et æmulatores fidelissimos. Suscipite ergo eum vos, qui spirituales estis, in spiritu lenitatis; confirmeturque in eo charitas, et excuset malum factum intentio bona. Imo recuperate cum gaudio, quem dolebatis amissum; contractamque de fratris egressionem ac transgressionem tristitiam effuget citissima de regressione lætitia. Confido autem de Omnipotentis misericordia, quia **C** quidquid exasperavit inordinata discessio, postmodum deliniet emendata conversatio.

## EPISTOLA CII.

AD QUEMDAM ABBATEM.

*Monachi ejusdam dyscoli emendationem omni modo tentandam; sed incorrigibilem ejiciendum, ne plures ejus consortio depraventur.*

1. Super fratre turbato, et turbante fratres, et contemnente magistrum, breve tibi, sed fidele damus consilium. Diaboli studium est circuire in domo Dei, et querere quem devoret; tuæ e contra vigilantia, in quantum potes, nunquam locum dare diabolo. Quanto igitur ille acrius insistit, quomodo a grege infirmam separet oviculam, quatenus eo licentius rapiat, quo jam non fuerit qui eripiat; tanto enixius tibi, quantum in te est, resistendum est, ne de manu tua possit eam eruere, ne quando dicat inimicus: Prævalui adversus eum. Itaque aggredere fratrem omni officio charitatis; videlicet beneficiis, salutaribus monitis, secretis increpationibus, publicis inhortationibus, duris etiam et verborum et verberum correptionibus; quodque efficacius esse solet, tuis ad Deum pro eo fratrumque piis orationibus.

2. Quod si jam hæc omnis fecisti, nec profecisti; ad Apostoli consilium confugiendum est, dicentis: *Auferite malum ex vobis* (1 Cor. v, 13). Auferatur ergo malus, ne malos generet. Neque enim potest arbor mala fructus nisi malos facere. Auferatur

autem dico, sed non quomodo ipse vult; ut videlicet A  
tanquam ex tua licentia, cum male secunda conscientia  
extra congregationem, contra professionem, devotans  
subjectionem, sui juris esse, sua permittatur vivere lege;  
(294) 107 sed abscindatur, ut ovis moribunda a grege,  
ut putridum membrum a corpore; qui jam exinde se pro  
certo noverit a te haberi tanquam ethnicum et publicanum.  
Et ne timeas esse contra charitatem, si unius (295) scandalum multorum  
recompensaveris pace, quippe qui sua forte malitia,  
fratrum cohabitantium turbare facile poterat unanimitatem.  
Consoletur te illa Salomonis sententia: *Quem Deus negligit, nemo potest corrigere*  
(Eccle. vii, 14); et illa Salvatoris: *Omnis plantatio, quam  
non plantavit Pater meus, eradicabitur* (Matth. xv, 13);  
et illa beati Joannis evangeliste: de schismaticis: *A nobis  
exierunt, sed non erant ex nobis* (I Joan., ii, 19); et rursus  
apud Apostolum: *In fidelis si discedit, discedat* (I Cor. vii, 15). Alioquin non  
est relinquenda virga peccatorum super sortem justorum,  
ut non extendantur iusti ad iniquitatem manus suas.  
Melius est enim ut pereat unus, quam unitas (296).

## EPISTOLA CIII.

AD FRATREM WILLELMI MONACHI CLARÆ-VALLENSIS (297).

*Insigni paupertatis religiosæ commendatione prævia, perstringit in eo nimum in res terrenas affectum, cum damno pauperum, imo suo ipsius conjunctum, ut qui mallet sua moriri, quam amoris Christi, cedere.*

1. Etsi facie ignotus nobis, etsi corpore remotus a nobis,  
amicus tamen es; et amicitia notum jam nobis, et præsentem te facit. Hanc tibi, te nesciente,  
comparavit non caro et sanguis, sed spiritus Dei, qui Willelmum  
fratrem tuum æterna nobis societate et spirituali charitate devinxit,  
ac per eum te quoque, si dignum judicas. At, si sapis, non contemnes  
eorum amicitiam, quos Veritas beatos clamat, et reges pronuntiat  
cælorum (Matth. v, 3). Quam quidem beatitudinem non invidemus  
tibi: nec enim communicata tibi, nobis minuitur; nec nostri proinde  
termini restringuntur, si et tu regnaveris. Quenam vero invidiæ  
causa potest esse, ubi sortium magnitudini consortium multitudo  
nil detrahit? Volo te esse amicum pauperum, magis autem imitorem.  
Ille gradus proficientium est, hic perfectorum. Amicitia pauperum,  
regum amicos constituit; amor paupertatis, reges. Regnum denique  
cælorum pauperum est; et est regis potestatis beare pro voluntate  
amicos. *Facite, inquit, vobis amicos de mam-*

(294) Varia fuit pro temporibus et locis circa monachos incorrigibiles disciplina. Ejiciendos præcipit Regula sancti Benedicti, in capp. 28 et 29. Concilium Cloveshoviense anni 747 non nisi ex synodi decreto fieri cavet can. 24. Alia ratio est de Sanctimonialibus, quarum una cum ex monasterio Mettensi S. Petri detracto velo ejecta fuisset, recipi jussa est, et intra monasterium in ergastulo poni decreto synodi Mettensis anno 888, can. 9. Canonici regulares sæculo duodecimo projiciebantur, ex epistola 38 Stephani Tornacensis.

(295) Addunt editi, *ejectione*; sed deest in manuscriptis.

(296) De hac questione, An monasteria habeant jus abjiciendi religiosos incorrigibiles, consulendi

*mona iniquitatis; ut, cum defeceritis, recipiant vos in æterna tabernacula* (Luc. xvi, 9). Vides quia magna dignitas sancta paupertas sit, ut non modo patrociniū ipsa sibi non querat, sed et ferat indigentibus. Quale est hoc, absque interventu cujuspiam angelorum vel hominum, sola divinæ gratiæ confidentia, accedere per temetipsum ad vultum gloriæ, capessere summa rerum, attingere totius magnificentiæ culmen?

2. Verum qualibus ista tu tibi impediās rebus, utinam sine dissimulatione attendas. Væ! væ! vapor est ad modicum parens, quod æternæ felicitatis aditum intercludit, quod perennis luminis incircumscripam charitatem abscondit, quod universitatis scientia fraudat, quod summæ privat dignitatis honore. Quousque tu tantæ gloriæ præfers fenum, quod hodie est, et eras in clibanum mittitur; carnem dico et ejus gloriam? Siquidem omnis caro fenum, et omnis gloria ejus tanquam flos feni (Isa. xl, 6). Si sapis, si habes cor, si tecum est lumen oculorum tuorum, desine jam ea sequi, quæ et assequi miserum est. Beatus qui post illa non abiit, quæ possessa onerant, amata inquinant, amissa cruciant. Annon ea satius cum honore spernis, quam cum dolore perdis? annon ea prudentius Christi cedis amori, quam morti? Est in insidiis prædo, cuius manibus nec te nec tua potes subducere. Non poterit prævideri, quia tanquam 108 fur in nocte ita veniet. Nihil intulisti in hunc mundum, haud dubium quia nec quidquam auferes (I Tim. vi, 7). Dormies somnum tuum, et nihil invenies in manibus tuis. Sed nosti hæc: non est in docendo te superflue laborandum. Orandum potius ut, quod tibi jam nunc datum est, detur et implere prout oportet.

## EPISTOLA CIV.

AD MAGISTRUM (298) GUALTERUM DE CALVO-MONTE.

*Mortatur eum ad fugam sæculi; monens potius esse causam Christi, et animæ, quam parentum.*

1. Sæpe mentis animum dulcissima tui subeunte memoria, doleo super te, Gualtere charissime, cogitans nimirum illud tuæ juventutis decus, et ingenii acumen, scientiæ et eruditionis ornatum, quodque his omnibus excellentius est in christiano, tuos illos mores ingenuos quam inanibus studiis atteras, dum de tantis muneribus, non auctori Christo, sed rebus deservias transitoriis. O si (quod avertat Deus!) mors inopinata subripiens ista concusserit, heu!

Haestenus in Disquisitionibus monasticis, ac nostri Menardus et Edmundus Martene in suis super Regulam Commentariis.

(297) Sic titulus in duobus Vaticanis et in quibusdam nostris. In manuscriptis Cisterciensibus inscribitur, *Ad Amicum exhortatoria*. Ex fine vero epistolæ 106 conjicimus esse Ivonem, qui simul cum Willelmo subscribit.

(298) Hoc nomine doctores et literarum præceptores appellare solet, ut in epistola 77 et 106 etc. Ita Thomas Stampensis aliquando se magistrum, aliquando doctorem Cadumensem dicit in Speciegi tomo III, pagg. 137, 140. In uno codice Vaticano legitur, *ad M. Walcherum*.

subito cuncta. velut ad impulsu urentis et furentis venit, tanquam fenum velociter arcescit, et quemadmodum olera herbarum cito decident. Quid ergo tecum tolles de omni labore tuo, quem operatus fueris super terram? quid retribuēs Domino pro omnibus quæ tribuit tibi? quid, inquam, lucri pro tot tibi creditis talentis referēs creditori? O si vacem manum invenerit ille, ille donorum promptus quidem auctor, sed importunus exactor! Veniet enim, veniet, et non tardabit, ad requirendum utique quod suum est cum usura. Suum nempe asserit omne, quod te in tua patria pomposis, sed periculosus favoribus nobilitare videtur. Genus clarum, corpus aptum, forma elegans, ingenium velox, eruditionis utilitas, et honestas morum, gloriosa quidem sunt, sed ei a quo sunt. Si tibi usurpas, est qui querat et iudicet.

2. Esto tamen: liceat tibi hæc interim ascribere nomini tuo, et gloriari in laude tua, et vocari ab hominibus rabbi, et facere tibi nomen grande duntaxat super terram: quid tibi post mortem de his omnibus, nisi sola fortasse memoria relinquetur? et hoc quoque solummodo super terram. Scriptum quippe est: *Dormierunt somnum suum, et nihil invenerunt omnes viri divitiarum in manibus suis* (Psal. lxxv, 6). Quod si hic est finis omnium laborum tuorum, ut pace tua dixerim, quid habes amplius jumento? Siquidem et de tuo palefrido (299), cum mortuus fuerit, perhibebitur quia bonus fuit. Simul vide quid tibi ante tribunal illud terrificum respondendum sit de eo quod acceperis in vano animam tuam, et animam talem: si tamen inveniaris nihil egisse amplius de immortalis et rationali spiritu tuo, quam quodvis pecus de suo; cum brutus utique spiritus non vivat, nisi quamdiu vivificat, et uno eodemque momento et vivificare pariter desinat et vivere. Quid, quæso, dignum te iudicabis, qui, factus ad imaginem factoris, tantæ in te majestatis non defendis dignitatem; et tu, homo cum (500) esses, honorem tuum non intelligens, comparatus jumentis insipientibus, et similis factus sis illis! dum nil spirituale videlicet aut æternum elaboraveris, sed instar belluini spiritus, qui ut a corpore, ita cum corpore dissolvitur, solis fueris contentus corporalibus ac temporalibus bonis, evangelici illius surdus auditor consilii: *Operamini non cibum qui perit, sed qui permanet in vitam æternam* (Joan., vi, 27). Scriptum est autem quod non ascendit in montem Domini, nisi qui non accepit in vano animam suam. Sed ne is quidem, nisi etiam fuerit innocens manibus, et mundo corde (Psal. xxiii, 4). Videris tu an de tuis hoc 109 operibus simul et cogitationibus præsumere audeas; sin autem, attende quid mereatur iniquitas, si sola sufficit inutilitas ad damnationem. Et revera secuta non erit spina vel tribulus, ubi securis infructuosæ arbori

(299) Palefridus, equus magnus et insignis, qui per frenum ducitur.

(300) Editi addunt, in honore, ex Psalmo xlviii.

A poni videbitur; nec parcat pungenti, qui minatur et sterili. Væ igitur, et væ iterum de quo dicitur: *Exspectavi ut faceret uvæ, et fecit labruscas!* (Isa. v, 4.)

3. Sed novi ego quam liquido et copiose hæc me quoque tacente cogitare sufficias; materno vero devinctus amore, necdum possis abjicere quod jam contemnere noris. Et quid ego ad hæc respondebo tibi? Ut matrem deseras? sed inhumanum videtur. Ut cum ipsa maneas? sed nec ipsi expedit ut sit filio causa perditionis. Forte ut et mundo simul milites, et Christo? sed nemo potest duobus dominis servire. Mater tua vult contraria tuæ, ac per hoc et suæ ipsius salutis. Elige ergo tu e duobus quod vis, aut unius videlicet satisfacere voluntati, aut utriusque salutis. Verum si multum eam diligis, desere potius ipsam propter ipsam: ne, si Christum deseras ut maneas cum ipsa, propter te pereat et ipsa. Alioquin male meruit de te quæ te peperit, si propter te perit. Quomodo enim non perit, quæ ipsum quem peperit, perimit? Et hæc dixerim, ut tuo aliquo modo carnali condescendam consulamque affectui. Cæterum fidelis sermo, et omni acceptione dignus: etsi impium est contemnere matrem, contemnere tamen propter Christum, piissimum est. Nam qui dixit, *Honora patrem et matrem* (Matth. xv, 4); ipse etiam dixit: *Qui amat patrem aut matrem plus quam me, non est me dignus* (Matth. x, 37).

#### EPISTOLA CV.

AD ROMANUM ROMANÆ CURIÆ SUBDIACONUM.

Vitæ religiosæ propositum urget, mortis memoriam inculcans.)

BERNARDUS abbas Claræ-Vallis, ROMANO suo, quod suo.

Bene fecisti, charissime, tui nobis per litteras et renovans dulcem memoriam, et excusans molestissimam moram. Minime quidem desiderantium te cordibus ulla potuit subrepere quandoque oblitio tuæ dilectionis; sed te tui, fateor, pene oblitum esse putavimus, priusquam illas litteras videremus. Nunc itaque rumpe moras, fac cito quod scripsisti; et si veraciter stylus expressit affectum, efficaciter opus stylum testificetur. Quid tardas ipsum, quem jamdudum concepisti, spiritum parturire salutis? Nil mortalibus vel morte certius, vel incertius hora mortis: siquidem tanquam fur in nocte, ita veniet. Væ prægnantibus in illa die! Si supervenerit et prævenerit hunc tam salutiferum partum, heu! perloquetur doctum, sanctum germen exstinguet. Cum enim dixerint, Pax et securitas, tunc repentinus superveniet eis interitus, sicut dolor in utero habentis, et non effugient (I Thess. v, 3). Volo te mortem etsi non effugere, certe vel non timere. Justus quippe mortem, etsi non cavet, tamen non pavet. Denique si morte præoccupatus fuerit, in refrigerio erit (Sap. iv, 7). Moritur quidem et justus, sed secure; quippe cuius sed deest in manuscriptis, et certe redundat hoc loco.



mors ut præsentis est exitus vitæ, ita introitus mellioris. Bona mors, si peccato moriaris ut iustitiæ vivas. Illic mors necesse est ut præcurrat, ut sequatur illa secunda. In hac vita, quandiu durat, compara tibi illam quæ semper durat. Dum vivis in carne, morere mundo, ut post mortem carnis Deo vivere incipias. Quid enim si conciderit mors saccum corporis tui, dum te subinde circumdet lætitia? O quam *leati mortui qui in Domino moriuntur*, audientes a Spiritu, ut *requiescant jam a laboribus suis!* (Apoc. xiv, 13.) Non solum autem; sed et succedit jucunditas **110** de novitate, ac de æternitate securitas. Bona proinde mors justi propter requiem, melior propter novitatem, optima propter securitatem. E contra, mors peccatorum pessima (Psal. xxxiii, 22). Et audi unde pessima. Mala siquidem est in mundi amissione, pejor in carnis separatione, pessima in vermis ignisque duplici contritione. Eia ergo festina, exi, recede: moriatur anima tua morte justorum, quo fiant et novissima tua horum similia. O quam pretiosa in conspectu Domini mors sanctorum ejus! (Psal. cxv, 15.) Fuge, quæso; in via peccatorum ne steteris. Quomodo vivere potes, ubi mori non audes? Cum panibus occurrere fugienti paratos nos esse confidito (301).

## EPISTOLA CVI.

AD MAGISTRUM HENRICUM MURDACH (302).

*Ad capessendum religiosæ vitæ statum excitat, ejus delicias breviter insinuat.*

Dilecto suo HENRICO MURDACH, BERNARDUS abbas dictus de Clara-Valle, salutem, et non in via.

1. Quid mirum si inter prospera fluctuas et adversa, qui necdum stetitisti supra petram pedes tuos? Ac si jures et statuas custodire judicia justitiæ Domini, quid horum te poterit separare a charitate Christi? O si scires et quid dicam! *Oculus, Deus, non vidit absque te, quæ præparasti diligentibus te* (Isa. lxiv, 4). Sed tu, frater, qui, ut audiui, Prophetas legis, putas intelligis quæ legis? Nam si intelligis, sentis utique sensum prophetice lectionis esse Christum. Quem videlicet si apprehendere cupis, citius illum sequendo, quam legendo consequi potes. Quid quæris verbum in Verbo, quod jam caro factum præsto est oculis? Jam enim de latibulo prophetarum egressus est ad oculos piscatorum; jam de monte umbræ et condense, tanquam spon-sus de thalamo suo, proslivit in campum Evangelii. Jam qui habet aures audiendi, audiat illum clamantem in templo: *Qui sitit, veniat ad me, et bibat* (Joan. vii, 37); et: *Venite ad me, omnes qui laboratis et onerati estis, et ego reficiam vos* (Math. xi, 28). Tu ergo times delirare, ubi se Veritas reficere te pro-

(301) Modus loquendi Bernardo familiaris, ut in epistola 107, n. 15, et in epistola 124, n. 2, etc.

(302) Scholasticus apud Anglos prefectus erat Henricus iste, natione Anglus, cujus discipulos fuisse Willelmum et Ivonem patet ex fine epistolæ. Bernardi monitis tandem acquievit Henricus, factus monachus Clara-vallensis, dein abbas Vallis-Clare; tum tertius abbas Fontanensis in Atrelia, ex epistolis nunc ordine

mittit? Certe si tantum te delectat tenebrosa aqua de nubibus aeris, quanto jucundius haurias de serenissimis fontibus Salvatoris?

2. O si semel paululum quid de adipe frumenti, unde satiatur Jerusalem, degustares! quam libenter suas crustas rodendas litteratoribus Judæis relinqueres! O si te unquam in schola pietatis sub magistro Jesu merear habere sodalem! O si mihi liceat purificatum prius tui pectoris vasculum supponere unctioni quæ docet de omnibus! O quam libens tibi pariter calidos panes [*subaudi porrigerem*], quos utique adhuc fumigantes, et quasi modo de furno, ut aiunt, recens tractos, de cælesti largitate crebro Christus suis pauperibus frangit! Utinam si quam mihi guttam quandoque de pluvia voluntaria, quam segregavit hæreditati suæ, stillare dignetur in dulcedine sua pauperi Deus, mox eam tibi possem refundere, et rursus a te vicissim recipere quod senseris! Experto crede: aliquid amplius invenies in silvis, quam in libris. Ligna et lapides docebunt te, quod a magistris audire non possis. An non putas posse te sugere mel de petra, oleumque de saxo durissimo? An non montes stillant dulcedinem, et colles flumit lac et mel, et valles abundant frumento? Multis occurrentibus mihi dicendis tibi, vix me teneo. Sed quia non lectionem, sed orationem petis, adaperiat Dominus cor tuum in lege sua et in præceptis suis. Vale.

3. Idipsum ipsi Willelmus et Ivo. Quid super hoc **111** vobis dicemus? Quod vos videre, et ad quid desideremus, scitis; quantum vero, nec nos dicere, nec vos scire potestis. Oramus ergo Deum ut vobis, quo nos præisse debueratis, tribuat vel sequi: quatenus et in hoc tantæ vos humilitatis magistrum teneamus, cum videlicet non despexeritis magister sequi discipulos.

## EPISTOLA CVII.

AD THOMAM PRÆPOSITUM DE BEVERLA (305).

*Thomas iste Ordini Cisterciensi in Clara-Valle sese devoverat: procrastinantem Bernardus hortatur ad vota persolvenda. At surdo cantatum sequens docet epistola, ubi infelicem Thomæ exitum commemorat. In hac vero tota salutis æconomia profundissime describitur.*

THOMÆ dilecto filio, BERNARDUS, quod filio.

1. Quid opus est verbis? Fervens spiritus et vehemens desiderium aperiri sola lingua non sufficit. Loquantur nobis affectum tuum et reliqua membra. Præsens melius et innosces nobis, et nos cognosces. Jamdudum ab invicem tenemur alterutrum debitores, ego fidelis curæ, tu humilis obedientiæ. Probet utrumque, si placet, opus, non calamus. Volo te et tibi usurpare, et in me probare illam

320 et 321, ac demum, deposito per Eugenium III Guillelmo thesaurario, archiepiscopum Eboracensis: qua de re varix epistolæ infra. Lege Guillelmum Neubrigensem, in libro i, cap. 7; Rogerium Hovedenum, ad annum 1140; et Roberti de Monte Appendicem ad Siebertum.

(305) Alias *de Beverlaco*. Vide epistolam 411.

Unigeniti vocem : *Opera quæ dedit mihi Pater ut A* faciam, ipsa testimonium perhibent de me (Joan. v. 36). Sic revera, sic unici Filii spiritus testimonium perhibet spiritui nostro, quod filii Dei sumus et nos, cum suscitans ex operibus mortuis largitur operam. Non ex foliis, non ex floribus, sed ex fructu arbor bona malave dignoscitur. Denique a fructibus, ait, cognoscetis eos (Matth. vii. 16). Opera ergo, et non verba discernunt inter filios Dei et filios diffidentiae. Operibus proinde desiderium et aperi tuum, et experire nostrum.

3. Desideramus præsentiam tuam, quærimus optatam, immo promissam exigimus. Cur tanto? Nil in ea sane expetimus de carne et sanguine. Aut proficere ex te cupimus, aut prodesse tibi. Generositas sanguinis, proceritas corporis, forma elegans, juvenilis decor, prædia, palatia, immensa supellex, infusque dignitatum (adde et mundi sapientiam) : de mundo sunt hæc; et mundus quod suum est diligit. Sed quousque? Non solum enim non semper, utpote qui non semper erit, verum nec diu quidem. Diu siquidem ista in te mundus habere non poterit, et te quippe ipsum in brevi non habiturus, nam breves dies hominis sunt. Mundus quidem cum suis concupiscentiis transit; sed te prius emittit, quam ipse pertransit. Quid te sine fine delectat amor mox finiendus? Nos vero te, non tua diligimus : tua sint, a quo sunt. Tu tuæ promissionis memor, tui nobis copiam diutius non negaris, amantibus te sinceriter, et amaturis perenniter. Pure siquidem nos amantes in vita nostra, in morte quoque non erimus separati. Nam ea quæ in te, vel potius tibi appetimus, non hujus corporis sunt, nec hujus temporis tantum : ideoque nec cum corpore deficiunt, nec cum tempore prætereunt; quinimo posito corpore plus delectant, post tempora durant. Nil simile habent cum supra enumeratis eorumve similibus, quæ utique insunt tibi, non ex Patre, sed ex mundo. Quid horum enim vel non prævenit mortem, vel non invenit?

5. At vero ista optima pars est, quæ non auferetur in æternum. Quid istud? Nec oculus vidit, nec auris audivit, nec in cor hominis ascendit. Qui homo est, et secundum hominem ambulat, qui videlicet, ut manifestus dicam, carni adhuc acquiescit et sanguini, quid illud sit, penitus nescit; quia caro et sanguis non revelabunt quæ solus revelat Deus per Spiritum suum. Animalis ergo homo ad hoc secretum **112** nequaquam admittitur : siquidem non percipit ea quæ sunt spiritus Dei (I Cor. ii. 14). Beati qui audiunt : *Vos autem dixi amico*, quia omnia quæcunque audiui a Patre meo, nota feci vobis (Joan. xv. 15). O sæculum nequam, quod solos tuos sic soles deare amicos, ut Dei facias inimicos, consequenter et indignos consilio beato-

rum! Plane enim qui amicus vult esse tuus, inimicus Dei constituitur. Quod si servus nescit quid faciat Dominus ejus, quanto minus inimicus? Porro autem amicus sponsi stat, et gaudio gaudet propter vocem sponsi : unde et loquitur, *Anima mea liquefacta est, ut dilectus locutus est* (Cantic. v. 6). Amicus itaque mundi excluditur a consilio amicorum Dei, qui non spiritum hujus mundi acceperunt, sed spiritum qui ex Deo est, ut sciant quæ a Deo donata sunt sibi. Confiteor tibi, Pater, quia abscondisti hæc a sapientibus et prudentibus, et revelasti ea parvulis. Ita, Pater, quia sic fuit placitum coram te (Matth. xi. 25, 26), non quia sic meritum vel ab ipsis. Omnes enim peccaverunt, et egent gloria tua : ut gratis mittas Spiritum Filii tui clamantem in cordibus filiorum adoptionis, Abba, Pater. Hoc quippe spiritu qui aguntur, hi filii sunt, nec paternum prorsus arcendi consilio. Habent nempe in se manentem spiritum, qui scrutatur etiam profunda Dei. Denique quid ignorent, quos unctio docet de omnibus?

4. Væ vobis, filii hujus sæculi, a vestra insipiente prudentia, ignorantes spiritum salutarem nec participantem consilio, quod solus soli Pater eructat Filio, excepto cui voluerit Filius revelare! Quis cognovit sensum Domini? aut quia consiliarius ejus fuit? (Rom. xi. 34.) Non equidem nullus, sed rarus : soli sane qui veraciter dicere possunt, *Unigenitus qui est in sinu Patris, ipse enarravit nobis* (Joan. i. 18). Væ mundo a strepitu! Clamat in populis idem Unigenitus, tanquam magni consilii angelus : *Qui habet aures audiendi, audiat*. Et quoniam dignos non invenit sensus, quibus Patris committat arcanum, textit parabolas turbis, ut audientes non audiant et videntes non intelligant. Ceterum amici seorsum audiunt : *Vobis datum est nosse mysterium regni Dei* (Luc. viii. 8, 10); quibus et loquitur : *Nolite timere, pusillus grex, quia complacuit Patri vestro dare vobis regnum* (Luc. xii. 32). Qui sunt hi? Utique quos præscivit et prædestinavit conformes fieri imaginis Filii sui, ut sit ipse primogenitus in multis fratribus. Magnum secretumque innotuit consilium. Novit Dominus qui sunt ejus : sed quod notum erat Dei, manifestatum est hominibus. Nec alios sane dignatur tanti participatione mysterii, nisi eos ipsos quos suos præscivit et prædestinavit. Nam quos prædestinavit, hos et vocavit. Quis enim sane nisi vocatus, ad Dei accedat consilium? Quos autem vocavit, hos et justificavit. Oritur quippe Sol, non is qui quotidie oriri cernitur super bonos et malos, siquidem solis ad consilium vocatis (304) prophetica pronuntiatione promittitur : *Vobis, inquit, qui timetis Deum, orietur Sol justitiæ* (Malach. iv. 2). Manentibus igitur in tenebris filiis diffidentiae, evadit in novam hanc lucem lucis filius de po-

(304) Ita scripti omnes, nisi quod in nonnullis legitur, *Siquidem is Sol ad consilium vocatis*, etc. In primis editis et posterioribus plerisque, *Oritur quippe Sol, non is qui quotidie oriri cernitur super*

*bonos et malos, sed qui timentibus Deum prophetica pronuntiatione promittitur solis ad consilium vocatis : Vobis, inquit, qui timetis Dominum, orietur Sol justitiæ.*

testate tenebrarum, si tamen jam fidenter Deo dicere potest: *Particeps ego sum omnium timentium te* (Psal. cxviii, 63). Vides quia præcedit timor, ut sequatur justificatio? Forsitan ergo timore vocamur, amore justificamur. Denique justus ex fide vivit (Rom. 1, 17), illa procul dubio quæ operatur ex dilectione.

5. Audiat itaque in sui vocatione peccator quod timeat: et sic accedens ad Solem justitiæ, videat illuminatus quod diligit. Quidnam est illud? *Miseri-cordia Domini ab æterno, et usque in æternum, super timentes eum* (Psal. cii, 17). Ab æterno propter prædestinationem, in æternum propter beatificationem. Altera carens principio, altera nesciens finem. Siquidem quos ab æterno prædestinat, in æternum beatificat, intercedente sane media vocatione una cum justificatione, duntaxat in adultis. Sic ad ortum Solis justitiæ sacramentum absconditum a sæculis de prædestinatis et beatificandis, emergere quodammodo incipit ex abyso **113** æternitatis, dum quisque vocatus per timorem, justificatus per amorem, præsumit se quoque esse de numero beatorum, sciens nimirum quia quos justificavit, illos et magnificavit (Rom. viii, 29, 30). Quid enim? audit se vocari, cum timore concutitur; sentit et justificari, cum amore perfunditur: et de magnificatione diffidet! Initiatur, provehitur: et de sola consummatione desperabit! Nempe si initium sapientiæ timor Domini, in quo dicta est esse nostra vocatio; quid nisi provectus in sapientia est amor Dei, is duntaxat qui interim ex fide est, ex quo et nostra fit justificatio? Quid item nisi consummatio in sapientia est ipsa, quam in fine speramus, de divina illa et deifica visione glorificatio? Sic abyssus abyssum invocat in voce cataractarum suarum, cum in terrore judiciorum suorum immensa illa æternitas, et æterna immensitas, cujus sapientiæ non est numerus, cor hominis pravum et inscrutabile mira sua bonitate et potentia educit in admirabile lumen suum.

6. Verbi gratia, ponamus hominem in sæculo, sæculi adhuc et suæ carnis amore retentum, et, cum terrestris hominis imaginem portet, incubantem terrenis, nil de cœlestibus cogitantem. Quis hunc non videat horrendis circumfusus tenebris, nisi qui in eadem mortis umbra sedet? quippe cui nullum adhuc suæ salutis signum eluxerit; cui necdum in aliquo interna testetur inspiratio, an boni de se quidpiam æterna teneat prædestinatio. At vero si superna eum miseratio dignanter quandoque respexerit, impiseritque spiritum compunctionis, quatenus ingemiscat et respiciat, mutet vitam, domet carnem, amet proximum, clamet ad Deum, proponatque de cætero vivere Deo, non sæculo: ex qua deinde superni luminis gratuita visitatione, et subita mutatione dexteræ Excelsi, agnoscat se merito quidem non jam iræ, sed gratiæ filium; quippe qui paternum erga se divinæ bonitatis experitur affectum; quod se utique hactenus in tantum latuerat

ut non solum nesciret utrumnam dignus foret amore an odio, verum etiam odium magis, et non amorem propria conversatio testaretur: erant enim tenebræ adhuc super faciem abyssi; nonne is tibi videtur, quasi de abyso profundissima et tenebrosissima horrendæ ignorantie, in aliam quamdam quoque trahi abyssum e regione amœnam et lucidam claritatis æternæ?

7. Et tunc demum quasi dividit Deus lucem a tenebris, cum peccator, sole illucescente justitiæ, abjectis operibus tenebrarum, induitur arma lucis; et is quem prior vita ac propria conscientia, tanquam revera filium gehennæ, deputaverat ardoribus sempiternis; ad tantam visitantis se Orientis ex alto dignationem respirans, gloriari etiam incipit præter spem in spe gloriæ filiorum Dei, quam jam, nimirum e vicino revelata facie exultans, novo in lumine speculari, et dicit: *Signatum est super nos lumen vultus tui, Domine; dedisti letitiam in corde meo* (Psal. iv, 7). O Domine, quid est homo, quia innotuisti ei? aut filius hominis, quia reputas eum? (Psal. cxliii, 3.) Jam se, o bone Pater, vermis vilissimus et odio dignissimus sempiterno, tamen confidit amari, quoniam se sentit amare: imo quia se amari præsentit, non redamare confunditur. Jam apparet in lumine tuo, o inaccessibilis Lux, quid boni penes te, etiam cum malus esset, miserum maneret homunculum. Amat proinde non immerito, quia amatus est sine merito: amat sine fine, quia sine principio se cognoscit amatum. Prodit in lucem ad miseræ consolationem magnum consilium, quod ab æterno latuerat in sinu æternitatis: quod nolit videlicet Deus mortem peccatoris, sed magis ut convertatur et vivat. Habes, homo, hujus arcani indicem spiritum justificantem, eoque ipso testificantem spiritui tuo, quod filius Dei et ipse sis. Agnosce consilium Dei in justificatione tui; confitere et dic, *Consilium meum justificationes tuæ* (Psal. cxviii, 24). Præsens namque justificatio tui, et divini est consilii revelatio, et quædam ad futuram **114** gloriam præparatio. Aut certe prædestinatio ipsa potius præparatio est, justificatio autem magis jam appropinquo. Denique ait: *Agite penitentiam, quia appropinquavit regnum cœlorum* (Matth. iii, 2). Audi et de prædestinatione, quod ipsa sit præparatio. Percipite, inquit, *regnum quod vobis paratum est ab origine mundi* (Matth. xxv, 34).

8. Nemo itaque se amari diffidat, qui jam amat. Libenter Dei amor nostrum, quem prævenit, subsequitur. Nam quomodo redamare pigebit, quos amavit et necdum amantes? Amavit, inquam, amavit. habes enim dilectionis pignus Spiritum, habes et testem fidelem Jesum, et hunc crucifixum. O geminum, ipsunque firmissimum Dei erga nos amoris argumentum! Christus moritur, et meretur amari. Spiritus afficit, et facit amari. Ille facit cur ametur; iste, ut ametur. Ille suam multam dilectionem in nobis commendat, iste et dat. In illo cernimus quod amemus; ab isto sumimus unde amemus. Charitatis



igitur ab illo occasio, ex isto affectio. Quanta confusio, Dei Filium ingratis oculis cernere morientem! quod quidem facile contingit, si desit Spiritus. Nunc autem quia charitas Dei diffusa est in cordibus nostris per Spiritum sanctum, qui datus est nobis (Rom. v, 5), amati amamus, amantes amplius neminem amari. Si enim cum adhuc inimici essemus, reconciliati sumus Deo per mortem Filii ejus, multo magis reconciliati salvi erimus in vita ipsius. Quid enim? qui proprio Filio suo non pepercit, sed pro nobis omnibus tradidit illum, non etiam omnia cum ipso daturus est nobis (Rom. viii, 32).

9. Cum ergo geminum teneamus nostræ salutis inficium, geminam sanguinis et Spiritus effusionem, neutra sine altera prodest. Nam nec Spiritus datur nisi credentibus in Crucifixum, nec fides valet, si non operatur ex dilectione. Dilectio autem donum Spiritus est. Quod si secundus homo (Christum loquor) factus est non solum in animam viventem, sed etiam in spiritum vivificantem, ex uno videlicet moriens, ex altero mortuos suscitans; quid mihi prodesse potest quod in ipso moritur, absque eo quod vivificat? Denique ipse ait: *Caro non prodest quidquam, Spiritus est qui vivificat* (Joan. vi, 64). Quid est autem, *vivificat*, nisi, *justificat*? Cum enim mors animæ peccatum sit, (anima quippe quæ peccaverit ipsa morietur (Ezech. xviii, 4); vita ejus sine dubio justitia est, quoniam justus ex fide vivit. Justus autem quis est, nisi qui amanti se Deo vicem reppendit amoris? quod non fit nisi revelante Spiritu per fidem homini æternum Dei propositum super sua salute futura. Quæ sane revelatio non est aliud quam infusio gratiæ spiritualis, per quam, dum facta carnis mortificantur, homo ad regnum præparatur, quod caro et sanguis non possident; simul accipiens in uno Spiritu, et unde se præsumat amatum, et unde redamet, ne gratis amatus sit.

10. Hoc itaque est illud sacrum secretumque consilium, quod a Patre Filius in Spiritu sancto accipiens, suis, quos novit, per eundem Spiritum, justificando eos, communicat, et communicando justificat: quando id quisque accipit in sui justificatione, ut incipiat et ipse cognoscere, sicut et cognitus est; cum videlicet datur et ipsi præsentire aliquid de sua ipsius futura beatitudine, quemadmodum ab æterno lauit in prædestinante, plenius apparitorum in beatificante. De qua tamen jam percepta suimet ex parte notitia, interim quidem gloriatur in spe, nondum tamen in securitate. Quam miserandi, qui ad tam jucundum justorum consilium, nullum adhuc tenent suæ vocationis testimonium! Domine, quis credidit auditui nostro? O utinam saperent et intelligerent! Verum nisi crediderint, non intelligent.

11. Sed habetis et vos, o infelices sæculi male

A securiamatores. vestrum seorsum a justis consilium. Squama squamæ conjungitur, et non est spiraculum in vobis. Habetis, inquam, et vos, o impii, communicatum ad invicem consilium, sed plane adversus Dominum, et adversus Christum ejus. Etenim si, dicente Scriptura, *Pietas est cultus Dei* (305), profecto quisquis plus amat mundum quam Deum, impius atque idololatra esse convincitur, colens et serviens creaturæ potius quam Creatori. Habentibus autem, ut dictum est, sanctis atque impiis suum ad se quibusque consilium, magnum procul dubio inter utrosque chaos firmatum est. Nam quomodo justus longe se facit a consilio et concilio malignantium, ita nec resurgunt omnino impii in iudicio, neque peccatores in consilio (306) justorum. Est quippe justorum consilium, pluvia voluntaria, quam segregavit Deus hereditati suæ: est consilium vere secretum, descendens nimirum sicut pluvia in vellus: est fons signatus, cui alienus non communicat: est sol justitiæ, qui timentibus Deum tantum oritur.

12. Porro cæteros advertens propheta in sui siccitate et cæcitate remanentes, justorum siquidem imbris et lucis expertes infecundos ac tenebrosos, confusos et aversos, subsannat et notat: *Hæc est, inquit, gens quæ non audit vocem Dei sui* (Jerem. vii, 28). Non vultis, o miseri, dicere enim David, *Audiam quid loquatur in me Dominus Deus* (Psal. lxxxiv, 9): utique foris fusi in vanitates et insanias falsas, intimum optimumque non requiritis veritatis auditum. *Filii hominum, usquequo gravi corde? utquid diligitis vanitatem, et quæritis mendacium?* (Psal. lv, 3.) Surdi ad vocem veritatis, ignorantes consilium cogitantis cogitationes pacis, sed et loquentis pacem in plebem suam, et super sanctos suos, et in eos qui convertuntur ad cor. *Jam vos, inquit, mundi estis, propter sermonem quem locutus sum vobis* (Joan. xv, 3). Ergo qui hunc sermonem non audiunt, immundi sunt.

13. Cæterum tu, o charissime, huic voci Dei tui, dulciori super mel et favum, si præparas aurem interioriorem, fuge curam exterioriorem, ut expedito et vacante interno sensu, dicas et tu cum Samuele: *Loquere, Domine, quia audit servus tuus* (I Reg. iii, 10). Vox hæc non sonat in foro, sed nec auditur in publico. Secretum consilium, secretum quærit et auditum. Auditui tuo gaudium pro certo dabit et lætitiā, si sobria auro perceperis. Abrahæ præcipitur exire de terra et de cognatione sua, ut videre et possidere moreretur terram viventium (Gen. xii, 1). Jacob relicto fratre et patria Jordanem transit in baculo (Gen. xxxii, 10), et excipitur Rachelis amplexibus (Gen. xxix, 11). Joseph dominatur Ægypto (Gen. xli), mercede furtiva patri sublati et patriæ (Gen. xxxvii). Ecclesia jubetur, ut concupiscat Rex decorem ejus, oblivisci populum suum, et domum

(305) Loens est Job, xxviii, 28. Septuaginta interpretēs: *ἰδοὺ θεοσέβεια ἰστί σοφία*, Ecce cultus Dei est sapientia. Vulgata, *Ecce timor Domini ipsa est sapientia*.

(306) Ita scribendum; non, *concilio*, ut in Psalmo ii. Sensus enim exigit, *consilio* et sic habent manuscripti.

patris sui (*Psal.* xlv, 11, 12). Puer Jesus inter cognatos et notos a parentibus quaeritur; nec tamen invenitur (*Luc.* ii, 44, 45). Fuge fratres tuos et tu, si tuam vis invenire salutem. Fuge, inquam, de medio Babylonis, fuge a facie gladii aquilonis. Parati sumus cum panibus occurrere fugienti, Abbatem illum me nominas; non renuo interim propter obsequium. Obsequium dico, non quod exigam, sed quod exhibeam: sicut *Filius hominis non venit ministrari, sed ministrare, et animam suam dare in redemptionem pro multis*. Verumtamen si dignum iudicas, accipe discipulum, quem magistrum eligis. Unus sit ambobus magister Christus: et ipse sit epistolæ finis, qui finis est ad justitiam omni credenti (*Rom.* x, 4).

## EPISTOLA CVIII.

AD THOMAM DE SANCTO-AUDOMARO (307), POST TRANSGRESSIONEM PROMISSIONIS SUÆ VENIENDI AD CONVERSIONEM.

*Hunc relictis studiis religionem ingredi hortatur, proposito Thomæ de Beverla exitu infelici.*

Charissimo filio suo THOMÆ, frater BERNARDUS Claræ-Vallis vocatus abbas, in spiritu timoris ambulare.

1. Bene facis agnoscens debitum tuæ promissionis, et dilata reatum solutionis non dilites: sed volo **116** te non solum quid, sed et cui promiseris, cogitare: nam ego mihi nihil usurpo ex eo quod me coram, et non mihi promissum ipse mecum recolis. Frustra proinde times exprobratum tibi iri a me super frustratoria dilatione, qui testis accitus sum, et non dominus voti (308). Vidi et gavisus sum; et hoc oro, ut gaudium meum plenum sit: quod non erit, nisi cum fuerit impleta promissio. Terminum posuisti, quem non oportuit transgredi. Transgressus es, quid ad me? tuo domino stas, aut cadis. Mihi sane decretum est pro imminente periculo non probris, non minis agere tecum, sed monitis; idque quatenus a quo admiseris animo. Si me audieris, bene; si non, ego non iudico quemquam: est qui quaerit et iudicet; qui enim iudicat nos, Dominus est (*I Cor.* iv, 4). Et hinc tibi plus timendum arbitror ac dolendum, quia non homini, sed Deo mentitus es. Etsi ego tuæ, ut vis, verecundiæ parco coram hominibus, num illa, quæ coram Deo est, impudentia impunite relinquitur? Quid quaeso, rationis habet verecundari ad diem hominis, et vultum Dei non vereri? Nam vultus Domini super facientes mala (*Psal.* xxxiii, 17). Tu ergo plus times opprobria quam tormenta; et qui trepidas ad linguam carnis, contemnias gladium qui devorat carnes? Hæcine est illa morum pulcherrima compositio, qua informari te scribis scientiæ hujus apprehensione, cujus studio et amore sic ferves, ut non verearis sancto proposito præjudicium facere?

2. Sed quaeso te, quod memoriale virtutis, quæ

(307) Vide epistolam 382.

(308) Votum appellat Bernardus ejusmodi promissum, quo quis se in religionem ingredi coram

laus disciplinæ, quis scientiæ profectus, vel artis fructus, trepidare timore ubi non est timor, et timorem Domini relinquere? Quam salubrius disceres Jesum, et hunc crucifixum! quam utique scientiam haud facile, nisi qui mundo crucifixus est, apprehendit. Falleris, fili, falleris, si te putas invenire apud mundi magistros, quam soli Christi discipuli, id est mundi contemptores, Dei munere assequuntur. Nec enim hanc lectio docet, sed unctio; non littera, sed spiritus; non eruditio, sed exercitatio in mandatis Domini. *Seminate, inquit, vobis justitiam, metite spem vitæ, illuminate vobis lumen scientiæ* (*Osee* x, 12). Vides quia non recte proditor ad lumen scientiæ, nisi justitiæ germen procedat [*al.* præcedat] ad animam, ex quo formetur granum vitæ, et non

**B** palea gloriæ. Quid ergo? nondum tibi ad justitiam seminasti, nondum spei manipulos messuisti; et veram te præsumis sectari scientiam! nisi forte pro vera supponitur illa quæ inflat. Et stultius erras appendens argentum tuum non in panibus, et labores tuos non in saturitate. Obsecro, redi ad cor, et adverte hunc annum [*edit.* annum], terminum quem tu tibi indulsisti in injuriam Dei, non esse annum placabilem Domino, sed discordiæ seminarium, fra fomitem, nutrimentum apostasiæ, qui spiritum exstinguat, gratiam intercludat, teporem afferat illum qui Deo solet vomitum provocare.

**C** 3. Heu! heu! videris mihi uno spiritu ambulare, sicut et uno censi nomine, cum altero illo Thoma, olim scilicet preposito de Beverla, qui cum se similiter nostro Ordini et nostræ domui toto desiderio devovisset, cœpit induciari, et ita paulatim refrigescere, donec subita et horrenda morte præreptus factus de medio est sæcularis et prævaricator, et duplo filius gehennæ (quod ab eo, si fieri potest, avertat misericors et miserator Dominus!). Exstat epistola, quam ad eum frustra scripsi (*Epist.* præced.): nisi quod meam ipsius animam liberavi, denuntians, quod in me fuit, quæ oportuit fieri cito. Beatus foret, si me audisset. Dissimulavit: mundus ego sum a sanguine ejus. Verum id non sufficit mihi; quia etsi sim in facto isto securus de me, illa tamen, quæ non quaerit quæ sua sunt, charitas urget me lugere illum qui securus non exiit, quoniam male securus **D** vixit. O judiciorum Dei abyssus multa! o terribilis **117** in consiliis Deus super filios hominum! Spiritum donavit, quem erat denuo ablaturus, ut esset supra modum peccans peccaturus; et gratia subintravit, ut abundaret deficitum: quod tamen non fuit culpa dantis, sed addentis prævaricationem. Sui nimirum arbitrii erat, quo male liber liberum habuit constrixtare spiritum, continere gratiam, nec mancipare effectui suggestum Dei, ut posset dicere: *Gratia Dei in me vacua non fuit* (*I Cor.* xv, 10).

4. Tu si sapis, illius insipientia proderit tibi, et ego statuerat. Confer epistolam 395, et sermonem 63 in Cantica, n. 6, ubi Novitiorum lapsum et casum luget.

lavabis manus tuas in sanguine peccatoris, et curabis a laqueo perditionis, me a timore horribili. Ego enim haud secus fero, fateor, aversionem tuam, quam eviscerationem meam: quoniam charissimus factus es mihi, et paterno te amplector affectu. Ea propter ad omnem recordationem tui, animam meam transverberat gladius iste timoris, tanto acerbius, quanto te minus timentem considero. Scio nempe, ubi de talibus legerim: *Cum dixerint, pax et securitas, tunc subitaneus eis superveniet interitus, tanquam in utero habenti, et non effugient* (1 Thess. v. 5). Multa autem praesentio imminere tibi pavenda tardanti respiscere, tanquam multa expertus, quæ o si cognovisses et tu! Crede ergo experto, crede amanti: cui ex altero non falli, ex altero non fallere inesse cognoscis.

#### EPISTOLA CIX.

AD ILLUSTRUM JUVENEM GAUFRIDUM DE PERRONA (309),  
ET SOCIOS EIUS.

*Nobiles juvenes ob religiosæ vitæ propositum prædicat  
et ad perseverantiam hortatur.*

Dilectis filiis GAUFRIDO et sociis ejus, BERNARDUS abbas dictus Claræ-Vallis, spiritum consilii et fortitudinis.

1. Sermo qui insonuit, edificat multos, imo universam lætificat civitatem Dei, ita ut lætentur cœli, et exsultet terra, et omnis lingua glorificet Deum de vestra conversione. Terra mota est, quia cœli distillaverunt a facie Dei Sinai, pluentes istis diebus solito abundantius pluviam voluntariam, quam segregavit Deus hereditati suæ. Non apparebit ultra vacua in vobis crux Christi, quemadmodum in multis filiis diffidentiae, qui tardantes converti ad Dominum de die in diem, improvisa morte subtrahit, in puncto descendunt ad inferos. Omnino refluuit et nunc quasi de novo lignum in quo pependit Dominus gloriæ, qui mortuus est, non tantum pro gente, sed ut filios Dei, qui erant dispersi, congregaret in unum. Ipse, ipse colligit vos, qui diligit vos tanquam viscera sua, tanquam fructum pretiosissimum crucis suæ,

A tanquam dignissimam recompensationem effusi sanguinis sui. Si ergo gaudent angeli super uno peccatore penitentiam agente (*Luc. xv, 10*), quid in tam multis, et illis peccatoribus, qui, quanto illustriorem videbantur in sæculo, scientia, genere, juventute, tanto pluribus erant perditionis exemplum? Legeram, *Non multos nobiles, non multos sapientes, non multos potentes elegit Deus* (1 Cor. i, 26, 27); at nunc præter regulam mira Dei potentia talium convertitur multitudo. Vilescit gloria præsens, juventutis flos conculcatur, non reputatur generositas; sapientia mundi stultitia judicatur; non acquiescitur carni et sanguini; parentum et charorum renuntiatur affectibus; favores, et honores, et dignitates reputantur ut stercora, ut Christus lucrifiat. Laudarem vos, si vobis hæc accessisset ex vobis cognoscerem: cæterum digitus Dei est iste, mutatio plane dexteræ Excelsi. Datum optimum est, et donum perfectum **118**, nec dubium quin descendens a Patre luminum. Idcirco in ipsum omne præconium jure referimus, qui facit mirabilia solus, qui fecit ne in vobis otiosa jam esset ea, quæ apud se est, copiosa redemptio.

2. Quid igitur opus est facto, dilectissimi, nisi ut satagatur quomodo laudabile propositum dignum consequatur effectum? Studeat proinde perseverantiae, quæ sola virtutum coronatur. Non inveniat apud vos, Est et, Non, ut suis filii Patris vestri qui est in cœlis, apud quem nimirum non est transmutatio, nec vicissitudinis obumbratio. Vos quoque, fratres, in eandem imaginem transformamini a claritate in claritatem, tanquam a Domini Spiritu, curantes omni vigilantia et ipsi non inveniri leves, instabiles, fluctuantes. Scriptum est enim: *Vir duplex animo, inconstans est in omnibus viis suis* (Jacobi i, 8); et rursum: *Vae ingredientem terram duabus viis!* (Eccli. ii, 14.) Et ego, charissimi, quantum congratulor vobis, tantum gratulor et mihi, qui, ut accepi, dignus habitus sum minister eligi consilii hujus. Et consilium do, et auxilium spondeo. Si videor necessarius, aut certe si dignus iudicor, non recuso labo-

(309) In vetustiori editione, *de Perrona*, quæ urbs est munitissima ad Somenam. Inde ergo nomen traxit Gaufridus et originem. Ex iis erat, quos S. Bernardus in Belgio ad religionem convertisse memoratur in libro quarto de ipsius Vita, cap. 3. Socius conversionis fuit Gaufridus alter, postea Prior Claræ-Vallensis. De his intelligendus est Hermannus monachus Tornacensis, in Spicilegii tomo 12, pag. 479, ubi de S. Bernardo, quem et tam ex ecclesia Sanctæ-Mariæ Tornacensis, quam ex ipsa diocesi, clerici videlicet multi famosi domum Bernardum abbatem Claræ-Vallensem conversionis gratia secuti sunt. Hoc factum refert Hermannus pag. 476, post annum vigesimum quartum pontificatus Simonis Noviomensis, qui sedere cœpit anno 1122. Non ergo hæc epistola, ut Manriquez censet, ad annum 1131 referri potest. Gaufridum Perronensem laudat Petrus de Roya Novitius Claræ-Vallensis supra, in epistola 479, n. 9. — Huc usque Mabillonius, cui in eo non consentit Horstius, quod hunc eundem Gaufridum vellet fuisse Priorem Claræ-Vallis, de quo sic habet: Hunc sanctus Bernardus cum aliis virginibus novem nobilibus ac literatis juvenibus in Flandria

ad religionem convertit; nutantem vero aut procrastinantem hisce litteris excitavit. Is postea factus Prior in Clara-Valle, quintus in ordine; demum electus in episcopum Tornacensem (alii legunt Nannetensem), consentire noluit. Quod ita Petrus Blesensis narrat: « Legimus, quod Gaufridus Perronensis, Claræ-Vallis Prior, electus in episcopum Tornacensem, electioni nullatenus acquievit. Qui postea defunctus et apparens enidam fratri, inquirenti qualiter ei esset, respondit: Revelavit mihi Trinitas sancta, quod si suscepissim episcopatum, fuisset de numero reproborum. Ubi et ejus exemplo percellit animos aliorum quorundam præsulum, ita dicens: Quid ergo facient infelices, qui temporalium sollicitudinum fluctibus se sponte et grante immergunt? qui splendide epulando, dormiendo, bibendo, sedendo ad telonium, fiscalem calculum dispensando, querendo quæ sua sunt, aut potius quæ sunt Cæsaris, et non Dei, vitam suam in vanitatibus transigunt? » Ita Petrus Blesensis, epist. 102. Idem refert Cæsarius, lib. 2, cap. 29. Vide de eo Henricus in Menolog. ad diem 15 februarii.



rem, non deero pro viribus. Devotus suppono humeros, etsi jam fessos (310), sarcinæ huic, si mihi cœlestis imponatur. Lætus et obviis, ut dicitur, manibus excipio cives sanctorum, et domesticos Dei. Quam libens, juxta mandatum propheticum, occorro cum panibus fugientibus a facie gladii, aquam fero sitientibus! (Isa. xxi, 14.) Reliqua posui in ore nostri, imo et vestri Gaufridi. Quidquid vobis vice nostra dixerit ille, nostrum non dubitetis esse consilium.

## EPISTOLA CX.

AD PARENTES EJUSDEM GAUFRIDI CONSOLATORIA.

*Non esse cur filium religiosum tanquam perditum lugeant, vel etiam cur delicato metuant.*

1. Si filium vestrum Deus facit et suum, quid vos perditis, aut ipse quid perdit? Fit de divite ditior, de nobili generosior, clarior de illustri; et, quod his omnibus majus est, sanctus de peccatore. Oportet autem eum præparari regno quod sibi paratum est ab origine mundi, atque hujus rei gratia modicum tempus, quod vivere habet, manere nobiscum, donec abraza spurcitiæ vitæ sæcularis, ac terreno detergo pulvere, cœlesti mansioni fiat idoneus. Si diligitis eum, gaudebitis utique quia vadit ad Patrem, et talem Patrem. Ipse quidem vadit ad Deum, sed vos non perdiistis eum; quia potius multos per eum acquiritis vobis filios. Quotquot sumus in Clara-Valle vel de Clara-Valle ipsum in fratrem, vos in parentes suscipimus.

2. At fortassis metuitis corpori ejus vitæ asperitatem, quod nimirum tenerum nostis esse ac delicato. Cæterum de hujusmodi timore dicitur: *Ibi trepidaverunt timore, ubi non fuit timor* (Psalm. xlii, 5). Confidite, consolamini: ego ero illi in patrem, et ipse erit mihi in filium, quousque de meis manibus excipiat eum Pater misericordiarum et Deus totius consolationis. Nolite ergo lugere, et nolite flere; quia Gaufridus vester festinat ad gaudium, non ad luctum. Ego ero illi pater, ego mater, ego frater et soror. Ego faciam ei prava in directa, et aspera in vias planas: ego ei omnia sic temperabo et sic dispensabo, ut et spiritus proficiat, et corpus non deficiat. Denique serviet Domino in lætitia et exultatione, et cantabit in viis Domini, quoniam magna est gloria Domini.

## 119 EPISTOLA CXI.

EX PERSONA ELIÆ MONACHI AD PARENTES SUOS.

*Hortatur eos ne se Deo servire volentem impedire aut retrahere conentur: indignum id fore et frustraneum.*

Charis parentibus suis, INCORRANNO ET IVETÆ HE-

(310) Hinc patet Bernardum jam senectæ proximum tunc fuisse.

(311) Hæc inscriptio nunc primum restituta est ex codice Corbeiensi sæpe laudato. An epistola hæc una est ex illis quas scriptoribus componendas præscribat aliquando Vir sanctus, ex epistola nunc 589? Cæterum de his litteris ita Horstius: Hanc epistolam Bernardus nomine Eliæ Novitii sui ad parentes ejus scripsit, ut eos filium a proposito revocare conantes reprimeret, « Acriora quidem, »

ALIAS monachus, sed peccator, quotidianas orationes (311).

1. Sola causa, qua non liceat obedire parentibus, Deus est. Ipse enim dicit: *Qui amat patrem aut matrem plus quam me, non est me dignus*. Si me vere ut boni, ut pii parentes diligitis; si veram, si fidelem erga filium pietatem habetis: quid me Patri omnium Deo placere satagentem inquietatis, et ab ejus servitio, cui servire regnare est, retrahere attentatis? Vere nunc cognosco quia inimici hominis, domestici ejus (Michææ vii, 6). In hoc vobis obedire non debeo, in hoc vos non agnosco parentes, sed hostes. Si diligeretis me, gauderetis utique quia vado ad meum atque vestrum, imo universorum Patrem. Alioquin quid mihi et vobis? quid a vobis habeo, nisi peccatum et miseriam? Hoc solum, quod gesto, corruptibile corpus de vestro me habere fateor et agnosco. Non sufficit vobis quod me in hanc sæculi miseriam miseri miserum induxistis; quod in peccato vestro peccatores peccatorem genuistis; quod et in peccato natum, de peccato nutritis: nisi etiam invidendo mihi misericordiam, quam consecutus sum ab eo qui non vult mortem peccatoris, filium insuper gehennæ faciatis?

2. O durum patrem! o sævam matrem! o parentes crudeles et impios; imo non parentes, sed peremptores: quorum dolor, salus pignoris; quorum consolatio, mors filii est! qui me malunt perire cum eis, quam regnare sine eis! qui me rursus ad naufragium, unde tandem nudus evasi; rursus ad ignem, unde vix semiustus exivi; rursus ad latrones, a quibus semivivus relictus sum, sed miserante Samaritano jam aliquantulum convalesci, revocare conantur: et militem Christi prope jam raptio cœlo triumphantem (quod non in me glorior, sed in eo qui vicit mundum) ab ipso jam introitu gloriæ, tanquam canem ad vomitum, tanquam suam ad lutum, ad sæculum reducere moliantur! Mira abusio! domus ardet, ignis instat a tergo, et fugienti prohibetur egredi, evadenti suadetur regredi! et hoc ab his qui in incendio positi sunt, et obstinatissima dementia ac dementissima obstinatione fugere periculum nolunt. Proh furor! si vos contemnitis mortem vestram, cur etiam appetitis meam? Si, inquam, negligitis salutem vestram, quid juvat etiam persequi meam? Quare vos non potius sequimini me fugientem, ut non ardeatis? An hoc est vestri cruciatus levamen, si me etiam perimatis: et hoc solum timetis, ne soli pereatis? Ardens ardentibus quod solatium præstare poterit? quæ, inquam, consolatio damnatis,

inquit Lessius, « ista videri possent, nisi a tanta sapientia et sanctitate essent profecta. Quis enim electum illud Spiritus sancti organum audeat reprehendere? Noverat ille quanti hæc res sit momenti. Neque tamen mens ipsius est, ut passim tam acriter illis scribatur, nisi quis videat se in gravia salutis pericula illorum importunitate coniciendum, aut illi finem sollicitandi non faciant. » Ita ille tractatu utilissimo de Statu vitæ deligendo, quæst. 4, 36. Confer notas ad epistolam 101. »

socios habere suæ damnationis? quodve remedium morientibus, alios videre morientes? Non hoc mihi persuadet dives ille qui, in tormentis desperatus de sui liberatione, rogabat nuntii fratribus suis ne et ipsi venirent in locum eundem tormentorum (*Luc. xvi, 28*), timens procul dubio ex suorum cruciatu augeri suum.

3. Quid ergo? ibo et consolabor lugentem matrem meam mei ad tempus visitatione, ut in æternum luceam et me et ipsam sine consolatione? Ibo, inquam, et satisfaciam patri meo irascenti pro mei ad tempus absentia, consolandus et ipse ad tempus de ejus presentia, ut p̄bitumodum et quisque pro se, et uterque pro alterutro inconsolabili desoletur tristitia? An potius exemplo Apostoli non acquiescens carni et sanguini (*Galat. i, 16*) **120.** vocem audiam Domini jubentis: *Dimitte mortuos sepelire mortuos suos* (*Matth. viii, 22*); et cantabo cum David: *Renuit consolari anima mea* (*Psal. lxxvi, 3*); et cum Jeremia, *Diem hominis non concupiui, Domine tu scis*? (*Jerem. xvi, 16.*) Quid enim? funes ceciderunt mihi in præclaris, et cœlestis hæreditas præclara est mihi (*Psal. xv, 6*); et terrena adulatur promissio, blanditur consolatio carnis! Gustato spiritu, necesse est desipere carnem; affectanti cœlestia, terrena non capiunt; æternis inhiant, fastidio sunt transitoria. Desinite igitur, parentes mei, desinite et vos frustra plorando affligere, et me gratis revocando inquietare: ne, si adjeceritis nuntios ultra mittere pro me, plus me elongare cogatis. Si autem dimittitis, Claram-Vallem in perpetuum non dimittam. Hæc requies mea in sæculum sæculi, hic habitabo, quoniam elegi eam. Ibi pro meis atque vestris peccatis jugiter orabo; ibi precibus assiduus (quod et vos cupitis) impetrabo, si potero, ut, qui ejus amore hoc modico tempore ab invicem separamur, in alio sæculo simul felici et inseparabili societate, in ejus amore vivamus per omnia sæcula sæculorum. Amen.

#### EPISTOLA CXII.

AD GAUFRIDUM LEXOVIENSEM (512).

*Doleo cum deserto religionis proposito rediisse ad sæculum; et ad resipiscentiam hortatur.*

1. Doleo super te, fili mi Gaufride, doleo super te. Et merito. Quis enim non doleat florem juventutis tuæ, quem lætantibus angelis Deo illibatum obtuleras in odorem suavitatis, nunc a demonibus conculcari, vitiorum spurcitiis, et sæculi sordibus inquinari? Quomodo qui vocatus eras a Deo, revocantem diabolum sequeris, et quem Christus trahere cœperat post se, repente pedem ab ipso introitu gloriæ retraxisti? In te exterior nunc veritatem sermonis Domini, quem dixit: *Inimici hominibus, domestici ejus* (*Matth. x, 36*). Amici tui et proximi tui adversum te appropinquaverunt, et steterunt. Revocaverunt te in fauces leonis, et in portis mortis iterum collocaverunt te. Collocaverunt te in obscuris, sicut

(512) Alii habent, *Luxoviensem*. Quo vocabulo olim Ordericus uti solet ad designandos Lexovienses, in Neustria: ut nulla sit passim nominis distin-

A mortuos sæculi: et jam parum est ut descendas in ventrem inferi; jam te deglutire festinat, ac rugientibus præparatis ad escam trudere devorandum.

2. Revertere, quæso, revertere, priusquam te absorbeat profundum, et urgeat super te putens os suum; priusquam demergaris, unde ulterius non emergas; priusquam ligatis manibus et pedibus projiciaris in tenebras exteriores, ubi est fletus et stridor dentium; priusquam detrudaris in locum tenebrosus, et opertum mortis caligine. Erubescis forte redire, quia ad horam cessisti. Erubescere fugam, et non post fugam reverti in prælium, et rursum pugnare. Necdum finis pugnæ, necdum ab invicem dimicantes acies discesserunt: adhuc victoria præ manibus est. Si vis, nolumus vincere sine te, nec tuam tibi invidemus gloriæ portionem. Læti occurremus tibi, lætis te recipiemus amplexibus, dicemusque: *Epulari et gaudere oportet, quia hic filius noster mortuus fuerat, et revixit; perierat, et inventus est* (*Luc. xv, 32*).

#### EPISTOLA CXIII.

AD SOPHIAM VIRGINEM.

*Eam prædicat ob spretam mundi gloriam: et expositis religiosarum virginum elogiis, privilegiis, præmiis ac ornamentis ad perseverantiam hortatur.*

BERNARDUS abbas de Clara-Valle, SOPHIÆ virginis, virginitalis servare titulum, apprehendere fructum.

1. Fallax gratia, et vana est pulchritudo: mulier timens Deum, ipsa laudabitur (*Prov. xxxi, 30*). Condelector, filia, gloriæ virtutis tuæ, qua fallacem mundi gloriam respuisse narraris. Ipsa quippe digne respuitur; sed quia multi **121** aliter sapientes in ejus æstimatione desipiunt, tu jure laudaris, quia non falleris. Flos feni est, vapor est ad modicum parens. Ipse ejus qualiscunque status, nonne plus anxietatis, quam jucunditatis habet? Dum vindicas, dum defendis, dum invides, dum suspicaris, dum semper ambis quæ non habes, et, nonnullis adeptis, acquirendi non tepescit ardor, quæ requies in gloria tua? Si quæ tamen est, præterit jucunditas non reditura, et manet anxietas non relictura. Cæterum videas eam quamplurimos non apprehendere, contemnere perpauca. Cur hoc? Profecto quia necessitas multorum est, virtus paucorum. Paucorum, inquam, paucorum, præsertim nobilium. Denique non multos nobiles, sed ignobilia mundi elegit Deus (*I Cor. i, 26-28*). Proinde benedicta tu in nobilibus, quæ, pro gloria certantibus cæteris, de contemptu gloriæ gloriosius sublimaris, et sublimius gloriaris; insignior plane atque illustrior, quod de paucis facta es, quam quod orta de magnis. Illud namque Dei munus tuum est, hoc tuorum. Porro quod tuum est, tanto charius est, quanto rarius. Nam si in viris virtus rara est avis in terris (*JUVEN. Sat. vi.*), quanto magis in femina fragili et nobili? Denique mulierem fortem etio inter Luxovienses in Burgundiæ comitatu, apud illius temporis scriptores,

quis inveniet? (*Prov. xxxi, 40*). Multo magis quis A *filia regis ab intus* (*Psal. xlii, 14*). Juendare, Glia Sion, et exsulta satis, filia Jerusalem, quia concupivit Rex speciem tuam: si tamen confessionem et decorem induis, amicta lumine sicut vestimento. Nempe confessio et pulchritudo in conspectu ejus. Cujus? Speciosi forma prae filiis hominum; ipsius in quem desiderant angeli prospicere.

2. Certent ergo ceteræ, quæ spem non habent, pro rerum fugacium atque fallacium vili brevique gloriola: tu spei, quæ non confundit, innitere. Tu te, inquam, ei quod breve hoc ac momentaneum tribulationis tuæ supra modum in sublime operator, ponderi gloriæ reservato. Quod si tibi exprobraverint filiæ Belial, illæ quæ extento collo, fractis incedunt gressibus, compositz et circumornatz ut similitudo templi; responde: Regnum meum non est de hoc mundo; responde: Tempus meum nondum advenit, tempus autem vestrum semper est paratum: responde: Gloria mea abscondita est cum Christo in Deo; cum autem Christus apparuerit vita mea, tunc et ego apparebo cum ipso in gloria (*Coloss. iii, 4*). Quanquam et si gloriari oportet, potes tu quoque ingenuæ, potes secure, tantum in Domino. Omitto sane coronam, quam tibi Dominus præparavit in æternum. Sileo repositiones, quæ te in posterum manent: quod felix sponsa admittenda est revelata facie speculari gloriam sponsi tui; quod te sibi exhibiturus est gloriosam, non habentem maculam aut rugam, aut aliquid hujusmodi; quod æternis excepturus amplexibus, ponet levam sub capite tuo, et dextera illius amplexabitur te. Prætereo locum nominatum, quem virginitatis prærogativa singularem a filiis et filiabus in regno es procul dubio sortitura. Sileo et canticum illud novum, quod virgo cum virginibus singulari nihilominus dulcique modulamine cantura (*313*), lætaberis in ipso, et lætificabis civitatem Dei, cantans, et cursitans, et sequens Agnum quocunque ierit. Illud siquidem nec oculus vidit, nec auris audivit, nec in cor hominis ascendit, quod tibi præparatum est, et cui te præparari oportet.

3. Hæc ergo prætermitto, quæ in futuro reposita sunt tibi: præsentia tantum loquor, ea loquor quæ de primitiis spiritus jam tenes, sponsi xenia, arrhas sponsalitates, benedictiones dulcedinis, in quibus te prevenit, quem et subsequeturum, atque quod deest completurum exspectas. Ille, ille in medium veniat summo decore spectabilis, ipsis quoque angelis admirandus ornatus: et proferant si quid simile habent filiæ Babylonis, quarum vere gloria in confusione. Induuntur purpura et bysso, et subinde conscientia pannosa jacet: fulgent monilibus, moribus sordent. E contra tu foris pannosa, intus speciosa resplendes, sed divinis aspectibus, non humanis. Intus est quod delectat, quia intus est quem delectas: nisi forte tu dubitas **122** habitare Christum per fidem in corde tuo. Denique *omnis gloria ejus*

A *filia regis ab intus* (*Psal. xlii, 14*). Juendare, Glia Sion, et exsulta satis, filia Jerusalem, quia concupivit Rex speciem tuam: si tamen confessionem et decorem induis, amicta lumine sicut vestimento. Nempe confessio et pulchritudo in conspectu ejus. Cujus? Speciosi forma prae filiis hominum; ipsius in quem desiderant angeli prospicere.

4. Audis eni places: ama unde places, ama confessionem, ob quam amaris: ama confessionem, si affectas decorem. Confessionum jungitur decor, jungitur pulchritudo. Habes utrumque: *Confessionem et decorem induisti* (*Psal. ciii, 1*); et: *Confessio et pulchritudo in conspectu ejus* (*Psal. xcv, 6*). Revera ubi confessio, ibi pulchritudo, ibi decor. Si peccata sunt, in confessione lavantur: si bona opera, confessione commendantur. Cum mala tua confiteris, sacrificium est Deo spiritus contribulatus: cum Dei beneficia, immolas Deo sacrificium laudis. Bonum animæ ornamentum confessio, quæ et peccatorem purgat, et justum reddit purgatorem. Absque confessione justus judicatur ingratus, et peccator mortuus reputatur. A mortuo quippe, tanquam qui non sit, perit confessio (*Ecclesi. xvii, 26*). Confessio igitur, peccatoris est vita, justis gloria: et necessaria est peccatori, et justum nihilominus decet. Denique rectos decet laudatio (*Psal. xxxii, 1*). Serica, et purpura, et tincturarum fucus decorem habent, sed non præbent. Quidquid tale applies corpori, exponit speciem suam, non deponit. Secum denique tollit, cum tollitur ipsum. Porro decor qui cum veste induitur, et cum veste deponitur, vestis procul dubio est, non vestiti.

5. Tu ergo noli æmulari in malignantibus, et mendicantibus pulchritudinem alienam, ubi perdidit suam. Natio quippe et interno se producit decore nudas, quæ tanto studio et pretio de diversis et variis speciebus ejus quæ præterit figuræ mundi, foris sibi conficere satagunt, unde oculis insipientium appareant speciosæ. Indignum tibi judica, formam a pellibus morium, et operibus vernium mutuari. tua tibi sufficiat. Ille est verus propriusque cujusque rei decor, qui nulla interjacente materia per se inest. O quam decenti rubore genas suffundit virgineas ingenui gemma pudoris! quæ inanes reginarum huic comparabuntur? Nec inferioris insignis decoris disciplina præfert. O quam compositum reddit omnem puellaris corporis statum, nedum [*ut* nec non] et mentis habitum, disciplina! Cervicem submittit, ponit supercilia, componit vultum, ligat oculos, cachinnos cohibet, moderatur linguam, gulam frenat, iram sedat, format incessum. Talibus decet pudicitie vestem distingui margaritis. Istiusmodi circumdata varietate virginitas, cui gloriæ merito non præfertur? Angelicæ? Angelus habet virginitatem, sed non carnem: sane felicior, quam fortior in hac parte. Optimus et optabilis valde ornatus iste, qui et angelis possit esse invidiosus.

(113) Ita manuscripti et antiquiores editiones. Alias, *cantatura*.



6. Sed adverte et aliud de eodem. Profecto tanto tibi manet tutus, quanto et proprius. Vides nempe anro, argento, lapidibus pretiosis, et omni denique cultu regio non tam ornatas quam oneratas. Vides longas post se trahentes fimbrias, ipsasque pretiosissimas, et densas pulveris nubes excitantes in aera. Non te moveant hæc. Illæ illa vel in morte deponent: te tua sanctitas non relinquet. Non sunt sua quæ portant. Cum interierint, non sument omnia, neque descendet cum eis gloria hæc. Mundus, cujus sunt, nudis illis exeuntibus retinebit, eisdem vanis vanas similiter alias seducturus. At vero tuus ille ornatus non sic. Firmissime tibi, ut dixi, manet, propterea tutus, quia tuus. Nullius facile aut cedit injuriis, aut patet insidiis. Adversus hujusmodi nil furis calliditas, nil furentis crudelitas potest. Nec a tineis roditur, nec vetustate corrumpitur, nec consumitur usu. In morte vivit. Nimirum animæ res est, non corporis: et ob hoc simul cum anima de corpore abit, non obit cum corpore. Porro animæ non habent quid faciant, etiam qui corpus occidunt.

### 123 EPISTOLA CXIV.

AD ALTERAM SANCTIMONIALEM.

*Quæ sub habitu religioso animam gesserat mundo deditum, eam jam respicientem prædicat, et ne gratiam negligat, hortatur.*

1. Magnum est mihi gaudium, quod te ad verum et perfectum gaudium velle tendere comperi, quod non est de terra, sed de cælo; id est, non de hac convalle plorationis, sed de illa quam fluminis impetus lætificat civitate Dei. Et revera illud verum et solum est gaudium, quod non de creatura, sed de Creatore concipitur; et quod cum possederis, nemo tollet a te: cui comparata omnis aliunde jucunditas, mæror est; omnis suavis dolor est; omne dulce, amarum; omne decorum, fædum; omne postremo quodeunque aliud delectare possit, molestum. Denique tu mihi testis es in hac re: te ipsam interroga, quia tu tibi familiaris credes. Nunquid non hoc ipsum clamat in corde tuo Spiritus sanctus? An non tibi jam ab ipso, priusquam a me, hujus rei veritas persuasa est? Quando enim tu femina et juvencula, formosa et ingenua, sic fragilem et sexum vinceres et ætatem; sic spectabilem et formam et generositatem contemneres, nisi cuncta quæ corporis sensi-

bus subjacent, in illorum jam tibi comparatione vilescerent, quæ te interius et confortant ut vincas, et delectant ut præferas?

2. Nec immerito. Modica, transitoria, terrena sunt quæ despicias; maxima, æterna, cœlestia sunt quæ appetis. Plus dicam, et verum dicam: tenebras deseris, et lucem ingrederis. De profundo fluctuum emergis ad portum; de misera servitute in felicem libertatem respiras; de morte denique transis ad vitam: siquidem usque modo tua non Dei voluntate, tua vivens non Dei lege, vivens mortua eras: vivens mundo, mortua Deo; sive, ut verius loquar, nec mundo vivens, nec Deo. Volens quippe sub habitu et nomine religionis instar unius de sæculo conversari, sola Deum a te voluntate repuleras: non autem valens quod stulte volebas, non tu quidem mundum, sed te mundus repulerat. Deum ergo repellens, et a sæculo repulsa, inter duas, ut dicitur, sellas corrueras (314). Nec Deo itaque vivebas, quia nolebas; nec sæculo, quia non poteras: alteri quidem volens, alteri invita; sed tamen utrique mortua. Sic debet contingere his qui vovent, et non solvant [*al. et non reddunt*]; qui aliud foris ostentant, et intus aliud appetunt. At vero nunc per Dei misericordiam incipis reviviscere, non peccato, sed justitiæ; non sæculo, sed Christo: sciens quia et sæculo vivere, mors est; et in Christo etiam mori, vita. Beati nempe mortui, qui in Domino moriuntur.

3. Ex hoc jam nec votum tuum irritum, nec casam professionem causabimur: ex hoc jam nec corporis integritas animi corruptione infirmabitur, nec morum pravitate virginitatis titulus obscurabitur: ex hoc jam nec falsum nomen, nec vacuum velamen portabis. Utquid enim hactenus nonna (315) et sanctimonialis vocitata es, quæ sub sanctitatis nomine, non tamen sancte conversata es? Cur velum in capite mentiebatur reverentiam, et sub velo petulans oculus exhibebat impudentiam? Caput siquidem gerebas velatum, sed elatum: sub signo verecundiæ sermo resonabat inverecundus. Risus immoderatio, incessus lascivior, vestitus ornatio, wimplata (316) magis quam velata congruerent. Sed ecce jam vetera Christo auctore transierunt, et nova fieri, incipiunt omnia, dum cultum exteriorem interiore commutas, et magis vitam quam vestem appetis habere ornatam. Facis 124 quod debes,

(314) Apte hoc loco liber primus de Imitatione Christi, cap. 25: «Religiosus negligens et tepidus habet tribulationem super tribulationem, et ex omni parte patitur angustiam; quia interiori consolatione caret, et exteriorem querere prohibetur.» Lege sermones 3 et 5 in Ascensione.

(315) Vox ex regula S. Benedicti efflata, in qua juniores priores suos, *Nonnos*, appellare jubentur in capite 83.

(316) Ita omnes: quotquot vidi codices manuscriptos, nempe regie Bibliothecæ, Colbertinæ, Sorbonæ, Collegii regii Navarræ, S. Victoris Parisiensis, Compendiæ, aliique aliarum bibliothecarum, qui habent, *wimplata*; cum tamen omnes editiones præter duas (Parisiensem videlicet anni 1494, et

Lugdunensem anni 1530), habeant, *uni inflata*. Quid enim, inquirunt, *wimplata*? Certe vox efflata a *wimpla* seu *guimpla*, proclivi litteræ *g* in *v* demutatione: gallice *guimpe*, vel *guimpe*, muliebri capitis ornamentum, nobilibus feminis olim solemne (uti discimus ex antiquis nobilium matronarum simulacris) a simplicioribus modestiæ causa rejectum. Unde illud poetæ Galli apud Borellum in Gallico Glossario:

*Moult fut humilient et simple,  
Elle eut un voile en lieu de guimpe.*

Quod sic reddi potest:

*Velum pro wimpla simplex humilisque gerebat.*

Nunc vero *Guimpe* nomen extra monialium claustrum fere ignotum.

imo quod jam olim fecisse debueras : nam olim jam voveras. Sed Spiritus, qui, sicut ubi vult, ita et quando vult, spirat, necdum spiraverat. Et idcirco forsitan quod hucusque egisti, excusationem habet. Cæterum si flammantem spiritum, quo nunc recaluit sine dubio cor tuum intra te, et in meditationibus tuis exardescentem ignem divinum jam exstingui permiseris, quid restat, nisi ut te illi servandam noveris igni qui non possit exstingui? Sed exstinguat potius idem Spiritus in te concupiscentias carnales, ne forte ab his præfocato (quod absit!) nuper concepto sancto desiderio, in flammam contingat incidere gehennales.

## EPISTOLA CXV.

AD ALIAM SANCTIMONIALEM DE MONASTRIO SANCTÆ MARIE TRECENTIS (317).

*Dissuadet ei eremum, quam temere et imprudenter appetebat.*

1. Relatum est mihi te, quasi asperioris vitæ desiderio, tuum monasterium velle deserere. Quam rem dissuadentibus tibi atque omnimodis prohibentibus spiritali matri tuæ, sive sororibus, cum acquiescere nolles, placuisse tandem nostrum super hoc consilium eligere : ut quidquid ego laudaverim, id tibi credas expedire. Debueras quidem doctorem ad hoc consilium eligere : quia tamen sic tibi visum est, quod hinc mihi rectius videtur, non celo. Hoc itaque tuum desiderium ex quo cognitum habui, cogitans atque recogitans quo quidem spiritu conceperis, facile judicare non audeo. Potes namque in hac re zelum Dei habere, ut excusabilis sit tua intentio ; sed quomodo secundum scientiam tuam talis voluntas impleatur, omnino non video. Cur, inquis? non est sapere, ut opulentiam, ut urbis frequentiam, ut pingua fugiam et delicias? annon mea mihi pudicitia tior erit in eremo, ubi in pace cum paucis, aut sola conversans, soli placeam cui me probavi? Nequaquam. Nam volenti perperam agere, et desertum abundantiam habet, et nemus umbram, et silentium solitudo. Malum quippe quod nemo videt, nemo arguit. Ubi autem non timetur reprehensor, securius accedit tentator, licentius perpetratur iniquitas. In conventu vero bona si qua facis, nemo prohibet : malum autem facere si vis, non licet. Mox etenim a pluribus comperitur, arguitur, emendatur : sicut e

(317) Hactenus superstat apud Trecentis istud monasterium sub Regula S. Benedicti : ubi religio tum innovata erat, teste Bernardo.

(318) Vulgo, *le bon ordre*; id est, accuratam vitæ monasticæ disciplinam.

(319) Fuit hæc Alani comitis conjux in Claræ-Vallenses maxime benedicta, quibus monasterium juxta urbem Nannetum construxit, teste Ernaldo in libro 2 de Vita sancti Bernardi, n. 34; et quidem anno 1135, ex Chronologia nostra. Monasterio vocabulum est Buzelum, cui modo præest illustrissimus abbas Caumartinus, a quo primarias conditi cœnobii litteras accepimus. His in litteris testatur dux Conanus, Alani ex Ermengarde filius, se una cum matre sua abbatiam Buzelum edificare statuisse, sed quorundam sinistro deceptis consilio ab incepto desistisse: dum veniens in illas partes Ber-

A contrario bonum cum vident, omnes mirantur, voverantur, imitantur. Vides ergo, filia, quod et tua merita immanior in conventu gloria sequitur, et citior culparum correctio : quando ibi sunt, et quibus de bonis exemplum præbeas, et quas de malis offendas.

2. Denique ut ex illa evangelica partitione omnem tibi auferam tui excusationem erroris, aut de fatuis virginibus una es (si tamen virgo es), aut de prudentibus (*Matth. xxv, 1-12*). Si de fatuis, congregatio tibi necessaria est : si de prudentibus, tu congregationi. Nam si sapiens et probata es, religio certe quæ illo in loco noviter innovata nunc ubique laudatur, multum tua discessione infamabitur et infirmabitur, ut timeamus. Dicitur quippe quod, bona cum sis, bonum ordinem (318) nequaquam desereres. Quod si fatua cognita es, et recedis, dicemus quod, quia cum bonis male vivere non licet, bonas mala non ferens, quæris ubi vivere liceat ut libet. Et merito. Nam ante Ordinis emendationem nunquam, ut aiunt, inde locuta es ; at ubi religio crevit, sanctior subito facta, fervore repentino cogitare cœpisti de eremo. Agnosco, filia, agnosco, ut nam et tu mecum agnoscas, serpentinum virus, fraudulentum dolum, versipellis astutiam. In nemore lupus habitat. 125 Si sola ovicula umbras nemoris penetras, præda vis esse lupo. Sed audi me, filia, fidele audi consilium. Sive peccatrix, sive sancta sis, noli te separare a grege; nequando rapiat, et non sit qui eripiat. Sancta es? stude tuo exemplo tuæ socias acquirere sanctitatis. Peccatrix es? noli addere peccata peccatis, sed age penitentiam ubi es : ne discedens cum tui quidem periculo, ut ostensum est, et sororibus scandalum relinquant, et multorum in te provocos detrahentium linguas.

## EPISTOLA CXVI.

AD ERMENGARDEN QUONDAM COMITISSAM BRITANNIÆ (319).

*Affectum sui cordis, et vim religiosæ dilectionis suaviter et familiariter insinuat.*

Dilectæ in Christo filiæ suæ ERMENGARDI, quondam eximie comitissæ, nunc humili Christi ancillæ, BERNARDUS abbas Claræ-Vallis, pium sanctæ dilectionis affectum.

nardus abbas Claræ-Vallis, ad cujus abbatiam Buzense cœnobium spectabat, et locum pene desolaturn videns, vehementer doluit : « et me, » inquit Conanus, « quasi perfidum ac mendacem austerissimis increpationibus redarguens, abbati ac fratribus, qui ibidem morabantur, ut locum relinquerent, et ad Claram-Vallem redirent, imperavit. » Intercessit Conanus, et restitutus quas abstulerat monasterii rebus, ædificia perfici curavit. Litteris subscribunt episcopi Rotundus Venetensis, Alanus Rhedonensis, Joannes Macloviensis, et iterum Nannetensis, et cum eis Petrus abbas ejusdem cœnobii, atque Andreas monachus. Ad Ermengardem ut revertamur, Goffridus abbas Vindocinensis in libri 5 epist. 25 eam hortatur ad resumendum vitæ religiosæ propositum, a quo deflexisse visa erat. Idem Goffridus eam in epistola sequente regiam prolem appellat.

Utinam sicut chartam nunc præsentem, ita et meam tibi mentem expandere possem! O si legere posses in corde meo, quod ibi de amore tuo, suo digito Deus scribere dignatus est! certe agnosceres quam nulla lingua vel penna sufficiat exprimere quod in intimis mihi medullis Dei spiritus imprimere potuit. Et nunc quidem præsens sum spiritu, licet corpore absens; sed nec mihi, nec tibi est unde appaream. Est tamen penes te unde possis de me utcumque conicere, etsi nondum cognoscere, quod dico. Intra ergo cor tuum, et inspicere meum; et vel tantum mihi tribue amoris erga te, quantum tibi erga me inesse sentis: ne, si nos quidem minus, te vero amplius amare præsumpseris, eo te nobis præferre puteris, quo et vincere nos charitate putaveris. Cæterum tuæ modestiæ est id potius sentire de nobis, ut qui te affectit ita me diligere et eligere ad consilium tuæ salutis, æque affecterit et me in obsequium tuæ dilectionis. Tu ergo videris quomodo me tecum retinueris: ego, ut verum fatear, nusquam abs te absque te recedo. Hæc tibi interim de via breviter in transitu scribere volui; sperans me majori otio majora missurus, si Deus annuerit.

## EPISTOLA CXVII.

AD EANDEM.

*Laudat ejus in divino servitio alacritatem, suumque illius videndam desiderium indicat.*

Recepi [al. accepi] delicias cordis mei, pacem tui. Lætus sum, quia tu læta nuntiaris; neque admodum animo reddit incolumem tua innotescens alacritas. Hæc nimirum lætitia nil habet de carne et sanguine, cum humilis ex sublimi, ex ingenua ignobilis, pauper ex divite vivas: fratris, filii, patriæque destituta solatio. Sine dubio ergo quod in te placritatis natum est, de Spiritu sancto est. Quippe jamdudum a timore Dei concipiens, parturisti tandem spiritum salutis, foras utique mittente charitate timorem. O quam libentis ista præsens colloquerer, quam scribo absens! Crede mihi, irascor occupationibus, quibus frequenter impediri videor ne te videam: et delector occasionibus, quibus vel interdum expediri videor, ut te videam. Rara quidem datur hujusmodi opportunitas: sed clara, fateor, est mihi vel ipsa raritas. Est enim sane melius videre te vel nonnunquam, quam nunquam omnino. **126** Spero me in proximo venturum ad te, jam nunc prælibans gaudium proxime pleneque futurum.

## EPISTOLA CXVIII.

AD BEATRICEM NOBILEM ET RELIGIOSAM MATRONAM.

*Officiosam ejus charitatem et sollicitudinem commendat.*

Miror tuæ devotionis studium, tuæ erga nos dilectionis affectum. O bona domina, quid tibi et

(320) Simoni videlicet et Adelaidi, non Gertrudi, ut plerique scribunt. De hujus ducissæ conversione per Bernardum facta, lego librum primum Vitæ, cap. 14. Quippe sanctimonialis velum in parthenone Tartiensi, qui Divioni olim proximus erat, suscepit, ut patet ex autographis litteris Matthæi ducis ejus filii, qui matrem suam Atheleidem vocat. Has litte-

A nobis? unde tanta tibi sollicitudo de nobis? Si filii, si nepotes, si vel aliqua extrema propinquitatis linea tibi juncti essemus, tua crebra beneficia, frequentes salutationes, innumera denique tui amoris insignia, quæ quotidie experimur, non tam nobis miranda viderentur, quam ex debito suscipienda. Nunc autem cum genere tantum dominam, non matrem te cognoscamus; non mirum si miramur, sed mirum si satis mirari possumus. Quis enim notorum vel cognatorum nostrorum curam habet de nobis? quis unquam de nostra salute interrogat? quis, inquam, non dico sollicitus, sed vel memor nostri est in sæculo? Amicis, propinquis, vicinis nostris facti sumus tanquam vas perditum: sola nos oblivisci non potes. Inquiris de esse et statu sanitatis nostræ, de via quam nuper egimus, de monachis, quos ad alium locum transtulimus. De quibus breviter respondeo quod de terra deserta et de loco horrores et vastæ solitudinis introducti sunt in abundantiam rerum, ædium et amicorum; in terram denique fertilem, et locum amenæ habitationis. Lætos itaque et in pace reliquimus, læti nos et in pace reversi sumus; præter quod ego paucis diebus, sed non parum, febre redeunte, ita ut mori timerem, aggravatus fui. Sed rursum, Deo miserante, cito convaleui, ita ut nunc fortiorem sanioresque me sentiam post viam peractam, quam ante inchoatam.

## EPISTOLA CXIX.

AD DUCEN ET DUCISSAM LOTHARINGÆ (320).

C *Gratias agit pro condonatis hactenus vectigalibus, sed caveri cupit, ne gratia principum opera ministrorum intervertatur.*

Duci et Ducissæ Lotharingæ, BERNARDUS abbas de Clara-Valle, sic suis ad invicem charis et castis delectari amplexibus, ut solus amor Christi superet in ambobus.

Ex quo cepimus mittere pro nostra necessitate in terram vestram, multam semper invenimus in oculis vestræ dignitatis familiaritatem et gratiam. Benedictionem largitatis vestræ nostris hominibus, cum necesse fuit, liberaliter exhibuistis. Passagium (321) transeuntibus, et si quod est aliud juris vestri debitum, mercantibus libenter dimisistis. De quibus omnibus sine dubio merces vestra multa est in cælis, si tamen verum esse credimus quod Dominus in Evangelio promittit: *Quandiu fecistis uni ex minimis meis, hoc mihi fecistis* (Matth. xxv, 40). Sed quid est quod ministros vestros, quæ vos donastis, exigere rursum permittitis? dignum est vobis et honorificum, ut quod vobis pro salute animarum vestrarum placuit donare, nemo vestrorum repetere audeat. Si ergo vos (quod absit!) beneficiorum vestrorum non pœnitet, donumque quod in beneplacito vestro a

ras refert Petrus Franciscus Chiffletius post Opuscula quatuor Parisiis edita anno 1679. Facessant igitur Gertrudis ad Bernardum, et Bernardi ad Gertrudem epistolæ, a Bernardo Britone ex gallico idiomate in lusitanum, ac deinde in latinum versæ.

(321) Census a transeuntibus persolvi solitus: vulgo, *droit de passage*.



vobis sæpe recepimus, æque adhuc ut habeamus, A quippe est : *Quid prodest homini si mundum universum lucretur, se autem perdat, et detrimentum sui faciat?* (Matth. xvi, 26.)

127 ministrorum vestrorum timeant propter hoc disturbari. Alioquin non renuimus Domini nostri sequi exemplum, qui pro se non designatus est solvere censum (Matth. xvii, 26), parati et nos libenter quæ sunt Cæsaris Cæsari reddere, et vectigal cui vectigal, et tributum cui tributum (Rom. xiii, 7) : præsertim quia juxta Apostolum non tam debemus requirere datum nostrum, quam vestrum lucrum (Philipp. iv, 17).

## EPISTOLA CXX.

AD DUCISSAM LOTHARINGIÆ.

*Pro beneficiis oblatis gratias agit, et ab iniquo bello eam deterret.*

Gratias agimus Deo pro tam devota voluntate, quam erga ipsum et servos ejus vos habere cognovimus. Quoties enim in corde carnali, terrenis dignitatibus alto, ulla vel minima scintillula cœlestis amoris accensa videtur, divinum sine dubio est munus, non hominis virtus. Et nos quidem largitatis vestræ vestris in litteris nobis oblata beneficia gratanter amplectimur; sed cognita illa subita et grandi satis occupatione, qua vos nunc detineri necesse est, conveniens ducimus vestram, quantum vobis placuerit, expectare opportunitatem. Nemini etenim, quantum in nobis est, vellemus esse oneri, præsertim in iis quæ ad Deum pertinent, ubi non dati lucrum, sed dantis fructum magis requirere debemus. Diem itaque nobis, si placeat, atque locum rescribendo per hunc nuntium nominate : quo, juvante Deo, præsentem expedita instantia, nostris partibus appropinquare debeatis, et, fratre Widone (322) vobis obviam facto, si quid in terra vestra invenerit quod aptum sit Ordini nostro, promissa vestra expeditus atque alacrius compleatis. Hilarem enim datorem diligit Deus (II Cor. ix, 7). Aut si forte non placet vobis dilatio, et hoc notificæ; quia parati sumus in hac re, quantum ratio patitur, vestræ obtemperare voluntati. Ore vestro Ducem salutamus : et tam ipsum quam vos admonemus ut, si castrum, pro quo guerram facturi estis, vestri juris non esse noveritis, pro Dei amore relinquatis. Scriptum

(322) Existimamus hunc esse Widonem Triumfontium abbatem, qui in Lotharingiam profectus non semel, de quo ad epistolas 65, 69.

(323) Mathildem, Hugonis I Burgundie ducis uxorem, iras coquentem in Hugonem de Besua, qui locus situs est quatuor leucis a Divisione, nonasterio Besuensi Ordinis S. Benedicti insignis. De Hugone isto vide Perardum, pagg. 221, 222.

(324) Legalitati, id est bonæ fidei, quæ consistit in exsequendis promissis.

(325) Scripta circa annum 1150. In scriptis non paucis hæc epistola cum sequenti rescripto refertur post epistolam 127, in quibusdam vero post epistolam 252. Hildebertus, hujus epistolæ auctor, Cenomannensem Ecclesiam rexit ab anno 1098 ad annum 1125, quo in metropolim Turonensem mortuo Gisleberto successit est. Id constat tum ex Orderico Vitali in libro x, ad annum 1098; tum ex Actis episcoporum Cenomannensium, in tomo III Analectorum editis, ubi Guido, ejus in sede Cenomannica succes-

sum lucretur, se autem perdat, et detrimentum sui faciat? (Matth. xvi, 26.)

## EPISTOLA CXX.

AD DUCISSAM BURGUNDIÆ (323).

*Offensam Hugoni placare nititur, et assensum in conjugium quoddam ab ea exposcit.*

Vestræ dignationis specialis familiaritas, quam erga nos pauperes homines habere videmini [al. dignamini] eo usque progressa est, ut quisquis Dignitatem vestram se habere sentit offensam, per nullum facilius quam per nos confidat redire in gratiam. Hinc est quod dudum, Divisione cum essem, Hugo de Besua multis me precibus ad placandam sibi vestram, quam meruerat, indignationem applicavit; et ut conjugio de filio suo, quod, vobis quidem non placitum, sed sibi, ut putat, commodum irtractabiliter facere statuerat, amore Dei et nostro assensum præberetis : ejus rei causa ecce 128 nunc rursus tam suis quam suorum precibus aures nostras pulsare curavit. Et nos quidem utilitate, illius terrenas non valde curamus; verumtamen quia res, ut ipse dicit, ita in arcto posita esse videtur, quatenus nisi cum ipsius perjurio nequaquam possit obviari conjugio, hoc vobis intinare conveniens duximus, quia graadis debet esse utilitas, quam Christiani et vestri hominis legalitati (324) præponere debeatis. Neque enim et perjurus esse et legalis simul manere poterit. Quanquam etiam vobis non solum nullum lucrum, sed et multum videamus ingruere periculum, si quos fortassis Deus conjungere disposuit, per vos disturbari contigerit. Suam gratiam adjiciat, Dominus super vos et super filios vestros, nobilissima, mihi in Christo dilectissima domina. Ecce nunc tempus acceptabile, ecce nunc dies salutis : erogæ vestrum frumentum pauperibus Christi, ut in æternum cum usura recipiatis.

## EPISTOLA CXXII

HILDEBERTI TURONENSIS ARCHIEPISCOPI AD BERNARDUM ABBATEM (325).

*Bernardi fama nominis et sanctitatis permotus, familiaritatem ejus expeit.*

1. Balsamum ex odore suo, et arborem ex fructu sor, post longas altercationes, anno 1126 consecratus memoratur. Turones rexit annos tantum sex cum totidem mensibus. Sic enim habent Acta prædicta, quibus apographum Chesniani consentit, atque Joannes Maanus in Metropoli Turonensi, imo etiam Ordericus ad annum 1125, pag. 882, ubi Hildeberto fere septem annos archiepiscopatus tribuit. Non ergo pervenit Hildebertus ad annum 1136, ut in Gallia Christiana legitur; sed mortuus est anno 1132, quo anno utique Joannes Maanus ejus obitum reponit. Horstius in notis ad hanc epistolam retulit aliam Hildeberti, ordine vigesimam quartam, quam Bernardo itidem scriptam existimavit. At epistola hæc, quæ in editis sine nomine ejus ad quem directa est, reperitur, in duobus manuscriptis inscripta est *H. abbati Cluniacensi*, cui eam restitimus; quæ ex epistola intelligimus, Hildeberto consilium fuisse secedendi Cluniacum, si per summum pontificem ei licuisset. Petrus Blesensis ejus epistolas laudat in epistola 101.

cognosci, paucos credimus ignorare. Sic et nobis ex opinione tua, charissime irater, innotuit quam sis et ad sanctimoniam compositus, et integer ad doctrinam. Cum enim locorum interstitio longius a te separemur, ad nos tamen usque pervenit quam jucundas noctes cum tua Rachele ducas, quæ progenies ex Lia tibi exuberet, quam totum te exhibeas et cultorem virtutis, et hostem carnis. Non alium loquuntur te, quicunque loquuntur nobis de te. Talis est odor olei effusi nominis tui, talia jam tuorum præmia meritorum. Has ex agro tuo spicas ante supremam colligis messonem. In hac enim vita quedam merces virtutis est conspicuum et immortale testimonium. Hoc ipsa sibi comparat, hoc sibi ipsa custodit. Hujus splendor non minuitur invidia, non exterioribus studiis adjuvatur. Quippe honorum existimatio, sicut falsis delationibus auferri non potest, ita nec adulatoriis favoribus acquiri. Penes ipsos est, eam vel uberitate virtutum proficere, vel defectu minorari. Sane de celeberrima opinione tua spes in sinu Ecclesiæ reposita est, eam minime casuram, quoniam fundata creditur supra firmam petram.

2. Ex ea nos, tuam edocti devotionem, desiderio desideravimus in sacrarium familiaritatis tuæ recipi; ibique recordatione tecum esse, ubi te ipsum furatus colloquiis mortalium, pro mortalibus loqueris cum Rege Angelorum. Porro huic desiderio nostro N. (326) Trecensis archidiaconus plurimum adject, vir moribus et literatura conspicuus. Eum tibi censeremus commendandum, nisi constaret illos, quos tua dignaris gratia, commendatione alia non egere. Si nescis, illius etiam attestacione didicimus te in Ecclesia esse, qui ad eruditionem virtutis et exemplo sufficias, et verbo. Cæterum ne litteris prolixioribus oneraris, scripto ponimus finem, supradictæ petitioni, donec 129 exaudiri mereamur, finem minime posituri. Quid autem ex hoc animi geras, doceri deprecamur tuarum recursu litterarum.

#### EPISTOLA CXXIII (327).

RESCRIPTUM ABBATIS BERNARDI AD HILDEBERTUM TURONENSEM ARCHIEPISCOPUM.

*Laudes laudibus rependit.*

Bonus homo de bono thesauro cordis sui profert bonum. Scripta gloriæ tuæ, imo et meæ, satis libenter accepi, vir totius reverentiæ, tenens in illis unde te non immerito glorificem, et ipse non immerito glorier. Siquidem gloria nostra hæc est, tuæ Sublimitatis dignatio, tuæ nostræ reputatio parvitas. Nempe in alto non altum sapere, sed humilibus consentire, nil Deo charius, nil rarius apud homines. Quia sapiens, nisi qui Sapientiæ consiliis acquiescit? ait autem: *Quanto major es, tanto humilia te in omnibus* (Eccli. iii, 20). Hoc tu mihi exhibuisti, minori major, senior juniori. Possem proinde et ego tuam probatam sapientiam non in-

debitis efferre laudibus, et forte justioribus his quibus me dignata est ipsa. Quippe interest ad dandam rerum certitudinem, quid incerta jactet opinio, quidque opus evidens reddat indubitatum. Quod autem certius probamus, hoc et prædicamus securius. Quæ ergo ad me de me tibi scribere placuit, videris tu unde probaveris: ego laudum tuarum argumentum teneo minime dubium ipsas mei laudatrices litteras tuas; in quibus alium fortasse delectet eruditionis insigne, sermo suavis et purus, oratio luculenta, gratum laudabileque compendium: mihi vero præ his illa ducitur miranda humilitas, qua tantillum tantus, prævenire curasti, et obsequio salutandi, et præconio prædicandi, et precandi reverentia. Sane, quod ad me attinet, lego de me in litteris tuis, non quod sum, sed quod esse vellem, et quod non esse pudeat. Verumtamen quod sum, unum est: et si quid melius Dei unquam munere fuero, tuum fore confidito, reverendissime atque amantissime Pater.

#### EPISTOLA CXXIV. (328).

AD EUMDEM HILDEBERTUM, QUI NONDUM RECEPERAT DOMINUM INNOCENTIIUM PAPAM

*Hortatur ut Innocentium, in Gallia ob schisma Petri Leonis exsulem, uti legitimum pontificem agnoscat.*

Magno sacerdoti, et excelso in verbo gloriæ HILDEBERTO, Dei gratia Turonensium archiepiscopo, BERNARDUS Clara-Vallis abbas dictus, in spiritu ambulare, et spiritualiter omnia examinare.

1. Ut verbis vos prophetis alloquar: *Consolatio abscondita est in oculis, quia mora dividit inter fratres* (Osee xiii, 14). Quidam enim juxta Isaiam videntur fœdus percussisse cum morte, et cum inferno fecisse pactum (Isai. xlviii, 15). Ecce namque christus Domini iste Innocentius positus est in ruinam et in resurrectionem multorum. Nam qui Dei sunt, libenter junguntur ei: qui autem ex adverso stat, aut Antichristi est, aut Antichristus. Cernitur abominatio stare in loco sancto, quem ut obtineret, incendit ignis sanctuarium Dei. Persequitur Innocentium, et cum eo omnem innocentiam. Fugit ille nimirum a facie Leonis, sicut dicit propheta: *Leo rugiet, quis non timebit?* (Amos iii, 8.) Fugit secundum præceptum Domini dicentis: *Si vos persecuti fuerint in una civitate, fugite in aliam* (Matth. x, 23). Fugit, et in hoc vere virum se apostolicum probans, quod apostolica sese forma insignierit. Nec enim Paulus erubuit in porta demitti per murum, et sic effugere manus quærentium animam suam (Act. ix, 25). Suffugit autem non parcens vitæ suæ, sed dans locum iræ: non 130 ut mortem evaderet, sed ut vitam acquireret. Merito Ecclesia Innocentio concedit ipsius vicem, quem per eadem vestigia gradientem cernit.

2. Nec sane otiosa fuga Innocentii. Laborat quidem, sed honestatur in laboribus suis. Pulsus Urbe,

(328) Scripta circa annum 1131.

(326) Gebuinus. Vide notas ad epistolam 17.

(327) Scripta circa annum 1130.

ab orbe suscipitur. A finibus terræ occurritur cum panibus fugienti, etsi furor Semei, Gerardi Engolismensis, nondum ex toto quiescat maledicere David. Velit, nolit peccator qui videt et irascitur, magnificatur in conspectu regum, portans coronam gloriæ. Nunquid non omnes principes cognoverunt quia ipse est vere Dei electus? Francorum, Anglorum, Hispanorum, et postremo Romanorum rex, Innocentium in papam suscipiunt, et recognoscunt singularem episcopum animarum suarum. Solus adhuc ignorat Achitopel suum jam patefactum ac dissipatum consilium (*II Reg. xvii*). Frustra molitur miser super populum Dei malignare consilium, et cogitare adversus sanctos sancto firmissime adherentes, et contemnentes curvare genua ante Baal. Nulla fraude prævalebit parricidæ suo obtinere regnum super Israel et super civitatem sanctam, quæ est Ecclesia Dei viventis, columna fidei, et firmamentum veritatis. Funiculus triplex difficile rumpitur (*Eccle. iv, 12*). Electio meliorum, approbatio plurium, et, quod his efficacius est, morum attestatio, Innocentium apud omnes commendant, summum confirmant pontificem.

3. Ad quod sane et vestra, Pater, expectatur, sicut pluvia in vellus, vel sera sententia. Non improbamus tarditatem, quæ gravitatem redolet, levitatis abolet notam. Nam et Maria non statim respondit angelo salutanti, prius cogitans qualis esset illa salutatio (*Luc. i, 29*): et Timotheo præcipitur nemini cito manum imponere (*I Tim. v, 22*). Dico tamen ego notus pontifici: Ne quid nimis; dico ut familiaris et notus: *Non plus sapere quam oportet sapere* (*Rom. xii, 3*). Pudet, fateor, quod serpens vetustissimus nova audacia, relictis insipientibus mulieribus, etiam robur pectoris vestri visus est attentare, et tantam Ecclesiæ columnam ausus concutere. Confidimus autem quia, etsi concutit, non dejicit: quoniam amicus sponsi stat, et gaudet ad vocem sponsi (*Joan. iii, 29*), vocem exultationis et salutis, vocem unitatis et pacis.

#### EPISTOLA CXXV.

AD MAGISTRUM GAUFRIDUM DE LORATORIO (329).

*Operam ejus requirit in asserendo pontificatu Innocentii adversus schisma Petri Leonis.*

4. Odor in flore, in fructu sapor requiritur. Odores provocati, charissime frater, olei effusi nominis tui, cupimus et ex fructu operis cognoscere te. Non enim nos tantum, sed ipse quoque qui nullus eget Deus, opus tamen habet hoc in tempore opere tuo, si non dissimulas. Gloriosum tibi est Dei esse posse coadiutorem: vosse et non esse, damnosum. Porro

(329) Scripta anno Christi 1131. Gaufridus de Loratorio, doctor nominatissimus, postea archiepiscopus Burdegalensis, sic dictus a Loratorio, qui locus est in diocesi Turonensi. Picionibus adjacens, Prioratu quondam insignis, Majori-Monasterio subiectus. Hinc Gerardus Engolismensis « fera vicina » Gaufrido dicitur hac in epistola. Aliud est Oratorium, cœnobium Cisterciensium in diocesi Andegavensi. (330) Guillelmum.

A autem gratias habes apud Deum et homines, habes scientiam, habes spiritum libertatis, habes verbum vivum et efficax, et sale conditum: nec oportet te pro tantis viribus sponse Christi deesse in tanto discrimine, cum sis amicus sponsi. Amicus siquidem in necessitate probatur. Quid enim? tu tibi quiescis, et mater tua Ecclesia graviter conturbatur? Habuit sua tempora quies, et sanctum otium hactenus sua negotia licenter libenterque exercuit. Tempus faciendi nunc, quia dissipaverunt legem. Bestia illa de Apocalypsi, cui datum est os loquens blasphemias, et bellum gerere cum sanctis (*Apoc. xiii, 5-7*). Petri cathedram occupat, tanquam leo paratus ad prædam. Altera quoque bestia juxta vos subsibilat, sicut catulus habitans in abditis. Illa ferocior, ista callidior, pariter conveniunt in unum adversus Dominum, et adversus christum ejus. Demus operam cito dirumpere vincula eorum, et projicere a nobis jugum ipsorum.

131 2. Nos in nostris partibus, una cum aliis Dei servis divino igne accensis, Deo cooperante laboravimus in conveniendo populos in unum, et reges ad dirumpendum [*al. diripiendum*] pravorum consensum, ad destruendam omnem altitudinem extolentem se adversus scientiam Dei. Nec infructuose. Alemanniæ, Franciæ, Angliæ, Scotiæ, Hispaniarum et Jerusalemorum reges, cum universo clero et populis, favent et adherent domino Innocentio, tanquam filii patri, tanquam capiti membra, solliciti servare unitatem spiritus in vinculo pacis. Merito autem illum recipit Ecclesia, cujus et opinio clarior, et electio sanior inventa est, nimirum eligentium et numero vincens, et merito. At tu, frater, quid adhuc negligis? quousque vicino serpente tua male secunda dormitat industria? Scimus quidem te filium pacis nolla posse ratione induci deserere unitatem: sed profecto non sufficit, nisi et defensare, atque ipsius quoque turbatores totis viribus debellare studueris. Nec quietis timeas detrimentum, quod non parvo tux gloriæ incremento recompensabitur, si fera illa vicina vobis tuo studio mansuescat, vel obmutescat, et tantam Ecclesiæ prædam, comitem dico Pictaveusum (330), in manu tua Dei pietas de ore Leonis eripiat.

#### EPISTOLA CXXVI.

AD EPISCOPOS AQUITANIÆ CONTRA GERARDUM ENGOLISMENSEM [*al. EGOLISMENSEM*] (331).

*Causam Innocentii, ut legitimi pontificis, egregie tuetur adversus Gerardum Engolismensem, schismatici partes agentem cuius mores depingit, et subterfugia elaudit.*

Dominis et Patribus honorandis, Lemovicensi,

(331) Scripta circa annum 1132. Gerardus hujus nominis secundus, genere Northmannus, diocesis Bajocensis, quem « virum eruditissimum, et magni nominis et potestatis in Romano senatu » Ordericus vocat, lib. xiii, anno 1136. Cujus rei argumentum est, quod pene continuas in Aquitania sedis apostolicæ vices egit sub Paschali II et aliis ad Innocentium usque legitimis pontificibus. Nec defuit in eo zelus, cum alias fortiter et generose Guillelmum Aquitania:



Pictavensi, Petragoricensi et Santonensi, Dei gratia A  
episcopis sanctis, frater BERNARDUS abbas dictus de  
Clara-Valle, constantiam in adversis.

1. Virtus in pace acquiritur, in pressura probatur, approbatur in victoria. Tempus est quo vestra, si qua est, nec latere jam nec torpere sinatur, reverendi et merito suscipiendi patres. Hostilis siquidem gladius, qui universo Christi corpori mortem denuo nunc temporis intentare videtur, vestris potissimum cervicibus imminet, et in vos eo acrius, quo cominus debacchatur: ita ut quotidianis assultibus, aut resistere fortiter, aut turpiter, quod absit! cedere compellamini. Nam is qui amat primatum gerere inter vos, Diotrophes, non recipit vos (532); nec enim agnoscit eum, quem tota vobiscum amplectitur Ecclesia venientem in nomine Domini. Non hunc, inquam, sed qui venit in nomine suo, illum recipit. Nec mirum. Et ipse nempe infatigabilis ad nomen grande multum anhelat, etiam in hac ætate. Nec sane falsa vel incerta opinione ducor notare hominem super vanitate istiusmodi, sed de ore suo ipsius eum iudico. In litteris siquidem quas nuper ad cancellarium scripsit familiares, nonne legationis sese et onere et nomine honorari (333) tanto indignus supplicat, quanto humilior? Utinam tamen obtinuisset! Minus forsitan nocuisset polita votis ambitio, quam frustrata. Tunc quippe

principem, conjugii jura temerantem, velut alterum Herodem, arguerit, si Willelmo Malmesburiensi, de Regibus Angl. lib. v, fidem adhibemus: hoc enim adversus Guillelmum comitem calumniose dictum contendit Joannes Beslius, Historia Comitum Pictav. cap. 32. Postquam vero ab Innocentio, qui legationem ei denegavit, fœda prævaricatione defecit Gerardus, Anacleto sub istius nominis mercede adhaerens dispersoris non legati officium agens, quos poterat ad schismatici partes trahebat. Unde Bernardus vicinos Aquitanie episcopos monet ut, seductoris voce contempta, legitimum sequantur pastorem Innocentium, eisque juris ipsius prærogativas proponit, « Electi videlicet integritatem, electionis prioritatem, et consecrationis solemnitatem. » Non desinere tamen qui jus tuerentur Anacleti, iisque argumentis adversa reponentur, ut constat ex epistola Petri Portuensis episcopi, ordinationis istius auctoris et fautoris, ad Willelmum Prænestinum, Matthæum Albanensem, Conradum Sabinensem, et Joannem Ostiensem Innocentio adherentes transmissa, quam refert Willelmus Malmesburiensis, Historia Novellæ libro 1. Pars tamen Innocentii prævaluit, principibus omnibus tum ecclesiasticis præter Gerardum Engolismensem paucosque alios, tum secularibus (si Guillelmum comitem Pictaviensem et Rogerium Siciliæ ducem excipias) ipsi faventibus. Gerardus vero in schismatis defensione obfirmatus, anno 1136, ut scribat Ordericus, ex hac vita migravit, eo quidem infelici mortis genere quod describit Ernaldus Vita S. Bernardi libro II, cap. 7. Opinantur tamen nonnulli hunc auctorem contra Gerardum Engolismensem, ex nimio religionis ardore multa fluxisse, veluti quod impoenitus et subito mortuus sit sine confessione et Viatico, quod corpus ejus inventum in lectulo exanime et enormiter tumidum, et alia hujusmodi, inquirunt, viro prudenti indigna: proferuntque ex Gestis episcoporum Engolismensium auctoritatem his verbis: « Die proxima mortis suæ accedimus, quod in confessione

A soli, aut pene soli obsessi sibi: nunc vero sævit in orbem. Vides quid facit amor gloriæ? Legatio, sarcina gravis, humeris præsertim senilibus: quis nesciat? Et tamen homini senissimo gravior videtur pœna, reliquum id breve dierum suorum vivere sine hac pœna.

2. Sed forte causabitur se de suspitione judicari, et nos temeritatis arguet, qui de occultis suis reprehendimus quod non probavimus. Fateor, suspiciosus sum in hac parte: et nescio an vel simplicissimus quis secus sentire possit, quippe in tam manifesta conjectura. Ut enim simplicem referam breviter actionem, primus, aut inter primos scribit papæ Innocentio: 132 legationem postulat, non obtinet. Indignatur, resilit ab illo, transit ad alium, ipsius se esse legatum gloriatur. Quod si aut ab illo ante non poposcisset, aut postmodum non accepisset ab isto, credi poterat alium quemcumque habuisse in prævaricatione intuitum, etsi non rectum aliquem: nunc autem excusationem non habet de ambitione sua. Denique ponat etiam nunc legati vel vacuum nomen (nam opus amisit), et ego quidem hac suspitione carebo, si potero. Si non, suspicabor invitus, et me intemperantiæ reprehendam. Verum difficile persuadebitur ei, ego scio. Nimirum homo, diu magnus habitus inter suos, videri seipsum inferior erubescit. Agnoscitur is, quem Scriptura loquitur,

sua sacerdotibus dixerit, se partem Petri Leonis contra voluntatem Dei ignorantem manutenuisse; se confiteri et pœnitere: omnia autem illa quæ habebat fere in vita sua, vel ecclesiæ dedit, vel pauperibus erogavit. Sabbato autem Missam celebrans maxima devotione et effusione lacrymarum, sequenti die Dominica migravit a sæculo, millesimo centesimo trigesimo sexto anno ab incarnatione Domini. Sed in episcopatu annis triginta tribus, mensibus..... diebus..... et cum aliquem capellanum gestis vel hospitii vexasset, unicuique capellanorum sui episcopatus in fine suo unam minam, obolum dedit; et illud magnificum sidus, quod claritate sui partes occiduas illustraverat, proh dolor! extra ecclesiam quam ædificavit, sub vili latet lapide. » Joannes Beslius, in Historia Comitum Pictavorum. Ad certe cum præmissa narratio incerta duntaxat relatione fulciatur, non est quod fidem Ernaldo abjudicemus, maxime cum Alanus Autissiodorensis, qui libris de sancti Bernardi Vita conscriptis censuram adhibuit, ne latum quidem unguem hac in parte ab Ernaldo discedat. Quod spectat ad Anacletum, et ipse misera interit anno 1138, septimo die Januarii, teste Falcone Beneventano, « cum sedisset, » inquit, « annis septem, mensibus undecim et diebus viginti duobus. » Quod etiam confirmat Guillelmus Malmesburiensis, Historia Nov. libro 1: « Anacleto » inquit, « octavo præsumpti » (ut dicebatur), « sui episcopatus anno defuncto, dominus Innocentius inconcussa ad hoc tempus pace, apostolica fruitur dignitate. » Qua de re S. Bernardus epistolis 144, 146, 147, et sermone 24, in Cantica, initio. Vide, si lubet, notas ad epistolam 147. Ex quibus colligas errasse Beslium, cum dixit, Gerardum anno 1131, schisma vero ante ipsum annum fuisse extinctum.

(332) Gerardus, qui primatum, id est legati munus, affectabat. Allusio ad locum Joannis in Epistola III, vers. 9.

(333) Editi habent, et onere gravari, et nomina honorari: sed, gravari, deest in manuscriptis.

pudor adducens peccatum (*Ecclesi. iv, 25*). An non A grande peccatum et delictum maximum, superba ista verecundia, qua terram et cinerem pudet, non dico subijci, sed non dominari?

3. Propter hoc ergo reliquit homo suum illum patrem sanctum Innocentium (sic enim nominabat), et matrem suam sanctam Ecclesiam catholicam; et adheret schismatarchæ suo, et sunt duo in vanitate una. Percusserunt fœdus ad invicem, et super populum Dei malignaverunt consilium. Squama squarum conjungitur, et spiraculum non est in eis (*Job xli, 7*). Iste illum papam, ille hunc vicissim legatum scriptitavit, ut decipiant ipsi de vanitate in idipsum. Invicem se consolantur, tuentur, commendant; quisque tamen pro se, non pro invicem. Nimirum homines sunt seipsos amantes. Pari quidem studio convenerunt adversus Dominum, et adversus Christum ejus; sed plane intentionibus non coherent. Quærit magis ex alterutro uterque profecto quæ sua sunt, idque, quod audere nefarium est, in hæreditate Christi. Quid nisi ante oculos vestros conantur, si patimini, proscribere Christum? Jam novos apud vos suo papæ cudit legatus episcopos (334), ne soli sit sibi papa. Nec mortuis successores, sed vivis invasores tyrannica fretus potentia superintrudit, nactus scilicet de malitia principum occasionem, qui suarum civitatum episcopos odio persequuntur iniquo. Sic sedet in insidiis cum divitiis in occultis, ut interficiat innocentes. Per tale ostium intrat in ovile ovium.

4. Nunquid autem gratis talia legatus agit pro C papa suo? En ille totam, ut is gloriatur, Franciam atque Burgundiam legationi ejus antiquæ superaddidit. Potest et adjungere, si vult, Medos et Persas, et medios fines Decapoleos. Quare non et ultra Sauromatas, et quemcumque denique locum calcaverit pes suus, suus sit, quo vel vacuis nominibus gloriatur? O homo non minus sine fronte, quam sine mente; nec Dei memor timoris, nec suæ honestatis! Putat se non videri, cum sit subsannatio et et illusio omnibus qui in circuitu ejus sunt. Merito quidem. Certe enim pro foro, sacrario utitur: et instar hominis negotiatoris quæritantis lucra sua, et modo hunc, modo illum explorantis venditorem, ut ab illo demum emat quod amat, a quo vilis impetrare valuerit; ita iste sollicitè sibi ecclesiasticam dignitatem hinc inde perquirens, eum tandem pro suo arbitrio delegit habere papam, qui se legatum esse consenserit. Ergo nisi legatus tu fueris, Roma papam habere non poterit? Unde hoc tibi privilegium in Ecclesia Dei? Quisnam tibi hanc concessit in Christi hæreditate prærogativam? Nunquid tu hæreditate possides sanctuarium Dei? Donec enim in obtinenda pudenda et impudenti petitione spes tibi ulla promerendi domini Innocentii gratiam esse potuit, sanctus ille, te scribente, et papa fuit. Quomodo ergo nunc schismaticum criminaris? Nunquid

cum eadem vana spe tua, illius simul et sanctitas evanuit, et papatus? Mirum quod potuit ita in brevi dulces et amarum ex eodem fonte procedere. Ileri catholicus, et sanctus, et summus pontifex: hodie nequam, schismaticus, et turbator. Ileri pater Innocentius, hodie Gregorius diaconus Sancti Angeli. Itaque uno quidem ex ore, sed corde profecto duplici contraria processere. Labia dolosa in corde, et corde locuta sunt. Sed enim homo cui cor et cor diverberat conscientiam, et Est et Non divaricat linguam, putas quia timor ei in mente sit, aut in fronte pudor? Male autem, juxta Apostolum, providet bona coram Deo et hominibus (*II Cor. viii, 21*), qui more illius iniqui judicis, nec Deum timet, nec hominem reveretur (*Luc. xviii, 2*).

B 5. Et certe ambitio, cum prorumpit in impudentiam, efficaciam perdit: et cum improbus affectus se aperit, perit effectus. Ambitio, mater hypocrisis, latebras amat et tenebras; lucis impatiens est. Ambitio, spurcum vitium, in imo jacet: videt tamen omne sublime, sed videri ipsa refugit. Nec mirum. Optato namque necesse est careat, nisi caveat arbitros. Quo enim gloria plus affectatur, eo minus apprehenditur, ubi, deprehenditur affectari. Quid denique tam inglorium, quam gloriæ cupidum deprehendi, præsertim inter episcopos? Nec simplicem sane Christianum gloriari oportet, nisi in cruce Domini nostri Jesu Christi. Inelytus erit ambitiosus, quandiu in nocte versabitur; et donec turpis lucri negotium perambulabit in tenebris, poterit hypocrita justus sanctusque videri, sed oculo qui videt in facie. At ubi forte foras mittit impudentia vel imprudentia [*al. male, impudenti vel imprudenti*] quod latet in conscientia, nonne intemperans appetitus apparet ad confusionem procacior, quam promptior ad gloriam? Sic revera, sic probatur quod legitur: *Gloria in confusione eorum qui terrena sapiunt* (*Philipp. iii, 19*); et illud: *Si ego gloriam meam quæro, gloria mea nihil est* (*Joan. viii, 54*). Impleturque in illo qui ejusmodi est, quod Propheta sanctus imprecatur, nisi fallor, hypocritis, *Fiant, inquit, sicut fenum tectorum, quod priusquam evellatur, exaruit* (*Psal. cxxviii, 5*). Non adeo periit pudor a mortalibus, ut nuda impudensque vel ab ipsis honoretur ambitio, præsertim in sene et sacerdote, quem eo magis profecto puerilis ista dedecet vanitas, quo eum major gravitas, majorque deceat sanctitudo: et si in facie benedicatur ab adulante, sed a tergo subsannatur ab omnibus. Est sobria quædam, et quodammodo oculata [*al. occulta*] ambitio, molliens saltem oæute, etsi non caste. Si valet proficere, clam negotia sua curat. Sin vero, manet in se, et pudoris umbram non deserit. Equidem talis, etsi Deum nondum metuit ad salutem, pro ingenua tamen verecundia honestatem interim retinet, quod homines reveretur et publicum erubescit.

6. Cæterum quænam ista præceps est, et frontosa

334) Sic Ramnulfum Doratensem abbatem in sedem Lemovicensem intrusit, ex Vita Bernardi libro (iii), n. 33.

libido dom.nandi, ut pro obtentu vix annuæ (quod certe palam est) legationis, primo quidem suo nec parcat senio, nec deferat sacerdotio: deinde nec lateri Saluatoris, quod in aqua et sanguine colligendi in fidei unitate populi protulit redemptionem, ut quisquis tentaret dividere quos ille colligeret, et inde redimeret; probaret sese non christianum, sed antichristum, reus mortis et crucis Christi? O impatiens et effrenis turpis quæstus cupiditas! o ardor intemperans! o cæca et pudenda ambitio! Aperte prius frontoseque, ut jam dixi, et ipse, proh pudor! non diffidetur, addit indigna satis petitione tentare Catholicum: dolensque repulsam, incunctanter ad schismaticum refugit; et accepta de manu sacrilega male cupita potestate, latus denuo Domini gloriæ crudeliter confovere non veretur. Dividit nempe Ecclesiam, pro qua illud est in cruce divisum, visurus procul dubio et ipse in quem transfixerit. Cognoscetur profecto Dominus iudicia faciens, qui nunc injuriam patiens ignoratur. Cum enim cœperit facere iudicium omnibus injuriam patientibus, et arguere in æquitate pro mansuetis terræ; putas avertere poteris aurem a charissima sponsa sua, cum clamaverit stans adversus eos qui se angustiaverunt? Non: omnino non poteris non audire plangentem: *Amici mei et proximi mei adversum me appropinquaverunt* **134** *et steterunt; et qui juxta me erant, de longe steterunt, et vim faciebant qui quærebant animam meam* (Psal. xxxvii, 12, 13). Quomodo namque non recognoscet os de ossibus suis, et carnem de carne sua, imo vero jam quodammodo spiritum de spiritu suo? Quasi non ipsa sit dilecta illa, cujus concepit decorem, cujus formam induit, cui se mirabili dignatione castis atque individuis devinxit amplexibus, ita ut essent duo in carne una: unum in uno spiritu quandoque futuri! Nam etsi cognoverat secundum carnem Christum, sed tunc jam non recognoscet: quia spiritus ante faciem ejus Christus Dominus, cui adherens unus spiritus erit, cum absorpta morte in victoria, quod infirmum de carne est, in virtute spiritus convalescit: cum exhibuerit eam sibi Sponsus gloriæ gloriosam columbam suam, perfectam suam, formosam suam, non habentem maculam peccati, neque rugam corruptionis, [aut aliquid hujusmodi].

7. Dum libenter in his immoror, pene cœpti immemor factus sum, ita cupiens redimere tempus, quoniam dies mali sunt. Excedentem devotio levat. sed revocat zelus: et ubi rapior, ibi et cogor recidere, et plangere dolorem meum. Audet (quod et fleus dico) inimicus crucis Christi suis sedibus pellere sanctos, qui nolunt bestiam adorare, quæ aperuit os suum in blasphemias, blasphemare nomen Dei, et tabernaculum ejus (Apoc. xiii, 6). Altare contra altare erigere tentat, confundere fasque no-

A fasque non confunditur. Abbates abbatibus, episcopos episcopis superintrudere nititur (335); amovere catholicos, schismaticos promovere. Miseri et miserandi, qui ita promoveri, et ab isto, consentiunt. Siquidem circuit mare et aridam, ut faciat unum episcopum; et cum fecerit, facit eum filium gehennæ duplo quam se. Quenam vero putas [est] tanti causa furoris? Non alia sane, nisi quod displicet mortalibus angelica illa partitio, qua gloria Deo, pax hominibus nuntiatur; et dum gloriam usurpant, turbant pacem. Solus gloriam meretur, qui facit mirabilia solus, sicut dicit Apostolus: *Soli Deo honor et gloria* (I Tim. i, 17). Porro autem cum nostro genere bene agitur, si datur frui pace Dei, pace cum Deo, et quidem feliciter et misericorditer. Quonam ergo modo stabit pax hominum coram Deo, vel cum Deo, si Deo non potest apud homines esse tuta sua gloria? O stulti filii Adam, qui contemnent pacem, et gloriam appetentes, et pacem perdunt, et gloriam? Ob hoc denique et nunc Deus ultionum commovit terram, et conturbavit eam: ostendit populo suo dura, potavit nos vino compunctionis.

8. Velimus, nolimus, impleri quandoque necesse est veritatem Spiritus sancti, fierique illam quæ prophetico spiritu prænuntiata legitur in Scripturis discessio (II Thess. ii, 3): sed vix homini per quem venit! Melius erat ei, si natus non fuisset homo ille. Quis vero ille, nisi homo peccati qui super electum a catholicis catholicum, et canonice, locum sanctum C invasit, quem tamen, non quia sanctus, sed quia summus est, affectavit? lavasit, inquam, invasit armis, igne, pecunia, non vitæ merito vel virtutum: pervenit in quo stat, et stat in quo pervenit. Nam illa quam jactat juratorum suorum non electio sed factio, umbra tantum fuit, et occasio, et velamentum malitiæ. Dicitur electio, sed impudenter, sed mendaciter. Stat quippe sententia ecclesiastica et authentica, post primam electionem non esse secundam. Celebrata proinde prima, quæ secundo præsympta est, non est secunda, sed nulla. Nam etsi quid minus forte solemniter, minusve ordinabiliter processit in ea quæ præcessit, ut hostes unitatis contendunt; numquid tamen præsumi altera debuit, nisi sane priore prius discussa ratione, cassata iudicio? Eapropter qui se super ingerere festinant, quique temerario temere manus imponere nihilominus acceleraverunt, Apostolo prohibente, *Nemini cito manum imponas* (I Tim. v, 22); ipsi procul dubio majus peccatum habent, ipsi auctores **135** schismatis, ipsi grandis militiæ hujus principes exstiterunt.

9. Cæterum nunc iudicium expetunt, quod ante expectasse [al. expetiisse] debuerant: et quam suo loco oblatam tenuerant, tandem justitiam offerunt,

(335) Ordericus in libro xiii, pag. 895: « In plerisque cenobis duo abbates surrexerunt, et in episcopis duo præsules de pontificatu certaverunt: quorum unus adhærebat Petro Anacleto, alter vero favebat

Gregorio Innocentio. » Ita etiam in Actis episcoporum Cenomansium, Analectorum tomo III, pag. 338, ubi de Philippo in Turonensem Ecclesiam intruso, de quo epistolæ 150 et 151.



ut videat si recusetur, Justi (336) vos videamini : A si recipiatur, litigantibus inter se partibus, dilatio redimat tempus, et interim fiat aliquid. An de vestra justitia desperatis, et damnum jam crescere non timetis, quemcumque causa exitum sortiatur? Quidquid, inquit, hactenus factum sit, modo querimus audientiam: judicium sumus subire parati. Tergiversatio est. Quid in omni impio conatu vestro vobis relinquitur aliud, quod asserre queatis ad seducendum simplices, ad armandum malevolos, ad vestram ipsorum palliandam malitiam? Si hoc non diceretis, quid diceretis? Cæterum jam Deus judicavit quod sero repetit homo: judicavit autem operis evidentia, non decreti sententia. Numquid Dei judicium audeat humana temeritas retractare? Quid si causetur et clamet per prophetam Deus, Tulerunt homines a me judicium? (337) Non est consilium contra consilium Domini: velociter currit sermo ejus, in conveniendo populos in unum et reges, ut domino papæ Innocentio serviant et obediant. Quis revocabit? Dei esse judicium senserunt et consenserunt Galterius Ravennas, Hildegarius Terraconensis (338), Norbertus Magdeburgensis, Conradus Salsburgensis, archiepiscopi. Dei esse judicium cognoverunt et acquieverunt episcopi, Equipertus Monasteriensis, Hildebrannus Pistoriensis, Bernardus Papiensis, Landulfus Astensis. Hugo Gratianopolitanus, Bernardus Parmensis (339). Horum gloria specialis et præcipua sanctitas,

(336) Ita veteres libri et editi plerique pro, *injusti*; per antiphrasin aut ironiam. In uno tamen codice Colbertino notato 1410, legitur utrumque, *injusti justus vos videamini*: optimo sensu; nempe, ut vos, qui *justi estis*, *injusti videamini*. In uno Bellovacensi simpliciter, *injusti*.

(337) Hoc apud nullum reperitur prophetam; sed habetur in doctrina SS. Patrum, libro Contra judicium temeraria, n. 7.

(338) Is successerat Odelrico, quem eruditissimum senem vocat Ordericus in libro xiii, pagg. 891, 892.

(339) Bernardus Parmensis in quibusdam codicibus locum habet post Bernardum Papiensem, idemque nonnullis deest, ut in duobus Colbertinis. Ughelus eum sub finem pontificatus Paschalis II obisse dicit.

(340) Hæc verba, *sed epistolæ brevitæ non admittit*, desunt in duobus Colbertinis; in tertio leguntur.

(341) Ita fere codices veteres; quidam, *Camaudullenses*. Notiores sunt Camaldulenses et Vallumbrosanæ Ordinis S. Benedicti Congregationes in Italia duæ, quam ut illustrari hoc loco debeant.

(342) Non est silentio præmittendum quod de eis hac occasione refert Ordericus libro xiii, anno 1134. « Cluniacenses, » inquit, « ut Innocentii adventum cognoverunt, sexaginta equos seu mulos cum omni apparatu congruo pape et cardinalibus clericis destinaverunt, et usque ad suam basilicam favorabiliter deduxerunt. Tunc ibidem undecim diebus papam cum suis detinuerunt, ecclesiæque novam in honore sancti Petri apostolorum principis ab eodem cum ingenti tripudio populi frequentia dedicari fecerunt. Inde magnam auctoritatem apud Occiduos promeruit, quod a Cluniacensibus Petro præpositus fuerit. Ab eisdem quippe Petrus Leonis in pueritia enutritus coaluit, et eorum habitu ac professione monachus exstitit. » Ita ille. Ad idem pertinet quod Petrus Venerabilis, qui hujus exce-

et auctoritas etiam hostibus reverentia, facile nobis, qui minorem et meriti et officii tenemus locum, aut errare secum, aut sapere persuasit. Taceo multitudinem cæterorum, Tusciæ, Campaniæ, Longobardiæ, Germaniæ, et Aquitanæ, Galliarum denique et Hispaniarum omnium, necnon et universæ Orientalis Ecclesiæ, tam archiepiscoporum, quam episcoporum, quorum nomina sunt in libro vitæ, sed epistolæ brevitæ non admittit (340).

10. Hi omnes unanimes, non conducti pecunia, non seducti fallacia, non illecti privato carnis vel cognationis amore, non timore compulsi potentiæ sæcularis, sed Dei procul dubio voluntatem, sicut non ignorantes, ita nec dissimulantes, Petrum Leonis ingenue refutaverunt, ac secure Gregorium in papam Innocentium susceperunt. Nostratum sane nemo ex nomine in his expressus est litteris: quia et omnes compendium non fert, et aliquorum invidiosa designatio adulationis notam non effugit. Non autem debeo prætermittere sanctos, qui mundo mortui, Deo melius vivunt: quorum vita abscondita est cum Christo in gloria, ubi certe studiose inquirunt, et non dubie inveniunt beneplacitum 136 Dei, qui solliciti sunt quomodo placeant ei. Itaque Camaudullenses (341), Vallambrosani, Cartusienses, Cluniacenses (342), et qui de Majori-Monasterio sunt (343), mei quoque Cistercienses (344), Cadumenses (345),

ptionis auctor exstitit, in laudem Cluniaci pronuntiat. « Factum est, » inquit, « a sui principio, non solum externorum hospitium, non tantum confugientium asylum; sed, ut sic loquar, publicum reipublicæ Christianæ ærarium, » libri iv epistola 27.

(343) Insigne monasterium prope urbem Turonum a sancto Martino conditum, cui tunc præerat Odo abbas, ad quem epistola 397. Ab hoc monasterio pendebant plurimi prioratus, qui quamdam veluti congregationem constituiebant. Nam Bernardus insigniora tantum monasteria hic commemorat.

(344) In duobus Colbertinis et uno Sorbonico legitur, *Cistellenses*; unde effectum in editis fere omnibus, *Cistemblenses*, qui et altero errore additi sunt post, *Cistercienses*: quasi diversi essent, qui in quibusdam codicibus *Cistercienses*, in aliis *Cistellenses* dicebantur, vulgari tunc vocabulo. Cistercienses quippe dicti sunt *Cistellenses* ab Hermann monacho, in libro iii de Miraculis B. Mariæ Laudunensis, cap. 7; apud Perardum, pag. 103, apud Robertum de Monte ad annum 1140, *Monachi de Cisteli*: dicti sunt etiam *Cistell* in Monastici Anglicani tomo I, pag. 705, col. 1.

(345) Cadomus, civitas est ad fluvium Olenam in Neustria, haud procul ab Oceano, celebri academia ab anno 1453 insignita: in ejus suburbio exstat insignis Ordinis sancti Benedicti abbatia, a Guillelmo Conquerstore, provinciæ istius duce atque Anglorum rege, sub titulo Sancti Stephani constructa: cujus primus abbas Lanfrancus, ex priore Beccensi, postmodum archipresul Cantuariensis. Plura de eo, deque Cadomensi seu Cadumensi Sancti-Stephani abbatiâ videsis in notis ad Opera ipsius Lanfranci, et in Neustria pia. Cadomensium in Abrincensi dicecesi Saviniacense insigne tunc monasterium, « de quo jam plurima, » inquit Peregrinus in Historia Fontanensi, tomo X Spicilegii pag. 372, « processere monasteria, ex quibus abbates conveniunt ad capitulum, et floret ibi Ordo, et eorum ubique

Tironenses (346), et Saviniacenses (347); uni-  
versitas denique et unanimitas fratrum, tam cle-  
ricorum quam monachorum regularis vitæ pro-  
batæque conversationis, sequentes episcopos, tan-  
quam greges pastores suos, Innocentio firmiter ad-  
herent, sincere saveni, humiliter parent, verum  
apostolorum successorum fideliter recognoscunt.

11. Quid reges et principes terræ? Nonne in  
eodem spiritu, una cum subjectis sibi plebibus,  
Innocentium pariter amplectuntur, confluentes et  
ipsi papam et episcopum animarum suarum? Quis  
postremo in quocunque ordine vitæ illustris et boni  
nominis homo idipsum non aspit? Et tamen adhuc  
isti, nescio qua contentiosa importunitate et im-  
portuna contentione, reclamant. Vocant in causam  
orbem, et cum sua paucitate universitatem flagitant  
judicari: et qui præjudicaverant in electione, de con-  
firmatione rejudicare contendunt; tunc præpropere  
agentes, modo præpostere retractantes. Quis tantos,  
quæso, in unum cogere queat exercitus utriusque  
ordinis principum, ne dicam plebium, et adducere  
in examinationem? Quis tot sanctorum millibus  
persuadere sufficiat, quod prius ædificaverunt, ite-  
rum destruere, et abducere semetipsos in prævari-  
cationem? Quis deinde locus omnibus tantis, omni-  
bus tutus? Universæ quippe Ecclesiæ negotium est,  
non unius causa personæ. Videtis quod de impossi-  
bili calumniam struitis matri vestræ: imo vobis  
foveam foditis, in quam præcipitemini; et laqueum  
necitis, quo teneamini, ne ad gremium revertamini  
matri vestræ. Occasio nunquam deerit ei qui vult  
recedere ab amico.

12. Sed esto. Mutet consilium suum Deus (secun-  
dum hominem dico), revocet sententiam, convocet  
a finibus terræ concilium; judicari bis in idipsum,  
quod ipse non facit, patiat: quosnam, quæso, da-  
bunt iudices sibi? Omnes quippe in parte sunt, et  
partibus de iudicio haud facile conveniet: atque ita  
ad litem magis quam ad pacem tantus conventus  
fatigabitur. Deinde velim scire, cui ille interim vellet  
credere Romam, quam tanto amore ex longo tem-  
pore concepivit, tanto labore et sumptibus acquisi-  
vit, tanto fastu possidet, tanto pudore timet amittere;  
ne frustra convenisse sæculum omne cernatur, si  
cum ille cadet a causa, non tamen cadat a Roma.  
Alioquin quis causam spoliatus ingreditur? Nec le-

« dulcis redolet opinio. » Hoc cœnobium cum tri-  
ginta aliis sibi subjectis Serlo abbas Cisterciensibus  
adjunctis anno 1148, ibidem pag. 374.

(346) Ex eo monasteriorum insigniorum numero  
etiam tunc erat Tironense monasterium diocesis  
Carnotensis, sic dictum ab amne præterfluente, in  
pago Perticensi, conditum a plissimo abbate primo  
Bernardo, cujus Vita exstat cum notis Soucheti,  
effectumque quasi cujusdam congregationis caput,  
de quo Ivo Carnotensis antistes in epistola 229.  
Tironensium monachorum religionem laudat Jaco-  
bus a Vitriaco in capite 20 Historiæ Occidentalis.  
Hoc cœnobium, uti et Majus-Monasterium, florebat  
sub Benedictina congregatione Sancti Mauri, adole-  
scentium scholarium seminario insignitum.

(347) Duplex hoc nomine monasterium est in

ges profecto cogunt, nec canones. Et hæc dicimus,  
non de nostra justitia diffidentes, sed a vestra caven-  
tes versutia. Jam enim Deus eduxit tanquam lumen  
justitiam suam, et judicium suum tanquam meri-  
diem, etsi cæco nec lumen appareat, nec meridies  
luceat: quoniam sicut tenebræ ejus, ita et lumen  
ejus.

137 13. Duo itaque sunt de quibus contenditur,  
quisnam eorum rectius videatur esse Papa. Quorum  
primo quidem, si personas compares, ut neutri sane  
vel derogare videar, vel adulari, dicam quod dici  
passim reperies, et neminem arbitror diffideli: quia  
videlicet Innocentii nostri vita vel fama nec æmulum  
timet, cum alterius nec ab amico tuta sit. Dehinc si  
electiones discutias, nostri itidem mox occurrit et  
promotione purior, et ratione probabilior, et prior  
tempore. Porro de tempore constat: reliqua duo  
merita probant, et dignitas eligentium. Hanc enim,  
ni fallor, partem saniores invenies, tam episcopos,  
quam cardinales diaconos sive presbyteros, et quo-  
rum maxime interest de electione summi pontificis,  
et quanti in eligendo juxta patrum scita sufficiant.  
Quid et in consecratione? Nonne Ostiensem, ad quem  
specialiter utique spectat, habemus? Cum igitur  
et electus dignior, et electio sanior, et actio ordina-  
bilior teneatur; qua isti ratione, imo qua conten-  
tione, contra jus et fas et vota omnium bonorum,  
invitæ et renitenti Dei Ecclesiæ præficere alium,  
et illum deponere tentant?

14. Horum conatui tam maligno, tam indigno,  
tam temerario, totis certe viribus renitendum esse  
videtis, reverendissimi et illustrissimi Patres. Quod  
cum omni familiæ Dei, tum vobis maxime vestrisque  
convenit, si tamen zelus domus Dei comedit animas  
vestras. Vobis, inquam, et vestris maxime vigilan-  
dum est et orandum, ne intretis in tentationem. In  
ea sane parte majore opus est fortitudine et cautela,  
unde acrior insitit adversarius; et vis belli major  
incumbit. Quam sævus et callidus hostis insurrex-  
erit in vos, proprio certe agnoscitis experimento. Heu!  
quam multum jam malitia illius in illis partibus pro  
accepta potestate processit, utroque sæviens genere  
malignandi, vi et dolo! Nunquid autem malitia  
vincet tandem sapientiam? sed hæc est hora ipsius,  
et potestas tenebrarum. Ceterum hora novissima  
est et potestas cito transit. Ne terreamini, ne sedu-

Gallia, alterum in diocesi Lugdunensi, in Abrin-  
censi alterum, de quo hic intelligendus Bernardus,  
situm in confinio Northmanniæ, Armorici, et Geno-  
mannorum. Conditum fuit anno 1112 a piissimo  
abbate Vitali: cujus successor Gaufridus, se suæque  
monasteria, numero novemdecim (tot enim ipse  
construxisse perhibetur) Cisterciensibus subjecit.  
Hujus monasterii historiam videsis apud Arthurum  
du Monstier in Neustria pia. De altero Saviniaco in  
epistola 175. In Monastici Anglicani tomo I, pag.  
704, Saviniacenses ante suam cum Cisterciensibus  
unionem dicuntur fuisse de Ordine Tironensi, quo  
ex monasterio plures tum abbates pendebant. His  
omnibus Religiosis, qui Innocentium agnoverunt,  
Grandi Montenses addit Ernaldus, in libro II de Vita  
S. Bernardi, n. 45.

camini. Dei virtus, et Dei sapientia Christus vobis. A cum est, qui et in causa est. Confidite, ipse vicit mundum: fidelis est, non permittet vos tentari supra id quod potestis. Videtis stultum firma radice? sine dubio statim maledicetur pulchritudini ejus. Non enim diu derelinquet Dominus virginem peccatorum super sortem justorum. Verum vestra interim vigilantia est, vestris pro vestro officio sollicitate providere, sicut et providetis, ut non extendant iusti ad iniquitatem manus suas. Oratio pro Catholicis: *Benedic, Domine, bonis et rectis corde (Psal. CXXIV, 4).* Pro schismaticis: *Imple, Domine, facies eorum ignominia, ut quærant nomen tuum (Psal. LXXXII, 17).*

## EPISTOLA CXXVII.

AD GUILLELMUM COMITEM PICTAVORUM (348), DUCEM AQUITANIÆ, EX PERSONA HUGONIS DUCIS BURGUNDIÆ.

*Guillelmum, antipapæ Anacleto faventem, hortatur ad Innocentium verum pontificem recipiendum.*

GUILLELMO Dei gratia egregio comiti Pictavorum, et duci Aquitanorum, Hugo eadem gratia Burgundia dux, timere terribilem, et eum qui aufert spiritum principum.

1. Errorum vestrum ultra dissimulare non fero, quippe carne propinquus et corde amicus. Si quis de populo deviat, solus perit; verum principis error multos involvit, et tantis obest, quantis præest ipse. Nec præsumo, sicut scitis, ut perdamus, sed ut regamus subjectos. Per quem reges regnant, ipse nos præfecit populis suis, a nobis tuendis, non subvertendis; plane sanctæ suæ Ecclesiæ ministros, non Dominos. Cui vos ministerio cum digne alias pro vestri magnitudine potentatus, et laudabiliter deservisse noscamini, 138 miror quam versutia modo vestra illa prudentia circumventa fuerit, eandem matrem vestram et dominam deserere in tempore malo: nisi forte et hoc vobis vestri illi consilarii persuadere conentur, ad solam Petri Leonis domum, universalem Ecclesiam esse redactam. Viri mendaces, quos Veritas, sicut et caput eorum antichristum, destruit spiritu oris sui, affirmans eam per os David ad universos fines terræ, et ad universas familias gentium dilatari (*Psal. xxi, 28*).

(348) Scripta circa annum 1132. Guillelmus, huius nominis nonus (alii decimum esse volunt), qui, suadente Gerardo Engolismensi episcopo, partes Anacleti tuebatur, et Innocentio adherentes graviter infestabat. Lege Vitam S. Bernardi, lib. II, cap. 6. Quod vero Malmesburiensis, De regibus Angli. libro V, refert de incesto, aliisque criminibus Guillelmi Pictavorum comitis, id de Guillelmo VIII istius patre intelligendum esse, recte notavit Joannes Beslius. Nam Petrus Pictavorum episcopus, qui a Comite in exilium missus ibi memoratur, in ipso exilio diem clausit anno 1117. At vero Guillelmus IX anno duntaxat 1126 patri successit, ut probat idem auctor in Historia Gallica Comitum Pictavorum, quem consule, si cætera Guillelmi gesta, ac præcipue mortem diligentius lubet investigare, necnon Baronium ad annum 1135. De eo fuse in libro II de Vita Bernardi, cap. 6, ubi ejus conversio per Bernardum facta memoratur. Multa de eo fabulantur. Certum est, testante Orderico ejus æquali,

2. Habent [*al. habet*] tamen ducem Apuliæ (349), sed solum ex principibus, ipsumque usurpata coronæ mercede ridicula comparatum. Denique quid boni, quid virtutis, quid honestatis afferunt de summo pontifice suo, ut et nos provocent ad favorem? Si vera sunt quæ ubique divulgat opinio, nec unius dignus est viculi potestate; si vera non sunt, decet nihilominus caput Ecclesiæ, non solum vitæ habere sanitatem, sed et famæ decorem. Tutius proinde vobis est, mi cognate charissime, ut in susceptione universalis papæ, ab universitatis consensu et consilio non recedatis: quem omnis religio, quem regum universitas acceperunt, vobis quoque et honorificum et saluterum est ut recipiatis. Domini papæ Innocentii et innocens vita, et integra fama, et electio canonica prædicatur. Priora duo nec hostes diffidentur; tertium calumniam habuit, sed per Christianissimum Lotharium (350) nuper falsi calumniatores in suo sunt mendacio deprehensi.

## EPISTOLA CXXVIII (351).

AD EUNDEM.

*Serio eum hortatur de reducendis ad Ecclesiam clericis quos expulerat*

In eo animo et in ea voluntate memini me discessisse dudum a te, princeps eximie, ut totis affectibus hene tibi tuisque cuperem, totis nisibus salutem vestram et honorem vestrum, ubicunque possem, juvarem; eo quod non redirem fraudatus fructu adventus mei ad vos, sed lætus præter spem multorum reportarem mecum pacem Ecclesiæ, cum exsultatione universæ terræ. Miror autem quo, cujusve consilio mira illa mutatio dextere Excelsi tam subito in deterius est mutata: ut rursum ad injuriam Ecclesiæ clericos Sancti Hilarii de civitate expelleres, et iram Dei in te gravius, quamprimum excitares. Quis te fascinavit tam cito recedere a via veritatis et salutis? Profecto iudicium portabit quicumque est ille. Utinam et abscondantur qui vos conturbant. Revertere, quæso, revertere, ne et tu, quod abisti! abscondaris. Revertere, inquam, et revoca amicos tuos ad pacem, et clericos ad ecclesiam, antequam irreperabiliter reddas tibi aversum terribilem, et

cui alii auctores compares suffragantur, Guillelmum penitentia motum ad S. Jacobum peregre profectum esse, et feria sexta Paresceves, quinto Idus Aprilis sacra communione munitum, ante aram beati Apostoli defunctum esse sub annum 1137, quo hæc ab Orderico memorantur.

(349) Anacletus pseudopapa, ut Rogerium ducem Apuliæ præcipuum factionis suæ fautorem fortius sibi devinciret, regis eum Siciliæ titulo donavit, uti videre licet apud Baronium anno 1130, n. 6. Quem tamen ei postea Innocentius, infeliciter contra eum in prælium progressus, adeoque captivus, confirmavit, cum aliter eluctari e manibus ejus non posset. Quanto melius jus suum aliena manu prosecutus fuisset Pontifex, si omnino armis opus erat, quam ut ipse ad bellum procedens, et hosti cedens, ad iniquas condiciones adigeretur! Vide Baronium, tomo XII, anno 1139.

(350) Imperatorem Romanum. Vide epist. 179.

(351) Scripta anno Christi 1132.



eum qui avert spiritum principum, terribilem apud A reges terræ.

### EPISTOLA CXXIX (352).

AD JANUENSES.

*Pacem quam aliquando coram conciliaverat, constanter retinendam et tuendam hortatur.*

JANUENSIBUS suis, consulis cum consiliariis et civibus universis, BERNARDUS abbas dictus de Clara-Valle, pacem, et salutem, et vitam æternam.

1. Quod adventus noster ad vos anno præterito non fuerit otiosus, Ecclesia paulo post in sua necessitate probavit, a qua missi et fueramus. Honorifice nos et suscepistis, et tenuistis, exiguum quod apud vos fuimus : et quidem digne vobis, sed supra nostræ humilitatis modum. Profecto ut non immemores, sic non ingrati sumus. Vicem rependat qui potest, et qui in causa fuit Deus. Nos enim unde illum recompensemus **139** venerationis cultum, sed obsequium, sed affectum, plenum amoris et gratiæ ? Non quod nostro delectemur favore, sed vestræ devotioni collatamur. O mihi dies illos festivos, sed paucos ! In æternum non obliviscar tui, plebs devota, honorabilis gens, civitas illustris (253). Vespere et mane et meridie, more utique prophete, narrabam et annuntiabam (*Psal. ltv, 18*), et erat tanta audiendi aviditas, quanta audientium charitas. Portabamus verbum pacis; cumque invenissemus filios pacis, requievit super eos pax nostra. Exieram plane seminare semen, non meum, sed Dei; et cadens in terram bonam semen bonum, fructum fecit centuplum et tempestivum. Mira celeritas, quia magna necessitas. Nec tarditatem passus sum, nec difficultatem, una pene die et serens, et metens, et reportans cum exultatione manipulos pacis. Hæc quippe messis quam messui. Exsulis, captivis, compeditis et incarceratis, evadendi atque repatriandi lætam reportavimus spem, metum hostibus, confusionem schismaticis, gloriam Ecclesiæ orbi lætitiæ.

2. Et nunc quid restat, charissimi, nisi ut admoneamini de perseverantia, quæ sola meretur viris gloriam, coronam virtutibus ? Prorsus absque perseverantia nec qui pugnat victoriam, nec palmam victor consequitur. Vigor virium, virtu-

tum consummatio est; nutritrix ad meritum, mediatrix ad præmium. Soror est patientiæ, constantiæ filia, amica pacis, amicitiarum nodus, unitatis vinculum, propugnaculum sanctitatis. Tolle perseverantiam, nec obsequium mercedem habet, nec beneficium gratiam, nec laudem fortitudo. Denique non qui cæperit, sed qui perseveraverit usque in finem, hic salvus erit (*Matth. x, 22*). Saul cum esset parvulus in oculis suis, rex est super Israël constitutus : non perseverans in humilitate, et regnum amisit et vitam. Si caute Samsonis, si Salomonis devotio perseverantiam retinissent, nec is profecto privaretur sapientia, nec ille viribus. Hoc summæ honestatis insigne, hanc totius probitatis unieam fidamque custodem, custodiri a vobis firmiter hortor et precor. Custodite diligenter quod libenter audistis. Mementote scriptum, quia metuebat Herodes Joannem, et libenter eum audiebat (*Marc. vi, 20*). Sed beatus foret, si audita libenter æque servasset. Denique non qui audiunt, sed beati, inquit, qui audiunt, et custodiunt verbum Dei (*Luc. xi, 28*).

3. Servate proinde vos pacem fratribus vestris Pisanis, fidem domino papæ, fidelitatem regi, vobis honorem. Hoc enim expedit, hoc decet, hoc iustitia exigit. Audivimus venisse ad vos nuntios ducis Rogerii (354) : quid attulerint, quidve retulerint, nos nescimus. Verum ego juxta illud poetæ, ut verum fatear, semper timui Danaos, et dona ferentes (*VIRGILIUS, Æneid. lib. ii, vers. 49*). Si quis forte in vobis (quod Deus avertat!) rem tam scdam committere deprehendatur, extendere videlicet manum ad turpe lucrum; hunc protinus notate, et judicate hostem nominis vestri, civium proditorem, ac venditorem communis honoris et honestatis. Si quis item susurro in populo, diaboli sibi assumens vicem, jurgia seminare, et pacem turbare velle reperiatur, quemadmodum ille discordiæ semper est amator et auctor; huic rigide censure remedium citius obvietur, eo quippe pessimæ, quo intima pesti. Hostilis exercitus vastat agros, domosque spoliatur; prava autem consilia corrumpunt bonos mores, et modicum fermentum totam massam corrumpit (1 *Cor. v, 6*). Serite, plantate, negotiamini, ut antiqua mala non solum non iteretis, sed etiam de justis laboribus

(352) Scripta anno Christi 1133.

(353) Non est hic prætereundum quod refert Manricus in Annalibus ad annum 1132, cap. 6. Hanc nimirum Bernardi promissionem adeo ratam firmamque semper stetisse, ut post quingentos fere annos, Christi scilicet anno 1625, cum excellentissimum principem Carolum Emmanuelem Sabaudicæ ducem, quem Januenses patiebantur hostem sibi infensissimum, ditionis suæ oppida vastare et sibi jam imminere vix quinto ab urbe lapide conspicerent, humano penitus destituti auxilio, fidem S. Bernardi interpellaverint concepto voto, quod ad litteram exscribere non gravabor. « Post hæc inter divos nostræ reipublicæ tutelares divum Bernardum, qui dum in humanis agebat, nostri in æternum non obliviscendum suis litteris sponndit, adscribere et connumerare promittimus, et vovemus diem ejus celebrare, et a populis nostris et a clero, accedente

illusterrimi archiepiscopi et reverendissimorum episcoporum consensu, celebrari curare. In hac ecclesia majori vel in alia arbitrio nostro capellam eidem dicatam construere. Eadem die divi Bernardi quottannis in perpetuum solemnem processionem fieri, et sacrum solemne ad ejus altare, nobis pie assistentibus, celebrari facere. Et demum manu Ducis, indicti sacri solemnia singulis annis in perpetuum, et pro hoc anno duodecim puellis, ut vocant, dotes, scilicet libras centum, unicuique persolvere. In ejus rei testimonium, etc. Datas in ecclesia cathedrali, die Dominica, 25 Aprilis anni 1625. » Hæc Januenses instante reipublicæ suæ ruina. Quam autem ad votum eis successerit, probavit eventus. Nam Bernardus in ipsa suæ solemnitatis vigilia, Hispana classe advecta, hostiles copias ocuis fugavit. Ita fere Manricus.

(354) De quo in epistola 127, n. 2.

vestris expiare et delere possitis. Scriptum quippe est : *Redemptio animæ viri, propriæ divitiæ* (Prov. xiii, 8); et rursum : *Date elemosynam, et omnia munda sunt vobis* (Luc. xi, 41). Quod si militare placet, et vestræ fortitudinis ac strenuitatis iterum **140** experiri vires, arma probare delectat; non equidem id præsumendum adversus vicinos et amicos, cum magis Ecclesiæ inimicos expugnare deceret, sed et regni vestri invasam a Siculis defensare coronam. Super illos sane et honestius acquiratis, et justius possidebitis acquisita. Deus pacis et dilectionis maneat semper cum omnibus vobis. Amen.

## EPISTOLA CXXX (355).

AD PISANOS.

*Pisanos lauat ob studium et favorem erga Innocentium papam, qui, Roma per antipapam Anacletum occupata, exsul Pisas concesserat*

PISANIS nostris, consulibus cum consiliariis et civibus, BERNARDUS abbas dictus de Clara-Valle, universis salutem, et pacem, et vitam æternam.

Beneficiat vobis Deus, et meminerit fidelis servitii et piæ compassionis et consolationis et honoris, quæ sponsæ Filii ejus in tempore malo et in diebus afflictionis suæ exhibuistis et exhibebis. Et quidem hoc jam impletur ex parte, et orationis hujus nonnullus capitur fructus. Digna plane retributio celeri jam compensatur effectu. Jam pro meritis tecum actitat Deus, populus, quem elegit in hæreditatem sibi, omnino populum acceptabilem, sectatorem bonorum operum. Assumitur Pisa in locum Romæ, et de cunctis urbibus terræ ad apostolicæ sedis culmen eligitur. Nec fortuitu sive humano contigit istud consilio; sed cælesti providentia, et Dei benigno favore fit, qui diligentes se diligit, qui dixit Christo suo Innocentio : Pisam inhabita, et ego benedicens benedicam ei. Hic habitabo, quoniam elegi eam. Me auctore, tyranni Siculi (356) malitiæ Pisana constantia non cedit : nec minis conecutitur, nec donis corrumpitur, nec circumvenitur dolis. O Pisani, Pisani, magnificavit Dominus facere vobiscum, facti sumus lætantes. Quæ civitas non invidet? Serva depositum, urbs fidelis, agnosce gratiam, stude prærogativæ non inveniri ingrata. Honora tuum et universitatis Patrem, honora mundi principes, qui in te sunt, et judices terræ; quorum te præsentia reddit illustrem, gloriosam, famosam. Alioquin si ignoras te, o pulchra inter ci-

vitates, egredieris post greges soladium tuorum pacere hædos tuos. Sapientibus sat dictum est. Commendo vobis marchionem Engelbertum (357), qui domino Papæ et amicis ejus missus est in adjutorium : juvenis fortis et strenuus, et, si non fallor, fidelis. Habetote eum nostris precibus magis commendatum, quia et ego ei vos amplius commendare curavi, monique ut vestris potissimum consiliis innitatur.

## EPISTOLA CXXXI (358).

AD MEDIOLANENSES.

*Cum Mediolanenses, Innocentio reconciliati, tamen titubare in officio et obedientia viderentur, eos ad retinendam constantiam incitat, recentia Romanæ Ecclesiæ erga illos beneficia memorans.*

Suis MEDIOLANENSIBUS, universo videlicet clero et populo, BERNARDUS abbas dictus de Clara-Valle, salutem in Domino.

1. Bene vobiscum facit Deus : bene vobiscum facit Romana Ecclesia. Facit ille quod pater : facit illa quod mater. Et revera quid vobis debuit facere, et non fecit? Si postulastis mitti vobis de curia honorabiles **141** personas ad honorem Dei et vestrum, factum est (359). Si postulastis confirmari quod unanimitas vestra de venerabilis patris vestri (360) electione firmaverat, factum est. Si voluistis licuisse vobis quod illicitum, nisi pro magna quidem necessitate, sacri canones judicant, translationem episcopii scilicet in archiepiscopatum, concessum est (361). Si rogastis erui cives vestros de vinculis Placentinorum (362, quod utique ego prætermittere nec volo nec valeo; et hoc factum est. In quo postremo quæcunque rationabilis petitio filiar, non dico repulsam, sed vel moram passa est apud piam matrem? En ad complementum pallium præsto est, plenitudo honoris. Nunc vero audi me, inclyta plebs, gens nobilis, civitas gloriosa. Audi, inquam, me (veritatem dico, non mentior) dilectorem tui, zelatorem salutis tuæ. Romana Ecclesia valde clemens est, sed nihilominus potens. Fidele consilium, et omni acceptione dignum : Noli abuti clementia, ne potentia opprimaris.

2. Sed dicit aliquis : Debitam ei reverentiam exhibebo, et nihil amplius. Esto, fac quod dicis ; quia si exhibeas debitam, et omnimodam. Plenitudo siquidem potestatis super universas orbis Ecclesias, singulari

(355) Scripta anno Christi 1155.

(356) Rogerii de quo in epistola 127, n. 2.

(357) Quis iste Engelbertus marchio? Existimamus hunc esse, qui in libro de Vita S. Norberti, cap. 32, dicitur frater episcopi Ratisponensis : cujus Engelberti una filia Theobaldo comiti desponsa est. En locus : « Assumptis itaque legatis comitis Theobaldi, Ratisponam usque eos adduxit Norbertus. Erat enim episcopus ejus civitatis nobilissimi stemmatis, et habebat fratrem Engelbertum potentissimum marchionem, cui erant nobilis ætatis filiae : e quibus una expedita comiti Theobaldo desponsa est. Reversi sunt legati istuc nuntiantes, » etc. Mathildis vocabatur, teste Orderico Vitali sub finem libri xiii : Mathildem vero Engelberti ducis filiam uxorem duxit. » Engelbertus porro seu Ingelbertus dux erat Carinthiæ, marchio Foro-Julienensis. Confer

notationem ad epistolam 299.

(358) Scripta anno Christi 1155.

(359) Missi sunt cum Bernardo Guido Pisanus, Matthæus Albanensis, Gaufridus Carnotensis episcopi, ex Vitæ libro ii, n. 9, nempe ad reconciliandos Ecclesiæ Romanæ Mediolanenses, qui schisma conflaverant ob depositum Anselmum archiepiscopum ab ipsis electum.

(360) Ribaldi videlicet, qui ab eis electus est in locum Anselmi rejecti.

(361) Intellige restitutionem dignitatis archiepiscopalis, quæ isti Ecclesiæ ob schisma a pontifice abrogata fuerat.

(362) Quippe utrisque bello in sese contendentibus, multi ex Mediolanensibus captivi abducti fuerant a Placentinis.

prærogativa apostolicæ sedi donata est. Qui igitur huic potestati resistit, Dei ordinationi resistit. Potest, si utile judicaverit, novos ordinare episcopatus, ubi hactenus non fuerunt. Potest eos qui sunt, alios deprimere, alios sublimare, prout ratio sibi dictaverit, ita ut de episcopis creare archiepiscopos liceat, et e converso, si necesse visum fuerit. Potest a finibus terræ sublimes quascunque personas ecclesiasticas evocare, et cogere ad suam præsentiam, non semel aut bis, sed quoties expedire videbit. Porro in promptu est ei omnem ulcisci inobedientiam, si quis forte reluctari conatus fuerit. Denique probasti et tu. Quid enim contulit tibi vetus tua rebellio et recalcitratio male suasa a pseudoprophetais tuis (363)? quem fructum habuisti, in quibus nunc erubescis? Agnosce potius in qua potestate, gloria et honore suffraganeorum tuorum tam diu privata exististi (364). Quis pro te valuit obviare apostolicæ auctoritatis justissimæ severitati, cum, provocata tuis excessibus, decrevit te tuis illis antiquis ac præclaris ornamentis nudare, mutilare membris! Et hodie confusa et truncata jaceres, si non benignius quam potentius tecum actum fuisset. Quis eam prohibere valebit etiam a gravioribus, si rursus (quod absit) alijceris provocare? Vide ne patiaris recidivum: quia pro certo, nisi fallor, non tam facile denuo poterit inveniri remedium. Si quis itaque dixerit tibi: Partim oportet obedire, partim non oportet; cum tu in te experta sis plenitudinem apostolicæ potestatis, auctoritatis integritatem, nonne hujusmodi aut seductus est, aut seducere vult? Sed fac quod dico: nam ego te non seduco. Converti magis ad humilitatem, ad mansuetudinem: siquidem et humilibus dat Deus gratiam (I Petr. v, 5), et emansueti hæreditabunt terram (Psal. xxi, 41). Esto cauta dominæ et matris tuæ recuperatam servare gratiam: et sic ei placere studeas de reliquo, quatenus placeat ei non solum servare tibi quæ reddidit, sed etiam adiacere quæ nondum dedit.

#### 162 EPISTOLA CXXXII (365).

AD CLERUM MEDIOLANENSEM.

*Gratulatur clero Mediolanensi, cujus opera civitas, relicto schismate Anacleti, ad unitatem Ecclesiæ dierat.*

Benedicti vos a Domino, quorum studio et indu-

(365) Loquitur de rebellione qua secuti Anselmum de Pusteria archiepiscopum suum, partes Conradi contra Lotharium legitimum imperatorem Mediolanenses tuebantur. Rem enarrat Sigonius libro xi de Regno Ital. ad annum 1128. «Conradus,» inquit, «principibus aliquot suffragantibus contra Lotharium sese regem asseruit; insolenti inde ardentis fortunæ elatus obsequio, in Italiam cum exercitu maturavit, atque Anselmum archiepiscopum et populum Mediolanensem amicos nactus, Modoetæ regi coronam accepit, atque inde perlustrata Lombardia, civitates ad se plerasque omnes traduxit. Ea de causa archiepiscopi Moguntinus, Magdeburgensis, et Treverensis, jussu Lotharii ipsum communionem piorum exterminarunt. Honorius autem non eum solum, sed etiam Anselmum qui coronam imposuerat, et populum qui receperat, percussit. Idem refert Otto Frisingensis, Chronici libro vii, cap. 17.

(364) Nimirum quod Mediolanenses Anselmum

Astria civitas vestra liberata est ab errore, et relicto schismate ad catholicam rediit unitatem. Exiit sermo iste inter Catholicos: audivit et lætata est Sion, & est vobis gloria coram Deo et omni populo. Quam lætis amplexibus mater Ecclesia colligit tot et tantorum multitudinem filiorum, quos se amisisse dolens! quam læto et sereno vultu Deus pater recipit hoc sacrificium de manibus vestris! Quod autem et paci terræ intenditis, facitis quod filii pacis. Et ego, fratres, particeps et socius gaudii vestri fieri cupiens, juxta petitionem vestram ad vos cum dilectis fratribus nostris, nuntiis vestris, veniebam, de quibus mihi scripsistis, plenius secundum rationem in beneplacito Dei satisfactorius. Sed quia tempus breve est quo ad concilium festinamus (366); non gravet vos usque ad reditum nostrum sustinere.

#### EPISTOLA CXXXIII (367).

AD UNIVERSOS CIVES MEDIOLANENSEM.

*Invitatus ad componendam pacem, lætatur ad hoc opus suam operam requiri.*

Ut ex scriptis vestris percipio, nonnullus mihi locus gratiæ apud vos est, et, quoniam meum non invenio meritum, divinitus credo datum. Non recuso favorem ingentis insignisque populi. Amplector oblatam gratiam, et obvis manibus gloriosæ civitatis devotionem devotus excipio: præsertim hoc tempore, quo abjecto errore schismaticorum, ad sinum C matris Ecclesiæ cum gaudio totius orbis reversa est. Arbitror tamen non solum mihi gloriam, quod invitor ad pacem querendam; et a famosissima urbe, cum sim pauper ignobilisque persona, tanti boni mediator atque minister assumor; sed vobis quoque per talem nihilominus honor est flecti ad pacem et concordiam vicinorum vestrorum, quos nec multarum civitatum hostilis impetus, ut bene notum est mundo, cedere aliquando compulsi. Itaque festinans ad concilium, spero me rediturum per vos, et probaturum de gratia quam promittitis. Qui autem gratiam dedit, faciat ne in me vacua sit.

D archiepiscopum secuti, Anacleto et Conrado adhæsisent, ut superius dictum, et amplius infra declarabitur. At iis resipiscentibus ea dignitas ab Innocentio restituta. Et de hac quidem restitutione in superioribus est intelligendus Bernardus, cum ait, in gratiam Mediolanensem translationem episcopii in archiepiscopatum esse factam. Nam alioqui sedes metropolitana dignitate ab initio præcelluit. Non tamen omittendum quod Sigonius refert libro xi de Regno Ital. ad annum 1133. «Innocentius,» inquit, «a Genuensibus comiter atque honorifice jam bis acceptus, hanc eis gratiam retulit, quod episcopum eorum ab obedientia archiepiscopi Mediolanensis exemptum archiepiscopum fecit, atque ei dimidiam episcoporum Corsicæ partem subjecit.»

(365) Scripta anno Christi 1134.

(366) Concilium de quo hic et in subsequentibus epistolis agitur, est concilium Pisanum anni 1134. Vide Bernardi Vitam, lib. ii, n. 8.

(367) Scripta anno Christi 1134.



## EPISTOLA CXXXIV.

AD NOVITIIS APUD MEDIOLANUM CONVERSOS (368).

*Novitiis Mediolanensibus gratulatur de conversione, seque peracto concilio illos inuisurum spondet.*

Charissimis fratribus de Mediolano, nuper conversis ad Deum, BERNARDUS abbas dictus de Clara-Valle, in spiritu consilii et fortitudinis, quod bene cœptum est, digno exitu consummare.

Benedictus Deus, qui fecit vobis vilesce re mundi gloriam, largiturus suam. O quam vani filii hominum, quam mendaces filii hominum in stateris, qui secundum illud Evangelii, gloriam ab invicem querunt, et gloriam quæ a solo Deo est, nolunt (*Joan. v. 44*); plane in hoc ipsi decipientes 143 de vanitate in idipsum! (*Psal. lxi. 10*). Vos autem non sic: Ab hoc vos opprobrio liberavit nunc divina misericordia, ut essetis Christi bonus odor Deo in omni loco; ipsi ad gloriam, angelis ad lætitiā, hominibus ad exemplum: si quidem gaudium est in cœlo super uno peccatore pœnitentiam agente; quanto magis super tot et talibus viris, et de tali urbe conversis? Et ego, fratres, tanta lætitia provocatus, sed et vocatus a vobis, per charissimos fratres Ottonem et Ambrosium, quos ad hoc ipsum direxistis, decreveram simul cum ipsis venire ad vos. Cæterum melius existimans, non in articulo temporis, neque in transitu vos videre, distuli usque ad reditum nostrum. Properamus quippe ad concilium, per vos Deo auxiliante reversuri, consilium et auxilium, quod secundum rationem poterimus, vestro sancto proposito præbui.

## EPISTOLA CXXXV.

AD PETRUM PAPIENSEM EPISCOPUM (369).

*Delatas sibi laudes in Deum refundit. Episcopum ab operibus misericordiæ laudat.*

Si semen bonum, jactum in terram bonam, fructum attulisse videtur, ipsis est gloria qui dedit semen serenti, fecunditatem terræ, semini incrementum. Quid in his nos capimus? Ego sane gloriam Christi alteri non dabo, multo vero scrupulosius usurpabo mihi. Profecto lex Domini convertit animas, et non ego: testimonium Domini fidele sapientiam præstat parvulis (*Psal. xviii. 8*), et non ego.

(368) Scripta anno 1134. — Ex hoc titulo Baroniis inferi, jam ante Bernardi adventum Mediolanum, id est ante annum 1134, Cisterciensium familiam eo fuisse transmissam, conditumque aliquod monasterium, cui se novitii isti mancipassent. At Ughellus in tomo IV Italiæ sacræ existimat, primum Cisterciensium in illa urbe cœnobium esse Charam-Vallē, quam secundo ab urbe lapide non ante annum 1135 conditam probat: proindeque hæc in epistola novitiōrum nomine intelligendos esse eos, qui Bernardi opera ad Pisanum concilium pergēntis recens conversi, ejus se magisterio ex animo jam devovissent. Ughelli epocha de conditū monasterii constat ex veteri inscriptione et ex primis loci instrumentis, in quibus constanter Chara-Vallis, non Clara-Vallis appellatur (a). Vide epistolam. 281.

(a) Legendum esse Chara-Vallis, inquit ipse Mabillonius Itineris Italici p. 18, argumento sunt primaria quæque loci instrumenta, itemque inscriptio vetus claustrarii insculpta in hunc modum: Anno gratiæ MCCCXV,

A Laudatur de bona littæ tornatura manus, non calamus. Fateor, ut multum tribuam mihi lingua mea calamus scribe velociter scribentis (*Psal. xlii. 2*). Sibi ergo, inquit, quid afferunt boni speciosi pedes evangelizantium bona? Multum per omnem modum. Primum quidem, quia filii sunt Patris sui qui in cœlis est, et gloriam, quam deferunt Patri, nequaquam a se ducunt alienam. Nam si filii, et hæredes. Deinde vero quod proximorum salutem, suam nihilominus arbitrantur, quippe quos tanquam se ipsos diligunt. Tertio quoque, quod labor laborum ipsorum sibi penitus perire non poterit. Unusquisque enim mercedem accipiet secundum proprium laborem (*1 Cor. iii. 8*). Ego labia mea non prohibui: tu aperuisti et viscera, ideo procul dubio plus recepturus, quoniam plus laborasti. Certus sum enim quia non vacat tibi, quod sitiēti tulisti aquam, et cum panibus occurristi fugientibus. Non, inquam, vacant officia humanitatis, non hortamenta salutis, quibus Christi vere viscera in illis pauperibus resovisti. Ambo tamen collaboratores, ambo coadjutores Dei sumus: ambo pariter speramus fructum in respectione animarum sanctorum. Quis mihi det memoriam tui, nunquam deserere, nunquam ab ipsa deseri?

## EPISTOLA CXXXVI (370)

AD INNOCENTIIUM PAPAM (571).

*Dalñum, de illatis injuriis satisfacere paratum, mitius tractari cupit.*

C Si tristitia semper acciderent, quis sustineret? si semper prospera, quis non contemneret? Sed rerum cauta gubernatrix Sapientia, horum perneccessaria vicissitudine eo moderamine electis suis cursum vitæ temporalis alternat, ut nec adversa frangant, nec læta dissolvant: cum potius et ista ex illis gratiora, et illa ex his tolerabiliora reddantur. Benedictus per 144 omnia Deus: tristitia nostra versa est in gaudium, acceperunt oleum post vinum vulnera nostra. Raptores et prædones compuncti humiliantur: sacerdotem Domini, in quem ausi sunt mittere manus, cum honore remittunt; spolia quæ diripuerant, et sine desidia recolligunt, et sine fraude restitunt. Si quid horum est quod inveniri

(369) Scripta circa annum 1135. — Duos hujus nominis Papienses episcopos habet Ughellus: unum electum anno 1130 vel 1131; alterum, Alfonso et Conrado intermediis, anno 1148, cui has litteras apert: quæ melius priori conveniunt, siquidem hæc proxime sequebantur epistolam 134, quæ scripta est anno 1134.

(370) Scripta anno Christi 1134.

(571) In prioribus editis legebatur, Ad eundem, quod ad Petrum episcopum Papiensem, cui præcedens epistola inscripta erat, referebant. At in duobus Cisterciensibus manuscriptis et in totidem Colbertinis interponitur epistola centesima septuagesima octava, ad Innocentium papam. Scripta est autem hæc epistola occasione prædonum, qui episcopos ex Pisano concilio anni 1134 revertentes spoliaverunt. Vide notas ad epistolam vicesimam tertiam.

x Kal. Febr. constructum est hoc monasterium a beato Bernardo Clara-Vallensi. MCCCXI consecrata est ecclesia ista, a domino Henrico Mediolanensi archiepiscopo, vi Non. Maii, in honore sanctæ Mariæ Chara-Vallis.

non possit, Dalfinus pro eo satisfaciēt ad beneplacitum vestrum : hoc quippe manu sua in nostra affirmavit. Pro qua sua promissione adimplenda si venerit ad pedes vestræ majestatis (372), quod et proposuit, mitius quam meruit supplicamus agi cum juvene : non quod velimus impunitum esse tam grande facinus, sed ut Ecclesia, si fieri potest, debita satisfactione honoretur ; ut is qui satisfacit, supra vires patientiæ suæ non exasperetur, et poeniteat (373) hominem nostris acquirisse consiliis.

#### EPISTOLA CXXXVII (374).

AD IMPERATRICEM ROMANORUM (375).

*Mediolanenses non ante receptos in gratiam a pontifice, quam ipsi Lotharium imperatorem recipiant. Hinc eos clementiæ imperatricis commendat.*

In reconciliatione Mediolanensium (376) non oblitus sumus unde a vestra excellentia præmoniti fuimus. Quod cisi non monuissetis, nihilominus honori vestro et regni utilitatibus intenderemus, sicut ubique et semper fideliter, quantum possumus, facimus. Non ante sane Mediolanenses in gratiam domini papæ et Ecclesiæ unitatem recepti sunt, quousque palam Conrado refutato et abnegato, dominum nostrum Lotharium in suum regem et dominum receperunt, et Romanorum imperatorem Augustum una cum toto orbe confessi sunt : et de injuria transacta, juxta consilium et mandatum domini papæ,

(379) Inde colligitur hanc epistolam summo Pontifici directam esse, qui Majestatis vocabulo non raro compellatur ab aliis, uti a Bernardo in epistolis 46, 150, n. 3, 166, etc., item ab Odone de Diogilo, et aliis. Quanquam hic titulus inferioribus etiam quandoque prelati tribuitur ex notis ad epistolam 370.

(373) Supple, non, ex superiori membro, non exasperetur, et non poeniteat ; ut in fine epistolæ sequentis

(374) Scripta anno Christi 1134.

(375) Richeram. Alias, *imperatorum*, mendose.

(376) Ea de re ita Sigonius De regno Ital. libro II ad annum 1134 : « Mediolanenses, » inquit, « cum se sacrorum communione spoliati, et metropolitana dignitate nudatos cernerent, eo quod Anselmum seculi Conrado et Anacleto hæsisent, actorum poenitentia ducti auctore Ribaldo episcopo, quem Anselmo repudiato sublegerant, Innocentii et Lotharii recuperare gratiam studuerunt : atque ea de re litteras item ad Bernardum, cujus maximam norant esse auctoritatem, scripserunt. Bernardus vero ad concilium Pisanum ab Innocentio accersitus, cum per Lombardiam eo festinans transiret, litteris scriptis gratulatus quod errorem deposuissent, et se votis eorum obsecutorum atque in reditu ad eos accessurum, promisit. Eo Pisas profecto, concilium est institutum, atque ejus potissimum sapientia consilioque perfectum. Ejus concilii actiones fuere multe. Summa tamen in Anacleto cum fautoribus execrando versata est. Mediolanensibus, qui ad auctoritatem Innocentii Ribaldo auctore redierant, honoris causa multa tributa : ut Ribaldus, quem ipsi delegerant, dignitatem teneret ; ut ea sedes metropolitana, sicut ante esset, ac pallio dignaretur ; ut legatio ad eos expiandos honestissima mitteretur. Missi vero sunt Guido Pisanus, et Mattheus Albanus episcopus, legati a latere : atque eis socius est adjunctus ipse, quem in primis requirebant, Bernardus ut discidium ab Anselmo archiepiscopo excita-

A digne vobis sese satisfacturos esse tacto sacrosancto Evangelio sponponderunt. Unde magnas agentes gratias divinæ bonitati, quæ absque bellorum periculis, absque humani sanguinis effusione, inimicos vestros sic humiliavit ; rogamus vestram satis nobis expertam clementiam, ut tempore suo, cum requisierint prædicti Mediolanenses, per dominum papam, utique mediatorem suæ reconciliationis, gratiam vestram, benignos vos atque placabiles inveniamus : quatenus nec eos poeniteat sanis paruisse consiliis, et vos de eis debitum habeatis servitium et honorem. Non enim decet ut fideles vestri, qui pro honore vestro laborant, apud vos confundantur. Confunduntur autem, si qui de benignitate vestra spem indulgentiæ promiserunt, cum pro ipsis intervenierint, invenerint vos, quod absit ! inexorabiles.

#### EPISTOLA CXXXVIII (377).

AD HENRICUM REGEM ANGLOREM.

*A rege supplicat petit pro Innocentio papa.*

HENRICO illustrissimo Anglorum regi, BERNARDUS abbas dictus de Clara-Valle, honorem, ospitatem et pacem.

Velle vos instruere, de his præsertim quæ spectant ad honestatem, aut insipientis est, aut vos penitus ignorantis. Eapropter rem simpliciter intimare sufficit, et hoc paucis, quoniam facile omnia tenenti, multa superflue ingeruntur. In ingressu

tum exstinguerent, ac populum religione contactum scelere liberarent. Mediolanenses, ubi Bernardum cum legatis adventare sensere, exemplo ingenti lætitiæ urbe effusi, obviam ad septem millia passuum prodire, tanta ordinum, ætatum, sexuumque universorum frequentia, ut urbem desegere, atque alio commigrare ipsos putares velle. Interstinctis vero agminibus cum partitibus recipientes, certatim et intueri, et alloqui, et pedes etiam deosculari gestiebant : quin et pilos de vestibus ejus detractos ad opportuna incidentium morborum remedia reservabant, omnia sancta judicantes, quæ ille contigisset, et se sanctos fieri eorum contactu putantes, atque ita lætis clamoribus in urbem et hospitium deduxerunt. Die inde constituto concilium est habitum. Ibi primum Anacleto rejecto, Innocentium, ut verum et catholicum pontificem approbarunt. Deinde Conrado repudiato, palam Lotharium regem et dominum acceperunt, et Romanorum imperatorem Augustum una cum toto terrarum orbe confessi sunt, et de contumacia adhibita se ex concilio et mandato Innocentii satisfacturos esse tacto sacrosancto Evangelio sponponderunt, ac mox Bernardi iudicio subjicientes, piaculum quod ille imposuit, receperunt. Dum vero Bernardus Mediolani fuit, quamplurimos, qui offerebantur, homines male affectos, divina virtute cum omnium admiratione sanavit, claudis gressus, carcis aspectus, debilibus pristinos artuum motus est restitutus, præcipue vero multi, quos per schisma daemon invaserat, liberati. Inde jussu Innocentii ad pacificandas ipsas inter se Lombardiæ civitates profectus, Papiam et Cremonam se contulit. Cum vero apud Cremonenses nihil profecisset, eorum Innocentio pertinaciam significavit his verbis : *Cremonenses induruerunt, et prosperitas eorum perdidit eos. Mediolanenses contemnunt, et confidentia eorum seducit eos. Isti in curribus et equis spem suam ponentes, meam frustraverunt et laborem meum exinanierunt.* » Ita ille.

(377) Scripta anno Christi 1135.

urbis sumus, salus est in januis, iustitia nobiscum **A** virtus fuit, quod iter satis laboriosum et meticulo-  
 itaq; sed Romanis militibus cibus iste non sapit.  
 itaque iustitia placamus Deum, militia terrestrem  
 hostes : solis necessariis necessaria **145** non ha-  
 bemus. Quid opus sit facto, ut opus vestrum com-  
 pleatur, quod de domini papæ Innocentii magnifica  
 et honorifica illa susceptione fecistis, vos melius  
 nostis (378).

# EPISTOLA CXXXIX (379).

AD LOTHARIUM IMPERATOREM.

*Excitat imperatorem ad reprimendos schismaticos.  
 Causam cuiusdam ecclesie avud Tullum sita com-  
 mendat.*

LOTHARIO Dei gratia Romano imperatori Augusto,  
 BERNARDUS abbas dictus de Clara-Valle, si quid  
 potest peccatoris oratio.

**1.** Benedictus Deus, qui vos elegit (380), et erexit  
 cornu salutis nobis, ad laudem et gloriam nominis  
 sui, et reparandum imperii decus, ad subveniendum  
 Ecclesie sue in tempore malo, postremo ad ope-  
 randum etiam nunc salutem in medio terræ. Ipsius  
 est enim opus, quod corona gloriæ vestræ ita in  
 dies ampliatur et sublimatur, mirabiliter crescens  
 ac proficiens in omni decore et magnificentia apud  
 Deum et homines. Ipsius profecto nuper opus et

**B** (382). Ut enim constat Judaicam sobolem sedem Petri  
 in Christi occupasse injuriam (383); sic procul du-  
 bio omnis qui in Sicilia regem se facit, contradicit  
 Cæsari.

**2.** Si autem utrumque incumbit Cæsari, restituere  
 scilicet quæ sunt Cæsaris Cæsari, et quæ sunt Dei  
 Deo, cur apud Tullum res Dei minuitur, cum  
 Cæsar nihil ibi lucretur? Verendum est ne minimo-  
 rum neglectus, impedimentum sit maximorum. Hoc

(378) Quid fecerit rex Anglorum Henricus, hujus  
 nominis primus, vide Vitam S. Bernardi, libro II,  
 cap. 1, n. 4. Quod et Wilhelmus Malmesburiensis  
 illius sæculi scriptor, æque Anglus, descripsit Histo-  
 riæ Novellæ libro I, his omnino verbis: Innocentius  
 Roma exclusus, transcensit Alpibus Galliam cont-  
 tendit. Ibi ab omni citramontana Ecclesia susceptus  
 est. Quin etiam rex Henricus (qui non leviter a sen-  
 tentia, quam semel posuisset, dejici nosset) illi  
 apud Carnotum ultro manus dedit, et apud Roto-  
 magum non modo suis, sed et optima, et etiam  
 Judeorum muneribus dignatus est. Rogerus Ho-  
 vedenus et ipse in Annalibus eamdem commemorat  
 receptionem anno 1131. Porro anno 1132, ut habet  
 Fulco, Beneventani Chronici scriptor, cum Lotha-  
 rius imperator Innocentii restituendi gratia Romam  
 obsedisset, nec satis haberet virium ad eam expu-  
 guandam, utpote duorum millium duntaxat præsidio  
 instructus, Bernardus qui et ipse aderat, a rege  
 Anglorum suppetias hisce litteris expetiit; quod  
 tamen ipse præstare non potuit. Denique quam reli-  
 giose et christiane ultimum diem clausit anno  
 1135, discimus ex Hugonis archiepiscopi Rotoma-  
 gensis epistola ad Innocentium papam scripta, dignis-  
 sima certe quæ legatur apud Guillelmum Malmesbu-  
 riensem, Historiæ Novellæ libro I, et apud Baro-  
 nium ad annum 1135.

(379) Scripta circa annum 1135.

(380) Lotharium scilicet Saxonie ducem, virum  
 per omnia commendabilem, teste Guillelmo Tyrio,  
 lib. XII, cap. 16; Odone Frisingensi, libro VII, cap.  
 17; Sigonio, qui non minus pietatis quam virtutis  
 laude hominum memorie commendatum ait; abbate  
 Ursperg, qui strenuum belli ductorem, providum in  
 consilio, terribilem inimicis Dei et sanctæ Ecclesie,  
 etc. celebrat; Petro Diacono, qui miris ac magnifi-  
 cis eundem elogiis deprædicat. Quis tanti, inquit,  
 imperatoris animum non admiretur? Sederat ad  
 sedendas fratrum dissensiones in capitulo a prima  
 diei hora usque ad Vesperas, absque cibo potque  
 perdurans, dum paci unitatque consulere. Nempe  
 sub imperii chlamyde cælesti militabat Regi. Nam,  
 ut ipse testis sum, in expeditione constitutus, summo  
 diluulo Missam pro defunctis, dehinc pro exer-

citu, tertiam postremo (forte pro semet) diei Mis-  
 sam audiebat. Vide cætera omnino digna legi,  
 bonis principibus exempla futura: ut non immerito  
 Bernardus laudet Deum, qui talem imperio princi-  
 pem providerit.

(381) Nempe cum hortatu Bernardi ex Germania  
 in Italiam, et Romam usque, licet exiguis stipatus  
 copiis, contendit, ut Innocentium in sedem restitue-  
 ret, et ab eo vicissim solemnem imperii coronam  
 reciperet. Quod et factum in ipsa Urbe, in Late-  
 rano; cum interim antipapa Anacleus basilicam  
 Vaticanam, et munitissima quæque Urbis loca cum  
 suis, tum operibus, tum præsidio firmata teneret.  
 Vide Baronium, anno 1132; Sigonium, lib. XI,  
 eodem anno; Vitam S. Bernardi, lib. II, cap. 2. Et  
 tamen Ordericus, libro XIII, pag. 896, ubi Lotharii  
 Romanum iter anno 1133 susceptum describit, ait  
 mandasse Petro, et ut alii cederet, aut iudicium de  
 ordinatione sua subiret; idemque Innocentio man-  
 dasse. Et Petrum quidem acquievisse, non vero  
 Innocentium. Unde Lotharium contra eum indigna-  
 tum, Petro quæ possidebat dimisisse, et negotio  
 imperfecto recessisse.

(382) De jure regni Siculi magna alias fuit  
 disceptatio. De hac nihil modo ad nos. Videat ea  
 de re, qui volet, scriptum Baronii, si tamen exstet  
 hodie, et qui contra eum scripsere. Non immerito  
 usurpatorem Siculum vocat Bernardus, qui Apulie  
 Calabriaque ducatus jure clientelari commisso  
 Guillelmo suo consobriño usurpavit, et tenuit a  
 Calixti pontificatu usque ad annum 1136, quo Lotha-  
 rius secundo Italiam ingressus (secundum Ursperg.)  
 Apuliam invasit, Rogeriumque vicit, hoc in primis  
 sermone suos ad pugnam milites accendens, quod  
 contra perduellem Ecclesie, ejusque sacris emolui,  
 arma sumerent. Vide Otonem Frisingensem, lib. VII,  
 capp. 16 et 20; Fazell. lib. VII, poster. decad. Idem  
 tamen postea resipuit, agentibus Bernardo et Petro  
 Cluniacensi, qui litteris cum reconciliationis admo-  
 nuit.

(383) Hoc ipsum est quod ex Actis Genomannen-  
 sium episcoporum notavimus in præfatione ad hunc  
 tomum, nempe Anacleum, seu Petrum Leouis ex  
 Judaismo duxisse originem.



est quod dico. Ecclesia Sancti Gengulfi (384) graviter injusteque, ut dicitur, in illa civitate opprimitur : et alunt vestre prudentiæ nescio qua fraude subreptum, ut domino papa, per justitiam subvenire paranti, vestre interventu precis obviaretis. Obsecro et consulo consultius agi, noxiam revocari precem, dari locum justitiæ, antequam ecclesia illa fonditus destruat. Pauper sum ego : fidelis tamen vester, et si videor importunus, fortassis inde est. Dominam imperatricem in Christi charitate oppido salutamus.

## EPISTOLA CXL (385).

AD EUNDEM.

*Pisanos pontificis studiosos apud Lotharium commendat.*

Miror cujus instinctu vel consilio vigilantie vestre subripi potuerit, ut homines, digni certe duplici honore et gratia, contraria a vobis audirent. Pisanos dico, qui primi et soli interim adhuc erexere vexillum **146** adversus invasorem imperii (386). Quam justius in eos regia incanduisset indignatio, qui populum strenuum et devotum quacunque occasione offendere ausi sunt, eo præcipue tempore, quo acclinet in multis millibus suis exierant oppugnare tyrannum, ulcisci injuriam domini sui, et imperialem defensare coronam? Ut enim congruentissime assignem huic genti quod olim de sancto David dicebatur; quænam, quæso, in omnibus civitatibus, sicut Pisa, fidelis, egrediens, et regrediens, et pergens ad imperium regis? (*1 Reg. xii, 14.*) Nonne hi sunt, qui nuper regni illum unicum ac potentissimum hostem ab obsidione Neapolis fugaverant? Nonne hi sunt qui etiam, quod pene incredibile dictu est, in uno impetu suo expugnaverunt Amalfiam, et Rebellem [*id. Rivellum*], et Scalam, atque Attornium, civitates utique opulentissimas et munitissimas, omnibusque qui antehac tentaverunt, usque ad hoc tempus, ut alunt, inexpugnabiles? Quam dignum, quam æquum, quam plenum ratione et justitia fuerat, ut fidelium terra, interim saltem dum hæc acclarent, ab omni hoste secunda consistere: tum pro præsentia summi pontificis, quem jamdudum exsulem Pisani apud se cum summo honore servabant et servant; tum pro servitio imperatoris, pro quo et ipsi tunc temporis exsulebant?

(384) De S. Gengulfo aliis *Gangulfo*, seu *Jangulfo*, ita Sigebertus ad annum 759: « S. Gengulfus claret in Burgundia, qui etiam martyrii claruit gloria. » In ejus honorem Tulli in Lotharingia constructa est, sub annum 1065, insignis basilica a S. Gerardo ejusdem civitatis episcopo, ut litteris mihi significatum est ab illustrissimo et reverendissimo D. Andrea Saussayo episcopo ac comite Tullensi, non minus scientia et scriptis quam dignitate conspicuo. Sic enim in veteri codice quem pones se habet: « Sancti quoque Gengulfi abbatiam ad meridianum introitum ejusdem civitatis primus construxit S. Gerardus, et brachium præfati sancti in hac urbe asportavit. Udo vero, Tullensis itidem episcopus, eandem ecclesiam restituit. Ubi vides S. Gengulfi ecclesiam abbatiam nomine insignitam, quod vocabulum nonnullis etiam ecclesiis collegiatis olim tribue-

A Factum est autem per contrarium, ut gratiam, qui offenderunt; et qui servierunt, iram mererentur. Sed vos fortassis adhuc ista nesciebatis. Oportet ergo nunc quando res est nota vobis, imo et decet et expedit, mutare vos et verbum et animum: ut viri regis magis favoribus et muneribus honorandi, a vestra parte de cætero audiant et recipiant prout meriti sunt. O quantum meruere Pisani, quantum adhuc mereri possunt! Sat est dictum sapienti.

## EPISTOLA CXLI.

AD HUBERTUM ABBATEM IGNIACENSEM (387).

*Graviter eum perstringit, ob munus prælationis inconsulto ac temere dimissum.*

1. Parcat tibi omnipotens Deus: quid voluisti facere? Quis te crederet ad tantum prorumpere malum, hominem tantis præditum bonis? Quomodo potuit arbor bona pessimum hunc ex se producere fructum? O quam terribilis Deus in judiciis super filios hominum! Non miror quod diabolus istud potuit, sed quod Deus permisit, quippe cui jam tot annis pure, sicut credimus, et devote serviisti. Quid faciet de me, utique pigro et negligenti servo, qui fidelem famulum suum sic vel ad tempus tradidit in animam inimicorum ejus? Quid, quæso, rationis, imo quid non impietatis habet hæc fuga tua, de qua filii lugent, adversarii ridet? Miror quod te non terruit Arnoldi abbatis (388) exemplum: cujus similis præsumptio digno, sed pavendo fine, ut bene meministi, in brevi est vindicata. Et quidem ille qualem-  
C Numquid enim aut monachi tuis erant inobedientes imperiis, aut conversi segnes in operibus, aut vicini forte tibi tuisve rebus infesti, aut certe modica et non sufficiens substantia mundi, quatenus relinquere cogereris, quos vel regere, vel pascere non sufficeret?

2. Vide ne et te tangat vox illa Dei: *Quia odio habuerunt me gratis* (Joan. xv, 25). Quid enim debuit tibi facere, et non fecit? Vineam tibi plantavit electam et speciosissimam. Sepem ei circumdedit votivæ continentie, torcular **147** districtissimæ disciplinæ fodit in ea, et ædificavit sanctæ paupertatis turrim, ad cælos usque pertingentem. Te cultorem atque custodem constituit: honestavit te in laboribus tuis, et complebit illos, si permittis. Sed tu, prohi nefas!

batur, ut etiam nunc advertere est in Sancto Exsuperio Corboliensi, ubi præpositus seu prima dignitas capituli abbas appellatur.

(385) Scripta circa annum 1135.

(386) Scilicet Rogerium.

(387) Scripta anno 1138. Humbertus, ex Casæ-Dei monacho factus Claræ-Vallensis; dein a Bernardo primus abbas anno 1127 præficitur monasterio Igniacensi, diocesis Remensis. Vitæ private studio regimen abdicavit anno 1138, quo anno scripta hæc epistola ex Italia. Perstitit nihilominus in sua abdicatione Humbertus, suffecto in ejus locum Guericco; mortuus apud Claræ-Vallens anno 1148, ut in tomo II dicemus, referendo egregium sermonem, quem Bernardus in ejus obitu habuit.

(388) Scilicet, Morinundi, ad quem epistola 4.

destruis maceriam ejus, et racemis optimis plenam exponis omnibus qui prætergrediantur viam. Heu! quis prohibebit aprum de silva, ut non exterminet; et singularem ferum, ne depascat eam? Mirum vero si in hoc mortem te bene præparare putas, quod quidem ad me scripsisti, ut in tanto scandalo, et in anathemate domini papæ mori velle non timeas. Deinde, si ita necessarium erat, non potuit aliud tempus considerari, nisi cum necessitatibus universalis Ecclesiæ detineor, ut illi miseræ, quam exponis, non liceat subvenire? Obsecro te, per eum qui pro te crucifixus est, ut satis afflictos amplius cruciari parcas, et tristitiam super tristitiam addere desistas: quia, ut verum fatear, sic pro hac Ecclesiæ generali gravique scissura affectus sum, ut tædeat animam meam vitæ meæ, etiam te et tuis in pace degentibus.

## EPISTOLA CXLII.

AD MONACHOS ALPENSES (589).

*Monachos Alpenses, qui se sub ordine Cisterciensi Claræ-Vallensibus aggregaverant, commendat et consolatur de absentia Puitis ad altiorum gradum assumpti. Hinc de novo abbate eligendo eos monet.*

1. Bonus Pater vester atque noster, auctore Deo, ad altiorum gradum assumptus est. Faciamus ergo, charissimi, quod dicit propheta: *Elevatus est sol, et luna stetit in ordine suo* (Habacuc III, 11). Sol est ille, per quem Alpensis congregatio illustris ubique redditur, tanquam luna per solem. Elevato itaque illo, stemus nos in ordine nostro, quicumque elegimus abjecti esse in domo Dei nostri, magis quam habitare in tabernaculis peccatorum (Psal. LXXXIII, 11). Ordo noster abjectio est, humilitas est, voluntaria paupertas est, obedientia, pax, gaudium in Spiritu sancto. Ordo noster est esse sub magistro, sub abbate, sub regula, sub disciplina. Ordo noster est studere silentio, exerceri jejuniis, vigiliis, orationibus, opere manuum; et super omnia, excellentiorem viam tenere, quæ est charitas porro in his omnibus proficere de die in diem, et in ipsis perseverare usque ad ultimum diem. Et hæc quidem assidue vos confidimus acitare.

2. Cæterum unum opus fecistis, et omnes mirantur: quod cum sancti essetis, non reputantes vestram sanctitatem, alienam participare curastis, ut essetis sanctiores. Impletum est quod legitur in Evangelio: *Cum feceritis omnia quæ mandata vobis fuerint, dicite: Servi inutiles sumus* (Luc. XVII, 10).

A Inutiles vos reputatis, et humiles inventi estis. Berta facere, et inutilem se reputare, apud paucos invenitur, et ideo multi admirantur. Hoc, inquam, hoc prorsus vos de illustribus reddit illustriores, sanctiores de sanctis. Et ubicunque divulgatus est sermo iste, replevit omnia odore suavitatis. Hæc virtus, me iudice, præfertur item protractis jejuniis et anticipatis vigiliis, omni denique corporali exercitio; tanquam vere pietas quæ ad omnia valet (I Tim. IV, 8). Quam læto sinu collegit vos multitudo Cisterciensis! Quam alacri vultu spectavit hoc angelica celsitudo! Noverunt siquidem illi spiritus omnipotenti Deo placere super omnia fraternam societatem et confederationem, cum dicat per prophetam, *Glutino bonum est* (Isa. XLI, 7), et per alium, *Ecce quam bonum et quam jucundum habitare fratres in unum!* (Psal. CXXXII, 1.) item, *Frater fratrem adjuvans, ambo consolabuntur* (Prov. XVIII, 19.)

3. Advertitur etiam hoc factum humilitatem redolere: quæ quam accepta sit divinæ majestati, docet ille qui dicit, *Superbis Deus resistit, humilibus autem dat gratiam* (Jac. IV, 6): ostendit et ipse humilitatis Magister per semetipsum dicens, *Discite a me quia mitis sum et humilis corde* (Matth. XI, 29). Quid dicam de nostro pusillo grege Claræ-Vallis, cui specialius adhæsis, quanto vos et quam speciali complectatur affectu? Non potest dici verbo, quod de mutua charitate inter nos et vos spiritualis infusio mirabiliter operatur. Superest, fratres, ut, invocato Spiritu sancto, maturetis vobis eligere patrem. Nam si me expectaretis, vereor ne adventus noster differatur in longum, et illa dilatio esse periculosa. Sed vocate ad vos fratrem nostrum charissimum Godefridum priorem Claræ-Vallis, qui et in hoc, sicut in aliis, impleat vicem nostram: ut consilio ejus, vel forte illorum, quos ipse pro se miserit, si venire non poterit, necnon et Patris vestri Guarini, talem personam eligatis, de qua et Deus honorem habeat, et vos salutem. Memores mei estote, fratres.

## EPISTOLA CXLIII (590).

AD SUOS CLARÆ-VALLENSES.

*Diuturnam sui absentiam excusat, sibi non minus, imo magis gravem, quam suis. Interim breviter eos officii admonet.*

Charissimis fratribus CLARÆ-VALLIS monachis.

(589) Scripta anno christi 1158. — Alpense cœnobium, diocesis Genevensis in Sabaudia, hodie Anniciensis. Fundatum ab Humberto II Sabaudie comite, sub primo abbate Guarino, qui deinde Sedunensium factus episcopus, occasionem huic epistolæ præbuit, qua Bernardus monachos Alpenses suo abbate destitutos consolatur. Gaspar Jongelinus in Notitia Abbat. Cisterc. hujus monasterii foundationem refert ad annum 1156. Sed ante eum annum fundatum esse, nec monachos ab initio habitum et instituta Cisterciensium fuisse amplexos, sed iis se tandem submi-

sisse, facile est colligere ex præsentī epistolā, præsertim verbis illis, « Quam læto sinu collegit vos multitudo Cisterciensis! » Et quidem Claræ-Valli se peculiariter aggregasse, constat ex sequentibus Bernardi verbis. Vide etiam epistolam 253, ad dictum Guarinum, et Manricum in Annalibus ad annum 1156, quo factam gesserit aggregationem. De hoc monasterio lege insuper Vitam S. Bernardi, lib. 1, n. 67.

(590) Scripta circa annum 1155.

conversis (391), novitiis, frater BERNARDUS, gaudere in Domino semper.

1. Ex vobis perpendite quid patiar ego. Si vobis molesta est absentia mea, nemo dubitet mihi esse molestiorem. Non enim parvis jacturæ, nec ejusdem gravaminis est, me uno carere vos, meque vestra universitate destitui. Tot me necesse est afflicti curis, quot vos estis; et ad singulos quosque vestrum dolere absentiam, timere pericula. Duplex contritio ista non me deseret, quosque meis visceribus ego reddar: quod quidem et vos sentire pro me non ambigo; sed ego unus sum. Vobis ergo una, mihi multiplex incumbit tristandi ratio, utpote pro omnibus vobis. Nec solum cruciat, quod absque vobis vel ad tempus vivere cogor, sine quibus et regnare miseram mihi reputo servitutem: sed etiam quod versari compellor in his quæ amicam quietem omnino perturbant, et meo proposito minus fortasse conveniunt.

2. Nec scientes, moræ meæ, quæ meæ non est voluntatis, sed ecclesiasticæ necessitatis, non oportet vos indignari, sed compati. Spero autem quod non erit longa: vos orate ut non sit infructuosa. Detrimenta quæ interim forte contingent, emolumenta reputentur, quoniam Deus in causa est: qui, cum sit benignus, et omnia possit, facile damna resarciat, non solum integre, sed etiam cumulate. Propterea bono animo simus, Deum habentes nobiscum, in quo et vobis præsentem sumus, quantilibet terrarum spatiis divisa vobis videamur. Quicumque in vobis bene officiosum se ipsum exhibet, humilem, timoratum, studiosum lectionis, orationibus vigilem, fraternæ charitatis sollicitum, non me putet absentem sibi. Nam quomodo ei præsens spiritu non sum, cum quo est mihi cor unum, et anima una? Si quis autem susurro (quod absit!) existit inter vos, aut bilinguis, aut murmurans, aut contumax, aut impatiens disciplinæ, aut inquietus et vagus, et qui panem, otiosus comedere non erubescat, **149** huic etiam si corpore præsens essem, longe esset ab eo anima mea, eo quod ipse longe fecerit a se Deum, morum, non locorum distantia.

3. Interim, fratres, dum venio, servite Domino in timore, ut sine timore quandoque de manu inimicorum vestrorum liberati serviatis illi. Servite in spe, quoniam fidelis est in promissis: servite ex merito, quia multus in meritis est. Nam etsi cætera taceam, hoc solo certe non immerito vitam sibi vindicat nostram, quod pro ea præbuit suam. Nemo

(391) Conversi olim dicebantur, qui ex adultis conversi ad religionem, quo nomine distinguebantur a pueris oblati. Hic conversi dicuntur fratres laici seu barbati, de quibus supra in epistola 141, n. 1. In abbati electione aderant ex epistola 36, n. 2, nimirum ut olim populus cum clero in electione episcoporum. Hic ante novitiis nominati, contra in sermone 22, de Diversis, n. 2, in chorum non admissi. Bernardus eos distinguit a monachis. Tunc enim apud Cistercienses monachi proprie non dicebantur, ut probat Exordii Cisterciensis caput 15, tametsi quondam faciebant professionem. Unde

igitur sibi vivat, sed ei qui pro se mortuus est (II Cor. v, 15). Cui enim justius vivam, quam ei, qui si non moreretur, ego non viverem? cui commodius, quam pronitenti vitam æternam? cui magis ex necessitate, quam flammæ perpetuas raminanti? Sed servio voluntarie, quia charitas libertatem donat. Huc provoeco viscera mea. Servite in charitate illa quæ timorem expellit, labores non sentit, meritum non intuetur, præmium non requirit; et tamen plus omnibus urget. Nullus terror sic sollicitat, nulla præmia sic invitant, nulla justitia sic exigit. Ipsa vos mihi inseparabiliter jungat, ipsa me vobis jugiter repræsentet, horis maxime quibus oratis, charissimi et desideratissimi fratres.

#### EPISTOLA CXLIV (392).

AD EOSDEM.

*Molestiam longioris absentiae suæ a dilecta Clara-Valle, et tœnerrimum erga filios suos affectum ac desiderium exprimit. Solatium nihilominus suum in tantis pro Ecclesia laboribus indicat.*

1. Tristis est anima mea usque dum redeam, et non vult consolari usque ad vos. Quæ enim est mihi consolatio in tempore malo, et in loco peregrinationis meæ? Nonne vos in Domino? Minime quidem deserit me, quocumque iero, dulcis memoria vestri: sed quanto memoria dulcior, tanto absentia molestior. Heu mihi, quia incolatus meus non solum prolongatus est, sed et cumulatus! et revera, juxta Prophetam, *super dolorem vulnerum meorum addiderunt* (Psal. LXVIII, 27), qui me a vobis aliquando vel corpore separant. Est commune exilium ipsumque molestum satis, quod quandiu sumus in hoc corpore, peregrinamur a Domino. Huic accessit et speciale, quod pene impatientem me reddit, ut cogar vivere sine vobis. Longa molestia, et tædiosa expectatio, vanitati huic occupanti omnia tamdiu manere subiectum, sæculenti corporis horrido circumdari carcere, et mortis vinculis, funibusque peccatorum needum absolvi, et tanto tempore non esse cum Christo. Cæterum adversus hæc omnia unum mihi remedium quaecumque erat, et vere datum desuper, pro vultu videlicet gloriæ, qui absconditus est usque adhuc, videre interim templum Dei sanctum, quod estis vos. Ex hoc templo facilis mihi videbatur transitus ad illud gloriosum, ad quod Propheta suspirat, dicens: *Unam petii a Domino, hanc requiram, ut inhabitem in domo Domini omnibus diebus vitæ meæ: ut videam voluptatem Domini, et visitem templum ejus* (Psal. xxvi, 4).

Innocentius II in quodam privilegio seu in epistola hic 532. « Conversos vestros, qui monachi non sunt, post factam in vestris cœnobiis professionem, nullus archiepiscoporum, episcoporum vel abbatum sine grata vestra licentia suscipere, aut susceptum retinere præsumat. » Et in consilio Remensi sub Eugenio III, conversi professi dicuntur can. 7, et siquidem ad sæculi vota redierint, matrimonio inhabiles declarantur, uti et monachi a quibus tamen distinguuntur. De Claræ Vallis primordiis lege notas in epist. 31.

(392) Scripta anno Christi 1157.



2. Quid dicam? quoties id solatium interpolatum est mihi? Ecce hoc tertio, nisi fallor, avulsa sunt a me viscera mea (395). Parvuli ablactati sunt ante tempus : ipsos quos per Evangelium genui, non licet educare. Propria denique deserere, et aliena curare cogor : et dubito pene quid magis ægre feram, an subtrahi illis, aut intricari istis. Itane, bone Jesu, tota deficiet in dolore vita mea, et anni mei in gemitibus! Bonum mihi, Domine, magis mori quam vivere est, non tamen nisi inter fratres, inter domesticos, inter charissimos. **150** Id siquidem dulcius, humanius, tutiusque esse constat. Imo verum pium est ut in hoc remittas mihi, ut refrigerer priusquam abeam, et amplius non ero. Si placet Domino meo, ut oculi Patris qualiscumque, qui non sum dignus vocari Pater, claudantur manibus filiorum, ut extrema videant, exitum consolentur, spiritum suis desideris levent ad consortium, si dignum iudicas, beatorum, cum pauperum corporibus pauperis corpus sepeliant : hoc prorsus, si inveni gratiam in oculis tuis, precibus et meritis eorumdem fratrum meorum obtinere toto affectu desidero. Verumtamen non mea voluntas, sed tua fiat. Nec mihi vivere volo, nec mori.

3. Sed dignum est ut qui dolorem meum audistis, etiam consolationem non ignoretis, si qua est. Primum quidem omni labore et calamitate, quam patior, solum arbitror esse in causa eum cui omnia vivunt. Velim, nolim, necesse est me vivere illi, qui meam sibi propriæ vitæ positione acquisivit ; qui et potens est, si quid patimur pro ipso, recompensare nobis in illa die misericors et justus iudex. Quod si invitus militavero ei, dispensatio mihi tantum credita est, et ero servus nequam : si autem volens, gloria est mihi. In hac ergo aliquantulum consideratione respicio. Deinde quod saepe non meis meritis superna gratia honestavit me in laboribus meis, et gratia illa in me vacua non fuit, sicut in multis expertus sum, et vos ex parte non latuit. Sed et hac vice quam necessaria Ecclesie Dei sit vel fuerit præsentia parvitatibus nostræ, dicerem ad consolationem vestram, si non gloriam redoleret. Nunc autem melius est ut hoc per alios cognoscatis.

4. Instantissima postulatione imperatoris, apostolicoque mandato, necnon Ecclesie ac principum precibus flexi, dolentes et nolentes, debiles atque infirmi, et, ut verum fatear, pavidæ mortis pallidam circumferentes imaginem, trahimur in Apuliam.

A Rogate quæ ad pacem sunt Ecclesie, rogæ quæ ad salutem sunt nobis, ut iterum vos videamus, vobiscum et vivamus, et morimur : et sic vivite, ut obtineatis. Infirmus in arcto temporis, certe cum lacrymis et singulibus ista dictavi, teste charissimo fratre nostro Balduino (394), qui stylo ea exceptit : quem Ecclesia vocavit ad aliud officium et ad aliam dignitatem. Orate et pro ipso, tanquam unico solatio meo, et in quo spiritus meus plurimum requiescit. Orate pro domino papa, qui me pariter atque universitatem vestram paterno fovet affectu. Orate et pro domino cancellario (395) ; qui mihi pro matre est ; et pro ipsis qui cum eo sunt domino Luca, et domino Chrysogono, magistro Yvone (396), qui se nobis exhibent fratres uterinos. Qui mecum sunt B frater Bruno, et frater Girardus (397), salutant vos, supplicantes et ipsi pro se crari.

### EPISTOLA CXLV (398).

AD ABBATES CISTERCHII CONGREGATOS.

*Hos laborum et dolorum suorum conscios esse desiderat, excusans forte hoc pacto absentiam suam. Optat sane non peregre, sed inter suos mori.*

In multa infirmitate corporis et cordis anxietate, Deus scit, dictavi ista ad vos, homo miser, homo natus ad laborem, frater tamen vester. Utinam nunc ipsum Spiritum, in quo congregati estis, merear habere interpellatorem ad vestram unanimiitatem, qui imprimat pectoribus vestris calamitatem quam patior ; qui imaginem mei tristem ac supplicem, sicut est, fraternis affectibus representet. Non hoc oro, ut creet in vobis novam misericordiam, quia novi ego quam **151** familiaris universitati vestræ sit illa virtus : sed hoc oro, ut in intimo sentiat quod et quanto affectu oporteat misereri. Certe sum enim quia, si id datum fuerit, continuo lacrymæ de thesauro pietatis erumpunt, singultus et gemitus et suspiria hinc inde pulsabunt cœlos, et audiet Deus, et placabitur mihi, et dicet : Reddidi te fratribus tuis, non morieris inter extraneos, sed inter tuos. Tantis siquidem laboribus et doloribus affectus sum, ut sæpe tædeat me etiam vivere. Humanum autem dico propter infirmitatem nostram : desidero differri usquedum revertar ad vos ut non moriar nisi inter vos. De cætero, fratres, bonas facite vias vestras et studia vestra, quæ recta, quæ honesta, quæ salubria sunt constituentes et tenentes : ante omnia solliciti servare unitatem spiri-

(395) Hinc patet, Bernardum ter in Italiam profectum esse. Vide Chronologiam Bernardinam, infra.

(394) Balduinus, primus ex Cisterciensi familia cardinalis, creatus ab Innocentio anno 1130 in concilio Claromontano, postea archiepiscopus Pisanus, de quo in libro secundo Vitæ S. Bernardi, n. 49 : « In Tuscia Pisis natalis gloria soli, et magnam Ecclesie lumen Balduinus effulsit. » Vir tantus scribæ officium Bernardo impendere non duxit indignum, laudatus in epistola 245. Confer epistolam 201.

(395) Scilicet, Haimericus.

(396) Hi omnes cardinales : Lucas tituli sanctorum Joannis et Pauli creatus anno 1132, Chrysogonus anno 1134 tituli S. Marie de Porticu ; Yvo ex canonico regulari Sancti-Victoris Parisiensis anno 1150, tituli Sancti Laurentii in Damaso, ad quem epistola 195.

(397) Bruno multorum discipulorum in Sicilia Pater dicitur in epistola 209. Girardus videtur esse Bernardi frater. De Brunone interrum epistola 105, n. 4.

(398) Scripta circa annum 1137.

tus in vinculo pacis; et Deus pacis erit vobiscum.

### EPISTOLA CXLVI.

AD BURCHARDUM BALERNENSEM ABBATEM (399).

*Gaudet suos in eo formando labores non esse irritos: felicem tamen successum uni Deo tribuendum.*

1. Ignitum eloquium tuum vehementer, et ignitum illo igne, quem Dominus misit in terram. Legi illud, et concaluit cor meum intra me: benedixi illi fornaci, de qua huiusmodi scintillæ evolassent. Nonne cor tuum ardens erat in te, cum ista dictabas? Bonus homo de bono thesauro suo profert bona. Si laboravi in te, uti tu humiliter memoras, non me piget. Aravi in spem profecto percipiendi fructus, et spes non confundit. En de fructu operum meorum satiantur viscera mea in terra aliena: et sentio ipso meo experimento semen meum, non secus viam, non super lapides, non inter spinas, sed in terram bonam et optimam cecidisse. Et si, cum parerem, tristitiam habui, jam non memini pressuræ præ gaudio, quia natus est infans in mundo. Infans dixerim malitia, non sensu: quem posset Salvator præponere senibus imitandum, dicens, *Nisi conversi fueritis, et efficiamini sicut parvuli, non intrabitis in regnum cælorum* (Matth. xviii, 3). Infans qui dicat: *Super senes intellexi, quia mandata tua quæsi; qui dicat: Adolescentulus sum ego et contemptus, justificationes tuas non sum oblitus* (Psal. cxviii, 100, 141).

2. Confliteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Ita, Pater, quia sic placitum est ante te (Matth. xi, 25, 26). Tuo placito sunt id quod sunt, non suo merito. Nec enim invenis merita, sed prævenis. Omnes peccavimus, et egemus præveniri. Tu ergo, frater, agnosce te

(399) Balerna ordinis Cisterciensis in diocesi Vesontionensi condita anno 1156. Abbas primus Burchardus, cuius censuram habes in fine libri primi Vitæ S. Bernardi.

(400) Scripta anno Christi 1158. Istud Bernardi responsum deest in manuscriptis non paucis, in primis editis locatum post epistolam 307. Cæterum hæc epistola 147 duabus Petri epistolis respondet, quarum una est in libro secundo epistola 29, altera 57 quam hic exhibemus, ut videas, quanto amicitie fœdere sibi invicem cohaeserint sanctæ illæ animæ: de qua revide notas ad epistolam 228 epistola sic habet:

Venerabili et dilectissimo mihi domino BERNARDO Claræ-Vallis abbati, frater PETRUS humilis Cluniacensis abbas, valere semper in Domino.

Quantum reverentia, quantum amoris tibi anima mea in penetrabilibus suis conserebat novit ille, quem in te veneror et amplector. Feci, hoc, etiam dum adhuc absentia tua, vultum corporis tui mihi invidens, abscondebatur: quia jam fama velocior corpore, beatæ animæ faciem oculis mentis meæ, modo quo poterat, inferebat. At ubi, quod diu negatum fuerat, tandem accessit, et phantasmata somniorum veritate succedente evanuerunt: adhesit anima mea tuæ, nec ab amore tuo ultra divelli potuit. Ita charitas tua totum me sibi deinceps vindicavit, ita virtutes tuæ et cogniti mores rapuerunt, ut nihil mihi de me, quod

præventum, et præventum in benedictionibus dalcadinis, non a me qui nihil sum, sed ab illo qui me, ut de tua te salute monerem, aspirando prævenit. Nam ut multum mihi tribuas, plantator sum, rigator sum: absque illo tamen qui incrementum dat, quid sum? ipsi te in omni humilitate subijcias, ipsi tota devotione inhæreas. Me vero utere ejus servo, conservo tuo, comite in via, cohærede futuro in patria: si tamen studiosissime implevero ministerium ad quod tibi missus sum; idque quantum in me est effecero, ut hæc vitam capias salutis. Ad ea de quibus questus es, ita respondeo. Necessitates tuas ut meas portabo, cum venero.

### 152 EPISTOLA CXLVII

AD PETRUM ABBATEM CLUNIACENSEM (400).

*Petrus Bernardum, peregre inter varios et difficiles pro Ecclesia labores agentem, misso Gebuino archidiacono Trecenti consolatus fuerat. Ejus itaque devotolum animum suavissime recolit, et feliciorem extincto jam schismate Ecclesiæ statum prædicat.*

Domino et Patri reverendissimo PETRO Cluniacensi abbati, SUUS BERNARDUS, quod suus.

1. Visitet te Oriens ex alto, o bone vir, quia visitasti me in terra aliena, et in loco peregrinationis meæ consolatus es me. Bene fecisti, intelligens super egenum et pauperem. Absens eram, et absens etiam longo tempore; et recordatus es nominis mei, homo magnus, occupatus in magnis. Benedictus sanctus angelus tuus, qui pio pectori tuo id suggessit: benedictus Deus noster, qui persuasit. En teneo, unde glorior apud extraneos, litteras tuas, et illas litteras in quibus tuam mihi animam effudisti. Glorior quod habeam me non modo in memoria, sed et in gratia. Glorior privilegio amoris tui, refectus sum de abundantia suavitatis pectoris tui. Non solum autem, sed et glorior in tribulationibus, si quas dignus habitus sum pro Ecclesia pati. Hæc

tuum non esset, relinquerent; nihil tibi de te non meum esse permitterent. Mansit in me constanter ex illo tempore, et utinam sic in te maneat Christi causa cepta! mutua charitas, quæ sola, quia nunquam ex-cidere novit, morem suum, quantum ad me pertinet, in me optime conservavit. Cumque hanc omni auro chariorem, omni gemma clariorem, in sinu meo reposuerim, in thesauris absconderim, miror quod tanto tempore, non qualia vellem indicia, hujus a te mihi custodiæ charitatis occeperim. Ago quidem gratias, quod sæpe per quoslibet salutationibus missis, non penitus te amici oblitum signasti. Sed queror, quod certiora per litteras indicia hactenus non dedisti. Certiora dixi, quia nescit charta impressum mutare sermonem: cum loquentium lingua, addendo, vel demendo, injunctum mutet sæpius veritatem. Unde, quia ut electus præliator, paratus in diem belli, pro Ecclesiæ Dei periculis, dextra et laeva uteris, et per arma justitia a dextris et a sinistris contendis; nuntios meos, quos domno papæ dirigo, ex parte amicitia tuæ secure committo: quoniam qui alienorum causis assistis, tuorum negotiis deesse non poteris. Per quos, ut querela mea sopiatur, esse tuum, ac reditum, et statum domni papæ non solum legatis meis, sed et litteris tuis committo. Utinam et te a curia laboriosa, et me a cura periculosa expeditum, ut servper optavi, nunquam mutandum unus locus retineret, una charitas uniret, unus Christus susciperet!

plane gloria mea et exaltans caput meum, Ecclesie A triumphus. Nam si socii fuimus laboris, erimus et consolationis. Collaborandum fuit et compatiendum matri, ne et de nobis quereretur dicens: *Qui juxta me erant, de longe steterunt, et vim faciebant qui quærebant animam meam* (Psal. xxxvii, 12, 13).

2. Deo autem gratias, qui dedit ei victoriam, honestavit eam in laboribus, et complexit labores illius. Tristitia nostra in gaudium, et luctus noster in citharam versus est. Hiems transiit, imber abiit et recessit, flores apparuerunt in terra nostra, tempus putationis advenit, amputatum est sarmentum inutile, putre membrum. Ille, ille iniquus qui peccare fecit Israel, morte absorptus est (401), et tractus in ventrem inferi. Fecerat quippe, secundum prophetam, pactum cum morte, et cum inferno fœdus inierat (Isa. xxviii, 15): ideoque, juxta Ezechielem, factus est perditio, et non subsistit in æternum. Alius quoque omnium sicut maximus, ita et pessimus inimicus, abscissus nihilominus est (402). Et is erat unus ex amicis Ecclesiarum, sed illis, de quibus solet queri, et dicere: *Amici mei et proximi mei adversum me appropinquaverunt et steterunt* (Psal. xxxvii, 12). Si qui restant, cito speramus de similibus idem judicium. Prope est ut revertar ad fratres meos, si vita comes fuerit, per vos, sicut intendo, transiturus. Interim commendo me sanctis orationibus vestris. Salutamus fratrem Hugonem Camerarium, et omnes qui circa vos sunt, cum reliqua sancta multitudine.

#### EPISTOLA CXLVIII (405).

AD EUMDEM.

*Paucis Petro respondet, plura in aliam occasionem reservans.*

Domino PETRO abbati Cluniacensi, BERNARDUS, humile dilectionis obsequium.

Lectis litteris vestris, lætatus sum in eis quod tantillum videlicet tantus in benedictionibus dulcedinis prævenire curastis. Cæterum videndi nos invicem, et colloquendi pariter, quoniam dignum judicatis, quando se offeret illa opportunitas, quando conveniens locus, quando justa occasio? Hæc interim 153 paucis vestris pauca reddidimus, ampliora libenter donaturi, cum ea vobis onerosa non fore cognoverimus. Alioquin quando D

(401) Antipapa Anacletus, mortuus anno 1138. Mortis genus describit Ernaldus, in libro secundo de Vita S. Bernardi, cap. 7; Ordericus, pag. 915, Anacletum subita morte decessisse tradit. Victor ab æmulis Innocentii subrogatus, ex Vita Bernardi.

(402) Videtur is esse Gerardus episcopus Engolismensis, mortuus anno 1156, ex notis ad epistolam 126. De ejus morte Ordericus, pag. 908, ubi eum eruditissimum vocat, et virum et magni nominis et potestatis in Romano senatu, tempore Paschalis pape et Gelasii, Calixti et Honorii.)

(405) Scripta circa annum 1158.

(404) Scripta anno Christi 1158.

(405) Monasterium Sancti Bertini apud Audomaropolim, aliis Sithiense, cum ad extremam moriam devenisset, a Lamberto abbate Hugoni abbati Cluniacensi commissum, anno 1101, ita demum

hoc ipsum auderet nostra pusillitas, nisi daret ad dignitatem accessum vestræ dignationis humilitas?

#### EPISTOLA CXLIX (401).

AD EUMDEM.

*Monet ut a monasterio Sancti Bertini tam operose sibi vindicando desistat.*

Quam nolim fieri quod vestræ putem obviare Reverentiæ, credo sinceritatem vestram non latere. Ea fiducia suggerere vobis non dubito, quod suggerendum videtur. De monasterio Sancti-Bertini (405) vellem vos moderatius agere, quam cœpistis. Nam etsi hoc vobis in pace subjicere, et absque omni contradictione possetis, ne tunc quid vestra referre quidem video. Neque enim crediderim vos delectari honore, cum tanto onere. Nunc vero cum nec absque magno labore vindicare vobis, præfatum monasterium, nec in pace, ut aiunt, queatis possidere: honesta vobis, ut mihi videtur, præbatur quiescendi occasio, timor inquietandi.

#### EPISTOLA CL (406).

AD DOMINUM PAPAM INNOCENTIUM.

*Laudat pontificem ex variis recte factis, ejusque zelum excitat adversus ambitionem Philippi, qui modis illegitimis sedem Turonensem invadere tentabat.*

1. Sanitas capitis redundet in membra. Unguentum quod descendit in barbam de capite, extrema quoque simbria vestimenti participet. Si percusso pastore diffugerant oves, valente et incolumi secure revertantur ad pastum. Quod dicimus hoc est. De gloriæ vestræ crebris successibus creber nuntius lætificat civitatem Dei. Justum proinde est ut vestra prosperatio Ecclesie roboratio sit: et cum exultat Deus electum de plebe sua, ipsa quoque se sentiat exaltari, ac de roboris incremento fortiores agnoscat. Nam si compassa est, et conregnare debet. Sic dignum vobis, sic nobis necessarium. Quid enim? si in timore et angustia æquitatis vigor non languit, non tepuit fervor, modo cedimus cum appropinquamus ad palmam? quæ eminuit in infirmitate, in sublimitate virtus succumbet?

2. Quam nempe in manu valida ordinatum est

refloruit tum facultatibus, tum religione, tum etiam numero monachorum, ut cum ibi vix duodecim antea monachi vivere possent, ibidem accrevit numerus ad centum et quinquaginta, ex quibus multa Belgii et Franciæ monasteria regularem disciplinam receperunt, teste Hermannō monacho in Spicilegio tomo 12, pag. 445, cui Iperius consentit. Hugone Cluniacensi abbate mortuo, jugum excussere Sithienses, qui abbatem suum, inconsultis Cluniacensibus, in litem vocarunt. Lis eo usque perducta est, ut duos jam abbates, Joannem videlicet ac Simonem, deiecisset Innocentius II, agens Petro Venerabili, qui tandem urgente, Bernardo, juresuo cessit, et Bertinenses sui juresse permisit. Vide notas ad Apologiam, tomo II.

(406) Scripta anno Christi 1155.



nobile illud monasterium Virziliacense (407)? Nec insanis profecto tumultibus armatæ plebis, nec effreni furentium atque obstrepentium vesaniæ monachorum, nec, quod his fortius fuit, copiis mammonæ cedendum putavit vel ad modicum apostolica celsitudo. Quid apud Sanctum Benedictum (408)? numquid regia indignatio prohibere potuit spiritum libertatis, accensum atque accinctum adversus carnem et sanguinem? Sic Sancti Memmii (409), sic Sancti Satyri (410), miro modo

A ecclesiæ immutatae sunt, et de synagoga Satanæ restituta sunt in sanctuarium Dei, vellent, nollent omnes iniqua agentes supervacue. Sed nec Leodii cervicibus imminens mucro barbaricus compulit acquiescere importunis improbisque 154 postulationibus iracundi atque irascens regis (411). Quis vero dignis efferat laudibus, quod novissime diebus istis de manu potentis, eminus licet, emissum est in turbatores Ecclesiæ Aurelianensis (412)? Revera nunc sagitta Jonathæ non abiit retrorsum (II Reg.

(407) Alias, *Vezeliacense*, diocesis *Æduensis*, a Gerardo comite Nivernensi et Bertha ejus uxore constructum circa annum 821, in gratiam monachorum, quibus monachi substituti, iisque demum canonici sæculares anno 1557. Hujus monasterii reformationem, agente Henrico Burgundia duce, Guillelmus Sancti-Mayoli abbas Cluniacensis discipulus, primo quidem instituit; deinde vero S. Hugo itidem Cluniacensis abbas jam collabentem disciplinam iterum restauravit. Ex qua Paschalis II auctoritate factum est, ut Cluniacensi abbati anno 1105 omnino subiceretur. Vide Duchenum in notis ad Bibliothecam Cluniacensem. At monachi Vezeliacenses Cluniacensium jugum paulatim detrectantes, rursus ab Innocentio II eisdem subesse compelluntur. Qua de re Vezeliacensis historicus, ita loquitur: « Hanc siquidem libertatem cum per trecentos fere annos ab ipso suæ fundationis principio Vezeliacensis Ecclesia quiete et absque calumnia obtinisset, tamque de suis quam de aliorum fratribus monasteriorum sibi Patres indifferenter præfecisset, Cluniacensis longe post exorti per subreptionem sibi vindicare nisi sunt, assensum quidem primum, deinde vero jus electionis sibi arrogantes, mentientes utique a Paschali traditam sibi curam ordinis Ecclesiæ Vezeliacensis. Ob quam prorsus causam eadem Ecclesia sub Innocentio II papa grave scandalum pertulit, reclamando libertatem ingentiam, dum per violentiam ejusdem Innocentii et comitis Nivernensis, intruso a Cluniacensibus quodam Alberico, fere omnes sæpe fati monasterii fratres vinculis colligati » etc. Spicilegii Acheriani tom. III.

(408) Intellige Sanctum Benedictum super Padum, Padolironense appellatum, de quo idem constitutum a Gregorio VII et Calixto II ac de Vezeliacensi, nempe ut in illo sine Cluniacensis abbatis consilio, provisione et præcepto, abbas nullatenus eligeretur, aut electus sine commendatiis ejus literis a quoquam episcopo benediceretur. Cum autem secus actitari cœptum esset, Innocentius petente Petro Venerabili litteris suis mandavit (quem admodum ex Bulla Clementis III data anno 1187 colligere est. Biblioth. Cluniac. col. 2452) ut Guillelmus abbas, Cluniacensis inconsultis, electus et ordinatus, eisdem sese repræsentaret, et obedientiam reverentiamque exhiberet.

(409) S. Memmius ex celebri olim apud Romanos Memmiorum familia oriundus, in Galliam a B. Petro Apostolo directus est, et Catalaunorum primus episcopus extitit. In ejus honorem apud eandem urbem condita est insignis, canonicorum ecclesia, quæ institutum canonicorum regularium ordinis S. Augustini suscepit auctoritate Innocentii II.

(410) Mathildis uxor Gofredi Bulloniensis (aut Boloniensis), civitate Boloniensi, quæ est secus mare Anglicum sita inquit Guillelmus Tyrensis, libro 9, cap. 5), primique recuperatæ Jerosolymæ regis, impetravit a Paschali summo Pontifice corpus B. Satyri martyris, cujus agitur solemnitas Nonis Martii, eique posuit in diocesi Bituricensi sæcularium canonicorum collegium: qui intra pau-

cos annos (tam faciles et proclives ad deteriora sumus!) ad vitam adeo sæcularem et immoderatam degenerarunt, ut Innocentius jussisset eos exponi, reponique B. Augustini canonicos, quod Memoirale historiarum sic insinuat: « Anno 1158, clarebat ordo canonicus Sancti-Victoris Parisiensis, celebrisque per orbem fama habebatur propter insignes personas, moribus et scientiis ornatas: quas in diversis mundi Ecclesiis sparsit, velut vitis fecunda palmites proferens transplantandos. Hoc enim tempore fuerant ibidem accepti canonici professi prælati in Ecclesia Romana duo cardinales, dominus Hugo, episcopus Tuscanensis, et magister Ivo; abbates quoque novem. In ecclesia Sancti-Satyri Bituricensis abbas Radulfus, » et cætera. His subscribit Necrologium Sancti-Victoris Parisiensis, in quo ad quintum Idus Februarii legitur: « Obiit dominus Andreas abbas Sancti-Satyri, et noster canonicus. » Stephanus ex abbate Sanctæ-Genovefæ Parisiensis, episcopus Tornacensis, in epistola ad Lucium III papam (quæ incipit. *Movetur usque*, etc.), commendat ejusdem cœnobii gravem constantemque disciplinam. Adde quod in libello taxationis episcopatum et beneficiorum Franciæ isthæc abbatia sub ordine S. Augustini recensita sit.

(411) — Id potissime videtur intelligendum de investituris ecclesiarum ab imperatore Lothario repetitis, etab Innocentio denegatis. « Eo quoque tempore, » inquit abbas Ursperg. ipse Papa adiit imperatorem Lotharium, petens ab eo favorem contra Petrum Leonis, et suos fautores, » Sane Imperator usus consilio super hujusmodi responso, cepit a papa repetere investituras episcopatum, quas multo tempore imperatores ante se habuerant. Ideoque apostolicus non modicum esse turbatus, et de adventu suo contristatus; de reditu quoque anxius effectus. Nam petitionem principis exaudire non poterat super tali articulo, pro quo Ecclesia tot mala sustinuerat. Interveniens tamen consilio et orationibus S. Bernardi, securus recessit ab imperatore. Otto Frisingensis quidem libro 7, cap. 18, idem sed mitius denarrat.

(412) Quinam isti fuerint discimus ex nonnullis epistolis, quas noster Acherius Spicilegii tom. III, pag. 153 sqq. inseruit. Et primo quidem ex epistola Archembaldi Ecclesiæ Aurelianensis subdecani ad Henricum Senonensem archiepiscopum, advertimus hujus perturbationis incentorem fuisse Joannem quemdam Aurelianensem (is postea eundem Archembaldum necari præcepit: vide epistolam 161), in archidiaconi dignitatem intrusum, cui cum Archembaldus alii que clerici sese opponerent, graves injurias, honorumque fere omnium detrimenta tum ab ipso Joanne, tum ab ejus fautoribus Bartholomæo Capicerio, Zacharia Pagano archidiacono, Jacobo Sancti-Aniani subdiacono, etc. passi sunt. Unde in fine sic rogat, « quatenus de malefactoribus suis plenariam sibi justitiam faciat » Henricus archiepiscopus (ad quem vacante sede Aurelianensi confugerant), « et Ecclesias quæ sanguinis effusione et sacrilegiis multis polluta erat, cessare seu interdicti juberet, et hanc injuriam, quæ in dominum papam redundabat,

1, 22), et hasta ejus non est aversa. In quo tamen verbo rex quidem turbatus est: sed non omnis Jerosolyma cum illo. Magis autem mitigavit omnem iram suam et ipse tandem. Erubuit siquidem, et timuit armari frustra adversus Dominum, et adversus Christum ejus. Hinc prorsus elevata est magnificentia tua super cœlos: tantum ut laudabile principium condigno exitu perornetur (415). Quod quidem universi qui vos amant, vehementer expectant: idque flagitant maturari.

3. Sane simili zelo, et in manu æque potenti, Ecclesiæ Turonensi jamjamque subvenire necesse est. Alioquin prope interitum est et ipsa, nisi cito feratis auxilium. Revivit, ut aiunt, Gisleberti spiritus (414) in Philippo, ipsius plane et nepote carnis, et hærede ambitionis. Quanta nempe dominandi cupiditate et iste juvenis inardescat, indicat matris suæ Ecclesiæ diuturnus et miserabilis cruciatus, quo pene eam eviscerat miser, ut se parturiat in honorem. Est tamen auctore Deo ejus tergiversationibus finis tandem impositus: si tamen, quod dictante justitia, et compellente malitia, et pace provocante in eum actum est, apostolicæ auctoritati ratum habere placuerit. Absit autem ut confundat fideles suos benigna majestas, quibus idem negotium dignum duxit committere terminandum! Absit, absit ut sæva ambitio refugium habeat apud innocentie defensorem! Ille ipsum quantæ audaciæ est quod tentat, quantæ dementiæ quod sperat! Semel et secundo jam apostolici contemptor mandati, justitiam subterfugit: et nunc impudentiori temeritate audet denuo nihilominus tantæ æquitatis vultibus præsentari! Cui obscurum est quam impie cogitet in mammonæ viribus turrim fortitudinis oppugnare, homo qui de justitia penitus non præsumit! Sed securi sumus: siquidem qui

tentatur, Innocentius est, et filius iniquitatis non apponet nocere ei.

4. De cætero memoriam abundantie suavitatis tuæ, dulcissime Pater, dum suspiramus præsentiam, dulciter invicem eructamus: quia caremus illa, in ista consolamur. Hæc sedula cordibus, hæc oribus frequens, sal est in omni sermone, aures mulet, dulcorat ora, corda recreat et inflamat: celebrissima est in conventibus sanctorum, colloquia condit, impinguat preces, ad orandum sollicitat. Oramus et nunc solliciti pro vobis et vestris, ut æterna memoria dignos vos ipsa æternitas habeat, cui et pro qua temporaliter laboratis. Amen.

#### EPISTOLA CLI.

AD PHILIPPUM TURONENSIS ECCLESIE INVASOREM (415).  
Gravem animi sui dolorem exprimit super Philippo, Turonensis Ecclesiæ præsulatum indebitis modis ambiente.

Doleo super te, Philippe charissime: sed queso te ne rideas dolorem meum; nam si tibi minime videris forsitan esse dolendus, ideo magis dolendus. Tu videris quid de te sentias: ego te arbitror omni lacrymarum 155 fonte plangendum. Dolor meus non est dignus subsannatione, sed compassione: quia dolor meus non est de carne et sanguine; non de amissione rerum periturarum, sed de te, o Philippe! Non potui expressius demonstrare magnitudinem causæ doloris: Philippus est in causa. Cum hoc dico, gravem Ecclesiæ pronuntio luctum, quæ te aliquando suo gremio confovebat, germinantem sicut lilium, florentem donis cœlestibus [al. florentem donis innumeris]. Quis tunc temporis non clamabat, bonæ spei juvenem, bonæ indolis adolescentem? Sed heu! mutatus est color optimus (Thren. iv, 1). A quanta spe decidit Francia quæ te genuit et nutrit! O si cognovisses et tu! (Luc.

ulcisci non differret. » Exstat ibidem alia ejusdem argumenti epistola a Gaufrido episcopo Carnotensi ad prædictum Henricum transmissa. Et fortasse Joannes ille intrusus suam dignitatem Regis auctoritate vindicabat. Sed tandem Innocentius papa arrepta oppressorum tutela, nunc dicto Gaufrido Carnotensi apostolicæ sedis legato istius causæ curam et patrocinium demandavit, et reos ad satisfaciendum coegit.

(415) Hic quidam editi interponunt duos versus contra fidem manusccriptorum.

(414) Gislebertus seu Gilbertus decessor Hildeberti, qui anno 1125 ex cathedra Cenomannensi in Turonicam translatus est, eamque tenuit annis sex cum totidem mensibus, ut ad epistolam 122 notavimus. Eo mortuo Philippus Gisleberti nepos malis artibus sedem invadens favente Anacleto, huic epistolæ occasionem dedit, et sequenti, quæ prior scripta est. Philippo cedere coacto, Hugo canonice suffixus. Lege Analectorum tomum III, pag. 358.

(415) Scripta est hæc epistola anno 1153. Alias inscribitur, Ad Philippum Turonensis Ecclesiæ electum. — Anno 1157, Hildeberto Ecclesiæ Turonensis pontifice mortuo, canonici ejusdem Ecclesiæ violentia Goffridi comitis propriis sedibus sunt expulsi. Cum vero pontificem canonice deberent eligere, in partes divisi sunt. Quidam enim illorum, contra sanctorum scita canonum, quemdam Philippum, Gil-

berti ante Hildebertum in eadem sede ambitiosi episcopi nepotem, aliis reclamantibus elegerunt. Philippus confestim Anacleto pseudopontificem adiit, ut ab eo confirmaretur et ordinaretur; moxque Turonos reversus est. Interim Hugo, vir prudens et nobilis, a saniori parte eorumdem clericorum canonice eligitur, et in Cenomannensi Ecclesia a Guidone et com provincialibus episcopis consecratur: quo Philippus cognito, secum ornamenta Ecclesiæ deferens, furtim aufugit. » Hæc ex Actis episcoporum Cenomannensium editis in tomo tertio Analectorum. Cum hæc agerentur, Bernardus, qui tunc Viterbii morabatur, has litteras scripsit ad Philippum; qui aliquanto remissior factus, Anacleto mortuo deinceps, Turonensem Ecclesiam ambitu suo exagitat: contra quem Vir sanctus anno sequente 1158, ad Innocentium scripsit epistolam præcedentem. Cæterum sub Hugone archiepiscopo, qui tandem Philippum evicit, id contigit quod Innocentius III commemorat in libri III epistola 79: « Adjecit etiam pars Dolensis, quod processu temporis bonæ memoriæ Eugenius papa, prædecessor noster, felicis recordationis Bernardum Clare-Vallensem abbatem ad sopiendam inter easdem Ecclesias controversiam destinavit, cujus statutum servare noluit Ecclesia Turonensis. » Hæc longe post initium epistolæ ab Innocentio III scriptæ in causa Turonensis Ecclesiæ adversus metropolim Dolensem.

xix, 42.) Tu, inquam, si apponeres scientiam, apponeres et dolore (Eccl. i, 18), et dolor tuus faceret ne noster omnium esset infructuosus. Procederem si sequer spiritum meum: sed nolo proferre plurima in incertum, et esse quasi aerem verberans (I Cor. ix, 26). Sed hæc scripsi, ut nostrum utrumque erga te affectum cognosceres, et ut nos scires esse in proximo, si forte Deus inspiraret tibi nostrum curare colloquium, et optatam nobis tui velles exhibere præsentiam. Sumus enim Viterbii (416), et te morari in Urbe audivimus. Dignare rescribere nobis quidquid illud sit quod de his litteris nostris corde conceperis, ut sciamus quid faciendum sit nobis, plus videlicet minusve dolendum. Quod si omnia contemnitis, et in nullo nos audis, ego quidem fructum non perdam litterarum, quæ ex charitate procedunt; sed tu de contemptu ante tribunal terrificum respondebis.

#### EPISTOLA CLII (417).

AD DOMINUM PAPAM INNOCENTIUM, PRO TRECENTI EPI-  
SCOPO.

*Insolentiam clericorum nutrir ignavia episcoporum: Trecentem vero ob clericos correptos gravari.*

Insolentia clericorum, cujus mater est negligentia episcoporum, ubique terrarum turbat et molestat Ecclesiam. Dant episcopi sanctum canibus, et margaritam porcis: et illi conversi conculcant eos. Merito quales foveant, tales et sustinent. Quos dilant Ecclesie bonis, non corrigunt eorum mala, malosque gravati portant. Alienis nimirum laboribus locupletantur clerici, comedunt fructum terræ absque pecunia: et prodiit quasi ex adipe iniquitas eorum. Quos proprie hodieque respicit vetus illa scriptura: *Sedit populus manducare et bibere, et surrexerunt ludere (Exod. xxxii, 6).* Mens quippe assueta deliciis, nec exulta disciplinæ sarculo, multas contrahit sordes. Porro inveteratam rubiginem si tentes abraderere, nec summis saltem digitis contingi patientur; sed, sicut scriptum est, *Incrassatus est dilectus, et recalcitravit (Deut. xxxii, 15).* Insurrexerunt testes iniqui, homines quos delectat vitam semper alienam rodere, negligere suam. Supplicat puer vester pro eo cujus in hac discordia, si non fallor, tota culpa est quod culpas redarguerit clericorum. Hæc pro episcopo (418). In reliquo pro

me satisfacio. Scripta dignationis vestre, quibus me venire ad vos, cum jubere possetis, rogare dignantissime maluistis, norit Paternitas vestra ad me ante Nativitatem beatæ Mariæ minime pervenisse. Itaque non dico, *Juga boum emi quinque*; aut, *Villam emi*; aut, *Uxorem duxi (Luc. xiv, 18-20)*: sed plane (quod et vos non ignoratis) parvulos lactare me fateor; et ideo quomodo sine gravi scandalo ac periculo ipsorum venire possim, non video.

#### 156 EPISTOLA CLIII.

AD BERNARDUM DE PORTIS (419), DE ORDINE CARTHUSIENSI.

*Petenti expositionem in Cantica Salomonis, præterditi tenuitatem suam, tanto scilicet operi, et aliorum exspectationi imparem.*

1. Petis instanter, et ego constanter abnuo, sed parcens mihi, non te spernens. O utinam tuo studio ingenioque dignum aliquid elaborare possem! Lumen oculorum meorum, et ipsam quoque animam, si fieri posset, pariter tibi, amice charissime, et in Christi visceribus mihi potissimum in omni plenitudine dilectionis spiritualiter [*al. specialiter*] amplectende frater. Cæterum ubi ingenium, aut quando otium mihi sufficiens ad id quod petis? Neque enim leve quid aut vile, et quod nos possumus, postulare videris. Minime quippe pro minimis sic instares. Nam voluntatem tuam et curam in hoc satis produunt crebræ epistolæ tuæ, et vehementior spiritus eas animans. Nimirum proinde quanto id curiosius velle te sentio, tanto, crede mihi, scrupulosius acquiesco. Cur hoc? Ne magna videlicet exspectanti, ridiculum producam niuem. Hoc vereor, et hæc causa cunctationis imæ. Et quid mirum si vereor dare, quod edere verecundor? Invitus, fateor, præbeo, quod me existimem non tam edere profuturum, quam prodere contemnendum. Quis sane dare velit, quod dedisse dedeceat, accepisse non prosit? Libens de, invitatus perdo. Scimus quoniam speranti grandia, modica minus grata venire solent. Quod autem non venit gratum, perditum est, non datum.

2. Tibi studii est, utpote otioso et vacanti, undecumque perquirere incentiva igni quo ardes, ut ardeas magis, et impleas voluntatem Domini tui dicentis: *Et quid volo nisi ut ardeat? (Luc. xii, 49.)* Laudo; sed si illic ea quæras, ubi te frustratum postmodum non queraris. Erras si apud nos quæris.

(416) Ergo tum Bernardus Viterbii in Etruria versabatur, et quidem anno 1153, quo in Germaniam ad Lotharium ab Innocentio missus est: quo ex loco præcedens ad Innocentium epistola scripta videtur. De alia apud Viterbium ejus mora vide sermonem 2 in Cantica, n. 14.

(417) Scripta circa annum 1155.

(418) Nimirum Trecenti, nomine Attone.

(419) Scripta anno Christi 1155. In codice Cisterciensi hæc observatio legitur: « Sciendum est duos existisse Bernardos in domo Portarum, unum Priorem, alterum sub priore, qui et postea cardinalis fuit. Prior ex monacho Ambrosiacensi, Carthusie Portarum originem dedit anno 1115, de quo in Necrologio: « Pridie Idus Februarii obiit Bernardus primus prior Portarum 1152. » Longe ante

id tempus regimen abdicaverat, successorem sortitus alterum Bernardum iidem Portarum priorem, post abdicatum Bellicensem episcopatum, ut censet Petrus Franciscus Chiffelietus in Prefatione ad Manuale solitariorum, qui huic Bernardo secundo hanc et sequentem epistolam directam putat: additque tertium per id tempus Bernardum post beatum Nanthelmum ejusdem loci priorem, postea episcopum Diensem. Certe Bernardum, cui hæc epistola cum sequente inscripta est, priorem non fuisse anno 1155, quo hæc epistola exarata est, constat ex n. 2, ubi Bernardus dominum Priorem salutatur, hoc est Bernardum primum incolas ac priorem portarum, qui locus est in Bagesio diocesis Lugdunensis, prope Rhodanum, tribus leucis a Bellicio urbe episcopali. Confer epistolam 250.



Ego potius illa abs te mendicare debuerim. Scio **A** quidem dare quam accipere beatus esse (*Act. xxii, 39*); sed si detur quod danti honestum, accipienti utile sit: quale utique penes me quidquam esse penitus nescio. Quod autem habeo, vereor si in medium venerit, ne te quoque optasse illud pudeat, pœniteat postulasse. Sed quid? non melius nos apud te tu ipse excusabis? Tui tibi certe fidei oculi faciant. Cedo importunitati tuæ ut vel exhibitio tollat suspicionem. Res est cum amico. Non parco jam verecundiæ: prorsus dum fiat quod tu vis, insipientiæ meæ non memorabor. Sermones paucos in principio Canticorum Salomonis, recens dictatos, en facio transcribi: et tibi, cum necdum ediderim, quam citius mitto. In quo opere cum accepero tempus, Christo imperante curis, tentabo procedere: si tamen me inde confortes. Domuum et Patrem nostrum priorem vestrum, cum cæteris fratribus, per te devote saluto, et propitios habere apud Deum corde humili supplico.

## EPISTOLA CLIV (420).

AD EUMDEN.

*Non licuisse per negotia stare promissioni de inviscendis Chartusiensibus. Mitti petitos sermones in Cantica.*

Dissimulare non valeo tristitiam cordis mei, nec patior ultra latere te cruciatum quem patior, Bernarde charissime. Memor antiquæ meæ promissionis, **157** propositum habui et desiderium magnum transire per vos, revisere quos diligit anima mea itineri meo solatium, laboribus levamen, peccatis remedium postulare: et culpis meis exigentibus factum est, non ut nollem, sed ut non possem. Pœnam siquidem hoc agnosco culpæ, non culpam. Certus sis, homo Dei, minime prorsus amici fuisse incuriam, non pigritiam, non negligentiam: sed causam obstitisse plane non negligendam, et causam Dei. Nihilominus tamen vermis iste continue rodit me, et dolor meus in conspectu meo semper. Et quidem alias satis tribulor: sed, ut verum fatear, in nullo æque. Vincit labores itineris, caloris incommodum, curarum anxietates. Ecce aperui vulnus amico: tua, frater, interest compati mihi, hoc est, portare mecum quod patior, ut relever ego. Tuas et per te sanctorum, cum quibus es, orationes supplex flagito. Sermones super principia Canticorum, quos tu petisti, et ego promisera, transmitto tibi: quibus lectis peto, ut quam citius opportune poteris, tuo rescripto moneamur vel ad procedendum, vel ad supersedendum.

(420) Scripta circa annum 1136.

(421) Scripta circa annum 1135.

(422) Forte in Ecclesia Papiensi, quæ per id tempus n. ortuo Petro vacabat. Non obtinuit hæc electio, sed prævaluit S. Bernardi consilium, electo Bernardo Portarum in episcopum Bellicensem, ex dietis, cui dignitati jam cesserat anno 1147, tum Portarum prior ex charta authentica apud Chiffletium.

(423) Scripta anno Christi 1135 vel sequente:

## EPISTOLA CLV (421).

AD DOMINUM PAPAM INNOCENTIUM, PRO EODEM QUANTO ELECTUS EST (422).

*Bernardum de Portis, in Lombardia destinatum episcopum, dignum quidem eo honore, sed tali loco minus idoneum; ideoque alteri convenientius reservandum.*

Dilectum Deo et hominibus Bernardum de Portis, Pater venerande, vocatione vestra cogi ad opus et onus episcopale audivimus. Probabilis res, ac digna plane vestro apostolatu, ponere in lumine lumen absconditum; ne sibi soli vivat, qui et alios ad vitam trahere possit. Usquequo namque latet et ardet tantummodo, qui et lucere valet? Levetur, si placet, super candelabrum, ut sit lucerna ardens et lucens: sed sane ubi non prævaleat vis ventorum, ne forte (quod absit!) extinguatur. Siquidem insolentia Lombardorum et inquietudo eorum cui non est nota? aut cui magis quam vobis? Nobis melius notis, quam sit ille episcopatus dissipatus, quamque domus exasperans. Quid putamus esse facturum juvenem, viribus corporis fractum, et quieti eremi assuetum, in populo barbaro, tumultuoso, procelloso? Quando poterit convenire tantæ sanctitati, et tantæ perversitati; tantæ simplicitati, et tantæ do-  
**B** lositati? Reservetur, si placet, congruentiori loco, atque alteri populo: cui sic præsiti, ut prosit; et festinatione non pereat fructus, quem poterit dare in tempore suo.

## EPISTOLA CLVI (423).

AD EUMDEN, PRO CLERICIS AURELIANENSIBUS.

Usquequo misera illa Aurelianensis Ecclesia incassum viscera pulsat patris orphanorum, et iudicis viduarum? Quippe jacet jam olim in pulvere virgo nobilis Israel, non solum viduata viro (424), sed et charis orbata pignoribus. Proh dolor! non est qui sublevet eam. Quousque et filios non dimittitis cum matre misera clamantes post vos? illos dico, qui, amissis rebus et domibus, capitibus suis refugium solum invenere diffugium. Quid tardat intrepida manus, nullis hactenus vel negata oppressis, vel remissa præsumptoribus? Quid tardat, inquam, afflictos eripere de manu fortium, et reddere retributionem superbis? Et si tardat **158**, non derelinquat usquequaque. Oportet magis dilatum auxilium tandem venire validius, et subvenire perfectius. Illa sit, si placet, molestæ tarditatis recompensatio, ut et qui apostolica patientia superbe abusi sunt, nihil inde in fine lucentur: et qui in verbo vestro patienter passi sunt, minime eos suæ quandoque pigeat patientiæ.

(424) Scilicet post Joannis episcopi obitum, qui contigit anno 1135, vacavit sedes quatuor annis, ex Carolo Saussayo in Annalibus Aurelianensibus: cum Hugo decanus, qui electus fuerat, ex curia Regis rediens, a temerariis hominibus in via percussus est, teste Orderico Vitali ad annum 1134. Hæc vero epistola scripta est a Bernardo, uti et sequens, ante Romanam ejus tertiam professionem anni 1137.

## EPISTOLA CLVII (425).

AD HAIMERICUM, PRO EISDEM.

Speciali amico suo HAIMERICO, Dei gratia diacono cardinali, et apostolicæ Sedis cancellario, frater BERNARDUS de Clara-Valle, luce sapientiæ et virtutis claroscere.

Nisi quia vestram novi et circa afflictos compassionem, et contra profervos indignationem, opportune, importune instarem vobis pro magistro Wilhelmo Maudunensi (426) et sociis ejus; compellarem vos adversus oppressores et calumniatores eorum. Nunc autem sufficiat memorasse: vestrum est opere probare cito quod revera sufficiat.

## EPISTOLA CLVIII (427).

AD DOMINUM PAPAM INNOCENTIUM, SUPER INTERFECTIONE MAGISTRI THOMÆ PRIORIS S. VICTORIS PARISIENSIS (428).

Amantissimo patri et domino INNOCENTIO summo Pontifici, BERNARDUS Clara-Valis abbas indignus, minimum id quod est, et quod potest in Domino.

1. Fera pessima quæ devoravit Joseph, canum nostrorum importunitatem non ferens, ad vestræ dicitur defensionis auxilium confugisse. In quantam misera devenit amentiam, ut vaga et profuga et tremens super terram, illuc potissimum fugam inierit, ubi plus timere oportuit? Sceleratissime, tu

(425) Scripta anno Christi 1135.

(426) Maudunum seu Magdunum, oppidum est infra Aurelianos ad Ligerim ubi ecclesia Sancti-Lifardi collegiata, et ædes episcopi Aurelianensis.

(427) Scripta anno Christi 1135.

(428) Ob nefariam eadem Thomæ prioris Sancti-Victoris Parisiensis pontificem serio hæc epistola interpellat, ut in sacrilegos debitam justitiæ censuram et ultionem exserat. Occasionem cædis Bernardus hic insinuat. Nempe, quod Thomas zelo disciplinæ ecclesiasticæ cupiditati ejus et iniquis exactionibus, quibus archidiaconus Parisiensis clericos premebat, obstitere. Hinc odio inflammatus archidiaconus vindictam animo coquebat, donec tandem nepotes ejus, seu ira et odii participes, quod causam cognati suam putarent, seu ab eo ad facinus ducti et inducti, Thomam in itinere, et quidem in comitatu episcopi aggressi sunt. Stephanus episcopus Parisiensis auctorem cædis et complices seu fautores mox anathemate percussit. Et tanti sceleris immanitate gravissime commotus, velut ad levamen doloris recessum paulisper in Clara-Valle petit, indeque Gaufrido sacre Romanæ Ecclesiæ legato et Carnotensium episcopo has litteras transmisit.

Gaufrido Dei gratia venerabili Carnotensium episcopo et apostolicæ Sedis legato, STEPHANUS eadem gratia Parisiensis Ecclesiæ minister indignus, nunc autem miseris et afflictionis præco infelix, valere in Domino.

1. Calamitatis novæ pondus, quam vestris auribus vix cordi vestro illaturus sum, nescio si verbis digne valeat explicari. Nuntium durum et grave audit, omnibus, quibus Christi Jesu et sanctæ matris Ecclesiæ opprobria dura et graviora sunt, præcipue nobis sub habitu et signo religionis constitutis, quibus hæc tanto plus omnibus graviora futura sunt, quanto specialius ad nostrum gravamen, imo oppressionem et ruinam omnium expectat nostrum unius occasus. Magistrum Thomam priorem canobii Sancti-Victoris, virum approbatum, omnibusque bonis amicum et dilectum, ac in sanctæ Ecclesiæ defensione illum coadjutorem et propugnatorem devotissimum et stre-

A summæ aequitatis sedem putas esse speluncam latronum, aut cubile leonum? tu filii recentem adhuc cruorem ore rabido ac ferali spumans et masticans, fugis ad sinum matris, patris audes apparere conspectibus? Tamen si pœnitentiam petit, neganda ei non est; quod si audientiam, accipiat illam si placet, quam vel Moyses indulsit populo ante conflatile curvanti genu (Exod. xxxii, 25); vel Phinees fornicanti Israelitæ (Num. xxv, 8.); vel Mathathias demonibus immolanti (I Machab. ii, 24); vel certe, ut vobis de vestris aliquem proponamus, quam a beato Petro Ananias et Sapphira meruerunt (Act. v, 1-10): quam denique audientiam dedit negotiantibus in templo Salvator (Matth. xxi, 12). An ignoramus quorundam peccata præcedere ad judicium? (I Tim. v, 24.) nonne vox sanguinis fratris tui clamat adversum te de terra? Credimus et nostri Martyris spiritum, quem novissime diebus istis tua crudelitas morti dedit, cum cæteris animabus interfectorum, voce valida sub altari clamare, et flagitare vindictam, eoque instantius, quo recentius ipsius sanguis effusus est super terram.

2. Sed nunquid ego, inquit, occidi eum? Non utique tu, sed tui, et propter te. An et per te, videat Deus et judicet. Si excusabilis tu es, cujus dentes, arma et sagittæ, cujus lingua gladius acu-

nuissimum, impiorum manibus extinctum sciat, carne quidem mortuum, sed, ut indubitanter credimus, viventem cum Christo. Cui enim Christus vere causa moriendi fuit, in gloria omnino deesse non poterit: quoniam et ipse cum ultimam in nostris manibus exhalaret spiritum, libera voce se pro justitia mori protestatus est, certissimum præteritæ præsentisque justitiæ suæ, qua in Ecclesia Christi contra impios pugnaerat, testimonium relinquens, quoniam in ipsa consummaretur. Hæc enim prima, hæc et ultima causa fuit laboris illius. Nam pro ipsa justitia tunc mecum aderat. Ego enim ipsius præcipue admonitione (sicut ei semper de his cura esse solebat) rogatu et assensu Regis, per eum quoque ad ipsum persuasi, ad abbatiam monialium, quæ est Chelis, emendandam et ordinandam perrexeram, assumptis mecum viris religiosis, abbate scilicet Sancti-Victoris et Sancti-Maglorii, et subpriore Sancti-Martini, aliisque compluribus monachis, canonicis ac clericis: cumque pro viribus negotio peracto reverterer, juxta domini Stephanii castrum, quod Corniacum dicitur, subito ab ejus hominibus, scilicet nepotibus Theobaldi archidiaconi, insidias mihi in via præstruentibus, assultum passus sum. Cumque nos inermes, utpote die Domini-

co, et pacem ferentes incederemus! subito evaginatis gladiis irruunt super nos, et nec Deo, nec diei sacræ, nec mihi, nec his qui mecum erant religiosis viris honorem dantes, inter manus nostras innocentem trucidaverunt; mihiq; mortem comminanti sunt, nisi abcederem a conspectu eorum celeriter. Nos autem fiducialius agentes, in medios gladios nos conjecimus; et jam semivivum, direque laniatum a manibus eorum abstraximus, atque undique circumdantes eum de sua confessione, et de ejus quam passus fuerat, inimicorum impietate dimittenda allocuti sumus. Tunc ille libenti animo omnibus, qui in se peccaverant, dimittens, et suorum peccatorum intime remissionem petens, percepta tandem communione corporis et sanguinis Christi, libera voce se coram omnibus pro justitia mori contestatus est, et sic reddidit spiritum.

2. Hinc ergo, licet nostræ spei fiducia certa, quantum ad ejus spectabat salutem et gloriam, exultan-

tus, proinde nec Judæi Christi de morte culpandi sunt: quippe et ipsi manus continuere cauti. Ob illicitas exactiones, quas sibi occasione archidiaconatus in presbyteros minime jam, ut consueverat, usurpare liceret. beati utique **159** Thomæ obviante zelo atque industria, utpot' justitiæ amatoris et defensoris, oderat illum, et mortem ei jam ipso odio homicida minitari solebat. Multi se audivisse nunc perhibent, quibus discredendum non est. Postremo nepotes ejus, ut impas manus in sanctum Domini mitterent, quid aliud unquam adversus eum habuerint, ipse certe dicat, si potest. Si ergo iste qui causa, qui inceptor, qui etiam, ut omnium pene suspicio est, exstitit et dictator facinoris: si is, inquam, impune ferat (quod utique mira impudentia de vestra apostolica auctoritate præsumit), quanta

dum omnino non dubitet, pretiosamque in conspectu Domini mortem sanctorum ejus sciamus; mæror tamen et luctus gravis, qui de amici oratione et communi omnium nostrum confusione oboritur, nulla prorsus consolatione in nostro animo temperatur. Me enim in ipso occisum video et multo magis me occisum quam ipsum; quia me in ejus morte periculis expositum cerno, ipsum autem a periculis liberatum. Superest igitur ut, quia me nunc tam graviter desolatum et contristatum cernitis, ad me consolandum simul et consiliandum venire non differatis. Ego enim quasi qui ipsam detestandam loci faciem sustinere non valeam, Claram-Vallem fugiens cecessi, illic vos expectaturus, ut consilium pariter capiamus, quid nobis pro sanctæ Ecclesiæ tam intolerabili injuria faciendum sit. In omnes enim nos impetus iste casum minatur, et veniet, nisi præveniat Dominus. Mando ergo vobis, et summopere deprecor, ut omni dilatione postposita Clara-Vallem properitis: quia pericula undique mihi imminet, pro quibus consilium differi non potest.

His Gaufridus acceptis, Claram-Vallem advolavit, mandatoque apostolico præcepit episcopis dioceseon Remensis, Rotomagensis, Turonensis, Senonensisque ad synodum Joîri indictam frequentes convenire. Illis autem coactis, Hugo Gratianopolitanus episcopus, Carthusiensiumque familia rescribere, rogantes et observantes ut in sacrilegos homicidas, ecclesiastici rigoris gladius prodiceretur. Sed et Innocentius S. Bernardi scriptis monitus, Patribus super eorum decreto rescripsit, illud confirmans, et sententiam severiorem superaddens. Quod attinet ad rationem temporis quo hæc cædes perpetrata est, a J. Picardo in notis ad epistolam Innocentii, aliisque sequacibus, communiter revocatur ad annum 1130, quamvis a Baronio ad annum 1135 rejiciatur. At sententia quidem illa probari non potest. Constat enim ex epistola 159 Thomam fuisse peremptum die Dominica, et quidem decimo tertio kalendas septembris, ut legitur in Necrologio Victorino his verbis: Anniversarium magistri Thomæ Prioris hujus ecclesiæ, qui pro defensione justitiæ ab inimicis justitiæ crudeliter interfectus, vivens et moriens honestatis et patientiæ dignam atque imitabilem sequacibus suis vitæ formulam dereliquit. Concordat etiam Sancti-Guinalli Corboliensis Kalendariū, teste Picardo, Proindeque dies iste Thomæ sanguine consecrans litteram dominicalem anni 1130 præferre debet, quod contra accidit: Nam littera dominicalis istius anni est E, littera vero decimo tertio Kalendas Septembris respondens est A. Addit Picardus duo argumenta in suæ sententiæ confirmationem. Alterum, quod Thomæ prioris interitus S. Hugonis Gratianopolitani obitum antevertat, cum hic pro Thomæ vindicatione ad Patres in Joîensi concilio coactos una cum Carthusiensibus

putamus impunita ista in Ecclesia parturiet puniendā? Unum e duobus fore necesse est: aut nullos ex nobilibus sive potentibus secundum hoc sæculum admitti deinceps ad honores ecclesiasticos: aut passim ad omne illicitum permitti libere clericos sacris abuti officiis; ne forte, si quispiam zelo Dei accensus prohibere tentaverit, ferro illico militari reus justitiæ trucidetur. Atque ita quid spirituali gladio, quid censuræ ecclesiasticæ, quid christianæ legi et disciplinæ, quid reverentiæ sacerdotali, quid denique divino timori relinquitur, si metu potentie sæcularis, nullus mutire jam audeat contra insolentiam clericorum? Quid enim insolentiam, quidve indignum in Ecclesia esse potest, quam ut sibi quisque ecclesiasticas vindicet dignitates feritate armorum, non morum probitate? Quamobrem, domine

scripserit. At vero, inquit, cum Guigo primariæ Carthusiæ præses adverterit in Vita S. Hugonis, ipsum obiisse anno 1132, mors Thomæ referenda est, non quidem ad annum 1131, quo Innocentius in Galliis præsens, comitante ubique Bernardo, tot literis non fuisset interpellandus; sed ad annum 1130, quo Innocentius creatus est Pontifex. Alterum, quod Innocentius sub initium anni 1131 Lutetiam ingressus, et Sancti-Victoris ecclesiam lustrans, beati Thomæ corpus e claustro in templum efferri præceperit septimo Idus Martii. Mense igitur Augusto præcedentis anni e medio fuerat sublatus. At neutrum certe argumentum rem conficit. Non quidem primum. Quid enim obstat, quominus præmissam Hugonis Gratianopolitani epistolam, non a S. Hugone, sed a successore ejus cognomine scriptam esse dicamus? Nec etiam posterius magis urget. Esto enim Innocentius beati viri corpus in decentiorē locum transferri jussit: non tamen id præsens asserendus est præstitisse, imo mandato ex Italia transmissio, ut manifestum est ex epistola tomo quinto Spicilegii Acheriani, pag. 567, inserta, in qua archiepiscopos Remensem et Senonensem arguit dilatare excommunicationis sententiæ in eos ferendæ, qui Thomam interfecissent. Sic enim concludit: «Ad hæc mandamus, ut corpus præfati boni viri, qui coram Judice superno modo de sua justitia et innocentia testimonium perhibet, et sub obedientia vivens, in obsequio proprii interfectus est episcopi, in sua ecclesia honorifice tumuletur. Data Pisis, 21 Decembris.» Dicendum itaque est, hæc Thomæ necem incidisse, non in annum 1130, sed in annum 1135, quo littera dominicalis E litteræ diei prædicti, nempe decimo tertio ante Kalendas Septembris respondebat; quo alter Hugo post S. Hugonem sedem Gratianopolitanam occupabat; quo Innocentius Pisis concilii indicti tempus præstolabatur; quo denique Bernardus ex Italia in Germaniam missus ad pacem Lotharium inter et Conradum componendam, in Galliam reversus illic tantisper subsistebat, præsens adfuturus capitulo Cisterciensi, hoc anno Idibus Septembris de more celebrando, ut patet ex inscriptione ejusdem epistolæ, a Petro Cluniacensi hoc anno ad prædictum capitulum directæ (Petri Venerabilis epistola 36, lib. 1), in qua Bernardus præsens recensetur. Denique huic nostræ sententiæ favet Ordericus, libro xii, ad annum 1134, in quo, nonnullis rebus, quæ ad annos superiores pertinebant, summam conglobatis, postquam recitavit mortem Joannis Aurelianensis episcopi, et Hugonis decani post eum designati, quæ anno 1135 ex Annalibus Aurelianensibus in Joanne contigere: «Tunc etiam,» inquit, «Thomas Sancti Victoris canonicus, vir magnæ auctoritatis, interceptus est,» etc. De his ista sint dicta.



Pater, aliquid, ut videtis, prorsus decernendum est **A** in hominem, quod Ecclesiæ prosit, ut salus facta hoc tempore per vos transfundatur in posteros; et cognoscat generatio altera, non solum quod fuit præsumptum, sed et qualiter ultimum. Alioquin si serpat venenum, nec sequatur pariter et antidotum; multos (quod absit!) habet perimere.

## EPISTOLA CLIX (429).

AD EUNDEM, IN PERSONA STEPHANI PARISENSIS EPISCOPI.

*Unde supra.*

Piissimo patri INNOCENTIO summo pontifici, STEPHANUS miserandus episcopus Ecclesiæ Parisiensis, misericordiam et iudicium.

1. Vir religiosus, prior Sancti-Victoris, magister Thomas in obsequio charitatis, in itinere quod **B** indixerat pietas, in opere sancto, in sanctorum comitatu, in dominico die, certe in sinu meo et inter manus meas crudeliter ab impiis pro iustitia excerebratus est, factus obediens usque ad mortem. Non opus est prece, ubi pietatem melius in silentio lacrymæ provocant, et singultus qui interruptit precem, exprimit affectionem. Hæc plane compassionem veram, etsi non postulanti, merentur tamen: utpote quæ verum indicant produntque dolorem, et simulationis fugant ambiguum. Puto proinde sufficere mihi ad inculiendam paternis visceribus calamitatem quam patior, rem, ut est, simpliciter intimasse. Tristis flebilisque historia satis pro se agit, præsertim apud vos, et suavoriis fucari non indiget. Exitus aquarum deducite, oculi mei, quoniam dereliquit me virtus mea, et lumen oculorum meorum, et ipsum non est mecum. Nec enim illum lugeo, sed me. Nam ille quo pacto lugeatur, qui mortis pretiosæ compendio transivit ad vitam?

2. Quis illum non magis laudibus, quam fletibus prosequatur, cui vivere Christus fuit, et mori est lucrum? Episcopi nomen ego gerebam, ille exercebat opus. Honore spreto, onus totis viribus supportabat. Idecirco ille revera mortuus ad vitam, ego vivus in morte. Ille mortis vincula non incidit, sed evasit: et ecce **160** circumdant me dolores mortis, et torrentes iniquitatis conturbant me. Ego igitur, ego miser, ego miserandus in morte tua, mi frater dulcissime Thoma, blando heu! ablactatus solatio, **D** cauto privatus consilio, et certe tuto patrocinio destitutus. Expediebat me magis mori pro te, quam post te vivere. Propter hoc defecit in dolore vita mea, et anni mei in gemitibus. Condolet mihi Ecclesia

(429) Scripta anno Christi 1155.

(430) Illic codices variant. Quidam habent solum, *Noterius*; alii, *Theobaldus Noterius*, qui archidiaconus fuit Parisiensis, teste epistola Stephani episcopi Parisiensis, in notis relata, quæ nescio an ab ipso Bernardi, nomine Stephani, scripta est ad Gaufridum Carnotensem, tunc legatum.

(431) Scripta anno Christi 1155.

(432) Scripta anno Christi 1155.

(433) De istius interfectioibus lege notas ad epistolam 150. De nece Archembaldi item conqueritur Petrus Venerabilis in libri primi epistola 17, insi-

sed dolet et pro se. Commune damnum, communis desolatio est: mecum omnis religio plorat, paternam pariter implorat consolationem. Si Theobaldus Noterius (450) adierit vos, sentiat in se, quoniam exaudivit Dominus vocem fletus mei. Nepotes ipsius auctores [*al. actores*] exstiteri sceleris, ipse causa: utrum et dictator, in questione est. Non attendatis ad verba ejus, donec veniat qui mittendus est; qui vobis plenius insinuans veritatem, cautum faciat a labiis iniquis et a lingua dolosa.

## EPISTOLA CLX (431).

AD HAIMERICUM CANCELLARIUM, IN PERSONA EJUSDEM EPISCOPI.

*Unde supra.*

Dominus HAIMERICO charissimo, venerabili sanctæ Romanæ Ecclesiæ diacono cardinali et cancellario, **B** suis STEPHANUS Parisiensis, quod domino et amico.

Amicus in necessitate probatur. Quod dico, non quia de sanctitate dilectionis vestræ dubitem, sed ne contingat ut dubitem. Continget autem procul dubio, si zelum illum vestrum modo (quod absit!) dissimulare comperero. Porro dissimulationis id mihi argumentum inexcusabile fore noveritis, si Theobaldum Noterium non recipere pro meritis quamcumque occasione contigerit, qui dimidium animæ meæ nepotum suorum manibus crudeli ambitione præcidit, soli cruciatui parte reliqua reservata.

## EPISTOLA CLXI (432).

AD DOMINUM PAPAM INNOCENTIUM.

**C** Adversus ouctores cædis Archembaldi subdecani Aurelianensis.

Vox sanguinis Archembaldi (433) subdecani Aurelianensis invaluit. Nam ecce, proh dolor! juxta prophetam, *sanguis sanguinem tangit* (*Osee* iv, 2), et simul juncti fortius clamant ad vos de Francia. Clamat, inquam, et vociferatur uterque sanguis clamore tam valido, ut valeat ipsum quoque palatium cælestæ concutere, tam pio, ut et saxæ pectora debeat emollire. Quid facis, amice sponsi, custos sponsæ Christi, pastor ovium Christi? Putasne sufficies excogitare remedium, quod huic obviet pesti tam nefandæ, tam inaudite? Id sane necesse est inveniri, quod et recentî Ecclesiæ vulneri in præsentiarum medelam afferat, et posteris valeat ad cautelam. Ergo accingere gladio tuo super femur tuum, potentissime. Si non steterit et nunc Phinees et placaverit, non cessabit quassatio. Si, inquam, vigor ecclesiasticus pepercerit istis, Joanni dico, et Theobaldo Noterio, quorum etsi non manu, assensu certe, forte et in-

nuans eum de medio sublatum ante Thomam Victorinum, his verbis: «Quorum impunitas sceleris arma ministrat furoris: ut sicut post Aurelianensem subdecanum ad dominum Thomam Parisiensem, quia prior inultus remanserat, persecutorum gladius se convertit.» Contrarium tamen ex hac Bernardi epistola non obscure colligitur. Cæterum Joannes, qui Archembaldi necis auctor, forsitan is ipse fuerit Joannes decanus Aurelianensis, qui similem sortitus finem, de cujus interfectione legitur Planctus ejusdem Ecclesiæ apud Stephanum Tornacensem.

stinctu sanguis innoxius effusus est super terram; A quis non videat quid sequatur? Quantos in clero horum impunitas contra jus et fas faciet promoveri, metu utique suorum, non suæ merito sanctitatis? Novis morbis novis obviandum est medicamentis. Utilissime, ut multis videtur, justissimeque eos apostolica falce ab omni succideres ecclesiastica dignitate, ita ut et habitis careant, et de cætero ad alias non assurgant.

### 161 EPISTOLA CLXII.

AD HAIMERICUM (434) CANCELLARIUM DE EODEM.

Frequentem et amicabilem recordationem, qua dominum episcopum Patisiensem commendare solitis, ego postmodum ipsi frequenter testatus sum. En a vobis exigitur non verbo aut lingua, sed opere et veritate probare, nec me fuisse fallacem, nec vos mendacem. Sic vestra interest, non solum propter episcopum, sed et propter alios amicos vestros, qui pro vobis certe graviter, si quo modo præter spem procedere causam contingeret, turbarentur.

### EPISTOLA CLXIII (435).

AD JOANNEM CREMENSEM CARDINALEM PRESBYTERUM (436) DE EODEM.

Dilectionem et dignationem, qua me amplecti a vobis nullius dignitatis homuncio sensi, in æternum non obliviscar. Pœnitentiam et conversionem vestram, de qua jam angelis collatus sum, et condelectatus, dignos facere fructus opto jugiter, et oro frequenter. Et nunc maxime ipsos nostra ista Gallicana Ecclesia mecum exspectat, credo non intem-

pestivos. Interest vestræ pariter et meæ famæ, ut non confundar in vobis. Sic ergo clareat omnibus, zelum apud vos veritatis justitiæque servere contra interfectores clericorum, et instigatores eorum, ut non me pigeat gloriolum fuisse de vobis.

### EPISTOLA CLXIV (437)

ACTIO CAUSÆ LINGONENSIS ECCLESIAE AD DOMINUM INNOCENTIUM PAPAM (438).

*Conqueritur Bernardus, quod subdole et contra datam fidem tentata sit electio episcopi Ecclesiæ Lingonensis.*

1. Dum adhuc Romæ essemus, contigit illo ventre dominum archiepiscopum Lugdunensem. Venerunt et cum eo Robertus decanus Ecclesiæ Lingonensis et Olricus canonicus, querentes licere sibi et capitulo B Lingonensi eligere sibi episcopum. Mandatum siquidem a domino papa acceperant, nequaquam præsumere hoc, nisi ad consilium religiosorum virorum. Quod dum per me cuperent et peterent obtinere: Absit, inquam, nisi sciam et certus sim quod bonam idoneamque personam intendatis eligere! Responderunt propositum suum atque intentionem de nostro pendere arbitrio, nec aliud se facturos, nisi quod ego consulerem. Et sponderunt. Verum me non satis fidem accomodate, accessit ad persuadendum archiepiscopus, pollicens firmiter idipsum. Et addidit, quod si secus clerici agere molirentur, quidquid aliud facerent, minime se confirmaturum, nec ratum habiturum. Adhæctus est et dominus cancellarius in testimonium. Nec contenti, adivimus

(434) Scripta anno Christi 1133. In Colbertino codice notato 1038, et in editione antiquiori hæc epistola tribuitur Joanni Cremensi; sequens, Haimérico. At quæ in posteriori leguntur de ejus, cui directa est, conversione, potius Joanni conveniunt.

(435) Scripta anno Christi 1133.

(436) Tituli S. Chrisogoni, qui Joannes Henricum Virdunensem, ad quem epistola 62, ab excommunicatione absolvit, teste Laurentio Leodiensi, in Spicilegii tomo XII, pag. 307.

(437) Scripta anno Christi 1138.

(438) Si titulus hujus epistolæ in manuscriptis. Actio hæc contigit non post mortem Guilelmi seu Wilenci episcopi Lingonensis, ad quem epistolæ 59 et 60, sed post mortem Willelmi de Sabrano ejus successoris. Guilelmi obitus contigit anno 1135, Kalendis Augusti; Guillelmi, anno 1138. Hinc lites de futuro successore. Petrus archiepiscopus Lugdunensis, Hugo Burgundiæ princeps, postea dux, electionem cuidam monacho Cluniacensi deferebant: repugnabant Robertus decanus Lingonensis, Pontius archidiaconus, Odolricus, alique canonicus. Arbitraris litis delectus Bernardus: ac tandem excluso monacho Cluniacensi, electus Godefridus Prior Claræ Vallensis, Bernardi consanguineus. De hac Ecclesiæ Lingonensis in eligendo episcopo controversia tres lego Petri abbatis Cluniacensis epistolæ: nam, quæ est libri primi epistola 29, ad Bernardum scripta, in qua monachum quemdam ex suis in episcopum Lingonensem electum ab inusta infamia purgare nititur; alteram, quæ est libri secundi epistola 28, ad Innocentium papam, in qua confirmationem abbatis Vizeliacensis electionis in ejusdem Ecclesiæ episcopum factæ denegari postulat; postremam, quæ est ejusdem libri epistola 36, ad eundem Innocentium, qua Ecclesiæ Lingonensi circa futuri episcopi electionem jus integrum juxta canones di-

C mitti efflagitat. Primam ac tertiam epistolæ pertinere ad eam, de qua hic agit Bernardus, electionem, ex utriusque collatione manifestum est. An autem secunda itidem ad eandem pertineat, difficultius dixerim. Persuasum mihi est de diversa intelligendam esse persona. In prima enim Petrus Venerabilis electum nominat simpliciter « monachum Cluniacensem ac filium suum; » in secunda « abbatem Vizeliacensem. » In illa dicit, Lingonenses canonicos, sibi ex agro Pictaviensi revertenti occurrentes, monachi sui electionem significasse: in hac inquit, « rumorem ad se pervenisse, » abbatem Vizeliacensem importunis quorundam apud Innocentium precibus in episcopum Lingonensem d-positi. In illa denique monachi sui confirmationem promovere satagit: in hac abbatis Vizeliacensis confirmationem impedire nititur. Quocirca non contemnendum puto eorum sententiam, qui juxta Catalogum Stephaniensem et Thuanum, Wilenco Lingonensi episcopo subjungunt Willelmum de Sabrano, forte ex abbate Vizeliacensi ad sedem Lingonensem assumptum; huicque Godefridum, ut mox dicitur; qui tandem, rejecto monacho Cluniacensi, de quo hic agitur, electus est ac confirmatus anno 1138, cum nempe Bernardus extincto schismate in Galliam rediisset. Cæterum hæc in historia observare quæso, lector, quod ante adnotavit Baronius ad annum 1138, Petrum Cluniacensem sic filii partes pro virili egisse, ut neque victus potuerit a S. Bernardo, ejusque monachis animo divelli, quod testatur ipse reliquit in quadam epistola his verbis: « Quando enim exstingui vel obui poterit sincerus erga vos et ignitus mei pectoris affectus quibuslibet sinistri rumoris rivulus, cum nec aquæ multæ decimarum potuerint eum exstinguere, nec impetus Lingonensium fluminum obruere? »

etiam præsentiam domini papæ, ut ejus favore et auctoritate quod inter nos convenerat confirmaretur: prius tamen habita inter nos collatione mutua ac diuturna super facienda electione, et de multis personis, quarum ibi mentio facta est, duabus tandem nominatis, a quibus nullus nostrum penitus dissentiret, quamlibet illarum eligi placuisset. Itaque quod nobis complacuit, dominus papa immutabiliter observari præcepit: et tam archiepiscopus, quam clerici firmiter promiserunt. **162** Illis abeuntibus, ego post discessum eorum dies paucos in Urbe faciens, ubi a domino meo impetrare potui facultatem redeundi, ad fratres iter arripuimus.

**2.** Et transalpinales comperimus instare diem, qua foret sacrandus homo in episcopum Lingonensem: de quo utinam meliora atque honestiora audivissemus! Nolo autem dicere quæ invitus audi. Quid plura? A religiosi viris non paucis, qui nobis salutandi gratia occurrerant, persuasi sumus divertere per Lugdunum, quatenus, si fieri posset, rem nefariam, ne fieret, prohiberemus. Nam ego aliunde ob viæ compendium ire staturam, consulens valetudini et lassitudini corporis, præsertim quod non liquido, fateor, credebam rumoribus. Quis enim crederet tantum virum tanta uti levitate, ut postposita tam recente promissione sua, insuper domini sui mandato, personæ notabili manum imponere non timeret? Itaque consilio religiosorum acquiescentes, Lugdunum iter direximus, et pervenientes, omnino sicut audivimus, sic vidimus. Parabantur illa, non festa, sed infausta solemnia. Decanus tamen, et maxima, ni fallor, pars Lugdunensium canonicorum constanter aperteque contradicebant. Sed et rumor pudendus dolendusque passim crebre-scens et invalescens civitatem repleverat.

**3.** Quid facerem? Conveni archiepiscopum, reverenter quidem, super pacto quod fecerat, et super mandato quod acceperat: et nihil horum negavit. Causam vero prævaricationis referens in filium ducis (439), qui a constituto resiliat; ne ille turbaretur, in id se mutabilitatis incidisse dicebat, pacis videlicet intuitu. Et intulit, quia quidquid hactenus egerit, jam pro nostro deinceps arbitrio se facturum. Tum ego gratias agens: Absit! inquam; tamen non nostra, sed Dei potius voluntas fiat: quæ ita forsitan cognoscetur, si res ponatur in consilio episcoporum aliarumque religiosarum personarum, quæ hic ad vestram ipsius vocationem convenerunt, vel adhuc venturæ sunt. Quod si invocato sancto Spiritu consensus omnium vos ad procedendum incepto opere animaverit procedite ut cœpistis: sin autem, acquiescendum Apostolo dicenti, *Nemini cito manum*

**A** imponas (1 Tim. v. 22). Visum est consilium placuisse. Interim homo ille venisse nuntiatur, sed in hospitium, non in palatium. Vespere sextæ feriæ venit; sabbato mane recessit. Non est mecum dicere, cur nec in curia apparere voluerit, ad quam ei curæ fuit longo itinere pervenire: nisi quod verecundia monachalis, honorisque contemptus forsân putari posset, si non aliud alia, quæ secuta sunt, indicarent. Et revera quid aliud tunc suspicari debuimus, quando archiepiscopus rediens ab illo testatus est coram omnibus, nullo modo eum voluisse acquiescere, sed quidquid de eo factum fuerat, penitus refutare?

**4.** Denique et mandavit mox electionem fieri. Hoc per quosdam Lingonenses canonicos tunc præsentibus, hoc et per litteras, quæ adhuc exstant. Quibus in capitulo Lingonensi oblatis et lectis, prohi pudor! incontinenti leguntur aliæ per omnia contrariæ illis, asserentes utique consecrationem dilatam, non dimissam; assignantes diem et locum ad causam decidendam, quam litteræ præores nuntiabant decisam. Putares in litteris non modo diversas, sed et adversas sibi loquentes personas, adversum se invicem contententes: nisi quod una eademque imago impressa ceris (440), unum idemque nomen præsignatum in schedulis, manifeste de uno fonte dulces et amarum illud manare cunctis qui aderant **163** mirantibus declarabant. Tenentur in manibus contradictoriæ litteræ: utrislibet obedire decreveris, inobediens necesse est tenearis. Aut enim priorem te recipientem epistolam posterior condemnabit: aut si posteriorem sequi eligas, prior murmurabit. Et utinam secunda epistola, sicut potuit everte-e primam, ita posset sese vel ipsa tueri adversus tertiam. Sed ecce litteræ contra litteras, mandatum adversus mandatum: ita ut non jam, quemadmodum in propheta, *Manda, remanda* (Isa. xxviii, 10, 13), sed *Manda, demanda*, potius inculcetur.

**5.** Interim nempe homo qui et consecrationem fugerat, et electionem refutarat, festinavit ad Regem. Regalium investitura obtinuit (441); quibus meritis, ipse viderit. Mox directis epistolis, et locus qui assignatus fuerat, est mutatus, et dies anticipatus: ut loci temporisque opportunitate subtracta, et copia agendi pariter subtrahatur contradicturis, et consecrationis dies subripiatur appellaturis. Cæterum non est consilium contra consilium Domini, cujus providentia factum est ut nec contradictores defuerint, nec appellatores. Appellatum est a Falcone decano Lugdunensis Ecclesiæ; appellatum et a Pontio archidiacono Lingonensi; appellatum a Bono-Amico sacerdote et canonico æque Lingonensi; appellatum et a fratribus

(439) Hugonem scilicet, filium Odonis Burgundiae ducis ex Maria filia Theobaldi Campaniæ comitis.

(440) Nempe Petri archiepiscopi imago impressa sigillo cereo, de more illorum temporum. De Petri hujus obitu, infra in epistola 172. Ad eum epistola 394.

(441) Regalium investitura est temporalis domini ac prædiorum Ecclesiæ traditio per regem facta novo episcopo post sacramentum fidelitatis ab eo præstitum. De Regalibus vide item epistolam 170, Sugerii epistolam maxime 19 et 20, atque Glossarium Cangianum.



nostris Brunone atque Gaufrido (442), ignorantibus quidem omnibus his præparationem cordis eorum, sed casu supervenientibus, haud dubium quin Dei provida voluntate. Tanta si quidem fuit brevitatis termini, ut vix, ex quo rescivimus diem, spatio quatuor dierum nuntius noster cum litteris accurere potuerit, quatenus præveniret quod parabatur, non sacramentum, sed sacrilegium. Et is quoque nihilominus contradixit, et tam consecrandum quam consecratos ad Sedem apostolicam appellavit. Et ipse erat Lingonensis canonicus. Veritatem dico, non mentior: nihil a me hic dictum personæ odio, sed solo veritatis amore veraciter omnia posita, teste ipsa veritate.

## EPISTOLA CLXV (443).

AD FALCONEM DECANUM (444), ET GUIDONEM THESAURARIUM LUGDUNENSIS ECCLESIE.

Unde supra.

Plaga, ut videtis, charissimi, Ecclesiæ nostræ magna est, et multa eget cura; nec modo multa, sed cita, ita ut assidue cum lacrymis medico cœlesti instemus dicentes: *Domine, descende priusquam moriatur* (Joan. iv, 49). Unum est quod magis exacerbat dolorem et pene desperat curationem: quia nimirum inde est orta tribulatio, unde consolatio sperari debuerat. Quisnam enim, o misera, malum hoc quod plangis, induxit super te? Profecto non inimicus, non is qui oderat te: sed homo unanimis, dux tuus et metropolitanus tuus. Quomodo ab austro, et non jam ab aquilone panditur omne malum? Merito proinde non est dolor sicut dolor meus, quoniam de quibus potissimum præsumebamus, ab ipsis passi sumus, et non ab aliis. O Lugdunensis pia mater Ecclesia! cujusmodi non sponsum, sed monstrum tuæ filiæ procurasti nunc! non plane matrem te in hoc, sed novercam sensimus. Gener hic tuus quam longe a nobili illa tua antiqua honestate, gravitate, probitate, degenerat! Quid enim? egone id dixerim honorabile connubium, et thorum immaculatam, quod de tali et taliter factum est? Sine lege, sine ordine, sine ratione sic confusa sunt omnia; imo ita cuncta in fraude et temeritate præcepta et præsumpta fuisse constat, ut non dico episcopum, sed ne villicum quidem, aut teloniarium quempiam in hunc modum decuerit ordinari. Quibus vos laudibus efferram, dilectissimi, qui soli condoluistis afflictæ, ei tam in prima, quam in secunda sua defensione oppressæ 164 astitistis, ascendentes ex adverso, et opposcentes vos murum pro domo Israel? Non est inventus similis vobis in illo conventu, qui conservaret legem Excelsi, qui sacris obtemperaret canonibus; qui denique se induceret zelum Phinees, et linguæ mucrone confoderet fornicantes (Num. xxv, 8). Quæ cum ita de vobis ad

A Dei et vestram ipsorum gloriam ubique clarescant, restat ut principio tam laudabili condignum exitum dare, et hostiæ capiti caudam jungere satagatis.

## EPISTOLA CLXVI (445).

AD DOMINUM PAPAM INNOCENTIUM.

Unde supra.

1. Iterum clamo, iterum pulso, etsi non clamoris vocibus, certe lacrymosis gemitibus. Cogit iterare clamores iterata in nos injuria perditorum, et prolongantium iniquitatem suam. Confortati sunt, addentes prævaricationem. Apponunt iniquitatem super iniquitatem, et superbia eorum ascendit semper. Invaluit furor, pudor evanuit, et timor Dei. Quem contra tuam, Pater, cautam [af. castam male] justamque dispositionem non timuerunt eligere, etiam post appellationem tui nominis ausi sunt execrare. Et hoc præsumperunt Lugdunensis, Aduensis, Maticonensis, amici Cluniacenses. In fraude et temeritate istorum, heu! quam ingens multitudo sanctorum turbabitur, si angariati fuerint tale portare jugum, taliterque impositum? Proh nefas! hoc ita accepturi sunt, ac si cogantur genua curvare ante Baal, aut certe juxta prophetam pactum facere cum morte, et cum inferno sœdus inire (Isa. xxviii, 15). Rogo, ubi jus, ubi lex, ubi sacerorum auctoritas canonum ubi denique reverentia majestatis? Illa, illa quæ nulli negatur oppresso, soli mihi non profuit appellatio. Ubi nimirum imperabat aurum, judicabat argentum, leges canonesque silebant, locum ratio et æquitas non habebant. Eisdem telis, quod intolerabilis est, arcem quoque apostolici culminis oppugnare minantur. Id vero ridicule; fundata est enim supra firmam petram.

2. Sed quid ago? excessi, fateor: non est meum accusare quemquam aut reprehendere; sufficit mihi ut plangam dolorem meum. Post longam moram multosque labores, quos pro servitio Romanæ Ecclesiæ pertuli, cum tandem placuit Serenitati vestræ reditum annuere ad fratres meos, etsi fractus viribus corporis, tanquam male operans, lætus tamen ob manipulos pacis quos reportabam, ad monasterium cum prosperitate perveni. Credidi me de labore evasisse ad requiem; licere mihi utcumque resarcire spiritualium damna studiorum, ac sanctæ quietis detrimenta, quæ foris incurreram; et ecce tribulatio et angustia invenerunt me. In lectulo recubantem plus cordis, quam corporis dolor exercebat. Nec enim ego deploro temporale incommodum ullum. Anima mea in manibus meis: salus ejus in causa est. Placet vobis, ut illi homini credam animam meam qui perdidit suam? Scio quia non placet. Quamobrem dixi animæ meæ expedire magis inire fugam, quam et mœrore consumere residuum dierum meorum, et nihilominus in periculum salutis incidere.

(442) De Brunone actum supra ad epistolam 144. Gaufridus videtur esse is qui postea Bernardi notarius.

(443) Scripta anno Christi 1138.

(444) Falco dein electus est archiepiscopus Lugdu-

nensis, de cujus electione epistolæ 171, 172, ad dominum papam Innocentium. Ad ipsum Falconem epistola 175.

(445) Scripta anno Christi 1138.

At Deus vobis potius inspiret quod potius est; reducere videlicet ad memoriam (si dignum iudicatis) qualiter vobiscum egerim, et ponere oculos pietatis super puerum vestrum, et liberare afflictum de angustia. Quin potius non oblivisci quanta Deus ipse fecerit vobis, et in quantalucumque vicem recompensationis, ad ipsius gloriam, quod tam perperam factum est, revocare.

### 165 EPISTOLA CLXVII (446).

AD EUMDEM.

*Pro eodem negotio.*

Clementissime Pater, nonne præcipiendo præcepisti in Lingonensi Ecclesia personam eligi religiosam atque idoneam, et ad consilium pueri tui? Nonne dominus Lugdunensis hoc ipsum mandatum ex apostolico ore tuo præseus excepit tam fideliter exsecuturum, quam firmiter injunctum, ac frequenter inculcatum nonne denique et spopondit! Quid ergo visum est ei, mutare voluisse quod utilissime et consultissime statutum fuerat, aliudque sua præsumptione moliri quod non conveniebat, in vestra ipsius Majestatis contemptum, et in nostræ pusillitatis scandalum? Quomodo non erubuit bonus ille vir apud se Est et Non inveniri, tentans imponere tam indignum jugum cervicibus tam numerosæ multitudinis religiosorum virorum servorum tuorum adversus statutum tuum et promissum suum? Inquire, Pater, inquire diligenter, quale homo ille, cui festinat manum imponere, testimonium habeat, et ab his qui prope sunt et ab his qui longe. Mihi enim interdicit dicere pudor quod publica fama de eo dicit, imo infamatio celeberrima divulgavit. Et quid dicam? Tristis est anima mea usque ad fugam. Et jam forsitan fugissem, nisi me retinisset consolationis spes, quam de visceribus vestris expecto. Volebam scribere per ordinem perlacrymabilem miseriæ nostræ historiam: sed præ tristitia languet manus, sensus hebescit, horret lingua eloqui malignam fraudem, sed subreptionem, sed circumventionem, sed temeritatem, sed perfidiam. Quid ergo? Filius tuus Pontius archidiaconus, qui et in hac causa constanter fideliterque se habuit, cuncta tibi, Pater, narrabit, et quid factum doleamus, et quid faciendum flagitemus. Ipsi crede tanquam mihi. Ego autem hoc unum ut parturiens loquor: nisi isti a tam scelerato tamque temerario ausu deficiant, ut me ipsum nunc sentio, deficiet in dolore vita mea, et anni mei in gemitibus.

### EPISTOLA CLXVIII (447).

AD EPISCOPOS ET CARDINALES ROMANÆ CURIÆ.

*Unde supra.*

4. Vos scitis, si dignum ducitis recordari, qualiter vobiscum in tempore malo conversatus sim, egrediens et regrediens, et pergens ad imperium regis, persistens ac permanens vobiscum in tentationibus vestris, ita ut, consumptis pene viribus corporis, vix post redditam cælitus pacem Ecclesiæ

(446) Scripta anno Christi 1138.

(447) Scripta eodem anno.

A repatriare poterim. Et recolo hoc, non glorians aut improperans, sed provocans et efflagitans, mœnens et reposcens debitum vestrae miserationis affectum. Urget necessitas modo omnes repetere debitores. Ego vero si feci quod facere debui, haud aliud me ex eo quam servum inutilem reputo, juxta sermonem Domini (Luc. xvii, 10). Verumtamen si feci quod oportuit, aut quod faciendum fuit, nunquid merui vapulare? Et ecce rediens a vobis, tribulationem et dolorem inveni, et nomen Domini invocavi, sed non profuit; invocavi et vestrum et non valuit: siquidem dii fortes terræ vehementer elevati sunt, Lugdunensis scilicet archiepiscopus, et Cluniacensis abbas. Hi confidentes in virtute sua, et in multitudine divitiarum suarum gloriantes, adversum me appropinqua-verunt et steterunt. Et non adversum me tantum, sed adversum magnam multitudinem servorum Dei, adversum vos quoque, adversum se ipsos, contra Deum, contra omnem æquitatem et honestatem.

2. Denique imposuerunt hominem super capita nostra, 166 quem, prohi pudor! et boni horrent et mali rident. Quo ordine, imo quam extraordinarie, videat Deus et judicet; videat et Romana curia: videat et doleat, misereatur et accingatur ad vindictam malefactorum, laudem vero bonorum. Quid enim? placet tibi, domina mundi, universitati constituta vindex in iram, iudex in misericordiam; placet, inquam, tibi quod, dum superbit impius, incenditur pauper et ille pauper, qui pro tuo servitio, cum non haberet censum quem effunderet, sanguini non perperit? Dignumne tibi videtur tua perfrui pace et nostram non curare, nec recipere in sortem consolationis, quos habuisti consortes laboris? Si inveni gratiam in oculis vestris, eripite inopem de manu fortiorum ejus, egenum et pauperem a diripientibus eum. Alioquin ego quidem, ut potero, laborabo in gemitu meo, et erunt mihi lacrymæ meæ panes die ac nocte: vobis autem legam illum versiculum, *Qui tollit ab amico misericordiam, timorem Domini derelinquit; et illud, Omnes necessarii mei recesserunt a me (Job vi, 14, 15.); illud quoque, Qui juxta me erant, de longe steterunt, et vim faciebant qui querebant animam meam (Psal. xxxvii, 12, 13).*

### EPISTOLA CLXIX (448).

AD DOMINUM PAPAM INNOCENTIUM.

*Unde supra.*

Cur clericos Ecclesiæ Lingonensis vocatos detinueris; et quibus munus eligendi committendum.

Dignatio vestra fecit me familiarem, familiaritas præsumptorem. Adsit solita cordi vestro benignitas, ne forte præsumptio pariat indignationem. Audite tamen patienter, non solum quid egerim sed et cur egerim: si forte causa factum possit vel aliquatenus excusare. Ausus sum retinere clericos Lingonenses qui vocati erant, composita tamen pace inter eos: ipsisque persuasis stare deinceps de facienda electione in beneplacito vestro et consilio bonorum, sicut

(448) Scripta anno Christi 1138.

in litteris eorum continetur. Erat autem perneces-  
sarium eos hac vice remanere, propter terras et  
pessiones Ecclesie, quæ datæ sunt prædæ et  
direptioni, dum non est qui custodiat aut defendat.  
Itaque personis quæ non sint suspectæ, quæ non  
querant quæ sua sunt, sed quæ Jesu Christi, injun-  
gatur, si placet, cura eligendi qui Deo placeat et  
finem tandem accipiat Ecclesie tam diuturna et  
miseranda vexatio. Reliqua vero dicenda commisi-  
mus domino Herberto abbati Sancti-Stephani Divio-  
nensis (449), et archidiacono Lingonensi, sociisque  
eorum. Adhuc etiam, ut archidiaconum Lingon-  
ensem, et Bonum Amicum ejusdem ecclesie præ-  
byterum, quoniam fideles in causa Dei exstiterunt,  
eos et res eorum in defensione vestra recipiatis.  
Dignus est enim operarius mercede sua (*Luc.*  
3, 7).

## EPISTOLA CLXX.

AD LUDOVICUM JUNIOREM (450) REGEM FRANCORUM.

*Electionem Godefridi Prioris sui in episcopum Lin-  
gonensem, cui Rex adversari visus est, vindicare  
nititur.*

1. Si totus orbis adversum me conjuraret, ut  
quidpiam molirer adversus regiam majestatem;  
ego tamen Deum timerem, et ordinatum ab eo  
regem offendere temere non auderem. Nec enim  
ignoro ubi legerim: *Qui potestati resistit, Dei ordi-  
nationi resistit* (*Rom. xiii 2*). Sed nec me latet,  
quam omni christiano, quam meæ præcipue pro-  
fessionis mentiri contrarium sit. Veritatem dico,  
non mentior: quod Lingonis de Priore nostro fa-  
ctum est (451), præter spem, præter intentionem  
episcoporum et meam factum est. Sed est qui nolen-  
tium quodam 167 modo extorquet assensum, et  
suo arbitrio etiam adversas hominum voluntates,  
prout vult, subservire compellit. Quando enim ego  
periculum, quod mihi timui, illi æque non me-  
tuerem, quem diligo tanquam me ipsum! Quando  
ego illorum consortium non horrerem, qui alligant  
onera gravia et importabilia, et imponunt humeris

(449) De quo ad epistolam 59.

(450) Scripta anno Christi 1138. — Hunc Florum  
absolute vocat Ordericus in libro xi, pag. 843.  
Ludovicum Florum non semel, nempe in libro xiii,  
pag. 901, 911. In priori hoc loco Ludovicus Grossus  
Tedbaldum Blesensem atque Radulfum Parronen-  
sem, quia discordes erant, pacificasse, et filio suo  
Ludovico Floro, quem ante triennium regem Remis  
constituerat, regnum Gallie commisisse memora-  
tur, et quidem anno 1135. In posteriori loco ad  
annum 1137, idem Ludovicus, mortui proximus,  
« Ludovicum Florum, filium suum, Tedbaldi pala-  
tini comitis, et Radulfi de Parrona consobrini sui  
tutelæ commisit. »

(451) Intellige de Godefrido Bernardi consanguineo,  
qui post multas altercationes unanimi tandem  
consensu ex tertio Clare-Vallis Priore episcopus  
Lingonensis creatus est anno 1138, nimirum schi-  
smate compresso. Nam Godefrido adhuc Priori ex  
Italia Bernardus scripsit epistolam 517, in Octavis  
Pentecostes eodem anno: quo cum ex Italia rediis-  
set, contigit hæc Lingonensis electionis historia,  
nimirum reddita Ecclesie pace, ut discrete habet  
epistola 166. Quanti verò Godefridum fecerit Ber-

A hominum, digito autem suo nolunt ea movere! Fa-  
ctum est tamen quod factum est: contra vos nihil,  
contra me plurimum. Mihi baculus imbecillitatis  
meæ sublatus est, mihi lumen oculorum meorum  
ereptum est, mihi abscissum dextrum brachium  
meum. Omnia excelsa ista et fluctus isti super me  
transierunt. In me transierunt iræ: mihi evadendi  
nulla ex parte patet via. Unde onera fugio, inde et  
subeo invitus et ingratus. Durum mihi sentio contra  
stimulum calcitrare. Tolerabilius fortasse spontaneo,  
quam nolenti et renuenti fuisset. Nam si quid vi-  
rium in me est, nonne id facilius meis, quam alienis  
humeris excercerem?

2. Sed acquiesco aliter disponenti, cum quo  
utique aut judicio, aut viribus contendere, nec cau-  
tum mihi omnino, nec possibile est, sed nec  
Regi. Siquidem terribilis est etiam apud reges  
terræ (*Psal. lxxv, 13*). Horrendum est incidere in  
manus Dei viventis (*Hebr. x, 31*), etiam tibi, o Rex.  
O quam molestis auribus audimus contraria tam  
bonis principis vestris! o quam amarior Ecclesie  
mœror post tanta prælibata gaudia, si frustrari  
(quod absit!) contigerit tam jucunda spe singularis  
clypei sui vestre indolis, sicut hactenus est expertal  
Heu corruit virgo Remensis Ecclesia (452); non est  
qui sublevet eam: corruit et Lingonensis; non est  
qui porrigat manum. Averiat divina clementia a  
corde et consilio vestro super dolorem nostrum  
adjicere, cumulare tristitiam super tristitiam. Quis  
mihi tribuat mori, ne videam Regem bonæ opinionis,  
sed spei melioris, conari Dei consilio obviare, irri-  
tare adversus semetipsum summi Judicis iram,  
pedes Patris orphanorum madefacere lacrymis  
afflictorum, pulsare cœlos clamoribus pauperum,  
sanctorum precibus, justisque querimoniis charissi-  
mæ sponse Christi, quæ est Ecclesia Dei viventis!  
Absit, absit: meliora speramus, exspectamus ju-  
cundiora. Non obliviscetur misereri Deus, nec  
continebit in ira sua misericordias suas. Non con-  
tristabit per illum et de illo Ecclesiam suam, per

nardus, ex hac epistola innotescit, in qua eum vocat  
« baculum senectutis suæ, lumen oculorum, dex-  
trum brachium. » Vide de eo librum secundum Vitæ  
S. Bernardi, cap. 5; et alibi sæpius, necnon Prefa-  
tionem ad librum tertium Vitæ ejusdem. Godefridi  
electio tandem rata fuit anno 1139, ut colligitur ex  
quodam instrumento apud Perardum, pag. 134, ubi  
ecclesia Sancti-Stephani Divionensis ab eo conse-  
crata dicitur anno Christi 1141, « episcopatus ejus  
anno secundo. »

(452) Quippe post mortem Reginaldi archiepi-  
scopi, quæ contigit anno 1139, idibus Januarii, Re-  
mensis Ecclesia fere per biennium pastore viduata  
mansit, non tam clericorum eligentium discidio,  
quam civium tumultu pro communia (quam vo-  
cant) institutione, et innato Ludovici VII odio in  
Theobaldum Campanie comitem, quod pariter in  
comites vicinasque Ecclesias se effudit, ex Marlot  
in tomo secundo Metropolis Remensis, pag. 328.  
Hæc de re rursus conqueritur Bernardus in epistola  
518. Tandem Bernardo dignitatem recusante, ele-  
ctus est anno 1140 Samson, cujus electio aliquandiu  
turbata fuit, ex epistola 222. Confer epistolam 310 et  
224.



quem et de quo in tantis jam letificavit. Quem suo munere contulit, sua longanimitate servavit: et si quid aliter sapitis, et hoc ipsum vobis revelabit, et erudiet corde in sapientia. Hoc optamus, hoc oramus die ac nocte. Hoc sentite de nobis, hoc sentite de nostris. Non infringetur veritas hæc in nobis, non imminuetur honor Regis, regni utilitas per nos.

3. Gratias autem agimus vestræ Clementiæ pro benigno responso, quod a vestra dignatione meruimus. Verumtamen dilatio terret nos, qui videmus terram datam prædæ et direptioni. Terra vestra est: et in hoc plane cognoscimus et dolemus dedecus regni vestri, quod vos jure abhorrere mandastis, si non fuerit qui defendat. Nam in quo alio regia majestas recte in eo quod factum est, imminuta dicatur? Electio rite celebrata est, electus fidelis est. Non autem esset fidelis, si vestra, et non per vos habere vellet. Necdum ad vestra manum extendit, necdum civitatem vestram ingressus est: necdum prorsus se intromisit de aliquo, quanquam invitato cleri et populi, et oppressorum afflictio, et vota honorum id ab eo vehementissime flagitarint. Quæ cum ita sint, opus est, ut videtis, maturatione consilii, non minus vestro honori, quam nostræ necessitati. Et nisi per præsentis nuntios expectanti populo, qui vester est, Serenitas vestra pro 168 voto responderit: multorum religiosorum adversum vos (quod non expedit) devota vobis nunc corda turbabit, et regalibus vestris ipsæ, quæ ad Ecclesiam pertinent, non parvum, ut veremur, incommodum acquiratis.

#### EPISTOLA CLXXI (453).

AD DOMINUM PAPAM INNOCENTIUM.

*Pro Falcone Lugdunensi archiepiscopo electo.*

Qui in aliorum negotiis toties exauditus sum, puto in proprio non confundar. Ego, domine mi, causam archiepiscopi mei meam duco, utpote membrum, quod nil a se ducat alienum quod capitis sit: quod tamen non dicerem, si homo ipse sibi assumpsisset honorem, et non magis a Deo vocatus tanquam Aaron. Nec enim ab alio æstimaverim factum, quod vota tot hominum tam facile convernerunt in eum; ut non dico contradictio, sed nec cunctatio ulla fuerit. Et merito. Est quippe illustris, non minus mentis generositate, quam sanguinis; est scientia, est vitæ honestate. Denique famæ ejus integritas nec inimici quidem deum vetetur. Quod ergo de tali et tali modo factum est, dignum profecto est ut favor apostolicæ gratiæ prosequatur; et honoris plenitudine, quæ sola deest, gaudia plebis suæ consueta benignitate, imo debita liberalitate accumulet. Hoc universa Ecclesia instantissima

A supplicatione deposcit: hoc, puer vester solita presumptione efflagitat.

#### EPISTOLA CLXXII (454).

AD EUNDEN IN PERSONA GODEFRIDI LINGONENSIS EPISCOPI.

*Ejusdem cum superiore argumenti.*

Inter crebra mala quæ his diebus in Ecclesiis videntur accidere occasione electionum, Dominus de cæli prospexit super matrem nostram Lugdunensem Ecclesiam, qui decedenti piæ memoriæ Petro archiepiscopo, virum optimum, Falconem decanum, in omni pace substituit. Peto, domine, ut qui a suis concorditer est electus, utiliter promotus, rite consecratus, a vobis honoris sui officii plenitudinem consequatur. Quod utique audere me facit non meriti conscientia, sed debiti. Debiti dico non solum quod id a me illa Ecclesia jure metropolitico exigit, sed quia in hoc positus sum, ut testimonium perhibeam veritati.

#### EPISTOLA CLXXIII (455).

AD IPSUM FALCONEM.

*Religiosorum quorundam causam commendat.*

Scriptimus ad dominum Papam dominus episcopus (456) et ego pro vobis, prout oportere putavimus: et habetis exemplar litterarum. Habemus autem in voluntate in æternum non deficere vobis pro viribus, propter bonum quod de vobis confidimus. Vestra autem interest facere, ut non confundamur sic confidentes. De cætero si inveni gratiam in oculis vestris, intelligite super egenos et pauperes illos, qui sunt apud Benedictionem Dei (457). Quod enim uni ex illis feceritis, mihi, imo Christo, facietis. Nam et pauperes sunt, et habitant inter pauperes. Hoc præcipue obsecramus, ut Saviniacenses monachos prohibeatis ab infestatione eorum: quoniam calumniantur eos injuste, ut 169 putamus. Aut si se confidunt habere justitiam, judicate inter illos. Filius noster abbas Albericus, etsi suis meritis commendabilior, nostris tamen precibus vobis ut commendatio sit, obsecramus. Tenere quippe diligo eum, tanquam mater unicum filium: et diligit eum qui diligit me. Denique in eo experiar si me curatis. Quo enim longe a me positus est, eo magis necessariam habet paternam vestram consolationem.

#### EPISTOLA CLXXIV (458).

AD CANONICOS LUGDUNENSES, DE CONCEPTIONE S. MARIE.

*Conceptionis festum notum esse, nullo niti legitimo fundamento: cæterum non fuisse instituendum inconsulta Sede apostolica cui sententiam suam subjicit.*

1. Inter Ecclesias Galliæ constat profecto Lugdu-

Claræ-Vallis in diocesi Lugdunensi, fundata est anno 1138. Abbas primus Albericus. Ab ea non longe distabat Saviniacense monasterium, Ordinis S. Benedicti, ejusdem diocesis: cujus loci tum abbas iterius, de quo Bernardus alibi queritur.

(458) Scripta circa annum Christi 1140,

(453) Scripta anno Christi 1139. Vide epistolam 165.

(454) Scripta eodem anno.

(455) Scripta eodem anno.

(456) Nimirum Godefridus Lingonensis.

(457) Benedictio-Dei, Ordinis Cisterciensis, filia

nensem hactenus præeminuisse, sicut dignitate sedis, sic honestis studiis, et laudabilibus institutis. Ubi etenim æque vignet disciplinæ censura, morum gravitas, maturitas consiliorum, auctoritatis pondus, antiquitatis insigne? Præsertim in officiis ecclesiasticis haud facile unquam repentinis visa est novitatis acquiescere, nec se aliquando juvenili passa est decolorari levitate Ecclesia plena iudicii. Unde miramur satis, quid visum fuerit hoc tempore quibusdam vestrum voluisse mutare colorem optimum, novam inducendo celebritatem, quam ritus Ecclesiæ nescit, non probat ratio, non commendat antiqua traditio. Nunquid Patribus doctiores, aut devotiores sumus? Periculose præsumimus, quiddam ipsorum in talibus prudentia præterivit. Nec vero id tale est, quod nisi prætereundum fuerit, Patrum quiverit omnino diligentiam præteriri.

2. At valde honoranda est, inquis, Mater Domini. Bene admones: sed honor Reginae iudicium diligit. Virgo regia falso non eget honore, veris cumulat honorum titulis, infulsis dignitatum. Honora sane integritatem carnis, vitæ sanctitatem: mirare fecunditatem in Virgine, Prolem venerare divinam. Extolle nescientem, vel in concipiendo concupiscentiam, vel in pariendo dolorem. Prædica reverendam Angelis, desideratam gentibus, Patriarchis, Prophetis quæ præcognitam, electam ex omnibus, prælatam omnibus. Magnifica gratiæ inventricem, mediatricem salutis, restauratricem sæculorum: exalta denique exaltatam super choros Angelorum ad cælestia regna. Hæc mihi de illa cantat Ecclesia, et me eadem docuit decantare. Ego vero quod ab illa accepi, securus et teneo, et trado: quod non, scrupulosius, fateor, admiserim.

3. Accepi sane ab Ecclesia illum diem cum summa veneratione recolendum, quo assumpta de sæculo nequam, cælis quoque intulit celeberrimorum festa: auditorum. Sed et ortum Virginis didici nihilominus in Ecclesia, et ab Ecclesia indubitanter habere festum atque sanctum; firmissime cum Ecclesia sentiens, in utero eam accepisse ut sancta prodiret. Et de Jeremia siquidem lego, quod, priusquam de ventre [al. de vulva] exiret, sanctificatus sit: et de Joanne Baptista non secus sentio, qui ex utero Domini in utero sensit (Luc. 1, 41). Videris etiam tu, an de sancto David id ipsum liceat opinari, pro eo quod dicebat Deo: *In te, ait, confirmatus sum ex utero; de ventre matris meæ tu es protector meus* (Psal. LXX, 6): item, *De ventre matris meæ Deus meus es tu, ne discesseris a me* (Psal. xxi, 11). Et Jeremiæ quidem sic dictum est: *Priusquam te formarem in utero, novi te; et antequam exires de vulva sanctificavi te* (Jerem. 1, 5). Quam pulchre interfigurationem in utero, et parturitionem ex utero divinum distinxit oraculum! ut illam tantum præcognitam, istam et sanctitatis munere præornatam ostenderet: ne quis Prophetæ prærogativam de sola præscientia seu prædestinatione 170 putaverit æstimandam.

4. Esto tamen ut hoc de Jeremia concedamus,

A Quid respondebitur de Joanne Baptista, quem angelus prænuntiavit Spiritu sancto repletum iri adhuc in utero matris suæ? Prorsus hoc ad prædestinationem præscientiæ referri posse non arbitror. Verba nempe angeli, sicut ipse prædixit, completa absque dubio sunt in tempore suo: et quem prælocutus est Spiritu sancto replendum, non est fas credere non repletum; idque loco et tempore quo prædixit. Certissime autem sanctus Spiritus quem replevit, sanctificavit. Cæterum quatenus adversus originale peccatum hæc ipsa sanctificatio valuerit, sive pro isto, sive pro illo propheta, vel si quis alius simili præventus gratia fuerit; non temere dixerim. Sanctificatos tamen non dubitaverim dicere, quos Deus sanctificavit, et cum eadem sanctificatione prodixit ex utero, quam acceperunt in utero: nec reatum, quem in conceptione traxerunt, valuisse ullatenus horum natali jam donatam præpedire seu præripere benedictionem. Attamen quis dicat Spiritu sancto repletum, manere adhuc filium nihilominus iræ; et, si mori in utero contigisset cum hac plenitudine spiritus, poenas luiturum damnationis? Durum est. Minime tamen ausim hinc quidpiam mea sententia definire. Sed quiddam de hoc sit, merito Ecclesia, quæ cæterorum non nativitatem, sed mortem sanctorum iudicat et prædicat pretiosam, singulari quadam exceptione festis præfert gaudia, veneraturque illius natalem, de quo nuntiante angelo singulariter legit: *Et multi in nativitate ejus gaudebunt* (Luc. 1, 14, 15). Cur enim non sit illius exitus sanctus, ac proinde festivus et lætus, qui potuit exultare et in utero?

C 5. Quod itaque vel paucis mortalium constat fuisse collatum, fas certe non est suspicari tantæ Virgini esse negatum, per quam omnis mortalitas emerit ad vitam. Fuit procul dubio et Mater Domini ante sancta, quam nata: nec fallitur omnino sancta Ecclesia, sanctum reputans ipsum. Nativitatis ejus diem, et omnia anno cum exultatione universæ terræ votiva celebritate suscipiens. Ego puto, quod et copiosior sanctificationis benedictio in eam descenderit, quæ ipsius non solum sanctificaret ortum, sed et vitam ab omni deinceps peccato custodiret immunem: quod nemini alteri in natis quidem mulierum creditur esse donatum. Decuit nimirum Reginam virginum singularis privilegio sanctitatis, absque omni peccato ducere vitam: quæ dum peccati mortisque pareret peremptorem, munus vitæ et justitiæ omnibus obtineret. Sanctus igitur ortus, quoniam immensa prodians ex utero sanctitas sanctum fecit illum.

D 6. Quid adhuc addendum his putamus honoribus? Ut honoretur, inquit, et conceptus, qui honorandus prævit partum: quoniam si ille non præcessisset, nec iste esset qui honoratur. Quid si alius, propter eandem causam, etiam utrique parenti ejus festos honores asserat deferendos? Sed de avis et proavis idipsum posset pro simili causa quilibet agitare: et sic tenderetur in infinitum, et festorum

non esset numerus. Patriæ est, non exilii frequentia hæc gaudiorum : et numerositas festivitatum civis deest, non exules. Sed profertur scriptum superne, ut aiunt, revelationis (459) : quasi et quis non queat scriptum æque producere, in quo Virgo videatur idipsum mandare et de parentibus suis, juxta Domini mandatum, dicentis, *Honora patrem tuum et matrem tuam* (Exod. xx, 12). Ipse mihi facile persuadeo scriptis talibus non moveri, quibus nec ratio suppeditare, nec certa invenitur favere auctoritas. Nam quid consequentiæ habet, ut quoniam sanctum præcessit natalem conceptus, propterea repntetur et ipse sanctus? Nunquid quoniam præcessit eum, fecit et sanctum? Etsi præcessit ut esset, non tamen ut sanctus esset. Unde etenim illa ipsi sanctitas, quam secuturo transmitteret? An non potius quia præcessit **171** absque sanctitate conceptus, oportuit nimirum sanctificari conceptam, ut sanctus sequeretur jam partus? an forte mutuatus est sanctitatem a posteriori prior? Potuit sane illa, quæ in jam concepta facta est sanctificatio, ad ipsum qui sequebatur transire natalem : redire vero retrorsum ad conceptum qui præcesserat, jam omnino non potuit.

7. Unde ergo conceptionis sanctitas? An dicitur sanctificatione præventa, quatenus jam sancta conciperetur, ac per hoc sanctus fuerit et conceptus; quemadmodum sanctificata jam in utero dicitur, ut sanctus consequeretur et ortus? Sed non valuit ante sancta esse, quam esse : siquidem non erat antequam conciperetur. An forte inter amplexus maritalis sanctitas se ipsi conceptioni immiscuit, ut simul et sanctificata fuerit, et concepta? Nec hoc quidem admittit ratio. Quomodo namque aut sanctitas absque Spiritu sanctificante, aut sancto Spiritui societas cum peccato fuit? aut certe peccatum quomodo non fuit, ubi libido non defuit? Nisi forte quis dicat de Spiritu sancto eam, et non de viro conceptam fuisse : sed id hactenus inauditum. Lego denique Spiritum sanctum in eam, non cum ea venisse, dicente angelo : *Spiritus sanctus superveniet in te* (Luc. i, 35). Et si licet loqui quod Ecclesia sentit, et verum ipsa sentit : dico gloriosam de Spiritu sancto concepisse, non autem et conceptam fuisse ; dico peperisse virginem, non tamen et partam a virgine. Alioquin ubi erit prærogativa Matris Domini, qua singulariter creditur exaltare et munere proles, et integritate carnis, si tantumdem dederis et matri ipsius? Non est hoc Virginem honorare, sed honori detrabere. Si igitur ante conceptum sui sanctificari minime potuit, quo-

am non erat ; sed nec in ipso quidem conceptu, propter peccatum quod inerat : restat ut post conceptum in utero jam existens, sanctificationem accepisse credatur, quæ excluso peccato sanctam fecerit nativitatem, non tamen et conceptionem.

8. Quamobrem etsi quibus vel paucis filiorum hominum datum est cum sanctitate nasci ; non tamen et concipi : ut uni sane servaretur sancti prærogativa conceptus, qui omnes sanctificaret, solusque absque peccato veniens, purgationem faceret peccatorum. Solus itaque Dominus Jesus de Spiritu sancto conceptus, quia solus et ante conceptum sanctus. Quo excepto, de cætero universos respicit ex Adam natos, quod unus humiliter de semetipso ac veraciter confitetur : *In iniquitatibus, inquam, conceptus sum, et in peccatis conceptus mater mea* (Psal. l, 7).

9. Cum hæc ita se habeant, quænam jam erit festivæ ratio Conceptionis? Quo pacto, inquam, aut sanctus asseretur conceptus, qui de Spiritu sancto non est, ne dicam de peccato est : aut festus habebitur, qui minime sanctus est? Libenter gloriosa hoc honore carebit, quo vel peccatum honorari, vel falsa induci videtur sanctitas. Alioquin nulla ej ratione placebit contra Ecclesiæ ritum præsumpta novitas, mater temeritatis, soror superstitionis, filia levitatis. Nam si sic videbatur, consulenda erat prius apostolicæ Sedis auctoritas, et non ita precipitanter atque inconsulte paucorum sequenda simplicitas imperitorum. Et ante quidem apud aliquos errorem compereram : sed dissimulabam, parcens devotioni, quæ de simplici corde et **172** amore Virginis veniebat. Verum apud sapientes, atque in famosa nobilique Ecclesia, et cujus specialiter filius sum (460), superstitione deprehensa ; nescio an sine gravi offensa etiam vestri omnium dissimulare potuerim. Quæ autem dixi, absque præjudicio : ane dicta sint sanius sapientis. Romanæ præsertim Ecclesiæ auctoritati atque examini totum hoc, sicut et cætera quæ ejusmodi sunt, universa reservo : ipsius, si quid aliter sapio, paratus judicio emendare.

## EPISTOLA CLXXV.

AD PATRIARCHAM JEROSOLYMORUM (461).

*Præventus ejus litteris familiariter respondet, et milites Templi commendat.*

Patriarchalibus scriptis sæpius visitatus, ingratus jam videbor, si non rescripsero. At si saluto eum qui me salutavit, quid amplius feci? Tu enim me prævenisti in benedictionibus dulcedinis ; tu me prior dignatus es tuis transmarinis epistolis visi-

Jerosolymitanus, ab anno 1130 ad annum 1145. De eo in Historia beate Mariæ de Fontanis, Spicilegii tomo X, pag. 369, ubi mentio de reliquiis ab eo missis Fontanas per Lambertum ejus loci eremitam. Ordericus etiam sub finem libri decimi terii de eo ita habet : « Anno ab Incarnatione Domini 1128, indictione sexta, Germundus patriarcha Jerusalem obiit. Stephanus autem Carnotensis post illum sanctam Sion duobus annis rexit ; quo migrante, Guillelmus Flandrensis successit. » Idem auctor ad an-

(459) Hujusmodi scriptum Elsinio abbati Anglo tribuitur apud Anselmum pagg. 503, 507 novæ editionis.

(460) Lugdunensis nempe Ecclesia Bernardi matris metropolitico jure, ut ipse loquitur in epistola 173, quippe Fontanæ, natalis ejus locus prope Divionem, et monasterii sedes Clare-Vallis, erant sub metropoli Lugdunensi, diocesis Lingonensis.

(461) Scripta circa annum 1135. — Is est Wilhelmus Gallo-Belga, ex eremita Turonensi patriarcha



tare, tu mihi primas humilitatis charitatisque præcipuisti partes. Quid condignum jam referam? Nihil mihi denique reliquisti, quod pari queam rependere vice: qui etiam de thesauro sæculorum mihi impartire curasti, id est, de ligno Domini. Quid tamen? debeone omittere quod possum, quoniam quod debeo minime possum? Affectum saltem voluntatemque aperio, rescribendo duntaxat atque resalutando, quod solum interim per tot utique spatia terræ et maris licet. Ostendam autem, si unquam accepero tempus, me nequaquam diligere verbo sive lingua, sed opere et veritate. Super milites Templi ponite, quæso, oculos vestros, et tantæ pietatis viscera tam strenuis Ecclesiæ propugnatoribus aperite. Hoc siquidem acceptum erit Deo et gratum hominibus, si foveatis eos, qui suas animas pro fratribus posuerunt. De loco autem ad quem nos invitatis, frater Andreas (462) dicet vobis voluntatem nostram.

#### EPISTOLA CLXXVI (463).

AD DOMINUM PAPAM INNOCENTIUM, EX PERSONA ALBERONIS TREVERENSIS ARCHIEPISCOPI (464).

*Suum erga Innocentium, citramontanæque Ecclesiæ studium et obedientiam declarat.*

1. Voluntas cordis mei et desiderium satis inquietum adeundi et videndi desideratam Beatitudinis vestræ præsentiam; sed et cognoscendi certius quæ circa vos sunt, rursumque qualiter se habeant nostra vobis vicissim diligentius intimandi; jamdudum itineris me admonet, atque indesinenter sollicitat. Cæterum terræ ac diei malitia, et præter instantiam meam quotidianam etiam nonnulla vestræ necessitatis causa impeditus, voto facere satis non potui usque adhuc, sed necdum possum. Sed quid? sanum justumque propositum nunquid omittendum ex toto fuit, quia ex toto adimpleri non potuit? Fuit ergo consilii, per hunc venerabilem Hugonem, Tullensis Ecclesiæ archidiaconum (463), interim saltem aliquatenus consolari conceptum jam olim desiderium, curamque relevare quam patior. Nec enim fidelior, studioior, cautiorve illo **173** ad manum esse potuit, sive in referendo ad vos quæ nos illi injungimus; sive in referendo ad nos, si qua vestræ dignationi placuerit remandare. Itaque de beneplacito vestro, de statu curiæ, ac vestræ sospitate personæ, et si quid blandius aura secundior a divina clementia recens forte spiraverit Ecclesiæ, adversus

ann 1137, pag. 912, memorat Radulfum Jerosolymorum præsulem, qui a Papebrochio in Tractatu preliminari tomi III Maii omissus est. Et sane teste Guillelmo Tyrensi, Willelmus anno 1142 Balduinum regem tumulavit, idemque anno 1145 Fulcherium habuit successorem. An binominis Willelmus? an hic Orderici lapsus? Ad Willelmum item exstat interius epistola 395.

(462) Num Andreas Bernardi avunculus, miles Templi, ad quem epistola 288? an potius Andreas Bernardi frater, monachus Claræ-Vallensis, idemque qui in epistola 184? aut Andreas de Baldemento, in epistola 226, n. 2? Locus hic indicatus nescio an sit, quem Bernardus Præmonstratensibus concessit, ex epistola 252.

A schismaticorum procacem, sed inefficacem rabiem desudanti; de his omnibus plenius instrui cupimus, et supplicamus.

2. Porro nostram citramontanam Ecclesiam tam in nostro, quam in Francorum regno noveritis fortem in fide, pacificam in unitate, devotam in vestra obedientia, promptam ad servitium. Nequaquam nos Beneventi, non Capuæ (466), non ipsius Romæ terret, Deo sic judicante, amissio; scientes Ecclesiæ statum non armis æstimari, sed meritis. Ipsius quippe, non alterius agnoscimus voces illas in Psalmo: Si consistant adversum me castra, non timebit cor meum: si exsurgat adversum me prælium, in hoc ego sperabo (Psal. xvi, 3). Propterea et nos quia de Ecclesia sumus, non timebimus dum turbabitur terra, et transferentur montes in cor maris. Glorietur tyrannus Siculus quantum vult, gloriatur in malitia quod potens est in iniquitate: nostra autem virtus in infirmitate perficitur. Ecclesia quando infirmatur, Pauli magisterio didicit esse potentior (II Cor. xii, 10). Didicit e regione et a Salomone, quod prosperitas stultiorum occidit eos (Prov. i, 32): didicit et stultum firma radice cum viderit, statim maledicere pulchritudini ejus (Job v, 3). Ideo cum sancto David sese in utroque consolatur, et hostium vide licet casu, et liberatione sui: ait siquidem, *Hi in curribus et hi in equis: nos autem in nomine Domini Dei nostri invocabimus. Ipse obligati sunt, et ceciderunt: nos autem surreximus, et erecti sumus* (Psal. xix, 8, 9). Hæc pauca vobis consolandi gratia, de quibus certus fui, fideli attestazione intimanda esse putavi, ad relevandam vel ex aliqua parte eam, quæ vestra viscera incessanter affligit, sollicitudo omnium Ecclesiarum. Hoc quoque addo, dominum Regem (467), Deo eum confortante, fervere et accingi ad liberationem Ecclesiæ, et parare sibi exercitum multum nimis: nos quoque fideliter ad hoc ipsum pro viribus laborare, exhortari, et sollicitare quos possumus: et cum tempus advenit, non expensis, non personæ propriæ parciturum.

#### EPISTOLA CLXXVII (468).

AD EUMDEM IN PERSONA EJUSDEM.

*Queritur impositum sibi pastorale munus; sed in exsequendis quæ sui sunt muneris, impediri emulatione aliorum, non sine ipsius culpa Pontificis.*

1. Nunquid petivi episcopatum a Domino meo? Et si forte cathedram affectavi, sed non Treveren-

(463) Scripta eodem anno. Vide ad epistolam 30.

(464) Is ex primicerio Metensi, ad quem epistola 30, archiepiscopus Treverensis, cui Hugo Metellus inscribit epistolam 6: « Alberoni venerabili Treverorum episcopo. Legatio beati Petri tibi commissa est, quæ aliquid dignitatis et potestatis addit tibi. » Eundem in epistola 30, Treverorum archangelum vocat.

(465) De eo vide librum iv Vitæ S. Bernardi, cap. 3, n. 51.

(466) Hæc de Apulia capta a Rogerio, quem hic et alias vocat tyrannum Siculum.

(467) Lotharium imperatorem.

(468) Scripta anno Christi 1139.

sem. Sciebam quippe domum exasperantem, populūque duræ cervicis. Oleram illos, quod semper in fœce discordiæ jaccissent, Ecclesiæ resistentes. Pro qua si quos labores quandoque sustinui, non me piget: sed hunc inde fructum nec speravi, nec volui. Laboravi sustinens, libens quidem, sed non hæc spe præmii. Duram provinciam nactus sum, peccatis meis exigentibus. Inter cætera quibus angor, suffraganeos accepi juvenes et nobiles (469). Adjuutores esse deberent, et utinam non adversarentur. Sed supersedeo: per alium malo, ut innotescant vobis mores eorum et studia, si nescitis. Dico tamen: Jus, fas, honestas, religio in nostris episcopatibus perierunt. Malum quod pro debito officii dissimulare non audeo, breviter simpliciterque intumui: ut quod non placet providentiæ vestræ per me corrigi, per me saltem vobis, qui corrigere potestis, innotescat, ne omnino vacuum videar portare nomen archiepiscopi. Et mihi melius quidem **174** esset non ascendisse, quam sic descendere cum rubore.

2. Sed de me quæ cura? Bene quod dignus sum, patiar, tanquam male operans. Sim certe opprobrio etiam meis, sua spe nimirum frustratis, quam de me, ut sibi me præesse vellent, conceperant: dum comperiant Ecclesiæ suæ per me magis imminui dignitatem, cujus per me etiam antiqua damna restitui posse putaverant. Hæc omnia sustineo, etsi non libenter, certe patienter, ne unquam videar recalcitrare obedientiæ, pro qua etiam dare animam, si necesse sit, debere me fateor. Verum hoc sollicitudinem vestram attendere velim, creationis injuriam respicere ad creatam; et vires quas mihi subtrahitis, vobis minuitis; et contemptus meus, et dejectio mea redundat in vos. Multa habeo conqueri vobis de vobis: sed reservo ea pandenda nuntio, quem novi ad hoc satis industrium et fidelem. Significo etiam vobis sustinere nos periculum in falsis fratribus. Legati quippe schismaticorum intrant et exeunt a quosdam de nostris liberius quam solebant, et verba tyranni Siculi familiariter admittuntur.

#### EPISTOLA CLXXVIII (470).

AD DOMINUM PAPAM INNOCENTIUM PRO ALBERONE  
TREVERENSI ARCHIEPISCOPO.

*Queritur perverfos quosdam et Ecclesiæ perniciosos*

(469) Stephanum scilicet Metensem, Calixti II papæ ex sorore nepotem, ab anno 1120; Alberonem Virdunensem, filium Arnulphi comitis Chisneiensis, ab anno 1126; et Henricum Tullensem, Theoderici Lotharingæ ducis filium, ab anno 1124, de quibus tamen multa laudabilia prædicantur. De Stephano vide Chronicon Metensium episcoporum in Spicilegii tono sexto; de Alberone, tonum duodecimum, ubi uterque tamen bellis gerendis nimis deditus perhibetur. Alberonis querelæ explicantur in epistola sequente.

(470) Scripta anno Christi 1139 ex Brovvero.

(471) Parochiæ nomine (quod omnibus notum) intelligebant veteres dioceses episcopi.

(472) In frequentem etiam usum seu abusum appellationum Hildebertus Cenomannensis antistes epistolam 83 scripsit ad Honorium II. Vide librum III De consideratione, cap. 2.

*homines in exsequendis pravis consiliis pontificia auctoritate muni: alios interim præules, solum Dei habentes, destitui, et contemni.*

Amantissimo Patri et domino INNOCENTIO summo Pontifici, suus BERNARDUS, quod suus.

1. Fidenter loquor, quia fideliter amo. Nec enim sincerus est amor, ubi dubietatis scrupulus suspicionis fœcem retinet. Querimonia domini Treverensis non est ejus solius, sed communis multorum, eorumque præcipue, qui sinceriori affectu vos diligunt. Vox una omnium, qui fideli apud nos cura populis præsent, justitiam in Ecclesiâ deperire, annullari Ecclesiæ claves, episcopalem omnino vilescere auctoritatem, dum nemo episcoporum in promptu habeat ulcisci injurias Dei, nulli liceat **B** illicita quævis, ne in propria quidem parochia (471), castigare. Causam referunt in vos, curiamque Romanam (472). Recte gesta ab ipsis, ut aiunt destruitis, juste destructa statuitis. Quique flagitiosi et contentiosi de populo, sive de clero, aut etiam ex monasteriis pulsati, currunt ad vos: redeuntes jactant et gestiunt se obtinuisse tutores, quos magis ultores sensisse debuerant. An non gladius Phinees promptissime atque justissime eductus fuerat ad condemnandum incestuosum concubitum Drogonis et Milis? Sed confusus atque retusus abiit retrorsum, scuto nimirum apostolicæ defensionis opposito. Proh pudor! quos cachiunos res ista movit et movet Ecclesiæ inimicis, eisque etiam ipsis, quorum fortasse metu aut favore a recto tramite abducti sumus! Amici confunduntur, fidelibus insultatur, **C** episcopi ubique in opprobrium veniunt et contemptum: quorum dum recta judicia contemnuntur, vestræ quoque plurimum derogatur auctoritati.

2. Ipsi sunt enim qui honorem vestrum zelant, qui vestra pro pace et exaltatione laborant fideliter quidem, sed vereor ne inefficaciter. Quid vobis vires minuitis? quid robur vestrum deprimitis? quousque retunditis arma fidelia militantis vobis, humilitatis cornua erecta vestræ virtutis et salutis? Plorans plorat desolationem suam apud Tullum Ecclesiæ sancti Gengulfi (473): nec est qui consoletur eam. Quis enim se opponat brachio excelso, torrentis impetui, summæ arbitrio **175** potestatis? **D** Eandem se sustinere Beatus Paulus violentiam apud Virdunum conqueritur (474), archiepiscopo jam non

(473) Vide epistolam 139.

(474) Monasterium Sancti-Pauli apud Virdunum Ordinis S. Benedicti laxatis disciplinæ regularis habentis, in aliquam morum licentiam defluerat. Qua occasione Albero II Virdunensis episcopus, qui Urioni anno 1131 successerat, illud ad Præmonstratenses transferendum curavit, Innocentio papa approbante, et tertium usque confirmante. Diu reclamare et obistere domesticis illius loci cœnobitiæ, imo ipse Petrus Venerabilis, vir alias modestissimus, ea de re apud Matthæum Albanensem graviter exposulavit. His querelis Innocentius nonnihil motus, causam istam in jus et discussionem revocare parabat. Sed tandem Bernardi commendatione superatus, rem totam confecit, suis litteris iterum confirmans quod fuerat ab Alberone factum.

valente eum defendere ab insania monachorum, A licæ Sedis essent familiaritate speciali donandi, vel amplius exaltandi?

quippe apostolicis sustentationibus amplius confortata, quasi non satis per se insanirent. Quid, quæso, novæ rationis tandem inventum est, ut quod semel bonæ famæ et vitæ canonicis vestra fuerat provida et necessaria dispensatione concessum, secundo confirmatum, tertio, ut aiunt, roboratum, rursus veniat in jus, revocetur in discussionem? siquidem et duo illa supra memorata, per vos nihilominus sancita, per vos et convulsa dicuntur. Talibus hostiis non promeretur Deus; heu! non placatur ira, non conciliatur gratia, non provocatur misericordia. Pro his atque similibus needum avertitur furor Domini; sed adhuc brachium ejus extentum, et virga illa apud Jeremiam vigilans super peccata nostra.

3. Et quidem iratus est Deus schismaticis: sed catholicis nequaquam propitius. Ecclesia quoque Metensis gravi (quod vobis [at. nobis] bene comper- B tum est) episcopi et clericorum contentione periclitatur. Super quo quid decernere vobis placuerit, vos scitis: sed pax nondum est, nec proxime futura speratur. Ego (ut quod super his meæ visum est parvitati, non taceam) et hoc, et duo illa alia, Tullense dico ac Viridunense, terminanda negotia securius metropolitano, atque convenientius posse committi putaverim, qui et omnia novit, et in multis probatus, Ecclesiæ testimonio fidelis inventus est. Alioquin videte quid illis episcopatibus faciatis (475), Metensi scilicet atque Tullensi; quia, ut verum fatear, videntur esse absque episcopis: et utinam absque tyrannis. Tales cum defensantur, sustentantur, honorantur, foventur; mirantur nimirum et scandalizantur multi, qui illa in moribus et vita eorum certissime sciunt, quæ magis essent, non dico in episcopis, sed etiam in quibuslibet sæcularibus damanda penitus et execranda: quæ quidem et me scribere puduit, nec vos decuisset audire. Esto quod nemine accusante non possint deponi: nunquid tamen quos passim accusat fama, aposto-

(475) Quæ hic contra episcopos Metensem et Tullensem a Bernardo intorquentur, intelligenda sunt de Stephano Metensi et Henrico Tullensi, siquidem saviente adhuc Anacleti schismate hæc epistola scripta est, ut supra dictum est, et quidem fere anno 1135, ut infra dicendum erit. De Stephano sic prior Appendix Historiæ episcoporum Metensium: « Domino Popponi tam Burgundionum, quam Lotharingorum, excellenti genere clarus, sed virtute et animi nobilitate clarior dominus Stephanus anno Domini 1120, videlicet anno secundo Calixti II papæ successit. Hic Calixti ex sorore nepos, cum regalia pondum ab Henrico V qui tunc temporis arcem tenebat imperii, receperet, schismate inter regnum et sacerdotium adhuc durante, in urbe Romana ab eodem pontifice summo consecratus est, et tam pallii dignitate, quam cardinalis titulo honoratus. » (Spicilegii tom. VI, pag. 661.) Cur autem Bernardus de eo tam acerbè conqueratur, non facile est conjicere. Nam præter supradicta, de eo ita legitur in prædicta Historia: « Cujus gesta inelyta et annalibus digna enumerare et literis explicare si vellent, ante quidem membrana deliceret quam materia. » Imo Bernardus ipse epistola 29, ipsi congratulatur ob pacem Ecclesiæ Metensi restitutam, et epistola 367, Gui-

doni cancellario eum commendat. Crediderim certe Bernardo Stephanum explicuisse ob varios armorum conflictus ab ipso excitatos, ut Ecclesiæ suæ prædia a nobilibus intercepta repeteret, obsidiones factas, castella diruta, atque id genus non pauca, ut in eadem Historia describuntur, quæ magis « leunculum aliquem, » ut Bernardi verbis utar. epist. 230, quam ovium pastorem exprimerent. Cæterum Alberone primicerio in episcopum Leodiensem assumpto anno 1135 (ut quidem ex temporis rata serie conjicere est, vide notas ad epistolam 30), cum canonici electionis suffragiis alterum primicerium sufficissent, alterum Stephanus propria auctoritate obtinere voluisset; magna exinde nata est contentio, quam Innocentius dirimendam aggressus est, prætermisso metropolitano, archiepiscopi scilicet Treverensis, judicio: qua de re hic Bernardus apud ipsum conqueritur. Quod attinet ad Henricum Tullensem episcopum, eadem fortasse de causa apud S. Virum male audiit, nempe ob belli negotia cum Fridrico comite Tullensi diutius agitata, anno tandem 1136 composita, ut ex Innocentii literis, quas Chesnius ex Tullensi Ecclesiæ Chartophylacio evulgavit, intelligitur.

4. Quoniam enim merito suæ vel sacerdotalis sanctitatis, vel episcopalis honestatis, obtinuit Metensis ut et electio facta a canonicis, ad nutum ejus un- cum Ecclesiæ libertate cassetur, et primicerius ad consilium ejus contra illius Ecclesiæ privilegia eligatur? Quam justius honestiusque, si vestræ placuisset discretioni, homo majori digno honore debito proprioque non privaretur? Treverensem dico, quem et ab hoc, et a cæteris diocesis suæ terminandis negotiis, quasi suspectum aut minus expertum, non sine murmure multorum Deum timentium exclusistis. Credite fidei vestro, quia provinciæ illi, quantum comperi, omnino non expedit.

5. Hæc scribens, præsumptionis metuerem notam: si nescirem cui, et nescirer qui scribam. Sed novi ingentem mansuetudinem vestram: novi et me notum vobis, et affectum quo hæc audeam apud vos, dulcissime atque amantissime Pater. Iterum de Treverensi, ut scriatis, qualiter nuntium ejus suscipi oporteat, et verba quæ portat: dico vobis quod magnum locum tenet in regno illo, vobis et Ecclesiæ Dei homo fidelis, et constans, et nullatenus malevolis et subversoribus assensum præbens, a quibus non deest ei frequens et satis importuna tentatio; nec deerit insultatio, si quo minus a vobis eum exaudiri contigerit. Nuntium in fine commendare volui: sed satis eum suæ honestatis commendant merita, præcipueque amor specialis et fidelis devotio, qua ipsum vobis firmiter inhærere, si non crederem, nequaquam per eum tam familiaria scriberem.

## 176 EPISTOLA CLXXIX (476).

AD EUMDEM PRO EODEM.

Causam Alberonis archiepiscopi Treverensis agit adversus abbatem Sancti-Maximini et monachos rebelles et contumaces.

Quomodo malitia vincit sapientiam? Nosti, pie

doni cancellario eum commendat. Crediderim certe Bernardo Stephanum explicuisse ob varios armorum conflictus ab ipso excitatos, ut Ecclesiæ suæ prædia a nobilibus intercepta repeteret, obsidiones factas, castella diruta, atque id genus non pauca, ut in eadem Historia describuntur, quæ magis « leunculum aliquem, » ut Bernardi verbis utar. epist. 230, quam ovium pastorem exprimerent. Cæterum Alberone primicerio in episcopum Leodiensem assumpto anno 1135 (ut quidem ex temporis rata serie conjicere est, vide notas ad epistolam 30), cum canonici electionis suffragiis alterum primicerium sufficissent, alterum Stephanus propria auctoritate obtinere voluisset; magna exinde nata est contentio, quam Innocentius dirimendam aggressus est, prætermisso metropolitano, archiepiscopi scilicet Treverensis, judicio: qua de re hic Bernardus apud ipsum conqueritur. Quod attinet ad Henricum Tullensem episcopum, eadem fortasse de causa apud S. Virum male audiit, nempe ob belli negotia cum Fridrico comite Tullensi diutius agitata, anno tandem 1136 composita, ut ex Innocentii literis, quas Chesnius ex Tullensi Ecclesiæ Chartophylacio evulgavit, intelligitur.

(476) Scripta anno Christi 1139.



domine, nosti Treverensem archiepiscopum? scio quia nosti. Nosti et illum Sancti-Maximini non sanctum abbatem? Puto quia non nosti. Quis dignior honore illo priori? sic nemo confusione dignior isto sequenti: et tamen iste honoratus est, ille opprobrio latus. Quid peccavit archiepiscopus? Prædam Ecclesie suæ recuperavit, captivam Ecclesiam de manu laica liberavit (477). Nunquid pro bono reditur malum, et odium pro dilectione? Hic, quæso, hic evigilet oculus pietatis, et semotis paulisper occupationibus consideret, quantum subreptum sit ei, ut talis, qualem pudet dicere, talem qualem tu ipso nosti, faciat opprobrium vicinis suis, inimicis tuis. Piissime Pater, affectus filialis loquitur. Hucusque condoluimus misero et miserabili archiepiscopo. Verum ex hoc jam si non fuerit emendatum, dolor cordis nostri et compassio ex intimis medullis, tota transibit ad illum, per quem potuit emendari. Sunt et aliæ læsiones præfati viri, quas cum ei alleviaveritis, vobis procul dubio laborabitis. Quidquid dulcissimi domini mei nomen decolorat, cor meum excoriat.

#### EPISTOLA CLXXX (478).

AD EUNDEM PRO EODEM.

*Iterum commendat pontifici negotium archiepiscopi Treverensis, ut sententiam subreptitiis obtentam, prævia meliore causæ cognitione, revocet.*

Iterum supplicatio, iterum preces, et decies repetita non desinent. Non desistimus, quia non diffidimus. Bonam causam habemus, et æquum iudicem, qui non cunctabitur evacuare quod subreptum est, cum apparebit quod verum est; nec poterit inde ridere, qui voluit irridere: sed, ut scriptum est, *mentita est iniquitas sibi (Psalm. xxi, 42)*. Hoc solet habere præcipuum apostolica Sedes, ut non pigeat revocare quod a se forte deprehenderit fraude elicitum, non veritate promeritum. Res plena æquitate, et laude digna, ut de mendacio nemo lucretur, præsertim apud sanctam et summam Sedem. Hæc sciens puer vester secure supplicat pro Treverensi, et sic instat non quasi in incertum. Ego quippe, ego hominis illius novi merita, causam, intentionem. Propter quod horum eum volunt monachi lapidare? Quia male meruit? sed fideliter adstitit, et multum servivit. Ob causæ injustitiam? sed injustum nemo, nisi injustus, causabitur. Quod de manu laica vindicavit? imo recuperavit sedi episcopali monasterium, tanquam clavam de manu Herculis extorquens in manu fortiori. Ob pravitatem intentionis? sed pium

(477) Archiepiscopus nimirum Treverensis Albero monasterium Sancti-Maximini juxta Treveros, repugnans abbate et monachis, sibi asseruit. E contra Henricus comes Luxemburgensis, jure advocatice sibi temporalem ejus subjectionem vindicare cõstitus est. Hæc res utroque animis disjunct, et armis commisit, non sine magna utrorumque clade. Hoc est, quod Bernardus ait, Archiepiscopum prædam Ecclesie suæ repperisse, et de manu laica captivam liberasse Ecclesiam.

(478) Scripta anno Christi 1136.

(479) Scripta circa eundem annum.

(480) Scripta anno Christi 1139. Acris est hæc

est reformare religionem in monasterio: quod ille intendit. Adsit Dominus cordi domini mei, ne iterum possit ei subripi a monachis, non tam (ut simulant) appetentibus libertatem, quam fugitantibus disciplinam.

#### 177 EPISTOLA CLXXXI (479).

AD HAIMERICUM CANCELLARIUM.

*Proficitur se beneficiis imparem, nonnisi voluntatis affectu gratum esse posse.*

Si verbis contendere velim ad beneficia quibus me obruitis, idem erit ac si impetitus sagittis, festucis dimicem: nisi quod hoc jocus videbitur, illud dolus. Facta factis compensari oportet. Verum id quidem multum est ad me. Nam unde sufficerem pauper et modicus? sed rebus pauper et viribus, non voluntate. Equabo ergo beneficia votis, quæ factis non possum. Desideriis dives sum, affectibus abundo. Et certe verus beneficis amplius non requirit. Nam quomodo beneficis, qui non et benevolus sit? Porro benevolus nil sibi charius ipsa æstimat benevolentia, qua et benevolus nominatur, et beneficis est. Denique benevolentia fructus est beneficii: nisi quis forte beneficium putet quod in spe severit, aut timore dimiserit. Sed quis non videat hoc relictum, illud venditum, neutrum datum? Oportet autem beneficium, ut vere sit, esse gratuitum. Danti itaque rependi quidquam gratius ab accipiente non potest, quam si gratum habuerit, quod gratis accepit. Et hæc benevolentia creatur de benevolentia dantis in animo accipientis, beneficio quidem interveniente. Ilac me fateor locupletem: hanc de corde pleno dignam profecto offero remunerationem meo benefactori; hanc devotus immolo sacrificium laudis factori omnium pro salute mei benefactoris.

#### EPISTOLA CLXXXII.

AD HENRICUM SENONENSEM ARCHIEPISCOPEM (480).

*Hunc acriter perstringit, utpote durum, ut qui archidiaconum non recte deposuisset; et ad æqua postulata ac pacis consilia difficilem.*

Pro multis visus sum multoties scribere, fateor, propter vos, et statueram non facere ob vestram odibilem duritiam: sed charitas prævalebit. Volo vobis amicos vestros retinere, et non dignamini: volo reconciliare inimicos, et non patimini. Non vultis habere pacem: manibus ac pedibus accersitis vestram conturbationem, sed confusionem, sed depositionem (481). Multiplicatis vobis accusatores: defensores subtrahitis. Excitatis iterum in vos olim

epistola in episcopum, cui tam salutaria monita de moribus et officio episcoporum dedit in epistola 32. Hæc scripta est sub annum 1140, certe ante annum 1144, quo anno mortuus Henricus Hugonem habuit successorem ex Chropico Sancti-Petri Vivi, in Spicilegii tomo II. De ejus obitu epistola 102.

(481) Suspendum fuisse anno 1136 patet ex eo, quod Hugo ex Pontiniaciensi abbate Autissiodorensis episcopum apud Ferrarias a Gaufrido Carnotensi episcopo consecratus est: propter suspensionem domini Henrici metropolitani, ex Historia episcoporum Autissiodorensium, cap. 53, apud Labbeum.

sopita discrimina, provocatis adversarios, patronos offenditis. Ubique apud vos pro ratione voluntas; totum pro imperio, nihil ex timore Dei. Qui de vobis non rident inimici, non conqueruntur amici? Quomodo devestistis hominem, non dico iudicio non convictum, sed nec verbo conventum? Quantos hoc verbum scandalizabit? quot ora ad subsannandum, quot corda ad succensendum movebit? Itane putatis perisse iustitiam de toto orbe, sicut de vestro corde, ut homo sic ablatum perdat archidiaconatum? Sed vos forsitan plus amatis reddere, et perdere, quam gratiam de beneficio retinere. Nolite, quæso, nolite facere hanc rem: quam qui audierint, omnes mirabuntur, nemo laudabit. Hæc vobis mordacius audaciusque quam velletis audire, scripsi: sed non ad insipientiam vobis, si velletis corrigere.

### 178 EPISTOLA CLXXXIII (482).

AD CONRADUM REGEM ROMANORUM.

*Reverentiam Sedis apostolicæ eidem commendat.*

Scripta vestra et salutationes tam devotus suscipio, quam modicus sum ad illa. Modicus dixerim dignitate, sed non devotione. Querimonix Regis nostræ sunt (483), et maxime illa, quam dignanter exprimitis de invasione Imperii. Regis dedecus, regni diminutionem nunquam volui: volentes odit anima mea. Legi quippe: *Omnis anima potestatibus sublimioribus subdita sit: et, Qui potestati resistit, Dei ordinationi resistit* (Rom. xiii, 1, 2). Quam tamen sententiam cupio vos, et omnimodis moneo custodire, in exhibenda reverentia summæ et apostolicæ Sedi, et beati Petri Vicario (484), sicut ipsam vobis vultis ab universo servari imperio. Sunt quæ non putavi scribenda: præsens ea fortassis opportunius intimarem.

### EPISTOLA CLXXXIV (485).

AD DOMINUM PAPAM INNOCENTIUM.

*Non posse mitti quos Pontifex petierat monachos.*

Fratrem Andream (486) latum incolumentem suscepimus [at. recepimus], et leta nuntiantem de vestra incolunitate et gloria, de pace et prosperitate Ecclesiæ, de curiæ statu florente et valente, postremo de gratia et benevolentia, quæ nobis apud vos perseverat. Bene sua misericordia Deus dignatus est facere nobiscum; facti sumus lætantes. Verum quod vobis de mittendis ad vos fratribus placet, difficile adimpletur, præsertim cum non

(482) Scripta anno Christi 1139.

(483) Scilicet querebatur Conradus, quod Bernardus Lothario favisset contra ipsum.

(484) Sic vicarius Petri dicitur summus pontifex in epistola modo 346. Vicarius Petri et Pauli in epistola 245. Confer epistolam Guigonis hic in tomo sexto, et notas hac de re nostras in Sæculi secundi parte prima, pag. 362. Bernardus tamen Papam vocat Vicarium Christi in epistola 42, n. 31, in epistola 251, n. 1, et in fine libri Quarti De consideratione. Confer librum secundum De consideratione, n. 16. Jesu Christi Vicarius a Jacobo cardinale in epistola 246, ad Ludovicum Juniorem inter Chesniam, appellatur.

(485) Scripta anno Christi 1140.

(486) An Andreas frater Bernardi, monachus Ci-

sterciensis, ex libro primo de hujus Vita, n. 10? an idem, de quo in epistola 176? aut Andreas de Baledemento, in epistola 226?

### EPISTOLA CLXXXV (489).

AD EUSTACHIUM OCCUPATOREM VALENTINÆ SEDIS (490).

*Hortatur, ut memor ætatis suæ, et mortis inminentiæ, divinique judicii, respiciat, nec pravis adulatorum consiliis pareat.*

Viro illustri EUSTACHIO, frater BERNARDUS.

1. Salutem tibi, vir illustrissime, etsi non scribo, opto tamen. Optare quis prohibet? Affectui nec leges imperant, nec principes dominantur. Liber est, et maxime si spiritu ducitur: quia ubi spiritus Domini, ibi libertas (II Cor. iii, 17). Inde est sane ausus iste meus de præsentis, quo ad tuam Magnitudinem præsumo scribere, tanquam aliquis magnus fateor, nec jussus a te, nec rogatus, nec invitatus. Sed quid si charitas jubet? Alius aliter fortassis accipiat: ego virum nobilem, quod in me est, in vera charitate decrevi his litteris suæ ipsius commonere salutis, excitare a somno, revocare ad cor, provocare ad gratiam. Quis scit si convertatur et ignoret Deus, et relinquat post se benedictionem? Imo quis 179 nescit, quas et quantas jam divitias suæ bonitatis et longanimitatis thesaurizavit super eum misericors et miserator Dominus? Denique miseretur, parcat, exspectat, dissimulatque usque adhuc, factus sicut homo non audiens, et non habens in ore suo redargutiones, tardans ferire, paratus ignoscere. Sed tu, domine, usquequo? Tu, inquam, o bone vir, quousque dissimulas? quousque contemnis? Durum tibi est contra stimulum calcitrare (Act. ix, 5). An ignoras quia benignitas Dei ad poenitentiam te adducit? Quandiu autem tu secundum duritiam tuam et cor impenitens, thesaurizas tibi iram in die iræ? (Rom. ii, 4, 5.)

2. An non secundum duritiam quidem, sed secundum verecundiam? Quid refert secundum quid pereas? O verecundia expers rationis, inimica salutis, totius ignara honoris et honestatis! Hæc plane illa, quam Sapiens loquitur, *confusio adducens pec-*

sterciensis, ex libro primo de hujus Vita, n. 10? an idem, de quo in epistola 176? aut Andreas de Baledemento, in epistola 226?

(487) Videlicet Benedictio Dei in diocesi Lugdunensi, de quo supra in epistola 173; Dunense, et Claro-Maricense in Belgio.

(488) Volebat siquidem Pontifex Cistercienses Romæ collocare in ecclesia Sancti-Anastasi ad Aquas Salvias: qui coloniam alteram altero Bernardo duce, qui postea Eugenius III, ad Farfensem abbatem directam occupavit, et ad Aquas-Salvias posuit anno 1140, ex libro tertio Vitæ, n. 23. Vide hic epistolas 345 et 346.

(489) Scripta anno Christi 1138.

(490) Galliæ scilicet Narbonensis; alia nempe est in Hispania.

catum (Eccli. iv, 25). Itane verecundum est homini vinci a Deo, et probro ducitur humiliari sub potenti manu Altissimi? Non ita rex ille gloriosus David: *Tibi soli, inquit, peccavi, et malum coram te feci, ut justifieris in sermonibus tuis et vincas cum judicaris* (Psal. l, 6). Summum victoriæ genus, divinæ cedere majestati: et auctoritati matris Ecclesiæ non relictari, summus honor et gloria. O perversitas! Non pudet inquinari, et ablui pudet! *Est pudor, juxta Sapientem, adducens gloriam* (Eccli. iv, 25); si videlicet peccare pudeat, si non pudeat vel peccasse: et ita vel sera gloria non carebis, reducente nimirum pudore quam culpa fugaverat. Secundum tenent beatitudinis locum, quorum remissæ sunt iniquitates, et quorum tecta sunt peccata (Psal. xxxi, 1). Honorabile tegumentum, de quo legitur: *Confessio et pulchritudo in conspectu ejus* (Psal. xcv, 6). Quis mihi tribuat videre te in vestitu deaurato, ut dicamus et tibi: *Confessionem et decorem induisti, amictus lumine sicut vestimento?* (Psal. ciii, 4, 2.) Revertere, Sunamitis, revertere, ut intineamur te? (Cantic. vi, 12.) Consurge, consurge, induere fortitudine, induere vestimento salutis (Isa. lxi, 4). Surge, qui dormis, et exsurge a mortuis, et illuminabit te Christus (Ephes. v, 14). A mortuo tanquam qui non est, perit confessio (Eccli. xvii, 26).

3. Usquequo oblivisceris te in finem? usquequo dormis in morte, decus nobilium, fidelium fletus! Quando contra morem tuum pertinax, contra honorem tuum sequestris, contra salutem tuam rebellis! quid illos egregios mores, actusque tuos tam dissimili pergis exitu consummare? Quomodo ætas ista, quam in misericordia uberi requiescere oportebat, omnium præteritorum dierum tuorum pœnas luit, nec diluit culpas? Cur, proh dolor! sola veneranda canities solita veneratione fraudatur, sola sine honore marcescit, quam vel maxime decuit honorari? Miserere animæ tuæ placens Deo (Eccli. xxx, 24). Etenim qui hominibus placent, confusi sunt, quoniam Deus sprevit eos (Psal. lxi, 6). Breves dies hominis sunt (Job xiv, 5): seni mors in januis est. Modicum habes, prorsus modicum tempus cum his qui dicunt tibi, Euge, euge. Sit etiam pro modico tibi judicari ab ipsis, aut ab humano die, qui angelico examini jamjamque es præsentandus, qui ad tribunal terrificum Christi ipso jam defectu naturæ miserandus urgeris. Illi te oportet præparare judicio, illi sæculo conformare, illius curiæ affectare favorem, formidare repulsam. Quid illorum sententia conturbaris, quorum nec laude probatus, nec vituperatione reprobis inveniris? Denique vani filii hominum, mendaces filii hominum in stateris, ut decipiant ipsi de vanitate in idipsum (Psal. lxi, 40).

4. Propterea qui te beatificant, in errorem te inducunt, dantes verba, munera reportantes. Vana

hæc, atque illa: sed verba amplius. Et decipitis de vanitate in idipsum: sed tu magis deciperis, illi minus. Das quippe quod utcumque pluris est: et das ingratis, das immeritis; siquidem tua, non te diligunt. Imo nec **180** te, nec tua: sed quæ sua sunt, quærunt. Tua, quoad poterunt, venabuntur adulationibus vanis et falsis. Molliti sunt sermones eorum super oleum, et ipsi sunt jacula (Psal. liv, 22). Et ideo dicebat David: *Oleum autem peccatoris non impinguet caput meum* (Psal. cxl, 5). Ab his laudatur peccator in desideriis animæ suæ, et iniquus benedicitur (Psal. ix, 24). Ab his ergo cavere non ego, sed Sapiens doceat. *Fili, ait, si te lactaverint peccatores, ne acquiescas eis* (Prov. 1, 10). Attende potius illi qui judicat in æquitate pro mansuetis B terræ, quos tua non pastoralis diligentia pascit, sed sæcularis premit potentia: quam non haberes super eos ullam, nisi data esset tibi desuper. Sed hæc est hora vestra, et potestas tenebrarum. Attende autem: *Judicium grave his qui præsumunt, e potentes potenter tormenta patientur* (Sap. vi, 6, 7). Hoc si paves, caves; si negligis, incidis. Et, *Horrendum est incidere in manus Dei viventis* (Hebr. x, 31). Avertat hoc unus et verus Deus, qui non vult mortem peccatoris, sed ut magis convertatur et vivat (Ezech. xviii, 23, 32). Plura adhuc loqui fert animus, sed non fert forte auditus. Nec placent aspera, quamvis recta; et salubria, quia sunt amara, non sapiunt. Ponam itaque digitum super os meum, donec sciam ista qualiter acceptentur. C Placebo autem si potero, non stilo, neque lingua, sed opere et veritate.

#### EPISTOLA CLXXXVI.

AD SIMONEM FILIUM CASTELLANI CAMERACENSIS (491).

*Ejus tutelæ Valcellenses monachos commendat, patris donationem ab eo ratam haberi rogans.*

Cognoscens, dilectissime, nuntiante abbate Radulfo (492), de Valcellis, desiderare te nostri præsentiam atque colloquium, delectatus sum admodum tanta tui erga me devotione; nec certe ingratus benevolentix. Noveris et meæ esse voluntatis, tuo satisfacere desiderio: sed corporali molestia impediri tam ab hujus voluntatis effectu, quam et ab aliis plurimis, plurimumque necessariis negotiis. Sed licet absens corpore, sum tamen præsens spiritu, donec quandoque fiam, Deo volente, et corpore, et spiritu: si tamen non ore tantum et lingua, sed opere diligamus et veritate. Igitur in exhibitione operis liquebit veritas dilectionis. Hoc est itaque quod rogo, ut quod de meo apud te est, fratres dico Valcellenses, et eorum ecclesiam mei gratia diligas, foveas, et manu teneas ubi necesse fuerit: ut in hoc et tuæ liberalitatis insigne præbeas documentum, et ejus quam mihi promittis, charitatis clarescat indicium. Quam nunc charitatem in eo vel primum

(491) Scripta circa annum 1140. — In omnibus scriptis deest, *Cameracensis*: quidam habent, *de Oisy*. Utrumque recte; nam in hac epistola mentio est de monachis Valcellarum, Ordinis Cisterciensis, quod cœnobium anno 1152 conditum est prope Ca-

meracum. Simonem de Oisiaco laudat auctor Vitæ S. Gosvini abbatis Aquincinctensis in libro ii, cap. 19. Simonis pater Hugo de Mercorio, de quo in contextu epistolæ.

(492) In vetustis libris abbreviatum est R. nomen.



eupio experiri, si Ligecurtem, quam mihi pater tuus A presenti contulit ad opus illius monasterii, tu quoque concesseris, et donum patris tui non feceris irritum. Nos quoque quod nostrum est, de præteritis gratias agentes, et in reliquum similia sperantes, pro te tuisque illi preces fundimus, qui voluntatem timentium se facit, et deprecationem eorum exaudit (Psalm. cxlv, 19). Oramus te et uxorem tuam, et omnes qui ad vos pertinent, bene valere.

## EPISTOLA CLXXXVII.

AD EPISCOPOS SENONAS CONVOCANDOS, CONTRA PETRUM ABELARDUM (493).

*Excitat episcopos ad causam religionis contra Abelardum strenue agendam.*

Exiit sermo inter multos, et credimus ad vos pervenisse : quomodo videlicet apud Senonas in octavis

Pentecostes vocamur, et provocamur ad litem pro defensione fidei : cum servum Dei non oporteat litigare, sed magis patientem esse ad omnes (II Tim. ii, 24). Si mea propria **181** causa esset, posset non immerito fortassis puer sanctitatis vestrae in vestro patrocinio gloriari. Nunc autem quia et vestra est, imo plus vestra ; sidentius moneo, et obnixius rogo, ut amicos vos in necessitate probetis. Amicos dixerim, non nostros, sed Christi, cujus sponsa clamat ad vos in silva hæresum, et in segete errorum, quibus sub tutela et custodia vestra pullulantibus, pene jam suffocatur. Amicus sponsi non deseret eam in opportunitatibus in tribulatione. Nec miremini, quod ita de subito, et in arcu temporis vos invitamus : quoniam hoc quoque adversa pars in sua ver-  
B sutia et calliditate providit, ut improvidos invaderet, et congredi cogeret immunitos.

(493) Scripta anno Christi 1140. — Abelardus in diocesi Nannetensi, patre Berengario, matre Lucia ortus, primum Parisiis philosophiam Guillelmo de Campellis, deinde vero Roscelino præceptore matheseos, demum Anselmo Laudunensi magistro theologiam non sine invidia et admiratione didicit. Postea sacrorum Librorum interpretationem Parisiis adorsus, multos ad se discipulos traxit, inter illos vero Heloissam quamdam, Fulberti canonici Parisiensis nepotem, cujus animum informando, corpus violavit. Quam quidem injuriam impatienter ferens Fulbertus, Abelardum, qui eam conjugii honore resarcire voluerat, in hospitio pernactantem fode circumcidit. Hinc vero ambo amasii dedecoris impotentia latebras quaerunt, illa Argentolii prope Parisios monachalis, hic apud Sanctum-Dionysium monachis effectus. Sed ubique infestus vel infelix, in quamdam cellam monasterio vicinam, nempe Diogilum, secedit, ibique theologiam publice profitetur. At nimis ingenio suo et rationi indulgens, cum multa fidei non satis consona ventilaret, sistitur ad concilium Suessionense, Conone legato circa annum 1121 celebratum, ut infra dicitur : ibique librum suum de Trinitate seu Introductionem ad Theologiam, in qua suspecta continebantur capitula, flammis tradere compulsus, ipse in Sancti-Medardi Suessionense monasterium detrusus est, quod Vita S. Gosvini abbatibus libro i, cap. 18, male Innocentio II papa auctore factum refert, cum tum seleret Callistus II. Tandem cum Abelardo eremum petere concessum esset, in solitudinem quamdam Trecentis diocesis se recepit, ibique oratorium construxit, primo quidem sanctæ Trinitati consecratum, deinde vero Paracleti nomine insignitum. Sed neque hic quieto esse licuit. Unde postulatus abbas a monachis Sancti-Gildasii in Britannia-Minore, diocesis Venetensis, « invenit, » ut ipse refert in Historia Calamitatum suarum, « christianos atque monachos gentilibus longe sæviores atque peiores. » Inde ergo ad suum Paracletense oratorium se iterum recipiens, ibi collocavit Heloissam cum sororibus pulsam et monasterio Argentolienensi, quod Sugerius abbas Sancti-Dionysii postliminio vindicavit anno 1127. Ibi itaque degens, ac perversa scribens docensque, iterum hæreticus audit. Interim plures ejus scripta discutunt, in primisque Guillelmus Sancti-Theoderici abbas, qui collecta errorum capitula refutavit, refutataque ad Gaufridum Carnotensem episcopum, et Bernardum Clara-Vallensem abbatem direxit, ut ad ulciscendam fidei injuriam eos commoveret. Vide epistolas modo 326 et 327. Abelardus vero hæretici nomen non ferens, S. Bernardum, quasi tantæ calumnia auctorem, provocat ad concilium Senonense anno 1140 convocatum. Bernardus itaque vel invitatus

ad synodum accedit. Proferuntur ex Abelardi scriptis impia dogmata, quæ vel abneget si non sua ; si sua, abjuret. At ille turbatus et loqui impotens, ut tradit Gaufridus Autissiodorensis in Apocalypsin ; sive populi seditionem timens, ut habet Otto Frisingensis loco infra citando ; sive securius esse existimans Romæ causam agere, ut ait S. Bernardus in epistola 193, quod ibi discipulos haberet cardinales et clericos, Romanam curiam appellavit. Nihilominus concilii Patres damnant errores, quorum indicem ad Innocentium summum pontificem transmittunt, variasque epistolas, quas Bernardus tam suo, quam Patrum nomine, ad ipsum Innocentium atque cardinales scripsit, quas inter videnda maxime epistola 190, in qua præcipua errorum capitula valide revincit. Exstant inter Opera ipsius Abelardi septem et decem errorum articuli, quos a synodo ad Innocentium missos testatur codex manuscriptus Paracletensis illic citatus : sed cum eos in ipsa Bernardi epistola 190 et in epistola Guillelmi hic 390 habeamus fere omnes, haud necesse visum est hoc in loco illos attexere. Præferenda sunt capitula, quæ ex codice Vaticano infra referimus, nempe tomo secundo, ante tractatum de Erroribus Abelardi. Innocentius acceptis litteris synodalibus, statim rescripsit epistolam hic ordine 194, ad Patres concilii, errores condemnantem ; aliamque addidit in ipsum Abelardum sententiam proferentem, his verbis :

*Innocentius episcopus, servus servorum Dei, Venerabilibus fratribus SAMSONI Remensi, HENRICO Senonensi archiepiscopis, et charissimo in Christo filio BERNARDO Clara-Vallis abbati, salutem et apostolicam benedictionem.*

D *Per præsentia scripta Fraternitati vestrae mandamus, quatenus Petrum Abelardum et Arnoldum de Brixia, perversi dogmatis fabricatores et catholicæ fidei impugnatores, in religiosis locis, ubi vobis melius visum fuerit, separatim faciat includi, et libros erroris eorum, ubicumque reperti fuerint, igne comburi. Data Laterani, decimo octavo Kal. Augusti.*

His autem litteris inscriptum erat : *Transcripta ista nolite ostendere cuiquam, donec istæ litteræ in Parisiensi colloquio, quod prope est, præsentata fuerint ipsis archiepiscopis.* — Abelardus itaque se Romæ condemnatum intelligens, ab appellatione destitit persuasione Petri Cluniacensis abbatis : a quo benigne exceptus, ejusdem opera cum S. Bernardo, deinde vero cum Innocentio simul et Ecclesia in gratiam rediit, et biennio Cluniaci magna cum animi demissione exacto, in monasterio Sancti-Marcelli Cabilonensis, quo morbi curandi causa a Petro abbate missus fuerat, excessit et vita anno Christi 1142, ætatis suæ sexagesimo tertio, cujus exi-

AD EPISCOPOS ET CARDINALES CURIE, DE EODEM.

*Monet ad vigilandum adversus Petri Abælardi errores.*

Domini et patribus reverendis episcopis et cardinalibus qui sunt de curia, puer sanctitatis eorum.

mias virtutes in extremo illo vite sue cursu exhibitas exaggeravit idem Petrus Venerabilis in libri quarti epistola 21, ad Hloissam. Sunt qui Abælardo plus æquo faventes eousque delapsi sunt, ut ipsum ab omni errore immunem proflentes, primo quidem Bernardum contra larvas et umbras pugnasse affirmant; deinde vero synodi Senonensis auctoritatem convellant; demumque ipsius curie Romanæ iudicium in Abælardum prolatum elevent: de quibus breviter aliquid dicendum.

I. Adversus Bernardum opponitur primo Ottonis Frisingensis auctoritas, qui « quamvis abbatem suum, » ut aiunt (scilicet Ordinis sui) « in magna habuerit veneratione, tamen scribit eum fex christianæ religionis fervore zelotypum, et ex habituali mansuetudine credulum, ut magistros, qui humanis rationibus et seculari sapientiæ confiderent nimium inhererant, abhorreret, et de talibus sinistrum quid recitanti facile aurem præberet. » Hæc quidem Otto in libro primo de Gestis Friderici, cap. 47; sed occasione Gilberti Porretani, quæ tamen etiam in Abælardi gratiam inflectit. At cum testante Radevico in libro secundo de Gestis Friderici, cap. 41, Otto nimium Gilberto addictus, appetente morte petierit, ut si quid pro ipsius sententia dixisset quod quempiam posset offendere, illud corrigeretur; hoc retractatorum loco habendum est. Imo ipse Otto satis expressit in consequentibus, quid de Abælardo sentiret. Ita enim de illo scribit: « Is litterarum studiis aliisque facietis ab ineunte ætate deditus fuit; sed tam arrogans, suoque tantum ingenio confidens, ut vix ad audiendos magistros ab altitudine mentis suæ humiliatus descenderet. » Et infra: « Sententiam ergo vocum seu nominum in naturali tenens facilitate, non caute theologie admiscuit. Quare de sancta Trinitate docens et scribens, tres personas... nimis attenuans, non bonis usus exemplis, » etc. Adde quod Abælardus in synodo Suessionensi, Ottone ipso fatente, Sabellianus hæreticus est iudicatus. Hæc pro Ottonis adversus Bernardum auctoritate. Jam secundo loco proferitur Petri Venerabilis pro Abælardo testimonium qui jam citatus scribens epistolam ad Hloissam, de illo affirmat, quod « nec Germanus eo abjectior, nec ipse Martinus pauperior appareret. » Ita vere Petrus Cluniacensis extremam vite periodum, quam Abælardus Cluniaci exegit, describens. At nunquid de futuris ejus meritis Bernardus digladiabatur, ut contra larvas dimicasse dicendus sit? Optime Chronicon Cluniacense, in Petro Venerabili: « Abælardus, inquit, Petrus nomine, ab erroribus fidei per Petrum Venerabilem abbatem nostrum et S. Bernardum abbatem Claræ-Vallensem revocatus, quæ antea de fide dogmatizaverat perdidit » (supple. abjurans), « monachus Cluniacensis factus est. Et deinde mens ejus, lingua ejus, opus ejus semper divina fuere... Et sicut de Magno Gregorio legitur, momentum aliquod præterire solebat minime, quin semper aut oraret, aut legeret, aut scriberet, aut dictaret.... Quare ipsum Petrus Venerabilis sollicitè commendans, » etc. Congruunt denique plura id genus argumenta, vel ingenium viri, vel doctrinam, vel optimum mortis genus extolentia, quasi horum aliquid Bernardus sit inficiatus.

II. Contra synodum Senonensem defectus potestatis, seu jurisdictionis adducitur, quod neque Senonensis, neque Remensis archiepiscopi, qui concilio intererant, jus haberent in Abælardum

A 4. Nulli dubium, quin ad vos specialiter spectet tollere scandala de regno Dei, surgentes succidere spinas, sedare querelas. Sic enim præcepit Moyses cum montem subiit: *Habetis, inquit, Aaron et Hæ vobiscum: si quid natum fuerit quæstionis, referetis ad ipsos* (Exod. xxiv, 14). Illum loquor Moysen, qui

abbatem Sancti-Gildasii diocesis Venetensis; sed Turonensis metropolita qui aberat. Verum jam ante duodecim annos in oratorium Paraclitense diocesis Trecensis reversus, archiepiscopo Senonensi suberat. Deinde eos habuit iudices quos expetiit, ut testatur Bernardus in epistola 191, nomine concilii ad Innocentium scripta. « A loco, » inquit, « et iudice, quem sibi elegerat, Sedem apostolicam appellavit. » Non enim sanctus abbas Bernardus, ut quidam falluntur, hanc in Abælardum synodum excitavit; quin ipse S. Bernardum reluctantem et invitum eo accedere coegit, quod manifeste asserit S. Doctor in epistolis 187 et 189; necnon Gaufridus Autissiodorensis, Abælardi quondam discipulus, qui sic Commentario in Apocalypsin loquitur: « Expetens denique Senonensem metropolitani (Abælardus) quod in ejus ecclesia celebrandum foret in proximo grande concilium, Claræ-Vallensem causatur abbatem suis in oculo deterrere libris. Addit quoque paratum se esse in publico sua defendere scripta, rogans ut predictus abbas, dicturus si quid haberet, ad concilium vocaretur. » Recte igitur damnatus est, cum enjusvis in consentientes sit jurisdictione, inquit Juriscons. l. ii, de Jnd. Secunda quæ adhibetur machina ad Labefactandam synodi auctoritatem, testimonium est Petri Berengarii Pictaviensis, qui in Apologia pro Abælardo suo præceptore adversus Patres concilii, ipsumque Bernardum a se conscripta, tam putida mendacia emovit, tamque indigna calumniarum monstra, ut mirum sit a viro cordato sustineri, vel adduci in medium adeo perditæ frontis et fidei hominem, qui venerabiles episcopos, « ebrios, canes, porcos, » aliisque probris laceratos ridet, se ipsum non tantum ludibrio, sed justæ lectorum indignationi exponens. Sed videamus quid tandem sanior factus de S. Bernardo scripserit ad episcopum Mimatensem: « Sed cur, inquit, expleto primo volumine, secundum, ut spondendas, non texit? Quia processu temporis meum sapere crevit, et in sententiam Abbatis » (Bernardi) « pedibus, ut dicitur, ivi. Noli esse patronus capitulorum obsectorum Abælardo, quia etsi sanum saperent, non sana sonabant. Postquam igitur, inquit, a secundo libro manus torpuit, quare primum non rasisti? Fecissem hoc, inquam, nisi cassa esset industria; remanerent enim exemplaria, » etc.

III. Jam vero tertio loco adversus Romani Pontificis iudicium immatura sententiæ celeritatis præsumitur, quod causa non discussa Abælardum inauditus damnaverit. Verum nonne sufficiebant Acta concilii Senonensis ad instruendam causam, cui Abælardus præsens adfuit? Quis cardinalium vel clericorum in Romana curia ipsius dogmata nesciebat, vel, si fas fuisset, a censura vindicare non tentasset auctorem, quem plurimi ex illis magistrum habuerant? Maneat itaque Innocentii sententia, maneat illibata concilii Senonensis et S. Bernardi auctoritas, maneat Abælardo non alia tuendi erroris ratio, quam vite errorisque correctio. Quam sanius certe Hloissa illa post Abælardi sui mortem a Petro Venerabili exposcit ejus absolutionem ipsius Abælardi tumulo appendendam (exstat in Bibliotheca Cluniacensi et inter Opera Abælardi); quam nonnulli texendis Apologiis incumbunt, ad errorum excusationem, quos ipse lacrymis et poenitentia diluere ad ultimum non cessavit. Sed de his satis.

(494) Scripta eodem anno.

venit per aquam, et non in aqua solum, sed in aqua A  
et sanguine. Et ideo plus quam Moyses, quia et in  
sanguine venit. Et quoniam pro Hic et Aaron stat  
zelus et auctoritas Romana Ecclesiæ super populum  
Dei, ad ipsam merito referimus, non quæstiones,  
sed lesiones fidei, et injurias Christi; patrum pro-  
bra atque contemptus; præsentium scandala, peri-  
cula posterorum. Irridetur simplicium fides, evisce-  
rantur arcana Dei, quæstiones de altissimis rebus  
temerarie ventilantur, insultatur patribus, quod eas  
magis sapiendas, quam solvendas censuerint. Inde fit,  
quod Agnus paschalis, contra Dei statutum (Exod. xii,  
9), aut aqua coquitur, aut crudus discerpitur, more  
et ore bestiali. Quod residuum est, non igne com-  
buritur, sed conculeatur. Ita omnia usurpat sibi hu-  
manum ingenium, fidei nil reservans. Tentat aliora B  
se, fortiora scrutatur, irruit in divina, sancta teme-  
rat magis quam reserat; clausa et signata non aper-  
it, sed diripit. et quicquid sibi non invenit pervium  
id putat nihilum, credere dedignatur.

2. Legite, si placeat, librum Petri Abælardi, quem  
dicit Theologiæ: ad manum est enim; cum, sicut  
gloriat, a pluribus leclitetur in curia: et videte  
qualia ibi de sancta Trinitate dicantur, de genitura  
Filii, et de processione Spiritus sancti, et alia innu-  
mera, catholicis prorsus auribus et mentibus dis-  
sueta. Legite et alium, quem dicunt Sententiarum  
ejus (495); necnon et illum qui inscribitur, Scito te  
ipsum; et animadvertite quanta et ipsi silvescant  
segete (496) sacrilegiorum atque errorum: quid  
sentiat de anima Christi, de persona Christi, de  
descensu Christi ad inferos, de Sacramento altaris;  
de potestate ligandi atque solvendi, de originali pec-  
cepto, de concupiscentia, de peccato delectationis, de  
peccato infirmitatis, de peccato ignorantie, de opere  
peccati, de voluntate peccandi. Et siquidem judica-  
tis me jute moveri, movemini et vos: ac ne frustra  
moveamini, agite pro loco quem tenetis, pro digni-  
tate qua polletis, pro potestate quam accepistis;  
quomodo qui ascendit ad cœlos, descendat usque ad  
inferos: et opera tenebrarum, ausa prodire in lu-  
cem, arguantur a luce in lucem: ut dum qui publice  
peccat, publice arguetur; compriment sese etiam  
alii, ponentes tenebras lucem, disputantes in triviis  
182 de divinis; qui loquuntur mala in cordibus D  
suis, et in cœdibus suis scribunt: et sic obstruatur  
os loquentium iniqua.

(495) Negat Abælardus in Apologia sua, ullum  
librum hoc nomine a se conscriptum, ideoque hoc  
contra se per malitiam vel ignorantiam prolatum  
eriminatur: quod etiam Chesnius in notis asserit.  
« S. Bernardus, » inquit, « ignoranter Abælardo ipsi  
librum Sententiarum attribuit in epistola 188, »  
quasi libros Sententiarum a Petro Magistro scriptos  
Abælardo tribuerit. Sed non ita ignotus erat Ber-  
nardo Petrus, quem laudat in epistola modo 410, ut in  
hoc erratum laberetur. Imo nec eo tempore, quo hæc  
epistola scripta est, Petrus Magister Sententiarum sua-  
rum libros ediderat. Est penes nos liber ab ipso Abæ-  
lardo sine dubio contextus, qui vulgo « Sic et non »  
appeatur, cujus inscriptionem sic effert vetus co-

## EPISTOLA CLXXXIX (497).

AD DOMINUM PAPAM INNOCENTIO, DE EODEM.

Animi dolorem indicat ob errores Abælardi post  
schisma statim exurgentes, quibus Pontificem oc-  
currere monet.

Amantissimo Patri et domino INNOCENTIO, Dei  
gratia summo Pontifici, frater BERNARDUS Claræ-  
Vallis vocatus abbas, modicum id quod est.

1. Necesse est ut veniant scandala: necesse est,  
sed non suave. Et ideo dicit propheta: *Quis dabit*  
*mihi pennas sicut columbae, et volabo, et requiescam?*  
(Psal. lrv, 7) et Apostolus cupit dissolvi, et cum  
Christo quiescere. Et alius quidam sanctorum, *Sufficit*  
*mihi, Domine, ait, tolle animam meam; neque enim*  
*melior sum quam patres mei* (III Reg. xix, 4). Est  
et mihi nunc aliquid commune cum sanctis, in vo-  
luntate duntaxat, non in merito. Nam vellem et ipse  
modo de medio fieri, victus, fateor, a pusillanimitate  
spiritus et tempestate: vereor autem, ne non  
sicut pariter affectus, ita pariter et paratus inveniar.  
Tædet vivere, et an mori expediat, nescio; et ideo  
forte etiam in votis distem a sanctis, quod ipsi pro-  
vocentur desiderio meliorum, cum ego scandalis et  
ærumnis compellat exire. Denique ait, *Dissolvi et*  
*cum Christo esse, multo melius* (Philip. i, 23). Ergo  
et in sancto appetitus, et in me prævalet sensus:  
sed in hac miserrima vita nec ille habere quod ap-  
petit bonum; nec ego quod molestum patior, non  
habere valemus. Et ob hoc exire quidem ambo pari  
cupimus voluntate, sed non pari intentione.

2. Stulte mihi dudum requiem promittebam si  
quidem Leonina rabies quievisset (498), et pax Ec-  
clesiæ redderetur. Nam ecce illa quievit, sed non  
ego. Nesciebam me esse in valle lacrymarum, aut  
oblitus fueram habitare me in terra oblivionis. Non  
attendebar terram, in qua habito, spinas et tribulos  
germinare mihi; succisis succedere novas, et rur-  
sum illis alias sine fine, sine intermissione succe-  
scere. Audieram hoc: sed melius, ut nunc experior,  
ipsa vexatio dat intellectum auditui. Innovatus est  
dolor, non exterminatus; lacrymæ inundaverunt,  
quia invaluerunt mala; et expertis pruinam, irruit  
super eos nix. Ante faciem frigoris hujus quis sus-  
tinebit! Hoc frigore refrigescit charitas, ut abundet  
iniquitas. Leonem evasimus, sed incidimus in dra-  
conem (499), qui non minus forsitan noceat sedens  
in insidiis, quam ille rugiens de excelso. Quanquam

dex manuscriptus: « Incipiunt Sententiæ ex divinis  
Scripturis collectæ, quæ contrariæ videntur: pro  
qua quidem contrarietate hæc compilatio Senten-  
tiarum, Sic et non appellatur. » Ad quem librum  
an respexerit S. Bernardus cum hoc scriberet, mihi  
est incompertum. Porro præter illa Abælardi opera,  
quæ predictus Chesnius recensuit, habemus insuper  
librum ipsius in Hexaameron, Hæloisæ suæ nun-  
cupatum.

(496) Ita manuscripti emendatiores: in editis,  
quantæ et ibi silvescant segetes.

(497) Scripta anno Christi 1140.

(498) Id est schisma Petri Leonis.

(499) Petrum Abælardum.



non jam in insidiis; ejus virulenta folia utinam adhuc latent in scriniis, et non in trivis legerentur. Volant libri: et qui oderant lucem, quoniam mali sunt, impeerunt in lucem, putantes lucem tenebras. Urbibus et castellis ingeruntur pro lure tenebræ; pro melle, vel potius in melle venenum passim omnibus propinatur. Transierunt de gente in gentem, et de regno ad populum alterum. Novum ceditur populis et gentibus Evangelium, nova proponitur fides: fundamentum aliud ponitur præter id quod positum est. De virtutibus et vitiis non moraliter, de Sacramentis Ecclesiæ non fideliter, de arcano sanctæ Trinitatis non simpliciter nec sobrie disputatur: sed cuncta nobis in perversum, cuncta præter solitum, et præterquam accepimus, ministrantur.

3. Procecli Goliath procero corpore, nobili illo suo bellico apparatu circummunitus antecedente quoque ipsum ejus armigero Arnaldo de Brixia. Squama squamæ conjungitur, et nec spiraculum incedit per eas. Siquidem sibilavit apis quæ erat in Francia, api de Italia (500): et venerunt in unum adversus Dominum, et adversus Christum ejus. Intenderunt arcum, paraverunt 183 sagittas suas in pharetra, ut sagittent in obscuro rectos corde. In victu autem et habitu habentes formam pietatis, sed virtutem ejus abnegantes, eo decipiunt plures, quo transfigurant se in angelos lucis, cum sint Satanae. Stans ergo Goliath una cum armigero suo inter utrasque acies, clamat adversus phalangas Israel, exprobratque agminibus sanctorum, eo nimirum audacius, quo se. ita David non adesse. Denique in suggillationem doctorum Ecclesiæ, magnis effert laudibus philosophos; adinventiones illorum et suas novitates catholicorum Patrum doctrinæ et fidei præfert: et cum omnes fugiant a facie ejus, me omnium minimum expetit ad singulare certamen.

4. Denique scripsit mihi, sollicitante quidem ipso, archiepiscopus Senonensis, diem statuens congregationis, quo ille in præsentia ejus et coepiscoporum suorum deberet, si posset, statuere prava dogmata sua, contra quæ ego ausus mutire fuisset. Abnuī, tum quia puer sum, et ille vir bellator ab adolescentia: tum quia judicarem indignum, rationem fidei humanis committi rationibus agitandam, quam tam certa ac stabili veritate constat esse subnixam. Dicebam sufficere scripta ejus ad accusandum eum; nec mea referre, sed episcoporum, quorum esset ministerii de dogmatibus judicare. Ille nihilo minus, imo eo amplius levavit vocem, vocavit multos, congregavit complicēs. Quæ de me ad discipulos suos scripserit, dicere non curo. Disseminavit ubique, se mihi die statuto apud Senonas responsurum. Exiit sermo ad omnes, et non potuit me latere. Dissimulavi primum: nec enim satis rumore populari movebar. Cedens tamen (licet vix, ita ut fletum)

A consilio amicorum, qui videntes quomodo se quasi ad spectaculum omnes pararent, timebant ne de nostra absentia et scandalum populo, et cornua crescerent adversario; et quia error magis confirmaretur, cum non esset qui responderet aut contradiceret, occurri ad locum et diem, imparatus quidem et immunitus, nisi quod illud menteolvebam, *Nolite præmeditari, qualiter respondeatis: dabitur enim vobis in illa hora quid loquamini* (Matth. x, 19): et illud; *Dominus mihi adiutor, non timebo quid faciat mihi homo* (Psal. cxvii, 6). Convenerunt autem præter episcopos et albatos plurimi viri religiosi, et de civitatibus magistri scholarum, et clerici litterati multi, et Rex præsens erat. Itaque in præsentia omnium, adversario stante ex adverso, producta sunt quædam capitula de libris ejus excerpta. Quæ cum cœpissent legi, nolens audire exivit, appellans ab electis iudicibus, quod non putamus licere. Porro capitula iudicio omnium examinata, inventa sunt fidei adversantia, contraria veritati. Hæc pro me, ne levitate, aut certe temeritate usus in tanto negotio putarer.

5. Verum tu, o successor Petri, iudicabis, an debeat habere refugium sedem Petri, qui Petri fidem impugnat. Tu, inquam, amice sponsi, providebis, quomodo liberes sponsam a labiis finiquis, et a lingua dolosa. Sed ut paulo audacius loquar cum domino meo, attende etiam tibi ipsi, amantissime Pater, et gratiæ Dei quæ in te est. Nonne cum esses parvulus in oculis tuis, ipse te constituit super gentes et regna? Ad quid, nisi ut evellās, et destruas, et ædifices et plantes? Qui ergo tulit te de dono patris tui, et unxit te unctione misericordiæ suæ, attende, quæso, ex tunc et deinceps, quanta fecit animæ tuæ; quanta per te Ecclesiæ suæ, quanta in agro dominico, cœlo et terra testibus, tam potenter quam salubriter evulsa sunt et destructa; quanta rursum bene ædificata, plantata, propagata. Suscitavit Deus furorem schismaticorum in tuo tempore, ut tuo opere contererentur. Vidi stultum firma radice, et statim maledictum est pulchritudini ejus. Vidi, inquam, vidi impium superexaltatum, et elevatum 184 sicut cedros Libani; et transivi, et ecce non erat. *Oportet autem, ait, hæreses et schismata esse, ut qui probati sunt, manifesti fiant* (I Cor. xi, 19). Et in schismate quidem jam, ut dictum est, Dominus probavit te, et cognovit te. Sed ne quid desit coronæ tuæ, en hæreses surrexerunt. Itaque ad consummationem virtutum, et ne quid minus fecisse inveniamini a magnis episcopis antecessoribus vestris, capite nobis, Pater amantissime, vulpes quæ demoliuntur vineam Domini, donec parvule sunt: ne, si crescant et multiplicentur, quidquid talium per vos non fuerit exterminatum, a posteis desperetur. Quanquam non jam parvule nec paucule, sed certe grandiusculæ et multæ sint, nec nisi in manu forti

(500) Ita genuina lectio, quæ alludit ad versum decimum octavum capituli septimi Isaïæ, *Sibilabit Dominus musæ, quæ est in extremo fluminum Egypti*.

et api, quæ est in terra Assur. Apis de Francia Arnaldus; apis de Italia Arnaldus de Brixia, urbs Italiæ, de quo vide notas in epistolam 195,

vel a vobis exterminabuntur. Jacinctus multa mala ostendit nobis: nec enim quæ voluit, fecit, vel potuit. Sed visus est mihi patienter ferendus de me, qui nec personæ vestræ, nec curiæ in curia illa pepercit: quod melius Nicolaus iste meus, imo et vester, viva referet voce (501).

#### EPISTOLA CXC (502).

AD INNOCENTIUM PONTIFICEM, DE ERROIBUS QUIBUSDAM PETRI ABELARDI.

*Hanc epistolam ob prolixitatem inter Tractatus relata habes tomo secundo.*

#### EPISTOLA CXCI (503).

AD INNOCENTIUM EX PERSONA DOMINI ARCHIEPISCOPI REMENSIS, etc.

*Abelardum, vana scientiæ opinione tumidum, et de favore curiæ Romanæ gloriantem, auctoritate Pontificis mature reprimendum.*

Reverendissimo domino et charissimo Patri, Dei gratia summo Pontifici INNOCENTIO, SAMSON Remorum archiepiscopus, JOSLENGUS Suessionensis, GAUFRIIDUS Catalaunensis, ALVISUS Atrebatensis, voluntarium debitæ subjectionis obsequium.

1. Auribus occupatis ad plurima, sermonem facimus abbreviatum de prolixo negotio, pro eo maxime, quia idipsum diffusius ac plenius continetur in litteris domini Senonensis. Petrus Abelardus christianæ fidei meritum evacuare nititur, dum totum quod Deus est, humana ratione arbitratur se posse comprehendere. Ascendit usque ad cælos, et descendit usque ad abyssos. Nihil est quod lateat eum, sive in profundum inferni, sive in excelsum supra. Homo est magnus in oculis suis, de fide contra fidem disputans, ambulans in magnis et in mirabilibus super se, scrutator majestatis, hæresum fabricator. Jamdudum fecerat librum de sua Trinitate, sed sub Legato Romanæ Ecclesiæ (504) igne examinatus est, quia inventa est in eo iniquitas. Maledictus qui reedificavit ruinas Jericho. Surrexit a mortuis liber ille, et cum eo multorum hæreses quæ dormierant; surrexerunt, et apparuerunt multis. Jamjam extendit palmites suos usque ad mare, et usque ad Romam propagines ejus. Hæc gloriatio hominis illius, quod liber suus in curia Romana habet, ubi caput suum reclinet. Hinc confirmatus et confortatus est furor ejus.

2. Propterea cum in conspectu episcoporum super his argeret eum abbas Claræ-Vallis, zelo fidei et justitiæ armatus; nec confessus est, nec negavit: sed a loco et iudice quem sibi ipse elegerat, sine læsione, sine gravamine, ut suam prolongaret ini-

(501) Eadem verba leguntur in fine epistolæ nunc 338, ad Haimericum. Quis sit iste Jacinctus seu Hyacinthus, incertum. An is qui postea creatus cardinalis a Lucio II, cognomento Bobo, tituli Sanctæ Mariæ in Cosmedin. De eo mentio facta videtur in epistola 508, apud Chesnium tomo II. Nicolaus erat Claræ-Vallensis monachus, postea S. Bernardi notarius, de quo ad epistolam 298.

(502) Scripta anno Christi 1140.

(503) Scripta eodem anno.

(504) Nempe Conone, et quidem in synodo Suesonensi anni 1121, ex notis ad epistolam 187, et ex

quitatem, Sedem apostolicam appellavit. Episcopi autem, qui propter hoc in unum convenerant, vestræ Reverentiæ deferentes, nihil in personam ejus egerunt: sed tantummodo capitula 185 librorum ejus, a sanctis Patribus condemnata, ne morbus serperet, medicinali necessitate abjudicaverunt. Quia ergo homo ille multitudinem trahit post se, et populum qui sibi credat, habet; necesse est ut huic contagio celeri remedio occurratis.

*Sero (enim) medicina paratur*

*Cum mala per longas invaluerint (505) moras.*

(OVID. De rem. am., v. 91, 92.)

Processimus in hoc negotio quousque ausi sumus: tuum est de cætero, beatissime Pater, providere, ne in diebus tuis aliqua hæreticæ pravitatis macula decoret Ecclesiæ maculetur. Tibi commissa est sponsa Christi, amice sponsi: tuum est tandem uni viro virginem castam exhibere Christo.

#### EPISTOLA CXCLII.

AD MAGISTRUM GUIDONEM DE CASTELLO (506).

*Monet eum ita diligere et fovere Abelardum, ut tamen errores ejus non foveat.*

Venerabili domino, et charissimo Patri, magistro GUIGONI, sanctæ Romanæ Ecclesiæ Dei gratia presbytero cardinali, BERNARDUS Claræ-Vallis vocatus abbas, non declinare ad dexteram, nec ad sinistram.

Injuriam facio vobis, si aliquem a vobis ita diligere credam, ut cum eo pariter ejus errores diligatis. Quisquis enim sic aliquem diligit, nondum novit quemadmodum oportet eum diligere. Talis namque dilectio terrena est, animalis, diabolica, nocens æque diligenti atque dilecto. Existiment alii de aliis prout volunt: ego adhuc de vobis æstimare non possum, nisi quod vicinum est rationi, quod ad lineam pertinet æquitatis. Quidam prius judicant, et postea probant: ego de potione, utrum dulcis sit an amara, ante gustum non judicabo. Magister Petrus in libris suis profanas vocum novitates inducit et sensuum: disputans de fide contra fidem, verbis legis legem impugnat. Nihil videt per speculum et in ænigmate; sed facie ad faciem omnia intuetur, ambañs in magnis et in mirabilibus super se. Melius illi erat, si juxta titulum libri sui (507), se ipsum cognosceret, nec egrederetur mensuram suam, sed saperet ad sobrietatem. Ego non eum accuso apud Patrem: est qui eum accuset liber suus, in quo sibi male complacuit. Cum de Trinitate loquitur, capit Arium: cum de gratia, sapit Pelagium: cum de

Præfatione in tomum primum, ubi de schismate Anacleti.

(505) Editiones Ovidii quas inspeximus, convallere; ut et ipse Bernardus infra, epist. 342, n. 3.

(506) Scripta anno Christi 1140. — In tribus manuscriptis Colbertinis: Ad Magistrum Guidonem de Castello, qui Petri discipulus fuerat, et de quo potissimum præsumebat, qui postea papa Celestinus fuit, nempe eo nomine secundus anno 1143. Ad eundem epistolam 169, post quam hæc ponitur in quibusdam manuscriptis uti et sequens.

(507) Quem inscripsit, Scito te totum,

persona Christi, sapit Nestorium. Minus de vestra æquitate præsumo, si diu vos rogavero, ut in causa Christi nullum Christo præponatis. Illud autem scitote, quia expedit vobis, quibus potestas data est a Domino; expedit Ecclesie Christi, expedit illi etiam homini, ut ei silentium imponatur, cujus maledictione os plenum est, et amaritudine, et dolo.

#### EPISTOLA CXCH.

AD MAGISTRUM IVONEM CARDINALEM (508), DE EODEM. Indignum esse ut Abælardus in Romana curia fautores inveniat.

Dilectissimo suo IVONI, sanctæ Romanæ Ecclesiæ Dei gratia presbytero cardinali, BERNARDUS Claræ-Vallis vocatus abbas, diligere justitiam, et odire iniquitatem.

Magister Petrus Abælardus, sine regula monachus, sine sollicitudine prælatus, nec ordinem tenet, nec tenetur ab ordine. Homo sibi dissimilis est, intus Herodes, foris Joannes; totus ambiguus, nihil habens de monacho, præter nomen et habitum. Sed quid ad me? Unusquisque onus suum portabit. Aliud est quod dissimulare non possum, quod pertinet ad omnes qui diligunt nomen Christi. Iniquitatem in excelso loquitur: integritatem fidei, castitatem Ecclesiæ corrumpit. Transgreditur terminos quos posuerunt patres nostri: **186** de fide, de Sacramentis, de sancta Trinitate disputans et scribens, singula pro sua voluntate mutat, auget, et minuit. In libris et in operibus suis ostendit se fabricatorem mendacii et cultorem perversorum dogmatum; hæreticum se probans, non tam in errore, quam in pertinacia et defensione erroris. Homo est egrediens mensuram suam, in sapientia verbi evacuans virtutem crucis Christi. Nihil nescit omnium quæ in cælo et quæ in terra sunt, præter se ipsum. Damnatus est Suesione cum opere suo coram legato Romanæ Ecclesiæ (509). Sed quasi non sufficeret ei illa damnatio; iterum facit, unde iterum damnetur: et jam novissimus error pejor est priore. Securus est tamen, quoniam cardinales et clericos curiæ se discipulos habuisse gloriatur, et eos in defensione præteriti et præsentis erroris assumit, a quibus judicari timere debuit et damari. Si quis spiritum Dei habet, illius versiculi recordetur: *Nonne qui oderunt te, Domine, oderam, et super inimicos tuos tabescebam?* (Psal. cxxxviii, 21.) Liberet Deus per vos, et per cæteros filios suos, Ecclesiam suam a labiis iniquis et a lingua dolosa.

#### EPISTOLA CXCV (510).

RESCRIPTUM DOMINI INNOCENTII PAPÆ CONTRA HÆRESSES PETRI ABÆLARDI.

INNOCENTIUS Episcopus Servus servorum Dei, venerabilibus fratribus, HENRICO Senonensi, SAMONE Remensi, archiepiscopis, eorumque suffraganeis, et

(508) Scripta anno Christi 1140. — Ivo, ex canonico Sancti-Victoris Parisiensis cardinalis Sancti-Laurentii in Damasco creatus anno 1150, de quo in epistola 144. In Galliam legatus Radulfum Viromandorum comitem excommunicavit, infra ad epistolam 216. De ejus testamento lege epistolam 218.

A charissimo in Christo filio BERNARDO Claræ-Vallis abbati, salutem et apostolicam benedictionem.

1. Testante Apostolo, sicut unus Dominus, ita una fides esse dignoscitur (Ephes. iv, 5); in qua tanquam in immobili fundamento, præter quod nemo potest aliud ponere, firmitas catholicæ Ecclesiæ involuta constitit. Inde est quod beatus Petrus Apostolorum princeps, pro eximia hujus fidei confessione, a Domino ac Salvatore nostro audire meruit: *Tu es, inquit, Petrus, et super hanc petram edificabo Ecclesiam meam* (Matth. xvi, 18): petram utique firmitatem fidei, et catholicæ unitatis soliditatem manifeste designans. Hæc siquidem est insonsus tunica Redemptoris nostri, super qua milites sortiti sunt, sed eam dividere minime potuerunt (Joan.

B xix, 25, 34): contra quam in initio fremuerunt gentes, et populi meditati sunt inania; aditerunt reges terræ, et principes convenerunt in unum (Psal. ii, 1, 2). Verum apostoli, duces dominici gregis, et eorum successores apostolici viri, ardore charitatis et zelo rectitudinis succensi, fidem defendere, et eam in cordibus aliorum proprii sanguinis effusione plantare non dubitarunt. Dum cessante persecutorum rabie, imperavit Dominus ventis, et facta est in Ecclesia tranquillitas magna.

2. Sed quia hostis humani generis semper circuit quærens quem devoret, ad impugnandam sinceritatem fidei, fraudulentam hæreticorum fallaciam subinduxit. Contra quos viri Ecclesiarum pastores viriliter insurgentes, eorum prava dogmata cum ipsorum auctoribus condemnarunt. In magna namque Nicæna synodo Arius hæreticus est damnatus. Constantinopolitana synodus Manichæum hæreticum debita sententia condemnavit. In Ephesina synodo Nestorius condignam sui erroris damnationem excepit. Chalcedonensis quoque synodus Nestorianam hæresim, et Eutychianam cum Dioscoro et ejus complicitibus justissima sententia confutavit. Marcianus præterea, licet haesus, christianissimus tamen Imperator, catholicæ fidei amore succensus, prædecessori nostro sanctissimæ papæ Joanni scribens adversus eos qui sacra mysteria profanare contendunt, inter cætera sic loquitur, dicens: « Nemo clericus, vel militaris, vel alterius cujuslibet **187**

D conditionis, de fide christiana publice tractare conetur in posterum. Nam injuriam facit judicio reverendissimæ synodi, si quis semel judicata et recte disposita revolvere, et iterum disputare contendit: et in contemptores hujus legis, tanquam in sacrilegos, pœna non deerit. Igitur si clericus erit, qui publice tractare de religione ausus fuerit, consortio clericorum removebitur (511). »

3. Dolemus autem, quoniam, sicut litterarum vestrarum inspectione, et missis a vestra Fraternitate

(509) Nimirum sub annum 1121.

(510) Scripta anno Christi 1140.

(511) Duplex in hunc locum irrepsisse mendum videtur, nempe quoad inscriptionem, ac nomen Papæ tum existentis. Exstat quidem hæc Marciani imperatoris epistola sive decretum inter acta



nobis errorum capitulis (512) cognovimus, in novissimis diebus, quando instant periculosa tempora, in Petri Abelardi perniciose doctrina et prædictorum hæreses, et alia perversa dogmata catholice fidei obviantia pullulare cœperunt. Verum in hoc maxime consolamur, et omnipotenti Deo gratias agimus, qui in partibus vestris pro patribus tales filios suscitavit, et tempore apostolatus nostri in Ecclesia sua tam præclaros voluit esse pastores, qui novi hæretici calumniis studeant obviare, et immaculatam sponsum uni viro virginem castam exhibere Christo. Nos itaque qui in beati Petri cathedra, cui a Domino est dictum: *Et tu aliquando conversus confirma fratres tuos* (Luc. xii, 32), licet indigni residere conspiciamur, communicato fratrum nostrorum episcoporum et cardinalium consilio, destinata nobis a vestra discretione capitula, et universa ipsius Petri perversa dogmata sanctorum canonum auctoritate cum suo auctore damnavimus, eique tanquam hæretico perpetuum silentium imposuimus. Universosque erroris sui sectatores et defensores, a fidelium consortio sequestrandos, excommunicationisque vinculo innodandos esse censuimus. Datum Laterani decimo septimo calendis augusti.

## EPISTOLA CXCV.

AD EPISCOPUM CONSTANTIENSEM (513).

*Monet ut Arnaldum de Brizia, Italia et Gallia pulsum, et jam apud ipsum delitescentem expellat, aut potius ad cavenda majora damna vinctum teneat.*

1. Si sciret paterfamilias qua hora fur veniret, vigilet utique, et non sineret perfodi domum suam

concilii Chalcedonensis. Leone papa Magno celebrati anno 451, sed ad cives Constantinopolitanos directa, non vero ad Leonem summum pontificem, multo minus ad Joannem, qui annis amplius octoginta post Marciani Augusti obitum Romanam sedem obtinuit. Potest itaque locus iste restitui exprimendo nomen Papæ in casu absoluto, hoc modo: *Sanctissimo papa Leone prædecessore nostro scribens*, etc.

(512) Hæc habes tomo II, ad opusculum 11.

(513) Scripta anno Christi 1140. — An de Constantiensi Gallie, an vero de Constantiensi ad Rhenum intelligenda sit hæc epistola, incertum. Ad posteriorem potius inclinat animus, quod Arnaldus, a regno Francorum exturbatus, apud hunc cui directa est epistola delitescere referatur. Huic seditionem præerat Hermannus de Arborea, qui Bernardum Francofurti adiit, ex libro sexto De miraculis Bernardi, cap. 1, ipsumque Bernardum Constantiam adduxit. Eidem Gaufridus dicat Miracula ejusdem sancti, a libro vi, cap. 10.

(514) Hominem ita depingit Otto Frisingensis, de Gestis Frederici, libro II, cap. 20: « Arnaldus iste ex Italia civitate Brizia oriundus, ejusdemque ecclesie clericus, ac tunc lector ordinatus, Petrum Abelardum olim præceptorem habuerat: vir quidem nature non hebetis, plus tamen verborum profluvio, quam sententiarum pondere copiosus, singularitatis amator, novitatis cupidus, cujusmodi hominum ingenia ad fabricandas hæreses, schismatumque perturbaciones sunt prona. Is a studio a Galliis in Italiam revertens, religiosum habitum, quo amplius decipere posset, induit, omnia lacerans, omnia redens, nemini parens, clericorum ac episcoporum derogator, monachorum persecutor, laicis tantum

A (Matth. xxiv, 43). Scitis quia fur de nocte irruerit domum, non vestram, sed Domini; vobis tamen commissam? Sed dubium esse non potest, scire vos, quod apud vos sit, quando id usque ad nos utique tam remotos potuit pervenire. Nec mirum, si non horam prævidere, aut nocturnum furis ingressum observare quivistis. Mirum autem, si deprehensum jam non agnoscitis, non tenetis, non prohibetis exportare spolia vestra, imo pretiosissimas Christi exuvias, animas videlicet, quas sua imagine præsignavit, suo cruore redemit. Adduc forsitan hæretia, et miramini, quemnam dicere velim. Arnaldum loquor de Brizia (514), qui utinam tam sanæ esset doctrinæ, quam districtæ est vite. Et si vultis scire, homo est neque manducans, neque bibens, solo cum

B diabolo esuriens et sitiens sanguinem animarum. Unus de numero illorum quos apostolica vigilantia notat, *habentes formam pietatis, virtutem illius penitus abnegantes* (II Tim. iii, 5); et ipse Dominus, *Venient, inquit, ad vos in testimentis ovium, intrinsecus autem sunt lupi rapaces* (Matth. vii, 15). Is ergo usque ad hanc ætatem, ubicumque conversatus est, tam fœda post se, et tam sæva reliquit vestigia, ut ubi semel fixerit pedem, illuc ultra redire omnino non audeat. Denique ipsam, in qua natus est, valde atrociter commovit terram, et conturbavit eam. Unde et accusatus apud dominum Papam schismate pessimo, natali solo pulsus est; etiam et abjurare compulsus reversionem, nisi ad ipsius Apostolici missionem. Pro simili deinde causa et a regno Francorum exturbatus est schismaticus insignis. Exsecratus quippe a Petro apostolo, 188

adulans. Dicebat enim nec clericos proprietatem, nec episcopos regalia, nec monachos possessiones habentes, aliqua ratione salvari posse; cuncta hæc principis esse, ab ejusque beneficentia in usum tantum laicorum cedere oportere. Præter hæc de Sacramento altaris, Baptismo parvulorum non sano dicitur sensisse. Idem auctor addit, « ipsum in concilio Romano, nimirum anno 1138 silentio multatum, Italia pulsum, in oppidum Alemannie Turingum, secessisse, ac prava dogmata effudisse: tandemque comperita Innocentii morte, circa principia pontificatus Eugenii urbem ingressum, amplius eam in seditionem excitasse: proponendo antiquorum Romanorum exempla, qui ex senatus maturitatis consilio... totum orbem suum fecerint. Quare reedificandum Capitolium, renovandam dignitatem senatoriam, reformandum equestrem ordinem docuit. Nihil in dispositione urbis ad Romanum spectato Pontificem, sufficere sibi ecclesiasticum judicium debere. In tantum vero hujus venenose doctrine cœpit invalescere malum, ut non solum nobilium Romanorum seu Cardinalium diruerentur domus et splendida palatia, verum etiam Cardinalibus reverende personæ, inhoneste sauciatis quibusdam, a furenti plebe tractarentur. « Jordanem, Petri Leonis filium, in Patricium fuisse electum idem auctor testatur, Chronici libro vii, cap. 20. » Tandem, « inquit, « in manus quorundam incidens, in Tuscie finibus captus, Principis examini reservatus est, et ad ultimum a Præfecto urbis ligno adactus, ac rogo in pulverem redacto funere, ne a stolidâ plebe corpus ejus venerationi haberetur, in Tiberim sparsus. » Hæc quidem late, sed pro loco.

adhæserat Petro Abælardo : cujus omnes errores, ab Ecclesia jam deprehensos atque damnatos, cum illo etiam et præ illo defendere acriter et pertinaciter conabatur.

2. Et in his omnibus non est aversus furor ejus, sed adhuc manus ejus extenta. Nam etiam ita vagus et profugus super terram, quod jam non licet inter suos, non cessat apud alienos, tanquam leo rugiens, circuens et quærens quem devoret. Et nunc apud vos, sicut accepimus, operatur iniquitatem, et devorat plebem vestram, sicut escam panis. Cujus maledictione et amaritudine os plenum est, veloces pedes ejus ad effundendum sanguinem : contritio et infelicitas in viis ejus, et viam pacis non cognovit. Inimicus crucis Christi, seminator discordiæ, fabricator schismatum, turbator pacis, unitatis divisor : cujus dentes arma et sagittæ, et lingua ejus gladius acutus. Molliti sunt sermones ejus super oleum, et ipsi sunt jacula. Unde et solet sibi allicere blandis sermonibus et simulatione virtutum divites et potentes, juxta illud : *Sedet in insidiis cum divitibus in occultis, ut interficiat innocentem* (Psal. ix, 29). Demum cum fuerit de illorum captata benevolentia et familiaritate securus, videbitis hominem aperte insurgere in clerum, streum tyrannide militari, insurgere in ipsos episcopos, et in omnem passim ecclesiasticum ordinem desævire. Hoc scientes, nescio an melius salubriusve in tanto discrimine rerum agere valeatis, quam juxta Apostoli monitum, auferre malum ex vobis (I Cor. v, 13). Quanquam amicus sponsi ligare potius, quam fugare curabit, ne jam discurrere et eo nocere plus possit. Hoc enim et dominus Papa, dum adhuc esset apud nos, ob mala quæ de illo audiebant, fieri scribendo mandavit ; sed non fuit qui faceret bonum. Denique si capi vulpes pusillas demolientes vineam Scriptura salubriter monet (Cantic. ii, 15), num multo magis lupus magnus et ferus religandus est, ne Christi irrumpat ovilia, oves maciet et perdat?

#### EPISTOLA CXCVI (515).

AD GUIDONEM LEGATUM DE EODEM.

*Cavendam ei familiaritatem Arnaldi de Brixia, ne sub ejus auctoritate securius errores suos disseminet.*

1. Arnaldus de Brixia, cujus conversatio mel, et doctrina venenum : cui caput columbæ, cauda scorpionis est ; quem Brixia evomuit, Roma exhorruit, Francia repulit, Germania abominatur, Italia non vult recipere, fertur esse vobiscum. Videte, quæso, ne vestra auctoritate plus noceat. Nam cum et artem habeat, et voluntatem nocendi, si accesserit

rit favor vester, erit funiculus triplex, qui difficile rumpitur, supra modum, ut vereor, nociturus. Et unum existimo de duobus, si tamen verum est quod vobiscum hominem habeatis : aut minus scilicet notum vobis esse illum ; aut vos, quod est credibilius, de ejus correctione confidere. Et utinam id non frustra. Quis det de lapide hoc suscitare filium Abrahæ ? Quam gratum munus susciperet mater Ecclesia de manibus vestris vas in honorem, quod tandiu passa est in contumeliam ? Licet tentare ; sed vir prudens cautus erit non transgredi præfinitum numerum ab Apostolo, qui ait : *Hæreticum hominem post unam et secundam correptionem devota ; sciens quia subversus est qui ejusmodi est, et delinquit proprio judicio condemnatus* (Tit. iii, 10, 11). Alioquin familiarem habere, et frequenter admittere ad colloquendum, ne dicam ad convivandum, suspicio favoris est, et inimici hominis fortis armatura. Secure annuntiabit et facile persuadebit quæ volet domesticus et contubernalis legatus apostolicæ Sedis. Quis enim a latere domini Papæ mali quidpiam suspicetur ? Sed et si in manifesto **189** perversa loquitur, quis se facile opponere audeat vestro collateralari ?

2. Deinde videtis qualia post se, ubique habet, reliquit vestigia. Non sine causa vigor apostolicus hominem Italia ortum transalpinare coegit, repatriare non patitur. Quis vero extraneorum, ad quos ejectus est, non eum omnimodis cuperet suis reddidisse ? Et certe sic se habere ad omnes, ut omnibus odio habeatur, approbatio judicii est quod portat, ne quis dicat subreptum fuisse domino Papæ. Quale est ergo summi Pontificis suggillare sententiam, et illam sententiam, cujus rectitudinem ejus ipsius, in quem data est, etsi lingua dissimulat, vita clamat ? Itaque favere huic, domino Papæ contradicere est, etiam et Domino Deo. Per quemcumque enim justa sententia juste detur, ab illo certum est processisse, qui loquitur in propheta : *Ego qui loquor justitiam* (Isa. lxiii, 1). Confido autem de vestra prudentia et honestate, quia visis his litteris de veritate certus, non abducemini amodo quidpiam assentire in hac re, nisi quod vos deceat, et Ecclesiæ Dei expediat, pro qua legatione fungimini. Diligimus vos, et ad vestrum obsequium parati sumus.

#### EPISTOLA CXCVII.

AD PETRUM BISUNTINUM DECANUM (516).

*Incepat eum ob injurias abbati Churi-Loci illatas.*

Peregrinationem abbatis Chari-Loci (517) sic

(515) Scripta anno Christi 1140.

(516) Scripta anno Christi 1141. — In duobus Colbertinis hæc epistola inscribitur ad Petrum Bisuntinum, nullo addito titulo ; in tertio, *Bisuntinum* ; in quarto, *Bisupinum*. In primis editis, ad Petrum *Bisuntinam* ; posteriores addiderunt, *decanum* ; quidam, *archidiaconum*. Monachum Casæ-Dei (quod est insigne Ordinis S. Benedicti cœnobium apud Arvernus) fuisse conjiciebamus aliquando ex duabus sequentibus epistolis, quæ de eodem scriptæ vide-

bantur. At diversos fuisse colligimus ex charta Anserici archiepiscopi Bisuntinensis de Faverniaco, cui chartæ anno 1152 Petrus de Treva decanus Sancti-Stephani subscribit cum Hugone archidiacono Faverniacensi. Erat autem ecclesia S. Stephani cathedralis apud Vesontionem, uti et alia S. Joannis Evangelistæ, quæ sola modo superest, alia nuper excisa.

(517) Charus Locus, diocesis Bisuntinensis, filia Claræ-Vallis, fundatur anno 1131. Primus loci abbas

difficile  
rus. Et  
t quod  
scilicet  
ibilibus,  
d non  
filium  
mater  
, quod  
e; sed  
nitum  
minem  
sciens  
it pro-  
ioquin  
ad col-  
spicio  
. Se-  
et do-  
Sedis.  
dpiam  
versa  
vestro  
  
habi-  
apo-  
egit,  
, ad  
suis  
es, ut  
quod  
mino  
illare  
lineam  
ulat,  
e con-  
cum-  
rium  
o qui  
m de  
teris  
piam  
ccle-  
Dili-  
su-

accipimus, quasi jam mortuum eum videamus. Vobis maxime (quod vehementer doleo) imputatur quidquid illi periculi imminet, quidquid laboris incumbit. Non hoc a vobis expectavimus, quia nec meruimus. Alium vos putavimus, et alium experimur. Testimonium perhibent vobis qui interfuerunt actioni, quod nec sincere, nec secundum justitiam in ea vos habuistis. Et credo ex parte. Nam et venerabilis abbas Bellæ-Vallis (518) non multum sibi complacet in vobis. Nolite, quæso, nolite persequi servos Dei, quibus ab ipso dictum legitis: *Qui vos tangit, tangit pupillam oculi mei* (Zachar. II, 8). Nolite radicibus evellere de cordibus nostris, si quid aliquando bene sensimus de vobis. Et hæc ita dicimus vobis, non quia vos non diligimus, sed ut de medio fiat, quo potest contingere ut non diligamus. Dico autem tanquam amicus: non expedit vobis, neque Ecclesiæ vestræ, ut domino Papæ quod actum est, sicut actum est, innotescat.

#### EPISTOLA CXCVIII (519).

AD DOMINUM PAPAM INNOCENTIUM.

*Guidonem a vi et injuriis oppressoris vindicari rogat. Nihil æque decere summum Ecclesiæ Præsulem ac zelum justitiæ.*

4. In causæ actione, quæ per charissimum fratrem nostrum Guidonem Chari-Loci abbatem vestro conspectui præsentatur, puto, satis apparet et lacescentis injuria, et innocentia patientis, et incuria judicis. Denique violentia calumniantis et inopia justitiæ compulsus est pauper confugere ad vestram præsentiam, non reputans laborem viæ, non expensas, non periculum temporis. Dedit manus morti, ne vivat in perturbatione, quietis amator. Clementer, quæso, respicite super egenum et pauperem: ne frustra vestris paternis auribus intimatus sit tantillarum virum tantus **190** labor et dolor. Olim per epistolas semel et secundo testificatus sum vobis de homine illo, qui huic modo calumniatur, quod sui esset et prævaricator propositi, et monasterii dissipator (520). Nunc autem et fletus dico inimicum crucis Christi, sanctorum qui in circuitu ejus sunt, violentissimum oppressorem, et calumniatorem pauperum: qui propria jam pene non habens quæ devoret, in proxima passim more tyrannico debaccha-

Guido, de quo hac in epistola et sequenti. Is a quodam Petro monacho infestatus, ac injuste oppressus, summum pontificem Innocentium appellavit cum litteris Bernardi commendatitiis (epist. 198). At cum veterator ille causam suam remitti ad Gallicanos judices impetrasset, commissum est iudicium Joanni ex abbate Bonæ-Vallis Cisterciensis episcopo Valentino, qui simul cum Gratianopolitano litem dirimeret. Et tunc primum quidem factum est ut Cisterciensibus questionibus eorum, quæ ad suum Ordinem pertinerent, demandarentur judicandæ ob probatam fidei integritatem. Quod postea usu receptum induxit celebrem illam et honorificam in jure exceptionem: « Quod licet non possit quis esse iudex, non modo in sua, sed neque in suorum causa » 1. Qui de jurisdictioni. ff. de Jurisd. omn. Judicium; « tamen si persona judicis est ejusmodi quod omnis suspicio verisimiliter cesset, ut si sit monachus Cisterciensis, hoc non procederet, neque talis posset recusari,

A tur. Monachum habitu mentiens, re exhibet unum de prædonibus, omnino immemor regularium observationum, legum canonumque contemptor. Fronto- sus ad verecundiam, insensatus ad metum, inflabilis ad pietatem, ad iram præceps, audax ad facinus, pronus ad injurias. Et miror quomodo vir religiosus abbas Casæ Dei in monacho suo tot et tanta vitia aut ignorare possit, aut dissimulare.

2. Sed de hoc quid ad nos? ipse viderit: ipse suo domino stat aut cadit. Nobis sufficit liberari de manibus ejus. A vobis id omnimodis flagitamus, quod aliunde frustra tentatum est. Circumspectum, et non erat auxiliorum. Ventum est ad commune refugium: illo confugimus, ibi confidimus liberari. Tantum adsit pietas; nam facultas non deest. Et quidem ex privilegio Sedis apostolicæ constat, summam rerum ad vestram potissimum respicere summam auctoritatem et plenariam potestatem. Verum hoc inter cætera vestri singularis primatus insignia, specialius nobilisque nobilitat vestrum et inclytum reddit apostolatam, si eripitis pauperem de manu fortiorum ejus. Nulla meo iudicio in corona vestra pretiosior gemma zelo illo vestro, quo æmulari consuevistis oppressos, nec relinquitis virgam peccatorum super sortem justorum: nimirum propter illud quod sequitur, *Ut non extendant justi ad iniquitatem manus suas* (Psal. CXXIV, 3); vel propter illud quod alibi dicitur, *Quia, dum superbit impius, incenditur pauper* (Psal. IX, 23): et unde alter torquetur in corpore, inde alter gravius in anima perit.

C 3. Est item monasterium de nostro Ordine vicinum huic, quod malorum similiter hominum gravi infestatione vexatur, et non est qui redimat, neque qui salvum faciat. Et pro hoc quoque puer vester paterna vestra viscera lacrymosis precibus concutere non veretur. Qui illi sunt homines, quæve occasio calumniandi, præsentium latior abbas veraci et viva voce referet vobis. Deus omnipotens vos nobis conservet longis temporibus, ad nostram omnium protectionem, qui in habitu et proposito penitentiae pauperem vitam ducimus, ut sine timore, de manu inimicorum nostrorum liberati, serviamus illi (Luc. I, 74).

D ut habet Tiraquellus de Pœnis temp. aut. remitt. 15, n. 60, et alii plures. Pronuntiata in gratiam Chari-Locensis abbatis sententia, rursus prædictus ille Petrus interpellat Innocentium, ad quem Bernardus scripsit epistolam 199, ut justa episcoporum sententia confirmaretur.

(518) Bella-Vallis, de linea Morimundi, sita est in diocesi Bisuntina prope urbem. De Charo-Loco, in libro quarto Vitæ S. Bernardi, n. 40; de Bella-Valle, in eodem libro, n. 7.

(519) Scripta anno Christi 1141.

(520) Non aliud videtur istud monasterium, quam abbatia B. Mariæ de Faverniaco, quam Ansericus Bisuntinensis archiepiscopus Stephano de Mercorio, Casæ-Dei tunc abbati, regendam concessit anno 1133. Huic Stephanum merito virum religiosum vocat Bernardus, cum is miraculis fulsisse dicatur, mortuus quarto kalendas apriles anno 1146. De abbatia Faverniacensi infra in epistola modo 391.



## EPISTOLA CXCIX (521).

AD EUNDEN.

Unde supra.—Rogat sententiam pro Religiosis inique oppressis latam confirmari, nec ulterius aures præberi calumniis.

Usquequo et superbit impius, et incenditur pauper? usquequo a tanta impudentia innocentia tanta vexatur, et hoc vivò Innocentio? Peccata sine dubio nostra hoc faciunt, quod dominus meus tam sero advertit mentientes sibi, tam lentè exaudit clamantes ad se; in hac causa duntaxat: nam alias quidem scimus familiare esse domino men, et cito intelligere, et facile misereri. Propter eum qui elegit vos, et posuit vos refugium oppressorum, ponite jam tandem finem et malitiæ oppressoris, et laboribus afflictorum: quia satis utraque res venit in lucem et manifestationem. **191** Denique ad mandatum beneplaciti domini mei causa discussa, et terminata est: superest ut ipsius auctoritate data sententia confirmetur. Ergone si venerit homo mendax adversus tantorum virorum testimonium (Valentinum loquor, et Gratianopolitanum) (**522**), audietur? Iterum suppliro, et ad pedes domini mei ea qua possum mente anxia descendo, ne ab homine iniquo et doloso religiosum monasterium destrui patiatur. Etenim non parceret nostro, qui suum pene destruxit. Unde addo solita præsumptione: Si puero vestro crederetis, hominem hunc, qui beneficio pietatis vestræ abutitur, in claustrum suum remitteretis, et domino abbati Casæ-Dei mandaretis ut in monasterio, quod ille inutiliter occupat, virum religiosum promoveret, et regularem ordinaret conventum. Hoc plane dignum apostolatu vestro, hoc beneplacitum Deo, hoc honor domino abbati Casæ-Dei, suoque monasterio. Sic etiam liberaretis animam prædicti hominis, et ipsum, cui inebat, monasterium.

## EPISTOLA CC (523).

AD MAGISTRUM ULGERIUM ANDEGAVENSEM EPISCOPUM, PRO GRAVI QUERELA QUÆ ERAT INTER IPSUM ET ABBATISSAM FONTIS-EBRALDI (521).

1. Lacrymas magis quam litteras dare libet. Sed quoniam ad neutrum inops est charitas, et hoc oportet dare, et illas non omittere: has vobis, illas mihi, et pusillis multis mei similibus, qui scandalizantur. Dicitis forsitan scandalum non esse per vos. Numquid propter vos esse negabitis? Facile cætera portarem, tantum vos non essetis in causa. Nam in culpa dicere non audeo. Non est meum discutere hoc: est qui querat et iudicet. Væ homini illi per quem scandalum venit! iudicium profecto portabit

A quisquis est ille, vel illa. Cæterum ad vos mihi nunc sermo: sustinete modicum quid insipientiæ meæ. Quia semel cœpi, loquar ad dominum meum: faciam satis vel ex parte zelo et affectui qui loquitur. Non verebor ætatem, dignitate non terrebor, non cunctabor ad nomen grande magistri Ulgerii. Nam quo grandius nomen, eo grandius scandalum. Propterea me ipsum transgrediar, et ero insipiens. Seniores increpabo, episcopum arguam, magistrum conabor docere, consilium dare sapienti. Nullum præsumptionis genus prætereat charitas et æmulatio, quam olim pro sanctitate et gloria nominis vestri conceperam. Cujus gloriæ diffusum circumquaque spirituales odorem, invidia diaboli interpolatum esse vel modice, mihi pro modico non est, sed neque Ecclesiæ Dei, quæ ubique tam celebri gaudio in hoc meridiano lumine exsultare solebat.

2. Verum vos quantum propriam gloriam contemnatis, satis apparet. Laudo, sed si non usque ad injuriam Dei. Laudo et constantiam, qua nec summis potestatibus ceditis de jure vestro, quod putatis: sed si non pertinacius quam constantius id agi a vobis videretur. Quam gloriosius, et certe sanctius vobis illatam injuriam fortiter sustineretis, et famam vestram ad gloriam Dei custodiretis! quamquam nescio quomodo vel conscientiam vestram esse in tuto confiditis sub hoc scandalo. Nec enim excusat vos, etiamsi in quempiam alterum jure culpam refunditis. Esto quod alius moverit scandalum: profecto compescere vos potestis. Nolle compescere, sine culpa erit? aut vero compescere, sine gloria erit? Malum si comprimam tuum, reputabitur tibi ad justitiam; si alienum, ad **192** gloriam. Quicumque auctor sit scandali, a vobis omnimodis exigitur tolli: et in eo loco excusatum dicimus, si non potestis. An non denique ministerium est Angelorum, tollere scandala de regno Dei? (*Matth. xiii, 41*). Si dixeritis: Quid ad nos? arguet vos illa sententia: *Labiæ sacerdotis custodiunt scientiam, et legem requirunt de ore ejus; angelus enim Domini est (Malach. ii, 7)*. Si ergo hoc scandalum, cum possitis, non tollitis, plane non impletis ministerium vestrum: quod quidem an nulla sit culpa, vos judicabitis. Ego vero nec hoc sufficere dixerim, si non et honorificatis.

3. Est quoque quod adhuc addam, nisi quia timidior sum, fateor, quam promisi. Sed tutius adduco magistrum, qui non vereatur episcopo nudam dicere veritatem. Hoc ipsum, inquit, dilectum est

(521) Scripta eodem anno.

(522) Vide Notas ad epistolam 197.

(523) Scripta circa annum 1140.

(524) Petronillam scilicet abbatissam primam, cui anno 1150 successit Mathildis. Petronillæ obitus in Necrologio ponitur octavo kalendas maii, ubi constituta dicitur abbatissa a magistro Roberto Ordinis Fontis-Ebraldi auctore, quod insigne virginum cœnobium est in diocesi Pictaviensi, haud procul a finibus Turonum et Andegavorum. Gravis fuit controversia ejus loci sanctimonialibus intentata ab Ulgerio episcopo Andegavensi, cujus religionem et scientiam

prædicat Ordericus in libro xii, pag. 882, ad annum 1124, quo anno is Rainaldo ad Remorum sedem translato suffectus est, sapientia, moribus, sanctitate cæteris episcopis sui temporis præcellens, ex Actis episcoporum Cenomannensium, Analectorum tomo III, pag. 335. Is hujusce litis gratia Romam non semel se contulit ad Innocentium et Lucium, qui sanctimonialium patrocinium susceperat, ut patet ex eorum bullis editis, tum in Historia Fontis-Ebraldi, tum in dissertatione secunda pro B. Roberto de Arbrisellis. Vide epistolam 340.

*in vobis, quod causas habetis inter vos. Quare non magis fraudem patimini? (1. Cor. vi, 7.)* Opposuit speculum, refulsit justitiæ sol, emicuit veritas, nævus apparuit. Quanti est igitur nescio quæ illa possessiuncula maledicta, ut ulterius jam possit aut obumbrare tam manifestam veritatem, aut impedire tam optatam correptionem? Inspiret Deus vobis acquiescere consilio, ut non dicam nostro, sed omnium qui æmulantur vos Dei æmulatione, reverende et omni gloria prosequende pater.

## EPISTOLA CCI.

AD BALDUINUM ABBATEM REATINI MONASTERII (525).  
*Hortatur ut strenue incumbat officio suo: huc vero requirit verbum prædicationis, exemplum operis, et præcipue studium orationis.*

1. Epistola quam misisti, affectum tuum redolet, movet meum. Et doleo quod prout moveor non possum rescribere. Nec immoror in excusandis excusationibus, sciens quod scienti me loquor. Nosti, inquam, sub qua sarcina gemo: et gemitus meus a te non est absconditus. Tu vero pro schedulæ brevitate affectum non æstimes, quem nulla sui prolixitate explicare posset oratio. Et malitia quidem occupationum potest facere ut paucis scribam, sed non ut parum diligam. Actum sane excludat, vel impediat actus: sed numquid affectum? Sicut mater unicuique amat filium, ita te diligebam, hærentem lateri meo, placentem cordi meo. Diligam et absentem, ne solatium meum ex te, et non te videar d. lexisse. Eras perneccessarius mihi. Atque hinc vel maxime claret quam sincere te diligam. Hodie nempe non te caruissem, si quæsissem quæ mea sunt. Nunc autem vides quod, spretis utilitatibus meis, tuis compendiis non invidi, ponens te utique ibi, unde aliquando transponaris super omnia bona Domini tui.

2. Tu autem cura inveniri fidelis servus et prudens, conservis tuis cæleste triticum communicare absque invidia, et absque desidia erogare; et noli frustra assumere excusationem, quasi de tui novitate aut de imperitia, quod putas forte, vel simulas. Nam nec sterilis verecundia grata est, nec humilitas præter veritatem laudabilis. Officium ergo tuum attende. Pelle pudorem consideratione officii, age ut magister. Novus es, sed debitor: et ex tunc te noveris debitorem, ex quo te alligasti. Numquid novitas excusabit apud creditorem [al. conditorem] damna lucrorum? Numqui l prima tempora vacua præterire patitur fenerator? Sed non sum, inquires, ad ista sufficiens. Quasi vero devotio tua accepta non sit ex eo quod habes, non ex eo quod non habes. De solo tibi credito talento respondere tibi para, 193 securus de reliquo. Si multum accepisti, da multum.

(525) Alius hic fuit a Balduino cardinale, Bernardi iidem discipulo, de quo ad epistolas 144 et 245. Hic enim cardinalis tum erat, cum Balduinus alter regerat Reatinum monasterium Cisterciense, quod duplex est, alterum Sancti-Matthæi, alterum Sancti-Pastoris, cui præfatus Balduinus. Lege Ughelli additiones ad Ciaconium sub Innocentio II. et aliam epistolam ad Reatinum abbatem post Bernardinas.

A Quod si modicum est, et id tribue. Etenim qui in modico fidelis non est, nec in maximo. Totum da, quia totum repetendus es usque ad novissimum quadrantem: sed sane quod habes, non quod non habes.

3. Memento etiam voci tuæ dare vocem virtutis. Quid illud, inquis? Ut opera tua verbis concinant, imo verba operibus, ut cures videlicet prius facere quam docere. Pulcherrimus ordo est et saluberrimus, ut onus quod portandum imponis, tu portes prior; et ex te discas qualiter oporteat aliis moderari. Alioquin subsannabit te sapiens, utpote pigrum illum, cui labor sit manum porrigere ad os (*Prov. xxvi, 15*): argnet te et Apostolus dicens: *Tu qui alios doces, teipsum non doces (Rom. ii, 21)*. Sed et notaberis vitio Phariseorum, qui alligant onera gravia et importabilia, et imponunt ea in humeros hominum, digito autem suo nolunt ea movere (*Math. xxiii, 4*). Sermo quidem vivus et efficax, exemplum est operis, facile faciens suadibile quod dicitur, dum monstrat factibile quod suadetur. Ergo in his duobus mandatis, verbi scilicet atque exempli, summam tui officii ad conscientiæ securitatem pendere intellige. Tu tamen, si sapis, junges et tertium, studium videlicet orationis, ad complementum utique trinitæ illius repetitionis in Evangelio de pascendis ovibus (*Joun. xxi, 15-17*). In hoc noveris illius trinitatis sacramentum in nullo frustratum a te, si pascas verbo, pascas exemplo, pascas et sanctorum fructu orationum. Manent itaque tria hæc: verbum, exemplum, oratio: major autem his est oratio. Nam etsi, ut dictum est, vocis virtus sit opus; et operi tamen et voci gratiam efficaciamque promeretur oratio. Heu avellor, abripior! non licet ultra. Illud tamen breviter admonitus sis, ut, quam citius poteris, gravi me cures solvere cura; et quid sibi vult, quod inter alia questus es, vulnus a quo non sperabas te pertulisse, non negligas manifestius aperire: id enim anxie me sollicitat.

## EPISTOLA CCI (526).

AD CLERUM SENONENSEM.

*Electionem novi Præsulis non inconsulte et præcipitanter instituendam.*

Destituti benedicto pastore vestro (527), opus est, charissimi, ut de substituendo alio sollicitè satagatis. Sed sane id non præcipitanter agendum, non tumultuose aut inconsulte, ne forte vacuetur quod præter rationem et ordinem præsumetur et vos intrare incipiatis circuitum quorundam qui in circuitu vestro sunt. De vicinis, si placet, Ecclesiis sumite experimentum (528); et illarum vexatio det intellectum auditui in causa præseni. Grandis quippe res

(526) Scripta anno Christi 1144.

(527) Henrico scilicet, cui successit anno 1144 Hugo ex abbate Pontiniacensi, testante Chronico Hugonis monachi Sancti-Mariani, et alio S. Petri Vivi. Confer epist. 182.

(528) Intelligit Ecclesiæ Aurelianensem, de qua epist. 156; Catalaunensem, ex epist. 224; et Lugonensem, de quo supra epist. 164 sqq.

est in manibus, nobili Senonensi Ecclesiæ instaurare pastorem. Grandis prorsus, nec sine grandi adorienda consilio. Expectandum proinde suffraganeorum consilium episcoporum, expectandus assensus Religiosorum qui sunt in episcopatu, atque in commune tractandum commune negotium. Alioquin, dilectissimi, moleste, credite, intuebimur tribulationem Ecclesiæ vestræ, moleste vestram ipsorum confusionem. Quod utrumque continget facile, si illud contingat effici, quod oporteat revocari. Ergo indicatur jejunium, convocentur episcopi, Religiosi adscendantur: nec sua (quod absit!) sollemnitate fraudetur tanti sacerdotis rite celebranda electio. Aderit, ut confidimus, Spiritus sanctus votis vestris, et honor erit vobis **194** honorificantibus ministerium vestrum, dum pari voto et consilio studueritis quod gloria sit Dei, et salus populi.

#### EPISTOLA CCIII (529).

AD ATTONEM EPISCOPUM ET CLERUM TRECENSEM.

*Monet ut Ansellum clericum Trecentem ab armis et conjugio revocent.*

Legimus, Si erraverit quis ex vobis a veritate, et converterit quis eum, scire debet quoniam qui converti fecerit peccatorem ab errore via suæ, salvabit animam ejus a morte, et operis multitudinem peccatorum (Jac. v, 19, 20). Errat Ansellus noster, errat: cui dubium? Si dimittimus eum sic, non solus errabit. Quantos trahet post se suo exemplo illustrissimus juvenis? Nec modo sequaces, sed et omnes qui poterunt eum revocare, nec revocabunt, eodem errore judicamus involvi. Mundus ego sum a sanguine ejus. Et ei prædixi per epistolam, et vobis nunc dico, quia rem illicitam præsumit. Nec clerici est pugnare armis militaribus, nec subdiaconi uxorem ducere (550). Annuntiate peccatori opus ejus, ne ille in peccato suo moriatur, sanguinem vero ejus de manu vestra requirat qui suo eum redemit sanguine pretioso. En de cælo clamat: *Virgo Israel corruit, et non est qui sublevet eam* (Amos v, 2). Quousque in luto aurum jacet? Tollite margaritam, tollite, Je-

(529) Scripta circa annum 1140.

(530) De celibatu subdiaconorum lege Gregorii Magni epistolam 42, lib. 1, etc.

(531) Scripta circa annum 1140.

(532) Aliis Sancti Albani, quod nobile monasterium erat apud Anglos Mercios, ab Offa rege constructum. Sed præferenda lectio nostra de monasterio Sancti Albini apud Andegavos, ex quo Guillelmus transiens, susceptus est a Bernardo abbate, tanta gratia virtutum radiavit, ut in omni sanctitate mirabilis appareret etiam quibuscumque perfectis, Exordii Cisterciensis libro II, cap. 14.

(533) Scripta circa annum 1140.

(534) Aliis, *Roverensem*; seu, *Rovensem*; sed relictus, *Roffensem*, cui sedi in Anglia tunc præsidebat Ascelinus seu Anselmus, qui anno 1137 Joanni successit in annos decem.

(535) Is natione Anglus, Parisiis primum litteras professus, inde in patriam remeans, Oxoniensem academiam pene collapsam restituit. Tum ob singulares animi dotes et eximiam doctrinam ab Innocentio II Romano vocatus, cardinalis tituli S. Eusebii creatus est, et quidem primus ex sua gente, nisi forte Ulrimum quemdam ei præposueris. Sed quoniam

A vate splendidissimam atque pretiosissimam gemmam de sterquilino: levate eam, antequam porcorum, id est spurcorum spirituum, pedibus conculcetur, et jam non sit vas in honorem, sed in contumeliam.

#### EPISTOLA CCIV (531).

AD ABBATEM SANCTI-ALBINI (532)

*Suum erga eum affectum aperit: mutuum vero conspectum, si præsens vita non permittat, futura reservari.*

Etsi facie ignotus es mihi, sed non fama: nec parum aut vile quid tui gratulor me tenere munere illius. Nam talis, fateor, per eam insinuatus es meo pectori, ut, licet in multis occupatum, ipsa tamen serenissima recordatio tui, mi dilectissime frater [al. mi dulcissime frater], facile me plerumque ex omnibus vindicet sibi, ita ut in ea libenter imponer et suaviter requiescam. Cæterum quo memoriam plus accepto, eo avidius suspiro præsentiam Sed quando istud, aut si quando istud? Utique etsi non ante, profecto in civitate Dei nostri: si tamen non habemus hic manentem civitatem, sed illam inquiremus. Ibi, ibi videbimus nos, et gaudebit cor nostrum. Interim vero delectabor et letabor nihilominus in his quæ dicta sunt mihi, sperans et expectans quod reliquum est de visione corporali in die Domini, ut gaudium meum plenum sit. Adde, obsecro, ad ea bona quæ abs te et de te nobis assidue veniunt, tuarumque pro nobis orationes, pater charissime et desideratissime.

#### EPISTOLA CCV (533).

AD EPISCOPUM ROFFENSEM (534).

*Durus se litteris ejus, sed citra culpam, perstringi.*

Dure scribitis non merenti. Quid peccavi? Si monni magistrum Robertum Pullum (535) aliquantum **195** tempus facere Parisiis, ob sanam doctrinam quæ apud illum esse dignoscitur; id putavi necessarium, et adhuc puto. Si rogavi Sublimitatem vestram ut permitteretis, etiam nunc idipsum rogarem, nisi eam de priori prece indignatam sensissem. Si dixi hominem fultum gratia amicorum, quorum in curia

anno? nempe 1134, si Onuphrio et Ciaconio credimus. Certe liquet omnino hæc dignitate necdum fuisse potitum cum scriberetur hæc epistola, quæ ex ipsa Bernardi litterarum serie circa annum 1140 exarata videtur. Deinde hanc eandem epistolam ad Ascelinum (aliis Anselmum) qui anno 1137 cathedram Roffensem inivit, missam affirmat Goduvinus, de Præsulis Angliæ. Ad hæc in fine epistolæ gratias agit Bernardus Roffensi episcopo, quod « viscera sua, » nimirum filios a se in Hiberniam transmissos, « refovisset. » Atqui nullos Cisterciensis Ordinis monachos Hiberniam incoluisse ante annum 1139, quo S. Malachias primum Claram-Vallem adiit, constat ex eo quod Bernardus in Vita ipsius cap. 16 scribit, aliquot ex sociis a S. episcopo apud Claram-Vallem dimissos, qui institutum Cisterciense edocti, illud in Hiberniam anno 1141 transtulere, constructo Melli-Fontis cœnobio, quod primum Cisterciensium fuit in illa provincia, si forte monasterium B. Mariæ Dubliniensis excipias, quod circa annum 1139 Cisterciense jugum subisse quidam auctores tradunt. Præferenda itaque videtur illius Anglo-Benedictini scriptoris sententia (refertur inter Elogia Pulli Operibus præmissa), qui censet Robertum Pullum ab Inno-



(536) non minima auctoritas est; id dixi, quod vobis A  
formidavi, et adhuc formido. Nam quod post appella-  
tionem factam extendistis manum (ut accepimus) ad  
res appellantis, nec laudavi, nec laudo. Verumtamen  
voluntati vestre in aliquo contradicere, nec consului ei  
nec consulo. De cætero vestri sumus, coronam vestram  
(537) suscipere, et colere semper digna et debita vene-  
ratione parati. Hujus testimonio conscientie andemus  
adhuc ad vos, prece duntaxat atque consilio, ut  
magister Robertus cum integritate gratiæ vestræ  
per aliquantum tempus possit Parisius demorari.  
Retribuat vobis Dominus in vita æterna, quod vis-  
cera nostra refovistis: filios nostros loquor, quos  
misimus in Hiberniam.

## EPISTOLA CCVI.

AD REGINAM JEROSOLYMOREM (538).

*Commendat quendam consanguineum suum, et paucis  
monet Reginam ita vivere, ut regnet perpetuo.*

Audierunt homines quod locum gratiæ habeam  
apud vos et multi profecturi Jerosolymam petunt  
se vestræ Excellentie per me commendari. Ex qui-  
bus est iste juvenis consanguineus meus, juvenis,  
ut aiunt, strenuus in armis, suavis in moribus. Et  
gaudeo quod ad tempus elegit militare Deo magis  
quam sæculo. Itaque facite morem vestrum, et bene  
sit huic propter me; sicut cæteris omnibus propin-  
quis meis fuit, qui per me vobis innotescere potue-  
runt. De cætero cavete ne voluptas carnis et gloria  
temporalis impendant vobis iter regni cælestis. Nam  
quid prodest paucis diebus regnare super terram,  
et regno cælorum æterno privari? Sed confido in  
Domino quod melius facietis: et si verum est testi-  
monium quod de vobis perhibet charissimus avun-  
culus meus Andreas (539), cui multum credimus, et  
hic et in æternum Deo miserante regnabit. Pere-  
grinis, egenis, et maxime inclusis curam impendite:  
quia talibus hostiis promeretur Deus. Scribite nobis  
frequentius: quia et vobis non oberit, et nobis pro-  
derit, si esse (540) vestrum, et bona studia plenius  
certiusque noverimus.

centio Romam accersitum, a Lucio ejus successore  
renuntiatum esse cardinalem, postea vero cancellarii  
dignitate, vitæque perfunctum Eugenio III pontifice.  
Eum Theologorum antiquissimum vocant, doctissi-  
mum probant tot clara, quorum Pitæus indicem  
texuit, ingenii monumenta, quæ quidem omnia in  
tenebris etiam nunc delitescerent, nisi R. P. dominus  
Hugo Mathoud, e nostra Congregatione Sanctæ Co-  
lumbæ Senonensi cœnobio præfectus, octo senten-  
tiarum libros, notis et observationibus doctissimis  
illustratos, in lucem emisisset. Plura de eo vide, si  
lubet, in notis ad epistolam 334.

(536) Curie nomine Bernardus solet intelligere  
Romanam, ut in titulo epistolæ 219, et alibi passim.  
(537) Corone elogio vir sanctus, more veterum,  
non raro compellat episcopos, uti et reges, infra  
epistolâ 221, nn. 2, 3.

(538) Hæc vocabatur Melisendis, ad quam epistolæ  
289, 334, 355.

(539) Ad quem epistolâ 288.

(540) Id est, statum.

(541) Scripta anno Christi 1159.

(542) Longe nunc aliter Bernardus compellat Ro-  
gerium, quam supra eum appellaverit: nempe uti

## EPISTOLA CCVII (541).

AD ROGERIUM REGEM SICILIÆ.

*Hortatur ut se pauperibus Religiosis benignum et  
beneficum exhibeat.*

Longe lateque satis dilatata est magnificentia ve-  
stra super terram (542). Etenim gloria hominis  
vestri quos fines non attigit? Sed audite consilium  
diligentis vos. Studete, quod in vobis est, hanc ipsam  
gloriam referre ad illum a quo est, si non vultis eam  
perdere, aut certe perdi ab ea. Hoc autem sci fiet,  
si inter eos quos regiæ magnificentie celebrius opi-  
nio evocat de longinquo, discretionis oculum aperi-  
tis, manumque extenditis non tam cupidis quam  
egenis. Et vere beatus qui intelligit, non super eupi-  
dum, sed super egenum et pauperem (Psal. xl, 1).  
Illum, inquam, pauperem qui invitatus petit, et ve-  
cunde accipit, et accipiens glorificat Patrem suum  
qui in cælis est. Cum autem Deo tua gloria de ve-  
stro munere ex ore egentium ita fideiiter resignabi-  
tur, uberiori procul dubio rivo fluat vobis necesse  
est ille fons gloriæ, qui diligentes se diligit, et glo-  
rificat glorificantes se: ut qui seminat in benedictio-  
nibus, de benedictionibus et metat (II Cor. ix, 6).  
Pro hujusmodi 196 obsecro vos ponere oculos ve-  
stros super latorem præsentium, quem pro certo ad  
vestram regiam præsentiam non cupiditas traxit, sed  
coegit necessitas. Necessitas dico non sua, sed suo-  
rum Dei fidelium. Audite patienter quid patiantur,  
audite et compatiimini; quia si compatiimini, et  
conregnabit. Nec contemnendum regi regnare  
cum talibus: ipsorum est enim regnum cælorum,  
qui contempserunt vitam mundi. Facite vobis illos  
amicos de mammona iniquitatis: ut cum defeceritis  
a terreno regno vestro, recipiant vos in suum regnum  
æternum (Luc. xvi, 9).

non parcebat peccantibus, sic benignus et suavis  
erat resipiscentibus; et mutatis moribus noverat stig-  
mum mutare, uti indicat in fine epistolæ 224. Apparet  
ergo hinc resipuisse tandem Rogerium, gravem  
scilicet quondam Ecclesiæ hostem, perturbatorem  
pacis, fautorem schismatis, Innocentii pontificis per-  
secutorem, imperatoris æmulum. Cujus tanta fero-  
citas fuit, ut nec rebus, nec personis sacris, nec ho-  
stibus parceret defunctis; ut videre est apud Ottonem  
Frisingensem libro vii. cap. 23, et apud Baronium,  
tomo XII, ad annum 1156. Unde illa ejus apud Ber-  
nardum elogium, « Tyrannus Siculus, » epist. 430,  
436; « Invasor regiæ coronæ, usurpator Siculus, »  
epist. 439; « Dux Apuliæ, quem sibi Anacletus papa  
usurpatæ coronæ ridicula mercede comparavit, »  
epist. 127. Mire enim commendat Petrus abbas Clu-  
niacensis, libri quarti epistolâ 57. Sane postquam  
Innocentio pontifici, etsi cum haberet captivum, sup-  
plex factus, regiæ coronæ confirmationem obtinuit  
(vide Baronium, ad annum 1159), religiosos viros,  
Cluniacenses et Cistercienses, in ditiones suas evo-  
cavit. Et ipsius quidem Bernardi videndi desideria  
tenebatur, uti patet ex epistolâ sequenti.

## EPISTOLA CCVIII (543)

[AD EUNDEM.]

*Desideratus a Rege, mittit ex suis, quos ut viscera sua benigne suscipi et foveri rogat.*

Si me queritis, ecce ego, et pueri mei, quos dedit mihi Deus. Fertur namque mea humilitas invenisse gratiam apud regiam majestatem, ita ut querat videre me. Et quis ego sum, ut dissimulem beneplacitum Regis? Accurro, et, qui querebar, ecce adsum: non in presentia corporis infirma, in qua desepxit Dominum Herodes (Luc. xxi, 11); attamen in visceribus meis. Nam quis me separabit ab his? Sequar eos quocumque ierint: et si habitaverint in extremis maris, non erunt absque me. Habes, Rex, lumen oculorum meorum, habes cor meum, et animam meam. Quid si modicum nostri abest? Corpusculum loquor, vile istud mancipium, quod etsi voluntas exponeret, sed retineret necessitas. Non valet sequi volentem animum, quoniam infirmum est, et solum pene illi superest sepulcrum. Sed quæ cura? Anima mea in bonis demorabitur, cum semen meum hæreditabit terram. Semen meum, semen bonum. Germinabit, si tamen in terram bonam ceciderit. Lætabitur et delectabitur in crassitudine anima mea; quippe, ut confido, dabitur illi de fructu manuum suarum. Reposita est hæc spes mea in sinu meo, ut patienter feram ab his vel corpore separari. Non mireris, Rex. Ante elegissem a corpore peregrinari, quam istos emittere, si solus causæ deesset Deus. Suscipe illos tanquam advenas et peregrinos, verumtamen cives sanctorum, et domesticos Dei. C Parum dixi cives; reges sunt. Ipsorum est enim regnum cælorum, jure et merito paupertatis. Non decet frustra e longinquo esse vocatos, et suis sedibus exsules inutili peregrinatione vagari. Putas poterunt cantare canticum Domini in terra aliena? Sed non recte forte dixerim alienam, quæ semini bono spontaneum expandit sinum, et pretiosum depositum jam læto in gremio pie fovere suscepit. Cecidit, ut video, cecidit granum bonum in terram bonam et optimam: spero in Domino quod radicabit, germinabit, multiplicabitur, et referet fructum in patientia (Luc. vii, 15). Porro hunc cum Rege partibor, et unusquisque secundum suum accipiet (I Cor. vii, 8).

## EPISTOLA CCIX.

[AD EUNDEM.]

*Prædicat regiam ejus munificentiam in susceplendis et fovendis Religiosis a se missis.*

Habetis quod petistis, fecistis quod promisistis. Quos in verbo vestro exposuimus, et misimus peregrinari, regia sunt liberalitate suscepti. Occurristis eis cum panibus, eduxistis eos in refrigerium, constituistis eos super excelsam terram, ut comedant fructum agrorum, ut sugant mel de petra,

(543) Scripta eodem anno.

(544) Scripta circa annum 1139.

(545) Nimirum Samsonem.

(546) Scripta circa annum 1139.

(547) Theobaldus, antea Beccensis abbas.

A oleumque de saxo durissimo; butyrum de armento, et lac de ovibus, et ficut cum medolla tritici, et sanguinem uvæ 197 bibant meracissimum. Et hæc quidem terrena sunt, sed cælestia mercantur. Sic itur ad astra (Vinc. En. ix, 640): talibus hostiis promeretur Deus. Istorum est enim regnum cælorum, qui regi terræ in terra viventium reddere poterunt pro his terrenis vitam et gloriam sempiternam. Missinus vobis magistrum Brunonem, olim mihi per dies multos individuum comitem, nunc autem patrem multarum quidem animarum lætantium in Christo, sed egentium in sæculo. Experiat et ipse munificam manum regis, ut augeatur numerus amicorum, qui ipsum recipiant in æterna tabernacula. Quod illi facitis, mihi facitis: quia quod illi deest, a me exigitur. At quia marsupium nostrum minus sufficiens est, ad vestrum sane, quod aliquando grossius esse liquet, pauperem Christi merito destinare curavi.

## EPISTOLA CCX (544).

[AD DOMINUM PAPAM INNOCENTIUM.]

*Remensem præsulem Pontifici commendat.*

Dominum Remensem (545) gloriæ vestræ commendamus, non tanquam de cæteris, sed vere præ cæteris unum: idque tam secure, quam securi sumus de sua erga vos fideli devotione, sincera dilectione, voluntate subdita atque obedientissima. Honoretur, quoniam vas est in honorem. Sentiat, quod in vobis est, non frustra se honorificare ministerium suum: non frustra pollere his moribus quibus honoretur Deus, ornetur Ecclesia, qui denique deceant Domini sacerdotem.

## EPISTOLA CCXI (546).

[AD EUNDEM.]

*Causam Cantuariensis archiepiscopi, necnon Londinensis episcopi commendat.*

Dominus Cantuariensis (547), vir bonus, et testimonium habens a bonis, injuste in causam trahitur, et ab agendo violenter retrahitur. Parabat iter: nam in vestra presentia fuerat terminanda; et ecce interceptus a turbine et tempestate bellorum. Sit excusatus apud vos, cui molesta est excusandi necessitas: tum quia præsumit de iustitia, tum quia desiderio desiderabat videre faciem vestram. Addit D et hoc puer vester, ut si qua alia petitio est venerabilis sacerdotis (548), tanto citius admittatur, quanto dignior est qui petit. Audeo adhuc, et quia semel cæpi, loquar ad dominum meum. Ille, ille antiquus amicus, fidelis servus, devotus filius (Robertum loquor Londinensem episcopum) clamat ad vos quod occupator ille, qui eum prævenit in sedem quam Deo auctore ipse sortitus est, ipsius Ecclesiæ vadia (549) terrasque distraxerit, et distracta restituere nolit. Quod quam sit injuriosum,

(548) Retinet Bernardus antiqua passim vocabula, antiquitatis sciens et studiosus, ut hic Sacerdotis, quo nomine sacerdotes etiam primi Ordinis antiquitus appellari solebant, supra in epistolis 61, 202, etc.

(549) Id est pignora seu hypothecas.

et qualiter corrigendum, meæ humilitatis non est A  
tantæ sapientiæ prædictare.

## EPISTOLA CCXII (550).

AD EUNDEM.

*Causam Salamanticensis episcopi patheticè agit apud Pontificem, insignem ejus humilitatem commendans.*

Vir illustris, Salamanticensis quondam episcopus, rediens ab Urbe, non pigritavit divertere ad puerum vestrum, et auxilium ab homunculo flagitare non desepit (551). Quo audito, recordatus sum prophetiæ dicentis: *Montes et colles coram Deo humiliabuntur, et erunt prava in directa, et aspera in vias planas* (Isai. xl, 4). Sic vos ludere nostis, alta comprimere, sedare tumentia, et 198 enormia redigere in mensuram. Verumtamen cum tragædiæ suæ historiam in auribus meis homo seriatim exposuisset, laudavi Judicem, judicium approbavi; sed, dico vobis, compassus sum iudicato. Sic quippe totam suam lacrymosam illam orationem conclusit, tanquam in calce ipsius diceret cum Propheeta: *Exaltatus autem humiliatus sum et conturbatus* (Psal. lxxxvii, 16); et: *Quia elevans allisti me* (Psal. ci, 11). Cumque memorarer justitiæ vestræ et virilis animi quem sciebam, cœpi tamen simul cogitare divitiarum miserationum vestrarum, quas in plurimis expertus sum, et dixi: Quis scit si convertatur et ignoscat dominus, et relinquat post se benedictionem? Certe, inquam, in omnibus et per omnia instructus est et æmulari, et ignoscere, et debellare superbos et parcere nihilominus subjectis (Vinc. Æn. iv, 852), nisi quod magistrum sequens, etiam consuevit misericordiam superexaltare iudicio. Et acquievi solita illa mea præsumptione loqui ad dominum meum, cum sim pulvis et cinis. Et ministrabat materiam spei, precii fiduciam, pietati rationem, quod adverterem hominem, non, ut assolet, versum in furorem cum indignatione recedere, et repetere natale solum, moliri scandala, tentare seditiones: sed dedit locum iræ, et induit spiritum mansuetudinis, et declinavit ad vestros Cluniacenses, et inclinavit se humilium genibus, humilium precibus communivit, armis potentibus a Deo. His telis statuit adversum vos dimicare, et rigoris murum oppositum sibi talibus, ut jactat, pietatis machinis labefactare conabitur. Confidit autem quod respiciens in orationem humilium, nec spernetis preces eorum; et vincet pietas, quem tremunt potestates. Ego quoque securus cum talibus tendo manus, flecto genua, supplico pro supplici: audacter pronuntians debere misero suam prodesse humilitatem, cui adeo insolentia sua nocuit; nec decere virtutem vinci a vitio in retributione.

(550) Scripta anno Christi 1139.

(551) Petrus is erat, qui, cum Salamanticensis Ecclesia diuturno schismate sub triplici capite laboraret, ipse possessionis jure gaudens Romani vocatus est ab Innocentio, qui Petrum aliosque contententes a dignitate amovit. Petrus vero ad Cluniacenses se conferens, tum ad Bernardum, restitutionem forsitan

## EPISTOLA CCXIII (552).

AD EUNDEM.

*Expostulat cum Pontifice, quod reconciliatio Petri Pisani, opera sua et auctoritate ipsius Papæ facia, irritetur.*

Quis mihi faciet justitiam de vobis? Si haberem judicem ad quem vos trahere possem, jam nunc ostenderem vobis (ut parturiens loquor) quid mererini. Exstat quidem tribunal Christi: sed absit ut ad illud appellem vos, qui illic (si vobis necessarium, et mihi possibile esset) vellem magis totis viribus stare, et respondere pro vobis! Itaque recurro ad eum cui in præsentī datum est judicare de universis, hoc est, ad vos. Vos appello ad vos: vos iudicate inter me et vos. In quo, quæso, puer vester tam male meruit de vestra Paternitate, ut eum inurere et insignire placeret nota et nomine proditoris? Numquid non me vestrum vicarium dignatio vestra constituit in reconciliatione Petri Pisani (555), si forte illum Deus per me revocare a facie schismatis dignaretur? Si negatis, probabo tot testibus, quot in curia tunc temporis fuerunt. Numquid non denique post hæc, juxta verbum domini mei, homo in suo ordine et honore receptus est? Quisnam ergo constantiæ vestræ suo consilio, vel magis suo dolo subripuit indulta repetere, et quæ processere de labiis vestris, facere irrita? Et hoc ego dixerim, non ut apostolicum reprehendam rigorem, et zelum igne Dei succensum contra schismaticos, qui in spiritu vehementi conterat naves Tharsis, et instar Phinees confodiat fornicantes, juxta illud: *Nonne qui oderunt te, Domine, oderam, et super inimicos tuos tabescebam?* (Psal. cxxxviii, 21.) Sed ubi non est par culpa, par plane non debet procedere 199 pœna: nec convenit eadem involvi sententia eum qui peccatum, cum his quos magis peccatum deseruit. Propter eum qui, ut peccatoribus parceret, sibi ipsi non pepercit, auferte opprobrium meum, et restituendo quem statuistis, vestræ etiam tam sanæ et integræ opinioni consulite. Super hoc jam alia vice scripseram vobis: sed quia non est responsum mihi, puto non pervenit ad vos hoc ipsum quod scripseram.

## (554) EPISTOLA CCXIV.

AD EUNDEM.

*Episcopum Cameracensem et abbatem Godescalcum commendat.*

Si cura, si memoria quantulumcumque mei exstat adhuc in corde domini mei, et si qua portiuncula antiquæ gratiæ invenitur etiam nunc in oculis ejus a puero ejus, liceat hanc experiri viro nobili et humili

obtinisset, nisi Toletanus, Zamorensis et Segoviensis præsules, ab Alfonso rege missi, intercessissent, et electionem Berengarii ipsius Alfonsi cancellarii promovissent. Hæc ex Manriquez, ad annum 1139.

(552) Scripta eodem anno.

(555) Vide Vitam S. Bernardi lib. ii, cap. 7.

(554) Scripta circa annum 1140.



Nicolao (555) Cameracensi episcopo. Fateor me obnoxium illi, et omnium quæ pro eo facere valeo debitorem: non solum quia ubicunque potest, honorat nos et nostros, sed et propter veritatem, et mansuetudinem, et iustitiam, quæ eum etiam apud vos commendabilem reddere possunt. Et, nisi fallor, qui eum tribulant, falsi sunt, et non est in ore eorum veritas. Denique vos probabitis, et non est mihi verbis laborandum super hoc. Est præterea cum eo vir religiosus et sanctus Godescalcus abbas (556), pro quo similiter, si quid ad merita ejus nostra interventio addere potest, obnixè oro ut in suis petitionibus exaudiat. Arbitror enim nullam illum facere, quæ non digna sit exaudiri.

## EPISTOLA CCXV (557).

AD EUNDEM.

Pro episcopo et decano Autissiodorensi.

Scribo vobis frequentissime vilis vermiculus, et in hanc impellor audaciam precibus amicorum. Fateor, audax sum, sed non mendax. Non suspicetur dominus meus in ore pueri sui inventum iri mendacium in omnibus quæ ad ipsum scripserit. Volo amicis gerere morem, non tamen in meam mortem. Nec enim ignoro ubi legerim: *Os quod mentitur, occidit animam* (Sap. 1, 11). Falsitatem proinde nego, importunitatem non excuso: ipsa inveniat veniam, cætera non timemus. Amicus est dominus Autissiodorensis episcopus (558), et præcipuus; quis nesciat? Habet quam communicet amico anxietatem, non falsitatem. Fidelem pro decano ipsius afferimus excusationem, absolutionem exigimus. Filii sumus unius patris (quod solita præsumptione loquor) qui estis vos. Confidimus quia non repellet filios pater, sed voluntatem timentium se faciet, et deprecationem eorum exaudiet, et latos faciet illos (Psal. cxliv, 19).

## 200 EPISTOLA CCXVI. (559).

AD EUNDEM.

Comitem Radulfum, qui repudiata uxore sua aliam duxerat, patronos in curia reperire queritur.

Scriptum est: *Quod Deus conjunxit, homo non separet* (Matth. xix, 6). Surrexerunt viri audaces, qui non

(555) In plerisque manuscriptis deest Nicolai nomen, nequidem prima littera de more designatum. Ex quatuor Colbertinis unus tantum codex in margine habet, *Nicolao*, cui sane hæc recte conveniunt, sed interest in his monere lectorem. Cameracensi ecclesie præfuit Nicolaus ab anno 1140 ad annum 1167.

(556) Vulgati addunt, *Montis Sancti-Martini*, sed hæc verba in scriptis omnibus desiderantur, imò etiam in nonnullis *Godescalcus*, aliis *G.* littera expressus. Et hic tamen abbas fuit Montis Sancti-Martini apud Atrēbates, Ordinis Præmonstratensis, laudatus in epistola 253, n. 4; postea episcopus Atrēbatensis, in epistola 284.

(557) Scripta circa eundem annum.

(558) Scilicet Hugo.

(559) Scripta anno Christi 1142.

(560) Hic notati episcopi, qui Radulfi Veromandorum comitis divortium probarunt, nempe Simon Tornacensis ejus frater, Bartholomæus Laudunensis, et Petrus Silvanectensis. Factum accurate narrat Herimannus monachus Tornacensis aut ejus continuator in *Spicilegio* tomo XII, pag. 480, ex quo id paucis accipe. Radulfus comes volens in matrimo-

timuerunt conjunctos a Deo contra Deum disjungere (560). Neque id solum, insuper et adjecerunt conjungere non conjungendos, addentes prævaricationem. Lacerantur sacra Ecclesie, scinduntur, prohi dolor! vestes Christi; idque, ad cumulum doloris, ab his a quibus resarciri debuerant. Amici tui, Deus, et proximi tui adversum te appropinquaverunt et steterunt (Psal. xxxvii, 12). Nam qui mandatum tuum transgrediuntur, non sunt alieni, non sunt extranei a sanctuario tuo, sed eorum hodie locum tenent, quibus dixisti: *Si diligitis me, mandata mea serrate* (Joan. xiv, 15). Comitem Radulfum et uxorem ejus Deus conjunxerat per ministros Ecclesie, et Ecclesia per Deum, qui dedit potestatem talem hominibus. Quomodo quos Ecclesia conjunxit, disjuncti camera? In quo facto illud solum convenienter provisum est, quod in tenebris facta sunt opera tenebrarum. Qui enim male agit, odit lucem, et non venit ad lucem, ut non arguantur opera ejus a luce. Quid meruit comes Theobaldus? quid peccavit homo ille? Si peccatum est quod diligit iustitiam et odit iniquitatem, non potest excusari. Si peccatum est quod reddidit Regi quæ regis sunt, et quæ sunt Dei Deo, non potest excusari. Si archiepiscopum Bituricensem suscepit ad imperium vestrum, hoc est maximum et primum peccatum (561). En sanguis iste de manu ejus exquiritur! Qui retribuunt mala pro bonis, detrahunt ei, quoniam sequitur bonitatem. Multi clamant ad vos in toto corde suo, ut injuriam filii vestri et oppressionem Ecclesie digna animadversione vindicetis, et artifices hujus sceleris cum ipso eorum capite, cui quidquid libuit, licuit apostolico vigore coerceatis, ut in verticem ipsius iniquitas ejus descendat.

## EPISTOLA CCXVII (562).

AD EUNDEM.

Theobaldum causa justitiæ et fidelitatis erga Sedem apostolicam, premi queritur: sed ad iniqua promissa compulsum ope Pontificis expediti rogat.

Tribulatio et angustia invenerunt nos. Commota est et contremuit terra in motibus hominum, in

nium sibi copulari germanam Alienoræ reginæ Francorum, nomine Petronillam, uxorem suam legitimam, quæ Theobaldi Campanie comitis neptis erat, consanguinitatis specie repudiavit, probantibus tribus episcopis supra dictis. Delata hac de re querimonia est per comitem Theobaldum Burgundiorum principem ad aures Papæ, qui comitem vinculo anathematis ligavit, et episcopos ab officio per aliquod tempus suspendit. Confer Appendicem Sieberti et epistolæ sequentes.

(561) Et hæc magna in Theobaldum invidiæ causa, de qua ita Herimannus mox laudatus: « Papa clericum quemdam, cognatum cancellarii sui, nomine Petrum, » in Bituricensem archiepiscopum consecravit: quod quia rex concedere noluit, christianitate privatus est. » Id contigit anno 1144, post mortem Alberici archiepiscopi. Cetera accipies ex notis ad epistolam 219, ubi Theobaldum, quod Petrum archiepiscopum ab hisisset, male a rege habitum leges. Confer epistolam 219 et librum quartum de Vita Bernardi, n. 12.

(562) Scripta anno Christi 1142.

exsiliis pauperum, divitum quoque vinculis et carceribus. Ipsa religio venit in opprobrium et contemptum. Probro ducitur apud nos saltem mentionem facere pacis. Nusquam fides, nusquam innocentia tuta (Ving., *En.* iv. 672). Amator innocentiae et pietatis cultor comes Theobaldus pene traditus est in animam inimicorum ejus. Impulsus est ut caderet, sed Dominus suscepit eum; et gaudet quod justitia et vestra obedientia in causa sit, a postolo acquiescente, qui ait: *Si quid patimini propter justitiam, beati* (1 Petr. iii, 14): et in Evangelio: *Beati qui persecutionem patiuntur propter justitiam* (Matth. v, 10. Væ nobis! hæc **201** omnia præsentire, sed minime præcavere potuimus. Quid plura? Ut non penitus desolaretur terra, et omne regnum in se ipsum divisum concederet, com pulsus est ille devotissimus filius vester, et ecclesiasticæ libertatis amator et defensor, sub jurejurando promittere quatenus sententiam excommunicationis, a legato vestro bonæ memoriæ magistro Ivone datam in terram et personam adulteri tyranni (563), qui caput et auctor exstitit horum omnium malorum et dolorum, atque in ipsam adulteram, faceret amoveri: quod sane tamen præfatus princeps fecit prece et consilio nonnullorum fidelium sapientiumque virorum. Dicebant namque id a vobis facile et absque læsione Ecclesiæ impetrari, dam in manu vestra sit eandem denno sententiam, quæ juste data fuit, incontinenti statuere, et irretractabiliter confirmare: quatenus et ars arte deludatur, et pax proinde obtineatur; et qui gloriatur in malitia, et potens est in iniquitate, nihil inde lucratur. Multa habeo dicere vobis, sed non est opus de omnibus scribere, cum præsens sit qui omnia scit, et viva voce planius potest et plenius aperire.

#### EPISTOLA CCXVIII (564).

AD EUNDEM EXCUSATORIA, ET NOVISSIMA.

*Solita se apud Innocentium gratia excidisse animadvertens, causas offensæ occasione testamenti Ivonis cardinalis natus modeste diluit.*

Domino et Patri reverendissimo INNOCENTIO, BERNARDUS, nihilum id quod est.

1. Putabam me aliquando aliquid vel modicum esse: sed nunc, ut sentio, prorsus ad nihilum redactus sum, dum nescivi. Nec enim me dixerim omnino nihilum tunc fuisse, cum oculi domini mei super puerum suum essent, et aures ejus ad preces meas: cum omne quod scriberem, obviis manibus accepisset, et vultu hilari perlegisset, benignissime atque plenissime ad omnia postulata respondens. Modo autem me merito non modicum dico, sed nihilum, quoniam ab heri et nudius tertius avertit faciem suam a me. Cur hoc? quid peccavi? Multum,

(563) Radulfi, de quo præcedens epistola.

(564) Scripta anno Christi 1143.

(565) Vide epistolas 144, 193.

(566) Scripta anno Christi 1143.

(567) In scriptis nonnullis, quatuor; at lectio vulgata melior. Siquidem episcopus non erat Gerardus cancellarius, qui hic quarto loco memoratur, postea Pontifex creatus, dictusque Lucius II.

A fateor, si pecunia cardinalis Ivonis bonæ memoriæ (565) meo arbitrio distributa fuit, et non ad nutum ipsius: quod utique ad aures domini mei fuisse perlatum, mihi relatum est. Sed confido quia nunc hujus rei veritatem cognoscetis, et veritas liberabit me. Non sum tam hebes, ut ignorem Ecclesiæ esse quidquid ille rerum suarum non dederit.

2. Sed jam audite simpliciter veritatem. Si inventum fuerit in ore meo mendacium, ipsum os meum condemnabit me. Quando homo exiit hominem, absens eram, ino et valde remotus. Audiui autem ab his qui adfuerunt, quod ipse fecerit suum testamentum; et quod fecit, fecit et scribi: et de rebus suis quæ voluit, quibus voluit, ipse divisit: quod residuum fuit, duobus abbatibus assistentibus tunc sibi, et mihi pariter qui absens eram, dividendum commisit; eo quod nobis nota essent loca pauperiora sanctorum. Porro abbates illi domum venientes, et non invenientes me (detinebar enim tunc temporis ex vestro mandato pacis quærendæ negotiis), nihilominus pecuniam, sicut eis visum est, diviserunt, me non solum non connivente, sed et nesciente quid fecerint. Cedat jam, si placet, manifestæ indignatio veritati, nec mihi deinceps frons rugetur, aut supercilium deponatur: sed solita redeat serenitas blando et benigno vultui, ac suo denno sole læta facies induatur.

**202** 3. Nam quod item comperi displicuisse me in multis scriptitationibus meis, hoc me jam metuere non oportebit, quoniam facile emendabo. Scio, scio, præsumpsi plus quam oportuit, parum attendens quis cui scripturæ præsumerem: et ad id quidem audendum vestra me armarat benignitas, non negabitis. Urgebat deinde charitas amicorum: etenim perpauca pro me scripsi, si bene memini. Sed ne quid nimis. Dabo, si potero, zelo meo de cætero temperamentum, scientiam; et ponam digitum meum super os meum. Tolerabilius enim offendam aliquos amicorum, quam multis precibus defatigem christum Domini. Et nunc quoque non sum ausus scribere vobis de imminentibus Ecclesiæ periculis, et gravi schismate quod timemus, ac plurimis quæ sustinemus incommodis. Scripsi autem sanctis episcopis vestro lateri adherentibus: ab ipsis audire poteritis, si scire placuerit, quæ scripserim ego.

#### EPISTOLA CCXIX (566).

AD TRES (567) EPISCOPOS CURIE, ALBERICUM OSTIENSEM, STEPHANUM PRÆNESTINUM (568), IGMARUM TUSCULANUM (569), ET GERARDUM CANCELLARIUM.

*Pro interdicto quod erat in terra Regis propter archiepiscopum Bituricensem.*

1. Quantum malum schisma in Ecclesia sit, et

(568) Albericus Viriduni in Francia mortuus est. ad cujus tumulum Bernardus Sacrificium laudis obtulisse perhibetur in libro quarto Vitæ, n. 21. Ejusdem mentio in epistola 241. De Stephano in epistola 224.

(569) Igmarus seu Ymarus, ex monacho Cluniacensi Sancti-Martini a Campis Prior Charitatis ad Ligerim, dein abbas Monasterii Novi apud Pictavos

quam sit detestandum et omnimodis devitandum, evidenter quandam ostendit famosa et horrenda mors virorum illorum, quos ob istiusmodi pestem terra deglutiens, vivos transmisit ad inferos. Ostendit et illa persecutio Guibertina (570), sive Burdini temeritas, quos nostra jam tempora experta sunt, inter regnum et sacerdotium dividentes plaga pene incurabili, et castigatione crudeli. Ostendit et illa quæ nuper adhuc, post multam et multifariam Ecclesiæ vexationem et vastationem, tandem Deo miserante finem accepit rabies Leonina (571). Merito proinde Salvator in Evangelio: *Væ, inquit, homini illi per quem scandalum venit!* (Matth. xviii, 7.) Væ nobis qui vivimus, plangere quæ pertulimus, dolere quæ sentimus, tremere quæ expectamus! Et, quod pejus est, ad tam malum habitum humanæ res devenerunt, ut nec rei humiliari velint, nec iudices misereri. Dicimus iniquis: *Nolite inique agere; et delinquentibus: Nolite exaltare cornu* (Psal. lxxiv, 5); et non audiunt nos, quia domus exasperans est (Ezech. ii, 5). Supplicamus his quorum est peccata arguere, peccantes servare, ne calamum quassatum conterant, et linum fumigans non exstinguant: et magis in spiritu vehementi conterunt naves Tharsis.

2. Si denuntiamus filiis cum Apostolo ut obediant patribus per omnia, quasi aerem verberamus. Si patribus loquimur ne ad indignationem provocent filios (Ephes. vi, 1, 4), in nos potius eorum indignationem provocamus. Nec delinquentes satisfacere nec rectores seu correctores condescendere ullatenus acquiescunt. Omnes suum stomachum sequuntur, et totis viribus funem in diversa trahentes, rumpunt. Heu! necdum recenti Ecclesiæ plagæ (572) cicatrix occalluit, et rursus scindere parant, rursus corpus Christi affligere cruci, rursus fodere

(quo nomine interest pactioni inter Ludovicum Juniores et Argrimum archidiaconum Aurelianensem initæ, apud Chesnium tomo IV, pag. 764), demum cardinalis ab Innocentio creatus, vir magnæ integritatis, ex Chronico Cluniacensi, sub Pontio abbate. Ad hos cardinales item epistola 250 et duæ sequentes.

(570) Sic dicta a Guiberto Ravennate episcopo, quem Henricus IV imperator antipapam Gregorio VII et tribus sequentibus legitimis Pontificibus objecit. Mauricius Burdinus item Bracaraensis archiepiscopus ab Henrico V intrusus in sedem Romanam, a Calixto II, tandem in Cavense monasterium retrusus: cuius Vitam eleganter scripsit Stephanus Baluzius in Miscellaneorum tomo III.

(571) Schisma Petri Leonis.

(572) Schismati nimirum Anacleiti.

(573) In uno Colbertino, pugnatore, bene ad sensum; melius; expugnatores.

(574) Rem ita narrat Willelmus Nangius in Chronico: «Anno 1142 orta dissensione inter papam Innocentium et regem Francorum Ludovicum, Ecclesia Gallicana turbatur. Nam defuncto Bituricensi archiepiscopo Alberico, missus est Petrus, a papa ejusdem ecclesiæ pastor consecratus. Sed a rege Ludovico repudiatus, nec in urbe recipitur, eo quod sine ejus assensu fuerat ordinatus. Ipse vero rex Ludovicus concesserat Ecclesiæ Bituricensi libertatem eligendi episcopum quem vellent, excepto dicto Petro; publiceque juraverat quod se vivente non

latus innoxium, rursus vestimenta dividere, atque ipsam, quod in ipsis est, tunicam inconsutilem, quamvis frustra, dirumpere satagunt. Si qua in vobis sunt viscera pietatis, tantis vos opponite malis, ne in illa præcipue terra scissura fiat, in qua solent, sicut optime nostis, scissuræ aliæ resarci. Nam si auctor scandali, ore singulariter Judicis, tremendo addicitur maledicto, quibus 203 putamus benedictionibus dignus hujus nequitie fugatores et propugnatores (573)?

3. De duobus non excusamus Regem. Nam et juravit illicite, et perseverat injuste (574). Verum id non voluntate, sed verecundia. Nam probro ducitur, sicut optime nostis, apud Francigenas juramentum solvere, quamlibet male publice juratum sit, quamvis nemo sapiens dubitet illicita juramenta non esse tenenda. Veruntamen ne in hoc quidem excusari posse fateamur. Neque enim excusare nos, sed veniam postulare suscepimus. Vos videte an excusare aliquatenus eum possit ira, ætas, majestas. Poterit sine dubio, si misericordiam judicio superexaltandam decernatis: quatenus videlicet talis aliqua consideratio in rege et puero habeatur, ut hac ei vice tali quidem tenore parcatur, quo tale aliquid de cætero non præsumât. Parcatur sane dixerim, si fieri possit salva in omnibus Ecclesiæ libertate, simul et archiepiscopo debita veneratione servata, quem manus apostolica consecravit. Hoc ipse Rex humiliter petit, hoc nostra universa citramontana nimium jam afflicta Ecclesia suppliciter deprecatur. Alioquin damus manus morti, tabescentes et arescentes præ timore expectatione, quæ supervenerunt universo orbi. Siquidem deprecatio mea super hoc ab anno priore; et, peccatis meis exigentibus, deprecationem meam non exaudito, sed indignatio; indignationem autem desolatio pene

erat futurus archiepiscopus. Qui tamen electus Romanam profectus est et consecratus fuit a papa Innocentio, dicente, Regem puerum instruendum et cohibendum, ne talibus assuescat, et adjecit, Veram non esse libertatem, ubi quis excipitur a principe, nisi forte docuerit coram ecclesiastico iudice, illum non esse eligendum. Tunc enim auditur ut alius. Rex vero, sicut superius dictum est, archiepiscopum exclusit redeuntem. Eum enim comes Theobaldus Campaniæ recepit in terra sua, et ei omnes ecclesiæ obediabant. Indignatus ob hoc rex, convocavit omnes fere proceres suos, ut una cum eo guerram inferrent comiti Theobaldo. Sic Willelmus, ex quo Matthæus Parisiensis, qui hoc refert ad annum 1146, corrigendus videtur. Hæc autem dissensio eo usque progressa est, ut non solum rex Ludovicus terras comitis Theobaldi hostiliter vastaverit, sed etiam Vitricum castrum cum magna promiscui sexus multitudine igne concremaverit, immo et in ecclesiis ditionis ipsius fieri prohibuerit electiones episcoporum, vel ordinationes, eas Roberto fratri suo tradens occupandas, ut de Remensi, Parisiensi et Catalaunensi S. Bernardus graviter conquestus est, tum in epistola 222, ad Joslenum Suessionensem; tum maxime in epistola 224, ad Stephanum Prænestinum. Tandem vero calamitosum hoc divortium Eugenio III Sedem Romanam incurrente S. Doctoris opera exstinctum est.



universæ terræ secuta est. Si quid zelo urgente A  
erupit quod non fuit, aut secus quam fuit dicendum;  
sit, quæso, apud vos quasi non dictum: ubi vero  
dixi quod oportuit, et ubi oportuit dici; sit non  
frustra dictum.

## EPISTOLA CCXX (574\*).

AD LUDOVICUM REGEM FRANCORUM.

*Iniquam regis postulationem in causa Radulfi rejicit,  
monens eundem non premere innocentes, et irritare  
contra se Regem supremum.*

1. Libenter quidem, sicut ipse fateri dignamini,  
etiam propria attestante conscientia, quæ ad hono-  
rem vestrum et regni vestri utilitatem spectant, pro  
nostro exiguo posse, et quærimus, et quæremus. B  
Cæterum quod nostræ humilitati querimini super  
anathemate mox innovando in comitem Radulfum  
(573), et vultis me dare operam omnimodis ut non  
fiat, ob multa mala quæ secutura inde putatis, prorsus  
non video quomodo implere possim, et mandato  
obviare apostolico: quod etsi possem, non video  
quod rationabiliter possem. Doleo quidem de malis,  
si inde proveniant: sed non ideo tamen debemus  
facere mala, ut veniant bona. Satiùs tutiusque hoc  
totum profecto omnipotentis Dei iudicio et disposi-  
tioni relinquimus, qui potest facere ut et bona quæ  
ipse vult fieri, fiant et maneant; et mala quæ mali  
moliuntur, non veniant; aut certe in eos ipsos potius,  
qui ea volunt et quærent, veniant.

2. Valde autem contristat me unum quod in lit-  
teris vestræ Celsitudinis continetur, quod videlicet C  
debeat obviare res ista paci factæ inter vos et co-  
mitem Theobaldum. An nescitis vos graviter offen-  
disse in eo quod comes Theobaldus violentiâ guerræ  
vestræ contra Deum et justitiam jurare compulsus est,  
non solum quia quæreret, sed etiam quia efficeret ut  
prædictus comes Radulfus et terra ejus tam indebite,  
imo tam illicite absolveretur? Quid iterum vultis  
peccatum peccato addere, et iram Dei super vos  
(quod absit!) accumulare? Quid peccatus comes Theo-  
baldus, ut iram vestram rursum incurere mereatur,  
qui et absolutionem comitis Radulfi, licet injustam,  
sicut scitis, tanto labore et difficultate obtinuit; et  
redivivam excommunicationem, quamvis justissime  
redeuntem, nec 204 quæsit, nec querit, utpote  
quod timore vestro etiam abjuravit? Nolite, quæso, D  
nolite, domine mi Rex, Regi vestro, imo omnium  
Conditori, tam evidenter in suo regno et in sua pos-  
sessione audere resistere, et manum extendere tam  
frequenti et temerario ausu adversum terribilem,  
et eum qui aufert spiritum principum, terribilem  
apud reges terræ. Acriter loquor, quia acriora vobis  
formido: quod non ita vehementer timerem, nisi  
vos vehementer diligere.

(574\*) Scripta anno Christi 1142.

(575) Duabus ex causis indignatus est rex ob  
anathema Radulfo inflictum: nimirum et quod Ra-  
dulfus ejus cognatus erat, teste Herimanno monacho  
Tornacensi; et quod sororem reginæ superduxerat,  
ex dictis.

## EPISTOLA CCXXI (576).

AD EUNDÈM.

*Unde supra. — Gravior Ludovicum regem arguit,  
quod, pravis consiliis adherescens, pacis consilia  
respuat. Se quidem hactenus regii nominis studio-  
sum; deinceps solius veritatis patronum, necnon  
malefactorum ejus testem fore.*

1. Scit Deus quantum vos, ex quo novi, dilexi, et  
vestrum honorem volui: scitis vos quanto labore  
quantaque sollicitudine toto anno præterito quæ-  
rendæ paci vestræ intendi, una cum aliis fidelibus  
vestris. Timeo autem ne sine causa laboraverimus  
in vobis. Vos namque, ut manifestum est, a bono  
et sano consilio quod acceperatis, nimium cito ni-  
mumque leviter resilitis: et ad mala priora, quæ  
dudum non immerito perpetrassetis vos plangebatis,  
adhuc recentibus illis plagis, rursum, ut audio, ne-  
scio quo diabolico consilio, festinatis. A quo enim  
nisi a diabolo procedere hoc consilium dixerim, per  
quod sit ut incendiis incendia, homicidiis homicidia  
addantur (577), clamor denuo pauperum, et gemitus  
compellitorum, et sanguis interfectorum auribus  
personent Patris orphanorum, et Judicis viduarum?  
(Psalm. lxxvii, 6.) Plane his hostiis hostis ille anti-  
quus nostri generis oblectatur, quoniam, ipse homici-  
cida est ab initio (Joan. viii, 44). Et nolite frustra  
occasionem sumere de comite Theobaldo ad excu-  
sandas excusationes in peccatis (Psalm. cxc, 4), cum  
vir ille paratum se dicat, et hoc omnimodis deprece-  
tur, venire ad conventiones quæ inter vos curre-  
runt quando facta est pax, et secundum iudicium  
diligentium nomen vestrum, eorum scilicet qui  
mediatores inter vos exstiterunt, per omnia satisfacere  
velit, ut, si pravariationis forte ab ipsis argui  
poterit (quod non existimat) continuo, ad honorem  
vestrum corrigere non cunctetur.

2. Verum vos nec verba pacis recipitis, nec pacta  
vestra tenetis, nec sanis consiliis acquiescitis: sed  
nescio quo Dei iudicio, omnia vobis ita vertitis in  
perversum, ut probra honorem, honorem probra du-  
catis, tota timeatis, timenda contemnatis: et, quod  
olim sancto et glorioso regi David Joab legitur expro-  
brasse, diligitis eos qui vos oderunt, et odio habetis  
eos qui vos diligere volunt (II Reg. xix, 6. Neque  
enim qui vos instigant priore iterare malitiam ad-  
versus non merentem, quærent in hoc honorem ve-  
strum, sed suum commodum, imo nec suum com-  
modum, sed diaboli voluntatem; ut Regis (quod absit!)  
potentiam concepti furoris habeant effectricem, quem  
suis se posse adimplere viribus non confidunt, inimici  
coronæ vestræ, regni manifestissimi turbatores.

3. At quidquid vobis de regno vestro, de anima et  
corona vestra facere placeat, nos Ecclesiæ filii,  
matris injurias, contemptum et conculcationem

(576) Scripta anno Christi 1142.

(577) Huc spectant quæ de castro Vitriaco, una  
cum promiscua multitudine incenso, dicuntur in no-  
tis ad epistolam 224, unde Vitriaco-incenso nomen,  
ad Matronam, in pago Partensi.

omnino dissimulare non possumus, quæ illi, præter illa quæ in eam jam præcessisse miserabiliter plangimus, iterum de novo partim inferri, partim imminere sentimus. Profecto stabimus et pugnabimus usque ad mortem, si ita oportuerit, pro matre nostra, armis quibus licet, non scutis et gladiis, sed precibus fletibusque ad Deum. Et ego quidem, qui me memini, præter quotidianas preces quas pro pace et salute vestra atque regno coram **205** Domino supplex ipso teste fundebam, etiam apud Sedem apostolicam litteris et nuntiis causam vestram egisse, fateor, usque pene ad propriæ conscientie lesionem, et ipsius summi Pontificis justam (quod diffiteri non debeo) contra me indignationem; ego, inquam, assiduis vestris, quos innovare quotidie non cessatis, excessibus provocatus, dico vobis, incipio pænitere super insipientia mea priori, qua plus justo vestræ adolescentiæ hucusque favi; et de cætero pro mea exiguitate non deero veritati.

4. Non tacebo quod cum excommunicatis iterato foedus et societatem inire satagitis: quod in necem hominum, combustionem domorum, destructionem ecclesiarum, dispersionem pauperum, raptoribus et prædonibus, sicut dicitur, adhæretis, juxta illud Prophetæ: *Si videbas furem, currebas cum eo, et cum adulteris portionem tuam ponebas* (Psal. XLIX, 18); quasi non satis per vos mala facere valeatis. Non silebo quod illicitum illud maledictumque juramentum inconsultissime usurpatum a vobis contra Bituricensem Ecclesiam (pro quo, heu! tot et tanta male jam nunc merito provenerunt) non ita tandem corrigitis, ut Christi ovibus apud Catalaunum pastorem præfici non sinatis: insuper et fratri vestro (578), ejusque militibus, sagittariis, ballistariisque domos episcopales contra jus et fas habitandas, et res Ecclesiæ in hujusmodi nefarios usus profligandas audacter nimium exponatis. Dico vobis: non erit diu inultum, si hæc ita facere pergitis. Et ideo, domine mi rex, amicebilitate moneo vos et fideliter consulo vobis ut citius ab hac malitia desistatis, si forte jam ferire parantis manum, Ninivite regis exemplo, pænitentia et humilitate prævenire possitis. Dure loquor, quia duriora vobis formido: sed mementote a Sapiente dictum, *Meliora esse verbera amici, quam fraudulenta oscula inimici* (Prov. XXVII, 6).

#### EPISTOLA CCXXII (579).

AD JOSEPHUM (580) SUSSIONENSEM EPISCOPUM, ET  
SUGERIUM ABBATEM SANCTI-DIONYSII.

*Queritur apud eos, uti Regis consiliarios, de iniquis ejus contra Theobaldum molitionibus, contra pacem et pacem initam.*

1. Scripseram Regi, arguens eum super malis quæ

(578) Roberto scilicet, de quo in epist. seqq. in 224 n. 2 et in 504. In epist. 295 inter Chesnianas, quæ est Cisterciensis Capituli ad Ludovicum Juniores, conqueruntur Patres quod Robertus comes, ejus germanus, comederet carnes in suis ipsorum grangis contra ordinis interdictum. De Catalaunensi ecclesia vide infra ad epistolam 224.

(579) Scripta anno Christi 1142.

(580) Rufum cognominat Ordericus pag. 889. Ad cum epistola 342, præter tres sequentes.

A sunt in regno ejus, ipsius, sicut dicitur, assensu: et quod rescripsit, dignum duxi vobis, qui de consilio ejus estis, insinuandum. Miror enim si ita cr. lit ut loquitur, et, si non credit, quomodo consilio mihi utique omnium (sicut scitis) quæ ad pacem reformandam facta fuerunt, ista persuadere conatur. Ait enim, sicut potestis videre in litteris ejus, cum male servata in parte Comitum pacta conaretur ostendere: « Adhuc suspensi manent episcopi nostri: adhuc terra nostra interdicta est. » Quasi vero enjusquam ecclesiastici absolutio interdicti ad comitem Theobaldum pertineat, aut hoc ipse aliquo modo pepigerit se facturum. « Illusus est, » ait, « comes Radulfus, et iterum relegatus est. » Et hoc quid ad comitem Theobaldum? Nonne quiddid de hac re promissit, fideliter elaboravit, et efficaciter adimplevit? Ille vero deprehensus est in astutia sua, et cecidit in foveam quam fecit. En est hoc totum cur irrita faceret Rex pacta sua, quæ distinxerunt labia vestra? An propter hoc deruit incandescere iram Regis contra Deum et Ecclesiam ejus, contra se ipsum et regnum suum? Itane propter hoc debuit oblivisci honoris sui, ut, ad debellandum hominem suum, quem non dico diffidaverat, sed nec submouerat vel posuerat ad rationem, mitteret fratrem suum, idque per Catalaunum **206**, de qua potissimum civitate scitis quid Rex cum comite Theobaldo pepigerit?

2. Sed Rex adhuc aliud addit, quod matrimonii sibi molliatur conjungere, contra ejus fidelitatem, comitem Flandrensem et Suessionensem (581). Et de fidelitate quidem suspicio est, non certitudo. Porro inanes suspensiones certis pactionibus præjudicare quale sit, vos videritis. Quanquam id omnino credendum non fuerit de tali viro. Numquid enim hostes sunt Regis, quibus alligatur Comes, et non magis homines ejus et ejus amici? Nonne consanguineus Regis, et, sicut fatetur, baculus regni comes Flandrensis est? Quid ergo contra Regis fidelitatem facit ejus homo, et fidelis ipsius, si aliis ejus amicis, suorum matrimonii copulatur? Nonne si quis simplici oculo rem, ut est, consideraret, magna potius pax regni, magnumque robur, et magna posset putari securitas?

D 3. Illud autem miror, quomodo Rex dicere non timuerit, cognoscere se quia noverim ego, comitem Theobaldum in partem suam, contra Regem, comitem Radulfum trahere attentasse. Nam et viva voce nuntio nostro plus dixit quam scripserit, quod mandaverim sæpius dicto Radulfo maximam partem peccatorum ejus me suscipere, si vellet comiti Theo-

(581) Barones regis vocat Bernardus in epistola 224, n. 3. Hunc locum explicat Herimannus Tornacensis, pag. 594, ubi de Theoderico Flandrensi comite, qui « filiam suam promiserat Henrico, comiti Theobaldi filio, licet rex Francorum conjugium niteretur dissolvere, tertio gradu consanguinitatis dicens eos invicem propinquos esse. » Aliud item matrimonium Theobaldus cogitabat, nempe filix suæ cum comite Suessionensi, infra in epistola 223, n. 4.

baldo adherere. Si natus est homo ille per quem ista mandaverim, veniat et arguat me palam: si scripsi literas, proferantur in medium. Viderit ipse cui crediderit: certus ego sum quia nunquam noverim quod imponit. Idem arbitror et de comite Theobaldo, quia et ipse omnimodis diffidetur. Videat proinde Deus et iudicet, quod nunc de suspitione comes Theobaldus arguitur ab eo qui manifeste contra pactiones suas ipsum sibi attraxit comitem Radulfum, contra Dei præcepta, contra sententiam summi Pontificis adultero et excommunicato communicans.

4. Ait quoque Rex: « Pene habuimus duos gravissimos oppugnatores. » Et propheta subsannans respondet: *Ibi trepidaverunt timore, ubi non erat timor* (Psal. xlii, 5). « Ecce, » inquit, « oppugnamur, qui non oppugnavimus: persecutionem patimur, qui non persecuti fuimus. » Quis oppugnat, obsecro? quis oppugnat, quisve persequitur? Nonne comes obsecrat et humiliatur, honorare paratus ut regem, servire et obsequi tanquam domino suo, obnix pro pace supplicans, et bonam Regis (quod in se est) sibi conciliare satagens voluntatem? Est quod non sit ita, sed magis Comes Regi mala omnia molitur: nonne ad id quod statutum fuisse scitis, fuerat recurrendum? Sic enim inter se pepigerunt ut, si qua de conventionibus illis controversia aut dissensio nasceretur, nihil mali sibi invicem facerent aut quererent, donec coram nobis tribus pariter, et domino Autissiodorensi (582), ventilata res esset atque discussa, qui et tunc mediatores fuimus: et si quid emergeret controversiæ, debuimus esse reconciliatores. At id modo omnimodis Comes flagitat: sed Rex abnuvit.

5. Denique esto quod omnino male meruit Comes: sed Ecclesia Dei quid meruit? Quid, inquam, meruit, non jam sola Bituricensis Ecclesia, sed et Catalaunensis, etiam et Remensis, etiam et Parisiensis? (583) Habeat Rex adversus Comitum jus: sed de quo jure, obsecro, de quo jure præsumit ut Ecclesiarum possessiones et terras devastet, ut Christi ovibus pastores præfici non permittat: ut his quidem electorum promotionem prohibeat, aliis vero, quod hactenus inauditum est, dilationem electionis indicat, donec universa consumpserit, donec diripuerit pauperum facultates, donec penitus desoleatur terra? An vos ei consulitis talia? Mirum valde, si contra vestrum consilium fiunt hæc: **207** mirum magis et malum, si vestro consilio fiunt. Etenim consulere talia, manifeste schisma fabricare est, Deo resistere, Ecclesiam ancillare, et novam in servitutem ecclesiasticam redigere libertatem. Si quis Dei fidelis, si quis Ecclesie filius est, profecto stabit et opponet se, quoad poterit, murum pro domo Dei. Nam et vos ipsi, si pacem desideratis Ecclesie, sicut oportet filios pacis, quomodo non dicam tractatis

ea, sed vel interestis consiliis tam malignis? Quid enim mali fecerit, merito non Regi juveni, sed consiliariis senibus imputatur.

#### EPISTOLA CCXXIII (584).

AD JOSILENUM EPISCOPUM SUESSIONENSEM.

*Satisfacit episcopo, cujus litteris præfixa talia erant salutatio, « Salutem in Domino, et non spiritum blasphemie. » Requirit nihilominus in eo majorem zelum ad vindicandas Christi et Ecclesie injurias.*

1. Minime quidem ego spiritum blasphemie habere me arbitror, sed nec cuiquam maledixisse, aut maledicere velle me scio, principi præsertim populi mei. Cæterum quidquid illud sit, quo se lesam vestra Dignitas judicat, peto veniam. Scio enim qui dixit: *Blasphemamur, et obsecramus* (I Cor. iv, 13). Dico ergo cum beato Job: *Quæ locutus sum, utinam non dixissem: et ultra non addam* (Job. xxxix, 35). Jam, domino abbati Sancti-Dionysii pro communi querimonia scribens, utrique vestrum responderam, et putaveram me fecisse satis. Et quoniam, ut video, nondum quievit indignatio vestra, quæ forsitan adversus Ecclesie conculatorum justius incanduisset, etiam vobis dico: schismaticos vos aut somnium esse scandali, nec dixi, nec scripsi, nec credidi, et dico securus; nec vereor quod me mea pagina arguat mendacii. Scrutamini eam, si placet: et si ita inveneritis, reum me fatebor grandis sacrilegii, et revera, sicut notatis, spiritu blasphemie agitatum illa scripsisse.

2. Ne tamen humilis satisfactio spiritum videatur excludere libertatis, dolui fateor, et doleo, quod nondum ea vos libertate, qua deceret, compertimus Christi ulcisci injurias, Ecclesie defendere libertatem. Dolor iste compulit me scribere dura, non tamen illa quæ impingitis. Putaveram siquidem (et adhuc putarem, nisi timerem vobis in hoc esse molestus) nequaquam sufficere quod schismatis non estis auctores, nisi et eos qui sunt, cujuscunque dignitatis sint, tota libertate pro viribus coerceatis, et eorum consilium atque consortium exseretis. Putarem, inquam, gloriam vobis esse, si dicere possetis et vos: *Oditi ecclesiam malignantium, et cum impiis non sededo* (Psal. xxv, 5). Numquid solum decebat zelus ille prophetam, et non hodie quoque a Domini sacerdote requiritur, de quo dicebat: *Nonne qui oderant te, Domine, oderam, et super inimicos tuos tabescebam?* (Psal. cxxxviii, 21.) Optarem sane (ut salva vestra Serenitate (585) id quoque eloquar) hunc zelum vos exercuisse in puerum (586) regem, qui, non tam pueriliter quam crudeliter, sine causa irrita fecit et vestra sane consilia, et sua pacta. Sine causa regnum suum conturbat: bella ubique cælis terrisque suscitavit: ecclesias vastat, sacra temerat, exaltat iniquos, bonos persequitur,

(582) Hugone, cujus epistola 226.

(583) De Bituricensi, id patet ex notatione ad epistolam 216; de aliis, intelligitur ex epistola 224.

(584) Scripta anno Christi 1143.

(585) Serenitatis titulum, quem superius regi Francorum tribuit in epistola 170, n. 3, hic tribuit epi-

scopo, sed in aula regis consiliario; quo nomine etiam Innocentium salutat in epistola nunc 337, n. 1.

(586) Scriptura: more puerum vocat Ludovicum Juniores, qui tum conjugatus erat, et quidem duns supra viginti annos natus. Eadem vox eodem sensu in epistola 170 et alibi passim.



perimit innocentes. Hæc, inquam, vellem vos dolere, his contradicere et resistere, quod in vobis est. Sed meum non est magistram docere Joslenum, minus autem reprehendere episcopum, qui magis me et alios peccantes redarguere et errantes corrigere debet. En **208** quantum vos timeo. Clausam habetis epistolam, qui de priore aperta male suspicatus estis. Nam ego quidem nihil in hoc aliud cogitavi, nisi quod ad diversos scribentem necesse est, juxta consuetudinem, epistolam cera non claudere (587). Jam et pro hoc quoque veniam peto.

#### EPISTOLA CCXXIV.

AD STEPHANUM PRÆNESTINUM EPISCOPUM (588).

*Molefacta Ludovici regis et injurias in Ecclesiam, episcopos, aliosque exponit.*

4. Loquitur Jeremias ad Deum pro adversariis suis, ita dicens: *Recordare, Domine, quod steterim in conspectu tuo, ut loquerer pro eis bonum, et averterem indignationem tuam ab eis; et infert: Propterea; inquit, da filios eorum in famem, et deduc eos in manus gladii (Jerem. xviii, 20, 21).* Et adhuc alia in hunc modum æque gravia imprecatur illis. Quod

(587) Hinc in epistola 304: « Sigillum non erat ad manum. » Idem in epistola 402. Bernardi nomen et effigies sigillo impressa erant, ex epistola 284.

(588) Scripta anno 1143. — Stephanus Prænestinensis, ad quem etiam epistola 219, ex Ordine Cisterciensis cardinalis ab anno 1140, mortuus anno 1144. Ernaldus « Stephanum, totius modestiæ virum » appellat in libro secundo de Vita Bernardi, n. 49. Eundem laudat præter alios Joannes Sarisberiensis in Polycratici libro vi, cap. 21. Catalaunensem fuisse conjicimus ex hujus epistolæ numero 2.

(589) Quis fuerit rerum tum Ecclesiæ, tum politiarum status in Gallia sub hoc rege Ludovico Juniore, superioribus quidem epistolis 216-222 satis ostendit: præsentem vero in primis hispidam et luctuosam Ecclesiæ Gallicanæ faciem depingit. Idem testatur Otto Frisingensis Chronici libro vii, cap. 21, ubi ait: « Francia occidentalis rege suo amisso, sub illius filio Ludovico, qui adhuc superstes est, ob ipsius ac Theobaldi Blesensis comitis guerram tot prædiis ac incendiis perpressa est discrimina, quod nisi religionum, qui ibidem morabantur, meritis, orationibus et consilio nuper pacata fuisset, usque ad interfectionem deleta putaretur. » Ita Otto. Ecce religiosorum orationibus et consilio salus Gallicæ adscribitur. Quis enim dubitet mundum meritis, ut aiebat ille, stare Sanctorum? et cui dubium inter hos agmen duxisse Bernardum, communem quasi non Gallicæ solius, sed et Europæ totius, ne dicam orbis, consiliarium et caduceatorem? ut ex Epistolis ejus quaquaversum scriptis colligere licet. Cæterum, ut id obiter moneam, mirum videri possit unde Ludovicus ille Junior tam sit laudatus Historicis, quod affirmat Gordonus ad annum 1180. Certe si Bernardum, incorruptum utique judicem consulas epistolis citatis, et præsentem potissimum, dixeris non admodum fuisse laudabilem. Sed ita sunt mores hominum: pro affectu suo laudant et vituperant. Exempla non est cur longe petamus. Nam et hodie regum, principumque quorundam consilia, expeditiones, scelera, aliaque facinora, quam disparēs habent æstimatores ac judices! Alii quippe in laudis gloriæque argumentum trahunt quæ alii gravissime insectantur et damnant. Alii consent hujusmodi bella in Religionis et Ecclesiæ damnum geri, foveri hæreses, loca Deo dicata profanari, conculcari sacra, miseros opprimi, Republicæ statum pessumdari, Ecclesiæ

A propterea nunc apud vestram Reverentiam memorandum putavi, quoniam simile mihi aliquid cum Propheta video accidisse. Vos enim scitis quomodo ego quoque pro Rege steterim in conspectu domini mei, corpore quidem absens, sed præsens spiritu, ut loquerer pro eo bonum. Bona siquidem pollicebatur. Nunc autem, ipso reddente pro bono malum, cogor contraria scribere. Pudet erroris, et falsæ spei quam de eo conceperam: et gratias ago quod pro eo simpliciter supplicans non fuero exauditus. Putabam me deferre regi pacifico, et ecce invenior gravissimo hosti Ecclesiæ assentasse (589). Conculcantur apud nos sancta Ecclesia, turpiter ancillatur. Nam et electiones episcoporum prohibentur fieri; et sicubi id præsumptum a clericis fuerit, electus episcopus non sinitur. Denique sedet in tristitia Ecclesia Parisiensis, proprio destituta pastore; et nemo est qui de substituendo alio mutire audeat.

2. Non sufficit spoliari bonis præsentibus domos episcopales: etiam in terras et in homines manus sacrilega circumquaque deservit, totius insuper anni ex eis sibi redditus vindicando. Vestra Catalaunensis fecit quidem electionem; sed qui electus est (590),

vigorem dignitatemque labefactari. Alios tamen invenies qui hæc mala dissimulant aut palliare norint, eosque quorum opera et auspiciis hæc geruntur summis in cælum laudibus vehant. Per hæc tamen debitam Ludovico, si quam deinceps auctiori ætate laudem meruit, detractum non imus. Forte enim, annis maturior, rebus præclare gestis prioris ætatis maculas eluit. Nam pluribus annis Bernardo superstes fuit: mortuus nimirum anno 1180. Quamvis respicientiæ indicia ipsi quoque Bernardo dedisse legam. Nam ita de eo Æmilius in Ludovico VII: « Rex (Ludovicus) magna et ira, et manu illatus » (nempe in Theobaldum comitem Blesensem) « Victoriacum, quod oppidum sub potestate Blesensis erat, captum diripuit. Profana sacraque loca sine discrimine incendit, in æde principe ad mille quingentos puberes impuberesque promiscue combusti, qui sanctitatem templi salutem tecturi, ad ararum tutelam supplices confugerant. Mox se colligens Rex, ingenti dolore atque inde mœrore correptus, se afflictabat, neque solatiis ullis sublevari poterat: cum divus Bernardus ad illum venit evocatus, quod in eo multum divinitatis eluceret: ac jam antea rege Crasso, quercum (ut prædicabatur) secessumque discipulis, et nullo præterea præceptore doctissimus, e solitudine in celebritatem, ex umbra in solem, sanctitatem eruditionemque importarat. Is tunc intromissus, ac reverendissime a Rege exceptus, cum ejus fletum conspiceret, causamque didicisset: Hæc, inquit, lacrymæ, nisi cito exarescant, extinguere possunt Victoriacensis incendii memoriam. Tantum adde illis constantiam roburque, et ne sit velut muliebris ploratus; viriles ac vere regios animos gere. » Cæterum quæ de frustrata a Ludovico episcoporum electione hic dicuntur, manifesta sunt ex notis ad epistolam 219.

(590) Gaudridus Catalaunensis episcopus, de quo in epistola 66, mortuus anno 1142; in cujus locum electus Guido, de quo hic. Samsonem Remensem archiepiscopum, quod Theobaldo faveret, expulerant regii ministri, qui urbis ecclesias Sanctæ-Mariæ, Sancti-Remigii, Sancti-Nicasii deprædabantur, et suburbanum Sancti-Theoderici monasterium. Nulla hic mentio (ut in epistola 222, n. 4) de Parisiensi episcopatu, in quo jam Stephano mortuo subrogatus erat Theobaldus.

ecce jam diebus multis debito honore frustratur. et A scitis quam non absque gravi gregis dominici detrimento. Commisit Rex germano suo Roberto vices episcopi (591) : et ille in cunctis terris rebusque Ecclesiæ potestative versans, et pro vice sua ubique haud segniter agens, infert cœlis quotidianas hostias, non plane pacificas, clamores pauperum, lacrymas viduarum, planctus orphanorum, gemitus compeditorum, sanguinem intersectorum. Verum angustus est malitiæ ejus ille episcopatus. Remensem invadit, atque in terra sanctorum iniqua gerit, non clericis, non monachis, non sanctimonialibus parcens. Denique sanctæ Mariæ, sancti Remigii, sancti Nicassii, sancti Theoderici terras fructiferas, et villas populosas, ita in ore gladii devastavit, ut pene in solitudinem redegerit universas. Frequens in omnium auribus vox : *Hæreditate possideamus sanctuarium Dei (Psal. LXXXII, 15)*. Sic Rex emendat quod in Ecclesiam Bituricensem Herodiano juramento commisit.

3. Præterea Rex, nobis quidem non parum laborantibus, pacem cum comite Theobaldo fecerat; firmæ, ut putavimus, amicitiaæ fœdus inierat; et ecce occasiones quaerit quomodo recedat ab amico. Atque hoc grande crimen quod impingitur Comiti, quia cum baronibus Regis de liberis suis contrahit matrimonia (592). 209 Suspecta est illi dilatio charitatis, nec se putat regem, si se amaverint principes. Conjiciat prudentia vestra quid animi erga subditos gerat, qui de odio atque discordia, si fuerit inter suos, se aestimat fortiozem. Videat et perpendat si est hic homo a Deo, qui in suorum magis mutua similitudine quam charitate confidit, cum charitas sit Deus (1 Joan. iv, 8) : quod minime faceret, si sapientiam illius haberet qui ait : *Fortis est ut mors dilectio, dura sicut infernus æmulatio (Cantic. viii, 6)*. Propterea ergo pacis conventiones et constitutiones manifeste transgreditur : nec tenet pacta sua, quæ distinxerunt labia sua. Denique revocavit in domum suam, et ad consilium suum virum adulterum et excommunicatum (593), quem ex constituto ejecerat; et pro exercenda majori malitia, aliis multis nequam æque excommunicatis, perjuris, incendiariis, homicidis, Rex et advocatus Ecclesiæ adversus Ecclesiæ (quod non est dubium) amatorem D defensorem denuo sociatur, juxta illud prophetae : *Si videbas furem, currebas cum eo, et cum adulteris portionem tuam ponebas (Psal. LXXX, 12)*.

4. Ad hæc cogit suo more episcopos ad maledicendum benedicendis, et iterum benedicendum maledicendis : et quoniam non obtemperatur pro suo

libitu sibi, circuit mare et aridam, ut inveniat juratores, quorum perjuriis, quos fortassis Deus conjungit, per homines separentur. Qua fronte, obsecro, tantopere aliis præscribere de consanguinitate laborat, homo cum sua (quod palam est) tertio ferme consanguinitatis gradu permanens consobrina? (594) Et quidem inter filium comitis Theobaldi, et comitis Flandrensis filiam; et item inter comitem Suessionensem, et filiam comitis Theobaldi, si consanguinitas sit, nescio : scienter enim illicita matrimonia nec laudavi unquam nec laudo : sed scia-tis vos, et sciat dominus meus, prohibere horum nuptias, si quo modo conjungi fas fuerit, exarmare Ecclesiam est, et multam illi subtrahere fortitudinem. Nec aliam puto adversantium ipsis nuptiis intentionem, nisi ut in terris præfatorum principum non possint habere refugium quicumque audebunt contradicere schismati quod minantur. Hucusque zelus meus. Non possum enim ego emendare quod potui redarguere : potui et commovere eum qui possit. Zelus eorum mei faciet hoc. Ipsum duxi necessarium in magno Ecclesiæ labore atque periculo compellendum; et per nullum dignius quam per vos, qui ejus lateri et spiritui adhæretis. Apud quem, quaeso, habete me excusatum, quod Regem mutato mutaverim styllum, qui ad ipsum Deum Dei prophetam dixisse scitis : *Cum viro innocente innocens eris, et cum perverso perverteris (Psal. xvii, 26)*.

#### EPISTOLA CCXXV (595).

AD DOMINUM EPISCOPUM SUSSIONENSEM (596).

*Horiturus ad studium pacis.*

Laboravimus, sed de profectu adhuc quaestio est. Seminavimus multum, sed intulimus parum. Fatemur nos eguisse vestra opera et presentia. Verum quod eam non requisivimus in tanta necessitate, per amicum communem sancti Dionysii abbatem docebimini. Nunciatque ne de cætero dissimuletis, sed secundum sapientiam vobis a Deo datam studentis quæ ad pacem sunt, monemus sanctam sollicitudinem vestram. Nam rogandus non estis pro tali re, qua utique constat non modo valde honorificari ministerium vestrum, sed et turpari admodum si negligitis. In indicta celebritate apud Sanctum-Dionysium speramus videre vos (597).

#### 210 EPISTOLA CCXXVI (598).

AD LUDOVICUM REGEM FRANCORUM.

*Bernardus et Hugo queruntur de pertinacia regis in male captis : irritos esse suos in concilianda pace labores non sine regni ejus exitio dolent*

Ludovico Dei gratia illustri regi Francorum et

Humberti et comitis Maurianensis, proindeque matertera Adele, quæ fuit Ludovici regis mater.

(595) Scripta anno Christi 1145

(596) Joslenum.

(597) An indictus regni optimatum conventus? an Indicti celebritas, quæ mensis februario in festo dedicationis apud Sanctum-Dionysium colitur, ipso die sancti Mathiæ?

(598) Scripta anno Christi 1143.

(591) Vide epistolam 222, n. 1.

(592) Vide epistolam 222.

(593) Scilicet Radulfum. Vide epistolam 216 et sequentes.

(594) Joannes Besly in Historia Gallica comitum Pictaviensium, pag. 145, sic explicat hunc gradum consanguinitatis inter Ludovicum VII et Eleonoram ejus conjugem, Guillelmi comitis Aquitanici filiam, ut Aldeardis Eleonora proavia soror fuerit uxoris

duci Aquitanorum, Illeco Autissiodorensis qualiacunque minister. BERNARDUS Claræ-Vallis vocatus abbas, diligere iustitiam, et iudicare terram sapienter.

1. Diu est quod egressi de domibus nostris, expositis propriis utilitatibus pro pace vestra et regni, fideliter, sicut nobis Deus est testis, laboramus. Tristimur autem quod aut nullum aut exiguum nostri laboris fructum adhuc tenemus. Adhuc pauperes clamant post nos, adhuc terra vadit quotidie in desolationem. Quaritis quam terra? Vestra, non alia. Iutra regnum enim, et contra regnum vestrum ista omnia mala perpetrantur. Nam sive amici, sive inimici vestri sint qui de guerra ista pauperantur, captivantur, conteruntur; non aliunde quam de regno vestro sunt, in quo manifeste immingere iamjamque videtur sermo Salvatoris dicentis: *Omne regnum in se ipsum divisum dissolvitur* (Luc. xi, 17). Huc accedit quod ipsi divisores et desolatores vos constituerunt sibi huius nequitie caput et principem, quem precipue debuerant mactare defensorum, et sentire ultorem. Nos autem credulam vos tectum a Deo et illuminatum tantum illorum nequitiam advertisse, et errorem vestrum agnovisse; et cupere omnino consilia sanioribus a laqueo isto retrahere pedem.

2. Ceterum ab hac spe pene defecit nos colloquium illud habitum super inter nos apud Corbolum. Scitis enim quomodo et quam irrationabiliter (ut pace vestra dixerimus) a nobis tunc recessitis. Unde factum est quod sermonis illius, qui vobis in dicto nostro displicuit, reddere ad liquidum rationem pro vestra nobis turbatione non licuit: quam si expectare placito corde dignaremini, forsitan cognovissetis et vos quod nil vobis indecens aut importabile dictum esset, secundum quod iam res vestra processit. Nunc autem sine causa turbatus, turbatus nos et confusus, et quid facimus debilis anxiosque tenetis, lumen qui vobis bona cupiunt et quaerunt. Quod non est aliud, nisi quia fraus iniquorum, et rumusculi parum scientiam hominum, dicentium malum bonum, et bonum malum, conturbant vos. Verum nos, etsi conturbati, non tamen omnino desperati de auxilio Spiritus, quem vestrum animum salubriter super malis praeteritis concussisset persensimus, adhuc stamus et expectamus ut redeatis ad cor, et quod prudenter cepistis, efficaciter compleatis. Huius rei gratia misimus fratrem charissimum nobis Andreanum de Baudimento (599), qui

(599) Andreas iste celebris fuit, varisque negotiis adhibitus. Subscribit primarius huius abbatie Caricampi in Spicilegio tomo II, pag. 529; et cum Bernardo testis habetur concordie inter Ludovicum Juniores et Algrimum Aurelianensem archidiaconum inter Chesnii anno IV, pag. 764. In traditione ecclesie de Ve-ri-Creco, per Burchardum Meldensem episcopum anno 1122 facta monasterio Sancti-Martini de Campis, ut aliarum etiam rerum donatio per Stephanum Rorici filium. • Theobaldo comite presente, domino Andrea de Baudimento laudante ea quæ ad eum pertinet ant. • Idem Andreas inter-

A vobis ista plenius viva voce insinnet, et quidquid ad hæc respondere placuerit, fideliter renuntiet vobis. Si autem persisteritis, quod absit! non acquiescere sanis consiliis, mundi nos sumus a sanguine vestro: Deus non permittet Ecclesiam suam sive a vobis sive a vestris diutius conculcari.

#### EPISTOLA CCXXXVII (600).

AD EPISCOPUM SUSSIONENSEM (601)

*Opem episcopi perquam sollicitè et ardentè imporat.*

Semper quidem egui officiis amicorum, homo nimium mente semper et corpore miserandus: sed nunc 211 maxime opus et aggravata manu Domini super me, duro me carceri mancipavi (602) durus Iudex in memetipsum. Si adhuc pater estis (nam fuisse vos fateor), sentiat filius, et ille filius, in quo usque ad hanc diem afflicti ergo vos affectus non tenuit. Scio, scio difficile posse extorqueri clavam de manu Herulis: et ideo multum insto, quia rem peto difficilem. At quanto difficilius, tanto violentior ad promerendam redhibitionem. Grandis me fateror beneficii debitorem, grandis prorsus, si obtinero. Nec ignoro dare quam accipere beatius esse (Act. xx, 35): sed cælo necessitati, occurrenti periculis, angustiis consulo, honesti plane nunc aut dissimulato aut inmemor. Cedens itaque honorabilioribus vobis, ut dignum est, partem, mihi reverentioribus assumo, non modo ad accipendum invecundior, sed et importunior ad petendum. Peto ergo suppliciter, peto instanter, peto opportune, importune. Nec enim illud peto, quod vos non debeat dare, aut me postmodum poenitent accepisse: etsi haec petere modo minus me deceat. Nam si liberatis pauperem a potente, in hoc nobis multum prastabitis, vobis plurimum. Eia, monstravimus affectum, rem vos scitis, fructum prastolantur afflicti.

#### EPISTOLA CCXXXVIII.

AD PETRUM CLUNIACENSEM ABBATEM, CONCURRENTEM QUID ET NON RESCIVERET (603).

Reverendo patri et domino Petro, Dei gratia Cluniacensis abbati, frater Bernardus Claræ-Vallis vocatus abbas, se ipsum quantum est.

1. Itaque joculari libet? Dignanter sane atque amabiliter: sed si ita ludis ut non illudatis. Nihil mirari hoc. Nam suspectum id mihi facit vestra ipsa subita et inopinata dignatio. Non enim multum temporis est, quod scribens ad vos debita reverentia vestram Magnitudinem salutavi, et non responsistis mihi verbum. Nec multo ante rursum scripseram ad vos ex urbe Roma, et nec tunc quidem vel unum fuit consilio Trecenti anno 1138, ex prologo Regule Templariorum. Confer epistolam 234.

(600) Scripta eodem anno.

(601) Joselenum, de quo supra.

(602) Id est monasticæ reclusioni et solitudini, de qua epistola sequenti, n. 2.

(603) M. prius in Annalibus ad annum 1135, cap. 3, existimat hunc epistolam scriptam esse anno 1135; sed ordo epistolarum quoscunque repugnare videtur. Et certe si conferatur cum epistola sequenti, a Petro Venerabili istius occasione rescripta, manifestum fiet hanc fuisse scriptam post Lugonensis



iola recepi. Modo miramini quod revertenti nuper a de Hispania ngas meas denno ingerere non presumpsit? Quod si culpa est quacunque ex causa non scripsisse, sine culpa profecto non erit noluisse, ne dicam contempsisse scribere. En in quo pro me faceret iustitia (quia id a me flagitatis), nisi mallem occurrere gratiæ redeunti, quam retardare eam mihi, dum vel me inutiliter excusare volo, vel alium accusare. Sed hoc dixi, ne quid clausum in mente retinerem quod ore non promitterem, quod id vera recuset amicitia. De cætero quia charitas omnia credit (I Cor. xiii, 7), jam omnis suspicio de medio fiat. Gaudeo quod recalcistis priscæ amicitie recordari, et vel læsum revocare amicum. Libenter redeo revocatus. Felix qui revocor. Nullarum jam memor sum injuriarum (604). En ego, qui fueram vestram profecto Sanctitatis servus, et nunc, et ante, gratias ago: optime locatus sum, nimis vobis denuo factus, sicut dignamini scribere. Si forte Intepueram, ut arguitis, haud dubium quin velociter recalescam, totus vestræ visceribus charitatis.

2. Et nunc quod placuit scribere, obvis manibus suscepi. Legi avidè, libenter relego, et placet scriptis repetitum. Placet, fateor, jocundus. Est enim et jucunditate gratus, et serius gravitatis. Nescio siquidem quo modo inter jocandum ita dispositis sermonibus vestros in iudicio, ut et locus levitatem non redoleat, et auctoritas conservata hilaritatis non minuat gravitatem. Porro auctoritas ita servatur, ut illud sancti viri merito **212** vobis possit aptari: *Si quando ridebam, non credebant mihi (Job xxix, 21)*. Eia rescripsimus vobis, et puto jam jure exigimus ampliora quam promisistis. Dignum est ut sciatis quæ penes nos sunt. Decretum est mihi ultra non egredi monasterio, nisi ad conventum abbatum Cisterciensium semel in anno. Hic factus orationibus vestris, et benedictionibus consolatus, paucis diebus, quibus nunc milito, expecto donec veniat immutatio mea. Propitius sit mihi Deus, ut non amoveat oratione electionis turbas, quæ anno 1138 contigere, ut supra ad epistolam 164 dictum est. Sic enim respondet Venerabilis Petrus: « Quando extingui vel obrui poterit sincerus erga vos et ignitus mei pectoris affectus quibuslibet sinistri humoris rivulis, cum nec aqua molis decimarum potuerint eum extinguere, nec impetus Lingonensium fluminum obstruere? » Imo in extrema, quam omisimus, prædictæ epistolæ parte idem Petrus meminuit translationis Alcorani, postea S. Bernardus a se nuncupatæ, quæ testante Bibliotheca Cluniacensi facta est anno 1143, ad quem hanc epistolam referre visum est.

(604) Non est magnopere laborandum in detegendis injuriis, de quibus hic mentio. Nam istud ex sale et lepore quodam urbano ac familiari dici contextus utriusque epistolæ, hujus nimirum et sequentis, satis superque declarat. Scio quidem nonnullas controversiarum causas inter utrumque sanctum emerxisse, Lingonensem videlicet electionem, de qua ad epistolam 164, exemptionemque decimarum: sed usque ad injuriæ nomen devenisse nunquam concesserim. Quod spectat ad decimas, Innocentius in Gallis moram faciens anno 1132, cognita Cisterciensium inopia, ipsis ab omnibus decimis relaxari præcepit. Hoc privilegium Cluniacenses inter alios agro admodum tulere. Hinc locus datus querelis,

nom vestram et misericordiam suam a me. Fractus sum viribus, et legitimam habeo excusationem, ut jam non possim discurrere ut solebam. Sedebo et silebo, si forte experiar quod de plenitudine intinxit suavitatis sanctus propheta eruetur: *Bonnum est, inquam, expectare Dominum in silentio (Thren. iii, 26)*. Et ne solus videamini mihi lusus, puto jam non audebitis me de hoc silentio meo reprehendere, et more vestro appellare soporem quod, ut puto, congruentius ac magis proprie sanctus Isaias cultum justitiæ nominat (*Isa. xxxii, 17*), et de quo legitis in hoc ipso propheta, dicente Domino: *In silentio et spe erit fortitudo nostra (Isa. lxx, 15)*. Commendate me orationibus sancti conventus Cluniacensis, salutate prius ex me servo omnium, si dignum judicatis.

## EPISTOLA CCXXI

PETRI VENERABILIS AD BERNARDUM ABBATEM (605).

*Bernardi litteris humanissime respondet, simulque eandem dissensionem inter Cluniacenses et Cistercienses exponit.*

Singulari veneratione colendo, totis charitatis brachiis amplectendo, individuo cordis mei hospitii, domno BERNARDO CLARÆ-VALLIS abbati, frater PETRUS humilis Cluniacensis abbas, salutem, ad quam aspirat, æternam.

1. Quoniam tam dulcibus et jucundis amici litteris, quibus et ipse jucundus et citus occurrere debuissem, tardus rescriptor occorro: mirabitur fortassis solers Sanctitas vestra, et seguitiei vel contemptui, ut timeo, deputabit. Sed absit utrumque! nec absit tantum, sed prorsus utrumque abest: cum fere nihil unquam, quantum ad litteras pertinet, vel libentius susceperim, vel studiosius legerim. Tarditatis causa ex parte existit lator earum, qui Cluniacum veniens, nec me ibi inteniens, cum ipso non valde remotus, hoc est Marciniaci (606), essem, litteras quas ferebat mihi nec detulit nec misit, sed Cluniaci dimisit. Et ne velut accusare bonum virum quas Petrus abbas apud Innocentium primo, deinde apud Haimericum modeste exposuit, imo et apud Patres Cisterciensium in capitulo generali congregatos: quos cum nonnihil maxime turbatos comperisset, idem anno sequenti ad eosdem litteras dedisset exsatorias, quibus charitas sarta tecta custodiretur. Quid tamen in consequentibus adversus Cistercienses a Gigniacensibus monachis patratum sit, dicitur in no. is ad epistolam 285. Porro cum desiderari videatur illa Petri Cluniacensis epistola, quæ huic scribenda occasione dedit; non a se fuerit a iam ab ipso subinde rescriptam in litterarum S. Bernardi serie subijcere, quo omnibus veræ et christianæ amicitie cultoribus, maxime religiosis, absolutissimum exemplar proponatur, nolite scilicet istud par amicum, S. Bernardus in d. co. et Venerabilem Petrum cardinali Baronio adeo commendatum, ut « sanctitate, quæ per dilectionem operatur, Bernardo non impari esse » pronuntiaverit. Alias ejusdem argumenti vide si libet apud ipsum Petrum, libri primi epistolam 28, et libri quarti epistolam 46.

(605) Hæc epistola, scripta anno Christi 1143, est 17 libri quarti. Exstat alia ejusdem argumenti in libro primo, nempe epistola 28.

(606) Marciniacum, virginum cœnobium ad Ligerrim, a sancto Hugone abbate Cluniacensi fundatum.

videar; credo enim aut quibuslibet negotiis retractum, aut acerrimæ, quæ tunc incumbere, hiemis austeritate, ne me conaretur adire, deteritum. Moratus sum et ego ibidem, tam nivibus quam negotiis detentus per mensem: et vix in initio Quadragesimæ domum redii. Suscepi tandem a subpriori; cui traditæ fuerant, litteras illas vestras. Tractus est statim animus; et cum in affectum vestri multum ante caleret, longe amplius per easdem litteras statu pectoris vestri succensus, nihil ultra frigidum tepidumve sibi inesse permisit. Tractus, inquam, sicque tractus est, ut, quod nunquam nisi sacrorum reverentia Librorum me fecisse memini, perfectam epistolam mox exosculatus sim. Et ut eos quos poteram, quia tunc non omnes poteram, in vestræ charitatis affectum, more mihi solito, excitarem, circumpositis quibusque quod mihi soli leggeram, relegi, eosque erga vos in maiorem dilectionis affectum pro viribus commovi. Recondi statim eas, et argenteis sive aureis, quos, pro more mihi a patribus relicto, ad opus eleemosynæ necum ferre soleo, adjunxi. Nec incongrue. Nam super omne aurum et argentum vestra mihi gratia, bona vestra charitas est pretiosa.

**213** 2. Rescribere quod animo insederat, sequenti die statim volui: sed a quotidiano, imo pene continuo exactore alia reposcente prohibitus, contui. Imperavit mihi plane silentium, cui resistere non poteram, durissimus imperator; et cura multiplex infinitarum causarum non uno tantum, sed multis me diebus silere coegit. Transibant quandoque quindecim dies, quandoque integer mensis, quandoque continui menses, quibus scribere semper nitebar; nec imperatore jam dicto mittebar. Rupi tandem importunum vinculum: et, licet ægre, jugum oneris et sceptrum exactoris furtim scripitando superavi. Ac ne superfluum videar tantopere excusans tarditatem rescribendi, ipse excusare coegistis, dum dixistis: « Non multum temporis est, ex quo scribens ad vos, coronam vestram (607) debita veneratione salutavi, et non respondistis mihi verbum: nec multo ante rursus ex urbe Roma vobis scripseram, et nec tunc quidem vel unum iota recepi. Modo miramini quod revertenti nuper de Hispaniis nugas meas denuo vobis ingerere non præsumpsi? Quod si culpa est quacunque ex causa non scripsisse, sine culpa profecto non erit noluisse, ne dicam contempsisse rescribere. » Hoc quidem vos.

3. Sed quid ego? Istud plane. Negare, inquam, culpam, quam impositis, nullo modo possem, si tanto amico primo scribenti rescribere contempsissem. Fateor enim quod primum scribenti vere rescribere debuissim: sed, prout recolere possum, dum in Urbe moraremini, scripsi ego prior, rescripsistis posterior vos. Non ergo ad me pertinuit rescribere, qui prior scripseram: sed vestrum fuit

A rescribere, quia prior scripseram. Et potuissim quidem scribere etiam rescribenti: sed plena, scriptoque meo ad unguem satisfaciens responsio vestra silentium mihi imposuit respondendi. Quod si ita est, culpa mihi imposita me deserens, vos incipit intueri, quia inculpabilem culpæ, et sarcina aliena, ne dicam vestra, aggravare humeros fratris innocentis voluistis. Quod vero vice alia idem a me factum dicitis, quia rei memoria menti non inest, responsio deest. Quæ si forte adesse potuerit, aut probabilis excusatio aut humilis satisfactio deesse non poterit. Sed addidistis: « En in quo pro me faceret justitia. » Et ego: Interim juxta causas præmissas pro me facit justitia, quia apud me non invenitur culpa. Jam, si non parcere, et læsum, quod de vobis dixistis, amicam me vocare potuissim, et læsionis vel injuriarum pœnam merito exigere. Sed parco more meo, sed cuncta etiam non rogatus remitto. « Nullarum, » ut dixistis, « memor sum injuriarum. » Nam et hoc ad sequentem materiam pertinet, ut qui notas similitudines de multorum cordibus, non ludo, sed serio excludere satago, et ad excludendum vos incitare intendo; prior ipse omnibus indulgeam, et quod ut alii faciant, laboro, ante ipse faciam.

4. Sed rursus forte dicetis: Itane jocari libet? Libet equidem, sed vobiscum. Vobiscum certe, sed non ita cum aliis. Nam cum quibusdam aliis gravitatem excedere, vanitatem incurrere formidarem: at vobiscum vanitatem non vereor; charitatem, ne labatur, persequor. Unde dulce mihi est semper vobiscum loqui, et melleam inter nos charitatis dulcedinem jucundis sermonibus conservare. Caveo enim, quantum possum, de illorum fratrum numero esse, qui oderant Joseph in corde suo, nec poterant ei quidquam pacifice loqui (*Gen. xxxvii, 4*). Utinam et sic (quod non glorians dico) omnes nostri vestrique fratres facerent, et a linea charitatis, qua sola post fidem, et Baptismatis sacramentum fratres dicuntur, et qua speciali consanguinitate sibi junguntur, non degenerarent, metuereque quod ait Apostolus: *Periculum in falsis fratribus* (*II Cor. xi, 26*). Utinam plane hoc omnes facerent, et cor a cogitatu doloso, linguam, juxta Psalmum quem frequentant, a verbo aspero custodirent. Videntur ista, quæ præmissi, magna promittere, et velut ad peragenda maxima **214** se præparare. Sed ne de his illud usitatum dicatur,

*Quid tanto dignum feret hic promissor natu?*  
(HORATIUS, *De arte poetica*, vers. 138)

fateor me non tantum maximam, sed nec magnam, nec modicam habere causam vobis scribendi (earum tamen rerum quas magnas vel maximas sæculares æstimant, et de quibus se magnos vel maximos fieri posse filii sæculi sperant). Est tamen magna, et in tantum causas omnes præcellens, ut excellentior omnibus ab Apostolo dicatur; et si ejus

(607) In superiori epistola legitur, *vestram magnitudinem*.

nomen queritur, ab eo charitas nominatur (1 Cor. xii, 31; xiii, 13).

5. Hæc mihi tota et sola causa scribendi fuit; quam me personæ vestræ integram servare confido, quamque nostros vestrosque sibi ad invicem melius solito servaturos, vestro maxime studio, non despero. Nam quantum ad eam charitatem spectat, quam vobis in abdito cordis mei jam ab antiquo reservo; videtur mihi quod aquæ multæ, ut scriptum est, non poterunt eam extinguere, nec flumina obruere. Hoc in quibusdam casibus mihi sæpe experiri videor, quod aquæ multæ non poterunt eam extinguere, nec flumina obruere (*Cantic. viii, 7*). Quando enim extingui vel obrui poterit sincerus erga vos et ignitus mei pectoris affectus quibuslibet sinistri rumoris rivulis, cum nec aquæ multæ decimarum potuerint eum extinguere, nec impetus Lingonensium fluminum obruere (608)? Nostis quod dico, nec ob aliud dico nisi ut constantis in amoris proposito erga vos animi mei insignia recolens, stabilem de cætero me esse posse, prudentia vestra præsumat. Præsumo et ego hoc idem de vobis, nec a cordis vestri penetralibus me cuiuslibet impulsu posse excludi confido. Sed cum uterque nostrum pastor dicatur, cum ovilia nostra non parva Christi multitudine sint referta, cum utrique præcipiatur, *Diligenter agnosce vultum pecoris tui* (*Prov. xxvii, 23*): videndum est si pecus nostrum nobis notum est, si valet, si languet, si debile, si robustum, si mortuum certe vel vivum. Nam cum dilectus ille Discipulus dicat, *Qui non diligit, manet in morte* (*Joan. iii, 14*), quid ego de languore pecudis meæ sollicitior, cum eam jam mortuam esse cognoscam? Si enim in morte manet qui non diligit, in qua morte manet qui odit? si in morte manet qui non diligit, in qua morte manet qui detrahit? Ad quid hoc dico?

6. Cerno aliquos, tam de nostris ovilibus, quam de vestris, adversum se invicem jurata bella suscepisse: et eos qui in domo Domini habitare unanimes debuerant, a charitate mutua descivisse. Video eos de ejusdem domini esse familia, de ejusdem regis esse militia: eodem nomine christianos, eodem et monachos nuncupari. Intueor non solum communis fidei vinculo, sed insuper ejusdem monasticæ regulæ jugo submissos dominicum agrum multis sed diversis sudoribus excolere: et cum eos, ut dixi, christianum nomen conjungat, cum monastica professio uniat, sola eos mentium nescio quæ occulta et nefanda varietas separat, et ab illa sincera cordium unitate, in quam videtur congregati, disgregat. Et, o res plena lamentis, nec ullis lacrymarum fontibus digne deffenda! superbum archangelum de cælis projectum rursus cælestia occupasse, et qui in aquilone sedem suam stabilire non potuit, in meridiana, hoc est in splendidiore cæli parte, eam firmasse. Vere ita plane, ita se fecisse

A gloriatur, quando, expulso eo qui habitat in cælis, et cujus locus non in mutuo rancore, sed in fraterna pace factus est, mentibus hominum professione cælestium, exemplo splendentium, jure tyrannico principatur. Cumque fortem illum, atrium suum diuturna pace custodientem, fortior superveniens vicerit; cum mundi principem foras ejecerit; cum solum ejus, qui rex est filiorum superbix, etiam in laicis christianis everterit: quibus putas plangentibus erit dolendum, si eversum in aliis nequitias suæ thronum Satân in monachorum cordibus erexerit? Absit, absit ut ille qui sic a Salvatore enervatus dicitur, ut ipsius etiam ancillis ligetur, ut ipsi a servis ejus velut avi illudatur, in tantum ipse servis ejus et ancillis **215** illudat, eisque ut vilibus mancipiis dominetur!

7. Sed cur sibi adversantur? cur sibi detrahunt? cur ab invicem consumuntur? Veniat, rogo, veniat materies litis in medium: et si quid justæ querelæ adversum se invicem afferre potuerint, æquis decernentibus arbitris terminetur. Quid exigit, quæso, frater a fratre? et ut in duobus nominatis omnium dissidentium varietas comprehendatur, quid exigit, inquam, frater Cluniacensis, a fratre Cisterciensi, vel e converso? Si urbes sunt, si castra, si villa, si fundus, si possessio aliqua terrena vel parva, vel magna; si denique aurum, si argentum, si quælibet quantitas vel qualitas pecuniæ; dic age, propone. Adsunt iudices, non iniquitatis, sed aequitatis, omnes hujusmodi lites statim dirimere præparati. Facile pax reformabitur, lesa charitas curabitur, postquam pro talibus vel similibus ortum fuisse tantum cordium discidium cognoscetur. Sed video utrumque vestrum omnia ista abjecisse, nihil vobis in terris residui fecisse; pauperem Christum beata paupertate ditatos vos sequi proposuisse. Non est ergo hic materies quam quærebam. Sed non desistam, non fatigabor, non quiescam, donec ad fundum inquisitæ veritatis perveniam.

8. Est fortasse inter vos litis hujus causa, diversa consuetudo, varia monastici ordinis observatio. Sed si hæc, charissimi, tanti mali causa est, valde irrationabilis, et, quod salva utriusque vestrum gratia loquor, valde puerilis et stulta est. An non videtur vobis irrationabilis, puerilis et stulta, quam omnis ratio destituit, et cui omnis sanum sapiens contradicit? Nam si varia consuetudo, si multiplex rerum infinitarum varietas, Christi servos a mutua charitate divellere debet; quid jam pacis, quid concordix, quid unitatis, quid tandem de lege Christi non solum monachis, sed et omnibus Christianis residuum erit, de qua a magno Apostolo dictum est: *Alter alterius onera portate, et sic adimplebitis legem Christi*? (*Galat. vi, 2*). Si, inquam, lex Christi, id est charitas, ab omnibus diversos usus sequentibus relinquenda est; nusquam

(608) Hæc illa injuriarum capita, de quibus Bernardus in epistola superiori.



plane ultra querenda est. Nusquam enim inveniri poterit, postquam ab omnibus morem diversum sequentibus exclusa fuerit. Nonne, charissimi, totus orbis terrarum Christi Ecclesiis jam ab antiquo relictus est? Cumque omnem pene numerum excedat multiplicitas Ecclesiarum sub una fide et eadem charitate Deo famulantium, tanta pene apud eas invenitur varietas usuum, quanta infinitas est locorum. Hoc in cantibus, hoc in lectionibus, hoc in omnibus ecclesiasticis officiis, hoc in vestitu vario; hoc, præter authentica quæ mutari non possunt Jrjunia, in jejuniis diversis; hoc in universis similibus, quæ pro temporum, locorum, gentium, regionum varietatibus, a prælatis Ecclesiarum, quibus, secundum Apostolum, quantum ad talia pertinet, in suo sensu licet abundare (*Rom. xiv, 5*), Instituta sunt. Relinquent ergo omnes istæ Ecclesiæ charitatem, quia mutaverunt consuetudinem! cessant esse Christiani, quia videntur in diversis usibus vari! peribit ab his omnibus summum pacis bonum, quia unusquisque modo vario operatur bonum! Non ita sensit vita et verbo doctor Ecclesiæ Ambrosius, qui de jejuniis sabbati loquens, quod Romæ servari viderat, et Mediolani episcopus factus servari non inveniit, ait: « Quando Romæ sum, jejuniarum a Romæ Ecclesia servatum custodio: quando Mediolani, morem ejusdem Ecclesiæ sequens non jejuno (*Are. epist. 54*). » Illic et pater Augustinus bonæ matris suæ devotionem describens, narrat eam juxta morem quem apud Africanas Ecclesias teneri viderat, oblationes suas contra Ecclesiarum Italiæ observantiam Mediolani voluisse offerre, sed ab Ambrosio prohibitam fuisse (*Confessionum lib. vi, cap. 2*).

9. Sed quid in istis laboro! Frustra repatentem multiplicibus testimoniis vel exemplis cingorem: maxime cum nec apud antiquos ipsius paschalis temporis dissonantia, nec apud modernos ipsius sacrificii christiani inter Græcos et Latinos ista varietas, charitatem ledere, vel schisma aliquod unitatis gignere potuerit. Testes sunt præcedentis rei Patres sancti et eorum, **216** quos Ecclesiæ reliquerunt, approbati libri, quod alio tempore Oriens, alio Occidens, alio in eadem Britannia insula Angli, alio Scoti christiani, scilicet antiquiores, Pascha Domini celebrabant. Testes sumus et nos temporis nostri, qui Romanam Ecclesiam, et totam latinam Linguam offerre Deo salutare sacrificium azymi panis videmus; cum græca Ecclesia et maxima Orientis pars, ac barbaræ sed Christianæ gentes sacrificare de fermentato dicantur. Cum hoc ita sit, nec antiqui nec moderni propter tam celebres et famosas usuum dissonantias a charitate mutua desceverunt: quia nihil quod fidem vel charitatem læderet, in his omnibus inveniunt. Ad quid istud! Ut, si propter varios usus vestri, o fratres, animi variati sunt si propter diversitatem consuetudinum diversificati sunt; si propter alium et alium morem ab Ecclesiarum institutoribus vobis traditum, a pacis

A vel unitatis charitate languerunt; tantorum Patrum tam venerandis exemplis in unum redeant, et more sanctorum, qui convalescerunt de infirmitate, fortes facti sunt in bello, a charitatis super omnem morbum formidando languore convalescant.

10. Sed digetis: « Aliæ usuum varietas accipienda est in diversis Ecclesiis, aliter in ejusdem Ordinis viris. Si Ecclesiarum multarum usus salva fide et charitate variantur, mirum non est; sed si ejusdem propositi et professionis homines non eundem institutionum morem servaverint, mirum est. » Estne, inquam, hoc totum, quod vos charissimi, ab invicem dividi? est hoc ipsum, quod charitatem in vobis lædit? est hoc totum, quod filios pacis inter se pacificos esse non sinit? Si laicus homo cum his qui oderant pacem pacificus erat (*Psal. cxix, 7*), monachus homo cum monacho homine nefando duello certabit? Filius lucis filius tenebrarum, ne pacis hominum turbetur, diligit: filius lucis filium lucis, quod ad præceptum, non ad monachum refert, impugnat? Si hæc certe tota est animorum vestrorum indignatio, si hæc tota charitatis læsio, facile curabitur, sed si absuerit obstinatio. Attendite ergo ne lucem sensuum vestrorum propria sententia amor obnubilet, quia unitatem pacis non meretur, quisquis non ipsam, sed quod vult ipse, tuetur. Unde rogo ut, absque studio partium et propriæ sententiæ defensionis, utrum hæc justa discordiæ causa sit discutatis; et, cum injustam esse cognoveritis, disciscas animos unitatis. Nam ecce sphaera eadem Regula uterque vestrum militat, qua speciali militia salutem æternam se quisque vestrum posse consequi sperat. Quod si neuter vestrum spe sua frustratur, nescio quis locus discordiæ, quis discidio, quis oblationi superesse jam possit.

11. Dixistis enim mirum esse si ejusdem propositi et professionis homines non eundem institutionum morem servaverint. Ad quod ego: si ejusdem propositi et professionis homines non eundem institutionum morem servaverint, et tamen observationibus diversis ad eandem salutem et æternam vitam pervenerint, quid refert! Quid plane refert, quid obest, si vario tramite ad eandem regionem, si multiplici via ad eandem vitam, si multiplici itinere ad eandem, quæ sursum est, Jerusalem pervenitur, quæ est mater nostra? Si enim tu, o Cluniacensis, Cisterciensem, aut tu, Cisterciensis, Cluniacensem in assumpto proposito errare cognoscere, et juxta Scripturam, per viam quæ videatur hominibus recta, ad iteritum tendere prævideris; justa, fateor, tibi esset causa fratrem corrigendi, revocandi, aut, si audire te nollet, objurgandi et detestandi. Tunc certe si obliquereris, si contradiceres, si et odires, te jure judicare, te recte agere confiterer, maxime cum de talibus audiam magnum prophetam Deo dicentem: *Nonne qui oderunt te, Domine, oderam, et super inimicos tuos tabescebam? Perfecto odio oderam illos, et inimici facti sunt tibi* (*Psal. cxxxviii, 21, 22*). Gratularer insuper te non

surdum esse auditorem Scripturæ dicentis: *Discurrere, A festina, suscita amicum tuum; ne des somnum oculis tuis, nec dormitent palpebræ tuæ* (Prov. vi, 3, 4): et illius: **Maledictus 217** qui prohibet gladium suum a sanguine (Jerem. xlviii, 10). Tunc justas plane odiorum tibi causas esse faterer, et ad debellandos hostes Dei, et eos qui secundum Apostolum in hypocrisi faciunt mendacium (1 Tim. iv, 2), gressus tuos et ego accinctus zeli gladio comes indviduus comitarer. At nunc cum sub eadem [supple regula] variis sed sacris institutis utrumque vestrum de terris ad cœlos tendere videam, et per diversas semitas ad idem bravium tendentes sic currere, ut comprehendatis: non superest tibi, ut mihi videtur, causa aliqua indignandi, non odiendi, non obloquendi.

12. Sed exis adhuc ut quod dixi probem, et quomodo sub eadem Regula, vel ejusdem Regule professione, per diversos tramites tuto monachus ingrediere possit ostendam. Ad quod mihi perfacilis patet responsio, et auctoritas juncta rationi non deest: posse et te Cluniacensem tuo usu, et te Cisterciensem tuo more, et feliciter per viam mandatorum Dei currere, et feliciter ad finem cursui debitum pervenire. Et quia eam, quæ semper in talibus præmittenda est, auctoritatem præmisi; præmittatur et in hac serie ipsa, nec ratio modico saltem intervallo disjungatur ab ipsa.

13. Sed quid objicis, frater? «Dico ejusdem Regule professos ejusdem Regule mandata non similiter observare.» Verum est, inquam, quod dicis, ejusdem Regule mandata in quibusdam capitalis ab ejusdem Regule professis dissimiliter observari. Sed ne hujusmodi monachos propter ista reos existimes, ne hac de causa prævaricationis arguere audeas, audi cœlestem, imo Regis cœlorum auctoritatem: *Si oculus tuus fuerit simplex, totum corpus tuum lucidum erit* (Luc. xi, 34). Audi et Apostolum: *Omnia vestra in charitate fiant* (1 Cor. xvi, 14). Audi et patrem Augustinum: «Habe charitatem, et fac quidquid vis.» Audi et ipsum Regule scriptorem, imo ipsius Regule dictatorem Spiritum sanctum: «Sic,» inquit, «abbas omnia temperet atque disponat, ut anime salventur; et quod faciunt fratres, absque murmuratione faciant (Reg. S. Benedicti, cap. 41).» Et quid clarius? quid aperius? quid lucidius? Nonne ipsa verborum serenitas absque omni prorsus subito sese ostendit, et clarissimam veritatis lucem, remoto omnium nubium velamine, mortalibus manifestat? Ecce Magister cœlestis totum corpus tuum, o frater, simplicitate oculi, hoc est universa opera tua, puritatis intentione, lucida esse docet: ecce post ipsum summus Ecclesiæ doctor omnia tua in charitate fieri præcipit: ecce maximus post Apostolos Ecclesiarum instructor, omnem tibi quæ volueris faciendi potestatem, charitate manente, concedit: ecce ipse, cui inuiteris, Benedictus pater, abbatem sic omnia temperare jubet, ut anime salventur et murmur absit: et saluti sub eadem Regula

diversa sequentium metuis! Nonne cœrnia tuitissimos ab omni periculo, quorum (et quod majus est) præcepta a qualibet varietatis mobilitate vel culpa, intentio salvandi animas juxta ipsam Regulam excusant!

14. Sed jam, ut et ipsa ratio auctoritatibus præmissis in omnibus famulari intelligatur, eliquo indivisibiliter coherere, subjungantur aliqua de instanti quæstione capitula, in quibus simplici oculo, sincera charitate, salvandarum animarum intentione, quædam mutata monstrantur. Nam his demonstratis, nihil, ut arbitror, quantum ad præsens negotium pertinet, tibi quærendum reliquam. Simplici namque oculo tu uteris, qui non ipsi post annum novitio aditum claustrum aperis: quia, juxta apostolum (1 Joan. iv, 1) et Regule verba (Reg. S. Benedicti, cap. 58), spiritum noviter venientis, utrum ex Deo sit, per totius anni spatium perscrutaris. Simplici oculo et tu uteris, qui advenientem infra ejusdem anni metam suscipis: quia eum per tantum temporis dilatam, ad pristinas facies, et ad prioris vite detestanda mala redire formidas. Simplici oculo tu uteris, qui duabus tunicis, et duabus encultis, vel ejusdem generis paucis additis vestibus contentus es; quia etsi non præceptum (ibid., cap. 55), consilium tamen vel existimationem scriptoris Regule sequi, quam aliorum generis vestes addere vel assumere maluisti. Simplici oculo et tu uteris, qui usum **218** medicorum pelliciarum admixisti: quia debilibus, quia infirmis, quia delicatis, quia omnibus, quantum ad frigidiores terrarum partes pertinet, ne murmurarent, ne languerent, ne rationabili necessitate subtracta et aliqui a proposito recederent, providisti. Simplici oculo tu uteris, qui nonnisi tertio fugitivos revertentes recipis: quia et ipsa Regule verba conservare (ibid., cap. 29), et a frequenti fuga stultos vel instabiles monachos studeas, negato demum reversionis aditu, deterere. Simplici oculo et tu uteris, qui plus quam tertio monachum redeuntem recipis: quia times ne, venia denegata, expositus hostibus pereat, et ovem vagabundam lupus, qui et clausas rapere ac dispergere solet, interimat.

15. Simplici oculo tu uteris, qui absque exceptione aliqua regularia jejunia, tam æstatis, quam hiemis, observas: quia et prout ea tradita sunt, vis conservare, et prolixioris abstinentiæ cumulationem fructum recipere. Sed, quod puro charitatis animo loquor, octo diebus Natalis Domini, Epiphania, Purificatione, qui vere per omnia dies dominici sunt, jejunia a quibuslibet observari non satis approbo. Simplici oculo et tu uteris, qui et hos dies quos prædixi, et omnem authenticam duodecim lectionum solemnitatem ab hac regularium jejuniorum consuetudine excipis: quia ipsum Dominum, quia Apostolos, quia quosdam alios sanctorum et sic honorare conaris, et omnium pene religiosorum sic jejunantium morem imitari proponis. Simplici

oculo tu uteris, qui opus manuum secundum Regulæ præceptum observas: quia et Regulæ obedire (*Reg. S. Benedicti*, cap. 48), et otiositatem inimicam animæ, secundum ejusdem Regulæ dicta, talibus exercitiis, tam sacris, non solum monachicis sed et apostolicis institutionibus vis cavere, et, in quantum facultas datur, juxta patres antiquos, et vitæ necessaria providere. Simplici oculo et tu uteris, qui hoc opus manuum ex parte postposuisti: quia non in silvis nec in desertis, sed in medio urbium et castrorum constitutus et undique populis circumseptus, nec toties et toties ire ac redire horum causa operum, per promiscuam utriusque sexus multitudinem, absque aliquo vel plurimo periculo potes; nec insuper opportuna loca, ubi talibus exerceri operibus possis, plerumque possides. Sed ne inimica religiosæ otiositas te vacante locum tibi nocendi inveniatur, aut ubi et quando potes manibus operaris, aut ubi non potes, opus hoc manuum operibus divinis per vices variando compensas: sicut, ne domum pectoris tui vacantem nequam spiritus sibi vindicet, quibus potes sacris studiis totum vitæ tuæ tempus occupas.

16. Simplici oculo tu uteris, qui in omnibus advenientibus vel discedentibus hospitibus, inclinato capite, vel prostrato omni corpore in terram, Christum adoras, eisque universis pedes abluis: quia præceptum hospitalitatis bonum, secundum Evangelii et Regulæ (*ibid.*, cap. 53) decreta, summo excolere studio, ut decet, satagis, et tam sanctæ humanitatis exhibitione condignam mercedem tibi vindicare contendis. Simplici oculo et tu uteris, qui non ante omnes hospites prosterneris, qui non omnibus pedes abluis: quia impossibile omnino tibi esset ante tantam hospitum multitudinem assidue advenientem semper in terram prosterni, omnibus pedes abluere; in tantum ut, si ad ista continue vacare velles, cunctis aliis Ordinibus tui exercitiis omisis, nec istud solum explere valeres. Et quia quod impossibile tibi esse perspicis, omititis; quod hospitum susceptioni necessarium est, pro viribus exhibes, eosque quo potes honore prosequeris: a jam dictis, quæ explere non vales, simplicitate oculi excusaris. Simplici oculo tu uteris, qui mensam abbatis cum hospitibus et peregrinis semper esse vis: quia et Regulæ obedire (*ibid.*, cap. 56), et hospitibus tibi humanius deservire videris. Simplici oculo et tu uteris, qui mensam abbatialis non semper cum hospitibus, sed semper cum fratribus esse decernis: quia multorum abbatum (ut mitius loquar) profusioni, qui hospitum occasione 219 sibi propitii, suis impii esse solebant, cum ad mensam communem revocando menderis.

17. Simplici oculo tu uteris, qui velut Esdras legem, qui velut Machabæi ruinas templi Dei, sic tu monastici Ordinis plurima detrimenta, multasque in multis multorum monasteriorum morumque ruinas reparare laboras: et, delicatis magis quam necessariis condescensionibus explosis ad antiqui et

A primi fervoris morem, nostrorum temporum teporem revocare contendis. Simplici oculo et tu uteris, qui ita et Regulæ et Ordinis mandata moderaris, ut, secundum ejusdem Regulæ verba (*ibid.* cap. 64), sit et quod fortes cupiant, et infirmi non refugiant: ut qui pane non potest, lacte saltem, ne vitam perdat, alatur: et qui anhelis cursibus propositum bravium comprehendere non valet, lento saltem pede ad illud pertingere doceatur; quia non minus patriæ inhabitator dicitur, qui ad eam post annum, quam qui post mensem revertitur. Quod tamen salvo itinerantium diverso labore dico: quia, juxta apostolicam vocem: *Unusquisque propriam mercedem accipiet secundum suum laborem* (1 Cor. iii, 8). Habes tu hujus propositi tui Benedictum auctorem, cujus licet scripta, ubi charitas jubet, ipso teste minime sequi cogaris, sequi tamen, quia tanto viro congrua visa sunt, devotione laudabili delectaris. Habes et tu institutionum tuarum eundem Benedictum auctorem, qui ad finem charitatis universa scripta sua redigi præcipit, et animarum saluti quoquo modo, isto vel illo ordine inservire. Habes et Maurum præceptum inter ejus discipulos discipulum, qui ab eo missus ad Gallias, aliqua vel multa de ejus Regula, eo quem supra scripsi oculo legitur immutasse. Habes et plurimos post ipsum monasteriorum patres, quos Spiritu Dei pro temporibus, pro locis, pro personis, ad moderanda sæpe dictæ Regulæ scripta actos esse, et vita præcellens, et innumera tam in vita quam post mortem a Deo per ipsos facta miracula, luce clarius manifestant.

18. Et quid ultra dicam? Simili ratione per reliqua omnia quæ videntur diversa capitula currente, simplici oculo, quem alius charitatem, alius salvandarum animarum intentionem nuncupat, ubique reperies; et hoc modo nihil diversum, nihil dissonum (quia per charitatem fiunt omnia unum) in his quæ varie servari videntur, invenies. Istis adjicio, quod tamen omnibus patet, nihil pene talium in Regula præceptum, sed cum conditionis additamento, et abbatis temperamento prolatum. Quod etiam si imperative dictum fuisset, nequaquam simplici oculo, id est charitati evangelicæ, præjudicare potuisset. Talia enim, ut nosti, de numero præceptorum mobilium sunt: et quando charitas imperat, absque aliquo transgressionis timore movenda sunt. Nec suspecta esse debet hoc respectu Regulam professis Regulæ prævaricatio: quia regula illa illius sancti patris ex illa sublimi et generali charitatis regula pendet, ex qua et in qua, juxta Veritatis verba, *universa lex pendet et Prophætæ* (*Matth.* xxi, 40). Quod si universa lex, tunc et illius Regulæ lex. Monachus ergo Regulam patris Benedicti profitens, tunc eam vere servat, quando in servatis vel mutatis quibuslibet ejus capitulis, charitatis legem ubique conservat.

19. Quid igitur? Si hæc certe, o fratres, tota mutui erat causa discidii, nonne jam vobis prorsus



exclusa videtur? nonne jam fraterna pace uniri debent corda monachorum, cum varia illa, propter quæ discissa fuerant, simplex fecerit charitas unum? Nonne multa unum facit, quæ sub uno monastici Ordinis, vel unius Regulæ proposito diversa, sed bona sequentes, ad unum summi boni vel sempiternæ vitæ debitum finem perducit? Fiat ergo pax, o Jerusalem, in virtute tua, ut sequatur et abundantia in turribus tuis. Sed ne forte inveniamur de illis esse qui dicunt: *Pax, pax, et non est pax* (Jerem. vi, 14); scrutemur si qua adhuc divortii causa supersit, ne forte, nobis dormientibus ac securis, repentinus de caverna sua anguis exsiliat, et aliquem ex nostris vel vestris incautius quiescentem mordeat.

20. Fortassis enim vestes istæ coloris diversi incentivum **220** discordiæ præstant, et multiformis varietas vestium varietatē quoque parit et mentium. Nam, ut pene assidue cerno, et omnibus ipsis quoque negligenter intuentibus advertere perfacile est, niger (ut sic dicam) monachus album fortuito occurrentem obliquo sidere respicit: albus nigrum vix media oculi parte et quando se ingerit, contuetur. Vidi plurimos, non recordor quoties, de nigrorum numero, occurrentem quempiam album, quasi monstrum ridentes, et velut si chimæra vel centaurus, vel portentum aliquod peregrinum oculis ingereretur, voce vel gestu corporis se stupere significantes. Vidi e converso loquaces prius, et multa passim occurrentia ad invicem conferentes albos, nigro quolibet adveniente subito ohmutuisse, et velut ab hostibus hostium secreta rimantibus, silentii sibi remedio præcavisse. Intuitus sum utriusque generis hominum linguas tacentes; oculos, manus, pedesque loquentes: et quod voce, ne proderentur, indicare volebant, gestuum suffragio clarius inclamasse. Vocem mutam, membra loquacia; et, perverso naturæ ordine, lapidibus clamosos homines, hominibus taciturnos. Recordatus sum sæpe, talia videns, illius Salomonici verbi, quo de simili hominum genere fatetur: *Annuat oculis, terit pede, digito loquitur, pravo corde machinatur malum, et in omni tempore jurgia concitat* (Prov. vi, 13, 14). Et, o pessimi angeli et a Deo projecti pravum et pertinax consilium! qui nolens se solum æternæ paci periisse, socios sibi suæ perditionis undecunque acquirit: et, ut gloriose palma lætetur, cedros vel abietes paradisi Dei, cujus ipse olim colonus exstitit, violento nequitie suæ impulsu subruere conatur. Dolet sibi periisse hæresum palinam, qua priscis temporibus Ecclesiam Dei scindere consueverat: et, videns se fidem nullo jam pacto lædere posse, Spiritu Dei eadem fide replente orbem terrarum, ad charitatis mutæ læsionem totum conatum convertit. Nam quia, ut infideles sint, hominibus christianis jam persuadere non potest; toto conamine, ne se invicem diligant, elaborat. Jam Arii, jam Sabellii, jam Novati, jam Donati, jam Pelagii, jam antiquioris horum exse-

A crandi Manichæi secta periit; jam innumerabilium hæreticorum nebulae lucem fidei obumbrantes, Dei flante spiritu, evanuerunt, et meram nobis diem, omni remota caligine, reliquerunt: sed his succedens africanus turbo, omnia subito turbare contendit; et quia fidem prævaluisse cognoscit, læsione charitatis pristina damna recompensare molitur.

21. Sed ut, deploratione omissa, ad ea quæ ceperam stilum reducam: cur tibi, o albe monache, nigredo fratris tui, non mentis, sed vestis, exsecranda videtur? Cur tibi, o niger monache, albedo fratris tui, non mentis, sed vestis, admiranda creditur? Nonne uterque vestrum de ovibus Pastoris illius est, qui dicit: *Oves meæ vocem meam audiunt, et ego Dominus agnosco eas, et sequuntur me: et ego vitam æternam do eis, et non peribunt in æternum, neque rapiet eas quisquam de manu mea?* (Joan. x, 27, 28.) Et quis unquam pastor, non dicam Deus, sed vel homo, de velleribus ovium suarum discoloribus disputavit? quis unquam causatus est? quis unquam magis albas, quam nigras; nigras, quam albas, suas esse oves judicavit? quis unquam non utrum nigræ vel albæ, sed utrum nigræ vel albæ de eodem suo grege essent, attendit? Et, o malitia hominum! et, o innocentia pecudum! o constans in sua origine creata in brutis animalibus substantia! o perversa in rationali arimante natura! quis unquam albus aries nigrum dedignatus est? quæ unquam ovis nigra albam detestata est? Nonne communiter, nonne pacifice, nonne omnino tranquille, sine omni multiplicis coloris questione, absque omni inquietudine, causas pastorales replent? Et quidem aliquando aries arietem cornibus impetit, ovis ovem crebris pulsibus tundit: sed hos vel has non varietas coloris ad pugnam excitat, sed innata cunctis animalibus ac modo quolibet ira excita provocat. At nunc, ut video, stolidior pecude homo, in honore positus non intelligit: et, quod magis defendendum **221** est, monachus homo a charitatis unitate vario variatus colore sese disjungit. Noli, noli, oro te, frater, si ovis Christi esse cupis, vario de vellere causari: quia nullum de ovili suo Pastor ille projicit, nisi quem non coloris varietas, sed fidei vel charitatis læsio ab ovium suarum grege seceravit. Non, inquam, seceravit quempiam ab ovili suo propter colorem, qui de tam semotis regionibus, de tam diversis religionibus, in uno christianæ fidei ovili Judæum congregavit pariter et Gentilem.

22. Hoc fortassis docuit et patientia illius sancti patriarchæ Jacob, qui decies a Laban immutatam mercedem æquo animo tulit: et nihil differre inter album et nigrum, vel varium pecus, eodem boni pastoris animo et cura multicolorem gregem pascendo monstravit (Gen. 30). Et cum dicat Apostolus: *In Christo Jesu neque circumcisio aliquid valet, neque præputium, sed nova creatura* (Gal. vi, 15); et alio loco, *Ubi non est Gentilis et Judæus, circumcisio et præputium, Barbarus et Scythæ, servus et liber, sed omnia et in omnibus Christus* (Coloss. iii,

411); quis puerilis animus in tantum desipere potuit, ut vel variarum vestium colorem, vel diversum consuetudinum morem, servata nova creatura in Christo aliquid, quantum ad salutem ad solvum differre putaret? Quod si quantum ad salutem nil refert, cur varium vestium color monachos separat? cur schisma generat? cur animos dividit? cur charitatem ledit? Non est, non est causa aliqua, non ratio ulla, non dies audiendi, non dico dividendi, sed nec grunniendi in istis. Habes tu idoneum defensorem alio dieis tuo, simplicem, ut supra dixi, oculum consuetudinis tue; quo, ne longo temporis usu niger inductus, putaret nonnisi sub atro colore suo monachum esse posse, albam eueullam et tunicam induisti; et quia sub nigrorum habitu innumerabiles huius Ordinis tepefactos a proposito cernebas, ad maiorem et novum monasticæ religionis fervorem hoc hactenus lausitata vestium candore excitare arde laudabili voluisti. Habes et tu non dissimiliter probabilem auctorem nigredinis tue, longissimum a patribus traditum consuetudinis morem: quo tuior tibi videris sequenda vetera, quam adveniende nova. Habes uterque utriusque coloris tui inexpugnabilem propugnatricem ipsius communis Regula vocem (*Reg. S. Benedicti*, cap. 55); quæ præcipit ut de vestium colore aut grossitudine non causentur nonnisi, sed illius coloris aut qualitatis vestibus utantur, quæ in provincia qua habitant vel facilius inveniri vel levius comparari potuerint. Tutatur ergo albedinem tuam ratio supradicta, vel fortasse maior, quam nondum novi, aliqua: tueri et nigredinem tuam paternam auctoritas, quæ omni rationi æquipollet, et quam inferiorem iudicari ab aliquo sanum sapientem non deest.

23. Et cuius patris exemplum ad hoc asserendum afferre poterò? Et quem maiorem magno Martino reperire valebo? Ille, inquam, ille magnus Martinus monachus et episcopus, nigrarum colorem vestium suis vestibus dedicavit, de qua re sic in ejus Vita legitur: « Quem cum nigro ac pendulo pallio circumtertum contigua de latere jumenta vidissent, paululum in partem alteram pavefacta cesserunt. » Quod vero monachus fuerit, monasterium quod non longe ab oppido Pietaviensi, monasterium quod Mediolani, monasterium quod sibi Turonis construxit, testantur. Ecce monachus Martinus, ecce nigris vestibus contextus Martinus. Sed quid et de his Hieronymus in epistola ad Nepotianum missa scribit? « Vestes, » ait, « pullas æque ut candidas devita. » Monens eum scilicet ut fastum vel jactantiam caveret, non solum in candidis vestibus, quibus tunc magis seculares utebantur, sed etiam in pullis, quibus illius temporis religionis professores ut consueverant. De his admirandus ille Nolanus episcopus Paulinus, jam dieti Martini, Ambrosii, Augustini, Hieronymi contemporaneus ac familiaris, multisque sæpe ab ipsis, sed et a magno papa Gregorio laudibus prædicatus, iter cuiusdem nobilissimæ, sed ad religionis monasticæ pro-

A positum nuper 222 conversæ femine describens, sic in epistola Sulpicio Severo directæ loquitur: « Vidimus gloriam Domini in illo matris et filiorum itinere, uno quidem, sed longe dispari cultu. Macro illam et viliori æcellis burico sedentem, tota huius sæculi pompa, qua honorati et opulenti poterant, circumflui senatores prosequerantur: carrucis multantibus, phaleratis equis, auratis pilentis, et carpentis pluribus gemente Appia atque fulgente. Sed splendoribus vanitatis prælucebat christianæ humilitatis gratia. Admirabantur divites pauperem sanctam, at illos nostra pauperies ridebat. Vidimus dignam Deo huius mundi confusionem, purpuream, sericam, auratamque suppellectilem, pannis veteribus et nigris servientem. Benediximus Dominum, qui humiles excelso facit, esurientes implet bonis, et divites dimittit inanes. » Ecce non solum viri antiquæ religionis, sed etiam mulieres, sanctitatis propositum assumentes, vestibus nigris usæ scribuntur.

24. Nam ut quod sentio fatear, visum est, ut mihi videtur, magnis patribus illis nigrum hunc, de quo agitur, colorem magis humilitati, magis continentie, magis luctui convenire: quibus studiis quia totam monachi vitam maxime invigilare oportet, decreverunt ut color moribus, vestes virtutibus, qua possent cognatione jungerentur. Vestes enim candidas magis gloriam quam abjectionem, magis gaudium quam merorem antiquitus designasse; magis etiam Ecclesiæ, ut omnibus notum est, sic interpretantibus, et angelus resurgentis, et angeli ascendentes Domini præcones indicarunt, ipseque Salvator in illa transformationis suæ gloria vestibus niveis præclarus apparens, ostendit. Imole bonus et doctus vir Sidonius Arvernus episcopus, quorundam viri mordaci reprehensione irrites, inter alia quibus in eos invehitur, « Procedunt, » inquit, « albat ad exsequias, pullati ad nuptias: » ostendens eos in tantum moribus et actu confusos, ut apparatus funereum nuptiali, nuptialem funereo, perverso ordine permutarent. Nam qui morem communem temporis illius servabant, non albat ad exsequias, pullati ad nuptias; sed albat ad nuptias, pullati ad exsequias procedebant: ut albat nuptiali gaudio, pullati luctui funereo concordarent. Vidi nuper ipse in Hispaniis constitutus, et admiratus sum, antiquum hunc morem ab Hispanis adhuc omnibus observari. Mortua quippe uxor maritus, mortuo marito conjux, mortuis filiis patres, mortuis patribus filii, defunctis quibuslibet cognatis cognati, extinctis quolibet casu amicis amici, statim arma deponunt, sericas vestes, peregrinarum pellium tegmina abiciunt, totumque penitus multicolorem ac pretiosum habitum abdicantes, nigris tantum vilibusque indumentis se contegunt. Sic crinibus propriis, sic jumentorum suorum caudis decurtatis, sequæ et ipsa atro prorsus colore denigrant. Talibus luctus dolorisve insignibus substractos charissimos

deferret : et integri ad minus spatium anni in tali incertore publica lege consumpant.

25. Hac tanta auctoritate vel ratione tibi colorique tuo, niger monache, satisfacio; nec tamen ideo alibi albedinem condemo. Laudaris tu, quia patrum tuorum sanctum non vis excedere morem; laudatur et ille, quia vestium insolito candore, sui magis ac magis animi in sancto proposito excitat etiam hoc modo fervorem. Distinguit se quodammodo tali colore, non a communi (quod nefas esset) charitate; sed a multorum hujus ordinis nota omnibus tepiditate. Cum sis igitur sub uno pastore Jesu Christo, cum habites in uno ovili Ecclesie, cum ex una vivas æternorum fide et spe, tam tu albe, quam tu niger monache, quid de variis velleribus, ut parum austerius loquar, stultissimæ oves causamini? Quid tam nulla, imo tam stulta de causa, contra vos ad invicem movemini? cur tam puerili occasione primam illam stolam charitatis scinditis? cur ipsa habitacula separatis? cur vos ipsos non jam ovino, sed lupino dente mordetis? cur defahitis? cur laceratis? Videte, cavete ne hoc nomen inno-centie, quo oves nuncupamini, non de **223** illis vos faciat quas positurus est summus Pastor a dextris, et de quibus ipsa ait, *Oves meæ vocem meam audiant, et ego Dominus agnosco eas, et sequantur me; et ego vitam æternam do eis, et non peribunt in æternum* (Joan. x, 27, 28): sed, quod absit! inter illas vos constituat, de quibus legitur et cantatur, *Sicut oves inferno positi sunt; mors depascet eos* (Psal. xlviii, 15). Cernitis adhuc stultam esse causam, de colore disputare? dampnabilem, fratrem pro colore odire? pessimam, fratri pro colore detrachere? Si tota hæc mutui causa erat scindii, si sola tanti materia divoritii; si, inquam, schismatis monasterii hæc sola et tota erat occasio: nonne hac tam multis rationibus explosa, cordium vestrorum jam vetus scissura unietur? nonne læsa charitas curabitur? nonne ad pacis filios evangelica pax revertetur? Satisfacite igitur paci, filii pacis, et cum ea perpetuum socius in te: ne forte, si aliter fiat, proferatur quandoque etiam contra vos dirissima illa prophetae sententia: *Non est pax, dicit Deus meus, impiis* (Isai. xlviii, 22). Et jam, Deo gratias, gestio me quorundam nostri Ordinis virorem antiquas olim causas et latebras penetrasse, nec jam ad querendum etiam sollicito cogitavi aliquid superesse. Quod si res ita se habet, neque tu, albe, nigrum, neque tu, niger monache, album, si prescripti servare volueritis, infestabis: neque adversus fratrem pro diverso consuetudinum more, vel pro vario tam sæpe nominato colore, a statu altissimæ charitatis moveberis.

26. Sed quid dixi? quomodo mente excessi? ubi intellectus tuum? unde acies obscurata videndi? Putabam me omnem scandalorum materiam invenisse, arbitrabar me omnes odiorum latebras detexisse. Suspicebam, ut dixi, solam diversitatem consuetudinum, solam varietatem colorum, qualitatem

A aut quantitatem vestium, aut escarum, charitatem inter monachos vulnerasse, et tanti mali istam tantummodo causam existere. Cernebam festuram in oculo fratris: sed trabem permaximam, et quercum prævalidam in meo vel ipsius oculo videre non poteram. At nunc clarificato oculo, serenata die, et sole meridiano jam nil latere permittente, video, video, inquam, quod liceat mihi dicere pace omnium, unde tamen certus sum, quod licebit mihi omnium pace bonorum. Nam qui indignabitur, de se, ut ait Hieronymus, dictum fatebitur. Non refugit quantum molentis pars sospes corporis: sed quæ se palpatibus digitis tremens subducit, patem sine dubio intrinsecus latere ostendit. Quid est ergo quod exciderat?

B 27. Die, die, inquam, tu, ut mei propositi prius hominem alloquar, die, o niger monache, da gloriam Deo; et quod in imis cordis tui contra fratrem adhuc latet, denuda. Quis, inquis, pati potest novos homines veteribus anteferris? eorum studia vestrorum actibus præponi? nostros viliores, illos chariores videri? Quis æquo oculo aspicere potest mundum ex plurima sui parte a nostro vetori Ordine averti, ad ipsorum novum propositum converti? relinquere tritas a sæculis vias, concursus fieri ad ignotas bæteas semitas? Quis patiatur novos veteribus, junioribus senioribus, albos nigris monachis anteferris? Hoc tu, inquam, niger, dicis. Sed tu, albe, quid proponis? Felices nos, inquis, quos longe probabilior institutio commendat, quos beatiores alii monachis mundus prædicat, quorum opinio, aliorum existimationem; quorum dies, aliorum lucorum; quorum sol, aliorum sidus obstruat. Nos religionis perditæ respiratores, nos emortui Ordinis resuscitatores; nos languentium, tepentium, sordentium monachorum justissimi emulatores: nos moribus, nos actibus, nos sibus, nos vestibus a cæteris divisi, et veterum teporem salutem fecimus, et novum nostrorum fervorem præcellere approbamus. Ecce, ecce, vera illa oculitior, sed longe alii charitati infestior causa, quæ mentium vestrorum unitatem scindebat, quæ ipsas domus ab invicem secernebat, quæ ad verba detractoria vel malefica linguas vestras persæpe, juxta prophetam, ut vladum D accebat (Psal. cxxxix, 4).

224 28. Sed retundatur lethalis gladius gladio verbi divini, et ne levi inanis gloriæ vento tantis auditoribus fruges collectæ dispergantur, si sapientes estis, satagite, Et, o infelix nimiumque defendenda jactura! si longissimi ævi tui mundissimum continentiam, si invincibilem obedientiam, si jejunia infraeta, si perpetuas vigilias, si tam grave jugum disciplinæ, si tot palmas patientiæ; si, ut breviter multa concludam, tantos tanque innumeros, non jam terrenæ, sed cælestis vitæ labores, per tanta tempora ad stipendium æternitatis, a te per Dei gratiam congregatos unus nequam serpentis sibilus disperserit, et te solo flatu evacuant, inancem in conspectu summi Judicis draco veteris effecerit: et



ubi est quod Salvator hoc morbo adhuc laborantibus discipulis ait, *Videbam Satanam quasi fulgur de caelo cadentem?* (Luc. x, 18.) Ubi est quod, facta huic simili contentione inter eos quis eorum videretur esse maior, alibi dicit: *Vos autem non sic: sed qui major est in vobis, fiat sicut junior; et qui præcessor est, sicut ministrator?* (Luc. xii, 26.) Ubi latet abscordum ab oculis memorie, quod excelsus ille et magnus, cuius, juxta Psalmum, *magnitudinis non est finis* (Psal. cxliv, 3); et qui, juxta Apostolum, *est super omnia Deus benedictus in sæcula* (Rom. ix, 5), servis suis non se præferens vel confectus, sed submitteus, sequitur et dicit: *Ego autem in medio vestrum sum, sicut qui ministrat* (Luc. xii, 27.) Corripitur apostolus, ne se præferat apostolo: et non corripitur monachus, ne se præferat monacho! Supponitur a Christo magistro minori discipulo major, inferiori superior: et super Cisterciensem ego Cluniacensis elevari conabor! Submittit se suis discipulis ipse Christus: et super fratrem, longe forsitan meliorem, tumentem superbia levabit cervicem christianus, et monachus? Dejicit se majestas, et jactat se infirmitas? Humiliat se celsitudo, extollitur putredo? Servit Deus, et imperare nititur limus? Et quomodo cecidisti, frater, de gradu Regule tue, quo te consendisse gloriaberis, et ut monachus omnibus se inferiorem et viliozem non solum sua lingua pronuntiet, sed et intimo cordis credat affectu? (Reg. S. Benedicti, cap. 7.) Et quid ultra laboro? Non est necesse religiosi, sapientibus, litteratis, acius instare, nec, ut vulgo dicitur, Minervam docere, vel ligna ad silvam, vel aquam ad flumina sive mare deferre. Intelligit, agnoscit utriusque vestrum sapientia, sicut sine fide, sic et sine charitate impossibile Deo placere: nec aliquem, humilitate abjecta, posse eandem charitatem nisi quolibet retinere. Unde enim humilitas recedit, ibi necessario superbia succedit: ubi superbia succedit, ibi statim et invidia accedit: ubi invidia oritur, confestim charitas moritur. Nam neque eum cui invidet, invidus potest diligere, nec in non diligente charitas aliquo modo permanere.

29. Propter ista, unde abest charitas, abest humilitas: et unde abest humilitas, abest et charitas. Hoc docet clare et Apostolus, cum dicit: *Charitas non emulatur, non agit perperam, non est ambitiosa*. Et quia nec etiam alienarum rerum cupida, subdit: *Non querit quæ sua sunt* (I Cor. xiii, 4, 5). Inflationem ergo omnem, ambitionem omnem, cupiditatem omnem, avaritiam omnem excludit charitas: imo per charitatem, juxta sequentia Apostoli, expellitur tota simul iniquitas. Jam si hanc charitatem, quam legem Christi idem apostolus vocat (Galat. vi, 2), via, frater Cluniacensis, frater Cisterciensis, integram conservare; si per ipsam maximos tibi thesuros in caelo recondere, si reconditos conservare; da totam quam poteris operam, et causas, non dico eam fugantes, non dico eam perimentes, sed vel eorum eam ludentes, a te abige: si expulsa

A redire voluerint, firmi pectoris redeuntibus ostium claude, et cohabitaticem sempiternam totis sanctæ animæ tuæ amplexibus retine. Soblevabit te charitas ipsa firmiter retenta ad regna cælorum, quam nimia ac dulci vi sua inclinavit usque ad terras Regem cælorum. Fidelis inde testis est Apostolus, dicens quod propter nimiam charitatem Filium suum miserit Deus in similitudinem carnis peccati, (Rom. viii 3). Gaudebis perenniter coram Deo charitate, et gaudium tuum, sicut ipse promisit, nemo tollet a te (Joan. xvi, 22). **225** quando erit Deus omnia in omnibus, quando satiaberis a longinqua esurie tua, cum manifesta fuerit gloria ejus; quando, cum apparuerit, similis ei eris; et, per hanc charitatem ei sempiternæ unitus, videbis eum sicuti est.

B 30. Jam tandem ad vos, mi charissime, cui præsens epistola mittitur, stilus recurrit: ut a quo sumpsit initium, in ipso suam fortassis importunam prolixitatem finiat. Causa mihi scribendi, ut superius professus sum, teste conscientia, sola vere charitas fuit: ut, quantum ad utrumque nostrum attinet, statu colloctionis eam recalescere, et in mutui affectus solitas vel majores flammæ erumpere cogerem. Restat ut vos, quem lacteam fortemque columnam, cui innititur monastici Ordinis ædificium, summa providentia præparavit, et velut rutilum sidus exemplo verboque non solum monachis, sed et toti latinæ Ecclesiæ nostro tempore insigniter lucem donavit: restat, inquam, ut totam, quam potueritis, huic divino operi detis operam, et unius nominis et Ordinis maximas congregationes nequaquam ultra dissidere patiamini. Studei ego semper ut sanctos illos congregationis vestræ monachos nostris fratribus commendarem, et ipsos illis perfectæ unionis charitatis, si fieri posset, etiam inviscerarem. Hoc publice, hoc private, hoc in magnis nostrorum conventibus facere non neglexi; et ut rubiginem illam livoris et zeli contrarii, quæ interiora viscerum latenter rodere solet, eraderem, modis quibus potui, laboravi.

31. Instate et vos, pro magna illa gratia a Deo vobis collata, agro communi: ut sicut nullus post vos nostris diebus plura utilia in illo plantasse probatur, ita laudabili studio et industria, omne satis utilibus contrarium avellatur. Expellite sublimi illo et ex Spiritu Dei flammante eloquio ab eorum cordibus, ut mitius loquar, puerilem illam æmulationem, a lingua susurrationem: et loco istorum, velint, nolint, fraternam ingerite dilectionem. Non segreget ultra greges vestros a nostris gregibus usum diversitas, colorum varietas: sed a summa unitate derivata, corrupta reparans, discissa redintegrans, divisa vivificans, universa unit charitas. Sic plane, sic decet ut, quibus est unus Dominus, una fides, unum Baptisma, quos continet una Ecclesia, quos manet una perennis et beata vita; eis quoque, juxta Scripturam, sit cor unum et anima una (Act. iv, 32). Nisi gemmeo amico salis gemmam, cuius corporalem usum vobis utilem olim audivi, et cuius spe-

clalem intellectum superscriptis necessarium esse putavi. Nam quamlibet multos et pretiosos apparatus virtutum suarum æterni Regis mense si sine fraterni amoris sale intulerint, ut insulsi rejiciuntur: si hoc sale eos condierint, epulæ jam placentes cum offerentibus admittuntur. Nam qui in lege sua nullum sacrificium sine sale suscipit, nullius munus virtutis sine tali condimento sibi placere ostendit, etc.

## EPISTOLA CCXXX.

AD TRES EPISCOPOS OSTIENSEM, TUSCULANUM,  
PRÆNESTINUM (609).

*Monet illos officii, ut a Christi grege in episcopatu Metensi lupos arceant.*

Ad hoc vos Deus in sublimitate posuit, ut tanto majori Ecclesiæ suæ utilitati vivatis, quanto in ea eminentiori auctoritate præstatis. Alioquin deponet ille **226** Paterfamilias potentes de sede, qui pro accepta potestate inventi fuerint suis utilitatibus defuisse. Quanta sustineat sponsa Christi damna in episcopatu Metensi (610), etsi nos amplius horremus, quia viciniore sumus, tamen et vos arbitror non latere. En quantus lupo illud ovile Christi tum insidiis, tum manifestis assultibus quotidie molitur irrumperere, et disperdere oves Christi sanguine congregatas. Idque non ab heri et nudius tertius, sed ex quo adhuc fuerat lupicellus, non cessat illum dominicum gregem quibus potest viribus infestare, et vastare rapinis, incendiis, homicidiis. Ego itaque, quod in me est, demonstro lupo, instigo canes: jam quid intersit vestra, vos videritis; meum non est docere doctores.

## EPISTOLA CCXXXI.

AD EOSDEM PRO ABBATE LATINIACENSIS (611).

*Innocentium abbatem assertit ac tueretur, et capita accusationum in eum producta diluit. Denique zelum disciplinæ religionis in ipsis requirit.*

1. Vobis audeo loqui quidquid in buccam venerit. Nam etsi oportuerit sustineri modicum quid insipientiæ meæ, geret mihi procul dubio morem benevolentia vestra, quæ sapientibus et insipientibus debitor est. Et hoc dico, non quia cogitem

(609) Nomina habet titulus epistolæ 219 Albericum, Stephanum, et Igmaram. In paucis manuscriptis hæc epistola reperitur, ut in Compendiensi.

(610) Vide epistolam 178.

(611) Latiniacum, diocesis Parisiensis ad Matronam, ubi monasterium a sancto Furseo abbate, juvante Erchinoaldo, conditum, instauratumque ab Herberto II Campaniæ comite, quæ de re diploma Roberti regis exstat in libro sexto. De re diplomatica, n. 451. Ecclesia Latiniacensis celebris et famosa, olim sanctitate et religione florens dicitur in literis capituli generalis nostrorum monachorum, de quibus mox agemus.

(612) In chartario Sancti Martini de Campis invenimus Gaufridum abbatem Latiniacensem anno 1122, Arnulfi abbatis, qui anno 1106 obiit, successorem. Anno 1224, ut in Romano codice Vallicellane bibliothecæ legimus, Radulfus abbas Latiniaci factus est: de quo Hermannus monachus Laudunensis in libro tertio De miraculis B. Mariæ, cap. 18, ubi comes Campaniæ Theobaldus, consilio

A præcipitare verbum quod ad rem non pertinet, aut levitate uti intendam, aut nugari delectet, præsertim apud vos, qui videmini columnæ Ecclesiæ: sed ex abundantia cordis os loquitur, et veritas, dolore urgente intrinseco, taciturnitatis impatiens, prorumpit in medium. Mei enim, dico vobis, pene moti sunt pedes, pene effusi sunt gressus mei, quod execranda, ut videtur, conversione tam frequenter sapientiam vincit malitia. Adduntur ubique cornua impiis, et exarmatur justitiæ zelus: et non est qui facere bonum, non dico velit, sed possit. Superbi inique agunt usquequaque, et nemo audeat mutire contra. Et utinam vel innocentia tuta esset, et justitia ipsa suimet sufficeret defensioni. Quia peccavit abbas Latiniacensis? (613) An quod bonus monachus, et melior abbas? quod bonæ opinionis, et melioris est vitæ? An quia monasterium, cui præest, et decoravit religione, et bonis temporalibus ampliavit, et bonorum fratrum numero cumulavit? En sanguis iste de manu ejus exquiritur. Si crimen est acceptum esse Deo et hominibus; tollatur, et crucifigatur. Negari enim non potest hoc illum esse, cælo et terra testibus. Si crimen est esse hospitalem, benignum, sobrium, castum, humilem; deridat merito ab inimicis suis inanis. Revera namque et in his excusari non potest, convincentibus se propria vitæ sanctitate, et famæ gloria.

2. At imponitur ei, noluisse suscipere nuntium domini mei. Prorsus gravis offensæ, si ita est. Non negat abbas, hominem qui mittebatur in Angliam, cum esset honorifice susceptus hospitio, quærens loqui cum eo; sed paranti exire intervenit Humbertus præpositus, dicens se potius exiturum, et homini vice ipsius satisfactorium. Si quo minus quod oportuit, actum fuit cum viro; cuius culpa fuerit, vobis relinquimus judicandum. Accusatur item quod litteras domini Papæ prædicto Humberto violenter abstulerit, et diruperit. Sed exstant litteræ integræ et bullatæ: nec vi eas, sicut mentitur, amisit, sed sponte dimisit, consilio **227** utique comitis Theobaldi (613), et nostro. Dicitur quoque quod quosdam monachos in captionem posuerit. Atque id quidem

domni Norberti, quemdam cenobii Sancti Nicolai in silva Vosago (forte Vongo, rectius Vedogio, diocesis Laudunensis) monachum nomine Radulfum, Latiniacensi ditissimo monasterio præfecisse abbatem: cui hæc convenire non dubitamus. Obiit anno 1148, ex codice Vallicellano, eique Godelfridus successit, Galfridus dictus in Chartario Sancti Martini de Campis, mortuus anno 1162. Contra hunc duas habes litteras capituli generalis nigrorum monachorum: una ad Adrianum III, alteras ad Alexandrum II. III, in hujusce toni Appendice relatas.

(613) Theobaldus Magnus, Campaniæ comes, Latiniaci advocatus, ibidem sepultus, ad cuius tumulum Henricus comes ejus filius lampadem instituit, ex libro sexto De re diplomatica, n. 206. Henricus ibi versabatur aliquando, ut patet ex Sugerii epistola 120. De Theobaldo in notis ad epistolam 57, et apud Balduinum de Avesinis, in Spicilegii tomovii pag. 584, ubi Latiniaci jacere dicitur.

falsum. Sed si quosdam turbatores et conspiratores in diversa claustra divisit, et simul positi plus nocerent, quis hoc recte judicantes reprehendat? Jam de terris et bonis ecclesie quasi distractis et alienatis, et datis ab eo cognatis suis, coram venerabilibus episcopis Suessionensi et Autissiodorensi, cumque Theobaldo, advocato utique monasterii, satis responsum est, et adhuc respondetur, sic illum dedisse suis, quomodo alienis, id est ad eundem censum vel consuetudinem.

3. Porro autem a sæculo non est auditum quod monachus rebellis, superbus, ambitiosus, privilegium propriæ libertatis ex apostolica auctoritate irruerit. A tempore Judæ Iscariotis non est inventus similis illi, qui sic ingereret in magistrum, et traderet sanguinem justum. Felix magister, cui cum Magistro omnium communis propheta illa vox est: *Homo pacis meæ, in quo operabamur, qui edebat panes meos, magnificavit super me supplantationem* (Psalm. 55, 10). Et olim quidem eratis, contra apostolum Patrum, dominantes in clerum (1 Petr. 5, 3); imò ei, contra cœposolium ejus Paulum, doli inauditi fidei tollis orbis (11 Cor. 1, 23): at nunc novum aliquid addidistis, usurpantes amplius et in ipsam religionem. Quid ferat, nisi ut adjectis et ipsis Angelis sanctis dominari? Nisi quod in hoc posterior Judas priorem vicisse veritatem et fraude videtur: quod cum illius facinus emuliscipuli horruerint universi; idie callidior potuit ad connivendum, imò ad favendum duci multitudo, non quolibet, sed ipsos Apostolorum principes circumvenire. Non impudens domum meam (614), cui, tanquam homini, scripti potuit; et hoc oro, ne Deus impiet. Aboli autem, ubi veritatem agnoverit, ut pravealeat tam execrabilis maligni hujus sacrilegiique conatus! Et ego de hac re ad ipsum quoque solito ausu scripsissem, si non sensissem ipsum, quicquid scribimus, hinc solito accipere (615). Quæ, dolete vos, qui monachi estis (616), vicem magistri vestri beati Benedicti: cui jam, ut videtis, prope est ut ubique contradicatur, et pereat omnis vigor monastice discipline, monachi adversus abbates suos cornua sumentibus de manu forti.

#### EPISTOLA CCXXIII.

AD EOSDEM.

*Contra abbatem Sancti Theofredi.*

Si vera sunt que scripsisti de abbate Sancti Theofredi (617), non poteris ea dissimulare sine periculo vestro, et propter officium, et propter conscientiam. Consilium dico non tantum vestrum, sed etiam aliorum. Sunt autem verissima, credo quod et vera. Verax est enim, qui testimonium perhibet de his, præsentium lator. Unde hoc quoque sciam queritis? Fuscum teneo literarum missurum a viris

A sanctis, quos ego novi quia sancti et veridici sunt et omnes illæ pariter continent tam laudes et præconia hujus, quam illius horrendas blasphemias, quem accusat.

#### EPISTOLA CCXXXIII.

AD ABBATEM JOANNEM DE DUAIO, QUI ABBATIAM SUAM (618) RELIQUERAT, ET ADIERAT IN SOLITUDINEM.

*Blande eum roborat a solitudine, ad quam, dimisso monasterii regimine, se contulerat.*

Filio charissimo JOANNI, frater BERNARDUS, in spiritu ambulare, et timorem Domini non derelinquere.

4. Dicere non possum in quanta amaritudine animæ meæ et tristitia cordis scribam ad te, Joannes 228 charissime, pro eo quod me video in tot scriptitationibus meis proficere nihil, quia non capit in te sermo meus. Scripsi semel et denique, ulsi fallor (619): et exigenti us peccatis meis in nulla adhuc respondet mihi labor meus. Ecce tertio jacto semen, Deum omnipotentem deprecans ut non revertatur ad me vacuum, sed prosperetur, et faciat ad quod illud mitto; facilitans nos tandem aliquando de fructu tuxæ obediencie et salutis. Si auferis me, imò si exaudierit me Deus, liberatus sum filium meum: si non, convertam me denique ad arma consuecra, orationes videlicet et lacrymas, non quidem contra te, sed pro te. Lucti, et lugebo, et anxie traham suspiria ex finis visceribus pro vobis visceribus. Quis det te mihi fratrem meum sugentem ubera matris meæ? quis revocet te mihi in illam quietem animi, concordiam morum, societatem spiritus, serenitatem conscientie, in qua te aliquando tenui et possedi?

2. Et ne quod ex me detrimentum in aliquo patiaris seu impedimentum, illud falsum esse non dubites, quod tibi a nescio quo vel quibus falsiloquiis persuasum audivimus, quia ego videlicet cogitarem sine ratione et judicio te a regimine fraternarum animarum, quod tibi credideram, submovere. Non est hoc verum: sed audi potius de hac re paucis quod verum est. Hoc et si voluisses, non tenuisset et si tenuisset (ut de propria conscientia loquar), ego nullatenus voluisses. Hæc veritas. Si ergo hoc totum fuit quod avertit cor tuum; veritate compta quid restat, nisi ut respicias, redeas ad te, redeas ad nos, arguas insuper te ipsum levitatis et credulitatis incautus? Si enim tantum potuit una maledicta suspicio ad te alienandum et præcipitandum; quanto magis nunc absoluta cœpi inde valere debet ad erigendum et revocandum te! Turpe est tibi falsitate posse seduci, et veritate reduci non posse. Habeat sane veniam acquiescisse ad tempus palliate falsitati: at vero deprehensa jam et undata acquiescere adhuc, imò etiam non multum irasci, quantum confusionis habet? Quamobrem

(614) Innocentio pontifici.

(615) Vide epistolam 218.

(616) Quippe Alberticus Ostiensis, et Tamas Tusculanus cluniacenses erant; Stephanus Prænesti-nus, Claræ-Valleus.

(617) Ordinis S. Bened. in diocesi Podiensis.

(618) Ordinis Cisterciensis in Britannia minori, diocesis Nannetensis, filia Claræ-Valle, fundata anno 1135. Vide epistolam 116.

(619) Non cassum hæc litteræ.



irascere et noli peccare, si vis nos vel Deum potius non irasci. Nam quod subreptum est tibi, miserationem magis quam indignationem meretur. Nimirum homo es, navigas, sicut et omne humanum genus, in hoc mari magno et spatioso marinus, ubi reptilia, quorum non est unicus. Quis se jactet in eo assiduus non impelli ventis, non jactari fluctibus? Noveris te naufragasse in eis, periculum in falsis fratribus incidisse. Iterum dico: hæc veritas. Deceptus fuisti, et spiritus mendax in ore pseudoprophetarum supplantavit te.

3. Sed ecce evanuit falsitas, luce veritatis oborta. Si adhuc (quod absit!) pergis in tua oblatione persistere; ego te interim non iudicabo, est qui querat et iudicet. Ego autem parco tibi, dissimulans et differens interim in virga venire ad te. Porro in misericordia et spiritu mansuetudinis allicere te robor curabo, si poterò: nam id mihi sentio familiarius esse, et tibi persuasibilius fore non dubito. Illud sane exaginare super te gladium non cunctabor, qui in matris meo pectore jacet reconditus; continuus utique dolor cordi meo, et creberrimi ad Deum gemitus pro te, donec venias. Quod si omnes hujus tam pie ferientis censis, secundum dicitur tuam et eorū impunitis, frustraveris ieiun, nec possit quandoque decere animam tuam. Quia vulnera charitate ego sum; tu de te videris: nam non solum jam veritas, sed et charitas liberabit nos. Sed quid dixi? Quomodo, miser, quomodo liberabor, effinis viscibus, illis perennis? Non quiescet affectus, etsi non sequatur effectus: non cessabit dolor, non cessabunt lacrymæ. Exhibebo tibi, quamdiu visero, alterum Samuelem sive utinam non alterum Saulcem mihi. Rogabo te, rogabo pro te, ut venias. Veni, veni, priusquam moriamur: ut qui dileximus nos in vita, in morte non separemur.

### 229 EPISTOLA CCXXXIV.

AD HERBERTUM ABBATEM SANCTI STEPHANI  
DIVIONENSIS.

*Temerarie scriptiois culpam Joanni condonari  
togat.*

Si frater Joannes dixit in nos vel scripsit quod

(620) Joannes iste canonicus erat regularis in ecclesia Sancti Stephani Divionensi, ubi Herbertus abbas, de quo in epistola 59. Quid sit illud de quo scripserat contra Bernardum, non liquet. Neque enim putamus eum esse Joannem Cornubiensem, Abbatem discipulum, de quo Chesnius in notis ad Abbatem, pag. 1153. An hic de Conceptione scripsit?

(621) Scripta anno Christi 1145.

(622) Status causæ narratur a Willelmo Neubrigensi. De rebus Angl. libro 1, cap. 17; a Francisco Goduvino, libro De episcopis Angliæ, seu inter Eboracens. n. 29; a Rog. Hoved. posteriori parte Annalium. Rem paucis accipe. Anno 1140 obiit Thurstinus (alii Thurstanum vocant; Willelmus Neubrigensis, Tristramum; vide Ironem Carnotensem, epistola 274, et ibidem Joretii notas), archiepiscopus Eboracensis. Electio successoris discordibus votis agitata est, ab his Willelmum Stephani regis nepotem, Eboracensis Ecclesiæ thesaurarium; ab his Henricum a Mersbach, abbatem Fontaneusum, B. Bernardi quondam in Cl. Valle discipulum, eligentibus. Willelmum Henricus Wintoniensis episcopus conse-

A non dedit, vel quomodo non dedit (620), non tam nos lesit, quam se ipsum. Magis namque ita scribendo suam prodidit levitatem, quam nostrum deprehendit error. Quamquam etsi lesisset in aliquo, nostrum tamen non erat reponere malum. Attendens proinde non quod ille meretur, sed quod me decet, donari juveni etiam a vobis hanc culpam rogo et supplico, quæ magis gloriam quam multam redolere videtur: ita tamen, ut manus delicti inhibeat a scribendis tractandisque quæ supra ipsum esse constiterit. Nam, ut liquido satis appareat, in hoc exiguo quod præsumpsit, opus erat stilo et animo maturiori. Certum enim sit vobis, hominem, licet in brevi pagina, aut non scripsisse ut sensit, aut non sensit ut debuit.

### EPISTOLA CCXXXV (621).

AD DOMINUM PAPAM COELESTINUM. PRO INTERDICTO EBORACENSIS.

*Auctoritatem sedis apostolicæ adversus infamem et simoniacum Eboracensium Ecclesiæ invasorem implorat.*

1. Oportet vos secundum iustitiam, quæ ex lege est, suscitare semen fratris vestri defuncti. Quod digne implentur, si pape Innocentio, em in hereditate Domini successisset, et defenditis bene gesta, et minus adimpleta perficitis. Præ manibus est in quo id liceat experiri. Causam Eboracensis Ecclesiæ per eum fuisse decisam quis nesciat (622)? At quomodo executioni mandatum sit quod egressum est de labiis tanti viri, intima nesciunt. Quis dei ut non annuntietur in Gelu, neque in compitis Ascensionis? (11 Reg. 1, 20.) Sed, ut verbum abbreviatum faciam auribus occupatis, audiat patetis dominus meus quid dictum fuerit, et quid factum tenemus. Cum in multis accusaretur is qui sibi vindicare electionem in præfata Ecclesia impie cepit, tandem omnis controversia ad testimonium viri illustris Willelmi (623), ipsius Ecclesiæ tunc decani, conquiescere iussa est: ut nisi capitulum intrusionis, quod huic inter cætera impingebatur, ille cravit, sed petentem Roma pallium Papa rejecit. Quia repulsa rex offensus, Henricum a Pontifice confirmatum, et pallio donatum recipere renuit. Quin regis ad exemplum compositi cives et subditi, pastorem non admiserunt. Tandem placato rege Henrico a suis susceptus præfuit decem annis, mortuus anno 1155 Sherborne. Interea Willelmus apud Wintoniensem degebat. Sed cognita Eugenii pontificis et Bernardi, necnon Henrici archiepiscopi morte, Romanæ mox contendit, et ab Anastasio Eugenii successore, ope Gregorii cardinalis, voti tum demum facile facinus compos, confirmationem et pallium obtinuit. Sed paucis tempore superstes, anno 1154 defunctus est, non sine suspitione veneni propinati. Hunc in sanctorum numerum relatum meminit Goduvinus, et ad sepulcrum ejus crebra patrata miracula. Sed addit idem, et quod credere cui non est, meminerit hunc quicumque divum, a divo certe Bernardo, aut ejus saltem opera exanctoratum, et præstanti expulsum, de negotiis Ecclesiæ Eboracensis confer epistolas 239-240, 252, 346 sq.

(627) Vocatur hic Willelmus a Sancta-Barbara,

proprie manus juramento amoveret, suis omnino conatibus tanta frustraretur ambitio. Hoc autem non ex iudicio, sed ex misericordia: sic enim rogaverat ipse. Mitissima plane sententia, quippe cum de plurimis et pessimis pulsaretur, quæ nullatenus propulsare valebat. Sed utinam vel ipsa stet. Quid enim si non sufficit iuri, dummodo sufficiat Ecclesiæ liberationi? Non causamur sententiæ remissionem quæ nil nocuit. Neque enim profuit adversario etsi largior indulgentia, qui ne ipsum quod ultro sponderat, implere prævaluit. Nam de quo præsumere visus est, defecit ei, ne sibi ipsi deficeret pejerans. Quando enim vir bonus attestaretur homini, quem rumor publicæ opinionis et operis veritas detestatur? Quid ergo? Ille non iuravit, et iste episcopus est.

2. O rem ignorantia omnium dignam, et perpetuo, **230** si fieri posset, silentio comprimendam! Verum id sero. Hæc notus est orbi triumphus diaboli. Ubique peronat plausus incircumcisorum et plancius bonorum, pro eo quod videatur sapientiam vicisse malitia. Monstratur digito matris Ecclesiæ turpitudine: patris Innocentii verenda irridentur, denudata a servo nequam, quoniam mortuum putat: sed vivit in vobis. Si is exitus imminebat, cur e longinquo Romam est pertracta causa spurcissima, umbra magis et angulo digna? cur tanta mari terræ evocati viri religiosi qui eum accusarent, et pauperum Christi marsupia longi itineris expensis exhausta sunt? Non poterat episcopari turpis infamisque persona (quod invitus dolensque loquor), nisi quæ in illo horrebatur Anglia, Francia abominabatur, etiam Roma cognosceret? Quam melius in Romana curia causa ejus minime ventilata fuisset et non tangeret vel sacra limina generalis atque horribilis fetor! Quam tolerabilius ignorasset apostolica Sedes tam intolerabile malum, quam tolerat manifestum! Quid istud temeritatis fuit? Publice infamatus, ante iudicem accusatus, nec purgatus, imo et convictus, et sic consecratus est. Viderit qui huic manum post ista imposuit, an magis execratus (**624**) dicere debuerim. Non enim negabit sic se ista habere, non negabit sic se ex litteris apostolicis ad se pro hoc ipso directis eadem comperisse. Dicat forte aliquis, quia non est datum iudicium, non fuisse convictum. Ego dico et confessum. Nam qui, ut iudicium evaderet, ultro elegit ad testimonium Willelmi decani confugere: illo sibi deficiente, quid nisi iudicio suo a causa decidit, ore proprio condemnatus?

3. Quæ cum ita sint, videte, domine Pater, ne declinet cor vestrum in opus malitiæ, quoniam, secundum prophetam, *declinantes in obligationem adducet Dominus cum operantibus iniquitatem* (*Psalm. cxxiv, 5*). Alioquin quod consilium datis miseris abbatibus illis, quos ad accusandum eum vocatio

A apostolica Romam traxit; sed et aliis quam pluribus ex illo episcopatu viris religiosis? sintne obediuntur huic, et sacramenta accepturi ab homine bis intruso, primo quidem per Regem, deinde per Legatum? Quippe qui illum in sanctuarium Dei, contra jus et fas, contra mandatum summi Pontificis, in injuriam summæ Sedis et totius Romanæ curiæ, cum non potuit per ostium, fodit argenteo, ut aiunt, sarculo, unde impudenter intrusit. Ante, nisi fallor, suis sedibus exsulabant, quam dare acquiescant manus idolo huic, nisi vestra violenta auctoritas obviaret. Cæterum quam sanctiori vestroque apostolatu digniori zelo gladium Phinees in confusionem duorum tam turpiter fornicantium stringeretis, quam tot sanctos aut de suis fugere locis permittitis, aut contra conscientias suas cogitis remanere?

EPISTOLA CCXXXVI (625).

AD TOTAM CURIAM ROMANAM.

Unde supra.

Domini et patribus reverendis, episcopis et cardinalibus curiæ, frater BERNARDUS Claræ-Vallis vocatus abbas, salutem et nostras qualescunque orationes.

1. Omnibus scribendum fuit de eo quod spectat ad omnes. Nec vereor ne forte presumptionis arguar, quippe qui, licet omnium minimus, tamen **231** Romanæ curiæ injuriam a me non iudico alienam. Urimur assidue, dico vobis, urimur graviter nimis, ita ut nos tædeat etiam vivere. In domo Dei videmus horrenda. Et, quia corrigere nos non possumus, saltem suggerimus his ad quos spectat. Si quidem emendaverint, bene; sin autem, nos animas nostras liberavimus: vos excusationem non habebitis de peccato. Non ignoratis prolatam esse sententiam a domino papa bonæ memoriæ Innocentio, cum vestro et Romanæ curiæ generali assensu, irritam esse Willelmi Eboracensis electionem, imo intrusionem, nisi Willelmus alter, tunc decanus, quod obiectum ei fuerat, propriæ manus juramento repelleret. Nec vos latuit quam plena esset sententia, non iudicii, sed misericordiæ: nimirum cum hoc Willelmus ipse quæsisset. Sed utinam vel ipsa stet, et quod adversus eam factum est, stare non possit. Quid enim? Non iuravit ille, et iste in cathedra pestilentiæ sedet. Quis tribuat ut adversus fornicationem hanc Phinees cum pugione procedat, aut vivat in sede sua Petrus, qui spiritu labiorum suorum interficiat impios? Multi clamant ad vos in toto corde suo, ut sacrilegium hoc digna animadversione vindicare studeatis. Alioquin, dico vobis, scandalum magnum nimis erit in Ecclesiâ Dei: et timeo ne Romanæ Sedis auctoritas gravem admodum jacturam et detrimentum grande suscipiat, nisi in eum qui pervertit generalem ejus sententiam vindicta processerit, et taliter, ut ceteri metum habeant.

decanus ecclesiæ Eboracensis, postea episcopus Dunelmensis.

(624). Eodem sensu verbum *execrare*, prout legitur: consecrationi opponitur; occurrit in epistola

166, n. 1, in epistola 225, n. 2, et in epistola 300 inter Chesnianas, tomo 17, quæ epistola est Drogonis Lugdunensis electi ad Ludovicum Juniorem, (625) Scripta anno Christi 1145.

2. Quid enim de eo dicam, quod occultas et vere A tenebrosas litteras habuisse se gloriatur Willelmus ille? utinam a principibus tenebrarum, non a principibus Apostolorum. Et ecce audierunt filii incircumcisorem: subsannant Romanam curiam, a qua post datam tam manifestam sententiam, furtim datas esse aiunt contrarias litteras. Quid dicam vobis? Si non vos urit scandalum grave, quo scandalizantur non pusilli, sed magni et perfecti viri; si non compatimini pauperibus abbatibus, quos a finibus terræ vocatio apostolica Romam traxit; si non miseremini magnis et religiosis monasteriis, quibus omnino sub incubatore illo destructio imminet; si (quod primum dicere debui) zelus domus Dei non comedit vos: numquid usque adeo inimici hominis B versutia prævalebit, ut proprium quoque contemptum, et infamiam hanc pessimam Ecclesiæ principes æquanimiter ferant? Quid enim si sacrilegam homo ille consecrationem recepit? Profecto longo gloriosius erit jam elevatum dejicere Simonem, quam prohibere conantem. Alioquin quid facietis religiosis viris, qui omnino non inveniunt, salva conscientia, vel ipsa communia Sacramenta de leprosa manu suscipere! Ante, ni fallor, eligent fugere, quam dare manus morti; et exulare prius, quam vesci idolothytis. Quod si contra conscientias suas coegerit eos Romana curia curvare genua ante Baal, videat Deus et iudicet: videat curia illa cælestis, in qua nulla poterit ambitione subverti iudicium. In fine omnium obsecrat vos puer vester per viscera misericordiæ Dei nostri, si quis in vobis est zelus Dei, miseremini Ecclesiæ sanctæ, saltem vos amici ejus; et quantum potestis, date operam, ne tam detestabili facto detur assensus.

### 232 EPISTOLA CCXXXVII.

AD TOTAM CURIAM ROMANAM, QUANDO ELEGERUNT ABBATEM SANCTI-ANASTASII IN PAPAM EUGENIUM (626).

*Miratur Bernardum abbatem S. Anastasii, abstractum ab otio et solitudine, ad totius Ecclesiæ curam rapi: timetque hominem, quieti assuetum, et rebus geren-*

(626) Anno 1145, defuncto Lucio II pontifice, Cælestini successore, electus est Bernardus abbas Romæ ad Sanctum-Anastasium, S. Bernardi discipulus, dictus Eugenius III; ad quem libri de Consideratione. Ejusdem tum abbatis epistolam ad Bernardum habes hic ordine 344; item ipsius jam papæ aliam epistolæ 273 præmissam; denique epistolam de ejus obitu in Appendice, id est 475.

(627) Eugenius quondam vice dominus Pisanæ ecclesiæ (codex manuscriptus Dunensis citatus ab Henricz vocat Suffraganeum), deinde Bernardi in Clara-Valle discipulus, mox abbas monasterii Sancti-Anastasii, seu Trium-Fontium ad Aquas-Salvias prope Romam, præter morem, non ex cardinale, sed ex abbate electus est a cardinalibus in summum Ecclesiæ Pontificem anno 1145 in locum Lucii, ut jam dictum est, qui eodem anno quinto kalendas martii ex hac vita migravit. Hunc ergo miratur Bernardus, qui vice-dominatum unius particularis ecclesiæ non sustinebat, ad dominatum totius universalis Ecclesiæ vocatum. Porro quid officii vel dignitatis hoc nomine, *vice-dominus*, intelligendam veniat, paucis monstremus. Sunt enim etiamnum ecclesiæ, seu episcopia, quæ titulum istum reti-

*dis minus exercitatum, tanto oneri non parem fore: unde fidei cardinalium ope eum sublevari rogat.*

Dominis et patribus reverendis, cardinalibus, et episcopis omnibus qui sunt de curia, puer Sanctitatis eorum.

1. Pareat vobis Deus; quid fecistis? Sepultum hominem revocastis ad homines; fugitantem curas et turbas curis denuo implicuistis, et immiscuistis turbis. Fecistis novissimum primum, et ecce novissima illius periculosiora prioribus. Crucifixus mundo per vos revixit mundo: et qui elegerat abjectus esse in domo Dei sui, ipsum vos in dominum omnium elegistis. Cur consilium inopis confudistis? cur pauperis hominis, et mendici, et compuncti corde iudicium perturbastis? Currebat bene: quid vobis visum est scire vias ejus, avertere semitas, gressus involvere? Quasi descenderet de Jerusalem, et non magis ascenderet de Jericho, sic incidit in latrones: et qui se tanquam violentis quibusdam diaboli manibus, carnis illecebris, et gloria sæculi potenter excusserat, non tamen valuit effugere manus vestras. Num ideo Pisanam deseruit, ut reciperet Romam (627)? Num qui in una Ecclesia non sustinuit vice-dominatum, dominatum in omni Ecclesia requirebat?

2. Quid igitur rationis seu consilii habuit, defuncto summo Pontifice repente irruere in hominem rusticorum, latenti injicere manus, et excussa e manibus securi et ascia vel ligone, in palatium trahere, C levare in cathedram, induere purpura et bysso (628-9), accingere gladio ad faciendam vindictam in nationibus, increpationes in populis, ad alligandos reges eorum in compedibus, et nobiles eorum in manibus ferreis? Sic non erat inter vos sapiens et exercitatus, cui potius ista convenirent? Ridiculum profecto videtur, pannosum homuncionem assumi ad præsidendum principibus, ad imperandum episcopis, ad regna et imperia disponenda. Ridiculum, an miraculum? Plane unum horum. Non nego, non diffi-

neant. Olim quidem tenebatur quilibet episcopus vice-dominum et œconomum habere, distinct. 89. cap. « Volumus. » Qua de re S. Gregorius Magnus sic scribit ad Anthelmum subdiaconum, libro ix. epist. 66: « Volumus ut frater noster Paschasius et vice-dominum sibi et majorem ordinet domus, quatenus possit vel hospitibus supervenientibus, vel causis quæ eveniunt, idoneus et paratus existere, etc. Ubi Glossa in allegat. cap. « Volumus, et vice-dominum. » id est œconomum rerum episcopopalium, qui rebus episcopopalibus, et hospitibus supervenientibus provideat. « Quia Episcopus, » inquit, « non potest talia negotia in propria persona tractare. » Vide quæst. 5. « Quia Episcopus, » et referas quod dicitur de hospitibus, ad vice-dominum. Ita Gloss. Verum Filesacus Theol. Paris. ad tit. de Offic. Jud. Ordin. lib. i. Decret. seu de sacra Episcoporum auctoritate, ita potius hæc duo censet distinguenda, ut œconomus munus sit hospites curare; at *vice-dominus*, causis et litibus disceptandis nomine episcopi præesse. Vide Filesacum, libro citato cap. 4, § 5.

(628-9) Jam tunc Pontifices induti erant cappâ rubra, de qua Petrus Damiani in libro i. epist. 20.



posse fuisse hoc etiam opus Dei, qui facit mirabilia magna solus : præsertim cum audiam usquequaque ex ore multorum, quoniam a Domino factum est istud. Sed nec ego oblitus sum iudiciorum Dei antiquorum, et Scripturæ plurimos recensentis ex privata seu etiam rusticana vita olim assumptos in voluntate Domini ad regendum populum ejus. Denique nonne (et unum e pluribus memorem) tali quodammodo elegit David servum suum, et suscepit eum de gregibus ovium, de post fetantes accepit eum (*Psalm.* lxxvii, 70, 71)? Ita, inquam, ita et de nostro Eugenio in beneplacito Domini potuit contingere.

3. Non sum securus tamen, quoniam filius delicatus est, et tenera verecundia ejus, assueta potius otio et quieti, quam tractandis quæ foris sunt : timendumque ne non ea auctoritate, qua oportuerit, sui apostolatus officia exsequatur. Quid putatis gerere animi nunc hominem illum, qui de secreto internæ contemplationis et amica solitudine cordis, tanquam infans e gremio et sinu matris subito perturbatus, tractum se ad medium videt, et quasi ovem ad victimam ductum ad tam insueta et insuavia? Nisi Dominus supponat manum suam, heul necesse est obruatur et opprimatur onere insueto et nimio, quod et gigantinis, ut aiunt, vel ipsis quoque angelicis humeris formidabile videntur. Veruntamen quia sic factum est, et, sicut multi dicunt, a Domino factum est, vestra interest, charissimi, vestris ferventibus studiis fidelibusque obsequiis sollicite confoveri, quod vestris manibus constat elaboratum. Si qua ergo consolatio in vobis, si qua virtus charitatis in Domino, si qua miseratio pietatis, si qua compassionis viscera, assistite et collaborate illi in opere ad quod assumptus est per vos a Domino. Quæcunque sunt vera, quæcunque pudica, quæcunque iusta, quæcunque sancta, quæcunque amabilia, quæcunque bonæ famæ, hæc ei suggerite, hæc suadete, hæc agite; et Deus pacis erit vobiscum.

#### EPISTOLA CCXXXVIII (630).

AD DOMINUM PAPAM EUGENIUM PRIMA

*Bernardus Eugenio, recens in Pontificem assumpto, gratulatur ac condolet : ipsam ad munus apostolicum fortiter obeundum animat, ut conceptæ de se multorum expectationi respondeat.*

Amantissimo Patri et domino, Dei gratia summo Pontifici EUGENIO, BERNARDUS Claræ-Vallis vocatus abbas, modicum id quod est.

1. Auditum est in terra nostra, et celebri sermone vulgatum verbum hoc, quod factum est de vobis a Domino. Presseram stilum hactenus, rem tacitus considerabam. Expectabam enim litteras vestras, et præveniri a vobis in benedictionibus dulcedinis. Expectabam virum fidelem, qui veniret a latere tuo, qui diceret cuncta per ordinem : quid, quomodo,

(630) Scripta anno Christi 1145.

(631) Hanc sententiam, jam enim de reliquo breves erant dies mei, et solum mihi superest sepulcrum, in duobus tantum reperimus codicibus, Compendiensi

A vel qualiter actum esset. Expectabam si quis forte de filiis meis revereretur, qui leniret dolorem patris, qui diceret : *Joseph filius tuus vivit; et ipse dominatur in tota terra Ægypti* (*Gen.* xlv, 26). Hinc est quod litteræ istæ non sunt voluntatis, sed necessitatis, et amicorum extortæ precibus, quibus negare non possum modicum illud quidquid residuum est vitæ meæ. Jam enim de reliquo breves erunt dies mei, et solum mihi superest sepulcrum (631). Quia tamen semel cœpi, loquar ad dominum meum. Jam enim filium dicere non andeo, quia filius in patrem, pater mutatus est in filium (632). Qui post me venit, ante me factus est : sed non invideo, quia quod mihi deerat, in eo me habere confido, qui non solum post me, sed etiam per me venit. Nam si dignaris, quodammodo per Evangelium ego te genui. Quæ est ergo spes nostra, et gaudium nostrum et corona gloriæ? Nonne vos ante Deum? Denique filius sapiens gloria est patris (*Prov.* x, 1). Amodo tamen non vocaberis filius, sed vocabitur tibi nomen novum, quod os Domini nominavit (*Isa.* lxxii, 2). Hæc est mutatio dexteræ Excelsi, et multi in mutatione ista gaudebunt. Nam quemadmodum olim Abram in Abraham (*Gen.* xvi, 5). Jacob in Israel (*Gen.* xxxii, 28); et, ut de tuis magis prædecessoribus tibi proponam, sicut Simon in Cepham (*Joan.* i, 42), Saulus in Paulum (*Act.* xiii, 9) : sic filius meus Bernardus in patrem meum Eugenium, lata prorsus et utili, ut speramus, translatione promotus est. Dignus Dei est iste, suscitans de pulvere egenum, et de stercore erigens pauperem, ut sedeat cum principibus, et solium gloriæ teneat.

2. Superest ut, facta hac mutatione tui, ipsa quoque quæ tibi commissa est, Domini tui sponsa mutetur in melius, et jam nequaquam Sarai, sed Sarra de cætero nominetur (*Gen.* xvii, 15). Intelligo quæ dico : dabit enim tibi Dominus intellectum. Si amicus sponsi es, ne dixeris dilectam ejus, Principem meam; sed, Principem : nil tuum in ea vindicans, nisi quod pro ea, si oportuerit, etiam animam dare debes. Si Christus te misit, æstimabis te non ministrari, sed ministrare venisse : et ministrare non solum substantiam, sed ipsam quoque animam, sicut præfatus sum. Verus successor Pauli D dicet cum Paulo : *Non quia dominamur fidei vestræ, sed adjutores sumus gaudii vestri* (*II Cor.* i, 25). Petri hæres audiet Petrum dicentem : *Neque ut dominantes in clerico, sed forma facti gregis* (*I Petr.* v, 3). Sic enim jam non ancilla, sed libera etiam et formosa speciosissimi sponsi per te in desideratos adsciscetur amplexus. Alioquin per quem alium hæc tam debita libertas sperabitur, si et tu (quod absit) in Christi hereditate quæras quæ tua sunt, qui jam et ante didiceras, non dico tua non retinere, sed nec tuus esse?

et Sancti-Theoderici.

(632) Infra, n. 3. *Ego enim etsi nomen patris deposui, sed non timorem*, etc. Eadem in Prologo ad libros De consideratione.

3. Ergo fiduciam talem habens in te, qualem in nullo prædecessorum tuorum a multis retro temporibus visa est habuisse, exultat merito ubique et gloriatur in Domino omnis Ecclesia sanctorum: sed specialiter illa, cujus uterus te portavit, et cujus ubera tu suxisti (633). Quid ergo? Nonne et mihi licet gaudere cum gaudentibus? nunquid non ero unus de numero letantium? Exultavi, fateor, sed cum tremore: exultavi, sed in ipso exultationis mee articulo timor et tremor venerunt super me. Ego enim etsi nomen patris deposui, sed non timorem, sed non anxietatem, postremo nec affectum, nec viscera patris. Considero gradum, et casum vereor: considero fastigium dignitatis, et intueor faciem abyssi jacentis deorsum. Attendo celsitudinem honoris, et e vicino periculum reformido, pro eo quod scriptum est: *Homo cum in honore esset, non intellexit* (Psal. XLVIII, 13, 21) Quod quidem ad causam magis, quam ad tempus arbitror esse referendum: ut sic intelligatur dictum, cum in honore esset, non intellexit, ac si diceretur, Honor absorbit intellectum.

4. Et quidem elegeras abjectus esse in domo Dei tui, et recumbere in novissimo loco in convivio ejus; sed placuit dicere ei qui te invitavit: *Amice, ascende superius* (Luc. XIV, 10). Itaque ascendisti in altum; noli altum sapere, sed time, ne forte contingat sero miserabilem illam emittere vocem: *A facie iræ et indignationis tuæ, elevans allisisti me* (Psal. CI, 11). Altiores quippe locum sortitus es, sed non tutiorem; sublimiorem, non securiorem. Terribilis prorsus, terribilis est locus iste. Locus, inquam, in quo stas, terra sancta est; locus Petri est, locus Principis Apostolorum, ubi steterunt pedes ejus. Locus illius est, quem constituit Dominus dominum domus suæ, et principem omnis possessionis suæ. Si forte declinaveris a via Domini, sepultus est in eodem loco, ut sit tibi contra te in testimonium. Merito tali pastori, tali nutritio commissa est Ecclesia, cum adhuc tenera, cum adhuc in cunabulis esset; cujus edocta magisterio et exemplo educata, omnia terrena calcaret: utpote qui excusserat manus suas ab omni munere, qui dicebat de corde suo et conscientia bona: *Argentum et aurum non est mihi* (Act. III, 6). Hæc hactenus.

5. Cæterum causa, quare ante tempus scripserim vobis, hæc est. Wintoniensis episcopus et Eboracensis archiepiscopus non gradiuntur uno spiritu cum Cantuariensi archiepiscopo (634): sed incedunt sibi ex adverso, et hæc vetus est de legatione que-

rela. Verumtamen quis est ille, et qui sunt illi? Nonne Eboracensis (635) ipse est, cui te præsentem, cum adhuc esses quasi unus ex nobis, fratres tui restiterunt in faciem, eo quod reprehensibilis erat? Sed speravit in multitudine divitiarum suarum, et prævaluit in vanitate sua. Certum est tamen quod non intravit per ostium in ovile ovium, sed ascendit aliunde. Si pastor fuisset, diligendus erat; si mercenarius, tolerandus: nunc autem cavendus et repellendus, utpote fur et 235 latro. Quid dicam de domino Wintoniensi? Opera quæ ipse facit, testimonium perhibent de eo. Porro archiepiscopus Cantuariensis, cui adversantur, vir religiosus est, et suaveolentis opinionis. Pro ipso petimus, ut respondeat ei iustitia sua. Verum illorum iniquitas super eos, ut sit sicut scriptum est: *Iustitia iusti super eum erit, et impietas impij erit super eum* (Ezech. XVIII, 20). Cum acceperis tempus, secundum opera manuum illorum retribues illis, ut sciant prophetam esse in Israel.

6. Quis mihi det, antequam moriar, videre Ecclesiam Dei, sicut in diebus antiquis; quando apostoli laxabant retia in capturam, non in capturam argenti vel auri, sed in capturam animarum? Quam cupio illius te hæreditare vocem, cujus adeptus es sedem! *Pecunia, inquit, tua tecum sit in perditionem* (Act. VIII, 20). O vox tonitruum! o vox magnificentiæ et virtutis! ad cujus terrorem confundantur et convertantur retrorsum omnes qui oderunt Sion! Hoc vehementer exspectat et omnino expeit a te mater tua; hoc filii matris tuæ, pusilli cum majoribus desiderant, hoc suspirant: ut omnis plantatio, quam non plantavit Pater cœlestis, tuis manibus eradicetur. Ad hoc enim constitutus es super gentes et regna, ut evellas, et destruas; et ædifices, et plantes. Multi audio hoc verbo dixerunt apud se: Jam securis ad radicem arborum posita est. Multi dicunt in corde suo: Flores apparuerunt in terra nostra, tempus putationis advenit, in quo sarmenta sterilia recidentur, ut ea quæ prævalent, uberius fructum afferant.

7. Confortare igitur, et esto robustus: manus tuæ in cervicibus inimicorum tuorum. Vindica tibi animi constantia et vigore spiritus partem, quam dedit extra fratres tuos tibi omnipotens Pater, quam et tulit de manu Amorrhæi in gladio et arcu suo. In omnibus tamen operibus tuis memento te esse hominem, et timor ejus qui aufert spiritum principum, semper sit ante oculos tuos. Quætorum in brevi Romanorum Pontificum mortes tuis oculis

(633) Nempe Claræ-Vallensis seu Cisterciensis, sed potius Claræ-Vallensis, quæ iterum mater dicitur II, 6.

(634) Wintoniensis episcopus erat Henricus Ble-sensis qui prius abbas Glastoniensis, nepos Henrici regis; atque adeo fautor Willelmi ejus consanguinei. Theobaldus ex abbate Beccensi erat antistes Cantuariensis, ad quem epistola 361.

(635) Causa Eboracensis Willelmi, de qua in epi-

stola 235, necdum composita erat hoc anno: nam teste Serlone in Monastici Anglicani tomo I, pag. 747, « ipse cathedræ præsidebat, usus regia potestate in eos qui resistebant. » Henricus abbas Fontanensis cum aliis eum pertraxit ad Eugenium, a quo amotus est Willelmus. Ejus fautores Fontanense monasterium diruperunt. De Henrici electione infra ad epistolam 252.

aspexisti (636) ! Ipsi te prædecessores tui tuæ certissimæ et citissimæ decessionis admoncant ; et modicum tempus dominationis eorum paucitatem dierum tuorum nuntiet tibi. Jugi proinde meditatione inter hujus transeuntis gloriæ blandimenta, memorare novissima tua : quia quibus successisti in sedem, ipsos sine dubio sequeris ad mortem.

#### EPISTOLA CCXXXIX (637).

AD EUMDEM.

*Depositionem Guillelmi Eboracensis urget apud Pontificem, cui soli ea potestas competat.*

Importunus sum, sed habeo excusationem : Eugenii apostolatus excusat me. Aiunt non vos esse Papam, sed me : et undique ad me conflunt, qui habent negotia. Nec desunt in tanta multitudine amicorum, quibus officium negare non possum, non solum absque scandalo, sed etiam absque peccato. Et nunc est etiam alia excusatio non minus idonea, quia causa [*al. cura*] honestissima est. Contra idolum illud Eboracense iterato stilus dirigitur : ea scilicet necessitate, quod sæpenumero hoc telo impetitum a nobis, necdum confossum est. Cur hoc ? Quia nil forte a nobis tale directum est, qualis fuit gladius Jonathæ, qui nunquam rediit retrorsum. Nec sane fuit culpa jaculi, sed dirigentis jaculum. Patet enim quod non in ea, qua oportuit, fortitudine missum est. Nec mirum. Quis enim in manu forti sagittas mittere potest, nisi filius excussorum ? Qui locum Petri tenet, potest uno ictu extinguere Ananiam, uno Simonem Magum : et, ut planius quod loquimur fiat, peremptoriam dare sententiam ad depositionem episcoporum, solius Romani Pontificis noscitur esse : pro eo nimirum, quod etsi alii multi vocati sunt in partem sollicitudinis, solus ipse plenitudinem habeat potestatis. Solus proinde si dicere audeam, in culpa est, si culpa non feritur, quæ ferienda est : et eo impetu, quo fuerit ferienda. Quo autem impetu, non dico ferienda, sed fulminanda

(636) Mirum non immerito videri possit, quod sit, cur tam brevis ævi sint Romani Pontifices, ut solus Petrus putetur annum vigesimum quintum attigisse ; plurimos paucis annis aut paucis mensibus, imo non multis diebus superstites, mors præmatura rapuerit, cum videamus imperatorum et regum plurimos multo longioris ævi fuisse. Res omnino digna disquisitione. Sed quis novit sensum Domini. Video tamen eandem questionem B. Petro Damiani propositam ab Alexandro pontifice, quam ille diligenter tractat, et edisserit, ut legi omnino digna sint quæ scribit. Vide inter epistolas libri primi epistolam 47, alias, Opusculum 25. « Aliquando, » inquit, « a me sollicite requisitis, quæ mihi causa videretur, cur apostolicæ Sedis antistes nunquam diutius vivat ; sed intra breve temporis spatium diem claudat extremum : adeo ut post divini Petri apostolum, qui per viginti quinque circiter annorum lustra præsedet, nemo postmodum Romanorum Pontificum hoc spatium præsulatus æquaverit. Modernis imo temporibus vix quisquam in prædictæ Sedis culmen evehitur, qui metam quatuor, vel, ut multum, quinque transcendat annorum. Quod considerantibus nobis, prodigialis, ut ita loquar, stupor oboritur : quoniam hæc breviter vivendi necessitas in nulla alia totius orbis

A fuerit prædicti Eboracensis culpa, vestræ conscientie derelinquo. Cæterum quod factum non est, vobis credimus reservatum, ut in eo experiatur Ecclesia Dei, cui ipso auctore præestis, fervorem zeli vestri, potentiam brachii vestri et animi sapientiam : et timeat omnis populus sacerdotem Domini, audiens sapientiam Dei esse in illo ad faciendum iudicium.

#### EPISTOLA CCXL (638).

AD EUMDEM, DE EBORACENSIS INTRUSO.

*Laudat zelum Eugenii. Porro eum nunc ostendi vult in deponendo Eboracensi, illam sedem fraudulenter occupante.*

1. Quam cupio semper illa de vobis audire, in quibus glorificetur Deus, honoretur ministerium vestrum, et anima mea letificetur ! Inde est quod audita responsione vestra de quibusdam, qui ad officium legationis nimium videbantur et ambitiose aspirare, et impudenter sperare, supra quam dicere possumus, facti sumus letantes. Non autem nos tantum, sed et omnes qui diligunt nomen vestrum, gavisii sunt gaudio magno. Porro visis litteris vestris, quas pro causa Rutinensis ecclesiæ destinatis (639), tunc prorsus, tunc repletum est gaudio os nostrum, et lingua nostra exultatione. Hæc atque hujusmodi digna sunt vestro apostolatu, summam Sedem nobilitant, decent plane orbis Episcopum. Unde et flecto genua mea ad ipsum unicum hujus vestri primatus auctorem, ut dei vobis sic sapere, et sic agere semper in evellendo, et plantando ; in destruendo, et ædificando : siquidem in ruinam et resurrectionem multorum ascendistis hanc cathedram. Ruant, ruant qui noxie stant ; erigantur digni. Ponatur securis ad radicem sterilium plantationum, purgentur fructiferæ, ut fructum plus afferant. Præsidente, inquam, humili Eugenio, deponantur superbi de sede, et exaltentur humiles : esurientes impleantur bonis, et divites dimittantur inanes.

ecclesia reperitur. Sed in quantum mortalibus divinæ dispensationis revelatur arcanum, videtur nobis, quia idcirco hoc iudicii cœlestis ordo disponit, ut humano generi metum mortis incutiat ; et quam despicenda sit temporalis vitæ gloria, in ipso gloriæ principatu evidenter ostendat : quatenus dum præcipuus hominum tam angustii temporis compendio moritur, tremefactus quisque ad præstolandi sui obitus custodiam provocetur ; et arbor humani generis, dum cacumen ac verticem suum tam facile corruisse considerat, flatu concussa formidinis, in suis undique ramusculis contremisceat. » Angustis quidem limitibus Pontificum vitas inclussit Damianus, fateor, dum ultra quatuor aut quinque annos non extendit : in breviores tamen mihi videntur coarctatæ, si Pontificum historie consulantur. Rectissime igitur S. Bernardus hæc epistola hortatur Eugenium, ut ex brevissimo suorum prædecessorum dominatu, suum quoque suorum habere discat.

(637) Scripta anno Christi 1145.

(638) Scripta anno Christi 1146.

(639) Abjiciendo scilicet hominem indignum, ad illam sedem electum vel promotum ; de quo vide epistolas 328, 329.



Nuper nempe exsultatione uniuersæ terræ ita factum A  
est in causa cuiusdam pauperis episcopi (640).

2. Age ergo, transeat jam sanctus hic pietatis  
zelus et ad miseram illam Ecclesiam transmarinam,  
quia tempus miserendi ejus. Vineam Domini Sabaoth  
est, vinea electa, vinea speciosissima : sed, heu ! in  
desertum pene redacta, quia singularis ferus depas-  
citur eam. Cur dicunt inter gentes, Ubi est Deus  
ejus ? ubi quem posuerunt custodem in vineis ? ubi  
manus putans ? ubi sarculus excolentis ? Quousque  
sarmento inutili occupatur tellus, suffocatur fructus ?  
Et certe tempus putationis advenit. Siquidem homo  
pacis ejus (641), in quo speravit, quod se purgare  
deberet, non purgatione, sed amputatione opus esse  
testatur. Exstant denique litteræ ipsius de eo ad  
apostolicæ Sedis legatum, in quibus manifeste mani-  
festam asserit intrusionem, electionem negat. Ita  
ergo quem sibi paraverat defensorem, accusatorem  
sustinet. Ad hæc quæ ubique de eo publica fama  
concelebrat, etiam virum militarem possent omni  
jure spoliare cingulo militari.

3. Quomodo jam poterit stare, ubi multiplex vobis  
subest ratio deijciendi ? et voluntas non deest ? Legi  
siquidem zelum vestrum pro Ecclesia illa in litteris  
vestris, et jam exigo de manibus vestris. Quanam  
via procedendum sit ad ejus dejectionem (neque enim  
una 237 mihi esse videtur) non est meum dicere  
sapienti. Nec multum nostra interest, qua parte  
arbor infructuosa cadat, dummodo cadat. Dico ta-  
men, qui sibi possessionem vindicat furivarum com-  
mercio litterarum, nonne fur est et latro ? Denique  
ubi asserit habuisse se elandestinas litteras execra-  
tionis suæ, aut verum est, aut falsum quod loquitur.  
Si verum, reus est furii, et summi Pontificis cri-  
minator : si falsum, debet audire : Occidisti, et  
possedisti. Os enim quod mentitur, occidit animam  
(Sap. 1, 11). Sed absit ut tanta de tali viro credatur  
duplicitas, quanta ab isto ei imponitur. Nempe  
Innocentius hic erat : cui si pro se respondere lice-  
ret, procul dubio diceret huic, quia Ego palam  
in te dedi sententiam, et in occulto locutus sum  
nihil.

(640) De hoc episcopo, suppresso nomine, agitur  
in libro tertio de Consideratione, cap. 3, ubi Ege-  
nius laudatur pauperi episcopo dedisse, quod daret,  
ne immuniticus notaretur. Ibidem notatur episcopus  
de transmarinis partibus, qui episcopatum emis-  
se Romæ voluerit. Quod forsitan de Willelmo intelli-  
gendum.

(641) Nempe Willelmus Jecanus Eboracensis,  
cujus sacramento se purgare voluerat Willelmus  
intrusus, supra in epistolis 235, 236.

(642) Scripta anno 1147.

(643) Adde etiam Tolosæ. Is ex patre Raymundo  
Tolosæ comite, et matre Elvira in Oriente natus (ut  
refert Guillelmus Tyrinus, Belli sacri libro 10, cap.  
27, qui eum Anfossum appellat), in Jordane ipso  
lustralibus undis intinctus est. Idem auctor sic de  
eo scribit, libro 16, cap. 28, ejus profectionem in  
Orientem commemorans. Applicuit etiam iisdem

# EPISTOLA CCXLI (642).

AD HILDEFONSUM COMITEM SANCTI ÆGIDII (643), DE  
HENRICO HÆRETICO.

Henricum, Petri Bruzii hæretici successorem, ejusque  
impia dogmata, et impura facinora describit, pun-  
gens Comitem, quod talem in sua ditione sineret  
impune grassari.

1. Quanta audivimus et cognovimus mala, quæ in  
Ecclesiis Dei fecit et facit quotidie Henricus hære-  
ticus ? (644) Versatur in terra vestra sub vestimentis  
ovium lupus rapax : sed ad Domini designationem,  
a fructibus ejus cognoscimus illum (Matth. vii,  
15, 16). Basilicæ sine plebibus, plebes sine sacer-  
dotibus, sacerdotes sine debita reverentia sunt, et  
sine Christo denique Christiani. Ecclesiæ synagogæ  
reputantur ; sanctuarium Dei sanctum esse negatur :  
Sacramenta non sacra censentur : dies festis fru-  
strantur solemnibus. Moriuntur homines in peccatis  
suis : rapiuntur animæ passim ad tribunal terri-  
ficum, heu ! nec pœnitentia reconciliati, nec sancta  
[al. sacra] communione muniti. Parvulis Christia-  
norum Christi intercluditur vita, dum Baptismi  
negatur gratia : nec salutis propinquare sinuntur,  
Salvatore licet pie clamante pro eis : *Sinite*, inquit,  
*parvulos venire ad me* (Matth. xix, 14). Ergone qui  
homines et jumenta salvavit, quemadmodum multi-  
plicavit misericordiam suam Deus, ad solos tamen  
innocentes non patitur eandem tam multam mise-  
ricordiam pervenire ? Quid, quæso, quid invidet  
parvulis Salvatore parvulum, qui natus est eis ?  
Invidia hæc diabolica est : invidia hæc mors intravit  
in orbem terrarum. An putat parvulos Salvatore  
non egere, quia parvuli sunt ? Si ita est, ergo gratis  
magnus Dominus factus est parvus : ut omittam,  
quod flagellatus est, quod sputis illius, quod cruci  
affixus, quod denique mortuus est.

2. Non est hic homo a Deo, qui sic contrario Deo  
et facit, et loquitur. Proh dolor ! auditur tamen a  
pluribus ; et populum qui sibi credat, habet. O in-  
felicissimum populum ! Ad vocem unius hæretici  
siluerunt in eo omnes prophetice et apostolicæ  
voces, quæ de convocanda in una Christi fide o  
cunctis nationibus Ecclesia, uno veritatis spiritu  
cecinerunt. Ergo fefellerunt divina oracula, fallun-

D  
diebus in portu Acconensi, vir magnificus et illustris,  
comes Tolosanus, Anfossum nomine, domini Ray-  
mundi comitis senioris filius ; qui tantus princeps  
tanti fuit meriti in prima expeditione, vir suis egre-  
gius titulis, sed patris pia clarior memoria, dum  
inde Jerosolymam, ut Domino pro peracta feliciter  
peregrinatione gratias acturus, apud Cæsaream  
urbem maritimam, paucis postquam appulit diebus,  
porrecto illi (ut dicitur) veneno ; sed auctore tanti  
sceleris incerto, vitam finivit, etc. Porro comita-  
tus Sancti-Ægidii, Gallicæ Narbonensis pars est, a  
sancto Ægidio ejus quondam incola sic nuncupata,  
cum alias Septimania contineretur. Comes Sancti-  
Ægidii Hildefonsus se dicit in quodam pacto an-  
no 1125 inter ipsum et Raymundum comitem Bar-  
cinonensem inito, ubi ejus uxor Farida vocatur.

(644) De Henrico, Henricianisque hæreticis fusa  
egimus in Præfatione hujus tomi, § 6.

tur omnium oculi et animi; qui quod legunt prædictum, intuentur impletum. Quam certe manifestam omnibus veritatem solus iste stupenda, et prorsus Judaica cæcitate, aut non videns, aut invidens adimpletam, simul nescio qua arte diabolica persuasit populo stulto et insipienti, de re manifesta nec suis credere oculis: sefellisse priores, errare posteros: totum mundum etiam post effusum Christi sanguinem perditum iri: et ad solos, quos decipit, totas miserationum Dei divitias, et universitatis gratiam pervenisse. Et nunc hujus rei gratia, licet in multa corporis infirmitate, iter arripui ad has partes (645), quas potissimum singularis ferus **238** depascitur, dum non est qui resistat, neque qui saluum faciat. Quippe de tota Francia pro simili effugatus malitia, has solas sibi invenit expositas; in quibus fiducialiter sub tuo dominatu in gregem Christi toto furore bacchatur, quod tuone honori congruat, princeps illustris, ipse iudicato. Nec mirum tamen, si serpens ille callidus decepit te, quippe speciem pietatis habens, cujus virtutem penitus abnegavit.

3. Sed nunc audi quis ille sit. Homo apostata est: qui relicto religionis habitu (nam monachus exstitit (646)), ad spurcitias carnis et sæculi, tanquam canis ad suum vomitum, est reversus. Præ confusione autem habitare inter cognatos et notos non sustinens, vel potius non permissus ob magnitudinem criminis, succinxit lumbos suos, et iter qua nesciebat, arripuit, factus gyrovagus et profugus super terram. Cumque mendicare cœpisset, posuit in sumptu Evangelium (nam litteratus erat), et venale distrahens verbum Dei, evangelizabat ut manducaret. Si quid supra victum elicere poterat a simplicioribus populi, vel ab aliqua matronarum, id ludendo aleis, aut certe in usus turpiores turpiter effundebat. Frequentes siquidem post diurnum populi plausum, nocte insecuta cum meretricibus inventus est prædicator insignis, et interdum etiam cum conjugatis. Inquire, si placet, vir nobilis, quomodo de Lausana civitate exierit; quomodo de Cenomannis; quomodo de Pictavi; quomodo de Burdegali: nec patet ei uspiam reversionis aditus, utpote qui fœda post se ubique reliquerit vestigia. Tu de tali arbore tandem bonos sperabas fructus? Terræ profecto in qua est, fecit fetere odorem in universa terra: quia non potest, juxta sermonem Domini, arbor mala fructus bonos facere (Matth. vii, 18).

4. Hæc ergo, ut dixi, causa adventus mei. Nec a me ipso nunc venio, sed vocatioe pariter et mise-

A ratione Ecclesiæ trahor: si forte spina illa, et prava ipsius, dum adhuc parva sunt germina, de agro dominico extirpari queant, non mea, qui nullus sum, sed sanctorum, cum quibus sum, episcoporum manu, tua quoque potenti dextera cooperante. In quibus præcipuus est venerabilis Ostiensis episcopus (647), ab apostolica Sede ad hoc ipsum directus; homo qui magna ferit in Israel, et victoriam dedit Ecclesiæ suæ in multis per illum Dominus omnipotens. Tua interest, vir inclyte, honorifice suscipere illum, et eos qui cum ipso sunt; ac ne tantus labor tantorum virorum, pro tua potissimum tuorumque salute susceptus, inefficax sit, secundum potestatem desuper datam tibi operam dare.

#### EPISTOLA CCXLII (648).

AD TOLOSANOS, POST REDITUM SUUM.

*Sollicite fugiendos, imo et fugandos hæreticos. Exercentem hospitalitatem. Nec quosvis prædicatores admittendos*

1. In adventu charissimi fratris et coabbatis nostri Bernardi de Grandi-Silva, exsultavimus, et delectati sumus in his quæ dicta sunt nobis ab illo de constantia et sinceritate fidei vestræ in Deum, de perseverantia dilectionis et devotionis in nos, de zelo et odio adversus hæreticos, ita ut quisque vestrum merito dicere possit: *Nonne qui oderunt te, Domine, oderam, et super inimicos tuos tabescebam? Perfecto odio oderam illos, et inimici facti sunt mihi (Psalm. cxxxviii, 21, 22).* Gratias agimus Deo, quia non fuit otiosus adventus noster ad vos. Et mora quidem brevis apud vos, sed non infructuosa. Veritate nimirum per nos manifestata, manifestata autem non solum in sermone, sed etiam **239** in virtute (649). deprehensi sunt lupi, qui venientes ad vos in vestimentis ovium, devorabant plebem vestram sicut escam panis, sicut oves occisionis: deprehensæ vulpes, quæ demoliebantur pretiosissimam vineam Domini, civitatem vestram; deprehensæ, sed non comprehensæ. Propterea, dilectissimi, persequimini et comprehendite eos, et nolite desistere, donec penitus depereant, et diffugiant de cunctis finibus vestris, quia non est tutum dormire vicinis serpentibus. Sedent in insidiis cum divitibus in occultis, ut interficiant innocentes. *Fures sunt et latrones, quales in Evangelio Dominus notat (Joan. x, 8).* Subversi sunt, et parati ad subvertendum, plane maculatores famæ vestræ, corruptores fidei vestræ. *Corrumpunt bonos mores colloquia mala (I Cor. xv, 33): præsertim talium sermo, sicut dicit beatus Apostolus, serpit ut cancer (II Tim. ii, 17)*

(615) Vide librum in Vita, cap. 6.

(646) Henricum itidem monachum vocat Gaufridus in libro tertio de Vita Bernardi, n. 16, et Exordium Cisterciense relatum libro tertio ejusdem Vita, cap. 17. illum eremitam vocant Acta Hildeberti episcopi Cenomannensis in Analertorum tomo 3, pag. 314, ubi plura de Henrico.

(647) Albericus, de quo in libro tertio Vita Bernardi, n. 17. Bellocavi natus, Cluniaci monachus, cardinalis ab Innocentio creatus anno 1138, legatus

in Angliam, tum in Syriam, demum in Galliam, ad quem epistola 219.

(648) Scripta anno Christi 1147.

(649) Miraculis scilicet illustribus ab ipso factis, de quibus in libro tertio Vita, cap. 6. Ipsa agnoscit etiam Berengarius in apologia pro Abaelardo: « Jamdudum sanctitudinis tuæ odorem ales per orbem fama dispersit, præconizavit merita, miracula declaravit, » etc.

2. Quis dabit mihi ut habeam opportunitatem semel adhuc veniendi ad vos? Nam voluntatem habeo, si quæ modo possim in voluntate Domini secundo videre vos, laborem non reputaturus, quamvis corpore infirmus et debilis, pro vestra exhortatione et salute. Interim autem sic state in Domino, charissimi, sicut cœpistis et accepistis a nobis. Obedite episcopo, cæterisque præpositis vestris, magistris Ecclesiæ, habete diligentiam hospitalitati, quia per hanc multi placuerunt Deo. Abraham pater vester pro studio sancto quod in suscipiendis peregrinis habere solitus erat, angelos hospites suscipere meruit (*Gen. xviii*). Similiter et Loth nepos ejus pro simili devotione et pia consuetudine de eorum susceptione exsultavit (*Gen. xix*). Et vos itaque simili forma non Angelos, sed Dominum Angelorum suscipite in peregrinis, pascite in egenis, operite in nudis, visitate in languentibus, redimite in captivis. Talibus hostijs promeretur Deus, qui in judicio dicturus est: *Quod uni ex his minimis meis fecistis, mihi fecistis* (*Matth. xxv, 40*).

3. Hoc etiam moneo vos, charissimi, quod et dicebam vobis cum præsens essem, ut nullum extraneum sive ignotum prædicatorem recipiatis, nisi qui missus a summo, seu a vestro permissus pontifice prædicaverit. *Quomodo, inquit, prædicabunt, nisi mittantur* (*Rom. x, 15*)? Ipsi sunt, qui induentes sibi formam pietatis, et virtutem ejus penitus abnegantes, profanas novitates vocum et sensuum, tanquam melli venenum, verbis cœlestibus intermiscunt. Cavete proinde eos tanquam veneficos; et cognoscite in vestimentis ovium lupos rapaces. Sit vobis commendatus laor epistolæ venerabilis abbatis Grandis-Silvæ (650), et domus ejus, quæ et nostra est, nuper nobis, et nostro Ordini ab ipso tradita, et ecclesiæ Claræ-Vallis specialiter associata. Ostendite nobis in ipso, et in sanctis qui cum eo sunt, quantum profeceritis ex nostra admonitione in operibus misericordiæ; et date in eis experimentum vestræ charitatis et devotionis, quam habetis erga nos. Quidquid illis feceritis, mihi factum reputate. Gratia Dei et pax sit vobiscum, amen.

## 240 EPISTOLA CCXLIII (651).

AD ROMANOS, QUANDO RECESSERUNT A DOMINO PAPA EUGENIO (652).

*Romani, Arnaldo hæretico factionem inflammante, antiquæ Reipublicæ ac libertatis formam restituere nitebantur, sola sacrorum cura Pontifici relicta. Itaque vectigalia Pontificum sibi vindicant, jubentes Pontificem decimis, et oblationibus tantum more prisco contentum vivere. Hinc nata rebellio, et in Eugenium acris concitata. Cujus occasione Bernardus asperè, sed justè increpat Romanos tam iniquos in Pontificem, cujus injuria in sanctos et omnes Catholicos redundet, non evasura Dei vindictam, nisi mox resipiscant.*

Nobilibus, et optimatibus, atque universo populo

(650) Bernardus supra, sola utraque initiali B signatus in manuscriptis qui abbatiam Grandis-Silvæ Ordinis S. Benedicti in pago Tolosano Cisterciensis adserit.

(651) Scripta anno Christi 1146.

(652) Confer librum quartum de consideratione,

A Romano, frater BERNARDUS Claræ-Vallis vocatus abbas, declinare a malo, et facere quod bonum est.

1. Sermo mihi est ad te, popule sublimis et illustis, cum sim vilis exiguaque persona, ac nullius pene momenti homuncio. Id quidem verecundum atque onerosum mihi consideranti, quis, quibus scribam, simulque quam aliter hoc alius judicare possit. Sed levius reor verecundia apud homines periclitari, quam condemnari apud Deum silentio, veri taciturnitate et absensione justitiæ. Ipse enim dicit: *Annuntia populo meo scelera eorum* (*Isa. lviii, 1*). Erit mihi etiam in testimonium ante faciem Domini, si dicere potero: *Justitiam tuam non abscondi in corde meo, veritatem tuam et salutarem tuum dixi* (*Psal. xxxix, 11*). Pro hujusmodi sane non vereor, quamvis verecundia reluctantè, pro mea ignobilitate scribere de longinquo ad populum gloriosum, atque his litteris transmontanis sui ipsorum periculi atque peccati commonere Romanos, si forte audiant, et quiescant. Quis scit si convertantur ad precem pauperis, qui non cedunt potentium minis, non omni armaturæ fortium? Nonne quondam in Babylone, ad vocem pueri junioris unius, omnis ille populus, qui a sensibus iniquis judicibus seductus fuerat, reversus est ad judicium, et sic servatus est sanguis innoxius in die illa (*Dan. xiii*)? Ita nunc quoque, etsi adolescentulus sum ego et contemptus (adolescentulus dico, non angorum paucitate, sed meritum), potens est tamen Deus dare etiam voci meæ vocem virtutis, per quam fiat ut et is populus, quem nihilominus constat esse seductum, ad judicium revertatur. Mea ergo defensio ad eos qui mihi hinc forte succensendum indignandumve putaverint, hæc sit.

2. Si neque hoc satis est, etiam istud adjicio. Communis est causa, et non est distinctio pusilli et magni. Dolor nempe in capite est, ac per hoc minime alienus ne a minimis quidem vel extremis quibusque corporis partibus. Nec a me ergo. Pervenit profecto usque ad me, quamvis omnino minimum, dolor maximus iste, quia maximus est; et quia cum sit capitis, non potest non esse et corporis, cujus membrum sum ego. Numquid non dolente capite clamat lingua pro omnibus corporis membris, in capite se dolere, et omnia per ipsam summum caput, suumque capitis sentitur incommodum? Dimitte proinde, quæso, dimitte, ut plangam paululum apud vos dolorem meum; nec meum tantum, sed et totius Ecclesiæ. Nonne ipsius vox est hodie per universum mundum: Caput meum doleo, caput meum doleo? Quis namque vel novissimus Christianorum in toto sit orbe, qui non gloriatur hoc capite, quod ambo illi gloriosi principes terræ, alter amisso, alter submisso in cruce capite, suo triumpho exsultaverunt, suo sanguine ornaverunt?

cap. 2; Ottonis Frisingensis Chronicon, lib. 7, cap. 51, et librum secundum de Gestis Friderici, cap. 20. Arnaldistæ dicuntur hæretici a Bonaccorso, jungunturque Catharis et Passagiis, accusati, quod per malos ministros sacramenta irrita esse dicerent, in Spicilegii tomo XIII, pag. 85.



Ad omnem itaque **241** spectat Christianum injuria Apostolorum, et sicut in omnem terram exivit sonus eorum (*Psal. xviii, 5*), sic læsio eorundem ab omnibus usquequaque sentitur, usquequaque plangitur et doletur.

3. Quid vobis visum est, o Romani, offendere principes mundi, vestros autem speciales patronos? Cur Regem terræ, cur Dominum cæli, furore tam intolerabili, quam irrationabili in vos pariter provocatis, dum sacram et apostolicam sedem, divinis regalibusque privilegiis singulariter sublimatam, ausu sacrilego incessere, suoque minuere honore contenditis, quam vel soli contra omnes, si opportunisset, defendere debuistis? Sic fatui Romani; non judicantes, neque quod honestum est discernentes, caput vestrum atque omnium, quod in vobis est, deturpatis, pro quo magis nec vestris ipsis cervicibus parcendum a vobis foret, si necessitas exegisset? Patres vestri Urbi orbem subjungaverunt: vos Urbem properatis orbi facere fabulam. En Petri hæres Petri sede et urbe a vobis expulsus est: en rebus et domibus suis, vestris manibus spoliati sunt cardinales atque episcopi ministri Domini. O popule stulte et insipiens, o columba seducta non habens cor! Nonne ille caput, et illi oculi tui erant? Quid ergo nunc Roma, nisi sine capite truncum corpus, sine oculis frons effossa, facies tenebrosa? Aperi, gens misera, aperi oculos tuos, et vide desolationem tuam jamjamque imminentem. Quomodo in brevi mutatus est color optimus (*Thren. iv, 1*), facta est quasi vidua domina gentium, princeps provinciarum (*Thren. i, 1*)?

4. Verum initia malorum sunt hæc: graviora timemus. Numquid non prope interitum es, si persistis? Revertere, revertere, Sunamitis, revertere ad cor tuum: agnosce jam vel sero, quæ, quanta, a quibus patiaris, vel passa sis. Recordare qua causa, quo fidei, per quos, et in quos usus, non longe ante hos dies cunctarum, quæ in te sunt, ecclesiarum omnis ornatus et census profligatus est (653). Quidquid in altaribus et in altarium vasis, quidquid in ipsis sacris imaginibus auri et argenti reperiri tunc potuit, manibus impiorum direptum et asportatum est. Quid ex his omnibus tu in tuis nunc marsupiiis invenis? Porro decor domus Domini irrecoverabiliter periit. Et nunc quid tibi visum est iterare malitiam, innovare denno super te dies malos? Quid modo vel lucri amplioris, vel cærtioris spei aridet tibi? nisi quod in eo novissima tua cernuntur incautiora prioribus, quod tunc quidem non solum multi de plebe, sed etiam de clero, et de principibus nonnulli per orbem in schismate illo faverant tibi: nunc vero sicut manus tuæ contra omnes, sic manus omnium contra te. Mundus est a sanguine tuo mundus omnis, præter te solam, et filios tuos qui in te sunt. Væ ergo

A nunc tibi, popule miserande, et væ duplo quam ante, non ab exteris nationibus, non a feritate barbarorum, non a millibus armatorum. Væ tantum a facie tuorum tibi; væ a domesticis et amicis, a clade intestina, a cruciatu præcordiorum, a tortionibus viscerum.

5. Agnosceisne jam quia non omnes pacifici qui domestici, nec omnes amici qui videntur? Et si alias noveramus, sed nunc per te manifestius edocemur omnem veritatem illius sermonis Domini, quem dixit: *Quoniam inimici hominis domestici ejus.* (*Mich. vii, 6*, et *Matth. x, 36*). Væ fratri a fratre in medio tui, et filiis a parentibus! væ non a gladiis, sed a labiis iniquis et a lingua dolosa! Usquequo male in malo vos alterutrum confortatis, et B gladiis labiorum invicem sternitis, invicem perditis, ut ab invicem consumamini? Congregamini, oves dispersæ, redite ad pascua, redite ad Pastorem et Episcopum animarum vestrarum. Redite, prævaricatores, ad cor. Quod loquor, non quasi hostis convicians, sed quasi amicus objurgans. Habet vera amicitia nonnunquam **242** objurgationem, adulationem nunquam.

6. Sed jungimus et obsecrationem. Obsecramus pro Christo, reconciliamini Deo, reconciliamini principibus vestris, Petrum loquor et Paulum, quos utique in vicario et successore suo Eugenio suis sedibus et ædibus effugastis. Reconciliamini, inquam, orbis principibus, ne forte incipiat pro eis pugnare orbis terræ contra insensatos. An nescitis quia his offensis nihil omnino valetis, his propitiis nihil omnino timetis? Non, inquam, non timebis sub horum tutela millia populi circumdantis te, urbs inclitya, civitas fortium. Reconciliare proinde illis, simul et millibus martyrum, qui quidem apud te; sed contra te sunt propter grande peccatum quod peccasti, in quo et persistis. Reconciliare etiam omni Ecclesiæ sanctorum, qui ubique terrarum audito hoc verbo scandalizati sunt. Alioquin pagina ista contra te in testimonium erit: sed et ipsi Apostoli et martyres tui stabunt in magna constantia adversus eos qui se angustiaverunt, et qui abstulerunt labores eorum. Sed jam finem loquendi omnes pariter audiamus. Annuntiavi justitiam, prænuntiavi periculum, veritatem non tacevi, hortatus sum ad meliora: superest ut aut de vestra citius correctione lætemur; aut de justa imminenti damnatione certi, inconsolabiliter lugeamus, arescentes et tabescentes præ timore et expectatione, quæ supervenient universæ urbi.

#### EPISTOLA CCXLIV (654).

AD CONRADUM REGEN ROMANORUM.

*Hortatur Regem ad defensionem auctoritatis pontificiæ adversus rebelles Romanos.*

1. Nec dulcius, nec amabilius, sed nec arctius omnino regnum sacerdotiumque conjungi seu com-

(653) Per Anacletum antipapam, quæ res describitur ab Ernaldo abbate in libro secundo De Vita

Bernardi, n. 1, et apud Baronium anno 1130. (654) Scripta anno Christi 1146.

plantari in invicem potuerunt, quam ut in persona Domini ambo hæc pariter convenirent; utpote qui factus est nobis ex utraque tribu secundum carnem summus et Sacerdos, et Rex. Non solum autem, sed et commiscuit ea nihilominus ac confederavit in suo corpore (655), quod est populus christianus, ipse caput illius: ita ut hoc genus hominum apostolica voce *genus electum, regale sacerdotium* appelletur (1 Petr. II, 9.) In alia quoque scriptura quotquot sunt prædestinati ad vitam, nonne omnes reges et sacerdotes nominantur (Apoc. I, 6, et v. 10.)? Ergo quæ Deus conjunxit, homo non separet. Magis autem quod divina sanxit auctoritas, humana studeat adimplere voluntas; et jungant se animis, qui juncti sunt institutis. Invicem se foveant, invicem se defendant, invicem onera sua portent. Ait Sapiens: *Frater adjuvans fratrem, ambo consolabuntur* (Prov. XVIII, 19). Quod si alterutrum se (quod absit) corroserint et momorderint, nonne ambo desolabuntur! Non veniat anima mea in consilium eorum qui dicunt, vel imperio pacem et libertatem Ecclesiarum, vel Ecclesiis prosperitatem et exaltationem imperii nocituram. Non enim utriusque institutor Deus in destructionem ea connexuit, sed in ædificationem.

2. Si hoc scitis, quousque vos communem contumeliam, communem dissimulatis injuriam! Nonne ut apostolica Sedes, ita et Caput imperii Roma est! Ut ergo de Ecclesia taceam, num honor Regi est truncum in manibus tenere imperium! Et quidem ignoro quid vobis super hoc consulant sapientes vestri et principes regni: sed ego, in insipientia mea loquens, quod sentio non tacebo. Ecclesia Dei ab exortu sui usque ad hæc tempora pluries tribulata est, et pluries liberata est. Denique audite quid ipsa de se loquatur in Psalmo. Ipsius enim vox est: *Sæpe expugnaverunt me a juventute mea; etenim non potuerunt mihi, Supra dorsum 243 meum fabricaverunt peccatores, prolongaverunt iniquitatem suam* (Psal. CXXVIII, 2, 3). Certus esto, o Rex, quoniam nec nunc quoque relinquet Dominus virgam peccatorum super sortem justorum. Non est abbreviata

A manus Domini, nec facta impotens ad salvandum. Liberabit et hoc tempore absque dubio sponsam suam, qui suo sanguine redemit eam, suo spiritu dotavit, donis cælestibus exornavit, ditavit nihilominus et terrenis. Liberabit, inquam, liberabit: sed si in manu alterius, viderint regni principes, idne honor Regis, regnive utilitas sit. Non est utique.

3. Quamobrem accingere gladio tuo super femur tuum, potentissime, et restituat sibi Cæsar quæ Cæsaris sunt, et quæ sunt Dei Deo. Utrumque interesse Cæsaris constat, et propriam tueri coronam, et Ecclesiæ defensare. Alterum regi, alterum convenit Ecclesiæ advocato. Victoria, sicut in Domino confilimus, præ manibus est. Superbia et arrogantia Romanorum plus quam fortitudo eorum. Quid enim? Numquid quispiam magnus vel potens, verbi gratia, imperator, aut rex, sedam rem istam in imperium pariter sacerdotiunque præsumit? Sed populus hic maledictus et tumultuosus, qui suas nescit metiri vires, cogitare finem, considerare proventum, in insipientia sua et in furore suo ausus est hoc grande sacrilegium attentare. Absit ut vel ad momentum stare possit ante faciem Regis popularis manus, vulgi temeritas. Factus sum insipiens, qui cum sim vilis, ignobilisque persona, tanquam aliquis magnus, consiliis tantæ magnitudinis tantæque sapientiæ me ingessi, et de re magna. At quo ignobilior atque abjectior, tanto liberior sum ad loquendum quod charitas suggerit. Unde et adhuc addo in eadem insipientia mea: Si quis aliud, quam locutus sum vobis (quod non credimus) suadere conabitur, is profecto aut non diligit Regem, aut parum intelligit, quid regiam deceat majestatem: aut certe quæ sua sunt quærit, et non valde quæ vel Dei, vel Regis sunt, curare convincitur.

#### EPISTOLA CCXLV (656).

AD DOMINUM PAPAM EUGENIUM, PRO AURELIANENSIS  
EPISCOPO (657).

Gaudet ob zelum pontificis in causa Aurelianensis  
episcopi, etc.

ita, quæso, ita facite. Semper consideretur non a quo, sed quid petatur. Pro Aurelianensi episcopo

(655) Recte ad hunc locum Sugerius in epistola 74: « Cum gloria corporis Christi, videlicet Ecclesiæ Dei, regni et sacerdotii indissolubili unitate consistat, constat profecto, quia qui alteri providet alteri suffragatur: quoniam et temporale regnum per Ecclesiam Dei stare, et Ecclesiam Dei per temporale regnum proferre, omnibus discretis evidenter agnoscitur. » Vide Joannis Sarisberiensis epistolam 44.

(656) Scripta anno Christi 1146.

(657) Nimirum Helias. Post mortem Joannis episcopi Aurelianensis anno 1155, Hugonem decanum in demortui locum fuisse electum (quod tamen ab historicis ecclesiæ Aurelianensis video prætermisum) auctor est Ordericus, libro 13, ad annum 1154; sic enim scribit: Postquam Joannes senex Aurelianensis episcopus episcopatum deseruit, Hugo decanus, qui ad pontificatum electus fuerat, de curia Regis rediit, et a temerariis hominibus in via percussus obiit, et episcopatus sine præsele, sicut nactus sine gubernatore in mari, diu fluctuavit, scilicet ad annum usque 1156, quo Helias noster

post diuturnam cleri populiue discordiam unanimi omnium consensu ex monacho, et abbate Sancti D Sulpicii Bituricensis electus est. Hunc « virum religiosum prudentem et litteratum » vocat Petrus Cluniacensis libri primi epistola 11, scribens pro ipsius confirmatione ad Innocentium papam, a quo mense aprili anni 1157 consecratus est. Post aliquot annos, nempe anno 1144, gravium criminum reus a clericis Aurelianensibus apud Lucium II accusatus, cum sese purgare non valuisset, nec Petrus Venerabilis (libri quinti epist. 19, 21, 27), imo neque ipse rex Ludovicus summum Pontificem flectere in ejus gratiam potuisset, ipse S. Bernardi consilio sponte episcopatu cessit anno 1146, Eugenio III sedente. Unde mirum est, Albericum dicere in chronico, ad annum 1149, « Attonem episcopum Trecentensem, et episcopum Aurelianensem in concilio Remensi fuisse depositos; » cum ambo nutu proprio dignitatem abdica-verint, ut de Aurelianensi constat ex hac epistola: quod de Attone etiam in notis ad epistolam 23 probatum est.

non est exauditus Rex, minime tamen offensus, A quia cor ejus in manu Dei est. Quod etiam contigisset sustinendum fuerat, ne Deus offenderetur: qui utique ex hoc magis propitiabitur, et citius respirare faciet a tribulatione malorum et dolore, si justitia teneatur, si non relinquatur veritas. Hæc et his similia, quæ de vobis per orbem celebri in dies jucunditate crebræscunt, quanta cor meum suavitate repleant, non est facile dictum. Hæc pro his. De cætero si suggestum vobis a quopiam fuerit de me amplius onerando, scitote mihi vires non suppetere ad ea quæ porto. Quantum mihi, tantum parcetis et vobis. Propositum meum monasterium non egrediendi (658) credo non latere vos. De fratre Baldicio, quamvis dilecto, quamvis necessario, obeditum est sine mora. De abbate mittendo ad Sanctum-Anastasium (659), si factum non est, fiet statim ut factum non esse sciamus. Porro de alia mittenda persona, quia in ultimis litteris vestris nihil scripsistis, nihil præsumpsimus. Cæterum et hoc tam celeriter fiet, quam vobis accelerare placuerit. Plenius vobis et manifestius de his omnibus respondebunt dominus Antisiodorensis (660), et frater Baldicius. Quod sanctæ memoriæ Balduinus (661) Pisanus archiepiscopus fecit in Sardinia de excommunicatione **244** Arverensis judicis, quia ponnisi juste hoc virum bonum fecisse credimus, vestra auctoritate ratum et inconcussum manere rogamus. Porro Turritanus judex (662), quia bonus dicitur esse princeps, sit vobis commendatus, et a vobis manuteneatur.

#### EPISTOLA CCXLVI (663).

AD EUNDEN PRO EODEM, QUANDO PRÆDICTUS AURELIANENSIS DEPOSITUS EST.

*Aurelianensem, sponte se episcopatu abdicantem, pontifici commendat, ut honori ejus tantum esse velit: id humilitatem ejus, et pontificis clementiam decere.*

1. Tempus est ut et ego scribam, non jam pro episcopo, sed pro paupere et humili monacho (664); idque, quod miserabilius est, facto de divite et sublimi. Hic jam non habet adulato locum, habet miseria. Multi pro eo scripserunt, ut remaneret episcopus: sed multum hoc erat; non potui adduci ego, ut id auderem. Nunc vero, si res humanius æstimetur, ipsa nunc exigit quod ante vitabam. Spes erat homini adhuc; nam sperandi ratio suberat talis. Dicebat: Valde immutatus est rerum status, ex quo mihi sententia purgationis imposita fuit. Et quidem gravem illam satis accepi, et quæ vel ab innocentissimo difficile impleri posset. Quid nunc, cum cuncta pene in impossibile versa sunt? Nivernis non est episcopus (665), sed ne Trevis quidem; Antisiodorensis transalpinavit. Comprovincialium sane

multa hæc est. Non certe purgatores deficiunt mihi, sed episcopi vel desunt, vel absunt. Quid ergo? rectene a me exigi potest quod inveniri non potest? Si res ita judici comperta fuerit, mirum si de impossibili sententiam ferat: aut si non ex toto impossibile, nimium [al. minimum] quod forte minus est, leviter effugiet ultro negligentius perscrutantem: nempe misericordiam vult, non sacrificium. Quæ enim utilitas in sanguine meo, ut quærat iniquitatem meam, et peccatum meum scrutetur? Magis autem, quia benignus et misericors est, aliquid obliviscetur, aliquid dissimulabit, aliquid et de suo addet. Dominus est. An non licet ei quod vult facere? Etiam si non, quantum sat est, rationem mihi suppeditare adverterit; quidni tota tamen libertate utetur, prompteque misericordiam superexaltabit iudicio, vir apostolicæ mansuetudinis et auctoritatis?

2. Ergo cum sic liceret sperare timenti, nec frustra, ut sibi suisque videbatur, cessit tamen, et nostro se totum commisit, arbitrio. Ac ne occasione ipsius diutius ecclesia fatigaretur, consulente me anticipans terminum, et securis ictum, ultro episcopum exiit. Unum est, clementissime Pater, unde hominî generoso ac verecundo in tam miseranda fortuna posset non parum consolationis afferri. Queritis quid? Profecto non ambulat in magnis, nec in mirabilibus super se. Sufficit, si vestra indulgentia possit retinere sacerdotem, qui episcopus fuit: tantum a nota infamiae et perpetuæ inustionis cauterio, scuto bonæ voluntatis vestræ obumbretur sibi. O dignam omni exauditu precem! Non rogat ut gloriosus, sed ne inglorius sit, qui exstitit gloriosus. Quidquid illud sit quod medium est, eo contentus est. Liceat cadenti a gloria, honesto quo poterit mediocritatis sese excipere gradu, solamque non devenire in extremitatem opprobrii. Juvenis est, nobilis genere est, in sublimitate positus fuit: nec tamen humilem refugit locum, sed probrum. Nihilne merebitur vel ista humilitas? Humiliatus est impius Achab, profuit ei (*III Reg. xxi, 27-29*): et in viro fideli ac nobili humilitas pretium non habebit? Absit a summa **245** Sede, absit a sancta mente vestra, cor contritum et humiliatum despiciere.

3. Si diceremus, Humiliavit se, exaltetur; nihil in hoc temere a nobis præsumptum. Possemus forsitan excusare, nimirum ex regula quam optime nostis (*Math. xxiii, 12*). Nunc autem non dicimus, Exaltetur; sed, Ne coneulectur, et confundamur ab expectatione nostra. Imo vero si mala suscepimus

(658) Vide epistolam 227. et epistolam 228, n. 2.

(659) Misus est Rualeus, de quo epistola 258, et 259, et duæ sequentes.

(660) Scilicet Hugo.

(661) Vide epistolas 144, 261.

(662) Is videtur esse Gunnarius, quondam Judex et dominus Sardiniae tetrarchalis, qui ad S. Martini tumulum accedens, rediit per Claram-Vallem: ubi

a Bernardo susceptus, postmodum ibidem monachus factus est, teste Heriberto in libro secundo de Miraculis S. Bernardi, cap. 43.

(663) Scripta anno Christi 1146.

(664) Ex abbate Sancti-Sulpicii apud Biturigas episcopus, ex episcopo denno monachus.

(665) Vide epistolam 273.



de manu domini, bona quare non suscipiamus? Numquid enim potestatem habetis deponere potentes de sede, et exaltare humiles non habetis? Porro potestate accepta malle in malo, quam in bono uti, abuti est. Præterea angitur debitis multis, cum sit pauper et inops : jubeat auctoritas vestra de rebus episcopalibus ea solvi. Durum est enim simul et honore privari, et onere premi debitorum.

EPISTOLA CCXLVII (666).

AD EUNDEN PRO REMENSI ARCHIEPISCOPO.

*Dispicet ei præcepta et severior in Samsonem archiepiscopum Remensem sententia, de Pallii usu sublato.*

Amantissimo patri et domino EUGENIO, Dei gratia summo Pontifici, BERNARDUS CLARÆ-Vallensis vocatus abbas, modicum id quod est.

1. Parcat vobis Deus : quid fecistis? Faciem hominis verecundissimi confudistis ; et cujus laus est

(666) Scripta anno Christi 1146.

(667) Non semel Ludovicum Juniores coronatum lego. Primo quidem vivente patre Remis inauguratus coronam accepit ab Innocentio papa anno 1131. Deinde Ordericus Vitalis libro xii. ad annum 1138, Biturigis coronatum tradit his verbis : « Anno 1138, indict. 1. Ludovicus rex Francorum apud Bituricam in Natale Domini coronatus est, ibique ingens curia nobilium et mediocrium virorum de omni Gallia et Aquitania, aliisque circumscitis nationibus aggregata est. Illic metropolitani præsules, eorumque suffraganei convenerunt, illic consules, aliarque dignitates confluerunt, suumque famulatum novo regi exhibuerunt. » Ita Ordericus, qui novum regem appellat, quod rex Aquitanie tunc, mortuo patre, sit coronatus. Hic iterum coronatum videmus a Samson Remorum archiepiscopo ante expeditionem Jerosolymitam, forte ut in conventu solemnī fidelitatis sacramentum decussurus a solitis exciperet. Hujus postremæ celebritatis locum Hrosvitus suspicatur fuisse urbem Carnotensem, ubi de expeditione Jerosolymitana actum est. At hanc coronationem apud Biturigas factam fuisse patet ex epistolæ contextu, et ex litteris Eugenii III in Patriarchio Bituricensi relictis : ex quibus intelligimus, Eugenium sensisse, Bituricensem ecclesiam, in qua Samson sacra fecerat, interdicto suppositum fuisse. Patriarchium Bituricense editum reperies apud Labbeum in tomo secundo Bibliothecæ novæ. Ex hac porro epistola, et ex alia Ivo nis mox citanda apparet, archiepiscopum Remensem contendisse jus coronandi Reges, ubicunque demum ea coronatio fieret, sibi competere. Quod Petrus Bituricensis, et ante eum Ivo Carnotensis negabant. In hac vero epistola S. Bernardus hanc Remensis archiepiscopi prærogativam non omnino inficiat, imo admittere videtur, Hujusque meminit Silvester II papa in quadam bulla ad Arnulfum Remorum præsulem, quem ob perfidiæ notam suspensum, anno 999 in pristina dignitate et jura omnia restituit. « Concedimus tibi, » inquit, « per hujus Privilegii statuta, baculo annuloque reditu archiepiscopali officio fungi, et omnibus insignibus quæcumque ad sanctæ metropolim Ecclesiæ Remensis pertinent, solito more perfui, pallio solemnitatibus assuetis utaris, benedictione Regum, et subjectorum episcoporum. » Et certe convenientissimum erat, ut cum a B. Remigio Remorum archiepiscopo suscepissent Reges christianissimi regalis sacerdotii dignitatem, celestisque coronæ pignus per Baptismum et christianæ religionis professionem, ad ejusdem etiam successores consecrandorum coronandorumque regum prærogativam referrent : ut simili de causa Imperatores tribuerent

A in Ecclesia, ipsum in facie Ecclesiæ humiliatum. Lætificastis omnes inimicos ejus : sed quantos vos contristasse putatis? Non est modus condolendi, quia amicorum non est numerus. Dilectus a Deo et hominibus, grandis criminis luit penas, nullius convictus, nullius confessus. Tenemus Phinees, sentimus zelum ; Israelites perfoditur, sed non cum Malianitide. Imponitur ei quod Regem coronavit (#67) ; sed in hoc non existimat excessisse se tenorem privilegiorum suorum. Objicitur quod scienter divina præsumpserit celebrare in ecclesia interdicta : negat. Suo tempore probabitur illud, purgabitur istud. Esto tamen : putemus omnia constare, quæcumque in absentem adversariis ejus licuit, aut libuit loqui. Debitne hoc solo excessu, cujus cætera laudabilia exstiterunt, tam dure feriri, tam severe animadverti? Semel excessisse, etiam virtus poterat reputari, si de vestro, non de vultu inimicorum ejus

Moguntinensi archiepiscopo ob S. Bonifacium, reges Hispaniarum Toletano propter S. Eleutherium, reges Anglorum Cantuariensi ob S. Augustinum : quamvis pro locorum temporumque necessitatibus hoc Remensis archiepiscopi privilegium legitimæ dispensationi fuerit obnoxium. Nec aliud existimo intendisse Ivo nem Carnotensem in sua illa celebri epistola 189, qua Ludovici VI solemnem inaugurationem a Daimberto Senonensi archiepiscopo Aureliæ peractam propugnat. Alibi enim, l. pist. 48, hanc Remensis ecclesiæ prærogativam agnoscit, ad Urbanum papam scribens, eadem sedem « diadema regni habere. » Imo in alia illa epistola « non invidere se Remensi ecclesiæ, non repugnare, non dolere » protestatur, « si Reges Francorum erga eam habuerint tantam devotionem, ut malint a metropolitano ejus consecrari, quam ab alio : » sed tamen legitimam dispensationem in Daimberti facto tueretur. « Quod ergo fecimus, » inquit, epist. 189, « salubri deliberatione et provida dispensatione fecimus. Nimirum quia erant quidam regni perturbatores, qui ad hæc omni studio vigilabant, ut aut regnum in aliam personam transferretur, aut non mediocriter minueretur. » Quod ergo privilegium istud nec ratione, nec consuetudine, nec lege fuisse esse affirmat ; non est absolute explicandum, sed eo duntaxat tendit nervus inductionis, quam consuetudini opponit, ut ostendat, quod « Francorum reges non omnes in Remensi ecclesia, vel a Remensibus archiepiscopis sint consecrati, » quod ultro fatetur. In id vero totus incumbere videtur, ut neget, sublata qualibet dispensatione, Regum consecrationem semper in ecclesia et ab archiepiscopo Remensi faciendam sub pœna anathematis ab eo, qui secus quomodocunque tentaret, incurrendi, quod ipsi Remenses legati in ista causa urgere videbantur, teste Aimoini continuatore in lib. 5 de Gestis Francorum, cap. 50. Confer Hugonem in Chronico Autissiodorensi ad annum 1154. Tandem vero ne qua lis hac de re in posterum suboriretur, Ludovicus VII anno 1179 solemnī sententia hanc Remensis archiepiscopi prærogativam confirmavit, Alexandri et Innocentii iidem III litteris postea comprobata. Plura qui volet, legat librum Guillelmi Marloti, Sancti-Nicasii Remensis archiepiscopi, de Inauguratione Regum Francorum gallice editum anno 1654, in quo doctissime ac copiose hanc materiam pertractavit. Quod pertinet ad pallii usum, quem Pontifex Samson interdixerat, mirum est quo in pretio fuerit eo potissimum sæculo, ut S. Bernardus tolerabilius duxerit interdicti sibi Missarum celebrationem, quam archiepiscopo Remensi pallii usum, pro quo etiam S. Malachias ex Hibernia bis Romam proficisci non dubitaverit

judicium prodisset. Deinde quid in arcto illo fieri oportebat? Dies celebris, sollemnis curia, juvenis rex; et, quod his majus est, Dei negotium, de Jerosolymitana scilicet expeditione, propter quod omnes convenerant; prorsus hæc omnia Missarum, et coronæ regie sollemnis delictique honoris frustrationem nullatenus admittebant. Sed nec ipsi Bituricensi archiepiscopo omnino expediebat, ut honor Regis per eum impediretur.

2. Quæ cum ita se habuerint, æstimamus locum misericordiæ non deesse, ubi tanta necessitas typhum (668) excusat contumaciæ. Numquid potestatem habetis tantum percutere, et nequaquam sanare! Nostis qui dixerit: *Percutiam, et ego sanabo* (*Deut. xxxii, 39*). Absit ut *cujus tenetis vicem*, non usurpetis et vocem, vocem præcipue pietatis. Ergo sola hæc vice redeat sagitta Jonathæ retrorsum, et si necesse fuerit, in me magis mittatur. Tolerabilius, fateor, habuissem, Interdici mihi Missarum celebrationem, quam archiepiscopo Pallii usum. Est etiam quod non medioeriter vestro pio rigori obviat in hac parte, quod filio vestro regi Ludovico possit hinc non parvæ offensionis et irritationis occasio dari, cum ipse sibi tota mali hujus videatur esse occasio. Quod plane tempore isto non expedit: ne bonum, **246** quod vestro hortatu bono et magno animo cepit, dignum (quod absit) non habeat exitum, si in scandalo et animi perturbatione hoc egerit. De cætero mandastis et obedivi, et fecundavi obedientiam præcipientis auctoritas. Siquidem annuntiavi et locutus sum, multiplicati sunt super numerum. Vacuantur urbes et castella, et pene jam non inveniunt quem apprehendant septem mulieres virum unum, adeo utique viduæ vivis remanent viris.

#### EPISTOLA CCXLVIII (669).

AD EUNDUM.

*Præmonet Pontificem, ne Sagiensi, quantumvis supplici, reditum in episcopatum molienti, faciles aures præbeat.*

1. Non est mihi, more multorum, proceris uti ad vos, ambituque verborum: a re ipsa incipio. Homo fallax venit ad vos, credo ut fallat; sed absit ut vos. Hoc enim non nisi in multorum discrimen, idque maximum posset accidere. Semper quidem, sicut fallere malum, ita falli a malo est plerumque et malum. Sed interest quis et in quo fallatur. Quanto vestra potestas et dignitas major, tanto ea

(668) In scriptis, *typhum*. Et prorsus ita scribebant veteres illi pro, *typho*, id est superbia.

(669) Scripta circa annum 1143.

(670) Argute sciteque antiquum, jamque antiquatum Dei præceptum (quo præceperat, ut fratri absque liberis defuncto, frater superstes suscitaret semen) Arnulfo Lexoviorum pontifici accommodat: qui S. Augustini disciplinam a Joanne germano suo Sagiensium antistite traditam secularibus canonicis suis, et a successore graviter labefactam, sic sustentavit, tum scriptis ad summos Pontifices datis, tum peculiari studio, ut præclare dicat hic S. Bernardus, eum fratris suscitasse semen, quod aliena temeritas licentiaque ferme suffocant. Illeque in

A quæ vobis forte subreptio sit, non mo'lo periculosior, sed et turpior est, præsertim in ecclesiasticis causis. Si verbi gratia, Sagiensis hæc vulpecula fraudulenta, concinnans dolos vobis, sicut callide cogitat illudere, poterit et ad vineam Domini sabaoth, quam brevi tempore parte non modica demolita est, vestra auctoritate redire; quanta putatis malignitate de cætero sævituram? Heu! quod reliquum est, devorabit. Nempe qui venit vulpecula, redibit leæna: et in quosque, tam cleri, quam populi, non jam calliditate utetur, sed crudelitate. Vigilandum itaque adversus astutiam, ne ad tantam sævitiam denuo prorumpere possit.

2. Non ergo vos moveat hominis facies miseranda, vilis habitus, vultus supplex, demissa supercilia, **B** verborum humilitas: sed nec ipsæ quidem lacrymule, currentes, ut aiunt, ad nutum ejus, doctæ mentiri. Hæc omnia in facie sunt: et scitis qui dixerit, *Nolite secundum faciem judicare* (*Joan. vii, 24*). In his atque similibus forma pietatis existit, sed non semper et virtus. Vestimenta ovium sunt hæc, frequenter, sicut designavit Dominus, usurpata a lupis in stragem maximam ovium, dum non se abscondunt, quoniam illi abscondite veniunt (*Matth. vii, 15*). Inde est quod aliqui etiam ex nostris pro exscriptis, talibus circumventi mendaciis, parum advertentes quod a Sapiente sapienter ac veraciter dicitur: *Est qui se humiliat nequiter, et interiora ejus plena sunt dolo* (*Eccli. xix, 25*). Vos ergo non attendatis ad verba ejus, neque ad corporis gestus: opera interrogate. A fructibus ejus cognoscetis eum. Multa et gravia dicuntur de eo: dicuntur et in eum, si est qui querat et judicet. Nolo dicere omnia quæ audiui. Nec enim omnibus credendum est, sed nec omnibus decredendum. Unam pono breviter meam conjecturam: certine aliquid habeat, vos judicabitis. Cur datos sibi iudices declinavit? Si personas causatur, non erant suspecti. Si loci importunitatem; erat hoc in terra sua, et in cognatione sua, ubi et expensis paucis, et itinere non longo, facile et absque labore totum negotium poterat explicari. Restat proinde nihil aliud suspicandum, quam fugisse hominem subdolum accusantium multitudinem, qui extra patriam eum minime præ inopia sequi possent. **D** Gratias agimus domino Lexoviensi, qui zelo domus Domini tactus, nec marsupio pepercit, nec corpori. Bonus **247** frater, cui studium est semen defuncti fratris suscitare (670). Gratias et vos agite illi, quia

negotio eum laborasse annos plus minus viginti, est suspicari ex ejusdem ad Alexandrum III papam epistola quæ incipit, « Est quidam, in quo, » etc. Vide tonum duodecimum Bibliothecæ Patrum. Mortuus est enim Joannes Arnulfi frater anno 1143, cui successit Girardus hujus nominis II, antea canonicus secularis, quem, ut dicit Arnulfus citata epistola, Romana Ecclesia episcopari non permisit, donec eundem Ordinem in propria persona professus est. Verum, ut ibidem subditur, episcopus iste detestabilem concepissem prædicabatur affectum, scilicet plantationem hanc penitus evellendi, nempe canonicos regulares. Qua de causa hic a Bernardo suggillatur.

vestro quoque nomini hæc ejus cura non parum conferre videtur: qua fit ut vincatur malignus, et sic deiciatur; quæ est gloria vestra.

EPISTOLA CCXLIX (671).

AD EUNDEM.

*Priorem Casæ-Dei, electum in episcopum Valentiniensem, uti dignum commendat.*

Si rebus raritas pretium facit, nil in Ecclesia pretiosius, nil optabilius bono utilique pastore. Nempe rara avis est ista. Proinde sicubi talis interdum reperitur, et occasio detur, confestim injiciendæ sunt manus, et totis nisibus satagendum, ne qua vi, ne qua arte malitiæ fructuosa promotio valeat præpediri. Audivimus in ecclesia Valentina pari voto cleri et populi electum esse Priorem Casæ-Dei (672). Mirum si bonus non fuerit ad opus ad quod assumitur. Scire vultis unde id sperem? Boni hoc volunt, nec potest bonus non esse qui bonis placet. Nec minus validum argumentum mihi videtur quod bonus sit, si malis e regione displiceat. Decet Sanctitatem vestram votis assentire bonorum: ne si ab isto forte resiliere contingat, alium quem nolletis, studio et consensu pravorum contingat recipere.

EPISTOLA CCL.

AD BERNARDUM (673) PRIOREM PORTARUM.

*Repusam fratris Natalis in episcopum electi non debuisse tam moleste ferri a Religiosis. Id sua opera factum non esse. Veritum forte Papam, ne juvenilis ætatis vitia nunc demum columbiæ paterent.*

Reverendissimis patribus et dominis amantissimis, BERNARDO priori Portarum, et sanctis qui cum eo sunt, BERNARDUS Claræ Vallis vocalis abbas, salutem in Domino.

1. Ex quodam Beatitudinis vestræ rescripto comperi, scripsisse me aliquid, quod me indicaret commotum, vosque istud non parum metuere. Verum id frustrâ. Non est quod a puero vestro timendum sit vobis, reverendissimi patres, qui vos in veritate diligo ut amicos, et suspicio ut sanctos. Nisi forte non me, sed mihi paterno timuistis affectu, quod motus vobis viderer non ex ratione; aut si ex ratione, forte plus quam oporteret. Motus, fateor, fui, sed pro vobis, non contra vos, atque id tenui-  
ver satis: si et hoc temere, sed non temere confiteor adversum me injustitiam meam, et vos remittetis temeritatem peccati mei. Ignoscite mihi: sic sum, zelus domus vestræ comedit me. Non patior plane, quod in me est, decolorari tantæ specimen sancti-

latis: nam corrumpi posse, absit ut verear. Propterea autem displicet in pulcherrimo corpore non solum morbus, sed et nævus. Non plane bonus color, si sanctorum quispiam anxie ferre abjectionem suam videatur, de qua etiam et non gaudere, et non gloriari, minus est a perfecto. Porro in proposito perfectionis apparere imperfectum, nævus est. Ergo hic color mihi in fratre Natali displicuit. Quid enim, etsi castum id fuerit coram Deo? Nempe oportet providere bona etiam coram hominibus.

2. Sed dicitis: Non ipse graviter tulit, sed nos. Ad idem revertitur. Iterum dico quod sentio. Cur vobis grave fuerit, non video, nisi quia ipsi grave esse sensistis. Vos judicatis, an hoc eum decuerit, præsertim in novitate vitæ. Nam ante hanc (ut salva ejus pace dixerim) non caruit hac nota: an vero nec culpa, suæ ipsius conscientie relinquendum est. Et quid si forte hoc cogitavit [al. judicavit] dominus Papa: cum, sicut dicitis, electioni ejus assentire rennerit? Veritus quippe, ut æstimo, linguas obrectatorum, vetult festinatam novi eremitæ promotionem: ne, ut dixi, lingua maliloqua dicere posset, hunc esse, quem semper optaverat, eremi fructum. Veruntamen quidquid dominus Papa intenderit, sive hoc, sive aliud, me ignorasse sciatis illud ejus consilium: ne quis dicat quod meo instinctu id fecerit. Nam quod ad me pertinet, mihi decretum est, ubi opportune possem, non solum non impedire, sed etiam totis viribus, et ambabus, ut dicitur, trahere manibus, ubi de gratia, quæ in eo est, Deo fructificare valeret. Quis dabit mihi homines litteratos et sanctos in Ecclesiis Dei præesse pastores, si non in omnibus, certe in pluribus, certe in aliquibus saltem? Quid enim si juvenis aliqua olim juveniliter egisse memoratur? Vetera transierunt, nova facta sunt omnia. Consepultus est iterum Christo per eremi baptismum (674): ego olim æpulta vitia retractabo?

3. Jam quod abbas Caziacensis (675) sive Trecentensis dure dicuntur scripsisse vobis, omnino, cum audiui, dure accepi, et cum accepero tempus, non dissimulabo, quantum quidem charitas postulabit, et familiaritas, quæ mihi pro eorum religioſitate ad ipsos est. Deo autem gratias, qui dedit vobis non vinci a malo, sed vincere in bono malum, quia non respondistis eis malum pro malo, aut maledictum pro maledicto. Porro illas, quas ad me adversus

(671) Scripta anno Christi 1145.

(672) Mortuo sancto Joanne episcopo Valentia in Delphinatu, anno 1145, electus est Prior Casæ-Dei, nomine Orilbertus, in cujus gratiam hæc epistola scripta est cum epistola 270.

(673) Ejus nominis secundum, qui sede Bellicensi anno 1142 relictâ, rediit in Cartusiam Portarum, ibidem ante annum 1147 Bernardo Priori primo se abdicanti successus, ex notatione ad epistolam 155. Natalem, de quo hic questio, in regimen ecclesiæ Bellicensis post eum postulatum non ausim affirmare. Bernardo sane successit Guillelmus, Guillelmo post Fontium Antelmus seu Nantelmus, ex Priore itidem Portarum, cujus esse videtur epistola ad Ludo-

vicum Juniorem de sua promotione, quæ est epistola 234 inter Chesnianas.

(674) Existimabat quippe cum aliis Patribus Bernardus, vitæ religioſe professionem esse alterum veluti baptismum, ut disertè in libro de Præcepto et Dispensatione, cap. 17.

(675) In tribus Colbertinis, Caziacensis. An is Caziacensis abbas Simon, cui scripta est epistola 263? Ejus successor Tes. (sic breviter legimus), de quo in libri secundi epistola 14 Petrus Celiensis abbas apud Trecentas, hoc loco designatus; tametsi nullæ ejus contra Cartusianos epistolæ, multæ pro eis reperiantur.



præfatos abbates ante scripseratis litteras, nec studio nec voluntate mea ad ipsorum notitiam pervenisse sciatis. Et de his satis.

4. Tempus est ut non obliviscar mei. Clamat ad vos mea monstruosa vita, mea ærumnosa conscientia. Ego enim quædam chimæra mei sæculi, nec clericum gero, nec laicum. Nam monachi jamdudum exui conversationem, non habitum. Nolo scribere de me quod vos per alios audis existimo, quid actem, quid studeam, per quæ discrimina versem in mundo, imo per quæ jacter præcipitia. Si quominus audistis, precor ut inquiratis, et secundum quod audieritis, et consilium impendatis, et orationum suffragia.

#### EPISTOLA CCLI (676).

AD DOMINUM EUGENIUM PAPAM.

*Balmenses monachos pro merito punitos in gratiam recipi cupit, et cum Aduensibus conciliari.*

Amantissimo patri et domino EUGENIO, Dei gratia summo Pontifici, frater BERNARDUS Claræ-Vallis dictus abbas, modicum id quod est.

Balmenses monachi graviter deliquerunt, sed non impune (677). Vobis pro hoc ipso laus et gratiarum actio ab universa debetur Ecclesia, quia non siluistis, non dissimulastis, non quievestis. Efferbuistis ut **249** debuistis: percussistis, sed ut sanaretis. Quod si obliviscatur misereri dominus, et contineat in ira sua misericordias suas, unde sanitas? Fiduclialiter proinde post iudicium misericordiam præstolamur, ut misericordiam et iudicium eantemus Domino. Scimus, scimus, non deviat Vicarius (678) a vestigiis ejus cujus vicarius est; nimirum cum ille dicat: *Qui mihi ministrat, me sequatur* (Joan. xii, 26). Dicit autem de illo propheta: *Quis scit si convertatur et ignoscat Deus, et relinquit post se benedictionem?* (Joel. ii, 14.) Hanc de vestris quoque posterioribus audaacter exigimus. Alioquin non decet ut perdat innocentem cum impio. Etenim qui malum fecerunt, facti de medio sunt. Quid restat, nisi ut reliquæ salvæ fiant? Quidni salventur qui obediunt vobis, qui obediunt prædecessori vestro? Paulum loquor, qui aiebat: *Auferte malum ex vobis* (I Cor. v, 13). Itaque miseremini illis, et non præju-

(676) Scripta anno Christi 1147.

(677) Crimen hoc Balmensium in diocesi Bisuntina monachorum intelligimus tum ex duobus rescriptis Eugenii papæ, uno ad Humbertum archiepiscopum Bisuntinum, altero ad Willelmum seu Guidonem comitem Matiscensem, quibus rescriptis Balmensem abbatem in Prioratum redigit: ob execrabile et horrendum facinus, et inauditum sanctæ Romanæ Ecclesiæ contemptum, commissum in dilectum sibi magistrum Osbertum: tum ex litteris Willelmi comitis Matiscensis id annuentis. Eugenii litteræ datæ sunt quarto kalendas junii Parisius, id est anno 1147. Exstant in archivo Cluniacensi. Postea tamen abbatem titulus Balmæ restitutus est.

(678) Hic non obscure Papa Christi Vicarius dicitur, cum alias S. Petri Vicarius apud veteres illos appellari solet, uti alias ostendimus.

A dicet iniquitas sceleratorum justitiæ innocentium. Hæc dico, quia causa est eis cum Aduensibus in præsentia vestræ Majestatis, et timent ne noceat sibi iniquitas aliorum. Sane id præcipue obsecramus, ut concordie et paci ipsorum operam detis. Utrisque siquidem bene volumus, atque ita utrisque credimus expedire.

#### EPISTOLA CCLII (679).

AD EUMDEM, PRO EBORACENSIS.

*Sententiam, contra Eboracensem jam olim ab Innocentio latam, tandem executioni mandari postulat, re mala ejus opera dissimulanti Pontifici imputentur.*

Bævrit rostrata amolito, mo desperata furit. Currit ad laqueum homo perditionis, et debitam jam olim in se sententiam damnationis accelerat. Vel nunc manifesta sunt peccata ejus, præcedentia ad iudicium. Anticipat manum succisoris arbor maledicta et spinosa, et cunctantem securim in semet provocat. Heu! quam justius illa jamdudum cecidisset (*at. ex-*cidisset), quam sancti illi, quos contra jus et fas male stando dejecit? Etenim si non staret, stantes minime dejecisset. Et illi quidem in innocentia sua, et pro innocentia corruerunt (680), multo melius stantes: sed sanguis innoxius de manu illorum procul dubio requiretur, qui vires furivas tam noxiæ arbori, ne statim corrueret, ministraverunt. Clamat contra eorum capita sanguis sanctorum de terra, quorum animæ in manu Dei sunt, et non tanget eos tormentum malitiæ. Verumtamen viscera mea erant: effusa sunt; non recipio de verbis consolationem. Etsi possent esse qualicumque solatio sive **250** remedio, deficiunt tamen præ dolore, mœrore præcluduntur, interrumpuntur singultibus. Unum tamen ipsumque extremum, quod utique magis scribere, quam proloqui possum, adhuc audite, vel potius legite. Si adhuc steterit, proh dolor! verendum, ne ipsius status sit vester casus, dum quidquid adjecerit, utpote mala arbor, quæ non potest nisi malos fructus facere (*Matth. vii, 18*), non illi jam, sed vobis merito imputetur.

D

(679) Scripta eodem anno.

(680) Hic intelligit Bernardus stragem in Fontanense Ordinis sui in Anglia monasterium, lactam a fautoribus Willelmi intrusi. Eam diserte narrat Serlo monachus in Historia ejus monasterii, Monastici Anglicani tomo i. pag. 747, ubi amoto per Eugenium Willelmo, ejus fautores dicuntur concurrisse in cenobium, cujus abbas Henricus ipsis adversus erat; tum omnia diripuisse, incendisse, profligasse, salvis nihilominus monachis cum abbate: ex quibus tamen aliquos fuisse necatos hic innuit Bernardus. Serlo addit. Henricum abbatem in archiepiscopatum electum, statim Claram-Vallē adiisse ad S. Bernardum: et inde Treverim convenisse Eugenium papam, a quo consecratus ac pallio donatus, non sine multa contradictione a suis tandem admissus sit.

AD ABBATEM DE PRÆMONSTRATO.

*Asperioribus Præmonstratensium litteris placide respondet, recensens sua in eos beneficia. Refellit quoque singula querelarum capita, constantem se ipsis anticum fore professus.*

1. Audiui auditionem vestram, et timui. Scribitis enim contra me amaritudines: absit autem ut tam rationabiliter quam terribiliter. Quid peccavi? an quod vestram personam semper amavi, vestrum Ordinem fovi, et promovi semper, quod in me fuit? Fidem, si verbis non habetur, opera faciunt. Ut quidem mea mihi conscientia respondet, ego a vobis debui commendari. Sed quia contraria potius loqui et scribere libet, dabo ego voci meæ vocem virtutis ex factorum testimonio. Id quidem grave. Videar impropere beneficia, quod utique non decuerat. Ut minus sapiens faciam, vos me cogitis. Cui unquam vestrum, sive vestrorum nostra opera opus fuit, et

(681) Scripta anno 1150. — Hugonem innuit Norberti primum discipulum ex capellano episcopi Cameracensis, ac successorem in regimine Præmonstrati. Hugo iste mirifice laudatur, non solum in libro de Vita S. Norberti, sed etiam apud cognominem suum Hugonem chronographum Autissiodorensis Sancti Mariani, et apud Hermannum monachum Laudunensem in libro tertio de Miraculis S. Mariæ, capp. 6, 8 et 10. Norbertus etiam passim apud eundem prædicatur auctorem, maxime cap. 7, ubi ipsi Bernardo præponitur, tum quia primus Ordinis sui fundator, tum quia Sanctimonialium ejusdem Ordinis institutor, quæ jam tum numerum decem millium excedebant. De eodem Norberto plura ad epistolas 35 et 56. In scriptis non paucis (nam et id notare convenit) hujus epistolæ loco ponitur epistola 125, cum rescripto Bernardi: hæc autem locum post epistolam 296. Ita due sequentes etiam loco non constant in manuscriptis.

(682) De origine Præmonstrati variant auctores. Fabulosum videtur quod apud Franciscum Alutem Historiæ Cuciensis familie libro 2, cap. 19, legitur. Gordonius Societatis Jesu, in Chronologia ad annum 1116, dicit hunc Ordinem nomen accepisse a ratione instituti cœlitus præmonstrata. Sed locum ita vocatum fuisse ante S. Norbertum, patet tum ex ejus Vita, cap. 17, ubi dicitur elegisse « locum valde desertum et solitarium, qui ab antiquis Præmonstratum dicebatur: » tum ex Hermanno monacho locis infra citandis. Quod vero hic dicit Bernardus de loco Præmonstrati a se concessio, repugnare videtur litteris fundationis Præmonstrati, Bartholomæi Laudunensis episcopi nomine confectis (exstant in Bibliotheca Præmonstratensi et in notis ad Guibertum), in quibus locus prædictus ad Sancti Vincentii monachos pertinuisse dicitur, et ab ipso Bartholomæo (cui primum ab Adalberone, Sancti Vincentii abbate, Seifrido ejus successore postea confirmante, concessus fuerat) S. Norberto traditus. Quod etiam notavit Hermannus monachus libro tertio de Miraculis beatæ Mariæ Laudunensis, cap. 4. « Venientes itaque, » inquit, « ad præfatum locum Præmonstratum, ingrediuntur orandi gratia quamdam ecclesiam in honore S. Joannis Baptistæ ibidem constructam. Hæc erat de jure cœnobii Sancti Vincentii Laudunensis, » etc. Ex quibus quidam nuper scriptor in notationibus ad Vitam S. Norberti, cap. 19, hæere se testatur in explicanda Bernardi concessione, quam a monachis Vincentianis per manum Bartholomæi episcopi factam legit. At quamvis sexcenta id generis in contrarium argumenta starent, Bernardi verbum ineluctabilem obtinere debet auctoritatem: et siquidem rem paulo diligentis con-

A default? Primo quidem locus ipse Præmonstrati, in quo degitis, noster fuit, et nostro munere habuistis (682). Nam nobis frater Wido (683) (hoc nomen primi incolæ loci) per manum episcopi ante donaverat. Deinde quod hi de Bello Loco (684) vobis se associaverunt, nostri potissimum studii fuit. Apud Jerosolymam rex Balduinus, dum adhuc viveret, locum Sancti-Samuelis donavit nobis (685), et mille aureos simul, de quibus edificaretur: vos dono nostro et locum habetis, et aureos habuistis. Apud Virdunum pro ecclesia beati Pauli, ut eam vos haberetis, quantum laboraverim, multi norunt: et quantum profecerim, ipsi sentitis. Si quominus recognoscitis vos, exstant epistolæ nostræ ad beatæ memoriæ papam Innocentium, hujus rei veri iudices, et quasi vivi testes. Illis de Septem-Fontibus (686) locum quem primum inhabitaverunt (Francensis nomen ei) nos contulimus.

consideraveris, pugnantly facile conciliabis. Certum enim est Præmonstrati cœnobium, in prima sui conditione, non eo in loco situm fuisse, quo primum a S. Norberto fuerat institutum: sed in altera montis parte, ad quam Hugo Norberti successor, cui hæc epistola dirigitur, illud translulerat. Cujus rei meminit idem Hermannus tum loco citato, ubi prævisionem S. Norberti de cœnobii translatione refert, tum ibidem, cap. 10, ubi Præmonstrati mutationem sic describit: « Videns autem Hugo ecclesiam illam parvam » (nimirum S. Joannis Baptistæ, quam monachi Vincentiani concesserant, uti præmiserat cap. 4) « jam non posse sufficere tantæ multitudini quæ convenerat, et per Dei gratiam quotidie augmentabatur: sciens etiam dominum Norbertum, ut superius dictum est, in spiritu prævidisse, quod ex altera montis parte major ecclesia foret ædificanda, inito cum fratribus suis consilio, D. Bartholomæum episcopum, utpote loci fundatorem et patrem, advenire rogavit, quatenus dispositis omnibus officiis, ipse primum lapidem in ecclesiæ fundamento poneret. » Fuit ergo prima illa sedes seu ecclesia a nostris Vincentianis concessa: sed quid prohibet secundam hanc a S. Bernardo, qui eam a Widone eremita prius acceperat, Præmonstratensibus concessam? Legantur epistolæ duæ Philippi abbatis Bonæ-Spei, quibus hæc respondere videtur.

(683) Widonem legimus in Historia cœnobii Viceniensis prope Valentianam, quæ exstat in Spicilegio tomo 12, pag. 534, ubi Wido seu Guido, « Britonum gente progenitus, sacerdos officio, » eo tempore quo Norbertus Præmonstratum accessit, ibi degisse dicitur, et locum majori cessisse, secedendo Vironium, ubi fundamenta jecit cœnobii, quod Walterio Sancti-Martini apud Laudunum abbati subjecit.

(684) Bellus-Locus ordinis Præmonstratensis, diocesis Trecentis, ubi canonici regularibus successore Præmonstratenses anno 1140. Ad Odonem hujus Belli-Loci abbatem epistola 407.

(685) De hoc loco Gaufridus in libro tertio Vitæ Bernardi, n. 22. « Postremo quasi vitis abundantissima suos undique palmites propagavit, excepto quod in terram Jerosolymitanam, quamvis locus esset a rege paratus, ob incursum paganorum et aeris intemperiem non acquievit mittere fratres suos. » Confer epistolam 175, ad Patriarcham Jerosolymorum qui locum offerebat, epistolam 355, qua regiæ Jerosolymorum Præmonstratenses commendat. De monasterio Sancti-Pauli vide notas ad epistolam 178.

(686) Septem-Fontes diocesis Lingonensis ad Montem-Claram.

2. Propter quod horum vultis recedere ab amicis? Numquid redditur pro bono malum, quia minamini violare pactum (687), valedicere paci, societatem deserere, **251** scindere unitatem? Sed esto. De bono opere non me lapidatis, sed de injuria, quod fratrem Robertum, cum esset de vestra professione, susceperim, habitum ei monachicum tradens. Non inficior, apud nos est. Putaveram autem me super hoc satisfacisse vobis, cum susceptionis illius rationem, ordinem, necessitatem, viva et veridica voce exposui, idque non semel. Quia vero necdum quiescitis, non erit mihi pigrum rescribere quod responderam, quando vobis durum non est repetere quod excusaveram.

3. Minime ergo prædictum fratrem Robertum aliquando, ut a vobis exiret, sollicitavi: magis autem a multis annis id cupientem, non semel, sed sæpe compressi. Quonam denique modo suspectus haberi possum, quod fratrem Robertum subdlexerim vobis, ejus consilio et hortatu magistrum Othonem habetis? Si nescitis, ipsum interrogate: si bene novi hominem, non negabit. Possem et alios forsitan non paucos nominare, sive conversos ad vos, sive reversos: quos hodie non haberetis, nisi a nobis suasi fuissent, vel coacti. Parco autem, non inops materie, sed verecundie satisfaciens dives. Inveni ego in claustris vestris, qui ad verbum prædicationis nostræ compuncti et conversi ad nos venire disposerant: cum ecce sollicitantibus vestris retrahentes pedem, recepti et retenti sunt in Ordine et habitu vestro. Postmodum verò, remordente eos conscientia, exire voluerunt: et, ut fallor, exissent, nisi nostro firmentur non assensu tantum, sed et hortatu.

4. Sed jam audite (quia iterum vultis audire) quomodo tandem fratrem Robertum receperim. Dominus papa præcepit, nempe rogatus ab illo et ejus amicis. Dicebat vestrum sese et abbatis ejus assensum prece sua obtinuisse, ne quis dicat quod præcepto extorsit. Negatis: quid ad nos? ipse viderit. Si vobis summum et sanctum Pontificem falsitatis arguere libet, ignoscite nobis: quia nos tantæ sanctitati non credere, et tantæ majestati non obedire nefas ducimus. Quanquam et venerabilis abbas Godescalcus (688), qui de vestris est (nam is a domino Papa ad vos hujus rei gratia fuerat destinatus), non plane negaverit reportasse se a vobis, et liberam fratris emancipationem, et vestram ipsius spontaneam concessionem (*al., male, concessione*).

5. Jam de fratre Fromundo non est quod nos læcessatis, eum nequaquam eum sine voluntaria abbatis sui concessione receperim: quod quidem nec vos latuisse amara illa epistola demonstrat in qua nobis de sola capituli non expectata conniventia

(687) Pactum hoc describit Manriquez, initum anno 1142, inter Cistercienses et Præmonstratenses concordie causa, ut inter utrorumque monasteria leuca duæ; inter grangias seu villas una intercederet. Hinc Bernardus dominum Bassi Fontis ait fuisse extra statutos terminos constitutam. Erat autem sita in diocesi Trecenti, fundata anno 1143.

A calumniam struitis. Quasi vero vel in mutua nostra conventionem id prohibitum fuerit: vel emancipatio filii ad capitulum, et non potius ad solum spectet abbatem.

6. Adjicitis et de domo quadam fratrum vestrorum de Basso-Fonte, quod eam nos de medio tulimus, licet extra statutos terminos constitutam. Atque utinam priusquam nos argueretis, eosdem interrogassetis fratres, non solum quis eam de medio tulerit, sed etiam qua de causa. Neque enim celassent vobis, ut confidimus, hujus rei veritatem. Cæterum audite eam nunc vel a nobis, ac deinde, si ita placeat, eos interrogate. Ceperant ædificare locum, ubi aliquas e sororibus suis constituerent, longe quidem ab abbazia sua, in confinio autem duarum grangiarum domus nostræ et prope pascua ovium nostrarum. Rogavimus eos tanquam amicos, et quibus forte non inutiles fuisset, ne seminarium scandali, et dissensionum fomitem suis pariter et nostris pararent, posteris relinquendum. At illi nihilominus ædificabant. Hæc fuit tota violentia nostra: sic nos de medio tulimus domum illam. Inexcusabiles sumus, si rogare, vim irrogare est

**252** 7. Revera episcopus (quod negandum non est; indignatus, non modo quod oratorium in suo episcopatu, sed et quod domum in fundo ecclesiæ et terra feudi sui ædificare se inconsulto præsumpserat) intervenit operi, quamvis frustra; nam nec veliti ab eo destiterunt. Exinde transeunti mihi per terram illam, is qui tunc erat abbas, Bassi-Fontis occurrens, indicavit quod ab ædificatione cessassent. Verumtamen non tam propter nos, sicut ex ejus relatione cognovi, quam propter militem illum, qui terram eis visus dedisse gravabat eos in multis, ita ut de eo plurimum quererentur. Quamquam etsi pro sola charitate nostra id voluntarie dimisissent, nec religionem eorum dedecisset, nec immeritis forsitan præstitisse beneficium viderentur. Miror sane unde hæc tandem querela emergerit, cum et abbas ille in bona, nisi fallor, et devota erga nos voluntate præsentem finierit vitam: et qui substitutus est ei, frequenter et familiariter conveniens nos in necessitatibus suis, nullam nobis querimonie hujus aliquando fecerit mentionem. Denique et in eadem postea domo humanissime susceptus hospitio, nihil hinc ab ipso abbate, vel alio quoquam audivi. Sed et vobiscum in Clara-Valle postmodum præsens fuit abbas, et nuperrime Barri, jam instante capitulo vestro, unde litteræ illæ querulæ, ne dicam calumniosæ, venerunt: et nec hic, nec ibi super hoc, sive ab eo, sive a vobis, vel tenuiter quidem memini me fuisse conventum.

8. Præterea causamini, quod oomunculam fratrum vestrorum de Brena (689) conversus Igniacensis com-

(688) De eo vide epistolam 14.

(689) Brenæ seu Branæ, quod oppidum est ad Axoniam, quatuor leucis supra Sussionas, insignis exstabat abbazia Præmonstratensium, S. Evodio sacra: a qua non longe distat Igniacum, Ordinis Cisterciensis in diocesi Rrmensi. Abbas Igniaci Humbertus, ad quem epistola 141.



bassit. O domunculam! nempe umbraculum quoddam A  
ranorum erat, ubi sederet frater, qui stantes adhuc  
in agro segetes custodiret. Neque hoc combustum  
malitia, sicut fidei relatione cognovimus: sed quod  
positum in agro quodam fratrum Ignaciensium,  
terram occuparet, quam excoli oportebat. Denique  
vix uno taxata est nummulo domuncula hæc: et  
abbati de Brena ita jam, nisi fallimur, super hoc  
satisfactum, ut omnino nec queratur, nec habeat  
unde queratur. Si quominus, ubi id nos rescire  
feceritis, parati sumus ad omnem satisfactionem.  
Sic et de abbate Longi-Pontis (689'), ubi primo  
querelam vestram accepimus, quod inter terminos  
vestros domum vellet ædificare, prohibuimus eum:  
et jam credimus destitisse. Sin autem; et id fiet, ubi  
factum non esse noverimus.

9. Super omnia plangitis, quod ecclesiam Sancti  
Foillani (690), quæ de Ordine vestro est, abbas no-  
ster de Villari fecerit imbanniri [id est interdicti].  
At forte justius vobis fratris et coabbatis vestri de  
prædicta domo Sancti Foillani incredibilis obstina-  
tio, quam summi Pontificis justissima [at. repre-  
hensibilis] animadversio displiceret. Novi siquidem,  
quod multis vestrorum ipsius abbatis animositas  
displiceat graviter: mirum valde, si non etiam  
vobis. Ita ergo dico vobis, huic indignamini: siqui-  
dem ipse est, cujus aut cupiditas, aut contumacia  
fratribus vestris divina fecerit officia interdicti. Et  
quidem prolixum est hoc negotium, et difficile caset  
universa ejus subterfugia epistolari brevitate con-  
cludi: causam tamen interdicti quam breviter inti-  
mabo. Post duas aut plures conventiones pacis,  
post definitivam sententiam judicii, juxta mandatum  
capituli vestri per vestros et nostros abbates pro-  
mulgatam, accitus demum episcopus Cameracensis,  
ad cujus parochiam locus Sancti Foillani pertinere  
cognoscitur, cum videret abbatem obstinato animo  
omnia violare, etiam sententia eum ecclesiastica  
cogere voluit, ut dicebat. Ille vero, ut redimeret  
tempus, summi Pontificis audientiam appellavit.  
Ventum est ante eum: qui postquam testimonio  
tam vestrorum abbatum, quam aliorum religiosorum  
253 indubitante agnovit abbatem Sancti-Foillani  
non solum resilire a compositionibus, sed et judicio  
contraire, ecclesiam ejus imbanniri jussit, donec  
satisfecisset. Demum rogastis tam vos, quam ipse  
domnum Cisterciensem, et nos; multisque tam  
vestris, quam vestrorum precibus extorsistis, præ-  
sente etiam ipso episcopo, qui promulgandæ senten-  
tiæ interdicti mandatum acceperat, ut provideretur  
adhuc forma aliqua pacis. Absente abbate de Villari,  
tractata compositio, dictumque episcopo est, ut si

vel ipsam observaret, abbas Sancti-Foillani abstine-  
ret ab interdicto. Discedens autem nec illam tenuit,  
sed domum, quam et judicii sententia, et composi-  
tiones omnes diruendam esse definierant, ita ut  
semel etiam diruta jam fuisset, atque interim contra  
conventionem et judicium reædificata; hanc, in-  
quam, et tenuit, et tenet, et alteram quoque super-  
ædificavit. Quidni exsequeretur episcopus manda-  
tum apostolicum, quod acceperat de promulganda  
sententia interdicti, præsertim addita prævaricatione?  
Ego tamen sperans tandem aliquando vincere  
in bono malum, eamdem sententiam differri feci  
usque ad octavas Epiphaniæ, si forte interim vir  
ille recogitaret, ut vel formam judicii exsequeretur,  
vel compositionem aliquam observaret. Atque uti-  
nam sic contingat, et faciat Deus pacis, ut requies-  
cat super illum pax nostra!

10. Cum hæc ita se habeant, non est quod de  
nobis queri debeatis: cum justius nos de vobis, ut  
apparet, queri possimus. Reliquum est ut diligentes  
vos diligatis, præsertim solliciti servare unitatem  
spiritus in vinculo pacis: illo, inquam, vinculo, quod  
inter nos et vos causa pacis charitatisque firmatum  
est, utiliter quidem, et non minus forsitan vobis  
quam nobis. Si rumpendum decernitis, non expedit  
quidem, sed nec licere ullatenus puto. Nempe  
ubi communis est causa, personæ reatus præjudicare  
non deberet, etsi vera essent quæ in nos dicitis.  
Ego autem, fratres, quidquid faciatis, decrevi sem-  
per diligere vos, etiam non dilectus. Occasiones  
querat, qui vult recedere ab amico: mihi studii  
est, et erit, nec cuiquam amicorum justam in me  
discessionis causam dare, nec scrutari in alio: quod  
hoc quidem fictæ, illud vero neglectæ amicitie sit.  
Et quia secundum prophetam *glutino bonum est* (Isa.  
xli, 7); solvere, vel potius abrumpere vos poteritis,  
sed non me. Adharebo vobis, etsi nolitis: adhære-  
bo, etsi nolim ipse. Olim me alligavi forti vinculo,  
charitate non ficta, illa quæ nunquam excidit. Cum  
turbatis ero pacificus, conturbantibus quoque dabo  
locum ire, ne diabolo dem. Vincar jurgii, vincam  
obsequiis. Invitis præstabo, ingratis adjiciam, hono-  
rabo et contemnescentes me. Et nunc tristis est anima  
mea quod quacunque occasione offenderim vos;  
eritque tristis, usquedum vestra indulgentia releve-  
tur. Si tardaveritis, ibo, et excubabo pro foribus;  
perseverabo pulsans, instabo opportune, importune,  
donec vel merear, vel extorqueam benedictionem.  
Plus quam medium hiemis transit jam, et tunicam  
nostram [id est charitatem] usque adhuc frustratus  
exspecto.

(689') Abbatia Longi Pontis, duabus leucis  
prope Suessiones, ordinis item Cisterciensis, uti et  
Villaris, in Brabantia diocesis Namurcensis, ubi  
tunc abbas Fastredus, cujus est epistola in Appendice  
relata.

(690) Abbatia Sancti Foillani Hiberni, prope Ro-  
dium Hannoniæ oppidum in eius martyrii loco sita,

erat Ordinis Præmonstratensis. His omnibus Ber-  
nardi in Præmonstratenses beneficiis adde donatio-  
nem loci in silva de Orta, a Ludovico Juniori factam  
et interveniente domino Bernardo præmemoriæ Clare-  
Vallensi abbate, et Sancti-Mariani abbas Antissio-  
dorensis agnoscit in epistola, inter Chesnianas nu-  
mero 282.

## 254 EPISTOLA CCLIV (691).

AD ABBATEM GUARINUM ALPENSEM.

*Laudat in sene abbate studium reformandi Ordinis. Temporis brevitate non obistere studio perfectionis. In vita spirituali semper proficiendum, nunquam standum.*

Reverendo Patri, et omni veneratione digno, domno abbati Alpensi GUARINO, et universis ejusdem loci fratribus, frater BERNARDUS, vestrae sanctitatis servus, de bono in melius semper proficere.

1. Revera nunc in te, Pater, experior quod in sacris Litteris legisse me memini : Cum consummatus fuerit homo, tunc incipit (Ecli. xviii, 6). Jam seni requies, jam corona debebatur merito : et ecce tanquam novus in Christo miles, nova iterum tibi excitata bella, provocas adversarium ; et rem fortium præsumis fessus senex, dum ad iterandum certamen, antiquum hostem, etiam quodammodo invitum compellis. Enimvero dum præter morem tuum, tuorumque prædecessorum traditiones (692), divinius inspiratus ecclesias et ecclesiastica beneficia relinquis ; synagogas Satanae, id est cellulas extra cenobium (693), in quibus tres, vel quatuor fratres sine ordine, sine disciplina habitare solent, destruis ; feminas a monasterio arces (694), ceterisque pietatis ac disciplinae bonis studiosius invigilas solito : quid aliud primus et maximus ille peccator, nisi videbit et irascetur, dentibus suis fremet et tabescet ? Sed quæ cura ? E contra tu in ejus confusione et tua consolatione cantabis Deo tuo : Qui timent te, videbunt me et lætabuntur, quia in verba tua supersperavi (Psal. cxviii, 74). Nec timendum quod succumbat hosti, qui nec cedit ætati. Vincit annos animus, et frigente jam corpore fervet sanctum in corde desiderium ; artibusque fatiscens, durat tamen incolumis propositi vigor, nec sentit rugosæ carnis infirma spiritus promptus. Nec mirum. Ut quid enim metuat veterani domicilii ruinas, qui fabricam spiritualem videt in dies in sublime consurgere, proficere in æternitatem ? Certus namque est, si terrestris domus ista dissolvitur, quod ædificationem habet ex Deo, donum non manu factam, æternam in cælis (II Cor. v, 1).

2. Sed dicet aliquis : Quid si morte præventus fuerit homo, necdum videlicet spirituali ædificio consummato ? Perfectus quippe non habet quo proficiat : et qui proficit, eo ipso quo proficit, perfectus non esse convincitur. Est quod securi de illo plena fide respondeamus. Dicemus nempe : Con-

A summatus in brevi, explevit tempora multa (Sap. iv, 13). Bene multa, qui universa complectitur. Quomodo enim non explevit omnia tempora, qui transit ad æternitatem ? Quanta sane tempora non longævitate, sed longanimitate ; hoc est, non annorum serie, vel dierum numero, sed mentis devotione, et inexstinguibili semper proficiendi desiderio percurrere potuit, tanta sibi in meritis non immerito vindicavit. Retinet quippe virtute, quod amisit in tempore. Porro vera virtus fluem nescit, tempore non clauditur. Unde est illud : Caritas nunquam excidit (I Cor. xiii, 8) ; et item : Patientia pauperum non peribit in finem (Psal. ix, 19) ; et : Timor Domini sanctus permanet in sæculum sæculi (Psal. xviii, 10). Nunquam justus arbitratur se comprehendisse (Philipp. iii, 13) : nunquam dicit : Satis est, sed semper esurit silitque justitiam : ita ut si semper viveret, semper, quantum in se est, justior esse contenderet, semper de bono in melius proficere totis viribus coaretur. Non enim ad annum vel ad tempus, instar mercenarii, sed in æternum divino se mancipat famulatui. Audi denique vocem justi : In æternum non obliviscar justificationes tuas, quia in ipsis vivificasti me ; et 255 rursum : Inclina cor meum ad faciendas justificationes tuas in æternum (Psal. cxviii, 93, 112). Non igitur ad tempus. Proinde justitia ejus manet, non aliquanto tempore, sed in sæculum sæculi (Psal. cxi, 3). Sempterna itaque jacti esuries sempiternam meretur refectionem : et licet in brevi consummetur pro tempore, judicatur tamen explesse tempora multa pro virtutis perpetuitate.

3. Quomodo denique temporis brevitatis bonorum præjudicet perpetuæ devotioni, quæ pertinet ad reprobationem malitiam excusare non sufficit ? Ob hoc enim procul dubio inflexibilis et obstinate mentis punitur æternaliter malum, licet temporaliter perpetratum, quia quod breve fuit tempore vel opere, longum esse constat in pertinaci voluntate : ita ut, si nunquam moreretur, nunquam velle peccare desineret ; imo semper vivere vellet, ut semper peccare posset. Proinde potest et de isto per contrarium itidem dici : Consummatus in brevi, explevit tempora multa ; quod merito multorum, imo omnium temporum receperit vicem, qui nullo tempore malam voluerit mutare intentionem [al. voluntatem]. Itaque indefessum proficiendi studium, et jugis covatus ad perfectionem, perficere reputatur.

4. Quod si studere perfectioni, esse perfectum est ; profecto nolle proficere, delictum est. Ubi ergo sunt qui dicere solent : Sufficit nobis, nolumus esse melio-

(691) Hæc epistola scripta est anno 1136, quo unitum est Cistercio Alpense monasterium, de quo epistola 152.

(692) Id est remissiones disciplinae regularis, a majoribus inductas, ut in epistola 91.

(693) Nempe ejusmodi cellule passim exitiales sunt observantiae regulari, quæ in tam exiguo numero servari vix potest. Obedientias vocat epistola 400. Eisdem verbis usus est supra in epistola 150, n. 2.

(694) Id est ab ecclesia : nam et id in Ordine nostro olim receptum, ut apud Cistercienses, qui requiem monachos alienos in ecclesias suas admittabant, teste Orderico Vitali in libro viii, pag. 714. Cartusien- ses et hospites tantum religiosos in eorum, et apud Guigonem in Statutorum capite 10. De inde dicto quondam mulieribus in nostras ecclesias ingressu lege Præfationem ad Sæculum primum, n. 112, et ad Sæculum secundum, n. 53.

res quam patres nostri? O monache, non vis proficere? Non. Vis ergo deficere? Nequaquam. Quid ergo? Sic mihi, inquis, vivere volo, et manere in quo perveni; nec prior fieri patior, nec melior cupio. Hoc ergo vis quod esse non potest. Quid enim stat in hoc sæculo? Et certe de homine specialiter dictum est: *Fugit velut umbra, et nunquam in eodem statu permanet* (Job xiv, 2). Ipse denique hominis sæculique Auctor, quandiu in terris visus est, et cum hominibus conversatus est, nunquam [al. nunquid] stetit. Et quidem, teste Scriptura, *pertransiit benefaciendo et sanando omnes* (Act. x, 38). Pertransiit autem, sicut non infructuose, ita non remisse, non pigre, non lento gressu; sed, quemadmodum item de ipso scriptum est: *Exultavit ut gignat ad currendam viam* (Psal. xviij, 6). Porro currentem non apprehendit, qui et ipse pariter non currit. Et quid prodest Christum sequi, si non contingat consequi? Ideo Paulus aiebat: *Sic currite ut comprehendatis* (I Cor. ix, 24). Ibi tu, Christiane, fuge tui cursus profectusque metam, ubi Christus posuit suam. *Factus est, inquit, obediens usque ad mortem* (Philipp. ij, 8). Quantumlibet ergo cucurreris, si usque ad mortem non perveneris, bravium non apprehendis. Bravium Christus est. Quod si illo currente tu gradum sistis, non Christo appropias, sed te magis elongas; timendumque tibi est quod ait David: *Ecce qui elongant se a te, Domine, peribunt* (Psal. lxxii, 27). Itaque si proficere currere est: ubi proficere, ibi et currere desinis; ubi vero [al. ubi ergo] non currere, ibi et deficere incipis. Hinc plane colligitur quia nolle proficere, nonnisi deficere est.

5. Vidit scalam Jacob, et in scala angelos, ubi nullus residens, nullus subsistens apparuit; sed vel ascendere, vel descendere videbantur universi (Gen. xxviii, 12): quatenus palam daretur intelligi, inter profectum et defectum in hoc statu mortalitatis vitæ nihil medium inveniri; sed quomodo ipsum corpus nostrum continue aut crescere constat, aut decrescere, sic necesse sit et spiritum aut proficere semper, aut deficere. Interest tamen, quod nequaquam juxta ordinem corporalium vicissitudinum etiam spiritus sua vel incrementa capit, vel patitur detrimenta. Nam semper in robusto et vegeto corpore animus mollior atque tepidior jacet; et rursus in corpore debili et infirmo fortior viget promptiorque spiritus. Quod se utique in se experitum testans Apostolus, *Quando infirmor, inquit, tunc fortior sum*: sed et libenter gloriatur in infirmitatibus suis, *Ut inhabitet in me, ait, virtus Christi* (II Cor. xii, 9, 10).

256 6. Quod quidem sic astruimus exemplis, ut

(695) Sic cum Bernardo veteres passim, non, *In odorem*. Neque enim sponsa in odorem currit, sed in odore currit ad sponsum. Petrus Venerabilis infra in epistola 264, et tractus odore unguentorum tuorum.

(696) Scripta anno Christi 1131.

(697) Id est Grossum quod intelligitur tum ex co-

A problemus et oculis, dum in te, pater, manifestum sit nobis quod dicitur: *cujus quippe et si homo exterior corrumpitur, sed interior renovatur de die in diem* (II Cor. iv, 16). Unde etenim tantus ardor innovandi ordinis, nisi ex renovatione mentis? Sia bonus homo de bono thesauro suo profert bona (Matth. xii, 35); sic arbor bona fructus bonos facit (Id. vii, 17). Primi et purissimi fructus tui. Sed quænam arbor hos protulit: nisi puritas cordis. Alioquin quando impurus animus tanto studio Regule inquireret eligeretque puritatem? Nec de turbido fonte limpido emanat rivus, nec de sordida mente munda cogitatio. Intus est procul dubio, intus est quod delectat: et ex illa plenitudine intrinseca erumpit totum quod foris exuberat: atque in mente fulget, quod sic placet in opere.

B 7. Sequimini, filii, patrem: imitatores ejus estote, sicut et ipse Christi. Dicitur: *In odore* (695) *unguentorum tuorum curremus* (Cant. i, 3): siquidem bonus odor Christi est in omni loco (II Cor. ii, 14). Nam ut taceam de vobis, qui præsentis cominus percipitis fragrantiam; tanta ad nos usque, qui longe absumus, ex studiis ejus bonis pervenit hujus suavisimæ re-persionis ubertas, ut nobis certissime fiat odor vitæ ad vitam. Puto quod et in cælestibus jam persenserint odorem suavitatis, et quodam solito festiviori exsultatione decantent: *Quæ est ista quæ ascendit per desertum, sicut virgula sumi, et aromatibus myrrhæ et thuris, et universi pulveris pigmentarii?* (Cant. iii, 6); et illud: *Emissiones tuæ paradisi malorum puniceorum cum pomorum fructibus* (Cant. iv, 13). Quicunque inter vos hunc in cælis jubulum non audit, invidet: quisquis hunc non sentit odorem, ut omnium pace dixerim, putet.

#### EPISTOLA CCLV (696).

AD LUDOVICUM REGEM FRANCORUM (697).

*Monet regem, ne concilium hoc tempore Ecclesiæ at regno tam necessarium, ipsiusque regis honori cessurum, impediatur.*

LUDOVICO, Dei gratia excellentissimo regi Francorum, BERNARDUS Claræ-Vallis vocatus abbas, fidelis suus, salutem a Rege regum, et Domino dominantium, ipsi, et dilectæ ejus, et filiis ejus.

1. Regna terræ et jura regnorum tunc sane suis dominis atque illæsa persistunt, si divinis ordinationibus ac dispositionibus non resistunt. Tu domine, irascitur furor tuus contra Dei electum quem tua quoque sublimitas suscepit et prælegit tibi quidem in patrem, filio autem tuo etiam in Samuelem? Armatur regia indignatio, non plane extraneis, sed in semetipsam et suos. Non mirum si, juxta Scripturam, *Ira viri justitiam Dei non operatur* (Jac. i, 20); quæ propriæ quoque utilidicibus manuscriptis in quibus hæc epistola collocatur post epistolam 126 ad episcopos Aquitanie; tum ex ipso contextu, cum dicitur filio suo elegisse papam in Samuelem, quod de Innocentio II intelligendum, qui Ludovicum Juniores Remis innoxii anno 1131.



talitatis, sed dignitatis, sed salutis facit sæpe ut nec manifestum omnibus advertas periculum, sentias damnum. Colligitur concilium (698). Quid in hoc detrahatur regie gloriæ, regni utilitatibus? Ibi universæ Ecclesiæ commendabitur ac rememorabitur excellentiæ vestræ prompta et specialis devotio, quod regum primus, aut certe inter primos, rabiei persequentium eandem matrem vestram strenuissime et christianissime defendendo obviastis. Ibi, gloriæ, ab ingenti illa multitudine debite gratiæ referentur vobis: ibi a millibus sanctorum orabitur pro vobis et vestris.

2. Alias autem quam sit hoc tempore necessarius conventus episcoporum, nullus ignorat, nisi qui durus corde matris Ecclesiæ angustias non attendit. At calor, inquit, nimius est. Quasi nos glacialia corpora habeamus. An corda nobis magis congelata sunt, et nemo est qui, iuxta prophetam, compatiatur super **257** contritione Joseph? (Amos vi, 6.) Sed hæc alias. Nunc autem ego minimus in regno vestro, sed dignitate, non fidelitate, dico vobis: Non expedit velle impedire tantum et tam necessarium bonum. Nec desunt evidentes causæ, quibus id manifestum facere possem, quas et nunc proferre in medium ad manum mihi est, nisi quod sat arbitrator dictum sapienti. Tamen si quid ex apostolicæ auctoritatis rigore processit, unde se merito esse turbatam celsitudinis vestræ serenitas arbitretur; qualiter hoc ipsum revocetur, aut temperetur, prout oportet ad honorem vestrum, fideles vestri qui aderunt [*al. male, adherent*] totis viribus ententur. Inter quos nos quoque, si quid possumus, non dissimulabimus.

#### EPISTOLA CCLVI (699).

AD DOMINUM PAPAM EUGENIUM.

*Exultat Eugenium ad suppetias orientali Ecclesiæ ferendas; nec obficiendum animum ob acceptam cladem in amissione civitatis Edessæ. Miratur vero ac Carnoti in ducem belli electum.*

1. Non est leve verbum quod sonuit: triste satis et grave est. Et cui triste? Imo cui non triste? Soli filii iræ iram non sentiunt, nec tristantur tristibus, sed lætantur et exsultant in rebus pessimis. De cætero communis tristitia est, quia communis est causa. Bene fecistis justissimum zelum nostræ gallicanæ Ecclesiæ collaudando, et corroborando auctoritate litterarum vestrarum. Non est, dico vobis, in causa tam generali et tam gravi tepide agendum, sed ne timide quidem. Legi apud quemdam sapientem: « Non est vir fortis, cui non crescit animus in ipsa rerum difficultate (SENeca, in epist. **22**, ad Lucillum). » Ego autem dico, fideli homini magis et inter flagella fidendum. Intraverunt aquæ usque ad animam Christi, facta est pupilla oculi ejus. Esserendus est nunc uterque gladius (700) in

A passione Domini, Christo denuo patiente, ubi et altera vice passus est. Per quem autem nisi per vos? Petri uterque est, alter suo nutu, alter sua manu, quoties necesse est, evaginandus. Et quidem de quo minus videbatur, de ipso ad Petrum dictum est: *Converte gladium tuum in vaginam* (Joan. xviii, 11). Ergo suus erat et ille, sed non sua manu utique educendus.

2. Tempus et opus esse existimo ambos educi in defensionem orientalis Ecclesiæ. Cujus locum tenetis, zelum negligere non debetis. Quale est hoc, principatum tenere, et ministerium declinare? Vox clamantis: « Venio Jerosolymam iterum crucifigi. » (EGESIPPUS, *De excid.* lib. iii, cap. 2.) Ad quam vocem etsi alii tepidi, alii et surdi sint; successori Petri dissimulare non licet. Loquetur et ipse: *Etsi omnes scandalizati fuerint, sed non ego* (Matth. xxvi, 35); nec terrebitur damnis prioris exercitus, quibus magis resarciendis operam dabit. Numquid ideo non debet facere homo quod debet, quia Deus facit quod vult? Ego vero pro tantis malis, tanquam Christianus et fidelis, meliora sperabo, et omne gaudium æstimabo, quod in varias tentationes incidimus (Jac. i, 2). Revera panem doloris comedimus, et potati sumus vino compunctionis. Quid diffidis, amice sponsi, quasi non more suo vinum bonum servaverit usque adhuc benignus et sapiens sponsus? Quis scit si convertatur et ignoscat Deus, et relinquit post se benedictionem (Joel. ii, 14). Et certe sic operari, sic judicare superna divinitas solet: scienti loquor. Quando magna bona mortalibus provenerunt, quæ non magna prævenerint mala? Nam, ut cætera taceam, nonne illud unicum et singulare beneficium nostræ salutis præcessit mors Salvatoris?

3. Tu ergo, amice sponsi, amicum te in necessitate probato. Si triplici illo amore, de quo tuus interrogatus est prædecessor (Joan. xxi, 15-17), tu quoque toto corde, tota anima, **258** tota virtute Christum diligis, ut oportet, nihil reservabis, nihil dissimulabis in tanto periculo sponsæ ejus: sed quidquid habes virium, quidquid zeli, quidquid sollicitudinis, quidquid auctoritatis, quidquid potestatis, impendes. Singulare periculum singularem exigit operam. Fundamentum concutitur, et tanquam imminenti ruinæ totis est nisibus occurrendum. Et hæc propter vos, fidenter quidem, sed fideliter dicta.

4. De cætero verbum illud quod jam, ni fallor, auditis: quomodo videlicet in Carnutensi conventu (701) (quoniam judicio satis miror) me quasi in ducem et principem militiæ elegerunt, certum sit vobis nec consilii mei, nec voluntatis meæ fuisse vel esse; sed nec possibilitatis meæ (quantum metior vires meas) pervenire usque illuc. Quis sum ego, ut disponam castrorum acies, ut egrediar ante facies armorum?

(698) Pisanum intelligo anno 1154 celebratum, ad quod rex præsules Gallicanos accedere prohibebat obtentu caloris immoiedi.

(699) Scripta anno Christi

(700) De duplici hoc gladio legeris librum De consideratione, cap. 3. et Ad milites Templi, cap. 2.

(701) De hoc conventu, qui anno 1146 coactus est, legendæ Petri Venerabilis et Sugerii epistolæ.

aut quid tam remotum a professione mea, etiamsi vires suppetere, etiamsi peritia non deesset? Sed neque hoc meum est vestram docere sapientiam: nostis hæc omnia. Tantum obsecro per illam charitatem, qua mihi specialiter debitor es, ne me humanis voluntatibus exponatis; sed, sicut singulariter vobis incedit, divinum consilium perquiratis; et operam detis, ut sicut fuerit voluntas in cælo, sic fiat.

## EPISTOLA CCLVII (702).

AD EUNDEM, PRO FRATRE PHILIPPO.

1. Est negotium quod cæteris non miscemus (703), quoniam cæteris amplius tangit et angit nos, et eget singulari propriæ precis instantia. Philippus noster cum se exaltavit, humiliatus est: sed cum se humiliavit, non est exaltatus, quasi utrumque pariter Dominus non dixisset (*Math. XIII, 12*). Rigor est, sed sine dispensatione; iudicium, sed sine misericordia. Multi (quod negandum non est) sic mensuraverunt: sed nullus ita sibi voluit mensurari. Si autem in qua mensura mensi fuerimus, remetietur nobis (*Math. VII, 2*), erit profecto iudicium sine misericordia ei qui non fecerit misericordiam. Capax est vester apostolatus rei utriusque, et zeli scilicet et miserationis. Et honor quidem majestatis iudicium diligit: sed absit, ut ad præiudicium mansuetudinis. Quanquam dispensator ille, cujus laus est in Evangelio, elegit potius fraudem facere suo domino, quam proximo non misereri. Denique pro centum nunc quidem octoginta, nunc vero quinquaginta redhibuit. Juste laudatus est, qui domino suo rerum maluit, quam personarum jacturam facere. Et quia dignus est qui sic operatur, mercede sua; uno tali opere quos ille retinuit servos, iste sibi fecit amicos (*Luc. XVI, 1-8*).

2. Quid facimus? Videmur intrasse causam, non porrigere precem. Non expedit ita. Si pergitur ista dicere, iudicium provocamus, non misericordiam. Nulla mihi fiducia in argumentationibus istis, non plus quam in telis aranearum. Frustra jactetur rete ante oculos pennatorum (*Prov. I, 17*). Novi quàm validiora valeant mihi responderi, præsertim a tali ingenio. Quamobrem arma mea preces pauperum sunt, et abundamus in genere isto. His cedat necesse est machinis turris fortitudinis, etsi alias inexpugnabilis. Non repellat pauperum preces pauperum pater, paupertatis amator. Quisum isti? Non sum solus: et si solus, fortasse præsumere possem. Omnes filii vestri qui mecum sunt, et qui mecum non sunt, mecum tamen sunt in hac supplicatione. Quis numeret eos? Solus sane frater Philippus exci-

pitur, qui nec postulat, nec petit postulari, et an velit, ignoro: magis, quod in se est, elegit abiecius esse in domo Dei sui. Sed nec nos quidem pro homine, sed pro Ordine postulamus, cui 259 dispensationem in eo factam non parum profuturam confidimus.

## EPISTOLA CCLVIII.

AD EUNDEM, PRO FRATRE RUALENO (704).

*Rualenum, jussu Pontificis abbatem Sancti Anastasi constitutum, sed invitum admodum ac relictum, remitti ad se rogat.*

In veritate comperimus Rualenum nostrum nedum requiescere in quo positus est, sed nec aliquando requieturam confidimus. Quamobrem opus est maturato remedio, non solum illi, sed et mihi. Urur, dico vobis, quandiu ille in scândalo est. Nolite mirari hoc: una anima sumus, nisi quod ego mater, ille filius: nam patris in eo cessi vobis et nomen, et auctoritatem. Solus qui transfundi non potuit, mihi remansit affectus, qui me excruciat. Mater autem non potest oblivisci filii uteri sui (*Isai. XLIX, 15*). Id me fuisse quis dixerit? ego adhuc esse sentio. Clamat matrem pectus triste, et continuus dolor cordis mei pro eo. Queritis de quo querar? De me. De vobis nihil queror, sed vobis. Ego, ego seva et pia mater propriis visceribus non peperci, ut castificarem cor meum in obedientia charitatis. Immolavi de sinu meo chari pignoris hostiam: et non in angaria, fateor, sed in voluntate meâ parvi voluntati, quæ quos vult, angariat. At ille non ita. Renitebatur, quamvis frustra, plane angariatus tam a me, quam a vobis. Numquid ego timere potui tanta obstinatione semper renisurum? Pii cordis est cedere importunitati, quæ ad id quod oportet adduci non patitur. Alioquin invitum tenere ad quod invitus tractus est, durum pro illo, fructuosum nemini est. Porro occupare locum, et non facere fructum, nec loco expedit, nec vos decet, nec nos. « Nemo, » ut ait beatus Ambrosius, « invitus bene facit, etiam si bonum est quod facit: quia nihil prodest spiritus timoris, ubi non est spiritus charitatis (*S. Aug. in psal. I*). » Obsecramus itaque per viscera misericordiæ Dei nostri, exhibete viscera patris; et infantem, dum adhuc vivit, remittite ad ubera matris, cujus fortassis hic totus languor est, quod sit præpropere ablactatus. Melius enim vivere sinitur, quam dividitur. Quæ utilitas in sanguine ejus? Unum scio: non patris, non matris illa vox erit; Nec mihi, nec tibi est, sed dividatur (*III Reg. III, 26*). Hoc vos forte non timetis, quia non creditis proveniunt. Sed scriptationes et musitationes frequentissime remittentes in

obiit beatus Bernardus.

(704) Scripta anno 1145. — Rualenus, ex Priori Claræ-Vallis post electionem Eugenii pontificis creatus abbas Romæ apud Sanctum Anastasium, ut in epistola 245, cujus absentiam lugeat in epistola sua 45. Nicolaus Claræ-Vallensis, ejus præcipue suffragio in Claram-Vallem admissus, qui postea ejusdem nomine varias epistolas scripsit, in his 23 et 25, quæ perperam Rivallis-titulum loco Rualeni præferunt.

(702) Scripta anno Christi 1146.

(703) Hinc colligitur, hanc epistolam eodem tempore missam cum superiori in gratiam Philippi, de quo hæc leguntur in Catalogo Priorum Claræ-Vallensium: « Philippus, qui fuerat episcopus Tarentinus, et tempore schismatis degradatus, » nempe quod Anacleto adhaerisset, venit ad Claram-Vallem: cui de misericordia concessum est esse in officio diaconi. Hæc istius epistolæ causa. Prior erat quando

manus nostras, plene sunt timore isto, minitantes A hominis fugam et divisionem, vel potius disruptionem, non modo a vobis, sed et a nobis.

### EPISTOLA CCLIX (705).

AD EUNDEM.

*Un'è supra. — Se eadem velle, et eadem noile cum Pontifice; ade que Rualenum suum libenter sistere iubenti Pontifici ad abbatiam Sancti Anastasii.*

Et si quid aliquando volui, quod velle me nolistis; ansetudinis vestre dignatio eo me provocat, ut quod vultis, non modo velim, sed et avide velim. Placet vobis ut frater Rualenus abbas sit apud Sanctum Anastasium? et mihi placuerat et ante: sed quia nimis ille nolebat, placitum in non placitum venit. Porro vestro beneplacito non connivente, rursum, ut iustum est, non placitum in placitum redit. Experiri licet. Factum est quod præcepistis, non quia præcepistis, sed quia voluistis. Ex voluntate ergo, et non quasi ex tristitia, vel ex necessitate. Executio maturata mandati 260 obedientiam probat: de voluntate stilus interrogetur. Si contentus forem mandatum facere, nonne juxta verbum Domini servus inutilis essem, solvens debitum? (*Luc. xvii, 10.*) Nunc autem quia adjeci velle; jam non servus, sed filius.

### EPISTOLA CCLX (706).

AD RUALENUM ABBATEM.

*Compatitur Rualeno in demandata sibi præfectura, cui tandem acquiescendum monet.*

Satis superque afflixit nos absentia tua, Rualene charissime: sed longe magis comperta tua tristitia turbati sumus. Etenim justius te, quam nostram de te desolationem seu destitutionem plangere nobis videmur. Et desolatio quidem non parum damnosa, et non parum molesta, nempe tam dulci filio, tam utili fratre, tam necessario adiutore. Verum quo verius ista de tua amabilitate memoramus, affectuosius compatimur morori tuo, pluri multo habentes tum incommodum, et longe acrius ferentes, quam nostrum damnum. Denique non dissimulavimus, non quievimus, non siluimus, tentantes super hoc Deum pene usque ad irritandum summum et sanctum Pontificem, ut quomodocunque, vel cum nostro periculo te revocaremus. Sed quia adhuc frustrati sumus in cunctis molitionibus et conatibus nostris; superis tandem judiciis vel fatigati cedentes, et dantes potentie manus, quoniam quod volumus non valemus, id velle cogimur, quod possumus. Tu igitur, frater charissime et desideratissime, confortare in Domino, et noli jam contra stimulum calcitrare: ne dum pingeris tu, plurimi qui te in Domino pluri-

amant, pariter compungantur. Parce tibi et nobis, qui tui amore nec ipsi nobis peperimus: magis autem induere fortitudine, confidens et sciens quia gaudium Domini fortitudo tua. Induere letitiam salutari, ut et nos de tua jucunditate lætantes, hilarem datorem diligenti Deo, tum pro tua pace, tum pro nostra consolatione laudes et gratias referamus.

### EPISTOLA CCLXI.

AD DOMINUM PAPAM EUGENIUM.

*Abbatem Sancti Urbani, ob susceptum militem Templi censuris subjectum, absolvi petii.*

Unus de militibus Templi voluit monachari in Ordine nostro: nec defuerunt de nostris, qui ei in tali voluntate assentirent. Sed cum non auderent eum in suis claustris recipere, quoniam non licebat, occulte eum duxerunt ad quandam abbatiam, que dicitur Vallis (707), mandantes et suggerentes abbati, ut nigrum habitum de alio Ordine monachorum faceret ei tradi; et sic eum reciperent, nostrumque illi darent. Et factum est ita. Res nobis innotuit, et per nos delata ad capitulum est. Capituli decreto frater ille foras missus est. At fratres de Templo minime hoc contenti, litteras nihilominus a vestra majestate episcopo Catalaunensi attulerunt, quibus abbatem Sancti Urbani (nam is est qui militi habitum tradiderat) ab introitu ecclesie suspenderet, donec se vestro conspectui præsentaret. Immo est quod abbas de Vallibus, quo rogante ille hoc fecit, nil mali suspicatus, compulsus est in magna anxietate animi fratrem latorem presentium mittere ad pedes misericordie vestre, ut qui per eum intricatus est, per eum expediat: si tamen hoc tam ipse, quam etiam nos alii filii vestri, a vestra sancta Paternitate potuerimus promereri.

### 261 EPISTOLA CCLXII.

AD EUNDEM PRO MONACHIS MOSOMENSIBUS (708).

Non possum deesse [*q. d. add. denno*] domino Remensi in petitione sua, præsertim cum digna sit exauditu. Rogamus proinde, et omni instantia supplicamus pro pauperibus monachis Mosomensibus, ut ab oppressione quam sustinent, sicut per latorem presentium nosse poteritis, citius liberentur: et ab eis injuriæ sive calumniæ malignantium manu vestra valida propulsentur. Hoc enim est per quo pauperes de longe miserunt clamantes ad vos. Jam quale responsum a vobis oporteat reportari doceat vos amantium tam justitia, quam paupertas; et præfati viri, qui pro eis intervenit, et vos non parum diligit, reverentia.

(705) Scripta anno Christi 1145.

(706) Scripta eodem anno.

(707) Incertum quæ ista abbatia, quæ erat ordinis Cisterciensis, sita vel in ipsa, vel non longe a diocesi Catalaunensi, ubi monasterium Sancti Urbani, ejus mentio infra, quod Herchenraus Catalaunorum episcopus anno 865 construxit, teste Herico monacho in libro de Miraculis S. Germani Antissiodorensis, cap. 14.

(708) In codice Cisterciensi, *Pro Samsonis Remensi archiepiscopo*. Sed perinde est, cum epistola scripta sit rogatu Samsonis in gratiam monachorum Mosomensium, quod monasterium est insigne beate Marie ad Mosam, diocesis Remensis, sub Benedictina Congregatione Sancti Viti. Cæterum nihil de hoc negotio legitur in Chronico Mosomensi, Spicilegii tomo VII.



## EPISTOLA CCLXIII.

EPISCOPO SUSSIONENSI PRO ABBATE CAZIACENSI (709).

Porrexeram preces, cum possem forte jubere, et me putaveram exaudilum. Sed quia comperi non ita esse, mihi video non jam simpliciter fore communiterque petendum, sed clamandum in vociferatione: neque enim tenuiter seu equanimiter fero repulsam, quam hactenus expertus non sum. Facite itaque quod debetis, facite quod soletis: nam consuetudo debitorem vos fecit. Facie, inquam, etsi non quia rogamini, certe quia jubemini. Itaque revertimini ad iudicium. Nec enim iustitiae videtur esse, ut vir religiosus, et amicus noster et filius vester, a bas Caziacensis, quod juris est monasterii sui perdat propter verbum incaute a se inconsultaque prolatum, et absque ecclesiae suae assensu. Quamquam etsi illi verbo omnino pertinaciter adhaereat adversarius, utpote iustitiae non confidens; justo, ut putamus, iudicio praedicto abbati non debuit obesse: cum viri illi, in quorumconvenientia [*id est arbitrio*] res posita est, non concordasse, sed potius dissensisse sciantur. Ex hoc credimus, quia non contristabitis nos, neque conturbabitis. Sic Deus laetificet animam vestram, sic vos ab omni perturbatione conservet, Paer amande et honorande, et si omnibus servis Christi, sed nobis specialiter.

## EPISTOLA CCLXIV (710).

PETRI CLUNIACENSIS ABBATIS AD BERNARDUM ABBATEM.

*Suum erga Bernardum desiderium indicat, et in solatium absentiae dilectum sibi Nicolaum mitti obnixè postulat.*

Forti ac splendide monastici Ordinis, imo totius Ecclesiae Dei columnae, domino BERNARDO Claræ Vallis abbati, PETRUS humilis Cluniacensis abbas, salutem quam repromisit Deus diligentibus se.

Si liceret, si Dei dispositio non obstaret, si in hominis potestate esset via ejus; maluissem charissimae Beatitudinis tuae nexu indissolubili adhaerere, quam principari inter mortales alicubi, vel regnare. Quid enim? nonne regis omnibus terrenis preferri a me deberet grata non solum hominibus, sed et angelis ipsis cohabitatio tua? Concivem te illorum si dixero, licet nondum spes in rem transierit, per misericordis Dei gratiam mendax non ero. Si plane mihi datum fuisset usque ad ultimum spiritum tecum hic esse, daretur fortassis posthac et ubi esses etiam perpetuo esse. Quo enim currerem nisi post te, tractus odore unguentorum tuorum a te? Quod quia semper non datur, utinam vel saepe daretur! Et quia nec illud est, utinam saltem frequenter videram missos a te! Et hoc quoque quia raro 262 contingit, volo ut vel in proximo Sanctitas tua

(709) Simone scilicet, de quo epistola 293. Inscripta est haec epistola in antehac editis et quibusdam in manuscriptis, *Ad eundem*, id est ad Eugenium. At lectionem nostram praferunt codices Cistercienses et Vallis-Claræ præter alios, et quidem non inopinato rectius inscripta est *Episcopo Suessionensi* Isidoro, in cuius diocesi Caziacum, Ordinis S. Benedicti ad Matronam. Forsan de Simonis

A amantem se per suum Nicolaum (711) usque ad Octavas Domini mecum mansurum visiet, in quo tuus, ut mihi videtur, ex parte et meus ex toto spiritus requiescit. Videbo te, sancte frater, in illo audiam te per illum, et quædam, quæ secreto nota fieri volo sapientiae tuae, mandabo per ipsum. Sanctae animae tuae, sanctisque sub regimine tuo omnipotenti Domino servientibus, me nostroque, quantis possum precibus, quanta possum devotione commendo.

## EPISTOLA CCLXV (712)

RESCRIPTUM BERNARDI ABBATIS AD EUNDEM.

*Laudari detrectat, velut indignus: vicissim tamen laudes praconi suo rependit.*

Quid facis, o bone vir? Laudas peccatorem, miserum beatificas! Restat ut ores, ne inducar in errorem. Inducor autem, si tantis delectatus praconibus, ignorare me cõperero. Propemodum id mihi contigerat visis litteris Beatitudinis tuae et beatificationis meae. Quam beatus nunc essem, si verbis beari possem! Beatum tamen me dixerim, sed favore tuo, non meis laudibus. Beatum, quod diligor a te, quod diligo te. Quamquam et hanc mihi, dulcem licet, buccellam liquidam arbitror, nec omnino plenam, ut aiunt, buccis admittendam. Miraris cur hoc? Nempe non video in me unde tantum diligi meruerim, praesertim a tanto. Scio autem quia plus justo velle diligi, minus est a justo. Quis mihi det tantæ humilitatis insigne tam imitari posse, quam admirari? Quis mihi tribuat sancta et desiderata praesentia tua, non dico semper, non dico saepe, sed vel senel in anno frui? Puto quia nulla vice reverterer vacuus. Non, inquam, frustra conspicerem virtutis exemplar, disciplinae summam, speculum sanctitatis: quodque minus usque adhuc a Christo didicisse me fateor, non incassum fide oculata percerperem, quam sis et tu mitis, et humilis corde. Verum si tibi pergo facere, quod a te mihi factum queror; etsi veritatem dicam, veritatis tamen legi non concordabo, in qua legitur: *Quod ubi non vis fieri, alii ne feceris* (Tob. iv, 16). Itaque jam respondeamus petitionculæ vestrae, qua epistolam conclusistis. Is quem mihi vobis jubetis, modo mecum non est, sed cum domino Antisiodorensi; et ita infirmus, ut sine nimio incommodo nec ad nos usque posse adhuc venire dicatur.

## EPISTOLA CCLXVI.

AD SUGERIUM ABBATEM SANCTI DIONYSII (713).

*Animat eum, ut mortem intrepidus excipiat. Desiderium suum ejus ante mortem risendi significat.*

Charissimo et intimo amico suo SUGERIO, Dei gratia abbati Sancti Dionysii, frater BERNARDUS

hujus dejectione intelligenda est Petri Cellensis lib. II epistola 14.

(710) Scripta anno Christi 1149.

(711) Vide epistolam 298, et Petri Venerabilis librum III, epist. 33-35.

(712) Scripta anno Christi 1149.

(713) Scripta anno 1151. — Sugerium Bernardus hortatur ad mortem alacri animo excipiendam, quæ

gloriam quæ ab intus est, et gratiam quæ desuper venit.

1. Homo Dei, ne trepides exuere hominem illum qui de terra est, illum qui te deprimit usque ad terram, et conatur deprimere usque ad inferos. Iste est qui vexat, qui onerat, qui oppugnat. Quid tibi et terrenis exuviis, qui ad cælum iturus, stola gloriæ mox indui habes? Præsto est, sed vestito non dabitur: vestire novit illa, non supervestire. Sustine ergo patienter, imo libenter accipe nudus et non vestitus inveniri. Denique et Deus ipse vult vestiri: sed cum nudus, non cum vestitus est. Homo Dei non revertetur ad Deum, nisi is qui de terra est et terra est, in terram ierit. Hi enim duo homines sibi invicem adversantur, **263** nec erit pax, donec ab invicem separentur: et si pax fuerit, non erit pax Domini, non erit pax cum Domino. Non es tu de illis qui dicunt: *Pax, et non est pax* (Ezech. xiii, 10). Te exspectat pax illa, quæ exsuperat omnem sensum; te exspectant iusti donec retribuat tibi; te exspectat gaudium Domini tui.

2. Et ego quidem, charissime, vehementer afficior ante videre te, ut benedictio morituri veniat super me. Et quoniam non est in homine via ejus, non audeo, unde certus non sum, pro certo polliceri: sed quod nondum video, quomodo possim, satis ago ut possim. Forte veniam, forte non veniam. Sed quodlibet horum sit, dilexi a principio, diligam sine fine. Fidenter dico, non possum perdere sic dilectum usque in finem. Non mihi perit, sed præit, cujus animæ mea adhæsit glutino quod non dissipabitur, et vinculo quod non dirumpetur. Tantum memento nostri cum perveneris quo nos prævenis: ut et nobis cito detur venire post te, et ad te pervenire. Interim tamen nullatenus putes quod tua dulcis memoria recedat a nostra, etsi præsentia dolentibus subtrahatur. Quanquam potens est Deus te adhuc

accidit anno 1152, ut testatur Chronicon Dionysianum his verbis: « Hic est annus ultimus felicitis recordationis Sugerii abbatis. Verum quia a conditione moriendi nemo excipitur, cum valetudine qua mortuus est, vexari cœpisset, fratrum manibus sustentatus est, et in capitulum se duci poposcit: ubi post verba ædificationis, cum lacrymis et gemitu omnium pedibus provolutus fratrum se iudicio exposuit, lacrymabiliter postulans ut quod in eos deliquerat, vel negligentius egerat, respectu pietatis ei relaxarent. Quod fratres omnes cum maxima devotione et copiosa lacrymarum effusione gratantissime fecerunt. Transit autem idem venerabilis pater inter verba Dominicæ Orationis et Symboli, die Iduum Januarii, septuagesimo ætatis suæ anno, a susceptione monastici habitus fere sexagesimo, prælationis vero suæ vicesimo nono: cujus sepulturæ et exsequiis interfuerunt sex episcopi cum multis abbatibus, Christianissimoque rege Francorum Ludovico, ubi et pietatis memor, et immemor regie celsitudinis, dum sepeliretur, amarissime flebat. » Huc usque Chronicon. Inscriptum est hoc ejus sepulcro epitaphium, Hic JACET SUGERIUS ABBAS: breve quidem, sed solo Sugerii nomine totum exprimens Sugerium. Eum egregie laudat Robertus Herefordensis in epistola 216 inter Sugerianas. Elegantissimum evulgavit Franciscus Chiffolius, a Simone Capra-Aurea San-

nobis donare rogantibus, servare indigentibus: quod utique non est diffidendum.

#### EPISTOLA CCLXVII.

ABBATI CLUNIACENSI.

Filius vester frater Galeherus, factus est et noster, secundum regulam illam: *Omnia mea tua sunt, et tua mea* (Joan. xvii, 10). Non sit minus familiaris, quia communis: sed si est quod possit alia gratia, sit familiarior atque acceptior, ut mihi, quia vester est; sic vobis, quia noster est.

#### EPISTOLA CCLXVIII.

AD DOMINUM PAPAM EUGENIUM.

*Monet promotionem cujusdam indigni subreptitiæ factam, adeoque revocandam sententiam.*

Alii vereantur majestatem in vobis, et tremulis labiis ac digitis quod ad rem pertinet, vix ad id unquam longis ambagibus anfractibusque perveniant. Ego certe utilitatem vestram et honorem vestrum tantummodo attendens, rem, ut est, nude et aperte illico aperio; et sine cunctatione et obvolutione, tanquam uni nostrum, apostolico, quod opus est, intimare non vereor. Subreptum est vobis, et graviter: quod non dubius affirmaverim. Quis vobis suggestit hominem de ambitione notatum, convictum, condemnatum, ad ecclesiasticam cogere dignitatem? Quasi non satis per se ipse se ingerere voluisset. Nonne is est, quem sanctæ memoriæ Lambertus episcopus (714) deprehensum in maleficiis detestandis, quæ ipse stimulante ambitione perpetrarat, non solum a gradu, in quo erat, sed a spe totius promotionis solemniter, ut debuit, degradavit? Non est nisi revocare sententiam, et propter anxietatem sanctorum fratrum de Corona, qui pro hoc clamant ad vos, et ob reverentiam episcopi sancti et docti, qui in hac re auctor extitit: sed et propter conscientiam, conscientiam dico vestram, non alterius. Unum restat, ut hoc et pro mea con-

eti Victoris Parisiensis canonico compositum.

*Decidit Ecclesiæ flos, gemma, corona, columna,  
Vexillum, clypeus, galea, lumen, apex,  
Abbas Sugerius, specimen virtutis et æqui,  
Cum pietate gravis, cum gravitate pius.  
Magnanimus, sapiens, facundus, largus, honestus,  
Judiciis præsens corpore, mente sibi.  
D Rex per eum caute rexit moderamina regni.  
Ille regens regem, rex quasi regis erat.  
Dumque mors ageret rex trans mare pluribus annis,  
Præfuit hic regno, regis agendo vices.  
Quæ duo vix alius potuit sibi jungere, junxit,  
Et probus ille viris, et bonus ille Deo.  
Nobilis ecclesiæ decoravit, reppulit, auxit,  
Sedem, damna, chorum, laude, vigore, viria.  
Cui rapuit lucem lux septima Theiophania,  
Veram vera viro Theiophania dedit.*

Prolixum et elegans ejus elogium a Patribus congregationis S. Mauri litteris aureis laminæ æreæ inscriptum est. Plura de eo in notis ad epistolas 78 et 369.

(714) Engolismensis erat episcopus post Gerardum, qua in diocesi situm est monasterium de Corona Ordinis S. Benedicti. Lambertus laudatur in libro quarto de Vita Bernardi, n. 29.

scientia inferam : irascimini, et nolite peccare (Psalm. iv, 5). Peccatis enim, si non irascimini tanti peccatori mendacii, tam indignæ sententiæ subreptori.

### 264 EPISTOLA CCLIX.

AD EUMDEN.

*Litteris a se per dolum extortis robur et auctoritatem derogat.*

Serpens decepit me. Homo versipellis et versutus, iustitiæ inops, audientiæ fugitans, propriæ conscientie inimicus, fraternæ incubans injuriæ, nescienti mihi litteras pro sepe dominum Belvacensem (715) elicuit. Quid enim ille a me non obtineret? Si non vultis ultra modum onerare conscientiam meam, nil lucretur subreptione dolosus, nec de litteris nostris opprimat innocentes. Quanquam ne hoc quidem mihi satis fuerit, nisi et poenam portet quam meruit subreptor malignissimus, et avarissimus exactor.

### EPISTOLA CCLXX (716).

AD EUMDEN

*Scribit in causâ Prioris Cartusiani contra transgressores quosdam. Mortem abbatis Cisterciensis nuntiat, et successorem commendat.*

1. Qui tentant nos, non dormitant, neque dormiunt. Quomodo nunc de novo persecuti sunt in montibus, insidiati sunt in deserto? Cartusienenses turbati sunt (717): turbati sunt et moti sunt sicut ebrius, et propemodum omnis sapientia eorum devorata est. Scias, domine mi: inimicus homo hoc fecit. Quid dico, fecit? et adhuc facit. Adhuc fiduciam habet, ut et illa sanctitas influat in os ejus. Esca ejus electa: nosti optime. Quosdam jam prævaricatores constituit: alios, quos per se expugnare non poterat, per illos impugnat bello domestico et intestino. Ab ipsa fundatione loci et Ordinis non est auditum, ut quis exiens, sine satisfactione recipereetur. Qui male

A exierant, pejus reintraverunt, addentes prævaricationem. Quid putas, Pater sancte, illi facturi sunt, quorum egressio in transgressione, regressio in superbia est? Et nunc superbia eorum ascendit semper (Psalm. lxxiii, 23). Exsultant in re pessima quam egerunt, insultant injuriam patientibus. Vicere, triumphant: Prior jam non est Prior. Dum superbit impius, incenditur pauper. Exire etiam vult: non potest videre destructionem Ordinis sui. Et jam exisset, si solus exire potuisset. Qui Prior necesse est ut bonus sit: nam quorum innititur consilio, audivimus a bonis bonos esse.

2. Videsne, clementissime Pater, quantum subreptum sit tibi? Nihilne dignum recipiet subreptionis auctor? Si bene te novi, portabit iudicium quicumque est ille. Venerunt ad te in vestimentis ovium, in habitu sancto; species decepit te. Quid mirum? et tu homo es. Sed jam prodita in lucem fraude, exsurgat zelus, et partes suas viriliter exsequatur adversus malignantes. Non veniat anima tua in consilium eorum: dissipetur consilium Achitophel. Te ipsum custodi. Non est parvis periculi scientiæ subripi, et zelum dormire. Illud excusat ignorantia. hoc negligentia inexcusabile facit. Forte ascendat ex adverso, et aliud persuadere conetur. Mentiat iniquitas sibi, et non domino meo. Nam hæc veritas; et res sic se habet. Nil vero jucundius, nil justius in iudiciis vestris, quam cum se istiusmodi occasio præbet, si qui nocere voluit, cadat ipse in foveam quam fecit, et convertatur dolor ejus in caput ejus et in verticem ipsius iniquitas ejus descendat (Psalm. vii, 16, 17). Zelus domini mei faciet hoc. Et priorabit iterum, ut confido, qui Prior fuit: ut non gloriatur omnis iniquitas. Alioquin (quod non frustra timemus) nisi Prior restituatur in gradu suo, Ordo non diu erit in 265 statu suo. Inspiret Deus vobis paterne accipere ista, et respondere bona ad nostram omnium consolationem, qui valde desolati sumus, et afflicti super vires.

(715) Arnulfus de Maiole, ut puo; de quo in epistola 278.

(716) Scripta anno Christi 1151.

(717) Causam aperuit auctor Vitæ gallicæ S. Bernardi, libro vi, cap. 40, ex Vita S. Anthelmi seu Nanthelmi, primo quidem majoris Cartusiæ Prioris, demum episcopi Bellicensis, repetitam. « Cum enim, » ut ibi dicitur, « daret operam novus Prior Anthelmus, ut si quid sancti Ordinis pristina religio et observantia accepisset detrimenti, id ad pridem conscriptas Constitutiones reformaretur; negligentem si quidem cerneret aut contumacem, admonitionibus blandis, verbis et minis, præceptis quoque et objurcationibus ad meliorem frugem revocare nitabatur. Quod si quis nollet respicere, planeque obstinatus esset, e fratrum sodalitate illum extrudere non dubitabat. Erant enim nonnulli, qui sanas institutiones ejus non ferentes, cum essent grandes in oculis suis, homines maligna mente et in contentiones proclives, illi sese opponere non vererentur. At ille non ferens eorum arrogantiam, ne aliorum pacem et quietem inturbarent, e monasterio eos ejecit. » Quidam vero ex illis, ut credere par est, ad Eagenium confugientes, absoluti et nulli poenitentiae obnoxii remissi sunt: qua de re hic Bernardus con-

queritur, quod « ab ipsa fundatione loci esset inauditum, ut quis exiens sine satisfactione recipereetur. » Aliam causam assignat Manricus in Annalibus ad annum 1151, cap. 2, ex Petri Venerabilis epistolis (libri vi epistola 12), nimirum contentiorem, quæ, Hugone Gratianopolitano episcopo in archiepiscopum Viennensem assumpto, novæ electionis occasione nata est anno 1151 inter varia Cartusianorum contumacia, Cartusiam, Excubias, Durbonum, Portas, Majorem, Silvam, et Alverium; aliis dicentibus, « electum non debere episcopari, » et causam illam ad iudicia protrahentibus; aliis contra asserentibus, « suum non esse litigare, sed simpliciter quod sentirent dicere, non autem palatia ad causandum intrare. » Verum cum in hac posteriori causa agatur de monasteriorum altercatione, non vero de monachorum rebellionem, quam Bernardus hac in epistola insinuat, ad priorem potius causam hæc referenda sunt. Quæ ad annum 1151 ideo referimus, quod contigerint paulo post mortem Bainaldi Cisterciensis (ut patet ex hac epistola) abbatis, qui obiit decimo septimo kalendas januarii anno 1150, ut ex Cisterciensi Martyrologio probat Manricus ad annum 1151, cap. 1.



3. Dominus Cisterciensis (718) deseruit nos : plaga magna in Ordine. Mihi vero duplex incumbit memoris ratio, qui in uno homine et patrem amisi, et filium. Et nunc habemus pro eo dominum Gosvinum Bonæ-Vallis abbatem. Sit beneplaciti vestri confortare eum litteris apostolicis, et quod de eo factum est, vestro roborare favore. Nostis eum, et non est ei apud vos opus commendatore, quem satis commendat vita sua, et sapientia sibi data a Deo. Dominus Valentinus (719) convalescit : et ubi valet, operatur dona. Propterea amatores boni diligunt eum, et ipse diligit bonos. In hoc apparet quia bonus est. Vestrum est tales diligere et fovere. Puer vester plus solito infirmatur : guttatim defluit, forte minime dignus qui occidatur semel, et cito ingrediatum ad vitam.

#### EPISTOLA CCLXXI (720).

AD COMITEM CAMPANIE THEOBALDUM (721).

*Monet filium ob minusculam ætatem ad dignitates ecclesiasticas non esse promovendum.*

Scitis quia diligo vos : sed quantum, novit Deus melius quam vos. Me quoque diligi a vobis non dubito, sed propter Deum : quem si offendero, non erit quod me diligere debeatis, cum jam non fuerit in causa Deus. Quis enim ego sum, ut de me tantillo tantus princeps curetis, nisi quandiu Deum in me esse creditis ? Ergo ut offendam eum, fortassis nec vobis expedit. Offendo autem procul dubio, si facio quod requiritis. Nam honores et dignitates ecclesiasticas non ignoro debere his, qui eas digne secundum Deum administrare et velint, et possint. Porro eas acquiri parvulo filio vestro precibus meis, vel vestris, nec vobis justum, nec mihi tutum esse noveritis (722). Nam nec cuiquam, vel adulto, plures in pluribus ecclesiis habere licet, nisi dispensatorie quidem, ob magnam vel Ecclesiæ necessitatem, vel personarum utilitatem. Quamobrem si vobis videtur hic durus sermo, et placet quod cogitastis implere ; parcite mihi in hoc : nam vos satis, ni fallor, per

(718) Rainaldus, cujus obitus contigit anno 1151, Gosvinum ex abbate Bonæ-Vallis successorem habuit.

(719) Oribertus ex priore Casæ-Dei ; de cujus electione epist. 249.

(720) Scripta anno Christi 1151.

(721) Vide epistolam 57 et sequentem.

(722) In hac epistola attende, lector, et admire insignem sancti Viri virtutem, zelum et constantiam, qui in re quam sensit Ecclesiæ Dei et suæ conscientie contrariam, magni principis Theobaldi, cui, utpote magno Claræ-Vallensium benefactori, plurimum debebat, votis et desiderio noluit obsequi. Pueros ob tantum splendorem ad dignitates ecclesiasticas promoveri, et plures uni dari graviter conqueritur Bernardus in epistola 42, n. 25. Exstat inter tractatus, ordine secundus, tomo II.

(723) Quartus hic Theobaldi filius, ad Albas-Manus appellatus, qui primo ad sedem Carnotensem evectus, deinde ad Senouensem, postea ad Remensem, denum sanctæ Romanæ Ecclesiæ cardinalis et legatus in Gallia creatus est. Is sacravit Philippum Augustum nepotem suum, ac in ejus gratiam Alexander III Francorum reges inaugurandi jus Remensi archiepiscopo confirmavit. De eo scribunt Petrus

vos et per alios amicos vestros istud obtinere potestis. Ita nec vos minus quod vultis, efficitis ; nec ego peccavi. Sane Willelmulo nostro (725) cupio bene per omnia : sed ante omnia Deum. Hinc est quod contra Deum nolo aliquid habeat, ne non habeat Deum. Quod si alius secus voluerit, nolo per me habeat, ne perdam et ego Deum. Ubi vero emergerit quod secundum Deum habere possit, probabo me amicum ; et operam meam, si opus fuerit, non negabo. Apud amatorem justitiæ in excusando eo quod pro justitia est, non multum mihi laborandum. Vos autem apud comitissam (724) per ea quæ vobis rescripsi, habete me excusatum. Valete.

#### EPISTOLA CCLXXII.

EPISCOPO LAUDUNENSI (725).

*Commonet eum pie liberalitatis.*

Vestri sumus. Si hoc scitis, imo quia non ignoratis, lator præsentium per nos vobis, et per vos aliis omnibus, quos offendisse videtur, efficaciter firmiterque reconcilietur. Alioquin offenditis, quem vestrum non negatis : quod omnino facere non audetis. Ex quo episcopari cæpistis, nullam a vobis adhuc 266, benedictionem accepimus ; neque sacculum, neque peram, neque calceamenta in pedibus

EUGENII PAPÆ EPISTOLA AD CAPITULUM CISTERCIENSE, EPISTOLÆ CCLXXIII PRÆMISSA (726).

*Capitulum Cistercii habendo se cupere interesse, si per occupationes pontificias liceret. Hortatur ad studium et zelum disciplinæ et perfectionis religiosæ in Capitulo promovendum.*

EUGENIUS episcopus, servus servorum Dei, dilectis filiis G. (727) Cisterciensi, et universis abbatibus apud Cistercium in nomine Domini congregatis, salutem et apostolicam benedictionem.

1. Optaremus, filii dilectissimi, corporali præsentia sacro vestro interesse collegio, unde sicut vobiscum in unitate sancti Spiritus ambulamus, ita de vivificatione sancti Spiritus et progressionibus

Cellensis, epist. 5, lib. 1 ; Petrus Blesensis, epist. 28, 122, alique plures.

(724) Mathildem, filiam Engelberti marchionis, fratris episcopi Ratisponensis, ut videtur ex Vita S. Norberti, cap. 52. En locus : « Assumptis itaque legatis comitis Theobaldi, Ratisponam usque eos adduxit Norbertus. Erat enim episcopus ejus civilis, nobilissimi stemmatis, et habebat fratrem Engelbertum potentissimum marchionem, cui erant nobiles ætatis filiae : e quibus una (Mathildis nomine, teste Orderico sub finem libri xiii,) comiti Theobaldo de sponsata est. De Engelberto, ad epistolam 150.

(725) Scripta anno 1152. — Is erat Galerius de Sancto Mauricio, prius abbas Sancti Martini apud Laudunum, anno 1151, successus Bartholomæo piissimo episcopo, qui post regiminis annos triginta octo in Fusniacense ordinis Cisterciensis, quod ipse fundaverat, monasterium se recepit. Exstat egregia ejus epistola ad Samsonem archiepiscopum Remensem, qua falsam dilapidationis bonorum ecclesiæ Laudunensis accusationem diluit tunc Fusniaci monachus, hic in Appendice hujus tomi.

(726) Antehac epistola 384. Scripta anno Christi 1150.

(727) Scilicet Gosvino abbati quinto Cistercii.

animæ præsentialiter et communiter tractaremus. Quia vero ex divinæ dispositionis arbitrio in medio pelagi ad regendam navim Ecclesiæ constituti, circum sævientium procellarum inundatione contundimur, ut non quod volumus, sed quod nolumus, faciamus; et susceptæ administrationis officio alligamur, unde ad optatum locum gressum flectere non possumus: per spiritum et litteras nostras vobis præsentiam exhibemus, et, quatenus permittitur, charitate ac desiderio vestro nos conventui præsentamus; cupientes quidem, et quanto possumus affectu rogantes, ut et vos conjunctum nobis vestrum spiritum habeatis, et in communi super nos omnipotentis Dei gratiam propensius imploretis. In montis siquidem vertice constituti, ubi undique ventorum flatibus propulsamur, speramus nos ex Dei dono aliquatenus in tanto turbine posse subsistere, si orationum vestrarum interventum apud Deum meruerimus obtinere. Ut autem apud eum de orationibus vestris promptam semper valeamus invenire fiduciam, et quod nostris meritis non valeamus, vestris intercessionibus assequamur: optamus charitatem vestram de his quæ ad Deum sunt, de observantia ordinis, de custodia discipline, ita semper fore sollicitam, et contemptis quæ retro sunt, ita se in anteriora unumquemque vestrum extendere, ut nulla nubes in operibus vestris appareat, quæ orationes vestras, quominus ad Deum penetrent, valeat aliquando præpedire.

2. Quoties itaque, filii dilectissimi, convenitis in unum, de corrigendis quæ in aliquibus vestrum corrigenda sunt, et statuendis quæ ad animarum salutem et profectum ordinis fuerint statuenda, communem curam habete, quoniam qui modica spernit, paulatim decidit (*Eccli. xix, 1*); nec ea quæ minora videntur in vobis, incorrecta relinquit. Inutiliter enim portas civitatis obserat (*id. observat*), qui vel unum foramen, unde ingreliantur, hostibus relinquit apertum, dicente scriptura, « Idem facit sentina neglecta, quod ventus irruens; » et: « Vitasti grandia; vide ne obruaris arena. » Respicite, quæso, ad veteres patres, qui nostrum sacrum Ordinem statuerunt; et considerate, qualiter relicto mundo, et contemptis omnibus, mortuis mortuos suos sepelire dimissis, ad solitudinem volaverunt, unde alii circa frequens ministerium satagentibus, ipsi ad pedes Jesu cum Maria sederunt (*Luc. x, 39, 40*), ut tanto uberius cælestis manna perciperent, quanto longius ab Ægypto discessissent. Ipsi quidem egressi sunt de terra et de cognatione sua; obliti sunt populum suum, et domum patris sui: et quoniam Rex eorum speciem concupivit, crescere fecit eos in gentem magnam, et usque ad extremum 267 terræ propaggines eorum extendit, ita quod splendor claritatis eorum universum corpus Ecclesiæ

illustravit; et Sareptana mulier ad eorum vocem innumera vasa de modico oleo, quod habuerat in lecytho, replevit (*III Reg. xvii, 10, 16*). Sane illi primitias Spiritus acceperunt, et oleum suavitatis eorum ad nos usque defluxit.

3. Unde cogitandum vobis est attentius et agendum, ut non degeneretis de eorum virtutibus, sed quales fuistis in germine, sitis etiam in virgulto: et qui ex eis vitæ semina suscepistis, idem cum eis germen afferatis, et fructum. Intuemini qualiter illi, quorum lampades extinguuntur, de oleo vestro exoptant accipere; et multi, qui computruerunt sicut jumenta in stercore suo, ad respectum supernæ gratiæ regimini vestro committi, et orationibus desiderant commendari. Et quoniam filii sæculi hujus vos renitentes etiam ad regimem sui trahere moliantur, et de quiete contemplationis et deserti silentio volunt vos aliquoties ad occupationes et negotia revocare; ad mentis oculum patrum vestrorum instituta reducite, et propheticum habentes exemplum, eligite magis abjecti esse in domo Dei, quam habitare in tentoriis peccatorum (*Psal. lxxxiii, 41*). Et quia nihil habetis quod non accepistis; de Domino in bonitate, de vobis autem in humilitate sentite, unde illius videamini vestigia sequi, qui ait: Cum omnia bene feceritis, dicite, Quia servi inutiles sumus (*Luc. xvii, 10*). Si enim genera linguarum, si gratiam sanitatum, si prophetandi scientiam accepistis; si verba vestra meliora sunt, imo fragrantiora unguentis optimis; si mundus reveretur vos, et in odore unguentorum vestrorum currere delectatur; ejus opus certum est esse, qui ait: Pater meus usque modo operatur (*Joan. v, 17*).

#### EPISTOLA CCLXXXIII (728).

AD DOMINUM PAPAM EUGENIUM.

*Lætatur ob litteras, zelo et affectu plenas, a Pontifice ad capitulum scriptas. Horiat, ut ea sollicitudine pergat fovere omnes, sed præcipue sui Ordinis Religiosos. Abbatem Trium Fontium: a præsecutura sua abstractum queritur.*

Amantissimo patri et domino EUGENIO, Dei gratia summo Pontifici, frater BERNARDUS Claræ-Vallis vocatus abbas, modicum id quod est.

1. Vox turturis audita est in capitulo nostro: D exultavimus, et delectati sumus. Plane eloquium castum, fervidum zelo, cantum scientia. Spiritus vitæ spirabat in litteris, spiritus vehemens, intonsus et increpans, et æmulans nos Dei æmulatione. Factor, non facile dixerim quid me amplius delectarit in illis, vestra benignitas, an nostra utilitas; inclinata majestas, an erecta humilitas; moriens severitas, an mulcens paternitas. Qui in nobis quantulumcumque esuriebant justitiam, refecti sunt; qui nimis, compuncti sunt; qui minime (729), confusi sunt. Ita, quæso, ita jugiter faciat. Sollicitudo quæ

(728) Scripta anno Christi 1150.

(729) Ita in quovis ordine, quantumvis sancto, reperiuntur hi tres hominum ordines; nec unquam in area Dominica palea deerit. Vide sermonem 3 in

Ascensione, n. 6; item sermonem in Dedicatione ecclesiæ, n. 3, et sermonem 50 de diversis, n. 1: ad hæc sermonem 46 in Cantica, n. 6.

omnibus debetur, nullo modo his, quibus specialius debetur, subrahenda est, sed propensius exhibenda: Caritas benigna est: dilatare se, non minorare novit. Colligat sane et alios, sed nobiscum: nec alienum a vestro apostolatu fovere ejusmodi, qui cum apostolis loqui possunt: *Ecce nos reliquimus omnia, et secuti sumus te* (Matth. xix, 27). Non sunt relinquendi, qui ipsi se reliquerunt. Pusilli Domini sunt, in ipsum credentes: non deseret eos fidelis servus et prudens, is præsertim cui credita universitas est. Nempe universitatis portio hi: et quidem pusillus grex, sed qui, ni fallor, meruerunt patrem habere Deum, accepturi coronam gloriæ de manu Domini, et diadema regni de manu Dei sui. Nec enim rapinam arbitrantur esse se hæredes Dei, cohæredes autem Christi. Denique **268** audierunt: *Nolite timere, pusillus grex, quia complacuit Patri vestro dare vobis regnum* (Luc. xii, 32). De his interim satis.

**2.** Abbas Trium Fontium (730) bene plantatus erat, utpote secus decursus aquarum. Vereor ego, ne arbor bona faciens fructum bonum, explantata faciat nullum. Vidimus interdum vitem in prima plantatione secundam, in secunda sterilem. Vidimus signum bene plantatum virescere, transplantatum arcescere. Graviter proinde vulnerastis cor meum, si non remittitis eum: quia sumus cor unum et anima una. Quandiu divisum erit, necesse erit ut atraque pars suo sanguine cruentetur. Heu! onus quod ambo vix portabamus, quomodo portabo solus, subducto baculo senectutis meæ? Si de me parum est, moveat vos totius Ordinis plaga non parva: et ac spe incerti boni, tam certa interim mala fieri velitis. Quod si omnino vobis in eo complacuit, ut retineatis eum; placeat, obsecro, commendatum habere ipsum, ac deinceps ad Deum levare manus, et dignetur idoneum pro eo virum providere domui illi. De cætero super his quæ pro communi utilitate totius ordinis, et pro aliis quoque negotiis eidem abbati dignum, imo et necessarium judicavimus ad

(730) Hugo scilicet, ad quem epistola sequens, abbas Trium Fontium in Campania, non vero Sancti Anastasii ad Tres Fontes prope Romam, quidquid Wion, Claconius, alique in contrarium sentiant. Primo quippe Trium Fontium appellatio, per ea maxime tempora, absolute soli Campaniæ monasterio tribuitur, ex Vita S. Bernardi, et ex titulo epistolæ 69, *Ad abbatem de Tribus-Fontibus*: eum Romanum illud Sancti Anastasii nuncupari soleat, ut probat in primis inscriptio epistolæ nunc 343, *Fratribus de Sancto Anastasio directæ*. Deinde Rualenus ex Priore Claræ-Vallensi abbas tunc erat ad Sanctum Anastasium, ex epistolis 245, 258, et duabus sequentibus: quibus accedit Nicolai Claræ-Vallensis epistola 43, *Ad Rualenum abbatem Sancti Anastasii*. Ad hæc sequens Bernardina epistola 274 in manuscriptis hunc titulum præfert, *Ad Hugonem abbatem Trium Fontium, quando erat Romæ*, quæ verba satis innunt hoc monasterium ab urbe Roma longius disitum fuisse. Præterea Bernardus in hac epistola 273 Eugenio significat se ægre ferre quod Hugo Romam evocatus sit, nempe ut crearetur cardinalis; additque se graviter ex hoc vulneratum iri, nisi ad se remittatur. Atque adeo Hugo in Galliis abbas

vos perferenda committere, festinatum exposcimus Benignitatis vestræ responsum; sed responsum facti, non verbi.

#### EPISTOLA CCLXXIV (731).

AD HUGONEM ABBATEM TRIUM FONTIUM, QUANDO ERAT ROMÆ (732).

*Pænitet commendasse nepotem episcopi Antissiodorensis, improbens collatam illi præposituram.*

Pænitet me scripsisse pro juvene illo; et velim, si fieri possit, revocari precem, per quam videor approbasse iudicium amici (733) super collata et male collocata ab eo præpositura, quod utique non facio, nec feci unquam. Sed viciit me, fateor, ut sic scriberem, dilectio qua tenebar, vehementer astrictus avunculo adolescentis, affectu grandi nimis, sed minus spiritali in hac parte. Urgebat maxime plaga recens de morte illius. Videar levitate usus: sed malo periclitari apud dominum meum præcipatione scribendi, quam apud Deum suspitione mendacii. Quamquam caute ac provide de præpositura scripsi, nihil ad ipsum; quod indubitanter scirem duos ut memini, prædecessores ejus ipsam aliter ordinasse, atque alias suo confirmasse privilegio. Tu autem si efficere potueris apud ipsum, ut Ecclesiæ privilegium, et privilegio efficaciam reddat, bonum opus operatus es. Utinam a nævo sanguinis hujus sanctum purgaret episcopum, et adolescenti in aliis provideret!

#### EPISTOLA CCLXXV (734).

AD DOMINUM PAPAM EUGENIUM, PRO ANTISSIODORENSI ELECTIONE.

*De statu electionis Antissiodorensis, et fraude in ea commissa pontificem certiorum facit.*

Cum primum vobis pro Antissiodorensi Ecclesia scripsi, de prima audieram electione, de secunda nihil. Et ecce me veluti prophetante, opprobrium quod suspicatus sum, secutum est: et timor quem timebam, evenit. Mementote quomodo actum sit Nivernis (735), et videte si non simili arte, imo fraude non dissimili, eodemque auctore, ut aiunt, et nunc secunda electio præsumpta est: ut scilicet uno no-

erat. Denique faciendæ electioni ad successorem Hugoni subrogandum Bernardus ipse, qui tum in Gallia versabatur, præsens interfuit, ut patet ex epistola 274. Porro Hugo anno 1150 cardinalis episcopus Ostiensis in tertia creatione ab Eugenio facta, simulque cum eo creati sunt cardinales alii duo monachi Claræ-Vallenses, Henricus et Rolandus, testante Claconio: tuncque accidit, ut ecclesiæ Ostiensi ob incolarum inopiam conjungeretur Veliterna. De Hugone iterum in epistolis 274, 287, 290, 296, 306 et 307.

(731) Scripta anno Christi 1151.

(732) Alias, *Contra nepotem episcopi Antissiodorensis*. Alias, *Pro nepote episcopi Antissiodorensis*. Vide epistolam 276. — Epistola 274, quæ in editis hunc proferit titulum: *Ad Hugonem abbatem*, etc., in Leodiensi codice et in altero Aurea-Vallis ita inscribitur: *Ad Hugonem episcopum, de præposito Antissiodorensi*, MARTENE.

— (733) Hugonis episcopi Antissiodorensis.

(734) Scripta anno Christi 1151.

(735) Idipsum repetit in fine epistolæ sequentis. Turbas intelligit, quæ acciderunt in electione Raymundi episcopi Nivernensis. Confer epistolam 246.



minato duos ejeciant, et sic deinceps tertium, quem volunt, subinde eant. Miserunt et isti ad me, ut pro sua parte scriberem, et visum 269 est mihi mittere fratrem a latere meo, qui de utraque certius actione cognosceret, nosque certificaret. Qui intrans ecclesiam, et de omnibus diligenter explorans, testimonio omnium qui convenerant, invenit nullum presbyterorum, præter unum, fratrem scilicet ipsius fratris Gaufridi (736), Hugonem; nullum de diaconibus præter Stephanum solum, ex parte illa esse: exceptis his, qui auctores extiterant, personis ecclesiæ, cantore, archidiacono, et, ut dicebatur, thesaurario: neque enim ipse præsens tunc adfuit. Porro in parte altera, præter alios inferioris ordinis, diaconos novem, et presbyteros undecim consentire. Duodecimus, qui et archipresbyter est, pro neutra parte velle se subscribere, pro neutra scripsisse testatur: quamquam priorem plus vellet. Sigillum Ecclesiæ præfatus Hugo tenebat (737), homo non pacis, sed partis alienæ: nec consideravit in tradendo quod debuit, sed quod voluit. Sic se res habet. Et ego solita præsumptione unum infero: nec malitiam gloriari oportet, nec sapientiam decipi decet, nec Ecclesiam suspendi diutius expedit.

#### EPISTOLA CCLXXVI (738).

AD EUMDEM, POST OBITUM EPISCOPI ANTISSIODORENSIS.  
*De irreligioso episcopi Antissiodorensis testamento, non sine fraude Stephani diaconi facto, monet Pontificem: illudque scandali causa irritari debere.*

1. Adhuc suggero aliquid, quod ante non tacuissim, si ante mihi compertum fuisset, sicut nunc est. Adest homo qui peccare fecit Israel, sanctum loquor episcopum (739): qui cum in morte aliquantum stupidus esset et turbatus, iste eum fecit mori pene intestatum. Cum enim pauperibus et ecclesiis aut nihil, aut parum daret, nepoti suo carnali adolescentulo, sæculari inutili, totum pene quod acquisierat mensæ episcopali, Stephano suggerente et sollicitante, dimisit. Aiunt septem ecclesias, et decimas, et prata in propria silva episcopi: insuper, quod pudor est omni religioni, de mobilibus aureos spos, et proprias equituras; et, cum minus illæ sufficerent ad conficiendum iter, ut pro his firmandis ad vos veniret, jussisse tradi etiam monasterii equituras. Quamquam quidam existimant episcopum donationes istas nescisse, sed Stephanum fecisse, et sigillasse quæ voluit: et credendum. Nempe et anno præterito in articulo, ut putabatur, mortis positum, ecclesiam quandam eidem nepoti donare

A fecerunt: quod donum postea convalescens, sicut certissime comperimus, fecisse se minime recognovit. Quis denique credat, virum sanctum, spiritualem, si sapuit, si compos sui fuit, testamentum tale fecisse? Quis vel sæcularissimus hoc dixerit testamentum sacerdotis? Hæcne dispositio hominis sobrii et spiritualis, illius qui omnia dijudicat, et ipse a nemine judicatur? A quo enim, si ita remanserit, sive in cælo, sive in terra, iste non judicabitur?

2. Tu ergo, serve Dei, qui tenes gladium Petri, amputa confusionem opprobrii a religione, scandalum ab Ecclesia, crimen a persona, a spiritualium omnium, qui eum in spiritu et non carnaliter diligebant, et tuo ipsius corde amaritudinem et dolorem. B Exsurge, Phinees: sta et place, ut sanetur quassatio. Sta, inquam, inflexibilis adversus carnem et sanguinem, quo 270 ariete murum tuæ constantiæ filii hujus sæculi procul dubio concutere conabuntur. Vera pietas est in avunculum, si super hujusmodi exstiteris impius in nepotem.

3. Et hoc scitote, quod viros religiosos, decanum Sancti Petri Antissiodorensis, et Priorem Sancti Eusebii, tam pro se, quam pro abbate Sancti Laurentii, ob primam Antissiodorensis Ecclesiæ electionem paratos venire ad vos, pars adversa per comitem Nivernensem (740) detinuit, et deterruit ne venirent. Siquidem comes ipse vocatis ad se detrahebat, ne se intromitterent, et minis gravissimis ac manifestis prohibuit eos: sicut Prior ipse a prædicto abbate suo et fratre suo carnali, et a decano missus ad nos propter hoc ipsum, confessus et conquestus est nobis, rogans etiam per nos hoc ipsum innotescere vobis. Dixi, et iterum dico: Mementote quod factum est Nivernis. Ordinatissimum est, minus interdum ordinate aliquid fieri. Claves vestras, qui sanum sapiunt, alteram in discretionem, alteram in potestate constituunt.

#### EPISTOLA CCLXXVII.

AD EUMDEM, PRO ABBATE CLUNIACENSI (741).

*Abbatem Cluniacensem benevole excipi, et honorifice tractari petit.*

Stultum videtur scribere ad vos pro domino Cluniacensi, et ei quasi velle patrocinium ferre, quem omnes sibi patronum habere desiderant. Sed scribo, etsi non necessarie illi, satisfaciens tamen affectui: affectui dico meo, non alterius. Ipso enim, quia corpore non possum, prosequor amicum peregrinantem. Quis nos separabit! Nec altitudo Alpium, nec

(736) Hic videtur a tumultuantibus electus: sed tandem prævaluit electio Alani ex abbate Ripatorii ordinis Cisterciensis, diocesis Trecentis, qui Vitam S. Bernardi in compendium redegit. In Actis episcoporum Antissiodorensium episcopatus per annum vacasse dicitur. Vide epistolas 280 et 282, etc., atque librum tertium De consideratione, n. 11.

(737) Hinc intelligitur, Ecclesiam Antissiodorensis proprium sigillum ex tunc habuisse præter episcopale.

(738) Scripta anno Christi 1151.

(739) Id est Hugonem, ex primo abbate Pontinacensi episcopum antissiodorensis. Obiit anno 1151

die decima Octobris: de cujus viri miraculosa conversione, virtutibus ac sanctimoniam, lege Henriquez in Fasc. lib. II, dist. 10, cap. 28, et in Menologio ad diem vicesimam primam Januarii. Lege etiam Vitæ S. Bernardi librum I, cap. 3.

(740) Guillelmum IV, qui patri Guillelmo III in Cartusiam secedenti successit ab anno 1147. Confer paulo infra epistolam 280 et ibi notam.

(741) Scripta anno 1146. — Petrum Venerabilem, ad Eugenium honoris causa procedentem, his litteris Bernardus commendavit. Ille sui itineris meminit tum libro secundo De miraculis, cap. 25: « In primo, » inquit, « pontificatus domini papæ Eugenii

nivium frigora, nec longitudo itineris. Et nunc præ-  
sena sum, in litteris his assistens illi. Sine me pote-  
rit esse nusquam. Debitor sum dignationi ejus, per  
quam dignus habitus sum assumi in id gratiæ. Sed  
debito ipsa absolvit gratia, quia necessitas in volun-  
tatem transiit. Honorate virum, ut vere honorabile  
membrum in Christi corpore. Vas est in honorem,  
si fallor, plenum gratiæ et veritatis, repletum pluri-  
mis bonis. Remittite eum cum letitia, quamplurimos  
sub reditu letificaturum. Dignemini eum ampliori,  
ut dignum est, gratia, et ita ut de plenitudine ejus  
omnes, cum redierit, accipiamus. Sane si quid pe-  
tierit in nomine Domini Jesu, non debet apud vos  
pari difficultatem. Nam si nescitis, iste est qui ma-  
nus suas extendit ad pauperes Ordinis nostri: iste  
est qui de possessionibus ecclesiæ suæ, quantum  
cum pace potest suorum, libenter frequenterque lar-  
gitur ad victum. In nomine Jesu cur dixerim, audite.  
Si enim petierit (quod suspicor vereorque) dimitti  
a regimine monasterii (742), quis illum noscens, in  
nomine Jesu petere pueri? Fallor, si non solito timo-  
rator, si non se ipso melior factus sit, ex quo vi-  
distis enim. Quamquam pene ab introitu suo in multis  
Ordinem illum meliorasse cognoscitur: verbi gratia,  
in observantia jejuniorum, silentii, indumentorum  
pretiosorum et curiosorum (743).

anno ad visitandum tam ipsum, quam communem  
matrem Romanam Ecclesiam Romam adii; tum  
etiam a Bernardum scribens libri sexti epistola  
46. «Videram enim,» inquit (scilicet Eugenium),  
«prius anno pontificatus sui Romæ.» Quo quidem  
in itinere illud ipsi accidit, quod postea Eugenio  
scripsit, libri sexti epistola 44, ut a marchione Opi-  
zone per ita iam grassante spoliatus, Placentinorum  
auxilio omnia recuperaverit. Iterum vero Eugenium  
inviit circa annum 1151, a quo quam fuerit beni-  
gne exceptus, testatur in quadam epistola ad S.  
Bernardum, cujus amici ixe officium hac in parte  
agnoscit.

(742) Forsan cogitabat Petrus dimisso regimine ad  
S. Bernardum se recipere, ut quidem ipse profite-  
tur supra in epistola 264.

(743) Hæc omnia testantur præclara ejus Statuta  
in Bibliotheca Cluniacensi. Confer Orderici librum  
decimum tertium ad annum 1152.

(744) Scripta anno Christi 1150.

(745) Henrico, qui germanus erat Ludovici Junio-  
ris, post archiepiscopo Remensi. Confer epistolas  
289, 305 et 307. Eum a Ludovico patre divinis ser-  
vitiis mancipatum Honorius II in suam tutelam sus-  
cepit, teste ejus epistola in Spicilegii tomo III, pag.  
150, ubi alia succedit Ludovici regis ad legatum  
apostolicum, de concedenda eidem Henrico præ-  
benda in Ecclesia Pontisarenensi. Abbas fuit Sanctæ  
Mariæ Stampensis, necnon archidiaconus Aurelian-  
ensis, ex Chartario Sancti Martini de Campis.

(746) Id patet ex duabus Anselmi epistolis ad  
Urbanum II, quæ sunt libri secundii epistolæ 53 et  
54. Simile quid de Belvacensis Ecclesiæ statu scribit  
Ivo episcopus Carnotensis epistola 87. «Prædicta,»  
inquit, «Ecclesia (Belvacensis) tandem jam bonos  
decevit habere pastores, ut malos habere, videatur  
ei quasi legitimum, bonos autem eligere, quasi nefar-  
ium,» etc.

(747) Heloissa, Petri Abelardi quondam conjux,  
deinde sanctimonialis, denique abbatisa parthenonis  
Argenteolensis, ad Sequanam præterfluentem in  
diocesi Parisiensi. In quem locum anno 1127 con-vo-

## EPISTOLA CCLXXXVIII (744).

AD EUMDEM, PRO EPISCOPO BELVACENSI (745).

Petitiones filii vestri episcopi Belvacensis quam  
dignæ sint exaudiri, non est quod vos doceamus:  
ipsæ satis per se paternis visceribus vestris quod  
dignum 271 et justum est, facile persuadebunt.  
Agimus tamen. Fovendus est devotus juvenis favore  
paterno: et zelus bonus, quem pro sua Ecclesia gerit,  
non modo approbandus, sed et juvandus. Sic seipso  
in dies devotior, ferventior, fortior fiet, cum vexa-  
tiones et tribulationes, quæ nunquam desunt illi  
Ecclesiæ (746) a malis hominibus, manu indeficientis  
auxilii vestri sibi seuserit e regione levare. Petitionem  
fratris Arnulfi de Maiole petimus exaudiri. Magister G.  
(hoc nomen nuntio) dicit eam vobis. Sed et quod petit abbatisa de Paracito (747), per  
ipsum, si dignamini, scire potestis; et facere, si  
dignum judicatis.

## EPISTOLA CCLXXXIX (748)

AD HENRICUM COMITEM (749).

*Comitem ex injuria, a subditis ejus illatam de resti-  
tutione in integrum compellat.*

Abbas de Castellione (750), vir religiosus, Romam  
proficiscens, in Dei et nostri custodia sua omnia  
dereliquit: et ecce ministeriales Simonis, homines  
de Belfort, abstulerunt porcos eorum. Maluissent,

bitæ Dionysiani, cum ex antiquissimis diplomatis  
probassent, suum esse dono Hermerici, Nummaque  
uxoris, regressi sunt longo postliminio. Theodrada  
enim, Caroli Magni filia, congregaverat ibidem vela-  
tas, quæ ejecta disciplina monastica ejectæ sunt.  
Paulo ante, ut superius diximus, Petrus Abelardus,  
cum facultate abbatis Sancti Dionysii abscesserat in  
solitudinem agri Trecentis, ubi oratorium calamo-  
rum palustrium, stipularum, juncorumque centoni-  
bus confectum, dicaverat primo sanctissimæ Trinitatis;  
deinde Paracleti nomen indidit, quod ibi post varias  
calamitates tandem nonnulla solatio respirasse sibi  
visus est. Quem locum postea Heloissa cessit. Heloi-  
sam alii Helwidem vocant, quo nomine duas ipsi  
epistolas scripsit Hugo Metellus, «Helwidi venerabili  
abbatissæ Paracleti. Feminæ sexum vos excessisse  
fama nobis notificavit. Quomodo dictando, versifi-  
cando, et (quod excellentius omnibus est his) mulie-  
brem molliem exsuperasti,» etc. Eam aliquando  
invisit, et exhortatione sua dignatus est Bernardus,  
teste Abelardo in epistola 5.

(748) Scripta anno Christi 1152.

(749) Is filius Theobaldi Magni Campaniæ comitis,  
cujus in dignitatem successit anno 1151.

(750) Balduinus, ad quem epistola 401. episcopus  
dein Noviomensis, ex epistola 402. Castellionensis  
abbatis, de qua hic sermo, illa est indubie canonico-  
rum regularium Ordinis S. Augustini ad Sequan in  
diocesi Lingonensis, ubi litterarum prima elementa  
didicit Bernardus, et quam ex seculari regularem  
fecit, ex vitæ libro I, cap. 1, n. 3: non vero Castellio  
Neustrie, qui quidam perperam volunt. Castellio  
quippe, cujus abbas iste Balduinus erat, parum di-  
stabat a Clara-Valle, siquidem abbas, Romam pro-  
fecturus, res suas Bernardo commendavit. Ad hæc  
locus Bellus Fortis qui non longe a Castellione aberat  
ex contextu epistolæ. situs est ad amnem Vigoram,  
qui in Albam influit infra Claram-Vallem et Barrum  
oppidum. Denique in vetustis Castellionis Lingon-  
ensis chartis, uti et in vulgato abbatum indice,  
Balduinus abbas secundus post Aldonem abbatem  
primum recensetur.

dico vobis, ut nostros proprios rapuissent. A vobis requirimus illos. Ad hoc te constituit principem super terram Princeps regum terræ, ut sub eo et pro eo bonos foveas, malos coerceas; pauperes defendas, facias iudicium injuriis patientibus. Si nec facis, opus principis facis : et spes est ut tuum deus dilatare et roborare debeat principatum. Si non, timendum est tibi, ne hoc ipsum quod videris habere honoris et potestatis, auferatur (quod absit!) a te.

### EPISTOLA CCLXXX (751).

AD DOMINUM PAPAM EUGENIUM PRO ANTISSIODORENSI NEGOTIO.\*

*Queritur sententiam apostolicam in causa electionis Antissiodorensis, a se jussu Pontificis denuntiatam, contemni.*

1. Bene facitis, frequenti et benigno exauditu. Tempus breve, quo hic sum, solando tædementum, pusillanimum erigendo. Facitis, etsi non quod mereor ipse, certe quod vos decet. Non quod ad usum propriæ voluntatis tanta abuti benignitate deleat; paratus, teste conscientia, tam æquo accipere animo quod negare, quam quod præstare placuerit. Volo mihi geri morem, sicut et omnis homo; sed non quod justitiæ obviet, quod veritati præjudicet, quod vestræ denique displiceat voluntati. Hoc pro eo, ne me suspicemini aut non advertere beneficium, aut ingratum esse. Nunc quod res postulat, audiat Sanctitas vestra. Cum in me itur, levis jactura est, et quæ levare facili queat resarcitur. Ego plagis conscientie meæ nullum iudicio accommodatus medicamentum probris et contumeliis. Non est proinde quod pro me movear, homuncio omni opprobrio dignus et despectione. At si usque in christum Domini malignatio forte pervenerit, nutat, fateor, patientia, et omnis pene cedit 272 mansuetudo. Numquid petivi a domino meo ordinari per me Ecclesias, disponi episcopatus, creari episcopos! Aptum videlicet instrumentum, formica planstrum trahens. Voluistis hominem promovere; digne sane, ni fallor: in quem nimirum quid dicant, non inveniunt. ne hi quidem qui contra volunt.

(751) Scripta circa annum 1152. Vide epistolas 275, 282.

(752) Defuncto Hugone episcopo Antissiodorensi anno 1151, « volentibus clericis alium episcopum, et moris est, eligere, » inquit Bernardus, libro tertio De consideratione, cap. 2, « quidam adolescentulus intervenit appellans et vetans ne fieret, quoadusque isset et redisset ab Urbe : cui tamen appellationi nec ipse detulit. Nam cum videret se contemni, tanquam qui irrationabiliter appellasset, accitis quos potuit sibi, tertia die post factam ab aliis electionem, fecit suam. » (Vide epist. 275.) Quibus acceptis Eugenius, tribus (ut hic dicitur) quorum unus erat Bernardus, commisit electionem. Bernardi et alterius in unum convenere suffragia, altero reclamante : unde hic postulat ab Eugenio suppleri quod minus est. Electus hic videtur fuisse Alanus, qui tandem Hugoni successit. De quo sic loquitur liber Sepulchrorum Clara-Vallensium : « Ad dexteram domini Godefridi quondam Lingouensis episcopi, versus chorum, jacet dominus Alanus episcopus Antissiodorensis, qui in quadam ecclesia oppidi fa-

2. Innotuit quibus oportuit mysterium bonæ voluntatis. Et mysterium quidem publicatum est, fructu vero usque adhuc et utilitate fraudatur. Queritis qui fecit hoc ! Homo pacis vestræ, in quo sperabatis. Homo, cui odio religio, cui oneri sapientia, cui terrori justitia est : qui domini sui non est veritus secretum prodere, evacuare decretum. Nec mirum qui se talem aperire non est confusus : qui dum proprio concedit livori, etiam vestræ reverentiæ non pepercit. Confusus sum ego : sed quæ cura ? Non recuso confusionem, quam mihi obedientie zelus invexit. A me quidem non transit calix iste : sed per me plane usque ad vos pertransiit. In suggillatione, ne dicam depravatione datæ sententiæ, cui clarum non sit auctorem tangi potius, quam denuntiatorem ? Cujus non potuit infamari persona, debuitne infirmari promotio (752) ? Unum est e duobus : aut stabit sermo, quem a vobis egressum testati sumus ; aut nos mendaces reputabimur, sicut jam reputamur. Sed melius vestroque dignius apostolatu, non gloriabitur in malitia qui potens fuit in iniquitate.

3. Obeditum tamen mandato ex parte est, et parte majori. Tribus commissum erat ; uno contemne, duobus consentientibus, quid restat, nisi ut vox vestra suppleat quod minus est ? Et quidem tunc hoc. Non est quod timeatis a scandalo florum de quibus Dominus dicit : *Sinite illos ; cæci sunt, et duces cæcorum* (Matth. xv, 14). Quod reliquum est, lætabitur populus, lætabitur sanior pars cleri, etiam ipse lætabitur rex ; lætabitur denique omnis Ecclesia sanctorum. Multa bona opera ostendistis sæculo nostro ex gratia quæ data est vobis : at nullum, ut arbitror, quod magis pro gloria vestra faciat, quam si sic feceritis. Testimonium perhibeo eis, quod multos de religione nominaverint, non religione delectati, sed impotentia, qui non possint malignitatem eorum coercere, qui vi vim repellere non sufficiunt : ut quorum sanctitatem non amant, non sit quod timeant potestatem. Comes Nivernensis vias patris non amulat (753) : adversatur tum huic, tum omni bono. Incubat terris bonisque Ecclesiarum, sicut leo

mosi in Flandria, quæ insula nuncupatur, a puero educatus, sub B. Bernardo in hac Clara-Valle habitum religionis suscepit. Postea primus abbas factus est monasterii, quod Ripatorium nominatur. Cui per annos duodecim præsidens, Domino cooperante satagit ut personis utilibus et possessioibus necessariis... ditaretur. Anno vero novissimo vite B. Bernardi, ab Ecclesia Antissiodorensi in episcopum concorditer est electus. Hic multam hospitalitatem, omnibus religiosus domos suas frequentantibus exhibuit... Peractis denum in episcopatu tredecim annis, de l'centia sedis apostolicæ cessit episcopatu et ad suam relictam Clara-Vallē. Obiit autem pridie idus Octobris circa annum Domini 1181. » Ubi dum concorditer electus dicitur, intelligendum est in eum tandem eligentium suffragia convenisse, ut etiam Bernardus epistola 282 ad Ludovicum regem discrete testatur.

(753) Comes Nivernensis Guillelmus IV, de quo epistola 276, quem tamen multa multis ecclesiis beneficia contulisse legimus : nam Vezeliacensi monasterio bona, quæ pater suus abstulerat, restituit ;



paratus ad prædā. Paratus est recipere etiam Saracenum, aut quempiam ex Judæis, ut isto careat, quod solus sibi videatur, qui malitiae et calliditati ejus resistere et norit, et possit. Inde est quod nonnullis clericorum minis et manifestis gravaminibus, ut nobis ipsi confessi sunt, silentium imposuit, ne pars adversa de multitudine gloriatur.

4. Et, ut breviter quod sentio exprimam, si iudicatur operæ pretium in illo episcopatu monasteria pauperari, ecclesias conculari, religioni illud, ipsam episcopalem sedem, cujus præcipue facultatibus et possessionibus inhiat, in servitutem redigi: Regniacensis regnare nullatenus permittatur (754). Ubi est etiam nunc spiritus ille, quem habuistis in negotio Eboracensi? 273 Non sentiet illum, qui simile opus tentaverit? Ecco is, sicut accepimus, in spiritu illius venit, qui curiam adversum vos concitavit; si licuerit, moliturus id ipsum. De negotio domini Lundensis (755) reducimus vobis ad memoriam. Causa dilationis sublata de medio, non est nisi ut fiat quod faciendum erat. Et hoc addiderim: habere bonum, iustum, et bonæ famæ cancellarium (756), apostolicæ dignitatis non modica pars est, apostolicæ administrationis non parvum administriculum est, apostolicæ conscientie non mediocris custodia est. Semper quidem notabilis constitutio pernicioosa: at post longam deliberationem, etiam turpis.

#### EPISTOLA CCLXXXI.

ABBATI BRUNONI DE CHARA-VALLE (757).

*Brunonem perturbare et imprudenter scribentem redarguit.*

Rectene irascaris tu modo? Non, ut opinor. Convincant te sermones tui, non dispositi in iudicio, sed precipitati in perturbatione. Nam iudicium quidem tale est: Meliora sunt verbera amici, quam oscula inimici (*Prov. xxvii, 6*). At ego sine causa vapulo, inquit. Esto: nihilominus tamen verbera verborum nostrorum amicabilem curam ponant. Parum dixi: paternam loquantur sollicitudinem. Itaque si culpam non habes, nihil te læsimus, propria excusatum conscientia: si habes, tibi potius ira-

Pontiniacensi latifundia dono dedit, et, ut illa missa faciamus, etiam gratificatus est abbati Sancti Germani apud Antissiodorum, ubi tumulum habet in capitulo, tumetsi in cœmeterio sepulturam elegisset. Illius pater, cujus dicitur vias non ambulare, erat Guillelmus III, vir utique pius admodum et religiosus, de quo ita Hugo monachus Antissiodorensis: « Anno 1147, Guillelmus Nivernensis comes, relicto sæculi principatu et omni honore calcato, Cartusiam petiit, ibique Deo in humillima paupertate conversans, infra annum conversionis suæ felicem terminat cursum vite. » — Epistola 280 in vetusto codice monasterii Cambronensis hac inscriptione insignitur, *Ad dominum papam Eugenium, pro electione Nivernensi*. E contrario in editis, *pro Antissiodorensi negotio*. MARTENE.

(754) Hoc ironice dictum, siquidem de Alano (ut videtur) intelligamus, quem hoc nomine S. Bernardus ideoque indigitaverit, fortasse quod ex pago Regniaco apud Belgas, non longe ab ipsa esset oriundus. Nam quod passim dicitur Insulensis, de loco educationis interpretandum insinuat liber Se-

A scendum, quam mihi fuerat. Quereris quod tibi non credidi: quasi tu mihi inde aliquid locutus fueris. Esto: credidi querenti de te. Tibi quomodo aut credere potui, aut decredere, qui dixeras nihil? Fac quod locutus es. Solve quod debes, quam ante poteris [*al. quam cito poteris*], ne forte non modo inter nos, sed [et de nobis scandalum oriatur. De nobis autem bene senti, bene de te sentientibus, et non decredentibus tibi, sicut perturbate loqueris, nesciens quid loquaris. Mea sunt verba, meum loquuntur affectum.

#### EPISTOLA CCLXXXII (758).

AD LUDOVICUM REGEM FRANCORUM JUNIOREM, PRO ELECTIONE ANTISSIODORENSI.

*Hortatur regem, ne electo Antissiodorensi episcopo obstat.*

1. Volei ego unquam in aliquo imminui honorem regis, dignitatem regni? Deus scit, nec vestra, ut confido, conscientia id vobis respondet. Videte ne illi magis contra vos faciant, qui electiones disturbant, ne sint in Ecclesiis qui serviant regi, sed ipsi de Ecclesiarum rebus serviant. Ego, ego electioni Antissiodorensi interfui. Concors fuit, quia clerici qui antehac in partes dissilierant, sine contradictione nunc tandem Deo miserante conveniunt. Electum bene novimus: testimonium ei perhibemus, quoniam bonus est. Neminem prorsus arbitror adfuisse illi celebritati, qui de assensu vestro dubitaret, cum jam idem assensus vestris litteris teneretur. Quis enim hoc vel cogitare posset repetendum alterum assensum, nec sufficere unum, præsertim ubi nulla ex tunc intervenit altera electio? Nunquid quoties dissenserint clerici, toties erit requirendus favor regis? Nec ratio, nec consuetudo hoc habet. Denique nuper, si recordamini, in Suesionensi Ecclesia quoties ad eligendum clerici conveniunt, quoties dissenserunt, et infecto negotio discesserunt: nec tamen existimo toties repetisse assensum vestrum, quem semel promeruerant.

274 2. Ita est, domine mi rex: non est quod debeatis reprobare factas electiones, quibus ut

pulcrorum Claræ-Vallis loco supra citato ubi: « In quadam ecclesia oppidi famosi in Flandria quæ Insula nuncupatur a puero educatus legitur, non natus. Regniacensis enim dici non potest monasterio Regniacensi, de quo anno 1128, in nostra Chronologia: cum ex Clara-Valle in Ripatorii abbatem, exinde vero in episcopum Antissiodorensem fuerit assumptus. Nisi forte quis dicat in secunda electione Antissiodorensi monachum Regniacensem fuisse electum, pro quo hic S. Bernardus scripserit; sed multis dissentientibus tertia tandem electum fuisse Alanum.

(755) Eskili. Vide epistolam 390.

(756) Forte post mortem Guidonis cancellarii, ad quem epistola 367.

(757) Priores editi Clara-Valle: at Chara-Valle præferunt melioris notæ codices, quibus domestica Chara-Vallis instrumenta suffragantur. Est autem Chara-Vallis insignis abbatia Cisterciensium prope Mediolanum de qua fusa superius ad epistolam 154.

(758) Scripta anno Christi 1152.

flerent, semel vos assensisse constiterit. Sed sunt aliqui qui vos conturbant, et conturbare nituntur Ecclesias, sua lura sectantes : quodque gravius est, summi Pontificis, et serenissimi Regis mutuam gratiam et amorem diabolico studio dirumpere molientes. Absit hoc; iudicium portabunt quicumque sunt illi, et Rex semper faciet quod bonus rex, sicut hactenus fecit. Itaque cito mandentur jucundiora, ne diutius sedeant in tristitia Ecclesia, tandiu jam vexata et afflicta. De persona nulla subeat suspicio : aut ego nimium fallor, aut fidelis erit, et Regi beneplacitum super ea. Confido in Domino quia non contristabitis multitudinem sanctorum, qui sunt in illo episcopatu, nec me servum vestrum : qui, ut verum fatear, nihil æque unquam a vobis molestum pertuli, quam si in hoc consilio (quod non eveniat) B persteriteritis

## EPISTOLA CCLXXXIII (759).

AD DOMINUM PAPAM EUGENIUM, PRO FRATRIBUS DE MIRATORIO.

*In compositione quadam litis frustra laboratum : ideoque auctoritate apostolica opus esse.*

Apud Cluniacum occurrimus Gigniacensibus (760) spe pacis : pro qua laboratum multum, elaboratum nihil. Nam totum quatridentium laborem nostrum sola demum secuta est ruina spei. Repetita est, iuxta tenorem litterarumstrarum, damnorum resarcitio, restitutio ablaturum : sed incassum. Multum visum est ad eos, quia nocuerant multum : quippe ultra triginta millia solidorum computatio facta est amissorum : siquidem abbatia una (ne per singula evagemur) tota destructa est. Ceterum de tantis amissis multa dimittere parati fuimus, cum illi tam minimum obtulerant, ut venerabilis abbas Cluniacensis, qui affectuosius quam efficacius pro reformanda pace laborabat, nec dignum relatu iudicaret. Itaque non provenit compositio, quia reparatio tam ridicula offerebatur. Dicebant autem : Quidam

(759) Scripta anno Christi 1150.

(760) In quibusdam scriptis hæc epistola inscribitur absolute, *Pro Fratribus* ; in editis, *Pro Gigniacensibus* ; id est contra monachos Gigniacenses. Manuscripti Cistercienses habent, *Pro fratribus de Miratorio*. Sed perinde est. Hæc enim epistola scripta est contra Gigniacenses in causa fratrum de Miratorio. Cum enim decimarum exemptio ab Innocentio Cisterciensibus concessa, Cluniacensium animos multum exasperasset, ut dictum est in notis ad epistolam 228, in primis vero Gigniacenses Ordinis Cluniacensis in comitatu Burgundiae, adversus vicinos sibi Cistercienses de Miratorio, utrosque provinciae Lugdunensis ; eo usque illorum effervuit commotio, ut quidam ex Gigniacensibus Miratorii cœnobium susque deque vertere non dubitaverint. Quod ut rescivit Eugenius, acres admodum litteras dedit ad Petrum Venerabilem, quo facta quamprimum damnorum compensatione Cisterciensibus fieret satis, alias rigide in reos animadvertendum denuntiatis, commissa Lugdunensi archiepiscopo facultate ecclesiasticas adhibendi censuras, nisi intra viginti dies de damnis illatis paciscerentur. Hæc litteras divulgavit Mauricus ex monasterio Vallis-Lucentis, ut videre est in Appendice toni secundi Annalium. Convenero apud Cluniacum viri sanctissimi Bernardus et Petrus Venerabilis ejus rei gratia : qui triduo

PATROL. CLXXXII.

A maligni de nostris totum malum fecerunt. Quid ad nos? ipsi viderint. Atque id quoque ridiculum. Clarum erat in tota regione, per homines Ecclesiarum hoc grande facinus perpetratum; monachos quoque adfuisse quosdam, consensisse omnes. Nam qui contradiceret malefactoribus, ne unum quidem fuisse usque ad hoc tempus audivimus. Denique ipso dominus abbas istiusmodi tergivertores palam refellebat et convincebat, affirmans juste ab ecclesia repeti, quod per ecclesiam amissum esse constabat. Ultima exspectatur manus vestra in eo, quod non nisi in manu valida posse emendari satis superque probatum est.

## EPISTOLA CCLXXXIV (761).

AD DOMINUM PAPAM EUGENIUM, PRO REMENSI ARCHIEPISCOPO, ET ALIIS PERSONIS.

Dominus Remensis archiepiscopus (762) versatur in domo magni Patrisfamilias, tanquam vas in honorem. Si hoc scitis, servate honorem ejus, honorem Ecclesie ejus. Si bene novi virum, quo magis honorabitur eum, eo plus honorabitur Deus per illum, et in illo. Dominus Atrebatensis (763), homo simplex et rectus, et adhuc permanens in humilitate sua, non est opus ut per alium plus humilietur, ne perdat auctoritatem, ac per hoc et utilitatem. Hanc, si dignum 275 ducitis, date ei vos, quia suo studio nunquam habebit : nupte sui magis, quod in se est, mediocritate contentus. Est qui adversatur et extollitur : is plane ut humilietur episcopo opus est, et eidem ipsi non minus. Superbis resistere, et humilibus dare gratiam, familiare est Domino vestro, et audistis eum dicentem : *Qui mihi ministrat, me sequatur* (Jean. xii, 26). Abbas de Auvecuri (764) bonus homo est; secundum bonitatem suam respondeatur ei. Exaudiat pro necessitatibus suis, et contra eum non audiat apostata. Betuniensis decanus voluntate episcopi, et assensu advocati, bonam rem pro ecclesia sua in ecclesia eadem constituit :

res agitata, damnunquæ æstimatum ultra triginta solidorum millia. At Gigniacensibus sententia parere cunctantibus, Bernardus dilationem Eugenio hæc epistola significavit. Bernardo mortuo, inter utriusque loci monachos de decimis facta compositio est anno 1153, qualis refertur apud Guichenonem in Historia Sebusiana, pag. 113. Quamvis autem nos lateat compensatio per Gigniacenses facta, non latet tamen, ut Mauricus notavit, facta per Petrum Venerabilem in Cisterciensium munificentia ex deposito Baronis Romani subdiaconi, quod Cluniaci relictum, mortuo Barone Petrus Cisterciensibus liberaliter resignavit, ut constat ex epistolis modo 388 et 389.

(761) Scripta circa annum 1151.

(762) Scilicet Samson.

(763) Godescalcus, de quo in epistolis 214 et 253, Alviso cuius mentio in epistolis 63 et 395 successu anno 1150. Causa de qua hic agitur, videtur esse cum Guericco abbate Sancti Vedasti, cui scripsit Eugenius, ut Godescalcus obedientiam manu promitteret de his, quæ ab ecclesia Atrebatensi possidebat, ut legimus in litteris manuscriptis.

(764) Indubie Auvecuri, quæ abbatia est canonico-rum regularium Sancti Augustini prope Bopalmes. *Auvelcuris* et *Auvelcuris* dicta in veteribus monumentis modo *Auve Curium*.

bonum est ut vestra auctoritate firmetur. Similiter et pro decanis Suessionensi et Cameracensi rogamus, ut dignæ preces eorum exaudiantur. Periclitati sumus in falsis fratribus, et multe litteræ falsatæ sub falso sigillo nostro in manus multorum exierunt: et, quod magis vereor, etiam usque ad vos dicitur falsitas pervolasse (765). Hac necessitate abjecto illo, novello quod cernitis de novo utimur, continente et imaginem nostram, et nomen (766). Figuram aliam tanquam ex nostra parte jam non recipiatis, nisi forte pro episcopo Clari-Montis, cui sub altero sigillo litteras dedi, cum necdum istud haberem.

#### EPISTOLA CCLXXXV.

AD EUNDEM, PRO ODONE ABBATE SANCTI-DIONYSII (767). *Abbatem Sancti-Dionysii Odonem commendat, et adversus suspectas aliorum criminationes, ex invidia et ambitione natas, tuetur.*

1. Pro ecclesia Sancti-Dionysii, et pro persona Odonis abbatis, etsi nemo alius scriberet, ego scribere non dubitarem. Causa bona est, et neutra ex parte nutans: ecclesia nobilis, et abbas boni testimonii est. Illud orbi, hoc nobis, qui vicini sumus, notissimum est. Ad hæc et is, et illa specialis res vestra est. Pro his omnibus vel solus, ut dixi, si opus sit, scribere non confundor. Nunc vero tales mecum scribunt, quibus minime decrederetur, etiam me non scribente. Ipsi sunt, quorum manus satis superque tralaverunt de verbo hoc. Ecce hi sciunt quid fecerit abbas; et quod sciunt, loquuntur. Secure prodeunt porrectæ a nobis preces pro eo, tam indubitatis fultæ testimoniis. Securæ vestram sollicitudinem pro vestra ipsius proprietate sollicito et compello, nempe invasa nequiter, vexata atrociter. Rogo, obsecro, levate manum, extendite brachium, opponite scutum. Gladius Petri defendat patrimonium Petri.

2. Frustra quidam insurrexerunt in hominem, quem fama publica satis excusat, imo celebris commendat opinio. Boni videlicet filii, qui patris reverenda tam curiose scrutati sunt, nescio quæ incomperta omnibus crimina somniantes (768). Stupent qui audiunt ad subitam et inopinatam criminationem. Erubescunt, quia nunquam dictus fuerat sermo huiusmodi de Odone. Sancti-Dionysii abbas nequaquam sub modio latet. Super candelabrum stat: ut, etsi velit, non possit dissimulare quod est. Et lumen ejus, ut fumus ejus, ab omnibus videatur necesse est. Numquid isti lynceos in eum oculos in-

tenderunt, videntes quæ nemo adhuc videre alius potuit? Suspecta, fateor, mihi horum delatio est. Magis autem incredibilem reddit unus illorum, nomine Raymundus, qui ut aiunt, caput est huius attentatæ malitiæ; homo, ut comperi, **276** palam loquax, clam susurro; anxie ambitiosus, adulatorie blandus; totus compositus ad fallendum, ad perurbandum non minus. Notavi sub pelle ovina lupum, ac certis designavi indicis, quo jam aut mordere non audeat, aut nocere non valeat.

#### EPISTOLA CCLXXXVI (769).

AD EUNDEM, PRO EODEM.

Si susurrations et subreptiones prævaluerint adversus abbatem Sancti-Dionysii, mundus ego sum a sanguine ejus, qui scripsi in alia vice adversus malignantes. Veruntamen quam accusationem afferunt adversus hominem illum! An quod non inveniunt quod accusent? Et quomodo si recte isti eum accusant, excusatur a vicinis omnibus qui recto sunt corde? Accusatur quod debita multa fecerit, impignoraverit terras, dilapidaverit bona. Quasi hæc vel necessarii, vel iustis ex causis non potuerint contigisse. Mardavit nobis de his universis conventus illius ecclesiæ, et per fidelem personam testatus est aliter, quam vobis dicta sunt, se habere. Veruntamen inquiratur; nam cerius de his oculus, quam juramentum fidem faciet: et si inventa fuerint quemadmodum isti malitiose compunt, quoquo modo acciderint, abbas non excusetur. Si non fuerint, delatores nihil de falsitate lucentur. Insimulant eum de morte hominis: si se purgare non potest, moriatur. Quanquam quis non videat nec verisimile esse, ut quem paulo ante de morte eripuerat, in moriem tradiderit? Qua fronte hæc audent insurrare vobis, qui viderunt et cognoverunt zelum abbatis in liberatione illorum, qui prius homicidium perpetraverant, et in ultione eorum, qui sanguinem proximi ulii erant! Postremo si bene nossetis istos, posset profecto sufficere ad decredendum quidquid non accipitis nisi per eos. Adsit Deus sanctæ menti vestræ, ne quid illi lingua dolosa adversus innocentiam subripere possit.

#### EPISTOLA CCLXXXVII (770).

DOMINO OSTIENSI (771), PRO EODEM ARRATÆ.

Dominus abbas Sancti-Dionysii accusatur ab iniquis omnibus: sed a bonis hominibus, qui in ecclesia et in circuitu ejus sunt, excusatur. Pro quo tanto affectuosius rogamus Charitatem vestram, quanto me-

(765) Vide epistolam 298.

(766) Hinc patet non verum esse quod ait Guillelmus abbas Cisterciensis, in epistola hic edita ad Theobaldum Campaniæ comitem, nempe falsum esse sigillum abbatis de Buzio, in quo nomen abbatis impressum erat, asserens in nullo sigillo Ordinis proprium nomen abbatis unquam impressum fuisse. Certe in charta Bernardi ipsius pro compositione litis inter monasteria Sanctæ Genovefæ et Sancti Victoris, appensum est Bernardi sigillum cum ejus nomine et effigie, librum dextra, pedum sinistra tenente. — Vide notitiam de sigillo S. Bernardi, infra, Operum ejus tomo ultimo, post Vitam et Acta. Edit.

(767) Scripta circa annum 1153. — Odo ex monacho Sancti-Dionysii prope Parisios abbas Sancti-Cornelii apud Compendium, dein Sugerio abbati Dionysiano successus anno 1151. De ejus ordinatione et laudibus vide Sugerianas epistolas 156 et sequentes, maxime epistolam 162, quæ est Balduini episcopi Noviomensis, qui Odonem et virum religiosum et strenuum, catholicæ electum, et a se benedictum dicit Engenio scribens.

(768) Vide epistolas sequentes.

(769) Scripta anno Christi 1153.

(770) Scripta eodem anno.

(771) Scil. Hugoni. V. ep. 273, 274, 290, 296, 306.



liorem de eo et habuimus, et habemus æstimationem: Siet pro eo vestra benignitas, et si non quia amicus noster est, sed quia nec vera sunt, nec verisimilia, quæ imponuntur ei. Si gravatus est debitis, causa evidens fuit temporis ipsius, quanquam fere nulla sint debita. Ad id quod impositum est deterrarum distractione, evidens falsitas comprobatur. Nam de morte G. ne ipsos quoque adversarios reor eum potuisse habere suspectum, quippe qui eundem G. et suos omnes conclusos ab hostibus, ab ipso mortis articulo, multo quidem labore eripuit. Pro his omnibus maximeque pro Raymundi non incognita nobis, versutia, attentius rogamus, ut abbatis innocentiam vestra sollicitudo tueatur.

### 277 EPISTOLA CCLXXXVIII (772).

AD ANDREAM AVUNCULUM SUUM, MILITEM TEMPLI.

*Infelicem exitum sacræ expeditionis dolet; avunculi adventum optat.*

4. Litteræ tuæ, quas novissime transmisisti, invenerunt me in lectulo decubentem. Accepi eas obviis manibus; libenter legi, libenter relegi, sed libentius te vidissem. Legi in illis desiderium tuum videndi me, legi et metum tuum pro periculo terræ, quam Dominus sua præsentia honoravit; periculo civitatis, quam suo sanguine dedicavit. Væ principibus nostris (773). In terra Domini nihil boni fecerunt: in suis, ad quas velociter redierunt, incredibilem exercent malitiam, et non compatiuntur super contritione Joseph. Potentes sunt ut faciant mala, bonum autem facere nequeunt [*al. nesciunt*]. Confidimus autem quia non repellat Dominus plebem suam, et hereditatem suam non derelinquet. Porro dextera Domini faciet virtutem, et brachium suum auxiliabitur ei: ut cognoscant omnes quia bonum est sperare in Domino, quam sperare in principibus. Bene facis formicæ te comparans. Quid enim aliud quam formicæ quique terrigenæ et filii hominum sumus, rebus inutilibus atque inanibus insudantes? Quæ autem abundantia homini de universo labore suo, quo ipse laborat sub sole? Ergo ascendamus super solem, et conversatio nostra in cælis sit, jam mente præcedentes, quo sumus et corpore secuturi. Ibi, mi Andrea, ibi fructus laboris tui; ibi retributio tua. Sub sole militas, sed sedenti super solem. Illic militantes, inde donativa expectemus. Merces militiæ nostræ non de terra, non de deorsum est: procul et ab ultimis finibus pretium ejus. Sub sole pe-

(772) Scripta anno Christi 1153.

(773) De infelici expeditione in Orientem hoc intellige. Nam ambitio, simulatas, æmulationis inter christianos Principes sacræ illius expeditionis vires et conatus infregit. Ita indicat Bernardus libro secundo de Consideratione, cap. 1. Ita etiam indicat Otto Frisingensis, testis oculatus, de Gestis Frederici, libro 1, cap. 78, ubi, post commemoratas ingentes exercitus christiani clades, subiungit: « Nondum tamen ex tot et tantis attritionibus fastus inter eos regalis decoctus conquieverat. » Vide Æmilium in Ludovicum VII, ubi agit de obsidione; urbis Damascenæ, jam pene expugnatae, nisi ambitione principum spes omnis elusa esset. Vide etiam Sigonius, de Regno Italiæ, libro xi. Plura de causis rei infelicitate

A nuria est: super solem abundantia est. Mensuram bonam, et confertam, et coagitatam, et supereffluentem dabunt in sinus nostros (*Luc. vi, 38*).

2. Desideras me videre; et da meo, ut scribis, arbitrio desiderii tui pendet effectus. Nam mandatum super hoc meum te indicas expectare. Et quid dicam tibi? Et cupio ut venias, et timeo re venias. Ita inter velle et nolle positus, coarctor e duobus; et quid eligam, ignoro. Unum, ne videlicet tuo satisfaciam desiderio, et meo pariter: an credam magis celebri de te opinionem, qua terræ ita pernecessarius prædicaris, ut de tua absentia non mediocris illi desolatio imminere credatur. Itaque quod mandare non audeo, opto tamen ut te videam antequam moriar. Tu melius id videre et cognoscere potes, si quo modo sine damno, et sine scandalo illius gentis venire possis. Et fieri posset quod adventus tuus omnino non esset inutilis. Forte favente Deo non drescent qui te sequenter reverentem ad subveniendum Ecclesiæ Dei, quoniam omnibus notus es et dilectus. Potest facere Deus ut et tu cum sancto patriarcha Jacob loquaris: *In baculo meo transivi Jordanem istum, et ecce cum tribus turmis regredior* (*Gen. xxxii, 10*). Unum dico: si venturus es, ne tardaveris, ne forte venias, et non me invenias. Ego enim jam delibor, nec puto me longum facere super terram. Quis mihi tribuat tua, in voluntate Domini, amabili et dulci præsentia vel paululum refrigerari, priusquam abeam? Reginæ scripsi (774), sicut voluisti, et gaudeo de bono testimonio quod ei perhibes. Magistrum et fratres vestros omnes de Templo, nec non et eos de Hospitali, per te in Domino salutamus. Inclusos quoque et sanctos omnes, ad quos opportune loqui poteris, per te in Domino salutantes, eorum nos orationibus commendamus. Esto pro me ad eos. Girardum nostrum (775), qui in domo nostra aliquando conversatus est, et nunc, ut audivimus, episcopus factus est, et ipsum affectu magno devotissime salutamus.

### 278 EPISTOLA CCLXXXIX (776).

AD REGINAM JEROSOLYMORUM.

*Instruit eam, quomodo se gerat, ut probæ viduæ coram Deo, et reginæ coram hominibus partes impleat.*

Dilectæ in Christo filiæ M: (777) reginæ Jerosolymorum, BERNARDUS CLARE-VALLIS vocatus abbas, misericordiam a Deo salutari suc.

1. Miror quod a multo jam tempore non vidimus in expeditione transmarina gestæ, vide in notis, ad librum secundum de Consideratione, cap. 1.

(774) Vide epistolam sequentem.

(775) An Girardus Bethlehemitanus episcopus, de quo Guillelmus Tyrinus initio libri xvii, ad an. 1146, et sub finem ad an. 1152? an. Sidoniensis, ibidem?

(776) Scripta anno Christi 1153.

(777) Milisendi, alius Melusina, filiæ Baldvini Jerosolymorum regis ex Latinis secundi: cui successit Fulco gener ejus, hujus Milisendis maritus; qui leporem equo insectando præcepit actus, post triduum expiravit anno 1142. Ad eandem epistolam 206. 354 et 355. Ivera, ejus soror, sanctimonialis, ex Guillelmo Tyrio sub finem libri xv

litteras tuas, non solitas salutationes habuimus : A quasi nos obliti simus antiquæ tuæ erga nos devotionis quam in multis probavimus. Audivimus, fateor, nescio quæ sinistra : quæ etsi non pro certo credidimus, dolumus tamen sive veritate, sive mendacio tuam aliquatenus decolorari opinionem. Sane intervenit Andreas charissimus avunculus meus, cui in nullo decredere possumus, scripto suo nobis significans meliora : quod scilicet pacifice et mansuete te habeas, sapienter et consilio sapientium te et tua regas; fratres de Templo diligas, et familiares habeas; periculis imminentibus terræ, secundum sapientiam tibi a Deo datam, salutaribus consiliis et auxiliis provide et sapienter [al. vigilanter] occurras. Talia prorsus, talia decent opera mulierem fortem, humilem viduam, sublimem reginam. Neque enim quia regina es, indignum tibi viduam esse, quod, si voluisses, non esses. Puto quod et gloria tibi est, præcipue inter Christianos, non minus vivere viduam, quam reginam. Illud successionis est, hoc virtutis : illud tibi ex genere, istud ex munere Dei : illud feliciter nata es, hoc viriliter uacta. Duplex honor; alter secundum seculum, alter secundum Deum : uterque a Deo. Nec parvus tibi videatur honor viduitatis, de quo Apostolus : *Honora*, inquit, *viduas, quæ vere viduæ sunt* (1 Tim. v. 5).

2. Habes certe penes te ipsam familiare communitarium apostolicæ iterum salutaris sententiæ, qua doceris ab eo providere bona, non tantum coram Deo, sed etiam coram hominibus (11 Cor. viii, 21) : coram Deo, ut vidua; coram hominibus, ut regina. Attende reginam, cujus digna, indignave non possunt latere sub modio : super candelabrum sunt, ut appareant omnibus. Memento viduam, cui jam non est quod velit placere viro, ut soli possit placere Deo. Beata es, si Salvatorem ponas tibi murum ad protectionem conscientiæ, et antemurale ad repulsionem infamiæ. Beata, inquam, si veluti desolatam et viduam totam te Deo regendam commiseris. Alioquin bene non regis, si bene non regeris. Regina Austri venit audire sapientiam Salomonis, ut regi disceret, et sic regeret. Et ecce plus quam Salomon hic (Matth. xii, 42) : Jesum loquor et hunc crucifixum. Huic te committe regendam, huic docendam, quomodo regere debeas. Disce tanquam vidua, quod sit mitis et humilis corde (Matth. xi, 29) : disce tanquam regina, quod iudicet in iustitia pauperes, et arguat in æquitate pro mansuetis terræ (Isai. xi, 4). Ergo cum cogitas dignitatem, attende et viduitatem : quia ut pure apud te quod sentio proferam, non potes esse

(778) Scripta anno 1152. — In quibusdam manuscriptis hæc epistola ad dominum Ostiensem, nempe Hugonem, locatur post epistolam ad Præmonstratenses, quæ habetur in iisdem manuscriptis post epistolam 296. Legatus iste, de quo hic agitur, fuit Jordanus de Ursinis, in Germaniam ad Conradum imperatorem legatus anno 1151.

(779) Joannes Papanus seu Papyrio, anno 1152, teste Joanne Hagustaldensi, et profectus in Hiberniam, quatuor pallia certis sedibus distribuit, gentemque in ea legi nuptiarum non assuetam plurimum correxit. Ad id usque temporis episcopi sese mutuo

regina bona, si bona non fueris vidua. Queris unde bona vidua æstimetur? Ex his profecto quæ Apostolus dicit : *Si filios educarit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est* (1 Tim. v, 10). Si hæc facis, beata es, et bene tibi erit. Benedicat te Dominus ex Sion, eximia in Domino filia, et omni veneratione digna. Admonitio præmissa est; prosecutio jam a vestra dignatione expectatur. Occasio data est : excusatio jam non admittitur; si non renovata a nostra parte familiaritas, familiaribus deinceps a vobis verbis et litteris frequentetur.

## 279 EPISTOLA CCXC.

DOMINO OSTIENSI, DE JORDANO CARDINALE (778).

B Legatum apostolicum describit, quam cæda ubique vestigia reliquerit.

Pertransiit legatus vester de gente in gentem, et de regno ad populum alterum, fæda et horrenda vestigia apud nos ubique relinquens. A radice Alpium et regno Teutonicorum, per omnes pene Ecclesias Franciæ, et Normanniæ, et circumquaque circumiens usque Rothomagum, vir apostolicus replevit, non Evangelio, sed sacrilegio. Turpia fertur ubique commisisse; spolia ecclesiarum asportasse : formosulos pueros in ecclesiasticis honoribus, ubi potuit, promovisse; ubi non potuit, voluisse. Multi se redemerunt, ne veniret ad eos : ad quos pervenire non potuit, exegit et extorsit per nuntios. In scholis, in curiis, in triviis, fabulam se ipsum fecit. C Sæculares, religiosi, omnes male loquuntur de eo : pauperes, et monachi, et clerici conqueruntur de eo. Homines quoque suæ professionis, ipsi sunt qui magis exhorrent et famam ejus, et vitam. Hoc testimonium habet et ab his qui intus, et ab his qui foris sunt. Non sic dominus Joannes Papeiron (779), non sic : cujus laus est in Ecclesia, quippe honorificantis ubique ministerium suum. Legite litteras has domino meo. Ipse viderit, quid de tali homine faciendum sit : ego liberavi animam meam. Dico tamen præcipatione qua soleo : Bonum est ei si purget ipse curiam suam, et sic liberet conscientiam suam. Deceveram ista tacere : sed venerabilis Prior Montis-Dei (780) ad hoc me impulit, et animavit ut scriberem. Et scitote minus D me dixisse, quam publice prædicatur.

## EPISTOLA CCXCI.

AD DOMINUM PAPAM EUGENIUM, PRO ECCLESIA SANCTI-EUGENDI JURENSIS (781).

Sancti-Eugendi nobile monasterium, olim divitiis consecrabant, ex Giraldo in top. Hiberniæ, cap. 17 : (780) Gervasius tunc prior erat Montis-Dei, quæ Carthusia est diocesis Remensis, ab Odone Sancti-Remigii abbate fundata anno 1136. Apparet autem ex hoc loco, Gervasium Bernardum, uti et locum acceptum fuisse. Nec tamen putes enim esse auctorem epistolæ ad Fratres de Monte Dei, de qua in t. 5.

(781) Augendum veteres appellabant, qui sanctus abbas fuit insignis monasterii Condatiscensis, a S. Romano in Jurensibus jugis constructi, eique nomen S. Eugendi dedit, postea in S. Claudii mutatum, diocesis Lugdunensis.

et religione famosum, si vera sunt quæ dicuntur. A prope interitum est. Nec decredenda omnia. Domos vicinas nobis, vobis notas, pertinentes ad ipsum, partim jam destructas, partim in dies destrui ceruimus, et dolemus. Quæ in membris videmus, hæc et his graviora de capite fama nuntiante percepimus. Sed numquid debeo ego nunc malorum vobis, quorum non est numerus, retexere narrationem? Lator præsentium monachus præfati monasterii, et Archegaudus Prior, homo nobis ab antiquo pro sua honestate et religione dilectus, poterunt vobis intimare quæ plenius norunt, etsi non omnia: quis enim hoc posset? Tot et tanta pro certo, quæ apostolicam securim, etsi dissimulantem, etsi dormitantem, mirum si non surgere et ferire compellant. Ego liberavi animam meam: sed non sufficit, nisi et monasterium liberetur. In manibus vestris mors et vita illius.

## 280 EPISTOLA CCXCH.

AD QUENDAM SECULAREM (782).

*Perstringit eum, quod Petrum, cognatum suum, a proposito vite religiosæ abstrahere conatus sit.*

1. Etsi ignotus nobis facie, sed non fama. Ipsa referente didicimus quod sis homo sapiens, et secundum sæculum honoratus. Voluit autem dilectus filius meus Petrus, cui et notior, et familiarior sanguinis affinitate videris, ut tibi scriberem, imo rescriberem. Tu enim scripseras illi, et utinam ut te decussset, et illi expediret. Non sic fecisti. Novum Christi militem ausus es debortari a servitio Domini sui. Dico tibi, est qui quærat et iudicet. Non sufficiebant tibi peccata tua, nisi te et alienis involves: et rursum ad peccata, quod in te fuit, poenitentem juvenem revocares: et sic secundum duritiam tuam et cor impoentens thesaurizares tibi iram in die iræ? Quasi non satis eum per se tentet diabolus, nisi tu juveris illum, homo christianus, dux ejus, et notus ejus. Tu quidem illi serpentem alterum, sed non tibi ille alteram Evam exhibuit. Tuis impulsus est manibus, sed non eversus: furdatus est enim supra firmam petram.

2. Verumtamen non reddimus tibi vicem, sed vincimus in bono malum, orantes pro te, optantes tibi meliora, et meliora scribentes. Primo quidem quia sapiens diceris, ut quod diceris, verius sis, mitto te ad virum sapientem, qui ait: *Noli prohibere eum qui potest bene facere; si vales et ipse, bene fac* (Prov. iii, 27). Habes tempus faciendi. Sed

(782) Et quidem uxoratum, ex fine epistolæ. Fallit codex Vaticanus n. 665, in quo inscribitur, *Petro abbati de Cella*, ad quem epistola sequens.

(785) Scripta circa annum 1150. — Notior Petrus Cellensis a Cella monasterio suburbii Tricassini, quam a Sancti Remigii albatia aut ecclesia Carnutensi, quibus etiam præfuit. Binas scripsit litteras ad Caziacenses, quæ sunt libri secundi epistolæ 14 et 15; nullas de hoc monacho, cui nomen Adamo fuisse intelligitur ex duabus litteris, a Nicolao Claram Vallensi ejus nomine ad Petrum nostrum, id est Cellensem, scriptis, qui Petrum de reformato mo-

A quamdiu habiturus? Quantum superest vite tibi, præsertim jam senescenti? Vapor est ad modicum parens, et deinceps exterminabitur. Si sapia, non venit super te illa maledictio: *Vidi stultum firma radice, et statim maledixi pulchritudini ejus* (Job v, 3). Pulchre stultum pseudosapientem verus Sapiens appellavit, sciens sapientiam hujus mundi stultitiam esse apud Deum (I Cor. iii, 19). O utinam saperes, et intelligeres, ac novissima provideres! (Deut. xxxii, 29). Saperes quæ Dei sunt, intelligeres quæ mundi sunt, provideres quæ inferni sunt! Profecto inferna horreret, superna appeteret, quæ sunt ad manum [at., ad malum] contemneret. Multa suggerit animus, imo spiritus, loqui tibi de salute animæ tuæ: sed donec rescripto noverim tuo qualiter ista acceperis, nor adjiciam ultra, ne fiam onerosus, cui de cætero volo esse amicus, et adiutor, si volueris, ad salutem. Dilectam nobis in Christo uxorem tuam per te, licet immeritam, salutamus.

## EPISTOLA CCXCH.

PETRO ABBATI DE CELLA (785), PRO MONACHO CAZIACENSI, QUI AD CLARAM-VALLEM TRANSIERAT.

Unde mihi scripsistis, ita respondeo vobis. Molestiam domini Caziacensis nulli arbitror molestiorem esse quam mihi. Sed puto vos non latere, voluntate et præcepto ipsius jam ex longo illum monachum factum nostrum; et mihi ipsi obedienciam promississe, et me curam illius suscepisse. Quoties ex tunc volentem venire repuli, venientem remis, recordari facile non est. Tandem modo veniens, me nolente remansit, et nullo modo ei persuadere reditum potui. 281 Dicebat autem, quia si nos eum projiceremus, iturum se longius, et nullatenus rediturum. Sed nec sic assensum meum habens, ino et contra consilium meum intravit. A quo utique introitu salva conscientia eum prohibere non potuit, nec projicere possum, utpote, ut dixi, jam olim in meam recepturæ curam, et de quo redditurus sum rationem. Dñu, fateor, periculum hoc conscientie meæ dissimulaveram propter molestiam boni illius hominis: et adhuc dissimulassem, si meo iste consilio quoquo modo acquiescere voluisset. Quæ cum ita sint, vestrum est consolari hominem, delinire tristitiam ejus, excusatum me habere de tam rationabili causa. Postremo ipse quoque, ut scitis, in pendulo est, et sæpe cogitavit relinquere domum suam (784). Quod si vellet nunc effectui mancipare, ego non prohiberem, pro eo quod in ea non sine magna anxietate versetur.

nasterio laudat epistola 25. Hic est Petrus, qui Bernardi memoriam, et sententiam de B. Maria Conceptione vindicavit adversus alterius Nicolai insultus, ex notis ad epistolam 174. Bernardi alumnus se dicit in libri noni epistola 8 ad capitulum Cisterciense. De Caziaco supra ad epistolam 263.

(784) Huc spectat libri ii epistola 15 Petri Cellensis ad Caziacenses: «Quandiu patrem vestrum, imo nostrum, vobiscum retinere poteritis, alium ne cogitetis.» Id intelligendum de Simone, qui tandem mortuo Bernardo in Claram-Vallem se recepit, supra ad epistolam 265.



## EPISTOLA CCXCIV (785).

AD DOMINUM PAPAM EUGENIUM, PRO EPISCOPO  
CENOMANENSIS.*Episcopum Cenomannensem, et alios Pontifici commendat.*

Adest episcopus Cenomannensis (786). Ipse est, si nescitis, de cuius veritate et honestate nullus dubitat, nisi qui bene non novit hominem. Mihi quidem ab ineunte iuventute sua notus et dilectus est, tam pro memoratis virtutibus, quam pro aliis bonis moribus suis. Si quid aliud Paternitati vestræ de eo insinurratum est, aut ego fallor, aut ille mentitus est in caput suum. Audite eum, et cum plenitudine gratiæ vestræ remittite. Deceptus sum enim, si bene non fuerit collocata. Abbas Vindocinensis, qui specialiter vester est (787), rogamus ut et ipse specialem inveniat gratiam, et rationabilis ejus petito haud difficilem assequi mereatur effectum. Dominus Andegavensis mittit nuntium suum, et per se et per nos aliquid petens. Exaudiatur et ipse pro iustitiis suis, et non exaudiatur contra eum susurro mendax. Dignum est enim ut qui omnibus vivitis, omnibus pro meritis valeatis.

## EPISTOLA CCXCV.

DOMINO HENRICO CARDINALI (788), PRO EODEM  
EPISCOPO.

Sic tibi, quasi mihi scribo, et hoc quoties tibi scribo. Ubi enim tu es, me esse confido, quippe quem tanquam me ipsum diligo. Si me tu æque diligis, imo quia diligis, vide ne dominus Cenomannensis ex te (quod in te est) in aliquo redeat contristatus. Alioquin ego contristarer in homine quem satis pro sua honestate diligo, et a te diligi volo.

(785) Scripta circa eundem annum.  
(786) Guillelmus de Passavant, ex archidiacono Remensi episcopus Cenomannensis, quam religiosæ vitæ fuerit, docent ejus acta in tomo tertio veterum Analectorum, a pag. 357.

(787) Ita supra de Odone abbate Sancti-Dionysii: Ad hæc et is, et illa ecclesia specialis vestra est, nimirum quod abbatia et Dionysiana, sint proxime sub potestate et jure pontificis Romani.

(788) Scripta circa annum 1150. — Alias, *Domino Helie cardinali*. De eo Ernaldus in libro primo de Vita Bernardi, cujus apud Clarav-Vallem monachus fuerat Henricus, tunc cardinalis tituli Sanctorum Nerei et Achillei. Epistola ejus exstat in tomo tertio Bibliothecæ Cisterciensis, pag. 259, de legitima electione Alexandri III.

(789) Scilicet Hugoni. Vide epistolas 287, 290.

(790) Post hæc epistolam in manuscriptis haud paucis locantur epistolæ 279 ad Præmonstratenses, 290 ad episcopum Ostiensem, et 311 (quæ modo 374) ad monachos Hibernienses, in qua Bernardi epistolæ olim desinebant.

(791) Guidoni, ad quem epistola 398.

(792) Scripta anno Christi 1151.

(795) Hic ille Nicolaus, quem tanti fecit Petrus abbas Cluniacensis, ut videre est in epistolis ejus, ex monacho Arremarensi factus Cisterciensis, et Bernardi notarius. Valebat enim stilo, et ipsum tantum non Bernardum exprimebat. Epistolæ ejus exstant in editione Coloniensi Bibliothecæ Patrum, ædente Joanne Picardo Victorino Parisiensi. Sed

A

## EPISTOLA CCXCVI.

DOMINO OSTIENSI (789), PRO EODEM.

Quidam clericus dicitur aures domini mei circumvenisse, aliquid contra episcopum suum, et nostrum amicum pro sua cupiditate molitus. Si mei cura est vobis, imo justitiæ Dei, date operam, ut nihil lucretur de suo mendacio susurro malignus, nec ledatur in aliquo innocens episcopus, et fidelis amicus (790).

## EPISTOLA CCXCVII.

ABBATI ARREMARENSI (791).

*Monachum apostatam pœnitentem recipi petit.*

Lator præsentium, ad petitionem nostram dudum susceptus in consortium vestrum, stultitia et levitate sua rejecto habitu sancto a vobis exiit. Sed quia ductus pœnitentia, ut videtur, redire cupit, et se iterum recipi humiliter petit, petimus et nos ut iterum recipiatur, pœnitentique, amore Dei et nostro, introitus et habitus non negetur.

## EPISTOLA CCXCVIII (792).

AD DOMINUM PAPAM EUGENIUM.

*Nicolai notarii fraudes et imposturas detegit*

Nicolaus ille (793) exiit a nobis, quia non erat ex nobis: exiit autem fœda post se relinquentis vestigia. Et ego longe ante hominem noveram; sed expectabam ut aut Deus eum converteret, aut instar Judæ ipse se proderet: quod et factum est. Præter libros, decarios, et aureos multos, in ipso exitu ejus inventa sunt super eum sigilla tria, unum ejus proprium, alterum Prioris, tertium nostrum, ipsumque non antiquum, sed novellum: quod et ob ipsius dolos et furtivas subreptiones mutare nuber coactus

homo versipellis, et pelle sub ovina aliquandiu mentem tegens lupinam, tandem prodidit hypocrisin suam. Nam sigillo Bernardi non semel abusus, et deprehensus falsarius, fugam arripuit: ut non sine causa alias ad Eugenium scripserit Bernardus, periclitatum se in falsis fratribus, epist. 284. Profugisse in Angliam communiter tradunt ex occasione ejusdem Nicolai S. Albani in Anglia monachi, qui S. Bernardi jam e vivis erepti sententiam de Conceptione B. Virginis impugnavit. At cum Petrus Cellensis, qui S. Doctoris causam tuendam suscepit, epistola 23 libri vi, et epistola 9 libri ix, istum Anglum vocet, eumque sibi ex istis duntaxat Scriptorum velitationibus notum et amicum indicet; illum autem Gallum, et Petro Cellensi familiariter notum et charissimum esse constet ex epistolis ultro citroque ad invicem missis; alium ab illo esse fatendum est; ut interim taceam quod stilius ejus non sit tam mordax, sed urbanior, quam ut in Petrum Cellensem tam petulantem se gesserit, ut ipse Petrus conqueritur passim de Nicolao Anglo epistola 9 libri ix, et ex ipsius Angli epistola, quæ ipsam præcedit, legenti innatescit. Cæterum Nicolaus ex monasterio Arremarensi ad Claræ-Vallenses transiit absente Bernardo, anno circiter 1146, certe Eugenio in Pontificem assumpto, ut patet ex epistola 7 quam ad Claræ-Vallenses nondum admissus scripsit. Fugit vero anno circiter 1151, nimirum post electionem Gratianopolitanam, de qua supra in notis ad epistolam 270, siquidem epistolæ 589 S. Bernardi ubi de illa agitur, subscripsisse reperitur. Plura de eo in Prefatione ad tommum III.

lueram. Hoc enim est quod vobis tacito nomine A  
scripsisse me memini (794) : quia videlicet periculi  
sumus in falsis fratribus. Quis possit dicere, ad  
quam multas personas sub nomine meo, me igno-  
rante, quæ voluit, scripsit? Quis mihi det ut ipsa  
curia vestra ad purum purgetur sæpe mendaciorum  
ejus? Quis mihi det ut vel eorum innocentia, qui  
mecum sunt, satis valeat excusari apud circumven-  
tos et præventos impudentissimis ejus mendaciis?  
Vobis quoque aliquoties in eadem falsitate scripsisse,  
et non semel, partim convictus, partim et confessus  
est. De turpitudinibus ejus, quibus terra sordet, et  
factæ sunt omnibus in parabolam, supersedeo pol-  
luere labia mea, et vestras aures. Si ad vos venerit  
(nam hoc gloriatur, et amicos se habere confidit in  
curia), mementote Arnaldi de Brixia, quia ecce plus  
quam Arnaldus hic. Nullus perpetua dignior inclu-  
sione, nihil ei perpetuo silentio justius.

## EPISTOLA CCXCIX.

COMIT. ENGOLISMENSI, PRO FRATRIBUS DE BUXIA (795).

*Queritur de gravi exactione suis a comite imposita.*

Nolite mirari, si gravis nobis videtur tam grandis  
reditus, qui de terra illa Buxiæ a fratribus nostris  
exigitur, quia tale aliquid non consuevimus. **283**  
Nam multas fecimus abbas, et nulla illarum tali  
subjacet exactioni. Sed quia vos ita vultis, et Deus  
pl s acceptat voluntarium bonum, quam coactum,  
sustinemus juxta conventionem, quam fratres nostri  
vobiscum fecerunt, donec Deus meliorem vobis  
inspiret voluntatem, quod non diffidimus. De cætero  
diligite eos, fovete, defendite, manutene: quia  
tunc securius stabitis ante tribunal Christi, si pau-  
peres ejus habueritis vestri dilectores, et pro vobis  
intercessores.

(794) Epistola 284.

(795) Scripta circa annum 1150. — In editione  
prima Lugdunensi anni 1494 legitur, *Comiti Angel-*  
*berto* (an is de quo epistola 125?) *pro fratribus de*  
*Bruzia*. In alia anni 1530, *Comiti Engelberto pro*  
*fratribus de Bruzia*. In editione item Lugdunensi  
anni 1520, et sequentibus præter unam, *Comiti En-*  
*golismensi pro fratribus de Buxia*. Hanc lectionem  
præferunt sæculi nostri auctores, asserentes, Guil-  
lelmum, cognomento Sactorem-ferri, comitem En-  
golismensem, Cisterciensibus locum concessisse  
anno 1145 in villa Buxia, ubi situm Benedictinorum  
cœnobium S. Amantii, ab Arnaldo comite sæculo  
decimo constructum. Sed cum de concessione loci  
Cisterciensibus facta isti reclamarent, Bernardum  
pacis studio locum cessisse anno 1153: tali quidem  
conditione, ait Picardus, quod sexaginta marcas  
argenti monachis Clara-Vallensis propter ædificia  
et cætera ab eisdem loco acquisita monachi S.  
Amantii redderent. Scripsit itaque Bernardus hoc  
modo: « In nomine Domini. Ego Bernardus Clara-  
Vallensis vocatus abbas, notum volo esse, quod  
locum de Buxia, et quicquid in eo habemus, ex  
dono comitis Engolismensis, et Petri Austentii,  
ecclesiæ Sancti-Amantii concessimus. Teste fuerunt  
dominus Hugo Engolismensis episcopus, dominus  
Godefridus Lingonensis episcopus, Junius abbas  
de Corona, frater quoque Philippus Prior noster, et  
frater Gerardus, et frater Gaufridus, monachi domus

## EPISTOLA CCC.

BLESSENSI COMITISSÆ (796).

*Soluitur comitissam, filii delicta per aetatem excusans,  
et melioris frugis spem faciens; unde blande potius  
et leniter quam aspere tractandum monet.*

Si quando in vos filius vester visus est excessisse,  
dolumus; et dolemus non minus excessum filii,  
quam matris injuriam: quod tamen et ipsum ex-  
cusabile est in adolescente filio. Nempe delicta ju-  
ventutis, ipsa, quæ commisit, excusat ætas proclivior.  
An nescitis quia proni sunt sensus hominis, et cogi-  
tationes in malum ab adolescentia? (Gen. viii, 21.)  
Confidendum mutatum iri in melius, patris meritis  
et eleemosynis (797). Propterea insistendum magis,  
B magisque votis et precibus ad Deum pro eo: quia  
etsi ille minus interdum, quam debuit, se filialem  
exhibuit, mater tamen pro suis visceribus maternum  
deserere non debet, sed nec valet affectum. *Nunquid  
potest mater oblivisci filii uteri sui? Et si illa, in-*  
*quit, oblita fuerit, ego tamen non obliviscar tui*  
*(Isai. xlix, 15).* Oremus et ploremus coram Domino,  
ut Deus tantæ indolis juvenem, probitatis paternæ  
imitatorem (quod non diffidimus) sua faciat pietate.  
Agendum cum eo in spiritu lenitatis, blandisque ob-  
sequiis: quia sic melius ad bona opera provocabitur,  
quam si irritationibus et increpationibus exasperetur.  
Ita sane de ejus cita lætæque mutatione posse lati-  
ficari confidimus cor vestrum et nostrum pariter.  
Quidni ego totis cupiam visceribus quotidie se  
C ipso fieri meliorem? Utinam qualem inveni in  
me, talem semper in omnes inveniam. Quid enim,  
quantum ad nos, unquam volui, et non fecit?  
Retribuat illi Dominus. Cæterum pro vobis, sicut  
sæpe petistis, sæpe, prout oportuit, et monui, et  
monebo.

nostræ. Actum apud Claram-Vallem anno ab Incar-  
natione Domini 1153. » Ita Picardus, ex schedis  
ipsius monasterii Sancti Amantii.

(796) Scripta circa annum 1152. — Non vana spe,  
aut potius vaticinio Bernardus videtur Comitissam  
solatus. Nam quatuor eam filios Theobaldo Magno  
comiti Campaniæ genuisse reperio, Henricum comi-  
tem Blesensem, qui patri successit anno 1151;  
Theobaldum dapiferum Ludovici Junioris, ac postea  
Philippi Augusti regum, quo in munere successit Ra-  
D dolfo comiti Viromandorum; Stephanum Sacrum-  
Casarem, postea Cartusianum; itemque Guillel-  
mum, de quo supra epistola 271, cui jam tum puero  
ad dignitates Ecclesiæ promovendo Bernardus ope-  
ram suam recusabat. Bernardus hac in epistola  
agere videtur de Henrico primogenito ad quem  
epistola 279, qui ex Syria redux, et paternæ poten-  
tiæ successione intumescens, in quosdam excessus  
ætatis fervore abripietur. Inter quos a Sancto  
memoratur, epistola 376, quod « maledictas nundi-  
nas cum Roberto Regis fratre post festa paschalia  
statuisset, » ut monachia invicem congregarentur.  
Is tamen Bernardi monitis et piæ matris lacrymis  
brevis ita resipuit, ut ab illius ævi scriptoribus inter  
illustres viros referri meruerit.

(797) Nempe Theobaldi Magni, de quo supra in  
notis ad epistolam 37: cujus eleemosynas et bene-  
facta prædicat Vita non solum Bernardi, sed etiam  
Norberti et aliorum; item nova hic epistola 416.

## EPISTOLA CCCI (798).

SANCIE SORORI IMPERATORIS HISPANIE (799).

*Conversam, ex receptione cuiusdam monasterii inter suos et alios quosdam Religiosos natam, ejus opera sopiri cupit.*

1. Quod factum est de receptione Tholdanos monasterii, sciat per me non esse factum, utpote absentem et ignorantem quid fieret. Factum autem per nostros non nego, consilio tamen multorum Religiosorum, episcopi conniventia et assensu, nobilis quoque dominæ, quæ locum illum in propria possessione fundavit, petitione et voluntate, publice, ut accepimus, et nihil in abscondito factum. Existimabant autem se libere posse suscipere locum, quem in Dei libertate, et sine alterius ecclesiæ subjectione fundatum, ipsa quæ fundaverat asserbat; et privilegia, ut aiunt, præ manibus erant. Cæterum quia Carracetenses [at. Carracenses] fratres factam sibi in hoc injuriam, ut scribitis, conqueruntur, nec audientes Salomonem, qui ait, **284** *Noli prohibere cum qui bene vult facere; si potes, et ipse bene fac* (Prov. III. 27), nobis in tam sancto opere contradicunt: et quoniam servus Dei non oportet litigare (II Tim. II. 24), consilii nobis fuit ad vestrum potissimum consilium causam remittere, ut vestra auctoritate et opera omnis inepta et injusta, ut aiunt, calumnia conquiescat; et Ordo in domo Dei receptus, ad ejus gloriam et vestram ipsius salutem deinceps in pace permaneat.

(798) Scripta circa annum 1149.

(799) Alfonsi scilicet, cognomento Boni, Castellæ et Leonensis regis seu imperatoris: nam hoc titulo donari amabant tunc temporis illi reges. Sancia hæc in S. Bernardum mire propensa, æsterium Cisterciensis Ordinis in diocesi Palentina, Sancti-Petri de Spina appellatum, condidit anno 1147, colonia a Bernardo transmissa, duce ejus fratre Nivardo. Nec multo post monachi nigri cœnobii de Toldanos in regno Legionensi, ab Elvira infantissa recens fundati, Carracetensium, quibus suberant, jugum depolentes, Cisterciensibus se subdiderunt. Statim Carracetenses reclamavere, implorata Sancia apud Bernardum auctoritate. Quid vero inde secutum sit, discimus ex veteri instrumento, quod profert Manricus in Annalibus ad annum 1148, cap. 8, in quo inter cætera sic legitur. « Post decessum D. Florentii abbatis, iste Ferdinandus abbas de Toldanos Carracetensem ecclesiam gratis odio habuit, et ei rebellis, et contumacia ductus ad Claræ-Vallensem ecclesiam se contulit. Quod regina donna Sancia, quæ Carracetense monasterium affectuose dilexit, moleste ferens, Claræ-Vallensi abbati et conventui litteras direxit, ne prædictum abbatem illicenter recipiant. Claræ-Vallensis abbas Regiæ preces exaudivit, abbatem Ferdinandum recipere noluit, nisi a Carracetensi ecclesia, ut reciperetur, licentiam impetraret. Quam cum impetrare non posset, nec Claræ-Vallensi, nec Carracetensi ecclesiæ aliquamdiu obedivit. : Hæc ibi. Istud tamen coram bonum post plures annos jugum Cisterciensium subit.

(800) Ex hoc loco scriptores Cistercienses recte colligunt, Nivardum, Bernardi germanum natum minimum, a sancto fratre suo in Hispaniam missum ad deducendam coloniam in prædium Spinense monasterium. Vide epistolas 312 et 373. Idem etiam ab eodem antea missus fuerat in Neustriam ad ordinandum in diocesi Bajocensi novum cœnobium in

A 2. Nam et frater Nivardus (800), qui multum gratulatur de vobis, satis in hoc de vobis confidere movit tum propter vestram erga nos specialem devotionem, tum etiam propter bonam, quam audivit a vobis, de hoc ipso promissionem. Si autem vestris (quod non credimus) salutaribus monitis aut consiliis contradictores illi acquiescere nolunt, tunc duorum judicio episcoporum, ad quos duo illa loca jure parochiali pertinere noscuntur, omnis inter eos controversia terminetur: quodque ab eis judicatum sive constitutum concorditer fuerit, vestrum erit ratum habere, et de cætero firmiter manutenere. Si timetis Deum, non patiemini impediri tantum bonum, nec bonam illam mulierem frustrari a desiderio suo, nec fratres illos suæ devotionis privari fructu, nec Deum denique tam accepto sibi reformati ordinis sacrificio defraudari (801). Obsecramus vos et pro novellæ vestra plantatione, illos loquor de Spina, ut eis viscera misericordiæ exhibeatis, quatenus vestro beneficio sustentati, in servitio Dei et suo ordine perseverent.

## EPISTOLA CCCL.

LEGATIS APOSTOLICIS, PRO ARCHIEPISCOPO MOGUNTINO (802).

*Causam archiep. ab adversariis gravati commendat.*

Dominis et patribus reverendis, apostolicæ Sedis LEGATIS, puer Sanctitatis eorum BERNARDUS Claræ-Vallis vocatus abbas, per omnia Deo placere, et

C loco Solopera seu Solenvria dicto, qui locus situs est haud procul ab oppido Virio. Robertus, Hiberniæ filius, a Bernardo abbati Claræ-Vallensi, et ecclesiæ beate Mariæ de Solenvria, a tradit habitationem suam Fago Pendenti vicinam, circiter annum 1146. Algarus vero Constantiensis episcopus confirmat donationem, a quodam Willelmo Silvano, a Deo, et beate Mariæ de Solenvria, et fratribus ibidem Deo servientibus factam in manu Nivardi, fratris domini Bernardi Claræ-Vallensis abbatis. Quo ex loco inferunt, Nivardum tunc istius cœnobii fuisse abbatem. Paulo post, id est anno 1150, idem monasterium ob loci exiguitatem et incommoda translatum est in Vallem-Richerii, quæ de feodo ecclesiæ Bajocensis et parochia erat, Solopera in dominium Bajocensis episcopi, sicut antea fuerat, resignata, cum consensu Bernardi abbatis. Exstant in Neustria pia Philippi episcopi Bajocensis litteræ de conventionem, quæ inter eum, et abbatem Thomam de Valle-Richerii facta est de loco, qui Solopera vocatur, in quo prius ejus abbatia erat, a commutato cum Valle-Richerii, quem locum Philippus episcopus ei concessit, sicut abbas de Mortuo-Mari antea ab ipso acceperat. Hugo Rothomagensis antistes hanc commutationem confirmavit Bajocis anno 1150. Thomæ abbati Vallis-Richerii successit Rogerius, qui loci istius secundus abbas in epitaphio suo dicitur.

(801) Lambertus Campester, editionis anni 1520 auctor, hic ad marginem notat, mentionem reformationis fuisse tempore Bernardi.

(802) Scripta anno Christi 1153. — De ista legatione ita Baronius ad annum 1155: « Eodem anno, » inquit, « decernitur ab Eugenio papa legatio in Germaniam ad judicandum episcopum Moguntinum. Fuerunt defecti ad hoc munus obeundum Bernardus presbyter et Gregorius diaconus, » etc. Bernardus quidem ex priore monasterii Lateranensis Canonici regularis ab Eugenio presbyter cardinalis nulli



gratos fructuosæ suæ legationis manipulos reportare.

Etsi corpore remoti, sed affectu et bona voluntate vobis appropriavimus, optantes et orantes dirigi actus et studia vestra ad omne quod decet et expedit. Inde est quod audientes miserandum illum archiepiscopum Moguntinensem, vocatum ad vestram præsentiam ibique responsurum adversariis suis, ausi sumus vestram pro eo interpellare bonitatem. In hoc enim credimus honorificari ministerium vestrum, si, quatenus salva justitia licet, parietî inclinato et inaceriæ depulsæ humeros vestræ auctoritatis supponitis; nec calamum quassatum conteri, nec linum fumigans (quod in vobis est) extingui permittitis. Sentiat, obsecramus, sibi profuisse et præcem nostram, et suam simplicitatem, ob quam fertur a falsis fratribus circumventus potius, quam inventus in aliquo dignis depositionis.

### EPISTOLA CCCIII.

LUDOVICO JUNIORI REGI FRANCORUM.

*Quid agendum regi causa cuiusdam de Britannia adulteri et excommunicati.*

Si homo ille de Britannia dimittere vellet adulteriam, ut posset solvi anathematis vinculo quo tenetur, et illa paternam hereditatem suam secundum divisionem suam, quam fecit cum fratre suo, a vobis requireret, etsi hoc ipso indigna, non esset forsitan recusandum, **285** ut proinde potentis viri servitium et auxilium haberetur. Alioquin non est consilium humilis fidelis vestri concedi ullatenus aut terram extraneo, aut vestri favorem domini excommunicato et incestuoso: ne (quod Deus avertat) quandoque et vos audiat. Si videbas furem, currebas cum eo, et cum adulteri portionem tuam ponebas (Psal. xlix, 18). Nec tamen verbum præcipitanter, et quasi ex abrupto rumpere consuluerim. Agendum autem per fidelem et prudentem nuntium, quatenus, si fieri potest, inducitur, et tempus redimatur. Quod si et hoc ille renuerit, et malignari maluerit; fidendum in Domino quia non prævalebit: quoniam quidem justitia, quæ cum rege est, erit

S. Clementis creatus anno 1145. Gregorius vero is esse creditur, qui anno 1157 ab Innocentio factus est cardinalis tituli S. Angeli. Conradus episcopus, qui centum annis postea scripsit Chronicon Moguntiacum, Henricum depositum tradit, omnemque culpam rejicit in Arnoldum quemdam episcopi proditorem; Dodechinus in Appendice ad Marianum, in Canonicos; uterque in Legatos pecunia corruptos, suspecto Arnaldo Cancellario. Otto nihilominus Frisingensis, de Vita Friderici, lib. II, cap. 9, qui præsentem aderat, iuste depositum asserit. « Rex, » inquit, « proximam Pentecosten Wormatiæ ferians, Henricum Moguntie sedis archiepiscopum, virum pro defensione Ecclesiæ frequenter corruptum, nec correctum, per eosdem cardinales deposuit, » etc. Videat Lector utri assentiendum sit, scriptori supari, an oculato, docto, et sincero. Certe quod addit Conradus, brevi post tempore ambos cardinales morte pudenda interiisse, erroris arguitur, cum Otto ibidem asserat eos diu supervixisse, et Bernardum alia legatione itidem in Germania perfunctum esse sub Adriano IV in comperto sit. Utut sit, Henricus depositus in Saxoniam secedens, non multo post in ex-

A pro rege. Nescio autem an episcopus (803) ad hoc conveniens, satisque idoneus sit: non quia fidelis non sit, et quidem fidelissimus; sed quia odit illum, nec sum, ut vereor, consilium credet ei. Ipse tamen paratus est pro vestra voluntate ad omne, quod cum Dei voluntate facere poterit. Si quid est quod quasi ex parte mea vobis secreti suggerat, a me hoc illud accepisse sciatis, et tanquam ex ore meo id accipiat. Homo est enim quem multum diligo, et satis credo ei: vosque illi, ni fallor, credere quod volueritis, secure potestis.

### EPISTOLA CCCIV (804).

EIDEM.

*Gaudet valetudinem suam regi esse curæ: Robertum regis germanum commendat.*

B In litteris, quas misit Dignatio vestra, lætificastis animam meam: lætificet vos ipse, qui in causa est, Deus. Quis sum ego, aut quæ domus patris mei, ut de morte, vel vita mea Majestas regia cogitet? Et nunc quia tanti habitus sum, ut de meo esse scire curetis, sciatis me aliquantulum convalescere (803), et, ut me sentio mortis interim ereptum periculo, lebilem tamen, et debilem valde. De cætero scire os volo, dominum Robertum (806), germanum vestrum, dignanter nos et devote satis visitasse in infirmitate nostra, sed et sic locutum in auribus nostris, ut gaudium nobis et spem de se meliorem reliquerit. Diligite eum; quia si dictis facta compenset, complacebit vobis in illo: et, si dignum judicatis, sciatis vobis placere quod nostro et bonorum consiliis de cætero se acquieturum promisit. Sigillum non erat ad manum: sed qui legit, agnoscat stilum, quia ipse dictavi (807).

### EPISTOLA CCCV (808).

AD DOMINUM PAPAM EUGENIUM.

*Episcopum Belvacensem a Romano itinere iustus ex causis detentum. Itaque causam ejus Pontificis consilio totam committit.*

Filius vester ille Belvacensis (809) (quem dicerem et nostrum, nisi insolentiam redoleret) appellatus ad vestram præsentiam veniebat, et libens, utpote de

nobis Cisterciensi diem extremum pie et feliciter clausit. Vide Serarium de Rebus Moguntinis lib. v, et Baronium ad annum 1155. Ad eundem Henricum est epistola 365.

D (803) Forsan Joannes, Aletensis seu Sancti-Maclovii episcopus ex monacho Ordinis Cisterciensis, ad quem plures epistolæ Petri Cellensis, lib. I epistolæ 15 et sequentes.

(804) Scripta eodem anno.

(805) Vide epistolam 307, n. 2.

(806) Vide epistolam 222, 224, 376.

(807) Id est, scripsi; ut ex ipsis verbis intelligitur: quo sensu etiam aliis in epistolis hoc verbum sumitur, in epistola 85, n. 4, et in epistolis 307, 310. Differt tamen dicto a scribo in epistolis 89, et 90, n. 1.

(808) Scripta anno Christi 1153.

(809) Henricus, Ludovici Junioris germanus, de quo epistola 278. Confer epistolam 307. « Nostrum » dicit Bernardus, itemque in epistola sequente, « frater vester; » nam Henricus monachus Clauvalensis fuerat, ut in Vita libro IV, n. 15. Vide notas ad epistolam 307.

qua iustitia securus, et de vestro paterno favore non dubius. Sed oblitus ego, et vix eum potui retinere, quippe cupidum videndi faciem vestram. Quod autem retinere volui, cum multa occurrerent causae, illud præcipuum fuit, quod de vestra dubitavimus voluntate. Deinde præter alias incommoditates non paucas, quæ obviare viderentur, ipse et frater suus Rex non ambulavit in uno spiritu, et non erat satis tutum diu absentari a suis. Nolo a me queratis cuius sit culpa: non est meum inculpate quemquam. Sufficit mihi excusare episcopum. Quidquid humilitatis, quidquid obsequii pro sua persona potuit, vidimus exhibentem, **286** et nihil proficiente. Scitote tamen, quidquid timere, quidquid accidere debeat, sine mora venturum, ubi vobis placitum cognoverit Persona ejus, et causa ejus in manu vestra. Nec enim in sibi credito ita agit, vel ita conversatur, ut se tali indignum putet prerogativa. Itaque pro se direxit istum, sciens, quod ad patrem dirigeret. Scire placet quid injunctum sit ei? Nihil ex injuncto agere, sed totum committere vestro consilio, de quo totus pendet ipse. Nempe fiduciam habet, non modo judicari causam suam a vobis, sed juvari, sed foveri, sed manuteneri. Si placet eam committere domino Remensi archiepiscopo, maturum posse sortiri finem Domino auxiliante confidimus, si tamen appellandi suffugium parti utrique subtrahatur.

#### EPISTOLA CCCVI (810).

DOMINO OSTIENSI (811) PRO ELECTIONE ABBATIS  
TUROLDI DE TRIBUS-FONTIBUS.

*Purgat se adversus calumniam Hugonis episcopi Ostiensis, qui promotionem Turoldi in abbatem Trium-Fontium indigne ferebat: nam alium ipse, Nicolaum scilicet, designaverat. Roberti electionem in neri monasterii abbatem excusat.*

1. V. æ munto a scandalis (*Matth.* xviii, 7). Ego vos scandalizo? ego vobis scandalo sum? Quis hoc crederet posse contingere, nisi cui nota non esset nostra unanimitas, nostra mutua charitas, et quomodo in domo Dei ambulavimus cum consensu? Subita et dolenda mihi mutatio! Quæ me portabat, nunc parat opprimere; qui me defensabat, nunc terret minis, blasphemias impetit, arguit prævaricationis! Protoplasti super gravi et singulari peccato confessionem requisiti sunt (*Gen.* iii): Ninivitarum ad poenitentiam expectati sunt (*Jon.* iii): Sodomitæ non de auditu, sed magis de visu puniti sunt (*Gen.* xix): Mecum eo differentius, quo contemptibilis actum est. Non sum reputatus qui poneret ad rationem, qui invitaret ad satisfactionem, qui cau-

sam requireret, qui pro me responderet acuitatem acciperem. Non conventus judicatus sum; non convictus condemnatus sum.

2. Et nunc audite, si dignamini, excusationem nostram, et si forte minime sufficientem vobis, veram tamen. Voluistis loco vestri substitui fratrem Nicolaum; et ego memini, non diffiteor. Ita convenit vobis pariter et mihi: fore credidi propter quod locutus sum. Quod ita non est factum, necessitas fecit, non duplicitas. Res in discordiam versa est. Quid dico in discordiam? Concordia magis fuit. Tam concorditer discordes ab hac nostra conviventia omnes inventi sunt, ut nec unus quidem monachus sive conversus, præter duos aut tres, qui vestrates erant, acquieverit assentire. **B** Tentavimus nihilominus tamen in multis argumentis, nunc blandiendo, nunc terrendo quomodo res effectum sortiretur; sed ut unanimiter ita et pertinaciter obstitissent. Possemus vim facere: sed sic mihi parcat Deus quomodo parcendo illi omisimus, ne homo verecundus et pusillus corde (ut nostis) et fugitans onus, in hoc tanto turbine remaneret. Nam præter ea quæ extrinsecus sunt, quæ probastis et vos, supra vires ejus esse omnia videbantur. Itaque tollentes eum cum suis imposuimus onus, quod eo levius ferret, quo a nostris pariter portaretur. Est enim locus noviter ordinatus de fratribus nostris et vicinis nobis, ut possit a nobis facilius frequentari. De abbatibus ad locum pertinentibus, quia assensum vestrum non tenebamus, nihil ausi, fratrem Robertum, quo nemo magis idoneus ad manum esse tunc visus est dare volumus: cum responsum est nobis **287** a vestra discretionem fuisse prohibitum. Quid plura? Acceperunt hominem qui vestra, sicut accepimus, displicet Sanctitati.

3. Nec latet causa. Inhonestum, ut aiunt, publice prædicatis, et ob turpitudinis-notam a priori monasterio trusum (812), cui ante præfuerat. Potest ita existitis: me, quantum recordari valeo, usque ad hoc tempus non audisse hujusmodi verbum de illo, Deum testor et angelos ejus. Sed neque ipse archiepiscopus (813), cum eum amovere omnimodis niteretur, tale aliquid vel scripto, vel nuntio nobis aliquando significavit. Egone turpitudinis assentator [*al. fautor*] forem aut inhonesti? Si ita de me sentitis, videte ne vestram quoque Excellentiam pariter involvat hoc nubilum: quippe qui cum ejusmodi tam notam omnibus familiaritatem atque amicitiam semel initam, tanto studio lucusque fovistis. Et de archiepiscopo quid dicitis? quid sentitis? An et ipse

(810) Scripta anno Christi 1151

(811) Scilicet Hugoni, antea Trium-Fontium in Campania Gallie provincia abbati, ex epistolis 273 et 274. Unde etiam cardinalis precipuam ejus loci curam gerebat.

(812) Id est ex Fontanensi in Anglia, cui post Mauricium Turoldus seu Turoldus et duobus annis regnavit, multa pro potestate agens, quædam etiam contra eam consilium et voluntatem archiepiscopi venerabilis præsumens. Unde et iam orta inter eos simul-

tate, de mandato sancti patris Bernardi resignato officio Rievallum reversus, ex quo assumptus fuerat, teste Serlone in Historia Fontanensi, Monastici Anglicani tome I, pag. 748.

(813) Eboracensis, nomine Henricus de Mordach, et ipse Anglus, et monachus antea Claræ-Vallensis, ad quem epistola 106, qui et ipse fuerat abbas Fontanensis, tum ex hac epistola, tum ex notis ad epistolam quæ nunc est 321.

quom talem sciret (nec enim poterat nescire, cum A notus esset ex longo) prior promoveret et in loco cui ipse præfuerat? Minime ego vel tenuiter suspicer illud de tali viro, et tanto amatore honestatis. Et quidem qui promovit ipse et amovit; non negaverim: qua ratione hoc fecerit viderit ipse. Nam multis displicuisse factum cognoscitur, nempe nec rationem, nec ordinem, nec consuetudinem in ejus amotione cernentibus. Tantum archiepiscopus sic voluit; et ne contristaremus eum, nostro horiatu iste in pace cessit, et dedit locum iræ.

4. Unum dico: ex quo ad nos intravit (814) (sicut testimonium habet ab omnibus), nihil in eo quod promotioni huic obviaret compertum est. Sine querela conversatus est. Adhuc non deest homini literatura congruens, non doctrina, non affabilitas, non gratia in vultu et sermone. Sed suspecta est vobis brevis temporis quod nobiscum fuit: fateor et mihi. Fortassis bene faciet: fortassis male. Vereor omnia opera mea, et quod operor non intelligo. Unde certus non sum certum vos facere minime possum. Factum est; et quod factum est, non potest non fieri. Si propheta fuissem, non profecto fecissem unde amicum offenderem, sanctum turbarem, episcopum scandalizarem. Quid vultis ut faciam? sic factum est tali necessitate, talique ordine.

5. Hæc excusatio mea. Si sufficit tollatur de medio scandalum: si minus, ego iudicium portem, quod et quale decreveritis. Nam si quod ædificavi, tam cito iterum destruiam, grave; nisi forte causa conveniens supervenerit: quod fortasse processu temporis accidere potest. Si vultis vos amovere eum, potestatem habetis. Non obsisto, non me oppono torrenti. Inique non egi. Si insipienter videor, in

(814) Ergo relicta Rievallæ accesserat ad Claram-Vallam. Quod subditur de ejus literatura, probat Serlo his verbis: « Homo in Scripturis sacris non mediocriter eruditus, et in liberalibus artibus sufficienter edoctus. »

(815) Nempe Eugenii. Ita Innocentii II offensam incurrit Bernardus vera dicens, ex epistola 218: adeo summorum hominum gratiam retinere difficile est, quantumvis bene meritis, citra dispendium veritatis!

(816) Scripta anno Christi 1153.

(817) Henricus, Ludovici Crassi filius, et Ludovici Junioris regis Galliarum frater, episcopus Belvacensis, male, uti hinc apparet, apud Pontificem adiit. Unde respondet Bernardus, se de ejus erratis, si quæ sint, dolere posse; emendare, prout velit, non valere: malletque Bernardus ipsum potius Pontificem has ejus corrigendi partes sibi sumpsisse, et fraterne eum monere super his, quæ de eo audierat. Porro de repentina, sed a Bernardo prævisa, ejus ad religiosum statum conversione, lege Vitam S. Bernardi, lib. iv, cap. 3, quam nos, secuti Baronium, in Chronologia ad annum 1149 retulimus, cum eo anno factum episcopum Belvacensem videatur certior temporis nota convincere, uti Jacobus Sirmundus ad Epistolas Petri Cellensis ex Supplemento Sigeberti notat, lib. 1, epist. 21. Sed longius a vero recedit notatio initii episcopatus Belvacensis ab Henricus in Menologio ex Joanne Chenu relicta ad annum 1161. Denique ad Remensem cathedram evectus est anno 1165. Ceterum quam

promptu est vobis insipientiam meam corrigere; aut, si hoc dignius judicatis, etiam et punire. Dico tamen, si pie, si christiane mecum agitur, corripiet me justus in misericordia et increpabit me, non in ira apud alios diffamabit. Habetis formam meam hic, nisi et hoc indignamini præsentibus litteris. Nempe comperta per alios, et non per vos vestra indignatione, cautum habui non rependere vicem: sed mox vobis de vobis per præsentia scripta conqueri. De cætero benedictus Deus, qui et hoc quod dederat, et de quo mihi forte immoderate blandiebar, solatium ante exitum tulit: vestram scilicet et domini mei gratiam (815), ut vel proprio experimento discam, non ponere spem meam in homine.

## 288 EPISTOLA CCCVII (816).

AD EUNDEM.

*Belvacensem episcopum contra sinistros rumores tneur. Valeitudinem suam extreme officiam indicat: et quid archiepiscopo Lugdunensi acciderit.*

1. Festine ista dicto, et ob hoc minus festive: siquidem viator transire festinans urget. Res mira, sed magis læta. Frater G. Fulcherius cum litteris domini mei pariter et vestris, simulque præsentium lator peregrinus, uno pene momento adluerunt, Deo ita sine dubio providente, ut haberem per quem festinanter rescriberem: quod utique cupienti mihi non poterat satis esse festinum. Inde est quod hæc in infirmitate mea ipse dictavi, quod non esset tunc alter ad manum. De domino Belvacensi (817) quod primum posuistis, primum ita respondeo. Sui juris est: jam non est in mea potestate, sed in civitate vita ejus et conversatio. Si secus quam debet, vel decet interdum agit, dolere possum; sed emendare prout volo non valeo. Verumtamen quod vobis

invitus primo episcopatum susceperit, ostendit scriptis ad diversos epistolis imo et ipsi Bernardo præmatura promotio non est visa carere scrupulo, ut proinde Petrum abbatem Cluniacensem consulendum putaverit, uti videre est apud eundem, libri v epistola 8, quam vide. Ipsius Henrici epistolam, Sugerio abbati Sancti-Dionysii scriptam, vide in Gallia Christiana in episcopis Belvacensibus. Alteram ad dictum abbatem Cluniacensem hic tibi exhibendam duximus, vel quod suspicemur ab ipso Bernardo dictatam, vel certe ad imitationem Bernardi compositam. Prius enim non improbabile, cum non fuerit Bernardo insolens, aliorum, etiam episcoporum, nomine dare litteras: quarum plures habemus inter editas. Si id minus, alterum res ipsa convincet. Confer initium cum epistola 25b ad cardinales de electione Eugenii pontificis. Confer sequentia cum epistola 16, ubi eadem verbo tenus.

*Inter patres reverendissimo, et inter amicos charissimo domino PETRO abbati Cluniacensi, frater HENRICUS, sive jubente, sive permittente Deo, Belvacensis electus, se ipsum, et si quid amplius potest.*

*Parcat vobis omnipotens Deus, quid est quod fecistis? Sepultum hominem revocastis ad hominem, et consilio vestro, cui nimium creditum est, expositum sum, et repositus in terribile curarum pelagus: ut me iterum honoris altitudo resorbent. Nescivi, anima mea conturbavit me, propter quadrigas Avinadab, quæ suscepti regendas: regi, non regere opus habens.*



suggestum est de vagatione ejus, nimium exstis-  
se in ea, usque adhuc nos non comperimus, nec inde  
notatum apud nos quandoque audivimus. Ex quo ad  
eum venit frater Robertus, qui cum eo est, turpe et  
grave aliquod perpetrasset, aut episcopo persuasisse,  
ad aures nostras nondum omnino pervenit: et mi-  
rum si ad vos potuit pervenire, quod latere nos po-  
tuit. Dabo tamen operam facere quod vultis de re-  
vocatione ejus, si quando honeste et opportune po-  
tuerit. Jamque fecissem, si cum pace episcopi potuis-  
sem, et non timuissem inutiliorem huic subrogandum.  
In Quadragesima venit ad nos ipse episcopus, paratus  
ire ad curiam causa cujusdam appellationis: et  
venisset, nisi nos dissuasissemus. Porro dissuasionis  
intentio fuit, quod non ita videretur esse paratus,  
sive in consilio, sive in comitatu, ut juvenis episcopi  
personam decuisset. Propositum tamen ejus est pro-  
ficisci tempore opportuno. Frater vester est; facite  
cum illo misericordiam, ut adversarii ejus non præ-  
valeant adversus eum. Vellem vos ad ipsum potius,  
quam ad nos scripsisse, et fraterne monuisse super  
his quæ de eo audistis.

2. Deinde super statu corporis mei cognovi vos  
esse sollicitum. Verum est quod audistis; infirmatus  
sum usque ad mortem; sed interim revocatus ad  
mortem: atque hoc, ut me sentio, non diu. Longe  
enim sum debilior quam credi possit. Quod tamen  
dixerim absque præjudicio divine providentiæ, quæ  
et mortuos suscitare potest. Et in hoc sit responsum  
non modo vobis, sed et domino meo: cui volo et  
oro, ut in quantumcumque devotione poteritis, accito  
vobis pariter domino Tusculano (818), plenissimas  
grates referatis pro tanta dignatione, et sollicitudine  
tam pia.

*Manns meas miserunt ad fortia, opus esset fortitu-  
dine. Speculator domui Israel factus sum, opus  
esset prudentia. Sapientibus et insipientibus debi-  
tor factus sum, opus esset justitia. Prædicator po-  
pulo Dei datus sum, opus esset temperantia: ne  
forte cum aliis prædicavero, reprobus (quod ab-  
sit) inveniar. Sed quæ sunt ista, et quis ego sum?  
vel ubi ista, et ubi ego? Domine Pater, et Deus  
ritæ meæ, imperfectum meum viderunt oculi tui: Do-  
mine, vim passus sum, responde pro me: quia sola  
obedientia coegit me, sine qua, juxta virum sanctum,  
infidelis quisquis esse convincitur, etiamsi fidelis esse  
videatur. Et quia nemo majori fiducia utitur, quam  
qui ex affectu diligit, nunc vos quasi portionem ani-  
mæ meæ convenio, deponens apud vos familiarem et  
dolentem querelam. Quid vobis visum est, ut litteris  
rescribis, ad dominum abbatem missis, faceretis stulti-  
tiam meam elevari super candelabrum? Credidisti  
quidem, domine, propter quod locutus es: nec fallere,  
nec falli voluisti; sed non evasisti secundum. Verum-  
tamen quoquo modo factum sit, et quaquaversum ver-  
tat exitum rei Dominus Deus noster, ego vester sum,  
et ad vestrum servitium, si dignamini, præparatus. Me  
accipite in terrum, in amicum, in filium; et illi  
a nocte multitudini, cui Deo auctore præstis, specia-  
lem et uestinum monachum, ne dicam episcopum,  
semperiterno foderet sociate.*

Existat mo superiorem epistolam non a Bernardo  
scriptam fuisse, sed potius a Nicolao Claræ-Vallensi  
ejus notario, qui alias Henrici nomine scripsit,  
tempe tertiam decimam ad ipsum Petrum Venera-

3. Jam de domino Lugdunensi (819) audite quod  
verum est et quod certum sit vobis. Vir ille aggres-  
sus est, iter cum multa pecunia et honorabili comi-  
tatu, prout decebat tantum archiepiscopum: et ecce  
undique in ipso pene procinctu insidiæ inimicorum.  
Quid faceret vir desiderii? Progredi non licebat, et  
desistere a proposito sibi gravius omni captivitate  
judicabat. Comites suos partim remisit, partim dis-  
persit. Massa pecuniæ se exoneravit, modicum reti-  
nens, unde cum paucis posset perficere viam. Quid  
plura? venit cum tribus aut quatuor ministris, ipse  
nihilominus in habitu ministrantis; 289 sicque  
strata publica cum turba promiscua peregrinorum,  
tanquam unus ex illis, pervenit ad Sanctum Egidium  
(820). Cumque infirmaretur, pertransiit usque ad  
Montem Pessulanum. Ibi aliquandiu commoratus,  
cum medicis expendit et quod habebat, et quod non  
habebat (821).

#### EPISTOLA CCCVIII (822).

AD ALFONSUM PORTUGALLIÆ REGEM.

*Petitione regis se adlaborasse respondet, et fratrem  
ejus brevi a terrena militia ad caelestem transitu-  
rum prædicit.*

ALFONSO illustri regi Portugallorum, BERNARDUS  
Claræ-Vallis vocatus abbas, si quid potest pecca-  
toris orati

Litteras et salutes celsitudinis vestræ suscepimus  
gaudentes in eo qui mandat salutes Jacob. Quid in  
hoc egimus, et exitus pro nobis, et vos per exitum  
comprobabit: animi promptitudinem ex injuncta  
sollicitudine, vel saltem ex memorata necessitudine  
colligetis. Petrus, celsitudinis vestræ frater (825), et  
omni gloria dignus, a vobis injuncta retulit; et Gal-  
lia armis pervagata, in Lotharinga militat, proximo

hilem, vigesimam sextam ad Hugonem de Compen-  
dio. Exstat et alia ejusdem Nicolai ad eundem  
Henricum, nempe trigesima nona, ex qua apparet,  
quanto eum amore sit persecutus.

(818) Ymaro seu Igmaro episcopo Tusculano ex  
monacho Cluniacensi, ad quem epistola 219. Litteris  
Gilleberti Parisiensis episcopi pro concordia inter  
Drogonem de Claciaco et monachos Sancti Martini  
de Campis subscripsit Ymarus tum monachus, nempe  
anno 1122.

(819) Scilicet Heraclio.

(820) Vide Notas ad epistolam 244.

(821) In antiquis editionibus hic perperam repe-  
tuntur epistolæ 147 et 250.

(822) Scripta anno Christi 1155. Vide epistolam  
419.

(825) Hic Petrus, Alfonsi Portugalliæ regis frater,  
unus fuit ex illis juvenibus, quos torneamentis ad-  
dictos haustu cervicis benedictæ S. Bernardus ad  
conversionem provocavit, qua de re in libro primo  
Vitæ S. Bernardi cap. 11, n. 55. Porro quid iste a  
fratre Alfonsi ad Bernardum in mandatis habuerit,  
constat ex ipsius Regis ad Sanctum epistola, quam  
refert Henriquez in Meuologio ad diem nonam Maii:  
nempe debellatis Mauris regium nomen sibi a sub-  
ditis delatum assumpsit, sed rege Castellæ con-  
tradiciente, nisi certum illi tributum penderet. Ita-  
que Bernardi opera Regis sibi a Pontifice titulum  
confirmari rogat, malens tributum persolvendi reus  
esse B. Petro seu Sedis apostolicæ, quam vicino et  
æmulo regi. Vide epistolam 419.

militer Dominum exercituum. Frater Rolandus. A  
filius noster, apostolicæ largitatis litteras deferat.  
Ipsam, fratres nostros vobiscum degentes, et me  
ipsum commendatos habete.

## EPISTOLA CCCIX (824).

AD EUGENIUM PONTIFICEM.

*Laudat Sugerium abbatem, ejusque levatos Pontifici commendat.*

Amantissimo patri et domino EUGENIO, Dei gratia summo Pontifici, frater BERNARDUS Clare-Vallensis vocatus abbas, modicum id quod est.

Si quod magnæ domus magni Regis vas in honore habetur apud nostram Ecclesiam Gallicanam, si quis ut David fidelis ad imperium Domini ingrediens et **290** egrediens (*I Reg. xxii, 14*), meo iudicio ipse est venerabilis abbas Sancti-Dionysii. Novi siquidem virum, quod et in temporalibus fidelis et prudens, et in spiritualibus fervens et humilis; et in utrisque (quod est difficillimum) sine reprehensione versetur. Apud Cæsarem est tanquam unus de curia Romana, apud Deum tanquam unus de curia cæli. Petimus et obsecramus, benigne a vobis suscipi nuntios tanti viri; et, sicut vos decet et ipse omnino dignus est, rescribi ei verba bona et amabilia, plena familiaritatis et dilectionis, plena favoris et gratiæ: siquidem specialius diligere et honorare personam ejus, C est honorificare ministerium vestrum.

## EPISTOLA CCCX.

AD ARNOLDUM CARNOTENSEM ABBATEM BONÆVALLIS (825).

*Bernardus in extremis positus, hanc amico epistolam ultimam scripsit.*

Suscepimus charitatem vestram in charitate, et non in voluptate. Quæ enim voluptas, ubi totum sibi vindicat amaritudo? nisi quod solum nihil comedere utcumque delectabile est. Somnus recessit a me, ne vel beneficio sopiti sensus dolor unquam recedat. Defectus stomachi fere totam quod patior est. Frequenter et in die, et in nocte exigit confortari modico admodum qualicumque liquore: nam ad solidum omne inexorabiliter indignatur. Hoc parum quod dignatur admittere, non sine gravi molestia sumit: sed timet graviorem, si se vacuum omnino dimiserit. Quod si plusculum quid interdum admittere acquiescat, id gravissimum. Pedes et crura intumuerunt, quemadmodum hydropicis contingere solet. Et in his omnibus, ne quid lateat amicum de statu amici sollicitum, secundum interiorem hominem (ut minus sapiens dico) spiritus promptus est in carne infirmus. Orate Salvatorem, qui non vult mortem peccatoris, ut tempestivum jam exitum non differat, sed custodiat. Curate munire votis calcaneum nudum meritis: ut is qui insidiatur, invenire non possit unde figat dentem et vulnus infligat. Hæc ipse dictavi, sic me habens, ut per notam vobis manum agnoscatis affectum. Verumtamen rescripsisse, quam scripsisse, maluerim.

## ADMONITIO.

Hactenus prima sancti Bernardi epistolarum collectio, quæ ipsius tempore ab ejus discipulis facta est, ut in *Præfatione* diximus. Harum epistolarum ordinem, adeo antiquum et receptum, mutare fuit religio. Sequentes vero, quæ in prioribus editis confusæ et temere, nulla habita temporis ratione, adjectæ sunt, in ordinem redigere visum est opere pretium, ad marginem apponendo vulgatum ordinem, quem unaquaque earumdem epistolarum antea obtinebat. Verum quæ huic editioni jam primum accesserunt, singulas novæ nomine ad calcem pagine distinctimus. His omnibus succedet APPENDIX, quæ Bernardi epistolas dubias, charitas et instrumenta ejus nomine confecta, ad hæc litteras ad eum vel pro eo scriptas complectetur, cum aliis nonnullis quæ ad illustrandas ejus epistolas conducere visa sunt.

## EPISTOLA CCCXI (826).

AD HAIMERICUM CANCELLARIUM.

*Amicos quosdam piis aliorum coratibus adversantes acriter perstringit: Haimericum vero ad sedulam boni publici curam, oblata occasione, exstimulat.*

Viro illustri domino HAIMERICO, sanctæ Romanæ Sedis cancellario, Hugo Pontiniacensis abbas, et

(824) Hæc epistola, quæ in regia editione ordine 361 exstat, inter Sugerianas prima refertur apud Chesnium, ubi Eugenii responsum subjicitur. Confer epistolam ibidem septimam.

(825) Scripta anno 1153. Scriptores recentiores, nimirum Horstius, Carolus de Visch, atque auctor Vitæ Gallicæ S. Bernardi, contra Trithemii, Bellarmini, aliorumque sententiam, Arnoldum hunc distinctum volunt ab auctore libri secundi Vitæ S. Bernardi, quem auctorem vocant Bernardum, cumque abbatem Bonæ-Vallis, non Pictaviensis aut Itali-

BERNARDUS de Clara-Valle, in domo Dei quem admodum oportet conversari.

1. Quod episcopi querunt, Christus, quantum credimus, acquirit; et ipsorum negotium, Dei est causa. Qui ergo Dei est, jungatur eis: si quis renuit, audiat a Domino, Qui non est mecum; contra me est (*Matth. xii, 30*) Imo vero aut acquiescat Apostolo

nensis, sed Viennensis Ordinis Cisterciensis. Alterum vero Arnoldum appellant, Bonæ-Vallis Carnotensis (quæ est monachorum Benedictinorum) abbatem, ad quem hæc epistola scripta fuerit. Sed tantorum virorum pace dixerim, unum et eundem esse. Nam quod pertinet ad nominis diversitatem, auctor libri secundi Vitæ S. Bernardi in per vetusto codice manuscripto Corbeiensi scribitur Ernaldus, quo nomine noster Arnoldus abbas Carnotensis ab Arnulfo episcopo Lexoviensi in iis, quas ad eum scripsit, epistolis indigitatur. Sed missa nominis contro-

(826) Alias epistola 513: quæ vero antea 511 erat, nunc 514. Scripta circum annum 1123.

dicenti, *Spiritum nolite extinguere* (1 Thess. v. 19), aut certe audiat cum Judæis, *Vos semper spiritui sancto resistitis* (Act. vii, 51); et a propheta, *Vae qui dicitis* **291** *bonum malum, et malum bonum* (Isai. v. 20): *qui lætiantur cum male fecerint, et exultant in rebus casuibus* (Prov. ii, 14). Non poterunt simul et in optimis exultare, nec ex uno pariter simul ore laudabitur, et justus de justitia sua, et peccator in desideris animæ suæ. Attamen quid mirum, si bonum quod bonis est odor vitæ, contrarium contrariis operetur; quando ipse fons et origo boni natus est in ruinam et resurrectionem multorum, et in signum cui hodieque contradicitur? (Luc. ii, 34.) Etiam nunc quampluribus invenitur Salvator lapis esse offensivus, et petra scandali (Isai. viii, 14): cum tamen non desint, qui corde alacri dicant, *Ipse est pax nostra, qui fecit utraque unum* (Ephes. ii, 14). Porro cui pax generat scandalum, in quo pacabitur? cui ipsa salus damnatio est, in quo salvabitur? Scriptum est, *Gloria et divitiæ in domo ejus*; haud dubium quin hominis iusti. Quam autem gloriam, quasve dicit divitiæ, subinde ostendit: *Justitia, inquit, ejus manet in sæculum sæculi* (Psal. cxl, 3). Et revera nulla talis gloria, nullæ tantæ divitiæ, quanta justitia in domo conscientie iusti. Sed quid perdit injustus? Si Paulus gloriatur de sui cordis divitiis, *Gloria, inquit, nostra hæc est, testimonium conscientie nostræ* (II Cor. i, 12): quisnam inde gravatur?

A Tamen Propheta subiungit: *Peccator videbit, et irascetur* (Psal. cxl, 10). Quanta malitia! Nunquid hæc divitiæ terrenis facultatibus similes sunt, ut instar illarum, etiam istis, in quo alter abundat, alter minuatur? Quid igitur irascetur, ubi nil perdis? imo quid invides bonis bona, et illa bona, quæ non curas tibi vindicare? Sic canis, ut vulgo aiunt, defendit fenum quod non comedit. Sed fremas dentibus licet et tabescas, non tamen poterit quod ex Deo est omnino dissolvi. Et velis, nolis, videbant iusti et lætabantur, et omnis iniquitas opprimitur os suum.

**2.** Verum hæc illis qui possunt esse suspecti. Caterum vobis hoc dicimus: en lucrum præsto est, parate talentum. Quid enim facit in sudario, quod quandoque cum usura exigendum est? dum tempus habemus, cur operari negligimus? Sane etsi vestro ex officio semper in promptu sit pietatis incumbere lucris, sed maxime in presentiarum maximus sanctæ avaritiæ patet quæstus: tantum vos non pigeat ipsam, quam ad hoc ipsum accepistis, dominicam in medium proferre pecuniam. Alioquin sapientia abscondita et thesaurus invisus, quæ utilitas in utrisque? (Eccli. xx, 32.) Denique si vere vobis non solum officii, verum, ut aiunt, et studii est operari bonum ad omnes; maxime hoc debetis ad domesticos fidei. Quod quidem licet omnibus ab Apostolo promulgatum sit generale mandatum (Galat. vi, 10),

versia, certum est librum secundum Vitæ S. Bernardi scriptum esse Godefrido adhuc Lingonensi episcopo. Ita enim legitur cap. 5, n. 29: « Godefridus Prior ejusdem loci, propinquus ejus in carne et spiritu... qui postea in ecclesia Lingonensi factus episcopus... usque hodie ingrediens et egrediens laudabiliter perseverat. » Scriptus est igitur ante annum 1161, quo Godefridus dimisso episcopatu « Claram-Vallem reversus est ad amplexum suæ Rachelis, » ut refert Chronicon Claræ-Valle, ubi mortuus perhibetur anno 1164, sexto Idus Novembris. Atqui a fundatione Bonæ-Vallis Viennensis anno 1117, usque ad annum 1180, nullus abbas in ea Bernardi nomen sortitus est. Primus enim præfuit S. Joannes ab anno 1118 ad annum 1158, qui in episcopum Valentinum assumptus, locum cessit Gozevino secundo abbati. Ille Rainaldo Cistercii abbati successit anno 1151 Petrum habuit in Bonæ-Valle successorem: Petrus vero anno 1171 beatum Hugonem, antea Liuncelli abbatem, qui ad annum 1180, quo decessisse traditur in Menologio Cisterciensi, Bonæ-Vallis Viennensi præfuit. Ubi ergo Bernardus Bonæ-Vallis Viennensis abbas, qui ante annum 1164 quo denatus est Godefridus Lingonensis, librum secundum vitæ S. Bernardi scripsit? Hæc autem omnia ex Annalibus Maurici inductione constant. Accedit quod Vitæ Bernardinæ liber secundus ab homine alterius congregationis, quam Cisterciensis, conditus est, ut ejus Præfationem accurate expendenti perspicuum fiet. Unus igitur atque idem est auctor predicti libri, et S. Bernardi amicus ille, ad quem morti proximus hæc epistolam scripsit, nimirum noster Arnoldus seu Arnaldus Bonæ-Vallis Carnotensis abbas, de quo hæc monuit vir doctissimus R. P. Hertrandus Tissier, qui ea quæ pollet sinceritate et judicio, cum nostri Arnaldi opera penes se haberet sciretque non posse ea Bibliothecæ Patrum Cisterciensium accenseri, ad nostrum Acherium transmisit quam humanissime: hæc inquam, de no-

**C**stro Arnaldo monuit: « Scripsit hic auctor librum secundum Vitæ S. Bernardi, item Hexameron seu tractatum de Opere sex dierum, librum de Cardinalibus Christi Operibus, tractatum de Verbis Domini in cruce. Hæc tria opuscula Claræ-Valle, nobis Bibliotheca suppeditavit. Postea autem tertium in Bibliotheca Patrum reperi cum alio brevi de B. Virgine eidem subjuncto. Porro liber de Cardinalibus Christi Operibus huic in prædicta Bibliotheca Claræ-Valle adscribitur in duobus manuscriptis exemplaribus cum hoc titulo: Prologus domni Arnaldi abbatis Bonæ-Vallis in librum de Cardinalibus Christi Operibus, quem scripsit ad Adrianum papam, scilicet III. » Ita ille. Eidem in Cisterciensi Bibliotheca duo alii tractatus tribuntur: primus, de Septem Donis Spiritus sancti, cujus hoc exordium, « Nemo cum hæc capitula viderit, » etc.; secundus, de Corpore et sanguine Domini, ut litteris mihi significavit R. P. dominus Jacobus Lannoy, qui prior: manu propria transcriptum ad nos direxit. Quanquam an vere ejus sit prior iste liber, non facile dixerim: de posteriori quid statuendum sit, cum illum non viderim, haud liquet. Hæc interim de nostro Arnaldo, qui obfusse videtur circa annum 1154, quo Gaufridus post eum vitam S. Bernardi proseguendam suscepit. Nam ipse Gaufridus libro quarto Vitæ S. Bernardi seu secundo a se conscripto, cap. 4, n. 25, dicit annum tertium elapsum esse a prima Eskili Danorum archiepiscopi protectione in Claram-Vallem visitandi Bernardi gratia, quam paulo antea S. Bernardi obitum contigisse, nempe anno 1152, colligitur ex his verbis Exordii Cisterciensis, dist. 3, cap. 25: « Haud vero multo post hoc elapso tempore, » (scilicet post Eskili in Daniam reditum) « tristissimus rumor aures ejus percussit de dormitione beati Viri speculis amici sui, » nempe Bernardi. Arnulfus episcopus Lexoviensis laudat epistolam Arnaldi, quas omnes excidisse summopere dolemus.



Id tamen specialiter a vobis loci ipsius vestri atque ministerii privilegio audacter exposcimus. Nisi forte (quod minime sentimus) magis occupatis locum; quam honorificatis ministerium. Siquidem cum nullo ferme fiat in orbe bonum; quod per manus quodammodo Romani cancellarii transire non habeat, ut vel vix bonum iudicetur, quod ejus prius non fuerit examinatum iudicio, moderatum consilio, studio roboratum, et confirmatum adjutorio: cui justius erit quam ipsi deputandum, quidquid justis in negotiis vel infectum, vel minus perfectum fuerit deprehensum, sicut et æque omne quod inveniatur utiliter atque laudabiliter consummatum? Proinde aut felicissimum merito dixerimus hominem, qui illum locum tenet; aut certe miserrimum, quippe qui universi semper boni aut participem se sine dubio probabit, aut hostem: jureque in eum tota, sive laus, sive vituperatio, versabitur pro rerum exitibus, et suorum meritis studiorum. Beatus autem qui dicere poterit Domino: *Particeps ego sum omnium timentium te, et custodientium mandata tua* (Psal. cxviii, 63).

3. Sed quid agimus? dum rem necessariam vobis intimare satagimus, pene obliiti sumus, quam occupatis auribus ista ingerimus. Quanquam si opus sit et fiducia, nequaquam fortassis importuni videbimur: si tamen **292** recordamini non nostra merita, sed vestra munera, quibus apud nostram humilitatem dignanter satis amicitiarum fores anticipare curastis (827). Hoc nimirum, hoc vestre dignationis ac devotionis clarum admodum insigne tenemus, quod tantillos tantos, tantisque intentus non dicimus munerandos, sed vel esse salutandos a vestra Excellentia iudicastis. Ipse itaque vobis pro materiali spiritali, quod est sapientia, retribuat animum, qui nobis jam tribuit, non tam dato vestro, quam vestro delectari lucro. Valete.

#### EPISTOLA CCCXII (828).

AD RAYNALDUM ARCHIEPISCOPUM REMENSEM (829).

*De remissis ad se litteris gratias agit.*

Reverendissimo patri ac domino R. Dei gratia Remensium archiepiscopo, frater BERNARDUS de Clara-Valle, salutem, et si quid potest peccatoris oratio.

Benedictus Dens, qui nos litterarum vestrarum dignatus est visitatione consolari. Et quidem potuimus litteris litteras utcumque reddere: sed quando huic gratiæ sufficimus rependere vicem, qua nos a vobis benedictionibus dulcedinis tantæ præventos esse merito gloriamur, excitamur exhortationibus, salutationibus honoramur? Homines utique tam iis nomi-

nibus indigni, quam vobis incogniti: sed certe eo magis non ingrati, quo minus digni. Verumtamen, dum hæc facitis, facitis quod debetis, quia sapientibus et insipientibus debitorem vos esse cogitis. Sane illa opinio, cujus odore bonæ vestræ dignitatis excellentiam in id dignationis erga pusillitatem nostram dicitis fuisse permotam, periculosa quidem, sed in hac parte non mediocriter officiosa: quoniam ex hoc præcurrente vento fructus ille peroptimus nobis et gratissimus, et qui nil vento simile habet, provenit, quod in tanto Dei altissimi sacerdote prius suscipi in gratiam, quam in notitiam meruerimus. De adventu nostro, cur modo non venerimus, sive quando venire disposerimus, vel si quæ sunt alia, quæ de nobis interim Sanctitati vestræ sit sciscitari, harum latores monachus, quem ad hoc ipsum præmittere curavimus, vobis fideliter de omnibus satisfacere poterit.

#### EPISTOLA CCCXIII (830).

AD GAUFRIDUM ABBATEM SANCTÆ-MARIÆ EBORACENSIS.

*Religiosos, a laxiore ad strictiorem vivendi modum transire volentes, non impediendos; et apostatos censendos, qui post transitum resiliunt ad vitam priorem.*

Viro venerabili domino GAUFRIDO, abbati ecclesiæ Sanctæ-Mariæ Eboracensis, frater BERNARDUS abbas dictus Claræ-Vallis, in Domino salutem.

4. Placuit Reverentiæ tuæ litteras parvitati meæ dirigere, in quibus me de rebus dubiis consulere voluisti. Verum de his et similibus tanto quid certum respondere pertimescimus, quanto minus divinæ voluntatis beneplacitum, sicut homines, ad purum intuentes, proximorum animos, si quidquam aliud quam volunt edicimus, offendere dubitamus. Quod sane illis potissimum accidit, quorum conscientia, quia fastidiosæ mentis angore confunditur, difficiles et angulosas impuritatis suæ ratiocinationes affectare conatur. Sed ipsa tamen cæcitas suæ vindex est: quia dum quasi sibi adulari nititur eo quod egit, illico recurrente veritatis aculeo repungitur ac remordetur in eo quod meminit. Cujus nimirum difficultatis ærumnam Psalmista deplorans orat, et dicit: *Educ, Domine, de carcere animam meam ad confitendum nomini tuo* (Psal. cxli, 8). Ne me ergo, vi bonæ, quasi simulate calliditatis arguas, si minus quam velis, inquisitionibus tuis respondere **293** sufficiam; vel, si quid valeo, totum tamen explicare non audeam. Litterarum siquidem tuarum prima species a querimoniis sumpsit exordium: quia videlicet senectuti tuæ grave infortunium sit, quod monachorum tuorum aliqua pars ad acriorem ac-

(827) Inde patet, hanc epistolam, vel primam, vel unam ex primis ad Haimericum a Bernardo scriptam esse, et quidem ante epistolam 15, quam anno 1126 dictatam fuisse notavimus supra. Cancellarius erat Haimericus jam inde ab anno 1125, ut probat Honorii secundi bulla in Bibliotheca Cluniacensi, col. 1379.

(828) Epistola nova: quæ vero antea 312 erat, nunc 398. Scripta circa annum 1130

(829) Raynaldus seu Reginaldus, eo nomine secundus, Remensi Ecclesiæ præfuit ab anno 1120, ad initium anni 1139, secundum nostrum calculum, mortuus idibus Januarii, ut notavimus ad epistolam 170.

(830) Alias epistola 371: quæ vero antea 313 erat, nunc 311. Scripta anno Christi 1152. Hujus epistolæ argumentum pendet ex epistola 94.

securiorem conversationis modum transire praesumpit. Qua in re potius reformidare habes, quod tristitia hujus saeculi mortem operatur.

2. Nempe si in humanis opinionibus ratio vigeat, dolendum non est, si homo quandoque Creatoris sui legibus rectius inherere praesumat. Et nos quidem non sancte, non satis pie paternis sollicitudinibus invigilamus, si filiorum propectibus invidemus. Quocirca si consiliarium unum de mille habere vis, imo, ni fallor, maxime vis, consulto opus est, quatenus filiis tuis, in mediocritatem tecum remanentibus, ne deficiant attendas: ceteris vero citra professionis suae puritatem propter conscientiam remanere metuentibus, ac de bono quod semel aggressi sunt, religionis proposito ad altiorum gradum transire nitentibus, juxta prophetam, cum panibus occurras (*Isai. xxi, 14*). Illis curam maximam impendas, ne insolescant ad ruinam; ceteris autem benevolentiam offeras, ut proficiant ad coronam. Nempe qui ascensiones in corde suo disponunt, qui de virtute in virtutem eunt, Deum deorum in Sion eo feliciter videre merebuntur in retributione, quo summo bono familiarius adherere studuerunt puriore conversationis ordine.

3. Denique de duobus monachis, Gervasio videlicet atque Radulfo (851), qui simul cum aliis, domino Turstino archiepiscopo paterne et episcopopallyter satagente, sunt egressi, et, sicut ipse testatur, te absolvente quandoque dimissi; certus sum quia si intra puritatis gradum, quem ascenderant, permansissent, non perperam, sed laudabiliter peregrinarentur. Certus quoque sum nihilominus, quia si velint resumere puritatis gradum a quo temere corruerunt, ea virtutis gratia laudabiliores erunt, qua solent milites fieri post fugam ignaviae de victoria tanto gloriosiores, quanto post ignominiam de spe victoriae ad pugnam redeunt alacriores. Et credo, ni fallor, quod absolutio quae facia est, potest interim impediri; sed apud omnipotentis Dei judicium nequit evacuari. Postremo vitam istam confiteris quidem esse sanctiorem: illos tamen propter carnis fragilitatem vel propinquitatis affectionem non posse dici sustinere hujus angustiae difficultatem. Ad haec vero superaddis, eorum praesentiam tibi fore necessariam; et ideo vehementer inquiris, utrumne sine culpa remanere queant in loco, unde non sine scandalo sunt egressi.

4. De qualitate, inquam, scandalorum discernenda, de carnis affectione propter Christum penitus amputanda, de commodis vero temporalibus propter animae salutem fugiendis magnopere tonat Evangelium, tota clamat ubique series Scripturarum: quod ignorare non tam malum, quam pene haereticum est. At vero certus non sum, an eorum talis

A reditus absque penali culpa debeat aestimari. Periculosum quippe valde est, et gravi ruinae proximum, de Dei misericordia praesumere contra Dei justitiam, et ipsam velle defendere contra ipsam. Denique Scriptura ait: *Ne adjicias peccatum, et dicas, Misericordia Dei magna est (Eccli. v, 5, 6)*. Nam et malus discretionis modus est, cum praeponderant minora majoribus, sive deteriora melioribus comparantur.

5. Ac deinde post haec vehementer expostulas, cur merito apostatae debent appellari, si ad cœnobium suum reverentes, cum bonis consuetudinibus professionem suam studeant adimplere. Ego, inquam, eos damnare non debeo. Novit Dominus qui sunt ejus (*II Tim. ii, 19*): et unusquisque onus suum portabit (*Galat. vi, 5*). Quem enim tenebrae non comprehendunt, cognoscetur Dominus judicium faciens, **294** et in operibus manuum suarum comprehenditur omnis peccator (*Psal. ix, 17*). De se quippe quod sibi bonum est, quisque sentiat; ego de me dicam quod sentio. Ego Bernardus, si de bonis ad meliora, vel de periculis ad securiora voto et opere libere pertransissem, et illicita voluntate ad ea quae mutavi, denuo recurrere praesumpsissem, non solum apostata, verum etiam regno Dei non idoneus fieri pertimescerem. Hoc et beatus Gregorius ait: « Quisquis, » inquit, « majus bonum subire proposuit, minus bonum, quod licuit, illicitum fecit. Scriptum quippe est: *Nemo mittens manum suam ad aratrum, et retro respiciens, aptus est regno Dei (Luc. ix, 62)*. Qui ergo fortiori studio intendat, retro respicere convincitur, si relictis amplioribus bonis ad minora retorquetur (*Pastor. part. iii, cap. 28*). » Quod autem de excommunicatione quadam interserere voluisti; ut mihi videtur, nec tua interfuit investigare, nec mea quidquam interest judicare. Neque enim lex judicat quemquam, nisi prius audiatur; et in absentem judicium temere promulgatur.

#### EPISTOLA CCCXIV (852).

AD DOMINUM PAPAM INNOCENTIUM.

Bernardus post reconciliatos Ecclesiae Mediolanenses, jussu Innocentii ad pacificandas ipsas inter se Lombardiae civitates profectus, Papiam et Cremonam se contulit. Sed apud Cremonenses nihil proficiens, eorum pertinaciam Pontifici significat, et ut securiorem, quam in archiepiscopum Mediolanensem parabat sententiam, paulisper suspendat, hortatur.

Amantissimo patri et domino INNOCENTIO summo Pontifici, frater BERNARDUS, modicum id quod est.

Cremonenses induruerunt, et prosperitas eorum perdit eos: Mediolanenses contemnunt, et confidentia ipsorum seducit eos. Illi in curribus et in equis spem suam ponentes, meam frustraverunt, et laborem meum exinanierunt. Abibam tristis, cum ecce

penitus recepisce.

(852) Alias epistola 318: quae vero antea 314 erat, nunc 390. Scripta anno Christi 1154. Cohæret hæc epistola cum epistolis 131 132 et 133.

(834) De eorum defectione lege tomum primum *Monastici Anglicani*, pag. 738, col. 2, et sequenti, ubi Gervasius resumptis viribus rediisse ad castra, et apostatae maculam morum conversione detergisse memoratur: Radulfus vero in remissionem se vitam

non mediocris a vestra parte consolatio : ut, etsi abundant tribulationes pro Christo. abundant et consolationes per ipsum. Accepi optatas litteras, ferentes delicias cordis mei, ceritudinem de vestra incolumitate, hostium infortuniis, successibus amicorum. Cæterum perlegenti rursum tristior finis lætitiæ temperavit. Quem enim vestra non terreat indignatio ? Fateor justam, et eo plus terreor. Dico tamen : quod factum nondum est, faciendum est, sed tempore quo præviderit Deus. Si quo minus, erit vobis æque in promptu quidquid intentatis inferre, et non æque forsitan periculosum. Alioquin quod tantis Dei miserationibus, tantis vestris vestrorumque laboribus (833) in populo isto noviter ædificatum est, heu ! quam leviter destrui potest. Mirum si ei qui misericordiam legitur superexaltare iudicio (*Jacob. ii, 13*), placere potest. Sed o infelicem illum episcopum, (834), qui in Hur Chaldæorum, de quodam quasi paradiso translatus, frater factus est draconum, et socius struthionum ! Quid faciet ? Obedire vult, et ecce bestię Ephesi frendent in eum dentibus. Dissimulare vult prudenter pro tempore, et omni feritate formidolosiores vestram indignationem incurrit. Angustię sunt ei undique, nisi quod tolerabilius iudicat sibi esse sine populo, quam sine domino : pluris habens, ut dignum est, apostolicam gratiam, quam Mediolanensem cathedram. An vos de ejus fidelitate dubitatis ? Si quis vobis aliud de eo maligna persuadere suggestionem tentavit, se magis prodidit infidelem, qui virum tam boni testimonii lingua perfida in suo livore persequitur. Parce, Pater benigne, parce fideli tuo, parce adhuc recenti structurę, parce novellę plantationi, parce denique populo acquisitionis tuę, hisque ipsis beneficiis tuis, quę te eidem veracissime contulisse **295** commemoras. Memento, pie domine, sermonis Domini tui, quem dixit : *Ecce anni tres sunt, inquit, ex quo venio querens fructum in ficulnea hac, et non invenio* (*Luc. xiii, 7*). Tu vero vix tres expectasti menses, et jam securim paras. Si tres annos sustinuisses, quartum adhuc a fideli servo Domini jure exigeremus exempli. Dicimus ergo et nos : Dimitte et hoc anno, si quo modo forte circumfossa humo ligone pœnitentię, adhibitoque fimo lacrymarum suarum, sterilitati Mediolanensium is, cui eam credidisti, consulere, et fructum elicere queat.

(833) Guidonis Pisani scilicet, ac Matthęi Albanensis, qui ad Mediolanenses ab Innocentio legati cum Bernardo, ex epistolis 131, 132 et 133.

(834) Ribaldum opinor, qui electus, et ab Innocentio confirmatus in locum Anselmi reiecti, ut in iisdem epistolis 131, 132 et 133.

(835) Alias epistola 344 : quę vero antea 315 erat, nunc 341. Scripta circa annum 1134.

(836) Mathildis filia Malcolm III Scotię regis, Henrici V imperatoris, dein Henrici I Anglorum regis uxor, ex eo genuit Henricum II, de quo Bernardus in fine epistolę, quę ante annum 1135, Hen-

## EPISTOLA CCCXV. (835).

AD MATHILDEN REGINAM ANGLORUM (836).

*Rogat ut annuat petitioni alias insinuatę pro monachis de Capella.*

Illustrissimę dominę, et dilectissimę in Christo filię (quod non ex pręsumptione loquor, sed ex affectu) MATHILDI, Dei gratia Anglorum reginę, BERNARDUS.

Si de vestra sublimitate pręsumo, non est mirum. Jam enim non ego solus sentio, sed omnes pene novimus quomodo nos acceptetis, et quanto nos diligatis affectu. Propter quod rogatus sum a quodam amico vestro, venerabili abbate de Capella, ut pro decima quadam vos rogemus, unde, si bene meministis, Bolonię vos rogavi, vos quoque more vestro B benigne audistis me (837). Sed quia nondum factum est quod rogamus, tempus est ut jam petitio illa mancipetur effectui. De cætero bene servate mihi filium quem nunc peperistis : quia et ego quoque, si regi non displicet, in eo mihi vindico portionem. Vale.

## EPISTOLA CCCXVI (838).

AD HENRICUM SENONENSEM ARCHIEPISCOPUM ET AD HAIMERICUM CANCELLARIUM.

*Hortatur ut nobili cuidam, bona ecclesiastica possidenti, sed nunc ea religionis quibusdam cedere volenti, non adversentur.*

Cum laici ecclesias sive ecclesiastica beneficia, quę illicite tenent, relinquere volunt, unum bonum est : cum vero transire ea in usus servorum Dei volunt, duplicatur bonum. Sed hoc cum fieri non potest nisi per manus episcopi, gemini se episcopus aut mali reum, aut boni probabit auctorem, juxta quod suum aut negabit aut dabit assensum. Quod miles quidam vos rogat, hoc a vobis ipse rogari debuerat. Quid enim ? meliusne esse iudicatis ab homine militari hæreditate possideri sanctuarium Dei, quam a sanctis Dei ? Mirum si non mirantur omnes qui audiunt. Nolite, quęso, nolite, ne forte audiant filii incircumcisorum, et latentur. Esto, potestis captivam ecclesiam eripere de manu potentis, et juri proprio vindicare, quod minime arbitramur : quemnam, quęso, de illa libentius elegistis vobis hæredem et successorem ? qui inde deserviat exercitiis regis, an intercessorem pro peccatis vestris ? Facite ergo quod justum, quod vobis dignum, quod Deo et omnibus bonis jucundum est : quod denique, etsi aliud non esset, amore nostri confidenter fieri vovistis.

rici I mortalem, scripta est. Alia fuit Mathildis, Fulconis V comitis Andegavensis filia, Guillelmo ejusdem Henrici I filio desponsata, sed eo Ucrani aquis absorpto Fontis-Ebraldi religiosa et abbatissa, ad quam Petrus Cellensis libri primi epistola 10.

(837) Quippe Mathildis tantum Bernardo studium et affectum exhibuit, ut Boloniam venienti pedes ei extra urbem occurreret, ex Vita libro quarto, n. 6.

(838) Alias epistola 375 : quę vero antea 316 erat, nunc 356. Scripta circa annum 1135.



## 296 EPISTOLA CCCXVII (859).

AD PRIOREM SUUM GODEFRIDUM (840).

*Schismate extincto, et pace composita, jam se quamprimum ad suos reditum pollicetur.*

Fratri GODEFRIDO, frater BERNARDUS, salutem.

In Octavis Pentecostes ipsa die complevit Deus desiderium nostrum, Ecclesie unitatem, et Urbi dando pacem. Nam illa die filii Petri Leonis omnes simul humiliaverunt se ad pedes domini Papæ, et facti homines ejus ligii (841), juraverunt ei ligiam fidelitatem. Clerici quoque qui in schismate erant, simul cum idolo quod exerant (842), humiliantes se ad pedes domini Papæ, obedientiam ei juxta morem promiserunt, et facta est lætitia magna in populo. Hanc pacem nisi cum quadam securitate, occultata tamen diu a nobis, expectavissemus; jamdudum venissemus. De cætero jam nihil est quod nos hic detineat. Facio quod imperastis: Veniam veramus in Venio. Ecce enim venio cito, etiam et merces mea mecum est, victoria Christi, et pax Ecclesie. Sexta feria post diem illum egressus est noster de civitate. Itaque venientes veniemus cum exultatione, portantes manipulos pacis. Et hæc quidem verba pulchra sunt, sed pulchriora sunt facta. Etenim tam pulchra sunt, ut quisquis non letatur in eis, aut stultus sit, aut nequam. Vale.

## EPISTOLA CCCXVIII (845).

AD PAPAM INNOCENTIUM.

*Remensis Ecclesie pericula insinuat, et maturam opem a Pontifice desiderat.*

Amantissimo patri et domino INNOCENTIO summo Pontifici, frater BERNARDUS CLARÆ-Vallis vocatus abbas, modicum id quod est.

Cadit in interitum Remensis Ecclesie, data est in opprobrium civitas gloriosa: clamat transeuntibus per viam, quod non sit dolor similis dolori ejus. Foris enim pugnat, intus timores. Sed et intus pugnat, quoniam filii ejus pugnant contra eam, nec habet generatorem qui liberet eam: unica spes ejus Innocentius, qui abstergat lacrymas a maxillis ejus. Sed usquequo, domine, clypeus protectionis vestre non opponitur? usquequo conculcabitur, nec inveniet sublevantem? Ecce rex humiliavit se, et jam

A quievit indignatio ejus. Quid ergo superest, nisi ut manus apostolica supponatur afflicte, et plagis ejus curam adhibens et fomenta? Primum itaque esset: credimus ut maturetur electio, ne insolentia Remensis populi disperdat si quid residuum est, nisi in brachio excelso furori ejus resistatur. Si hæc rite celebrata fuerit, confidimus quod in reliquis quoque daturus sit Dominus gratiam et effectum.

## 297 EPISTOLA CCCXIX (844).

AD TURSTINUM EBORACI ARCHIEPISCOPUM.

*Hortatur curam pastorem ne dimittat: si tamen justa causa, aut Pontificis consensus adsit, locum petat religiosæ disciplinæ magis observantem.*

Reverendo patri et domino TURSTINO, Dei gratia Eboracensi archiepiscopo, BERNARDUS CLARÆ-Valensis vocatus abbas, salutem, non tam in via, quam in patria.

1. Laudamus quod optatis quietem, et desiderium habetis cum pace obdormire in Domino. Verumtamen istæ quas prætenditis causæ, curæ pastoralis non videntur posse præscribere: nisi forte (quod absit! et nos non credimus) mortale aliquid commissum sit, aut summi Pontificis auctoritate emerito fuerit indulta licentia (845). Nam neque vos ignorare credimus illud Apostoli: *Alligatus es uxori? noli querere solutionem (1 Cor. vii, 27.)* Verbo siquidem promissionis, qualem vos fecisse dicitis, non tenetur episcopus, quominus in eo quo vocatus est ministerio perserveret.

2. Videtur ergo nobis, sanis sapienti non præscribentibus, ut quod tenetis teneatis, et humilitatis habitu, viteque sanctitate monachum exhibeatis in episcopo (846). Quod si autem causa latens cedere compellat, aut dominus Papa quietem indulgeat, pro nostro exiguo sapere consilium damus ut nulla victus aut vestitus asperitas, nulla omnino paupertas vos deterreat, quominus transeat, ubi majorem invenire speratis puritatem. Quanquam in hujusmodi domibus, animabus sic consulitur, ut, pro ætate et imbecillitate, congrua cura corporibus non negetur. Vestri sumus, pro vobis Deum rogamus attentius, quatenus aspiret vobis quod melius est, concedat-

(839) Alias epistola 320: quæ vero antea 317 erat, nunc 357. Scripta anno Christi 1138.

(840) Charissimum dicit eum Bernardus in epistola 142. Episcopus postea fuit Lingonensis, ex dictis ad epistolam 164. Ejus litteras habes apud Perardum, pag. 122. Anno 1141 componitur pontificatus ejus annus secundus, pag. 134.

(841) Ligius, qui Domino suo ratione feudi vel subjectionis fidem omnem contra quemvis præstare debet.

(842) Victore antipapa, qui extincto Anacleto a schismaticis electus.

(843) Alias epistola 329: quæ vero antea 318 erat, nunc 314. Scripta circa annum 1158.

(844) Alias epistola 372: quæ vero antea 319 erat, nunc 399. Scripta circa annum 1158.

(845) Hic duas causas secedendi in episcopo probat Bernardus, nimirum penitentiam ob crimen, et facultatem summi Pontificis. Episcopi olim ob capitalia crimina in ordinem redigebantur, ut ob carnis lapsum, furtum, perjurium et homicidium.

Aliud quodvis mortale peccatum hic intelligendum videtur, cui expiando monastica retrusio sit necessaria. Hæc epistola scripta videtur paulo ante Turstini obitum, quem anno 1139 accidisse tradit Ordericus in libro 13, pag. 919, ubi Andini Eborencensis episcopi frater dicitur. Ad eundem Turstinum scriptæ sunt epistolæ 195 et 235.

(846) Monachis episcopis factis non licebat habitum et priorem vivendi modum abjicere. Lege Præfationem 2 sæculi 4, n. 178. sqq. et 189. Sed hodie quam mutatus est color optimus! Lege Abelardum in sermone de sancto Joanne Baptista, fol. 966. Cum vero persuasum haberent nonnulli, vitam episcopalem, prout tunc agitur, cum institutis monasticis coherere non posse, electi ad episcopatum, prorsus acquiescere detrectarunt: quale est insigne exemplum Guidonis abbatissæ CLARÆ-Valensis, qui mortuo Willelmo archiepiscopo in sedem Remensem cooptatus, electionem constanter refutavit ob ipsam rationem, apud Baluzium in tomo secundo Miscellaneorum, pag. 247.

que pondus diei et æstus sic portare, ut ad vesperam regia signatum imagine recipiat denarium.

EPISTOLA CCCXX (847).

ALEXANDRO PRIORI DE FONTIBUS (848), ET EJUSDEM LOCI FRATRIBUS.

*Hortatur ad electionem novi abbatis unanimiter faciendam.*

Dilectissimis in Christo fratribus ALEXANDRO Priori, et universo conventui de Fontibus, frater BERNARDUS Claræ-Vallensis vocatus abbas, salutem, et nostras qualescunque orationes.

1. Venerabilis pater vester (849) beato fine cursum consummavit, et obdormivit in Domino. Ego vero licet omni tempore, paternam pro vobis, tanquam pro visceribus nostris, charitate sollicitus, nunc tanto majorem pro vobis sollicitudinem gero, quanto major incumbit necessitas. Unde et dudum misissem ad vos, nisi quod expectabam donec opportunius atque **298** utilius id agere possem, eo quod venerabilis abbas Henricus (850) citius advenire non posset, negotiis aliquibus occupatus: quem præcipue destinare proposueram ab initio, eo quod ipse utilior, et huic negotio magis idoneus videretur. Hunc ergo, fratres dilectissimi, cum eo honore et amore suscipite quo dignus est; et sic audite eum in omnibus, tanquam me ipsum. Imo et tanto amplius, quanto ille et prudentia et meritis antecessit. Ei siquidem et in facienda electione, et in omnibus, quæcunque vel in hoc monasterio, vel in cæteris quæ ab eo exierunt (851), ordinanda, velemenda fuerint, omnino vicem nostram commisi. Misi autem cum eo fratrem Willelmum, qui est filius noster dilectissimus.

2. Et nunc obsecro vos, tanquam filios charissimos, ut in electione vestra idipsum sapiatis omnes, et non sint in vobis schismata, sed unanimes uno ore glorificetis Deum; quoniam non est Deus dissensionis, sed pacis: unde et factus est in pace locus ejus, et dicit: *Qui non colligit mecum, dispergit* (Luc. xi, 23). Absit enim ab his qui in schola Christi degunt, sub magisterio Spiritus sancti, ut

(847) Alias epistola 381: quæ vero antea 320 erat, nunc 317. Scripta anno Christi 1138.

(848) Hic fuit frater uterinus Richardi abbatis Fontanensis in Anglia, eo nomine secundi, qui apud Claram-Vallem quievit in pace, teste Serlone in Monastici Anglicani tomo primo, pag. 854, ubi de monasterio Kirkstallensi seu Montis Sanctæ-Mariæ in agro Eboracensi: cujus loci primus abbas institutus est Alexander anno 1147, Henrico de Murdach tum archiepiscopo, ad quem epistola sequens. Alius fuit Alexander, itidem Anglus, et quidem abbas Fontanensis, sed in diocesi Turonensi, de quo in Spicilegii tomo 10, pagg. 374 et 377. De monasterio Fontanensi in Anglia confer epistolâs 235 et 252.

(849) Riehardus scilicet secundus (non primus, ad quem epistola 96), mortuus in Claro-Valle anno 1138, maii die 13.

(850) Henricus de Murdach, tunc abbas Vallis-Clare, ad quem epistola sequens, tum occupatus controversia quæ inter Vallis-Clare et Cuissiaci monasteria fervebat, apud Hermannum monachum

A gaudeat de eis inimicus, et in eorum dissensione gloriatur, quod et ipsorum animæ periclitentur, et frustra depereat totus penitentiae labor; et fetere faciant odorem bonum Ordinis nostri, et per eos nomen Christi blasphemetur, per quos maxime fuerat glorificandum! Imo vero, sicut bene de vobis confidimus, sicut decet sanctos, sicut oportet servos Christi, unanimiter, obsecro, eligite vobis idoneum pastorem animarum vestrarum, una cum venerabilibus abbatibus de Rievall et Valle-Clara: quorum consilio volo vos in omnibus acquiescere, tanquam nostros.

EPISTOLA CCCXXI (852).

AD HENRICUM DE MURDACH (853), PRIMUM ABBATEM DE VALLE-CLARA, POSTEA DE FONTIBUS, TANDEN ARCHIEPISCOPUM EBORACENSEM.

*Jubet ne electionem sui in abbatem de Fontibus refutet.*

Dilectissimo fratri et coabbati suo HENRICO frater BERNARDUS Claræ-Vallis vocatus abbas, salutem et orationes.

Præcipio tibi, frater Henrice, ut si in te convenit electio fratrum nostrorum de Fontibus, cum consilio venerabilis abbatis Rievallis, non refuses, sed obedias in charitate. Quod quidem invitum facio, sciens magnum mihi ex tua absentia solatium deperire; sed convenientibus eis contradicere timeo, credens a Domino exiisse sermonem istum in quo tot religiosorum vota concordant, cum legerim in Evangelio, *Ubicunque duo vel tres congregati fuerint in nomine meo, in medio eorum ego sum* (Matth. xviii, 20). Age ergo, charissime, et suscipe professiones eorum, et de cætero curam eorum habe, tanquam pastor animarum eorum. Nec timeas pro ea domo quam regendam suscepas. Ego enim, **299** Deo volente, utilem ei providebo dispensatorem; illa namque mihi vicinior est. Sed neque pro episcopo (854) dubites obedire: super me illud dimitte.

Laudonensem in libro 3, cap. 16. In Henricum concertabat Lucas abbas Cuissiacensis, ad quem epistola 79.

(851) Nempe in Fontanensi, et in tribus aliis ex eo productis, videlicet Novo-Monasterio diocesis Carleolensis, Kirkenstadio et Ludæ-Parco Lincolnensis.

(852) Alias Epistola 382: quæ vero antea 321 erat, nunc 345. Scripta anno Christi 1138.

(853) Henricus iste Anglus, ad quem epistola 106, monachus primus in Clara-Valle, inde sub finem anni 1135 missus est cum sociis duodecim ad constituendum monasterium Vallis-Clare in diocesi Laudonensi, illudque rexit ad finem anni 1138, quo tempore translatus est in regimen abbatis Fontanensis, jubente et institute, ut ex his litteris patet, Bernardo: archiepiscopus Eboracensis creatus anno 1147, vivere desiit anno 1153, ex Necrologio Vallis-Clare, pridie idus octobris.

(854) Bartholomæo nimirum Laudonensi episcopo, in cujus diocesi sita Vallis-Clara.

## EPISTOLA CCCXXII (853).

AD HUGONEM NOVITUM, POSTEA BONE-VALLIS ABBATEM (856).

*Laudat vitæ religioſæ propoſitum, præmunitque eum adverſus tentationes, et ad conſtantiam ac perſeverantiam excitat.*

Chariſſimo in Chriſto filio HUGONI, novæ creaturæ in Chriſto, frater BERNARDUS Claræ-Vallis vocatus abbas, confortari in Domino.

1. Audita converſione tua, exultavimus et delectati ſumus. Quidni gaudeant homines, unde lætantur et angeli? jam celebris agitur dies, jam reſonat in excelsis gratiarum actio, et vox laudis. Adoleſcens nobilis, delicatus, vicit malignum, ſprevit mundum, corpus expoſuit, propinquorum renuntiavit affectibus, paratos divitiarum laqueos. tranſilivit, quia pennatum animal erat. Unde tibi hæc ſapientia, filii? Neque enim tantam invenimus in ſenibus Babylonis. Ipsi ſunt qui juxta Apoſtolum, imo contra, divites fieri volunt in hoc ſæculo, ut incidunt in tentationem et laqueum diaboli (1 Tim. vi, 9). Hugonis noſtri ſapientia non de terra eſt, ſed de celo. Conſtitor tibi, Pater, quia abſcondiſti hæc a ſapientibus, et parvulo revelavi. Tu quoque, filii, ne ſis ingratus beneficio Redemptoris, ſed pone animum puerilem, magis autem parvulus eſto malitia, ſed non ſenſu (1 Cor. xiv, 20). Non ætatem teneram ordinis aſperitas terreat. Memento quod aſperior carduus [*ſcil. cardo, male*] pannum faciat leniorem, converſatio conſcientiam. Aderit Chriſti ſuavitas, et prophætæ farinula pulmentum incommenſabile condietur (IV Reg. iv, 39-41). Si tentationum ſentis aculeos, exaltatum in ligno ſerpentem æneum intueri; et ſuge non tam vulnera quam ubera Crucifixi. Ipſe erit tibi in matrem, et tu eris ei in filium; nec pariter Crucifixum ledere aliquatenus poterunt clavi, quin per manus ejus et pedes ad tuos uſque perveniant.

2. Sed inimici hominis domeſtici ejus (*Michææ vii, 6*). Ipsi ſunt qui non te diligunt, ſed gaudium ſuum ex te. Alioquin audiant a puero noſtro: Si diligeretis me, gauderetis utique, quia vado ad Patrem (*Joan. xiv, 28*). « Si proſtratus, » ait beatus Hieronymus, « jaceat in limine pater, ſi nudato ſinu, quibus te lactavit, ubera mater oſtendat, ſi parvulus a collo pendeat nepos; per calcatum tranſi patrem, per calcatam perge matrem, et ſiccis oculis ad vexillum crucis evola. Summum pietatis eſt genus, in hac parte pro Chriſto eſſe crudelem (*Hieron. Epist. 1, ad Heliodorum*). » Phreneticorum lacrymis ne movearis, qui te plangunt de gehennæ filio factum filium Dei. Heul quænam miſeris tam dira cupid. (*Vinc. Aen. vi, 720*)? quis tam crudelis amor, quæ tam iniqua dilectio? Corruptunt bonos mores colloquia

A mala (1 Cor. xv, 33). Propterea, quantum poteris, filii, confabulationes hoſpitem declinato, quæ, dum aurem implent, evacuant mentem. Diſce orare Deum, diſce levare cor cum manibus: diſce oculos ſup-  
plices in cælum erigere, et Patri miſericordiarum miſerabilem faciem repræſentare in omni neceſſitate tua. Impium eſt ſentire de Deo, quod continere poſſit ſuper te viſcera ſua, et avertere aurem a ſingultu tuo vel clamore. De cætero ſpiritualium patrum conſiliis, haud ſecus quam majestatis divinæ præceptis, acquieſcendum in omnibus eſſe memento. Hoc fac, et vires: hoc fac, et veniet ſuper te benedictio, ut pro ſingulis quæ reliquiſti, centuplum recipias, etiam in præſenti vita. Nec vero credas ſpiritu ſuadenti nimis id feſtinatum, et in  
B maturiorem ætatem differendum fuiſſe: ei potius crede qui dixit: Bonum eſt homini, cum portaverit jugum ab adoleſcentia ſua. Sedebit ſolitarius, levavit enim ſe ſupra ſe (*Thren. iii, 27, 28*). Bene vale, et ſtudeo perſeverantiæ, quæ ſola coronatur.

## 300 EPISTOLA CCCXXIII (857).

AD INNOCENTIIUM PAPAM.

Pro archiepiſcopo Treverenſi contra abbatem Sancti-Maximini (858).

1. Quam magna multitudo dulcedinis tuæ, domine, ac dilectionis circa nos, ſicut frequenter experti ſumus! et nunc ſuperſt ut experiamur adhuc in tempore opportuno. Abſit autem ut aliquid petere audeamus, quod voluntati Dei, et honori tuo ſentiamus eſſe contrarium! Quia ergo cor noſtrum non reprehendit nos de minus rationabili vel honeſta petitione, fiduciam habemus quod non reverterentur ad nos vacuæ preces noſtræ, præſertim quia patrem pro filio, et Innocentium pro innocente poſtulamus. Quam fideliter Treverenſis archiepiſcopus apoſtolice Sedis honorem, et quietem Romanæ Eccleſiæ ab adoleſcentia ſua dilexerit, quam immobiliter et ſollicite in tempore tribulationis ei adhæſerit, et, aliis in umbra ſedentibus, pondus diei et ætus cum ea portaverit; quam conſtanter et intrepide verbum veritatis pro testimoniis ejus in conſpectu regum locutus ſit pro conſortibus ſuis, non necesse habetis ſcribi a nobis; ipſe enim certiffime ſcitis. De cætero autem quod ſcimus loquimur, et quod vidimus teſtamur, ſi tamen teſtimonium noſtrum accipitis, quam prudenter et provide res et poſſeſſiones Eccleſiæ eripuerit de manu filiorum alienorum, quam liberaliter et benigne bona ſua ſemper in commune deduxerit, maxime autem circa domeſticos fidei; quam diligenter et circumſpecte integritatem famæ ſuæ cuſtodierit a labiis iniquis, et a lingua dolosa.

2. Quid ergo diſplicuit in eo Paternitati vestræ? Numquid quod eccleſiam illam beati Maximini de

(855) Alias epiſtola 351: quæ vero antea 329 erat, nunc 365. Scripta circa annum 1158.

(856) Bone-Vallis ſcilicet in diœceſi Veſontionenſi, cujus poſtea abbas iſte Hugo piſſimus, ſancti Hugonis epiſcopi Gratianopolitani nepos, de quo

in Vitæ libro iv, n. 40.

(857) Epiſtola nova: quæ vero antea 323 erat, nunc 365. Scripta anno Chriſti 1159.

(858) Vide epiſtolas 179, 180.



regia potestate extraxit, ut sacerdotali subiceret? **A** a tenebris in omni opere tuo, ut scias reprobare nunquid quod hominem illum, qui, ut aiunt, prius dux quam miles, prius abbas quam monachus esse voluit, non suscepit? Si ergo hoc, vel aliquid aliud in eo displicuit, dignum tamen erat ut apud pium Patrem inveterata dilectio facile non periret, sed operiret gratia culpam, et hominem in paucis reprehensibilem, laudabilem in pluribus, multorum beneficiorum recordatio excusaret. Nunc autem, domine, exaltasti dexteram deprimentium eum, lætificasti omnes inimicos ejus. Mirabile siquidem est in oculis multorum, quo vitæ merito, qua opinione boni positus sit in regimine animarum homo qui accepit in vano animam suam. Quomodo namque poterit regere, qui regi non potuit? quomodo audebit præesse, qui subesse non didicit? vel obedientiam imperare subjectis, quam prælatis exhibere non novit? *Si quis domui suæ præesse nescit, dicit Magister Gentium, quomodo Ecclesiæ Dei diligentiam habebit? (1 Tim. iii, 5.)* Denique, qualis pater, tales filii; qui matrem suam crudeliter eviscerant, ut haberent unde foverent schismata et dissensiones: de quorum tamen moribus et conversatione honestius est silere, quam aliquid loqui. Sed neque hoc ipsum diximus, ut judicemus de alienis servis, qui suo domino stant, aut cadunt: sed scimus, si istorum misera voluntas prævaluerit, quod dissoluti juvenes excutient jugum disciplinæ a cervicibus suis, ut ad similitudinem istorum possint circumire terram, et perambulare eam: quibus etiam, si affectus ad effectum non pertingat, hoc ipsum erit ad gloriam, quod repugnare poterint prælatis suis. Heu! quantorum et qualium, qui de suis meritis apud vestram misericordiam confidunt, spes et fiducia movebitur de loco suo, si filium olim tam dilectum, a gremio vestro, et ab uberibus consolationis vestræ turbo repentinus excuserit!

3. Si quis ergo precibus nostris locus est apud Excellentiam tuam, beate Pater, suppliciter petimus, nos qui te potius, quam tua diligimus, ut in die bonorum **301** non repellas hominem qui permansit tecum in temptationibus tuis, ut aliquid apud te de jure illius depereat, qui a te crescere potius quam minui expectabat. Alioquin, si præter spem omnium, et præter meritum hominis contigerit ut diripiant alieni labores ejus, ut ponantur adversus eum mala pro bonis, odium pro dilectione; ipse quidem, a quo non timebit, vulnus excipiet solus, sed multi in persecutione ejus dolebunt. Spiritus veritatis, qui a Patre procedit, doceat te dividere lucem

a tenebris in omni opere tuo, ut scias reprobare malum et eligere bonum.

#### EPISTOLA CCCXXIV (859).

AD ROBERTUM ABBATEM DE DUNIS (860)

*Absentiæ mutua solamen suggerit, nempe animorum conjunctionem, imo et corporum, quandoque futuram.*

Fratri et amico charissimo ROBERTO abbati, frater BERNARDUS de Clara-Valle, quod amico charissimo.

Et tarde notus, et cito es mihi sublatus, Roberte charissime. Sed consolor, quod solo de corpore patiar hoc: nam spiritu semper es mecum. Quod tamen vel ipsum quando ego æquanimitè tolerarem, si solas non esset in causa Deus? Erit, erit, quando reddemur nobis, quando et quisque de se, et uterque de invicem plene gaudebimus, præsentibus nobis in utraque portione nostri, in neutra deinceps ab alterutro dividendi. Glutinum erit tantæ conjunctionis, qui causa nunc est tantillæ separationis, præsens perpetuo futurus nobis, præsentibus nos nobis perpetuo servaturus. Salutamus omnes filios vestros et nostros, et rogamus ut orent pro nobis.

#### EPISTOLA CCCXXV (861).

AD EUNDEM, DE IDERIO NOVITIO.

**C** *Quid de novitio dyscolo faciendum rogatus consultit.*

Amantissimo fratri et coabbati suo ROBERTO de Dunis, frater BERNARDUS Claræ-Vallis dictus abbas salutem.

Super hoc fratre, quem adeo non solum inutilem, sed etiam onerosum esse nuntiastis, absque eo quod intrinsecus latet; quale nobis ipsis, tale et vestræ Dilectioni damus consilium. Nobis siquidem videtur pro his quæ de ipso retulistis, quod in probatione sua se nec probabilem exhibuit, nec receptibilem: et ideo meruit ut rationabiliter, et sana conscientia valeatis malum auferre ex vobis. Verumtamen si pietati vestræ placet superexaltare misericordiam judicio, adhuc ipsum potestis retinere sine professione, quanto vobis tempore videbitur. Hoc autem omnino dissuademus, ne eum in hoc statu recipiatis ad professionem: sed iterum probetur, si forte se talem exhibere valeat, qualem debet. Sin autem, ferro abscissionis utendum est, ne una ovis morbida totum gregem contamine.

(859) Alias epistola 336: quæ vero antea 324 erat, nunc 382. Scripta anno Christi 1139.

(860) Hic est ille Robertus, qui B. Bernardo in Clara-Valle successit: imo, quem ipse Bernardus jam moribundus sibi successorem nominavit. Vide librum de viris illustribus Ordinis Cisterciensis dist. 2, cap. 23; Meyer. libro Annalium Flandr. et Manriquez in Annalibus. Dunas vocant Belgæ maritimi

aggeres collesve sabuli candidi, vel a natura. vel ab æstuante pelago congesti. In his olim fuit cœnobium Dunense florentissimum, verum nunc arenis excrecentibus sepultum, ob neglectam per belli calamitates obicium ligneorum instaurationem.

(861) Alias epistola 337: quæ vero antea 325 erat, nunc 395. Scripta circa annum 1139.

## EPISTOLA CCCXXVI (862).

GUILLELMI ABBATIS, AD CAUFRIDUM GARNOTENSEM EPISCOPUM, ET BERNARDUM ABBATEM CLARÆ-VALLENSIS (865).

*Ut Dei et Ecclesiæ causam adversus Petri Abælardi errores, quorum aliquot capitula producit, tugantur.*

Reverendis in Christo dominis et patribus, GAUFRIDO Carnotensium episcopo, et BERNARDO Claræ-Vallis abbati, vitam et diēs bonos.

1. Confundor, Deus scit, apud vos, cum de re communis et gravis necessitatis, silentibus vobis, et **302** aliis, quorum erat loqui, cogor vos alloqui, nullus in hominibus, domini et patres. Cum enim fidem communis spei graviter nimis et periculose corrumpi video, nullo resistente, nullo obloquente; quam Christus suo nobis sanguine sacravit, pro qua apostoli et martyres usque ad mortem pugnaverunt, quam sancti doctores duris laboribus suis, et magnis sudoribus defensam, integram et incorruptam usque ad hæcæ temporum nostrorum transmiserunt: contabesco in memetipso, et a frictura cordis et dolore spiritus cogor pro ea loqui, pro qua, si necesse esset et opportunum, vellem etiam mori. Nee de minimis agitur, sed de fide sanctæ Trinitatis, de persona Mediatoris, de Spiritu sancto, de gratia Dei, de sacramento communis redemptionis. Petrus enim Abælardus iterum nova docet, nova scribit; et libri ejus transeunt maria, transiliunt Alpes; et novæ ejus sententiæ de fide, et nova dogmata per provincias et regna deferuntur, celebriter prædicantur, et libere defenduntur: in tantum ut in curia Romana dicantur habere auctoritatem. Dico vobis, periculose silentis, tam vobis, quam Ecclesiæ Dei. Pro nihilo dueimus corrumpi fidem, pro qua nosmetipsos nobis abnegavimus: non timemus Deum offendere, ne offendamus. Dico vobis, adhuc parturiens parturit malum hoc: sed nisi præventum fuerit, erumpet in regulum, cui vix inveniatur incantator. Quod cur dicam advertite.

2. Casu nuper incidi in lectionem ejusdem libelli hominis illius, cui titulus erat, Theologia Petri Abælardi. Fateor, curiosum me fecit titulus ad legendum. Duo autem erant libelli idem pene continentes: nisi quod in altero plus, in altero minus aliquanto inveniretur. Ubi, cum aliqua invenirem quæ multum moverent me, notavi, et cur moverent subnotavi, et cum ipsis libellis misi vobis: utrum recte me moverint, iudicii vestri sit. Cum enim graviter turbarer ad insolitas in fide vocum novitates, et novas inauditorum sensuum adventiones, cum non haberem in quem refunderem; vos in oculis elegi, ad quos me converterem, et quos in causam Dei, et totius latine Ecclesiæ citarem. Vos etiam

A timet homo ille, et reformidat. Claudite oculos: quem timebit? et qui jam dicit quod dicit, quid non dicit, cum nullum timebit? Emortuis quippe ex Ecclesiæ omnibus pene doctrinæ ecclesiasticæ magistris (864), quasi in vacuum rempublicam Ecclesiæ domesticus irruens inimicus, singulare sibi in ea magisterium arripuit: agens in Scriptura divina quod agere solebat in dialectica, proprias adventiones, annuas novitates; censor fidei, non discipulus; emendator, non imitator.

3. Hæc sunt ergo capitula ex opusculis ejus collecta, quæ vobis offerenda putavi: 1. Quod fidem definit æstimationem rerum quæ non videntur. 2. Quod impropria dicit esse in Deo nomina Patris, et Filii, et Spiritus sancti, sed descriptionem hanc esse plenitudinis summi boni. 3. Quod Pater sit plena potentia, Filius quædam potentia, Spiritus sanctus nulla potentia. 4. De Spiritu sancto, quod non sit ex substantia Patris et Filii, sicut Filius est ex substantia Patris. 5. Quod Spiritus sanctus sit anima mundi. 6. Quod libero arbitrio, sine adjuvante gratia, bene possumus et velle et agere. 7. Quod Christus non ideo assumpsit carnem et passus est, ut nos a jure diaboli liberaret. 8. Quod Christus Deus et homo non est tertia persona in Trinitate. 9. Quod in sacramento altaris in aere remaneat forma prioris substantiæ. 10. Quod suggestiones diabolicæ per physicam dicit fieri in hominibus. 11. Quod ab Adam non trahimus originalis peccati culpam, sed pœnam. 12. Quod nullum sit peccatum, nisi in consensu peccati et contemptu Dei. 13. Quod dicit concupiscentia, et delectatione, et ignorantia nullum **303** peccatum committi; et hujusmodi non esse peccatum, sed naturam.

4. Hæc pauca interim capitula, ex opusculis ejus congesta in unum, primo vobis arbitratus sum offerenda, ad excitandos vos, et excusandos nos, ne frustra commoti videamur. Quæ tamen cum aliis incidentibus, auxiliante eo in cujus manu sumus et nos et sermones nostri, ex hoc latius digerere aggrediar; parvipendens si vobis displicuerit in sermone, dum non displiceam in fide: ut, si quocunque modo suggerere potuero vobis me juste commotum, commoveamini et vos; et in causa capitis, sive pes ille sit, sive manus, sive etiam oculus, non paveatis. Dilexi et ego cum, et diligere vellem, Deus testis est: sed in causa hac nemo unquam proximus mihi erit, vel amicus. Nec secreta commotione seu correptione malum hoc attentandum est, quod, ipso se prodente, tam publicum factum est. Sunt autem, ut audio, adhuc alia ejus opuscula, quorum nomina sunt, Sic et non; Scito te ipsum; et alia quædam de quibus timeo ne, sicut monstruosi sunt nominis,

ut ex initio epistolæ intelligitur, adeoque ante annum 1140.

(864) Ita fere Hugo Metellus in epistola quarta ad Innocentium contra eundem Abælardum. « Mortuo Anselmo Laudunensi et Guillelmo Catalaunensi, ignis verbi Dei in terra defecit. » etc.

(862) Alias epistola 391: quæ vero antea 326 erat, nunc 400. Scripta circa annum 1139.

(865) Hæc epistola præfationis vice præfixa est Disputationi ejusdem Guillelmi abbatis Sancti-Theoderici prope Remos contra Abælardum, editæ in tomo quarto Bibliothecæ Cisterciensis. Scripta vero est ante omnes Bernardi in Abælardum epistolas,

sic etiam sint monstruosi dogmatis : sed, sicut dicunt, oderunt lucem, nec etiam quæsitâ inveniuntur. Sed jam veniamus ad rem, etc.

EPISTOLA CCCXXVII (865).

RESCRIPTUM BERNARDI AD GUILLELMUM ABBATEM.

*Libellum contra Petrum Abælardum conscriptum laudat, mutuumque colloquium vobis Pascha promittit.*

GUILLELMO charissimo suo, frater BERNARDUS.

Motum vestrum et iustum judico, et necessarium.

Sed et otiosum non esse, monstrat libellus tundens et obstruens os loquentium iniqua. Non quod illum adhuc attentius, ut jubetis, percurrerim ; sed quia ex eo quod cursim potui pervidere, placet fateor, et potentem existimo iniquum dogma obruere. Verum, quoniam meo iudicio non satis, ut optime nostis, fidere consuevi, præsertim in tam magnis rebus ; operæ pretium puto, præsertim considerata opportunitate, me atque vos pariter alicubi convenire et conferre de omnibus. Idipsum tamen ante Pascha fieri posse non arbitror, ne, quod præsens tempus indicit, studium orationis impediatur. Porro silentii ac patientiæ super his meæ patientiam habete : cum horum plurima et pene omnia hucusque nescierim (866). Jam vero ad quod hortamini potens est et Deus dare mihi spiritum bonum vestris orationibus. Valete.

EPISTOLA CCCXXVIII (867).

AD ROMANUM PONTIFICEM (868).

*Contra electum Rutenensem.*

Hactenus amicorum precibus morem gerentes, scripsimus opportune, importune : nunc autem, etiamsi velimus, tacere tamen christiana religione prohibemur. *Maledictus, inquit propheta, qui prohibet gladium suum a sanguine (Jerem. XLVIII, 10).* Quotidie nequitia proficit, malorum desideria prosperantur ; et non est qui ascendat ex adverso, vel qui opponat se murum pro domo Israel. Ecce adhuc in diebus tuis, et manibus et pedibus nituntur ingredi ad sancta sanctorum homines corruptissimi, qui pepigerunt pactum cum morte, et foedus cum inferno. Utquid patientia hæc ? Rutilenses (869) clerici elegerunt **304** viliis suis consentientem personam, nec puduit eos, etiam in oculis tuis, veritatem operire mendacio, ut dicitur, et circa electam personam, et circa negotium electionis.

(865) Alias epistola 392 : quæ vero antea 327 erat, nunc 339. Scripta circa annum 1139.

(866) Hinc patet Guillelmum, unum ex primis inceptorum fuisse adversum Abælardum, quod etiam Guillelmus ipse in superiori epistola discrete affirmat, conquereudo de Gaufridi et Bernardi silentio.

(867) Epistola nova : quæ vero antea 328 erat, nunc 414. Scripta circa annum 1140.

(868) Hæc epistola subsequebatur aliam cuiusdam A. ad abbatem Rutenensis monasterii ; atque inscripta erat, *Ad eundem*. At Innocentio vel Eugenio, et quidem a Bernardo, directam fuisse, patet ex epistola sequente, quæ est ejusdem argumenti, id est contra Rutenensem electum, Ademari suocorem, cujus nomen ignoratur. Bernardus in epistola 240, n. 1, Eugenio gratulatur, ob finitam

A Homo ille, non a Deo, sed ab hominibus electus, multos habet testes infamiæ suæ, nullum purgationis ; et, ut vobiscum involute loquar, honestius est de illo silere, quam loqui. Absit ut in diebus tuis talia monstra promoveantur, ut ille ponatur custos animarum, qui pro nihilo ducit effusionem sanguinis Christi, et pretium redemptionis animæ suæ ! Quid autem illi aliquantulum astute verbum de injuria et oppensione appellationis, ut ad se per hæc ad curiam inclinarent, causæ interseruerunt suæ ? Nolite accipere verbum mendacii : quia, sicut virorum veracium relatione discitur, nulla secuta est appellationis oppressio, ubi nulla præcessit appellatio. Proinde oportet ut quod religiosorum consilio per episcopum factum est, per te robor accipiat in manu B potenti et brachio excelso. Sed et ipsum archiepiscopum (870) magis ac magis tibi volumus commendari pro quo nec rogare, nec exaudiri vellemus, si non honorificaret ministerium suum.

EPISTOLA CCCXXIX (871).

AD EPISCOPUM LEMOVICENSEM.

*Contra eundem electum Rutenensem.*

Verba quæ ego loquor vobis, non pro me ipso loquor, nec in eis quæro quæ mea sunt. Vobis loquor pro vobis. Breves dies hominis sunt. Quantum estis episcopus Lemovicensis, ministerium vestrum honorificate, ut videamus opera vestra bona. Causam Catinensis (872) electi, a domino Papa vobis commissam, et remota omni appellatione canonico sine terminandam a vobis audientes, facimus sicut consolati. Ecce enim præ manibus est tempus, et negotium, in quibus Ecclesia Dei perspiciet utrum sit rationale in pectore pontificis. Jam non erit otiosus, si tamen in vobis est, timor Dei, vigor canonum, amor justitiæ. In Ecclesia Rutenensi agitur de pastore, et episcopo animarum, et successore Christi, de illo, inquam, qui suscitavit semen fratris defuncti. Et ad hæc quis tam idoneus ? Numquid ille, quem vita inquinavit, quem conscientia accusavit, quem fama publicavit ? numquid ille, qui de abbatis in abbatiam, vel potius de abyssu in abyssum descendit, ut idem sit violator virginum, et consecrator ? Et ubi erit jam illud, quod dictum est ab Apostolo : *Oportet episcopum sine crimine esse, tanquam dispensatorem Dei* ? (Tit. 1,

D causam Rutenensis Ecclesiæ, nempe ob depositum, ut videtur, Rutenensem episcopum indignum, de quo hæc in epistola et in sequente.

(869) legendum, *Rutenenses* ; ut colligitur ex epistola sequente. Rutila monasterium diocesis Treverensis, de quo in libro quarto Vitæ S. Bernardi, n. 47 ; nihil juvat ad hunc locum.

(870) Bituricensem scilicet, cujus suffraganeus est episcopus Rutenensis.

(871) Epistola nova : quæ vero antea 329 erat, nunc 318. Scripta circa annum 1140.

(872) Fortasse legendum, *Caturcensis* ; nam vix ad aliam civitatem hæc epistola referri potest. Quod si ita videbitur, hoc loco agi videtur de electione Raimundi, quem proinde Guillelmus a Cruce ex albo Cadurcensium episcoporum immerito expungat.



7) Noli ergo stare contra te ipsum, aliud dicens, et aliud agens : sed opera tua verbis tuis respondeant idem de eodem ; ne illud tibi aptari possit, quod de quibusdam dictum est : *Infirmata sunt contra eos lingua eorum* (Psal. LXIII, 9). Ecce in manu tua est. Verumtamen animam tuam custodi, neque communicaveris peccatis alienis. Per te stabit, aut per te corruet : sed si per te corruerit, manus tuas consecrabis Domino.

EPISTOLA CCCXXX (873).

AD INNOCENTIUM PAPAM.

Contra Petrum Abælardum.

Amantissimo patri ac domino INNOCENTIO, BERNARDUS Claræ-Vallis vocatus abbas, modicum id quod est.

Plorans ploravit in nocte sponsa Christi, et lacrymæ ejus in maxillis ejus : non est qui consoletur **305** eam ex omnibus charis ejus. Moram faciente Sponso, tibi, domine, commissa est Sunamitis in loco peregrinationis suæ. Nulli familiarius constiterit injurias, nulli secretius exponit æstus et gemitus suos, quem amico Sponsi. Nam quia Sponsus diligis, sponsam ad te clamantem non despicias in opportunitatibus, in tribulatione. Inter hæc omnia genera hostium, quibus circumvallatur Ecclesia Dei, sicut lilium inter spinas, nihil periculosius, nihil molestius est quam cum ab eis, quos continet in gremio suo, et quos suis fovet uberibus, laceratur interius. Pro talibus et de talibus est illa vox dolentis et gementis : *Amici mei et proximi mei adversum me appropinquaverunt et steterunt* (Psal. XXXVII, 12). Nulla quidem pestis efficacior ad nocendum, quam familiaris inimicus. Argumento nobis sunt et Absalon familiaritas, et osculum Judæ. Fundamentum aliud ponitur nobis, præter id quod positum est. Nova fides in Francia cuditur, de virtutibus et vitiis non moraliter, de sacramentis non fideliter, de mysterio sanctæ Trinitatis non simpliciter ac sobrie, sed præter ut accepimus (875\*), disputatur. Magister Petrus et Ernaldus, a cujus peste Italiam purgastis, astiterunt et conveniunt in unum adversus Dominum, et adversus Christum ejus. Squama squamæ conjungitur, et ne spiraculum quidem incedit per eas. Corrupti sunt, et abominabiles facti sunt in studiis suis, et de fermento suæ corruptionis corrumpunt fidem simplicium, morum ordinem conturbant, Ecclesie maculant castitatem : ad imaginem et similitudinem illius qui transfiguratur se in angelum lucis habentes formam pietatis, sed virtutem ejus abnegantes, circumornati sunt ut similitudo templi, ut agglutinent in obscuro rectos corde. Evasimus rugitum Petri Leonis, sedem Simonis Petri occupantem : sed Petrum Draconis incurrimus, fidem Simonis Petri impugnantem. Ille persecutus est Ecclesiam Dei manifeste, sicut leo rapiens : iste vero, tanquam

**A** draco, sedet in insidiis in occultis, ut interficiat innocentem. Sed tu, Domine Deus, oculos superbiorum humiliabis, tu conculcabis Leonem et Draconem. Nocuit ille, quoad vixit ; et idem fuit ei vitæ terminus atque malitiæ : iste vero, nova dogmata scribens, jam providit quomodo virus suum transfundat in posteris, quomodo noceat generationi omni quæ ventura est. Denique, ut pauca de multis dicam, theologus noster cum Ario gradus et scalas in Trinitate disponit ; cum Pelagio liberum arbitrium gratiæ præponit, cum Nestorio Christum dividens hominem assumptum a consortio Trinitatis excludit. Sed in his omnibus gloriatur, quod cardinalibus et clericis curiæ, scientiæ fontes aperuerit ; quod manibus et sinibus Romanorum libros et sententias incluserit, et in tutelam erroris sui assumit eos a quibus judicari debet et damnari. Qua mente, qua conscientia recurris ad fidei defensorem, fidei persecutor ? quibus oculis, qua fronte intueberis amicum Sponsi, sponsæ violator ? O nisi detineret me cura fratrum ! o nisi me corporalis infirmitas impediret ! quantum desiderarem videre amicum Sponsi pro sponsa zelantem in absentia Sponsi ! Ego, qui silere non potui injurias domini mei, læsiones Ecclesie patientis feram ? Tu autem, dilectissime Pater, ne elongaveris auxilium tuum ab ea : ad defensionem ejus conspice, accingere gladio tuo. Jam enim ex abundantia iniquitatis refrigescit charitas multorum : jamjam sponsa Christi, nisi manum adhibeas, egreditur et abit post vestigia gregum, et pascit greges juxta tabernacula pastorum.

EPISTOLA CCCXXXI (874).

AD STEPHANUM CARDINALEM ET EPISCOPUM PRÆNESTINUM.

Ejusdem argumenti.

Venerabili domino et charissimo Patri S. Dei gratia Prænestino episcopo, frater BERNARDUS Claræ-Vallis abbas, viriliter agere et confortari in Domino. Angustias et gemitus sponsæ Christi eo vobis familiariter enuntio, quo amicum Sponsi vos esse **306** cognovi, et gaudio gaudere propter vocem Sponsi. Confido enim de vobis in Domino, si bene novi interiorum hominem vestrum, quia non queritis quæ vestra sunt, sed quæ Jesu Christi. Petrum Abælardum, catholicæ fidei persecutorem, inimicum crucis Christi, vita probat, et conversatio, et libri jam de tenebris in lucem procedentes. Monachum se exterius, hæreticum interius ostendit, nihil habens de monacho, præter nomen et habitum. Aperit cisternas veteres et lacus contritos hæreticorum, ut bes et asinus cadat. Siluerat jam per multos dies : sed quando siluit in Britannia, concepit dolorem ; et nunc in Francia concepit iniquitatem. Egredius est de caverna sua coluber tortuosus, et in similitudinem hydræ, uno prius capite succiso, se-

(873) Epistola nova : quæ vero antea 330 erat, nunc 349. Scripta anno Christi 1140.

(875) Hic præter ut idem valet ac præterquam : quod simili prorsus intentione et formula usurpatur

de eodem Abælardo, *Epist.* CCCXXXVI : « De Spiritu sancto præterquam accepimus enuntians. » Edit.

(874) Epistola nova : quæ vero antea 331 erat, nunc 350. Scripta anno Christi 1140.

ptem pro uno capita produxit. Succise uno, succisa fuit una illius hæresis Suessione : sed jam loco illius septem et eo amplius hæreses emerunt, quarum exemplar habuimus, et misimus vobis. Rudes et novos auditores ab uberibus dialecticæ separatos, et eos qui, ut ita dicam, prima fidei elementa vix sustinere possunt, ad mysterium sanctæ Trinitatis, ad sancta sanctorum, ad cubiculum Regis introducit, et ad eum qui posuit tenebras latibulum suum. Denique theologus noster cum Ario gradus et scalas in Trinitate disponit, cum Pelagio liberum arbitrium gratiæ præponit, cum Nestorio Christum dividens, hominem assumptum a consortio Trinitatis excludit. Sic, sic per omnia fere sacramenta discurrens, attingit a fine usque ad finem fortiter, et disponit omnia damnabiliter. Ad hæc gloriatur, se infecisse curiam Romanam novitatis suæ veneno; manibus et sinibus Romanorum libros et sententias suas inclusisse, et in tutelam sui erroris assumit eos a quibus judicari debet et damnari. Provideat Deus Ecclesiæ suæ, pro qua mortuus est, ut eam exhiberet sibi non habentem maculam aut rugam, quatenus perpetuum silentium imponatur homini cujus maledictione os plenum est, et amaritudine et dolo.

## EPISTOLA CCCXXXII (875).

AD G. CARDINALEM.

*Item contra Petrum Abælardum.*

Domino venerabili et patri dilectissimo, sanctæ Romanæ Ecclesiæ cardinali G. BERNARDUS CLARÆ-Vallensis abbas, spiritum consilii et fortitudinis.

Silere non possum injurias Christi; angustias et dolores Ecclesiæ, et miseriam inopum, et gemitum pauperum. Incidimus in tempora periculosa. Magistros habemus prurientes auribus : discipuli a veritate auditum avertunt, ad fabulas convertuntur. Habemus in Francia monachum sine regula, sine sollicitudine prælatum, sine disciplina abbatem Petrum Abælardum, disputantem cum pueris, conversantem cum mulieribus. Aquas furtivas et panes absconditos domesticis suis apponit in libris, et in sermonibus suis profanas vocum novitates inducit et sensuum. Accedit non solus, sicut Moyses, ad caliginem in qua erat Deus, sed cum turba multa et discipulis suis. Per vicos et plateas de fide catholica disputatur, de partu Virginis, de sacramento altaris, de incomprehensibili sanctæ Trinitatis mysterio. Evasimus rugitum Petri Leonis : sibilos Petri Draconis incurrimus. Sed tu, Domine Jesu, oculos superborum humiliabis, tu conculcabis Leonem et Draconem. Nocuit ille quoad vixit, et idem fuit ei vitæ terminus, atque malitiæ : iste vero jam providit quomodo virus suum transfundat in posteris, quomodo noceat generationi omni quæ ventura est.

(875) Epistola nova : quæ vero antea 332 erat nunc 367. Scripta anno Christi 1140.

(876) Epistola nova : quæ vero antea 333 erat, nunc 386. Scripta anno Christi 1140.

(877) Is est Gregorius Tarquinius, sanctorum Sergii et Bacchi diaconus cardinalis, a Callisto II

A Lepram adiuvationum suarum atramento signavit et calamo. Libros ejus habuimus, et misimus vobis. Cognoscite auctorem operis in opere. Videte quod theologus noster cum Ario gradus et scalas in Trinitate disponit, cum Pelagio liberum arbitrium gratiæ præponit; cum Nestorio Christum dividens, hominem assumptum a consortio Trinitatis excludit. Et hæc pauca sunt de multis. Non erit in vobis qui vicem Christi debeat **307**, qui diligat justitiam, qui oderit iniquitatem? Si os loquentis iniqua obstructum non fuerit, videat ille et iudicet, qui solus laborem et dolorem considerat.

## EPISTOLA CCCXXXIII (876).

AD G. CARDINALEM (877).

*Ejusdem item argumenti.*

B Viro venerabili et amico suo G. diacono cardinali sub titulo sanctorum Sergii et Bacchi, BERNARDUS CLARÆ-Vallensis abbas, salutem et dilectionem.

Secundum tuam consuetudinem, quotiescunque curiam intro, semper mihi debes assurgere. Verba videntur quasi ludentis; sed seria res agitur. Ecce ego curiam intro, secundum causam dico, non secundum personam. Qui personæ meæ assurgere solebas, assurge nunc causæ meæ, imo causæ Christi : quia Christus est in causa, et veritas periclitatur. Assurge, imo exsurge adversus eum qui disputat de fide contra fidem, qui verbis legis legem impugnatur, cujus manus contra omnes, et manus omnium contra eum. Hic est Petrus Abælardus, qui de moribus, de sacramentis, de Patre et Filio et Spiritu sancto scribit, docet, et disputat, dividens prout vult. Nunc autem intrat curiam, postquam commovit Ecclesiam, et turbavit eam, non ut sanet contritiones ejus, sed ad excusationes excusandas in peccatis. Si filius ejus es, defende utrum qui te portavit, et uberaquæ suxisti.

## EPISTOLA CCCXXXIV (878).

AD GUIDONEM PISANUM (879).

*Contra eundem Abælardum.*

GUIDONI PISANO, BERNARDUS CLARÆ-Vallis abbas, mentem sanam in corpore sano (JUVEN.).

Causam meam propriam secure vobis committerem propter officium mutæ dilectionis nostræ : nunc autem tanto confidentius istam committo, quanto amplius ille diligendus est, cujus est causa.

D Causa est Christi, imo Christus est in causa, et veritas in periculo. Dividuntur vestimenta Christi, sacramenta Ecclesiæ scinduntur : sed integra manet tunica inconsutilis, desuper contexta per totum. Tunica hæc unitas est Ecclesiæ, quæ scissuram ignorat, divisionem non recipit. Quod enim desuper contextum est, quod a Spiritu sancto compactum est, non dissolvitur ab hominibus. Cum hæretici exaceruerunt linguam suam sicut serpentes, cum omnes aculeos ingenii sui excusserunt, ut pacem Ecclesiæ contur-

creatus.

(878) Epistola nova : quæ vere antea 334 erat, nunc 362. Scripta anno Christi 1140.

(879) Guido Moricetus de Vico, Pisanns, cardinalis tituli sanctorum Cosmæ et Damiani, ab Innocentio II creatus.

hænt; tamen, quoniam portæ inferi sunt, non præ-  
valebunt adversus eam. Si filius hujus est, si materna  
ubera recognoscis, non deseras matrem in periculo,  
non subtrahas humeros tuos in tempore tribulationis.  
Magister Petrus ingreditur curiam, ut apostolicæ  
Sedis auctoritas ponatur ei murus et antemurale ad  
confirmandos suos errores, quos scripsit, quos do-  
cuit, quibus fidem catholicam impugnavit.

#### EPISTOLA CCCXXXV (880).

AD QUEMDAM PRESBYTERUM CARDINALEM (881).

*Item contra Petrum Abaelardum.*

Cardinali presbytero, BERNARDUS Claræ-Vallis ab-  
bas, salutem et dilectionem in Domino.

Nemo adolescentiam tuam contemnat. Canities  
quippe non capitis, sed mentis requiritur a Domino,  
308 et ætas senectutis vita immaculata. Non expa-  
vit Jeremias, non formidavit Daniel, licet ambo pueri  
essent, senes impudicos, inveteratos dierum malo-  
rum. Impudicum et ego merito appellaverim illum  
qui decorem Ecclesiæ, qui fidei maculat castitatem.  
Hic est Petrus Abaelardus, qui de fide, de sacramen-  
tis, de mysterio sanctæ Trinitatis, præterquam ac-  
cepit, disputat, dividens singulis prout vult. Nunc  
autem ingreditur curiam, postquam Ecclesiam com-  
movit, et conturbavit eam, non ut sanet contritio-  
nes ejus, sed quia declinavit in verba malitiæ, ad  
excusandas excusationes in peccatis. Confidenter pro  
Ecclesiæ stabunt qui se filios esse Ecclesiæ cognos-  
cunt.

#### EPISTOLA CCCXXXVI (882).

AD QUEMDAM ABBATEM (883).

*Ejusdem argumenti.*

Dilectissimo fratri et coabbati, frater BERNARDUS  
Claræ-Vallensis abbas, zelum Dei habere secun-  
dum scientiam.

Oportet hæreses esse, ut qui probati sunt, mani-  
festi fiant. Si quis est Domini, jungatur ei. Deus  
enim est in causa. Veritas periclitatur: dividuntur  
vestimenta Christi, sacramenta scinduntur Ecclesiæ.  
A planta pedis usque ad verticem faciei corrumpitur  
sanitas, simplicitas fidelium deridetur: prope est  
ut ascendat leo de cubili suo, ut contra Ecclesiam  
se erigat prædo gentium. Præcedit jam Petrus Abæ-  
lardus ante faciem Antichristi parare vias ejus,  
de fide, de sacramentis, de Patre et Filio et Spiritu  
sancto, præterquam accepimus, enuntians. Scribit,

880) Epistola nova: quæ vero antea 335 erat,  
nunc 368. Scripta anno Christi 1140.

(881) Codex Vedastinus, nominatim, ad Petrum  
cardinalem. MARTENE.

(882) Epistola nova: quæ vero antea 336 erat,  
nunc 324. Scripta anno Christi 1140.

(883) Forte ad Bernardum abbatem Italum, qui  
Romam a Bernardo tunc missus fuerat, infra in  
epistolis 343 et 344.

(884) Alias epistola 370: quæ vero antea 337 erat,  
nunc 325. Scripta anno Christi 1140.

(885) In codice Vaticano notato 662, habetur  
ordine suo post epistolam 189, cum hoc titulo,

A docet, et contendit verbis ad subversionem audien-  
tium. Ponit in Trinitate gradus et scalas cum Ario;  
præponit gratiæ liberum arbitrium cum Pelagio;  
hominem assumptum a consortio Trinitatis excludit;  
Christum dividit cum Nestorio. Sed in omnibus his  
gloriatur quod Ecclesiam Romanam sibi reconcilia-  
vit quod libros et sententias suas manibus et sini-  
bus Romanorum incluserit: et in defensionem sui  
erroris assumit eos a quibus judicari debet et  
damnari. Videat Deus, et judicet, si velociter ob-  
structum non fuerit os loquentis iniqua. Cætera  
præsentium lator latius explicabit.

#### EPISTOLA CCCXXXVII (884).

AD INNOCENTIIUM PONTIFICEM, IN PERSONA FRANCIE  
EPISCOPORUM (885).

*Episcopi Gallie exponunt Pontifici quid actum sit in  
causa Petri Abaelardi, Bernardum ad disputationem  
in synodo provocantis, sed objectos sibi hæresum  
articulos respondere nolentis et ad Sedem apostoli-  
cam appellantis.*

Reverendissimo patri et domino INNOCENTIO, Dei  
gratia summo Pontifici, HENRICUS Senonensium  
archiepiscopus, CAUFRIDUS Carnotensis episcopus,  
sanctæ Sedis apostolicæ famulus (886), BELIAS Au-  
relianensis, HUGO Autissiodorensis, HATTO Trecen-  
sis, MANASSES Meldensis episcopi, devotas orationes  
et debitam obedientiam.

1. Nulli dubium est quod ea quæ apostolica fir-  
mantur auctoritate, rata semper existunt, nec ali-  
cujus possunt deinceps mutilari cavillatione, vel  
invidia depravari. Ea propter ad vestram apostoli-  
cam Sedem, beatissime Pater, referre dignum cen-  
suimus quædam, quæ nuper in nostra contigit tra-  
ctari præsentia: quæ quoniam et nobis, et multis  
religiosis ac sapientibus viris rationabiliter acta  
visa sunt, vestræ 309 Serenitatis expectantur com-  
probare iudicio, simul et auctoritate perpetuo robo-  
rari. Itaque, cum per totam fere Galliam in civitati-  
bus, vicis, et castellis, a scholaribus, non solum  
intra scholas, sed etiam triviatim; nec a litteratis  
aut provecitis tantum, sed a pueris et simplicibus,  
aut certe stultis, de sancta Trinitate, quæ Deus est,  
disputaretur, insuper alia multa ab eisdem, abso-  
na prorsus et absurda, et plane fidei catholicæ,  
sanctorumque Patrum auctoritatibus obviantia  
proferrentur: cumque ab his qui sane sentie-  
bant, et eas ineptias rejiciendas esse cense-

*Episcopi Franciæ domino Innocentio papa: ubi  
Franciæ nomine metropolis Senonensis intelligitur.  
Hinc in epistola 161, vox sanguinis Archembaldi,  
subdecani Aureliacensis, ad Innocentium clamare de  
Franciâ dicitur: et epistola 126, n. 4, Franciam a  
Burgundia distinguit. Franciæ tamen nomine etiam  
tunc secundæ Belgiæ magna pars comprehende-  
batur.*

(886) Id est legatus. Hoc nomine præ modestia nū  
solebat Gaufridus, ut legitur in chartario ecclesiæ  
Sancti-Stephani apud Drocas. Vicarii sanctæ sedis  
alii passim dicebantur.



bant (887), sæpius admoniti corripèrentur; vehementius convalescebant, et auctoritate magistri sui Petri Abælardi, et cujusdam ipsius libri, cui Theologiæ indiderat nomen, nec non et aliorum ejusdem opusculorum freti, ad astruendas profanas adinventiones illas, non sine multarum animarum dispendio, sese magis ac magis armabant. Quæ enim et nos et alios plures non parum moverant ac læserant, inde tamen quæstionem facere verebantur.

2. Verum dominus abbas Claræ-Vallis, his a diversis et sæpius auditis, imo certe in prætaxato magistri Petri Theologiæ libro, nec non et aliis ejusdem libris, in quorum forte lectionem inciderat, diligenter inspectis, secreto prius, ac deinde secum duobus aut tribus adhibitis testibus, juxta evangelicum præceptum, hominem convenit: et ut auditores suos a talibus compesceret, librosque suos corrigeret, amicabiliter satis ac familiariter illum admonuit. Plures etiam scholarium adhortatus est ut et libros venenis plenos repudiarent et rejicerent, et a doctrina quæ fidem lædebat catholicam, caverent et abstinerent. Quod magister Petrus minus patienter et nimium ægre ferens, crebro nos pulsare cœpit, nec ante voluit desistere, quoad ad dominum Claræ-Vallensem abbatem super hoc scribentes, assignato die, scilicet octavo Pentecostes, Senonis ante nostram submonuimus venire præsentiam, quo se vocabat et offerebat paratum magister Petrus ad probandas et defendendas, de quibus illum dominus abbas Claræ-Vallensis, quomodo prætaxatum est, reprehenderat, sententias. Cæterum dominus abbas nec ad assignatum diem se venturum, nec contra Petrum sese disceptaturum nobis remandavit. Sed quia magister Petrus interim suos nihilominus cœpit undequaque convocare discipulos, et obsecrare ut ad futuram inter se dominumque abbatem Claræ-Vallensem disputationem, una cum illo suam sententiam simul et scientiam defensuri venirent, et hoc dominum Claræ-Vallensem minime lateret; veritus ipse ne propter occasionem absentiae suæ tot profanæ, non sententiæ, sed insanix, tam apud minus intelligentes, quam earumdem defensores majore dignæ viderentur auctoritate; prædicto quem sibi designaveramus die, licet eum minime suscepisset, tactus zelo pii fervoris, imo certe sancti Spiritus igne succensus, sese nobis ultro Senonis præsentavit. Illa vero die, scilicet octava Pentecostes, convenerant ad nos Senonis fratres et suffraganei nostri episcopi, ob honorem et reverentiam sanctarum, quas in ecclesia nostra populo revelaturos nos indixeramus, reliquiarum.

(887) Ineptias vocabant veteres etiam gravissimas hæreses, ut observatum alias in Præfatione 2 Sæculi 3. Benedictini, n. 153. Hieronymus in epistola ad Alypium et Augustinum, agens de hæresi Cœlestiana, « Nec grande est ineptissimis nunciis respondere; » et Bernardus ipse rursus in sermone 65 in Cantica, n. 8.

(888) Id anno 1140 accidisse refert præter alios Hugo Sancti Mariani Chronographus, nulla tamen

3. Itaque præsentem glorioso rege Francorum Ludovico cum Wilhelmo religioso Nivernis comite, domino quoque Remensi archiepiscopo, cum quibusdam suis suffraganeis episcopis, nobis etiam et suffraganeis nostris, exceptis Parisiis et Nivernis, episcopis præsentibus, cum multis religiosis abbatibus et sapientibus, valdeque litteratis clericis, adfuit dominus abbas Claræ-Vallensis, adfuit magister Petrus cum fautoribus suis (888). Quid multa? Dominus abbas cum librum Theologiæ magistri Petri proferret in medium, et quæ adnotaverat absurda, imo hæretica plane capitula 310 de libro eodem proponeret, ut ea magister Petrus vel a se scripta negaret; vel, si sua fateretur, aut probaret, aut corrigeret; visus diffidere magister Petrus Abælardus, et subterfugere, respondere noluit: sed quamvis libera sibi daretur audientia, tutumque locum et æquos haberet judices, ad vestram tamen, sanctissime Pater, appellans præsentiam, cum suis a conventu discessit.

4. Nos autem, licet appellatio ista minus canonice videretur, Sedi tamen apostolicæ deferentes, in personam hominis nullam volumus proferre sententiam. Cæterum sententias pravi dogmatis ipsius, quia multos infecerant, et sui contagione adusque cordium intima penetraverant; sæpe in audientia publica lectas et relectas, et tam verissimis rationibus, quam beati Augustini, aliorumque sanctorum Patrum inductis a domino Claræ-Vallensi auctoritatibus, non solum falsas, sed et hæreticas esse evidentissime comprobatas, pridie ante factam ad vos appellationem damnavimus. Et quia multos in errorem perniciosissimum et plane damnabilem pertrahunt eas auctoritate vestra, dilectissime domine, perpetua damnatione notari, et omnes qui pervicaciter et contentiose illas defenderint, a vobis, æquissime Pater, justa pœna mulctari unanimiter et multa precum instantia postulamus. Sæpedito vero Petro si Reverentia vestra silentium imponeret, et tam legendi quam scribendi prorsus interrumperet facultatem, et libros ejus, perverso sine dubio dogmate respersos, condemnaret; avulsis spinis et tribulis ab Ecclesia Dei, prævaleret adhuc læta Christi seges succrescere, florere, fructificare. Quædam autem de condemnatis a nobis capitulis vobis, reverende Pater, conscripta transmisimus, ut per hæc audita reliqui corpus operis facilius æstimetis.

#### EPISTOLA CCCXXXVIII (889).

AD HAIMERICUM CARDINALEM ET CANCELLARIUM.

*Petro Abælardo hæreseos convicto, non debere apud cardinales et curiam Romanam patere refugium.*

Illustri viro et amico præcordiali HAIMERICO, san-

mentionem facta de revelatione reliquiarum, neque in Chronico S. Petri Vivi. De hac synodo agens Otto Frisingensis episcopus. Theobaldum palatinum comitem cum aliis nobilibus ei interfuisse scribit in libro primo de Gestis Friderici, cap. 48.

(889) Alias epistola 369: quæ vero antea 358 erat, nunc 401. Scripta anno Christi 1140. Vide epistolam 187 seqq. et Notas.

etæ Romanæ Ecclesiæ diacono cardinali et cancellario, BERNARDUS Claræ-Vallensis abbas, providere bona coram Deo et hominibus.

1. Sicut audivimus, sic vidimus libros et sententias magistri Petri Abaelardi: notavimus verba, signavimus mysteria, et mysteria iniquitatis inventa sunt. Theologus noster verbis legis legem impugnât. Sanctum projicit canibus, et margaritas porcis: fidem corrumpit simplicium, Ecclesiæ maculat castitatem.

*Quo semel est imbuta recrus servabis odorem  
Testa diu*

(HORAT. Epist. 1, II, 69.)

Transferat per ignem liber ejus, et inductus est in refrigerium. Jamque in Ecclesia hostis Ecclesiæ, fidei persecutor, in gremio fidei requiescit. Effusus est sicut aqua. Non crescat qui ascendit cubile patris sui, et maculavit stratum ejus. Maculavit Ecclesiam homo ille, rubiginem suam simplicium mentibus affricuit. Cum ea ratione nititur explorare quæ pia mens fidei vivacitate apprehendit. Fides piorum credit, non discutit. Sed iste Deum habens suspectum, credere non vult nisi quod prius ratione discussit. Cumque propheta dicat, *Nisi credideritis, non intelligetis* (Isai. vii, 9, sec. LXX): iste fidem voluntariam nomine redarguit levitatis, abutens illo Salomonis testimonio, *Qui credit cito, levis est corde* (Ecclesi. xix, 4). Reprehendat ergo beatam virginem Mariam, quoniam cito credidit angelo nuntianti, et dicenti: *Eccce concipies et paries filium* (Luc. 1, 31). Redarguat et illum in extrema linea vitæ credentem verbo morientis et dicentis: *Hodie mecum eris in paradiso!* (Id. xxi, 43). Laudet e regione duritiam **311** cordis illorum, quibus dictum est: *O stulti et tardi corde ad credendum in omnibus quæ locuti sunt Prophetæ!* (Id. xxiv, 25.) Commendet etiam illius tarditatem, cui dictum est: *Pro eo quod non credidisti verbis meis, eris tacens, et non poteris loqui* (Id. 1, 20).

2. Denique ut pro brevitate epistolæ de multis pauca dicam: doctor egregius cum Ario gradus et scalas in Trinitate disponit; cum Pelagio liberum arbitrium gratiæ præponit; cum Nestorio Christum dividens, hominem assumptum a consortio Trinitatis excludit. Sed in his omnibus gloriatur quod cardinalibus et clericis curiæ scientiæ fontes aperuerit, quod manibus et sinibus Romanorum libros et sententias suas inluserit; et in tutelam sui erroris assumit eos a quibus judicari debuit et damnari. Jacinctus multa mala ostendit nobis (890): non fecit tamen, non quia non voluit, sed quia non potuit. Verum æquanimiter ferimus, cum nec personæ domini Papæ, nec curiæ in curia illa pepercit Cæ-

tera autem quæ vidit et audivit Nicolaus iste meus, imo et vester, viva melius referet voce.

#### EPISTOLA CCCXXXIX (891).

AD PAPAM INNOCENTIUM.

*Alvisi Atrebatensis episcopi innocentiam adversus calumniatores ejus asserit.*

Amantissimo patri et domino, Dei gratia summo Pontifici INNOCENTIO, BERNARDUS Claræ-Vallis abbas vocatus, modicum id quod est.

Nec novum nec mirum est humanum animum posse falli vel fallere. Cavendum et hoc et illud, quia utrobique periculum. Ad utrumque cautelam vobis apposuit magni consilii Angelus, quando dixit, *Estote prudentes sicut serpentes, et simplices sicut columbæ* (Matth. x. 16), ut nec prudentia decipi, nec simplicitas decipere posset. Marcianenses monachi (892) venerunt ad vos in spiritu mendacii et spiritu erroris, adversus Dominum, et adversus christum ejus. Verbum iniquum constituerunt adversus Atrebatensem episcopum, cujus conversationis et vitæ bonus odor fuit hactenus in omni loco. Qui sunt isti, qui ut canes mordent, qui dicunt bonum malum, qui ponunt lucem tenebras? qui sunt isti, qui contra legem maledicunt surdo, et coram cæco ponunt offendiculum? (Levit. xix, 14.) Quare, domine, irasceris in filium tuum? quare lætificasti inimicos ejus? Ubi est illud apostoli, *Nolite omni spiritui credere, sed probate spiritus si ex Deo sunt?* (I Joan. iv, 1.) In Domino confido quia dissipabitur consilium eorum, et, cum apparuerit quod verum est, evacuabitur quod ex falso est, ut mentita sit iniquitas sibi. Auribus nostris audivimus quam fideliter, quam constanter locutus sit in conspectu Regis et principum pro fidelitate Romanæ Ecclesiæ. Veniet ad vos in innocentia sua in die vocationis suæ: præmisit ante filium suum archidiaconum præsentium latorem, cujus personam et mores vestræ mansuetudini commendamus. De cætero venit ad vos abbas Sancti-Vedasti (895), homo plane inimicus sibi, suis, et ecclesiæ suæ, homo qui accepit in vanum nomen abbatis: quærît enim quæ sua sunt, non quæ Jesu Christi. Sed et qualis pater, talis et filius qui cum eo est: qui nec conscientiæ, nec suæ famæ pepercit. Subsannatio et illusio his qui in circuitu ejus sunt: G. loquor monachum ejus. Spiritus veritatis det vobis dividere lucem a tenebris, det vobis reprobare malum et eligere bonum.

#### 312 EPISTOLA CCCXL (894).

AD EUNDEM INNOCENTIUM PAPAM.

*Pro episcopo Andegavensi.*

Amantissimo domino et patri, Dei gratia summo Pontifici INNOCENTIO, BERNARDUS Claræ-Vallensis abbas, modicum id quod est.

(895) Gualtero nomen erat, cujus successor ab anno 1147 Guerrius, de quo in epistola 284. Pur-gatur in Gallia Christiana, quod nihil in eum ab innocentio decretum sit.

(894) Epistola nova: quæ vero antea 340 erat, nunc 403. Scripta circa annum 1140.

(890) Vide epistolam 189.

(891) Alias epistola 327: quæ vero ante 339 erat, nunc 402. Scripta circa annum 1140.

(892) Marcianense Ordinis S. Bened. nobile monasterium ad Scarpam, diocesis Tornacensis, a sancta Rictrude conditum sæculo septimo.

Fractus jam ætate, laboribus, periculis, Andegavensis episcopus (895), cujus pectus non moveat, nisi ejus qui viscera misericordiæ, qui omnem humanitatis exiit affectum? Hæc me movent pro homine illo, cujus senectutem, si unum excipitur factum, venerabilem facit et vita et scientia. De quo quoniam quid peractum sit inter ipsum et abbatiam, nondum cognovimus, nihil scribere præsumimus de re incognita. Sed, si constiterit eum fecisse quod promisit, nihil jam superesse credimus, nisi ut plenitudini gratiæ et officii sui restituatur.

#### EPISTOLA CCCXLI (896).

AD MALACHIAM HIBERNIÆ ARCHIEPISCOPUM.

*Frates, litteras, et baculum, ab eo missa grato animo suscipit. Locum Religiosis idoneum præparari jubet: seque ejus orationibus commendat.*

Venerabili domino et beatissimo patri MALACHIÆ, Dei gratia Hiberniensium archiepiscopo (897), apostolicæ Sedis legato, frater BERNARDUS Claræ-Vallis vocatus abbas, invenire gratiam apud Dominum.

1. Inter multiplices æstus et curas pectoris mei, præ multitudinem quarum anima mea turbata est valde, fratres de terra longinqua venientes, ut serviant Domino, epistola tua, et baculus tuus ipsa me consolata sunt: epistola in ostensione bonæ voluntatis, baculus ad sustentandum corpus infirmitatis, fratres qui Deo serviunt in spiritu humilitatis. Omnia suscepimus, omnia placent, omnia pariter coeperantur in bonum. Quod autem voluistis duos de fratribus mitti vobis ad prævidendum locum (898); communicato cum fratribus consilio, dignum duximus non eos separandos ab invicem, donec plenius in eis formetur Christus, donec ad integrum doceantur prælia Domini. Cum igitur fuerint in schola sancti Spiritus eruditi, cum induti virtute ex alto; tunc demum ad patrem filii revertentur, ut cantent canticum Domini, non jam in terra aliena, sed in sua.

2. Vos autem interim juxta sapientiam vobis datam a Domino, secundum habitudinem locorum quæ vidistis apud nos, prævidete et præparate eis locum a tumultibus sæculi separatum. Tempus enim prope est, in quo vobis, operante Dei gratia, novos de veteribus homines producemus. Sit nomen Domini benedictum in sæcula, de cujus munere venit, ut communes habeam filios vobiscum, quos vestra prædicatio plantavit, nostra exhortatio rigavit, Deus

895) Ulgerius, ad quem epistola 200.

(896) Alias epistola 315: quæ vero antea 341 erat, nunc 383. Scripta circa annum 1140.

(897) Usserius hanc epistolam inter Hibernicas refert, ubi contra Johannem Picardum observat, Armachanos antistites ante pallii usum, qui nonnisi anno 1150 ipsis concessus est, dictos fuisse archiepiscopos, atque metropolitani potestate usos. Usserius in primis movet archiepiscopi nomen in Malachia, qui ante aliquot annos relicto archiepiscopatu, Dunensis episcopatus administrationem suscepit, Vitæ capite 14. Sed archiepiscopi nomen ob pristinam dignitatem ei tribuere potuit Bernardus: qui tamen in sequentibus episcopum tantum

autem incrementum dedit. Sanctitatem vestram rogamus ut verbum Domini prædicetis, ad dandam scientiam salutis plebi ejus. Duplex enim vobis incumbit necessitas, et ex officio legationis, et episcopali negotio. De cætero, quoniam in multis offendimus omnes (Jacobi III, 2), et inter homines sæculi frequenter positi multum de pulvere mundi contrahimus; vestris et vestrorum orationibus me commendo, ut in fonte misericordiæ suæ nos 313 lavare et emaculare dignetur ipse fons pietatis Jesus Christus, qui dixit Petro: *Nisi laveris te, non habebis partem mecum* (Joan. XIII, 8). Sed et hoc ipsum, non solum precibus, verum etiam quasi ex debito requiro, cum ego clamem ad Dominum pro vobis, si quid possit peccatoris oratio. In Domino valete.

#### EPISTOLA CCCXLII (899).

AD JOSLENUM EPISCOPUM SUSSIONENSEM.

*Archiepiscopum Burdegalensem apud regem purgari postulat.*

Venerabili domino et dilectissimo patri JOSLENO, Dei gratia Suessionensi episcopo, BERNARDUS Claræ-Vallensis abbas, invenire gratiam apud Dominum.

1. Injuria regni est et principum ejus, si negotia regis de sinu ipsius cum impetu procedant ad publicum, et non tam circumspecto quam præcipiti explicentur consilio. Placet mihi, et multum placet quoniam rex credit vobis, et confidit in vobis. Scio enim quia regem et honorem regni bona æmulatione æmulamini, et scio nihilominus spiritum consilii esse vobiscum. Ita oportet: hic ordo, hæc ratio, hic modus videndus est in viro consilii, ut diligat, et sapiens sit. In ore duorum istorum, id est dilectionis et sapientiæ, stabit omne verbum consilii. Hæc duo, si in unum convenient, poterit eructare verbum bonum, et discere opera faciendi regi. Cæterum, si vel dilectio prudentiam, vel prudentia dilectionem solam in administratione consilii deseruerit, vae terræ, cujus rex puer erit! In consilium eorum non veniat anima mea, qui vel diligentes me, prudentes non sunt, vel prudentes, me non diligunt. Sic enim cecidit miser ille Adam de gradibus æternitatis, quando abiit in consilio impiorum, Evæ diligentis, sed non prudentis; serpentis prudentis, sed minime diligentis.

2. Quid est quod dominus meus rex archiepiscopum Burdegalensem (900) attrahere nititur in causam sine causa? Vestrone id agitur consilio? Absit

vocat.

(898) Id est situm Melli-Fontis monasterii, anno 1141 conditi in diocesi Armachana, præfecto Melli-Fonti abbate Christiano, de quo in epistola nunc 357, n. 3. De hoc monasterio in Actis S. Malachiæ et S. Bernardi, et in epistola 254, apud Chesium tomo 4.

(899) Epistola nova: quæ vero antea 342 erat, nunc 383. Scripta anno Christi 1140. Vide epistolam 223.

(900) Is tum erat Gaudfridus de Loratorio, cui nondum archiepiscopo scripta est epistola 125. In editis hæc male directa scribitur ad Joannem



a vobis istud consilium! absit a me ista suspicio! Quid tandem mali fecit homo ille? Quod electam pari Pictaviensium pace, et voto, et voce, personam (901) canonica libertate consecravit! quod pecuniam Pictaviensium, quam moriens dispersit, dedit pauperibus et ecclesiis, de faucibus esurientium, de sinu Ecclesiæ non extraxit! En sanguis iste de manu ejus exquiritur. Si culpa est quod ovibus errantibus assignavit pastorem, quod pupillum et viduam non spoliavit, quod privilegia apostolicæ Sedis illibata conservavit, non potest excusari. O consilium sine consilio, in quo iustitia pro scelere, et innocentia pro crimine reputatur! Attendite vobis, episcopi: vestra enim res agitur, paries cum proximus ardet (HORAT. *Epist.* I, II, 84).

3. Vobis tamen, domine, quoniam et lateri regis arctius adhæretis, et ex nutu vestro ipsius pendent negotia; vobis incumbit pro consortibus vestris id agere cum rege, ut non accendat omnem iram suam. Dico vobis, homo ille imperterritus est, homo potens in opere et sermone: vix poterit avelli a suo jure. Magnum enim locum obtinet in terra illa. Si res turbata fuerit, multi permanebunt cum eo in tentationibus ejus. Videte ergo, ne quis oleum flammæ adiciat. Exstinguatur ignis, antequam convalescat incendium:

*Sero (enim) medicina paratur,  
Cum mala per longas convaluere moras.  
(OVIDIUS, De remed. amor., 91, 92).*

### 314 EPISTOLA CCCXLIII (902).

BERNARDI ABBATIS ITALI AD INNOCENTII.

*Conqueritur quod in monasterio Salvatoris omnia secundum Pontificis promissa non contigerint.*

Desiderabili domino et delectissimo patri, Dei gratia summo Pontifici INNOCENTIO, servus ejus BERNARDUS, preces pauperum.

Coarctor e duobus, quoniam et pudor silentium imperat, et necessitas jubet loqui. Loquar ergo ad dominum, cum sim pulvis et cinis: loquar autem in amaritudine animæ meæ. Conquerimur, domine, de te, sed apud te: et querela quidem in umbra est, sed causa querelæ jam in sole posuit tabernaculum suum. Factum ut imperasti: venimus ad monasterium Sancti-Salvatoris (903) sicut mandaveras in litteris tuis servo tuo, patri nostro. Ubi est ergo nunc expectatio mea, et tua promissio? Transivimus per ignem et aquam: et, nisi quia Dominus erat in nobis, forsitan aqua absorbuisset nos. Periculis latronum et fluminum, periculis in civitatibus et solitudine, periculis in terra et in mari fatigati sumus, et non fuit qui adjuvaret. Hæc omnia vene-

runt super nos: sed nondum statim finis. Litteris tuis, domine, extracti sumus de sinu patris nostri, et ad unius jussionis vocem, relictis fratribus et patre. in odore præceptorum tuorum cucurrimus. Litteris tuis excussi sumus a gremio matris nostræ, et ab uberibus consolationis ejus: ejeti sumus de loco voluptatis, et opposuisti, domine, flammeum gladium, ne revertamur, et utinam versatilem. Cecidit corona capitis nostri, versus est in luctum chorus noster. Quomodo cantabimus, domine, canticum Domini in terra aliena? O quanto dulcius et securius fuerat nobis exsultare animas nostras in sinu matris nostræ, et in cubiculo genitricis nostræ! Sic cucurrimus, quasi in incertum; sic pugnavimus, quasi aerem verberantes: sed tua, domine, promissio fuit in causa, quam credidimus gratia plenam et veritate. Nunc autem (jam enim hiems abiit et recessit), si ita placet domino meo, egrediamur ad videndum, ubi inveniamus requiem pedibus nostris: quoniam usque adhuc prohibuit nos grandio, nix, glacies, et spiritus procellarum. Crudelissimum quippe videtur, et ab omni humanitatis officio longe remotum, illum (904) fraudare a desiderio suo, qui nos prius cepit amare quam nosse, qui nos patris affectu in filios adoptavit, adeo ut, si fieri potuisset, oculos suos eruisset, et dedisset nobis. Non habuit ubi caput suum reclinaret Rex meus et Deus meus, cujus regnum non erat de hoc mundo: utinam et mundus nos abiciat et repellat in solitudinibus errantes, in montibus, et speluncis, et cavernis terræ!

### EPISTOLA CCCXLIV (905).

EJUSDEM BERNARDI AD SANCTUM BERNARDUM.

*Præfecturam sibi impositam conqueritur.*

Venerabili domino et dilectissimo P. (906) abbati Claræ-Vallis, filius ejus B. unctionem illam quæ docet de omnibus..

Quotiescunque memoriz occurrit dies illa miseræ et calamitatis in qua avulsus sum ab uberibus consolationis vestræ, flere magis libet quam aliquid scribere. Si tanta esset ubertas orationis quanta lacrymarum, facile vobis esset intelligere super egenum et pauperem. Accessit ad meditationem animus, manus 315 ad calamum, et dolor meus renovatus est. Obviavit mihi scribenti illa amaritudo mea amarissima, et illa tristis imago diei illius in qua stultitia elevata est super candelabrum, et factus sum conturbatus. Non ego reprehendo, domine, vel opus, vel intentionem vestri operis, quod in digito Dei esse creditur: sed plango paululum dolorem meum. Ecce enim, postquam projectus sum quo infra.

(905) Epistola nova: quæ vero antea 344 erat, nunc 315. Scripta anno Christi 1140.

(906) Id est, Patri, scilicet Bernardo: nam hanc epistolam ad S. Bernardum scriptam fuisse constat, et quidem a Bernardo illo qui postea abbas fuit Sancti-Anastasio ad Aquas-Salvias prope Romam, ac demum pontifex sub nomine Eugenii III. Ejusdem est præcedens, uti et epistola 428. Hæc omnes sub Bernardi nomine primum vulgate sunt.

(901) Grimoardum, ex abbate B. Mariæ de Alodiis: cujus electio, anno 1140 facta, aliquandiu suspensa fuit per Ludovicum VII.

(902) Epistola nova: quæ vero antea 345 erat, nunc 384. Scripta anno Christi 1140.

(903) Hoc monasterium hactenus existit, octo millibus a Farfensi dissitum, eidemque subjectum: in quod monachi Farfenses æstate commigrant. Confer epistolam 184, et ibi Notas.

(904) Nempe Atenulfum abbatem Farfensem, de

a facie oculorum tuorum, defecit in dolore vita mea, A et dies mei in gemitibus. Heu mihi! quia perdidisti formam cui imprimebar, speculum compositionis meæ, lumen oculorum meorum! Jam non sonat vox illa dulcis in auribus meis, nec facies illa decora meis aspectibus apparet, quam mei errores erubescere solebant. Quare, domine, frustratus sum a spe mea? quare fraudatus a desiderio meo? Præcisa est velut a texente vita mea; dum adhuc ordire, succus sum. Completa est in me miserabilis illa sententia, et sicut in Canticis canticorum, domine, dixisti, hodie lego in libro experientiæ illud: *Homo, cum in honore esset, non intellexit (Psalm. XLVIII, 15)*. Non enim satis intelligebam, cum essem in Clara-Valle, me esse in loco voluptatis, inter ligna paradisi; et ideo pro nihilo habui terram desiderabilem. Quid, domine, quid in me placuit considerationi tuæ, quod me posuisti ducem ac præceptorem gentibus, quod me constituisti principem populi tui? Numquid conversatio mea in sæculo? Sed illa feida fuit. Numquid illa in monasterio? Sed illa tarda et tepida fuit. Quare, cum essem parvus in oculis meis, caput factus sum in tribu Israel? quare, cum non essem mundus ab occultis meis, ab alienis non pepercisti servo tuo? Quid faciet homo, quem de præteritis urget dolor, de præsentibus labor, et timor de futura? Ad summam doloris, et cumulum miseriæ meæ, hoc solum tibi dicere præsumo, domine desiderabilis, quia non expectato vulnus ab hoste tuli (Ovid.). Cæterum, domine, ut de loco loquar ad quem me misisti, sic cucurri quasi in incertum, sic pugnavi, quasi aerem verberans. Nam dominus papa, cujus litteris evocati sumus, promissionem quam de ejusdem loci confirmatione fecerat, opere non complevit, sicut et præsens tempus probat. Dominus Fars (907) ad introitum nostrum gavisus est gaudio magno, ut in toto corde suo pueros vestros recepit, ita ut, si fieri posset, oculos suos eruisset, et dedisset nobis. In hoc solum reprehensibilis est, et corrigendus est a vobis, quod omnia faciat vehementer, et ultra promissionem suam et nostram voluntatem. Quoniam sermo jam in longum processit, de interiori meo homine nihil brevius, nihil verius dicere possum, nisi quia laterem lavo.

## EPISTOLA CCCXLV (908).

AD FRATRES DE SANCTO ANASTASIO (909).

Commendat eorum in religiosa disciplina zelum et

(907) Legendum, *Farfensis*, cujus loci abbas Ate-nulfus monachos a Bernardo petierat. Vide librum tertium Vitæ S. Bernardi, cap. 7, n. 25.

(908) Alias epistola 321: quæ vero antea 345 erat, nunc 321. Scripta anno Christi 1140.

(909) Nunc Romæ ad Tres-Fontes, unde assumptus Eugenius III, antea Bernardus dictus, supra.

(910) Mirum nostris temporibus paradoxum: sed saltem hic locus, cum alio ex sermone 50 in Cantica comparatus, monachos, qui odium carnis suæ proflentur, ab immodica valetudinis cura revocare deberet exemplo veterum monachorum, qui quidem aliquando medicos ad temperandam victus rationem (ut in Vita Pachomii de Palæmone, cap. 1) remedia arte quesita, sed rarius, admittēbant. Quin etiam

observantiam. Attamen nimium valetudinis per medicinas tuendæ studium improbat.

Dilectissimis in Christo filiis nostris de Sancto-Anastasio, frater BERNARDUS Claræ-Vallis vocatus abbas, salutem et devotas orationes.

1. Testem habeo in cælis, quam multum omnes vos cupiam in visceribus Jesu Christi, quanto, si fieri posset, desiderio desiderarem videre vos, non propter vos tantum, sed propter me, cui magnum certe solatium et prægrandis esset lætitia amplecti viscera mea, gaudium meum, et coronam meam, quod estis vos. At quoniam id nondum conceditur (concedetur enim, sicut bene confido de misericordia Dei, et erit quando videbimus vos, et gaudebit cor nostrum, et gaudium 316 nostrum nemo tollet a nobis); interim certe magna mihi est consolatio et lætitia multa in his quæ de vobis audivi per dilectissimum fratrem et coabbatem nostrum venerabilem Bernardum vestrum. Multam enim vobis habeo gratiam, quod tam bene sibi complacet in vobis pro disciplina vestra et Ordinis zelo, pro obedientia et voluntaria paupertate, pro quibus sine dubio merces vestra multa est in cælis. Unde rogo vos, fratres, et multum obsecro, sic agite, et sic state in Domino, dilectissimi, solliciti semper circa custodiam Ordinis, ut Ordo custodiat vos: solliciti servare unitatem spiritus in vinculo pacis (*Ephes. iv, 3*); mutuam in vobismetipsis, maximeque ad prælatos, charitatem humilem habentes, quæ est vinculum perfectionis (*Coloss. iii, 14*). Humilitatem ante omnia, super omnia pacem sectamini, propter inhabitantem spiritum Dei in vobis, qui non nisi super quietum et humilem requiescit (*Isai. LXVI, 2*).

2. Cæterum unum quidem a me petit venerabilis abbas vester, quod mihi minime bonum videtur. Credo autem quod et ego spiritum Dei habeam, et consilium Dei in hoc. Scio quidem quod in regione habitatis infirma, et multis aliqui ex vobis laborant infirmitatibus: sed mementote ejus qui dixerit: *Libenter gloriabor in infirmitatibus meis, ut inhabilet in me virtus Christi*; et: *Cum infirmor, inquit, tum fortior sum (II Cor. xii, 9, 10)*. Compatior utique, et multum ego compatior infirmitati corporum: sed timenda multo magis, ampliusque cavenda infirmitas animarum. Propterea minime competit religioni vestræ medicinas querere corporales, sed nec expedit saluti (910). Nam de vilibus eundem herbis,

Cistercienses medicamina suis indulgebant, ut constat ex epistola nunc 405, et ex Herberto, libro 3, cap. 15; nec Bernardus in hac epistola denegat, sed quas hortus et nativæ herbarum species suppeditent, non quas medicorum apothecæ. Interim sequentes, si lubet, auctores, super hoc problemate non inutiliter leges: S. Basilium, in Reg. fus. disp. cap. 35; Cassiodorum, libro Instit. divin. cap. 51; Estium, Cornel. et Oliv. Bonart. in cap. 38 Eccl. Rossignol. De vita relig. libro ii, cap. 12; Nigronium in Reg. comm. 17; Franciscum Arias, De mortif.; Blossium, ultim. edit. p. 654; Molanum, libro De sanctis medicis; Rodriguez, iii p. tract. 5, cap. 17; Platum De bono statu libro iii, cap. 28; Barradum in Evang. tomo II, libro v, cap. 20.

et quæ pauperes deceant, interdum aliquid sumere, A tolerabile est, et hoc aliquando solet fieri. At vero species emere, quærere medicos, accipere potiones, religioni indecens est, et contrarium puritati, maximeque Ordinis nostri nec honestati congruit nec puritati. Hæc enim omnia gentes inquirunt. Scimus autem quia qui in carne vivunt, Deo placere non possunt (Rom. viii, 8). Spiritualia proinde spiritualibus comparanda (I Cor. ii, 13), et quærenda potio humilitatis, et clamandum in toto corde: Sana animam meam, domine, quia peccavi tibi (Psal. xl, 5). Huic sanitati, fratres dilectissimi, oseram date; hanc sectamini, hanc servate, quia vana salus hominum.

#### EPÍSTOLA CCCXLVI (911).

AD DOMINUM INNOCENTIUM PAPAM.

*Hortatur Pontificem, ne causæ archiepiscopi Eboracensis, utpote iniquæ, faveat.*

Amantissimo patri et domino, Dei gratia summo Pontifici INNOCENTIO, BERNARDUS Claræ-Vallensis vocatus abbas, modicum id quod est.

Cum multi sint vocati, pauci vero electi (Matth. xx, 16, et xxii, 14), non est magnum argumentum ad faciendam rei dubiæ fidem, id esse laudabile quod a multis laudatur. Archiepiscopus Eboracensis venit ad vos (scilicet nos), ille, de quo jam sæpenu-mero scripsimus Sanctitati vestræ, homo qui non posuit Deum adiutorem suum, sed speravit in multitudine divitiarum suarum. Causa ejus infirma est, et languida: et, sicut virorum veracium attestatione deprehendimus, a planta pedis usque ad verticem non est sanitas in ea. Quid ergo? quid quærit homo sine justitia apud examinatorem justitiæ, apud custodem æquitatis? Itane arbitratur se posse absorbere justitiam in curia, sicut eam absorbit in Anglia? Absorbit fluvium, et non miratur, et habet fiduciam quod influat Jordanis in os ejus. Ecce ille venit cum multis, quos astipulavit sibi et precibus et pretio. Solus iste evasit, ut nuntiaret tibi: solus iste in periculum capitis sui opposuit se murum pro domo Israel, qui cum aliis non adoravit statuam ad imperium regis. Solus est, nisi quia justitia non reliquit eum solum. Illa obviavit filio suo, quasi mater honorificata (Eccli. xv, 2). Quid ergo faciet Vicarius Petri in negotio isto, nisi quod fecit Petrus cum illo qui domum Dei æstimavit pecunia possideri? (Act. viii, 20). Si supra petram fundata est Ecclesia, portæ inferi non prævalent adversus eam (Matth. xvi, 18). Non loquor

(911) Alias epistola 577: quæ vero antea 346 erat, nunc 405. Scripta circa annum 1141. Vide epistolam 235.

(912) Alias epistola 378: quæ vero antea 347 erat, nunc 391. Scripta circa annum 1141.

(913) Indubie hi sunt abbas et monachi Fontanenses, qui maxime intruso adversi erant, uti et monachi Rievallenses, de quibus in binis epistolis sequentibus, nempe in epistolis 353 et 360.

(914) Alias epistola 388: quæ vero antea 348 erat, nunc 407. Scripta anno Christi 1141.

(915) Arnulfus ex archidiacono Sagiensi erectus anno 1141 in sedem Lexoviensem, Orderico passim

hoc a me ipso, sed ad testimonium illorum qui spiritu Dei aguntur.

#### EPÍSTOLA CCCXLVII (912).

AD EUNDEM DOMINUM INNOCENTIUM PAPAM.

*Commendat nuntios, causâ archiepiscopatus Eboracensis Romam petentes.*

Amantissimo patri et domino INNOCENTIO summo Pontifici, frater BERNARDUS, Claræ-Vallensis vocatus abbas, modicum id quod est.

Hic quos videtis, viri sunt simplices et recti ac timentes Deum. Et nunc in spiritu ascenderunt ad conspectum gloriæ vestræ, justitiæ utique solius intuitu et obtentu. Ponite, quæso, oculos vestros super fatigatos pauperes (913), quia non sine causa de longe ad vos veniunt, nec longa terrarum spatia, nec maris periculum, nec Alpium nives, nec sumptus grandis viæ, cum pauperes sint, reputantes. Provideat ergo dominus meus, ne cujus fraus vel ambitio tantos labores evacuare prævaleat: præsertim cum non quæ sua sunt quærant, sed quæ Jesu Christi. Neque enim vel inimicum arbitror suspicari eos privato amore vel odio in id negotii excitatos, sed solo timore Dei. Itaque, si quis Dei est, jungatur eis. Si deinceps terram occupaverit arbor infructuosa, cujus culpam dixerim, nisi tenentis securim?

#### EPÍSTOLA CCCXLVIII (914).

AD EUNDEM INNOCENTIUM.

*Pro Arnulfo Lexoviensi episcopo electo (915).*

Amantissimo patri et domino, Dei gratia summo Pontifici INNOCENTIO, BERNARDUS Claræ-Vallensis vocatus abbas, modicum id quod est.

1. Benedictus Deus et Pater Domini nostri Jesu Christi, qui Ecclesiam suam, immaculatam sponsam dilecti Filii sui, in diebus nostris liberam et absolutam a tribulationibus malorum custodivit et dolore. Schismata corruerunt, hereses siluerunt (916), superborum et sublimium colla calcantur. Et quidem in schismate vidi impium superexaltatum, et elevatum sicut cedros Libani; et transivi, et ecce non erat. In hæresi multorum redidivi pullulabant errores, sed obstructum est os loquentium iniqua. Tyrannus Siciliæ (917) extulerat in altum cor suum, sed jam humiliatur sub potenti manu Dei. Nullus gradus prætermisus est, de quo non acceperit victoriam per vos Ecclesia Dei, in manu potenti et in brachio excelso.

2. Superest tamen in tertio gradu comes (918) Arnulfoviensem, in Neustria, vir doctus, scriptis epistolis clarus, de cujus electione etiam Petrus Venerabilis ad Innocentium scripsit, quæ est libri quarti epistola 7. Hæc Bernardi epistola primum a Joanne Picardo edita est ultima, n. 597, ab Horatio dein omissa, et recusa in Spicilegii tomo tertio. De eodem Arnulfo agit epistola 248.

(916) Anacleti et Victoris schismata intelligit. hæreses Petri Abaelardi.

(917) Scilicet Rogerius.

(918) Gaufridus, cognomento Planta-Genestus, Fulconis Jerosolymorum regis filius, Henrici II Anglorum regis pater.



degavensis, malleus bonorum, oppressor pacis et libertatis Ecclesiæ. Persequitur ecclesiam Lexoviensem, ut non introitum habeat pastor ecclesiæ illius in ovile ovium, nisi aliunde. Sed quod factum est, non potest non fieri. Denique si res ipsa habeat diligentem inspectorem, et prudenter examinetur; ad commodum causæ, et ad rei gestæ confirmationem, omnia cooperantur in bonum, persona, negotium, auctor operis, impugnator. Si enim ad personam respicias, hic est filius tuus dilectus, in quo tibi complacuit. **318** Si ad negotium, ordine integro et canonica libertate consummatum est. Si ad auctorem operis, vir religiosus est, et timens Deum. Si ad operis impugnatores, ecce homo qui non posuit Deum adiutorem suum, hostis Ecclesiæ, inimicus crucis Christi. In omni siquidem negotio validissimum argumentum est ad faciendam rei dubiæ fidem, id semper esse melius, quod placeat bonis, malis autem displiceat. Sed appellavit Sedem apostolicam comes Andegavensis. Quare obsecro? qua læsione? quo gravamine urgente? Non quia opprimeretur, sed quia opprimeret; non ut injuriam suam relevaret appellationis remedio, sed ut benedictionem istius obstaculo appellationis impediret.

3. Cum itaque et religio promoventis, et promoti dilectio, et causæ justitia confluant in unum; superfluum videtur et vanum rogare pro eo, ubi ejus humilitas postulat. Loquar ergo ad dominum meum, cum sim pulvis et cinis. Loquar servus sponse ad amicum Sponsi: jucundum sit eloquium meum. Tibi, domine, commissa est Ecclesia a solis ortu usque ad occasum. Tu ei debes esse murus et antemurale a facie inimici et persequentis; tu debes fovere filios ejus sub umbra alarum tuarum. Suscipe Lexoviensem episcopum, uterinum filium Romanæ Ecclesiæ, et remitte eum in benedictionibus dulcedinis, nequando dicat inimicus ejus: Prævalui adversus eum. Accingere gladio tuo, Pater, ad exaltationem filii, ad depressionem inimici, ad conservandam Ecclesiæ libertatem. Non enim sumus ancillæ filii, sed liberæ, qua libertate liberavit nos Christus.

## EPISTOLA CCCXLIX (919).

AD EUMDEM.

*Amicum Pontifici commendat.*

Amantissimo Patri et domino, Dei gratia summo Pontifici INNOCENTIO, frater BERNARDUS Claræ-Vallis vocatus abbas, modicum id quod est.

Gratiam quam inveni in oculis vestris, nolo habere solus: cum amicis eam volo dividere. Non enim timeo, ne forte non sufficiat mihi et illis. Magna enim est. Multos possum facere participes ejus: veruntamen ego exinanitus non ero. Quod igitur gratis accepi, gratis dabo: et liberalem me facit

(919) Alias epistola 330: quæ vero antea 349 erat, nunc 408. Scripta circa annum 1141.

(920) Alias epistola 331: quæ vero antea 350 erat, nunc 409. Scripta circa annum 1141.

(921) Epistola nova: quæ vero antea 351 erat, nunc 522.

PATROL. CLXXXII.

A vestra liberalitas, sed de vestro. Præsentium latorem, virum commendabilem, vobis commendamus. Amicus est, domine, pauperum Christi, et servus servorum tuorum, Peto, domine, si quid habuerit apud tuam Excellentiam, ut eum solita pietate pro nobis exaudias, imo pro ipso, qui talis est, ut per se tantum merito debeat exaudiri.

## EPISTOLA CCCL (920).

AD EUMDEM.

*Propinquum suum benedictione Pontificis muniri rogat.*

Juvenis iste magnanimus (ut aiunt) et strenuus in opere militari, ut meliorem militet militiam, proficiscitur Jerusalem. Rogat puer vester rogatus ab ipso, ut in bono opere quod cepit, vestram mereatur percipere consolationem, sed favorem, sed orationem, sed benedictionem. Propinquus noster est, et carnem meam juxta prophetam, non debui despicisse (*Isa. LVIII, 7*).

**319** EPISTOLA CCCLI (921).

AD EUMDEM INNOCENTII.

*Pauperes quosdam commendat.*

Frequenter scribo vobis. Preces et litteras meas habetis per singulos dies. Coarctor et duobus, ne aut amicis ingratus sim, aut vobis importunus. Dilectio me provocat, sed revocat confusio, et pene pudor excludit officium charitatis. Non habet sponsa Christi, ubi caput reclinet, ubi confugiat, nisi ad amicum Sponsi in tempore tribulationis. Isti, quos videtis pauperes, a pauperibus missi per multa pericula terræ et maris, confugiunt sub umbra alarum vestrarum, ad petram fidei catholice, et ad gremium apostolicæ pietatis recurrunt: quia in multis vexati, in paucis bene disponuntur a tribulatione malorum et dolore. Si vestri apostolatus officium, si veterem consuetudinem tenetis, nec pauperis causas potestis abjicere, nec vultum honorare potentis. Precamur vos pro eis, quoniam fratres nostri sunt, et de Ordine nostro, a quibus missi sunt, ut precibus eorum pro ratione autem pietatis inclinetis, pro amore illius qui non spernit preces pauperum.

## EPISTOLA CCCLII (922).

SEU INNOCENTII II PAPÆ PRIVILEGIUM SANCTO BERNARDO CONCESSUM (923).

*Innocentius Bernardo atque Ordini Cisterciensi amplissima privilegia concedit ob præclara ejus in Sedem apostolicam merita.*

INNOCENTIUS episcopus servus servorum Dei, dilecto filio BERNARDO Claræ-Vallensi abbati, ejusque successoribus regulariter substituendis in perpetuum, etc.

Cæterum quam firma perseverantique constantia causam beati Petri et sanctæ matris tuæ Romanæ

(922) Epistola nova: quæ vero antea 352 erat, nunc 529. Scripta anno Christi 1131.

(923) Hoc privilegium post Bernardi ad Innocentium epistolam visum est referre ex Spicilegii tomo X, pag. 383, ubi Historia Fontanensis monasterii diocesis Turonensis habetur.

Ecclesiæ, dilecte fili in Domino Bernarde abbas, A incandescente Petri Leonis schismate fervor tuæ religionis et discretionis suscepit defensandam, et semurum inexpugnabilem pro domo Dei opponens, animos regum ac principum, et aliarum tam ecclesiasticarum quam sæcularium personarum, ad Catholicæ Ecclesiæ unitatem, et beati Petri ac nostram obedientiam, frequentibus argumentis et ratione munitis inducere laboraverit; magna quæ Ecclesiæ Dei et nobis provenit utilitas manifestat (924). Quamobrem tuis justis desideriis accommodantes assensum, beatæ Mariæ Dei genitricis monasterium; cui Deo auctore præses, cum omnibus ad ipsum pertinentibus, apostolicæ sedis patrocinio communivimus. Statuentes, ut quascunque possessiones aut bona, quæ ad eundem locum in præsentiarum iuste et canonice pertinere noscuntur, aut in futurum concessione pontificum, liberalitate regum vel principum, oblatione fidelium seu aliis iustis modis, auxiliante Domino, ei conferri contigerit, firma tibi tuisque successoribus, et illibata permaneant. Prohibemus ne aliquis archiepiscopus aut episcopus te vel successores tuos, seu aliquem abbatem Cisterciensis ordinis, nisi pro fide ad concilium vel synodum venire compellat. Quia vero Cisterciense monasterium huius religionis origo est atque principium, nostra concessione hac prærogativa non immerito gaudeat; ut si quando fuerit pastore proprio viduatum, quemlibet abbatem de omnibus abbatibus vestri ordinis, vel monachum sibi libere præficiendum eligat, et absque aliqua contradictione obtineat; cæteris vero vestri ordinis abbatibus, quæ unam vel plures abbatias habent sibi subditas, et de sui corporis fructifera copia derivatas, 320 abbate suo rebus humanis exemplo, eligendi quemcunque maluerint de sibi subjectis abbatibus, vel quemlibet monachum de omnibus congregationibus Cisterciensibus, liberam concedimus facultatem. Illa autem abbatia, quæ nullam habet subditam, quemlibet monachum de omnibus præfatæ religionis congregationibus, libere sibi in abbatem eligat et habeat. Porro conversos vestros qui monachi non sunt, post factam in vestris cœnobiis professionem, nullus archiepiscoporum, episcoporum vel abbatum, sine vestra grata licentia suscipere, aut susceptum retinere præsumat. Statuimus ut de laboribus, quos vos et totius vestræ congregationis fratres propriis manibus et sumptibus colitis, et de animalibus vestris, a vobis decimas expetere vel recipere nemo præsumat. Nulli ergo, etc. Conservantibus vero eidem loco quæ sua sunt, sit pax Domini nostri Jesu Christi: quatenus et hic fructum bonæ actionis percipiant, et apud districtum Iudicem præmia æternæ pacis inveniant. Amen.

(924) Hæc verba laudantur a Gaufrido in Vita S. Bernardi, lib. III, n. 13.

(925) Alias epistola 379: quæ vero antea 355 erat, nunc 387. Scripta circa annum 1141.

(926) Is est Willelmus, Rievallis in diocesi Ebo-

Ego Innocentius catholicæ Ecclesiæ episcopus.

Ego Matthæus Albanensis episcopus.

Ego Romanus diaconus cardinalis S. Mariæ in Porticu.

Ego Joannes tit. S. Chrysogoni presbyter cardinalis.

Ego Gregorius diaconus cardinalis SS. Sergii et Bachi.

Datum Lugduni, per manum HaimERICI sanctæ Romanæ Ecclesiæ diaconi cardinalis et cancellarii XIII kal. Martii, indictionis x, Incarnationis dominicæ anno MCXXXI, pontificatus domini Innocentii II pape anno tertio.

### 321 EPISTOLA CCCLIII (925).

AD WILLELMUM ABBATEM DE RIEVALLE (926).

B *Monet æquanimiter ferre illegitimam archiepiscopi Eboracensis ordinationem.*

Dilecto fratri et coabbati suo WILLELMO de Rievall, frater BERNARDUS de Clara-Valle, spiritum consilii et fortitudinis.

Audivi quod factum est de archiepiscopo illo, et plurimum doleo. Propterea sciens zelum vestrum, ne forte plus iusto ferveat, temperamentum scientiæ non admittens, quod nec ordini nostro convenit, nec domui vestræ necessarium est; dignum duxi consolatoria scribere vobis: quoniam satis æquanimiter portanda sunt cætera, quandoquidem non nos arguit propria conscientia. Securus dico, neque iniquitas vestra, neque peccatum vestrum. Restitistis quoad potuistis: jam secundum Augustini sententiam, non vos inquinat alienum malum, quandoquidem non consensistis corde, et ore redarguistis. Ait enim: « Duobus modis non te inquinat alienum malum [*al.* non te inquinat malus], si non consentis, et si redarguis. » (Serm. 88, Incap. 18, n. 19.) De cætero jam bono animo estote, et nolite turbari. De Ordinibus vero et Sacramentis cæteris scitote, quoniam qui baptizat, ipse et sacrat, Christus Dominus, Pontifex animarumstrarum. Quod si quis contentiosus est super ordinatione, nemo vos cogit ordinari. Omnino tamen secure dico, si cum Ecclesia suscipitur, non est periculum. Alioquin de hoc mundo exiremus, si vellemus omnes malos fugere, quos Ecclesia tolerat. Ad summam, non diu tardabit quin innotescat res summo Pontifici: et quod ordinaverit aut præceperit ipse, bona omnino conscientia sequimini et tenete. Interim vos æquanimiter expectate.

### EPISTOLA CCCLIV (927).

AD REGINAM JEROSOLYMYNORUM MILISENDEM, FILIAM BALDUINI REGIS, ET FULCONIS UXOREM.

*Mortuo Fulcone viro suo, ut se gerere debeat.*

Illustrissimæ Jerosolymorum reginæ M. BERNARDUS Claræ-Vallensis abbas, invenire gratiam apud Dominum.

racensi Ordinis Cisterciensis abbas, quo ministro usus est Bernardus in scribenda epistola 1 ad Robertum. De Rievall Monasticon Anglic. pag. 727.

(927) Epistola nova: quæ vero antea 354 erat, nunc 388. Scripta anno Christi 1142.

Inter multiplices curas et negotia regalis aule satis incongruum mihi scribere videtur, si in te tantum gloriam regni tui, potentiam tuam, et lineam nobilitatis respexissem. Hæc omnia videntur in oculis hominum; et qui non habent, invident habentibus ea, et beatum dicunt hominem, cuius hæc sunt. Sed quæ est ista beatitudo in possidendis illis, quæ omnia tanquam fenum velociter arescunt, et quemadmodum olera herbarum cito decidunt! Bona sunt hæc; sed mobilia, sed mutabilia, sed præteritura, et peritura, quia bona carnis. Porro de carne, et de bonis ejus dictum est. *Omnis caro fenum, et omnis gloria ejus tanquam flos feni* (Isa. xl, 6). Scribentem ergo ad te non multum ista revereri oportuit, in quibus fallax gratia, et vana est pulchritudo. Accipe paucis quæ dico: nam etsi multa habeam tibi, B dicere, verbum tamen faciam abbreviatum propter multas curas tuas, et meas. Accipe breve consilium, sed utile, de terra longinqua, de quo tanquam de parvo semine multa seges surgat in posterum; accipe, inquam, consilium de manu amici, non commodum suum querentis, sed honorem tuum. Nullus siquidem tibi fidelior ad consilium esse potest, quam qui non tua, sed qui te diligit. Mortuo rege viro tuo, et parvulo rege adhuc minus idoneo ad portanda negotia regni et ad prosequendum regis officium, oculi omnium in te respiciunt, et in te solam universa regni moles inclinata recumbit. Opus est ut manum tuam mittas ad fortia, et in muliere exhibeas virum, agens ea quæ agenda sunt in spiritu consilii et fortitudinis. Ita prudenter et moderate C oportet te cuncta disponere, ut omnes, qui te viderint, ex operibus regem te potius, quam reginam existiment, ne forte dicant in gentibus: Ubi est rex Jerosolymorum? Sed non sum, inquires, ad ista sufficiens. Magna enim hæc sunt; supra vires meas, et supra scientiam meam. Opera hæc opera sunt viri; ego autem mulier sum, corpore debilis, mobilis corde, nec provida consilio, nec assueta negotiis. Scio, filia, scio, quia magna sunt hæc: sed et hoc scio, quia etsi mirabiles elationes maris, mirabilis in altis Dominus. Magna sunt hæc, sed magnus Dominus noster, et magna virtus ejus.

## EPISTOLA CCCLV (928).

AD EANDEM REGINAM JEROSOLYMORUM.

*Præmonstratenses Jerosolymam peregrinantes commendat.*

Videtur quantum præsumam de vobis, cui audeo et alios commendare. Quanquam Præmonstratenses fratres istos magis fortassis superflue commendarim, quam temerarie. Sunt merito ita commendabiles suo, ut non egeant alieno. Invenientur, nisi fallor, viri consilii, spiritu ferventes, in tribulatione patientes, potentes in opere et sermone. Inducunt se arma-

A tura Dei; et gladio spiritus, quod est verbum Dei, sese accinxerunt, non adversus carnem et sanguinem, sed contra spiritualia nequitiae in cælestibus. Suscipite illos, tanquam bellatores pacificos, mansuetos ad homines, violentos ad demones. Imo Christum in eis suscipite, qui est causa peregrinationis eorum.

## 322 EPISTOLA CCCLVI (929).

AD MALACHIAM HIBERNIÆ ARCHIEPISCOPUM (930).

*Remittit Religiosos, sed (quod negotiis impulat) non satis adhuc exultos, et instructos.*

MALACHIÆ Dei gratia episcopo, Sedis apostolicæ legato, frater BERNARDUS Claræ-Vallis vocatus abbas, si quid potest peccatoris oratio, et si quid pauperis devotio prodest.

Fecimus quod præcepit Sanctitas vestra, et si non ut dignum, profecto ut possibile pro tempore fuit. Tanta apud nos ubique malitia grassatur, ut vix id tantillum, quod factum est, fieri licuerit. Misimus tam [al. tamen] exiguum seminis quod videtis, ad seminandam vel modicam partem zgri illius, in quem verus Isaac quondam exierat ad meditandum, cum primum adducta est ei Rebecca per puerum Abraham, perenni conjugio feliciter copulanda (Gen. xxiv). Nec contemnendum semen, de quo illud in patribus vestris experimur impletum hoc tempore: *Nisi Dominus sabaoth reliquisset nobis semen, quasi Sodoma fuisset; et sicut Gomorra similes essemus* (Isa. i, 9). Itaque ego seminavi, rigate vos, et Deus incrementum dabit. Sanctos omnes qui apud vos sunt, per vos salutamus, humiliter ipsorum nos et vestris sanctis orationibus commendantes. Valete.

## EPISTOLA CCCLVII (931).

AD EUNDÈM.

*Perserverantem, imo et proficientem ab eo dilectionem requirit, eamque in fratribus a se missis, curandis et fovendis ostendi cupit.*

Amantissimo patri et domino reverendissimo MALACHIÆ, Dei gratia episcopo, sanctæ et apostolicæ Sedis legato, suæ sanctitatis puer, frater BERNARDUS Claræ-Vallis vocatus abbas, salutem et qualescunque nostras orationes.

1. Quam dulcia faucibus meis eloquia tua, domine pater! quam jucunda tuæ memoria Sanctitatis! Si D quid affectionis, si quid devotionis, si quid animi in nobis est, totum sine dubio sibi vindicat tuæ Dilectionis charitas. Nec opus est verborum multitudinem, ubi multum viget affectus. Confido enim quod testimonium perhibeat spiritui tuo spiritus quem habes a Deo, tuum esse modicum id quod sumus. Tu quoque, pater amantissime et desideratissime, ne tradas oblivioni animam pauperis, charitatis nexibus adhaerentem tibi, et animam pauperis tui ne obliviscaris in finem. Neque enim quasi de novo

(928) Alias epistola 376: quæ vero antea 355 erat, nunc 364. Scripta circa annum 1142.

(929) Alias epistola 316: quæ vero antea 356 erat, nunc 369. Scripta anno Christi 1141.

(930) Et hanc epistolam inter Hibernicas ordine

43 Usseus refert, ubi multa de Melli Fonte, aliisque ejusdem provincie Cisterciensibus monasteriis notat.

(931) Alias epistola 317: quæ vero antea 357 erat, nunc 370. Scripta anno Christi 1142.



commendamus nos tibi, cum in multo jam tempore A  
gloriamur in Domino, quod invenire meruit parvitas  
nostra gratiam in oculis Sanctitatis tuæ: sed ora-  
mus, ut dilectio, jam non nova, novis quotidie pro-  
ficiat incrementis. Filios nostros, imo et vestros,  
tanto obnoxius commendamus vobis, quanto amplius  
remoti sunt a nobis. Vos scitis quoniam tota post  
Deum fiducia nostra fuit, ut mitteremus eos, quo-  
niam Sanctitatis vestræ precibus non acquiescere  
illicitum videbatur. Facite quod vos decet, ut totis  
visceribus charitatis amplectamini eos, et foveatis.  
Nequaquam occasione aliqua circa eos sollicitudo  
et diligentia tepescat, et pereat quod plantavit dex-  
tera tua.

2. Jam quidem quia bene proficit domus, et ex  
vestris litteris, et ex fratrum nostrorum relatione  
didicimus: multiplicatur tam in temporalibus quam  
in spiritualibus. Unde et congratulamur plurimum,  
et toto animo gratias agimus Deo et paternæ solli-  
citudini vestræ. Et quoniam multa adhuc opus est  
vigilantia, tanquam in loco novo, et in terra tam  
insueta, imo et in experta monastica religionis; ob-  
secramus in Domino, ne retrahatis manum vestram,  
sed quod bene 323 incepistis, optime perficiatis.  
De fratribus nostris, qui redierunt a loco illo, nobis  
bene placuisset, si remansissent. Et fortasse non-  
nullam occasionem præbuerunt eis fratrum, qui de  
terra sunt, minus disciplinati mores, in eo maxime,  
quod minus facile eorum consiliis acquiescere viden-  
tur in his rebus, quarum prius fuerant inex-  
perti.

3. Charissimum filium nostrum Christianum et  
vestrum remisimus ad vos, quantum potuimus in-  
structum plenius in his quæ ad Ordinem pertinent,  
et de cætero circa observantias ejus sollicitiorem  
futurum, ut speramus. Nec miremini quod non plures  
cum eo misimus fratres; quoniam nec idoneos in-  
venimus fratres, qui facile acquiescerent, nec invitos  
cogere consilium fuit. Dilectissimus frater noster  
Robertus (932) precibus nostris acquievit etiam hac  
vice, tanquam filius obedientiæ. Vestrum erit juvare  
eum, ut possit jam et in ædificiis et in cæteris ne-  
cessariis promoveri domus vestra. Illud quoque Pa-  
ternitati vestræ suggerimus, ut viris religiosis, et  
quos speratis utiles fore monasterio, persuadeatis,  
quatenus ad eorum Ordinem veniant: quoniam hæc  
erit summa utilitas domus, et vobis facilius acquie-  
scent. Valeat Sanctitas vestra, nostri semper memor  
in Christo.

(932) Quis iste Robertus? an Robertus ille vir  
sanctus, a Serlone laudatus in Historia Fontanensi,  
Monastici Anglicani tomo I, pag. 743 et 749, mo-  
nachus quondam Witebiensis, sociatus monachis  
de cenobio Eboracensi egressis, de quibus supra  
ad epistolam 95 et sequentes? an Robertus, Bernardi  
consanguineus, ad quem epistola 1?

(933) Alias epistola 374: quæ vero antea 558 erat,  
nunc 376. Scripta anno Christi 1142.

(934) Post verba, *amicus Sponsi non contristabit  
eum*, in codice Vedastino additur: *Propterea N.  
vestræ majestati et commendavimus et commendamus,*

## EPISTOLA CCCLVIII (933).

AD DOMINUM PAPAM, NEMPE CŒLESTINUM.

*Opem et auctoritatem Pontificis in pace Theobaldo  
Campaniæ comiti procuranda postulat.*

Quod comes Theobaldus rogat, et ego: filius si-  
quidem pacis est. Et zelum pacis habet, sed a vobis  
flagitamus effectum. Pacis vester apostolatus, pacis  
locus, quem tenetis, debitor est. Pacem omnes di-  
ligunt, pauci merentur. Porro de amatoribus puer  
vester se esse fatetur: an et de meritoribus sit, vos  
judicabitis. Unum est, quod etsi nos non mereremur,  
sponsæ Christi, quæ est Ecclesia, necessitas exigit:  
amicus Sponsi non contristabit eam (934). Ad hoc  
illi uni Sedi apostolicæ incumbit sollicitudo omnium  
Ecclesiarum, ut omnes sub illa, et in illa uniantur;  
et ipsa pro omnibus sollicita sit servare unitatem  
Spiritus in vinculo pacis. Pacem ergo date nobis,  
pacem mittite nobis: etsi non quia debetis, certe  
quia obedire debetis. Satis pro imperio.

## EPISTOLA CCCLIX (935).

CLARÆ-VALLENSIUM AD EUNDEM CŒLESTINUM.

*Abbatem Morimundi Jerosolymam peregrinatorum  
cupiunt retinere.*

Summo pontifici C. pusillus grex de Clara-Valle,  
devotissimam debite subjectionis obedientiam, et si  
quid potest peccatorum oratio.

Quoniam illius vos gerere vicem gratulamur, qui  
suam dicebat instantiam quotidianam sollicitudinem  
omnium Ecclesiarum (11 Cor. xi, 28); apud aures  
Pietatis vestræ, licet majoribus occupatis negotiis,  
repulsam tamen non metuit nostra pusillitas, verum  
magna compellit necessitas: neque enim pro mini-  
mo audire potestis, de quibus audietis estis, *Quod  
uni ex minimis meis fecistis, mihi fecistis* (Matth.  
xxv, 40). Causa autem hæc non nostra tantum, sed  
totius ordinis nostri, ob quam etiam filius vester,  
noster omnium videlicet pater, si, cum hæc datæ  
sunt, domi fuisset (936), aut vestræ per seipsum  
Majestatis præsentiam adisset, aut certe ex suo  
nomine scriptam hanc miserabilem lacrymabilemque  
delegasset querimoniam. Sed ne diu sollicitam cha-  
ritatem 324 vestram suspendamus, unus ex fra-  
tribus nostris abbatibus, qui dicebatur de Morimun-  
do (937), ipsum qui præerat monasterium inconsulte  
satis deserens, spiritu levitatis impulsus statuit pe-  
tere Jerosolymam, prius quidem, ut aiunt, circum-  
specionis vestræ prudentiam tentaturus, si quo  
modo a vobis suo posset errori extorquere licentiam.

quia commendandus est. Quæ vero sequuntur ejus-  
dem epistolæ in prædicto Vedastino codice, non  
incipiunt lineam cum hoc titulo, *ad eundem*, quasi  
altera esset epistola. MARTENE.

(935) Epistola nova: quæ vero antea 359 erat,  
nunc 377. Scripta anno Christi 1143.

(936) Glossema huc irrepserat, *Fortè eum tunc  
contigerat abesse, et hujus rei adhuc ignarum esse.*

(937) Raynaldus scilicet, abbas Morimundi quâr-  
tus ab Arnolde abbate primo, qui item abbatiam  
deseruit, ex epistola quarta. Raynaldus etiam cessit  
præfectura post quindecim annos regiminis.

Qua in re si quem ei (quod absit!) assensum præbuerit s. ipse perpendite, quanta possit nostro ordini esse destructionis occasio: cum exemplo hujus, quicunque abbas nastorali se sentiet sarcina aggravatum, mox illam abjiciet, utpote quam se licite posse abjicere arbitretur, præsertim apud nos, ubi nec grandis honor, et grande videtur onus. Deinde ad majorem domus sibi commissæ desolationem, meliores quosque ac perfectiores, qui sub ipso degeant, suæ socios vagationis assumpsit: inter quos etiam nobilem illum puerum, quem et antea de Colonia (quod nec vos latuisse credimus) non sine scandalo tulerat, ad majus scandalum nunc abducere secum præsumpsit. Quod si, ut vobis relatum est, dicit se in illa terra nostri Ordinis velle servare observantias, et ideo fratrum se dicit secum ducere multitudinem, quis non videat, plus illic milites pugnantes, quam monachos cantantes aut plorantes necessarios esse? Sed et nostra religio plurimum ex hoc capiet detrimentum: cum facile sit cuique vagari gestienti, illo, tanquam absque ullo discrimine, præsumere peregrinari, ubi scilicet idem, quod professus est, inventurus est propositum observari. Jam vero quid super hoc vobis placeat, quidve vestram decernere deceat auctoritatem, non est nostræ præsumptionis indicare, sed vestræ discretionis examinare.

## EPISTOLA CCCLX (938).

AD WILLELMUM ABBATEM DE RIEVALLE.

*Denuo hortatur Willelmum ad patientiam et æquanimitatem.*

Charissimo fratri et coabbati WILLELMO de Rievalle, frater BERNARDUS Clare-Vallensis vocatus abbas, salutem et spiritum consilii.

Laboravimus, quantum potuimus, adversus pestem communem; et si quo minus impetravimus quod optavimus, manet tamen nobis fructus laboris nostri apud eum, apud quem nullum bonum irremuneratum est. Hæc est ergo nostra et omnium qui pro veritate decertant, consolatio vera, quoniam reposita est nobis corona justitiæ, quam reddet nobis in illum diem justus Judex. De cætero jam meminisse vos volumus, quoniam si quid patimur propter justitiam, beati; et quod nos non inquinat alienum malum, cui non consensimus, imo et redarguimus. Est ergo et hæc consolatio nostra, ut jam in patientia nostra possideamus animas nostras; et quod apud homines obtinere nequivimus, a Domino

A speremus auxilium, qui non despiciet sperantes in se. Confido enim de misericordia Patris nostri qui est in cælis, quoniam eveletur omnis plantatio quam non plantavit ille: et arescet ad maledictum ejus ficulnea sterilis, nec terram diutius occupabit. Propter quod rogo et obsecro Fraternitatem vestram, ut non conturbemini, nec turbetis gregem Dei, qui commissus est vobis: magis autem consolamini vos, et viriliter agite, ut in sanctitate serviamus Domino, et liberabit nos ab inimicis nostris. Nos tamen, quod potuimus, suggestimus domino Tusculano episcopo (939), cui injunctum est, ut legatione fungatur in partibus illis: et omnino promisit nobis, se, nisi aliquid melius fecerit nobis, id saltem omnimodis observaturum, ne tradat ei pallium quod portat, si non juraverit **325** decanus ille, nunc vero episcopus (940), in cujus juramento causa pendebat: sed causam referat ad dominum papam.

## EPISTOLA CCCLXI (941).

AD THEOBALDUM ARCHIEPISCOPUM (942), PRO JOANNE SALESBERIENSI.

*Confusus de amicitia Theobaldi, Joannem ei commendat.*

Augetis mihi gratiam, et multiplicatis gloriam, si gratia mei, amici mei gratiam inveniant in oculis vestris. Ego tamen ab homine gloriam non quero, sed regnum Dei et justitiam ejus. Unde factum est, ut præsentium latorem Joannem (943), amicum meum et amicum meorum, mittam ad Sublimitatem vestram, ad familiaritatem vestram, quam in vobis et de vobis habere præsumo. Testimonium enim bonum habet a bonis, quod non minus vita, quam litteratura promeruit. Nec hoc didici ab illis qui verba sicut verba jactare noverunt; sed a filiis meis, qui mecum sunt, quorum verbis credo, sicut crederem oculis meis. Præsens vobis commendaveram eum; sed nunc absens multo magis commendo, utique tanto securius, quanto sincerius et vitam et mores hominis fidissimis relatoribus didici. Si quid ergo ego possum, imo quia possum plurimum ante faciem vestram, provideate ei, unde honeste, imo honorabiliter vivere possit; sed et hoc velociter, quia non habet quo se vertat. Interim provideate ei in necessitatibus suis, et liceat mihi experiri totum illud familiaritatis arcanum, quod mihi conservatis in visceribus vestris, amantissime pater.

(938) Alias epistola 380: quæ vero antea 360 erat, nunc 378. Scripta anno Christi 1143.

(939) Ymaro, qui legatus in Angliam anno 1143, quo anno hæc epistola scripta est. Ad eundem Ymarum exstant epistolæ 219 et 250.

(940) Willelmus a Sancta-Barbara, ex decano Eloracensi episcopus Dunelmensis, de quo in epistola 255.

(941) Alias epistola 385: quæ vero antea 361 erat, nunc 379. Scripta circa annum 1144.

(942) De Theobaldo, qui ex monacho Beccensi

creatus est archiepiscopus Cantuariensis, jam superius facta mentio est in epistola 258. Ordericus ejus promotionem consignat anno 1138, pag. 919.

(943) Is est Joannes Saresberiensis, a cognomine Angliæ civitate sic dictus, sancti Thomæ archiepiscopi Cantuariensis amicus præcipuus: cujus meritis episcopatum Carnutensem sibi obtigisse profliteri solebat, litteras suas sic exordiri solitus: « Joannes Dei gratia, et meritis beati Thomæ martyris, Carnotensis ecclesiæ minister humilis, » ut in Spicilegii tom. X, pag. 391, ubi vox « meritis » omissa.

## EPISTOLA CCCLXII (944).

AD ROBERTUM PULLUM (945) CARDINALEM ET CANCELLARIUM.

*Hortatur ut Eugenio, recens electo Pontifici, strenuum pro officio suo se adiutorem præbeat in negotiis Ecclesiæ.*

Domino et amico charissimo ROBERTO, Dei gratia sanctæ Romanæ Ecclesiæ presbytero cardinali et cancellario, frater BERNARDUS Claræ-Vallis vocatus abbas, salutem et devotas orationes.

1. Scripta Dilectionis vestræ eo affectu suscepimus, quo semper apud nos est in benedictione memoria vestra. Nec sane egere vos credimus humanæ gratiæ verbis, aut commendatitiis epistolis ad nos: quoniam quidem utrique nostrum indubitabile, nisi fallor, testimonium perhibet Spiritus veritatis, quam sincere et diligamus vos et diligamur a vobis; ille, inquam, Spiritus, per quem et diffunditur charitas ista in cordibus nostris. Benedictus Deus, qui secundum suam misericordiam Eugenium nostrum, imo suum, prævenit in benedictionibus dulcedinis, parare scilicet lucernam Christo suo; et præmittere virum fidelem ad adiutorium ejus, et nostram quoque plurimam consolationem. Nam cum molesta esset amico amici vocatio et absentatio, cuius nimirum præsentia frui delectatur in Domino; jam tunc, ut manifeste video, cogitabat ipse cogitationes pacis, et non afflictionis, et **326** dicebat: *Quod ego facio, tu nescis modo, scies autem postea* (Joan. xiii, 7). Quamobrem sollicitus sis, charissime, pro eo cui te consolatorem et consiliarium ordinavit Deus, et observa caute secundum datam tibi sapientiam, ne forte inter tam multiplicium negotiorum tumultus malignorum fraude circumveniri possit, ut subripiatur ei verbum quod indignum sit Eugenii apostolatu.

(944) Alias epistola 334: quæ vero antea 362 erat, nunc 380. Scripta anno Christi 1145.

(945) Alias, *Ad Rolandum cancellarium*. At codex manuscriptus Cisterciensis habet, *Ad Robertum Pullum*, et quidem rectius, quantum conjectura assequi possum. Primo enim Robertum S. Bernardo fuisse charissimum et maxime familiarem constat ex epistola 205, ad episcopum Rossensem, quod etiam de eo, ad quem hic scribit, aperte insinuat. Deinde virum istum eruditioni multorum fideliter et utiliter instituisse, cælo et terra testibus hic asserit, quod quidem de nullo alio melius intelligas, quam de Roberto Pullo, qui litteras Parisiis professus, Oxoniensem academiam in Angliam instauravit. Demum cancellarius iste, de quo hic quæstio, præmissus a Deo, dicitur ante Eugenii pontificatum ad adiutorium ejus. At Robertus Pullus, ex Onuphrio, cancellarium egit Lucio II pontifice usque ad annum Eugenii tertium, imo, si Ciaconio credimus, ad quintum: Rolandus vero, cognomento Blandinellus seu Paparo, patria Senensis, postea Alexander III, cardinalis diaconus tituli sanctorum Cosmæ et Damiani ab Eugenio creatus, cancellarii dignitatem obtinuit pontificatus Eugenii anno duntaxat octavo. Plura de Roberto Pullo vide si lubet in notis ad epistolam 205. Interim tamen noto de tempore, quo Robertus cancellarium administravit, præferendam

A 2. Age, inquam, dilectissime, pro loco quem tenes, pro ea quam adeptus es dignitate: viriliter et prudenter exerce qui in te est zelum Dei, ad gloriam ejus, et salutem tuam, et Ecclesiæ sanctæ plurimam utilitatem, ut dicere possis et tu quia *gratia Dei in me vacua non fuit* (I Cor. xv, 10). Hactenus quippe eruditioni multorum fideliter et utiliter instabas, cælo et terra testibus; sed jam tempus faciendi Domino, ne patiaris, quod in te est, dissipari ab impiis legem ejus. Cura proinde, dilectissime et desideratissime pater, etiam in hac dispensatione inveniri fidelis Domini servus et prudens: quatenus et pro te faciat columbina simplicitas, et pro ea, quæ tuæ quam maximæ fidei et sollicitudini credita est, Domini tui sponsa, adversus B venenatas maligni et antiqui serpentis astutias militet prudentia serpentina, et in utraque glorificetur Deus. Multa quidem habeo vobis dicere; sed non est opus longa epistola, ubi præsens est vox viva. Quamobrem vestris pariter et nostris occupationibus parcens, posui verba mea in ore præsentium fratrum: tanquam me, ipsos audite. Valet.

## EPISTOLA CCCLXIII (946).

AD ORIENTALIS FRANCIE CLERUM ET POPULUM.

*Ad arma contra infideles pro defensione Orientalis Ecclesiæ suscipienda hortatur. Præterea contra turbulentum quendam prædicatorem docet Judæos non esse persequendos, nedum occidendos.*

Dominiis et patribus charissimis, archiepiscopis, episcopis, et universo clero, et populo orientalis Franciæ et Bajoariæ, BERNARDUS Claræ-Vallensis vocatus abbas, in spiritu fortitudinis abundare (947).

1. Sermo mihi ad vos de negotio Christi, in quo est utique salus nostra. Hæc dico, ut excuset indignitatem personæ loquentis auctoritas Domini; excuset et consideratio propriæ utilitatis. Medicus

esse Onuphrii sententiam: nam Guidonem cancellarii nomine litteris apostolicis subscripsisse anno 1146, lego tomo primo Monastici Anglicani, pag. 108. anno 1147, in notis ad Guibertum de Novigento, pag. 620.

(946) Alias epistola 322: quæ vero antea 363 erat, nunc 371. Scripta anno Christi 1146.

(947) Inscriptio hujus epistolæ in hactenus editis angustior mihi visa est (soli enim Spirensis episcopi ejusque cleri et populi meminerat), quam pateretur scopus epistolæ. Itaque aliam et ampliorem præfiximus, quam Otto Frisingensis de Gestis Frederici libro I, cap. 41, exhibuit. Verum postea comperi, eandem epistolam non eodem tantum argumento, sed et totidem pene verbis, mutata tantum epigraphæ, ad diversas nationes, provincias et urbes datam. Nam in manuscripto ex Anglia mihi misso, item in alio Confluentino inventi, *Populo Anglorum* inscriptam (exstat in manuscripto Sancti-Victoris Parisiensis sub eadem epigraphæ) (a). Imo Baronius eandem epistolam exhibet, pauculis tantum verbis mutatis, cum hac epigraphæ: *Mainfredi Brixiensis ecclesiæ episcopo, nec non consulibus, militibus, et universis populis sub eo constitutis, frater Bernardus Claræ-Vallis vocatus abbas, spiritu fortitudinis abundare*. Vide Baronium, ad annum 1146, n. 15. Nempe hoc veluti classicum est ad expeditio-

(a) In Leodiensi S. Jacobi codice hunc titulum præfert: *Hanc epistolam B. Bernardus abbas Claræ-Vallensis jam in extremis positus dictavit ad gentem Anglorum*. MARX.



quidem sum, sed non modicum cupio vos omnes in A  
visceribus Jesu Christi. Ea nunc mihi ratio scri-  
bendi ad vos, ea causa, ut universitatem vestram  
litteris audeam convenire. Agerem id libentius viva  
voce, si, ut voluntas non deest, suppeteret et fa-  
cultas. Ecce nunc, fratres, acceptabile tempus, ecce  
nunc dies copiosæ salutis. Commota est siquidem et  
contremuit terra, quia cœpit Deus cœli perdere  
terram suam. Suam, inquam, in qua est, Verbum  
Patris sui, docere visus (948), et annis plus quam  
triginta homo cum hominibus conversatus: suam  
utique, quam illustravit miraculis, quam dedicavit  
sanguine proprio, in qua primi resurrectionis flores  
apparuerunt. Et nunc peccatis nostris exigentibus,  
crucis adversarii caput extulerunt sacrilegum, de-  
populantes in ore gladii terram promissionis. Prope  
enim est, si non fuerit qui resistat, ut in ipsam  
Dei viventis irruant civitatem, ut officinas nostræ  
redemptionis evertant, ut polluant loca sancta, Agni  
immaculati **327** purpurata cruore. Ad ipsum,  
proh dolor! religionis Christianæ sacrarium inhiant  
ore sacrilego, lectumque ipsum invadere et concu-  
care conantur, in quo propter nos Vita nostra ob-  
dormivit in morte.

2. Quid facitis, viri fortes? quid facitis, servi  
crucis? Itanè dabit is sanctum canibus, et marga-  
ritas porcis? Quam multi illic peccatores, confitentes  
peccata sua cum lacrymis, veniam obtinuerunt,  
postquam patrum gladiis eliminata est spurcitia  
Paganorum! Videt homo malignus, et invidet; fren-  
det dentibus et tabescit. Excitat vasa iniquitatis  
sue, nec ulla quidem tantæ pietatis signa aut vestigia  
relicturus, si quando forte (quod Deus avertat!) obti-  
nere valuerit illa sancta sanctorum. Verum id quidem  
omnibus deinceps sæculis inconsolabilis dolor, quia  
irrecuperabile damnum, specialiter autem genera-  
tioni huic impiissimæ infinita confusio, et oppro-  
brium sempiternum.

3. Quid tamen arbitramur, fratres? Nunquid  
abbreviata manus Domini, aut impotens facta est ad  
salvandum, quod ad tuendum et restituendum sibi  
hæreditatem suam exiguis vermiculos vocat? Nun-  
quid non potest mittere Angelorum plus quam duo-  
decim legiones, aut certe dicere verbo, et libera-  
bitur terra? Omnino subest ei, cum voluerit, posse:

nem sacram. De ea loquens Guillelmus Tyrensis:  
« Vir immortalis memoriæ et honestæ conversationis  
speculum dominus Bernardus Clara-Vallensis abbas,  
pius in Domino et per omnia amplectenda recorda-  
tionis, ad prædicti Deo muneris executionem præ-  
cipuus eligitur, qui inuncte sibi dispensationis  
sedulus executor, ejusdem operis secum Deo ama-  
biles trahens comministros, impiger, indefessus,  
licet corporis esset invalidi, tum propter jejunia et  
subtilem nimis dietam, regna circuit, regiones ob-  
ambulat, evangelizans ubique regnum Dei, » etc.  
Adde quæ hac de re leguntur in ejus Vita et mira-  
culis, et confer epistolam 355. Habitus est autem  
Spiræ frequens principum conventus sacræ expedi-  
tionis causa, ubi publice recitatas has Bernardi  
litteras quis dubitet? Hinc illa ad Spirenses inscrip-  
tio: *Domino et patri churissimo episcopo Spirensi,*

sed, dico vobis, tentat vos Dominus Deus vester.  
Respicit filios hominum, si forte sit qui intelligat, et  
requirat, et doleat vicem ejus. Miseratur enim Domi-  
nus populum suum, et lapsis graviter providet reme-  
dium salutare.

4. Considerate quanto ad salvandos vos artificio  
utitur, et obstepescite; intuemini pietatis ejus abyss-  
um, et confidite, peccatores. Non vult mortem  
vestram, sed ut convertamini, et vivatis; quia sic  
quærit occasionem, non adversum vos, sed pro  
vobis. Quid est enim nisi exquisita prorsus et inven-  
tibilis soli Deo occasio salvationis, quod homicidas,  
raptos, adulteros, perjuros, cæterisque obligatos  
criminibus, quasi gentem quæ justitiam fecerit, de  
servitio suo submonere dignatur Omnipotens? Nolite  
diffidere, peccatores: benignus est Dominus. Si  
vellet punire vos, servitium vestrum non modo non  
expeteret, sed nec susciperet quidem oblatum. Iterum  
dico, pensate divitias bonitatis Dei altissimi, consilium  
miserationis attendite. Necessitatem se habere aut  
facit, aut simulat, dum vestris cupit necessitatibus  
subvenire. Teneri vult debitor, ut militantibus sibi  
stipendia reddat, indulgentiam delictorum, et glori-  
am sempiternam. Beatam ergo dixerim genera-  
tionem, quam apprehendit tam ubi indulgentiæ  
tempus, quam invenit superstitem annus iste plac-  
abilis Domino, et vere jubileus. Diffunditur enim hæc  
benedictio in universum mundum, et ad signum  
vitæ (949) certatim convolant universi.

5. Quia ergo secunda est virorum fortium terra  
vestra, et robusta noscitur juventute referta, sicut  
laus est vestra in universo mundo, et virtutis vestræ  
fama replevit universum orbem; accingimini et vos  
viriliter, et felicia arma accipite Christiani nominis  
zelo. Cesset pristina illa non militia, sed plane ma-  
litia, qua soletis invicem sternere, invicem perdere,  
ut ab invicem consumamini. Quæ miseros tam dira  
libido excitat, quod proximi corpus gladio, cujus  
fortassis et anima perit, transverberent? Sed nec  
effugit qui gloriatur: et ipsius animam pertransibit  
gladius, cum solum hostem gaudeat cecidisse. Illi  
se dare discrimini insanix est, non virtutis: nec  
audaciæ, sed amentix potius est ascribendum.  
Habes nunc, fortis miles, habes, vir bellicose, ubi  
dimices absque periculo; ubi et vincere gloria, et

et universo clero et populo, Bernardus Clara-Vallis  
votatus abbas, in spiritu fortitudinis abundare. Uti  
et paulo post in Bavaria in conventu procerum per  
abbatem Eberacensem, una cum litteris Eugenii  
pontificis lectas testatur Sigonius, de Regno Ital.  
anno 1147, et Otto, de Gestis Friderici, libro 1, cap.  
41. Cæterum exstat Bernardi nomine inter epistolas  
Nicolai Clara-Vallis, Bibliothecæ Patrum tomo XII,  
edit. Colon. alia ejusdem argumenti ad comitem et  
proceres Britannix: quam lic habes in fine episto-  
larum S. Bernardi.

(948) Apud Horst. *Suam, in qua est visus.*

(949) Crucis signum, numero sequenti, ubi etiam  
de indulgentia cruce signatis concessa omnium, de  
quibus corde contrito confessio facta fuerit. Confer  
epistolam 425.

mori lucrum. Si **328** prudens mercator es, si conquisitor hujus sæculi, magnas quasdam tibi nundinas indico; vide ne pereant. Suscipe crucis signum, et omnium pariter, de quibus corde contrito confessionem feceris, indulgentiam obtinebis. Materia ipsa si emitur, parvi constat: si devoto assumitur humero, valet sine dubio regnum Dei. Bene ergo fecerunt, qui cœleste jam signaculum susceperunt: bene cæteri faciunt, sed nec ad insipientiam eis, si festinent et ipsi apprehendere quod et eis in salutem existat.

6. De cætero, fratres, moneo vos, non autem ego, sed apostolus Dei mecum, non esse credendum omni spiritui (*I Joan. iv, 1*). Audivimus et gaudemus, ut in vobis ferveat zelus Dei; sed oportet omnino temperamentum scientiæ non deesse. Non sunt persequendi Judæi, non sunt trucidandi, sed nec effugandi quidem (950). Interrogate eos divinas paginas. Novi quid in Psalmo legitur prophetatum de Judæis: *Deus ostendit mihi, inquit Ecclesia, super inimicos meos, ne occidas eos, nequando obliviscantur populi mei*. Vivi quidam apices nobis sunt, representantes Dominicam passionem. Propter hoc dispersi sunt in omnes regiones, ut dum justas tanti facinoris pœnas luunt, testes sint nostræ redemptionis. Unde et addit in eodem psalmo loquens Ecclesia: *Disperge illos in virtute tua, et depone eos, protector meus, Domine (Psal. lviij, 12)*. Ita factum est: dispersi sunt, depositi sunt; duram sustinent captivitatem sub principibus christianis. Convertentur tamen ad vesperam, et in tempore erit respectus eorum. Denique cum introierit gentium multitudo, *tunc omnia Israel salvus erit*, ait Apostolus (*Rom. xi, 25, 26*). Interim sane qui moritur, manet in morte.

7. Taceo quod sicubi desunt, pejus Judaizare dolemus Christianos feneratores (951), si tamen Christianos, et non magis baptizatos Judæos convenit appellari. Si Judæi penitus conterantur, unde jam prosperabitur eorum in fine promissa salus sive conversio? Plane et Gentiles si essent similiter expectandi, sustinendi forent potius quam gladiis

(950) Recte ac religiose Bernardus, et id quidem longe potiori ratione quam de Gentilibus: quod Judæi vivi apices sunt representantes Dominicam passionem, et testes divinarum paginarum: Gentiles non ita. Confer epistolam sequentem, et sermonem 64 in Cantica, et librum ad Milites Templi, cap. 10.

(951) Hic usuras universim in Christianis damnat Bernardus, nedum in clericis.

(952) Litteræ Eugenii III pro expeditione in terram sanctam recitantur apud Ottonem Frisingensem, de Gestis Frederici libro 1, cap. 38. Ubi pontifex sacram militiam professus, non tantum ab animæ debitis, sed et ab usuris prestandis absolvit. « Quicumque vero, » inquit, « ære preuntur alieno, et tam sanctum iter puro corde inciperint, de præterito usuras non solvant; et si ipsi, vel alii pro eis occasione usurarum astricti sunt, sacramento vel fide, apostolica eos auctoritate absolvimus. »

(953) Celebris iste Petrus, cognomento Eremita, de quo Guillelmus Tyrus in libro primo de bello sacro passim, et Jacobus a Vitriaco in Historiæ occidentalis capite 17. Hujus nominis Petrum Eremitam, Montis Sancti-Quintini prope Peronam

A expetendi. Nunc autem cum in nos cœperint esse violenti, oportet vim vi repellere eos, qui non sine causa gladios portant. Est autem christianæ pietatis, ut debellare superbos, sic et parcere subjectis; his præsertim, quorum est legislatio repromissa, quorum patres, et ex quibus Christus secundum carnem, qui est benedictus in sæcula. Attamen exigendum ab eis juxta tenorem apostolici mandati (952), ut omnes qui crucis signum susceperint, ab usurarum exactione liberos omnino dimittant.

8. Illud quoque admonitos vos esse est necesse, fratres dilectissimi, ut si quis forte amans primatum gerere inter vos, expeditione sua regni voluerit exercitum prævenire, nullatenus audeat: et si a nobis missum se simulet, non est verum: aut si **B** ostendat litteras, tanquam a nobis datas; sed omnino falsas, ne dicam furtivas esse dicatis. Viros bellicosos, et gnaros talium duces eligere est: et simul proficisci exercitum Domini, ut ubique habeat robur, et non possit a quibuslibet violentiam sustinere. Fuit enim in priori expeditione, antequam Jerosolymia caperetur, vir quidam, Petrus nomine (953), cujus et vos, nisi fallor, sæpe mentionem audistis. Is populum qui sibi crediderat, solum cum suis incedens tantis periculis dedit, ut aut nulli, aut paucissimi eorum evaserint, qui non corruerint, aut fame, aut gladio. Propterea omnino timendum est, si similiter et vos feceritis, ne contingat et vobis similiter. Quod avertat a vobis Deus, qui est benedictus in sæcula! Amen.

### **329** EPISTOLA CCCLXIV (954).

AD PETRUM ABBATEM CLUNIACENSEM.

*Invitat Petrum ad conventum Carnotensem, ubi æe auxilio Orientali Ecclesiæ ferendo consultandum.*

Amantissimo patri PETRO, Dei gratia venerabili Cluniacensi abbati, frater BERNARDUS de Clara-Valle, salutem, et quas potest orationes.

1. Gravem nimis ac miserabilem Orientalis Ecclesiæ gemitum (955) ad aures vestras, imo etiam ad ipsa etiam penetralia cordis arbitror pervenisse.

Priorem invenimus in Necrologio Corbeiensi. An idem sit cum isto, qui etiam de Acheriis dictus, nondum pro comperto habemus.

**D** (954) Alias epistola 355: quæ vero antea 364 erat, nunc 381. Scripta anno Christi 1146.

(955) Nimirum cum anno 1144 nobilis civitas Mesopotamiæ, trans flumen Euphratem, Edissa, a tempore Constantini Magni christianæ religionis cultui dedita, et beati Thomæ apostoli allatis ex India reliquiis incluta, tum demum in potestatem Infidelium redacta est maxima christiani populi clade. « Nam cum a multis retro annis, » ut habet Wilhelmus Neubrigensis de Rebus Angl. « Saraceni, occulto Dei judicio supra modum in Christianos grassari permissi, captis civitatibus clarissimis, scilicet Alexandria, Antiochia, Jerusalem, Damasco, Ægyptum, Syriam, aliasque Orientis provincias, in quibus Christus colebatur occupasset; sola hæc civitas propugnatrix non tantum murorum, sed etiam finium suorum, in medio hostium innumerabilium et ferocissimorum invicta perseveravit, usque ad tempus expeditionis Jerosolymitanæ prioris: qua Jerusalem et Antiochiam Christiani expugnatis ob-

Dignum quippe est, ut secundum magnitudinem vestram, magnum exhibeatis eidem vestræ et omnium fidelium matri compassionis affectum, præsertim tam vehementer afflictæ, tam graviter periclitanti. Dignum, inquam, ut tanto amplius comedat vos zelus domus Dei, quanto ampliorem in ea locum, ipso auctore, tenetis. Alioquin si duramus viscera, si obduramus corda, si plagam hanc parvi pendimus, nec dolemus super contritione; ubi nostra in Deum charitas, ubi dilectio proximorum? Imo vero, si non satagimus quanta possumus sollicitudine, consilium aliquod et remedium tantis malis, tantisque periculis adhibere; quomodo non ingrati convincimur esse ei qui abscondit nos in die malorum, in tabernaculo suo; justius perinde et vehementius puniendi, utpote tam divinæ gloriæ, quam fraternæ salutis negligentes? Hæc vobis tam fiducialiter, quam familiariter duximus suggerenda, ob gratiam utique, qua nostram indignitatem excellentia vestra dignatur.

2. Nam et patres nostri, episcopi Franciæ, una cum domino Rege et principibus, tertia die dominica post Pascha apud Carnotum urbem venturi sunt, et de verbo hoc tractaturi (956): ubi utinam mereamur habere præsentiam vestram. Quia enim magnis omnino magnorum virorum consiliis hoc verbum constat egere; gratum profecto obsequium præstabit Deo, si negotium ejus non duxeritis alienum, sed charitatis vestræ probaveritis zelum in opportunitatibus, in tribulatione. Nostis enim, pater amantissime, nostis quoniam amicus in necessitate probatur. Confidimus autem quod magnum huic verbo proventum præsentia vestra præstabit, tum pro auctoritate sanctæ Cluniacensis ecclesiæ, cui Deo auctore præestis, tum maxime pro sapientia et gratia, quæ vobis ipse donavit ad utilitatem utique proximorum, et sui ipsius honorem. Qui vobis etiam nunc inspirare dignetur, ut non gravemini venire,

tinuere Saracenis. » Pergit deinde narrare quia occasione Edissa cesserit infidelibus. Nempe Armenius quidam civis Edissenus, habitans in turri muro contigua, ob filiam suam a principe civitatis corruptam coquens animo vindictam, invitatos pactis clandestinis Turcas ipsa nocte Nativitatis Dominicæ intromisit in urbem: qui irruentes in populum secure in ecclesia excubantem, et archiepiscopum quidem altari assistentem mactarunt; populum vero non resistentem, sed subiti casus stupore rigentem gladiis trucidarunt. Sic capta et in potestatem spurcissimæ gentis redacta est Edissa, tantis retro temporibus semper invicta et antiqua fidei christianæ alumna. Latissimis quoque finibus ejus pertinaci hostium furore pervasis et in eorum possessionem cedentibus, christianæ religionis cultus trans Euphratem funditus deletus est. Tanti mali fama exciti Christiani, etc. Ita Willelmus Neubrigensis, de Rebus Angl. libro 1, cap. 18. Ecce hic est ille gravis et miserabilis Orientalis Ecclesiæ gemitus de quo Bernardus.

(956) In hoc conventu, Bernardus militiæ dux electus, id officii suscipere detrectavit, tanquam suis moribus et monastico instituto repugnans, ut in Epistola 256 ad Eugenium, n. 4. Confer epistolam nunc 363, et epistolas Sugerianas, quarum cente-

et servis suis in nomine ejus, et pro zelo ipsius nominis congregandis vestram admodum desiderabilem conferre præsentiam.

### EPISTOLA CCCLXV (957).

AD HENRICUM MOGUNTINUM ARCHIEPISCOPUM (958).

*Radulfum monachum, qui fideles in Judæorum necem armabat, arguit.*

Venerabili domino et charissimo patri Henrico Moguntino archiepiscopo, BERNARDUS Claræ-Vallis abbas, invenire gratiam apud Deum.

1. Litteras Dilectionis vestræ debita veneratione suscepi; sed præ multitudine negotiorum brevis est responsio. Deposuit quærelæ vestræ apud nos signum est et pignus dilectionis et præcipuæ humilitatis indicium. Quis enim ego sum, aut quæ domus patris mei, ut ad me referatur archiepiscopi contemptus, et metropolitane 330 sedis injuria? Nonne ego sum puer parvulus, ignorans introitum et egressum meum? Verumtamen non ignoro verbum veritatis usquequaque, quod ex ore Altissimi procedit: *Necesse est ut veniat scandalum, vae autem illi per quem venit!* (Matth. xviii, 7). Homo ille de quo agitur in litteris vestris (959), neque ab homine, neque per hominem, sed neque a Deo missus venit. Quod si se monachum aut eremitam jactat, et ex eo sibi assumit libertatem, vel officium prædicationis; potest scire, et debet, quod monachus non habet docentis, sed plangentis officium (960): quippe cui oppidum carcer esse debet, et solitudo paradisi. Hic vero a contrariis, et solitudinem pro carcere, et oppidum habet pro paradiso. O hominem sine pectore! o hominem sine fronte! cujus stultitia elevata est super candelabrum, ut appareat omnibus qui sunt in domo.

2. Tria sane sunt in eo reprehensione dignissima: usurpatio prædicationis, contemptus episcoporum, homicidii approbati libertas. Novum genus potentie,

sima trigesima tertia est Petri Venerabilis ab hoc conventu se excusantis ob capitulum generale Cluniaci eodem die indictum.

(957) Alias epistola 323: quæ vero antea 365 erat, nunc 396. Scripta anno Christi 1146.

(958) De quo supra epist. 302. In codice Aquicinctensi huic epistolæ præfigitur titulus: *Ad Henricum Moguntinum archiepiscopum, contra fratrem Radulfum, qui neci Judæorum consenserat. MARTENE.*

(959) Radulfus seu Rodulfus nomine, describitur apud Ottonem Frisingensem, de Gestis Friderici, libro 1, cap. 57, cruentæ in Judæos persecutionis auctor, cujus seditiosæ doctrinæ restitit Bernardus ipsunquæ Radulfum, Moguntinæ in maximo populi favore repertum, monuit ne contra monachorum regulam per orbem vagando, propria auctoritate verbum prædicationis assumeret. Tandem ad hoc eum, ut sub promissa obedientia in cœnobium suum transiret, induxit populo graviter indignante et nisi ipsius sanctitatis consideratione revocaretur, etiam seditionem movere volente. Ita Otto, De gestis Friderici, libro 1, cap. 39.

(960) Vide Hieronymum adversus Vigilantium, cap. 6, et notas ad epistolam 89.



Nunquid tu major es patre nostro Abraham, qui A eodem prohibente gladium deposuit, quo iubente levaverat? (*Gen. xxi.*) Nunquid tu major es principe Apostolorum, qui quesivit a Domino, Domine, si percutimus in gladio? (*Luc. xxi.*, 49.) Sed instructus es omni sapientia Ægyptiorum, id est sapientia hujus mundi, quæ stultitia est apud Deum (*I Cor. iii.*, 49). Aliter solvis questionem Petri, quam ille qui dicit: *Mitte gladium in locum suum. Omnis enim qui acceperit gladium, gladio peribit* (*Matth. xxvi.*, 52). Nonne copiosius triumphat Ecclesia de Judæis, per singulos dies vel convincens, vel convertens eos, quam si semel et simul consumeret eos in ore gladii? Nunquid incassum constituta est illa universalis oratio Ecclesiæ, quæ offertur pro perfidis Judæis a solis ortu usque ad occasum, ut Deus et Dominus B auferat velamen de cordibus eorum, ut ad lumen veritatis a suis tenebris eruantur (961)? Nisi enim eos, qui increduli sunt, credituros speraret, superfluum videretur et vanum orare pro eis. Sed considerat oculo pietatis, quod Dominus habet respectum gratiæ apud eum qui reddit bona pro malis, et dilectionem pro odio. Ubi est ergo illud quod dictum est, Videas ne occidas eos? (*Psal. lvm.*, 12.) ubi est, Cum plenitudo gentium intraverit, tunc omnis Israel salvus fiet? (*Rom. xi.*, 25, 26.) ubi est, *Edificans Jerusalem Dominus, dispersiones Israelis congregabit*? (*Psal. cxlvi.*, 2.) Tunc es ille qui mendaces facies Prophetas, et evacuabis omnes thesauros pietatis et misericordiæ Jesu Christi? Tua doctrina non est tua, sed ejus qui misit te patris. Sed credo sufficit tibi, C si sis sicut magister tuus. Ille enim erat homicida ab initio: ille mendax, et pater mendacii (*Joan. viii.*, 44). O monstruosa scientia! o sapientia infernalis, contraria Prophetis, et Apostolis inimica, subversio pietatis et gratiæ! o immundissima hæresis! o meretrix sacrilega, quæ imprægnata de spiritu falsitatis concepit dolorem, et peperit iniquitatem! (*Psal. vii.*, 15.) Libet, sed non licet ultra progredi. Ad ultimum, ut omnia quæ sentio super his, breviter comprehendam; homo est magnus in oculis suis, plenus spiritu arrogantiae. Verba et opera ejus prætendunt, quod conatur sibi facere nomen juxta nomen magnorum qui sunt in terris: sed non habet sumptus ad perficiendum. Vale.

(961) Hæc oratio quotannis funditur feria sexta Hebdomadæ sanctæ, totidem verbis quæ hic adhibet Bernardus.

(962) Alias epistola 386: quæ vero antea 366 erat, nunc 410. Scripta anno Christi 1146.

(963) Celebris revelationibus abbatissa nempæ cœnobii S. Ruperti confessoris in opposito Bingenensis oppidi Moguntinæ diocesis, Ordinis S. Benedicti, inquit Trithemius, libro de Scriptoribus ecclesiasticis. De Hildegarde intelligendus videtur Monachus Autissiodorensis ad annum 1146 his verbis: « Per idem tempus in Alemanniæ partibus habebatur admirabilis virgo quedam provecæ ætatis, cui tantam gratiam virtus divina contulerat, ut, cum ipsa laica et illitterata esset, mirabiliter tamen ab hoc mundo raperetur frequentius et in summis disceret, non solum quod postea in imis diceret, sed otiis (quod

## 331 EPISTOLA CCCLXVI (962).

AD HILDEGARDEN ABBATISSAM (965).

*Laudibus suis modeste rejectis, ut ipsa Dei gratiam in se agnoscat monet, et orationes pro se suisque postulat.*

Dilectæ in Christo filiæ HILDEGARDI, frater BERNARDUS Claræ-Vallensis vocatus abbas, si quid potest oratio peccatoris.

Quod de nostra exiguitate longe aliter quam nostra sese conscientia habeat, quidam sentire videntur; non nostris meritis, sed stultitiæ hominum deputandum est. Ad dulcedinem autem piæ charitatis tuæ scribere properavi; quamvis id brevius omnino quam vellem, negotiorum multitudo compellat. Congratulamur gratiæ Dei quæ in te est, et ut eam tanquam gratiam habeas, et toto ei humilitatis et devotionis affectu studeas respondere, admonemus: sciens quod Deus superbis resistit, humilibus autem dat gratiam (*Jacobi iv.*, 6). Quod in nobis est, hortamur et obsecramus. Ceterum ubi interior eruditio est, et unctio docens de omnibus, quid nos aut docere possumus, aut monere? Diceris enim cœlestia secreta rimari, et ea quæ supra homines sunt, Spiritu sancto illustrante dignoscere. Unde rogamus magis et suppliciter postulamus, ut nostri memoriam habeas apud Deum, et eorum pariter qui nobis in spirituali societate juncti sunt. Nam cum spiritus Deo conjungitur, confidimus quod nobis multum prodesse valeas et subvenire. Multum enim valet deprecatio justî assidua (*Jac. v.*, 16). Nos pro te assidue oramus, ut conforteris ad bona, instruaris ad interiora, dirigaris ad permansura: ita ut nec tui qui spem suam in Deo posuerunt, desperando pro te claudicent; sed ut in profectu benedictionis, quam a Deo accepisse cognosceris, bene confortati, in melius et melius proficiant.

## EPISTOLA CCCLXVII (964)

C. (965) CANCELLARIO.

Episcopum Metensem commendat

Prædecessor vester bonæ memoriæ Haimericus cancellarius dominum Metensem episcopum (966) speciali amplectebatur dilectione; et nuntios ejus, quoties Romam venirent, plurimum acceptabat, et juvabat studiosius. Unde rogo vos quoque per eadem

satis mirabile est et inauditum) etiam scribendo latine dictaret, et dictando libros catholicæ doctrinæ conficeret. Vide Chronologiam nostram ad annum 1148. Hildegardis epistolæ habentur in Bibliotheca Patrum, quas inter una exstat ad Bernardum in qua ejus studium in prædicanda sacra expeditione laudat, eumque « ante biennium sicut hominem in sole » se vidisse dicit. Joannes Saresberiensis ejus visiones petit a magistro Girardo, eamque dicit Eugenio papæ acceptissimam fuisse.

(964) Alias epistola 332: quæ vero antea 367 erat, nunc 419. Scripta circa annum 1147.

(965) Guidoni Moricato de Vico, Pisano, qui post Robertum Pullum cancellarius fuit ab anno 1146: ex notis ad epistolam 354.

(966) Scilicet Stephanum.

gradi vestigia, et nobili episcopo, in magna necessitate posito, armis Ecclesiæ subvenire.

EPISTOLA CCCLXVIII (967).

AD G. DIACONUM CARDINALEM.

*Affectum ejus, litteris et donis expressum, gratus, amplectitur, et ab amore terrenorum opumque avocat.*

Domino et amico charissimo G. Dei gratia sanctæ Romanæ Ecclesiæ diacono cardinali, frater BERNARDUS Claræ-Vallis vocatus abbas, salutem et devotas orationes.

1. Benedictus tu a Domino, qui tam copiose prævenisti nos in benedictionibus dulcedinis: ut si qua misericordiæ viscera, si quid affectionis, si quid charitatis invenitur in nobis, totum sibi merito vindicet illustris animi tui tam devota humilitas, humilisque devotio. Nam et antea exultabam omnino, et gratulabar zelo bono, quem in te esse fratrum nostrorum relatione **332** didiceram: sed jam eo amplius, si quid possum in Domino, tuæ dilectioni me sentio debitorem, quo devotius et humiliter parvitati nostræ commendatum te reddere studuisti. Unde et sollicitus fui fratribus nostris indices tui pectoris legerelitteras, plenas devotæ affectionis, plenas pietatis et gratiæ; benedictionem (968) quoque, quam destinaveras, exhibere; et præcipere, sicut rogaſti, in memoriam tui et tuorum, ipsis in vasis Missarum solemnita celebrari. Faciat te Deus in magna domo sua vas in honorem, ut de te quoque nos charissimi tui operum testimonio, quod plurimum desideramus, mereamur audire, *Quoniam vas electionis mihi est iste* (Act. ix, 15). Testis enim nobis est Spiritus veritatis, per quem et diffunditur charitas ista in cordibus nostris (Rom. v, 5), quomodo te cupiamus in visceribus Jesu Christi.

2. Quia ergo æmulamur te Dei æmulatione, non modo est ad eum pro te deprecatio nostra, sed etiam ad te ipsum, ut sollicite provideas, quomodo te oporteat conversari in domo Dei, et in sorte ministerii hujus. Dico enim non de præsumptione, Deus scit, sed de charitate, quoniam iudicium grave his qui præsumunt (Sap. vi, 6), si non etiam prodesset laborant: et econtra, qui bene ministraverit, gradum bonum acquirat (I Tim. iii, 13). Tu ergo, dilectissime et desideratissime domine, declina, ob-

A seculo, magis ac magis a malo, et fac bonum: nec inveniariſ in Christi hæreditate quærens quæ tua sunt, sed memor esto semper apostolici illius, *Nihil intulimus in hunc mundum, haud dubium quia nec quidquam auferemus* (I Tim. vi, 7). Quamobrem eam, quæ immortalis est, animam tuam serva, charissime; ne qua occasione avelli aut eradicari queat ab affectu cordis tui quod Dominus loquitur in Evangelio: *Quid prodest, inquit, homini si universum mundum lucretur, se autem ipsum perdat, et detrimentum sui faciat?* (Matth. xvi, 26.) Miseri prorsus, miseri, qui in bonis ducunt dies suos, ut in puncto ad inferna descendant (Job xxi, 15). Cum enim interierint, non sumunt omnia, nec descendet cum eis gloria eorum (Psal. xlviii, 18), quoniam vapor est ad modicum parens (Jac. iv, 15). Hæc cogita, dilectissime, et hæc meditare jugiter, et in corde tuo describe ea, nec a memoria tua ullatenus recedant. Vale.

EPISTOLA CCCLXIX (969).

AD SUGERIUM ABBATEM.

*Gratulatur Sugerio de reformatione ecclesiæ S. Genovefæ feliciter instituta, et ut bene captis insistat, hortatur.*

Amantissimo patri et domino SUGERIO, Dei gratia venerabili abbati Beati-Dionysii, frater BERNARDUS de Clara-Valle, salutem et orationes (970).

Benedictus Deus, qui in manu vestra operatus est salutem in ecclesia Sanctæ Genovefæ (971): ut domus Dei restitueretur ordini et disciplinæ. Agit vobis gratias apostolica ipsa auctoritas, quod fideliter et efficaciter opus magnificum incœpistis: agimus et nos quas possumus gratias, et quicunque Deum diligunt in veritate. Rogamus itaque obnixius et postulamus, ut secundum apostolicarum tenorem litterarum, operi manuum vestrarum dexteram porrigatis: ut quod magnifice cœptum est, vestræ Magnitudinis opera proficere possit in dies, et feliciter consummari. Jam pro ecclesia Sancti-Victoris (972) charitatem vestram sollicitare superfluum iudicamus: quia omnium ecclesiarum custodia vobis commissæ esse dignoscitur. Sed his debetur amplius, quarum religio amplius noscitur indigere.

(967) Alias epistola 335: quæ vero antea 368 erat, nunc 420. Scripta circa annum 1147.

(968) Id est donum seu vasa sacra, quæ Guido in ministerium altaris Claræ-Vallensibus destinaverat, infra, indubie aurea aut argentea.

(969) Alias epistola 356: quæ vero antea 369 erat, nunc 358. Scripta circa annum 1147.

(970) Hæc precandi formula uti solet Bernardus scribendo ad Sugerium.

(971) Quæ sit salus ista collige ex Stephano Tornacensi episcopo, quondam abbate Sanctæ Genovefæ, in sermone de reformatione disciplinæ ibidem facta. « Anno, » inquit, « ab Incarnatione Domini factum est verbum in palatio Regis et tractatum solemniter et protractum fideliter, et feliciter consummatum. Venerunt nuntii qui dicerent, ecclesiam sanctorum apostolorum Petri et Pauli, in monte Locutitio sitam, in qua gloriosa virgo Genovefa requiescit in corpore, multis exponi periculis, et informi statu suorum mo-

D rum potius quam murorum minari ruinam: filios ejus singulariter et sæculariter viventes quærere quæ sua sunt, vagari post greges sodalium suorum: ecclesiastica stipendia, quæ sunt tributa egentium animarum pro voluntate sua consumere: porciones de communi facere et non vivere in communi: divina officia minus devote, minus religiose celebrare. Propter hæc et alia quæ dici non opus est, personarum statum mutari debere, mundari sancta et in melius ordinari. Placuit sermo in oculis Domini sabaoth et principium ejus, nec sine lætitia mirati sunt universi. » In ea porro ecclesia canonicos regulares S. Augustini instituerat Sugerius pro monachis, quos Eugenius eo induci præceperat in locum canonicorum sæcularium: qua de re item in epistola sequente, ubi ecclesia de Monte appellatur, scilicet Locutitio, ut olim dicebatur. Vide Sugerii epistolas, ubi hæc et sequentes insertæ sunt.

(972) Vide epistolam 410.

## 333 EPISTOLA CCCLXX (973).

AD EUNDEM.

*Ecclesiam de Monte ei commendat.*

Charissimo patri et domino SUGERIO, Beati-Dionysii abbati, frater BERNARDUS Claræ-Vallensis vocatus abbas, salutem et dilectionem.

Oportet vos operari opera ejus qui reliquit vos in loco suo (974), imo opera Domini Dei vestri, qui ad tale ministerium vos elegit. De operibus ejus est, quod ecclesia de Monte religionem induit et decorem: ubi vos novella illa plantatio consiliatorum et auxiliorum magnam invenit. Supplicamus, ut quod bene cepistis, melius consummetis, et opponatis vos murum pro domo Israel, ut non prævaleat homo. Dignemini etiam consolari abbatem loci illius (973) quia pusillanimitas est: quia sic convenit honori personæ vestræ, et salutis animæ vestræ, et specialiter in tempore isto.

## EPISTOLA CCCLXXI (976).

AD EUNDEM.

*Disuadet matrimonium inter filium comitis Andegavensis et filiam regis Francorum, ob impedimentum consanguinitatis.*

Domino abbati Beati-Dionysii, frater BERNARDUS de Claræ-Valle, salutem et orationes.

Sic scripsi ad dominum Regem: « Opus grande et onus inestimabile suscepistis, quod a nomine, nisi divina virtute, possit portari. Supra vires est hominis negotium vestrum (977): sed Deo facile est, quod hominibus est impossibile (*Luc. xviii. 27*). Si hæc scitis, cavendum vobis summopere est, ne qua occasione tam necessariam repellatis auxilium, ne qua suggestionem Deum offendatis, et gratiam ejus vobis reddatis infensam. Cavendum, inquam, nunc maxime, nequando provocatus a vobis irascatur Deus, et avertat faciem suam a vobis, ac manum retrahat adjutorii. Siquidem periculum hoc non ad solum Regem spectat, sed ad universam Ecclesiam Dei: quia ex hoc jam vestra et totius mundi una est causa. Quorsum hæc tendant, audite. Festino quidem ad vos, sicut hæc litteræ, vigiliam beatæ Mariæ Magdalene Laudoni factorus; sed aliis jam litteris præmonere vos et præmunire curavi. Audivi enim quod festinet Comes Andegavensis alligare vos fide et sacramento, super matrimonio contrahendo inter filium suum, et filiam vestram. At hoc quidem non tantum non expedit, sed non licet; non modo alias ob causas, sed quia titulus consanguinitatis id pro-

A libet, sicut veridica attestatione cognovimus, matrem reginæ et puerum istum, filium Comitis Andegavensis, in tertio consanguinitatis gradu inveniri. Propter quod omnimodo monemus, ne faciatis hanc rem: sed timeatis Deum, et declinetis a malo. Promisistis vos nulla ratione sine consilio nostro id facturum: et si dissimulavero, ipse peccavi. Hoc ergo consilium nostrum, ut nullo modo id faciatis. Si feceritis, sciatis vos et contra consilium nostrum, contra consilium multorum diligentium nomen vestrum, et etiam contra Deum fecisse: et nolite putare quod acceptum sit Deo sacrificium vestrum, cum sit ex parte, ut pro alieno sollicitus, regno proprio non parcatis, disponendo illud contra Deum, contra jus et fas, et contra utile atque honestum. B Liberavi animam meam: liberet et vestram Deus a labiis iniquis et a lingua dolosa. »

## 334 EPISTOLA CCCLXXII (978).

AD P. (979) EPISCOPUM PALENTINUM IN HISPANIA.

*Laudat eum ab humilitate, sed maxime a studio lectionis.*

Venerabili domino, et charissimo patri P. Dei gratia Palentiensi episcopo, BERNARDUS Claræ-Vallensis abbas, præveniri a Domino in benedictionibus dulcedinis.

Quis dabit mihi pennas sicut columbæ, et volabo, et requiescam in odore unguentorum tuorum? Venerabilis tua conversatio, et integritas morum replevit nares meas in odorem suavitatis; et ecce odor iste factus est mihi, sicut odor agri pleni, quem benedixit Dominus. Vere sicut adipe et pinguedine repleta est anima mea in odore isto, et in talibus vita spiritus mei. Quomodo enim potest audire, et non delectari in crassitudine anima mea, eum audierit viroem sublimem et humilem, negotiosum et quietum, et trementem verba Domini? C rara avis in terris, humilitas cum sublimitate, et tranquilla mens in medio negotiorum! Lætificasti, Domine, animam servi tui; lætificet et tuam misericors Dominus in lætitia gentis suæ. Gavisus sum gaudio magno, quod talia de vobis, et a talibus nuntiata sunt, quibus non forte putare potui. Latrores enim præsentium fratres nostri nuntiaverunt nobis de castigatione carnis, quam redigis in servitutem, de erectione spiritus, de amore lectionis, de mansuetudine morum, de operatione boni ad omnes, maxime autem ad domesticos fidei. Tu ergo, D charissime, non me intendas intentum circa laudes tuas in verbis istis. Nondum enim menti excidit illa

(973) Alias epistola 357: quæ vero antea 370 erat, nunc 337. Scripta circa annum 1147.

(974) Id de Ludovico Juniore intelligendum, qui in Orientem profectus, Sugerio vices suas commiserat: unde Bernardus in superiori epistola ait, omnium ecclesiarum curam ei esse commissam; et in epistola nunc 376 ad eundem « Maximus, » inquit, « Princeps estis in regno. » Unde « Majestatis » nomine compellatur ab Ulgerio Andegavensi episcopo in epistola 3 inter Sugerianas.

(975) Scilicet Odonem.

(976) Alias epistola 363: quæ vero antea 371 erat, nunc 325. Scripta circa annum 1147.

(977) Id est expeditio sacra: unde hæc epistola

sine dubio referenda est ad Ludovicum Juniorem, qui Mariam suam principem filio Fulconis Andegavorum comitis, qui in Orientem etiam profectus est, conjungere volebat; quæ res effectu caruit, Maria Henrico Campanie comiti tradita.

(978) Epistola nova: quæ vero antea 372 erat, nunc 319. Scripta circa annum 1147.

(979) Petrum scilicet, cujus nomen diplomati Sancti, Spinam abbatiam S. Bernardo concedentis, subscriptum invenitur apud Manriquez, ad annum 1147, cap. 18, n. 3. — Hanc chartam vide infra inter variorum donationes pias, Appendici epistolarum ubi jungimus. Edit.



prophetica reprehensio: *Populus meus, qui te beatificavit, ipsi te decipiunt* (Isa. ix, 16). Nolo enim oleo peccatoris impinguari caput tuum, quia peccator sum; sed potius oleo lætitiæ, quæ procedit de corde puro, et conscientia bona, et fide non ficta. Non sum ego venditor olei; non enim habeo nisi parum olei, quo ungar in palestra hujus sæculi: verumtamen laudes Christi silere non possum. Laudetur ergo non creatura, sed Creator: laudetur non ille qui accepit, sed ille a quo accepit: laudetur non ille qui plantat, sed ille qui rigat, quia nihil sunt; sed qui incrementum dat Deus. Ego ergo non accipientis, sed porrigentis manum laudabo: non laudationem servi, sed laudationem Domini loquetur os meum. Tu ergo, dilectissime, si sapis, imo quia sapis in te quidem, sed non ex te cognosce gratiam: quia, omne datum optimum, et omne donum perfectum desursum est, descendens a Patre luminum. Scio quosdam esse, qui quasi scienter nescire volunt quæ acceperunt a Domino, ne in superbiam elati, in viscum incidant diaboli. Mihi autem videtur debere scire quid acceperim, ut sciam quid desit mihi: mihi videtur juxta Apostolum, ut sciamus quæ a Deo donata sunt nobis, ne nesciamus, ad quæ postulanda suspirandum sit nobis. Qui enim accepit, et nescit quæ accepit, duplici periculo vicinum se constituit: quia ingratus est circa acceptum, et incautus circa custodiendum beneficium. Quomodo enim refert gratiam ei, a quo accepit, si nescit se accepisse quod accepit? vel quomodo sollicitus erit custodire, qui non meminit se aliquid accepisse? Aufer a me, Domine, opprobrium ingrati illius populi, de quo dictum est: *Obliiti sunt benefactorem ejus, et mirabilem ejus, quæ ostendit eis* (Psal. lxxvii, 11). Acceptorum itaque beneficium, etiam secundum sapientes hujus sæculi, æternæ memoriæ infigendum est. Oportet ergo ut accepta sciamus custodire, et gratia Dei vacua non sit in nobis; sed ut semper in nobis maneat, semper gratias agamus Domino **335** Deo nostro. Illud quoque non otiose puto adjiciendum, ut in acquisitionem salutis et gratiæ tribus gradibus ascendas: humilitate, fide, timore. Humilitas enim est, cui gratia datur; fides, in qua suscipitur; timor, a quo custoditur. Nam sine tribus his si ascendamus ad gratiam, timeo, ne dicatur nobis: *Domine, neque in quo haurias habes, et puteus altus est* (Joan. iv, 11). Sit ergo ad hauriendam aquam sapientiæ funiculus hereditatis, et hæc humilitas sit in ore, sit in corde, sit in actu: quia funiculus triplex difficile rumpitur. Fides sit hydra, et hæc magna sit, ut ab ea multum gratiæ capiatur. Sit timor operculum, ne sortibus vanæ gloriæ aqua sapientiæ inquinetur: scriptum est enim, *Vas quod*

(980) Epistola nova: quæ vero antea 375 erat nunc 411. Scripta circa annum 1147.

(981) Haud dubie abbas de Spina, Palentinæ diocesis cujus fundatrix Sancia, Alfonsi imperatoris soror, ad quam epistola 301, locum, S. Bernardo dedit. Nivardus Bernardi frater cum sociis eo missus. Abbas primi nomen ignorat Manriquez, ad annum 1147,

*A non habuerit cooperculum, immundum erit* (Num. xiv, 15). Manum meam provocavit ad scribendum illa tua devotio legendi, qua non solum magnorum hominum, sed etiam nugas nostras amplecteris: ut per quos nuntiata est bonitas tua, per eosdem tibi nuntiaretur, quantum cordi meo dedisti lætitiæ.

#### EPISTOLA CCCLXXIII (980).

ABBATIS SP. (981) AD SANCTUM BERNARDUM.

*De præfectura sibi imposita luget.*

Desiderabili domino et charissimo patri BERNARDO Claræ-Vallensi abbati, filius ejus Sp. fratrum ecclesiæ servus inutilis, benedictionem omnium gentium.

Desiderio desideravi, si fieri posset, ut litteræ istæ invenirent vos liberum ab aliis negotiis et absolutum. Timeo enim, et timui, cum eas scriberem, et recordabar illius, qui querebat videre Jesum, sed non poterat præ turba, quia statura pusillus erat (Luc. xix, 3). Sed quid, si otium invenero, et non invenero gratiam in oculis vestris? Nunquid solum otium erit mihi solatium? Parcat vobis Deus. Quid fecistis? ubi me posuistis, et qualem? Utinam appenderentur vires meæ, et sarcina, quam porto, in statera! quasi arena maris hæc gravior appareret. Quis enim ego sum, aut quæ domus patris mei? Nonne ego sum puer parvulus, ignorans introitum et egressum meum? Quis ego, aut quid ego, ut possim solus occurrere, imo succurrere ecclesiæ, in qua positus sum, tanquam parieti inclinato et maceriæ depulsæ? Supra vires meas est negotium istud; stulto labore consumer. Laboravi in gemitu meo: sed quæ utilitas in laboribus et gemitibus meis? Inveterati sunt morbi, plaga crudelis, et insanabilis dolor, nisi in manu forti. Vitia quippe versa sunt in mores, mores in consuetudinem, consuetudo in naturam, natura in necessitatem. O quam necesse esset hanc necessitatem evelli! Sed, quod cum lacrymis dicendum esset, confortata est, et non potero ad eam. Ecce enim non est auxilium mihi in me. Sed et frater iste lator præsentium, qui valde nobis necessarius erat, recedit a nobis. Docebat enim novitios; proficiebant illi, ego autem gaudebam, et sperabam de misericordia Dei, quod quandoque absorberetur mortale a vita. Testimonium illi perhibeo, quantum licet æstimare hominem ab homine, quia conversatio ejus apud nos, et Deo grata fuit et dulcis hominibus. Unde et discessio ejus sine dolore esse non potuit. Potens es, Domine, convertere planctum meum in gaudium mihi, si inveni gratiam in oculis tuis. Hæc hactenus. Cætera præsentium lator latius explicabit.

#### 336 (EPISTOLA CCCLXXIV (982).

AD FRATRES DE HIBERNIA, IN TRANSITU BEATI MALACHIÆ EPISCOPI (983).

*Sanctorum obitum gaudio potius quam luctu prosecutus.* cap. 18, n. 3.

(982) Alias epistola 311: quæ vero antea 374 erat, nunc 358. Scripta anno Christi 1148.

(983) Anno 1148, die secunda novembris: contigit sancti Malachiæ obitus, de quo in ejus Vita a Bernardo scripta, in tomo II. Adde sermones duos eodem, in tomo III.

*quendum. Singularem quoque Dei beneficio, Claræ Vallis tantum viri morte et sepultura honoratam.*

Religiosis fratribus qui in Hibernia sunt, et his maxime congregationibus, quas beatæ memoriæ Malachias episcopus fundavit, frater BERNARDUS Claræ Vallis vocatus abbas, Paracleti consolationem.

1. Si haberemus hic manentem civitatem, copiosissimis jure lacrymis plangeremus, talem nos amisisse concivem. Cæterum si futuram magis inquiremus ut oportet, est quidem non modica doloris occasio tam necessario duce destitui debet tamen zelum temperare scientia, et dolorem spei fiducia deliuire. Nec mirari quæpiam decet, si gemitum extorquet affectus, si desolatio lacrymas exprimit: modum tamen adhibere necesse est, imo non modice etiam consolari, intuentes non quæ videntur, sed quæ non videntur. Quæ enim videntur, temporalia sunt; quæ autem non videntur, æterna. Primum quidem congratulandum est animæ sanctæ, ne nos arguat de inopia charitatis, dicens et ipse quod Dominus ad Apostolos ait: *Si diligereis me, gauderetis utique, quia vado ad Patrem (Joan. xiv, 28)*. Prævenit nos ad Patrem spirituum spiritus patris nostri: nec modo charitatis inopes, sed ingratitude etiam rei esse convincimur super omnibus quæ per eum nobis beneficia provenire, si non congratulamur ei, qui de labore ad requiem, de periculo ad securitatem, de mundo transiit ad Patrem. Itaque et pium est Malachiam flere defunctum, et pium magis Malachiæ congaudere viventi. Nunquid non vivit? Utiq; et beate. Visus est oculis insipientium mori, ille autem est in pace.

2. Dehinc etiam utilitatis propriæ consideratio exsultandum nobis suggerit et letandum, quod tam potens suos patronus ad cœlestem curiam, tam fidelis præcesserit advocatus: cujus et ferventissima charitas oblivisci ne queat filiorum, et probata sanctitas obtineat gratiam apud Deum. Quis enim nunc Malachiam sanctum aut minus posse prodesse, aut minus suos diligere audeat suspicari? Profecto cum diligeretur prius, certiora nunc suæ dilectionis a Deo capit experimenta: et cum dilexisset suos, in finem dilexit eos. Absit autem ut tua nunc, o anima sancta, minus efficax æstimetur oratio, quando præsentis vividius supplicare est majestati, nec jam in fide ambulas, sed in specie regnas! Absit ut immixta, nedum exinanita tua illa tam operosa charitas reputetur, cum ad fontem ipsum charitatis æternæ procumbis, pleno hauriens ore, cujus et ipsa prius stillicidia sitiebas! Non potuit morti cedere charitas fortis ut mors, imo et morte fortior ipsa. Nam et decedens non erat immemor vestri, affectuosius vos commendans Deo, et nostram quoque exiguitatem solita illa sua mansuetudine et humilitate exorans, ut vestri non oblivisceremur in finem. Unde et dignum duximus scribere vobis, ut sciatis nos et in

A spiritualibus, si quid nostra in his exiguitas per beati hujus Patris nostri merita unquam potuerit; et in corporalibus, si quando forte opportunitas præberetur, omnem vobis consolationem impendere tota devotione paratos.

3. Et nunc quoque, dilectissimi, Hiberniensis Ecclesiæ gravem hanc destitutionem toto miseramur affectu: et eo amplius vobis compatimur, quo nos amplius ex hoc novimus debitores. Magnificavit enim Dominus facere nobiscum, cum locum nostrum dignatus est beate mortis ejus honorare præsentia, et pretiosissimo **337** corporis ejus locupletare thesauro. Nec molestum sit vobis, quod apud nos habeat sepulcrum: quando sic ordinavit Deus secundum multitudinem misericordiæ suæ, ut vos eum vivum haberetis, nobis habere liceret vel defunctum. Et nobis siquidem communis vobiscum pater ille erat, et est: nam et in morte ipsius hoc nobis confirmatum est testamentum. Quamobrem sicut nos hujus tanti patris gratia, universos vos, tanquam germanos fratres, totis amplectimur visceribus charitatis: sic et de vobis idem sentire spiritualis ipsa cognatio persuadet.

4. Hortamur autem vos, fratres, ut beati hujus patris nostri semper curetis seculi vestigia, eo studiosius, quo vobis certius sancta ejus conversatio diuturnis experimentis innotuit. In hoc enim veros vos ejus filios esse probabit, si paterna viriliter instituta servetis: et ut in eo vidistis et audistis ab eo quemadmodum vos oporteat ambulare, sic ambuletis, ut abundetis magis: siquidem gloria patris, sapientia filiorum (*Prov. x, 1*). Nam et nostram non mediocriter excutere desidia, et reverentiam incutere cœpit præsens nobis tantæ perfectionis exemplar. Atque utinam sic nos post se trahat, ut pertrahat in tam recenti virtutum ejus odore avidius alacriusque currentes. Orantem pro nobis universitatem vestram Christus custodiat.

#### EPISTOLA CCCLXXV (984).

AD IDAM COMITISSAM NIVERNENSEM.

*Monachos Vizeliacenses a Comitissæ clientibus infestari queritur.*

Dilectæ in Christo filiæ Nivernensi comitissæ, frater BERNARDUS Claræ Vallis vocatus abbas, salutem et orationes.

Conqueritur venerabilis abbas Vizeliacensis (983), quod vos et clientes vestri mercatores et cæteros Vizeliacum volentes ire prohibetis: quod quia Guillelmus comes (986) bonæ memoriæ, et filius ejus in præsentia domini Autissiodorensis et nostra penitus refutavit, tanquam impium et iniquum; monemus et rogamus, ne id deinceps ullo modo faciatis. Timemus enim, si talia facere cœperitis, ne forte et vobis hic, et viro vestro, ubi ipse est, plurimum possint obesse, quod omnino nollemus. Credite ergo nobis, et omnino desistite a malitia hac.

(984) Alias epistola 590: quæ vero antea 375 erat, nunc 316. Scripta anno Christi 1148

(985) Scilicet Pontius.

(986) Guillelmus iste in Carthusiam (ut jam notatum) secedens, alterum Guillelmum filium suum successorem habuit ab anno 1147.

## EPISTOLA CCCLXXVI (987)

AD SUGERIUM ABBATEM.

*Hortatur et rogat, ut duellis quorundam principum se opponat.*

Venerabili patri et domino SUGERIO, Dei gratia abbati Sancti-Dionysii, frater BERNARDUS Clare-Vallis vocatus abbas, salutem et orationes.

Nunc tempus et opus est, ut apprehendatis gladium spiritus, quod est verbum Dei, contra diabolica figmenta, quæ regerminare moluntur iterum. Homines namque illi qui reversi sunt, maledictas illas nundinas (988) post festa paschalia præfixerunt, et statuerunt laxatis habenis dominus Henricus filius Comitis, et dominus Robertus frater Regis, ut irruant et interficiant semetipsos. Animadvertite quali voluntate viam Jerosolymitanam aggressi sunt, qui cum voluntate hujusmodi regressi sunt. Quam recte dici potest de istis: *Curavimus Babylonem, et non est sanata!* (Jerem. LI, 9); *percutsi sunt, et non doluerunt; attriti sunt, et renuerunt suscipere disciplinam!* (Jerem. v, 3.) Post tot labores, post tot pericula, quibus vexati sunt a tribulatione malorum et dolore, regnum in pace est, et Dominus Rex abest: et per hos duos potest terra singulariter commoveri, sed **338** et perturbari. Supplico et consulo Sublimati vestræ, quia maximus princeps estis in regno, ut vel dissuasione, vel vi, totis viribus vos opponatis, ne fiat hoc: quia sic convenit honori personæ vestræ, et terræ vestræ, et utilitati Ecclesiæ Dei. Vim autem appello, quod ad ecclesiasticam pertinet disciplinam. Nos autem idem scribimus domino Remensi, domino Senonensi, domino Suesionensi, domino Antissiodorensi, comiti Theobaldo, comiti Rodulfo. Opponite vos tantis malis, et propter dominum regem, et propter dominum papam, ad quem pertinet custodia regni.

## EPISTOLA CCCLXXVII (989).

AD EUNDEM.

*Prædicat ejus zelum et studium boni communis, quod indixerit comitia regni pro ejus salute, hortaturque ad causam reipublicæ fortiter agendam.*

Charissimo patri et domino SUGERIO, Dei gratia

(987) Alias epistola 338: quæ vero antea 376 erat, nunc 355. Scripta anno Christi 1149.

(988) Quæ istæ nundinæ? Id dicere licet ex Wilhelmo abbate Sancti Theoderici, Vitæ S. Bernardi libro I, cap. 11, ubi ita habet: «Diverit aliquando nobilium cohors militum ad Claram-Vallem... Prope autem erat sacrum Quadragesimæ tempus et illi omnes fere juvenes, dediti militiæ seculari circumibant, quærentes execrables illas nundinas, quas vulgo Tornetas vocant.» Alii «Torneamentum» appellant, Mattheus Parisiensis, Historiæ Angl. pag. 258. Non in hastiludio illo quod vulgariter «Torneamentum» dicitur, sed potius in illo ludo militari qui «Mensa rotunda» dicitur. «Res quidem ludicra et speciem præ se ferens tirocinii seu potius exercitii militaris, et ad agilitatem seu dexteritatem in armis tractandis acquirendam institui solita. Ideo Richardus rex Angliæ ad imitationem Gallorum suos voluit torneamentis exerceri, ut ex bellorum solemnium præfudio verorum addiscerent artem, ait Wilhelmus Neubrigensis, libro V, cap. 4. Sed frequenter joca fiebant seria et ludi in cædes abibant. Unde tribus diversis

A Beati-Dionysi abbati, frater BERNARDUS Clare-Vallis vocatus abbas, spiritum consilii et consolationis.

1. Visis quibusdam litteris vestris, quas ad dominum Turonensem direxerat Sublimitas vestra, exultavimus, et delectati sumus, non qualicumque gaudio, sed gaudio magno valde. Visitet vos Oriens ex alto, qui visitare disponitis regnum gloriosissimi regis nostri, ut sic respirare possit a tribulatione malorum et dolore, qui jam in januis est, si non fuerit totis viribus contradictum. Profecto consilium Dei fuit, ut ad consilium tam curiæ quam Ecclesiæ principes vocaretis: ut sciant omnes qui habitant terram, quia remansit et regno, et regi amicus dulcis, consiliarius prudens, adiutor fortis. Illi, inquam, regi, qui servit Regi cujus regnum est omnium sæculorum; qui commovit gentes et regna, ne Rex cœli perderet terram suam; terram, ubi steterunt pedes ejus. Illi, inquam, regi, qui cum esset gloria singularis, rebus affluens, pace securus, victoriosus in præliis, juvenis ætate, elegit exulare a propriis, ut serviret in alienis; illi tamen, cui servire, regnare est. Et quis audeat turbare regnum ejus? quis tantam impietatem committat adversus Dominum, et adversus christum ejus? Domine, mi rex, utinam abscondantur, qui te conturbant! qui quærunt mala et tibi, et tuis, cum tu inter alienas gentes solus remanseris, ne remaneret in solitudine ille locus, quem elegit Dominus ex omnibus locis terrarum, ut esset nomen suum ibi.

2. Propterea viriliter agite, et confortetur cor vestrum, qui vobiscum est Dominus Deus vester in protectione Regis et exulis sui. Qui imperavit ventis et mari, tumentes fluctus facile complanabit. Erit vobiscum universitas Ecclesiæ Dei, ne insurgat aliquis et peccare faciat Israel, et totis humeris totum onus, si quid tamen oneris fuerit, supportabit. Nunc enim tempus et opus est, ut agatis pro loco quem tenetis, pro dignitate qua polletis, pro potestate quam accepistis: ut memoria vestra non solum in benedictione, sed et in admiratione sit generationi huic omni quæ ventura est. Providendum

conciliis generalibus, teste eodem Neubrigensi, sub tribus Romanis Pontificibus hujusmodi armorum exercitia prohibita sunt. In concilio Lateranensi Alexander papa sic ait: «Felicis memoriæ papæ Innocentii et Eugenii prædecessorum nostrorum vestigiis in hærentes, detestabiles nundinas, quas vulgo Torneamenta vocant in quibus milites ex condicio convenire solent et audacia temeraria congregiuntur, unde mortes hominum et pericula animarum sæpe proveniunt, fieri prohibemus. Quod si quis etiam ibidem mortuus fuerit, quamvis ei poenitentia non denegetur; christiana tamen careat sepultura.» Hæc ex Wilhelmo Neubrigensi. Sed nihil minus profectio et fervorem juvenum, armorum gloriam vanissime affectantium, frenum non admisisse, testatur idem loco citato. Hinc ergo patet, quales nundinas instituerint Henricus comes, filius Theobaldi Magni comitis Campaniæ et Robertus Regis frater, qui ex itinere Hierosolymitano redierant. Vide epistolas 179, 288 et 363.

(989) Alias epistola 359: quæ vero antea 377 erat, nunc 346. Scripta anno Christi 1149.



est, et multum providendum, ne tanta portio Ecclesie Dei sine fructu maximo fatigetur, et hic statuendum, quod omnes insurgentium malignitates vel reddere, vel elidere possit. In voluntate nostra est, ut vobis in nomine Domini congregatis, parvitis nostræ litteras transmittamus, quæ etsi non adjuvent, saltem affectum nostrum ostendant. Ille autem qui vobis dedit hanc voluntatem, donet et facultatem, et conterat Satanam sub pedibus vestris: ut in opere isto glorificetur Dominus, honoretur Ecclesia, regnum stabilietur, et obstruatur osloquentium et facientium iniquus.

### 339 EPISTOLA CCCLXXVIII (990).

AD EUMDEM.

*Petit subsidium annonæ pro Religiosis Bituricensibus.*

Domino dilectissimo SUGERIO, Dei gratia venerabili abbati Sancti-Dionysii, frater BERNARDUS Claræ-Vallis abbas, salutem et orationes.

Fratres nostri de Bituricensi archiepiscopatu, de Domo Dei, egent pane: et audivimus quod abundat ibi annona domini Regis, et parum venalis inibi videtur. Itaque rogamus vos, ut præcipiatis eis dari de annona illa, quantum visum fuerit prudentiæ vestræ. Nam et dominus Rex, dum in hac terra esset, eis benefacere solebat.

### EPISTOLA CCCLXXIX (991)

AD EUMDEM.

*Abbati cuidam inopia subveniri rogat.*

Domino et patri dilectissimo SUGERIO, Dei gratia reverendo abbati Sancti-Dionysii, frater BERNARDUS Claræ-Vallis vocatus abbas, salutem et devotas orationes in Christo.

Abbatem pauperem abbati diviti mittimus, ut de alterius abundantia alterius inopia aliquatenus releveretur. Vobis sane honestiorem celimus partem juxta sententiam Veritatis, quæ beatius esse definit dare, quam accipere (Act. xx, 35). Nec dubito, quin libentius et liberalius manum vestram extenderetis ad hunc pauperem Christi, si vobis æque, ut nobis, innotuisset ejus religiositas et honestas, sed et necessitas ipsa quam patitur. Nam et debitis premitur, et panis inopia laborat, quod agri ejus pro tritico herbas ei perniciosas reddiderint. Quia ergo sterilitas ista vestros non attingit loculos, rogamus et petimus per vestram misericordiam ei subveniri: nec ullatenus dubitetis, quin utiliter positum sit et repositum, quidquid ei præstare placuerit.

### EPISTOLA CCCLXXX (992).

AD EUMDEM.

*De periculoso statu Ecclesiæ Orientalis*

Amantissimo patri et domino SUGERIO, Dei gratia Beati-Dionysii abbati, BERNARDUS Claræ-Vallis vo-

(990) Alias epistola 360: quæ vero antea 378 erat, nunc 347. Scripta anno Christi 1149.

(991) Alias epistola 361: quæ vero antea 379 erat, nunc 353. Est 93 inter Sugerianas. Scripta anno Christi 1149.

A catus abbas, salutem, et quas potest orationes in Domino.

Verbum quod attulerunt magister Templi et frater Joannes tam lætus accepi. quam id quod a Deo crederem processisse. Ipsa enim jam Orientalis Ecclesia tam miserabiliter clamat, ut quisquis non toto compatitur affectu, Ecclesiæ filius esse non probetur. Verrum quam lætus de nuntio, tam tristis de angusto termino, ad quem vestræ Dilectioni occurrere non potui. Siquidem promiseram Lingonensi episcopo ipsa die occurrere ad colloquium, quod de magnis et gravibus negotiis fiducia nostri acceperat. Indicavi autem ipsum tempus, quando, si placet, lætus occurram cum eodem episcopo qui multum poterit utilis esse colloquio.

### 340 EPISTOLA CCCLXXXI (995).

AD EUMDEM.

*Monet se de ipso recte sentientem, dolere tamen quod mala regni palam ipsi impulerent. Hortatur ut caveat, ne eorum, per quos ista fiunt, consortio infametur.*

Reverendo patri et amico nostro charissimo SUGERIO Dei gratia abbati Sancti-Dionysii, frater BERNARDUS Claræ-Vallis vocatus abbas, salutem et qualescunque nostras orationes.

Ad litteras Paternitatis vestræ respondere brevis, temporis angustia coegerunt. Jam enim advesperascebat ea die, qua litteras illas accepi: et necesse erat sequenti die ad Cisterciense capitulum proficisci.

C Proinde respondeo breviter, et volo ut omnino longe fiat a vobis, ne aliquando veniat in cor vestram, quod de vobis ullo modo crediderim, vestro consilio et voluntate fieri mala quæ plangimus. Verrum unum fuit, quia zelo urgente ductus, ipsum vobis zelum exprimere, imo et imprimere atque ingerere laborabam, ut vestram quoque Sanctitatem inflamaret affectus. Alterum fuit, quod licet bene sentirem de conscientia vestra, plurimum tamen contristabar de fama et scandalo, quod est in Ecclesia Dei. Quod si acquiescere nolunt maxime in hujusmodi rebus, quid facietis inter eos? Quare de vobis illi se palliant? nonne oportet vos omnino alienare a sacrilegis illis, et longe fieri ab eis; ut securi de conscientia, decantetis: *Oditi ecclesiam malignantium, et cum impiis non sedabo* (Psal. xxv, 5): ut noverit omnis ecclesia sanctorum, alienam ab eorum numero et consortio vestram innocentiam esse? Proinde memoramini principium loquendi Domino in Propheta; et invenietis beatum virum esse qui non abiit in consilio impiorum (Psal. i, 1). Illud autem credatis, nunquam male me sensisse de vobis. Novi enim vos et puritatem vestram. Valete, et orate pro nobis.

(992) Alias epistola 362: quæ vero antea 389 erat, nunc 360. Scripta anno Christi 1149.

(993) Alias epistola 364: quæ vero antea 381 erat, nunc 320. Scripta circa annum 1150

## EPISTOLA CCCLXXXII (994).

AD LEONIUM ABBATEM SANCTI BERTINI (995).

*Ejus in se suosque beneficia gratus agnoscit. Thomam de Sancto Audomaro ad Claræ-Vallenses transire volentem non prohibendum.*

Dilecto et venerabili domino LEONIO abbati, et universo conventui ecclesie Sancti Bertini, frater BERNARDUS Claræ-Vallis vocatus abbas, spiritum veritatis, quem mundus non potest accipere.

1. Litteras Dilectionis vestre, dilectissimi fratres, suscepimus, indicium voluntatis et petitionis vestre. Beneficiorum, quæ nobis et nostris plena manu, hilari mente, vultu sereno exhibetis, in æternum non obliviscar. Sed quid, si non sum oblitus, et ingratus invenior? Nunquid sola memoria habebit me excusatum? imo acerbius accensabit. Nec immemor, nec ingratum, amicis meis me exhibere novi. Si tamen non habeo quod retribuam pro omnibus quæ accepi a vobis; ut minus sapiens loquor, Dominus retribuet pro me. De alieno liberalis sum, quoniam inops et pauper sum ego. Honorem ecclesie vestre, et decorem domus Domini, qui in vobis est, quantum diligam, ipse novit, qui plus profunditatem humani cordis ingreditur. Sed nec ego vereor verum dicere in hac parte: ego diligentes me diligo. Sed non in hoc justificatus sum: nam et Ethnici hoc faciunt. Non multum laudis habet, si amantes me amavero: sed si non amavero, sceleratus pro scelere judicabor. Dilexi vos, et ante meritum: quare etiam post meritum non diligere? Quos enim, etiamsi nulla merita præcessissent, honorari oportuit; post beneficia non honorare, plus quam injuria est. Diligam vos semper, fratres **341** charissimi, in Domino, et cum omni amore serviam vobis in eo, cujus servi estis: imo Christum, cujus membra estis, semper in vobis honorabo.

2. Verumtamen ut rationabile sit obsequium nostrum et honor irreprehensibilis, quem vobis exhibere debemus; prudenter et caute id fieri oportet, quia honor regis judicium diligit (*Psal. xcviij. 4*). Super his igitur quæ mihi rescribitis, respondeo Charitati vestre, quia nec ego audeo, nec vos debetis prohibere eum qui bene facere potest. Quid enim respondere habemus Apostolo dicenti: *Spiritum nolite extinguere*? (*1 Thess. v. 19*). Neque enim securum est extinguere, quod extinctum accendere non sit tue potestatis. Et ubi est illud: *Unusquisque in ea vocatione qua vocatus est, in ea permaneat*? (*1 Cor. vii. 20*). Vocatus est, inquam, Thomas (996), non a me, sed ab eo qui vocat ea quæ non sunt, tanquam ea quæ sunt (*Rom. iv. 17*). Quid ad nos respicitis? quid nos intuemini in hoc facto, tanquam opus hominis sit, et non Dei? Non ab homine, neque

A per hominem, sed a Domino factum est istud. Non enim homo, sed Deus est, qui operatur in cordibus hominum ad inclinandas eorum voluntates quocunque voluerit. A Domino, inquam, factum est istud: et ideo non solum mirabile, sed immutabile esse debet in oculis nostris. Quis enim, vel quid est homo, ut adjuvet sensum Domini, vel spiritum ejus? Novit ille qui querit ovem perditam, et quid querat, et ubi querat: et quomodo, et unde revocet, et ubi colloceat, sic ut eam ulterius non perdat. Quem ergo Dominus vocavit, vide ne revoces; quem Deus erexit, tu inclinare noli; nec ponas ei offendiculum, cui Deus manum porrigit ascendenti.

3. Sed jam videndum est quid ponderis habeat illud quod dicitis, eum oblatum a parentibus. Videat B prudentia vestra quid habeat plus vigoris et rationis, utrum illud quod factum est de ipso per alium ipso nesciente, an illud quod sciens et prudens de se ipso fecit: non autem ipse, sed gratia Dei, quæ volentem prævenit ut velit, quæ volentem subsequitur ne frustra velit. Ego autem dico, quod votum parentum integrum manet, et oblatio eorum non est exinanita, sed cumulata. Nam et idem offertur quod prius oblatum est; et eidem offertur cui prius oblatum est; et quod prius a solis parentibus oblatum fuerat, nunc offertur a filio. Præterea super hoc verbo præcipere vobis nihil habeo: consilium autem do. A Domino egressus est sermo: nolite impedire curam gratiæ Dei, nolite reprimere primitias bonæ voluntatis: quod enim in eo ceptum est, de Spiritu C sancto est. Vos autem nolite dissimulare injuriam quam nobis inferitis, cum nunquam vos læserimus in hac parte, ut fratres, quos Deus misit ad vos, vellemus subtrahere vobis. Noverit autem ipse Thomas, si irritum fecerit votum suum, cujus me testem adhibuit: noverit alius, quicumque sit ille, qui eum ad hoc impulerit, quod ascendam ex adverso, et stabo contra eos in die Domini. Sed interrim melius est ei, vobis, et nobis, servare unitatem spiritus in vinculo pacis. Vale.

## EPISTOLA CCCLXXXIII (997).

AD EUNDEN ABBATEM SANCTI BERTINI.

*Rogat ut officia humanitatis, hactenus fratribus suis exhibita, continuet.*

Amico suo charissimo LEONIO, Sancti Bertini D venerabili abbati, frater BERNARDUS Claræ-Vallis vocatus abbas, salutem in eo qui mandat salutes Jacob.

Quod merito confidam de vobis, charitas vestra palam fecit, quæ inventa occasione se ipsam innovescendi, non potuit latere sub molle. Gratissima habeo illa officia humanitatis, quæ fratribus nostris (998) impenditis, qui habitant juxta vos. Quod illis

Præfuit ab anno 1148, ad annum 1163

(996) Exstat ad eum epistola 108.

(997) Alias epistola 342: quæ vero antea 363 erat, nunc 361. Scripta circa annum 1150.

(998) Monachis de Claro Marisco, prope Audomaropolim, cujus cœnobii primordia Mannicus refert ad annum 1138.

994) Alias epistola 324: quæ vero antea 382 erat, nunc 321. Scripta circa annum 1150.

(995) De Sancti Bertini monasterio actum supra in epistola 149. De Thoma confer epistola 108 ad ipsum. Leonius abbas laudatur ab Hermannno monacho Laudunensi in libro tertio de Miraculis B. Mariæ cap. 4, ubi vir religiosissimus et tam gentiliū, quam divinarum litterarum peritissimus, dicitur.

facitis, mihi facitis: imo sic magis mihi facitis, quam si mihi **342** faceretis. Obsecro ergo, ut perse-  
veret hæc sollicitudo vestra pro eis, quoniam longe  
facti sunt a nobis, ut non possimus eis, prout oportet,  
assistere. Sit ergo vestræ benignitatis vicem nostram  
supplere, ut vos ipsis in patrem, et ipsi sint vobis  
in filios. Si forte venerit tempus, quo tantæ charitati  
respondere possimus; quod non sinus ingrati, fides  
oculata monstrabit. Vale.

#### EPISTOLA CCCLXXXIV (999).

AD MONACHOS ECCLESIE SANCTI BERTINI.

*Gratias agit beneficentiarum hactenus suis præstitarum largum a Deo retributionem promittens.*

Universis qui sunt in ecclesia Beati-Bertini  
amandis in Christo, frater BERNARDUS Claræ-Vallis  
vocatus abbas, servire Domino in lætitia.

Ad gratiarum actionem, ad reddendum dilectionis  
officium, meritis vestris provocamur. Quia enim  
acceptum beneficium æternæ memoriæ indigendum  
est, beneficiis quæ fratribus nostris, imo quæ mihi  
contulistis, nec immemor esse debeo, nec ingratus.  
Meum est, quicquid mihi impenditur: mihi datur,  
quicquid infunditur in visceribus meis. Scio cui cre-  
didi, et certus sum: scio quia diligitis nos, non  
verbo et lingua, sed opere et veritate. In argumen-  
tum quippe dilectionis et gratiæ, quam fratres  
nostri invenerunt in oculis vestris, non verba pro-  
cedunt, sed opera: eo utique puriora apud Deum, et  
gratiora apud homines, quo de sola gratia dantis  
proveniunt, præter meritum accipientis. Pro his  
igitur gratias agimus universitati vestræ: pro his  
omnibus debitores sumus vobis, si quid sumus, si  
quid possumus, et nos, et fratres nostri. Sed ne  
parum vobis sit acceptos esse hominibus, accepti  
estis et Deo meo. Nam quod uni ex minimis ejus  
fecistis, ipsi fecistis (*Matth. xxv, 40*). Quid quod  
non uni tantum, sed pluribus ex minimis ejus fe-  
cistis? In omnibus his penes me non retributio  
multa, quoniam inops et pauper sum ego: sed Do-  
minus retribuet pro me. Ipse qui retributor est  
omnium bonorum, retribuat vobis, quod pauperes  
ejus prævenistis in benedictionibus dulcedinis, et in  
exemplo charitatis. De præteritis gratias agimus: de  
futuro precamur, ut bonum facientes non deficiatis.  
Tempore enim suo metetis de semine boni operis  
manipulos pacis et gloriæ: quod nobis præstet  
Deus. Amen.

#### EPISTOLA CCCLXXXV (1000).

AD EOSDEM.

*Eis de meliori observantia gratulatur, eosdemque  
ad studium reliquarum perfectionis et assidui profes-  
sus excitat.*

Dilectissimo sibi in Christo universo conventui  
monasterii Sancti-Bertini, frater BERNARDUS Claræ-  
Vallis vocatus abbas, salutem et orationes.

1. Ita, quæso, ita facite, dilectissimi. Discipulus  
quippe proficiens, gloria est magistri. Quisquis in

(999) Alias epistola 343: quæ vero antea 381  
erat, nunc præmissa epistolæ 275. Scripta circa  
annum 1150.

A schola Christi non proficit, ejus indignus est magis  
sterio, præsertim tamen ubi sumus, ubi nihil eodem  
statu permanet: et non proficere, sine du bio defi-  
cere est. Nemo proinde dicat: Satis est, sic volo  
manere, sufficit mihi esse sicut heri et nudius-  
tertius. In via residet qui ejusmodi est: in scala sub-  
sistit, ubi neminem patriarcha vidit non ascenden-  
tem, aut descendentem (*Gen. xxviii, 12*). Dico ergo:  
Qui se existimat stare, videat ne cadat (!  
*Cor. x, 12*). Ardua et angusta est via, et non hic,  
sed in domo patris mansiones sunt multæ (*Joan.*  
*xiv, 2*). Itaque, qui se dicit in Christo manere, de-  
bet sicut ille ambulavit, et ipse ambulare (*I Joan.*  
*ii, 6*). Jesus enim, ut ait evangelista, crescebat et  
proficiebat sapientia, et ætate, et gratia apud Deum  
et homines (*Luc. ii, 52*). Ille non restitit ergo, sed  
exsultavit ut gigas ad currendam viam (*Psal. xviii,*  
*6*): et nos quoque, si non desipimus, curremus  
post eum, **343** trahemur in odore unguentorum  
ipsius. Alioqui si elongari contigerit, erit pigritanti  
animæ et laboriosior, et periculosior via, dum nec  
odore recreari, nec certa possit agnoscere vestigia  
longius abeuntis.

2. Sic ergo currite, fratres, ut comprehendatis (*I*  
*Cor. ix, 24*). Quod sane ita fiet, si nequaquam arbi-  
tramini vos comprehendisse, sed obliti quæ retro  
sunt, extenditis vos in anteriora (*Philipp. iii, 13*):  
si apprehendatis disciplinam, nequando irascatur  
Dominus, et pereatis de via justa (*Psal. ii, 12*). Qui  
edit me, ait Sapientia, adhuc esuriet; et qui bibit me,  
adhuc sitiet (*Eccli. xxiv, 29*): ut noverit piger, qui  
digne prorsus lapidatur stercoribus boum (*Eccli.*  
*xxii, 2*), fastidium sibi non de satietate, sed de  
inedia generari.

3. Denique, quia omnia cooperantur in bonum  
his, qui secundum propositum vocati sunt sancti  
(*Rom. viii, 28*); moveat nos ipsum quoque sæcularis  
cupiditatis exemplum. Quem enim ambitiosum  
vidimus aliquando, contentum adeptis dignitatibus,  
ad alias non anhelare? Sic et curiosi enjunque non  
satiatur oculus visu, nec auris impletur auditu.  
Quid eorum qui avaritiæ serviunt, aut amatores  
sunt voluptatum, seu vanas sectantur hominum lau-  
des, nonne et ipsorum insatiabilia desideria arguunt  
nos negligentiam et tepiditatem? Pudeat certe spiritua-  
lium nos bonorum minus cupidos inveniri. Erube-  
scat anima conversa ad Dominum, minori affectu  
sectari iustitiam, quam iniquitatem antea sectaretur.  
Est enim causa quoque valde dissimilis. Stipendium  
quippe peccati mors; fructus autem spiritus, vita  
æterna (*Rom. vi, 23*). Pudeat proinde negligentius  
nunc in vitam, quam prius in mortem ire, et minori  
studio salutis acquirere, quam perditionis augmen-  
tum. Nam, ut omnino sinus inexcusabiles, in via  
vitæ quo citius, eo facilius curritur: et leve Salva-  
toris onus, quo crescit amplius, eo portabilius est.

(1000) Alias epistola 344: quæ vero antea 385  
erat, nunc 413.



Nonne et aviculas levat, non onerat pennarum sive plumarum numerositas ipsa? Tolle eas, et reliquum corpus pondere suo fertur ad ima. Sic disciplinam Christi, sic suave jugum, sic onus leve, quo deponimus, eo deprimimur ipsi: quia portat potius quam portatur. Onerosa alicui videtur silentii disciplina: sed propheta magis robur quam onus esse considerans ait, *In silentio et in spe erit fortitudo vestra.* (*Isai. xxx, 15*). *In silentio*, inquit, *et spe*, quia bonum est præstolari Dominum in silentio (*Thren. iii, 26*). Enervat quippe animam præsentium consolatio, roborat expectatio futurorum.

4. Bene ergo fecistis, dilectissimi, addere aliquid ad priorem silentii regulam (1001): quod nimirum, prædicto attestante propheta, *cultus justitiæ est* (*Isai. xxxii, 17*). Bene fecistis alienando vos magis ac magis ab actibus sæculi hujus, quæ est munda et immaculata religio. Modicum quippe fermentum, fratres, totam massam corrumpit (*I Cor. v, 6*); et muscæ morientes exterminant oleum suavitatis (*Eccle. x, 1*). Quid prodest tanti corporalis pariter et spiritualis laboris atque exercitii fructum vilissima aliqua consolatione, imo desolatione minus acceptabilem fieri, aut certe et periclitari? Quantam internæ consolationis dulcedinem, et gratiam visitationis divinæ præpedit hujusmodi nugarum vapor ad modicum parens? Præsertim nos monachi, quorum certe, velimus, nolimus, in labore vita est; plane miserabiliores sumus omnibus hominibus, si pro tam exiguis tanta patimur detrimenta. Quid enim insipientiæ, imo quid insanix est, ut qui majora reliquimus, minora cum tanto discrimine teneamus? Si mundum contempsimus universum, si abrenuntiavimus affectibus propinquorum, si monasteriorum carceri mancipavimus nosmetipsos; si denique non venimus facere voluntatem nostram, sed imposuimus homines super capita nostra: quid non oportet fieri, ne forte contingat hæc omnia nobis in insipientia nostra et negligentia deperire?

5. Agite ergo, dilectissimi, et in his quæ cœpistis, solliciti estote perseverare et abundare magis, ut angantur in dies incrementa frugum justitiæ vestræ. Etenim qui parce seminat, parce et metet; et qui seminat in benedictionibus, de benedictionibus et metet (*II Cor. ix, 6*). Et certe modicum seminis incrementum, non modica messis multiplicatio est. Hæc nos, fratres, quia audito profectu vestro exultavimus et delectati sumus, dignum duximus scribere charitati vestræ, cupientes admonitos vos esse, ubi observationes sanctas, quæ salvare possunt animas vestras, digna devotione suscipiatis et amplectamini. Scitis enim quia hilarem datorem diligit Deus (*Ibid. 7*).

(1001) Mirum quantum ad perfectionis studium silentio tribuerit Bernardus, ut in epistola 91 ad abbates Sueessionis congregatos, et alibi passim. Imo mirum sit videri cuiquam, religionem stare posse absque accurata silentii observatione, quod a Bernardo « Custos religionis » vocatur sermone 2 post Octavam Epiphaniæ, n. 7.

(1002) Alias epistola 353: quæ vero antea 386 erat, nunc 366. Scripta anno Christi 1150.

A Orantem pro nobis universitatem vestram Christus custodiat.

# EPISTOLA CCCLXXXVI (1003).

JOANNIS CASE-MARII AD BERNARDUM ABBATEM.

Solatur Bernardum de infelici expeditionis in Terram Sanctam successu.

Dilecto patri ac venerabili domino suo BERNARDO, Dei voluntate ac gratia Clare-Vallis abbati reverendissimo, frater JOANNES minister suus, qualiscunque Case-Marii (1005) abbas, feliciter currere, ac felicius Christi pietate consummare.

1. Memor dulcedinis ac familiaritatis, quam mihi indigno pietas vestra quondam exhibuit, aperire cogitationes mei cordis paternitati vestræ, quasi coram positus, præsumo, vestra magis de mansuetudine confusus, quam de offensa suspectus. Spero namque affectionem ac dilectionem, quam erga vos habeo, pietatem vestram non latere; et si aliquid etiam stultum dicerem, confido vos benigne ac mansuete quasi patrem filio ignoscere. Dictum est mihi, pater charissime, quod de hac re, quæ non ita prospere, ut forsitan volebatis, contigit (de via vero Jerosolymæ loquor), multum tristamini: eo quod Ecclesia Dei vel gloria, non sicut desiderabatis accrevit. Quapropter quod mihi pro hoc diu cogitanti Deus (ut credo) in corde misit, vobis humiliter suggero, nimirum pendens quod sæpe parvo cuilibet Dominus aliquid ostendit, quod alieni magno et multis donis repleto videre nequaquam concedit: sicut Moysi sancto, facie ad faciem cum Deo loquenti (*Exod. xxxiii, 11*), Jethro alienigena concilium dedit (*Exod. xviii*).

2. Videtur itaque mihi, quod omnipotens Deus de hac via multum fructum fecit, non tamen eo ordine, quo ipsi viatores arbitrabantur. Siquidem si hoc quod cœperant, sicut decet Christianos, juste ac religiose prosequi vellent; Dominus cum eis esset, ac magnum fructum per eos perfecisset. Sed quoniam ipsi ad mala sunt devoluti, et hoc nequaquam Dominum, qui auctor viæ fuerat, a principio latere potuit; ut sua providentia in sui dispositione non falleretur, malitiam eorum in suam convertit clementiam, et immisit eis persecutiones et afflictiones, quibus purgati ad regnum pervenire possent. Denique confessi sunt nobis qui redibant, quod vidissent multos ibi morientes, qui libenter se mori dicebant, neque velle reverti, ne amplius in peccatis reciderent.

3. Sed ne in dubium veniat quod dico, quasi patri meo spirituali in confessione aperio, quod patroni loci nostri, beatus Joannes et Paulus, sæpius nos visitare dignati sunt: quos ego super hac re interro-

(1003) Casa-Marii abbatia insignis in agro Verulano in Italia condita anno 1005, sub Ordine S. Benedicti et Benedicto abbate primo. Bernardus isthuc non semel adisse memoratur; unde amicitiam init cum Joanne abbate piissimo, hujus epistolæ auctore, qui monasterium suum anno 1140 Cisterciensibus admovit sub linea Clare-Vallis. Ughellus in Italia sacre tom. I, col. 269.

gari feci, et hujusmodi sententiam responderunt, A dicebantque multitudinem angelorum qui ceciderant, de illis qui ibi mortui sunt, esse restauratam. Hoc autem scitote, quod magnam vestri memoriam habuerunt, finemque vestrum cito venturum prædixerunt. Quia igitur 345 bene res, etsi non secundum hominum desiderium, tamen secundum Dei propositum evenit; vestra erit prudentia in ipso de hac re consolari, cujus solius gloriam queritis et desideratis. Idcirco namque vobis et exhortandi, et operandi gratiam in hoc negotio dedit, quia bonum, quod inde facturus erat, prævidit. Ipse igitur cursum vestrum feliciter compleat, nosque vobiscum in sua gloria constituat.

#### EPISTOLA CCCLXXXVII (1004)

AD PETRUM ABBATEM CLUNIACENSEM.

*Prævia sinceri in Petrum affectus et amoris protestatione, si quid acerbius litteris quibusdam scripserit, excusari rogat.*

Reverendissimo patri et amico charissimo PETRO, Dei gratia Cluniacensi abbati, frater BERNARDUS Claræ-Vallis vocatus abbas, in vero Salutari salutem.

Utinam sicut præsentem epistolam, ita vobis mentem meam mittere possem! Sine dubio tunc clarissime legeretis, quid in corde meo de amore vestro digitus Dei scripserit, quid meis impresserit medullis. Quid ergo? incipio me iterum apud vos commendare? Absit. Jam pridem conglutinata est anima mea animæ vestrae: et de personis imparibus pares animos fecit parilitas charitatis. Quid enim meæ humilitati cum vestra sublimitate, si non inclinasset dignatio dignitatem? Ex tunc factum est, ut utrimque permiscerentur et mea humilitas et sublimitas vestra: ut nec ego sine vobis humilis, nec sine me sublimis esse possetis. Hæc dico, quia Nicolaus meus, imo et vester, in spiritu vehementi commotus, commovit me, asserens se vidisse epistolam nostram directam ad vos, in qua voces amaritudinis clauderentur (1003). Credite amanti, quia nec in corde meo ortum est, nec ab ore meo extortum est, quod aures vestrae Beatitudinis exasperaret. Multitudo negotiorum in culpa est, quia dum scriptores nostri non bene retinent sensum nostrum, ultra modum accunt stilum suum, nec videre possum quæ scribi præcepi (1006). Parcite hac vice: quia, quidquid de aliis sit, vestras videbo, et non credam nisi oculis et auribus meis. Cætera vobis communis iste filius planius et plenius viva referet voce. Ipsum tanquam me audietis, qui vos diligit, non verbo, neque lingua, sed opere et veritate. Salutate nobis sanctam illam multitudinem vestram; et orate, ut orent pro puero suo.

(1004) Alius epistola 352: quæ vero antea 387 erat, nunc 397. Scripta anno Christi 1150.

(1005) Nulla ex editis epistola est cui hæc conveniant. Argumentum memorat Petrus in epistola sequente, n. 4. Similes motus experti sunt Cartusenses ut videt ex epistola 270.

#### EPISTOLA CCCLXXXVIII (1007).

PETRI VENERABILIS AD BERNARDUM ABBATEM CLARÆ-VALLENSIS.

*Titulos et elogia respicit, et quanti Bernardum, ejusque amicitiam faciat, luculenter ostendit. Eiusdem quoque satisfactionem de injuria litterarum libens admittit.*

Venerabili et præclaro in membris Christi viro, domino BERNARDO Claræ-Vallensi abbati, frater PETRUS humilis Cluniacensis abbas, post Deum et in Deo quod est.

1. Quid dicam? Loqui soleo: sed nunc mutus factus sum. Unde hoc? Quia litteræ vestrae, quæ me eloquentem facere debuerant, mutum fecerunt. Quare? Tanta in illis, licet brevibus, legi, ut si ad respondendum me effundere conarer, magis taciturnus quam loquax viderer. Sed gravi homini, sed religioso loquor. Agendum est ergo, prout gravitas postulat; prout religio, etsi non mea, tamen vestra efflagitat. Quid enim? nonne verum est quod dico? Brevis est epistola, sed multa respondendi materia. Fer, rogo, insulsum, si quid secus dixerò quam oporteat. Verè enim amicitia est, non solum salsa amici suscipere, sed et insulsa aut condire, aut tolerare. Acepi, 346 ut dixi, ex parte tua litteras, litteras singulares, litteras amorem dulcissimum, et honorem plus quam mihi debitum prætendentes. Reverendissimum me dicis, patrem nominas, amicum charissimum appellas. Gaudeo ad ista: sed salva veritate, quæ ex Christo in te defluxit, duo præcedentia nescio, tertium agnosco. Nam reverendissimum me esse ignoro; patrem, quantum ad te, me esse nego: amicum et charissimum tuum me non solum ore profiteor, sed et corde agnosco.

2. Ut enim de reverendissimi et amici charissimi nominibus taceam, quorum, ut dixi, alterum nescio, alterum agnosco: de patris interim nomine hoc tibi, reverende frater, scribo, quod singularis suo tempore, et præclarissimus religionis flos, dominus Guigo Prior Carthusiensis, mihi quondam scripsit. Scribebam ei frequenter, et sæpe cum eo, vel verbis ad invicem collatis, vel litteris familiaribus delectabar, et eum in epistolis meis patrem nominabam. Toleravi hoc primum, putans me finem facturum scribendi. At postquam me persistere vidit, et frequentibus litteris patris nomen iterare, in hæc verba sanctus ille tandem prorupit. Scripsit namque mihi epistolam, in quam inter cætera hoc inseruit: « Unde petimus per eam, qua in nos indignos vestra fervent viscera, dilectionem, ut quando nostræ exiguitati vestra scribere dignatur serenitas, ita de propria cogitetis edificatione, ut infirmitatem nostram periculosa non infletis elatione. » Ac statim: « Et illud, » inquit, « præ omnibus ac super omnia quaesumus, et

(1006) Hinc apparet multas si non ex his tantem ex aliis, epistolas a Bernardi notariis compositas, fuisse: quales sunt Nicolai infra in Appendice.

(1007) Alias epistola 353: quæ vero antea 388 erat, nunc 348. Scripta circa annum 1150.

defixis in terram genibus obsecramus, ne vilitatem nostram patris nomine dignam ulterius æstimetis. Satis et super satis est, si frater, si amicus, si filius appelletur, qui nec servi nomine dignus habetur. » Scripsit hoc ille mihi : scribo et ego hoc idem tibi. Sufficit, et multum sufficit, si fratris, si amici, si chari, vel charissimi nomine de te, vel apud te gloriari : vel si quid tale aut te decet mittere, aut me docet suscipere. Hoc de præmissa salutatione.

3. Sed quid de sequentibus? « Utinam, » inquis, « sicut præsentem epistolam, ita vobis mentem meam mittere possem! » Et statim : « Sine dubio tunc clarissime legeretis, quid in corde meo de amore vestro digitus Dei scripserit, quid meis impresserit medullis. » Vere hæc verba, salvo majoris mysterii sacramento, sicut unguentum in capite, quod descendit de barba Aaron in oram vestimenti ejus : vere ista sicut ros Hermon, qui descendit in montem Sion : vere etiam sic stillant montes dulcedinem, et colles fluunt lac et mel. Nec mireris, quia tam sollicito attendo, et teneo verba tua. Non enim a qualicunque ore prolata scio : sed ab illius qui loqui non novit nisi de corde puro, et conscientia bona, et amore non ficto. Novi hoc, inquam, ego, novit et mecum orbis, non esse te de illorum numero, qui, juxta Psalmum, *Vana locuti sunt ad proximum suum; non esse te de illis, quorum labia dolosa in corde, et corde locuti sunt* (Psal. xi, 3). Idcirco quotiescunque placet Sanctitati vestræ scribere mihi, non negligenter, non transitorie; sed studioso, affectuose scripta tua suscipio, lego, amplector. Quis enim non sollicito legeret, non multo cum affectu amplecteretur et ea quæ præmissi, et illa quæ sequuntur? « Jam pridem, » ais, « conglutinata est anima mea animæ vestræ et de personis imparibus pares animos fecit parilitas charitatis. Quid enim inæx humilitati, cum vestra sublimitate, si non inclinasset dignatio dignitatem? Ex tunc factum est, ut utrimque permiscerentur et mea humilitas et sublimitas vestra; ut nec ego sine vobis humilis, nec vos sine me sublimis esse possetis. » Hujusmodi ergo verba negligenter legenda sunt? Numquid non debent oculos legentis fixos tenere, cor rapere, animos unire? Videris, mi charissime, qui scripsisti, quid de his sentias : ego de his aliud sentire non possum, quam quod littera sonat, quam quod a tanto, a tam veraci, a tam **347** sancto homine dictum teneo. Nec, ut ipse dixisti, incipio me iterum apud te commendare. Adhuc juvenes amare in Christo nos copimus : et jam senes aut fere de amore tam sacro, tam diuturno dubitabimus? Absit, credite amanti, ut verbis vestris utar, quia nec in corde meo ortum est, nec ab ore meo exortum est, ut de verbis vestris quolibet modo, si tamen serio exproptis, aliquando dubitaverim. Unde quod in his, de quibus agitur, litteris scripsisti, amplector, servo, custodio. Facilius mihi possent

Auri mille talenta subripi, quam hæc quolibet casu a corde avelli. Sed de his satis.

4. De reliquo unde me motum prudentia vestra putavit, hoc fuit. Pro negotio, quod vobis bene notum est, cujusdam Anglici abbatis, continebant litteræ vestræ (1008) : « Quasi, » inquirunt, « subversum sit iudicium, et de orbe perierit justitia, et non sit qui eripiat inopem de manu fortiorum ejus, egenum et pauperem a diripientibus eum. » Sed, si mihi creditis, sciatis prorsus inde me ita motum esse, sicut de se dicit propheta, licet ego propheta nonsim : *Ego autem tanquam surdus non audiebam, et sicut mutus non aperiens os suum; et rursum : Factus sum sicut homo non audiens, et non habens in ora suo redargutiones* (Psal. xxxvii, 14, 15). Ego quidem in istis offensus non sum. Sed, etsi offensus essem, multum satisfactum est, quando dixisti : « Multitudo negotiorum in culpa est, quia dum scriptores nostri non bene retinent sensum nostrum, ultra modum acciunt stilum suum, nec videre possum quæ scribere præcepi. Parcite hac vice : quia, quidquid de aliis sit, vestras videbo, et non credam nisi oculis et auribus meis. » Parco igitur, et de scilicet veniam tribuo. Non est apud me (quod humiliter dico) etiam in offensis gravibus, labor gravis, ut ignoscam oranti, dem veniam postulanti. Quod si in gravibus ignoscere labor non est, quanto minor in levibus, aut nullus est?

5. De testamento domini Baronis Romani subdiaconi (1009), quod vestræ Claræ-Vallensi et Cisterciensi ecclesiæ, ex his quæ apud nos deposuerat, moriens fecisse dicitur; factum est quod a quibusdam personis, qui sibi hoc ab eo injunctum esse dicebant, mihi scriptum est. Volo tamen vos scire, quia, sicut quidam, ut puto, testes veridici astruunt, plus vobis in his contulit gratia Cluniacensis abbatis quam testamentum Baronis. Scio quidem, nec adeo expertus sum divinarum vel humanarum legum, ut nesciam, quod per posterius testamentum et legatum, et fideicommissum causa mortis rata sunt. Sed lego tamen alibi : « Nihil tam juri naturali conveniens est, quam voluntatem domini, volentis rem suam in alium transferre, ratam haberi. Hoc ideo dico, quia, sicut teste præmissi fatentur, quidquid Cluniaci deposuerat, totum Cluniaco dederat, nisi forte eum recipere contingeret antequam præsentem vitam finiret. Nolui tamen hoc uti privilegio : sed quod, juxta illorum testimonium, meum esse credebam, vobis vestrisque concessi. De electione Gratianopolitana (1010), contra quam nostri Carthusienses agunt, quid sentiam, in ore charissimi mei, vestrique fidelis Nicolai vobis retegendum diligenter reposui. Ipsum audite, et quod ab ore meo vobis retulerit, absque hesitatione vel minima verum esse credite. Si quæ mandanda mente exciderunt, cum memor fuero, charissimo mihi in Christo mandabo. In fino

(1008) Non exstant.

(1009) Vide notas ad epist. 283.

(1010) Vide notas ad epist. 270.



rogo quantum possim, et supplico, quod jam per A  
quendam vestri Ordinis personas mandavi : ut in hoc  
tanto sanctorum virorum qui Cistercii convenerunt,  
conventu, mei, utique vestri, memoriam faciatis,  
meque, totum que Cluniacensis congregationis cor-  
pus eorum intente orationibus commendetis.

### 348 EPISTOLA CCCLXXXIX (1011).

AD PETRUM ABBATEM CLUNIACENSEM

*Perjunctas sibi fuisse Petri litteras, sed occupatio-  
num mole vrapediū non licuisse prolixius respon-  
dere.*

Charissimo patri et domino PETRO, Dei gratia  
Cluniacensium abbati, frater BERNARDUS Claræ-  
Vallis vocatus abbas, salutem et orationes.

Vidi litteras vestras parvo momento, sed non parvo B  
affectu. Occupatus eram tanta occupatione, quantam  
vel vos scitis, vel scire potestis, amantissime pater.  
Abripui tamen me, et eripui votis et responsionibus  
omnium : et inclusi me cum Nicolao illo, quem  
diligat anima vestra. Legi et relegi dulcedinem,  
et magnam dulcedinem, quæ de vestris litteris  
emanabat. Redolebant illæ litteræ affectum ve-  
strum, movebant meum. Dolebam, quia sicut  
afflictebar, non valebam rescribere. Nempe mul-  
ta diu malitia evocalat. Convenerat enim mul-  
titudine magna fere ex omni natione, quæ sub cælo  
est. Ne oportebat omnibus respondere : quia, peccatis  
meis exigentibus, in hoc natus sum in mundum, ut  
multis et multiplicibus sollicitudinibus confunder, et  
urar. Hoc tantillum interim scribo anime meæ : C  
sed cum accepero tempus, ego accuratius dictabo  
epistolam, quæ lucidius aperiat diligentiis affectum.  
De testamento Baronis, quod nobis misistis, in  
veritate vobis mandamus, quia non sicut debitum, sed  
sicut datum accepimus. Gaudeo, quia de Gratianopo-  
litano negotio veritatem cognovi (1012). Illud autem  
scitote, quia multum incaluit cor meum ad verba com-  
munis filii, quæ ex parte vestra retulit mihi. Paratus  
sum et non sum turbatus ad faciendam vestram, ubi-  
cumque potuero, voluntatem. In conventu Cisterciensi,  
vestri, tanquam specialis domini, et patris, et amici  
charissimi, et vestrorum, tam vivorum, quam mor-  
tuoꝝ, memoria facta est (1013). Salutat vos  
Belvacensis electus, ut vester (1014) : vester est  
enim.

Ego Nicolaus vester saluto vos in æternum, et  
ultra, et domesticam illam familiam, quæ lateri et  
spiritui vestro adhæret (1015).

(1011) Alias epistola 354 : quæ vero antea 339  
erat, nunc 415. Scripta anno Christi 1150.

(1012) Vide epistolam precedentem, n. 5.

(1013) Sic ferebat usus inter monachorum con-  
gregationes, quæ mutua suffragiorum societate atti-  
nebantur.

(1014) Henricus. Vide epistolam 307, et notas.

(1015) Hoc de suo addidit Nicolaus notarius Ber-  
nardi.

(1016) Alias epistola 314 : quæ vero antea 390  
erat, nunc 375. Scripta anno Christi 1152.

(1017) Lundensis civitas, Danicæ Metropolis, cui

### EPISTOLA CCCXC (1016).

AD ESKILUM LUNDENSEM ARCHIEPISCOPUM, SEDIS APOSTO-  
LICE IN DACIA ET SUECIA LEGATUM (1017)

*Amorem eius gratus et humilis agnoscit, suumque  
vicissim ostendit.*

Amantissimo patri et domino ESKILØ, Dei gratia  
Lundensi archiepiscopo, frater BERNARDUS Claræ-  
Vallis vocatus abbas, in vero Salutari salutem.

1. Scripta et salutationes vestras, imo affectiones  
cordis vestri, tam libenter suscepi, quam specialiter  
et diligo vos, et diligo a vobis. Inde est quod an-  
ditis tribulationibus vestris, eas non solum meas  
feci, sed et inveni : quia non possum te dolente non  
dolere, dulcissime pater, nec nisi molestus et anxius  
tuas molestias et anxietates audire. Tangit et angit  
cor meum quidquid tuum exasperat : et quidquid  
illud sit quod te persequitur, non solum te perae-  
quitur, sed me tecum. Quidquid enim gratiæ et  
dilectionis impendere sibi possunt absentes amici,  
puto et me debere tibi, et mihi debere a te. Audax  
sum, sed non mendax, et in hanc audaciam me  
compulit tuæ Sublimitatis dignatio. Quando enim id  
præsumerem ego? quando tantam tantillus, et a  
tanto gratiam sperare audem? Et si ego retribuere  
non potero, non est mortuus retributor meus, quia  
Dominus retribuet pro me (Psal. cxxxvii, 8). Domi-  
nus, inquam, in quo et pro quo tanta nos devo-  
tione complecteris, tanta stringis affectione. Bene-  
dictus sanctus angelus tuus, qui pio pectori tuo id  
suggessit : benedictus 349 Deus noster, qui per-  
suasit. Glorior privilegio amoris tui, refectus sum  
per charissimum fratrem nostrum filium tuum  
Guillelmum de abundantia suavitatis pectoris tui.  
Refectus sum per nuntium tuum, refectus sum per  
litteras tuas, refectus sum per omnes qui a te  
usque ad nos, vel per nos evadere possunt.

2. Utinam mihi datum esset desuper hæc di-  
cere, non dictare, ut me potius loquens, quam scri-  
bens aperire valerem! Pro certo acceptior esset  
sermo vivus quam scriptus, efficacior lingua quam  
littera. Oculi quippe loquentis fidem facerent dictis,  
et melius affectum vultus exprimeret, quam digitus.  
Sed quia illud absens per me non possum, per lit-  
D teras, quæ secundum in hujusmodi locum obtinenti,  
satisfacio quantum possum. Nuntium tuum cum  
magna exultatione vidimus, et negotium tuum,  
quantumcunque potuimus, munivimus ad dominum

tunc præerat Eskilus, ad quem plures epistolæ  
scripsit Petrus Cellensis, qui ejus rogatu Cartusien-  
ses in Daniam direxit ex libri primi epistola 23, ubi  
Eskilum laudat, quod non solum in herbam, sed  
in spicas Cisterciensis sive Claræ-Vallis Ordo ibi  
multiplicatione fratrum creverit, nihilominus et re-  
ligio Præmonstratensis. Eskilum non modo archie-  
piscopum Lundensem in Dania, sed et primatem  
Sueciæ ex decreto Adriani IV papæ fuisse lego.  
Venit is ex Dania visitatum S. Bernardum in Clara-  
Valle. Vide historiam lectu dignissimam, Vite S. Ber-  
nardi libro iv, cap. 4.

Papam (1018). De secreto autem verbo illo (1019), quod tam ardentem ascendit in cor tuum, respondebit tibi ex parte nostra Guillelmus tuus: tunc, inquam, et specialiter tunc in visceribus Jesu Christi. Posui enim verba mea in ore ejus, et ipsum audies tanquam me in negotio isto. Ille avellor, abripior! non licet ultra. Avocat diei malitia, revocat turba supervenientium et epistolam potius rumpunt, quam finiunt. Sed nunquid quia faciunt ut paucis scribam facere poterunt ut parum diligam? Actum excludunt a me, non affectum. Ille semper tecum est, qui sui juris est; et tecum erit quandiu fuerit, omni mihi amicitia jure colende, pie, ac reverendissime pater.

#### EPISTOLA CCCXCI (1020).

AD ABDATISSAM FABERNIACENSEM (1021).

*Monet de reficiendis non tantum domibus, sed et moribus, et de diligenti hospitalis cura.*

BERNARDUS vocatus abbas de Clara-Valle A. abbatissæ Faberniacensis, pudicitia et gratia titulum.

Fratres isti pro consilio animarum suarum paternitatem nostram adeuntes, de vestro bono studio,

(1018) Vide epistolam 280, n. 4.

(1019) Quidnam hoc secreti? Id plane mihi secretum nisi quod Saxo grammaticus idipsum, nisi fallor, aperiat. Is ergo de Eskilo nostro sic habet, Historiæ Dan. libro 14: « Eodem tempore Eskilus, domesticus supra vires negotiis fatigatus, dum quieti intentius consulit, proficiscendi licentia a Rege difficulter extorta, nobile Galliarum cœnobium quod Clara-Vallis nuncupatur petivit. » Et rursus eodem libro: « Valdemarum regem Eskilus secreta allocutione petito enixe deposcit arcani, quod ei committere vellet, intempestivam confessionem non arguat. A quo postulata sperare jussus, jampridem deponendi pontificatus altatam sibi cupidinem dicit, quem tanto oneri imparem ætas viribus defuncta constituit. Neque enim in fastigio, sed privatum ac procuratoris liberum decedere velle; præteritæ conversationis habitum monastica mutaturum. » Mox subdit eum ab Abslone quem in pontificatu successorem habuit, rogatum, « Quid ita plebem mœstitia afficeret? » respondisse: « Tum senium suum, tum exilium neptum dignitatis sibi, patriæque fastidium afferre. Huic accedere voti religionem qua se dudum Bernardo Clara-Valensi, pontificatu ultro cesserum, privatamque vitam et honoribus defunctam acturum sponderit. » En secretum. Porro anno 1178 venit Eskilus in Claram-Vallem, ubi quadriennio pie religiosque transacto obiit, anno nimirum 1182. Vide Saxone grammaticum, Historiæ Dan. libro 14; vide etiam librum de Viris Illustribus Ordinis Cisterciensis, dist. 3, cap. 25; Vitam S. Bernardi, libro 4, cap. 4; Crantzium, libro 6; Dan. capp. 41, 42; Henricus in Menologio, die decima aprilis. De recessu Eskili in Claram-Vallem legende præ aliis epistolæ duæ Petri Cellensis, nempe libri septimi epistola 17 et libri octavi epistola 1. Idem auctor in libri primi epistola 23 eundem laudat, quod « nova seminaria de omni genere sacrorum Ordinum » provinciam sibi commissam seminare statuisset, idque jam magna ex parte perfecisset, adductis fratribus ex Ordine non modo Cisterciensi, sed etiam Premonstratensi; et Carthusiensibus quam primum ibidem instituendis.

(1020) Alias epistola 347: quæ vero antea 391 erat, nunc 526.

(1021) Faberniacum seu Faverneum, cœnobium diocesis Bisuntinensis, in comitatu Burgundiæ situm, primum quidem in gratiam sanctimonialium Ordinis

A quod in emendando loco, cui gratis Dei præstis, habere vos perhibent, non parum nos lætificaverunt. Monemus autem et obsecramus devotionem vestram, quod sicut reficiendis domibus, ita renovandis moribus operam detis. Non solum autem de monasterio, sed etiam de hospitali domo Dei, cui sub manu vestra prædicti fratres deservunt, intensissime necesse est curam geratis: quatenus videlicet ab omni exactione et infestatione ministrorum seu clientum vestrorum securam ac liberam custodiat; quodque illorum pravo, ut audivimus, consilio eidem domui ab aliis ante vos abbatissis collatum abstulistis, precamur ut restituat. Sicut enim ad vestram sollicitudinem pertinet aliarum malefactorum destrueretur aut corrigere; sic illarum, si qua bona Rege unt, non solum firma et inconcussa tenere, sed etiam augmentare et multiplicare debetis. Presbyterum quoque, qui in ipsa domo habitans, suam adhuc foris rem habere videtur, aut proprium deserere aut de domo exire cogatis. Valet, et propter bonum quod de vobis audivimus, de nobis, si quid valemus, familiariter confidite.

S. Benedicti conditum est, postea vero, cum dimensionibus et liberi monialium vitæ pateret locus, in jus et potestatem monachorum Casa-Dei transit anno 1132, ut constat ex sequenti diplomate, quod ex Chartophylacio Casa-Dei proferimus.

ANSELMUS Dei gratia Bisuntinensis archiepiscopus, venerabili STEPHANO Casa-Dei abbati, fratribusque ibidem Deo sumulantibus, suisque successoribus in perpetuum.

C Ex commissa nobis pastoralis sollicitudine oportet nos ad ecclesiam pacem et ad religionis incrementum pervigili cura providere. Quapropter illam nobilem Faberniacensem ecclesiam, quæ antiquis temporibus religione sanctimonialium floruerat, visitavimus, ut ejus desolationi aliquod suffragium præberemus. Convocatis itaque ibidem ejusdem loci advocatis, videlicet Rainaldo consule, Widone de Junci-Villa, et Henrico fratre ejus, Tebaldo de Rubro-Monte, Humberto de Juslino et Ludovico fratre ejus, ab omni religionis cultu alienam, et ab incolis suis pro multimoda perturbatione desertam reperiimus. Nostra igitur sollicitudine et illustrium virorum admonitione dissensio, quæ præfatum locum exterminaverat, Deo auctore, pacificata est: pro religione vero præfati loci reformanda, prædicti advocati consuetudines, quas in villa Faberniacensi et infra terminos parochiæ ejus, sive justas, sive injustas habebant, in manu Rainaldi comitis omnino deposuerunt, vœrperunt, et se nunquam ulterius repetituros abjurarunt. Illas vero consuetudines, quas in villa Faberniacensi appendenti-bus habere videbantur, similiter in manu ejusdem consulis vœrperunt, et præter debitas abjurarunt. Illas vero easdem Richardus de Monie Falchery præter debitas in villa Faberniacensi ecclesiæ appendenti-bus, in manu nostra deposuit et vœrpsit: comes autem Rainaldus consuetudines a prædictis advocatis in sua manu desitas in nostra manu donavit, et nos Deo et beata Maria suæ altare obtulimus. Hoc itaque per Dei misericordiam expleto, sanctimoniales, clerici et populus, casati, advocati pari voce et consensu acclamaverunt, ut ecclesiæ Casa-Dei Faberniacensis ita niretur ecclesiæ, ut de capitulo Casa-Dei perpetuis temporibus abbas assumatur, a quo secundum Ordinem et consuetudinem ecclesiæ Casa-Dei Faberniacensis regatur ecclesiæ. Nos igitur præfate plebis voluntatibus inclinati, ecclesiæ Casa-Dei Faberniacensem ecclesiam cum suis appendiciis, salvo pontificati jure et ministrorum ejus, regendam conce-

## 350 EPISTOLA CCCXII (1022).

AD RADULFUM PATRIARCHAM ANTIOCHENUM.

*Humilitatem precipue ei inculcat.*

Domino et patri reverendissimo R. Dei gratia patriarchæ sedis Antiochenæ, frater BERNARDUS Claræ-Vallensis abbas, si quid prodest pauperis devotio, et si quid potest peccatoris oratio.

Ut ad vestram Celsitudinem scribere auderem, nimirum vilis homuncio, non fuit præsumptio, sed fiducia: nam et fr. Hatto id suggessit, et charitas persuasit. Itaque exhibito brevi quidem, sed fidei debite venerationis salutationisque obsequio, oro Deum omnipotentem, ut quem Petri dignatus est cathedra, dignum iudicet et corona. Cæterum, ut optime novit prudentia vestra, non coronabitur, nisi qui legitime certaverit. Hinc est, quod ipse, cuius hæc verba sunt, beatus Apostolus, cum sibi repositam coronam iustitiæ dicere vellet, præmisit, quia bonum certamen certavi (II Tim. iv, 7). Quod si milita est vita hominis super terram (Job vii, 1), quid pontificis vita, cui duplex profecto causa existit pugnandi, et pro se videlicet, et sibi commissis? Pugnandum vero est adversus carnis lasciviam, adversus nequitiam sæculi, contra spiritualia nequitie in cælestibus. Et quis ad hæc idoneus? funiculus hic triplex difficile rumpitur. Has tres turmas fecere Chaldaei ad deprædandos greges Job: carnem videlicet, cum vitis et concupiscentiis suis. Exsurgat Deus, et dissipentur inimici ejus (Psal. lxxvii, 2). Exsurgat, inquam, necesse est, qui dixit: Sine me nihil potestis facere (Joan. xv, 5). Cum eo autem quid? Omnia in eo, inquit, possum, qui me confortat (Philipp. iv, 13). In eo confortare et tu, pater, confortare, et esto robustus: accingere, sta in prælio, pugna fortiter pro gregibus tibi commissis, quos te necesse est Commisiori ex integro reconsignare: pugna et pro te ipso, quia et pro te habes exigere rationem. Cave-to tibi in loco excelso, quo stas: ne forte, quod absit, corruas, et tanto gravius conquassæris, quanto ex altiori corrueris. Sic locum aptum teneas, ut tamen altum non sapias, sicut dicit Apostolus: Noli altam sapere, sed time (Rom. xi, 20). Locus altus sensato homini non tam occasio est elationis, quam causa timoris. Habet quidem honorem Ecclesia, sed habet et pavorem ruinæ: nec altus locus, sed altum supercilium reprehenditur. Et quisnam sedens in

dimus, et abbatibus correctionem abbati Casæ-Dei, suisque successoribus, si in Ordine suo peccaverit, fore sanabilium. Si vero culpa tam gravis existerit, ut abbas dignus sit depositione, nobis prius ostensa culpa vel archiepiscopis nobis succedentibus, si rebellis existerit et emendare noluerit, potestatem deponendi eum prædicto abbati concedimus. Ut autem præsens pagina immobilis perseueret, sigilli nostri impressione insignimus, et ne quis eam ulterius infringere attentet, sub anathematis vinculo interdiciamus.

Hujus rei testes sunt Willemus de Arguel, Wido de Martiniaco archidiaconus, Petrus de Treva decanus Sancti-Stephani, Hugo Faveriacensis archidiaconus, Wobertus archidiaconus, Hugo de Dola, Hugo Luxoviciensis abbas, Wido abbas de Charo-Loco, Lambertus

A alto demissum potest habere supercilium, nisi qui semper suspectum habet præcipitum? Timor præcipitii tumorem dominii reprimat. Quæcumque volumus ut faciant nobis homines, eadem et nos faciamus eis. Quis sibi non velit deferri a subditis? utinam æque libenter et nos nostris præpositis deferamus. Alioquin pondus et pondus, mensura et mensura, utrumque abominabile est apud Deum (Prov. xx, 10). Abominabiles ergo apud Deum sumus, si non eodem pondere vel mensura superioribus exhibemus, quo a subjectis exigimus. Non possum satis mirari cautam humilemque Centurionis fidem et responsionem, quæ legitur ad Salvatorem ita dixisse: Nam et ego homo sum sub potestate constitutus, habens sub me milites (Luc. vii, 8). O prudens et vere corde humilis anima! dicturus quod prælatus esset militibus repressit extollentiam confessione subjectionis: imo præmisit subjectionem, ut pluris sibi esset quod suberat, quam quod præerat: quod ipso verborum ordine ostenderet, et bonam mentis compositionem bene ordinate orationis series indicaret. Volebam plenius ista prosequi, inculcentisque distinguere: sed verecundia intervenit. Erit, cum potero scribere plura, securus, si tamen hæc pauca vobis placere 351 cognovero. In fine obsecro, ut si vere mihi locus ille gratiæ apud vos manet qui dicitur, milites Dei, qui templum Jerosolymitanum inhabitant, in se experiantur, ut amore nostri sint vobis deinceps de commendatis commendatiores. Ex hoc siquidem magis et Deo placitus, et hominibus acceptus eritis.

## EPISTOLA CCCXIII (1023).

AD W. PATRIARCHAM JEROSOLYTHORUM (1024).

*Ad humilitatem eum hortatur.*

Venerabili domino et dilectissimo patri, Dei gratia Jerosolymorum patriarchæ W. BERNARDUS Claræ-Vallensis abbas, Spiritum veritatis qui a Patre procedit.

1. Occasione accepta per virum fidelem et amicum nostrum, latorem præsentium, pauca verba, in multis occupatus, scribo vobis, in multis occupato. Quod si presumptuosum cuilibet videatur, et in hac parte judicer, venialis tamen est præsumptio, quæ descendit ex amore. Sed, ne multa scribam, cum pauca promiserim, ad rem ipsam veniamus. Cum placuit universorum Creatori Deo aperire altitudinem consilii sui super salutem generis humani,

abbas de Clara-Fontana, abbas de Morimonte, Warinus Capellanus, Rainaldus comes, Fridericus comes de Fontiniaco, Wido de Junci-Villa et Henricus frater ejus, Tebaldus de Rubro-Monte, Humbertus de Vissinco et Ludovicus frater ejus.

Data Bisuntii in æde capituli Sancti Joannis, anno ab Incarnatione Domini Jesu Christi 1152, Indictione duodecima, decimo quinto kalendas Octobris. Vide epist. 199.

(1022) Epistola nostra vero antea 392 erat, nunc 327.

(1023) Epistola nova

(1024) Willemum, ad quem epistola 175: ubi consule notas.



sic dilexit mundum, ut Filium suum unigenitum A daret, qui factus homo propter homines, de filiis hominum vocabit ad se quos voluit, et electos de cæteris, et dilectos præ cæteris. Item et unum ex illis, quasi de electis electum, et dilectum præ dilectis, in specialem sui amoris gratiam separavit: cui vices suas committens, cum jam exaltatus a terra elevatis manibus sacrificium offerret vespertinum, antequam in manus Patris sui spiritum commendaret, tanquam frater fratri, Matrem virgini, virgo virginem commendavit. Quid sibi vult tale principium? diligenter attende.

2. Multos elegit Dominus, et principes fecit in populo suo, ut sit illis sacerdotii dignitas: sed te quadam familiari gratia collocavit in domo David pueri sui. Tibi soli de omnibus episcopis universi B orbis commissa est terra illa, quæ germinavit herbam virentem, et facientem fructum secundum speciem suam, de cujus radice ortus est flos campi, et litium convallium. Te solum, inquam, elegit Dominus præ consoribus tuis, ut sis ei in episcopum familiarem, qui per singulos dies introeas in tabernaculum ejus, et adores in loco, ubi steterunt pedes ejus. Legimus olim dictum ad sanctum Moysen, quoniam mandatum accepit a Domino, quod traderet filiis Israel: *Solve calceamentum pedum tuorum; locus enim in quo stas, terra sancta est (Exod. iii, 5)*. Sanctus quoque locus, sed in illo figura; in isto autem veritas expressa signo sanctitatis. Sanctus ille, sed iste sanctior. Quid enim simile cum veritate? quid simile habet illud, quod per speculum et in ænigmate, cum gloria illa, quæ jam scisso velo revelata facie videtur? Et tamen, cum hæc omnia in figura contingerent et in forma futurorum, dictum est Moysi: *Solve calceamentum pedum tuorum; locus enim in quo stas, terra sancta est*. Et ego dico tibi, *Solve calceamentum pedum tuorum; locus enim in quo stas, terra sancta est*. Si adhuc affectus tui ex aliqua parte involuti sunt operibus mortuis, solve velociter: locus enim in quo stas, terra sancta est. O quam metuendus est locus ille, in quo primum per viscera misericordiæ Dei nostri visitavit nos Oriens ex alto! O quam metuendus est locus ille, in quo primum occurrit pater filio revertenti de regione dissimilitudinis, et accumbens super collum ejus stola gloriæ induit eum! O quam metuendus est locus ille, in quo dulcis et rectus Dominus vulneribus nostris vinum pariter infudit et oleum, in quo constituit nobiscum pactum fœderis pater misericordiarum, et Deus totius consolationis! Gratias tibi, 352 Domine, gratias tibi, quia bonum opus operatus es in medio terræ, in medio annorum legis et gratiæ notum faciens illud. Cum enim iratus fueris, misericordiæ recordaberis. Ecce locus longe æcratior illo, in quo stetit Moyses, et longe nobilior: quia locus Domini, locus, inquam, illius est, qui venit per aquam et sanguinem; non in aqua

tantum, sicut Moyses, sed in aqua et in sanguine. Ecce locus, ubi posuerunt eum. Quis ascendet in montem Domini? aut quis statuit in loco sancto ejus? Solus iste ascendere debet, qui didicit a Domino Jesu Christo, esse mitis et humilis corde.

3. Humilis solus secure potest ascendere: quia humilitas non habet unde cadat. Superbus, etsi ascendat, stare tamen diu non potest, tanquam qui non supra pedes suos stare voluit, sed alienum sibi assumpsit pedem, illum scilicet, quem propheta abhorrens, dicit: *Non veniat mihi pes superbiæ (Psalm. xxxv, 12)*. Superbia enim non nisi unum pedem habet, propriæ amore excellentiæ: et ideo superbus diu stare non potest, tanquam qui non nisi uni pedi innititur. Quis enim staret in illo pede, in quo ceciderunt qui operati sunt iniquitatem, angelus in cælo, homo in paradiso? Si Deus naturalibus ramis non pepercit, homini, dico, quem gloria et honore coronavit, et constituit eum super omnia opera manuum suarum; et angelo, qui fuit initium viarum Dei, plenus sapientia, et perfectus decore: multo magis timendum est, ne forte nec mihi parcat superbienti, non jam in loco voluptatis, non in cæli palatio, sed in valle lacrymarum. Ut ergo secure stare valeas, sta in humilitate; sta, non in uno pede superbiæ, sed in pedibus humilitatis, ut non moveantur vestigia tua. Humilitas enim duos habet pedes; considerationem divinæ potentiæ, et propriæ infirmitatis. O speciosi pedes, et firmi, nec tenebris ignorantie involuti, nec lubrico luxuriæ inquinati! C Tu ergo in alto positus, noli altum sapere, sed time, et humiliare sub potenti manu ejus qui superbiorum et sublimium colla propria solet virtute calcare. Noveris Ecclesiam commissam tibi, non sicut ancillam domino, sed, ut ad principium epistolæ revertar, tanquam filio matrem, tanquam Mariam Joanni, ut et de te ad eam dici possit, *Mulier, ecce filius tuus*; et de ipsa ad te, *Ecce mater tua (Joan. xiv, 26, 27)*. Ita enim securus esse poteris ingrediens et egrediens, et pergens ad imperium ejus, qui, etsi altus est, et in altis habitat, humilia tamen respicit in cælo et in terra.

#### EPISTOLA CCCXCIV (1025).

AD ARCHIEPISCOPUM LUGDUNENSEM.

D Pro abbate Athaniænsi apud Lugdunum.

Lugdunensi archiepiscopo (1026), apostolicæ Sedis legato, BERNARDUS CLARÆ-VALLENSIS abbas, providere bona coram Deo et hominibus.

Si suavis opinio et odor bonus, quem de vobis habuit hactenus mater Ecclesia, in cujus horto germinastis sicut lilium, fuerit immutatus, non potero non dolere. Sicut cedrus in Libano exaltata est, sic estis hodie in Ecclesia Dei, amabilis, laudabilis, et charus omnibus. Magna sunt, quæ jam de vobis habemus, sed adhuc exspectamus majora. Tene interim quod accepisti: non dabis famam tuam videre

Willelmo Tyrin in libro xv, cap. 15, et quidem anno 1139. De hoc Bernardus in epistolis 171 et 172.

(1025) Epistola nova.

(1026) Petro, qui Accone in Palestina obiit, teste

corruptionem. Melius est enim nomen bonum, quam A  
divitiarum multarum. Quid fecisti de abbate Athanacensi  
(1027)? Jam iudicatus est, jam damnatus est, jam  
depositus, et locum perdidit abbatibus, et officium.  
Quod factum est de eo, factum est citius, tanquam  
in momento et in ictu oculi, sicut erit in resurre-  
ctione mortuorum. Confidenter loquor vobis, quia  
plenitudo amoris excludit timorem. Tamen quid  
peccavit homo? quid tandem mali fecit **353** homo,  
cui laus est in Ecclesia Dei? Quod scimus, loqui-  
mur, quia testimonium bonum habet, et ab his qui  
foris, et ab his qui intus sunt. Ceterum, cum adhuc  
ignoretur utrum penes eum culpa sit, nec canonici-  
cum subterfugit examen; sicut nobis videtur; vel  
stare debuit adhuc, vel cecidisse canonico iudicio  
de cetero. Quid igitur? nec sponte confessum, nec  
aliis manifestum, vel ab his convictum damnastis?  
Sed dicitis mihi: Cum in causa esset, decedit a  
causa. Non enim potuit producere testes illos, quos  
ei scripseram. Bene; quia non steterunt pro eo qui  
stabant contra eum: tanquam eis diceretur, Aut  
contra vos stabitis, aut iste deponetur. Illos, inquam,  
habere non potuit; sed potuit habere alios, quorum  
testimonia non minus essent credibilia testimoniis  
illorum quos habere non potuit. Sed jam ex alio  
latere causam inspiciamus. Esto, reus est; in media  
causa defecit, et innocentia, et causa. Et ubi est  
illud, « Vitiata causam licet relevare appellationis  
remedio? » Quod si appellatorem noluit audire,  
attamen appellato deferri oportuit. Neque enim de-  
cet ut procedant de labiis vestris inconsiderata verba,  
vel precipitata iudicia. Non, inquam, principem  
Ecclesie decent verba precipitationis, præsertim  
illa, quæ non in tenebris, sed in lumine referuntur.  
Dico vobis, multos cum illo læsistis, et multi in  
persecutione ejus dolebunt. Non faciam vobis ver-  
bum absconditum. Multorum precibus rogabar scri-  
bere pro eo ad apostolicam Sedem, quorum non  
est tutum preces contemnere. Sed quomodo fieri  
poterat, donec prius convenirem dominum meum, et  
charissimum meum Patrem? Convenimus igitur  
vos verbis pacificis, tanquam illum cujus honor sem-  
per fuit mihi curæ, ut sententiam illam intempesti-  
vam in locum suum revocetis, et homo ille restituatur  
in gradum pristinum, donec causa ejus cum ma-  
jori cautela examinetur. Hæc scribo vobis servus  
vester, præcipue pro vobis. Non enim contra vos,  
sed vobiscum stare volo, et pro vobis, apud Deum,  
et apud homines.

(1027) Athanacense monasterium Ordinis sancti  
Benedicti antiquum et illustre, Lugduni ad confluen-  
tes Rhodani et Araris.

(1028) Antea epistola 525.

(1029) Eidem tum abbati scripta est epistola 63.  
Episcopus fuit ab anno 1131 ad annum 1148, quo  
anno apud Philippopolim decessit octavo idus Octo-  
bris, ex Necrologio Sancti-Dionysii apud Remos.  
Ejus obitum memorat Ludovici Junioris epistola 22  
inter Sugerianas. Confer epistolam 339.

(1030) Quantum reatus contrahitur ex ipsa pro-  
fessione, si tantum ex sola vocatione, ut alibi etiam  
naset Bernardus in epistolis 107 et 108, qui item

## EPISTOLA CCCXCV (1028.)

AD ALVISEM ATREBATENSEM EPISCOPUM (1029.)

*Non satis æquam ejus petitionem esse, ut Thomas de  
Sancto-Audomaro, qui se Claræ-Valleisibus devo-  
verat, dimittatur Bertinensibus, qui eum sibi ex  
voto parentum vindicare volebant.*

Venerabili patri et amico nostro ALVISO. Dei gratia  
Atrebatensi episcopo, frater BERNARDUS vocatus ab-  
bas, salutem et nostras qualescunque orationes.

1. Rogastis nos pro ecclesia Sancti-Bertini, quam  
et vos diligitis, et nos ipsi diligimus, et dileximus  
ab initio. Veruntamen quod nunc rogat venerabilis  
abbas ejusdem monasterii, utinam diligentius con-  
siderasset prudentia vestra, quale sit istud, non  
dicam facere, sed vel rogare. Neque enim dubito,  
B quin redarguissetis eum, tanquam qui delinqueret  
graviter, et adversum nos amicos suos, et adversum  
ipsum, cujus animam quaerit; imo et adversum  
Deum, cujus conatur immutare consilium. Quid  
enim, domine pater? id vobis persuaderi potuit, ut  
ab amico vestro tale aliquid peteretis? Vocat Deus  
Thomam de cælo, vocat ut exeat de terra sua, et  
de cognatione sua, et de domo patris sui, et veniat  
in locum quem ipse ei ostendit: ego quis sum qui  
prohibeam spiritum Dei, **354** qui debeam impedi-  
re eum, qui proprias oves vocat nomine proprio; et  
ipse ante eas vadit, ut alium non sequantur, sed  
ipsum? Thomas paupertatem elegit, ego eum ad  
divitias delicatasque remittam?

2. Nec ignoro, quin possint apud Sanctum-Berti-  
num fratres suam ipsorum operari salutem: sed  
quos illuc vocaverit Deus (1030), ut unusquisque in  
qua vocatione vocatus est, in ea permaneat. Scio, scio  
ubi legerim: *Nemo mittens manum suam ad aratrum,  
et respiciens retro, aptus est regno cælorum* (Luc. ix,  
62). Quo nequaquam ego fraudare velim charissimum  
filium meum Thomam, et animam quæ mihi a Deo  
commissa est. Unde satis admiror, quoniam modo  
subripi potuerit tantæ discretionis, rem hujusmodi  
postulare. Ego enim, quoniam de vestra, sicut scitis,  
dilectione præsumo, paulo minus respondeam, quod  
ait Dominus ad filios Zebedæi: *Nescitis quid petatis*  
(Matth. xx, 22). Nisi quod cogitavi, non sic de  
charitate præsumendum, ut non etiam sacerdotali  
D cathedræ deferretur.

3. Facite ergo morem vestrum: honorificate  
etiam in hac parte ministerium vestrum, et viriliter  
juvate etiam has Christi sponsas, ut eum ad quem  
vocantur sponsi thalamum, sine offensione, sine

Novitios ab Ordine deficientes inter apostatas censet  
sermone 65 in Cantica, n. 6. Si ad laxiorem statum  
citra apostasiam crimen reflectere non licet, teste  
etiam Bernardo in Apologia ad Guillelmum, n. 30,  
licet in ipsa stricte viventium societate mollia et  
laxiora impune sectari, in scandalum fratrum, et  
recti ordinis detrimentum? Et tamen hæc est quo-  
rundam religio, qui in toto omnia esse arbitrantur,  
si cæteris insuper habitis, substantialia servant;  
quasi sanctæ institutionis et recti ordinis violatio,  
non sit violatio professionis: et substantialia invio-  
lata esse possint, accidentariis cum animo cor-  
ruptis.

dilatione mereantur intrare. Agite, inquam, ut amicus sponsi, qui stat et gaudio gaudet propter vocem sponsi : et sicut bene soletis juvare ceteros, sic juvate et istos, ut non solum non exstinguatis (quod absit) spiritum Dei, sed et coadjutorem ejus fidelem vos esse probeitis. Hoc enim omnino certum sit Paternitati vestræ, quoniam meo consilio sive permissione mea nusquam declinabunt. Scio enim quoniam ipse peccarem, et eos peccare facerem, si quid eis aliud consulerem, aut concederem. Peddant ergo vota sua quæ distinxerunt labia sua. Alioquin viderint ipsi, quibus credant dicentibus : Ecce hic est Christus, ecce illic est. Quoniam oportebit eos mihi ante tribunal Christi super voto suo, cujus ego testis sum, respondere.

## EPISTOLA CCCXCVI (1031).

AD RICUINUM EPISCOPUM TULLENSEM (1032).

*Excusat se apud eum, quod ejus professum Willemum ignorans suscepit.*

Venerabili Ricuino, Dei gratia Tullensi episcopo, frater BERNARDUS dictus de Clara-Valle, cum pusillo sibi grege commisso, sospitatem et pacem.

Gratias agimus salutis Auctori, quod digni habitus sumus a vobis salutari. Verumtamen quantum nos salutatio letificat, tantum illa, quam subjunxistis, obedientia gravat : licet tamen gravati, fecimus quod jussistis. Simul coram Deo, et vestra sanctitate, teste etiam ipso venerabili fratre Wilhelmo, nos excusamus, quod ignorantes vestrum esse professum recepimus. Si culpa est, quod ita a nobis receptus est ; ipsius, non nostra est. Post hanc nostram veram ac puram satisfactionem, mereamur vestram gratiam et benedictionem. Valete. Optamus vos tam plenum dierum, quam virtutum

(1031) Antea epistola 365.

(1032) Inscriptionem hanc restituit codex Corbeiensis, Bernardi ætate scriptus : in antehac editis legebatur, *Ad abbatem quemdam*. Nec conjectura tituli ieiis erat, cum in contextu epistolæ agatur de professo ejus, ad quem Bernardus scribit, scilicet Wilhelmo, qui monachus erat forsitan Sancti-Apri aut Sancti-Mansueti. Sanctitatis compellatio, et sancti et reverendissimi Patris tituli episcopo rectius conveniunt, quam abbati. Ad Ricuinum item epistola 61.

(1033) Antea epistola 387.

(1034) Quem a secunda profectione ad loca sancta dehortatur Goffridus Vindocinensis epistola 21 libri quarti ad eum scripta, cujus etiam meminit epistola 26 libri secundi in qua de rapinis et seculari violentia suo monasterio, injuriisque archiepiscopo Turonensi illatis apud Gaufridum Carnotensem adversus Majoris-Monasterii monachos graviter exposulat. Et tamen horum pietatem et religionem eo ipso tempore maxime commendat Ulgerius Andegavensis episcopus in quadam charta anni 1131 his verbis : « Ego Ulgerius episcopus Andegavensis, ecclesiæ Majoris-Monasterii, et fratribus meis Odoni venerabili abbati et monachis illius, quibus ferventiores in divino servitio alios me novisse non memini, dedi anno Incarnationis 1131 ecclesiam de Bessiac et capellam de Belli Fortis, » etc. Et in alio instrumento : « Ego Ulgerius Andegavensis episcopus cum cognovissem sanctissimam ecclesiam Majoris-Monasterii nullum receptaculum suæ proprietatis in Andegavensi civitate habere, dedi viridarum juri

A tranquillo transitu mortem finire, sancte, et reverendissime pater.

## 355 EPISTOLA CCCXC VII (1033.)

AD ODNEM ABBATEM MAJORIS-MONASTERII PROPE TURONIS (1034).

*Monachos, de quibusdam redditibus cum clericis contententes, arbitrorum sententiæ acquiescere debere.*

Reverendissimo patri et domino Odoni, Dei gratia abbati Majoris-Monasterii, sanctoque et in Christi charitate juncto conventui, Hugo Pontiniacensis et BERNARDUS Clara-Vallensis, spiritu ambulare, et querere semper non pigre faciem Dei Jacob.

1. Charitas, fratres, nos admonet scribere ad vos et pro vobis, et quod longe a vobis absumus, sed B locis, non animis. Porro animos facile in eandem vestræ fraternitatis unanimi conflat frangens ubique odor suavissimus famosissimæ sanctitatis. Cæterum ab heri et nudius tertius modice intra nos turbatum dolemus tantæ serenitatis participium. Subito nempe oborto nubilo famæ substrictioris, haud dubium quin a facie aqilonis, operuit confusio facies nostras, quod de vobis tam insolitum, tam vestro nomini dissonum audiremus. Formidantes igitur janijamque graviter periclitari et famam vestram, et nostram pro vobis gloriam, si non sermo, qui exiit velocius, evanuerit flatu secundior ; fraterna curamus sollicitudine his litteris vestram commonere Reverentiam de celeri correptione super malo, quod in dies divulgare non parcat fama volans. C Miramur sane aliquos vestrum (absit enim ut omnes suspicemus) tanta vel simplicitate deceptos, vel cupiditate cæcos, ut celeberrimo nomini non parcentes, unius altaris pauculos redditus (1035) orbis gloriæ præferant. Non oportet, fratres, non oportet

episcopalis, quod habebam proprium in parochia Sancti Stephani, non longe ab ecclesia ipsius, concedente Andegavensi capitulo. Non enim decebat, ut tam sanctum ac religiosum monasterium, quod hospitalitate insignissimum ubique plantationem habet, et præ cæteris prædicatur, in tam populosa urbe et tam vicina sibi hospitio carere. ... Regnante Ludovico rege Francorum, Gaufrido filio Fulconis regis Jerosolymitani, et Hugone archiepiscopo Turonensi. « Quin et Normannus Ulgerii successor in charta donationis ecclesiæ de Ver, anno Incarnationis 1152, Indict. 15, confecta, non inferius reddit amoris et honoris testimonium de monachis Majoris-Monasterii. « Quos, » inquit, « ob religionis sanctæ privilegium, quo specialiter pollent, et quia boni edificatores et propagatores sui ordinis existunt, singulari amplector charitate. » Imo causam abbatibus Majoris-Monasterii (Guillelmi videlicet non Odonis ejus successoris, qui hanc dignitatem inivit anno 1124 ad annum 1135) egregie tractat Ivo Carnotensis epistola 108, ad Paschalem scripta adversus Rodulphi archiepiscopi Turonensis accusationes, quamvis postea epistola 234 ad promittendam metropolitano suo obedientiam Guillelmum cohortetur. Porro de simili decimarum litigatione, de qua hac in epistola agitur, vide inter alios Petri Venerabilis epistolam 28 libri tertii ubi hoc argumentum solide pertractat.

(1035) Altaria vocabant ecclesias parochiales cum decimis, qualia tunc temporis monasteriis conferri, etiam a sæcularibus, mos erat. Confer epistolam 375.



illis æstimare temporalibus lucris testimonium, A quod vobis ab antiquo, imo ab initio, ab his quoque qui foris sunt, conversationis merito conquistis. Sed forsán dicitis: Nos nemini injuriam facimus. Tenemus nostra, parati, si quis ex adverso est, rubire iudicium. Recte. Sed quid, si alius responderit et dixerit? *Hoc ipsum delictum est in vobis, quod causqs habetis. Quare non magis fraudem patimini?* (I Cor. vi, 7.) Quid, si legerit et alius: *Si quis abstulerit tua, ne repetas: quinimo, percutienti in dextram maxillam, præbe et alteram; auferenti tunica, præbe et pallium?* (Luc. vi, 29, 30.)

2. Et hæc vobis, hisque similia objiceremus, nisi quod corrigere vos, quam confundere malumus. Hoc autem dicimus, tutius esse omni christiano, et maxime monacho, possidere quidpiam minus in pace, quam cum lite amplius. Sic quippe canitis: *Melius est modicum iusto, super divitias peccatorum multas* (Psal. xxxvi, 16). Quid, quod de altari contenditur, et hoc adversus filios Levi, id est adversus clericos? Clericorum est altari deservire, et de altario vivere. Nobis nostra professio et antiquorum monachorum exempla victum ex propriis præscribunt laboribus, et non ex sanctuario Dei. Huc accedit, quod eidem ecclesiæ, de qua præsens disceptatio est, clerici soli deserviunt, vosque cum illis partimini beneficium, cum quibus non exhibetis obsequium. Paulus clamat pro clericis, imo ante ipsum Moyses: *Non alligabis os bovi trituranti* (Deut. xxv, 4); Item: *Quis plantat vineam, et de fructu ejus non edit?* Aut, *Quis pascit gregem, et de lacte gregis non manducat?* (I Cor. ix, 9, 7.) Vos autem per contrarium convenimus: Qua audacia, o monachi, præsumitis, seu vinum de vinea quam non plantastis, seu lac de grege quem non pascitis? Quo pae o ibi exigitis, ubi nihil exhibetis? Certe, si ita vultis, baptizate nascentes, sepelite morientes, visitate jacentes, copulate nubentes, instruite rudes, corripite delinquentes, excommunicate contemnentes, absolvite resipientes, reconciliate pœnitentes: et in medio denique Ecclesiæ aperiat os suum monachus, cujus officium est sedere et tacere. Sic fortasse dignum se **356** probabit mercenarius mercede sua. Alioquin invidiosum admodum est, velle metere ubi non seminaveris; sed et colligere quod alius sparserit, etiam injuriosum.

3. Esto tamen: liceat et hoc ex dono episcopi, nec ulla jam reputetur injuria, cum canonica excusat investitura. Cæterum de pacto vestro quid facitis? Siquidem Canonice reclamantibus et causantibus de injuria, placuisse tandem vobis, nisi fallimur, non negabitis causam vestram poni in manu Carnotensis episcopi, simul et comitis T. (1056) ut quidquid pari utriusque consensu pro lite dirimenda definiretur, utraque pars irrefragabiliter teneretis. Optime plane, et consultissime. Tales quippe electi sunt mediatores, de quorum satis non solum probata æquitate, sed et privata, ut bene novimus,

(1056) Theobaldi.

familiaritate confiditis. Quod igitur viri boni, et ipse amici vestri super reformanda pace concorditer, nec dubium quin et fideliter defuerint, quare vos juxta conductum quod præcesserat non tenetis? An idcirco non fideliter egisse putantur, quia videtur nec æqua commutatio, quæstus utique majoris ad minorem? Sic prorsus videtur: sed quærenti quæ sua sunt, sed ei qui plurius æstimat nummos quam amicos, pecuniam quam justitiam, ac terrenam possessionem super fraternam dilectionem. Si de mundo fuissetis, et mundus quod suum erat diligeret; tam non mirum, quam nec insolitum videretur: nunc vero filii lucis et pacis, luci tenebras, paci res præferunt temporales. Tales profecto deplorat prophetica lamentatio: *Et qui, inquit, nutriebantur in croceis, amplexati sunt stercora* (Thren. iv, 5).

4. Merito, aiunt, nolimus tenere concordiam, in qua pars nostra gravari cognoscitur. Quid, si pars altera gravari videretur? Tunc prorsus, tunc æqua et justa concordia judicaretur. Veruntamen hoc ante pactum cautum esse debuit. Ubi enim non est lex, nec prævaricatio. Nunc autem lex pacti jam commodum non considerat, sed conductum. Quid ad hæc dicitis, qui contradicitis? qui, dum vos lingitis consultores, proditis turbatores, tergiversatores, prævaricatores. Aut negate pactum, aut implete, Quid enim? an non negatis quidem conventionem, sed causamini circumventionem, culpamque referitis in episcopum, quasi non egerit simpliciter vobiscum; sed cum astu et dolo vos ceperit, et induxerit in eandem, cujus vos modo pœnitet, pactionem? Dicere potestis: sed mirum cui persuadere; mirum si vos vel ita suspicari. Nequaquam, inquit; sed non debet stare quod absque nostro consilio factum est, hoc est sine assensu totius capituli. Quid? quod abbas statuerit cum consilio seniorum, stare non debet, si non omnes consenseritis? Itane in Regula vestra manifestam super hoc sententiam aut non attenditis, aut contemnitis? Mandat siquidem ut fratres ad consilium vocati, singuli sic respondeant quod senserint, quatenus defendere non præsumant quod responderint: sed abbas, auditis singulorum sententiis, quam potissimum ipse elegerit, ei omnes sine contradictione acquiescant (Reg. S. Benedicti, cap. 5.)

Si ergo in quibuscunque disponendis præminet auctoritas abbatis, Regula item præscribente, quia in abbatis arbitrio pendet omnis ordinatio monasterii; patet quod inobedientes vos ac rebelles esse probatis, qui pactum quod abbas formavit, contra ejus voluntatem labefactare conamini. Nisi forte et ipse in corde et corde locutus est, ut quod palam per se edificavit, clam per suos destruat; et sic prævaricatorem se quoque constituat. Quod quidem absit ut credamus: nam de optimo viro id tantum suspicari, pessimum est. Non nos sane latet scrupulus nonnullorum, qui plusquam oportet iusti, nodum in scirpo quærebant, dum absque Simonia istiusmodi commutationes inter ecclesias posse fieri

non putarent. Sed de hoc, ut arbitramur, vobis A  
utique curiosius sciscitantibus, catholicorum et  
eruditiorum virorum responsionibus satisfactum est :  
**357** aut si quo minus ; in promptu est etiam nunc  
ex auctoritate canonum affirmare, quod fas sit de  
rebus ecclesiasticis fieri permutationes, prout ec-  
clesiis videbitur expedire. Hæc adversus illos, qui  
se de his quorum sua nihil interest præsumptuosius  
intromittentes, semper parati sunt injuriam concit-  
tare (1037).

#### EPISTOLA CCCXCVIII (1038).

AD GUIDONEM ABBATEM ET FRATRES ARREMARENSIS.

*Rogatus ab Arremarensibus, ut Officium de sancto Vi-  
ctore ipsorum patrono componat, tenuitatem suam  
et operis difficultatem prætendit, exponens qualia  
esse oportet quæ publice adhibentur divino cultui :  
cantus quoque ecclesiastici leges describit.*

Venerabli Guidoni abbati Arremarensi (1039),  
et sanctis qui cum eo sunt fratribus, BERNARDUS  
servus Sanctitatis eorum, servire Domino in san-  
ctitate.

1. Petis, charissime mihi Guido abbas, et tecum  
pariter qui tecum sunt fratres, dicitare me aliqua  
vobis legenda solemniter, vel cauenda in festivi-  
tate sancti Victoris, cujus apud vos corpus sacra-  
tissimum requiescit. Conctanti instas, dissimulan-  
tem urges; meam, etsi justam, verecundiam dissi-  
mulans. Ipse adhibes mihi et alios precatores, quasi  
sit aliquid, ad inclinandum me tuæ voluntati, tua  
ipsa voluntate cogentius [al. convenientius]. Verum

**1037** Codex Vedastinus sic epistolam concludit :  
*Semper parati sunt concitare injuriam aliis, invitam  
suis. Vobis autem, Pater, consulimus uti consilio  
meliorum, nec abduci scandalo priscorum ad prævari-  
candum pactum laborum vestrorum ; ne, dum pauco-  
rum malorum scandalum declinatis, bonis omnibus,  
quod absit, scandalo sitis. MARTEXE.*

(1038) Antea epistola 512.

(1039) Arremarense monasterium, diocesis Tre-  
censis, ordinis sancti Benedicti, patronum habet  
sanctum Victorem confesorem, cujus Acta ex Ber-  
nardo habes in tomo 3. Ejus loci monachus fuit  
Nicolaus Bernardi notarius, de quo supra in epistola  
298.

(1040) Perquam eleganter ista Bernardus, ideoque  
debite ponderanda. Si locus et propositum pateretur,  
verba Bernardi illustranda essent, et aliorum san-  
ctorum Patrum sententiis munienda, aut certe  
ostendendum, quæ illorum de cantu Ecclesiæ  
et divinis officiis idoneo mens fuisset. Sed quia seve-  
rior et rigidior forte disciplina fuit, quam præsentis  
 sæculi mores et ingenia ferant; libet audire virum  
prorsus pium et religiosum, ac de rebus ad pietatis  
ac virtutis cultum spectantibus pridem elegan-  
ter florideque disserentem. « Hic pace, » inquit,  
« vestra dixerim, o musici; nunc templis can-  
tandi genus dominatur novum, sed exorbitans,  
concisum, saltatorium, et parum profecto reli-  
giosum, theatro aut choreis convenientius, quam  
templo. Artificum querimus, et perditum prisum  
precandi ac cantandi studium : curiositati consuli-  
mus, sed revera negligimus pietatem. Quid enim  
novitia hæc et tripudians cantandi ratio, nisi co-  
mœdia est, in qua cantores velut actores sunt,  
quorum modo unus prodit, modo duo, modo simul  
prodeunt omnes, et modulatis vocibus colloquuntur :  
mox iterum vivus triumphat solus, cæteris brevi  
secuturis? Et infra : Fuerunt ævo superiore præ-

tu, vel proprio judicio consulens, cogitare debueras,  
non affectum erga me tuum, sed meum in Ecclesia  
locum. Sane altitudo negotii non amicum desiderat,  
sed eruditum, sed dignum : cujus auctoritas potior,  
vita sanctior, stilus maturior et opus illustret, et  
consonet sanctitati.

2. Quantulus ego in populo christiano, cujus lit-  
tere in ecclesiis lectitentur? aut quantula mihi in-  
genii eloquiive facultas, ut a me potissimum festiva  
et plausibilia requirantur? Quid? quem cæli habent  
laudabilem et laudatum, ego de novo laudare in-  
cipio super terram? Supernis velle addere laudibus,  
detrahere est. Non quod glorificatos ab angelis, ho-  
mines jam laudare non audeant : sed quia in solem-  
nitate celebri [al. solemn]i, non novella audiri de-  
bet vel levia, sed certe authentica et antiqua, quæ  
et Ecclesiam ædificant, et ecclesiasticam redolent  
gravitatem. Quod si nova audire libet, et causa  
requirit; ea, ut dixi, recipienda censuerim, quæ  
cordibus audientium, quo gratiora, eo utiliora red-  
dat et eloqui dignitas, et auctoris. Porro sensa  
indubitata resplendant veritate, sonent justitiam,  
humilitatem suadeant, doceant æquitatem : quæ  
etiam lumen veritatis mentibus pariant, formam  
morbis, crucem vitiis, affectibus devotionem, sen-  
sibus disciplinam. Cantus ipse, si fuerit, plenus sit  
gravitate (1040); nec lasciviam resonet, nec rustici-  
tatem. Sic suavis, ut non sit levis; sic mulceat  
aures, ut moveat corda. Tristitiam levet, iram mi-

C  
stantissimi musici, sed revera, vel vobis testibus,  
ii aliter et (licet dicere) religiosos cecinerunt. Sed  
eorum libros musicos vestrum jam fastidium pridem  
sepelivit. Reviviscat, obsecro, saltem aliquid prisæ  
religiositatis in sacra musica, quod si cordi est et  
curæ divinus honor, hoc agite, viri, hoc laborate,  
ut quæ cantantur verba, simul etiam intelligantur.  
Quid mihi varius in templo sonus, quid multiplex  
concertus, si desit ei nucleus, si sensum et verba,  
quæ concentu sunt instillanda, percipere nequeam?  
Ita Hieronymus Drexelius in Rhetoricæ cælestis  
libro 1, cap. 5. Sed age, liberemus religiosum re-  
centis memoriæ virum ab invidia, quam illi forte  
apud musicos nostros hujusmodi censura creat :  
aut saltem consortes illi demus, quibuscu nti gran-  
dioribus, facilius, sustineat odium, infansum veri-  
tatis partum. Et ecce occurrit e Bernardi nostri  
schola, qui pari cum magistro suo sensu spirituque  
musices abusus acriter perstringit. Aelredus, in-  
quam, abbas Rievallis in Anglia, cujus pleraque  
tomo quinto Operum Bernardi habes. Ille ergo Spe-  
culi Charitatis libro 11, cap. 2, ita loquitur. « Ad  
quid illa vocis contractio et infractio? Illic succinit,  
ille discinit : alter supercinit, alter medias quasdam  
notas dividit et incidit. Nunc vox stringitur, nunc  
frangitur, nunc impingitur, nunc diffusio sonitu  
dilatur. Aliquando, quod pudet dicere, in equinos  
hinnitus cogitur, aliquando virili vigore deposito, in  
femineæ vocis gracilitate acui ur, nonnunquam arti-  
ficiose quadam circumvolutione torquetur et retor-  
queur. Videas aliquando hominem aperto ore, quasi  
intercluso halitu expirare, non cantare, ac ridiculosa  
quadam vocis interceptione, quasi mimitur silentium,  
nunc agones morientium, vel extasim patientium  
imitari. Interim histrionici quibusdam ge-tibus  
totum corpus agitatur, torquentur labia, rotant  
oculi, ludunt humeri, et ad singulas quasque notas  
digitorum flexus responde. Et hæc ridiculosa dia-

aliget; sensum litteræ non evacuet, sed fecundet. Non est levis jactura gratiæ spiritualis, levitate cantus abduci a sensuum utilitate, et plus sinuandis intendere vocibus, quam insinuandis rebus.

3. En qualia oportet esse quæ in audientiam Ecclesie veniunt, qualeinve horum auctorem. Numquid talis ego, aut talia quæ paravi? Et tamen de paupertate mea, te pulsante, te inquietante, et si non quia amicus es, certe ob tuam importunitatem surgens, juxta verbum Domini, præstiti quod petisti (Luc. 11, 8). Præstiti dico, non quod tibi ad votum, sed quod mihi ad manum venire potuit, pro posse utique meo, non pro velle tuo. Servata tamen antiquorum veritate scriptorum, quæ tu mihi transmissas, de vita Sancti duos Sermones dictavi (1041) qualicumque sermone nico: illud quantum potui cavens, ut nec brevitatis obscuros, nec prolixitas redderet onerosos. Deinde, quod ad cantum spectat, hymnum composui, metri negligens, ut sensui non deessem. Responsoria duodecim, cum antiphonis viginti septem suis in locis disposui, addito responsorio uno, quod prioribus Vesperis assignavi; itemque duobus aliis brevibus ipso die festo pro vestra regulari consuetudine, uno ad Laudes, altero ad Vesperas decantandis. Et pro his omnibus mercedem flagito, sequor retributionem. Quidni sequar?

solutio vocatur religio, et ubi hæc frequentius agitantur, ibi Deo honorabilis serviri clamatur! Stans interea vulgus sonitum folium, strepitum cymbalorum, harmoniam fistularum tremens attonitusque miratur, sed lascivas cantantium gesticulationes, meretricias vocum alternationes et infractiones, non sine cachinno risuque intuetur: ut eos non ad oratorium, sed ad theatrum, nec ad orandum, sed ad spectandum æstimes convenisse. Nec timetur illa tremenda majestas, cui assistitur; nec defertur mystico illi præsepio, cui ministratur: ubi Christus mystice pannis involvitur, ubi sacratissimus ejus sanguis calice libatur, ubi aperitur cæli, assistunt angeli, ubi terrena cælestibus junguntur, ac angelis homines sociantur. Sic quod Sancti Patres instituerunt, ut infirmi excitarentur ad affectum pietatis, in usum assumitur illicitæ voluptatis. Non enim sensui præferendus est sonus, sed sonus cum sensu, ad incitamentum majoris affectus, plerumque admittendus. Ideoque talis debet esse sonus, tam moderatus, tam gravis, ut non totum animum ad sui rapiat oblectationem, sed sensui majorem relinquat portionem. At nempè B. Augustinus, Confession. lib. 10, cap. 35: Movetur animus ad affectum pietatis, cantico auditu: sed si magis sonum, quam sensum, libido audiendi desideret, improbat. Et alias: Cum me, inquit, magis cantus, quam verba delectant, pœnaliter me peccasse confiteor, et malum non audire cantamen. » Ita Aledredus. Verum colophonem imponat summus Ecclesiæ Præsul, Joannes XXII, et quid de hujusmodi musica sentiat, imo quid seneat, audiamus: « Dulcis omnino sonus in ore psallentium resonat, cum Deum corde suscipiunt, dum loquuntur verbis: in ipsum quoque cantibus devotionem accendunt. Inde etenim in ecclesiis Dei psalmodia cantanda præcipitur, ut fidelium devotio excitetur: in hoc nocturnum diurnumque officium, et Missarum celebritates assidue clero ac populo sub maturo tenore, distinctaque gradatione cantantur: in eadem distinctione collibent, et maturitate delectent. Sed nonnulli novellæ scholæ discipuli, dum temporibus mensuranis invigilant,

A Sive placeant, sive non; mea non refert, qui quod habui, dedi. Ergo merces mea, oratio vestra.

## EPISTOLA CCCXCIX (1042).

AD LELBERTUM ABBATEM SANCTI-MICHAELIS (1043).

*Monachum quemdam a perverso peregrinationis proposito dehortatus, remittit ad suum monasterium.*

Patri et amico suo LELBERTO, Sancti-Michaelis abbati, frater BERNARDUS, eorum, qui in Clara-Valle sunt, servorum Dei inutilis servus, debitum dilectionis affectum.

Hic filius vester peregrinationem, quam, etsi vestra licentia suscepit, nostro consilio deserens, ad vos reversus est. Cum enim cognovissemus, viam illam et eum requisisse per levitatem, et vos ob illius improbitatem annuisse; dure, ut dignus erat, increpatum reverti persuasimus, suæ siquidem, quantum conjicere potuimus, levitatis et improbitatis pœnitentem, ac de cætero emendationem pollicentem: rectius judicantes, quantumlibet reum in suo monasterio monachum pœnitentiam agere, quam foris vagando provincias circumire. Neque enim terrenam, sed cælestem requirere Jerusalem, monachorum propositum est; et hoc non pedibus proficiscendo, sed affectibus proficiendo. Vos autem, pater, non molestam habeatis ejus reversionem, etsi

novis notis intendunt: fingere suas, quam antiquas cantare malunt: in semibreves et minutas ecclesiastica cantantur, notulis percutiuntur. Nam melo et hoquetis intersecant, discantibus lubricant, triplicis et motetis vulgaribus nonnunquam inculcant, adeo ut interdum antiphonarii et gradualis fundamenta despiciant; ignorent super quo ædificant; tonos nesciant, quos non discernunt, imo confundunt: cum ex earum multitudinem notarum ascensiones pudicæ, descensionesque temperatæ, plani cantus, quibus toni ipsi discernuntur, ad invicem obfuscantur. Currunt enim, et non quiescunt, aures inebriant, et non mendentur: gestibus simulant, quod deponunt, quibus devotio querenda contemnitur, vitanda lascivia propalatur. Non enim, inquit, frustra ipse Boetius, lascivus animus, vel lascivioribus delectatur modis, vel eosdem sæpe audiens, emollitur et frangitur. Hæc ideo dudum nos et fratres nostri correctione indigere percipimus: hoc relegare imo prorsus abjicere, et ab eadem Ecclesia Dei prodigare efficacius properamus, » etc. Ita Joan. XXII, Extrav. com. lib. 3. tit. de Vita et hon. cleric., cap. un., ubi etiam subiungit qualem ve it esse musicam et cantum, qui Ecclesiam Dei debeat.

(1041) Habetur tomo III cum officio sancti.

(1042) Antea epistola 519.

(1043) Multa sunt in Galliis cœnobis Sancti-Michaelis: nempe in Monte-Tumba seu in Periculo Mariæ, ad Mosam, Tornodori in Burgundia, in Eremo apud Pictones, et in Terascia. Hujus abbas videtur fuisse Lelbertus: sive is sit Elbertus, qui Fusinaci locum Bar holeræ Laudunensi episcopo concessit ad contruendum Cisterciensium cœnobia, anno 1121; sive Gislebertus ejus successor, in chartario notatus anno 1150, alter sui sæculi Plato dictus apud Hermannum Laudunensem monachum in libro tertio de Miraculis S. Maræ, cap. 19. Simone Sancti-Nicolai abbate (de quo supra in epistola 83) defuncto, ad S. netum-Nicolaum, unde assumptus fuerat, revocatus. Leonis abbati ejus successoris innotuit diploma largitum anno 1158.



suspectam habeatis ejus conversationem : quin potius gaudete, quia hic filius vester mortuus fuerat, et revixit; perierat, et inventus est (*Luc. xv, 32*) (1044).

#### EPISTOLA CD (1043).

AD ABBATEM LÆTIENSEM.

*Fratrem Robertum recipi, et benignius tractari, ac statutum abbatis sibi renuntiari cupit.*

Venerabili patri Lætiensi (1046) monasterii, ac filii ejus, frater BERNARDUS, servorum Dei, qui in Clara-Valle sunt, inutilis servus, servire Domino in timore, et exultare ei cum tremore.

Remissimus vobis fratrem Robertum, primum pro eo et cum eo precantes, ut clementius cum ipso 359 agatur in recipiendo, quam cum cæteris solet fugitivis revertentibus. Non enim par esse debet poena, ubi dispar est causa. Deinde ut ab obedientia B (1047), in qua cum periculo (ut ipse dicit) animæ suæ diu invitus detentus est, amoveatur; et ad aliam, in qua securius et salubrius vivat, transferatur. Alioquin, quantum intentionem hominis attendo, timeo ne illum irrevocabiliter amittatis. Cæterum autem audivimus dominum abbatem graviter infirmari: cujus nobis vel vitam, vel mortem flagitamus citius renuntiari; ut aut de vita, licet mortali, recipiamus gaudium; aut de morte, licet vitali, luctum; sive, ut verius fatear, de qualibet et gaudium simul et luctum. De vita quidem ipsi condolentes [*al. de vita utique ipsi condolentes*], quod sit retardatus; sed nobis gaudentes, quibus est reservatus: de morte vero ipsi nimirum congratulantes pro adepto præmio, nobis autem gementes pro adepto ne- C cessario.

#### EPISTOLA CDI (1048).

AD ABBATEM BALDUINUM DE CASTELLIONE.

*Timorem ei eximit, ex imprudenti cujusdam verbo natum.*

Et in hoc cognovi quod diligis nos, quoniam timuisti nos. Verumtamen gaude, quia timor, quem timebas, non accidit nobis. Diligenter est res inqui-

(1044) hisdem omnino verbis nititur Hildebertus in epistola 25, quæ est ejusdem cum ista argumenti. Confer sententiam Theodenitri abbatis in Opusculo Jome Aurelianiensis episcopi contra Clamium Tau- rinensem de peregrinationibus monachorum.

(1045) Antea epistola 326.

(1046) Codices nonnulli habent *Lesciensis*, quod cenobium est Ordinis S. Benedicti in finibus Han- noniæ et Terasciæ, sacrarum litterarum studiis tunc non incelebre, teste Philippo de Elcemosyna in epi- stola 24, Bibliotheca Cisterciensis tomo 3, religione et institutis Ludovici Bosii, piissimi abbatis illustre: quod Theodericus de Avenis a fundamentis instau- ravit sub annum 1080, ut scribit Herimannus in Spicilægio tomo 12, pag. 413. Gantero primo abbati post annos regiminis duodecim successit Reimerus, mortuus anno 1124. Hunc excepit Wedricus religio- sissimus abbas, qui bibliothecam et viros ex Han- nonia pios et doctos conquisivit. Anno 1147 succes- sorem habuit Tescelinum: cui successit anno 1155 Helgotus ex monacho Latiniacensi. An ad Wedricum spectet hæc epistola, aliorum esto judicium. — Hæc epistola in reusto codice Sanc. I. Martini Tornacensis talem præfert inscriptionem: *Epistola Bernardi ad Werrium* (pro quo nomine facile legitur *Wedricum*) *Letiensem abbatem* cujus hactenus nomen ignotum

sita, quemadmodum moniali, et inventus est dolus in ore ejus qui ista dixit tibi. Unum e duobus nul- latenus dubites, hominem videlicet aut ex maligni- tate, aut ex suspicione locutum. Procul dubio con- verteretur dolor ejus in caput ejus, et in verticem ipsius iniquitas ejus descenderet. Reus est enim illius rei, quam alteri conatur impingere

#### EPISTOLA CDII (1049).

AD BALDUINUM NOVIOMENSEM EPISCOPUM (1050).

*Puerum ei facete commendat.*

Dominò BALDUINO Noviomensi episcopo, frater BERNARDUS Clara-Vallis vocatus abbas, melius quam meruit.

Mitto vobis puerum istum præsentium latorem, comedere panem vestrum, ut probem de avaritia vestra, utrum cum tristitia id feceritis. Nolite lugere, nolite flere: parvum ventrem habet, paucis conten- tus erit. Gratiam tamen vobis habemus, si doctior a vobis, quam pinguior recesserit. Maneris (1051) locutionis pro sigillo sit, quia ad manum non erat, nam neque Gaufridus vester.

#### EPISTOLA CDIII (1052).

AD HENRICUM ARCHIDIACONUM (1053).

*An valeat Baptismus hac verborum forma collatus, « Baptizo te in nomine Dei, et sanctæ et veræ crucis. »*

Dilecto suo HENRICO archidiacono, frater BERNAR- dus Clara-Vallis vocatus abbas, salutem et ora- tiones.

1. Breviter vobis de proposita questione respon- demus, sine præjudicio tamen sanius sapientis. Rap- tum ex utero puerum ob periculum mortis laicus quidam, ut dicitis, baptizavit, communem verborum formam non tenens, sed dicens: « Baptizo te in no- mine Dei, et sanctæ et veræ crucis. » Queritis, utrumnam baptizatus sit puer; an magis, si vivit, baptizandus (1054)? Ego vere hunc baptizatum puto: nec sonum vocis, veritati fidei et pietati intentionis

fuit. MARTENE.

(1047) Obedientia, Cella, Prioratus, seu villa, cui procurande bini aut terni, pluresve monachi desti- nari solebant. Cellulae vocantur in epistola 254, n. 1.

(1048) Antea epistola 358.

(1049) Antea epistola 359.

D (1050) Epistola capituli Noviomensis de ejus ele- ctione habetur ordine 44 inter Sugerianas: ubi plures Balduini jam episcopi litteræ de Compendien- si ecclesia referuntur, nempe 157, 158, et 162. Ex priori Sugeriana epistola 44 constat, Balduinum hunc ipsum esse abbatem de Castellione, ad quem Bernardi epistola 279, et quæ nunc est 401. Idem subscribit epistolæ 426, hinc in appendice.

(1051) Id est modus, Gallice *manière*.

(1052) Antea epistola 340.

(1053) Henricus Ludovici Junioris frater, per id tempus erat archidiaconus Aurelianiensis, ex Char- tario Sancti-Martini de Campis.

(1054) Interrogatus Bernardus (si tamen ejus est hæc epistola, nam plerique negant, quod tamen non facile dixerim. Hæc Horstius. Mabillonius autem sic: Epistola hæc dubia nonnullis videtur. Reperitur tamen in vetustis editioni us, Lugdunensi ann 1520 aliisque subsequentibus, et in manuscripto codice

præjudicare potuisse. Ut enim taceam, quod in nomine Dei unam expressit substantiam **360** Trinitatis; in eo ipso quod addidit, « sanctæ et veræ crucis, » manifeste commendavit Dominicam passionem. Nisi forte putamus Apostolum contra id quod quidem alio loco dixerat, *qui gloriatur, in Domino gloriatur* (I Cor. i, 31, et II Cor. x, 17); in ipsa ligni substantia, et non magis in Crucifixi gratia gloriari, cum diceret: *Nisi autem absit gloriari, nisi in cruce Domini nostri Jesu Christi* (Galat. vi, 14). Neque enim, cum juxta communem Ecclesiæ constitutionem baptizantes dicimus, « In nomine Patris et Filii et Spiritus sancti, » aliud intelligendum est, quam in confessione Trinitatis. Porro autem confessio sanctæ crucis, non nisi Crucifixi confessio est. Legimus sane in Actibus apostolorum, non modo: « In nomine Patris et Filii et Spiritus sancti, » verum et in nomine Domini Jesu Christi aliquos baptizatos (Act. x, 48).

3. Pergitis autem querere de ipso baptizatore, utrumnam peccaverit, an vero et aliis formam hanc liceat imitari. Quasi vero consequens sit, ut, si in facto hominis ipsa eum videtur excusare simplicitas, ut aut nullum, aut non magnum peccatum fuerit; continuo etiam inveniantur excusabiles, qui sua temeritate, contra formam Ecclesiæ, novum baptizandi vellent inducere morem. Quod si quis eum peccasse contendit, ego tantum non crediderim fuisse peccatum, ut vel baptizatoris, vel ipsius qui baptizatus est, potuerit præjudicare saluti. Neque enim ecclesiasticam contempsisse formam, sed ex devotione quadam festinantis fidei in hanc vocem erupisse videtur.

#### EPISTOLA CDIV (1055).

AD ALBERTUM INCLUSUM.

*Consulis et semel in die refici, et mulierculas proptus non admittere.*

Frater BERNARDUS de Clara-Valle, fratri ALBERTO incluso, bonum certamen certare.

Petis a me, ut nescio quam jejunii observantiam, quam me intra tuam cellam requisieras, ac muliercularum colloquia, quæ et tibi videlicet a me recordaris fuisse prohibita, mea licentia possis admittere: quæ utique propter inopiam, ut scribis, non potes evitare. Ego jam nullam super te usurpo mihi pote-

Sorbonico: nec stilus differt a Bernardino), interrogatus, inquam, an baptismus sub hac verborum forma collatus valeret, « Baptizo te in nomine Dei, et sanctæ crucis; » respondit affirmative, non omnino spernenda ductus ratione. Sed hæc sententia hodie non recipitur a theologis, et traditione apostolica, et aliorum Patrum, ipsiusque S. Augustini auctoritate refellitur; ac docent passim omnes, expressam invocationem sanctissimæ Trinitatis, sive distinctam trium personarum expressionem, esse de essentia formæ; adeoque Baptismum sine hac collatum esse invalidum. Ita habet Canon 49 apostol. qui locum Matth. xxvii, velut interpretans de forma verborum, rejicit Baptismum in morte Domini collatum, ita subjiciens: « Non enim dixit nobis Dominus, In morte mea baptizate; sed, *Evangelizate omnes gentes, baptizantes eos in nomine Patris et Filii et Spiritus sancti.* » S. Augustini sententia clarissima est libro sexto contra Donatistas, cap. 25, certa esse

A statem. Consilium tibi dedi, non præceptum, semper vel semel in die comedere; feminarum visitationes vel colloquia omnino non admittere; tuarum te opere manuum sustentare, multaque alia, quæ longum est modo commemorare. Quod si hujusmodi sumptus nequaquam tibi ad opus tam sumptuosum suppetere cerneres, non deberes incipere quod consummare non posses. Hoc tibi tutum credidi consilium: hoc nec meo cogeris tenere præcepto, nec tamen meo mutabis consilio. Vale.

#### EPISTOLA CDV (1056).

AD G. ABBATEM.

*Fratri cuidam ad vivendum more communitatis sat virium esse.*

B Domino G. abbati, frater BERNARDUS, quidquid sibi.

Scito fratrem G. ex quo venit de Crista, ubi medicamina sumpsit, Conventum per omnia, tanquam unum de validioribus, firmissime tenuisse, nec ei quidquam in alimentis præter quod commune fuit, indultum fuisse; ad vigiliis jugiter cum aliis exstitisse. Ex hoc jam, si aliter apud vos egerit, non ei consentiar. Certum enim sit vobis, non esse corporis ægritudinem, sed animæ passionem. Vale.

#### 361 EPISTOLA CDVI (1057).

AD ABBATEM SANCTI-NICOLAI.

Dulcissimo amico et coabbati suo de Sancto-Nicolao (1058), frater BERNARDUS de Clara-Valle, spiritum pietatis.

C Hostis Christi diabolus fecit morem suum, seducendo christianum; nos quoque, ad quos forte devenit, nihilominus, prout potuimus, fecimus nostrum, corrigendo seductum. Restat itaque, ut et vos, quod vestrum est, faciatis, suscipiendo correctum; et sic omnes in communi speremus, Deum etiam quandoque quod suum est facturum, redditurum scilicet unicuique secundum opera sua.

#### EPISTOLA CDVII (1059).

AD ODONEM ABBATEM BELLI-LOCI.

*Monet depositum pauperi sine dilatione reddendum.*

Fratri et amico suo ODONI, abbati regularium clericorum Belli-Loci, frater BERNARDUS, monasterii Clara-Vallis dispensator indignus, salutem.

D verba evangelica, sine quibus non potest consecrari Baptismus. Idem habet epistola 23 ad Bonifacium. Estque similis locus libri decimi noni contra Fanstium, cap. 16. Quæ sint autem illa verba evangelica, exponit contra Donatistas, libro 3, cap. 15: « Si, » inquit, « evangelicis verbis, *In nomine Patris et Filii et Spiritus sancti*, Marcion Baptismum consecrabat, integrum erat Sacramentum. » Vide eundem libro tertio contra Maximinum, cap. 17; epistola 20; et Enarrationes in psalmum LXXXVI. Hinc et Cajetani sententia sufficere Baptismum in nomine Christi collatum, exploditur.

(1055) Antea epistola 345.

(1056) Antea epistola 346.

(1057) Epistola nova.

(1058) Haud dubie Simoni abbati monasterii Sancti-Nicolai in silva Vedogii, ad quem epistolæ 83 et 81.

(1059) Antea epistola 348.

Depositum nujus hominis, quod, ut ipse ait, apud vos servandum commisit; nec bonum est vobis, nec honorificum quod detinetis, si tamen detinetis (1060). Hinc enim deplacitum (1061) ad me facere venit, utique propter familiarem specialemque amicitiam, quam inter me et vos esse audivit. De qua etiam ipse præsumens, ad reverentiam vobis dico, quare non potius calicem de altari vendidistis, quo tam importunum clamorem reprimeretis, si bos vel equus non erat vobis qui venundari posset, ut is quod suum erat, reciperet? Parcite, quæso, personæ vestræ, parcite bono nomini domus vestræ, parcite sacræ, quæ nunc est, Quadragesimæ; et pauperi, quod sine excusatione debetur, sine dilatione reddatur, antequam res amplius divulgetur, et jam non sine majori dedecore persolvatur.

## EPISTOLA CDVIII (1062).

AD W. ABBATEM TRECENSEM (1063).

*Clericum delicatum sæculo valedicentem abbati Trecenti commendat, veritus rigori Claræ-Vallensium imparem fore.*

Amico et conservo suo domino W. abbati canonicorum (1064) clericorum Trecentium, frater BERNARDUS ecclesiæ Claræ-Vallis servus inutilis, salutem in Domino.

Clericum istum relinquentem sæculum, nobiscum manere cupientem, ad vestrum potius Ordinem, timens, ne nostri difficultate frangeretur, confugere persuasi. Commendamus ergo vobis eum, utpote nobis bene cognitum, et honeste morigeratum, et in litteris eruditum; postremo tanquam Dei servum, quem per Dei gratiam credo vobis futurum fidum solatium. Neque enim ipsum tam propter se, quam propter vos, quem diligimus sicut nos, ad vos ire volumus: quem propter vitæ suæ meritum libenter

(1060) De restituendo deposito exstat in Bibliothecæ Cisterciensis tomol, pag. 241, egregia epistola Philippi abbatis ab Eleemosyna, ordine tertia; ad Henricum comitem palatinum.

(1061) Deplangere, multum plangere; deplacitum, querelæ multæ.

(1062) Antea epistola 349.

(1063) Guillelmum abbatem Sancti Martini Trecentis Ordinis Sancti Augustini.

(1064) Hic adjective « canonici » appellantur clerici, eodem sensu quo in superiori epistola Præmonstratenses dicuntur regulares clerici.

(1065) Antea epistola 350.

(1066) Rorgo de Abbatis-Villa, quæ urbs est ad Somenam fluvium, in veteri Breviario Corbeiensis Bibliothecæ, ante annos quingentos scripto, laudatur cum uxore sua Elizabeth pridie Idus Augusti, ut fundator loci ad quem primo pertinuit brevium, nempe Prioratus Sancti-Petri apud Abbatis-Villam.

(1066\*) Alciacum, monasterium Ordinis Sancti Benedicti, diocesis tunc Tervanensis, nunc Audomarensis, fundatum in Morinis ad Quantiam fluvium sub annum 700, primo pro sanctimonialibus, quibus successerunt monachi ab instauratione post Norimannos.

(1067) Antea epistola 366.

(1068) Is a Ludovico Grosso abbate Sancti-Victoris fundatore abbas constitutus est anno 1145, Guillelmo Campellensi, qui locum ordinare cœperat, ad sedem Cataulensem evecto, ut dictum est ad epistolam 5. De Sancto-Victore, præter ea quæ

A retineremus, nisi esset illa causa, quod clericum delicatum, laboris inexpertem, suscipere formidamus. Vale.

## 362 EPISTOLA CDIX (1065).

AD RORGONEM DE ABBATIS-VILLA (1066).

*Nonne corpoream præsentiam non magni pendendam: rogat terram quamdam incultam religiosiis attribui.*

Viro illustri, etiam nobis quoque dilecto, RORCONI de Abbatis-Villa, BERNARDUS Claræ-Vallis vocatus abbas, salutem et nostras orationes.

Perlatum est ad nos, quod gratum tibi esset, si præsentia et colloqui nostri copiam habere valeres; et hoc ideo, quia unum de servis Altissimi me esse credit tua benignitas. Et ego dico tibi, quod pro hac tua humilitate, et pro bona tuæ nobilitatis fama, quam audivimus, mihi quoque iucunda foret tua præsentia. Sed licet hoc in nos humanæ pietatis bonum laudabile sit, non tamen perfectum. Nam hæc corporalis quidem est visio, et brevis, et nobis cum cæteris animantibus communis. Magis ergo ad illam æternæ societatis jucundissimam visionem suspirare debemus, et bonis operibus insistere, ut ad illam perveniamus. Rogamus tuam Dilectionem, ut terram illam, quæ tui juris est in parochia de Currenui, de qua dilectus et familiaris noster abbas de Alchi (1066\*) tecum locutus est, et quæ deserta et inculta tibi, tuisque antecessoribus usque nunc inutilis fuit, ecclesiæ de Alchi in eleemosynam concedere digneris: quatenus et animæ tuæ, et animabus antecessorum et successorum tuorum, apud Deum hoc tuum proficiat beneficium.

## EPISTOLA CDX (1067).

AD GILDUINUM ABBATEM SANCTI-VICTORIS (1068).

P. Lombardum commendat.

Reverendis patribus et dominis, et amicis charis-

Chesnius refert in notis ad Alciardum, sic loquitur Albericus in Chronico ad annum 1129: « Domus Sancti-Victoris Parisiensis, quæ erat Prioria nigrorum monachorum de Massilia, ejectis prædictis monachis, adductus est conventus Regularium de Sancto Rufo de Valentia per magistrum Hugonem, qui dictus est Sancto-Victore, et de regis auctoritate: et ita multiplicata religione habet Ordo iste bene triginta abbatias, et plus quam octoginta priorias. » Eximia sunt quæ de isto Sancti-Victoris Ordine narrat Jacobus a Virriaco, Historiæ Occidentalis capite 24, de quo inter alia: « Hæc siquidem, » inquit, « sancta et omni acceptione digna militantium in castris Domini congregatio, refugium est pauperum, consolatio lugentium, fulcimentum et quasi basis debiliū, recreatio lassorum, relevatio lapsorum, portus tranquillissimus scholarum.... Multis a principio Parisiensibus magistris, et multis literatis et honestis, velut stellis fulgentibus illustrata, et quasi margaritis pretiosis decorata. Inter quos nominatissimus et præcipuus exstitit ciharista Domini, organum Spiritus sancti, magister Hago de Sancto-Victore dictus. » Ea propter S. Bernardus speciali semper amore domum istam complexus est, cujus rei evidens nobis suppetat arguementum concessio sequens, ipso agente lacta, ut testatur autographum in Sancti-Victoris Cartophylacio etiamnum asservatum, cujus exemplum eruditus et amissimus D. Toumaierus Bibliothecæ præfectus mihi communicavit. Vide infra inter chartas Bernardi.



simis, G. Dei gratia venerabili abbati Sancti-Victoris Parisiensis, et universo conventui sancto, frater BERNARDUS Claræ-Vallis vocatus abbas, salutem et nostras qualescunque orationes.

Necesso habemus multa requirere, quia multa requiruntur a nobis: nec amicis possumus parcere, quia ab aliis amicis non parcitur. Dominus Lucensis episcopus, pater et amicus noster, commendavit mihi virum venerabilem P. Lombardum (1069), rogans ut ei parvo tempore, quo moraretur in Francia causa studii, per amicos nostros victui necessaria providerem: quod effeci, quandiu Remis moratus est. Nunc commorantem Parisius vestræ dilectioni commendo, quia de vobis amplius præsumo: rogans ut placeat vobis providere ei in cibo per breve tempus, quod facturus est hic usque ad Navitatem beatæ virginis Mariæ. Vale.

### 363 EPISTOLA CDXI (1070).

AD THOMAM BEVERLACENSEM PRÆPOSITUM (1071)

*Suavissima sane et melliflua epistola, qua Thomam invitavit ad vitam religiosam, peccatis etiam quibuscunque non obstantibus. Bonæ conscientie nihil præferri posse in hoc mundo.*

Bonæ spei juveni THOMÆ, venerabili Beverlacen-  
sial præposito, frater BERNARDUS, pauperum Christi de Clara-Valle servus, secundum nomen, apostolicam hereditatis omen.

1. Ut ad te ignotus scriberem, is qui te noverat lvo suggestit, charitas persuasit. Ille sibi liquido comperta de te nobis retulit quæ voluit: illa quæ omnia credit (I Cor. XIII, 7), audire non potuit otiose. Non, inquam, otiose, quantum quidem ad nos, quos profecto audito illo mox compulsi ad scribendum tibi, ad te exhortandum, ad orandum pro te. An vero tibi non infructuose, tu videris. Placent, fateor, quæ audivimus de te ab his qui te noverunt; non quidem generositas sanguinis, non corporis elegantia, non formæ decus, non rerum copia, vel fastigia dignitatum: hæc siquidem et his similia gloria carnis sunt, et flos feni: sed vivacitas ingenii, et morum ingenuitas, maximeque is, quem nuper te sicut inter divitias concepisse, sanctæ paupertatis amor. Unde et nos gratulantes admodum, bonam de te spem concepimus, quæ utinam non confundat. Utinam nostrum hoc gaudium cito perveniat usque ad Angelos qui de tua pœnitentia et conversione, sicut et de cæteris peccatoribus, jucundum expectant festivumque convivium. Florem tuæ juventutis, et tantæ indolis specimen, o si mihi in manibus venire contingat! si liceat Deo servare immodicum [i. imminutum], illibatum offerre in odorem suavitatis!

2. Sed forte me sero locutum tua responderit conscientia, quod jam non valeat illibata servari, quam multis te fortasse sentis maculasse crimini-

(1069) Petrus, a theologicis libris sententiarum Magister dictus, a patria hic Lombardus, ex Bononiensi academia in Galliam accedens, commendatus Bernardo est ab episcopo Lucenti. Ulberto an Gregorio (ad quem epistola tertia Nicolai Claræ-Vallen-

bus. Non me sane terret hoc, et peccator non horreo peccatorem: nec ægrum sperno, cum ipse me sentiam ægrotare. Sed etsi me sanum putas, non recuso infirmus infirmo fieri, ut infirmum lucrificiam; libenter audiens et in hoc Pauli consilium, qui ait: *Vos qui spirituales estis, huiusmodi instruite in spiritu lenitatis; considerans teipsum, ne et tu tenteris* (Galat. VI, 1). Nec reputo immanitatem morbi, cogitans peritiam medici, simul et pietatem sæpe mihi expertam in propriis magnisque languoribus. Quantislibet sordeas vitiis, quantumvis sædam geras conscientiam, horrendisque licet sceleribus tuam adolescentiam sentias inquinatam; etsi inveteratus dierum malorum computrueris tanquam jumentum in stercore suo: mundaberis sine dubio, et super nivem dealbaberis, renovabiturque ut aquilæ juvenus tua. Scio denique qui ait: *Ubi abundavit delictum, superabundavit et gratia* (Rom. V, 20). Bonus Medicus, qui sanat omnes infirmitates animæ, replens in bonis desideria ejus (Psal. CII, 5, 5).

3. Magnæ divitiæ bona conscientia. Et revera quid ditius in rebus, vel dulcius? quid in terra quietius atque securius? Bona conscientia damna rerum non metuit, non verborum contumelias, non corporis cruciatus: quippe quæ et morte ipsa magis erigitur, quam deicitur. Quid, quæso, in bonis terræ tantæ compares felicitati? quid tale mundus blandiens suis offerat amatoribus? quid simile vel mentiens polliceatur insipientibus? Si infinita prædia, si ampla palatia, si infulas pontificales, et sceptræ regnorum; nonne, ut cætera taceam discrimina, sine quibus talia nec acquiruntur, nec retineantur, una superveniente morte simul omnia dimittuntur? Scriptum namque est, *Dormierunt somnum suum, et nihil invenerunt omnes viri divitiarum in manibus suis* (Psal. LXXIV, 6). At vero bona bonæ conscientie revirescunt, in laboribus non arescunt, nec in morte evanescent, sed reflorescunt: lætificant viventem, morientem consolantur, reficiunt mortuum, nec deficiunt in æternum. Sed quid moror in verbis, cum 364 modo sim verba factis implere paratus? In promptu certe tibi est, aut me probare mendacem aut te divitem. Tantum veni, et experire. Quam lætis gressibus occurrerem cum panibus fugienti, quam lætis amplexibus exciperem filium adolescentiorem? Cito proferetur stola prima, et dabitur annulus in digito, diciturque: *Hic filius meus mortuus fuit, et resurrexit; perii, et inventus est* (Luc. XV, 24, 32).

### EPISTOLA CDXII (1072).

AD T. ADOLESCENTEM QUI VITAM MONASTICAM VOVERAT.

Dilectissimo filio suo T. BERNARDUS Claræ-Val-  
lensis abbas, exire obviam sponse et sponsæ.

sis, in persona Bernardi), et per Bernardum Gilduino et canonicis Sancti-Victoris.

(1070) Antea epistola 375.

(1071) Vide epistolam 107, ad eundem.

(1072) Epistola nova.

1. Ut verbis tibi familiaribus loquar: homo est animal rationale, mortale. Aliud nobis gratia Creatoris, aliud nobis intulit meritum peccatoris. In uno sumus consortes angelicæ nobilitatis, in altero bestialis infirmitatis. Utrumque tamen debet excitare nos, et elevare ad querendum Dominum, et timor mortis, et dignitas rationis. Memor este verbi tui, in quo mihi spem dedisti. Fructum promissionis requiro, tempus requisitionis advenit: noli ibi trepidare timore, ubi non est timor. Non onus est, sed honor, servire Domino in lætitia. Inducias tibi dare non possum: nihil enim certius morte, nihil hora mortis incertius. Sed quid dicemus de tenera ætate tua? Poma sæpe ante maturitatem avelluntur de arboribus, vel manu, vel turbine. Quid de specie et pulchritudine tua?

*O formose puer, nimium ne crede colori:*

*Alba ligustra cadunt, vaccinia nigra leguntur.*

(VIRGILIUS, *Bucolicon*, egl. II, vers. 17, 18.)

Exi, exi cum Joseph de domo Pharaonis; et Ægyptiæ dominæ, id est gloriæ sæculari, spallium relinque. Exi de terra, et de cognatione tua; obliviscere populum tuum, et domum patris tui; et concupiscet Rex decorem tuum. Puer Jesus non invenitur inter affines et notos. Egrede de domo patris tui in occursum ejus: quia ipse egressus est propter te de domo Patris sui. A summo cælo egressio ejus. Merito invenit illum mulier, quæ a filiis suis egressa clamabat, dicens: *Miserere mei, Fili David*. Ille autem, quoniam diffusa est gratia in labiis suis, cito respondit ei: *O mulier, magna est fides tua! fiat tibi, sicut petisti* (Matth. xv, 22, 23).

2. Satanas Satanam potest ejicere: sed Spiritus veritatis nunquid erit sibi contrarius? Ipsum credo fuisse, qui de conversione tua mecum per os tuum loquebatur. Vide ergo ut non declines ad dexteram, vel ad sinistram: sed venias in Claram-Vallem secundum verbum tuum. Hoc tibi breviter et secreto scripsi, mandans per dilectum filium nostrum Girardum, amicum tuum. Nihil excusationis prætendas. Si studium est in causa, si adhuc doceri vis, et esse sub magistro: Magister adest, et vocat te, ille scilicet, in quo sunt omnes thesauri sapientiæ absconditi. Ipse est, qui docet hominem scientiam, qui linguas infantium facit disertas, qui aperit, et nemo claudit; claudit, et nemo aperit.

EPISTOLA CDXIII (1073).

AD RAINALDUM ABBATEM (1074).

*Novitium in proposito confirmatum benigne recipi postulat.*

Domino abbati RAINALDO, frater BERNARDUS, quid sibi cupit gratiæ spiritualis.

Laudo prudentiam, qua monachum propter novitium triste timuisti: sed magis approbo humilitatem, qua factam vobis injuriam, et tam grandem injuriam, tam patienter tulisti: incomparabiliter

A autem præfero charitatem, qua calamum quassatum non patiendo conteri, nostrum expetere consilium ei suadere curastis. O prudens humilitas, humilisque charitas, sic parcens monacho injurianti, ut non decesset novitio fluctuanti! Quantum ergo potui confirmatum, et omnia, quantum reor, de quibus notatus est, emendare 365 paratum, ad vos eum remitto, tam probatæ vestræ benignitati consulens, et, si necesse est, supplicans, ut recipiatur, ut tamen prædictum fratrem, cui et litteras proinde precatorias misi, a sua priori, si fieri potest, sententia flectat. Valet.

EPISTOLA CDXIV (1075).

AD ALARDUM MONACHUM.

Unde supra. — *Perstringit eum, quod prædicto novitio expulso, ac jam reditum aliquæ emendationem molienti, perinacius obstat.*

Dilecto filio suo ALARDO, frater BERNARDUS, paternæ dilectionis affectum.

1. Conqueritur frater Adamarus [ad. Ademarus], quod ei nimis amarus exstiteris: non solum quia te agente domo expulsus sit, sed quia te quoque prohibente reconciliari non possit. Et ego quidem non nisi bono zelo te id facere crediderim: sed cum recordor tuæ illius obstinationis, quam tibi amicissima, ut scis, fiducia soleo sæpe impropere; ve-reor, ne idem zelus tuus non sit secundum scientiam. Nam ut ipsa Regulæ verba ponam, quantæ audaciæ est quemquam cedere, aut excommunicare, nedum eliminare, abbate scilicet absente et nesciente? (Reg. S. Benedicti, cap. 70.) An non magis tuæ humilitatis erat, alii non facere quod tibi nolles fieri? Imo tuæ perfectionis esse debuerat Apostolum potius imitari dicentem, *Factus sum infirmis infirmus, ut infirmos lucrificarem* (I Cor. ix, 22); et rursum: *Vos qui spirituales estis, instruite hujusmodi in spiritu lenitatis; considerans te ipsum, ne et tu tenteris* (Galat. vi, 1.) At Prior, inquit, illum ejecit, non ego. Et hoc quidem ipse novi: sed te suadente, te omnimodis compellente. Unde ei nunc cum eum, sicut audiui, ipse quoque Prior miseratus cupiat revocare; te in tua perdurante duritia, non sinitur emendare, quod compulsus est indiscretus egisse. Rogo, quæ est hæc securitas, ut, cæteris omnibus miserantibus, ipso quoque domino abbate propitio, tu solus implacabilis flecti non queas ut recipiatur? An non legisti, *Judicium sine misericordia ei qui non fecit misericordiam*? (Jae. II, 13.) An oblitus es quod rursum scriptum est, *In qua mensura mensi fueritis, remetietur vobis*? (Matth. vii, 2.) An vero contemnitis quod misericordibus promissum est, *Quoniam ipsi misericordiam consequentur*? (Matth. v, 7.)

2. Sed nescis, inquit, quam juste expulsus sit. Sed juste, an injuste expulsus sit, non quero, nec curô modo: sed hoc tantum queror, hoc causor, hoc vehementer admiror, quod humiliter satisfaciens,

72 et sequentes.

(1075) Antea epistola 328.

(1075) Antea epistola 389.

(1074) Fusinacensem, ut puto, ad quem epistola

instantanter petens, patienter sustinens, emendationem promittens, nec sic quidem exaudiri meretur, ut iuxta Apostolum confirmetur in eo charitas (II Cor. 11, 8), et secundum magistrum nostrum probetur iterum in omni patientia (Reg. S. Benedicti, cap. 58). Certe si injuste expulsus fuit, justum est ut revocetur: si juste, pium est ut recipiatur. Unde et hoc nostrum consilium, licet indiscussa causa, arbitratus sum esse secutum, quo sit, ut sive per justitiam, sive per misericordiam a justo et misericorde Deo non recedatur. Rogo ergo te, dilectissime fili, ut quod ille suis apud te precibus non meruit, vel nostris, quas tam longe quæsit, valeat adipisci.

## EPISTOLA CDXV (1076).

AD QUENDAM FACTI SUI PRÆVARICATOREM.

*hortatur ut, excusso voluptatis carnalis iugo, vomisum religionis votum exaequatur.*

Etsi tu oblitus tui, sed non ego: siquidem diligo te, et quantum diligo, tantum doleo. Porro dilectio facit ut doleam: dolor autem, ut non obliviscar. Sed heu! miseram tristemque memoriam! Mirabar quid te impediret, ut, quemadmodum promiseras, non venires. Nec enim credere poteram, te tuum pactum, et illud pactum, leviter prævaricari, nisi grandi ex causa: quippe quem et in ætate minori fidelem satis veracemque compereram. Nec me fefellit opinio. Revera **366** enim grandis gravisque causa est quæ te detinet. Ea siquidem ipsa vicit fortissimum David, decepit sapientissimum Salomonem. Quid dicam? Numquid qui cadit, non adjiciet ut resurgat? O quam multa et quam necessaria habeo tibi dicere! sed ea scribere longum est. Hoc ergo breviter intimo. Si qua nostri antiqui amoris adhuc in te scintilla vivit; si tibi quandoque evadendi a miserrima illa captivitate tua spes ulla remansit; si denique cassam falsamve non vis esse fiduciam, quam te in tali quoque conversatione tua multam habere aiunt in orationibus et amicitia nostræ congregationis; revisere Claram-Vallem ne differas: si tamen tam liber et compos tui es, ut te a cruenta illa bestia, quæ tua quotidie omnia simul cum sanguine animæ tuæ effundere satagit, vel ad tempus audeas absentare. Alioquin ex hoc jam noveris te a nostræ fraternitatis familiaritate prorsus sepositum, nec poteris ultra, nisi frustra, blandiri de societate bonorum: quoniam indignum profecto te iudicas eorum consortio, quorum acquiescere recensas consilio. Cæterum si venire non pigritaris, confido te per Dei misericordiam, priusquam discedas a nobis, solvendum a mortis compede quo teneris.

## EPISTOLA CDXVI (1077).

AD INCOGNITUM.

*Eleemosynas comitis Theobaldi a se non fuisse distributas asserit.*

Mordaces litteræ, quas more vestro dudum nobis misistis, morsum vos cordis pati significant. Nam

(1076) Antea epistola 393.

(1077) Epistola nova.

**A** primo quidem, cum vos putarem in eis non serio loqui, sed nobis, ut soletis, voluisse jocari; forte a partibus vestris adveniens monachus aliquis, inanis nostræ illius opinionis nebulam solvit. Siquidem cum de litteris illis nihil ante cognosceret, præter ea, quæ de ore nostro audierat; ipsas aliter, sed veraciter, licet nesciens, exposuit, ita ut jam minime sinamur dubitare, male vos revera suspicari de nobis, quasi qui in distributione eleemosynarum comitis Campaniæ (1078), amicis nostris absentibus amici non existeremus. Et hoc vos patimini, quia rem in manu nostra positam fuisse creditis. Verum qui prædictum comitem vel se, vel sua putat moderari nostro consilio; certus sum quia aut me, aut illum non satis novit. Denique et probatum est.

**B** Nonnullis namque monasteriis, sed et ipsi specialiter episcopo, de quo me, ne de vobis aperte loqueremur, iam aspere tetigistis; importune satis et impudenter rogatus, ut aliquid daret, impetrare non merui. Distribuit itaque homo de rebus ipse suis, quantum voluit, et quibus voluit; partim quidem me vidente, sed non dividente; plurimum vero nec vidente, non tamen invidente. Nam et nobis forsitan aliqua extorquere potuissemus, si voluissemus. Deo autem gratias, quo inspirante nec oblata contingere acquievimus. Jam si dignum ducitis, mihi potius de me, quam famæ esse credendum; nulla vobis, ut arbitror, occasio remanet, cur vestris illis solitis beneficiis, quæ nobis impropere esse putastis, solito indigniores vel nos, vel episcopum iudicetis. Scitote tamen paratos nos æquanimitè carere, quicquid habere non meruimus.

## EPISTOLA CDXVII (1079).

AD ABBATEM DE TRUNCO-BERENGARI

*Fratrem Dodonem ab eo humane recipi postulat.*

Dilectissimo fratri et coabbati suo G. de Trunco-Berengarii, frater BERNARDUS de Clara-Valle, salutem in Domino.

Unde frater Dodo nostram simplicitatem consultum venit, tale a nobis consilium, imo iudicium reportavit. Cum nullam idoneam causam attulerit, cur locum suum et Ordinem deserere velit; nulla **367** nobis visa est ratio permittere, quod ad aliud transire debeat. Nam votum illud, quod se prius fecisse dicit, de quo et maxime sui scrupuli occasionem sumpsit; cum sola cogitatione, aut plus etiam verbo, sed hoc solo facto fuisse constet; nequaquam huic præponendum, cui utique, posterius licet, tamen et verbo, et deliberatione, et habitu, et professione sese astrinxisse videtur: præsertim cum illud, quod voverat, nec districtius esse videatur isto, nec rectius. Quapropter nec vobis, qui pro ejus anima Christo reddere rationem habetis, tutum esse credimus, in hoc ei vestram indulgere licentiam, cum scriptum sit: *Declinantes autem in obligationes adducet Dominus cum operantibus*

(1078) Scilicet Theobaldi.

(1079) Epistola nova.



*iniquitatem* (Psal. cxxiv, 5). *Suscipite ergo eum* A  
dulciter ut filium, custodite sollicite ut vobis commis-  
sum, vestris, ni fallor, ex hoc jam obsecuturum  
præceptis, et consiliis obtemperaturum.

### EPISTOLA CDXVIII (1080).

AD HUGONEM ARCHIEPISCOPUM ROTOMAGENSEM.

*Donationem Saviniaco factam confirmari ab archi-*  
*episcopo rogat.*

Domino et patri dilectissimo HUGONI, Dei gratia  
Rotomagensi archiepiscopo, et universæ Ecclesiæ  
Rotomagensi, frater BERNARDUS, Claræ-Vallis voca-  
tus abbas, salutem et quas potest orationes in Do-  
mino.

Scire volumus benignitatem vestram et certum  
perhibemus testimonium veritati, quod dominus  
Philippus Bajocensis episcopus (1081) culturam, ante  
grangiam de Escuris altam, et quatuor acras terræ  
continentem, filiis vestris fratribus nostris Savi-  
niacensibus concessit nostra prece, et in præsentia  
nostra, simul et reverendi patris Domini Henrici,  
modo Elboracensis archiepiscopi, et domini Guidonis  
abbatis Chari-Loci, et aliorum fratrum nostrorum.  
Quocirca petimus et obnixè deprecamur charissi-  
mam in Domino Pietatem vestram, quatenus præfa-  
tis filiis vestris, ne forte super eadem terra dein-  
ceps inquietentur, paterna sollicitudine et paterno  
providentis affectu. Si quis autem vel nunc vel alio  
tempore aliquam eis de cultura ista seu movere  
calumniam, seu violentiam inferre voluerit; sit ve-  
stræ charitatis opponere vos murum pro domo quæ  
vestra est, et vindicare ei jus suum, ut sine in-  
quietatione illud possideat: siquidem hæc est veri-  
tas et certa veritas quam vobis scribimus.

### EPISTOLA CDXIX (1082).

AD PETRUM ABBATEM CELLENSEM.

*Furnum Cellensibus dimittit.*

PETRO, Dei gratia venerabili abbati Sancti-Petri  
de Cella. frater BERNARDUS Claræ-Vallis vocatus  
abbas, salutem et quas potest orationes in Do-  
mino.

Concedimus et confirmamus vobis et domui vestræ  
furnum apud Treas positum, qui erat domus  
nostræ de Mores. Quia enim fratres nostri ejus-  
modi redditus tenere non possunt; per manum no-  
stram qui eundem furnum ædificat, acceptis  
quadraginta quatuor libris quas in ædificationem  
ipsius expenderant, vobis et domui vestræ libero  
obtinendum tradiderunt: quod nos ratum haberi  
volumus, et sigilli nostri impressione firmamus.  
Testes sunt fratres domus vestræ, Petrus prior,  
Jocellinus subprior, Stephanus præpositus; Walche-  
rus quoque et Rainaudus cellerarii nostri, et Fro-  
mundus qui locum ædificabat. Actum anno ab In-  
carnatione Domini 1152.

### EPISTOLA CDXX (1085).

(Fragmentum.)

AD NICOLAUM CAMERACENSEM EPISCOPUM.

Venerabili domino et charissimo Patri N. (1084)  
Cameracensi episcopo BERNARDUS Claræ-Vallis  
vocatus abbas, providere bona coram Deo et homi-  
nibus.

In amicitia veteri novum quærimus argumentum,  
non quod dubietatem tollat, sed quod certitudinem  
faciat. Certus sum enim quod me diligitis; sed  
sicut ipsa dilectio vestra nobis apud nos innouit...  
(1085).

## MONITUM IN SEQUENTES TRIGINTA SEX EPISTOLAS

Sub num. CDXXI-CDLV inter genuinas, CDLXI inter spurias,

Quas primus, sed sine temporis nota, edidit dominus MARTENIUS *Amplissimæ Collectionis*  
tomo I, col. 725 (1086).

*Ex epistolis quas hoc tomo plurimas edidimus, hæc maximi sunt pretii quæ Bernardum habent parentem*  
*hactenus ineditæ* (1087), cum propter sancti doctoris excellentiam, tum propter earum quas tractant re-  
rum gravitatem. Singulas hic expendere nec propositi nostri est, nec otii, quanquam in his nulla est quam  
diligenter accurateque legi non maximopere intersit. Unam tantum aut alteram perstringemus, quæ ad illu-  
strandam sancti abbatis historiam maxime videntur conducere, earumque occasione quædam de eodem sancto  
bactenus minus nota discutietur. Consideranda in primis venit epistola 11, ad Innocentium papam 11, de  
contentione Philippi et Hugonis pro Ecclesia Turonensi. Nimirum mortuo Hildeberto archiepiscopo anno 1154.

(1080) Epistola nova, ex Archivo Saviniacensi. D Camerac. — Huc usque sine numerali nota edita  
Scripta circa annum 1152. cum titulo: *Fragmentum epistolæ.*

(1081) Is erat Philippus Harecurius, qui cum de  
terra de Escuris Saviniaco, data anno 1124 a Ro-  
berto de Tostis, et a Richardo I et Richardo II Ba-  
jocensibus episcopis, a quibus beneficiario jure pen-  
debat, confirmata aliquandiu cum monachis disce-  
plasset; eadem demum et ipse confirmavit literis  
suis anno 1151, mense novembris, additis quatuor  
acris terræ.

(1082) Epistola nova, ex chartario Cellensi. Scri-  
pta anno Christi 1152.

(1085) Epistola nova, ex ms. codice S. Sepulcri

(1084) Nicolas de Chievres, de quo epistola 214.  
(1085) Cætera desunt, nec alibi usquam occur-  
runt.

(1086) Epistolas 421-454 codex Vedastinus, Atre-  
bat., sequentem ms. Aquicinctensis, ultimam, quæ in  
Appendice inter spurias est ordine prima, Verdinien-  
sis codex supplevit. Edit.

(1087) Nonnullæ tamen exstant supra, sed aliis  
inscriptæ; scilicet epist. 428, 430, 444, 452, 453,  
quæ cum editis sub num. 591, 516, 417, 86, 415,  
paucis mutatis, eadem sunt. Edit.

Decembris die decima octava, cum canonici Gaufridi comitis violentia et propriis expulsi sedibus exsulerent, vacantique Ecclesie providere deberent, quidam contra sacrorum scita canonum Philippum quemdam elegerunt, Gisleberti ante Hildebertum archiepiscopi nepotem. et, ut ait S. Bernardus (Epist. 150). ejus ambitionis heredem. E contrario Hugo vir prudens et nobilis a saniori parte eorumdem clericorum canonicè eligitur, uti legimus in Actis episcoporum Cenomanensium (Analect. tom. III). Re ad Innocentium papam delata, utriusque electionem designatis iudiciibus examinandam commisit, atque ut libratè ambarum partium utrimque rationum momentis, decretorio iudicio pronuntiarent quæ legitimus futurus esset antistes, facultatem attribuit. Hos inter iudices videtur principem locum tenuisse sanctus Bernardus qui de tota iudicii serie Innocentium II certiorè fecit, scripta ad eum epistola 11, a nobis primum hoc tomo edita qua multa discimus, hactenus ignota, quæ historiam archiepiscoporum Turonensem et Vitam S. Bernardi mire illustrant.

Pauca post annis Eugenius papa III S. Bernardi olim discipulus celeberrimam illam controversiam, quæ ab ducentis jam et amplius annis, de primatu seu jure metropolitano Turonensem inter et Dolensem ecclesias movebatur, sancto abbati commisit æqua placidaque compositione dirimendam. Apostolicum mandatum ut exsequeretur Bernardus, una cum Gaufrido notario ac Nivardo fratre suo, ad destinatum accessit locum, examinatis utriusque partis rationibus, pacis amans faventem Dolensibus protulit sententiam. Cujus tenorem hactenus ignoramus: ut Turonenses quibus antea causam adjudicaverant summi pontifices, Nicolaus I. Joannes VIII, Joannes XIII, Leo IX, Gregorius VII, Urbanus II, et novissime Lucius II, qui Hugonem Turonensem archiepiscopum de Dolensi, Briocensi et Trecorensi episcopatibus investierat per baculum ligneum, hactenus in ecclesia Turonensi conserentum, prolata a S. Bernardo sententiâ stare detrectarunt. Hæc discimus ex Anastasii papæ IV epistola ad Turonensem archiepiscopum, a nobis primum edita tom. III Anecdotorum, pag. 897, in qua sic loquitur: «Dolensis Ecclesie gemitus felicitis memoria papa Eugenius prædecessor noster consideratione motus, sanctæ recordationis Bernardo quondam Claræ-Vallis abbati per una scripta mandavit, ut ad componendam pacem inter te et Dolensem ecclesiam laboraret, et iuxta datam sibi desuper sapientiam, agitatam hinc inde longo tempore controversiam fraterna charitate sopiret. Quoniam igitur a parte tua et illius Ecclesie de servando quod ipse inter vos constitueret, securitate accepta, idem abbas inter vos, præsentibus dilectis filiis nostris G. monacho et Nivardo fratre ipsius abbatis, quod vidui expodire constituit, per præsentia scripta fraternitati tuæ mandamus, quatenus a rigore voluntatis tuæ descendas, considerans quia charitas non quæ sua, sed quæ aliorum sunt querit compositionem ipsam observes. » Idem testatur Innocentius III in decretoria sententiâ adversus Dolenses, a nobis edita ibidem pag. 945. De pertinacia Turonensium conquisiti sunt Dolenses, et ipsi similem in reatum prolapsi, factæ ab abbate de Fontanis de consensu partium compositioni stare recusantes.

Docent Vitæ S. Bernardi scriptores sanctissimum abbatem reverentis in Italiam Innocentii II comitem fuisse: ut vero ad Casinensem monasterium eundem accessisse nusquam tradunt. Tamen non solum accessisse, sed et in capitulo sermonem habuisse, cum solemnè iudicio depositus est Raynaldus abbas, ejusque in locum subrogatus abbas Stabulensis Wibaldus, qui paulo ante vivandæ tantæ dignitatis causa Casino declinaverat, discimus ex Petri Diaconi Chronico Casinensi, in quo lib. IV, cap. 122, hæc habet: «Sequenti autem die iterum ad monasterium ascendentes in capitulo resederunt, in quo post peractum ab abbate Claræ-Vallensi sermonem, cardinales auctoritate apostolica eidem Raynaldo Casinensem abbatiam interdixerunt, » etc.

Eo in loco primum Wibaldo abbati innotuisse potuit S. Bernardus, quem etiam postea in Germania prædicantem audiit ac demitatus est, unde et in epistola 147, ad Monegoldum scholæ magistrum, eundem Bernardum tanquam egregium Christiani oratoris exemplum proponi sui verbis: «Est tamen interdum in Ecclesia quædam rerum opportunitas, in qua dicendi artificium irreprehensibiliter exercetur, et maxime in prædicandi officio, in cuius gratia principatu meo quidem iudicio ponitur vir nostrorum temporum valde illustris Bernardus Clarevallensis abbas. Oratorem non immerito dixerim, qui a rhetoribus definitur vir bonus dicendi peritus (1088). Si quidem vir ille bonus, longo eremi squallore et jejuniis ac pallore confectus, et in quamdam spiritalis formæ tenuitatem reductus, prius persuadere visus quam auditus. Optima ei a Deo concessa est natura, eruditio summa, industria incomparabilis, exercitium ingens, pronuntiatio aperta, gestus corpora ad omnem dicendi modum accommodatus. Non igitur mirum, si potentè tantarum rerum virtute excitat dormientes, imo, ut plus dicam, mortuos, et Domino cooperante et sermonem confirmante, alterat homines et ad jugum Dei trahit captivos qui fuerant in curribus Pharaonis. Hunc tu vere dissimulas eloquentem, qui non destruit opere, quod prædicat ore, qui non est intus Nero, foris Cato. Quem si videas, doceris; si audias, instrueris; si sequare, profeceris. »

Cum igitur ea fuerit in Bernardo eloquendi vis et gratia, handquaquam mirum videri debet, si tanto cum fructu ubique, sed maxime in Germania concionatus fecerit, Domino præsertim cooperante, ac sermonem confirmante sequentibus signis. Miracula hæc in Germania a S. Bernardo quotidie patrata scriptis consignarunt discipuli ejus, testes oculati; sed juvat hic ea referre quæ de his scribit Helmodus in Chronico Sclavorum, cap. 89, hoc modo: «Circa tempora dierum illorum ortæ sunt res novæ et toti orbi stupendæ. Præsentem enim sanctissimum papam Eugenio, Conrado quoque III gubernacula regni moderate, claruit Bernardus Claræ-Vallensis abbas, cujus fama tantæ signorum fuit opinione celebris, ut de toto orbe conflueret ad eum populorum frequentia, cupientium videre, quæ per eum fierent mirabilia. Hic itaque ingressus in Teutonicam terram, venit ad celebrem curiam Franckenvord, quo tunc rex Conradus cum omni principum frequentia festinus occurrerat. Cum ergo vir sanctus in ecclesiis positus, curandis ægrotis in nomine Domini propensius instaret, astante rege et summis potestatibus, incertum erat inter tantas populorum catervas, quid quis pateretur, aut cui forte subveniretur. Aderat illic comes noster Adolphus certius nosse cupiens ex operatione divina virtutum viri. Inter hæc offertur ei puer cæcus et claudus, cujus debilitatis nulla potuit esse dubitatio. Cæpit ergo vir sagacissimus intueri soleriter, si forte posset in hoc puero sanctitatis ejus experimentum capere. Cujus incredulitatis, veluti divinitus edoctus vir Dei, remedium providens, puerum præter morem jussit sibi applicari, cæteros enim verbo tantum consignavit. Hunc vero exhibitum manibus præter, oculisque morosa contractione visum restituit. Deinde genua contracta corripuens, jussit illum currere ad gradus, manifesta dant indicia recuperatæ tam visus quam gressus. »

Epistola 25, S. Bernardus quendam dehortatur monachum qui ad aliud transire monasterium arebat, ejusque propositum improbat omnino. Et quidem ea fuit semper et constans sanctissimi doctoris sententia, monachum in regulari monasterio stabilium, quocunque præter, ad aliud transigrare monasterium non debere. Id præsertim docet in libro De præcepto et dispensatione, capite 16, ubi monachum per majoris perfectionis

(1088) Sit ergo nobis orator quem institimus, is qui a M. Catone definitur, vir bonus dicendi peritus. QUINTIL. lib. XII. cap. 1.

speciem et Cluniacensibus ad Cistercienses eosque districtiori discipline addictos transire meditantem a suo consilio avertere conatur. Id si observasset Nicolaus Arremarensis monachus nunquam in illam præcipitii abyssum ruisset, quam prohi exhorruere omnes. Is absente, Bernardo, a Rualeno priore admissus apud Claram-Vallem, cum esset ingenii facilis, ac sibi parum constantis, seque in aliorum animos insinueret, ac litteras pro tempore apprimere calleret, brevi post firmatam in Clara-Valle stabilitatem, S. Bernardi factus esset notarius, quo in munere sanctissimi abbatis sui indulgentia ac facilitate abusus, sigillum ejus in malos usus adulteravit, commissis turpibus quibusdam, ac demum in horrendam prolapsus est defectionem; sed tandem post varios hinc inde discursus, ad suos mortuo S. Bernardo reversus est Arremarensis, ubi tunc sibi tuto ac securo esse liceret. Omnia hæc quidem observat fusiusque describit Mabillonius in limine sermonum S. Bernardi, ubi Nicolai ejusdem Vitam a se compositam representat. Verum quod vir eruditus ignoravit, quis crederet! idem Nicolaus tam turpi labe inausus, tantam sibi postea famam fecit, sibi que adeo principum, episcoporum, summorum etiam pontificum devinxit animos, ut ipsis charus evaderet. Id sane constat ex Adriani papæ IV epistola ad Samsonem archiepiscopum Remensem a nobis, tomo II, edenda, in qua summus pontifex sic loquitur: « Veniens ad apostolicæ sedis præsentiam dilectus filius noster magister Nicolaus, qui nobis satis charus est et acceptus, Arremarensis monasterii monachus, de suffragio et admissione precum suarum in negotiis ejusdem ecclesiæ fraternitatem tuam nostris litteris expetit ammoneri. Quocirca fraternitatem tuam per apostolica scripta mandamus, quatenus eundem filium nostrum, qui circa negotia tua existit satis sollicitus ac devotus, pro B. Petri ac nostra reverentia diligas attentius, et honores, et petitionibus ejus in negotiis ipsius ecclesiæ benigno jugiter concurras assensu, et ita ei favorem et auxilium tuum in causis suis impendas, ut fraternitas tua de admissione precum nostrarum commendabilis videatur. » Quid quod Alexander III, sua eundem Nicolaum epistolam dignatus est honorare, ac etiam non spernendis laudibus exornare. Sic enim edendam tomo II epistolam 6, ad eundem Nicolaum, inchoat: « Devotionis tue constantiam et fidei firmitatem, quam erga sacro sanctam Romanam Ecclesiam et personam nostram multis rerum experimentis et ipso effectu operis te habere cognoscimus, gratam acceptamque tenemus, et eam plurimum in Domino commendamus. Novimus enim qualiter propriæ personæ minime pepercisti, et pro negotio ecclesiæ satis multum laborasti. Unde nos propositum et voluntatem habemus personam tuam, sicut specialem ecclesiæ filium, sinceram in Domino, charitatem diligere, et petitiones tuas omni tempore exaudire. » Deinde eum hortatur, ut sicut bene cepit, « in devotione et fidelitate, et Ecclesiæ, » et sua, constanter perseveret, « et alias tam ecclesiasticas quam sæculares personas ad hoc idem inducere studeat et propensius solidaret. » Demum ipsum Hugoni Senonensi, Samsoni Remensi archiepiscopis atque Henrico Trecenti comiti commendat.

## 367 \* EPISTOLA CDXXI.

AD MAR. ET UXOREM EJUS.

*Hortatur eos ad eleemosynam et pia opera.*

BERNARDUS abbas Clara-Vallis, dilectis suis MAR. et uxori ejus, sic se invicem diligere, ut mutuo norint Christi amorem præponere.

Quidquid super terram possidetis, certum est vos quandoque amittere, nisi quod in cælum et per manus pauperum curaveritis præmittere. Eia, charissimi, thesaurizate vobis thesauros in cælo, ubi tinea non demoliatur, ubi fures non effodiant, nec furentur; ubi denique dux ipse nobis nihil vobis possit auferre. Si de nuntio solliciti estis, habetis quotidie ad ostium vestrum non unum, sed plures, qui fideliter deportabunt quæcunque illo transmittere volueritis. Ad hoc enim tempore præsentem Deus illorum ærumnas multiplicavit, ut occasionem habeatis thesaurizandi in loco tantæ felicitatis et securitatis. Illipsum de vestra parte intimare curetis T. fratri nostro et bono nepoti vestro, et W. qui habet neptem vestram, et si quos alios scitis qui nostrum de hac re tam salubre consilium non contemnunt, et eos maxime qui in domo Dei sunt sentire volo vestræ in proximo visitationis benedictionem.

## EPISTOLA CDXXII.

AD QUEMDAM ABBATEM.

*Excusat se de epistolæ brevitate, remittitque illi quemdam adolescentem, quem admittere cum suis minime poterat.*

Quidquid sibi.

Nisi ignore quidem quod in nostris litteris ad vos missis et brevitas et siccitas soleat esse molesta.

A Sed brevem me facit multa occupatio, et modica devotio siccam. Indulgete mihi; et nunc urgentia diei malitia, probare, [f. properare] compellor ad id quod necesse est. Huic adolescenti de vestris partibus illis causa sua salutis ad nos venient, vobis nescio qua causa prætermisissis, quia nos, sicut scitis, eum recipere non possumus, ad vos reveriti persuasimus, vobis, nisi fallor, non inutilem futurum si recipere volueritis, quod et multum precor ut faciatis.

## EPISTOLA CDXXIII.

AD QUEMDAM EPISCOPUM.

*Commendat ei causam monasterii Sancti-Martini.*

B Semper facere quod Deus vult.

Placet vobis quod pauper ecclesiæ S. Martini collatum sibi a Deo paupertatis levamen magis fortassis amicorum quam justitiæ inopia perdidit? Alioquin si justam creditur non habere causam, et hoc ei expedit, ut cito ab injusta quiescat querimonia. Volumus itaque vos non gravari diligenter inquirere causam, et operam dare qualiter aut juste terminent aut pacifice, id est aut judicio aut concordia. Vultis mei memor, dulcissime pater.

## EPISTOLA CDXXIV.

AD QUEMDAM AMICUM.

*Excusat se quod cum eo ad legatum ire non quærit.*

C Quod ad vos, ut mandastis, ipse non veni, causa est et tam gravis, cujus vos, etsi interim non conscium, necesse sit misereri. Supplicare vos pro illa omnipotenti Deo simplex [f. supplex] rogo. Quod ergo cum legato utrique pariter acturi fueramus, solus ut potestis implete.



## EPISTOLA CDXXV.

AD QUENDAM JUDICEM.

*Commendat ei causam abbatiæ Fontaneti (1089).*

Sic de vobis usque modo confusus sum, ut circa ea quæ ad nos pertinent, ubicunque vos scirem, me non necesse esse putaverim. Miror ergo quomodo erga abbatiam Fontaneti, quam in vestra post Deum custodia reliquimus, pro qua et sæpe vos præsentem præsentem rogavimus, ita intepuistis. Audivimus quod in placitis quæ pro eadem ecclesia super vos accepistis, sicut destinatis, nequum finem posuistis. Sciatis autem quandiu hæc facere tardabit, quandiu aliter fratres ipsos quam soletis consolari et visitare non curabit; semper nostras pro ipsis querimonias audietis.

## EPISTOLA CDXXVI.

AD QUENDAM AMICUM.

*Commendat ei latorem præsentium.*

Ubicunque et per omnia placere Deo.

Commendo vestræ Charitati satis mihi pro sua religiositate charum hominem, harum videlicet latorem, vestro apud Comitem indigentem patrocinio. Sentiat, queso, pro sua causa, quam ipse vobis referet, quantum apud vos humilitas nostra, quantum vestra apud Comitum Reverentia possit.

## EPISTOLA CDXXVII.

AD EPISCOPUM TRECENSEM

*Improbat quod archidiaconatum puerulo dederit.*

Venerabili domino H. (1090) patri, Dei gratia Tricassino episcopo, frater BERNARDUS seipsum quantum potest.

Benigna vestra Dignatio fecit ut de vobis, cum necesse est, indubitanter præsumamus. Pro venerabili filio vestro G. precem apud vos facere, imo consilium vobis propter vos ipsum dare suscepimus. Miramur vos, qui bonam famam vestram diligimus, qua ratione, cujusve consilio, quod bene feceratis, de archidiaconatu videlicet, quem prædicto filio vestro G. qui illum optime administrare potest, quam puerulo qui seipsum regere non potest (1091), committere maluistis, tam male, ut nobis videtur, in irritum ducere cogitastis. Nam si quid edificaveratis, iterum (quod absit!) destruitis. Sed sat dictum est capienti. Si homines timetis, Evangelium docet quem magis timere debetis. Si hominibus placere vultis, melius tamen est obedire Deo: si quid Cæsari debetis, et Deo.

(1089) Fontanetum insigne monasterium Ordinis Cisterciensis in diocesi Eduensi, haud procul a Monte-Barri, a sancti Bernardi consanguineis fundatum circa annum 1118, filia secunda Claræ-Vallis, cujus primus abbas Godefridus. MART.

(1090) Fontaneti, ad quem exstant ejusdem sancti Bernardi epistolæ 25 et 205, plures vero Petri Cluniacensis. Id.

(1091) Ecclesiasticas dignitates pueris tribui semper a grege tulit sanctus doctor. Id patet ex epistola

A

367<sup>a</sup> EPISTOLA CDXXVIII.

AD QUENDAM ABBATEM.

*Laudat eum et hortatur ad emendationem sui monasterii et præcipue hospitalis.*

Pudicitiae et gratiae titulum.

Fratres isti pro consilio animarum suarum parvitatem nostram ademptes, de vestro bono studio, quod in emendando loco, cui Dei gratia præstis, habere vos perhibent, non parum nos lætificaverunt. Monemus autem et obsecramus devotionem vestram, quod sicut in reficiendis domibus, ita renovandis moribus operam detis. Non solum autem de monasterio, sed etiam de hospitali domo Dei, cui sub manu vestra prædicti fratres deserviunt, intentissime necesse est curam geratis: quatenus videlicet ex omni exactione et infestatione ministrorum seu clientum vestrorum securam ac liberam custodiat; quodque illorum pravo, ut audivimus, consilio eidem domui ab aliis ante vos abbatibus collatum abstulistis, precamur ut restituantis. Sicut enim ad vestram sollicitudinem pertinet aliorum malefacta destruere aut corrigere; sic illorum, si qua bona egerunt, non solum firma et inconcussa tenere, sed etiam augmentare et multiplicare debetis. Presbyterum quoque, qui in ipsa domo habitans, suam adhuc foris ream habere videtur, aut proprium deserere, aut de domo exire cogatis. Valet, et propter bonum quod de vobis audivimus, de nobis si quid valemus familiariter confidite.

## EPISTOLA CDXXIX.

AD QUENDAM AMICUM.

*Gratias agit Deo de rebus prospere gestis.*

Velle scire vos scio, quod scire vos facio. Gratias illi, qui omnia opera nostra operatus est nobis. Grande opus, et iter grave læte prospereque peregrimus, fratres lætos et in pace dimisimus, rebus et amicis abundantes, Deo et hominibus satis, ut aestimo, placentes. Fratrem G. vix sine tam episcopi, quam fratrum offensione reducere potuimus. Post messium tempus, quod nunc in manibus est, si opus illo habueritis imo quia habebitis, habere poteritis.

## EPISTOLA CDXXX.

AD QUENDAM AMICUM.

*Quod beneficia ecclesiastica non de laicali manu, sed de episcopi accipienda sunt.*

Cum laici ecclesias sive ecclesiastica beneficia quæ illicite tenent, relinquere volunt, unum bonum est. Cum vero ea in usus servorum Dei transire volunt, duplicatur bonum: sed cum hoc fieri non potest nisi per manum episcopi, gemini se episcopus aut

271, in qua redarguit Theobaldum comitem, quod Willelmo filio suo impuberi eas procurare vellet; tum ex tractatu De officio episcoporum cap. 17. ubi hæc habet: « Scholares pueri et impuberes adolescentuli ob sanguinis dignitatem promoventur ad ecclesiasticas dignitates, et de sub ferula transferuntur ad principandum presbyteris; lætiores interim quod virgas evaserint, quam quod meruerint principatum. » Vide ejusdem librum tertium de Consideratione, cap. 5. Id.

malum reum, aut boni probabit auctorem, juxta quod suum negabit aut dabit assensum. Quod autem miles vos rogat, hoc a vobis rogari ipse debuerat. Quid enim? meliusne esse judicatis ab homine militari hereditate possideri sanctuarium Dei, quam a sanctis Dei? Mirum, si non mirantur omnes qui audiunt. Nolite, quæso, nolite; ne forte audiant filii incircumcisionem et latentur. Esto, potestis captivam Ecclesiam eripere de manu potentis, et juri proprio vindicare; quod minime arbitramur: quemnam, quæso, de illa libentius eligitis vobis heredem successorem? Qui inde deserviat exercitiis regis, an intercessorem pro peccatis vestris? Facite ergo quod justum, quod vobis dignum est, quod Deo et hominibus bonis jucundum; quod denique, etsi aliquid non esset, amore nostri confidenter fieri postularem.

## EPISTOLA CDXXXI.

AD INNOCENTIIUM II PAPAM.

*Delegatus a summo pontifice judex ad dirimendam litem inter duos contendentes de archiepiscopatu Turonensi, declarat Philippi electionem esse nullam.*

Ad decidendum Turonensis litem, Pater venerande, convenimus, et convenimus Blesis, quod is locus acturis foret et vicinitate congruus et securitate. Ibi ergo Philippi electionem (1092) qui ex adverso erant cum in multis accusassent, quæ brevitas studio præterimus; duo hæc demum precipua capitula ei opposuerunt, quod infra annos videlicet esset, et quod nequaquam electus a quibus oportuit, sed neque a quantis. Aberant siquidem eo temporis majores personæ ecclesiæ nimirum, et ab ecclesia pulsæ et propriis domibus, archidiaconi scilicet omnes, decanus et cantor, cum universis illius ecclesiæ presbyteris, ac multitudine aliorum diversi ordinis clericorum: unde et suam quam fecerant de Hugone electionem sanam atque canonicam esse dicebant, quod si in ea consentirent, quorum prævaleret in eligendo auctoritas; non autem obesse quod extra ecclesiam vel civitatem præter morem celebrata fuisset, cum ad hoc persecutionis urgeret necessitas; sed neque impedire, quod pars altera non interfuit, cum præmonita a fratribus, et vocata adesse renuerit. Nam dicit eis assignasse locum, et illum locum quem pari consensu utrique pars ad eligendum elegerant; porro autem illos anticipasse diem, præripuisse electionem, Philippum furtiva temeritate, se omnino ignorantibus, elegerisse. Nam nec

(1092) Hic Philippus fuit Gisleberti ante Hildebertum archiepiscopi nepos, et, ut ait S. Bernardus epistola 150, ipsius «ambitionis hæres», ad quem tanquam invasorem sedis Turonensis exstat ejusdem S. Bernardi epistola 151. De eo liber De gestis episcoporum Cenomanensium sic habet: «Hildeberto defuncto, canonici ejusdem Ecclesiæ diu violentia Goffridi comitis propriis sedibus sunt expulsi. Cum vero pontificem canonicè deberent eligere, in partes divisi sunt. Quidam enim illorum contra sanctorum scita canonum quemdam Philippum, alii reclamantibus, elegerunt. Philippus quidem non intrans per ostium ovile ovium, sed ascendens aliunde, Petrum suum, Petrum Leonis primogenitum satanæ adiit,

de suffraganeis episcopis quempiam expectatum. suæ vero eos magis favere electioni et assensum præbuisse. Ad hæc Philippi pars: «Possumus,» inquiunt, «ad objecta facile et sufficienter respondere, si modo dies alius nobis conveniens nominetur, non quod hodiernum negemus fuisse datum, sed electus noster non fuit submonitus. Debuit enim vocari et nomine, ad quem proprie causa spectare cognoscitur.» Tunc qui ex adverso erant: «Absit,» inquiunt, non inter electos de cathedra, sed inter electores de electionibus contentio est. Litigantium igitur est causa, ipsi ad causam vocari debuerunt, quod si et electum de litigantibus esse contentitibus, id quidem grave et indecens. Sufficit autem generaliter vocatum fuisse cum cæteris. Nemo quippe a litteris submonitoriis exclusus est qui in parte fuisset, quanquam negare non potestis, quin vobis manifeste denuntiatum fuerit eum quærere, Abierat, et non inveniebatur, ne forte inhærentem die statuto non adesse contingeret. Nihil igitur lucraturum de absentia, quam quidem etsi non veniret, nihilominus eo absente causa terminaretur. Si ejus, ut dicitis, causa est, et opus erat hominem pro se loqui, certe quod submonitionem non habuit, culpa est, aut ejus qui disparuit, aut vestra, qui ei insinuare neglexistis. Quid eorum interest qui in civitatem vestram et in ecclesiam communia vocationis scripta miserunt, si ad eum qui se absentavit, qui se non solum ab urbe, sed et a patria, et a regno, et qua intentione, ipse viderit? Adhuc quid sibi deest ex omnibus quod suum requirit negotium, si de iustitia non diffidit? Cernimus hominem vallatum multitudine sapientum et peritorum in causis, stipatum etiam numero armatorum, si opus est et ipsis. Habet secum et episcopos, habet optimum proculatorem. Itane venerat imparatus? aut quid sibi vult tantus iste comitatus necessariorum suorum, si acturus non erat? quid si sui sibi necdum sufficiunt? Judex offert quotquot habet necessarios. Et hæc diceremus, si vere constaret Philippum nescisse diem constitutum negotio; nunc autem quando queat negare de die et loco sibi significatum fuisse, ab abbate utique Clare-Vallensi, qui ante decem ferme et octo dies in episcopatu Cameracensi forte transiens latitantem offendit; patet vos manifeste non pacem quærere, sed dilationem? His itaque a partibus allegatis, justum nobis et his qui nobiscum erant, religiosi et sapientibus personis, episcopis et abbatibus et clericis, visum est

et ab eo pro honore opprobrium, pro benedictione maledictionem, pro sacramento suscepit sacrilegium, unde festinanter rediens, sedem Turonensem occupavit. Interim Hugo, vir prudens et nobilis a saniori parte eorumdem clericorum canonicè eligitur. Hic vero in Cenomanensi ecclesia a Guidone et com provincialibus episcopis consecratur. Quo Philippus cognito, secum ornamenta ecclesiæ deferens, furtim aufugit. Porro eum Hildebertus die decembris decima octava anni 1136 obierit, hæc non nisi anno sequenti contingere poterunt. Hinc corriges Horstii Chronologiam quæ Philippi intrusionem consignat ad annum 1135. MART.

disturne jam litigationi ecclesiæ ponere finem, et A nequaquam ultra sustinere moras et dilationes querentium quæ sua sunt, et sub hac occasione pesumantium Ecclesiam Dei. Data ergo sententia a nobis, quod iustitia exigeret ingredi causam, nec esset canonica excusatio quam asserrent, ipsi more suo tergiversantes tanquam qui causæ suæ parum siderent, appellaverunt. Tunc vero prolatis scriptis apostolicis, in quibus et nobis causam inexcusabiliter terminare, et ipsis sententiæ nostræ irrefragabiliter obedire præcipitur, illi audire contemnentes abierunt: vocati sunt nec venerunt; vocati secundo, et iterum renuerunt: nos autem conversi ad partem alteram ordine nihilominus iudicario iuxta mandatum vestrum processimus, et suscepta probatione, canonica super duobus memoratis capitulis, post examinatos testes, post peracta sacrificia, Philippi electionem apostolica freti auctoritate quassavimus. Porro de Hugone quia infra sacros ordines eum constat fuisse electum, vestræ, ut dignum est, misericordiæ reservavimus.

### 367 \* EPISTOLA CDXXXII.

AD DOMINUM PAPAN.

*In gratiam episcopi Trecensis.*

Petimus dominum Trecensem exaudiri de iustitia sua: vellemus autem ut inter ipsum et clericos suos talis concordia studio vestræ benignitatis reformaretur, ut ultra clerici non apponerent injuste vexare hominem senem, qui nec iuste de pontifice in aliquo conqueri possunt. Est quidam inter eos contemptibilis adolescentiæ, contemptricis insolentiæ, cuius satius iudicamus castigatum iri præsumptionem, quam ab ipso conculcari pontificem: quis ille sit lator præsentium vobis dicet. Sic igitur et de isto et de aliis vestra discretio providere dignetur, ut et episcopus qui vestrum honorem diligit, honoretur et nunquam de sua iustitia gravetur. Videndum autem ne odium cuiusquam personæ ei noceat quem sua defendit innocentia.

### EPISTOLA CDXXXIII.

AD EUMDEM.

*In gratiam episcopi Trecensis.*

In causa domini Trecensis et clericorum illa, D quæsumus, cautela servetur, ut episcopus, sicut dignum est, honoretur, et clerici sua iustitia non priventur. Reformetur pax inter eos, et frenum imponatur malevolis, ut de cætero in jam senem pastorem insurgere unquam non possint.

### EPISTOLA CDXXXIV.

AD EUMDEM.

*Eiusdem argumenti.*

Oportet vos esse amicum amicorum nostrorum, et fratri N. assistere in causa quam portat, cum ea tamen discretionem, ut clerici proprio pastori, si fieri potest, subdantur, et quod ipsi in sua iustitia non graventur, et de cætero inter eos pax sit.

### EPISTOLA CDXXXV.

AD EUMDEM.

*Commendat ei litterarum latorem.*

Frigescente charitate, pauci hodie inveniuntur fideles, et quia omne charum pretiosum, fidelitas et amor domini N. qui fidelissime vestra negotia apud nos gessit, arctioribus vinculis gratiæ et benevolentiae debet astringi. Prosit autem ei, quoniam nos ipsum tanquam promptum litterarum et fidelem virum spirituali charitate diligimus.

### EPISTOLA CDXXXVI.

AD EUMDEM.

*Commendat ei quendam amicum.*

N. flamma negotiorum quæ assidue Romæ geruntur, fere adustus, ex desiderabili et jucunda inspectione scriptorum vestrorum, utinam refrigerari merear. Sed, proh dolor! ad opus servi vestri in tota Clara-Valle scriptores non possunt reperiri, satis dictum est a filio patri. Amicum nostrum et personæ nostræ et Ordinis glorificum amatorem dominum N. qui etiam fideliter negotia gerit suorum, dulcedo vestræ benevolentiae pro se et nobis habeat charum.

### EPISTOLA CDXXXVII.

AD EUMDEM.

*In gratiam Trecensis episcopi.*

Ad notum misericordiæ fontem, de quo mihi et amicis meis toties hausi, domini Trecensis episcopi C reverendi senis et amici nostri necessitas compelli recurrendi. Hoc est ergo quod haurire desidero, quatenus apostolica pietas hominem, cuius jam canimerentur quietem, non sinat injuste vexari, et petitiones ejus, quas per nuntium suum facit, dignetur effectui mancipare.

### EPISTOLA CDXXXVIII.

AD EUMDEM.

*In gratiam Trecensis episcopi.*

Augetis mihi gratiam, et gloriam multiplicatis, cum gratia mei, amici mei gratiam inveniunt in oculis vestris, quam multis jam de charo fecistis chariorem. Ego tamen gloriam ab homine non quæro, sed regnum Dei et iustitiam ejus, quam puto esse cum domino Trecensi. Secure vobis utrumque cupio esse commendatum, et justum scilicet et amicum; non solum autem, sed et missum ab eo bonæ indolis juvenem, charum nobis latorem præsentium, æque vestræ commendo charitati.

### EPISTOLA CDXXXIX.

AD EUMDEM.

*n gratiam Trecensis episcopi.*

Causa domini Trecensis, cum nuntio directo nostro, qui eam portat, sit vobis commendata; manuteneat eam, quoniam, ni fallor, justa est. Homo ipse amici vestri amicus est. Vide ne quemquam audias adversus dominum Trecensem; sed potius juva causam et nuntium ejus in quantum potes.



367 \* EPISTOLA CDXL.

AD ANONYMUM.

*Mortatur ut animæ curam præferens corporis sollicitudini, sæculo renuntiet.*

Magnum, fateor, bonum fecit nobis dominus Avia-  
ficensis (1093), qui post indultam sui satis optatam  
gratamque notitiam, etiam tuæ Dilectioni subintulit  
mentionem, de tua nos certificans ac lætificans in-  
columitate. Verumtamen id ego de anima tua liben-  
tius accepissem, nam de corpore episcopus aiebat :  
« Amo quidem et corpus tuum, sed animam am-  
plius : nam et meum corpus ego non diligo, nisi  
propter animam, ut noveris juxta illam a me diligi  
regulam, *Diliges proximum tuum sicut teipsum*  
(*Matth. xxii, 39*) ; et sicut meam meo, sic tuo tuam  
corpori præfero animam. Tolle quippe animam,  
quid erit corpus, nisi quod ad omnium humanorum  
corporum partem dictum est, *Terra es, et in terram*  
*ibis?* » (*Gen. iii, 19*). Cæterum animæ præstatur cum  
corpore solvitur, si non tamen tantis fuerit aggra-  
vata peccatis, ut revertens in terram, quod de terra  
sumptum est, non prævaleat, sicut scriptum est,  
redire spiritus ad Dominum qui fecit illum (*Eccli. xii,*  
*7*). Non est æquum profecto æque diligi quod move-  
tur, et quod movet ; quod regitur, et quod regit ;  
quod vivificatur, et quod vivificat ; quod denique de  
terra et terra est, et quod desursum venit naturæ  
superioris insignitum imagine. Quanto tamen, prohi-  
dolor ! hoc fenum, et hujus feni male olentem florem,  
hoc est carnem, et bona carnis non æque saltem,  
et insuper plaris habent, quam æternæ beatitudinis  
et beatæ æternitatis capacem rationem quidem præ-  
dictam creaturam ? Verum tu qui aliter sapis, novi  
enim, sed doleo nondum te vivere ut sapis, tu ergo  
miserere animæ tuæ placens Deo (*Eccli. xxx, 24*).  
Quid adhuc jungis vitam cum quibus sententiam  
non concordas ? Aut muta vitam, aut dissimula  
sententiam. Cæterum hoc melius est, ut quod jam  
ratione cœpisti, et corde concepisti, opere non dissi-  
mules. Sapiens sapientiæ consilium non contemnit :  
*Quid prodest homini, si universum mundum lucretur,*  
*animæ vero suæ detrimentum patiatur?* (*Matth. xvi,*  
*26*.) Quid te juvat mente tenere veritatem, cum  
adhuc vanitatem teneas in conversione ? Abi,  
quæso, recede de medio filiorum alienorum, quo-  
rum os loquitur vanitatem, et dextera eorum dextera  
iniquitatis. Beatum hi dicant populum cui hæc sunt ;  
tu cum propheta non tam verbo clama, quam ex-  
perimento proba, quia *beatus populus cujus Domi-*  
*nus Deus ejus* (*Psal. cxliii, 41, 45*). Delectet eos in  
mundo, cum sint ruituri cum mundo ; tu delectare  
in Domino, et dabit tibi petitiones cordis tui ; tibi  
adhærere bonum sit, ut et tu cum Jeremia dicas :  
*Bonus est Dominus quærenti illum* (*Thren. iii, 25*) :  
quod si quærenti, quanto magis invenienti ?

(1093) Avia Orthelio est duplex : una scilicet  
ex Ptolemæo Væceorum urbs in Hispania Tarra-  
conensi ; altera Vestinorum urbs in Italia, modo  
excisa, cujus episcopatus Aquilam translatus est.  
MART.

A

EPISTOLA CDXLII.

AD PRIOREM QUEMDAM (1094).

*Mittit ei adolescentem qui se in ordine recipi postu-  
labat.*

Devotas orationes.

Hunc adolescentem qui vobis has litteras portavit,  
expectantem me Catalaunis inveni : qui, ut mo-  
vidit, simpliciter satis et verecunde rogavit se ; in  
nostro Ordine recipi, et monachum fieri ; narrans  
mihi, quia cum Thomas de Marla, ejus armiger fuit,  
vellet eum militem facere militiæ sæculi militiam  
Christi præposuit, et ob hanc causam ad nos confu-  
git. Super his aliquos de fratribus consulite, et si  
laudaverint, vobisque ita visum fuerit, recipite eum  
et probate. Notum facio vobis extorsisse me, non  
meis, sed dominæ Beatricis precibus (1095), ab  
episcopo licentiam hiemandi juxta vos, non tamen  
in Clara-Valle, sed in Dementini prato. Interim vi-  
gilate, pigros excitate, nimios reprimite, pusillani-  
mes consolamini ; omnibus omnia facti, omnium  
virtutes vestras facite.

EPISTOLA CDXLIII.

AD QUEMDAM ORDINIS S. BENEDICTI ABBATEM.

*Mittit ei duos adolescentes ad ordinem Cisterciensem  
viribus impares, sed sibi non forte inutiles.*

Pacem et charitatem diligere.

Istos duos adolescentes, bonam quidem volunta-  
tem habentes, sed viribus corporis ad nostrum Or-  
dinem nequaquam sufficientes, idcirco vobis trans-  
mittere curavimus : quia si tales perseverant, C  
quales eos probavimus, non inutiles vobis confidi-  
mus. Denique suscipite eos et probate vos ipsi, au-  
verum sit quod testamur ; nec eorum acceleretur  
suscipienda professio, ut prius ipsorum utilitas di-  
gnoscat

EPISTOLA CDXLIII.

AD QUEMDAM AMICUM.

*De quodam adolescente, cujus prave mores narrat,  
qui nobilium matrimonium ambiebat.*

Feci quod voluistis, quod ad me omnino non per-  
tinebat, nisi quia voluistis. Quid enim ad nos perti-  
net de vestris terris, de vestris placitis, de vestris  
conjugiis ? Deinde etiam hominem illum, pro quo  
me precantes ducissam precari compulistis, ita  
semper cognovimus a juventute sua malis fuisse  
intentum, et ab omni bono elongatum, quatenus hæc  
ei mala non tam illa vel cupiditate ducisse, quam  
justo Dei judicio credamus contingere ; nunquam  
ejus ad aliquem sanctorum peregrinationem, cum  
peccator sit, vidimus ; nunquam ejus elemosynas,  
cum dives sit, audivimus ; nunquam ejus patroci-  
nium quod pupillo vel viduæ ferret, cum diu præ-  
positius exstiterit, agnovimus. Et nunc insuper non  
cessat se supra se extendere ultra etiam mensuram  
suam. Scitote, vos qui amici ejus estis, quia aut vix

(1094) Fortasse, ad priorem Claræ-Vallis.

(1095) Exstat ejusdem S. Bernardi epistola 118  
ad Beatricem, nobilem et religiosam matronam, in  
qua officiosam ejus charitatem et sollicitudinem  
commendat. la.

sunt nunquam poterit ei ad aliquod proficuum societas nobilium venire, quibus in matrimonium, suam non attendens mediocritatem, tanto appetit studio filios et filias suas conjungere : volo tamen et multum desidero, ut illud quod propter vos facilliter rogare suscepi, in bonum ei proveniat.

## EPISTOLA CDXLIV.

AD QUEMDAM ABBATEM.

*De quodam monacho qui ad alium Ordinem transire volebat, quod fieri improbat.*

Unus frater dum nostram simplicitatem consulere venit, tale a nobis consilium, imo iudicium reportavit. Cum nullam idoneam causam attulerit, cur locum et Ordinem suum deserere veli; nulla visa est ratio permittere, quod ad alium transire debeat. Nam votum illud quod se prius fecisse dicit, de quo et maxime sibi scrupuli occasionem sumpsit; cum sola cogitatione aut ut plus etiam verbo, sed soli factum fuisse constet, nequaquam huic præponendum putamus, cui utique posterius licet tamen et verbo et deliberatione, et habitu et professione sese astrinxisse videtur; præsertim cum illud quod voverat, nec districtius esse videatur isto, nec rectius. Quapropter nec vobis, qui pro ejus anima Christo reddere rationem habetis, tutum esse credimus in hoc ei credere, in hoc ei vestram indulgere licentiam cum scriptum sit: *Declinantes autem in obligationes adducet Dominus cum operantibus iniquitatem* (Psal. CXXIV, 5). Suscipite ergo eum dulciter, ut filium; sollicitè custodite, ut vobis commissum, vestris, nisi fallor, ex hoc jam obsecutorum præceptis, et consiliis obtemperaturum.

## EPISTOLA CDXLV.

AD QUEMDAM ABBATEM.

*Commendat ei L. fugitivum revertentem, quem benigne suscipi rogat.*

Obsecro vos per misericordiam Dei et per nostram invicem dilectionem, quatenus fratrem L. erroris sui poenitentem, cum desiderio revertentem, emendationem promittentem benigne suscipiatis; sed et in ipsa susceptione atque reconciliatione clementius minusque cum eo agatur, quam cum ceteris solet fugitivis, sentiatque sibi valere, quod per nos se apud vos commendare nostrisque precibus munire curaverit.

## 367 \* EPISTOLA CDXLVI.

AD ANONYMUM.

*Scribitur se ex morbo gravi convalescere, et mortis januis evasisse.*

Quidquid sibi.

Super ipsa vestra sollicitudine, qua vos anxii per litteras vestras insinuat, diu exstiti et ego sol-

(1096) Rogerii primi Siciliæ regis, ad quem exstant sancti Bernardi epistolæ 207, 208, 209. MART.

(1097) Nisi postea S. Bernardus fratres ad fundandum in Sicilia abbatiam, quibus præfecit magistram Brunonem, olim sibi per dies multos individuum comitem, tunc autem patrem multarum animarum letantium in Christo, ex epistola 209, quæ scripta dicitur anno 1139, ac proinde hæc aut eodem aut præcedenti anno scripta videtur. Id.

Alicitus. Neque enim ignorare poteram quod patere mini, cum cogitarem, qualem me relinqueretis; sed nuntii usque modo defuit opportunitas, per quem, cum corpore cepi, Deo miserante, meliorari, vos quoque esse facerem animo meliori. Jam ergo bono animo estote, quia castigans castigavit me Dominus, et morti non tradidit me. Prima Dominica Adventus Domini, primum ad altare per memetipsum, et sine adminiculo alterius accessi ad accipiendam sacram Communionem; istas litteras ipse dictavi: quibus duobus signis pendere potestis, quantum divina benignitate et corpore et animo convalescerim. Libenter vos viderem, si opportune et sine disturbance fieri posset.

## EPISTOLA CDXLVII.

AD ANEDEUM ALTÆ-CUMBÆ ABBATEM.

*Rogat ut nuntios mittat Montem-Pessulanum, quo ascendere debebat regis Siciliæ naves, ut apud regem eum excusent, quod fratres in Siciliam non miserit.*

Dilecto fratri in Domino abbati Altæ-Cumbæ ANEDEO, frater BERNARDUS Claræ-Vallis vocatus abbas, salutem et dilectionem.

Rogamus ut patrem vestrum vel aliquem alium nuntium rationabilem et discretum mittatis pro nobis apud Montem-Pessulanum, ita ut ibi sit in Octavis Assumptionis beatæ Mariæ: in ipsa enim die et in ipso loco debent esse nuntii regis Siciliæ (1096), qui descendunt mare in navibus, ut portent filium comitis Theobaldi filio domini sui. Si forte ad opus fratrum nostrorum naves adduxerint, et requisierint abbatiam quam missuri eramus, nuntius vester habeat nos excusatos (1097) in hæc verba: « Fratres quidem parati erant, et abbatia ordinata; sed dominus Alfauus nuntius domini regis Siciliæ dixit, quia rex non requirebat nisi duos fratres qui præcederent alios ad videndum locum; cum autem placuerit domino regi, significabit nobis voluntatem suam de tota abbatia simul mittenda: nam periculum est religionis et ordinis, sicut vestra providentia novit, fratres sine disciplina, sine custodia vel abbatibus vel aliorum fratrum suorum versari in terra aliena. »

## EPISTOLA CDXLVIII.

AD ANONYMUM.

*Commendat ei abbatem Farfensem sanctæ Ecclesiæ Romanæ cardinalem.*

Virum nobuem et genere et moribus, abbatem Farfensem, apostolicæ sedis cardinalem (1098) vobis commendamus, ut eum honorifice et amicebiliter suscipiatis. Descendit a latere domini Papæ ad curiam Regis ab ipso vocatus, habens ad ipsum verba secreta de communi negotio regni et Ecclesiæ.

(1098) Hunc statim suspicatus fui esse Gerardum cardinalem diaconum ab Innocentio II creatum, factum postea monachum Claræ-Vallensem et in claustrum Claræ-Vallis sepultum. Verum cum in eo desideretur abbatialis dignitas, satius est ut credamus esse Adinulfum abbatem Sanctæ-Mariæ Farfensis, Ordinis S. Benedicti, ab Innocentio II anno 1130 sanctæ Romanæ Ecclesiæ presbyterum cardinalem creatum. Id.

Suscipite honeste hominem, et hominem bonæ voluntatis; et in eo excellentiores principes mundi, eum videlicet a quo venit, et eum ad quem venit, papam et imperatorem pariter honorate. Temeritatis quidem est, quod ego tantillus talem virum vobis audeo commendare; sed humilitas ipsius hoc petentis excludit pudorem, et si factus sum insipiens, ipsa me coegit.

### 367<sup>1</sup> EPISTOLA CDXLIX.

AD REGEM FRANCORUM.

*Excusat se a suscipienda dignitate ad quam electus erat.*

Regi Francorum, frater BERNARDUS.

Placet, fateor, quod in his quæ Deo sunt, tanta sinceritate versamini. Nam ut alia taceam, nequaquam promotionem miseri hominis tantopere curaretis (1099), si non esset in causa Deus: quo enim alio emolumento id ita placeret, cum sim pauper et inops? Nec sufficit assentire, insuper et rogatis. Exhibetis favorem, largum gratiæ sinum expanditis, et ne onera pusillanimitis reformidem, auxilium de regia protectione promittitis. Quenam hæc in rege dignatio, in adolescente maturitas? Verum ego, optime Rex, nullatenus acquiesco mittere manum ad fortia, corde pusillus, fractus corpore, et cui solum pene superest sepulchrum; non audeo prorsus ad sancta indignus et insufficiens. Hoc considerare debuerant auctores electionis: si dissimularunt, ego non quæo, quod lego, *Miserere animæ tuæ placens Deo* (Eccli. xxx, 24). Aut si idoneum crediderunt ob habitum religionis quo induor, in habitu species est sanctitatis, non sanctitas. Nemo mihi me notior, nemini ego quam mihi: non plane me credo contra testimonium conscientiæ meæ videntibus tantum in facie et secundum faciem iudicantibus. Ecce ego et pueri mei, quod dedit mihi Deus, orantes hic sumus, quamvis peccatores, pro regno vestro et vestra persona: si separatis ab invicem, id quidem difficile et crudele; non ad orandum, sed plorandum provocatis. Hactenus pro me: jam pro Ecclesia quid parturiat animus, dignemini, obsecro, paucis attendere. Sedet in tristitia domina Ecclesiarum, et lacrymæ ejus in maxillis ejus: mutatus est color optimus, defloruit antiqua venustas, pretiosissimus ille ornatus datus est in conculcationem, nobilitas in contemptum, et in servitutem libertas. Cracior in hac flamma, nec consilium refrigerii, donec veniat qui consoletur eam. Tangat proinde cor vestrum reverentia Sponsi ejus, cujus sanguine redempta, cujus similitudine adornata, cujus hereditate dotata est, et perseveret propositum vestrum, ne tam di-

A lecta unici Domini nostri sponsa tali vel nunc ad cumulum malorum committatur, qui displiceat oculis ejus. Dico vobis, et dico ut vere fidelis, quia omnino non expedit vobis. Sic vobis regnum contingat administrare Francorum, ut inde acquiratis regna cælorum, optime et illustrissime rex.

### EPISTOLA CDL.

AD AMICUM.

*Scribit se tandem convalescere et a mortis faucibus ereptum.*

Idem quod sibi.

Opus utile, et quantum mihi videtur, catholienum elaborastis: habeo tamen semel adhuc, si vita duraverit, vobis illud præsentare perlegere et vobiscum singula proferre; et tunc si quid forte repertum fuerit quod merito moveat, aut omnino amovebitur, aut ita emendabitur, ut ultra jam non movere valeat, nec movere debeat. De cætero congratulami mihi, quia castigans castigavit me Dominus et morti non tradidit me (*Psal. cxvii, 18*). Cum enim, securi ad radicem infructuosæ arboris posita, jam succidi metuerem; precibus amicorum redditus sum, qui videlicet fimo charissimo lacrymarum suarum sterilitatem meam se fecundaturos pollicentes, inducias aliquanti temporis a pio Patrefamilias impetrarunt (*Luc. xiii, 6-9*).

### EPISTOLA CDLI.

AD FRATRES.

C *Hortatur ad eleemosynas famis tempore faciendas.*

Non ignoratis, fratres, qui dixerit, *Beati misericordes, quoniam misericordiam consequentur* (*Matth. v, 7*); et illud, *Beatus qui intelligit super egenum et pauperem* (*Psal. xl, 2*), et rursum: *Si videris nudum, operi eum, et carnem tuam ne despereris* (*Isai. lviii, 7*); et apud sanctum Job, *Visitabis speciem tuam, et non peccabis* (*Job v, 24*). Ut hæc vobis pauca de multis in hunc modum et Scripturis retexerem, illud est occasio, quod egenos vagosque sub hoc famis tempore (1100) plus solito constat egere. Unde si qua in vobis pietatis viscera, si qua in vobis miserationis compassio, dignum est ut in se ipsos experiantur: quantumlibet enim miseri et despiciabiles, os vestrum et caro vestra sunt, quod vos non aliter de illis sentire, justum est ut sentiant: sentiant dico, et, si non rerumstrarum, saltem verborum beneficio; ut videlicet capellano præcipiatis, quatenus omni studio curet excitare et exhortari populum quam publice quam privatim, ad benefaciendum eis.

(1099) Hæc epistola scripta fuisse videtur occasione electionis factæ de S. Bernardo in archiepiscopum Remensem, cum post defunctum Rainaldum archiepiscopum, omnium electorum vota in Clare-Vallensem abbatem se contulerunt: quam ille dignitatem ut et multas alias recusavit. Tunc post duorum annorum sedis pontificalis vacationem, Samson electus est, anno 1140. MART.

(1100) Anno 1145, ex brevi Chronico Catalau-

nensi apud Labbeum, «fames valida obique terrarum, qualis unquam ante non fuit.» Hæc famens si Chronico Lobienensi a nobis tomo tertio Anecdotorum edito credimus, incipit anno 1143 ac fuit valida septem annis. Ejusdem meminere Chronica Monasteriense, Mortui Maris et Senonense Anecdotorum, tomo tertio. Remense apud Labbeum, et Britannicum apud domnum Lobinotium Historiæ Britannicæ tomo II, pag. 3. 16.



## 367 \* EPISTOLA CDLII.

AD QUENDAM ABBATEM.

*Ortatur ut benigne fugitivum recipiat, nec prælati dignitatem abiciat.*

Suo illi quod suo.

Nemo cum has legerit, si norit unde salutationis formulam sumpserim, succensere, ut arbitror, debet mihi, quod me in capite meliori præferre præsumpserim, et quod tanquam aliquid inferius meum esse dixerim, cujus ego merito totus sum et quo ex toto inferior: quanquam non solum inferiora nostra, sed etiam plerumque quibus inferiores nos esse scimus, nostra non improprie appellare soleamus, ut est illud, *Portio mea, Domine, in terra viventium* (Psal. CXLII, 6). Et hæc quidem de vobis, sed non vobis. Jam ad vestras litteras breviter pro tempore respondendum est, quæ cum mihi in manus venerunt, natalis animæ Domine nostræ dies festus illuxerat, cujus me totum jure sibi vindicans devotio, nihil aliud cogitare sinebat; sed et nuntius repedare festinans, vix usque in crastinum, ut hæc jam festo exoccupatus utcumque rescriberem, exspectavit. Fugitivum itaque fratrem dure a me, utpote durum corde increpatum, nihil melius interrim potui quam ad locum remittere unde fugerat: quippe quem juxta nostras consuetudines domi abaque abbatis sui consensu retinere non debui. Oportet autem a vobis eum similiter asperè increpare, et ad humilem provocari satisfactionem, deinde nostris confortari litteris pro eo directis ad abbatem. De infirmitate nostra nihil certius modo sollicito indicare potui, nisi quod infirmus et fuit et sum, nec minus solito, nec magis multum. Quod vero non nisi quam missurus eram, causa est plus me animarum timuisse scandalum, quam unius corporis periculum. Jam ne quid horum quæ mandatis omnino prætermittam, quin et aliquatenus ad singula respondeam, venio etiam ad vos. Velle vos audire scripsistis, quid ego vos, qui utique omnia vestra norim, facere velim. Sed hæc, nisi fallor, si modo dicerem nec vos possetis, nec ego consulerem. Volo enim et ipse quod vos velle de vobis jam olim non latet me. Cæterum mea atque vestra æque, ut æquum est, voluntate postposita, magis quod velle Deum de vobis puto et mihi ut vobis suadeam tutum duco; et vobis si persuadeam, non inconmodum. Tenete itaque meo consilio quod tenetis, manete in quo estis, et studete prodesse quibus præestis; nec præesse refugite, dum prodesse potestis: quia væ siquidem, si præestis et non prodestis; sed væ gravius quia præesse metuitis et prodesse refugitis.

(1101) Hæc epistola scripta fuisse videtur occasione foundationis monasterii de Spina in diocesi Palentina, quod condidit Sancia Alfonsi regis soror, cujus se fundacioni opponebant monachi de Careda, seu ut legitur in epistola 501 S. Bernardi Carracetenses, sive Carracetenses, quæ scripta dicitur circa annum 1149. MART.

## EPISTOLA CDLIII.

AD ANONYMUM.

*Laudat ejus prudentiam et humilitatem.*

Quidquid sibi cupit gratiæ spiritualis.

Laudo prudentiam, qua monachum propter novitium contristari timuistis; sed magis approbo humilitatem, qua factam vobis injuriam et tam grandem injuriam, pertulistis. Incomparabiliter autem præfero charitatem, qua calamum quassatum non patiendo conteri (*Isai. XLII, 3*), nostrum expectere consilium ei suadere curastis. O prudens humilitas, humilisque charitas, sic parcens monacho injuriam, ut non deesset novitio fluctuanti! Quantum ergo potui confirmatum, et omnia, quantum reor, de quibus notatus est, emendare paratum, ad vos eum remitto; tam probatæ vestræ benignitati consulens, et si necesse est, supplicans, ut recipiatur, ut tamen prædictus frater, cui et litteras proinde precatorias misi, a sua prius, si fieri posset, sententia flectatur.

## 367 \* EPISTOLA CDLIV.

AD ANONYMUM.

*Stephano, si perseveraverit, promittit dignos penitentiae fructus.*

Quis satis mirari possit vestræ charitatis ardorem? Sed quoniam dignum non est, ipsam unde sollicitam esse cognovimus, diutius manere sollicitam, Stephanus vester qui et noster, si digno suæ conversationis initia fine compleverit, si æqua cum capite devotione etiam caudam hostiæ offerre stegerit, testimonium ei perhibemus quia dignos faciet penitentiae fructus.

## EPISTOLA CDLV.

AD MATERTERAM IMPERATORIS HISPANIARUM (1101).

*Fratrum ei suffragia concedit, oratque ut controversia, quæ inter suos et fratres de Careda erat, per episcopos terminetur.*

Illustri domine G. reginæ et materteræ imperatoris Hispaniarum, BERNARDUS Claræ-Vallis vocatus abbas, salutem et orationes.

Devotionem vestram ex relatione fratris nostri Nivardi (1102) audientes, gratias agimus Deo, et oramus ut secundum fidem et fiduciam quam habetis in nobis, vobis retribuere pro sua pietate dignetur. Fraternitatem domus nostræ et orationum nostrarum, sicut desiderastis, gratanter vobis annuimus, et ut tantundem pro vobis fiat, quantum pro uno quolibet nostrum tam in vita quam in morte. De cætero necesse habuimus suggerere præstantiæ vestræ de fratribus de Careda (1103), quia per neptem vestram et per seipsos calumniam nobis struunt. De monasterio. . . . . Oportet ergo nos providere bona non tantum coram Deo, sed etiam coram hominibus, omnimodisque

(1102) Fratris S. Bernardi natu minimi, qui prius Spinensis monasterii abbas fuisse perhibetur. Id.

(1103) Seu de Carraceda ordinis S. Benedicti in diocesi Asturicensi, quod monasterium circa annum 990 a Bermundo rege fundatum Cisterciensibus donavit Alphonsus VII, rex Hispaniarum. Id.

cupimus sic procedere in hoc negotio, ut non vituperetur bonum nostrum, nec homines illi occasionem habeant detrahendi. Proinde remisimus ad vos negotium, ut scandalum istud compescere studeatis. Et si aliter noverint illi desistere, iudicio, ut dignum est, domini Zemorrensis [Zamorensis] episcopi et domini Asturicensis velit et faciat hanc

A controversiam terminari. Ubi enim vel eorum confessione, episcoporum iudicio innoverint non habere eos unde adversum nos super hoc possint vel debeant reclamare, parati sumus, juvante Deo, sic ordinare locum, ut et vestra devotio gratuletur, et Deus glorificetur in opere vestro.

*Epistolæ sequentes, ex variis auctoribus in unum collectæ, nunc primum sancti Bernardi operibus accensentur. Ultimam, seu quadringentesimam sexagesimam, de cujus genuitate tamen est unde merito dubitetur, in appendicem, ne interruptaretur ordo, amandare nolimus. EDITOR PATROLOGIÆ.*

### PRÆFATIO IN EPISTOLAM SEQUEM.

(AMADUZII, *Anecdota litteraria ex mss. codicibus eruta*, tom. IV, pag. 239. Romæ apud Antonium Fulgonium, 1783, 8°.)

Francisco M. BANDITIO, Ariminensi, archiepiscopo Beneventano et S. R. E. cardinali amplissimo, Joannes Christophorus AMADUTIUS.

Qui litteris operam navant, quique eruditis pabulum præbere student statis quibusdam operibus, id potissimum curant, ut primum varietate rerum omnibus placeant, tum ut ea, quæ unusquisque intersint, singulis consentanea faciant. Vides, cardinalis amplissime, me in eo esse, ut anecdotis quibusdam opusculis varias litteratorum classes detinendas oblectandasque susceperim; quod ut assequar, varia tum idiomatis et orationis, tum ætatis et argumenti diversitate distinctas lucubrations jamdiu mihi edendas proposui. Quare si quæ sunt quæ præcipue spectari debeant hac præsertim temporum corruptione, quæ se miris litterarum scientiarumque progressibus fæde immiscuit, ea esse cum primis censeo, quæ ad sacra pertinerent, quæque vel fidei præstantiam, vel morum castitatem præferrent. Verum quam ipse unquam gratiam inirem, si hujusmodi res munusculi instar iis præberem, qui ludicris levibusque crepundiis assueti (nam cæteros, qui impiis nefariisque commentis detinentur, utpote omnino aspernandos non moror) gravia ac severa quæque ad stomachum usque fastidiunt? Sua ergo sponte fuit cogitatio, quæ ad te unum deligendum, cui beati Bernardi abbatiss Clavallensis epistolam adhuc anecdota inscriberem ac nuncuparem, me nunc potissimum commonefecit. Tu, qui ea studia sedulo coluisti, quæ tum institutum in primis decent, qui ad bibliothecam omni scriptorum genere instruendam in Ariminensi clericum regularium collegio animum tot annorum spatio intendisti, quique eos præsertim auctores consecraris, qui et tuum præclaram dignitatem, et pastorem procuratorem præceptis, et exemplis juvent, ac excitent, libentissime quidem excipies opusculum, quod a clarissimo, sanctissimoque Cisterciensis ordinis alumno concinnatum tibi nunc statuo. Is enim fuit divus Bernardus, ut singulos fore hominum ordines instituendos epistolis suis sibi proposuisse visus fuerit: quandoquidem laicos, monachos, clericos, abbates, episcopos, cardinales; et ipsos quoque summos pontifices in Eugenio III scriptis suis pro dignitate erudit, atque informavit, singulis præbens castigatioris vitæ perquam apta documenta. Epistola quam nunc profero ea est qua laicum variis humanæ, rectæ tamen honestæque politice præceptis imbuedum suscipiat; quorum sane plura cum privatum hominem, quem se esse sentiat semper unusquisque quantacunque dignitate præcellat, respiciant, facile singuli ea vindicent atque arripiant quæ sibi peculiariter convenire intellexerint. Nulla vero in cæteris, sive epistolis, sive scriptis quibuscunque S. Bernardi abbatiss mentio occurrit hominis ad quem epistolam hanc hactenus ineditam inscriptam animadvertimus. Qui vero et epistolas et scripta cætera sanctissimi hujus Ecclesiæ doctoris, atque ea potissimum quæ Mabillonius tanquam genuina et a spuris distincta proposuit (1104), accurata lectione percurrerit, facile in hac etiam styli dulcedinem, orationis ardorem, eloqui sanctitatem, sententiarum gravitatem, leporum copiam, quæ eidem potissimum tribuuntur, non ægre deprehendet. Quod si id asserere detrectaverit, saltem anxium sancti scriptoris imitorem hanc scripsisse epistolam fateri omnino cogetur. Hanc nos quidem obtinimus a viro clarissimo Angelo M. Bandinio, qui ex codice membranaceo sæculi XIV, ineuntis, bibliothecæ Mediceo-Laurentianæ, cui ipse pro meritis suis præest, excerptis, et ut ederemus, nobis pro sua humanitate indulsit. Exstat ipsa etiam in duobus aliis ejusdem bibliothecæ codicibus, quos omnes ipse accurate recensuit (1105); quod dum primum facit, epistolæ ingenuitatem in aliquod suspitionis dubium revocare videtur, forte ut severioribus criticis regulis, quas docti interdum impensius amant, morem gerat. Habet et ipsa bibliotheca alios codices divi Bernardi opera continentes, et ea quidem quæ in Mabilloniana editione desiderantur. Cum illa vero nec pauca, nec exigua sint, ac multo egeant examine, seduloque comparationis studio, eadem nunc inuisse sufficit, rejectis interim in imam oram eorumdem indicia, quæ prestio esse possint iis quibus hanc spartum deinceps ornare libeat (1106). Porro alibi

(1104) Parisiis apud Montalan 1719, tom. IV.

(1105) Vid. tom. II, *Catalog. codd. mss. Latin. biblioth. Laurent.* cod. 15, plut. 46, § 2, col. 587, et tom. III, cod. 5, plut. 78, § 5, col. 159; tum ibid. cod. 138, plut. 80, num. 8, pag. 86; col. 697.

(1106) Plut. 14, cod. 18, § 22: Liber de quatuor principalibus virtutibus prudentia, magnanimitate, constantia, justitia. Inc. *Quatuor virtutum species*

multorum sapientium sententiis definita sunt. Des. æquo vivendi sine servaveris. Vide Bandinium in catalogo tom. I, col. 122.

Ibid. § 27: De oblatione laudis. Inc. *Oblatio nostræ laudis, quam Deo immolamus*, etc. Des. *martyrium divinum*. Sunt variae brevesque sententiæ. Vid. ibid., col. 125.

Ibid. §. 38: De immensa charitate Dei Patris, de

etiam alia habentur sancti nostri doctoris opera, quæ absunt a laudata editione, quæque forte eadem quoque ac quæ exstant in codicibus Mediceo-Laurentianis esse possent; quod sane nonnisi diligenti perquisitione assequi quis poterit. Scilicet cl. Martinus Gerbertus abbas S. Blasii in Silva Nigra ait in Itinere Alemannico (1107) haberi in mss. operibus sancti Bernardi asservatis in bibliotheca Augustæ Vindellicorum nonnulla quæ haudquaquam in Mabillonii editione occurrant, quæque examen aliquod postulent. Insuper ipse ibidem (1108) profert epistolam omnino brevem, erutam ex cod. ms. sæculi XIII bibliothecæ Ochenhusanæ, quam S. Bernardus G. de Stopho scribit, quæque in laudata editione frustra quæreretur. Non aspernanda quidem, imo plurimi æstimanda illius scriptoris opera, quæ ecclesiasticam traditionem, et Patrum seriem claudant, quæque scholasticorum barbariem, quæ mox religionem, in scientias, ac litteras irrepsit, feliciter anteverant. Nec te interim pigebit, Cardinalis amplissime, si insuper addam epistolam alteram, non eam quidem a divo Bernardo exaratam, sed a matrona quadam, quæ ab ejus concilio, disciplinaque penderet, ad ipsum scriptam. Non te quidem latet, sanctissimum abbatem nostrum cum pluribus lectissimis feminis epistolarum commercium exercuisse, ut docent ipsius epistolæ a Mabillonio recensitæ, ac datæ ad reginam Jerosolymorum, ad Mathildem reginam Anglorum, ad Sanctam sororem imp. Hispaniæ, ad ducissam Lotharingiæ, ad ducissam Burgundiæ, ad Ermengardam quamdam comitissam Britannici, ad Idam comitissam Nivernensem, ad Blesensem comitissam, ad Beatricem nobilem, et religiosam matronam, ad Sophiam virginem, ad abbatissam Faberniacensem, ac postremo tandem ad nonnullos sanctimonialia. Amanuensis fortasse incuria (nisi id alia etiam culpa factum fuerit) matrona, quæ hanc nostram epistolam scripsit, nomen nobis invidit; neque etiam instituta a nobis hac de re observationes quidquam lucis attulerunt. Hanc epistolam quinetiam nobis communicavit laudatus Bandinius, qui ipsam ex codice altero Mediceo Laurentiano, eoque membranaceo sæculi XV erueret sagitæ (1109), nobisque edendam concessit. Quam vellem, ut ego gratum, et obsequiem in te animi meum proderet nunc studui, sic tu meam hanc voluntatem, et observantiam æqui bonique consuleres! Sed quid ab antiqua tua, planeque singulari humanitate nunc mihi polliceri non dubitem? Quæ quidem humanitas etsi stimulis non egeat, nec precibus locum relinquit, patere tamen, Cardinalis amplissime, ut de ea jugiter mihi conservanda tanquam de re mihi tum charissima, tum spectatissima, cujus instar eorum, ovi pretiosas res possident sollicitum esse decet, te majorem in modum exorandum nunc censeam. Vale.

<sup>1</sup> Datis Romæ Idibus Augusti anno a Christo nato 1780.

### EPISTOLA CDLVI.

AD RAYMUNDUM DOMINUM CASTRI AMBROSII.

(Ex codice membranaceo sæculi XIV bibliothecæ Mediceo-Laurentianæ edidit Joannes Christophorus AMANDUTIUS.)

**367** <sup>10</sup> Gratioso militi et felici RAYMUNDO, domino Castri Ambrosii, BERNARDUS in senium deductus salutem.

Doceri petis a nobis de cura et modo rei familiaris utilis gubernandæ, et qualiter patresfamilias debeant se habere, ad quod tibi respondemus. Licet omnium rerum mundanarum status, et exitus aut fortuna laborent, non tamen hoc timore est

A vivendi regula omittenda. Audi ergo, et attende.

Quod si in tua domo sumptus et redditus sunt æquales, casus inopinatus poterit destruere statum ejus. Status hominis negligentis domus est ruinosa. Quid est negligentia gubernantis domum? Ignis validus in domo accensus. Discute diligenter eorum diligentiam, et propositum, qui tua administrant. Labenti, nondum lapsio facultatibus minus verendum est abstinere quam cadere. Sapius revidere, quæ tua sunt, quomodo sint, magna prudentia est. Cogita de cibo et potu animalium tuorum; nam esuriunt, et non petunt. Nuptiæ sumptuosæ damnum, sine honore conferunt. Sumptus pro militia hono-

mira filii obedientia, et Spiritus sancti benignitate. Inc. *O immensa Dei Patris charitas, qua adeo dilexit mundum, ut Filium suum unigenitum daret.* Des. *malum legere Salmonem, quam legere Salomonem.* Vid. ibidem, col. 124.

Plin. 16, cod. 1, § 47: Bellum de perfectione servorum Dei. Inc. *Peccantes prima excoipit negligentia sui, deinde curiositas rerum exteriorum.* Des. *et hæc est perfectio servorum Dei.* Vid. ibid. col. 160.

Ibid. § 24: Sermo de octo beatitudinibus per modum dialogi, et correspondet superiori proximo sermoni. Inc. *Simile est regnum celorum monacho negotiatori, qui audiens proximarum mundinarum opinionem.* Des. *ubi tantam habuit copiam, et facultatem lucrandi.* Vid. ibidem col. 161.

Ibid. § 29: De passione Domini in septem horis canonicis meditanda. Inc. *Septies in die tandem dixi tibi. Rogasti me, ut aliquem modum contemplandi in passione monstrem tibi.* Des. *et sedebis juxta eum ad monumentum ejusdem Domini nostri Jesu Christi, qui vivit.* Etc. Vid. ibid. col. eadem.

Ibid. § 33: De celesti gloria, ad quam festinare debemus. Inc. *Festinemus ingredi illam sancta civitatem, in qua filius virginis est rex.* Des. *et quidem perpetuus minimeque fucatus eandem vitæ æternæ.* Vite ibidem col. eadem.

Ibid. § 34: Speculum monachorum. Inc. *Fratres charissimi, locus iste, in quo convenimus, locus sanctus est.* Des. *et gaudere mereamini, præstante eodem Domino nostro, qui cum Patre, etc.* Vid. ibid., col. 162

B Ibid. § 33: Laus de Domino Jesu Christo. Inc. *Quam pulcher es angelis tuis, Domine Jesu.* Des. *Domine, quis similis tui?* Est brevissimum. Vid. ibid., col. ead.

Cod. 3, § 5, pag. 65: De amore Dei. Inc. *Magna res est amor, quo anima per semetipsam.* Des. *Non cessant mihi dicere, ut amem Deum meum.* Vid. ibid. col. 165.

Ibid. § 6, pag. 66 v°. De excellentia et utilitate orationis. Inc. *Dominus dicit in Evangelio, quoniam oportet semper orare, etc.* Des. *et compendium faciam, orat et ipse Dominus Jesus Christus, etc.* Vid. ibidem col. ead.

Ibid. § 8, pag. 68 v°: Quomodo in pace vera obdormit anima, et requiescit. Inc. *In pace in idipsum dormiam, et requiescam.* Pax, inquam, illa, per quam, et qua, etc. Des. *qui cum tanta fiducia psallebat, in pace in idipsum dormiam, et requiescam.* Vid. ibidem col. ead.

C Ibid. § 9, pag. 70 v°: Vita S. Bernardi, quam dedit eundem monacho ad bene religioseque vivendum. Inc. *Si vis plene assequi quod intendis, duo tibi sunt necessaria facienda.* Des. *sin autem, roga Deum, ut tibi dimittat, qui est misericors et pius, benedictus in sæcula.* Vid. ibidem col. eadem.

(1107) Pag. 175, et seq.

(1108) Pag. 216.

(1109) Vid. tom. I Catalog. codd. mss. Latinor. cod. 2, plut. 46, pag. 251, col. 165.



rañilia est, sumptus pro iuvando amicos rationabilis est. Sumptus pro iuvando prodigos perditus est. Familiam grosso cibo, non delicato nutrias. Qui gulosus effectus est, vix aliter quam morte mores mutabit. Gulositas vilis et negligentis hominis putredo est: gulositas solliciti et diligentis hominis solum est. Diebus paschalibus abundanter, non delicate pasce familiam tuam. Fac gulam litigare cum bursa, et cave cujus advocatus existas. Si autem inter gulam et bursam iudex existas, sapius, sed non semper pro bursa sententiam feras. Nam gula affectionibus probat, et sic testibus non iuratis, bursa evidenter probat, jam arcis et cellario vacuatis, vel in brevi tempore vacuandis: tunc male iudicas contra gulam, quando avaritia ligat bursam; nunquam recte inter gulam et bursam avaritia iudicabit. Quid est avaritia? Sui homicida. Quid est avaritia? Paupertatis timor. Semper in paupertate vives: recte vivit avarus in se, non perdens divitias, sed aliis reservando. Melius est aliis reservare, quam in se perdere. Si abundas blado, non diligas canestrum. Diligens canestrum cupit esse pauperum homicida. Vende bladum, cum satis valet, non quando per pauperem emi non potest. Vicinis minori pretio vende, etiam inimicis; non semper gladio, sed sæpe servitio vincitur inimicus. Superbia contra vicinum balenum est; expectas tonitru cum sagitta. Habes inimicum capitalem, in carcere positus es, habes inimicum, quæras tuum oculum pro custode. Si habes inimicum, conversationem non habeas cum ignotis. Semper cogita quod inimicus sagax cogitat inimici vias. Debilitas inimici non est loco pacis, sed tregua ad tempus. Si te (1110) securus non cogitare, quæ tu cogitas, inimicum, periculo te exponis. De feminis tuis suspectis quid agant, ignorantiam, non scientiam quæras. Postquam sciveris crimen uxoris, a nullo medico curaberis: dolorem de mala uxore tunc mitigabis, quando audies de uxoribus alienis. Cor nobile et altum non inquit de operibus mulierum; malam uxorem potius risu, quam baculo castigabis. Femina meretrix et senex omnes divitias annullabit; femina senex et meretrix, si lex permetteret, viva sepelienda esset. De vestibus nota quod vestis sumptuosa probatio est pauci sensus. Vestis minus apparens cito vicinis tædium parit: stude bonitate placere, non veste. Mulieris petitio habentis vestes, et vestes quærentis, non indicat firmitatem. De amicis teneas quod major est amicus qui sua tribuit quam qui seipsum offert; de illis magna est copia amicorum. Amicum non reputes qui te præsentem laudat; si consulis amico, non quæras placere sibi, sed rationi. Dicas in consulendo amico, sic mihi videtur, non præcise sic agendum est. Facilius de malo exitu consilii redargutio sequetur quam de bono laus. Audivi quod te visitant joculariores, attende quæ sequuntur. Homo

A jocularioribus intendens, cito uxorem habebit, cuius nomen est paupertas. Sed quis erit huius uxoris filius? Derisio. Placet tibi verbum jocularioris, sango te non audire, et alia cogitare: ridens et gaudens de verbis jocularioris jam pignus sibi dedit. Joculariores impropertantes digni sunt suspensio. Quid est jocularior, mala impropertans? Animal homicidium secum portans. Joculariores instrumentorum Deo placuerunt. Audi de famulis. Famulum alti cordis repelle ut futurum inimicum. Famulum tuis moribus blandientem repelle. Famulo et vicino te laudantibus resiste, alias te cogitat decesse. Famulum de facili se verecundantem dilige ut filium. Si vis ædificare, inducat te necessitas, non voluntas. Cupiditas ædificandi ædificando non tollitur, nimia et inordinata ædificandi cupiditas parit, et expectat ædificiorum venditionem. Turris completa et arca vacuata faciunt valde tarde hominem sapientem. Vis aliquando vendere, cave partem hæreditatis non vendas te potentiori, sed potius minori pretio, te minori. Totum autem vende plus offerenti. Melius est gravem pati famem quam patrimonii venditionem; sed melius est partem vendere, quam te usuris subicere. Quid est usura? Legalis latro, prædicens quod intendit. Nihil emes in consortio potentioris: parvum consortium patienter sustineas, ne tibi societ fortiores. Quærivisti de usu vini. Qui in diversitate et abundantia vinorum est sobrius, illo est terrenus Deus. Ebrietas nil recte agit, nisi cum in lutum cadit. Sentis vinum, fuge consortium. Sentis vinum, quære somnum, antequam colloquium. Qui se esse ebrium verbis excusat, suam ebrietatem aperte accusat. Male sedet in juvene vina cognoscere. Fuge medicum scientia plenum, exercitio non probatum. Fuge medicum ebrium. Cave tibi a medico volente in te experiri qualiter alios de simili morbo curabit. Caniculis valde parvos dimitte. Clericis et reginis canes custodes utiles sunt. Canes ad venandum plus constant quam conferant. Habentem filios dispensatorem tuorum bonorum non instituas. Sed dices: Si aversetur fortuna, quid prodest vivendi doctrina? Audi quod de hoc viderim stultos omittentes continentiam, et tandem se excusatos sub fortuna; et venit aliquando fortuna, sed servans doctrinam raro accusabit fortunam. Raro enim diligentiam cum infortunio sociabis, et rarius a pigritia infortunium separabis. Expectat piger sibi subveniri a Deo, qui vigilare præcepit in mundo. Tu ergo vigila, et levitatem expendendi cum gravitate lucrandi compensa. Appropinquat senectus; consulo quod Deo potius quam tuo filio te committas. Disponis legatum; consulo quod prius servitoribus quam sacerdotibus solvi mandes. Diligentibus personam tuam non committas animam. Committe animam tuam diligenti animam suam. Dispone de rebus ante morbum; sæpe quis efficitur infirmitatis servus, et servus testari non

(1110) Sic. — Lege: Si non es securus, etc.

potest. Liber ergo testaris, antequam servus efficiaris. Sufficit tibi quod dictum est de testamentis. De filiis audi. Mortuo patre, querunt divisionem, si nobiles sunt; melior est saepe eorum aspersio per mundum, quam hereditatis divisio. Si laboratores sunt, faciant quod volunt; si mercatores, tutior est divisio quam communio, ne unius infortunium aliis imputetur. Mater autem forsitan remanere querit; stulte agit; sed ut peccata sua deploret, utinam ipsa senex accipiat juvenem, nam non ipsam, sed sua quaesivit; quibus habitis, bibet cum eo doloris calicem quem optavit, ad quod eam perducat meta suae vitae damnabilis senectutis. Amen.

Deo gratias.

(*Litteras matronae cujusdam vide infra inter epistolas diversorum ad S. Bernardum, sub num. 477.*)

#### EPISTOLA CDLVII.

AD UNIVERSOS FIDELIS.

*De expeditione in terram sanctam. Festum SS. Petri et Pauli quo apud Magdeburgum conveniant, designat.*

(Anno 1147.)

[Boczek, *Codex diplomaticus et epistolaris Moraviae*. Olomucii 1836, 4.<sup>ta</sup> t. I, p. 253, ex codice ms. Olomucensi saec. XIV signato CXXVI.]

**367** Dominis et Patribus reverendis archiepiscopis ceterisque episcopis et principibus et universis fidelibus Dei, BERNARDUS, Claræ-Vallensis vocatus abbas, spiritum fortitudinis et salutis.

Non dubito quin auditum sit in terra vestra, et celebri sermone vulgatum, quomodo suscitaverit spiritum regum Deus et principum ad faciendam vindictam in nationibus et extirpandas de terra Christiani nominis... Magnum bonum magna divinae miserationis ubertas! Verumtamen videt hoc malignus et invidet more suo; frendet dentibus et tabescit; multos amittit ex his quos variis criminibus et sceleribus obligatos tenebat: perditissimi quique convertuntur declinantes a malo, parati facere bonum. Sed aliud damnum veretur longe amplius de corversione gentium, cum auditur plenitudinem eorum introituram, et omnem quoque Israel fore salvandum. Hoc ei nunc tempus imminere videtur, et tota fraude satagit versuta malitia, quemadmodum obviet tanto bono. Suscitavit proinde semen nequam filios sceleratos paganos, quos, ut pace vestra dixerim, nimis diu sustinuit Christianorum fortitudo, perniciose insidiantes dissimulans, calcaneo suo nec conterens capita venenata. Sed, quia dicit Scriptura: *Ante ruinam exaltabitur cor*, fiet ergo, Deo volente, ut eorum superbia citius humilietur, et non propter hoc impediatur via Hierosolymitana; quia enim verbum hoc crucis parvitati nostrae Dominus evangelizandum commisit, consilio domini regis et episcoporum et principum, qui convenerant Frankonovort, denuntiamus armari Christianorum robur adversus illos, et ad delendas penitus, aut certe convertendas nationes illas signum salutare suscipere, eandem eis promittentes indulgentiam peccatorum,

A quam et his qui versus Hierosolymam sunt profecti. Et multi quidem signati sunt ipso loco, ceteros autem ad opus simul provocavimus, ut qui ex Christianis necdum signati sunt ad viam Hierosolymam, noverint eandem sese indulgentiam hac adepturos expeditione, si tamen praestiterint in ea pro consilio episcoporum et principum. Illud enim omnimodis interdiciamus, ne qua ratione ineant foedus cum eis, neque pro pecunia, neque pro tributo, donec, auxiliante Deo, aut ritus ipse, aut natio deleatur. Vobis sane loquimur archiepiscopis et coepiscopis vestris, opponite omnino, ut maximam super his gratis sollicitudinem, et quantumcunque potestis, studium adhibeatis et diligentiam, ut viriliter fiat; et secundum Deum ministri Christi estis, et ideo fiducialius a vobis exigitur, ut negotio ejus, quod ad vos spectat, invigiletis. Nos quoque plurimum id rogamus et obsecramus in Domino. Erit autem hujus exercitus, et in vestibus, et in armis, et faleris ceterisque omnibus eadem quae et alterius exercitus observatio, quippe quos eadem retributio munit. Placuit autem omnibus in Frankenevort congregatis, quatenus exemplar istarum litterarum ubique portaretur, et episcopi atque presbyteri populo Dei annuntiarent, et eos contra hostes crucis Christi, qui sunt ultra albi (*sic*), signo sanctae crucis consignarent et armarent; qui nimirum omnes in festo apostolorum Petri et Pauli apud Magdeburg convenire debent.

#### EPISTOLA CDLVIII.

AD WLADISLAUM DUCEM, MAGNATES ET POPULUM BOHEMIE.

*Omnes ad expeditionem Hierosolymitanam invitati, idemque negotium episcopo Moraviensi commendat.*

(Anno 1147.)

[Boczek, *ubi supra* p. 255, ex eodem codice.]

Duci WLADISLAO ceterisque nobilibus et universo populo Bohemiae, BERNARDUS Claræ-Vallensis abbas vocatus, salutem in Christo.

Est mihi sermo ad vos de negotio Christi, in quo est etiam salus vera. Quod loquor, ut indignitatem personae scribentis excuset apud vos auctoritas Domini; excuset consideratio utilitatis vestrae; excuset, quae in nobis est intentio charitatis. Modicus quidem sum, sed non modice cupio omnes vos in visceribus Jesu Christi. Hic zelus urget ut scribam quod libentius viva voce cordibus vestris inscribere laborarem, si, ut voluntas non deest, snppeteret et facultas. Sed spiritus quidem promptus est, caro autem infirma. Obtemperare non potest corruptibile corpus animae desiderio, nec spiritus velocitatem moles terrena valet comitare; sed quod hinc queremur, abest a vobis portio nostri; sed quae utilior est, cor nostrum, usque ad vos dilatatum est, etsi corpus onerosum terrarum intercapedo delineat. Audiat ergo universitas vestra verbum bonum, audiat verbum salutis, et oblatam indulgentiae copiam devotis quibusdam animae brachiis amplectatur. Neque

enim simile est tempus istud ceteris, quæ hucusque præteriere, temporibus; nova venit e cælo divinæ miserationis ubertas; beati quos superstites invenit annus placabilis Domino, annus remissionis, annus utique jubilæus! Dico vobis, non fecit Dominus taliter omni retro generationi, nec tam copiosum in patres nostros gratiæ munus effudit. Videte quo artificio utitur ad salvandum vos; considerate pietatis abyssum, et obstupescite, peccatores: necessitatem se habere facit, aut facit, aut simulat, dum vestris necessitatibus subvenire de cælo venit; consilium hoc nec ab homine est, sed a corde pietatis divinæ processit. Commota est et contremuit terra, quia Dominus fecit perdere terram suam. *Suam*, inquam, [suppl. in qua] visus est et annis plus quam xxx homo inter homines conversatus. *Suam*, quam honoravit nativitate sua, illustravit miraculis, dedicavit sanguine, sepultura ditavit. *Suam*, in qua vox turturis audita est, cum Virginis Filius castitatis studium commendaret. *Suam*, in qua primi apparuerunt flores resurrectionis. Hanc repromissionis terram cœperunt occupare maligni, et nisi fuerit qui resistat, ad ipsum inhiant nostræ religionis sacrarium, lectumque ipsum maculare conantur, in quo propter nos obdormivit vita nostra in morte, et profanare loca sanctorum, loca dico Agni immaculati purpurata cruore. Audite amplius aliquid quod movere debeat quamlibet durum peccus hominis Christiani. Accusatur proditoris Rex noster; imponitur ei quod non sit Deus, sed falso simulaverit quod non erat. Quis in vobis est fidelis ejus, surgat, defendat Dominum suum ab impositæ proditoris infamia; securum conflictum ineat, ubi sit et vincere gloria, et mori lucrum. Quid moramini, servi crucis, quid dissimulatis vos, quibus nec robur corporum, nec terrena substantia deest. Suscipite signum crucis, et omnium, de quibus corde contrito confessionem feceritis, plenam indulgentiam delictorum hanc vobis summus pontifex offert, vicarius ejus cui dictum est: *Quodcumque solveris super terram, erit solutum et in cælo*. Suscipite munus oblatum, et ad irrecuperabilem indulgentiæ facultatem alter alterum prævenire festinet. Rogo et consulo,

#### MONITUM IN SEQUEMTEM EPISTOLAM.

[Eugenius de LEVIS, presbyter, *Anecdota sacra, sive collectio omnis generis opusculorum veterum SS. Patrum*, etc. Augustæ Taurinorum 178..... 4<sup>o</sup>, p. 50.]

A pluribus historicis, ut apud Carolum Visch, et editores operum ejusdem sancti abbatis plurima alia opera S. Bernardi asseverari in manuscriptis, et nundum edita hinc inde delitescant edocti sumus. Cum vero hæc epistola in quodam codice nostro sæculi xiii, in membrana exarato, legatur inter diversa alia opera jam edita, et plura S. Bernardo attributa, dubia vel supposititia, ut sunt De interiori domo, De conscientia ædificanda, et Sermo de doctrina S. Bernardi ad quemdam suum monachum, eam edere curamus, ne in pulvere delitescat.

Quis vero sit ille frater N., cui hanc scripsit sanctus Bernardus, ignoramus, cum nobis compertum non fuerit vel quo loco vel ad quod monasterium ipse N. pertinere dicatur. Veremur tamen ne hæc alicujus solitarii sit, cum de solitudine loquatur in documento 11.

#### EPISTOLA CDLX.

AD N.....

[LEVIS *Anecdota sacra*, p. 31.]

367 In Christo suo fratri dilecto N., frater

A ne propria quisque negotia Christi negotio velit præferenda, nec propter ea quæ temporibus aliis potuerunt vel poterunt exerceri, illud omittat quod recuperari ultra non possit. Et ut noveritis quando, qua, quomodo sit eundum, paucis audite: in proximo Pascha profecturus est exercitus Domini, et pars non modica per Hungariam ire proposuit. Illud quoque statutum est ne quis aut variis aut grisilis, seu etiam sericis utatur vestibus; sed neque in equorum faleris auri vel argenti quidpiam apponatur, tantum in scutis et ligno sellarum, quibus utentur; cum ad bella procedent aurum vel argentum apponi licebit his qui voluerint, ut refulgeat sol in eis et terrora dissipetur gentium fortitudo. Copiosius hæc et latius prosequi oportuerat, nisi quod habetis apud vos dominum Moraviensem episcopum, virum sanctum et doctum, quem exoratum volumus esse, ut secundum sapientiam, quæ data est ei a Domino, diligentius super hoc universitatem vestram studeat exhortari. Exemplar quoque litterarum domini papæ misimus, cujus admonitionem intentissimam debetis aure percipere, et ejus observare decreta. Valete.

#### EPISTOLA CDLIX.

AD C..... DE STOPHO.

OM HERBERT, *Iter Alemannicum*, 1765, 8<sup>o</sup>, p. 216.]  
BERNARDUS, Clara-Vallensis vocatus abbas, dilecto in Christo filio G. de Storno, salutem et orationes.

C Charissimus filius noster frater tuus Henricus ad nos diverit, et consilio nostro salutaris signi quod acceperat, propositum non deposuit. Sed longe meliora: uti pauper enim factus pro paupere Christo, in domo pauperum Christi sub religionis habitu disposuit conversari. Quod tibi nec grave debet videri nec asperum, quia ipse cum Maria optimam partem elegit, quæ non auferetur ab eo, et faciem induit vere euntis in Hierusalem, non quæ occidit prophetas, sed eam, cujus participatio in idipsum. Consolare igitur in verbis istis et memento quid inter vos novissime fueritis collocuti. Et sic ago cum eo de omnibus, ut a nobis et ab ipso gratiam, et a Deo misericordiam consequaris. Bene vale, semper dilecte.

BERNARDUS, in Domino qualicumque veteri jam exuto homine Christo vivere, et mori mundo.

Quoniam, dilecte mi frater in Domino, adhuc me in penitentia posito, me instantissime supplicasti, ut te



in posterum aliquibus spiritualis exhortationis litterulis visitarem, novi, frater, quod hoc dicens ardentibus carbores super caput meum congeris. Verumtamen affectuose instando duritie meae, superbia omni tua supplicii humilitate vicisti in tantum, ut hoc tibi jam promitterem, quod optabas, quamvis magis dignum foret hoc me a te quidem suscipere, quam me tibi huiusmodi destinare. Quia tamen instantia tuae devotionis me compulsi, stultum fieri in parte ista, sicut potero qualitercunque experiar, quod hortaris. Non tibi alia spiritualia quidem scribens, nisi ea, quamvis rudia et simplicia mihi colligere proponebam. Sed interim alloquor tuam dilectionem, cum nullus, sicut tu melius nosti, perfecte Deo servire possit, nisi omnino procuret se dissolvere a mundo. Oportet, si sequi volumus Deum Salvatorem, vocem nos audire prophetae, ut impietatis colligationibus dissolutis, dissolvamus fasciculos depri-mentes, sequamur Redemptorem, quia juxta Apostoli testimonium: *Nemo militans Deo terrenis se debet negotiis implicare* (II Tim. xii, 4). Nunquam igitur de aliqua re creata, nisi in quantum nostrum sunt incitantia divini amoris affectum cor nostrum esse sollicitum permittamus. Quia multiplex rerum habentium varietas plus debito ruminata, non solum animi distrahendo pacatam et mentis gratiam inter-rumpit quietem, verum etiam rerum gignendo phantasmata turbulenter quassationis molestia, importune impellit cadaver. Sed potius post affectum omnium terrenorum sarcinam onerosam depositam absque recordationis gravedine curramus ad illum, qui nos invitat, in quo est animarum opulenta refectio, et pax summa, quae exsuperat omnem sensum. Venite, inquit, ad me omnes, qui laboratis, et onerati estis, et ego reficiam vos. O Dei nostri dignatio admirabilis! o mansuetudo amabilis! o charitas ineffabilis! Quis enim hominum aliqua fecit talia? Quis unquam audit, quis ne conspexit similia? Ecce invitat inimicos, hortatur reos, allicit ingratos: Venite, inquit, ad me, tollite jugum meum super vos, et invenietis requiem (Matth. xi, 19). O verba dulcissima! o verba suavissima! o verba deifica, et omni gladio penetrabiliora ancipiti, intima praecordium eviscerantia, nimisque repleta dulcedine usque ad divisionem animae pertinentia! Expergiscere igitur nunc, anima Christiana, ad tantae benignitatis amorem, dulcedinis tantae saporem, ad tantae suavitatis odorem. Certe quod ista non sentio infirmus ero, jam proximus morti. Inardescere, quæso, anima mea, pinguesce, dulcesce in misericordia Dei tui. Inardescere fervore, pinguesce amore, et dulcesce sapore. Nemo te prohibeat in te trahere, tenere et gustare. Quid amplius querimus? Quid exspectamus? Quid ultra desideramus? In hoc enim uno habemus omnia bona. Sed, o heu insania nostra mirabilis! o infirmitas miserabilis! o vesania detestabilis! Nam vocamur ad requiem, et sequimur laborem, invitamur ad delectum, et sequimur dolorem; promittitur gaudium irretimur mœrore. Miserabilis

A prorsus infirmitas, miserrimaque perversitas! Jam enim quasi insensibiles facti sumus, quasi deteriores simulacris, habentes ante oculos, et non videntes; aures, et non audientes; rationem, et non discernentes; amarum in dulce, et dulce in amarum ponentes. O Deus nunc nobis tantae perversitatis correctio? Unde tibi tantae offensionis satisfactio? Certe nihil tale invenitur in nobis, nisi nobis tuo munere tribuatur: tu enim solus pro nostris delictis satisfacere, qui solus cognoscis figmentum nostrum, salus et redemptio nostra. Qui solum in illis hoc facis, qui se miseros conspicientes in intimis a te solo relevari se posse confidunt. Levemus sic ad Deum mentis nostrae oculos in directo, et videamus uli nunc prostrati sumus, nam qui proprium casum ignorat surgere, minus curat. Cognoscentes ergo in fortitudine clamemus ad Deum de profundis, ut nobis adiutricem porrigat manum suae misericordiae, quam abbreviari nunquam potuit ad salvandum. Non, quæso, confidentiam amittamus magnam habentem remunerationem. Adeamus thronum gratiae ejus cum fiducia, finem fidei nostrae reportantes salutem animarum nostrarum. Nulla nobis insit cunctatio, jam enim nos vocat salus, exspectat tribulatio, compellit intrare. Quid igitur facimus? Quid moras contrahimus? Festinemus ingredi illam requiem jucunditatis aeternae, festivitatis supernae, refectionis internae ubi sunt magna, et inscrutabilia, et mirabilia quorum non est numerus. Ascendat Jerusalem super cor nostrum. Suspiremus ad patriam nostram, tendamus sursum ad matrem nostram, introeamus in potentias Domini, et intueamur regem nostrum mansuetum super omnia regnantem, et liquescent in miserationibus ejus corda nostra. Agamus illi gratias toto corde, qui defectum nostrum considerans suae a nobis non abstulit misericordiae pietatem, desiderium nobis tribuens ipsius currere, quod non est munus per impendendum, sed gratiae reputandum. Cum hoc prophetarum ille eximius se asserit concupiscere: *Concupivit anima mea desiderare justificationes tuas in omni tempore* (Psalm. cxviii, 20), sine qua hoc ipsum desiderium nostra incuria negligens aliqua nimia tepiditate lassescit. Cogitavi quaedam incitationes hujus memoralia adnotare, in quibus fugienda pariter, et consequenda pateant. Quae quidem cum affectu affectuose quotidie speculantes pristino vigore reassumpto tandiu infatigabiliter virtutibus, et gratis in charitate divina crescimus. Quo adusque perfectum veniat desiderium collum aeternorum. Sunt igitur haec virtutes quaedam innumerabiles, et scalae salubres, per quas sine dubio ad perfectionem virtutum, et culmen possunt ascendere, fideliter excitati per eas videlicet sancta verecundia in cunctis verbis, et actibus suis. Tarditas loquendi, promptitudo obediendi, frequentia orationis, fugere otium, et dissolutiones pure et frequenter confiteri, libenter servire, infructuosum consortium devitare. Haec namque sunt margaritae quaedam fulgentes, quae possessorem

suum angelis et hominibus faciunt gratiosum, dum autem ei placuerit *qui te segregavit ex utero matris tuæ* (Galat. 1, 15), et vocavit per gratiam suam, ut in te revelaret imaginem filii sui, de miserabili Ægyptiaca servitute te transferens in libertate gloriæ filiorum Dei, tanquam in viam novi hominis cœperis pedem ponere, quæ inter timorem et amorem humilitatis est semita constituta, tunc per eandem humilitatis viam ad eminentiora conscendens poteris te in altioribus exercere. Ex quibus aia memorialia subsequuntur.

Oportet igitur primum ante omnia te cupientem sequi vestigia Salvatoris, ut spem totam fixam haberes in Domino, de omnibus mundi hujus te desperes. Secundum, ut ab omnibus vitiis, et concupiscentiis malis in quantum sustinet humana conditio te ipsum studeas penitus emendare, ut *sermone veteri totius malitiæ, et nequitiae exurgato, ambules in novitate vitæ* (I Cor. v, 7), post Christum, quod nisi prius hujus catenas iniquitatis confregeris, anima tua in tenebris agravata ad cœlestia non poterit elevari. Tertium, ut a te ipso dissolvas omnem colligationem extrinsecam, ut mente possis Domino colligari. Quartum, ut amore Altissimi omnes mundi persecutiones æquanimitè feras uno, si possibile est; cunctas pro voto suscipiens solum in Christi passionibus delictis; renuens temporalem lætitiā in ipsis tribulationibus hilarescas; omnes reputans tibi ad purgationem peccaminum luctumque tuæ animæ preparatas. Quintum, ut cum sentias te tuo obnoxium Creatori, rationem tibi fieri non possas ad aliqua creata. Sextum, ut habens despectum temetipsum, et cupiens ab omnibus haberi zelans, malensque sacratissimam paupertatem in omnibus, quæ ad te pertinent, asperitatem, vililitatem et parvitatem habeas quantum potes. Sic tamen in aliis non requiras, sed potius letus et gaudens de omni consolatione fraterna eis, si oportet, obsequendo, ministrando; assistas omni consolatione reputans esse dignos nisi absit, quod divina in aliquo, ita tibi patet offensio, quæ omni excusatione careret, de qua tamen compatiendo et timendo ex intimo corde doleas quantum potes. Septimum, ut vivens omni tempore in timore, blanditias hujus sæculi, honores, glorias vel favores, aurasque vanæ gloriæ, qui potationes mortiferas omnino fugias toto posse stans continuo in te ipso omni hora habeas te suspectum. Quod si tui ipsius fueris gloriam assecutus, nullus hostis interior vel exterior tibi nocebit. Octavum, ut amore illius, qui, cum sit Dominus omnium cœlestium, terrestrium et infernorum, pro nobis assumpsit vilissimi servi formam in eo subiciens se voluntarie hominem peccatis humiliando temetipsum, omnem hominem reputes tuum dominum, et te reputes vilissime servum hominum, et in omnibus circa omnes te reputes sicut servum. Sic enim tranquillitatem, et pacem cum omnibus obtinens scandalum penitus ignorabis. Nonum, ut nihil eorum tangas, qui te spirituali utilitate non tan-

gunt, hoc est de nulla re cures, vel implices te in aliquo interius, vel exterius quoquo modo, ubi non invenis animo tuo lucrum, nec etiam in hujusmodi te ab aliquo implicari permittas. Decimum, ut visui, atque ori, cæterisque corporis sensibus omnimodam abstinentiam ponas, ita ut nihil prorsus, vel videre, audire, vel tangere studeas, nisi utilia tuæ animæ; linguam etiam perfecte restringes, ut nihil loquaris omnino, nisi interrogatus, vel necessitate, seu evidenti utilitate coactus, et tunc cum reverentia, timore, animique dulcedine breviter, et submisce, si potes, super devitas prolixitatem verborum, eorumque occasionem juxta posse præcides. Undecimum, ut gratam sanctamque solitudinem possideas omni tempore, et operatione vigiliarum habeas pretiosam in ipsis, offeres Deo semper orationes tuas cum attentione verborum, devotionis fervore, humilitateque profunda. Duodecimum, ut cum divinum officium debes celebrare, ita faciens in te ipso obliviscaris omnium terrenorum quantum fixa, et immobili mente cœlestibus insistendo mysteriis cum tanta illorum reverentia, devotione, et timore persolvas, qui inter angelorum agmina constitutus divino conspectui laudes principaliter offeras cum eisdem. Terciumdecimum, ut gloriosam reginam Domini nostri matrem in summo habens omnis temporis venerationis affectu, in cunctis ad eam necessitatum articulis ac pressuris, tanquam ad singulare et tutissimum refugium te convertas. Quod si ipsius tutelæ presidium flagitando, eamque in tuam suscipiens advocatam devotissime, ac secure tuam ei committas causam, quæ est misericordie mater, quotidie studens ei placere, ac spiritualem et singularem reverentiam exhibere, et tuæ ei devotio sit accepta, et reverentia grata ipsius puritatis munditia, omni virtute, mente et corpore illibata in te ipso servando toto conatu nitaris humilitatis ac mansuetudinis ejus sequi vestigia. Quartumdecimum, ut unquam mulieres omnes juvenes, et imberbes præter necessitatis vel manifestæ utilitatis causam devitans, unum ubicunque fueris eligens tibi patrem, unum quidem discretum, sanctum, mansuetum et pium, doctum in experientia operis, potiaturque sublimitate sermonis, qui te verbis, et exemplis efficacibus, et ignitis ad divinum amorem instruat, ad quem etiam in cunctis necessitatibus tuis possis habere recursum, et spirituale consolamentum. Quintumdecimum, ut omnem frigiditatem tristitiæ, vel acedie, in qua latet via confusionis, quæ ducit ad mortem a te ipso summo studio depellens interius, exteriusque serenus semper existas. Nulli ullo modo contradicens in aliquo, vel resistens, sed potius omnino per omnia requiescens, duntaxat divinæ laudi, vel salutis animæ non obsistat. Sextumdecimum, ut affectiones tuas omnes ac voluntates conformans voluntati divinæ omnia te addices in hoc mundo puritatis et innocentie gratia divinæ, tibi munere elargita, nec aliorum unquam, plusquam debito defectibus perturbatus, iniquitati addenda

iniquitatem alienis sordibus polluaris, ne, dum cupis alios de pelago liberare, deterius ipse corruas in profundum potius, igitur quibus non potes sine detrimento prodesse operiens charitate benigna illi summæ sapientiæ derelinque, quæ bona novit eligere de malis quibuscunque, sic in omnibus bonis pariter, a quæ malis spiritualem Deo concedente poteris reperire profectum, Decimumseptimum, ut cor tuum serves omni custodia, solisque spiritualibus exercitiis deditum nullæ tibi exercitum visibilium rerum imagines imprimantur, ut a creaturis omnibus alienus liber possis omnium Creatori vacare. Decimumoctavum, ut imaginem ac similitudinem maiestatis divinæ considerans in omnibus hominibus, ita omnes diligas intimo charitatis affectu omniumque, et maxime infirmorum, et quorumcunque indigentium curam geras, dummodo circa spiritualia non fiat tibi nociva destructio, sicut bona mater diligit, atque curat unicum filium prædilectum. Decimumnonum, ut continue mentem tuam ita habeas cum Deo ordinatam, quæ omne tempus tuum exercitum semper tam mentis quam corporis sit oratio, omniaque exercitia, servitia, et maxime viliora, vel humilia cum tanto facias charitatis fervore, ac si ea Christo corporaliter exhiberes, quod certe potes, et debes, et veraciter cogitare, quia Christus dicit in Evangelio: *Quod uni ex minimis meis fecistis, mihi facistis* (Matth. xxv, 40). Vigessimum, ut honorem et reverentiam omnibus exhibeas tam debitam quam devotam, et sanctissimam obedientiæ normam non solum in magnis et arduis, sed etiam in minimis, qui pupillam oculi studeas custodire illæsam, obediensque quidem non solum maioribus et prælatis, sed etiam omnibus te subjiciens quibuscunque abnegando te ipsum pro Christo in omnibus et differentibus, altius, studeas facere voluntatem, in nullo te præbens alicui onerosum, sed potius in charitate Christi, et diligens universos te ipsum communiter omnibus gratum reddens, affabilitates, amicitias, familiaritates fugias singulares, præ omnibus autem cavens, ne unquam verbo, facto, vel gestu alicujus rancoris, odii, clamoris, injuriæ,urbationis, murmurationis, detractationis scandali, vel adulationis, et quorumcunque similium aliqua ratione, vel modo per te, vel per alium causa vel occasio fias. Vicesimum primum, ut virtutes vel gratias spirituales, quas per te, vel in te divina largitio operari dignatur, tribulationesque, et prælia virtutum, quæ proposita, et similia ab omnibus studeas quantum potes, his tamen exceptis, quæ proprio sacerdoti in propria debent accusatione detegi, nisi forte alieni tuo spirituali, et probato amico ei spiritualis utilitatis causam revelares, cujus consilium vel doctrinam in hujus tibi credas posse conferre, sollicitus semper furare tempus ubique, ut possis solitariæ orationi vacare, et tacendo sedes solitarius elevatus desiderio ad superna, Vicesimum secundum, ut solutus ab omnibus nihil tenere desiderans, jam contemptis omnibus charis, tanto mentis conatu

A desiderii, quæ fervore circa universorum Creatorem intendas, ut qui omnium inferiorum oblitus quidquid agas ubicunque steteris, et quibuscunque negotiis impliceris die ac nocte, omni momento, et omni hora Deum semper habeas in memoriam, credens, et cogitans te semper esse coram eo verissime, et cogitans ipsum undique te conspiciere, hæc cogita cum maxima reverentia, timore pariter et tremore, cum summa discretionem, et ardentissimo amore nunc ante pedes immensæ maiestatis ejus prostratus corde amarissimo peccatorum veniam postulando; nunc sacratissimæ passioni Filii Dei gladio compassionis confossus, coram ejus cruce vulneratus cum eo, lacrymosus, et flebilis apparendo; nunc totius vite decursus tuæ obliquitati, velut rectitudinis lineam proponendo; nunc innumerabilia, et immensa ejus beneficia mente pertractans gratiarum actionibus insistendo; nunc stimulis alicujus amoris ardentissimi punctus ipsum in creaturis omnibus intuenso; nunc potentiam, nunc sapientiam, nunc bonitatem ejus et clementiam attendens, eum magnifice in cunctis operibus suis collaudando; nunc desiderio patriæ cœlestis attractus gemebundis suspiriis anhelando; nunc circa nos viscera inexistimabilis charitatis considerans lætambunda et excellentissima admiratione, corde et animo in Christo deficiendo; nunc te præcipitem tenentem fugientem, nunc enim te tenentem, sublevantem et attrahentem; nunc ingratum te per omnia existentem, considerans ineffabilibus divinæ misericordiæ tibi visceribus patefactis, nimio in eum charitatis ardore te conferens totum in fletibus resolvens; nunc vero occultissima, profundissima, admirabilissima, et summa arcana, nimiumque stupenda judicia justitiæ ejus diligenter attendens eum in omnibus sceleribus, et constans cum summo amore, ingentique timore descendens suppliciter, et humiliter venerando præ omnibus, aut continuam et vivam memoriam ipsius sacratissimæ passionis. Vicesimum tertium, ut super custodiam tuam vigiles omni tempore ab antiqui hostis fraudibus, quæ sæpe se in angelum lucis transfigurans in omni via hominum laqueos tendit et retia, ut animas nostras valeat captivare, sollicitudine cautissima venantium laqueos fugiens, sicut passer, tantæque parvitatil humilitate sancta in oculis tuis fias, ut nec subtilissima ejus retia te valeant continere, a quibus sane tunc poteris liberari illæsus, cum effectus fueris Israel, continue mentalibus oculis videns Deum, quia neque dormitabit, neque dormiet ejus custos. Vicesimum quartum, ut tenens indefessum instituti sancti rigorem sacris ardoribus cœlestium desideriorum succensus, mentis ac corporis munditiæ pulchritudinem, innocentiam puritatem, conscientie rectitudinem illibate conservans, curam diligentissimam tenens, ne tenendo unquam in aliquo respicias. Ad quod diligentius, et purius conservandum quotidiana discussione septies in die examines vitam tuam, semper vide post



quamlibet canonicam horam, an ambulationis dignæ Deo sine macula justitiæ et sanctitatis. Et quod remota est, qui sic justitiam et disciplinam servet, ut nihil penitus negligat vel omittat, et ideo necessarium est, ut ad penitentiae lavacrum recurrat cum dolore et gemitu sæpiissime tuæ accusationi insistas, in qua quidem accusatione sicut confessione integre veraciter et pure, sine omni velamine excusationis vel occultationis, per ordinem omnes tuos recensendo defectus tanquam Deo sacerdoti dicens ore proprio intimare, narrando proprias omissiones, quas in his, quæ sunt ad Deum, fecisti, et maxime in oratione quantum supplicem ejus actum mentalem scilicet, et vocalem defectus in observatione justitiæ

A quantum ad primum, post hæc commissiones, quas egisti ex mala custodia sensuum, et sensibus adjacentium affectionum et cogitationum. Quam quidem confessionem semper debet contritio et satisfactio comitari; doleas de offensis non solum magnis, sed etiam et modicis; et dolendo caveas reiterare culpam, semper studens causas et occasiones peccati præcidere, quantumcunque per amorem etiam videantur tibi esse conjunctæ, quod juxta Salvatoris justitiam, sententiam, erudendus est oculus scandalizans, imo occasiones peccati, quæ quidem apparent nobis nimium delectabiles, etiamsi nobis multum displiceant eorum affectus, unde fortissimum est in hæc pugna certamen.

## APPENDIX AD EPISTOLAS S. BERNARDI. <sup>(1111)</sup>

### I.

#### EPISTOLÆ DUBIÆ VEL SPURIÆ.

##### EPISTOLA CDLXI.

AD MATTHÆUM ALBANENSEM EPISCOPUM.

*Super Evangelio Luca, cap. xvi, 1-9: « Homo quidam erat dives qui habebat villicum. »*

Reverentissimo domino suo MATTHÆO venerabili Dei gratia Albanensi episcopo, frater BERNARDUS, utique suus quidquid servus domino et filius patri (1112).

Quod a Roma per dominum SERVULUM charissimum nostrum Velvacensem abbatem supereminentia magnitudinis vestræ parvitati meæ mandaverat, videlicet ut ea quæ super evangelium de villico iniquitatis Deus mihi dixisse donaverat, vobis transcriberem, etsi sero nunc tandem non minimum pavidus, ne quid ibi insulsum vos offendat, transmittito. Super hoc igitur quæso vos in me pietatis et charitatis abundare visceribus, quatenus et ignoscatis mihi quod distuli et emendatis vobis incorrectum quod obtuli. Auctoritati namque prudentiæ vestræ

(1111) Hæc Appendix continet S. Bernardi dubias spuriasve epistolas nonnullas; quasdam item a Nicolao Claræ-Vallensi ejus nomine scriptas; tum epistolas ad eundem a diversis hominibus scriptas; ad hæc chartas Bernardi; cum quibusdam aliis monumentis quæ ad illustrandas Bernardinas epistolas conducere visa sunt. Omnia partim ex libris editis, partim ex mss.

(1112) Epistolam hanc descripsimus ex manuscripto codice Verdinensi, ubi exstat post Vitam et Miracula S. Bernardi abbatis Claræ-Vallensis. Matthæus Albanensis episcopus, cui inscribitur, ex monacho Cluniacensi factus Prior Sancti-Martini a Campis, inde creatus est cardinalis et episcopus Albanensis, apostolicæ Sedis in Gallia legatus, ad quem exstat sancti Bernardi epistola 21. Servulus seu Serlo, de quo epistolæ initio, Belvacensis Sancti-Luciani monasterii abbas erat, quæ omnia

B reservavi id ad corrigendum, et suppliciter offero, et cultellum qui vulgo *Quinivers* nuncupatur, habens de ebore manubrium cum chartula mitto, quatenus imposturam quam avulsione dignam adjudicaveritis, meo gladio succidatis. De cætero autem precor vestræ pietatis abundantiam, ne in orationibus vestris obliviscamini mei, quia sine oblivione quotidie vestri memor, ubi propensius postulo misericordiam Dei. Valete.

*Explicit epistola.*

LECTIO SANCTI EVANGELII :

*In illo tempore dixit Jesus discipulis suis parabolam hanc, etc.*

##### 368 EPISTOLA CDLXII (1113).

AD QUOSDAM NOVITER CONVERSOS (1114).

*Mortatur ad constantiam propositi vitæ religiosæ et ne antea vitæ peccatis se deterreri sinant.*

1. Super bono nuntio quod de vobis auribus no-

retati S. Bernardi conveniunt. Hanc tamen epistolam suspectam et pro adulterina habemus: verum non fuit ideo prætermittenda. Referenda videtur ad annum 1133. MART.

(1113) Antea epistola 385.

(1114) Etsi hæc epistola pia est, nescio quid tamen contortum ac elaboratum habet, quod Bernardi genium et dicendi facilitatem non sapit. Et in ipso epistolæ contextu quiddam habetur Bernardi sententiæ non satis conveniens. Hanc invenimus in uno codice Vaticano, notato 663, et quidem extra ordinem aliarum epistolarum, post « homiliam B. Bernardi de Contemptu mundi, » sub hoc titulo, « Epistola ejusdem consolatoria; » quo ex codice quædam loca hic emendavimus. Fortasse ex illarum est numero epistolarum, quas Bernardi jussu ejus notarii quandoque suo Marte scribebant.

stris insonuit, vehementer gavisus est anima mea et exsultavit cor meum in Domino, qui vos pręscivit et prędestinavit conformes fieri imaginis Filii sui, et vocare dignatur, ut in pręsenti justificet, et glorificet in futuro. Benedictus Deus et Pater Domini nostri Jesu Christi, qui jussit lumen suum splendescere in cordibus vestris : quatenus continentibus hujus sæculi vanitates et insanias falsas, ad gloriandum in spe glorię filiorum Dei de intimis animę medullis trahatis suspiria; eligentes et proponentes abjecti esse in domo Dei nostri, magis quam habitare in tentoriis peccatorum. Confirmet autem Deus in vobis bonum quod inspiravit propositum, ne antiquus et inimicus hostis humani generis vos vel a proposito avertere, vel subvertere possit in proposito : ne videlicet blandiente vobis vana et insana hujus sæculi delectatione, ad perficiendam carnis curam in desideriis animum denuo revocetis, quod est averti a proposito : aut in ipso religionis introitu, lenocinantibus imperfectioni vestrę extrinsecis consolationibus, carni potius quam spiritui consulatis, quod est in proposito subverti. Quidam enim sæculo abrenuntianti (ut salva pace omnium dixerim) illorum maxime conversationem æmulantur, quibus majorem sollicitudinem inculcit carnis sue fragilitas, quam spiritus infirmitas. Unde gravioribus relictis turpitudinibus, crapule tamen applaudunt et tam ciborum quam potuum exigunt superfluitatem : non satis diligenter animadvertentes, multa licere quę non expediunt, quia profectum pœnitentis graviter impediunt.

2. Super hac re, charissimi, consuatis eum qui, quod impossibile est cujuscunque legis observantię, in quo infirmatur per carnem, de peccato damnavit peccatum in carne, ut justificatio legis in his impleatur, qui non secundum carnem ambulant. *Quicunque enim in carne sunt*, sive in habitu, sive extra habitum religionis, si verax est, imo quia verax est Apostolus, *Deo placere non possunt* (Rom. viii, 8). Multum enim citra profectum proficit, imo infra imperfectum vehementer deficit, cujus gula deus est. Consulatis, inquam, Dominum nostrum Jesum Christum, qui non solum langoribus, sed et nostris erroribus volens mederi, de secreto suo ad publicum nostrum prodiit; et inter hæc et illa offerens remedium, sicut langores evacuavit moriens in cruce, ita et errores destruxit, et mores instruxit, dum vixit in carne. Ipse nimirum utpote qui peccare non poterat, et universorum Domini erat, cum mundi hujus deliciis libere et juste uti potuisset, voluntariam paupertatem tamen tam diligenter amplexus est, ut nec etiam haberet ubi caput suum reclinaret. In cujus paupertatis executione tantam exhibuit Patri obedientiam, ut non solum delicias, sed et se ipsum sibi abnegaverit, petens in omnibus non suam, sed Patris fieri voluntatem. Qui ergo hominem errantem in solitudine et in inaquoso venerat reducere in viam rectam, ut iret in civitatem habitationis; salubriorem et securiorem redeundi viam

A exemplo suę conversationis nobis ostendit, nihil proprium in mundo possidens, Patri obediens usque ad mortem. Ejus ergo exemplo delicię nobis fugiendę sunt, et bonum obedientię toto mentis ac corporis conatu amplectendum : ut qui inobediendo recessimus a Deo, per obedientię legem redire mereamur. Sed sunt qui dicunt : *Uti quid in miseria tormentorum affigemus animas nostras, cum Deus non delectetur in cruciatibus et licite mundo utentes salutem invenire possimus?* Filii hominum ut ad vos verbis utar Apostoli, *hoc sentite in vobis, quod et in Christo Jesu : qui, cum in forma Dei esset, non rapinam arbitratus est, 369 esse se æqualem Deo; sed semetipsum exinanivit, formam servi accipiens* (Philipp. ii, 5-7). Si ergo hoc sentitis de ipso, quod licet justa et æquali pręrogativa majestatis, formam Dei habere posset et exhibere, ipsam tamen exiit et induit servilem; non ut aliquid in se evacuet usurpatum, sed ut nostrum reprimeret supercilium : si hoc, inquam, sentitis de ipso; propter hoc ipsum et vos vestram exinanitiis transitoriam felicitatem, ei qui se pro nobis miserum fecit, cum miser non esset, vicem rependentes, non de vobis faciendo quod non estis, sed in vobis ostendendo quod estis : ut quos facit miseros necessitatis conditio, miseros fateatur voluntatis devotio.

4. Itaque, dilectissimi, ut ad vos redeam, in hac valle lacrymarum et miseriarum, si christiani estis, ea via qua Christus ambulavit et ipsi ambuletis. Væ homini duabus viis ingredienti (Eccli. ii, 14). Si enim caro et sanguis regnum Dei possidere non possunt (I Cor. xv, 50); carnalibus profecto consolationibus spirituales sociari impossibile est. Qui ergo debitorem et procuratorem carnis se constituit, ut magis sterilem pascere, quam viduę studeat benefacere, nullum religionis jugum quamlibet leve, quamlibet suave videatur, ei tolerabile est. Unde contingit ut neque hic, ubi sine murmure esse non potest, neque in futuro, ubi pœnam murmurationis tolerari necesse est, pacem inveniat. Ubi autem non est pax, nec Deus, quia in pace factus est locus ejus (Psalm. lxxv, 5). Jugum tamen Dei suave est et onus leve (Matth. xi, 30). Sed quibus? Spiritui ejus et D qui eo aguntur (Rom. viii, 14). Qui sunt illi? Non servi carnis, sed filii Dei. Vultis cognoscere filios Dei? Qui spiritu facta carnis mortificant, quorum membra templum sunt Spiritus sancti, quem a Deo acceperunt : ut jam non sint sui, nec sibi vivant, sed ei qui pro ipsis mortuus est et resurrexit, empti videlicet pretio magno pretiosi sanguinis Christi. Unde et portantes eum et glorificantes in corpore suo, utique honorificant eum : quia non solum coram Deo, sed etiam coram hominibus constituent eum. *Qui autem confitetur eum coram hominibus, confitebor, inquit, et ego eum coram Patre meo* (Matth. x, 32).

5. Bonum est ergo confiteri Domino in gratiarum actione, bonum est quoque confiteri Dominum in

operum exhibitione : ut Christus nos confiteatur in districta singulorum examinatione , quando nos oportuerit manifestari ante tribunal ejus , ut unusquisque referat propria corporis , sive bonum , sive malum , prout gessit in corpore ( *II Cor. v. 10* ). Harum utrarumque confessionum , et ejus qua homo confitetur Deum , et ejus qua Deus confitetur hominem , si vultis esse participes , nolite ulterius evagari in exterioribus , diffusi in vanitates et insanias sæculi : sed reversi ad vos intrate ad cor vestrum , ubi sine dubio regnum Dei est . Regnum enim ejus intra vos est ( *Luc. xvii. 21* ). Quid est hoc regnum ? Sana et libera voluntas hominis , ita se conformans voluntati Dei , ut nihil velit quod sciat ei displicere ; nihil nolit quod sciat ei non placere . Primum ergo querite regnum Dei , ut liberetur et sanetur voluntas vestra , veneno sæculi graviter imbuta vel corrupta ; et omnia corpori necessaria adjiciuntur vobis . Nolite solliciti esse de corpore quod est hæreditas vermium : sed solliciti estote de anima , quæ ad imaginem Dei facta est , quomodo revelata facie gloriam Dei speculetur , et in eandem imaginem reformetur , et transformetur a claritate in claritatem , tanquam a Domini spiritu .

6. Quid dulcius fratres mei , quid jucundius , quid sanctius inter corporea corpore Christi ? Et tamen dictum est Apostolis : *Nisi ego abiero , Paracletus non veniet* . Dum enim corporali Christi præsentia videntur et audiendo delectati sunt , nunquam eis perfecte datur , sed semper promittitur Spiritus sanctus . Etenim **370** inquit , *cum assumptus fuero , mittam eum ad vos* ( *Joan. xvi. 7* ). Christo enim adhuc vivente in carne , nonne Petrus negavit ad vocem ancillæ ? Christo autem assumpto et misso Spiritu sancto , nonne ibant gaudentes Apostoli a conspectu concilii , quoniam digni habitus sunt propter nomen Jesu contumeliam pati ? ( *Act. v. 41* . ) Longe ergo eminentior et dulcior virtus Spiritus sancti , quam delectatio corporis Christi . Quod si tam excellentis et beati corporis carnalis delectatio potuit ab Apostolis avertere Spiritum sanctum , sine cujus affectione nihil quod bonum est potest amari , sine cujus virtute nihil salutiferi oneris potest tolerari : vos ipsi judicate an non miseri sunt et insani , qui ad religionem venturi , delicias corporis querunt . Venientibus quippe ad religionem non est consideranda carnis fragilitas , ut ei delicate subserviat , sed impedimenta fervoris spiritus , ut sollicitè fugiantur .

7. Festinate ergo fieri pauperes spiritu , et inopes rebus , ut Dominus sit sollicitus vestri . Hujusmodi enim paupertatis , voluntariæ videlicet , et ex volun-

(1115) Non putamus id dictum fuisse Bernardum : nec damnationem æternam , in qua nulla erit humanæ voluntatis cum divina consensio , imo obstinata ac detestanda ab ea defectio , in sententia Bernardi fuisse de genere rerum illarum , quas divinæ voluntati committere debeamus volentes . Il patet ex sermone 25 de Diversis , ubi distinguens ea quæ a Deo sub conditione , et quæ absolute petere

tate necessariæ , via secunda et recta est : alloquin Christus eam non fuisset ingressus . Cæteræ viæ , etsi bonæ sint , plenæ tamen sunt latronibus . Semita hujus paupertatis , quia ardua est , et pauci per eam ascendunt , insidias latronum ignorat . Non enim frequenter ponunt latrones insidias , ubi frequens non est transitus viatorum . Dico vobis in veritate , quæ Deus est , et experto credite : quia hæc via quanto arctior , quanto molestior videtur in ingressu , tanto lætior , tanto jucundior invenitur in progressu . In ingressu exigit meritum , in progressu rependit præmium . Etenim non solum in futuro vitam æternam possidebitis , sed et in præsentem centuplum accipietis , non solum in bonis spiritualibus , sed et in temporalibus , si cor non apposueritis . Ipsa siquidem bona temporalia , sunt , si non amantur , licita ; si amantur , illicita . Sive autem amantur , sive non amantur , non multum expediunt , quia quadam sui dulcedine cor possidentis cito subvertunt . Quæ vobis dubitandi occasio ? Pauca relinquitis cum sollicitudine , totum mundum assumetis in possessionem sine sollicitudine . *Omnia enim vestra sunt , sive mundus , sive vita , sive mors , sive præsentia , sive futura : omnia , inquam , vestra sunt* . Tamen vere subjungi potest , *Vos autem Christi , sicut Christus Dei* ( *I Cor. iii. 22, 23* ) : id est , si , sicut Christus in omnibus operibus suis Patrem suum glorificavit , ita et vos in omni actu vestro ejus gloriam quaesieritis .

8. Si enim Christus in operibus vestris apparuerit gloriosus , a quo vobis trepidandum est ? Ipse utique solus est , in cujus manu sit salus , et condemnatio nostra . Si condemnat , benedictum sit nomen ejus , quia sic meruimus (1115) : si salvat , gloriosum sit nomen ejus , quia superabundavit misericordia iudicio . Pater enim omne iudicium dedit Filio . Quis tamen est qui condemnet ? Jesus Christus ? pius , inquam , et dulcis Jesus , qui mortuus est pro delictis nostris ; qui resurrexit propter justificationem nostram ; qui est ad dextram Patris , ubi etiam interpellat pro nobis ? Militans in terra , regnans et in caelo , nihil sitit nisi nostram salutem : et ipse fugientibus ad se referet confusionem ? Absit ! Quantumcumque gravis se ingerat memoriæ meæ recordatio scelerum meorum , quantumcumque me deterreat præteritæ vitæ meæ horribilis consideratio , faciant alii quod censuerint expedire ; ego semper sentiam in bonitate de dulcedine Domini mei Jesu Christi , semper oculi mei ad misericordiam ejus : sciens nimirum et quandoque in me experiens , longe efficaciorum ejus dulcedinem ad consolandum , quam vitæ meæ amaritudinem ad eum desolandum ; multoque promptiorem ejus benignitatem ad indulgendum , quam meam

debeamus , in hoc genere gratiam Deo gratum facientem , et gloriam in futuro reponit , n. 5. In epistola 42 , ad Henricum Senonensem , n. 13 , Moysi quidem excessum amoris volentis fratrum causa deleri de libro vitæ , et Pauli anathema esse cupientis , ad gehennam ipsam extendit , sed cum bona conscientia , quæ non competit damnatis , quorum mentio est hac in epistola .



iniquitatem ad delinquendum. Scio utique, quia non est iniquitas, sicut iniquitas **371** mea: sed e regione, non est dolor sicut dolor ejus. Si supra modum peccavi, non despero, quia supra modum doluit, in quo respiro. Si exasperatur Deus immanitate sceleris mei, mitigatur proci dubio in dolore satisfactionis Filii sui: quia mitis et innocens Agnus in cruce pendens, utpote qui coram tondente se obmutuit, non improperat circumstantibus, et insipientibus in eum; sed dulciter suggerit transeuntibus per viam, et respicientibus ad eum. Sic enim scriptum est: *O vos omnes qui transitis per viam, attendite, et videte si est dolor sicut dolor meus* (Thren. 1, 12.) Hoc siquidem de cruce clamat transeuntibus. Sed unde transeuntibus? De mundo, non cum mundo. Qua, et quo transeuntibus? Per viam momentaneae paupertatis, ad divitias aeternae felicitatis. Id enim quod in praesenti est momentaneum et leve tribulationis nostrae, supra modum in sublimitate aeternum gloriæ pondus operatur in nobis: si tamen contemplerur non ea quæ videntur, sed quæ non videntur (II Cor. iv, 17, 18).

9. Non hæc scribo vobis, ut in peccatis securus delectemini: quia Altissimus, qui et ipse Jesus Christus, odio habet peccatores, et misertus est poenitentibus. Si poenitentia, imo quia poenitentia est vobis necessaria, locus et tempus poenitentiae vobis non deest. Ecce enim tempus acceptabile, in quo, etsi non cror martyrum, labor tamen in Christo antiqui serpentis astutiam triumphat, et dejicit fortitudinem. Locus autem apud nos idoneus et delectabilis, non ad gaudendum, sicut in sæculo, sed ad lugendum quod commissum est in sæculo: ubi quidem multum subtiliter et utiliter prædicatione seniorum, sed multo subtilius et utilius examinatione conversationis eorum, et in malo destruimur, et instruimur ad bonum. Deus autem totius misericordiae et consolationis faciat vos socios nostræ

congregationis. ut sitis participes illius internæ consolationis, quam in vobis quandoque sentire, sed a nobis nunquam potestis audire. Valete.

#### EPISTOLA CDLXIII (1116).

AD ALFONSUM REGEM PORTUGALLIE (1117).

*Rex, oblata de Saracenis victoria, reus voti de condendo Cisterciensibus monasterio tenebatur. Itaque postulat e Clara-Valle monach Bernardus mitti in Lusitaniam.*

Christianissimo et pio ALFONSO regi Portugallorum, BERNARDUS, Clara-Vallis vocatus abbas, modicum id quod est.

Benedictus Deus, et Pater Domini nostri Jesu Christi, Pater misericordiarum, et Deus totius consolationis, qui consolatus est vos in tribulatione vestra, dum abstulit opprobrium Saracenorum a cervicibus vestris. Ceciderunt muri Jericho, cecidit Babylon magna, destruxit Dominus munitiones inimicorum suorum, et extulit cornu populi sui: quod etiam antequam fieret rescivimus, revelante Spiritu, qui ubi vult spirat absque auditione vocis. Propter quod animas nostras affliximus, et tam parvitas mea, quam reliqui fratres mei coram Domino provoluti, decertantibus manibus vestris, robor et fortitudinem postulabamus (1118), et ex eo quod iniquitates nostræ vestram non impediverunt felicitatem, summe lætati sumus. Rescivimus etiam ingentem pietatem, qua commotus votum de ædificando cœnobio Altissimo devovistis. Quapropter mittimus hos filios, quos lacte doctrinæ ab incunabulis religionis Christo nutrivimus: quatenus nos ipsos celsitudini vestræ commendantes, piam voti intentionem ad debitam executionem perducant, illud condentes monasterium, in cujus duratione et **372** integritate indelebile habebitis elogium regni vestri, et in divisione redituum dividetur a vobis corona vestra (1119.) Servet vos, et illustrem regi-

(1116) Antea epistola 367.

(1117) Duas sequentes epistolas Horstius huc tulit et tomo primo Annalium Bernardi Brito-Lusitani, qui alias sub nomine ducissæ Lotharingæ ad Bernardum, et Bernardi ad eam litteras ex Gallico (si ei credimus) idiomate translatae vulgavit. Sed alium ejusmodi epistolarum fideiorem optamus. Certe Bernardi genius, stylus, modestia in eis desiderari videntur. Genuina est Bernardi epistola 308 ad Alfonsum Regem; itemque Petri abbatis Clara-Vallensis octavi epistola ad Regem Portugallie, cui gratias agit ob relevatam suorum fratrum inopiam et oblationem monasterii de Castineria, apud Chesnium tomo IV, pag. 480. Quæ sequuntur notæ Horstii sunt.

(1118) Rem gestam vide prolixè narratam apud Henriquez in Fasc. lib. 1 dist. 4, cap. 27; et in Menologio ad diem vigesimam Augusti, pag. 273, ubi videbis Bernardum, etsi in Galliis agentem, velut alterum Moysen, extensis in celum manibus, Alfonso in Lusitania Scalabim munitissimam Saracenorum urbem oppugnantem, tanquam alteri Josue, suppetias et victoriam contulisse: idque quia sola nominis ejus fama pernotus Alfonsus opem illius, licet tanto intervallo distantis, imploraverat.

(1119) Memorabile Bernardi vaticinium, quod

nostris annis complevit eventus. Sed id te malo ex ipsis ejus gentis auctoribus plenius cognoscere. Audi ergo Angelum Manriquez Lusitanum Ordinis Cisterciensis theologum: « Quod autem ibi dicit, in divisione redituum, dividetur a vobis corona vestra, nostris temporibus evenit. Sebastiano enim in Africa misere extincto, Henricus cardinalis regnum obtinuit, qui partem redituum monasterii Alcobaçensis aulico cuidam assignavit, et rex brevi fato cessit, nullum hæredem relinquens: et rex Hispaniarum Philippus II in hæreditatem intravit, extincta antiqua Lusitanorum regum progenie. In dicto autem monasterio mille monachi simul habitabant, qui die ac nocte incessanter divinis laudibus insistebant. Qui divisi erant per decanos tali ordine, ut in choro laus perennis haberetur. Primis enim post absolutas laudes matutinas e choro egredientibus, alii succedebant; quibus etiam abeuntibus, alii intrantes easdem decantabant, ita ut nunquam chorus sine monachis videretur. » Sic prophetiam hanc explicat R. P. Angelus Manriquez in Laurea evangelica, et in Annalibus, et ex eo Henriquez in Fasc. c. lib. 1, dist. 4, cap. 27, et rursus in Menologio ad diem vigesimam Augusti.

Ilic occurrit opportune non minus memorabile consilium, seu potius vaticinium de eodem Henrico

nam consortem Servatorum cunctorum, et benedicat A te ipsum signiferum et ducem cæterorum elegit, ut prolem vestram, ut videatis filios filiorum vestrorum, gaudentes in possessionibus vestris.

EPISTOLA CDLXIV (1120).

AD JOANNEM CIRITAM (1121).

*Cognito divinitus ejus zelo ac desiderio, mittit e Clara-Valle monachos ad fundandum in Lusitania monasterium.*

Venerabili fratri, Deo dilecto, et in via sæculi hujus socio nostro JOANNI CIRITÆ, BERNARDUS, Clarae Vallis vocatus abbas, salutem in salutis auctore.

Permittente Patre misericordiarum, et Deo totius consolationis (1122), qui non sinit animas peccatorum peccatis damnari, scrivimus de Fraternitate tua, quo pacto assiduis orationibus pro peccatorum venia pectus divinum pulsare non desinis: et quia vir desideriorum es, adimplevit Dominus desiderium tuum, dum nobis aperuit exaudiri deprecationes tuas (1123). Et qui in eadem societate nos tibi sociavit, qui duobus discipulis euntibus Emmaus se socium præbuit; mitimus hos filios, quos lacte evangelicæ doctrinæ Domino nutritivimus, ut quocunque miseratio divina disposuerit, et cæleste aliquid micaverit signum, monasterium condatis: in quibus

rege Lusitaniæ, sed jam tum cardinale et archiepiscopo Eborensi, quod in Vita S. Caroli Borromæi legisse memini, nec abs re futurum puto, si hic in gratiam lectoris addidero: Sebastiano Lusitaniæ rege absque filiis mortuo, creatus est rex Henricus S. R. E. cardinalis ejus patruus, quem vehementer rogatum, regni optimates, præsulæ, populique exoraverunt, ut uxorem vellet ducere: sperabant enim ex eo, quamvis ætate confecta, procreandum in imperio qui succederet. Præter universi regni solatium, pietati religionique valde consentaneum esse, discordiis, bellis calamitatibus occurrere, quæ Henrico mortuo, nullo regiæ domus relicto successore, propemodum necesse erat existere. Henricus, ut episcopus, religione solvi, uxorisque ducendæ facultatem a Gregorio pontifice sibi concedi postulat. Eodem tempore Mediolanum ad Carolum dat litteras: adductum se a Lusitania suis, ut conjugio consentiret: quo tanquam unico remedio tranquillitatis provincie posset consuli: grave admodum sibi esse, ducereque id ejusdam loco sacrificii, in quo seipsum pro suorum salute immolaret: sed publicæ quieti cedendum judicasse. Vehementer igitur rogare, ut, quantum eniti posset, ad eam concessionem Pontificem perducere conaretur. Idem viri principes alii majorem in modum a Carolo postulabant, negotiumque ejus auctoritati commendant.

Carolus amicissimi optimique regis postulationi, non quod is velle videtur, sed quæ sanctæ Ecclesiæ putaret conducere, respondet: Magni quidem interesse videri, quærere Lusitanis, qui ei sine controversia legitime posset in regno succedere: sed tali antistiti potestatem facere conjugii, rem omnium videri gravissimam, neque ullo unquam tempore concessam. Personæ Deo dicatæ, in alio genere, factam quandoque dei potestatem nuptiarum: quod nullo tamen satis certi probatique auctoris testimonio fere confirmatur: omnino exoptatos ejusmodi nuptiarum, vel publicæ quietis, vel successionis eventus minime contigisse: maxima etiam inde publicæ ac privatim existisse incommoda, unde magnæ utilitates expectarentur: probandam magis atque imitandam quorundam regum continentiam, qui matrimonio conjuncti, cum recte ac legitime filios possent suscipere, nulli tamen hæredis successorisve habita ratione, singulari castimonie studio, tali

te ipsum signiferum et ducem cæterorum elegit, ut et principia agas, et actum ad exitum ducas, ductumque Deo, et ejus Præcursori offeras.

EPISTOLA CDLXV (1124).

AD ABBATEM SANCTI-BENEDICTI.

Domno abbati Sancti-Benedicti, frater BERNARDUS de Clara-Valle, sanctam accipere benedictionem.

Oportet ut ex instanti festinetis ad dominum Regem, et totam confusionem nostram, et quomodo proditi sumus, ei tanquam benigno domino nostro plenissime indicetis. Et quia gaudemus ex parte, quod negotium ejus in causa nobis fuit hujus anxietatis, pro eo siquidem quod domino Senonensi consulimus; de die statuenda, quod nobis bene ante promiserat, ita confudit, sic in nos vindicans Regis amorem. Petite et ab eo litteras efficacissimas super hoc negotio, ut dominus Papa omnimodis confirmet, quod fecerunt filii obedientes, duo scilicet episcopi: quia et sibi gratissimum, et Ecclesiæ necessarium est. Nec noceat quod ita tertius se subtraxit, inobediens mandato apostolico, et regaliū contemptor monitorum: qui si ad eum venerit, sentiat nostram injuriam, et injuriam singularem, Regi non placere.

matrimonii usu abstinnerunt, quanto magis qui cælibem vitam professi sine singulari quadam venia sese ad connubium referre non poterant? Quæ dixerat, allatis exemplis confirmavit. Postremo in re tanta tamque difficili, nihil se aliud probare posse dixit, quam ut quibus de causis ea facultas postulanda videretur, eæ causæ summo Pontifici candidæ, nulloque studio referrentur: quod is pro summa auctoritate divinoque afflatu judicasset, æquo animo voluntateque acciperetur. De re graviter ad pontificem scripsit, quid sibi maxime probaretur, indicavit: eventus qualis fuerit, ignorat nemo. Ita gravissimus scriptor Vitæ sancti Caroli Borromæi Carolus a Basilica, episcopus Novariensis.

Exstat in Spicilegii tomo VIII diploma Joannis regis Portugallensis, qui Menendo Alcobaziæ abbati monasterium Ceicense tradidit æra MCCXXXIII.

(1120) Antea epistola 368.

(1121) Alias, *Ziritam*. Fuit is abbas et fundator monasteriorum Sancti-Joannis de Tarouca, Sancti-Christophori, et Sancti-Petri de Aquilis.

(1122) Eadem verba initio superioris epistolæ; et infra, « lacte evangelicæ doctrinæ. » Sane quod ait de condendo monasterio, « ubi cæleste aliquid micaverit signum » a Bernardi moribus et genio alienum videtur.

(1123) Henriquez, ait Horstius, in Vita Joannis Ciritæ modum exauditionis explicat. Nimirum B. Bernardo anno 1119, vigesima quarta junii, post Vigiliarum laudes orationi in choro insistenti S. Joannem Baptistam apparuisse, jubentem, ut in remotiores Hispaniæ oras coloniam monachorum dirigeret, locum a Deo monstrandum monasterio congruum. Hinc Bernardum octo ex suis delegisse, nempe Boemundum, Aldebrandum, Joannem, Bernardum, Cisinandum, Rolandum, et Alanum, eosque de divina voluntate commonitos in Hispaniam misisse; qui Joannem Ciritam, dato per S. Bernardum indicio, invenientes, ejus ductu et auspiciis principis, monasterium Sancti-Joannis de Tarouca construxerint. Vide Henriquez in Fasc. lib. 1, dist. 19, et Manriquez in Annalibus, anno 1119, cap. 3.

(1124) Hæc epistola cum sequente edita est apud Chesnium, tomo IV sed neutra stilum Bernardi sapit.

Salutate charissimum nostrum cancellarium, et rogate, ut tales super hoc litteras scribat, quæ et suum probent, et regium erga nos redolere inveniantur afflictum, sicut præsumimus de utroque.

## EPISTOLA CDLXVI.

AD LUDOVICUM REGEM.

LUDOVICO excellentissimo regi Francorum, domino suo, BERNARDUS abbas Claræ-Vallis salutem.

Scitis, mi domine, qualiter et ego, et res meæ sub tutela vestra positæ sint. Unde de amicitia vestra **373** confidens, hunc clericum J. latorem præsentium precario commendo: quatenus vestra Sublimitas, si opus sit, ipsum domino Papæ commendet, et querimoniam ipsius super peccata episcopo nostro credita veram et justam esse me attestante credatis. Valete.

## II.

## NICOLAI CLARÆ-VALLENSIS IN PERSONA S. BERNARDI.

## EPISTOLA CDLXVII (1125).

NICOLAI CLARÆ-VALLENSIS AD COMITEM ET BARONES BRITANNIE, IN PERSONA DOMINI CLARÆ-VALLENSIS PRO NEGOTIO CRUCIS (1126).

1. Commota est et contremuit terra, quia hex cæli perdidit terram suam, terram ubi steterunt pedes ejus: inimici crucis ejus unanimiter simul adversus eum testamentum disposuerunt, et qui oderunt eum extulerunt caput. Dixerunt in corde suo cognatio eorum simul: Hæreditate possideamus sanctuarium ejus. Officinas redemptionis nostræ evertere moluntur, et loca Christi sanguine dedicata profanare contendunt. Præcipue autem illud christianæ religionis insigne, sepulcrum, inquam, in quo sepultus est Dominus majestatis, ubi facies ejus sudario ligata est, omni nisu nituntur evellere. Agitant manus suas super montem filice Sion: et nisi Dominus custodierit, prope est ut irruant in civitatem sanctam Jerusalem, in civitatem Dei viventis, super quam invocatum est nomen ejus. Populi christiani partim conjiciuntur in vincula, partim trucidantur sicut oves occisionis. Videt et dissimulat ille magnus providentiæ oculus, ut videat si est intelligens aut requirens Deum, si sit qui doleat vicem ejus, qui restituat hæreditatem suam sibi. Et cum omnia possit, cui subest omnia posse cum voluerit, vult tamen nomini christiano victoriam adscribere, et super tribulantes eos mittere manum suam.

2. Propterea instantissima postulatione domini Regis, apostolicoque præcepto in paschali solemnitate ad Verseliacum celeberrimum locum advenimus, ubi dominus Rex cum principibus regni et populo multo ad diem festum convenerat. Expositus est autem lacrymalis iste dolor in conspectu omnium, et recitatae sunt litteræ istæ domini Papæ, quarum exemplar universitati vestræ transmittimus. Emollivit autem corda eorum Spiritus sanctus: et statim Rex cum multa multitudine principum, et innumerabili populo, signo crucis Christi armatus est. Diffun-

B ditor autem benedictio ista per universam terram, et certatim evolant omnes ad suscipiendum signum salutis in frontibus et in humeris suis. Et quia terra vestra secunda est virorum fortium, et militari juventute referta, decet vos inter primos, et cum primis ad tam sanctum opus accedere, et armatos ascendere ad serviendum Deo viventis. Eia igitur, fortissimi milites, accingimini; et qui non habet gladium, emat eum. Nolite deserere solum Regem vestrum, Regem Francorum, imo Regem colorum, pro quo ipse tantum viæ et laboris suscipit. Venit ad vos homo Dei dominus Carnotensis, qui plenius vos doceat quæ dicta et facta sunt, et ostendat largissimam veniam, quæ in litteris domini Papæ, super eos qui cruces susceperunt, continetur. C Pro illo qui pro vobis mori dignatus est, defendite loca mortis ejus et redemptionis nostræ, ne quando dicant gentes: Ubi est Deus eorum? ut vos faciat victoriosos in terris, in cælis gloriosos, sponsus Ecclesiæ, filius Mariæ, Dominus Deus noster.

## EPISTOLA CDLXVIII (1127).

EJUSDEM AD MANUELEM COMNENUM CONSTANTINOPOLITANUM IMPERATOREM, IN PERSONA DOMINI CLARÆ-VALLENSIS.

Ut filium comitis Theobaldi faciat novum militem (1128).

Sublimi et glorioso MANUELI, Constantinopolitano imperatori, frater BERNARDUS Claræ-Vallensis vocatus abbas, salutem et orationes.

D 1. Quod tantæ audeo scribere majestati, non insolentia temeritatis est, sed confidentia charitatis. **374** Qui enim ego sum, aut quæ est domus patris mei in Israel, ut tanti nominis Imperatorem nostris litteris andeam prævenire? Pauper enim sum ignobilisque persona, longo terrarum spatio et vastissimi maris interjectu remotus a præsentia vestræ Sublimitatis. Quid ergo tantæ sublimitati cum tanta humilitate, si non daret mihi fiduciam humilitas Christi, in qua, et de qua reges terræ et omnes populi,

(1125) Scripta anno Christi 1146.

(1126) Confer epistolam 363, ad cujus imitationem hæc scripta est.

(1127) Scripta anno Christi 1146.

(1128) Agitur de Henrico ad quem epist. 179. Quoad cetera, vide epist. 363.



principes et iudices gloriantur? Ad nos enim usque A  
pervenit magnificentia et gloria nominis vestri, quæ  
longe lateque dilatata est super terram. Illius rei  
gratia flecto genua mea ad Patrem spirituum, ex quo  
omnis paternitas in cælo et in terra nominatur, ut  
de regno illo ad regnum illius transferamini, cujus  
regnum, regnum est omnium sæculorum.

2. Nullis igitur meis meritis præcedentibus audeo  
mittere ad thronum gloriæ vestræ præsentium lato-  
rem, juvenem magnæ nobilitatis, ut eum sacra-  
mentis militaribus applicetis, et accingatis ei ense  
contra inimicos crucis Christi, qui adversus eum  
extulerunt caput. Et juveni quidem sublimium pate-  
bat aditus curiarum: sed altiori consilio mittimus  
ad illius imperii vestri gloriam singularem, ut memor  
sit omnibus diebus vitæ suæ, a quo militaris disci-  
plinæ dignitatem suscepit. Nequaquam autem has  
B  
tvissem in preces, nisi Christus esset in causa, pro  
quo tantum viæ pariter et laboris assumpsit. Quid-  
quid illi, vel pro illo feceritis, mihi factum est.

3. De cætero, gloriosissime Imperator, nunc opus  
est ostendendi et extendendi abundantiam suavitatis  
vestræ. Commota est et contremuit terra, quia Rex  
cæli perdidit terram suam, terram ubi steterant  
pedes ejus. Prope est enim ut irruant inimici Domini  
in civitatem suam, etiam in illud gloriosum sepul-  
crum, ubi virginæ flos Mariæ linteis et aromatibus  
conditus est, unde et resurrexit ille primus et  
maximus flos qui apparuit in terra nostra. Propterea  
ad præceptum domini Papæ, et ad qualemcunque  
exhortationem nostram Francorum Rex et innu-  
merabilis multitudo principum, militum, populorum,  
transitura est per fines vestros ad civitatem Dei  
viventis. Vestrum erit eos honorifice suscipere, et  
agendum nunc pro loco quem tenetis, pro potestate  
quam accepistis, pro dignitate qua polletis, pro  
divitiis quibus abundatis; quod conveniat imperiali  
excellentiæ, honori personæ vestræ, et saluti animæ  
C  
vestræ in æternum, et in sæculum sæculi. Inter quos  
et ante quos filium comitis Theobaldi illustrissimi  
principis vobis sollicitius commendamus, non tanquam  
unum de cæteris, sed præ cæteris unum. Juvenis est,  
nobilis est, bonæ indolis est, et primitias suæ mi-  
litiæ, non malitiæ sed justitiæ consecravit: filius  
etiam est hominis illius, qui propter veritatem et  
mansuetudinem et justitiam diligitur et honoratur  
inter principes terræ. Pro his omnibus vos participem  
facimus omnium beneficiorum quæ in domo nostra  
fiunt et fiunt, ut vos faciat victoriosum in terris, in  
cælis gloriosum, Sponsus Ecclesiæ, filius Mariæ,  
Dominus Deus noster.

(1129) Existimamus hunc esse Lucanum seu Lu-  
crem in Italia episcopum, qui Petrum Lombardum  
Bernardo commendavit, supra in epistola 410,

# EPISTOLA CDLXIX.

EJUSDEM AD LUCANUM EPISCOPUM (1129), IN PERSONA  
DOMINI CLARÆ-VALLENSIS.

*Incitativa ad fortitudinem.*

Venerabili domino LUCANO episcopo, BERNARDUS,  
in luce vivere et in luce mori.

1. Positus estis in sublimi loco, et opus est sublimi  
animo, qui vos doceat: quia cathedra, quam acce-  
pistis, oneris est, non honoris; operis, non nominis;  
virtutum denique, non divitiarum. Sic enim ait illa  
cælestis fistula, de cujus et in cujus pectore verbum  
Domini personabat: Si quis, inquit, episcopatum  
desiderat, bonum opus desiderat (1 Tim. iii, 4). Opus,  
non dignitatem. 375 Quia ergo manum vestram  
misistis ad fortia, opus est vobis fortitudine: quia  
speculator domui Israel factus estis, opus est pru-  
dentia: opus est aurea temperantiæ mediocritate,  
quia sapientibus et insipientibus debitor estis. Porro  
in consummationem virtutum, justitia vestri vos  
oportet, quia unicuique reddetur quod suum est,  
dicente Scriptura: Sacerdotes tui induantur justi-  
tiam (Psalm. cxxxi, 9). Felix hæc quadriga, et auriga  
ejus beatus, qui in humilitatis temone præsidens,  
virtutum rotas ad ductum et conductum ipsius in-  
clinat.

2. Humilitas virtutum magistra, singularis filia  
summi Regis, a summo cælo cum cælorum Domino  
descendens, in cælestibus animis æternam posuit  
mansionem. « Sine humilitate per prudentiam elige-  
re quod diligendum est, » sicut Sapiens ait, « er-  
ronea discretio est: adversa per fortitudinem  
superare, tacens victoria: illecebris per tempe-  
rantiam resistere, tumultenta sobrietas: operibus  
justitiæ insistere, palliata superbia. » Solæ est hu-  
militas quæ virtutes beatificat, et perennat: quæ  
vim facit regno cælorum, quæ Dominum majestatis  
humiliavit usque ad mortem, mortem autem crucis.  
Verbum enim Dei in sublimi constitutum, ut ad nos  
descenderet, prior humilitas invitavit; veritas, quæ  
se promiserat venturum, compulit; puritas uteri  
virginalis suscepit: salva Virginis integritate, po-  
tentia eduxit, obedientia in omnibus deduxit, pa-  
tientia animavit, charitas verbis et miraculis mani-  
festavit. Hæc in corde pontificis alta radice radicari  
debet, atque fundari: quæ cedente, omnis conven-  
tus virtutum vel opprimitur, vel succumbit. Factus  
sum insipiens, vos me coegistis. Non erat quidem  
meum docere episcopum: sed amicum admonere,  
et meum est, et omnium qui noverunt veritatem  
charitatis. Reliqua vobis communis filius illie plenius  
et planius viva voce referet. Neque enim litteris  
committendum, 376 quod etsi quosdam docere,  
quibusdam tamen nocere potuisset.

Ubertum an Gregorium, quorum ille anno 1140, hic  
anno 1146 electus est, testante Ughello in Italiæ sa-  
cræ tomo I.

## III.

## DIVERSORUM AD S. BERNARDUM ET ALIOS.

Quæ numeralibus notis 470, 473, 474, 475, 477, prænotantur, nunc primum eduntur inter opera S. Bernardi. Edit.)

## EPISTOLA CDLXX.

ALFONSI REGIS AD S. BERNARDUM.

[MANRIQUE, *Cisterciensium seu verius ecclesiasticorum Annalium* tom. I-IV, Lugduni 1642, fol., t. II, p. 71.]

ALFONSUS, Dei gratia Portugallensium rex, venerabili patri BERNARDO, abbati Claræ-Vallensium.

Noveritis quod per Dei misericordiam acquisivimus Sanctarenam, quæ erat civitas munitissima et jugum super capita nostra; et credimus per bonas orationes vestras, quia nos vobis primum commendavimus, et promissimus quod faceremus vobis monasterium vestri ordinis; quod parati sumus, ut faciamus sumptibus nostris. Vos mittite ad nos monachos, et nos quod diximus, complemus. Reliqua quomodo acciderunt, quæque evenerunt, dicet vobis familiaris noster, quem mittimus: ipsum credite; et nos, reginam uxorem nostram, et unicum filium, quem nuper habeo, Henricum, Deo commendate.

## EPISTOLA CDLXXI.

SUGERII ABBATIS S. DIONYSII AD S. BERNARDUM (1130). Gratias agit de consolatione sibi in extremis agenti data, sequæ ipsius commendat orationibus.

(DOM MARTENE, *Thesaurus Anecd.*, tom. I, col. 424, ex ms. Coislinianæ bibliothecæ.)

Amantissimo domino et patri venerabili, Dei gratia Claræ-Vallis abbati BERNARDO, SUGERIUS adhuc B. Dionysii humilis minister salutem et sinceræ dilectionis affectum.

Visitasti nos litteris vestris, visitet vos Oriens ex alto. Munuscula vestra, imo munera maxima, mapulam pretiosam, panem benedictionis vestræ, litteras consolationis, in quibus continentur verba bona, verba sancta, melle et lacte redundantia, mihi misero peccatori delegastis, et in extremis posito consolationem maximam præbuidisti. Si enim angelicam faciem vestram vel semel ante decessum meum videre potuissem, ab hoc miserrimo sæculo securius exirem. Sciat is autem pro certo, quis si mille anni, aut ultra, vivere meruissem, nisi in beneplacito Dei remanere non curarem. Nec enim ex operibus justitiæ, sed in sola Dei misericordia confidens, quam semper in se sperantibus exhibet, ad eum redire tota cordis intentione desidero; unde et animam meam in sanctas manus vestras devote commendo, et ut vestris et sanctorum congregationum vestrarum orationibus, divinam propitiationem animæ meæ concilietis, genibus vestre sanctitatis provolutus efflagito.

(1130) Hanc epistolam scripsit Sugerius morti proximus, accepta sancti Bernardi epistola 266, quæ sanctus abbas eum animat, ut mortem intrepidus excipiat his verbis: *Homo Dei, ne trepides exire*

## A

## EPISTOLA CDLXXII.

EVERVINI STEINFELDENSIS PRÆPOSITI AD S. BERNARDUM.

*De hæreticis sui temporis.*

(Ex tomo IV operum S. Bernardi, antea sermoni 65 in Cantica canticorum præposita.)

Reverendo domino suo et patri BERNARDO Claræ-Vallensium abbati, EVERVINUS Steinfeldensis minister humilis, in Domino confortari, et confortare Ecclesiam Christi.

**377** 1. Lælabor ego super eloquia tua, sicut qui invenit spolia multa, qui nobis memoriam abundantis suavitatis Dei eructare in omnibus dictis et scriptis vestris soletis, maxime in Cantico amoris Sponsi et sponsæ, hoc est Christi et Ecclesiæ, ita ut eidem Sponso dicere veraciter possimus: *Servasti bonum vinum usque adhuc* (Joan. 11, 10). Hujus vini tam pretiosi pincernam te nobis ipse constituit: non cesses propinare; non hæsites, hydrias non poteris evacuare. Nec te excuset, pater sancte, debilitas tua: cum plus operetur pietas in officio, quam corporalis ædificationis exercitatio. Nec dicas te occupatum: nescimus aliquid huic tam necessario operi communi præponendum. De hydria quantum, sanctissime pater, habes nobis modo propinare? De prima propinatum est satis, et reddidit eos sapientes et fortes contra doctrinam et impetum Scribarum et Phariseorum: secunda, contra argumenta et tormenta Gentilium: tertia, contra subtiles deceptiones hæreticorum: quarta, contra falsos Christianos: quinta, contra hæreticos circa finem sæculi venturos, de quibus per Apostolum manifeste Spiritus dicit: *In novissimis temporibus discedent quidam a fide, intendentes spiritibus erroris et doctrinis demoniorum, in hypocrisi loquentium mendacium, prohibentium nubere, abstinere a cibis, quos Deus creavit ad percipiendum cum gratiarum actione* (1 Tim. 11, 1-3). De sexta inebriabuntur, fideles confortando contra illum qui in hac nimirum discessione a fide revelabitur, scilicet ille peccati filius, homo perditionis, qui adversatur et extollitur super omne quod dicitur aut quod colitur Deus; cujus est adventus secundum operationem Satanae in omni virtute, et signis, et prodigiis mendacibus, et in omni seductione iniquitatis (II Thess. 11, 3-10). Post hanc septima non erit necessaria, quando filii hominum inebriabuntur ab ubertate domus Dei et torrente voluptatis ejus. O bone pater, satis interim propinasti de quarta hydria

hominem illum qui de terra est.... Quid tibi et terrenis exuriis, qui ad cælum iturus, stolæ gloria mori indui habes?

omnibus nobis ad correctionem, ad ædificationem, ad consummationem, incipientibus, proficientibus atque perfectis; usque in finem sæculi profuturus contra teporem ac pravitatem, quæ est in falsis fratribus. Jam tempus est ut de quinta haurias, et in medium proferas contra novos hæreticos, qui circumquaque jam fere per omnes Ecclesias ebulliunt de puteo abyssi, quasi jam princeps illorum incipiat dissolvi, et instet dies Domini. Et in epithalamio amoris Christi et Ecclesiæ locus, qui a te, pater, sicut tu ipse mihi retulisti, jam est tractandus, videlicet : *Capite nobis vulpes parvulas, quæ demoliantur vineas (Cantic. ii, 15)*, huic mysterio congruit, et te ad quintam hydriam perduxit. Rogamus igitur, pater, ut omnes partes hæresis illorum, quæ ad tuam notitiam pervenerunt, distinguas, et contra positis rationibus et auctoritatibus nostræ fidei, illas destruas.

2. Nuper apud nos juxta Coloniam quidam hæretici detecti sunt, quorum quidam cum satisfactione ad Ecclesiam redierunt. Duo ex eis, scilicet qui dicebatur episcopus eorum cum socio suo, nobis restiterunt in conventu clericorum et laicorum, præsentem ipso domino archiepiscopo cum magnis viris nobilibus, hæresim suam defendentes ex verbis Christi et Apostoli. Sed, cum vidissent se non posse procedere, petierunt ut eis statueretur dies, in quo adducerent de suis viros fidei suæ peritos; promittentes se velle Ecclesiæ sociari, si magistros suos viderent in responsione deficere : alioquin se velle potius mori, quam ab hac sententia deflecti. Quo audito, cum per triduum essent admoniti, et respiscere noluissent, rapti sunt a populis nimio zelo permotis, nobis tamen invitis, et in ignem positi, atque cremati; et, quod magis mirabile est, ipsi tormentum ignis non solum cum patientia, sed et cum lætitia introierunt et sustinuerunt. Hic, sancte pater, vellem, si præsens essem, habere responsionem tuam, unde istis diaboli membris tanta fortitudo in sua hæresi, quanta vix etiam invenitur in valde religiosis in fide Christi.

3. Hæc est hæresis illorum. Dicunt apud se tantum Ecclesiam esse, eo quod ipsi soli vestigiis Christi inhæreant; et apostolicæ vitæ veri sectatores permaneant, ea quæ mundi sunt non quærentes, non domum, nec agros, nec aliquid peculium possidentes : sicut Christus non possedit, nec discipulis suis possidenda concessit. Vos autem, dicunt nobis, domum domui, et agrum agro copulatis, et quæ mundi sunt hujus quæritis : ita etiam ut qui in vobis perfectissimi habentur, sicut monachi vel regulares canonici, quamvis hæc non ut propria, sed possident ut communia, possident tamen hæc omnia. De se dicunt : Nos pauperes Christi, instabiles, de civitate in civitatem fugientes, sicut oves in medio luporum, cum apostolis et martyribus persecutionem patimur : cum tamen sanctam et arctissimam vitam ducamus in jejuniis et abstinentiis, in orationibus et laboribus die ac nocte persistentes, et tantum necessaria ex eis

A vitæ quærentes. Nos hoc sustinemus, quia de mundo non sumus : vos autem mundi amatores, cum mundo pacem habetis, quia de mundo estis. Pseudoapostoli adulterantes verbum Christi, quæ sua sunt quæsiverunt, vos et patres vestros exorbitare fecerunt : nos et patres nostri generati apostoli, in gratia Christi permansimus, et in finem sæculi permancimus. Ad distinguendum nos et vos, Christus dixit : *A fructibus eorum cognoscetis eos (Matth. vii, 16)*. Fructus nostri sunt vestigia Christi. In cibis suis vetant omne genus lactis, et quod inde conficitur, et quidquid ex coitu procreatur. Hoc de conversatione sua nobis opponunt. In sacramentis suis velo se tegunt : tamen nobis aperte confessi sunt, quod in mensa sua quotidie eum manducant, ad formam Christi et apostolorum, cibum suum et potum in corpus Christi et sanguinem per Dominicam orationem consecrant, ut inde se membra et corpus Christi nutrant. Nos vero diem in sacramentis non tenere veritatem, sed quandam umbram et hominum traditionem. Confessi sunt etiam manifeste se præter aquam, in ignem et spiritum baptizare, et baptizatos esse : adducentes illud testimonium Joannis Baptistæ baptizantis in aqua, et dicentis de Christo : *Ille vos baptizabit in Spiritu sancto et igne (Matth. iii, 11)*; et in alio loco : *Ego baptizo in aqua, major autem vestram stetit, quem vos nescitis (Joan. i, 26)*, quasi alio baptismo præter aquam vos baptizaturus. Et talem baptismum per impositionem manuum debere fieri conati sunt ostendere testimonio Lucæ, qui in Actibus Apostolorum describens baptismum Pauli, quem ab Anania suscepit ad præceptum Christi, nullam mentionem fecit de aqua, sed tantum de manus impositione : et quidquid invenitur, tam in Actibus Apostolorum, quam in Epistolis Pauli, de manus impositione, ad hunc baptismum volunt pertinere. Et quemlibet sic inter eos baptizatum dicunt electum, et habere potestatem alios qui digni fuerint baptizandi, et in mensa sua corpus Christi et sanguinem consecrandi. Prius enim per manus impositionem de numero eorum, quos auditores vocant, recipiunt eum inter credentes : et sic licebit eum interesse orationibus eorum, usquedum satis probatum eum faciant eloquium. De baptismo nostro non curant. Nuptias damnant, sed causam ab eis investigare non potui; vel quia eam fateri non audebant, vel potius quia eam ignorabant.

4. Sunt item alii hæretici quidam in terra nostra, omnino ab istis discordantes, per quorum mutuam discordiam et contentionem utrique nobis sunt detecti. Isti negant in altari fieri corpus Christi, eo quod omnes sacerdotes Ecclesiæ non sunt consecrati. Apostolica enim dignitas, dicunt, corrupta est, implicans se negotiis sæcularibus; et in cathedra Petri non militans Deo, sicut Petrus, potestate consecrandi, quæ data fuit Petro, se privavit : et quod ipsa non habet, archiepiscopi, qui in Ecclesia sæculariter vivunt, ab ea non accipiunt ut aliquos



consecrare possint, advertentes illud de verbis Christi: *Super cathedram Moysi sederunt Scribæ et Pharisei; quæ vobis dicunt facite* (Matth. xxviii, 2, 3): quasi istis talibus concessa sit potestas tantum dicendi et præcipiendi, et nihil amplius. Et ita eva-  
 cuant sacerdotium Ecclesie, et damnant sacramenta, præter Baptismum solum, et hunc in adultis, quos dicunt baptizari per Christum, quicumque sit minister Sacramentorum. De Baptismo parvulorum fidem habent, præter illud de Evangelio: *Qui crediderit et baptizatus fuerit, salvus erit* (Marc. xvi, 16). Omne conjugium vocant fornicationem, præter quod contrahitur inter utrosque virgines, masculum et feminam, astruentes hæc de verbis Domini, quibus respondit Phariseis: *Quod Deus conjunxit, homo non separet*; quasi Deus tales conjungat, tanquam ad similitudinem primorum hominum: et quod eisdem ei opponentibus de libello respondit repudii: *Ab initio non fuit sic*; et item quod ibidem sequitur: *Qui dimissam duxerit, machatur* (Matth. xix, 6-9); et illud de Apostolo: *Honorable connubium sit omnibus, et thorus immaculatus* (Hebr. xiii, 4).

5. In suffragiis sanctorum non confidunt; jejunia cæterasque afflictiones, quæ sunt pro peccatis, astruunt iustis non esse necessaria, nec etiam peccatoribus; quia in quacunque die ingemuerit peccator, omnia peccata remittuntur ei: cæterasque observantias in Ecclesia, quas Christus et apostoli ab ipso discedentes non condiderunt, vocant superstitiones. Purgatorium ignem post mortem non concedunt; sed animas statim, quando egrediuntur, de corpore in æternam vel requiem, vel penam transire, propter illa Salomonis: *Lignum in quamcunque partem ceciderit, sive ad austrum, sive ad aquilonem, ibi manebit* (Ecc. xi, 3). Et sic fidelium orationes vel oblationes pro defunctis annihilant.

6. Contra hæc tam multiformia mala rogamus, sancte pater, ut evigilet sollicitudo vestra, et contra feras arundinis stilum dirigatis. Nec nobis respondeatis, quod turris illa David, ad quam confugimus, satis sit ædificata cum propugnaculis, quod mille clypei pendent ex illa, omnis armatura fortium. Sed volumus, pater, ut hæc armatura propter nos simpliciores et tardiores, vestro studio in unum collecta, contra hæc tot monstra ad inveniendum fiat paratior, et in resistendo efficacior. Noveritis etiam, domine, quod redeuntes ad Ecclesiam nobis dixerunt, illos habere maximam multitudinem fere ubique terrarum sparsam, et habere eos plures ex nostris clericis et monachis. Illi vero qui combusti sunt, dixerunt nobis in defensione sua, hanc hæresim usque ad hæc tempora occultatam fuisse a temporibus martyrum, et permansisse in Græcia, et quibusdam aliis terris. Et hi sunt illi hæretici, qui se dicunt apostolos, et suum papam habent. Alii papam nostrum annihilant, nec tamen alium præter eum habere fatentur. Isti apostolici Satanæ habent inter se feminas (ut dicunt) continentes, viduas, vir-

gines, uxores suas, quasdam inter electas, quasdam inter credentes; quasi ad formam apostolorum, quibus concessa fuit potestas circumducendi mulieres. Vale in Domino.

## EPISTOLA CDLXXIII.

HENRICI REMENSIS AD BERNARDUM.

[MANRIQUE, *Annal. Cisterc.*, t. II, p. 135.]

377<sup>1</sup> Patri suo filius suus HENRICUS, quidquid filius patri.

Non est insolentia, sed confidentia, quod vobis scribo, benignissime Pater. Scio quia non est meum loqui, sicut vulneratus N. et dormiens in sepulchris, sed zelus, fateor, urit animam meam pro paupere isto episcopo, qui, quia iustitiam coluit, voluit æquitatem, plaga inimici percussus est, castigatione crudeli. Quia voluit sedere in sede sua, et episcopo episcopalia resignare, hoc est maximum et primum peccatum. En sanguis iste de manu ejus exquiritur. Si quid ergo ego possum in oculis Patris, imo quia multum possum, facite negotium ejus, sicut illi noveritis expedire. De cætero lætus et incolumis sum, et exspecto videre faciem vestram, sicut faciem Dei. Prope est enim dies desponsationis meæ, quo feriam pactum Domino cum Deo per manum vestram, et sub custodia vestra, ut serviam ei die ac nocte, et omnibus diebus vite meæ, amantissime Pater.

## EPISTOLA CDLXXIV.

JOANNIS ALETANI EPISCOPI AD S. BERNARDUM.

[MANRIQUE, *ubi supra*, 135.]

Patri suo, et Patri omnium bonorum, Bernardo Claræ-Vallensis abbati, frater Joannes Aletensis episcopus, et hic honestari in laboribus suis, et illic honorari cum angelis.

Utinam viderem vos, non scriberem vobis, et dolorem meum liniret, et leniret vestre suavitatis aspectus. Contristatus sum enim in execratione mea, quamvis juxta Sapientem, ipsa tribulatio sit mihi pro solatio, non conscientia, sit pro flagello. Scio enim, quia feliciter sunt miseri, quos constat non misuisse quæ perferunt. Propterea ex me quæ circa me sunt, scribo vobis, breviter tamen, ne quos mundo debetis oculos, detineam pagina longiori. Post datam in me sententiam juxta vestrum consilium, perrexi ad dominum meum, quem constituit Dominus, dominum domus suæ et principem omnis possessionis suæ. Ad quem ingressus plus inveni iudicis, quam patris, minus misericordiæ quam censure. Prævenierunt enim me homines monasterii majoris, et majores facti sunt me, facientes voci suæ vocem virtutis. Dixerunt me subterfugisse episcoporum audientiam, in quorum manibus ipse me posuerat audiendum. Non solum autem hæc, sed quæcunque undecunque colligere potuerunt, proposuerunt adversum me, et cum multa pace auditi sunt. Cumque paratus essem repellere, vel refellere, quæ dicebantur, noluit me audire universitatis iudex, non illi imputeur. Sed et super dolorem vulnerum meorum addidit, remittens me ad illos, ad

quos ante me miserat, quos ex parte suspectos habebam, et adhuc manus ejus extenta, quia suspensus recessi ad illum, et suspensus ab illo recessi.

Et quamvis nihil horum conscius sum, quæ illi malitiose composuerunt adversum me: porro tamen iudicium patienter [expecto], etsi non libenter. Scio enim me meruisse graviora quam patior, tanquam servus male operans et dignus omni indignatione. Verum tamen duram provinciam nactus sum homo minimi census, et census minoris illi aggredi, et cum illis ingredi causam, qui confidunt in virtute sua et in multitudine divitiarum suarum gloriantur. Hinc est, quod inter vestros Claræ-Vallenses positus exspecto consilium vestrum, tanquam consilium Dei: quia nemo poterit eripere pauperem episcopum de manu fortiorum ejus, nisi vestra manus tota obviaverit infestantibus et diripientibus eum. Domine pater, paratus sum, et non sum turbatus, ut custodiam mandata tua, et utinam voluntas tua (si Domini voluntas est) cum mea voluntate non discordet, beneplacitum vestræ dignationis, si dignum iudicatis, renuntiate puero vestro, quia non est consilium et auxilium nisi ad vos et ex vobis, amantissime Pater.

#### EPISTOLA CDLXXV.

M. CRACOVENSIS EPISCOPI AD S. BERNARDUM

*Mum ad conversionem Ruthenorum invitat.*

(S. Bernardus Pz. *Thesaurus Anecd.*, tom. V, part. I, col. 360, ex codice Windbergensi.)

**377** \* B. Dei gratia Claræ-Vallensi abbati, viro venerabili et reverendo, omni præconio digno, et merito sanctitatis insigni, M. ejusdem gratia Cracoviensis episcopus, et comes... Petrus, quos facit, facere fructus.

Gratias Deo nostro referimus, grates siquidem infinitas, qui vos talem, o abbatum decus et gloria, nostro suscitavit sæculo, quem sollicitudo omnium Ecclesiarum, quemadmodum vas electionis, nunquam et nusquam prætereat, quem infirmitas aliorum cogat pariter infirmari; cujus meritis Deus orbi bonum omne largitur immerito, cujus prece districtus arbiter mitigatus sententiam revocat, ac, ne statim feriat peccatores, iram suspendit, ut parcat.

Dilectus filius vester magister A. nos ex parte vestra consuluit, si quis posset et impios Ruthenorum ritus atque observantias extirpare. Posset quidem, domine, posset, sed solus ille homo posset, in quo potens gratia esset. Confidimus autem in Domino Jesu quod si abbas Claræ-Vallensis hic esset, hoc bonum facere posset. Gens autem illa Ruthenica multitudine innumerabili cœu sideribus adæquata, orthodoxæ fidei regulam ac veræ religionis instituta non servat, non attendens quoniam extra Catholicam Ecclesiam veri sacrificii locus non est. Nec solum in sacrificio Domini corporis, sed in conjugis repudiandis et rebaptizandis atque aliis Ecclesiæ sacramentis turpiter claudicare cognoscitur. Ita erroribus variis, imo vero

A hæretica pravitæ a primordio suæ conversionis imbuta, Christum solo quidem nomine constituit, factis autem penitus abnegat. Neque enim vel Latine vel Græcæ vult esse conformis Ecclesiæ, sed seorsum ab utraque divisa neutri gens præfata sacramentorum participatione communicat. Hoc autem, domine, totum penetrabilior omni gladio ancipiti vestra prædicatio amputaret, si, ut eam visitaretis, vobis Spiritus sanctus inspiraret. Nec modo in Ruthenia, quæ quasi est alter orbis, verum etiam in Polonia et Bohemia, vel communi appellatione Sclavonia, quæ plures provincias continet, talem ac tantum fructum tamque Deo acceptabilem faceretis, ut ab ipso postmodum audiretis: *Euge serve bone et fidelis*. Aut certissime vobis omnes, aut fere omnes, ut speramus, in audita auris obedirent.

Dignamini igitur, pie Pater, dignamini, qui cæteras illustrastis, nostras etiam tenebras illustrare. Dignamini Sclavos inkompositos in via morum et vitæ rationibus informare. Dignamini gelidum axem vestri præsentia visitare, ut in adventu nostri abbatibus frigus horridum Aquilonis, Austri gratia et Mulciberi flamine temperetur: ut inculta barbaries vestris moralitatibus excolatur: ut homines inhumani vestra eruditione mitescant, sub iugo Dominico mansuescant. Si enim gloria celeberrima et Treleius Orpheus et Thebanus Amphion cælo inseruntur et astris, utrumque celebrantur ingenio, et post mortem carmine vivunt, quod uterque silvas et lapides, id est, silvestres et lapideos homines lyre cantibus delinivit, legemque pati coegit, quanto magis nos speramus quod gentes efferas et immanes sacer abbas Christo conciliet, qui et præco est Evangelii, et lucerna in domo Domini, et divinæ voluntatis interpret, et melior Orpheo... et superna clarus scientia, et cœlesti prædictus intelligentia, et omnium fere charismatum munere insignitus et gratia.

Quanto autem animi quamque ardenti desiderio ego et comes Petrus, vir utique circa Dei cultum et Ecclesiam religionemque devotissimus, vestrum, pie Pater, præstolemur adventum, solus ille nobis est testis qui videt secreta cordis. Nec nos soli optamus abbatem Claræ-Vallensem. Simul in unum dives et pauper, nobiles et ignobiles, juvenes et virgines, senes cum junioribus aequè desiderant. Abbatem omnis ordo et ætas, abbatem omnis sexus atque omnis conditio, abbatem omnes Poloni omniumque vota suspirant.

#### EPISTOLA CDLXXVI.

THOMÆ (1131) QUONDAM ABBATIS MAURINIACENSIS AD S. BERNARDUM.

(Exstat in editione Operum S. Bernardi anno 1719 data, tom. I, in appendice ad epistolas, col. 576.)

**377** \*. Domino dilectissimo et in Christi visceribus honorando BERNARDO Dei gratia Clararum

(1131) Hic Thomas, prius abbas Mauriniacensis, abdicato sponte regimine, ad Sanctum Martinum de Campis secesserat. Cum vero Albericus episcopus

PATROL. CLXXXII.

Ostiensis in Franciam, et Ymarus Tuscanensis in Angliam a Lucio papa legati Floriacum venissent, et in pernicioso statu positam abbatiam agnovissent.

Vallium abbati, Thomas sum sanctitatis servus et A  
filius, salutem.

Vestri loci nomen vestræ et sub signis vestris militantium congruit actioni. Lucetis enim in medio nationis prave atque perversæ veluti magna luminaria, in mundo verbum vitæ continentes, et habitatis in convallibus quæ frumento illo abundant quod misit Deus in Jacob et cecidit in Israel. Hæc intuens, fiducia concedi scribendi celsitudini vestræ modicus homo et abjectus in domo Dei, de commotione mea, quam patior licet invitatus, sanctitatis vestræ reposcens antidotum. Causa autem hæc est. Albericus, vir apostolicus, episcopus Ostiensis, cum sub Romanæ legationis officio Gallias circuiret et perambulare terram miracula faciendo, de quorum multitudine et magnitudine reticemus, Macharium nepotem suum, læsæ opinionis hominem, corpore pinguem, corde duplicem, ore bilinguem, de nova parvaque et paupere abbatia in antiquam, magnam, et divitem Sancti Benedicti abbatiam transposuit, inaudita hæc conventionem interposita, ne Cluniacensis ordo inibi intrmitteretur, neve quisquam de fratribus illis ad aliquem locum Cluniaco subditum mitteretur. Cui hoc mortiferum alimoniam hæreseos venenum non olet, profecto dono caret discretionis, et spiritualium narium fætidissimo abundat polypo. Quid enim hoc est nisi vendere religionem, justitiam, veritatem, et non ingredi per ostium? Putans igitur episcopus quod nil sibi posset obsistere, alterum nepotem suum Lancelinum omni conatu nititur Ecclesiæ Mauriniacensi subrogare; quod Macharius, dum loco præsesset, non solum se facturum promiserat, sed etiam indubitanter adjuraverat. Nam progenies hæc de toxicato trunco sumens originem, squamis squamas adjungit, et Ecclesiæ culturam præoccupat, et sub umbra atque potestate viri supradicti alitur, ac invitis omnibus coalescit, pecunias et præbendas acquirendo condonatione gravium culpæ et turpium redemptione personarum. Clamores adversariorum audiunt quam libentissime. At si præsulis Albini et martyris ossa Rufini discapsata rutilaverint, nox illico vertitur in diem, niger color albescit, Protheus ludit in pelago, protinus mutantur omnia; ridet qui flebant, flet qui ridebant, et, ut vulgari proverbio dicitur, non evangelici, sed Sydonii piscatores aqua turbida retia mittunt, et licet multiplicia, auro et argento sua farciant marsupia. Harum exactionum immanitas non ideo fit ut sancta Romana Ecclesia, quæ nunc populi sui seditione commovetur, auxilietur, sed ut generatio prava et perversa rapinis ecclesiarum sustentetur,

teste chronographo Mauriniacensi, Ademaro abbate Jepsito, Macarium Alberici nepotem, tunc Mauriniacensem abbatem, ei substituant, ut locum ad Cluniaci instituta, quæ ille in cella Longipontis professus erat, reformaret. Thomas, quem jam longioris ætatis tædebat, sperabat ea occasione ad Mauriniacensem abbatiam regredi. At spe sua frustratus, obsistente forte Alberico, suffectumque Macario Thevinum Argentoilli priorem videns, impotentius in Albericum

ditetur, sublimetur ad superbiam, diffusit ad luxuriam, confirmetur ad nequitiam. Sed spuria vitulina non dabunt altas radices, quia omnis plantatio quam non plantat Pater celestis eradicabitur. Denique in hoc quoque negotio spe sua frustrati sunt. Erat namque Lancelinus vir nequam et intractabilis, pelle rufus, facie fulmineus, mente sanguineus, nostri temporis Phalaris alter; ob idque jure meruit pati repulsam rei quam diu desideraverat, et ad quam tam turpiter quam patenter aspiraverat. De aliis quæ fama dispergit tacendum est. Nulli enim et omnibus credere, teste Seneca, vitium est. Episcopus tamen auctoritate confisus, vinci nesciens, cæptis vehementer insistit; et si me, qui diu loco præfueram, et nunc a monachis, clero, populo, militibus, proceribus expelebar, posset obnuere, desiderata se credebatur firmiter obtinere. Parisius igitur in palatio, in conventu venerabilium personarum, rege præsentem simul et curia, moderationis abrupto freno, in amicum absentem, qui sibi servierat, qui Macharium in abbatem sibi subrogari fecerat, multa jaculatus est et ira dictante plurima congestis quibus veritas non consentit. At cum per hæc pulmonem non sedaret, et eadem usque ad tædium quorundam quibus sanior et ideo clarior oculus inerat multiplicaret, cum se nihil proficere videret et pene deficere, priorem Sancti Martini de Campis, sub quo militabam, et in privato loco successeram, evocat, et auctoritate qua præcellit præcipit quatenus quid de me sentiat adjuratus coram cunctis edicat. Ille vero, sicut ex condito machinatum erat (nam et die præterita legatum quem capitulum mittebat ad me ut quantocius Parisius venirem retraxit ab itinere), asserit me sic corpore debilitatum ut vel hanc vel alteram obedientiam non possem implere. Hic sillum retraho, et impono digitum ori meo. Scriptum est enim: *Principi populi tui non maledices. Et: Mihi vindictam, et ego retribuam. Et: Falsus testis non erit impunitus.* Quantum enim id devium sit a vero, propitia divinitate ipsa res indicat. Nam de infirmitate in qua me servum vestrum vestra sublimitas visitata est, sanus et membris omnibus incolumis convalesci, excocis humoribus quos ex infirmitate loci ubi plus minus quinquennio inhabitaveram, contraxeram. Mox episcopus verbum arripit, et cum austeritate et imperio monachos jubet discedere, ac indiscussis electione et persona, aliam festinato personam præcipit eligere, de his et similibus his summo iustoque judici rationem redditurus. Has propter res oculus interioris hominis mei, mi dulcissime Pater, conturbatus est,

et nepotes ejus, Macarium et Lancelinum, invehitur. Quæ autem in eos scribit, vel nimio animi rancore abreptus, vel vanis rumoribus deceptus falsissima esse constat ex prædicto chronographo Mauriniacensi. An et quid Bernardus huic epistolæ responderit, incertum. Sed ex citato chronographo discimus Thomam ad Columbense monasterium, unde primum assumptus fuerat, remigrasse, ubi paulo post obiit.



et albugine præoccupante pupinam, ad intuitum veri luminis tremulus palpitat et deficit. Sciens igitur in Campis amplius me pacem habere non posse, titubo, fateor, utrum ad monasterium Mauriniacense redeam, ubi me juvenis dedi et in communi capitulo me fieri monachum devovi, an ad ecclesiam Columbensem, in qua quibusdam causis emergentibus monachi vestes indui et professionem feci, et cum mitterer ad abbatiam Mauriniacensem, me Columbas rediturum, si eam reliquissem, spopondi. Pluat ergo mihi Deus per vos coelestem rorem, et quod devote exopto et supplex expeto, vestrae consolationis merear habere rescriptum. Valete.

## EPISTOLA CDLXXVII.

MATRONÆ CUJUSDAM AD SANCTUM BERNARDUM

[AMADUZZI, *Anecdota litteraria ex mss. codicibus eruta*, tom. IV, p. 251. Romæ 1783, 8°. — Vide præfationem ad epistolam 456.]

Angustia, fateor, mihi sunt undique, quoniam quem diligit anima mea sermonibus excitare compellit amor, impatiens intellectus scaturit dilatatur affectus, verum censura silentii reprimat, dum nota non exprimit lingua balbutiens, charta deficit, retunditur calamus, manus quoque ab antiquo non impigra retardatur. Evæ nempe maledictæ, non corpore, sed spiritu parturiens doloribus, premor magna sollicitudine Saræ, anxie Rebecæ desiderio, æmulatione Rachelis, Liæ contemptu. Atque utinam mihi prudentia daretur Jahelis, importunitas Ruth, Judith audacia, placor Edissæ, ut operirem pallio Sisaram, amicerer Boozo, deciperem aggrediens Holofernem, in bonum hoc nil ultra simile illis attentans, et adirem Assuerum in throno sedentem languentis animæ salubria petitura. O indicibile Magdalene gaudium, o solatium, o tripudium, quæ Jesu fructus virginis pedes deosculans, rigans lacrymis, capillis tergens, unguens unguento, antidotum reportavit salutis! Cum hæc servo, servo Jesu. Si data licentia, et honestate concedente, impenderem ab ubertate, jucunditates conciperem. Fierem, arbitror, præ magnitudine gaudii sensitiva. Gaudeo quia scienti legem loquor, cui omnia prout sonant, sapient, et figuras, et ænigmata intelligit, et exponit. Quid nostra paternitatem vestram epistolari distendo angustia, cum ad vocem, dudum loquelæ grandis in me ignis amoris omni narratione major exarsit; ita ut fructula vanitatis omnia exusta sint, et cum sponsa clamarem una voce: Filie Jerusalem, nuntiate dilecto, quia amore langueo. Quis mihi det, ut languentes et vos, et bibatis poculum quo potatis. Indulgete, Pater; indulgete; stulta facta sum, vos me coegistis. Charitas quæ est in Christo, urget me, plena quidem sum sermonibus, et uteri mei spiritus me coarctant. Quapropter verbis finem imponens dominationem vestram, quæ unica et singularis est mihi, flagito in Christo Jesu pro vulneribus interpel-

lans eandem, quatenus ancillæ vestrae, ac, queso, filiae memoriam habeatis, quæ in signum incorruptæ fidei, non in munus per latorem præsentium onerium offero, et præsentio, desiderans, et anhelans, antequam moriar, vestris conspectibus consolari.

## EPISTOLA CDLXXVIII (1132)

B. AD S. BERNARDUM (1133).

*De indisciplinato monacho agit.*

Dilectissimo Patri BERNARDO, Dei gratia Claræ Vallensis abbati, frater B. sicut ablactatus super matrem suam, terram fluentem lac et mel.

1. Injurias meas decreveram operire silentio, nisi quia dignum duxi, veritate mendacium prævenire. 378 Quotis et quam proterve frater R. intus et extra monasterium mecum contenderit, quot et quanta scandala sciens et prudens coram pusillo grege posuerit, quam erecta cervice, et extento collo regulari disciplinæ et consuetudinibus se opposuerit, testis est ille qui laborem et dolorem considerat; testis est tota congregatio fratrum, in quorum auribus et oculis effusa est contentio ejus; testis est et sua ipsius conscientia, etiamsi aliud lingua loquatur. Gratias ago Deo meo, quoniam, quantum ad injuriam meam pertinet, si aliqua fuit, ab ipso patientia mea. Audivi multa verba quæ non licet monacho loqui; et factus sum sicut homo non audiens, et non habens in ore suo relargutiones. Rogabam hominem multis precibus et secreto, et publice, et solus, et cum aliis; ut parceret et sibi, et nobis: ut conscientia suæ miseretur, pariter et famæ nostræ in terra aliena, ne tam nova plantatio aliquo turbine commoveretur. Arguebam, obsecrabam, increpebam, miscens terroribus blandimenta, ne poneret nos subsannationem, et derisum his qui in circuitu nostro sunt. Vulneribus semivivi nostri vinum pariter infudi et oleum; sed insanabilis fuit dolor.

2. Cum jam pene omnia correptionis argumenta consumpta essent, nec vulnus veniret ad cicatricem, timui ne scabies et putredo unius membri reliquas partes corporis occuparet. Sed quia verebar operæ meæ, diu supersedi, metuens ne ille, qui in angelum lucis transfiguraverat se, ad injuriarum ultionem mearum, sub zelo justitiæ et amore Ordinis me provocaret. Invocato ergo in auxilium Domino, ne me pateretur declinare ad dexteram vel ad sinistram, homini superbo et contumaci indixi, ne psalmum vel antiphonam imponeret, donec emendasset illud quod adversus filios matris suæ ponebat scandalum. In omnibus his non est aversus furor ejus, sed manus ejus extenta. Nam qui prius nolebat cantare rogatus, prohibitus cantabat: antiphonas imposuit, et locutus est mutus, et admiratæ sunt turbæ. In crastino suspendi hominem a mensa. Cumque ascendisset ex adverso, et oppositus mihi in altera

(1132) Epistola nova.

(1133) Haud dubie Bernardi, qui abbas fuit ad

Sanctum-Anastasium prope Romam, de qua in hæc epistolæ. Ejusdem sunt epistolæ 343 et 344.

parte capitolii facie ad faciem plurima intorsisset verba præcipationis, respondi breviter: Si quis vult contentiosus esse, nos talem consuetudinem non habemus, nec Ecclesia Dei. Et sic evasi manus ejus. Indignatus graviter (quoniam et me novitum, et se inveteratum in Ordine prædicabat) de clauastro exsilivit; et egressus portam monasterii, recessit solus: quippe quem non amor propagandi Ordinis, sed, sicut ipse impudenter abbati confessus est, ad contemplationem sui Roma pertraxerant. Videat Deus, et judicet: quoniam, quantum in ipso fuit, fetere fecit Ordinem nostrum, coram abbate, et coram servis ejus,

## EPISTOLA CDLXXIX.

HUGONIS METELLI AD S. BERNARDUM.

*In qua ejus laudes fuisse prosequitur.*

Reverendo et in Christo benedicto patri BERNARDO abbati Clare-Vallis, clarissimæ lampadi, Hugo METELLUS, quondam nugigerulus, nunc crucis Christi bajulus, introire in sanctuarium sacræ Scripturæ, et fragmenta illius ne pereant colligere, et a frigido lapide interiorum excutere.

1. Oleum effusum nomen tuum, fragrans more contritorum aromatum. Fama nominis clarissimi tui longe lateque diffusa, usque ad fines terræ pertransiit, suavissimoque suo odore mare et aridam recreavit, plurimosque ad locum unde spirat pertraxit, quia tracti per odorem, ex ipso aromate gustaverunt salutiferum saporem; 379 et quos sapor stygius infecerat, imo fetor Acherontis defecerat, et debominaverat, gustu nectareo reformati sunt. Oleum effusum vita tua. Vita tua clarissima lampas est, quæ lucendo ardet, et ardendo lucet. Ardet sibi, lucet alteri. Vita tua lampas est, quæ non tantum vicinat, sed etiam illuminat remota. Conversatio enim tua sparso lumine rutilans, non inclusa, sed exclusa; non confusa, sed modeste effusa, exemplo bono tenebras illuminat, lucem ministrat, montes humiliat, irradiat, valles implet et illustrat. Tu es etiam carbo ardens, qui carbonem extinctos accendis de vicino bonæ conversationis tuæ sufflatorio. Totus enim vitæ tuæ cursus exemplo bene vivendi plurimos informat, deformia reformat, exintegrata redintegrat, excrustata consolidat, et non in tenebris, sed in conspectu solis, odorem suavitatis dans, aromatizat.

2. Oleum effusum verbum tuum. Talentum tibi creditum, talentum, inquam, loquendi et persuadendi, non includis, sed mensura excludis. Verba tua igne charitatis vaporantur, et nectare mansuetudinis dulcorantur. Lingua tua calamus est scribæ velociter scribentis. Lingua tua, lingua venefici sapienter incantantis. Lingua nova, nova, inquam, lingua loqueris, dum mysteria sacra insonas, dum laudes Conditoris personas. Sub lingua tua nova et vetera, corpus et umbra. Sub lingua tua gratia et lex, non legis examinata fax. Sub lingua tua lac et mel, non dolus, non fel. Lingua favus est distillans

A mel. Non aerem incassum verberas, non inutilia tractas. Non digito loqueris, non pede strepis: omnia cum mansuetudine componis. In peculio enim tuo lupus accubat cum agno, pardus cum hædo, et puer parvulus minat eos. Oleum effusum verbum tuum. Lex clementiæ in verbo tuo est. Dum prædicas misericordiam, lapsis indulgentiam, desolatis solatium, desperatis spem et consilium, effundis oleum. Dum agonistas in palestra Dei desudantes, nimioque labori succumbentes, eloquio mellito recreas, fonte lacteo potas, sermone dulci ungis, oleum fundis. Verbum tuum stillicidium est, in quo letatur germinans. Torrens inebrians est, germina multiplicans. Dum examine discretionis honestum ab inhonesto, utile ab inutili segregas, oleum B in torculari ab amurca eliquas, paleam in ventilabro a grano separas. Dum spiritualem sensum in littera scrutaris, oleum prelo rationis a theca, qua latebat, elicis. Oleum aqua mixtum supereminet: et spiritualis sensus, quem inquiris, litterali supereminet. Oleum vino mixtum superiorem petit locum; et misericordia, quam prædicas, superexaltat judicium, etc.

3. Dum lego scripta tua, ipsa voce sua mihi loquantur, ipsa salutaria monita prosequuntur: sed non mihi obsecundant, non me satiant. Ipse loquaris, ipse osculo oris tui me osculeris. Revelata facie te volo videre, non per speculum in ænigmate. Ipse me osculeris, non ore tuo, jungendo labia labiis, quia indignus sum, sed osculo; non osculo scriptorum tuorum, non prædicantium de te bonum: sed osculo oris tui, id est mellito eloquio procedente ex ore tuo jucundo. Loquendo enim et exhortando trahes me post te: trahes, inquam, non invitum, sed spontaneum. Spontaneum, quia etsi difficile sit ire post te; si Caucasus et Parnassus Alpesque sint inter me et te, tamen odor boni trahit me post te. Tractus curram in odore unguentorum tuorum, ut per odorem perveniam ad saporem. Introduces enim me in cellaria tua, ubi sunt diversi generis fercula, et diversis speciebus condita pocula: quibus saginatus, quibus debriatus, introducar in æterni Regis cubiculum, ubi gaudeam in sempiternum. Dixi, curram post te, sed non ad te: quia nondum deliberavi apud me, angelicum habitum candidorum Nazareorum pro alio habitu mutare. Bonum est mihi sic esse, etc. Quæ superius dixi, pater venerande, ad te, et de te, et propter te, dixi specialiter: jam calamus laxo, et alios tecum ad audiendum ea quæ dicam invito: in quibus errata mea reprehendo, et miseriam mundi deploro, precumque tuarum levamen appello, etc.

## 380 EPISTOLA CDLXXX.

EJUSDEM HUGONIS METELLI AD S. BERNARDUM

*Se usque ab accusatione purgare conatur.*

BERNARDO Clare-Vallis abbati serenissime, et in Christo benedicto, Hugo METELLUS, quondam domesticus Aristotelis, nunc servus Christi, ascendere de Jericho in Jerusalem.

1. Pinguescunt speciosa deserti, et Clara-Vallis abundat frumento, quo pascitur pardus cum agno, leo cum vitulo : a quibus regnum eorum vim patitur, a quibus Domino Deo abominationes Egyptiorum immolantur : ubi bestiae sunt homines, et in hominis natura sunt conversationes angelicae. Adiciat Clara-Valli larga Dei dextera pluribus plura, et de clara faciat clariorem, de clariori clarissimam. Felix conventus, felix conventus, ubi non flat aquilo ventus terras exurens, sed pluvius auster areolas aromatum nutriens.

2. Mittimus vobis, pater venerande, abbatem nostrum ad videndum, ad colloquendum, ad aedificandum. Videre enim faciem vestram angelicam jucundum est, colloqui jucundius est, aedificari jucundissimum est. Mittimus vobis hominem innocentem, plenum melle, sine felle; plus enim habet mellis quam fellis, plus amoris quam horroris; simpliciter prudentem et prudenter simplicem; turturum cum castitate, et columbam cum simplicitate.

3. Relatum est nobis, pater reverende, relatum esse vobis, quod claustrum quod claudit nos, paucos vel nullos clauderet religiosos. Si relator vester retulit, nullos, falsi prolocutor fuit : si paucos retulit, verum dicit, et mecum sentit. Nos enim pauci sumus. Si vero non ita intellexit, sed de numero paucorum, paucos separat, et ad sinistram collocat, non est mirabile, etsi sit miserabile. Ut enim quae sunt in praesentiarum taceamus, et priora tempora ad memoriam reducamus, arca beati Noe munda et immunda animalia in sinu suo collocavit. Domus patriarchae bonum unum, et alterum reprobum habuit. Ad ultimum, schola Christi undecim sanctorum mentis collegit, unumque phreneticum inter alios sustinuit; aliosque discipulos habuit, quorum nomina secundum praesentem justitiam in libro vitae dixit esse scripta, quae ab eodem libro secundum Dei praescientiam erant abrasa. Claustrum etiam caeli superbia ascendit, de quo cum dedecore corruit. Si, inquam, relator vester improbus paucos reprobos de numero proborum segregat, videat ille, provideat ille, quo oculo dicat. Quod si caligat, lippientem oculum tergat, et collyrio inungat, ut clarius videat, nec in malis alterius ita acuta perspiciat, ut aquila vel epidaureus serpens; sua vero lippis et inunctis oculis intuens. Non est tutum in ambiguis offendere Deum aut proximum, et judicare alterius servum. Scio enim qui dicit : *Tu quis es, qui iudicas alienum servum? suo domino stat, aut cadit* (Rom. xiv. 4). Noli itaque, pater, noli omni spiritui credere, nec claudat oculum tuum lingua adulantium et lippientium, nec impinguet caput tuum peccatoris oleum. Querunt namque gratiam tuam et gloriam suam super aliorum excogitatum offensam. Credo ego te, pater, habere gratiam spirituum, et effundere in terram venditoris oleum. Hi tales cursores, alienarum cogitationum sunt dispunctores, verborum et syllabarum venatores. Hi tales figuram oculorum tenent, qui alios vident, se non vident. Quia vero in

A humana natura una perfectio est, cognoscere se imperfectum (si enim dixerimus quod peccatum non habemus, nos ipsos seducimus, et veritas non est in nobis (I Joan. 1, 8); optimus ille est, qui urgetur minimis. (HORAT. *Satirarum* libro 1, sat. 3, vers. 68, 69). Memini quemdam prudentem dixisse, et dictum memorabile scripturae mandasse : « Non ego, » inquit, « offendar paucis maculis, ubi plura nitent in egregio corpore. » (HOR. *De arte poetica*, vers. 351, 352.)

4. Scio, pater, scio, charitate movente, Apostolo praeeunte (I Cor. vii. 7), velle te omnes homines similes tui esse. Sed **381** labor difficilis est te assequi, difficilius te consequi. Quemadmodum enim acies exterioris hominis reverberatur intuendo sphaeram solis, sic ad intuitum tuarum virtutum obstupescit acies interioris hominis. Copdescendat itaque satur famelico, sanus infirmo, perfectus imperfecto; et oret ut famelicus satietur, et infirmus firmetur, imperfectusque perficiatur. Omnipotens autem Deus, qui te fecit cum non esses, et perfecti cum imperfectus esses; omnipotens, inquam, non est factus impotens, nec brachium ejus abbreviatum est, nec misericordia ejus attenuata est.

#### EPISTOLA CDLXXXI.

EJUSDEM HUGONIS METELLI, IN PERSONA ABBATIS SUI AD GUILLELMUM ABBATEM.

*Excusat, quod ad Herberti sui calumnias aliquanto durius respondeat.*

GUILLELMO venerabili et in Christo dilecto abbati, SIEBAUDUS humilis abbas Sancti-Leonis, de leone rugiente, et ovile Christi circumeunte feliciter triumphare.

1. Epistolam nostram devota et dextera manu suscipite, et quicquid in ea exaratum est perlegite. Nihil salis est ibi, amaritudinis nihil; quod contristet spiritum vestrum nihil. Pacificus est ad vos ingressus noster; ramum olivae, non arma fert sermo noster. Irritati relationibus quorundam asperis, adversum fratrem nostrum Herbertum commoti sumus, quod aspera et irrita promulgasset de nobis; et commoti scripsimus in eum aspera pro asperioribus. Homines siquidem sumus. Nulli etenim injuriarum suarum videntur parvae: multi etiam eas gravius aequo acceperunt. Praeter ea longe plus irritavit nos Dei nostri injuria quam nostra, cujus pactum irritum fecit: quamvis et Dei sit nostra, et nostra Dei. Quia vero irritati, et zelo Dei intrinsecus tacti, aspera verba in fratrem nostrum respersimus, non sine ratione, nec sine auctoritate divinae paginae hoc fecimus. Paulus Corinthios, nuper a se conversos, duris et ignominiosis verbis contristavit, contristatos emendavit (I et II Cor.); Galatas fascinosos pleno ore pronuntiavit (Galat. iii, 1): quos si mitius appellasset, non emendasset, etc.

2. Frater autem Herbertus, si tamen frater, non ut eum decuit, in litteris suis me post se fluvium misisse, qui eum absorberet, descripsit: ut taceam quod me despectivo, suppresso nomine abbatis,



hominem vocavit. Sagittarium etiam me in eodem scripto appellavit, et arcu extento manum meam armavit: quod equidem juxta metaphoram tolerabile esset, si sagittas toxicatas me mittere non adunxisset. Par pari retulit, injuriam suam injuria nostra vindicavit. Certum autem sit Charitati vestrae, pater bone, me paterno affectu defectum fratris nostri plangere, resurrectionemque ejus expanso sinu, manibus expansis expectare. Exspecto enim si quo modo respiscat, si quo modo ad cor redet. Sicut in initio chartulae meae praedicavi, ita dictante in fratrem Herbertum aspera verba effudi, et tam fratrem, quam vos in fratre exasperavi. Sed quia ira viri justitiam Dei non operatur, non accendi omnem iram meam, sed temperavi, imo extinxi eam, etc.

### 382 EPISTOLA CDLXXXII.

HAIMONIS ARCHIDIAconi CATALAUNENSIS AD BERNARDUM (1134).

Reverendo patri ac Domino B. venerabili Dei gratia Clara-Vallensi abbati, H. eadem gratia Catalaunensis Ecclesiae humilis archidiaconus, ante Deum et homines incedere sine querela.

Domine, ecce quem amas, graviter infirmatur. Quartanarius enim est. Rogo ergo te, pater, ut quia magnis aestuo febris, magnis me sanctorum, qui tecum sunt, juvare digneris orationibus. Scio enim, scienter scio, quia si pronus adoraveris in terram, et tetigeris Dominum Jesum eo quo soles valido orationis tactu, exibat virtus de eo ad sanandum, et flabit spiritus ejus, et liquefaciet omnem aegritudinem meam. Bene valeat Sanctitas vestra in Domino, domine mi, et amantissime pater. Utinam merear consolationem et rescriptum de manibus vestris, et de pane refectionis vestrae cum benedictione Dei et vestra accipere.

### EPISTOLA CDLXXXIII.

EJUSDEM AD EUNDEM.

Domino patri ac digne venerando B. Dei gratia Clara-Vallensi abbati, H. eadem gratia id quod est, optimam partem in sorte sanctorum.

Accepta occasione de postulandis Sermonibus vestris in Cantico canticorum, scribere ad vos, reverende pater, compulsus sum: quod quidem sine causa facere non praesumpsissem. Quae enim licentia juveni et indocto mihi, ut aures doctissimi senis sollicitem, quem erudit Dominus Jesus in doctrina sua, sicut erudit homo filium suum? Et quis sum

A ego, ut videntem interrogem, cujus oculi in capite ejus? maxime cum puer sim, et nesciam loqui, pusillus inter fratres meos, et novella plantatio in juventute mea. Absit, domine mi, absit a moribus et disciplina adolescentiae meae, ut audeam vobis sine causa loqui, nedum quod habeam ad vos litterata colloquia. Verum, ut praedixi, postulandi Sermones vestros nunc se ingressit occasio, quos saepe per nuntios requirens, opportune institi et importune; nunc quoque litteris improbiorebus insto. Certe si essem aliquis, nonne merito indigne tulissem, quod liber iste vester voluit per ora sinusque omnium, me vero solum elabatur? Quare hoc, domine mi? Forsitan indignum me judicastis. Ad quod ego: Si indignum me esse sciebatis et insufficientem ad intelligendum, quare promittebatis? si autem probum ac studiosum, quare differtis? Obsecro, domine, ne differatis ultra promissum. Nuntiate et mihi rumores optimos, quos aliis sparsistis de eis spiritualibus nuptiis, quibus saepe vos paranympus interfuistis. Frangite panem verbi, apponite fœvum mellis, quem distillaverunt manus vestrae: ut habeam in his diebus jejunii, unde reficiar. Bene valeat Sanctitas vestra, domine mi pater, divinarum et humanarum rerum maxime arbi- ter, magister chisticolarum, cursus Ecclesiae et auriga ejus.

### EPISTOLA CDLXXXIV (1135).

G. AD S. BERNARDUM.

C Ad excusandum Ambianensem episcopum ab expeditione transmarina.

Dulcissimo patri et domino B. Dei gratia Clara-Vallensium abbati, frater G. quod patri filius.

Quaedam perlata sunt ad aures domini nostri Ambianensis 383 episcopi (1136), quae admodum ter- ruerunt eum. Homo humilis est, et de se minima sentit: sed quod non credit humilitas, crebri rumores adduxerunt in dubium. Rex, ut dictum est ei, vult eum habere socium peregrinationis suae, et super hoc habere dicitur assensum domini Papae. Magna dignitas satisque jucunda, si non impossibilitas reclamaret. Pauper et infirmus est, ita ut nec corpus labori, nec pecunia sufficiat necessitati. Quantum etiam necessarius sit ad reprimendos raptos et protegendos pauperes Christi, qui in diocesi sua sunt, norunt ipsi, novimus ipsi, qui rem didicimus. Cogimur itaque charitatis affectu vestram

Catalaunensis anno 1132.

(1135) Scripta anno Christi 1148.

(1134) Guido, ex decano Laudunensi electus anno 1142 Catalaunensis episcopus, sed anno tantum 1144 consecratus (de cujus electione vide Bernardi epistolas 221 et 224), ad eam sedem suam veniens, quemdam Laudunensis Ecclesiae juvenem clericum, nomine Haimonem, qui secum abierat, mox in ipso primo consecrationis suae anno, sedis ejusdem archidiaconum fecit. Quae verba Hermannii Laudunensis in libro tertio de Miraculis B. Mariae, cap. 25, intelligenda sunt de isto Haimone, cujus epistolas duas hic editas a venerabili vero N. a Sancto Remigio, iidem Catalaunensi archidiacono, accepimus. Porro idem Haimo post Bartholomaeum Guidonis successorem creatus est et ipse episcopus

(1136) Theodorici scilicet, qui primo fuit monachus cenobii Sancti-Nicolai, in diocesi Laudunensi, postea vero abbas Sancti-Eligii Noviomensis, ac demum pontifex Ambianensis a Samsone Remorum archiepiscopo consecratus uno anno post consecrationem Guidonis Catalaunensis, id est anno 1145, ex libro tertio Hermannii de Miraculis S. Mariae Laudunensis, cap. 26. Huic epistole respondet ejusdem Theodorici epistola, inter Sugerianas 24 ad Sugerium: in qua contestatur, se ad expeditionem regiam nullatenus sufficere. Ejusdem est etiam epistola ibidem 34.

humiliter interpellare pietatem, ut cum, si fieri potest, super hoc faciat excusatum, consulens communi ecclesiarum utilitati, gravique communitatis qua vexatur infirmitati. Valete.

#### EPISTOLA CDLXXXV (1137).

SAMSONIS ARCHIEPISCOPI REMENSIS AD SANCTUM BERNARDUM.

*De conditione monasterii Morensis, dilecto Lingenensis.*

Samson Dei gratia Remorum archiepiscopus, charissimum ac præcordiali amico suo BERNARDO, Claræ-Vallensis monasterii venerabili abbati, salutem, et in sanctæ religionis proposito beatam perseverantiam.

Sanctitatis vestræ petitionibus debita sollicitudine anpuentes apud abbatem et canonicos Beati Dionysii multum diuque laboravimus, ut ecclesiam, quæ est apud Moras, nobis donarent cum omnibus appendiciis suis, ad faciendam ibidem abbatiam Ordinis Claræ-Vallensis: quod quidem vix impetrare potuimus. Cæterum Domino propitiante tandem ipsam ecclesiam cum omnibus appendiciis suis nobis donaverunt, ea conditione videlicet, ubi ibidem abbatia Claræ-Vallensis Ordinis fieret. Nos itaque ecclesiam illam cum omnibus appendiciis, vobis, et sanctæ congregationi Claræ-Vallensi concedimus et donamus, ita videlicet, ut ibidem abbatiam Claræ-Vallensis Ordinis absque longioris moræ obstaculo faciatis. Valeat Sanctitas vestra in Domino, et pro nobis, et pro ecclesiis nobis commissis jugiter Dominum oret.

#### EPISTOLA CDLXXXVI (1138).

HENRICI EPISCOPI TRECENTENSIS AD S. BERNARDUM DE BULENCURIE ABBATIA.

Venerabili et reverendissimo patri BERNARDO Claræ-Vallensi abbati, ejusque successoribus regulariter substituendis, ego HENRICUS Trecentensis episcopus, in perpetuum salutem.

1. Si monasteriis et ecclesiis in episcopatu nostro constitutis curam et vigilantiam ut in melius proficiant adhibemus, ab illo cui cura est de omnibus, speramus auxilium, et præmium expectamus. In episcopatu nostro quædam ecclesia canonicorum erat, Bulencuria nomine, abbatem habens, canonicos, et conversos, et mulieres; qui omnes voverant propositum sanctitatis: ubi cum penitus disciplina defecisset, regnaret insolentia, honestas deperisset; vocatus ab illius loci habitatoribus, qui jam se ipsos per semetipsos sustinere non poterant, adveni. Ibi ab illius loci abbate, et ab omnibus tam canonicis, quam conversis et mulieribus, cum multis precibus rogatus sum, ut ecclesiam ipsam et omnes possessiones ejus, quæ jam per se stare non poterant, Deo et Ordini Cisterciensi, specialiter autem venerabili patri et domui Claræ-Vallis emendandam et possidendam juxta consuetudinem Cisterciensis Ordinis in sempiternum concederem. Abbas autem prædicti

A loci in manu nostra abbatiam dimisit, et ad opus Claræ-Vallense reddidit.

2. Videns ergo quia omnipotens Deus tua sollicitudine, sapientia, et religione pene totum illuminaverat et correxerat mundum, ipsam ecclesiam Cisterciensi Ordini, tuæ Paternitati, et Claræ-Vallensi domui cum omnibus possessionibus suis in perpetuum dono: in 384 quibus hæc sunt quæ nominibus propriis duximus adnotanda: Terram abbatie adjacentem, grangiam de Frigido-Fonte, Pertam in Rosteria, Pertam-Haymonis, Pertam-Siccam, Domni-Perucum, Bruliam cum omnibus appendiciis et pertinentiis ipsarum grangiarum, et omnia quæ prædicta ecclesia in dominio possidebat. Ne autem hoc aliqua temporum vetustate, vel alicujus hominis perversitate aut mutaretur, aut penitus deperiret; sigilli nostri munimine confirmavimus. Actum est hoc anno ab Incarnatione Domini 1132, regnante Ludovico Juniore rege Francorum.

#### EPISTOLA CDLXXXVII (1139).

GAUFRIDI EPISCOPI CARNOTENSIS AD STEPHANUM EPISCOPUM PARISIENSEM.

*De pace inter ipsum et Stephanum de Garlanda.*

De reformanda pace inter vos et Stephanum de Garlanda, dudum vobis, ipso petente, locuti fuimus. Nunc autem, quoniam audivimus quod, omissis quibusdam quæ adversum vos videtur habere, pacem vestram desiderat, sanctitatis vestræ discretionem consulimus (quem ex cordis affectu diligimus, et cui consulere nisi quod honori vestro serviet non possumus), consulimus, inquam, et petimus, ut diem ei competentem et terminum constituatis, in quo, juxta considerationem rationis, pacem cum eo reformetis, quam offert vobis ad cognitionem et examinationem amicorum vestrorum, videlicet abbatibus de Clara-Valle. Non enim decet paternitatem vestram oblatam pacem respuere, quam etiam non oblatam modis omnibus provocare debetis. Nam juxta Domini Salvatoris exemplum, ovem errantem debetis requirere, et ad pacis ovile vestris etiam humeris reportare. Si cum omnibus hominibus, sicut dicit Apostolus, pacem debemus habere, quanto magis cum his, de quibus nos oportet Domino respondere? Unde, quod absit, si prædicti viri satisfactionem ex amicorum sententia non recipitis, certum est quod et apud Deum offensam incurritis, et amicis vestris ruborem incutitis. Valete.

#### EPISTOLA CDLXXXVIII (1140).

EUGONIS EPISCOPI OSTIENSIS (1141) AD CAPITULUM CISTERCIENSEM.

*De morte Eugenii III papæ.*

Amantissimis in Christo patribus, GOSVINO Cisterciensi, BERNARDO Claræ-Vallis abbatibus, totique capitulo Cisterciensi ad honorem Dei congregato,

(1137) Scripta circa annum 1132.

(1138) Scripta anno Christi 1132.

(1139) Scripta annum 1126. Antea epistola 465.

(1140) Scripta anno Christi 1133.

(1141) Is olim monachus Claræ-Vallensis, ad quem Bernardi epistolæ 237, 290, etc.

Huc Dei gratia Ostiensis episcopus, unitatem spiritus in vinculo pacis.

Sicut sacra docet auctoritas, omnis caro fenum, et omnis gloria ejus quasi flos feni (*Isa. xl, 6*). Breves dies hominis sunt: transit homo velut umbra, nunquam permanet in eodem statu. Deficit ut funis, cadit ut folium quod a vento rapitur (*Job xiv, 5, 2; viii, 9; xiii, 25*). Decus Ecclesie, pater justitie, amator religionis et patronus, qui superbiorum et sublimium colla propria virtute calcaverat, qui super solium David et super regnum ejus sedebat, ut Ecclesiam sibi commissam, quam ad sublimem statum reducerat, confirmaret et corroboraret; pater, inquam, noster ac defensor, felices memorie papa Eugenius, trabea carnis exutus, octavo Idus Julii carne immaculatus migravit ad Christum. Exivit Christo obviam in aera, et sic semper cum Domino erit; Agnum secuturus quocunque ierit. Cujus exsequie, præter spem omnium, jam fere enim senatum adnihilaverat, præter morem consuetum, ita per bideum sunt a clero et populo celebratæ, ut jam crederetis regnantem in cælis, qui mortuus ita colebatur in terris. O quantus erat luctus omnium! quanta præcipue lamenta pupillorum et viduarum! jam diceretis esse cum Deo, qui ita lamentabatur a populo. Procul dubio ereptus est de laqueo venantium: contritus est laqueus, et ipse liberatus est, raptus, ut credimus nos qui ejus conscientiam novimus, usque ad tertium cælum, non relinquens nos orphanos, ut quidam autumant. Rogabit enim Deum Patrem et Unigenitum cum Spiritu sancto qui est Deus benedictus in sæcula, cum quo est, pro nobis. Vos autem, de quorum collegio ipse est electus, ut sederet super principes, et solium gloriæ teneret, orate pro eo, constituite perpetua beneficia, ut Deus sibi indulgeat, et corona gloriæ sibi augeat. Pro bonæ memoriæ fratre nostro similiter orate: pro nobis vero qui in hac valle miseriæ, in hac regione dissimilitudinis, et in medio præve nationis remansimus, et pro Ecclesia Romana, quæ ex tam alto gradu tam brevi spatio usque in profundum abyssi inferni cecidit, nihilominus rogamus oretis, ne demergatur in profundum hujus magni maris, in quo sunt reptilia, quorum non est numerus. Præterea rogamus obnixè, quatenus, si parvitas nostra quidquam in oculis vestris potest, petitiones quas latores præsentium pro domo Sancti-Anastasio, et pro domo Fossæ-Novæ, et pro domo de Casa-Marii

(1142) Scripta circa annum 1151.

(1143) Nempe Sancti-Vincentii ad urbem, Sancti-Michaelis in Terascia, Sancti-Nicolai in Bosco, Sanctæ Mariæ de Novigento, Sancti-Nicolai in Prato, virorum; præter parthenones Sancti-Joannis in ipsa urbe, et Auriniacensem in eadem diocesi.

(1144) Hec enumerat Hermannus Laudunensis in libro tertio de Miraculis: scilicet Præmonstratense, Sancti-Martini in urbe, Tenoliense, Clara-Fontanense, et Cuissiacense Ordinis Præmonstratensis, Fusciniacense, Spinetense, et Valclarense, Ord. Cisterciensis, virorum: quibus nonum ad

A vobis facient, benigne et efficaciter exaudiat. Alioquin sciatis quod inde magnum sentitur scandalum.

### 385 EPISTOLA CDLXXXIX (1142).

BARTHOLOMÆI, EX EPISCOPO MONACHI, AD SAMSONEM ARCHIEPISCOPUM REMENSEM.

*Reddit rationem suæ administrationis.*

Venerabili, semperque amabili domino SAMSONI Remorum archiepiscopo, et sub ejus presentia congregato sancto conventui, frater BARTHOLOMÆUS in Fusciniaco pauper monachus, misericordiam et veritatem diligentibus,

1. Verecundie meæ silentium imperat. hujus sancti conventus solemnitas: sed frontem aperit; et stimulat ad loquendum in palam imminens fame meæ periculum. Neque enim dissimulare possum quod multorum vulgavit opinio, quod etiam ad aures domini Papæ volavit. Episcopales redditus me detraxisse rumor est, cui rumori plus justo credit Laudunensis episcopus. Meum ergo est super eis fateri quod verum est; intueri autem quod justum est, et tueri, vestrum erit.

2. Laudunensis sedes tristis et morens erat, cum illuc primum ingressus sum, utpote attrita seditionibus, et ignibus concremata. Ipse quoque res majoris ecclesie afflictæ erant, et tennes redditus. Si illi porrexerim manum ut resurgeret, novit Deus, noverunt et Ecclesie filii. Verumtamen nihil eis contuli, quod ad redditus pertinet episcopi, præter porcos, quos vulgo nostrates verres vocant, quos mensæ episcopali personæ solvebant ecclesie. Hos, inquam, ad præbendam canonicorum concessi, quoniam illos nec sine pudore exigere, nec habere sine molestia poteram. Præterea quinque duntaxat abbatias in nostra diocesi reperi (1143), rebus pariter ac religionē dilapsas. In his, Domino Deo multiplicante misericordiam suam, et numero, et merito crevit sanctorum numerus, et possessio est dilatata. Novem insuper novæ religionis monasteria passim in eadem diocesi sunt fundata (1144). Horum in personis numerus numerum pene excedit; horum religio religionis est specimen: horum tam multa possessio est, tam multis abunde sufficiens.

3. Si manum beneficii me porrexisset negavero antiquis ecclesiis ut resurgerent, novellis ut consurgerent, mentiar. Profui sane ferè ecclesiis omnibus: sed nec quantum volui, nec quantum debui. Sane Calixtus papa dominum Norbertum, cujus memoria in benedictione est, fidei nostræ commisit,

radices montis Laudunensis adiecit Monasteriolum pro sanctimonialibus ejusdem institui: quo uno monasterio censet Hermannus Laudunensem ecclesiam ceteris debere præferri, quod ante illud nulla hujuscemodi religionis abbatia feminarum existeret. « Hæ, depositis omnibus lineis indumentis, » inquit idem auctor, « atque pellicis, solis tunicis lapeis utebantur, et non solum nendo vel texendo, sed etiam in agris fodiendis, silvis extirpandis, evellendisque spinis et vepribus, manibus assidue laborantes cum silentio, sibi victum querebant exemplo Clare-Valleusium monachorum. »



ut ei locum traderem, ejusque votis assisterem. Terram igitur ad episcopum pertinentem illi contuli, quæ vix tamen sufficeret duobus aratris. Hujus pars Versiniaco est posita; pars apud Cuisy, quæ tamen multis jam ab annis inculta et sterilis jacebat. De his itaque quæ ad episcopales pertinebant redditus, nihil amplius me recolo detraxisse. Vestro tamen favore ac consensu quidam ecclesiis contulerunt terras, quas a nobis habebant in beneficio: census tamen terrarum et vinagia nulli penitus condonavi.

4. De cætero quid illi sedi accessit commodi aut honoris, nolo humanum procedat judicium. Si quid vero ut homo deliqui, in conspectu hominum confundi non refugio. Causam itaque nostram vobis, tanquam judicibus allegare, tanquam testibus intimare volui: in quibus calumniam non timeo, verum dicens. Liceat **386** tamen mihi aliud audere apud vos, liceat aliquid humanum loqui. Nihilne sedi nostræ titulorum accessit et gloriæ, cum tot et tantas parturivit ecclesias, cum tot multiplicaverit regulares personas? Cur ergo, ut audio, dominus Laudunensis sine testibus bellum parat (1145)? cur tentat quod forte ei promovere non liceat? Si filios Dei congregavi, si suscepi justum in nomine just; nemo mihi succenseat: videat alius ne congregata disperdat. Conservet vos omnipotens Pater ad honorem sui nominis, et per vos Ecclesiæ suæ religionem et sanctitatem corroboraret.

#### EPISTOLA CDXC (1146).

TURSTINI ARCHIEPISCOPI EBORACENSIS AD WILLELMUM CANTUARIENSEM PONTIFICEM (1147).

Reverendissimo, et in christiana charitate domino WILLELMO, Dei gratia Cantuariensi archiepiscopo, apostolicæ Sedis legato, TURSTINUS eadem gratia archiepiscopus Eboracensis, in Christo proliferare, et nunquam deficere exoptat.

1. Ecclesiasticæ dignitatis summus honor est cum filiis et optimatibus Ecclesiarum inter difficillimos eventus summa communicare consilia. Unde Paternitati vestræ rem insolitam, quæ inter nos Eboraci nuper contigit, indicare decrevimus, domine venerabilis et egregie pater. Siquidem notum satis ac certum est multis, quanta bonitate ac fama enituit virtutis in auribus omnium insigne cœnobium Sanctæ Mariæ Eboracensis. Infra paucos namque annos et rebus plurimum excrevit, et numero et religione fratrum laudabiliter abundavit. Verum quia cum opibus virtutes minus vigere, minus consistere hand dubium est, aliqui ex fratribus ejusdem cœnobii ante dimidium ferme annum, divino, ni fallor, in-

(1145) Bartholomæo post annos regiminis triginta octo successit anno 1151 Gualterus, ex primo abbate Sancti-Martini in urbe: Gualtero post annos tres Gualterus alter, de Mauritania dictus, ex decano ecclesiæ Laudonensis, qui hanc litem Bartholomæo tum monacho facessivit. Quousque vero lis et controversia hæc, præsertim adversus Præmonstratenses, qui Bartholomæi beneficia in primis

A stinctu permoti, cœperunt de modo ac statu conversationis suæ vehementer agitari, et remordente conscientia, sicut ipsi testantur, multis angoribus æstuarè. Nempe falli se pene metuebant, si tantum votum exsecutio digna minime sequeretur. Unde inæstimabili horrore dicti fratres Eboracenses percussi sunt, eo quod professionis suæ votum in nullis, vel saltem minimis in rebus, adimplere viderentur; metuentes sane ne in vacuum currerent aut cucurrissent, si voti reos tantæ inobedientiæ poenalis ultio non reprobareret. Facinus namque, vel potius insaniam videri credebant, se portare Regulam beati Benedicti, non ad profectum salutis, sed ad judicium mortis. His igitur permoti prædicti fratres, Priori suo, Richardo nomine, mentis suæ difficiles æstus innotescere studuerunt, prætendentesque de transgressione formidinem, ex voti correctione patrociniū supplicabant: ac ne prosperitatis alienius respectu vel adversitatis timeret auxiliari, per Spiritum Dei, et Christi nomen adjurabant. Expavit ipse de novitate rei: ac licet inter suos dulcis fortunæ summa facultate vigeret, auditio tamen rumore melioris vitæ, perpendit velut intentione censoria dubios casus labentis fortunæ. Interimque brevi, ut res erat, internæ virtutis usus consilio, inter hoc et illud illico decrevit decrevit. Pollicaretur non modo auxilium, verum etiam ejusdem voti fore se socium. Quid multa? paulo post numerus eorum ad tredecim pene convaluit, qui de corrigendo statu vitæ suæ juxta Regulam beati Benedicti, imo **387** veritatem Evangelii, contendere proponebant.

2. In vigiliis igitur apostolorum Petri et Pauli dilectus frater noster Richardus Prior, in quo tota pene monasterii cura pendebat, sumpto secum Subpriori suo Gervasio, inter suos concenobiales nominato ac religioso, rem, uti agitabatur, domino abbati suo familiariter exponere curavit. Itaque dominus abbas, vir utique pro sensu et ingenio suo honestus ac bonus, nimis autem simplex et illiteratus, novi rumoris miraculum exhorruit: antiquos ritus et solitas consuetudines, quas pene toto orbe generalis multitudo obtinuit, posse se in locello suo mutare negavit. At vero dominus Prior utpote bene litteratus: « Nil rûde, inquit, o pater, aut novum inducere contendimus. Veram et antiquam religionem beati patris nostri Benedicti, imo etiam antiquissimum Evangelium Christi, quod omnes religiones et regulas antecedit, assumere et totis viribus cum gratia observare debemus. Cæterorum monachorum nullos detrahimus, institutionibus eorum non invidemus. Scimus quod in omni loco uni

experti fuerant, perducta sit, intelligitur ex Adriani IV. papæ litteris ad Ludovicum Juniorem scriptis, quæ in Bibliotheca Præmonstratensi referuntur.

(1146) Scripta anno Christo 1152.

(1147) De hujus epistolæ argumento vide Bernardi epistolæ 94 et 315. Ad Turstinum scriptæ sunt epistolæ 95 et 319, in quarum priore Bernardus eidem ob hoc factum gratulatur.

Domino servitur, uni regi militatur (*Reg. S. Benedicti*, cap. 61); et in foro, et in claustris gratia Dei eadem valet. Job etiam fortior exaltit in sterquilino, quam Adam in paradiso. Denique quidquid beatus Benedictus instituit, ita totum Spiritus sancti providentia destinatum est, ut nihil utilius, nihil sanctius, nihil felicius excogitari posset. Cumque sciret ac predicaret, quod socordia inimica sit animæ, certa quidem tempora ordinavit lectionis et orationis instantiæ, certa quoque tempora labori et industriæ: quatenus in altero salubriter exerceat animam, in altero carnem, in utroque vero tolleretur fastidium. Hæc quoque super adducit: Scurrilitates, aut verba otiosa, et risum momentanea, æterna clausura in omnibus locis damnamus, et ad tale eloquium discipulum aperire os non permittimus (*Ibid.* cap. 6). Et alibi quoque ait: Omni tempore silentio debent studere monachi, maxime tamen nocturnis horis (*Ibid.* cap. 42). Hoc decretum quam diligenter observatum, neminem latet qui nostras consuetudines nosse potuit. Euntibus namque aliis ad ecclesiam post collationem, alii recedunt vicissim ad nugas et inutiles garrulasque confabulationes. Quasi non sufficiat diei malitia sua, nisi et superaddatur nocti et suis.

3. Multa addidit præterea de ciborum insolentia, de dulci et solempni vicissitudine potationum, de pretiosa subtilitate pannorum. « Non ita sapuit, non ita docuit beatus pater noster Benedictus. Ab eo quippe non color vestium, sed calor attenditur: non sapor pulmentariorum exquiritur, sed parcitate ciborum necessitas fallitur. Non agnoscit suos beatus Benedictus, nisi sub Regula et abbate in cœnobiiis degentes. Porro si libet, o pater venerabilis, recurramus ad evangelicam puritatem, ad evangelicam perfectionem et pacem; et intueamur, quam nihilum vel parum reluceat in moribus vel actibus nostris quod docuit Christus. Concupisimus omnia, irascimur, rixamur: rapimus aliena, repetimus nostra cum lite, fraudes et mendacia defensamus, carnem et affectus ejus sequimur. Nobis vivimus, nobis placemus; vinci formidamus, viciasse gloriamur; cæteros opprimimus, opprimi devitamur; cæteris invidemus, de nostris profectibus gloriamur, et jocamur, et ex alienis sudoribus impinguamur, et totus mundus non sufficit malitiæ nostræ. Etsi videatur Evangelium emortuum et impossibile in nobis, intueamur monachos Saviniacenses et Claræ-Vallenses qui nuper venerunt ad nos, quam clare reluxit Evangelium in illis, ut, si dici fas est, utilius sit eos imitari, quam Evangelium recitare: cum vero videtur sancta conversatio eorum, quasi reviviscere judicatur Evangelium in illis. Soli sua non repetunt, soli nihil possident, unde se proximis anteferre contendunt. Soli sunt qui proximorum damnum non appetunt. Modica cultura terræ et usu pecorum contenti sunt: ea vero non habere appetunt, nisi quandiu Deus vult; quia cum vult Deus ea auferri, non licet appetere. Eis, ni fallor, com-

A petit 338 dicere: Nobis mundus crucifixus est, et nos mundo (*Galat.* vi, 14). Eis competit dicere, Dimitte nobis debita nostra, sicut et nos dimittimus debitoribus nostris (*Matth.* vi, 12): qui debitorem neminem habent, in quo quidquam exigere velint. Felix hominum genus, quorum habitus, victus, totusque modus conversationis eorundem sapit Evangelium. Illorum portio solus est Deus. Illi plene, quantum humanæ facultatis est, charitatem Dei et proximi implere dignoscuntur: quia soli Deo coherentes, temporalia cuncta præter modicum et contemptibilem habitum ita plene deseruerunt, ut nihil concupiscant, unde proximus sibi dignetur irasci. Non igitur, o pater, unquam impossibile videatur tenere Regulam beati Benedicti: B quandoquidem talia Deus nobis ministravit exemplaria, qui sanctis virtutibus præcesserunt nos, ut sequamur illos. Si vero propter viciniam et strepitum populorum non omnino valeamus sequi eorum puritatem, saltem modum vitæ et professionis juxta regulam nostram advertamus, propterea quod non monachi, sed mortui sumus.

4. In hunc modum locutus est dominus Prior Richardus cum domino Galfrido abbate suo de correctione monasterii sui: quæ verba dominus abbas non satis jucunde accepit; quia difficile est diuturnos usus amovere. Verumtamen cum se fateretur minus perspicacem et illitteratam, rogavit uti scripto plenius innotesceret, qualiter in loco suo talia actitari potuissent: quod libenter amplectens, non segnius studio susceptum implevit imperium. Scripsit igitur ut non aliis colloquutionibus, nec pannis, nec cibariis uterentur, quam Regula permittere videretur: situmque et ordinem monasterii tam diligenter expressit, ut vix melius in eremo, quam in urbe Regula teneri putaretur. Possessiones vero, sicut in rebus sæcularibus edoctus, ita fideliter ordinavit, quatenus ut in illis evangelicam justitiam vix in ullo excessisse crederetur. De redditibus siquidem ecclesiarum vel decimarum, de quarum investitura monachi magis reprehensibiles haberi solent, omnia suscipi et fieri legitima et canonica consideratione episcoporum, et non nisi in usus pauperum, peregrinorum, hospitumve debere expendi: at vero ex legitima cultura terræ et usu pecorum monachos victitare decrevit. Quæ cum omnia cœpissent inter alios rumore notari, furor subitus multitudinis cæterorum in tantam prorupit invidiam, ut tali homini familiaribusque suis nil præter exilium deputarent, vel districtam custodiam.

5. Tamen post multas et amicas altercationes hinc inde habitas, dominus abbas difficiliter se posse mutare referebat, quod antecessores sui tenuisse videbantur: et volens super hac re bonis uti consiliis, plenam responsionem usque post Nativitatem beatæ Mariæ protelavit.

6. Interea cæteri fratres frustra metuentes se plus solito regulari districtione coarctari, cœperunt in invidiam Prioris cæterorumque Phariseos pene

more grassari : et, nisi quorundam benignitate intercessisset dilatio, intestinæ persecutionis modum impetus excessisset. Interea rumor seditionis internæ inter exteriores turbas volitabat. Audiebamus sane strepitum vulgi ; rei tamen ipsa veritas latebat : cum ecce Richardus Prior, conjunctis secum Subpriori et secretario monasterii sui, totam rem, uti erat, nobis indicare curavit. Postulabant quidem clementiam beati Petri ac nostram, quatenus ad observandum quod voverant, benignam opem non negarem deferre : jamjamque necessitatem imminere proclamabant, præsertim quia jam conspiraverant fratres, ut si quis eorum de professione sua quidquam mussitaret, extra communionem fieret. De sociis etiam Prioris, vel timore, vel amore, vel vanitate conterritis, jam ibant retro, non aliter pace restituta, nisi culpam fatendo, quod de servanda professione sua quidquam murmurassent.

7. Ego igitur Turstinus, Dei gratia Eboracensis archiepiscopus, audiens Christi servos juxta præceptum beati Benedicti nil amoris Christi velle præponere, verebar in iis Christi gratiam offendere, si justæ **389** petitioni eorum non curarem episcopali pietate subvenire : quippe cujus officii summa est, et de monachorum religiosa quiete providere, et oppressis in necessitate condolare. Ac proinde religiosarum personarum usus consilio, dominum Galfridum abbatem et Richardum Priorem cum Subpriori suo ad opportuniorum locum evocavi, quatenus religiosis personis et fratrum petitionem, et abbatis responsionem in bona pace consummarem. Ipsi nihil aliud quam, ut prius, cum multis lacrymis expetebant, uti pauperem Christum in voluntaria paupertate sequerentur, et Christi crucem in corpore suo portarent, itemque evangelicam pacem Regulamque beati patris Benedicti plene observare non impedirentur. Ad hæc sene domini abbatis licentiam opemque paternam flagitabant. At vero dominus abbas eorum operam longe fore necessariam sibi lacrymose fatebatur, promittens, quod eorum votum, quia sanctum erat, non impediret ; opem vero quam expetebant, nesciente capitulo suo, promittere nullam auderet.

8. Itaque dominus abbas cum monachis suis revertitur domum, data interim pace ac die constituta qua in capitulum eorum advenirem, ac religiosis adventantibus personis rem cum abbate pertractarem. Interea reliqui fratres in eorum invidiam insurgere tanto crudelius enitebantur, quanto ipsi votum suum explere manifestius appetebant. Advocantur interim fratres Majoris-Monasterii et Cluniacenses monachi, qui in viciniâ nostra demorantur, quatenus, eis præsentibus et acclamantibus, vos, velut communis Ordinis desertores et violatores, ab omni dignitate et cura monasterii sui reproarent. Post abbatem namque in eorum manus summa monasterii cura fuerat delegata. Sed hæc interim. Ego autem die statuta summo mane ad capitulum monachorum venire parabam : et jam ostii limen

A pene calcaveram, venientibus una viris sapientibus ac religiosis, quorum nomina sunt hæc : Ilugo decanus, Willelmus Prior clericorum regularium de Cisbarne, Willelmus thesaurarius. Ilugo archidiaconus, Serlo canonicus, Aufredus capellanus meus et canonicus, Robertus sacerdos de hospitali. Foris intra portam remanserunt equi nostri cum paucis hominibus.

9. Denique introeuntibus nobis, ut dictum est, ostium capituli, occurrit nobis dominus abbas in ipso ostio cum monachis, quibus capitulum plenissimum erat : et nisi partem clericorum, qui mecum veniebant, amoverem, intrare prohibuit. Vix ergo respondere potui, quod cum clericis meis, qui viri boni et sapientes, et eorum amici erant, ad tantum negotium intrare non deberem, cum ecce totum capitulum tanto strepitu, tanto horrore personuit, ut magis seditiosus ebriorum et debacchantium hominum fremitus, quam monachorum humilitas, quæ ibi nulla erat, videretur. Insurgunt plurimi, et exsertis brachiis velut ad luctandum advolabant : clamabant se exituros, si ego intrarem. Tum ego : « Testis, » inquam, « mihi sit Deus, quod sicut pater adveniebam, nec quidquam mali vobis inferre putaram ; pacem tantum inter vos cupiens et christianam fraternitatem. Jam vero quia mihi quod episcopalis auctoritatis et officii est auferre conamini, et ego quod vestræ necessitatis est itidem vobis tollo. Cesset igitur ecclesia vestra. »

C Tum unus eorum, nomine Simeon : « Malumus, » inquit, « centum annis ecclesiam nostram cessare. » Cui omnes assentientes, voce phrenetica : « Capite ! » inquam, « capite ! » Apprehendentesque Priorem sociosque ejus, jam trahere incipiebant, volentes eos, sicut inter se consilium fuerat, aut in carcerem impingere, aut in exilium agere. Ipsi vero, aliam, qua manus eorum evaderent, spem non habentes, me totis ulnis complectuntur, pacem beati Petri et nostram expetentes. Et ita vix in ecclesiam reversi sumus, illis usque in ecclesiam frementibus et proclamantibus : « Capite rebelles ! apprehendite proditores ! » Assedimus itaque in ecclesia, et abbas cum reliquis monachis **390** suis revertitur in capitulum suum.

D 10. Interea homines abbatiæ, foribus clausis et ostiis aditus, adstare, velut in insidiis excubare. Tum nos (ut vera fatear) monachorum impetus metuentes, ostium ecclesiæ, per quod itur in claustrum, intus obserandum curavimus. Interea rumor evolat, occurrit populus. Nil tamen foris aut dictum aut actum est mali. Cum ergo inter monachos nulla concordia fieri potuisset, domum revertimus, adducentes nobiscum prædictos numero duodecim presbyteros, et subdiaconum unum : e quibus plures bene litterati, omnes plenam observationem Regulæ ac professionis suæ, et Evangelii pariter expetentes. Itaque in domo beati Petri et nostra hospitantur, nulla violentiæ adversitate a proposito deterrendi. Fratres autem abbatiæ nihilominus in eorum ordine



delacchantur : abbas nescio quid acturus iter arripuit.

11. Quocirca Paternitatem vestram per Christum obsecramus, eorum partem, qui ad severiora et arctiora transire cupiunt, auctoritate vestra defendere velitis. Si vero abbas eorum ad vos venerit, pro vestra a Deo data auctoritate et sapientia, in pacem illum reducat, et ne filiorum sanctum propositum impediat, admoneat. Quod si prævenerit, et recessit, rogamus, ut per præsentem nuntium litteras illi exhortatorias dirigatis, ne pertinaciter adversetur illis, imo potius opem conferat et opportunitatem, qui Christi Evangelio et Regulæ beati Benedicti in veritate cupiunt obedire. Debet saltem abbas et monachi sui in hac re Ægyptios et Babylonios imitari, qui filios Israel in terram promissionis permiserunt utiliter repedare. Laban quoque Jacob, ob ejus obstinationem clanculum fugientem, post crudelem persecutionem ad patrem redire permisit. Neque vero desertores, sed provisores censendi sunt, qui locum, ubi peccandi libertas major est, relinquentes, tutius Deo famulari desiderant. Nempe Christus ipse detertere eos debet, qui Phariseos redarguit, eo quod nec ipsi intrent, nec alios intrare sinant. Notum siquidem omnibus est, quod Regula beati Benedicti, toto pene et communi, ut ita dicam, orbe monachorum, modum suum in omnibus prorsus amisit et statum. Adeo ut nemo satis mirari potest, quod quis audeat coram Deo et Sanctis ejus promittere cum tanta solemnitate, quod ipse vel quotidie negligit, sive, ut verius dicam, compellitur non observare. Cedit profecto in eos quod ait propheta, *Populus hic labiis me honorat, cor autem eorum longe est a me* (Isa. xxix, 13) : ut Apostolus ait, *Voce confitentur se noscere Deum, factis autem negant* (Tit. i, 16).

12. Verum fortassis quia multi ita faciunt, frequens usus confert audaciam. Verum, quod dolens enuntio, fallitur, plane fallitur audacia monachorum: quia multitudo peccantium non facit impunitatem scelerum. Unde non impediendi, sed protegendi sunt qui regulam professionis suæ cupiunt observare: neque reprehendendi qui idcirco festinant locum mutare. Neque enim Deus ex loco, sed locus eligitur ex Deo. Beatus quoque Benedictus liquido contestatur, quod in omni loco uni Domino Deo servitur, uni Regi militatur (Reg. cap. 61). In Collationibus Patrum Joseph eremita sufficienter edisserit, quod ille fidem suæ professionis rectius servat, qui se ad eum locum contulerit, quo dominica fidei præcepta plenius adimplere potuerit (CASSIANUS, collat. 17). Et quidam : « Juvat nos sanctam opportunitatem appetere, qui adiutor est in importunitatibus, in tribulatione. » Illi vero, ni fallor, Pharisei vel hæretici judicandi sunt, qui nec timent, nec alios timere sinunt quod Veritas ait : *Nisi abundaverit justitia vestra plus quam Scribarum aut Phariseorum, non intrabitis in regnum celorum*. Si enim angelus de celo evangelizaverit aliter quam evangelizatum est,

anathema sit. Aliter enim evangelizat quam Christus evangelizavit, qui angelicam pacem et regulam suæ professionis observare cupientes impedire festinat. Quicumque vero ille sit, repellendus summopere est, cum Veritas dicat : *Si oculus tuus dexter scandalizat te, erue eum, et projice abs te* (Matth. v, 20, 29). Nil 391 quippe molestius læditur, vel cautius observatur in corpore, quam oculus : attamen cum impedit, spiritualiter est eruendus. Hoc est enim prudentem esse sicut serpentem, caput totum, id est mentem, subducere ab omni fallacia, quæ lædit animam.

13. Verumtamen propter scandalum infirmorum, qui minus sapiunt veritatem, rogamus Sanctitatem vestram, et omnes qui audire voluerint hanc petitionem nostram, quatenus inter abbatem Eboracensem et sæpe dictos fratres studeatis restituere pacem. Postremo meminisse debemus, quod Molismensium monachorum similis egressus Cisterciensium vitæ perfectissimam normam, quam tota pene miratur Ecclesia, in primis instituit ac fundavit, quorum puritatis ingenium venerabilis memoriæ dominus Hugo Lugdunensis archiepiscopus christiana pietate laudavit, sanctæ Regulæ renovationem et probatissimam integritatem fideliter adoptavit. Atque demum cum ad apostolicam notitiam æmulorum querimonia perveniret, domino Urbano papa secundo præsidente, mandatum decretale porrigitur, quatenus solo abbate reportato ad regimen abbatiæ suæ qui pariter exierat, nemo cæterorum, qui in plena observatione Regulæ perseverare voluisset, impedimentum aut molestiam aliquam pateretur. Luce vero clarius est, quantum in eorum excellentissima conversatione totius Evangelii veritas elucescit. Prolixo et pene fastidioso sermone usi sumus : quia status monachorum cæterorum, qui fortassis haud placebit, iudicio sane designandus esse videbatur, ne, secus quam contigit, æmulorum divulgaretur iudicio. Valeat in Christo Sanctitas vestra.

#### EPISTOLA CDXCI.

FASTREDI ABBATIS CLARÆ-VALLENSIS TERTII AD QUEM-DAM ORDINIS SUI ABBATEM.

FASTREDUS indignus servus et abbas monachorum Claræ-Vallensium, N. abbati salutem in Jesu Christo, et spiritum majoris evangelicæ paupertatis.

1. Relatu ejus, qui tam animæ vestræ compatitur, quam vos corporis appetitibus, notum nobis est, quod vos tam Regulæ vestræ, quam exempli in monachorum vestrorum oculis exhibendi obliti, in hospitum domo mensam instruitis, desideris vestris indulgentes, hospitibus deficientibus : et in vestitu et lectis magis divitem epulonem, quam pauperem Lazarum imitamini, non recordantes pœnam, quam Deus hujus vitæ felicitatibus innixis minatur. Profecto, fili et frater, parum refert hoc habitu vestiri, ut inferno quis demergatur. Alio enim quocunque liberior patet via, et latior, qua ambulare potes. Quandoquidem vero Deus ad hunc te vocavit, in hoc incumbere, ne meritum perdas. Nunquam enim intra

claustrum aut monasterium decuit is habitus; quosque soles eo vestire, ea non sunt qualitate, quam nobis statuta nostra præscribunt. Cum enim monachi etymon sit solitudo et tristitia, quomodo solitudo convenire possunt vestimenta sumptuosa, et mundi pompam redolentia? Et quomodo tristi quadrant lætitiæ et exultationis vestigia? Sufficit, fili mi, monacho, quod sancto apostolo Paulo supererat, scilicet comedere quod naturam et vitam sustentare poterat, et vestimentum, quod corpus tegeret. Qui enim plus petit, potius Pharisæus hypocrita nobis dicetur, qui vestitu honorem venatur, quam paupertatis evangelicæ discipulus et imitator.

2 Non hæc vita est, quam me et te docuit pater et prædecessor noster Bernardus felices recordationis; nec modus, quem nostri sacri Ordinis abbates et monachi sequuntur, qui nos pane ex avena confecto, et herbis sine oleo et abdomine coctis enutrient, et fabis pisisque, ipso etiam Paschatis festo die: quæ austeritas, vel similis in omnibus Ordinis domibus observatur. Et tu, quasi hujus Ordinis non fores, 392 cibos tibi procuras delicatos et lautos, ut gulæ faciās satis? Si abbas, et tuorum regula et exemplum es, qui audes carnes lautas, pisces recentiores, diversimode paratos, et panem extra monasterium a mulieribus coctum comedere? Non sine pudore dico, quod tamen dicendum, quod multi sunt in via Dei, subditi suo abbate, navigantes naclero, milites duce perfectiores: quodque tuo in monasterio multi reperiantur, qui eo tempore, quo tu horas noctis cœnis opiparis et superfluis transigis, ipsi orationi vacant, et ad expiandas culpas et earum remissionem disciplinas sumunt. Quam procul abes, pater et frater mi, a socii nostri perfectione, qui ipso novitiatus anno obiit, quemque abstinentiæ rigor ad finem usque comitatus est! Magna enim nausea captus, et ovi cocti desiderio affectus, indicare noluit (ne voluntatis et appetitus negati merito excideret) nisi ultimo vitæ puncto, dumque jam animam ageret, abbate prius promittente, illum ad hoc desiderium explendum non adactum iri.

3. Abbas ergo in religione, homo ad ejus exemplum statuite, ubi est tuum meritum tali novitio comparandum? Si Christus prædicaturus jejunat; si Elias, ut curru igneo levaretur, jejunat; si Nini vitæ excidium suum jejuniis redimunt; si Esther jejuniis populum servat, et Assueri indignationem sedat; si sanctus Joannes Baptista totam vitam jejuniis transigit ad viam Evangelio sternendam, et si hæc via sancti incesserunt: quam tu tibi viam ad cælum sternis, tam diversam viam ingrediens? Gula primorum parentum nostrorum perit innocentia. Ebrus Noe pudenda detexit, et Loth incestum commisit. Postquam comedit, surrexit populus, et adoravit vitulum. Amon in convivio occisus est, ibique Holofernes se neglexit. Comedens Balthasar mortis suæ prænuntium vidit scripturam. Et in convivio

A denique, præternaturalis illius Miraculi, quo majus inter mulierum natos non surrexit, caput ostentatum est.

4. Quandoquidem ergo tot male perierunt, quomodo bene tibi potest succedere? In tui excusationem affers stomachi et capitis dolores, quodque communes cibi tibi officiant. Tota erras via, si credas monachum sæcularium medicinas sequi posse (1148). Ad monasterium enim venimus, ut corpori incommoditates, et non commoda et voluptates queramus. Si sancto Paulo fortitudinem addebat infirmitas, quare domo medium tantorum bonorum et causam exturbare niteris? Crede mihi, pater mi, sæpius sanctum Bernardum pulvis ex farina confectas, addito oleo et melle, cum scrupulo edentem vidi ad stomachum calefaciendum. Dumque eum de hac austeritate accusarem, mihi respondit: « Fili mi, si monachi obligationem nosces, omnis bucella, quam edis, lacrymis irriganda foret. In hoc enim monasterium intramus, ut peccata nostra et populi deploremus; et panem, quem suis laboribus parant, comedentes, horum peccata comedimus, ut ea tanquam propria luceamus. » Addebatque præterea: « Nec sufficit monacho infirmitatem allegare. Sancti enim patres, majores nostri, valles humidas et declives monasteriis exstruendis indagabant, ut sæpe infirmi monachi, et mortem ante oculos habentes, securi non viverent. » Si ergo sancti ægritudinis media inquirunt, quare tu illa indagās, ut laute habearis? et si ipsi medium hoc tantorum bonorum causa nobis accersunt, qua dispensatione tu monasterii bona, infirmitatis excusatione in corporis tui commoditates insumis et prodigis? Major est, frater mi, animæ, quam corporis tui infirmitas. Si enim illa esset in Dei gratia, non tam debile esset corpus, nec adeo terrenis deliciis amicum. Emenda ergo et curiosos habitus, et exquisitas epulas devita. Quamvis enim venam non explorem, novi quo remedio tibi medendum sit: sique hæc fraterna et a socio profecta admonitio non suffecerit, necesse erit, ut tanquam prælatus medicinam adhibeam.

### 393 EPISTOLA CDXCII.

PETRI DE ROTA NOVITII CLARÆ-VALLENSIS AD C. PRÆPOSITUM NOVIOMENSEM.

*Transactæ vitæ errores enumerat, et Claræ-Vallis optinam laudat institutionem.*

Dilecto suo C. sanctæ matris ecclesiæ Noviomensis præposito, forsitan annuali, si velit autem cælorum regi futuro in perpetuum, frater PETRUS, per misericordiam Dei Claræ-Vallis novitius, salutem in idipsum.

1. Moris est amicorum, quos jungit amor Christi, sed locorum separant intervalla, ut cum se videre non habeant, nec loqui sibi facie ad faciem, frequenter tamen pia in Christo memoria se respiciant, sibi que mutuis loquantur affectibus; secreta et amica voce cordis super alterutro inquirentes, et profundis apud Deum gemitibus orantes pro invi-

cem. Secundum hanc amoris legem, ni fallor, inquiris et tu aliquando intra temetipsum in secreto cordis, quid agatur apud me dilectum tuum; quæ mihi sit voluntas, quis status et habitus, quod desiderium. Et forsitan times amica pietate humeris meis, quos exiguos agnovisti, et debiles arbitraris ad hujus vitæ, quam elegi, portandum onus, et jugum sustinendum. Dilecte mi, trepidaverunt multi timore, ubi non erat timor. Quia igitur in bono Jesu me diligis, non te oportet in hujuscemodi timere. Hæc enim Domini sunt, cujus jugum suave et onus leve. Ego autem cum sufficiens non sim ad expendendam multitudinem bonorum, quæ nuntiant animæ meæ per singulos dies corporis mei aures et oculi, tamen ad certificandum cor tuum de statu et desiderio meo, tuæ satagam signare Dilectioni pauca de Clara Valle, de pauperibus Christi habitantibus in ea, de ordine et modo vitæ ipsorum, ad quos imitandos fidelibus anhelat suspiriis anima mea.

2. Primo siquidem omnium, describam tibi partem aliquam et modum veteris vitæ meæ: modum dico, si, ubi raro aut nunquam modus fuit, modum possim appellare. Volo autem ut id ad profectum tuum in hac descriptione diligenter attendas, de quo et quantis mortibus me jam eripuit Salvatoris benignitas, ipsumque glorifices, qui vere quemcumque peccatorem venientem ad se non eiecit foras. Si quid vero in me legeris, quod et in te fortuito deprehendas notabile, tuæ fideliter consulo fraternitati et salutem, ut id sine mora corrigere festines, dum licet, et nescis quid superventura pariat dies. Ego igitur, dilecte mi, dum essem Noviomini, et in fenestris domus episcopalis solus mihi sederem, frequenter etiam tecum, et cum aliis, considerata sæpius domus illius ordinatione, et notata, quæ se oculis ingerebat, ejusdem pulchritudine, heri nova, hodie veterascente: memoriam mentis et intuitum secreto deferrebam ad ordinatissimam illam domum supercelestem, cujus gloriosa, indeterminabilis, et semper nova pulchritudo omnem transcendit hominis cogitationem. Ab hujus autem semita longe positus, miser ego miserrimum me videbam, qui scienter in latitudinem viæ pessimæ ambulabam. Per quam, nisi cura vigili fugiatur, cito et irregressibiliter curritur ad domum longe aliam, domum scilicet doloris, domum extremæ et infinitæ turpitudinis, ubi nullus ordo, sed sempiternus horror inhabitat, et cum verme qui non moritur, sempiternus ignis. O quam jure igitur sollicitus cogitabam, ne, sicut incepérat, me huc pertraheret amor mundi, per cujus ampla et stulta desideria lubricus et insatiabilis evagabar, adeo ebrius, ut pro viribus et licentia, in nullo meæ carnis reluctarer voluptati: hoc excepto, quod me sæpe recordabar et moriturum, et ex hujus sæculi labilibus gaudiis obstupescens pensabam æternorum mirabilia seculorum.

3. Dum enim ad mensam domini nostri episcopi, civem nostrum, imo et hostem meum, in argenteis

vasis, de more, suaviter nutrirer, nec insalubriter quidem, quantum in vasis erat; dumque mihi manu corporis delectabiles legerem delicias: sæpe in eisdem vasis silenter legebam, manu scilicet cordis, longe alium cibum. Sed tu, dilecte mi, licet tibi satis afflittere recumberem, hunc me legere nesciebas. Quid igitur? nunquid dapes quotidie festivas, aut inculpabiles scutellas redarguo? Nunquid liquorem illum, cujus et color blande ardebat oculis, et sapor dulce in palato respondebat, aut scyphos accuso argenteos? Absit. Non enim cibus erat in vitio, neque potus, neque etiam argentea vasa: sed in meo vase fictili latebant semina, unde spinarum surgentium graves introrsum sentiebam aculeos, ad auram quidem rerum exterius auditarum vel visarum excitatos. Sæpe itaque et in mensa, et extra mensam, silenter legebam in auro et argento, in tam pretiosa quam speciosa domus episcopalis suppellectile.

4. Legebam etiam in plerisque aliis rebus mundi, quas ad concupiscendum intuebantur prædones oculi mei, mandatorum Dei transgressores. Legebam autem sic: Petre, quæ intueris, in quibus gaudes, vel gaudere appetis, de mundo sunt. Erit igitur quando non erunt: tu autem eris. Ubi eris, Petre? siquidem tu injurius crucis Christi, in qua sola gloriamdum non ambigis, in mundanis gloriari concupiscis, certus tamen quod cum sua concupiscentia quotidie pereundo transit mundus; et homo, cum interierit, non sumet omnia, neque cum eo descendet gloria ejus. Petre, illam carnis tunicam vilissimam, quam tanti facis, ut pro ejus cura et desideriis, non solum tui, sed (quod majus et execrabilius est) obliviscaris etiam Dei, multo adhuc viliorum in brevi reliquies vermibus, et putredini. In hoc ergo tui exitu, cujus horam nescis, nudatus carnis tunica, quo migrabis? cui occurreris? quid respondebis? ubi etiam reponeris, donec redeas ad tunicam? redibis enim, et ipsam eandem vere iterum indueris: et resurges quidem, aut in vitam et gaudium, aut in mortem et luctum; et horum non erit finis.

5. O dilecte mi, hæc erat lectio, quam silenter et frequenter relegebam in cordis cubiculo: et præfatæ inquisitiones multoties spiritum meum pene ab omni disjungebant lætitiis. Nec mirum. Me etenim arguebat conscientia, quod in omnibus viis meis de nostro Salvatore meum fieri damnatorem promererer, cum etiam in his, quæ ad cultum ejus pertinerent, ipsum offendere non vererer. O quam mira, o quam audax et insana præsumptio! Certus eram Dominum justum esse, et potentem in inferno me perdere: et hoc timens, non cessabam tamen ipsum offendere. Ego quidem, ut pars mea esset Dominus, clericatus receperam sacramentum; sed enormitas vitæ meæ ab ipsa re sacramenti me fecerat alienum. O quam mira ergo, o quam stulta et impudens elatio! Eloquia Domini, eloquia casta: et ego hæc de pectore incesto proferre et enarrare præsumebam per os pollutum et dolosum, sciens Dominum dixisse pec-



atori: *Quare tu enarras iustitias meas, et assumis testamentum meum per os tuum? (Psal. xlix, 16.)* Hæc eadem eloquia divina, si quandoque quacunque alia de causa, præter solum Dei amorem et honorem, legendo vel cantando, pronuntiarem in ecclesia, me sciebam certissime sacrilegio alligari, qui cultum Deo debitum offerebam vanitati. Non eram igitur servus Christi, cum hinc dicat Apostolus: *Si hominibus placerem, Christi servus non essem (Galat. i, 10);* hinc propheta: *Deus ossa eorum dissipabit, qui hominibus placent (Psal. lvi, 6).* Sæpe vero ut placerem hominibus, sive mihi, non Deo, mea erat præcordialis, et, ut verius dicam, vecordialis intentio.

6. Ego itaque servus nequam, utquid, vel qua fronte in agro Dei terram occupabam, qui revera radix amara, utilis nulli, quam pluribus inutilis, sed inutilior mihi, nullum nisi amaritudinis fructum germinabam? Quod enim viventibus exemplum, vel quod pro defunctis solvebam sacrificium, de quorum victimis comedebam adipem, et bibebam vinum libaminum? Rerum siquidem ecclesie, quocunque me velamine palliarem, detractor et prædator eram, et expensor earum in rebus pravis. O quam prava Deoque odibilis hæc mea perversitas! Audieram enim beatum scripsisse Hieronymum: «Quicumque rebus Ecclesie abutuntur in aliis rebus, peccatum incurrunt redimentium mendacium, et reorum sanguinis Salvatoris.» Quia igitur tam in his, quam in aliis multis, reus eram abusionis et rapinæ, sæpe cum ad aures meas insonaret Apostoli illa vera et timenda propositio: *Raptores regnum Dei non possidebunt (I Cor. vi, 9, 10),* in corde meo quasi respondendo, murmurabat illa plena timoris, plena doloris, et pudoris festinata conclusio: Ergo ipsi rapti et conclusi cum immundis spiritibus, sine fine gehennali cremabuntur incendio! Festinatam dixi conclusionem, tum pro lege argumenti, et illationis cito factæ, tum maxime quia dies Domini, in qua hoc futurum est velociter appropinquat; unde scriptum est: *Adhuc modicum, et movebo caelum et terram (Agg. ii, 22);* et alibi: *Dies magna et amara valde, et veloc nimis: tribulabitur ibi fortis (Sophon. i, 14).* Quocirca mirum non erat, si hoc et alia multa similia me reddebant sollicitum et pensantem; qui etiam recordari non poteram ab infantia me vixisse vel per momentum temporis, in quo non essem operatus vel rapinam, vel aliud opus mortis. Valde etenim diligebam congressus et conventus vanitatis, spectacula, jocos, otia, verba apta risui, non fructui: raro verum dicere, plurimum mentiri; jurare; perjurare, favere, adulari, et similia: quæ cuncta ex quodam communi et assiduo usu, facie tenuis non peccata reputabam, sed quasi quasdam societatis affectatæ et mundanæ probitatis facetias. Sciebam tamen hæc eadem, cum inter Deum separent et hominem, vanitates esse et insanias falsas. Majora taceo, cordis videlicet elationes, emulationes, odia, dissen-

siones, detractones, turpiloquia. Taceo pessima cogitationum et operum luti et lateris, in quibus occulte et pessime occupabar, totus lutum, qui per singula momenta, quantum in me erat, ex operibus meis ad æternæ mortis properabam supplicium. Sed misertus mei Pater misericordiarum, me tandem visitavit, et traxit ad Filium.

7. Vides ergo, quanta jam fecerit animæ Pater bonus, qui misericorditer ereptum de fluminibus Babylonis, misericordius locavit in Clara-Valle apud fontes Salvatoris. Clara-Vallis enim, etsi secundum speciem loci sita sit in valle, tamen fundamenta ejus in montibus sanctis, cujus portas diligit Dominus super multa tabernacula Jacob. Gloriosa dicta sunt de ea: quia in ea gloriosus et mirabilis Deus gloriosa operatur mirabilia. Ibi enim veteres insani redeunt ad cor; et licet homo eorum exterior corumpatur, interior tamen renascitur, et, ut verbis utar Apostoli, *renovatur de die in diem (II Cor. iv, 16),* in eum qui secundum Deum creatus est hominem (*Ephes. iv, 24*). Ibi superbi humiliantur, ibi paupertantur divites, ibi pauperes evangelizantur, et peccatorum tenebræ transmutantur in lucem. Ad hanc igitur domum a finibus terræ ingens licet beatorum pauperum convenerit multitudo, de regionibus congregata et nationibus, horum tamen cor unum et anima una est, ut de hac domo specialiter dici possit: *Ecce alienigenæ et Tyrus, et populus Æthiopum, hi fuerunt illic (Psal. lxxxvi, 4).* Jure igitur habitatio est in ea lætantium omnium, non inani lætitia. Perennis enim lætitiæ, et suæ ad cælos ascensionis jam cœptæ certam spem habent, quam in Clara-Valle invenerunt. Scalam Jacob, et angelos in ea, alios quidem descendentes, qui sic provident illorum corporibus, ut non deficiant in via: alios vero ascendentes, qui sic regunt eorumdem animos, ut postmodum cum ipsis glorientur et corpora.

8. Ego autem, quanto diligentius de die in diem intueor tam beatæ vitæ pauperes, tanto credo eos perfectius per omnia Christum sequi et sapere, et certis conjicio iudiciis, in omnibus quæ agunt, veros ministros Dei apparere. Nam dum vacant orationi, in spiritu et veritate Deo loqui, et tum ex secreta et amica apud eum locutione, tum ex humili modo se habendi, plane apparent Dei esse familiares et amici. Dum vero manifestius laudantes Deum psalmodiæ sunt intenti, quam purus sit et quam servens in idipsum affectus mentis, ostendit eorum omnis corporis status, in omni timore et reverentia sanctitatis; ostendit et ipsorum distinctio morosa, et in psalmis modulatio, quam dulcia faucibus suis eloquia Dei, super mei ori suo. Dum eos itaque attendo, diurnis horis nocturnisque vigiliis ab ante medium noctis, usque ad primam diei, facto breviter intervallo, tam sancte, tam infatigabiliter psallentes: mihi quidem paulo minus ab angelis, sed plus multo videntur quam homines. Quod autem sunt hujus tam continuæ, tam alacris, et tam semper recentis tolerantiam,

quod tanti sunt fervoris et meriti, non humanæ potentie, sed maneris est divini. Dum vero sunt in lectione, leniter haurire videntur et affluenter quidem aquas Siloe cum silentio floentes, et in vitam salientes æternam. Illorum vero dispositio et habitus demonstrant, omnes eos esse unius magistri discipulos, docentes in eorum cordibus, et dicentis: *Audi, Israel, et tace* (*Prov.* 1, 5). Tacent enim et audiunt, et sapientiores fiunt: quoniam audiens sapiens sapientior erit.

9. Dilecte mi, quid hos tam beatæ vitæ pauperes credis videri vel dici posse, quando manuum suarum inhærent laboribus, quando eunt ad opera, vel redeunt? in quibus omnibus constat, eos non suo duci spiritali, sed divino. Certe tam patienti animo, tam placido et immobili vultu, tam sancto et suavi ordine cuncta peragunt, ut etsi sese plurimum exerceant ad opera, vix tamen vel moveri perpenderint, vel gravari in aliquo, quancumque sint labores. Unde manifestum est, in ipsis illum sanctum operari Spiritum, qui disponit omnia suaviter: in quo et ipsi recreantur, et quiescant etiam laborantes. Horum siquidem pauperum alios episcopales, alios consulares, aliarumque dignitatum et multæ scientiæ viros illustres, et juvenes egregios audio existisse: sed nunc, per Dei gratiam, omni apud eos acceptione personarum emortua, quanto quisque se putavit in sæculo altiore, tanto se in hoc grege minorem minoribus, et abjectiorem reputat per omnia. Eos itaque dum intueor in hortis cum sarculo, in pratis cum furca vel rastro, in agris cum falci-cula, in silva cum securi, in aliis laborum locis cum aliis operum instrumentis; dum et ego respiciens quid fuerint, considero præsentem eorum statum, opera, instrumenta, personas abjectas, vestimenta incomposita et villa: iudicio quidem exterioris oculi videntur mihi non homines, sed gens stulta, muta siquidem et elinguis, opprobrium hominum, et obiectio plebis: sanus autem et fidelis intellectus in corde asserit mihi, horum vitam in Christo esse absconditam in cælis. Inter quos gaudeo equidem me videre Gaufridum Peronensem, Raynaldum Morinensem, G. de Sancto-Audomaro, Walterum de Insula, quos ego cunctis veterior in veteri agnovi homine: sed nunc in ipsis, Dei gratia, illius vetustatis nec vestigium perpendo remansisse. In veteri homine novi eos exaltatæ corde, elatis oculis ambulare in magna et mirabilibus super se: nunc autem video ipsos sub misericordæ manu Dei humiliatos incedere in parvis et in mirabilibus infra se. In veteri homine novi eos sua secum sepulcra deferentes exterius dealbata, sed intus plena ossibus mortuorum: nunc autem credo eos ferre vasa Domini, quæ etsi exterius apparent despicabilia, intus tamen plena sunt speciebus cælestium odorum. Quando igitur hæc omnis societas ad solitum laborem et progreditur, et reddit, gradatim quidem et simpliciter, unus post alium, quasi acie directa, et armis pacis humiliter armata; nonne Angeli Dei

hanc videntes taliter incedentem, et ad Christum noviter conversam de tenebris, præ admiratione et gaudio jure concinunt: *Quæ est ista quæ ascendit sicut aurora consurgens, pulchra ut luna?* (*Cantic.* vi, 9.) etc. Terretur autem exclusus diabolus, et supra modum dolet, videns (quod utinam semper videat et doleat) horum resurrectionem, regni sui ruinam esse non modicam. Ergo armatur et ipse quanto potest acutiori malitia; ut quos ultra tenere non potuit mundi hujus blandimentis, eos acius persequendo, subtilioribus impugnet et implicet argumentis. Non tamen prævalebit inimicus. Ipsi enim altissimum posuerunt refugium suum, crucem Christi, dilectam suam, quam fideli desiderio amplexantur et bajulant, salvandorum spem unicam.

10. Item, dilecte mi, quid credendum putas super eisdem pauperibus in tempore mensæ, in continentia et habitu? Tunc temporis nec Deum videre credo quod displiceat, nec hominem quod debeat accusare. Ibi siquidem adeo modeste, adeo sancte se habent, ut, quod sunt, appareant homines justi et timentes Deum. Hinc attente suscipientes spirituale et præcipuum ferculum, verbum vitæ, quod semper esuriunt: hinc reverenter edentes et bibentes alia dona Dei, quæ sibi sunt apposita; non exquisitas delicias, sed labores manuum suarum, legumina scilicet et pulmenta. Potus est eis cerevisia: si hanc non habent, gaudent aqua simpliciter. Raro autem utuntur vino, et hoc mixto cum aqua plurima. Reddentes itaque debitum corpori, non gulæ, non ventri, comedunt et bibunt; sed tantum indigentia naturali, et Deo, scientes scriptum, *Eccæ ventri, et venter escis. Deus autem hunc et has destruet* (*I Cor.* vi, 13): quoniam regnum Dei non est esca et potus, sed justitia et pax et gaudium (*Rom.* xiv, 17), in quibus versatur tota eorum voluntas et studium. Magistrat enim et totius vitæ suæ dictatricem habent obedientiam: quam adeo fideliter sequuntur ad omnia, ut nec unam quidem diel sive noctis prætermittant particulam, quæ non sit apud eos obedientia et divino cultui mancipata. Unde et ego fideliter credo, eos (ut taceam quæ majoris sunt meriti et mercedis) non solum in singulis passibus quos faciunt, sed etiam in singulis manuum suarum motibus circa injuncta opera peccati remissionem consequi, vel augmentum coronæ in vita æterna. Qui si forte cadant aliquando, quod omnino vitare non possunt, dum portant carnem fragilem, non tamen colliduntur, quia Dominus supponit manum suam.

11. Ecce habes pauca illa, dilecte mi, quæ de pauperibus Clare-Vallis in hujus epistolæ precemiis tuæ promissa sunt dilectioni. Plura restant meliora et optima, ad quæ describenda cum sufficere non valeam, quæ dicta sunt in præsentiarum sufficient. Meum vero desiderium est, quatenus præfatis pauperibus in Christo merear adjungi corpore et spiritu, ut adjutus eorum suffragio, et fructuosius penitentiam agere, et fiducialius habeam clamare ad

**Dominum :** Domine, ad te confugi, doce me facere A voluntatem tuam. Eripe me de inimicis meis, Deus meus (Psal. cxlii, 9, 40). Ad te, Domine, levavi animam meam; Deus meus, in te confido, non erubescam (Psal. xxiv, 1, 2) : et his similia. Ego autem probor adhuc, et per gratiam Dei ad horum pauperum regulam institutor et vitam : ut dum eis adjunctus fuero, una cum ipsis noverim vigilare, et solummodo somnare in spiritu. Vigilanti enim promittitur regnum, et qui seminat in spiritu, de spiritu metet vitam æternam. In qua ego particeps ipsius, et te, et totam Noviomensem ecclesiam, dominam scilicet et matrem meam, per misericordiam Dei feliciter æternare videam cum Christo, et regnare. Amen. Valet. Domino volente, proxima Dominica post Ascensionem Domini, suscepturi sumus nostræ professionis armaturam, per gratiam et benedictionem Jesu Christi, quam meritis Matris suæ, vestrisque precibus nobis dignetur concedere idem ipse Jesus Christus. Amen. Iterum valet, et memento novissima tua, et miserere animæ tuæ.

### 398 EPISTOLA CDXCIII (1149).

CAPITULI GENERALIS NIGRORUM MONACHORUM AD ADRIANUM IV.

*De amovendo abbate Latiniacensi.*

Amantissimo patri et domino Adriano sanctæ Romanæ Sedis summo pontifici, humilis conventus abbatum sub Remensi archiepiscopatu, in uno spiritu ad Dei honorem coadunatus, sinceræ charitatis obsequia, et pia orationum suffragia.

Quoniam vestra Sanctitas adest in ecclesia plebis, et in cathedra seniorum sublimari meruit, ut clavibus beati Petri vobis speciali gratia collatis, quæ liganda sunt ligare, et quæ solvenda solvere debeatis : deliberationes nostras, secundum quod zelus domus Dei urget nos, ante Sedem justitiæ humiliter effundimus, et lamentabiles ærumnas sive ruinam Latiniacensis monasterii vestro moderamini notificamus. Homo ille qui sub nomine pastoris præfati monasterio præesse videtur, non solum non prodesse, imo plurimum obesse probatur : quoniam subditos ad normam religionis minime dirigit, et ignominiose vivens, plures ex illis exemplo prævæ vitæ commaculat et inficit. Quod satis constat non solum ex eo quod per urbes Franciæ infamis habetur, sed etiam ex eo quod quidam ex fratribus consortium ejus tanquam lethale contagium perhorrescunt, et in aliis monasteriis sub legibus monasticis professionis religiosæ conversantur. Proinde illa Latiniacensis ecclesia, quondam celebris et famosa, eas videtur derelinquere, sicut umbraculum in vinea, et sicut tugurium in cucumerario. Quoniam igitur super his non possumus non dolere, et tamen non est nobis licitum in alienam messem falcem immittere ; vestrum est autem infructuosam arborem, ne terram

(1149) Hæc epistola scripta est circa annum 1155 adversus Godefridum se Galfridum abbatem, de quo in notis ad epistolam 231.

(1150) Hinc patet, capitulorum generalium ordinis S. Benedicti originem ad Innocentium referan-

PATROL. CLXXXII.

occupet, succidere, et eam, quæ fructum ferat, inserere : precamur exhortantes vigilantiam vestram, quatenus auctoritate qua præceminetis, et sapientia qua polletis, adversus pestem, quæ ut cancer serpit, talem sententiam proferatis, cui nequaquam resistere prævaleant portæ inferi, et per quam ora blasphemantium obstruantur, et in portis filiae Sion laudationes Domini annuntientur. Valet, et collectionem nostram, quam beatæ memoriæ Innocentius papa privilegio apostolicæ auctoritatis confirmavit (1150), et vos per apostolicam benedictionem corroborate.

### EPISTOLA CDXCIV.

FORUMDEM AD ALEXANDRUM III.

Amantissimo patri et domino ALEXANDRO, sanctæ Romanæ Sedis summo pontifici, humilis conventus abbatum sub Remensi archiepiscopatu in uno spiritu ad honorem Dei congregatus, sinceræ charitatis obsequium, et debitam cum omni subjectione reverentiam.

1. Confiteantur Domino misericordiae ejus, quoniam cum in initio vestræ electionis sive consecrationis, navis sanctæ Ecclesiæ universalis, quæ soli beato Petro specialiter commissæ est, certam non habens stationem, hinc inde adversis fluctibus concuteretur, et adeo periclitaretur, ut præ magnitudine periculi Salvatorem quasi dormientem suscitarem, clamantes cum beatis discipuli, Domine, salva nos, perimus (Matth. viii, 25) ; clamor noster introivit in aures ejus, qui salvat a pusillanimitate spiritus et tempestate, et statuit procellam in anram, et deduxit nos in portum quem volebamus. Volebamus autem, et ad hoc anxii suspirabamus, ut jam non esset discidium : sed extincto errore perniciosissimo, ad serviendum Domino, et ad solam vestram beatitudinem honorandam, sedentem utique in cathedra Principis Apostolorum, reges et populi congregarentur, et convenirent 399 in unum. Quoniam igitur jam nequaquam omni vento doctrinæ circumferimur, nec audimus seductores dicentes, Ecce hic, aut ecce illic ; sed illi firmissimæ Petræ, super quam Pontifex pontificum suam fundavit ecclesiam, immobiliter adhæremus : in nostris necessitatibus, sub tutela vestri apostolatus confidenter confugimus, postulantes humiliter, ut si qua sunt in domo Dei salubria, clavibus beati Petri confirmetis ; si qua noxia, repellatis.

2. Et, ut de multis taceamus, unum est quod nos præcipue discipulos beati Benedicti in illa quiete, quam sub vestra Sublimitate habemus, non parum perturbat, videlicet quod Latiniacensem ecclesiam, olim in sanctitate et religione florentem et copia rerum affluentem, modo non sine lacrymabili dolore aspicimus ab illo statu dejecti et in pomorum custodiam redigi. Homo enim qui sub nomine pa-

dam : quorum primum fuisse videtur Suessionense, ad ejus abbates Bernardus scripsit epistolam 91. Magnos Conventus vocat Petrus Venerabilis, supra in epistola 229, n. 50.



storia ecclesiæ prænominate præesse videtur, non solum non prodesse, imo plurimum obesse probatur: quoniam subditos ad normam religionis non informat, verum etiam ignominiosam et infamem gerens vitam, miserabiliter scandalizat, et secum in perditionem præcipitat. Et quia non est qui reclamet, in tantam impudentiam jam erupit, ut quemdam ex fratribus, sui sceleris complicem et conscium, aliis præfecerit, et Priorem domus constituerit. Exinde quam immanis lues gregem Domini corrumpat et interimat, nos scribere supersedimus. Id enim vestra prudentia melius novit. Denique super his malis dudum scribentes apud prædecessorem vestrum, felicis memorie papam Adrianum, lacrymabilem querimoniam exposuimus: et ut lamentabili ruine prædicti monasterii finem imponeret, devote suggestimus. Qui prudenter intelligens quia ita oportet fieri, missis litteris ad venerabiles episcopos, Alanum Autissiodorensem, et Theobaldum Parisiensem, præceptum fecit, ut in præsentia religiosorum abbatum rem diligenter discuterent, et secundum quod dignum esset, apostolica auctoritate determinarent. Cumque die præfixo Latiniaci jussioni domini Papæ parati essent obtemperare; ille non abbas dicendus, non satis conscientie fidens et iudicium subterfugiens, protulit in medium litteras, nescimus qua calliditate aut subreptione emendicatas, in quibus auctoritate domini papæ prædicti Adriani videbatur interminari, ne ipse abbas, utpote filius Ecclesiæ Romanæ, a prædictis episcopis aliqua ratione sive iudicio fatigaretur, sive gravaretur. Ita negotium ex tunc indiscussum remansit.

**400** 3. Propterea, venerabilis Pater, adhuc vixit pestis, adhuc ut cancer serpit; et fama mali, veloci mobilitate vixit, per urbes Franciæ crebre-scit. Quoniam igitur videntes legum Ordinis prævaricantes morore tabescimus, et tamen in alienam messem falcem mittere prohibemur; vestrum est autem arborem infructuosam, imo malos fructus

A facientem succidere, et eam quæ fructum bonum ferat inserere: precamur exhortantes, qualenus secundum potentiam qua præeminetis, et secundum sapientiam qua polletis, adversus imminantem perniciem sententiam proferatis, adversus quam non prævaleant portæ inferi, et per quam repressis blasphemantium linguis, ora laudantium nomen Domini in hoc opere vestro aperiantur. Valete, et in benedictionibus dulcedinis dexteram apostolicæ majestatis super nos extendite.

#### EPISTOLA CDXCV.

AD ABBATEM REATINENSIS MONASTERII SS.

Dilectissimo ac venerabili domino, Dei gratia SS. Reatinensis monasterii abbati, A. (1151) suus, consolationem Spiritus paracleti.

B Litteras Dilectionis tuæ, nimium breves et succinctas, debita veneratione suscepi, et a verbis tuis formidavi cor meum. Cum enim legerem in capite, « Patri domino venerabili abbati, » quia nihil mihi conscius sum, fateor, aliquantulum erubui, et cogitabam, qualis esset illa salutatio. Quis enim ego sum, aut quæ domus patris mei? Ego sum puer parvulus, ignorans introitum et egressum meum. Infelix ego sum, qui cum nihil sim in conspectu Dei, magnus tamen sum in oculis vestris, cui de opinione aliquantulum, de veritate nihil constat. Utinam litteræ vestræ tantum habuissent veritatis, quantum habuerunt falsitatis. Quamvis nemo mentiens iudicandus est, qui dicit falsum quod putat verum: C quoniam quantum in ipso est, non fallit ipse, sed fallitur. De cætero, si quid valent apud fontem misericordie preces pauperum, confidimus in Domino, quod prosperum iter faciet nobis Deus salutarium nostrorum. Precamur et nos ardorem fidei vestræ ut in sinu memorie vestræ nos habeatis, quando in tabernaculum ejus introibitis, quando adorabitis in loco ubi steterunt pedes ejus. Angelus Domini custodiat introitum tuum, et exitum tuum, domine venerabilis ac charissimus pater.

(1151) Incertum quis ille A. scriptor hujus epistolæ, quæ inter Bernardinas Colonie nuper edita est ante eam, quæ in hac editione est epistola 328. De Reatinensi monasterio supra ad epistolam 201.

## S. BERNARDI CHARTÆ.

(Edit. Mabill., passim.)

### I.

PRO ABBATIA DE TRUNCO-BERENGARII.

Bernardus abbas Claræ-Vallis, omnibus presentem paginam inspecturis.

Contigit abbatem Trunchiniensem (1152) et Balduinum de Wasia pro determinanda controversia eorum Romam ituros, per nos transitum facere. Quorum causam cum audivimus, eorum labori et

D sumptui compatiens, Deo auxiliante eos in pace et dilectione composuimus in hunc modum. Ecclesia Trunchiniensis, secundum privilegia sua, Werebroech et Saleghem cum integro jure parochiali possidebit in perpetuum. Statuimus quoque, ut ecclesia Trunchiniensis Balduino annuatim viginti solidos daret in festo sancti Remigii. Balduinus etiam oblationes, quas in ecclesia Trunchiniensi

(1152) Erat tunc Gosvinus abbas Trunchiniensis hæc schedula eruta est.

juxta Gandavum monasterii, ex cujus autographo

habent, rogatu nostro eidem ecclesiæ concessit. A  
Idem sic sensit Simon episcopus Tornacensis.

## II.

PRO LUXOVIENSIS ET SANCTI-APRI MONASTERIIS (1153).  
*Hæc est compositio inter Luxoviensem et Sancti-Apri  
abbates, de ecclesiâ Galdonis-Curtis.*

Ego BERNARDUS Claræ-Vallis vocatus abbas, cui  
dominus papa (1154) causam Luxoviensis et Sancti-  
Apri abbatum commisit decidendam (1155) eidem  
causæ per concordiam hoc modo linem imposui.  
Statutum est ut illi de Sancto-Apro universam deci-  
mam Galdonis-Curtis habeant; ipsam vero ecclesiam  
et omnia, præter decimas, ad eam pertinentia Luxo-  
vienses possideant, remittentes si quid juris habue-  
runt in ecclesiâ Bolonis-Villæ, quam tenebant illi  
de Sancto-Apro. Omnes autem annuales census, B  
quos ecclesiâ Galdonis-Curtis debet tam episcopo  
quam ministris ejus, illi de Sancto-Apro singulis  
annis ex integro persolvant. Hoc autem factum est  
consilio venerabilium Godefridi Lingonensis et Hat-  
tonis Trecentis episcoporum, et aliorum religioso-  
rum virorum, qui ad hoc ipsum acciti sunt a nobis,  
quorum nomina sunt hæc: Guillelmus abbas Sancti-  
Martini Trecentis, Balduinus abbas Castellonia,  
Stephanus abbas Trium Fontium, Balduinus abbas  
Cristæ, Guido abbas Chari-Loci (1156).

## III.

COMPOSITIO FACTA INTER HUGONEM EPISCOPUM ET WIL-  
HELMUM COMITEM ANTISSIODORENSEM (1157).

400 1. In nomine sanctæ et individue Trini-  
tatis ego BERNARDUS Claræ-Vallis vocatus abbas.

Cognita, quæ inter Hugonem episcopum Antissi-  
odorensensem et Willelmum comitem Nivernensem emer-  
serat discordia pro quibusdam querelis, quæ inter  
eos agebantur, Antissiodorum veni, et parlamborum  
consensu et voluntate querelas illas ad concordiam  
reductas feci terminari hoc modo. In bosco, qui  
dicitur Brueria (*La Bruière*) Episcopi, facient com-  
muniter episcopus et comes hainam, factamque com-  
muniter custodient: ita quod singuli singulos mi-  
nistros ejus custodiæ deputabunt, et uterque ab  
ambobus fidelitatem exipiet; eritque in sacramento  
eorum, quod nullus homo sive animal in hainam per  
occasionem capiatur. Forifacta hainæ communiter  
percipientur: quæ etiam forifacta hæc ratione de-  
terminantur. Porcus, ovis, vacæ, cum lascivientes  
fugiant tauros, si in ea deprehense fuerint, nihil  
emendabunt. Boves, vacæ, equi, asini, capræ et  
similia animalia, si sine custode in ea inventa fue-  
rint, pro singulis singuli denarii persolventur. Si  
pecustis adfuerit, tres solidos pro se emendabit. Pro  
cupidibus nihil exigetur. Si homo ligna cadens in  
ea inventus fuerit, quindecim solidis emendabit;  
incendium faciens sexaginta. Itaque prædicta fori-

facta hainæ nunquam excedent prænominatas sum-  
mas. Hainam non extendetur in latum ultra quadra-  
ginta perticas arpennales. Si autem eandem hainam  
contigerit aliquando, seu vetustate, seu aliqua occa-  
sione, ad id devenire ut non sit; si eam simul ibidem  
reparare voluerint, licebit; quod si noluerint, terra  
remanens, sive culta sit, sive inculta, ad dominium  
episcopi revertetur, Omnia alia forifacta, quæ extra  
hainam sient sine parte comitis, episcopi sunt.

2. Statutum est de clericis, ut omnino a potestate  
comitis liberi et immunes existant: ita quod nec  
aliquid juris vel dominationis in eos ex aliqua occa-  
sione comes exercebit, nec rebus eorum, ubicun-  
que sint, manum aliquo modo mittere sibi, vel ali-  
cui ministrorum suorum licebit. Quod si in aperto  
latrocinii forfacto clericus fuerit deprehensus, abs-  
que omni clericalis ordinis injuria seu indignitate  
episcopo, vel ejus ministris reddetur: ac deinceps,  
siquidem contra ipsum a comite vel ejus ministris  
aut hominibus expostulabitur; episcopus eis, quan-  
tum jus et ratio dictaverit, de eodem faciet sat-  
is.

3. Teloneum civitatis et suburbiorum ejus, quia  
episcopo et comiti commune esse constat, si aliquid  
forifactum inde commissum fuerit, episcopus capi-  
tale suum per se recipiet, cum ea lege qua quisque  
vivit: et comes pro forifacto sexaginta solidos. Si  
telonearius comitis, seu aliquis eorum, prius  
coperit eum, qui capitale episcopi abstulit, capitale  
suum cum ea lege episcopo reddere faciet; et si  
per ejus incuriam cum eodem capitali evaserit, ipse  
pro illo episcopo de capitali et lege respondebit.

4. Servientes episcopi, et quotquot erunt de fami-  
lia ejus, nunquam justitiabunt se per comitem. Om-  
nia forifacta claustrorum, videlicet claustrum Sancti  
Stephani, et claustrum Sanctæ Mariæ, et claustrum San-  
cti Eusebii; et Sancti Petri, et Sancti Amatoris, et  
ea quæ claustris continentur, juris episcopalis sunt,  
nec aliquam in eis exercere poterit comes potesta-  
tem, nec pro aliquo forifacto cujuslibet hominis res,  
quæ in claustris sunt, in suam transferet potestatem.  
Si aliquis laicus deprehensus fuerit in claustris in  
latrocinio, cum una quacunque veste sua pro justiti-  
a faciendi comiti reddetur. Extra claustra autem  
D quicumque laici latrones deprehensi fuerint, et ipsi  
et res eorum comitis sunt, exceptis illis rebus, quæ  
in claustris nominatis continentur, quæ propriæ ad  
episcopum pertinent.

5. De terris censualibus manifestum est, quod  
nunquam licet comiti vel homini suo eas, quæ de  
fundo sunt episcopi, acquirere, nisi per episcopum,  
nec etiam aliquam decimam. Bannum comitis obser-  
vabunt tribus diebus omnes, tam clerici, quam laici,  
qui in claustris morantur; quibus transactis, libere

(1153) Ex authent. Sancti-Apri. Scripta anno Chri-  
sti 1140.

(1154) Scilicet Innocentius III.

(1155) Luxovio tunc præfuisse videtur Joceranus;  
monasterio autem Sancti-Apri Petrus, an Durandus?

(1156) Hinc chartæ appensum erat sigillum, sed  
contritum est.

(1157) Epist. 426 edit. 1690, 429 edit. 1729, 464  
in novissima Parisiensis curis Gaume fratrum. Edit.

vendent. Si episcopus vinum aut annonam compaverit, nihil gellagii, vel alterius consuetudinis ab eo exigerit. Episcopus servientes et homines comitis, tam per se, quam ecclesiasticos ministros, pro Christianitate submonebit, et justificabunt se per eum.

6. Domus comitis et munitiones castrorum, quæ ipse dignoscitur tenere ab episcopo, scilicet Castrum Novi, Sancti Salvatoris, Conadæ, Mailliaci, tradentur episcopo ad ejus beneplacitum : ita tamen quod eo discedente, comiti vel ministerialibus ejus cum integritate restituentur. In boscis comitis episcopus accipiet necessaria sibi et ecclesiæ Sancti Stephani.

7. Dictum est et concessum de canonicis Sancti Stephani, quod in bosco de *Thal* usuarium suum plenarie habebunt. Cognitum est et a comite concessum, quod non licet ei Antissiodori aliquam mutationem vel innovationem facere absque licentia episcopi, de cujus feodo recognoscit se tenere quidquid habet Antissiodori et in circuitu ejus, præter hoc quod continetur infra muros urbis extra claustrum, quod tenet de domino rege, et præter feodum ducis ultra pontem.

8. Comes res episcopi custodire debet ut suas proprias. Si aliquis de potestate ejus aliquid de rebus episcopi aut hominum suorum ceperit, comes reddi faciet, aut de suo recompensabit. Ad molendinos episcopi de Regioanne (*Regenne*) tale debet esse Lochellum, quod quidem navibus ascendentibus et descendantibus pervium sit. De illis qui pisces vendunt, comes habet quatuor creditarios, in quibus episcopus nihil accipit. Si ad alios telonearius episcopi primus advenerit et primus barguinaverit, tantum accipiet, quantum curia episcopi necesse habebit. Et idem telonearius comitis faciet : si pariter venerint, pariter accipient quod invenerint. Similiter in aliis victualibus facient. Creditariam habet episcopus in omnibus victualibus quadraginta diebus exinde : donec reddiderit, ab eis, quibus debetur, nihil ei credetur.

400 \*. 9. Statutum est de mercatoribus qui vendunt in domibus suis, quod a quindecim ut quindecim dies, vel a mense in mensem, teloneario episcopi ventas reddent, si quæsitæ ab eis fuerint. In nundinis libertatis Calendarum Maiarum, telonei et ventarum duæ sunt partes episcopi, tertia comitis. Illique qui hos redditus recipiunt, fidelitatem episcopo et comiti facient.

10. Episcopus in vineis suis propriis, et in censuallibus, si illi voluerint quorum sunt vineæ, custodiam ponet : si noluerint, non cogentur. Comes faciet similiter in Brueria tota, cujuscunque fundus sit aut possessio, episcopi et comitis venatio communis est, et forisfacta ad venationem pertinentia.

(1158) Eandem controversiam inter Alanum episcopum et Willelmum comitem denuo recrudescentem composuit Godefridus episcopus quondam Lingonensis, tum privatus degens apud Claram-Vallē, id est anno 1164, statuitque ut quidquid inter Hugonem episcopum et Willelmum de Carthusia comi-

A 11. Actum Antissiodori anno ab Incarnatione Domini 1145, episcopatus Eugenii papæ III primo. Huic rei interfuerunt abbates Stephanus Regniacensis, Guido de Caro-loco, Balduinus de Castellione, Gaufridus de Rupibus, Raynaudus archidiaconus, Gaufridus cantor, Hugo decanus Meldensis, Andreas de Baldement, Landricus, Bernardus, Hugo de Castro-censurii (*Châteaucensois*), Hugo de Tociaco (*Toucy*) presbyteri. Gaufridus cellarius, magister Anselmus, Guido de Bichiaco, Stephanus de Sancto Germano, canonici. Milites : Guillelmus filius suprascripti comitis, Hugo de Tilio, Humbertus de Sancto Germano, Siguinus de Tornella, Odo de Tociaco, Humbaudus Tortus. Servientes, Robertus præpositus comitis, Humbaudus pistor, Erveus præpositus episcopi, Olanus cellarius, et alii quamplures, hinc et inde (1158).

## IV.

## PRO MONASTERIO S. VICTORIS PARISIENSI (1159).

Ego BERNARDUS, Claræ-Vallis vocatus abbas, omnibus Dei fidelibus, tam posteris, quam præsentibus, notum fieri volo, me quadam vice, cum Parisius venissem, rogasse dominum Odonem abbatem S. Genovefæ, omnesque fratres in communi capitulo, ut fraternæ dilectionis intuitu Gelduino abbati fratribusque ecclesiæ S. Victoris concederent aquam Benevini, de submolendino quod Cupels appellatur, acceptam usque ad suam ecclesiam deducere, et inde versus Parisius in Sequanam, dato idoneo prelio hominibus posteris S. Genovefæ... aquam ducerent. Et ut præfatæ ecclesiæ B. Victoris liceret in eadem aqua infra muros suos molendinum facere ad suos usus, ut quantulumcunque utilitatis aquæ ductu illo infra eosdem muros et extra propriis expensis construere valeant. Quæ Odo abbas omnia communi fratrum suorum assensu nostro intervenitu benigne concessit, ita tamen ut molendinum S. Genovefæ, quod superius est nominatum, nulla operis S. Victoris machinatione aut aquæ elevatione impediatur. Quæ concessio ut ecclesiæ B. Victoris rata firmaque in perpetuum perseveret, sigillo eam commendamus, et sigilli nostri impressione testificandam duximus. Placuit et eorum nomina subungere, qui precibus nostris tum interfuerunt : Dominus Godefridus Lingonensis episcopus, D. Joannes S. Maclovii episcopus, D. magister Bernardus Parisiensis archidiaconus, monachi quoque nostri Gerardus et Gaufridus.

## V.

## PRO MONASTERIO SANCTI-AMANTII (1160).

In nomine Domini, ego BERNARDUS, Claræ-Vallis vocatus abbas, notum volo esse, quod locum de Buxia (1161) et quidquid in eo habebamus ex dono Comitissæ Engolismæ, et ecclesiæ Engolismensis, et Petri Austensii, ecclesiæ Sancti-Amantii concessi-

tem sanctæ memoriæ Bernardus Claræ-Vallis abbas composuit, inviolabiliter observaretur.

(1159) Hæc concessio facta est circa annum 1150.

(1160) Ex chartario Buxensi. Scripta anno 1153.

(1161) Vide notas ad epist. 299.



sum. Testes fuerunt Ugo Engolismensis episcopus, A Gaufridus monachi domus nostræ.  
dominus Junius abbas de Corona, frater quoque Actum apud Claram-Vallem anno ab incarnatione  
Philippus Prior noster, et frater Girardus et frater Domini 1153.

# SANCTI BERNARDI

ABBATIS CLARÆ-VALLENSIS

## OPERUM TOMUS SECUNDUS,

COMPLECTENS

TRACTATUS MORALES, DOCTRINALES

ET POLEMICOS.

(Collati sunt ad codices Colbertinum, Dionysianum, Cistercienses, S. Germani, Majoris-Monasterii, Gemeticensem S. Theodorici Remensis et Compendiensem.)

## IN TOMUM II PRÆFATIO

Maxime ad libros *De consideratione*.

**401-403** I. In superioribus editionibus Horstianis ac nostra, post sancti Bernardi epistolæ collocati erant in tomo secundo *Sermones de Tempore ac de Sanctis*, tum *Sermones de Diversis*: in tertio *Sermones in Cantica*: quibus varii *Tractatus Bernardini* quarto loco succedebant. Verum re attentius considerata, hos *Tractatus* epistolis proxime subjicere visum est: idque nobis naturalis ordo facile persuasit. Cum enim ejusmodi *Tractatus* epistolari modo scripti sint, imo nonnulli ex epistolis in tractatus relati, consequens erat ut non longo post epistolas intervallo collocarentur. Accedit ex hoc ordine illud commodi, quod cum *Sermones de Tempore, de Sanctis, ac de Diversis* in tertium tomm, *Sermones vero super Cantica* in quartum rejiciantur; his quasi continenter adjungatur tomi quinti initio *Expositio a Gilleberto continuata in Cantica*: quæ Bernardi *Sermones* in eadem *Cantica*, quasi ejus consecraria appendix, quam proxime subsequi debebat. Ob has itaque similesque rationes non incongruum duximus, vulgatum Horstii ordinem tantisper immutare, ut *Lectorum* commodo et naturali rerum ordini consuleremus. Hæc de ordine rerum, quæ subsequentes tomos constituunt, hoc loco repetenda et præmittenda fuere: nunc de ordine *Tractatum*, quos tomus secundus continet, pauca dicenda sunt.

II. In disponendis objectis opusculis Horstius dignitatis potius, quam temporis rationem habuit. Nam si ordinem temporum sequimur, primus est tractatus de *Humilitate*; deinde, tractatus de *Diligendo Deo*; tum, *Apologia ad Guillelmum*: quo ordine enumerantur a Gaufrido in libri tertii de Bernardi Vita, capite octavo; Bernardo ipso primum et tertium pariter suggerente in epistola decima octava, ad Petrum cardinalem, quæ sub annum 1127 scripta fuit: ubi et paucas ad diversos epistolas memorat; quo nomine haud scio an tractatum de *Diligendo Deo* comprehendit. Postea recensenda est epistola quadragesima secunda, ad Henricum Senonensem archiepiscopum, eodem circiter anno 1127 dictata: mox tractatus de *Libero Arbitrio* circa annum 1128, ut colligitur ex epistola quinquagesima secunda, ad Haimericum. Ne longo post intervallo habitus est *Sermo de Conversione*, ad Clericos. Successit ante annum 1136 liber ad *Milites Templi*: quo tempore exarata est epistola septuagesima septima, ad Hugonem de Sancto-Victore. Anno 1140 epistolam centesimam nonagesimam de *Erroribus Abelardi* Innocentio directam fuisse constat. Eodem fere anno prodit tractatus de *Præcepto et Dispensatione*, quem Petrus Venerabilis, anno 1143 ex Hispania reversus, postularis libri quarti epistola vigesima septima. Ineunte anno 1149 absolutus est liber de Vita sancti Malachii: eodemque anno inchoati sunt libri de *Consideratione*, ut mox dicturi sumus. Hæc sunt Opuscula, quibus

constat tomus quartus : exceptis Declamationibus, quas in superiorum classem rejecimus, usque a Bernardo alienas; et libro de Cantu, quem præmissis subjungemus.

III. Hic, inquam, est ordo temporis, quo singuli tractatus conscripti sunt. Verum ordinem et dignitatem argumenti servare præstat, prima loca tribuendo, primo libris de Consideratione; secundo, Epistolæ de Moribus Prælatorum, ad Henricum Senonensem, tertio, Sermoni de Conversione, ad Clericos; quarto, tractatus de Præcepto et Dispensatione; quinto, Apologiæ ad Guillelmum, qui duo tractatus monachos spectant; sexto, libro de Laude **404** novæ Militiæ, ad Milites templi. Et hæc prima classis pro dignitate personarum. Altera classis de virtutibus; nemo, septimo, libellus de Humilitate; octavo, de Diligendo Deo. Tertia classis erit de dogmatibus, scilicet, nono, opusculum de Gratia et Libero Arbitrio; decimo, epistola de Baptismo, ad Hugonem de Sancto Victore; undecimo, epistola de Erroribus Abælardi, ad Innocentium. Postremo duodecimo, historicus liber de Vita sancti Malachiæ. His omnibus tertio decimo loco succedet liber de Cantu. Opusculorum ordinem supra, pag. 995-996 representavimus pro commodiori usu hominum studiosorum.

IV. In his omnibus nullum Bernardo dignius videtur, quam libri quinque de Consideratione, ad Eugenium papam. Si enim argumenti et personæ dignitatem spectes, nihil generosius; si modum tractandi, nihil sublimius; si styli majestatem, et sententiarum gravitatem, nihil eloquentius ac fortius; si denique dictorum puritatem, et inhærentem sacris canonibus disciplinam, nihil catholico Doctore et sanctissimo Patri convenientius. Qui vero magis arduum erat homini in solitudine educato, a mundi rebus et negotiis alieno, quam vivendi leges summo Pontifici, nedum toti Ecclesiæ tradere, et quasi præscribere? Quid homini privato difficile, quam de totius Ecclesiæ statu, de moribus sacrorum ministrorum, de omnium officiis, virtutibus, ac vitiis apte et accurate breviterque disserere, imo et justam ferre sententiam? Quid sapientius, quam ita sublimium quorumcunque hominum vitia, errata, abusus notare, persequi, castigare; ut non modo invidiam et criminandi suspicionem evites, sed etiam amorem reportes et admirationem? Et hæc sane fuit Bernardi seu dexteritas, seu felicitas, seu divinitus concessa auctoritas, ut quam primum ejus libri de Consideratione in publicum prodire, eos certatim exquisierint, lectitarent, amaverint universi, etiam summi, quos maxime tangebant, Pontifices.

V. Merito itaque Ernardus Bonæ-Vallis abbas in libri secundi de Bernardi Vita, capite octavo, hoc opus vocat « Librum multæ utilitatis: in quo Vir sanctus acutissima indagine, tam ea quæ circa Pontificem, quam quæ infra sunt prosequens, etiam ad ea quæ supra ipsum sunt ascendens, tanta de natura divina disseruit, ut videatur in tertium cælum assumptus, audisse quædam verba quæ non licet homini loqui, et Regem in decore suo vidisse. In his quæ infra, et quæ circa ipsum sunt, morum societas, naturæ æqualitas, officiorum distantia, consideratio meritum, adjudicatio proventuum subtilissime distinguitur, et singulis in suo genere sui cognitio intimatur. In his quæ supra hominem sunt, speculatur cælestia; non eò modo quo Angeli, qui semper adherent Deo, considerant, sed eò modo quo potest homo puri animi et mentis sinceræ divina contingere, » etc. Et hæc est divisio quinque librorum de Consideratione: quorum in primo demonstratur Considerationis necessitas et utilitas: in secundo considerantur quæ in Pontifice, id est Pontifex ipse quis, qualisque sit: in tertio, quæ sub ipso, id est orbis universus: in quarto quæ circa ipsum, domestici, cardinales, episcopi: in quinto quæ supra ipsum, Deus et Angeli. In his « quam liber in voce, quam disertus, et in rerum superiorum inferiorumque scientia locuples, diligens considerator agnosceret, » inquit Gaufridus in libro tertio de ejus Vita, capite octavo.

VI. Restat observare tempus, quo libri isti scripti sunt. Hos anno 1149 parturire cepit sanctus Pater, nec uno tenore (ut Baronto visum est) absolvit, sed diversis intervallis scriptos ad Eugenium transmisit. Et primum quidem ipso anno 1149, de quo Nicolaus, ejusdem Bernardi notarius, ante suam discessionem scribens Petro Venerabili: « Mitto vobis, » ait, « librum domni Abbatis Claræ-Vallis ad dominum Papam. » Exstat hæc epistola apud ipsum Petrum in libri sexti epistola septima. Neque hoc loco libri nomine integrum opus (ut antiores isti loquuntur passim, teste Ernaldo, qui « librum multæ utilitatis » hos quinque libros vocat) intelligi potest. Nam secundum Bernardus Eugenio direxit anno 1150, post infelicem expeditionis Jerusalem exitum, de quo ab ipso libri exordium apologiam præmittit. Tertium, anno 1153, post obitum scilicet Hugonis Antissiodorensis, ut constat ex capite secundo, numero undecimo; et quarto quidem anno post concilium Remense, ex numero vigesimo, anno 1148 celebratum. Quartum denique et quintum paulo post, si non cum tertio, absoluit.

**405 VII.** Cæterum prædicti libri Rothomagi primum, cum Apologia ad Guillelmum, atque tractatu de Præcepto et Dispensatione, abaque anni indicio; tum Spiræ anno 1550 typis vulgati sunt sine ulla capitulorum, ut fit in vetustis codicibus, divisione. Eodem anno 1530 ac deinceps, cum cæteris Bernardi operibus recusi: postea per Anonium Carasam, magni nominis cardinalem, Pio V pontifice recogniti, atque Antwerpiae formis Plantiniani seorsim impressi fuerunt. Eisdem demum Gerardus Vossius, præpositus Tungrensis, rogatu Joannis Vendevii, episcopi Tornacensis piissimi, denuo recensere aggressus, eos cum octo manuscriptorum codicibus contulit; ac Romæ anno 1594 seorsim editos Clementi VIII nuncupavit, adhibita capitulum divisione, qualis in exemplari Nicolai papæ V, anno 1450 exarato, apposita erat. De hac editione Nicolaus Faber in epistola ad eundem Vossium, ubi laudatis cæteris ejus operibus: « Omitto, » inquit, « libros de

Consideratione beati Bernardi, in quibus licet fortasse minus olei, quam in cæteris impenderis; non tamen minus zeli domus Dei, nutantisque disciplinæ in ea reparandæ ostendisti. Ibi enim libros huic rei aptissimos, quoque non minus auctor, et beato Bernardo fere equalis, non ~~depositionem~~ Deuteronomium summorum Pontificum appellat, edendos curasti, quo primum ab auctore religiosissimo destinati sunt, ubi tamen forsitan minus terebantur. »

VIII. Secundum tot tantosque viros denuo ad censuram prædictos libros revocavimus, eosque in priori nostra recensione ad quatuor exemplaria contulimus; in hac vero ad alios duos ex bibliotheca Colbertina per virum clarissimum Stephanum Baluzium nobis commodatos: quorum unus notatus 3541, capitulorum distinctionem habet, sed a Vossiana plane diversam. Cum autem sectiones istæ non sint ex auctoris instituto, vulgatas retinere visum est ad cavendam citationum confusionem.

IX. Porro hujus operis inscriptio variat in vetustis libris. Probabilior est Colbertini codicis, notati 3964: « Beati Bernardi abbatis Clara-Vallis in libro de Consideratione ad dominum Eugenium papam prologus incipit feliciter. » Sed non tanti sunt momenti ejusmodi inscriptiones, quæ plerumque ex notariorum arbitrio prospectæ sunt. His subjicere juvat, quod Horstius præfationis huic tomo præmisit.

## 406 J. MERLONIS HORSTII MONITUM AD LECTORES.

Sancti Bernardi tractatus varios quatuor hic tomos exhibet, genuinos, inquam, et indubios, nam aliis alibi locus erit. Hos inter primas ordine et excellentia tenet de Consideratione ad Eugenium III pontificem liber, si quisquam alius, Ecclesiæ præsulibus et prælatis utilis prorsus ac necessarius. In Vita sancti Bernardi, lib. 2, c. 8, item libro 3, cap. 8, habes, quæ lectioni horum librorum omnino præmitti suadeo. His adde sequentia. Gerardus Vossius præpositus Tungrensis libros hosce a bibliotheca Vaticana separatim edidit Romæ anno 1594, et summo pontifici Clementi VIII dicavit. In eorum verò commendationem inter cætera hæc præfatur. « Quantum inter alios pontifices Nicolaus V hisce libris tribuerit, re ipsa ostendit, dum libros eosdem, ante usum typographiæ inventum, adeo magnifico et insigni caractere separatim pro suo aliorumque usu describendos curavit. Quorum etiam amore ac studio flagrans Pius V, re et nomine pius, eorundem lectionem mensæ suæ lubens adhibebat, ponderabat, et magni faciebat: sicut et ab ejus in pontificatu successore Gregorio XIII factum intelligo. Quos et Urbanus VII in episcopatu, ac post in cardinalatu multum sibi familiares habuisse dicitur, secumque ad conclave tulisse, in quo et summus pontifex renuntiatus est. Quem brevi in pontificatu secutus Gregorius XIV, plurimum quoque iisdem Bernardi libris tribuere, eosque frequenter in ore habere solebat: et seorsim (ut ab omnibus ecclesiasticis, maxime autem prælatis, commodius circumferri legique possent) exstare peroptabat: sicut a fide dignissimis de eo adhuc cardinale accepi: ipseque ex ejusmodi ore non semel audivi. » Hæc Vossius in Dedicatione ad Clementem VIII.

Porro inter Tractatus inventes duos ex epistolis huc translato, idque non sine causa, ut arbitror. Prolixitas quippe, et ipsa argumenti ratio, necnon tractandi modus nomen Tractatus exposcere videbantur. Frequens autem esse, ut pii Patrum labores ac tractatus nomen Epistolæ sortiantur, observat Ephræmus apud Photium, codice 229, et variis exemplis ostendit Baronius ad annum Christi 584, agens de epistola a S. Gregorio nomine Pelagii II scripta adversus tria Capitula. Inter Epistolas sancti Hieronymi et sancti Augustini complures occurrunt, quos ipsimet auctores Libri nomine donant. Qui deinde edendorum Patrum curam susceperunt, multorum judicio hujusmodi lucubrationes aptius in tractatum sive librorum, quam epistolarum censum syllabumque retulissent. Quamvis et hi auctoritate non omnino videantur destitui: præsertim cum hoc exemplum ab Apostolis venerit, ut argumenta, quamvis seria, committerentur epistolis. Sed tales epistolæ vere tractatus sunt de rebus haudquaquam familiaribus. Unde et nobis visum, duas illas epistolas, quadragessimam secundam et centesimam nonagesimam, utpote prolixas admodum, e numero cæterarum eximere, et in gratiam lectoris distinctas in capita, tractatibus adjungere. Nec obstat, quod ad unam singularem personam directæ, eam peculiariter subinde compellent. Sane si justi de argumento aliquo tractatus, idcirco quod ad unum aliquem dirigantur, Epistolæ nomine prænotandi veniunt, nullus prope liber erit, cui non debeat nomen Epistolæ, cum fere hoc omnibus solemne sit, lucubrationes suas alicui inscribere. Adeoque ipsa etiam Bernardi Apologia ad Guillelmum abbatem, aliaque plura ejus opuscula inter epistolas referantur. Retinuimus tamen receptum Epistolarum numerum et ordinem, ne cui sorte industria nostra fraudi esset, si priorum editionum citationes a nostra discreparent. Si quæ præterea de quibus forte monendus sit lector suis lectis inveniet, et prolize quidem in Præfatione totius operis.



# SANCTI BERNARDI

## ABBATIS CLARÆ-VALLENSIS

# DE CONSIDERATIONE

## LIBRI QUINQUE

## AD EUGENIUM TERTIUM.

### 407 PROLOGUS.

Subit animum dictare aliquid, quod te, papa beatissime Eugeni, vel ædificet, vel delectet, vel consoletur. Sed nescio quomodo vult, et non vult exire læta quidem, sed lenta oratio: dum certatim illi contraria imperare contendunt majestas, atque amor. Nempe urget ille, inhibet illa. Sed intervenit tua dignatio, qua hoc ipsum non præcipis, sed petis (1), cum præcipere magis te deceat. Majestate igitur tam dignanter, cedente, quidni cedat pudor? Quid enim si cathedram ascendisti? Nec si ambules super pennas ventorum, subduceris affectui. Amor dominum nescit, agnoscit filium et in infulis (2). Per se satis subjectus est, obsequitur sponte, gratis obtemperat, libere reveretur. Non sic aliqui, non sic: sed aut timore ad ista impelluntur, aut cupiditate. Hi sunt qui in facie benedicunt, mala autem

A in cordibus eorum; blandiuntur coram, in necessitate deficiunt. At charitas nunquam excidit (1 Cor. xiii, 8). Ego, ut verum fatear, matris sum liberatus officio, sed non deprædatus affectu. Olim mihi invisceratus es, non tam facile eruoris (3). Ascende in cælos, descende in abyssos: non recedes a me, sequar te quocumque ieris (Luc. ix, 57). Amavi pauperem (4), amabo pauperum et divitum patrem. Non enim, si bene te novi, quia pater pauperum factus, ideo non pauper spiritu es. In te hanc mutationem factam esse confido, non de te; nec priori statui tuo successisse promotionem, sed accessisse. Monebo te proinde, non ut magister, sed ut mater: plane ut amans. Amens magis videar, sed ei qui non amat, ei qui vim non sentit amoris.

(1) Alias, *Sed intervenit dignatio, qua hoc ipsum non saltem præcipis, sed petis.*

(2) Infularum nomine non tantum mitram, sed universim pontificalia insignia intelligit. De his inferius ad librum quartum, cap. 3, n. 6.

(3) Aliis, *[non mihi ex medullis tam facile abstrahe-*

*ris.* (4) Editi addunt *spiritu*. At deest *spiritu* in priusque manuscriptis. Et vero sententia concinnior est absque hoc vocabulo, tametsi additur infra.

### LIBER PRIMUS.

#### 408 CAPUT PRIMUM.

Pontifici, tam variis occupationibus presso, condolet.

1. Unde ergo jam incipiam? Libet ab occupationibus tuis, quia in his maxime, condoleo tibi. Condoleo dixerim, si tamen doles et tu: alioquin doleo magis dixisse debueram; quia non est condolere, ubi nemo qui doleat. Itaque si doles, condoleo: si non, doleo tamen, et maxime, sciens longius a salute absistere membrum quod obstupuit; et ægrum

C sese non sentientem periculosius laborare. Absit autem ut de te id suspicer. Novi quibus deliciis dulcis quietis tuæ non longe antehac fruebare. Non potes his dissuevisse tam cito, ita subito non dolore nuper subtractas. Plaga recens dolore non caret. Neque enim jam occalluit vulnus, nec in tam brevi versum in insensibile est. Quanquam si non diâsimules, non deest tibi jugis materia justî doloris a quotidianis [al. add. damnis et] jacturis. Invitus, ni

fallor, avelleris a tuæ Rachelis amplexibus (5); et quoties id pati contigerit, toties dolor tuus renovetur necesse est. At quando non contingit? Quoties vis, et incassum? quoties moves, nec promotes? quoties conaris, et non datur ultra; eniteris, et non paris (6); tentas, et abriperis; et ubi incipis, ibi deficis; et dum adhuc ordiris, succidunt te? *Venerunt filii usque ad partum*, ait propheta; *et vires non habet parturiens* (IV Reg. xix, 5). Nosti hoc? nemo te melius. Attritæ frontises, et instar vitulæ Ephraim doctus diligero trituram (Osee x, 11), si pace tua [al. quod pace tua loquar], sic se habent res tuæ. Absit: hæc est pars illius, qui datus est in reprobum sensum. Ab his sane cupio tibi pacem, non cum his. Nihil plus, metuo tibi pace ista. Miraris si unquam possit accidere? Etiam, dico tibi, si res, ut assolet, per consuetudinem in incuriam venerit.

### CAPUT II.

*Vis consuetudinis ad inducendos pravos mores, et durtiam cordis.*

2. Noli nimis credere affectui tuo qui nunc est. Nil tam fixum animo, quod neglectu et tempore non obsolescat. Vulneri vetusto et neglecto callus obducitur, et eo insanabile, quo insensibile fit. Denique dolor continuus, et acerbis, diuturnus esse non patitur. Nam si non aliunde extunditur, necesse est cedat vel sibi. Enimvero cito aut de remedio consolationem recipiet, aut de assiduitate stuporem. Quid non invertat consuetudo? quid non assiduitate du-

(3) Usitatum Patribus et theologiæ mysticæ scriptoribus, nomine Rachelis et Liæ, contemplativam et activam vitam designare. Ambæ quidem uxores Jacob, sed alteram fecunditas, alteram venustas commendabat: quæ duæ dotes disparibus utriusque vitæ officiis applicari solent. Eodem sensu Marthæ et Mariæ nomina non raro usurpari videas. Itaque insinuat Eugenium hactenus vitæ contemplativæ studiis deditum, ægre ad activæ vitæ negotia descendere, utpote quæ varie distrahat mentem, et pene obruant, ut vix subinde ad superna ac divina valeat assurgere.

Sane, quam molestum sit viris piis et religiosis, avelli a sanctæ contemplationis otio ad negotia sæculi, ad dignitates et honores tot tantisque occupationibus obnoxios pertrahi, ex sanctorum Patrum scriptis rebusque gestis constat. Unum libet adducere e summo illo culmine, uti probe conscium doloris et molestiæ, quam asserere solet istud quietis et tranquillitatis religiøsæ dispendium. Gregorius M. sanctiss. Pontifex, evecus ad illud summi in Ecclesia honoris fastigium, mirum quam deploret sortem et conditionem suam, pristinam cum præsentem conferens. Verba ejus perquam elegantia sunt, et perutilia, meritoque inculcanda his quibus adeo non horret animus ad tot curas, et contemplationis remoras, ut potius instar Ephraim, quasi vitula docta diligere trituram, avidi ad ista ferantur, et esse sub sensibus delicias computent. Sed audiant isti Gregorium gementem et querentem se sub colore pontificatus, ad sæculum reductum, et jam tantis terræ curis inservire, quantis se in vita laica nequaquam deservisse meminerit. « Alta enim, inquit, quietis meæ gaudia perdidit, et intus corruens, ascendisse exterius video. Unde me a Conditoris mei facie longe expulsum deploro, » etc. Et paulo post: « Undique causarum fluctibus quatuor, ac tempestatibus deprimor, ita ut recte dicam: *Veni in altitudinem maris, et tempestas*

retur? quid non usui cedat? quantis quod præ amritudine prius exhorrebant, usu ipso male in dulce conversum est? Audi justam quid lamentetur super hujusmodi: *Quæ prius tangere volebat anima mea, nunc præ angustia cibi mei sunt* (Job vi, 7). Primum tibi importabile videbitur aliquid: processu temporis, si assuescas, judicabis non adeo grave; paulo post et leve senties, paulo post nec senties; paulo post etiam delectabit. Ita paulatim in cordis durtiam itur, et ex illa in aversionem. Sic gravis et continuus dolor citum, ut dixi, habiturus est exitum, aut sanitatem profecto, aut insensibilitatem.

3. Ilinc prorsus, hinc tibi timui semper, et timeo, ne dilato remedio, dolorem non sustinens (7), periculo te irrevocabiliter desperatus immergas. Vereor, inquam, ne in mediis occupationibus, quoniam multæ sunt, dum diffidis finem, frontem dures, et ita sensim te ipsum quodammodo sensu privas justis utilisque doloris. Multo prudentius te illis subtrahas vel ad tempus, quam potius trahi ab ipsis, et ducl certe paulatim quo tu non vis. Quæris quo? Ad cor durum. Nec pergas quærere, quid illud sit: si non expavisti, tuum hoc est. Solum est cor durum, quod semetipsum non exhorret, quia nec sentit. Quid me interrogas? Interroga Pharaonem. Nemo duri cordis salutem unquam adeptus est, nisi quem forte miserans Deus, abstulit ab eo, juxta prophetam, cor lapideum, et dedit cor carneum (Ezech. xxxvi, 26). Quid ergo cor durum? Ipsum est quod

*demersit me*. Redire post causas ad cor desidero, sed vanis ab eo cogitationum tumultibus exclusus redire non possum. Ex hoc ergo mihi longe factum est, quod intra me est, ita ut obedire nequeam prophetiæ vocis, qua dicitur: *Redite, pravificatores, ad cor*: sed stultis pressus cogitationibus, solummodo exclamare compellor: *Cor meum dereliquit me*. Contemplativæ vitæ pulchritudinem velut Rachelem dilexi sterilem, sed videntem ac pulchram, quæ etsi per quietem suam minus generat, lucem tamen subtilius videt. Sed quo judicio, nescio, lux mihi in nocte conjuncta est, activa videlicet vita, secunda, sed lippa, minus videns, quamvis amplius pariens. Sedere ad pedes Domini cum Maria festinavi, verba oris ejus percipere: et ecce cum Martha compellor in exterioribus ministrare, atque erga multa satagere. Ita pontifex vere sanctissimus, in Regist. lib. i, epist. 5. Similia habet ibid. epist. 6, 7, et præsertim 24, item 25 et 26.

Sed placet et alium ejusdem nominis et culminis pontificem, eadem quoque mente, et simili animi æstu loquentem audire. Gregorius enim IX, ubi, scribens ad Camaldulenses monachos, angorem animi sui in pontificatu exponit, et orationem ab eis suffragia postulat, ita loquitur: « Quia vero importuna lippientis Liæ instantia nos frequenter a suavis perspicacis Rachelis amplexibus avellente, ipsi Deo precibus insistere non possumus, ut oportet; vos qui ad pedes ejus sedetis, jugiter cum Maria, et quibus ab olim nos junximus bitumine charitatis sollicitandos duximus, » etc.

(6) Horstius, *eniteris et non obtines, parturis et non paris*. Editi veteres et scripti plerique præferant lectionem nostram. In nonnullis tamen, *eniteris et non parturis*. Sed *paris* rectius ad sensum.

(7) Ita scripti cum vetustis editis: Horstio, *dolorem vel non sentiens, vel non sustinens*.

nec compunctione scinditur, nec pietate mollior, nec movetur precibus: minis non cedit, flagellis duratur. Ingratum ad beneficia est, ad consilia infidum, ad judicia sævum [al. sũrdum], inverecundum ad turpia, impavidum ad pericula, inhumanum ad humana, temerarium in [al. ad] divina, pręteritorum obliviscens, pręsentia negligens, futura non providens. Ipsum est cui pręteritorum, pręter solas injurias, nihil omnino non pręterit; pręsentium nihil non perit; futurorum nulla, nisi sorte ad ulciscendum, prospectio seu pręparatio est. Et ut brevi cuncta horribilis mali mala complectar, ipsum est quod nec Deum timet, nec hominem reveretur. En quo trahere te habent hæ occupationes maledictę: si tamen pergis, ut cępiasti, ita dare te totum illis, nil tui tibi relinquens. Perdis tempus: si licet nunc alterum me tibi exhibere Jethro, tu quoque in his stulto labore consumeris (Exod. xviii, 18), quę non sunt nisi afflictio spiritus, evisceratio mentis, evacuatio gratię. Nam fructus horum quid, nisi aranearum tela?

## CAPUT III.

*Indignum proceribus Ecclesię continue causis litantium audiendis et decidendis incumbere.*

4. Quęro te, quale est istud, de mane usque ad vesperam litigare, aut litigantes audire? Et utinam sufficeret diei malitia tua! non sunt liberę noctes. Vix relinquitur necessitati naturę, quod corpusculi pausatiori sufficiat; et rursum ad jurgia surgitur. Dies diei eructat lites, et nox nocti indicat malitiam: usque adeo non est respirare in bonis, non est alternam capessere requiem, non vel rara interseri otia. Non ambigo te quoque ista deplorare: at frustra istud, si non et emendare studueris. Interim tamen sic semper facias hortor, nec te unquam ad ista duraveris quolibet usu vel assiduitate. Percussit eos, et non doluerunt, ait Deus [al. propheta] (Jerem. v, 3). Nihil tibi, et illis. Justi potius tibi aptare curato et affectionem, et vocem, qui ait: *Quę est enim fortitudo mea ut sustineam? aut quis finis [al. aut quę fiducia] meus, ut patienter agam? Nec fortitudo lapidum [al. laterum] fortitudo mea, nec caro mea ænea est* (Job vi, 41, 42). Magna virtus patientię: sed non hanc tibi ad ista optaverim. Interdum impatientem esse, probabilis. Tunc approbes illorum patientiam, quibus Paulus dicebat: *Libenter sufferitis insipientes, cum stitis ipsi sapientes?* Ni fallor, ironia erat, et non laus, sed suggillatio quorundam mansuetudinis, qui quasi datis manibus pseudopostolis, a quibus et seducti erant, 410 ad quęque

A ipsorum peregrina et prava dogmata trahi se patientissime ferrent. Unde et subdus, *Sustinetis enim, inquit, si quis vos in servitute redigit* (II Cor. xi, 19, 20). Non bona patientia, cum possis esse liber, servam te permittere fieri. Nolo dissimules servitutem, in quam certe in dies, dum nescis, redigeris. Hebetati cordis indicium est, propriam non sentire continuam vexationem. *Vexatio dat intellectum auditui*, ait quidam (Isai. xxviii, 19). Verum est; sed si nimia non fuerit. Nam si sit, non plane intellectum dat, sed contemptum. Denique impius cum in profundum malorum venerit, contemnit (Prov. xviii, 3). Expergiscere ergo, et pessimę servitutis jugum jam jamque imminens, imo jam non modice premens, non tantum cave, sed horre. An ideo non servus, quia non uni servis, sed omnibus? Nulla turpior servitus graviore, quam servitus Judęorum, quam quocumque ierint post se trahunt, et ubique dominos offendunt (8) suos. Tu quoque dic, quęso ubi unquam sis liber, ubi tutus, ubi tuus? Ubique strepitus, ubique tumultus, ubique jugum tuę servitutis te premit.

## CAPUT IV.

*Quę servitus digna, quę indigna servo servorum Dei.*

5. Nec mihi reponas [al. apponas] nunc Apostoli vocem, quę ait: *Cum essem liber ex omnibus, omnium servum me feci*. Longe est istud a te. Numquid hac ille servitute hominibus inserviebat in acquisitione turpes quęstus? Numquid ad eum de toto orbe confluebant ambitiosi, avari, simoniaci, sacrilegi, concubinari, incestuosi, et quęque istiusmodi monstra hominum, ut ipsius apostolica auctoritate vel obtinerent honores ecclesiasticos, vel retinerent? Ergo servum se [al. te] fecit homo, cui vivere Christus erat, et mori lucrum, ut plures lucrifaceret Christo, non ut lucra augeret avaritię. Non est igitur quod de solertissima Pauli industria, et charitate tam libera quam liberali, servili conversationi [al. conditioni] tuę patrocinium sumas. Quam tuo dignius apostolatu, quam salubrius tuę conscientię, quam fructuosius Ecclesię Dei audias potius ipsum alibi dicentem: *Prelio empti estis, nolite effici servi hominum* (I Cor. vii, 23)! Quid servilius indigniusque, D pręsertim summo Pontifici, quam, non dico omni die, sed pene omni hora, insudare talibus rebus, et pro talibus? Denique quando oramus? quando docemus populos? quando ædificamus Ecclesiam? quando meditatur in lege? Et quidem quotidie perstreput in palatio leges, sed Justiniani, non Domini (9).

porro usum maxime corrumpunt ambitio, et lucri cupiditas. Hinc nulli fere causę, qualiscumque ea sit, patrocinium deest: hinc illę litium ambages, antequam ad causę metę, id est sententiam, pervenias. Sed hac de re cap. x, redibit sermo.

Hoc loco Bern. evocat pontificem ab immediata legum Justiniani et litium occupatione. Quid autem vetat, idem ad cęteros quoque Ecclesię pręlatos, imo et omnes ecclesiasticos extendere? quorum plures videmus ad legum et juriū studia ferri propen-

(8) Id est, inveniunt. Glossema hoc in quibusdam scriptis invecum in textum.

(9) Legum abusus fecit, ut sancti viri et zelo justitię ferventes acriorem subinde in leges censuram ferant. Verum non tam leges ipsas, quam abusum, et ipsos abutentes feriunt. Horum sane vitio fit, ut leges sæpe non nisi lites sint, aut serant. Nempe et vinum abit in vitium, non sua, sed abutentium culpa: nec capropter vinum recte culpaveris. Quid enim abusu non possit depravari? Legum



Justene etiam istud? Tu videris. Nam certe lex A Domini immaculata, convertens animas (Psal. xviii, 8). Hæ autem non tam leges, quam lites sunt et cavillationes, subvertentes judicium. Tu ergo pastor et episcopus animarum, qua mente, obsecro, sustines coram te semper silere illam, garrire istas? Fallor, si non movet tibi scrupulum perversitas hæc. Puto quod et interdum compellat clamare ad Dominum cum propheta: *Narraverunt mihi iniqui fabulationes, sed non ut lex tua* (Psal. cxviii, 85). I ergo, et aude liberum profiteri sub tam gravi mole inconvenientiæ hujus, et cui fas non sit cervicem subducere. Nam si potes et non vis, multo magis servus es hujus ipsius tam perversæ voluntatis toræ. An non servus, cui dominatur iniquitas? Et maxime. Nisi tu forte indignus iudices hominem tibi, quam vitium dominari. Quid interest, volens servias, an invitus? Nam etsi coacta servitus miserabilior, sed affectata miserior est. Et quid vis me facere, inquis! Ut tibi ab his occupationibus parcas. Impossibile fortasse respondebis, facilius cathedræ valedicere posse. Recte hoc, si rumpere, et non magis interrompere ista hortarer.

sus, eo quod magis ad splendorem, quæstumque et vitæ comoda spectare putentur.

At quæ ista præpostera vitæ et studiorum ratio, ut toti hodie sint in legibus Justiniani, quorum tota voluntas et voluptas esse debebat in lege Domini? Nonne hoc ipso vitæ genere et instituto (utpote clerici, id est, in sortem Domini cooptati) proficiuntur? Nonne hujusce rei seipsos quotidie commonefaciunt, eum præeunte Propheta beatos illos pronuntiant, quorum voluntas est in lege Domini, et in lege ejus meditantur die ac nocte? Jam vero illi in Scripturis divinis hospites ac peregrini, a libris piis et spiritualibus alieni, ac fastidiosi, in Codice et Digestis, Novellis ac Libellis, legibus ac litibus majori gustu et voluptate versantur. Cum codice Evangeliorum, ac gestis sanctorum nihil illis commereii, nisi quod verba Psalmorum raptim cursimque demurmurant, et Chori pensum festinanter absolvunt. Hinc ad profana, nedum vana studia sese convertunt. Quæ hic meditatio divinæ legis? quæ sacrarum rerum et statui ecclesiastico congruentium tractatio? Et tamen clamant quotidie: *Quomodo dilexi legem tuam, Domine! tota die meditatio mea est!* etc. Mirum si non veniunt testem cordis sui Deum, aut certe propriam conscientiam, ne forte arguatur mendacii, qui utriusque testimonio vincuntur, nihil minus diligere, quam quod ore profitentur. Quorsum enim quotidie recitamus Psalmos? nonne ut congruentes verbis sensibusque Psalmorum affectus induamus, et mores monitis divinis conformemus? Quis autem credat eos sentire quod asserunt, aut certe per os divini Vatis assertum repetunt quotidie, beatum dicentes illum, qui in lege Domini scrutatur et meditatatur die ac nocte? Quid mirum, si tales videamus succo veræ pietatis paulatim destitui, nullo divinarum rerum vegetari influxu, sensim sine sensu exarefcere, tandemque penitus emori.

Hinc Petrus Blesensis, vir doctissimus, et ipse legum peritissimus: « Res, inquit, plena discriminis est in clericis usus legum. Totum enim hominem adeo sibi vindicat, ut eum suspendat a spiritualibus, a divinis avellat, epist. 26. Et alibi: hæc (legum tractatio) vix umquam pacifica est, quia semper litigat de contrariis, vel quasi de maleficiis, vel quasi de variis figuris causarum, de actionibus et obligationibus, de judiciis, de sententiis et appellationibus, et aliis quæ cum

## 411 CAPUT V.

*Non gerendam aliorum curam cum sul ipsius incuria et neglectu.*

6. Audi ergo quid redarguam, quid suadeam. Si quod vivis et sapis, totum das actioni, considerationi nihil; laudo te? In hoc non laudo. Puto quod et nemo, qui a Salomone audierit: *Qui minoratur actu, percipiet sapientiam* (Eccli. xxxviii, 25). Certe nec ipsi actioni expedit consideratione non præveniri. Si item totus vis esse omnium, instar illius qui omnibus omnia factus est (I Cor. ix, 22); laudo humilitatem, sed si plena sit. Quomodo autem plena, te excluso? Et tu homo es. Ergo ut integra sit et plena humanitas, colligat et te intra se sinus qui omnes recipit. Alioquin quid tibi prodest, juxta verbum Domini, si universos lueris, te unum perdens (Matth. xvi, 26)? Quam ob rem cum omnes te habeant, jesto etiam tu ex habentibus unus. Quid solus fraudaris munere tui! Usquequo spiritus vadens, et non rediens (Psal. lxxvii, 39)! Usquequo non recipis te et ipse inter alios vice tua? Sapientibus et insipientibus debitor es; et soli negas te tibi? Stultus et sapiens, servus et liber, dives et pauper,

sopire lites debeant, semper cineres litium excitant jam sopitos. Ita ille epistola qua clericum regis Angliæ a studio Jurisprudentiæ, ad sacrarum literarum studia, veluti statui ecclesiastici magis congrua, provocat, in Tubis nostris Discipl. eccl. tub. 6, pag. 555. Sic et apud Baron. tom. XII, an 1165, n. 2, Joan. Sarisberien. Thomam archiepiscopum Cantuariensem, qui demum pro Ecclesia gloriosus martyr occubuit, a studio legum dehortatur, utpote quæ magis curiositati quam utilitati serviant. « Mallem, inquit, vos ruminare Psalmos, et B. Gregorii Morales libros evolvere. Quis a lectione legum et canonum compunctus surgit? »

Similem Carolo Borromæo sanctissimo præsuli mentem fuisse lego. « Usitatum enim, inquit scriptor Vitæ, jurisconsultorum scientiam, qua fuerat occupatus adolescens, minime jam in pastoralis cura ad se pertinere arbitratus est. Theologica et canonica tantum novit, quantum cardinali magnam ecclesiam regenti efficere posse concessum est. Ex theologia Scripturas divinas potissimum sequebatur, tum veteres Patres, interpretesque illos, qui solidiorem sensum amplectuntur. Canonum ea scientia perjuvanda erat, quæ Patrum mores et acta repræsentans, Ecclesiæ componendæ atque ordinandæ rationem continet. Dolens autem eos communi consuetudine tantummodo canones ad interpretandum seligi, qui ad lites judicialeque valent, constituit ipse qui iis declarandis præset, unde sacra majorum instituta, et ritus, optimumque Ecclesiæ administrandæ genus hauriretur. » Lib. vii, cap. 11.

Porro superiora omnia cum grano salis acceper. Sobriam enim legum scientiam et usum, non questui, sed justitiæ et veritatis patrocinio utilem, nemo sapiens damnat. Id solum monentur sacri ordinis homines, ut noverint præcipuas sui status partes, et officia, ament digna et debita vocationi suæ studia: et præpostere occupari caveant: ne negligent scire in primis, quæ perfectionem sui status magis magisque promoveant: ne minorem præcipuis, majorem vilioribus, et alienis curam ac industriam impendant. V. Lindanum episc. Ruremund. lib. De impœnit. fug., ubi quærit cur multi clericorum hodie pluris faciant jurisprudentiæ studia quam theologiæ.

vir et femina, senex et juvenis, clericus et laicus, **A** justus et impius. omnes pariter participant te, omnes de fonte publico bibunt pectore tuo; et tu seorsum sitiens stabis? Si maledictus qui partem suam facit deteriozem, quid ille qui se penitus reddit expertem! Sane derivetur aquæ tuæ in plateas; homines et jumenta et pecora bibant ex eis, quin et camelis pueri Abrahæ potum tribuas: sed inter cæteros bibe et tu de fonte putei tui. *Alienus*, inquit, *non bibat ex eo* (Prov. v, 17). Nunquid tu alienus? Cui non alienus, si tibi es? Denique quisibi nequam, cui bonus? (Eccli. xiv, 5.) Memento proinde, non dico semper, non dico sæpe, sed vel interdum reddere te ipsum tibi. Utere tu quoque te inter multos, aut certe post multos. Quid indulgentius? Hoc enim dico secundum indulgentiam, non secundum iudicium [*al.* imperium]. Puto et ipso Apostolo indulgentiorem me in hac parte. Ergo plus quam oportet, inquis. Non inficior. Quid, si ita oportet? Nam tu, ut confido, nostra non eris meticulosa informatione contentus, sed abundabis magis. Sane sic decet, te scilicet abundantiore, quam me audaciorem esse. Ego quoque mihi tutius iudico apud maiestatem timiditate, quam temeritate periclitari. Et fortassis non secus moneri sapientem oportuit, ut sit quod scriptum est: *Da occasionem sapienti, et sapientior erit* (Prov. ix, 9).

## CAPUT VI.

*Non tam episcopis, quam principibus iudiciariam potestatem competere.*

7. Audi tamen Apostolum, quid de huiusmodi sentiat. Sic non est inter vos sapiens, ait ille, qui iudicat inter fratrem et fratrem? Et infert: *Ad ignominiam vobis dico: contemptibiliores qui sunt in Ecclesia, illos constituite ad iudicandum* (I Cor. vi, 5, 4). Itaque secundum Apostolum, indigne tibi usurpas tu apostolicus officium [*al.* iudicium] vile, gradum contemptibilem. Unde et dicebat episcopum, episcopum instruens: *Nemo militans Deo implicat se negotiis secularibus* (II Tim. ii, 4). Ego autem parco tibi. Non enim fortia loquor sed possibilia. Putasne hæc tempora sustinerent, si hominibus ligantibus pro terrena hereditate, et flagitantibus abs te iudicium, voce Domini tui responderes: *O homines, quis me constituit iudicem super vos* (Luc. xii, 14)? In quale **D** tu iudicium mox venires? Quid dicit homo rusticanus et imperitus, ignorans primatum (10) suum, inhonorans summam et præcelsam sedem, derogans apostolicæ dignitati? Et tamen non monstrabunt, puto, qui hoc dicerent, ubi aliquando quispiam Apostolorum iudex sederit hominum, aut divisor terminorum, aut distributor terrarum. Stetis denique **412** lego Apostolos iudicandos (Act. v, 27), sedisse iudicantes non lego. Erit illud (11), non fuit. Itane imminutor est dignitatis servus, si non vult esse major domino suo: aut discipulus, si non vult esse

major eo qui se misit: aut filius, si non transgreditur terminos, quos posterunt patres sui? *Quis me constituit iudicem?* ait ille Dominus et magister: **et** erit injuria servo discipuloque, nisi iudicet universos? Mihi tamen non videtur bonus æstimator rerum, qui indignum putat Apostolis seu apostolicis viris non iudicare de talibus, quibus datum est iudicium in majora. Quidni contemnunt iudicare de terrenis possessiunculis hominum, qui in cœlestibus et angelos iudicabunt? Ergo in criminibus, non in possessionibus potestas vestra: quoniam propter illa, et non propter has, accepistis claves regni cœlorum, prævaricatores utique exclusuri, non possessores. *Ut sciatis*, ait, *quia Filius hominis habet potestatem in terra dimittendi peccata* (Matth. ix, 6), etc. Quenam tibi major videtur et dignitas, et potestas, dimittendi peccata, an prædia dividendi? Sed non est comparatio. Habent hæc infirma et terrena iudices suos, reges et principes terræ. Quid fines alienos invaditis? Quid falcem vestram in alienam messem extenditis? Non quia indigni vos, sed quia indignum vobis talibus insistere, quippe potioribus occupatis. Denique ubi necessitas exigit, audi quid censeat Apostolus: *Si enim in vobis iudicabitur hic mundus indigni estis qui de minimis iudicetis* (I Cor. vi, 2).

## CAPUT VII.

*Pietati et rerum æternarum considerationi in primis vacandum esse.*

**C** 8. Sed aliud est incidenter excurrere in ista, causa quidem urgente, aliud ultro incumbere istis, tanquam magnis dignisque tali et talium intentione rebus. Itaque hæc et innumera talia dicerem, si fortia dicerem, si recta, si sincera. Nunc autem quoniam dies mali sunt (Ephes. v, 16), sufficit interim admonitum esse, non totum te, nec semper dare actioni: sed considerationi aliquid tui et cordis, et temporis sequestrare. Hoc autem dico necessitatem intuens, non æquitatem: quanquam non sit præter æquum, necessitati cedere. Nam si liceret quod diceret, absolute per omnia et in omnibus præferendam, et vel solam, vel maxime colendam eam, quæ ad omnia valet, id est pietatem, prorsus irrefragabilis ratio monstrat. Quid sit pietas quæris? Vacare **D** considerationi. Dicas forsitan in hoc dissentire me ab illo, qui pietatem definit cultum Dei (Job xviii, 28, juxta LXX). Non est ita. Si bene consideras, illius sensum meis expressi verbis, etsi tamen ex parte [*al.* etsi licet ex parte]. Quid tam pertinens ad cultum Dei, quam quod ipse hortatur in Psalmo. *Vacate, et videte quoniam ego sum Deus?* (Psal. xlii, 11) quod sane in partibus considerationis præcipuum est. Quid denique [*al.* deinde] tam valens ad omnia, quam quæ ipsius quoque actionis partes benigna quadam præsumptione suas facit, præagendo quodammodo, et præordinando quæ agenda sunt?

terorum manuscriptorum et editorum.

(11) Nempe ut sedeant iudicantes, juxta illud Matthæi xix, 28, *Sedebitis et vos*, etc.

(10) In quodam codice Vaticano apud Vossium, *personatum*, et in consequentibus ubique pro *primatus*, ibidem legitur *personatus*, contra fidem cæ-

Necessario sane; ne forte quæ et prævisa et præmeditata poterant esse proficuo, præcipitata magis periculo fiant: quod tibimet, si recordaris in ipsis actionibus causarum, et in magnis quibusque negotiis, magnarumve consilii rerum frequenter accidisse non ambigo. Et primum quidem ipsum fontem suum, id est mentem, de qua oritur, purificat consideratio. Deinde regit affectus, dirigit actus, corrigit excessus, componit mores, vitam honestat et ordinat, postremo divinarum pariter et humanarum rerum scientiam confert. Hæc est quæ confusa determinat, hiantia cogit, sparsa colligit, secreta rimatur, vera vestigat, verisimilia examinat, ficta efucata explorat. Hæc est quæ agenda præordinat, acta recogitat, ut nihil in mente resideat aut incorrectum, aut correctione [*al. incorruptum... correctione*] egens. Hæc est quæ in prosperis adversa præsentit, in adversis quasi non sentit: quorum alterum fortitudinis; alterum prudentiæ est.

#### 413 CAPUT VIII.

*Ex pietate et contemplatione pulcherrimam quatuor primarum virtutum harmoniam et connexionem oriri.*

9. Ibi etiam advertere tibi est suavissimum quemdam concentum complexumque virtutum, atque alteram pendere ex altera; sicut hoc loco vides, fortitudinis matrem esse prudentiam: nec fortitudinem, sed temeritatem esse quemlibet ausum, quem non parturivit prudentia. Hæc item est, quæ inter voluptates et necessitates media, quasi quædam arbitra sedens, utrumque certis limitibus determinat fines, istis assignans et præbens quod sat est; illis quod nimis est demens; et sic ex alterutro tertiam formans virtutem, quam dicunt temperantiam: Nempe intemperantem ipsa consideratio censet, tam eum qui necessariis pertinaciter demit, quam qui indulget superfluis. Non est ergo temperantia in solis resecandis superfluis: est et in admittendis necessariis. Hujus sententiæ Apostolus non fautor tantum, sed auctor esse videtur, qui curam carnis nostræ docet non perfici in desiderio. Dicens siquidem *curam carnis non perfici*, superflua cohibet: addens, *in desiderio* (Rom. xiii, 14), necessaria non excludit. Unde mihi videtur non omnino absurde definire temperantiam, qui hanc nec præcidere necessitatem, nec excedere dicat, iuxta illud philosophi, « Ne quid nimis. »

10. Jam de justitia, quæ una ex quatuor est, nonne constat consideratione mentem præveniri, ut se formet in ea? Se enim necesse est prius cogitet, ut ex se normam ducat justitiæ, nec factura utique alteri, quoniam sibi fieri nolit; nec quod sibi velit fieri negatura. In his nempe duobus liquet integrum esse justitiæ statum. Sed nec ipsa solitaria est. Intuere etenim nunc mecum etiam hujus pulchram connexionem et coherentiam cum temperantia, et item ambarum cum duabus superioribus, id est prudentia et fortitudine. Nam cum justitiæ dicatur portio, quod sibi non vult fieri quis, alii non facere; porro per-

A fectio, quod ait Dominus, *Quæcumque vultis ut faciant vobis homines et vos facite illis* (Matth. vii, 12): neutrum horum erit, nisi ipsa voluntas, de qua tota ducitur forma, sic ordinata fuerit, ut nec velit aliquid superfluum, nec necessarium quid superstitiose nolit, quod quidem temperantiæ est. Denique et ipsi justitiæ, ut justa sit, temperantia modum imponit. *Noli nimium esse justus*, ait Sapiens (Eccl. vii, 17), ostendens per hoc minime approbandam justitiam, quæ temperantiæ moderamine non frenetur. Quid quod et ipsa sapientia hoc temperantiæ frenum non respuit; dicente Paulo secundum sapientiam a Deo sibi datam, *non plus sapere quam oportet sapere, sed sapere ad sobrietatem*? (Rom. xii, 3.) Sed et e converso, quod temperantiæ necessaria justitia sit, ostendit Dominus, arguens in Evangelio illorum temperantiam, qui abstinabant ut viderentur hominibus jejunantes (Matth. xvi, 16). Erat in cibo temperantia, sed non justitia in animo: quia non Deo placere, sed hominibus intendebant. Quomodo rursum vel ista, vel illa sine fortitudine? cum constet fortitudinis esse, et non mediocris, cohibere velle et nolle suum inter augustias, parum et nimis; ut sit contenta voluntas modo illo medio, nudo, puro, solo, constante sibi, æquali undique sui, utpote ex omni parte pariter circumciso, quem solum constat esse virtutis.

11. Dico mihi, quæso, si potes, cuinam potissimum trium harum virtutum meditullium hoc dandum censeas, quod ita cunctis conterminum est, ut videatur esse proprium singularum? An ipsum virtus est, et nihil aliud? Sed sic virtus non esset multiplex, sed essent omnes una. An potius, quia sine eo virtus non est, omnium quodammodo intima vis una est et medulla virtutum, in qua sic ununtur, ut proinde [*al. perinde*] una videantur omnes? præsertim quod non illud participando communicant, sed totum a singulis atque integrum possidentur. Verbi causa, quid tam justitiæ, quam modus? Alioquin si quid extra modum relinquit, non plane cuique 414 tribuit quod suum est: quod tamen suum ipsius est facere. Quid tam rursum temperantiæ, quæ non aliunde profecto temperantia est, nisi quod nil immoderatum admittit? Sed, puto, fatebere etiam non minus esse fortitudinis, cum vel maxime ipsa sit, quæ ab irruentibus vitiis, et quasi hinc inde suffocare conantibus, purum illud potenter eruit et vindicat in quoddam stabile fundamentum boni, sedemque virtutis. Ergo modum tenere justitia est, temperantia est, fortitudo est. Sed vide ne in hoc differant, ut justitiæ quidem in affectu res sit; a fortitudine autem efficacia ejus; porro possessio atque usus apud temperantiam. Restat ut doceamus ab hac communione prudentiam non excludi. Nonne ipsa est, quæ modum, diu animi neglecto posthabitu, et vitiorum invidia quasi in abditiis reclusum, et coopertum quadam vetustatis caligine, prior repperit et advertit? Propterea dico tibi: a paucis advertitur, quia paucorum prudentia est. Itaque



justitia quærit, prudentia invenit, vindicat fortitudo, A  
temperantia possidet. Non mihi hoc loco proposi-  
tum est de virtutibus disputare: sed hæc dixerim  
hortans ad vacandum considerationi, cujus beneficio  
hæc et similia advertuntur. Cui tam pio, tamque  
utili otio nullam in vita operam dare, nonne vitam  
perdere est?

## CAPUT IX.

*Recentia Pontificum exempla paulatim corrigenda,  
vetera imitanda.*

12. Quid tamen, si te philosophiæ huic totum  
repente devoveris? Prædecessores tui non ita con-  
sueverunt (12): eris molestus quam pluribus, quasi  
qui a patrum vestigiis subito deviaris: nempe id  
videberis agere in suggillationem illorum. Sed et B  
notabere vulgari proverbio: Qui hoc facit quod  
nullus, mirantur omnes: veluti qui cupias admira-  
tioni fore. Nec potes eorum omnia simul et subito  
vel errata corrigere, vel excessus redigere in mo-  
dum. Erit cum acceperis tempus, ut secundum sa-  
pientiam tibi a Deo datam paulatim et opportune id  
studeas. Interim sane malo alterius utere in bonum  
quod potes. Quamquam si de bonis, et non de novis  
sumamus exempla, non defuere Romani pontifices,  
qui sibi otia inter maxima negotia invenirent. Ob-  
sidio urbi, et barbaricus ensis civium cervicibus  
imminerebat: nunquid tamen istud terruit beatum  
papam Gregorium (13), quominus sapientiam scri-  
beret in otio? Eo nempe temporis (quod ex ejus  
præfatione [a], ex verbis] liquet) obscurissimam et  
extremam partem Ezechielis tam diligenter, quam  
elegantem exposuit.

(12) Aliis alia est interpunctio: *Quid tamen? Si  
te philosophiæ huic totum repente devoveris, præde-  
cessores tui non ita consueverunt. Quidam habent,  
Quid tum?*

(13) Gregorius inter ipsos armorum strepitus sacris  
studiis intentus, velut alter Archimedes. Et quidem  
præfat. lib. II, Homil. in Ezech. testatur duobus se  
incommodis turbari in proposito, nimia obscuritate  
visionum, et terrore imminuentium malorum. Nam  
Agilulfum, inquit, Longobardorum regem ad obsidio-  
nem nostram summo opere festinantem Padum transisse  
cognovimus. Unde pensule, fratres, in caliginosis ac  
mythicis sensibus penetrare quid valeat mens misera,  
timoris sui perturbationibus occupata, etc. Tamen  
obscurissimam et extremam partem Ezechielis eo  
temporis tam diligenter quam eleganter exposuit,  
uti inquit S. Bernardus. Videant nunc prælati Eccle-  
siam, ceterique viri ecclesiastici, quomodo in pace et  
tranquillitate viventes, utantur otio concessa: an  
ad sacra studia, an ad vana et secularia negotia.  
Quam melius heu! videre est alienis, otiosis, et in-  
dignis occupari! Quid autem interest, an otiosus sis,  
an male occupatus? Olim certe sancti præules,  
etiam in gravissimis negotiis, invenerunt otium va-  
candi Deo: et nunc invenient, quibus cura et parcimo-  
nia temporis erit.

(14) Perstringit artes fraudesque advocatorum, qui-  
ous adeo cura non est, controversiis sopiendis ad-  
movere manum, ut potius oleum affundant. Nimirum  
seruntur lites ex litibus, controversiæ controversias  
excipiunt, nullaque remora sisti vel inhiberi rixarum  
ille cursus potest. Sed et sumptibus attenuantur liti-  
gantium facultates, cautiusque plerisque esset de  
jure suo decedere, quam juri experiendo, sortis

## CAPUT X.

*Abusus advocatorum, judicium, procuratorum,  
eorumque fraudes graviter perstringit.*

15. Sed esto: alius inolevit mos, dies alii sunt,  
et alii hominum mores et tempora periculosa non  
instant jam, sed exstant. Fraus, et circumventio,  
et violentia invalere super terram. Calumniatores  
multi, defensor rarus, ubique potentiores pauperio-  
res opprimunt: non possumus deesse oppressis,  
non negare injuriam patientibus judicium. Nisi agi-  
tentur causæ, audiantur partes, inter partes judi-  
cari quid potest [a]. inter partes judicare quis  
potest]? Agitentur causæ, sed sicut oportet. Nam  
is modus, qui frequentatur, execrabilis plane; et  
qui, non dico Ecclesiam, sed nec forum deceat [a].  
deceret]. Miror namque quemadmodum religiosæ  
aures tuæ audire sustinent hujusmodi disputationes  
advocatorum, et pugnas verborum, quæ magis ad  
subversionem, quam ad inventionem proficiunt veri-  
tatis. Corrige pravam morem, et præcede linguas  
vaniloquas [a]. maliloquas], et labia dolosa claudere.  
Hi sunt qui docuerunt linguas suas loqui men-  
daciū, disertis adversus justitiam, erudit pro  
falsitate. Sapientes sunt ut faciant malum, elo-  
quentes ut impugnent verum. Hi sunt qui instruunt  
a quibus fuerant instruendi; adstruunt non com-  
perta, 415 sed sua; struunt de proprio calumnias  
innocentiæ; destruunt simplicitatem veritatis, ob-  
struunt iudicii vias. Nihil ita absque labore mani-  
festam facit veritatem, ut brevis et pura narratio.  
Ergo illas quas ad te necesse erit intrare causas  
(neque enim omnes necesse erit), diligenter velim,  
sed breviter decidero (14) assuescas, frustratorias-  
nonnunquam minus idoneam damnum, impendiorum  
jactura cumulare. Causas itaque Bernardus vult  
breviter decidi, omnes litium ambages recidi: cum  
nihil ita absque labore manifestum faciat veritatem,  
ut brevis et pura narratio.

In quam sententiam multa variis conciliorum  
decretis statuta legimus, sed utinam praxim in cu-  
riis et tribunaliis videremus! Concil. Trident.,  
sess. 24; cap. 20. *De reform.*, et sess. 25, cap. 10. *De  
reform.*, ubi inter alia sic habet: « Admonet sancta  
synodus tam ordinarios, quam alios quoscumque  
judices, ut terminandis causis, quanta fieri poterit  
brevitate studeant: ac litigatorum artibus, seu in  
litis contestatione, seu alia parte iudicii differenda,  
modis omnibus, aut termini præfixione, aut compe-  
tenti alia ratione occurrant, » etc. Vide concil. La-  
teran., ult. sess. 10, et in Clem. *Sape de verb. sig. c.  
Finem litibus*, etc., fin. de do. et cont. cap. 2. *de  
re jud.*, etc., constitutus, de procur. cap. *Nonnulli*,  
de rescr. Clem. *Dispendiosam*, de iudiciis, et alibi sæpius.

Horum canonum observantiam magnus ecclésiasti-  
cæ disciplinæ zelator card. Borromeus studiose  
promovit, de qua memorabile est, « notariis scribis-  
que fori ejus tempore accidis, ut peritiam earum  
litium, quæ de beneficiis alibi tam frequenter inter  
clericos esse solent, pene dediscent, lib. VII Vita,  
cap. 36. Thomam quoque Morum Angliæ martyrem  
a protrahendis in foro causis alienissimum fuisse  
Stapletonum in Vita ejus testatur. Nam causis  
omnibus et litibus « adeo expedit et liberavit  
tribunal suum, ut quadam vice expedita causa, dum  
sequentem proferri juberet, responsum acciperet,  
nullam illic amplius superesse. » Ita in Vita ejus,  
mibi. pag. 39.

que et venatorias præcidere dilationes. Causa viduæ intret ad te, causa pauperis, et ejus qui non habet quod det. Aliis alias multas poteris committere terminandas, quam plures nec dignas audientia judicari. Quid enim opus est admittere illos, quorum peccata manifesta sunt præcedentia ad iudicium? Tanta est impudentia nonnullorum, ut cum manifestæ ambitionis prurigne scateat tota facies causæ eorum, non erubescant audientiam flagitare, publicantes semetipsos ad multorum conscientias, in quo vel suæ solius satis poterant confundi iudicio. Non fuit qui retunderet attritas frontes; et ideo plures facti sunt, et magis induruerunt. Sed et nescio quomodo vitiosus conscientias vitiosorum non refugit; et ubi omnes sordent, unius fetor minime sentitur. Quis enim unquam, verbi causa, avarum avarus, immundum immundus, luxuriosum luxuriosus erubuit? Plena est ambitiosis Ecclesia: non est jam quod horreat in studiis et molitionibus ambitionis, non plus quam spelunca latronis in spoliis viatorum.

## CAPUT XI.

*In advocatos et procuratores, qui ex iniquitate quæstum faciunt, severe animadvertendum.*

14. Si Christi discipulus es, ignescat zelus tuus, exurgat auctoritas adversus impudentiam hanc et

A generalem pestem. Intuere Magistrum sic facientem, et audi dicentem: *Qui mihi ministrat, me sequatur* (Joan. xii, 26). Non parat aures ut audiat, sed flagellum quo feriat. Verba nec facit, nec recipit. Nec enim sedet iudicans, sed insequitur puniens. Causam tamen non tacet, quod videlicet domum orationis, negotiationis fecissent. Ergo et tu fac similiter. Erubescant vultum tuum istiusmodi negotiatores, si fieri potest: si non, timeant. Et tu flagellum tenes. Timeant nummularii, nec fidant in nummis, sed diffidant; abscondant res suam a te, scientes effundere, quam accipere paratiorem. Hoc studiose et constanter agendo, multos lucrificies, turpium aëctatores lucrorum honestioribus officiis vindicando: multos, ne vel audeant huiusmodi attentare, servabis. Adice illud, quod non parum proficiet et ad ferias quas tibi suadeo. Ita nempe non pauca tibi momenta temporum redimes ad vacandum considerationi, quedam, ut dixi, negotia nec audiendo, quedam aliis committendo: quæ tua digna putaveris audientia, fideli quodam et accommodo ipsi causæ compendio terminando. De qua consideratione his addere aliqua cogito, sed sub alterius sane principio libri: atque hic sit finis istius, ne duplo te oneret minus suavis oratio, si longa fuerit.

## LIBER SECUNDUS.

## 416 CAPUT PRIMUM.

*Apologiam instituit, ob infelicem successum expeditionis in Terram-Sanctam susceptæ.*

1. Memor promissi mei, quo ecce jam aliquamdiu teneor apud te, vir optime, papa Eugeni, volo absolvere me vel sero. Puderet dilationis, si mihi conscius forem incuriæ, aut contemptus. Non ita est: sed incidimus, ut ipse nosti, in tempus grave (15), quod

(15) Expeditio in Orientem, hortatore S. Bernardo suscepta, infelicitate cessit. Hinc nata contra Virum sanctum murmura et calumnie. His hoc capite antidoton sive apologeticon opponit. Idem quoque faciunt alii Scriptores, ne putes ipsum Bernardum solum suæ causæ et innocentie assertorem. Vide Gaufrid. lib. iii. Vite, cap. 4. Otho Frising. de gest. Frid. lib. 1, cap. 60, ubi multis hac de re philosophatus tandem concludit: « Expeditionem illam, etsi eum tanta Christianorum strage conjunctam, fuisse bonam et salutarem, si non pro dilatazione terminorum, vel pro commoditate corporum, attamen ad multarum salutem animarum. Addiditque. Quamvis si dicamus sanctum illum Abbatem (Bernardum) spiritu Dei ad excitandos nos afflatum fuisse, sed nos ob superbiam lasciviamque nostram salubria monita non observantes, merito rerum personarumque dispendium deportasse, non sit a rationibus vel antiquis exemplis dissonum. » Ita Otho, qui præsens interfuit, et quæ oculis suis vidit, sincerius enarrare potuit. Vide epist. Joan. Abb. Casæ-Marii inter epist. Bern. 332 (nunc 386). Et Will. Tyrium apud Baron. ann. 1148, ubi de causis frustratæ expeditionis. Sed libet unum præ cæteris istius ætatis audire, bonæ notæ

C et ipsi pepe vivendi usui videbatur indicare cessationem, nedum studiis; cum scilicet Dominus provocatus peccatis nostris, ante tempus quodammodo visus sit iudicasse orbem terræ, in æquitate quidem, sed misericordie suæ oblitus. Non pepercit populo suo, non suo nomini. Nonne dicunt in gentibus, *Ubi est Deus eorum?* (Psal. cxiii, 2.) Nec mirum. Ecclesiæ filii, et qui christiano censentur nomine, pro et fidei scriptorem, causas infelicis belli diligentius edisserentem. Is est Guillelmus Neubrigensis lib. 1. De reb. Angl., cap. 20. « Legimus, inquit, olim numerosissimum Domini exercitum unius hominis etiam occulte peccantis scelere ita inquinatum, et favore divino nudatum, ut enervus et languidus appareret. Consultus Dominus, respondit populum anathemate pollutum esse, et adjecit: *Anathema in medio tui est, Israel; non poteris stare adversus hostes tuos, donec deleantur ex te, qui hoc contaminatus est scelere.* Porro in nostro illo exercitu tanta tam contra Christianam, quam contra castrensem etiam disciplinam, mala increverant, ut mirum non sit, quod eis tanquam pollutis et immundis favor nequam divinus arripserit. Castra enim a castratione dicuntur luxurie. At castra illa nostra, casta non erant: in quibus utique infelici quadam licentia multorum spirabant libidines. Præsumentes quoque de multitudine et instructu copiarum, atque ita carnem brachium suum superbe ponentes, in homini, pro quo seculari videbantur, misericordia atque potentia minus confidebant, declaratumque in eis est, quia Deus superbis resistit, humilibus autem dat gratiam. Præterea in terra Christiani Imperatoris,

strati sunt in deserto, aut interfecti gladio, aut fame consumpti. Effusa est contentio (16) super principes, et Dominus errare fecit eos in invio, et non in via (Psal. cvi, 40). Contritio et infelicitas in viis eorum (Psal. xlii, 5); pavor, et mœror, et confusio in penetralibus regum ipsorum. Quam confusi pedes annuntiantium pacem, annuntiantium bona (Isai. lxi, 7)! Diximus, Pax, et non est pax: promisimus bona, et ecce turbatio. Quasi vero temeritate in opere isto, aut levitate usi simus. Cucurrimus plane in eo, non quasi in incertum, sed jubente te, imo per te Deo. Quare ergo jejunavimus, et non aspexit? humiliavimus animas nostras, et nescivit? Nam in his omnibus non est aversus furor ejus, sed adhuc manus ejus extenta. Quam patienter interim adhuc audit voces sacrilegas, et Ægyptios blasphemantes, quia callide eduxit eos, ut occideret in deserto? (Exod. xxxii, 12.) Et quidem judicia Domini vera (Psal. lviii, 10); quis nesciat? At judicium hoc abyssus tanta, ut videar mihi non immerito pronuntiare beatum, qui non fuerit scandalizatus in eo.

3 Et quomodo tamen humana temeritas audet reprehendere, quod minime comprehendere valet? Recordemur supernorum judiciorum, quæ a sæculo sunt, si forte sit consolatio. Nam quidam ita dixit: *Memor fui judiciorum tuorum a sæculo, Domine, et consolatus sum* (Psal. cxviii, 52). Rem dico ignotam nemini, et nunc nemini notam. Nempe sic se habent mortalium corda: quod scimus cum necesse non est, in necessitate nescimus. Moyses educturus populum de terra Ægypti, meliorem illis pollicitus est terram (Exod. iii, 17). Nam quando ipsum aliter sequeretur populus, solam sapiens terram? Eduxit; eductos tamen in terram, quam promiserat, non introduxit. Nec est quod ducis temeritati imputari queat tristis et inopinatus eventus. Omnia faciebat Domino imperante, Domino cooperante, et opus confirmante sequentibus signis. Sed populus ille, inquis, duræ cervicis fuit, semper contentiose agens contra Dominum, et Moysen servum ejus. Bene, illi increduli et rebelles; hi autem quod? Ipsos interroga. Quid me dicere opus est, quod fatentur ipsi? Dico ego unum. Quid poterant proficere, qui semper revertebantur, cum ambularent? Quando et isti per totam viam non redierunt corde in Ægyptum? Quod

cum quo sædus percusserant, et quo jubente, venalia vel afferebantur, vel abundabant, minus a rapinis temperabant. Iminisit ergo eis intensus Imperator, hinc famem, inde hostem: tanti sanguinis Christiani periculum Christianus minime perhorrescens. Denique venalibus prohibitis, cum pro victualibus congerendis propter hostium insidias nostri non valerent excurrere, primo exercitus fame contabuit: deinde hostium exceptus insidiis, vel Turcarum gladios inebriavit, vel Christianarum statum libertatis ignominiosissimæ atque infelicitissimæ servitutis sorte mutavit. Nec superbis atque immundis castigandis iræ defuere cœlestes, et plerumque (ut dicitur) effusa desuper intempestivarum nubium inundatio de exercitu nostro plus minuit, quam hostilis gladius. Itaque duorum exercituum maximorum parte longe majore diversis casibus et cladibus profligata, cum parte

A si illi ceciderunt et perierunt propter iniquitatem suam, miramur istos eadem facientes, eadem passos? Sed nunquid illorum casus adversus promissa Dei? Ergo nec istorum. Neque enim aliquando promissiones Dei justitiæ Dei præjudicant. Et audi aliud.

5. Peccavit Benjamin: accinguntur relique tribus ad ultionem, nec sine nutu Dei. Designavit denique ipse ducem præliaturis. Itaque præliantur, freti et manu validiori, et causa potiori, et quod his majus est, favore divino. At quam terribilis Deus in consiliis super filios hominum! (Psal. lxxv, 5.) Terga dedere sceleratis ultores sceleris, et paucioribus plures. Sed recurrunt ad Dominum. Et Dominus ad eos: *Ascendite*, inquit. Ascendant denuo, denuoque fusi et confusi sunt. Ita Deo primum quidem favente, secundo et jubente, justus justum certamen ineunt, et succumbunt. Sed quo inferiores certamine, eo fide superiores inventi sunt. Quid putas de 417 me facerent isti, si meo hortatu (17) iterato ascenderent, iterato succumberent? quando me audirent monentem tertio repetere iter, repetere opus, in quo semel jam, et secundo frustrati forent? Et tamen Israelitæ unam et alteram non reputantes frustrationem, tertio parent, et superant (Judic. xx). Sed dicunt forsitan isti: Unde scimus quod a Domino sermo egressus sit? Quæ signa tu facis, ut credamus tibi? Non est quod ad ista ipse respondeam: parcendum verecundiæ meæ (18). Responde tu pro me et pro te ipso, secundum ea quæ audisti, et vidisti; aut certe secundum quod tibi inspiraverit Deus.

C 4. Sed forte miraris me prosequi ista, qui aliud proposueram. Facio non oblitus propositi, sed quod a propositio non judicem aliena. Nempe de consideratione, ut memini, sermo mihi ad tuam Dignationem. Et sane magna ista res, et egens consideratione non minima. Quod si res magnas a magnis considerari oportet, cui æque, ut tibi, id studii competit, qui parem super terram non habes? Sed tu secundum sapientiam et potestatem datam tibi desuper, facies de hoc. Non est meæ humilitatis dicere tibi sic vel sic fieri quidquam. Sufficit intimasse oportere aliquid fieri, unde et Ecclesia consoletur, et obstruat os loquentium iniqua. Hæc pauca vice apologiæ dicta sint, ut ipsa qualiacumque habeat conscientia tua ex me, unde habeat me excusatum, et te pari-

residua duo illi magni Principes, ægre exitium evadentes, Jerosolymam venerunt: et nulla re memorabili facta, inglorie recesserunt. Ita Neubrigensis.

(16) Locus sumptus ex psalmi cvi vers. 40, ubi quondam Bernardi tempore legebatur *contentio*, ut apud Willelmum Tyrensem in lib. xvi, cap. 21, pro eo quod modo habemus, *contemptio*, rectius a Græco ἐκδοκία.

(17) Quid ad suscipiendam expeditionem contulerit Bernardus docent ejus epistolæ 256, 288, 386, atque liber iii de ejus Vita, cap. 4.

(18) Miracula subintelligit quibus Deus Bernardi prædicationem et hortationes ad bellum sacrum probavit, in lib. iv de ejus Vita, cap. et seq. Vide epistolam 242, ad Tolosanum et ibidem notas.



ter, etsi non apud eos qui facta ex eventibus æstimant, certe apud te ipsum. Perfecta et absoluta cuique excusatio, testimonium conscientiae suæ. Mihi pro minimo est ut ab illis iudicer, qui dicunt bonum malum, et malum bonum, ponentes lucem tenebras, et tenebras lucem (*Isai. v. 20*). Etsi necesse sit unum fieri e duobus, malo in nos murmur hominum, quam in Deum esse. Bonum mihi, si dignetur me uti pro clypeo. Libens excipio in me detrahentium linguas maledicas, et venenata spicula blasphemorum, ut non ad ipsum perveniant. Non recuso inglorius fieri, ut non irruatur in Dei gloriam. Quis mihi det gloriari in voce illa : Quoniam propter te sustinui opprobrium, operuit confusio faciem meam? Gloria mihi est, consortem fieri Christi, cujus illa vox est : *Opprobria exprobrantium tibi ceciderunt super me (Psalm. lxxviii, 8, 10)*. Nunc jam recurat stilus ad suam materiam, et in ea quæ proposueramus, suo tramite gradiatur oratio.

## CAPUT II.

*Considerationis a contemplatione distinctio.*

5. Et primo quidem ipsam considerationem quid dicam, considera. Non enim idem per omnia quod contemplationem intelligi volo; quod hæc ad rerum certitudinem, illa ad inquisitionem magis se habeat. Juxta quem sensum potest contemplatio quidem definiri, verus certusque intuitus animi de quacunque re, sive apprehensio veri non dubia. Consideratio autem, intensa ad investigandum cogitatio, vel intentio animi vestigantis, verum. Quanquam solebant ambæ pro invicem indifferenter usurpari.

## CAPUT III.

*Considerationis quatuor puncta designat.*

6. Jam quod ad considerationis attinet fructum, quatuor, ut occurrunt, tibi considerata reor : te, quæ sub te, quæ circa te, quæ supra te sunt. A te tua consideratio inchoet, ne frustra extendaris in alia, te neglecto. Quid tibi prodest si universum mundum lucreris, te unum perdens? (*Matth. xvi, 26*.) Etsi sapiens sis, deest tibi ad sapientiam, si tibi non fueris. Quantum vero? Ut quidem senserim ego, totum. Noveris licet omnia mysteria, noveris lata terræ, alta cœli, profunda maris; si te nescieris, eris similis ædificanti sine fundamento, ruinam, non structuram faciens. Quidquid exstruxeris extra te, erit instar congesti pulveris, ventis obnoxium. Non ergo sapiens, qui sibi non est. Sapiens sibi sapiens erit : et bibet de **418** fonte putei sui primus ipse. A te proinde incipiat tua consideratio; non solum autem, sed et in te finiatur. Quocunque evagetur, ad te revocaveris eam cum salutis fructu.

(19) Monet ut veteris fortunæ memoria contineat se intra limites modestiæ. Idoneum sane frenum ad arrogantiam et tumorem animi comprimendum ac sistendum. Exemplum hujus rei præclarum ac celebre dedit Agathocles Siculus, qui figulo patre natus et ignobili, tandem regno Sicilia potitus est. At ne honoris species abriperet extra metas honestatis, immemorem unde esset, et quam in lubrico eum fortuna collocasset, ortus sui memoriam conservavit, utens vasis fictilibus, quorum intuitu figuli se

PATROL. CLXXXII

A Tu primus tibi, tu ultimus. Sume exemplum de summo omnium Patre, Verbum suum et emittente [*al. ex se emittente*], et retinente. Verbum tuum, consideratio tua : quæ si procedit, non recedat. Sic progrediatur, ut non egrediatur; sic exeat, ut non deserat. In acquisitione salutis nemo tibi germanior unico matris tuæ. Contra salutem propriam cogites nihil. Minus dixi, Contra : Præter, dixisse debueram. Quidquid se considerationi offerat, quod non quoquo modo ad tuam ipsius salutem pertineat, respendum.

## CAPUT IV.

*Notitiam sui ipsius triplici consideratione sui complectitur; et primum quidem considerationis membrum hic exsequitur.*

7. Et hæc tui consideratio in tria quædam dividitur, si consideres quid, quis, et qualis sis. Quid in natura, quis in persona, qualis in moribus. Quid, verbi gratia, homo. Quis, Papa, vel summus Pontifex. Qualis, benignus, mansuetus, vel quidquid tale. Quanquam primum illud, philosophicum sit magis quam apostolicum vestigare; attamen est in definitione hominis, quem dicunt animal rationale, mortale : quod diligentius intueri si libet, licet. Non est quod tuæ in eo aut professioni obviet, aut dignitati : est vero quod salutis afferre queat. Nam consideranti duo hæc simul, rationale, mortaleque; is tibi exinde occurrit fructus, ut et mortale, quod in te est rationale humiliet; et rursum rationale, mortale confortet : quod neutrum neglectui erit homini circumspecto. Si qua adhuc præsens consideranda requirit locus, tractabuntur infra, et forte utilius ex partium collatione.

## CAPUT V.

*Alterum membrum considerationis sui proponit : nempe, Quis sis, et unde.*

8. Nunc quis sis, et de quo sis factus, advertendum. Quanquam quod dixi, de quo, id mihi prætereundum putem, tuæ potius relinquendum agnitioni. Illud dico indignum tibi, citra perfectum agere de tanta assumpta perfectione. Quidni erubescas minimus inveniri in magnis, qui te recordaris magnum in minimis exstitisse? Non es oblitus primæ [*al. add. tuæ*] professionis : non excidit menti quæ subdecta est manui, sed ne affectui quidem. Ipsam ad singula tua imperia, judicia, instituta, habere præ oculis non erit inutile. Hæc te consideratio facit honoris contemptorem in honore ipso. Atque id magnum. Non recedat a pectore : clypeus est tibi vel a sagitta illa, *Homo cum in honore esset, non intellexit (Psalm. xlviii, 13)*. Loquere ergo tibi : Abiectus eram in domo Dei mei. Quale est hoc, de paupere et abjecto levare super gentes et regna (19)? Quis ego, aut quæ

filium esse recordaretur. Id quod Ausonius elegantius expressit epigrammate. Quod præter alios etiam adfert Nicolaus Serarius in Hist. Moguntina, ubi agit de Willegio archiepiscopo ejusdem ecclesiæ, qui itidem obscuro loco natus, sed demum factus archiepiscopus, quanto major fuit, tanto se submissius gessit : ideoque studebat identidem pristinae conditionis suæ recolere memoriam. Et quia patre carpentario natus erat, passim in ædificiis et parietibus rotas, fabrilis scilicet parentis opus, pinxit,

domus patris mei, ut sedeam excelsis sublimior? Sane qui dixit mihi: *Amice, ascende superius* (Luc. xiv, 10), amicum fore fidi. Si minus inveniar, non expedit quidem. Qui elevavit, et decipere potest. Sera querela: *Quoniam elevans allisisti me* (Psal. ci, 11). Non est quod blandiatur celsitudo, ubi sollicitudo major. Illa discrimen intendit, hæc amicum probat. Huic accingamur, si nolumus tandem cum rubore novissimum locum tenere.

## CAPUT VI.

*Quale debeat esse procerum Ecclesiæ studium.*

9. Factum superiorem dissimulare nequimus; sed enim ad quid omnimodis attendendum. Non enim ad dominandum opinor. Nam et propheta, cum similiter levaretur, audit: *Ut evellas et destruas, et disperdas et dissipas, et ædifices et plantes* (Jerem. i, 10). Quid horum fastum sonat? Rusticani magis sudoris schemate quodam labor spiritualis expressus est. Et nos igitur **419**, ut multum [al. ut non multum] sentiamus de nobis, impositum senserimus ministerium, non dominium datum. Non sum ego major propheta; et si forte par potestate, sed meritorum non est comparatio. Hæc loquere tibi, et doce te ipsum, qui alios doces. Puta te velut unum aliquem ex prophetis. An non satis ad te? Et nimium. Sed gratia Dei es id quod es. Quid? Esto quod propheta: nunquid plus quam propheta? [Si] sapis, eris contentus mensura quam tibi mensus est Deus. Nam quod amplius est, a malo est. Disce exemplo prophetico præsidere non tam ad imperitandum, quam ad facitandum quod tempus requirit. Disce sarculo tibi opus esse, non accepro, ut opus facias prophetæ. Et quidem ille non regnatorum ascendit, sed exstirpaturus. Putasne et tu [al. add. non] invenias aliquid elaborandum in agro Domini tui? Et plurimum. Non plane totum quivere emendare [al. emendare] Prophetæ: aliquid filiis suis Apostolis quod agerent reliquerunt; aliquid ipsi parentes tui tibi. Sed nec tu ad omne sufficies. Aliquid profecto tuo relicturus es successori, et ille aliis, et alii aliis usque in finem. Circa undecimam denique horam operarii otii arguuntur, et mittuntur in vineam. Antecessores tui Apostoli audierunt, quia *messis quidem multa, operarii vero pauci* (Matth. ix, 37). Paternam tibi vindicato hæreditatem. Nam si filius, et hæres (Galat. iv, 7). Ut probes hæredem, evigila ad curam; et non otio torpeas, ne et tibi dicatur: Quid hic stas tota die otiosus? (Matth. xx, 6.)

10. Multo minus inveniri oportet aut deliciis resolutum, aut resupinum pompis. Nihil horum tibi turbulæ testatoris assignant. Sed quid? Si illarum tenore contentus sis, curam potius hæreditabis et operam, quam gloriam et divitias. Blanditur cathedra? Specula est. Inde denique superintendis, sonans tibi episcopi nomine non dominium, sed officium.

addito hoc elogio: *Willegise, Willegise, quis fueris ne obliviscere*. Et hoc velut insigne sibi perpetuum sumpsit, cujus intuitu semper originis suæ memoriam aleret, idque in hodiernam usque diem civitas

**A** Quidni loceris in eminenti, unde prospectes omnia. qui speculator super omnia constitueris? Enimvero prospectus iste procinctum parit, non otium. Quomodo [al. quando] libet gloriari, ubi otiosi non licet? Nec locus est otio, ubi sedula urget sollicitudo omnium Ecclesiarum. Nam quid tibi aliud dimisit sanctus Apostolus? *Quod habeo*, inquit, *hoc tibi do*. Quid illud? Unum scio: non est aurum neque argentum, cum ipse dicat: *Argentum et aurum non est mihi* (Act. iii, 6). Si habere contingat, utere non pro libitu, sed pro tempore. Sic eris utens illis, quasi non utens. Ipsa quidem, quod ad animi bonum spectat, nec bona sunt, nec mala: usus tamen horum bonus, abusio mala, sollicitudo pejor, questus turpior. Esto, ut alia quacunque ratione hæc tibi vindices: sed non apostolico jure. Nec enim tibi ille dare quod non habuit potuit. Quod habuit, hoc dedit, sollicitudinem, ut dixi, super Ecclesias. Nunquid dominationem? Audi ipsum. *Non dominantes*, ait, *in clero, sed forma facti gregis* (I Petr. v, 3). Et ne dictum sola humilitate putes, non etiam veritate, vox Domini est in Evangelio: *Reges gentium dominantur eorum, et qui potestatem habent super eos, benefici vocantur*: et infert: *Vos autem non sic* (Luc. xxii, 25). Planum est: Apostolis interdicitur dominatus.

11. I ergo tu, et tibi usurpare aude aut dominans apostolatam, aut apostolicus dominatum. Plane ab alterutro prohiberis. Si utrumque simul habere volēs, perdes utrumque. Alioquin non te exceptum [al. exemptum] illorum numero putes, de quibus queritur Deus sic: *Ipsi regnaverunt, et non ex me; principes exstiterunt, et ego non cognovi* (Ose. viii, 4). Jam si regnare sine Deo juvat, habes gloriam, sed non apud Deum. At si interdictum tenemus, audiamus edictum. *Qui major est vestrum, fiat sicut junior; et qui præcessor est, sicut qui ministrat*. Forma apostolica hæc est: dominatio interdicitur, indicitur ministratio, quæ et commendatur ipsius exemplo Legislatoris, qui secutus adjungit: *Ego autem in medio vestrum sum, tanquam qui ministrat* (Luc. xxi, 26, 27). Quis se jam titulo hoc inglorium putet, quo se prior Dominus gloriæ præsignavit? Merito Paulus gloriatur in eo, dicens: *Ministri Christi sunt, et ego*. Et addit: *Ut minus sapiens dico, plus ego. In laboribus plurimis, in carceribus abundantius, in plagis supra modum, in mortibus frequenter* (II Cor. xi, 23). O præclarum **420** ministerium! Quo non id gloriosius principatu? Si gloriari oportet, forma tibi sanctorum præfigitur, Apostolorum proponitur gloria. Parvane tibi illa videtur? Quis mihi tribuat similem fieri in gloria sanctorum? Clamat propheta: *Mihi autem nimis honorificati sunt amici tui, Deus; nimis confortatus est principatus eorum* (Psal. cxxxviii, 17). Clamat Apostolus: *Mihi autem absit gloriari nisi in cruce Domini nostri Jesu Christi!* (Galat. vi, 14.)

Moguntina reservat. Vide Serarium loco citato, mihi pag. 725, ubi alia quedam symbolica de rota adfert, et de vitæ brevitate ac fortunæ volubilitate non abs re philosophatur.

12. Hoc gloriæ opto semper optimo genere gloriæ, quod Apostoli, quod Prophetæ delegere sibi, transmisere [*al. reliquere*] tibi. Agnosce hæreditatem tuam in Christi cruce, in laboribus plurimis. Felix qui dicere potuit : *Plus omnibus laboravi* (1 Cor. xv, 40). Gloria est, sed nil in ea inane, nil molle, nil resupinum. Si labor terret, merces invitet. Unusquisque enim secundum suum laborem mercedem accipiet. Et si ille plus omnibus laboravit, non tamen totum elaboravit, et adhuc locus est. Exi in agrum Domini tui, et considera diligenter, quantis hodieque de veteri maledicto silvescat spinis ac tribulis. Exi, inquam, in mundum : ager est enim mundus, isque creditus tibi. Exi in illum, non tanquam dominus, sed tanquam villicus, videre et procurare unde exigendus es rationem. Exi [*al. add. autem*], dixerim, quibusdam tuæ passibus intentæ sollicitudinis, et sollicitæ intentionis. Neque enim ipsi qui jussi sunt ire in orbem universum, orbem circumierunt præsentia corporis, sed mentis providentia. Et tu leva oculos quosdam considerationis tuæ, et vide regiones, si non sunt magis siccæ ad ignem, quam albæ ad messem. Quam multæ, quas putaveras fruges, diligenter inspectæ, vepres potius apparebunt? Imo ne vepres quidem : annosæ et veterinosæ arbores sunt, sed non profecto fructiferæ ; nisi forte glandium aut siliquarum, quas porci manducant. Quousque-occupant terram? Nonne, si exis et cernis ista, pudebit otiosam jacere securim ; pudebit sine causa falcem apostolicam accepisse?

13. In hunc quondam agrum Isaac patriarcha exierat, cum primum Rebecca occurrit ei : et, ut Scriptura habet, *Exierat ad meditandum* (Gen. xxiv, 62). Ille ad meditandum, tu ad extirpandum egrediari necesse est. Tibi jam præcessisse meditatio debet : tempus faciendi præ manibus. Si nunc hæsitare [*al. cogitare*] incipias, id quidem sero. Ante, juxta consilium Salvatoris, sedisse debueras, ante æstimasse opus, metiri vires, ponderasse sapientiam, merita comparasse, sumptus computasse virtutum. Age ergo, puta tempus putationis [adesse, si tamen meditationis præiit]. Si cor movisti, movenda jam lingua, movenda est et manus. Accingere gladio tuo, gladio spiritus, quod est verbum Dei (Ephes. vi, 17). Glorifica manum et brachium dextrum in faciendo vindictam in nationibus, increpationes in populis, in alligando reges eorum in compedibus, et nobiles eorum in manicis ferreis. Si hæc facis, honorificas ministerium tuum, et ministerium te. Non mediocris iste principatus. Exturbare est hoc *mātas* bestias a terminis tuis, quo greges tui securi in pascua educantur. Domabis lupos, sed ovibus non dominaberis. Pascendas utique, non premendas suscepisti. Si bene considerasti quis sis, hæc te oportere facere non ignoras. Porro scienti et non facienti, peccatum est tibi (Jacobi iv, 17). Non es oblitus ubi legeris : *Servus sciens voluntatem domini sui, et non faciens* [*al. add. digna*], *plagis vapulabit multis* (Luc. xii, 47). Sic Prophetæ, sic Apostoli facitabant. Fortes

A fuere in bello, non molles in sericis. Si filius es Apostolorum et Prophetarum, et tu fac similiter. Vindica tibi nobile genus similibus moribus ; quod non aliunde nobile, quam morum ingennitate, et fidei fortitudine sit. Per hanc vicerunt regna, operati sunt justitiam, adepti sunt repromissiones (Hebr. xi, 35). Hoc chirographum paterne tuæ hæreditatis, quod tibi evolvimus, ubi inspicias portionem [*al. add. substantia*] quæ te contingit. Induere fortitudinem, et hæreditasti. Posside fidem, posside pietatem, posside sapientiam, sed sapientiam sanctorum (ipsa est timor Domini), et habes quod tuum est. Habes sine defraudatione integrum paternum fundum. Pretiosissimus fundus virtus est. Bonus fundus humilitas in quo 421 omne ædificium spirituale constructum crescit in templum sanctum in Domino. Per hanc nonnulli possedere etiam portas inimicorum. Quæ enim virtutum æque potest demonum omnem debellare superbiam, tyrannidem hominum? Cæterum cum omni indifferenter personæ hæc sit quadam turris fortitudinis a facie inimici ; nescio quo pacto tamen vis ejus major in majoribus, et in clarioribus clarior comprobatur. Nulla splendidior gemma, in omni præcipue ornatu summi Pontificis. Quo enim celsior cæteris, eo humilitate apparet illustrior et se ipso.

## CAPUT .VII.

*Resumens priorem questionem, quis sit, diligentius expendit.*

15. Arguar forsitan, quod non satis primis explicitis partibus, in secundas nescio quomodo stilus excurrerit, describere inchoans qualem te oporteat esse, cum necdum, quis sis, plenius expressisset. Credo erubescens in summo positum apice videri hominem nudum, festinavit induere insignibus suis. Absque his nempe eo deformior, quo illustrior pares. Nunquid potest abscondi civitatis supra montem positæ desolatio, aut latere fumus lucernæ extinctæ super candelabrum? Simia in tecto, rex fatuus in solio sedens. Et nunc audi canticum meum, et quidem minus suave, sed salutare. Monstruosa res gradus summus, et animus infimus : sedes prima, et vita ima ; lingua magniloqua, et manus otiosa ; sermo multus, et fructus nullus ; vultus gravis, et actus levis ; ingens auctoritas, et notans stabilitas. Admova speculum : fœdus se in eo vultus agnoscat : tu tuum gaude dissimilem inveniri. Inspice tamen et tu, ne forte, etsi sit unde merito placeas tibi, etiam in quo debeas displicere, non desit. Volo gloriæ testimonio conscientie tuæ, sed non minus ut eodem ipso humilieris. Rara vox, *Nihil mihi conscius sum* (1 Cor. iv, 4). Cautior in bonis ambulas, si et mala non lateant. Quamobrem, ut dixi, noveris te, ut inter angustias quæ non desunt, fruaris conscientie bono ; magis autem ut scias quid desit tibi. Nam cui non desit? Omnia illi desunt, qui nihil sibi desse putat. Quid si summus Pontifex sis? Numquid quia summus Pontifex, ideo summus? Infimum noris esse, si summum putas. Quis summus? Cui addi non possit.



Graviter erras, si te illum existimes. Absit. Non tu de illis es qui dignitates virtutes putant. Tibi ante experta virtus, quam dignitas fuit. Augustis relinquit illam sententiam, aliisque, qui divinis [al. divisi] coli honoribus non timuerunt: verbi gratia, Nabuchodonosor, Alexandro, Antiocho, Herodi. Tu vero considera non consummatione summum te dici, sed comparatione. Nec me putes comparationem dicere meritorum, sed ministeriorum. Sic te existimet homo, ut ministrum Christi, et (quod absque præiudicio sanctitatis cuiuspiam dixerim) summum plane inter ministros. Alias niti te ad summam velim, non putare summum, aut velle putari antequam sis. Nam quomodo proficis, si jam sufficis tibi? Non sit proinde tibi aut pigrum vestigare quid desit, aut fateri quod desit verecundum. Loquere et tu voce antecessoris tui, *Non quod jam acceperim, aut jam perfectus sim*: et rursum, *Ego me non arbitror comprehendisse* (Philip. III, 12, 13). Hæc scientia sanctorum: hæc longe ab illa quæ inflat. Hanc qui apponit, apponit et dolorem (Eccle. I, 18): sed dolorem hunc nemo unquam sapiens subterfugit. Est quippe medicinalis dolor, per quem stupor ille lethalis animi duri et pœnitentis extonditur. Et ideo sapiens, qui dicere potuit: *Et dolor meus in conspectu meo semper* (Psalm. XXXVII, 18). Nunc jam repetendæ reliquæ, si quæ sunt, loci illius, a quo paulo ante divertimus.

#### 422 CAPUT VIII.

*De pontificiæ dignitatis et potestatis excellentia disserit.*

15. Age, indagemus adhuc diligentius qui [al. quis] sis, quam geras videlicet pro tempore personam in Ecclesia Dei. Quis es? Sacerdos magnus, summus Pontifex. Tu princeps episcoporum, tu hæres Apostolorum, tu primatu Abel, gubernatu Noe, patriarchatu Abraham, ordine Melchisedech, dignitate Aaron, auctoritate Moyses, iudicatu Samuel, potestate Petrus, unctione Christus. Tu es cui claves traditæ, cui oves creditæ sunt. Sunt quidem et alii cœli janitores, et gregum pastores: sed tu tanto gloriosius, quanto et differentius utrumque præ cæteris nomen hæreditasti. Habent illi sibi assignatos greges, singuli singulos: tibi universi crediti, uni unus (20). Nec modo ovium, sed et pastorum tu unus omnium pastor. Unde id probem queris? Ex verbo Domini. Cui enim, non dico episcoporum, sed etiam Apostolorum sic absolute et indiscrete totæ commissæ sunt oves? Si me amas, Petre, pasce oves meas (Joan. XXI, 15). Quas? illius vel illius populos civitatis, aut regionis, aut certi [al. certe] regni? *Oves meas*, inquit. Cui non planum, non designasse aliquas, sed assignasse omnes? Nihil excipitur, ubi distinguitur.

(20) Magis arripet hæc lectio quam alia apud Vossium: *Tibi universos credidi uni unus*.

(21) Nec placet ista lectio, ex codice Nicolai V, in partem sollicitudinis vel potestatis, subditæ tamen tibi; tu in plenitudinem potestatis vocatus es; quæ verba,

A nihil. Et forte præsentibus cæteri condiscipuli erant, cum committens uni, unitatem omnibus commendaret in uno grege et uno pastore, secundum illud: *Una est columba mea, formosa mea, perfecta mea* (Cantic. VI, 8). Ubi unitas, ibi perfectio. Reliqui numeri perfectionem non habent, sed divisionem, recedentes ab unitate. Inde est quod alii singuli singulas sortiti sunt plebes, scientes sacramentum. Denique Jacobus, qui videbatur columna Ecclesiæ, una contentus est Hierosolyma, Petro universitatem cedens. Pulchre vero ibi positus est suscitare semen defuncti fratris, ubi occisus est ille: nam dictus est frater Domini (Galat. I, 19). Porro cedente Domini fratre, quis se alter ingerat Petri prærogativæ?

B 16. Ergo, juxta canones tuos, alii in partem sollicitudinis (21), tu in plenitudinem potestatis vocatus es. Aliorum potestas certis arciatur limitibus: tua extenditur et in ipsos, qui potestatem super alios acceperunt. Nonne, si causa existerit, tu episcopo cœlum claudere, tu ipsum ab episcopatu deponere etiam et tradere satanæ potes? Stat ergo inconcussum privilegium tuum tibi tam in datis clavibus, quam in ovibus commendatis. Accipe aliud, quod nihilominus prærogativam [al., ipsum] confirmat tibi. Discipuli navigabant, et Dominus apparebat in littore; quodque jucundius erat, in corpore redivivo. Sciens Petrus quia Dominus est, in mare se misit, et sic venit ad ipsum, aliis navigio pervenientibus (Joan. XXI). Quid istud? Nempe signum singularis pontificii

C Petri, per quod non navem unam, ut cæteri quique suam, sed sæculum ipsum suscepit gubernandum. Mare enim sæculum est; naves, Ecclesiæ. Inde est quod altera vice instar Domini gradiens super aquas, unicum se Christi vicarium designavit (22), qui non uni populo, sed cunctis præesse deberet: siquidem *aquæ multæ, populi multi* (Apoc. XVII, 15). Ita cum quisque cæterorum habeat suam, tibi una commissa est grandissima navis; facta ex omnibus ipsa universalis Ecclesia, toto orbe diffusa.

#### CAPUT IX.

*Propriæ naturæ considerationem commendat.*

17. En quis es. Sed noli oblivisci etiam quid? Nam et ego non sum oblitus, id me promississe repositurum in opportunitate. Quam opportune cum eo qui es, etiam quod ante eras, consideras? Quid dico, eras? Et nunc es. Quid desinas intueri, quod non desisti esse? Una sane consideratio est, quid fueris, et quid sis: nam quis sis factus, altera. Non oportet ut ista extendat 423 illam in scrutatio tui. Es enim, ut dixi, adhuc quod eras: et non minus hoc es, quam quod factus es post, forte et magis. Denique illud natus es, mutatus hoc, non in hoc mutatus. Non rejectum illud, sed istud adjectum. Tra-

vel potestatis, subditæ tamen tibi, aliis omnibus desunt.

(22) Et tamen Bernardus episcopus etiam Christi vicarios appellat in opusculo sequenti, num 36. Vide notas ibi ad num. 31 et ad epist. 185.

eternum utrumque simul : nam, ut præfatum me meministi, collata ex invicem ambæ res utiliores fient. Dixi supra consideranti quid sis, naturam occurrere, quæ es homo : nam homo natus es. Porro percunctanti quis, personæ respondebitur nomen, quod es episcopus : quod quidem factus, non natus es. Quid tibi horum videtur ad purum esse tui, et ad te principalis pertinere? quod factus, an quod natus? Nonne quod natus? Hoc ergo consulo consideres [al., considera] maxime, quod maxime es, hominem videlicet, quod et natus es.

18. Nec modo quid natus, sed et qualis natus, oportet attendas, si non vis tuæ considerationis fructu et utilitate fraudari. Tolle proinde nunc hæreditaria hæc perizomata ab initio maledicta. Dirumpe velamen foliorum celantium ignominiam, non plagam curantium. Dele fucum fugacis honoris hujus, et male coloratæ nitorem gloriæ, ut nude nudum consideres, quia nudus egressus es de utero matris tuæ (Job. 1, 21). Nunquid infulatus? nunquid micans gemmis, aut floridus sericis, aut coronatus pennis, aut suffarcinatus metallis? Si cuncta hæc, veluti nubes quasdam matutinas, velociter transeunt et cito pertransituras, dissipet et exsufflet a facie considerationis tuæ, occurret tibi homo nudus, et pauper, et miser, et miserabilis; homo dolens quod homo sit, erubescens quod nudus sit, plorans quod natus sit, murmurans quod sit; homo natus ad laborem (Ibid. v, 7), non ad honorem; homo natus de muliere, et ob hoc cum reatu; brevi vivens tempore, ideoque cum metu; repletus multis miseriis (Ibid. xiv, 1), et propterea cum fletu. Et vere multis, quia corporis et animæ simul. Quid enim calamitate vacat nascenti in peccato, fragili corpore, et mente sterili? Vere ergo repletus, cui infirmitas corporis, et fatuitas cordis cumulatur traduce sordis, mortis additione. Salubris copula, ut cogitans te summum Pontificem, attendas pariter vilissimum cinerem non fuisse, sed esse. Imitetur cogitatio naturam; imitetur et, quod dignius est, Auctorem naturæ, summa imaque consocians. Nonne natura in persona hominis vili limo vitæ spiraculum colligavit? Nonne Auctor naturæ in sui persona Verbum limumque contempnivit? Ita tibi sume formam tam de nostræ concretione originis, quam de sacramento redemptionis: ut altus sedens, non alta sapiens sis, sed humilla de te sentiens, humilibusque consentiens.

#### CAPUT X.

*Tertium membrum considerationis sui, nempe Qualis sit, exponit.*

19. Proinde si consideras quantus es, cogita etiam qualis et maxime. Hæc te sane consideratio tenet in te; nec a te avolare sinit, non ambulare in magnis, neque in mirabilibus super te. In te consistito. Non infra dejici, non attolli supra, non evadere in longius, non extendi in latius. Tene medium, si non vis perdere modum. Locus medius tutus est. Medium sedes modi, et modus virtus. Omnem extramodum mansionem [al., habitationem], sapiens exsiliu re-

putat. Propterea non est illi habitare in longo, quod ultra modum sit : sed ne in lato quidem quod extra sit : porro nec in alto vel imo, quod alterum supra, alterum infra sit. Denique et longitudo exterminium habere solet, et dilatatio scissuram, et altitudo ruinam, et profundum absorptionem. Dico hæc planius, ne me putes ea loqui quæ Apostolus comprehendere hortatur cum omnibus sanctis, longitudinem, latitudinem, sublimitatem, et profundum, (Ephes. iii, 18) : quod alterius erit et disputationis, et temporis (Infra lib. v, capp. 13, 14). Nunc autem longum dico, cum sibi homo longiorem promittit vitam; latum, cum in superfluas animus distenditur curas; altum, cum de se plus præsumit; profundum, cum se plus dejicit. Qui ergo longa sibi metitur **B 424** tempora, nonne vere ingreditur iter exterminii, transiens vite terminos productioni sollicitudine? Inde est, quod homines in præsentia a sese exsules per oblivionem, in alia per inanem sollicitudinem migrant sæcula, non profutura, imo nec futura. Similiter animus distentus in multa, multis laceretur curis necesse est. Nempe immoderata extensio extenuationem, et extenuatio nimia scissionem facit. Jam vero alta præsumptio, quid nisi ruinosæ præcipitatio est? Legisti namque, *Ante ruinam exaltatur cor* (Prov. xviii, 12). Quid e regione nimie pusillanimitatis defectio, nisi desperata quædam absorptio est? In hanc fortis non dejicietur. Prudens longioris vitæ non abducetur incerto. Modestus moderabitur curas, temperabit a superfluis, non deerit necessariis. Porro justus altiora se non præsumet, sed loquetur cum justo : *Si justus fuerit, non levabo caput* (Job. x, 15).

#### CAPUT XI.

*Serium examen sui Pontifici serio commendat.*

20. Tu ergo in hac consideratione tui caute ambules, et tota æquitate verseris, ut nec plus vero tibi tribuas, nec plus justo parcas. Porro plus vero tribuas, non modo arrogando tibi quod non habes bonum, sed et quod habes adscribendo. Vigilanter discerne, qualis ex te, et qualis sis dono Dei; et non sit in spiritu tuo dolus. Erit autem, nisi fideliter partiens, tua tibi, et quæ sunt Dei, Deo sine fraude resignes. Ex te mala, bona a Domino esse, persuasum tibi non ambigo. Sane inter considerandum qualis sis, etiam qualis fueris ad memoriam revocandum. Conferenda posteriora prioribus. Profecerisne in virtute, in sapientia, in intellectu, in suavitate morum; an ab his forte (quod absit!) defeceris. Patientior sis, an impatientior solito, iracundior leniorne, insolentior an humilior, affabilior an austerior, exorabilior an diffidilior, pusillior animo an magnanimior, serius magis an pusculum dissolutus, timorator an forte fidentior quam oportet. Quam latus tibi patet campus in hoc genere considerandi! Memoro ego pauca, veluti quædam seminaria proferens; non tamen ipse serens, sed dans semen serenti. Oportet innotescat tibi zelus tuus, clementia tua, discretio quoque moderatrix earumdem virtu-

tum, qualis videlicet in donandis injuriis, qualis sis in ulciscendis, quam in utroque providus modi, loci, temporis observator. Prorsus considerata tria hæc in usu virtutum harum; ne non sint virtutes, si præter hæc reperiantur: nempe ejusmodi, non natura virtutes, sed usus facit. Nam ex se indifferentes esse noscuntur. Tuum est, aut abutendo et confundendo facere vitia; aut bene ordinateque utendo, virtutes. [Solent discretionis oculo caligante alterutrum sibi præripere loca, terminos occupare. Porro caliginis duæ sunt causæ, ira et mollior affectus. Is iudicii censuram enervat, illa præcipitat. Quomodo ab altero non periclitetur, aut pietas clementiæ, aut zeli rectitudo? Turbatus præ ira oculus clementer nil intuetur; suffusus fluxa quadam et muliebri mollitie animi rectum non videt. Non eris innocens, si aut punias eum cui forte parcendum esset, aut parcas ei qui fuerat puniendus.]

## CAPUT' XII.

*Neque in prosperis animum nimis laxandum, neque in adversis deficiendum.*

21. In tribulationibus quoque qualem te inveniris nolo dissimules. Si constantem in tuis, condolentem in alienis gaude. Recti cordis hoc; e regione perversissimi, si cum in propriis deprehendaris fortasse impatiens, minime tamen in alienis compatiens sentiaris. Quid in prosperis? nihilne est quod considerationem sollicitet? Est utique si diligenter attendas, quam rarus semper exstiterit, qui non vel modice in prosperitate animum relaxaverit a sui custodia et disciplina. 425 Quando hæc incautis non fuit ad disciplinam, quod ignis ad ceram, quod

(23) Nugas et otiosas fabulas facessere jubet ab ore sacerdotis, quidni Pontificis? Seris tantum et utilibus id patere vult, nempe Evangelio consecratum, nec vano sermone (quamvis alio eum urbani nomine colorent) profanandum. Simile prorsus prisce et rigide virtutis exemplum reliquit B. Petrus Damiani, qui tædium vitæ publicæ, et desiderium quietis ac solitudinis, vel hinc accepisse, vel certe acuisse videtur, quod illi cum moribus, faciliis, jocis, vel (ut verbo Bernardi utar) *nugis* curialium minus conveniret. Audiamus ipsum in epistola qua se apud pontificem et cardinales ob demissum episcopatum Ostiensem excusat, « Fuit, fuit olim, inquit, sed jam elapsus est tempus, ut modestiæ pudor, mortificationis insigne, digna severitas et sacerdotalis genii valeat censura servari. Nam ut me solum digne coarguam, videtis ipsi, quia protinus ut ad vos venio, ecce sales, ecce facetiæ, ecce lepores, urbanitates, diacitates, volumina questionum, omnesque verborum inanum pestes insolenter erumpunt, quæ nos non jam sacerdotes, sed potius oratores ac rhetores, sive, quod inhonestius est, scurras ostendunt. Mox enim, ut verba conserimus, paulatim quædam lenocinia confabulationis alterne surrepunt, quæ omnem animi rigorem indecenter emolliant, et severitatis robor in excussum risum, et turpia joca dissolvant. Hinc est, quod mens extra se sparsa confunditur, acies cordis obtunditur, lux divini amoris exstinguitur, terror in alios et reverentia sacerdotalis amittitur, et, quod periculosius est, recte vivendi linea, quæ aliis ad exemplum proponenda fuerat, non tenetur. Quod si nos, vel pudore, vel metu, in hæc declinare contemnimus, mox inhumani, rigidi, et

A solis radius ad nivem vel glaciem? Sapiens David, sapientior Salomon fuit: sed blandientibus nimis secundis rebus alter ex parte, alter ex toto desipuit. Magnus qui incidens in adversa, non excidit vel parum a sapientia: nec minor cui præsens felicitas si arrisit, non irrisit. Quanquam facilius inveneris qui sapientiam retinuerunt, contraria sibi fortuna, quam qui propitia non perdiderunt. Præferendus ille et magnus [al., magnis] est, cui inter prospera saltem risus indecentior, aut sermo insolentior, aut immoderatio cura vestis vel corporis non irrepsit.

## CAPUT XIII.

*Ab otio et nugis vanisque sermonibus Pontificem dehortatur.*

22. Etsi recte Sapiens hortatur sapientiam scribi in otio (*Eccli. xxxviii, 23*), cavendum et in otio otium est. Fugienda proinde otiositas, mater nugarum, noverca virtutum. Inter sæculares nugæ, nugæ sunt; in ore sacerdotis, blasphemiæ (23). Interdum tamen si incident ferendæ fortassis; referendæ nunquam. Magis interveniendum caute et prudenter nugacitati. Prorumpendum sane in serium quid, quod non modo utiliter, sed libenter audiant et supersedeant otiosis. Consecrasti os tuum Evangelio: talibus jam aperire illicitum, assuescere sacrilegium est. *Labia sacerdotis, ait, custodiunt scientiam et legem requirunt de ore ejus (Malach. ii, 7)*: non nugas profecto vel fabulas. Verbum scurrile quod faceti urbanive nomine colorant, non sufficit peregrinari ab ore: procul et ab aure relegandum. Fœde ad cachinnos moveris, fœdus moves. Porro detrahere, aut detrahentem audire, quid horum damabilius sit, non facile dixerim.

quos Hyrcanæ genuerint tigres, saxei judicamur. Reprimo calamum, nam ut turpiores attexantur incipiæ, pudore suffundor. Videlicet venatus, aucupium, alearum insuper furiz, vel scæcorum, etc. Ita ille: ubi vides quam belle Bernardo consentiat, et quales in sacerdotibus nugas detestetur: quas hodie multi ecclesiasticorum, nedum prælatorum, adeo, non censent cum Bernardo blasphemias, ut ne quidem veniales culpas existiment.

Quam hic Bernardus Eugenio cavendam monet vaniloquii culpam, eam alius olim sanctissimus Pontifex Gregorius, proposito sui exemplo, velut ipse reus, graviter et pathetice reprehendit. Nam dum expendens verba *Ezech. i, Fili hominis, speculatorem dedi te domui Israel*, onus vocationis suæ ponderat, in hæc verba prorumpit, quæ merito etiam corda nostra percellant. Pauca nos excerpemus, tu integra suo loco lege homin. ii in *Ezech. i*. « O quam dura mihi sunt ista quæ loquor! quia memetipsum loquendo ferio... qui otiosis verbis saepe implicor, et ab exhortatione atque edificatione proximorum torpens et negligens cesso! Qui in conspectu Dei factus sum mutus et verbosus: mutus in necessariis, verbosus in otiosis, etc..... Et quidem in monasterio positus, valebam et ab otiosis linguam restringere, et in intentione orationis pene continue mentem tenere. At postquam cordis humerum sarcinæ pastoralis supposui, colligere se ad semetipsum assidue non potest animus, quia ad multa partitur.... quia autem necessitate loci saepe viris sæcularibus jungor; nonnunquam mihi lingue disciplinam relaxo. Nam si in assiduo censura meæ rigore me teneo, scio quia ab infirmioribus fugior,



## CAPUT XIV.

*Personarum acceptionem in iudiciis summopere vitandam.*

25. De avaritia non est quod tuum fatigem intuitum (24), cum pecuniam tanquam paleam dicaris habere. Non prorsus, non est quod pro illa timeatur a iudiciis tuis. Sed est quod non minus sæpe, nec noxie minus insidiari iudicantibus solet : de quo maxime, quid in tua lateat conscientia, latere te nolim. Quid illud sit quæris? Acceptio personarum. Non parvi te reum peccati existimes, si facies peccatorum sumis et non potius causas dijudicas meritorum. Est item vitium, cuius si te immunem sentis, inter omnes quos novi ex his qui cathedras

A ascenderunt, sedebis me iudice solitarius : quia veraciter singulariterque levasti te supra te, juxta prophetam. (Thren. III, 28). Facilitas credulitatis hæc est, cuius callidissimæ vulpeculæ magnorum neminem comperi satis cavisse versutias. Inde eis ipsis pro nihilo iræ multæ, inde innocentium frequens addictio, inde præjudicia in absentes. Gratulor autem tibi : nec enim assentationis apud te vereor incurrere notam : gratulor, inquam, præsidere te usque adhuc absque horum omnium querela multa : an et sine culpa, tu videris. Nunc ad ea quæ sub te sunt, consideratio intendenda. At alterius principii hoc : siquidem tuis occupationibus sermo brevior competentior est.

## LIBER TERTIUS.

## 426 CAPUT PRIMUM.

*Pontificis esse, non tam ut omnes suo dominio subiciat, sed ut omnes, quantum fieri potest, ad Ecclesiæ gremium perducatur.*

1. Finis superioris libri huius principium ponit. Itaque juxta promissum illius consideranda quæ sub te sunt. Quænam sint illa, non est quod a me quærendum putes, sacerdotum optime Eugeni ; rectius fortasse quæ non sint quæras. Orbe exeundum ei qui forte volet explorare quæ non ad tuam pertinent curam. Parentes tui destinati sunt non aliquas regiones, sed ipsum debellatū orbem : *Ite in orbem universum* (Marc. XVI, 15), dictum est illis. Ipsi vero vendentes tunicas, emere gladios, ignitum eloquium et spiritum vehementem, arma potentia Deo. Quo non pervenerunt victores inclyti, filii excussorum? Quo non sagittæ potentium acutæ cum carbonibus desolatoriis? (Psal. CXIX, 4.) Et quidem in omnem terram exivit sonus eorum, et in fines orbis terræ verba eorum (Psal. XVIII, 5) (25). Pene-

B trabant et incendebant verba illa incensa igni, quem Dominus misit in terram (Luc. XII, 49). Occumbabant strenuissimi bellatores, sed non succumbebant : triumphabant et mortui. Nimis confortatus est principatus eorum (Psal. CXXXVIII, 17) : constituti sunt principes super omnem terram (Psal. XLIV, 17). Eis tu successisti in hæreditatem. Ita tu hæres et orbis hæreditas. At quatenus hæc portio te contingit, aut contigerit illos, id sobria consideratione pensandum. Non enim per omnem reor modum, sed sane quodam tenus (ut mihi videtur) dispensatio tibi super illum credita est, non data possessio. Si pergis usurpare et hanc, contradicisti tibi qui dicit : *Meus est orbis terræ et plenitudo ejus* (Psal. XLIX, 12). Non tu ille de quo propheta : *Et erit omnis terra possessio ejus* (Psal. CIII, 24). Christus hic est, qui possessionem sibi vindicat, et jure creationis, et merito redemptionis, et dono Patris. Cui enim alteri dictum est, *Postula a me, et dabo tibi gentes hæredi-*

eosque ad hoc quod appeto, nunquam traho. Unde sit, ut eorum sæpe et otiosa patienter audiam. Sed quia ipse quoque infirmus sum, in otiosis sermonibus paulisper tractus, libenter ea loqui incipio, quæ audire cœperam invitus. Et ubi tædebat cadere, libet facere, etc. S. Ambrosius ubi de officiis agit, jocandi disciplinam a secularibus viris tradi solitam, sibi prætereundam arbitratur. *Nam licet interdum, inquit, honesta joca ac suavia sint, tamen ab ecclesiastica abhorrent regula.* Lib. I, cap. 23.

Sacros sane oratores, qui, ut verbis Bernardi utar, *consecrarunt os suum Evangelio*, hic cautos esse par est, ne ad nugæ et Indicia, tum privatum, tum publice defluant. Irascor concionatoribus, qui pro suggestu jocos subinde seu facetias et lepidas fabellas proferunt, quales etiam in quibusdam recens editis ejusdam Religiosi concionibus exstare video. Legant illi Chrysostomum in cap. 5 Epist. ad Ephes., ubi ostendit, quam sit Christianæ gravitati conveniens, ridiculis abstinere, quæ qui legerit, inquit Carolus Regius soc. Jesu in Oratore Christiano, non poterit non mirari, quantum plerique Christiani populi oratores : ab ea gravitate distent, quam ille vir sapientissimus jure ab ipso populo exigebat, ubi deinde

præsentem Bernardi locum iis inculcat. Qui proinde prudenter monet, concionatori fugiendum modum agendi, magis aulicis, quam religiosis viris convenientem, et eorum, qui magis spiritu hujus mundi, quam spiritu Dei vivunt, proprium : magisque sapit mores quosdam, quos hodie politicos vocamus, quam simplicitatem evangelicam. Ex hoc genere est, inquit, levis et juvenilis in familiari usu libertas, sub prætextu hilaris et lætioris ejusdam conversationis, ridicula dicta et facta, et lepidas historias intermiscendi, ut hoc modo amicos et viros nobiles familiaribus colloquiis detineant. Ita scriptor ille, ad formandum sacrum oratorem perquam idoneus, dignusque qui versetur in omnium Concionatorum manibus. Lib. II, cap. 16.

(24) Vossius notat in quibusdam legi *animam*. Sed explicatio est ejusdam scilicet. *Intuitum* scripsit Bernardus pro consideratione de qua totus liber. Nec id notare esset operæ pretium, nisi ob similes locos, ut libro III, n. 16, pro *sanguinem*, quidam codices apud Vossium habent *animam*, quod glossena est.

(25) Non tam præsentia corporis, quam mentis providentia, supra in lib. II, n. 12.

tatem tuam, et possessionem tuam terminos terræ (Psal. 11, 8). Possessionem et dominium cede huic: tu curam illius habe. Pars tua hæc: ultra ne extendas manum.

2. Quid, inquis? non negas præesse et dominari vetas? Plane sic. Quasi non bene præsit, qui præest in sollicitudine. Numquid non et villa villico et parvus dominus subjectus est pædagogus? Nec tamen villæ ille, nec is sul domini dominus est. Ita et tu præsis ut provideas, ut cõsulas, ut procures, ut serves. Præsis ut prosis; præsis ut fidelis servus et prudens, quem constituit Dominus super familiam suam. Ad quid? Ut des illis escam in tempore (Matth. xxiv, 45); hoc est, ut dispenses, non imperes. Hoc fac et dominari ne affectes hominum homo, ut non domineatur tui omnis injustitia. At satis superque id intimatum supra, cum, quis sis, disputaretur. Addo tamen et hoc: nam nullum tibi venenum, nullum gladium plus formido, quam libidinem dominandi. Certe ut multum tibi tribuas, si multum deceptus non es, nil te existimas plus accepisse a magnis Apostolis. Recordare nunc vocis illius: *Sapientibus et insipientibus debitor sum* (Rom. 1, 14). Et si non indebitam tibi ipsam censes, hoc quoque simul memento, debitoris molestum nomen servienti potius, quam dominanti congruere. Servus in Evangelio audit: *Quantum debes domino meo?* (Luc. xvi, 5.) Ergo si te agnoscis sapientibus et insipientibus non dominatorem, sed debitorem, curandum summopere tibi et tota vigilantia considerandum, quomodo et qui non sapiunt sapiant et qui desipere respiciant. At nullum genus insipientiæ infidelitate, ut sic loquar, insipientius. Ergo **427** et infidelibus debitor es, Judæis, Græcis [al. omit. Græcis] et Gentibus.

3. Interest proinde tua, dare operam quam possis, ut increduli convertantur ad fidem, conversi non avertantur, aversi revertantur: porro perversi ordinentur ad rectitudinem, subversi ad veritatem revocentur: subversores invictis rationibus convincantur, ut vel emendentur ipsi, si fieri potest; vel si non, perdat auctoritatem facultatemque alios subvertendi. Non omnino et ab hoc insipientium genere pessimo tibi dissimulandum. Dico autem hæreticos schismaticosque: nam hi sunt subversi, et subversores; canes ad scissionem, vulpes ad fraudem. Erunt, inquam, hujusmodi maxime tuo studio aut corrigendi, ne pereant; aut ne perimant, coercendi. Esto, de Judæis excusat te tempus: habent terminum suum qui præveniri [al., præteriri] non poterit. Plenitudinem gentium præire oportet. Sed de ipsis gentibus quid respondes? Imo quid tua consideratio respondet tibi percunctanti sic? Quid visum est patribus ponere metam Evangelio, verbum suspendere fidei, donec infidelitas durat? Qua ratione, putamus, substituit velociter currens sermo? (Psal. cxlvii, 45.) quis primus inhibuit hunc salutarem cursum? Et

(26) Henriciani et Colonienses hæretici parvulos a baptismo exclusos volebant, de quibus in epistola 241, et in sermonibus 65 et 66 super Cantica. An

illis causa forte quam nescimus, aut necessitas potuit obstitisse.

4. Nobis quæ dissimulandi ratio est? Qua fiducia, qua conscientia Christum non vel offerimus eis qui non habent? An veritatem Dei in injustitia detineamus? Et quidem quandoque perveniat gentium plenitudo necesse est. Expectamus ut in eas incidat fides? Cui credere casu contigit? Quomodo credent sine prædicante? (Rom. x, 14.) Petrus ad Cornelium, Philippus ad eunuchum missi sunt (Act. x, 20, et viii, 26), et, si exemplum recentius quaeremus, Augustinus a beato Gregorio destinatus, formam fidei tradidit Anglis. Et de his tu ita tecum. Ego addo et de pertinacia Græcorum, qui nobiscum sunt, et nobiscum non sunt, juncti fide, pace divisi, quanquam et in fide ipsa claudicaverint a semitis rectis. Et item de hæresi, quæ clam pone ubique serpit; apud aliquos sævit palam. Nam parvulos Ecclesiæ passim et publice deglutire festinat (26). Quaeris ubi sit hoc? Vestri [al., viri], qui terram Austri tam sæpe visitant, ecce hi sciunt et possunt dicere tibi. Eunt et redeunt per medium illorum, aut transeunt secus: sed quid boni adhuc cum illis egerint, necdum audivimus. Et forsitan audissemus, nisi præ auro Hispaniæ salus populi viluisset. Tuum est et plagæ huic remedium providere.

5. Sed est insipientia, quæ ipsam quoque jam propemodum stultam fecit sapientiam fidei. Quomodo et ipsam Catholicam pene totam hoc virus infecit? Nam dum et in ipsa quique quæ nostra sunt quaerimus, fit ut invicem invidentes, invicem provocantes, exerceamur ad odia, animemur ad injurias, armemur ad lites, cavillemur ad dolos, feramur ad detractiones, prorumpamus ad maledicta, opprimamur a fortioribus, opprimamus infirmiores. Quam digne et laudabiliter occupatur meditatio cordis tui adversus tam pestilens insipientiæ genus, quod corpus ipsum Christi, quæ est multitudo credentium, occupasse consideras? O ambitio ambienium crux! quomodo omnes torquens, omnibus places? Nil acerbius cruciat, nil molestius inquietat; nil tamen apud miseros mortales celebrins negotiis ejus. An non limina Apostolorum plus jam ambitio, quam devotio terit? At non vocibus ejus vestrum tota die resultat palatium? An non quæstibus ejus tota legum canonumque disciplina insudat? An non spoliis ejus omnis Italica inhiat inexplabili aviditate rapacitas? Quid ita, imo quid aliud tua ipsius spiritualia studia non saltem intercidit, sed abscidit. Quoties sancta ac fecunda tua abortiri oïa fecit inquietum et inquietans malum? Aliud est quod ab oppressis **428** appellatur ad te, aliud autem quod ambitio in Ecclesia per te regnare molitur. Nec deesse illis, nec huic aliquatenus assentire oportet. Quam vero inique fovetur illa, spernuntur illi! utrisque tamen debitor es, illis ut erigas, istis ut reprimas.

illi ex Aquitania in Hispaniam etiam effusi, quæ terra Austri dicitur infra, quod nobis Gallis australis sit.

## CAPUT II.

*Quis modus in appellationibus ad Sedem apostolicam adhibendus sit.*

6. Et quoniam incidit de appellationibus, prosequi aliquatenus non erit ab re. Magno in his et pio opus intuitu est; ne quod magna fuit necessitate [al. utilitate] provisum, male utendo reddatur inutile. Mihi videtur et in multam posse eas devenire perniciem, si non summo moderamine actentur (27). Appellatur de toto mundo ad te. Id quidem in testimonium singularis primatus tui. At tu, si sapis, non primatu gaudebis, sed fructu. Apostolis dictum est: *In hoc nolite gaudere, quod spiritus subficiuntur vobis* (Luc. x, 20). Appellatur ad te, ut dixi: et utinam tam fructuose, quam necessarie. Utinam cum oppressus clamat, sentiat oppressor, et non superbiat impius unde incenditur pauper. Quid tam decorum, ut ad invocationem tui nominis oppressi effugiant, versuti non refugiant (28)? Quid e regione tam perversum, tam recti alienum, ut lætetur qui malum fecit; et qui tulit, inaniter fatigetur? Inhumanissime non moveris erga hominem, cui illatæ injuriæ cumulare dolorem et labor itineris, et damna expensarum: sed nihilominus ignavissime in illum non moveris, qui huic tot calamitatum partim auctor, partim exstitit causa. Evigila, homo Dei, cum hæc contingunt: moveatur misratio, moveatur et indignatio tua. Alteram læso, alteram lædenti debes. Consoletur illo damnorum resarcita suorum, satisfactione injuriarum, sine calumniarum: cum isto ita agatur, ut poeniteat fecisse quod non timuit facere, et non de poenis innocentis rideat.

7. Arbitror idem debere pati illum, qui sine causa forte appellavit. Formulam hanc justitiæ præfigit tibi et divinæ incommutabilis ratio æquitatis, et, ni fallor, ipsa appellationum lex, ut illicite usurpata appellatio nec prosit appellanti, nec appellato obsit. Ut quid enim frustra fatigatus sit homo? Quam plenum justitiæ, ut sese potius læserit, qui voluit proximum (29)? Appellasse inique, iniquum est: inique et impune, iniquarum appellationum fomes. Iniqua autem omnis appellatio, ad quam justitiæ inopia non coegit. Appellare, non ut graves, sed si graveris, licet. Appellandum a sententia. Ante sententiam improbe omnino, nisi ob manifestum gravamen, præsumitur appellatio. Qui igitur non gravatus appellat, liquet quia aut gravare intendit, aut tempus redimere. Non est autem suffugium appellatio, sed refugium. Quantos novimus appel-

A lasse pulsatos, quo interim liceret, quod nunquam licet? Nonnullis etiam, quoad vixerunt, licuisse appellationis suffragio nefaria scimus, verbi gratia, incestum, adulterium. Quale est hoc, turpitudini patrocinari, quod vel maxime formidari a turpibus oportebat? Quousque murmur universæ terræ aut dissimulas, aut non advertis? Quousque dormitas? quousque non evigilat consideratio tua ad tantam appellationum confusionem atque abusionem? Præter jus et fas, præter morem et ordinem sunt. Non locus, non modus, non tempus, non causa discernitur, aut persona. Præsumuntur leviter passim, plerumque et nequiter. Volentes malignari, nonne his potissimum terreri solebant? Nunc terrores ipsi ex his magis sunt, atque id bonis. Antidotum versum in venenum. Non mutatio dexterae Excelsi hæc.

8. Appellantur boni a malis, ut non faciant bona: et supersedent a voce tonitru tui formidantes. Denique appellantur 429 episcopi, ne illicita audiant matrimonia solvere vel prohibere. Appellatur ne rapinas, ne furta, ne sacrilegia, et quæ ejusmodi sunt, punire ullatenus vel cohære præsumant. Appellatur, ne indignas et infames personas a sacris officiis beneficiisve repellere seu amovere queant. Quod tu invenis remedium morbo huic, ne quod repertum ad remedium fuit, repariatur ad mortem? Zelatus est Dominus domum orationis factam speluncam latronum (Matth. xxi, 13): tu ejus minister diissimulas miserorum refugium datum arma iniquitati? Videas præripi passim partes oppressorum, et prorumpere ad appellandum non tam gravatos, quam gravare volentes. Quid hoc mysterii? Tuum est considerare, non meum commentari istud. Et cur, inquis, male appellati non veniunt, ostensuri suam innocentiam, malitiam convicturi? Dico quod dicere ad hæc solent: Nolumus vexari frustra. In curia esse, qui proclivius faveant appellanti, foveant appellationes. Cessuris Romæ, domi cedere satius.

9. Fateor me non omnino decredere (30) his. Quem das mihi in tam crebris appellationibus quæ hodie sunt, qui pro expensis itineris vel nummum restituerit illi, quem forte appellavit? Mirum vero si ita omnes et appellantes just, et appellati rei vestro examine inventi sint. *Diligite, inquit, justitiam, qui judicatis terram* (Sap. i, 1). Parum est justitiam tenere, nisi et diligas. Qui tenent, tenent; qui diligunt, zelantur. Amator justitiæ inquiri justitiam, et prosequitur eam: porro omnem injustitiam

(27) De appellationum usu conferenda epistola 178 et notæ ad eam, item Hildeberti epistola 82.

(28) Id est non confugiant, ut tomo V, in sermone 1 Guerrici de Assumptione, n. 1, et alibi apud probos auctores. Inde refugium.

(29) Alii addunt lædere explicandi causa. Tum, appellasse inique iniquum est; inique appellantem impune transire, iniquarum appellationum fomes. Quæ lectio Vossio in textum inserenda videtur. Sed nostra constans est in mss. nostris et neo judicio melior. De appellatione prudentissime concil. Trident. Sess.

13, c. 1, *De refor.* « Cum igitur rei criminum plerumque ad evitandas penas, et episcoporum subterfugienda judicia, querelas et gravamina simulent, et appellationis diffugio, judicis processum impendant, ne remedio, ad innocentia præsidium instituto, ad iniquitatis defensionem abutantur, atque ut hujusmodi eorum calliditati et tergiversationi occurratur; ita statuit, etc. »

(30) Discredere habent alii, ut in epist. 158, ad Innocentium.



persequitur. Nil tibi et illis, qui appellationes venationes putant. Pudet elogii, quod apud Ethnicos jam vertitur in parabolam: Duos movimus [*al. novimus*] cervos pingues. Ut mitius loquar, plus facetiæ quam justitiæ hic. Tu si amas justitiam, appellationes non affectas, sed sustines. Verumtamen quid emolumenti affert ecclesiis Dei tua unus hominis justitia, ubi sententia prævalet aliter affectorum? At istud loci illius erit, cum cœperint versari quæ circa te sunt (*Infra*, iv, 5).

40. Nunc vero non te existimes otiose vacare considerationi huic, qua appellationes ad legitimum, si fieri potest, revoces usum. Et si hinc mea queratur vel potius curetur sententia, dico appellationes ut non contemnendas, sic nec usurpandas omnino. Porro horum quid insolentius censeam, haud facile dixerim: nisi quod usurpatio quamdam videtur inducere contemptus necessitatem, ac per hoc forte acrius insectanda, quæ amplius nocet. Aut non vere nocentior est, mala in se, in partu pejor? Nonne ipsa est quæ ipsum jus quoque naturæ aut extenuat, aut exterminat? Nam sæpe rebus etiam pretiosissimis pretii gratiam non modo demit, sed adimit. Quid Sacramentis acceptius? Usurpata tamen ab indignis, indigne tractata, minime acceptantur. Magis habent damnationem, quia debitam venerationem non habent. Fateor grande et generale mundo bonum esse appellationes: idque tam necessarium, quam solem ipsum mortalibus. Revera quidam sol justitiæ est, prodens ac redarguens opera tenebrarum. Prorsus fovendæ et manu tenendæ sunt: sed quas extorsit necessitas, non calliditas adinvenit. Usurpatoriæ sunt hujusmodi omnes, non subvenientes in necessitate, sed opitulantes iniquitati. Quidni veniant in contemptum? Quamvis ut talibus quoque deferrent, etiam de proprio cessare jure, ne longo et casso itinere fatigaretur? (51) Plures tamen sua amittere non ferentes, appellationes minus opportunas, et celsa nomina importunius contempserunt.

41. Dico aliquid, quod ad rem pertinet, exempli causa. Quidam sibi publice desponsaverat uxorem. Adest dies celebris nuptiarum, parata omnia, invitati multi. Et ecce homo concupiscens uxorem proximi sui, in vocem appellationis inopinatæ prorumpit, affirmans sibi traditam prius, suam potius esse debere [*al. add. Quid plura?*]. Stupet sponsus, hærent omnes, sacerdos non audet progredi, **430** frustratur omnis ille apparatus; descendit quisque in domum suam, suam cenam manducaturus, sponsa a mensa et thalamo sponsi suspenditur, quousque Roma reditum est. Parisius contigit hoc, nobili Galliarum civitate, sede regia. Rursum in civitate eadem quidam sibi desponsata uxore diem constituit nuptiarum. Interim emergit calumnia, dicentibus quibusdam non debere conjungi. Ad judicium Ec-

clesiæ causa delata est. sed non expectata sententia, appellatum est sine causa, sine gravamine, solo frustratoriæ dilationis intuitu. At ille, sive perdere quæ pararat, sive dilectæ tandiu frustrari consortio nolens, nihilominus quod proposuerat, contempta sive dissimulata appellatione peregit. Quid illud quod in Autissiodorensi ecclesia nuper a quodam adolescente præsumptum est? Nempe defuncto sancto episcopo (52), volentibus clericis alium, ut moris est, eligere sibi, intervenit ille appellans, et vetans ne fieret, quousque isset et redisset ab urbe: cui tamen appellationi nec ipse detulit. Nam cum videret se contemni, tanquam qui irrationabiliter appellasset; accitis quos potuit sibi, tertia die post factam ab aliis electionem, fecit suam (53).

42. Cum itaque ex his et innumeris talibus liqueat, non ex contemptu gigni usurpationem, sed ex usurpatione contemptum: videris tu, quid sibi velit, quod zelus vester assidue pene vindicat illum, istam dissimulat. Vis perfectius coercere contemptum? Cura in ipso utero pessimæ matris præfocari germen nequam. Quod ita fiet, si usurpatio digna animadversione multetur. Tolle usurpationem, et contemptus excusationem non habet. Porro inexcusabilitas ausum explodet. Non sit proinde usurpator, et contemptor nullus erit, aut admodum rarus. Bene facis tu, quod appellationum negato suffragio, imo suffragio, multa remittis negotia ad cognoscentes, vel qui noscere citius possunt. Ubi enim certior ac facilior notio, ibi decisio tutior expeditiorque esse potest. Quam plenum gratiæ, quam multorum perinde per hoc et laboribus parcis, et sumptibus! At quibus sic credas, id tibi omnimodis attendendum. Poteram multa de eodem utiliter addere his: sed memor propositi mei, contentus interim occasionem dedisse, ad alia transeo.

### CAPUT III.

*Præsules Ecclesiæ non tam ut præsint, ac semetipsos pascant, quam ut aliis prosint, constitutos esse.*

43. Et primum quod occurrit, minime transeundum reor. Præes, et singulariter. Ad quid? eget, tibi dico, consideratione. Numquid ut de subditis crescas? Nequaquam, sed ut ipsi de te. Principem te constituerunt, sed sibi, non tibi. Alioquin quo pacto te reputas superiorem his, a quibus beneficium mendicacas? Audi Dominum: *Qui potestatem habent super eos, benefici vocantur* (*Luc. xxii, 25*). At istud de his qui foris sunt. Quid ad nos? Tu id mendaciter diceris, si non tam beneficis esse, quam beneficiis præesse intendas. Parvi defectiue animi est, de subditis non profectum quærere subditorum, sed quæstum proprium. In summo præsentium omnium nihil turpius. Tum pulchre Magister Gentium parentes filiis, non filios debere censuit thesaurizare parentibus (*II Cor. xii, 14*). Non mediocris gloriæ vox illa iden-

(51) Hoc pertinent quæ dicta sunt supra num. 8: *Censuris Romæ domi cedere satius*. In simili causa Juvenalis, satyra 8:

*Furor est post omnia perdere naulum.*

(52) Hugone scilicet, quem itidem sanctum suppresso nomine, vocat Bernardus, ep. 276.

(53) De toto hoc negotio fuse agit Bernardus in epistolis 275, 276 et 280.

tidem ipsius : *Non requiro datum, sed fructum* (Phil. A lip. iv, 17). At jam transeamus et hinc, ne quis moram in his meam, avaritiæ in te notam interpretetur : quæ quam longe a te sit, libro superiori testatus sum (cap. 4), sciens quanta, et in quanta tua necessitate respueris. Ad te proinde scripserim ista, non propter te. Nempe quod tibi scribitur, soli prodesse non decet. Hic locus avaritiæ carpit, a quo vitio immunis satis tua opinio est; an et opus, tu videris. Vidimus tamen (ut oblata a pauperibus [*al. pauperioribus*] taceam, quæ tangere non acquiescis) Germanicos detumuisse [*al. detinuisse*] saccos, **431** sed pretio, non massa. Argentum reputatum est fenum : summarii (34) non levatis sarcinis, onusti nihilominus repatriant vel invit. Nova res. Quando hactenus aurum Roma refudit [*al. refugit*] ? Et nunc Romanorum consilio id usurpatum non credimus. Duo venerunt, ambo locupletes, et ambo rei. Siquidem unus Moguntinus, Coloniensis alter (35) : alteri gratia gratis reddita est; alter, indignus credo cui gratia redderetur, audivit : Cum quali veste intrasti, cum tali egredieris. O vocem magnificam! vocem prorsus apostolicæ libertatis! Quid minus ab illa hæc habuit, *Pecunia tua tecum sit in perditionem?* (Act. viii, 20.) Nisi quod in illa plus zeli, in ista plus modestiæ sonuit. Quid ille de transmarinis partibus pene a finibus terræ, terra et mari currens pro episcopatu, suis et alienis facultatibus rursus emendo (36)? Jam enim emerat prius. Tolit multa, sed retulit, non omnia tamen. Incidit miser in manus alias, accipere quam dare potentiores [*al. promptiores*]. Bene fecisti, tuas in utroque servans innoxias, nec imponere scilicet ambitioso, nec supponere iniquo mammonæ acquiescens. Non sic a paupere episcopo continuisti, dans quod daret, ne immuniticus notaretur : accepit clam, quod palam dedisti. Sic de tuo sacculo consultum est verecundiæ viri, sic quoque curiæ morem gerens, tuo beneficio invidiam declinavit eorum qui diligunt munera. Non potes abscondere : et factum novimus, et personam. Audire gravat? Et ego eo libentius prædico, quo tu id molestius audis : si tibi sic expedit, et mihi sic. Tam non oportet Christi gloriam me silere, quam nec te querere tuam. Et si pergis murmurare adhuc, respondebitur tibi ex Evangelio : *Quanto eis præcipiebat, tanto magis plus prædicabant, dicentes : Bene omnia fecit* (Marc. vii, 36, 37).

(34) Summarii, equi oneriferi, vulgo *sommiers*, a summa, seu *σάγμα*, onus.

(35) Henricus I, archiepiscopus Moguntinus, gravatus suorum canonicorum calumniis, et implorans sedem apostolicam absolutus est. Scribit pro eo Bernardus epistolam 302, ad quam vide notas. Coloniensis alter, id est, Arnaldus, qui ex præposito S. Andrea in Archiepiscopum electus anno 1138, post annos aliquot de simonia accusatus est. De hoc Arnaldo auctor Magni Chronici Belgici Canonici reg. S. August. prope Nussiam, testatur, eum in concilio Remensi præsentem Eugenio de simonia accusatum, una cum Archiepiscopo Moguntino sententiam depositionis accepisse. Dictis vero archiepiscopis pro sua reconciliatione Romam accedenti-

## CAPUT IV.

*Gradus ordinum ac dignitatum, quæ in Ecclesia sunt, non temere confundendos ac perturbandos. Hinc abusus querendi privilegia ac exemptiones perstringit.*

**14.** Audi aliud, si tamen aliud. Ad idem enim fortassis pertinere quis dicat. Tua consideratio viderit hoc. Mihi videtur non longe a vero dissentire, qui id forte inter avaritiæ species locandum putaverit. Ego vero illius aut speciem esse, aut speciem habere non negaverim. Sane inter est tuæ perfectionis, et malas res, et malas pariter species devitare. In altero conscientiæ, in altero famæ consulis. Puta tibi non licere (etsi alias fortasse liceat) quidquid male fuerit coloratum. Denique interroga majores tuos, et dicent tibi : *Ab omni specie mala abstinete vos* (1 Thess. v, 22). Sane minister Domini Dominum imitetur, quia ipse ait : *Qui mihi ministrat, me sequatur* (Joan. xii, 26). Et habes de illo : *Dominus regnavit, decorem induit, induit Dominus fortitudinem* (Psalm. xcxi, 1). Tu quoque esto fortis in fide, decorus in gloria; et probasti te imitorem Dei. Fortitudo tua, fiducia fidelis conscientiæ : decor tuus, splendor bonæ opinionis. Ita, quæso, induere fortitudinem; etenim gaudium Domini fortitudo tua. Porro specie tua et pulchritudine tua nihilominus tanquam propria similitudine delectatur. Induere vestimentis gloriæ tuæ, vestire duplicibus, quibus domesticos suos fortis illa mulier induere consuevit (Prov. xxxi, 21). Non sit in conscientia nutans infirmitas modicæ fidei, non sit in fama nævus malæ speciei; et vestieris duplicibus, et gaudebit sponsus super sponsam animam tuam, et gaudebit super te Deus tuus. Miraris quorsum hæc, ignarus usque adhuc quid dicere velim. Non te tollo diutius. Murmur loquor et querimoniam ecclesiarum. Truncari se clamitant ac demembrari (37). Vel nullæ, vel paucæ admodum sunt, quæ plagam istam aut non doleant, aut non timeant. Queris quam? Subtrahuntur abbates episcopis, **432** episcopi archiepiscopis, archiepiscopi patriarchis sive primatibus. Bonane species hæc? Mirum si exusari queat vel opus. Sic facitendo probatis vos habere plenitudinem potestatis, sed justitiæ forte non ita. Facitis hoc, quia potestis : sed utrum et debeatis, questio est. Honorum ac dignitatum gradus et ordines quibusque suos servare positi estis, non invidere,

bus, et Henrico Moguntino gratiam obtinente, Arnoldum Colociensem reconciliationem impetrare non potuisse, cum tamen pro ea obtinenda plurima obtulisset.

(36) Hic videtur agere de Willelmo in Eboracensem cathedram intruso, de quo epistolæ 235, 238, et sequentes. Adde quæ de Eugenio refert Joannes Saresberiensis in Polycratici libro v, cap. 15, ubi Eugenius laudatur, quod « nullum omnino minus hominis litigantis recipiebat aut cui credebatur litem imminere. »

(37) Quales probet improbetve Bernardus exemptiones, vide hic n. 18, et confer epistolam seu opusculum II ad Henricum Senonensem, cap. 9, infra

ut quidam vestrorum ait : Cui honorem, honorem **A** (Rom. xiii, 7).

15. Spiritualis homo ille qui omne dijudicat, ut ipse a nemine judicetur (I Cor. ii, 15), omne opus suum trina quadam consideratione præveniet. Primum quidem, an liceat; deinde, an deceat; postremo, an et expediat. Nam etsi constet in christiana utique philosophia non decere nisi quod licet, non expedire nisi quod decet et licet: non continuo tamen omne quod licet, decere aut expedire consequens erit. Age, aptemus, si possumus, tria ipsa operi huic. At quomodo non indecens tibi voluntate pro lege uti; et quia non est ad quem appelleris, potestatem exercere, negligere rationem? Tunc major Domino tuo, qui ait: *Non veni facere voluntatem meam!* (Joan. vi, 38.) Quanquam non minus dejecti, quam elati animi est, veluti rationis expertem, non pro ratione, sed pro libitu agere; nec judicio agi, sed appetitu. Quid tam bestiale? Et si indignum civis utili ratione vivere ut pecus, quis in te rectore omnium tantam contumeliam naturæ, honoris injuriam ferat? Sic degenerando, quod absit! generale opprobrium fecisti proprium tibi: *Homo cum in honore esset, non intellexit; comparatus est jumentis insipientibus, similis factus est illis* (Psal. xlviii, 13). Quid item tam indignum tibi, quam ut totum tenens, non sis contentus toto, nisi minutias quasdam, atque exiguas portiones ipsius tibi credite universitatis, tanquam non sint tuæ, satagas nescio quomodo adhuc facere tuas? Ubi etiam meminisse te volo parabolæ Nathan de homine, qui multas oves habens (38), unam quæ erat pauperis concupivit (II Reg. xii). Huc quoque veniat factum, imo facinus regis Achab, qui rerum summam tenebat, et unam vineam affectavit. Avertat Deus a te quod ille audivit: *Occidisti, et possedisti* (III Reg. xxi).

16. Nolo autem præterdās mihi fructum emancipationis ipsius. Nullus est enim, nisi quod inde episcopi insolentiores, monachi etiam dissolutiores sunt. Quid ubique et pauperiores? Inspice diligentius talium quodque libertorum et facultates, et vitas, si non pudenda admodum et tenuitas in his, et in illis sæcularitas invenitur. Matris noxiæ libertatis gemina soboles hæc. Quidni peccet licentius vagum et male liberum vulgus, cum non sit qui arguat? Quidni licentius quoque spoliatur ac deprædatur inermis religio, cum non sit qui defendat? Quo enim refugium illis? Numquid ad episcopos dolentes injuriam? Ridentibus profecto aspiciunt oculis, sive quæ faciunt mala, sive quæ patiuntur. Quæ demum utilitas in sanguine isto? Vereor ne illa, quam in propheta comminatus est Deus: *Ille, iniquitate sua morietur, sanguinem autem ejus ac manu tua requiram* (Ezech. iii, 18). Si enim et extollitur qui subtrahitur, et qui subtrahitur uritur [al., murmurat]; qui subtrahitur, quomodo innocens? Parum est: involvimus ignem: audi apertius. Si is qui murmu-

(38) Alias, qui centum oves habens. At parabola; II Regum xii, habet, plurimas oves. Centum a quo-

rat, secundum animam mortuus est; qui instigat, quomodo vivit? Quomodo vero non reus mortis amborum, et suæ pariter, qui gladium dedit, unde ambo morerentur? Hoc est quod dixeram: *Occidisti, et possedisti*. Adde quod qui audiunt, scandalizantur, indignantur, detrahunt, et blasphemant: hoc est, vulnerantur ad mortem. Non est bona arbor faciens fructus tales, insolentias, dissolutiones, dilapidationes, similitates, scandala, odia: quodque magis dolendum, inter ecclesias inimicitias graves, perpetesque discordias. Vides quam verus sit sermo ille: *Omnia 433 mihi licent, sed non omnia expediunt* (I Cor. x, 22). Quid si forte nec licet? Ignosce mihi: non facile adducor licitum consentire quod tot illi-cita parturit.

**B** 17. Tunc denique tibi licitum censeas, suis ecclesias mutilare membris, confundere ordinem, perturbare terminos, quos posuerunt patres tui? Si justitiæ est jus cuique servare suum; auferre cuiquam sua, justo quomodo poterit convenire? Erras, si ut summam, ita et solam institutam a Deo vestram apostolicam potestatem existimas. Si hoc sentis, dissensis ab eo qui ait: *Non est potestas nisi a Deo*. Proinde quod sequitur, *Qui potestati resistit, Dei ordinationi resistit*; etsi principaliter pro te facit, non tamen singulariter. Denique idem ait: *Omnis anima potestatibus sublimioribus subdita sit* (Rom. xiii, 1, 2). Non ait, Sublimiori, tanquam in uno, sed sublimioribus, tanquam in multis. Non ergo tua sola potestas a Domino; sunt et mediocres, sunt et inferiores. Et quomodo quos Deus conjunxit, non sunt separandi (Matth. xix, 6): sic nec quos subjunxit, comparandi. Monstrum facis, si manui submovens, digitum facis pendere de capite, superiorem manui, brachio collateralem. Tale est si in Christi corpore membra aliter locas quam disposuit ipse. Nisi tu putas alium esse, qui posuit in Ecclesia quosdam quidem apostolos, quosdam autem prophetas, alios vero evangelistas, alios doctores et pastores, ad consummationem sanctorum, in opus ministerii, in ædificationem corporis Christi. Atque hoc corpus, quod tibi ipse Paulus suo vere apostolico figurans eloquio, et capiti convenientissime aptans, totum ex eo compactum perhibet, et connexum per omnem juncturam subministrationis, secundum operationem **D** in mensuram uniuscujusque membri, augmentum corporis faciens in ædificationem sui, in charitate (Ephes. iv, 11, 12, 16). Nec vilem reputes formam hanc, quia in terris est: exemplar habet e cælo. Neque enim Filius potest facere quidquam, nisi quæ viderit Patrem facientem (Joan. v, 19); præsertim cum ei sub Moysi nomine dictum sit: *Vide omnia facias secundum exemplar quod tibi in monte monstratum est* (Exod. xxv, 40).

18. Viderat hoc qui dicebat: *Vidi civitatem sanctam, Jerusalem novam, descendentem de cælo, a Deo paratam* (Apoc. xxi, 2). Ego enim propter similitudinem imperito invecum ex parabola Evangelii de centum ovibus, Lucæ xv.



tudinem dictum reor, quod sicut illic Seraphim et Cherubim, ac ceteri quique usque ad Angelos et Archangelos, ordinantur sub uno capite Deo; ita hic quoque sub uno summo Pontifice primates vel patriarchæ, archiepiscopi, episcopi, presbyteri, vel abbates, et reliqui in hunc modum. Non est parvi pendendum quod et Deum habet auctorem, et de cælo ducit originem. Quod si dicat episcopus, Nolo esse sub archiepiscopo; aut abbas, Nolo obedire episcopo: hoc de cælo non est. Nisi tu forte Angelorum quempiam dicentem audisti, Nolo sub Archangelis esse: aut ex alio quolibet inferiorum ordinum aliquem non ferentem subesse cuiquam, nisi Deo. Quid, inquis? prohibes dispensare? Non, sed dissipare. Non sum tam rudis, ut ignorem positos vos dispensatores, sed in ædificationem, non in destructionem (II Cor. xiii. 10). Denique quaeritur inter dispensatores, ut fidelis quis inveniatur (I Cor. iv. 2). Ubi necessitas urget, excusabilis dispensatio est: ubi utilitas provocat, dispensatio laudabilis est (59). Utilitas, dico, communis, non propria (40). Nam cum nil horum est, non plane fidelis dispensatio, sed crudelis dissipatio est. Nonnulla tamen monasteria, sita in diversis episcopatibus, quod specialius pertinuerint ab ipsa sui fundatione ad Sedem apostolicam pro voluntate fundatorum, quis nesciat? Sed aliud est quod largitur devotio, aliud quod molitur ambitio impatiens subjectionis. Et hæc dicta de his.

#### 434 CAPUT V.

*Summo Pontifici incumbere curam de apostolicis decretis, et majorum institutis per totum orbem servandis.*

19. Superest ut generaliter super universum Ecclesiæ statum intendat consideratio tua: si plebes clericis, si clerici sacerdotibus, si sacerdotes Deo in ea, qua oportet, humilitate subjecti sint; si in monasteriis et religiosis locis servetur ordo, vigilet disciplina; si super prava opera et dogmata censura ecclesiastica vigeat; si floreat vineæ honestate et sanctimonia sacerdotum? si flores fructus parturiant, obedientiam [al., obedientia] fidelium

(59) Notanda Bernardi in materia dispensationum sententia: nempe ut nonnisi necessitate urgente, et communi utilitate suadente dispensetur. Jam vereor sæpius dispensari, ubi necessitas et utilitas vel non est, vel tantum privata est. Quid autem hic est dispensare sensu Bernardi, nisi dissipare? Et his merito illa ejusdem S. Patris verba ingerimur: « Quid tibi frustra quispiam blanditur de absolute apostolica, cujus conscientiam divina ligatam tenet sententia? » epistola 1, ad Robertum. Item illa: « Quod et vos quoque non immerito timentes, nec satis de propria causa confidentes, remoras ac remordentes conscientias apostolica conati estis delinire sententia. O frivolum satis remedium! quod non est aliud, nisi more Protoplastorum cauteriatis conscientias texere perizomata, videlicet ad velamentum, non medicamentum. Apostolicam, inquit, licentiam quaesivimus, impetravimus. Utinam non licentiam quaesivissetis, sed concilium, id est, non ut liceret, sed an liceret, etc. » Ita Bernardus epist. 7, ubi notatque dignissima circa dispensationes, a n. 7, usque ad n. 10.

A populorum; si demum vestra ipsorum apostolica mandata et instituta ea, qua dignum est, sollicitudine observentur, ne quid in agro Domini tui aut neglectu incultum, aut fraude subreptum inveniatur. Posse inveniri ne dubites. Mihi in promptu est (ut multa et innumera prætermittam, quæ passim neglecta jacent) nonnulla etiam ex his quæ plantavit dextera tua, convulsa monstrare. Nonne os tuum in Remensi concilio subjecta capitula promulgavit? Quis ea tenet? quis tenuit. Falleris si teneri putas. Si non putas, ipse peccasti, aut statuens quæ non tenerentur, aut quod non teneretur dissimulans. « Præcipimus, » aisti, ut tam episcopi quam clerici, neque in superfluitate, seu inhonesta varietate colorum, aut fissura vestium, neque in tonsura, intuentium (quorum forma et exemplum esse debent) offendant aspectum; sed potius ita in suis actibus errata condemnent, et amore innocentie conversatione demonstrent, sicut dignitas exigit ordinis clericorum. Quod si moniti ab episcopis suis intra quadraginta dies non obtemperaverint, ecclesiasticis beneficiis eorumdem pontificum auctoritate priventur. Episcopi vero, si præfixam [al. præfatam] penam irrogare neglexerint, quia inferiorum culpæ ad nullos magis referendæ sunt quam ad desides negligentesque rectores; tandiu ab officio pontificali abstineant, donec penam a nobis constitutam clericis sibi subjectis imponant (Can. 2). Illud etiam duximus annectendum, ut nullus in archidiaconum vel decanum, nisi diaconus et presbyter ordinetur. Archidiaconi vero, decani et præpositi, qui infra Ordines prænominatos sunt, si inobedientes ordinari contempserint, honore suscepto priventur. Prohibemus autem ne adolescentibus, vel infra sacros Ordines constitutis, sed qui prudentia et vitæ merito clarescunt, prædicti concedantur honores (Can. 9).

20. Verba tua hæc: tu sanxisti. Quid effectui mancipatum? Adhuc adolescentes, adhuc qui infra sacros Ordines sunt, in Ecclesia promoventur. Quod ad primum capitulum pertinet; luxur vestium interdictus (41), sed non restrictus; poena dictata, sed minime secuta est. Jam quartus annus est, ex quo

Joannes Saresberiensis, in Polycratici libro 4, cap. 7: « Nec tamen dispensationem legis subtraham manibus potestatum: sed perpetuam præceptionem, aut prohibitionem habentia, libito eorum nequaquam arbitror supponenda. In his itaque duntaxat quæ mobilia sunt, dispensatio verborum admittitur: ita tamen ut compensatione honestatis aut utilitatis mens legis integra conservetur. » Legis apud eundem libri 7 caput 17.

(40) Vossius in margine notat, non tua; quasi propria referendum sit ad Pontificem, non ad eum cui conceditur dispensatio.

(41) Ævo Bernardi luxur et molliem vestium inter clericos eo magis, et pene impune grassatam censent plerique, quod e prima nobilitate tunc plures in clerum adlecti, et jampridem elegantiae assueti, agre se ad modestiam et frugalitatem sacro statu dignam componerent: quin et hoc modo pristinum splendorem et stemmatis excellentiam peculiari vestium cultu tueri vellent, ne forte e plebe instar cæterorum viderentur assumpti. Sed quis

datum mandatum audivimus, et neminem adhuc clericorum privatum beneficio, neminem episcoporum suspensum ab officio luximus. At luctu amarissimo dignum quod secutum est. Quod hoc? Impunitas incuriæ soboles, insolentiæ mater, radix impudentiæ, transgressionum nutrix. Et beatus, si omni satagas cura malorum omnium primam parentem cavere incuriam. Sed ad hoc tu operam dabis. Et tunc leva oculos tuos, et vide si non æque, ut prius, pellicula discolor sacrum Ordinem decolorat; si non æque, ut prius, fissura enormis pene inguina nudat (42). Solent dicere: Num de vestibus cura est Deo et non magis de moribus? At forma hæc vestium, deformitatis mentium et morum indicium est. Quid sibi vult quod clerici aliud esse, aliud videri volunt? Id quidem minus castum, minusque sincerum. Nempe habitu milites, quæstu clericos, actu

neutrum exhibent. Nam neque pugnant ut milites, neque ut clerici evangelizant. Cujus ordinis sunt? Cum utriusque esse cupiunt, utrumque deserunt, utrumque confundunt. *Unusquisque*, inquit, *in suo ordine resurget* (I Cor. xv, 23). Isti in quo? An qui sine ordine peccaverunt, sine ordine peribunt? Aut si summe sapiens Deus veraciter creditur, a summo usque deorsum nihil inordinatum relinquere; vereor istos non alibi ordinandos, quam ubi nullus ordo, sed sempiternus horror inhabitat. O miserandam sponsum, talibus creditam paronymphis! qui assignata cultui ejus, proprio retinere quæstui non verentur. Non amici profecto sponsi, sed æmuli sunt. Et de his satis quæ sub te sunt, etsi non ad materiæ copiam, quæ est multa nimis; certe ad id quod proposui ego. Visenda jam quæ circa te sunt, sed ad ea ostium nobis quartus liber aperiet.

## LIBER QUARTUS.

### 435 CAPUT PRIMUM.

*Tractat de iis quæ circa ipsum sunt.*

1. Si mihi plenius innotuisset, amantissime Eugeni, priora qualiter acceptaris, secundum hoc vel silentius in reliquum processissem, vel cautius, aut certe subtilissem omnino. Nunc vero quia ob locorum distantiam id minime datur, non mireris si prodiit exillor sermo anceps, verecunde, fateor, ad medium veniens. Primis itaque considerationis partibus libris prioribus pertractatis, in manibus est de his addere, quæ circa te sunt. Et ipsa quidem sub te, sed quod propiora, eo importuniora tibi. Nempe coram posita incuriam non admittunt, non dissimulationem, non oblivionem. Vehementius urgent, turbulentius irruunt: verendum ne obruant. Circa ejusmodi quam sobria et intenta consideratione opus sit, proprio te experimento edoctum satis non ambigo. Alioquin si non cauta opportunaque inter-

veniat consideratio, occupatio continuabitur, et vexationis non erit modus, et sollicitudinis non erit finis. Non tempus vacuum, non liberum cor: plus laboris, et minus utilitatis. Dico autem, instantia illa tua quotidiana, ab urbe, a curia, a domestica ecclesia tua. Hæc, inquam, circa te sunt, clerus et populus tuus, cui specialiter episcoparis, ac per hoc specialis curæ teneris debitor. Hi quoque qui tibi quotidie assistunt seniores populi, orbis iudices; et qui item de domo et mensa tua sunt, capellani, cubicularii, ministri quique diversis deputati officiis in obsequium tui. Hi te familiariter visitant, frequentius pulsant, molestiusque sollicitant. Hi sunt qui non verentur suscitare dilectam, et antequam ipsa velit.

### CAPUT II.

*De cleri et populi Romani moribus agit (43), et de veterum Pastorum cura ac vigilantia.*

2. Et primo quidem clerum illum ordinatissimum

prudens hoc in iis studium probet? Nam una cum statu et vite genere mores habitumque mutari par erat; vel certe ita statuere secum, præcipuum hominis Deo sacrati decus et ornamentum esse virtutem, modestiam, pietatem. Sed quia hic fere depravata plurimorum errabat opinio, sanctis et religiosis viris semper curæ fuit, vomitum illam in communem perniciem in dies magis magisque tumescentem acriori stilo pungere. Accesserunt et diversorum Ecclesiæ præsulum, nec non conciliorum decreta, ad reprimendum luxum vestium edita, quæ tamen S. Bernardus non observari dolet ac queritur. Vide infra Tract. de morib. et off. episc. contra luxum vestium in cler., etc., cap. 2.

(42) Sacris decretis severe cavetur, ne clerici vestes ferant virgatas, partitas, scacatas. Majores nostri vocabant *fractilatas* vestes et pomposas. Vide Chron. Vuindesheimense lib. II, cap. 47, quæ videntur concise fuisse vestes, latissimis rimis et hiantibus, quales videntur in Gallorum thoracibus æstivo tempore: quibus liebat, ut seminudi esse viderentur: et, ut cum Petro Chrysologo loquar, *artificiosa nuditate vestiti*, Serm. 122. Id S. Bernardus

*fissuram enormem* appellat, quæ pene inguina nudet, eo quod olim non thoraces modo haberent ea ratione fenestratos et hiantes, verum etiam et femoralia late fissa, ut ex antiquis picturis constat. Quare cum clerici extra chorum longiorem vestem possuissent, in omnium oculos incurrebat illa amictus turpitudine, quæ modestorum oculos animosque offenderet. Ita fere Cresoll. in Mystag. lib. IV, cap. 13, sect. 5. Ubi etiam addit morbum illum dire in Germania grassatum, sed et a præsulibus magna vigilantia laboratum, ne licentius latiusque serperet. Et quidem deinceps diversos Colonienses Præsules adducit: qui pastoralis cura et censura invalescentem abusum reprimere studuerunt. Tales fuerunt Conradus anno 1260, Walramus anno 1337, Willelmus anno 1353 et 1360, qui inter alia sic ait: *Monemus universos et singulos clericos, ne de cætero vestes partitas, virgatas, taliatas, scacatas, etc., aut omnino rubeas, aut omnino virides, aut glaucas, aut botanatas, vel nodatas, etc. deferant.* Omitto cæteros.

(43) Vide Baron. ad an. 1144, n. 3, et 1145, n. 3 et 7, et an. 1152, n. 1, 2.

esse decet, ex quo præcipue in omnem Ecclesiam A quod constat non modo aliquando factum, sed aliquandiu factitatum? Quid illud ait dicam, et non proderit. Cur? Quia non placebit satrapis, plus majestati quam veritati faventibus. Fuerunt ante te qui se totos ovibus pascendis exponerent, pastoris opere et nomine gloriantes, nihil sibi reputantes indignum, nisi quod saluti ovium obviare putarent, non quærentes quæ sua sunt, sed impendentes. Impendere curam, impendere substantiam, impendere et se ipsos. Unde unus illorum: *Et ego, ait, superimpendar pro animabus vestris (II Cor. xii, 15)*. Et tanquam dicerent, Non venimus ministrari, sed ministrare; ponebant, quoties oportuisset, sine sumptu Evangelium. Unus erat de subditis quæstus, una pompa, unaque voluptas, si quo modo eos possent parare Domino plebem perfectam. Id omnimodis satagebant, etiam in multa contritione cordis et corporis, in labore et ærumna, in fame et siti, in frigore et nuditate.

*Non est in medico semper relevetur ut arger*

(Ovid. 4 de Ponto, eleg. 10.)

At melius propono de tuis tibi. Paulus loquitur: *Plus omnibus laboravi (I Cor. xv, 10)*. Non ait, Plus omnibus profui, aut, Plus omnibus fructificavi, verbum insolens religiosissime vitans. Alias autem noverat homo **436** quem docuit Deus, quia unusquisque secundum suum laborem accipiet (*I Cor. iii, 8*), non secundum proventum. Et ob hoc in laboribus potius quam in profectibus gloriamdum putavit, sicut alibi quoque habes ipsum dicentem: *In laboribus plurimis (II Cor. xi, 23)*. Ita, quæso, fac tu quod tuum est: nam Deus quod suum est satis absque tua sollicitudine et anxietate curabit. Planta, riga, fer curam; et tuas explicuisti [*al.* explevistis] partes. Sane incrementum, ubi voluerit, dabit Deus, non tu. Ubi forte noluerit, tibi deperit nihil, dicente Scriptura: *Reddet Deus mercedem laborum sanctorum suorum (Sap. x, 17)*. Securus labor, quem nullus valet evacuare defectus. Et hoc dixerim absque præjudicio divinæ potentiae et bonitatis. Scio induratum cor populi hujus: sed potens est Deus de lapidibus istis suscitare filios Abraham. Quis scit si revertatur et ignoreat, convertat et sanet eos? Sed non est propositi mei dictare Deo quid facere debeat: tibi utinam possim, quæ oportet et prout oportet, suadere.

3. At locus dubius, et scrupulosa incidit disputatio. Nam ubi adoriar dicere quod sentio? Video satis quid imminet. Clamabitur insuetum; nam justum negari non poterit. Ego vero ne insuetum quidem assenserim. Nempe assuetum fuisse scio, ac per hoc in dissuetum potuisse venire: sed non redire in insuetum. An vero assuetum quis neget,

4. Ubi nunc, quæso, consuetudo hæc? Subiit dissimilis valde; longe in aliud mutata sunt studia, et utinam non in pejor. Cura tamen et anxietas, et æmulatio, et sollicitudo, fateor, perseverant. Translata hæc, non immixta. Testimonium vobis perhibeo, quod nec substantiæ parcitis, non magis quam ante. Diversa autem locatio dissimilitudinem facit. Magna abusio! pauci ad os legislatoris, ad manus omnes respiciunt. Non immerito tamen. Omne papale negotium illæ [*al.* illi] agunt. Quem dabis mihi de tota maxima urbe, qui te in Papam receperit, pretio seu spe pretii non interveniente? et tunc potissimum volunt dominari, cum professi fuerint servitutem. Fideles se spondent, ut opportunius fidentibus noceant. Ex hoc non erit consilium tibi a quo se arcendos putent, non secretum quo se non ingerant. Si stante pro foribus quoquam illorum, moram vel modicam fecerit ostiarius; ego tunc pro illo esse nolo [*al.* noluerim]. Et nunc experire paucis, noverimne et ego vel aliquatenus mores gentis. Ante omnia sapientes sunt ut faciant mala, bonum autem facere nesciunt. Hi invisi terræ et cœlo: **437** utrique (44) iniecerunt manus, impii in Deum, temerarii in sancta, seditiosi in invicem, æmuli in vicinos, inhumani in extraneos: quos neminem amantes amat nemo; et cum timeri affectant ab omnibus, omnes timeant necesse est. Hi sunt qui subesse non sustinent, præesse non norunt; superioribus infideles, inferioribus importabiles. Hi invecundi ad petendum, ad negandum frontosi (45). Hi importuni ut accipiant, inquieti donec accipiant, ingrati ubi acceperint. Doceuerunt linguam suam grandia loqui, cum operentur exigua. Largissimi promissores, et parcissimi exhibitores: blandissimi adulescentes, et mordacissimi detractores: simplicissimi dissimulatores, et malignissimi prodi-

(44) Id est, terræ et cœlo, quod mox explicat. Hi motus contingere incettore Arnaldo, qui Romanis auctor fuit, ut Romæ antiquum Reip. statum restituere molirentur, unica Sacrorum cura Pontifici

relicta. Hæc fuisse in epistola 243, et apud Baronium anno 1151.

(45) Sic in epistola 198, *frontosus ad verecundiam*, n. 1.



iores. Excurrimus usque huc, plenius te atque expressius admonendum putantes horum quæ circa te sunt in hac parte.

5. Jam ad ordinem recurramus. Quale est, quod de spoliis ecclesiarum emuntur [al. emunt], qui dicunt tibi, Euge, euge? Pauperum vita in plateis divitum seminatur. Argentum micat in luto : accurritur undique, tollit illud non pauperior, sed fortior, aut qui forte citius præcucurrit. A te tamen non iste, vel potius mors ista non cæpit; in te utinam desinat. Sed reliqua prosequamur. Inter hæc tu pastor procedis deauratus, tam multa circumducta varietate. Oves quid capiunt? Si auderem dicere; dæmonum magis, quam ovium pascua hæc. Scilicet sic facitabat Petrus, sic Paulus ludebat? Vides omnem ecclesiasticum zelum fervere sola pro dignitate tuenda. Honori totum datur, sanctitati nihil, aut parum. Si causa requirente paulo submissius agere, ac socialius te habere tentaveris? Absit? inquirunt, non deest (46), tempori non congruit, majestati non convenit; quam geras personam attendito. De placito Dei ultima mentio est; pro factura salutis nulla cunctatio: nisi quod sublime est, hoc salutare ducamus; et quod gloriam redolet, id justum. Ita omne humile probro ducitur inter palatinos, ut facilius qui esse, quam qui apparere humilis velit, invenias. Timor Domini simplicitas reputatur, ne dicam fatuitas. Virum circumspicuum et amicam propriæ conscientie calumniantur hypocritam. Porro amatorem quietis, et sibi interdum vacantem, inutilem dicunt.

### CAPUT III.

*De vestium pompa reseranda, et zelo Pontifici necessario.*

6. Quid ergo tu? evigilansne adhuc ad istos, qui circumdederunt te laqueis mortis? Quæso, sustine paulisper, et supporta me. Imo da veniam, non tam temere, quam timide hæc loquenti. Æmulor te æmulatione bona, et utinam quam vehementi, tam utili. Scio ubi habitas; increduli et subversores sunt tecum. Lupi, non oves sunt: talium tamen tu pastor. Utilis

(46) Vide unde corruptela Principum ac Prælatorum: nempe a malis consiliariis et familiaribus. Utpote qui tantum norunt blanda suggerere, ac non nisi placencia loqui. Hinc eleganter Seneca: *Mons-trabo tibi, inquit, cujus rei inopia laborent magna fastigia, quid omnia possidentibus desit, scilicet ille qui verum dicat.... Non vides quemadmodum illos in præceptis agat extincta libertas, et fides in obsequium servile submissa, dum nemo ex animi sui sententia suadet, dissuadetque, sed adulandi certamen est, et unum amicorum omnium officium, una contentio, quis blandissime fallat?* (Lib. vi De benef., cap. 50.)

Hinc S. Ambrosius, quamvis Theodosii imperatoris acre ingenium, et vehementem impetum nosset, minus tamen hinc quam a familiarium suorum consiliis metuebat. Ideo imperatori scribens epistolam 28, id ab ipso enixius postulat, ut animi sui motus, quamvis acres et vividos, sibiomet potius, quam aliis regendos committat. Utinam, inquit, si nemo mitigat, nullus accendat! Libenter cum natura impetum committo tibi: ipse te revocas, et pietatis studio vincis impetum naturæ. Et recte quidem: quod quamvis a vehementi Principis ingenio non posset non timeri, plus tamen ab improbis familiaribus metuendum

A consideratio, qua forte inveneris, quomodo, si fieri possit, convertas eos, ne ipsi subvertant te. Quid diffidimus posse reverti in oves, e quibus verti in lupos potuerunt? Hic, hic, non parco tibi, ut pareat Deus. Pastorem te populo huic certe aut nega, aut exhibe. Non negabis: ne cujus sedem tenes, te neget hæredem. Petrus hic est, qui nescitur processisse aliquando vel gemmis ornatus, vel sericis; non tectus auro, non vectus equo albo (47), nec stipatus milite, nec circumstrepentibus septus ministris. Absque his tamen credidit satis posse impleri salutare mandatum: *Si amas me, pascere oves meas* (Joan. xxi, 15). In his successisti, non Petro, 438 sed Constantino. Consulo toleranda pro tempore, non affectanda pro debito. Ad ea te potius incito, quorum te scio debitorem. Etsi purpuratus (48), etsi deauratus incedens, non est tamen quod horreas operam curamve pastorem, Pastoris hæres: non est quod erubescas Evangelium. Quamquam si volens evangelizes, inter Apostolos quidem etiam gloria est tibi. Evangelizare pascere est. Fac opus evangelistæ, et pastoris opus implesti.

7. Dracones, inquis, me mones pascere, et scorpiones, non oves. Propter hoc, inquam, magis aggredere eos, sed verbo, non ferro. Quid tu denuo usurpare gladium tentes, quem semel jussus es reponere in vaginam? Quem tamen qui tuum negat, non satis mihi videtur attendere verbum Domini dicentis sic: *Convertite gladium tuum in vaginam* (Joan. xviii, 11). Tuus ergo et ipse, tuo forsitan nutu, etsi non tua manu evaginandus. Alioquin si nullo modo ad te pertineret et is, dicentibus Apostolis, *Ecce gladii duo hic*; non respondisset Dominus, *Satis est* (Luc. xxii, 38); sed, Nimis est. Uterque ergo Ecclesiæ et spiritualis scilicet gladius, et materialis; sed is quidem pro Ecclesia, ille vero et ab Ecclesia exserendus: ille sacerdotis, is militis manu, sed sane ad nutum sacerdotis, et jussum imperatoris (49). Et de hoc alias. Nunc vero arripe, qui tibi ad feriendum creditus est; et vulnera ad salutem, si

esset. Ambrosii voto fidem faciunt, quæ de Theodosii imperio olim florentissimo, leguntur apud Baronium, tom. vi. An. Christi 446. Ita plane Theodosii imperium pro arbitrio aulicorum, non pro ratione consilii administratum interiit, tanta moles corrui. Hoc ergo restat, ut Principes accurate dispiciant, quos in numerum familiarium adlegant. Audiant, imo spectent et sequantur Davidis exemplum. Ecce, dictum et factum ejus egregium et vere regium: *Non habitabit in medio domus meæ, qui facit superbiam: qui loquitur iniqua, non direxit in conspectu oculorum meorum* (Psal. c).

(47) Observa morem tunc fuisse, ut Pontifex equo albo veheretur, quod etiam probat Sugerius in libro de Vita Ludovici Grossi, pag. 318.

(48) Petrus Damiani Pontifici « rubram cappam » tribuit in lib. 1, epistola 20. Adrianus IV, apud Joannem Saresberiensem in Polycratici lib. viii, cap. 25, ait, « coronam et phrygium » (quod alio nomine « regnum » vocatur) « clara merito videri, quia ignea sunt. » Vide infra n. 5, et lib. ii, n. 18.

(49) Idem verbis paulo immutatis de duplici gladio habet in epistola 256. Joannes Saresberienensis in Polycratici lib. iv, cap. 3: « Hunc ergo gladium de

non omnes, si non vel multos, certe quos possis. A

8. Non sum, inquis, melior quam patres mei. Quem illorum domus exasperans, non dico, audivit, sed non irrisit? Ideo tu insiste magis, si forte audiant, et quiescant: insiste et resistentibus. Dicendo hæc, forte nimis dicar. Num nostra illa vox: *Insta opportune, importune?* (II Tim. iv. 2.) Hunc, si audes, nimium appellato. Prophetæ præcipitur: *Clama, ne cesses.* Ad quos, nisi ad sceleratos et peccatores? *Annuntia, inquit, populo meo scelera eorum, et domui Jacob peccata eorum* (Isai. LVIII, 1). Prudenter adverte et sceleratos perhiberi, et populum Domini. Puta de his idem. Etsi scelerati, etsi iniqui, vide ne audias: *Quod uni ex minimis meis non fecisti, nec mihi fecisti* (Matth. xxv, 45). Fateor populum istum exstitisse usque adhuc dura fronte, et indomito corde; sed utrumne etiam indomabili, nescio unde liquido scire possis. Potest fore, quod necdum fuit. Si diffidis tu; sed apud Deum non erit impossibile omne verbum (Luc. i, 37). Si dura fronte sunt, durato et tu e contra tuam. Nil tam durum, quod duriori non cedat. Dominus ad prophetam: *Dedi frontem tuam duriorē frontibus eorum* (Ezech. iii, 8). Unum est quod te absolvit, si egisti cum populo illo, ut possis dicere: Popule meus, quid tibi debui facere, et non feci? Si sic fecisti, nec profecisti; est demum quod facias, et quod dicas: exi de Hur Chaldæorum, et dicit, Quia oportet me et aliis civitatibus evangelizare (Luc. iv, 43). Puto nec poenitebit exsilii, orbe pro urbe commutato.

*manu Ecclesiæ accipit princeps, cum ipsa tamen gladium sanguinis non habeat. Habet tamen et istum: se i eo utitur per principis manum.* Confer caput 2 libri ad Milites Templi.

Docet. S. Bernardus utrumque gladium competere Ecclesiæ, et spirituale scilicet et materiale. Sed illum ab Ecclesiâ, hunc pro Ecclesiâ exerendum; illum sacerdotis manu, hunc ejus nutu, sed manu militis, et ad jussu imperatoris. His verbis utuntur longa serie Politici (ut Sectarios sileam) immo Theologi plures et Canonistæ, qui olim (forte etiam hodie), Imperatoribus et principibus contra Pontificem armatis navarunt operam: et cum alibi ferro decertaretur, illi non minus calamo rem egerunt. Contendunt illi non competere Pontifici gladium materiale, sed ut supremum caput Ecclesiæ, posse Imperatorem, utpote dignius et potentius Ecclesiæ membrum, simili ratione alios Principes, ad hoc requirere, ut arma commodet Ecclesiæ, eamque contra hostes defendat, non vero propria auctoritate posse movere bellum. Et ad hoc nituntur præsentī loco Bernardi, ut qui velit non manu, sed nutu tantum pontificis, jussuque Imperatoris temporalem gladium exeri. Similia proferunt ejusdem verba ex epistola, 256. ad eundem Eugenium: *Exserendus, inquit, nunc uterque gladius, Christo denuo patiente, ubi et altera vice passus est. Per quem autem nisi per vos? Petri uterque est, alter suo nutu, alter sua manu, quoties necesse est evaginandus. De quo enim minus videbatur, ad Petrum dictum est: RECONDE GLADIUM TUUM. Suus ergo erat, sed non sua nutu manu educendus, etc.* Sed vide Gloss. in cap. *Unam sanctam*, ubi præsens Bernardi locus commode explicatur. Vide etiam epistolam Gregorii IX ex editione Vossii de duplici gladio pontificis, et usu utriusque ex professo tractantem. Item Petrum Damiani lib. iv, epist. 6, ubi gladium materiale non

## CAPUT IV.

*Quales collaterales et coadjutores a Pontifice adhibendi: ubi de virtutibus prælatorum.*

9. Veniamus ad collaterales (50) et coadjutores tuos. Hi seduli tibi, hi intimi sunt. Quamobrem si boni sunt, tibi potissimum sunt: si mali, æque plus tibi. Ne te dixeris sanum, dolentem latera: hoc est, ne te dixeris bonum, malis innitentem. Aut si bonus sis, bonitas tui solius quem fructum asferre potest? sicut in superiore libro dixisse me memini (Lib. 3, n. 9). Quid, inquam, emolumenti affert Ecclesiis Dei tua unus hominis 439 justitia, ubi sententia prævalet aliter affectorum? Sed nec tuta tibi tua obsessa malis, non magis quam sanitas vicino serpente. Non est quo te subducas malo intestino. Et e regione, bonum domesticum eo amplius, quo sæpius juvat. Sed sive levent, sive gravent, cui rectius imputandum quam tibi, qui tales aut elegisti, aut admisisti? Non de omnibus dico: nam sunt quos non elegisti, sed ipsi te. At potestatem non habent, nisi quam tu eis aut tribueris, aut permiseris. Ad idem ergo revertimur. Tibi imputa quidquid patieris ab eo qui sine te potest facere nihil. His exceptis, de cætero non inconsiderate, ut vides, eligendi quique seu colligendi sunt in opus ministerii hujus. Tuum est undecumque evocare et adsciscere tibi, exemplo Moysi, senes (Num. xi, 16), non juvenes; sed senes non tam ætate quam moribus, quos tu nosti, quia senes populi sunt. An non eligendi de toto orbe, orbem judicaturi? (51) Sane huic negotio non se ingerat rogans.

videtur permittere Ecclesiæ: sed adnotatione sat proluxa, antidoton auctor nescio quis (forte ipse qui edidit, Constantinus Cajetanus) adhibet. Item lege Baron. an. 1053. Sed videat omnino lector Sixtum Senens. virum doctiss. ex ord. Prædic. lib. vi Bibliot. sanctæ, adnot. 72, ubi proluxe Bernardi verba explicat; eaque a sinistris interpretationibus Calvinii Ferialiorumque vindicat. Sufficit lectori hæc indicasse nec enim vacat ista nunc proluxius discutere, cum has notas videam præter mentem exrescere.

(50) Joannes Saresberiensis in lib. v, cap. 10, agit de lateribus potestatum, his scilicet qui principibus debent assistere.

(51) De electione cardinalium utilissime hic monet et instruit pontificem, et vult illos, non ex una gente vel natione, sed de toto mundo eligi. Idem statuit concil. Basil., sess. 23, et postremo iisdem verbis Trident. sess. 24, cap. 2, *De reform. Quos* (cardinales) inquit, *sanctiss. Romanus pontifex ex omnibus Christianitatis nationibus, quantum commode fieri poterit, prout idoneos repererit assumet.* Ratio in primis est, quia in cognoscendis causis, et rebus per omnem Ecclesiam emergentibus, statuque omnium gentium explorando necessarium est. Neque enim graves in gubernatione committuntur errores quam ignorance status reip. At vix fieri potest, ut exteri omnia perspecta habeant, aut ita, ut par est, cordi illis sint, quæ ad alias gentes instruendas, conciliandas, regendasque pertinent. Deinde, quia cum omnium gentium principibus, rebuspub. regibus agendum est, expedit in consilio esse omnium gentium optimates, quorum opera res et negotia feliciter tractentur. Denique, ne in consistorio et judicio Ecclesiæ, quod par est omnium esse sincerissimum, studia et æmulationes nationum sentiantur, dum natio aliqua se contemptam arbitrat adeoque sibi deesse fautores et patronos queritur

Consilio, non prece agendum est. Sunt quæ necessario a nobis rogantium aut extorquet importunitas, aut necessitas meretur. At istud in his quæ nostra sunt. Ubi autem non licet quod volo facere, quis locus roganti? Nisi forte qui me rogat, hoc rogat, ut quod vult, velle liceat mihi, et non magis ut velim (52). Alius pro alio, alius forte et pro se rogat. Pro quo rogaris, sit suspectus; qui ipse rogat pro se, jam iudicatus est. Nec interest, per se, an per alium quis roget. Clericum curiam frequentantem (53), qui non sit de curia, ad idem noris pertinere ambientium genus. Adulantem, et ad placitum ejusque loquentem, unum de rogantibus puta, etiamsi nihil rogaverit. Scorpionem non est in facie quod formides: sed pungit a cauda.

10. Si ad talium blanditias cor tuum, ut assolet, molliori senseris, memineris scriptum: *Omnis homo primum bonum vinum ponit; cum autem inebriati fuerint, tunc id quod deterius est* (Joan. II, 10). Pari pondere æstimaveris ejus humilitatem qui timet, et ejus qui sperat. Viri callidi et dolosi proprium esse solet tunc prætereundam humilitatem, cum aliquid obtinere voluerit: de quolibet dicit Scriptura: *Est qui se humiliat nequiter, et interiora ejus plena sunt dolo* (Eccli. XIX, 23). De vobis ipsis sume sententiæ hujus evidens ac familiare exemplum. Quantos quos supplices admisisti, postmodum sustinuit graves, insolentes, contumaces, rebelles? Quod quidem interius malum tegunt principia, posteriora produunt. Verbosulum adolescentem, et studentem eloquentiæ cum sapientiæ sit inanis,

(52) Horstio, ut non magis velim, sed mendose; et paulo ante, ut quod vult, hoc liceat mihi, apud Vossium.

(53) Clericos in curiis frequenter merito de ambitu suspectos, adeoque honoribus, quos ambiunt indignos, alii quoque Principes censuerunt. Ita Philippus II, rex Hisp. Clericum quemdam designarat episcopum; sed nix ut intellexit eum adesse in curia, revocavit collationem, laceratis quæ jam de super confectæ erant litteris. Vide Petrum Damiani et Petrum Blesens. adversus clericos curiales. Item c. Espenæum digress. in Epist. ad Tim. lib II, cap. 10. Sed hoc magis indignum, et minus ferendum, si qui præules et prælati neglecta residentia, et posthabitis ovibus, hæreant in curiis, præbeant se assecles regum ac procerum: et qui tales detinent sine causa, vel non remittunt ad suos, forte non erunt minus culpabiles. Hujus rei indignitatem considerans Gentianus Hervetus, scribens in Canon. concil. Chalcedon. ita loquitur: *Miserabile certe, miserabile boni omnes illud Romæ judicant spectaculum, cum cateræ cernantur episcoporum, qui malunt assectando Cardinales, se eorum servitio mancipare, quam in sua paræcia suum obeundo munus Christo servire. Quos certe (durior sententia) si summus pontifex flagellis, non ex Ecclesia, sed ab urbe Roma ad Ecclesiam suam expelleret, is mihi vicarii Christi officio rite fungi videretur.* Ita ille.

(54) Non nisi dignos assumi jubet: at digni solum qui agunt. Nam cur plurimi tam avide honores desiderant? nempe quia onera non considerant. Meditantibus quidem honores blandiuntur: at pensantibus onera, honori sunt atque formidini. Jam quis credat illos rite functuros obtentis honoribus, qui ne quidem eorum onera vel officia norunt, aut curant? At in sanctis viris semper observatum,

non aliud quam justitiæ hostem reputes. Pro hujusmodi falsis fratribus dicit tibi Magister: *Manus cito nemini imponeris* (I Tim. V, 22).

11. Excluso itaque universo hoc pestilenti genere hominum, curæ tibi maxime sit introducere tales, quos postmodum introduxisse non peniteat. Turpe est tibi sæpius retractare quod feceris, et iudicium tuum frequenter periclitari non decet. Diligenter proinde omne quod faciendum erit, tracta apud te, et cum his qui te diligunt. Tracta ante factum, quia post factum sera retractatio est. Sapientis consilium est: *Omnia fac cum consilio, et post factum non penitebis* (Eccli. XXXII, 24). Et hoc tibi persuade, qui admittendi sunt, difficile in curia posse probari: et ideo, si fieri potest, viros probatos oportere deligi, non probandos. Nos in monasteriis omnes recipimus spe meliorandi: at curia bonos facilius recipere, quam facere consuevit. Quod si plures in ea defecisse bonos, quam malos profecisse probavimus; querendi sane quibus nec defectus timeatur, nec profectus opietur, utpote jam perfectis.

12. Itaque non volentes, neque currentes assumito (54), sed eunctantes, sed reucentes: etiam coge illos, et ~~440~~ compelle intrare. In talibus, ut opinor, requiescet spiritus tuus, qui non sint attrite frontis, sed verecundi, sed timorati: qui præter Deum tantum timeant nihil, nihil sperent nisi a Deo. Qui adventantium non manus attendant, sed necessitates. Qui stent viriliter pro afflictis, et judicent in equitate pro mansuetis terræ. Qui sint compositi ad

invitos et coactos ad honores et dignitates pervenisse. Et tamen quo ægrius susceperunt impositas dignitates, eo dignius fideliusque gesserunt. Nimirum qui honorem fugiunt, non blandientem foris speciem, sed latentem intus aculeum respiciunt, hunc terribi abstinent, et fugiunt. Cum vero, etsi reluctantes, fugere nequeunt, quin se divine providentiæ et superiorum obedientiæ subjiciant, et humeros sarcinæ submittant: necessitas illis virtutis, laboris que fit calcar et stimulus: dum hoc sibi incumbere sentiunt, ut omnibus modis conentur se sascepto muneri præstare pares. Ita mox mittunt manum ad fortia, ad laborem se vocatos agnoscunt: ideoque non libet otiosi aut delictari, sed curant sic præesse ut prosint, et de commisso sibi talento quandoque respondere possint. Talis erat Heliodorus, quem Hieronymus sacerdotium recusantem commenuat. *Merebatur, inquit, negando, quod esse nolebat; eoque dignior erat, quo se clamabat indignum.* Talis quoque Papa Cornelius, quem laudat Cyprianus, non, et quidam, vim fecisse, ut episcopus fieret; sed vim passum, ut episcopatum acceptaret. Epist. 52. Saluberrime ergo sanxit Leo imperator sui annum Dom. 469, l. 31. c. *De episc. et cler. Non pretio, sed precibus ordinatur antistes. Tantum ab ambitu debet esse sepositus, ut quarratur cogendus, rogatus recedat, invitatus effugiat: sola illi suffragetur necessitas excusandi. Profecto enim indignus est sacerdotio, nisi fuerit ordinatus invitatus.* De cæteris qualitatibus eligendorum cardinalium vide concil. Lateran. sub Leone X, sess. 9, *De reform. cur...* Item c. *Bona*, de postul. Prela. c. *Exsecrabilis*, ext. de præb. Anon. Flor. 3, p. summ. Tit. 21, cap. 2, § 2. Hieron. Platum lib. singulari de statu cardin., cuius doctrina cæteris quoque prælati et ecclesiastici viris facile accommodari potest.



mores, probavi ad sanctimoniam, parati ad obedientiam, mansueti ad patientiam, subiecti ad disciplinam, rigidi ad censuram, catholici ad fidem, fideles ad dispensationem, concordēs ad pacem, conformes ad unitatem. Qui sint in iudicio recti, in consilio providi, in iubendo discreti, in disponendo industrii, in agendo strenui, in loquendo modesti, in adversitate securi, in prosperitate devoti, in zelo sobrii, in misericordia non remissi, in otio non otiosi, in hospitio non dissoluti, in convivio non effusi, in cura rei familiaris non anxii, alienæ non cupidi, suæ non prodigi, ubique et in omnibus circumspecti. Qui legatione pro Christo fungi, quoties opus erit, nec jussi renuant, nec non jussi affectent. Qui quod verecunde excusant, obstinati non recusant. Qui missi, post aurum non eant, sed Christum sequantur: qui quæstum legationem non æstiment, nec requirant datum, sed fructum. Qui regibus Joannem exhibeant, Ægyptiis Moysen, fornicantibus Phinees, Eliam idololatriis, Elisæum avaris, Petrum mentientibus, Paulum blasphemantibus, negotiantibus Christum. Qui vulgus non spernant, sed doceant: divites non palpent, sed terream: pauperes non gravent, sed foveant: minas principum non paveant, sed contemnant. Qui non cum turba intrent, nec cum ira exeant: qui ecclesias non spoliēt, sed emendent. Qui marsupia non exhauriant, sed corda reficiant et crimina corrigant; famæ provideant suæ, nec invideant alienæ. Qui orandi studium gerant, et usum habeant, ac de omni re orationi plus fident, quam suæ industriæ vel labori. Quorum ingressus pacificus, molestus (55) exitus sit: quorum sermo edificatio, quorum vita

A iustitia, quorum præsentia grata, quorum memoria in benedictione. Qui se amabiles præbeant, non verbo, sed opere: reverendos exhibeant, sed actu, non fastu. Qui humiles cum humilibus, et cum innocentibus innocentes; duos dure redarguant, malignantes coerceant, reddant retributionem superbis. Qui non de dote viduæ, (56) et patrimonio Crucifixi se vel suos ditare festinent, gratis dantes quod gratis acceperunt, gratis facientes iudicium injuriis patientibus, vindictam in nationibus, increpationes in populis. Qui de tuo denique spiritu, illorum instar septuaginta Moysi, accepisse cernantur (Num. xi, 16, 17), per quem sive absentes, sive præsentēs contendant placere tibi, placere Deo. Qui ad te redeant fatigati quidem, sed non suffarcinati: simul et gloriantes, non quod curiosa seu pretiosa quæque terrarum attulerint, sed quod reliquerint pacem regnis, legem barbaris, quietem monasteriis, ecclesiis ordinem, clericis disciplinam, Deo populum acceptabilem, sectatorem honorum operum.

## CAPUT V.

*Exemplis commendatur abstinentia munerum; et arrogantia ministrorum Papæ perstringitur.*

15. Dignum reor ad medium venire factum dulcis memoriæ Martini nostri (57). Nosti hoc; sed an memineris, ignoro. Is cardinalis presbyter, functus aliquando legatione in Dacia (58), tam pauper remeavit, ut pene expensis et equis deficientibus, vix perveniret Florentiam. Ibi episcopus loci donavit ei equum, quo Pisas usque, ubi eramus tunc, pervectus est. Postridie, credo, secutus episcopus (erat enim illi causa cum adversario, et agendi aderat dies) cœpit requirere suffragia amicorum. Cumque

(55) Sic mss. plerique. Quidam habent enim editis, non molestus. Sed alteram lectionem præferimus, id est quorum exitus tristitiam affert. Apud Vossium una lectio, modestus.

(56) Videnotas ad epist. 271., concil. Trident. sess. 25, cap. 1, De Reformat., ubi verba Bernardi pulchre confirmat. Canones Apost. can. 59 et can. 75. Concil. Antioch. c. 25. et Carthag. iv, cap. 13 et 31; Matiscen. cap. 13; Hisp. i, cap. 1. Videat, si cui libeat, Cornel. in Ezech. xlv, ubi occasione præcepti divini quo pontifex prohibetur lugere super mortuo, ne quidem patre et matre, hæc habet: *Hæc sacerdotes Veteris Testamenti, conjugis, filii familie illigati: quid jam faciant sacerdotes et episcopi Novi Testamenti, quos Deus cælibes et illiberos esse voluit, ut a curis terrenis ad cælestia mentem transferrent, eamque totam in Deo, bonisque æternis defigerent? Quare sapienter monet S. Basil. in Constit. monast. cap. 25: Sciens itaque intolerabile detrimentum huius erga cognatos affectus, fugiamus illorum curam, tanquam diabolicam ad nos impugnamum armaturam. Sed ecce, inquit doctor sapiens, hisce Satan invidens insidias ex latere ponit, dum cognatos pro filiis substituit, eosque curandos, et ex imo sensim ad summum opum et dignitatum gradus provehendo esse suggerit; in illis extollendam et perpetuandam esse familiam, in illis conservandum et celebrandum apud posteros nomen; ita nimirum.*

*Cum Factor rerum privaret semine clorum,*

*Ad Satanæ vultu successit turba nepotum.*

*Hæc est fraus, hic laqueus diaboli, hæc petra scandalin quam non pauci alias boni impingunt, ut ab*

*hoc cognatorum affectu se vinci et vinciri sinant, iisque opes et status jugi cura et studio sine fine accumulunt, etiam a bonis Ecclesiæ, cum animæ et salutis suæ suorumque gravi periculo. Gliscit enim, serpit et crescit hæc cupiditas instar ignis latentis, quo magis illi indulgetur, tandemque fit insaturabilis, et in immane evadit incendium. Ita sacerdotes, qui cælestes esse debebant, fiunt terreni, et summi fiunt imi: ita quos animo ex-celso omnia humana despiciere, illisque altiores esse, aliosque idipsum docere oportebat, ad ea conversi prolabantur, mentemque sublimem ad infima hæc deprimentur.*

O curæ in terras animæ, et cælestium inanes!

Quam hi a Christi et præcorum Patrum virtute degenerant! Vide hæc, et in similem sententiam plura apud Cornel. a Lapide in cap. 44. Ezech. v, 25.

(57) Is presbyter cardinalis ab Innocentio creatus anno 1150. Nostrium vocat Bernardus, non quod Clare-Vallensis fuerit, (neque enim inter prælatos inde assumptos ab Ernaldo numeratur in lib. ii Vitæ, num. 8), sed sive quod peculiaris Bernardi amicus fuerit, sive quod Gallus, seu quod ejusdem, id est Cisterciensis, institui. Quod tamen Manricus asserere non audet. Anno 1152. Hæc Martini in Daciam legatio ponitur. Hoc factum ex Bernardo Johannes Saresberiensis laudat in Polycratici lib. v, cap. 15 uti et sequens Gaufridi Carnotensis. Alia exempla ibidem cap. 16.

(58) Ita constanter editi et scripti; Dania legit Manricus.

per singulos sollicitarentur, ventum est ad Martinum. Fiducia erat major in illo, qui non posset immemor esse recentis beneficii. Tum Martinus: « Decepisti me, » inquit: « nesciebam tibi imminere negotium. Tolle equum tuum, ecce in stabulo est. » Et hora eadem resignavit illi. Quid dicis, mi Eugeni? Nonne alterius sæculi res est, redisse legatum de terra auri sine auro? transiisse per terram argenti, et argentum nescisse? donum insuper, quod poterat esse suspectum, illico rejecisse?

14. Sed o mihi locum suavem, nbi incidit occasio memorandi et nominandi suavisissimi odoris virum, episcopum loquor Carnotensem Ganfridum, qui legationem in partibus Aquitanie (59) propriis sumptibus strenue administravit, idque annos plures. Rem loquor quam vidi ipse. Eram cum eo in terra illa, cum a quodam presbytero presentatus illi est piscis, quem vulgo vocant sturgioem. Percunctatus legatus quanti venierit, « Non accipio, » inquit, « nisi receperis pretium. » Et resignavit solidos quinque invito et verecundo. Item cum essemus in quodam oppido, domina illius oppidi obtulit ei pro devotione cum manutergio duas vel tres paropsides pulchras, ligneas tamen: quas aliquandiu intuens homo scrupulose conscientie, laudavit eas, sed non acquievit accipere. Quando [al. quomodo] argenteas receperisset, qui ligneas refutavit? Non fuerunt qui possent legato dicere: *Ditavimus Abraham* (Gen. xiv, 25). Ipse vero cum Samuele libere concionabatur ad omnes: *Loquimini de me coram Domino et coram Christo ejus, utrum bovem cujuspiam tulerim aut asinum; si quempiam calumniatus sum, si oppressi aliquem, si de manu cujusquam munus accepi; et contemnam illud hodie, vobisque restituum* (I Reg. xii, 5). O si talium daretur virorum copia, quales perstrinximus nunc! Quid te felicius, quid illo jucundius sæculo? Nonne secunda ab æternitate illorum tibi temporum beatitudo videretur, cum te quaquaversum procedens, stipatum videres tam inclyto agmine beatorum?

15. Si te novi, hæres, et altum trahens suspirium [al. spiritum], tecum loqueris: Putas fore posse quod dicitur? Putas hic sumus, quousque hæc fiant? Quis det vivere, ut videre contingat? O si viderem in vita mea Ecclesiam Dei talibus innixam columnis! O si Domini mei sponsam cernerem tantæ commissam fidel, tantæ creditam puritati! Quid me beatius, quidve securius, cum ejusmodi circa me vitæ meæ et custodes spectarem simul et testes? Quibus omnia mea secreta secure committerem, communicarem consilia; quibus me totum refunderem, tanquam alteri mihi. Qui, si vellem aliquatenus deviare, non sinerent, frenarent præcipitem, dormitantem excita-

rent. Quorum me reverentia et libertas extollentem reprimeret, excedentem corrigeret: quorum me constantia et fortitudo nutantem firmaret, erigeret dissidentem: quorum me fides et sanctitas ad quæque sancta, ad quæque honesta, ad quæque pudica, ad quæque amabilia et bonæ famæ provocaret. Et nunc reduce oculos, mi Eugeni, ad eum qui nunc est curiæ si vix Ecclesiæ statum et studia prælatorum, eorum præsertim, qui sunt in circuitu tuo.

16. Sed de his hactenus. Ego palpavi, non foli parietem (60). Tibi licet fodere et videre, utpote prophetæ filio. Mihi progredi non est fas. Unum dico quod in facie est. Ridicule ministri vestri vestris se compresbyteris 442 anteferre conantur. Non hoc ratio habet, non antiquitas habuit, non consentit auctoritas. Et si de sua consuetudine calumnia struit, melius profecto illa, quam summus Ordo contemnitur. Frivolum tamen satis, unde maximo obtinere id volunt. Nos sumus, inquit, qui in omni celebritate domino Papæ conjunctiores assistimus, sedenti propiores assidemus, procedentem posteriores præcedimus (61). Hoc totum non dignitatis privilegium, sed sedulitatis debitum est, diaconi nomen solemnè ipsa administratione interpretans. Denique presbyteris ordinata consensione ambientibus majestatem, vos a pedes sedetis. Propiores assistitis, ut habeat paratiores. In evangiliis legimus, quia facta est contentio inter discipulos, quis eorum videretur esse major (Luc. xxii, 24). Beatus esses, si sic circa te cætera tenerentur.

#### CAPUT VII.

*Pontifici non convenire, utpote gravioribus intento, rei domesticæ curam; proindeque alteri potius æconomocommittendam*

17. Tædet jam curiæ: exiundum palatio; domi exspectant nos. Hi non modo circa, sed quodammodo intra te sunt. Non est supervacua consideratio, qua intendis disponere domui tuæ, providere his qui in sinu tuo et in gremio tuo sunt. Ego dico et necessarium. Paulum audi: *Si quis domui suæ præesse nescit, quomodo Ecclesiæ Dei diligentiam habebit?* (I Tim. iii, 5) item: *Si quis suorum et maxime domesticorum, curam non habet, fidem negavit et est infideli deterior* (Id. v, 8). Et hæc dicens, non te moneo summis occupata intendere infimis et quasi minutum fieri; minimis impendere quod maximis debes. Quid te intrices, unde te eripuit Deus? Hæc, inquit, omnia adjicientur vobis (Matth. vi, 33). Verumtamen et hæc oportet facere et illa non omittere. At illa per te agens, per te etiam oportet provideas, qui pro te de his provideant. Nam si unus e servis per se non sufficit simul et custodiæ jumentorum, et curæ mensarum: tu per te quomodo in-

omnia et perscrutari quæ vitia deformant Ecclesiam.

(61) Ita scripti nunc locum restituunt et recte: cum Romano more servi dominum præcedant, digniores posteriori ordine. In editis legebatur, *priores sequimur procedentem*.

(59) De hac legatione in Aquitaniam contra Henricianos lege lib. ii de Vita Bernardi, cap. 6 et lib. iii, cap. 6. Bernardi varias ad Ganfridum istum epistolæ habes in tomo primo.

(60) Proverbialis locutio, petita ex Ezechiele viii; quasi diceret: Ego leviter tantum et obiter et summis quasi digitis rem tetigi; tuum est altius rimari

tendere valeas et tuæ domui, et Domini pariter? **A** Quid episcopo turpius, quam incumbere suppellectili et substantiæ suæ: scrutari omnia, sciscitari de singulis, morderi suspicionibus, moveri ad quæque perdita vel neglecta? Ad verecundiam dico quorundam ejusmodi, scrutantium quotidie omnem substantiam suam, numerantium singula, de minutis et quadrantibus exigentium rationem. Non ita ille Ægyptius, qui Joseph omnibus traditis, ignorabat quid haberet in domo sua (*Gen. xxxix, 4, 6*). Erubescat christianus, christiano sua non credens. Homo sine fide, fidem tamen habuit servo, super omnia bona sua constituens eum: et hic erat alienigena.

**18.** His te non dubites et bonis privandum, et feriendum malis, si animum dividens, et Dei rebus, et tuis pariter reculis volueris impertiri. Procurandus quem implices, qui pro te molat. Pro te dico non tecum. Quædam per temet facies; quædam per te et alios simul; quædam per alios ac absque te. Quis sapiens, et intelliget hæc? Non est quod inter ista dormitet consideratio tua. Ego vero agenda domus tuæ sub eo genere, quod novissimum posui, locanda censuerim. Per alium, ut dixi, illa facies. At is, si fidelis non fuerit, fraudabit: si non fuerit prudens, fraudabitur. Quærendus proinde fidelis et prudens, quem constituas super familiam tuam. Adhuc inutilis est, si tertium desit. Quæris quid hoc? Auctoritas. Quid enim prodest ei velle et scire quæque disponere, **443** prout necesse est, si quod scit et vult, non potest? Danda ergo facultas agendi pro libitu. Si in præjudicium rationis putas hoc fieri, memento fidelem, qui agere nihilominus pro ratione volet: attende prudentem, qui agere nihilominus pro ratione sciet. Sed fidelis solersque voluntas tuæ proderit, cum ei affatim suppêtet, unde tota facilitate mancipetur effectui, cunctis sine cunctatione parentibus. Subdendi igitur omnes. Nullum patiatur contradictorem. Nemo qui dicat, Cur fecisti sic? Potestatem habeat excludere et admittere quos voluerit, mutare ministros, transferre ministeria ad quos et quando voluerit. Ita timori sit omnibus, ut sit et utilitati. Præsit omnibus, ut omnibus prosit, et de omnibus. Clandestinas et susurratas delationes non recipias adversus eum: magis detractiones censueris. Et hanc velim generalem tibi constituas regulam, ut omnem, qui palam veretur dicere quod in aure locutus est, suspectum habeas. Quod si te judicante dicendum coram ille renuerit, delatorem judices, non accusatorem.

**19.** Itaque unus omnibus facienda injungat, et uni omnes respondeant. Tu illi habeas fidem, vacans tibi et Ecclesiæ Dei. Si quominus aut fidelis inveniat, aut prudens, fideli potius committendum. Sane e duobus tutius hoc. Quanquam si idoneus non reperitur, etsi minus fidelem sustinere potius consulo, quam te immergere labyrintho huic. Memento Salvatore Judæ æconomum habuisse (*Joan. xii, 6*).

**B** Quid episcopo turpius, quam incumbere suppellectili et substantiæ suæ: scrutari omnia, sciscitari de singulis, morderi suspicionibus, moveri ad quæque perdita vel neglecta? Ad verecundiam dico quorundam ejusmodi, scrutantium quotidie omnem substantiam suam, numerantium singula, de minutis et quadrantibus exigentium rationem. Non ita ille Ægyptius, qui Joseph omnibus traditis, ignorabat quid haberet in domo sua (*Gen. xxxix, 4, 6*). Erubescat christianus, christiano sua non credens. Homo sine fide, fidem tamen habuit servo, super omnia bona sua constituens eum: et hic erat alienigena.

**20.** Mira res! Satis superque episcopi ad manum habent, quibus animas credant: et cui suas committant facultatulas, non inveniunt. Optimi videlicet æstimatores rerum, qui magnam de minimis, parvam aut nullam de maximis curam gerant. Sed, ut liquido datur intelligi, patientius ferimus Christi jacturam, quam nostram. Quotidianas expensas quotidiano reciprocamus scrutinio, et continua dominici gregis detrimenta nescimus. De pretio escarum et numero panum cum ministris quotidiana discussio est: rara admodum cum presbyteris celebratur collatio de peccatis populorum. Cadit asina, et est qui sublevet eam: perit anima, et nemo est qui reputet. Nec mirum, cum nec nostros quidem assiduos sentiamus defectus. Nonne ad singulas supputationes istas irascimur, urimur, anxiamur? Quam tolerabilius rerum, quam mentium sustineremus jacturam! **C** *Quare, inquit, non magis fraudem patimini? (I Cor. vi, 7.)* Quæso, tu qui alios doces, doce te ipsum: si tamen jam non docuisti, plures te habere, quam tua. Transitoria ista, quæ stare tibi nullo pacto queunt, fac ut a te transeant, non per te. Rivos qua fluit, cavat terram: sic discursus temporalium conscientiam rodit. Si potest torrens in agros excurrere sine læsione satorum; et tu te ista sine vulnere mentis posse tractare confidit. Omnimodis consulo studeas avertere a te concursus horum. Multa nescias, plurima dissimules, nonnulla obliviscaris.

**21.** Sunt tamen quæ ignorare te nolim, mores quorumque et studia. Non oportet ut vitia domus tuæ ultimus **444** scias: quod quamplurimis novimus contigisse. Quapropter, ut dixi, alius alia dispenset; de disciplina tu provide, illud nemini credas. Si insolentior coram te vel sermo sonuerit, vel habitus apparuerit: manus tua super ejusmodi; tu ulciscere injuriam tuam. Impunitas ausum parit, ausus excessum. Domum episcopi decet sanctitudo, decet modestia, decet honestas: horum disciplina custos. Sacerdotes domestici, aut cæteris honestiores, aut fabula omnibus sunt. In vultu, in habitu, in incessu illorum qui circa te sunt, nihil residere impudicum, nihil indecens patiaris. Discant a te coepiscopi tui comatulos pueros et comptos adolescentes secum non habere. Certe inter mitratos discurrere calamistratos non decet. Et memento quod Sapiens



admonet : *Fista tibi sunt? noli faciem tuam hilarem A ad eas ostendere (Eccli. vii, 26).*

22. Nec austeritatem tamen snadeo tibi, sed gravitatem. Illa infirmiores fugat, hæc reprimat leviores. Illa, si adsit, odibilem; hæc, si desit, contemptibilem reddit : in omnibus tamen modus melior. Ego nec severius velim, nec dissolutius. Quid hac mediocritate gratius, ut nec de severitate sis oneri, nec de familiaritate contemptui? In palatio papam, domi te patremfamilias exhibe. Ament te domestici tui : si non, facito ut timeant. Utilis semper custodia oris, quæ tamen affabilitatis gratiam non excludat. Ergo ubique frenanda lingua præceps, maxime autem in convivio. Ille convenientior habitus, si tu actu quidem severus sis, vultu serenus, verbo serius. Capellani, et qui tecum jugiter divinis intersunt officiis, non sint sine honore. Tuum est tales tibi providere, qui digni sint. Serviat eis ab omnibus tanquam tibi. Necessaria de manu tua accipiant. His contenti sint quæ tu provideris illis : tu vide ne egeant. Super hoc quem forte ab adventantibus petere deprehendes, judica Giezzitam (IV Reg. v, 20-27) : id de ostiariis, id de cæteris officialibus decernendum. Verum hoc ex abundanti : nam formam istam jam olim a te positam recordamur. Quid tuo dignius apostolatu? quid salubrius ad conscientiam, honestius ad famam, utilius ad exemplum? Optimus canon, qui projicit avaritiam ex calumnia, et non a conscientia tantum.

#### CAPUT VII.

*Epilogus seu summa eorum quæ in pontifice requiruntur.*

23. Libet jam et hunc claudere librum : sed in

calce aliqua velim vel ante dicta quasi epilogoando repetere, vel addere prætermissa. Consideres ante omnia sanctam Romanam Ecclesiam, cui Deo auctore præes, Ecclesiarum matrem esse, non dominam : te vero non dominum episcoporum, sed unum ex ipsis; porro fratrem diligentem Deum, et participem timentium eum. De cætero oportere te esse considera formam justitiæ, sanctimonie speculum, pietatis exemplar, assertorem veritatis, fidei defensorem, doctorem gentium, Christianorum duces, amicum Sponsi, Sponsæ paranympum, cleri ordinatorem, pastorem plebium, magistrum insipientium, refugium oppressorum, pauperum advocatum, miserorum spem, tutorem pupillorum, judicem viduarum, oculum cæcorum, linguam mutorum, baculum senum, ultorem scelerum, malorum metum, bonorum gloriam, virgam potentium, malleum tyrannorum, regum patrem, legum moderatorem, canonum dispensatorem, sal terræ, orbis lumen, sacerdotem Altissimi, vicarium Christi, christum Domini : postremo deum Pharaonis. Intellige quæ dico : dabit tibi Dominus intellectum. Ubi malitiæ juncta potentia est, aliquid tibi supra hominem præsumendum. Vultus tuus super facientes mala. Timeat spiritum iræ tuæ, qui hominem non veretur, gladium non formidat. Timeat orationem, qui admonitionem contempsit. Cui irascaris tu, Deum sibi iratum, non hominem putet. Qui te non audierit, auditurum Deum, et contra se paveat. Quod reliquum est, de his quæ supra te sunt, incumbit jam disputatio : quam uno libro, Deo adjuvante, solvere spero, et me pariter absolvere promissione mea.

## LIBER QUINTUS.

### 445 CAPUT PRIMUM.

*De his quæ supra nos sunt, id est de Deo rebusque divinis, considerationem instituit, ad quas modo per creaturas erigimur.*

1. Libri superiores, etsi de consideratione inscribuntur, plurimum tamen habent actionis admistum dum res aliquas non considerandas tantum, sed agendas docent vel monent. At qui in manibus modo est, sola in consideratione versabitur. Quæ enim supra sunt (id quidem instat [62]) actu non indigent, sed inspectu. Non est quod in eis actives, quæ uno modo semper sunt, et in æternum; porro aliqua et ab æterno. Et hoc velim solerter advertas, vir sagacissime Eugeni, quia toties peregrinatur consideratio tua, quoties ab illis rebus ad ista deflectitur inferiora et visibilia, sive intuentia ad notitiam, sive appetenda ad usum, sive pro officio disponenda vel

actitanda. Si tamen ita versatur in his, ut per hæc illa requirat, haud procul exsulat. Sic considerare, repatriare est (63). Sublimior iste præsentium ac dignior usus rerum, cum juxta sapientiam Pauli, *invisibilia Dei, per ea quæ facta sunt, intellecta conspiciuntur*. Sane hæc scala cives non egent, sed exsules. Quod vidit ipse hujus sententiæ auctor, qui cum diceret invisibilia per visibilia conspici, signanter posuit, *a creatura mundi (Rom. 1, 20)*. Et vere quid opus scalis tenenti jam solium? Creatura cæli illa est, præsto habens per quod potius ista intueatur. Videt Verbum, et in Verbo facta per Verbum. Nec opus habet ex his quæ facta sunt, Factoris notitiam mendicare. Neque enim ut vel ipsa noverit, ad ipsa descendit, quæ ibi illa videt, ubi longe melius sunt quam in se ipsis. Unde nec medium requirit ad ea

(62) Aliis, ut quidem constat; sed legendum instat, id est, id modo exsequendum restat.

(63) Varia hic lectio, quidam scripti : *opproviare*

est, alii *repatriare* est. Hirsutius cum paucis utrumque habet. *Repatriare* rectius ad sensum, ut opponatur exsilio, ut infra num. 2, *Repatriasse erit hoc*, etc.

corporis sensum : sensus ipsa sibi, se ipsa sentiens. Optimum videndi genus, si nullius egeris, ad omne quod libuerit [al. add. nosse], te contentus. Alioquin iuvare aliunde, obnoxium fieri est minusve a perfecto istud, et minus liberum.

2. Quid, quod et inferioribus egēs? nonne prae-  
sterum hoc et indignum? Plane superiorum quaedam  
injuria est, inferiorum operam desiderare : a qua  
injuria nemo hominum perfecte vindicabitur, nisi  
cum quisque evaserit in libertatem filiorum Dei.  
Nempe erunt hi omnes docibiles Dei (Joan. vi, 45),  
et nulla interveniente creatura, solo beati Deo. Re-  
patriasse erit hoc, exisse de patria corporum in  
regionem spirituum. Ipsa est Deus noster, maximus  
spiritus, maxima mansio spirituum beatorum : et ne  
quid hic sibi usurpet sensus [al. add. carnis] seu  
imaginatio, veritas est, sapientia est, virtus, æter-  
nitas, summum bonum. Unde [al. add. a quo] interim  
absumus : et ubi sumus, vallis est lacrymarum, in  
qua sensualitas regnat, et consideratio exsulat : in  
qua libere quidem et potestative se exerit sensus  
corporeus, sed intricatus caligat oculus spiritualis.  
Quid igitur mirum, si ope indigenæ advenia indiget?  
Et felix secundum tempus viator, qui civium bene-  
ficiū, sine quo transire non potest, in obsequium  
convertere potuit, utens, non fruens ;ургens, non  
petens ; exactor, non supplex.

#### CAPUT II.

*Assignat varios considerationis gradus.*

3. Magnus ille, qui usum sensuum, quasdam ve-  
luti civium opes, expendere satagit, dispensando  
446 in suam et multorum salutem. Nec ille minor  
qui hunc sibi gradum ad illa invisibilia philoso-  
phando constituit : nisi quod hoc dulcius, illud uti-  
lius ; hoc felicius, illud fortius esse constat. At om-  
nium maximus, qui spreto ipso usu rerum et sen-  
suum, quantum quidem humanæ fragilitati fas est,  
non ascensoriis gradibus, sed inopinatis excessibus,  
avolare interdum contemplando ad illa sublimia  
consuevit. Ad hoc ultimum genus illos pertinere  
reor excessus Pauli. Excessus, non ascensus : nam  
raptum potius fuisse, quam ascendisse ipse se per-  
hibet (II Cor. xii, 1-4). Inde est quod dicebat : *Sine  
mente excedimus, Deo* (Id. v, 43). Porro hæc tria  
ita contingunt, cum consideratio, etsi in loco pere-  
grinationis suæ, virtutis studio, et adiutorio gratiæ  
facta superior, sensualitatem aut premit ne inso-  
lescat, aut cogit ne evegetur, aut fugit ne inquinet.  
In primo potentior, in secundo liberior, in tertio  
prior. Puritatis siquidem et alacritatis pariter alis  
fit ille volatus.

4. Vis tibi has considerationis species propriis  
distingui nominibus? Dicamus, si placet, primam  
dispensativam, secundam æstimativam, tertiam spe-  
culativam. Horum nominum rationes definitiones  
declarabunt. Dispensativa est consideratio sensi-  
bus sensibilibusque rebus ordinate et socialiter  
utens ad promerendum Deum. Æstimativa est con-  
sideratio prudenter ac diligenter quæque scrutans

A et ponderans ad vestigandum Deum. Speculativa est  
consideratio se in se colligens, et, quantum divini-  
tus adjuvatur, rebus humanis eximens ad contem-  
plandum Deum. Puto vigilanter advertis aliarum  
hanc esse fructum : cæteras, si non referantur ad  
istam, quod dicuntur videri posse, sed non esse. Et  
prior quidem absque intuitu hujus multa serit, et  
nihil metit : sequens vero nisi ad istam se dirigat,  
vadit, sed non evadit. Ergo quod prima aptat, se-  
cunda odorat, tertia gustat. Ad quem tamen gustum  
perducunt et cæteræ, etsi tardius : nisi quod prima  
laboriosius, secunda quietius pervenitur

#### CAPUT III.

*Ea quæ supra nos sunt, Deum scilicet et Angelos,  
investigari opinione, fide, et intellectu.*

B 5. Dixisti, inquis, satis qua ascendatur : etiam  
quo ascendendum, dicere habes. Falleris, si id spo-  
ras : ineffabile est. Tu me existimas loqui quod  
oculus non vidit, nec auris audivit, et in cor homi-  
nis non ascendit? Nobis, inquit, *revelavit Deus per  
Spiritus suum* (I Cor. ii, 9, 10). Ergo quæ supra  
sunt non video docentur, sed spiritu revelantur.  
Verum quod sermo non explicat, consideratio quæ-  
rat, oratio expetat, mereatur vita, puritas asse-  
quatur. Sane eorum admonitus quæ supra sunt, non  
te existimes mitti a me suspicere solem, lunam,  
stellas, non ipsum firmamentum, non aquas quæ  
super cælos sunt. Ista siquidem omnia, etsi supra  
loco, pretio infra sunt, et dignitate nature : sunt  
enim corpora. Tui portio spiritus est, quo superius  
quidpiam frustra quæris, quod non sit spiritus.  
Porro spiritus est Deus, sunt et Angeli sancti, et  
hi supra te. Sed Deus natura, Angeli gratia supe-  
riores sunt. Unum siquidem tui et Angeli optimum,  
ratio est : Deus vero non sui aliquid optimum ha-  
bet, unum optimum totus. Is, et qui cum eo sunt  
beati spiritus, tribus modis, veluti viis totidem,  
nostra sunt consideratione 447 vestigandi, opi-  
nitione, fide, intellectu. Quorum intellectus rationi  
innititur, fides auctoritati, opinio sola veri simili-  
tudine se tuetur. Habent illa duo certam veritatem :  
sed fides clausam et involutam, intelligentia nudam  
et manifestam : cæterum opinio certi nihil habens,  
verum per verisimilia quærit potius, quam appre-  
D hendit.

6. Omnino in his cavenda confusio, ne aut incer-  
tum opinionis fides figat, aut quod firmum fluxum-  
que est fidei, opinio revocet in quæstionem. Et hoc  
sciendum, quia opinio, si habet assertionem, teme-  
raria est : fides, si habet hæsitationem, infirma est :  
item intellectus, si signata fidei tentet irrumpere,  
reputatur effractor, scrutator majestatis. Multi suam  
opinionem intellectum putaverunt, et erraverunt. Et  
quidem opinio potest putari intellectus ; intellectus  
opinio non potest. Unde hoc accidit? Profecto quia  
hæc falli potest, ille non potest : aut si falli potuit,  
intellectus non fuit, sed opinio. Verus nempe intel-  
lectus certam habet non modo veritatem, sed noti-  
tiam veritatis. Possumus singula hæc ita definire,

*Fides* est voluntaria quædam et certa præliatio necdum propalata veritatis. Intellectus est rei cuius-  
eunque invisibilis certa et manifesta notitia. Opinio  
est quasi pro vero habere aliquid, quod falsum  
esse nescias. Ergo, ut dixi, fides ambiguum non  
habet; aut si habet, fides non est, sed opinio. Quid  
igitur distat ab intellectu? Nempe quod etsi non  
habet incertum non magis quam intellectus, habet  
tamen involucrium, quod non intellectus. Denique  
quod intellexisti, non est de eo quod ultra quæras:  
aut si est, non intellexisti. Nil autem malumus scire,  
quam quæ fide jam scimus. Nil supererit ad beati-  
tudinem, cum quæ jam certa sunt nobis fide, erunt  
æque et nuda.

## CAPUT IV.

*Angeli quomodo considerandi.*

7. His ita expeditis, age jam dirigatur conside-  
ratio in eam quæ sursum est Jerusalem mater no-  
stra, ac totis tribus memoratis viis caute et vigilan-  
ter vestigemus investigabilia: quatenus tamen licet,  
vel magis quatenus nobis donabitur. Et primo qui-  
dem cives spiritus esse illic potentes, gloriosos,  
beatos, distinctos in personas, dispositos in digni-  
tates, ab initio stantes in ordine suo, perfectos in  
genere suo, corpore æthereos (64-65), immortalitate  
perpetuos, impassibiles non creatos, sed factos, id  
est gratia, non natura; mente puros, affectu beni-  
gnos, religione pios, castimonia integros, unanimi-  
tate individuos, pace securos, a Deo conditos, divi-  
nis laudibus et obsequiis deditos. Hæc omnia legendo  
comperimus, fide tenemus. Quanquam de corpori-  
bus horum non modo unde sint, sed an aliquatenus  
sint, hæret sententia aliquorum. Unde si quis inter  
opinabilia magis id ponendum censuerit, non con-  
tendo. Porro intellectu præditos, non fide, non opi-  
nitione, sed intellectu capimus; quia non possunt  
hujus expertes, et Dei simul participes esse. Sunt  
et nomina quædam nota nobis similiter ex auditu,  
per quæ harum beatitudinum, etiam quæ non liquido  
mortalium percepit auditus, officia, merita, gradus,  
ordines, utcumque a nobis conjici et discerni queunt.  
Sed enim quod ex auditu non est, jam non ex fide;  
nam fides ex auditu (Rom. x, 17). Itaque opinando

(64-65) Confer sermonem 5 in Cantica, ubi de cor-  
poribus angelorum, et ibi notas.

(66) Novem esse angelorum ordines, nec plures,  
nec pauciores; gradu ac dignitate inter se distinctos,  
sententia est multorum Patrum consensu tradita.  
Nam ita sentit Ignatius epist. ad Trallian.; Dionysius,  
De cœlest. hierarch. cap. 6, ubi ex instituto eam  
rem tractans, tres constituit angelorum hierarchias,  
et singulas in tres ordines subdividit. Hos sequuntur  
Gregor. hom. 34 super Evang., Hieron. lib. 11, Apo-  
log. advers. Ruf., Chrys. hom. 4 super gen., Ru-  
pert. lib. 11, de process. Sp. S. cap. 6, et Bernard.  
noster, præter locum præsentem, serm. de S. Marti-  
no, et hom. 8 in Cantic. In ordine tamen horum  
ordinum constituendo Patres variant, nec certæ col-  
locationis rationem habuisse videntur. Qua de re v.  
S. Thom. 1. p., q. 108, a. 6.

Porro observa Bernardum de hac materia sobrie  
admodum et opinando potius, quam affirmando lo-  
cutum. Nam quot sint angelorum ordines, et quibus

A ista dixerimus. Ad quid enim cœlestium nomina  
innotuerunt, si ne opinari quidem salva fide aliquid  
licet de rebus, quarum nomina sunt? Angeli, Ar-  
changel, Virtutes, Potestates, Principatus, Domina-  
tiones, Throni, Cherubin, et Seraphin, hæc nomina.  
Quæ significata eorum? Nullane inter illos spiritus  
qui simpliciter Angeli, et eos qui Archangel, nun-  
cupantur, distantia?

8. Quid ergo sibi vult gradualis distinctio hæc (66)?  
Putemus 448 Angelos dici (nisi ut convenientius  
aliquid considerasti) qui singuli singulis hominibus  
dati creduntur; *missi in ministerium*, secundum Pauli  
doctrinam, *propter eos qui hereditatem capiunt salu-  
tis* (Hebr. 1, 14): de quibus Salvator, *Angeli eorum  
semper vident faciem Patris* (Matth. xviii, 10). Pute-  
mus his præesse Archangelos, qui conscii mysterio-  
rum divinatorum, nonnisi ob præcipuas et maximas  
causas mittuntur. E quibus magnus ille archangelus  
Gabriel missus legitur ad Mariam (Luc. 1, 26), ob  
causam utique, qua major esse non potuit. Putemus  
esse super istos Virtutes esse, quorum nutu vel opere  
signa et prodigia in elementis, sive ex elementis facta  
apparent ad commotionem mortalium. Inde est  
fortassis, quod cum in Evangelii legas: *Erunt signa  
in sole et luna et stellis*, paulo post habes, *Nam vir-  
tutes cœlorum movebuntur* (Luc. xxi, 25, 26); hi  
nimirum spiritus, per quos signa fiunt. Putemus  
Potestates superiores istis, quarum virtute pote-  
stas tenebrarum comprimitur, et coercetur mali-  
gnitas aeris hujus, ne quantum vult noceat; ne  
malignari, nisi ut prosit, possit. Putemus Principa-  
tus his quoque prælatos, quorum moderamine et  
sapientia omnis in terris principatus constituitur,  
regitur, limitatur transferitur, mutilatur, mutatur.  
Putemus Dominationes adeo cunctis supereminere  
præfatis ordinibus, ut respectu horum ceteri vi-  
deantur omnes administratorii spiritus, et ad istos,  
tanquam ad dominos, referri regimina Principatuum,  
tutamina Potestatum, operationes Virtutum, re-  
velationes Archangelorum, curam et providentiam  
Angelorum. Putemus Thronos alto etiam ab his  
evolasse recessu, qui ex eo quod sedent, Throni  
dicuntur; et ex eo sedent, quod sedit in eis Deus.

D inter se proprietatibus discreti, res est a sensibus,  
atque experientia mortalium longe remotissima.  
Proindeque in loco obscuro et caliginoso non te-  
mere figendus gressus, namque ex humanis rationi-  
bus definiendum, sed procedendum caute, quousque  
Scripturæ sacræ et Ecclesiæ nobis auctoritas prælu-  
xerit. Unde et sancti Patres hanc rem parce et so-  
brie sibi tractandam putarunt, uti videre est apud  
Hilarium Enarr. psal. cxxix; Aug. in Ench. cap. 58,  
ubi fatetur ingenue, se ignorare quomodo se habeat  
beatissima illa et suprema societas; et quæ ibi sint  
differentiæ personarum. Idem lib. ad Orosium cont.  
Priscill. et Orig. profitetur, sed nec in ea ignorantia  
ullum esse periculum ait. Quin et ipse Dionys., De cœ-  
lest. hierarch., cap. 6, ubi tractationem de angelo-  
rum ordinibus aggreditur, præfatur solum Deum et  
angelos scire, quot sint, et qui cœlestium naturarum  
ordines. Sed vide S. Thom. loc. cit., art. 5 et 6, et  
ibid. Comment.



Neque enim sedere in eis qui non sederent A posset. Queris quid [ *al. quam* ] illam sentiam sessionem? Summam tranquillitatem, placidissimam serenitatem, pacem quæ exsuperat omnem intellectum. Talis est qui sedet in Thronis Dominus sabaoth, judicans omnia cum tranquillitate, placidissimus, serenissimus, pacatissimus. Et tales sibi constituit Thronos, simillimos sibi. Putemus Cherubin ex ipso sapientiæ fonte, ore Altissimi haurientes, et refundentes fluentia scientiæ universis civibus suis. Et vide ne is sit, quem propheta loquebatur, fluminis impetus lætificans civitatem Dei (*Psal. xlv. 5*). Putemus Seraphin, spiritus totos divino igne succensos, succendere universa, ut singuli cives singulæ sint lucernæ ardentes et lucentes; ardentes charitate, lucentes cognitione.

9. O Eugeni, quam bonum est nos hic esse! quam fore melius, si quando tamen toti sequamur quo ex parte præcessimus! Præcedimus animo, et ne ipso quidem toto, sed parte modica nimis. Affectus ja-cent mole corporea prægravati et luto hærentibus desideriis, sola interim arida et tenuis consideratio prævolat. Et tamen ex tantillo quod jam datur, libet exclamare: *Domine, dilexi decorem domus tuæ, et locum habitationis gloriæ tuæ* (*Psal. xxv. 8*). Quid si totam se colligat anima, et reductis affectibus, e cunctis locis, quibus captivi tenentur, timendo quæ non oportet, amando quæ non decet, dolendo vane, gaudendo vanius, cum his ineat tota libertate volatum, pulset impetu spiritus, et in pinguedine gratiæ illabatur? C Nonne cum cœperit circuire lucidas mansiones, et sinum illum etiam Abrahæ curiosius perscrutari, et sub altari, quodcumque illud est (67), martyrum revisere animas, in prima stola secundam patientissime expectantes, multo magis tunc instabit loquens cum propheta: *Unam petii a Domino: hanc requiram, ut inhabitem in domo Domini omnibus diebus vitæ meæ, ut videam voluntatem Domini, ac visitem templum ejus* (*Psal. xxvi. 4*). Quidni ibi videatur cor Dei? quidni ibi probetur quæ sit voluntas Dei bona, et beneplacens, et perfecta? Bona in se, placens in effectibus, beneplacens fruentibus, perfecta perfectis, et nihil ultra quærentibus. Patent viscera misericordiæ, patent cogitationes pacis, divitiæ salutis 449. mysteria bonæ voluntatis; benignitatis D arcana, quæ clausa mortalibus, etiam ipsis electis suspecta sunt. Id quidem salubriter, ne desinant timere, dum necdum digne amare idonei inveniuntur.

10. Cernere est in his qui Seraphin appellantur, quomodo amet qui unde amet non habet, sed est et qui nihil horum quæ fecerit odit: quos salvandos fecit, quomodo foveat, quomodo provehat, quomodo amplexetur, quomodo delicta electæ juventutis (68), et palæas ignorantiarum ejus ignis ille

consumens, ipsam purgatissimam et suo amore dignissimam reddat. Cernere est in Cherubin, qui plenitudo scientiæ dicuntur, Deum scientiarum dominum esse, qui solus solam nesciat ignorantiam, qui totus sit lux, et tenebræ in eo non sint ullæ; totus sit oculus, et qui minime aliquando fallitur, quia minime clauditur; qui extra se non quærat lumen, cui admoveatur ut videat, ipse qui videt, ipse unde videt. Cernere est in Thronis, quam non suspectus omni innocentie iudex sedeat in his, qui circumvenire nolit, circumveniri non possit; quippe sic amans, et sic videns. Nec vacat sessio: tranquillitatis insigne est. De vultu tali iudicium meum prodeat opto, cui insit amor, error absit, absit B et perturbatio. Cernere est in Dominationibus, quantæ sit Dominus majestatis, ejus nutu imperium constat, et imperio universitas atque æternitas termini sunt. Cernere est in Principatibus principium ex quo omnia; et quomodo a cardine ostium, sic ab ipso regi universitatem. Cernere est in Potestatibus, quam potestative idem princeps quos regit, protegit, contrarias potestates arcens et propulsans. Cernere est in Virtutibus unam ubique æqualiter præsto esse virtutem, per quam omnia, vivificam, efficacem, invisibilem, immobilemque, omnia tamen moventem utiliter, tenentem fortiter: quæ cum in minus usitata effecta apud mortales eruperit, miracula sive prodigia vocant. Cernere postremo et mirari est in Angelis et Archangelis veritatem atque experientiam vocis illius, *Quoniam ipsi cura est de nobis* (*I Petr. 5. 7*); qui talium nos et tantorum non desinit jucundare visitationibus, instruere revelationibus, suggestionibus commonere, sedulitate solatiari.

#### CAPUT V.

*Gratias ac doles Angelorum a Deo in ipsos derivari.*

11. Hæc omnia contulit illis spiritibus ipse qui condidit illos, unus atque idem summus Spiritus, dividens singulis prout voluit. Hæc operatur in illis, hæc dedit operari et illis, sed aliter. Ardent Seraphin, sed igne Dei, vel potius igne Deo. Quod præcipuum est in eis, amant, sed non quantum Deus, nec quomodo. Lucent Cherubin, et scientia eminent, sed participio veritatis; ac per hoc non ut Veritas, nec quantum. Sedent Throni, sed insidentis beneficio. Judicant et ipsi cum tranquillitate, sed non ad mensuram modumve pacis pacantis, pacis quæ exsuperat omnem sensum. Dominantur Dominationes, sed sub Domino dominantur, servant pariter. Quid hoc ad summum, sempiternum, singulareque dominium? Præsumunt Principatus et regunt: sed reguntur et ipsi, ita ut regere jam non norint, si regi desierint. Præcellit in Potestatibus fortitudo: sed qui debent quod fortes sunt, et aliter est fortis, et plus; nec tam fortis quam ipsa fortitudo est. Virtutes

Hæc fusius in prefatione ad totum III.

(68) In quibusdam, *neglectæ juventutis*, sed mendose; hic enim agitur de electis.

(67) Ex his verbis patet, Bernardum sermone 2 in festo Omnium Sanctorum non ita sensisse de altari illo, quasi intellectu aut fide id sibi constaret: sed tantum opinative sententiam suam dixisse

pro suo ministerio et potentatu satagunt excitare A tur, quod est, *Est*. Nempe hoc est ei esse, quod hæc corda torquentia hominum innovatione signorum : virtus vero in eis manens, ipsa facit opera. Faciunt et illæ, sed in comparatione ejus non faciunt. Deique tantum interest, ut quasi singulariter propheta dicat ad eum, *Tu es Deus qui facis mirabilia* (*Psal. LXXV, 15*) : et idem de eo, *Qui facit mirabilia magna solus* (*Psal. CXXXVI, 4*). Adsunt Angeli et Archangeli : sed ille germanior nobis, qui non modo adest, sed inest.

12. Quod si dicas posse inesse et angelum, non inficior. Memini scriptum : *Et angelus qui loquebatur in 450 me* (*Zach. 1, 14*). Atqui differentia et in hoc. Inest angelus suggerens bona, non ingerens : inest hortans ad bonum, non bonum creans. Deus sic inest ut efficiat, ut infundat, vel potius ut infundatur et participetur, ita ut unum perinde cum nostro spiritum esse dicere quis non timuerit, etsi non unam personam, unamve substantiam (69). Habes enim : *Qui adheret Deo, unus spiritus est* (*I Cor. vi, 17*). Angelus ergo cum anima, Deus in anima. Ille ut contubernalis animæ inest, Deus ut vita. Itaque sicut anima videt in oculis, audit in auribus, odorat in naribus, in faucibus gustat, tangit in toto reliquo corpore : sic Deus diversa in diversis spiritibus operatur ; verbi gratia, in aliis amantem se exhibens, in aliis agnoscentem, in aliis alia facientem, sicut unicuique datur manifestatio spiritus ad utilitatem (*Id. xii, 7*). Quis est iste tam communis in vocibus, tam longe in rebus ? quomodo quem nostris loquimur verbis, in sua reconditus majestate, nostros penitus et aspectus effugit, et affectus ? Audi ipsum quid loquatur hominibus. *Sicut exaltantur celi a terra, sic exaltata sunt viæ meæ a vis vestris, et cogitationes meæ a cogitationibus vestris* (*Isai. LV, 9*). Dicimur amare, et Deus : dicimur nosse, et Deus : et multa in hunc modum. Sed Deus amat ut charitas, novit ut veritas, sedet ut æquitas, dominatur ut majestas, regit ut principium, turtur ut salus, operatur ut virtus, revelat ut lux, assistit ut pietas. Quæ omnia faciunt et Angeli, facimus et nos : sed longe inferiori modo, non utique bono quod sumus, sed quod participamus.

#### CAPUT VI.

*Principii et essentia rationem proprie soli Deo convenire.*

13. Nunc jam transi spiritus istos, si forte cum sponsa dicere possis et tu : *Paululum cum pertranssem eos, inveni quem diligit anima mea* (*Cantic. iii, 4*). Quis est ? Non sane occurrit melius, quam *Qui est*. Hoc ipse de se voluit responderi, hoc docuit, dicente Moysæ ad populum, ipso quidem injungente : *Qui est, misit me ad vos* (*Exod. iii, 14*). Merito quidem. Nil competentius æternitati, quæ Deus est. Si bonum, si magnum, si beatum, si sapientem, vel quidquid tale de Deo dixeris ; in hoc verbo instaura-

tur, quod est, *Est*. Nempe hoc est ei esse, quod hæc omnia esse. Si et centum talia addas, non recessisti ab esse. Si ea dixeris, nihil addidisti : si non dixeris, nihil minuísti. Jam si vidisti hoc tam singulare, tam summum esse ; nonne in comparatione hujus quidquid hoc non est ; judicas potius non esse, quam esse ? Quid item Deus ? Sine quo nihil est. Tam nihil esse sine ipso, quam nec ipse sine se potest. Ipse sibi, ipse omnibus est. Ac per hoc quodammodo ipse solus est, qui suum ipsius est, et omnium esse. Quid est Deus ? Principium : et hoc ipse de se responsum dedit (*Joan. viii, 25*). Multa in rebus dicuntur principia, sed respectu posteriorum. Alioquin si ad aliquid præcedens respicias, ipsum potius principium dabis. Quamobrem si quæras verum simplexque principium, invenias oportet quod principium non haberit. Ex quo universum cæpit, ipsum profecto minime cæpit. Nam si cæpit, aliunde cæperit necesse est. A se enim cæpit nihil. Nisi forte quis putaverit, quod non erat, dare sibi potuisse, ut esse inciperet ; aut fuisse aliquid, antequam esset. Quod utrumque quia ratio non consentit, constat nihil sibiimet extitisse principium. Quod vero aliud principium habuit, primum [*al. principium*] non fuit. Verum ergo principium nequaquam cæpit, sed totum ab ipso cæpit.

14. Quid est Deus ? Cui sæcula nec accesserunt, nec decesserunt ; nec cœterna tamen. Quid est Deus ? Ex quo omnia, per quem omnia, in quo omnia (*Rom. xi, 36*). Ex quo omnia, creabiliter, non seminabiliter. Per quem omnia, ne alium auctorem atque alium opificem arbitreris. In quo omnia, non quasi in loco, sed quasi in virtute. Ex quo omnia, tanquam uno principio, auctore omnium. Per quem omnia, ne alterum inducatur principium 451 artifex. In quo omnia, ne tertium inducatur, locus. Ex quo omnia, non de quo, quia non est materia Deus : efficiens causa est, non materialis. Frustra philosophi materiam quærent : non eguit materia Deus. Non enim officinam quæsit, non artificem. Ipse per se omnia fecit. Unde ? De nihilo : nam si ex aliquo fecit, illud non fecit, ac per hoc nec omnia. Absit ut de sua incorrupta incorruptibilique substantia tam multa fecerit ; etsi bona, corruptibilia tamen. Quæris si in ipso omnia, ipse ubi ? Nihil minus invenio. Quis capiat locus ? Quæris ubi non sit ? Nec hoc quidem dixerim. Quis sine Deo locus ? Incomprehensibilis est Deus : sed non parum apprehendisti, si hoc tibi de eo compertum est, quod nusquam sit, qui non clauditur loco ; et nusquam non sit, qui non excluditur loco. Suo autem illo sublimi atque incomprehensibili modo, sicut omnia in ipso, sic ipse in omnibus est. Denique sicut ait evangelista, *in mundo erat* (*Joan. 1, 10*). Alias vero, ubi erat antequam mundus fieret, ibi est. Non est quod quæras ultra ubi erat ; præter ipsum nihil erat. Ergo in se ipso erat.

(69) Vide Sermonem 5 in Cantica, n. 8 et ibi notam.

## CAPUT VII

*Deum et simplicem et trinum esse.*

15. Quid est Deus? Quo nihil melius cogitari potest. Si approbas, non oportet assentiaris esse aliquid, quo Deus sit (70), et quod Deus non sit. Hoc enim sine dubio melius. Quomodo non melius Deo, si Deus non est, quod dat Deo ut sit? At melius illam divinitatem, qua dicunt Deum esse (71), non aliud quam Deum esse fatemur. Non est ergo in Deo nisi Deus. Quid? inquit: negas Deum habere divinitatem? Non, sed quod habet, hoc est. Negas divinitatem (72) Deum esse? Non, sed non alia, quam quæ ipse est. Aut si tu aliam invenisti, adjuvet me Trinitas Deus, adversus illam (73) tota me contumacia erigo. Quaternitas orbem determinat, non signat deitatem. Deus Trinitas est, Deus trium singula personarum. Si quartam divinitatem adicere placet; interim ego hanc, quæ Deus non est, persuasi mihi minime adorandam. Puto quod et tu. Nempe *Dominum Deum tuum adorabis, et illi soli serves* (Luc. iv, 8). Gloriosa vero divinitas, quæ sibi honorem non audeat arrogare divinum. At melius quartum hoc omnino respicimus, quam sine honore recipimus. Multa dicuntur esse in Deo, et quidem sane catholiceque, sed multa unum. Alioquin si diversa putemus, non quaternitatem habemus, sed centenitatem. Verbi causa, dicimus magnum, bonum, iustum, et innumera talia: sed nisi omnia unum in Deo, et cum Deo consideres, habebis multiplicem Deum.

16. Mihi vero non deest quot cogitem melius ejusmodi Deo tuo. Quæris quid? Mera simplicitas. Vero iudicio, natura simplex multiplici antefertur. Scio quod ad hæc respondere solent. Non multa, inquit, sed unam tantum divinitatem, quæ omnia illa sunt, Deo ut sit conferre asserimus. Asseritis ergo, etsi non multiplicem, duplicem Deum; et non ad merum simplex pervenistis, neque ad id, quo melius cogitari non potest. Tam non est simplex, quod vel uni fuerit obnoxium formæ, quam nec virgo vel uni cognita viro. Securus loquor, ne is quidem qui vel duplex est, erit meus. Habeo enim meliorem. Esto quod hunc numero et multiplici anteponom: sed plane præ simplici sperno. Meus Deus ipse catholice est. Tam non habet hoc et illud, quam non hæc et illa. Est qui est, non quæ est. Purus, simplex, integer, perfectus, constans sibi, nihil de temporibus, nihil de locis, nihil de rebus trahens in se, nihil ex se deponens in eis; non habens quod ad numerum 452 dividat, non quæ colligat ad unum. Unum quippe est, sed non unitum. Non partibus constat, ut corpus; non affecti-

A bus distat, ut anima: non formis substat, ut omne quod factum est; sed neque formæ, ut istis visum est. Magna laus videlicet Deo, ut se ab informitate vindicet, forma una esse contentum. Hoc est dicere, cætera pluribus, Deum nonnisi uni debere quod est. Quid? Cujus beneficio sunt quæ sunt, ipse pro suo esse alteri beneficio (74) inclinabit? Laus ista, ut vulgo dicitur, blasphemiam valet. An non pluris est nullo indigere quam uno? Habe reverentiam Deo, ut quod pluris est, illi tribuas. Si cor tuum usque huc ascendere potuit, Deum tuum infra quomodo collocabis? Ipse sibi forma, ipse sibi essentia est. In hoc interim gradu suspicio illum; et si alter potior appareret, illum potius darem. Nunquid verendum, ne cogitatio transvolet illum? Quantuncunque in altum proficiat, ultra est. Infra quod homo cogitare possit, altissimum querere, ridendum est; statuere, impium. Ultra, non citra querendus est.

17. Ascende adhuc, si potes, ad cor altius, et exaltabitur Deus. Non est formatus Deus: forma est. Non est affectus Deus: affectio est. Non est compositus Deus: merum simplex est. Et ut liquido noveris, quid simplex dicam: idem quod unum. Tam simplex Deus, quam unus est. Est autem unus, et quo modo aliud nihil. Si dici possit, unissimus est. Unus est sol, quod non sit alter: una luna, quod æque altera non sit. Atque id quidem Deus, sed plus. Quid plus? Unus est etiam sibi. Et hoc vis tibi declarari? Idem est semper, et uno modo, Non sic unus sol, non sic una luna. Clamat uterque non esse unum sibi; ille motibus, illa et defectibus quis. Deus autem non modo unus sibi: et in se unus est. Nihil in se nisi se habet. Non ex tempore alterationem habet, non in substantia alterationem hinc de eo Boetius: «Hoc vere unum, in quo nullus est numerus, nullum in eo aliud præter id quod est: Neque enim subjectum fieri potest: forma enim est.» Compara huic uni omne quod unum dici potest; et unum non erit. Trinitas est tamen Deus. Quid ergo? Destruimus quod dictum est de unitate, quia inducimus trinitatem? Non; sed statuimus unitatem. Dicimus Patrem, dicimus Filium, dicimus Spiritum sanctum; non tamen tres Deos, sed unum. Quid sibi vult iste (ut sic loquar) absque numero numerus? Si tria, quomodo non numerus? si unum, ubi numerus? Sed habeo, inquis, quid numerem, et quid non numerem. Substantia una est: personæ tres sunt. Quid mirum? quid vel obscurum in hoc? Nihil, si personæ seorsum a substantia cogitentur. Nunc vero cum tres illæ personæ illa substantia sint, et illa una substantia tres

(70) Necessaria prorsus correctio ex duobus manuscriptis Colbertinis; ubi in antehac editis, quod Deus sit. Ratio ex consequentibus perspicua.

(71) Nempe Gilbertus Porretanus Pictavensis episcopus, ejusque sequaces, damnati in concilio Remensi anno 1148, de quo Gaufridus, libro iii de Vita S. Bernardi, n. 45. Idem Gaufridus libellum edidit de rebus gestis in concilio Remensi contra Gilber-

tum, de quo ad sermonem 80 in Cantica.

(72) Alii male, divinitatem. Eadem correctio adhibita in sermone 80 super Cantica, n. 15.

(73) Editi addunt, vel quaternitatem, sed deest in manuscriptis.

(74) Quidam cum Horstio habent alterius beneficio. Sed planior sensus, alteri benefico, ut in purioribus manuscriptis.



illæ personæ; quis numerum neget? Nam vere tres sunt. Quis numeret tamen? Nam vere unum sunt. Aut si tu facile explicatu id putas, dicendo tres, dicito quid numerasti? Naturas? Una est. Essentias? Una est. Substantias? Una est. Deitates? Una est. Non hæc, sed personas numero, inquis. Quæ non sint illa una natura, illa una essentia, illa una substantia, illa una divinitas? Catholicus es: minime hoc dabis.

## CAPUT VIII.

*Personarum pluralitem in Deo consurgere ex proprietatibus; essentiam tamen unam et simplicem esse.*

18. Personarum proprietates non aliud quam personas; ipsasque non aliud quam unum Deum, unam divinam substantiam, unam divinam naturam, unam divinam et summam maiestatem, fides catholica confitetur. Numera ergo, si potes, aut sine substantia personas, quæ ipsa sunt: aut sine personis proprietates, quæ ipsæ sunt. Aut si dividere quis conetur vel 453 personas a substantia, vel proprietates a personis, nescio quomodo Trinitatis se profiteri cultorem possit, qui in tantam rerum numerositatem excesserit. Dicamus itaque tres, sed non ad præjudicium Unitatis: dicamus unum, sed non ad confusionem Trinitatis. Neque enim nomina vacua sunt, nec absque significantia cassæ voces. Quærit quis quomodo illud quod catholicum esse dicimus, possit esse [*al. add. quomodo hoc*]? Sufficiat ei tenere sic esse. Atque hoc non rationi perspicuum, nec tamen opinioni ambiguum, sed fidei persuasum. Sacramentum hoc magnum est, et quidem venerandum, non scrutandum. Quomodo pluralitas in unitate, et hæc unitate, aut ipsa in pluralitate? Scrutari hoc temeritas est, credere pietas est; nosse vita, et vita æterna est. Unde si operæ pretium censes, o Eugeni, percurrat nunc consideratio multa Una, quo eminentia hujus singularis Unius fiat evidentior. Est unitas, quæ collectiva potest dici, cum, verbi causa, multi lapides faciunt acervum unum. Est et unitas constitutiva, cum multa membra unum corpus, vel multæ partes unumquodcumque totum constituunt. Est et conjugativa, qua fit ut duo jam non duo sint, sed una caro. Et est nativa, qua anima et caro unus nascitur homo. Est unitas potestativa, qua homo virtutis non instabilis, non dissimilis, sed unus sibi semper nititur inveniri. Est consentanea, cum per charitatem multorum hominum est cor unum, et anima una. Est et votiva, cum anima votis omnibus adhærens Deo, unus spiritus est. Et est dignativa unitas, qua limus noster a Dei Verbo in unam assumptus est personam.

19. Verum hæc omnia quid ad illud summum, atque, ut ita dicam, unice Unum, ubi unitatem consubstantialitas facit? Huic Uni quodvis illorum si assimiles, erit quoquo modo unum: si compares, nullo. Igitur inter omnia quæ recte unum dicuntur, arcem tenet Unitas Trinitatis, qua tres personæ

una substantia sunt. Secundo loco illa præcellit, qua e converso tres substantiæ una in Christo persona sunt. Porro hæc et quæcumque alia dici una possunt, summæ illius unitatis imitatione, non comparatione, Una appellari vera sobriaque probat consideratio. Nec abducimur ab hac unitatis professione assertionem Trium: cum in hac Trinitate non recipiamus multiplicitem, sicut nec solitudinem in unitate. Quamobrem cum dico Unum, non me Trinitatis turbat numerus, qui essentiam non multiplicat, non variat, nec partitur. Rursum cum dico Tria, non me arguit intuitus unitatis, quæ illa quæcumque tria, seu illos tres, nec in confusionem cogit (75), nec in singularitatem redigit.

## CAPUT IX.

*Uti in Deo simplex natura est in tribus personis, sic contra in Christo plures naturas in unam personam conlescere.*

20. Idem me sentire fateor et de illa unitate cui secundum ab ista inter cetera Una honorem dedi. Dico in Christo Verbum, animam, et carnem, sine confusionem essentialium unam esse personam, et item absque præjudicio personalis unitatis in sua numerositate manere. Nec negaverim hanc ad illud quoque genus unitatis pertinere, qua anima, et caro unus est homo. Decuit quippe familiarius similisque cum hominis convenire constitutione, quod pro homine constitutum est sacramentum. Decuit et cum summa, quæ in Deo est et Deus est, unitate congruere, ut quomodo ibi tres personæ una essentia; ita hic convenientissima quadam contrarietate tres essentiæ sint una persona. Videsne pulcre inter utramque unitatem hanc collocari; in eo utique qui constitutus est mediator Dei hominisque homo Christus Jesus? Pulcherrima, inquam; convenientia, ita salutare sacramentum congrua quadam similitudine ambobus respondeat, et salvanti videlicet et salvato. Ita hæc unitas duarum consistens media unitatum, alteri succumbere, alteri 454 præeminere cognoscitur; quantum superiore inferior, tantum inferiore superior.

21. Tantam denique, tamque expressam unionis vim in se præfert ea persona, in qua Deus et homo unus est Christus; ut si duo illa de se invicem prædices, non erraveris, Deum videlicet hominem, et hominem Deum vere catholiceque pronuntias. Non autem similiter vel carnem de anima, vel animam de carne, nisi absurdissime, prædicas, etsi similiter anima et caro unus sit homo. Nec mirum, si non æque potis anima sit sua illa vitali, etsi non parum valida, intentione connectere, atque suis affectibus astringere sibi carnem, ut sibi divinitas hominem illum, qui prædestinatus est filius Dei in virtute, Longa catena et fortis ad stringendum, divina prædestinatio: ab æterno est enim. Quid longius æternitate? Quid divinitate potentius? Inde est quod nec morte incidente ullatenus intercidi hæc unitas potuit, etsi carne et anima ab invicem sepa-

(75) Horstius addit *natura*. Sed deest in aliis editis et manuscriptis.

ratis. Et fortassis hoc sensit ille, qui se indignum professus est solvere corrigiam calceamenti hujus [al. ejus] (Marc. 1, 7).

## CAPUT X.

*Parabola, quæ est apud Matthæum de tribus satis, Christi personæ accommodatur.*

22. Sed et illa tria sata de Evangelio (Matth. xiii, 33), mista et fermentata in panem unum, si quis ad hæc tria dixerit pertinere, non incongrue id mihi facere videbitur. Quam bene ea mulier fermentavit, ut nec divisione quidem facta carnis et animæ, a carne vel anima Verbum divideretur! Mansit et in separatione inseparabilis unitas. Nec enim quæ ex parte contigit separatio, potuit unitati præscribere, permanenti in totis tribus. Sive conjunctis, sive disjunctis duobus, nihilominus perseveravit in tribus unitas personalis. Æque unus Christus unaque persona, Verbum, anima, et caro, etiam mortuo homine perduravit. In utero Virginis, ut sentio ego, commistio hæc et fermentatio facta est: et ipsa mulier quæ miscuit, et fermentavit. Nam fermentum non immerito fortasse dixerim fidem Mariæ. Plane beata, quæ credidit, quoniam perfecta sunt in ea, quæ dicta sunt ei a Domino (Luc. 1, 45). Perfecta autem non essent, si quominus juxta verbum Domini esset fermentatum totum, et perpetuo fermentatum, servans nobis tam in morte, quam in vita pariter unum atque integrum mediatorem Dei ei hominum cum sua deitate, hominem Christum Jesum.

23. Advertere est in hoc admirabili sacramento juxta numerum satorum, miræ et decenissimæ distinctionis gradus, novum, antiquum, æternum. Novum, animam, quæ de nihilo tunc creata creditur, cum infusa: antiquum, carnem, quæ a primo usque hominum, id est ex Adam, traducta cognoscitur: æternum, verbum, quod ab æterno Patre coæternum illi genitum indubitata veritate asseritur. Et in his triplex, si diligenter advertas, divinæ potentiae genus, quod factum sit de nihilo aliquid, de vetusto novum, æternum beatumque de damnato et mortuo. Quid hoc ad nostram salutem? Multum per omnem modum. Primum quidem, quod peccato redacti in nihilum, per hoc quodammodo iterato creati sumus, ut simus initium aliquod creaturæ ejus. Deinde quod ex vetusta servitute in libertatem filiorum Dei translati, in novitate spiritus ambulantes. Postremo, quod de potestate tenebrarum vocati ad regnum claritatis æternæ. in quo jam et consedere nos fecit in Christo. Alieni sint a nobis (76), qui Christi a nobis carnem alienare conantur, novam creatam in Virgine, et non de Virgine sumptam, impie asserentes. Pulchre propheticus spiritus longe ante occurrit huic sententiæ, imo blasphemiciæ impiorum: *Egreditur, inquit, virga de radice Jesse, et flos de radice ejus ascendet* (Isai xi, 1). Dixisse poterat, Et flos de virga; sed 455 maluit, *de radice*: ut unde virgam, inde florem duxisse ori-

ginem demonstraret. Inde igitur sumpta caro, unde orta Virgo: nec nova in Virgine, quæ prodiit ex radice.

## CAPUT XI.

*Continuatio considerationis de Deo.*

24. Forte substomacharis, si adhuc pergitur quærere, quid est Deus? tum quia toties jam quæsitum est, tum quia diffilis inventum iri. Dico tibi, Pater Eugeni, solus est Deus, qui frustra nunquam quæri potest, nec cum inveniri non potest. Doceat te de hoc experimentum tuum; aut si non, experto credito, non mihi sed sancto, qui ait: *Bonus est, Domine, sperantibus in te, animæ quærenti te* (Thren. iii, 25). Quid ergo est Deus? Quod ad universum spectat, finis? quod ad electionem, salus: quod ad se, ipse novit. Quid est Deus? Voluntas omnipotens, benevolentissima virtus, lumen æternum, incommutabilis ratio, summa beatitudo, creans mentes ad se participandum, vivificans ad sentiendum afficiens ad appetendum, dilatans ad capiendum, justificans ad promerendum, accendens ad zelum, secundans ad fructum, dirigens ad æquitatem, formans ad benevolentiam, moderans ad sapientiam, roborans ad virtutem, visitans ad consolationem, illuminans ad cognitionem, perpetuus ad immortalitatem, implens ad felicitatem, circumdans ad securitatem.

## CAPUT XII.

*Deum et bonorum operum pium remuneratorem, et scelerum acerrimum vindicem esse.*

25. Quid est Deus? Non minus pœna perversorum, quam humilium gloria. Est enim rationabilis quædam æquitatis directio inconvertibilis atque indeclinabilis, quippe attingens ubique: cui illis omnis pravitas conturbetur necesse est. Quidni in hanc omne tumidum, vel distortum impingat, et conquassetur? Væ universo, quod obvium forte offenderit cedere nescia rectitudo: nam et fortitudo est. Quid iniquis voluntatibus tam contrarium et adversum, quam semper conari, impingere semper, et frustra [al. frustrari]? Væ oppositis voluntatibus, solam suæ profecto aversionis referentibus pœnam. Quid tam pœnale, quam semper velle quod nunquam erit? Quid tam damnatum, quam voluntas addicta huic necessitati volendi nolendique, ut ad utrumlibet jam, sicut non nisi perverse, ita non nisi misere moveatur? In æternum non obtinebit quod vult; et quod non vult, in æternum nihilominus sustinebit. Digne omnino, ut quid ad nihil afficitur unquam quod deceat, ad nil unquam quod libeat, evadat. Quis hoc facit? Rectus Dominus Deus noster, qui et cum perverso pervertitur. Nunquam recto pravoque conveniet. Hæc enim sibi invicem adversantur, etsi non invicem ledant. Læsiō alterius est: absit ut Dei. *Durum tibi est, inquit, contra stimulum calcitrare* (Act. ix, 5); hoc est, non stimulo durum, sed calcitranti. Et est turpius pœna Deus: lux est enim. Et quid tam invisum obscenis flagitiosisque menti-

(76) Horstius addit *Noratiani*, quod marginis lemma est.

bus? Profecto omnis qui male agit, odit lucem (Joan. III, 20). Sed dico: nunquid non poterunt declinare? Minime omnino. Lucet ubique, etsi non omnibus. Denique in tenebris lucet, et tenebræ eam non comprehendunt (Id. I, 5). Videt tenebras Lux, cui hoc est videre, quod lucere: sed non vicissim a tenebris ipsa videtur, quia tenebræ eam non comprehendunt (77). Et videntur ergo, ut confundantur: et non vident, ne consolentur. Nec modo a luce: et in luce videntur. A quo, vel quibus? Ab omni vidente, ut pro multitudine intuitum sit confusio multa. At nullus de tanta numerositate spectantium molestior oculus suo cuiusque. Non est aspectus, sive in cælo, sive in terra, quem tenebrosa conscientia suffugere magis velit, minus possit. Non latent tenebræ vel se ipsas. **456** Se vident quæ aliud non vident. Opera tenebrarum sequuntur illas, nec est quo se abscondant ab illis, ne in tenebris quidem. Hic est vermis qui non moritur, memoria præteritorum. Semel injectus, vel potius innatus per peccatum, hæsit firmiter, nequaquam deinceps avellendus. Nec cessat rodere conscientiam, eaque pastus, esca utique inconsumptibili, perpetuat vitam. Horreo vermem mordacem, et mortem vivacem. Horreo incidere in manus mortis viventis, et vitæ morientis.

**26.** Hæc secunda mors, quæ nunquam peroccidit, sed semper occidit. Quis det illis semel mori, ut non moriantur in æternum? Qui dicunt *montibus, Cadite super nos; et collibus, Operite nos* (Luc. XXIII, 30), qui nisi mortem mortis beneficio aut finire, aut evadere volunt? Denique *invocabunt mortem, aut, et non veniet* (Apoc. IX, 6). Intuere id clarius. Constat immortalem animam esse, nec aliquando absque sua memoria vivere, ne non animam aliquando esse contingat. Itaque durante anima, durat et memoria. Sed qualis? Fæda flagitiis, horrida facinoribus, vanitate tumida, contemptu hispida et neglecta. Quæ priora, transierunt, et non transierunt. Transierunt a manu, sed non a mente. Quod factum est, factum non esse non potest. Proinde etsi facere in tempore fuit, sed fecisse in sempiternum manet. Non transit cum tempore, quod tempora transit. In æternum ergo necesse est cruciet, quod perperam te egisse in æternum memineras. Experiri erit hoc veritatem vocis illius: *Arguam te, et statuam contra faciem tuam* (Psal. XLIX, 21). Dominus locus est, cui omne adversum et sibi adversari necesse est, ut sit sera querela: *O custos hominum, quare posuisti me contrarium tibi, et factus sum mihi met ipsi gravis?* (Job VII, 29.) Ita est, o Eugeni. Non potest Deo esse contrarium quid, et sibi met coherere, sed qui arguetur a Deo, arguetur et a se ipso. Non est sane jam tunc quod aut veritatem dissimulet ratio, aut rationis intuitum anima declinet, membris avulsa corporeis, et in sese collecta. Quo enim id valeat, sopitis conclusisque in

A morte sensibus, per quos utique curiosius exire, et a se ire solebat in eam, quæ præterit, mundi istius figuram? Vides turpibus nihil deesse ad confusionem, cum producentur spectaculum fieri Deo, Angelis, hominibus, sibi ipsis? O quam male mali omnes locati sunt, utique oppositi torrenti huic directæ æquitatis, et huic lumini propalatæ veritatis expositi [at. oppositi]. Nonne hoc est perpetuo tundi, perpetuoque confundi? *Duplici contritione, ait ille, contere eos, Domine Deus noster* (Jerem. XVII, 18).

## CAPUT XIII.

*De longitudine, latitudine, profunditate, et sublimitate Dei profunde et eleganter discurre.*

**27.** Quid est Deus? Longitudo, latitudo, sublimitas, et profundum. Quid, inquis? tenemus te quaternitatis, quam abominatus es, professorem. Minime. Abominatus sum, et abominor. Visus sum protulisse plura, sed unum est. Unus Deus signatus est pro capiti nostro, non pro suo statu. Divisus est hic, non ille. Voces diversæ, semitæ multæ: sed unum per eas significatur, unus queritur. Non divisiones substantiæ in quaternario isto expressæ sunt; non dimensiones, quales in corporibus intuemur; non distinctio personalis, qualem in Trinitate adoramus; non numerus proprietatum, qualem personis ipsis inesse fatemur, etsi non aliud a personis. Alioquin hoc singulum horum in Deo, quod quatuor simul; hoc quatuor ipsa, quod singulum est. Nobis autem, quia non possumus cum Deo simplicitate contendere, dum contendimus apprehendere unum, occurrit veluti quadruplicatum. Facit hoc speculum et ænigma, per quod solum interim videri datur. Cum autem videbimus faciem ad faciem, videbimus sicuti est. Nec enim jam tunc fragilis acies mentis nostræ, quantumlibet vehementer intendens, aliquatenus resiliet, dissilietve **457** in suam pluralitatem. Colliget sese magis, adunabit, conformabitque unitati illius, vel potius unitati illi, ut una uni facies respondeat faciei. Nempe similes ei erimus, quia videbimus eum sicuti est (I Joan. III, 2). Benta visio! ad quam merito suspirabat, qui ait: *Exquisivit te facies mea; faciem tuam, Domine, requiram* (Psal. XXVI, 8). Et quia adhuc in querendo res est, interim ascendamus quadrigam istam, utpote infirmi et imbecilles, indigentes tali vehiculo, si forte vel sic apprehendamus, in quo apprehensi sumus, id est, hujus ipsius vehiculi rationem. Nam hoc monitum habemus ab ipso auriga et primo currus hujus exhibitore, ut studeamus comprehendere cum omnibus sanctis, quæ sit longitudo, latitudo, sublimitas, et profundum (Ephes. III, 18). Comprehendere dixit, non, Cognoscere: ut non curiositate contenti scientiæ, tota cura fructui inhiemus. Non in cognitione est fructus, sed in comprehensione. Alioquin scienti bonum, et non facienti, ut ait quidam, peccatum est



et (Jacobi iv, 17) : et ipse Paulus alio loco, *Sic currite*, inquit, *ut comprehendatis* (I Cor. ix, 24). Quid sit comprehendere, inferius declarabo.

28 Quid igitur est Deus? Longitudo, inquam. Quid ipsa? Æternitas. Hæc tam longa, ut non habeat terminum, non magis loci, quam temporis. Est et latitudo. Et ipsa quid? Charitas. Quibus et ista terminis angustetur in Deo, qui nihil odit eorum quæ fecerit? Denique solem suum oriri facit super bonos et malos, pluit super justos et injustos (Matth. v, 45). Ergo et inimicos concludit sinus ille. Nec hoc quoque contentus, evadit in infinitum. Omnem non modo affectionem, sed et cognitionem excedit, adjiciente Apostolo et dicente: *Scire etiam supereminentem scientiæ charitatem Christi* (Ephes. iii, 19). Quid plus dicam? Æterna est. Nisi quod hoc plus forsitan est, quia æternitas est. Vides tantam esse latitudinem, quantum et longitudinem? Utinam sic videas non tantam esse, sed ipsam: id esse unam quod alteram; non minus unam quam duas, nec plus duas quam unam. Deus æternitas, Deus charitas est: longitudo sine protensione, latitudo sine distensione. In utroque pariter locales quidem excedit temporalesque angustias, sed libertate naturæ, non enormitate substantiæ. Tali modo immensus est qui omnia fecit in mensura; et quamvis immensus, hic tamen modus et ipsius immensitatis.

29. Quid item Deus? Sublimitas et profundum. In altero supra omnia, in altero infra omnia. Liqueat in deitate nusquam claudicare aequalitatem, stare eam undique firmiter, constare immobiliter sibi. Sublime, potentiam; profundum, sapientiam ejus [al. esse] considera. Ex æquo et ista respondent sibi, dum et sublimitas inattingibilis, et profunditas æque inscrutabilis cognoscatur, Paulo admirante et exclamante: *O altitudo divitiarum sapientiæ et scientiæ Dei! quam inscrutabilia sunt judicia ejus, et investigabiles viæ illius!* (Rom. xi, 33.) Libet et nos exclamare cum Paulo, horum utcumque intuentes in Deo, et cum Deo simplicissimam unitatem: O sapientia potens, attingens ubique fortiter! o potentia sapiens, disponens omnia suaviter! (Sap. viii, 1) Res una, effectus multiplex, operationesque diversæ. Et illa una res est longitudo propter æternitatem, latitudo propter charitatem, sublimitas propter majestatem, profunditas propter sapientiam.

#### CAPUT XIV.

*Modum, quo prædicta secundum Apostolum comprehendere possimus, ostendit.*

30. Novimus hæc. Num ideo et arbitramur nos comprehendisse? Non ea disputatio comprehendit, sed sanctitas: si quo modo tamen comprehendere potest quod incomprehensibile est. At nisi posset, non dixisset Apostolus: *Ut comprehendamus cum omnibus sanctis* (Ephes. iii, 18). Sancti igitur comprehendunt. Queris quomodo? Si sanctus es, comprehendisti, et nosti: si non; esto, et tuo experimento scies. Sanctum facit affectio sancta, et

A ipsa gemina: timor Domini sanctus, et sanctus amor. His perfecte affecta anima, veluti quibusdam duobus brachiis suis comprehendit, amplectitur, stringit tenet, et ait: *Tenui eum, nec dimittam* (Cantic. iii, 4). Et timor quidem sublimi et profundo, amor lato et longo respondet. Quid tam timendum quam potestas, cui non potes resistere; quam sapientia, cui abscondi non potes? Poterat minus timeri Deus, alterutro carens. Nunc autem perfecte oportet timeas illum, cui nec oculus deest omnia videns, nec manus potens omnia. Quid item tam amabile, quam amor ipse, quo amas, et quo amaris? Amabiliorem tamen juncta æternitas facit: quæ dum non excidit, foras mittit suspicionem. Ama igitur perseveranter et longanimitè, et habes longitudinem: dilata amorem tuum usque ad inimicos, et latitudinem tenes. Esto etiam in omni sollicitudine timoratus, et sublime profundumque apprehendisti.

31. Aut si mavis quatuor æque tuis, divinis quatuor respondere; facis hoc, si stupes, si paves, si ferves, si sustines. Stupenda plane sublimitas majestatis: pavenda abyssus judiciorum. Fervorem exigit charitas, æternitas perseverantiam sustinendi. Quis stupet, nisi qui contemplatur gloriam Dei? Quis pavet, nisi qui scrutatur profundum sapientiæ? Quis ferveat, nisi qui meditatur charitatem Dei? Quis sustinet et perseverat in amore, nisi qui æmuletur æternitatem charitatis? Nempe æternitatis quandam imaginem perseverantia præfert. Denique sola est cui æternitas redditur, vel potius quæ æternitati hominem reddit, dicente Domino: *Qui perseveraverit usque in finem, hic salvus erit* (Matth. x, 22).

32. Et nunc adverte in quatuor istis contemplationis species quatuor. Prima et maxima contemplatio est admiratio majestatis. Hæc requirit cor purgatum, ut a vitiiis liberum, atque exoneratum peccatis, facile ad superna levet: interdum quoque vel per aliquas morulas stupore et ecstasi suspensum teneat admirantem. Secunda autem necessaria est huic; est enim intuens judicia Dei. Quo sane pavido aspectu, dum vehementius concepit intuentem, fugat vitia, fundat virtutes, initiat ad sapientiam, humilitatem servat. Virtutum siquidem bonum quoddam ac stabile fundamentum, humilitas. Nempe si nutet illa, virtutum aggregatio non nisi ruina est. Tertia contemplatio occupatur, vel potius otatur circa memoriam beneficiorum; et ne dimittat ingratum, sollicitat memorantem ad amorem benefactoris. De talibus dicit propheta loquens ad Dominum: *Memoriam abundantie suavitatis sue eructabunt* (Psal. cxliv, 7). Quarta quæ retro sunt obliviscens, in sola requiescit expectatione promissorum: quæ cum sit meditatio æternitatis (siquidem quæ promittuntur, æterna sunt), longanimitatem alit, et perseverantiæ dat vigorem. Puto jam facile est quatuor nostra hæc, quatuor ilis Apostoli assignare, dum longitudinem comprehendit meditatio promissorum.

sorum, latitudinem recordatio beneficiorum, sublimitatem contemplatio maiestatis, profundum inspectio iudiciorum. Querendus adhuc fuerat, qui nec satis adhuc inventus est, nec quæri nimis

A potest : at orando forte quam disputando dignius queritur, et invenitur facilius. Proinde is sit finis libri, sed non finis quærendi.

## 459-460 ADMONITIO

### IN SEQUEMTEM EPISTOLAM SEU OPUSCULUM II.

1. Libros de Consideratione, ad summum Pontificem directos, opportune subsequitur tractatus De componendis Moribus Episcoporum, quæ prima est ex quinque Bernardi epistolis ad Henricum archiepiscopum Senonensem, ordine quadragesima secunda. Is cognomento Aper, testante Hugone Autissiodorensi chronographo, aliis (si vulgati non fallunt indices) Gilbertus, ex canonico electus est post Daimbertum pontifex Senonensis anno 1122. Hac in dignitate cum remissius ageret, ad diligentiores muneris sui curam animatus est, agente potissimum Gaufrido Carnotensi episcopo cum Burchardo Meldensi, confirmante in primis sancto Bernardo : quem et patronum habuit adversus Ludovici VII infestationes, ut testatum facit epistola quadragesima nona, ad Honorium papam.

2. Has autem procillas tum Henrico, tum Stephano Parisiensi episcopo excitavit eorum secessus ab aula, et vitæ melioris institutio. Adeo ut qui ante, sicut in prædicta legitur epistola, in habitu actuque sæculari honorati fuerant sublimes, iudicati fideles, habiti familiares ; postea inimici facti sint digne suo sacerdotio conversantes, et per omnia honorificantes ministerium suum. Hinc domini Senonensis constantiam labefactare conatus est Ludovicus rex : quod amplius illustratur in Notis ad epistolas vigesimam secundam et quadragesimam quintam.

3. Non tamen ita mores suos composuit Henricus, ut non in ecclesiasticam censuram incurreret ob iniquam vexationem ejusdam archidiaconi Ecclesiæ suæ, quem non modo iudicio non convictum, sed nec verbo conventum dignitate privavit, teste Bernardo in epistola centesima octogesima secunda, ad eundem Henricum. Hunc suspensum fuisse tradit Hugo chronographus Autissiodorensis ad annum 1136 : idque attestantur Acta Episcoporum Autissiodorensium capite quinquagesimo quinto, ubi de Hugone episcopo, qui cum in Senonensi ecclesia, propter suspensionem domini Henrici metropolitani, locum consecrationis non haberet ; apud Ferrarias a domino Gaufrido Carnotensi episcopo circa festum beati Vincentii consecratus est. Hanc autem suspensionem Henrico ex iniqua depositione archidiaconi sui accidisse proximum vero est. Sed tandem hac censura solutus antistes, anno 1140, apud Senonas synodum habuit, in qua Petri Abbatardi errores damnati fuerunt. Exstant ea de re communes Patrum synodica litteræ ad Innocentium papam, inter Bernardinas epistolas centesima nonagesima prima ; quibus litteris significant, se paucis totum negotium exposuisse, pro eo maxime, quia idipsum diffusius ac plenius contineretur in litteris domini Senonensis : quæ litteræ non aliæ videntur, quam Bernardi epistola centesima nonagesima, ad Innocentium, quæ inter hosce tractatus relata est. Porro Henricus vivere desiit anno 1144 et quidem quarto Idus Junii : cui successit Hugo præcentor.

4. Cæterum hanc epistolam statim ab Henrici conversione scriptam fuisse probant in primis hæc ejus verba n. 2 : « Nuper autem nobis a vestris partibus flare cepit aura secundior. Rumoribus siquidem recentioribus nuntiata sunt de vobis solito lætiora, et non ex incerto famæ, sed ore veridico venerabilis Meldensis episcopi : quod scilicet vitam in melius instituisset Henricus Gaufridi Carnotensis episcopi consiliis, ut mox declarat Bernardus. Atqui hanc Henrici mutationem Honorii secundi pontificatu, ac proinde ante annum 1130 contigisse constat, tum ex Bernardi epistola quadragesima nona, ad eundem Honorium, cui ipsum Henricum commendat ; tum ex ipsa infestationum causa, quæ non alia fuit, quam Henrici discessio ab aula et aulico vivendi genere, atque adeo vitæ rectoris institutio, ut patet ex præmissis.

5. Itaque sub annum 1126 scripta fuit hæc epistola : quo tempore Meldensi præsidebat Ecclesiæ Burchardus, cujus relatu solito lætiora de Henrici conversatione nuntia Bernardus ait se accepisse. Meldensi, inquam, Ecclesiæ tunc præerat Burchardus, non, uti hacenus vulgo persuasum fuit, Manasses II, quem non ante annum 1133 Burchardo successisse probant authenticæ ejus litteræ de Choisiaco pro monasterio Sancti-Martini de Campis, ubi hæc clausula habetur : « Acta sunt hæc anno incarnationis Domini 1133, indici. xiii, anno autem ordinationis domini Innocentii II papæ sexto, ordinationis nostræ secundo, et alia ejusdem charta de Mauregarto, data e anno incarnationis Domini 1140, anno autem ordinationis nostræ septimo. » Huic calculo favet Ordericus in libro sexto, pag. 627, ubi « Stephanus Parisiensis episcopus, et Burchardus Meldensis » Resbacenses monachos admonuisse memorantur de concedendis Uticensibus reliquiis sancti Ebrulphi, quæ de re Bernardus epistolam ad Resbacenses scripserat. Id factum refert Ordericus anno 1130, ad quem proinde annum Burchardus Meldensem Ecclesiam, non Manasses, administrabat. Hinc corrigendi numeri apud Chesnium in notis ad Abbatardum, ubi Manasses dicitur Meldensem Ecclesiam regere capisse anno 1125 : idque probatur ex ejus litteris de Choisiaco, quas decennio serius, et quidem anno Manassæ episcopi secundo, datas fuisse superius observavimus. Quanta vero morum et consiliorum gravitate præditus fuerit Burchardus, illud argumento est, quod ipsum cum Gaufrido consiliarium Bernardus Henrico gratulatur hac in epistola, quæ in codice Vaticano notato 663 dividitur in septem capita. Verum satius visum est Horstianas sectiones jam receptas retinere.

# S. BERNARDI ABBATIS

## DE MORIBUS ET OFFICIO EPISCOPORUM TRACTATUS

### SEU EPISTOLA XLII

AD HENRICUM ARCHIEPISCOPUM SENONENSEM.

#### 461 PROLOGUS.

Domino venerabili HENRICO, Senonensium archiepiscopo, frater BERNARDUS, si quid postest peccatoris oratio.

Placuit Præstantiæ vestræ novum aliquid a nobis dictatum requirere. Gravamur pondere dignitatis, sed dignationis munere gratulamur. Et blanditur petentis favor, et petitionis terret exactio. Qui enim nos sumus, ut scribamus episcopis? Sed rursus qui sumus, qui non obediamus episcopis? Unde dare, inde et negare compellor quod postulo. Scribere tantæ altitudini, supra me est: et eidem non obedi-  
re, contra me. Utrobique periculum; sed in ea parte majus imminere videtur, si non obediero. Hæc itaque exiens qua minus apparet, facio quod jubetis. Dat quippe ausum ipsius dignitatis dignanter indulta familiaritas, et excusat præsumptionem auctoritas imperantis.

#### CAPUT PRIMUM.

*Arduum ac periculosum esse munus episcopi; ideoque et bonis consiliariis opus.*

1. Igitur ex quo regni cælorum claves Deo auctore vobis traditas suscepistis, ac juxta ritum fortis illius mulieris, manum mittere cœpistis ad fortia (Prov. xxxi, 19), si qua vos aut egisse quæ non deberetis, aut pertulisse quæ nolletis audivimus, et illa agentem doluimus, et condoluimus hæc patienti. Inter hæc autem ego recordabar illorum versiculorum: *Qui descendunt mare in navibus, facientes operationem in aquis multis, ascendunt usque ad cælos, et descendunt usque ad abyssos. Anima eorum in malis tabescebat; turbati sunt; et moti sunt sicut ebrius, et omnis sapientia eorum devorata est* (Psal. cvi, 23, 26, 27). Et ideo non judicabam, ut assolet; magis quippe ad compassionem me provocabat hujuscemodi cogitatio: Si, inquam, tentatio est cujusunque hominis vita super terram (Job vii, 1), quantis putatis periculis patet vita pontificis, cui omnium necesse est ferre tentationes? Si ergo latens in caverna, et quasi sub modio, non quidem lucens, sed fumigans, ventorum tamen impetus nec sic declinare sufficio, sed continuis tentationum variisque fatigatus impulsibus, instar vento agitatæ arundinis, hæc illaque circumferor: quid positus supra montem,

A positus supra candelabrum? Solus mihi servandus, solus tamen ipse mihi sum scandalo, solus tædio, solus oneri atque periculo, ita ut propriæ gulæ et ventri, et oculo scandalizanti frequenter irasci oporteat. Quibus ergo molestiis angitur, quibus lacessitur injuriis, cui etiam, etsi propria cessent, nunquam tamen de alienis desunt foris pugnae, intus timores?

2. Nuper autem nobis a vestris partibus flare cœpit aura secundior. Rumoribus siquidem recentioribus nuntiata sunt de vobis solito lætiora, et non ex incerto famæ, sed ore veridico venerabilis Meldensis episcopi (77-78). Interrogatus enim de esse vestro, vultu alacri, et tanquam bene fidens unde requirebatur: Puto inquit, hominem ex hoc jam consiliis se subacturum Carnotensis episcopi. Hoc ab eo responsum tam lætus accepi, quam certus fui consilia viri fidelissima fore. In nullo melius poterat nobis cordis vestri propositum commendare, in nullo spem dare certiorum vestri profectus in Domino. Secure, ni fallor, præfatis ambobus viris et vos, et vestra credetis. Talibus utendo 462 consiliariis, bonam vobis servabitis et famam, et conscientiam. Sic Dei sacerdotem, sic tantæ civitatis decet episcopum, puerilibus non agi sæcularibusve consiliis. Omnes, juxta Domini præceptum, etiam inimici; diligantur (Luc. vi, 27); sed ad consilium soli eligantur, qui et prudentes esse videantur, et benevoli (79). Propterea Dominus, et imprudens discipuli, et fratrum infidele consilium refutabat, respondens improvido, *Non sapis quæ Dei sunt* (Marc. viii, 33); et malevolis, *Vos ascendite ad diem festum hunc, ego autem non ascendam* (Joan. vii, 8). Nec istorum malitiæ, nec illius imprudentiæ se credendum putavit. Quærens denique cui se credere debeat, cui tuto sua committat dispensanda mysteria, et quasi difficile inveniens, sub admiratione interrogat: *Quis putas est fidelis servus et prudens, quem constituit Dominus super familiam suam?* (Matth. xxiv, 45.) Quamobrem et Petro curam ovium crediturus prius ejus studuit probare benevolentiam, ter sciscitans si se diligeret (Joan. xxi, 15-17). Probavit et prudentiam, quando errantibus hominibus, et putantibus ipsum esse quempiam ex Prophetis, ille pr-

*perfecta consilia: quod lemma est ex margine in textum, deestque emendatioribus manuscriptis Colbertinis 1038 et 1410.*

(77-78) Haud dubie Burchardi, non Manassæ II. ex Admonitione, n. 5.

(79) In editis, etiam anni 1494, hic interseruntur hæc verba, *absque prudentia et benevolentia non esse*

PATROL. CLXXXII.



denter veritatem advertens, Deum potius Prophetarum confessus est: *Tu es*, inquit, *Christus Filius Dei* (Matth. xvi, 16). *Vae* nostro generi ab Imperfectione sua! Vix in multitudine hominum unum reperias in utraque gratia consummatum. Haud facile siquidem vel prudentem benevolentiam, vel fidelem inesse sapientiam deprehendas. Sine numero autem sunt, quos utriusque muneris expertes esse constiterit.

3. Prudenter igitur cogitastis sacerdotale onus, episcopale opus, curamque pastorem digne non posse administrari sine consilio. Hinc ipsa castorum consiliorum mater Sapientia de se ipsa loquens: *Ego Sapientia*, inquit, *habito in consilio*. Sed quali consilio? nunquid in qualicunque? *Et eruditus*, ait, *intersum cogitationibus* (Prov. viii, 12). Sed et quod infida consilia declinanda sint, per os Salomonis taliter monet: *Causam tuam tracta cum amico tuo, et secretum extraneo ne reveles* (Prov. xxv, 9). Pulchre quoque per alium quemdam Sapientem, cum sine consilio nil agendum consulat, virorum tamen consilii intuitu paucitatem, ita loquitur: *Multi sint tibi amici, unus autem sit tibi consiliarius de mille* (Eccli. vi, 6). *Unus*, inquit, *de mille*. Benignam ergo non dubitaverim vobis esse divinitatem, cui de

A tanta raritate inter mortales, non unum, sed duos, ipsosque idoneos satis indulsit, providos, benevolos; et, ut facile adsint, comprovinciales; ut gratis, debitores jure subjectionis. Horum acquiescendo consilia, nec præcepis eritis in sententia, nec vehemens in vindicta; non in corrigendis remissior, non severior in parcendis, non pusillanimis in expectandis; nec superfluis in victu, nec notabilis in vestitu; non citus ad promittendum, non ad reddendum tardus, nec prolixus dator. Istorum consilium longe semper faciet a vobis malum tempore vetus, sed cupiditati novum, simoniam; et matrem ejus avaritiam, quæ est idolorum servitus. Et ut brevi omnia sermone concludam, si his credideritis, in omnibus, exemplo Apostoli, honorificabit ministerium vestrum (Rom. xi, 15): ministerium, inquam, non dominium. Ipsum itaque honorificabit; non vos: nam qui querit quæ sua sunt, se cupit honorari, non ministerium.

#### 463 CAPUT II.

*Honorem et decus dignitatis ecclesiastica non consistere in externo splendore, sed in morum et virtutum decore.*

4. Honorificabit autem non cultu vestium (80),

(80) Ita concil. Carthagin. iv, cui S. Augustinus interfuit, can. 15: *Episcopus*, inquit, *vilem suppellectilem, mensam ac victum pauperem habeat, et dignitatis suæ auctoritatem fide ac vite meritis querat*. Quæ verba concilium Tridentinum repetit, et novæ auctoritatis pondere corroborat, hortaturque episcopos, ut in primis mores suos ita componant, ut reliqui ab his frugalitatis, modestiæ, continentiæ, et sanctæ humilitatis exempla petere possint. Et post adducta verba concilii Carthag. vult, *ut etiam in reliquo vite genere, ac tota sua domo caveant, ne quid appareat, quod a sancto hoc instituto sit alienum, quodque non simplicitatem, Dei zelum, ac vanitatum contemptum præ se ferat*, sess. 25, cap. 1, *De reform.*

Perversa multorum animos occupavit opinio, externum illum splendorem, fastum, et magnificum apparatus, proceribus quoque ecclesiasticis competere, imo necessarium esse, ut status sui dignitatem tueri possint. Sed hanc persuasionem canonum ac Conciliorum auctoritas, unanimis Patrum doctrina, sanctorum Præsulum exempla, et ratio ipsa convellunt. Ostendere id facile esset per singula, si ferret præsentis instituti ratio. Fiet alias prolixè, cum edetur in lucem *Zelus domus Dei*, liber hoc titulo de ecclesiasticæ vite disciplina jam affectus. Interim hos auctores lege, Bartholom. de Martyrib. ex ord. Dominicanorum archiepisc. Bracarensem lib. utilisimo, qui *Stimulus pastorum* inscribitur, parte 2, cap. 6. ibidem adjunctum habes tractatum elegantiss. de morib. prælat. P. Ludov. Granat. ex eodem ord. concionatoris celeberrimi, ubi idem argumentum docte ac eleganter prosequitur cap. xi. Antonium Molinam in Instruct. sacerdot., tract. 2, cap. 15, qui liber utinam omnium ecclesiasticorum manibus teratur! Lindanum episc. Ruremund. Tract. ad omnes ecclesiast. De fugienda impoenit. lib. ii, pag. 115. Henricum Cuckium iidem Ruremund. episcopum epist. 2, parænet. ad cler. suæ diocesis. Gersonem. cancell. Paris. tom. II, tract. De temperant. prælat., mihi pag. 545 et seq., et tom. I, pag. 202, de signis ruinæ Eccles. Quibus merito addendi Bellarm. De officio princip. Christ., lib. i, cap. 5. Platus de cardin., cap. 16. Rodriguez. ii, p. Exerc., tract. iii, cap. 29, ubi testimonio S. Francisci Xaverii docet

quomodo paretur et conservetur auctoritas, et cur ea in prælatis hodie adeo evilerit.

C Illi omnes una voce docent, idque gravissimis rationibus et exemplis convincunt, veris solidisque virtutibus potius, quam externo splendore honorem et reverentiam acquiri: nimis infirma esse honoris fulcra, quibus plerique nituntur: potius illa auctoritati officere, et tandem in contemptum vergere. Et hoc maxime in prælato ecclesiastico locum habere: sanctorum Præsulum exemplis facile id comprobari. Quanta enim, ut alios infinitos præteream, sanctorum Basilii, Martini, Augustini, Chrysostomi fuit auctoritas, quæ dignitas et gloria? et quibus illa rebus constituit? Certe si illa tuendæ auctoritatis adminicula quævisset, quæ sola nunc multis curæ sunt, jam dudum perisset memoria eorum cum sonitu, et nomina eorum tenebris et oblivione perpetua sepulchra laterent, qui nunc honorificati sunt nimis per omnem Ecclesiam, eruntque semper in benedictione: quia nimirum ipsi honorificaverunt ministerium suum in diebus carnis suæ, non argento vel auro, non pretiosis vestibus, bonisque hujus sæculi; sed talium rerum contemptu, sedula officii ac vocationis cura, serioque humilitatis, modestiæ, charitatis, cæterarumque virtutum studio. Sed hæc uberius elegantiusque tractata leges apud citatos auctores, quorum verbis in hujusmodi materia libenter utimur, ut veritas, tantis nixa auctoribus, plus habeat ponderis, et minus timeat invidiam.

D Sed quia diversitatem temporum obtendere solent, qui in imo jacentes, et languidi circa sublimioris vite studia, virtutibus honorem et auctoritatem se consequi ac tueri posse desperant, adeoque ad infima isthac et infirma præsidia conversi, alia tempora, alios mores requirere dicunt: his libet sanctissimum nostræ ætatis Præsulem proponere, cujus quo rarior vite modestia, majorque frugalitas, et omnis splendoris abdicatio, eo major fuit auctoritas et reverentia. De quo ita Hieron. Platus lib. De offic. cardin., cap. 16. «Hæc est via certissima et optima venerationis acquirendæ inter homines, si virtus emicet, si integritas, si gravitas, religio ac pietas emineat, ut ab hominibus conspiciatur.» Confirmat exemplo S. Nicolai Myrens. episcopi, deinde subdit:

non equorum fastu, non amplis ædificiis, sed ornatu moribus, studiis spiritualibus, operibus bonis. Quam multi aliter! Cernitur in nonnullis sacerdotibus vestium cultus plurimus; virtutum aut nullus, aut exiguus. Quibus ego si rememorem illud apostolicum, *Non in veste pretiosa* (1 Tim. II, 9), vereor ne indignantur, dum nimirum indignum ducant in se assumptam sententiam, quam prius in viliores sexus et ordinem prolatam fuisse recognoverint. Quasi vero non eodem utantur medici ferro secandis regibus, quo et popularibus hominibus: aut capiti fiat injuria, si ipsis forcipibus capilli excrecentes detondeantur, quibus et unguum fuerint resecata superflua. Attamen si dedignantur pari cum mulierculis, non quidem a me, sed ab Apostolo feriri sententia, dedignantur et cum ipsis eadem involvi culpa. Despiciant jam textricum sive pellicum, et non propriis operibus gloriari. Horreant et murum rubricatas pelliculas, quas gulas vocant (81), manibus circumdare sacratis, et sacrantibus tremenda mysteria. Respuant et apponere pectori, quod decentius ornat gemma sapientiæ. Pudeat et collo-

A circumtexere, quod honestius atque suavius Christi jugo submittitur. Non Christi stigmata sunt hæc, quæ isti martyrum exemplo circumferant in corpore suo. Muliebria potius esse noscuntur insignia, quæ utique curiosius et sumptuosius illæ sibi præparare consueverunt, cogitantes nimirum quæ sunt mundi, quomodo placeant viris.

5. Verum tu, sacerdos Dei altissimi, cui ex his placere gestis, mundo, an Deo? Si mundo, cur sacerdos? Si Deo, cur qualis populus, talis et sacerdos? Nam si placere vis mundo, quid tibi prodest sacerdotium? Nec enim potes duobus dominis servire. Qui autem vult amicus esse hujus mundi, inimicus Dei constituitur: (Jac. IV, 4) et propheta, *Deus, confusi sunt, quoniam Deus sprevit eos* (Psalm. LII, 6): et Apostolus: *Si hominibus placere, Christi servus non essem* (Galat. I, 10). Volens itaque placere hominibus, Deo non places: si non places, non places. Cur ergo, ut dixi, sacerdos? Si vero, quod addidi, placere intendis, non mundo, sed Deo, cur qualis populus, talis et sacerdos? Enimvero, si sacerdos

Sed quid antiqua repetimus? Cardinalis Borromæus, ne quis tempora causetur, notum est, quam omnem suppellectilem alicujus pretii, conopæa, aulea, aliaque ejus generis abs se removerit. Vestibus utebatur, externis quidem, ut cardinalis; interioribus vero ex simplici panno et tela: quin etiam cubicularis amictus ex panno erat cinerico, rudi et crasso, quam ipsam vestem quatuordecim totis annis nunquam mutavit, multaque alia ejusmodi, quæ non est necesse referri, quoniam nota sunt et recentia, constanter usque ad mortem servavit. Quid horum igitur de ejus celebritate imminuit? Potius multum addidit. Nam, qui hæc speciosa habeant, multi sunt: neque id virtutis est, sed opulentiae, quæ etiam in insipientem cadere potest, et sæpe cadit. At vero illa spernere sapientiæ est, ideoque admirationem potius et commendationem parit. Ita Platus, Cui suffragatur Carolus a Basilica Petri episcopus Novariensis a disertissimis Vitæ S. Caroli Borromæi scriptor, lib. VII, cap. 6, ubi ait fuisse, qui exiguum comitatum et alia quedam in Carolo ad Christianæ humilitatis virtutem pertinentia reprehenderent, et summam dignitatem aliquo modo ita imminui quererentur. Res etiam ad ipsum Pontif. Pium V. aliquando relata est. Cui Carolus ita facti sui rationem reddidit, ut nihil haberet optimis Pater, quod improbaret. Eorum qui Dei ministri essent, dignitatem ac existimationem dicebat, non in humanis ornamentis, sed in religiosis virtutibus consistere. Res ipsa declaravit, et superius narrata demonstrant. Caroli abjectionem, morum gravitate, sanctitateque conjunctam, summis atque infimis tanto semper in honore fuisse, quantum nulla terreni splendoris ornamenta consequi potuissent.

(81) Hujus vocis duplicem possumus reddere rationem. Primo enim non incongrue littera immutata videatur usurpari pro gula, a Græco γούρα quod vestem villosam significat ex pellicibus confectam. Unde illud Guiberti in epistola ad Lullum episcopum: *Gulam de pellicibus lularum factam tum fraternitati misi*. Nec enim novum litteram N in L demutari. Sic apud Varonem *vallus pro vannus*; *evallere pro evanescere* apud Plinium lib. XVIII, cap. 10, ut notavit Dausquius in Orthographia. Secundo pro pellicibus animalium sanguineo colore tinctis, eo loquendi modo, quo nomen Gallicum, *goule*, ad rubeum colorem designandum in artem symbolicam inventum

esse quidam opinantur, sumpta videlicet metaphora a cruentis pellicibus seu gulis eorum animalium quæ in amphitheatris multis morsibus digladiando sese strangulabant. Fuerint igitur pelles istæ, de quibus hic agit Bernardus, vel murum Ponticorum, vel aliorum similium, quibus color rubricatus sive pilus villosus *Gularum* nomen indidit. Quod spectat ad earum usum hic ab ipso assignatum, non parum illustratur ex multa quadam parabola in quibusdam editionibus Bernardi Operibus inserta, sed stili ejus et genii gravitatem non assequente, ex qua huic loco exponendo pauca delibare sufficiat. Sed nunquid talis ac tantus sponsus ad sponsam suam vacua manu venit? Nequaquam sed donativa detulit, delata erogavit. Et quia hiemis tempore venit, hiemales vestes primum sponse dedit, *agnam* videlicet *pelliceam*, et *cappam*, quod utrumque sit de agno: sed alterum sine dolore agni, scilicet lana, de qua fit cappa, sumitur: alterum, videlicet pelles, unde pellicea, absque dolore gravi ab agno non accipitur. Sponsus iste agnus est. De lana sua sponsæ suæ *cappam* fecit, cum humilitatem verbis docuit. *Pelliceam* dedit, cum vigiliis, jeuniis, et aliis carnis suæ afflictionibus, ultimum passionem crucis, mortificationem carnis sponsæ ostendit. *Pellicea*, quæ de mortuis animalibus fit, mortificationem insinuat. Hæc autem hiemis tempore. Paschali vero tempore *arminiam* (d'hermine) pelliceam dedit *circa collum*, et *circa manum rubeis guttis* preparatam. Igitur *pellicia* sponsæ de *arminio* fit, quod candidum est, in significationem lætitiæ spiritualis ob spem future resurrectionis: *circa collum* et usque *supra pectus* et *circa manum rubeis guttis* ornata est, quia passionem Christi, quam ore prædicat, corde sentit, et operibus attestatur. Dedit etiam Christus Paschali tempore sponsæ suæ *cordubanos duos*, etc. Vide Declarationes n. 10 epist. 2, n. 11. Porro quam fuerit familiaris Bernardi sæculo pellicearum usus, tam clericis quam monachis, imo etiam laicis, ipsique feminis, vide Chesnium in notis ad Petri Venerabilis epist. 28. lib. 1. De Gulis loqui videtur Benedictus XII, in Bulla *Ad decorem*, his verbis: *Prohibemus etiam ne dicti Canonici de cætero ferant forcaturos de ventribus variorum ac squirolorum cum dorsis permixtis, sed sint de civilibus simplicibus vel albis, vel nigris, vel griseis, etc.*

pastor est, et populus oves, dignum est ut in nullo appareat ovibus pastor dissimilis? Si instar mei, qui ovis sum, pastor meus et ipse incurvus graditur, vultum gerens deorsum, et terram semper respiciens, et soli ventri mente jejuna pabula quæritans, in quo discernimur? Væ, si venerit lupus! non erit qui prævideat, qui occurrat, qui eripiat. Decetne pastorem more pecorum sensibus incubare corporeis, hærrere infimis, inhiare terrenis: et non potius erectum stare ut hominem, cælum mente suspicere, quæ sursum sunt et quærere et sapere, non quæ super terram?

6. Cæterum mihi indignatur, si vel nutum facere audeam, jubetque ori manum apponere, dicens monachum, qui non habeam judicare de episcopis. Utinam et oculos mihi claudas, ut nec cernere possem, quæ contradicere prohibes! Magna vero præsumptio, si ovis cum sim, in ipsum pastorem meum lupos sævissimas, vanitatem et curiositatem, irruere cernens, infremuero, quo ad meum forte balatum eruentis bestiis a quopiam occurratur, et succurratur perituro. Quid facient de me, qui ovicula sum, quæ et in ipsum pastorem tanta feritate insiliunt? Et quidem si non vult ut clamem pro se, nunquid non et pro me balare licebit? **464** Sed, etsi ego sileo, ne ponere videar in cælum os meum, clamatur tamen in Ecclesia: *Non in veste pretiosa*. Clamatur autem specialiter ad feminas: ut erubescat in se deprehendi episcopus, quod in fragiliori quoque sexu audierit reprehendi. An forte nulla timetur confusio, si ego solus submussitare desiero? Nunquid etsi ego non loquor, sua cuique non loquitur conscientia? Quid si alius audacior me, non quidem de Apostolo, ut ego; non de Evangelio, non de propheta, non denique quidpiam ecclesiasticum, sed illud tantum gentilem ingerat: «Dicit, pontifex, » non quidem «in sancto, » sed in freno, «quid facit aurum?» Quam tolerabilius cernitur in sancto, quam in freno! Ille me etiam tacente, etsi non curia regum, tamen penuria pauperum clamat. Sileat licet fama, sed non fames. Fama quidem silet, quia non potest mundus odisse vos. Nam quomodo arguet mundus peccatum, a quo potius laudatur peccator in desideriis animæ suæ, et iniquus benedicitur!

7. Clamant vero nudi, clamant famelici, conquerrunt, et dicunt:

*Dicite, pontifices, in freno quid facit aurum?*  
(*PERSIUS, Sat. 8, vers 69.*)

Nunquid aurum a freno repellit frigoris sive esuriam! Nobis frigore et fame miserabiliter laborantibus, quid conferunt tot mutatoria, vel extensa in perticis, vel plicata in manticis! Nostrum est quod effunditis; nobis crudeliter subtrahitur, quod inaniter expenditis. Et nos enim Dei plasmatio, et nos sanguine Christi redempti sumus. Nos ergo fratres vestri. Videte quale sit de fraterna portione pascere oculos vestros. Vita nostra cedit vobis in superfluas

A copias. Nostris necessitatibus detrahitur, quidquid accedit vanitatibus vestris. Duo denique mala de una prodeunt radice cupiditatis, dum et vos vanitando peritis, et nos spoliando perimitis. Jumenta gradiuntur onusta gemmis, et nostra non curatis crura nuda calignis. Annulli, catenulae, tintinnabula, et clavata quædam corrigiæ (82), multa que talia, tam speciosa coloribus, quam ponderibus pretiosa, mulorum dependent cervicibus: fratrum autem lateribus nec semicinctia miserantes apponitis. Huc accedit, quod hæc omnia nec negotiationis studio, nec proprio manuum exercitio vobis elaborastis, sed nec jure hereditario possidetis: nisi forte et vos in corde vestro dixeritis: *Hereditate possideamus sanctuarium Dei* (*Psal. LXXXII, 13*). Et hæc pauperes modo quidem coram Deo tantum, cui corda loquuntur. Nec enim audent aperte causari adversum vos, quibus interim pro sua vita necesse habent potius supplicare. Cæterum in futuro stabunt in magna constantia adversus eos qui se angustiaverunt, stante quippe pro eis patre orphanorum, et iudice viduarum. Ipsius enim tunc vox erit: *Quandiu non fecistis unis de his minimis meis, nec mihi fecistis* (*Matth. xxv, 45*).

### CAPUT III.

*Præsulum potissima et dignissima ornamenta, castitas, charitas, humilitas.*

8. Vos autem, reverendissime pater, vos, inquam, absit ut in talibus honorificandum putetis ministerium vestrum. Videntur quidem honorifici, sed oculo qui videt in facie, non qui videt in abscondito. Nam, quæ videntur in abscondito, nullis apparent fucata coloribus, spectabilia sunt tamen; nullis condita saporibus, prædulcia tamen; nullis elevata culminibus, excelsa tamen. Castitas, charitas, humilitas, nullius quidem coloris sunt, sed non nullius decoris; nec mediocris decoris, qui divinos quoque delectare possit aspectus. Quid castitate decorius, quæ mundum de immundo conceptum semine, de hoste domesticum, angelum denique de homine facit? Differunt quidem inter se homo pudicus et angelus, sed felicitate, **465** non virtute. Sed, etsi illius castitas felicior, hujus tamen fortior esse cognoscitur. Sola est castitas, quæ in hoc mortalitatis et loco, et tempore statum quemdam immortalis gloriæ repræsentat. Sola inter nuptiarum solemniam morem beatæ illius vindicat regionis, in qua neque nubunt, neque nubuntur: præbens quodammodo terris cælestis jam illius conversationis experientiam. Vas interim fragile quod portamus, in quo et crebro periclitamur, tenet castitas (ut monet Apostolus) in sanctificationem (*1 Thess. iv, 4*), et instar odoriferi balsami, quo condita cadavera incorrupta servantur. Sensus ipsa et artus continet et contingit [constringit], ne dissolvantur otii, ne corrumpantur desideriis, ne carnis voluptatibus computrescant: quemadmodum legitur de quibusdam, quia *computruerunt ut jumenta in stercore suo* (*Joel. i, 17*). Hoc itaque tantæ pulchritu-

(82) Clavatae corrigiæ, lora clavis ex auro, purpura, aliisve coloribus intexta.



dinis ornamentum digne dixerim sacerdotium honorare, quod dilectum Deo et hominibus faciat sacerdotem, cujus quippe memoria, non in carnis successione, sed in spirituali benedictione sit, reddatque similem in gloria sanctorum, in hac licet adhuc regione dissimilitudinis constitutum.

9. Verum quantalibet venustate sui castitas eminare appareat, sine charitate tamen nec pretium habet, nec meritum. Nec mirum. Quod enim absque illa bonum suscipitur? Fides? Sed nec si montes transferat. Scientia? Sed ne illa quidem quæ lingua loquitur angelorum. Martyrium? Nec si tradidero, inquit, corpus meum ita ut ardeam (1 Cor. xiii, 1-3). Nec absque illa quodlibet bonum suscipitur, nec cum illa quamlibet exiguum respuitur. Castitas sine charitate, lampas est sine oleo. Subtrahe oleum, lampas non lucet. Tolle charitatem, castitas non placet. Sed o quam pulchra est, ut Sapiens clamat, casta generatio cum charitate! (Sap. iv, 1.) Cum illa, inquam, charitate, quam describit Apostolus, de corde puro, et conscientia bona, et fide non ficta (1 Tim. i, 5).

10. Porro puritas cordis in duobus consistit: in querenda gloria Dei, et utilitate proximi; ut in omnibus videlicet actis vel dictis suis nihil suum querat episcopus, sed tantum aut Dei honorem, aut salutem proximorum, aut utrumque. Hoc enim agens implebit non solum pontificis officium, sed et etymologiam nominis, pontem utique se ipsum faciens inter Deum et proximum. Pertingit pons iste usque ad Deum ea fiducia, qua non suam, sed illius gloriam querit. Pertingit usque ad proximum illa pietate, qua et ipsi, non sibi prodesse desiderat. Offert Deo bonus mediator preces et vota populorum: reportans illis a Deo benedictionem et gratiam. Supplicat majestati pro excessibus delinquentium, vindicat in peccantes injuriam Dei. Ingratis improperat beneficia pietatis, contemnentibus potentiae severitatem insinuat, utrisque tamen nihilominus placare studet indignantis furorem: nunc quidem hominum obtendens infirmitatem, nunc divinæ magnitudinem pietatis. Denique sive excedat Deo, sive sobrius sit nobis, aut Deo semper, quantum in ipso est, præstare [al. placere] gestit, aut [al. add. præstare] nobis, non quod sibi omnino utile est querens, sed quod multis.

11. Fidelis pontifex, qui bona quælibet per manus suas transeuntia, sive divina beneficia ad homines, sive hominum vota ad Deum, columbino intuens oculo, nihil sibi retentat ex omnibus. Nec populi requirit datum, sed lucrum, nec Dei gloriam usurpat sibi. Acceptum talentum non ligat in sudario, sed partitur nummulariis, a quibus et usuras recipit, non sibi, sed Domino. Non habet foveam ut vulpes, non tanquam volucres nidum, non locules quomodo Judas; non denique, sicut nec Maria, locum in diversorio. Imitatur profecto illum qui non habebat ubi recinaret caput; factus in præsentiarum tanquam vas perditum: quandoque procul dubio futurum vas in honorem, et non in contumeliam. De-

nique perdit animam suam in hoc mundo, ut in vitam æternam custodiat eam. Hoc tanto puritatis intimæ bono gloriari non potest veraciter, nisi qui extrinsecas <sup>466</sup> gloriolas perfecte respuerit. Nec enim pure valet Dei vel proximi querere lucra, qui propria non contempserit. Is tantum puritatis interioris gloria non fraudatur, qui dicere potest cum Domino: Si ego quero gloriam meam, gloria mea nihil est (Joan. viii, 54); et cum Apostolo: Mihi vivere Christus est, et mori lucrum (Philipp. i, 21); et cum propheta: Oblivioni datus sum, tanquam mortuus a corde (Psalm. xxx, 13), id est a propria voluntate. Bona oblivio, si te ipsum nescias, ut proximo prosis. Bene autem mortuus a corde, si jam non tibi vivere studeas, sed ei qui pro te mortuus est. Bene mortuus est a corde, qui dicit: Vivo autem jam non ego. Sed, si mortuus a se, non tamen a Christo: sequitur enim Vivit vero in me Christus (Galat. ii, 20). Mortem hanc, quæ sit a corde, infert charitas, de qua loquitur sponsa in Canticis: Vulnerata charitate ego sum (Cantic. iv, 9). Fortis quippe est ut mors dilectio (Cantic. viii, 6), et mortem in nobis, non vitam occidit. Unde et audacter minatur: O mors, ero mors tua (Ose. xiii, 14). Peccatum exstinguit, quod animæ vitam expulerat; animamque restituit innocentiae.

11. Verum, si prævalet morti charitas, ita ut illam in congressu perimere possit, cur dicitur fortis ut mors, et non potius, morte fortior? An forte quia et ipsa est mors, et se ipsa fortior esse non potest? Bona mors, non vitæ, sed mortis. Bona mors, et nequaquam abhorrenda, quæ vitam etsi adimit, non perimit. Adimit quidem, sed ad tempus, restituendam in tempore, duraturam sine tempore. Denique mortui estis, inquit, et vita vestra abscondita est cum Christo in Deo. Cum autem Christus apparuerit vita vestra, tunc et vos apparebitis cum ipso in gloria (Coloss. iii, 3, 4). Libenter igitur carebo ad tempus, ut in æternum possideam. Et ista sufficient pro eo quod scriptum est: Charitas de corde puro (1 Tim. i, 5). Sane in tanta oblivione sui necesse est cor bene esse conscius sibi, quo se in lucra securius foris extendat, cum securam intra se reliquerit conscientiam. Quid enim prodest homini si universum mundum D lucretur, animæ autem suæ detrimentum patiatur? (Matth. xvi, 26.)

#### CAPUT IV.

Cura sinceræ fidei, et charitatis non fictæ, præsulī maxime necessaria.

13. Sed et ordinis exigit ratio, ut qui ad sui mensuram proximum jubetur diligere, prius se ipsum diligere norit. Itaque duo sunt præcipue quæ bonam reddunt conscientiam, pœnitere de malis, et abstinere a malis: hoc est, ut verbis loquar beati Gregorii, et commissa flere, et flenda non committere (Rom. 54, in Evang. post med.). Horum neutrum solum sufficit. Nam si primum absque secundo sufficeret, frustra et David hortaretur dicens, Declina a malo (Psalm. xxxvi, 27): et Isaias: Quiescite agere perverse

(Isa. 1, 16) et Deus ipse ad Cain: *Peccasti, quiesce* (Gen. iv, 7, juxta LXX). Rursum si secundum per se post peccatum bonam sufficit restaurare conscientiam, sine causa clamat pœnitens in Psalmo: *Beati, quorum remissæ sunt iniquitates, et quorum tecta sunt peccata* (Psal. xxxi, 1); et illud: *Vide humilitatem meam et laborem meum, et dimitte universa delicta mea* (Psal. xxiv, 18); et in oratione Dominica: *Dimitte nobis debita nostra, sicut et nos dimittimus debitoribus nostris* (Matth. vi, 12). Utriusque virtutis bene conscius animus secure jam se ipsum deserat, et quodammodo perdat, ut alios lucrificat. Cum infirmatibus infirmetur, uratur cum scandalizatis: fiat etiam, si oporteat, Judeis Judæus, nihilque formidet cum tali conscientia, exemplo Jeremiæ et Ezechielis, in Ægyptum vel in Chaldaeam cum transgressoribus captivari (Jerem. xliii, 6, et IV Reg. xxiv); sed et cum sancto Job frater fieri draconum, et socius struthionum (Job. xxxi, 29); cum Moyse quoque (quod gravius est) deleri de libro Dei (Exod. xxxii, 32); et cum Paulo anathema esse a Christo pro fratribus non timeat cum hujusmodi conscientia (Rom. ix, 3); ipsam denique, si necesse est, intrare gehennam, securus medias penetrans flammæ, læta decantet conscientia, *Etsi ambulavero in medio umbræ mortis, non timebo mala, quoniam tu mecum es* (Psal. xlii, 4). Comparemus, si placet, thesauros regum et fastigia regnorum cum hujusmodi fiducia: nonne cuncta horum felicitas, **467** præ tanti boni [al. tantis bonis] divitiis, miseria reputabitur? Et hanc fiduciam operatur charitas de corde puro, et conscientia bona.

14. Jam vero quod restat, de fide non ficta (I Tim. i, 5); et item quod ex alio loco in mentem venit, *fides sine operibus mortua est* (Jac. ii, 20), duo ista mittunt nos ad quamdam fidei trifariam divisionem, ut dicatur fides mortua, ficta, probata. Et mortuam quidem Apostolus definit eam esse, quæ sine operibus est, id est quæ non operatur ex dilectione, quasi non habens animam, ipsam dilectionem, qua vegetetur [al. add. anima], et moveatur ad opera. Fictam autem ego arbitror illam vocari fidem, quæ suscepta quidem ex charitate vita, moveri inchoat ad bene operandum; sed non perseverans deficit, et moritur tanquam abortiva. Eo utique sensu fictam hujusmodi dixerim nominatam, quo vasa figuli vocamus fictilia: non quia videlicet utilia non sunt quamdiu durant, sed quia fragilia cum sint, diu minime durant. De hac fidei fictione puto illos notari in Evangelio: *Qui ad tempus credunt et in tempore tentationis recedunt*. Interrogo eos qui dicunt charitatem a quo semel accipitur, nequaquam ultra recedere. Ait Veritas de quibusdam: *Et hi radices non habent, quia ad tempus credunt, et in tempore tentationis recedunt* (Luc. viii, 13). Unde, et quo recedunt? Utique a fide ad infidelitatem. Item quæro: Poterantne in illa fide salvari, an non poterant? Si non poterant, quæ injuria Salvatori, quæve tentatori lætitia, quod hinc recedant, ubi salus non sit? siquidem nec Salvator zelatur nisi

A salutem, nec malignus invidet nisi salutem. Si autem poterant, quomodo aut sine charitate sunt, quandiu in illa fide sunt, cum sine charitate salus esse non possit; aut deserentes fidem, non etiam deserunt charitatem, cum charitas et infidelitas simul esse non possint? Recedunt ergo quidam a fide, quia Veritas asserit; consequenter et a salute, quia Salvator redarguit: inde nos colligimus, quod et a charitate, sine qua salus esse non potuit [al. poterit]. Et hi, inquit, *radicem non habent*. Non negat eos habere bonum, sed in bono potius radicato non esse causatur.

15. Denique sequitur, et ait: *Quia ad tempus credunt*. Bonum est, sed utinam duraturum. Non enim qui cœperit, sed qui perseveraverit usque in finem, hic salvus erit (Matth. x, 22). Non autem durant, quoniam in tempore tentationis recedunt. Beati si interim rapti fuissent, antequam malitia mutaret corda eorum. Nunc vero vix prægnantibus et lactantibus in illis diebus, teneros utique fetus gestantibus, et de vita recenti facile in periculis exturbandos. Tales sunt animæ parvam adhuc et teneram habentes charitatem: et ob hoc earum fidem vivam, sed fictam, necesse est in tentatione deficere. *Vasa figuli*, ait, *probat fornax, et homines justos tentatio* (Eccli. xxvii, 6), illos videlicet, qui ex fide vivunt. Justus nempe ex fide vivit (Rom. i, 17), sed ex fide quæ vivat. Neque enim quæ mortua est, vitam dare potest. Dæmonium fides non adducitur in examinationem: vacua quippe charitate, mortua est. Credunt quidem et contremiscunt, sed timor non est in charitate. Proinde in labore hominum non sunt, et cum hominibus non flagellantur: quod extinctæ fidei nulla jam debeatur probatio, sed reprobatio. Solam itaque justorum fidem, id est vivorum vivam, fornax tentationum suscipit examinandam. Sed non omnium justitia manet in sæculum sæculi: quoniam sunt qui ad tempus credunt, et in tempore tentationis recedunt. Qualis sit cujuscunque fides, tribulatio probat. Si cujus deficit (deficit enim, cum in charitate non perseverat), ficta esse dignoscitur, si cujus perseverat, probata et perfecta censetur.

16. Liqueat ex his satis, ut arbitror, non omnes qui habuerint charitatem, habere et perseverantiam in charitate. Alioquin frustra commoneret discipulos Dominus: *Manete*, inquit, *in dilectione mea* (Joan. xv, 9). Aut enim, si necdum diligebant, non debuerat dicere, *manete*, sed, *Estote in dilectione mea*: aut, si jam diligebant, necesse non erat moneri de perseverantia, qua secundum istos privari non poterant. Curet igitur servus bonus et fidelis **468** fide servare non ficta charitatem de corde puro et conscientia bona: pluris æstimans animæ vitam quam corporis, minus horrens carnis mortem quam fidei.

#### CAPUT V.

*De virtute humilitatis omnibus quidem, sed prælatis in primis necessaria.*

17. Jam de tribus quæ superius proposuimus, sola, ni fallor, tractanda restat humilitas. Hæc duabus præmissis virtutibus in tantum est necessaria,

ut absque ista illæ nec esse virtutes videantur. Nempe ut castitas seu charitas detur, humilitas meretur: quoniam humilibus Deus dat gratiam (Jac. iv, 6). Humilitas ergo virtutes alias accipit. Servat acceptas, quia non requiescit Spiritus Domini, nisi super quietum et humilem (Isa. lxxvi, 2). Servatas consummat; nam virtus in infirmitate, hoc est in humilitate, perficitur (II Cor. xii, 9). Inimicam omnis gratiæ, omni-que initium peccati debellat superbiam, et tam a se quam a cæteris virtutibus superbiam illius propulsat tyrannidem. Siquidem cum ex aliis quibusque bonis virum magis suarum capere solet incrementum superbia, sola hæc omnium propugnaculum quoddam turrisque virtutum, ejus fortiter resistit malitiæ, obviat præsumptioni. Sola denique est, de qua omnium plena virtutum Maria gloriam esse putavit. Audito quippe ab angelo, Ave, gratia plena, quasi solam ex illa plenitudine humilitatem in se cognosceret, solam rependisse ac respondisse memoratur in gratiam: Respexit, inquit, Deus humilitatem ancillæ suæ (Luc. i, 28-48).

18. Quid deinde auctor et dator virtutum Christus, in quo omnes thesauri sapientiæ et scientiæ sunt absconditi, in quo omnis quoque plenitudo divinitatis habitat corporaliter? nonne tamen et ipse de humilitate, tanquam summa suæ doctrinæ suarumque virtutum, gloriatur est? Discite, ait, a me, non quod sobrius, aut castus, aut prudens, aut aliquid ejusmodi: sed, quia mitis sum et humilis corde (Matth. xi, 29). A me, inquit, discite. Non ad doctrinam patriarcharum, non ad prophetarum libros ego vos mitto; sed me vobis exemplum, me formam humilitatis exhibeo. Inviderunt mihi altitudinem quam habeo apud Patrem, angelus et femina: ille potentiæ, illa scientiæ. Vos autem æmulamini charismata melliora, discentes a me quia mitis sum et humilis corde.

19. Commodum reor indagare aliquid et de superbia, quatenus ex opposito sibi vitio virtutis hujus decor manifestior appareat. Superbia est appetitus propriæ excellentiæ. Hæc in species duas dividitur, in cæcam et vanam superbiam. Quæ quidem et aliis nominibus appellari possunt, contumacia et vanitas: quarum prior intelligentiæ, posterior voluntatis vitium est. Nam ex illa rationis fallitur oculus, et ex ista voluntatis appetitus male afficitur. Quod melius ex Angularum definitionibus demonstrabimus. Cæca superbia seu contumacia est vitium, quo se existimans aliquis vel esse bonum quod non est, vel a se esse quod est, in se, non in Domino gloriatur. Vana superbia seu vanitas est vitium, quo quis tam de eo quod est, quam de eo quod non est, suis magis quam Dei laudibus delectatur. His ita præmissis, aptemus jam contraria humilitati, singula singulis opposites. Humilitas est contemptus propriæ excellentiæ. Contemptus opponitur appetitui. Duabus quoque superbiam speciebus, duæ nihilominus humilitatis opponuntur: contra cæcam, ut quis de se noverit sentire humiliter; contra vanam, nec consentire aliter sentientibus. Nempe qui de se ipso sentire humiliter novit, in neutro ipsius de se judi-

cium falli potest, videlicet ut aut majus aliquid putet se esse quam sit, aut a se esse quod sit. Et ideo patienter carens quod sibi novit deesse, humiliter de eo quod certus est adesse, non in se, sed in Domino gloriatur.

20. Porro adversus hoc, ut de se alius se aliquid sentiat, solet, ne insolescat, verus humilis illud sibi jugi meditatione revolvere: Non alta sapientes, sed humilibus 469 consentientes (Rom. xii, 16): et illud, Non ambulavi in magnis, neque in mirabilibus super me. Si non humiliter sentiebam, sed exaltavi animam meam (Psal. cxxx, 1, 2): et item: Qui se putat aliquid esse, cum nihil sit, ipse se seducit (Galat. vi, 3). Contra hoc autem ut a se sentiat esse, quod se sentit esse, sollicite se ipsum interrogat: Quid habes quod non accepisti? Si autem accepisti, quid gloriaris quasi non acceperis? (I Cor. iv, 7.) Item, qui humanas laudes consuevit perfecte contemnere, cum se laudari percipit de eo quod in se novit non esse, nullatenus acquiescens, illud sibi commemorat: Qui te beatificant, in errorem te mittunt (Isa. iii, 12). Sed et illius nihilominus versiculi recordatur. Veruntamen vani filii hominum, mendaces filii hominum in stateris, ut decipiant ipsi de vanitate in idipsum (Psal. lxi, 10). Proinde sollicite studet imitari Apostolum, ita de se loquentem: Parco autem, ne quis me existimet supra id quod videt in me, aut audit aliquid ex me (II Cor. xii, 6). Cum vero laudari se comperit de bono quod se forte habere cognoscit, nihilominus, quantum in se est, scuto veritatis curat a se jaculum favoris repellere: dans gloriam Deo, et dicens: Gratia Dei sum id quod sum (I Cor. xv, 10). Et propulsans a se omnem suspicionem, ait Domino: Non nobis, Domine, non nobis, sed nomini tuo da gloriam (Psal. cxiii, 9). Metuit nimirum, si aliter egerit, ne forte audiat ab ipso, Recepisti mercedem tuam (Matth. vi, 5); et iterum, Gloriam ab invicem queritis, et gloriam quæ a solo Deo est, non vultis (Joan. v, 44). Refugiens ergo et de hoc ad consilium Apostoli, probat ipse opus suum, ut sic habeat in semetipso gloriam, et non in altero (Galat. vi, 4). Fidelis suimet custos, qui sibi oleum favoris sine fraude reservet, ne in adventu sponsi lampas conscientiæ vacua exstinguatur. Non in altero, inquam. Nec enim tutum arbitrat labiis hominum committere gloriam suam, arcæ utique sine clave, et sine sera, nullique omnino clause nocere volenti. Non tutum plane, sed stultum, ibi thesaurum tuum recondere, unde non valeas resumere cum volueris. Si ponis in os meum, jam non in tua, sed in mea potestate est, cum utique pro meo libitu vel laudare te possim, vel derogare tibi.

#### CAPUT VI

Laus et vera gloria in conscientia cujusque reponenda; altamen non sine formidine, quia Deus est scrutator et judex cordium.

21. Sanctum yas et inconeussum conscientia, et secretis servandis idoneum, nullis patens insidiis, nulli violentiæ cedens; nulli quippe oculo vel manui accessibilis, excepto duntaxat Spiritui, qui scrutatur



e iam alta Dei. Quidquid in ea reposuero, securus sum quia non perdam: servabit vivo, defuncto restituet. Nam quocumque vado ego, ipsa it mecum, secum ferens depositum quod servandum acceperit. Adest vivo, mortuum sequitur; ubique mihi vel gloria, vel confusio inseparabilis pro qualitate depositi. Beati qui in veritate dicere possunt: *Gloria nostra hæc est, testimonium conscientie nostræ (II Cor. 1, 12)*. Non potest dicere nisi humilis, qui juxta vulgare proverbium, et oculos campi metuere, et silvarum aures soleat semper habere suspectas. Beatus nempe homo qui semper est pavidus (*Prov. xxviii, 14*). Non potest dicere arrogans et presumptor, qui se ipsum impudenter ostentans, passim et ubique, tanquam per campum incedens, totus fertur in gloriam: gloriatur etiam cum male fecerit, et exultat in rebus pessimis. *Æstimat se non videri, dum plures habet imitatores quam reprehensores, cæcus dux cæcorum*. Sed habet hic campus oculos sanctorum procul dubio angelorum, quos semper offendere solet indisciplinata conversatio. Non dicet hypocrita: Gloria mea est testimonium conscientie meæ: quia etsi judicantium secundum faciem, verbo, vultu habituve simulatorio illudat opinioni; sed non ejus qui scrutatur renes et corda, fallit vel evadit iudicium, siquidem Deus non irridetur.

22. Timeat ergo et iste memoris aurem. Lingua licet manuque cessantibus, auri tamen ubique præsentis **470** de quocumque silva latebrosæ duplicitalis et spinosæ calliditatis tacentis et quiescentis cor loquitur, cogitatio confitetur. Pravum est cor hominis et imperscrutabile (*Jerem. xvii, 9*), ita ut nemo sciat, quæ sunt in homine, nisi spiritus hominis qui in eo est; sed nec ipse plene. Nam cum Apostolus diceret. *Mihi pro minimo est, ut a vobis judicer, aut ab humano die*; adjecit: *Sed nec ego me ipsum judico*. Quare? Quoniam non possum, ait, ratam vel ipse de me proferre sententiam. *Ego enim nihil mihi conscius sum, non tamen in hoc justificatus sum*. Non ex toto credo me vel ipsi conscientie meæ, quippe cum ne ipsa quidem queat me comprehendere totum; nec potest judicare de toto, qui totum non audit. *Qui autem judicat me, Dominus est. (I Cor. iv, 3, 4)*. Dominus, inquit, cujus utique scientiam non effugit, sententiam non subterfugit, etiam quod propriam latet conscientiam. Audit Deus in corde cogitantis, quod non audit vel ipse qui cogitat. Aderat auri Prophetæ absentis ori furtive poscentis pecuniam (*IV Reg. v, 22*): et ego quantumlibet in occulto lacerare cogitans aut proximum nequiter, aut turpiter me ipsum, non verear aures nusquam absentes? Tremenda prorsus auris et reverenda, cui non cessat quies, non tacet silentium. Denique ait: *Auferite malum cogitationum vestrarum ab oculis meis. (Isa. 1, 16)*. Sed quid est quod dicit, *ab oculis meis*? an et nostra Deus non solum audit, sed et videt arcana? Quales oculi, qui contemplantur cogitationes! Non sunt coloratæ, ut videantur, sicut nec sonant ex audiantur. Solent

sentiri a cogitante, non audiri ab auscultante, non a contemplante videri. Merito tamen Dominus scit cogitationes hominum quoniam vanæ sunt. Cur enim nesciret, quas et audit, et videt? His præcipue duobus sensibus, id est visui et auditui, nemo fidem putat esse negandum. Hoc nos scire constanter adstruimus, quod vidimus et audivimus. Merito itaque non erat opus Domino Jesu, ut quis testimonium perhiberet de homine; ipse nimirum sciebat quæ essent in homine. *Quid cogitatis*, ait, *mala in cordibus vestris? (Matth. ix, 4)*. Respondebat non sermonibus, sed cogitationibus. Audiebat non loquentes, videbat non apparentes.

23. Contremisco totus, tuam, Domine Jesu, quantillo possum intuitu considerans majestatem, præsertim cum recorder, in quantis ipsis aliquando contemptor exstiterim. Sed et nunc cum jam a facie majestatis fugi ad genua pietatis, quid amplius facio? Vereor ne qui aliquando contrarius exstiti majestati, et nunc ingratus pietati inveniar. Quid enim si cessant manus, et non cessat pectus? Quid si os jam silet, et necdum cor quiescit? Si singuli illiciti motus animi mei singula sunt quædam in te, Deus, convicia, utputa iracundiæ motus in mansuetudinem, invidiæ in charitatem, in frugalitatem luxuriæ, turpitudinis in castitatem, et innumera his similia, quæ de cæno lacu prurientis pectoris mei etiam nunc incessanter ebulliunt, inundantes et impingentes in serenitatem præfulgentis vultus tui: quid magnum feci solos cohibere artus, actus corrigere? Si has atque hujusmodi, quas, foris licet vacans, intus acitare non cesso, iniquitates observaveris, o Domine, quis sustinebit? An forte jam non ago illa, sed patior? Aguntur quidem in me, sed a me non aguntur, si non consensio. Sane si mei non fuerint dominata, tunc immaculatus ero, et immaculatus coram eo, non solum si caruero, sed et si observavero me ab iniquitate mea. Mea dixerim, non quia facio, sed quia sustineo. Corpus gesto mortis, carnemque peccati: sufficit interim mihi, si non regnet peccatum in meo mortali corpore. Sic corpus crimini non reputatur, nec quod habitat in eo peccatum: si tamen non delector, si tamen non exhibeo membra mea, arma iniquitati. Pro hac orabit ad te, o misericors, qui vis etiam sanctus in tempore opportuno: (*Psal. cxxi, 6*) supplex nimirum, quod malum sentiat; et nihilominus sanctus, dum non consentiat: supplex pro periculo, sanctus pro virtute: sanctus plane atque beatus, qui condelectatus legi Dei secundum interiorem hominem, de malo; quod ita inesse corpori **471** sentit, ut nisi pariter cum corpore carere non possit, merito sese consolatur, et ait: *Jam non ego operor illud, sed quod habitat in me peccatum. (Rom. vii, 17)*.

24. Verumtamen delicta quis intelligit? Nam si possem dicere cum Paulo, quod quidem longe est a me, *Nihil mihi conscius sum (I Cor. iv, 4)*: non tamen in hoc esse justificatum oporteret me gloriari:

*Non enim qui se ipsum commendat, ille probatus est, A sed quem Deus commendat. (II Cor. x, 18).* Si applauserit mihi iustitiam humanus dies, pro minimo habeo, quia ille lucet tantum in facie. Homo enim videt in facie, Deus autem intuetur cor. (*I Reg. xvi, 7.*) Propter hoc Jeremias non satis popularibus sententiis, velut quibusdam humani diei radiis, movebatur, sed fidenter loquebatur Deo: *Diem hominis non concupivi tu scis. (Jerem. xvii, 16).* Si meus mihi ariserit dies, *neque me ipsum*, inquit, *judico (I Cor. iv, 5)*: quia nec ipse me satis intelligo. Solus merito constitutus est iudex vivorum et mortuorum, qui finxit singillatim corda universorum, et intelligit omnia opera eorum. Solum attendo iudicem, quem et solum justificatorem agnosco. Pater dedit ei iudicium facere, quia filius hominis est (*Joan. v, 27*). Non usurpo mihi vel super me servus Filii potestatem, nec me annuero illis, de quibus ita conqueri solet: *Tulerunt homines a me iudicium*. Pater non iudicat quemquam, sed omne iudicium dedit Filio (*ibid., 22*): et ego mihi præsumentem quod nec ipse Pater sibi assumit? Velim, nolim, ipsi me adstare necesse est: ipsi horum quæ gesserim in corpore, reddere rationem, cui nec verbum prætervolat, nec subterfugit cogitatio. Sub tam æquo libratore meritorum, sub tam intimo secretorum inspectore, quis gloriabitur castum se habere cor? Sola profecto, quæ non solet gloriari, non novit præsumere, contendere non consuevit, gratiam inventura est in oculis pietatis humilitas. Deus namque superbis resistit, humilibus autem dat gratiam (*Jac. iv, 6*). Non contendit iudicio, nec prætendit iustitiam qui vere humilis est, sed dicit: *Non intres in iudicium cum servo tuo, Domine (Psalm. cxlii, 2).* Recusat iudicium, et postulat misericordiam, facilius sibi veniam impetrare posse, quam iustitiam vindicare confidens. Novit naturam divinam naturaliter piam, quæ in nostra [*al. nostram*] nequaquam humilitatem abhorreat. Non despicit illa majestas cor contritum et humilitatum in nostro genere, quæ corpus ex eo humilitatis assumere non dedignata est. Nescio quo pacto familiarius semper humilitati propinquare solet divinitas. Denique illa se induit, ut appareret hominibus. Substantiam, formam, habitumque gestavit humilem, ipsius nobis commendans virtutis excellentiam, quam speciali sui voluerit honorare præsentia.

## CAPUT VII.

*Ambitionem ecclesiasticorum, promotionem juniorum, et pluralitatem beneficiorum perscringit.*

25. Vobis autem, dilectissime, vobis præcipue tanto magis arbitror hanc esse necessariam, quan-

to major noscitur materia suppetere superbiendi. Genus, ætas, scientia, cathedra, et, quod majus est, primatus prærogativa (83), cui non essent insolentiae fomes, elationis occasio? Quanquam esse possint et humilitatis. Meditantibus quidem honores blandiuntur, sed onera pensantibus tædio sunt atque formidini. Non autem omnes capiunt hoc verbum. Multi enim non tanta fiducia et alacritate currerent ad honores, si esse sentirent et onera. Gravari profecto metuerent, nec cum tanto labore et periculo quarumlibet affectarent infulas dignitatum. Nunc vero quia sola attenditur gloria, et non pœna, purum esse clericum erubescit in Ecclesia; seque viles æstimant, et inglorios, qui quocumque eminentiori in loco non fuerint 472 sublimati.

B Scholares pueri et impuberes adolescentuli ob sanguinis dignitatem promoventur ad ecclesiasticas dignitates (84), et de sub ferula transferuntur ad principandum presbyteris; lætiores interim quod virgas evaserint, quam quod meruerint principatum; nec tam illis blanditur adeptum, quam ademptum magisterium. Et hoc quidem in initio. Processu vero temporis paulatim insolescentes, docti sunt in brevi vindicare (85) altaria, subditorum marsupia vacuare, magistris nimirum in hac disciplina utentes idoneis, ambitione, et avaritia. Verum quantavis industria tua tibi lucra conquerere cautulus videaris, quantalibet vigilantia rem possis servare tuam, quantocumque studio regum tibi ac principum gratiam captare cures, dicimus tamen: *Vae terræ, cui rex puer est, et cujus principes mane comedunt (Eccle. x, 16).*

26. Nec dicimus quamcumque ætatem Dei gratiæ præmaturam, sicut nec seram: cum multos videamus juniorum super senes intelligere, moribus antiquare dies, prævenire tempora meritis, et quod ætati deest, compensare virtutibus. Boni pueri, qui quod ætate videntur, esse student et malitia. Malitia, inquam, sed non sensu: quorum, iuxta admonitionem Apostoli, nemo contemnat adolescentiam (*I Tim. iv, 12*). Meliores bonæ indolis adolescentes inveteratis dierum malorum. Puer centum annorum maledictus est: et est e regione senectus venerabilis, non diuturna, neque numero annorum computata (*Sap. iv, 8*). Bonus puer Samuel, qui loquenti Deo promptus aderat auditor, dicens: *Loquere, Domine, quia audit servus tuus (I Reg. iii, 9)*; ac si diceret: *Paratus sum et non sum turbatus, ut custodiam mandata tua (Psalm. cxviii, 60).* Bonus et Jeremias, qui ante sanctificatus quam natus, cum se excusaret de pueritia, nihilominus constitutus est super gentes et super regna (*Jerem. i, 6*). Bonus

dignitates ecclesiasticas procurare volentem graviter et amice reprimit Bernardus.

(85) *Vindicare* scribebant illius ævi librarii, pro quo nonnulli codices habent *vendicare*. Sed præterenda lectio prior, ut verbum respondeat ambitioni, de qua mox: avaritiæ aliud membrum de evacuan-  
dis subditorum marsupiiis.

(83) Primatum metropolitani Senonensis repetunt a Joanne VIII, qui Ansegiso archiepiscopo vices suas in Gallia et Germania demandavit. Exstat liber hac de re singularis Joannis Baptistæ Drioti canonici Senonensis. Adi epistolam Ludovici VI, ad Calixtum II, in tomo 3 Spicilegii, pag. 147.

(84) Confer epistolam 271, ad Theobaldum Campaniæ comitem, quem filio suo Willelmo impuberi

quoque Daniel, cujus spiritum suscitavit Deus, ut convinceret iniqua judicia, et sanguinem innoxium liberaret (*Dan. xiii*, 45-64). Denique cani sunt sensus hominis, et ætas senectutis vita immaculata (*Sap. iv*, 8, 9). Sicubi hujusmodi puer senex promotus invenitur, opus Dei est, his qui tales non sunt, mirandum non imitandum.

27. Cæterum curritur in clero passim ab omni ætate et ordine, a doctis pariter et indoctis ad ecclesiasticas curas, tanquam sine curis jam quisque victurus sit, cum ad curas pervenerit (86). Nec mirum de his qui necdum in semetipsis experti sunt. Videntes quippe illos qui jam proprios humeros cupitæ sarcinæ submiserint, non solum non gemere tanquam sub onere, sed insuper appetere plus onerari, non deterrentur periculis, quæ cupiditate cæcati non vident; sed favoribus amplius, quos illis invident, provocantur. O infinita semper ambitio, et insatiabilis avaritia! Cum primos honorum gradus meruerint in Ecclesia, meruerint autem vel vitæ merito, vel pecuniæ, sive etiam carnis et sanguinis, quæ regnum Dei non possidebunt, prærogativa, non ideo corda quiescunt, duplici semper æstuantia desiderio, quo utique magis ac magis et dilatentur in plura, et ad celsiora sublimentur. Verbi gratia, cum factus quis fuerit in quacunque Ecclesia decanus, vel præpositus, archidiaconus, aut aliquid hujusmodi, non contentus uno in una, plures sibi, imo quotquot valet, conquirere honores satagit, tam in una, quam in pluribus. Quibus tamen omnibus, si locus evenierit, libenter unius præferet episcopi dignitatem. Sed nunquid sic satiabitur? Factus episcopus, archiepiscopus esse desiderat. Quo forte adepto, rursum nescio quid altius somnians, laboriosis itineribus et sumptuosis familiaritatibus Romanum statuit frequentare palatium, quæstuosas sibi quasdam exinde comparans amicitias. Si lucri spiritualis gratia hæc faciunt, laudandus est zelus; 473 sed præsumptio corrigenda.

28. Nonnulli cum ista non possunt, vertunt se ad aliud ambiendi genus, in quo nihilominus aperiunt eam, quam habent, dominandi libidinem. Nam cum præsideant urbibus valde populosis, et totas, ut ita dicam, patrias propriæ diocesis ambitu circumcludant; occasione inventa ex quocunque veteri privilegio, satagunt ut vicinas sibi subijciant civitates: quatenus dux, quibus duo vix præsules sufficiebant, sub uno redigantur antistite (87). Rogo, quæ hæc tam odiosa præsumptio? quis hic tantus ardor dominandi super terram? quæ principandi tam effrenis cupiditas? Certe cum primum tractus es ad cathedram, flebas, refugiebas, nunc querebaria, multum ad te et omnino supra te

esse dicens; miserum clamitans et indignum, qui non esses idoneus tam sancto ministerio, tantis non sufficeret curis. Quid igitur nunc verecunda depulsa formidine, sponte ambis ad ampliora; imo irreverenti audacia, propriis non contentus, invadis aliena? Cur hoc? Forte ut plures populos salves? Sed in alienam messem, tuam mittere falcem, injuriosum est. Ut tuæ præstes Ecclesiæ? Sed Ecclesiarum Sponso non placet tale unius incrementum, quod sit detrimentum alterius. Crudelis ambitio, et incredibilis, si fidem oculi non adstruerent! Vix tenent manus, quin illud ad litteram impleant quod legitur in propheta: *Secuerunt prægnantes Galaad ad dilatandum terminos suos* (*Amos* 1, 13).

29. Ubi est illa terrificæ comminatio, *Væ qui conjungitis domum ad domum, et agrum agro copulatis?* (*Isai. v*, 8.) Nunquid in his duntaxat exiguis *Væ* istud metuendum est, non autem cum urbes urbibus, aut provinciæ provinciis continuantur? Imo etiam respondeant, si volunt, se imitari Dominum Christum, facientes et ipsi utraque unum, adducientes et ipsi ex diversis pascuis greges, ut fiat unus pastor, et unum ovile. Hujus rei gratia non pigritantur crebro terere limina apostolorum, inventuri et ibi (quod magis dolendum est) qui sibi faveant improbæ voluntati: non quod valde Romani curent, quo fine res terminentur; sed, quia valde diligunt munera, sequuntur retributiones. Nuda nuda loquor, nec retego verenda, sed inverecunda confuto. Utinam privatim et in cameris hæc feriat! utinam soli videremus et audiremus! utinam nec [*al. vel*] loquentibus crederetur! utinam nobis reliquerint moderni Noe, unde a nobis possent aliquatenus operiri! Nunc vero cernente orbe mundi fabulam, soli tacebimus? Caput meum undique conquassatum est, et ego sanguine circumquaque ebulliente putaverim esse tegendum? Quidquid apposuero, eruentabitur; et major erit confusio voluisse celare, cum celari nequiverit.

#### CAPUT VIII.

*Humilitatem et modestiam episcopo commendat.*

30. Bona humilitas, quæ et in præsentiarum ab hujusmodi mordacibus curis mentem facit esse quietam, et a minacibus pœnis in futuro securam reddit conscientiam. Hæc vestros, pater, animos ab horum omnium pestifera æmulatione compescat. Audite potius Prophetam, taliter a talibus debortantem: *Noli, inquit, æmulari in malignantibus, neque zelaveris facientes iniquitatem* (*Psal. xxxvi*, 1). *Æmulari magis oportet Apostolum non gloriautem in immensum, nec se ultra se extendentem: nec audentem se, ut ipse fatetur, comparare quibusdam qui se ipsos commendant, sed se sibi comparantem, et metientem secundum mensuram regulæ, quam*

(86) Hinc vulgatum Curarum nomen ad significanda beneficia eorum quos vocant Curatores.

(87) Id forte intelligendum de Noviomensi episcopo, qui Tornacensem ecclesiam, jamdudum suæ sedi unitam, vix tandem passus est proprio gaudere

episcopo, scilicet Anselmo ex abbate Sancti-Vincentii Laudunensis, quem Eugenius III, Bernardi rogatu, Tornacensibus concessit. Confer lib. III de Consider. num. 14 et 16.



mensus est ei Deus (II Cor. x, 12, 13). Audiendo etiam ex ore ejus, *Nolite fraudare invicem* (I Cor. vii, 5), propriis placebit esse contentum. Qui et provocans ad humilitatem, suum illud archiepiscopo non cunctabitur salubriter **474** intimare: *Noli altum sapere, sed time* (Rom. xi, 20). In alto posito non altum sapere difficile est et omnino inusitatum: sed, quanto inusitatus, tanto gloriosius. Timor de adepta jam altitudine tedere magis quam placere faciet altiora. Non vos ergo felicem, quia præestis: sed si non prodestis, infelicem putate.

31. Ut autem secure præesse possitis, subesse et vos, si cui debetis, non dedignemini. Dedignatio quippe subjectionis, prælationis reddit indignum. Sapientis est consilium: *Quanto major es, tanto humilia te in omnibus* (Eccli. iii, 20). Sapientiae vero præceptum: *Qui major est vestrum, fiat sicut minor* (Luc. xii, 26). Quod si expedit etiam minoribus esse subjectum, majorum jugum quomodo licebit contemnere? Videant in vobis potius subditi quod vobis redhibeant. Intelligitis quæ dico: cui honorem, honorem. *Omnis anima*, inquit, *potestatibus sublimioribus subdita sit* (Rom. xiii, 1). Si *omnis*, et vestra. Quis vos excipit ab universitate? Si quis tentat excipere, conatur decipere. Nolite illorum acquiescere consiliis, qui, cum sint christiani, Christi tamen vel sequi facta, vel obsequi dictis opprobrio ducunt. Ipsi sunt qui vobis dicere solent:

« *Servate vestrae sedis honorem*. Decebat quidem ex vobis, vobis commissam Ecclesiam crescere: nunc vero saltem in illa qua suscepistis maneat dignitate. Et vos enim vestro prædecessore impotentior? Si non crescit per vos, non decrescat per vos. » Hæc isti. Christus aliter et jussit, et gessit. *Reddite, ait, quæ sunt Cæsaris, Cæsari; et quæ sunt Dei, Deo* (Marc. xii, 17). Quod ore locutus est, mox opere implere curavit. Conditor Cæsaris, Cæsari non cunctatus est reddere censum: exemplum enim dedit vobis, ut et vos ita faciatis. Quando vero Dei sacerdotibus debitam negaret reverentiam, qui hanc sæcularibus quoque potestatibus exhibere curavit? Porro vos, si Cæsaris successor, id est regi, sedulus in suis curiis, consiliis, negotiis, exercitiisque adestis; indignum erit vobis cuiusque Christi vicario (88) taliter exhiberi, qualiter ab antiquo inter Ecclesias ordinatum est?

*Sed quæ sunt*, inquit Apostolus, *a Deo ordinata sunt* (Rom. xiii, 1). Viderint ergo hujus ignominie dissuasores, quale sit Dei ordinationi resistere. Valde ignominiosum servo, si sit sicut dominus ejus; aut discipulo, si sit sicut magister ejus. Plurimum se vobis deferre putant, cum vos Christo præferre conantur, ipso reclamante ac dicente: *Non est servus major domino suo, neque apostolus eo qui misit*

(88) Id est, papæ seu pontificis Romano, quem Bernardus inter primos « Vicarium Christi » proprio nomine appellavit hic et in epistola 251, num. 1. Confer notationem ad epistol. 165. Quanquam etiam episcopum « Christi vicarium » veteri more appellat infra, num. 36; Papam vero singulariter lib. II de consid. num. 46, et lib. iv, num. 25.

*A eum* (Joan. xiii, 16). Quod non dedignatus est magister et Dominus, talisque et magister et dominus, indignum sibi judicabit servus bonus, devotusque discipulus?

32. Quam pulchre locutus est beatus ille Centurio, cujus fidei nulla par inventa est in Israel! *Et ego*, inquit, *homo sum sub potestate, habens sub me milites* (Luc. vii, 8). Non jactabat potestatem, quam nec solam protulit, nec priorem. Dicturus quippe, *habens sub me milites*, præmisit: *Homo sum sub potestate*. Prius se agnovit hominem, quam potentem. Agnovit, inquam, se hominem homo gentilis, ut in se jam impleri ostenderet, quod longe ante dixerat David: *Sciunt gentes quoniam homines sunt* (Psal. ix, 21). *Homo*, inquit, *sum, et sub potestate*. Jam quidquid subinferas, suspectam non habemus jactantiam. Præmissa siquidem est humilitas, ne altitudo præcipiet. Nec enim locum invenit arrogantia, ubi tam clarum humilitatis insigne præcesserit. Agnoscis infirmitatem [*al. humilitatem*], confiteris subjectionem: jam et te sub te habere milites proficere securus. Revera quia non confusus est de subjectione, jure ex prælatione meruit honorari. Non erubuit super se potestatem, et ideo dignus qui haberet et sub se milites. Ex abundantia cordis os loquebatur: et juxta quod intus ordinatas habuit affectiones, foris quoque verba decenter composuit. Dedit prius honorem præpositis, ut jam a subditis juste reciperet: sciens se a superioribus accipere, quod impenderet inferioribus, et quia melius propriæ subjectionis disceret experimento sua ipse moderari imperia. Forte non ignorabat, quod subiecto sibi homini Deus omnia subjecerit sub pedibus ejus; offendentem se infensa reddiderit; et is, quem humilem constituerat super opera manuum suarum, superbiz merito comparatus jumentis insipientibus, et similis factus sit illis. Noverat et fortassis, quod humanus spiritus, subditus conditori subjectam sibi possederit carnem: rebellis rebellem invenerit: factusque transgressor legis superioris, sentire cœperit aliam legem in membris suis, repugnantem legi mentis suæ, et captivantem se in lege peccati.

#### CAPUT IX.

**D** Abbates exemptionibus præpostere studentes arguntur

33. Miror quosdam in nostro Ordine monasteriorum abbates hanc humilitatis regulam odiosa contentione infringere, et sub humili (quod pejus est) habitu et tonsura tam superbe sapere, ut cum ne unum quidem verbulum de suis imperiis subditos prætergredi patiantur, ipsi propriis obedire contemnant episcopis. Spoliant ecclesias, ut emancipentur (89); redimunt se, ne obediant. Non ita Christus.

(89) Alibi non improbat Bernardus hujusmodi exemptiones monasteriorum, quæ specialius ab ipsa sui fundatione ad Sedem apostolicam pertinuerunt ex voluntate fundatorum. *Sed aliud est*, inquit, *quod largitur devotio, aliud quod molitur ambitio impatiens subjectionis*. Lib. III de Consid., n. 18.

Ille siquidem dedit vitam, ne perderet obedientiam : A qua isti ut careant, totum fere suum snorumque victum expendunt. Quid hoc est præsumptionis, o monachi ? Neque enim quia prælati monachis, ideo non monachi. Neque monachum facit professio, prælatum necessitas. Ut autem non præjudicet necessitas professioni, accedat, non succedat prælatio monachatu. Alioquin quomodo illud implebitur : *Principem te constituerunt ? esto inter illos tanquam unus ex illis* (Eccli. xxxii, 1). Quomodo tanquam unus ex illis, manens inter humiles superbus, inter subditos rebellis, immitis inter mansuetos ? Ut te putemus tanquam unum ex illis, videamus tam exhibero paratum, quam exigere obedientiam ; videamus tam libenter præpositis obtemperare subjectum, quam imperare subjectis. Quod si semper vis obedientes habere, et nunquam esse, probas te non esse tanquam unum ex illis, dum unus esse renuis ex obedientibus : a quibus dum te superbiendo segregas, quorum aggregeris consortio patenter advertimus : et si tu vel impudenter contemnitis, vel imprudenter dissimulas, reputari profecto inter illos te noveris, de quibus scriptum est : *Alligant onera gravia et importabilia, et imponunt humeris hominum, digito autem suo nolunt ea movere* (Matth. xxiii, 4). Quorum ergo tibi indignius consortium iudicas, delicatiorum magistrorum, quos Veritas increpat, an obedientium monachorum, quos amicos suos commemorat ? Ait siquidem : *Vos amici mei estis, si feceritis quæ præcipio vobis* (Joan. xv, 14). Vides igitur quale est julare quod ipse non feceris ; aut nolle facere, quod docueris.

34. Deinde ut taceam illud de Regula, ubi a sancto Benedicto tibi præcipitur, ut quæ doces discipulis esse contraria, in tuis factis indices non agenda ; ut item prætermittam, quod aperte definit tertium humilitatis esse gradum, ut quis pro Dei amore omni obedientia se subdat majori (Capp. 2, 7) ; in regula Veritatis attende quod legitur : *Qui solverit, inquit, unum de his minimis meis mandatis et docuerit sic homines, minimus vocabitur in regno celorum* (Matth. v, 19). Proinde tu docens et renuens obedire, non minimum, sed maximum Christi mandatum et docere, et solvere convinceris. Itaque doctor et solutor mandati, minimus tu vocandus es in regno celorum. Si ergo tui putas injuriam prioratus, minorem summis videri sacerdotibus, non magis indignum æstimandum est, minimum vocari in 476 regno celorum ? Si multum superbus es, plus minimus, quam minor vocari confundere. Minor quippe villitas est minorem videri, quam minimum : longe autem præstantius, solis subdi episcopis, quam universitati.

35. Sed non propter me, inquit, facio, sed quæro

(90) Ejusmodi ornamenta abbatibus primum concessi cœpta sæculo X. Paulus Langius noster in Chronico ad annum 1398 itidem Abbatem arguit, qui hæc insignia captabant. Lucius III ea Lantelmo Casæ-Dei abbati ex obedientia imposuit. Sacerdoti,

ecclesiæ libertatem. O libertas omni, ut ita loquar, servitute servilior ! Patienter ab hujusmodi libertate abstineam, quæ me pessimæ addicat superbæ servituti. Plus timeo dentes lupi, quam virgam pastoris. Certus sum enim ego monachus, et monachorum qualiscunque abbas, si mei quandoque pontificis a propriis cervicibus excutere jugum tentavero, quod Satanæ mox tyrannidi me ipsum subijcio. Advertens nimirum cruenta illa bestia, quæ circuit quærens quem devoret, elongatam custodiam ; heu ! statim insilit in præsumptorem. Merito enim non cunctatur præsidere superbo, qui se jure regem gloriatur super omnes filios superbæ. Quis dabit mihi centum in mei custodiam deputari pastores ? Quanto plures sentio mei curam gerere, tanto securior ex eo in pascua. Stupenda insania ! Animarum non cunctos turbas mihi custodiendas colligere, et unum super propriam gravor habere custodem ! Et quidem subjecti me de reddenda pro se ratione sollicitant : qui autem præsumunt mihi, ipsi potius, Paulo dicente, *pervigilant, tanquam rationem pro me reddituri* (Hebr. xiii, 17). Illi etsi honorant, onerant : hi non tam premunt, quam protegunt. Scio me legisse : *Judicium durissimum his qui præsumunt ; exiguo autem conceditur misericordia* (Sap. vi, 6, 7). Quid igitur vos, o monachi, sacerdotum gravat auctoritas ? Metuitis infestationem ? Sed si quid patimini propter justitiam, beati. Sæcularitatem contemnitis ? Sed sæcularior nemo Pilato, cui Dominus astitit judicandus. Non haberes, inquit, in me potestatem, nisi tibi data esset desuper (Joan. xix, 11). Jam tunc per se loquebatur et in se experiebatur quod post per apostolos clamavit in Ecclesiis, *Non est potestas nisi a Deo et, Qui resistit potestati, Dei ordinationi resistit*. (Rom. xiii, 1, 2).

36. Ite nunc ergo, resistite Christi Vicario, cum nec suo adversario Christus restiterit : aut dicite, si audetis, sui Præsulis Deum ordinationem nescire, cum Romani Præsidis potestatem Christus super se quoque fateatur fuisse cœlitus ordinatam. Verum aperte indicant quidam horum quid cogitent, dum multo labore ac pretio apostolicis adeptis privilegiis, per ipsa sibi vincant insignia pontificalia, utentes et ipsi more pontificum, mitra, annulo, atque sandaliis (90). Sane si attenditur rerum dignitas, hanc monachi abhorret professio : si ministerium, solis liquet congruere pontificibus. Profecto esse desiderant, quod videri gestiunt ; meritoque nequeant esse subjecti, quibus jam ipso se comparant desiderio. Quid si et nomen eis conferre privilegiorum posset auctoritas ? quanto putas auro redimerent, ut appellarentur pontifices ? Quo ista, o monachi ? Ubi timor mentis ? ubi rubor frontis ? Quis unquam probatorum monachorum tale aliquid aut verbo docuit, aut reliquit exemplo ? Duodecim humilitatis

diacono, et subdiacono, usus mitræ, annuli, et sandaliorum concessus est a Leone IX in ecclesia Vesontionensi ad quædam festa, ut legitur in Probationibus historiæ Tornutiensis pag. 558 et 362.

gradus Magister vester edisserit, propriisque dignis descriptionibus (S. *Benedictus, Regulæ cap. 7*): In quo, quæso, illorum docetur aut continetur, ut hoc fastu delectari monachus, has quærere debeat dignitates?

37. Labor, et latebræ, et voluntaria paupertas, hæc sunt monachorum insignia; hæc vitam solent nobilitare monasticam. Vestri autem oculi omne sublime vident, vestri pedes omne forum circumeunt, vestræ linguæ in omnibus audiuntur conciliis, vestræ manus omne alienum diripiunt patrimonium. Tamen, si ita oportet, ut emancipati a subiectione pontificum, pari cum successoribus apostolorum gloria, pari cathedra, iisdemque solemnium indumentorum

insignibus attollamini, cur non et sacros Ordines celebratis, et benedictiones datis in populis (91)? Quam multa moveor dicere adversus impudentissimam præsumptionem? sed frenat impetum, quod auribus occupatis scribere me recolens, longiori lectione vereor fieri onerosus archiepiscopo: et quia res tam manifesta est, ut multitudo reprehendentium videatur 477 impudentiam obdurasse. Quod si et hæc ipsa cernuntur gratas excedere compendii metas, vobis, o domine, donate, qui me et in hoc propriam prodere coegistis imperitiam, dum morem modumque solemnem in scribendo servare nescierim.

(91) Et id utrumque postea in usum venit quoad benedictiones et collationem minorum Ordinum.

Imo etiam subdiaconatum aliquando conferunt quinque primi abbates ordinis Cisterciensis.

## ADMONITIO.

Varia est sequentis opusculi inscriptio. In prima ejus editione, scilicet Spirensi anni 1501, incipit. « De conversione, ad Scholares libellus, » absque divisione capitulum. In editis anni 1520, « De conversione, ad Clericos sermo: » quem genuinum titulum existimamus. Sermonem vocat Bernardus ipse, n. 31: « Fatigavimus vos prolixitate sermonis, » etc. Quidam codices præferunt, ad Clericos Parisienses. Exordium Cisterciense faveat in libro septimo de Vita Bernardi, cap. 15. « Quadam præterea vice, cum vir Domini Bernardus causa exigente Parisius adesset, rogatu clericorum ingressus est de more scholas eorum: quibus ostendens formam veræ philosophiæ, monebat eos attentius de mundi contemptu, » etc. Gausfridus factum narrat in libro quinto de eadem Vita, n. 10: « Patrem sanctum, fines Parisiorum aliquando peragranterem, ut ad ipsam diverteret civitatem episcopus Stephanus et ceteri omnes qui pariter aderant, obnixæ rogantes non poterant obtinere. Magno siquidem zelo, nisi causa gravis urgeret, conventus publicos declinabat. Cumque vespere iter suum alias ordinasset, mane, ubi primum locutus est fratribus, dicere jubet episcopo, quia Parisius ibimus, ut rogasti. Conveniente igitur clero admodum copioso, sicut semper ab eo solebant expetere verbum Dei, continuo tres ex illis compuncti sunt, et conversi ab inanibus studiis ad veræ sapientiæ cultum, abrenuntiantes sæculo, et Dei famulo inhærentes, » etc. Gravis et patheticus est hic sermo contra clericos, qui Ecclesiæ dignitates ambiunt, et temere ad sacros Ordines accedunt. Capitulum distinctionem, qualis in editis ab anno 1520 adhibita est, retinimus.

## S. BERNARDI ABBATIS

### DE CONVERSIONE

#### AD CLERICOS

#### SERMO SEU LIBER.

##### 478 CAPUT PRIMUM.

Quod nemo converti ad Dominum, nisi Dei voluntate præventus et ejus voce interius clamante, possit.

1. Ad audiendum, ut credimus, verbum Dei convenistis. Neque enim causa nobis alia vestræ hujus tam avidæ concursionis occurrit. Approbamus utique desiderium hoc, et laudabili studio congaudemus. Beati enim qui audiunt verbum Dei, sed si custodiunt illud (Luc. xi, 28). Beati qui memores sunt

B mandatorum ejus, sed ut faciant ea (Psalm. cii, 18).

Nimirum verba vitæ æternæ habet, et venit hora (utinam et nunc sic) quando mortui audient vocem ejus; et qui audierint, vivent (Joan. v. 25): siquidem vita in voluntate ejus. Et si vultis scire, voluntas ejus conversio nostra. Denique ipsum audite. Nunquid voluntatis mee est mors impij, dicit Dominus, et non magis ut convertatur et vivat (Ezech. xviii, 25). Ex quibus verbis evidenter agnoscimus,



quoniam vera nobis vita non nisi in conversione est, nec aliter ad eam patet ingressus, dicente item Domino: *Nisi conversi fueritis, et efficiamini sicut parvuli, non intrabitis in regnum celorum* (Matth. xviii, 3). Merito sane parvuli soli intrant; nam puer parvulus minat eos, qui in hoc ipsum natus et datus est nobis. Quæro igitur vocem quam audiant mortui, et cum audierint vivant: forte enim et mortuis evangelizare necesse est. Et occurrit interim verbum breve, sed plenum, quod os Domini locutum est, ut propheta testatur: *Dixisti*, ait loquens sine dubio ad Dominum Deum suum, *Convertimini, filii hominum* (Psalm. lxxxix, 3). Nec immerito sane a filiis hominum videtur exigenda conversio, peccatoribus utique necessaria. Nam supernis spiritibus ea magis quæ rectos decet indicta laudatio est, eodem propheta psallente: *Lauda Deum tuum, Sion* (Psalm. cxlvii, 12).

2. Cæterum quod ait, *dixisti*, meo quidem iudicio non negligenter prætereundum est, nec simpliciter audiendum. Quis enim humanis comparare audeat dictis quod dixisse dicitur Deus? Vivus profecto est sermo Dei et efficax (Hebr. iv, 12); et vox ejus in magnificentia et virtute (Psalm. xxviii, 4). Denique ipse dixit, et facta sunt (Psalm. cxlviii, 5). Dixit: *Fiat lux, et facta est lux* (Gen. i, 3). Dixit: *Convertimini filii hominum, et conversi sunt*. Ita plane conversio animarum opus divinæ vocis est, non humanæ. Simeon Joannis, piscator hominum in hoc ipsum vocatus et constitutus a Domino, incassum tamen et ipse laborans tota nocte nil capiet, donec in verbo Domini rete jactans, concludere possit multitudinem copiosam. Utinam jactemus et nos hodie in hoc verbo rote verbi, et experiamur quod scriptum est: *Ecce dabit voci suæ vocem virtutis* (Psalm. lxxvii, 34). Si mendacium loquimur, id plane de proprio est. Sed et tunc forsitan nostra judicabitur vox esse, et non Domini, si queramus quæ nostra sunt, non quæ Jesu Christi. Cæterum etiam loquimur justitiam Dei, et gloriam Dei querimus, effectum tamen ab eo solo sperare, ab eo postulare necesse est, ut voci suæ vocem virtutis accomodet. Ad hanc ergo interioriorem vocem aures cordis erigi admonemus, ut loquentem Deum intus audire, quam foris hominem studeatis. Illa enim vox magnificentiæ et virtutis, deserta concutiens secreta discutiens, torporem excutiens animarum.

#### 479 CAPUT II.

*Quod ipsa vox Domini omnibus se offerat, et animam sibi ipsi nolentem repræsentet.*

3. Nec sane laborandum est, ut ad vocis hujus perveniamus auditum: labor est potius aures obturare ne audias. Nimirum vox ipsa se offert, ipsa se ingerit, nec pulsare interim cessat ad ostia singulorum. Denique quadraginta annis, inquit, proximus fui generationi huic, et dixi: *Semper hi errant corde* (Psalm. xciv, 10). Adhuc nobis proximus est, adhuc loquitur, et non est forte qui audiat. Adhuc dicit: *hi errant corde*; adhuc Sapientia clamat in plateis: *Redite, pravificatores, ad cor* (Isa. xlvii, 8). Hoc

A nempe initium loquendi Domino: et hoc verbum ad omnes qui convertuntur ad cor, præcessisse videtur, et non modo revocans eos, sed reducens et statuens contra faciem suam. Est enim non tantum vox virtutis, sed et radius lucis, annuntians pariter hominibus peccata eorum, et illuminans abscondita tenebrarum. Nec vero ulla interæ hujus vocis ac lucis differentia est, cum unus idemque sit Dei Filius et Verbum Patris, et splendor gloriæ: sed et animæ quoque substantia, in suo quidem genere etiam ipsa spiritualis et simplex, sine ulla distinctione sensuum, sed tota, si tamen tota dicenda est, et videns pariter et audiens videatur. Quid enim illo agitur sive radio, sive verbo, nisi ut noverit semetipsam? Aperitur siquidem conscientiæ liber, revolvitur misera vitæ series, tristis quædam historia replicatur, illuminatur ratio, et evoluta memoria velut quibusdam ejus oculis exhibetur. Utraque vero non tam ipsius est animæ, quam anima ipsa: ut eadem sit et inspicies et inspecta, contra suam statuta faciem, et a violentis quibusdam apparitoribus immissarum utique cogitationum coacta, proprio interim judicanda assistere tribunali. Quis sane iudicium hoc sine tribulatione sustineat? *Ad me ipsum anima mea turbata est*, ait propheta Domini (Psalm. xli, 7): et tu, contra faciem tuam sine argutione, sineurbatione, sine confusione, statui non posse miraris?

#### CAPUT III.

*Quod per vocem Dei, animæ ratio, quasi in libro, omnia mala deprehendere, reprehendere, dijudicare et discernere valeat.*

C 4. Nec a me speras audire quid in memoria tua ratio deprehendat, quid reprehendat, quid dijudicet, quid decernat. Applica intus auditum, reflecte oculos cordis; et proprio disces experimento quid agatur. Nemo enim scit quæ sunt in homine, nisi spiritus hominis qui in ipso est (I Cor. ii, 11). Si superbia, si invidia, si avaritia, si ambitio, aut similis aliqua pestis abscondita est, vix effugere poteris hoc examen. Si fornicatio, si rapina, si crudelitas, si fraus ulla, aut quælibet culpa admissa est, internum hunc iudicem non latebit reus ipse, nec inficiabitur coram eo. Transiit enim velociter totus ille pruritus delectationis inique, et voluptatis illecebra tota brevi finita est; sed amara quædam impressit signa memoriæ, sed vestigia fœda reliquit. In illud siquidem repositorium, velut in sentinam aliquam, tota decurrit abominatio, et immunditia tota defluxit. Volumen grande, cui universa inscripta sunt, stilo utique veritatis. Amarum jam venter tolerat, etsi fauces miseras brevi transitu dulcedine quadam frivola visum est oblectasse. Ventrem meum doleo, miser, ventrem meum doleo. Quidni doleam ventrem memoriæ, ubi tanta congesta est putredo? Quis nostrum, fratres, exteriori hanc vestem, qua tegitur, si repente obscenis undique spulis illitam, et fœdissimis quibusque sordibus inquinatam consideret, non vehementer exhorreat, non velociter exuat, non indignanter abjiciat? Itaque qui non vestem, sed semetipsum intus sub veste talem repe-

rit, eo amplius doleat, et animo consterneretur oportet, quo propius tolerat quod exhorret. Neque enim ut **480** tunicam abiecit suam, sic abjicere contaminata anima poterit et se ipsam. Denique quis in nobis tantæ patientiæ est et virtutis, ut si forte (quemadmodum de Maria sorore Moysi legitur (*Num. xii, 10*) carnem suam subitanea [*al. subcutanea*] quadam lepra male candentem viderit, æquo animo stare possit, et gratias agere Creatori! Quid vero est caro ista, nisi corruptibilis quædam tunica, qua vestimur? aut quid lepra hæc corporea electis omnibus restimanda, nisi paternæ virga correptionis, et purgatio cordis? Ibi, ibi tribulatio vehemens, et justissima causa doloris est, cum excitatus a sommo miseræ voluptatis, interiorum cœperit quis deprehendere lepram, quam sibi ipse multo studio et labore quæsivit. Licet enim nemo oderit carnem suam, sed multo minus odisse poterit anima semetipsam.

## CAPUT IV.

*Quod diligens iniquitatem, odit animam, et carnem suam : et de poenitentia infructuosa post mortem.*

5. At forte aliquem moveat illud de Psalmo : *Qui diligit iniquitatem, odit animam suam* (*Psal. x, 6*). Ego autem dico, odit et carnem. An non odit, cui gehennæ cumulos mercatur in dies, et cui secundum duritiam suam et cor impœnitens thesaurizat iram in die iræ? Cæterum hoc odium tam carnis, quam animæ, non in affectu sed in effectu potius invenitur. Sic nimirum odit et phreneticus carnem suam, cum sibi ipsi manus inferre laborat, rationis delibératione sopita. An vero gravior ulla phrenesis iudicatur, quam impœnitentia cordis, et peccandi obstinata voluntas? Siquidem manus nefarias injicit sibi ipsi, nec carnem, sed mentem lacerat et corrodit. Si vidisti hominem scalpere manus, et usque ad sanguinem confricare, evidentem habes in eo similitudinem animæ peccantis expressam. Cedit siquidem voluptas illa dolori, et succedit pruritui cruciatus. Neque id ignorabat, sed dissimulabat ille dum scalperet. Sic laceramus, sic exulceramus propriis manibus animas infelices : nisi quod tanto gravius, quanto excellentior est spiritalis creatura; et cui difficilius medeatur. Neque id quidem inimicitiarum studio gerimus, sed stupore quodam insensibilitatis internæ. Effusus siquidem animus damna interiora non sentit; quia nec intus est, sed in ventre forsitan, aut sub ventre. Denique et animus quorundam in patinis, quorundam in loculis invenitur. *Ubi est thesaurus tuus*, inquit, *ibi est et cor tuum* (*Matth. vi, 21*). Quid vero mirum, si propriam minime sentiat anima læsionem, quæ sui ipsius oblitæ, et penitus absens sibi, in lónginquam profecta est regionem? Erit autem cum in semetipsam reversa cognoscet, quam crudeliter miseræ venationis obtentu evisceraverit semetipsam. Neque enim id sentire poterat, dum vilem muscarum prædam desiderio captans insatiabili, araneorum instar, ex visceribus propriis intexere retia videretur.

6. Erit autem hic reditus sine dubio vel post mor-

tem : cum universa, quibus, ad vagandum foras et inutiliter sese occupandum, in eam quæ præterit hujus mundi figuram, egredi consueverat, ostia corporis clausa erunt, ut necessario maneat in se ipsa, cui nullus jam pateat exitus a se ipsa. Verum is quidem perniciosissimus erit reditus, et miseria sempiterna, quando jam poenitentia haberi poterit, agi non poterit. Ubi enim deerit corpus, actus non erit. Sane ubi nulla fuerit actio, nec satisfactio quidem ulla poterit inveniri. Quocirca poenitentiam quidem habere, dolere est : nam poenitentiam agere, remedium doloris est. Neque enim carenti manibus erit ultra levare cor in cœlum cum manibus; sed quisquis ante obitum carnis non redierit ad se ipsum, in se ipso maneat necesse est in æternum. Sed in quali se ipso? Qualem sese fecerit in hac vita, qualem invenerit exiens ab hac vita : nisi quod fortasse erit nonnunquam deterior : nam melior nunquam erit. Habet enim hoc ipsum, quod nunc ponit, **481** quandoque recipere corpus, non tamen ad poenitentiam, sed ad penam : ubi nimirum peccati ipsius et carnis quodammodo similis videbitur esse conditio : ut quemadmodum culpa semper puniri poterit, nec unquam poterit expiari; sic nec in corpore aliquando tormenta finire, nec corpus ipsum exinaniri valeat in tormentis. Merito quidem ultio sempiterna desæviet, quod nunquam possit culpa deleri; nec substantia carnis deficiet, ne simul cogatur etiam afflictio carnis terminari. Hæc, fratres mei, qui pavet, cavet; qui negligit, incidit.

## CAPUT V.

*Quod vermis conscientie in præsentem sentiri ac suffocari debet, non in immortalitatem foveri ac nutrir.*

7. Ut ergo redeamus ad vocem unde processimus, expedit nobis profecto redire ad cor, dum illic iter, quo ostendat nobis salutare suum, qui tanto studio pietatis illuc revocat pravaricatores. Nec sentire interim pigeat morsus vermis interni; aut periculosa quædam animi teneritudo [*al. amaritudo*], et perniciose mollietis persuadere queat, ut præsentem vellemus dissimulare molestiam. Optimum est tunc sentire vermem, cum possit etiam suffocari. Itaque mordeat nunc ut moriatur, et paulatim desinat mordere moriendo. Rodat interim putredinem, ut rodendo consumat, et ipse quoque pariter consumatur, ne foveri incipiat in immortalitatem. *Vermis*, inquit, *eorum non morietur, et ignis non exstinguetur* (*Isa. lxi, 24*). A facie illorum morsuum quis sustinebit? Multiplex enim nunc consolatio arguentis conscientie relevat cruciatum. Benignus est Deus, qui non patitur nos tentari supra quam possumus, nec vermem hunc supra modum patitur malignari. Maximeque inter initia conversionis oleo misericordie limit ulcera : ut nec morbi quantitas, nec difficultas curationis ultra quam expedit innotescat; magis autem arridere videtur facilitas quædam, quæ postmodum evanescit, quando jam exercitatos habenti sensus certamen forte datur, ut vincat, et discat quoniam omnium potentior est sapientia. Interim sane an-

aliens quis vocem Domini: *Redite, pravvaricatores, ad cor*, (Isa. XLVI, 8), et tantis in interiore cubiculo obsecrationibus deprehensis, singula quæque rimari sagittat, et quoniam hæc influxerint aditu, curiosus vestigator explorat; nec difficile patet foramen, imo et foramina contuenti. Sed nec parum illi ex hac consideratione doloris accedit, cum per fenestras proprias mors ista deprehenditur introisse. Multa siquidem admisisse videtur petulantia oculorum, multa pruritus aurium, multa quoque olfaciendi, gustandi, tangendique voluptas. Nam spiritalia quidem vitia, quorum supra meminimus, difficile adhuc, prout sunt, carnalis examinat. Unde fit, ut quæ sunt graviora, aut minus, aut minime sentiat, nec tam superbiæ aut invidiæ, quam flagitiosorum aut facinorosorum recordatione actuum mordeatur.

## CAPUT VI.

*Difficultatem conversionis, et luctam resipiscere parantis, graphice representat.*

8. Et ecce iterum vox de nubibus dicens: Peccasti, quiesce. Et quod dicitur, tale est. Jam sentina redundans domum omnem intolerabili fetore contaminat: vanum tibi est, dum adhuc sordes influant, exhaurire; dum peccare non destiteris, pœnitere. Quis enim eorum jejunia probet, qui ad lites et contentiones jejunt, et percutiunt pugno impie, sed et voluntates et voluptates propriæ inveniuntur in eis? Non tale est jejunium quod elegi, dicit Dominus (Isa. LVIII, 5). Claude fenestras, obsepa aditus, foramina obstrue diligenter; et sic demum non subeuntibus novis, sordes poteris expurgare vetustas. *Æstimat homo facile quod jubetur implendum, tanquam ignarus exercitii spiritualis. Quis enim prohibeat, 482* inquit, quominus imperem membris meis? Indicit igitur gulæ jejunia, crapulam interdicit, obturari præcipit aures ne audiant sanguinem, avertit oculos ne videant vanitatem; manus non ad avaritiam, sed ad eleemosynam magis extendit, quibus forte laborem imponere velit, prohibens latrocinia, sicut scriptum est: *Qui furabatur jam non furetur, magis autem laboret manibus suis quod bonum est, ut habeat unde tribuat necessitatem patienti* (Ephes. IV, 28).

9. Cæterum, dum suas quibusque membris in hunc modum leges promulgat, et decreta proponit, inter-rumpunt subito vocem jubentis, et uno impetu clamant: Unde hæc nova religio? Facere jubes ut libet. Sed inveniatur qui novis decretis obviet, qui novis legibus contradicat. Quis enim ille est, inquit? Et illa: Nimirum ipsa, quæ paralytica jacet in domo, et male torquetur. Ipsa est enim, in cuius nos pridem deputasti obsequium, si ignoras, ad obedientiam utique concupiscentiis ejus. Expalluit miser ad hanc vocem, et confusus obmutuit. Anxiabatur enim in eo spiritus ejus. Ac membra quidem ad suam illam infelicissimam dominam incunctanter accedunt, ut adversus Dominum crudeliter interpellent, et imperia duriora causentur. Plangit gula parcimonie sibi modum adhibitum, prohibitam crapula

voluptatem. Oculus queritur indietas lacrymas, petulantiam interdictam. Quibus hæc et similia prosequentibus excitata et vehementer exacerbata voluntas: Somniumne est, inquit, an fabula quod narratis? Tum vero opportunum suæ tempus nacta quærimonia lingua: Omnino, ait, sic est ut audistis. Nam et ego a fabulis et mendaciis jussa sum reticere, et nihil deinceps nisi serium, imo et penitus necessarium loqui.

10. Exsilit igitur vetula furens, et totius oblita languoris, procedit horrentibus comis, veste lacera, pectore nudo, scalpens ulcera, frendens dentibus et arescens, atque ipsum inficiens aerem flatibus virulentis. Quidni confundatur, si quid adhuc superest rationis, ad talem miseræ voluntatis occursum et incursum? Hæc, inquit, est tota tui conjugii fides, sic compateris male patienti? Usque adeo super dolorem vulnere meorum addere pepercisti? Subtrahendum forsitan ex immoderata dote aliquid videbatur; sed quid relinquitur hoc sublato? Solum hunc languenti miseræ præstitisti, et omnia ejus obsequia, quemadmodum sint distributa, aliquando cognovisti. Nunc autem si tibi forsitan morbi hujus pessimi, quo laboro, triplex malignitas excidisse potuit, sed non mihi. Siquidem voluptuosa sum, curiosa sum, ambitiosa sum; et ab hoc triplici ulcere non est in me sanitas a planta pedis usque ad verticem. Itaque fauces, et quæ obscena sunt corporis, assignata sunt voluptati, quandoquidem velut de novo necesse est singula recenseri. Nam curiositati pes vagus, et indisciplinatus oculus famulantur. At vanitati quidem auris et lingua serviunt, dum per illam impingat caput meum oleum peccatoris, per hanc ipsa suppleo quod in laudibus meis alii minus fecisse videntur. Valde enim delector et recipere ab aliis, et, cum opportune possum, etiam tradere aliis laudes meas, et meo et alieno ore semper cupiens prædicari. Cui potissimum morbo tuum quoque ingenium plurima solet adhibere fomenta. Porro manus ipsas, quibus est undique liber motus, non uni specialiter alicui operi deputamus, sed modo vanitati, modo curiositati, modo voluptati sedulum satis exhibent famulatum. Quibus ita dispositis, non mihi hæc omnia vel in uno satisfacere aliquando potuerunt, quod non satiatur oculus visu, nec auris impleatur auditu. Atque utinam inter spectandum totum aliquando corpus fieret oculus, aut inter prandendum in fauces membra omnia verterentur. Tunc mihi id modicum consolationis, quod utcumque mendico, tantas surripere? Dixit, et cum indignatione et furore recedens: Teneo, inquit, longumque tenebo.

11. Jam vero rationi ipsa vexatio dat intellectum *483* jam innotescit aliquatenus hujus negotii difficultas, jam præsumpta facilitas evanescit. Videt enim memoriam plenam spurcitiarum; videt abundantius alias atque alias influere sordes; videt ipsas fenestras morti patulas claudi omnino non posse; et quod adhuc presidens voluntas languida dominetur,



ex cujus ulceribus sanies universa profluxit. Videt denique anima sese contaminatam, nec per alium, sed per proprium corpus, nec aliunde quam a se ipsa. Est enim quiddam animæ, sicut memoria quæ inficitur, sic voluntas ipsa quæ inficit. Denique tota ipsa nihil est aliud quam ratio, memoria, et voluntas. Nunc autem et ratio minus habens, cæca quodammodo, quod hactenus ista non viderit; infirma omnino, quod ne agnita quidem prævaleat reparare [al., temperare]: et memoria foedissima pariter et fetidissima; et voluntas languida, et horrendis ulceribus undique scaturiens invenitur. At ne quid ex omnibus quæ sunt hominis relinquatur, ipsum etiam corpus rebelle est: et singula membra fenestree singulæ, quibus mors intrat ad animam, et incessanter exuberat ipsa confusio.

## CAPUT VII.

*Respiratio consolationis pauperibus spiritu seu animæ miseriam agnoscenti.*

12. Audiat ergo anima, quæcunque ejusmodi est, vocem divinam, et audiat cum stupore et admiratione dicentem: *Beati pauperes spiritu, quoniam ipsorum est regnum cælorum* (Matth. v, 3). Quis spiritu pauperior eo, qui in toto spiritu suo non invenit requiem, non invenit ubi caput reclinet? Hoc quoque consilium pietatis, ut qui sibi displicet, placeat Deo, et qui propriam domum odit, domum utique plenam spurcitæ et infelicitatis, invitetur ad domum gloriæ, domum non manu factam, æternam in cælis. Nec mirum si ad hujus dignationis magnitudinem expavescit, si difficile credit huic auditui, si vehementi stupore admiratur, et ait: Ergone beatum hominem miseria facit? Cæterum quisquis ejusmodi es, non diffidas. Non miseria, sed misericordia facit beatum: sed hujus propria sedes miseria est. Aut certe beatum faciat ipsa miseria, ut humilitatio in humilitatem transeat, necessitas in virtutem. *Pluriam voluntariam, inquit, segregabis, Deus, hæreditati tuæ; et infirmata est, tu vero perfecisti eam* (Psal. LXVII, 10). Utilis prorsus infirmitas, quæ medici manum requirit: et salubriter a se deficit, quem perficit Deus. Sed quia non est via ad regnum Dei sine primitiis regni, nec sperare potest cæleste regnum, cui nec super propria membra adhuc regnare donatur; sequitur vox dicens, *Beati mites, quoniam ipsi hæreditabunt terram* (Matth. v, 4); ac si evidentius dicat: Mitiga efferos voluntatis motus, et crudelem bestiam mansuescere cura. Ligatus es: solvere studeas quod rumpere omnino non possis. Eva tua est [al. add. vita]. Vim facere, aut eatenus mea offendere nullo modo prævalebis.

## CAPUT VIII.

*Carnales voluptates, et divitias esse omnino vanas, fallaces, et momentaneas.*

13. Nec mora, respirans homo inter hæc verba, atque id quoque facilius reputans, licet verecundus, accedit et delinire satagit viperam inflammatam. Arguit vitæ carnalis illecebras, et consolationes sæculares nugacitatis accusat, tanquam exiguas et in-

dignas, sed et brevissimas quoque et perniciosissimas omnibus amatoribus suis. Super hoc, ait, nequam et inutiles servo tuo et ipsa fateri. Nec enim inficiari potes, ne in modico quidem tibi universa ejus obsequia satisfacere aliquando potuisse. Voluptas gutturis, quæ tanti hodie æstimatur, vix duorum obtinet latitudinem digitorum: et ejus tam modicæ partis tam exigua delectatio quanta paratur sollicitudine, quantam deinde molestiam parit? Hinc monstruosius dilatantur renes et humeri, hinc tumores uteri non tam impinguantur, **484** quam impræquantur a ruina: et dum carnis onus ossa non sustinent, etiam morbi varii generantur. Sic libidinis illecebrosa vorago quantis laboribus et dispendiis, interdum et fame vel honoris, aut etiam vitæ ipsius periculo comparatur? ut ad modicum flagrans sulphureus vapor furentes stimulis agat, et apum parvolantium, ubi male grata mella fuderit, nimis tenaci feriat icta corda morsu: cujus appetitus anxietatis et vecordie, actus abominationis et ignominie, exitus pœnitudinis et verecundiæ plenus esse dignoscitur.

14. Cæterum spectacula vana, rogo, quid corpori præstant, quidve animæ conferre videntur? At certe nihil in homine cui curiositas prosit invenies. Fivola prorsus et inanis ac nugatoria consolatio: et nescio quid illi durius imprece, quam ut semper habeat quod requirat, qui jucundæ quietis pacem [al. otia] fugitans, curiosa inquietudine delectatur. Liquet sane vel ex hoc ipso nihil his omnibus delectationis inesse, quorum solus transitus juvat. Cæterum vanitas vanitatum quam nihil sit, vel ex ipso nomine manifestius judicatur. Vanus utique labor, qui studio vanitatis assumitur [al. absumitur]. « O doxa, doxa, » ait sapiens, « in millibus mortalium nihil aliud, quam aurium inflatio vana! » (Boetius, *De consolatione*, lib. III, prosa 6.) » Et tamen quantam putas infelicitatem hæc ipsa non tam felix vanitas, quam vana felicitas parit? Hinc namque cæcitas cordis, sicut scriptum est: *Popule meus, qui te beatificavit, in errorem te inducunt* (Isai. III, 12). Hinc cervicosus furor animositatis, hinc suspitionis labor anxius, hinc livoris crudele tormentum, et cremantis invidiæ miserior, quam miserabilior cruciatus: hinc divitiarum amor insatiabilis longe amplius desiderio torquet animam, quam refrigerat usu suo; utpote quarum acquisitio quidem laboris, possessio timoris, amissio plena doloris invenitur. Postremo ubi multæ opes, multi etiam qui comedunt eas (*Eccle. v, 10*): et usus quidem divitiarum apud alios, divitiis solum nomen cedit et sollicitudo. Et in his omnibus pro tam exiguis, aut magis ne exiguis quidem, sed nullis, eam parvipendere gloriam, quam nec oculus vidit, nec auris audivit, nec in cor hominis ascendit, quæ præparavit Deus diligentibus se, non tam insipientiæ quam infidelitatis esse videtur [al. dignoscitur].

15. Nec immerito sane mundus hic positus in maligno, vana promissione deludit animas propriæ

conditionis et nobilitatis oblitus, quas non pudeat porcis in ministerio subjugari, in desiderio sociari, nec sic tamen infelici edulio satiari. Unde enim hæc tanta pusillanimitas et abjectio tam miserabilis, ut egregia creatura, capax æternæ beatitudinis et gloriæ magni Dei, utpote cujus sit inspiratione condita, similitudine insignita, cruore redempta, fide dotata, spiritu adoptata, miseram non erubescat sub putredine hac corporeorum sensuum gerere servitutem? Merito plane ne eos quidem apprehendere potest, quæ talem deserens sponsum, tales sequitur amatores. Merito siliquas esuriit, et non accepit qui porcos pascere maluit, quam paternis epulis satiari (*Luc. xv, 16*). Isanus siquidem labor pascere sterilem quæ non parit, et viduæ benefacere nolle: omittere curam cordis, et curam carnis agere in desiderio: impinguare et fovere cadaver putridum, quod paulo post vermium esca futurum nullatenus dubitatur. Nam et servire mammonæ, et avaritiam colere, quod est servitus idolorum, aut vanitatem sectari, prorsus degeneris animæ indicium esse quis nesciat?

46. Esto tamen, magna sint et honesta quæ mundus interim amatoribus suis erogare videtur: sed infida esse quis nesciat? Certa nimirum eorum brevitatis, et ipsius quoque brevitatis finis incertus. Sæpe viventem deserunt: nam morientem nec raro sequuntur. Quid vero in rebus humanis certius morte, quid hora mortis incertius invenitur? Non miseratur inopiam, non divitias reveretur, non generi cuiuslibet, non moribus, non ipsi denique parciat ætati: nisi quod senibus quidem in januis, adolescentibus autem in insidiis est. Infelix proinde, qui in hujus vitæ tenebris et lubrico **485** fidens, perituram insumit operam; nec advertit quoniam vapor est ad medicum parens, et vanitas vanitatum. Obtinuisti tandem, ambitiose, quam ex longo tempore concupieras dignitatem? serva quod habes. Implesti, peccuniose, oculos tuos? sollicitus esto ne perdas. Uberes fructus attulit ager tuus? dirue horrea tua, ut majora ædifices; muta quadrata rotundis, dic animæ tuæ: *Habes multa bona reposita in annos plurimos. Erit enim qui dicat: Stulte, hac nocte animam tuam repetent a te: quæ autem parasti, cujus erunt?* (*Luc. xii, 49, 50.*)

47. Atque utinam tantum congregata perirent, et non deterius ipse quoque periret congregator eorum. Emet utique tolerabilius perituro, quam peremptorio insudare labori. Nunc vero stipendia peccati mors: et qui in carne seminat, de carne metet corruptionem. Nec enim opera nostra transeunt, ut videntur: sed temporalia quæque velut æternitatis semina jaciuntur. Stupebit [*al. mal. superbit*] insipiens, cum ex hoc modico semine copiosam viderit exsurgere messem, seu bonam, seu malam, pro diversa qualitate sementis. Hoc qui cogitat, nullum omnino parvum reputat esse peccatum, quod futuram messem potius æstimet, quam sementem. Seminant ergo dum nesciunt, et seminant dum occul-

A tant homines iniquitatis mysteria, dum vanitatis consilia celant, dum perambulant in tenebris negotia tenebrarum.

## CAPUT IX.

*Quod impossibile sit peccantem latere.*

18. Parietes, inquit, sunt undique: quis me videt? Esto, nemo te videat: non tamen nullus. Videt te angelus malus, videt te angelus bonus, videt et bonis et malis major angelis Deus; videt accusator, videt testium multitudo, videt et ipse Judex, cujus te oportet assistere tribunali: sub cujus sane oculis velle delinquere tam insanum, quam horrendum incidere in manus Dei viventis. Noli esse securus: latent insidiæ, quas latere non possis. Latent, inquam, insidiæ, quas ut deprehendere ipse non potes, sic non potes ipse non deprehendi. Audit plane qui plantavit aurem; et qui finxit oculum, ipse considerat (*Psal. xciii, 9*). Non illius Solis arceat radios maceria lapidum, quos ipse creavit; non vel ipse corporis hujus paries veritatis excludit aspectum. Nuda sunt ejus oculis omnia, penetrabilior est ancipiti gladio. Ipsas quoque non modo cernit, sed et discernit cogitationum vias et medullas affectionum. Denique, si non totam humani cordis abyssum, et quidquid in ipso latet inspiceret præ ipso, non ille jam nil sibi conscius judicantis sese Domini sententiam tantopere formidaret. *Mihi, inquit, pro minimo est, ut a vobis judicer, aut ab humano die, sed neque me ipsum judico. Nihil enim mihi conscius sum, sed non in hoc justificatus sum. Qui autem judicat me, Dominus est* (*1 Cor. iv, 3, 4*).

19. Si tu objectu parietis, aut cuiuslibet simulationis prætextu, humana frustrari posse judicia gloriaris; certius esto, non illum vera crimina præterire, qui de falsis etiam accusare criminibus consuevit. Si tantopere ejus, qui nihilominus forte tuam veretur, proximi conscientiam reformidas; multo minus eos contempnas, quibus odiosa magis iniquitas, et longe amplius execrabilis corruptio est. Si denique Deum non times, et solos hominum revereris aspectus, memor esto hominem Christum hominum facta ignorare non posse: ut quod coram me attentare minime prorsus auderes, multo minus audeas coram ipso; quodque non dico non liceret, sed nec liberet quidem præsumere vidente conseruo, inspiciente Domino vel cogitare penitus exhorrescas. Alioquin: si carnis oculum magis, quam gladium, qui carnes habet devorare, formidas; et is quoque timor quem times, eveniet tibi et occidet quod vereris. Nihil opertum quod non reveletur, vel occultum quod non sciatur (*Luc. xii, 2*). Arguentur a luce in lucem prolata opera tenebrarum; nec modo obscenitatum abominanda secreta, sed iniqua commercia **486** vendentium sacramenta, et fraudulenta susurria [*al. suspiria*] adinventium dolos, et judicia subvertentium, qui novit omnia, nota faciet universis; cum cæperit scrutator ille cordis et renum scrutari Jerusalem in lucernis.

## CAPUT X.

*Non solum declinando a malo, sed et faciendo bonum salutem obtineri.*

20. Quid ergo facturi sunt, imo potius quid passuri qui crimina commiserunt, ubi audituri sunt, *Ite in ignem æternum* (Matth. xxv, 41), qui pietatis opera non fecerunt? Quando vero admittetur ad nuptias, qui nec lumbos præcinxit ut abstinere a malo, nec lucernam tenuit ut faceret bonum: quando nec virginitatis integritas, nec lampadum claritas solius olei poterit excusare defectum? aut quis illos manere credendus est cruciatus, qui in hac vita non solum mala, sed forte pessima peperant; si sic sunt cruciandi qui hic bona receperunt, ut in medio flammæ æstantibus linguis, ne minimæ quidem stillæ obtinere refrigerium queant? Caveamus ergo mala opera, nec includentes sagææ fiducia, libere intra Ecclesiam delinquamus: hoc scientes, quia non omnes quos sagæa trahit, piscatorum vasa recipient; sederit cum ad litus venerint, eligent bonos in vasa, malos autem foras mittent (Matth. xiii, 48). Neque hoc contenti lumborum cingulo, accendamus etiam lucernas nostras, et instantanter operemur bonum, cogitantes, quod omnis arbor, non modo quæ malum fecerit fructum, sed etiam quæ bonum non fecerit, excidetur et in ignem mittetur, illum utique ignem æternum, qui paratus est diabolo et angelis ejus.

21. Cæterum sic declinemus a malo et faciamus bonum, ut inquiramus pacem, non gloriam prosequamur. Illa enim Dei est, et eam alteri non dabit. *Gloriam, inquit, meam alteri non dabo* (Isai. xlii, 8). Et dicebat homo secundum cor Dei: *Non nobis, Domine, non nobis, sed nomini tuo da gloriam* (Psal. cxiii, 4). Recordemur etiam Scripturæ dicentis: *Si recte offeras et non recte divides, peccasti* (Gen. iv, juxta LXX). Recta est, fratres, illa nostra divisio, nemo detrectet. Alioquin, si cui forsitan minus placeat, sciat non nostram esse, sed angelorum. Priores enim Angeli cecinerunt: *Gloria in excelsis Deo, et in terra pax hominibus bonæ voluntatis* (Luc. ii, 14). Servemus ergo in vasis oleum, ne forte (quod absit) clausas jam nuptiarum januas frustra pulsantes, verbum audiamus amarum et deintus nobis sponsus respondeat: *Nescio vos* (Matth. xxv, 12). Adhuc tamen mors posita est, non modo secus iniquitatem, sterilitatem, vanitatem, sed et secus introitum ipsius etiam voluptatis. Quocirca opus est fortitudine adversus tentamenta peccati, ut rugienti leoni resistamus fortes in fide, et ignita ipsius jacula hoc ipso clypeo viriliter repellamus. Opus est justitia, ut operemur bonum. Opus prudentia, ne cum fatuis virginibus reprobemur. Opus denique temperantia, ne voluptatibus indulgentes, audiamus aliquando quod miser ille, epularum pariter et vestium splendore finito, dum misericordiam precaretur, audivit: *Memento fili, quod receperisti bona in vita tua, et Lazarus similiter mala: nunc autem hic consolatur, tu vero cruciarius* (Luc. xvi, 25). Plane terribilis Deus in consi-

liis super filios hominum! sed, si terribilis est, etiam misericors invenitur, dum futuri formam judicii non occultat. Anima enim quæ peccaverit, ipsa morietur (Ezech. xviii, 4): palmes qui fructum non fecerit, excidetur (Joan. xv, 2): virgo cui defuerit oleum, a nuptiis excludetur (Matth. xxv, 12), et qui bona receperit in hac vita, cruciabitur in futura. Quod si forte contingat in uno quolibet simul hæc quatuor inveniri, ea plane extrema desperatio est.

## 487 CAPUT XI.

*Converti molientes acrius a solitiis vitiis tentari, ipsis vero luctum esse necessarium.*

22. Hæc igitur et his similia intus suggerit ratio voluntati, eo copiosius, quo perfectius illustratione spiritus edocetur. Felix sane, cujus voluntas sic cesserit et acquieverit consilio rationis, ut a timore concipiens, promissionibus deinceps cælestibus foveatur, et parturiat spiritum salutis. At forte invenietur rebellis et obstinata voluntas, nec impatiens solum, sed et monitis pejor, et minis durior, et adhibitis acerbior blandimentis. Invenietur forsitan, quæ nihil mota suggestionibus rationis, imo et gravi furore commota respondeat, dicens: Quousque vos patior? prædicatio vestra in me non capit. Scio quod astuti estis: sed astutia vestra in me locum non habet. Forte et advocans membra singula, solito amplius solitis jubet obedire concupiscentiis, nequitiis deservire. Hinc nimirum est illud quod (quotidianis discimus experimentis; eos qui converti deliberant, tentari acrius a concupiscentia carnis, et urgeri gravius in operibus luti et lateris, qui Ægyptum egredi, et Pharaonis imperium effugere moliantur.

23. Utinam autem qui ejusmodi est, declinet impietatem, et terribile illud profundum caveat, de quo scriptum est: *Impius cum venerit in profundum malorum, contemnit* (Prov. xviii, 3). Fortissima siquidem potione curatur, et periclitatur facile, nisi multa sollicitudine studeat medici obtemperare consiliis, observare præcepta. Vehemens est tentatio, et proxima desperationi, nisi totum colligat et ad miserandum animæ suæ, quam adeo miseram et miserabilem videt, convertat affectum, et audiat vocem dicentem: *Beati qui lugent, quoniam ipsi consolabuntur* (Matth. v, 5). Lugeat abundanter, quia lugendi tempus advenit: et ad sorbendas juges lacrymas ista sufficiunt. Lugeat, sed non sine pietatis affectu, et obtentu consolationis. Consideret nullam sibi inveniri requiem in seipso, sed omnia plena miseriæ et desolationis. Consideret non esse bonum in carne sua; sed et in sæculo nequam nihil nisi vanitatem et afflictionem spiritus contineri. Consideret, inquam, nec intus, nec subter, nec circa se sibi occurrere consolationem; et vel tandem aliquando discat querendam sursum et desursum esse sperandam. Lugeat sane interim plangens dolorem suum, exitus aquarum deducat oculus ejus, et palpebra non requiescat. Nimirum purgatur lacrymis oculus ante caligans et acuitur visus, ut



intendere possit in serenissimi luminis claritate.

## CAPUT XII.

*Quomodo voluntas suaviter inducenda ad amandum et desiderandam cælestia.*

24. Ex hoc sane suspiciat per foramen, prospiciat per cancellos, prædulcem radium prosequatur obtutu, et Magorum sedulus imitator, lumen lumine quærat. Inveniet enim locum tabernaculi admirabilis, ubi panem Angelorum manducet homo; inveniet paradisum voluptatis plantatum a Domino; inveniet hortum floridum et amœnissimum; inveniet refrigerii sedem, et dicet : O si audiat vocem meam misera illa voluntas, ut ingrediens videat bona, et visitet locum istum! hic nimirum inveniet requiem ampliorem, et me quoque eo minus inquietabit, quo minus inquietabitur ipsa. Neque enim mentitur qui dixit : *Tollite jugum meum super vos, et invenietis requiem animabus vestris* (Matth. xi, 29). In hujus fide promissionis exacerbata blandius alloquatur, et simulata quadam hilaritate, spiritu mansuetudinis eam conveniens dicat : Cesset penitus indignatio tua. Non ego sum qui te offendere possim. Tuum est corpus, tuus et ego ipse : non eat quod timeas, non est quod verearis. Nec mirum, si forte amarius adhuc reddiderit illa responsum, ut dicat, **488** quia multæ cogitationes ad insaniam te adduxerunt. Sustineat interim æquanimiter, ac dissimulet omnino quod agitur, donec inter loquendum inducens alia pro aliis, opportune aliquando inferat, dicens : Inveni [al. intravi] hodie hortum pulcherrimum, et amœnissimum locum. Bonum esset illic nos esse : nam et tibi nocet in hoc lecto ægritudinis, in hoc doloris strato versari in hoc cubili tuo gravi corde compungi. Aderit Dominus querenti se, animæ speranti in se : aderit votis supplicibus, et verbis ejus efficaciam ministrabit. Excitabitur desiderium voluntatis, ut non modo videre locum, sed et introire paulatim, et mansionem inibi facere concupiscat.

## CAPUT XIII.

*Conversos mira suavitate ac deliciis vitæ piæ ac spiritualis refici.*

25. Nec vero locum reputes corporalem paradisum hunc voluptatis internæ. Non pedibus in hunc hortum, sed affectibus introitur. Nec terrenarum tibi commendatur arborum copia, sed virtutum utique spiritualium jucunda decoraque plantatio. Hortus conclusus, ubi fons signatus in quatuor capita derivatur, et ex una sapientiæ vena virtus quadripartita procedit. Splendidissima quoque inibi lilia vernant : et cum flores apparent, etiam vox turturis auditur. Illic nardus sponsæ fragrantissimum præstat odorem, et cætera quoque aromata fluunt; austro spirante, aquilone fugato. Ibi media est arbor vitæ, malus illa de Cantico, cunctis pretiosior lignis silvarum, cujus et umbra sponsam refrigerat, et fructus dulcis gutturi ejus (Cantic. ii, 3). Ibi continentie nitor, et sinceræ veritatis intuitus oculus cordis irradiat : auditui quoque dat gaudium et

lætitiā dulcissima vox consolatoris internī. Ibi quibusdam spei naribus influit jucundissimus odor agri pleni, cui Dominus benedixit. Ibi avidissime prælibantur incomparabiles deliciæ charitatis; et succis spinis ac vepribus, quibus antea pungebatur, unctione misericordiæ perfusus animus in conscientia bona feliciter requiescit. Quæ quidem non inter vitæ æternæ præmia, sed inter temporalis militiæ stipendia deputantur; nec ad futuram pertinent, sed ad eam magis quæ nunc est Ecclesiæ promissionem. Hoc enim centuplum est, quod in hoc sæculo sæculi contemptoribus exhibetur (Matth. xix, 29). Nec tibi illud nostro speraveris eloquio commendandum. Solus spiritus est qui revelat : sine causa paginam consulis; experientiam magis require. Sapientia est, cujus pretium nescit homo. De occultis trahitur, nec in terra suaviter viventium invenitur ista suavitas. Nimirum suavitas Domini est : nisi gustaveris, non videbis. *Gustate*, inquit, et videte, *quoniam suavis est Dominus* (Psal. xxxiii, 9). Manna absconditum est, nomen novum est, quod nemo scit nisi qui accipit. Non illud eruditio, sed unctio docet : nec scientia, sed conscientia comprehendit. Sanctum est, margaritæ sunt, nec faciet ipse quod prohibet (Matth. vii, 6), qui cœpit facere et docere. Neque enim canes aut porcos jam reputat, quos prioribus abrenuntiantes facinoribus atque flagitiis etiam consolator per Apostolum, dicens : *Hæc quidem fuistis, sed abluti estis, sed sanctificati estis* (I Cor. vi, 11). Tantum caveat, ne revertatur canis ad vomitum, nec [al. vel] sus lota ad volutabrum luti.

## CAPUT XIV.

*In terrenis non esse ullam societatem, nisi fastidio conjunctam : at cælestium desideria experiendo semper crescere.*

26. In hujus ergo ostio paradisi divini susurri vox auditur, sacratissimum secretissimumque consilium, quod absconditum est a sapientibus et prudentibus, parvulis revelatur. Cujus sane vocis auditum non sola jam ratio capit, sed gratanter eum communicat et voluntati. *Beati qui esuriunt et sitiunt justitiam, quoniam ipsi saturabuntur* (Matth. v, 6). Altissimum plane consilium, et **489** inestimabile sacramentum. Fidelis sermo et omni acceptione dignus, qui de cælo nobis a regalibus sedibus venit. Facta est enim valida fames in terra, et omnes jam non egere cœpimus, sed ad extremam devenimus egestatem. Denique et comparati sumus jumentis insipientibus et similes facti sumus illis : etiam porcorum siliquis insatiabiliter esurimus. Qui pecuniam diligit, non satiatur; qui luxuriam, non satiatur; qui gloriam quærit, non satiatur; denique qui mundum amat, nunquam satiatur. Novi ego homines satiatos hoc mundo et ad ejus omnem memoriam nauseantes. Novi satiatos pecunia et satiatos bonoribus, satiatos voluptatibus et curiositatibus hujus mundi, nec mediocriter, sed usque ad fastidium satiatos. Et facile est cuique nostrum hanc satietatem

per Dei gratiam obtinere. Neque enim parit hanc copia, A sed contemptus. Sic fatui filii Adam, porcorum vorando siliquas, non esurientes animas, sed esuriem ipsam pascitis animarum. Sola nimirum hoc edulio inedia vestra nutritur, sola fames alitur cibo innaturali. Et dico planius exempli gratia, unum sumens e multis quæ humana vanitas concupiscit, non prius satiabuntur corda hominum auro, quam aura corpora satientur. Nec indignetur avarus: et de ambitiosis et luxuriosis, etiam et de facinorosis eadem sententia est. Si quis mihi forte non credit, experientia credat, vel propria, vel multorum.

27. Quis in vobis est, fratres, qui satiari cupiat, et desiderium suum optet impleri? Incipiat esurire justitiam, et non poterit non satiari. Panes illos desideret, qui in domo patris abundant; et inveniet sese continuo siliquas fastidire porcorum. Gustum justitiæ vel exiguum studeat experiri, ut eo ipso desideret amplius, et amplius mereatur, sicut scriptum est: *Qui edit me, adhuc esuriet; qui bibit me, adhuc sitiet* (Eccl. xxiv, 29). Hoc enim cognatum magis spiritui, et naturalius desiderium vehementius occupat cor humanum, cæteraque viriliter desideria pel- lit. Sic nimirum fortem armatum fortior superat, sic clavus clavo solet extundi. *Beati ergo qui esuriunt et sitiunt justitiam, quoniam ipsi saturabuntur.* Non- dum quidem ipsa, qua non satiabitur homo, et vivet; sed cæteris universis, quæ prius insatiabiliter fue- runt concupita: ut ex hoc sibi voluntas ad serviend- um prioribus concupiscentiis corpus vindicare desi- stens, rationi prorsus exponat, magis autem urgeat ipsa servire justitiæ in sanctificationem, non minore zelo, quam prius exhibuisset servire iniquitati ad iniquitatem.

#### CAPUT XV.

*Purganda memoria a peccatorum sordibus fiducia divina misericordia.*

28. Cæterum jam et voluntate mutata, in servi- tutem redacto corpore, velut siccato jam aliquate- nus fonte, et oppilato foramine, tertium adhuc, idque gravissimum restat, de purganda scilicet me- moria et exhaurienda sentina. Quomodo enim a memoria mea excidet vita mea? Membrana vilis et tenuis atramentum forte prorsus imbibit: qua deinceps arte delebitur? Non enim superficie tenuis tinxit; sed prorsus totam intinxit. Frustra conarer eradere; ante scinditur charta, quam inserti cha- racteres deleantur. Ipsam enim forte memoriam delere posset oblivio, ut videlicet mente captus eo- rum non meminerim, quæ commisi. Cæterum ut memoria integra maneat, et ipsius maculæ deleantur, quæ novacula posset efficere? Solus utique sermo vivus et efficax et penetrabilior omni gladio ancipiti. *Dimittuntur tibi peccata tua.* Murmuret Phariseus, et dicat: *Quis potest dimittere peccata, nisi solus Deus?* (Marc. ii, 5, 7.) Mihi enim qui id loquitur Deus est, et non æstimabitur alius ad il- lum, qui advenit omnem viam disciplinæ, et dedit illam Jacob puero suo, et Israel dilecto suo (Baruc.

iii, 37): post hæc in terris visus est, et cum homi- nibus conversatus est. Hujus indulgentia delet pec- catum, non quidem ut a memoria excidat, sed ut quod prius inesse pariter et insicere consuevis- set, sic de cætero insit memorie, ut eam nullatenus decoloret. Multorum enim nunc peccatorum, quæ vel a nobis, vel ab aliis commissa novimus recor- damur: sed propria quidem inquinant, aliena non nocent. Ut quid hoc, nisi quod in his erubescimus singulariter, hæc nobis singulariter imputanda ve- remur? Tolle damnationem, tolle timorem, tolle confusionem; quæ quidem omnia plena remissione tollit: et non modo non oberunt, sed etiam coo- perabuntur in bonum, ut devotas ei referamus gratias qui remisit.

#### CAPUT XVI.

*Misericordiam divinam obtineri, miserendo sibi ipsi primum; deinde proximo.*

29. Jam vero supplicanti pro ea, congrue respu- detur: *Beati misericordes, quoniam ipsi misericordiam consequentur* (Matth. v, 7). Miserere ergo animæ tuæ, qui Deum tibi vis misereri. Lava per singulas noctes lectum tuum, lacrymis tuis stratum tuum rigare memento. Si compateris tibi ipsi, si laboras in gemitu pœnitentiæ (primus hic gra- dus misericordiæ est) misericordiam utique conse- queris. Quod si forte magnus et multus peccator es, et magnam quæris misericordiam ac multitu- dinem miserationum; tu quoque misericordiam tuam magnificare et multiplicare labora, reconciliatus esto tibi ipsi: nam et tibi gravis factus eras, quod positus esses contrarius Deo. Ex hoc sane in domo propria reformata pace, eandem necesse est prius erga proximos dilatari, ut novissime osculetur te et ipse osculo oris sui, et, quemadmodum scrip- tum est, (reconciliatus pacem habebas ad Deum (Rom. v, 1). Dimitte his qui in te peccaverunt, et dimittetur tibi quod ipse peccasti, dum secura con- scientia oraveris Patrem, et dixeris: *Dimitte nobis debita nostra, sicut et nos dimittimus debitoribus nostris* (Matth. vi, 12). Si forte quempiam defrauda- veris, redde vel simplum: quod superest da pauperibus, et misericordiam præstans misericordiam consequeris. Si fuerint peccata tua sicut coccinum, quasi nix dealbabuntur: et si fuerint rubra quasi vermiculus, velut lana alba erunt (Isa. i, 18). Ut non confundaris super cunctis adinventiionibus tuis quibus prævaricatus es, in quibus nunc erubescis; fac eleemosynam, si non potes de terrena substan- tia, de voluntate bona: et omnia munda erunt; non modo illuminata ratio, et correcta voluntas, sed ipsa quoque memoria munda erit: ut ex hoc jam voceris ad Dominum, et audias vocem dicentis: *Beati mundo corde* (Matth. v, 8).

#### CAPUT XVII.

*Oculos cordis continuo mundandos, ut Deus videri possit.*

30. *Beati mundo corde, quoniam ipsi Deum vi- debunt* (Ibid.). Magna promissio, fratres mei, et

totis desideriis affectanda. Hæc enim visio confirmatio est, sicut Joannes apostolus ait: *Nunc filii Dei sumus, sed nondum apparuit quid erimus. Scimus quia, cum apparuerit, similes ei erimus, quia videbimus eum sicuti est* (1 Joann. iii, 2). Hæc visio vita æterna est, sicut ipsa in Evangelio Veritas ait: *Hæc est vita æterna, ut cognoscant te solum verum Deum, et quem misisti Jesum Christum* (Joan. xvii, 3). Odibilis macula, quæ beatam hanc nobis adimit visionem, et execrabilis negligentia, qua dissimulamus interim illius oculi mundationem. Ut enim corporeus nobis visus aut humore interiori; aut exterioris injectione pulveris impeditur: sic et intuitus spiritualis interdum quidem propriæ carnis illecebris, interdum curiositate seculari et ambitione turbatur. Quod quidem non minus nos experientia propria, quam divina pagina docet, ubi legitur scriptum: *Corpus quod corrumpitur, aggravat animam, et deprimit terrena inhabitatio sensum multa agitantem* (Sap. ix, 15). In utroque tamen solum quod hebetat et confundit obtutum, peccatum est: nec aliud inter oculum et lucem, inter Deum et hominem separare videtur. Quamdiu enim in hoc corpore sumus, peregrinamur a Domino. Non utique corporis est culpa; hujus scilicet, quod gerimus corpus mortis: magis autem quod corpus peccati sit caro, in qua bonum non est, sed potius lex peccati. Interdum tamen corporeus oculus, non adhuc festuca manente, sed jam sublata vel exsufflata, aliquandiu caligare videtur: quod quidem et ipsum in interiori oculo qui in spiritu ambulat, sæpius experitur. Neque enim ubi ferrum extraxeris, continuo vulnus redditum est sanitati: sed tunc primum necesse est adhibere fomenta et operam dare curationi. Nemo ergo sentinam ejiciens, mundatum sese protinus arbitretur: quinimo noverit se multis interim purificationibus egere. Sed modo lavandum aqua, sed et purgandum et examinandum igni, ut dicat: *Transivimus per lignem et aquam, et eduxisti nos in refrigerium* (Psal. lxxv, 42). Beati ergo mundo corde, quoniam ipsi Deum videbunt: nunc quidem per speculum in ænigmate; in futuro autem facie ad faciem, ubi nimirum faciei nostræ fuerit consummata mundities, ut sibi eam exhibeat gloriosam, non habentem maculam neque rugam.

## CAPUT XVIII.

*Pacificos merito beatificari nomine filiorum Dei.*

51. Ubi oportune illico subinfertur: *Beati pacifici, quoniam filii Dei vocabuntur* (Matth. v, 9). Est enim homo pacatus, qui bona pro bonis reddens, quantum in se est, nemini vult nocere. Est alius patiens, qui non reddens mala pro malis, etiam potens est sustinere nocentem. Est et pacificus, qui bona pro malis reddens, in promptu habet et prodesse nocenti. Primus quidem parvulus est, et facile scandalizatur: nec facile qui hujusmodi est, in hoc sæculo nequam et pleno scandalis poterit obtinere salutem. Secundus, ut scriptum est, in patientia sua possidet animam suam (Luc. xxi, 19). Nam tertius quidem non

A modo suam possidet, sed et multorum animas lucrificat. Primus, quantum in ipso est, pacem habet; secundus pacem tenet, tertius pacem facit. Merito proinde beatificatur nomine filii, quod opus filii impleverit, ut post suam non ingratus reconciliationem, etiam alios reconciliet Patri suo: siquidem qui bene ministraverit, bonum gradum sibi acquirit (1 Tim. iii, 13); nec in domo patris gradus melior credendus est, quam filii. Si enim filii, et hæredes: hæredes quidem Dei, cohæredes autem Christi (Rom. viii, 17), ut quemadmodum ipse dicit, ubi ipse est, ibi sit et minister suus (Joan. xii, 26). Fatigavimus vos prolixitate sermonis, et deinceps ultra quam oporteret. Ex hoc jam finem loquacitati nostræ, quem non imperat verecundia, videtur imperare vel hora. Mementote tamen Apostoli, quem aliquando verbum prædicationis usque in mediam noctem legitis protraxisse. Utinam adhuc, ut ipsis verbis utar, sustineatis modicum quid insipientiæ meæ. *Æmulor enim vos Dei emulatione* (11 Cor. xi, 1, 2).

## CAPUT XIX.

*Graviter perstringit ambitiosos, qui temere et indigne sacras Ecclesiæ functiones usurpant.*

52. Filioli, quis demonstrabit vobis fugere a ventura ira? Nemo enim magis iram mereatur, quam amicum simulans inimicus. Juda, osculo tradis Filium hominis, homo unanimes, qui simul mecum dulces capiebas cibos, qui in paropside manum pariter intinxisti! Non est tibi pars in oratione, qua orat ad Patrem et dicit: *Pater, ignosce illis, quia nesciunt quid faciunt* (Luc. xxiii, 34). Væ vobis qui clavem tollitis non scientiæ solum, sed et auctoritatis! nec ipsi introitis, et multipliciter impeditis quos introducere debuistis. Tollitis enim et non accipitis claves. De quibus Dominus querit per prophetam: *Ipsi regnaverunt, et non ex me: principes exstiterunt, et ego non vocavi eos* (Osee viii, 4). Unde tantus prelationis ardor, unde ambitionis impudentia tanta, unde vesania tanta præsumptionis humanæ? Audetne aliquis vestrum terreni cuiuslibet reguli, non præcipiente aut etiam prohibente eo, occupare ministeria, præcipere beneficia, negotia dispensare? Nec tu Deum putes, quæ in magna domo sua a vasis iræ apertis in interitum sustinet, approbare. Multi quidem veniunt, sed considera quis vocetur. Ordinem ipsum dominici sermonis attende. *Beati, inquit, mundo corde, quoniam ipsi Deum videbunt*: ac deinde, *Beati pacifici, quoniam filii Dei vocabuntur* (Matth. v, 8, 9). Mundicordes utique vocat Pater celestis, qui non querunt quæ sua sunt, sed quæ Jesu Christi: nec quod sibi utile, sed quod multis. *Petre, inquit, amas me? Domine, tu scis quia amo te. Pasce, ait, oves meas* (Joan. xxi, 17). Quando enim sic amatas oves committeret non amanti? Nimirum hoc queritur inter dispensatores, ut fidelis quis inveniat. Væ ministris infidelibus, qui necdum reconciliati, reconciliationis alienæ negotia, quasi homines qui justitiam fecerint, apprehendunt. Væ filiis iræ, qui se ministros gratiæ profitentur. Væ



filii iræ, qui pacificorum sibi usurpare gradus et nomina non verentur. Væ filiis iræ, qui fideles sese mediatores pacis, ut peccata populi comedant, mentiuntur. Væ qui ambulantes in carne, Deo placere non possunt, et placare velle presumunt.

33. Non miramur, fratres, quicumque præsentem statum Ecclesiæ miseramur; non miramur de radice colubri regulum orientem. Non miramur, si vinde- miat vineam Domini, qui institutam a Domino prætergreditur viam. Impudenter enim pacifici gradum et filii Dei vices occupat homo, qui nec primam quidem adhuc vocem Domini ad cor revocantis audivit: aut si quando forsitan cœperit audire, resiliens fugit ad folia, ut absconderetur in eis. Propterea necdum peccare quievit, sed longam adhuc trahit restem: necdum factus est vir videns paupertatem suam, sed dicit, quia dives sum, et nullius ego, cum sit pauper, et nudus, et miser, et miserabilis. Nihil illi de spiritu mansuetudinis, quo præoccupatus in delicto possit instruere, considerans seipsum, ne et ipse tentetur. Compunctionis lacrymas nesciens, latatur magis cum male fecerit, et in rebus pessimis exultat. Nimirum unus eorum est, quibus Dominus ait: *Væ vobis qui risistis nunc, quoniam flebitis* (Luc. vi, 25). Pecuniam, non justitiam concupiscit; oculi ejus omne sublime vident. Insatiabiliter esurit dignitates, gloriam sitit humanam. Procel ab eo misericordiæ viscera: sævire potius et tyrannum exhibere latatur; quæstum æstimat pietatem. Quid de munditia cordis Læuar? Utinam non illud oblivioni dedisset tanquam mortuus a corde! utinam non esset columba seducta non habens cor! utinam esset quod vel deforis est mundum, nec ea quæ corporalis est maculata tunica inveniretur, ut obediret vel in hac parte dicenti: *Mundamini, qui fertis vasa Domini* (Isa. lxi, 11).

#### CAPUT XX.

*Arguit incontinentes, qui sacros Ordines impudenter temerare non verentur.*

34. Non accusamus universitatem, sed nec universitatem possumus excusare. Reliquit sibi Dominus multa millia. Alioquin nisi eorum nos excusaret justitia, et illud nobis semen sanctum Dominus sabaoth reliquisset, olim jam sicut Sodoma subversi essemus, et sicut Gomorra similiter periissemus. Dilatata siquidem videtur Ecclesia; ipse etiam cleri sacratissimus Ordo: fratrum numerus super numerum multiplicatus est (92). Verum etsi multiplicasti gentem, Domine, non magnificasti lætitiā, dum nihil minus apparet decessisse meriti, quam numeri accessisse. Curritur passim ad sacros Ordines, et reverenda ipsis quoque spiritibus angelicis ministeria homines apprehendunt sine reverentia, sine consideratione. Neque enim signum regni occupare cœlestis, aut illius timent imperii gestare coronam, in quibus avaritia regnat, ambitio imperat,

(92) Varia est hujus loci lectio in editis et scriptis. Editio Spirensis anni 1501 habet, *sacratissimus ordo super numerum multiplicatus est*. Editio anni 1520

dominatur superbia, sed et iniquitas, luxuria etiam principatur: in quibus et pessima forte appareat intra parietes abominatio, si juxta Ezechielis prophetiam parietem fodiamus (Ezech. viii, 8), ut in domo Dei videamus horrendum. Siquidem post fornicationes, post adulteria, post incestus, nec ipsæ quidem apud aliquos ignominia passionum et turpitudinis opera desunt. Utinam non flerent quæ usque adeo non conveniunt, ut [at. utinam] nec Apostolum scribere hæc (Rom. i, et Ephes. v), nec nos dicere oporteret! utinam nec dicentibus crederetur, quod humanum aliquando occupaverit animum tam abominanda cupido!

35. Nunquid non olim civitates illæ, spurcitia hujus matres, divino prædamnatae judicio, et incendio sunt deletæ? (Gen. xix.) Nunquid non gehennalis flamma moram non sustinens, execrabilem illam prævenit tollere nationem, quod ipsius specialiter essent peccata manifesta præcedentia ad judicium? Nunquid non et ipsam, utpote consciam tante confusionis, tellurem absumpsit ignis, sulphur, et spiritus procellarum? Nunquid non in lacum horribilem solum omne redactum est? Amputata sunt hydræ capita quinque, sed heu innumera surrexerunt. Quis reedificavit urbes flagitii? quis turpitudinis mœnia dilatavit? quis extendit propaggines virulentas? Væ, væ, inimicus hominum sulfurei illius incendii reliquias infelices circumquaque dispersit, execrabili illo cinere Ecclesiæ corpus aspersit, et ipsorum quoque ministrorum ejus nonnullos sanie fetidissima spurcissimaque respersit. Heu! genus electum, regale sacerdotium, gens sancta, populus acquisitionis, quis inter tua illa primordia tam divina, et spiritualibus affluentem charismatibus christianæ religionis ortum, credere posset, posse talia in te aliquando reperiri?

36. Ingrediuntur cum hac macula tabernaculum Dei viventis; inhabitant cum hac macula templum, sanctum Domini polluentes, judicium multiplex accepturi, quod et tam gravissimas conscientias gerunt, et nihilominus sese ingerunt in sanctuarium Dei. Tales enim non modo non placent Deum, sed et magis irritant, dum videntur in cordibus suis dicere: Non requiret. Irritant plane et infensum reddunt sibi, vereor ne in his quibus eum propitiare debuerant. Utinam magis turrim inchoaturi, sedentes computarent, ne forte sumptus non habeant ad perficiendum. Utinam qui continere non valent, perfectionem temerarie profiteri, aut celibatui dare nomina vererentur. Sumptuosa siquidem turris est, et verbum grande, quod non omnes capere possunt. Esset autem sine dubio melius nubere, quam uri; et salvari in humili gradu fidelis populi, quam in cleri sublimitate et deterius vivere, et districtius judicari. Multi enim, non quidem omnes, sed tamen multi, certum est, nec latere queunt præ multitudine,

nostram habet: ubi *fratrum* nomine forsitan intelliguntur cardinales, ut in epistola 48.

nec præ impudentia quærent : multi utique libertatem, in qua vocati sunt, in occasionem carnis dedisse videntur, abstinentes remedio nuptiali, et in omne deinceps flagitium effluentes.

#### CAPUT XXI.

*Serio cohortatur ad pœnitentiam.*

37. Parcite, obsecro, fratres, parcite animabus vestris, parcite sanguini qui pro vobis effusus est. Horrendum caveto periculum, ignem qui paratus est declinate. Inveniatur tandem non irrisoria perfectionis professio; exhibeatur etiam virtus in specie peccatis. Non sit inanis celibis vitæ forma, et vacua veritatis. Quidni periclitetur castitas in deliciis, humilitas in divitiis, pietas in negotiis, veritas **494** in multiloquio, charitas in hoc sæculo nequam? Fugite de medio Babylonis, fugite, et salvate animas vestras. Convolate ad urbes refugii, ubi possitis et de præteritis agere pœnitentiam, et in præsentibus obtinere gratiam, et futuram gloriam fiducialiter præstolari. Non vos retardet conscientia peccatorum : quia ubi illa abundaverunt, superabundare gratia consuevit. Non pœnitentiæ austeritas ipsa deterreat. Neque enim condignæ sunt passionibus hujus temporis ad præteritam culpam, quæ remittitur; non ad præsentem consolationis gratiam, quæ immititur; non ad futuram gloriam, quæ promittitur nobis. Denique nulla est tanta amaritudo, quam non prophetica farina dulcoret (*IV Reg. iv, 41*), quam non sapidam reddat sapientia, lignum vitæ (*Exod. xv, 25*).

38. Si verbis non creditis, operibus credite, exemplis acquiescite plurimorum. Currunt undique peccatores ad pœnitentiam, et natura pariter et consuetudine delicati exteriorem omnino asperitatem non reputant, ut exasperatæ conscientie leniantur. Nihil credentibus impossibile, nil amantibus difficile, nil asperum mitibus, nil humilibus arduum reperitur; quibus et gratia fert auxilium, et obediendi devotio lenit imperium. Quamdiu ambulatis in magnis et mirabilibus super vos? Magnum prorsus et mirabile est ministrum esse Christi, et mysteriorum Dei dispensatorem. Longe super vos est ordo pacificorum, nisi forte, omissis gradibus præstentis, saltare magis, quam ascendere libet. Utinam tamen quisquis sic intrat, si fieri posset, tam fideliter ministraret, quam fiducialiter se ingressit. At difficile, fortassis et impossibile est, ut ex amara radice ambitionis, suavis fructus prodeat charitatis. Dico ego, si vultis audire, imo non ego, sed Dominus : Cum vocatus fueris ad nuptias, recumbe in novissimo loco : quia omnis qui se exaltat, humiliabitur; et qui se humiliat, exaltabitur (*Luc. xiv, 10, 11*).

#### CAPUT XXII.

*Bonorum pastorum est, docere; nec fugere persecutiones propter justitiam.*

39. Beati, inquit, pacifici, quoniam filii Dei vocantur (*Matth. v, 9*). Considera diligenter non pacificos, sed pacificos commendari. Sunt enim qui dicunt, et non faciunt. Sane, quemadmodum non auditores legis justi sunt, sed factores : sic non an-

nuntiatores pacis sunt beati, sed actores. Utinam tamen nostri quicumque videntur hodie Pharisei (forte enim aliqui sunt), etsi non facerent, saltem dicerent quod oportet. Utinam qui sine sumptu Evangelium ponere nolunt, ponerent vel pro sumptu : utinam vel evangelizarent ut manducarent. Mercenarius, inquit, videt lupum venientem, et fugit (*Joan. x, 12*). Utinam hodie quicumque pastores non sunt, mercenarios gregi vellent se exhibere, non lupos : utinam ipsi non læderent, utinam non fugerent, nemine persequente, utinam non exponerent gregem, donec lupus veniens videretur. Nimirum sustinendi fuerant, si invenirentur, præsertim tempore pacis, recipientes mercedem suam, et pro mercede sua saltem in custodia gregis laborantes : dummodo non ipsi turbarent gregem, et gratis averterent a pascuis justitiæ et veritatis. Nam persecutio quidem indubitanter mercenarios a pastoribus segregat et discernit. Quando enim transitoria damna non timeat, qui temporalia lucra sectatur? Quando terrenam sustineat persecutionem propter justitiam, qui terrenam mercedem plus quam justitiam quærit? Beati, inquit, qui persecutionem patiuntur propter justitiam, quoniam ipsorum est regnum cælorum. Pastorum hæc beatitudo, non mercenariorum, multo minus latronum est, vel luporum. Usque adeo siquidem persecutionem non sustinent propter justitiam, ut persecutionem malint, quam justitiam sustinere. Nempe contraria est operibus eorum, gravis est etiam eis ad audiendum.

**495** 40. Cæterum propter avaritiam, propter ambitionem paratos eos videas universa pericula subire, suscitare scandala, sustinere odia, dissimulare opprobria, negligere maledicta : ut non minus perniciose sit animositas talium, quam pusillanimitas mercenariorum. Veris ergo pastoribus dicit Pastor eorum, pastor bonus, qui pro ovibus suis animam suam ponere non pepercit : Beati eritis, cum vos oderint homines, et cum separaverint vos, et ejecerint nomen vestrum tanquam malum propter Filium hominis : gaudete in illa die et exsultate, quoniam merces vestra copiosa est in cælis (*Matth. v, 40-42*). Siquidem non est quod fures timeant, qui sibi in cælo thesaurizant. Non est quod causentur de multiplici tribulatione, ubi multiplicationem mercedis attendunt. Quinimo gaudeant magis, ut dignum est, quod non tam persecutio, quam remuneratio augatur : et exsultent eo abundantius, quo plura sustinent propter Christum, ut eos proinde copiosior merces maneat apud ipsum. Quid timidi estis, modicæ fidei? Fidelis exstat sententia irrefragabili veritate subnixâ, quia nulla nocebit adversitas, si nulla dominetur iniquitas (*In orat. seu collecta Ecclesiæ*). Sed parum est nocere : etiam proderit, et copiosius proderit, dummodo sit justitia in intentione, Christus in causa, apud quem patientia pauperum non peribit in finem. Ipsi gloria nunc, et semper, et in sæcula sæculorum. Amen.

## 946 ADMONITIO IN OPUSCULUM IV.

1. Inter eos qui monastica vitæ instituta sectantur, illud fere usu venit, ut quo quisque religionor est, eo minus Regulæ suæ obligationem meditetur quam sensum, nec tam casuistarum placita requirat, quam legislatoris sui voluntatem. Cum enim regulæ sibi præscriptæ ex animo addictus, subjectusque sit, nihil in votis potius habet, quam eam in omnibus sequi ducem, etiamsi nulla esset parendi necessitas. Religiosis eo modo comparatis non est lex posita, nec ita necessaria est sequentis libri lectio, quam aliis, quos magis afficiunt ac sollicitant quæstiones de Regulæ obligatione, quam de vera et germana ejus sententia et praxi; neque alio animo doctores consulunt, quam ut Regulæ onus minuire, et, quoad citra crimen fieri possit, ab ejus accurata seu, ut ipsis videtur, scrupulosa observatione impune recedere sibi liceat. Ejusmodi hominibus nihil magis formidandum, quam ut incidant in doctores male sanæ voluntati obsequentes: ex quorum consiliis laxiorem viam sectentur, atque inde in Regulæ suæ neglectum, tum in ejus contemptum, ac demum in status sui odium (quæ certæ damnationis conditio est) sensim delabuntur.

2. Atqui ex omnibus, meo quidem judicio, consulere possunt neminem, qui eos et salubrius, et securius instruat, quam Bernardum: cum iis præditus fuerit dotibus quæ doctorem integerrimum efficiunt, pietate scilicet haud vulgari, doctrina cœlitus infusa, et monasticarum rerum insigni peritia. Ex quo fit, ut ejus his de rebus sententia minime suspecta esse possit, sed omnino pia, certa, et omnibus ejusdem instituti sectatoribus amplectenda: adeo ut si optio nobis daretur, ut aliquis e cœlo delapsus id confirmaret, nullum potius auctorem, quam istum auscultare vel deberemus. Nunc vero eam debemus gratiam Carnotensibus Sancti-Petri monachis, qui sanctissimi Patris de proposita materia sententiam et doctrinam obtinuerunt: quod qua occasione, quoque tempore acciderit, operæ pretium est investigare.

3. Quo tempore Udo abbas isti monasterio præerat, ejus loci monachi scripta epistola Bernardum consulerunt, quænam esset Regulæ sancti Benedicti, ejusque statutorum obligatio. Bernardum cunctabundum iteratis litteris interpellant (nam binas Bernardus memorat, infra, nn. 57, 60) et quidem inconsulto, ut videtur, abbate: quæ causa fuit, ut Vir sanctus: qui eorum tandem obsecutus est voluntati, librum suum, non Gaufrido, quem hic perperam intrudunt vulgati indices, sed Rogerio ab anno 1151 ad annum 1158 abbati, monachisque Columbensibus ejusdem diocesis et instituti, dirigeret; ut responsum suum in manus Carnotensium monachorum, citra conscientiam ipsorum abbatis, sicuti Regulæ cavet, ne perveniret. Epistolam epistolis duabus reddere Bernardus animo destinaverat: sed crescente materia, ex epistola factus est liber. « Proinde vos, » inquit n. 60, « si placet Librum, si placet Epistolam nominare: » et in epistola prævia ad Columbenses, « Liber, si judicatis, non Epistola censetur. Et quia inter multas quæstiones, quæ ibi a me solvuntur, id præcipue subtilius utiliusque pertractatur, quænam liceat præcepta, et per quos, et qualenus dispensari: detur ei titulus, De Præcepto et Dispensatione, nisi vobis aliud forte congruentius videatur. » Ex his verbis, imo ex toto libro intelligimus, hunc maxime monasteriorum præpositis necessarium esse, non solum ut sibi subditos instruant, sed ut ipsi etiam agnoscant, qualis sit penes se dispensandi auctoritas.

4. Quæ occasio Carnotenses monachos ad Bernardum consulendum impulerit, nobis incompertum. Nam toto Udonis abbatis regimine, quod ab anno 1128 ad annum fere 1150 productum est, nullas turbas apud eos excitationes invenimus. Quinimo Udonem abbatem cum suis monachis bene consensisse ex ipsius actis colligere licet. Ejus electionem (ut id obiter observemus) non solum magnus ille Gaufridus Carnotensium episcopus, sed etiam Matthæus Albanensis cardinalis et legatus, solemnī edicto comprobavit, anno 1128; et ipse Gaufridus episcopus, cognomento de Leugis, census ex ecclesia S. Martini de Valle suburbana, S. Petri monasterio, abbatis S. Joannis in Valle, et leprosis debitos definivit, approbante Innocentio II et Theobaldo comite, præsentē Udone S. Petri, abbate, item, Andrea de Baldamento « de quo in Bernardi epistolis non semel » et Hugone S. Joannis de Valle abbate, domno Bernardo Claræ-Vallensi, Gualterio Priore S. Martini de Valle, Gosleno de Leugis, fratre episcopi Gaufridi, et Gosleno de Leugis ejusdem nepote. Anno 1141, indict. ix, epacta xx, concurrente iii, decimo quinto kalendas februarii. » Erat et alius Hugo de Leugis præpositus ecclesiæ Carnotensis. Cæterum abbas Udo S. Petri armarii seu bibliothecæ libros vetustate pene deletos, et plures a tineis corrosos animadvertens, ratus « inhonestum et indecorum » esse, « quod monasterium magnæ nobilitatis haberet armarium tantæ paupertatis, » assensu capituli illud renovare aggressus est, assignando redditus ex singulis monasterii Obedientitiis, ut armarius (sic bibliothecæ præfectum vocabant) singulis annis haberet, unde libros renovare velustos, aut vetustis novos superaddere valeret. Id factum confirmatumque anno 1145, quo tempore Bernardus sequentem librum jam composuerat.

5. Hunc quippe Petrus Venerabilis, nuper de Hispaniis reversus, a Bernardo postulavit libri quarti epistola vigesima secunda, quæ Bernardi epistolæ ducentesimæ vigesimæ septimæ respondet, scriptæ sub annum 1143, ut suo loco probatum est. Petri verba huc ascribo ex fine prædictæ epistolæ: « Mittite, si placet, per præsentium latorem, vel per alium, epistolam illam vestram, quibusdam Carnotensibus monachis, ut mihi videtur, missam, respondentem de Regulæ præceptis, et de diversis monastici Ordinis usibus: quam Cluniaci semel legi, sed nunquam postea ad relegendum habere potui. » Hoc in opusculo Gaufridus libro tertio de Vita Bernardi, capite octavo, « vigilem » sancti Doctoris « et circumspectam discretionem » merito laudat; et id sane quivis sibi facile persuadet, quisquis æquo animo hunc librum legerit, et cum sancti Thomæ Aquinatis sententia contulerit.

6. Neque enim (ut quibusdam videri possit) severior est Bernardi doctrina, sed sincera et maxime accurata: quam facile aliunde probare liceret, si non eam solidius fulciret dicentis auctoritas. Quatuor vero præcipua de corporalibus (quas vocat) sancti Benedicti Regulæ observantiis tradit piissimus Pater. Primum est, corporales istas observantias, non graves quidem illas (quales sunt abstinencia a carnibus, silentiū nocturnum, tam severe a sanctissimo Legislatore præscripta), sed, exempli causa, « silentium indictum, » accedente præpositi mandato, si quominus observantur, « in peccatum reputari, non tamen in crimen, ita sane si per subreptionem aut oblivionem, non per contemptum, horum transgressio contingerit, » n. 17; ita ut « nec sine offensa negligi, nec contemni sine crimine vel ipsa queant: » et, « obnoxium faciant peccato, non magno tamen, si contemptus defuerit, » ibidem: denique « vix peccatum reputantur, » n. 18 præsertim cum « remedio penitentiæ » sanantur. Nimirum quod hoc pacto monachus se contineat intra



*Regulæ limites, quæ dividitur in « Præcepta et Remedia, » n. 32. Secundum est, ejusmodi transgressionem contemptu eundem peccata mortalia. Elatio quippe contemnitatis, atque impenitentis obstinatio, in minimis quoque mandatis, culpam facit non minimam, et convertit in crimen grave rebellionis narium salis lesem simplicis transgressionis, » n. 26. Tertium denique est, in eo differre contemptum a neglectu, » quod neglectus quidam languor inertie est: contemptus vero superbia tumor, » n. 18, » voluntatis superba contentio, » nolentis mandato acquiescere, n. 26. Denique « si possumus et volumus, superbi sumus, » n. 31, ac per hoc contemptus rei, » non ergo, » inquit n. 26, » qualiscunque mandati præteritio criminalem facit inobedientiam; sed repugnare, sed nolle obedire, » præsertim ubi ei præceptum, et pænæ remedium respicitur.*

**498** 7. *Et hæc omnino est sancti Thomæ doctrina 2, 2, quæst. 86, art. 9, tum in corpore, tum in responsione ad primum, in qua tres sunt partes: quarum prima est de observantiis Regulæ S. Benedicti; altera de observantiis, quarum transgressio ex conducto obligat ad veniale; tertia de statutis Ordinis fratrum Prædicatorum n. quæ ex præceptis quodammodo constituto ad pœnam tantum obligant. Prima pars sic habet: « Ad primum ergo dicendum quod ille qui, rogitetur Regulam, non vult servare omnia quæ sunt in Regula: sed vult regulare vitam, quæ iam consistit in tribus prædictis principalibus votis. Unde et in quibusdam Religionibus cautius aliqui profitentur, non quædem Regulam, sed vivere secundum Regulam, id est tendere ad hoc, ut aliquis mores suos informet secundum Regulam, sicut secundum quoddam exemplar. Et hoc totum per contemptum. » Et hæc est propria species Regulæ sancti Benedicti, teste etiam Bernardo n. 10. Secunda species ita exprimitur: « In quibusdam autem Religionibus adhuc cautius profitentur obedientiam secundum Regulam, ita quod professioni non contrariatur, nisi id quod est contra præceptum Regulæ, » id est præceptum proprie dictum, obligationem inducens: « transgressio vero vel omissio aliorum obligat solum ad peccatum veniale: quia, sicut dictum est, hujusmodi dispositiones sunt ad principalia vota: peccatum autem veniale est dispositio ad mortale. » Itaque in sententia sancti Thomæ transgressionem minorum observantiarum sunt dispositiones ad transgressionem principalium votorum; ac proinde culpæ veniales.*

8. *At demum etiam Regulam sancti Benedicti in minoribus observantiis obligare solum ad pœnam: videamus qua ratione sanctus Thomas hac de re sententiam suam explicet: « In aliqua tamen religione, fratrum scilicet Prædicatorum, transgressio talis, vel omissio ex suo genere non obligat ad culpam, neque mortalem, n. quæ venialem, sed solum ad pœnam taxatam sustinendam; quia per hunc modum ad talia observanda obligantur, qui tamen possunt venialiter, vel mortaliter peccare ex negligentia, vel libidine, vel contemptu. » Ergo ex sancto Thomæ etiam, in iis statutis quæ obligant ad solum pœnam, incurri potest venialis culpa » ex negligentia vel libidine, » imo et mortalis » ex contemptu. » Uno verbo, ejusmodi errorum quæ ita pendet ex affectione animi, cujus negligentia vel prava dispositio nulla constitutione excusari potest, maxime ubi non fertur in unam quandam observantiam, sed in totum corpus observantiæ regularis.*

9. *Ad hanc doctrinam illustrandam necessaria est responsio ad tertium, in qua contemptum ita explicat, » quod tunc committit aliquis vel transgreditur ex contemptu, quando voluntas ejus renuit subijci ordinationi legis vel regulæ » (quæ ipsissima est Bernardi doctrina), et ex hoc procedit ad faciendum contra legem vel regulam. Quando autem e converso propter aliquam particularem causam, puta concupiscentiam vel iram, inducitur ad aliquid faciendum contra statuta legis vel regulæ, non peccat ex contemptu, sed ex aliqua alia causa, etiam si frequenter ex eadem causa, vel alia, simile peccatum fieret. Sicut etiam Augustinus dicit in libro de Natura et Gratia, quod non omnia peccata committuntur ex contemptu superbiæ. Frequentia tamen peccati dispositioe induci ad contemptum.*

**499** 10. *Itaque secundum mentem beati Thomæ, ex habitu seu consuetudine ejusmodi culpæ sit progressus in contemptum: quia in re omnino consentire videtur cum Bernardo, qui ait n. 26, ejusmodi lapsus » per contemptum verti in usum et consuetudinem; quasi contemptus gradus sit ad consuetudinem, non consuetudo ad contemptum. » Et tunc, » inquit, non peccati species, » nempe levior graviore sit, » sed peccantis intentio pensatur. » Eandem sententiam fustius explicat in libro de Humilitate, capitibus 20 et 21. Verum alter cum altero recte conciliari potest, si dixerimus, Bernardum esse intelligendum de consuetudine obfirmata, a qua quis recedere nolit, neque se revocando ad mandatum, neque pœnam culpæ subire volendo, quo nonnulli contemptu perveniri potest: Thomam vero explicandum de consuetudine, quæ oritur ex fragilitate et commotione passionis, quam quis ex animo abjicere vellet, sed per infirmitatem non valet; quæ nihilominus conascendo ad contemptum (nisi generosa tandem ei resistatur) sensim pervahit. Verum longius progredior: sed tamen (ut quidem existimo) non otiose, nec inopportune. Finio cum effato Joannis Saresberienensis in epistola ducentesima octogesima secunda: « Minima servata vitam acquirunt, et plerumque martyrii gloriam promerentur: neglecta vero ex crimine inobedientiæ et contemptus eternam ingerunt mortem. » Cæterum sequentis opusculi editio Rotomagi primum facta est ante annum quingentesimum absque temporis nota, adjunctis libris de Consideratione, et Apologia ad Guillelmum, uti alias monuimus.*

## SANCTI BERNARDI ABBATIS DE PRÆCEPTO ET DISPENSATIONE LIBER.

**500** EPISTOLA AD ABBATEM COLUMBENSEM. Dilectissimi monachorum, vobis primum, ut promissam, destinare curavi: ubi et aliud quoque impletum est quod jussistis. Nam cum breviter rescribere decrevissem, et epistolis epistolam tantum reddere velle cœpissim; hortatu vestro in libri, ut cernitis,

DE OPERE SEQUENTI.

Domno Abbati Columbensi, frater BERNARDUS abbas dictus de Clara-Valle, valere in Domino semper. Rescriptum meum ad epistolas Carnotensium quo-

ram, destinare curavi: ubi et aliud quoque impletum est quod jussistis. Nam cum breviter rescribere decrevissem, et epistolis epistolam tantum reddere velle cœpissim; hortatu vestro in libri, ut cernitis,

longitudinem protraxi stilum, ut et in pluribus plures possint edificari. Quod opus cum a vobis perlectum fuerit, tunc non ipsis, ad quos factum est, sed eorum prius reddatur abbati: et sic demum ad ipsos, si iusserit abbas, perveniat. Monachi enim sunt; et ex lege suae Regulæ sine nutu sui abbatis sicut dare, ita et accipere datas prohibentur epistolæ (*Reg. S. Benedicti*, cap. 54). Nam et ob hoc maxime diu, sicut scitis, multum licet rogatus ab eis, respondere tardavi, quod (ut mihi videbatur) ignorante abbate scribere illas epistolæ et mittere præsumpsissent. Nec falso id suspicatus sum, uti postmodum liquido comperi. Ego cæpto operi (quod quidem legentibus apparebit) Epistolæ nomen ipdideram: sed quoniam pro nomine modum, vestro obviante mandato, ut promiseram, non servavi; Liber, si iudicatis, non Epistola censeatur. Et quia inter multas quæstiones, quæ ibi a me solvuntur, id præcipue subtilissimè utilisque pertractatur, quænam liceat præcepta, et per quos, et quatenus dispensari; detur ei titulus, De Præcepto et Dispensatione: nisi vobis aliud forte congruentius videatur.

#### PRÆFATIO AD MONACHOS CARNOTENSES

##### IN TRACTATUM SEQUEM.

Qua mente jam tacebo? qua fronte tamen loquar? Grebris epistolis et nuntiis cogitis me aut propriam proderè imperitiam, aut officium renuere charitatis. At ego malens sine illa quæ infat, quam absque illa quæ edulcat, inveniri; victus tandem precibus vestris, duris iniectis nodis onguës teneros, et, ut vereor ego, non aliud quam terendos. Sed hoc incassum. Nam mea me, ut scribitis et præscribitis, tam absents scripta quam verba præsentis arguunt excusantem. Quis enim jam relinquitur mihi vel de impossibilitate causandi locus, præsertim apud vos, qui ex ore et ex corde meo satis certum tenere vos creditis, quantum possim in talibus? Fidel proinde vestræ, non meo fidenti ingenio, abyssum ingredior quæstionum; nesciens (Deus scit) quæ emersurus. Præsto charitas erit, utinam ita et veritas. Si quominus, excuset effectum defectus potius ingenii: voluntatem certe non culpabitis. Tentabo autem easdem, si potero, quæstiunculas sub epistolari cunctas brevitate redigere, etsi non epistola brevi. Mirum siquidem non est, si særo ego longior in exponendo: cum vos tantum eas ponendo, duas et ipsas satis longas epistolæ texueritis.

#### CAPUT PRIMUM.

*An monastica Regulæ instituta præcepta sint, an consilia duntaxat.*

I. Prima igitur quæstio circa Regulam nostram versatur, de qua (ni fallor) et reliquæ omnes, aut pene omnes oriuntur. Quæritis nempe, Regularis illa institutio quomodo et quatenus sit pensanda profitentibus eam: utrum videlicet cuncta quæ continet, putanda sint esse præcepta, consequenter et damnosa transgredienti: an consilia tantum vel

A monita, et ob hoc nullius, aut non magni ponderis sit ipsorum professio; nullius, aut non gravis culpæ ipsorum prævaricatio: an certe quædam sint deputanda imperiis, quædam pro consiliis reputanda, quo partim ea liceat, partim non liceat omnino prætergredi. Et si hoc ultimum detur, distinguere a me tunc demum certos ac propriæ cuiusque partis limites flagitatis: ne cui forte per varias sui sensus opiniones licentius vagandi detur occasio; sicque liquare culicem et camelum glutire contingat, si nesciat quantum curæ vel operæ suæ quibusque debeant observantiis. Hic est, quantum recolo, totus vestræ illius partitionis sensus, etsi non verba. Quod autem subjungitis et pergitis inquirere de obedientia, quibus gradibus distinguatur, quibus claudatur limitibus; ad eandem arbitror pertinere divisionem, quippe quæ in decretis regularibus præcipua habetur: et puto, cum ad illam satis responsum fuerit, de ista jam nil supererit quod ambigatur.

2. Itaque, ut sentio ego, Regula sancti Benedicti omni homini proponitur, imponitur nulli. Prodest, si devote suscipitur et tenetur; non tamen, si non suscipitur obest. Quod autem in voluntate est suscipientis, non in potestate proponentis; voluntarium merito dixerim, non necessarium. Attamen hoc ipsum quod dico voluntarium, si quis ex propria voluntate semel admiserit et promiserit deinceps tenendum, profecto in necessarium sibi ipse convertit, nec jam liberum habet dimittere, quod ante tamen non soscipere liberum habuit. Ideoque quod ex voluntate suscepit, ex necessitate (*al. add. jam*) tenebit: quia omnino necesse est eum reddere vota sua quæ distinxerunt labia sua, et ex ore suo aut condemnari jam, aut justificari. Ceterum felix, ut quidam sanctorum ait, necessitas, quæ cogit in melius (*S. AUGUSTINUS*, epist. 127). Omnia proinde sancti Benedicti instituta, excerptis sane nonnullis de spiritualibus, verbi causa, charitate, humilitate, mansuetudine, quæ non tam ipsum constat instituisse quam Deum, et ob hoc ponitas non esse mutanda; de cetero reliqua universa (93) non profitentibus quidem monita tantum, seu consilia censenda sunt, nec gravant non observata: cum tamen profitentibus in præcepta, prævaricantibus in crimina fiant, sive (ut vestra vobis reddam) illis voluntaria vel factitia, istis necessaria, et tanquam naturalia non immerito reputantur. Ita sane necessaria dixerim, ut ex eis minime præjudicetur necessariis rationabilibusque dispensationibus.

#### CAPUT II.

*In constitutionibus majorum quando et a quibus dispensandum.*

3. Sed non omnibus in huiusmodi eredita est dispensatio, nisi his duntaxat qui cum apostolis dicere possunt: *Sic nos existimet homo ut ministros Christi, et dispensatores mysteriorum Dei* (1 Cor. iv, 7). Novit autem fidelis servus et prudens, quem constituit Dominus super familiam suam, ibi tantum usurpare

(93) *Corporales observantias* vocat n. 3 et sqq.

dispensationem, unde bonam possit habere recompensationem. Hoc quippe queritur inter dispensatores, ut fidelis quis inveniatur. Et eadem fortasse fidelitas a subditis nihilominus exigitur in obtemperando, quæ a præpositis in dispensando. Constat igitur ex his quæ dicta sunt, vestram illam divisionem integram esse ac sufficientem, si modo personæ distinguantur et tempora, dum subjectis quidem sit omnis regularis institutio (quantum duntaxat ad corporales observantias pertinet) ante professionem voluntaria, post professionem necessaria: prælatis vero partim voluntaria, ut quæ inventa ab homine; partim necessaria, ut quæ fuerint divinitus instituta.

4. Quam ob rem fortassis tunc potissimum congrua et luculenta magis eadem divisio apparebit, si ejus membrum quod dictum est necessarium, rursus in tria hæc subdividatur: Stabile, Inviolabile, Incommutabile. Et quidem Stabile dixerim, quod ita est necessarium, ut non cuilibet hominum illud mutare fas sit, nisi solis dispensatoribus mysteriorum Dei, id est præpositis, 502 ut, verbi gratia, Regulæ sanctorum Basilii, Augustini, Benedicti, necnon et authentici canones, et si quæ sunt alia ecclesiastica instituta dignæ auctoritatis. Quæ quoniam a sanctis tradita sunt, sancita stabiliter perseverant, nec omnino cuivis subjectorum ea aliquo modo variare vel mutare conceditur. Quia tamen ab hominibus, etiam per homines, loco et officio illis canonica electione succedentes, licite interdum innoxieque pro causis, personis, locis et temporibus dispensantur. Ubi sane qui hæc legit, attendat me caute non dicere, ea posse vel ab istis leviter pro voluntate mutari, sed ex ratione fideliter dispensari. Ideo autem hanc ipsam mutationem taliter et a talibus recipere possunt, quoniam non naturaliter nec per se bona sunt.

5. Porro inventa atque instituta fuerunt, non quia aliter vivere non liceret, sed quod ita magis expediret; nec plane ad aliud, quam ad lucrum vel custodiam charitatis. Quamvis ergo charitati militant, immobiliter fixa sunt, mutarique omnino, ne ab ipsis quidem præpositis, sine offensa possunt. At si e contrario contraria forte aliquando charitati visa fuerint, his duntaxat quibus hoc posse videre datum est, et providere creditum est: nonne justissimum esse liquet, ut quæ pro charitate inventa fuerint, pro charitate quoque, ubi expedire videbitur, vel

A omittantur, vel intermittantur, vel in aliud forte commodius demutentur? Sicut e regione iniquum procul dubio foret, si statuta pro sola charitate, contra charitatem tenerentur. Tenent ergo fixam firmitateque immobilitatem, etiam apud prælatos, quæ ex stabili necessario sunt: sed quatenus charitati deserviunt. Nunquid autem hoc ego vel solus sentio, vel primus dico? An non hoc ipsum et papa Gelasius sensit? Ait siquidem: « Ubi necessitas non est, inconvertibilia maneat sanctorum Patrum decreta. » Leo quoque papa: « Ubi, » inquit, « necessitas non est, nullo modo sanctorum Patrum constituta violentur: » et infert, « Ubi ergo necessitas fuerit, ad utilitatem Ecclesiæ, qui potestatem habet, ea dispenset. Ex necessitate enim fit mutatio legis. »

### CAPUT III.

*Dispensationem in lege divina soli Deo reservatam esse. At quæ sunt legis æternæ, omnino etiam Deo esse immutabilia.*

6. Necessarium deinde, quod inviolabile nominavi, illud intelligo, quod non ab homine traditum, sed divinitus promulgatum, nisi a Deo qui tradidit, mutari omnino non patitur: ut, exempli causa, *Non occides, Non machaberis, Non furtum facies* (Exod. xx, 13-15), et reliqua illius tabulæ legiscita (94): quæ, etsi nullam prorsus humanam dispensationem admittunt, nec cuiquam hominum ex his aliquid aliquo modo solvere, aut licuit, aut licebit; Dominus tamen horum quod voluit, quando voluit solvit, sive cum ab Hebræis Ægypticis spoliari (Exod. iii, 22), sive quando prophetam cum muliere fornicaria misceri præcepit (Ose. i, 2). Quorum utique alterum quid nisi grave furti facinus, alterum quid nisi flagitii turpitudine reputaretur, si non excusasset utrumque factum auctoritas imperantis? Sane ubi simile aliquid aliquando a sanctis hominibus fuisse legitur usurpatum, Scriptura non indicante quod Deus ita præceperit; aut eos peccasse fatendum est, sicut homines; aut certe, sicut prophetas, familiare Dei consilium accepisse. Unde et unum exemplum pono quod occurrit de Samsone, qui se ipsum una cum hostibus opprimens interfecit (Judic. xvi, 30). Quod utique factum si defenditur non fuisse peccatum, privatum habuisse consilium indubitanter credendus est, etsi de Scriptura hoc non habemus (95).

(94) Nempe si qua alia sunt, quorum actus inter-nus ab inordinata animi dispositione separari potest, ut in furto et homicidio, ubi factum ipsum divinam dispensationem admittit, non prava animi affectio. Alias Bernardus a seipso dissentiret, a quo inter immutabilia censetur nam. seq. omnis illa sermonis Dominici in monte habita traditio: quo in sermone interdicta est mulieris cujusvis prava concupiscentia. Eodem spectat falsum testimonium.

(95) Quod S. doctor ait non haberi ex Scriptura Samsonis factum divino consilio fuisse patratum; verum quidem est nullo in loco diserte haberi, tametsi ex cap. ii Epistolæ ad Hebr., v. 32 non obscure colligitur. Qua de re sic agit Estius in comment. « Ad Samsone venio, pro quo respondet Augusti-

nus lib. i De civitate Dei, cap. 21 et 26, dicens quod seipsum cum hostibus ruina domus oppressit, id eum fecisse Spiritu latenter hoc jubente, qui per eum miracula faciebat. Nec fas est nobis aliter credere: nam ad id faciendum divinitus ei reddita fuit amissa fortitudo. Sic enim ait: *Domine Deus, memento mei, et redde mihi fortitudinem pristinam, ut ulciscar me de hostibus meis.* Hanc responsionem plerique alii sequuntur, et recte. Nec obstat quod dicit, *ut ulciscar me de hostibus meis.* quasi privatam injuriarum ulciscendi cupidus. Nam injuria Samsonis injuria publica erat, ut qui Judex esset populi, et pro ejus salute pugnaret. Irrisio quoque ejus, irrisio Dei Israel erat, in cujus contumeliam Philistæi pro capite Samsone diis suis solemnes in templo gratias age-



7. Jam vero necessarium Incommutabile quid accipi **503** velim? Equidem nil congruentius, quam quod divina ita constat et æterna ratione firmatum, ut nulla ex causa possit, vel ab ipso Deo, aliquatenus immutari. Sub hoc genere est omnis illa Sæmonis dominici in monte habiti spiritualis traditio, et quidquid de dilectione, humilitate, mansuetudine, cæterisque virtutibus, tam in Novo, quam in Veteri Testamento spiritualiter observandum contraditur. Hæc quippe talia sunt, quæ nec liceat, nec expediat aliquando non haberi. Eo siquidem immobiliter, quo et naturaliter bona, nunquam nisi innocenter, nunquam nisi salubriter aut imperantur, aut observantur. Omni tempore, omni personæ, mortem contempta, custodita salutem operantur. Primam ergo necessitatem sua cuique facit in promittendo voluntas; secundam, præcipientis auctoritas; tertiam, præcepti dignitas.

8. Differunt autem, ut jam dictum est, quibusdam a se invicem gradibus tres istæ necessitates, nec una omnes sequitur immutabilitatis firmitas. Nam ex prima quidem quod efficitur, etsi non penitus immutabile, tamen vix mutabile esse constat: dum solis illud liceat mutare prælatis, et hoc nonnisi fideli et provida dispensatione. Quod vero sit ex sequenti, quæ et major ista, est pene jam incommutabile. Soli quippe Deo esse mutabile superius demonstratum est. Porro quod de novissima sit, tanquam omnium maxima, omnino incommutabile est, utpote quod ne ipsi quidem Deo mutare liberum est. Quod igitur nulli hominum fas est, nisi solis mutare prælatis, dici vix mutabile congrue potest: quod soli constat licere Deo, dicatur pene immutabile: quod ne ipsi quidem, penitus immutabile nominetur.

#### CAPUT IV.

*Quid prælatis circa dispensationem Regulæ liceat.*

9. Quæ cum ita sint, ut ad ea redeam, de quibus potissimum queritur patet quod magna ex parte regularis traditio subest ejus qui præest, etsi non voluntati, certe discretioni. Sed dicitis: Quid ergo relinquitur necessitati? Audite: quamplurimum. Primo quidem quidquid de spiritualibus in ipsa Regula traditum est, in manu abbatis (ut supra taxatum est) nequaquam relinquitur. Deinde reliqua pars, quæ in corporalibus constat observantiis, ne ipsa quidem in ejus ita voluntate posita est, ut ejusdem deserviat voluntati, sed magis charitati. Neque enim abbas supra Regulam est, cui semel et ipsa spontanea se professione submisit, etsi (quod negan-

dum non est) Dei regula charitas Regulæ sancti Benedicti jure præponitur. Esto proinde ut interdum Regulæ littera cedat pro tempore charitati, cum ratio necessitatis (96) exegerit: absit tamen ut hominis cujuspiam subdatur voluntati. Super fratrum sane transgressiones, non super Patrum traditiones constituitur qui abbas eligitur, mandatorum cultor, et ultor vitiorum. Arbitror namque sanctas illas observantias prælatorum prudentiæ et fidei creditas, non subditas voluntati. Hinc est quod idem legislator in his quæ abbati dispensanda reliquit, caute nusquam (ut memini) voluntatem, sed aut considerationem, aut dispositionem, aut providentiam, **504** aut certe arbitrium, seu aliquid hujusmodi ponit: volens nimirum providum fidumque dispensatorem, rationis, ubi forte dispensat, sequi judicium, non suæ placitum voluntatis. Unde et intimat ei non semel, quod de omnibus judiciis suis Deo redditurus sit rationem.

10. Lego profecto in Regula: « Hæc consideratio penes abbatem sit; » et hoc vel illud esse in providentia, vel arbitrio, seu dispositione abbatis (*S. Benedicti Reg. cap. 5*). Ut autem pro sua voluntate aliquid mutet, me ibi legisse non recolo: quinimo, « In omnibus, » inquit, « omnes magistrum sequantur Regulam, nec ab ea tenere devietura quoquam. » Ergo nec ab ipso abbate. « Omnes, » inquit, « magistrum sequantur Regulam. » Nemo ergo suam voluntatem: ubi sane nec abbatem excipi puto. Videtis quantum necessitati tribuitur, subtrahitur voluntati? Quid etiam? Nonne regularis ipsa professio, qua se junior subdit sponte Priori, æque alligat et Priorem (97)? Communis equidem pacti pari reor utrumque necessitate teneri, fierique duos per unius sponsonem ad alterutrum debitores: fidelis curæ unum, alterum humilis obedientiæ. Quidnam igitur jam voluntati relinquitur, ubi et prælatus debiti necessitate tenetur? Sed et de hoc item non parum prælati præscribitur voluntati, quod is qui proficitur, spondet quidem obedientiam, non tamen omnimodam, sed determinate secundum Regulam; nec aliam, quam sancti Benedicti: ut oporteat eum qui præest, non frena suæ laxare voluntati super subditos, sed præfixam ex Regula sibi scire mensuram; et sic sua demum imperia moderari circa id solum, quod rectum esse constitit; nec quodlibet rectum, sed hoc tantum (quod prædictus Pater instituit, aut certe quod sit secundum quod instituit. Sic se quippe habet professio: « Promitto, » non quidem Regulam, sed, « obedientiam secundum Regulam sancti Bene-

bant. Sed quamvis citra Dei consilium factum Samsonis perpetratum concedatur, non tamen propterea peccatum fuisse (uti S. Bernardus hic sentit) Franciscus a Victoria contendit in Relezione de homicidio sub finem. « Non enim, inquit, interfecit se Samson ex intentione, sed voluit hostes opprimere et interficere, ad quod secuta est mors ipsius, cum aliquin optasset illos perdere se salvo, si fieri potuisset. Hoc autem sine nova revelatione habetur licitum. » Quod quidem confirmat Eleazar exemplo, quod legitur I Macchab. vi, ubi Scriptura eum laudare videtur, magnifice vero Ambrosius lib. I Offic.,

cap. 40. Denique eundem Samsonem inter sanctos referendum censet Estius citato loco.

(96) Editi addunt *vel charitatis*: quod abest a scriptis, et vero superfluum videtur, siquidem ratio necessitatis ipsa ex charitate est. Unde infra, num. 11: *Necessitas non habet legem, et ob hoc excusat dispensationem*, etc.

(97) Sensus est, una eademque monachi professione et ligari præfectum seu abbatem, et monachum ipsum profitentem: et quidem alterum *fidelis curæ* suæ, ut scilicet subditum ad Regulæ observationem flectat; alterum *humilis obedientiæ*, esse debitorem.

dicti. « Non ergo secundum voluntatem præpositi. A Proinde si professio secundum illam Regulam abbas meus mihi aliud forte imponere tentaverit quod non sit secundum Regulam, aut etiam quod non sit secundum ista instituta, verbi causa, Basilii, Augustini, Pachomii : quænam mihi, quæso, in hac re necessitas imminet obsequendi? Solum quippe id a me posse exigi arbitror, quod promisi (98).

## CAPUT V.

*Legem obedientie non esse extendendam a prælati ultra limites professionis, neque citra contrahendam.*

11. Videtis ergo jam obedientie limites, quos requiritis. Si modus est obeditionis tenor professionis? nec se valeat extendere potestas imperantis, nisi quatenus attigerit votum profitentis : profecto circa, et ultra, nec non etiam contra, quid aliud quam obedientie limites quosdam censuerim, et his suis terminis virtutem eandem circumcludi? Quamobrem quisque professus in quovis genere salutiferæ vitæ, nec ultra obedientie lege (99) cogendus, nec citra est inhibendus, quam sua ipsius videtur complexi professio. Quanto minus contra? Is ergo qui medius est vitæ modus, præfixus voto, professione firmatus, tanquam lignum quod erat in medio paradisi, solus **505** sine dubio legi erit subjectus, obnoxius jussioni. Ergo prælati jussio vel prohibitio non prætereant terminos professionis. Nec ultra extendi potest, nec contrahi citra. Nil me prælatus prohibeat horum quæ promisi, nec plus exigat quam promisi. Vota mea nec augeat sine mea voluntate, nec minuat sine certa necessitate. Necessitas quippe non habet legem, et ob hoc excusat dispensationem. Voluntas vero, quia sola meretur retributionem, etiam sola non immerito gradum altiorum usurpat. Alioquin et absque necessitate remissio voti, non dispensatio, sed prævaricatio est : et restrictio contra voluntatem, murmur est, non profectus. Ponant ergo præpositi metam obedientie subjectorum ex votis laborum ipsorum, non suorum desideriorum : monentes eos, non cogentes ad celsiora; condescendentes eis, cum necesse fuerit, ad remissiora; non cadentes cum eis.

(98) Difficilis hic locus, ex quo quis inferat, prælati mandatum non excedere modum, si sit secundum Regulam sancti Benedicti, vel etiam secundum instituta Basilii, etc., adeoque Professum Regulæ S. Benedicti his teneri, si quidem a præposito præcipiantur. At nequaquam ea Bernardi sententia est, qui paulo ante dixit, Professum hunc spondisse obedientiam secundum Regulam, nec aliam quam S. Benedicti ac proinde præpositi mandata esse moderanda secundum rectum, quod prædictus pater instituit qui certe quod sit secundum quod instituit. Unde hunc locum ita restituendum puto, quod non sit in Regula, aut etiam quod non sit secundum ipsam; instituta verbi causa Basilii, etc. Sane duo codices bonæ notæ, Compendiensi et Sancti Theoderici, imo etiam Vaticanus et prima editio Rotomagensis, habent secundum istam, non ista, ut in aliis, tametsi in priori membro cum aliis scriptis et editis præferunt secundum Regulam, pro quo in Regula legendum esse non dubito. Si quia tamen pro vulgata lectione

## CAPUT VI.

*Religiosum perfectionis cupidum non debere obedientiam intra certos professionis limites constringere.*

12. Cæterum subjectus hujuscemodi obedientiam, quæ voti finibus cohibetur, noverit imperfectam. Nam perfecta obedientia legem nescit, terminis non aretatur : neque contenta angustiis professionis, largiori voluntate fertur in latitudinem charitatis, et ad omne quod injungitur spontanea, vigore liberalis alacrisque animi, modum non considerans, in infinitam libertatem extenditur. Hæc est illa de qua signanter apostolus Petrus : *Castificantes*, inquit, *corda vestra in obedientia charitatis* (I Petr. 1, 22) : pulchre ipsam per hoc sequestrans ab illa inerti et servili quodammodo obedientia, nec charitati promissa, sed obnoxia necessitati. Hæc justus illius, cui lex posita non est (I Tim. 1, 9), propria est : non quod vel ille perfectus vivere debeat sine lege, sed quia non sit sub lege; minime quippe contentus voto suæ cujuscunque professionis, quam superat animi devotione. Quanquam nec ista (100) Regula ipsa tacuerit, ubi monet, si fratri impossibilia injunguntur, « ut confidens de adiutorio Dei, obediat » ex charitate (Reg. S. Benedicti, cap. 68). » In eadem denique Regula tertius humilitatis describitur gradus, « ut omni obedientia monachus se subdat » majori! » (Ibid. cap. 7). Dicens quippe « omni, » non vult nos in obediendo mensura esse contentos professionis, non attendere promissi debitum, non de pacto sumere modum; sed transire alacriter etiam votum, et obedire in omnibus. Est sane quidam obedientie limes, secundum tempus, ipsa temporis extremitas, ut is sit terminus obedientie, qui et vite. Hunc nobis maxime Unigeniti Dei commendat exemplum, qui factus est Patri obediens usque ad mortem. Hæc ergo quoties interrumpitur, inobedientia dicitur, et peccatum, et transgressio seu prævaricatio.

## CAPUT VII.

*Obedientie gradus, et inobedientie gravitas quomodo noscenda, juxta distinctiones præmissas.*

13. Sed interest sane qua causa, quo affectu, qua

contendit, non repugno, modo assentiat, arguendum esse a majore ad minus : quasi diceret, S. Benedicti alumnus non obligari illis præpositi sui mandatis, quæ non sunt secundum Regulam; multo minus institutis Basilii, etc., in quibus quidem honesta est præcipiendi ratio, sed nulla subito parendi necessitas. Sicut christianus dici potest non obligari ad illa faciendâ quæ non sunt secundum Dei præcepta, multo minus ad ea quæ non sunt secundum consilia, quibus non tenetur.

(99) Codex S. Theoderici recte habet *legem*, non *legem*, ut in aliis editis. Recte ad hunc locum Petrus Collensis in lib. II, epistola 7, ad abbatem Molismensem : *Extra Deum nihil agas, extra Benedictum nihil præcipias.*

(100) Minutulum est quod ex eodem codice hic reddimus *ista*, pro *istam*. Gemeticensis addit *obedientiam*. Sed legendum *ista* numero plurali, id est mox dicta.

intentione, quo præcipiente, in quove præcepto malum hoc committatur. Et quidem nullam prorsus inobedientiam dico parvi ducendam, non tamen omnem pari æstimandam periculo. Enimvero mandatum Dei est: *Non occides* (Exod. xx, 13). Fac ergo duos homicidas, et unum quidem spoliandi cupiditate, alterum vero necessitate sese defendendi facinus perpetrasse (101). An non hic satis evidenter inter lepram et lepram causa separat, faciens utique disparem valde culpam unius ejusdemque transgressionis? Quid vero si hunc subita ira, illum studiosa malitia, aut vetus odium forte ad idem scelus impulerit? numquidnam simili pensandum erit iudicio, quod tam dissimili factum **506** constabit affectu? Nil deinde incestus obsceniusve, quam illas filias Lot paternum usurpasse concubitus (Gen. xix, 32-36): et tamen quis non videat, quantum evacuavit aut tenuaverit turpis nefandique reatum flagitii pietas intentionis, et intentio pietatis? Jam vero de illo qui præcipit, et item de eo quod præcipitur, hujuscemodi avertenda erit secundum rationem distinctio, ut cujus inter præceptores reverentior nobis imminet auctoritas, ejus gravior formidetur offensio, ac majoris cujusque mandati transgressio, damnabilior æstimetur. Melius siquidem est obedire Deo, quam hominibus; et in ipsis melius magistris, quam condiscipulis; porro in magistris, melius nostris, quam extraneis. Quibus autem melius constat obedire, ipsis procul dubio et non obedire detestabilis est.

14. Et de mandatis similiter. Majoribus quippe major, minoribus minor opera nostra et cura debetur: de quorum etiam contemptu, juxta eandem considerationem, gravior leviorve offensa contrahitur. Porro majora minorave mandata dixerim, secundum quod magis minusve velle constiterit ipsum qui præcipit, sive hominem, sive Deum. Est, verbi gratia, mandatum, *Non furaberis* (Exod. xx, 15); et est mandatum, *Omni petenti te da* (Luc. vi, 30). Utrumque quidem magnum, quoniam utrumque divinum: sed de non furando, majus. Quis enim nesciat æquissimo Deo non æque displicere tenaces, atque fures; et quia de duobus malis plus velli nos tenere nostra, quam tollere aliena; et ita minus peccare qui non tribuit sua, quam qui non sua furatur?

15. Sed et in mandatis hominum rara æqualitas invenitur, cum, pro variis necessitatibus vel utilitatibus agendorum, injungentium affectio varietur; quodque putaverint rectius vel commodius, hoc amplius cupiant et exigant observari. Tam ergo qualitas præceptorum, quam auctoritas præcipientium, et obedientiæ præfigit metam, et inobedientiæ terminat culpam: quando (ut dictum est) in prelati quibusve gravioris auctoritatis, et eorum mandatis quibusque majoris utilitatis, quo diligentior debetur

A obsequendi cura, eo et culpa gravior incurritur da contemptu.

16. Illis itaque distinctionibus animadversa, et obedientiæ modus, et pondus inobedientiæ facile reperitur. Illis gradibus non solum inter diem et noctem, hoc est obedientiæ bonum et inobedientiæ malum, discernitur; sed etiam inter diem et diem; itemque inter noctem et noctem: inter bonum videlicet et melius, inter malum et pejus. Bonus quidem obedientiæ gradus est, si juxta magistri nostri sententiam, propter metum gehennæ, seu propter professionem sanctam, quam professus est, quispiam obedierit (*S. Beredici Reg. cap. 5*): melior tamen cum ex Dei amore obeditur. Illa quippe obedientia necessitatis est, ista charitatis. Illam autem optimum dixerim obedientiæ gradum, cum eo animo injunctum opus recipitur, quo et præcipitur. Cum enim ex voluntate jubentis pendet intentio exsequenti, sit ut nec majus minoribus, nec minus majoribus confuse (ut assolet) ad implendum quod injungitur, subjecti studium impendatur; sed moderante animo quæque pro sua dignitate imperia, modum sciat utrobique servare, tam in observando videlicet jussa, quam in cavendo prohibita: non quod vel minimum horum quæ jubentur, contemnendum putet, etsi tamen minimum quod minimum est, reputet; sed minimum ex comparatione majorum. Novit verus humilisque obediens et minima non contemnere, et maxime curare quæ maxima sunt, intimo quodam devoti sincerique animi sapore discernens, quibus de mandatis ei qui præest, suis quodammodo factis respondeat cum propheta: *Tu mandasti mandata tua custodiri nimis* (Psalm. cxviii, 4). Ubi, quia non dicit universaliter omnia, illa tantum oportet intelligi, **507** quæ quoniam non sine grandi culpa quacunque occasione violantur, ideo non sine grandi poena quomodocunque violata donantur; ut puta, *Non occides*, et si quæ hujusmodi sunt: quorum nunquam potest esse observatio injusta vel mala; nunquam lona licitave transgressio dispensatione duntaxat humana.

#### CAPUT VIII.

*Gravius peccari legum contemptu, quam neglectu*

17. Cætera, quæ vel a præpositis dispensationem admittunt, quia leviori censura neglecta puniuntur, leviora dicuntur. Ex his, verbi gratia, dico esse vel risum interdictum, vel indictum silentium. Hæc siquidem si contra mandatum non veniunt, nec peccata sunt. Accedente mandato, si quominus jam observantur, in peccatum reputantur, non tamen in crimen; ita sane, si per subreptionem aut oblivionem, non autem per contemptum horum transgressio contigerit. Media quippe sunt, e quibus illa videlicet præcepta constituuntur, quæ vos factitia nominatis, longe utique disparem a naturalibus, quantum in ipsis est, gerentia necessitatem: cum tamen

(101) Quid de hujusmodi homicida sentiat Bernardus, ipse explicat infra in opusculo 6, Ad Milites Templi, n. 2.



nec sine offensa negligi, nec contemni sine crimine vel ipsa queant, injuncta ab his duntaxat quibus proprie dicitur: *Qui vos audit, me audit; et qui vos spernit, me spernit* (Luc. x, 16). Licet namque ipsa per se injuncti operis qualitas innoxia sit; adjunctæ tamen auctoritatis pondus obnoxium mandato, mandatumque peccato obnoxium facit, non magno tamen, si contemptus defuerit.

18. Hæc ergo generalis regula sit universorum, quæ per se, aut propter se nec bona, nec mala sunt, aut divina institutione, aut propria cujusque professione fixa non sunt; ut non jussa quidem, licite utrumlibet vel admittantur, vel omittantur: jussa vero, sine culpa non negligantur, sine crimine non contemnuntur. Ubique enim et culpabilis neglectus, et contemptus damnabilis est. Differunt autem, quod neglectus quidem [fort. quidam] languor inertie est, contemptus vero superbie tumor. Porro contemptus in omni specie mandatorum pari pondere gravis, et communiter damnabilis est: neglectus autem in fixis gravior, tolerabilior in mobilibus mandatis. Siquidem adulterium quocunque modo, quocunque perpetres animo, turpe flagitium est ac criminale peccatum: cum tamen leve verbum, in tempore vel loco silentii forte per oblivionem subreptum, risusve per impetum magis excussus, quam presumptus contra præceptum (quod utique animi negligentis, aut dissoluti spiritus indicium est), eo facillime veniam promereatur, quo vix vel peccatum reputatur. Quid, quod scienter et ex deliberatione in verba otiosa, silentio licet non indicto, lingua laxatur? nunquid hoc tamen neget quispiam usurpari contra regulam Veritatis? unde mirum et ratio exigenda est in futuro judicio, Judice ipso terrificæ admodum comminante, quia de omni verbo otioso reddent homines rationem in die judicii (Matth. xii, 36). Heu nobis! quænam poterit reddi ratio de otio? Alioquin otium non est, si non omnino ratione vacuum est. Et tamen quis nesciat unum detractiois verbum, quantum etiam innumeris talibus, id est otiosis, præponderet ad delictum meritumque damnationis? Quid ita? Videlicet quia discretio est in mandatis, consequenter et in culpis: ut (sicut dixeram) majorum gravior, leviorque minorum censeatur transgressio mandatorum.

#### CAPUT IX.

*Prælato tanquam Deo obediendum esse.*

19. Sed mandantium non ita. Sive enim Deus, sive homo vicarius Dei, mandatum quodcunque tradiderit; pari profecto obsequendum est cura, pari reverentia deferendum (102), ubi tamen Deo contraria non 508 præcipit homo. Quod si contigerit, pergendum indubitanter consulo in Petri apostoli sententiam: quia *obedire oportet Deo magis quam hominibus* (Act. v, 29). Aut enim hoc respondendum cum apostolis, aut cum Phariseis certe audientium: *Quare et vos transgredimini mandatum Dei*

*propter traditiones vestras?* (Matth. xv, 5.) Si autem dolet se contemni magister homo præ illo, qui docet hominem scientiam; consoletur illa, quam et vos posuistis, Samuelis sententia, qua inter lepram et (lepram videtur discernere sic: *Si peccaverit vir in virum, propitiis ei poterit esse Deus; si autem in Deum peccaverit, quis orabit pro eo?* (1 Reg. ii, 25.) Ego igitur si me hoc angit articulo sentiam, ut aut Deum, aut hominem offendere necesse sit; Deum potius libenter eligo non offendere, et quidem tutius justiusque. Habeo nempe ex præsentii prophetæ capitulo de hominis læsione meam consolationem, Dei scilicet propitiationem. Cæterum Deo offenso, quis orabit pro me? si ad hominem confugero, id quidem Scriptura non consulit; quinimo: *Maledictus, ait, qui spem ponit in homine* (Jerem. xvii, 5). Merito proinde. Si autem in Deum peccaverit, etiamsi subintelligatur Propter hominem, quis, inquit, orabit, pro eo? Neuter equidem. Nam et a quo offenditur, et ob quem offenditur, æque utriusque oratio execranda decernitur apud ipsum qui offenditur, hoc est apud Deum. Talis ergo requirendus est ad orandum, qui sit idoneus ad placandum. Porro culpam, si qua est, quod homo offenditur cum ei non obeditur, aut multum extenuat, aut penitus annullat causa melior. Quapropter, cum dicitur: *Si peccaverit vir in virum*, subaudiendum est, propter Deum: quod nullatenus læsio cujuscunque proximi, nedum prælati, excusetur a culpa, si solus defuerit in causa Deus. Alioquin Paulo contradicit, qui ait: *Sic enim in fratrem peccantes, in Christum peccatis* (1 Cor. viii, 12). Nam de præpositis certum tenemus ipsius Veritatis testimonium, sic loquentis ad ipsos: *Qui vos spernit, me spernit* (Luc. x, 16). Sed et de quolibet fratre: *Nolite, ait, contemnere unum ex his pusillis; et: Qui scandalizaverit unum ex his pusillis* (Matth. xviii, 10, 6), quod sequitur, avertat Deus a nobis.

20. Sed non omnium scandala æqua sunt lance pensanda. Aliter namque accipienda sunt scandala pusillorum, aliter Phariseorum, de quibus apostolis timentibus et intimantibus quod scandalizati essent in sermone veritatis responsum est: *Sinite illos; cæci sunt, et duces cæcorum* (Matth. xv, 14). Illorum quippe scandalum de ignorantia, istorum de malitia descendit. Illi scandalizantur, quia veritatem nesciunt; isti, quia oderunt. Unde et pusillos illos arbitrator appellari, quod voluntatis quidem bonæ, sed non magnæ scientiæ existentes, zelum Dei habeant, sed non secundum scientiam. Talium scandala curam, non iram provocare solent spiritualium duntaxat virorum, Paulo ita docente: *Vos qui spirituales estis, hujusmodi instruite in spiritu tenitatis* (Galat. vi, 1). Indignum siquidem est valde, humanam eos mereri indignationem, qui divinam tam facile consequuntur miserationem. Nam hi quoque qui Dominum crucifixerunt, magni quidem peccatores, sed

(102) Vide et confer nn. 21, 22 et 29, atque sermonem 42 in Cantica, n. 2.

pusilli æstimatores, etsi ex uno iram, nunquid non tamen ex altero veniam meruerunt? Beati quidem fuissent, si juxta verbum Domini in ipso scandalizati non essent (*Matth. xi, 6*). Nunc vero quid nisi miseri? Sed tamen et miserandi. Probat hoc pia illa in cruce patientis, sed nihilominus compatientis supplicatio: *Pater*, inquit, *ignosce illis*. Et quasi quæreretur indulgentiæ ratio in tam horrendo facinore, sequitur: *Quia nesciunt quid faciunt* (*Luc. xxiii, 34*). Ac si diceret: Eo digni venia, quo et pusilli scientia sunt. Ideo ignosco illis, quia non agnoscor ab illis. Si enim cognovissent, nunquam Dominum gloriæ crucifixissent (*I Cor. ii, 8*). Sunt quibus non ita ignosco, quos utique non ignoro et vidisse, et odisse et me, et Patrem meum. Pro hujusmodi pusillo in scientia terrenus Paulus eum, qui cum habeat scientiam, nescit tamen condescendere infirmioribus: *Et peribit*, inquit, *in tua scientia frater, pro quo Christus mortuus est* (*I Cor. viii, 11*).

**509** 21. Quod si tantopere cavenda sunt scandala parvulorum, quanto amplius prælatorum? quos sibi Deus æquare quodammodo in utraque parte dignatus, sibi imputat illorum et reverentiam, et contemptum, specialiter contestans eis: *Qui vos audit, me audit; et qui vos spernit, me spernit*. Annon denique hoc ipsum et Regula nostra perhibet, ubi ait: « Obedientia quæ majoribus præbetur, Deo exhibetur » (*S. Benedicti. Reg. cap. 5*). Quamobrem quidquid vice Dei præcipit homo, quod non sit tamen certum displicere Deo; haud secus omnino accipiendum est, quam si præcipiat Deus. Quid enim interest, utrum per se, an per suos ministros, sive homines, sive Angelos, hominibus innotescat suum placitum Deus? Sed homines, inquis, facile falli in Dei voluntate de rebus dubiis percipienda, et in præcipienda fallere possunt. Sed enim quid hoc refert tua, cui conscius non es? præsertim cum teneas de Scripturis, quia *Labia sacerdotis custodiunt scientiam, et legem ex ore ejus requirunt: quia angelus Domini exercituum est* (*Malach. ii, 7*). Requirunt, dixerim, legem, non quam vel authentica ulla Scriptura tradiderit, vel ratio manifesta probaverit (de hujusmodi quippe nec præceptor expectandus, nec prohibitor auscultandus est); sed quod ita latere aut obscurum esse cognoscitur, ut in dubium venire possit, utrumnam Deus sic, an aliter forte velit, si non de labiis custodientibus scientiam, et ex ore angeli Domini exercituum certum reddatur. A quo denique divina potius consilia requiruntur, quam ab illo cui credita est dispensatio mysteriorum Dei? Ipsum proinde quem pro Deo habemus, tanquam Deum in his quæ aperte non sunt contra Deum, audire debemus.

22. Nec sane contraria loquimur sancto prophetae Samueli, quasi nos in hac parte divinam hominibus tribuentes auctoritatem: cum ille in supra memorato capitulo plane discernere inter utrumque vi-

deatur. Siquidem quod nos asserimus de dubiis, hōc ille negat de manifestis: ut cum ait, *si peccaverit vir in virum*, subaudiatur, Propter Deum; cui aperte contraria homines hominibus frequenter mandare præsumunt. Sed hinc vos sumentes materiam sive occasionem argumentandi, asseritis, si hoc constituerit, ut jussa hominum qualibet, vel instituta, divinæ auctoritatis pondere æstimanda sint; hominem sub homine, aut vix, aut nequaquam posse salvari, cum in tanto populo (103) mandatorum, quæ prælati etiam per incuriam sæpe præcipiunt, interdum non prævaricari, aut difficile admodum, aut omnino impossibile videatur.

## CAPUT X.

**B** Obedientiam non esse gravem et molestam, nisi imperfectis, invitis, et carnalibus; cæteris suavem et facilem.

23. Et quidem non nego difficultatem tantæ inesse perfectioni: sed cum ipsa corde imperfecto præsumitur. Porro imperfecti cordis, et infirmæ prorsus voluntatis indicium est, statuta seniorum studiosius discutere, hæerere ad singula quæ injunguntur, exigere de quibusque rationem, et male suspicari de otiani præcepto, cujus causa latuerit; nec unquam libenter obedire, nisi cum audire contigerit quod forte libuerit, aut quod non aliter licere seu expedire monstraverit vel aperta ratio. Vel indubitata auctoritas. Delicata satis, imo nimis molesta est hujuscemodi obedientia. Non plane hæc illa est quæ ex Regula traditur, « Obedientia sine mora » (*Reg. S. Benedicti, cap. 5*). Disputare profecto hoc est in astu cordis, non in auditu auris obedire. Istiusmodi ergo carnalem animam non modo premi, sed etiam opprimi pondere præsumptæ perfectionis necesse est: quia non potest portare caro infirma, quod solus spiritus promptus experitur jugum esse suave et onus leve. Christi quippe jugum et onus est, et omnino importabile, nisi Christi æque spiritui. Huic itaque si dicitis legem Regulæ subintrasse, **510** ut abundaret delictum, verum dicitis. Cæterum hoc culpa non est data legis, aut dantis legem, sed improvide profitentis, et impie prævaricantis. Mandatum quidem sanctum et justum: sed tu te noris esse carnalem, venumdatum sub peccato (*Rom. vii, 12, 14*). Verum hoc ante prævidisse debueras, quo turris hujus evangelicæ non prius jaceres fundamentum, quam sedens computares, si haberes sumptus ad perficiendum. Nunc autem quid restat, nisi ut aut correctus obedias senioribus, aut confusus audias ab illusoribus: *Hic homo capit edificare, et non potuit consummare* (*Luc. xiv, 28-30*).

24. Sed forsitan dicitis: Ergone ita perfectus quispiam invenitur, cui non vel minimum aliquid interdum subripiatur de tam multis ac iniquis, quæ passim vel a negligentibus præpositis imperantur? Minime quidem cuiquam hoc ego dederim, cum ipsi

(103) Cum in hac voce populo convenient codices nostri, visum est reponere pro *cumulo*, ut in antehac excusis.

quodque de se fateantur Apostoli, *In multis offendimus omnes (Jacobi III, 2)*; et, *Si dixerimus quia peccatum non habemus, ipsi nos seducimus (I Joan. 1, 8)*. Sed non continuo ut aliquid præterimus, perimus: præsertim cum nos Scriptura consoletur, *Si quis peccaverit, inquiens, advocatum habemus Jesum Christum justum; et ipse est propitiatio pro peccatis nostris (I Joan. II, 1, 2)*. Denique propheta de ipso testatur, quod pro transgressoribus rogaverit, ut non perirent (*Isa. LIII, 12*). Ubi sane notandum, quia etsi pro transgressoribus, non tamen pro contemptoribus legitur supplicasse. Verum illi quomodo perire possunt, pro quibus Salvator rogat, ne pereant? Quamobrem non video, cur ita omnem inobedientiam et transgressionem vel minimorum quorumlibet mandatorum exaggerandam putaveritis, ut exclamaretis: Quod ergo jam monacho poterit veniale peccatum esse vel leve, cujus universæ actioni crimen insidiatur inobedientiæ? Sed hoc inde videlicet constare creditis, quod prælatorum jussionibus tantum tribuendum asseritur, quantum si divinitas traderentur. Quasi vero et ipsa evangelica præcepta non multum inter se discrepent, et merito observationis, et transgressionis periculo.

## CAPUT XI.

*Præcepta esse imparia, adeoque transgressionem.*

25. Cæterum sicut non omnia unius esse constat vel necessitatis, vel utilitatis, vel dignitatis: sic non una de omnium transgressionem fertur sententia, nec paria manent discrimina disparis culpas. Porro nec pari culpa negliguntur, quæ non pari cura præcipiuntur; nec pari proinde poena puniuntur. Ecce enim Evangelium tam flagitium crapulæ, quam fornicationis turpitudinem damnat. Verum quis magis non horreat e duobus malis, turpitudine scdari, quam cibo exsaturari? Nonne denique Veritas in Evangelio sub nominibus trabis et festuæ (*Matth. VII, 4*), graves levesque discernit inobedientiæ culpas? Nonne ipsa disputante, imo definiente, gradatim nobis distinguitur, quæ cuique reatui poena debeatur, dum alium iudicio, alium consilio, alium et gehenna reum esse protestatur? (*Matth. V, 22*.) Quenam ergo consequendi necessitas cogit, ut si magistris divina detur in suis præceptis auctoritas, nullum ideo jam monacho leve aut veniale peccatum inveniri posse putetur; et quod ejus universæ actioni crimen insidiatur inobedientiæ? Esto, sit crimen, cui penalis illa gehenna vel gehennalis poena assignatur: quale, quæso, illud definimus esse crimen, quod Veritate iudice, reum tantum facit iudicio? Nec tamen diffitebimur esse reatum, quod vel hactenus reum statuit. Quod si reatum, et peccatum? porro omne peccatum contra Dei mandatum præsumitur. Quod autem contra mandatum præsumitur, inobedientia dicitur.

26. Hinc colligitur, quod israel fratri, et inobedientia sit, et crimen non sit. En unum inventum

**A** est monacho leve ac veniale peccatum, quodque non humani, sed divini mandati statuat transgressorem. In **511** hoc genere transgressionis sunt nonnulla sultiloquia seu vaniloquia, et quæque otiose dicta, facta, et cogitata. Hujusmodi enim nunquam nisi contra mandatum, et Dei mandatum usurpantur. Peccata quippe sunt, et Deus prohibet omne peccatum: et tamen venialia, non criminalia reputantur, excepto cum per contemptum vertuntur in usum et consuetudinem: et tunc non peccati species, sed peccantis intentio pensatur. Elatio quippe contemptis, atque impenitentis obstinatio, in minimis quoque mandatis culpam facit non minimam, et convertit in crimen gravis rebellionis nævum satis levem simplicis transgressionis. Denique in quo inobedientiæ crimen et absque dubio sit, apud Samuelem advertite. *Quasi, inquit, peccatum ariolandi est repugnare, et quasi scelus idololatriæ nolle acquiescere (I Reg. xv, 25)*. Non sit, Non acquiescere; sed, nolle acquiescere: ut non jussionis simplex ipsa transgressio, sed voluntatis superba contentio (104), scelus idololatriæ reputetur. Non est enim id ipsum nolle obedire, et non obedire. Hoc quippe interdum erroris est, nonnunquam et infirmitatis: illud vero aut odiose pertinaciæ, aut contumaciæ non ferendæ. Quod et ipsum repugnare est et resistere Spiritui sancto; et si ad mortem usque perduraverit, blasphemia est, non remittenda, sive in hoc sæculo, sive in futuro. Non ergo qualiscumque mandati præteritio criminalem facit inobedientiam: sed repugnare, sed nolle obedire. Cæterum quanti absque illa pessima et rebeli voluntate non obediunt? Quomodo itaque monacho crimen insidiatur inobedientiæ, si toties sine crimine transgreditur, quoties in transgressionem defuerit hujusmodi recalcitrans et contentiosa voluntas?

27. Frustra autem comparant quidam, ut dicitis, quaslibet inobedientias antiquæ illi, quæ facta est in paradiso; quæ nimirum valuit, non solum obligare personam, sed et vitare naturam. Arbitror tamen et ipsam primam gravissimamque prævaricationem, aut non aliunde, aut inde maxime judicatam gravissimam, hoc est ex rebellionem defensionis, quam secuta est: quando Deo causam requirente peccati, ut peccatores ad poenitentiam provocaret (volebat quippe mortem eorum, sed magis ut converterentur et viverent), ipsi maluerunt declinare cor suum in verba malitiæ, ad excusandas excusationes in peccatis. Et quidem gemina malitia peccatoris. Primum quod nec sui misertus est, ut culpam propriam fateretur, et sanaretur: deinde quod et uxorem, ut se fallaciter excusaret, crudeliter accusavit (*Gen. III, 1-15*).

28. Quid est quod denique dicitis, in omni actione monacho crimen insidiari inobedientiæ, quasi aut furtim subrepat nescienti, aut casu accidat infelici; aut non valenti implere quod præcipitur, cri-

(104) Ita tres scripti nostri: editi, *contemptio*. Et omnino legendum *contentio*, unde infra dicitur, *recalcitrans et contentiosa voluntas*.



minis calumnia struatur de impossibili? Itane, inquam, monacho crimen insidiatur inobedientiæ? cum et antiqua illa tam nota, et tam noxia prævaricatio, facile, ut creditur, indulgentiam consequeretur, dummodo confessio, et non defensio sequeretur. Neque enim tantum, ut dictum est, nocuit simplicis actionis, quamvis ex deliberatione, transgressio, quantum adjunctæ excusationis cum præmeditatione obstinatio.

## CAPUT XII.

*In Regula æque ac lege divina disparitatem esse inobedientiæ.*

29. Sed nunquid forte in lege quidem divina habenda est hæc consideratio gravioris, leviorisque inobedientiæ, non autem ita et in Regula nostra? Sed quis sane dicat plus tribuendum humanis, quam divinis traditionibus; plurisque quod per suos Deus, quam quod per se ipsum imperat, æstimandum? Annon denique et apud sanctum Benedictum propriæ et distinctæ ab invicem sententiæ inveniuntur, alia de levioribus, **512** alia de gravioribus inscripta culpis? (*Reg. S. Benedicti*, capp. 24, 25.) Quid est autem levior culpa, nisi levior inobedientiæ? Traduntur igitur a prælatis interdum minora mandata, quorum transgressio leviora secundum Regulam parit et peccata; et tamen in Deum nihilominus prævaricatio sit, quoties abbatis jussio præteritur: siquidem et ex ere ipso Dei non æqualia sunt promulgata, et ideo non æquali cuncta vigilantia observanda; sed alia cura exhibenda est ei procul dubio, quod ipse perhibet *primum et maximum mandatum* (*Matth. xxi, 38*): alia his quæ alibi discernens, *Qui solverit, inquit, unum de his minimis mandatis* (*Matth. v, 19*). Quid ergo? Audivimus ex Regula graviores et leviores culpas; legimus et in Evangelio maxima, minimaque mandata: et mandatorum transgressionem universas dicemus æqualiter maximas? Non est igitur neresse ut concedam quod dicitis, aut Deo scilicet non tribui omne quod ab homine magistro accipitur, quod non sit contra Deum; aut monacho nullum posse inveniri leve seu veniale peccatum: quia etsi toties Deo (quod fatendum est) inobediens esse convincitur, quoties ejus, qui pro Deo sibi præest, hominis mandatum, quod quidem iustitiæ non repugnet, prætergreditur; sicut tamen non par cura in executione exigitur, sic nec par culpa contrahitur ex transgressione. Etsi quippe unus est qui offenditur; non tamen unius ponderis quæ jubentur, nec unius subinde discriminis jussorum est omnium censenda transgressio. Unde pater Benedictus, « Secundum, » inquit, « mensuram culpæ, excommunicationis extendatur mensura. » (*Reg. cap. 24.*)

30. Frustra proinde (ut videtis) aut terremini, aut terrere conamini de obedientiæ promissione, quæ fit ex regulari professione, quasi non oporteat promittere, quam constat nec integre posse teneri, nec sine crimine præteriri: siquidem Deo, quidquid Dei minister homo non perperam jusserit, imputandum constiterit. Frustra, inquam, ex hac oc-

casione malum ita inobedientiæ exaggeratis, ut a tam necessario bono promittendæ obedientiæ terreatis: quia etsi difficile cavetur ubique subrepea [*ms. subripiens*] vel insidians, ut vos dicitis, inobedientiæ in tam variis et innumeris, quæ a særioribus indicuntur; non semper tamen damnabiliter seu criminaliter quod præcipitur, non impletur. Etsi enim omnis inobedientiæ inexcusabiliter sit culpabilis, nulla tamen æternaliter damnabilis, nisi quam remedium poenitentiae non sanat: nulla est lethalius criminalis, nisi quæ contemptum superbiæ non evitat. Magna igitur securitas filiis obedientiæ, et revera pax hominibus bonæ voluntatis: quoniam in omni obedientia sola damnatur impenitentia, quam nescit qui diligit Deum; sola incriminatur superbia, quam facile cavet qui timet gehennam. Sed exemplis clarius elucescet quod dicimus. Si jubente seniore ut sileam, verbum mihi forte per oblivionem elabitur; reum me fateor inobedientiæ, sed venialiter. Si ex contemptu sciens et deliberans sponte in verba prorupero, et rupero silentii legem; prævaricatorem me constituo, et criminaliter; et si impoenitens persevero usque ad mortem, peccavi, et damnabiliter.

## CAPUT XIII.

*Refellit monachos, difficultatem, vel etiam impossibilitatem obedientiæ religiosæ nimium exaggerantes.*

31. An et hoc durum fortasse videatur? Hæc quippe sunt vestra, si bene recolo, verba, cum difficultatem seu impossibilitatem, ut vobis videtur, tenendæ obedientiæ, vel cavendæ inobedientiæ, considerantes, in vitam ita monachicam exclamatis: « Hæcine est illa eo securior, quæ arctior; eo certior, quo magis ardua veniendi ad Deum via, ut monacho naturaliter bona vix cavere, naturaliter bona vix pro communi infirmitate valenti implere, non minor tamen **513** necessaria sit cautela ad cavenda, vel observanda quæ sibi prælatus suus vel prohibere voluerit, vel jubere? » Et subditis: « Quod cum a multis credatur, licet a paucis, vel etiam a nullis ad integrum observetur; quid aliud operatur talis sententiæ credulitas, quam quod illa ab Apostolo tantum culpata manducandi idolothyta libertas? » (*I Cor. viii, 7.*) Nil plane aliud, si ita esset, ut dicitis. Bene prorsus non potest conscius esse sibi, qui se non implere confidit quod debere se credit. Creditis itaque (ut verborum vestrorum sensum breviter colligam) quod ad integrum mandata Dei observari vix valeant, abbatis non valeant: cum Veritas ipsa testetur, ne unum quidem iota præteritum iri (*Matth. v. 18*). Cæterum qui ita sentit, videtur mihi (ut pace vestra dixerim) necdum gustasse quam suavis est Dominus; sub iugo legis gemere adhuc, nondum respirare sub gratia; suave Christi jugum nequaquam esse expertus; ideoque certissime adhuc infirmari per carnem, quia spiritus non adjuvat ejus infirmitatem.

32. Quid vero sibi vult illa distinctio, quod Dei quidem vel vix prælati vero hominis nequaquam

omnino a quolibet jussa posse teneri prohibitive conceditis? quasi vero illa queant absque istis integre custodiri. Sed si attenditis, de male quoque viventibus prælatis Dei præceptum est, *Quæ dicunt facite* (Matth. xxiii, 3). Igitur qui non facit, aperte non in hominem tantum, sed et in Deum prævaricator existit. Itane ergo nullus mandata perfecte exsequitur sui magistri? Quamobrem putatis? quia nolumus, aut quia non possumus? Sed si volumus et non possumus, securi sumus. Si possumus et nolumus, superbi sumus. Porro ad cavendam superbiam, illam vere annuerim necessariam esse cautulam quam dicitis, ne forte incurratur inobedientiæ crimen. Quod si impossibile vos putatis, ut non videlicet imperiis prælatorum per contemptum interdum superbix resistatur; scitote non paucos, sed innumeros aliter omnino sentire, nec aliud quam quod proprio didicerint experimento. Si autem non impossibile quidem, sed tamen difficile esse sentitis magistros non contemnere; et dum ideo consentitis, quoniam gravamini, non superbe sapere, murmuratis adversus obedientiæ legem, affirmantes periculosum promittere, quod tam laboriosum est observare; ad hoc ego respondeo, imo non ego, sed Dominus: *Qui potest, inquit, capere capiat.* (Matth. xix, 12.) Hoc quippe est quod paulo superius dixi, quia antequam ædificium inchoares, providisse debueras unde perficeres. Nunc autem, ut ait quidam, aut non tentasses [sic mss., al. non tenta], aut perforce, Verumtamen nemo, si caute proficetur, pollicetur se ultra in nullo transgressurum; hoc est, jam non peccaturum. Alioquin aut perjurat qui ita jurat, aut sanctorum est illo qui ait: *In multis offendimus omnes* (Jacobi iii, 2). Quod si consequens falsum esse videtur; videndum est et de eo quod antecedit, ne forte lex quæ data est propter transgressionem cohibendas, non solum non eas coerceat, sed et augeat insuper crimine perjurii: siquidem id promittere nos in nostra professione credamus, quod certum est non posse teneri.

35. Partienda est proinde nobis in duo universa hæc observatio regularis, in Præcepta videlicet, et Remedia. Præceptis instituitur vita contra peccatum; Remediis restituitur post peccatum innocentia. Sic ergo utraque ista complectitur nostra professio, ut professus quisque cum in aliquo forte regularium mandatorum deliquerit, si ad remedium æque regulare confugerit, etsi vincitur transgressor mandati, non tamen pacti prævaricator. Solum itaque censuerim fregisse votum, violasse propositum, pactum prævaricasse, qui et præceptum contempserit, et remedium. Nam illum sane dico securum, qui etiamsi interdum obedientiæ limitem præterit, consilium non respuit penitentiae. Regulares namque terminos, etsi sæpe deliquerit, non evadit, qui censuræ, quæ ex Regula est, disciplinam non subterfugit. Pars siquidem Regule est regularis correctio, et in ea reperitur non solum bonæ vite instructio, sed etiam emendatio prævaricantis. Inveniuntur **514** in ea et

A præcepta obedientiæ, et inobedientiæ remedia, ut ne peccando quidem a Regula recedatur. Fateor sane impossibile cuivis mortalium vel venialiter interdum non delinquere in præceptis obedientiæ: sed nulla jam de impossibilitate querela, quandoquidem et ex Regula licet id quoque, quod criminaliter delinqui contigerit, emendare. Quod ergo dicitis a nullis posse observari ad integrum quicquid a magistris præcipitur, verum est: sed levis culpa inobedientiæ est, et facilis cura ejus invenitur in Regula, si quidem sit transgressio absque contemptu. Si autem et ipsum deesse aliquando non posse contenditis, id quidem falsum est: sed nec talem tamen inobedientiæ sine cura relinquit diligentia regularis. Et licet fortiori egeat curationis medicamento, caret tamen morbo prævaricationis, nisi cum et ipsum forte medicamentum contemnitur.

34. Quæ cum ita sint, frustra de impossibilitate causamur qui Regulam profitemur: frustra nobis de peccandi necessitate blandimur, ut ideo justa imperia prælatorum Deo non imputanda, sed tantquam hominum contemnenda putemus: ne rem videlicet impossibilem continere nostra professio videatur, si tantum ex ea hominibus, quantum Deo obedientiæ deberi asserimus. Cui enim jam vel ita professo impossibile, imo per Dei gratiam non per facile sit cavere prævaricationem, ubi non inobedientia, sed impenitentia facit prævaricatorem? Hoc quippe, ut jam dixi, profitentium nemo spondet, ut jam non peccet: et ob hoc non continuo, ut quispiam aliquo modo non obedit, prævaricatorem se constituit nisi qui se forte sic professum falso existimat, quales vos utique asseritis esse non paucos. De quibus etiam (si qui tamen sunt, ut dicitis) verum est et quod subditis, quod nil utique aliud illa talis eorum credulitas, vel potius crudelitas in suis ipsorum operatur conscientiis, quam noxia illa recumbentium in idolio libertas in alienis. Necesse est enim qui hujusmodi est, ex propria perire sententia, quemadmodum in illius scientia clamat Apostolus infirmum perire fratrem (I Cor. viii, 11). Et quomodo nihil esse commune item ipse perhibet, quod cum gratiarum actione percipitur, nisi ei qui putat aliquid esse commune (Rom. xiv, 14; I Tim. iv, 4): ita et regularis professio, quantum in se est, damnabilis non est, nisi ei qui damnabilem putat. Quod quatenus putari oporteat, puto satis superius demonstratum.

#### CAPUT XIV

*Cur conscientia errans non æque convertat malum in bonum, uti bonum in malum.*

35. Nunc jam respondendum est quaestionculæ, quæ incidit vobis ex occasione apostolici præsentis capituli. Queritis nempe, utrumnam ista de idolothytis Pauli sententia, *Puto quia nihil commune est in Christo nisi ei qui putat quid commune esse, illi commune est*; et rursus, *Si comederit, damnatus est, quia non ex fide* (Rom. xiv, 14, 23); in generalem regulam trahi possit, quatenus malum cuilibet sit bonum quo-

que quod agit, si malum esse crediderit : ac tantum malum, quantum crediderit. Quod si annuero, rursus pergitis inquirere, cur non e contrario tantum cuique bonum sit quod operatur, quantum vel falso opinatur. Mirum quippe vobis, imo et injustum videtur, ut plus in malo, quam in bono humanæ valeat intentionis opinio. Si respondero, de malis quidem merito ita credi propter oculum nequam : respondebitis et mihi non immerito quoque propter simplicem oculum idem æque putandum et de bonis. Nam qui dixit ex oculo nequam corporis tenebras æstimari, indicavit et de simplici lucem æque corporis approbari (*Math. vi, 23*). Sed videte, ne forte non sit vere oculus simplex, qui fallitur. Fallitur enim tam qui bonum malum, quam qui malum bonum putaverit. Scitis autem neutrum horum Væ illud evitare propheticum, *Væ qui dicitis bonum malum, et malum bonum* (*Isa. v, 20*) : cum tamen nemo, qui hoc **515** velit cavere maledictum (*105*), de quo Veritas pronuntiavit, quod sit lucis (*106*) totius corporis, id est operis, argumentum. Sed absit ut præco Veritatis clamet contra Veritatem ; maledicat is quod illa probaverit!

36. Ego vero ut interior oculus vere simplex sit, duo illi esse arbitror necessaria, charitatem in intentione, et in electione veritatem. Nam si bonum quidem diligit, sed verum non eligit ; habet quidem zelum Dei, sed non secundum scientiam : et nescio quemadmodum iudicio Veritatis vera esse possit cum falsitate simplicitas. Volens denique ad veram discipulos instruere simplicitatem magistra Veritas, *Estote, inquit, prudentes sicut serpentes, et simplices sicut columbæ* (*Math. x, 16*). Præmisit ergo prudentiam, sine qua neminem satis esse posse simplicem sciret. Quomodo denique vere simplex erit oculus cum ignorantia veritatis ? aut vero vera potest dici simplicitas, quam simplex ignorat veritas ? Scriptum est enim : *Ignorans ignorabitur* (*1 Cor. xiv, 38*). Patet ergo laudabilem illam et a Domino laudatam simplicitatem absque his duobus non esse bonis, benevolentia atque prudentia : ut oculus vide licet cordis, non solum pius qui fallere nolit, sed et cautus sit qui falli non possit.

37. Cæterum sicut oculum simplicem duo ista faciunt bona, amor boni, et cognitio veri : sic nequam oculum duo e regione mala constituunt, cæcitas, qua fit ut veritatem non agnoscat ; et perversitas, qua fit ut diligit iniquitatem. Porro inter duo hæc bona, quæ nec fallere, nec falli sinunt ; et duo illa mala, quæ tam falli, quam fallere faciunt, duo sunt media : unum quidem bonum per quod oculus interior, etsi falli queat ignorantia veri, zelo tamen boni

A fallere penitus non consentit : alterum vero malum, quod licet veri notitiam non impediatur, amorem tamen boni præ malitia minime sentit.

38. Et quoniam omnis res melius divisione innotescit : secundum hoc duplex malum, et illud item geminum bonum, quadrifariam dividamus oculum cordis, in bonum et meliorem, in malum et pejorem. Et subdamus exempla. Est qui bonum diligit, et malum nescius agit. Hujus quidem bonus est oculus, quia pius : non tamen simplex, quia cæcus. Et est qui bonum et libenter agit, et prudenter intelligit. Istius revera oculum non immerito simplicem dixerim, utpote cui neutrum bonum desit, nec zelus scilicet bonus, nec scientia. Hunc profecto requirit oculum Deus, cum respicit super filios hominum, ut videat si est intelligens aut requirens Deum (*Psal. xxi, 2*). Est e contrario qui bonum minime diligens, ex malitia quidem perversus est : sed sapiens ut faciat malum, per ignorantiam cæcus non est. Quem quidem ideo nondum appellaverim nequam, quod unum ei, licet ad suum malum, non desit bonum, id est scientia.

39. Sed est qui bonum forte nescius quod non diligit, agit : cui profecto non incongrue id quod dicitur nequam assignaverim, eo quod neutro careat malo, nec cæcitate scilicet, nec perversitate. Dicitur siquidem nequam, quasi nequaquam, ut is solummodo nequam appelletur, qui nequaquam, hoc est, in nullo penitus appareat bonus ; sed sit utroque bono vacuus, tam videlicet veri notitia, quam et benevolentia. Alius est itaque pius oculus, non quidem fallere promptus, sed tamen, ut dictum est, falli pronus, de quo propheta : *Ephraim, inquit, quasi columba seducta, non habens cor* (*Ose. vii, 11*). Alius is quem Dominus simplicem dicit, tam nec fallere facilis, quam nec falli, de quo et Apostoli docentur cum eis dicitur : *Estote prudentes sicut serpentes, et simplices sicut columbæ*.

40. Et item alius est oculus simpliciter malus, fallens utique libenter, sed non facile falsus : qualem **516** profecto habent illi qui ore dominico astruuntur prudentiores esse filiis lucis in generatione sua. Et alius quem nequam esse definivimus, quia sit dupliciter malus, cui quippe et malitia parit ignorantiam, et ignorantia malitiam operit, ita ut sæpe nesciens et malum quod vult non faciat, et bonum faciat quod non vult. Obscuratum nempe est insipiens cor eorum qui istius modi sunt, et quasi jam traditi in reprobum sensum, bonum omnino nec diligere, nec dignoscere queunt. De talibus scriptum est : *Impius cum venerit in profundum malorum, contemnit* (*Prov. xviii, 3*). Nam qui hujusmodi est, ca-

(105) Locus obscurus, sed constans in editis et scriptis, tametsi Horstius putat legendum, *quin hoc velis*. Sed retinenda alia lectio, quæ dilemmatis altera pars est. Bernardus quippe hoc in loco probat, bonam intentionem, quæ lux est operis, non æque valere in malum, quam in bonum. Sic autem fere ratiocinatur. Intentio illa circa malum vel est oculus simplex, vel non. Tum, si est, inquit, nihilominus

incurrit Væ propheticum, prolatum in eos qui dicunt malum bonum : et aliunde nemo vitare volet istud maledictum, cum ea intentio sit oculus simplex, quem Veritas laudat.

(106) Omnino sic legendum, ut in duobus scriptis, non lux, sicut in antehac vulgatis ; id sit sensus, quod oculus simplex sit argumentum, id est origo et causa, lucis totius corporis, id est operis.



vere profecto malum nec vult, etiam si possit; nec si velit, scit. Quamobrem hunc oculum in superiori divisione illo altero censui non immerito priorem; non quia malignior sit, sed quia periculosior. Ignorantia quippe securiorem, securitas segniorem facit, non nequiorem. Est tamen ex hoc procul dubio deterior, quod ille solum habet malum, malam intentionem; iste et falsam considerationem. Ille uno caret e duobus bonis, bono zelo; iste et vero iudicio. Ex hoc itaque pessimo oculo, qui neutrum bonum habet, et item ex illo optimo qui neutro caret, sentiendum est Veritatem disserruisse, aut tenebris obvolvi totum corpus, aut luce perfundi. Nam reliqui duo, quorum neuter utrumque aut bonum habet, aut malum; etsi ex parte possunt, non tamen toti sufficiunt vel lucem dare, vel tenebras corpori.

41. Si igitur (ut jam ad propositam questionem revertamur) is vere oculus nequam est, qui perversus pariter et cæcus bonum agit, et malum credit; ulique recte operando, sed opinando inique, bonum sibi in malum vertit; et tantum malum, quantum crediderit: quandoquidem juxta sententiam Domini, totum corpus tenebrosus reddit oculus nequam. Quid enim luci relinquitur, ubi nec pia intentio, nec vera opinio invenitur? At non ideo sequitur, ut qui e contrario malum facit, et bonum putat, juxta suam fidem similiter et ipse inveniat. Quare? Non est quippe simplex oculus ille, qui ex iudicio Veritatis totum corpus lucidum reddit, qualem profecto superius definivimus. Neque enim ex toto adhuc tenebræ desunt, ubi ignorantia veritatis lucem obscurat bonæ [al. deest] bonæ voluntatis. Cum itaque ille oculus utrumque malum, is vero minime utrumque habeat bonum; nonne ratio videtur exigere, ut plus ille noceat, quam prosit iste? Neque enim consequens est, ut tantum valeat in bonum bonum unum, quantum duo mala in malum. Et quidem laude dignam dixerim vel solam intentionem piam: nec plane condigna remuneratione fraudabitur in opere quoque non bono ipsa bona voluntas. Attamen sine malo quocumque non erit decepta simplicitas. Cur inquis? nunquid non ex fide? Prorsus ex fide, sed falsa; vel certe potius non ex fide, quia fides falsa, fides non est. Denique de fide vera, non falsa puto dixisse Apostolum: *Omne quod non est ex fide, peccatum est* (Rom. xiv, 23). Non autem ex fide vera bonum creditur quod malum est: est enim falsum. Peccatum igitur est. Utrumque proinde complectitur præsens capitulum, *Omne quod non est ex fide peccatum est*, et cæcam videlicet malitiam, et deceptam innocentiam: quia quod a nesciente sit, et bonum prorsus condemnat intentio prava, et malum non penitus excusat recta. Sive itaque malum putes bonum quod forte agis, sive bonum malum quod operaris, utrumque peccatum est, quia neutrum ex fide: licet sane levius admodum peccetur, ubi sana intentione sola reprehensibilis actio foris apparet, quam ubi maligna latet etiam in non mala

▲ [al. mendose in mala] actione intentio. Verum quod absque vel minimo peccato non est, purum bonum minime est. Quo pacto ergo bonum non purum puro malo comparabitur 517 in efficientia, hoc est ut tam efficax ad bonum illud sit, quam ad malum istud? Et hæc super hac questione sufficiant. Nam ad superiores quoque satis reor esse responsum superius. Et quidem vos easdem sæpius dubitationes iteratis atque revolitis: sed mea non interest ipsarum toties repetere solutiones. Sufficit enim semel solvisse etiam quod crebrius in questione versatum fuerit.

## CAPUT XV.

*An quantum obedientia valet ad meritum, tantum inobedientia valet ad demeritum.*

B 42. Quærentibus item de obedientia pondere, seu discrimine inobedientiæ, a latere incidit vobis et de merito utriusque quærendum, utrum videlicet in quibusque præceptis quantum obedientia valet, tantum gravet inobedientia: ut verbi gratia, vel Abraham de immolando filio (Gen. xxi), vel ille nescio quis de filio itidem furni incendiis exponendo (Doctr. SS. PP. lib. de Obed. n. 6), tantum divitiæ indignationis et ultionis merito incurrissent, si non obedissent, quantum laudis et gratiæ receperunt pro eo quod obedierunt. Quod vobis quidem et durum videtur, et necessarium: sed non est ita. Enimvero constat nonnulla nec fieri sine gloria, et posse non fieri sine culpa; ideoque si fiant, digna esse præmiis, non tamen suppliciis si non fiant. C Nam et non tangere mulierem, meriti est non mediocris; et nullius tamen delicti propriam amplecti conjugem. Istiusmodi sunt quæcumque evangelico illi capitulo congruere possunt: *Qui potest capere, capiat* (Matth. xix, 12.).

43. Et rursus quædam per contrarium, neglecta quidem offensam contrahunt, sed impleta gloriam [al. gratiam] non merentur; et damnant contemptorem, et auctorem non glorificant. Talia sunt quæcumque divinitus lege publica imponuntur hominibus, sine quibus nec salvari queunt. Hinc illud apud gentilem:

*Non feci furtum. Non pascos in cruce corvos.*  
(Horat. lib. i, ep. 16, 46.)

D Et in Evangelico: *Si diligitis eos qui vos diligunt, quam mercedem habebitis? et si salutaveritis fratres vestros tantum, quid amplius facitis?* (Matth. v, 46, 47.) Denique et universaliter, *Cum feceritis omnia quæ mandata sunt vobis, dicite quia servi inutiles sumus, quæ facere debuimus, fecimus.* (Luc. xvii, 10.) Ac si dicat: Si solis contenti estis præceptis et traditionibus impositæ legis, et non sponte etiam perfectionis vos consiliis et suasionibus mancipatis; liberi quidem estis a debito, non tamen pro merito gloriosi: evasistis pœnam, sed non acquisistis coronam. Quænam ergo nos necessitas cogit parem in singulis, quæ injuncta fuerint, et formidare ultionem de transgressione, et de observatione parare remunerationem? Eapropter in talibus generalis hæc regula teneatur, ut in difficilioribus quidem

agendis obediens gratior, quam gravior prævaricationis A  
judicetur: et in facilioribus minusque onerosis contem-  
ptus damnabilior, quam actus laudabilior aesti-  
metur.

## CAPUT XVI.

*Transitus et mutatio monasterii quatenus pro-  
banda.*

44. Jam et si de hoc satis est, videamus quatenus  
etiam tenenda sit ipsa, quæ in professione firmari  
solet, loci stabilitas, et quibus (si quibus tamen) ex  
causis rumpere illam vel liceat cuiquam, vel expe-  
diat. Et hinc siquidem dubitare vos dicitis. Ad  
quod interim nunc securus responderim, a bono  
quod semel quis voverit, descendere non licere: et  
ad hoc mutare locum, quem sibi quisque delegerit,  
et cui se sua voluntate et voce firmaverit, omnino  
non consulo, sed nec sanctus papa Gregorius. Ait  
enim: « Perfecti quique magna se discretionis  
subtilitate conspiciunt, ne ad deteriora unquam  
vel in opere, vel in cogitatione dilabuntur. » Sed  
quod hinc sensit vir apostolicus, hoc se Apostolus  
implere gloriatur: *Quæ*, inquiens, **518** *retro obli-  
tus, et ad ea quæ ante sunt extensus* (Philipp. III,  
45). An et propheta Ezechiel idem non significavit,  
cum de sanctis animalibus diceret: *Non reverte-  
bantur cum incederent, sed unumquodque ante faciem  
suam gradiebatur?* (Ezech. I, 12.) Et hi omnes id  
sentiendo, non aliud quam Magistri sui sententiam  
secuti sunt, dicentis in Evangelio: *Nemo mittens  
manum suam ad aratrum, et respiciens retro, aptus  
est regno Dei* (Luc. IX, 62). Prescribat proinde  
stabilitatis pactum omni deinceps remisso descensui,  
contentioso discussui, vago et curioso discursui, to-  
tius denique inconstantie levitati; non tamen his  
quæ in professionis serie sequuntur, morum videli-  
cet conversioni, et obedientie quæ secundum Re-  
gulam fit. Nam si hæc ibidem, pro improbitate ni-  
mirum atque irreligiositate colabantium, obtineri  
forte nequiverint; duce spiritu libertatis transire  
indubitanter suadeo ad locum alium, ubi non impe-  
diatur homo reddere Deo vota sua, quæ distinxe-  
runt labia sua. Et quidem cum sancto sanctus  
eris, et cum perverso perverteris.

45. Sane de religiosis ac bene ordinatis monaste-  
riis nullus professorum meo consilio, ne arctioris D  
quidem vite desiderio, sine licentia sui senioris egre-  
diatur (107). Egressus tamen, si melius inventerit et  
elegerit, meo nihilominus jam consilio non regredia-  
tur ad inferius bonum, quod reliquerat et contempse-  
rat præ meliori: præsertim si illud melius tale fue-  
rit, quod ejus primæ professioni congruere videatur.  
Ipse nempe viderit, qua ratione, quave intentione  
altiora seu arctiora præsumperit: nam ad inferiora  
jam vel remissiora, me consulente, nequaquam apo-  
statabit: si non tamen loci prioris vicinia revocetur,  
quia de noto monasterio nec retineri quis regulariter  
potest, nec recipi sine consensu abbatis sui (Reg. S.

Benedicti, cap. 61). Et accipite manifestius in exem-  
plis hujus sententiæ rationem.

46. Forte vult aliquis de Cluniacensibus institutis  
ad Cisterciensium sese stringere paupertatem, eli-  
gens præ illis nimirum consuetudinibus magis Regule  
puritatem. Si me consulit, non consulo, si non sane  
id abbatis sui usurparit assensu. Quamobrem? Pri-  
mo propter scandalum ipsorum quos deserit. Deinde  
quia certa pro dubiis relinquere tutum non est;  
forsitan enim hæc tenere potest, illud non poterit.  
Tertio suspectam habeo levitatem, qua id sæpe quod  
facile volumus antequam probemus, experti jam  
nolumus, uno prope momento id ipsum et cupientes,  
et respuentes, tam leviter quam et irrationabiliter.  
Quales utique non paucos frequenter experimur,  
quia una vix hora in una voluntate durantes, aura  
levitatis impulsus, vagi et instabiles hac et illac velut  
ebrii nutant; mutantque pro experimento iudicium,  
imo sine iudicio fluctantes et tumultuantes, tot de  
se consilia præsumunt, quot loca revisunt: semper  
quod non habent cupientes, et quod habent fasti-  
dientes.

47. Et quomodo ego, ait aliquis, professus Regu-  
lam, non secundum Regulam cum bona queam de-  
gere conscientia? siquidem vovens, et non solvens,  
quid nisi pejero? Quasi non multo magis habeas  
inde conquiri alibi quoque, cum cœperis pure juxta  
Regulam conversari. Profecto etiam tunc: Et qua-  
nam, inquiens, conscientia habitare sustineam extra  
domum meam priorem, quæ me de sæculo fugientem  
excepit, initiavit ad bonum, signavit in salutem;  
molestus fratribus, inobediens seniori, stabilitatis  
insuper prævaricans pactum, et primam irritam  
faciens fidem? Verumtamen neutra justa querimo-  
nia est. Nam qui se ideo perjurum putat, quod ad  
purum [at. punctum] Regulam non observat; videtur  
mihi non satis attendere quid juraverit. Nemo  
quippe cum proficitur, spondet Regulam, sed deter-  
minate secundum Regulam sui quisque conversio-  
nem, suamque deinceps conversationem sese polli-  
cetur dirigere. Hæc profecto hujus temporis omnibus  
ferme monachis communis professio est. Et licet in  
diversis monasteriis, diversis et observantiis **519**  
Deo serviat; quandiu tamen sui quisque loci  
bonos usus sollicite servat, haud dubium quin se-  
cundum Regulam vivat, quoniam quidem boni usus  
a Regula non discordant. Quisquis itaque tenet  
quod teneri invenerit bonum, ubi proficitur; pro-  
fecto vivit sicut promittit: quia non aliud procul  
dubio quisque promittit, quam quod habere eorum  
pia videtur vita, cum quibus deinceps vivere dispo-  
nit et eligit.

48. Quid enim? nunquid verbi gratia, aut in  
Majori Monasterio usus Cluniacensium, aut isti  
forte illorum ritus, aut vero utrique Cisterciensium,  
distinctionem litteratoriam profitentur? Attamen  
omnes secundum Regulam profitentur. Una quidem

(107) Vide Bernardi epistolam 395, n. 2, ubi de monasterio Sancti-Bertini idem asserit.

oris ubique promissio : sed quia non una est omnibus cordis intentio, potest indubitanter sine detrimento salutis, et sine damno professionis, operis quoque non una ubique observatio celebrari. Sicut etiam non omnes omnia tenent, etiam boni Christiani, quæ in Evangelio sunt, omnes tamen secundum Evangelium vivunt (nam qui concessis alligari conjugii contenti sunt, non ideo tamen credunt se recessisse ab Evangelio, quia evangelici sublimitatem consilii de cælibe ducenda vita non elegerunt, ita sane si in gradu illo inferiori legitime ac fideliter conversentur) : sic quoque qui secundum Regulam vivere stant, etsi non ad unguem, ut dicitur, totam custodiunt, etsi qua pro sui claustrii ritu vel mutant, vel præmittunt; a regulari tamen omnino professione non discedunt, donec tamen sobrie, et iuste, et pie, pro suorum moribus vivere non desistant. Denique Regula ipsa tradit octavum humilitatis gradum, « ut nihil agat monachus, nisi quod communis monasterii regula, vel majorum cohortantur exempla (*Reg. S. Benedicti*, cap. 7). »

49. Exceptis proinde Cisterciensibus, et qui illorum forte ritu non tam vivere secundum Regulam, quam ipsam ex integro pure ac litteram (uti se sane professos esse putant) tenere curant : de cætero neminem obedienter degentem regularis moveat solemnique professio, in qua non sit de tota Regula promissio, in his duntaxat monasteriis, in quibus ordo et disciplina servatur cum bonis consuetudinibus. Salva igitur cuique sua manet in cenobiis bene ordinatis professio, tantum si sana fuerit et intentio. Cæteram qui inquietus est, et ita credere non potest; sed magis credens et cedens stimulantī conscientie exit, et querit ubi solvat quod suo in loco [*al. solvat vota sua quæ*], suo utique iudicio voverat quidem, sed non solverat : sicut non laudo quod egreditur, ita ut regrediatur non consulo, si tamen ad remotum ignotumque monasterium migraverit. Cur ita? Tum propter Pauli sententiam, qua beatum manifeste pronuntiat, qui se ipsum non iudicat in eo quod probat (*Rom. xiv. 22*) : tum ex nostri auctoritate magistri, qui talem et suscipi jubet, et retineri; inventum quoque bonum et utilem suasionē allici, professione ligari. « Denique suadeatur, » inquit, « ut stet (*Reg. S. Benedicti*, cap. 61). » Et ne forte prioris sui monasterii memor, remordente, ut assolet, conscientia, incipiat denuo de rupta stabilitate causari (108); generalem super huiusmodi scrupulo consolatoriam profert sententiam, dicens : *Ubique enim uni Deo servitur, uni Regi militatur.*

(108) Tales fuerunt illi monachi ad Pontiniacenses translati, ad quos insignem scribit epistolam Petrus Cellensis, in tomo II Spicilegii, pag. 447, ubi vide et duas sequentes.

(109) Quantas Bernardo rixas facerent ejusmodi suspensiones, variæ probant ejus epistolæ, nempe 3, 32, 33, 65 cum tribus sqq. item 253, 293, 313, 395 et 396. Confer epistolæ 94 et 371, et maxime Cassianum, Collat. 14, cap. 5 et sqq.

(110) Quæstionem hanc Bernardi ævo fuisse ventilatam patet tum ex Abælardo, qui quemdam

A Porro de vicino prohibet, quod jubet de peregrino : ne vicinitas inter monasteria fomes scandali, rixæ materia sit, si alterutrum recipere monachos acquirerint absque mutuo duntaxat assensu. Quod toties equidem experimur (109), quoties talis uspiam monachorum susceptio plane non nisi contra decretum regulare præsumitur.

520 50. Quod si etiam post hæc fratris ita regulariter suscepti inquietiorem forte animum pulsaverit recordatio scandali, quod discedens fratribus, quos deseruit, fecit; et quia oporteat emendari suo redditu quod ex discessu deliquerit : prudenter advertat qui hoc cogitat, scandalum scandalo non bene emendari. Qualis denique emendatio erit, si ut aliis scandalum tollas, alios scandalizas? Quamquam profecto et tolerabilius scandalum illud sit, et venialius, quod factum est intentione proficiendi in melius, quam quod facere cogitas ad deterius apostatando. Sed et ante quoque, licet non sine scandalo, tutius tuam sine dubio ad id quod putasti melius, secutus es conscientiam, quam si in priori bono et loco contra conscientiam permaneres, quamquam secure id posses : si sane hinc eandem tuam ipsius conscientiam reddere securam posses.

51. Quapropter quod de manducante, et non manducante decernit Apostolus (*Rom. xiv. 3*), usurpamus et nos in nostræ hujus disputationculæ conclusionē, ut et qui propria impellente conscientia suum deserit locum, ne suum (quod putat) deserat votum; non deserentem non spernat : et qui secuta conscientia fratrum scandalum timens, fratres non deserit; deserentem non iudicat. Et de his me accipite sane quod sentio respondisse, sine præiudicio sanius sentientis.

#### CAPUT XVII.

*Ad dubia quædam ex Patribus proposita respondet.*

52. Item postulatis absolvi vobis, cur vel beatus Gregorius nescio quem Venantium, habitum monachalem, quem pie susceperat, impieque rejecerat, non solum resumere non coegit, sed etiam omnem legitur indulsisse communionem apostatæ perduranti (Lib. I, epist. 33; lib. IX, epist. 25, 31), vel sanctus Augustinus conjugii legi votum quodammodo subiciat continentie; ita ut in libro de Virginitate asserere videatur, nec cælibis quidem vitæ propositum copulæ posse præscribere conjugali, quominus indissolubile maneat, etiam quod a continentibus, fallente diabolo, fracto sanctitatis voto, initum fuerit matrimonium (110). Et ad hæc nihil ad præsens certius breviusque respondendum occur-

Burgundie magistrum arguit, pag. 1067, quod monachos atque moniales, post publicum etiam suæ professionis votum, et benedictionis vel consecrationis vinculum, posse matrimonium contrahere assereret : tum ex concilio Remensi sub Eugenio III, ubi ejusmodi matrimonia irrita ac nulla esse definit canon 7, etiam in Conversis professis. Longe ante Gregorius Magnus monachos, qui uxores duxissent, in monasterium revocari jubet in lib. I, epistola 40 : eosdem vero excommunicat concilium Chalcedonense, can. 16. Paulo dissimilis est argumenti B r



rit, nisi quod ita sancti antistites sapuerunt: rectene? A ipsi viderint. Nam ego in sensibus actibusque illustrium Patrum cautus profecto sum omnino non aliud aestimare, quam quod beato Apostolo teste quaeritur jam inter dispensatores, ut videlicet fidelis quis inveniatur (1 Cor. iv, 2). Certus sum enim, sive in suo abundaverint sensu, sive in Dei spiritu; sicut et in cæteris, ita et in his ambos exstitisse fideles, illum in dispensando quod præ manibus erat, istum in scribendo quod sensorat.

53. Quod denique quaeritis de quibusdam episcopis, quos sanctus idem papa Gregorius ad tempus in monasteriis pro eorum excessibus legitur reclusisse, utrumnam in suo, an in monastico interim habitu habitarent cum monachis: ego nescio, nisi quod credibilis videtur, nequaquam illos insignem religionis habitum suscepisse, quem non erant perpetuo habituri; sed tantum quaesi-se quietem in secretis monasteriorum, et opportunitatem poenitentiae.

54. Audire et hoc vultis a me, unde inter cætera poenitentiae instituta monasterialis disciplina meruerit hanc prærogativam, ut secundum baptismum nuncupetur (111). Arbitror ob perfectam mundi abrenuntiationem, ac singularem excellentiam vitae spiritualis, qua præeminens 521 universis vitae humanae generibus hujusmodi conversatio, professores et amatores suos Angelis similes, dissimiles hominibus facit; imo divinam in homine reformat imaginem, configurans nos Christo instar Baptismi. Et quasi denique secundo baptizamus, dum per hoc quod mortificamus membra nostra quæ sunt super terram, rursum Christum induimus, complantati denno similitudini mortis ejus. Sed et quomodo in Baptismo erui-mur de potestate tenebrarum, et in regnum transferimur claritatis æternæ: ita et in sancti hujus secunda quadam regeneratione propositi, de tenebris æque, non unius originalis, sed multorum actualium delictorum, in lumen virtutum eva-

dimus, reapta-ntes nobis illud Apostoli: *Nox præcessit, dies autem appropinquavit* (Rom. xiii, 12).

#### CAPUT XVIII.

*Morte abbatis non licere professis mutare locum.*

55. Id quoque vobis insinuari precamini, an abbatis mutatio monasterium suum mutare volentibus monachis in aliquo patrocinetur; hoc est, si in morte vel depositione prælati plus aliquid libertatis subditis relaxetur, quo utique licentius possint eo articulo temporis migrare quo voluerint, altero necdum videlicet substituto. Ad quod respondeo: Nequaquam. Etenim sponso professionis quando ex more sit in oratorio, de abbatis vita non sumit terminum, sed de præsentia testimonium. Proflenti itaque modus sit sua vita, non aliena. Attendat denique quid inde Legislator ipse non solum senserit, sed et tradiderit, ut « si quando, » inquit, « aliter fecerit, » videlicet quam promittit, « a Deo se sciat damnandum quem irridet (Reg. S. Benedicti, cap. 58). » Item dicit, quod nec sui jam corporis Novitius habiturus sit potestatem; et item, « Perseverantes, » ait, « in monasterio usque ad mortem (Ibid. in Prologo). » Salvis igitur exceptionibus, quas superior disputatio perstrinxit, de cætero nulla liceat occasione monacho locum, cui professus est, citra suam mortem deserere; suo duntaxat arbitrio. Alioquin prævaricator est, damnationem habens quia primam fidem irritam facit.

56. Sed vos pergitis amplius sciscitari, et dicitis: Quid si non potest nisi cum rancore perpetuo animi, ibidem manere, ob minus videlicet regularem, minusve amabilem abbatis electionem? Subit animo nunc illud de Evangelio, quod de conjugii lege do-centi discipuli Domino responderunt: *Si ita est inquit, non expedit nubere* (Matth. xix, 10). Magnæ revera angustiae. Si tenuerit exosam, nihil onerosius: si dimiserit invitam, nihil inchristianius. Annon

narrata epistola 76 de quodam homine, qui post diutinam in domo et habitu religionis conversationem, nondum tamen confirmato proposito, ad secundas nuptias convolarat.

(111) Idem in sermone 11 de Diversis et in epistola 411, num. 2. B. Petrus Damiani, Opusc. 16, in episcopum monachos ad sæculum revocantem, *Dic, inquit, obsecro, legisti aliquando vitae monasticæ propositum secundum esse Baptisma? Sed quia hoc inveniri in dictis Patrum perspicuum est, negare licitum jam non est, etc.* Vide loco citato, cap. 8. Vide et Hieronymum, epistola 55, ubi Paulam de Blaesillæ obitu consolatur. *Revera, inquit, si sæculare desiderium, et (quod Deus a tuis avertit!) delicias hujus vitae cogitantem mors immatura rapuisset, plangenda erat. Nunc vero cum propiis Christo, ante quatuor ferme menses, secundo quodam modo propositi se baptismo laveris, et ita deinceps vixeris, ut calcato mundo semper monasterium cogitaris, etc.* Idem ad Demetriadem. *Nunc, inquit, quia sæculum, reliquisti, et secundo post Baptismum gradu inisti pactum cum adversario tuo, dicens ei, Renuntio tibi, diabole, et sæculo tuo, et pompæ tuæ, et operibus tuis, serva fœdus quod pepigisti.* Quibus adde Odonis abbatis Cluniacensis Collationum lib. ii, cap. 7, et Theodori Studitæ testamentum apud Baronium, tomo IX. Ratio ergo, cur vitæ religiosæ professio, quasi quidam

Baptismus censeatur, ista est. Nam sicut in Baptismo hoc agitur, ut omnino moriamur vitæ veteri, et renascamur novæ (vide Rom. vi, Coloss. iii, Ephes. ii et alibi, unde non idem homo e Baptismo emergit, qui in eum ingressus erat, sed plane alius); sequitur etiam, ut prioris illius hominis peccata, non magis huic homini recens nato tribuenda sint, quam mea alteri, vel alterius mihi. Ita prorsus in professione Religionis sese res habet. Moritur enim, Religiosus mundo, ejusque operibus, ac sibi insuper ipsi voluntatique suæ: et ita moritur, ut non magis liceat ei mundo, ejusque deliciis vel voluntate sua uti, quam si plane mortuus ac sepultus esset. Cum ergo Religiosi quoque, sicut in Baptismo, desinant esse quod antea fuerunt, et novi quidam homines esse incipiant, novis studiis, novæ vitæ, aliisque omnino delectationibus et cogitationibus dediti; nil mirum si culpa et poenæ, quas vetus ille homo debebat, una cum ipso homine moriantur, nec jam ad secundum hunc hominem pertineant. Ita fere Hieronymus Platus, de Bono status relig. libro 1, cap. 13. Hinc, ut etiam observavit Renatus Choppinus Monastici libro 1, tit. 2, n. 17, sicut in Baptismo renatis, sic professis in Religione cen novis hominibus nova infunditur nomina: Italis præsertim ac Belgis, ut ait ille, Franciscis etiam Fuliensibus et Capuccinis.

simili necessitate constringitur qui nec deserere va-  
let locum, ne frangat votum; nec manere in loco,  
ne cum rancore vivat, et vitam perdat? Quid consu-  
lam huic? Ut discedat? Non licet propter professio-  
nem. Ut stet? Propter rancorem non expedit. Duo  
mihî æque inconvenientia, æque periculosa propo-  
nitis, ut quidquid respondero, vobis minime prosit.  
Queritis nempe qui de duobus monacholitus sit, resi-  
dere in proprio monasterio sub irregulariter electo  
cum rancore, an ad quietius vivendum alio migrare.  
Quod quidem haud secus accipio, quam si requiratis,  
quamnam morte perire consulam eum qui se  
ipsum forte perimere vult, incendio, an præcipitio.  
Revera namque et uritur qui in odio manet; et qui  
frangit propositum, in præceptis ruit. Sed vos me in  
hac difficultate consilii facile expeditis, cum deinde  
sequimini; et quatenus accipi hoc ipsum velitis  
quod appellatis irregulare, aperiendo subiungitis:  
præsertim si electionis irregularitas adeo involuta  
sit et intorta, ut licet de ea coram Deo non dubitetur,  
coram hominibus tamen, aut vix, aut nullatenus  
vincatur. Venit nunc quoque in mentem Sapientis  
elogium: *Occasionem querit, qui* **522**  
*vult recedere ab amico* (Prov. xviii, 1). Quoniam  
modo vos irregularem dicitis electionem, quæ  
cassari regulariter non valet aut reprobari? Et qui-  
dem legitur: Quod probari non potest, mihi in-  
fectum est. Sed dicitis: Et quis obediât scienter  
indigno, etsi non manifesto? Fratres, nonne legistis  
et in vestra, et in Veritatis regula: *Super cathedram*  
*Moysei sederunt Scribæ et Pharisei: quæ dicunt,*  
*facite; secundum opera vero illorum nolite facere*  
(Matth. xxiii, 2, 3; S. Benedicti Reg. cap. 4).

## CAPUT XIX

*Ad alia quædam dubia paucis respondet.*

57. Jam de mutandis vestibus, vel lavandis ob-  
nocturnam Hisionem, accipite breve consilium.  
Juxta ritum sui loci quemque facere consulo de hu-  
jusmodi, quæ diversis modis diversis in monaste-  
riis certum est observari. De his qui in pluribus  
monasteriis proficiuntur (quod pene oblitus fueram)  
puto satis esse responsum superius, cum de loci  
stabilitate disputatum est, et non est necesse ut  
repetam. Prætermitto et aliqua de canonibus quæ  
vos requiritis; tum quoniam talium nostra non re-  
fert qui monachi sumus; tum quia in libris eadem  
ipsi facile reperire potestis, si querere non grave-  
mini.

58. Venio ad tria illa, quæ in altera vestra ru-  
sum epistola continentur: ubi primum interrogatis,  
quidnam consulam homini, qui adversus quempiam  
commotus fuerit; sed non adeo ut eum lædere ipse  
velit, adeo tamen ut libenter accipiat, si quo modo  
aliunde lædi contigerit: sitne videlicet tutum ita  
commoto accedere ad altare, an se subtrahere inte-  
rim debeat, donec compescatur commotio. Nun-

(112) In tribus nostris manuscriptis deest, *aggrava-*  
*at animam*, quæ tamen verba necessaria sunt ad

A quam mihi contingat turbatum ad pacis accedere sa-  
crificium; cum ira et disceptatione contingere Sacra-  
mentum, in quo Deus indubitanter est mundum  
reconcilians sibi. Certe non recipitur munus quod-  
cunque meum, quod defero ad altare, nisi ante  
placato fratre, quem me forte læsisse meminero:  
quanto minus si me ipsum non pacavero prius?

## CAPUT XX.

*Binas Pauli sententias in speciem pugnantem conciliat.*

59. Quod deinde queritis de contrarietate quæ  
inesse videtur duobus illis Pauli sententiis, *Con-*  
*versatio nostra in cælis est* (Philipp. iii, 20); et, *Quan-*  
*dum sumus in corpore, peregrinamur a Domino* (II  
Cor. v, 6): quomodo videlicet anima eodem tempore  
possit, et in corpore peregrinari a Domino, et in  
cælis simul esse cum Domino; ipse solvit Apostolus,  
cum alibi dicit, *Ex parte cognoscimus, et ex parte*  
*prophætamur*. In quantum quippe cognoscimus, tan-  
quam præsentia contemplantur, jam cum Domino  
sumus. In quantum adhuc tanquam de futuris pro-  
phætamur, credentes quæ non intelligimus, sperantes  
quæ non videmus; a Deo peregrinamur, et in cor-  
pore. Cum autem venerit quod perfectum est, hoc  
est gloriæ plenitudo, quæ in resurrectione futura  
est, tunc evacuabitur quod ex parte est (I Cor.  
xiii, 9, 10), corporis videlicet omnis corruptio,  
ex qua sine dubio contingit hæc, quæ adhuc ex  
parte manet, nostra in corpore peregrinatio. Hoc  
est quod in se miserabiliter ingemiscens plangit,  
et ait: *Infelix ego homo, quis me liberabit de cor-*  
*pore mortis hujus?* (Rom. vii, 24.) Non queritur de  
corpore tantum, sed corpore mortis hujus, hoc est  
ejus quæ adhuc durat corruptionis: monstrans non  
corpus, sed corporis molestias esse causam pere-  
grinationis. Corpus quippe quod corrumpitur, ag-  
gravat animam (112) (Sap. ix, 15). Non corpus sim-  
plicitèr, sed corpus quod corrumpitur; ut corruptio  
corporis oneri sit, non natura. Unde et qui intra se-  
metipsos ingemiscunt, redemptionem expectant  
corporis sui (Rom. viii, 23), non amissionem. Me-  
rito proinde gravati corporis necessitate, non so-  
cietate, cupimus dissolvi, et esse cum Christo (Phi-  
lipp. i, 24): **523** ut id quod manet ex parte adhuc,  
exsilium finiat; et quæ ex parte jam cepit, cœ-  
lestis habitatio perficiatur.

60. Aut certe *conversatio nostra in cælis est*, quo-  
modo dicit apostolus: *spe enim salvi facti sumus* (Rom.  
viii, 33). Spe itaque jam in cœlestibus habitamus,  
cum adhuc re ipsa in terris peregrinemur et in cor-  
pore. Vel aliter: Habemus et unde corpori, et unde  
Domino inhæreamus; illud vivificando et sensifi-  
cando, illum credendo et diligendo. Neque enim  
præsentior spiritus noster est ubi animat, quam ubi  
amat: nisi forte putetur esse magis ubi invitus et  
ex necessitate tenetur, quam quo sponte et alacri,

consequentiam. Forte ut cuius nota reseculi nota-  
rius.

fertur voluntate. Denique ubi est thesaurus tuus A ibi est et cor tuum (*Matth.* vi, 21). Item si Deum amans anima ex ipso vivit, uti corpus ex ipsa; quo pacto, quæso, presentior esse contenditur ubi dat, quam unde accipit vitam? Fons siquidem vitæ charitas est: nec vivere animam dixerim, quæ de illo non hauserit. Haurire porro quomodo potest, nisi fuerit præsens ipsi fonti, qui charitas est, quæ Deus est? Præsens igitur Deo est qui Deum amat, in quantum amat. In quo enim minus amat, absens profecto est. In eo autem minus Deum amare convincitur, quod carnis adhuc necessitatibus occupatur. Illa vero circa corpus occupatio quid est, nisi a Deo quædam absentatio? et absentatio quid, nisi peregrinatio? Et peregrinamur ergo a Domino, et in corpore peregrinamur: cujus nostra nimirum et intentio præpeditur ærumnis, et curis charitas fatigatur.

61. In fine secundæ epistolæ interrogatis, quid sentiendum arbitrer de eo, quod in Evangelio nobis promittitur, *Ecce enim merces vestra multa est in cælis*: (*Luc.* vi, 23) mirantes maxime sanctum Augustinum dixisse super hoc, non cælos istos visibiles et corporeos oportere intelligi, ne merces nostra in rebus mobilibus volubilibusque videatur collocari; ideoque spiritualia quædam firmamenta esse intelligenda, de quibus nescitis, ut dicitis, quid vel suspicari debeatis. Sed si attenditis quod legistis, *Regnum Dei intra vos est* (*Luc.* xvi, 21); et, *Habitare Christum per fidem in cordibus vestris* (*Ephes.* iii, 17) C

tanquam utique regem in regno suo; et, *Non sunt condignæ passionibus hujus temporis ad futuram gloriam quæ revelabitur in nobis* (*Rom.* viii, 18), non quidem quæ revelabitur nobis, velut aliquid exterius; sed in nobis, quasi intus jam manens, sed nondum apparens: et item, *Omnis gloria ejus filia regis ab intus* (*Psal.* xlii, 14); et, *Ascendet homo ad cor altum* (*Psal.* lxxiii, 8); sed et ascensiones in corde suo disposuit (*Psal.* lxxxiii, 6); rursumque, *Anima justæ sedes est sapientiæ* (*Sap.* vii, sec. LXX), cujus sine dubio illa vox est, *Cælum mihi sedes est* (*Isa.* lxxvi, 1): si hæc, inquam, hisque similia non pauca in Scripturis advertitis, profecto studebitis ad requirendum regnum Dei et justitiam ejus, intrare potius ad vos, quam vel extra exire, vel ascendere supra. Sed supra sane, vel extra dixerim loci positione, sicut cælum a terra locum tenet anteriorem; sol, luna, et sidera superiorem. Nam eadem ipsa, quæ intra nos sunt subtiliori suæ naturæ invisibilitate, etiam supra nos sunt sublimiori excellentiæ dignitate, et extra quoque immensitate majestatis. Sed altissima sunt hæc, egentia utique et diligentiori disputatione, et doctiori disputatore, et opere prolixiori. Ego enim protuleram modum in his tractandis epistolarum nequaquam excessum iri: sed sermo, ut video, processit in longius quam speravi. Proinde vos, si placet, Librum: si placet, Epistolam nominatè; nam ego sive in paucis, sive in multis, vestræ debui (quod et studui) satisfacere voluntati.

## ADMONITIO IN OPUSCULUM V.

524. 1. Nihil est quod majorem Bernardo invidiam conflaverit, quam liber iste, editus in monachos Cluniacenses. Ea enim erat per id tempus ipsorum existimatio, ut orbis quasi censuram aggredi videretur, qui illos arguere tentaret; ea propagatio et multitudo, ut is agmen adversariorum in se concitaret. Et sunt etiam nunc nonnulli, qui Bernardi hac in parte zelum quasi nimium accusent: non satis attendentes, Doctorem sanctum a Deo ita comparatum et institutum fuisse, ut Ecclesiæ maculas abstergeret, et monastici ordinis integritatem splendoremque restitueret, bellum indicendo vitiiis, quæ ejus puritatem suo tempore deformabant. Nunc ergo scire interest, quo titulo, quoque anno Bernardus hoc opus ediderit: an quæ in Cluniacensibus carpit, re ipsa vitia sint, an tolerabiles ritus: et siquidem vitia sunt, vera an supposita.

2. Quod ad titulum pertinet, Epistolam vocat Bernardus in sequenti libro, n. 15: « Jam vero Epistola, ut epistola remaneat, finienda erat, » etc. At vero in fine libri Opusculum vocat, ubi de Ogerio, qui a Bernardo discedere volebat, et absque recensu Opusculo. » Gausfridus in libro tertio de Bernardi Vita, capite octavo, Apologeticum appellat: « Si servens contra suorum, vel aliorum vitia zelus, legatur is, quem Apologeticum vocat. » Certe apologiæ nomine utitur Vir sanctus in epistola decima octava ubi scripta sua Petro cardinali recensens, « Necnon et Apologiam, » inquit, « ad quemdam amicum nostrum, ubi aliqua disserui de Cluniacensibus et nostris id est Cisterciensibus observantiis. » Vulgatum proinde Apologiæ titulum retinebimus ab ipso etiam auctore consecratum.

3. Ex eadem epistola decima octava, quæ sub annum 1127 scripta est, condita Apologiæ tempus intelligitur. Et sane librum hunc unum ex primis Bernardi opusculis, et quidem tertium fuisse constat ex enumeratione Petro cardinali facta, in qua duo tantum ante Apologiam memorat, nempe librum de Humilitate, et Homilias in laudibus Virginis matris in Missus est, quibus apologiam continenter subiicit cum paucis epistolis. Itaque Apologia composita est sub annum 1125, id est sub initia regiminis Petri Venerabilis, qui Hugoni secundo successit anno 1122, anno dimidio post Pontium, sub quo magnopere laxata fuerat Cluniacensis Ordinis disciplina regularis. Non mirum itaque, si Bernardus aliqua reprehensione digna notavit, eaque in scripta redegit rogatus Guillelmi Sancti-Theoderici abbatis, qui ex Ordine Cluniacensi censebatur. Nam cum Nigrotonum monachorum cænobia fere omnia ritus Cluniacenses sectarentur: exortu semel Cisterciensium congregatione, quæ alios mores habebat, ea Cluniacensis Ordinis (tametsi ei aggregata non erant) dicebantur, ut vel ex sequente Apologia patet, in qua Guillelmum alloquens, « Ordinem vestrum » dicit nn. 1 et 30, et in eodem n. 30 monasterium Sancti Nicolai diocesis Laudunensis eidem Ordini attribuit. Hanc ergo Apologiam



Bernardus scribit rogatus a Guillelmo Cluniacensi homine: scribit, inquam, eo tempore, quo solutior erat Cluniacensium religio: sed ita libellum componit, ut primum, et quidem durius, arguat suos, id est Cistercienses, qui severioris vitæ specie Cluniacensium institutis detrahebant, sicut sanctiores religionis leges violabant. Ut ergo alteros alteris conciliaret sanctissimus Doctor, quid in utrisque reprehendendum sibi videbatur in hoc libro sincere exponit; ratus, se non adversus Ordinem, sed pro Ordine disputare, si non Ordinem in hominibus, sed hominum vitia reprehenderet. » ex n. 15.

**525** 4. Neque dubitandum est ea vera esse quæ in Cluniacensibus notarii Bernardus, quem de his accurate edocui fuisse, atque adeo ab omni falsi criminis suspitione immunem esse nemo non concedere debet. Verum dictorum ejus veritatem probant Statuta Petri Venerabilis abbatis Cluniacensis, qui coacto apud Cluniacum capitulo generali, pleraque ejusmodi vitia emendare conatus est, ut manifeste probant ejus Statuta, quæ suis locis in notulis referemus. De hoc capitulo agit ad annum 1152 Oedericus Vitalis, qui et ipse præsens interfuit: ita enim habet in libro decimo tertio, pag. 896: « Petrus Cluniacensis abbas veredarios et epistolæ per omnes Cellas suis tunc direxit, et omnes Cellarum Priores de Anglia et Italia, regniq[ue] aliis accessit, jubens ut dominico Quadragesimæ tertio Cluniaci adessent, ut præcepta monasticæ conversationis austeriora, quam hactenus tenebant, audirent. Illi nimirum, archimandrita suis jussis obsecundaverunt, ac ad statutum terminum ducenti Priores Cluniacum convenerunt. In illa die mille ducenti et duodecim fratres ibi adfuerunt... Ille vero » Petrus « auxit jejunia, abstulit colloquia, et infirmi corporis quædam subsidia, quæ illis moderata patrum hactenus permisera reverendorum clementia. Fratres autem assueti magistro semper obedire, contra religiosum morem nolentes ei resistere, aspera quidem imperia suscepunt: rationabiliter tamen ostenderunt, quod venerabilis Hugo, et illius antecessores Maiolus et Odilo, arctam vitæ viam tenuerunt.... Austerus autem præceptor.... Cistercienses, aliosque novorum sectatores æmulatur, rudibus ausis instituit, et ab incæptis desistere ad præsens erubuit. Postmodum tamen emollius, auditorum arbitrio consensit, » etc. Confer ejusdem Petri Venerabilis libri primi epistolam vigesimam octavam, et aliam quæ inter Bernardinas relata est, ordine ducentesima vicesima nona.

5. Ex his apparet, ea, quæ in Cluniacensibus carpit Bernardus, vera esse: sed inter vitia non ab omnibus fuisse habita, imo quasi necessarium temperamentum infirmitatis humanæ. Et quidem de quibusdam id videri possit, puta de ornatu ecclesiarum, aliarumque ejusmodi rerum, quæ plausibiles rationes præ se ferunt: at pleraque inter monachos tantisper moderatos tolerabilia non esse vel ipsa lectio persuadet. Sed quid, inquis, de templorum magnificentia et cultu? annon Cistercienses, imo et Bernardus ipse amplissima et ornatissima condiderunt? Hæc cum audio, in mentem venit primi illius Oratorii, a Bernardo apud Claræ-Vallem exaructi. Bone Deus! quam exilis, quam vilis in speciem, sed quam sua vili ipsa specie venerandi! Aliud quidem inchoavit amplissimum, quod continendis monachis septingentis, aliisque personis sufficeret: sed omnis ornatus, præter ipsam fabricæ majestatem, expers. Et Cistercienses primitus sculpturas vel picturas in ecclesiis suis seu officinis monasterii penitus interdixerant: « quia dum talibus intenditur, utilitas bonæ meditationis, vel disciplina religiosæ gravitatis sæpe negligitur. Cruces, tamen picias, » sed quæ « lignæ » essent, habebant. denique « superfluitates et curiositates notabiles in sculpturis, ædificiis, pavementis, et aliis similibus, quæ deformant antiquam Ordinis honestatem, et paupertati non congruunt, » rejecerunt etiam in capitulo anni 1213, ex Insult. Cisterc. parte prima, cap. 20.

6. Sed ut hæc missa faciamus, magna certe ex sequenti libello consecuta est utilitas: cum non solum Cluniacenses, sed etiam alia, quæ ab eorum societate disparata erant monasteria, ejus lectione ad meliorem frugem sese receperint, in primis Dionysianum Sugerio auctore; et tandem Cisterciensium exemplo convocari cæperint capitula generalia Nigrorum monachorum præter Cluniacense, in quibus de emendandis monachorum vitiis actum est. Id enim Innocentio II pontifice fieri ceptum, et ab ipso approbatum fuisse constat ex litteris capituli generalis abbatum provinciæ Remensis ad Adrianum III contra abbatem Latiniacensem, superius relatis, col. 815.

**526** 7. Sed hæc satis ad illustrandam Apologiam sequentem, quam in duas partes distinguere possumus: in quarum prima corripuntur Cistercienses, quod Cluniacensium institutis detraherent; in secunda Cluniacensium superfluitates arguuntur. Ideo duas epistolæ vocat codex Majoris-Monasterii, in quo ita inscriptio legitur: « Incipit Apologiticum domni Bernardi abbatis contra Cisterciensium detractiones, ad Guillelmum abbatem, dividique tractatum in duas epistolæ. » Præmittitur epistola octogesima quarta instar præfatiunculæ, quo nomine eam Bernardus designat in epistola octogesima quinta et in epistola octogesima octava. Hoc opusculum Rotomagi primum una cum tractatu de Præcepto et Dispensatione, atque libris de Consideratione, absque designatione anni vulgatum est sub hoc titulo: « Incipit libellus Bernardi abbatis de Concordantia statuum religiosorum, qui pro tempore suo erant. » Sub eodem titulo idem liber aliquando laudatur a Wilhelmo monacho in libro Florum ex sancto Bernardo.

## S. BERNARDI ABBATIS APOLOGIA AD GUILLELMUM

SANCTI-THEODERICI ABBATEM (113).

### PREFATIUNCULA

Quod me hujusmodi operam dare jubes, per quod tollendum sit scandalum de regno Dei, libenter

(113) Quantum Cluniacensis ordinis disciplina regente S. Hugone floruerit, clarius est quam ut probari necesse sit. Petrus Damiani, severus ille

accipio: sed quomodo id velis fieri, necdum satis elucet mihi. Nam illam tuam dulcissimam epistolam dulciter legens, ac dulcius relegens (sæpius quippe

morum censor, epistola 4 libri vi, Cluniacum vocat Paradisum, quatuor Evangeliorum fluentis irriguum, hortum deliciarum, spirituale campum, ubi cæli

repetit  
qui d  
Ordin  
licet s  
de not  
hanc s  
superf  
modum  
contra  
queam  
laudab  
les dic  
superf  
aliter  
valeam  
Scito

ac terre  
spiritu  
testate  
suum c  
mane  
asserit  
success  
libro s  
deste a  
sue an  
dubium  
fervor  
ejusde  
causam  
inquit,  
vel poti  
præfec  
1122 H  
Petrus  
rent, o  
ses con  
dispari  
ob caus  
horum  
mus Sa  
sanctiss  
ad epis  
que ad  
judicare  
Apologi  
sui acce  
Cluniac  
suum an  
interest  
Doctore  
contigis  
nus fuit  
post an  
abbatem  
85. Qua  
præfixæ  
indigite  
pressam  
seculum  
nomine  
appellat  
epistola  
ræ-Vall  
do, quo  
nicum r  
ctum. V  
bilis præ  
guendis  
excitati  
Nam S.

repetita placebat) intellexi quidem te velle, ut illis A qui de nobis tanquam detractoribus Cluniacensis Ordinis, conqueruntur, satisfaciam: quatenus videlicet sciatur non esse verum, quod male hucusque de nobis putarunt, vel putari voluerunt. At si post hanc satisfactionem rursus victus eorum ac vestitus superfluitate, et cætera quæ subjungis, quemadmodum injungis, carpere veluero; et mihi videbor contradicere, et quomodo sine scandalo facere queam, non video. Nisi forte, et Ordinem quidem laudabilem, et Ordinis reprehensores reprehensibiles dicam [al. doceam], et nihilominus tamen ipsius superflua reprehendam. Si hoc modo vis, aut forte aliter magis expedire vides, manda apertius; et ut valeam quod vis, eo modo quo vis, ora instantius. Scito tamen non modico me hujusmodi scriptationi-

bus ferri detrimento: quia multum hinc mihi devotionis subtrahitur, dum studium orationis intermittitur, præsertim cum nec usus suppetat dictandi, nec otium.

### 527 CAPUT I.

*Profitetur se suosque ab obsecratione religiosi Ordinis prorsus alienos.*

Venerabili patri GUILLELMO, frater BERNARDUS, fratrum qui in Clara-Valle sunt, inutilis servus, salutem in Domino.

1. Usque modo si qua me scriptitate jussistis, aut invitus, aut nullatenus acquievi: non quia negligere quod jubebar, sed ne præsumerem quod nesciebam. Nunc vero nova urgente causa, pristina fugatur verecundia, et vel perite vel imperite dolori meo satisfacere cogor, fiduciam dante ipsa necessi-

ac terra congregitur, ac velut arenam certaminis, ubi, spiritualis more palæstræ, caro fragilis adversus potestates aereas colluctatur. Et epist. 5 in Cluniacensium conversatione et Ordine non ad inventionis humanæ studium, sed Spiritus sancti magisterium inesse asserit. At S. Hugoni ad superos raptò anno 1109 successit Pontius, qui referente Petro Venerabili libro secundo de Miraculis, cap. 12, cum satis modeste ac sobrie conversatus esset primis assumptionis suæ annis, procedente tempore mores mutavit; nec dubium quin ad ejus exemplum, subditorum etiam, fervor interperit. Neque tamen Petrus Venerabilis ejusdem libri cap. 11, omnem hujus relaxationis causam in eum rejicit; sed etiam quorundam, quos, inquit, nominare nolo, culpa vel desidia, reseccanda vel potius evellenda succreverunt. Pontio abdicata præfectura Jeresolymam profecto substituitur anno 1122 Hugo II, cui post quinque circiter menses Petrus Venerabilis successit. Dum hæc ita se haberent, orta est gravis Cluniacenses inter et Cistercienses contentio ob regulam sancti Patris Benedicti, dispari habitu ac religione servatam. Cum enim eam ob causam S. Bernardus in culpam vocaretur, veluti horum discidorum sive auctor, sive fautor; Guillelmus Sancti Theoderici abbas, pro sua erga Virum sanctissimum reverentia et amore (de quo in notis ad epistolam 86), eum ad sese purgandum, simulque ad ea quæ correctione digna in Cluniacensibus judicaret, animadvertenda induxit. Ideoque hæc Apologia duas complectitur partes: in prima, diluta sui accusatione, perstringit suos Cistercienses, quod Cluniacensibus obtrecentarent; in altera Cluniacensium arguit superfluitates. Non parum autem scire interest, quo circiter anno hæc Apologia a sancto Doctore scripta sit: quod Petro Mauricio abbate contigisse, omnibus, præter unum Manricum, hæcenus fuit persuasum. Et primo quidem scripta videtur post annum 1120, quo Guillelmus Sancti Theoderici abbatem creatum fuisse probant notæ in epistolam 85. Quamvis enim inscriptio epistolæ huic operi præfixæ eum Venerabilis Patris nomine duntaxat indiget, eo tamen vocabulo abbatis dignitate expressam non dubitem, cum ante decimum tertium sæculum vix ullus Religiosus præter abbates Patris nomine censeretur: unde venerabilis Guigo Patris appellationem modeste recusavit, ut dictum est ad epistolam 11, et S. Bernardus Godefrido Priori Clara-Vallis sic epistolam 317 inscribit, Fratri Godefrido, quo etiam modo epistola 87 salutem Ogerium canonicum regularem, licet abbatis antea dignitate perfunctum. Verumtamen hoc opusculum ante Petri Venerabilis præfecturam exaratum existimo, quamvis extinguendis hujusce contentionis scintillis subinde postea excitatis ipse dederit operam, ut infra videbimus. Nam S. Bernardus epistola 277 ad Eugenium testa-

tur, Petrum Cluniacensem pene ab introitu suo in multis Ordinem illum meliorasse, verbi gratia in observantia jejuniorum, silentii, indumentorum pretiosorum et curiosorum: quod etiam patet ex ipso Petro, de Miraculis libro II, cap. 11, ubi scribit, statim ab ipso suæ Assumptionis initio, Matthæum, Sancti Martini a Campis Priorem, a se accitum, quo regulari disciplinæ resarcienda ambo simul providerent. Meminit et alterius reformationis Ordericus Vitalis ad annum 1132, ubi ait, ad Petri Cluniacensis mandatum; Priores ducentos, fratres vero mille ducentos et duodecim Cluniacum Dominica tertia Quadragesimæ convenisse, quo in conventu Petrus Cistercienses æmulatus auæerit jejunia, abstulerit colloquia, et infirmi corporis quædam subsidia, quæ illis moderata Patrum hactenus permiserat reverendorum clementia. Quis itaque dicat Bernardum, harum rerum, quas Petrus ab ineunte præfectura cœpisset, optime consciunt, voluisse illum de suorum excessibus exagitare? Nam neque ipsius Petri epistolam (quam primam ad S. Bernardum scripsit: in Bibliotheca Cluniacensi, lib. I, epist. 28), in qua nonnullis Cisterciensium objectis facit satis, huic apologiæ (ut vulgo putatur) respondere, ex mutuis utriusque capitulis perspicuum esse videtur. Quatuor enim fere Bernardus hoc opusculo in Cluniacensibus carpit: primo, excessus in cibo et potu, maxime vero in faciliore carnis usu: secundo, in pompa vestium; tertio, in superfluo templorum ornatu; quarto, in luxu abbatum. At Petrus Venerabilis objectis respondet viginti capitulis, quorum nullum fere tangit quidquam eorum, quæ hic a Bernardo fuerant objecta. Nihil enim ibi attexit de vino et doliis pigmenti, de monstris piscibus, ovorum frivolis, variisque condimentis; nihil de cæteris et si quid de vestibus delibat, de solis pelliceis, quarum vix hic quidem meminit Bernardus, questionem instituit. Non igitur huic Bernardi Apologiæ respondet illa Petri epistola, sed Cisterciensium querimoniis, ut etiam ex ipsius epistolæ exordio et conclusione manifeste colligitur. Verum sive Pontio (quod contendimus) sive Petro abbate scripta sit hæc Apologia, in mentem revocandum illud, quod de S. Bernardo Guillelmus scripsit libro primo de Vita S. Bernardi, cap. 8: Si nimietas in eo reprehenditur sancti servoris, habet certe apud pias mentes excessus iste reverentiam suam, quam quicunque Spiritu Dei aguntur, multum verentur in servo Dei reprehendere nimium istam nimietatem. Habet et facile apud homines excusationem, cum vix audeat quisquam eum condemnare, quem Deus justificat, tam multa, tam sublimia cum eo et per eum operando. Felix, cui solum reputatur ad culpam, quod cæteri præsumere sibi solent ad gloriam.

tate. Quomodo namque silenter audire possum A vestram huiusmodi de nobis querimoniam, qua scilicet miserrimi hominum, in pannis et semicinctis, de cavernis, ut ait ille (*Hebr. xi, 38*), dicimur iudicare mundum; quodque inter cætera intolerabilis est, etiam gloriosissimo Ordini vestro derogare, sanctis qui in eo laudabiliter vivunt, impudenter detrabere, et de umbra nostræ ignobilitatis, mundi luminaribus insultare? Itane sub vestimentis ovium, non quidem lupi rapaces, sed pulices mordaces, imo tinea demolientes; bonorum vitam, quia palam non audemus, in occulto corrodimus; nec saltem clamorem invectionis, sed susurrium detractionis emitimus? Si hoc ita est, ut quid sine causa mortificamur tota die, testinati sumus sicut oves occisionis? (*Psalm. xliii, 22.*) Si ita, inquam, pharisaica jactantia cæteros homines, et (quod superbius est) nobis meliores despiciamus, quid nobis prodest tanta in nostro victu parcitas et asperitas, in vestitu notabilis illa villitas ac diversitas, in opere manuum quotidiana desudatio, in jejuniis et vigiliis jugis exercitatio, totius denique vitæ nostræ singularis quædam atque austerio conversatio? nisi forte omnia opera nostra facimus, ut videamur [*al. videantur*] ab hominibus. Sed dicit Christus: Amen dico vobis, receperunt mercedem suam (*Matth. vi, 5*). Nonne si in hac vita tantum in Christo sperantes sumus, miserabiliores sumus omnibus hominibus? (*I Cor. xv, 19.*) An vero non in hac vita tantum in Christo speramus, si de Christi servitio temporalem tantum gloriam quaerimus?

2. Miser ergo homuncio qui tanto labore et industria studeo non esse, vel potius videri sicut ceteri hominum; minus tamen accepturus, imo gravius cruciandus, quam quilibet hominum. Siccine ergo non inveniebatur nobis via, ut ita dicam, utenque tolerabilior ad infernum? Si ita necesse erat, ut illo descenderemus; cur saltem illam, qua multi incedunt, viam scilicet latam, quæ ducit ad mortem, non elegimus, quatenus vel de gaudio, et non de luctu, ad luctum transiremus? O quam felicius est illis, quorum non est respectus morti eorum, et firmamentum in plaga eorum, qui in labore hominum non sunt, et cum hominibus non flagellantur! qui etsi peccatores, ac pro gaudiis temporalibus, perpetuis cruciatibus addicti, saltem abundantes in seculo obtinuerunt divitias (*Psalm. lxxii, 4, 5, 12*). Væ portantibus crucem, non sicut Salvator suam, sed sicut ille Cyrenæus, alienam (*Matth. xxvii, 32*). Væ Citharædis citharizantibus, non ut illi de Apocalypsi, in citharis suis (*Apoc. xiv, 2*), sed vere, ut hypocritæ, in alienis. Væ semel, et væ iterum pauperibus superbis. Væ, inquam, semel, et væ iterum, portantibus crucem Christi, et non sequentibus Christum: qui nimirum cujus passionibus participant, humilitatem sectari negligunt.

3. Duplici quippe contritione conteruntur qui 528 huiusmodi sunt, quando et hic pro temporali gloria temporaliter se affligunt, et in futuro pro interna superbia

ad æterna supplicia pertrahuntur. Laborant cum Christo, sed cum Christo non regnant: sequuntur Christum in paupertate sua, sed in gloria non consequuntur: de torrente in via bibunt, sed non exaltabunt caput in patria: lugent nunc, sed tunc non consolabuntur. Et merito: quid enim facit superbia sub pannis humilitatis Jesu? nunquid non habet quo se palliet humana malitia, nisi unde involuta est infantia Salvatoris? Et quomodo intra præsepium Domini simulatrix arrogantia se coarctat, ac pro vagitibus innocentie, malum inibi detractionis immurmurat? Annon illi superbissimi de Psalmo, quorum prodiiit ex adipe iniquitas eorum, multo tutius aperti sunt iniquitate et impietate sua (*Psalm. lxxiii, 6, 5*), quam nos latemus sub sanctitate aliena? Quis enim magis impius, an profitens impietatem, an mentiens sanctitatem? Nonne is qui etiam mendacium addere, geminat impietatem? Et quid dicam? Vereor ne forte et ego suspectus habear, non quidem vobis, pater, non vobis, cui utique notum me novi, quantum in hac caligine homo homini innotescere potest; et specialiter de hac re scio vos non ignorare quid sentiam. Sed propter illos, qui me nec ita ut vos cognoverunt, nec sicut vobis hinc loqui soleo, loquentem audierunt, scribo vobis (quod et frequenter audistis), ut quoniam ego per singulos ire, et singulis satisfacere nequeo, ex me habeatis, unde quod de me certissime scitis; eis pro me verissime persuadeatis. Neque enim timeo omnium oculis scribere, quicquid de hac re vobis in aure locutus sum.

## CAPUT II.

*Purgat se S. Bernardus, et Ordinem Cluniacensem commendat*

4. Quis unquam me adversus Ordinem illum vel coram auditit disputantem, vel clam susurrantem? Quem unquam de Ordine illo nisi cum gaudio vidi, nisi cum honore suscepti, nisi cum reverentia allocutus, nisi cum humilitate adhortatus sum? Dixi, et dico: Modus quidem vitæ est sanctus, honestus, castitate decorus, discretionis præcipuus, a patribus institutus, a Spiritu sancto præordinatus, animabus salvandis non mediocriter idoneus. Egone vel damno, vel despicio, quem sic predico? Memini me aliquando in aliquibus ejusdem Ordinis monasteriis hospitio susceptum fuisse: reddat Dominus servis suis humanitatem, quam infirmanti mihi ultra etiam quam necesse fuit, exhibuerunt; et honorem, quo me plus quoque quam dignus fui, dignati sunt. Ipsorum me commendavi orationibus, interfui collationibus: sæpe et de Scripturis, et salute animarum habui sermonem cum multis, et publice in capitulis, et privatim in cameris. Quem unquam vel clam, vel palam aut ab illo Ordine dissuadere, aut ad nostrum ut veniret persuadere tentavi? An non potius multos cupientes venire repressi, venientes et pulsantes repuli? Annon fratrem Nicolaum



ad Sanctum-Nicolaum (114), et vobis duos de vestris, vobis teste, remis? Sed et duobus quibusdam ejusdem Ordinis abbatibus (115), quorum ne nomina prodam, ipsi eos optime nostis, et nihilominus quam amica mihi familiaritate jungantur, scitis: numquid non tamen ad alium Ordinem (quod et vos non latuit) migrare desiderantibus, janjamque deliberantibus, nostrum eis dissuasorium consilium obviavit, ac ne suas desererent cathedras effecit? Cur igitur Ordinem damnare putor, vel dicor, cui amicos meos deservire suadeo, cui suos ad nos venientes monachos reddo, de quo et mihi orationes tam sollicito requiro, tam devote suscipio

### 529 CAPUT III.

*Varietatem religiosorum Ordinum nondeovere præjudicare vinculo charitatis.*

5. An forte quia juxta alium Ordinem conversari videor, propterea suspectus hinc habeor? Sed eadem ratione et vos nostro derogatis, quicunque aliter vivitis. Ergo et continentes, et conjuges invicem se damnare putentur, quod suis quique legibus in Ecclesia convertentur. Monachi quoque ac regulares clerici sibi invicem derogare dicantur, quia propriis ab invicem observantiis separantur. Sed et Noe, et Daniele, et Job in uno se regno pati non posse suspicemur, ad quod utique non eos uno tramite justitiæ cognovimus pervenisse. Mariam denique et Martham necesse sit aut utramque, aut alteram Salvatori displicere, cui nimirum tam dissimili studio devotionis contendunt ambæ placere. Et hac ratione in tota Ecclesia (quæ utique tam pluribus, tamque dissimilibus variatur ordinibus, utpote regina quæ in Psalmo legitur *circumamicta varietatibus* [Psal. xlv, 10]), nulla pax, nulla prorsus concordia esse putabitur. Quæ etenim secunda quies, quis tutus in ea status invenietur, si unusquilibet homo unum quemlibet Ordinem eligens, alios aliter viventes aut ipse aspernetur, aut se ab ipsis sperni suscipiat, præsertim cum tenere impossibile sit vel unum hominem omnes Ordines, vel unum Ordinem omnes homines? Non sum tam hebes, ut non agnoscam tunicam Joseph, non illius qui liberavit Ægyptum, sed qui salvavit mundum, et hoc non a fame corporis, sed a morte simul animæ et corporis. Notissima quippe est, quia polymita, id est pulcherrima varietate distincta; sed et sanguine apparet intincta, non quidem hedi, qui peccatum significat, sed agni, qui designat innocentiam, hoc est suo ipsius, non alieno. Ipse est profecto Agnus mansuetissimus, qui coram non quidem tondente, sed occidente se obmetit; qui peccatum non fecit, sed abstulit peccata mundi. Miserunt autem qui dicerent ad Jacob: *Hanc invenimus; vide utrum tunica filii tui sit, an non* (Gen. xxxvii, 32). Vide et tu, Domine, utrum hæc sit tunica

A dilecti Filii tui. Recognosce, omnipotens Pater, eam quam fecisti Christo filio tuo polymitam, dando quidem quosdam apostolos, quosdam autem prophetas, alios vero evangelistas, alios pastores et doctores, et cætera quæ in ejus ornatu mirifico decenter apposuisti, ad consummationem utique sanctorum, occurrentium in virum perfectum, in mensuram ætatis plenitudinis Christi (Ephes. iv, 11-13). Dignare etiam, Deus, pretiosissimi purpuram sanguinis quo aspersa est, recognoscere, et in purpura præclarum insigne ac gloriosissimum indicium obedientiæ. Quare ergo, inquit, *rubrum est vestimentum tuum? Torcular, ait, calcavi solus, et de gentibus non est vir mecum* (Isa. lxxv, 2, 3).

B 6. Itaque quandoquidem factus est obediens Patri usque ad torcular crucis, quod utique solus calcavit: solum quippe brachium suum auxiliatum est ei, juxta illud in alio loco: *Singulariter sum ego, donec transeam* (Psal. cxi, 10). Jam ergo exalta eum, Deus, et da ei nomen quod est super omne nomen, ut in nomine Jesu omne genu flectatur cælestium, terrestrium et infernorum (Philipp. ii, 9, 10). Ascendat in altum, captivam ducat captivitatem, donet dona hominibus (Ephes. iv, 8). Quæ dona? Relinquit videlicet sponsæ suæ Ecclesiæ pignus hereditatis, ipsam tunicam suam: tunicam scilicet polymitam, eandemque inconsutilem, et desuper contextam per totum; sed polymitam ob multorum Ordinum, qui in ea sunt, multimodam distinctionem: inconsutilem vero propter indissolubilis charitatis individuam unitatem. Quis me, inquit, *separabit a charitate Christi?* (Rom. viii, 35.) Audi quomodo polymitam: *Divisiones, ait, gratiarum sunt, idem autem Spiritus; et divisiones operationum sunt, idem vero Dominus.* Deinde diversis enumeratis charismatibus, tanquam variis tunicæ coloribus, quibus constet eam esse polymitam, ut ostendat etiam esse inconsutilem, et desuper contextam per totum, adjungit: *Hæc autem operatur* 530 *unus atque idem Spiritus, dividens singulis prout vult* (I Cor. xii, 4, 5). Charitas quippe diffusa est in cordibus nostris per Spiritum sanctum qui datus est nobis (Rom. v, 5). Non ergo dividatur, sed totam et integram hereditario jure sortitur Ecclesia, quia et de illa scriptum est: *Astitit regina a dextris tuis in vestitu deaurato, circumdata varietate* (Psal. xlv, 10). Itaque diversi diversa accipientes dona, alius quidem sic, alius vero sie; sive Cluniacenses, sive Cistercienses, sive clerici regulares, sive etiam laici fideles, omnis denique Ordo, omnis lingua, omnis sexus, omnis ætas, omnis conditio, in omni loco, per omne tempus, a primo homine usque ad novissimum. Nam et propter hoc talis dicta est, quod ad finem usque pertingat, dicente propheta, *Non est qui se abscondat a calore ejus* (Psal. xviii, 7): nimirum congruens ei cui et

(114) Monasterium Sancti-Nicolai de Bosco, diocesis Laudunensis, cujus monachus Nicolaus, de qua epistola 84.

(115) Unus ex his duobus erat Guillelmus ipse, ex Bernardi epistola 86.

facta est, qui, perhibente videlicet alia Scriptura, **A** et ipse attingit a fine usque ad finem fortiter, et disponit omnia suaviter (Sap. viii, 1).

## CAPUT IV.

*Se ceteros omnes Ordines charitate, unum professione tenere.*

7. Omnes ergo concurramus pariter in unam tunicam, et ex omnibus constet una. Ex omnibus, inquam, una. Nam etsi ex pluribus et diversis, una est tamen columba mea, formosa mea, perfecta mea (Cantic. vi, 8). Alioquin nec ego solus, nec tu sine me, nec ille sine utroque: sed simul omnes sumus illa una, si tamen solliciti sumus servare unitatem spiritus in vinculo pacis. Non, inquam, tantum Ordo noster, aut solus vester, ad illam pertinet unam, sed noster simul et vester: nisi forte (quod absit!) invicem invidentes, invicem provocantes, invicem mordeamus, et ab invicem consumamur (Galat. v, 15); et sic non possit nos Apostolus uni illi viro, cui respondit, virginem castam exhibere Christo (II Cor. xi, 2). Verumtamen illa una dicit in Canticis, *Ordinavit in me charitatem* (Cantic. ii, 4): ut etsi una in charitate, divisa tamen sit ordinatione. Quid ergo? Cisterciensis sum: damno igitur Cluniacenses? Absit! sed diligo, sed prædico, sed magnifico. Cur ergo, inquis, Ordinem illum non tenes, si sic laudas? Audi. Propter hoc quod Apostolus ait: *Unusquisque in ea vocatione, in qua vocatus est, permaneat* (I Cor. vii, 20). Quod si quæris, cur et a principio non elegerim, si talem sciebam? respondeo: Propter id quod rursum ait Apostolus: *Omnia mihi licent, sed non omnia expediunt* (I Cor. x, 22). Non quod scilicet Ordo sanctus et justus non sit: sed quia ego carnalis eram, venundatus sub peccato (Rom. vii, 14); et talem animæ meæ languorem sentiebam, cui fortior esset potio necessaria. Et diversis morbis diversa conveniant medicamenta, et fortioribus fortiora. Fac duos homines febribus anxiosi, quartanis unum, alterum tertianis. Commendet autem qui quartanis laborat, tertiano aquam, pyra, et frigida quæque sumenda: cum tamen ab his ipse abstineat, vinumque et cætera calida, utpote sibi congruentia, summat. Quis, rogo, hinc eum recte reprehendat? Si diceret ille, Cur tu aquam non bibis, quam ita laudas? annon recte responderet: Et tibi eam fideliter tribuo, et mihi salubriter subtraho?

8. Denique requiratur [al. requiris] a me etiam, cur cum omnes Ordines laudem, omnes non teneo! Laudo enim omnes et diligo, ubicunque pie et juste vivitur in Ecclesia. Unum opere teneo, ceteros charitate. Faciet autem charitas (fidenter loquor) ut ne illorum quidem fructu frauder, quorum instituta non sequor. Plus aliquid dicam. Tu tibi caute age. Potest namque fieri quia frustra tu laboraveris: ut autem ego frustra diligam bonum quod operaris, fieri omnino non potest. O quanta fiducia charitatis! Alius operatur non amans, et alius amat nihil operans. Ille quidem suum opus perdit, illius vero charitas nunquam excidit. Et quid mirum, si in

hoc exsilio, peregrinante adhuc Ecclesia, quædam hujuscemodi sit pluralis, ut ita dixerim, unitas, unaque pluralitas: cum in illa quoque patria, quando jam ipsa regnabit, nihilominus forte talis aliqua dispar quodammodo æqualitas futura sit? Inde etenim scriptum est: *In domo Patris mei mansiones 531 multæ sunt* (Joan. xiv, 2). Sicut itaque illic multæ mansiones in una domo; ita hic multi ordines sunt in Ecclesia una: et quomodo hic divisiones gratiarum sunt, idem autem Spiritus (I Cor. xii, 4); ita ibi distinctiones quidem gloriarum, sed una domus. Porro unitas tam hic quam ibi, consistit in una charitate; diversitas autem hic quidem in ordinum vel operationum multifaria divisione: illie vero in quadam meritorum notissima, sed et ordinatissima distinctione. Intelligens denique Ecclesia hanc suam quodammodo discordem concordiam, concordemve discordiam: *Deduxit me*, inquit, *super semitas justitiæ propter nomen suum* (Psal. xlii, 3). Ponens quippe semitas pluraliter, et justitiæ singulariter; nec diversitatem prætermisit operationum, nec unitatem operantium. Prævidens quoque et illam in cœlestibus discretam unitatem futuram, devotissime leta decantat: *Plateæ tuæ, Jerusalem, sternerent auro mundo, et per omnes vicos tuos Alleluia cantabitur* (Tob. xiii, 22). Audiens enim plateas et vicos, coronas et glorias diversas intellige. In auro, quo uno metallo illa civitas ornata describitur, et in uno Alleluia, quod cantandum perhibetur, dissimilium specierum similem pulchritudinem, et multarum mentium unam devotionem attende.

9. Non igitur una tantum semita inceditur, quia nec una est mansio quo tenditur. Viderit autem quisque quacumque incedat, ne pro diversitate semitarum ab una justitia recedat: quoniam ad quamlibet mansionem sua quisque semita pervenerit, ab una domo Patris exors non erit. Verumtamen ut stella ab stella differt in claritate; sic erit, ait, et resurrectio mortuorum (I Cor. xv, 41, 42). Nam etsi fulgebunt justi sicut sol in regno Patris eorum: alii tamen aliis amplius, pro diversitate meritorum. Quæ sane merita sciendum non sic in hoc sæculo, ut in illo, facile ab homine posse discerni: quippe cum hic tantum opera videantur, illie etiam corda nihil impediatur intueri. Siquidem radiante ubique Sole justitiæ, tunc manifesta erunt abscondita cordium (I Cor. iv, 5); et sicut non est nunc qui se abscondat a calore ejus (Psal. xviii, 7), ita tunc non erit qui se occultet a splendore ipsius. Et de operibus quidem sæpe incerta, et ob hoc periculosa sententia fertur, cum multoties minus justitiæ habeant, qui magis operantur.

## CAPUT V.

*Religiosos aliorum Ordinum æmulos et obrectatores acri stylo aggreditur.*

10. Unde nunc mihi conveniendi sunt quidam de Ordine nostro, qui contra illam sententiam, *Nolite ante tempus judicare, quoadusque veniat Dominus,*

qui e  
festab  
bus d  
lentes  
quos  
nostri  
quippe  
quent  
nis; i  
nullus  
x, 22)  
audita  
rabola  
præs  
tur) s  
sancti  
vere,  
sors.

11.  
mino  
super  
stro p  
suo qu  
curios  
mini,  
Evang  
lum, a  
gula  
quin  
Audite  
Ordini  
trabem  
oculo  
ben?

qua te  
sime ti  
trabem  
ago tib  
injusti  
ergo,  
sæc fe  
ter ali  
zalmim  
egnum  
in Psal  
tuam c  
detract  
Et quic  
tendus  
aliena  
scrutar

Arguit

12.  
pellicia

(116)  
usum a  
apud C

qui et illuminabit abscondita tenebrarum, et manifestabit consilia cordium (I Cor. iv, 5); aliis Ordinibus derogare dicuntur, et suam justitiam solam volentes constituere, justitiæ Dei non sunt subjecti: quos profecto (si qui tamen hujusmodi sunt) nec nostri, nec cujuscumque esse Ordinis verius dixerim; quippe qui etsi ordinate viventes, superbe tamen loquentes, cives se faciunt Babylonis, id est confusione; imo filios tenebrarum, ipsiusque gehennæ, ubi nullus ordo, sed sempiternus horror inhabitat (Job. x, 22). Vobis ergo, inquam, fratres, qui etiam post auditam illam Domini de Phariseo et Publicano parabolam, de vestra justitia [al. de vestro instituto] præsumentes, cæteros aspernamini, dicitis (ut dicitur) sclos vos hominum esse justos, aut omnibus sanctorum; solos vos monachorum regulariter vivere, cæteros vero Regulæ potius existere transgressores.

11. Primo quid ad vos de alienis servis? Suo domino stant, aut cadunt. Quis vos constituit iudices super eos? Deinde si ita, ut dicitur, de Ordine vestro præsumitis; qualis ordo est, ut antequam de suo quisque trabem ejiciat, in fratrum oculis tam curiose festucas perquirat? Qui in Regula gloriimini, cur contra Regulam detrachitis? cur contra Evangelium, ante tempus, 532 et contra Apostolum, alienos servos judicatis? (Rom. xiv, 4.) An Regula non concordat Evangelio vel Apostolo? alioquin Regula jam non est regula, quia non recta. Audite, et discite ordinem, qui contra ordinem aliis Ordinibus derogatis. Hypocrita, inquit, ejice primum trabem de oculo tuo, et sic videbis ejicere festucam de oculo fratris tui (Matth. vii, 3-5). Quæris quam trabem? annon grandis et grossa trabes est superbia, qua te putans esse aliquid, cum nihil sis, insanis sine tibi tanquam sanus exsultas, et aliis vanissime, trabem portans, de festucis insultas? Gratias, inquis, ago tibi, Deus, quia non sum sicut cæteri hominum, injusti, raptores, adulteri (Luc. xviii, 21): sequere ergo, et dic, Detractores. Neque enim minima est hæc festuca inter cæteras. Quare cum tam diligenter alias enumeres, istam taces? Si pro nulla vel minima habes, audi Apostolum: Neque maledici, ait, regnum Dei possidebunt (I Cor. vi, 10). Audi et Deum in Psalmo comminantem: Arguam te, inquit, et statueram contra faciem tuam (Psal. xlii, 21). Quod quia detractori loquatur, certum est ex præcedentibus. Et quidem juste ad se retorquendus, et se compellendus est intueri, qui avertens faciem suam a se, aliena potius mala, quam sua solet curiosius perscrutari.

#### CAPUT VI.

Arguit temere judicantes, et calumniantes motum vivendi Cluniacensium.

12. At, inquiunt, quomodo Regulam tenent, qui pellicis induuntur; sani carnibus, seu carniū pin-

(116) Pinguedinis seu adipis ex carnibus eliciti usum ad legumina condienda, qualibet die quondam apud Cluniacenses adhiberi solitum, temperavit

A gnedine vescuntur (116); tria vel quatuor pulmentaria una die quod Regula prohibet (Reg. S. Benedicti, cap. 39) admittunt; opus manuum, quod jubet (Ibid., cap. 48), non faciunt: multa denique pro libitu suo vel mutant, vel augent, vel minuunt? Recte. Non possunt hæc negari. Sed attendite in regulam Dei, cui utique non dissonat institutio sancti Benedicti. Regnum Dei, inquit, intra vos est (Luc. xvii, 21), hoc est, non exterius in vestimentis aut alimentis corporis, sed in virtutibus interioris hominis. Unde Apostolus, Regnum Dei non est esca et potus, sed justitia, et pax, et gaudium in Spiritu sancto (Rom. xiv, 17): et rursus, Regnum Dei non est in sermone, sed in virtute (I Cor. iv, 20). De corporalibus itaque observantiis fratribus calumniam struitis; et quæ majora sunt regulæ, spiritualia scilicet instituta, relinquitis, camelumque glutientes, culicem liquatis? Magna abuso! Maxima cura est, ut corpus regulariter induatur, et contra regulam suis vestibus anima nuda deseritur. Cum tanto studio et tunica, et cuculla corpori procurantur, quatenus qui deerunt, monachus non putetur: cur similiter spiritui pietas et humilitas, quæ profecto spiritualia indumenta sunt, non providentur? Tunicati et elati abhorremus pellicias! tanquam non melior sit pellibus involuta humilitas, quam tunicata superbia: præsertim cum et Deus tunicas pelliceas primis hominibus fecerit (Gen. iii, 21); et Joannes in eremo zona pellicea lumbos accinxerit (Matth. iii, 4); et ipse tunicarum institutor in solitudine, non tunicis, sed pellibus sese induerit. Repleti deinde ventrem faba, mentem superbia, cibis damnatus saginatus! quasi non melius sit exiguo sagimine ad usum vesci, quam ventoso legumine usque ad ructum exsaturari: præcipue cum et Esau non de carne, sed de lente sit reprehensus (Hebr. xii, 16); et de ligno Adam, non de carne damnatus (Gen. iii, 17); et Jonathas ex gustu mellis, non carnis, morti adjudicatus (I Reg. xiv, 29): econtra vero Elias innoxie carnem comederit (III Reg. xvii, 6); Abraham gratissime carnibus Angelos paverit (Gen. xviii, 7), et de ipsis sua fieri sacrificia Deus præceperit (Exod. xxix, 1). Sed et satius est modico vino uti propter infirmitatem, quam multa aqua ingurgitari per aviditatem: quia et Paulus Timotheo modico utendum vino consuluit (I Tim. v, 23); et Dominus ipse bibit, ita ut vini potator appellatus sit (Matth. xi, 19); Apostolis quoque bibendum dedit; insuper et ex eo Sacramenta sui sanguinis condidit (Id. xxvi, 27): cum econtra aquam ad nuptias bibi non passus sit (Joan. ii, 5-9), et ad aquas contradictionis 533 populi murmur terribiliter castigaverit (Num. xx); David quoque aquam, quam desideraverat, potare timuerit (II Reg. xxiii, 16); virique illi Gedeonis, qui præ aviditate toto corpore prostrato de flumine biberunt, digni ad prælium ire non fuerint (Judic. vii, 5-7).

Petrus Venerabilis, interdicendo illum in feriis sextis statuto 10, et qualibet die Adventus, præter Dominicam primam statuto 15.



Jam vero de labore manuum quid gloriamini, cum et Martha laborans increpata, et Maria quiescens laudata sit (*Luc. x, 41, 42*); et Paulus aperte dicat: *Labor corporis ad modicum valet, pietas autem ad omnia*? (*I Tim. iv, 8.*) Optimus labor, de quo propheta dicebat: *Laboravi in gemitu meo* (*Psal. vi, 7*): et de quo alibi, *Memor sui Dei, et delectatus sum, et exercitatus sum*. Ac ne corporale intelligas exercitium, *Et defecit, inquit, spiritus meus* (*Psal. lxxvi, 4*). Ubi autem non corpus, sed spiritus fatigatur, spiritualis procul dubio labor intelligitur.

## CAPUT VII.

*Spiritualis exercitatio fructuosior corporali.*

13. Quid ergo, inquis? Sicne illa spiritualia persuades, ut etiam hæc, quæ ex Regula habemus, corporalia damnes? Nequaquam: sed illa oportet agere, et ista non omittere. Alioquin cum aut ista omitti necesse est, aut illa; ista potius omittenda sunt; quam illa. Quanto enim spiritus corpore melior est, tanto spiritualis quam corporalis exercitatio fructuosior. Tu ergo cum de horum observatione elatus, aliis eadem non observantibus derogas, nonne te magis transgressorem Regule indicas, cujus licet minima quedam tenens, meliora devitas, de quibus Paulus: *Æmulamini, ait, charismata meliora*? (*I Cor. xii, 31a*) Detrahendo quippe fratribus, in quo temetipsum extollis, perdis humilitatem; in quo alios deprimis, charitatem: quæ sunt procul dubio charismata meliora. Tu tuum corpus multis et nimis laboribus atteris, ac regularibus asperitatibus mortificas membra tua quæ sunt super terram. Bene facis. Sed quid si ille quem similiter non laborantem dijudicas, modicum quidem habeat de hac, quæ ad modicum est utilis, corporali videlicet exercitatione; amplius autem quam tu de illa, quæ ad omnia valet, id est pietate? Quis, quæso, vestrum Regulam melius tenet? Annon melius qui melior? Quis vero melior, humilior an fatigatior? Annon is qui a Domino dicitur mitis esse et humilis corde (*Matth. xi, 29*), qui et cum Maria optimam partem elegit, quæ non auferetur ab eo? (*Luc. x, 42.*)

14. Quod si Regulam ab omnibus qui eam professi sunt, sic ad litteram tenendam censes, ut nullam omnino dispensationem admitti patiaris, audacter dico, nec tu eam, nec ille tenetis. Nam etsi ille quantum quidem pertinet ad observationes corporales, in pluribus offendit, impossibile est tamen te quoque vel in uno non transgredi. Scis autem quia in uno offendit, omnium est reus. Sin vero concedas aliqua posse mutari dispensatorie, procul dubio et tu illam tenes, et ille, quamquam dissimiliter: nam tu quidem districtius, at ille fortasse discretius. Neque hoc dico, quia hæc exteriora negligenda sint; aut qui se in illis non exercuerit, mox ideo spiritualis efficiatur: cum potius spiritualia (quamquam meliora) nisi per ista, aut vix, aut nullatenus vel acquirantur, vel obtineantur, sicut scriptum est, *Non prius quod spirituale, sed quod animale; deinde quod spirituale* (*I Cor. xv, 46*).

Sicut nec Jacob, nisi prius cognita Lia, desideratos Rachelis amplexus meruit obtinere. Unde rursus in psalmo, *Sumite psalmum, et date tympanum* (*Psal. lxxx, 3*): quod est dicere, Sumite spiritualia, sed prius date corporalia. Optimus autem ille, qui discrete et congrue et hæc operatur, et illa.

15. Jam vero epistola, ut epistola remaneat, finienda erat, quandoquidem et nostros (de quibus, pater, conquestus estis, quod Ordini vestro detraberent) satis, quantum potui, stylo corripui; et me quoque ab huiusmodi falsa suspitione purgavi, ut debui. Sed quoniam dum nostris minime parco, nonnullis de vestris nimium, in quibus non decet, videor assentire; pauca quæ et vobis displicere cognovi, et omnibus bonis vitanda esse non dubito, necessarium reor subungere: 534 quæ quidem etsi fieri videntur in Ordine, absit tamen ut sint de Ordine! Nullus quippe ordo quidpiam recipit inordinatum: quod vero inordinatum est, ordo non est. Unde non adversum Ordinem, sed pro Ordine disputare putandum ero, si non Ordinem in hominibus, sed hominum vitia reprehendo. Et quidem diligentibus Ordinem in hac re molestum me fore non timeo: quinimo gratum procul dubio accepturi sunt, si persequimur quod et ipsi oderunt. Si quibus vero displicuerit, ipsi se manifestant, quia Ordinem non diligunt, cujus utique corruptionem, id est vitia, damnari nolunt. Ipsi itaque illud Gregorianum respondeo: « Melius est » ut scandalum oriatur, quam veritas relinquatur. » (*Homil. 7 in Ezech.*)

## CAPUT VIII.

*Cluniacensium vitia, virtutum nomine palliata, perstringit.*

16. Dicitur, et veraciter creditur, sanctos patres illam vitam instituisse; et ut in ea plures salvarentur, usque ad infirmos Regule temperasse rigorem, non Regulam destruxisse. Absit autem ut credam, tantas eos, quantas video in plerisque monasteriis, vanitates ac superfluitates præcepisse, vel concessisse. Miror etenim unde inter monachos tanta intemperantia in comensationibus et potationibus, in vestimentis et lectisterniis, et equitaturis, et construendis ædificiis inolescere potuit: quatenus ubi hæc studiosius, voluptuosius, atque effusius fiunt, ibi ordo melius teneri dicatur, ibi major putetur religio. Ecce enim pareitas putatur avaritia; sobrietas austeritas creditur, silentium tristitia reputatur. Contra remissio discretio dicitur; effusio, liberalitas; loquacitas, affabilitas; cachinnatio, jucunditas; molities vestimentorum et eorum fastus, honestas; lectorum superfluous cultus, munditia. Cumque hæc alterutrum impendimus, charitas appellatur. Ista charitas destruit charitatem, hæc discretio discretionem confundit. Talis misericordia crudelitate plena est, qua videlicet ita corpori servitur, ut anima juguletur. Quæ etenim charitas est, carnem diligere, et spiritum negligere? quæve discretio totum dare corpori, et animæ nihil? qualis vero misericordia, ancillam reficere, et dominam interficere? Ne-

mo pro huiusmodi misericordia speret se consequi misericordiam, quæ misericordibus promittitur in Evangelio, Veritatis ore dicentis, *Beati misericordes quoniam ipsi misericordiam consequentur* (Matth. v, 7) : sed certissime potius pœnam exspectet, quam tali, ut ita dicam, impio misericordi sanctus Job magis prophetizando, quam affectando imprecatur, *Non sit, inquam, in recordatione, sed conteratur quasi lignum infructuosum*. Dignæ plane retributionis causam mox subinfert satis idoneam, dicens : *Pavit enim sterilem, et quæ non parit, et viduæ non benefecit* (Job xlii, 20, 21).

17. Inordinata profecto atque irrationabilis misericordia est, sterilis et infructuosæ carnis (quæ juxta Domini verbum non prodest quidquam [Joan. vi, 64], et secundum Apostolum regnum Dei non possidebit [I Cor. xv, 50]) adimplendis invigilare desideriis, et de animæ cura Sapientis saluberrimum non curare consilium, admonentis atque dicentis : *Miserere animæ tuæ placens Deo* (Eccli. xxx, 24). Bona misericordia, misereri animæ tuæ; nec potest non mereri misericordiam, qua fit ut placeas Deo. Alias autem non est misericordia, sicut jam dixi, sed crudelitas; non est charitas, sed iniquitas; non discretio, sed confusio, sterilem quæ non parit pascere, id est, inutilis carnis concupiscentiis inservire; et viduæ nil boni facere, animæ videlicet excolendis virtutibus nullam operam dare. Quæ utique, licet Sponso interim sit viduata cœlesti, sensus tamen de Spiritu sancto concipere et parere non desinit immortales; qui videlicet incorruptibilis cœlestisque hæreditatis valeant esse capaces, sed si pium habeant studiosumque cultorem.

18. Sub hac tamen abusione jam fere ubique sic pro ordine tenentur, fere jam ita ab omnibus sine querela **535** atque irreprehensibiliter observantur; quanquam dissimiliter. Nonnulli quippe his omnibus tanquam non utiles utuntur; et ideo aut cum nulla offensa, aut cum minima. Aliquantum quippe hæc agunt ex simplicitate, aliquanti ex charitate, aliquanti ex necessitate. Quidam namque simpliciter ista tenent, quoniam sic eis præcipitur; parati aliter agere, si aliter præciperetur. Quidam autem ne discorditer vivant ab eis cum quibus habitant; sectantes in his, non suam libidinem, sed aliorum pacem. Alii vero, quia resistere non valent multitudini contradicentium, qui hæc utique tanquam pro Ordine libera voce defendunt; et quoties isti aliqua, prout ratio dicat, restringere vel mutare incipiunt illi, mox tota eis auctoritate resistunt.

#### CAPUT IX.

*Eorumdem intemperantiam comparat cum antiquorum monachorum parcimonia.*

19. Quis in principio, cum Ordo cœpit monasticus, ad tantam crederet monachos inertiam devenire? O quantum distamus ab his qui in diebus Antonii exsistite monachi! Siquidem illi cum se invicem per tempus ex charitate reviserent, tanta ab invicem aviditate panem animarum percipiebant, ut corpo-

ris cibum penitus oblit, diem plerumque totum jejunis ventribus, sed non mentibus transigerent. Et hic erat rectus ordo, quando digniori parti prius inserviebatur: hæc summa discretio, cum amplius sumebat quæ major erat: hæc denique vera charitas, ubi animæ, quarum charitate Christus mortuus est, tanta sollicitudine refocillabantur. *Nobis autem convenientibus in unum, ut verbis Apostoli utar, jam non est dominicam cœnam manducare* (I Cor. xi, 20). Panem quippe cœlestem nemo est qui requirat, nemo qui tribuat. Nihil de Scripturis, nihil de salute agitur animarum; sed nugæ, et risus, et verba proferuntur in ventum. Inter prandendum quantum fauces dapibus, tantum aures pascuntur rumoribus: quibus totus intentus, modum nescias in edendo.

20. Interim autem fercula ferculis apponuntur: et pro solis carnibus, a quibus abstinetur, grandia piscium corpora duplicantur. Cumque prioribus fueris satius, si secundos attigeris, videberis tibi necdum gustasse priores [at. pisces]. Tanta quippe accurate et arte coquorum cuncta apparantur, quatenus quatuor aut quinque ferculis devoratis, prima non impediunt novissima, nec satietas minuat appetitum. Palatum quippe, dum novellis seducitur condimentis, paulatim dissuescere cognita, et ad succos extraneos, veluti adhuc jejunum, avide renovatur in desiderio. Venter quidem, dum nescit [at. vescitur], oneratur, sed varietas tollit fastidium. Quia enim puras, ut eas natura creavit, epulas fastidimus, dum aliæ aliis multifarie permiscuntur, et spretis naturalibus, quos Deus indidit rebus, quibusdam a luteriis gula provocatur saporibus; transitur nimirum meta necessitatis, sed necdum delectatio superatur. Quis enim dicere sufficit, quot modis (ut cætera taceam) sola ova versantur et vexantur, quanto studio evertuntur, subvertuntur, liquantur, durantur, diminuantur; et nunc quidem frigida, nunc assa, nunc farsa, nunc mistim, nunc singillatim apponuntur? Ut quid autem hæc omnia, nisi ut soli fastidio consulatur? Ipsa deinde qualitas rerum talis deforis apparere curatur, ut non minus aspectus, quam gustus delectetur: et cum jam stomachus crebris ructibus repletum se indicet, necdum tamen curiositas satiat. Sed dum oculi coloribus, palatum saporibus illiciuntur, infelix stomachus, cui nec colores lucent, nec sapes demulcent, dum omnia nescipere cogitur, oppressus magis obruitur quam reficitur.

21. Jam vero de aquæ potu quid dicam, quando ne **536** ullo quidem pacto vinum aquatum admittitur? Omnes nimirum, ex quo monachi sumus, infirmos stomachos habemus, et tam necessarium Apostoli de utendo vino consilium merito non negligimus, modico tamen, quod ille præmisit (I Tim. v, 23), nescio cur prætermisso. Et utinam vel solo, cum etiam purum est, contenti essemus! Pudet dicere, sed magis pudeat actitari; et, si pudet audiri, non pudeat emendari. Videas uno in prandio ter, vel quater, semiplenum calicem reportari: quatenus diversis vinis inagis odoratis, quam potatis, nec tam

haustis quam attactis, sagaci probatione et celeri cognitione unum tandem e pluribus, quod fortius sit, eligatur. Quale est autem illud, quod nonnulla monasteria ex more observare dicuntur, in magnis videlicet festis vina delibuta melle, pigmentorum respersa pulveribus (117), in conventu bihere? Nunquid et hoc fieri dicemus propter infirmitatem stomachi? Ego vero ad nihil aliud valere video, nisi ut vel amplius bibatur, vel delectabilius. Sed cum venæ fuerint vino ingurgitate, toto in capite palpitantes, sic surgenti a mensa quid aliud libet, nisi dormire? Si autem ad vigilias surgere indigestum cogis, non tantum, sed planctum potius extorquebis.

22. Cum vero ad lectum devenero, requisitus incommodum plango, non crapula peccatum, sed quod manducare non queo. Ridiculum vero (si tamen verum est) quod relatum est mihi a pluribus, qui hoc se pro certo scire dicebant, reticendum esse non arbitror. Aiunt enim incolumes ac validos juvenes conventum solere deserere, in domo se infirmorum, qui non sunt infirmi, collocare; carniū esu (qui vix ægrotis duntaxat, et omnino debilibus ex Regule discretionē pro virium reparatione conceditur [Reg. S. Benedicti, capp. 31, 39]) non quidem corporis infirmantis ruinas rescire pro incommodo, sed carnis luxuriantis curam pericere in desiderio (118). Rogo, quæ est hæc securitas, inter frendentium undique hostium fulgurantes hastas et circumvolantia spicula, tanquam finito jam bello et triumphato adversario, projicere arma, et aut prandii incubare longioribus, aut nudum molli volutari in lectulo? Quid hoc ignaviæ est, o boni milites? Sociis in sanguine et cæde versantibus, vos aut cibos diligitis delicatos, aut somnos capituli matutinos? Aliis, inquam, nocte et die cura pervigili festinantibus redimere tempus, quoniam dies mali sunt; vos e contrario et longas noctes dormitando consumitis, et dies fabulando ducitis otiosos? An dicitis, Pax, et non est pax? cur vel non verecundamini ad exprobrationem apostolicæ indignationis? *Nondum enim, ait, restitistis usque ad sanguinem* (Hebr. xii, 3). Imo jam ad ejusdem terribilis valde comminationis tonitrum cur non expergiscimini? *Cum dixerint, inquit, Pax et securitas; tunc repentinus eis superveniet inervitus, sicut dolor in utero habentis, et non effugiet* (1 Thess. v, 3). Delicata nimis medicina est, prius alligari quam vulnerari, membrum non percussus plangere, et necdum suscepto ictu admove-

(117) Pigmentorum ejusmodi usum susulit Petrus statuto 11, præterquam in Cæna Domini.

(118) Et hoc correxit Petrus statuto 12. Sed legenda hæc de re gravis ejusdem epistola, quæ est libri sexti epistola 15 ad Priores et Custodes Ordinis, in quo vehementior et severior Bernardo est in arguendo hoc perverso abusu.

(119) Petrus Venerabilis decernit statuto 16, ut nullus Fratrum pannis, qui dicuntur galabrūni vel isembrūni, vestiatur: cujus statuti hæc reddit rationem, quod multi nostrorum, inquit, non aliter quam sæculares homines, sericis variis vel griseis vestium generibus se comebant. Itaque sericæ vestes erant subatri coloris. In codice Corbeicensi legitur ras-

manum, fovere unguento ubi non dolet, emplastrum adhibere ubi cæsura non est.

23. Ad discernendum deinde inter sanos et male habentes, bacules in manibus portare jubentur ægrotantes, plane necessarios: ut quam pallor in vultu, maciesque non indicat, baculus sustentans mentiat in valetudinem. Ridendas, an lugendas dixerim hujusmodi ineptias? Sic Macarius vixit? sic Basilius docuit? sic Antonius instituit? sic patres in Ægypto conversati sunt? sic denique sancti Odo, Maiolus, Odilo, Hugo, quos se sui utique Ordinis principes et præceptores habere gloriantur, aut tenuerunt, aut teneri censuerunt? Sed hi omnes, si sancti, imo quia sancti fuerunt, a sancto Apostolo non disenserunt, qui nimirum ita loquitur: *Habentes victum et vestitum, his contenti sumus* (1 Tim. vi, 8). Nobis autem est pro victu satiety, nec vestitum appetimus, sed ornatum.

### 537 CAPUT X.

*Vestium ornatum luxumque in eisdem persequitur.*

24. Quæritur ad induendum, non quod utilis, sed quod subtilius inveniatur: non quod repellet frigus, sed quod superbire compellat: non denique juxta Regulam, « quod vilis comparari potest » (Reg. S. Benedicti, cap. 55), sed quod venustus, imo vanius ostentari. Heu me miserum qualemcumque monachum! cur adhuc vivo videre ad id devenisse Ordinem nostrum, Ordinem scilicet qui primus fuit in Ecclesia, imo a quo cepit Ecclesia; quo nullus in terra similior angelicis ordinibus, nullus vicinior ei quæ in cælis est Jerusalem mater nostra, sive ob decorem castitatis, sive propter charitatis ardorem; cujus Apostoli institutores, cujus hi, quos Paulus tam sæpe sanctos appellat, inchoatores exstiterunt? Et quidem inter illos cuius nihil quod suum esset quispiam retinisset, *decidebatur*, ut scriptum est, *singulis, prout cuique opus erat*: non igitur quod quisque pueriliter gestire [at. gestare] poterat. Sane ubi tantum quod opus erat accipiebatur, ibi nihil procul dubio otiosum admittebatur: quanto magis nihil curiosum? quanto magis nihil superbum? *Quod, inquit, opus erat*; hoc est quantum ad indumenta, quod et nuditatem tegeret, et frigus repelleret. Putasne ibi cuiquam galabrum aut isembrum (119) quærebatur ad induendum; cuiquam ducentorum solidorum mula parabatur ad equitandum? Putasne, inquam, cuiuspiam ibi lectulum opertorium cattinum (120), aut discolor barricanus (121) operiebat, ubi

brumum.

(120) Ejusmodi etiam coopertoria ex cattinis pellibus peregrinis rescindit idem piissimus abbas statuto 17, concedens earum loco *putosorum*, seu *resonum pelles*: cum antea Cluniacenses, Gallicanorum cattorum pellibus contemptis, Numantinorum, seu, *Zamorensium cattorum pellibus* contexto coopertorio ad lectum uterentur. Confer epistolam 1.

(121) Barricani item sublatis sunt statuto 18, ubi legitur, *ut nullus scarlatas, aut barracanos, vel pretiosos burellos, qui Ratisponi fiunt, sive picta quolibet modo stramina habeant, sed solummodo cilicium, superfectis tantum duobus pannis albi et nigri coloris*. Matæ erant versicolore a barria sic dicte.

sing  
Nor  
col  
iner  
cob  
(red  
2  
sum  
est,  
mus  
falsi  
amis  
ipse  
litat  
nost  
nost  
Mile  
cucu  
timb  
ille f  
suo s  
26  
sed i  
lustr  
mos  
loru  
noru  
radio  
rerit,  
placu  
retine  
ter?  
occu  
inven  
ex in  
quido  
vanit  
fluita  
ment  
corpo  
culta

De ca  
gan  
per  
27.

respic  
Bened  
guine  
requir  
abbat  
deam  
esse i  
manit  
aliis n  
sumpt

(122)  
putant  
tum e



singulis dividebatur tantum, prout cuique opus erat? Non illic arbitror valde curatum fuisse de pretio, de colore, de cultu vestimentorum, ubi tam indefessum inerat studium in concordia morum, animorum cohaerentia, profectuque virtutum. *Multitudinis*, inquit, *credentium erat cor unum, et anima una* (Act. iv, 32, 33).

25. Ubi nunc illud unanimitalis exercitium? Fusi sumus exterius, et de regno Dei quod intra nos est, relictis veris ac perennibus bonis, foris quaerimus vanam consolationem de vanitatibus et insaniis falsis: ac jam religionis antiquae non solum virtutem amisimus, sed nec speciem retinemus. Ecce enim ipse habitus noster (quod et dolens dico), qui humilitatis esse solebat insigne, a monachis temporis nostri in signum gestatur superbiae. Vix jam in nostris provinciis invenimus, quo vestiri dignemur. Miles et monachus ex eodem panno participant sili cucullam et chlamydem. Quivis de saeculo, quantumlibet honoratus, etiamsi rex, etiamsi imperator ille fuerit, non tamen nostra horrebit indumenta, si suo sibi modo praeparata fuerint et aptata.

26. Caeterum in habitu, inquis, non est religio, sed in corde. Bene. At tu quando cucullam emplurus lustras urbes, fora circuis, percurris nundinas, domos scrutaris negotiatorum, cunctam evertis singulorum suppellectilem, ingentes explicas cumulos pannorum, attractas digitis, admoves oculis, solis apponis radio; quidquid grossum, quidquid pallidum occurrerit, respicis; si quid autem sui puritate ac nitore placuerit, illud mox quantolibet pretio satagis tibi retinere: rogo te, ex corde facis haec, an simpliciter? Cum denique contra Regulam, non quod vilis occurrerit, sed studiosissime quaeris, quod quia rarius invenitur, pretiosius emitur; ignorans facis haec, an ex industria? Ex cordis thesauro sine dubio procedit, quidquid 538 foris apparet vitiorum. Vanum cor vanitatis notam ingerit corpori; et exterior superfluitas interioris vanitatis indicium est. Mollia indumenta animi molliem indicant. Non tanto curaretur corporis cultus, nisi prius neglecta fuisset mens inculta virtutibus.

#### CAPUT XI.

*De causa cur superiores subditorum vitia non corrigant. Luxum et splendidum praetorum apparatus perstringit.*

27. Miror autem, cum Regula dicat, ad magistrum respicere quicquid a discipulis delinquitur (*Reg. S. Benedicti*, cap. 2); et Dominus per prophetam sanguinem in peccato morientium de manu pastorum requirendum esse minetur (*Ezech. iii, 18*), quomodo abbates nostri patiantur fieri talia; nisi forte (si audeam dicere) nemo fidenter reprehendit, in quo se esse irreprehensibilem non confidit. Siquidem humanitatis est omnium, in quo sibi quisque indulget, aliis non vehementer irasci. Dicam, dicam; praesumptuosus dicar, sed verum dicam. Quomodo lux

A mundi obtenebrata est? quomodo sal terrae infatuatum est? Quorum nobis vita, via vitae debuit esse, dum exemplum in suis actibus ostendunt superbiae, caeci facti sunt duces caecorum. Quod enim (ut caetera taceam) specimen humilitatis est, cum tanta pompa et equitatu incedere, tantis hominum crinitorum stipari obsequiis; quatenus duobus episcopis minus abbatis multitudo sufficiat? Mentior, si non vidi abbatem sexaginta equos, et eo amplius in suo ducere comitatu (122). Dicas, si videas eos transeuntes, non patres esse monasteriorum, sed dominos castellorum; non rectores animarum, sed principes provinciarum. Tum deinde gestari iubentur mappulae, scyphi, bacini, candelabra, et manticae suffaricatae, non stramentis, sed ornamentis lectulorum. Vix denique quatuor leucis a sua quispiam domo recedit, nisi cum tota suppellectili sua, tanquam sit vel iturus ad exercitum, vel transiturus per desertum, ubi non valeant inveniri necessaria. Annon posset eodem vasculo et aqua manibus vergi, et vinum bibi? Annon posset ardens lucere lucerna, nisi in tuo quod portas candelabro, et hoc aureo, vel argenteo? Annon posset dormire, nisi super varium stratum, aut sub peregrino coopertorio? Annon unus aliquis minister posset et jumentum ligare, et ad mensam servire, et lectulum praeparare? Nunc ergo tante multitudini garsionum ac jumentorum, cur, vel ad solatium mali, nobiscum non serimus necessaria, quatenus hospites non gravemus?

#### CAPUT XII.

C *Luxum et abusum in templis et oratoriis exstruendis, ornandis, pingendis, arguit.*

28. Sed haec parva sunt: veniam ad majora, sed ideo visa minora, quia usitata. Omitto oratoriorum immensas altitudines, immoderatas longitudines, supervacuas latitudines, sumptuosas depolitiones, curiosas depictiones: quae dum orantium in se retorquent aspectum, impediunt et affectum, et mihi quodammodo representant antiquum ritum Judaeorum. Sed esto, fiant haec ad honorem Dei. Illud autem interrogo monachus monachos, quod in gentilibus gentilis arguebat:

*Dicite* (ait ille), *pontifices, in sancto quid facit aurum?* (PERS. sat. II, vers. 69.)

D Ego autem dico: Dicite, 539 pauperes: non enim attendo versum, sed sensum; dicite, inquam, pauperes, si tamen pauperes, in sancto quid facit aurum? Et quidem alia causa est episcoporum, alia monachorum. Scimus namque, quod illi sapientibus et insipientibus debitores cum sint, carnalis populi devotionem, quia spiritualibus non possunt, corporalibus excitant ornamentis. Nos vero qui jam de populo exivimus; qui mundi quaeque pretiosa ac speciosa pro Christo reliquimus; qui omnia pulchre lucentia, canore mulcentia, suave olentia, dulces sapientia, tactu placentia, cuncta denique oblectamenta corporea arbitrati superius quam tres equitaturas, vel, si Prior Ordinis fuerit, quatuor.

(122) Id de Sugerio abbate Dionysiano dictum putant ut ad epistolam 78. Petrus Venerabilis statutum edidit capite 40, ut nullus Priorum ducat secum

mus ut stercora, ut Christum lucrifaciamus : quorum, A  
quæso, in his devotionem excitare intendimus? Quem,  
inquam, ex his fructum requirimus? stultorum ad-  
mirationem, an simplicium oblationem [al. oblecta-  
tionem]? An quoniam commisti sumus inter gentes,  
forte didicimus opera eorum, et servimus adhuc  
sculptilibus eorum?

28. Et ut aperte loquar, an hoc totum facit ava-  
ritia, quæ est idolorum servitus, et non requirimus  
fructum, sed datum? Si queris, quomodo? Miro,  
inquam, modo. Tali quadam arte spargitur æs, ut  
multiplicetur. Expenditur ut augeatur, et effusio co-  
piam parit. Ipso quippe visu sumptuosarum, sed  
mirandarum vanitatum, accenduntur homines magis  
ad offerendum quam ad orandum. Sic opes opibus  
hauriuntur, sic pecunia pecuniam trahit : quia ne-  
scio quo pacto, ubi amplius divitiarum cernitur, ibi  
offertur libentius. Auro tectis reliquiis saginantur  
oculi, et loculi aperiuntur. Ostenditur pulcherrima  
forma sancti vel sanctæ alicujus, et eo creditur san-  
ctorum, quo coloratur. Currunt homines ad osculan-  
dum, invitantur ad donandum ; et magis mirantur  
pulchra, quam venerantur sacra. Ponuntur dehinc  
in ecclesia gemmatæ, non coronæ (123), sed rotæ,  
circumseptæ lampadibus, sed non minus fulgentes  
insertis lapidibus. Cernimus et pro candelabris ar-  
bores quasdam erectas, multo æris pondere, miro  
artificis opere fabricatas, nec magis coruscantes  
superpositis lucernis quam suis gemmis. Quid, pu-  
tas, in his omnibus queritur? penitentium compun-  
ctio, an intuitum admiratio? O vanitas vanitatum,  
sed non vanior quam insanior! Fulget ecclesia in  
parietibus, et in pauperibus eget. Sænos lapides in-  
duit auro, et suos filios nudos deserit. De sumptibus  
egenorum servitur oculis divitum. Inveniunt curiosi  
quo delectentur, et non inveniunt miseri quo  
sustententur. Uiquid saltem sanctorum imagi-  
nes non reveremur, quibus utique ipsum, quod pe-  
dibus conculcatur, scætet pavementum? Sæpe spuitur  
in ore angeli, sæpe alicujus sanctorum facies calci-  
bus tunditur transeuntium. Et si non sacris his  
imaginibus, cur vel non pareitur pulchris coloribus?  
Cur decoras quod mox fœdandum est? cur depingis  
quod necesse est conculcari? Quid ibi valent venustæ  
formæ, ubi pulvere maculantur assiduo? Denique  
quid hæc ad pauperes, ad monachos, ad spirituales  
viros? Nisi forte et hic adversus memoratum jam  
poetæ versiculum propheticus ille respondeatur :  
*Domine, dilexi decorem domus tuæ, et locum habita-*  
*tionis gloriæ tuæ (Psal. xxv, 8).* Assentio : patiamur  
et hæc fieri in ecclesia : quia etsi noxia sunt vanis  
et avaris, non tamen simplicibus et devotis.

29. Cæterum in claustris eorum legentibus fratri-

(123) De ejusmodi coronis (quarum una superest  
apud Remos in S. Remigii ecclesia, 72 cereolos  
habens) statuit Petrus abbas sæpe laudatus, ut  
magnæ illi coronæ, ex ære, auro, argentoque elegan-  
tissime compositæ, quæ in medio chori forti catena  
sustentata dependet, accensi cerei non imponantur

bus quid facit illa ridicula monstruositas, mira quæ-  
dam deformis formositas, ac formosa deformitas?  
Quid ibi immundæ simiæ? quid feri leones? quid  
monstruosi centaurs? quid semihomines? quid ma-  
culosæ tigrides? quid milites pugnantes? quid venato-  
res tubicinantes? Videas sub uno capite multa  
corpora, et rursus in uno corpore capita multa. Cer-  
nitur hinc in quadrupede cauda serpentis, illinc in  
pisce caput quadrupedis. Ibi bestia præfert equum,  
capram trahens retro dimidiam; 540 hic cornu-  
tum animal equum gestat posterius. Tam multa  
denique, tamque mira diversarum formarum ubique  
varietas apparet, ut magis legere libeat in marmo-  
ribus quam in codicibus, totumque diem occupare  
singula ista mirando, quam in lege Dei meditando.  
B Proh Deo! si non pudet ineptiarum, cur vel non pi-  
get expensarum?

### CAPUT XIII.

*Modos et media mutuæ charitatis et pacis fovendæ  
summatim colligit, denique transfugas instabili-  
tatis notat.*

30. Multa quidem et alia suggerebat addenda larga  
materia ; sed avellit me et propria satis anxia oc-  
cupatio, et tua, frater Ogeri (124), nimis festina dis-  
cessio, qui videlicet nec morari diutius acquiescis,  
nec abire tamen vis absque recenti opusculo. Facio  
itaque quod vis, et te dimitto, et sermonem brevior :  
præsertim quia utiliora sunt pauca in pace, quam  
multa cum scandalo! Et utinam hæc pauca scripserim  
sine scandalo. Enimvero vitia carpens, scio me  
offendere vitiosos. Potest tamen fieri, volente Deo,  
aliquibus quos me timeo exasperasse, potius placitu-  
rum esse, sed si desinant esse vitiosi : si videlicet,  
et districtiores desinant esse detractores, et remis-  
siores amputent superfluitates ; si sic quisque bonum  
teneat quod tenet, ut alium aliud tenentem non ju-  
dicet ; si qui accepit jam esse bonus, non invidet  
melioribus ; et qui sibi videatur agere melius, bonum  
non spernat alterius : si qui districtius vivere pos-  
sunt, eos qui non possunt nec aspernentur, nec  
æmulentur ; et qui non possunt, eos qui possunt sic  
mirentur, ut temere non imitentur. Sicut enim non  
licet his, qui majus aliquid forte voverunt, ad id  
quod minus est descendere, ne apostatentur : sic  
non omnibus expedit de bonis minoribus ad majora  
transire, ne præcipitentur.

31. Scio quippe nonnullos de aliis et congrega-  
tionibus, et institutionibus, ad nostrum Ordinem  
pervolasse, pulsasse, intrasse : qui hoc quidem  
agendo, et suis scandala reliquerunt, et nobis nubi-  
lominus attulerunt, dum quantum illos sua temera-  
ria discussione, tantum nos turbarunt sua misera  
conversazione. Et quoniam superbe spreverunt  
quod tenebant, et temere præsumperunt quod non

nisi in quinque præcipuis festis, etc. Minores coronas  
eras vocat.

(124) Is est Ogerius canonicus regularis, ad quem  
epistola 87 et sequentes. Ejusdem, itemque Guil-  
lelmi Sancti-Theoderici abbatis censura hunc librum  
subjecit Bernardus epistola 88.

valebant; digno Deus exitu eorum tandem patefecit A ignaviam: quia et impudenter deseruerunt quod imprudenter arripuerant, et turpiter redierunt ad id quod leviter deseruerant. Cum enim claustra nostra suis potius Ordinis impatientia, quam desiderio nostri expetierint; ostendunt quod sunt, dum a vobis ad nos, a nobis ad vos instabili levitate pervolantes, et nobis, et vobis, et omnibus bonis scandalum faciunt. Quanquam ergo nonnullos eorum noverimus, qui et fortiter Deo auctore cœperunt, et ipso protectore fortius perseverant; securius est tamen ut perseveremus in bono quod cœpimus, quam quod

incipiamus ubi non perseveremus; et hoc pariter omnes studeamus, quo secundum Apostoli consilium omnia nostra in charitate fiant (I Cor. xvi, 14). Hæc est nostra de nostro, et de vestro Ordine sententia; hæc nostris et vestris, hæc non de vobis, sed vobis me solere dicere, nullus melius mihi testis erit quam vos, et si quis me novit sicut vos. Quæ in vestris laudabilia sunt, laudo et prædico: si quæ reprehendenda sunt, ut emendentur, vobis et aliis amicis meis suadere soleo. Hoc non est detractio, sed attractio. Quod ut nobis a vobis semper fiat, omnino precor et supplico. Valet.

## 541 ADMONITIO IN OPUSCULUM VI.

1. Liber subjectus in codicibus antiquis hunc præfert titulum, « Incipit prologus sancti Bernardi abbat in libello ad Milites Templi: » et post prologum, « Incipiunt capitula de laude novæ Militiæ: » quæ omnino sunt tredecim, ut in editis nostris, ubi titulos ex mente auctoris retinimus. Liber iste a Gaufrido in libro tertio de Vita Bernardi, capite octavo, « Exhortatorius sermo ad Milites Templi » vocatur. « Quam vero fidelis, » inquit, « cujuslibet piæ conversationis commendator exstiterit et adjutor, exhortatorius ad Milites Templi Sermo declarat. » Ita ergo hujusce libri titulus institui potest: « Liber ad Milites Templi, de laude novæ Militiæ. »

2. « Hugoni » tamen « militi Christi et magistro Militiæ Christi » inscriptus est prologus: sed perinde est Magistro Militiæ, atque omnibus Militibus librum nuncupasse. Dicti sunt Fratres Templi ex eo, quod concessu Balduini regis juxta Templum Domini primo consederint, teste Guillelmo archiepiscopo Tyrensi in libro duodecimo, capite septimo, ubi eorum originem describit ad annum 1118. « Eodem anno, » inquit, « quidam nobiles viri de equestri ordine, Deo devoti, religiosi, et timentes Deum, in manu domini patriarchæ Christi servitio se mancipientes, more canonicorum regularium, in castitate, et obedientia, et sine proprio, velle perpetuo vivere professi sunt. Inter quos primi et præcipui fuerunt viri venerabiles, Hugo de Paganis, et Gaufridus de Sancto-Aldemaro: quibus quoniam neque ecclesia erat, neque certum habebant domicilium, Rex in palatio, quod secus Templum Domini ad australem habet partem, eis ad tempus concessit habitaculum. Prima autem eorum professio, quodque eis a domino patriarcha et aliis episcopis in remissionem peccatorum injunctum est, ut vias et itinera, maxime ad salutem peregrinorum, contra latronum et incursantium insidias, pro viribus conservarent. » Hæc de Militum Templi origine, quibus primus Magister præfectus est prædictus Hugo de Paganis, quem idem Guillelmus Tyrensis magistrum militiæ Templi primum vocat in libri decimi tertii capite vigesimo sexto. « Hugoni sanctæ militiæ Priori » inscripta est Guigonis Carthusiæ præpositi epistola secunda. Iste est Hugo, cui Bernardus sequentem librum nuncupavit, distinguendus utique ab altero Hugone, qui ex comite Campaniæ miles Templi factus est, testante Bernardi epistola trigesima prima ipsi directa. Porro Hugoni de Paganis primo militiæ Magistro successit « miles eximius et in armis strenuus, nobilis carne et moribus, dominus Robertus, cognomine Burgundio, natione Aquitanicus, » et quidem sub annum 1136, ut colligitur ex Guillelmo Tyrensi in libri decimi quinti capite sexto, qui item de eodem agit initio libri decimi septimi. Roberto successit videtur Ebrardus, cui Petrus Venerabilis scribit epistolam, quæ est libri sexti epistola vigesima sexta.

542 3. Quo anno scriptus sit iste liber, non facile dixerim. Id factum constat Ordine jam plurimum aucto, et militum numero multiplicato. Bernardi verba hoc probant n. 10: « Hæc Jerosolymis acitantur, et orbis excitatur. Audiunt insulæ, et attendunt populi de longe, et ebulliunt ab Oriente et Occidente... Quodque cernitur jucundius, et agitur commodius, paucos admodum in tanta multitudine hominum illo confluere videas, nisi utique sceleratos, » etc. Atqui ante consilium Trecense, id est ante annum 1127, novem tantum erant ejus instituti Milites, ut ex Guillelmo mox videbimus. Vix ergo ante annum 1132, hic liber compositus dici potest, sed tamen ante annum 1136, quo fere anno Robertus magister Hugoni successit.

4. Templiariorum Regulam ex codice Victorino typis mandavit Miræus, eamque Chronico Cisterciensi



inseruit, « utpote a sancto Bernardo, » inquit, « abbate Claræ-Vallensi, ut ex prologo patet, dictatam. » Regula hæc totidem capitulis, quot Regula sancti Benedicti, ex qua magna ex parte de verbo sumpta est, constat, id est capitulis septuaginta duobus. Sic vero inscribitur ante prologum: Regula pauperum commilitonum Christi Templique Salomonici. » Manricus ad annum 1128, cap. 2, hanc Regulam Bernardo auctori cum Miræo tribuit, ad idque probandum duo loca adduxit ex prologo. Primus locus sic habet: « Sane autem prorsus licet nostri dictaminis auctoritatem permaximus numerus religiosorum Patrum, qui in illo concilio divina admonitione convenerunt, commendat; non debemus silenter transire, quibus videntibus et veras sententias proferentibus, ego Joannes Michaelensis præsentis paginæ, jussu concilii ac venerabilis abbatis Claræ-Vallensis, cui creditum ac debitum hoc erat, humilis scriba esse divina gratia merui. » Verum hæc verba non significant ullam Regulam a Bernardo pro Templariis fuisse compositam: sed eum in Joannem Michaelensem rejecisse impositum sibi scribæ officium. Neque quidquam amplius conficitur ex sequentibus verbis, quæ post enumerationem Patrum Trecensis concilii hoc modo referuntur: « Ipse vero magister militiæ, Hugo nomine, revera non defuit, et quosdam de fratribus suis secum habuit, verbi gratia F. Godefridum F. Rovallum, F. Gaufridum Bisol, F. Paganum de Monte-Desiderii, Archembaudem de Sancto-Aniano. Iste vero magister Hugo cum istis discipulis modum et observantiam exiguæ inchoationis sui militaris Ordinis, qui ab illo qui dicit, *Ego principium qui et loquor vobis*, sumpsit exordium, juxta memoriæ suæ notitiam supra nominatis Patribus intimavit. Placuit itaque concilio, ut consilium ibi lima et consideratione divinarum Scripturarum diligenter examinatum, tamen cum providentia Papæ Romanorum ac Patriarchæ Jerosolymitarum, necnon etiam assensu capituli pauperum commilitonum templi quod est in Jerusalem, scripto commendaretur, et inenodabiliter servaretur. » Quibus verbis in tantum a Patribus sanctum fuisse intelligimus, ut Militibus Regula ex eorum consensu, consultis Romano Pontifice et Patriarcha Jerosolymitano, præscriberetur: sed Bernardus ejus auctor **543** nequaquam asseritur. Quinimo Albericus Ordinis Cisterciensis eisdem Militibus Regulam sancti Augustini impositam scribit. Unde in Monastico Anglicano ad Ordinem sancti Augustini revocantur. Permirum esset, si Albericus Trium-Fontium haud longe a Clara-Valle monachus Cisterciensis, hanc Bernardi Regulam ignorasset, et pro illa Militibus, qui ejus tempore supererant, aliam tribuisset. Guillelmus Tyrensis episcopus in jam dicti libri duodecimi capite septimo tradit, eisdem Militibus, qui ante concilium Trecense « nonnisi novem erant, de mandato domini Honorii papæ et domini Stephani Jerosolymitani patriarchæ, fuisse institutam Regulam, et album habitum assignatum, » cum antea vulgari usi essent. « Postmodum vero tempore domini Eugenii papæ, ut dicitur, cruces de panno rubeo mantellis suis cœperunt assuere, » tam equites, » quam eorum Fratres qui dicuntur Servientes. Quorum res adeo crevit in immensum, ut hodie, » inquit Guillelmus, « trecentos plus minusve in conventu habeant equites, albis chlamydis indutos, exceptis Fratribus. » Ex his postremis verbis coniecimus, Regulam illam, quæ Bernardo auctori tribuitur, nonnisi post Guillelmum Tyrensem scriptam fuisse: quandoquidem in capite vigesimo primo notantur quidam « pseudofrateres ex Ultramontanis partibus, mentientes se esse de Tempio; » et quedam apud ipsos Milites « sine discretionem ac consilio communis capituli succrevisse penitus amputanda » arguuntur, nempe quod « habebant olim famuli et armigeri alba vestimenta, unde veniebant damna importabilia, » Nullum vero capitulum generale Templariorum fuit ante concilium Trecense: nullus antea peculiaris Militum habitus, sed vulgaris. Albus eis concessus est a Patribus concilii, exceptis Servientibus. Plane vel ex his solis verbis intelligitur, hoc saltem capitulum longe post tempus concilii fuisse adscriptum. Capitulum septimum « standum divinum officium audiri » non solum non laudat, sed etiam vituperat, statuitque audiri sedendo: quod sane statutum in Bernardi mentem non venisset. In capitulo quinquagesimo sexto statuitur, « ut amplius sorores non habeantur: » quod arguit non fuisse recens institutum. An Joannes Michaelensis istius Regulæ auctor sit aliis judicandum relinquo. Illud in ea observatu non indignum, quod « collatio » pro cœnula jejuniorum usurpatur in capite decimo sexto.

# S. BERNARDI ABBATIS DE LAUDE NOVÆ MILITIÆ AD MILITES TEMPLI LIBER.

## 544 PROLOGUS.

HUGONI militi Christi, et magistro Militiæ Christi, BERNARDUS Claræ Vallis solo nomine abbas, bonum certamen certare.

Semel, et secundo, et tertio, ni fallor, petisti a me, Hugo charissime, ut tibi tuisque commilitonibus scriberem exhortationis sermonem; et adversus hostilem tyrannidem; quia lanceam non liceret, stylum vibrarem: asserens vobis non parum fore adjutorii, si quos armis non possum, litteris animarem. Distuli sane aliquandiu: non quod contemnenda videretur petitio, sed ne levis præceptusque culparetur assensio, si quod melius melior implere sufficeret, præsumerem imperitus, et res admodum necessaria per me minus forte commoda redderetur. Verum videns me longa satis hujusmodi expectatione frustratum, ne jam magis nolle, quam non posse viderer, tandem ego quidem quod potui feci: lector judicet, an satisfeci. Quanquam etsi cui forte aut minime placeat, aut non sufficiat; non tamen interest mea, qui tuæ pro meo sapere non defui voluntati.

## CAPUT PRIMUM.

### *De laude novæ militiæ*

1. Novum militiæ genus ortum nuper auditur in terris, et in illa regione, quam olim in carne præsens visitavit Oriens ex alto: ut unde tunc in fortitudine manus suæ tenebrarum principes exturbavit, inde et modo ipsorum satellites, filios diffidentiae, in manu sortium suorum dissipatos exterminet, faciens etiam nunc redemptionem plebis suæ, et rursum erigens cornu salutis nobis in domo David pueri sui. Novum, inquam, militiæ genus, et sæculis inexpertum: qua gemino pariter conflictu infatigabiliter decertatur, tum adversus carnem et sanguinem, tum contra spiritualia nequitiae in cœlestibus (125). Et quidem ubi solis viribus corporis corporeo fortiter hosti resistitur, id quidem ego tam non judico mirum, quam nec rarum existimo. Sed et quando animi virtute vitis sive demoniis bellum indicitur, ne hoc quidem mirabile, etsi laudabile dixerim, cum plenus monachis cernatur mundus. Cæterum cum uterque homo suo quisque gladio potenter accingitur, suo

A cingulo nobiliter insignitur; quis hoc non æstimet omni admiratione dignissimum, quod adeo liquet esse insolitum? Impavidus profecto miles, et omni ex parte securus, qui ut corpus ferri, sic animum fidei lorica induitur. Utrisque nimirum munitus armis, nec dæmonem timet, nec hominem. Nec vero mortem formidat, qui mori desiderat. Quid enim vel vivens, vel moriens metnat, cui vivere Christus est, et mori lucrum? Stat quidem fidenter libenterque pro Christo: sed magis cupit dissolvi, et esse cum Christo: hoc enim melius. Securi igitur procedite, milites, et intrepido animo inimicos crucis Christi propellite, certi quia neque mors, neque vita poterunt vos separare a charitate Dei, quæ est in Christo Jesu; illud sane vobiscum in omni periculo replicantes: *Sive vivimus, sive morimur, Domini sumus* (Rom. xiv. 8). Quam gloriosi revertuntur victores de prælio! quam beati moriuntur martyres in prælio! Gaude, fortis athleta, si vivis et vincis in Domino: sed magis exulta et gloriare, si moreris et jungeris Domino. Vita quidem fructuosa, et victoria gloriosa: sed utrique mors sacra jure præponitur. Nam si beati qui in Domino moriuntur, num multo magis qui pro Domino moriuntur?

2. Et quidem sive in lecto, sive in bello quis moritur, pretiosa erit sine dubio in conspectu Domini mors sanctorum ejus. Cæterum in bello tanto profecto pretiosior, quanto et gloriosior. O vita secunda, ubi pura conscientia! O, inquam, vita secunda, ubi absque formidine 545 mors expectatur, imo et exoptatur cum dulcedine, et excipitur cum devotione! O vere sancta et tuta militia, atque a duplici illo periculo prorsus libera, quo id hominum genus solet, frequenter periclitari, ubi duntaxat Christus non est causa militandi. Quoties namque congrederis tu, qui militiam militas sæcularem, timendum omnino, ne aut occidas hostem quidem in corpore, te vero in anima: aut forte tu occideris ab illo, et in corpore simul, et in anima. Ex cordis nempe affectu, non belli eventu, pensatur vel periculum, vel victoria christiani. Si bona fuerit causa pugnantis, pugnae exitus malus exitus esse non poterit; sicut nec bonus judicabitur finis, ubi causa non bona, et intentio

(125) Petrus Venerabilis eadem fere habet in lib. vi, epistola 26. *Quis non latet, inquit, quis non exsultet, processisse vos, non ad simplicem, sed ad*

*duplicem conflictum, etc. Estis monachi virtutibus, milites actibus.*

non recta præcesserit. Si in voluntate alterum occidendi te potius occidi contigerit, moreris homicida. Quod si prævalet, et voluntate superandi vel vindicandi forte occidis hominem, vivis homicida. Non autem expedit sive mortuo, sive vivo; sive victori, sive victo, esse homicidam. Infelix victoria, qua superans hominem, succumbis vitio. Et ira tibi aut superbia dominante, frustra gloriaris de homine superato. Est tamen qui nec ulciscendi zelo, nec vincendi typho, sed tantum evadendi remedio interficit hominem. Sed ne hanc quidem bonam dixerim victoriam: cum de duobus malis, in corpore quam in anima mori levius sit (126). Non autem quia corpus occidit, etiam anima moritur: sed anima, quæ peccaverit, ipsa morietur.

## CAPUT II.

*De militia seculari.*

3. Quis igitur finis fructusve sæcularis hujus, non dico, militiæ, sed malitiæ; si et occisor letaliter peccat, et occisus æternaliter perit? Enimvero, ut verbis utar Apostoli, *Et qui arat, in spe debet arare; et qui triturat, in spe fructus percipiendi* (1 Cor. ix, 10). Quis ergo, o milites, hic tam stupendus error, quis furor hic tam non ferendus, tantis sumptibus ac laboribus militare, stipendiis vero nullis, nisi aut mortis, aut criminis? Operitis equos sericis, et pendulos nescio quos panniculos lorice superinduitis; depingitis hastas, clypeos et sellas; frena et calcaria auro et argento, gemmisque circumornatis (127): et cum tanta pompa pudendo furore et impudenti stupore ad mortem properatis. Militaria sunt hæc insignia, an muliebria potius ornamenta? Numquid forte hostilis mucro reverebitur aurum, gemmis parcel, serica penetrare non poterit? Denique, quod ipsi sæpius certiusque experimini, tria esse præcipue necessaria prælianti, ut scilicet strenuus industriusque miles et circumspectus sit ad se servandum, et expeditus ad discurrendum, et promptus ad feriendum: vos per contrarium in oculorum gravamen femineo ritu comam nutritis, longis ac profusis camisiis propria vobis vestigia obvolvitis, delicatas ac teneras manus amplis et circumfluentibus manicis sepelitis. Super hæc omnia est, quod armati conscientiam magis terret, causa illa nimis satis levis ac frivola, qua videlicet talis præsumitur et tam periculosa militia. Non sane inter vos aliud bella movet, litesque suscitatur, nisi aut irrationabilis iracundiæ motus, aut inanis gloriæ appetitus, aut terrenæ qualiscunque possessionis cupiditas. Talibus certe ex causis neque occidere, neque occumbere tutum est.

(126) Bernardus itaque cum Augustino et Ambrosio censet, citra animæ dispendium non licere, ut quis se ipsum defendendo aggressorem interimat. Confer librum de Præcepto et Dispensatione num. 13. Insignis est hæc de re epistola 60 Hildeberti episcopi Cenomannensis, de sacerdote qui latronem occiderat. Ambrosii locus est in lib. iii, De officiis, cap. 4. Augustini lib. 1 De libero arbitrio cap. 5, et lib. 22 Contra Faustum cap. 74, tum etiam in epistola

## 546 CAPUT III.

*De Militibus Christi.*

4. At vero Christi milites securi præliantur prælia Domini sui, nequaquam meluentes aut de hostium cæde peccatum, aut de sua nece periculum: quandoquidem mors pro Christo vel ferenda, vel inferenda, et nihil habeat criminis (128), et plurimum gloriæ mereatur. Hinc quippe Christo, inde Christus acquiritur: qui nimirum et libenter accipit hostis mortem pro ultione, et libentius præbet se ipsum militi pro consolatione. Miles, inquam, Christi securus interimit, interit securior. Sibi præstat cum interit, Christo cum interimit. Non enim sine causa gladium portat. Dei etenim minister est ad vindictam malefactorum, laudem vero bonorum. Sane cum occidit malefactorem, non homicida, sed, ut ita dixerim, malicida, et plane Christi vindex in his qui male agunt, et defensor Christianorum reputatur. Cum autem occiditur ipse, non periisse, sed pervenisse cognoscitur. Mors ergo quam irrogat, Christi est lucrum: quam excipit, suum. In morte pagani christianus gloriatur, quia Christus glorificatur: in morte christiani, Regis liberalitas aperitur, cum miles remunerandus educitur. Porro super illo lætabitur justus cum viderit vindictam. De isto dicit homo: *Si utique est fructus iusto: utique est Deus iudicans eos in terra* (Psalm. lxxvii, 12). Non quidem vel Pagani necandi essent, si quo modo aliter possent a nimia infestatione seu oppressione fidelium cohiberi. Nunc autem melius est ut occidantur, quam certe relinquantur virga peccatorum super sortem iustorum: ne forte extendant iusti ad iniquitatem manus suas.

5. Quid enim? si percutere in gladio omnino fas non est Christiano, cur ergo præco Salvatoris contentos fore suis stipendiis militibus indixit (Luc. iii, 14); et non potius omnem eis militiam interdixit? Si autem (quod verum est) omnibus fas est, ad hoc ipsum duntaxat divinitus ordinatis, nec aliud sane quidquam melius professis; quibus, quæso, potius, quam quorum manibus et viribus urbs fortitudinis nostræ Sion pro nostro omnium munimine retinetur? ut depulsis divinæ transgressoribus legis, secunda ingreditur gens justa, custodiens veritatem. Secure proinde dissipantur gentes quæ bella volunt, et abscindantur qui nos conturbant, et disperdantur de civitate Domini omnes operantes iniquitatem, qui repositas in Jerosolymis christiani populi inestimabiles divitias tollere gestiunt, sancta polluere, et hæreditate possidere sanctuarium Dei. Exeratur

ad Publicolam.

(127) Id cavet, capite 38, Regula Templariorum. Tegimen autem in clypeis et hastis, surrallis et in lanceis non habeatur, etc. Aurum vero et argentum in frenis et calceis eadem rejicit, cap. 37.

(128) Hinc Joannes Saresberiensis in Polycratice lib. 7, cap. 21, de fratribus Templi agens: *Pene soli, inquit, inter homines legitima gerunt bella.*



gladius uterque fidelium (128 \*) in cervices inimicorum, ad destruendam omnem altitudinem extollentem se adversus scientiam Dei, quæ est christianorum fides; ne quando dicant gentes: ubi est Deus eorum? (Psal. cxiii, 2.)

6. Quibus expulsus revertetur ipse in hæreditatem domumque suam, de qua iratus in Evangelio, *Ecce, inquit, relinquetur vobis domus vestra deserta* (Matth. xxiii, 38); et per prophetam ita conqueritur, *Reliqui domum meam, dimisi hæreditatem meam* (Jerem. xii, 7): implebitque illud propheticum, *Redemit Dominus populum suum, et liberavit eum: et venient et exultabunt in monte Sion, et gaudebunt de bonis Domini* (Jerem. xxxi, 41, 42). Lætare, Jerusalem, et cognosce jam tempus visitationis tuæ. Gaudete et laudate simul, deserta Jerusalem, quia consolatus est Dominus populum suum, redemit Jerusalem; paravit Dominus brachium suum sanctum in oculis omnium gentium. Virgo Israel, corrueras, et non erat qui sublevaret te. Surge jam, excutere de pulvere, virgo, captiva filia Sion. Surge, inquam, et sta in excelso, et vide jucunditatem quæ venit tibi a Deo tuo. Non vocaberis ultra **547** derelicta, et terra tua non vocabitur amplius desolata, quia complacuit Domino in te, et terra tua inhabitabitur. Leva in circuitu oculos tuos et vide: omnes isti congregati sunt, venerunt tibi. Hoc tibi auxilium missum de sancto. Omino per istos tibi jamjamque illa persolvitur antiqua promissio, *Ponam te in superbiam sæculorum, gaudium in generatione et generationem, et suges lac gentium, et mamma regum lactuberis* (Isa. lx, 15, 16): et item, *Sicut consolatur filios suos, ita et ego consolabor vos, et in Jerusalem consolabimini* (Isa. lxxvi, 15). Videsne quam crebra veterum atestatione nova approbatur militis, et quod sicut audivimus, sic videmus in civitate Domini virtutum? Dummodo sane spiritualibus non præjudicet sensibus literalis interpretatio, quominus scilicet speremus in æternum, quidquid huic temporis significando ex Prophetarum vocibus usurpamus: ne per id quod cernitur, evanescat quod creditur; et spei copias imminuat penuria rei, præsentiumque attestatio sit evacuatio futurorum. Alioquin terrenæ civitatis temporalis gloria non destruit cælestia bona, sed astruit; si tamen istam minime dubitamus illius tenere figuram, quæ in cælis et mater nostra.

militantium, dicamus breviter Christi equitum mo-

#### CAPUT IV.

##### De conversatione Militum Christi.

7. Sed jam ad imitationem seu ad confusionem nostrorum militum, non plane Deo, sed diabolo

(128 \*) Spiritualis scilicet ac materialis: de utroque epistola 256, et libro iv De consideratione, cap. 3, n. 7.

(129) Scriptus nonnullis, *cacos*, vulgo *échecs*, qui ludus ita dictus est sive a voce Arabica vel Persica *schach*, quæ regem sonat, quæ præcipua est eo in ludo persona: sive a Germanico *schach*, id est latrone seu latroneulo, unde latroneulorum ludus;

res et vitam; qualiter in bello domive conversentur: quo palam fiat, quantum ab invicem differant Dei sæculique militia. Primo quidem utrolibet disciplina non deest, obedientia nequaquam contemnitur, quia, teste Scriptura, et *filius indisciplinatus peribit* (Eccli. xxii, 3); et, *peccatum est hariolandi repugnare, et quasi scelus idololatriæ nolle acquiescere* (I Reg. xv, 23). Itur, et reditur ad nutum ejus qui præest: induitur quod ille donaverit; nec aliunde vestimentum seu alimentum præsumitur. Et in victu et vestitu cavetur omne superfluum, soli necessitati consulitur. Vivitur plane in communi jucunda et sobria conversatione, absque uxoriis, et absque liberis. Et ne quid desit ex evangelica perfectione absque omni proprio habitant unius moris in domo una, solliciti servare unitatem spiritus in vinculo pacis. Dicas universæ multitudinis esse cor unum, et animam unam: ita quisque non omnino propriam sequi voluntatem, sed magis obsequi satagit imperanti. Nullo tempore aut otiosi sedent, aut curiosi vagantur: sed semper dum non procedunt (quod quidem raro contingit), ne gratis comedant panem, armorum seu vestimentorum vel scissa resarciunt, vel vetusta reficiunt, vel inordinata componunt, et quæque postremo facienda magistri voluntas et communis indicit necessitas. Persona inter eos minime accipitur: deferitur meliori, non nobiliori. Honore se invicem præveniunt; alterutrum cnera portant, ut sic adimpleant legem Christi. Verbum insolens, opus inutile, risus immoderatus, murmur vel tenne, sive susurrum nequaquam, ubi deprehenditur, relinquitur inemendatum. Scacos (129) et aleas detestantur; abhorrent venationem: nec ludicra illa avium rapina (ut assolet) delectantur (130). Mimos, et magos, et fabulatores, scurrilesque cantilenas, atque ludorum spectacula, tanquam vanitates et insanias falsas respuunt et abominantur. Capillos tondent (131), scientes juxta Apostolum ignominiam esse viro, si comam nutrierit. Nunquam compti, raro loti, magis autem neglecto crine hispidi, pulvere sædi: lorica et caumate fusi.

8. Porro imminente bello, intus fide, foris ferro, non auro se muniant: quatenus armati, et non ornati, **548** hostibus metum incutiant, non provocent avaritiam. Equos habere cupiunt fortes et veloces, non tamen coloratos aut phaleratos: pugnam quippe, non pompam, victoriam, sed non gloriam cogitant, et studentes magis esse formidini quam admirationi. Deinde non turbulentii aut impetuosii, et quasi ex levitate præcipientes, sed consulte atque cum omni cautela et providentia se ipsos ordinantes, et disponentes in aciem, juxta quod de patribus scriptum est. Veri profecto Israelitæ procedunt ad bella pa-

qua de re vide Glossarium Cangianum et Polycratium Joannis Saresburiensis, lib. 1, cap. 5.

(130) Id patet ex Regule capitibus 46 et 47. In priori enim venatio cum ave, in posteriori percussio feræ arcu vel balista interdicitur.

(131) Hujus rei statutum legitur in Regule Templariorum capitibus 28 et 29.

cifici. At vero ubi ventum fuerit ad certamen, tum A demum pristina lenitate postposita, tanquam si dicerent, *Nonne qui oderunt te, Domine, oderam, et super inimicos tuos tabescebam?* (Psal. cxxxviii, 21.) irruunt in adversarios, hostes velut oves reputant; nequaquam, etsi paucissimi, vel sævam barbariem, vel numerosam multitudinem formidantes. Noverunt siquidem non de suis præsumere viribus, sed de virtute Domini sabaoth sperare victoriam: cui nimirum facile esse confidunt, juxta sententiam Machabæi, concludi multos in manus paucorum, et non esse differentiam in conspectu Dei cæli liberare in multis, et in paucis; quia non in multitudine exercitus est victoria belli, sed de cælo fortitudo est (I Machab. iii, 18, 19). Quod et frequentissime experti sunt, ita ut plerumque quasi persecutus sit unus mille, et duo sugarint decem millia. Ita denique miro quodam ac singulari modo cernuntur et agnis mitiores, et leonibus ferociores, ut pene dubitem quid potius censeam appellandos, monachos videlicet, an milites: nisi quod utrumque forsitan congruentius nominarim, quibus neutrum deesse cognoscitur, nec monachi mansuetudo, nec militis fortitudo. De qua re quid dicendum, nisi quod a Domino factum est istud, et est mirabile in oculis nostris? Tales sibi elegit Deus, et collegit a finibus terræ ministros ex fortissimis Israel, qui veri letulum Salomonis, sacrum scilicet sepulcrum, vigilantur fideliterque custodiant, omnes tenentes gladios, et ad bella doctissimi [al. fortissimi].

## CAPUT V.

## De Templo.

9. Est vero templum Jerosolymis, in quo pariter habitant, antiquo et famosissimo illi Salomonis impar quidem structura, sed non inferius gloria. Siquidem universa illius magnificentia in corruptilibus auro et argento, in quadratura lapidum et varietate lignorum continebatur: hujus autem omnis decor, et gratæ venustatis ornatus, pia est habitantium religiositas, et ordinatissima conversatio. Illud variis exstitit spectandum coloribus: hoc diversis virtutibus et sanctis, acibus venerandum. Domum quippe Dei decet sanctitudo (Psal. xcii, 5), qui non tam politis marmoribus, quam ornatis moribus delectatur, et puras diligit mentes super auratos parietes (132). Ornatur tamen hujus quoque facies templi, sed armis, non gemmis: et pro antiquis coronis aureis, circum pendentibus clypeis paries operitur; pro candelabris, thuribulis, atque urceolis, domus undique frenis, sellis, ac lanceis communitur. Plane his omnibus liquido demonstrantibus, eodem pro domo Dei fervere milites zelo, quo ipse quondam militum Dux vehementissime inflammatus armata illa sanctissima manu, non tamen ferro, sed flagello, quod fecerat de resticulis [al. funiculis], introivit in templum, negotiantes expulit, numulariorum effudit res, et cathedras vendentium colum-

(132) Ita codex Colbertinus: alii, *puras magis diligit mentes, quam superauratos parietes.*

bas evertit (Joan. ii, 15): indignissimum judicans, orationis domum hujuscemodi forensibus incestari [al. infestari]. Tali proinde sui Regis permotus exemplo devotus exercitus, multo sane indignius, longeque intolerabilius arbitrans sancta polloi ab infidelibus, quam a mercatoribus incestari, in domo sancta 549 cum equis et armis commoratur; tamque ab ipsa, quam a cæteris sacris omni infidelitatis spurca et tyrannica rabie propulsata, ipsi in ea die noctuque tam honestis quam utilibus officiis occupantur. Honorant certatim Dei templum sedulis et sinceris obsequiis, jugi in eo devotione immolantes, non quidem veterum ritu pecudum carnes, sed vere hostias pacificas, fraternam dilectionem, devotam subjectionem, voluntariam paupertatem.

B 10. Hæc Jerosolymis actitantur, et orbis excitatur. Audiunt insulæ, et attendunt populi de longe, et ebulliunt ab Oriente et Occidente, tanquam torrens inundans gloriæ gentium, et tanquam fluminis impetus lætificans civitatem Dei. Quodque cernitur jucundius, et agitur commodius, paucos admodum in tanta multitudine hominum illo confluere videas, nisi utique sceleratos et impios, raptores et sacrilegos, homicidas, perjuros, adulteros; de quorum profecto perfectione sicut duplex quoddam constat provenire bonum, ita duplicatur et gaudium; quandoquidem tam suos de suo discessu lætificant, quam illos de adventu quibus subvenire festinant. Prosumt quippe utrobique, non solum utique istos tuendo, sed etiam illos jam non opprimendo. Itaque C lætatur Ægyptus in protectione eorum, cum tamen de protectione eorum nihilominus lætetur mons Sion, et exsultent filix Judæ. Illa quidem se de manu eorum, ista magis in manu eorum liberari se merito gloriatur. Illa libenter amittit crudelissimos sui vastatores: ista cum gaudio suscipit sui fidelissimos defensores; et unde ista dulcissime consolatur, inde illa æque saluberrime desolatur. Sic Christus, sic novit ulcisci in hostes suos, ut non solum de ipsis, sed per ipsos quoque frequenter soleat tanto gloriosius, quanto et potentius triumphare. Jucunde sane et commode: ut quos diu pertulit oppugnatores magis jam propugnatores habere incipiat; faciatque de hoste militem, qui de Saulo quondam persecutore fecit Paulum prædicatorem (Act. ix). Quamobrem non miror, si etiam superna illa curia, juxta testimonium Salvatoris, exsultat magis super uno peccatore penitentiam agente, quam super plurimis justis qui non indigent penitentia, dum peccatoris et maligni tantis procul dubio prosit conversio, quantis et prior nocuerat conversatio.

D 11. Salve igitur, civitas sancta, quam .pse sanctificavit sibi tabernaculum suum Altissimus, quo tanta in te et per te generatio salvaretur. Salve, civitas Regis magni, ex qua nova et jucunda mundo miracula nullis pene temporibus defuere ab initio. Salve, domina gentium, princeps provinciarum, Patriarcharum possessio, Prophetarum mater et Apo-

stolorum, initiatrix fidei, gloria populi christiani, quam Deus semper a principio propterea passus est oppugnari, ut viris fortibus sicut virtutis, ita fores occasio et salutis. Salve, terra promissionis, quæ olim fluens lac et mæl tuis duntaxat habitatoribus, nunc universo orbi remedia salutis, vitæ porrigis alimenta. Terra, inquam, bona et optimâ, quæ in fecundissimo illo sinn tuo ex arca paterni cordis cæleste granum suscipiens, tantas ex superno semine mariyrum segetes protulisti, et nihilominus ex reliquo omnium fidelium genere fructum fertilis gleba tricesimum, et sexagesimum, et centesimum super omnem terram multipliciter procreasti. Unde et de magna multitudine dulcedinis tuæ jucundissime satiati et opulentissime saginati, memoriam abundantiae suavitatis tuæ ubique eructant qui te viderunt, et usque ad extremum terræ magnificentiam gloriæ tuæ loquuntur eis qui te non viderunt, et enarrant mirabilia quæ in te sunt. Gloriosa dicta sunt de te civitas Dei: sed jam ex his quibus affluis deliciis, nos quoque pauca proferamus in medium, ad laudem et gloriam nominis tui.

### 550 CAPUT VII.

#### De Bethlehem (133).

12. Habes ante omnia in refectione animarum sanctorum Bethlehem domum panis, in qua primum is qui de celo descenderat [*al.* descendit], pariente Virgine panis vivus apparuit. Monstratur piis ibidem jumentis præsepium, et in præsepio fenum de prato virginali, quo vel sic cognoscat bos possessorem suum, et asinus præsepe Domini sui. Omnis quippe caro fenum, et omnis gloria ejus ut flos feni [*Isai.* xl, 6]. Porro homo quia suum, in quo factus est, honorem non intelligendo, comparatus est jumentis insipientibus, et similis factus est illis [*Psal.* xlviii, 13]; Verbum panis Angelorum factum est pabulum jumentorum, ut habeat carnis fenum quod ruminet, qui verbi pane vesci penitus dis-suevit: quousque per hominem Deum priori redditus dignitati, et ex pecore rursus conversus in hominem, cum Paulo dicere possit, *Etsi cognovimus Christum secundum carnem, sed nunc jam non novimus* [*II Cor.* v, 16]. Quod sane non arbitror quempiam dicere posse veraciter, nisi qui prius cum Petro ex ore Veritatis illud item audierit: *Verba quæ ego locutus sum vobis, spiritus et vita sunt; caro autem non prodest quidquam* [*Joan.* vi, 64]. Alioquin qui in verbis Christi vitam invenit, carnem jam non requirit, et est de numero beatorum qui non viderunt et crediderunt [*Joan.* xx, 29]. Nec enim opus est vel lactis poculum, nisi parvulo; vel feni pabulum, nisi unico jumento. Qui autem non offendit in verbo, ille perfectus est vir, solido plane vesci cibo idoneus: et, licet in sudore vultus sui, panem verbi comedit, absque offensione. Sed et securus ac sine scandalo loquitur Dei sapientiam duntaxat inter perfectos, spiritualibus spiritualia comparans, cum tamen in-

fantibus sive pecoribus cantus sit pro capto quidem eorum proponere tantummodo Jesum Christum, et hunc crucifixum. Unus tamen idemque ribus ex coelestibus pascuis suaviter quidem et ruminatur a pecore, et manducatur ab homine; et viro vires, et parvulo tribuit nutrimentum.

### CAPUT VII.

#### De Nazareth.

13. Cernitur et Nazareth, quæ interpretatur *flos*, in qua is qui natus in Bethlehem erat, tanquam fructus in flore coalescens, nutritus est Dens infaus: ut floris odor fructus saporem præcederet, ac de naribus Prophetarum, faucibus se Apostolorum liquor sanctus infunderet; Judæisque tenui odore contentis, gustu solido reficeret Christianos. Senserat tamen hunc florem Nathanael, quod super omnia aromata suave redoleret. Unde et aiebat: *A Nazareth potest aliquid boni esse?* Sed nequaquam sola contentus fragrantia, respondentem sibi, *Veni et vide* [*Joan.* i, 46], Philippum secutus est. Imo vero miræ illius suavitatis admodum respersione delectatus, haustuque boni odoris factus saporis avidior, odore ipso duce, ad fructum usque sine mora pervenire curavit, cupiens plenius experiri quod tenuiter præsenserat, præsensque degustare quod odoraverat absens. Videamus et de olfactu Isaac, ne forte aliquid, quod pertineat adhuc ipsa quæ in manibus sunt, portenderit. Loquitur de illo Scriptura sic: *Stetitque ut sensit vestimentorum ejus fragrantiam* (haud dubium quin Jacob), *Ecce, inquit, odor filii mei sicut odor agri pleni, cui benedixit Dominus* [*Gen.* xxvii, 27]. Vestimenti fragrantiam sensit, sed vestiti præsentiam non agnovit: soloque vestis, tanquam floris odore, forinsecus delectatus, quasi fructus interioris dulcedinem non gustavit, dum et electi filii simul et sacramenti fraudatus cognitione remansit. Quo spectat hoc? Vestimentum profecto spiritus, littera est et caro Verbi. Sed ne nunc quidem Judæus in carne Verbum, in homine scit deitatem; nec sub tegmine litteræ sensum pervidet spiritualem: forisque palps hædi pellem, quæ similitudinem majoris, hoc est primi et antiqui peccatoris, expresserat; 551 ad nudam non pervenit veritatem. Non sane in carne peccati, sed in similitudine carnis peccati, qui peccatum non facere, sed tollere veniebat, apparuit, ea scilicet de causa quam ipse non tacuit, *ut qui non vident videant, et qui vident cæci fiant* [*Joan.* ix, 39]. Ille ergo similitudine deceptus Propheta, cæcus hodieque, quem nescit benedicere, dum quem lectitat in libris, ignorat et in miraculis: et quem propriis attrahat manibus, ligando, flagellando, colaphizando, minine tamen vel resurgentem [*al.* resurgendo] intelligit. Si enim cognovissent, nunquam Dominum gloriæ crucifixissent [*I Cor.* ii, 8]. Percurramus succincto sermonē et cætera loca sancta, et si non omnia, saltem aliqua: quoniam quæ admirari per singula



non sufficimus, libet vel insigniora, et ipsa breviter A recordari.

### CAPUT VIII.

*De monte Oliveti et valle Josaphat.*

14. Ascenditur in montem Oliveti, descenditur in vallem Josaphat: ut sic divitias divinæ misericordiæ cogites, quatenus horrorem iudicii nequaquam dissimules; quia etsi in multis miserationibus suis multus est ad ignoscendum, iudicia tamen ejus nihilominus abyssus multa, quibus agnoscitur valde omnino terribilis super filios hominum. David denique qui montem Oliveti demonstrat, dicens, *Homines et jumenta salvabis, Domine, quemadmodum multiplicasti misericordiam tuam, Deus*; etiam iudicii vallem in eodem psalmo commemorat, dicens. *Non veniat mihi*, inquit, *per superbiam, et manus peccatoris non moveat me* (Psal. xxv, 7, 12). Cujus et præcipitum se omnino perhorrescere fateatur, cum in alio psalmo ita loquitur, orans: *Confuge timore tuo carnes meas, a iudiciis enim tua timui* (Psal. cxviii, 120). Superbus in hanc vallem corruit, et conquassatur: humilis descendit, et minime periclitatur. Superbus excusat peccatum suum: humilis accusat, sciens quia Deus non bis judicat in idipsum; et quod si nosmet ipsos judicaverimus, non utique judicabimur (I Cor. xi, 31).

15. Porro superbus non attendens quam horrendum sit incidere in manus Dei viventis, facile prorumpit in verba malitiæ ad excusandas excusationes in peccatis. Magna rêvera malitia, tui te non misereri, et solum post peccatum remedium confessionis a te ipso repellere, ignemque in sinu tuo involvere potius, quam excutere, nec præbere autem consilio Sapientis qui ait: *Miserere animæ tuæ placens Deo* (Eccli. xxx, 24). Proinde qui sibi nequam, cui bonus? Nunc iudicium est mundi, nunc princeps hujus mundi ejicietur foras (Joan. 12, 31), hoc est de corde tuo, si te tamen humiliando ipse dijudicas. Erit iudicium cæli, quando ipsum vocabitur cælum desursum, et terra discerneret populum suum (Psal. xlix, 4): in quo sane timendum, ne projiciaris tu cum ipso et angelis ejus, si tamen inventus fueris injudicatus. Alioquin spiritualis homo, qui omnia dijudicat, ipse a nemine judicabitur (I Cor. ii, 15). Propter hoc ergo iudicium incipit a domo Dei, ut suos, quos novit iudex, cum venerit inveniat iudicatos: et jam nil de eis habeat judicare, quando videlicet iudicandi sunt hi qui in labore hominum non sunt, et cum hominibus non flagellantur (Psal. lxxii, 5).

### CAPUT IX.

*De Jordane.*

16. Quam læto sinu Jordanis excipit Christianos, qui se Christi gloriatur consecratur baptismo! Mentitus est plane Syrus ille leprosus, qui nescio quas Damasci aquas aquis prætulit Israelis (IV Reg. v, 12), cum Jordanis nostri devotus Deo famulatus toties probatus exstiterit, sive quando Eliæ, sive quando Eli-

colam) quando Josue et omni populo simul, impetum mirabiliter inhibens, siccum in se transitum præbuit (Josue. iii). Denique quid in fluminibus isto eminentius, quod ipsa sui [al. sibi] Trinitas quadam evidenti præsentia dedicavit? Pater auditus, visus Spiritus sanctus, Filius est et baptizatus. Merito proinde 552 ipsam ejus virtutem, quam Naaman ille consulente propheta sensit in corpore (IV Reg. v, 14), jubente Christo universus quoque fidelis populus in anima experitur.

### CAPUT X.

*De loco Calvarie.*

17. Exitur etiam in Calvarie locum, ubi verus Elisæus ab insensatis pueris irrisus, risum suis insinuavit æternum, de quibus ait: *Ecce ego, et pueri mei, quos mihi dedit Dominus* (Isai. viii, 18). Boni pueri, quos per contrarium illorum malignantium ad laudem excitat Psalmista, dicens, *Laudate, pueri, Dominum, laudate nomen Domini* (Psal. cxii, 4), quatenus in ore sanctorum infantium et lactentium perficeretur laus, quæ ex ore defecerat invidorum, eorum utique, de quibus queritur ita: *Filios enutrivit et exaltavi, ipsi autem spreverunt me* (Isai. i, 2). Ascendit itaque crucem calvus noster, mundo pro mundo expositus: et revelata facie ac discooperta fronte purificationem peccatorum faciens, probrosæ et austere mortis tam non erubuit ignominiam, quam nec pœnam exhorruit, ut nos opprobrio sempiterno eriperet, restitueret gloriæ. Nec mirum. Quid enim erubesceret, qui ita lavit nos a peccatis, non quidem ut aqua diluens et retinens sordes, sed veluti solis radius desiccans et retinens puritatem? Est quippe Dei sapientia ubique attingens propter munditiam suam.

### CAPUT XI.

*De Sepulcro*

18. Inter sancta ac desiderabilia loca sepulcrum tenet quodammodo principatum, et devotionis plus nescio quid sentitur, ubi mortuus requievit, quam ubi vivens conversatus est; atque amplius movet ad pietatem mortis, quam vitæ recordatio. Puto quod illa austerior, hæc dulcior videatur: magisque infirmitati blandiatur humanæ quies dormitionis, quam labor conversationis; mortis securitas, quam vitæ rectitudo. Vita Christi, vivendi mihi regula exstitit: mors, a morte redemptio. Illa vitam instruxit, mortem ista destruxit. Vita quidem laboriosa, sed mors pretiosa: utraque vero admodum necessaria. Quid enim Christi prodesse poterat, sive mors nequiter viventi, sive vita damnabiliter morienti? Nunquid denique aut mors Christi etiam nunc male usque ad mortem viventes a morte æterna liberat, aut mortuos ante Christum sanctos patres vitæ sanctitas liberavit? sicut scriptum est, *Quis est homo qui vivet, et non videbit mortem, eruet animam suam de manu inferi?* (Psal. lxxxviii, 49)? Nunc ergo quia utrumque nobis pariter necessarium erat, et pie vivere, et

securae mori; et vivendo vivere docuit, et mortem A moriendo securam reddidit: quoniam quidem resurrectorum occubuit, et spem fecit morientibus resurgendi. Sed addidit et tertium beneficium, cum etiam peccata donavit, sine quo utique cetera non valebant. Quid enim (quantum quidem ad veram summamque beatitudinem spectat) quantalibet vitæ rectitudo seu longitudo prodesse poterat illi, qui vel solo originali peccato teneretur adstrictus? Peccatum quippe præcessit, ut sequeretur mors: quod sane si cavisset homo, mortem non gustasset in æternum.

19. Peccando itaque vitam amisit, et mortem invenit: quoniam quidem et Deus ita prædixerat, et justum profecto erat, ut si peccaret homo, moreretur. Quid namque justius poterat quam recipere talionem? Vita siquidem Deus animæ est, ipsa corporis. Peccando voluntarie, volens perdidit vivere: nolens perdat et vivificare. Sponte repulit vitam cum vivere noluit; non valeat eam dare cui, vel quatenus voluerit. Noluit anima regi a Deo: non queat regere corpus. Si non paret superiori, inferiori cur imperet? Invenit Conditor suam sibi rebellem creaturam: inveniat anima suam sibi rebellem pedissequam. Transgressor inventus est homo divinæ legis: inveniat et ipse aliam legem in membris suis, repugnantem legi 553 mentis suæ, et captivantem se in legem peccati (Rom. vii, 23). Porro peccatum, ut scriptum est, separat inter nos et Deum (Isai. lix, 2): æparet proinde etiam mors inter corpus nostrum et nos. Non potuit dividi a Deo anima nisi peccando, nec corpus ab ipsa nisi moriendo. Quid itaque austerius pertulit in ultione, id solum passa a subdito, quod præsumperat in auctorem? Nihil profecto congruentius, quam ut mors operata sit mortem, spiritualis corporalem, culpabilis penalem, voluntaria necessariam.

20. Cum ergo hac gemina morte secundum utramque naturam homo damnatus fuisset, altera quidem spirituali et voluntaria, altera corporali et necessaria; utrique Deus homo una sua corporali ac voluntaria benigne et potenter occurrit, illaque una sua nostram utramque damnavit. Merito quidem: nam ex duabus mortibus nostris, cum altera nobis in culpæ meritum, altera in pœnæ debitum reputaretur; suscipiens pœnam, et nesciens culpam, dum sponte et tantum in corpore moritur et vitam nobis, et justitiam promeretur. Alioquin si corporaliter non pateretur, debitum non solvisset: si non voluntarie moreretur, meritum mors illa non habuisset. Nunc autem si, ut dictum est, mortis meritum est peccatum, et peccati debitum mors; Christo remittente peccatum, et moriente pro peccatoribus, profecto jam nullum est meritum, et solum est debitum.

21. Cæterum unde scimus, quod Christus possit peccata dimittere? Hinc procul dubio, quia Deus est, et quidquid vult, potest. Unde autem et quod Deus sit? Miracula probant. Facit quippe opera, quæ nemo alius facere possit: ut taceam oracula Prophe-

tarum, necnon et paternæ vocis testimonium elapsæ cœlii ad ipsum a magnifica gloria. Quod si Deus pro nobis, quis contra nos? Deus qui iustificat, quis est qui condemnet? Si ipse est et non alius, cui quotidie confitemur dicentes: *Tibi soli peccavi* (Psalm. l, 6); quis melius, imo quis alius remittere potest quod in eum peccatum est? Aut quomodo ipse non potest, qui omnia potest? Denique ego quod in me delinquitur valeo, si volo, donare: et Deus non queat in se commissæ remittere? Si ergo peccata remittere et possit, omnipotens, et solus possit, cui soli peccatur; beatus profecto, cui non imputabit ipse peccatum. Itaque cognovimus, quod peccata Christi divinitatis suæ potentia valuit relaxare.

22. Porro jam de voluntate quis dubitet? Qui enim nostram et induit carnem, et subiit mortem; putas, suam nobis negabit justitiam? Voluntarie incarnatus, voluntarie passus, voluntarie crucifixus, solam a nobis retinebit justitiam? Quod ergo ex deitate constat illum potuisse, ex humanitate innotuit et voluisse. Sed unde rursus confidimus quod mortem abstulit? Hinc plane, quod eam ipse qui non meruit, petulit. Qua enim ratione iterum exigeretur a nobis, quod pro nobis ille jam solvit? Qui peccati meritum tulit, suam nobis donando justitiam; ipse mortis debitum solvit et reddidit vitam. Sic namque mortua morte revertitur vita, quemadmodum ablato peccato reddit justitia. Porro mors in Christi morte fugatur, et Christi nobis justitia imputatur. Verum quomodo mori potuit qui Deus erat? Quoniam nimirum et homo erat. Sed quo pacto mors hominis illius pro altero valuit? Quia et justus erat. Profecto namque cum homo esset, potuit mori; cum justus, non debuit gratis. Non quidem peccator mortis sufficit solvere debitum pro altero peccatore, cum quisque moriatur pro se. Qui autem mori pro se non habet, nunquid pro alio frustra debet? Quanto sane indignius moritur qui mortem non meruit, tanto is justius pro quo moritur, vivit.

23. Sed quæ, inquis, justitia est, ut innocens moriatur pro impio? Non est justitia, sed misericordia. Si justitia esset, jam non gratis, sed ex debito moreretur. Si ex debito, ipse quidem moreretur: sed is pro quo moreretur, non viveret. At vero si justitia non est, non tamen contra justitiam est. Alioquin et justus, et misericors simul esse non posset. Sed etsi justus 554 non injuste pro peccatore satisfacere valeat, quo tamen pacto etiam unus pro pluribus? Etenim satis esse videretur ad justitiam, si unus uni moriens vitam restituit. Huic jam respondeat Apostolus. *Sicut enim, inquit, per unius delictum, in omnes homines, in condemnationem; sic et per unius justitiam, in omnes homines, in justificationem vitæ. Sicut enim per inobedientiam unius hominis peccatores constituti sunt multi, ita et per unius hominis obedientiam iusti constituentur multi* (Rom. v, 18, 19). Sed forte unus pluribus justitiam quidem restituere potuit, vitam non potuit. *Per unum, ait, hominem mors, et per unum hominem vita. Sicut*

anim in Adam omnes moriuntur, ita et in Christo omnes vivificabuntur (I Cor. xv, 21, 22). Quid enim? Unus peccavit, et omnes tenentur rei; et unius innocentia soli reputabitur uni [ad. innocent]i? Unius peccatum omnibus operatum est mortem, et unius iustitia uni vitam restitnet? Itane Dei iustitia magis ad condemnandum, quam ad restaurandum valuit? aut plus potuit Adam in malo, quam Christus in bono? Adæ peccatum imputabitur mihi, et Christi iustitia non pertinebit ad me? Illius me inobedientia perdidit, et huius obedientia non proderit mihi?

24. Sed Adæ, inquis, delictum merito omnes contrahimus, in quo quippe omnes peccavimus: quoniam cum peccavit, in ipso eramus, et ex ejus carne per carnis concupiscentiam geniti sumus. Atqui ex Deo multo germanius secundum spiritum nascimur, quam secundum carnem ex Adam; secundum quem etiam spiritum longe ante fuimus in Christo, quam secundum carnem in Adam: si tamen et nos inter illos numerari confidimus, de quibus Apostolus. Qui elegit nos, inquit, in ipso (haud dubium quin Pater in Filio) ante mundi constitutionem (Ephes. 1, 4). Quod autem etiam ex Deo nati sumus, testatur evangelista Joannes, ubi ait, Qui non ex sanguinibus, neque ex voluntate carnis, neque ex voluntate viri, sed ex Deo nati sunt (Joan. 1, 13): item ipse in Epistola, Omnis qui natus est ex Deo, non peccat, quia generatio celestis conservat eum (I Joan. III, 9). At carnis traducem, ais, carnalis testatur concupiscentia: et peccatum quod in carne sentimus, manifeste probat, quod secundum carnem de carne peccatoris descendimus. Sed enim nihilominus spiritualis illa generatio, non quidem in carne, sed in corde sentitur ab his duntaxat qui in Paulo dicere possunt, Nos autem sensum Christi habemus (I Cor. II, 16); in quo et eatenus profecisse se sentiunt, ut et ipsi cum omni fiducia dicant, Ipse enim spiritus testimonium reddit spiritui nostro, quod sumus filii Dei (Rom. VIII, 16): et illud, Nos autem non spiritum huius mundi accepimus, sed spiritum qui ex Deo est, ut sciamus quæ a Deo donata sunt nobis (I Cor. II, 12). Per spiritum ergo qui ex Deo est, charitas diffusa est in cordibus nostris: sicut et per carnem quæ est ex Adam, manat concupiscentia nostris insita membris. Et quomodo ista quæ a progenitore corporum descendit, nunquam in hac vita mortali a carne recidit; sic illa procedens ex Patre spirituum, ab intentione filiorum duntaxat perfectorum nunquam excidit.

25. Si ergo ex Deo nati, et in Christo electi sumus: quænam iustitia est, ut plus noceat humana atque terrena, quam valeat divina celestisque generatio; Dei electionem vincat carnalis successio, et æterno ejus proposito carnis præscribat temporaliter traducta concupiscentia? Quinimo si per unum hominem mors, cur non multo magis per unum, et illum hominem vita? Et si in Adam omnes morimur, cur non longe potentius in Christo omnes vivificabimur? Denique non sicut delictum, ita et donum. Nam iudicium ex uno in condemnationem; gratia autem ex multis deli-

ctis in justificationem (Rom. v, 15, 16). Christus igitur et peccata dimittere potuit, cum Deus sit; et mori, cum sit homo; et mortis moriendo solvere debitum, quia justus; et omnibus unus ad iustitiam vitamque sufficere, quandoquidem et peccatum, et mors ex uno in omnes processerit.

26. Sed hoc quoque necessarie omnino provisum est, quod dilata morte homo inter homines dignatus est aliquandiu conversari: quatenus crebris et veris locutionibus ad invisibilia excitaret, miris operibus astrueret fidem, rectis moribus instrueret. Itaque in oculis hominum Deus homo sobrie, et juste, et pie conversatus, vera locutus, mira operatus, indigna passus, in quo jam defuit nobis ad salutem? Accedat et gratia remissionis peccatorum, hoc est, ut gratis peccata dimittat: et opus profecto nostræ salutis consummatum est. Non autem metuendum, quod donandis peccatis aut potestas Deo, aut voluntas passo, et tanta passo pro peccatoribus desit: si tamen solliciti inveniamur digne, ut oportet, et imitari exempla, et venerari miracula; doctrinæ quoque non existamus increduli, et passionibus non ingrati.

27. Itaque totum nobis de Christo valuit, totum saluterum, totumque necessarium fuit, nec minus profuit infirmitas quam majestas: quia etsi ex deitatis potentia peccati jugum jubendo submovit, ex carnis tamen infirmitate mortis jura moriendo concussit. Unde pulchre ait Apostolus: Quod infirmum est Dei, fortius est hominibus. Sed et illa ejus stultitia, per quam ei placuit salvum facere mundum, ut mundi confutaret sapientiam, confunderet sapientes; quod videlicet cum in forma Dei esset, Deo æqualis, semetipsum exinanivit formam servi accipiens; quod dives cum esset, propter nos egenus factus est, de magno parvus, de celso humilis, infirmus de potente; quod esuriit, quod sitiit, quod fatigatus est in itinere, et cætera quæ passus est voluntate, non necessitate: hæc ergo ipsius quædam stultitia, nonne fuit nobis via prudentiæ, iustitiæ forma, sanctitatis exemplum? Ob hoc item Apostolus: Quod stultum est, inquit, Dei, sapientius est hominibus (I Cor. I, 25). Mors ergo a morte, vita ab errore, a peccato gratia liberavit. Et quidem mors per iustitiam suam periegit victoriam: quia justus exsolvendo quæ non rapuit, jure omnino quod amiserat recepit. Vita vero quod ad se pertinuit, per sapientiam adimplevit, quæ nobis vitæ et disciplinæ documentum ac speculum exstitit. Porro gratia ex illa, ut dictum est, potestate peccata dimisit, quia omnia quæcumque voluit, fecit. Mors itaque Christi, mors est mee mortis: quia ille mortuus est, ut ego viverem. Quo pacto enim jam non vivat, pro quo moritur Vita? Aut quis jam in via morum, seu rerum notitia errare timebit duce Sapientia? Aut unde jam reus tenebitur, quem absolvit Iustitia? Vitam quidem se ipse perhibet in Evangelio: Ego sum, inquit, vita (Joan. XIV, 6). Porro duo sequentia testatur



Apostolus, dicens : *Qui factus est nobis iustitia et A sapientia a Deo Patre (I Cor. i, 30).*

28. Si ergo lex spiritus vitæ in Christo Jesu liberavit nos a lege peccati et mortis, utquid adhuc morimur, et non statim immortalitate vestimur? Sane ut Dei veritas impleatur. Quia enim misericordiam et veritatem diligit Deus (*Psal. lxxxiii, 12*), necesse est mori quidem hominem, quippe quod prædixerat Deus : sed a morte tamen resurgere, ne obliviscatur misereri Deus. Ita ergo mors etsi non perpetuo dominatur, manet tamen propter veritatem Dei vel ad tempus in nobis : quemadmodum peccatum, etsi jam non regnat in nostro mortali corpore, non tamen deest penitus nobis. Proinde Paulus ex parte quidem liberatum se a lege peccati et mortis gloriatur; sed rursus se utraque nihilominus lege aliqua gravari ex parte conqueritur, sive cum adversus peccatum miserabiliter clamat, *Invenio aliam legem in membris meis (Rom. vi, 23)*, et cætera; sive cum ingemiscit gravatus, haud dubium quin lege mortis, redemptionem expectans corporis sui (*Rom., viii, 25*).

29. Sive itaque hæc, sive alia quæcunque in hunc modum, prout in talibus in suo quisque abundat sensu, ex occasione sepulcri christianis sensibus suggerantur : puto quod non mediocris dulcedo devotionis infundatur cominus intuenti; nec parum proficitur cernendo etiam corporalibus oculis corporalem locum dominicæ quietis. Etsi quippe jam vacuum sacris membris, plenum tamen nostris et jucundis admodum sacramentis. Nostris, inquam, nostris, si tamen tam ardentem amplectimur, quam indubitanter tenemus **556** quod Apostolus ait : *Consepulti enim sumus per Baptismum in mortem, ut quomodo surrexit Christus a mortuis per gloriam Patris, ita et nos in novitate vitæ ambulemus. Si enim complantati facti sumus similitudini mortis ejus, simul et resurrectionis erimus (Rom. vi, 4, 5).* Quam dulce est peregrinis post multam longi itineris fationem, post plurima terræ marisque pericula, ibi tandem quiescere, ubi et agnoscunt suum Dominum quiesuisse! Puto jam præ gaudio non sentiant vitæ laborem, nec gravamen reputant expensarum; sed tanquam laboris præmium, cursusve bravium assecuti, juxta Scripturæ sententiam, *gaudent vehementer cum invenerint sepulcrum (Job. iii, 22).* Nec casu vel subito, aut veluti lubrica popularis favoris opinione, id tam celebre nomen sepulcrum nactum esse putetur, cum hoc ipsum tantis retro temporibus Isaïas tam aperte prædixerit : *Et erit, inquit, in die illa radix Jesse, qui stat in signum populorum, ipsum gentes deprecabuntur, et erit sepulcrum ejus gloriosum (Isa. xi, 10).* Revera ergo impletur: cernimus quod legimus prophetatum, novum quidem intuenti, sed legenti antiquum : ut sic adsit de novitate jucunditas, ut de vetustate non desit auctoritas. Et de sepulcro ista sufficiant.

## CAPUT XII.

## De Bethphage.

30. Quid de Bethphage dicam, viculo sacerdotum, quem pene præterieram, ubi et confessionis sacramentum, et sacerdotalis ministerii mysterium continetur? Bethphage quippe Domus buccæ interpretatur. Scriptum est autem : *Prope est verbum in ore tuo, et in corde tuo (Deut. xxx, 14).* Non in altero tantum, sed simul in utroque verbum habere meminervis. Et quidem verbum in corde peccatoris operatur salutiferam contritionem : verbum vero in ore noxiam tollit confusionem, ne impediatur necessariam confessionem. Ait enim Scriptura : *Est pudor adducens peccatum, et est pudor adducens gloriam (Eccli. iv, 25).* Bonus pudor est, quo peccasse, aut certe peccare confunderis : et omnis licet humanus arbiter forte absit, divinum tamen quam humanum tanto verecundius revereris aspectum, quanto et verius Deum quam hominem cogitas puriorem [*al. præsentiores*] : tantoque eum gravius offendi a peccante, quanto constat longius ab illo esse omne peccatum. Hujuscemodi procul dubio pudor fugat opprobrium, parat gloriam, dum aut peccatum omnino non admittit, aut certe admissum et pœnitendo punit, et confitendo expellit : si tamen gloria etiam nostra hæc est, testimonium conscientie nostræ. Quod si quispiam confiteri confunditur id quoque, unde compungitur, talis pudor peccatum adducit, et gloriam de conscientia perdit, quando malum quod ex profundo cordis compunctio conatur expellere, pudor ineptus obstruso labiorum ostio non permittit exire; cum eum exemplo David dicere polius oporteret : *Et labia mea non prohibebo, Domine, tu scisti (Psal. xxxix, 10).* Qui et seipsum redarguens, puto super hujuscemodi, stulto et irrationabili pudore, *Quoniam tacui, inquit, inveteraverunt ossa mea (Psal. xxxi, 5).* Unde et optat ostium poni circumstantie labiis suis (*Psal. cxi, 3*), ut oris januam et aperire confessioni, et defensionis claudere norit. Denique et aperte hoc ipsum orans petit a Domino, sciens nimirum, quia confessio et magnificentia opus ejus (*Psal. cx, 3*). Et quod videlicet nostram malitiam, et quod æque divinæ bonitatis et virtutis magnificentiam minime tacemus, magnum quidem geminæ confessionis bonum, sed Dei est donum. Ait itaque : *Non declines cor meum in verba malitiæ ad excusandas excusationes in peccatis (Psal. cxi, 4).* Quamobrem ministros verbi sacerdotes caute necesse est ad utrumque vigilare sollicitos, quo videlicet delinquentium cordibus tanto moderamine verbum timoris et contritionis infligant, quatenus eos nequaquam a verbo confessionis extorqueant; sic corda aperiant, ut ora non obstruant; sed nec absolvant etiam compunctum, nisi viderint et confessum : quandoquidem corde creditur ad justitiam, ore autem confessio fit ad salutem. Alioquin a mortuo, tanquam **557** qui non est, perit confessio (*Eccli. xvii, 26*). Quisquis igitur verbum in ore habet, et in corde non habet, aut dolosus est, aut va-

nus : quisquis vero in corde, et non in ore, aut superbus est, aut timidus.

### CAPUT XIII.

#### De Bethania.

31. Sane non omnino (etsi multum festinem) debeo transire silenter domum obedientie, Bethaniam videlicet, castellum Mariæ et Marthæ, in quo Lazarus est resuscitatus : ubi nimirum et utriusque vitæ figura, et Dei erga peccatores mira clementia, necnon et virtus obedientie una cum fructibus pœnitentiæ commendatur. Hoc ergo in loco breviter intimatum sufficiat, quod quidem nec studium bonæ actionis, nec otium sanctæ contemplationis, nec lacrymæ pœnitentis extra Bethaniam accepta esse poterunt illi, qui tanti habuit obedientiam, ut vitam quam ipsam perdere maluerit, factus obediens Patri usque ad mortem. Hæ sunt illæ profecto divitiæ, quas sermo propheticus ex verbo Domini pollicetur : *Consolabitur, inquit, Dominus Sion, et consolabitur omnes ruinas ejus; et ponet desertum ejus quasi*

*A* *delicias, et solitudinem ejus quasi hortum Domini. gaudium et lætitia invenietur in ea, gratiarum actio, et vox laudis (Isa. LI, 3). Hæc igitur orbis deliciæ, hic thesaurus cœlestis, hæc fidelium hereditas populorum, vestræ sunt, charissimi, credita fidei, vestræ prudentiæ et fortitudini commendata. Tunc autem cœleste depositum secure et fideliter custodire sufficitis, si nequaquam de ipsa vestra prudentia vel fortitudine, sed de Dei tantum adjutorio ubique præsumitis, scientes quia non in fortitudine sua roborabitur vir, et ideo dicentes cum propheta : *Dominus firmamentum meum, et refugium meum, et liberator meus (Psal. XVII, 2)* : et illud, *Fortitudinem meam ad te custodiam, quia Deus susceptor meus; Deus meus, misericordia ejus præveniet me (Psal. LVIII, 10, 11)* ; et item : *Non nobis, Domine, non nobis, sed nomini tuo da gloriam (Psal. CXLIII, 9)* : ut in omnibus sit ipse benedictus, qui docet manus vestras ad prælium, et digitos vestros ad bellum (Psal. CXLIII, 1)*

## 558 ADMONITIO IN OPUSCULUM VII.

1. Primus Bernardi fœtus est libellus sequens, inscriptus « de Gradibus Humilitatis », primusque nominatur tum a Bernardo ipso, tum a Gaufrido monacho, ejus Vitæ scriptore. Bernardi hæc verba sunt in epistola decima octava, ad Petrum cardinalem : « Et ut sciat quid petatis, scio me scripsisse libellum, qui inscribitur de Humilitate, et quatuor Homilias, » etc. Hæc epistola sub annum 1127 exarata est. Gaufridus vero in libro tertio de ejus Vita, cap. 8, « Si quis, » inquit, « nosse desiderat, quam sollicitus ab initio sui ipsius dijudicator et scrutator exstiterit, primum opus illius de Gradibus Humilitatis inspicat. » Rationem hujusce tituli reddit Vir sanctus in Censura seu Retractatione libri, quam in fronte operis præfigi voluit. Cum enim quoddam verbum, quasi e Scriptura sacra prolutum, ipsi excidisset, et quamdam de Seraphim expositionem, quam in Patribus non legerat, adduxisset; hoc comperio, incunctanter sententiam ipse suam emendare non dubitavit. Tantis erat in sancto Doctore veritatis amor! tanta in Patres reverentia! Hic Manricus graviter monet exemplo Bernardi auctores mysticos ac theologicos nonnullos, « qui vel in literalibus, vel in altissimis theologiæ sacre sensibus novitates non solum inducunt, sed etiam proficiuntur : dum Bernardus, theologia divinitus infusa prædictus, in sensu mystico quod a Patribus non acceptat, suspectum habet, nec satis credis suæ conscientiæ factum, donec rem a se excogitatum retractaret. » Quanquam alio in loco quiddam amplius sibi licere permisit, nempe in fine homiliarum super Missus est, ubi ita ait, « Si quid dictum est præter Patres, quod non sit contra Patres; nec Patribus arbitror, nec cuiquam displicere debere : » et in epistola septuagesima septima, « Sane ibi unusquisque in suo sensu securus abundet, ubi aut certæ rationi, aut non contemnendæ auctoritati quod sentitur non obviat. » Hæc sanctus doctor, priorum sententiam temperans, nec tam novos sensus, si ratione ducantur, quam affectatum eorum studium reprehendens.

2. Tempus scripti libri de Gradibus Humilitatis colligimus ex præludata epistola decima octava sub annum 1127 scripta. Tunc enim Bernardus quatuor tantum opuscula dictaverat cum aliquot epistolis, quorum opusculorum cum primum fuerit de Humilitate, ante annum 1125 scriptum dici debet. Certe ad Gaufridum Claræ Vallis Priorem ac consanguineum suum, postea Lingonensem episcopum, ad quem epistola trecentesima vigesima. Hunc « filium, fratrem, socium, et profectus sui participem » vocat hic n. 24. In codice Colbertino, notato 3964, hæc inscriptio libri legitur post libros de Consideratione : « Incipit liber ejusdem de Gradibus Humilitatis, ad Gaufridum tunc in Clara-Valle Priorem, postea Lingonicæ civitatis episcopum. » Deest in hoc codice Retractatio, quæ in quatuor aliis manuscriptis libro præmittitur. Unde eam in hunc locum restituere visum est, quam Horstius ad calcem rejecerat.

#### RETRACTATIO S. BERNARDI IN TRACTATUM DE GRADIBUS HUMILITATIS.

In hoc Opusculo, cum illud de Evangelio, quod Dominus ait, diem ultimi judicii se nescire, ad aliquam sententiam confirmandam atque corroborandam proferrem in medium (cap. 1, n. 1), improvide quidem apposui, quod in Evangelio scriptum non esse postea deprehendi. Nam cum textus habeat tantummodo, neque filius scit; ego deceptus magis, quam fallere volens, litteræ quippe immemor, sed non sensus, « Nec ipse, » inquam, « Filius hominis scit. » Unde etiam totam ordiens sequentem disputationem, ex eo quod non veraciter posui, veram conatus sum approbare assertionem. Sed quia talem errorem meum multo post, quam a me idem libellus editus, et a pluribus jam transcriptus fuit, deprehendi; cum non potui per tot jam libellos sparsum persequi mendacium, necessarium credidi confugere ad confessionis remedium. Alio quoque in loco (Cap. 10, n. 55) quamdam de Seraphim opinionem posui, quam nunquam audivi, nusquam legi. Ubi sane lector meus attendat, quod proinde temperanter, « puto, » dixerim : volens videlicet non aliud, quam putari, quod certum reddere de Scripturis non valui. Titulus quoque ipse qui de Gradibus Humilitatis inscribitur, pro eo forsitan quod non humilitatis, sed superbiæ potius hic distingui describique gradus videntur, calumniam patet, sed hoc a minus vel intelligentibus, vel attendentibus ejus tituli rationem, quam tamen in fine opusculi ipse breviter intimare curavi.

## S. BERNARDI ABBATIS DE GRADIBUS HUMILITATIS ET SUPERBIE TRACTATUS.

### 559 PRÆFATIO.

Rogasti me, frater Godefride, ut ea quæ de gradibus humilitatis coram fratribus locutus fueram, pleniori tibi tractatu dissererem. Cui tuæ petitioni digne, ut dignum erat, et volens satisfacere, et timens non posse, evangelici consilii memor, non prius, fateor, incipere ausus sum, quam sedens computavi, si sufficerent sumptus ad perficiendum (*Luc. xiv, 28*). Cum autem charitas hunc foras misisset timorem, quo mihi timebam illudi de opere non consummando, subintravit alius timor de contrario, quo cœpi timere gravius periculum de gloria si perfecissem, quam de ignominia si defecissem. Unde inter hunc timorem et charitatem, velut in quodam bivio positus, diu hæsitavi, cui viarum tuto me crederem; metuens aut loquendo utiliter de humilitate, ipse humilis non inveniri; aut tacendo humiliter, inutilis fieri. Cumque neutram viam tutam, alterutram tamen mihi tenendam esse conspicerem; elegi potius tibi, si quem possem, communicare fructum sermonis, quam tutari me solum portu silentii: simul fiduciam habens, si quid forte, quod approbes, dixerim, tuis precibus posse me non superbiere; sin autem (quod magis puto) nihil tuo studio dignum effecerim, de nihilo superbiere non posse.

### CAPUT PRIMUM.

*Christum esse viam humilitatis, qua pervenitur ad veritatem.*

1. Locuturus ergo de gradibus humilitatis, quos beatus Benedictus non numerandos, sed ascenden-  
dos proponit (*Reg. cap. 7*), prius ostendo, si possum, quo per illos perveniendum sit, ut audito fructu perventionis, minus gravet labor ascensionis. Proponit itaque Dominus nobis viæ laborem, laboris mercedem: *Ego sum*, inquit, *via, veritas, et vita* (*Joan. xiv, 6*). Viam dicit humilitatem, quæ ducit ad veritatem. Altera labor, altera fructus laboris est. Unde sciam, inquis, quod ibi de humilitate locutus sit, cum indeterminate dixerit: *Ego sum via*? Audi apertius: *Discite a me quia mitis sum et humilis corde* (*Matth. xi, 29*). Se ergo proponit humilitatis exemplum, mansuetudinis formam. Si imitaris eum, non ambulas in tenebris, sed habebis lumen vitæ (*Joan. viii, 12*). Quid est lumen vitæ, nisi veritas;

A quæ illuminans omnem hominem venientem in hunc mundum, ostendit ubi sit vera vita? Ideo cum dixisset, *Ego sum via et veritas*, subdidit, *et vita*: ac si diceret: *Ego sum via, quæ ad veritatem duco*; ego sum veritas quæ vitam promitto: ego sum vita, quam do. *Hæc est enim*, ait, *vita æterna, ut cognoscant te verum Deum: et quem misisti Jesum Christum* (*Matth. xvii, 3*). Vel sic, quasi tu dicas: Viam considero, id est humilitatem: fructum desidero, veritatem. Sed quid si tantus est labor viæ, ut ad optatum lucrum non possim pervenire? Respondet: *Ego sum via*, id est viaticum, quo sustentaris in via. Clamat igitur errantibus, et viam ignorantibus, *Ego sum via*: dubitantibus, et non credentibus, *Ego sum veritas*: jam ascendentibus, sed lasscentibus, *Ego sum vita*. Satis, ut reor, ostensum est ex proposito capitulo Evangelii, 560 cognitionem veritatis fructum esse humilitatis. Accipe et aliud. *Confiteor tibi, Pater, Domine cæli et terræ, quia abscondisti hæc*, haud dubium quin veritatis secreta, a sapientibus et prudentibus, id est a superbis, et revelasti ea parvulis (*Luc. x, 21*), hoc est humilibus. Et in hoc apparet quod veritas, quæ superbis absconditur, humilibus revelatur.

2. Humilitatis vero talis potest esse definitio: Humilitas est virtus, qua homo verissima sui agnitione sibi ipsi vilescit. Hæc autem convenit his qui ascensionibus in corde suo dispositis, de virtute in virtutem, id est de gradu in gradu proficiunt, donec ad culmen humilitatis perveniant, in quo velut in Sion, id est in speculatione, positi, veritatem prospiciant. *Etenim*, inquit, *benedictionem dabit legislator* (*Psal. lxxxiii, 8*): quia qui dedit legem, dabit et benedictionem; hoc est, qui jussit humilitatem, perducet ad veritatem. Quis vero est hic legislator, nisi dulcis et rectus Dominus qui legem dedit delinquentibus in via? (*Psal. xxiv, 8*.) In via quippe delinquant, qui veritatem derelinquant. Sed nunquid vel sic a dulci Domino derelinquantur? Ipsi ergo dulcis et rectus Dominus legem dat viam humilitatis, per quam redeant ad cognitionem veritatis. Dat occasionem recuperandæ salutis, quia dulcis est; non tamen absque disciplina legis, quia rectus est. Dulcis, quia perire non patitur; rectus, quia punire non obliviscitur.



## CAPUT II.

*Quo fructu ascenduntur gradus humilitatis.*

3. Hanc itaque legem, qua reditur ad veritatem, beatus Benedictus per duodecim gradus disponit: ut sicut per decem præcepta legis ac geminam circumcisionem (in quo duodenarius numerus adimpletur) ad Christum venit; ita his duodecim gradibus ascensis, veritas apprehendatur. Illud quoque quod in scala illa, quæ in typo humilitatis Jacob monstrata est, Dominus desuper innixus apparuit (*Gen. xxviii, 12, 13*), quid nobis aliud innuit, nisi quod in culmine humilitatis constituitur cognitio veritatis? Dominus quippe de summitate scalæ prospiciebat super filios hominum tanquam Veritas, cuius oculi sicut fallere nolunt, ita falli non norunt, ut videret si est intelligens aut requirens Deum. An non tibi de alto videtur clamare ac dicere requirentibus se (novit enim qui sunt ejus): *Transite ad me, omnes qui concupiscitis me, et a generationibus meis implemini?* (*Eccli. xxiv, 26*) et illud: *Venite ad me, omnes qui laboratis et onerati estis, et ego vos reficiam* (*Matth. xi, 28*). Venite, inquit. Quo? Ad me veritatem. Qna? Per humilitatem. Quo fructu? Ego vos reficiam. Sed quæ est refectio, quam Veritas ascendentibus promittit, pervenientibus reddit? An forte ipsa est charitas? Ad hanc quippe, ut ait beatus Benedictus, ascensis omnibus humilitatis gradibus monachus mox perveniet (*Reg. cap. 7, grad. 12*). Vere dulcis et suavis cibus charitas, quæ fessos allevat, debiles roborat, mæstos lætificat. Jugum denique Veritatis facit suave, et onus leve.

4. Bonus cibus charitas, quæ media in ferculo Salomonis consistens (*Cantic. iii, 9, 10*), diversarum odore virtutum, velut diversi generis fragrantia pigmentorum, esurientes reficit, **561** jucundat reficientes. Ibi siquidem apponitur pax, patientia, benignitas, longanimitas, gaudium in Spiritu sancto: et si quæ sunt aliæ veritatis seu sapientiæ generationes, apparantur [al. apponuntur] in illa. Habet et humilitas in eodem ferculo suar epulas, panem scilicet doloris et vinum compunctionis, quas primo Veritas incipientibus offert, quibus utique dicitur: *Surgite postquam sederitis, qui manducatis panem doloris* (*Psal. cxxvi, 2*). Habet ibidem contemplatio ex adipe frumenti solidum cibum sapientiæ, cum vino quod lætificat cor hominis, ad quæ Veritas perfectos invitat, dicens: *Comedite, amici mei, et bibite; et inebriamini, charissimi* (*Cantic. v, 1*). *Media, inquit, charitate constravit propter filias Jerusalem* (*id. ii, 10*); propter imperfectas videlicet animas, quæ, dum adhuc illum solidum cibum minus capere possunt, lacte interim charitatis pro pane, oleo pro vino nutriende sunt. Quæ recte media describitur, quia ejus suavis nec incipientibus præsto est, prohibente timore; nec perfectis satis est, pro abundantiori contemplationis dulcedine. Hi adhuc a noxiis carnalium delectationum humoribus, timoris amarissima potione purgandi, nondum lactis dulcedinem experiuntur: illi jam avulsi a lacte, epulari

A ab introitu gloriæ gloriosius delectantur: solis mediis, id est proficientibus, ita jam melleas quasdam sorbitunculas charitatis expertis, ut illis interim pro sui teneritudine contenti sint.

5. Primus ergo cibus est humilitatis, purgatorius cum amaritudine: secundus charitatis, consolatorius cum dulcedine: tertius contemplationis, solidus cum fortitudine. Heu mihi, Domine Deus virtutum! quousque irasceris super orationem servi tui, cibabis me pane lacrymarum, et potum dabis mihi in lacrymis? Quis me invitabit ad illud vel medium ac dulce charitatis convivium: ubi justī epulantur in conspectu Dei, et delectantur in lætitia, ut jam non loquens in amaritudine animæ meæ, dicam Deo, Noli me condemnare: sed epulando in azymis sinceritatis et veritatis, lætus cantem in viis Domini, quoniam magna est gloria Domini? Bona tamen via humilitatis, qua veritas inquiritur, charitas acquiritur, generationes sapientiæ participantur. Denique sicut finis legis Christus, sic perfectio humilitatis, cognitio veritatis. Christus cum venit attulit gratiam: Veritas quibus innotuerit, dat charitatem. Innotescit autem humilibus: humilibus ergo dat gratiam.

## CAPUT III.

*Quo ordine gradus humilitatis ad propositum bravium veritatis perducant: et quomodo Christus per passionem didicit misericordiam.*

6. Dixi, ut potui, quo fructu humilitatis gradus ascendi debeant: dicam, ut potero, quo ordine ad propositum bravium veritatis perducant. Sed, quia ipsa quoque veritatis agnitio in tribus gradibus consistit, ipsos breviter, si possum, distinguo: quatenus ex hoc clarius innotescat, ad quem trium veritatis, duodecimis humilitatis pertingat. Inquirimus namque veritatem in nobis, in proximis, in sui natura. In nobis, nosmetipsos dijudicando: in proximis, eorum malis compatiendo: in sui natura mundo corde contemplando. Observa sicut numerum, ita et ordinem. Primo te doceat Veritas ipsa, quod prius in proximis quam in sui debeat inquiri natura. Post hoc accipies, cur prius in te, quam in proximis inquirere debeas. In numero siquidem beatitudinum, quas suo sermone distinxit Dominus, prius misericordes, quam mundicordes posuit (*Matth. v, 7, 8*). Misericordes quippe cito in proximis veritatem deprehendunt, dum suos affectus in illos extendunt: dum sic per charitatem se illis conforment, ut illorum vel bona, vel mala, tanquam propria sentiant. Cum infirmis infirmantur, cum scandalizatis uruntur (*II Cor. xi, 19*). Gaudere cum gaudentibus, flere cum flentibus consueverunt (*Rom. xii, 15*). Hac charitate fraterna cordis acie munda, veritatem delectantur in sui contemplari **362** natura, pro cuius amore mala tolerant aliena. Qui vero ita se fratribus non consociant, sed e contrario aut flentibus insultant, aut gaudentibus derogant, dum quod in illis est, in se esse non sentiunt, quia similiter affecti non sunt, veritatem in proximis qualiter deprehendere possunt? Bene namque con-

venit illis illud vulgare proverbium : Nescit sanus A quid sentiat aeger, aut plenus quid patiatur jejunus. Et aeger, et jejunos jejuno quanto propinquius, tanto familiarius compatiuntur. Sicut enim pura veritas non nisi puro corde videtur ; sic miseria fratris verius misero corde sentitur. Sed ut ob alienam miseriam miserum cor habeas, oportet ut tuam prius agnoscas : ut proximi mentem in tua invenias, et ex te noveris, qualiter illi subvenias, exemplo scilicet Salvatoris nostri, qui pati voluit, ut compati sciret ; miser fieri, ut misereri disceret, ut quomodo de ipso scriptum est, *Didicit ex his quæ passus est obedientiam* (Hebr. v, 8), ita et misericordiam disceret. Non quod ante misereri nesciret, cujus misericordia ab æterno, et usque in æternum : sed, quod natura sciebat ab æterno, temporali didicit experimen-

7. Sed forte durum tibi videtur, quod dixi Dei sapientiam Christum didicisse misericordiam ; quasi is per quem omnia facta sunt, aliquid aliquando ignorasset ex iis quæ sunt : maxime cum illud quod ex Epistola ad Hebræos ad id comprobandum commemoravi, alio sensu, qui non ita videatur absurdus, possit intelligi ; ut hoc quod dictum est, *didicit*, non ad ipsum caput referatur in sui persona, sed ad corpus ejus, quod est Ecclesia ; et ita sit sensus : *Et didicit ex iis quæ passus est obedientiam*, hoc est, obedientiam didicit in suo corpore ex iis quæ passus est in capite. Nam illa mors, illa crux, opprobria, sputa, flagella, quæ omnia caput nostrum Christus pertransiit, quid aliud corpori ejus, id est nobis, quam præclara obedientiæ documenta fuerunt ? Christus enim, ait Paulus, *factus est obediens Patri usque ad mortem, mortem autem crucis* (Philipp. ii, 8). Qua necessitate ? Respondeat apostolus Petrus : *Christus passus est pro nobis, vobis relinquens exemplum, ut sequamini*, inquit, *vestigia ejus* (I Petr. ii, 21), id est, ut imitemini obedientiam ejus. Ex his ergo quæ passus est, discimus quanta nos, qui puri homines sumus, oporteat pro obedientia petiti, pro qua is, qui et Deus erat, non dubitaverit mori. Et hoc modo, inquis, non inconveniens erit, si dicatur Christus vel obedientiam, vel misericordiam, seu aliquid aliud in suo corpore didicisse : dum tamen sibi in sua persona nil, quod se ante lætuerit, credatur ex tempore potuisse accedere. Sicque ipse sit qui misereri doceat aut obedire, ipse qui discat : quia caput et corpus unus est Christus.

8. Non nego hunc intellectum, quin rectus sit : sed ex alio loco ipsius Epistolæ, superior interpretatio videtur approbari, ubi dicitur : *Nusquam enim Angelos apprehendit, sed semen Abraham apprehendit : unde debuit per omnia fratribus assimilari, ut miseriors fieret* (Hebr. ii, 16, 17). Puto quod hæc verba sic ad caput referenda sunt, ut corpori penitus aptari non possint. De Verbo utique Dei dictum est quod *non Angelos apprehendit*, hoc est, non in unam sibi personam assumpsit, *sed semen Abraham*. Neque enim legitur, Verbum angelus factum est, sed

*Verbum caro factum est* (Joan. i, 14), et caro de carne Abraham, juxta promissionem, quæ illi primum facta est. Unde, id est ex qua seminis assumptione, debuit per omnia fratribus assimilari ; id est, oportuit ac necesse fuit, ut similis nobis passibilis, nostrarum omnia, excepto peccato, genera miseriarum percurreret. Si queris, qua necessitate ? *Ut miseriors*, inquit, *fieret*. Et hoc, ais, cur non recte ad corpus referri potest ? Sed audi quod paulo post sequitur : *In eo enim, in quo passus est ipse et tentatus, potens est et eis qui tentantur auxiliari* (Hebr. ii, 18). In quibus verbis quid melius intelligi possit non video ; nisi quod ideo pati ac tentari, omnibusque, absque peccato, humanis voluit communicare miseris (quod est per omnia fratribus simulari), ut similiter passis ac tentatis misereri ac compati ipso disceret experimento.

563 9. Quo quidem experimento non dico ut sapientior efficeretur, sed propinquior videretur : quatenus infirmi filii Adam, quos suos fieri et appellari fratres non dedignatus est (Ibid. 11), suas illi infirmitates committere non dubitarent, qui sanare illas et posset ut Deus, et veslet ut proximus, et cognosceret ut eadem passus. Unde Isaias virum eum appellat *dolorum, et scientem infirmitatem* (Isa. lxi, 3) ; et Apostolus : *Non enim habemus, inquit, Pontificem qui non possit compati infirmitatibus nostris*. Unde autem possit, indicans adjungit : *Tentatum autem per omnia pro similitudine, absque peccato* (Hebr. iv, 15). Beatus quippe Deus, beatus Dei Filius, in ea forma, qua non rapinam arbitratus est esse se æqualem Patri, procul dubio impassibilis, priusquam se exinanisset formam servi accipiens (Philipp. ii, 6, 7), sicut miseriam vel subjectionem expertus non erat, sic misericordiam vel obedientiam non noverat experimento. Sciebat quidem per naturam, non autem sciebat per experientiam. At ubi minoratus est non solum a seipso, sed etiam paulo minus ab Angelis, qui et ipsi impassibiles sunt per gratiam, non per naturam, usque ad illam formam, in qua pati et subijci posset, quod utique (sicut dictum est) in sua non posset ; et in passione expertus est misericordiam, et in subiectione obedientiam. Per quam tamen experientiam, non illi (ut dixi) scientia, sed nobis fiducia crevit, dum ex hoc misero genere cognitionis, is a quo longe erraveramus, factus est propior nobis. Quando enim illi appropinquare auderemus, in sua impassibilitate manentii ? Nunc autem, Apostolo suadente, monemur cum fiducia adire thronum gratiæ ipsius (Hebr. iv, 16), quem nimirum, sicut alibi scriptum est, *languires nostros tulisse, et dolores nostros portasse* cognoscimus (Isa. lxi, 4), et in eo quo passus est ipse, nobis compati posse non dubitamus.

10. Non ergo debet absurdum videri, si dicatur, Christum non quidem aliquid scire cœpisse, quod aliquando nescierit ; scire tamen alio modo misericordiam ab æterno per divinitatem, et aliter in tem-

pore didicisse per carnem. Vide ne et simili locutionis modo illud dictum sit, quod Dominus requirentibus discipulis de die ultimo se nescire respondit. Nam quomodo diem illum ille nesciebat, in quo omnes sapientiæ et scientiæ thesauri sunt absconditi? (*Coloss. 11, 3.*) Cur ergo se scire negabat, quod certum est quia nescire non poterat? Numquid forte mendaciter eos voluit celare, quod utiliter non valuit innotescere? Absit. Sicut nil ignorare poterat, cum sapientiā sit: sic nec mentiri, cum veritas sit. Sed volens discipulos ab inutilis inquisitionis curiositate compescere, quod inquirebant, se scire negavit: non omnino quidem, sed tali quodam modo, quo negare veraciter potuit. Nam, etsi suæ divinitatis intuitu æque omnia, præterita scilicet, præsentia atque futura perlustrando, diem quoque illum palam habebat; non tamen ullis carnis suæ sensibus experiendo agnoverat. Alioquin jam spiritu oris sui Antichristum interfecerat, jam auribus sui corporis archangelum vociferantem, et tubam sonantem, in quo strepitu mortui suscitandi sunt, audierat: jam oculis suæ carnis oves hædosque, qui ab invicem segregandi sunt, perspexerat.

11. Denique ut intelligas, quod illa tantum cognitione, quæ per carnem fit, se illum diem nescire perhibuerit, vigilanter respondens, non ait: Nec ego scio, sed *nec ipse*, inquit, *Filius hominis scit* (134) (*Marc. XIII, 32*). Quid est Filius hominis, nisi nomen assumptæ carnis? Quo siquidem nomine intelligi datur, quia dicens se aliquid nescire, non juxta quod Deus est, sed secundum hominem loquitur. Alias quippe loquens de se secundum suam divinitatem, non Filius, vel Filium hominis; Sed ego, vel Me, sæpius ponere consuevit, ut ibi: *Amen, amen dico vobis, antequam Abraham fieret, ego sum* (*Joan. VIII, 58*). *Ego sum*, ait: non, Filius hominis est. Nec dubium, quin de illa essentia diceret, qua ante Abraham et sine initio est, non qua post Abraham et ex Abraham factus est. Alibi quoque hominum de se opinionem a discipulis inquirens, *Quem dicunt*, inquit, *homines esse*, 564 non me, sed *Filium hominis*? Rursus eodem interrogans, qui de se ipsi quoque sentirent: *Vos autem*, non quem Filium hominis, sed *quem me*, ait, *esse dicitis*? Carnalis videlicet populi sententiam de carne inquirens, nomen carnis, quod proprie est *Filius hominis*, posuit: spirituales vero discipulos de sua divinitate interrogans, non Filium hominis, sed signanter *me* dixit. Quod denique Petrus intelligens, quid per hoc quod dixerat, *me*, requisiti fuissent, sua responsione aperuit: *Tu es*, inquit, non Jesus filius Virginis, sed *Christus Filius Dei* (*Matth. XVI, 13-16*). Quod utique si respondisset, nihilominus veritatem dixisset: sed in verbis interrogationis sensum interrogantis prudenter advertens, competenter propriæque ad interrogata respondit, dicens: *Tu es Christus, Filius Dei*.

(134) Vide Retractionem initio hujus tractatus, col. 939-940.

A 12. Cum igitur videas Christum in una quidem persona duas habere naturas, unam qua semper fuit, alteram qua esse cœpit; et secundum sempiternum suum quidem esse, semper omnia nosse; secundum temporalem vero, multa temporaliter expertum fuisse: cur fateri dubitas, ut esse in tempore cœpit ex carne, sic carnis quoque miseras scire cœpisse, illo duntaxat modo cognitionis, quem docet defectio carnis? Quod utique genus scientiæ protoplasti sapientius feliciusque nescirent, quando id attingere nisi stulte misereque non poterant. Sed plasmator eorum Deus requirens quod perierat, opus suum miseratus prosecutus est, descendens et ipse misericorditer, quo illi ceciderant miserabiliter. Voluit experiri in se, quod illi faciendo contra se merito paterentur, non simili quidem curiositate, sed mirabili charitate: non ut miser cum miseris remaneret, sed ut misericors factus miseros liberaret. Factus, inquam, misericors, non illa misericordia, quam felix manens habuit ab æterno, sed quam mediante miseria reperit in habitu nostro. Porro pietatis opus, quod per illam cœpit, in ista perfecit: non quod sola illa non posset perficere; sed quia nobis non potuit absque ista sufficere. Utraque siquidem necessaria; sed nobis hæc magis congrua fuit. O ineffabilis pietatis excogitatio! Quando nos illam miram misericordiam cogitaremus, quam præcedens miseria non informat? Quando illam adverteremus incognitam nobis compassionem, quæ non passione præventa, cum impassibilitate perdurat? Attamen si illa, quæ miseriam nescit misericordia non præcessisset, ad hanc, cujus miseria mater est, non accessisset. Si non accessisset, non attraxisset: si non attraxisset, non extraxisset. Unde autem extraxit, nisi de lacu miseriæ, et de luto faciis? (*Psal. XXXIX, 3.*) Nec illam tamen misericordiam deseruit, sed hanc inseruit: non mutavit, sed multiplicavit, sicut scriptum est: *Homines et jumenta salvabis, Domine, quemadmodum multiplicasti misericordiam tuam, Deus* (*Psal. XXXV, 7, 8*).

#### CAPUT IV.

*Primum veritatis gradus est, primum seipsum attendere, seu propriam miseriam agnoscere.*

D 13. Sed jam ad propositum redeamus. Si ergo se miserum fecit, qui miser non erat, ut experiretur quod et ante sciebat: quanto magis tu, non dico ut te facias quod non es, sed ut attendas quod es, quia vere miser es, et sic discas misereri, qui hoc aliter scire non potes! ne forte, si proximi malum consideres, et tuum non attendas, movearis non ad miserationem, sed ad indignationem; non ad adjuvandum, sed ad judicandum: denique non ad instruendum in spiritu lenitatis, sed ad destruendum in spiritu furoris. Vos, qui spirituales estis, ait Apostolus, *hujusmodi instruite in spiritu lenitatis*. Apostoli consilium sive etiam præceptum est, ut mansueto, id est eo spiritu fratri ægrotanti subvenias,



quo tibi vis subveniri cum ægrotas. Et ut scias qualiter erga delinquentem mansuescere possis, *Considerans*, inquit, *teipsum*, ne et tu *tenentis* (Galat. vi, 1).

14. Considerare libet, quam bene discipulus Veritatis ordinem sequatur Magistri. In beatitudinibus, quas 565 supra memoravi (num. 6), sicut prius misericordes quam mundicordes, sic prius mites quam misericordes pronuntiati sunt (Matth. v, 4, 7, 8). Et Apostolus cum spirituales hortaretur ad instruendum carnales, adjunxit, *in spiritu lenitatis*. Instructio quippe fratrum pertinet ad misericordes; spiritus lenitatis, ad mites. Ac si diceret: Inter misericordes deputari non potest, qui in semetipso mitis non est. Ecce Apostolus aperte ostendit, quod superius me ostensurum promisi (num. 6), prius videlicet veritatem inquirendam esse in nobis, quam in proximis; *considerans*, inquit, *teipsum*, id est, quam facilis ad tentandum, quam pronus ad peccandum: quatenus ex tui consideratione mitescas, sicque ad succurrendum aliis in spiritu lenitatis accedas. Alioquin si monentem non audis discipulum, arguentem time Magistram: *Hypocrita, ejice primum trabem de oculo tuo; et sic videbis festucam ejicere de oculo fratris tui* (Matth. vii, 5). Trabes in oculo grandis et grossa, superbia in mente est: quæ quidam corpulentia sui vana, non sana; tumida, non solida, oculum mentis obscurat, veritatem obumbrat: ita ut, si tuam occupaverit mentem, jam tu te videre, jam te talem, qualis es, vel qualis esse potes, non possis sentire: sed qualem te amas, talem te vel putes esse, vel speres fore. Quid enim aliud est superbia, quam (ut quidam sanctus definit [S. AUGUSTINUS, de Genesi ad litteram, lib. xi, nn. 24, 25, et alibi]), amor propriæ excellentiæ? Unde et nos possumus dicere per contrarium, humilitatem propriæ et excellentiæ esse contemptum. Amor vero, sicut nec odium, veritatis judicium nescit. Vis judicium Veritatis audire? *Sicut audio, sic judico* (Joan. v, 30). Non sicut odi, non sicut amo, non sicut timeo. Est judicium odii, ut illud: *Nos legem habemus, et secundum legem nostram debet mori* (Joan. xix, 7). Est et timoris, ut illud: *Si dimittimus eum sic, venient Romani et tollent nostrum locum et gentem* (Joan. xi, 48). Judicium vero amoris, ut David de filio parricida: *Parcite*, inquit, *puero Absalon* (II Reg. xviii, 5). Et legibus humanis statutum, et in causis, tam ecclesiasticis, quam sæcularibus servatum scio, speciales amicos causantium non debere admitti ad judicium: ne vel fallant, vel fallantur amore suorum. Quod si culpam amici tuo judicio amor illius aut minuit, aut prorsus abscondit: quanto magis amor tui tuum contra te judicium fallit!

15. Qui ergo plene veritatem in se cognoscere curat, necesse est ut semota trabe superbiæ, quæ oculum arcet a luce, ascensiones in corde suo disponat, per quas seipsum in seipso inquirat, et sic

A post duodecimum humilitatis ad primum veritatis gradum pertingat. Cum autem veritate inventa in se, imo se invento in veritate, dicere potuerit, *Credidi, propter quod locutus sum; ego autem humiliatus sum nimis*: ascendat homo ad cor altum, ut exaltetur veritas, et ad gradum secundum perveniens dicat in excessu suo: *Omnis homo mendax* (Psal. cxv, 10, 11). Putas, hunc ordinem David non tenuit! Putas, hoc non sensit Propheta, quod Dominus, quod Apostolus, quod et nos post ipsos, et per ipsos sentimus! *Credidi*, inquit, *Veritati dicenti: Qui sequitur me, non ambulat in tenebris* (Joan. viii, 12). *Credidi* ergo sequendo, *propter quod locutus sum* confitendo. Quid confitendo! Veritatem quam cognovi credendo. Postquam autem et credidi ad justitiam, et locutus sum ad salutem, *humiliatus sum nimis*, hoc est perfecte. Tanquam diceret: Quia veritatem cognitam in me consilii contra me non erubui, ad perfectionem humilitatis profeci. *Nimis* enim pro Perfecte potest intelligi; ut ibi: *In mandatis ejus volet nimis* (Psal. cxl, 4). Quod si quis contendat, *nimis* hic pro Valde positum non pro Perfecte, quia et expositores id ipsum videntur astruere; neque hoc discordat a sensu Prophetæ, ut sic sentiamus eum dixisse: Ego quidem, cum adhuc veritatem non nossem, aliquid me putabam esse, cum nihil essem. At postquam in Christum credendo, id est ejus humilitatem imitando, veritatem agnovi; ipsa quidem exaltata est in me ex mea confessione: sed ego *humiliatus sum nimis*, id est, valde vilui mihi ex mei consideratione.

#### 566 CAPUT V.

*Secundus gradus veritatis est, ex agnitione propriæ infirmitatis, compati miseriæ proximi.*

16. Humiliatus ergo Propheta in hoc primo gradu veritatis, ut ait in alio psalmo: *Et in veritate tua humiliasti me* (Psal. cxviii, 75); semetipsum attendat, et ex propria miseria generalem perpendat: sicque ad secundum transiens dicat in excessu suo, *Omnis homo mendax*. In quo excessu suo? In illo procul dubio, quo sese excedens, ac veritati adhærens, seipsum dijudicat. In illo ergo excessu suo dicat, non indignando aut insultando, sed miserando et compatiendo: *Omnis homo mendax*. Quid est,

D *Omnis homo mendax*? *Omnis homo infirmus, omnis homo miser et impotens, qui nec se, nec alium possit salvare*. Sicut dicitur: *Fallax equus ad salutem* (Psal. xxxii, 17), non quod equus aliquem fallat, sed quia is seipsum fallit, qui in fortitudine ejus confidit: sic omnis homo dicitur mendax, id est fragilis, mutabilis, a quo salus non possit vel sua, vel aliena sperari: quin potius maledictionem incurrat, qui spem suam in homine ponit (Jerem. xvii, 5). Proficiens itaque humilis Propheta per ductum veritatis, quodque in se lugebat videns in aliis, dum apponit scientiam, apponat et dolorem, ac generaliter, sed veraciter dicat: *Omnis homo mendax*.

17. Vido quam longe aliud senserit de se Pharisæus ille superbus. Quid deprompsit in excessu suo? *Deus, gratias ago tibi, quia non sum sicut ceteri hominum* (Luc. xviii, 11). Dum in se singulariter exultat, aliis arroganter insultat. David autem aliter. Ait enim: *Omnis homo mendax*. Neminem excipit, ne quem decipiat: sciens quia omnes peccaverunt, et omnes egent gloria Dei (Rom. iii, 23). Pharisæus se solum decipit, quem solum excipit, dum ceteros damnat. Propheta se non excipit a communi miseria, ne excipiatur a misericordia: Pharisæus exsufflat misericordiam, dum dissimulat miseriam. Propheta affirmatam de omnibus, quam de se: *Omnis homo mendax*: Pharisæus confirmat de omnibus præter se, *Non sum*, inquiens, *sicut ceteri hominum*. Et gratias agit, non quia bonus, sed quia solus: non tam de bonis quæ habet, quam de malis quæ in aliis videt. Nondum de suo trabem eiecerat, et festucas in oculis fratrum enumerat. Nam subdit: *Injusti, raptores* (Luc. xviii, 11). Non frustra, ut arbitrator, excessum a proposito feci, si utriusque excessus differentiam intellexisti.

18. Jam ad propositum redeundum est. Quos itaque veritas sibi jam innotescere, ac per hoc vilesce fecit, necesse est, ut cuncta, quæ amare solebant, et ipsi sibi amarescant. Statuentes nimirum se ante se, tales se videre cogunt, quales vel a se videri erubescunt. Dumque sibi displicet quod sunt, et ad id suspirant quod non sunt, quod utique per se fore diffidunt; vehementer sese lugentes id solum consolationis inveniunt, ut severi iudices sui, qui scilicet amore veri esuriant et sitiunt justitiam, usque ad contemptum sui districtissimam de se exigant satisfactionem, et de cætero emendationem. Sed, cum se ad id sufficere non posse concipiunt (cum enim fecerint omnia quæ mandata fuerint sibi, servos se inutiles dicunt (Luc. xvii, 10), de justitia ad misericordiam confugiunt. Ut autem illam consequantur, consilium Veritatis sequuntur: *Beati misericordes, quoniam ipsi misericordiam consequentur* (Matth. v, 7). Et hic est secundus gradus veritatis, quo eam in proximis inquirunt; dum de suis aliorum necessitates exquirunt; dum ex iis quæ patiuntur, patientibus compati sciunt.

#### CAPUT VI.

*Tertius gradus veritatis, mundare oculum cordis ad contemplanda cælestia et divina.*

19. In his ergo tribus quæ dicta sunt, id est in luctu penitentiae, in desiderio justitiæ, in operibus misericordiae si perseverant, a tribus impedimentis, quæ 567 aut ignorantia, aut infirmitate, aut studio contraxerunt, cordis aciem mundant, quo per contemplationem ad tertium veritatis gradum pertrans-eant. Hæ sunt viæ, quæ videntur hominibus bonæ, illis duntaxat exceptis, qui lætantur cum male fecerint, et exsultant in rebus pessimis (Prov. ii, 14), ac se de infirmitate vel ignorantia tegunt ad excusandas excusationes in peccatis (Psalm. cxi, 4). Sed frustra sibi de infirmitate, vel ignorantia blandiuntur,

A qui ut liberius peccent, libenter ignorant, vel infirmantur. Putas, primo homini profuit, licet ipse non libenter peccavit, quod se per uxorem, tanquam per carnis infirmitatem, defendit (Gen. iii, 12)? aut primi martyris lapidatores, quoniam aures suas continuerunt (Act. vii, 56), per ignorantiam excusabiles erunt? Qui igitur studio et amore peccandi a veritate se sentiunt alienatos, infirmitate et ignorantia pressos; studium in gemitum, amorem in mœrorem convertant, infirmitatem carnis fervore justitiæ vincant, ignorantiam liberalitate repellant: ne si nunc egentem, nudam et infirmam veritatem ignorant, cum potestate magna et virtute venientem, terren-tem, arguentem, sero cum rubore cognoscant, frustra cum tremore respondeant: *Quando te vidimus egere, et non ministravimus tibi?* (Matth. xxv, 44.) Cognosce-tur certe Dominus iudicia faciens (Psalm. ix, 17), qui nunc ignoratur misericordiam quærens. Denique videbunt in quem transfixerunt (Joan. xix, 37): similiter et avari quem contempserunt. Ab omni ergo labe, infirmitate, ignorantia studiove contracta, flendo, justitiam esuriendo, operibus misericordiæ insistendo, mundatur oculus cordis, cui se in sui puritate Veritas videndam promittit: *Beati mundo corde, quoniam ipsi Deum videbunt* (Matth. v, 8). Cum sint itaque tres gradus seu status veritatis, ad primum ascendimus per laborem humilitatis, ad secundum per affectum compassionis, ad tertium per excessum contemplationis. In primo veritas reperitur severa; in secundo, pia; in tercio, pura. Ad primum ratio ducit, qua nos discutimus; ad secundum affectus perducit, quo aliis miseremur; ad tertium puritas rapit, qua ad invisibilia sublevamur.

#### CAPUT VII.

*Quomodo sancta Trinitas hos tres veritatis gradus in nobis operetur.*

20. Interlucet hic mihi mira quædam ac divisa individuae Trinitatis operatio, si quo modo tamen ab homine sedente in tenebris ineffabilis illa possit capi cooperantium sibi personarum divisio. In primo si-quidem gradus Filius, in secundo Spiritus sanctus, in tercio mihi Pater operari videtur. Vis audire Filii operationem? Si ego, inquit, lavi vobis pedes Domi-nus et magister, quanto magis et vos debetis alter alterius lavare pedes? (Joan. xiii, 14.) Tradebat discipulis humilitatis formam veritatis Magister, qua in primo gradu primum eis veritas innotesceret. At-tende et opus Spiritus sancti: *Charitas Dei diffusa est in cordibus nostris per Spiritum sanctum qui datus est nobis* (Rom. v, 5). Charitas quippe donum est Spiritus sancti, qua fit ut qui sub disciplina Filii per humilitatem ad primum usque gradum veritatis jam profecerunt, ad secundum per compassionem pro-ximi, sub magisterio Spiritus sancti perveniant. Audi et de Patre, *Beatus es, Simon Bar Jona, quia caro et sanguis non revelavit tibi, sed Pater meus qui est in caelis* (Matth. xvi, 17); et illud, *Pater filius notam fa-ciet veritatem suam* (Isai. xxxviii, 19): et, *Confiteor tibi,*

*Pater, quia abscondisti hæc a sapientibus, et revelasti ea parvulis (Matth. xi, 25):* Vides quia quos verbo et exemplo prius Filius humiliavit, super quos deinde Spiritus sanctus charitatem effudit, hos tandem in gloria Pater recepit? Filius facit discipulos, Paraclitus consolatur amicos, Pater exaltat filios. Quia vero non solum Filius, sed et Pater et Spiritus sanctus veraciter Veritas appellantur; constat quod una eademque Veritas, servata proprietate personarum, tria hæc in tribus gradibus operatur. Primo scilicet instruit, ut magister: secundo consolatur, ut amicus vel frater: tertio astringit, ut filios pater.

**568** 21. Dei quippe Filius, Verbum scilicet ac sapientia Patris, primum quidem illam animæ nostræ potentiam, quæ ratio dicitur, cum reperit carne depressam, peccato captivam, ignorantia cæcam, exterioribus deditam; clementer assumens, potenter erigens, prudenter instruens, introrsum trahens, ac mirabiliter utens tanquam pro se vicaria, ipsam sibi iudicem statuit, ita ut pro reverentia Verbi cui conjungitur, ipsa sui accusatrix, testis, et iudex, contra se Veritatis fungatur officio. Ex qua prima conjunctione Verbi et rationis humilitas nascitur. Aliam deinde partem, quæ dicitur voluntas, veneno quidem carnis infectam, sed jam ratione discussam, Spiritus sanctus dignanter visitans, suaviter pugnans, ardentem efficiens, misericordem facit: ita ut more pellis, quæ uncta extenditur, ipsa quoque unctione perfusa cœlesti usque ad inimicos per affectum dilatetur. Et sic ex hac secunda conjunctione Spiritus Dei et voluntatis humanæ, charitas efficitur. Utramque vero partem, rationem scilicet et voluntatem, alteram verbo veritatis instructam, alteram spiritu veritatis afflatam; illam hyssopo humilitatis aspersam, hanc igne charitatis succensam; tandem jam perfectam animam, propter humilitatem sine macula, propter charitatem sine ruga; cum nec voluntas rationi repugnat, nec ratio veritatem dissimulat, gloriosam sibi sponsam Pater conglutinat: ita ut nec ratio de se, nec voluntas de proximo cogitare sinatur, sed hoc solum beata illa anima dicere delectetur, *Introduxit me Rex in cubiculum suum. Digna certe, quæ de schola humilitatis, in qua primum sub magistro Filio ad seipsam intrare didicit, juxta comminationem ad se factam, Si ignoras te, egredere et pascere hædos tuos (Cantic. i, 3, 7); digna ergo, quæ de schola illa humilitatis duce Spiritu sancto in cellaria charitatis (quæ nimirum proximorum pectora intelligenda sunt) per affectionem introduceretur; unde suffulta floribus, ac stipata malis, bonis scilicet moribus et virtutibus sanctis, ad Regis denum cubiculum, ejus amore languet, admitteretur. Ibi modicum, hora videlicet quasi dimidia, silentio facto in cœlo, inter desideratos amplexus suaviter quiescens, ipsa quidem dormit, sed cor ejus vigilat, quo utique interim veritatis arcana rimatur: quorum postmodum memoria statim ad se reditura pascatur. Ibi videt invisibilia, audit in-*

*A* effabilia, quæ non licet homini loqui. Excedunt quippe omnem illam, quam nox nocti indicat, scientiam: dies tamen diei eructat verbum, et inter sapientes sapientiam loqui et spiritualibus spiritualia licet conferri.

## CAPUT VIII.

*Gradus iidem in raptu sancti Pauli declarantur.*

22. Putas, hos gradus Paulus non transierat, qui usque ad tertium cœlum se raptum fuisse testatur? (*II Cor. xii, 2.*) Sed quare raptum, et non potius ductum? Ut videlicet si tantus Apostolus raptum se dicit fuisse, quo nec doctus scivit, nec ductus potuit ire; me, qui procul dubio minor sum Paulo, ad tertium cœlum nulla mea virtute, nullo meo labore pervenire posse præsumam: ne vel de virtute confidam, vel pro labore diffidam. Qui enim ducitur aut ducitur, ex hoc ipso quod docentem vel docentem sequitur, laborare convincitur, et aliquid ex se agit, ut ad destinatum locum vel sensum pertrahatur, ita ut dicere possit: *Non autem ego, sed gratia Dei mecum (I Cor. xv, 10).* Qui vero rapitur, non suis viribus, sed alienis innixus, tanquam nescius quocunque portatur, nec de toto in se, nec de parte gloriatur, ubi nec per se, nec cum alio aliquid operatur. Ad primum itaque sive ad medium cœlum ductus vel adjutus Apostolus ascendere potuit: ad tertium autem ut perveniret, rapti oportuit. Nam ad hoc et Filius legitur descendisse, ut vocaret et juvaret ascensuros ad primum: et Spiritus sanctus missus fuisse, qui perduceret ad secundum. Pater vero, licet Filio et Spiritui sancto semper cooperetur, nunquam tamen aut de cœlo descendisse, aut **569** ad terras legitur missus fuisse. Lego certe, quod *misericordia Domini plena est terra (Psal. xxxii, 5);* et, *Pleni sunt cœli et terra gloria tua, et multa hujusmodi. Lego et de Filio, Postquam venit plenitudo temporis, misit Deus Filium suum (Galat. iv, 4).* Et ipse Filius loquitur de se, *Spiritus Domini misit me (Isa. lxi, 1).* Et per eundem prophetam: *Et nunc, inquit, Dominus misit me et Spiritus ejus (Isa. xlviii, 16).* Lego et de Spiritu sancto, *Paraclitus autem Spiritus sanctus, quem mittet Pater in nomine meo (Joan. xiv, 26);* et, *Cum assumptus fuero, mittam vobis eum (Joan. xvi, 7),* haud dubium quin Spiritum sanctum. Patrem autem in sua persona, licet nusquam non sit, nusquam tamen invenio nisi in cœlis, ut in Evangelio, *Et Pater meus qui in cœlis est (Matth. xxiii, 9);* et in oratione, *Pater noster qui es in cœlis (Matth. vi, 9).*

23. Unde nimirum colligo, quod quia Pater non descendit, Apostolus ut eum videret, ad tertium cœlum ascendere quidem non potuit, quo tamen se raptum memoravit. Denique, *Nemo ascendit in cœlum, nisi qui descendit de cœlo Filius hominis (Joan. iii, 13).* Et ne putes de primo dictum vel secundo, dicit tibi David: *A summo cœlo egressio ejus (Psal. xlviii, 7).* Ad quod iterum non subito raptus, non furtim sublati, sed, *Videntibus, inquit, illis; id est Apo-*



stolis, *elevatus est* (Act. 1, 9). Non sicut Elias, qui a unum (IV Reg. 11); non sicut Paulus, qui nullum (vix enim vel seipsum testem aut arbitrum habere potuit, ipso perhibente, *Nescio, Deus scit* [II Cor. xii, 2]); sed ut Omnipotens, qui quando voluit descendit, quando voluit ascendit, pro suo arbitrio arbitros et spectatores, locum et tempus, diem et horam expectans, *videntibus illis*, quos scilicet tanta visione dignatur, *elevatus est*. Raptus est Paulus, raptus est Elias, translatus est Enoch (Eccli. xlii, 16): Redemptor vero noster legitur *elevatus*, hoc est, ex seipso levatus, non aliunde adjutus. Denique non currus vehiculo, non angeli adminiculo, sed propria virtute subnixum suscepit eum nubes ab oculis eorum (Act. 1, 9). Cur hoc? An fessum juvit? an pigrum impulit? an cadentem sustinuit? Absit. Sed suscepit eum ab oculis carnalibus discipulorum: qui, etsi Christum noverant secundum carnem, sed ultra jam non noscerent. Quos ergo per humilitatem ad primum cælum Filius vocat, hos in secundo per charitatem Spiritus aggregat, ad tertium per contemplationem Pater exaltat. Primo humiliantur in veritate, et dicunt, *In veritate tua humiliasti me* (Psal. cxviii, 75). Secundo congaudent veritati, et psallunt, *Ecce quam bonum, et quam jucundum habitare fratres in unum*? (Psal. cxxxii, 1.) De charitate quippe scriptum est, *Congaudet autem veritati* (I Cor. xiii, 6). Tertio ad arcana veritatis rapiuntur, et aiunt, *Secretum meum mihi, secretum meum mihi* (Isa. xxiv, 16).

## CAPUT IX.

*Gemitus et suspiria sancti Bernardi, ad Veritatem anhelantis.*

24. Sed quid ego miser superflua magis loquacitate, quam spiritus vivacitate duos cælos superiores percurro, qui manibus pedibusque repens adhuc sub inferiore laboro? Ad quod tamen jam, ipso juvante, quo et vocante, mihi scalam erexi. Illic siquidem iter est, quo ostendat mihi salutare Dei. Jam Dominum desuper innixum suspicio, jam ad vocem veritatis exulto. Vocavit me, et ego respondi illi: *Operi manuum tuarum porriges dexteram* (Job xiv, 13). Tu quidem, Domine, gressus meos dinumeras, sed ego lentus ascensor, fessus viator, diverticula quæro. Væ mihi, si tenebræ me comprehendant, aut si mea fuga fiat in hieme, vel in Sabbato: dum nunc ad lucem, cum tempus acceptabile et dies salutis sunt, proficisci dissimulo. Quid moror? Ora pro me, fili, frater, socie, et particeps profectus mei, si quis est, in Domino. Ora Omnipotentem, quatenus sic pigrum roboret pedem, ut tamen veniat mihi pes superbiæ. Etsi enim pes piger, ut ad veritatis gradum ascendat, idoneus non est: tolerabilior tamen est isto, qui in ea stare non potest, ut habes ibi: *Expulsi sunt, nec potuerunt stare* (Psal. xxxv, 12, 13).

25. Et hoc quidem de superbis. Sed quid de illorum capite? quid de illo, qui dicitur *rex super omnes filios superbiæ*? (Job. xli, 25.) Et ipse, inquit,

*in veritate non stetit* (Joan. viii, 44): et alibi, **570** *Videbam Satanam sicut fulgur cadentem de cælo* (Luc. x, 18). Quare hoc, nisi propter superbiam? Væ mihi, si et me viderit, qui alta a longe cognoscit, superbientem; et illam in me terribilem intonet vocem: Tu quidem filius Excelsi eras, sed sicut homo morieris, et sicut unus de principibus cades (Psal. lxxxi, 6, 7). Quis non ab hujus tonitruum voce formidet? O quam salubrius ad tactum angeli nervus femoris Jacob emarcuit (Gen. xxxii, 25), quam angeli superbientis intinuit, evanuit, ruit. Utinam et meum nervum angelus tangat ut marcescat, si forte ex hac infirmitate incipiam proficere, qui ex mea firmitate non possum nisi deficere. Lego profecto: *Quod infirmum est Dei, fortius est hominibus* (I Cor. 1, 25). Sic quoque Apostolus de suo nervo conquestus, quem angelus non Domini, sed Satanæ colaphizabat, responsum audit: *Sufficit tibi gratia mea; nam virtus in infirmitate perficitur*. Quæ virtus? Ipse Apostolus respondet: *Libenter gloriabor in infirmitatibus meis, ut inhabitet in me virtus Christi* (II Cor. xii, 9). Sed nondum forsitan intelligis, de qua specialiter dixerit, quia Christus omnes virtutes habuit. Sed, cum omnes habuerit, præ omnibus tamen unam, id est humilitatem, nobis in se commendavit, cum ait: *Discite a me quia mitis sum et humilis corde* (Matth. xi, 29).

26. Libenter igitur et ego, Domine Jesu, gloriabor, si potero, in mea infirmitate, in mei nervi contractione, ut tua virtus, id est humilitas, perficiatur in me. Nam sufficit mihi gratia tua, cum defecerit virtus mea. Pedem profecto gratiæ fortiter figens, et meum qui infirmus est, leniter trahens, securus ascendam per scalam humilitatis: donec veritati adhærens, ad latitudinem transeam charitatis. Tunc psallam cum gratiarum actione, et dicam: *Statuisti in loco spatioso pedes meos* (Psal. xxx, 9). Sic arcta via cautius inceditur strictum, sic ardua scala tutius pedetentim ascenditur; sic mire modo licet pigris, ad veritatem tamen firmius claudicando ascenditur. Sed, heu mihi! quia incolatus meus prolongatus est? (Psal. cxix, 5.) Quis dabit mihi pennas sicut columbæ, quibus celerius voleam ad veritatem, ut jam requiescam in charitate? (Psal.

lvi, 7.) Quæ quoniam desunt, deduc me, Domine, in via tua, et ingrediar in veritate tua, et veritas liberabit me. Væ mihi quod de illa descendi. Nisi enim prius leviter, inaniter descendissem; in ascendendo tamdiu, tam graviter non laborassem. Sed quid dico, Descendi? nam fortasse rectius Cecidi dixerim. Nisi quia forte sicut nemo repente fit summus, sed gradatim quisque ascendit; sic nemo repente fit pessimus, sed paulatim descendit. Alioquin quomodo stabit illud: *Impius cunctis diebus vitæ suæ superbit*? (Job xv, 20.) Denique sunt viæ, quæ videntur hominibus bonæ, et tamen ad malum adducunt.

27. Est ergo via descensionis, sicut et ascensionis. Et via est ad bonum, et via est ad malum. Cave

malam, elige bonam. Si per te non potes, ora cum propheta, et dic: *Viam iniquitatis amove a me. Quomodo? Et de lege tua miserere mei*; illa scilicet lege, quam dedisti delinquentibus in via, id est delinquentibus veritatem, de quibus unus ego sum, qui vere a veritate cecidi. Sed numquid qui cadit, non adjiciet ut resurgat? Propter hoc *viam veritatis elegit*, qua ascendam humiliatus, unde superbiendo descendi. Ascendam, inquam, et psallam: *Bonum mihi, Domine, quod humiliasti me; bonum mihi lex oris tui super millia auri et argenti* (Psal. cxviii, 29, 30, 71, 72). Duas tibi vias videtur David proposuisse, sed unam noveris esse; ipsam tamen a se diversam, et diversis nominibus appellatam, aut *iniquitatis* propter descendentes, aut *veritatis* propter ascendentes: quia et iidem gradus sunt ascendentium in solium, et descendentium; et eadem via accedentium ad civitatem, et recedentium; et unum ostium

A est ingredientium domum, et egredientium. Per unam denique scalam ascendentes Angeli, et descendentes Jacob apparuerunt (Gen. xxviii, 12). Quo spectant hæc? Ut videlicet si ad veritatem redire cupis, non necesse sit viam quaerere novam quam non nosti, sed notam qua descendisti: quatenus reciprocis gressibus tua ipse vestigia sequens, per eosdem gradus humiliatus ascendas, per quos superbiendo **571** descenderas: ita ut qui duodecimus superbiæ fuit descendentis, primus humilitatis sit ascendentis; undecimus, inveniatur secundus; decimus, tertius; nonus, quartus; octavus, quintus; septimus, sextus; sextus, septimus; quintus, octavus; quartus, nonus; tertius, decimus; secundus, undecimus; primus, duodecimus. Quibus superbiæ gradibus in te inventis, imo recognitis, jam non laboras in quaerendo viam humilitatis.

## ALTERA PARS TRACTATUS

### DE DUODECIM GRADIBUS SUPERBIÆ.

#### CAPUT X.

*De primo superbiæ gradu, qui est curiositas (135).*

28. Primus itaque superbiæ gradus est curiositas. Hanc autem talibus indicibus deprehendes. Si videris monachum, de quo prius bene confidebas, ubicunque stat, ambulat, sedet, oculis incipientem vagari, caput erectum, aures portare suspensas; e motibus exterioris hominis interiorem immutatam agnoscas. Vir quippe perversus annuit oculo, terit pede, digito loquitur (Prov. vi, 12, 13); et ex insolenti corporis motu, recens animæ morbus deprehenditur: quam, dum a sui circumspeditione torpescit incuria sui, curiosam in alios facit. Quia enim seipsam ignorat, foras mittitur, ut hædos pascat (Cantic. i, 7). Hædos quippe, qui peccatum significant, recte oculos auresque appellaverim: quoniam sicut mors per peccatum in orbem, sic per has fenestras intrat ad mentem. In his ergo pascendis se occupat curiosus, dum scire non curat qualem se reliquerit intus. Et vere si te vigilanter, homo, attendas, mirum est si ad aliud unquam intendas. Audi, curiose, Salomonem; audi, stulte, Sapientem. *Omni custodia, inquit, custodi cor tuum* (Prov. iv, 23): ut omnes videlicet sensus tui vigilant ad id, unde vita procedit, custodiendum. Quo enim a te, o curiose, recedis? Cui te interim committis? Uti quid aures oculos levare ad cælum, qui peccasti in cælum? Terram intueri, ut cognoscas teipsum. Ipsa te tibi representabit, quia terra es, et in terram ibis.

29. Duabus tamen ex causis inculpabiliter oculos levare, ut vel petas auxilium, vel impendas. Levavit oculos David in montes, ut peteret (Psal. cxx, 1): levavit et Dominus super turbas, ut impenderet (Joan. vi, 5). Alter miserabiliter, alter misericor-

diter, ambo inculpabiliter. Tu quoque si locum, tempus et causam considerans, tua vel fratris necessitate oculos levare; non solum non culpo, sed et plurimum laudo. Hoc enim excusat miseria, illud commendat misericordia. Sin alias, non Prophetæ, non Domini, sed Dinæ aut Evæ, imo ipsius Satanæ imitatore te dixerim. Dina namque dum ad pascendos hædos egreditur, ipsa patri, et sua sibi virginitas rapitur (Gen. xxiv, 1, 2). O Dina, quid necesse est ut videas mulieres alienigenas? Qua necessitate? qua utilitate? An sola curiositate? Etsi tu otiose vides, sed non otiose videris. Tu curiose spectas, sed curiosius spectaris. Quis crederet tunc illam tuam curiosam otiositatem, vel otiosam curiositatem, fore post sic non otiosam, sed tibi, tuis, hostibusque tam perniciosam?

30. Tu quoque, o Eva, in paradiso posita es, ut cum viro tuo opereris et custodias illum: si injunctum perfeceris, quandoque transitura ad melius, ubi nec opus sit te in aliquo opere occupari, nec de custodia sollicitari. Omne lignum paradisi tibi conceditur ad vescendum, præter illud, quod dicitur *scientiæ boni et mali* (Gen. ii, 15-17). Si enim cætera bona sunt, et sapiunt bonum, quid est opus edere de ligno, quod sapit etiam malum? *Non plus sapere, quam oportet sapere* (Rom. xii, 3). Sapere enim malum, sapere non est, sed desipere. Serva ergo commissum, exspecta promissum; cave prohibitum, ne perdas concessum. Quid tuam mortem tam intente intueris? Quid illo tam crebro vagantia lumina jacies? Quid spectare libet, quod manducare non licet? Oculos, inquis, tendo, non manum. **572** Non est interdictum ne videam, sed ne comedam. An non licet oculos quo volo levare, quos Deus

(135) Huic opponitur duodecimus humilitatis gradus. Modestia scilicet, præsertim oculorum.

in mea posuit potestate? Ad quod Apostolus : *Omnia a mihi sicut, sed non omnia expediunt* (1 Cor. vi, 12). Etsi culpa non est, culpæ tamen indicium est. Nisi enim mens minus se curiose servaret, tua curiositas tempus vacuum non haberet. Etsi culpa non est, culpæ tamen occasio est, et indicium commissæ, et causa est committendæ. Te enim intentus ad aliud, latenter interim in cor tuum serpens illabitur, blande alloquitur. Blanditiis rationem, mendaciis timorem compeccit. *Nequaquam, inquit, morieris* (Gen. iii, 4). Anget curam, dum licitat gulam : acuit curiositatem, dum suggerit cupiditatem. Offert tandem prohibitum, et aufert concessum : porrigit pomum, et subripit paradysum. Hauris virus peritura, et perituros paritura. Perit salus, non destitit partus. Nascimur, morimur : ideoque nascimur morituri, quia prius morimur nascituri. Propterea grave jugum super omnes filios tuos usque in hodiernum diem.

31. Sed et tu, signaculum similitudinis, non in paradiso, sed in deliciis paradisi Dei positus es (Ezech. xxviii, 12, 13). Quid amplius quærere debes? Plenus ergo sapientia, et perfectus decore, altiora te ne quæreris, et fortiora te ne scrutatus fueris. Sta in te, ne cadas a te, si ambulas in magnis et in mirabilibus super te. Sed quid interim ex obliquo intendis ad aquilonem? Jam te video, jam te perspicio nescio quæ supra te curiosius alta rimantem. *Ponem, inquit, sedem meam ad aquilonem* (Isa. xiv, 13). Cæteris astantibus cœlicolis, dum tu solus sedere affectas, fratrum concordiam, totius cœlestis patriæ pacem, ipsius, quantum in te est, quietem Trinitatis infestas. Quo te tua, miser, curiositas ducit, ut presumptione singulari non dubites civibus scandalum, injuriam facere Regi? Millia millium ministrant ei, et decies centena millia assistunt ei (Dan vii, 10), ubi nemo sedere perhibetur, nisi solus is qui sedet super Cherubim, cui a cæteris ministratur : et tu nescio quæ præ cæteris perspicendo differentius, curiosius inquirendo, irreverentius pervadendo, sedem tibi collocas in cœlo, ut sis similis Altissimo? Quo fine? qua fiducia? Metire, insipiens, vires, pensa finem, excogita modum. Sciente hoc Altissimo præsumis, an nesciente? volente, an non volente? Sed quomodo malum quodcunque machinaris, aut velle, aut ignorare potest, ejus optima voluntas, ejus perfecta scientia est? Numquid autem et scire, et nolle non dubitas, sed non posse resistere putas? At vero nisi te conditum esse dubitaveris, dubitare te non crediderim de omnipotentia, sive de omnimoda scientia ac bonitate Conditoris, qui te de nihilo potuit, talem scivit, tantum condere voluit. Quomodo ergo Deum consentire æstimas, quod fieri nolit, ac refellere possit? An forte in te video compleri, imo a te initiari, quod post te, et per te a toi similibus in terris frequentatum solet vulgariter dici : Privatus dominus temerarios nutrit [al. add. satellites]? An oculus tuus nequam est, quia ille bonus? De cujus bonitate

dum fiduciam nefariam sumis, factus es et contra scientiam impudens, et contra potentiam audax.

32. Hoc est enim, o impie, hoc est quod cogitas ; hæc est iniquitas, quam meditaris in cubili tuo, et dicis : Putas Creator opus suum destruat? Scio quidem quia non latet Deum qualiscunque cogitatio mea : Deus enim est. Nec placet ei talis cogitatio mea, quia bonus est. Sed nec si velit effugiam manus ejus, quia potens est. Nunquid tamen mihi timendum est? Si enim cum bonus sit, non potest illi placere malum meum, quanto minus suum? Meum quippe dixerim contra ejus voluntatem aliquid velle : suum autem, si vindicet sese. Tam ergo quodcunque scelus non valet velle ulcisci, quam nec vult, nec valet sua bonitate privari. Fallis te, miser, fallis te, non Deum. Te, inquam, fallis, et mentitur iniquitas sibi, non Deo. Dolose quidem agis, sed in conspectu ejus. Te ergo fallis, non Deum. Et quia de magno ejus bono in te, 573 tu magnum in eum excogitas malum, merito iniquitas tua invenitur ad odium. Quæ major namque iniquitas, quam ut inde a te Creator contemnatur, unde plus amari merebatur? Quæ major iniquitas, quam cum de potentia Dei non dubites, quin te scilicet destruere possit qui condere potuit; confusus tamen de multa ejus dulcedine, qua speras eum nolle vindicare cum possit; mala pro bonis, odium pro dilectione retribuas?

33. Hæc, inquam, iniquitas, non ira momentanea, sed odio digna est sempiterno, qua tuo dulcissimo et altissimo Domino, licet invito, desideras tamen ac speras æquari, quatenus semper videat quod doleat, dum te socium habeat cum nolit, nec deficiat cum possit; quin potius eligat ipse dolere, quam te patiatur perire; possit quidem deicere si velit, sed præ dulcedine, ut æstimas, velle non possit. Certe si talis est qualem putas, tanto nequius agis, si non amas. Et si ille patitur aliquid fieri contra se potius, quam ipse aliquid faciat contra te; quanta malitia est, ut vel tu non parcas illi, qui sibi non parcat, parcendo tibi? Absit tamen ab ejus perfectione, ut quia dulcis est, justus non sit, quasi simul dulcis et justus esse non possit : cum melior sit justa dulcedo, quam remissa; imo virtus non sit dulcedo sine justitia. Quia igitur gratuite Dei bonitati, qua gratis factus es, ingratus existis, justitiam vero quam expertus non es, non metuis; ideoque audacter committis culpam, de qua falso tibi promittis impunitatem : jam ecce justum senties, quem bonum nosti, cadens in foveam, quam paras auctori : ut dum scilicet talem in eum pœnam machinaris, quæ tamen valeat carere si velit, sed ut putas non valeat velle; et ideo nec carere ea utique bonitate, qua neminem expertus es illum punisse : talem justus Deus justissime in te retorquet pœnam, qui nec valet, nec debet pati suam impune bonitatem offendi : sic utique temperans in vindicta sententiam, ut, si velis resipiscere, non neget veniam; secundum tamen duritiam tuam et cor impœnitens, non possis velle, et ideo nec pœna carere.



34. Sed jam audi calumniam : *Cælum*, inquit, *mihi sedes est, terra autem scabellum pedum meorum* (*Isa. LXVI, 1*). Non dixit, Oriens, aut Occidens, aut Una aliqua cæli plaga : sed, Totum cælum mihi sedes est. Non potes ergo in parte sedere cæli, cum ille totum elegerit sibi. In terra non potes, quia scabellum pedum ejus est. Terra etenim locus solidus est, ubi sedet Ecclesia, fundata supra firmam petram. Quid facies? E cælo pulsus, in terra remanere non potes. Elige ergo tibi in aere locum, non ad sedendum, sed ad volandum : ut qui tentasti concutere statum æternitatis, penam sentias propriæ fluctuationis. Te ergo fluctuante inter cælum et terram, sedet Dominus super solum excelsum et elevatum, et plena est omnis terra majestate ejus (*Isa. vi, 3*), ut nusquam nisi in aere invenias locum.

35. Seraphim namque aliis quidem alis suæ contemplationis de throno ad scabellum, de scabello ad thronum volantia, aliis caput Domini pedesque volantia, ad hoc ibi posita puto, ut sicut homini peccanti paradisi per Cherubin prohibetur ingressus, ita et per Seraphim tuæ curiositati modus imponatur (136) : quatenus nec cæli jam magis impudenter, quam prudenter arcana rimeris, nec Ecclesiæ mysteria cognoscas in terris ; sed solis contentus sis cordibus superbiorum, qui nec in terra dignantur esse sicut ceteri hominum, nec sicut Angeli volant ad cælum. Licet vero et caput in cælo, et pedes in terra a te abscondantur ; quiddam tamen tibi medium videndum ad invidendum duntaxat permittitur : dum suspensus in aere, descendentes quidem per te, et ascendentes Angelos intueris ; sed quid vel audiant in cælis, vel nuntient terris, penitus nescis.

36. O Lucifer, qui mane oriebaris, imo non jam lucifer, sed noctifer, aut etiam mortifer, rectus cursus tuus erat ab oriente ad meridiem, et tu præpostero ordine tendis ad aquilonem? Quanto magis ad alta festinas, tanto celerius ad occasum declinas. Velim tamen curiosius, o curiose, intentionem tuæ curiositatis inquirere. *Ponam*, inquit, *sedem meam ad aquilonem* (*Isa. XIV, 13*). Nec aquilonem hunc corporalem, nec sedem hanc (cum sis spiritus) intelligo materialem. Puto autem per *aquilonem*, reprobandos homines fuisse designatos ; per *sedem*, potestatem in illos. Quos utique in præscientia Dei, quanto ei vicinior, tanto cæteris perspicacior prævidens, nullo quidem sapientiæ radio coruscantes, nullo spiritus amore ferventes, velut vacuum repereris locum, affectasti super illos dominium, quos quadam tuæ astutiæ claritate perfunderes, tuæ malitiæ æstibus inflammares : ut quomodo Alcissimus sua sapientia ac bonitate omnibus filiis obedientiæ præerat, ita et tu super omnes filios superbiæ rex constitutus, tua eos astuta malitia, ac malitiosa astutia regeres, per quod Altissimo similis esses. Sed miror cum in præsentia Dei tuum prævideris principatum, cur non in eadem prævidisti et

A præcipitum? Nam si prævidisti, quæ insania fuit, ut cum tanta miseria cuperes principari, ut malles misere præesse, quam feliciter subesse? An non expediebat participem esse plagarum illarum luminosarum, quam principem tenebrarum harum? Sed credibilius est, quod non prævidisti : aut propter illam causam, quam superius dixi, quia Dei bonitatem attendens, dixisti in corde tuo. *Non requirer* (*Psal. x, 43*), propter quod, o impie, Deum irritasti ; aut quia viso principatu, statim in oculo superbiæ trabes excrevit, qua interposita casum videre non potuisti.

37. Sic Joseph cum prævidisset exaltationem suam (*Gen. xxxvii, 7-9*), non tamen præcivit sui venditionem, quamvis propior esset venditio, quam exaltatio. Non quod tantum patriarcham in superbiæ crediderim incidisse : sed ut ejus exemplo pateat, quod hi qui futura prævident per spiritum prophetiæ, etsi non omnia, non ideo tamen putandi sunt nulla prævidisse. Quod si quis contendat in eo quod somnia sua adhuc adolescentulus narrabat, quorum tunc mysterium ignorabat, vanitatem posse notari ; ego tamen mysterio magis sive simplicitati pueri deputandum arbitror, quam vanitati. Quæ tamen, si qua fuit, per ea quæ passus legitur, potuit expiari. Nonnullis enim aliqua aliquando de se per revelationem jucunda monstrantur, quæ etsi humanus animus absque ulla vanitate scire non potest, non minus ideo eveniet quod monstratum est ; sic tamen ut illa vanitas impunita non sit, qua de magnitudine revelationis aut promissionis in se vel leviter exsultavit. Sicut enim medicus, non solum unguento, sed igne utitur et ferro, quo omne quod in vulnere sanando superfluum excreverit, secet et urat, ne sanitatem, quæ ex unguento procedit, impediat : sic medicus animarum Deus hujusmodi animæ procurat tentationes, immittit tribulationes, quibus afflicta et humiliata, gaudium veritat in luctum, revelationem putet illusionem. Unde fit ut vanitate careat, et veritas revelationis non pereat. Sic Pauli extollentia per stimulos carnis reprimatur (*II. Cor. xii, 7*), et ipse revelationibus crebris attollitur. Sic Zachariæ infidelitas linguæ obligatione mulcatur (*Luc. i, 20*), et angeli veritas suo in tempore manifestanda non mutatur. Sic per gloriam et ignobilitatem sancti proficiunt, dum inter singularia dona quæ recipiunt, communi hominum vanitate pulsari se sentiunt : ut dum per gratiam supra se aliquid cernunt, non obliviscantur quod sunt.

38. Sed quid de revelationibus ad curiositatem? De quibus ut hæc per excessum intermiscerem, inde occasio sumpta est, cum ostendere vellem, reprobum angelum ante casum suum sic potuisse prævidere illam, quam post accepit, in reprobos homines dominationem, ut tamen suam non præsciret damnationem. De quo etiam nonnullis quæstiunculis motis

magis, quam solutis, tosius disputatiuncule hæc summa sit: quod per curiositatem a veritate ceciderit, quia prius **575** spectavit curiose, quod affectavit illicite, speravit præsumptuose. Jure igitur in gradibus superbiæ primum curiositas vindicat sibi, quæ etiam inventa est initium esse omnis peccati. Sed nisi hæc citius cohibeatur, in levitate animi, quæ secundus gradus est, cito delabitur.

## CAPUT XI.

*De secundo gradu superbiæ, qui est levitas animi (137).*

39. Monachus enim, qui sui negligens, alios curiose circumspicit, dum quosdam suspicit superiores, quosdam despicit inferiores: et in aliis quidem videt quod invidet, in aliis quod irridet. Inde fit ut pro mobilitate oculorum levigatus animus, nulla utique sui cura aggravatus, modo per superbiam ad alta se erigat, modo per invidiam in ima demergat: nunc per invidiam nequiter tabescit, nunc per excellentiam pueriliter hilarescit. In altero nequam, in altero vanus, in utroque superbus existit: quia et quod superari se dolet, et quod superare se gaudet, amor propriæ excellentiæ facit. Has autem animi vicissitudines nunc pauca et mordacia, nunc multa et inania; nunc risu, nunc luctu plena, semper vero irrationabilia indicant verba. Compara, si vis, hos duos primos superbiæ gradus supremis duobus humilitatis: et vide si non in ultimo curiositas, in penultimo levitas cohibetur. Id ipsum in cæteris reperiens, si alterutrum comparentur. Sed jam ad tertium docendo, non descendendo veniamus.

## CAPUT XII.

*De tertio gradu superbiæ, qui est inepta lætitia (138).*

40. Præcipuum est superborum, læta semper appetere, et tristitia devitare, juxta illud: *Cor stultorum ubi lætitia (Eccl. vii, 5)*. Unde et monachus, qui duos jam superbiæ gradus descendit, dum per curiositatem ad animi levitatem devenit, cum gaudium quod semper appetit, frequentius videt interpolari tristitia, quam de bonis alterius contrahit, impatiens suæ humiliationis, fugit ad consilium falsæ consolationis. Ex illa denique parte, qua sibi sua vilitas, et aliena excellentia monstratur, restringit curiositatem, ut totum se transferat in contrariam partem: quatenus in quo ipse videtur præcellere curiosius nolet; in quo alter præcellit, semper dissimulet: ut dum devitat quod triste putatur, lætitia continuetur. Sicque fit ut quem sibi vicissim vindicabant gaudium et tristitia, sola possidere incipiat inepta lætitia. In hac autem, in qua tertium tibi gradum constituto, accipe quibus eam signis vel in te deprehendas, vel in altero. Illum qui ejusmodi est, aut nunquam, aut raro gementem audies, aut lacrymantem videbis. Putes, si attendas, aut sui oblitum, aut ablutum a culpis. In signis scurrilitas, in fronte hilaritas, vanitas apparet in incessu. Pronus ad jocum, facilis

(137) Huic opponitur undecimus gradus humilitatis, pauca scilicet et rationabilia verba loqui, leni, non clamosa voce.

(138) Huic opponitur decimus gradus humilitatis,

A ac promptus in risu. Cunctis quippe quæ in se contemptibilia, et ideo tristitia noverat, a memoria rasis; bonisque, si qua sentit in se, adunatis vel simulatis ante oculos mentis, dum nil cogitat nisi quod libet, nec attendit si licet; jam risum tenere, jam ineptam lætitiâ dissimulare non valet. Ut enim vesica collecto turgida vento, punctoque perforata exiguo, si stringitur, crepitat dum detumescit; ac ventus egrediens non passim effusus, sed strictim emissus crebros quosdam sonitus reddit: sic monachus, ubi vanis scurrilibusque cor suum cogitationibus impleverit, propter disciplinam silentii non inveniens ventus vanitatis qua plenius egrediatur, inter angustias faucium per cachinnos excutitur. Sæpe vultum pudendus abscondit, claudit labia, dentes stringit; ridet non volens, cachinnat invitus. Cumque os pugnis obstruxerit suis, per nares adhuc sternutare auditur.

**576** CAPUT XIII.

*De quarto gradu superbiæ, qui est jactantia (139).*

41. At postquam vanitas crescere, et vesica grossescere cœperit, necesse est ut ampliori foramine, laxato sinu, ventositas eructetur, alioquin rumpeatur. Sic monachus inepta redundante lætitia dum risu, vel signis eam aperire non sufficit, in Helium verba prorumpit: *En venter meus, quasi mustum absque spiraculo, quod novas lagunculas dirumpit (Job. xxxii, 19)*. Aut loquatur ergo, aut rumpetur. Plenus est enim sermonibus, et coarctat eum spiritus uteri sui. Esurit et sitiit audiores, quibus suas jacitilet vanitates, quibus omne quod sentit, effundat: quibus, qualis, et quantus sit, innotescat. Inventa autem occasione loquendi, si de litteris sermo exoritur, vetera proferuntur, et nova; volant sententiæ, verba resonant ampullosa. Prævenit interrogantem, non querentem respondet. Ipse querit, ipse solvit, et verba collocutoris imperfecta præscindit. Cum autem pulsato signo necesse est interrompi colloquium, horam longam, breve queritur intervallum; querit licentiam, ut ad fabulas revertatur post horam, non ut quempiam ædificet, sed ut scientiam jactet. Edificare potest, sed non edificare intendit. Non curat te docere, vel a te doceri ipse quod nescit; sed ut scire sciatur quod scit. Quod si de religione agitur, statim visiones et somnia proferuntur. Denique laudat jejunia, commendat vigiliis, super omnia orationes exultat; de patientia, de humilitate, et de singulis virtutibus plenissime, sed vanissime disputat: ut tu scilicet, si audieris, dicas, quod *ex abundantia cordis os loquitur, et quia bonus homo de bono thesauro suo profert bona (Luc. vi, 45)*. Si ad ludicra sermo convertitur, in his quanto assuetior, tanto loquacior invenitur. Dicas, si audias rivum vanitatis, fluvium esse scurrilitatis os

qui est, Non esse facilem aut promptum ad risum.

(139) Huic opponitur nonus gradus humilitatis, Taciturnitas usque ad interrogationem.

ejus, ita ut severos quoque et graves animos in levitatem concitet risus. Et ut totum in brevi colligam, in multiloquio nota jactantiam. In hoc habes quartum gradum et descriptum, et nominatum. Fuge rem, et tene nomen. Hac eadem cautela jam accede ad quintum, quem nomino singularitatem.

## CAPUT XIV.

*De quinto gradu superbiæ, qui dicitur singularitas (140).*

42. Turpe est ei, qui se supra cæteros jactat, si non plus cæteris aliquid agat, per quod ultra cæteros appareat. Proinde non sufficit ei quod communis monasterii regula, vel majorum cohortantur exempla. Nec tamen melior esse studet, sed videri. Non melius vivere, sed videri vivere gessit, quatenus dicere possit: *Non sum sicut cæteri hominum* (Luc. xviii, 11). Plus sibi blanditur de uno jejunio, quod cæteris prandentibus facit, quam si cum cæteris septem dies jejunaverit. Commodior sibi videtur una oratiuncula peculiaris, quam tota psalmodia unius noctis. Inter prandendum crebro solet oculos jactare per mensas, ut si quem minus comedere viderit, victum se doleat, et incipiat idipsum sibi crudeliter subtrahere, quod necessarium victui indulgendum præviderat, plus gloriæ metuens detrimentum, quam famis cruciatum. Si quem macroiorem, si quem pallidiorem perspexerit, vilem se æstimat, nunquam requiescit. Et quoniam vultum ipse suum videre non potest, qualem scilicet se intuentibus offert, manus quas potest et brachia spectans, palpat costas, humeros attrecat et lumbos: ut secundum quod corporis sui membra, vel minus, vel satis exilia probat, pallorem oris ac colorem discernat. Ad omnia denique sua strenuus, ad communia piger. Vigilat in lecto, dormit in choro: cumque aliis psallentibus ad vigilias tota nocte dormitet, post vigilias aliis in claustro quiescentibus (141) solus in oratorio remanet: exerceat, et tussit, gemitibus ac suspiriis aures foris sedentium 577 de angulo implet. Cum autem ex his quæ singulariter, sed inaniter agit, apud simpliciores ejus opinio excreverit, qui profecto opera probant quæ cernunt, sed unde prodeant non discernunt; dum miserum beatificant, in errorem inducunt (Isa. iii, 12).

## CAPUT XV.

*De sexto gradu superbiæ, id est arrogantia (142).*

43. Credit quod audit, laudat quod agit, et quod intendat non attendit. Obliviscitur intentionem dum amplectitur opinionem. Quique de omni alia re plus sibi credit, quam aliis, de se solo plus aliis credit, quam sibi: ut non jam verbo tenuis, aut sola operum ostentatione suam præferat religionem, sed

(140) Huic opponitur octavus gradus humilitatis. Tenere quod habet communis regula monasterii.

(141) Hinc patet moris tunc fuisse, ut post Vigilias nocturnas in claustro sederent quiescentes. Usus Cisterciensis, cap. 84: *In intervallo post Nocturnos, sedeant in claustro qui voluerint; nempe in ætate: hieme vero in capitulo, ex cap. 74.*

(142) Huic opponitur septimus gradus humilitatis,

A intimo cordis credat affectu omnibus se sanctiorem: et quidquid de se laudatum agnoverit, non ignorantie aut benevolentie laudatoris, sed suis meritis arroganter ascribit. Unde post singularitatem, sextum sibi gradum jure arrogantia vindicat. Post hanc præsumptio invenitur, in qua septimus gradus constituitur.

## CAPUT XVI.

*De septimo gradu superbiæ, qui est præsumptio (143).*

44. Qui enim alios se præcellere putat, quomodo non plus de se, quam de aliis præsumat? Primus in conventibus residet, in consiliis primus respondet: non vocatus accedit, non jussus se intromittit: reordinat ordinata, reficit facta. Quidquid ipse non fecerit aut ordinaverit, nec recte factum, nec pulchre existimat ordinatum, Judicat judicantes, præjudicat judicaturis. Si, cum tempus advenerit, non promoveatur ad Prioratum; suum abbatem aut invidum judicat, aut deceptum. Quod si mediocris ei aliqua obedientia injuncta fuerit, indignatur, aspernatur, arbitrans se non esse minoribus occupandum, qui se ad majora sentit idoneum. Sed qui sic promptulus ad omnia se magis temere, quam libere consuevit ingerere, impossibile est eum aliquando non errare. Ad prælatum autem pertinet errantem arguere. Sed quomodo culpam suam confitebitur, qui nec esse putat, nec putari culpabilis patitur? Propterea cum ei culpa imputatur, crescit, non amputatur. Si ergo cum argutus fuerit, declinare cor ejus videris in verba malitiæ, in octavum gradum, qui dicitur defensio peccatorum, noveris corruisse.

## CAPUT XVII.

*De octavo gradu superbiæ, qui est defensio peccatorum (144).*

45. Multis vero modis sunt excusationes in peccatis. Aut enim dicit qui se excusat, Non feci; aut, Feci quidem, sed bene feci; aut, Si male, non multum male; aut, Si multum male, non mala intentione. Si autem et de illa, sicut Adam vel Eva, convincitur, aliena suasionem excusare se nititur. Sed qui procaciter etiam aperta defendit, quando occultas et malas cogitationes, cordi suo advenientes, humiliter revelaret abbati?

## CAPUT XVIII.

*De nono gradu superbiæ, qui est simulata confessio (145).*

46. Licet vero genera hæc excusationis eatenus mala judicentur, quatenus ore prophetico verba malitiæ appellantur (Psal. cxl, 4); multo tamen periculosior est fallax ac superba confessio, quam per-

Reputare se omnibus inferiore.

(143) Huic opponitur sextus gradus humilitatis. Ad omnia se indignum, et inutilem confiteri.

(144) Huic opponitur quintus gradus humilitatis qui est, Humilis et candida revelatio peccatorum et malarum cogitationum.

(145) Huic opponitur quartus gradus humilitatis, Obedientia in duris patientiam amplecti.



vicax [al. procax] et obstinata defensio. Nonnulli enim cum de apertioribus arguuntur, scientes quod si se defenderent, sibi non crederetur, subtilius inveniunt argumentum defensionis, verba respondentes dolosæ confessionis. Est quippe, ut scriptum est, qui nequiter humiliat se, et interiora ejus plena sunt dolo (Ecclesi. xix, 23). Vultus demittitur, prosternitur corpus: aliquas sibi lacrymulas extorquent, si possunt; vocem 578 suspiriis, verba gemitibus interrumpunt. Nec solum qui ejusmodi est, objecta non excusat, sed ipse quoque culpam exaggerat: ut dum impossibile aliquid aut incredibile culpæ suæ ore ipsius additum audis, etiam illud, quod ratum putabas, discredere possis; et ex eo quod falsum esse non dubitas dum confitetur, in dubium veniat quod quasi certum tenebatur. Dumque affirmant quod credi nolunt, confitendo culpam defendunt, et aperiendo tegunt; quando et confessio laudabiliter sonat in ore, et adhuc iniquitas occultatur in corde: quatenus magis ex humilitate quam ex veritate confiteri putet qui audit, aptans eis illud Scripture: *Justus in principio sermonis accusator est sui* (Prov. xviii, 17). Malunt enim apud homines veritate periclitari, quam humilitate, cum apud Deum periclitentur utrinque. Aut si adeo culpa manifesta sit quod nulla penitus versutia tegi possit; nihilominus tamen vocem, non cor pœnitentis assumunt, qua notam, non culpam delectant, dum ignorantiam manifestæ transgressionis, decore recompen-  
sant publicæ confessionis.

47. Gloriosa res humilitas, qua ipsa quoque superbia palliare se appetit, ne vilescat! Sed hæc cito tergiversatio a prælato deprehenditur, si ad hanc superbam humilitatem non leviter flectitur, quo magis dissimulat culpam, vel differat poenam. Vasa figuli probat fornax, et tribulatio vere pœnitentes discernit. Qui enim veraciter pœnitet, laborem pœnitentiæ non abhorret: sed quidquid sibi pro culpa quam odit injungitur, tacita conscientia patienter amplectitur. In ipsa quoque obedientia duris ac contrariis rebus obortis, quibuslibet irrogatis injuriis sustinens non lassescit, ut in quarto gradu se stare indicet humilitatis. Cujus vero simulata confessio est, una vel levi contumelia, aut exigua pœna interrogatus, jam humilitatem simulare, jam simulationem dissimulare non potest. Murmurat, frendet, irascitur; nec in quarto stare humilitatis, sed in nonum superbiæ gradum corruisse probatur, qui secundum quod descriptus est, recte simulata confessio appellari potest. Quanta putas tunc confusio sit in corde superbi cum fraus decipitur, pax amittitur, laus minuitur, nec culpa diluitur? Tandem notatur ab omnibus, judicatur ab omnibus: eoque vehementius omnes indignantur, quo falsum conspiciunt quidquid de eo prius opinabantur. Tunc opus est prælato, ut eo minus illi

(146) Huic opponitur tertius gradus humilitatis, Pro amore Dei se libenter subdere majori.

A parcendum putet, quo magis omnes offenderet, si uni parcere

## CAPUT XIX.

De decimo gradu superbiæ, qui est rebellio (146).

48. Hic nisi eum miseratio superna respiciat, (quod valde difficile talibus est) universorum judiciis tacitus acquiescat; frontosus mox et impudens factus, tanto deterius, quanto desperatus in decimum gradum per rebellionem corruit: quippe prius latenter arrogans fratres contempserat, jam patenter inobediens etiam magistrum contemnit.

49. Sciendum autem est, quod omnes gradus, quos in duodecim partiti sum, in tres tantummodo colligi possunt: ut in sex superioribus contemptus fratrum, in quatuor sequentibus contemptus magistrum, in duobus, qui restant, consummetur contemptus Dei. Notandum quoque, quod hi duo superbiæ gradus ultimi, qui et humilitatis ascendendo primi inveniuntur; sicut extra congregationem ascendendi sunt, ita in congregatione descendendi non possunt. Quod autem ante ascendi debeant, ex hoc aperte datur intelligi, quod de tertio gradu in Regula legitur: «Tertius,» inquit, «gradus est, ut quis pro Dei amore omni obedientia se subdat majori.» (Regul. 7, 34.) Si ergo in tertio gradu subjectio collocatur, quæ procul dubio fit, quando novitius primum conventui sociatur; consequens est, quod duo jam anteriores transcendenti intelligantur. Denique ubi fratrum concordiam, et magistrum sententiam monachus spernit, quid ultra in monasterio, nisi scandalum facit?

## 579 CAPUT XX.

De undecimo gradu superbiæ, qui est libertas peccandi (147.).

50. Post decimum itaque gradum, qui rebellio dictus est, expulsus vel egressus de monasterio statim excipitur ab undecimo. Et tunc ingreditur vias, quæ videntur hominibus bonæ, quarum finis (nisi forte Deus eas illi sepierit) demerget eum in profundum inferni, id est in contemptum Dei. Impius siquidem cum venerit in profundum malorum, contemnit (Prov. D xviii, 3). Potest autem undecimus gradus appellari libertas peccandi, per quam monachus, cum jam nec magistrum videt quem timeat, nec fratres quos reveretur, tanto securius, quanto liberius sua desideria implere delectatur, a quibus in monasterio tam pudore, quam timore prohibebatur. Sed etsi jam vel fratres, vel abbatem non timet, nondum tamen Dei penitus formidine caret. Hanc ratio, tenuiter adhuc submurmurans, voluntati proponit, nec sine aliqua dubitatione quæque primum illicita perficit; sed, sicut is qui vadum tentat, pedetentim, non cursim vitiorum gargitem intrat.

(147) Huic opponitur secundus gradus humilitatis, Si propriam voluntatem non delectetur implere.

## CAPUT XXI.

*De duodecimo gradu superbie, qui est consuetudo peccandi (148.)*

51. At postquam terribili Dei iudicio prima flagitia impunita sequitur, experta voluptas libenter repetitur, repetita blanditur. Concupiscentia revivisciente sopitur ratio, ligat consuetudo. Trahitur miser in profundum malorum, traditur captivus tyrannidi vitiorum, ita ut carnalium voragine desideriorum absorptus, suæ rationis divinique timoris oblitus, dicat insipiens in corde suo : *Non est Deus* (Psal. xiii, 1). Jam indifferenter libitis pro licitis utitur, jam ab illicitis cogitandis, patrandis, investigandis animus, manus, vel pedes non prohibentur : sed quidquid in cor, in buccam, ad manum venerit, machinatur, garrit, et operatur, malevolus, vaniloquus, facinorosus. Quemadmodum denique ascensis his omnibus gradibus, corde jam alacri et absque labore pro bona consuetudine justus currit ad vitam : sic descensus impius eisdem, pro malo usu non ratione se gubernans, non timoris freno retentans, intrepidus festinat ad mortem. Medii sunt qui fatigantur, angustiantur : qui nunc metu cruciantur gehennæ, nunc pristina retardati consuetudine, descendendo vel ascendendo laborant. Supremus tantum et infimus currunt absque impedimento, et absque labore. Ad mortem hic, ad vitam ille festinat ; alter alacrior, alter proclivior. Illum alacrem charitas, hunc proclivem cupiditas facit. In altero amor, in altero stupor laborem non sentit. In illo denique perfecta charitas, in isto consummata iniquitas foras mittit timorem. Illi veritas, huic cæcitas dat securitatem. Potest ergo duodecimus gradus appellari consuetudo peccandi, qua Dei metus amittitur, contemptus incurritur.

## CAPUT XXII.

*An et quomodo orandum pro desperatis, et mortuis secundum animam.*

52. *Pro tali jam, inquit Joannes apostolus, non dico ut quis oret (I Joan. v, 16).* Sed nunquid dicis, o Apostole, ut quis desperet ? Imo gemat qui illum amat. Non præsumat orare, nec desistat plorare. Quid est quod dico ? An forte ullum remanet spei refugium, ubi oratio non invenit locum ? Audi credentem, audi sperantem, nec tamen orantem. *Domine, inquit, si fuisses hic, frater meus non fuisset mortuus.* Magna fides, qua credidit sua præsentia Dominum mortem prohibere potuisse si adfuisset. Modo autem quid ? Absit ut quem credidit vivum potuisse servare, mortuum dubitet posse resuscitare. *Sed nunc, inquit, scio quia quæcunque poposceris a Deo, dabis tibi Deus.* Deinde quærenti ubi posuissent 580 eum, respondet : *Veni, et vide.* Quamobrem ? O Martha, magna nobis tuæ fidei insignia tribuis : sed quomodo cum tanta fide diffidis ? *Veni, inquit, et vide.* Cur et, si non desperas, non sequeris, et dicis, Et resuscita ? si autem desperas, cur Magistrum sine causa fatigas ? An forte fides aliquando

A recipit, quod oratio non præsumit ? Denique appropinquantem cadaveri prohibes, et dicis : *Domine, jam fetet ; quatrduanus enim est* (Joan. xi, 21, 22, 34, 39). Desperando dicis hoc, an dissimulando ? Sic quippe ipse Dominus post resurrectionem fluxit se longius ire (Luc. xxiv, 28), cum mallet cum discipulis remanere. O sanctæ mulieres Christi famillares, si fratrem vestrum amatis, cur ejus misericordiam non flagitatis, de cujus potentia dubitare, pietate diffidere non potestis ? Respondent : *Sic melius tanquam non orantes oramus, sic efficacius tanquam diffidentes confidimus.* Exhibemus fidem, perhibemus affectum : scit ipse, cui non est opus ut aliquid dicatur, quid desideremus. Scimus quidem quod omnia potest : sed hoc tam grande miraculum, tam novum, tam inauditum, etsi ejus subest potentia, multum tamen excedit universa merita humilitatis nostræ. Sufficit nobis potentia locum, pietati dedisse occasionem ; valentes patienter expectare quid velit quam impudenter quærere quod forsitan nolit. Denique quod nostris meritis deest, verecundia fortasse supplebit. Petri quoque post gravem lapsum lacrymam quidem video, sed precem non audio : nec tamen de indulgentia dubito.

53. Disce et in Matre Domini magnam in mirabilibus fidem habere, in magna fide verecundiam retinere. Disce verecundia decorare fidem, reprimere præsumptionem. *Vinum, inquit, non habent* (Joan. ii, 3). Quam breviter, quam reverenter suggessit, unde pie fuit sollicita ! Et ut discas in hujusmodi magis pie gemere, quam petere præsumptuose ; pietatis æstum pudoris temperans umbra, conceptam precis fiduciam verecunde suppressit. Non frontose accessit, non palam locuta est, ut audacter coram omnibus diceret : *Obsecro, filii, deficit vinum, contristantur convivæ, confunditur sponsus ; ostendo quid possis.* Sed licet hæc aut multo plura pectus æstuans, fervens loqueretur affectus ; privatim tamen potentem pia Filium mater adiit, non potentiam tentans, sed voluntatem explorans. *Vinum, inquit, non habent.* Quid modestius ? quid fidelius ? Non defuit pietati fides, voci gravitas, efficacia voto. Si ergo illa, cum mater sit, sese matrem oblitâ non audet petere miraculum vini ; ego vile mancipium, cui permagnum est Filii simul ac Matris esse vernaculum, qua fronte præsumo pro vita petere quatrduani ?

54. Duo etiam in Evangelio cæci visum, alter accepisse, alter recepisse leguntur : alter quem amiserat, alter quem nunquam habuerat ; unus scilicet exæcatus, alter cæcus natus. Sed qui exæcatus, miserabilibus mirisque clamoribus miram misericordiam meruit : qui vero cæcus natus, tanto misericordius, quanto mirabilius nullis suis precibus præventum sui illuminatoris beneficium nihilominus sensit. Illi denique dictum est, *Fides tua te salvum fecit* : huic autem non (Luc. xviii, 35-43 ; Joan.

(148) Huic opponitur primus gradus humilitatis, timor Dei continuus.

ix). Duos quoque recenter mortuos, tertium jam A quatruiduanum, lego resuscitatos: solam tamen Archisynagoga filiam, in domo adhuc positam, precibus patris; duos autem ex insperata magnitudine pietatis (*Marc. v, 55-42; Luc. vii, 11-15; Joan. xi*).

55. Simili etiam forma si contigerit (quod Deus avertat) aliquem de fratribus nostris, non in corpore, sed in anima mori; quandiu adhuc inter nos erit, pulsabo et ego meis qualiscunque peccator, pulsabo et fratrum precibus Salvatorem. Si revixerit, lucrati erimus fratrem: sin vero non mereamur exandiri, ubi jam vel tolerare vivos, vel tolerari a vivis non poterit, sed incipiet efferi, semper quidem fideliter gemo, sed jam non ita fiducialiter oro. Non aperte audeo dicere, Veni, Domine, suscita mortuum nostrum: corde tamen suspensio, tremulus intus clamare non cesso, Si forte, si forte, si forte desiderium pauperum exaudiet Dominus, præparationem cordis eorum audiet auris ejus; et illud, *Nunquid mortuis facies mirabilia*, 561 aut medici suscitabunt, et confitebuntur tibi? et de quatruiduano: *Nunquid narrabit aliquis in sepulcro misericordiam tuam, et veritatem tuam in perditione?* (*Psal. lxxxvii, 11, 12*.) Potest interim Salvator, si vult, insperate et improvise occurrere nobis, lacrymisque portantium motus, non precibus, mortui vitam reddere visis, aut certe jam sepultum revocare a mortuis. Mortuum autem dixerim illum, qui sua peccata defendens, in octavum jam corruit gradum. A mortuo enim, tanquam qui non est, perit confessio (*Eccli. xvii, 26*). Post decimum vero, qui tertius est ab octavo, jam effortur in libertatem peccandi, quando expellitur a consortio monasterii. At postquam quartum transierit, jam

recte quatruiduanus dicitur, dum in quintum decidens per consuetudinem sepeliatur.

56. Absit autem a nobis, ut etiam pro talibus, etsi palam non præsumimus, vel in cordibus nostris orare cessemus: cum Paulus eos quoque lugeret, quos sine pœnitentia mortuos sciret (*II Cor. xii, 21*). Etsi enim a communibus orationibus ipsi se excludunt, sed ab affectibus omnino non possunt. Videant tamen in quanto periculo sint, pro quibus Ecclesia palam orare non audeat, quæ fidenter etiam pro Judæis, pro hæreticis, pro Gentilibus orat. Cum enim in Parasceve nominatim oreur pro quibuslibet malis, nulla tamen mentio sit de excommunicatis.

57. Dicis forte, frater Godefride, me aliud quam tu quæstisti, et quam ipse promisi, tandem exhibuisse, cum pro gradibus humilitatis, superbix gradus videar descripsisse. Ad quod ego: Non potui docere nisi quod didici. Non putavi congruum me describere ascensiones, qui plus descendere, quam ascendere novi. Proponat tibi beatus Benedictus gradus humilitatis, quos ipse prius in corde suo disposuit: ego quid proponam non habeo, nisi ordinem meam descensionis. In quo tamen, si diligenter inspicitur, via forsitan ascensionis reperitur. Si enim tibi Romam tendenti homo inde veniens obviam, quæsitum viam, quid melius quam illam, qua venit, ostenderet? Dum castella, villas, urbes, fluvios, ac montes, per quos transierit, nominat, suum denuntians iter, tuum tibi prænuntiat: ita ut eadem loca recognoscas eundo, quæ ille pertransiit veniendo. In hac similiter nostra descensione gradus ascensorios fortasse reperies, quos ascendendo melius tu in tuo corde, quam in nostro codice leges. Amen.

## 582 ADMONITIO IN OPUSCULUM VIII.

1. Etsi opusculum sequens unum ex primis est libris a Bernardo compositis, nullum tamen fere aut Bernardo dignius, aut religioni utilius ab eo scriptum existimo. Quid enim dignius doctore catholico, aut reipublicæ christianæ utilius quam prædicare, inculcare, imo et propugnare primum et maximum mandatum, ex quo cætera pendent, sine quo cætera nihil prosunt; illud, inquam, mandatum, quod in dies impetunt atque labefactare moluntur amor cujusque proprius, cupiditas et perversæ hominum interpretationes? Quapropter perpetuis tenebris digna est Apologia Berengarii, temerarii illius Abælardi discipuli ac defensoris, qui Bernardo impudenter insultat ob editum ab eo tractatum de Diligendo Deo, cum « de hoc, » inquit, « nemo dubitet, » non quævis muliercula, non quivis extremus idiota. Verum suos semper adversarios habuit divinus amor: cujus præceptum si verbis Christiani haud negant, at factis plerique pernegant; imo quidam etiam pravis interpretationibus ita redigunt ad nihilum, ut hodie in quæstionem adducere, et quidem dubitare impune liceat, num Deus optimus, maximus, creator, conservator ac redemptor, aliquo speciali, vel semel in vita, amoris acta a quovis christiano sit diligendus. Non ergo in vanum Bernardus divinum hoc præceptum Haimérico cardinali, quasi quoddam operæ pretium, commendare aggressus est hoc in opusculo docens, cap. 2, n. 6, diligendum esse Deum « sine modo; » inexcusabilem esse omnem « etiam infidelem, si non diligit Dominum Deum suum ex toto corde, tota anima, tota virtute. » Porro fidem tanto plus indicare amandum, quanto et se ipso pluris æstimandum quisque intelligit. « Quod si totum me, » inquit, cap. 5, n. 15, in persona omnium, « debeo pro me facto, quid addam jam et pro me refecto, et refecto hoc modo? »

2. In hoc ergo libro sanctissimus divini amoris præco et doctor, ejus modum, causas, originem, gradus, et obligationem accurate ac pathetice describit. Modum, ut diligatur « sine modo, » hoc est omni meliori quo possumus modo: causas, meritum Dei et commodum nostrum: originem, ex amore proprio in amorem Dei, usque ad oblivionem et contemptum sui: gradus, amorem sui, amorem Dei propter se, tum propter ipsum, ac damnum, castum et purum; hoc est amorem proprium, mercenarium, filialem ac beatificum: obligationem denique, quæ pertinet ad gentiles, Judæos, sed maxime ad Christianos. Totus vero tractatus est de amore qui consistit in affectu: quem etsi dicat perfecte in hac vita impleri non posse, ita ut omnem excludat timorem et cupiditatem; esse tamen ait finem et scopum in quem indesinenter ac irremisse ferri teneamur. Denique hunc ipsum amo-



rem ex dono Dei nobis provenire, non ex affectu innato; sic enim exclamat cap. 6, n. 16: « Deus meus, adjutor meus, diligam te pro dono tuo et modo meo, minus quidem justo, sed plane non minus posse meo. Qui etsi quantum debeo non possum, non possum tamen ultra quam possum. Potero vero plus, cum plus donare dignaberis, nunquam tamen prout dignus haberis. » Hæc tota hujusce libelli doctrina et æconomia.

3. Eandem doctrinam Bernardus passim aliis in locis inculcat, ut in sermone de Quadruplici Debito, qui est vigesimus secundus inter Diversos: nec aliam tradit in sermone quinquagesimo super Cantica, ubi duplicem distinguit charitatem, unam « in actu » alteram « in effectu. » Et « de illa quidem, quæ operis est, datam esse legem hominibus, mandatumque formatum. Nam in affectu, inquit, quis ita habeat ut mandatur? Ergo illa mandatur ad meritum, ista ad præmium. » Nimirum præcipitur charitas seu amor Dei ex toto corde, tota anima, tota virtute: ita ut amor sit perennis, indeficiens, perfectus, a nulla re creata retardatus et immixtus: quod non continget nisi in altera vita. Alia autem charitas in effectu eo spectat, ut omnes actiones nostras ad Deum referamus. Nam tantum abest ut charitas in effectu ex Bernardi mente amorem affectus excludat ut contra ipsum includat. Neque enim effectivum (ut vocant) amorem siccum, inanem, pure externum et Judaicum probat Bernardus, sed internum exigit cum 583 opere conjunctum: internum quidem cum charitas et amor sit; cum opere vero, cum sit in effectu. Hanc autem esse Bernardi eo in loco sententiam manifeste demonstrant quæ ibi sequuntur. « Non hoc dico, » ait, « ut sine affectione simus et solas moveamus manus ad opera. Legi inter alia quæ scribit Apostolus, mala et gravia hominum mala, hoc quoque annumeratum, scilicet sine affectione. » Qualem porro ad opera charitatis affectionem requirat, statim docet Vir sanctus, præmisso triplicem esse affectionem: primam « quam caro gignit; » secundam « quam ratio regit; » tertiam « quam condit sapientia; » tum subdit: « Igitur per secundam opera fiunt, et in ipsa charitas, sed non illa affectualis quæ sale sapientiæ condita pinguescens, magnam menti importat multitudinem dulcedinis Domini: sed quedam potius actualis, quæ etsi nondum dulci illo amore reficit, amore tamen ipsius amoris vehementer accendit. » Hæc est illa charitas in effectu quam a Deo præceptum dicit Bernardus, inferior quidem tertia seu beatifica quæ « primam eliminat, secundam remunerat, » ut ibidem ait: « Sic ergo dilectio alia quævis debita superans, quasi sola regnare debet in nobis; ut quicquid debetur cæteris, sibi vindicet et ex dilectionis omnia faciamus, » inquit Vir sanctus sermone duodecimo in psalmum xc, n. 7. Hæc de argumento sequentis libelli.

4. Cæterum directus a Bernardo est Haimericus seu Aimerico S. R. E. cardinali et cancellario, ut præferunt manuscripti codices omnes, præter unum Colbertinum, qui « Ascelinum » habet, sed mendose, teste vel ipso Berengario, Abelardi apologista, qui Aimericum præfert. Scriptus est autem liber sub pontificatu Honorii II, a quo Haimericus creatus est cancellarius. Gaufridus in libro tertio de Vita Bernardi, capite octavo: « Si quæritur piæ mentis religiosa devotio, transeundum ad homilias in Laudibus Virginis matris, et illum quem de Diligendo Deo edidit librum. » Erat autem Haimericus Gallus ex oppido Castra apud Biturigas, anno 1121 a Callisto II creatus cardinalis, ab Honorio II cancellarius sub annum 1126, mortuus anno 1141, singularia Bernardi amicus, ex aliis epistolis.

## S. BERNARDI ABBATIS

### DE DILIGENDO DEO

#### LIBER SEU TRACTATUS

AD HAIMERICUM S. R. E. CARDINALEM ET CANCELLARIUM.

#### 584. PRÆFATIO.

Viro illustri domino HAIMERICO, ecclesiæ Romanæ diacono cardinali et cancellario, BERNARDUS abbas dictus de Clara-Valle, Domino vivere, et in Domino mori.

Orationes a me, et non quæstiones poscere solentis: et quidem ego ad neutrum idoneum me esse confido. Verum illud indicit professio, etsi non ita conversatio: ad hoc vero (ut verum fatear) ea mihi deesse video, quæ maxime necessaria viderentur, diligentiam et ingenium. Placet tamen, fateor, quod pro carnalibus spiritualia repetitis, si sane apud loquutionem id facere libuisset. Quia vero doctis et indoctis pariter in istiusmodi excusandi mos est,

A nec facile scitur, quæ vere ex imperitia, quæve ex verecundia excusatio prodeat, si non injuncti operis obeditio probat: accipite de mea paupertate quod habeo, ne tacendo philosophus puter. Nec tamen ad omnia spondeo me responsurum. Ad id solum quod de diligendo Deo quæritis, responsio quod ipse dabit. Hoc enim et sapit dulcius, et tractatur securius, et auditur utilius. Reliqua diligentioribus reservate.

#### CAPUT I.

Quare et quomodo diligendus sit Deus.

1. Vultis ergo a me audire, quare et quomodo diligendus sit Deus? Et ego: Causa diligendi Deum, Deus est; modus, sine modo diligere (149). Estne

(149) Eadem verba habet Severi Milevitani aristitis epistola ad Augustinum, inter Augustinianas 109: Nullus nobis amandi modus imponitur, quando ipse tibi modus est sine modo amare. Bernardum hic

imitatur Joannes Saresberiensis, in Polycratice libro VII, cap. 11. Apage impudentissimum Abelardi apologistam Berengarium, qui hoc aureum dictum audet locessere.

hoc satis? Fortassis utique, sed sapienti. Cæterum si et insipientibus debitor sum (*Rom. 1, 14*); ubi sat est dictum sapienti, etiam illis gerendus mos est. Itaque propter tardiores idem profusius, quam profundius repetere non gravabor. Ob duplicem ergo causam Deum dixerim propter seipsum diligendum: sive quia nihil iustus, sive quia nil fructuosius diligi potest. Duplicem siquidem parit sensum, cum quaeritur de Deo, cur diligendus sit. Dubitari namque potest quid potissimum dubitetur; utrumnam, quo suo merito Deus, aut certe quo nostro sit commodo diligendus. Sane ad utrumque idem responderim; non plane aliam mihi dignam occurrere causam diligendi ipsum, præter ipsum. Et prius de merito videamus. Multum quippe meruit de nobis, qui et immeritis dedit seipsum nobis. Quid enim melius seipso poterat dare vel ipse? Ergo si Dei meritum quaeritur, cum ipsum diligendi causa quaeritur, illud est præcipuum: quia ipse prior dilexit nos. Dignus plane qui redametur, præsertim si advertatur, quis, quos, quantumque amaverit. Quis enim? Nonne is cui omnis spiritus confitetur: *Deus meus es tu, quoniam bonorum meorum non egesset* (*Psalm. xv, 2*). Et vera hujus charitas majestatis, quippe non quaerentis quæ sua sunt. Quibus autem tanta puritas (*150*) exhibetur? Cum adhuc, inquit, inimici essemus, reconciliati sumus Deo (*Rom. v, 10*). Dilexit ergo Deus, et gratis, et inimicos. Sed quantum? Quantum dicit Joannes: *Sic Deus dilexit mundum, ut Filium unigenitum daret* (*Joan. iii, 16*): et Paulus, *Qui proprio, ait, Filio non pepercit, sed pro nobis tradidit illum* (*Rom. viii, 32*). Ipse quoque Filius pro se, *Majorem*, inquit, *charitatem nemo habet quam ut animam suam ponat quis pro amicis suis* (*Joan. xv, 13*). Sic meruit justus ab impiis, summus ab infirmis, ab infirmis omnipotens. Sed dicit aliquis: Ita quidem ab hominibus; sed ab angelis non ita. Verum est, quia necesse non fuit. Cæterum qui hominibus subvenit in tali necessitate, servavit angelos a tali necessitate: et **585** qui homines diligendo, tales fecit ne tales remanerent; ipse æque diligendo dedit et angelis, ne tales fierent.

## CAPUT II.

*Deus quantopere ab homine mereatur amari, ob bonam tum corporis, tum animæ. Quomodo ea agnoscenda et habenda citra donantis injuriam.*

2. Quibus hæc palam sunt, palam arbitror esse et eum Deus diligendus sit: hoc est, unde diligi meruerit. Quod si infideles hæc latent, Deo tamen in promptu est ingratos confundere super innumeris beneficiis suis, humano nimirum et usui præstitis, et sensui manifestis. Nempe quis alius administrat cibum omni vescenti, cernenti lucem, spiranti flatum? Sed stultum est velle modo enumerare quæ innumera esse non longe ante præfatus sum: satis est ad exemplum præcipua protulisse, panem, solem

A et aerem. Præcipua dico, non quia excellentiora, sed quia necessaria: sunt quippe corporis. Quærat enim homo eminentiora bona sua in ea parte sui, quæ præminet sibi, hoc est in anima quæ sunt dignitas, scientia, virtus. Dignitatem in homine liberum arbitrium dico: in quo ei nimirum datum est cæteris non solum præminere, sed et præsidere animantibus. Scientiam vero, quæ eandem in se dignitatem agnoscat, non a se tamen. Porro virtutem, quæ subinde ipsum a quo est, et inquirat non segniter, et teneat fortiter cum invenerit.

3. Itaque geminum unumquodque trium horum apparet. Dignitatem siquidem demonstrat humanam non solum naturæ prærogativa, sed et potentia dominatus: quod terror hominis super cuncta animantia terræ imminere decernitur. Scientia quoque duplex erit, si hanc ipsam dignitatem, vel aliud quodque bonum in nobis, et nobis inesse, et a nobis non esse noverimus. Porro virtus et ipsa æque bifaria cognoscetur, si auctorem consequenter inquirimus, inventoque inseparabiliter inhaeremus. Dignitas ergo sine scientia non prodest; illa vero etiam obest, si virtus [*al. ista*] defuerit: quod utrumque ratio declarat subjecta. Habere enim quod habere te nescias, quam gloriam habet? Porro nosse quod habeas, sed quia a te non habeas ignorare, habet gloriam, sed non apud Deum. Apud se autem glorianti dicitur ab Apostolo: *Quid habes quod non accepisti? si autem accepisti, quid gloriaris quasi non acceperis?* (*I Cor. iv, 7*). Non ait simpliciter: *Quid gloriaris?* sed addit, *quasi non acceperis*, ut asserat reprehensibilem, non qui in habitis, sed qui tanquam in non acceptis glorietur. Merito vana gloria nuncupatur hujusmodi, veritatis nimirum solido carens fundamento. Veram enim gloriam ab hac ita discernit: *Qui glorietur, ait, in Domino gloriatur* (*I Cor. i, 31*), hoc est in veritate. Veritas quippe Dominus est.

4. Utrumque ergo scias necesse est, et quid sis, et quod a te ipso non sis: re aut omnino videlicet non glorieris, aut inaniter glorieris. Denique si non cognoveris, inquit, te ipsam, egredere post greges sodalium tuorum (*Cant. i, 7*). Revera ita fit. Homo factus in honore, cum honorem ipsum non intelligit, talis suæ ignorantie merito comparatur pecoribus, velut quibusdam præsentis suæ corruptionis et mortalitatis consortibus. Fit igitur ut sese non agnoscendo egregia rationis munere creatura, irrationalium gregibus aggregari incipiat, dum ignara propriæ gloriæ, quæ ab intus est, conformanda foris rebus sensibilibus, sua ipsius curiositate abducitur: efficiturque una de cæteris, quod se præ cæteris nihil accepisse intelligat. Itaque valde cavenda hæc ignorantia, quæ de nobis minus nobis forte sentimus: sed non minus, imo et plus illa quæ plus nobis tribuimus: quod fit, si bonum quodcumque in nobis

(150) Id est puritas charitatis non quaerentis quæ sua sunt, ut supra. Editi plerique habent *charitas*, sed *gratitas* scripti.

esse et a nobis decepti putemus. At vero super A utramque ignorantiam declinanda et execeranda illa præsumptio est, qua sciens et prudens forte audeas de bonis non tuis tuam querere gloriam: et quod certus 586 es a te tibi non esse, inde tamen alterius rapere non verearis honorem. Prior equidem ignorantia gloriam non habet: posterior vero habet quidem, sed non apud Deum. Cæterum hoc tertium malum quod jam scienter committitur, usurpat et contra Deum. In tantum denique ignorantia illa posteriori hæc arrogantia gravior atque periculosior apparet, quo per illam quidem Deus nescitur, per istam et contemnitur: in tantum et priori deterior ac detestabilior, ut cum per illam pecoribus, per istam et demonibus sociemur. Est quippe superbia et delictum maximum, uti datis tanquam innatis; et in acceptis beneficiis gloriam usurpare beneficii.

5. Quamobrem cum duabus istis, dignitate atque scientia, opus est et virtute, quæ utriusque fructus est, per quam ille inquiritur ac tenetur, qui omnium auctor et dator merito glorificetur de omnibus. Alioquin sciens et non faciens digna, multis vapulabit. Quare? Utiq; quia noluit intelligere ut bene ageret: magis autem iniquitatem meditatus est in cubili suo (Psal. xxv, 4, 5), dum de bonis, quæ a se non esse ex scientiæ dono certissime comperit, boni Domini gloriam servus impius captare sibi, inno et raplare molitur. Liqueat igitur et absque scientia dignitatem esse omnino inutilem, et scientiam absque virtute damnabilem. Verum homo virtutis, cui nec damnosa scientia, nec infructuosa dignitas manet, clamat Deo et ingenue confitetur: *Non nobis, inquit, Domine, non nobis, sed nomini tuo da gloriam* (Psal. cxiii, 9). Hoc est: Nil nobis, o Domine, de scientia, nil nobis de dignitate tribuimus; sed tuo totum, a quo totum est, nomini deputamus.

6. Cæterum pene a proposito longe nimis digressi sumus, dum demonstrare satagimus, eos quoque qui Christum nesciunt, satis per legem naturalem ex perceptis bonis corporis animæque moneri, quatenus Deum propter Deum et ipsi diligere debeant. Nam ut breviter, quæ super hoc dicta sunt, iterentur: quis vel infidelis ignoret, suo corpori non ab alio in hac mortali vita supradicta illa necessaria ministrari, unde videlicet subsistat, unde videat, unde spiret, quam ab illo, qui dat escam omni carni (Psal. cxxxv, 25); qui solem suum oriri facit super bonos et malos, et pluit super justos et injustos? (Matth. v, 45.) Quis item vel impius putet alium ejus, quæ in anima splendet, humanæ dignitatis auctorem, præter illum ipsum, qui in Genesi loquitur: *Faciamus hominem ad imaginem et similitudinem nostram*? (Gen. i, 26.) Quis alium scientiæ largitorem existimet, nisi æque ipsum, qui docet hominem scientiam? (Psal. xciii, 40.) Quis rursum munus sibi aliunde virtutis aut putet datum, aut speret dandum, quam de manu itidem Domini virtutum? Meretur ergo amari propter se ipsum Deus, et ab infideli: qui cisi

nesciat Christum, scit tamen seipsum. Proinde inexcusabilis est omnis etiam infidelis, si non diligit Dominum Deum suum ex toto corde, tota anima, tota virtute sua. Clamat nempe intus ei innata, et non ignorata rationi justitia, quia ex toto se illum diligere debeat, cui se totum debere non ignorat. Verum difficile, imo impossibile est, suis scilicet quempiam, liberive arbitrii viribus semel accepta a Deo, ad Dei ex toto convertiere voluntatem; et non magis ad propriam retorquere, eaque sibi tanquam propria retinere, sicut scriptum est, *Omnes quæ suæ sunt querunt* (Philipp. ii, 21): et item, *Proni sunt sensus et cogitationes hominis in malum* (Gen. viii, 21).

## CAPUT III.

*Christiani quantum habeant stimulos amandi Deum præ infidelibus.*

7. Contra quod plane fideles norunt, quam omnino necessarium habeant Jesum, et hunc crucifixum: dum admirantes et amplexantes supereminentem scientiæ charitatem in ipso, id vel tantillum quod sunt, in tantæ dilectionis et dignationis vicem non rependere confunduntur. Facile proinde plus diligunt, qui se amplius dilectos intelligunt: cui autem minus donatum est, minus diligit. Judæus sane, sive paganus, 587 nequaquam talibus aculeis incitatur amoris, quales Ecclesia experitur, quæ ait, *Vulnerata charitate ego sum*: et rursum, *Fulcite me floribus, stipate me malis*, quia amore langueo (Cantic. ii, 4, 5). Cernit regem Salomonem in diademate, quo coronavit eum mater sua (Cant. iii, 11); cernit Unicum Patris, crucem sibi bajulantem; cernit cæsum et consutum Dominum majestatis; cernit auctorem vitæ et gloriæ confixum clavis, percussus lancea, opprobriis saturatum, tandem illam dilectam animam suam ponere pro amicis suis. Cernit hæc, et suam magis ipsius animam gladius amoris transverberat, et dicit: *Fulcite me floribus, stipate me malis, quia amore langueo*. Hæc sunt quippe mala punica, quæ in hortum introducta dilecti sponsa carpit ex ligno vitæ, a cælesti pane proprium mutuata saporem, colorem a sanguine Christi. Videt deinde mortem mortuam, et mortis auctorem triumphatum. Videt de inferis ad terras, de terris ad superos captivam duci captivitatem, ut in nomine Jesu omne genus flectatur, cœlestium, terrestrium, et infernorum (Philipp. ii, 10). Advertit terram, quæ spinas et tribulos sub antiquo maledicto produxerat, ad novæ benedictionis gratiam innovatam refloruisse. Et in his omnibus, illius recordata versiculi, *Et refloruit caro mea, et ex voluntate mea confitebor ei* (Psal. xxvii, 7); passionis malis, quæ de arbore tulerat crucis, cupit vigere [ad]jungere] et de floribus resurrectionis, quorum præsertim fragrantia sponsum ad se crebrius revisendam invitet.

8. Denique ait: *Ecce tu pulcher es, dilecte mi et decorus; lectulus noster floridus* (Cantic. i, 15). Quæ lectulum monstrat, satis quid desideret aperit:



et eum floridum nuntiat, satis indicat, unde quod desiderat obtinere præsumat. Non enim de suis meritis, sed de floribus agri, cui benedixit Deus. Delectatur floribus, Christus, qui in Nazareth et concipi voluit, et nutrir. Gaudet sponsus cælestis talibus odoramentis, et cordis thalamum frequenter libenterque ingreditur, quod istiusmodi refertum fructibus, floribusque respersum invenerit. Ubi suæ videlicet aut passionis gratiam, aut resurrectionis gloriam sedula inspicit cogitatione versari, ibi profecto adest sedulus, adest libens. Monumenta siquidem Passionis, fructus agnosce quasi anni præteriti, omnium utique retro temporum sub peccati mortisque imperio decursorum, tandem in plenitudine temporis, apparentes. Porro autem Resurrectionis insignia, novos adverte flores sequentis temporis, in novam sub gratia revirescentis ætatem, quorum fructum generalis futura resurrectio in fine parturiet sine fine mansurum. Jam, inquit, hiems transiit, imber abiit et recessit, flores apparuerunt in terra nostra (Cant. 11, 11, 12): æstivum tempus advenisse cum illo significans, qui de mortis gelu in vernalem quandam novæ vitæ temperiem resolutus, Ecce, ait, nova facio omnia (Apoc. xxi, 5): cujus caro seminata est in morte, resoruit in resurrectione; ad cujus mox odorem in campo convallis nostræ revirescent arida, recalescent frigida, mortua reviviscunt.

9. Horum ergo novitate florum ac fructuum, et pulchritudine [at. plenitudine] agri suavissimum spirantis odorem, ipse quoque Pater in Filio innovante omnia delectatur, [ita ut dicat: Ecce odor filii mei, sicut odor agri pleni, cui benedixit Dominus] (Gen. xxvii, 27). Bene pleni, de cujus plenitudine omnes accepimus. Sponsa tamen familiaris ex eo sibi, cum vult, flores legit, et carpit poma, quibus propriæ aspergat intima conscientiæ, et intranti sponso cordis lectulus suave redoleat. Oportet enim nos, si crebrius volumus habere hospitem Christum, corda nostra semper habere munita fidelibus testimoniis, tam de misericordia scilicet morientis, quam de potentia resurgentis; quomodo David aiebat: Duo hæc audiui, quia potestas Dei est, et tibi, Domine, misericordia (Psal. lxi, 12, 13). Siquidem utriusque rei testimonia credibilia facta sunt nimis; Christo utique moriente propter delicta nostra, et resurgente propter justificationem nostram, et ascendente ad protectionem nostram, et mittente Spiritum ad consolationem nostram, et quandoque redituro ad consummationem nostram. Nempe in morte misericordiam, potentiam in resurrectione, utramque in singulis exhibuit reliquorum.

568 10. Hæc mala, hi flores, quibus sponsa se interim stipari postulat et fulciri, credo sentiens facile vim in se amoris posse tepescere et languescere quodammodo, si non talibus jugiter foveatur incensivis, donec introducta quandoque in cubiculum, diu cupitis excipiat amplplexibus, et dicat: Lava ejus sub capite meo, et dextera illius amplexata est me (Cantic. 11, 6). Sentiet quippe tunc et probabit uni-

A versa dilectionis testimonia, quæ in priori adventu, tanquam de sinistra dilecti, acceperat, præ multitudine dulcedinis amplexantis dexterae contemnenda, et omnino jam quasi subitis habenda. Sentiet quod audierat: Caro non prodest quidquam; spiritus est qui vivificat (Joan vi, 64). Probabit quod legerat: Spiritus meus super mel dulcis, et hæreditas mea super mel et favum. Quod vero sequitur, Memoria mea in generatione sæculorum (Eccli. xxiv, 27, 28); hoc dicit, quia quamdiu stare præsens cernitur sæculum, in quo generatio advenit, et generatio præterit, non deerit electis consolatio de memoria, quibus nondum de præsentia plena refectio indulgetur. Unde scriptum est, Memoriam abundantia suavitatis tuæ eructabunt: haud dubium, quin hi, quos paulo superius dixerat, Generatio et generatio laudabit opera tua (Psal. cxliv, 7, 4). Memoria ergo in generatione sæculorum, præsentia in regno cælorum. Ex ista glorificatur jam assumpta electio: de illa interim peregrinans generatio consolatur.

## CAPUT IV.

Quinam ex Dei recordatione consolationem capiant: quive magis ad ejus amorem idonei.

11. Sed interest, quænam generatio ex Dei capiat recordatione solamen. Non enim generatio prava et exasperans, cui dicitur, Væ vobis, divites, qui habetis consolationem vestram (Luc. vi, 24); sed quæ dicere veraciter potest, Remittit consolari anima mea. Huic plane et credimus, si secuta adjecerit: Memor fui Dei, et delectatus sum (Psal. lxxvi, 3, 4). Justum quippe est, ut quos præsentia non delectant, præsto eis sit memoria futurorum: et qui de rerum fluentium qualibet affluentia despiciunt consolari, recordatio illos delectet æternitatis. Et hæc est generatio quærentium Dominum, quærentium non quæ sua sunt, sed faciem Dei Jacob (Psal. xliii, 6). Dei ergo quærentibus et suspirantibus præsentiam, præsto interim et dulcis memoria est, non tamen qua satientur, sed qua magis esurient unde satientur. Hoc ipsum de se cibus ipse testatur, ita dicens, Qui edit me, adhuc esuriat (Eccli. xxiv, 29): et qui eo cibatus est, Satiabor, inquit, cum apparuerit gloria tua (Psal. xvi, 15). Beati tamen jam nunc qui esuriunt et sitiunt justitiam, quoniam quandoque ipsi, et non alii, saturabuntur (Matth. v, 6). Væ tibi, generatio prava atque perversa! væ tibi, popule stulte et insipient, qui et memoriam fastidis, et præsentiam expavescis! Merito quidem: nec modo enim liberari vis de laqueo venantium, siquidem qui volunt divites fieri in hoc sæculo, incidunt in laqueum diaboli (I Tim. vi, 9); nec tunc a verbo aspero poteris liberari. O verbum asperum, o sermo durus! Ite, maledicti, in ignem æternum (Matth. xxv, 41). Durior plane atque asperior illo, qui quotidie nobis de memoria passionis in Ecclesia replicatur: Qui manducat meam carnem, et bibit sanguinem meum, habet vitam æternam. Hoc est, qui recolit mortem meam, et exemplo meo mortificat membra sua quæ sunt super terram, habet vitam æternam: hoc est,

ai compatimini, et conregnabit. Et tamen plerique ab hac vocē resilientes et abeunt hodieque retrorsum, respondent non verbo, sed facto: *Durus est hic sermo; quis potest eum audire?* (Joan. vi, 55, 61.) Itaque generatio quæ non direxit cor suum, et non est creditus cum Deo spiritus ejus (Psal. LXXVII, 8), sed magis sperans in incerto divitiarum, verbum modo crucis audire gravatur, ac memoriam passionis sibi judicat onerosam. Verum qualiter verbi illius pondus in præsentia sustinebit? *Ite, maledicti, in ignem æternum, qui paratus est diabolo, et angelis ejus?* Super quem profecto ceciderit lapis iste, conteret eum. At vero generatio rectorum benedicitur (Psal. cxi, 2): qui utique cum Apostolo, sive **589** absentes, sive præsentes, contendunt placere Deo (II Cor. v, 9). Denique audient, *Venite, benedicti, Patris mei* (Matth. xxv, 34), etc. Tunc illa quæ non direxit cor suum, sero quidem experietur, quam in illius comparatione doloris jugum Christi suave, et onus leve fuerit, cui tanquam gravi et aspero duram cervicem superbe subduxit. Non potestis, o miseri servi manumone, simul gloriari in cruce Domini nostri Jesu Christi, et sperare in pecunie thesauris; post aurum abire, et probare quam suavis est Dominus. Proinde quem suavem in memoria non sentitis, asperum procul dubio in præsentia sentietis.

12. Cæterum fidelis anima et suspirat præsentiā inbians, et in memoria requiescit suaviter; et donec idonea sit revelata facie speculari gloriam Domini, crucis ignominia gloriatur. Sic profecto, sic sponsa et columba Christi pausat sibi interim, et dormit inter medios cleros, sortita jam in præsentiā de memoria abundantie suavitatis tuæ, Domine Jesu, pennas deargentatas, innocentie videlicet pudicitieque candorem; et sperans insuper adimpleri lætitia cum vultu tuo, ubi etiam fiant posteriora dorsi ejus in pallore auri (Psal. LXXVII, 14): quando in splendoribus sanctorum introducta cum gaudio, sapientie plenius fuerit illustrata fulgoribus. Merito proinde jam nunc gloriatur, et dicit, *Læva ejus sub capite meo, et dextera illius amplexabitur me* (Cantic. ii, 6): in læva reputans recordationem illius charitatis, qua nulla major est, quod animam suam posuit pro amicis suis; in dextera vero beatam visionem, quam promisit amicis suis, et gaudium de præsentia majestatis. Merito illa Dei et deifica visio, illa divine præsentiæ inestimabilis delectatio in dextera deputatur, de qua et delectabiliter canitur: *Delectationes in dextera tua usque in finem* (Psal. xv, 11). Merito in læva admirabilis illa memorata et semper memoranda dilectio collocatur, quod donec transeat iniquitas, super eam sponsa recumbat et requiescat.

13. Merito ergo læva sponsi sub capite sponsæ, super quam videlicet caput suum reclinata sustentet, hoc est mentis suæ intentionem, ne inclinetur et incurvetur in carnalia et sæcularia desideria: quia corpus quod corrumpitur, aggravat animam: et

A deprimit terrena inhabitatio sensum multa cogitantem (Sap. ix, 15). Quid namque aliud faciat considerata tanta et tam indebita miseria, tam gratuita et sic probata dilectio, tam inopinata dignatio, tam invicta mansuetudo, tam stupenda dulcedo? quid, inquam, hæc omnia faciant diligenter consideratis, nisi ut considerantis animum, ab omni penitus pravo vindicatum amore, ad se mirabiliter raptant, vehementer afficiant, faciantque præ se contemnere, quidquid nisi in contemptu horum appeti non potest? Nimirum proinde in odore unguentorum horum sponsa currit alacriter, amat ardentem; et parum sibi amare sic amata videtur, etiam cum se totam in amore perstrinxerit. Nec immerito. Quid magnum enim tanto et tanti repensatur amor, si pulvis exiguus totum se ad redamandum collegerit, quem illa nimirum Majestas in amore præveniens, tota in opus salutis ejus intenta conspiciatur? Denique sic Deus dilexit mundum ut Unigenitum daret (Joan. iii, 16); haud dubium quin de Patre dicat. Item, *Tradidit in mortem animam suam* (Isai. LIII, 12); nec dubium quod de Filio loquatur. Ait et de Spiritu sancto: *Spiritus Paracletus, quem mittit Pater in nomine meo, ille vos docebit omnia, et suggeret vobis omnia quæcunque dixero vobis* (Joan. xiv, 26). Amat ergo Deus, et ex se toto amat, quia tota Trinitas amat: si tamen totum dici potest de infinito et incomprehensibili, aut certe de simplici.

## CAPUT V.

*Christiano quantum incumbat debitum amoris.*

C 14. Intuens ergo hæc, credo, satis agnoscit quare Deus diligendus sit, hoc est, unde diligere mereatur. Cæterum infidelis non habens Filium, nec Patrem proinde habet, nec Spiritum sanctum. Qui enim non honorificat Filium, non honorificat Patrem qui misit illum (Joan. v, 23); **590** sed nec Spiritum sanctum quem misit ille. Is itaque mirum non est, si quem minus agnoscit, minus et diligit. Attamen et ipse totum ei sese debere non ignorat, quem sui totius non ignorat auctorem. Quid ergo ego, qui Deum meum teneo vitæ meæ non solum gratuitum largitorem, largissimum administratorem, pium consolatorem, sollicitum gubernatorem; sed insuper etiam copiosissimum redemptorem, æternum conservatorem, ditatorem, glorificatorem? sicut scriptum est, *Copiosa apud eum redemptio* (Psal. cxxix, 7): et item, *Introivit semel in Sancta, æterna redemptione inventa* (Hebr. ix, 12): et de conservatione, *Non relinquet sanctos suos; in æternum conservabuntur* (Psal. xxxvi, 28): et de locupletatione, *Mensuram bonam, et confertam, et coagitatam, et superfluentem dabunt in sinum vestrum* (Luc. vi, 38): et rursum, *Nec oculus vidit, nec auris audivit, nec in cor hominis ascendit, quæ præparavit Deus diligentibus se* (I Cor. ii, 9): et de glorificatione, *Salvatores expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ* (Philipp. iii, 20, 21): et illud, *Non sunt condignæ passionibus hujus*

temporis ad futuram gloriam, quæ revelabitur in nobis (Rom. viii, 18) : et iterum, *Id quod in presenti est momentaneum et leve tribulationis nostræ, supra modum in sublimitate æternæ gloriæ pondus operatur in nobis, non contemplantibus quæ videntur, sed quæ non videntur* (II Cor. iv, 17, 18).

15. Quid retribuam Domino pro omnibus his ? Illum ratio urget et justitia naturalis totum se trahere illi, a quo se totum habet, et ex se toto debere diligere. Mihi profecto fides tanto plus indicit amandum, quanto et eum me ipso pluris æstimandum intelligo : quippe qui illum non solum mei, sed sui quoque ipsius teneo largitorem. Denique nondum tempus fidei advenerat, nondum innotuerat in carne Deus, obierat in cruce, prodierat de sepulcro, redierat ad Patrem : nondum, inquam, commendaverat in nobis suam multam dilectionem, illam de qua jam multa locuti sumus, cum jam mandatum est homini diligere Dominum Deum suum ex toto corde, tota anima, tota virtute sua (Deut. vi, 5), id est ex omni quod est, quod scit, quod potest. Nec tamen injustus Deus, suum sibi vindicans opus et dona. Uiquid enim non amaret opus artificem, cum haberet unde id posset ? Et cur non quantum omnino posset, cum nihil omnino nisi ejus munere posset ? Ad hæc, quod de nihilo, quod gratis, quod in hac dignitate conditum est ; et debitum dilectionis manifestius facit, et exactum justiore ostendit. Cæterum quantum putamus adjectum beneficii, cum homines et jumenta salvavit, quemadmodum multiplicavit misericordiam suam Deus ? (Psal. xxxv, 7, 8.) Nos dico, qui mutavimus gloriam nostram in similitudinem vituli comedentis fenum (Psal. cv, 20), peccando comparati jumentis insipientibus (Psal. cxviii, 13). Quod si totum me debeo pro me facto, quid addam jam et pro reflecto et reflecto hoc modo ? Nec enim tam facile reflectus, quam factus : siquidem non solum de me, sed de omni quoque quod factum est, scriptum est, *Dixit, et facta sunt* (Psal. cxlviii, 5). At vero qui me tantum et semel dicendo fecit, in reflectendo profecto et dixit multa, et gessit mira, et pertulit dura ; nec tantum dura, sed et indigna. Quid ergo retribuam Domino pro omnibus quæ retribuit mihi ? (Psal. cxv, 12.) In primo opere me mihi dedit ; in secundo, se : et ubi se dedit, me mihi reddidit. Datus ergo, et redditus, me pro me debeo, et bis debeo. Quid Deo retribuam pro se ? Nam etiam si me millies rependere possem, quid sum ego ad Deum ?

#### CAPUT VI.

*Brevia anacephalæosis et summa prædictorum.*

16. Hic primum vide, quo modo, imo quam sine modo a nobis Deus amari meruerit ; qui (ut paucis quod dictum est repetam) prior ipse dilexit nos, tantus, et tantum, et gratis tantillos, et tales. En quod in principio dixisse me memini, modum esse diligendi Deum, sine modo diligere. Denique cum dilectio quæ tendit in Deum, tendat in immensum,

A tendat in infinitum (nam et infinitus Deus est et immensus) ; quisnam, 591, quæso, debeat finis esse nostri, vel modus amoris ? Quid quod amor ipse noster non jam gratuitus impenditur, sed rependitur debitus ? Amat ergo immensitas, amat æternitas, amat supereminens scientiæ charitas ; amat Deus, cujus magnitudinis non est finis (Psal. cxliv, 3), cujus sapientiæ non est numerus (Psal. cxlvi, 5), cujus pax exsuperat omnem intellectum (Philipp. iv, 7) : et vicem rependimus cum mensura ? Diligam te, Domine, fortitudo mea, firmamentum meum, et refugium meum, et liberator meus (Psal. xvi, 2, 3) : et meum denique quidquid optabile atque amabile dici potest. Deus meus, adjutor meus, diligam te pro dono tuo, et modo meo, minus quidem justo, sed plane non minus posse meo : qui etsi quantum debeo non possum, non possum tamen ultra quam possum. Potero vero plus, cum plus donare dignaberis : nunquam tamen prout dignus haberis. Imperfectum meum viderunt oculi tui : sed tamen in libro tuo omnes scribentur (Psal. cxxxviii, 16), qui quod possunt faciunt, etsi quod debent non possunt. Satis, quantum reor, apparet, et quoniam modo Deus diligendus sit, et quo merito suo. Quo, inquam, merito suo : nam quanto, cui sane appareat ? quis dicat ? quis sapiat ?

#### CAPUT VII.

*Non sine fructu et præmio diligere Deum ; et terrenis non satiari humani cordis appetitum.*

C 17. Nunc quo nostro commodo diligendus sit, videamus. Sed quantum est et in hoc videre nostrum ad id quod est ? Nec tamen quod videtur tacendum est, etsi non omnino videtur ut est. Superius, cum propositum esset, quare, et quomodo diligendus sit Deus, duplicem dixi parere intellectum id quod queritur, Quare : ut, aut quo suo merito, aut quo nostro commodo diligendus sit, utrumlibet queri posse perinde videatur. Dicto proinde de merito Dei, non prout dignum ei, sed prout datum est mihi ; superest ut de præmio, quod item dabitur, dicam. Non enim sine præmio diligitur Deus, etsi absque præmii intuitu diligendus sit. Vacua namque vera charitas esse non potest, nec tamen mercenaria est ; quippe non querit quæ sua sunt (I Cor. xiii, 5). Affectus est, non contractus : nec acquiritur pacto, nec acquirit. Sponte afficit, et spontaneum facit. Verus amor seipso contentus est. Habet præmium, sed id quod amatur. Nam quidquid propter aliud amare videaris, id plane amas, quo amoris finis pertendit, non per quod tendit. Paulus non evangelizat ut comedat, sed comedit ut evangelizet : eo quod amet, non cibum, sed Evangelium (I Cor. ix, 18). Verus amor præmium non requirit, sed meretur. Præmium sane necdum amanti proponitur, amanti debetur, perseveranti redditur. Denique in rebus inferioribus suadendis, invitos promissis vel præmiis invitamus, et non spontaneos. Quis enim munerandum hominem putet, ut faciat



quod et sponte cupit? Nemo, verbi causa, condicit aut esurientem ut comedat, aut sitientem ut bibat, aut certe matrem ut parvulum allactet filium uteri sui. An vero quis putet prece vel pretio quempiam commonendum suam ipsius vel sepire vineam, vel arborem circumfodere, vel structuram propriæ domus erigere? Quanto magis Deum amans anima, aliud præter Deum sui amoris præmium non requirit? Aut si aliud requirit, illud pro certo, non Deum diligit.

18. Inest omni utenti ratione naturaliter pro sua semper æstimatione atque intentione appetere potiora, et nulla re esse contentum, cui quod deest, iudicet præferendum. Nam et qui, verbi gratia, uxorem habet speciosam, petulantii oculo vel animo respicit pulchriorem: et qui veste pretiosa indutus est, pretiosiores affectat, et possidens multas divitias, invidet ditiori. Videas jam multis prædiis et possessionibus ampliatis, adhuc tamen in dies agrum agro copulare, atque infinita cupiditate dilatate terminos suos. Videas et qui in regalibus domibus, amplisque habitant palatiis, nihilominus quotidie coniungere domum ad domum, et inquieta **592** curiositate edificare, diruere, mutare quadrata rotundis. Quid homines sublimatos honoribus? annon insatiabili ambitione magis ac magis totis viribus conari ad altiora videmus? Et horum omnium idcirco non est finis, quia nil in eis summum singulariter reperitur vel optimum. Et quid mirum si inferioribus et deterioribus contentus non sit, qui citra summum vel optimum quiescere non potest? Sed hoc stultum et extremæ dementiæ est, ea semper appetere, quæ nunquam, non dico satient, sed nec temperent appetitum: dum quidquid talium habueris, nihilominus non habita concupiscas, et ad quæque defuerint, semper inquietus anheles. Ita enim fit ut per varia et fallacia mundi oblectamenta vagabundus animus inani labore discurrens fatigetur, non satietur: dum quidquid famelicus inglutierit, parum reputet ad id quod superest devorandum, semperque non minus anxie cupiat quæ desunt, quam quæ adsunt læte possideat. Quis enim obtineat universa? Quanquam et modicum id quod quisque cum labore obtinuerit, cum timore possederit, certus quidem non sit quando cum dolore amittat, certus autem quod quandoque amittat. Sic directo tramite voluntas perversa contendit [at. cum tendit] ad optimum, festinat ad id unde possit impleri. Imo vero his anfractibus ludit tecum vanitas, mentitur iniquitas sibi. Si ita vis adimplere quod vis, hoc est, si illud apprehendere vis, quo apprehenso nil jam amplius velis, quid tentare opus est et cætera? Curris per devia, et longe ante morieris, quam hoc circuitu pervenias ad optatum.

19. Hoc ergo in circuitu impii ambulant, naturaliter appetentes unde finiant appetitum, et insipienter respuentes unde propinquant fini: fini dico, non consumptioni, sed consummationi. Quamobrem non beato fine consummari, sed consumi vacuo la-

**A** bore accelerant, qui rerum magis specie, quam auctore delectati, prius universa percurrere, et de singulis cupiunt experiri, quam ad ipsam eurent universitatis Dominum pervenire. Et quidem pervenirent, si quandoque voti cōmpotes effici possent, ut omnia scilicet, præter omnium principium, unus aliquis obtineret. Ea namque suæ cupiditatis lege, quæ in rebus cæteris non habita præ habitis esurire, et pro non habitis habita fastidire solebat; mox omnibus quæ in cælo, et quæ in terra sunt obtentis et contemptis, tandem ad ipsam procul dubio eurreret, qui solus deesset omnium Deus. Porro ibi quiesceret: quia sicut citra nulla revocat quies: sic nulla ultra jam inquietudo sollicitat. Diceret pro certo: *Mihi autem adhaerere Deo bonum est.* Diceret, *Quid enim mihi est in cælo, et a te quid volui super terram?* et item, *Deus cordis mei, et pars mea Deus in æternum* (Psal. LXXII, 28, 25, 26). Sic ergo (ut dictum est) ad id quod optimum est, quisvis cupidus perveniret, si quidem ante, quod citra cupit, assequi posset.

20. Verum quoniam id omnino impossibile præstruit et vita brevior, et virtus infirmior, et consors numerosior; longo profecto itinere et casso labore desudant, qui dum quæcunque desiderant, attingere volunt, ad cunctorum desiderabilium nequeunt pertingere finem. Et utinam attingere universa animo, et non experimento vellent! Hoc enim facile posset, et non incassum. Nam et animus sensu quidem carnali tanto velocior, quanto et perspicacior, ad hoc datus est, ut illum ad omnia præveniat; nihilque audeat contingere sensus, quod animus præcurrens ante utile non probaverit. Hinc enim arbitrator dictum, *Omnia probate, quod bonum est tenete* (I Thess. v, 21); ut videlicet ille huic provideat, nec is suum votum, nisi ad illius iudicium consequatur. Alioquin non ascendes in montem Domini, nec stabis in loco sancto ejus, pro eo quod in vano acceperis animam tuam (Psal. XXXIII, 3, 4), hoc est animam rationalem: dum instar pecoris sensum sequeris, ratione quidem otiosa, et non resistente in aliquo. Quorum itaque ratio non prævenit gressus, currunt, sed extra viam: ac proinde Apostoli spreto consilio, non sic currunt ut apprehendant (I Cor. XI, 24). Quando etenim apprehendant, quem **593** apprehendere nisi post omnia nolunt? Distortum iter, et circuitus infinitus, cuncta primitus attendere velle.

21. Justus autem non ita. Audiens nempe vituperationem multorum commorantium in circuitu (multi enim sunt viam latam pergentes, quæ ducit ad mortem), ipse sibi regiam eligit viam, non declinans ad dexteram vel ad sinistram. Denique attestante propheta, *Semita iusti recta est, rectis callis iusti ad ambulandum* (Isai. XXVI, 7). Hi sunt, qui salubri compendio cauti sunt molestum hunc et infructuosum vitare circuitum, verbum abbreviatum et abbrevians eligentes, non cupere quæcunque vident,

sed vendere magis quæ possident, et dare pauperibus. Beati plane pauperes, quoniam ipsorum est regnum celorum (*Matth. v, 3*). Omnes quidem currunt (*I Cor. ix, 24*); sed inter currentes discernitur. Denique novit Dominus viam justorum, et iter impiorum peribit (*Psal. i, 6*). Ideo autem melius est modicum justo super divitias peccatorum multas (*Psal. xxii, 16*), quoniam quidem, ut Sapiens loquitur et insipiens experitur, qui diligit pecuniam, non saturabitur pecunia (*Eccle. v, 9*): qui autem euriunt et sitiunt justitiam, ipsi saturabuntur (*Matth. v, 6*). Justitia siquidem ratione utilis spiritus cibis est vitalis et naturalis: pecunia vero sic non minuit animi famem, quomodo nec corporis ventus. Denique si famelicum hominem apertis faucibus vento, inflatis haurire buccis aerem cernas, quo quasi consulat fami, nonne credas insanire? Sic non minoris insanie est, si spiritum rationalem rebus putes quibuscunque corporalibus non magis inflari, quam satiari. Quid namque de corporibus ad spiritus? Nec illa sane spiritualibus, nec isti e regione refici corporalibus queunt. Benedic, anima mea, Domino, qui replet in bonis desiderium tuum (*Psal. cii, 1, 5*). Replet in bonis, excitat ad bonum, tenet in bono; prævenit, sustinet, implet. Ipse facit ut desideres; ipse est quod desideras.

22. Dixi supra: Causa diligendi Deum, Deus est. Verum dixi: nam et efficiens, et finalis. Ipse dat occasionem, ipse creat affectionem, desiderium ipse consummat. Ipse fecit, vel potius factus est ut amaretur: ipse speratur, amandus felicius, ne in vacuum sit amatus. Ejus amor nostrum et præparat, et remunerat. Præcedit benignior, rependitur justior, expectatur suavior. Dives est omnibus qui invocant eum: nec tamen habet quidquam se ipso melius. Se dedit in meritum, se servat in præmium, se apponit in refectioe animarum, sanctarum, se in redemptione distrahit captivarum. Bonus es, Domine, animæ querenti te (*Thren. iii, 25*): quid ergo invenienti? Sed enim in hoc est mirum, quod nemo te querere valet, nisi qui prius invenerit. Vis igitur inveniri ut queraris, queri ut inveniaris. Potes quidem queri et inveniri, non tamen præveniri. Nam etsi dicimus, *Mane oratio mea præveniet te* (*Psal. lxxviii, 14*); non dubium tamen quod tepida sit omnia oratio, quam non prævenit inspiratio. Dicendum jam unde inchoet amor noster, quoniam ubi consummetur, dictum est.

#### CAPUT VIII.

*De primo gradu amoris, quo diligit homo se propter se.*

23. Amor est affectio naturalis una de quatuor (150<sup>a</sup>). Notæ sunt: non opus est nominare. Quod ergo naturale est, justum quidem foret primo omnium auctori deservire naturæ. Unde et dictum est primum et maximum mandatum: *Diliges Dominum*

(150<sup>a</sup>) Bernardus passim cum antiquis, etiam profanis, quatuor tantum principes affectiones agnoscit:

*A Deum tuum* (*Matth. xxi, 37*), etc. Sed quoniam natura fragilior atque infirmior est, ipsi primum impetrante necessitate compellitur inservire. Et est amor carnalis, quo ante omnia homo diligit se ipsum propter se ipsum, sicut scriptum est: *Præus quod animale, deinde quod spirituale* (*I Cor. xv, 46*). Nec præcepto indicitur, sed naturæ inseritur: quis nempe carnem suam odio habuit? (*Ephes. v, 29*.) At vero si cœperit amor idem, ut assolet, proclivior esse, sive profusior, et necessitatis alveo minime contentus, campos etiam voluptatis 594 exundans latius visus fuerit occupare; statim superfluitas obviantem mandato cohibetur, cum dicitur: *Diliges proximum tuum sicut te ipsum* (*Matth. xxii, 39*). Justissime quidem, ut consors naturæ non sit exsors et gratiæ, illius præsertim gratiæ, quæ naturæ insita est. Quod si gravatur homo fraternis, non dico necessitatibus subvenire, sed voluptatibus deservire; castiget ipse suas, si non vult esse transgressor. Quantum vult, sibi indulgeat; dum æque et proximo tantumdem meminerit exhibendum. Frenum tibi temperantiæ imponitur, o homo, ex lege vitæ et disciplinæ, ne post concupiscentias tuas eas, et pereas, ne de bonis naturæ hosti servias animæ, hoc est libidini. Quam justius atque honestius communicas illa consorti, id est proximo, quam hosti? Et quidem si ex Sapientis consilio a voluptatibus tuis averteris (*Eccle. xviii, 30*), et juxta doctrinam Apostoli victu vestituque contentus (*I Tim. vi, 8*), paulisper suspendere non gravaris amorem tuum a carnalibus desideriis, quæ militiant adversus animam (*I Petr. ii, 11*); sane quod subtrahis hosti animæ tuæ, consorti naturæ puto non gravaberis impertiri. Tunc amor tuus et temperans erit, et justus, si quod propriis subtrahitur voluptatibus, fratris necessitatibus non negetur. Sic amor carnalis efficitur et socialis, cum in commune protrahitur.

24. Si autem dum communicas proximo, forte tibi defuerint etiam necessaria, quid facies? Quid enim, nisi ut cum omni fiducia postules ab eo qui dat omnibus affluenter, et non improperat (*Jacobi i, 5*); qui aperit manum suam, et implet omne animal benedictione? (*Psal. cxlvi, 16*). Dubium siquidem non est, quod adsit libenter in necessariis, qui plerisque et in superfluis non deest. Denique ait: *Primum querite regnum Dei et justitiam ejus, et hæc omnia adjicientur vobis* (*Luc. xii, 31*). Sponte daturum se pollicetur necessaria, superflua restringenti, et proximum diligenti. Hoc quippe est primum querere regnum Dei, et adversus peccati implorare tyrannidem, pudicitia potius ac sobrietatis subire jugum, quam regnare peccatum in tuo mortali corpore patiaris. Porro autem et hoc justitiæ est, cum quo tibi est natura communis, naturæ quoque cum eo munus non habere divisum.

25. Ut tamen perfecta justitia sit diligere proxi-

amorem, timorem, gaudium et tristitiam, ut sermone 2 in Capite jejunii, num. 3, et alibi passim.

mum, Deum in causa haberi necesse est. Alioquin proximum pure diligere quomodo potest, qui in Deo non diligit? Porro in Deo diligere non potest, qui Deum non diligit. Oportet ergo Deum diligere prius, ut in Deo diligere possit et proximus. Facit ergo etiam se diligere Deus, qui et cetera bona facit. Facit autem sic. Qui naturam condidit, ipse et protegit. Nam et ita condita fuit, ut habeat jugiter necessarium protectorem, quem habuit et conditorem: ut quæ nisi per ipsum non valuit esse, nec sine ipso valeat omnino subsistere. Quod ne sane de se creatura ignoret, ac proinde sibi (quod absit) superbe arroget beneficia creatoris, vult hominem idem conditor alto quidem salubrique consilio tribulationibus exerceri: ut cum defecerit homo, et subvenerit Deus, dum homo liberatur a Deo, Deus ab homine, ut dignum est, honoretur. Hoc enim dicit: *Invoca me in die tribulationis, eruam te, et honorificabis me* (Psal. xlix, 15). Fit itaque hoc tali modo, ut homo animalis et carnalis, qui præter se neminem diligere noverat, etiam Deum vel propter se amare incipiat, quod in ipso nimirum, ut sæpe expertus est, omnia possit, quæ posse tamen prosit; et sine ipso possit nihil.

## CAPUT IX.

*De secundo et tertio gradu amoris.*

26. Amat ergo jam Deum, sed propter se interim adhuc, non propter ipsum. Est tamen quædam prudentia scire quid ex te, quid ex Dei adjutorio possis, et ipsi servare te insensum [id est inoffensum], qui te tibi servat illæsum. At si frequens ingruerit tribulatio, ob quam et frequens ad Deum conversio fiat, et a Deo æque frequens liberatio consequatur; nonne, etsi 595 fuerit ferreum pectus, vel cor lapideum toties liberati, emolliri necesse est ad gratiam liberantis, quatenus Deum homo diligat, non propter se tantum, sed et propter ipsum? Ex occasione quippe frequentium necessitatum crebris necesse est interpellationibus Deum ab homine frequentari, frequentando gustari, gustando probari quam suavis est Dominus. Ita fit ut ad diligendum pure Deum plus jam ipsius gustata allicita suavitas, quam urgeat nostra necessitas; ita ut exemplo Samaritanorum, dicentium mulieri quæ adesse Dominum nuntiaverat, *Jam non propter tuam loquelam credimus: ipsi enim audivimus, et scimus quia ipse est vere Salvator mundi* (Joan. iv, 42); ita, inquam, et nos illorum exemplo carnem nostram alloquentes, dicamus merito: Jam non propter tuam necessitatem Deum diligimus; ipsi enim gustavimus et scimus quoniam suavis est Dominus. Est enim carnis quædam loquela necessitas, et beneficia quæ experiendo probat, gestiendo [al. gustando] renuntiat. Itaque sic affecto, jam de diligendo proximo implere mandatum, non erit difficile. Amat quippe veraciter Deum, ac per hoc quæ Dei sunt. Amat caste, et casto non gravatur obedire mandato, castificans magis cor suum, ut scriptum est, in obedientia charitatis (1 Petr. i, 22). Amat juste, et mandatum justum

A libenter amplectitur. Amor iste merito gratus, quia gratuitus. Castus est, quia non impenditur verbo, neque lingua, sed opere et veritate. Justus est, quoniam qualis suscipitur, talis et redditur. Qui enim sic amat, haud secus profecto, quam amatus est, amat; quærens et ipse vicissim, non quæ sua sunt, sed quæ Jesu Christi, quemadmodum ille nostra, vel potius nos, et non sua quæsit. Sic amat qui dicit: *Confitemini Domino quoniam bonus* (Psal. cxvii, 1). Qui Domino constitetur, non quoniam sibi bonus est, sed quoniam bonus est; hic vere diligit Deum propter Deum, et non propter seipsum. Non sic amat de quo dicitur: *Confitebitur tibi cum benefeceris ei* (Psal. xlviii, 19). Iste est tertius amoris gradus, quo jam propter se ipsum Deus diligitur.

## CAPUT X.

*De quarto gradu amoris cum nec seipsum diligit homo nisi propter Deum.*

27. Felix qui meruit ad quartum usque pertinere, quatenus nec seipsum diligat homo nisi propter Deum. Justitia tua, Deus, sicut montes Dei (Psal. xxxv, 7). Amor iste mons est, et mons Dei excelsus. Revera mons coagulatus, mons pinguis (Psal. lxxvii, 16). Quis ascendet in montem Domini? (Psal. xliii, 3.) Quis dabit mihi pennas sicut columbæ, et volabo et requiescam? (Psal. liv, 7.) Factus est in pace locus iste, et habitatio hæc in Sion (Psal. lxxv, 3). Heu mihi quia incolatus meus prolongatus est! (Psal. cxix, 5.) Caro et sanguis, vas luteum, terrena inhabitatio quando capit hoc? quando hujuscemodi experitur affectum, ut divino debriatus amore animus, oblitus sui, factusque sibi ipsi tanquam vas perditum, totus pergat in Deum, et adherens Deo unus cum eo spiritus fiat (1 Cor. vi, 17), et dicat: *Defecit caro mea et cor meum, Deus cordis mei, et pars mea Deus in æternum*? (Psal. lxxii, 26.) Beatum dixerim et sanctum, cui tale aliquid in hac mortali vita raro interdum, aut vel semel, et hoc ipsum raptum, atque unius vix momenti spatio experiri donatum est. Te enim quodammodo perdere, tanquam qui non sis, et omnino non sentire te ipsum, et a teipso exinaniri, et pene annullari, celestis est conversationis, non humanæ affectionis. Et si quidem e mortalibus quispiam ad illud raptum interdum (ut dictum est) et ad momentum admittitur, subito invidet sæculum nequam, perturbat dei malitia, corpus mortis aggravat, sollicitat carnis necessitas, defectus corruptionis non sustinet, quodque his violentius est, fraterna revocat charitas. Heu! redire in se, recidere in sua compellitur, et miserabiliter exclamare, *Domine, vim patior, responde pro me* (Isa. xxxviii, 14); et illud, *Infelix ego homo, quis 596 me liberabit de corpore mortis hujus?* (Rom. vii, 24.)

28. Quoniam tamen Scriptura loquitur, Deum omnia fecisse propter semetipsum; erit profecto ut factura sese quandoque conformet et concordet Auctori. Oportet proinde in eundem nos affectum quandoque transire: ut quomodo Deus omnia



esse voluit propter semetipsum, sic nos quoque nec nos ipsos, nec aliud aliquid fuisse, vel esse velimus, nisi æque propter ipsum, ob solam videlicet ipsius voluntatem, non nostram voluptatem. Delectabit sane non tam nostra, vel sopita necessitas, vel sortita felicitas, quam quod ejus in nobis, et de nobis voluntas adimpleta videbitur: quod et quotidie postulamus in oratione cum dicimus, *Fiat voluntas tua, sicut in celo, et in terra* (Matth. vi, 10). O amor sanctus et castus! o dulcis et suavis affectio! o pura et defsecata intentio voluntatis! eo certe defsecatur et purior, quo in ea de proprio nil jam admistum relinquitur: eo suavior et dulcior, quo totum divinum est quod sentitur. Sic affici, deificari est. Quomodo stilla aquæ modica, multo infusa vino, deficere a se tota videtur, dum et saporem vini induit, et colorem; et quomodo ferrum ignitum et candens, igni simillimum sit, pristina propriæque forma exutum; et quomodo solis luce perfusus aer in eandem transformatur luminis claritatem, adeo ut non tam illuminatus, quam ipsum lumen esse videatur: sic omnem tunc in sanctis humanam affectionem quodam ineffabili modo necesse erit a semetipsa liquescere, atque in Dei penitus transfundi voluntatem. Alioquin quomodo omnia in omnibus erit Deus, si in hominē de homine quidquam supererit? Marebit quidem substantia, sed in alia forma, alia gloria, aliaque potentia. Quando hoc erit? quis hoc videbit? quis possidebit? Quando veniam, et apparebo ante faciem Dei? (Psal. xli, 3.) Domine Deus

A meus, tibi dixit cor meum, exquirit te facies mea; faciem tuam, Domine, requiram (Psal. xvi, 8). Putas, videbo templum sanctum tuum?

29. Ego puto non ante sane perfecte impletam iri, *Diliges Dominum Deum tuum ex toto corde tuo, et ex tota anima tua, et ex tota virtute tua* (Matth. xxii, 37); quousque ipsum cor cogitare jam non cogatur de corpore, et anima eidem in hoc statu vivificante et sensibilando intendere desinat, et virtus ejusdem relevata molestiis, in Dei potentia roboretur. Impossibile namque est (151) tota hæc ex toto ad Deum colligere, et divino infingere vultui, quando ea huic fragili et ærumnoso corpori intenta et distenta necesse est subservire (152). Itaque in corpore spirituali et immortalī, in corpore integrō, placido, placitoque, et per omnia subjecto spiritui, speret se anima quartum apprehendere amoris gradum, vel potius in ipso apprehendi: quippe quod Dei potentia est dare cui vult, non humanæ industriæ assequi. Tunc, inquam, summum obtinebit facile gradum, cum in gaudium Domini sui promptissime et avidissime festinantem nulla jam retardabit carnis illecebra, nulla molestia conturbabit. Putamusne tamen hanc gratiam vel ex parte sanctos martyres assecutos, in illis victoriosioribus corporibus adhuc constitutos? Magna vis prorsus amoris illas animas introrsum rapuerat, quia ita sua corpora foris exponere, et tormenta contemnere valuerunt. At profecto doloris acerrimi sensus non potuit non turbare serenum, etsi non perturbare.

quomodo dicimus, aliquem totum esse in litteris.

Dicendum itaque, totalitatem præcepto dilectionis inclusam, non primo modo intelligendam; sic enim non posset amari proximus: nec secundo, quamvis si sic præciperetur, servari posset: sed tertio, quod sit, quando in amore nihil Deo præfertur, cum nullius creaturæ amore vel timore a nobis offenditur. Hunc sensum expressit Apostolus Roman. vi: *Nulla creatura poterit nos separare a charitate Dei, et Christus ipse* (Matth. x): *Qui amat patrem aut matrem, etc.*, id est, qui amorem parentum præfert amorī Dei, non diligit Deum super omnia. Hoc sensu laudatur Abraham, quod unici filii amorem postposuerit amorī Dei.

Itaque SS. Augustinus et Bernardus intelligunt quidem totalitatem primi et secundi modi, et hoc sensu asserunt, dilectionis mandatum in hac vita impleri non posse; sed simul insinuant, mandatum sic acceptum non esse homini infirmo sub pœna peccati præceptum, sed tantum propositum ut scopum et finem, ad quem conari, tendere, et pervenire aliquando debeat, id est, eam justitiæ perfectionem, quæ speratur in futuro sæculo. Unde loco cit. De spir. et litt. *Neque enim, inquit, si esse nondum potest tanta dilectio Dei, quanta illi cognitioni plenè perfectæque debetur, jam culpæ deputandum est. Aliud enim est, totam nondum assequi charitatem: aliud, nullam sequi cupiditatem.* V. S. Thom. 2-2 quæst. 44, art. 6 et 8.

(152) Non tamen continuo impossibile præceptum, quod præscribit finem et perfectionem amoris, quo semper et irremissae contendamus, non quo statim pervenire teneamus. Non ergo præcipitur in hac vita perfectio charitatis absoluta, sed studium ejus perfectionis, ut quantum humanæ res sinunt, Dei cogitatione, amore, unione et voluntate occupemur.

(151) De præcepto dilectionis, quo jubemur Deum ex toto corde diligere, agit, atque non posse ab homine mortali, seu in statu vitæ presentis impleri, scilicet perfecte. Idem asserit Serm. 50 in Cant. Similia habet S. Augustinus variis locis lib. 1 De doct. Christ., cap. 22, lib. De perfect. justit., cap. 8, ubi in plenitudine charitatis vitæ future hoc præceptum implendum ait. *Nam cum est adhuc aliquid carnalis concupiscentiæ, vel quod continendo frenetur, non omnimodo ex tota anima diligitur Deus.* Et iterum: *Cur ergo homini non præciperetur ista perfectio, quamvis eam in hac vita nemo habeat? Non enim recte curritur, si quo currendum est, nesciatur. Quomodo autem sciretur, si nullis præceptis ostenderetur?* Item lib. De spir. et litt. cap. ult. commemorans præceptum dilectionis Dei et proximi: *Hoc, inquit, in illa vita complebimus, cum videbimus faciem ad faciem; sed ideo nobis hoc etiam nunc præceptum est, ut admoneremur, quid fide exposcere, quo spem præmittere, et oblitiscendo quæ retro sunt, in quæ anteriora nos extendere debemus, etc.* Sed cave putes hæc favere Sectariis, docentibus, Neminem posse in presenti vite statu legem Dei implere, etiam regeneratum. Contra quem errorem vide concil. Trident. sess. 6, cap. 11, et can. 18.

Ut hic punctum difficultatis paucis expediamus, notandum totalitatem illam lege præscriptam, cum dicitur, *Ex toto corde*, etc. tribus modis intelligi posse. Primo, ut totum cor nostrum in solidum uni Deo diligendo tribuatur, nec amor in aliud feratur objectum, quam in solum Deum. Hoc sensu non præcipitur Dei dilectio, alioquin non liceret diligere proximum. Secundo, ut significetur tanto conatu cor nostrum in Dei dilectionem ferri debere, quanto fieri potest, seu ut tantum diligat, quantum ab ipso diligibilis est. Tertio, ut toto corde id fieri dicatur, in quo quis præcipuum studium et curam ponit:

## CAPUT XI.

*Hæc amoris perfectio non competit etiam solutis animabus beatorum, ante resurrectionem.*

30. Quid autem jam solutus corporibus? Immersas ex toto credimus immenso illi pelago æterni luminis, et luminosæ æternitatis. Sed si (quod non negatur) velint sua corpora recepisse, aut certe recipere desiderent et sperent; liquet procul dubio necdum a se ipsis penitus immutatas, quibus constat **597** necdum penitus deesse de proprio, quo vel modice intentio reflectatur. Donec ergo absorpta sit mors in victoria, et noctis undique terminos lux perennis invadat et occupet usquequaque, quatenus et in corporibus gloria cœlestis effulgeat; non possunt ex toto animæ seipsas exponere, et transire in Deum, nimirum ligatæ corporibus etiam tunc, etsi non vita vel sensu, certe affectu naturali, ita ut absque his nec velint, nec valeant consummari. Itaque ante restaurationem corporum non erit ille defectus animorum, qui perfectus et summus est ipsorum status: nec carnis jam sane consortium spiritus requireret, si absque illa consummaretur. Enimvero absque profectu animæ nec ponitur corpus, nec resumitur. Denique pretiosa in conspectu Domini mors sanctorum ejus (*Psal. cxv, 15*). Quod si mors pretiosa, quid vita, et illa vita? Nec mirum, si corpus jam gloriæ conferre videtur spiritui, quod et infirmum et mortale constat ipsi non mediocriter valuisse. O quam verum locutus est qui dixit, diligentibus Deum omnia cooperari in bonum (*Rom. viii, 28*). Valet Deum diligenti animæ corpus suum infirmum, valet et mortuum, valet et resuscitatum: primo quidem ad fructum pœnitentiæ, secundo ad requiem, postremo ad consummationem. Merito sine illo perfici non vult, quod in omni statu in bonum sibi subserve persentit.

31. Bonus plane fidusque comes caro spiritui bono, quæ ipsum aut si onerat, juvat; aut si non juvat, exonerat; aut certe juvat, et minime onerat. Primus status laboriosus, sed fructuosus: secundus otiosus, sed minime fastidiosus: tertius et gloriosus. Audi et sponsum in Canticis ad profectum hunc trimodum invitamentem. *Comedite, inquit, amici, et bibite; et inebriamini, charissimi* (*Cantic. v, 4*). Laborantes in corpore vocat ad cibum: jam posito corpore quiescentes ad potum invitat: resumentes corpora, etiam ut inebrientur impellit: quos et vocat charissimos, nimirum charitate plenissimos. Nam et in cæteris, quos non charissimos, sed amicos appellat, differentia est: ut hi quidem qui in carne adhuc gravati gemunt, chari habeantur pro charitate quam habent: qui vero jam soluti carnis compede sunt, eo sint chariores, quo et promptiores atque expeditiores facti ad amandum. Porro præ utrisque merito nominantur et sunt charissimi, qui recepta jam secunda stola, in corporibus utique cum gloria resumptis, tanto in Dei seruntur amorem liberiores et alacriores, quanto et de proprio nil jam residuum est, quod eos aliquatenus sollicitet vel retardet. Quod

A quidem neuter sibi reliquorum statuum vindicat; cum et in priori corpus cum labore portetur, et in secundo quoque non sine proprietate aliqua desiderii expectetur.

32. Primo ergo fidelis anima comedit panem suum, sed heu! in sudore vultus sui. In carne quippe manens adhuc ambulat per fidem, quam sane operari per dilectionem necesse est: quia si non operatur, mortua est. Porro ipsum opus cibus est, dicente Domino: *Meus cibus est, ut faciam voluntatem Patris mei* (*Joan. iv, 34*). Dehinc carne exuta jam panis doloris non cibatur; sed vinum amoris, tanquam post cibum, plenius haurire permittitur, non purum tamen, sed quomodo sub sponsi nomine in Canticis dictum legitur: *bibi vinum meum cum lacte meo* (*Cantic. v, 4*). Vino enim divini amoris etiam tunc anima suavitatem naturalis immiscet affectionis, qua resumere corpus suum, ipsumque glorificatum desiderat. Æstuat ergo jam tunc sanctæ charitatis potata vino, sed plane nondum usque ad ebrietatem: quoniam temperat interim ardorem illum hujus lactis permistio. Ebrietas denique solet evertere mentes, atque omnino reddere inimemores sui. At non ex toto sui oblita est, quæ adhuc de proprio corpore cogitat suscitando. Cæterum hoc adepto, quod solum utique deerat, quid jam impedit a se ipsa quodammodo abire, et ire totam in Deum, eoque sibi penitus dissimillimam fieri, quo Deo simillimam effici donatur? Tum demum ad crateram admissa sapientiæ, illam de qua legitur, *Et calix meus* **598** *inebrians quam præclarus est!* (*Psal. xxi, 5*), quid mirum jam si inebriatur ab ubertate domus Dei, cum nulla mordente cura de proprio, secunda bibit purum et novum illud cum Christo in regno Patris ejus?

33. Hoc vero convivium triplex celebrat Sapientia, et ex una complet charitate, ipsa cibans laborantes, ipsa potans quiescentes, ipsa regnantes inebrians. Quomodo autem in convivio corporali ante cibum quam potus apponitur, quoniam et tali ordine natura requirit; ita et hic. Primo quidem ante mortem in carne mortali labores manuum nostrarum manducamus, cum labore quod glutientum est masticantes: post mortem vero in vita spiritali jam bibimus, suavissima quadam facilitate quod percipitur colantes: tandem redivivis corporibus in vita immortalis inebriamur, mira plenitudine exuberantes. Hæc pro eo quod sponsus in Canticis dicit: *Comedite, amici, et bibite; et inebriamini, charissimi*. Comedite ante mortem, bibite post mortem, inebriamini post resurrectionem. Merito jam charissimi, qui charitate inebriantur: et merito inebriati, qui ad nuptias Agni introduci merentur, edentes et bibentes super mensam illius in regno suo, quando sibi jam exhibet gloriosam Ecclesiam, non habentem maculam, neque rugam, aut aliquid hujusmodi (*Ephes. v, 27*). Tunc prorsus inebriat charissimos suos, tunc torrente voluptatis suæ potat (*Psal. xxxv, 9*): quoniam quidem in complexu illi

arctissimo et castissimo sponsi et sponsæ, fluminis A impetus lætificat civitatem Dei (*Psal. xlv, 5*). Quod non aliud esse arbitror quam Dei Filium, qui transiens ministrat, quemadmodum ipse promisit (*Luc. xii, 37*) : ut ex hoc jam justi epulentur et exsultent in conspectu Dei, et delectentur in lætitia (*Psal. lxxvii, 4*). Hinc illa satietas sine fastidio : hinc insatiabilis illa sine inquietudine curiositas : hinc æternum illud atque inexplicabile desiderium, nesciens egestatem : hinc denique sobria illa ebrietas, vero, non mero ingurgitans, non madens vino, sed ardens Deo. Ex hoc jam quartus ille amoris gradus perpetuo possidetur, cum summe, et solus diligitur Deus : quia nec nos ipsos jam nisi propter ipsum diligimus, ut sit ipse præmium amantium se, præmium æternum amantium in æternum.

## CAPUT XII.

*De charitate ex epistola ad Cartusianos scripta.*

34. Memini me dudum ad sanctos fratres Cartusienses scripsisse epistolam, ac de his ipsis in ea gradibus inter cætera disseruisse (*Epist. 11*). Forte autem alia ibi, etsi non aliena, de charitate locutus sum; et ob hoc quædam illorum huic [*al. hujus*] quoque sermoni subungere non inutile duco : præsertim cum facilius ad manum habeam transcribere jam dictata, quam nova iterum dictare. Illa, inquam, vera et sincera est charitas, et omnino de corde puro, et conscientia bona, et fide non ficta fatenda est procedere, qua proximi bonum, æque ut nostrum, diligimus. Nam qui magis, aut certe solum diligit suum, convincitur non caste diligere bonum, quod utique propter se diligit, non propter ipsum. Et hic talis non potest obedire prophetæ, qui ait : *Confitemini Domino, quoniam bonus* (*Psal. cxvii, 1*). Constat quidem, quia fortasse bonus est sibi, non autem quoniam bonus est in se. Quapropter noverit in se dirigi illud ab eodem propheta opprobrium : *Confitebitur tibi, cum benefeceris ei* (*Psal. xlviii, 19*). Est qui constituitur Domino quoniam potens est, et est qui constituitur quoniam sibi bonus est, et item qui constituitur quoniam simpliciter bonus est. Primus servus est, et timet sibi; secundus, mercenarius, et cupit sibi; tertius, filius, et defert patri. Itaque et qui timet, et cupit, utrique pro se agunt. Sola quæ in filio est charitas, non quærit quæ sua sunt (*I Cor. xiii, 5*). Quamobrem puto de illa dictum, *Lex Domini immaculata, convertens animas* (*Psal. xviii, 8*) : quod sola videlicet sit, quæ ab amore sui et mundi convertere possit animum, et in Deum dirigere. Nec timor quippe, nec amor privatus convertunt animam. Mutant interdum vultum, vel actum; affectum nunquam. Facit quidem nonnunquam 599 etiam servus opus Dei : sed quia non sponte, in sua adhuc duritia permanere cognoscitur. Facit et mercenarius : sed quia non gratis, propria trahi cupiditate convincitur. Porro ubi proprietas, ibi singularitas, ibi angulus : ubi vero angulus, ibi sine dubio sordes sive rubigo. Sit itaque servo sua lex, timor ipse quo constringitur; sit sua mercenario cupiditas, qua et

ipse arctatur, quando tentatur abstractus et illectus. Sed harum nulla, aut sine macula est, aut animas convertere potest. Charitas vero convertit animas, quas facit et voluntarias.

35. Porro in eo eam dixerim immaculatam, quod nil sibi de suo retinere consuevit. Cui nempe de proprio nihil est, totum profecto quod habet, Dei est : quod autem Dei est, immundum esse non potest. Lex ergo Domini immaculata, charitas est : quæ non quod sibi utile est, quærit, sed quod multis. Lex autem Domini, dicitur, sive quod ipse ex ea vivat, sive quod eam nullus, nisi ejus dono possideat. Nec absurdum videatur, quod dixi etiam Deum vivere ex lege : cum non alia quam charitate dixerim. Quid vero in summa et beata illa Trinitate summam et ineffabilem illam conservat unitatem, nisi charitas? Lex est ergo, et lex Domini, charitas, quæ Trinitatem in unitate quodammodo cohibet, et colligat in vinculo pacis. Nemo tamen me æstimet charitatem hic accipere qualitatem, vel aliquod accidens (alioquin in Deo dicerem, quod absit, esse aliquid quod Deus non est), sed substantiam illam divinam : quod utique nec novum, nec insolitum est, dicente Joanne, *Deus charitas est* (*Joan. iv, 8*). Dicitur ergo recte et charitas, et Deus, et Dei donum. Itaque charitas dat charitatem, substantiva accidentalem. Ubi dantem significat, nomen substantiæ est : ubi donum, qualitatis. Hæc est lex æterna, creatrix et gubernatrix universitatis. Siquidem in pondere, et mensura, et numero per eam facta sunt universa, et nihil sine lege relinquitur, cum ipsa quoque lex omnium sine lege non sit, non tamen alia quam se ipsa : qua et seipsam etsi non creavit, regit tamen.

## CAPUT XIII.

*De lege propriæ voluntatis et cupiditatis, servorum et mercenariorum.*

36. Cæterum servus et mercenarius habent legem, non a Domino, sed quam ipsi sibi fecerunt : ille Deum non amando, iste plus aliud amando. Habent, inquam, legem non Domini, sed suam; illi tamen, quæ Domini est, subjectam. Et quidem suam sibi quisque legem facere potuerunt : non tamen eam incommutabili æternæ legis ordini subducere potuerunt. Tunc D autem dixerim quemque sibi fecisse suam legem, quando communi et æternæ legi propriam prætulit voluntatem, perverse utique volens suum imitari Creatorem : ut sicut ipse sibi lex, suique juris est, ita is quoque se ipsum regeret, et legem sibi suam faceret voluntatem. Grave utique et importabile iugum super omnes filios Adam, heu! inclinans et incurvans cervices nostras, adeo ut vita nostra inferno appropinquaret (*Psal. lxxxvii, 4*). Infelix ego homo, quis me liberabit de corpore mortis hujus? (*Rom. vii, 24*.) quo utique premor, et pene opprimor, ita ut nisi quia Dominus adjuvit me, paulo minus habitasset in inferno anima mea (*Psal. xciii, 17*). Sub hoc onere gravatus gemebat qui dicebat : *Quare me posuisti contrarium tibi, et factus sum mihi met ipsi*



*gravis?* Ubi dixit, *Factus sum mihi mei ipsi gravis*, A ostendit quod lex ipse sibi esset, nec alius hoc quam sibi ipse fecisset. Quod autem loquens Deo, præmisit, *Posuisti me contrarium tibi*; Dei se tamen non effugisse legem indicavit. Hoc quippe ad æternam justitiam Dei legem pertinuit, ut qui a Deo noluit suaviter regi, penaliter a seipso regeretur: quique sponte jugum suave et onus leve charitatis abiecit, propriæ voluntatis onus importabile sustineret invitatus. Miro itaque et justo modo æterna lex fugitivum suum et posuit sibi [*al. eidem ipsi*] contrarium, et retinuit subjectum: dum videlicet nec justitiæ **600** pro meritis legem evasit; nec tamen cum Deo in sua luce, in sua requie, in sua gloria remansit, subjectus potestati, et submotus felicitati. Domine Deus meus, cur non tollis peccatum meum, et quare non auferis iniquitatem meam? (*Job vii, 20, 21.*) ut abjecta gravi sarcina propriæ voluntatis, sub levi onere charitatis respirem; nec jam servili timore coercer, nec mercenaria cupiditate illiciar: sed agar spiritui tuo, spiritui libertatis, qui aguntur filii tui, qui testimonium reddat spiritui meo, quod et ego sim unus ex filiis (*Rom. viii, 14-16*), dum eadem mihi lex fuerit quæ et tibi; et sicut tu es, ita et ipse sim in hoc mundo. Hi siquidem, qui hoc faciunt quod ait Apostolus, *Nemini quidquam debeatis, nisi ut invicem diligatis* (*Rom. xiii, 8*); procul dubio sicut Deus est, et ipsi sunt in hoc mundo: nec servi aut mercenarii sunt, sed filii.

## CAPUT XIV.

*De lege charitatis filiorum.*

37. Itaque nec filii sunt sine lege, nisi forte aliquis aliter sentiat propter hoc quod scriptum est: *Iustus non est lex posita* (*I Tim. i, 9*). Sed sciendum, quod alia est lex promulgata a spiritu servitutis in timore; alia a spiritu libertatis data in suavitate. Nec sub illa coguntur esse filii; nec sine ista esse patiuntur. Vis audire quia iustus non est lex posita? *Non accepistis*, ait, *spiritum servitutis iterum in timore*. Vis audire quod tamen sine lege charitatis non sint? *Sed accepistis*, inquit, *spiritum adoptionis filiorum* (*Rom. viii, 15*). Denique audi justum utrumque de se fatentem, et quod non sit sub lege, nec tamen sit sine lege. *Factus sum*, inquit, *his qui sub lege erant, quasi sub lege essem; cum ipse non essem sub lege: his qui sine lege erant, tanquam sine lege essem; cum sine lege Dei non essem, sed in lege essem Christi* (*I Cor. ix, 21*). Unde apte non dicitur, *Iusti non habent legem*, aut, *Iusti sunt sine lege*: sed, *Iusti non est lex posita*; hoc est, non tanquam invitatus imposita, sed voluntariis eo liberaliter data, quo suaviter inspirata. Unde et pulchre Dominus, *Tollite*, ait, *jugum meum super vos* (*Matth. xi, 29*): ac si diceret, *Non impono invitis, sed vos tollite si vultis; alioquin non requiem, sed laborem invenietis animabus vestris*.

38. Bona itaque lex charitas, et suavis: quæ non solum leviter suaviterque portatur, sed etiam servo-

rum et mercenariorum leges portabiles ac leves reddit, quas utique non destruit, sed facit ut impleantur, dicente Domino: *Non veni legem solvere, sed adimplere* (*Matth. v, 17*). Illam temperat, istam ornat, utramque levigat. Nunquam erit charitas sine timore, sed casto: nunquam sine cupiditate, sed ordinata. Implet ergo charitas legem servi, cum infundit devotionem: implet et mercenarii, cum ordinat cupiditatem. Porro timori permista devotio ipsum non annullat, sed castificat. Pœna tantum tollitur, sine qua esse non potuit dum fuit servilis; et timor manet in sæculum sæculi castus et filialis. Nam quod legiur, *Perfecta charitas foras mittit timorem* (*I Joan. iv, 18*); pœna intelligenda est, quæ servili, ut diximus, nunquam deest timori, illo scilicet genere locutionis, quo sæpe causa ponitur pro effectu. Deinde cupiditas tunc recte a superveniente charitate ordinatur, cum mala quidem penitus respuuntur, bonis vero meliora præferuntur, nec bona nisi propter meliora appetuntur. Quod cum plene per Dei gratiam assecutum fuerit, diligitur corpus, et universa corporis bona tantum propter animam, anima propter Deum, Deus autem propter seipsum.

## CAPUT XV.

*De quatuor gradibus amoris, et felici statu patriæ celestis.*

39. Verumtamen quia carnales sumus, et de carnis concupiscentia nascimur, necesse est ut cupiditas vel amor noster a carne incipiat; quæ si recto ordine dirigitur, quibusdam suis gradibus duce gratia proficiens, spiritu tandem consummabitur: quia non prius quod spirituale, sed quod animale, deinde quod **601** spirituale (*I Cor. xv, 46*). Et prius necesse est portemus imaginem terrestris, deinde celestis. In primis ergo diligit seipsum homo propter se; caro quippe est, et nil sapere valet præter se. Cumque se videt per se non posse subsistere, Deum quasi sibi necessarium incipit per fidem inquirere, et diligere. Diligit itaque in secundo gradu Deum, sed propter se, non propter ipsum. At vero cum ipsum cœperit occasione propriæ necessitatis colere et frequentare, cogitando, legendo, orando, obediendo, quadam hujuscemodi familiaritate paulatim sensimque Deus innotescit, consequenter et dulcescit: et sic gustato quam suavis est Dominus, transit ad tertium gradum, ut diligat Deum, non jam propter se, sed propter ipsum. Sane in hoc gradu diu statur: et nescio si a quoquam hominum quartus in hac vita perfecte apprehenditur, ut se scilicet diligat homo tantum propter Deum. Asserant hoc si qui experti sunt: mihi, fateor, impossibile videtur. Erit autem procul dubio, cum introductus fuerit servus bonus et fidelis in gaudium Domini sui (*Matth. xxv, 21*), et inebriatus ab ubertate domus Dei (*Psal. xxxv, 9*). Quasi enim miro quodam modo oblitus sui, et a se penitus velut deficiens, totus perget in Deum: et deinceps adherens ei, unus cum eo spiritus erit (*I Cor. vi, 17*). Arbitror hoc sensisse Prophetam cum diceret: *Introibo in potentius Domini;*

*Domine, memorabor justitiæ tuæ solius (Psal. lxx, 46).* Sciebat profecto cum introiret in spirituales potentias Domini, exutum se iri universis carnis infirmitatibus : ut jam nil de carne haberet cogitare, sed totus in spiritu memoraretur justitiæ Domini solius.

40. Tunc pro certo singula Christi membra dicere poterunt de se, quod Paulus aiebat de capite : *Etsi cognovimus secundum carnem Christum, sed nunc jam non novimus (II Cor. v, 16).* Nemo ibi se cognosceret secundum carnem : quia caro et sanguis regnum Dei non possidebunt. Non quod carnis illic substantia futura non sit ; sed quod carnalis omnis necessitudo sit defutura, carnisque amor amore spiritus absorbendus ; et infirmæ, quæ nunc sunt, humanæ affectiones in divinas quasdam habeant commutari. Tunc sagena charitatis, quæ nunc tracta per hoc mare magnum et spatiosum ex omni genere piscium congregare non desinit, cum perducta ad litus fuerit, malos foras mittens, bonos solummodo retinebit (*Math. xiii, 47, 48*). Siquidem in hac vita ex omni genere piscium intra sinum suæ latitudinis charitatis rete concludit : ubi se pro tempore omnibus conformans, omniumque in se sive adversa, sive prospera trajiciens, ac sua quodammodo faciens, non solum gaudere cum gaudentibus, sed etiam flere cum flenti-

bus consuevit (*Rom. xii, 15*). Sed cum pervenerit ad litus, velut malos pisces omne quod triste patitur, foras mittens, sola quæ placere et jucunda esse poterunt, retinebit. Nunquid enim tunc, verbi gratia, Paulus aut infirmabitur cum infirmis, aut uretur pro scandalizatis (*II Cor. xi, 29*), ubi scandala et infirmitas procul erunt ? Aut certe lugebit eos qui non agent [*al. habent*] pœnitentiam (*II Cor. xii, 21*), ubi certum est nec peccantem fore, nec pœnitentem ? Absit autem ut vel eos qui ignibus æternis cum diabolo et angelis ejus deputandi sunt, plangat et defleat in illa civitate, quam fluminis impetus kætificat, ejus et diligit Dominus portas super omnia tabernacula Jacob : quod videlicet in tabernaculis, etsi quandoque gaudetur de victoria, laboratur tamen in pugna, et plerumque periclitatur de vita : in illa autem patria nulla prorsus admittatur adversitas sive tristitia, quemadmodum de illa canitur, *Sicut latantium omnium habitatio est in te (Psal. lxxxvi, 2, 7)* : et rursum, *Lætitia sempiterna erit eis (Isai. lxi, 7)*. Denique quomodo misericordiæ recordabitur, ubi memorabitur justitiæ Dei solius ? Proinde ubi jam non erit miseræ locus, aut misericordiæ tempus ; nullus profecto esse poterit miserationis affectus.

## 602 ADMONITIO IN OPUSCULUM IX.

Hoc opusculum Bernardus ante annum 1128 composuit, id est ante annum ætatis suæ tricesimum octavum. Agit de Gratia et Libero Arbitrio, ex occasione cujusdam collationis cum homine nescio quo, cui sanctus Doctor nimium gratiæ tribuisse visus fuerat, quasi nihil reliqui libero arbitrio faceret in actibus humanis. Præcipuus ergo libri scopus est, quæ sint gratiæ, quæ liberi arbitrii partes in negotio salutis. Hic multa docentur de libero arbitrio Dei, angeli, et hominibus, integri, lapsi, et beati : item de gratia primi hominis ante et post lapsum. Pareus liber, sed qui plus succi et solidæ doctrinæ contineat, quam magna librorum volumina, quæ de hoc theologico argumento pertractant. Stilus vegetus, vivaci ingenio et lumine plenus : verba propria et materia accommodata ; oratio facilis, non arte quæsitæ, sed quasi naturalis ; non obesa et exilis, sed pinguis et nervosa : elegans, concinna, et jucunda ; non trivialibus scholæ verbis languens, non barbara, aut inculta. Non ita pressa, ut parce et guttatim fluat ; nec tamen ita profusa, ut torrentis instar, quasi rupto aggere et siccato alveo, erumpat : sed pari tenore et gravi majestate aequaliter profluens, fontem indicat indeficientem, qui non ex alieno plenus sit, sed ex proprio, imo ex Dei dono, atque ex continua Scripturæ meditatione, præsertim Apostoli, n. 48. De isto opusculo Gausfridus in libro tertio de Vita Bernardi, capite octavo, agens : « Quam non ingratus, » inquit, « gratiæ Dei, ex his liquet, quæ de Gratia et Libero Arbitrio, tam fideliter, quam subtiliter disputavit. » Nec prætermittenda verba epistolæ quinquagesimæ secundæ, ad Haimericum cardinalem, quæ sub annum 1128 scripta est : « Quæsiit a me præfatus episcopus » Gausfridus Carnotensis « aliqua ex nostris Opusculis quæ vobis mitteret : sed non fuit ad manum, quod vestro dignum crederem studio. Libellum tamen de Gratia et Libero Arbitrio nuper edidi : illum vobis libenter mittam, cum vos velle cognovero. » Directus est libellus Guillelmo Sancti-Theoderici abbati, singulari Bernardi amico, ad quem Apologia superius edita, et epistolæ complures. Nullam capitulum divisionem habent codices antiquiores, sed recentiores. Vulgatum et receptam satius retinere visum est

# S. BERNARDI ABBATIS

## DE GRATIA ET LIBERO ARBITRIO

### TRACTATUS,

AD GUILLELMUM ABBATEM SANCTI-THEODERICI.

#### 603 PRÆFATIO.

Domno GUILLELMO abbati Sancti-Theoderici, frater BERNARDUS.

Opusculum de gratia et Libero Arbitrio, quod illa, qua scitis, occasione nuper aggressus sum; eadem gratia [a. Deo] adjuvante peregi ut potui. Vereor autem, ne aut grandia minus digne locutus inveniar, aut pertractata a pluribus superfluo retractasse. Proinde illud legite primus, et si iudicatis, solus: ne si proferatur in medium, magis forte scriptoris publicetur temeritas, quam lectoris ædificetur charitas. Quod si palam fieri probaveritis, tunc si quid obscurius dictum adverteritis, quod in re obscura, servata congrua brevitate, dici planius potuisset, non sit vobis pigrum aut emendare per vos, aut mihi resignare emendandum, si fraudari non vultis promissione illa Sapientiae, quæ ait: *Qui elucidant me, etiam æternam habebunt* (Eccli. xxiv, 31).

#### CAPUT PRIMUM.

*Ad boni operis meritum, una cum gratia Dei, concurrere liberi arbitrii consensum*

1. Loquente me coram aliquando, et Dei in me gratiam commendante, quod scilicet ab ipsa me in bono et præventum agnoscerem, et provehi sentirem, et sperarem perficiendum: Quid tu ergo, ait unus ex circumstantibus, operaris; aut quid mercedis speras vel premii, si totum facit Deus? Quid enim, inquam, tu consulis? Da, inquit, gloriam Deo, qui gratis te prævenit, excitavit, initiavit; et vive digne de cætero, quo te probes et perceptis beneficiis non ingratum, et percipiendis idoneum. Et ego: Bonum, inquam, consilium das, sed si dederis et posse teneri. Siquidem non est ejusdem facilitatis scire quid faciendum sit, et facere: quoniam et diversa sunt, cæco ducatum, ac fesso præbere vehiculum. Non quicunque ostendit viam, præbet etiam viaticum itineranti. Aliud illi exhibet qui facit ne deviet; et aliud qui præstat ne deficiat in via. Ita nec quis doctor, statim et dator erit boni quodcumque docuerit. Porro duo mihi sunt necessaria, doceri ac juvari. Tu homo recte quidem consulis ignorantie: sed, si verum sentit Apostolus, *Spiritus adjuvat infirmitatem nostram* (Rom. viii, 26). Imo vero qui mihi per os tuum ministrat consilium, ipse necesse est ministret

A et per suum Spiritum adiutorium, quo valeam implere quod consulis. Ecce enim jam ex ejus munere velle adjacet mihi, perficere autem non invenio (Id. vii, 18); sed nec aliquando me inventurum confido, nisi qui dedit velle, det et perficere pro bona voluntate (Philipp. ii, 13). Ubi ergo, ais, sunt merita nostra; aut ubi est spes nostra? Audi, inquam: *Non ex operibus justitiæ quæ fecimus nos, sed secundum suam misericordiam salvos nos fecit* (I Tit. iii, 5). Quid enim? Tu forte putaveras tua te creasse merita, tua posse salvari justitiæ, qui nec saltem Dominum Jesum dicere potes nisi in Spiritu sancto (I Cor. xii, 3)? Itane oblitus es quis dixerit: *Sine me nihil potestis facere?* (Joan. xv, 5) et: *Neque currentis, neque volentis, sed miserentis est Dei?* (Rom. ix, 16.)

B 2. Quid igitur agit, ais, liberum arbitrium? Brevis respondeo: Salvatur. Tolle liberum arbitrium, et non erit quod salvetur: tolle gratiam, non erit unde salvetur. Opus hoc sine duobus effici non potest: uno a quo fit; altero cui, vel in quo fit. Deus auctor est 604 salutis, liberum arbitrium tantum capax: nec dare illam, nisi Deus; nec capere valet, nisi liberum arbitrium. Quod ergo a solo Deo, et soli datur libero arbitrio; tam absque consensu esse [a. effici] non potest accipiente, quam absque gratia dantis. Et ita gratiæ operanti salutem cooperari dicitur liberum arbitrium, dum consentit, hoc est dum salvatur. Consentire enim salvari est. Proinde pecoris spiritus salutem hujusmodi minime capit, eo quod illi voluntarius consensus desit, quo salvantur videlicet Deo placide obtemperet, sive jubenti acquiescendo, sive pollicenti credendo, sive reddenti gratias agendo. Enim vero aliud est voluntarius consensus, aliud naturalis appetitus. Posterior quippe nobis communis est cum irrationalibus: nec valet consentire spiritui, carnis irrequies illecebris. Et fortassis ipse est, qui alio nomine ab Apostolo sapientia carnis appellatur, ubi ait: *Sapientia carnis inimica est Deo: legi enim Dei non est subiecta. nec enim potest* (Id. viii, 7). Hunc ergo, ut dixi, communem habentes cum bestiis, consensus voluntarius nos discernit. Est enim habitus animi, liber sui. Siquidem non cogitur, non extorquetur. Est quippe voluntatis, non necessitatis; nec negat se, nec præbet



cuiquam, nisi ex voluntate. Alioquin si compelli valet invitus, violentus est, non voluntarius. Ubi autem voluntas non est, nec consensus. Non enim est consensus, nisi voluntarius. Ubi ergo consensus, ibi voluntas. Porro ubi voluntas, ibi libertas. Et hoc est quod dici puto liberum arbitrium.

#### CAPUT II.

*Quid liberum arbitrium, seu in quo consistat libertas.*

5. Sed ut manifestius fiat quod dicitur, et compentius ad id quod volumus veniamus, paulo altius aestimo repetendum. In rebus naturalibus [et materialibus] non est id vita, quod sensus; non sensus, quod appetitus; nec ille, quod consensus. Quod ex singulorum definitionibus clarius elucebit. Est enim in quolibet corpore vita, internus ac naturalis motus, vicens tantum intrinsicus. Sensus vero, vitalis in corpore motus, vicens et extrinsecus. Appetitus autem naturalis, vis in animante, movendis avide sensibus attributa. Verum consensus, natus est voluntatis spontaneus, vel certe (quod superius dixisse me memini) habitus animi, liber sui. Porro voluntas est motus rationalis, et sensui praesidens, et appetitui. Habet sane, quocunque se voluerit, semper rationem comitem, et quodammodo pedissequam: non quod semper ex ratione, sed quod nunquam absque ratione moveatur, ita ut multa faciat per ipsam contra ipsam, hoc est quasi per ejus ministerium, contra ejus consilium sive iudicium. Unde est illud: *Prudentiores sunt filii hujus saeculi filiis lucis in generatione sua* (Luc. xvi, 8); et rursum: *Sapientes sunt ut faciant mala* (Jerem. iv, 22). Neque enim prudentia seu sapientia inesse creaturae potest, vel in malo, nisi utique per rationem.

4. Est vero ratio data voluntati ut instruat illam, non destruat. Destrueret autem, si necessitatem ei ullam imponeret, quominus libere pro arbitrio sese volveret, sive in malum consentiens appetitui, aut nequam spiritui; ut sit animalis, non percipiens, vel certe et persequens ea quae sunt spiritus Dei: sive ad bonum gratiam sequens, et fiat spiritualis; quae omnia dijudicans, ipsa a nemine iudicetur. Si, inquam, horum quodlibet prohibente ratione voluntas non posset. **605** voluntas jam non esset. Ubi quippe necessitas, jam non voluntas. Quod si ex necessitate, et absque consensu propriae voluntatis, justa, injustave fieri possent (153-54); rationalis creatura, aut misera profecto esse nulla ratione deberet; aut beata penitus non posset, cui nimirum in utraque parte id deesset, quod solum in ea miseriae, sive beatitudinis capax est, id est voluntas. Caetera siquidem, quae supra memorata sunt, vita, sensus, vel appetitus, nec miserum per se faciunt, nec beatum. Alioquin et arbores ex vita, et pecudes etiam ex reliquis duobus, vel miseriae possent esse obnoxiae, vel idoneae beatitudini: quod omnino impossibile est. Communem itaque habentes, vitam quidem cum arboribus, sensum vero et appetitum, et aequae vitam

A cum pecoribus; id quod dicitur voluntas, nos ab utrisque discernit. Cujus voluntatis consensus, utique voluntarius, non necessarius, dum aut justos probat, aut injustos, etiam merito beatos facit vel miseros. Is ergo talis consensus ob voluntatis inamissibilem libertatem, et rationis quod secum semper et ubique portat, indeclinabile iudicium, non incongrue dicitur, ut arbitror, liberum arbitrium, ipse liber sui propter voluntatem, ipse iudex sui propter rationem. Et merito libertatem comitatur iudicium: quoniam quidem quod liberum sui est, profecto ubi peccat, ibi se iudicat. Est autem iudicium, quia justo profecto, si peccat, patitur quod nolit, qui non peccat nisi velit.

B 5. Caeterum quod sui liberum non esse cognoscitur, quo pacto vel bonum ei, vel malum imputatur? Excusat nempe utrumque necessitas. Porro ubi necessitas est, libertas non est: ubi libertas non est, nec meritum, ac per hoc nec iudicium. Excepto sane per omnia originali peccato, quod aliam constat habere rationem. De caetero quidquid hanc non habet voluntarii consensus libertatem, procul dubio et merito caret, et iudicio. Proinde universa quae sunt hominis, praeter solam voluntatem, ab utroque libera sunt, quia sui libera non sunt. Vita, sensus, appetitus, memoria, ingenium, et si qua talia sunt, eo ipso subjacent necessitati, quo non plene subdita sunt voluntati. Ipsam vero quia impossibile est de se ipsa sibi non obedire (nemo quippe aut non vult C quod vult, aut vult quod non vult), etiam impossibile est sua privari libertate. Potest quidem mutari voluntas, sed non nisi in aliam voluntatem, ut nunquam amittat libertatem. Tam ergo non potest privari illa, quam nec se ipsa. Si poterit homo aliquando, aut nihil omnino velle, aut velle aliquid, et non voluntate; poterit et carere libertate voluntas. Hinc est quod insanis, infantibus, itemque dormientibus, nihil quod faciant, vel bonum, vel malum, imputatur: quia nimirum sicut suae non sunt compotes rationis, sic nec usum retinent propriae voluntatis, ac per hoc nec iudicium libertatis. Cum igitur voluntas nil liberum habeat nisi se, merito non iudicatur nisi ex se. Si quidem nec tardum ingenium, nec labilis memoria, nec inquietus appetitus, nec sensus obtusus, nec vita languens, reum per se statuunt hominem, sicut nec contraria innocentem; et hoc non ob aliud, nisi quia haec necessarie, ac praeter voluntatem posse provenire probantur.

#### CAPUT III.

*Triplex esse libertatem, Naturae, Gratiae, Gloriam.*

6. Sola ergo voluntas, quoniam pro sui ingenta libertate, aut dissentire sibi, aut praeter se in aliquo consentire, nulla vi, nulla cogitur necessitate; non immerito justam vel injustam, beatitudinem seu miseriam dignam ac capacem creaturam constituit; prout scilicet iustitiae, injustitiae consenserit. Qua-

propter hujusmodi voluntarium liberumque consensus, ex quo et omne sui (ex his quæ dicta sunt) constat pendere **606** iudicium; puto non incongrue id esse, ut supra definitivum, quod solet liberum arbitrium appellari: ut liberum ad voluntatem, arbitrium referatur ad rationem. Sed sane liberum, non illa libertate, de qua dicit Apostolus: *Ubi spiritus Domini, ibi libertas* (II Cor. III, 17). Est enim illa libertas a peccato, sicut alibi dicit: *Cum enim servi essetis peccati, liberi fuistis iustitiæ. Nunc autem liberati a peccato, servi autem facti Deo, habetis fructum vestrum in sanctificationem, finem vero vitam æternam* (Rom. VI, 20-22). Quis vero in carne peccati a peccato sibi vindicat libertatem? Hac ergo libertate dictum merito nequaquam opinor liberum arbitrium. Est item libertas a miseria, de qua itidem Apostolus: *Et ipsa, inquit, creatura liberabitur a servitute corruptionis in libertatem gloriæ filiorum Dei* (Rom. VIII, 21). Sed nunquid et istam sibi quispiam in hac mortalitate præsumit? Et hac itaque liberum nominari arbitrium non immerito abnuimus. Est vero, quam magis ei congruere arbitror libertatem, quam dicere possumus a necessitate, eo quod necessarium voluntario contrarium esse videatur: siquidem quod ex necessitate fit, jam non est ex voluntate, et e converso similiter.

7. Cum igitur, prout interim potuit occurrere nobis, triplex sit nobis proposita libertas, a peccato, a miseria, a necessitate; hanc ultimo loco positam contulit nobis in conditione natura, in primam restauramur a gratia, media nobis reservatur in patria. Dicitur igitur prima libertas Naturæ; secunda, Gratiæ; tertia, Vitæ vel Gloriæ. Primo nempe in liberam voluntatem ac voluntariam libertatem conditi sumus, nobilis Deo creatura: secundo reformamur in innocentiam, nova in Christo creatura: tertio sublimamur in gloriam, perfecta in spiritu creatura. Prima ergo libertas habet multum honoris; secunda, plurimum etiam virtutis; novissima, cumulum jucunditatis. Ex prima quippe præstamus cæteris animantibus; in secunda carnem, per tertiam mortem subijcimus. Vel certe sicut in prima subiecit Deus sub pedibus nostris oves et hoves et pecora campi: ita quoque per secundam spirituales bestias hujus aeris, de quibus dicitur, *Ne tradas bestiis animas confitentes tibi* (Psalm. LXXXIII, 19), prosternit æque et conterit sub pedibus nostris: in ultima tandem nos ipsos nobis plenius submissurus per victoriam corruptionis et mortis, quando scilicet novissima destruetur mors, et nos transibimus in libertatem gloriæ filiorum Dei: qua libertate Christus nos liberabit, cum nos utique tradet

A regnum Deo et Patri. De hac enim, et item de illa quam diximus a peccato, puto quod Judæis aiebat: *Si vos Filii liberaverit, vere liberi eritis* (Joan. VIII, 36). Liberum arbitrium liberatore indigere significabat: sed plane qui illud liberaret non a necessitate, quam, voluntas (155) cum esset, penitus non noverat; sed a peccato, in quod tam libere, quam voluntarie corruerat; simulque a pœna peccati, quam incautum incurrerat, invitumque ferebat: quo utroque malo liberari omnino non poterat, nisi per illum, qui solus hominum factus est inter mortuos liber (Psalm. LXXXVII, 6), liber videlicet a peccato inter peccatores.

8. Solus namque inter filios Adam libertatem sibi vindicat a peccato, qui peccatum non fecit, nec inventus est dolus in ore ejus (I Petr. II, 22). Porro et a miseria, quæ est pœna peccati, habuit nihilominus libertatem, sed potentia, non actu. Nemo quippe tollebat animam ejus ab eo, sed ipse ponebat eam (Joan. X, 18). Denique, teste propheta: *Ublatus est quia ipse voluit* (Isai. LIII, 7); sicut et cum voluit natus ex muliere, factus sub lege, ut eos qui sub lege erant redimeret (Galat. IV, 4, 5). Fuit itaque et ipse sub lege miseriæ: sed fuit quia voluit, ut liber inter miseros et peccatores utrumque jugum fraternis a cervicibus excuteret. Habuit itaque totas tres libertates, primam ex humana simul et divina natura, reliquas ex divina potentia. Quarum duas posteriores utrum et primus homo in paradiso habuerit, vel quomodo et quatenus eas habuerit, postea videbimus.

### 607 CAPUT IV.

*Qualis libertas competat animabus sanctis carne solutis: quæve Deo, et omni creaturæ rationali communis.*

9. Hoc autem indubitanter sciendum, utramque plenam atque perfectam perfectis inesse animabus carne solutis, cum Deo pariter et Christo ejus, atque Angelis supercœlestibus. Nam sanctis animabus, etsi necdum corpora receperunt, drest quidem de gloria; sed nihil prorsus inest de miseria. Verum libertas a necessitate æque et indifferenter Deo, universæque tam malæ, quam bonæ rationali convenit creaturæ. Nec peccato, nec miseria amittitur, vel minuitur; nec major in justo est, quam in peccatore, nec plenior in angelo, quam in homine (156). Quomodo namque ad bonum per gratiam conversus humanæ voluntatis consensus, eo libere bonum, et in bono liberum hominem facit, quo voluntarius efficitur, non invitus pertrahitur: sic sponte devolutus in malum, in malo nihilominus tam liberum, quam spontaneum constituit, sua utique voluntate.

(155) In editis, et quibusdam scriptis, voluntatis, sed voluntas rectius ad sensum.

(156) Nempe quantum in se est, infra. Et num. 24: *hanc ergo, etiam post peccatum, liberum arbitrium; etsi miserum, tamen integrum, etc. Neque enim ad liberum arbitrium, quantum in se est, pertinet, aut aliquando pertinuit posse vel sapere (quod est voluntatis ad bonum conversio, num. 19). sed tantum velle.*

Et num. 28 rationem reddit, cur liberum arbitrium sui omnino defectum seu diminutionem non patitur, nempe quod in ipso potissimum æternæ et incommutabilis divinitatis substantia quædam imago impressa videatur: at in duabus aliis libertatibus sit accidentalis quædam magis similitudo sapientiæ atque potentia divina, imagini superducta. Confer sermonem 81 in Cantica, a num. 6.

ductum, non aliunde coactum ut malus sit. Et sicut celestis angelus, aut etiam Deus ipse, permanet libere bonus, propria videlicet voluntate, non aliqua extrinseca necessitate : sic profecto diabolus æque libere in malum et corrui, et persistit, suo utique voluntario nutu, non alieno impulsu. Manet ergo libertas voluntatis, ubi etiam sit captivitas mentis, tam plena quidem in malis, quam in bonis, sed in bonis ordinatur; tam integra quoque pro suo modo in creatura, quam in Creatore, sed in illo potentior.

10. Quod autem homines solent conqueri, et dicere : Volo habere bonam voluntatem, et non possum; nequaquam huic præscribit libertati, ut quasi vim aut necessitatem in hac parte voluntas patiatur : sed plane illa libertate, quæ dicitur a peccato, se carere testantur. Nam qui vult habere bonam voluntatem, probat se habere voluntatem : non enim vult habere bonam, nisi per voluntatem. Quod si voluntatem, et libertatem; sed libertatem a necessitate, non a peccato. Nempe ut non valeat, cum velit, habere bonam, sentit quidem sibi deesse libertatem, sed profecto libertatem a peccato, quo utique dolet premi, non peremi, voluntatem. Quanquam jam procul dubio uterque bonam habet, ubi habere vult. Bonum quippe est quod vult; nec posset bonum velle, nisi bona voluntate : sicut nec velle malum, nisi mala voluntate. Cum bonum volumus, bona est voluntas : cum malum volumus, mala est voluntas. Utrobique voluntas, et ubique libertas : cedit siquidem voluntati necessitas. Cum autem non valemus quod volumus; sentimus quidem ipsam quodammodo libertatem peccato esse captivam, vel miseram, non tamen amissam.

11. Ex hac ergo tantum libertate, qua liberum est voluntati se ipsam judicare : vel bonam, si bono; vel malam, si malo consenserit (quippe quæ in neutro, nisi certe volendo, consentire se sentit), liberum arbitrium credimus nominari. Nam ex illa quæ dicitur a peccato, congruentius forsitan liberum consilium; et item ex illa quæ dicta est a miseria, liberum potius complacitum posset dici, quam liberum arbitrium. Arbitrium quippe iudicium est. Sicut vero iudicii est discernere quid liceat, vel quid non liceat : sic profecto consilii probare quid expediat, vel non expediat : sic complaciti quoque experiri quid libeat, vel non libeat. Utinam tam libere nobis consuleremus, quam libere de nobis iudicamus! ut quemadmodum libere per iudicium licita illicitaque decernimus; ita per consilium et licita, tanquam commoda, nobis eligere; et illicita, tanquam noxia, respuere. **608** Liberum haberemus. Jam enim non solum liberi arbitrii, sed et liberi procul dubio consilii, ac per hoc et a peccato liberi essemus. Sed quid si totum, solamque quod expediret vel liceret, etiam liberet? Nonne liberi quoque esse complaciti merito diceremur, quippe qui ab omni proinde, quod displicere potest, hoc est ab omni nos miseria, liberos sentiremus? Nunc autem cum multa per iudi-

cium vel admittenda, vel omittenda esse decernamus, quæ tamen per consilium nequaquam pro iudicii rectitudine aut eligimus, aut contemnimus; rursumque non omnia, quæ tanquam recta et commoda consule observamus, etiam ut beneplacita libenter amplectimur, sed insuper quasi dura ac molesta vix æquanimiter ferre perduramus : liquet quia liberum nec consilium habemus, nec complacitum.

12. Alia questio est, si vel ante peccatum in primo homine habuimus : quod loco suo discutietur. Certissime autem habuimus sumus, cum Deo miserante obtinebimus quod oramus : *Fiat voluntas tua, sicut in celo, et in terra*. Hoc nempe complebitur, quando in quod nunc cunctæ passim rationall (ut jam dictum est) creaturæ commune videtur, liberum scilicet a necessitate arbitrium, erit etiam in electis hominibus (uti jam in sanctis est Angelis) et cautum a peccato, et tutum a miseria, probantibus tandem triplicis libertatis felici experientia, quæ sit bona voluntas Dei, ac beneplacens, et perfecta. Quod quia necdum est, sola interim plena integraque manet in hominibus libertas arbitrii. Nam libertas consilii ex parte tantum, et hoc in paucis spiritualibus, qui carnem suam crucifixerunt cum vitiis et concupiscentiis, quatenus jam non regnet peccatum in eorum mortali corpore. Porro ut non regnet, libertas facit consilii; ut tamen non desit ex integro, captivitas est liberi arbitrii. Cum autem venerit quod perfectum est, tunc evacuabitur quod ex parte est : hoc est, cum plena fuerit libertas consilii, nulla jam erit captivitas arbitrii. Et hoc est quod quotidie petimus in oratione, cum dicimus Deo : *Adveniat regnum tuum* (Matth. vi, 10). Regnum hoc necdum ex toto pervenit in nos. Quotidie tamen paulatim adventat, sensimque in dies magis ac magis dilatat terminos suos, in his duntaxat, quorum per Dei adiutorium interior homo renovatur de die in diem. In quantum ergo regnum gratiæ dilatur, in tantum peccati potestas minuitur. In quantum vero minus est adhuc propter corpus mortis quod aggravat animam, et ob necessitatem terrenæ inhabitationis utique deprimentis sensum multa cogitationem; necesse habent etiam qui perfectiores in hac mortalitate videntur, confiteri et dicere : *In multis offendimus omnes* (Jacobi iii, 2) : et, *Si dixerimus quia peccatum non habemus, nos ipsos seducimus, et veritas in nobis non est* (I Ioan. i, 8). Quapropter orant et ipsi sine intermissione, dicentes : *Adveniat regnum tuum*. Quod non erit vel in ipsis consummatum, quousque peccatum non solum non regnet in eorum mortali corpore, sed nec sit omnino, nec esse possit in immortalis jam corpore.

#### CAPUT V.

*An libertas a miseria, seu complaciti, deitur in hoc sæculo.*

13. Jam de libertate complaciti in hoc sæculo nequam quid dicemus? ubi vix sufficit diei malitia sua; ubi omnis creatura ingemiscit, et parturit us-



que adhuc, vanitati nimirum subjecta non volens **A** stare sufficiunt, toties esse liberos a miseria, quoties sic excedunt. Hi plane (quod negandum non est) etiam in hac carne, raro licet raptimque, complaciti libertate fruuntur, qui cum Maria optimam partem elegerunt, quæ non auferetur ab eis (*Luc. x, 42*). Qui enim jam tenent quod auferendum non est, experiuntur utique quod futurum est. Sed quod futurum est felicitas est: porro felicitas et miseria eodem tempore simul esse non possunt. Quoties igitur per spiritum illam participant, toties istam non sentiunt. Itaque in hac vita soli contemplativi possunt utcumque frui libertate complaciti: et hoc ex parte, et parte satis modica, viceque rarissima. Porro libertate consilii fruuntur etiam quilibet iusti; ex parte quidem, sed non modica. Cæterum libertas arbitrii, ut supra liquido apparuit, cunctis pariter ratione utentibus convenit; non minor, quantum in se est, in malis, quam in bonis; tam plena in hoc sæculo, quam et in futuro.

## CAPUT VI.

*Ad volendum bonum gratiam omnino esse necessarium.*

14. Sed, etsi non virtus, vitium forte in tuto est, et aliqua interim ex parte frui potest complacito, cavere miseriam. Absit. Nam qui letantur cum male fecerint, et exsultant in rebus pessimis, tale est quod faciunt, quale cum ridet frenetici. Nulla autem verior miseria, quam falsa lætitia. Denique in tantum miseria est, quod videtur felicitas in hoc sæculo, ut Sapiens dicat: *Melius est ire ad domum luctus, quam ad domum convivii* (*Eccle. vii, 5*). Est quidem in bonis corporis nonnulla jucunditas, videlicet in edendo, bibendo, calefaciendo, cæterisque talibus fomentis vel tegumentis carnis. Sed nunquid vel ista vacant aliquatenus a miseria? Bonus est panis, sed esuriens; potus defectat, sed sitiens; denique saturato cibus potusque jam nequaquam sunt grata, sed gravia. Tolle famem, et panem non curabis; tolle sitim, et limpidissimum fontem, ac si paludem, respicies. Similiter umbram non querit nisi æstuans; solem non curat nisi algens, sive caligans. Alioquin nihil horum libebit, si non præcesserit urgens necessitas. Quæ si perfecte tollatur e rebus, statim in tædium atque molestiam convertitur ipsa quoque, quæ videtur in his esse, jucunditas. Fatendum igitur et in hac parte, omne quod præsentis vitæ est, occupare miseriam: nisi quod in tribulationibus continuis graviorum laborum, leviores utique sint qualiscunque consolatio (157): et dum forte pro tempore ac rerum eventibus vicissim sibi gravia levique succedunt, minorum experientia, aliqua miseriæ videtur interpolatio; ut cum aliquando, post experta plura gravissima, in minus forte molesta evaditur, felicitas putetur.

15. Attamen fatendum est eos, qui per excessum contemplationis rapti quandoque in spiritu, quantumcumque de supernæ felicitatis dulcedine degu-

**B** stare sufficiunt, toties esse liberos a miseria, quoties sic excedunt. Hi plane (quod negandum non est) etiam in hac carne, raro licet raptimque, complaciti libertate fruuntur, qui cum Maria optimam partem elegerunt, quæ non auferetur ab eis (*Luc. x, 42*). Qui enim jam tenent quod auferendum non est, experiuntur utique quod futurum est. Sed quod futurum est felicitas est: porro felicitas et miseria eodem tempore simul esse non possunt. Quoties igitur per spiritum illam participant, toties istam non sentiunt. Itaque in hac vita soli contemplativi possunt utcumque frui libertate complaciti: et hoc ex parte, et parte satis modica, viceque rarissima. Porro libertate consilii fruuntur etiam quilibet iusti; ex parte quidem, sed non modica. Cæterum libertas arbitrii, ut supra liquido apparuit, cunctis pariter ratione utentibus convenit; non minor, quantum in se est, in malis, quam in bonis; tam plena in hoc sæculo, quam et in futuro.

16. Sed et hoc satis aperte monstratum esse puto, quod hæc ipsa tamen libertas tamdiu quodammodo captiva tenetur, quamdiu illam dux aliæ liberales minime, aut minus plene comitantur; nec aliunde noster ille defectus venit, de quo Apostolus: *Ut non quæcumque vultis, ait, illa faciatis* (*Galat. v, 17*). Velle siquidem **610** inest nobis ex libero arbitrio, non etiam posse quod volumus. Non dico velle bonum, aut velle malum: sed tantum velle. Velle enim bonum, profectus est; velle malum defectus. Velle vero simpliciter, ipsum est quod vel proficit, vel deficit. Porro ipsum ut esset, creans gratia facit; ut proficiat, salvans gratia facit; ut deficiat, ipsum se deficit. Itaque liberum arbitrium nos facit volentes, gratia benevolos. Ex ipso nobis est velle, ex ipsa bonum velle. Quemadmodum namque aliud est timere simpliciter, aliud timere Deum; et aliud amare simpliciter, aliud est amare Deum: quippe timere et amare, simpliciter quidem prolata, affectiones; cum additamento autem virtutes, significant: ita quoque aliud est velle, aliud velle bonum.

**D** 17. Simples namque affectiones insunt naturaliter nobis, tanquam ex nobis: additamenta ex gratia. Nec aliud profecto est, nisi quod gratia ordinat, quas donavit creatio: ut nil aliud sint virtutes nisi ordinatæ affectiones. Scriptum est de quibusdam, quod illic trepidassent timore, ubi non erat timor (*Psal. xiii, 5*). Timor fuit, sed inordinatus. Ordinare illum volebat Dominus in discipulis, cum diceret: *Ostendam vobis quem timere debeatis* (*Luc. xii, 5*); et David: *Venite, ait, filii, audite me, timorẽ Domini docebo vos* (*Psal. cxliiii, 12*). Item de amore inordinato arguebat homines qui dicebat:

(157) Hæc proba est hujus loci lectio in duobus codicibus Colbertinis: in editis, *qualescunque consolationes*. At *leviores* refertur, non *ad consolationes*,

sed *ad tribulationes*; quæ *leviores*, sunt *qualiscunque* consolatio in hac vita.

Ego lux veni in hunc mundum; et dilexerunt homines **A** magis tenebras, quam lucem (Joan. iii, 19). Idcirco postulat sponsa in Canticis, dicens: *Ordinata in me charitatem* (Cant. ii, 4). Similiter quoque de inordinata voluntate arguebantur, quibus dicebatur: *Nescitis quid petatis*. Sed ad lineam rectitudinis edocti sunt distortam reducere voluntatem, cum audierunt: *Potestis bibere calicem, quem ego bibiturus sum?* (Marc. x, 38.) Et tunc quidem verbo, sed postmodum etiam exemplo voluntatem ordinare docebat, cum orans instanti passione ut transferretur ab eo calix, statim subjiceret: *Verumtamen non quod ego volo, sed quod tu vis* (Matth. xxvi, 39). A Deo igitur velle, quomodo et timere, quomodo et amare, accepimus in conditione naturæ, ut essemus aliqua creatura: velle autem bonum, quomodo et timere Deum, quomodo et amare Deum, accipimus in visitatione gratiæ, ut simus Dei creatura.

18. Creati quippe quodammodo nostri in liberam voluntatem, quasi Dei efficiuntur per bonam voluntatem. Porro bonam facit, qui liberam fecit; et ad hoc bonam, ut simus initium aliquod creaturæ ejus: quoniam expedit profecto nobis magis omnino non fuisse, quam nostros permanere. Nam, qui voluerunt sui esse, utique sicut dii, scientes bonum et malum; facti sunt, non tantum jam sui, sed et diaboli. Itaque libera voluntas nos facit nostros; mala, diaboli; bona, Dei. Ad hoc pertinet quod dicitur: *Novit Dominus qui sunt ejus* (II Tim. ii, 19). Nam illis qui ejus non sunt, *Amen dico vobis, inquit, nescio vos* (Matth. xxv, 12). Cum ergo per malam voluntatem sumus diaboli, quodammodo interim non sumus Dei: sicut cum per bonam voluntatem efficiuntur Dei, desinimus jam esse diaboli. *Nemo siquidem potest duobus dominis servire* (Id. vi, 24). Cæterum sive Dei sumus, sive diaboli; non tamen similiter desinimus esse et nostri. Manet quippe utrobique libertas arbitrii, per quam maneat et causa meriti: quatenus merito vel puniamur mali, quod tanquam liberi ex propria voluntate efficiuntur: vel glorificemur boni, quod nisi æquæ voluntarii esse non possumus. Sane diabolo nostra nos mancipat voluntas, non ipsius potestas: Deo subicit ejus gratia, non nostra voluntas. Nostra quippe voluntas bona (quod fatendum est) a bono Deo creata, perfecta tamen non erit, quousque suo Creatori perfecte subjecta sit. Absit autem, ut ipsi sui ipsius perfectionem, Deo autem tantum creationem tribuamus; cum longe nimirum melius sit esse perfectam, quam factam: et dictu ipso nefas videatur, Deo quod minus, nobis quod excellentius sit attribuire. Sentiens denique Apostolus quid ex natura esset, quid ex gratia exspectaret, aiebat: **611** *Velle adjacet mihi, perficere non invenio* (Rom. vii, 18). Sciebat profecto, velle quidem sibi inesse ex libero arbitrio, sed ut ipsum velle perfectum haberet, gratiam se habere

necessariam. Si enim velle malum, defectus quidam est voluntatis; utique bonum velle, profectus ejusdem erit: sufficere vero ad omne quod volumus bonum, ipsius perfectio.

19. Ut ergo velle nostrum, quod ex libero arbitrio habemus, perfectum habeamus; duplici gratiæ munere indigemus, et vero videlicet Sapere, quod est voluntatis ad bonum conversio; et pleno etiam Posse, quod est ejusdem in bono confirmatio. Porro perfecta conversio est ad bonum, ut nil libeat nisi quod deceat vel liceat; perfecta in bono confirmatio, ut nil desit jam quod libeat. Tunc demum perfecta erit voluntas, cum plene fuerit bona, et bene plena. Habet siquidem duplex in se bonum ab initio sui: unum quidem generale ex sola creatione, quod **B** a bono scilicet Deo non potuit creari nisi bona, secundum quod vidit Deus cuncta quæ fecerat, et erant valde bona (Gen. i, 31); alterum speciale ex libertate arbitrii, in qua ad imaginem utique ipsius qui creavit, est condita. Quod si duobus his bonis accedat et tertium, conversio scilicet ad Creatorem; reputabitur non immerito perfecte bona: bona nimirum in universitate, melior in suo genere, optima in sui ordinatione (158). Est autem ordinatio, omni moda conversio voluntatis ad Deum, et ex tota se voluntaria devotaque subjectio. Huic vero tam perfectæ justitiæ debetur, imo jungitur gloriæ plenitudo: quia sic se comitantur duo ista, ut nec justitiæ possit haberi perfectio, nisi in plena gloria; nec gloriæ plenitudo, absque perfecta justitia. Merito denique talis justitia non erit sine gloria, cum gloria vera non sit, nisi de tali justitia. Unde recte dicitur: *Beati qui esuriunt et sitiunt justitiam, quoniam ipsi saturabuntur* (Matth. v, 6).

20. Hæc autem sunt illa duo quæ supra nominavimus, verum Sapere, et plenum Posse: ut Sapere ad justitiam, Posse referatur ad gloriam. Sed Verum et Plenum addita sunt, alterum ad distinctionem sapientiæ carnis, quæ mors est (Rom. viii, 6); itemque sapientiæ mundi, quæ stultitia apud Deum (I Cor. iii, 19), qua et sapientes apud semetipsos sunt homines, *sapientes, inquam, ut faciant mala* (Jerem. iv, 22); alterum ad illorum differentiam, de quibus dicitur: *Potentes potenter tormenta patientur* (Sap. vi, 7). Nam verum Sapere, aut plenum Posse omnino non inveniuntur, nisi ubi libero arbitrio jam illa duo conjuncta sunt, quæ item superius memoravimus, liberum videlicet consilium, liberumque complacitum. Solum profecto dixerim vere sapientem, pleneque potentem, cui jam non tantum velle adjacet ex libero arbitrio, sed ex reliquis quoque duobus invenit et perficere; dum nec velle valeat quod malum sit, nec carere quod velit: quorum alterum est ex libertate consilii, id est verum Sapere; alterum ex libertate complaciti, scilicet plenum Posse. Sed quis talis est ac tantus in

(158) In editis: *ex sui ordinatione ad Deum*. Sed ad Deum redundat, ut ex sequenti membro intelligitur.

hominibus, qui in hoc gloriatur? Aut ubi, aut A quando istud obtinetur? Nunquidnam in hoc sæculo? Sed si quis esset hujusmodi, major esset Paulo, qui confitetur dicens: *Perficere autem non invenio*. Nunquid Adam in paradiso? Sed si habuisset, nunquam exsulasset [at. exsul esset] a paradiso.

## CAPUT VII.

*Utrum primi homines in paradiso trina i la libertate præditi fuerint, et post peccatum.*

21. Nunc locus est pervidendi quod supra distulimus; utrum scilicet totas tres illas quas diximus libertates, id est, arbitrii, concilii, complaciti; vel aliis nominibus, a necessitate, a peccato, a miseria, primi homines in paradiso habuerint: an tantum duas, an unam solummodo. Et de prima quidem nulla jam quæstio est, si meminerimus quam aperte et justis eam et peccatoribus inesse æqualiter, ratio superior edocuerit. De duabus reliquis quæritur non immerito, an unquam eas Adam habuerit, aut ambas, aut vel **612** unam. Nam si nullam habuit, quid amisit? Arbitrii utique libertatem tam post peccatum, quam ante semper tenuit inconcussam. Si ergo nil amisit, quid ei obfuit ejectum fuisse de paradiso? Quod si unam quamlibet illarum habuit, quomodo amisit? Nam certum est quia ex quo peccavit, nec a peccato prorsus, nec a miseria manens in corpore, liber fuit. Cæterum nullatenus, quamcunque illarum semel acceperit, amittere potuit. Alioquin perfectum nec Sapere, nec Posse, juxta C quod quidem duo hæc superius definita sunt, habuisse vincitur; qui nimirum et velle potuit quod non debuit, et recipere quod noluit. An dicendus est aliquo quidem modo illas habuisse, sed quia non plenarie, potuisse amittere? Habet siquidem unaquæque illarum duos gradus, superiorem et inferiorem. Superior libertas consilii est, non posse peccare: inferior, posse non peccare. Item superior libertas complaciti, non posse turbari: inferior, posse non turbari. Itaque inferiorem utriusque libertatis gradum simul cum plena libertate arbitrii homo in sui conditione accepit, et de utroque corripit cum peccavit. Corruit autem de posse non peccare in non posse non peccare, amissa ex toto consilii libertate. Itemque de posse non turbari in non posse non turbari, amissa ex toto complaciti libertate. Sola remansit ad poenam libertas arbitrii, per quam utique cæteras amisit; ipsam tamen amittere non potuit. Per propriam quippe voluntatem servus peccati factus, merito perdidit libertatem consilii. Porro per peccatum factus debitor mortis, quomodo jam libertatem valebat retinere complaciti?

22. De tribus ergo libertatibus quas acceperat, abutendo illa quæ dicitur arbitrii, reliquis sese privavit. In eo autem abusus est, quod illam cum accepisset ad gloriam, convertit sibi in contume-

liam, juxta testimonium Scripturæ dicentis: *Homo cum in honore esset, non intellexit; comparatus est jumentis insipientibus, et similis factus est illis* (Paul. XLVIII, 13). Soli inter animantia datum est homini posse peccare, ob prærogativam liberi arbitrii. Datum est autem, non ut proinde peccaret, sed ut gloriosior appareret si non peccaret, cum peccare posset. Quid namque gloriosius ei esse poterat, quam si de ipso diceretur quod Scriptura perhibet, dicens: *Quis est hic, et laudabimus eum?* Unde ita landandus? *Fecit enim mirabilia in vita sua. Quæ? Qui potuit transgredi, inquit, et non est transgressus; facere mala et non fecit* (Eccli. xxxi, 9, 10). Illic ergo honorem quamdiu absque peccato fuit, servavit; amisit, cum peccavit. Peccavit autem, quia liberum ei fuit: nec aliunde profectio liberum, nisi ex libertate arbitrii, de qua utique inerat ei possibilitas peccandi. Nec tamen fuit culpa dantis, sed abutentis, qui ipsam videlicet facultatem convertit in usum peccandi, quam acceperat ad gloriam non peccandi. Nam etsi peccavit ex posse quod accepit: non tamen quia potuit, sed quia voluit. Nec enim prævaricante diabolo et angelis ejus, etiam alii prævaricati sunt: non quia non potuerunt, sed quia noluerunt.

23. Peccantis igitur lapsus, non dono ascribendus est potestatis, sed vitio voluntatis. Lapsus tamen ex voluntate non æque ex voluntate resurgere jam liberum habet: quia, etsi datum fuit voluntati posse stare ne caderet, non tamen resurgere si caderet. Non enim tam facile quis valet exire de fovea, quam facile in eam labi. Cecidit sola voluntate homo in foveam peccati: sed non ex voluntate sufficit posse resurgere, cum jam, etsi velit, non possit non peccare.

## CAPUT VIII.

*Libertatem arbitrii remanere post peccatum.*

24. Quid ergo? Perit liberum arbitrium, quoniam non potest non peccare? Nequaquam: sed liberum perdidit consilium, per quod prius habuit [at. habebat] posse non peccare: quomodo et quod jam non valet utique non turbari, inde misero accidit, quod complaciti **613** quoque libertatem amisit, per quam et ante habuit posse non turbari. Manet ergo, etiam post peccatum, liberum arbitrium; etsi miserum, tamen integrum. (Et quod se per se homo non sufficit excutere a peccato sive miseria, non liberi arbitrii signat destructionem. sed duarum reliquarum libertatum privationem. Neque enim ad liberum arbitrium, quantum in se est, pertinet, aut aliquando pertinuit posse, vel sapere (159), sed tantum velle: nec potentem facit creaturam, nec sapientem, sed tantum volentem. Non ergo si potens, aut sapiens, sed tantum si volens esse desierit, liberum arbitrium amisisse putanda erit. Ubi enim non est voluntas, nec liber-

(159) Hæc disjunctive legenda, ut disparata sint *posse*, et *sapere*, de quibus supra, n. 49.



tas. Non dico si velle bonum, sed si velle omnino creatura desiderit; fatendum sine contradictione, ubi non jam ex voluntate bonitas, sed ipsa ex toto voluntas perit, etiam liberum deperire arbitrium. Quod si velle bonum tantum non poterit [*al.* tantum perit], signum est quod ei desit liberum, non arbitrium, sed consilium. Si autem non quidem velle, sed ad id quod jam vult bonum, ei posse defuerit; noverit sibi deesse liberum complacitum, non liberum peritisse arbitrium. Si ergo liberum arbitrium ita ubique sequitur voluntatem, ut nisi illa penitus esse desinat, isto non careat: voluntas vero sicut in bono, ita etiam in malo æque perdurat: æque profecto et liberum arbitrium tam in malo, quam in bono integrum perseverat. Et quomodo voluntas etiam posita in miseria non desinit esse voluntas, sed dicitur, et est misera voluntas, sicut et beata voluntas: ita nec liberum arbitrium destruere, sive, quantum in se est, aliquatenus imminuere poterit quæcunque adversitas vel necessitas.

25. Sed licet ubique pariter sine sui diminutione perduret; non tamen pariter sicut de bono potuit per se in malum corrumpere, ita quoque per se de malo in bonum poterit respirare. Et quid mirum si jacens non valet per se resurgere, quod stans in aliquod melius nullo suo conatu valebat proficere? Denique, dum adhuc duas alias libertates ex aliqua parte secum haberet, non potuit de inferioribus illarum gradibus ad superiora ascendere, hoc est de posse non peccare, et de posse non turbari, ad non posse peccare, et non posse turbari. Quod si libertatibus illis etiam utenque adjutum, non prævaluit tamen de bono in melius se extendere: quanto minus eisdem prorsus destitutum, de malo in id quod fuit bonum, poterit per se ipsum emergere?

26. Habet igitur homo necessarium Dei virtutem, et Dei sapientiam Christum, qui ex eo quod sapientia est, verum ei Sapere reinfundat, in restaurationem liberi consilii; et ex eo quod virtus est, plenum Posse restituat, in reparationem liberi complaciti: quatenus ex altero perfecte bonus, peccatum jam nesciat; ex altero plene beatus, nil adversum sentiat. Sed sane ista perfectio in futura vita expectetur, quando utraque nunc amissa libertas, libero arbitrio plene [*al.* plenarie] restaurabitur; non quomodo iusto cuivis in hoc sæculo, quantumcumque perfectio; non quomodo vel ipsis primis hominibus datum fuit eas habere in paradiso: sed sicut jam nunc angeli possident in cælo. Interim vero sufficiat in hoc corpore mortis atque in hoc sæculo nequam, ex libertate quidem consilii peccato non obedire in concupiscentia: ex libertate autem complaciti adversa non formidare pro iustitia. Est autem in hac carne peccati et in hac diei malitia non mediocriter Sapere, peccato, etsi non [*al.* nondum] ex toto carere, certe non consentire: et est Posse non

A parvum, adversa, etsi necdum feliciter omnino non sentire, viriliter tamen pro veritate contemnere.

27. Discendum sane hic interim nobis est ex libertate consilii jam libertate arbitrii non abuti, ut plene 614 quandoque frui possimus libertate complaciti. Sic profecto Dei in nobis reparamus imaginem: sic antiquo honori illi capessendo, quem per peccatum amisimus, per gratiam præparamur. Et beatus qui de se audire merebitur: *Quis est hic, et laudabimus eum? Fecit enim mirabilia in vita sua: qui potuit transgredi, et non est transgressus; facere malum, et non fecit* (Eccli. xxxi, 9, 10).

#### CAPUT IX.

*Imaginem et similitudinem Dei, ad quam conditi sumus, in triplici libertate consistere.*

28. Puto autem in his tribus libertatibus ipsam, ad quam conditi sumus, Conditoris imaginem atque similitudinem contineri: et imaginem quidem in libertate arbitrii, in reliquis autem duabus bipartitam quamdam consignari similitudinem. Hinc est fortassis, quod solum liberum arbitrium sui omnino defectum seu diminutionem non patitur, quod in ipso potissimum æternæ et incommutabilis divinitatis substantiva quædam imago impressa videatur. Nam, etsi habuerit initium, nescit tamen occasum, nec de iustitia vel gloria capit augmentum: nec de peccato sive miseria detrimentum. Quid æternitati similis, quod non sit æternitas? Porro in aliis duabus libertatibus, quoniam non solum ex parte minui, sed et ex toto amitti possunt; accidentaliter quædam magis similitudo sapientiæ atque potentiæ divinæ, imagini superducta cognoscitur. Denique et amisimus illas per culpam, et per gratiam recuperavimus; et quotidie quidem alii plus, alii minus, aut in ipsis proficimus, aut ab ipsis deficimus. Possunt etiam sic amitti, ut jam non valeant recuperari: possunt et ita possideri, ut nec amitti queant aliquando [*al.* aliquo modo], nec minui.

29. Hujus bipartitæ similitudinis sapientiæ et potentiæ Dei, non quidem in gradu summo, sed qui ipsi tamen esset proximior, homo conditus est in paradiso. Quid enim vicinius ad non posse peccare, vel turbari (in quo utique jam sanctos Angelos stare (160), et Deum semper esse dubium non est), quam posse et non peccare, et non turbari, in quo homo profecto creatus est? A quo illo per peccatum, imo nobis in illo et cum illo corrumpentibus, rursus per gratiam, non quidem ipsum, sed pro ipso quemdam inferiorem gradum recepimus. Neque enim hic possumus penitus esse sine peccato, seu miseria: possumus tamen, gratia juvante, nec peccato superari, nec miseria. Quanquam tamen Scriptura loquatur: *Omne quod natum est ex Deo non peccat* (1 Joan. iii, 9). Sed hoc dictum est de prædestinatis ad vitam: non quod omnino non peccent, sed quod peccatum ipsis non imputetur, quod vel punitur condi

(160) Aliis, jam sanctos et angelos stare: ut conjunctio et deest in tribus nostris manuscriptis.

qua pœnitentia, vel in charitate absconditur (161). **A** Charitas quippe cooperit multitudinem peccatorum (I Petr. iv, 8); et: Beati quorum remissæ sunt iniquitates, et quorum tecta sunt peccata; et: Beatus vir cui non imputavit Dominus peccatum (Psal. xxxi 1, 2). Divinæ ergo similitudinis summum gradum summi angeli tenent, nos infimum: Adam tennit medium, porro demones nullum. Supernis nempe spiritibus datum est sine peccato et miseria perdurare: Adæ autem absque his quidem esse, sed non etiam permanere: nobis vero ne esse quidem absque his, sed ipsis tantum non cedere. Cæterum diabolus et membra ejus, sicut nunquam volunt reluctari peccato, sic nunquam possunt pœnam declinare peccati.

30. Cum ergo istæ duæ libertates, consilii scilicet **B** atque complaciti, per quas rationali creaturæ vera sapientia et potentia ministratur, ita Deo, prout vult, dispensante, quibusque pro causis, locis, temporibus, variantur, quatenus in terris modice, in cælestibus plenarie, mediocriter in paradiso, apud inferos **615** nullatenus habeantur; libertas vero arbitrii de ipso, quo condita est, statu aliquatenus non mutetur, sed æqualiter semper (quantum in se est) a cœlis, terris, inferis possideatur: merito illæ similitudini, hæc imagini deputantur. Et quidem apud inferos, quod utraque libertas perierit, illæ scilicet quæ ad similitudinem pertinere dicuntur, Scripturarum testatur auctoritas. Nam verum illic Sapere, quod utique de consilii libertate concipitur, omnino non esse, locus ille manifestat, ubi legitur: *Quodcumque potest manus tua facere, instanter [al. constanter] operare: quia nec opus, nec ratio, nec sapientia est apud inferos, quo tu properas (Eccle. ix, 10).* Porro de potentia, quæ per libertatem complaciti datur, Evangelium sic loquitur: *Ligatis manibus ac pedibus, projicite eum in tenebras exteriores (Matth. xxii, 13).* Quid enim [al. nempe] est manuum pedumque ligatio, nisi omnimoda potestatis ablatio?

31. Sed dicit aliquis: Quomodo non est ibi ali-  
quod Sapere, ubi mala quæ tolerantur, cogunt pœ-  
nitere malorum quæ facta sunt? Nunquid aut in  
tormentis quispiam non pœnitere; aut pœnitere  
mali, non esse sapere potest? Hoc autem recte op-  
poneretur, si opus tantum peccati, et non etiam  
voluntas mala puniretur. Nulli quippe dubium est,  
quod nemo in tormentis positus actum iterare pec-  
cati delectetur. Veruntamen si voluntas etiam in  
tormentis mala perdurat, quid ponderis habet operis  
abnegatio, ut ideo sapere quis putetur, quod jam in  
mediis flammis luxuriari non libeat? Denique: *In malevolam animam non introibit sapientia (Sap. i, 4).*

(161) Amissibilem esse charitatem probat Bernardus in Opusculo 2, num. 14. Sed tamen peccatum hominis prædestinati dicitur in charitate abscondi, scilicet in charitate subsequente hominis postea denuo justificandi, sicut per pœnitentiam subsequenter diluitur. Imo etiam absconditur in charitate Dei prædestinantis quia charitas Patris ipsorum

Unde autem probabimus quod mala et in pœnis voluntas perseveret? Certe, ut cætera omittam, nolent omnino puniri. Justum est autem puniri, qui puniendi gesserunt. Nolunt igitur quod justum est. Sed qui non vult quod justum est, justa ejus voluntas non est. Eo ergo injusta, ac per hoc et mala est voluntas, quo justitiæ non concordat. Duo sunt quæ injustam comprobant voluntatem, vel cum peccare, vel cum impune peccasse libet. Quibus ergo peccare libuit quamdiu licuit; et cum jam non possunt, inultum manere volunt quod peccaverunt: quid in hoc sapientiæ veræ, quid bonæ voluntatis apparet? Sed esto, pœnitet eos peccasse: nunquid non tamen, si optio detur, malint adhuc peccare, quam pœnam sustinere peccati? Et tamen illud iniquum est, hoc justum. Quando vero voluntas bona magis quod iniquum, quam quod justum est eligeret? Cæterum non vere pœnitent, qui non tam dolent se sibi vixisse, quam hoc ipsum jam non posse. Denique foris ostenditur quid intus agatur. Nam quamdiu corpus vivit in flamma, tamdiu constat in malitia persistere voluntatem. Itaque de similitudine, quæ in consilii, et item complaciti libertate continetur, apud inferos penitus nihil est, nec esse potest, imagine tamen etiam illic per liberum arbitrium immobili permanente.

## CAPUT X.

*Similitudinem divinæ imaginis in nobis reformari per Christum.*

32. Sed neque in hoc sæculo æque inveniri nāpiam posset similitudo, sed adhuc hic fœda et deformis jacuisset imago, si non evangelica illa mulier lucernam accenderet, id est, Sapientiam in carne appareret, everreret domum, videlicet vitiorum, drachmam suam requireret quam perdidit (Luc. xv, 8): hoc est, imaginem suam, quæ nativo spoliata decore, sub pelle peccati sordens, tantquam in pulvere latitabat; inventam tergeret, et tolleret de regione dissimilitudinis; pristinamque in speciem reformatam, similem faceret illam in gloria sanctorum, imo sibi ipsi per omnia redderet quandoque conformem, cum illud Scripturæ videlicet impleveretur: *Scimus quia cum apparuerit, similes ei erimus, quoniam videbimus eum sicuti est (I Joan. iii, 2).* Et revera cui potius id operis congruebat, quam Dei Filio, **616** qui cum sit splendor gloriæ [al. omit. gloriæ], et figura substantiæ Patris, portans verbo universa, ex utroque facile munitus apparuit, et unde reformaret deformem, et unde debilem confortaret: dum et de splendore figuræ fugans tenebras peccatorum [al. vitiorum], redderet sapientem; et ex virtute verbi contra tyrannidem dæmonum potentem efficeret.

33. Venit ergo ipsa forma, cui conformandum erat

*cooperit multitudinem peccatorum," sermone 23 in Cantica, num. 15. Alia hujus loci explicatio affertur in sermone 4 De diversis, ubi qui natus est ex Deo dicitur non peccare, qui in peccato non perseverat. Confer notas in sermonem 1 de Septuagesima.*

liberum arbitrium : quia ut pristinam reciperet formam, ex illa erat reformandum, ex qua fuerat et formatum. Forma autem, sapientia est : conformatio, ut faciat imago in corpor, quod forma facit in orbe. Porro illa attingit a fine usque ad finem fortiter, et disponit omnia suaviter (Sap. vii, 1). Attingit a fine usque ad finem, hoc est a summo caelo usque ad inferiores partes terræ, a maximo angelo usque ad minimum vermiculum. Attingit autem fortiter, non quidem mobili discursione, vel locali diffusionem, vel subiectæ creaturæ tantum officiali administratione : sed substantiali quadam et ubique præsentī fortitudine, qua utique universa potentissime movet, ordinat, administrat. Et hæc omnia nulla sui cogitur facere necessitate. Nec enim aliqua in his laborat difficultate : sed disponit omnia suaviter placida voluntate. Vel certe attingit a fine usque ad finem, hoc est ab ortu creaturæ usque ad finem destinatum a Creatore : sive in quem urget natura, sive quem accelerat causa, sive quem concedit gratia. Attingit fortiter, dum nihil horum evenit, quod non, prout vult, potenti præordinet providentia.

34. Sic ergo et liberum arbitrium suo conetur præesse corpori, ut præest sapientia orbi attingens et ipsum a fine usque ad finem fortiter : imperans scilicet singulis sensibus et artibus tam potenter, quatenus non sinat regnare peccatum in suo mortali corpore, nec membra sua det arma iniquitati, sed exhibeat servire iustitiæ. Et ita jam non erit homo servus peccati, cum peccatum non fecerit : a quo utique liberatus, jam libertatem recuperare consilij, jam suam incipiet vindicare dignitatem, dum divinæ in se imagini condignam vestierit similitudinem, imo antiquam reparaverit venustatem. Curet autem hæc agere, non minus suaviter quam fortiter, hoc est non ex tristitia aut ex necessitate : quod est initium, non plenitudo sapientiæ : sed prompta et alacri voluntate, quod facit acceptum sacrificium : quoniam hilarem datorem diligit Deus (II Cor. ix, 7). Sicque per omnia imitabitur sapientiam, dum et vitiis resistet fortiter, et in conscientia requiescet suaviter.

35. Verum ejus ad talia provocamur exemplo, indigemus et auxilio : quo ipsi videlicet per ipsam conformemur, atque in eandem imaginem transformemur a claritate in claritatem, tanquam a Domini Spiritu (I Cor. iii, 18). Ergo si a Domini Spiritu, jam non a libero arbitrio. Nemo proinde putet ideo dictum liberum arbitrium, quod æqua inter bonum et malum potestate aut facilitate versetur, cum cadere per se quidem potuerit, non autem resurgere, nisi per Domini Spiritum. Alioquin nec Deus, nec angeli sancti, cum ita sint boni, ut non possint esse mali ; nec prævaricatores item angeli, cum ita sint mali, ut jam non valeant esse boni ; liberi arbitrii

esse dicentur. Sed et nos illud post resurrectionem amissuri sumus, quando utique inseparabiliter alii bonis, alii malis admisti fuerimus. Cæterum nec Deus caret libero arbitrio, nec diabolus : quoniam quod ille esse non potest malus, non infirma facit necessitas, sed firma in bono voluntas, et voluntaria firmitas : quodque is non valet in bonum respirare, non aliena facit violenta oppressio, sed sua ipsius in malo obstinata voluntas, ac voluntaria obstinatio. Nunc igitur ex eo potius liberum arbitrium dicitur, quod sive in bono, sive in malo, æque liberam faciat voluntatem : cum nec bonus quispiam, nec item malus dici debeat, aut esse valeat, nisi volens. Tali jam ratione non incongrue dicitur ad bonum 617 se, et ad malum habere æqualiter : quod utrobique videlicet par sit ei, non quidem in electione facilitatis, sed in voluntate libertas (162).

## CAPUT XI.

*Libero arbitrio nihil derogari per gratiam, neque per tentationem.*

36. Hac sane dignitatis, ut dictum est, prærogativa (163) rationalem singulariter creaturam Conditor insignivit, quod quemadmodum ipse sui juris erat, suæque ipsius voluntatis non necessitatis erat quod bonus erat : ita et illa quoque sui quodammodo juris in hac parte existeret, quatenus nonnisi sua voluntate, aut mala fieret, et juste damnaretur ; aut bona maneret, et merito salvaretur. Non quod ei propria posset sufficere voluntas ad salutem ; sed quod eam nullatenus sine sua voluntate consequeretur. Nemo quippe salvatur invitus. Nam quod legitur in Evangelio : *Nemo venit ad me, nisi Pater meus traxerit eum* (Joan. vi, 44) ; item in alio loco : *Compelle intrare* (Luc. xiv, 23) ; nihil impedit : quia profecto quantoscunque trahere, vel compellere videatur ad salutem benignus Pater, qui omnes vult salvos fieri (I Tim. ii, 4) ; nullum tamen judicat salute dignum, quem ante non probaverit voluntarium. Hoc quippe intendit, cum terret aut percult, ut faciat voluntarios, non salvet invitos : quatenus dum de malo mutat voluntatem in bonum, transferat, non auferat libertatem. Quanquam tamen non semper inviti trahimur : nec enim cæcus aut sæsus contristatur cum trahitur. Et Paulus ad manus tractus est Damascus, utique non invitus (Act. ix, 8). Trahi denique specialiter volebat [al. spiritualiter], quæ et hoc ipsum magnopere flagitabat in Canticis : *Trahæ me*, inquit, post te ; in odorem curremus unguentorum tuorum (Cantic. i, 3).

37. Deinde quod e regione scriptum est : *Unusquisque tentatur a propria concupiscentia abstractus et illectus* (Jac. i, 14,) ; et illud : *Corpus quod corrumpitur, aggravat animam, et deprimit terrena inhabitatio sensum multa cogitantem* (Sap. iv, 15) ; et item illud Apostoli : *Invenio aliam legem in membris*

(162) Hæc est libertas potentia, seu facultas electiva, ad bonum et malum versatilis : sed ejus exercitium et applicatio ad bonum pendet ex gratia. Cujus quippe conatus ad bonum, et cassi sunt, si a

gratia non adjuventur ; et nulli, si non excitentur infra num. 42.

(163) Duo codices : dignitatis divinæ ; unus Dionysianus, divinitatis in carne prærogativa.



meis repugnantem legi mentis meae, et captivum me ducentem in legem peccati, quæ est in membris meis (Rom. vii, 23); hæc omnia putari possunt cogere voluntatem, et præripere libertatem. At vero quantilibet quis intus forisve tentationibus urgeatur, libera profecto semper, quantum ad arbitrium spectat, voluntas erit: libere quippe de suo nihilo minus consensu judicabit. Quantum autem pertinet ad consilium, sive complacitum, carnis interim concupiscentia, vitæque miseria reluctantem, minus quidem se liberam sentit: sed prorsus non malam, dum malo non consentit. Denique Paulus, qui captivum se in legem peccati trahi conqueritur, haud dubium quin ex minus plena libertate consilii: consensum tamen sanum, atque in bono quoque jam ex magna parte se habere liberum gloriatur, *Jam non ego, inquit, operor illud*. Unde hoc confidis, o Paule? *Quoniam consentio*, inquit, *legi Dei, quoniam bona est*; et rursum; *Condelector enim legi Dei secundum interiorem hominem* (Rom. xx, 16, 22). Oculo existente simplici, totum corpus lucidum esse præsumit. Sane consensu tractum licet peccato, vel captivum miseria, liberum se in bono profiteri non dubitat. Unde et fidens generaliter infert: *Nihil ergo damnationis est his qui sunt in Christo Jesu* (Rom. viii, 1).

## CAPUT XII.

*An negans fidem metu mortis ac pœnarum, excusetur a culpa, vel destituatur libero arbitrio. Ubi negatio Petri discutitur.*

38. Sed videamus de his qui pœnarum mortisve timore fidem verbo tenus negare compulsi sunt: **618** ne forte juxta hanc assertionem, aut culpa non fuerit, quod vel voce negaverunt; aut cogi in culpam et voluntas potuerit, ut vellet videlicet homo quod eum et nolle constiterit; et sic perierit liberum arbitrium. Quod quia impossibile erat (velle quippe et nolle idem eodem tempore non poterat), quæritur unde malum nequaquam volentibus malum debuit imputari. Neque enim tale est hoc, quale originale peccatum: quo non solum non consentiens, verum plerumque et nesciens, alia ratione constringitur necdum renatus baptisate. Exempli causa, veniat in medium Petrus apostolus: ipse quippe visus est negare Veritatem contra propriam voluntatem; siquidem aut negare, aut mori necesse erat. Mori timens negavit. Negare volebat, sed magis nolebat mori. Itaque invitus quidem: sed negavit tamen, ne moreretur. Quod si lingua, et non voluntate loqui homo compulsus est quod nolebat: non tamen velle aliud quam volebat. Lingua mota est contra voluntatem: sed nunquid et mutata voluntas? Quid enim volebat? Prorsus quod erat, Christi esse discipulus. Quid loquebatur? *Non novi hominem* (Matth. xxvi, 72). Cur ita? Mortem evadere volebat. Sed quid istud criminis fuit? Duas apostoli tenemus voluntates: unam, qua voluit non mori, penitus inculpabilem; alteram, et multum laudabi-

lem, qua sibi complacelat quod esset christianus. In quo ergo culpabitur? An in eo quod mentiri, quam mori maluit? Ilac plane voluntas reprehensione digna fuit, quia [al. qua] corporis magis, quam animæ voluit servare vitam. Os nempe quod mentitur, occidit animam (Sap. 1, 11). Et peccavit ergo, et non absque consensu propriæ voluntatis, infirmæ quidem et misere, sed plane liberæ. Peccavit autem, non spernendo aut odiendo Christum, sed se nimis amando. Nec in hunc perversum amorem sui, voluntatem metus ille subitus compulit; sed esse convicit. Jam tunc procul dubio talis erat, sed nesciebat, cum ab illo quem latere non poterat, audivit: *Præquam gallus cantet, ter me negabis* (Matth. xxvi, 34). Illa itaque voluntatis infirmitas per incussum **B** tiniorem nota, non orta, notum fecit quatenus se, quatenus Christum amaverit. Notum autem non Christo, sed Petro. Nam Christus et ante sciebat quid esset in homine. Quatenus ergo Christum diligebat, vim prorsus (quod negandum non est) passa est illa voluntas, ut contra se loqueretur: quatenus vero se, voluntarie procul dubio consensit, ut pro se loqueretur. Si Christum non amasset, non negasset invitus: verum si se amplius non amasset, non aliquatenus negasset. Fatendum igitur hominem fuisse compulsum, voluntatem propriam etsi non mutare, occultare tamen: compulsum, inquam, non quidem recedere ab amore Dei (164); cedere tamen aliquantulum amore sui.

39. Quid ergo? forte dissoluta est tota superior assertio de libertate voluntatis, quia nimirum inventa est cogi potuisse voluntas? Est plane: sed si cogi ab alio potuit quam a se ipsa. Quod si sese ipsa coegit, compulsæ, et compellens; ubi amittere ibi et recipere visa est libertatem. Vim quippe, quam ipsa sibi intulit, a se pertulit. Porro quod a se voluntas pertulit, ex voluntate fuit. Quod ex voluntate fuit, jam non ex necessitate, sed voluntarium fuit. Si autem voluntarium, et liberum. Quem sua denique ad negandum voluntas compulit, compulsus est quia voluit: imo non compulsus est, sed consensit, et non alienæ potentie, sed propriæ voluntati, illi utique, qua mortem omnimodis evadere voluit. Alioquin quando vox mulierculæ linguam sacram in verba fornare nefanda valuisset, si non linguæ domina voluntas annuisset? Denique cum se a sui postmodum nimio illo temperavit amore, et Christum cœpit, ut debuit, toto corde, tota anima, tota virtute diligere; jam nullis valuit minis **619** vel pœnis extorqueri aliquatenus voluntati [al. voluntas] dare linguam arma iniquitati, sed potius audacter accommodans veritati, *Obedire inquit, oportet Deo magis quam hominibus* (Act. v, 29).

**D** 40. Est sane gemina compulsio, secundum quod aut pati aliquid, aut agere contra propriam cogimur voluntatem. Quarum passiva quidem (sic enim prior

(164) Nempe actu amoris contrario. Quippe qui peccavit, non spernendo aut audiendo Christum, sed se nimis amando, supra.

illa recte nominatur) potest nonnunquam fieri absque consensu voluntario patientis, sed activa nunquam. Proinde malum quod sit in nos, sive de nobis, non est imputandum nobis, si tamen invitis. Cæterum quod sit a nobis, jam non sine culpa est voluntatis. Velle plane convincimur, quod non fieret, si nolle-mus. Est ergo compulsio quædam etiam activa : sed non habet excusationem, cum sit et voluntaria. Cogebatur christianus negare Christum, et quidem dolens, non tamen nisi volens. Volebat nimis [al. nimirum] gladium vitare ferientis; atque illa talis voluntas intus præsidens os aperiebat, non gladius qui foris apparebat. Porro talem esse illam voluntatem convincebat gladius, non cogebat. Ipsa igitur se in culpam, non gladius impellebat. Denique in quibus sana erat voluntas, occidi poterant, flecti nequibant. Hoc est quod eis prædictum fuerat, *Facient in vos quæcunque voverint* (Marc. ix, 12); sed in membra, non corda. Non vos facietis quæ voverint : sed ipsi facient, vos patiemini. Membra cruciabantur, sed voluntatem non mutabant : sævient in carnem, animæ autem non habebunt quid faciant (165). Sit licet patientis corpus in potestate torquentis, sed voluntas est libera. Infirmi si fuerit, sæviendo cognoscent; non esse cogent, si non fuerit. Sane infirmitas ejus a se ipsa est, sanitas vero non a se, sed a Domini Spiritu. Sanatur autem, cum renovatur.

41. Porro renovatur, cum, quemadmodum docet Apostolus : *Speculando gloriam Dei in eandem imaginem transformatur a claritate in claritatem*, hoc est de virtute in virtutem, *tanquam a Domini Spiritu* (II Cor. iii, 18). Inter quem utique divinum spiritum, et carnis appetitum, tenet medium quemdam locum id quod dicitur in homine liberum arbitrium, id est, humana voluntas : et tanquam in devertex latere montis admodum ardui inter utrumque pendens, ita in [al. ita] appetitu infirmatur per carnem, ut nisi sedulo spiritus adjuvet infirmitatem ejus per gratiam, non solum non valeat justitiæ, quæ est juxta prophetam *sicut montes Dei* (Psal. xxxv, 7), ascendendo de virtute in virtutem, apprehendere culmen : sed etiam de vitio semper in vitium suo ipsius pondere devoluta ruat in præceps; prægravata nimirum non solum lege peccati originaliter membris insita, verum et consuetudine terrene in habitationis usualiter affectionibus inoluta. Quod humanæ voluntatis videlicet utrumque gravamen uno breviter versiculo Scriptura commemorat, dicens : *Corpus, quod corrumpitur, aggravat animam, et deprimit terrena inhabitatio sensum multa cogitantem* (Sap. ix, 15). Et hæc duo hujus mortalitatis mala, sicut non nocent, sed exercent non consentientes :

A sic non excusant, sed damnant consentientes, ut nec salus, nec damnatio ulla ratione sine præcedenti consensu voluntario possit haberi; ne qua forte ex parte præscribi videatur libertati arbitrii.

## CAPUT XIII.

*Merita hominis mera esse Dei munera.*

42. Quamobrem id quod in creatura dicitur liberum arbitrium, aut juste profecto damnatur, dum ei ad peccatum nulla vi prædicetur extrinseca : aut misericorditer salvatur, cui ad justitiam nulla virtus sufficit sua (166). Sane in his omnibus cogitet lector 620 originalis peccati prorsus excipi rationem. De cætero, libero arbitrio nec extra ipsum quæraturn damnationis causa, quod jam non damnatur nisi propria culpa; nec ab ipso salutis merita, quod sola salvat misericordia. Cujus quippe conatus ad bonum, et cassi sunt, si a gratia non adjuvantur; et nulli, si non excitentur. Cæterum in malum, dicente Scriptura, *Præconi sunt sensus et cogitationes hominis* (Gen. viii, 21). Proinde non ei a se, ut dictum est, sed desursum potius a Patre luminum descendere merita putentur : si tamen inter data optima et dona perfecta, ipsa merito per quæ salus æterna conquiruntur, merita deputentur.

43. Deus namque rex noster ante sæcula, cum operatus est salutem in medio terræ, dona sua quæ dedit hominibus, in merita divisit et præmia : ut et præsentia per liberam possessionem nostra intecim fierent merita, et futura per gratuitam sponsonem expectaremus, imo expeteremus ut debita. Utraque C Paulus commemorans : *Habetis, inquit, fructum vestrum in sanctificationem, finem vero vitam æternam* (Rom. vi, 22) : item : *Et nos ipsi, ait, primitias spiritus habentes, ingemiscimus adoptionem expectantes* *filiorum Dei* (Rom. viii, 23); primitias spiritus vocans sanctificationem, id est virtutes, quibus in præsentiarum sanctificamur a spiritu, ut merito consequamur adoptionem. Rursum in Evangelio, eadem sæculo abrenuntianti promittuntur, ubi dicitur : *Centuplum accipiet, et vitam æternam possidebit* (Matth. xix, 29). Itaque non liberi arbitrii, sed Domini est salus; imo ipse salus, ipse et via est ad salutem, qui ait : *Salus populi ego sum* (Psal. xxxiv, 5) : qui item perhibet : *Ego sum via* (Joan. xiv, 6). Se fecit D viam, qui et salus erat et vita, ut non gloriatur omnis caro. Si ergo bona viæ sunt merita, sicut et patriæ salus et vita, et verum est quod ait David : *Non est qui faciat bonum, non est usque ad unum* (Psal. xlii, 3), illum videlicet unum de quo item dicitur : *Nemo bonus, nisi solus Deus* (Marc. x, 18) : Dei sunt procul dubio munera tam nostra opera, quam ejus præmia; et qui se fecit debitorem in illis, fecit et nos promeritores ex his. Ad quæ tamen condenda merita

(165) Sic habent codices Dionysianus, Cisterciensis, et alii duo. Horstius aliter : *Hoc est quod dictum est de Joanne*: Fecerunt ei quæcunque voverunt. Nunquid quod voluit ille? Ita et in reliquis martyres fecerunt; non quod martyres voverunt, sed quod ipsi. Fecerunt, inquam, in eos quæ voverunt, sed in

membra, non corda. Membra cruciaverunt, sed voluntatem non mutaverunt. Sævierunt in carnem, animæ autem non habuerunt quid facerent. Et ita in codice Colbertino.

(166) Quidam codices, nulla vis; Dionysianus, ad justitiam nullo modo sufficit sua.

dignatur sibi adhibere creaturarum ministeria (167), A 9). Ibi itaque Deus homini benigne merita constituit, ubi per ipsum, et cum ipso, boni quidpiam operari dignanter instituit. Hinc coadjutores Dei, cooperatores Spiritus sancti, promeritores regni nos esse praesumimus, quod per consensum utique voluntarium divinae voluntati conjungimur.

44. Operatur ergo illorum salutem, quorum nomina sunt in libro vitae, aliquando per creaturam sine ipsa, aliquando per creaturam contra ipsam, aliquando per creaturam cum ipsa. Multa profecto sunt hominibus salubria per insensibilem, et item per irrationalem creaturam: quæ idcirco dixi fieri sine ipsa, quod non queat, intellectu carens, esse vel conscia. Multa quoque multorum saluti utilia facit Deus per malos, sive homines, sive angelos: sed quoniam invitos, ideo contra ipsos. Nam, dum nocere cupientes juvant, quantum aliis valet utilis actio, tantum ipsis perversa nocet intentio. Porro per quos et cum quibus operatur Deus, boni sunt vel angeli, vel homines, qui quod vult Deus, et agunt pariter, et volunt. Qui enim bono, quod opere complent, voluntate consentiunt, opus omnino quod per eos Deus explicat, ipsis communicat. Unde Paulus, cum bona plurima, quæ Deus per ipsum fecerat, enarrasset: *Non autem ego, ait, sed gratia Dei mecum* (1 Cor. xv, 40). Potuit dicere: Per me, sed quia minus erat, maluit dicere, *mecum*: praesumens se non solum operis esse ministrum per effectum; sed et operantis quodammodo socium per consensum.

45. Videamus nunc secundum triplicem Dei operationem, quam posuimus, quid creatura quæque pro suo ministerio mereatur. Et illa quidem, per quam, et sine qua fit quod fit, quid mereri potest? quid illa contra quam fit, nisi iram? quid et cum qua fit, nisi gratiam? In prima itaque nulla, in sequenti mala, in ultima bona merita conquiruntur. Nec enim pecudes, 621 cum per eas bonum aut malum quodcumque fit, boni quidpiam mereantur, aut mali. Non habent quippe unde bono malove consentiant. Multo autem minus lapides; cum nec sentiant. Cæterum diabolus, vel homo malus, cum vigeant et vigilent ratione, jam quidem merentur, sed non nisi penam, pro eo quod a bono dissentiant. Paulus autem, qui volens evangelizat, ne, si invitus, dispensatio ei tantum credita sit (1 Cor. ii, 17); et quicumque similiter sapiunt: quoniam quidem ex consensu voluntatis obediunt, repositam sibi esse D confidunt coronam iustitiæ. Utitur ergo Deus in salutem suorum irrationabili, et item insensibili creatura, tanquam jumento vel instrumento, quæ jam expleto opere nusquam erunt. Utitur creatura rationali, sed malevola, quasi disciplinæ virga, quam, correcto filio, in ignem projiciet tanquam samentum inutile. Utitur et angelis et hominibus bonæ voluntatis, tanquam commilitonibus et coadjutoribus suis, quos peracta victoria amplissime munerabit. Denique et Paulus de se, suisque similibus, audacter pronuntiat: *Coadjutores enim Dei sumus* (1 Id. iii,

## CAPUT XIV.

*Quid gratia, quid libero arbitrio id negotio salutis attribendum.*

46. Quid igitur? hoc ergo totum liberi arbitrii opus, hoc solum ejus est meritum quod consentit? Est prorsus. Non quidem quod vel ipse consensus, in quo omne meritum consistit, ab ipso sit: cum B *nec cogitare* (quod minus est, quam consentire) *aliquid a nobis, quasi ex nobis sufficientes simus* (II Cor. iii, 5). Verba sunt non mea, sed Apostoli, qui omne quod boni esse potest, id est cogitare, et velle, et perficere pro bona voluntate, attribuit Deo (Philipp. ii, 13), non suo arbitrio. Si ergo Deus tria hæc, hoc est bonum cogitare, velle, perficere, operatur in nobis: primum profecto sine nobis; secundum, nobiscum; tertium, per nos facit. Si quidem immittendo bonam cogitationem, nos praevenit; immutando etiam malam voluntatem, sibi per consensum jungit: ministrando et consensui facultatem (168), foris per apertum opus nostrum inter-nus opifex innotescit. Sane ipsi nos praevenire nequaquam possumus. Qui autem bonum neminem C invenit, neminem salvat quem non praevenit. A Deo ergo sine dubio nostræ fit salutis exordium, nec per nos utique, nec nobiscum. Verum consensus, et opus, etsi non ex nobis, non jam tamen sine nobis. Neque primum itaque, in quo quippe nos nil facimus; nec ultimum, quod et plerumque extorquet aut timor inutilis, aut simulatio damnabilis; sed tantum medium nobis reputatur in meritum. Sola nempe interdum bona voluntas sufficit: cætera non prosunt, si sola defuerit. Non prosunt dixerim, sed agentis, non cernenti. Valet itaque intentio ad meritum; actio, ad exemplum; utramque praeveniens cogitatio, tantummodo ad excitandum [aliis, exercitandum.]

47. Cavendum ergo, ne cum hæc invisibiliter intra nos ac nobiscum acitari sentimus, aut nostræ voluntati attribuiamus, quæ infirma est; aut Dei necessitati, quæ nulla est; sed soli gratiæ, qua plenus est. Ipsa liberum excitat arbitrium, cum seminat cogitatum; sanat, cum immutat affectum; roborat, ut perducatur ad actum; servat, ne sentiat defectum. Sic autem ista cum libero arbitrio operatur, ut tantum illud in primo praeveniat, in cæteris comitetur; ad hoc utique praeveniens, ut jam sibi deinceps cooperetur. Ita tamen quod a sola gratia ceptum est, pariter ab utroque 622 perficitur: ut mistum,

(167) Id argumenti egregie tractatur in sermone 5 super Cantica.

(168) Codices quidam addunt, *vel facilitatem*, quod scribis anceps esset lectio hujus loci.



non singillatim; simul, non vicissim; per singulos A profectus operentur. Non partim gratia, partim liberum arbitrium, sed totum singula opere individuo peragunt. Totum quidem hoc, et totum illa; sed ut totum in illo, sic totum ex illa.

48. Creditimus placere lectori, quod a sensu Apostoli nusquam recedimus; et quaquaversum evagetur oratio, in eadem pene ipsius verba frequenter recidimus. Quid enim nostra aliud sonant quam illud: *Ergo neque volentis, neque currentis, sed miserentis est Dei?* (Rom. ix, 16.) Quod sane non ideo dicit, quasi quis velle aut currere possit in vanum: sed quod is qui vult et currit, non in se, sed in eo a quo accepit et velle, et currere, debeat gloriari. Denique ait: *Quid habes quod non accepisti?* (I Cor. iv, 7.) Crearis, sanaris, salvaris. Quid horum tibi ex te, o homo? quid horum non impossibile libero arbitrio? Nec creare qui non eras, nec justificare peccator, nec mortuus poteras te ipsum resuscitare: ut cetera prætermittam bona, quæ aut sanandis necessaria sunt, aut salvandis reposita. Quod dicimus, de primo patet et ultimo. Sed et de medio nemo dubitat, nisi qui ignorans Dei justitiam, et suam volens constituere, justitiæ Dei non est subjectus (Rom. x, 3). Quid enim? Agnoscis creantis potentiam, salvantis gloriam [al., gratiam]: et sanantis ignoras justitiam? *Saname, ait, et sanabor; salvum me fac, et solvus ero, quoniam laus mea tu es* (Jerem. xvii, 14). Iste justitiam Dei agnoscebat, a quo æque sperabat, tam sanari a peccato, quam a miseria liberari: et ideo laudem suam illum, non se, merito statuebat: Propter hoc, et David ingeminans: *Non nobis, inquit; Domine, non nobis, sed nomini tuo da gloriam* (Psal. cxlii, 9): quod utramque a Deo stolum, et justitiæ scilicet expectaret, et gloriæ. Quis est qui ignorat Dei justitiam? Qui se ipsum justificat. Quis est qui se ipsum justificat? Qui merita sibi aliunde, quam a gratia præsumit. Cæterum, qui fecit quod salvaret, etiam dat unde salvet. Ipse, inquam, merita donat, qui fecit quibus donaret. *Quid retribuam, inquit, Domino pro omnibus, non quæ tribuit, sed quæ retribuit mihi?* Et quod est, et quod justus est a Deo esse confitetur: ne, si utrumlibet negaret, utrumque perderet, amittendo utique unde justus est, et sic damnando quod est. Sed sic vel tertio loco invenit quod vicissim rependeret: *Calicem, ait, salutaris accipiam*. Calix salutaris, sanguis est Salvatoris. Ergo, si deest tibi omnino de tuo, quod vel secundis Dei donis retribuas, unde tibi salutem præsumis: *Nomen Domini, inquit, invocabo* (Psal. cxv, 12, 13), quod nimirum quicumque invocaverit salvus erit (Rom. x, 13).

49. Igitur qui recte sapiant, triplicem constituent operationem, non quidem liberi arbitrii, sed divinæ gratiæ in ipso, sive de ipso. Prima, creatio; secunda, reformatio; tertia est consummatio. Primo namque

in Christo creati sumus in libertatem voluntatis: secundo reformamur per Christum in spiritum libertatis; cum Christo deinde consummandi in statum æternitatis. Siquidem quod non erat, in illo creari oportuit qui erat; per formam reformari deformem (169); membra non perfici nisi cum capite. Quod utique tunc complebitur, cum omnes occurremus in virum perfectum, in mensuram ætatis plenitudinis Christi (Ephes. iv, 13): quando apparente Christo vita nostra, apparebimus et nos cum ipso in gloria (Coloss. iii, 4). Cum igitur consummatio fieri habeat de nobis, sive etiam in nobis, non autem a nobis; creatio vero facta sit et sine nobis: sola, quæ nobiscum quodammodo sit propter consensum voluntarium nostrum, in merita nobis reputabitur reformatio. Ipsa sunt jejunia nostra, vigiliæ, continentia, opera misericordiæ, cæteraque virtutum exercitia, per quæ utique constat interiorem hominem nostrum renovari de die in diem: dum et intentio terrenis incurvata curis, de imis paulatim ad superna resurgit; et affectio circa carnis desideria languens, sensim in amorem spiritus convalescit; et memoria veterum operum turpitudine sordens, novis bonisque actibus candidata in dies hilarescit. In his namque tribus interior renovatio 623 consistit: rectitudine scilicet intentionis, puritate affectionis, recordatione bonæ operationis, per quam sibi bene conscia memoria enitescit.

50. Verum hæc cum certum sit divino in nobis actitari Spiritu, Dei sunt munera: quia vero, cum nostræ voluntatis assensu, nostra sunt merita. *Non enim vos estis, inquit, qui loquimini, sed Spiritus Patris vestri qui loquitur in vobis* (Matth. x, 20): et Apostolus: *An experimentum ejus queritis, inquit, qui in me loquitur Christus?* (II Cor. xiii, 3.) Si ergo Christus, aut Spiritus sanctus loquitur in Paulo, non etiam itidem operatur in ipso? *Non enim loquor, ait, quæ per me non efficit Deus* (Rom. xv, 18). Quid ergo? si non Pauli, sed Dei loquentis in Paulo, vel operantis per Paulum, et verba sunt, et opera; ubi jam Pauli merita? ubi est quod tam fidenter aiebat: *Bonum certamen certavi, cursum consummavi, fidem servavi: de reliquo reposita est mihi corona justitiæ, quam reddet mihi Dominus in illa die justus judex?* (II Tim. iv, 7, 8.) An in eo forte confidit sibi coronam esse repositam, quod per ipsum illa fiebant? Sed multa per malos, sive angelos, sive homines, sunt bona; nec tamen reputantur illis in merita. An quia potius et cum ipso, hoc est cum ejus bonæ voluntate, fiebant? Nam si irritus, inquit, evangelizaverò, dispensatio mihi credita est: si autem volens, gloria est mihi (I Cor. ix, 17).

51. Cæterum si vel ipsa voluntas, de qua omne meritum pendet, ab ipso Paulo non est; quo pacto eam, quam sibi repositam præsumit, coronam vocat justitiæ? An quoniam juste, jam et ex debito requi-

(169) Ita scripti nostri tres: Horstio sic: in illo creari oportuit: quod erat per formam reformari de ornam: sed mendosa lectio et interpunctio.

ritur, quodcumque vel gratis promittitur? Denique ait: Scio cui credidi, et certus sum quia potens est depositum meum servare (II Tim. i, 12). Dei promissum, suum appellat depositum: et quia credidit promittenti, fidenter promissum repetit. Promissum quidem ex misericordia, sed jam ex iustitia persolvendum. Est ergo quam Paulus exspectat, corona iustitiæ: sed iustitiæ Dei, non suæ. Iustum quippe est ut reddat quod debet: debet autem quod pollicitus est. Et hæc est iustitia, de qua præsumit Apostolus, promissio Dei: ne si hanc contemnens, suam velit statuere, iustitiæ Dei non sit subjectus, cujus tamen suæ iustitiæ ipsum Deus voluit habere consortem, ut et coronæ faceret promeritorem. In eo enim sibi iustitiæ consortem, et coronæ statuit pro-

meritorem; cum operum, quibus erat illa reposita corona, habere dignatus est coadjutorem. Porro coadjutorem fecit, cum fecit volentem, hoc est suæ voluntati consentientem. Itaque voluntas in auxilium, auxilium reputatur in meritum. Si ergo a Deo voluntas est; et meritum. Nec dubium quin a Deo sit et velle, et perficere pro bona voluntate. Deus igitur auctor est meriti, qui et voluntatem applicat operi, et opus explicat voluntati (*al.*, voluntatis). Alioquin, si proprie appellentur ea, quæ dicimus nostra merita; spei quædam sunt seminaria, charitatis incentiva, occultæ prædestinationis indicia, futuræ felicitatis præsagia, via regni, non causa regnandi. Denique, quos justificavit, non quos justos invenit, hos et magnificavit (*Rom. viii, 30*).

## ADMONITIO IN OPUSCULUM X.

**624** 1. Et hæc epistola, quæ alias septuagesima septima esse solebat, in tractatum classem relata est ab Florio. Inscrubitur in vetustis libris, « ad magistrum Hugonem de Sancto-Victore. » Duo fuerunt eodem tempore Hugones in abbacia Sancti-Victoris apud Parisios: unus scriptis clarus, de Sancto-Victore appellatus, ad quem hæc epistola, Lothariensis seu Iprensis, non Saxonicus, dictus in fragmento quod retuli in tome primo *Analectorum*, mortuus anno 1142, ac proinde ante Eugenii tertii pontificatum: alter ab ipso Eugenio laudatus in epistola ad Sugerium, quæ epistola inter Sugerianas est sexagesima octava. Eugenii hæc verba sunt: « Quia ergo dilectus filius noster Hugo, canonicus Sancti-Victoris, ad nos rediturus est; benevolentiam tuam rogamus, quatenus ei equitaturam unam et expensas, quæ pro ipsa et ejus assessoris in reditu sibi sufficiant, largiaris. » Ad primum revertor, cujus epistola, quæ huic occasionem dedit, in editis ejus operibus desideratur.

2. Argumentum hujus epistolæ est contra quemdam anonymum, cujus sententia erat; primo, Baptismi præceptum obligasse, ex quo primum Nicodemo dictum est a Christo Domino, Nisi quis renatus fuerit, etc. secundo, Neminem absque Baptismo, vel saltem ejus vice martyrio, ullatenus potuisse salvari; tertio; Patres Veteris Testamenti tam claram habuisse notitiam de Incarnatione, quam Christianos; quarto: Nullum esse peccatum ex ignorantia; quinto: Bernardum errasse, cum scripsit in homiliis super Missus est, Angelos latuisse Dei consilium de Incarnatione.

3. Quis fuerit iste anonymus, non facile divinare licet. Quidam esse putant Joannem archiepiscopum Hispalensem, ad quem Hugo Victorinus epistolam scripsit, cujus argumentum est, non solum corde, sed etiam ore confitendam fidem, quam Joannes ipse ore negaverat. Sed nihil ex illa epistola colligitur ad stabilendam hanc conjecturam. Exstat in tomo tertio *Operum Hugonis Victorini*, libro primo *Miscellaneorum*, capite octavo. Verisimilius esset, anonymum istum non alium esse ab Hugone Farsito, quem de Sacramentis nonnulla haud recte sensisse patet ex Bernardi epistola trigesima quinta, ad ipsum. « Quia inter amicos contra veritatem nulla debet esse meticulosa, cum sit periculosa, palpatio; hoc me, fateor, morit et moveat, quod illam inter nos jam ante habitam de Sacramentis collationem, in principio prædicti opusculi defendere et astruere conati estis. In qua utique collatione, si vestra summam sententiæ bene meministis, an sensui conveniat ecclesiastico, vos videritis. Vestra autem ingenuæ humilitatis est non erubescere corrigi, si quid aliquando aliter sapuistis. » Verum cum Bernardus Hugone Victorino rogante, adversarii auctoris, cujus nomen lacuerat Hugo, nec Bernardus ipse sciebat, assertionibus responderit; de alio quam de Hugone Farsito, cujus sententiam et nomen haud ignorabat Bernardus, sequens epistola intelligenda forsitan nonnullis videbitur. Quoniam reponi potest collationem illam, de qua Bernardus agit in epistola trigesima quinta, esse fortasse posteriorem hac epistola septuagesima septima, quam cum scriberet Bernardus, nondum rescierat quis esset auctor illius sententiæ, quam hac in epistola impugnatur. Ut sit, hæc epistola non est contra Abelardum, cujus nomini haud peperisset Hugo: tametsi Abelardus quædam habet affinitas iis, quæ carpit hoc in loco Bernardus. De tempore scriptæ epistolæ id tantum asserere possumus, eam ante annum 1142, quo mortuus est magister Hugo Victorinus, scriptam fuisse.

**S. BERNARDI ABBATIS**  
**AD HUGONEM DE SANCTO VICTORE**  
**EPISTOLA SEU TRACTATUS,**  
**DE BAPTISMO ALIISQUE QUÆSTIONIBUS AB IPSO PROPOSITIS.**

**625 PRÆFATIO.**

Si tibi videor tardius rescripsisse, scito me tarde quoque accepisse ad quod rescriberem. Nam quod miseras, non continuo ad me usque perlatum est, sed Pontiniaci diu ante retentum. Porro ubi accepi, moram minime feci in rescribendo. Cæterum id brevius, quam tua forte deposcebat intentio: sed non plane quam mea occupatio sineret. Curavi tamen ne te utcumque lateret quidquid super interrogatis ego sentirem, tuo sane eadem mea sensa et otio, et ingenio plenius astruenda relinquens, si ita oportere cognoveris. Nec dubito ad manum tibi esse rationes certas, et congruas auctoritates, quibus facile id possis. Is ergo, cuius me respondere assertionibus jubes, et nomen taces, tibi noverit a me super consultis quod sentio dictum, non sibi contradictum, etiamsi quid aliter ab ipso sapimus. Nam si verum nos sapimus, veritas ei contradicit, non nos. Sed enim si non confunditur acquiescere veritati, et veritas cum eo sepi, et nos. Sin autem, servum Dei tamen non oportet litigare, sed magis patientem esse ad omnes (II Tim. ii, 24). Ideoque non quarimus pugnas verborum; novitates quoque vocum juxta apostolicam doctrinam evitamus. Patrum tantum opponimus sententias, ac verba proferimus, et non nostra: nec enim sapientiores sumus quam patres nostri. Abundet sane in suo sensu qui vult quantum vult, dummodo nos patiatur in Scripturarum sensibus abundare, quomodo dicit Apostolus: *Non quod sufficientes simus cogitare aliquid a nobis, tanquam ex nobis; sed sufficientia nostra ex Deo est* (II Cor. iii, 5).

**CAPUT PRIMUM.**

*Non obligasse Baptismum, ex quo dictum fuit Nicodemus, « Nisi quis renatus, » etc.*

1. Scribis itaque quemdam asserere nescio quem (nam non nominas) ex quo primum dictum a Domino legitur: *Nisi quis renatus fuerit ex aqua et Spiritu sancto, non intrabit in regnum celorum* (Joan. iii, 5); ex eo neminem absque eodem percepto actualiter visibili sacramento, vel ejus vice martyrio, ullatenus potuisse salvari; sed etsi forte illud quispiam cum vera fide et contritione cordis expeteret, sed præventus mortis articulo assequi quod cuperet non valeret, tamen omnino damnari. Ubi

A primo de temporis quidem præfixione durum nimis austerumque videtur, ut videlicet verbum adhuc absconditum palam jam noceat, et ante iudex seriat quam minetur; quodque interim in tenebris loquitur et in aure Salvator, nondum quidem salvet, quia nondum apparet, et jam mundum impleat condemnatis. Itane ergo verbum salutis et præceptum vitæ non prius vitam restituere valuit, quam mortem inflixerit; idque eo innocentibus, quo et ne scientibus adhuc voluntatem Domini sui? Num gentem ignorantem et justam (ut cum ethnico loquamur) debuit interficere Deus? (Gen. xx, 4.) Quis ita sapiat? Non equidem vitæ concordat Auctori, morte nimirum, quam exterminare venerat, uti mox in initio viarum suarum ad præjudicium sæculi, cœlesti adhuc recentissimum ignorantis edictum. Nefas est profecto sentire de omnium largitore bonorum, quod tam malum principium dederit adveniens. Minime prorsus id **626** ego cuipiam de Christis assenserim, quod magis ab Antichristo merito formidatur, quia videlicet et ipse paraverit sagittam suam in pharetra, ut sagittaret in obscuro rectos corde.

2. Quanti namque interim toto orbe non baptizati moriuntur, profecto ignorantes, quid cum Nicodemus Jesus noctu secretoque confabuletur? Quid ergo? necdum lex promulgatur, et jam prævaricantes tenentur? Et quomodo, inquit, *credent in eum quem non audierunt? quomodo vero audient sine prædicante? quomodo autem prædicabunt nisi mittantur?* (Rom. x, 14, 15). Necdum injuncta, necdum vulgata, necdum audita prædicatio est: et juxta pigri ac nequam servi sententiam tam durus est Dominus, ut necdum sata jam metere velit, et non sparsa colligere? Absit. Sed audi magis hujus rei veritatem. Qui unus est Magister in cœlo et in terra, ei qui magister tantum in Israel erat, familiari privatoque colloquio tradebat quod traderet; docebat quod doceret, non quod exigeret et ab absentibus, non unde præscriberet et his qui non audierant. Valde quippe injuste exigitur obeditio, ubi non præcessit auditio. Neque enim tale est hoc, quod et absque promulgatione naturalis lex ignorare non sineret, quale, verbi gratia, illud est: *Quod tibi non vis fieri, alii ne feceris* (Tob. iv, 16). Facilius magis quodammodo est, et non naturale



mandatum. Quænam enim natura seu ratio docet, A nisi per lavacrum emundari minime potuerunt. At vero quis nesciat et alia præter Baptismum contra originale peccatum remedia antiquis non defuisse temporibus? Abrahæ quidem et semini ejus, circumcisionis sacramentum in hoc ipsum divinitus traditum est (*Gen* xvi, 10). In nationibus vero, quotquot inventi sunt fideles, adultos quidem fide et sacrificiis credimus expiatis, parvulis autem solam profuisse, imo et sufficisse parentum fidem. Porro hoc ita quidem usque ad Baptismi tempora perdurasse: quo uno substituto, vacassent cætera.

5. Querimus itaque Baptismi tempus ex quo cæperit. Ex quo, inquit, primum dictum est: *Nisi quis renatus fuerit*, etc. Tene ergo firmiter dictum hoc ad Nicodemum, utique amicum Jesu, occultum tamen propter metum Judæorum; occultumque illud de nocte requisivisse colloquium. Quanta autem putas obisse interim (ut de gentibus tacemus) millia circumcisorum, cum necdum in lucem proderit quod de Baptismo tunc in tenebris dicebatur? Quid ergo? damnatos illos omnes dicimus, quia baptizati non sunt? Fit ergo injuria antiquo illi Dei æque mandato, si novo adhuc furtive quodammodo superveniente, non tamen subveniente, illud ita subito evanuisse putetur, ut prodesse deinceps non valeat. Et quidem quam longe post putas publice prædicatum et clamatum super tecta fuisse: Si circumcidamini, Christus vobis non proderit? (*Galat.* v, 2.) Quomodo deinde stabit illud, quia a diebus Joannis Baptistæ regnum cælorum rim patitur (*Matth.* xi, 12), si præcipue tunc temporis contigisse constiterit hujusmodi a regno violentam interclusionem, qualis quidem nec ante fuerit, nec post futura sit? Sancto quippe novi mysterii decreto, sed adhuc secreto; quisnam, quæso, morientibus interim ad regnum patet accessus, dum et vetus jam defuit, quoniam a novo excluditur: et novum tamen non subvenit, quoniam, dum nescitur, non percipitur? O infelicissima illa tempora! quæ sola a sæculis omni penitus a cunctis remedio vacua transierunt, dum et circumcisio quæ illo usque vigerat, prodesse jam subripiente Baptismo non auderet: et Baptisma, quoniam adhuc lateret, non succurreret! Forsan dormiebat eo tempore Deus, nec fuit interim qui redimeret, neque qui salvum faceret.

3. Multa profecto scienda nesciuntur, aut sciendi incuria, aut discendi desidia, aut verecundia inquirendi. Et quidem hujusmodi ignorantia non habet excusationem. Sed numquid forte tale est hoc, quod inquisitum humano possit addisci magisterio? Homo hominis non nisi ipso indicante cogitatum intelligit: quanto minus divinum quis poterit investigare consilium, nisi cui ipse voluerit revelare? Audi denique ipsum. Si non venissem, ait, et locutus eis non fuisset, peccatum non haberent. Non dicit simpliciter. Et locutus non fuisset; sed interserens eis, et locutus eis, inquit, non fuisset: ostendens sine dubio non ante censi inexcusabiles de contemptu, quam ad ipsorum usque notitiam jussio perveniret. Nam si locutus quidem fuisset, sed non eis; inobedientiæ culpam ignorantia nihilominus excusaret. Nunc autem, inquit, quoniam locutus sum, et locutus sum eis, excusationem non habent de peccato suo (*Joan.* xv, 22). Unde et aiebat: *Ego palam locutus sum mundo, et in occulto locutus sum nihil* (*Joan.* xviii, 20). Non 627 quod suos domesticos multa in occulto privatimque non docuerit: sed quod tanquam nihilum interim reputaret; et nec pœnam, nec præmium ea agere (171) quæ in secreto tradebat, judicaret, donec de medio fierent, et prodirent in lumine. Denique et dicebat: *Quod dico vobis in tenebris, dicite in lumine* (*Matth.* x, 27); ut merito videlicet jam audientibus obedientiæ vel meritum adscriberet, vel contemptum, cum in medio proferrentur. Item: *Qui vos audit, inquit, me audit; et qui vos spernit, me spernit*: ac si diceret, Judicium meum inter obediētes et contemnentes, non de mea secreta traditione, sed de vestra publica prædicatione pendit.

4. Sed forte aliquis dicat, eos quidem qui non audierunt, etsi non de contemptu judicari, damnari tamen propter originale peccatum, a quo utique

(170) Compendiensis codex addit, qui fidem gentibus prædicant.

## CAPUT II.

Baptismi obligationem cæpisse primum post sufficientem ejus promulgationem. In necessitatis tamen articulo sufficere Baptismum fide et voto susceptum, sicut et martyrium.

6. Satis profecto ex his, quantum reor, apparet, quod damnatio non baptizatorum, et frustratio circumcisorum, et evacuatio sacrificiorum, quæ forte contra originale peccatum ritus observabat antiquus, generaliter jam tunc minime cæperit, quando

(171) Ita scripti omnes cum editiis primis: posteriores, augere.

Nicodemus clam dictum est : *Nisi quis renatus fuerit ex aqua et Spiritu sancto, non intrabit in regnum celorum* (Joan. iii, 5). **628** Sed nec quando Apostolis palam injunctum est, *Ite, docete omnes gentes, baptizantes eos in nomine Patris, et Filii, et Spiritus sancti* (Matth. xxviii, 19) : sed ex eo tempore tantum cuique cepit antiqua observatio non valere, et non baptizatus quisque novi præcepti reus existere, ex quo præceptum ipsum inexcusabiliter ad ejus potuit pervenire notitiam. Sane parvulis et necdum ratione utentibus, quia sola nocere creditur peccati contagio, non etiam mandati prævaricatio ; tandiu credendum est antiqua valuisse sacramenta, quandiu palam interdicta non fuisse constiterit. An vero ultra ? Penes Deum est, non meum definire. Porro in majori ætate quisquis post vulgatum ubique Baptismi remedium renuit jam baptizari, generali originalique maculæ addit et ex proprio crimen superbiæ, duplicem secum portans justissimæ damnationis causam, si sic de corpore exire contigerit. Tamen si ante exitum resipuerit, et voluerit, et petierit baptizari, sed mortis præoccupatus articulo forte obtinere nequiverit ; dum non desiit fides recta, spes pia, charitas sincera : propitius sit mihi Deus, quia huic ego ob solam aquam, si defuerit, nequam omnino possum desperare salutem, nec vacuum credere fidem, nec confundere spem, nec excidere charitatem : tantum si aquam non contempnus, sed sola, ut dixi, prohibeat impossibilitas. Si quis aliter sapit, viderit unde sibi quod asserit persuaserit : nam me non facile fateor assentire, si non firmiter induxerit vel ratio ad intelligendum, vel ad credendum auctoritas.

7. Sed miror admodum, si novus iste novarum inventor assertionum, et assertor inventionum, invenire in hoc rationem potuerit, quæ sanctos Patres latuerit Ambrosium et Augustinum, sive auctoritatem eorumdem auctoritate potiore. Nam si nescit, uterque idem profecto sensit, quod fatemur sentire et nos. Librum certe Ambrosii de morte Valentiniani legat (172) si non legit ; recolat si jam legit ; non dissimulet si recolit : et advertet sine dubio, Sanctum homini non baptizato et mortuo fidenter de sola fide salutem præsumere, et tribuere indubitanter bonæ voluntati, quod defuit facultati (*De Obitu Valent. versus finem*). Legat et Augustini de unico Baptismo librum quartum : et se vel agnoscat imprudenter decēptum, vel probeat impudenter obstinatum. « Baptismi, » inquit, « vicem aliquando implere passionem, de latrone illo, cui non baptizato dictum est, *Hodie tecum eris in paradiso* (Luc. xxiii, 43), beatus Cyprianus, non leve documentum assumit. » Et addit : « Quod etiam atque etiam considerans, invenio, » inquit, « non tantum passionem pro nomine Christi id quod ex Baptismate deerat posse

A supplere ; sed etiam fidem conversionemque cordis, si forte ad celebrandum mysterium Baptismi in angustiis temporum succurri non potest. » Et infra : Quantum itaque, » ait, « valeat etiam sine visibili sacramento Baptismi quod ait Apostolus : *Corde creditur ad justitiam, ore autem confessio fit ad salutem* (Rom. x, 10), in illo latrone declaratum est. Sed tunc, » inquit, « impletur invisibiliter, cum mysterium Baptismi non contemptus religionis, sed articulus necessitatis excludit (*De Baptismo contra Donatistas*, lib. iv, cap. 22, n. 29). » Et quidem non ignoro retractare ipsum id quod posnerat testimonium de latrone, minusque idoneum ad comprobandum illam sententiam confiteri, eo quod sane incertum sit utrumne fuerit baptizatus (*Retract.* lib. ii, cap. 48, 55). Cæterum sententiam et audacter prosequitur, et multipliciter confirmat ; nec uspiam, nisi fallor, retractasse reperies. Item in alio loco Augustinus, cum aliquos præmisisset, quos Scriptura commemorat invisibiliter quidem, non tamen etiam visibiliter sanctificatos, tandem infert : « Ex his colligitur, » ait, « invisibilem sanctificationem quibusdam adfuisse et profuisse sine visibilibus sacramentis, quæ pro temporum diversitate mutata sunt, ut alia tunc fuerint, et alia modo sint. » Et paulo post : « Nec tamen, » inquit, « visibile sacramentum omnino contemnendum : nam contemptor ejus invisibiliter sanctificari **629** non potest (*Quæst. in Leviticum*, quæst. 84). » Ubi satis evidenter ostendit, fidem et conversum ad Dominum, non si nequiverit, sed si contempserit baptizari, fructu privari Baptismatis.

8. Ab his ergo duabus columnis, Augustinum loquor et Ambrosium, crede mihi, difficile avellor. Cum his, inquam, me aut errare, aut sapere fateor : credens et ipse, sola fide hominem posse salvari, cum desiderio percipiendi sacramentum : si tamen pio adimplendi desiderio mors anticipans, seu alia quæcunque vis invincibilis obviaret. Vide etiam ne forte ob hoc Salvator cum diceret : *Qui crediderit et baptizatus fuerit, salvus erit* ; caute et vigilanter non repetierit, Qui vero baptizatus non fuerit ; sed tantum : *Qui vero, inquit, non crediderit, condemnabitur* (Marc. xvi, 16) : nimirum innuens solam inter-  
D dum fidem sufficere ad salutem, et sine ipsa sufficere nihil. Quapropter etsi martyrium vicem Baptismi posse implere conceditur, non plane hoc facit poena, sed ipsa fides. Nam absque ipsa quid est martyrium, nisi poena ? Quæ ergo martyrio præstat, ut absque ulla dubietate pro Baptismate reputetur ; ipsa ita infirma et imbecillis per se erit, ut quod dare alteri valet, sola non valeat obtinere ? Et prorsus sanguinis pro Christo effusio magnæ cujusdam fidei indubitata probatio est, non Deo tamen, sed hominibus. Sed qui si Deus profecto ad probandum

(172) Mira est hac in re Abælardi impudentia, qui cum sentiret, catechumenos solo Baptismi vice martyrio salvari posse, ut in Epistola ad Romanos, pag. 564, et in epistola 7 ad Heloissam, pag. 129,

Ambrosium ait *contraria fidei* hac in re scripsisse, ad dolorem Valentiniani sororum de eius morte leniendum.

quod vult, nullis indiget experimentis, æque magnam in corde cuiuspiam in pace morientis inspicit fidem, martyrio quidem non interrogatam, martyrio tamen idoneam? Si recordatus fuerit homo, necdum se salutis percepisse mysterium, et dolens poenitensque toto desiderio expetierit, sed assequi mortis celeritate præoccupatus nequiverit; damnabit fidelem suum Deus? damnabit, inquam, hominem pro se etiam paratum mori? Paulus dicit: *Nemo potest dicere, Dominus Jesus, nisi in Spiritu sancto* (I Cor. xii, 3). Hunc ergo qui in articulo mortis non solum invocavit Dominum Jesum, sed ipsius quoque toto desiderio expetit Sacramentum; dicemus aut non loqui in Spiritu sancto, et falsus erit Apostolus; aut et cum Spiritu sancto damnari? Salvatorem habet habitantem per fidem in corde, et in ore per confessionem; et cum Salvatore damnabitur! Pro certo, cum non aliunde martyrium, nisi ex fidei merito illam obtinuerit prærogativam, ut singulariter vice Baptismi secure suscipiatur: non video cur non ipsa æque et sine martyrio apud Deum tantumdem possit, cui et sine martyrii probamento procul dubio innotescit. Possit sane tantumdem, dixerim, quantum ad salutis spectat obtentum, non autem ad meriti cumulum, quo indubitanter martyrium antecellit. Legimus, *Omnis qui odit fratrem suum, homicida est* (I Joan iii, 15); et item: *Qui viderit mulierem ad concupiscendum eam, jam nuchatus est in corde suo* (Matth. v. 28). Quid planius, quod voluntas profecto reputetur, ubi factum excludit necessitas? Nisi forte putetur in malo, quam in bono efficacior inveniri voluntas apud Deum qui charitas est; et promptior esse ad ulciscendum, quam ad remunerandum misericors et miserator Dominus. Quomodo is qui alieno debito se teneri forte in extremis positus recollit, si desit unde persolvat, sola nihilominus poenitentia et cordis contritione obtinere veniam creditur, ne jam pro eo damnetur: sic sola fides et mentis ad Deum conversio, sine effusione sanguinis, et sine perfusione aquæ, salutem sine dubio operatur volenti, sed non valenti, prohibente mortis articulo, baptizari. Et sicut nulla illi poenitentia remittitur peccatum, si, cum possit, non restituit ablatum: sic et huic nulla proderit fides, si cum possit, non percipit Sacramentum. Quanquam et fidem convincitur non habere perfectam, si negligit.

**630** Vera enim et plena fides universa præcepta complectitur: est autem hoc unum ipsumque præcipuum ex præceptis. Merito ergo non infidelis, sed plane rebellis atque contemptor reputabitur, quisquis obedire renuerit. Quomodo denique fidelis, qui Dei contemnit Sacramentum?

9. Sane infantes, quia hanc, prohibente ætate, non possunt habere fidem, hoc est cordis ad Deum conversionem; consequenter nec salutem, si absque Baptismi perceptione moriuntur. Non quod vel ipsi, quando baptizantur, fide omnino careant, sine qua impossibile est vel ipsos placere Deo: sed salvantur et ipsi per fidem, non tamen suam, sed alienam.

A Dignum nempe est et ad Dei spectat benignitatem, ut quibus fidem ætas denegat propriam, gratia prodesse concedat alienam. Nec enim Omnipotentis iustitia propriam putat ab his exigendam fidem, quos novit propriam nullam habere culpam. Porro aliena opus est fide, cum sine sorde non nascantur aliena: quatenus nec a parvulis alienum sit, quod de omnibus generaliter dicitur, *Fide mundans corda eorum* (Act. xv, 9). Nec dubium, quod macula contracta ab aliis, aliorum quoque fide valeat vel debeat emundari. Hæc sunt quippe iudicia divine iustitiæ, in quibus exsultans sanctus David, *Memor fui, inquit, iudiciorum tuorum a sæculo, Domine, et consolatus sum* (Psalm. cxviii, 52). Hucusque de his.

### CAPUT III.

*Justos Veteris Testamenti non tam claram habuisse notitiam futurorum mysteriorum fidei, quam nos habemus præteritorum.*

10. Asserit præterea, ut dicis, ille quem dicis, omnes antiquos justos, quotquot videlicet Christi adventum præcesserunt, tantam omnino habuisse præscientiam futurorum, quantam nos, qui post sumus, præteritorum scientiam: ita ut nullus vel simplicium justorum aliquid prorsus ignoraret ex omnibus, quæ modo nobis evangelica pandit historia. Verbi gratia, Verbum incarnatum, partum virginalem, doctrinam Salvatoris, miracula, crucem, mortem, sepulturam, descensum ad inferos, resurrectionem, et ad cælos ascensionem, sic omnino omnibus illorum temporum iustis, et aperte omnia, et distincte singula fuisse præcognita, quemadmodum suo sunt tempore post exhibita, et modo cognita nobis: adeo ut nec justi fuerint, nec salvi sint, quibus ita clara omnia et perspicua non fuerunt. Et id quidem falsum.

11. Verum ad refellendum tu tanta in tua epistola posuisse videris [al. tu tantum in tua epistola enituiti], ut nil addendum penitus putem; et pene quid addi possit, non inveniam. De homine tamen qui ista loquitur (pace ipsius dico paucis quod sentio), videtur mihi plus novitatis curiosus, quam studiosus veritatis; gravarique de omni re sentire cum aliis, et dicere quod aut solus non dixerit, aut primus. Unde fit ut in his quæ sentit vel loquitur, modum omnino tenere aut ignoret, aut dissimulet. Ecce enim et in hac assertione sua, dum pares in scientia facit omnes qui ventura sperabant, iis qui præterita legunt; Deum profecto aut nimis parcum prædicat, aut nimis largum, oculum discretionis ex nulla parte aperiens. Aut enim numerum electorum illius temporis sub paupertate redigit rarissimorum spiritualium, quos pro suæ sanctitatis speciali excellentia insignes illustresque illis temporibus existisse, ac singulari munere Spiritus singula, uti ventura erant, prævidere certissime potuisse Scriptura commemorat; et sic nimis abbreviat manum Dei, dum præter paucos illos perfectissimos, neminem eo tempore putat potuisse salvari: aut certe, si et illa



tempora multitudinem salvandorum **631** etiam A præter istos habuisse non diffitetur; magnam, sed inauditam divini muneris largitatem veteri populo collatam asserit: siquidem omnem illam multitudinem omnia, quæ de mysterio nostræ redemptionis superius enumerata sunt, liquido præcognovisse constiterit. Cum enim ex his quidpiam tunc nec scriptum manifeste, nec publice prædicatum fuisse manifestum sit: restat ut fateamur omnia omnibus per Spiritum revelata fuisse; et sic omnes spirituales, omnes perfectos, omnes exstitisse prophetas, quotquot ab adventu Domini retro justi et salvi fuerunt. Fuit itaque antiquis temporibus aut perrara alius, aut nimium numerosa perfectio: quorum quidem quodlibet sapere, discretionis terminos excedere est.

12. Quod si videtur tolerabilius, imo et Deo dignius [al. justius] iudicatur, replese potius et ditasse sæcula illa multitudinem perfectorum, quam salvandorum tanta fuisse paucitate contentum, quatenus ei salvi non pauci tunc fierent, et omnes nihilominus repleti spiritu prophetico, necdum revelata mysteria jam tunc penetrarent: si, inquam, hoc recipitur, benedicimus quidem Deum in donis suis; sed quid tempori gratiæ reservatum sit, non videmus: nisi quod tempus gratiæ illud potius juxta sententiam hanc fuerit appellandum, in quo tot et tantæ Dei populo divitiæ spiritus affluébant; ut illud prorsus incredibili felicitate cerneretur impletum, quod Moyses optabat, cum diceret: *Quis dabit ut omnes prophetent?* (Num. xi, 29.) Quæso, quid simile attulit Evangelium? Frustra gloriatur Paulus de primitiis spiritus, quas se putat cum suis cospostolis accepisse; cum nil tale in diebus suis potuerit experiri. Denique aiebat: *Numquid omnes prophetæ?* (1 Cor. xii, 29.) Frustra, inquam, gloriatur de Evangelio suo, quia non ab homine, neque per hominem illud acceperit, sed quasi speciali quadam prærogativa per revelationem Jesu Christi (Galat. i): cum et ante ipsum per Spiritum sanctum fuerit etiam populis revelatum. Sed nec apostolus Petrus profecto debuit propheticum illud ad sua tempora retorquere, *Effundam de Spiritu meo super filios et filias vestras, et prophetabunt filii vestri et filiæ* (Act. ii, 17; Joel ii, 28); si abundantior jam præcesserat transactis sæculis effusio Spiritus. Aut certe Prophetæ, vel potius in Propheta Deus (si vere illa tempora apostolica, cum hoc diceret, intuebatur), non plane, *Effundam*, sed, *Subtraham magis de Spiritu meo* dixisse debuerat. Quid enim? si filiis Evangelii omnes veteres justos pares facimus in scientia, numquid non et superiores in gratia consequenter fateri necesse est! utpote quos non lectio, sicut nos, aut prædicatio, sed ipsa unctio docuerit omnes de omnibus.

13. Esto tamen: toieremus nos nostram injuriam, et Apostoli quoque suam, ut et ipsis minimi etiam antiquorum justorum comparentur in scientia, præferantur in gratia. Sed est sane quod ullo omnino

pacto non ferimus, et merito; ut Dominus videlicet gloriæ sentiatur vel falli unquam potuisse, vel fallere voluisse. Et quidem ipse protestatus est, inter natos mulierum majorem Joanne Baptista non surrexisse (Matth. xi, 11). Vide autem si non vere falsum fateri cogimur Veritatis hoc testimonium, si tantum tribuamus veteribus, quantum nec Joanni vindicare valemus. Non utique sit injuria Joanni, si quid ignorasse creditur aut dicitur, nimirum quod et ipse non diffitetur: sed si quod præconi Veritatis negamus, contra præconium Veritatis alteri damus; hoc non tantum injuria, sed et blasphemia est, et plane contradicere non Joanni, sed Veritati. Quil ergo? Amicus sponsi dubitat, et querit, *Tu es qui venturus es, an alium exspectamus* (Ibid., 3), et nos millibus hominum certitudinem de omnibus nostro mendacio confirmamus.

14. Nec ipsos de se ita veteres sensisse, paucis advertere possumus. Moyses scribit Deum ad se loquentem dixisse sic: *Ego sum Deus Abraham, et Deus Isaac, et Deus Jacob; et nomen meum Adonai non indicavi eis* (Exod. iii, 6, et vi, 3); subaudit, sicut tibi. Ostendit ergo se de Dei notitia **632** plus aliquid præcedentibus patribus accepisse. David quoque super doctores suos et seniores donum sibi intelligentiæ audacter præsumit, ita dicens: *Super omnes docentes me intellexi, quia testimonia tua meditatio mea est*: et rursum, *Super senes intellexi* (Psalm. cxviii, 99, 100). Sed et propheta Daniel, *Pertransibunt*, ait, *plurimi et multiplex erit scientia* (Dan. xii, 4); ampliorem scilicet rerum notitiam promittens et ipse posteris. Si ergo, ut ait etiam sanctus papa Gregorius, secundum incrementa temporum crevit et scientia spiritualium patrum; et quanto viciniore adventui Salvatoris exstiterunt, tanto mysterium salutis plenius perceperunt (Hom. 17 in Ezech.): non est dubium, quin his qui et præsentibus fuerunt, multo amplius contulerit rerum ipsarum exhibitio, atque præsentia exhibentis. Denique et audiunt, *Beati oculi qui vident quæ vos videtis* (Luc. x, 23); item: *Vos autem dixi amicos, quia omnia quæcunque audiri a Patre meo, nota feci vobis* (Joan. xv, 15). *Mulli*, inquit, *reges et prophetæ voluerunt videre quæ vos videtis, et non viderunt; et audire quæ auditis, et non audierunt* (Luc. x, 24). Quare? ut videlicet clarius largiusque perciperent, quod vix tenuiter obscureque præsenseraut. Alioquin quid opus erat foris videre carnem, et carnis audire sermones, si jam intus a Spiritu fuerant perfecte instructi de omnibus? præsertim cum Dominus dicat, *Caro non prodest quidquam, spiritus est qui vivificat* (Joan. vi, 64). Quod si Prophetæ, et qui illustriores videbantur in illo populo, non omnes omnia liquido æqualiter agnoscere valuerunt, sed alii plus, alii minus; prout eis Spiritus dabat, dividens singulis prout volebat, idque absque præjudicio suæ sanctitatis atque perfectionis: quanto magis simpliciores quique justi sine detrimento salutis, salvationis tempus, modum et ordinem nescire po-

tuerunt, quæ tamen certa spe et fide, uti promissa A fuerant, firmissime tenuerunt?

15. Quanti hodieque profecto in populo christiano vitæ æternæ, sæculique futuri, quod indubitanter credunt et sperant, et ardentè desiderant, formam tamen ac statum ne cogitare quidem vel tenuerunt? Ita ergo multi ante Salvatoris adventum, Deum omnipotentem tenentes et diligentes suæ salutis gratuitum promissorem, credentes in promissione fidelem, sperantes certissimum Redemptorem, in hac fide et expectatione salvati sunt: licet quando, et qualiter, et quo ordine salus repromissa fieret, ignorarent. Denique Beda aperte docet aperta omnia omnibus nequaquam fuisse quæ de Christo futura erant, quod tu quoque testimonium in tua epistola posuisti. « Unum, » inquit, « idemque dominicæ crucis tropæum prius Prophetæ et Moyses, quam Apostoli noverant et prædicabant: sed Prophetæ hoc aliquoties figuratis velatisque sermonibus, Apostoli autem Apostolorumque successores patefacta luce Evangelii semper aperte prædicabant: ita ut nunc omnis populus christianus scire et confiteri debeat fidem, quam eo tempore pauci admodum, et perfectiores quique noverunt; quamvis omnis populus Dei etiam tunc ejusdem mysteria fidei in legalibus cæremoniis typice portaret. » Multa sunt quæ ad hæc confirmanda concurrunt: sed modus epistolaris cuncta non patitur, nec opus est. Arbitror enim, ut ante jam dixeram, me quoque non respondente, ea potuisse sufficere quæ tua super hoc epistola continet. Sed hoc [at. hac] addidi, ne intactum quid præterfrem ex omnibus quæ petisti.

#### CAPUT IV.

*Ostendit dari peccatum per ignorantiam contra assertorem contrariæ opinionis.*

16. Jam contra tertiam assertionem non multum nobis arbitror laborandum, tum quod manifestam nimis præferat falsitatem; tum quod ipse ejus inventor, in sua superiori sententia ipsam per se satis impugnet, sibi metipsi contrarius. Cum enim de nocturno illo privatoque susurrio Domini cum Nicodemo, laqueum nectat publicæ damnationis per totum orbem ignorantibus, arbitrans videlicet neminem ex 633 illa hora potuisse salvari, qui non fuerit baptizatus; nonne aperte peccatum ignorantie, et peccatum damnabile confitetur? Nisi forte tam protervus sit, ut Deum homines sine culpa damnare existimet. Verendum tamen, ne si vel breviter non respondetur stulto juxta stultitiam suam; putans forte sapientiam, securius spargat seminarium recordiæ in auribus insipientium, et ita jam insipientiæ ejus non sit numerus. Veritatis proinde testimoniis, paucis et manifestis, manifestum mendacium confutetur. Is forsitan qui asserit non posse peccari per ignorantiam, nunquam pro suis ignorantibus deprecatur, sed potius prophetam irrideat deprecantem et dicentem: *Delicta juventutis meæ, et*

*ignorantias meas ne memineris (Psal. xxiv, 7).* Forsitan et reprehendet Deum exigentem pro peccato ignorantie satisfactionem. Loquitur enim in Levitico ad Moysen dicens: *Anima si peccaverit per ignorantiam, feceritque unum ex his quæ lege Domini prohibentur, et peccati rea intellexerit iniquitatem suam, offeret arietem immaculatum de gregibus sacerdoti, juxta mensuram æstimationemque peccati; et rursum: Qui orabit pro eo quod nesciens fecerit, et dimittetur ei, quia per errorem deliquit in Dominum (Levit. v, 17-19).*

17. Si ignorantia nunquam peccatum est, cur dictum est in Epistola ad Hebræos, quia in secundo tabernaculo semel in anno solus pontifex intraret, non sine sanguine, quem offerret pro sui et populi ignorantia? (Hebr. ix, 7.) Si peccatum ignorantie nullum est, non ergo peccavit Saulus, quod persecutus est Ecclesiam Dei, quoniam quidem ignorans hoc fecit, manens in incredulitate. Bene itaque faciebat, quod erat blasphemus, et persecutor, et contumeliosus; quod erat spirans minarum et cædis in discipulos Jesu; et in hoc ipso quippe abundanter æmulator existens paternarum suarum traditionum (Galat. i, 13, 14). Non ergo debuit dicere: *Misericordiam consecutus sum (I Tim. i, 13);* sed, Mercedem recepi; quippe quem ignorantia a peccato reddebat immunem, insuper et æmulatio remunerabilem judicabat. Si, inquam, ignorantia nunquam peccatur; quid ergo causamur adversus occisores Apostolorum, quandoquidem non solum malum esse nesciunt interficere illos, sed insuper quoque id faciendo arbitrati sunt obsequium se præstare Deo? (Joan. xvi, 2.) Sed et frustra in cruce Salvator pro suis orabat crucifixoribus, quippe nescientibus, ipso teste, quid facerent (Luc. xxiii, 34), et ita nequaquam peccantibus. Neque enim fas est ullatenus suspicari mentitum fuisse Dominum Jesum, aperte perhibentem eos ignorare quid facerent; etsi forte de Apostolo dubitet quis, quod carnem suam æmulans, sicut homo mentiri potuerit, ubi ait: *Si enim cognovissent, nunquam Dominum gloriæ crucifixissent (I Cor. ii, 8).* Numquid non ex his satis apparet, in quantis jaceat ignorantie tenebris, qui ignorat peccari posse interdum per ignorantiam? Sed de his hæc D tenus.

#### CAPUT V.

*Sententiam quamdam suam male acceptam a calumniis vindicat, nempe, Quod Angelos latuerit consilium Incarnationis Dominicæ.*

18. In fine mihi insinuas, amicabiliter quidem, moveri aliquos super quadam mea sententia, qua dixi cum Evangelium exponerem (173), consilium Dei nulli, etiam beatorum Angelorum, antequam Virgini revelatum. Primo quidem inde, ut arbitror, quia non satis juste moventur, advertere possunt quod eandem sententiam non constanter affirmo, sed cum temperamento, suspendens sub disjunctiva

(173) Nempe Evangelium Lucæ, i, Missus est, et quidem in homilia 4, infra, tomo III.

particula : « Vel ideo, » inquam, « dictum est, a Deo. » Siquidem præmissa una causa quæ mihi videbatur, cur Evangelista, cum diceret : *Missus est angelus Gabriel*, nominatim subjecerit, a Deo (Luc. 1, 26); alteram quoque temperate quidem et sub disjunctione subjunxi, quo et mihi non inculceret defendendi necessitas, et lectori daretur eligendi facultas quam e duabus voluisset [al. maluisset]. Si igitur una quælibet illarum stare potest, de altera quid suggillor, quippe qui neutram affirmans, lectoris utramque magis iudicio derelinquo? Quamquam etsi ex sententia dixerim, ignotum usque tunc [al. adhuc] sanctis Angelis fuisse Dei consilium, non quidem quia per incarnandi Verbi mysterium Dei propositum erat quandoque operari salutem in medio terræ (hoc enim et multis mortalium et præseire donatum est, et prædicere), sed quod potissimum tempus, quemve locum, vel modum, præcipueque quam virginem, ad implendum propositum suum elegerisset Deus; si, inquam, hoc Dei consilium non de opere, sed de tempore, loco, modo, atque persona, etiam sanctos ignorasse Angelos senserim et scripserim; profecto non video cur incredibile videatur. Sane ibi unusquisque in suo sensu securus abundat, ubi aut certæ rationi, aut non contemnendæ auctoritati quod sentitur non obviat.

19. Quænam enim me ratio sive auctoritas sentire cogat, etiam tempus illud ab antiquo Angelis innotuisse, de quo Apostolus : *Postquam venit*, inquit, *plenitudo temporis*, misit Deus Filium suum factum ex muliere, factum sub lege? (Galat. iv, 4.) Credibilis magis fortasse videtur, ut sicut futuri adventus Domini, ipso teste, diem prorsus ignorant (Matth. xxiv, 36); ita quoque prioris tempus nequaquam præciperint. Quis scit enim, si modo illo spiritali Dei Sapientia de primo adventu suo et Angelis illud locuta sit, quod Apostolis per os carnis assumptæ de secundo legitur respondisse : *Non est*, inquiens, *vestrum nosse tempora vel momenta, quæ Pater posuit in sua potestate?* (Act. 1, 7.) Quæ me rursum credere compellat necessitas, Angelos jam ante advertisse civitatem Nazareth, quam illo cernerent missum archangelum Virginem salutare, et partum nuntiare divinum? Siquidem quod prælecta fuerit Bethlehem pativitati, Jerusalem passioni; etiam sic aperte præcîtum et prædictum est a Prophetis. Quod autem et Nazareth prævisa similiter est conceptioni, non tamen similiter, ut arbitror, prævisum fuisse et a Prophetis, evidens aliquod invenitur de Scripturis testimonium. Nam quod legitur, *Quoniam Nazareus vocabitur* (Matth. xi, 23), profecto evangelista, qui hoc de propheta sumit, non tam ad conceptionem, quam ad educationem referri satis evidenter ostendit, quod illo videlicet ex Ægypto reportatus fuerit, illique nutritus. Denique Judæi ad Nicodemum, *Scrutare*, aiunt, *et vide, quoniam propheta a Galilæa non surgit* (Joan. vii, 52). Et quidem scienti legem loquebantur, et qui magister erat in Israel, nihilque facile ignoraret ex omnibus; et tamen tota fiducia

instabant, monstrantes Scripturas non loqui Christum venire a Galilæa, cujus Nazareth civitas esse cognoscitur. Plus sane ad manum fuit eis testimonium de propheta, ex quo Regi locum sciscitanti nativitatis, incunctanter Bethlehem responderunt. Itaque natus in Bethlehem Christus est (Matth. ii, 1), et in Jerusalem passus; et utrumque aperte prædixisse Prophetas manifestum est. Conceptus æque est et in Nazareth civitate Galilææ: nec tamen visum est occurrere quidpiam vel Nicodemo, per quod sive Galilæam, sive Nazareth ad Christi adventum undecunque pertinere doceret.

20. Sic quoque Nathanael, doctus et ipse in lege, Philippo nuntianti Jesum filium Joseph a Nazareth, mox sub interrogatione admirando respondit : *A Nazareth*, inquit, *potest aliquid boni esse?* (Joan. 1, 46.) Nimirum admirans quod a Nazareth Christus nuntiaretur, quod ex nulla penitus Scriptura recoleret. Aut si non interrogando quidem, sed magis affirmando illud respondisse contenditur, memor utique præfati testimonii, quoniam *Nazareus vocabitur*: non tamen perinde, quod in Nazareth conceptus fuerit Jesus, cum agnovisse constabit; cum multæ aliæ causæ occurrere potuissent, cur illud propheta prædixerit. Potuit ergo et de conceptionis loco, ut Prophetas, sic et Angelos divinum latuisse consilium.

635 21. Modum deinde illum tam incomprehensibilem, quem et Virgo sollicita requisivit, unde, quæso, doceri queam Angelis fuisse præcognitum? Mihi vero videtur, ne ipsi quidem (ut pace ejus dixerim) qui nuntiabat: quod et ipse fateatur, si ejus verba diligenter advertimus. Respondens quippe, *Spiritus sanctus superveniet in te*: nonne aperte mitti: ad magisterium Spiritus sancti, cujus unctione doceatur de omnibus, quorum ipse sibi non presumit scientiam, et discat experiendo quod audiendo non poterat? Denique subjungit : *Et virtus Altissimi obumbrabit tibi* (Luc. 1, 35); expressius profecto significans modum secretissimum arcani incomprehensibilis et ineffabilis sacramenti, quo quasi in umbra cum sola, et in sola Virgine, sola Trinitas conceptum fuerat operatura divinum. Ad hoc quoque investigandum mysterium minus se idoneum confitetur magnus ille Joannes, cum se indignum perhibet solvere corrigiam calceamenti. Sed et ipsam Virginem, rogo, unde probabitur ex nomine, vel ex facie ante cognitam Angelis, quod ipsa videlicet esset quam Deus elegerit in matrem sibi, excepto duntaxat archangelo, cui et servanda ab initio tradita fuisse credenda est! Porro autem si diabolus eam nec post conceptionem agnovit, Joseph utique desponsatione deceptus; credi potest et sanctis Angelis vel ante minime innotuisse, quod ipsa videlicet esset Dei mater futura. Sane etenim reprobi spiritus, etsi destituti sunt participatione gratiæ spiritualis, non tamen vivacitate industriæ naturalis.

22. Videsne, in quantis, salva fide et veritate Scripturarum, divinum Angeli consilium poterant ignorasse, præsertim ut horum revelandorum præ-

rogat  
est te  
tum  
tribu  
dem

63  
tracta  
Abale  
præse  
In Sy  
trecent  
aucto  
Senon  
capitu  
Bernar  
litteris

2.  
Apolog  
ratum  
famili  
anonym  
rum o  
Tisser  
Franc  
versus  
vocat  
Deo tu

3. l  
nulli o  
atque  
ostend  
doric  
nam c  
editis  
pag. 5  
nunt:

4. l  
Bernar  
Bereng  
agnosc  
non op  
malitia  
errores  
in eo  
ejusque  
Petrus  
ejus m

637  
Abelar  
errone  
dum o  
fabular  
« Nost  
piunt.  
Abelar  
riris,  
Abbate  
res corp  
ut disse  
cum Be  
contra  
sed no  
quia sic  
est filiu  
6. P



rogativa matri Virgini servaretur? Primum equidem est tempus, secundum locus, tertium modus, quartum electio personæ virginalis. Hoc responde fratribus, qui me reprehendunt quod dixerim ad laudem Virginis, ideo positum esse a Deo, ne cui forte

A vel beatorum Angelorum suum consilium Deus priusquam Virgini, revelasse putetur, exceptio duntaxat archangelo Gabriele. Suum consilium dixi, non de opere, sed de operis tempore, de loco, de modo, de personæ quoque electione. Vale.

## ADMONITIO IN OPUSCULUM XI.

**636** 1. Epistolam sequentem, quæ inter Bernardinas ordine centesima nonagesima est, Horstius in classem tractatum ob epistolæ prolixitatem ac materiæ dignitatem rejecit. Scripta fuit occasione damnatorum Abælardi errorum in synodo Senonensi, quam anno 1140 frequenti Gallicanorum episcoporum consensu, præsentem rege Ludovico Juniore, celebratam diximus in notis ad epistolam centesimam octogesimam septimam. In Synodica epistola, quæ inter Bernardinas est centesima nonagesima prima, et in alia quæ modo est ordine trecentesima trigesima septima, Innocentio papæ significant Patres, Abælardi errores a se damnatos, intacto auctore, quod ad sedem apostolicam appellasset: atque errorum capitula plenius contineri in litteris domini Senonensis. » Has litteras non alias esse credimus, quam subsequentem Bernardi epistolam, in qua ejusmodi capitula referuntur, strictimque refelluntur. Eadem sunt capitula, quæ Gaufrido Carnotensi episcopo et Bernardo direxerat Guillelmus, ex Sancti-Theodorigi abbate tunc monachus Igniacensis, uti apparet ex ejus litteris superius editis inter Bernardinas.

2. Capitula ista partim sibi falso imposita conquestus est, partim pro suis agnita correxit Abælardus in Apologia sua, in qua Bernardum, tanquam unicum adversarium suum, ut delatorem malignum aut inconsideratum passim lacessit. Bernardi patrocinium adversus eas calumnias susceperunt duo ipsius Abælardi quondam familiares, qui ab ejus erroribus tandem resipuerant, Gaufridus, Bernardi postea notarius, et quidam abbas anonymus « Nigromonachorum. » Utrumque designaverat Chesnius in Notis ad Abælardum: sed amborum opuscula modo typis edita sunt in tomo quarto Bibliothecæ Cisterciensis: ubi eruditus editor Bertrandus Tisserius observat, abbatem istum anonymum alium esse a Guillelmo Sancti-Theodorigi. Abbas porro erat in Francia, id est in metropoli Senonensi vel Remensi, teste Gaufrido, ut mox videbimus; tresque libros, adversus Abælardum a se scriptos, Hugoni Rotomagensium archiepiscopo dedicavit. Eum « dominum » suum vocat initio libri secundi, itemque clarissimam Rotomagensium lucernam: qui catholico pectore, inquit, de Deo tuo sentis, catholico ore loqueris, et catholica manu ceteris excellentius scribis. »

3. Ex capitulis errorum Abælardo imputatis, quædam in vulgatis ejus operibus desiderantur. Unde nonnulli occasionem arripunt insimulandi Bernardum, quasi Abælardo falsos errores affluerit, et cum larvis atque umbris dimicaverit. At constat plerisque etiam in vulgatis scriptis errores deprehendi, ut suis locis ostendemus: et, si qua amplius non exstant, ea quondam in ipso Abælardo legisse Guillelmum Sancti-Theodorigi, Gaufridum, et abbatem illum anonymum Abælardi quondam discipulum, qui et præceptoris sui doctrinam callebat, et verba ipsa refert, uti et Guillelmus, tum ex Apologia, tum ex Theologia Abælardi, quæ in editis non comparent. Et certe Abælardus ipse in libro secundo commentarii super Epistolam ad Romanos, pag. 554, quædam in Theologia sua tractanda reservat, de quibus nulla mentio est in impressis, quæ se desinunt: « Cætera desunt: » ut appareat, Theologiam in editis mutilam esse.

4. Itaque male omnino merentur de religione christiana, nedum de Bernardo, qui ut Abælardum absolvent, Bernardum cæco, ut aiunt, zelo impulsum fuisse criminantur. Saltem cum Abælardo ipso et ejus defensore Berengario agnoscant tandem, eum in quibusdam errasse. Ita enim se, quamvis non satis ex animo, reum agnoscit in nonnullis Abælardus in Apologia sua, ubi hæc verba: « Scripsi forte aliqua per errorem, quæ non oportuit: sed Deum testem et judicem in animam meam invoco, quia in his, de quibus accusor, nil per malitiam aut superbiam præsumpsi. » Esto itaque malitiam, atque etiam hæresim ab eo removere liceat: at errores saltem aliquos, vocem novarum studium, levitatem, forsitan etiam superbiam et contentionum pruriginem in eo dissimulare non licet. Sed demum Innocentius rescripto ad episcopos misso hominem recludi jussit ejusque libros comburi, quos ipse Romæ flammis tradi mandavit, testante Gaufrido. Verum tandem resipuit Petrus, atque ab appellatione destitit consilio et hortatu Petri Venerabilis abbatis Cluniacensis, qui extremos ejus mores egregie laudat in epistola ad Heloissam.

**637** 5. Bernardo non impune cessit, quod Abælardum et scriptis et verbis persecutus sit. Nam non solum Abælardus censuræ impatiens, sed etiam Berengarius, ejus discipulus ac defensor, quædam in Bernardi scriptis erronea jactare demum ausi sunt, insigni commento. « Errasti vere, inquit Berengarius Bernardum alloquens, dum originem animarum de cælo asseruisti esse, » pag. 310. Et pag. 315: « Animarum originem de cælis fabulari esse, ubi sic recolo te locutum (nempe sermone decimo septimo in Cantica): Merito dixit Apostolus: « Nostra conversatio est in cælis. » Hæc verba tua subtiliter explorata, christianæ mentis palato hæresim sapient. » Apæge insanam atque impudentem nebulonem. Abbas anonymus sub finem libri secundi aliam Abælardi in Bernardum calumniam profert. « Miraculum mihi est, quod a tam longo tempore, et a tantis riris, quorum doctrina fulget Ecclesia ut sole luna, nostro Abælardo responsum non est, qui criminatur Abbatem, quod dicat, Deum et assumptum a Deo hominem unam esse in Trinitate personam: cum homo res corporea, et membris composita, et dissolubilis sit: Deus vero nec corporea res sit, nec membris constans, ut dissolvi possit. Unde nec Deus homo, nec homo Deus dicendus est, » etc. Sic Nestorianum agit Abælardum, cum Bernardum erroris petulantem accusat. Recte ad hunc locum Guillelmus Sancti-Theodorigi in capite octavo contra Abælardum: « Unde et nos similiter dicimus, Christum filium hominis in ipsa natura humanitatis suæ, sed non ex ipsa, secundum eam quam cum Deo habet unionem, tertiam esse in Trinitate personam: quia sicut incarnatus Deus factus est filius hominis propter hominem assumptum, sic assumptus homo factus est filius Dei propter assumptum Deum. »

6. Præter capitula, quæ dedita opera refellit Bernardus, nonnulla conglobatim recenset n. 10, contentus ea

exposuisse, quæ ab aliis etiam refutantur, scilicet a Guillelmo, et abbate anonymo. De accidentibus quæ in Eucharistia post consecrationem remanere in aere docebat Abælardus, ita Guillelmus sentit: « Nobis vero videtur, si vobis etiam videtur, » sic Gausfridum Carnotensem episcopum et Bernardum alloquitur, « quod accidentia illa, siue prioris forma substantiæ, quæ, ut puto, nonnisi consonus in unum accidentium concursus est, si ibi est, in corpore Domini est, non formans illud, sed virtute operantis in ea sapientiæ Dei aptans illud et modificans, ut secundum ritum mysterii et modum sacramenti habile fiat et tractabile, et gustabile in forma aliena, quod non poterat esse in propria. » Item in libro de Corpore et Sanguine Domini ad Rupertum, capite tertio: « Sed contra omnem secularia philosophiæ rationem et intellectum, mutata panis substantia in aliam substantiam, ad quoddam mysterii obsequium quidam accidentia, quæ illi inhærebant, sic transiit non mutata, ut corpus Domini, licet adsit albedo, non fit album; nec rotunditas rotundum; sed huiusmodi accidentia omnia sic reservavit, ut licet vere humanitatis ejus corpori adsint, non tamen insint, non tamen illud inficiant vel efficiant, » etc.

**638** 7. Caterum sicut de Incarnatione non recte sentiebat, aut certe non recte loquebatur Abælardus, ita nec etiam de gratia Christi, quam ad solam rationem a Deo concessam et ad Scripturarum admonitionem et ad exempla redigebat; adeoque omnibus communem esse dicebat. « Dicendum est igitur, quod homo per rationem, a Deo quidem datam, gratiæ appositæ coherere potest; nec Deus plus facit isti qui salvatur, antequam cohereret gratiæ, quam illi qui non salvatur. Sed sicut qui lapides pretiosos exponit venales, et desiderium videntium excitat ad emendum; similiter gratiam suam apponit omnibus, consulit Scripturis, et exemplis revocat; ut homines per libertatem arbitrii quam habent, gratiæ cohereant. » Et infra: Vivificatio ista tribuitur gratiæ: quia ratio, quæ homo discernit, et intelligit a malo abstinendum et bene agendum, est a Deo. Et ideo hoc inspirante Deo agere dicitur: quia Deus per rationem, quam dedit homini, facit eum peccatum ipsum agnoscere. » Hæc, aliæque Guillelmus ex Abælardi scriptis refert, haud dubie ex ejus Theologia, quæ ob hoc fortasse, aliæque permulta, a posteris mutilata est. Neque hæc in re Guillelmo, viro aliqui docto ac piissimo, fidem denegare licet: maxime cum in libro quarto super Epistolam ad Romanos, Abælardus eandem pestiferam doctrinam doceret pag. 655 et sequente, ubi hæc verba in multis leguntur: « Ad desiderium itaque nostrum in Deo accendendum, et ad regnum cælestis concupiscendum, quam præire gratiam necesse est, nisi ut beatitudo illa, ad quam nos invitat; et via, qua pervenire possimus, exponatur atque tradatur? Hanc autem gratiam iam reprobis, quam electis pariter impertit, utrosque videlicet de hoc instruendo æqualiter: ut ex eadem fidei gratia, quam perceperunt, alius ad bona opera incitetur, alius præ torporis sui negligentia inexcusabilis reddatur. » Et paulo post: « Nec necesse est, ut per singula, quæ quotidie nova succedunt opera, aliam Deus gratiam præter ipsam fidem exponat, qua videlicet credimus, pro hoc quod facimus, tantum nos præmium adepturos. » Hæc idcirco commemoramus, ut omnes demum intelligant, quam impie ut de Incarnatione, ita de gratia Christi, si non sensit, saltem scripserit Abælardus; et quam merito Bernardus dixerit in epistola centesima nonagesima secunda: « Cum de Trinitate loquitur, sapit Arium; cum de gratia, sapit Pelagium; cum de persona Christi, sapit Nestorium. » Et duo quidem postrema ex dictis, et ex sequente epistola evincuntur: de tertio legat, qui id scire volet, Abælardi librum Theologiæ tertium sub finem; ibique inveniet ipso auctore, « facile convinci eos qui nostra de fide verba abhorrent, cum videlicet audiunt Deum Patrem, et Deum Filium, in sensum verborum nobis esse conjunctos. » Quo pacto? « Interrogemus enim eos, » inquit, « si Sapientiam Dei credant, de qua scriptum est, » Omnia in sapientia fecisti; et statim respondebunt se credere. » Ille vero esse Filium credere: sicut credere Spiritum sanctum non aliud esse, quam credere Dei benignitatem. Quæ quidem si rigide accipiuntur, **639** plusquam Arianismum, id est Sabellianismum, sapere videntur. Quamquam, ut ingenue fatear, hunc errorem in consequentibus rejicit, pag. 1069. Verum interest non solum recte sentire, sed etiam (maxime ubi de Fide agitur) recte loqui ac scribere. Hinc non immerito Guillelmus Sancti-Theoderici in capite tertio libri contra ipsum Abælardum, adductis ejus verbis de arte et sigillo, de potentia et quadam potentia, « quantum ad personarum destructionem, » inquit, « Sabellianum est; quantum ad dissimilitudinem et imparitatem. hoc in sententium Arianum pedibus ire est. » Hæc, inquam, ideo commemoramus, ut pudeat eos qui hos errores detestantur, quod Abælardi causam suscipiant adversus Bernardum, quem præcipitis in Abælardum judicii ac nimis impetiginis accusare porro non verentur. Eodem fere modo, atque Abælardus, Trinitatis mysterium explicat Guillelmus de Conchia, cujus itidem errores confutat Guillelmus Sancti-Theoderici abbas in epistola ad Bernardum. Adeo nihil infelicius cadere in religionem potest, quam cum philosophi ex sola ratione fidei nostræ mysteria explicare conantur.

8. De toto Abælardi negotio Gausfridus sancti Bernardi notarius ita loquitur in epistola ad Henricum cardinalem et episcopum Albanensem: « Audivi etiam, quod super damnatione Petri Abælardi diligentia vestra desiderat plenius nosse similiter veritatem: cujus libellos pie memoriæ dominus Innocentius II papa in urbe Roma et in ecclesiis beati Petri incendio celebri condemnavit, apostolica auctoritate hæreticum illum denuntians. Nam et ante plures annos venerabilis quidam cardinalis et legatus Romanæ Ecclesiæ, Cono nomine, regularis quondam canonicus ecclesiæ Sancti-Nicolai de Aruasia, Theologiam ejus, Sæssione concilium celebrans, similiter concremaverat, ipsum Petrum præsentem arguens, et convictum de hæretica pravitate condemnans. Unde vester si placuerit desiderio, per libellum de Vita sancti Bernardi, et per ejus epistolas missas ad curiam satisfiet. Inveni tamen in Clara-Valle libellum cujusdam abbatis Nigrorum monachorum, quo errores ejusdem Petri notantur, quem et olim me vidisse recorder: sed a multis annis, ut custodes librorum asserunt, audiose quasiuis, primis quaternis non potuit inveniri. Propter quod propositi nostri est in Franciam destinare ad monasterium, cujus abbas exstitit, qui eundem librum composuit; et, si recuperare potero, transcribi facere codicem totum, et mittere vobis. Credo enim quod vestræ inquisitioni sufficere debeat, ut cognoscatis, quæ, quemadmodum, quæque sint condemnata. » Hactenus Gausfridus ex Chesnii Notis in Abælardum. Mitimus quæ de ipso Henrici canonici Tornacensis, ad Patres synodi Senonensis atque ad Bernardum relato, memorantur in Spicilegii tomo duodecimo, pag. 478 et sequente.

9. Postquam hæc scripseram, noster Joannes Durandus, qui tunc Romæ versabatur, ex mendoso codice Vaticano, notato 665, ad me transmisit Capitula hæresum Petri Abælardi, sequenti epistolæ præmissa, hæc ipsa sine dubio, quæ Bernardus in fine hujusce epistolæ se collegisse, ac Pontifici transmississe significat. Idcirco ea hoc loco præmittere visum est ad ipsius epistolæ illustrationem.

## INCIPIUNT CAPITULA HÆRESUM PETRI ABÆLARDI.

**640 I.** *Horrenda similitudo de sigillo æreo, de specie et genere ad Trinitatem.*

« Cum sapientia Dei quædam sit potentia, sicut æreum sigillum est quoddam æs, liquet profecto divinam sapientiam ex divina potentia esse suum habere, ad eam videlicet similitudinem, qua sigillum æreum dicitur esse quod est ejus materia; vel species ex genere, quod quasi materia speciei dicitur esse, ut animal hominis. Sicut enim ex eo quod est æreum sigillum, exigit necessario quod æs sit, et ex eo quod est homo ut animal sit, sed non e contrario: ita divina sapientia, quæ est potentia discernendi, exigit quod sit divina potentia, sed non e contrario. » Et post pauca: « Benignitas ipsa, quæ hoc nomine quod Spiritus est demonstratur, non est in Deo potentia sive sapientia. »

**II.** *Quod Spiritus sanctus non sit de substantia Patris.*

« Cum itaque tam Filius, quam Spiritus sanctus ex Patre sit, hic quidem genitus, ille procedens; differt in eo generatio ipsa a processione, quod is qui generatur ex ipso Patris substantia est, cum ipsa, ut dictum est, Sapientia hoc ipsum esse habeat, ut sit quædam potentia. » Et post pauca: « Spiritus vero quamvis ejusdem substantiæ sit cum Patre et Filio, unde etiam Trinitas ipsa hominison, id est unius substantiæ, prædicatur, minime tamen ex substantia Patris est aut Filii, quod esset ipsum ex Patre vel Filio gigni: sed magis ex ipsis habet procedere, quod est Deum se per charitatem ad alterum extendere. Quodammodo etenim per amorem unusquisque a se ipso ad alterum procedit, cum proprie, ut dictum est, nemo ad seipsum charitatem habere dicatur, ut sibi ipsi benignus esset, sed alteri: maxime autem Deus, qui nullius indiget, erga seipsum benignitatis affectu commoveri non potest, ut sibi aliquid ex benignitate impendat, sed erga creaturas tantum. »

**III.** *Quod ea Deus solummodo possit facere, vel dimittere, vel eo modo tantum, vel eo tempore quo facit, non alio.*

« Hac ratione qua convincitur quod Deus Pater tam bonum genuit Filium quantum potuit cum videlicet aliter reus esset invidiæ, clarum est etiam omnia quæ facit, quantum potest, egregia facere; nec ullum commodum quod conferre possit, subtrahere velle. » Et post pauca: « In tantum in omnibus quæ Deus facit, quod bonum est attendit, ut ipso bono pretio potius quam voluntatis suæ libito ad singula facienda inclinari dicatur. » Item: « Ex his itaque tam de ratione quam de scripto collatis constat, id solum Deum facere posse quod aliquando facit. » Et post pauca: « Qui si mala quæ sunt disturbare posset, nec id etiam nisi opportune faceret, qui nihil importune facere potest: profecto non video, quomodo peccatis consentiens non esset. Quis enim

A consentire malo dicendus est, nisi is per quem etiam opportune disturbari posset? » Item: « Prædictis itaque rationibus vel objectorum solutionibus liquere reor omnibus, ea solummodo Deum posse facere, vel dimittere, vel eo modo tantum, vel eo tempore quo facit, non alio. »

**641 IV.** *Quod Christus non assumpsit carnem, ut nos a jugo diaboli liberaret.*

« Sciendum est quod omnes nostri doctores qui post Apostolos fuere, in hoc conveniunt, quod diabolus dominium et potestatem habebat super hominem, et jure eum possidebat. » Et post pauca: « Nec diabolus unquam jus aliquod habuit super hominem, sed jure eum possidebat permittente, ut carcerarius; nec [ut eum] Filius Dei a jugo diaboli liberaret,

B carnem assumpsit. » Et post pauca: « Quomodo nos justificari vel reconciliari Deo per mortem Filii ejus dicit Apostolus, qui tanto amplius adversus hominem irasci debuit, quanto amplius in crucifigendo Filium suum deliquerit, quam in transgrediendo primum præceptum suum unius poni gustu: quomodo enim amplius justum fuerat? Quod si tantum fuerat illud Adæ peccatum, ut expiari non posset nisi ex morte Christi: quam expiationem habebit ipsum homicidium, quod in Christo commissum est, tot et tanta scelera in ipsum vel suos commissa? Nunquid mors innocentis Filii tantum Deo placuit, ut per ipsam reconciliaretur nobis, qui hoc peccando commisimus, propter quod innocens Dominus est occisus; nec nisi hoc maximum fieret peccatum, etiam levius potuit ignoscere multo nec nisi multiplicatis malis tam bonum facere, in quo et justiores facti sumus per mortem Filii Dei, quam ante eramus, ut a peccatis jam liberari debeamus? » Item: « Cui vero non crudele et iniquum videtur, ut sanguinem innocentis, et pretium aliquod quis requisierit, aut ullo modo ei placuerit innocentem interfici? nedum Deus tam acceptam mortem Filii habuit, ut per ipsam universo reconciliatus sit mundo. Hæc et his similia non mediocrem movent questionem, non solum de redemptione, sed etiam de justificatione nostra per mortem Domini nostri Jesu Christi. Nobis autem videtur, quod nihilo minus sumus justificati in sanguine Christi; et Dea reconciliati per hanc singularem gratiam nobis exhibitam, quod Filius suus nostram suscepit naturam et in ipsa nos tam verbo, quam exemplo instituendo usque ad mortem præstitit, nos sibi amplius per amorem astrinxit: ut tanto divinæ gratiæ accensi beneficio, nulla tolerare propter ipsum vestra reformidet charitas: quod quidem beneficium antiquos etiam patres, hoc per fidem expectantes, in summum amorem Dei tanquam homines temporis non dubitamus accendisse. » Et infra: « Puto ergo quod



consilium et causa incarnationis fuit, ut mundum luce suæ sapientiæ illuminaret, et ad amorem suum accenderet. »

V. *Quod neque Deus et homo, neque homo persona, quæ Christus est, sit tertia persona in Trinitate.*

« Quando dico, Christus est tertia persona in Trinitate; hoc volo dicere, quod Verbum, quod ab æterno tertia persona in Trinitate fuit, tertia persona sit in Trinitate: et ita puto quod locutio sit figurativa. Si enim propriam diceremus esse, cum hoc nomen Christus idem sonet quod Deus et homo, tunc talis esset sensus: Deus et homo est tertia persona in Trinitate. Quod penitus est falsum. » Et post pauca: « Et est sciendum, quod quamvis concedamus, quod Christus est tertia persona in Trinitate, non tamen concedimus quod hæc persona, quæ Christus est, sit tertia persona in Trinitate. »

VI. *Quod Deus non plus faciat ei qui salvatur antequam coherere gratiæ, quam ei qui non salvatur.*

« Sic iterum solet queri illud quod a quibusdam dicitur, scilicet utrum omnes homines ita sola misericordia salventur, ut nullus sit qui bonam voluntatem habere possit, nisi gratia Dei præveniente, quæ cor moveat, et bonam voluntatem inspiret, et inspiratam multiplicet, et multiplicatam conservet. Quod si ita est quod homo ex se nihil boni operari possit, aut aliquo modo ad divinam gratiam suscipiendam per liberum arbitrium sine auxilio gratiæ se erigere prout **642** dictum est, non possit; non videtur ratio quare, si peccat, puniatur. Si enim non potest ex se aliquid boni facere, et talis factus est qui sit promior ad malum, quam ad bonum; nonne si peccat immis est a culpa; et nunquid Deus, qui ita infirmum et fragilis naturæ eum fecit, est laudandus de tali creatione? Imo si ita esset, nonne potius culpandus videretur? » Et post pauca: « Quod si ita esset quod homo ad divinam gratiam percipiendam se erigere sine alterius gratia non posset; non videtur ratio esse, quare homo inculparetur; et Dei gratiam non habere, potius in auctorem ipsius refundandum videretur. Quod ita non est, sed longe aliter dicendum, prout rei veritas se habet. Dicendum est ergo, quod homo per rationem, a Deo quidem datam, gratiæ appositæ coherere potest: nec Deus plus facit illi qui salvatur antequam coherere gratiæ, quam illi qui non salvatur. Ita enim se gerit Deus erga homines, quemadmodum mercator qui habet pretiosos lapides venales, qui videlicet exponit eos in foro, et æque omnibus offert, et per ostensos desiderium in eis ad emendum excitat. Qui prudens est, sciens se eis indigere, laborat ut habeat; acquirit nummos, et emit eos: qui deses est et piger, etsi desiderium habeat, quia tamen piger est, non laborat, etsi fortior sit alio corpore, nec emit eos; et ideo culpa sua quod caret illis. Similiter Deus gratiam suam apponit omnibus, et consulit Scripturis et doctoribus eximiis, ut pro libertate arbitrii, quæ gratiæ coherere qui prudens est, providens

A sibi in futuro ex libertate arbitrii quæ huic cohereret gratiæ. Piger vero a carnalibus desideriis implicatus, etsi desideret beatificari, nunquam tamen vult laborare compescendo se a malo, sed negligit, quamvis per liberum arbitrium possit coherere gratiæ; et sic ad omnipotentem Deo negligitur. »

VII. *Quod Deus non debeat mala impedire.*

« In primis videndum est, quid sit consentire malo; et quid non. Ille equidem malo consentiens dicitur, qui cum debeat hoc prohibere, et possit, non prohibet: si autem debeat, et non possit: et e contrario si possit et non debeat; non est reus. Si vero nec debet, nec potest, multo minus reus censendus est. Et ideo Deus a consensu malorum est alienus, qui nec debet, nec potest mala impedire.

B Ideo non debet, quia cum res per benignitatem illius eveniat eo modo, quo melius potest, nullo modo hoc velle debet. Ideo autem non potest, quia bonitas illius electo minori bono, illi quod majus est impedimentum minime parare potest. »

VIII. *Quod non contraximus ex Adam culpam, sed penam.*

« Sciendum est quod cum dicitur, Originale peccatum est in parvis; hoc dicitur pro pena temporali et æterna, quæ debetur eis ex culpa primi parentis. » Et paulo post: « Similiter dicitur, in quo omnes peccaverunt (Rom. v, 12): ideo scilicet, quia seminarium omnium erat in illo qui peccavit. Non tamen inde provenit, quod omnes peccassent, qui non erant: et qui non est, non peccat. »

C IX. *Quod corpus Domini non cadit in terram.*

« De speciebus panis et vini queritur, si sint modo in corpore Christi, sicut prius erant in substantia panis et vini, quæ versa est in corpus Christi: an sint in aere. Sed verisimilius est quod sint in aere, cum sint in corpore Christi sua lineamenta, et suam speciem habeat, sicut alia corpora humana. Species vero istæ, scilicet panis et vini, sunt in ore ad celandum et obtegendum corpus Christi. » Et post pauca: « Hic autem queritur de hoc quod qui videtur esse multitudo... unde et præcipitur, quod a Sabbato usque ad Sabbatum servetur, sicut de panibus propositionis factum fuisse legitur, a muribus etiam corrodendi videtur, et de manu sacerdotis vel diaconi D in terra cadere. Et ideo queritur, quare Deus permittat ista fieri in corpore suo. **643** An fortassis non ita fiat in corpore, sed tantum ita faciat apparere in specie? Ad quod dicimus, quod revera non est sic in corpore, sed Deus ita in speciebus ipsis propter negligentiam ministrorum reprimendam habere facit: corpus vero suum, prout ei placet, reponit et conservat.

X. *Quod propter opera nec melior, nec pejor efficiatur homo.*

« Solet queri quid a Domino remuneretur, opus, an intentio, seu utrumque. Auctoritas autem videtur velle, quod opera a Deo æternaliter remunerentur: ait namque Apostolus, *Reddet Deus unicuique secundum opera sua* (Rom. ii, 6). Et Athanasius ait.

Reddi  
post a  
nam;  
46, et  
nalite  
malu  
homo  
aliqu  
alios  
unicu  
scilic  
XI. Q  
ign  
qui  
« C  
et de  
obseq  
egit  
tamen  
mus,  
contr  
stum  
et ide  
damm  
rito q  
inter  
vit, d  
facin  
eis di  
poti

« I  
veris  
gend

An  
Pont  
abba  
Op  
que  
pres  
arbi  
non  
præ

Redditi sunt de factis propriis rationem. Et paulo post ait : Et qui bona egerunt, ibunt in vitam æternam; qui vero mala, in ignem æternum (*Matth. xxv. 46, et Joan. v. 29*). Nos vero dicimus, quod æternaliter a Deo remunerentur, sive ad bonum, sive ad malum : nec propter opera pejor, vel melior efficitur homo, nisi dum operatur, fortassis voluntas ejus in aliquo augmentetur. Nec est contra Apostolum vel alios auctores; quia cum Apostolus dixit, *Reddet unicuique, etc.*, ibi effectum pro causa posuit, opus scilicet pro voluntate seu intentione.

XI. Quod non peccaverunt qui Christum crucifixerunt ignoranter; et quod non sit culpæ adscribendum quicquid fit per ignorantiam.

« Opponit de Judæis qui Christum crucifixerunt, et de aliis qui martyres persequendo putabant se obsequium præstare Deo : et de Eva :: quæ non egit contra conscientiam, quoniam seducta est, et tamen certum est eam peccasse. Ad quod nos dicimus, quod revera illi simplices Judæi non agebant contra conscientiam, sed potius zelo legis suæ Christum persequabantur; nec putabant se male agere, et ideo non peccabant : nec propter hoc aliqui eorum damnati sunt, sed propter præcedentia peccata, merito quorum in istam cæcitatem devoluti sunt. Et inter illos erant electi illi, pro quibus Christus oravit, dicens : *Pater, dimitte illis, quia nesciunt quid faciunt* (*Luc. xxiii. 34*). Nec oravit ut hoc peccatum eis dimitteretur, cum hoc peccatum non esset, sed potius peccata præcedentia. »

XII. De potestate ligandi et solvendi.

« Illud quod in Matthæo legitur, *Quæcunque ligaveris super terram* (*Matth. xvi. 19*), etc., sic intelligendum est : *Quæcunque ligaveris super terram*, id

est in præsentī vita, *erit ligatum et in cælis*, id est in præsentī Ecclesia. » Et post pauca : « Huic sententiæ, qua dicimus Deum solum dimittere peccata, Evangelium videtur obviare : ait namque Christus ad discipulos suos : *Accipite Spiritum sanctum; quorum remiseritis peccata remittuntur eis* (*Joan. xx. 22, 23*). Sed nos dicimus quod hoc dictum est solis Apostolis, non successoribus eorum. » Et statim subditur : « Si quis tamen successoribus eorum convenire hoc dixerit, ad modum supradictæ auctoritatis hanc quoque exponere decet. »

XIII. De suggestionē, delectationē, et consensu

« Sciendum quoque quod suggestio non est peccatum illi cui suggestio fit, nec delectatio consequens suggestionem, quæ delectatio inest ex infirmitate et memoria voluptatis, quæ est in impletionē illius rei quam adversarius suggerit; sed solus consensus, qui et contemptus Dei dicitur, in quo peccatum consistit. » Et post pauca : « Nec dicimus quod voluntas faciendi hoc vel illud, nec et ipsum opus sit peccatum, sed potius, ut superius dictum est, ipse Dei contemptus ex aliqua voluntate. »

XIV. Quod ad Patrem propriæ vel specialiter pertinet omnipotentia.

« Si potentiam tam ad notitiam subsistendi, quam ad efficaciam operationis referamus, invenimus ad proprietatem personæ Patris propriæ vel specialiter omnipotentiam attingere : quod non solum cum cæteris duabus personis æque omnia efficere potest, verum etiam ipse solus a se, non ab alio existere habet; et sicut habet a se existere, ita etiam ex se habet posse. »

*Hæc sunt Capitula Theologiæ, imo Stultologiæ Petri Abælardi.*

## S. BERNARDI ABBATIS CONTRA QUÆDAM CAPITULA ERRORUM ABÆLARDI

EPISTOLA CXC SEU TRACTATUS

AD INNOCENTIUM II PONTIFICEM

### 644 PRÆFATIO.

Amantissimo patri domino INNOCENTIO summo Pontifici, frater BERNARDUS Claræ-Vallis vocatus abbas, modicum id quod est.

Oportet ad vestrum referri apostolatū pericula quæque et scandala emergentia in regno Dei, ea præsertim quæ de fide contingunt. Dignum namque arbitror ibi potissimum resarciri damna fidei, ubi non possit fides sentire defectum. Hæc quippe hujus prærogativa Sedis. Cui enim alteri aliquando dictum

est : *Ego pro te rogavi, Petre, ut non deficiat fides tua?* Ergo quod sequitur, a Petri successore exigitur : *Et tu aliquando conversus confirma fratres tuos* (*Luc. xxii. 32*). Id quidem modo necessarium. Tempus est ut vestrum agnoscatis, Pater amantissime, principatum; probetis zelum, ministerium honoretis. In eo plane Petri impletis vicem, cuius tenetis et sedem, si vestra admonitione corda in fide fluctuantia confirmatis, si vestra auctoritate conteritis fidei corruptores.

## CAPUT PRIMUM.

*Impin Abælardi de sancta Trinitate dogmata recenset, et explodit.*

1. Habemus in Francia novum de veteri magistro theologum, qui ab incunte ætate sua in arte dialectica lusit, et nunc in Scripturis sanctis insanit. Olim damnata et sopita dogmata, tam sua videlicet, quam aliena, suscitare conatur, insuper et nova addit. Qui dum omnium quæ sunt in cælo sursum, et quæ in terra deorsum, nihil, præter solum Nescio (174), nescire dignatur; ponit in cælum os suum, et scrutatur alta Dei, rediensque ad nos refert verba infabulilia, quæ non licet homini loqui et dum paratus est de omnibus reddere rationem, etiam quæ sunt supra rationem, et contra rationem præsumit, et contra fidem. Quid enim magis contra rationem, quam ratione rationem conari transcendere? Et quid magis contra fidem, quam credere nolle, quidquid non possit ratione attingere? Denique exponere volens illud Sapientis [al. Salomonis], *Qui credit cito, levis est corde* (Eccl. xix, 4.) « Cito credere est, » inquit, « adhibere fidem ante rationem (175) : » cum hoc Salomon non de fide in Deum, sed de mutua inter nos credulitate loquatur. Nam illam quæ in Deum est fidem beatus papa Gregorius negat plane habere meritum, si ei humana ratio præbeat experimentum : laudat autem Apostolos, quod ad unius jussionis vocem secuti sunt Redemptorem. (*Homilia 26 in Evang.*) Scit nimirum pro laude dictum, *In auditu auris obedivit mihi* (Psal. xvii, 45); increpatos e regione discipulos, quod tardius credidissent (*Marc. xvi, 14*). Denique laudatur Maria, quod rationem fide prævenit; et punitur Zacharias quod fidem ratione tentavit (*Luc. i, 45, 20*); et rursum Abraham commendatur qui contra spem, in spem credidit (*Rom. iv, 18*).

645 2. At contra theologus noster : « Quid, » inquit, « ad doctrinam loqui proficit, si quod docere volumus, exponi non potest, ut intelligatur (176) ? » Et sic promittens intellectum auditoribus suis, in his etiam quæ sublimiora et sacratiora profundo illo

(174) In aliis editis *Nescio quid* : at in scriptis *Nescio* absolute, et rectius, ut sit sensus, Abælardum ad nullam questionem herere, nec inscientiam suam fateri.

(175) Hæc ad sensum ex lib. ii Introductionis ad Theologiam, quam deinceps Theologiam simpliciter appellabimus. Verba hæc sunt pag. 1060: *Cito autem sive facile credit, qui indiscrete atque improvide de his quæ dicunt prius acquiescit, quam hoc ei quod persundetur ignota ratione, quantum valet discutiat, an scilicet adhiberi ei fidem conveniat.*

(176) Hæc item ad sensum ibid. pag. 1065. *Quid prodest locutionis integritas, quam non sequitur intellectus audientis?* etc.

(177) Id sibi per malitiam aut per errorem impositum queritur Abælardus in Apologia sua, pag. 331, atque tanquam diabolica quandam se abhorrere et delestari dicit. Verum anonymus ejus quondam discipulus, postea impugnator, editus in tomo IV Bibliothecæ Cisterciensis, Abælardum mendacii hoc loco arguit pag. 209: *Ac primum requiro, inquit, cur sanctæ religionis et magni nominis abbatem insimulet*

A sinu sacræ fidei continentur, ponit in Trinitate gradus, in majestate modos, numeros in æternitate. Denique constituit « Deum Patrem plenam esse potentiam, Filium quamdam potentiam, Spiritum sanctum nullam potentiam : atque hoc esse Filium ad Patrem, quod quamdam potentiam ad potentiam, quod speciem ad genus, quod materiatum ad materiam, quod hominem ad animal, quod æreum sigillum ad æs (177). » Nonne plus quam Arius hic? Quis hæc ferat? quis non claudat aures ad voces sacrilegas? quis non horreat profanas novitates et vocum, et sensuum? Dicit etiam « Spiritum sanctum procedere quidem ex Patre et Filio, sed minime de Patris esse Filiiv substantia (178). » Unde ergo? an forte ex nihilo, sicut et universa quæ facta sunt? Nam et ipsa ex Deo esse non diffutetur Apostolus, nec veretur dicere: *Ex quo omnia* (*Rom. xi, 36*). Quid igitur? dicemus ex Patre et Filio Spiritum sanctum non alio prorsus procedere modo, quam omnia, id est non essentialiter, sed creabiliter; ac perinde creatum sicut et omnia? aut numquid tertium inveniet sibi modum, quo eum ex Patre Filioque producat, homo qui nova semper inquiri, et quæ non invenit fingit, affirmans ea quæ non sunt, tanquam ea quæ sunt? « At si esset, » inquit, « de substantia Patris, profecto genitus esset, et duos Pater filios haberet. » Quasi vero omne quod de substantia aliqua est, continuo ipsum a quo est habeat genitorem. Num vero pediculi, aut lentes [al. lentes], aut phlegmata [al. fleumata], vel filii carnis sunt, vel non sunt de substantia carnis? aut vermes de ligno putrido prodeuntes, aliunde quam de ligni substantia sunt, qui tamen filii ligni non sunt? Sed et tinea de substantia pannorum substantiam habent, generationem non habent : et multa in hunc modum.

3. Miror autem hominem acutum et sciolum, ut quidem ipse sibi videtur, quomodo cum Spiritum 646 sanctum fateatur Patri et Filio consubstantiali, neget tamen ex Patris Filioque prodire substantiam. Nisi forte illos ex ipsius procedere velit :

falsa dixisse, quia in Theologia sua scripserit, *Filium esse quamdam potentiam, Spiritum sanctum nullam?* etc. Tum probat id ab ipso Abælardo dictum, referendo ejus verba quasi ex Apologia, in qua modo ea non leguntur, uti nec ea quæ idem anonymus refert pag. 212. Sed Abælardus in Theologia sua de Filio docet in lib. i, pag. 991: *Est itaque divina Sapientia quædam divina potentia, etc.* : et in libro ii de Filio et Spiritu sancto, ut mox notabimus.

(178) Abælardi verba hæc sunt in lib. i, pag. 1085: *Cum itaque tam Filius, quam Spiritus sanctus ex Patre sit, hic quidem genitus, ille procedens; differt in eo generatio ipsa a processione, quod is qui generatur, ex ipsa Patris substantia est, cum ipsa (ut dictum est) Sapientia, hoc est ipsum esse habeat, ut sit quædam potentia: ipse vero charitatis affectus magis ad benignitatem animi quam ad potentiam attineat. Unde bene Filius ex Patre gigni dicitur, hoc est, ex ipsa Patris substantia proprie dicitur esse, etc.* Immerito itaque, ne dicam impudenter, id a se prolatum infitatur Abælardus in Apologia sua, atque malitiæ vel ignorantie imputat.



quod quidem inauditum est, et nefandum. Si autem nec is de illorum, nec illi de hujus substantia sunt; ubi, quæso, consubstantialitas? Aut ergo fateatur cum Ecclesia, Spiritum sanctum de substantia illorum esse, a quibus non negat procedere; aut certe cum Ario consubstantialitatem denegat, et prædicet aperte creationem. Deinde si Filius de substantia Patris est, Spiritus sanctus non est: differant necesse est a se invicem, non solum quia Spiritus sanctus genitus non est, quod Filius est; sed etiam quod Filius de substantia Patris est, quod Spiritus sanctus non est. Quam quidem posteriorem differentiam Catholica (179) huc usque nescivit. Si eam admittimus, ubi Trinitas, ubi Unitas? Siquidem Spiritu sancto Filioque nova a se differentiarum numerositate distantibus, unitas dissipatur: præsertim cum substantialem esse pateat differentiam, quam iste conatur inducere. Porro autem Spiritu sancto a Patris Filioque substantia recedente, non Trinitas remanet, sed dualitas. Neque enim dignum est in Trinitate admitti personam, quæ nil habeat in substantia commune cum reliquis. Desinat ergo Spiritus sancti processionem a Patris Filioque substantia separare; ne duplici impietate numerum et Trinitati minuat, et tribuat Unitati: quod utrumque fides abnuat christiana. Et ne de re tanta solis videar humanis ininiti rationibus, legat epistolam Hieronymi ad Avitum: et certe videbit inter cæteras quas redarguit Origenis blasphemias, etiam hoc cum detestantem quod dixerit, Spiritum sanctum de substantia Patris non esse. Beatus Athanasius in libro de unita Trinitate ita loquitur: « Solum Deum ubi memoratus sum, non solum personam Patris indicavi: quia Filium et Spiritum sanctum de hac ipsa sola substantia Patris esse non abnegavi. » Ille Athanasius.

## CAPUT II.

*In Trinitate non esse admittendam ullam disparitatem, sed omnimodum æqualitatem.*

4. Videt Sanctitas vestra, quomodo isto non disputante, sed dementante, et Trinitas non cohæret, et Unitas pendet; nec istud sane absque injuria majestatis. Quidquid namque illud est quod Deus sit, id sine dubio est, quo non possit majus aliquid cogitari (180). Si ergo in hac unica et summa majestate juxta considerationem personarum vel parum aliquid claudicare recipimus, dum quod uni plus datur, alteri minuitur; minus profecto est totum ab eo, quo nihil majus valeat cogitari. Majus enim sine dubio est quod totum maximum est, quam quod ex parte. Ille vero digne pro sua possibilitate divinam æstimat magnificentiam, qui nil in ea cogitat dispar, ubi est totum summum; nil distans, ubi

totum est unum; nil hians, ubi totum est integrum; nil denique imperfectum vel egens, ubi totum est totum. Totum nempe est Pater, quod Pater et Filius et Spiritus sanctus; totum Filius, quod ipse et Pater et Spiritus sanctus; totum Spiritus sanctus, quod et ipse et Pater et Filius. Et totum, unum est totum, nec superabundans in tribus, nec imminutum in singulis. Nec enim verum summumque bonum, quod sunt, inter se particulariter dividunt: quoniam nec participatim id possident, sed hoc ipsum essentialiter sunt. Nam quod alter ex altero, vel alter ad alterum veracissime dicitur, personarum sane designatio est, non unitatis divisio. Licet namque in hac ineffabili et incomprehensibili Deitatis essentia, aliter et aliter (id quidem requirentibus proprietatibus personarum) sobrie catholiceque dicatur; non tamen ibi est alterum, et alterum, sed simplex unum: ut nec præjudicium faciat Unitati Trinitatis confessio; nec proprietatum sit exclusio, vera assertio Unitatis. Tam longe proinde fiat a sensibus nostris, quam est et a regula veritatis exaceranda illa de genere et specie non similitudo, sed dissimilitudo (181); et nihilominus illa de ære æreque sigillo: quoniam cum genus quidem et species, quod ad se invicem sunt, alterum superius, altera inferior sit, Deus autem unus sit; nunquam bene profecto conveniet tantæ æqualitati, et tantæ disparitati. Et rursus de ære, et quodam ære, quod est æreum sigillum, quoniam quod in ære in eamdem usurpatur similitudinis rationem, similis est huic, idem judicium. Cum enim species, ut dixi, minor sit et inferior genere, absit ut hanc in Patre et Filio diversitatem cogitemus; absit ut huic acquiescamus dicenti, hoc esse Filium ad Patrem, quod speciem ad genus, quod hominem ad animal, quod æreum sigillum ad æs, quod aliquam potentiam ad potentiam. Sunt quippe cuncta hæc, motus suæ connexionis naturæ, ad se invicem superiora et inferiora: et ob hoc nulla prorsus admittenda similitudo ex his ad illud, ubi nihil est inæquale, nihil dissimile. Videtis de quanta vel imperitia, vel impietate descendat harum adinventio similitudinum.

## CAPUT III.

*Absurdum dogma Abelardi, nomina absoluta et essentialia uni personæ proprie et specialiter attribuentis, oppugnat.*

5. Adhuc advertite clarius quid sentiat, doceat, scribat. Dicit proprie et specialiter ad Patrem potentiam, ad Filium sapientiam pertinere: quod quidem falsum. Nam et Pater sapientia, et Filius potentia verissime sunt, sanissimeque dicuntur: et quod est commune amborum, non erit proprium singulorum. Alia illa sunt profecto vocabula, quæ non ad seipsos dicuntur, sed ad alterutrum: et

(179) Editi addunt *fides*, quod nomen deest in codicibus manuscriptis. Vox Augustino familiaris ad significandam catholicam fidem vel Ecclesiam, in Confession. passim, ut lib. v, cap. 14; lib. vi, cap. 4; lib. vii, cap. 1, et in libro contra Mendacium, cap. 7. Confer Bernardum, lib. iii de Consideratione, n. 3,

et sermones in Cantica 64 et 65, n. 8, ac 66 n. 4.

(180) Hanc de Deo notionem probat maxime Anselmus in Monologio et in Apologetico, statim ab initio.

(181) Legesis Guillelmi Sancti Theoderici abbatis caput 2 contra Abelardum.

ideo est cuique suum, et non commune cum altero. A Nam qui Pater est, Filius non est; et qui Filius est, Pater non est: quoniam non quod ad se, sed quod ad Filium Pater est, Patris nomine designatur; et item nomine Filii, non quod ad se Filius, sed quod est ad Patrem, exprimitur. Non sic potentia, non sic sapientia, neque alia multa, quæ ad se dicuntur: et Pater et Filius non singulariter, alter respectu alterius. « Non, » inquit, « sed ad proprietatem personæ Patris proprie vel specialiter invenimus omnipotentiam attingere, quod non solum cum cæteris duabus personis æque omnia efficere potest, verum etiam ipse solus a se, non ab alio existere habet: et sicut habet ex se existere, ita etiam ex se habet posse. » (ABELARDI *Theologiæ* libro 1, pag. 990.) O alterum Aristotelem! An non eadem ratione, si hoc ratio esset, et sapientia et benignitas proprie pertinerent ad Patrem; cum et sapere, et benignum esse, æque a se Pater, et non ab alio habeat, quemadmodum et esse, et posse? Quod si non abnuit (nec enim de ratione potest), quid, quæso, facturus est de illa nobili sua partitione, in qua ut Patri potentiam, sic Filio sapientiam, sic Spiritui sancto benignitatem proprie ac specialiter assignavit? Non enim una et eadem res proprie poterit convenire duobus, hoc est, ut cuique propria sit. Eligat quod vult: aut det sapientiam **648** Filio, et tollat eam Patri; aut Patri tribuat, et auferat Filio; et rursum benignitatem aut Spiritui sancto sine Patre, aut Patri sine Spiritu sancto assignet: aut certe desinat nomina communia propria facere, et Patri, quoniam a seipso habet potentiam, non ideo tamen audeat concedere propriam: ne et benignitatem simul et sapientiam, quas a se nihilo minus habet, identidem proprias ipsi sua ratione assignare cogatur.

6. Sed expectemus adhuc, et videamus, quam theorice noster theologus invisibilia Dei contempletur. Dicit, ut dixi, proprie omnipotentiam pertinere ad Patrem; atque hanc, ut sit integra et perfecta, in gerendo et discernendo constituit (182). Porro Filio, ut jam dictum est, assignat sapientiam, ipsamque non simpliciter quidem potentiam, sed quamdam in Deo potentiam esse definit, id est potentiam tantum discernendi. Forte timet injuriam facere Patri, si tantum tribuat Filio, quantum et ipsi: et cui non audet potentiam dare integram, concedit dimidiam. Et quod dicit, manifestis declarat exemplis, asserens potentiam discernendi, quæ est Filius, ita quamdam esse potentiam, quemadmodum homo quoddam est animal, et sigillum æreum quoddam est æs: atque hoc esse potentiam discernendi, ad gerendi discernendique potentiam, id est Filium ad Patrem, quod homo ad animal est, quod æreum sigillum ad æs. « Sicut enim, » inquit, « ex eo quod est æreum sigillum, exigit necessario ut æs sit; et

ex eo quod est homo, ut animal sit, sed non e converso: ita divina sapientia, quæ est potentia discernendi, exigit quod sit divina potentia, sed non e converso (ABELARDI *Theologiæ* lib. II, pag. 1083). » Quid igitur? vis ut juxta tuam similitudinem, ad instar præcedentium, etiam ex hoc quod Filius est, exigat ut Pater sit; hoc est, ut qui Filius est, Pater sit, quanquam non e converso! Si hoc dicis, hæreticus es: si non dicis, vacat similitudo.

7. Ad quid enim tibi ipsam tanto circuitu de longe positis rebus, et minus convenientibus emendicas, tanto labore colligis, tanta inculcas inani multiplicitate verborum, tantis effers laudibus, si non facit ad quod adducitur, ut videlicet membra ad membra congruis proportionibus reducantur! B Nonne hoc opus, hic labor est, ut per ipsam nos doceas eam, quæ est inter Patrem et Filium, similitudinem! Tenemus autem te docente ad hominis positionem poni animal, sed non e converso secundum regulam dialecticæ tuæ: qua non quidem posito genere ponitur species, sed posita specie ponitur genus. Cum ergo Patrem ad genus, Filium ad speciem referas; non id ratio similitudinis postulat, ut similiter posito Filio, Patrem poni ostendas, et non converti? ut quomodo qui homo est, necessario animal est, sed non convertitur; ita quoque qui Filius est necessario Pater sit, et æque non convertatur. Sed contradicit tibi in hoc catholica fides, quæ profecto utrumque recusat, tam Patrem videlicet esse qui Filius est, quam esse Filium qui Pater est. Nam alius procul dubio Pater, atque alius Filius: quamvis non aliud Pater, quam Filius. Nam per Alius et Aliud, novit pietas fidei caute inter personarum proprietates et individuum essentiae unitatem discernere; et medium iter tenens, regia incedere via: ut nec declinet ad dexteram, confundendo personas; nec respiciat ad sinistram, substantiam dividendo. Quod si per simplex esse dicas vere consequi ut si Filius est, necessario Pater sit; nil te juvat, cum ratio relationis necessario exigat, ut convertatur, et eadem veritas comitetur conversam: quod non congruit adductæ de genere et specie, vel de ære, æreoque sigillo similitudini. Neque enim, sicut per simplex esse duntaxat verissime dicitur, Si Pater est, Filius est; et si Filius est, Pater est: ita etiam possumus inter hominem et animal, sive inter æreum sigillum et æs, in veritate convertibilem texere consequentiam. Nam etsi verum sit dicere, Si homo est, animal est: non tamen vera est conversa, qua dicitur, Si animal est, homo est. Et item si sigillum æreum est, necessario sequitur **649** ut æs sit; non tamen si æs sit, necessario sequitur ut sigillum æreum sit. Sed jam pergamus ad reliqua.

8. En juxta istum habemus omnipotentiam in Patre, quamdam potentiam in Filio: dicat nobis

(182) Eodem fere modo in Abelardum invehitur Gualterus episcopus Laudunensis in epistola ad eum, *omo II Spicilegii*, pag. 475.

etiam de Spiritu sancto quid sentiat. « Benignitas ipsa, » inquit, « quæ hoc nomine quod est Spiritus sanctus demonstratur, non est in Deo potentia, sive sapientia (ABÆLARDI *Theologiæ* libro II, pag. 1085). » Videbam. Satanam tanquam fulgur cadentem de cælo (Luc. x, 18). Sic debet cadere, qui anibulat in magnis et mirabilibus super se. Vides, Pater sancte, quas scalas, imo quæ præcipitia iste sibi paraverit ad ruinam. Omnipotentiam, semipotentiam, nullam potentiam. Ipso auditu horreo, et ipsum horrorem puto sufficere ad refellendum. Verumtamen testimonium pono, quod turbato interim occurrit ad removendam Spiritus sancti injuriam. In Isaia legitur, *Spiritus sapientiæ, Spiritus fortitudinis* (Isa. xi, 2); per quod utique satis aperte istius audacia, etsi non comprimitur, convincitur tamen. O lingua magniloqua! Esto ut injuria Filii vel Patris remittatur tibi: numquid blasphemia (Spiritus)? Manet angelus Domini qui secet te medium: dixisti enim, « Non est Spiritus sanctus in Deo potentia, sive sapientia. » Ita pes superbæ ruit cum irruit.

## CAPUT IV.

*Refellit definitionem fidei, qua dicit Abælardus fidem esse æstimationem.*

9. Nec mirum si homo, qui non curat quæ dicat, irruens in arcana fidei, thesauros absconditos pietatis tam irreverenter invadit atque disceperit; cum de ipsa pietate fidei nec pie, nec fideliter sentiat. Denique in primo limine *Theologiæ*, vel potius *Stultitiæ* suæ, fidem definit æstimationem (*Theologiæ* libro I, pagg. 977 et 1061). Quasi cuique in ea sentire et loqui quæ libeat liceat; aut pendeant sub incerto in vagis ac variis opinionibus nostræ fidei sacramenta, et non magis certa veritate subsistant. Nonne si fluctuat fides, inanis est et spes nostra? Stulti ergo martyres nostri, sustinentes tam acerba propter incerta, nec dubitantes sub dubio remunerationis præmio durum per exitum diuturnum inire exsilium. Sed absit ut putemus in fide vel spe nostra aliquid, ut is putat, dubia æstimatione pendulum; et non magis totum quod in ea est, certa ac solida veritate subnixum, oraculis et miraculis divinitus persuasum, stabilitum et consecratum partu Virginis, sanguine Redemptoris, gloria resurgentis. Testimonia ista credibilia facta sunt nimis. Si quominus, ipse postremo Spiritus reddit testimonium spiritui nostro, quod filii Dei sumus. Quomodo ergo fidem quis audet dicere æstimationem, nisi qui Spiritum istum nondum accepit, quive Evangelium aut ignoret, aut fabulam putet? Scio cui credidi, et certus sum, clamat Apostolus (II Tim. i, 12): et tu mihi subsibilas, « Fides est æstimatio? » Tu mihi ambiguum garris, quo nihil est certius. Sed Augustinus aliter: « Fides, » ait, « non conjectando

A vel opinando habetur in corde in quo est, ab eo cujus est; sed certa scientia, acclamante conscientia. » Absit ergo, absit ut hos fines fides habeat christiana. Academicorum sint istæ æstimationes, quorum est dubitare de omnibus, scire nihil. Ego vero securus in Magistri Gentium sententiam pergo, et scio quoniam non confundar. Placet mihi, fateor, illius de fide definitio, etsi iste etiam ipsam latenter insimulet. *Fides est, ait, substantia rerum sperandarum, argumentum non apparentium* (Hebr. xi, 1). *Substantia*, inquit, *rerum sperandarum*, non inanium phantasia conjecturarum. Audis substantiam. Non licet tibi in fide putare, vel disputare pro libitu; non hac illacque vagari per inania opinionum, per devia errorum. Substantiæ nomine aliquid tibi certum fixumque præfigitur: certis claudens finibus, certis limitibus coarctaris. Non est enim fides æstimatio, sed certitudo.

10. Sed advertite cætera. Omitto quod dicit spiritum 650 timoris Domini non fuisse in Domino: timorem Domini castum in futuro sæculo non futurum; post consecrationem panis et calicis, priora accidentia, quæ remanent, pendere in aere; dæmonum in nobis suggestiones contactu fieri lapidum et herbarum, prout illorum sagax malitia novit harum rerum vires diversas diversis incitandis et incendendis vitiis convenire; Spiritum sanctum esse animam mundi; mundum, juxta Platonem, tanto excellentius animal esse, quanto meliorem animam habet Spiritum sanctum. Ubi dum multum sudat, quomodo Platonem faciat christianum, se probat ethnicum. Hæc, inquam, omnia, aliasque istiusmodi nænias ejus non paucas prætereo: venio ad graviora. Non quod vel ad ipsa cuncta respondeam; magis enim opus voluminibus esset: illa loquor quæ tacere non possunt.

## CAPUT V.

*Arguit Abælardum, sua sensu aut somnia unanimi Patrum sententia præferentem; præsertim ubi dicit Christum non ideo incarnatum, ut hominem liberaret de potestate Satanae.*

11. Mysterium nostræ redemptionis, sicut in libro quodam Sententiarum ipsius, et item in quadam ejus expositione Epistolæ ad Romanos legi (183), temerarius scrutator majestatis aggrediens, in ipso statim suæ disputationis exordio, ecclesiasticorum doctorum unam omnium de hac re dicit esse sententiam, et ipsam ponit ac spernit, et gloriatur se habere meliorem: non veritus contra præceptum Sapientis transgredi terminos antiquos, quos posuerunt patres nostri (Prov. xxii, 28). « Sciendum est, » ait, quod omnes doctores nostri post Apostolos in hoc conveniunt, quod diabolus dominium et

(183) Hoc argumentum attingit Abælardus lib. II Commentarii in Epistolam ad Romanos, questione prima: tunc infert pag. 555 et 554. Si qua vero desunt perfectioni, *Theologiæ* nostræ tractatui reservamus. At mutila est Abælardi *Theologia* vulgata, in qua

non inveni verba, quæ mox refert Bernardus, tametsi quæ hic irreverenter dicta contra Patres ex Abælardo memorantur, apud eum fere leguntur in *Theologiæ* lib. II, pag. 1118, ubi de potentia Dei: diserte vero in Abælardi capitulo IX, supra col. 1457.



potestatem habebat super hominem, et jure cum A possidebat : ideo scilicet quod homo ex libertate arbitrii, quam habebat, sponte diabolo consensit. Aiunt namque, quod si quis aliquem vicerit, victus jure victoris servus constituitur. Ideo, » inquit, « sicut dicunt doctores, hac necessitate incarnatus est Filius Dei, ut homo, qui aliter liberari non poterat, per mortem innocentis jure liberaretur a jugo diaboli. Sed, ut nobis videtur, » ait, « nec diabolus unquam jus aliquod in homine habuit, nisi forte Deo permittente, ut carcerarius : nec Filius Dei ut hominem liberaret, carnem assumpsit. » Quid in his verbis intolerabilis iudicem, blasphemiam, an arrogantiam? quid damnabilis, temeritatem, an impietatem? An non justius os loquens talia fustibus tunderetur, quam rationibus refelleretur? Nonne omnium merito in se provocat manus, cujus manus contra omnes? Omnes, inquit, sic : sed non ego sic. Quid ergo tu? quid melius affers? quid subtilius invenis? quid secretius tibi revelatum jactas, quod tot præterierit sanctos, effugerit sapientes? Aquas furtivas et panes absconditos, puto, apponet nobis iste.

12. Dic tamen, dic quidquid illud est, quod tibi videtur, et nulli alteri. An quod Filius Dei non ut hominem liberaret, hominem induit? Hoc plane nemini, te excepto, videtur : tu videris ubi videris. Non enim hoc a sapiente, non a propheta, non ab apostolo, non denique ab ipso Domino accepisti. Magister Gentium accepit a Domino, quod et tradidit nobis (I Cor. xi, 23). Magister omnium suam doctrinam fateor non esse suam : Non enim, ait, a meipso loquor (Joan. vii, 16; xiv, 10). Tu vero de tuo nobis tradis, et quod a nemine accepisti. Qui loquitur mendacium, de proprio loquitur (Joan. viii, 44). Tibi proinde sint, quæ tua sunt. Ego prophetas et apostolos audio, obedio Evangelio, sed non Evangelio secundum Petrum (184). Tu novum nobis condidisti Evangelium? Quintum Ecclesia evangelistam non recipit. Quid Lex, quid Prophetæ, quid Apostoli, quid apostolici viri nobis aliud evangelizant, quam quod solus tu negas, Deum videlicet factum hominem, 651 ut hominem liberaret? Et si angelus de cælo aliud nobis evangelizaverit, anathema sit.

13. Sed qui venerunt post apostolos, doctores non recipis, homo qui super omnes docentes te intellexisti. Denique non erubescis dicere, quod adversum te omnes sentiant, cum ab invicem non dissensiant. Frustra proinde illorum tibi fidem doctrinamque proponerem, quos jam proscripsisti : ad Prophetas te ducam. Loquitur sub typo Jerusalem ad populum acquisitionis, non propheta, sed in propheta, Dominus, dicens : Salvabo te, et liberabo te, noli timere (Soph. iii, 16, 17). Quæris a qua potestate? Non enim vis ut diabolus in hominem habeat, vel habuerit potestatem : fateor, nec

ego. Non tamen ideo non habet, quia ego et tu hoc nolumus. Hoc si non confiteris tu, nec cognoscis : cognoscunt et dicunt qui redempti sunt a Domino, quos redemit de manu inimici. Quod minime negares et tu, si non esses sub manu inimici. Non potes gratias agere cum redemptis, qui redemptis non es. Nam si redemptus esses, Redemptorem agnosceres, et non negares redemptionem. Nec quærit redimi, qui se nescit captivum. Qui autem scierunt, clamaverunt ad Dominum, et Dominus exaudivit eos, et redemit eos de manu inimici. Et ut intelligas hunc inimicum qui sit, Quos redemit, ait, de manu inimici, de regionibus congregavit eos (Psal. cvi, 2, 6). Sed primum quidem agnosce hunc congregatorem, de Caiphas prophetat in Evangelio, quia Jesus moreretur pro gente. Et qui narrat, sequitur dicens : Non tantum pro gente ; sed ut filios Dei, qui erunt dispersi, congregaret in unum (Joan xi, 51, 52). Quo erant dispersi? In omnes regiones. Ergo quos redemit, de regionibus congregavit eos. Non congregaret, nisi redimeret. Erant enim non solum dispersi, sed et captivi. Redemit, et congregavit : redemit autem de manu inimici. Non dicit, inimicorum ; sed, inimici. Inimicus unus, regiones multæ. Siquidem non de regione, sed de regionibus congregavit eos, a solis ortu et occasu, ab aquilone et mari (Psal. cvi, 3). Quis iste unus tam potens dominus, qui non uni præfuit regioni, sed omnibus? Non alius, ut arbitrator, quam ille, qui ab alio propheta dicitur absorbere fluvium, id est genus humanum, et non mirari : habere autem fiduciam, quod et Jordanis, hoc est electio ipsa, influat in os ejus (Job xl, 18). Beati qui sic influunt ut effluant, qui sic intrant ut exeant.

14. Sed quid? Nondum forte credis Prophetis, sic sibi concinentibus de diaboli potestate in hominem. Veni mecum et ad Apostolos. Dixisti nempe te non sentire cum illis qui post Apostolos venerunt. Assentias vel Apostolis, si forte et tibi contingat quod unus eorum loquitur de quibusdam : Nequando, inquit, det illis Deus penitentiam ad cognoscendam veritatem, ut resipiscant a diaboli laqueis, a quo captivi tenentur ad ipsius voluntatem (II Tim. xxv, 26). Paulus est iste, qui homines a diabolo captivos teneri asserit ad ejus voluntatem. Audis ad ejus voluntatem, et negas potestatem? Si et Paulo non credis, veni jam ad ipsum Dominum; si forte audias, et quiescas. Nempe ab ipso appellatur Princeps hujus mundi (Joan. xiv, 30), et fortis armatus (Luc. xi, 21), possessorque vasorum (Math. xii, 29) : et dicis eum non habere potestatem in homines? Nisi tu aliud putas hoc loco intelligi atrium, quam mundum; vasa, quam homines. Quod si atrium diaboli, mundus erat; et homines vasa ejus; quomodo non dominabatur hominibus? ait item Dominus capientibus se : Hæc est hora vestra, et potestas tenebrarum (Luc. xxi, 53). Potestas ista non latuit illum

qui dicebat : *Qui eruit nos de potestate tenebrarum, A et transtulit in regnum Filii claritatis suæ (Coloss. 1, 13).* Hanc ergo Dominus ne in se quidem negavit diaboli potestatem, sicut nec Pilati, qui membrum erat diaboli. Ait siquidem : *Non haberes potestatem in me ullam, nisi data tibi fuisset desuper (Joan. xix, 11).* Quod si in viride lignum in tantum grassata est ista desuper data potestas, aridum quomodo non fuit ausa contingere? Nec injustam puto iste causabitur potestatem datam desuper. Discat ergo diabolus non solum potestatem, sed et justam habuisse in homines : ut consequenter et hoc videat, venisse utique **652** in carne Dei Fillum propter liberandos homines. Cæterum etsi justam dicimus diaboli potestatem, non tamen et voluntatem. Unde non diabolus qui invasit ; non homo qui meruit : sed justus Dominus qui exposuit. Non enim a potestate, sed a voluntate justus injustusve quis dicitur. Hoc ergo diaboli quoddam in hominem jus, etsi non jure acquisitum, sed nequiter usurpatum ; juste tamen permissum. Sic itaque homo juste captivus tenebatur, ut tamen nec in homine, nec in diabolo illa esset justitia, sed in Deo.

## CAPUT VI.

*In opere liberationis humanæ non solum misericordiam, sed et justitiam relucere.*

15. Juste igitur homo addictus, sed misericorditer liberatus ; sic tamen misericorditer, ut non defuerit justitia quædam et in ipsa liberatione : quoniam hoc quoque fuit de misericordia liberantis, ut (quod congruebat remediis liberandi) justitia magis contra invasorem, quam potentia uteretur. Quid namque ex se agere poterat, ut semel amissam justitiam recuperaret homo servus peccati, victus diaboli? Assignata est ei proinde aliena, qui caruit sua ; et ipsa sic est. Venit princeps hujus mundi, et in Salvatore non invenit quidquam : et cum nihilominus innocenti manus iniecit, justissime quos tenebat amisit : quando is qui morti nihil debebat, accepta mortis injuria, jure illum, qui obnoxius erat, et mortis debito, et diaboli solvit dominio. Qua enim justitia id secundo homo exigeretur? Homo siquidem qui debuit, homo qui solvit. Nam si unus, inquit, *pro omnibus mortuus est, ergo omnes mortui sunt (II Cor. v, 14)* : ut videlicet satisfactio unius omnibus imputetur, sicut omnium peccata unus ille portavit ; nec alterjam inveniat qui forefecit (185), alter qui satisfecit : quia caput et corpus unus est Christus. Satisfecit ergo caput pro membris, Christus pro visceribus suis, quando juxta Evangelium Pauli, quo convinctur mendacium Petri (186), mortuus pro nobis *convivificavit nos sibi, donans nobis omnia delicta, delens quod adversum nos erat chirographum decreti, quod erat contrarium nobis ; et ipsum tulit de medio, affigens illud cruci, expolians principatus et potestates (Coloss. 2, 13, 14).*

16. Utinam ego inveniar in his spoliis, quibus spoliatae sunt contrariae potestates, traductus et ipse in possessionem Domini! Si me insecutus Laban arguerit, quod recesserim clam ab eo, audiat clam me accessisse ad eum, et ob hoc clam recessisse. Subjecit me illi causa secretior peccati : subduxit me illi ratio occultioris justitiæ. Aut si gratis venundatus sum, gratis non redimar? Si Assur sine causa calumniatus est mihi, sine causa causam exigit evasionis. Quod si dixerit, Pater tuus addixit te ; respondebo, Sed frater meus redemit me. Cur non aliunde justitia, cum aliunde reatus? Alius qui peccatorem constituit, alius qui justificat a peccato ; alter in semine, alter in sanguine. An peccatum in semine peccatoris, et non justitia in Christi sanguine? Sed justitia, inquit, sit cujus est : quid ad te? Esto. Sed sit etiam culpa cujus est : quid ad me? An justitia justus super eum erit, et impietas impii non erit super eum? Non convenit filium portare iniquitatem patris, et fraternæ fieri exsortem justitiæ. Nunc ergo per hominem mors, et per hominem vita. Sicut enim in Adam omnes moriuntur, ita et in Christo vivificabuntur (I Cor. xv, 21, 22) : quoniam non sic illi attineo, ut non et isti. Si illi per carnem ; et per fidem huic : et si infectus ex illo originali concupiscentia ; etiam Christi gratia spirituali perfusus sum. Quid mihi plus imputatur de prævaricatore? Si generatio, regenerationem oppono : nisi quod spiritualis est ista, illa carnalis, nec patitur ratio aequitatis ut ex æquo contendat : sed vincat necesse est spiritus carnem, et sit efficacior causa, cujus potior est et natura ; quo plus videlicet prosit generatio secunda, quam prima nocuerit. Sane pervenit delictum ad me, sed pervenit et gratia. **653** *Et non sicut delictum, ita et donum. Nam judicium ex uno in condemnationem ; gratia autem ex multis delictis in justificationem (Rom. v, 16).* A primo homine manavit delictum, a summo cælo egressio gratiæ. Utrumque a parente, illud a primo, ista a summo. Terrena nativitas perdit me : et non multo magis generatio cælestis conservat me? Nec vereor sic erutus de potestate tenebrarum repelli a Patre luminum, justificatus gratis in sanguine Filii ejus. Nempe ipse qui justificat : quis est qui condemnet? Non condemnabit justum, qui misertus est peccatori. Justum me dixerim, sed illius justitia. Quanam ipsa? *Finis legis Christus, ad justitiam omni credenti (Rom. x, 4).* Denique qui factus est nobis, inquit, justitia a Deo Patre (I Cor. 1, 30). Quæ ergo mihi justitia facta est, mea non est? Si mea traducta culpa, cur non et mea indulta justitia? Et sane mihi tutior donata, quam innata. Nam ista quidem gloriam habet, sed non apud Deum : illa autem, cum sit salutis efficax, materiam non habet gloriandi nisi in Domino. Nam *etsi justus fuero, inquit, non lavabo caput (Job x, 15)* ; ne videlicet responsum acci-

(185) Id est offendit, peccavit, quasi *facere foras*, id est extra rationem, ex Glossario Cangiano et aliis.  
(186) Abelardi.

piat: Quid habes quod non accepisti? Si autem accepisti, quid gloriaris, quasi non acceperis? (I Cor. iv, 7.)

## CAPUT VII.

*Abelardum perstringit, impie ac temere Dei secreta scrutantem et extenuantem.*

17. Hæc est iustitia hominis in sanguine Redemptoris: quam homo perditionis exsufflans et subsannans, in tantum evacuare conatur, ut totum quod Dominus gloriæ semetipsum exinanivit, quod minoratus est ab Angelis, quod natus de femina, quod conversatus in mundo, quod expertus infima, quod passus indigna, quod demum per mortem crucis in sua reversus: ad id solum putet et disputet redigendum, ut traderet hominibus formam vitæ vivendo et docendo, patiendū autem et moriendū charitatis metam præligeret. Ergo docuit iustitiam, et non dedit; ostendit charitatem, sed non infudit; et sic rediit in sua? Itane hoc totum est magnum illud pietatis sacramentum, quod manifestatum est in carne, iustificatum est in spiritu, apparuit Angelis, prædicatum est gentibus, creditum est in mundo, assumptum est in gloria? (I Tim. iii, 16.) Incomparabilis doctor, qui etiam profunda Dei sibi aperiens, et ea quibus vult lucida et pervia faciens, altissimum sacramentum, et mysterium absconditum a sæculis, sic nobis suo mendacio planum et apertum reddit, ut transire leviter per illud possit quivis, etiam incircumcisis et immundus: quasi Dei sapientia cavere nescierit aut neglexerit quod ipsa prohibuit, sed dederit et ipsa sanctum canibus, et margaritas porcis. Sed non est ita. Nam etsi manifestatum est in carne, sed tamen iustificatum est in spiritu: ut et spiritualibus spiritualia conferantur; et animalis homo non percipiat quæ sunt spiritus Dei; nec fides nostra sit in sapientia verbi, sed in virtute Dei. Unde Salvator ait, *Confiteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis* (Matth. xi, 25); et Apostolus: *Etsi, inquit, opertum est Evangelium meum, in his est opertum qui pereunt* (II Cor. iv, 5).

18. Denique advertite hominem irridentem quæ sunt spiritus Dei, quoniam stultitia illi videntur; et insultantem Apostolo loquenti Dei sapientiam in mysterio absconditam; invehentem in Evangelium, Dominum blasphemantem. Quam prudentius quod non valet comprehendere, credere dignaretur, nec auderet contemnere, aut conculcare sacrum reverendumque mysterium. Longum est ad omnes ejus ineptias et calumnias, quas divino struit consilio, respondere. Pauca tamen infero, e quibus cætera æstimentur. « Cum solos, » inquit, « electos liberaverit Christus, quomodo eos 654 diabolus possidebat, sive in hoc sæculo, sive in futuro magis,

A quam modo (187)? Respondemus: Imo quia diabolus elector Dei possidebat, a quo, sicut dicit Apostolus, captivi tenebantur ad ipsius voluntatem (II Tim. ii, 26): ut Dei propositum de ipsis impleretur, opus fuit liberatore. Oportuit autem liberari in hoc sæculo, ut liberos haberent in futuro. Deinde infert: « Nunquid etiam pauperem illum, qui in sinu Abrahamæ requiescebat, sicut et divitem damnatum, diabolus cruciabat; aut etiam in ipsum Abraham dominium habebat, cæterosque electos? » Non: sed habuisset, si non liberati fuissent fide venturi, sicut de ipso Abraham scriptum est: *Credidit Abraham Deo, et reputatum est ei ad iustitiam* (Gen. xv, 6); item: *Abraham exsultavit ut videret diem meum; et vidit, et gavisus est* (Joan. xviii). Propterea jam tunc sanguis Christi roborabat etiam Lazaro ne flammis sentiret: quod et ipse credidisset in eum qui erat passurus. Sic de omnibus electis illius temporis sentiendum, natos quidem et ipsos, æque ut nos, sub potestate tenebrarum, propter originale peccatum: sed erutos antequam morentur, et nonnisi in sanguine Christi. Scriptum est enim (188): *Turbæ autem quæ præcedebant, et quæ sequebantur, clamabant dicentes: Hosanna filio David, benedictus qui venit in nomine Domini* (Matth. xxi, 9). Ergo Christo in carne venienti, et antequam veniret, et post, benedictum est a turbis benedictorum: quamvis præcuntes plenam minime tunc consecuti sint benedictionem, servata nimirum hac prærogativa temporis gratiæ.

## CAPUT VIII.

*Quare Christus tam gravem ac laboriosum nos liberandi modum suscepit, cum sola ejus voluntas seu jussio sufficeret.*

19. Deinde laborans docere et persuadere, diabolum nullum sibi jus in hominem vindicare potuisse aut debuisse, nisi permissu Dei, et quod sine injuria diaboli jure Deus profugum suum, si vellet misereri, repetere, et solo verbo eripere posset, quasi hoc quis diffiteatur, post multa aliquando infert: « Quæ itaque necessitas, aut quæ ratio, aut quod opus fuit, cum sola jussione sua, divina miseratio liberare hominem a peccato posset; propter redemptionem nostram Filium Dei carne suscepta, tot et tantas in medias, opprobria, flagella, sputa, denique ipsam crucis ignominiosas et asperissimam mortem sustinere, ut cum iniquis patibulum sustineret (189). » Respondemus: Necessitas nostra fuit, et necessitas dura sedentium in tenebris et umbra mortis. Opus, æque nostrum, et Dei ipsius, et sanctorum Angelorum. Nostrum, ut auferret jugum captivitatis nostræ: suum, ut impleretur propositum voluntatis ejus: Angelorum, ut numerus impleretur eorum. Porro ratio hujus facti fuit dignatio facientis. Quis negat Omnipotenti ad manum fuisse alios et alios

(187) Hæc quidem apud Abelardum lib. 2 in Epist. ad Romanos, pag. 550, sed quæstionem proponendo, non asserendo, uti et ea quæ sequuntur.

(188) Hunc contextum in eam rem etiam adducit Abelardus pag. 555.

(189) Et hæc ipsa verba leguntur apud Abelardum eodem in loco, pag. 552. Sed interrogandi modo: tametsi ejus solutio, quæ subsequitur, ab hac doctrina non recedit. Ergo malignas ejusmodi quæstiones sensit Bernardus.



modos nostræ redemptionis, justificationis, liberationis? Verum hoc non præjudicat hujus, quem e multis elegit, efficaciam. Et fortasse is præstat, per quem in terra oblivionis, gravedinis, lapsus nostri, tot et tantis gravaminibus Reparatoris fortius et vivacius admoneremur. Alias autem nemo hominum novit, nec noscere ad plenum potest, quid boni ad gratiam, quid congruentiæ ad sapientiam, quid decori ad gloriam, quid commodi ad salutem, penes so ipsam contineat hujus venerandi mysterii inscrutabilis altitudo: quam propheta considerans expavit, non penetravit (*Habac. iii, 2*, juxta LXX); et præcursor Domini indignum se judicavit qui penetraret (*Joan. i, 27*).

20. Cæterum si non licet perscrutari divinæ sacramentum voluntatis, licet tamen sentire effectum operis, fructum utilitatis percipere. Et quod licet scire, non licet tacere: quia gloria regum celare verbum, et gloria Dei investigare sermonem (190) (*Prov. xxv, 27*). Fidelis sermo, et omni acceptione dignus! quoniam cum adhuc peccatores essemus, reconciliati sumus Deo per mortem Filii ejus (*Rom. v, 10*). **655** Ubi reconciliatio, et remissio peccatorum. Nam si, dicente Scriptura, *Peccata nostra separant inter nos et Deum* (*Isai. Lix, 2*), manente peccato, non est reconciliatio. In quo ergo remissio peccatorum? *Hic calix*, inquit, *novi testamentii in meo sanguine, qui pro vobis effundetur in remissionem peccatorum* (*Matth. xxvi, 28*; *Luc. xxii, 20*). Itaque ubi reconciliatio, ibi remissio peccatorum. Et quid ipsa, nisi justificatio? Sive igitur reconciliatio, sive remissio peccatorum, sive justificatio sit; sive etiam redemptio, vel liberatio de vinculis diaboli a quo captivi tenebamur ad ipsius voluntatem: intercedente morte Unigeniti obtinemus, justificati gratis in sanguine ipsius; in quo, sicut idem dicit, *habemus redemptionem per sanguinem ejus et remissionem peccatorum, secundum divitiis gratiæ ejus* (*Ephes. i, 7*). Cur, inquit, per sanguinem, quod potuit facere per sermonem? Ipsum interroga. Mihi scire licet quod ita: cur ita, non licet. Nunquid dicit figmentum ei qui se finxit: Quid me finxisti se!

21. Sed hæc stultitia ei videntur: non potest tenere risum. Audite cachinnos. « Quomodo, » ait (191), « justificari nos vel reconciliari Deo per mortem Filii ejus dicit Apostolus, qui tanto amplius adversus hominem irasci debuit, quanto amplius homines in crucifigendo Filium suum deliquerunt, quam in transgrediendo primum ejus præceptum unius pomi gustu? » Quasi non potuerit Deo in uno eodemque et facto displicere iniquitas malignantium, et placere pietas patientis. Et ait: « Quod si tantum fuerat

illud Adæ peccatum, ut expiari non posset nisi morte Christi, quam expiationem habebit ipsum homicidium, quod in Christo commissum est? » Breviter respondemus, ipsum sanguinem quem fuderunt et interpellationem ipsius quem occiderunt. Addit etiam: « Nunquid mors innocentis Filii in tantum Deo Patri placuit, ut per ipsam reconciliaretur nobis, qui hoc peccando commisimus, propter quod innocens Dominus est occisus: nec nisi hoc maximum fieret peccatum, illud multo levius potuit ignoscere? » Non mors, sed voluntas placuit sponte morientis, et illa morte expungentis mortem operantis salutem, restituentis innocentiam, triumphantis principatus et potestates, spoliantis inferos, ditantis superos, pacificantis quæ in cælo sunt et quæ in terra, omnia instaurantis. Et quoniam hæc tam pretiosa mors, voluntarie suscipienda adversus peccatum, non tamén poterat fieri nisi per peccatum, non delectatus quidem, sed tamen bene usus malitia sceleratorum, et mortem de morte, et de peccato damnavit peccatum. Et quanto illorum maior iniquitas, tanto ejus voluntas sanctior, et eo potentior, ad salvandum: quatenus tanta mediante potentia antiquum illud, quamvis grande peccatum, necessario tamen huic, quod in Christo, commissum est, cederet, tanquam minus majori. Nec peccato sive peccantibus ascribitur hæc victoria; sed bene utenti peccato, et peccantes fortiter perferenti, et convertenti in usum pietatis, quidquid in ipsum ausa est crudelitas impiorum.

22. Fuit vero sanguis qui effusus est, tam multus ad ignoscendum, ut ipsum quoque peccatum maximum, quo factum est, ut effunderetur, deleteret; ac per hoc de antiqui illius, utpote levioris, deletione nullam omnino dubietatem relinqueret. Deinde iste: « Cui vero, » inquit, « non crudele et iniquum videtur, ut sanguinem innocentis in pretium aliquod quis requisierit, aut ullo modo ei placuerit innocentem interficere; nedum Deus tam acceptam Filii mortem habuerit, ut per ipsam universo reconciliatus sit mundo? » Non requisivit Deus Pater sanguinem Filii, sed tamen acceptavit oblatum; non sanguinem sitiens, sed salutem, quia salus erat in sanguine. Salus plane, et non, sicut iste sapit et scribit, sola charitatis ostensio. **656** Sic enim concludit tot calumnias et invectiones suas, quas in Deum tam impie, quam imperite evomuit, ut dicat: « Totum esse quod Deus in carne apparuit, nostram de verbo et exemplo ipsius institutionem, sive, ut postmodum dicit, instructionem; totum quod passus et mortuus est, suæ erga nos charitatis ostensionem vel commendationem (192). »

(190) Nunc contrario sensu locum hunc Vulgata legi.

(191) Hæc omnia quæ hic ex Abælardo referuntur, interrogantis sunt, pag. 552 et 553. Et merito quidem hæc tanquam Abælardi placita refert Bernardus, cum in solutione ea non diluat, sed approbare videatur. Idem censent Theologi Parisienses initio operum Abælardi. Et sane Abælardus non negavit hanc suam

fuisse mentem, nec illi sibi (quod in aliis solet) per calumniam impositum causatur: sed opposito testimonio emendavit in Apologia sua, his verbis: *Solum Filium Dei incarnatum profiteor, ut nos a servitute peccati et a iugo diaboli liberaret, et supernam adiuvit vitam morte sua reseraret.*

(192) Hæc et quæ sequuntur ad sensum invenio in solutione pag. 553 et pag. 584, non de verbo.

## CAPUT IX.

*Christum venisse in mundum, non solius instructionis nostræ, sed et liberationis causa.*

23. Cæterum quid prodest quod nos instituit, si non restituit? Aut nunquid frustra instrumur, si non prius destruat in nobis corpus peccati, ut ultra non serviamus peccato? Si omne quod profuit Christus, in sola fuit ostensione virtutum; restat ut dicatur, quod Adam quoque ex sola peccati ostensione nocuerit: siquidem pro qualitate vulneris allata est medicina. Sicut enim in Adam omnes moriuntur, ita et in Christo omnes vivificabuntur (I Cor. xv, 22). Ergo sicut hoc, ita et illud. Si vita, quam dat Christus, non est alia, quam institutio ejus; nec mors utique, quam dedit Adam, alia erit similiter quam institutio ejus: ut ille quidem ad peccatum exemplo suo, hic vero exemplo et verbo ad bene vivendum, et se diligendum homines informarent. Aut si christianæ fidei, et non hæresi Pelagianæ acquiescentes, generatione, non institutione traductum in nos condelemur Adæ peccatum, et per peccatum mortem; fateamur necesse est, et a Christo nobis, non institutione, sed regeneratione restitutam justitiam, et per justitiam vitam: ut sicut per unius delictum in omnes homines in condemnationem, sic et per unius justitiam in omnes homines in justificationem vitæ (Rom. v, 18). Et si ita est, quomodo is dicit, « consilium et causam incarnationis fuisse, ut mundum luce suæ sapientiæ illuminaret, et ad amorem suum accenderet. » Ubi ergo redemptio? A Christo nempe ut fateri dignatur, illuminatio et provocatio ad amorem: redemptio et liberatio a quo

24. Esto quod Christi adventus illis prosit, qui se illi possunt conformare per vitam, et vicem ei dilectionis rependere: quid de parvulis? quam dabit lucem sapientiæ vix adhuc captantibus lucem vitæ? unde accendet [al. ascendet] ad Dei amorem, qui necdum matres suas amare noverunt? Nihilne proderit eis adventus Christi? nihil quod complantati sunt similitudini mortis ejus per Baptismum, quoniam nondum possunt, prohibente ætate, Christum sapere aut amare? « Redemptio itaque, » ait, « nostra est, illa summa in nobis per Christi passionem dilectio. » Ergo parvuli non habent redemptionem, quia non habent summam illam dilectionem. An sicut non habent unde diligant, ita nec unde pereant, ut non sit eis in Christo necessaria regeneratio, utpote quibus generatio ex Adam nihil nocuerit? Si hoc sapit, cum Pelagio desipit. Quidquid horum sentiat, patet quantum humanæ sacramento salutis invidet; quantum, quod in ipso

A est, evacuet alii dispensationem mysterii, qui totum de salute tribuit devotioni, regenerationi nihil: qui nostræ gloriam redemptionis, et summam salutis, non in virtute crucis, non in pretio sanguinis, sed in nostræ constituit conversationis profectibus. Mihi autem absit gloriari, nisi in cruce Domini nostri Jesu Christi (Galat, vi, 14), in qua est salus, vita et resurrectio nostra.

25. Et quidem tria quædam præcipua in hoc opere nostræ salutis intueor: formam humilitatis, in qua Deus semetipsum exinanivit; charitatis mensuram, quam usque ad mortem, et mortem crucis extendit; redemptionis sacramentum, quo ipsam mortem, quam pertulit, sustulit. Horum duo priora sine ultimo sic **657** sunt, ac si super inane pingas. B Magnum profecto et valde necessarium humilitatis, magnum et omni acceptione dignum charitatis exemplum: sed non habent fundamentum, ac proinde nec statum, si desit redemptio. Volo totis nisibus humilem sequi Jesum; cupio eum qui dilexit me, et tradidit semetipsum pro me, quibusdam brachiis vicariæ dilectionis amplecti: sed oportet me et Agnum manducare paschalem. Nisi enim manducavero carnem ejus, et biberero ejus sanguinem, non habebō vitam in memetipso. Aliud sequi Jesum, aliud tenere, aliud manducare. Sequi, salubre consilium; tenere et amplecti, solemne gaudium; manducare, vita beata. Caro enim ejus vere est cibus, et sanguis ejus vere est potus. Panis est Dei qui de cælo descendit, et dat vitam mundo (Joan. vi, 56, 57). C Quis status gaudio, sive consilio, absque vita? Nempe haud alius quam picturæ absque solido. Ergo nec humilitatis exempla, nec charitatis insignia, præter redemptionis sacramentum, sunt aliquid.

26. Hæc, Domine, Pater, de labore manuum pueri vestri qualiacunque tenetis, adversus pauca quidem novæ hæreseos capitula: ubi etsi non aliud quam zelum agnoscitis meum, tamen propriæ interrim conscientie satisfeci. Nam cum non esset quod agerem pro injuria fidei quam dolebam; operæ mihi pretium arbitror, si illum monui, cujus arma potentia a Deo ad destructionem contrariarum assertionum, ad destruendam omnem altitudinem extollentem se adversus scientiam Dei, et in captivitatem redigendum omnem intellectum in obsequium Christi. Sunt et alia in aliis ejus scriptis non pauca, nec minus mala capitula, ad quæ nec temporis, nec epistolæ angustia respondere permittit. Quanquam nec necessarium putem, cum sint adeo manifesta, ut ipsa etiam vulgata fide facile refellantur. Collegi tamen aliqua, et transmissi.

# S. BERNARDI ABBATIS

LIBER

## DE VITA ET REBUS GESTIS S. MALACHIÆ (193)

HIBERNIÆ EPISCOPI,

### 658 PRÆFATIO AD CONGANUM ABBATEM.

1. Semper quidem operæ pretium fuit illustres Sanctorum describere vitas, ut sint in speculum et exemplum, ac quoddam veluti condimentum vitæ hominum super terram. Per hoc enim quodammodo apud nos etiam post mortem vivunt, multosque ex his, qui viventes mortui sunt, ad veram provocant et revocant vitam. Verum nunc maxime id requirit raritas sanctitatis, et nostra plane ætas inops virorum. Quam sane inopiam super nos adeo invaluisse sentimus, ut nulli sit dubium illa sententia nos feriri: *Quoniam abundabit iniquitas, refrigescet charitas multorum* (Matth. xxiv, 12). Et ut suspicor ego, aut præsto, aut prope est, de quo scriptum est: *Faciem ejus præcedet egestas* (Job xli, 13). Ni fallor, Antichristus est iste, quem fames et sterilitas totius boni et præit, et comitatur. Sive igitur nuntia jam præsentis, sive jamjamque adfuturi prænuntia, egestas in evidenti est. Taceo vulgus, taceo vilem filiorum hujus sæculi multitudinem: in ipsas Ecclesiæ columnas volo oculos leves. Quem mihi ostendas vel de illorum numero, qui videntur dati in lucem gentium, non magis de sublimi fumantem, quam flammantem? *Et si lumen quod in te est, inquit, tenebræ sunt, quantæ sunt tenebræ?* (Matth. vi, 23.) Nisi tu illos forte (quod non credo) lucere dixeris, qui quæstum æstimant pietatem; qui in hereditate Domini, non quæ Domini, sed magis quæ sua sunt, quæritant. Quid dico, quæ sua sunt? Perfectus sit et sanctus etiam sua quærens, suaque retinens, si ab alienis cor manusque contineat. Meminerit tamen, qui sibi usque huc forte pervenisse videtur, eundem exigi sanctitatis gradum et ab ethnico. An non milites suis jubentur contenti forte stipendiis, ut salvi fiant? (Luc. iii, 14.) Magnum vero Ecclesiæ doctore, si sit sicut unus militum: aut certe (quod ad illorum improprium propheta loquitur) *sicut populus, ita et sacerdos* (Isa. xxiv, 2) fuerit? O deformitatem! itane summus merito reputandus erit, qui a summo corruens gradu, hærebit vix infimo, ne abysso absorbeat? Quam rarus tamen iste ipse in clero? Quem item das mihi contentum necessariis, contemptorem superfluatorum? Lex est tamen præfixa ab Apostolis Apostolorum successoribus: *Victum et vestitum ha-*

*A* bentes, inquit, his contenti simus (1 Tim. vi, 8).

Ubi forma hæc? In libris cernimus eam, sed non in viris. Habes vero de justo, quia *lex Dei ejus in corde ipsius* (Psal. xxxvi, 31), et non in codice. Nec perfectionis is gradus. Perfectus carere et necessariis paratus est. At gratis istud. Utinam superfluis ponatur modus! utinam non cupiamus in infinitum! Sed quid? Forte reperias qui hoc possit? Id quidem difficile: sed vide quid egimus. Quærebamus virum optimum, multorum liberatorem: et ecce laboramus in inveniendis, qui se ipsum salvum facere possit. Optimus hodie est, qui non est nimis malus.

2. Unde quoniam a terra defecit sanctus, videor mihi non supervacue ex his qui empti sunt de terra, revocare ad medium Malachiam episcopum, virum vere sanctum, et nostrorum quidem temporum, singularis sapientiæ et virtutis. Iste erat lucerna ardens et lucens: nec extincta est tamen, sed submota. Quis mihi jure succenseat, si readmovero eam? Imo vero non est quod mihi ingrati esse mei sæculi homines debeant, et omnis deinceps generatio ventura, si quem conditio tulit, revocem stilo; si mundo restituam, quo dignus non erat mundus; si servam memoriæ hominum hominem, ejus memoria in benedictione sit omnibus, qui legere dignabuntur; si me excitante amicum dormientem, vox turturis audita fuerit in terra nostra, dicens: *Ecce ego vobiscum sum omnibus diebus usque ad consummationem sæculi* (Matth. xxviii, 20). Deinde sepultus apud nos est: nobis specialiter hoc opus incumbit. Quid quod me inter speciales amicos Sanctus ille habebat, et eo loci, ut nulli in hac parte gloriæ secundum fuisset me credam? Nec mercede vacat mihi tantæ familiaritatis sanctitatis: primitias jam accepi. In extremis positus erat, imo in principiis, juxta illud: *Cum consummatus fuerit homo, tunc incipit* (Eccli. xviii, 6). Accurri ego, ut benedictio morituri super me veniret. At ille cum jam membra alia movere non posset, fortis ad dandam benedictionem, elevatis sanctis manibus super caput meum, benedixit mihi, et benedictionem hereditate possideo: et quomodo, ego illum silere queam? Postremo tu id mihi, abba Congane, injungis, reverendus frater, et dulcis amicus meus, ac tecum pariter (ut ex Hibernia

(193) S. Malachias obiit anno 1148, Novembris die secunda.



scribis) vestra illa omnis ecclesia sanctorum. Libens obedio, præsertim quod non eloquium exigitis, sed narrationem. Dabo vero operam, ut ea sit pura et luculenta, devotos informans, fastidiosos non onerans. Sane narrationis veritas secunda apud me est, intimata a vobis, haud alia procul dubio protestantibus, quam quæ certissime comperta sunt vobis.

### 659 CAPUT I.

*Pueritia et adolescentia S. Malachii.*

1. Malachias noster, ortus Hibernia de populo barbaro, ibi educatus, ibi litteras edoctus est. Cæterum de natali barbarie traxit nihil, non magis quam de sale materno pisces maris. Quam vero suave, quod inculta nobis barbaries tam urbanum protulit civem sanctorum, et domesticum Dei! Qui producit mel de petra, oleumque de saxo durissimo, ipse fecit hoc. Parentes tamen illi fuere genere et potentia magni, juxta nomen magnorum qui sunt in terra. At mater mente, quam sanguine generosior, satagebat in ipso initio viarum suarum, notas parvulo facere vias vitæ: hanc pluris illi existimans ventosa scientia litteraturæ sæcularis. Ad utramque tamen huic non defuit ingenium pro ætate. In scholis litteras, domi timorem Domini docebatur, et quotidianis profectibus respondebat ambobus satis, magistro et matri. Nempe a principio spiritum sortitus est bonum, per quem erat puer docilis, et amabilis valde, mire admodum omnibus per omnia gratus. Bibebat autem pro lacte de pectore materno aquas sapientiæ salutaris, et fiebat in dies se ipso prudentior. Prudentior, dicam, an sanctior? Utrumque si dixerò, non me pœnitebit: veritatem enim dicam. Agebat senem moribus, annis puer, expertus lasciviæ puerilis. Cumque ex hoc cunctis esset reverentiæ ac stupori, non tamen inde, ut assolet, insolentior inveniebatur; sed magis quietus et subditus in omni mansuetudine. Non impatiens magisterii, non fugitans disciplinæ, non lectionis fastidians, non ludorum denique appetens: quod vel maxime illa ætas dulce ac familiare habere solet. Et proficiebat supra omnes cœtaneos suos in ea quidem litteratura, quæ illi competebat ætati. Nam in disciplina morum profectuque virtutum, etiam super omnes docentes se in brevi enituit, non tam matre tamen, quam unctione magistra. Hac sollicitante, haud segnitè et in divinis exercebatur, petere secretum, anticipare vigilias, meditari in lege, relictis parcius, orare frequentius. Et quia ecclesiam frequentare nec vacabat propter studium, et pro verecundia non libebat; levare puras manus in omni loco ad cælum, ubi tamen secrete id posset. Jam tunc siquidem cautus fuit declinare virus virtutum, inanem gloriam.

2. Est vicus prope civitatem, in qua discebat puer, quo magister ejus frequenter pergere solitus erat, ipso solo comite. Illo cunctibus ambobus pariter, ipse, ut postea referebat, retrahebat pedem, sistebat gradum, et stans a tergo magistri, illo quidem non comperiente, expansis ad cælum manibus, raptim

A quodammodo, ac veluti jaculatam emittebat orationem: et sic dissimulans, magistrum denuo sequebatur. Istiusmodi pio furto puer sæpius illudebat comitem pariter et magistrum. Non est dicere omnia, quæ ejus principia colore bonæ indolis decorare: ad majora atque utiliora currendum. Unum tamen refero adhuc, quod hoc, meo quidem judicio, non modo bonæ, sed et magnæ in puero dederit insigne spei. Excitus aliquando opinione cujusdam magistri (erat enim famosus in disciplinis, quæ dicuntur liberales), adivit illum discendi cupiditate. Quippe extrema jam pueritiæ captans, ad eas litteras anhelabat. Intrans vero domum, vidit virum ludentem subula, crebrisque sulcantem tractibus nescio quo notabili modo parietem. Et solo visu offensus puer serius, quod levitatem redoleret, resiliivit ab eo, ac deinceps illum nec videre curavit. Ita cum esset studiosissimus litterarum, præ honesto tamen spreto eas virtutis amator. Tali quodam præludio puer præparabatur ad eum, qui se manebat in fortiori ætate conflictum: jamque ipse adversarium provocabat. Et Malachiæ quidem pueritia sic erat. Porro adolescentiam simili transivit simplicitate et puritate: nisi quod crescente ætate, 660 crescebat simul illi sapientia et gratia apud Deum et homines.

3. Hinc jam, id est ab ineunte adolescentia ejus, cœpit manifestius apparere quid esset in homine, et gratia Dei in illo vacua non videri. Videns enim industrius adolescens, quam in maligno mundo positus sit (Joan. v, 19), et cogitans qualem spiritum accepisset, dicebat intra se: «Non est spiritus hujus mundi iste. Quid isti, et illi? Non est societas alteri ad alterum, non plus quam luci ad tenebras. Meus ex Deo est, et scio quæ in illo donata sunt mihi. Inde mihi interim adhuc innocentia vitæ [et] mea, inde continentia decus, inde justitiæ fames, inde quoque illa eo securior, quo secretior, gloria mea est, testimonium conscientia meæ. Nil horum mihi tutum sub principe mundi. Deinde habeo thesaurum hunc in fictili vase. Verendum ne impingat et frangatur, et effundatur oleum lætitiæ quod porto. Et quidem non impingere inter saxa et scopulos distortæ et anfractuosa vitæ et vitæ hujus difficillimum. Itane momento perdam simul omnes, quibus ab initio præventus sum, benedictiones dulcedinis? Resigno illi potius, a quo sunt, et me pariter. Et ego enim ipsius. Perdo ipsam ad tempus animam meam, ne perdam in æternum. Et quod sum, et quæ habeo omnia, ubi mihi æque salva, uti in manu Auctoris? Quis ita ad servandum sollicitus, ad retinendum potens, ad restituendum fidelis? Servabit tuto, restituet opportune. Sine retractatione me do ad serviendum illi de donis suis. Non potest mihi perire ex omnibus, quæ in opus pietatis expendero. Forte et sperare plus aliquid licet. Solet reddere cum usura qui dat gratis. Ita est. Etiam cumulat, et multiplicabit in anima mea virtutem.» Hæc cogitavit, et fecit, sciens absque facto vanas esse cogitationes hominum.

## CAPUT II.

*Religiosae vitae tirocinium.*

4. Erat homo in civitate Ardmacha (ipsa est, in qua alius est Malachias), et homo ille sanctus, et austerae admodum vitae, inexorabilis castigator corporis sui, cellam habens juxta ecclesiam. In ea manebat, jejuniis et obsecrationibus serviens die ac nocte. Ad hunc se contulit Malachias, formam vitae accepturus ab eo, qui vivum se tali damnaverat sepultura. Et vide humilitatem. A primæva ætate in sancta arte magistrum (quod dubium non est) habuerat Deum: et ecce factus est denuo discipulus hominis, homo mitis et humilis corde. Si nesciebamus, hoc vel solo nobis ipse probavit. Legant hoc, qui docere quæ non dicere conantur, discipulos sibi coacervantes, qui nunquam discipuli exstiteret, cæci duces cæcorum. Malachias doctus a Deo, doctorem nihilo minus quesivit hominem, et quidem caute, et sapienter. Quid simile, quæso, afferre quibat, in quo æque daret caperetque experimentum profectus sui? Si Malachia exemplum eis pro minimo est, Pauli opus attendant. Nonne Evangelium suum, quod non ab homine acceperat, sed a Christo cum hominibus tamen censuit conferendum, ne forte in vacuum curreret, aut cucurrisset? (*Galat. 1, n*). Ubi ille securus non est, nec ego. Si quis hoc scit, viderit, ne non tam securitas sit, quam temeritas. Sed hæc alterius temporis.

5. Nunc vero sonuit in civitate quod factum erat, et commota est universa ad inopinatam novitatem. Stupebant autem omnes, et virtutem mirabantur, eoque amplius, quo minus usitatam in gente fera. Videres tunc revelari ex multorum cordibus cogitationes. Plerique humano affectu pensantes factum, plangere et dolere, quod dilectus omnibus, delicatusque adolescens, duris se adeo laboribus mancipasset. Alii suspicati levitatem propter ætatem, diffidere de perseverantia, timere de casu. Nonnulli temeritatem causantes, indignari et fremere in eum, quod supra ætatem et vires inconsulte rem arduum fuisset aggressus. **661** Verum ille sine consilio egit nihil. Nam habuit consilium a Propheta, qui ait: *Bonum est homini, si portaverit jugum ab adolescentia*; et addit: *Sedebit solitarius, et tacebit, quia levavit se supra se* (*Thren. III, 27, 28*). Sedebat sibi juvenculus secus pedes Imarii (hoc enim nomen viro), et aut discebat obedientiam, aut se didicisse docebat. Sedebat, ut quietus, ut mansuetus, ut humilis. Sedebat, et tacebat, sciens secundum prophetam, cultum justitiæ esse silentium (*Isa. xxxii, 17*): sedebat ut perseverans, tacebat ut verecundus, nisi quod suo illo silentio in Dei auribus loquebatur cum sancto David: *Adolescentulus sum ego et con-*

*A templus, justificationes tuas non sum oblitus* (*Psal. cxviii, 141*). Et sedebat interim solitarius, quia et sine socio, et sine exemplo. Quis enim ante Malachiam districtissimum viri propositum vel cogitaret attentare? Nempe mirabile omnibus habebatur, non imitabile. Malachias imitabile persuasit, sedendo duntaxat, et tacendo. Intra paucos dies habuit imitatores non paucos, provocatos exemplo sui. Ita qui primo solitarius sedit, et unicus patris sui, fit jam unus ex multis, fit ex unigenito primogenitus in multis fratribus. Et ut prior in conversione, ita in conversatione sublimior: et qui ante omnes venit, omnium judicio supra omnes enicuit in virtute. Et dignus visus est episcopo pariter et magistro, qui ad diaconi gradum promoveretur. Et coegerunt eum.

B

## CAPUT III.

*Ordinis initiatus episcopi vices gerit.*

6. Hinc jam levita Domini publice se ad omne opus pietatis accinxit: plus vero ad eas res, in quibus aliqua injuria videretur. Denique cura erat ei maxima in sepeliendis defunctis pauperibus, quod hoc sibi non minus humilitatem saperet, quam humanitatem. Nec defuit novo nostro Tobia red viva a muliere tentatio, imo a serpente per mulierem. Germana ejus indignitatem (ut sibi videbatur) officii exhorrens: Quid facis, inquit, o insane? dimitte mortuos sepelire, mortuos suos. Et hoc illi quotidie exprobrans ingerebat. Sed respondebatur mulieri stultæ juxta stultitiam suam: Misera, tu eloquii casti vocem tenes, sed virtutem ignoras. Ita ministerium, ad quod coactus accesserat, devotus tenuit, indefessus exercuit. Unde et censuerunt etiam sacerdotale officium imponendum illi. Et factum est ita. Erat autem, cum sacerdos ordinatus est, annos natus quasi viginti quinque. In qua ejus utraque ordinatione, si quid præter Canonum formam processisse videtur, ut vere videtur (siquidem infra vicesimum quintum annum leviticum ministerium, infra tricesimum adeptus est sacerdotii dignitatem) (194) donandum sane tum zelo ordinatoris, tum meritis ordinati. Ego vero istud nec in sancto redarguendum, nec usurpandum consulo ei qui sanctus non fuerit. Nec contentus episcopus (195), etiam vices suas commisit ei, seminare semen sanctum in gente non sancta, et dare rudi populo, et sine lege viventi, legem vitæ et disciplinæ. Suscepit ille mandatum in omni alacritate, sicut erat spiritu fervens; nec talentis incubans, sed inhians lucris. Et ecce linguæ sarculo cœpit evellere, destruere, dissipare; de die in diem facitans prava in directa, et aspera in vias planas. Exsultabat ut gigas ad discurrendum ubique. Diceres ignem urentem in consumendo criminum vepres. Diceres securim vel

D

(194) Nempe ante annos triginta fieri cautum erat in conciliis Neocæsariensi, Agathensi anni 506, in Arelatensi IV, et aliis. Agathensis canon 17: *Presbyterum et episcopum ante triginta annos, id est, antequam ad viri perfecti ætatem perveniant, et diaconos ante viginti quinque nullus metropolitanorum ordinare*

*presumat*, etc. Ita apud Bochellum, cum apud Sirmondum desit locus de diaconis, ad quem Bernardus hic respicit, cujus tempore lex ista adhuc vigeat, ut patet ex sequentibus verbis. Sæpius tamen ab episcopis dispensatum, maxime in pios viros.

(195) Scilicet Celsus: vide infra, n. 19.

asciam in dejiciendo plantationes malas, extirpare barbaricos ritus, plantare ecclesiasticos. Veterinosas omnes (neque enim paucae inveniebantur) abolebat superstitiones, seu quaslibet, ubicunque deprehendisset, malignitates immissas per angelos malos.

7. Denique quidquid incompositum, quidquid indecorum, **662** quidquid distortum obvium habuisset, non parcebat oculus ejus: sed velut grando grossos et scibus, et sicut pulverem ventus a facie terrae, sic coram facie sua hujusmodi nitebatur totum pro viribus exturbare ac delere de populo suo. Et pro his omnibus tradebat jura coelestia optimus legislator. Leges dabat plenas justitiae, plenas modestiae et honesti. Sed et apostolicas sanctiones ac decreta sanctorum Patrum, praecipueque consuetudines sanctae Romanae Ecclesiae, in cunctis ecclesiis statuebat. Hinc est, quod hodieque in illis ad horas canonicas cantantur et psallitur juxta morem universae terrae. Nam minime id ante fiebat, ne in civitate quidem. Ipse vero in adolescentia cantum didicerat, et in suo cenobio mox cantari fecit, cum neeum in civitate, seu in episcopatu universo cantare scirent, vel vellet. Deinde usum saluberrimum Confessionis, sacramentum Confirmationis, contractum conjugiorum, quae omnia aut ignorabant, aut negligebant, Malachias de novo instituit. Et de his ista pro exemplo sufficiant. Nam et per totum historiae textum, brevitate studio plurima praeterimus.

#### CAPUT IV.

*Malcho episcopo plenius instituendus adhaeret.*

8. Cum esset illi studium et zelus maximus circa cultum divinatorum et venerationem Sacramentorum, ne forte de his aliquid constitueret vel doceret secus, quam ritus haberet universalis Ecclesiae, subit animum adire episcopum Malchum [al. Malachum], qui se plenius de omnibus informaret. Hic erat senex plenus dierum et virtutum, et sapientia Dei erat in illo. Natione quidem Hibernus, sed in Anglia conversatus fuerat in habitu et proposito monachali in Wintoniensi monasterio: de quo assumptus est in episcopum in Lesmor civitate Mumoniae: et ipsa nobilior inter caeteras regni illius. Ibi tanta ei desuper collata est gratia, ut non modo vita et doctrina, sed et signis clareret. Quorum duo pono exempli causa, ut omnibus innotescat, qualem in scientia sanctorum Malachias habuerit praeceptorem. Puerum mente captum, ex his quos lunaticos vocant, inter confirmandum sacra unctione sanavit. Hoc ita notum certamque fuit, ut illum mox constituerit ostiarium domus suae, vixeritque idem puer incolumis in eo officio usque ad virilem aetatem. Surdo auditum restituit: in quo idem mirabile quiddam confensus est, quod cum sanctus utrique auricule hinc inde digitos immisisset, duos quasi porcellos ex ipsis exire senserit. Pro his atque hujusmodi fama crebrescente, nomen grande adeptus est: ita ut ad eum Scoti, Hibernique confluerent, et tanquam unus om-

nium pater ab omnibus coleretur. Ad hunc ergo Malachias, accepta benedictione patris Imarii, et ab episcopo missus, cum prospere pervenisset, benigne a senae susceptus est: qui annos aliquot cum eo mansit, ut per hanc temporis moram hauriret plenius de pectore veterano, sciens scriptum: Quia in antiquis est sapientia (Job xii, 12). Sed nec hoc quoque ad causam defuisse reor, quod magnus ille Provvisor universorum voluit servum suum Malachiam in loco tam celebri notum fieri omnibus, qui erat omnibus profuturus. Nec enim poterat non esse gratus, quibus notus fuisset. Denique unum interim accidit, per quod ex aliqua parte quod notum Deo erat in illo, manifestum fecit hominibus.

9. Inter regem Mumoniae (quae est Hiberniae pars australis) et germanum ejus orta similitate, et fratre facto superiori, Rex (196) pulsus regno, confugit ad episcopum Malchum. Non tamen ut ope illius regnum recuperaret: sed magis princeps devotus dedit locum irae, et necessitatem in virtutem convertit, privatam **663** eligens ducere vitam. Cumque episcopus Regem suscipere debito honore pararet, abnuit ille, se malle inquires tanquam unum ex illis esse pauperibus fratribus qui illi adhererent, regium fastum deponere, et communi paupertate fore contentum, expectare potius Domini voluntatem, quam per vim recipere regnum; nec velle pro suo honore terreno sanguinem humanum effundere, qui contra se clamet ad Deum de terra. Quo audito, exultat episcopus, et admiratus devotionem, satisfacit voto. Quid plura? Traditur Regi paupercula domus ad habitandum, et Malachias in magistrum, ad victum panis cum sale et aqua. Porro ad delicias sufficiebat Regi Malachiae praesentia, vita atque doctrina, ita ut diceret ei: Quam dulcia faucibus meis eloquia tua! super mel ori meo (Psal. cxviii, 103). Ad haec per singulas noctes lacrymis suis stratum suum rigabat: sed et quotidiano aquae frigidae balneo male calentem exstinguebat in carne libidinem. Et orans Rex, cum Rege dicebat: Vide humilitatem meam et laborem meum, et dimitte universa delicta mea (Psal. xxiv, 18). Et non amovit Deus orationem ejus et misericordiam suam ab eo. Et exaudita est oratio ejus, etsi secus, quam intenderet ipse. Nam is quidem sollicitus erat pro anima sua: sed vindex innocentiae Deus, hominibus ostendere volens quoniam sunt reliquiae homini pacifico, parabat interim facere iudicium injuriam patienti, quod ille penitus non sperabat. Et suscitavit Deus spiritum vicini regis: neque enim unum est Hiberniae regnum, sed divisa in plura. Illic itaque videns quae facta sunt, repletus est zelo: et hinc quidem indignans praedonum libertati, et insolentiae superborum; inde vero miserans regni desolationem et Regis dejectionem, descendit ad cellulam pauperis: suadet reditum, sed non persuadet. Instat tamen, spondet opem, de effectu non diffidere monet; Deum adiuturum pro-



mittit, cui non poterunt resistere omnes adversarii ejus. Proponit etiam oppressionem pauperum patriæque vastationem, et non proficit.

10. Cæterum accedente mandato episcopi et Malachiæ consilio, de quibus ille pendebat totus, vix tandem acquiescit. Sequitur Rex Regem, et juxta verbum Regis, sicut fuerat voluntas in cælo, tota facilitate pulsus prædonibus, reducitur homo in suam cum exultatione sanctorum, regnoque restituitur suo. Dilexit extunc Rex ille, et semper reveritus est Malachiam: eoque propensius, quo plenius in sancto viro digna veneratione et amore compererat. Cujus enim tantam meruit in sua adversitate familiaritatem, sanctitatem ignorare non potuit. Propterea magis in sua prosperitate perpetuis illum amicitiiis, devotisque colebat obsequiis, et libenter audiebat eum, et audito eo multa faciebat. Et de his satis. Verumtamen non fortuito factum reor, quod ita jam tunc magnificavit eum Dominus in conspectu regum: sed quia vas electionis sibi erat ille, portaturus nomen suum coram regibus et principibus.

#### CAPUT V.

*Sorori defunctæ sacrificii oblatione succurrit.*

11. Mortua est interim soror ejus illa, quam præfati sumus. Nec prætereundæ visiones, quas vidit de ea. Hujus siquidem sanctus carnalem exhorruerat vitam, et tanto zelo, ut se devoverit non visurum eam in carne viventem. At illa carne soluta, solum est votum, et cæpit videre in spiritu, quam in corpore noluit. Quadam nocte audit per somnium vocem sibi dicentis, sororem ejus stare foras in atrio, et ecce per totos triginta dies nihil gustasse: qui evigilans cito intellexit, cujus esce iudicia marceret. Et diligenter discusso numero dierum quem audierat, ipsum esse reperit, ex quo pro ea Panem de cælo vivum non obtulisset. Tum ille qui sororis non animam oderat, sed peccatum; beneficentiam, quam **664** intermiserat, rursum adoritur Neque frustra. Non multo post visa est illi pervenisse ad limen ecclesiæ, necdum tamen posse intrare; apparere etiam in veste pulla. Cumque ille perseveraret, curans ne qua die solita stipe frustraretur; secundo vidit eam in veste subcandida; admissam quidem intra ecclesiam, sed altare contingere non permitti. Tertio tandem visa est aggregari cœtui candidatorum, et in veste candida. Vides, lector, quantum valeat deprecatio justi assidua? Vere regnum cælorum vim patitur, et violenti rapiunt illud. Nonne tibi videtur Malachiæ oratio vicem quodammodo effractoris exhibuisse cœlestibus portis, quando peccatrix mulier fraternis obtinuit armis, quod suis meritis negabatur? Hanc vim, Jesu bone, tu qui pateris, facis, validus et pius ad salvandum, faciens misericordiam et potentiam in brachio tuo, et in Sacramento tuo servans sanctis qui in terra sunt, usque in consummationem sæculi. Hoc plane

A Sacramentum potens peccata consumere, debellare obvias potestates, inferre cœlis revertentes de terra.

#### CAPUT VI.

*Monasterium Benchorense desolatum instaurat.*

12. Et Dominus quidem in regione Lesmorensi sic præparabat dilectum suum Malachiam ad gloriam nominis sui. Verum qui miserant eum, minime jam ferentes absentiam ejus, missis epistolis revocant illum. Quo reddito suis, et quidem instructiore de omnibus quæ oportebat; en opus a Deo paratum et servatum Malachiæ. Vir dives et potens, qui locum Benchor et possessiones ejus tenebat, inspiratus a Deo, confestim in manu ejus sua omnia dedit et se quoque. Et is avunculus ejus. Sed Malachiæ spiritus quam carnis propinquitatis pluris fuit. Ipsum quoque locum Benchor (197), de quo cognominabatur, tradidit ei princeps, ut ædificaret ibi monasterium, vel potius reædificaret. Nempe nobilissimum existerat ante sub primo patre Congello, multa millia monachorum generans, multorum monasteriorum caput. Locus vere sanctus secundusque sanctorum, copiosissime fructificans Deo, ita ut unus ex filiis sanctæ illius congregationis, nomine Luannus, centum solus monasteriorum fundator exstitisse feratur. Quod idcirco dixerim, ut ex hoc uno conjiciat lector, quam ingens fuerit reliqua multitudo. Denique ita Hiberniam Scotiamque repleverunt gemina ejus, ut ea potissimum tempora Davidici illi versiculi præcinnisse videantur: *Visitasti terram, et inebriasti eam, multiplicasti locupletare eam. Flumen Dei repletum est aquis, parasti cibum illorum, quoniam ita est præparatio ejus. Rivos ejus inebria, multiplica genimina ejus; in stillicidiis ejus letabitur germinans (Ps. Lxiv, 40, 41)* Et in hunc modum cæteri qui sequuntur. Nec modo in præfatas, sed et in exterarum etiam regiones, quasi inundatione facta, illa se sanctorum examina effuderunt. E quibus ad has nostras Gallicanas partes sanctus Columbanus ascendens, Luxoviense construxit monasterium, factus ibi in gentem magnam. Aiunt tam magnam fuisse, ut succedentibus sibi vicissim choris, continuarentur solemnia divinatorum, ita ut ne momentum quidem diei ac noctis vacaret a laudibus.

13. Hæc de antiqua dicta sint Benchorensis monasterii gloria. Hoc olim destructum a piratis, ob insigne dignitatis antiquæ, Malachias, veluti quemdam replantaturus paradisum, amplexus est, et quia multa corpora sanctorum dormirent ibi. Nam ut taceam illa quæ in pace sepulta sunt, ferunt nongentos simul una die a piratis occisos. Erat quidem ingens loci illius possessio: sed Malachias solo contentus loco sancto, totas possessiones et terras alteri cessit. Si quidem a tempore quo destructum est monasterium, non defuit qui illud teneret cum possessionibus suis. Nam et constitutebantur per electionem etiam et abbates appellabantur, servantes

(197) Benchor vocatur in actis sancti Columbani, situm in Ultonia Hiberniæ provincia; distinguendum

ab alio cognomine monasterio, quod in Wallia, Angliæ regione, locatum erat.

nomine, etsi non re, quod olim **665** exstiterat. Cumque suaderent multi non alienare possessiones, sed totum simul retinere sibi, non acquievit paupertatis amator : sed fecit eligi juxta morem qui eas teneret, loco, ut prædiximus, retento sibi et suis. Et fortassis consultius, ut post apparuit, integrum retinuisset, si non magis suæ prospexisset humilitati, quam paci.

14. Itaque ex mandato patris Imarii assumptis secum decem circiter fratribus, veniens ad locum, cepit ædificare. Ubi quadam die cum in securi ipse secaret, casu ex operariis unus, illo vibrante in aera securim, locum incaute occupavit quo ictus destinabatur : et cecidit super spinam dorsi ejus, tanto utique impetu, quanto ille conatu impingere valuit. Corruit ille : accurrere omnes, putantes aut percussum ad mortem aut mortuum. Et tunica quidem scissa a summo usque deorsum : homo vero illæsus inventus est, tam modice et summatim perstricta cute, ut vix in superficie vestigium appareret. Stabat homo incolumis, quem securis prostraverat, intuentibus et stupentibus qui circumstant. Unde et facti alacriores, promptiores exinde ad opus inventi sunt. Et hoc initium signorum Malachie. Porro oratorium intra paucos dies consummatum est de lignis quidem lævigatis, sed apte firmiterque contextum, opus Scotticum, pulchrum satis. Et exinde servitur Deo in eo, sicut in diebus antiquis ; simili quidem devotione, etsi non pari numero. Præfuit Malachias loco illi tempore aliquanto, patre Imario ita constituite, ipse rector, ipse regula fratrum. Legebant in vita ejus quomodo conversarentur, et ipse ante illos præibat in justitia et sanctitate coram Deo : nisi quod præter instituta communia, multa singulariter faciebat, in quibus potius præibat omnes, et aliorum nemo illum poterat ad tam ardua sequi. Eo temporis et eo loci quidam infirmabatur, cui assistens diabolus, et aperte loquens suggerebat, ne unquam crederet monitis Malachie ; sed si intraret ad se, cultello eum peteret et occideret. Quo cognito, qui illi ministrabant, ipso infirmo prodente, verbum perferunt ad Malachiam premunientes. At ille solita arma orationis arripiens, impavidus hostem aggressus, et infirmitatem fugat et dæmonem. Erat autem nomen viro Malchus. Frater est iste secundum carnem Christiani nostri, Mellifontis abbatis. Ambo enim superstitēs adhuc sunt, sibi in spiritu modo germaniores. Nam ille, ut liberatus est, continuo non ingratus, loco eodem conversus ad Dominum, habitum simul animumque mutavit. Et cognovere fratres malignum invidere bonis eorum ; et ædificati sunt, facti de reliquo canticiores.

#### CAPUT VII.

##### *Dysenteria laborantem curat.*

15. Clericum, nomine Michaelē, dysenteria laborantem, et desperatē, mittens ei aliquid de mensa sua, eodem loco sanavit. Secundo eundem ipsum, gravissima infirmitate correptum, et corpore pariter curavit et mente. Illico enim adhæsit Deo et Mala-

chie servo ejus, timens ne deterius aliquid sibi contingeret, si denuo ingratus tanto inveniretur et beneficio et miraculo. Et nunc, ut audivimus, præest cuidam monasterio, sito in partibus Scotiæ : et hoc novissimum omnium quæ ille fundavit. Pro hujusmodi augescebat in dies et opinio, et congregatio Malachie, et grande ei nomen intus et foris, non tamen re grandius. Nempe ibi demorabatur etiam factus episcopus, quod locus esset vicinus civitati.

#### CAPUT VIII.

##### *Episcopatum Conneretensem, licet invitus, suscipit.*

16. Vacabat tunc temporis episcopalis sedes, et jamdiu vacarat, Malachia nolente assentire, siquidem ipsum elegerant. Persistentibus tamen illis, tandem aliquando cessit, accedente ad vim faciendam **666** mandato magistri sui, necnon et metropolitani. Tricesimo ferme ætatis suæ anno Malachias consecratus episcopus introducit Connereth : hoc enim nomen civitatis. Cum autem cœpisset pro officio suo agere, tunc intellexit homo Dei, non ad homines se, sed ad bestias destinatum. Nusquam adhuc tales expertus fuerat in quantacunque barbarie : nusquam repererat sic protervos ad mores, sic ferales ad ritus, sic ad fidem impios, ad leges barbaros, cervicicosos ad disciplinam, spurcos ad vitam. Christiani nomine, re pagani. Non decimas, non primitias dare, non legitima inire conjugia, non facere confessiones ; pœnitentias nec qui peteret, nec qui daret, penitus inveniri. Ministri altaris pauci admodum erant. Sed enim quid opus plurium, ubi ipsa paucitas inter laicos propemodum otiosa vacaret? Non erat quod de suis fructificarent officiis in populo nequam. Nec enim in ecclesiis aut prædicantibus vox, aut cantantis audiebatur. Quid faceret athleta Domini? aut cedendum turpiter, aut periculose certandum. Sed qui se pastorem, et non mercenarium agnoscebat, elegit stare quam fugere, paratus et animam suam dare pro ovibus, si oportuerit. Et quanquam omnes lupi, et oves nullæ ; stetit in medio luporum pastor intrepidus, omnimodis argumentosus, quomodo faceret oves de lupis. Monere communiter, secreto arguere, flere per singulos ; nunc aspere, nunc leniter convenire, prout cuique expedire videbat. In quibus per hæc minus profecisset, cor contritum et humiliatum offerebat pro eis. Quoties noctes totas pervigiles duxit, extendens manus in oratione ! Et cum venire ad ecclesiam nollent, per vicos et plateas occurrebat invitis ; et circumiens civitatem, perquirebat anhelus quem Christo acquireret.

17. Sed et foris rura et oppida nihilominus sæpius percurrerebat cum sancto illo comitatu discipulorum suorum, qui nunquam deerant lateri ejus. Ibat et erogabat vel ingratis cœlestis tritici mensuram. Nec vehebatur eqno, sed pedes ibat, et in hoc virum se apostolicum probans. Jesu bone ! quanta passus est pro nomine tuo bellator tuus a filiis sceleratis ! quanta sustinuit ab his ipsis, quibus et pro quibus

loquebatur bona tibi! Quis digne exprimat, in quantis vexatus, quibus affectus sit contumeliis, quibus injuriis lacessitus, quoties lassatus inedia, quoties afflictus in frigore et nuditate? Attamen cum his qui oderunt pacem, erat pacificus, instans nihilominus opportune, importune. Blasphematus obsecrabat; injuriatus opponebat scutum patientiæ, et vincebat in bono malum. Quidni vicisset? Perseveravit pulsans, et secundum promissionem tandem aliquando pulsanti apertum est (*Luc. xi, 9*). Quomodo poterat non sequi, quod veritas præntiaverat securum? Dextera Domini fecit virtutem, quia os Domini locutum est veritatem. Cessit duritia, quievit barbaries; et domus exasperans paulatim leniri cœpit, paulatim correptionem admittere, recipere disciplinam. Fiunt de medio barbaricæ leges, Romanæ introducuntur; recipiuntur ubique ecclesiasticæ consuetudines, contrariæ rejiciuntur; reædificantur basilicæ, ordinatur clerus in illis. Sacramentorum rite solemnia celebrantur, confessiones fiunt, ad ecclesiam conveniunt plebes, concubinatus honestat celebritas nuptiarum; postremo sic mutata in melius omnia; ut hodie illi genti conveniat, quod Dominus per prophetam dicit: *Qui ante non populus meus, nunc populus meus* (*Osee. ii, 24*).

## CAPUT IX.

*Monasterium Ibracense construit.*

18. Contigit post annos aliquot destitui civitatem a rege aquilonaris partis Hiberniæ, quia ab aquilone panditur omne malum (*Jerem. i, 14*). Et forte malum illud bene utentibus bonum fuit. Quis scit enim, si tali flagello Deus delere voluit mala antiqua populi sui? Istiusmodi Malachias necessitate compulsus, et ipse exiit cum turba discipulorum suorum. Nec otiosus 667 exitus ejus. Hac occasione monasterium Ibracense constructum est, eunte illo Malachia cum suis numero centum triginta [*al. viginti*] fratribus. Ibi occurrit ei Cormac rex. Ipse est qui olim regno pulsus, sub cura Malachiæ de misericordia Dei consolationem accepit. Et locus ille situs in regno ejus. Gavisus est Rex viso Malachia, se et omnia sua exponens ei, et his qui cum eo erant, utpote non ingratus nec immemor beneficii. Adducta incontinenti animalia multa ad usus fratrum, multa insuper in auro et argento ad sumptus ædificiorum pro regia liberalitate collata. Ipse quoque erat intrans et exiens cum eis sedulus et officiosus, habitu quidem rex, sed animo discipulus Malachiæ. Et benedixit loco illi Dominus propter Malachiam. Et in brevi factus est magnus rebus, possessionibus, et personis. Ubi velut de novo inchoans, legem et disciplinam, quam aliis imponebat, magis ipse portabat episcopus et magister. Ipse in ordine vicis suæ, coquinæ ministerio inserviebat; ipse fratribus, cum recumberent, ministrabat. Inter succedentes sibi invicem fratres ad cantandum, legendumve in ecclesia, non se præteriri patiebatur, strenue implens et ipse officium loco suo, tanquam unus ex illis. Sanctæ paupertatis non modo participem, sed et principem

A se exhibebat, ipsius præcipue super omnes abundantius æmulator existens.

## CAPUT X.

*Fil archiepiscopus seu primas Hiberniæ.*

19. Dum hæc ita aguntur, contigit infirmari archiepiscopum Celsum: et ipse est qui Malachiam in diaconem, presbyterum, episcopumque ordinavit: et cognoscens quia moreretur, fecit quasi testamentum, quatenus Malachias deberet succedere sibi, quod nullus alius videretur dignior, qui episcoparetur in sede prima. Hoc præsentibus indixit, hoc mandavit absentibus, hoc specialiter ambobus Munoniæ regibus, et majoribus terræ, sancti Patricii auctoritate præcepit. Cujus reverentia et honore, tanquam apostoli illius gentis, qui totam patriam convertisset ad fidem, sedes illa, in qua et vivens præfuit, et mortuus requiescit, in tanta ab initio cunctis veneratione habetur, ut non modo episcopi, et sacerdotes, et qui de clero sunt, sed etiam regum ac principum universitas subjecta sit metropolitano in omni obedientia, et unus ipse omnibus præsit. Verum mos pessimus inoleverat quorundam diabolica ambitione potentum, sedem sanctam obtentum iri hæreditaria successione. Nec enim patiebantur episcopari, nisi qui essent de tribu et familia sua. Nec parum processerat execranda successio, decursis jam in hac malitia quasi generationibus quindecim. Et eousque firmaverat sibi jus pravam, imo omni morte puniendam injuriam, generatio mala et adultera, ut etsi interdum defecissent clerici de sanguine illo, sed episcopi nunquam. Denique jam octo extiterant ante Celsum viri uxorati, et absque ordinibus, litterati tamen. Inde tota illa per universam Hiberniam, de qua superius diximus, dissolutio ecclesiasticæ disciplinæ, censuræ enervatio, religionis evacuatio: inde illa ubique, pro mansuetudine christiana, sæva subintroducta barbaries, imo paganismus quidam inductus sub nomine christiano. Nam (quod inauditum est ab ipso Christianitatis initio) sine ordine, sine ratione mutabantur et multiplicabantur episcopi pro libitu metropolitani, ita ut unus episcopatus uno non esset contentus, sed singulæ pene ecclesiæ singulos haberent episcopos. Nec mirum: nam quomodo tam morbidi capitis membra valerent?

20. Pro his Celsus, atque hujusmodi malis populi sui vehementer dolens (erat enim vir bonus et timoratus), curavit omni modo habere sibi successorem Malachiam, quod per ipsum confideret posse explantari male radicatam successionem: qui charus esset omnibus, et quem omnes æmulerentur, et Dominus erat 668 cum eo. Nec frustratus est a spe sua. Nam illo mortuo, substitutus est Malachias, non tamen mox, neque id facile. Ecce enim de semine nequam qui occupet locum, Mauricius nomine. Is per quinquennium, fretus potentia sæculari, incubavit Ecclesiæ, non episcopus, sed tyrannus. Nam vota piorum magis in Malachiam convenerant. Denique suadebant eum subire onus juxta constitutio-



nem Celsi : sed ille, qui omne sublime haud secus A quam suum præcipitum declinabat, bonam sibi videbatur nactus occasionem excusandi, quod per id temporis introitus ejus pacificus esse non posset. Instabant tam sancto operi, et sollicitabant omnes ; duo potissimum episcopi, Malchus et Gillebertus : quorum prior ipse est senior Lesmorensis, de quo supra mentio facta est (*Cap. 4*) ; alter, quem aiunt prima functum legatione apostolicæ Sedis per universam Hiberniam. Quò triennio jam decurso in hac præsumptione Mauricii, et Malachiæ dissimulatione, non ferentes ultra ecclesiæ adulterium, dedecusque Christi, convocatis episcopis et principibus terræ, uno spiritu adeunt Malachiam, parati vim facere. At ille renuere primum ; prætereundum siquidem difficultatem rei, nobilis illius prosapiæ multitudinem, fortitudinem, ambitionem : multum esse ad se paupericulum opponere se tot, tantis, talibus, taliter radicatis, qui jam annos ferme docentes, quasi hæreditate possedissent sanctuarium Dei, et nunc quoque id præoccupassent : non posse illos extirpari, nec cum mortibus hominum quidem : sua non interesse, fundi humanum sanguinem occasione sui : postremo junctum se sponsæ alteri, quam dimittere non liceret.

21. Verum illis e contrario instantibus, et clamantibus, quia a Domino sermo egressus est ; sed et tota auctoritate jubentibus subire onus, atque intentantibus anathema : « Ad mortem, » inquit, « ducitis me : sed obedio spe martyrii, hac tamen conditione, ut si juxta fidem vestram res in melius cedat, et vindicet sibi Deus suam hæreditatem a diripientibus eam, tunc deum omnibus consummatis ; et Ecclesia pacem habente, liceat mihi redire ad priorem sponsam meam, et amicam, de qua rapior, paupertatem ; et pro me illic alium substituere, qui tunc forte repertus idoneus fuerit. » Nota, lector, virtutem viri, et animi puritatem, nec honorem scilicet affectantis, nec formidantis mortem pro Christi nomine. Quid hoc animo purius, quidve fortius, ut se exponens periculo et labori, alteri fructum cedat, ipsam in loco principatus securitatem et pacem ? Facit hoc, cum liberum sibi ex pacto retinet redditum ad paupertatem ; pace et libertate Ecclesiæ restituta. Spondentibus illis, demum acquievit voluntati eorum, vel potius Dei, a quo sibi jam olim præostensum recordabatur, quod de se modo dolebat [*nl. volebat*] fieri. Nempe jam ægrotante Celso, apparuit Malachiæ, et quidem longe posito et nescenti, mulier proceræ staturæ et reverendi vultus. Percontanti quænam esset, responsum est esse uxorem Celsi. Quæ tradens ei virgam pastorem, quam manu tenebat, disparuit. Paucis decursis diebus, Celsus moriens misit baculum suum Malachiæ, tantquam sibi successorum : quem ut vidit, agnovit ipsum esse, quem viderat. Hujus præcipue recordatio visionis terruit Malachiam : ne, si (quod diu satis dissimularat) ultra renueret, divinæ jam videretur resistere voluntati. Verumtamen civitatem non intravit,

quandiu ille incubator vixit, ne hac occasione contingeret mori quemquam ex his, quibus vitam magis ministraturus veniebat. Ita per biennium (nam il temporis supervixit ille) agens extra urbem, strenue in universa provincia opus episcopale exercuit.

## CAPUT XI.

*Insidias evadit incolomis, auctoribus male perditis.*

22. Illo igitur celeri morte facto de medio, rursum Nigellus quidam, imo vere nigerrimus, sedem præripuit. Et in hoc animæ suæ Mauricius adhuc **669** vivens providerat, ut hunc haberet hæredem : in quo qui damnandus exhibat, operibus adjicere damnationis persisteret. Erat enim et ipse ex damnata progenie, cognatus Mauricii. Cæterum Rex, et episcopi, et fideles terræ nihilominus conveniunt, ut introducerent Malachiam. Et ecce consilium malignantium ex adverso. Quidam de filiis Belial promptus ad malitiam, potens in iniquitate, sciens locum ubi pariter convenire decrevisset, multis aggregatis sibi, latenter vicinum occupat collem eminentem e regione : unde illis tractantibus alia, repentino impetu super incautos irruerent, et interficerent innocentes. Condixerant enim etiam Regem cum episcopo trucidare, ut non esset qui vindicaret sanguinem justum. Res innotuit Malachiæ, et intrans ecclesiam (erat enim prope) elevatis manibus oravit ad Dominum. et ecce nubes et caligo, sed et tenebrosa aqua in nubibus aeris, diem verterunt in noctem. Fulgure quoque et tonitrua et horribiles spiritus procellarum, diem ultimum minitantur, vicinamque elementa intentant omnia mortem.

23. Et ut scias, lector, quod oratio Malachiæ concusserit elementa ; solos intercepit tempestas, qui quærebant animam ejus ; solos turbo tenebrosus involvit, qui paraverant opera tenebrarum. Denique ipse, qui princeps exstiterat tanti mali, fulmine percussus interiit cum tribus aliis : et fuere consortes mortis, qui fuerant participes sceleris. Quorum sequenti die inventa sunt corpora semiusta, et putrida, hærentia ramis arborum, ubi quemque spiritus elevans allisisset. Alii quoque tres senivivi inventi sunt : ceteri omnes circumquaque dispersi. Illos autem qui cum Malachia erant, quamvis proximos loco, tempestas omnino non tetigit, nec quidquam molestiæ intulit. In facto isto recens capimus experimentum veritatis verbi illius, quia *oratio justi penetrat celos* (*Ecll. xxxv, 21*). Sed et novum antiqui exemplum miraculi, quo olim tota Ægypto versante in tenebris, solus Israel in lumine mansit, dicente Scriptura : *Ubiqunque Israel erat, lux erat* (*Exod. x, 23*). Huc mihi occurrit et factum sancti Eliæ, nunc quidem ab extremis terræ nubes et pluvias educentis (*III Reg. xviii, 45*), nunc vero super blasphemos evocantis ignem de cælo (*IV Reg. i, 10*). Et modo de simili clarificatus est Deus in servo suo Malachia.

## CAPUT XII.

*Hostes seu armulos, in ipsum armatos, virtute animi et constanti in Deum fide leni, sibi que conciliat.*

24. Anno ætatis suæ tricesimo octavo pauper Malachias, pulso incubatore, intravit Ardmacha, pontifex et metropolitanus totius Hiberniæ. Rege vero cæterisque, qui ipse introduxerant eum, ad propria remeantibus, ipse remanet in manu Dei, et remanent illi foris pugnae, intus timores. Nam ecce viperea soboles, frendens et vociferans se exheredari, tota se intus et foris suscitavit adversus Dominum, et adversus Christum ejus. Porro Nigellus videns sibi imminere fugam, tulit secum insignia quædam Sedis illius, textum scilicet Evangeliorum, qui fuit beati Patricii, baculumque auro tectum, et gemmis pretiosissimis adornatum, quem nominant baculum Jesu, eo quod ipse Dominus (ut fert opinio) cum suis manibus tenuerit, atque formaverit. Et hæc summæ dignitatis et venerationis in gente illa. Nempe notissima sunt celeberrimaque in populis, atque in ea reverentia apud omnes, ut qui illa habere visus fuerit, ipsum habeat episcopum populus stultus et insipiens. Ibat homo gyrovagus, et alter satanas circuibat terram, et perambulabat eam, insignia sacra circumferens : quæ ubique ostentans, ubique eorum gratia receptabatur, concilians sibi per hæc animos omnium, et a Malachia, quosque potuisset, avertens. Hæc ille.

25. Erat autem princeps quidam de potentioribus iniquæ progeniei, quem Rex præsquam civitatem 670 exiret, jurare coegerat pacem tenere Episcopo, acceptis ab eo insuper obsidibus multis. Is post Regis exitum nihilominus civitatem ingressus, consilium habuit cum propinquis et amicis, quomodo sanctum dolo tenerent, et occiderent : timebant vero plebem. Et conjurantes in necem Malachiæ, constituere locum et diem, et traditor dedit eis signum. Ipso die cum vespertina jam solemnitas in ecclesia celebraret Antistes cum universo clero et multitudine populi, mittit ad ipsum nequam ille in verbis pacificis in dolo, rogans quatenus ad se dignetur descendere, ut faciat pacem. Respondentibus qui assistebant, ipsum potius ad Episcopum debere venire; ecclesiam esse competentior locum firmandæ pacis : siquidem præsenferant dolum. Subjungunt qui missi erant, hoc tutum non esse principi : timere eum capiti suo, nec se credere turbis, quæ se ante hos dies causa Episcopi propemodum interemissent. Contententibus in hunc modum, illis quidem ut iret, istis vero ne iret; Episcopus cupidus pacis, et mortis non timidus : « Sinite, » inquit, « fratres, sinite me imitari Magistrum meum. Sine causa sum christianus, si Christum non sequor. Forte flecto humilitate tyrannum, et si non, vinco tamen exhibens ovi pastor, sacerdos laico, quod mihi ille debuerat. Vos quoque, quod in me est, non parum ædifico exemplo tali. Quid enim si con-

A tingat occidi? Non recuso mori, ut vos vitæ ex me teneatis exemplum. Oportet episcopum, ut ait episcoporum Princeps, non dominari in clero, sed formam fieri gregis (1 Petr. v. 3). Haud aliam sane formam, quam ab illo accepimus, qui humiliavit semetipsum, factus obediens usque ad mortem. Quis mihi det hanc relinquere filiis signatam sanguine meo? Experiemini certe, an sacerdos vester digne satis a Christo didicerit, mortem non timere pro Christo. » Et surgens, cepit ire flentibus cunctis et supplicantibus, ne tan um cuperet pro Christo mori, ut tantum Christi gregem desolatum relinqueret.

26. Verum ille totam spem suam ponens in Domino, tota alacritate perrexit, tribus tantum comitatus discipulis, paratis mori cum eo : qui ut calcato limine domus repente se medio intulit armatorum, scuto fidei ipse munitus; concidere facies omnium, quia pavor irruit super eos, ita ut dicere posset Episcopus : *Qui tribulant me inimici mei, ipsi infirmati sunt, et ceciderunt (Psal. xvi. 2).* Hoc verbum verum est. Videres hostiam stantem, carnifices ferro armatis manibus undique circumstantes : et qui immolaret, non erat. Putares stupere lacertos (198) : sic non fuit, qui extenderet manum. Nam et is quoque, qui caput malitiæ videbatur, assurgit ei potius quam insurgit. Ubi, quæso, signum, o homo, quod dederas in mortem Pontificis? Hoc magis honoris signum, quam mortis indicium. Deferre hoc, non mortem inferre. Res mira! pacem offerunt, qui necem paraverant. Non est quod abnuat, qui et vitæ periculo quæsierat eam. Itaque facta est pax, et tam firma, ut ab illa die hostem Sacerdos non modo pacatum habuerit, sed subditum, sed devotum. Quo audito, fideles quique gavisii sunt, quod non modo salvatus sit sanguis innoxius in die illa; sed et nocentium multorum animæ, Malachiæ meritis, evaserint ad salutem. Et apprehendit omnes circumquaque timor, audientes quomodo duos inimicorum ejus, qui viderentur ferociore et fortiores in generatione sua, sic subita virtute prostravit Deus : istum loquor, qui in manibus est, et eum de quo superius dixi. Alterum enim terribiliter multatum in corpore, alterum misericorditer mutatum in corde, ambos mirabiliter comprehendit in consiliis, quæ cogitabant.

27. His ita peractis, cepit jam in civitate Episcopus tota libertate disponere et ordinare de omnibus pertinentibus ad ministerium suum, non tamen sine continuo discrimine vitæ suæ. Nam etsi jam nemo qui palam noceret, ab insidiantibus tamen nec locus satis tutus Episcopo erat, nec tempus feriatum. Et deputati sunt ei viri armati ad custodiam die et nocte : 671 sed ille magis in Domino confidebat. Fuit vero consilium, præfatum schismaticum insequi eo quod seduceret multos ex insignibus quæ ferebat, suadens omnibus episcopum

(198) Similia exempla habes in Ambrosio, adversus Maximinum; in Basilio, adversus Valentem;

in Leone Magno, adversus Attilam; in Chrysostomo, adversus Gainam, etc.

se esse debere; et sic sollicitans plebes adversus A Malachiam, atque Ecclesiæ unitatem. Et fecit sic: et sine difficultate ita in brevi universas sepivit vias ejus per gratiam sibi a Domino datam, et quam habebat ad omnes, ut malignus ille coactus sit dare manus, reddere insignia, et quiescere de reliquo in omni subjectione. Ita Malachias, licet per multa pericula et labores, prosperabatur in dies, et confortabatur magis ac magis, abundans in spe et virtute Spiritus sancti.

## CAPUT XIII.

*Deus Malachiæ detractores punit.*

28. Nec modo malefactores, sed et detractores Malachiæ corripuit Deus. Quidam, verbi gratia, gratiam habens principum et potentum, etiam ipsius Regis, quod esset adulator et garrulus, et potens in lingua; favebat per omnia adversariis Malachiæ, et procaciter tuebatur partem eorum: Sancto vero et præsentī resistebat in facie, et detrahebat absenti, irreverenter occurrens ei in omni loco, maximeque ubi celebrioribus illum sciret interesse conventibus. Sed cito digna linguæ procacis mercede donatus est. Intumuit et computruit lingua maledica, vermibus ex ea scatentibus, et diffluentibus toto ore blasphemio: quos per septem ferme dies incessanter vomens, tandem cum illis miseram expuit animam.

29. Loquente coram aliquando Malachia, et populum exhortante, mulier quædam infelix ausa est interrompere sermonem clamoribus improbis, non deferens sacerdoti, et spiritui qui loquebatur. Erat autem de progenie impia, et spiritum habens in naribus, blasphemias contumeliasque evomebat in Sanctum, dicens hypocritam et invasorem alienæ hereditatis, sed et calvitiei illius improprians. At ille nihil respondit ei, sicut erat verecundus et mitis: sed Dominus respondit pro eo. Versa illa in insaniam est, Domino judicante: et crebris vocibus clamitans se suffocari a Malachia, morte demum horrenda luit peccatum blasphemie. Sic misera assumens adversus Malachiam improprium Elisæi (IV Reg. II, 24), vere illum sibi alterum experta est Elisæum.

30. Porro quia causa pestilentie ejusdam ortæ in civitate, multitudinem cleri et populi solemniiter cum reliquiis [al. memoria] sanctorum tunc foras eduxerat, ne hoc quidem prætereundum, quod orante Malachia, pestilentia illico conquievit. Ex hoc jam, qui nutiret adversus eum, non fuit, dicentibus qui de semine Chanaan sunt: Fugiamus Malachiam, quia Dominus pugnat pro eo. At sero istud: quia zelus Domini, ubique occurrens eis, persecutus est eos usque ad internecionem. Quomodo intra paucos dies perit memoria eorum cum sonitu? quomodo facti sunt in desolationem, subito defecerunt, perierunt propter iniquitatem suam! Grande hodieque miraculum facit tam velox generationis illius deletio, his præsertim qui eorum noverant superbiam atque potentiam. Multa quidem et alia signa fuere, quibus Deus glorificavit nomen suum, et servum suum inter

sultores et pericula confortavit. Quis digne commemoret? Non tamen omnia præterimus, etsi non sufficimus ad omnia. Propter seriem autem narrationis ne impediat, aliqua quæ dicturi sumus reservamus in finem.

## CAPUT XIV.

*Sedem metropolitanam paci reantam resignat.*

31. Igitur Malachias intra triennium reddita retributione superbis, et libertate Ecclesiæ restituta, pulsa barbarie, et reformatis ubique moribus christianæ religionis, videns omnia in pace esse, cepit cogitare et de sua pace. Et memor propositi sui, constituit pro 672 se Gelasium, virum bonum, et dignum tali honore, conniventibus clero et populo, quin potius sustentibus propter pactum. Nam alias durum visum omnino. Quo consecrato, regibusque ac principibus attentius commendato, ipse clarus miraculis et triumphis, ad suam parochiam rediit, non tamen Connereth. Et audi causam dignam relato. Diœcesis illa duas fertur habuisse antiquitus episcopales sedes, et duos exstitisse episcopatus. Id visum melius Malachiæ. Itaque quos ambitio conflavit in unum, Malachias revocavit in duos, partem alteri episcopo cedens, partem retinens sibi. Et propterea non venit Connereth, quod in ea jam episcopum ordinasset: sed Dunum se contulit, determinans parochias, sicut in diebus antiquis. O purum cor! o oculum columbinum! Locum tradidit novo episcopo, qui videretur paratior, principalior haberetur; locum, in quo sederat ipse. Ubi sunt, qui de terminis litigant, pro uno viculo perpetes ad invicem inimicitias exercentes? Nescio si quod genus hominum magis, quam istos, antiquum vaticinium tangat: *Secuerunt prægnantes Galaad ad dilatandum terminos suos* (Amos I, 15). Sed hoc alias.

32. Malachias factus Dunensis episcopus, confestim more suo curavit asciscere ad solatium sibi de filiis suis conventum regularium clericorum. Et ecce rursus accingitur, quasi novus Christi tiro, ad spirituale certamen; rursus induitur arma potentia Deo, sanctæ paupertatis humilitatem, rigorem disciplinæ cœnobialis, otium contemplandi, orandi assiduitatem: quæ tamen omnia voto magis valuit diu tenere, quam actu. Etenim universi confinebant ad eum: nec modo mediocres, sed et nobiles et potentes, illius se sapientiæ et sanctitati instruendos, corrigendos ac regendos committere festinabant. Et ipse interdum ibat, et exhibat seminare semen suum, disponens et decernens tota auctoritate de rebus ecclesiasticis, tanquam ex Apostolis unus. Et nemo illi dicebat, In qua potestate hæc facis? videntibus cunctis signa et prodigia, quæ faciebat; et quia ubi spiritus Domini, ibi libertas (II Cor. III, 17).

## CAPUT XV.

*Romam proficisci deliberat, pallium a Pontifice petiturus.*

33. Visum tamen sibi, non tute satis actitari ista absque Sedis apostolicæ auctoritate, et Romam proficisci deliberat: maximeque quod metropolitice sedi



deerat adhuc, et defuerat ab initio pallii usus, quod est plenitudo honoris. Et visum est bonum in oculis ejus, si Ecclesia, pro qua tantum laborarat, quem hactenus non habuerat, suo acquireret studio et labore. Erat et altera metropolica sedes, quam de novo constituerat Celsus, primæ tamen sedi, et illius archiepiscopo subdita, tanquam primati. Et huic quoque optabat nihilominus pallium Malachias, confirmarique auctoritate Sedis apostolicæ prærogativam, quam beneficio Celsi adipisci meruerat. Innotesciente proposito, displicuit fratribus, necnon et magnatibus et populo terræ. Omnes enim intolerabilem sibi judicabant tam diutina omnium pii parentis absentiam, et quod metuerent de morte ipsius.

34. Contigit interea mori germanum ejus, Christianum nomine, virum bonum, plenum gratiæ et virtutis. Episcopus erat, illi quidem secundus in celebri opinione, sed vitæ sanctimonia et justitiæ zelo forte non impar. Hujus decessus magis terruit universos, et discessum Malachiæ reddidit molestiorem. Dicebant autem nullo modo assentiendum unici peregrinationi patroni, ut non desoletur omnis terra, si duabus tantis columnis sub uno momento temporis destituatur. Ergo omnes pariter contradicunt. Et vim faciebant, cum ille divinam ultionem minatus est. Non tamen destitit illi, nisi missa sorte, prius Dei voluntas super hoc interrogaretur. Prohibente illo, nihilominus mittunt: sed illa pro Malachiæ parte ter respondisse inventa est. Nec enim una contenti vice fuisse, cupidi retinendi eum. Demum cedentes, dimittunt illum, non tamen **673** sine ploratu et ululatu multo. Sed ne quid imperfectum relinqueret, tractare cepit, quomodo defuncti fratris semen suscitarét. Et accersitis ad se tribus discipulis suis, anxius aestuabat, quisnam dignior ad hoc opus, sive utilior videretur. Et diligenter intuitus singulos: « Tu, » inquit, « o Edane » (sic enim vocabatur unus), « suscipe onus. » Illo cunctante, et flente: « Ne timeas, » ait. « Tu enim mihi a Domino designatus es, quia annulum aureum, quo desponsandus es, jam nunc prævidi in digito tuo. » Acquivit ille, et Malachias, eo consecrato, proficiscitur.

35. Cumque egressus de Scotia, pervenisset Eboracum, sacerdos quidam, Sycarus nomine, intuitus eum agnovit. Nec enim faciem ejus viderat ante: sed cum haberet spiritum prophetiæ, revelatum fuerat ei jampriden de illo. Et nunc incunctanter circumstantibus digito eum demonstrans: « Hic est, » inquit, « de quo dixeram, quia de Hibernia sanctus venit pontifex, qui scit cogitationes hominum. » Sic non potuit latere lucerna sub modio, prodente eam per os Sycari Spiritu sancto qui illam accendebat. Nam et multa secreta de esse suo, suorumque dicta sunt ei a Sycaro, quæ ita esse vel fuisse omnia recognovit. Sed et sociis Malachiæ percontantibus de suo reditu, respondit Sycarus incunctanter (quod post rei probavit eventus), paucos videlicet admo-

A dum de numero illo cum Episcopo redituros. Illi, audito hoc, suspicati sunt mortem: sed Deus aliter adimplevit. Neque rediens ab Urbe, quibusdam apud nos, quibusdam et in aliis locis ad discendam conversationis formam relictis, juxta verbum Sycari, cum paucis admodum repatriavit. Hæc de Sycaro.

36. In ipsa urbe Eboracensi, accessit ad eum vir nobilis secundum sæculum, Wallenus nomine, tunc Prior in Kirkeham [al. Kyrkestede] regularium fratrum; nunc vero monachus, et monachorum pater in Mailros monasterio ordinis nostri, qui devotus Malachiæ se orationibus satis humiliter commendavit. Is advertens multos habere Episcopum socios, et equos paucos (nam præter ministros, et clericos alios, quinque cum eo erant presbyteri, et equi nonnisi tres), obtulit ei suum, quo ipse vehebatur, hoc solum dolere se iniquens, quod esset runcinus dure portans. Et addidit: « Libentius dedissem, si melior fuisset: sed, si dignamini, ducite qualemcunque vobiscum. » — « Et ego, » ait Episcopus, « eo libentius accipio, quo prædicas viliores: quia non potest mihi vile esse, quidquid tam pretiosa voluntas obtulerit. » Et conversus ad suos: « Hunc, » inquit, « sternite mihi, quia commodus satis, et sufficiens erit in longum. » Quo facto, ascendit: et primo quidem durum, ut erat, sentiens, postmodum miramutatione valde commodum sibi et suaviter ambulantem invenit. Et ne caderet super terram de sermone quem dixerat, usque ad nonum annum, quo mortuus est ipse, non defecit ei, factus optimus et pretiosissimus palefridus. Quodque evidentius miraculum cernentibus fecit, de subnigro corpore albescere, et non multo post vix inveniebatur albiore illo.

#### CAPUT XVI.

*Romam tendens, et inde rediens, Claram-Vallem visitat.*

37. Mihi quoque in hac via datum est videre virum, et in ejus visu et verbo reffectus sum, et delectatus sum, sicut in omnibus divitiis. Et ego vicissim, peccator licet, inveni gratiam in oculis ejus extunc, et deinceps usque ad obitum ipsius, sicut in procemio præfatus sum. Ipse etiam dignatus divertere ad Claram-Vallem, visis fratribus, punctus est: et illi non mediocriter ædificati in præsentia et sermone ejus. Et acceptans locum, et nos, atque intimis visceribus colligens, valedixit nobis, et abiit. Qui transalpinans, cum venisset Iporiam civitatem Italiæ, hospitis sui parvulum filium, qui male habens moriturus erat, continuo sanavit.

38. Erat tunc temporis in Sede apostolica felicitis memoriæ **674** Innocentius secundus papa: qui eum benigne suscepit, humane satis illi super longa peregrinatione compassus. Et primo quidem Malachias, quod altius infixerat animo, cum multis lacrymis implorabat, licere sibi vivere, et mori in Clara-Valle, permissu et benedictione summi Pontificis. Et petiit hoc, non oblitus ad quod venerat, sed affectus quo venerat desiderio Claræ-Vallis. Non au-

tem obtinuit, quod virum Apostolicus lucris potius uberioribus occupandum decerneret. Nec tamen omnino frustratus est a desiderio cordis sui, cui mori ibi, etsi non vivere, donatum est. Mensum integrum fecit in Urbe, loca sancta perambulans, et frequentans causa orationis. Cumque per id temporis sepe ac diligenter ab eo, et ab his qui cum eo erant, summus Pontifex inquisisset esse patriæ, mores gentis, statum Ecclesiarum, et quanta in terra Deus per eum operatus fuisset: paranti jam repatriare commisit vices suas, per universam Hiberniam legatum illum constituens. Significatum siquidem erat ei ab episcopo Gilleberto, qui, ut supra memoravimus, tunc legatus exstiterat, quod jam non posset præ senio et debilitate corporis villicare. Post hæc petit Malachias confirmari novæ metropolis constitutionem, et utriusque sedis pallia sibi dari. Et confirmationis quidem privilegium mox accepit: « De palliis autem, » ait summus pontifex, « oportet solemnius agi. Convocatis episcopis, et clericis, et majoribus terræ, celebrabis generale concilium: et sic conniventia et communi voto universorum per honestas personas requiretis pallium, et dabitur vobis. » Deinde tollens mitram de capite suo, imposuit capiti ejus: sed et stolam cum manipulo dedit, quibus uti inter offerendum solebat. Et salutatum in osculo pacis dimisit eum, apostolica fultum benedictione et auctoritate.

39. Qui revertens per Claram-Vallem, suam secundo nobis largitus est benedictionem. Et alta suspiria trahens, quod non liceret sibi pro suo desiderio remanere: « Hos, » inquit, « interim pro me, oro ut retineatis, qui a vobis discant, quod nos postmodum doceant. » Et infert: « Erunt nobis in semen, et in semine isto benedicentur gentes, et illæ gentes, quæ a diebus antiquis monachi quidem nomen audierunt, monachum non viderunt. » Et dimissis quatuor a latere suo, abiit: qui probati, et digni inventi monachi facti sunt. Post aliquod tempus, cum jam Sanctus esset in terra sua, misit alios, et de illis factum est similiter. Quibus per aliquantum tempus instructis, et eruditis corde in sapientia, dato eis in patrem sancto fratre Christiano, qui erat unus ex ipsis, emisimus eos, adjungentes de nostris quanti sufficerent ad numerum abbatiæ. Quæ concepit, et peperit filias quinque: et sic multiplicato semine, augecit in dies numerus monachorum, juxta desiderium et vaticinium Malachiæ. Nunc jam repetamus ordinem narrationis.

#### CAPUT XVII.

*Diversa beneficia sanitatum per eum collata.*

40. Malachias profectus a nobis, prospere pervenit in Scotiam. Et invenit David regem, qui adhuc hodie superest, in quodam castello suo: ejus filius infirmabatur ad mortem. Ad quem ingressus, honorifice a rege susceptus, et humiliter exoratus, ut sanaret filium suum; aqua, cui benedixit, aspersit juvenem, et intuens in eum, ait: « Confide, fili, non morieris hac vice. » Dixit hoc, et die sequenti, se-

condum dictum prophætæ, secuta est sanitas, sanitatem lætitia patris, clamor et strepitus totius exultantis familiæ. Exiit sermo ad omnes, nec enim quod in domo regis et Regis acciderat filio, latere potuit. Et ecce ubique resultans gratiarum actio, et vox laudis, tum pro salute domini, tum pro miraculi novitate. Henricus est iste: nam vivit adhuc unicus patris sui, miles fortis et prudens, patrizans, ut aiunt, in sectando justitiam et amorem viri. Et audivit uterque Malachiam, quandiu 675 vixit, tantumquam qui illum a morte revocasset. Rogabant eum manere per aliquot dies: sed ille declinans gloriam, moram non sustinuit, et mane carpebat iter. Transienti igitur per villam, nomine Crugeldum, occurrit puella muta. Orante illo, solutum est vinculum linguæ ejus, et loquebatur recte. Dehinc villam ingrediens, quam nominant ecclesias Sancti-Michaelis, oblatam sibi mulierem phreneticam, et vinctam funibus, coram omni populo curat, et dimissa incolumi, proficiscitur. Perveniens vero ad portum Laperasperi, transitum ibi per aliquot dies præstolabatur: sed mora minime transit otiosa. Construitur interim de virginis in septem textis oratorium, ipso jubente, ipso operante pariter. Consummatum circumdedit vallo, atque interjacens spatium in cœmeterium benedixit. Sane merita benedictis miracula satis declarant, quæ usque hodie ibi actitari feruntur.

41. Inde est, quod de finitimis locis infirmos et male habentes illi portare consueverunt, et sanantur multi. Mulier totis dissolutis membris, plaustro vecta illuc, pedibus suis remeavit domum, una duntaxat nocte non frustra in loco sancto præstolata misericordiam Domini. Alia quædam ibidem pernociabat in oratione: quam forte reperiens solam homo barbarus, accensus libidine, et sui minime compos, irruit rabiosus in eam. Conversa illa, et tremefacta, suspiciens advertit hominem plenum diabolico spiritu: « Heus tu, » inquit, « miser, quid agis? Considera ubi es, reverere hæc sancta, defer Deo, defer servo ejus Malachiæ, parce et tibi ipsi. » Non destitit ille, furis agitatus iniquis. Et ecce (quod horribile dictu est) venenatum et tumidum animal, quod bufonem vocant, visum est reptans exire deinter femora mulieris. Quid plura? Terrefactus resiliit homo, et datis saltibus, festinus oratorio exsiluit. Ille confusus abscessit, et illa intacta remansit, magno quidem et Dei miraculo, et merito Malachiæ. Et pulchre operi sædo et abominando sædum intervenit et abominabile monstrum. Non prorsus aliter decuit bestialem extinguere libidinem, quam per frigidissimum vermem: nec aliter temerarium frenari ausum, frustrari conatum, quam per vilem, inutilemque bestiolum. Et hæc loco isto sufficiant pauca de pluribus: nunc jam reliqua prosequamur.

#### CAPUT XVIII.

*Reversus in patriam, totius curæ pastoralis et reformationi incumbit.*

42. Ascendit Malachias navem, et prospere navi-

gans, applicuit monasterio suo Benchorensi, ut primi filii primam reciperent gratiam. Quid animi putas gessisse illos, sano de via tam longa recepto patre, et illo patre? Nec mirum, si se tota in gaudium effuderunt viscera eorum in reditu ejus, quando et exteris circumquaque gentibus incredibilem mox letitiam velox rumor innox. Denique de civitatibus, et castellis, et vicis occurrunt ei; et quocumque diverstat, suscipitur exultatione universæ terræ. Verumtamen non sapit honor. Opus exercetur legationis: multis in locis celebrantur conventus multi, ne qua regio, seu portio regionis, legationis fructu et utilitate fraudetur. Seminatur super omnes aquas: non est qui se abscondat ab opera sollicitudinis ejus. Non sexus, non ætas, non conditio, non professio reputatur. Ubique semen spargitur salutare, ubique intonat tuba cœlestis. Ubique discorrit, ubique irumpit, evaginato gladio linguæ ad faciendam vindictam in nationibus, increpationes in populis. Terror ejus super facientes mala. Clamat *iniquis, Nolite inique agere; et delinquentibus, Nolite exaltare cornu* (Paul. LXXIV, 5). Religio ubique plantatur, propagatur, fovetur. Oculi ejus super eos, et cura ejus ad necessitates eorum. In conciliis, quæ passim celebrantur, repetuntur antiquæ traditiones, quas tamen bonas fuisse constiterit, abolitas **676** vero negligentia sacerdotum. Nec modo vetera instaurantur, cuduntur et nova; et quæcumque promulgaverit, tanquam cœlitus edita acceptantur, tenentur, scripto mandantur ad memoriam posterorum. Quidni cœlitus missa crederentur, quæ tot cœlestia confirmant miracula? Et ut fidem dictis faciam, perstringam nonnulla paucis. Quis enim cuncta enumeret? Quanquam libentius, fateor, imitandis imorer, quam admirandis.

#### CAPUT XIX.

*Virtutum ejus insignia, et mores vero præsule digni.*

**43.** Et meo quidem judicio primum et maximum miraculum, quod fecit, ipse erat. Ut enim taceam interiorum hominem ejus, cujus pulchritudinem, fortitudinem, puritatem satis indicabant mores ipsius et vita, ipsum exteriorem ita uno semper modo, ipsoque modestissimo et decentissimo gessit, ut nil prorsus appareret in eo, quod posset offendere intuentes. Et quidem qui non offendit in verbo, ille perfectus est vir (Jac. III, 2). At vero in Malachia quis unquam, etiamsi curiosius observavit, deprehendit otiosum, non dico verbum, sed nutum? Quis manum, pedemve moventem frustra? Imo quid non ædificans in ejus incessu, aspectu, habitu, vultu? Denique vultus hilaritatem nec fuscavit mœror, nec levigavit risus. Totum in eo disciplinatum, totum insigne virtutis, perfectionis forma. Per omnia serius, sed non austerus. Remissus interdum, dissolutus nunquam. Negligens nihil, etsi pro tempore multa dissimulans. Quietus sæpe, sed minime aliquando otiosus. A die primo conversionis suæ usque ad extremum vitæ, sine proprio vixit. Non servos, non ancillas, non villas, non viculos, non denique

**A** quidquam redituum ecclesiasticorum sæculariumve, vel in ipso habuit episcopatu. Mensæ episcopali nihil prorsus constitutum, vel assignatum, unde Episcopus viveret. Nec enim vel domum propriam habuit. Erat autem pene incessanter circueiens parochias omnes, Evangelio serviens, et de Evangelio vivens. sicut constituit ei Dominus: *Dignus est*, inquit, *operarius mercede sua* (Luc. x, 7). Nisi quod frequentius ipsum Evangelium sine sumptu ponens, de laboribus suis suorumque ferebat, unde se et eos qui secum laborabant, in opere ministerii sustentaret. Porro si interdum quiescere oporteret, in sanctis hoc faciebat locis, quæ ipse per Hiberniam sparserat universam: apud quos vero moram facere libuisset, illorum se conformavit moribus et observantiis, **B** communi contentus vita et mensa. Non fuit in victu, non fuit in vestitu, in quo potuisset Malachias dignosci inter cæteros fratres: in tantum, cum major esset, humiliavit se in omnibus.

**44.** Denique cum exiret ad prædicandum, cum peditibus pedes et ipse ibat, episcopus et legatus. Forma apostolica hæc: et inde magis mira in Malachia, quo rara nimis in aliis. Verus profecto apostolorum hæres est iste, qui talia agit. Sed advertere est, quomodo dividat hæreditatem cum fratribus suis, æque nepotibus Apostolorum. Illi dominantur in clero: iste dum esset liber ex omnibus, omnium se servum fecit. Illi aut non evangelizantes manducant, aut evangelizant ut manducent: Malachias **C** imitans Paulum, manducat ut evangelizet. Illi fastum et quæstum æstimant pietatem: Malachias hæreditate vindicat sibi opus et onus. Illi felices se credunt, si dilataverint terminos suos: Malachias in dilatanda charitate gloriatur. Illi congregant in horrea, et dolia replent, unde onerent mensas: Malachias colligit in deserta et solitudines, unde impleat cœlos. Illi, cum accipiant decimas, et primitias, et oblationes, insuper et de Cæsaris beneficio telonia, et tributa, et alios redditus infinitos, solliciti sunt nihilominus, quid manducent, et quid bibant: Malachias nihil horum habens, multos tamen locupletat de promptuario fidei. Illis nec cupiditatis, nec sollicitudinis ullus est finis: Malachias **677** cupiens nihil, non novit tamen cogitare de crastino. Illi a **D** pauperibus exigunt quod dent divitibus: iste sollicitat divites pro pauperibus sustentandis. Illi marcupia vacuant subditorum: iste pro peccatis eorum altaria cumulat votis, hostiisque pacificis. Illi alta palatia erigunt, turres ac mœnia ad cœlos levant: Malachias non habens ubi caput reclinet, opus facit evangelistæ. Illi equos ascendunt cum turba hominum gratis manducantium, panem, et non suum; Malachias septus sanctorum fratrum collegio, pedes circuit, portans panes Angelorum, quibus satiæ animas esurientes. Illi plebes ne agnoscunt quidem: iste erudit. Illi potentes et tyrannos honorant: iste punit. O virum apostolicum, quem tot et talia nobilitant signa apostolatus sui! Quid ergo mirum, si mira est operatus, sic mirabilis ipse? Imo vero non



ipse, sed Dens in ipso. Alioquin *tu es Deus*, inquit, *A* qui facis mirabilia (Psal. LXXVI, 15).

## CAPUT XX.

*Energumēnos vexatos a dæmoniis liberat.*

45. Erat mulier in civitate Culratim [al. cultatim], dæmonium habens. Vocatus est Malachias; orat pro addicta, urget invasorem; exit. Sed nondum exsaturata nequitia ejus, miseram invadit mulierculam, quæ forte prope assisteret. Et Malachias: « Non ad hoc, » inquit, « tibi illam tuli, ut hanc pervaderes: exi et ab ea. » Paret, sed repetit priorem. Qua denuo pulsus, recurrit in alteram. Ita per aliquod spatium alternatim vexabat illas, hinc inde refugiens. Tunc sanctus indignans sibi illud a dæmone, colligensque spiritum, infremuit, et totis viribus fidei facto impetu in adversarium, ab utraque fugavit, et quidem non minus vexatum his, quas vexaverat ipse. Cæterum quod moram fecit sancto, non putes, lector, fuisse virtutis ejus, sed dispensationis divine: ut videlicet ex hoc manifestior fieret et maligni præsentia, et victoria Malachiae. Denique audi quid alibi fecerit, non autem per præsentiam suam. Et utique potuit præsens, quod absens valuit.

46. In regione aquilonaris partis Hiberniæ jacebat infirmus in domo, nec dubium quin dæmonum maleficio. Nam quadam nocte audivit eos loquentes, dicente altero ad alterum: « Vide ne miser iste hypocritæ illius stratum, stramenve contingat, et sic effugiat manus nostras. » Cognovit homo, quod Malachiam loquerentur, quem non multo ante in eadem domo meminerat pernoctasse. Et adhuc stramen in loco: sumptaque fiducia, et quo potuit conatu, cepit repere debilis corpore, sed fide fortis. Et ecce in aere clamor et vociferatio: « Prohibe eum, prohibe; retine eum, retine: amittimus prædam. » Verum is quem portabat fides et desiderium evadendi, quanto plus clamabant illi, tanto magis genibus manibusque nitens, ad remedium festinabat. Et perveniens ascendit lectulum, volutatur in stramine, audit ululatum plangentium: « Heu, heu! ipsi nos prodidimus, decepti sumus, evasit. » Et dicto citius recessit ab eo dæmonum terror et horror quem patiebatur, et omnis pariter ægritudo. In Lesmor civitate homo a dæmonio vexatus, per Malachiam liberatus est. Item transeunti aliquando per Laginiam, oblatus illi infans habens dæmonium, sanus relatus est. In regione eadem ligatam funibus phreneticam solvi jussit, et in aqua, quam benedixit, lavari. Lota est, et sanata est. Alteram quoque in Saballo regione Ulydiæ, membra propria dentibus laniantem, orando et tangendo curavit. Amentem hominem, multa prædicentem futura, amici et propinqui adducunt ad Dei hominem, victum funibus fortiter, quod fortem ad nocendum rabies ipsa fecisset, et terribilem valde. Orat Malachias; et incontinenti æger sanatur, et solvitur. Factum est hoc loco quodam, cujus nomen tacemus, quod nimis barbarum sonet, sicut et alia multa. Alio tempore in

præfata civitate Lesmor puellam mutam parentes ejus in media platea 678 offerunt transeunti, cum multa supplicatione rogantes ut ei subvenire dignetur. Stat Malachias, et facta oratione, tangens digito linguam ejus, sputum misit in os ejus et loquentem dimisit.

## CAPUT XXI.

*Beneficia moribundis et parturientibus præstata.*

47. Exiens de quadam ecclesia, obvium habuit hominem cum uxore sua, quæ non poterat loqui. Rogatus ut ejus misereatur, stat in porta, populo circumstante; et data benedictione super eam; jubet dominicam dicere orationem. Dixit illa, et populus benedixit Dominum. In civitate, cui nomen Oenthreb [al. Onereb], decumbens lectulo quidam dives, jam dies duodecim privatus linguæ officio, ad jussionem visitantis se sancti, loquelam recuperat, eucharistiam sumit: et ita munitus, extremum in bona confessione efflavit spiritum. O oliva fructifera in domo Dei! o oleum jucunditatis, ungens et luens! Et splendore miraculi illustravit sanos, et suavitate beneficii unxit infirmum, cui mox morituro salutarem confidendi et communicandi obtinuit facultatem. Intravit ad eum quidam de nobilibus, habens ei aliquid dicere. Qui inter loquendum, fide plenus, tres juncos pie furatus de lectulo, in quo ille sedebat, tulit secum: et multa Deus de furio pietatis est operatus, fide illius, et Præsulis sanctitate. Forte venerat in civitatem, nomine Duevania. Et cum sederet ad mensam, ingressus vir nobilis de civitate ipsa humiliter supplicat pro uxore prægnante, quæ jam solemne omne præterisset tempus pariendi, ita ut mirarentur omnes; et nemo, qui aliud quam vitæ periculum crederet imminere. Rogat et cum eo Neemias, episcopus illius civitatis, qui juxta eum sedebat: rogant et cæteri, quotquot aderant simul discumbentes. Tum ille: « Compator ei, » inquit, « quod bona mulier sit, et pudica. Et porrigens viro poculum, cui benedixerat: « Vade, » inquit, « da illi bibere, sciens eam sumpto benedictionis potu, et sine mora, et sine periculo parituram. » Factum est quod præcepit, et nocte ipsa subsecutum est quod promisit. Sedebat in campo cum Comite Ulydiæ aliqua tractans, et multitudo copiosa circa eos. Venit mulier gravida, et vere gravis. Indicat se contra omnes naturæ leges retinere partum jam quindecim mensibus et diebus viginti. Compassus Malachias super novo et inaudito incommodo, orat, et mulier parit. Qui aderant, lætati sunt, et mirati sunt. Omnes enim viderunt, in qua facilitate et velocitate loco eodem enixa sit, et triste negati partus periculum miraculo commutatum jucundiori.

## CAPUT XXII.

*Concubinario obstinato exitium denuntiat.*

48. Accidit ibidem quiddam pari quidem miraculo, sed sorte dispari. Vidit hominem, qui publice tenere diceretur concubinam fratris; et hic erat miles, minister Comitis. Et publice conveniens incestuosum,

alterum ei Joannem exhibuit : « Non licet tibi, A inquit, « concubinam habere fratris tui. » At ille alterum ipsi nihilominus Herodem redhibens, non modo non audivit eum, sed et superbe respondit, et coram omnibus jurat nunquam se dimissurum (Marc. vi, 17-28). Tum commotus Malachias, sicut erat pro justitia vehementer zelans : « Et Deus, » inquit, « te ab illa separet vel invitum. » Parvi pendens ille, ex instanti abiit indignabundus. Offendensque mulierem non longe a turba constituta in loco, vi oppressit eam, sicut erat satanæ totus, cui paulo ante traditus fuerat. Nec latuit flagitium. Ancilla, quæ dominam comitabatur, recurrens domum (nempe haud procul aberat loco) nuntiat anhelæ quid mali acciderit. Ad quam vocem germani illius, qui domi erant, zelantes sororis stuprum, tota illo festinantia pervolant, pudicitiam hostem, ipso in loco et opere sceleris deprehensum, multis 679 confossum vulneribus interimunt. Necdum conventus solutus erat, cum ecce armiger illius, quod evenerat, nuntiavit. Et mirati sunt universi, quod sententia Malachiæ tam celerem habuisset effectum. Timuerunt quique flagitiosi audito hoc verbo (nam multi erant in terra), et territi purgati sunt, lavantes manus suas in sanguine peccatoris.

## CAPUT XXIII.

*Varia sanitarum beneficia variis præstita.*

49. Diarmitium comitem, multo jam tempore decumbentem lecto, duriter quidem increpans, quod malus homo esset, immoderatus serviens ventri et gulæ, benedicta aspersum aqua, surgere fecit sine mora, ita valentem, ut equum ascenderet illico, et utique præter spem suam ipsius et suorum. In urbe Caselensi venit homo ante eum cum filio paralytico, rogans illum sanari : qui orans breviter, « Vade, » inquit, « filius tuus sanabitur. » It, et crastino redit cum filio, sed minime sanato. Tum surgens Malachias, et stans super eum diutius oravit, et ille sanatus est. Et conversus ad patrem : « Offer, » inquit, « illum Deo. » Annuit homo, sed non tenuit : et post aliquot annos ille jam juvenis recidit in idipsum, sine dubio propter inobedientiam patris, et pacti transgressionem. Alius quidam veniens de longinquo, cum esset Malachias in sinibus Mumoniz, attulit ad eum filium, pedum penitus officio destitutum. Percunctatus quonam modo illi id accedisset : « Ut suspicor, » inquit, « dæmonum malignitate. » Et addit : « Ludenti in prato ipsi, ni fallor, immisere soporem, evigilansque puerulus, sic se invenit. » Hæc dicens, cum lacrymis precem fundit, efflagitat opem. Misertus ejus oravit Malachias, jubens ægrum interim dormire ibidem super solum [fort. solum]. Dormivit : et surrexit sanus. Hunc ipse, quia de longe venerat, aliquandiu in comitatu suo retinuit, et erat ambulans cum eo.

50. In monasterio Benchorensi pauper quidam fratrum elemosynis sustentabatur. Et erat quotidianam accipiens stipem, aliquid officii factitans in pistrino. Is claudus ab annis duodecim, humi mani-

bus repens, post se trahebat pedes emortuos : quem die quadam ante cellam suam Malachias mœsturum et mœrentem inveniens causam percontatur. Et ille : « Vides, » inquit, « quam ex longo misellus affliger, et manus Domini super me : et ecce ad cumulum ærumnæ, homines, qui misereri debuerant, irrident me potius, miseriam exprobrantes. » Quem ubi audivit, pietate motus suspexit in cælum, manus pariter levans. Facta autem brevi oratione, ipse intravit cellam, et ille surrexit. Et stans super pedes suos, mirabatur si vere esset quod erat pene somnium suspicatus. Cœpit tamen se pedetentim movere : neque enim posse ire satis credebatur. Tandem quasi e gravi somno evigilans, cognoscit misericordiam Domini super se; firmiter graditur, et in pistrinum revertitur, exiliens et exsultans, et laudans Deum. Viso eo, qui ante viderant et cognoverant, repleti sunt stupore et ecstasi, phantasma putantes. Virum item hydropicum orando sanavit : qui illico remansit in monasterio, pastor ovium factus.

51. Civitas Hiberniæ, nomine Corcagia [al. Coreava], vacabat episcopo. Tractatum est de electione : dissensere partes, quibusque, ut assolet, præsulem volentibus constituere suum, non Dei. Venit illic Malachias, audita dissensione. Convocato clero et populo, etiam corda et vota discordantium unire curavit. Et persuasis illis totum negotium sibi debere credi, cui potissimum sollicitudo incumberet illius, sicut et aliarum per Hiberniam Ecclesiarum, incontinenti nominat eis, non quempiam de nobilibus terræ, sed magis quemdam hominem pauperem, quem sciret sanctum et doctum : et hic erat alienigena. Quæritur ille : nuntiatur decumbere lecto, et ita debilis, ut nullo pacto exeat, nisi in manibus portatus ministrantium. Et Malachias : « Surgat, » inquit, « in nomine Domini, ego præcipio; 680 obedientia salvum faciet eum. » Quid faceret ille? Parere volebat, sed imparatum se sentiebat : quod etsi posset ire, episcopari reformidabat. Ita cum voluntate obediendi, pugnantem gemino hoste, pondere languoris, et metu honoris [al. oneris], vicit illa tamen, data sibi in adiutorium spe salutis. Itaque conatur, movet sese, tentat vires, invenit se solito fortiozem. Crescit pariter fides cum viribus, et rursum facta fortior fides dat vicissim viribus incrementum. Jam surgere per se valet, jam meliuscule gradi, jam nec sentire in ambulando lassitudinem; denique expeditus et alacer pervenire ad Malachiam sine hominis adiutorio. Qui assumens eum, misit in cathedram, clero et populo collaudante. Hoc ita in pace factum est, quia nec illi ausi sunt Malachiæ voluntati in aliquo obviare, videntes signum, quod fecerat : nec ille parere dubitavit, tam evidenti argumento factus securior de Domini voluntate.

52. Mulier quædam fluxum sanguinis patiebatur : et hæc nobilis, charissima Malachiæ, plus tamen ob morum quam generis nobilitatem. Quæ ex toto deficiens, nimirum cum sanguine exhaustis viribus,

jam posita in extremis, misit ad Dei hominem, ut, A quod supererat, animæ subveniret, qui se jam non esset visurus in corpore. Audiens Malachias moleste tulit, quod mulier virtutis foret, et vita ejus fructuosa opere et exemplo. Et videns se non posse satis currere tempestive, accito Malcho, quod juvenis esset, et expeditus (ipse est, cujus supra meminimus (Num. 39), frater Christiani abbatis) : « Accelera, » inquit, « fer illi tria ponia hæc, super quæ nomen Domini invocavi. Confido in ipso quod ubi ex eis gustaverit, non gustabit mortem, priusquam nos videat, etsi tardiuscule secuturos. » Festinat Malchus secundum mandatum, et veniens intrat ad mortuam, alterum se exhibens puerum Elisei (IV Reg. iv, 29), nisi quod hujus efficacior opera fuit. Jubet missam sibi a Malachia benedictionem accipere, et gustare, si quo modo valuerit. At illa ex hilarata, audito nomine Malachie, ut obedire possit nutu significat paulisper se erigi velle; nam verbo non poterat. Erigitur, gustat : gustato confortata est, loquitur et gratias agit. Et immisit Dominus soporem in eam, et suavissime requievit in eo, cujus usui diu caruerat, sicut et esu. Stetit interim sanguis, et post modicum expergefata, sanam se reperit, nisi quod longa inedia, et sanguinis minutione adhuc debilis erat. Si quominus, die sequenti desideratus Malachia adventus aspectusque perfecit.

## CAPUT XXIV.

*Feminam sine sacramento Extremæ Unctionis defunctam resuscitat.*

53. Habitabat vir nobilis in vicinia Benchorensis monasterii, cujus uxor cum infirmaretur ad mortem, rogatus Malachias ut descenderet, priusquam moreretur, infirmam uncturus oleo. Descendit, et intravit ad eam : quo viso, exsultat illa, spe animata salutis. Et cum pararet ungere eam, visum est omnibus differendum potius usque mane. Erat enim vespera. Acquievit Malachias, et data benedictione super ægram, exivit cum his qui secum erant. At vero post modicum subito clamor factus est, planctus et strepitus multus per totam domum ; siquidem insomniat quod mortua esset. Accurrit Malachias tumultu audito, et secuti sunt eum discipuli ejus. Et accendens ad lectum, ut certo comperit exspirasse, consternatus est animo, sibi imputans, quod fraudata gratia Sacramenti obierit. Et elevatis in cælum manibus, « Obsecro, Domine, inquit, insipienter egi. Ego, ego peccavi, qui distuli ; non ista, quæ voluit. » Hæc dicens, contestatus est in audientia omnium, nullam se recepturum consolationem, nullam daturum requiem spiritui suo, nisi, quam tulerat, liceret restituere gratiam. Et stans super eam, tota nocte laborabat in gemitu suo : et pro oleo sancto, largo imbore lacrymarum **681** perfundens mortuam, vicem illi unctionis, quam poterat exhibebat. Ipse quidem sic ; ad suos autem : « Vigilate, » inquit, « et orate. » Itaque in psalmis illi, ille in lacrymis, noctem duxere pervigilem. Et mane facto, exaudivit Dominus sanctum suum, quia spiritus Domini erat

postulans pro eo, qui postulat pro sanctis gemitibus inenarrabilibus. Quid plura ? aperit oculos quæ fuerat mortua ; et, ut solent qui de gravi somno evigilant, fricans sibi manibus frontem et tempora, super lectum se erigit, et agnito Malachia, inclinans devoto salutat eum. Et verso luctu in gaudium, stupor apprehendit omnes, et qui viderunt, et qui audierunt. Sed et Malachias gratias agens, benedixit Dominum. Et unxit eam nihilominus, sciens in hoc Sacramento remitti peccata, et quod oratio fidei salvet infirmum (Jac. v, 14, 15). Post hæc abiit ille, et illa convaleuit ; et vivens incolumis tempore aliquanto, ut gloria Domini manifestaretur in ea, peracta pœnitentia, quam sibi Malachias injunxerat, in bona confessione iterum obdormivit, et migravit ad Dominum.

## CAPUT XXV.

*Alia diversa beneficia in diversos collata.*

54. Fuit item mulier, cui spiritus iracundiæ et furoris in tantum dominaretur, ut non solum vicini et cognati fugerent consortium ejus, sed filii quoque ipsius vix sustinerent habitare cum ea. Clamor, et rancor, et tempestas valida, ubicumque fuisset. Audax, et ardens, et præceps, metuenda lingua et manu, importabilis omnibus, et invisa. Dolentes filii tum pro illa, tum pro seipsis, trahunt illam ad præsentiam Malachie, lacrymabilem cum fetu querimoniam deponentes. Vir autem sanctus et periculum matris, et incommodum miserans filiorum, seorsum advocat illam : fuerint confessa aliquando peccata sua, sollicitè percontatur. Respondit, « Nequaquam. Confitere, » inquit. Pareat. Et ille injungens pœnitentiam confitenti, oransque super eam, ut Dominus omnipotens det ei spiritum mansuetudinis, in nomine Domini Jesu ne ultra irascatur jubet. Sequitur tanta mansuetudo, ut pateat omnibus non esse aliud, quam admirabilem mutationem dexteræ Excelsi. Fertur adhuc hodie vivere, et tantæ esse patientiæ et lenitatis, ut quæ omnes exasperare solebat, nullis modo exasperari damnis, contumeliis, afflictionibus queat. Si licet et me, juxta Apostolum, abundare in sensu meo (Rom. xiv, 5), accipiat quisque ut volet ; ego istud superiori suscitæ miraculo mortuæ censeo præferendum, quod exterior quidem ibi, hic vero interior revixerit homo. Et nunc curramus ad reliqua.

55. Vir secundum sæculum honorabilis, secundum Deum timoratus, veniens ad Malachiam, questus est ei super sterilitate animæ suæ, supplicans ut sibi obtineret ab omnipotente Deo gratiam lacrymarum. Et subridens Malachias, quod gratum haberet in homine sæculari desiderium spirituale, suam maxillam maxillæ illius quasi blandiendo conjungens : « Fiat, » inquit, « tibi, sicut petisti. » Tantos exinde, et pene continuos exitus aquarum deduxerunt oculi ejus, ut illud Scripturæ ei posse aptari videretur : *Fons hortorum, puteus aquarum viventium* (Cantic. iv, 15). Est insula maris in Hibernia,



ab olim fecunda piscium : et mare ibi piscosum A  
valde. Peccatis, ut creditur, habitantium adempta  
copa solita, quæ multos habebat filios, infirmata  
est, et a tanta funditus sui commoditate emareuit.  
Dolentibus accolis, et iacturam gravem populis ægre  
ferentibus, revelatum est cuidam mulieri, precibus  
Malachiae posse afferri remedium : Idque innotuit  
omnibus, ipsa prodente. Nutu Dei contigit adesse  
Malachiam. Dum enim circumiret, et repleret Evan-  
gelio regionem, divertit illuc, ut et ipsis eandem  
gratiam impertiret. At barbari, quibus erat major  
cura de piscibus, omni instantia flagitant, ut potius  
respicere dignetur super sterilitatem insulæ suæ.  
Qui cum responderet se minime ad hoc venisse,  
682 hominum magis, quam piscium desiderare  
capturam ; videns tamen fidem eorum, flexis in li-  
tore genibus, oravit ad Dominum, ut, licet indignis,  
indultum olim beneficium tanta fide repetentibus non  
negaret. Ascendit oratio, ascendit et piscium mul-  
titude, et forte uberius, quam in diebus antiquis,  
et ipsa populo terræ perseverans usque in hodiernum  
diem. Quid mirum, si oratio iusti, quæ penetrat  
cælos, penetravit abyssos, et de profundo maris  
tantas piscium copias evocavit ?

56. Venerunt aliquando tres episcopi in villam  
Fochart [al. Fochaut], quem dicunt locum nati-  
vitatibus virginis : et quartus erat Malachias.  
Ad quem presbyter qui hospitio susceperat eos :  
« Quid faciam, » inquit, « quod pisces non habeo ? »  
Quo respondente, ut quæreretur a piscatoribus : « Bio-  
nium est, » ait, « quod non inveniuntur pisces in  
flumine : unde et piscatores prorsus diffusi, etiam  
arti suæ renuntiaverunt. » Et ille : « Præcipe, »  
inquit, « laxari retia in nomine Domini. » Factum  
est, et capti sunt salmones duodecim. Secundo mi-  
serunt, et captis totidem, inopinatum inferunt men-  
sis et ferculum, et miraculum. Et ut clare liqueat,  
Malachiae meritis hoc datum fuisse, aliis quoque  
duobus sequentibus annis eadem nihilominus steri-  
litas perduravit.

## CAPUT XXVI.

*Veritatem corporis Christi in Eucharistia propugnat.*

57. Fuit quidam clericus in Lesmor, probabilis  
(ut fertur) vitæ, sed fidei non ita. Is sciolus in ocu-  
lis suis, præsumpsit dicere, in Eucharistia esse tan-  
tummodo sacramentum, et non rem sacramenti, id  
est solam sanctificationem, et non corporis verita-  
tem. Super quo a Malachia secreto, et sæpe conven-  
tus, sed incassum, vocatus ad medium est, seorsum  
tamen a laicis, ut, si fieri posset, sawaretur, et non  
confunderetur. Itaque in conventu clericorum data  
facultas homini est pro sua sententia respondendi.  
Cumque totis ingenii viribus, quo non mediocriter  
callebat, asserere et defendere conaretur errorem,  
Malachia contra disputante et convincente, iudicio  
omnium superatus, de conventu confusus quidem  
exiit, sed non correctus. Dicebat autem se non ra-  
tione victum, sed Episcopi pressum auctoritate.  
« Et tu, » inquit, « o Malachia, sine causa me ho-

die confudisti, adversus profecto veritatem locutus,  
et contra tuam ipsius conscientiam. » Mœstus Ma-  
lachias pro homine sic indurato, sed magis fidei  
dolens injuriam, timens periculum, ecclesiam con-  
vocat : errantem publice arguit, publice monet ut  
resipiscat. Suadentibus hoc ipsum episcopis et uni-  
verso clero, cum non acquiesceret, contumaci  
anathema dicunt, hæreticum protestantes. Nec sic  
evigilans : « Omnes, » inquit, « favetis homini po-  
tiusquam veritati; ego personam non accipio, ut de-  
seram veritatem. » Ad hoc verbum substomachans  
sanctus : « Dominus, » inquit, « fateri te veritatem fa-  
ciat vel ex necessitate. » Quo respondente, « Amen, »  
solvitur conventus. Tali ille inustus cauterio, fugam  
meditatur, infamis atque inhonoris fore non susti-  
nens. Et continuo sua tollens exibat, cum ecce sub-  
B  
itus correptus infirmitate, sistit gradum, viribusque  
deficiens, eodem locq jactat se super solum anhelus  
et fessus. Forte incidens in id loci vagabundus in-  
sanus quidam, offendit hominem, quidnam ibit agat  
percontatur. Respondet gravi se infirmitate teneri,  
et neque procedere, neque redire valentem. Et ille :  
« infirmitas ista haud alia, » inquit, « quam ipsa  
mors est. » Hoc autem non dixit a semetipso ; sed  
pulchre Dominus per insanum corripuit eum, qui  
sanis acquiescere noluit consiliis sensorum. Et  
addit : « Revertere domum, ego te juvabo. » Deni-  
que ipso duce revertitur in civitatem ; redit ad cor,  
et ad misericordiam Domini. Eadem hora accitur  
Episcopus, agnoscitur veritas, abjicitur error. Con-  
fessus reatum absolvitur, petit Viaticum, datur re-  
conciliatio : et uno pene momento perfidia ore ab-  
dicatur, et morte diluitur. 683 Ita mirantibus  
cunctis, sub omni celeritate completus est sermo  
Malachiae, et scripturæ pariter credentis quia reza-  
tio dat intellectum auditui (Isa. xxviii, 19).

## CAPUT XXVII.

*Pacem et concordiam inter dissidentes mirabiliter con-  
ciliat.*

58. Inter populos quarundam regionum orta ali-  
quando gravis discordia est. Interpellatur Malachias  
de componenda pace inter eos : et cum esset alias  
impeditus, injungit negotium hoc uni episcoporum.  
Illo excusante et negante, et dicente Malachiam, non  
se, quæsitum ; se contemptum iri, frustra fatigari  
D  
nolle : « Vade, » inquit, « et Dominus erit tecum. »  
Et ille : « Acquiesco, sed si me non audierint, scito  
me ad tuam Paternitatem appellaturum. » Subridens  
Malachias : « Fiat, » inquit. Tunc episcopus convo-  
catis partibus, dictat formam pacis : acquiescunt,  
reconciliantur ad invicem ; fide hinc inde data, sta-  
biliter pax : et sic dimisit eos. At pars una videns  
hostes factos securos, imparatos esse, quippe qui  
pace facta mali nihil suspicarentur, loquebantur  
mutuo, et dicebat homo ad proximum suum : « Quid  
volumus facere ? Victoria præ manibus est, et ultio  
de inimicis. » Et cœpere insequi illos. Innotuit epi-  
scopo quod fiebat ; et accurrens convenit ducem eo-  
rum super iniquitate et dolo, sed spretus ab illo est.

Invocavit nomen Malachiz adversus eum, et nihili pendit: irridensque episcopum, « Putasne, » inquit, « propter te amittere debeamus malefactores nostros, quos Deus tradidit in manus nostras? » Et recordatur verbi sui episcopus, quos habuerat cum Malachia, flens et ejulans, verso vultu ad monasterium ejus: « Ubi es, » ait, « homo Dei? ubi es? Nonne hoc est, pater mi, quod tibi dicebam? Heu, heu, veni, ut facerem bonum, et non malum; et ecce per me omnes, illi in corpore, isti in anima pereunt! » Multa in hunc modum loquebatur lamentans et plangens, et quasi præsentem sollicitans et compellans Malachiam adversus malignantes. Interim vero impii eum quibus fecerant pacem, insequi non desistebant ad perdendum eos: et ecce spiritus mendax in ore quorundam virorum, qui eos deciperet. Et occurrerunt illis in viâ viri, nuntiantes, factam irruptionem in terras ipsorum ab adversariis: in ore gladii consumi omnia, et dripi bona eorum, uxores quoque ac liberos tolli et abduci. His auditis, reversi sunt festinanter. Sequebantur ultimi primos, qui lrent, aut quid acciderat, nescientes. Nec enim omnes audierant viros loquentes. Cumque venissent, et invenissent nihil horum quæ nuntiata erant, confusi sunt, deprehensi in malitia sua. Et cognoverunt spiritui erroris se traditos propter nuntium Malachiz quem deceperunt, et nomen ejus quod spreverunt. Porro episcopus audiens frustratos proditores in iniquitate sua quam cogitaverant, cum gaudio remeavit ad Malachiam, referens omnia per ordinem, quæ acciderant sibi.

59. Sciens Malachias ejusmodi occasione pacem esse turbatam, nactus opportunum tempus, pacem per semet inter ipsos denuo reformare curavit, et firmare reformatam, datis et receptis altrinsecus fide et juramento. Verum illi, quibus ante pax fracta fuit, injuriæ memores, neglecto pacto et præcepto Malachiz, tractaverunt de vice reddenda. Et congregati omnes in unum, ibant ut imparatos præoccuparent, redderentque in caput eorum malum, quod sibi ipsi facere cogitassent. Et magno flumine, quod intererat, facillime transvadato, fluvio, quem non procul ab illo offendere, retenti sunt. Neque enim jam fluvio, sed plane fluvius ingens apparuit, ubique sui transire volentibus transitum negans. Mirari omnes tantum nunc esse, tantillum antehac fuisse scientes, et loqui inter se: « Unde inundatio hæc? aer serenus est, imbres non sunt, nec proxime fuisse meminimus. Et si multum pluisset, quis nostrum unquam hactenus meminit in quantacumque illuvie ita intumuisse, ut operiret **684** terram, sata et prata pervaderet? Dignus Dei est iste, et Dominus sepit vias nostras propter sanctum suum Malachiam, cujus sumus prævaricati pactum, transgressi mandatum. » Ita et hi infecto negotio, ad sua æque confusi repedaverunt. Divulgatum est verbum per universam regionem: et benedicebant Deum, qui comprehendit sapientes in astutia sua, et confringens cornu peccatorum, sublimavit cornu christi sui.

60. Aliquis de nobilibus infensus Regi, reconciliatus est per manum Malachiz. Nec enim Regi satis fidebat ille, ut pacem cum eo faceret, nisi mediante Malachia, aut quem Rex æque revereretur. Nec immerito, ut post apparuit. Nam factum securum, et minime jam cayentem sibi, captum trusit in vincula, odio antiquo captus plus ipse. Requiritur homo a suis de manu mediatoris: nec enim aliud amici expectare quam mortem. Quid faceret Malachias? Non est quod possit, nisi ut recurrat ad suum illud solitum unicumque refugium. Congregato exercitu forti nimis, turba magna discipulorum suorum, adit hominem, requirit vitæ; negatur. Et Malachias: « Inique, » inquit, « agis contra Dominum, et contra me, et contra te ipsum, pactum prævaricans: si dissimulas tu, sed non ego. Credidit se homo fidei meæ: si contingat mori, ego prodidi eum, ego reus sanguinis ejus. Quid tibi visum est me proditorem, te prævaricatorem constituere? Noveris me, donec liberetur, nihil gustaturum, sed neque istos. » Sic locutus, intrat ecclesiam: Deum omnipotentem suis, suorumque anxii genitibus interpellat, ut injuste addictum dignetur eripere de manu prævaricatoris et iniqui. Et ea die cum nocte sequenti in jejunio et oratione perstitit. Perlatum ad Regem quid fieret; et magis inde induratum est cor ejus, unde emolliiri debuerat. Init fugam, veritus homo carnalis, ne si prope remaneret, orationis non posset sustinere virtutem. Quasi vero vel absconditum non inveniat, vel non perveniat ad remotum. Tu metas ponis, miser, orationibus sanctorum? Num est oratio jacta sagitta, ut fugias a facie arcus? Quo ibis a Spiritu Dei, qui eam portat, et quo a facie ejus fugies? Denique fugientem insequitur, invenit latitantem: erisque cæcus et non videns, ut melius videas, et intelligas quoniam durum est tibi contra stimulum calcitrare. Denique senti vel nunc, quia sagittæ potentis acutæ prævenerunt ad te: quæ etsi rædierunt a corde, quæ ræxerunt, sed non ab oculis. Utinam per fenestras saltem oculorum perveniant usque ad cor, et vexatio det intellectum cæcitati. Cernere erat Saulum denuo ad manus trahi, et duci ad Ananiam (Act. ix), ad ovem scilicet lupum, ut refundere prædam. Refudit, et recepit visum, quod Malachias usque adeo ovis esset, ut si misertus et lupo. Diligenter ex his adverte, lector, cum quibus habitatio Malachiz, quales principes, et quales populi. Quomodo non et is frater fuit draconum, et socius struthionum? (Job xxx, 29.) Et ideo dedit ei Dominus virtutem calcandi super serpentes et scorpiores, alligare reges eorum in compedibus, et nobiles eorum in manicis ferreis. Audi denique quid sequatur.

#### CAPUT XXVIII.

*Sacrum ædificium molis, adversarium patitur, sed mox ultione divina correptum.*

61. Is, cui Benchorensis monasterii cesserat possessiones, ingratus beneficio, extunc et deinceps insolentissime semper se habuit adversus eum et suos,

in omnibus infestus, ubique insidians, detrahensque actibus ejus. At non impune hoc. Erat illi unicus filius, qui imitator patris, audens aliquid et ipse in Malachiam, eodem anno mortuus est. Mortuus autem sic. Visum est Malachiæ debere construi in Benchor oratorium lapideum, instar eorum quæ in aliis regionibus exstructa conspexerat. Et cum cœpisset jacere fundamenta, indigenæ quidem omnes mirati sunt, quod in terra illa necdum ejusmodi ædificia **685** invenirentur. Verum ille nequam, sicut erat præsumptuosus et insolens, non miratus est, sed indignatus. Ex qua indignatione concepit dolorem, et peperit iniquitatem. Et factus susurro in populis, nunc secreto detrahere, nunc blasphemare palam; notare levitatem, novitatem horrere, sumptus exaggerare. Istiusmodi venenatis sermonibus sollicitans et iaducens multos ad prohibendum: « Sequimini me, » inquit, « et quod non nisi per nos fieri debet, contra nos fieri non sinamus. » Itaque cum pluribus, quibus suadere valuit, descendit ad locum, repletum convenit hominem Dei, primus ipse dux verbi, qui erat principium mali: « O bone vir, quid tibi visum est nostris hanc inducere regionibus novitatem? Scoti sumus, non Galli. Quænam levitas hæc? Quid opus erat opere tam superfluo, tam superbo? unde tibi pauperi et inopi sumptus ad perficiendum? Quis perfectum videbit? Quid istud præsumptionis, inchoare quod non queas, non dico, perficere, sed nec videre perfectum? Quanquam amentis magis est, quam præsumptis *[al., prudentis]*, conari quod modum excedit, vincit vires, superat facultates. Cessa, cessa, desine a vesania hæc: alioquin nos non sinimus, non sustinemus. » Hoc dixit, prodens quid vellet, non quid posset considerans. Nam de quibus præsumebat, et secum adduxerat, viso viro, mutati sunt, et jam non ibant cum eo.

**62.** Ad quem Vir sanctus, tota libertate utens: « Miser, » inquit, « opus, quod inchoatum vides, et invides, sine dubio perficietur; perfectum videbunt multi. Tu vero quia non vis, non videbis; et quod non vis, morieris: attendito tibi, ne in peccato tuo moriaris. » Ita est: ille mortuus est, et opus completum est; sed ille non vidit, qui, ut præfati sumus, anno eodem mortuus est. Interim pater audito mox, quid de filio Vir sanctus prædixisset, sciens verbum ejus vivum et efficax esse: « Interferit, » inquit, « filium meum. » Et instigante diabolo, tanto furore exarsit in illum, ut coram duce et majoribus Ulydiæ falsitatis et mendacii arguere non vereretur hominem, qui veracissimus esset, veritatis et discipulus, et amator: et convicium intulit, simiam appellans. Et Malachias quidem doctus non reddere maledictum pro maledicto, obmutuit, et non aperuit os suum, dum consisteret peccator adversus eum. Sed non Dominus oblitus sermonis sui, quem dixerat: *Mihi vindictam, et ego retribuam* (Deut. xxxii, 35). Eadem die domum reversus homo, luit linguæ effrenis temeritatem, ipso ultore, quo instigatore laxarat. Arreptum in ignem projicit dæmon; sed mox manibus

**A** assistentium extractus est; adustus tamen corporis parte, et mente captus, Et dum insaniret, vocatus Malachias venit, reperitque maledictum spumantia ora torquentem; horrendis vocibus et motibus terrentem omnia, ac toto corpore agitatam, vix posse teneri a pluribus: et orans pro inimico vir totius perfectionis, exauditus est; sed ex parte. Nam illic quidem sancto orante, ille aperuit oculos et sensum recepit. Relictus est autem ei spiritus Domini malus, qui eum colaphizet, ut discat non blasphemare. Credimus eum vivere usque adhuc, et usque ad hæc tempora luere peccatum grande, quod peccavit in sanctum: certis temporibus tamen serunt lunaticum esse. Porro prædictæ possessiones, cum jam pro sui imbecillitate et inutilitate eas tenere non valuit, in pace ad locum, cujus exstiterant, redierunt. Nec renuit Malachias post multam demum vexationem, pacis obtentu.

**63.** Sed jam ad opus ædificii, quod Malachias, aggressus est, sermo recurat. Et quidem non erat Malachiæ, non dico unde perficeret, sed unde faceret quidquam. Erat autem cor ejus fiduciam habens in Domino. Dominus vero providit, ut, etsi non speranti in pecuniæ thesauris, pecunia non decederet. Quis enim alius fecit, ut thesaurus eo loci reponeretur, repositus non reperiretur usque ad tempus et opus Malachiæ? Invenit Dei famulus in Dei marsupio, quod defuit suo. Merito quidem. Quid enim justius, quam **686** ut cui pro Deo non erat proprium, cum Deo iniret consortium, et marsupium unum esset. **C** amborum? Fideli namque homini totus mundus divitiarum est. Et quid est ille, nisi quoddam marsupium Dei? Denique ait: *Meus est orbis terræ, et plenitudo ejus* (Psal. xli, 12). Inde est, quod Malachias repertos argenteos multos non reposuit, sed exposuit. Nam totum munus Dei in Dei opus jubet expendi. Non suas, non suorum considerat necessitates; sed jactat cogitatum suum in Domino, ad quem utique recurrendum non dubitat, quoties necessitas postularit. Nec dubium Dei opus esse, quod Deo revelante Malachias prævidit. Contulerat primum cum fratribus de opere illo: et multi præ inopia minus libenter assentiebant. Inde anxius dubiusque quid ageret, cœpit inter orandum vehementer inquirere, quænam foret voluntas Dei. Et die quadam de via regrediens, cum jam loco appropriaret, prospexit eminens: et ecce oratorium apparuit magnum lapideum, et pulchrum valde. Et intuens diligenter situm, formam et compositionem, cum fiducia arripit opus, prius quidem indicata visione senioribus fratribus, paucis tamen. Sane totum, quod attente notavit de loco, et modo, et qualitate, tanta diligentia observavit, ut peracto opere, factum viso similimum appareret, ac si et sibi cum Moyse dictum audierit: *Vide, ut omnia facias secundum exemplar quod tibi ostensum est in monte* (Exod. xxv, 40). Eodem visionis genere id quoque, quod in Sallustio situm est, antequam fieret, præostensum est illi, non modo oratorium, sed et monasterium totum,



## CAPUT XXIX.

*Claret prophetia spiritu, et omni miraculorum gratia.*

64. Transeunte illo per quamdam civitatem, et multitudine magna concurrente ad eum, casu vidit juvenem inter alios videndi se curiosum. Ascenderat lapidem, et stans super summos articulos, extento collo, oculis et animo intendens in eum, quemdam illi de novo Zacchæum exhibebat. Nec latuit Malachiam, sancto quidem Spiritu revelante, vere illum venisse in spiritu et virtute Zacchæi (*Luc. xix, 2-9*). Dissimulavit tunc tamen, taciussque pertransiit. Cæterum in hospitio nocte ipsa narravit fratribus quomodo illum vidisset, et quid prævidisset de illo. Die autem tertia, en ille cum viro quodam nobili, domino suo: qui aperiens votum et desiderium juvenis, rogabat, ut a se commendatum recipere dignaretur, et habere de cætero inter suos. Et Malachias agnoscens eum: « Non est opus, » inquit, « ut quem jam Deus commendavit, homo commendet. » Apprehensumque manu sua tradidit abbati Congano nostro, et ille fratribus. Ipse vero juvenis, adhuc (ni fallor) vivens primus Conversus laicus Suriensis monasterii, testimonium habet ab omnibus, quod sancte conversetur inter fratres secundum ordinem Cisterciensem. Et cognoverant discipuli, etiam in hoc Malachiam prophetæ spiritum habuisse; non solum autem, sed et in eo, quod subjuncturi sumus.

65. Cum Sacramenta offerret, et appropriasset ei diaconus, facturus aliquid pro officio suo, intuitus eum sacerdos, ingemuit, quod sensisset penes illum latere quod non conveniret. Peracto sacrificio, secreto percunctatus de conscientia sua, confessus est, et non negavit illud sibi per somnium nocte ipsa. Cui injungens pœnitentiam: « Non debueras, » inquit, « hodie ministrasse; sed verecunde te subtrahere sacris, et deferre tantis tamque divinis mysteriis, ut hac humilitate purgatus, dignus exinde ministrares. » Item alia vice sacrificante illo, et orante hora sacrificii, ea quidem sanctitate et puritate cordis, qua solitus erat, astanti diacono visa est columba intrare per fenestram in claritate magna. Ea sacerdos perfunditur totus, ea subobscurior basilica tota refulget. Columba vero aliquandiu circumvolitans, tandem residet super crucem ante faciem sacerdotis. Obstupuit **667** diaconus; et pavens tum pro luminis, tum pro volucris novitate, quod illa sit rara avis in terra, cecidit super faciem suam, et vix palpitans, sese erigere ausus est, vel quando officii sui necessitas postulavit. Post Missam seorsum conventus a Malachia, sub periculo vite jubetur nullatenus secretum prodere quod vidisset, quoad viveret ipse. Aliquando cum in Ardmacchia esset cum quodam coepiscopo suo, de nocte surgens, cepit memorias sanctorum, quæ in cimiterio Sancti-Patricii multe sunt, orando lustrare: et ecce unum de altaribus subito ardere conspiciunt. Ambo enim viderunt visionem hanc magnam, et ambo mirati sunt. At Malachias intelligens signum esse magni meriti illius, vel illorum, quorum sub altari illo corpora requies-

A cerent, currens, et se mediis immergens flammis, expansis brachiis sacram amplexatus est aram. Quid ibi fecerit, quidve senserit, nemo qui sciat: vel quod amplius solito, cœlesti igne succensus ex illo igne exierit, fratrum qui cum eo tunc erant, reor neminem esse qui nesciat.

66. Hæc dicta sunt, pauca quidem de pluribus, sed multa pro tempore. Non enim signorum tempora hæc, secundum illud: *Signa non vidimus; jam non est propheta (Psal. lxxiii, 9)*. Unde satis apparet, Malachias meus quantus in meritis fuit, qui tam multus in signis exstitit, et in raritate tanta. Quo enim antiquorum genere miraculorum Malachias non claruit? Si bene advertimus pauca ipsa quæ dicta sunt, non prophetia defuit illi, non revelatio, non ultio impiorum, non gratia sanitarum, non mutatio mentium, non denique mortuorum suscitatio. Per omnia benedictus Deus, qui sic amavit et ornavit eum: qui et magnificavit eum in conspectu regum, et dedit illi coronam gloriæ. Amor probatur in meritis, ornatus in signis, magnificatio in ultione inimicorum, glorificatio in præmiorum retributione. Habes, diligens lector, in Malachia quid mireris, habes et quid imiteris. Nunc jam quid tibi ex his sperandum sit, studiosius attende. Nam finis horum, pretiosa mors est.

## CAPUT XXX.

*Locum et diem mortis suæ prædicit, et causa pallii denuo iter ad papam Eugenium suscipit.*

67. Percunctatus aliquando, quoniam in loco, si optio detur, extremum malit agere diem (de hoc siquidem fratres quærebant inter se, quem sibi quisque deligeret), cunctatus, et non respondet. Instantibus illis: « Si hinc migro, » inquit, « nusquam libentius, quam unde una cum nostro Apostolo resurgere possim. » Dicebat autem sanctum Patricium. « Si peregrinari oportet, et ita permittit Deus, Claram-Vallem delegi. » Requisitus item de tempore, diem respondit solemnem omnium defunctorum. Si simplex votum putatur, impletum est; si prophetia, ne iota præterit. Sicut audivimus, sic vidimus de loco pariter, et de die. Dicamus breviter, quo ordine istud, quæ occasione provenerit. Egredis satis ferebat, Hiberniam usque adhuc pallio caruisse, utpote æmulator sacramentorum: quorum ne uno quolibet gentem suam vellet omnino fraudari. Et recordatus sibi a papa Innocentio fuisse promissum; inde magis tristari, quod dum adhuc ille superfuisset, non fuit missum pro eo. Et nactus occasionem, quod papa Eugenius summam regiminis teneret, et eo temporis usque in Franciam appropriasse nuntiaretur, opportunitatem requirendi se invenisse gavisus est. Præsumebat autem de illo, utique viro tali, et de tali assumpto professione: magis vero, quod suæ Claræ-Vallis specialis filius exstisset, nec timeret apud illum se ullam sustinere difficultatem. Itaque convocantur episcopi, concilium cogitur; tractata triduo, quæ temporis imminerent: die quarto aperitur consilium de pallio

requirendo. Placet, sed si per alium requiratur. Tamen quia brevior via, et ob hoc tolerabilior peregrinatio videretur, non fuit qui ejus obviare præsumeret consilio et voluntati. **688** Et Malachias, soluto concilio, arripit iter. Prosequuntur eum, qui convenerant fratres, usque ad litus, non multi tamen, ipso nimirum prohibente. Ad quem unus illorum, Catholicus nomine, flebili voce et vultu: « Heu, tu abis, » inquit, « et in quarta pene quotidiana vexatione me deseris, non ignoras, nec fors opem misertus mei! Si ego dignus qui patiar, fratres quid peccaverunt, qui vix diem, noctemve ullam a tam laboriosa cura et custodia mei seriatim habere sinuntur? » His verbis et lacrymis filii (nebat enim) paterna viscera concussa sunt, et amplexatus est eum blandiendo, impressoque pectori ejus signo crucis: « Certus esto, » inquit, « te ejusmodi nil passurum, donec redeam. » Erat autem epilepticus, et cadebat frequenter, ita ut interdum non semel, sed sæpius pateretur in die. Hoc jam per sex annos morbo horrido laborabat: sed ad verbum Malachiæ perfecte convaleuit. Ab illa hora nil tale perpessus est; nil tale, ut confidimus, deinceps perpessus, quia Malachias deinceps rediturus non est.

**68.** In ipso ascensu navis accedunt duo ex his, qui illi familiaris adhærebant, audentes et petentes aliquid ab eo. Quibus ille: « Quid vultis? Non dicimus, » inquit, « nisi spondeas te daturum. » Spondet. Et illi: « Volumus nobis certo promitti a tua dignatione, te in Hiberniam incolumem reversurum. » Instare et cæteri omnes. Tum ille parumper deliberans, penitere primo quod se alligasset, qua exire non inveniens. Augustiæ undique, dum nil occurreret ab alterutro tutum periculo, voti videlicet, aut promissi. Visum est tandem id potius eligendum, quod in præsentiarum plus urgeret, reliquum supernæ committendum dispositioni. Annuitt tristis quidem; sed magis illos noluit contristare: et spondens eis, ut volunt, ascendit navem. Et cum jam fere medium iter æquoreum peregissent, subito contrarius ventus navem repellit, et reducit in terram Hiberniæ. Descendens de navi, in ipso portu in quadam sua ecclesia pernoctavit. Et lætus, gratias egit divinæ consilio providentiæ, quo factum est ut jam fecerit satis pro sua promissione. Mane vero intrans navem, ipsa die prospero cursu transfretavit, et venit in Scotiam. Die tertia pervenit ad locum qui Viride-Stagnum dicitur: quem fecerat præparari, ut ibi statueret ablatiam. Et relicto illic de filiis suis, fratribus nostris, monachorum conventu et abbate (nam secum ad hoc ipsum eos adduxerat), valedicens eis, profectus est.

**69.** Et cum transiret, occurrit ei rex David, a quo susceptus est cum gaudio, et retentus per aliquot dies: multaque operatus placita Deo, inchoatum repetit iter. Et pertransiens Scotiam, in ipso introitu Angliæ divertit ad ecclesiam Gisiburnensem, ubi habitant viri religiosi, canonicam ducentes vitam, ab antiquo familiares ei pro sua religione et hone-

A state. Ibi adducta est ad eum mulier patiens morbum, quem cancerum vulgo appellant, ipso horrendum visu; et sanavit eam. Nam ubi aqua, cui benedixit, aspersa sunt ulcerum loca, dolorem non sensit. Die vero sequenti vix ulcera apparebant. Abiens inde, ad mare venit; sed negatur, transitus. Causa, ni fallor, fuit orta simulas quardam inter summum pontificem et regem Angliæ, quod rex nescio quid mali suspicaretur de bono illo homine, si transiret: nam neque alios episcopos transire sinebat. Quod quidem impedimentum, etsi fuit contrarium Malachiæ voluntati, sed non voto. Dolebat differri a desiderio suo, nesciens magis per hoc impletum iri. Nam si incontinenti transisset, oportebat transire etiam Claram-Vallem, ut summum Pontificem sequeretur. Jam enim abierat, et erat Romæ, aut prope Romam. Nunc vero intercedente dilatione factum est ut tardius transfretans, ad locum et horam sanctissimi sui obitus, opportune occurreret.

### 689 CAPUT XXXI.

*Rursus Claram-Vallem venit, moriturus loco et tempore quo desideraverat.*

**70.** Qui a nobis susceptus est, tanquam verus, ab Occidente veniens, visitans nos Oriens ex alto. O quantum nostræ Claræ Valli irradians sol ille claritatis adauxit! quam jucundus ad ejus introitum dies festus illuxit nobis! Illic dies, quam fecit [al. dedit] Dominus, exultatum et lætatum in ea! Quam celer et saliens, tremulus licet ac debilis, mox ipso occurri! quam lætus in oscula rui! quam lætis brachiis missam mihi cœlius amplexatus sum gratiam! quam alacri vultu et animo, mi pater, introduxi te, in domum matris meæ, et in cubiculum genitricis meæ! Quam festivos deinde tecum duxi dies, sed paucos! Quid vero ille vicissim nobis? Nempe hilarum, nempe affabilem peregrinus noster omnibus se præbebat, omnibus incredibiliter gratum. Quam bonum, et quam jucundum agebat hospitem apud eos, quos nimirum videre venerat a finibus terræ, non auditurus Salomonem, sed exhibiturus! Denique audivimus sapientiam ejus, tenuimus præsentiam ejus, et tenemus. Jam quatuor aut quinque dies hujus nostræ solemnitatis defluerant, cum ecce die solemnī beati Lucæ evangelistæ, Missa in conventu sua illa sancta devotione celebrata, febre correptus, lecto decubuit: et nos cum illo omnes. Extrema gaudii nostri mœror occupat, moderatior tamen, quod levior interim febris esse videretur. Videres discurrere fratres, dandi avidos, vel accipiendi. Cui non dulce videre illum? cui non dulcius ministrare illi? Utrumque suave, utrumque salutare. Et humanitatis erat præbere obsequium, et profectus cuique sui, cum gratiam reportaret. Assistere omnes, omnes solliciti erant circa frequens ministerium: medicamenta perquirere, adhibere fomenta, urgere sapius ad gustandum. Ad quos ille: « Sine causa, » inquit: hæc sed charitate vestri facio quidquid injun-

gitis. » Sciebat enim imminere tempus suæ migrationis.

71. Cumque fratres, qui cum eo venerant, fidentius instarent dicentes, non oportere diffidere de vita; nec enim signa mortis in eo aliqua apparerent: » Oportet, » inquit, « hoc anno Malachiam exire de corpore. » Et infert: « Ecce appropinquat dies, quem, ut optime nostis, optavi semper ipsum fore diem resolutionis meæ. Scio cui credidi, et certus sum; non fraudabor reliquo desiderio mei, qui partem jam teneo. Qui me sua misericordia perduxit ad locum quem petii, terminum quem æque volui, non negabit. Quod ad hoc corpusculum attinet, hic requies mea: quod ad animam, Dominus providebit, qui salvos facit sperantes in se. Nec parum spei repositum mihi in die illa, qua mortuis tanta a vivis beneficia impenduntur. » Nec longe aberat dies ipsa, cum talia loqueretur. Interea jubet se sacro oleo ungi. Exeunte conventu fratrum ut solemniter fieret, non sustinuit ut ad se ascenderent: ipse descendit ad eos. Jacobat aiquidem in solario domus superioris. Ungitur, et sumpto Viatico, fratrum se orationibus, at fratres commendans Deo, ad lectum revertitur. Alto de solario descendebat pedibus suis, et rursum nihilominus suis pedibus ascendebat: et dicebat mortem esse in januis. Quis hunc hominem crederet moriturum? Solus ipse, et Deus id scire poterant. Non vultus pallidior, non macilentior videbatur; non rugata frons, non reconditi oculi, non nares extensæ, non contracta labia, non adusti dentes, non collum exesum et gracile, non curvi humeri, non caro exinanita in corpore reliquo. Hæc erat gratia corporis ejus, et hæc gloria vultus ejus, quæ non evacuatur, ne in morte quidem. Talis quoad vixit, talis et mortuus apparebat, viventi similior.

72. Cueurrimus usque huc: sed modo hæremus, quia Malachias cursum consummavit. Stat ille, et nos pariter **690** stamus cum eo. Alioquin quis libenter currat ad mortem? præsertim tuam, pater sancte, quis referre possit? quis velit audire? Attamen dileximus nos in vita; in morte non separabimur. Fratres, non relinquamus in morte, quem in vita persecuti sumus. Ab ulteriori Scotia usque huc cucurrit ille ad mortem: eamus et nos, et moriamur cum eo. Oportet, oportet dicere, quam cernere necesse fuit. Adest Omnium Sanctorum clara ubique celebritas; sed juxta veterem sententiam, *Musica in luctu importuna narratio est* (Eccli. xxii, 6). Adsumus, canimus vel inviti. Flendo cantamus, et cantando flemus. Malachias etsi non cantat, non plorat tamen: Quid enim ploret, qui appropinquat ad gaudium? Nobis, qui relinquimur, relinquitur luctus: solus Malachias festum facit. Quod enim non potest corpore, facit mente, sicut scriptum est: *Cogitatio hominis confitebitur tibi, et reliquæ cogitationis diem festum agent tibi* (Psal. lxxv, 41). Deficiente illi corporis instrumento, silente organo oris, officio vocis cessante, reliquum est ut mentis jubilo solemnizet. Quidni solemnizet sanctus, qui sanctorum ducitur

A ad solemnitatem? Exhibet illis, quod mox sibi debetur. Adhuc modicum, et ipse unus ex illis est.

73. Sub noctis crepusculo, cum jam utcumque diei a nobis expleta celebritas foret, Malachias appropinquaret, non crepusculo, sed auroræ. An non illi aurora, cui nox præcessit, dies autem appropinquavit? Itaque febre invalescente, cœpit ex intimis ardens per omne corpus erumpere sudor, ut quodammodo transiens per ignem et aquam, educeretur in refrigerium. Jam desperatur de vita ejus, jam quisque suum iudicium reprehendit, jam nulli dubium, Malachiz sententiam prævalere. Vocamur: adsumus. Et ille oculos levans in circumstantes: « Desiderio desideravi, inquit, hoc pascha manducare apud vos. Gratias ago supernæ pietati: non sum fraudatus a desiderio meo. » Vides hominem securum in morte, et necdum mortuum, jam certum de vita? Nec mirum. Videns adesse noctem quam expectaverat, et in ipsa diescere sibi; quasi de nocte triumphans, videtur insultare tenebris, et quodammodo loqui: « Jam non dicam, Forsitan tenebræ conculcabunt me, quia hæc nox illuminatio mea in deliciis meis. » Et blande nos consolans: « Habete, » inquit, « curam mei; ego vestri, si licuerit, non obliviscar. Licebit autem. Credidi in Deum, et omnia possibilia credenti. Amavi Deum: amavi vos, et charitas nunquam excidit. » Et suspiciens in cælum: Deus, » inquit, « serva eos in nomine tuo: non solum autem eos, sed et omnes qui per verbum ac ministerium meum tuo se mancipavere servitio. » Deinde imponens manus singulis, et benedicens omnibus, pausat ire jubet, quia nondum venerat hora ejus.

74. Imus: redimus circa medium noctis: nam ea hora lux lucere in tenebris nuntiatur. Impletur domus: adest congregatio tota: abbates quoque multi qui convenerant. Psalmis, et hymnis, et canticis spiritualibus prosequimur amicum repatriantem. Anno ætatis suæ quinquagesimo quarto, loco et tempore, quo prælegit, et prædixit Malachias episcopus et legatus sanctæ apostolicæ Sedis, velut e manibus nostris assumptus ab angelis, feliciter obdormivit in Domino. Et vere obdormivit. Vultus placidus placidi exitus indicium fuit. Et quidem omnium oculi fixi in eum: nemo tamen, qui quando exivit, advertere potuisset. Mortuus vivere, et vivens mortuus putabatur: adeo nil intercidit, quod alterutrum determinaret. Eadem vivacitas vultus, serenitas eadem, qualis apparere solet in dormiente. Diceret mortem nil horum tulisse, magis auxisse plurimum. Non est mutatus, sed ipse mutavit omnes. Mirum in modum luctus et gemitus omnium subito conquiescit: mutatur in gaudium mœror, planctum cantus excludit. Effertur, feruntur in cælum voces, inferitur oratorio abbatum humeris. Vicit fides, triumphat affectus, res in suum devenit statum: cuncta geruntur ex ordine, cuncta ex ratione procedunt.

**691** 75. Et revera quid rationis habet immode-



ratus plangere Malachiam, quasi non sit pretiosa mors ejus, quasi non sit magis somnus, quam mors; quasi non sit mortis portus, et porta vitae? Malachias amicus noster dormit, et ego lugeam? Luctus iste usu se, non ratione tuetur. Si Dominus dedit dilecto suo somnum, et talem somnum, in quo hereditas Domini, filii merces, fructus ventris, quid horum videtur fletum indicare? Egone fletum illum, qui fletum evasit? Ille tripudiat, ille triumphat, ille introductus est in gaudium Domini sui; et ego eum plangam? Cupio mihi haec, non illi invideo. Interim parantur exsequiae: offertur pro eo sacrificium; consummantur ex more omnia cum summa devotione. Stabat eminus puer, cui emortuum pendebat a latere brachium, magis illi impedimento, quam usui. Quo comperto, innui ut accederet: et apprehensam aridam manum applicui ad manum Episcopi, et

A vivificavit eam. Nempe vivebat in mortuo gratia sanitatum: et manus ejus fuit mortuae manui, quod mortuo homini Eliseus (*IV Reg. xiii, 21*). Puer ille de longe venerat, et manum quam pendentem attulerat, sanam in patriam reportavit. Jam omnibus rite peractis, in ipso oratorio sanctae Dei genitricis Mariae, in quo sibi bene complacuit Malachias, traditur sepulturae, anno ab Incarnatione Domini millesimo centesimo quadagesimo octavo, quarto nonas novembris. Tuum est, Jesu bone, depositum, quod nobis creditum est; tuus thesaurus, qui reconditur penes nos. Servamus illum resignandum in tempore, quo repositendum censueris: tantum ut absque contubernalibus suis non egrediatur, sed quem habuimus hospitem, habeamus ducem, tecum et cum ipso pariter regnaturi in saecula saeculorum. Amen (199).

Duos de S. Malachia Bernardi sermones habes in tono tertio.

## HYMNUS DE S. MALACHIA.

MARTENE *Amplissima collectio*, tom. I, col. 746, ex ms. Veteris-Montis.)

Nobilis signis, moribus suavis,  
Meritis sanctus, inelytus triumphis,  
Hodie carnis pondere levatus,  
Migravit antistes.

Nec vacat viro Malachiae nomen,  
Angelum sonans, Angelorum signat  
Similem esse puritate vitae,  
Gloria parem.

Angelus noster civium suorum  
Redditus votis, sociatus choris,  
Praeminet multis, coaequatur summis,  
Merito quidem.

Sobrius victus, castitas perennis,  
Fides, doctrina, animarum lucra,  
Meritis parem coetui permiscet  
Apostolorum.

Opere vicem, animo virtutem  
Tenuit horum praesul et legatus,  
Ac per hoc jure etiam honorem  
Vindicat sibi.

Signa si queras, quis referre queat?  
Hoc tamen dico; manifesta satis  
Mortuo surgens quantus in hac parte  
Fuit gloriae.

Christo regnanti sitne ulla nostri  
Cura putamus, quos amavit prius  
Pauperes, fovit humiles spiritu,  
Humilis ipse.

Absit ab illo fonte pietatis  
Sorte levata segnius manare:  
Absit ut spernat miseros beatus  
Orphanos pater.

O Malachia, Clara-Vallis tua,  
Clarius tui corporis thesauro,  
Postulat supplex te tuente frui  
Pace perenni.

Gloria Patri Filioque ejus,  
Gloria tibi, amborum Spiritus;  
Una sit tibi, quia tres sunt unum,  
Una majestas.

## ADMONITIO IN OPUSCULUM XIII.

692 1. *Librum de ratione Cantus, Bernardo ascriptum, mihi quondam suppeditavit pater ac suspiciendae memoriae Joannes Bona, tunc congregationis suae abbas generalis, postmodum S. R. E. cardinalis. Libro praemissa est epistola, quam Bernardi esse existimavi: at tractatum ipsum eis assignandum, quos hujus operae subsidiarios ascivit, ut sane ipsa innuit epistola. In codice Fusiacensi idem opusculum tribuitur Guidoni Chari Loci abbati sub hoc titulo: « Epistola Domini Guidonis abbatis Chari-Loci de Cantu. » Hec incipit ab*

mus verbis : « Cantum, quem Cisterciensi. Ordinis ecclesiæ cantare consueverunt, » etc. Tractatus autem ab istis : « Præmonitis autem esse volumus, » etc. Guido Chari Loci in diocesi Vesonionensi abbas, is est, in cuius gratiam Bernardus scripsit epistolam centesimam nonagesimam septimam et duas sequentes. Ne hunc esse totius tractatus auctorem omnino persuasum habeam, movet quod auctor sub finem « comprovinciales » appellat etc. eas, Remensem, Belvacensem, Ambianensem, et Suessionensem. Deinde quod memorant Antiphonarium Suessionense, subdit, « quod quasi ad januam habes. » Ex quo verisimiliter videtur, auctorem hunc fuisse monachum aut abbatem Longi Pontis haud longe ab urbe Suessionica. Forsan is libri auctor fuerit cum Guidone Chari-Loci abbate; nam plures huic operi subsidiarius adhibuit Bernardus. An Gerardus abbas Longi-Pontis, laudatus in libro septimo de Vita Bernardi, capite undecimo. An forte alius Guido tum abbas erat Chari Loci prope Sivanectum?

2. Dubitant nonnulli, num revera tractatus iste scriptus sit vivente Bernardo, propterea quoniam ex quibusdam primis epistolis et tractatus verbis colligitur, diu post exordia Cisterciensis Ordinis hæc scripta fuisse. Verum ejusmodi tractatus nuper compactus servabatur in exemplari Bibliorum, quod per Stephanum Cistercii abbatem tertium emendatum est, ad cuius normam omnia ejusdem Ordinis Biblia corrigi præceptum erat : quod ipsam de Antiphonario præscriptum est. Ea erat primorum istius Ordinis cura et sollicitudo in res sacras Subjectus, inquam, erat tractatus iste primario illi Bibliorum correcto exemplari, sed postea ab eo avulsam, ut ego ipse ex indice contentorum, et ex vacuo apertio deprehendi. Et certe hoc opusculum primis illis Ordinarii impostibus conditum fuisse intelligitur ex initio ejus, ubi mentio fit de Cisterciensibus, qui « Regule veritatem » seu puritatem, « prætermisissis aliorum dispensationibus, » tunc « tenebant : » quod de primis temporibus intelligendum est. Et in libro Institutum Cisterciensium, quæ anno 1134 a Roinardo Cistercii abbate collecta creduntur, inter eos libros, qui novellis monasteriis necessarii sunt, capite duodecimo muneratur Antiphonarium, cui præmissus erat hic tractatus in codice Cisterciensi. Sed omnem dubitationem admittit Vita Stephani abbatis Obazinensis, auctore ejus æquali, nuper edita ab eruditio Bulazio in tomo quarto Miscellaneorum, ubi hæc verba leguntur in libri secundi capite decimo tertio : « Sed sciendum, quod libri, quibus primo Cistercienses in divinis officiis uti sunt, valde corrupti ac vitiosi fuerunt, et usque ad tempora sancti Bernardi sic permanserunt. Tunc enim abbatum communi decreto, ab eodem sancto abbate ejusque cantoribus sunt correcti et emendati, et sicut modo habentur dispositi. » Nihil luculentius hoc testimonio asserri potest.

3. In Supplemento Patrum, quod R. P. Jacobus Hommeyus Augustinianus anno 1684 Parisiis vulgavit, libello de Ratione cantandi Antiphonarium subjungitur tractatus de Ratione cantandi Gradale : de quo cum nulla sit mentio in Bernardi epistola, sed tantum de Antiphonario, an Bernardo ejusve hoc in opere sociis tribui debeat, merito dubitare licet; multo magis de cæteris apud Hommeyum, quæ Bernardi esse non putamus. Hic subiicienda est admonitio piissimi quondam viri Joannis Bona, de hoc opusculo ad me transmissa, quæ sic habet ut sequitur.

693 « D. Joannes Bona, congregationis reformatæ S. Bernardi, ordinis Cisterciensis, abbas generalis, lætæ salutem.

« In celebri monasterio Sancti Salvatoris de monte Amiato Ordinis Cisterciensis in diocesi Senensi, exstat ejusdem Ordinis vetus Antiphonarium, quod secum e Cistercio monachi detulerant, cum primum Cisterciensis Reformatio in illud eunobium introducta fuit a Venerabili Raynerio abbate anno Domini 1251. Huic Antiphonario præfixus est hic tractatus, D. Bernardo Claræ Vallensi abbati ascriptus. Nec dubito quin alia ejus exemplaria in aliis abbatibus Ordinis reperiantur. Carolus de Visch in Bibliotheca Cisterciensi unius meminit his verbis : « In monasterio Laudensi in Flundria servatur ejusdem » S. Bernardi « Epistola de ratione » « Cantus nondum edita, cujus initium est : Bernardus humilis abbas Claræ-Vallis. » Possevinus in Bibliotheca selecta, libro decimo quinto, capite sexto, cæteris scriptoribus, qui de Musica scripserunt, S. Bernardum connumerat. Angelus Picigtonensis Minori a edidit Venetiis anno 1517 « Floris angelici de cantu plano » et figurato libros duos, quorum primo plura citat ex hoc tractatu, nominatim capite vigesimo nono : « Hoc, » inquit, « comprobatur S. Bernardus in sua Musica, dicens, ubi molliorem sonum fieri expedit; B. molle » « quandoque ponitur, furtim tamen, ne cantus similitudinem alterius toni assumere videatur. » Capite item quadragesimo sexto, de terminatione tonorum : « Doctissimus tam in divinis, quam in humanis scientiis S. » « Bernardus has litteras describit in sua bene ponderata Musica, ubi dicit quod hæc litteræ D, E, F, G, sunt » « cantuum terminativæ. » Et capite quadragesimo septimo, de ascensu et descensu tonorum : « Omnis tonus, » ait, « decem notas habere potest, ut aperte describit non minus verax quam doctus S. Bernardus in bene con- » « siderato prologo suæ Musicæ, assignans tres potissimum rationes : videlicet psalterii auctoritatem, dignitatis » « æqualitatem, et notandi necessitatem. » Quæ omnia cum præcise habeantur in hoc tractatu, hinc satis evi- » « denter aeducitur, ejus auctorem esse Bernardum. Nec stilus refragatur, quantum proprii Musicæ termini » « putantur. Voce barbara, Maneria sive Maneries, quæ hic sæpe repetitur, nuntur passim Musici. Reperitur » « etiam in libello de Musica practica, apud Bedam : nam Bedæ perperam ascriptum esse evincunt notæ mu- » « sicales, trecentis fere annis eo posteriores, et multa quæ ibi sunt ad verbum accepta ex Doctrinali et Micrologo » « Guidonis Areolini. Ipse quoque Bernardus ea voce usus est epistolâ quadragesima secunda, ad Balduinum. » « Ex his autem apparet, quam sollicite curaverint majores nostri, ut in divinis officiis omni remota indecen- » « tia et novitate, ecclesiastica gravitas et majestas tam in cantu, quam in verbis conservaretur. Animus erat ube- » « rioribus notis hunc tractatum illustrare : sed re maturius perpensa, ab his abstinui : nam Musicæ disciplina » « peritis superflua; ignavis inutilis forent. Vide interim quæ de cantu ecclesiastico, et de tonis dissero in mea » « Paulientis Ecclesiæ Harmonia, cap. 17, § 3 et 4.

## S. BERNARDI ABBATIS

SUPRA

### ANTIPHONARIUM CISTERCIENSIS ORDINIS

#### EPISTOLA SEU PROLOGUS.

**694** BERNARDUS, humilis abbas Clare Vallis, omnibus transcripturis hoc Antiphonarium, sive cantatris in illo.

Inter cætera quæ optime æmulationi sunt patres nostri, Cisterciensis videlicet Ordinis inchoatores, hoc quoque studiosissime et religiosissime curaverunt, ut in divinis laudibus id cantarent, quod magis authenticum inveniretur. Missis denique qui Metensis Ecclesiæ Antiphonarium (nam id Gregorianum esse dicebatur) transcriberent, et afferrent, longe aliter rem esse quam audierant, invenerunt. Itaque examinatum displicuit, eo quod et cantu, et littera inventum sit vitiosum, et incompositum nimis, ac pene per omnia contemptibile. Quia tamen semel cœperant, et usi sunt eo, et usque ad nostra tempora retinuerunt. Tandem aliquando non sustinentibus jam fratribus nostris abbatibus Ordinis, cum mutari et corrigi placuisset, curæ nostræ id operis injunxerunt. Ego vero accitis ex ipsis fratribus no-

A stris, qui in arte et usu canendi instructiores atque peritiores inventi sunt, de multis et diversis novum tandem Antiphonarium in subjectum volumen collegimus, et cantu, sicut credimus, et littera irreprehensibile. Denique cantator ipsius, si tamen gnarus fuerit, hoc probabit. Ita ergo ut demum mutatum est, et in hoc volumine continetur, volumus in nostris de cætero monasteriis tam verbo, quam nota ubique teneri; et mutari omnino in aliquo ab aliquo, auctoritate totius capituli, ubi ab universis abbatibus concorditer susceptum et confirmatum est, prohibemus. Porro mutationis hujus causam et rationem, si quem evidentius et plenius nosse delectat, legat subjectam præfationculam, quam præfati discussores veteris Antiphonarii ad hoc ipsum præponere curaverunt: ut palam factis quæ in illo erant, tam cantus, quam litteræ vitis, renovationis et correctionis necessitas atque utilitas clarius appareret.

### PRÆFATIO SEU TRACTATUS

#### DE CANTU SEU CORRECTIONE ANTIPHONARII.

1. Cantum quem Cisterciensis Ordinis ecclesiæ **C** cantare consueverant, licet gravis et multiplex obfusset absurditas, diu tamen canentium commendavit auctoritas (200). Sed quia penitus indignum videbatur, qui regulariter vivere proposuerant, hos irregulariter laudes Deo decantare; ex eorum assensu cantum ita correctum invenies, quatenus eliminata falsitatum spurcitia, expulsisque illicitis ineptorum licentiis, integra regularum veritate fulciatur, aliorumque cantibus, quibus erat deterior, ad notandum et cantandum commodior habeatur. Dignum siquidem est, ut qui tenent Regule veritatem, prætermisissis aliorum **695** dispensationibus, habeant etiam rectam canendi scientiam, repudiatis eorum licentiis, qui similitudinem magis, quam naturam in cantibus attendentes, coherencia disjungunt, et

conjungunt opposita; sicque omnia confundentes, cantum prout libet, non prout licet, incipiunt et terminant, deponunt et elevant, componunt et ordinant. Unde nemo miretur aut indignetur, si cantum aliter quam huc usque audierit, in plerisque mutatum invenerit. Ibi enim aut irregularis est progressio, aut progressionis sive dispositionis reclamant oppositio [at. compositio], aut oppositionem dissolvit oppositio. Hæc omnia cum vitia sint regularum, perfectionem magis exterminantia, quam determinantia, omnino procul sunt ab illis qui vitia magis abscindere, quam dispensare noverunt. Denique cum musica recta sit canendi scientia, omnes hujusmodi cantus a musica excluduntur, qui nimirum non recte, sed irregulariter et inordinate canuntur. De mutatione namque litteræ facilis est, nisi falli-

(200) Non posse mutari cantum sine morum mutatione docent Cicero II. De legibus, Plutarch., lib. De musica, etc.



mur, excusatio. Eam nimirum in plerisque adeo parcam et restrictam reperimus, ut in eadem historia idem versus ter repeteretur aut quater, ac si in toto Veteri ac Novo Testamento reperiri non posset quidpiam, quod adeo commodè posset apponi. In multis etiam historiis Postcommuniones ab iis, qui simplicitatem cantus ignorant Antiphonarii, pro Responsoriis appositae invenimus: quibus versus sub-iuncti ita misere coherentes, ut notari non posset, secundum quod eos pronuntiari necessarium erat.

2. Dedimus ergo operam, ut in nulla historia idem versus plusquam semel reperiatur, imo, nisi fallimur, vix tres versus reperies, qui in toto Antiphonario vel bis contineantur. Postcommuniones autem quasdam removimus, usitata et authentica pro eis responsoria apponentes: quorumdam vero litteram ut sanctam et evangelicam retinentes, honestate et pulchritudine cantus supercoloravimus, sobriam tamen atque pudentem musicam ubique servantes. In multis denique locis litteram veteris Antiphonarii tantæ remissionis atque dissolutionis esse comperimus, ut multis falsitatibus sive apocryphorum naniis respersa, non solum tædium, sed et odium sui legentibus inferret: ita ut novitii qui sub ecclesiastica disciplina eruditii fuerant, ipsum Antiphonarium tum pro littera, tum pro nota fastidientes et ignorantibus, in divinis laudibus tardiores redderentur et somnolentiores. Præmonitos autem esse volumus eos maxime qui libros notaturi sunt, ne notulas vel conjunctas disjungant, vel conjungant disjunctas; quia per hujusmodi variationem gravis cantuum oriri potest dissimilitudo: insuper et singulos cantus in propriis studeant terminare finalibus, per quarum inconsultam transmutationem tanta in cantibus orta est confusio, ut plures eorum alterius sint maneriarum, et alterius deputentur.

3. Quatuor enim sunt diversitates sive maneriarum cantuum, quibus omnis ipsorum multiplicitas includitur. Hæc apud Græcos vocantur, protus, deuterus, tritus, tetrads. Hæc inter se oppositæ sunt, et certis ab invicem differunt proprietatibus. Prima enim maneria est, quæ ab voce qua terminatur ascendit per tonum post semitonium, et descendit per tonum. Hæc duas tantum habet finales D et A, quarum utraque habet supra se prius tonum, post semitonium, et sub se tonum. Secunda maneria est, quæ a voce qua terminatur, ascendit per semitonium et tonum, et per tonum descendit. Hæc iterum habet duas finales E et B quadratum, apud quas nimirum illum ascensum et descensum naturaliter invenies. Tertia maneria est quæ ascendit per duos tonos, et descendit per semitonium: quæ nihilominus habet duas finales F et C, utpote talium proprietatum susceptivas. Quarta ascendit per duos tonos, et descendit per tonum: et hæc unam tantum habet finalem G. Prima maneria duos continet modos, qui toni vulgariter dicuntur, videlicet primum et secundum: secunda duos, tertium et quartum: tertia duos, quintum et sextum: quarta

duos, septimum ~~696~~ et octavum. Bini vero et bini toni, qui sub singulis continentur maneriis, non distinguuntur a se diversitate finalium, quas prorsus easdem habent; sed progressionem et compositionem: quarum altera quantitatem, altera qualitatem determinat. Qui ergo libros notaturus es, tuæ diligenter imprime memoriæ, quod omnes cantus primæ maneriarum, qui facti sunt, vel qui regulariter fieri possunt, in D tantum et in A terminari habent; et quicumque cantus potest ponere in aliqua illarum, primæ profecto est maneriarum, id est primi vel secundi toni. Utrumque, inquires, falsum: quia nec omnes cantus primæ maneriarum in illa tantum possunt terminari, cum et finem in G ponant per B rotundum; nec omnes qui in illa terminantur primæ sunt maneriarum: quia « Benedicta tu in, » et « Petre, amas me, » et multæ consimiles Antiphonæ, in A tantum habent terminari; et tamen sunt secundæ maneriarum quarto tono deputatæ. Hæc quidem opinio jam multos fessellit, quam adduxit in medium B. rotundi adjectio, per quam multis erroribus Musicam maculavit ineptorum præsumptio. Sane non secundum aliquid accidentaliter adjectum, sed secundum primam et propriam litterarum institutionem distincta est finalium proprietates, apud quas nimirum principale et maximum de cantu versatur iudicium. In naturali autem computo litterarum septem invenies, quæ graves nominantur. Hæc ut cantus liberius discurreret duplicatæ; quedam vero ex ipsis triplicatæ sunt: in duplicatione acutas, in triplicatione superacutas reperies. Consideratis litterarum singularum habitudinibus, quas habent ad proximas sibi litteras altrinsecus positas, nullam profecto reperies præter D et A, quæ ascendat per tonum et semitonium, et descendat per tonum. Unde et hæc tantum finales sunt primæ maneriarum, cujus est proprium sic ascendere et descendere. G ergo excluditur, quod in naturali ordine litterarum et ubi prius ponitur, et unde repetitur, nequaquam per tonum et semitonium, sed per duos tonos directe ascendit.

4. In hoc litterarum ordine non computatur B rotundum. Patet enim omnibus, quod non sit aliqua de gravibus; cum etiam inter eas nusquam ponatur: sed nec aliqua de acutis, cum nulli gravium per duplarem conjungatur proportionem. Est autem inventum, non ad proprietatem finalium determinandam, sed ad servandam in plerisque cantibus euphoniā, quam apud eos minueret vel auferret tritonus, qui apud B quadratum terminatur. Unde in qualibet maneria, ubi molliorem expedit fieri sonum, loco B quadrati B rotundum quandoque ponitur, furtim tamen ac raptim, ne propter ipsum generetur in cantu similitudo alterius modi; quod nimirum nullam lineam, nullumve spatium per determinationem alicujus litteræ in libris obtinet, nisi ipsum apponatur. Et si semel B quadratum supervenerit, de libro deleatur omnis ejus memoria, donec urgente supradicta necessitate iterum apponatur. Si ergo in G per ipsum aliquem cantum terminare

primæ maneræ, contra inventionem ejus omnino ageres, et institutioni obviare finalium : quia nullus cantus extra finalem suæ maneræ terminari debet. Quod si dixeris, G finalem esse primæ per B rotundum : respondeo, hoc esse non posse. Ad hoc enim ut finalis esset primæ maneræ, necessarium esset ut secundum naturalem litterarum dispositionem ascenderet per tonum et semitonium, quod nec B rotundum, nec aliud quidpiam ei potest conferre. Licet igitur concedi possit, cantus primæ maneræ quocumque modo posse notari vel cantari in G per B rotundum, nullatenus tamen concedendum est, vel sic, vel aliter G esse finalem illius, impediendo quam diximus necessitate. Proinde quæ utilitas, quæve industria est, ut in alieno finali cantum aliquem accidentaliter notes, quem in naturali ac propria notare potes, eo securius quo irreprehensibilis, eo laudabilis quo diligentius, eo gratius quo verius? Propter hoc ne vitiosus aut superfluous inveniatis, ubi necesse est B rotundum studeas apponere, quod nimirum necessitas advenit. Nullus enim cantus qui sine ipso notari potest, per ipsum notari debet. Qui sunt qui **697** sine ipso notari non possunt? Qui apud eandem litteram, modo tonum, modo semitonium habent. Quia tamen superacutus et vicinus ipsis litteras minus notas habent imperfecti cantores; infirmitati eorum condescendens consuetudo quosdam cantus per B rotundum notat inferius, qui apud predictas litteras sine ipso commodius possent notari. Nos vero volentes, ut sicut inferiores, ita et superiores in usu habeantur et in notitia (aliter enim frustra haberentur), quoscumque cantus natura confert inferioribus, eos in ipsis terminatos reperies. Terminantur vero in superioribus qui eas naturaliter habent finales. Similiter sciendum est de hac antiphona « Benedicte tu, » et consimilibus, quæ in A tantum terminari possunt, quod secundum hujusmodi dispositionem procul dubio primæ sunt maneræ, et non quarto, sed secundo tono applicandæ sunt. Ecce enim hæc antiphona « Benedicte tu, » in quodam loco supra finalem tonum, postea semitonium naturaliter habet per B quadratum; alibi prius semitonium, deinde tonum per B rotundum. Quæ, obsecro, perspicacitas est ad judicandum de cantu illo cujus sit maneræ, accidens præferri naturæ : et cum sit primæ secundum naturalem, judicari secundæ secundum accidentalem dispositionem? Ut autem magis mireris et abhorreas hujusmodi ineptiam, inspicere hanc antiphonam, « Petre, amas me, » et multas alias hujusmodi : eas profecto invenies naturaliter habere supra finalem tonum et semitonium per B molle, et nusquam semitonium et tonum per B rotundum. Cur ergo judicantur esse secundæ? Similiter hanc antiphonam, « Nos qui vivimus, » secundum quod fere ubique cantatur, cum principaliter ac proprie terminari habeat in D, et sit secundi toni, notant eam iniqui prævaricatores in G per B rotundum, et sacramento asserunt eam esse octavi toni, licet apud eosdem G

A per B rotundum potius primæ quam quartæ maneræ cantus terminet. Quis, obsecro, musicus patienter ferat, ut cantus qui propriam et naturalem habet finalem D, octavo tono attribuitur : qui vero propriam et naturalem habet finalem A, sub quarto tono contineatur?

5. Horum ergo cantuum in A terminantium, in quibus naturam suffocat similitudo, necessaria correctio est : quia dissoluti per appositionem, quam partes compositionis contaminat, alterum in principio, alterum in fine tonum redolent. In vetustissimis magnorum monasteriorum bibliothecis elegantissimum quoddam artis musicæ breviarium reperitur, quod sic incipit, « Quoniam pauci sunt : » quod quidem in parte legi, sed nomen auctoris me legisse non recolo. In eo, si bene memini, hujusmodi cantus nothi, id est degeneres, et non legitimi appellati sunt; eo quod, ut ibi legitur, a septimo tono incipiant, et eundem in medio serrantes, circa finem degenerent, aliis in primo, aliis in quarto tono desinentibus : in primo, sicut « Ex quo facta est; » in quarto, sicut « Benedicte tu. » Fine proinde competenter mutato, omnes hujusmodi cantus ad optimum tonum redactos reperies. Horum cantuum duæ sunt diversitates. Quidam enim eorum ab ea littera in qua incipiunt, hilari motu ascendunt ad quintam et pausant in ea, sub qua nisi prius esset tonus, deinde semitonium, postea tres toni, quæ dispositio potest reperiri tantum sub ea littera quæ quinta est a finali septimi toni, non possent ibi notari reliquæ partes eorum cantuum, ut potes videre in « Benedicte tu, » et similibus cantibus, qui tam in capite, quam in toto corpore tali videntes dispositione, transmutato circa finem per B rotundum semitonio, naturam secundi toni, et similitudinem quarti ordinate recipiunt. Propter hoc circa finem mutatione indigentes, in ea parte correcti sunt. Quidam vero sunt, qui ab ea littera in qua incipiunt, tono statim deponuntur, et redeunt ad quartam pausant in ea, quod magis videtur plagalium esse, sicut, « Dominus regit me, » et, « Post partum. » Hos ergo non solum in fine, sed etiam in principio mutatos invenies, ut septimo tono ubique arrideant. Iterum præmonendus **698** es de finalibus tertiz et quartæ maneræ, apud quas similiter magna invenitur confusio. Sunt enim quidam miserrimi cantus, nullius maneræ habentes proprietatem, qui æque terminari possunt in C et in G, quæ diversarum sunt finales maneriarum. Quidam super hanc rem diligentius intuentes dicunt, et bene dicunt, omnes illos cantus esse irregulares, quos nullius maneræ certitudo distinguit : et judicant omnium horum cantuum ita debere vel extendi progressionem, vel compositionem variari, ut in finalibus diversarum maneriarum terminari nullatenus possint. His proinde miserrimis cantibus suam incertitudinem leviter et breviter ablatam invenies, ut jam non sis dubius, quibus singulos finalibus applicare debeas. Omnes igitur cantus primæ maneræ, id est primi vel se-

cundi toni, termines, ut diximus, in D vel A. Omnes secundæ manerix, id est terti et quarti toni, in E vel in B quadratum: quod licet tam authentorum quam plagalium naturaliter susceptivum sit; nulum tamen authentum in antiphonario reperies, quem in ipso terminare valeas. Si enim est Responsorium, versus illius authentum non potest ei competere, qui sub sexta littera in qua incipit semitonium habet: si vero est antiphona « Sæculorum, » ejusdem authentum non potest recipere propter eandem causam.

6. Nullum siquidem cantum, qui per diapente et semitonium ascendat ad sextam, terminare potes in B quadrato (201-2), quod supra se diapente non habet. Propter hoc non satis commode invenerunt in tertio tono versum, *neuma*, et « *sæculorum*. » Utrumque tamen forsitan consideraverunt, et sterilitatem B quadrati et habilitatem: sterilitatem, componentes versum, « *neuma*, » et « *sæculorum*, » cantibus in E erinantibus tantum incompetentia; habilitatem, sexta pro quinta utiles: ut si quando sterilitati illius finalis secunditas succederet, parata esset littera, quæ authenticam ejus elevationem reciperet. Apud nos tamen authentum in B quadrato terminari reperies, scilicet « *Euntibus* [*ad. add. et te Denm Patrem*] » : quod alibi terminari non potest. Hoc communem versum nec habet, nec habere potest, sed habet suum proprium. Porro omnes cantus tertix manerix, id est quinti et sexti toni, termines in F, vel in C, F, majori partim authentorum; C vero omnibus fere plagalibus attribuens: omnes vero cantus quartæ manerix, id est septimi et octavi toni, in G tantum terminare debes. Harum septem litterarum, non unam magis, et aliam minus, sed omnes æqualiter principales ac proprias finales esse noveris; habentes nimirum tam authentorum elevationem, quam depositionem plagalium. Incipiunt autem a D gravi, et in C acuto desinunt: supra enim vel infra nullam invenies, cui non desit elevationis vel depositionis perfectio. Ut autem unaquæque earum progressionis præcelleret plenitudine, fecerunt Musici dispositionem litterarum a G græco usque in ee (203) superacutum: non quia malissent abundare quam deficere; sed quia nec superabundare, nec deficere voluerunt, facientes dispositionem, quæ neque sine incommoditate contractior, nec sine superfluitate posset esse prolixior. Ut quid enim aliquid superadderes, cum supradictæ plenitudini hæc dispositio sufficiat: cui e regione si aliquid subtraheres, aliquam profecto finalium ejusdem plenitudinis decore spoliare?

7. Præterea sunt multi cantus, in quibus duplari elevationi hemioliam vel (204) epitritum depositionem quam habere solebant, subtractam invenies. Sicut « *Cornelius, Sancte Paule*, » et alii plures. Omnes

(201-2) Negant recentiores posse tertium et quartum tonum terminari in B molle, quia obstant tritonum et semidiapente.

(203) In manuscripto est hæc littera H, quæ si-

enim hujusmodi cantus duplices sunt et irregulares: duplices, quia partim sunt authentum, partim plagales (205). Quod vero contra regulam sic ascendant et descendant, testantur etiam ipsi doctores erroris; sed per licentiam dicunt hoc fieri, regulas confundentes ut vitia retineant, non vitia resecantes ut regulas custodiant. Quæ est ita licentia, quæ regionem perambulans dissimilitudinis, confusionem adducens incertitudinis, præsumptionis mater et refugium erroris, veritatem deprimit et perturbat

699 judicium? quæ est, inquam, hæc illicita licentia, quæ conjungens opposita, metasque naturales transgrediens, sicut inconcinnitatem junctura, ita et injuriam irrogat naturæ? Luce siquidem clarius est cantum illum male et inordinate compositum, qui vel ita deprimitur, quatenus, prout decet audiri nequeat; vel ita elevatur, ut cantari non valeat. Sic enim debet fieri, ut in inferioribus auditorem habeat, et in superioribus prolatorem. Illius mediocritatis tenorem quidam in octo, quidam in novem vocibus esse voluerunt, non clamorarium, sed vocum mediocritatem possibilem considerantes. Veruntamen secundum illos, quorum exquisitor videtur esse sententia, usque ad decem voces potest cantus progredi, propter auctoritatem Psalterii quod decachordum est; et ut æqualis sint dignitatis singulæ voces diapason, quæ octo sunt: quatenus ultimæ, sicut et mediæ, geminam habeant habitudinem, scilicet elevari et deponi, collocatis alitrinsecus duabus vocibus, altera superius, altera inferius; quia tantum hoc per octo voces habent cantus

discurrere, et non per plures: propter quod regulari cantuum progressionem diapason sufficit. Licet enim in progressionem cantuum duabus vocibus hinc inde, ut dictum est, positus, decem voces inveniantur, non tamen per decem voces, sed tantum per octo medias cantus discurrere, et usque ad voces alitrinsecus positas pervenire habet, sed per eas ire vel redire non habet. Et quod majus est, secundum dispositionem tonorum et semitoniorum; quam habent musici, qui primæ et quartæ et septimæ litteræ alitrinsecus tonum attribuant, secundæ et quintæ inferiorius tonum et supra semitonium, tertiæ vero et sextæ e converso, videlicet supra tonum et inferius semitonium, non prætermittentes quandoque B.

rotundum pro asperitate tritonj: secundum hanc, inquam, dispositionem nullus cantus fieri potest in decem vocibus vel citra qui notari non possit; sed undecim vocum cantus fieri potest, qui notari non potest. Fac enim cantum qui sit authenticus tertix manerix, et da dispositioni ejus in uno loco tonum, in alio semitonium; et eleva cantum illum decem vocibus, ut sint undecim, addita illa quæ est in depositione; scito profecto cantum illum non posse notari, quia sub C acuto terminari non potest: cum in depo-

gnificat E, id est E *la* in monochordo Guidonis.

(204) Hemiolia est proportio sesquialtera, epitritus sesquitercia.

(205) Hujusmodi toni dicuntur misti.



sitione, sub finali, modo tonum, modo semitonium A habeat, sed nec ibi, cum cantus excedat ee superacutum.

8. Est igitur triplex ratio, quare cantibus decem voces attribuantur: Psalterii auctoritas, dignitatis æqualitas, et notandi necessitas. Secundum hujusmodi sufficientiam decem vocum consideraverunt musici progressionis plenitudinem, propter quam singulis assignandam finalibus prædictam dispositionem protraxerunt alr græco usque in ee: alioquin insufficientis esset formula, nec daret singulis plenarium ascensum. Has decem voces in sua progressionem aliter ordinant plagales. Authentici vocamus, qui majores sunt auctoritatis, primum, tertium, quintum, et septimum, qui gravari nolunt aut deprimi, sed leves in salibus, agiles in motibus, quintam et eas quæ supra sunt litteras frequentant. Hi sub finali quæ una est de decem vocibus, unam subponunt, octo supraponunt. Plagales sunt qui minoris sunt dignitatis, secundus videlicet, quartus, sextus, et octavus, qui raro tangunt vel transeunt quintam, sed sub ipsa volunt morose gravari. Hi finales suas quasi in medio collocantes, quatuor ipsis voces subponunt, et quinque supra ponunt, pulchra videlicet rationis probabilitate, ut quot vocibus in elevatione superantur, tot superent authenticos in depositione. Nullus itaque plagalis ultra sextam elevari, et nullus authenticus plus quam una voce debet deponi. Plane igitur insaniunt, qui plagalem elevare per diapason, et authenticum per diapente vel diatessaron deponere præsumunt. Ut quid enim fiunt, vel habentur hujusmodi cantus, graves quidem ad notandum, graviore ad cantandum, lineas variantes, arterias 700 crnciantes, cavericiatam, [at. cauteriatam] habentes progressionem, nunc ascendentes usque ad cælos, nunc descendentes usque ad abyssos? Ne etenim ejusmodi cantus fierent, testante Widone, consilium fuit ut unusquisque quatuor modorum, videlicet protus, deuterus, tritus, tetradus, partiretur in duos, id est authenticum et plagalem, distributisque regulis, acuta acutis, et gravia convenirent gravibus. Cum enim hujusmodi cantus secundum unam partem sui sint graves et plani, secundum alteram acuti et alti; versus et psalmi uno eodemque modo prolati diversis competenter aptari non possunt. Quod enim subjungitur, si est grave, cum acutis non convenit: si acutum, a gravibus discordat. Prohibet etiam idem Wido, ne hujusmodi abusus elevationis et depositionis fiat in Antiphonis et Responsoriis, quorum cantibus, psalmis et versibus coaptandi sunt. Cum enim cantus sit communis et duplex, versus autem et sæculorum, vel tantum authenticæ, vel tantum plagaliter canantur, ad illius modi cantum competenter non possunt aptari, cum plures sint in quibus adeo confunditur gravitas et acumen, ut vix possit adverti, cui magis, id est authentico vel plagali, conferantur.

(206) Ita in manuscripto. Alias, noe. anc; et noe ais.

PATROL CLXXII.

9. Prohibentibus itaque metis naturæ necessariis, plus quam quatuor manerías inveniri impossibile est, quæ et ipsæ secundum depositionem plagalium et authenticorum elevationem octo modis exprimuntur, quorum bini et bini, authentici videlicet et plagalis ejus, conveniunt omnino in maneria, sed differunt, hinc in depositione et elevatione progressionis, inde in hilaritate et gravitate compositionis; elevationem siquidem et hilaritatem usurpantibus authenticis, depositionem vero et gravitatem plagalibus relementibus.

10. Ad hos inter se distinguendos, « Neumata » inventa sunt singulis subjicienda antiphonis, quæ apud quosdam « Stive » vocantur, et apud Græcos signantur per hæc verba, « Hoa nocane » et « noeais B (206) », et his similia, quæ quidem nihil significant, sed ad hoc tantum a Græcis sunt reperta, ut per eorum diversos ac dissimiles sonorum admiranda varietas aure simul et mente posset comprehendere. Hæc ita maneriam suorum modorum et compositionem debent exprimere, ut postquam tuæ diligentius memoriz fuerint impressa, frequentatis aliquandiu cantuum diversitatibus, quibus ardeant cantibus auditu etiam facile cognoscas. Unumquodque ergo eorum suo modo singulare debet esse sufficiens: in hoc sufficiens, ut cuilibet finali sui modi convenire possit, in hoc singulare ut cantui alterius modi convenire non possit. Non enim ad discernendos modos a se invicem neumata competenter essent inventa, nisi unumquodque suo modo sufficeret, et eum evidenter ab aliis discerneret. Debet ergo maneriam et formam, tam communem, quam propriam, sui modi exprimere: maneriam videlicet per dispositionem; formam vero per compositionem, prætermissis interim neumatibus plagalium, quæ competenter inventa esse videntur, utpote sufficientia suis modis atque singularia. De neumatibus authenticorum sciendum est, omnia mala esse inventa, vel post inventionem corrupta, præter neuma primi toni. Unde siquidem neuma quinti toni et incompetenter inventum reperies, quia suo modo nec sufficiens, nec singulare est. Cum enim ascendat per duos tonos, et semitonium, licet naturaliter C finalein habeat, in F tamen nisi accidentaliter terminari non potest. Unde non est sufficiens: quia naturaliter utrique finali debet convenire, non per B rotundum quod a distinguendis tonorum proprietatibus omnino excluditur. Valde enim absurdum est, ut in eisdem litteris, in quibus cantus totus comprehenditur, suum neuma quod ipsius naturam debet ostendere, recipere non possit, quod tibi contingit in hoc modo in cantibus ascendentibus per tritonum. Iterum singulare non est, quia naturaliter et proprie terminari habet in G, quæ est finalis quartæ maneriz. Considera namque neuma septimi toni, et hoc illi confers: ejusdem utrumque dispositionis prorsus 701 invenies et ejusdem fere compositionis, ita ut hoc septimo tono

et illud quinto, eadem possis aptare diligentia, qua et hoc quinto, et illud septimo. Unde et hoc neumata septimi toni irrationabiliter est inventum, cum competere possit finali tertiæ maneræ. Est aliud valde indecens in utroque neumate: habet enim utrumque in suo principio plagalem elevationem, ascendens per tonum et semitonium, et moram faciens in quarta, sicut prorsus invenies in neumate octavi toni, qui plagalis est. Ergo vel communem authentorum, vel propriam alicujus authentici compositionem neutrum exprimit, nec minus competenter assignari potest octavo tono, qui plagalis est. Propter hoc utrumque mutatum invenies; ita plane ut suo modo unumquodque sufficiens sit, et singulare, nec superflua utatur circuitione. Neuma similiter tertii toni insufficiens est, quia authentici qui terminari possunt in B quadratum, convenire non potest; et ideo sub sexta semitonium ablatum invenies. Has neumatum exquisitas proprietates esse scias admodum necessarias ad distinguendos quosdam authentos a suis plagalibus. Hæc enim antiphona, « Lex per Moysen data est [*al.* sede a dextris meis], » quæ semel quintam tangit, et se totam sub ea colligit, omnino plagalis esset, nisi propriam sui authentici compositionem haberet, quam in neumate ipsius invenies; videlicet, a finali per tonum [*al.* totum] B descendere, et inde surgere per diatessaron, constans ex duobus tonis et semitonio; postea per duos tonos ascendere ad quintam; et inde per quasdam interpositiones redire ad finalem. Curre per quaslibet antiphonas primi, hanc fere in omnibus compositionem invenies. Idem reperire potes in neumatibus aliorum authentorum. Caveant autem quicumque de cantuum distinctione perfectam volunt habere notitiam, ne propter aliquod brevitatis desiderium hæc neumata quasi superflua prætermittant. Adeptæ siquidem brevitatis non tantum valeret compendium, quantum amissæ commoditatis noceret dispendium.

**702** 11. His et aliis rationum probabilitatibus contra usum omnium Ecclesiarum Antiphonarium hoc corrigere coacti sumus: magis nimirum naturam, quam usum æmulantes. Nec hoc unique suggestit præsumptio, sed injunxit obedientia. Si ergo opus singulare et ab omnibus Antiphonariis diversum fecisse reprehendimur, id nobis restat solatii, quod nostrum ab aliis ratio fecit diversum: alia vero inter se diversa fecit casus, non ratio, vel aliud quidpiam, quod in causa casui non præponderat. Licet enim in vitis omnia fere conveniant, in quibus tamen rationabiliter convenire possent, adeo disconveniunt, ut idem Antiphonarium nec duæ canant provinciæ. Mirum proinde videri potest, quare majoris fuerint auctoritatis atque communioris notitiæ falsa quam vera, vitiosa quam sana. Ut enim de provincialibus loquar Ecclesiis, sume Remense Antiphonarium, et confer illud Belvacensi, vel Ambianensi seu Suessionensi Antiphonario, quod quasi ad januam habes; si identitatem inveneris, age Deo gratias. Nolumus autem latere posteros, quod hortatu dominorum et Patrum nostrorum multa retinuimus de veteri Antiphonario, quæ quidem tolerabilia, sed multo melius possent haberi. Duo tamen incorrecta reliquimus, digna penitus correctione, videlicet, metrum quarti toni, metrumque septimi: quæ licet in graduali correximus, propter usum tamen psalmodum in Antiphonario non potuimus corrigere, reclamantibus eisdem Patribus nostris, quorum assensu et benedictione cetera pro viribus exsecuti sumus. Prædicta metra quare vitiosa sint ratio in promptu est. Cantus enim psalmodum quarti toni, impediens solo metro, nullis Antiphonis potest aptari quæ terminentur B quadrato; metrum vero septimi toni in ea littera pausat in qua tonus ille nullum principium sumit, quod nulli tono licet. In illis enim litteris debet pausare quilibet tonus, in quibus habet frequentius incipere.

## APPENDIX

AD

### TRACTATUS MORALES ET DOCTRINALES.

#### MONITUM IN OPUSCULUM SEQUENS.

Sitne hæc commentatiuncula revera S. Bernardi, utique Clara-Vallensis, nec ne, non ausim affirmate pronuntiare. Ita tamen nos sentire jubet codex Mellic. E. 42, licet non antiquior sæculo xvi, in quo illa *Stimulo amoris* Eckeberti illico subijcitur. Certe in ea nihil admodum Bernardo indignum reperias.

## S. BERNARDUS.

Super hymnum : *Jesu, nostra redemptio*(R. P. Bernardi PEZII *Bibliotheca ascetica antiquo-nova*, tom. VI, Ratisbonne 1725, in-12.)

*Tantus fuit amor ! Si Christus Filius Dei vivi tot membra habuisset, quot sunt stellæ in firmamento cæli, et unumquodque membrum suum corpus habuisset, omnia ad passionem Christus exposuisset, antequam unam animam in faucibus diaboli non redemptam reliquisset. O qualis et quanta est clementia Domini !*

*Quæ vicit clementia mei Jesu Christi, qui non minus diligit peccatorem conversum, quam eum qui peccati maculam nunquam contraxit.*

*Verbi gratia. Conversio peccatoris cibus et potus est Salvatoris.*

*Inferni claustra penetrans. Homo audacter dic : Peccavi ! Non te terreat ira Principis, nec timor Diaboli, nec pœna infernalis, nec desperatio peccati enormis. Magis enim Judam desperatio quam peccatum quod commisit, damnavit.*

*Ipsa te cogat pietas. Peccavimus, et pepercit : offendimus, et adhuc placatus existit.*

*Tu nostrum gaudium. O bone Jesu, duo in me ignosce : naturam, quam fecisti, et peccatum, quod ego adjeçi. Fateor quod per culpam deformavi naturam. Memento quod sum spiritus vadiens et non rediens. Per me ivi in peccatum, per me redire non possum. Eia, benignissime Jesu ! tolle a me quod feci, ut remaneat quod tu fecisti, ne pereat quod pretioso sanguine in tua cruce redemisti. Amen.*

## MONITUM IN OPUSCULA DUO SUBSEQUENTIA.

Librum sequentem ex codice membranaceo sæculi xiii luci mandamus, qui tractat *De passione Christi, et doloribus, et planctibus Matris ejus*. Conscriptus est in forma dialogi, et num sit Bernardi Clare-Vallensis vel alterius abbatis Bernardi, ignoramus; eum tamen publici juris facimus, quia valde devotus est.

Tractatum alterum *De laudibus B. V. M.* inscriptum ex alio codice chartaceo in quarto, ut vocant, sæculi xiv, exscribere necesse fuit. Hunc tractatum seu librum vidimus in Bibliotheca cœnobii S. Mariæ Magdalensæ ord. Prædic. Astæ, sign. N. A. B. C., num. 2. Num vero ejusdem sit vel alterius monachi deflorantis opera ejusdem, judicent critici.

## LIBER DE PASSIONE CHRISTI

ET DOLORIBUS ET PLANCTIBUS MATRIS EJUS.

(D. Eugenius de Levis, *Anecdota sacra*, p. 60. Augustæ Taurinorum 178... 4°.)

**702\*** Quis unquam regnans in cælo sursum, vel peregrinans in terra deorsum, audiens vel mente pertractans quomodo factus est opprobrium (*Psal. xxii. 7*) ipse Dominus angelorum, et abjectio plebis (*ibid.*) Filius Dei Patris, et poterit lacrymas continere, vel ei enim erit impossibile flere? Verumtamen, tu, gaude gaudio magno ab ipso (207), nunc glorifica in cælis, quæ in mente clavis amarissimæ fuisti confixa suæ piissimæ mortis. Mihi tamen, obsecro, lacrymas illas infunde quas habuisti in sua passione, ut iis fluam largius.

De passione filii tui et Domini mei verba ad invicem conferamus.

Teneris promissionem reddere quam nobis superius promisisti. Memini te mihi in primo exordio postri sermonis fuisse locutam de doloribus, quos ipsa portasti pro morte unigeniti tui, quia, ut au-

A divi, non modicum perturbatus cœpi querere, dolens qui essent illi tui sermones.

Cui ipsa dixit : Qui sunt isti sermones ? Interim recogita in amaritudine animæ tuæ. De his in consequentibus ad invicem conferemus.

Enarra, te flagito, seriem veritatis, quæ mater es veritatis. Ad quem illa :

Illud queris ; caput et initium est magni doloris. Sed quia glorifica (208) flere non possum, tu cum lacrymis scribe quæ cum magnis doloribus ipsa persensi.

Cui, inquam, flere peropto, et nihil mihi aliud libet, da quod jubes, et præbe quod cupio.

Audi, ac servis tuis dicat domina mea. Dic mihi si in Jerusalem eras, quando fuit captus filius tuus, et vinctus, et ductus, ad Annam tractus ?

At illa : In Jerusalem eram, quando hoc audivi,

(208) *Glorifica, id est gloriosa, alibi glorificata.*

\*207) Credo et ipsam



et gressu quo potui ad Dominum meum fletus perveni. Cumque illum fuissem intuita pugnis percuti, alapis cædi, faciem conspui, spiritibus coronari et opprobrium hominum fieri, commota sunt omnia viscera mea (Gen. XLIII, 30), et defecit in me spiritus meus (Psalm. LXXVI, 4) et non erat mihi fere vox, neque sensus. Erant et mecum matris sorores et feminæ multæ, mecum plangentes eum quasi unigenitum, inter quas erat Maria Magdalena, quæ super omnes alias, excepta illa quæ loquitur tecum, dolebat, et dum Christus Deus, clamante præcone, imperante Pilato, sibi bajulans crucem ad supplicium traheretur, et factus est concursus populorum post ipsum euntes, alii super ipsum plangentes, alii [cod. ei] eum illudentes ridebant. Sequebatur et ipsum, prout poterat, ejus moestissima mater cum mulieribus, quæ secute fuerant a Galilæa ministrantes ei, a quibus trahebatur, et tenebatur velut emortua, quousque perventum est ad locum ubi crucifixi erant eum. Ante oculos ejus fuit in cruce levatus, et ligno durissimis clavis affixus, et ipse tanquam agnus coram tondeute se vocem non dabat, nec aperiebat os suum (Isai. LIII, 7). Aspiciebat ancilla Dominum suum, intuebatur mater filium suum in cruce pendentem, morte impiissima morientem, et tanto dolore vexabatur in mente, quanto non posset explicari sermone. Nec mirum, manabat ejus sanguis ex quatuor partibus rigantibus nudis, ligno manibus, pedibusque clavis confixus, de vultu illius pulchritudo effluerat omnis. Et qui erat pater filii hominum speciosus (Psalm. XLIV, 2), videbatur omnium indecorus. Videbam quod complebatur propheticum illud in eo iudicium, cum et non erat illi species, neque decor (Isai. LIII, 2), quoniam iniquorum vultum illius verberum sedaverat livor, et videbam me deseri ab ipso quem genui, nec supererat alius, quoniam mihi erat unicus, et ideo non poterat capere in me dolor meus; vox mea fere perierat omnis, sed dabam gemitus suspiriaque doloris. Volebam loqui, sed dolor verba rumpebat, quoniam verbum jam mente conceptum, dum ad formationem prætenderet oris, ad se imperfectum revocabat dolor, non inimica cordis vox tristis sonabat foris vulnus denuntians mentis, verba dabat amor, qui raucum sonabat, non lingua vocis magistra perdiderat usum. Loquendo videbam morientem, quem diligebat anima mea, et tota liquebam præ doloris angustia. Aspiciebat et ipse benignissimo vultu me matrem plorantem, et me verbis paucis consolari voluit. Sed ipsis consolari non poteram, sed flebam dicendo, et dicebam plorando: Fili mi, fili mi, quis mihi dabit, ut ego moriar pro te? Moritur filius, cur nec secum misera moritur mater ejus? Amor unice, fili mi dulcissime, noli me derelinquere post te, trahe me ad te ipsum (Cant. 1, 3), ut ipsa moriar tecum. Male solus moreris, tecum morte perimatur ista tuagene trix, et mors, mihi miseræ parcere noli, tu mihi sola præ cunctis placens, exere vires tuas, trucidam matrem, et cum filio perime simul,

**A** Fili et indulcor unice, singulare gaudium vitæ meæ, animæ et omne desiderium, et fac ut ipsa nunc moriar tecum quæ te genui ad mortem, sine matre noli mori. Recognosce me miseram matrem tuam, et exaudi precem meam; decet enim filium exaudire matrem. Exaudi me, obsecro, in tuo me suscipe patibulo, ut qui una carne vivimus, una carne periamus.

O Judæi, ipsi nolite mihi parcere, qui natum meum crucifixistis. Matrem crucifigite, aut alia quacunque me sæva morte perimite. Dum meo cum filio finiar simul, male solus moritur. O mors, orbis orbem radio, ne videam filium, gaudium, dulcorem! vita mea, salus mea perimitur, ac de terra tollitur spes mea. Cur ergo vivit post filium mater in dolore?

**B** Tollite, suspendite matrem cum suo pignore. Non parcis proli, non parcas et mihi; tu mihi, mors, esto serva.

Tunc summe gauderem, si mori possem simul cum Christo meo dulci, et simul mori misera. Sed mors optata recedit. Væ mihi infelici! Tibi, Jesu, præcepta vincit mors. Morie mori melius mihi quam vitam dulcem mortis; sed fugit a misera, et me infelicem relinquit, cui ipsa mors optata nunc esset.

O fili chare, o benigne, summe nate, miseræ matris suscipe preces. Desine matri nunc esse durus, qui semper fuisti benignus in cunctis. Suscipe matrem in morte tecum, ut vivat tecum post mortem semper. Nihil vivere dulcius mihi quam tecum mori et vivere. Nihil vivere amarius est quam vivere mihi post tuam mortem.

**702** Tu mihi pater, tu mihi mater, tu mihi sponsus, tu mihi filius, tu mihi omnia eras. Nunc orbis patre et matre, vidnor sponso, et desolor præ omnibus, omnia perdo. O fili mi, ultra quid faciam? Væ mihi! veni, fili. Quo vadam? Ubi me vertar, dulcissime? Quis mihi solamen, piissime? Quis mihi de cætero subsidium et consilium ultra præstabit, fili charissime? Omnia possibilia sunt tibi. Sed si non vis ut moriar tecum, mihi relinque aliquid benigne consilium. Cui oculis et vultu, Domine, tam anxie in cruce annues?

De Joanne, ait: *Mulier, ecce filius tuus* (Joan. XIX, 26), et erat ipse præsens Joannes vultu tristis, lacrymis semper plorans, ac si diceret:

**D** O homulus [cod. homulus], ad flendum mollis, ad dolendum! Tu scis quia ad hæc veni et de te carnem assumpsi, ut per crucis patibulum salvarem genus humanum. Quomodo implebuntur Scripturæ? Scis enim quia oportet me pati pro salute generis humani, sed die tertia resurgam tibi, et discipulis meis patenter apparens. Desine flere, dolorem deponere, quia ad Patrem vado, gloriam paternæ majestatis percipiendam ascendo. Quinimo et gratulare mihi, quia nunc inveni ovem errantem, quam tam longo tempore perdidisti. Moritur unus, et ut idem totus reminiscatur mundus, ob meritum Christi, peccatores salvantur cuncti nunc, unius ob meritum.

Quod placet Deo Patri, quomodo displicet tibi, mater dilecta? *Calicem quem dedit mihi Pater* (Joan. xviii, 11), non vis ut bibam illum? Noli flere, mulier, noli flere, dulcissima mater. Non te defero, non te derelinquo, tecum sum, tecum ero omni tempore sæculi; si secundum carnem subjaceo imperio mortis, secundum divinitatem fui, sum et ero semper immortalis et impassibilis. Bene scis unde processi et veni. Quare ergo tristaris si illuc ascendo unde descendi? *Tempus est ut revertar ad eum qui me misit, et quo ego vado, non potes modo venire; venies autem postea* (Joan. xiii, 36).

Interim Joannes, qui nepos tuus reputabitur tibi filius, curam habebit tui, et erit tibi solatium fidelissimum. Inde Joannem intuitus ait: *Ecce mater tua* (Joan. xix, 27), ei servies, curam illius habebis, cum tibi commendo, suscipe matrem meam, suscipe matrem tuam, imo magis suscipe meam.

Tacebant isti virgines, ambo præ dolore loqui non poterant, nec respondere verbum, quia illum videbant quasi mortuum. Erant enim illi velut mortui, unde spiritus eorum voces exhalare non poterant. Audiebant, et tacebant, quia præ dolore loqui non valebant. Defecerat enim spiritus eorum, et amiserant virtutem loquendi; solus illis dolor, luctus qui remansit anxius, amabat flere, et flebat amare. Amare flebant, quia amare dolebant. Nam gladius Christi animas utriusque transibat. Transibat sensus sæve, perimebat utrumque, quo magis amabat signior flebat in matre. Mater sentiebat Christi dolores. Virgo quem peperit gladium est passa doloris, Christi morientis vulnera matris erant, Christi dolores fuerant tortores in anima matris. Mater mater erat levata pignoris morte;

Morte martyris erat percussa cuspide teli quo membra Christi servi foderunt inique, ipsa erant, quam dolor magnus tenebat. In mente ejus creverant immensi dolores, nec poterant exterius refundi. Intus atrocius sævientes dolores nati matris animam gladiabant. In carne Christus solvebat debitum mortis, quod gravius erat quam mori animæ matris.

Interim Christus Matri et Joanni dixit: *Sitio* (Joan. xix, 28), et dederunt ei, qui crucifixerunt eum, acetum cum felle mistum. Quod cum gustasset noluit bibere (Matth. xxvii, 34), et dixit Consummatum est (Joan. xix, 30), et clamavit voce magna, dixitque: *Pater in manus tuas commendo spiritum meum* (Luc. xxiii, 46). Et sic dicens exspiravit (Matth. xxvii, 50).

Tunc tremuit terra, tunc sol sua lumina clausit, Mærebant poli, mærebant sidera cuncta, Omne suum jubar amisit sua lumina perdens, Omnis plangendo recessit fulgor ab alto. Scinduntur duri lapides, scinduntur culmina templi.

Sorrexerunt multi apertis tumbis sepulcri fatentes Christum cum voce publica Deum.

**702** Cogitare libet quantus dolor interfuit matri, cum sic dolebat, quæ ita sensibilis erat. Non lingua loqui, nec mens cogitare valebat quanto do-

lore anima tunc tenebatur Mariæ. Juxta crucem Christi stabat emortua Virgo, quæ illum concepit virgo de sancto Spiritu; vox non erat ulla, dolor abstulerat vires. Imo strata jacens pallescebat quasi mortua, vivens vivebat, moriens vivensque moriebatur, nec poterat mori, quia vivens mortua erat; in anima illius dolor sæve sæviebat, optabat mori quam vivere post mortem Christi, quod male vivens mortua tunc erat. Ibi stabat dolens, confecta sævo dolore, expectans Christi corpus deponi de cruce; hæc plorabat, dicens, atque plorando dicebat: *Lædite mihi miseræ, vel corpus exanime*. Complexisti vota. Exstinctum deponite. Mater, vel simili magis me morte jungite illi, ut cum suis pereant doloribus infiniti dolores. Deponite eum mihi, ut habeam mecum ejus exanime corpus, mihi solamen erit, vel saltem defunctus.

Juxta crucem stabat Maria (Joan. xix, 25) considerans vultu benigno Christum pendente in crucis ligno, stipite sævo, pedibusque flexis, junctisque manibus levabat in altum, amplectens crucem, ruens, et oscula ejus, Christi qua parte sanguis nuda rigabat, ut Christum valeret amplecti, quæ non poterat sursum volebat tendere manus. Sperat amor multa, quæ raro, vel neque fieri possunt sibi concedi. Cuncta amor impatiens credit, volebat amplecti Christum in alto pendente; sed manus inde frustra tensæ in se complexæ redibant. Se levans a terra sursum se erigebat ad Christum, et quia tangere nequibat illum, male collidebatur ad terram; ibi prostrata jacebat doloris immensitate depressa, sed eam erigere compellebat vis magni amoris incensam. Impetu amoris surgebat intensis manibus attractare cupiens Christum. Erat enim vero magno cruciata dolore, terram iterum petere cogebatur. O quam male tunc illi erat, gravius erat illi vita vivere tali, quam mortis gladio ab impiis sæve necari, tamque mortis pallor ejus perfunderat mentem, vultu tamen perfunderat, et genis, et ore rubra erat Christi cruore. Cadentes guttas sanguinis ore tangebant, terram deosculans, quam cruoris unda rigabat.

Interim quidam vir nobilis, nomine Joseph, qui erat discipulus ejus (Matth. xxviii, 57), sed tamen occulte, confidenter ad Pilatum ingreditur, sibi postulans dari corpus Domini nostri Jesu, quo concessio sibi, accersivit quemdam virum sapientem, et legisperitum discipulum Christi occulte similiter, nomine Nicodemum, et convenerunt ad locum ubi Dominus crucifixus erat, secum instrumenta portantes, quibus clavis avulsis de cruce possent deponere eum. Quos dum mater ejus vidit volentes deponere ipsum; quæ de morte consurgens, paululum reviviscens spiritus ejus, et illud, quod poterat, adjutorium ministrabat. Unus clavum e manibus trahebat, alius ne caderet corpus exanime sustentabat. Stabat et Maria, brachia levans in altum, ut caput et manus dependentia Christi super pectus traheret ipsa simul. Quem dum attingere valuit, in-

osculis, et amplexibus ruens de eo suo dilecto, licet extincto, satiari non poterat. Hoc dum de cruce in terra corpus depositum fuit, super ipsum ruens præ incontinentia doloris et immensitate amoris quasi mortua stabat.

Stabat ad caput extincti filii sui mater Maria lacrymis faciem ejus rigans; per diversa torquebatur suspiria interius, frontem, et genas, oculos, quasi simul et nasum, omniaque frequentius osculabatur, ipsa lacrymarum tanta ubertate flebat, ut carnem cum spiritu omnem in lacrymis resolvi putares. Rigabat lacrymis extinctum filii corpus expositum, cum fuerat in lapide, quem madebat, in quo ejus lacrymæ adhuc apparere ferunt; illius facta revocabat ad mentem.

Quis vel qualis fuerat, quem ipsa Virgo concepit sine umbedine, peperit et sine dolore, totum ei erat omne, quod ipsa videbat, tamen Deus et Dominus suus, et unicus filius ejus. Et sic male ei erat; sicut ipse omne poterat, et esse dolebat. Dicat, si potest, quicumque dicere cupit, quantam Christi mater tenebat miseriam doloris Virginis? Dolorem posse narrare non credo. Tamen rectus erat amoris continens modus; non desperabat, sed pie justequè dolebat, quem genuit Virgo, injusta morte dolebat damnatum, sperans tamen ipsum die tertio resurgere.

**702.** Quædam et illæ plorabant femine sanctæ, quarum prior erat numerus, paucique virorum, qui lugerent Christum simul cum Virgine matre. Erant et angeli simul cum illa dolentes, tamen dolentes si poterant, qui de pio dolentes, et justo dolore. Compatiebantur in morte Christi dolendo, gaudentes quod redimeretur genus humanum, flebant, ut arbitror, amarissime mente conturbati, quia matrem Christi videbant tanto dolore teneri. O quis angelorum vel archangelorum contra naturam illic non flevisset! imo contra naturam immortalis Deus homo mortuus jacebat. Videbant corpus Christi sic male tractatum ab impiis, sic vulneratum jacere exanime, et Mariam suo cruentatam cruore, illam piam, illam sanctam, totam bonam, totam dilectam, totam dulcem, totam pulchram, totam delectabilem Mariam suam beatissimam matrem tantis cruciari singulibus, tam amoris repletam doloribus, sic amarissime flere, unde suas lacrymas non poterat refrenare. Flebat luctus, et planctus, et mæror ab angelis præsentibus ibi quales docebat luctus spiritus almos. Imo mirare, si angeli cuncti non flevisset etiam in illa beatitudine ubi est impossibile flere. Credo propter quod loquor, quod dolebant, si dolere valebant, sicut enim fuit possibile Deum per assumptum hominem mori, ita possibile fuit angelos beatos dolere in morte Domini sui.

Joseph ab Arimathæa vir sanctus, et justus, qui cum Nicodemus deposuerat Christi corpus de cruce sicut Evangelium ei testimonium perhibet, posuit eum in sindone munda conditum pretiosissimis aromatibus (Joan. xix, 39), et posuit illud in monumen-

**A** tem novum, quod fecerat sibi alacriter, et devotè; tunc ad illius exsequias angelorum millia millium decantabant, quia omnes convenierant ad sepulcrum Domini sui. Illi laudes extollebant ad cælum. Maria plorabat amare juxta sepulcrum, dum Joseph et Nicodemus Deum ponerent in sepulcrum. Volebat mater mæsta simul sepeliri cum illo. Hæc erat enixa super dilectum suum, amplectens illum cum omni amore, dulcissime deosculans ipsum, dicebat: *Miseremini mei, miseremini mei, saltem vos amici mei* (Job xix, 21). Illum paululum relinquit, ut aliquam videndo habeam consolationem, o charissimi, adhuc mihi, ut faciem illius sub tecto, vel animam valeam contemplari, nolite eum tradere sepulture tam cito, date illum misere matri suæ, ut habeam illum necum, vel saltem defunctum, aut si illum ponitis in sepulcro, me miseram deponite cum illo; mallet, quia et post id supererit mihi. Illi ponebant Christum in tumbam, et illa trahebat ad seipsam. Illa volebat eum ad se retinere, et illi volebant eum tradere sepulture, et sic fiebat hæc pia lis, et miseranda contentio inter eos. Omnis caro tamen sic amarissime flebat, ut nullus eorum ad plenum verba formare posset. Videbant intrare matrem omni destitutam solatio, et super illam dabant potius planctum, quam super extinctum filium suum, Dominum nostrum. Major illis erat dolor de matris dolore, quam fuerat de sui Domini morte. Flebant igitur cuncti miserando dolore gementes, et sic vitæ Dominum mortis sepulture dederunt. Sepulto Domino, sepulcrum mater amplectitur omni corde, et qua poterat voce benedicebat filium suum. Sedens ad sepulcrum in viso capite illi extendebat manus desuper osculans illud, nimis amare Dominum deplorabat singulu.

**C** Accessit Joannes, cui eam commendaverat Christus, et lugens ipse eam levavit lugentem; nam cruciata gemitibus, fatigata dolore, afflicta plorationibus, pedibus stare fere nequibat, et tamen sic portatur, a mulieribus sanctis adjuta, a cunctis plorantibus simul, Jerusalem ingreditur, quam femine multæ videntes, motæ pietate super illius dolores ad luctum convertebantur amarum, et illarum quædam ambulantes post illam etiam lamentabantur. Plorantes plorabant, multæque condolebant Mariæ. **D** Nam dolor ejus multos faciebat dolores. Vix poterat lacrymas continere quicumque videbat eam plorantem. Tam pie plorabat, et tam amare dolebat, quod ex pio suo ploratu multos etiam invitos trahebat ad luctum; planctus fiebant a quocunque transibat.

Maria plorabat ipsa, plorabant ambulantes cum ipsa, plorabant multi venientes obviam ei, sic usque deducitur a plorantibus plorantes quousque perventum est ad domum Joannis. Ibi resedit, ibique permansit in domo sua cum Joannes retinuit, et sicut propriam matrem eam in corde dilexit.

O felix, o beatus Joannes, cui talem Dominus commendavit thesaurum. Reddet tibi Dominus mer-



cedem dilectionis, quam in ejus matre tibi commendata ab ipso semper habuisti. Benedictus tu a Christo. Benedictus a matre ipsius, quam dilexisti puro et mundo corde. Benedicti sunt omnes qui diligunt eam.

A Et semper sit benedictus filius ejus Jesus Christus Dominus noster, qui vivit et regnat cum Deo in unitate Spiritus sancti per omnia sæcula sæculorum. Amen

## TRACTATUS

### AD LAUDEM GLORIOSÆ V. MATRIS.

(Eugenius de LEVIS *Anecdota sacra*, p. 70.)

**702** Syllabæ cœlestibus sacramentis plenæ, ore polluto, amorem mihi, et verecundiam intermittunt, quia *vir pollutus labiis ego sum* (Isa. vi, 5), cor immundum habeo, pollutam linguam rubigine pollutionis tinea denigratam. Agra est conscientia quam tinea ad ultionem corruptionis corrodit. Ad loquendum igitur de hac salutatione non solum sermonis infirmitatem, sed et silentium profiteor. Supercecidit ignis mihi, ut non possim videre hunc solem in radio, imo radium, de quo sol verus procedit. Syllabas hujus salutationis cœlestibus sacramentis plenas de illo libro credo sumptas, quem signatum vidit Isaias qui si detur scienti, vel non scienti litteras, neuter legere poterit (Isa. xxix, 11). Regina cœlorum hæc est, de qua loqui nitimur, sed mater misericordiæ terret hoc; solatur illud, sed quia mater misericordiæ pro peccatoribus est facta porta Cœli, præsumit misericordiæ confidentia quod dissuadet misericordiæ altitudo. Scio siquidem quod fracti sunt ad numerum dentes mei. Scio certe quod non est splendida laus in ore peccatoris, et cum non præsumpserim psalmum, ut det tympanum sonum suum, *tanquam æs sonans aut cymbalum tinniens* (I Cor. xiii, 1), sed licet vox discordet a vita, scio tamen quod verbum de regina est ex altitudine magis gloriosum. Dicamus ergo: *Ave, Maria, gratia plena* (Luc. i, 28).

O nova, o cœlesti nectare delibata. O vere prædicanda salutatio: *Surge, aquilo, et veni, auster* (Cant. iv, 16) perfla nobis syllabas hujus salutationis in dulcedine, ut fluant aromata illius. In hac salutatione quælibet syllaba odore paradisi redolet, quia verba hæc vere sunt cœli melle mellita, et quia de throno procedunt in hac valle lacrymarum peregrina, vix habitant domos luteas Evæ filiis intelligenda. *Nardus cum croco, et crocus cum nardo fistula, et cinnamomum, myrrha, et aloe, cum universis lignis Libani* (Cant. iv, 14). In salutatione mutua dulcedine respirant nitor verborum grammaticus, titubator dialecticus, exornator rhetoricus, et his verbis obstupescunt quod mirabilis salutatio procedens a throno lampades habet coruscantes, ut lychnum pectoris perspicit et illustret. Hæc saluta-

tio in sacrario Trinitatis est digito Dei conscripta, cum in consistorio cœlestis palatii a notatione majestatis sumpsisset originem, uni de fortissimis palatii ad deferendum est delegata. Gabriel namque *Dei fortitudinem* Hebræus interpretatur. Mittitur namque Gabriel archangelus, et egreditur de Rege ad reginam, de Imperatore ad imperantem, de civibus cœli ad condominam palatii. Ingreditur ad Virginem regis perelectam, et eo forte alacrius, ut cum angeli prius haberent Regem, habituri essent et reginam, et ut ad supplendam ordinis angelici ruinam, peccatores ingredi viam paradisi, *mater misericordiæ*, regina angelorum, porta fieret Cœli. Ingressus ergo angelus: *Ave, inquit, gratia plena, Dominus tecum*. Libet intueri, libet amplecti, libet admirari in hac salutatione titulos imperatricis nostræ radiantes in diademate, et ipsius gemmas contemplari. Inspice syllabas hujus altissimæ salutationis, et invenies in sigillo imperatricis nostræ, quasi characteres spiritualis gratiæ annulo auctoritatis impressos. Videtur mihi videre in hoc sigillo quasi quatuor potentissimi luminis gemmas mutua redumbratione rutilantes. Quarum prima est *Gratia plena*, secunda *Dominus tecum*, tertia *benedicta tu in mulieribus*, quarta *benedictus fructus ventris tui*. Quorum tres tulit Gabriel de cœlo, quarta loquente Spiritu sancto per os Elisabeth prophetantis expressit. Pereminet autem his quatuor veluti in fronte sigilli sidereum nomen Virginis, videlicet *stella maris*, quia sequentibus in mortali luce intimi luminis radios refundit. Turbulentissimo hujus mundi profundo superposita est hæc stella maris, ut a scopulis muniatur, a fluctibus eripiat, a piratis defendatur, ad portum perducatur. Quot autem, et quanta sint hujus impacatissimi maris pericula omnes filii Evæ ingemiscunt, qui vel ad præmia suspirant, vel exsiliis deplorant. Tota enim vita præsens tentatio est, de qua nimis vincitur quisquis vinci non veretur. In hoc enim mari magno, et spatioso manibus tot reptilia sunt quot vitia, tot naufragia quot excessus. O fidelis anima, in omni naufragio tuo leva oculos ad radium hujus splendidissimi sideris. Inspice stellam, invoca Mariam. Fige mentis aciem in hoc se-

renissimum lumen. Si cadis, resurges. Si mergeris, erigeris. Si petis, accipies. Si vadis, evades. Nonne splendida speculatione hujus splendidissimi sideris *Theophilus* involutus de profundo æternæ damnationis enavit? Nonne contemplatione hujus serenissimæ claritatis *Basilius* in precibus exauditus consolationem accepit? Hæc stella maris cælos exornat, terras illustrat, mare illuminat, abyssum penetrat. O singulare remedium omnibus, qui tam causa originis, quam damnationis Evam matrem circumferebant, qui in has tenebras exteriores, inferiores projecti tanti sideris claritate post tantæ mortis umbram inveniuntur! Hanc stellam si aegris inspexeris oculis sanat, si proficientibus confortat. Hæc stella vere medicinales habet radios, quæ fugat tenebras, urit vitia, augeat virtutes, et quanto magis inspexeris, tanto magis illuminat. Hanc stellam, si in profundo sis, suspice; si nunquam vidisti, aspice; si defuisti, respice; si magis illuminari vis, inspice. Hæc stella levat de profundo, monstrat viam, imo in portum dat sine periculo.

Domine Jesu Christe, sol æterni luminis, qui voluisti ut mater tua esset stella maris, per stellam ipsam, quæso, illumina tenebras meas. Hæc stella maris radios habet cælis admirabiles, inferis terribiles, terris salutare. Hoc præclarissimum sidus admirantur, et laudant astra matutina, et jubilant omnes filii Dei. Ad hujus credo novitatem sideris tota fraterna multitudo proclamant: *Quæ est ista quæ ascendit? (Cant. iii, 6)*, et est terribilis, inque portis inferni propter virtutum quibus præminet excellentiam. Terribilis Judæo, terribilis Manichæo propter fecunditatem inauditam. Terribilis, inquam, hæreticis, qui in filio Virginis naturam confundunt, vel personam. Terribilis omnibus certe, qui de partu Virginis conjecturis naturalibus hebetat: cœleste mysterium terrena argumentatione sugillant et corrodunt. Ad hujus cœlestis radii lippit Judæus, obtunditur hæreticus, Christianus illuminatur. Lux enim, quæ sanos delectat oculos, ægros offendit.

**702** Tibi autem, o fidelis anima, hujus stellæ radius illustrat mentis aciem, et depellit cæcitatem. Hæc est enim *gratia plena*. Plena, inquam, dulcedine, plena omni suavitate. Hanc enim inventor gratiarum omnium, distributor charismatum, *Paracletus* in accubitu totius Trinitatis tanquam regale palatium ornato mirabili præparavit. *Edificavit* enim sibi domum in ea Dei sapientia, et spirituali opere columnas in ea septem erexit, dum illum *Virgo* gestavit in utero, in quo omnis pulchritudo divinitatis corporaliter habitavit. Si vasa pigmentorum diu servant aromatum fragrantiam, et diu retinent odorem, quem prius receperunt, quanto magis apotheca omnium gratiarum, in qua cœlestis pigmentarius cum omnibus suis unguentis se collocavit, et cum omnibus deliciis accubuit, *Nardus Virginis dedit odorem suum (Cant. i, 41)*, et regem de accubitu gloriæ attraxit, et virginalis aule sacrarium angelorum plenitudo implevit. O inviolabile

A castitatis lilium! Beatissima *Virgo Maria*, tu es vivum vivi Dei templum, *Spiritus sancti* sacrarium, cella pigmentaria, thalamus Sponsi, aureum vivi Salomonis reclinatorium, lectus cœlestium nuptiarum, cætus aromatum, paradus omnium deliciarum. Tu plena gratia, de qua nobis plene plena gratia emanavit, quæ nobis omnia Pater cum Filio dedit, et merito cæteris es plenior, quia *Dominus tecum* in corde, tecum in utero, tecum in opere, tecum in verbo; tecum, ut te sanctificet, tecum, ut te conservet, tecum, ut in te inhabitet, tecum, ut te faciat matrem de filia, reginam de ancilla, cælum de terra. *Dominus tecum*, qui misit me, *Dominus tecum*, qui loquitur in me, *Dominus tecum*, qui prævenit me. Sub eo, qui miserat, discurrebat angelus, sed mentes prævenit, quia velociter ecurrit sermo ejus. Deus vero in omni creatura est, quodammodo eum significat in propositione, cum dicitur fuisse in *Maria virgine*. In prophetis quidem, et apostolis fuit per inhabitantem gratiam, sed longe aliter in *Virgine*, quæ facta est ipsius habitantis gratia habitaculum, et in utraque natura inviolatum Verbo Deo præbuit hospitium. *Dominus tecum* Pater cum Filio, *Dominus tecum* Filius cum *Paraceto*, Trinitatis opere indiviso. Et ideo *Benedicta tu in mulieribus*, quæ singularis meriti es, *Benedicta tu in mulieribus*, quæ mulier salvatrix es, *Benedicta tu in mulieribus*, quæ mater et virgo es. O vere femina super feminas benedicta! O benedicta super omnes benedictas præelecta! O vere præelecta super omnes præelectas unica! O vere gemma inestimabilis de thesauro sapientiæ cœlestis producta, et totius Trinitatis artificio inseparabiliter adornata! O mater, et matrum gloria! O singularis puerpera, de cujus partu stupet Romanamet fides, miratur natura, fugit consuetudo. Utrumque enim supra rationem est; utrumque credere fidei meriti est: et quæ mater virgo, et qui Deus homo. Mater Eva, mater doloris, quæ prius filios damnasti quam pareres, amplectere cum omnibus filiabus pedes hujus novæ matris, quia ipsa tollit antiquam amaritudinem, tollit opprobrium, rescindit damnationis chirographum, delet proscriptionem.

O Virgo, virga nobilis, virga Jesse, per quam in ramo convaluit, quod perierat in radice. Radix amaritudinis Eva, radix æternæ dulcedinis Maria. Hæc est miranda, et profundissima dispensatrix sapientiæ, quæ talis virga nascetur de tali radice talis filia de tali matre, talis libera de tali proscripta, talis imperatrix de tali captiva, tam florens rosa de tam sicca spina! Mater tua vix habuit innocentiam, et amisit. Vix stetit, et cecidit. Nondum pepererat, et nascituros damnavit. Sed beatissima virgo Maria contra lethiferum suasionis venenum facta est regale antidotum, ut ex suo utero præpararet medicinæ cœlestis arcanum. Tu es vere benedicta in mulieribus, quia tu es mira medicina, virginum deus, innocentie speculum, castitatis exemplum, integritatis forma, ut adducantur regi virgines; servit iis virgo mater prima, et proximæ

ejus post eam afferunt lætitiā, et exultationem. Si enim filiæ regis in exultatione, honore sponsi, si filiæ Tyri intrant (Psal. XLIV, 13) ad nuptias, quanto magis tu Virgo, mater Sponsi, regina virginum in vestitu deaurato circumdata varietate (*Ibid.*, 40), omnes choros cœlestium spirituum exornas. Tu es igitur ornamentum cœlestis curiæ, stupor angelorum; tota unum miraculum, tota unum inæstimabile novum. Tu es via compendiosa in cœlo, obses fidei, arca spei in cordibus fidelium. Tu es inter Deum et hominem vivum vivi fœderis tabernaculum. Tu es propitiatorium, quod non solum obumbrat cherubim, imo, et totius Trinitatis sanctorum sancta. Vere igitur *Benedicta tu in mulieribus*, quia benedictum nomen tua. Benedicta maternitas tua, benedicta verba tua, benedicta pudicitia tua, benedicta humilitas tua, benedicta plenitudo tua, benedicta integritas tua. Et inde juste, quod *Benedictus fructus ventris tui*. Fructus vitæ, imo vitæ vita, omnesque paradisi delicias, aromatizans sub tantæ dulcedinis essentia. Hujus fructus odore homo de terra ad patriam trahit. Angelus in patria satiatur. Hujus fructus odor non enim, ut Jacob, *odor agri pleni* (*Gen.* XXVII, 27), sed plenitudo communis boni inebrians plene, satiationis plene, non labens per ætatem quia *delectationes in dextera ejus usque in finem* (*Psal.* XV, 41). In hoc fructu ventris tui amplectitur anima, quia lignum vitæ de paradiso in convallem transplantatum, et pretioso silo balsami surculo insitum, ubi intus suavis ligni nobilitas quadam gemina dulcedine reddit odorem suum.

**702** Tu es igitur pretiosi odoris silo balsami odor beata Virgo, imo quasi lignum vitæ, Verbum Patris in utero tuo. Cum felix illa peccatrix *funderet unguentum super pedes Jesu, impleta est domus odore unguenti* (*Luc.* VII, 38; *Joan.* XII, 3). Quanto magis domus pudici pectoris reddit odorem suum omnium gratiarum chrismatibus perfusum illustratione Spiritus sancti. *Unguentum effusum comen tum*, Virgo Maria (*Cant.* I, 2). Unguentum est nomen Sponsi, qui ex te natus est. Trahe nos post te, ut curramus in odorem ventris tui, quia adolescentes diligentes Sponsum diligunt te. Fac nos intrare ad nuptias Sponsi ubi bibunt amici, et inebriantur lumine, saturantur figurarum mysteriis, videlicet ut pagina, ubi virginei partus novitatem tot præcedentia signa designarunt, sicut Moysis visionem in ardentem rubum (*Exod.* III); veneratur Aaron in arida virga flores unius sacramenti. Stupet Gedeon in sicca terra, velut in Madian (*Jud.* VII). In porta Ezekiel miratur clausa solius regis transitum (*Ezech.* XLIV, 2). Thronum quoque fecit Salomon ex ebore, quem vestivit auro purissimo castitatis suæ, et charitatis suæ Matris virgo signans privilegium. Sed præcedentium figurarum, quasi stellæ minores, velut coruscantibus radiis hujus diem salutationis Gabriel angelus plenius illustrat dicens: *Ave, gratia plena, Dominus tecum*. Speciosa et suavis facta es in deliciis tuis sancta Dei Genitrix, quia totum tuis aspi-

rat unguentis quiddid habet hortus odoris, vel thesaurus spiritualium deliciarum in cubiculo, et in hortis aromatum. O Virgo benedicta, et inter benedictas unica, ex intemeratæ tuæ pudicitie thalamo sacramenta nostræ redemptionis ordinata sunt. Tu es laus et decus humani generis, advocata pacis, et hominis in terris, miraculum angelorum, naturæ ornamentum, lampas solis, imo sol solis Tabernaculum illuminans mirabiliter a montibus æternis.

Ex te ineffabiliter ascendit lumen in testa nostræ carnis, ut drachmam diu perditam choris revocaret angelorum sapientia cœlestis. Secundum est ut, cum te, serenissima Virgo, tot gratiarum radiis sol vivus perfundet, qui non solum in septentrionali polo, sed et in toto mundo cœlum et terram illuminans rutilares stellæ maris, et qui te ministrante lumen divinitatis in testa nostræ carnis per inventionem drachmæ decimæ hoc auctum est angelis, ut non solum de cœlestibus haberet gaudia, sed et in conversione peccatorum ampliorem gaudendi materiam inveniret in terris. O clementissima Virgo Maria, qui creavit te, regnat in te, et in suo corporaliter habitare figmento sigulus non designatur. Unde gratulanter mons Sion dicit: *Homo, et homo natus est in ea, et ipse fundavit eam Altissimus, et sicut letantium omnium habitatio est in te, sancta Dei genitrix. Exultabimus ergo, et letabimur in te memores uberum tuorum. Meliora unguenta tua, Sion, super omnia aromata. Multæ filiæ congregaverunt divitias, tu supergressa es universas* (*Psal.* LXXXVI). Quia ergo congrue dicitur, ut tibi oranti nihil negari possit, fac nos tecum introduci in cellam vinariam, ubi rex ordinavit in te charitatem suam, ubi Joannes evangelista custos tibi delegatus est, et ubi Gabriel paranymphus miratur plenitudinem tuam, ubi inter cœlestis militiæ Theophenias chori virginum sequuntur te reginam, ubi vera stellæ maris quasi eundem cuncto sole tenens circulum, ubi lux es eclipsim nesciens, ubi immortalis charitas est inter te et Filium. *Ubi gloriosa acta sunt de te, civitas Dei* (*Psal.* LXXXVI, 3). Mater Dei, sedes totius gratiæ, lampas lucis æternæ. Si enim *Jusi fulgebunt sicut sol in regno Patris eorum* (*Sap.* III, 7), quanto magis tu, quæ lumen de lumine, lumen a Patre luminum, lumen omnium protulisti astrorum. O serenissima stellæ maris, respice pro me peccatore, prece suppliciter ad solem tuum, ut possim videre hanc stellam cum suo sole inter speculationes angelicas tantæ claritatis intuentium. Deus meus, illumina tenebras meas. O beata Virgo, descendentem in te Filium Dei Christiana pietas sinceræ fidei brachiis amplectitur, quæ quiddid in aliis matribus natura refert infirmum, totum tibi transivit in sacramentum, ut inæstimabile generante secretum ullo modo præsumat attingere cor humanum, nisi forte quasi similitudine dissimili ut rorem in lana, qui trajecto per solis radium speculo sic genitale aulæ thalamum verbum Patris introisse dixit. Non in igne, non in commotione domus, sed spiritus auræ tenuis, et in



eo domus contremiscit, ut populus in deserto, quem terrent coruscationes, et fulgura, sed ad ultimum sol in conspectu luminis ex Virgine videndum se præbuit, pia tamen nube carnis opposita.

**702** Gaude, beata Virgo, cujus gaudium in hac vita lucis contemplatione semper est indeficiens, dum eum lactas in terris, qui angelos nutrit in cælum. O gaudium matris contra matrem transcendens gaudia, cujus filius mortuos suscitavit, et de morte triumphat, cælos penetrat. Duo hæc nomina, Mater, et virgo in materiali repugnantia tibi, beata Virgo mirabiliter conveniunt, et quasi geminata luce tam salutarem quam mirabilem perpetuam merito claritatem infundunt. Tibi enim Christiana pietas plenissime credit esse collatam quamdam participationem divinitatis a Domino filio tuo gratuitam, B Virgo mater capere potuit, vel sustinere. Sicut enim Deus Pater nulli angelorum dixit: *Filius meus es tu* nisi Unigenito (Psal. ii, 7), ita nulli inter filias Evæ dixit: *Mater Filii mei es tu*, nisi tibi, beatissima Virgo. Si autem cherubim et seraphim ardore charitatis ita inflammantur, ut forsitan quod tunc creatura potest in deitatis transeat statum, quanto magis tu mater Virgo unita es filio tuo, et tuam carnem deificatam in filio multitudo angelorum adorat. Licet enim Christiana pietas omnium sanctorum patrocinis juvetur, specialiter tamen plenitudo gratiæ humano generi ex tua intercessione, quasi puteus aquarum viventium de Libano cælesti copiosius emicat. Persuadet enim, imo compellit tua nos celsitudo credere quod per angelos, et per angelorum ministeria sæpe tuis devotis subvepias, et postremum ad regnum filii tui perducas. Si enim angelus angelorum mittitur, confidenter debet credere Christianus devotus, quod imperatrix angelorum tanto magis habet angelos in obsequium, quanto differentius per illum nomen hæreditavit (Hebr. i, 14). Si autem cherubim et seraphim, immerito hoc hausto de fonte vitæ bibentes inferioribus angelorum ordinibus, ita de consilio palatii quædam arcana revelant ut fluminis impetus totam illam lætificet civitatem (Psal. lxxxvi); quanto magis tu gloriosa theodotos [Sic. An θεοτόκος?] de occultis filii in amplexu ejus degustata mysteria, et angelis et hominibus copiosius effundis.

Quid dicemus de te, o præclara mater inter mulieres? Si solem te dixerimus, splendidior es. Si

A rosam, floridior es. Si cinnamomum, et balsamum aromatizans species, percellis odore, quia privilegia tibi concessa, non solum hominibus, sed et angelis, credimus admiranda. Si splendida facta est facies Moysæ consortio sermonis Domini (Exod. xxxiv 29); quam gloriosum credimus inter omnes sanctos lumen vultus tui, quæ cum filio una es caro ex mirabili genitura, et unus unius ardentissimæ charitatis spiritus. Si Josue dux Israel cum esset in sanguinis effusione jussit solem stare in Gabaon, quomodo non omnia sidera ad nutum imperatricis gloriøsæ discurrunt? Respice ergo beatissima Virgo, ad nos proscriptos in exilio filios Evæ, in quibus, et primitiæ calamitatis participia et tributa mortis, et vectigalia peccati adhuc damnavit. Adhuc enim vix quod propinavit Eva damnat in nobis. Adhuc in pugna sumus. Adhuc serpens Evam, Eva virum impugnat. Adhuc enim sensualitas rationem, adhuc rationis instantia partem inferiorem sollicitat. Adhuc in eadem domo quinque in tres, et tres dividuntur in duos, et inimici hominis domestici ejus (Mich. vii, 6). Ut igitur in eorum conflictu habeamus constantiam, mitte nobis illum egregium cælestis curiæ principem paranympum tuum Gabrielem, qui, sicut nomine, ita et virtute fortitudinem divinam nobis ex sua benignitate mittere velit. O Mater misericordiæ, resiliente te non est in tota sanctorum conversatione, qui pro nobis loquatur, qui pro nobis intercedat ad filium tuum. Sed, te intercedente, quatuor animalia, et viginti quatuor seniores mittentes voces suas procedunt ante thronum coram Agno (Apoc. iv), et universa multitudo sanctorum confidentium pro nobis orationem assumit. Precatur Moyses in conspectu Domini Dei sui, et orans pro populo suo rogat, ut memor sit juramenti, quod habuit ad Abraham, et Isaac, et Jacob, et placatus est Dominus. Sed tu, mitissima Virgo, roga Filium tuum, ut memor sit fœderis sempiterni, quod firmavit Verbum in carne de te sumpta, quod pepigit Verbum in sanguinis effusione, quod sigillavit indissolubili chirographo in sacramentis redemptionis nostræ. Qui ergo sub tua protectione confugimus, assume orationem ad judicem nostrum, Filium tuum, ut tu salus, quæ salutem nostram proficiendo inchoasti, intercedendo perficias. Amen.

#### MONITUM IN OPUSCULUM SEQUENS.

In majoris Augustiniani conventus codice num. 19 sequens tractatus eum ostentat titulum: *Incipit quidam tractatus beati Bernardi De corpore Domini*, atque in fine: *Explicit liber beati Bernardi De corpore domini*. Fides sit penes codicem, in quo notatu dignum est meditationes divi Bernardi nomine evulgatas ad decimum quartum caput se tantum extendere, iisque finire verbis: *Quantoque Deum plus amabit, tanto propius videbit, quem cernere finis est sine fine*. Edit. vero sic habent: *Tanto propius videbit, quem cernere cupit. etc.* Idem codex ministrat mihi librum Isidori Hispalensis. De norma vivendi, longe auctiorem sub titulo: *Formula honestæ vitæ*, sed de his alias.

## TRACTATUS DE CORPORE DOMINI

(HOMMEY, *Supplementum Patrum*, t. I, p. 147.)

**702** <sup>10</sup> Misericordias dei recolentes, gratias agamus ei qui per viscera misericordiae suae visitavit nos, Oriens ex alto (Luc. 1, 38). Nam si, quod absit, ingrati exsisterimus ei qui propter se fecit nos, et propter sese redemit nos, tanquam servi inutiles projiciemur de domo, et velut infructuosa arbor evellemur de terra sanctorum. Abhorrentes ergo omnem ingratitudinem, quia filii gratiae sumus, videamus charitatem superfluentem, misericordiam superabundantem quam quotidie peccatoribus exhibet illa majestas. Putatis quod semel venerit ad vos Deus, quod et reliquerit vos, quod semel visitaverit terram, et ultra non respexerit eam? Nunquid abbreviata est manus Dei, aut virtus ejus infirmata est, aut oblitus est misereri Deus, ut qui semel innotuit, nunc jam ex toto recesserit. Nequaquam. Ecce ego, inquit, vobiscum sum usque ad consummationem saeculi (Matth. xxviii, 20). Veritas est quae loquitur, et veritatem loquitur, nec te fallit, o homo, qui multum te diligit, nec a te falli vult. Hoc totum pro te facit.

Ipse nobiscum vult permanere, ut nos cum eo simus, imo non sumus, ita ut nobis vere dicere possit: Tanto tempore vobiscum sum, et non cognovistis me: Philippe, etc. (Joan. 14, 6). Ideo dicit: Filii hominum, usquequo gravi corde, ut quid diligitis vanitatem, et quaeritis mendacium? (Psal. iv, 3.) Ecce quotidie venit ad nos ipse humilis apparens, nec reputamus eum; quotidie descendit de sinu Patris super altare in manibus sacerdotis, et nescimus eum; quotidie humiliat se, sicut quando a regalibus sedibus venit in uterum Virginis, et nos obdurati non consideramus; o homo, credis hunc esse Filium Dei? Utique credo et confiteor. Et quomodo non totus deficiis, non totus expavescis, non totus contremiscis, quando ille quem tremant angeli, et omnis coelicus ordo adoratur, quotidie se abiciat, pro te terra et cinere. Suspectum te habeo ne voce solummodo confitearis, quod in corde non habes, et operibus contradicis? Etenim, si non credis, jam judicatus es; si vero credis ut dicis, et ita irreverenter agis, ad tam magnificum sacramentum stultus es, superbissimus es, et invenitur iniquitas tua ad odium. (Psal.

xxxv, 3.) Ipse enim dicit: Qui manducat carnem meam, et bibit meum sanguinem, in me manet, et ego in eo. (Joan. Lv, 57.) Quomodo in eo manes quem iniquis operibus in honoras, et pravis moribus exacerbas, qui vere sanctus est, et in eo non nisi sanctum manere potest? Aut quomodo manet in te superbo, qui non nisi super humilem et quietum requiescit? (Isai. Lxvi, 7.) Si ergo non manet in te, non manducas carnem ejus, nec ejus sanguinem bibis; si autem non manducas, salvari omnino non potes, ipso dicente: Nisi manducaveritis carnem filii hominis, et biberitis ejus sanguinem, non habebitis vitam in vobis. (Joan. 40-54.)

Vis ergo manducare carnem Filii hominis ut habeas vitam aeternam: ut dignus sis, recollige ea quae pro te passus est, et assidua recordatione memoriae tuae commenda passiones animae, et corporis necessitates, revolve per singula omnia usque ad mortem Crucis: sic exhibe tuo exemplo et imitatione, corpus et animam tuam, hostiam viventem, sanctam, sibi placentem, ut te totum exhibeas ei sacrificium acceptabile in odorem suavitatis, sicut ipse se totum in tua redemptione expendit. Ultimo vero, crede firmiter, absque omni mentis scrupulo sanctum panem, et sanctum vinum super altare secundum formam sanctae Ecclesiae verum suum effici corpus et sanguinem in manu sacerdotis, et digna cum reverentia sume ipsum cum timore sancto, conscientia bona, charitate pura, et fide non ficta. Recolens quod sicut sanctis apostolis apparuit in vera carne, ita et modo se nobis ostendit in sancto pane, et sicut ipsi intuitu carnis suae tantum ejus carnem videbant, sed Deum credebant oculis spiritualibus contemplantes, sic et nos videntes panem et vinum credamus esse ejus corpus et sanguinem et vivum esse et verum.

Ideo enim, ideo apparuit divina benignitas, ut homo humilis appareat gloriosus in divinitate. Scimus enim quod cum apparuerit, ei similes erimus, et videbimus eum sicuti est per gloriam suam quae plenissima, sufficientissima, et abundantissima est aeternaliter in omnibus qui diligunt eum in veritate. Ipsi soli honor et gloria in Spiritu sancto. Amen.

## TRACTATUS CANTANDI GRADUALE.

*Graduali Cisterciensi prologi instar præmissus.*[HOMMEY *Supplementum Patrum*, I, p. 27.]

**702** Sicut notatores Antiphonariorum præmunimus, ita et eos qui gradualia notaturi sunt, præmunimus et hos et illos obsecramus, et obtestamur, ne notulas conjunctas disjungant, vel conjungant disjunctas; ut sicut in cantu ita et in modo proferendi, quantum ad pausationes pertinet, et distinctiones, servetur identitas. Eas autem solas litteras dici et esse finales, quæ tam depositionis plagalium quam elevationis authentorum plenitudine fulciuntur, id est, sub quatuor et supra se septem voces habent. Primam habes D grave, et ultimam C. acutum. Præter has, et eas solas quæ naturaliter interjacent, nullam supra. vel infra invenies, cui non desit, vel plenitudo depositionis, vel elevationis perfectio.

Ut autem de singulis reddaris certior, seras primum modum, videlicet protum, qui primum tonum continet, et secundum, duas habere finales D grave, et A acutum. Illis ergo cantibus hujus maneræ qui supra quintam habent tonum, necessaria finalis est. D grave quod supra quintam naturaliter et habet tonum. Illis vero qui supra quintam non tonum, sed semitonum habent, propria finalis est A acutum, quod ibidem non tonum, sed semitonum habet. Eis quoque, qui duobus tonis sub finali descendunt, similiter necessarium est. Hac igitur proprietate diligenter considerata non miraberis eos cantus qui terminari solebant in D per B notatos esse naturaliter in A acuto, neque hoc imitari superfluum aut fastidiosum tibi videbitur.

Secundus modus, videlicet deuterus, qui tertium tonum continet et quartum, duas habet similiter finales E grave et B quadratum; quartum videlicet prima illorum cantuum hujus maneræ propria ac necessaria finalis est, qui sub sexta habent semitonum. Altera vero illis cantibus proprie habet servire, qui sub sexta non semitonum, sed tonum habent, et illis etiam qui finali tribus tonis descendunt. Nota quod multæ authenticæ ecclesiæ inter quas esse, arbitror, Ambianensium Morinorumque ecclesias, sicut in introitibus, ita et psalmos habent in postcommunione. Licet autem paucos introitus, multas postcommuniones apud eos invenire potes. Qui in B quadrato tantum terminari possunt, hi nullo modo cantum Psalmi tertii vel quarti toni recipere possunt, cum psalmi illorum tonorum supra quartam habeant, et B quadratum supra quartam habeat non tonum, sed semitonum. Nos etiam sicut et illi, multos habemus introitus qui naturaliter terminari habent in B quadratum ubique nimirum supra

A quartam habentes semitonum; sed quia ibi non possunt recipere psalmum qui supra quartam habet, ut diximus, tonum; ideo transferuntur ad inferiorem finalem per B rot. Propter hoc, cantus Psalmorum tertii et quarti toni ita mutatos invenies, ut utrique finali servire habeant.

Tertius modus, videlicet tritus, qui quintum tonum continet et sextum, duas similiter habet finales F grave et C acutum illis qui ibidem non semitonum, sed tonum habent. Sed quia nullum introitum habemus qui in C terminari possit, ideo in quinto tono cantum Psalmi mutatum invenies, licet utrique finali psalari non possit.

Quartus vero modus, id est tetrads, qui septimum tonum continet et octavum, unam tantum habet finalem G cantum Psalmi septimi toni in metro tantum mutatum invenies, quia ibi facit pausationem suam, ubi incipere non potest, quod nulli cantui licet. In illis enim litteris tantum cantus pausare potest, in quibus habet incipere; et in illis maxime quæ frequentius, et competentius cantuum usurpant principia.

Superflua insuper differentiarum multiplicitate exclusa, unam tantum quisque tonus differentiam retinet et illam solam quæ in finalibus desinens, suam, vel in se, vel in metro, maneriam certificat. Propter hoc in octavo tono illa differentia retenta est, quæ, reflexa usque ad D grave, per F redit ad finalem G; per hoc enim in finali alterius maneræ terminari non potest.

Cum autem differentiarum sex tonorum in propriis finalibus desinant, duorum tantum, id est, tertii et quinti tonorum differentiarum in suis finalibus non desinebant, et ideo adeo convenienter assignari poterant aliis tonis, sicut et illis. Hæ ad normam reductæ sunt, et in propriis terminantur finalibus. Præterea sunt quædam responsoria, videlicet, *Christus factus est*; *Ecce sacerdos*; *Exiit sermo*, et consimilia, quorum copiosa est multitudo.

In his responsorium est sexti toni, versus vero quinti; cum longe competentius suo responsorio versus subjungeres, si ejusdem toni esset cum eo, sicut est in aliis responsoriis ipsius Gradualis. In responsorio etiam quod sexti toni est, vitium oppositionis est: quia progressio plagalis, compositio vero authentica est; quod fieri non licet: propter hoc ipsa responsoria ad quintum tonum satis competentem reducta reperies. Licet ergo hujusmodi emendationes usui contrariæ videantur quia tamen



usui prævalet natura, non tantum tibi displiceat A admittere noluisti, in regulis canendi falsitates aut  
usus immutatio, quantum placeat observatæ naturæ vitia non dispenses, uæ magis resecari debent  
integritas, ut qui in regula vivendi dispensationem quam dispensari.

## TONALE S. BERNARDI.

*Scriptores ecclesiastici de musica, sacra potissimum, publica luce donati a Martino GERBERTO, S. Blasii in Silva Nigra abbate. Typis San-Blasianis 1784, 4°, tom. II, pag. 265.*

### MONITUM.

Ex ms. *San-Blasiano* sæc. XIII edimus *Tonale*, prout ibi habetur anonymum, ab *Homeyo* autem in *Supplemento Patrum S. Bernardo Claræ-Vallensi* tribuitur. Certe si non ipsi *Bernardo*, cuidam saltem ex correctoribus cantus ac antiphonarii *Cisterciensis* sub ductu *S. Bernardi* tribui potest. Vid. etiam *Mabillonii* admonitio in *S. Bernardi tractatum De correctione Antiphonarii* ab ipso vulgatum t. II *Opp. eiusdem*, p. 691.

## 702 " INCIPIT TONALE.

*Discipulus.* Quid est tonus

*Magister.* Regula, naturam et formam cantuum regularium determinans.

*D.* In quo natura, in quo forma cognoscitur.

*M.* Natura consistit in dispositione: forma in compositione et progressionem.

*D.* Quid dispositionem, quid progressionem, quid vero vocas compositionem?

*M.* Dispositio est tonorum et semitoniorum directa ordinatio secundum naturalem litterarum positionem. Progressio vero est elevatio et depositio. Compositio autem consistit in levitate et gravitate, in extensione et reflexione, in variis anfractibus multisque diverticulorum varietatibus. Cognoscis ergo naturam cantus, si cognoveris ejus dispositionis sit, vel ejus maneræ: Cognoscis formam, cognito utrum authentice vel plagaliter progrediat sive componatur.

*D.* Quot sunt maneræ?

*M.* Quatuor.

*D.* Quomodo inter se differunt?

*M.* Prima est, quæ a finali ascendit per tonum et semitonium, et descendit per tonum. Secunda, quæ a finali ascendit per semitonium et tonum, et descendit per tonum. Tertia, quæ a finali ascendit per duos tonos, et descendit per semitonium. Quarta, quæ a finali ascendit per duos tonos, et descendit per tonum.

*D.* Quid vocas finalem?

*M.* Finales sunt litteræ terminativæ cantuum.

*D.* Quot finales singule habent maneræ?

*M.* Prima duas: D. et a. Secunda duas: E. et b. quadrum. Tertia duas: F. et c. Quarta unam tantum, scilicet G.

*D.* Utrum tot toni sunt, quot maneræ?

*M.* Quatuor sunt maneræ, sed octo sunt toni, qui sub maneris continentur. Quorum impares, vi-

B delictet primus, tertius, quintus et septimus authentici vocantur, ut pote qui majoris sunt dignitatis. Pares vero, videlicet secundus, quartus, sextus et octavus tonus, quia indigniores sunt, plagales vocantur. Continet autem unaquæque maneria unum authenticum, et plagalem ejus. Prima primum et secundum, secunda tertium et quartum, tertia quintum et sextum, quarta septimum et octavum.

*D.* Quæ differentia est inter authenticos et plagales?

*M.* Authentici potest ascendere ultra litteram, quæ sexta est a finali: plagalis non. Plagalis potest descendere plusquam una voce sub finali, authenticus non.

*D.* Quot vocibus superat authenticus plagalem in elevatione, et superatur ab ipso in depositione?

*M.* Tribus.

*D.* Quot ergo vocum est cantus?

*M.* Decem.

*D.* Quare?

*M.* Quia secundum dispositionem tonorum et semitoniorum, quam habent musici, nullus cantus fieri potest in decem vocibus vel citra, qui notari non possit sed undecim vocum cantus fieri potest, qui notari non potest. Ideo non est necesse, ut usque ad incertitudinem illam infra vel supra cantus exeat.

*D.* Cujusmodi est dispositio quam habeat musici?

*D.* Primæ et quartæ et septimæ litteræ altrinecus tonum attribuunt, secundæ et quintæ inferius tonum, et supra semitonium, tertiæ et sextæ e converso, videlicet supra tonum, et inferius semitonium, non prætermittentes quandoque b. rotundum pro asperitate tritoni.

*D.* De illis cantibus quæro, qui non ascendunt ultra sextam, nec descendunt subter primam sub

finali, utrum authentici sint, an plagales?

M. Quidam eorum sunt authentici, quidam plagales.

D. Quæ inter illos est distinctio?

M. Illi non per progressionem, sed per compositionis distinguuntur considerationem. Quilibet enim cantus hujus diminutæ et contractæ progressionis, si in quinta inceperit, aut eam frequentans in ea pausaverit, vel incipiens in finali ad eam saltum fecerit, authenticus est; excipe in tertio tono sextam pro quinta. Quicumque autem cantus quartam non excesserit, sine dubio plagalis est. Quod si eam quandoque excesserit, sed se infra statim retraxerit, moras et circumflexiones suas sub ea faciens, iterum plagalis est; nisi constet, alicujus authentici propriam inesse compositionem.

D. Quæ sunt illæ propriæ compositiones?

M. Inspice neugma primi toni, et propriam ipsius compositionem in neugmate reperies, quam nisi hæc antiphona *Lex per Moysen*, et multæ consimiles haberent, omnino plagales essent. Similiter est in cæteris authenticis. Iterum quilibet cantus hujus diminutæ progressionis, si in principio sui a finali ad quartam ascenderit per diatessaron plenarie formatum, et inde cito ad finalem rediens in ea pausaverit, plagalis est. Hoc determino propter quædam principia septimi toni, quæ licet per diatessaron ascendant, ipsum tamen reflectunt, et mox ad quintam prosiliunt. Per hanc regulam hæc antiphona: *Petrus Apostolus*, plagalis est; licet authentici sui propriam videatur habere compositionem.

D. Restat ut insinues, quis cantus sit regularis.

M. Ut eum tibi propria et convertibili descriptione comprehendam: cantus regularis est, qui sibi perfecte consonans suam in se maneriam certificat.

D. Expositione indiget brevis quidem, sed obscura definitio.

M. Ille cantus perfecte sibi consonat, in quo nec inconueniens est progressio, nec progressionis sive dispositioni dissimilis est compositio, nec compositionem dissolvit oppositio.

D. Da exemplum de singulis.

M. In illo cantu est inconueniens progressio, in quo authenticæ elevationi plagalis subjungitur depositio. Qui nimirum inconsulte progrediens, metasque debitas utrobique transgrediens, humano capiti caudam subjungit equinam. Hujus nævo vitii decolorata sunt hæc responsoria; *Sancte Paule, Cornelius*, et plures alii cantus, circa quos ut ingrediamur sine macula, operati sumus justitiam. Inconuenienter etiam cantus ille progreditur, qui nimis contractam habet elevationem; sicut enim sunt metæ, ultra quas non debet ascendere, ita sunt litteræ, ad quas eum necesse est ascendere. De omni namque authentico certum est, quod necesse est eum ascendere ad quintam. Plagalis autem elevari debet usque ad quartam, vel ad minus usque ad litteram illam, in qua incipit suum *Sæculorum*.

A Assume enim hanc antiphonam: *Gloriam*, secundum quod canitur in quarto tono; qua finita, si ejus *Sæculorum* inceperis, ridiculosum et dissonantem saltum facies. Illa siquidem antiphona non ascendit ultra F. grave, *Sæculorum* autem incipit in a. acuto. Propter hoc prolixiorum dedimus ascensum quibusdam antiphonis in hoc vitiosis, scilicet: *Dele Domine, Omnis terra, Si iniquitales*, et consimilibus.

D. Procede, ut ea quæ sequuntur similis illuminet evidentia.

M. In illo cantu progressionis reclamationem compositionis, qui ubique authenticam habens compositionem, plagalem alicubi descensum interserit; sicut erat: *Deus omnium, Sint lumbi*, et multa alia, tam antiphonæ quam responsoria. Sunt alii cantus, in quibus progressionis compositio consenti, sed disserit a dispositione, quia secundum naturalem dispositionem litterarum unius sunt maneriæ, sed secundum compositionis similitudinem sub alia videntur et dicuntur contineri maneria, sicut *Benedicta tu*, et multæ consimiles antiphonæ, quæ apud fere omnes hoc laborant vitio, quia secundum naturalem dispositionem primæ sunt maneriæ, et tamen propter similitudinem compositionis dicuntur et creduntur esse secundæ. Illius vero cantus compositio oppositione dissolvitur, qui in partibus suis dissimiliter compositus est, ita ut in una parte sui ejusdem toni, in altera alterius toni esse videatur, sicut erat: *Beata Cæcilia, Videntes Joseph, et Dedisti, Domine*.

D. Qui sunt, qui suam in se maneriam non certificant?

M. Qui ita cujuslibet maneriæ carent proprietate, ut in diversarum finalibus maneriarum pariter terminari possint, et diversorum esse tonorum. De numero quorum erant: *Ecce sacerdos magnus*, et multi alii cantus septimi toni: *Visita nos*, et multi octavi toni: *Nazareus vocabitur*, et plures quinti toni: *Miserere mei Deus*, et plures sexti toni.

D. Illas maneriarum proprietates mihi vellem exprimi, quibus cantus innixi, diversis non possunt fluctuare finalibus.

D M. Qui cantus vitiose composuerunt, vel bene compositos male notando vel cantando postmodum depravaverunt, si has, quas requiris, cognovissent proprietates, non tot cantuum emersissent improprietates. Ut ergo ad interrogata breviter respondeam, in nullo prima vel secunda maneria debet prætermittere semitonium, quod finali vicinius est, quin alicubi vel semel inveniatur, et sic finales illarum maneriarum alternari non possunt. Similiter omnes cantus quinti toni debent habere sub finali vel sub quinta semitonium, vel supra sextam tonum: omnes vero cantus sexti toni exigunt sub finali vel sub quinta semitonium. Omnes autem cantus septimi toni debent habere sub quarta semitonium, et præter hoc vel sub finali tonum, vel supra

sextam semitonium: cujus plagalis semitonium sub A quarta et tonum exigit sub finali.

D. Præmissis quæ ad notitiam tonorum videntur necessaria, ad faciendam doctrinam de singulis potes commodius accedere.

M. Tuis quæstionibus prout potui compendiose respondendi: cæteris, si quas habes, eadem responsurus diligentia.

#### Discipulus

Quid est primus tonus?

M. Regula authentum primæ maneræ determinans.

D. Quæ est illa?


M. Quilibet cantus regularis authentice elevatus vel compositus, terminatus in D. vel in a. authentus est primæ maneræ. Quæ sit autem authentica elevatio vel compositio, superius dictum est.

D. Quid si cantus aliquis authentice elevetur, non tamen authenticam sed plagalem habeat compositionem?

M. Hunc sibi vetusta vendicat irregularitas, sicut a novitate usus nostri ita et a præsentī disputatione penitus alienum.

D. Quot differentias habet?

M. Exclusis multiplicium, quæ ab aliis canuntur superfluitatibus, differentiæ tres quibusdam videntur necessariae. Prima, quæ maturis et gravibus; secunda, quæ levibus et acutis; tertia, quæ mediocribus habeat subservire principiis. Quorumdam tamen importunitate minus discrete brevitatem æmulantium, relicta ea quæ gravibus principiis proprie convenit, et in primo tono canitur scilicet



A - men

reliquis duabus in hoc tono utimur, quas subjecta docet formula. Nam tertiam differentiam, quæ illi antiphonæ, scilicet *Nos qui vivimus* adaptatur, magis voluntas quam ratio retinuit. Cum enim illam abjecerint, quæ non solum adeo propria sed et levior et usitatior est, qua ratione hanc in uno tantum psalmo retinuerunt? Utinam tamen vel hæc sola in primo tono contenti fuissent, cum primi toni proprietatem exprimat, et alii tono servire non possit. Nam de reliquis duabus differentiis neutrum verum est.

#### Discipulus.

Quid est secundus tonus?

M. Regula plagalem primæ maneræ determinans.

D. Quæ est illa?

M. Quilibet cantus regularis plagaliter depositus vel compositus, finem faciens in D. vel in a. plaga-



lis, est primæ maneriæ. Quæ autem sit plagalis depositio vel compositio, superius dictum est.

*M.* Unam tantum, omnibus ipsius principis satis commodè servientem : ut patet in sequentibus :

*D.* Quot differentias habet



Glo - ri - a. se - cu - lo - rum a - men. A. Se - cun - dum au - tem si - mi - le est



bu - ic. A. I - sti sunt san - cti. A. O sa - pi - en - ti - a.



In u - ni - ver - sa ter - ra. A. In om - nem ter - ram. Glo - ri - a Pa - tri



et Fi - li - o et Spi - ri - tu - i san - cto.

*Discipulus.*

Quid est tertius tonus?

*M.* Regula authentæ secundæ maneriæ determinans.

*D.* Quæ est illa?

*M.* Quilibet cantus regularis authentice elevatus

vel compositus terminatus in E. vel in  $\natural$  authentus est secundæ maneriæ.

*D.* Quot differentias habet?

*M.* Duas, alteram inferioribus, alteram superioribus principis satis commodè deputatas : ut docet subjecta formula.



Glo - ri - a. se - cu - lo - rum a - men. A. Ter - ti - a di - es est quo hæc fa -



cta sunt. A. Cum for - tis ar - ma - tus. A. Ni - gra sum.



A. Ma - los ma - le. A. Quo - ti - am. A. Do - mi - ne. A. Glo - ri - a. se - cu -



lo - rum a - men. A. Qui de ter - ra est. Glo - ri - a Pa - tri et



Fi - li - o et Spi - ri - tu - i san - cto.

*Discipulus.*

Quid est quartus tonus?

*M.* Regula plagalem secundæ maneriæ determinans.


*D.* Quæ est illa?

*M.* Quilibet cantus regularis plagaliter depositus


vel compositus, finem faciens in E. vel in  $\flat$ , plagalis est secundæ maneriæ.

*D.* Quot differentias habet?

*M.* Duas, unam principis cantuum mature incedentium, alteram reliquis omnibus congruentem : ut subjecta docet descriptio.



Glo - ri - a. se - cu - lo - rum a - men. A. Quar - ta vi - gi - li - a ve - nit ad



e - os. A. Lau - da - bo A. Nos sci - en - tes. A. Rubum quem vi -



de - rat. A. Ste - tit An - ge - lus. A. I - ste cog - no - vit. Glo - ri - a, se -



cu - lo - rum a - men. A. O - cu - li me - i. A. In pro - le ma - tris. A. Ni - si



di - li gen - ter. A. In do - num. Glo - ri - a Pa - tri et Fi - li -



et Spi - ri - tu - i san - cto.

*Discipulus.*

Quid est quintus tonus?

*M.* Regula authenticum tertiæ maneræ determinans.

*D.* Quæ est illa?

*M.* Quilibet cantus regularis authenticæ elevatus

vel compositus, terminatus in F. vel in C. authenticus est tertiæ maneræ.

*D.* Quot differentias habet?

*M.* Unam solummodo, omnibus ipsius principii congruentem ut inferius ostenditur.



Glo - ri - a, se - cu - lo - rum a - men. A. Quin - que pru - den - tes in - tra - ve - runt ad



nu - pti - as. A. Con - fi - te - bor Do - mi - no. A. In con - spe - ctu



an - ge - lo - rum. A. In so - le po - suit. Glo - ri - a Pa - tri et



Fi - lio et Spi - ri - tu - i san - cto.

*Discipulus.*

Quid est sextus tonus?

*M.* Regula plagalem tertiæ maneræ determinans.

*D.* Quæ est illa?

*M.* Quilibet cantus regularis plagaliter depositus

vel compositus, finem faciens in F. vel in C. plagalis est tertiæ maneræ.

*D.* Quot differentias habet?

*M.* Unam, universis ejus principii arridentem, ut subjecta formula declarat.



Glo - ri - a, se - cu - lo - rum a - men. A. Sex - ta ho - ra se - dit su - per



pu - te - um. A. O ad - mi - ra - bi - le com - mer - ci - um. A. Be -



ne - di - ctus Do - mi - nus. Glo - ri - a Pa - tri et Fi - li -



o et Spi - ri - tu - i san - cto.

*Discipulus.*

Quid est septimus tonus?


PATROL. CLXXXII.

*M.* Regula authenticum quartæ maneræ determinans.

*D.* Quæ est illa?

*M.* Quilibet cantus regularis authentice elevatus vel compositus, terminatus in G. authenticus est quartæ maneræ.

*D.* Quot differentias habet?



Glo - ri - a se - cu - lo - rum a - men. A. Sep - tem sunt spi - ri - tus an - te thro - num

De - i. A. Omnes si - ten - tes. Ve - te - rem ho - mi -

nem. A. Ar - rea - tum. A. Vi - vit Do - mi - nus. Glo - ri - a se - cu - lo - rum a -

men. A. Di - xe - runt dis - ci - pu - li. A. le - ru - sa - lem. A. Be - ne - di - cta - tu.

Glo - ri - a Pa - tri et Fi - li - o et Spi - ri - tui

san - cto.

*Discipulus.*

Quid est octavus tonus?

*M.* Regula plagalem quartæ maneræ determinans.


*D.* Quæ est illa?

*M.* Quilibet cantus regularis plagaliter depositus

vel compositus, terminatus in G. plagalis est quartæ maneræ.

*D.* Quot differentias habet?

*M.* Duas, alteram servientem principiis cantuum in quarta a finali incipientium: alteram cæteris ipsius omnibus principiis deputatam: ut subjecta docent.



Glo - ri - a se - cu - lo - rum a - men. A. O - cto sunt bea - ti - tu - di - nes.

A. Scri - ptum est. A. Nu - pti - æ. A. Ad - o - ra - te Do -

mi - num. A. Dum me - di - um. A. Glo - ri - a se - cu - lo - rum a - men. A. Ec - ce

an - cil - la. A. Do - mi - nus di - xit. A. De præ - fon - dis. A. In æ - ter - num.

Glo - ri - a Pa - tri et Fi - li - o et Spi - ri - tu - i

san - cto.

*D.* Memini te dixisse superius de duabus differentis primi toni, quod proprietatem sui modi non exprimunt, et alii tono possunt aptari. Supra positæ

differentiæ reliquorum modorum suntne obsecro propriæ?

*M.* Quædam illarum sunt propriæ et competenter



inventæ, sicut differentia secundi toni, et prima differentia quarti, quæ ejusdem toni sunt cum suis antiphonis. Sed differentiæ tertii toni in secundo tono canuntur, et longe competentius cantibus secundi toni possunt aptari, quam cantibus tertii, cum in eisdem finalibus habeant terminari. Differentia vero quinti in quarto tono canitur, et differentia septimi itidem in secundo. Differentiæ autem sexti et octavi toni suorum modorum proprietates non exprimunt. Unde a peripateticis musicorum omnes hæ vitiosæ reputantur; debet enim differentia illius modi esse, cui attribuitur, ut ejusdem modi sit differentia et antiphona, et in eodem modo psalmus canatur. Intellexisti hæc omnia?

D. Intellexi utique, et verissimum esse videtur, quod dicis. Est enim mysterium absconditum a seculis, et est mirabile sacramentum, quod non licet homini loqui, quod differentiæ tertii toni et septimi canuntur in secundo tono, et differentia quinti in quarto.

M. In hoc profecto peccavit inventio, vel inventionem corruptio obliquo.

D. Miror similiter de versibus responsoriorum, quod in eisdem finalibus cum suis responsoriis terminari non habeant, et alterius toni esse convincantur, præter versus sexti et octavi toni.

M. Ad hoc solet dici, quia si de cantu versiculi per se judicetur, vere alterius modi est: sed de ipso non debet judicari sine illa parte responsorii, quæ resumitur, ut sit unus cantus versiculi et repetitionis, sicut in responsoriis multæ sunt clausule, quæ si per se judicarentur, et male compositæ, et alterius modi invenirentur. Proinde sicut unus cantus est totum responsorium, licet ex diversis clausulis constet, quæ diversorum sunt modorum: ita unus cantus est versiculi et repetitionis, ex hoc et illo compositus. Propter hoc repetitio responsorii debet concordare versiculo, et secundum litteraturam et secundum modulationem.

D. Lubrica ni fallor est hæc sententia, quoddamque videtur subterfugium, solido carens veritatis. Cæterum jam de tuo sensu loquens, de metris, de differentiis, et versiculis quid sentias, profer in medium.

M. Quod quæris, non est præsentis negotii, cum prohibente sancto Cisterciensi capitulo, nec in Guidonis Antiphonario quidquam mutari jam liceat. Quære tamen musicam Guidonis Augensis, quam scribit ad sanctissimum magistrum suum dominum Guillelmum primum Rievallis abbatem. Ibi de talibus sufficienter doceri poteris.

## ORDO RERUM

### QUÆ IN HAC VOLUMINIS PRIMI PARTE PRIORI CONTINENTUR.

#### S. BERNARDUS ABBAS CLARÆ-VALLENSIS.

##### PRÆFATIO GENERALIS.

§ I. — De variis S. Bernardi Operum editionibus, ubi novissimæ hujus editionis tum causæ et rationes, tum commoda utilitatesque explicantur. 15

§ II. — De Bernardi sanctitate, doctrina et auctoritate in Ecclesia. 25

§ III. — De Bernardi profectu in emendandis moribus clericorum, monachorum et laicorum. 29

§ IV. — De schismate Anacleti per sanctum Bernardum compresso. 35

§ V. — De erroribus Petri Abælardi et Gilberti Porretani a sancto Bernardo refutatis. 41

§ VI. — De Henricianis et aliis hæreticis a sancto Bernardo repressis. 47

§ VII. — De expeditionis sacræ prædicatione per S. Bernardum facta ejusque infelici successu. 53

##### CHRONOLOGIA BERNARDINA.

57

#### S. BERNARDI OPERUM TOMUS PRIMUS. — EPISTOLÆ.

Epist. I. — Ad Robertum nepotem suum, qui de ordine Cisterciensi transierat ad Cluniacensem. — Robertum consanguineum, qui vel horrore strictioris regulæ, seu vitæ laxioris illecebra, vel etiam blanditiis et subdolis aliorum susurris inductus a Cisterciensibus ad Cluniacensem transierat, mira charitate et affectu plus quam paterno revocat. 67

Epist. II. — Ad Fulconem puerum qui postea fuit Lingonensis archidiaconus. — Fulconem canonicum regularem, quem avunculus blanditiis et promissis ad sæculum retraxerat, graviter et serio monet, ut potius Deo quam avunculo obediat et adhæreat. 79

Epist. III. — Ad canonicos regulares de Aildi curte. — Laudibus suis se terreri magis, quam demulceri. Deinde quosdam ex canonicis S. Augustini a se susceptos, non esse impediendos. 87

Epist. IV. — Ad Arnoldum abbatem Morimundi. — Arnoldum abbatem, temere relicto monasterio, peregrinantem, ad monasterii curam revocat, fratrum scandala et gregis pericula exponens. 89

Epist. V. — Ad Adam monachum. — Dehortatur, ne Arnoldo abbati Morimundi adhæreat, nec se peregrinationis, aut potius vagationis ejus socium præbeat. 91

Epist. VI. — Ad Brunonem Coloniensem. — Monachos quosdam abbatis Morimundi vagabundos opera Brunoni reduci cupit ad monasterium. 92

Epist. VII. — Ad Adam monachum. — Adamum ut ad monasterium vel nunc tandem, abbate mortuo, redeat, hortatur: ostendit, in tali causa, nullum fuisse obedientiæ vinculum. Demum respondet, cur aliorum Ordinum religiosos recipiat. 95

Epist. VIII. — Ad Brunonem Coloniensem electum. — Bernardus a Brunone consultus de acceptando episcopatu Coloniensi, ita respondet, ut suspensum eum teneat, imo terreat mole tanti muneris, monens per orationes consulere Deum. 105

Epist. IX. — Ad eundem jam archiepiscopum Coloniensem. — Brunonem recens creatum archiepiscopum Coloniensem ad timorem inducit. 107

Epist. X. — Ad eundem. — Brunonem ad justum corrigendi zelum excitat. 108

Epist. XI. — Ad Guigonem priorem et cæteros Cartusiæ majoris religiosos. — De veræ et sincere charitatis lege, signis, effectis gradibus, perfectione Patriæ reservata, multa pie disserit. 108

Epist. XII. — Ad eosdem. — Orationibus eorum se commendat. 115

Epist. XIII. — Ad Dominum papam Honorium. — Alberici electionem ad episcopatum Catalaunensem ratam haberi petit. 116

Epist. XIV. — Ad eundem Honorium papam. — Causam ecclesiæ Divionensis, summo pontifici commendat. 117

Epist. XV. — Ad Haimericum cancellarium. — Unde supra. 118

Epist. XVI. — Ad Petrum presbyterum cardinalem. — Unde supra. 119

Epist. XVII. — Ad Petrum diaconum cardinalem. — Excusat se quod vocatus non venerit, de scriptis postulatis respondet. 119

Epist. XVIII. — Ad eundem. — Opinionem sanctitatis a se amoliri nititur, et promittit se quos scripserat libellos communicaturum. 120

Epist. XIX. — Ad eundem. — Commendat Remenses legatos. 122

Epist. XX. — Ad Haimericum cancellarium. — Unde supra. 123

Epist. XXI. — Ad Mattheum legatum. — Excusat se perbelle, quod vocatus ad negotia tractanda, non accesserit. 123

Epist. XXII. — Ad Humbaldum Lugdunensem archiepiscopum et legatum. — Causam episcopi Meldensis commendat. 124

Epist. XXIII. — Ad Attonem Trecentensem episcopum. — Attonem episcopum, qui in morbo mortem cogitans, omnia sua distribuerat in pauperes, restitutum valetudini solatur, et laudat. 125

Epist. XXIV. — Ad magistrum Gillebertum universalem, episcopum Londoniensem. — Laudat Gillebertum, quod, factus episcopus, pauperem colat. 128

Epist. XXV. — Ad Hugonem Rothomagensis archiepiscopum. — Hortatur Hugonem, ut apud suos Rothomagenses patiens simul ac pacificus esse studeat; zelum quoque discretionem moderetur. 129

Epist. XXVI. — Ad Guidonem Lausannensem episcopum. 130

Epist. XXVII. — Ad Ardunem Gebennensem electum. — Monet ut electionem suam divine gratie tribuat, eique sedulo deinceps cooperari studeat. 130

Epist. XXVIII. — Ad eundem jam episcopum. — Interim hortatur ut dignitatem, quam sine meritis praecedentibus obtinuit, saltem subsequentibus ornent. 131

Epist. XXIX. — Ad Stephanum Metensem episcopum. — Congratulatur Stephano de pace Ecclesiae redditae, idque nonnisi unius Dei beneficio tribuendum. 132

Epist. XXX. — Ad Alberonem primicerium Metensem. — Negotium quoddam, quod Albero urgebat, ex Dei beneplacito perlicendum monet, non tam requirens datum, quam fructum. 132

Epist. XXXI. — Ad Hugonem comitem Campaniae, militem Templi factum. — Hugoni gratulatur ob susceptam militiam sacram, et beneficiorum memoriam promittit. 133

Epist. XXXII. — Ad Abbatem Sancti-Nicasi Remensis. — Abbatem ob discessum et transitum Drogonis monachi ad aliud monasterium, consolatur et ad patientiam hortatur. 136

Epist. XXXIII. — Ad Hugonem Pontiacensem abbatem. — Placius mentem suam prescribit de suspicionem Drogonis, et omnem a se sinistram suspicionem depellit. 138

Epist. XXXIV. — Ad Drogonem monachum. — Congratulatur Drogoni, quod ad strictiorem observantiam transierit; hortaturque ad perseverantiam. 139

Epist. XXXV. — Ad magistrum Hugonem Farsitum. — Humberti cujusdam causam ei commendat, monetque ut in sententia quadam erronea corrigi non erubescat. 141

Epist. XXXVI. — Ad eundem. — Respondet litteris Hugonis, suadetque ut ab impugnanda episcopi jam defuncti sententia desistat. 142

Epist. XXXVII. — Ad Theobaldum comitem Campaniae. — Miratur se in causa Humberti iusta et aqua petentem pati repulsum: monetque ut intuitu supremi iudicis misero non neget opem et misericordiam. 145

Epist. XXXVIII. — Ad eundem. — Unde supra. 145

Epist. XXXIX. — Ad eundem. — Diversorum causas Theobaldo commendat. Denique ut erga episcopos, concilii causa in ejus civitate constitutos, honorifice et reverenter se gerat, hortatur. 146

Epist. XL. — Ad eundem. — Pauperem religiosum Theobaldo commendat. 147

Epist. XLI. — Ad eundem. — Senem religiosum commendat. 148

Epist. XLII. — Ad Henricum Senonensem archiepiscopum. — Haec epistola potius Justo tractatus nomen et locum merebatur: itaque e sede sua submotam ad totum secundum inter tractatus remisimus, cum hoc titulo: De moribus et officio episcoporum epistola 42 seu tractatus, ad Henricum Senonensem archiepiscopum. 148

Epist. XLIII. — Ad eundem Henricum. — Scribit pro libertate ecclesiae Molimensis 148

Epist. XLIV. — Ad eundem. — Unde supra. 148

Epist. XLV. — Ad Ludovicum regem Francorum. — Cistercienses Ludovicum regem, Parisiensi episcopo infestum ac injurium, graviter ac libere redarguunt, causam illius apud pontificem Romanum acturi, si rex a male coepto non desisterit. 149

Epist. XLVI. — Ad dominum papam Honorium XI. — Unde supra. — Conqueruntur apud Pontificem, quod relaxatione interdicti subreptitè obtenta, Rex Galliae jam pridem promissam pacem, factus sit obstinator. 153

Epist. XLVII. — Ad eundem ex persona Gaufridi Carnotensis episcopi. — Exponit Pontifici causam episcopi Parisiensis a rege Ludovico inique oppressi, qui interdicto ab episcopis Gallicanis compulsus restitutionem promiserat, sed ansoiutione ab Honorio obtenta contumacior factus non praestitit. 153

Epist. XLVIII. — Ad Haimericum cancellarium. — Unde supra, et contra obtractatores. Querelas in se factas diluit, et solitudinis sicutique facultatem precatur. 154

Epist. XLIX. — Ad dominum papam Honorium. — Pro Henrico Senonensi archiepiscopo. 157

Epist. L. — Ad eundem. — Unde supra. — Postulat ut archiepiscopo liceat ad sedem apostolicam appellare. 158

Epist. LI. — Ad Haimericum cancellarium. — Unde supra. 158

Epist. LII. — Ad eundem. — Episcopum Carnotensem non affectasse professionem Jerosolymitanam. Causis et negotiis publicis absolvi se rogat. 159

Epist. LIII. — Ad eundem. — Duos religiosos, et in his seipsum Haimerico representat. 159

Epist. LIV. — Ad eundem. — Vivianum abbatem commendat, moneteque de cura animae serio gerendae. 160

Epist. LV. — Ad Gaufridum Carnotensem episcopum. — Monachum quemdam reclusum desertorem instituti, sed jam resipiscentem, a Gaufrido suscipi et juvari postulat. 160

Epist. LVI. — Ad eundem. — De peregrinatione Jerosolymitana Norberti se incertum esse. Sententiae ejusdem de Antichristo se non assentire. Causam quoque Humberti commendat. 162

Epist. LVII. — Ad eundem. — Per minora vota non debere impediri majora bona. Vileitur hoc, ni fallor, scribere in causa monachi, de quo supra epistola LV. 163

Epist. LVIII. — Ad Ebalum Catalaunensem episcopum. — Hortatur Ebalum, ut monasterio sui ecclesiae omnium sanctorum virum idoneum praefici curet. 163

Epist. LIX. — Ad Guilelmum Lingonensem episcopum. — Hortatur ut res quasdam ecclesiae S. Stephani Divionensis, per obitum Garnerii vacantes, ad tollendam scandalis et calumniis ansam, eidem ecclesiae cedat. 166

Epist. LX. — Ad eundem. — Supplicat pro ecclesia Molimensi. 167

Epist. LXI. — Ad Ricuinum Tullensem episcopum. — Hominem qui penitentiam subiturus, jussu episcopi Tullensis venerat, ad eundem remittit curandum. 167

Epist. LXII. — Ad Henricum Virdunensem episcopum. — Feminam multis obstrictam peccatis, sed jam penitentem commendat episcopo. 168

Epist. LXIII. — Ad eundem. — Purgat se de facto temerario, cujus insinulatus fuerat; ejus notitiam cupit: Guidonem eidem commendat. 168

Epist. LXIV. — Ad Alexandrum Lincolnensem episcopum. — Philippus volens proficisci Jerosolymam, ad Claram-Vallem forte divertens, illic manere decrevit. Alexandri ad hoc consensum requirit. Negotium cum creditoribus Philippi illi commendat. Decique hortatur eundem ne gloria mandata nimium fidat. 169

Epist. LXV. — Ad Alvisum abbatem Aquisgranensem. — Laudat in Alvisio paternam erga Goduinum mansuetudinem. De admisione se excusat, et veniam precatur. 170

Epist. LXVI. — Ad Gaufridum abbatem Sancti-Medardi. — Operam ejus requirit in reconciliando sibi abbate Alvisio: solatur eundem in tribulationibus. 173

Epist. LXVII. — Ad monachos Flaviacenses. — Suspensionem B. Monachi tuetur, tanquam de ignoto sibi hactenus monasterio, et iustas ob causas discedentis. 175

Epist. LXVIII. — Ad eosdem. — Unde supra. 176

Epist. LXIX. — Ad Guidonem abbatem de Tribus Fontibus. — Guidonem, qui incuria ministrantium in consecratione calicis erraverat, ob defectum vini, instruit. 179

Epist. LXX. — Ad eundem. — Docet qualis misericordia in pastore esse debeat, monetque ut sententiam in monachum transgressorem latam retractet. 182

Epist. LXXI. — Ad monachos ejusdem loci. — Se distulisse hactenus visitationem, non incuria, sed expectatione opportunitatis; de Rogerii abbatis obitu eos consolatur. 183

Epist. LXXII. — Ad Rainaldum Fusniacensem abbatem. — Ostendit quam sit alienus laudibus. Jugum Christi leve esse. Patris nomen detrectat, Frater vocari contentus. 184

Epist. LXXIII. — Ad eundem. — Rainaldum de commissio sibi prælationis munere nimis anxium et querulum instruit; monetque opem et solatium suis potius impendendum quam ab eis requirendum. 187

Epist. LXXIV. — Ad eundem. — Optaverat Bernardus Rainaldum molestis abstinere querimoniis; nunc jubet de rebus ejus se reddi certiores. 188

Epist. LXXV. — Ad Artaldum Prulliacensem abbatem. — Dissuadet monasterii conditionem in Hispania. 189

Epist. LXXVI. — Ad abbatem canonicorum S. Petri De Monte. — Quid agendum cum vero qui, post diuturnam in domo et habitu religioso conversationem, ad sæculum et secundas nuptias transierat. 190

Epist. LXXVII. — Ad Magistrum Hugonem de S. Victore. — (Hæc quoque epistola hoc loco sublatæ inter tractatus tomo II locum meruit.) 190

Epist. LXXVIII. — Ad Sugerium abbatem Sancti Dionysii. — Laudat Sugerium, misso fastu et externo splendore, ad modestiæ et religiosæ disciplinæ curam inopinatum conversum. Clericum aulæ potius, quam Dei ministerio deditum acriter perstringit. 191

Epist. LXXIX. — Ad abbatem Lucam. — Feminarum contubernium fugiendum monet. Et quid de fratre in crimen lapsu faciendum. 199

Epist. LXXX. — Ad Guidonem abbatem Molismensem. — Consolatur afflictum ævi gravi injuria: vindictam vero misericordia temperandam. 201

Epist. LXXXI. — Ad Gerardum abbatem Pultariensem. — Purgat se adversus iniquam criminationem. 202

Epist. LXXXII. — Ad abbatem Sancti Joannis Carnotensis. — Abdicacionem curæ pastoralis, et peregrinationem Jerosolimitanam dissuadet. 202

Epist. LXXXIII. — Ad Simonem abbatem Sancti Nicolai. — Eum in persecutione solatur. Pios conatus non semper habere optatos successus. Prælati actioris disciplinæ studiosio quid agendum cum subditiis. 204

Epist. LXXXIV. — Ad eundem. — Monachum erroneum remittit, sed reducem lenius et mitius tractari suadet. 205

Epist. LXXXV. — Ad eundem Guillelmum. — Suaviter perstringit Guillelmum, conquerentem sibi a Bernardo paribus officiis non responderi. 206

Epist. LXXXVI. — Ad eundem. — Monachum fugitivum dure increpatum et increpandum remittit. Ipsi vero Guillelmo, mutationem aut vitam privatam meditantis, perseverare suadet. 210

Epist. LXXXVII. — Ad Ogerium canonicum regularem. — Improbatur abdicacionem curæ pastoralis, etsi piæ quietis amore factam. Instruit nihilominus, quomodo deinceps privatus in cœnobio vivere debeat. 211

Epist. LXXXVIII. — Ad eundem. — Se multis occupationibus impeditum, hactenus non potuisse votis ejus satisfacere: cogique etiam modo parcius scribere. Opusculum quoddam suum edi in publicum vetat, nisi recognitum. 217

Epist. LXXXIX. — Ad eundem. — Scriptionis brevitate excusat prætextu sacri temporis, cui potius silentium competat: item professionis et ruditalis, ut docendi munus usurpare non audeat. 220

Epist. XC. — Ad eundem. — Amori sincero non opus esse prolixis litteris, aut multis verbis: seque a valetudine propemodum desperata convalescere. 221

Epist. XCI. — Ad abbates Suessionæ congregatos. — Abbates excitat ad strenue curandum negotium, ejus causa convenerunt. Studium profectus serio commendat: nil morandum, si tepidi quidam et dissoluti fors detrectet et obmurmurent. 222

Epist. XCII. — Ad Henricum regem Anglorum. — Monachis a se missis ad construendum monasterium, regis favorem postulat. 224

Epist. XCIII. — Ad Henricum Wintoniensem episcopum. — Officiose eum salutat. 225

Epist. XCIV. — Ad abbatem cujusdam monasterii Eboracensis, unde exierat prior cum aliquantis fratribus. 226

Epist. XCV. — Ad Turstinum archiepiscopum Eboracensem. — Charitatem et beneficentiam ejus erga religiosos laudat. 228

Epist. XCVI. — Ad Richardum Fontanensem abbatem et socios ejus, qui de alio ordine ad Cisterciensem transierant. — Laudat eos ob renovationem religiosæ disciplinæ. 229

Epist. XCVII. — Ad duces Conradum. — Dehortatur eum a bello comiti Gebennensi inferendo, ne contra æ-

ultorem Deum provocet. 229

Epist. XCVIII. — De Machabeis, sed ad quem scripta sit ignoratur. — Respondet ad questionem, cur ex justis antiquæ legis, solis Machabeis Ecclesia diem festum decreverit. 230

Epist. CXIX. — Ad monachum quemdam. — Ob monachi ejusdam a suo cœnobio discessum anxius, ejusdem litteris sinistra se suspicione liberatum scribit. 234

Epist. C. — Ad episcopum quemdam. — Ejus erga religiosos pauperes favorem et beneficentiam laudat. 235

Epist. CI. — Ad religiosos. — Monachum qui sine licentia discesserat, redeuntem benigne suscipi postulat. 236

Epist. CII. — Ad quemdam abbatem. — Monachi ejusdam dyscoli emendationem omni modo tentandam; sed incorrigibilem ejiciendum, ne plures ejus consortio depraventur. 236

Epist. CIII. — Ad fratrem Willelmi monachi Clara-Vallensis. — Insigni paupertatis religiosæ commendatione prævia, perstringit in eo nimium in res terrenas affectum, cum damno pauperum, imo suo ipsius conjunctum, ut qui mallet sua morti, quam amoris Christi cedere. 237

Epist. CIV. — Ad magistrum Gualterum de Calvo-Monte. — Hortatur eum ad fugam sæculi, monens potior rem esse causam Christi, et animæ, quam parentum. 238

Epist. CV. — Ad Romanum Romanæ curiæ subdiaconum. — Vitæ religiosæ propositum urget, mortis memoriam inculcans. 240

Epist. CVI. — Ad magistrum Henricum Murdach. — Ad capessendum religiosæ vitæ statum excitat, ejus delicias breviter insinuans. 241

Epist. CVII. — Ad Thomam præpositum de Beverla. — Thomas iste Ordini Cisterciensi in Clara-Valle sese devoverat: procrastinante Bernardus hortatur ad vota persolvenda. At surdo cantatum sequens docebit epistola, ubi infelicem Thomæ exitum commemorat. In hac vero ubi salutis æconomia profundissime describitur. 242

Epist. CVIII. — Ad Thomam de Sancto-Audomaro, post transgressionem promissionis suæ venienti ad conversionem. — Hunc relictis studiis religionem ingredi hortatur, proposito Thomæ de Beverla exitu infelici. 249

Epist. CIX. — Ad illustrem juvenem Gaufridum de Peronna, et socios ejus. — Nobiles juvenes ob religiosæ vitæ propositum prædicat et ad perseverantiam hortatur. 251

Epist. CX. — Ad parentes ejusdem Gaufridi consolatoria. — Non esse cur filium religiosum tanquam perditum lugeant, vel etiam cur delictualo metuant. 253

Epist. CXI. — Ex persona Eliæ monachi ad parentes suos. — Hortatur eos ne se Deo servire volentem impedire aut retrahere conentur: indignum id fore et frustraneum. 253

Epist. CXII. — Ad Gaufridum Lexoviensem. — Dolet eum deserto religionis proposito rediisse ad sæculum; et ad resipiscentiam hortatur. 253

Epist. CXIII. — Ad Sophiam virginem. — Eam prædicat ob spretam mundi gloriam: et expositis religiosarum virginum elogiis, privilegiis, præmiis ac ornamentis ad perseverantiam hortatur. 256

Epist. CXIV. — Ad alteram sanctimoniam. — Quæ sub habitu religioso animum gesserat mundo deditum, eam jam resipiscentem prædicat, et ne gratiam negligat, hortatur. 259

Epist. CXV. — Ad aliam sanctimoniam de monasterio Sanctæ-Mariæ Treccensis. — Dissuadet ei eremum, quam temere et imprudenter appetebat. 261

Epist. CXVI. — Ad Ermengardem quondam comitissam Britannia. — Affectum sui cordis, et vim religiosæ dilectionis suaviter et familiariter insinuat. 262

Epist. CXVII. — Ad eandem. — Laudat ejus in divino servitio alacritatem, suumque illius videndæ desiderium indicat. 263

Epist. CXVIII. — Ad Beatricem nobilem et religiosam matronam. — Officiosam ejus charitatem et sollicitudinem commendat. 263

Epist. CXIX. — Ad Ducem et Ducissam Lotharingæ. — Gratias agit pro condonatis hactenus vectigalibus, sed cavere cupit, ne gratia principum opera ministrorum intervertatur. 264

Epist. CXX. — Ad Ducissam Lotharingæ. — Pro beneficiis oblatis gratias agit, et ab iniquo bello eam deterret. 265

Epist. CXXI. — Ad Ducissam Burgundia. — Offensam Hugoni placare nititur, et assensum in conjugium quoddam ab ea exposit. 266

Epist. CXXII. — Hildeberti Turonensis archiepiscopi ad Bernardum abbatem. — Bernardi fama nominis et sanctitatis permotus, familiaritatem ejus exposit. 266

Epist. CXXIII. — Rescriptum abbatis Bernardi ad Hil-



debertum Turonensem archiepiscopum. — Laudes laudibus rependit. 267

Epist. CXXIV. — Ad eundem Hildebertum qui nondum receperat Dominum Innocentium papam. — Hortatur ut Innocentium, in Gallia ob schisma Petri Leonis exsulem, uti legitimum pontificem agnoscat. 268

Epist. CXXV. — Ad magistrum Gauridum de Loratorio. — Operam ejus requirit in asserendo pontificatu innocentii adversus schisma Petri Leonis. 269

Epist. CXXVI. — Ad episcopos Aquitanie contra Gerardum Engolismensem. — Causam Innocentii ut legitimi pontificis, egregie tuetur adversus Gerardum Engolismensem, schismatici partes agentem, cujus mores depingit, et subterfugia eludit. 270

Epist. CXXVII. — Ad Guillelmum comitem Pictavorum, ducem Aquitanie ex persona Hugonis ducis Burgundiae. — Guillelmum, antipapae Anacleto faventem, hortatur ad Innocentium verum pontificem recipiendum. 281

Epist. CXXVIII. — Ad eundem. — Serio eum hortatur de reducendis ad Ecclesiam clericis quos expulerat. 282

Epist. CXXIX. — Ad Januenses. — Pacem quam aliquando coram conciliaverat, constanter retinendam et tuendam hortatur. 283

Epist. CXXX. — Ad Pisanos. — Pisanos laudat ob studium et favorem erga Innocentium papam, qui, Roma per antipapam Anacleto occupata, exsul Pisas concesserat. 285

Epist. CXXXI. — Ad Mediolanenses. — Cum Mediolanenses Innocentio reconciliati, tamen titubare in officio et obedientia viderentur, eos ad retinendam constantiam incitat recentia Romanæ Ecclesiæ erga illos beneficia memorans. 286

Epist. CXXXII. — Ad clerum Mediolanensem. — Gratulatur clero Mediolanensi, cujus opera civitas, relicto schismate Anacleti, ad unitatem Ecclesiæ redierat. 287

Epist. CXXXIII. — Ad universos cives Mediolanensem. — Invitat ad componendam pacem, ietatur ad hoc opus suam operam requiri. 288

Epist. CXXXIV. — Ad novitos apud Mediolanum conversos. — Novitis Mediolanensibus gratulatur de conversione, seque peracto concilio illos invisurum spondet. 289

Epist. CXXXV. — Ad Petrum Papiensem episcopum. — Delatas sibi laudes in Deum refundit. Episcopum ab operibus misericordiæ laudat. 289

Epist. CXXXVI. — Ad Innocentium papam. — Dallinum, de illatis injuriis satisfacere paratum, nullius tractari cupit. 290

Epist. CXXXVII. — Ad Imperatricem Romanam. — Mediolanenses non ante receptos in gratiam a pontifice, quam ipsi Lotharium imperatorem recipiant. Hinc eos clementer imperatrici commendat. 291

Epist. CXXXVIII. — Ad Henricum regem Anglorum. — A rege suppetias petit pro Innocentio papa. 292

Epist. CXXXIX. — Ad Lotharium imperatorem. — Excitat imperatorem ad reprimendos schismaticos. Causam cuiusdam ecclesiæ apud Tullium sitæ commendat. 293

Epist. CXL. — Ad eundem. — Pisanos pontificis studiosos apud Lotharium commendat. 295

Epist. CXLI. — Ad Humbertum abbatem Igniacensem. — Graviter eum perstringit, ob munus praelationis inconsulto ac temere dimissum. 296

Epist. CXLII. — Ad monachos Alpenses. — Monachos Alpenses, qui se sub ordine Cisterciensi Claræ Vallensibus aggregaverant, commendat et consolat de absentia patris ad altiorum gradum assumpti. Hinc de novo abbate eligendo eos monet. 297

Epist. CXLIII. — Ad suos Claræ-Vallenses. — Diurnam sui absentiam excusat, sibi non minus, imo magis gravem, quam suis. Interim breviter eos officii admonet. 298

Epist. CXLIV. — Ad eosdem. — Molestiam longioris absentiae suæ a dilecta Clara-Vallie, et tenerum erga filios suos affectum ac desiderium exprimit. Solationum nihilominus suum in tantis pro Ecclesia laboribus indicat. 300

Epist. CXLV. — Ad abbates Cistercii congregatos. — Hos laborum et dolorum suorum conscios esse desiderat, excusans forte hoc pacto absentiam suam. Optat sane non peregre, sed inter suos mori. 302

Epist. CXLVI. — Ad Burchardum Balernensem abbatem. — Gaudet suos in eo formando labores non esse irritos: felicem tamen successum uni Deo tribuendum. 305

Epist. CXLVII. — Ad Petrum abbatem Cluniacensem. — Petrus Bernardum, peregre inter varios et difficiles pro Ecclesia labores agentem, misso Gebuino archidiacono Trencensi consolat fuisse. Fjus itaque benevolam animam suavisime recolit, et feliciter extincto jam schis-

mate Ecclesiæ statum prædicat. 304

Epist. CXLVIII. — Ad eundem. — Pausa Petro respondet, plura in aliam occasionem reservans. 305

Epist. CXLIX. — Ad eundem. — Monet ut a monasterio sancti Bertini tam operose sibi vindicando desistat. 306

Epist. CL. — Ad dominum papam Innocentium. — Laudat pontificem ex variis recte factis, ejusque zelum excitat adversus ambitionem Philippi, qui modis illegitimis sedem Turonensem invadere tentabat. 306

Epist. CLI. — Ad Philippum Turonensis ecclesiæ invasorem. — Gravem animi sui dolorem exprimit super Philippo, Turonensis ecclesiæ præsulatum indebitis modis ambiente. 310

Epist. CLII. — Ad dominum papam Innocentium, pro Trencensi episcopo. — Insolentiam clericorum nutriti ignavia episcoporum: Trencensem vero ob clericos correptos gravari. 311

Epist. CLIII. — Ad Bernardum de Portis, de Ordine Cartusiensi. — Petenti expositionem in Cantica Salomonis, præstendit tenuitatem suam, tanto scilicet operi, et aliorum expectationi imparem. 312

Epist. CLIV. — Ad eundem. — Non licuisse per negotia stare promissioni de invisendis Cartusiensibus. Mittit petitos sermones in Cantica. 313

Epist. CLV. — Ad Dominum papam Innocentium pro eodem quando electus est. — Bernardum de Portis, in Lombardia destinatum episcopum, dignum quidem eo honore, sed tali loco minus idoneum; ideoque alteri convenientius reservandum. 314

Epist. CLVI. — Ad eundem, pro clericis Aurelianensibus. 314

Epist. CLVII. — Ad Halmericum, pro eisdem. 315

Epist. CLVIII. — Ad dominum papam Innocentium, super interfectione magistri Thomæ, Prioris Sancti-Victoris Parisiensis. 315

Epist. CLIX. — Ad eundem, in persona Stephani Parisiensis episcopi. — Unde supra. 319

Epist. CLX. — Ad Halmericum cancellarium, in personam ejusdem episcopi. — Unde supra. 320

Epist. CLXI. — Ad dominum papam Innocentium. — Adversus auctores casus Archenbaldi, subdecani Aurelianensis. 320

Epist. CLXII. — Ad Halmericum cancellarium de eodem. 321

Epist. CLXIII. — Ad Joannem Cremonensem cardinalem presbyterum de eodem. 321

Epist. CLXIV. — Actio causæ Lingonensis ecclesiæ ad dominum papam Innocentium. — Conqueritur Bernardus, quod subdole et contra datam fidem tentata sit electio episcopi Ecclesiæ Lingonensis. 322

Epist. CLXV. — Ad Falconem decanum, et Guidonem thesaurarium Lugdunensis Ecclesiæ. — Unde supra. 323

Epist. CLXVI. — Ad dominum papam Innocentium. — Unde supra. 326

Epist. CLXVII. — Ad eundem. — Pro eodem negotio. 327

Epist. CLXVIII. — Ad episcopos et cardinales Romanæ curiæ. — Unde supra. 327

Epist. CLXIX. — Ad dominum papam Innocentium. — Cur clericos Ecclesiæ Lingonensis vocatos detinuerit; et quibus munus eligendi committendum. 328

Epist. CLXX. — Ad Lodovicum Juniorem regem Francorum. — Electionem Godefridi Prioris sui in episcopum Lingonensem, cui Rex adversari visus est, vindicare nititur. 329

Epist. CLXXI. — Ad dominum papam Innocentium. — Pro Falcone Lugdunensi archiepiscopo electo. 331

Epist. CLXXII. — Ad eundem in persona Godefridi Lingonensis episcopi. — Ejusdem cum superiore argumenti. 332

Epist. CLXXIII. — Ad ipsum Falconem. — Religiosorum quorundam causam commendat. 332

Epist. CLXXIV. — Ad canonicos Lugdunenses, de conceptione S. Mariæ. — Conceptionis festum novum esse; nullo niti legitimo fundamento: ceterum non fuisse instituendum inconsulta sede apostolica cui sententiam suam subjicit. 332

Epist. CLXXV. — Ad Patriarcham Jerosolymorum. — Præventus ejus litteris familiariter respondet, et milites Templi commendat. 336

Epist. CLXXVI. — Ad dominum papam Innocentium, ex persona Alberonis Treverensis archiepiscopi. — Suum erga Innocentium, citramontanæque Ecclesiæ studium et obedientiam declarat. 337

Epist. CLXXVII. — Ad eundem in persona ejusdem. — Quæritur impositum sibi pastorale munus; sed in exsequendis quæ sui sunt muneris, impediri emulatione alio-

rum, non sine ipsius culpa Pontificis. 538  
 EPIST. CLXXVIII. — Ad dominum papam Innocentium pro Alberone Treverensi archiepiscopo. — Queritur per-versos quosdam et Ecclesie perniciosos homines in exse-queendis pravis consiliis pontificali auctoritate muniri: alios interim præsules, zelum Dei habentes, destitui et contemni. 539  
 EPIST. CLXXIX. — Ad eundem pro eodem. — Causam Alberonis archiepiscopi Treverensis agit adversus abbatem Sancti-Maximiani et monachos rebelles et contuma-ces. 542  
 EPIST. CLXXX. — Ad eundem pro eodem. — Iterum commendat pontifici negotium archiepiscopi Treverensis, ut sententiam, subreptitè obtentam, pravia meliore cau-sæ cognitione, revocet. 545  
 EPIST. CLXXXI. — Ad Haimericum cancellarium. — Profutur se beneficiis imparem, nonnisi voluntatis affe-ctu gratum se esse posse. 544  
 EPIST. CLXXXII. — Ad Henricum Senonensem archi-episcopum. — Hunc acriter perstringit, utpote durum, ut qui archidiaconum non recte deposuisset; et ad aqua postulata ac pacis consilia difficilem. 544  
 EPIST. CLXXXIII. — Ad Conradum regem Romanorum. — Reverentem Sedis apostolicæ ei commendat. 545  
 EPIST. CLXXXIV. — Ad dominum papam Innocentium. — Non posse mitti quos Pontifex petierat monachos. 545  
 EPIST. CLXXXV. — Ad Eustachium occupatorem Va-lentinæ sedis. — Hortatur ut memor ætatis suæ, et mor-tis imminents, divinique iudicii, respiscat, nec pravis adulatorem consiliis pareat. 546  
 EPIST. CLXXXVI. — Ad Simonem filium Castellani Ca-meracensis. — Ejus tutelæ Valcellenses monachos com-mendat, patris donationem ab eo ratam haberi rogans. 548  
 EPIST. CLXXXVII. — Ad episcopos Senonas convocatos, contra Petrum Abælardum. — Excitat episcopos ad cau-sam religionis contra Abælardum strenue agendam. 549  
 EPIST. CLXXXVIII. — Ad episcopos et cardinales curiæ, de eodem. — Monet ad vigilandum adversus Petri Abælardi errores. 551  
 EPIST. CLXXXIX. — Ad dominum papam Innocentium, de eodem. — Animi dolorem indicat ob errores Abælardi post schisma statim exsurgentes, quibus Pontificem, oc-currere monet. 554  
 EPIST. CXC. — Ad Innocentium pontificem, de errori-bus quibusdam Petri Abælardi. 557  
 EPIST. CXCI. — Ad Innocentium ex persona domini archiepiscopi Remensis, etc. — Abælardum, vana scientiæ opinione tumidum, et de favore curiæ Romanæ glorian-tem, auctoritate Pontificia mature reprimendum. 557  
 EPIST. CXCI. — Ad magistrum Guidonem de Castello. — Monet eum ita diligere ac fovere Abælardum, ut tamen errores ejus non foveat. 558  
 EPIST. CXCI. — Ad magistrum Ivonem cardinalem, de eodem. — Indignum esse ut Abælardus in Romana curia fautores inveniat. 559  
 EPIST. CXCI. — Rescriptum domini Innocentii contra hæreses Petri Abælardi. 559  
 EPIST. CXCV. — Ad episcopum Constantiensem. — Mo-net ut Arnaldum de Brixia, Italia et Gallia pulsum, et jam apud ipsum delitescentem expellat, aut potius ad ca-venda maiora damna vincum teneat. 561  
 EPIST. CXCVI. — Ad Guidonem legatum, de eodem. — Cavendam ei familiaritatem Arnaldi de Brixia, ne sub ejus auctoritate securius errores suos disseminet. 563  
 EPIST. CXCVII. — Ad Petrum Bisuntinum decanum. — Inerepat eum ob injurias abbati Chari-Loci illatas. 564  
 EPIST. CXCVIII. — Ad dominum papam Innocentium. — Guidonem a vi et injuriis oppressoris vindicari rogat. Nihil æque decere summum Ecclesiæ Præsulem ac zelum justitiæ. 565  
 EPIST. CXCI. — Ad eundem. — Unde supra. Rogat sententiam pro Religiosis inique oppressis latam confir-mari, nec ulterius aures præberi calumniis. 567  
 EPIST. CC. — Ad magistrum Ulcerium Andegavensem episcopum, pro gravi querela quæ erat inter ipsum et abbatissam Fontis-Ebraldi. 567  
 EPIST. CCI. — Ad Balduinum abbatem Reatini monaste-rii. — Hortatur ut strenue incumbat officio suo: huc vero requirit verbum prædicationis, exemplum operis, et præ-cipue studium orationis. 569  
 EPIST. CCII. — Ad clerum Senonensem. — Electionem novi Præsulis non inconsulte et præcipitanter institu-en-dam. 570  
 EPIST. CCIII. — Ad Attonem episcopum et clerum Tre-censem. — Monet ut Ansellum clericum Treensem ab armis et conjugio revocent. 571  
 EPIST. CCIV. — Ad abbatem Sancti-Albani. — Suum erga eum affectum aperit: mutuum vero conspectum, si

præsens vita non permittat, futura reservari. 572  
 EPIST. CCV. — Ad episcopum Roffensem. — Durius se litteris ejus, sed circa culpam, perstringit. 572  
 EPIST. CCVI. — Ad Reginam Jerosolymorum. — Com-mendat quemdam consanguineum suum, et paucis monet Reginam ita vivere, ut regnet perpetuo. 573  
 EPIST. CCVII. — Ad Rogerium regem Siciliæ. — Hor-tatur ut se pauperibus Religiosis benignum et beneficum exhibeat. 574  
 EPIST. CCVIII. — Ad eundem. — Desideratas a Rege, mittit ex suis, quos ut viscera suæ benigne suscipiet fo-veri rogat. 575  
 EPIST. CCIX. — Ad eundem. — Prædicat regiam ejus munificentiam in suscipiendis Religiosis a se missis. 575  
 EPIST. CCX. — Ad dominum papam Innocentium. — Remensem præsulum Pontifici commendat. 576  
 EPIST. CCXI. — Ad eundem. — Causam Cantuariensis archiepiscopi, necnon Londinensis episcopi commendat. 576  
 EPIST. CCXII. — Ad eundem. — Causam Salamentien-sis episcopi patheticæ agit apud Pontificem, insignem ejus humilitatem commendans. 577  
 EPIST. CCXIII. — Ad eundem. — Expulstat eum Pon-tifice, quod reconciliatio Petri Pisani, opera sua et aucto-ritate ipsius Papæ facta, irritetur. 578  
 EPIST. CCXIV. — Ad eundem. — Episcopum Camera-censem et abbatem Godescalum commendat. 578  
 EPIST. CCXV. — Ad eundem. — Pro episcopo et deca-no Autissiodorensi. 579  
 EPIST. CCXVI. — Ad eundem. — Comitem Radulfum, qui repudiata uxore sua aliam duxerat, patronos in curia reperire queritur. 579  
 EPIST. CCXVII. — Ad eundem. — Theobaldum causa justitiæ et fidelitatis erga Sedem apostolicam, premi que-ritur: sed ad iniqua compulsus ope Pontificis expediti rogat. 580  
 EPIST. CCXVIII. — Ad eundem excusatoria et novissi-ma. — Solita se apud Innocentium gratia excidisse ani-madvertens, causas offensæ occasione testamenti Ivonis cardinalis natus modeste diluit. 581  
 EPIST. CCXIX. — Ad tres episcopos curiæ, Albericum Ostiensem, Stephanum Prænestinum, Igmaram Tuscula-num, et Gerardum cancellarium. — Pro interdicto quod erat in terra Regis propter archiepiscopum Bituricensem. 582  
 EPIST. CCXX. — Ad Ludovicum regem Francorum. — Iniquum regis postulationem in causa Radulfi rejicit, mo-nens eundem non premere innocentes, et irritare contra se Regem supremum. 583  
 EPIST. CCXXI. — Ad eundem. — Unde supra. — Gra-viter Ludovicum regem arguit, quod, pravis consiliis ad-hærescens, pacis consilia respuat. Se quidem hactenus re-gii nominis studiosum, deinceps solius veritatis patronum, necnon malefactorum ejus testem fore. 586  
 EPIST. CCXXII. — Ad Joslenum Suessionensem episcopum, et Sugerium abbatem Sancti-Dionysii. — Queritur apud eos, ut Regis consiliarios, de iniquis ejus contra Theobaldum molitionibus, contra pactum et pacem ini-tam. 587  
 EPIST. CCXXIII. — Ad Joslenum episcopum Suession-ensem. — Satisfacit episcopo, cujus litteris præfixa talis erat salutatio, « Salutem in Domino, et non spiritum bla-sphemie. » Requirit nihilominus in eo majorem zelum ad vindicandas Christi et Ecclesiæ injurias. 590  
 EPIST. CCXXIV. — Ad Stephanum Prænestinum episcopum. — Malefacta Ludovici regis et injurias in Ecclesiam, episcopos, aliosque exponit. 591  
 EPIST. CCXXV. — Ad dominum episcopum Suessionen-sem. — Hortatur ad studium pacis. 594  
 EPIST. CCXXVI. — Ad Ludovicum regem Francorum. — Bernardus et Hugo queruntur de pertinacia regis in male coeptis: irritos esse suos in concilianda pace labores non sine regni ejus exitio dolent. 594  
 EPIST. CCXXVII. — Ad episcopum Suessionensem. — Opem episcopi perquam sollicite et ardentè implorat. 596  
 EPIST. CCXXVIII. — Ad Petrum Cluniacensem abba-tem, conquerentem quod ei non rescriberet. 596  
 EPIST. — CCXXIX. — Petri Venerabilis ad Bernardum abbatem. — Bernardi litteris humanissime respondet, si-mulque causas dissensionum inter Cluniacenses et Cister-cienses exponit. 598  
 EPIST. CCXXX. — Ad tres episcopos Ostiensem, Tuscu-lanum, Prænestinum. — Monet illos officii, ut a Christi grege in episcopatu Metensi lupos arceant. 417  
 EPIST. CCXXXI. — Ad eosdem pro abbate Latinien-si. — Innocentiam abbatibus asserit ac tuetur, et capita accu-sationum in eum producta diluit. Denique zelum discipli-

nae religiosae in ipsis requirit. 417  
*Epist.* CCXXXII. — Ad eosdem. — Contra abbatem Sancti-Theofredi. 419  
*Epist.* CCXXXIII. — Ad abbatem Joannem de Busaio, qui abbatiam reliquerat, et abierat in solitudinem. — Blande eum revocat a solitudine, ad quam, de misso monasterii regimine, se contulerat. 420  
*Epist.* CCXXXIV. — Ad Herbertum abbatem Sancti-Stephani Divionensis. — Temerariae scriptiois culpam Joanni condonari rogat. 421  
*Epist.* CCXXXV. — Ad dominum papam Coelestinum, pro intruso Eboracensi. — Auctoritatem sedis apostolicæ adversus infamem et simoniacum Eboracensis Ecclesiae invasorem implorat. 422  
*Epist.* CCXXXVI. — Ad totam curiam Romanam. — Unde supra. 424  
*Epist.* CCXXXVII. — Ad totam curiam Romanam, quando elegerunt abbatem Sancti-Anastasio in papam Eugenium. — Miratur Bernardum abbatem Sancti-Anastasio, abstractum ab otio et solitudine, ad totius Ecclesiae curam rapti: timetque hominem, quieti assuetum, et rebus gerendis minus exercitatum, tanto oneri haud parem fore: unde fidei cardinalium ope eum sublevari rogat. 425  
*Epist.* CCXXXVIII. — Ad dominum papam Eugenium prima. — Bernardus Eugenio, recens in Pontificem assumpto, gratulatur ac condolet: ipsum ad munus apostolicum fortiter obundum animat, ut conceptæ de se multorum expectationi respondeat. 427  
*Epist.* CCXXXIX. — Ad eundem. — Depositionem Guillelmi Eboracensis urget apud Pontificem, cui soli ea potestas competat. 431  
*Epist.* CCXL. — Ad eundem, de Eboracensi intruso. — Laudat zelum Eugenii. Porro eum nunc ostendi vult in deponendo Eboracensi, illam sedem fraudulenter occupante. 432  
*Epist.* CCXLI. — Ad Hildefonsum comitem Sancti-Egidii, de Henrico haeretico. — Henricum, Petri Brusii haeretici successorem, ejusque impii dogmata, et impura facinora describit, pungen Comitem, quod talem in sua ditione sineret impune grassari. 434  
*Epist.* CCXLII. — Ad Tolosanos post reditum suum. — Sollicite fugiendos, imo et fugandos haereticos. Exercendam hospitalitatem. Nec quosvis prædicatores admittendos. 436  
*Epist.* CCXLIII. — Ad Romanos, quando recesserunt a domino papa Eugenio. — Romani; Arnaldo haeretico factionem inflammante, antiquæ Reipublicæ ac libertatis formam restituere nitebantur, sola sacrorum cura Pontifici relicta. Itaque vegetalia Pontificum sibi vindicant, jubentes Pontificem decimas, et oblationibus tantum more prisco contentum vivere. Hinc nata rebellio, et in Eugenio acris concitata. Cujus occasione Bernardus asperere, sed juste increpat Romanos tam iniquos in Pontificem, cuius injuria in sanctos et omnes Catholicos redundet, non evasura dei vindictam, nisi mox respiciant. 437  
*Epist.* CCXLIV. — Ad Conradum regem Romanorum. — Hortatur regem ad defensionem auctoritatis pontificis adversus rebelles Romanos. 440  
*Epist.* CCXLV. — Ad dominum papam pro Aurelianiensi episcopo. — Gaudet ob zelum pontificis in causa Aurelianiensis episcopi, etc. 442  
*Epist.* CCXLVI. — Ad eundem pro eodem, quando prædictus Aurelianiensis depositus est. — Aurelianensem, sponte se episcopatu abdicantem, pontifici commendat, ut honori ejus cautum esse velit: id humilitatem ejus, et pontificis clementiam decere. 443  
*Epist.* CCXLVII. — Ad eundem pro Remensis archiepiscopo. — Dispicit ei præcepit et severior in Samsonem archiepiscopum Remensem sententia, de Pallii usu sublato. 443  
*Epist.* CCXLVIII. — Ad eundem. — Præmonet pontificem, ne Sagiensi, quantumvis supplici, reditum in episcopatum molienti, faciles aures præbeat. 447  
*Epist.* CCXLIX. — Ad eundem. — Priorem Casæ-Dei, electum in episcopum Valentiniensem, uti dignum commendat. 449  
*Epist.* CCL. — Ad Bernardum priorem Portarum. — Impulsam fratris Natalis in episcopum electi non debuisse tam moleste ferri a Religiosis. Id sua opera factum non esse. Veritum forte Papam, ne juvenilis ætatis vitia nunc demum calumniam paterent. 449  
*Epist.* CCLI. — Ad dominum Eugenium papam. — Balmenses monachos pro merito punitos in gratiam recipi cupit, et cum Aduensibus reconciliari. 451  
*Epist.* CCLII. — Ad eundem, pro Eboracensi. — Sententiam, contra Eboracensem jam olim ab Innocentio latam, tandem executioni mandari postulat, ne mala ejus opera dissimulati Pontifici imputentur. 452

*Epist.* CCLIII. — Ad abbatem de Præmonstrato. — Asperioribus Præmonstratensium litteris placide respondet, recensens sua in eos beneficia. Refellit quoque singula querelarum capita constantem se ipsis amicum fore professus. 453  
*Epist.* CCLIV. — Ad abbatem Guarinum Alensem. — Laudat in senæ abbate studium reformandi Ordinis. Temporis brevitatem non obsistere studio perfectionis. In vita spirituali semper proficiendum, nunquam standum. 459  
*Epist.* CCLV. — Ad Ludovicum regem Francorum. — Monet regem ne concilium hoc tempore Ecclesiae et regno tam necessarium ipsiusque regis honori cessurum, impediatur. 462  
*Epist.* CCLVI. — Ad dominum papam Eugenium. — Excitat Eugenium ad suppetias orientali Ecclesiae ferendus; nec abiectum animum ob acceptam cladem in amissione civitatis Edessæ. Miratur vero se Carnoti in ducem belli electum. 463  
*Epist.* CCLVII. — Ad eundem, pro fratre Philippo. 463  
*Epist.* CCLVIII. — Ad eundem, pro fratre Rualeno. — Rualenum, jussu Pontificis abbatem Sancti Anastasio constitutum, sed invitum admodum ac renitentem, remitti ad se rogat. 466  
*Epist.* CCLIX. — Ad eundem. — Unde supra. — Se eadem velle, et eadem nolite cum Pontifice; adeoque Rualenum suum libenter sistere jubenti Pontifici ad abbatiam Sancti Anastasio. 467  
*Epist.* CCLX. — Ad Rualenum abbatem. — Compatur Rualeno in mandata sibi præfectura, cui tandem acquiescendum monet. 467  
*Epist.* CCLXI. — Ad dominum papam Eugenium. — Abbatem Sancti Urbani, ob susceptum militem Templi censuris subjectum, absolvi petit. 468  
*Epist.* CCLXII. — Ad eundem pro monachis Mosonensibus. 468  
*Epist.* CCLXIII. — Episcopo Suessionensi pro abbate Caziacensi. 469  
*Epist.* CCLXIV. — Petri Cluniacensis abbatis ad Bernardum abbatem. — Summ erga Bernardum desiderium indicat, et in solatium absentiae dilectum sibi Nicolaum mitti obnixè postulat. 469  
*Epist.* CCLXV. — Rescriptum Bernardi abbatis ad eundem. — Landari detrectat, velut indignus: vicissim tamen laudes præconi suo rependit. 470  
*Epist.* CCLXVI. — Ad Sugierum abbatem Sancti Dionysii. — Animat eum, ut mortem intrepidus excipiat. Desiderium suum ejus ante mortem visendi significat. 470  
*Epist.* CCLXVII. — Abbati Cluniacensi. 472  
*Epist.* CCLXVIII. — Ad dominum papam Eugenium. — Monet promotionem cujusdam indigni subreptitiæ factam, adeoque revocandam sententiam. 472  
*Epist.* CCLXIX. — Ad eundem. — Litteris a se per dolum extortis robur et auctoritatem derogat. 473  
*Epist.* CCLXX. — Ad eundem. — Scribit in causa Prioris Cartusiani contra transgressores quosdam. Mortem abbatis Cisterciensis nuntiat, et successorem commendat. 475  
*Epist.* CCLXXI. — Ad comitem Campaniæ Theobaldum. — Monet filium ob minusculam ætatem ad dignitates ecclesiasticas non esse promovendum. 475  
*Epist.* CCLXXII. — Episcopo Laudunensi. — Commonet eum pie liberalitatis. 476  
 Eugenii papæ epistola ad Capitulum Cisterciense, Epistolæ CCLXXIII præmissa. — Capitulo Cistercii habendo se cupere interesse, si per occupationes pontificias liceret. Hortatur ad studium et zelum disciplinæ et perfectionis religiosæ in Capitulo promovendum. 476  
*Epist.* CCLXXIII. — Ad dominum papam Eugenium. — Lætur ob litteras, zelo et affectu plenas, a Pontifice ad capitulum scriptas. Hortatur, ut ea sollicitudine pergat fovere omnes, sed præcipue sui Ordinis Religiosos. Abbatem Trium Fontium a præfectura sua abstractum queritur. 478  
*Epist.* CCLXXIV. — Ad Hugonem abbatem Trium Fontium, quando erat Romæ. — Pœnitet commendasse nepotem episcopi Autissiodorensis, improbandum collatam illi præposituram. 480  
*Epist.* CCLXXV. — Ad dominum papam Eugenium, pro Autissiodorensi electione. — De statu electionis Autissiodorensis, et fraude in ea commissa pontificem certiorum facit. 488  
*Epist.* CCLXXVI. — Ad eundem, post obitum episcopi Autissiodorensis. — De irregulari episcopi Autissiodorensis testamento, non sine fraude Stephani diaconi facto, monet Pontificem; illudque scandalum causa irritari debere. 481  
*Epist.* CCLXXVII. — Ad eundem, pro abbate Cluniacensi. — Abbatem Cluniacensem benevole excipit, et



honorifice tractari petit. 482  
*Epist. CCLXXVIII.* — Ad eundem, pro episcopo Belvacensi. 484  
*Epist. CCLXXIX.* — Ad Henricum comitem. — Comitem ob injuriam, a subditis ejus illatam, de restitutione in integrum compellat. 484  
*Epist. CCLXXX.* — Ad dominum papam Eugenium pro Antissiodorensi negotio. — Queritur sententiam apostolicam in causa electionis Antissiodorensis, a se jussu Pontificis denuntiatam, contemni. 485  
*Epist. CCLXXXI.* — Abbatibus Brunoni de Clara-Valle. — Brunonem perturbare et imprudenter scribentem redarguit. 487  
*Epist. CCLXXXII.* — Ad Ludovicum regem Francorum Juniores, pro electione Antissiodorensi. — Hortatur regem, ne electo Antissiodorensi episcopo obsistat. 488  
*Epist. CCLXXXIII.* — Ad dominum papam Eugenium, pro fratribus de Miratorio. — In compositione quadam litis frustra laboratum: ideoque auctoritate apostolica opus esse. 489  
*Epist. CCLXXXIV.* — Ad dominum papam Eugenium, pro Remensi archiepiscopo, et aliis personis. 490  
*Epist. CCLXXXV.* — Ad eundem, pro Odone abbate Sancti Dionysii. — Abbatem Sancti Dionysii commendat, et adversus suspectas aliorum criminationes, ex invidia et ambitione natas, tuetur. 491  
*Epist. CCLXXXVI.* — Ad eundem, pro eodem. 492  
*Epist. CCLXXXVII.* — Domino Ostiensi, pro eodem abbate. 493  
*Epist. CCLXXXVIII.* — Ad Andreæ avunculum suum, militem Templi. — Infelicem exitum sacre expeditionis dolet; avunculi adventum optat. 493  
*Epist. CCLXXXIX.* — Ad reginam Jerosolymorum. — Instruit eam, quomodo se gerat, ut probæ viduæ coram Deo, et reginæ coram hominibus partes impleat. 494  
*Epist. CCXC.* — Domino Ostiensi, de Jordano cardinali. Legatum apostolicum describit, quam fæda ubique vestigia reliquerit. 496  
*Epist. CCXCI.* — Ad dominum papam Eugenium, pro ecclesia Sancti-Eugendi Jurensis. 496  
*Epist. CCXCII.* — Ad quemdam sæcularem. — Perstringit eum, quod Petrum, cognatum suum, a proposito vitæ religiose abstrahere conatus sit. 497  
*Epist. CCXCIII.* — Petro abbati de Cella, pro monacho Caziacensi, qui ad Claram-Vallem transierat. 498  
*Epist. CCXCIV.* — Ad dominum papam Eugenium, pro episcopo Cenomanensi. — Episcopum Cenomanensem, et alios Pontifici commendat. 499  
*Epist. CCXCV.* — Domino Henrico cardinali, pro eodem episcopo. 499  
*Epist. CCXCVI.* — Domino Ostiensi, pro eodem. 500  
*Epist. CCXCVII.* — Abbatibus Arremarensi. — Monachum apostatam penitentem recipi petit. 500  
*Epist. CCXCVIII.* — Ad dominum papam Eugenium. — Nicolai notarii fraudes et imposturas detegit. 500  
*Epist. CCXCIX.* — Comiti Engolismensi, pro fratribus de Buxia. — Queritur de gravi exactione suis a comite imposita. 501  
*Epist. CCC.* — Blesensi comitissæ. — Solatur comitissam, filii delicta per ætatem excusans, et melioris frugis spem faciens; unde blande potius et leniter quam asperè tractandum monet. 502  
*Epist. CCCL.* — Sanciae sorori imperatoris Hispaniæ. — Controversiam, ex receptione cujusdam monasterii inter suos et alios quosdam Religiosos natam, ejus opera sopiri cupit. 505  
*Epist. CCCLII.* — Legatis apostolicis, pro archiepiscopo Moguntino. — Causam archiepiscopi ab adversariis gravatè commendat. 504  
*Epist. CCCLIII.* — Ludovico Juniori regi Francorum. — Quid agendum regi causa cujusdam de Britannia adulteri et excommunicati. 505  
*Epist. CCCLIV.* — Eidem. — Gaudet valetudinem suam regi esse curæ; Robertum regis germanum commendat. 506  
*Epist. CCCLV.* — Ad dominum papam Eugenium. — Episcopum Belvacensem a Romano itinere justis ex causis detentum. Itaque causam ejus Pontificis consilio totam committit. 506  
*Epist. CCCLVI.* — Domino Ostiensi pro electione abbatibus Turoldi de Tribus-Pontibus. — Purgat se adversus columniam Hugonis episcopi Ostiensis, qui promotionem Turoldi in abbatem Trium-Pontium indignè ferebat: nam alium ipse, Nicolaum scilicet, designaverat. Roberti electionem in novi monasterii abbatem excusat. 507  
*Epist. CCCLVII.* — Ad eundem. — Belvacensem episcopum contra sinistros rumores tuetur. Valetudinem suam ex re me afflicta indicat: et quid archiepiscopo Lugdu-

nensi acciderit 510  
*Epist. CCCVIII.* — Ad Alfonso Portugalliæ regem. — Petitione regis se adlaborasse respondet, et fratrem ejus brevi a terrena militia ad celestem transiturum prædicat. 512  
*Epist. CCCIX.* — Ad Eugenium Pontificem. — Laudat Sugerium abbatem, ejusque legatos Pontifici commendat. 513  
*Epist. CCCX.* — Ad Arnaldum Carnotensem abbatem Bonævallis. — Bernardus in extremis positus, hanc amico epistolam ultimam scripsit. 513  
*Admonitio in epistolas sequentes.* 513  
*Epist. CCCXI.* — Ad Haimericum cancellarium. — Emulos quosdam piis aliorum conatibus adversantes acriter perstringit: Haimericum vero ad sedulam boni publici curam, oblata occasione, extimulat. 513  
*Epist. CCCXII.* — Ad Raynaldum archiepiscopum Remensem. — De remissis ad se litteris gratias agit. 517  
*Epist. CCCXIII.* — Ad Gaufridum abbatem Sanctæ-Mariæ Eboracensis. — Religiosus, a laxiore ad strictiorem vivendi modum transire volentes, non impediendos; et apostatas censendos, qui post transitum resiliunt ad vitam priorem. 518  
*Epist. CCCXIV.* — Ad dominum papam Innocentium. — Bernardus post reconciliatos Ecclesiæ Mediolanenses jussu Innocentii ad pacificandas ipsas inter se Lombardiæ civitates profectus, Papiam et Cremonam se contulit. Sed apud Cremonenses nihil proficiens, eorum pertinaciam Pontifici significat, et ut severiorem, quam in archiepiscopum Mediolanensem parabat sententiam, paulisper suspendat, hortatur. 520  
*Epist. CCCXV.* — Ad Mathildem reginam Anglorum. — Rogat ut annuat petitioni alias insinuatæ pro monachis de Capella. 522  
*Epist. CCCXVI.* — Ad Henricum Senonensem archiepiscopum, et ad Haimericum cancellarium. — Hortatur ut nobili cuidam, bona ecclesiastica possidenti, sed nunc ea religiosis quibusdam cedere volenti, non adessefuerit. 522  
*Epist. CCCXVII.* — Ad Priorem suum Gaufridum. — Schismate extincto, et pace composita, jam se quamprimum ad suos rediturum pollicetur. 523  
*Epist. CCCXVIII.* — Ad papam Innocentium. — Remensis Ecclesiæ pericula insinuat, et maturam operam a Pontifice desiderat. 523  
*Epist. CCCXIX.* — Ad Turstinum Eboraci archiepiscopum. — Hortatur curam pastorem ne dimittat: si lamen justa causa, aut Pontificis consensus adsit, locum petat religiose disciplinæ magis observantem. 524  
*Epist. CCCXX.* — Alexandro Priori de Fontibus, et ejusdem loci fratribus. — Hortatur ad electionem novi abbatibus unanimiter faciendam. 525  
*Epist. CCCXXI.* — Ad Henricum de Murlach, primum abbatem de Valle-Clara, postea de Fontibus, tandem archiepiscopum Eboracensem. — Jubet, ne electionem sui in abbatem de Fontibus refuset. 526  
*Epist. CCCXXII.* — Ad Hugonem novitium, postea Bonæ-Vallis abbatem. — Laudat vitæ religiose propositum, præmunitque eum adversus tentationes, et ad constantiam ac perseverantiam excitat. 527  
*Epist. CCCXXIII.* — Ad Innocentium papam. — Pro archiepiscopo Treverensi contra abbatem Sancti-Maximini. 528  
*Epist. CCCXXIV.* — Ad Robertum abbatem de Dunis. — Absentiæ mutua solamen suggerit, nempe animorum conjunctionem, imo et corporum, quandoque futuram. 530  
*Epist. CCCXXV.* — Ad eundem, de Iderio novitio. — Quod de novitio dyscolo faciendum rogatus consult. 530  
*Epist. CCCXXVI.* — Guillelmi abbatibus, ad Gaufridum Carnotensem episcopum, et Bernardum abbatem Claræ-Vallensem. — Ut Dei et Ecclesiæ causam adversus Petri Abbatardi errores, quorum aliquot capitula producit, tueantur. 531  
*Epist. CCCXXVII.* — Rescriptum Bernardi ad Guillelmum abbatem. — Libellum contra Petrum Abbatardum conscriptum laudat, mutuumque colloquium post Pascha promittit. 533  
*Epist. CCCXXVIII.* — Ad Romanum pontificem. — Contra electum Rutensem. 533  
*Epist. CCCXXIX.* — Ad episcopum Lemovicensem. — Contra eundem electum Rutensem. 534  
*Epist. CCCXXX.* — Ad Innocentium papam. — Contra Petrum Abbatardum. 535  
*Epist. CCCXXXI.* — Ad Stephanum cardinalem et episcopum Prænestinum. — Ejusdem argumenti. 536  
*Epist. CCCXXXII.* — Ad G. cardinalem. — Rem contra Petrum Abbatardum. 537  
*Epist. CCCXXXIII.* — Ad G. cardinalem. — Ejusdem

- item argumenti. 558  
 Epist. CCCXXXIV. — Ad Guidonem Pisanum. — Contra eundem Abelardum. 558  
 Epist. CCCXXXV. — Ad quemdam presbyterum cardinalem. — Item contra Petrum Abelardum. 559  
 Epist. CCCXXXVI. — Ad quemdam abbatem. — Ejusdem argumenti. 559  
 Epist. CCCXXXVII. — Ad Innocentium pontificem, in persona Francie episcoporum. — Episcopi Gallie exponunt Pontifici, quid actum sit in causa Petri Abelardi, Bernardum ad disceptationem in synodo provocantis, sed objectos sibi hæreses articulos respondere nolentis, et ad Sedem apostolicam appellantis. 560  
 Epist. CCCXXXVIII. — Ad Halmericum cardinalem et cancellarium. — Petro Abelardum hæreses convicto, non debere apud cardinales et curiam Romanam patere refugium. 562  
 Epist. CCCXXXIX. — Ad papam Innocentium. — Alvisi Atrebatensis episcopi Innocentiam adversus calumniatores ejus asserit. 544  
 Epist. CCCXL. — Ad eundem Innocentium papam. — Pro episcopo Andegavensi. 544  
 Epist. CCCXLI. — Ad Malachiam Hibernie archiepiscopum. — Fratres, litteras, et baculum, ab eo missa grato animosuscepit. Locum Religiosis idoneum præparari jubet: sequæ ejus orationibus commendat. 545  
 Epist. CCCXLII. — Ad Jostenum episcopum Suecionensem. — Archiepiscopum Burdegalensem apud regem purgari postulat. 546  
 Epist. CCCXLIII. — Bernardi abbatis Itali ad Innocentium. — Conqueritur quod in monasterio Salvatoris omnia secundum pontificis promissa non contigerint. 547  
 Epist. CCCXLIV. — Ejusdem Bernardi ad sanctum Bernardum. — Prefecturam sibi impositam conqueritur. 548  
 Epist. CCCXLV. — Ad fratres de Sancto-Anastasio. — Commendat eorum in religiosa disciplina zelum et observantiam Attamen nimium valetudinis per medicinas tuenda studium improbat. 549  
 Epist. CCCXLVI. — Ad dominum papam Innocentium. — Hortatur Pontificem, ne causæ archiepiscopi Eboracensis, utpote iniquæ, faveat. 551  
 Epist. CCCXLVII. — Ad eundem dominum Innocentium papam. — Commendat nuntios, causa archiepiscopatus Eboracensis Romam petentes. 552  
 Epist. CCCXLVIII. — Ad eundem Innocentium. — Pro Arnulfo Lexoviensi episcopo electo. 552  
 Epist. CCCXLIX. — Ad eundem. — Amicum pontifici commendat. 553  
 Epist. CCCL. — Ad eundem. — Propinquum suum benedictione pontificis muniri rogat. 554  
 Epist. CCCLI. — Ad eundem Innocentium. — Pauperes quosdam commendat. 554  
 Epist. CCCLII. — Innocentii II papæ Privilegium sancto Bernardo concessum. — Innocentius Bernardo atque ordini Cisterciensi amplissima privilegia concedit ob præclara ejus in sedem apostolicam merita. 554  
 Epist. CCCLIII. — Ad Willelmum abbatem de Rievall. — Monet æquanimiter ferre illegitimum archiepiscopi Eboracensis ordinationem. 556  
 Epist. CCCLIV. — Ad reginam Jerosolymorum Milisendem, filiam Balduini regis, et Fulconis uxorem. — Mortuo Fulcone viro suo, ut se gerere debeat. 556  
 Epist. CCCLV. — Ad eandem reginam Jerosolymorum. — Præmonstratenses Jerosolymam peregrinantes commendat. 557  
 Epist. CCCLVI. — Ad Malachiam Hibernie archiepiscopum. — Remittit religiosos, sed (quod negotiis imputat) non satis adhuc exultos et instructos. 558  
 Epist. CCCLVII. — Ad eundem. — Per everantem, imo et proficientem ab eo directionem requirit, eamque in fratribus a se missis, curandis et fovendis ostendi cupit. 558  
 Epist. CCCLVIII. — Ad dominum papam, nempe Celestinum. — Opem et auctoritatem Pontificis in pace Theobaldo Campanie comiti procuranda postulat. 560  
 Epist. CCCLIX. — Clara-Vallensium ad eundem Celestinum. — Abbatem Morimundum Jerosolymam peregrinaturum cupiunt retinere. 560  
 Epist. CCCLX. — Ad Willelmum abbatem de Rievall. — Denuo hortatur Willelmum ad patientiam et æquanimitatem. 561  
 Epist. CCCLXI. — Ad Theobaldum archiepiscopum, pro Joanne Salesberiensis. — Confusus de amicitia Theobaldi, Joannem ei commendat. 562  
 Epist. CCCLXII. — Ad Robertum Pullum cardinalem et cancellarium. — Hortatur ut Eugenio, recens electo Pontifici, strenuum pro officio suo se adiutorem præbeat in negotiis Ecclesiæ. 563  
 Epist. CCCLXIII. — Ad Orientalis Francie clerum et populum. — Ad arma contra infideles pro defensione Orientalis Ecclesiæ suscipienda hortatur. Præterea contra turbulentum quemdam prædicatorem docet Judæos non esse persequendos, nedum occidendos. 564  
 Epist. CCCLXIV. — Ad Petrum abbatem Cluniacensem. — Invitat Petrum ad conventum Carnotensem, ubi de auxilio Orientali Ecclesiæ ferendo consulandum. 568  
 Epist. CCCLXV. — Ad Henricum Moguntinum archiepiscopum. — Radulfum monachum, qui fideles in Judæorum necem armabat, arguit. 570  
 Epist. CCCLXVI. — Ad Hildegardem abbatissam. — Laudibus suis modeste rejectis, ut ipsa Dei gratiam in se agnoscat, monet, et orationes pro se suisque postulat. 572  
 Epist. CCCLXVII. — G. Cancellario. — Episcopum Mentensem commendat. 572  
 Epist. CCCLXVIII. — Ad G. diaconum cardinalem. — Affectum ejus, litteris et donis expressum, gratus amplectitur, et ab amore terrenorum opumque avocatur. 573  
 Epist. CCCLXIX. — Ad Sugerium abbatem. — Gratulatur Sugerio de reformatione ecclesiæ S. Genovefæ feliciter instituta, et ut bene coeptis insistat, hortatur. 574  
 Epist. CCCLXX. — Ad eundem. — Ecclesiam de Monte ei commendat. 575  
 Epist. CCCLXXI. — Ad eundem. — Dissuadet matrimonium inter filium comitis Andegavensis et filiam regis Francorum, ob impedimentum consanguinitatis. 575  
 Epist. CCCLXXII. — Ad P. episcopum Palentinum in Hispania. — Laudat eum ab humilitate, sed maxime a studio lectionis. 576  
 Epist. CCCLXXIII. — Abbatis Sp. ad S. Bernardum. — De præfectura sibi imposita luget. 578  
 Epist. CCCLXXIV. — Ad fratres de Hibernia, in transitu beati Malachie episcopi. — Sanctorum obitum gaudio potius quam luctu proseguendum. Singularem quoque Dei beneficio, Claram-Vallem tanti viri morte et sepultura honoratum. 578  
 Epist. CCCLXXV. — Ad Idam comitissam Nivernensem. — Monachos Vizeliacenses a comitisse clientibus infestari queritur. 580  
 Epist. CCCLXXVI. — Ad Sugerium abbatem. — Hortatur et rogat, ut duellis quorundam principum se opponat. 581  
 Epist. CCCLXXVII. — Ad eundem. — Prædicat ejus zelum et studium boni communis, quod indexit comita regni pro ejus salute, hortaturque ad causam rei publicæ fortiter agendam. 581  
 Epist. CCCLXXVIII. — Ad eundem. — Petit subsidium annonæ pro Religiosis Bituricensibus. 585  
 Epist. CCCLXXIX. — Ad eundem. — Abbati cuidam inopi subveniri rogat. 585  
 Epist. CCCLXXX. — Ad eundem. — De periculoso statu Ecclesiæ Orientalis. 585  
 Epist. CCCLXXXI. — Ad eundem. — Monet se de ipso recte sentientem, dolere tamen quod mala regni palam ipsi imputentur. Hortatur ut caveat, ne eorum, per quos ista fiunt, consortio infametur. 584  
 Epist. CCCLXXXII. — Ad Leonium abbatem Sancti-Bertini. — Eius in se suosque beneficia gratus agnoscit. Thomam de sancto Audomaro ad Clara-Vallenses transire volentem non prohibendum. 585  
 Epist. CCCLXXXIII. — Ad eundem abbatem Sancti-Bertini. — Rogat ut officia humanitatis, hactenus fratribus suis exhibita, continuet. 586  
 Epist. CCCLXXXIV. — Ad monachum ecclesiæ Sancti-Bertini. — Gratas agit beneficiæ hactenus suis præstitæ largam a Deo retributionem promittens. 587  
 Epist. CCCLXXXV. — Ad eosdem. — Eis de meliori observantia gratulatur, eosdemque ad studium religiosæ perfectionis et assidui profectus excitat. 587  
 Epist. CCCLXXXVI. — Joannis Case-Marii ad Bernardum abbatem. — Solatur Bernardum de infelici expeditionis in Terram Sanctam successu. 590  
 Epist. CCCLXXXVII. — Ad Petrum abbatem Cluniacensem. — Prævia sinceri in Petrum affectus et amoris protestatione, si quid acerbius litteris quibusdam scripserit, excusari rogat. 591  
 Epist. CCCLXXXVIII. — Petri Venerabilis ad Bernardum abbatem Clara-Vallensem. — Titulos et elogia respuit, et quanti Bernardum ejusque amicitiam faciat, luculenter ostendit. Ejusdem quoque satisfactionem de injuria litterarum libens admittit. 592  
 Epist. CCCLXXXIX. — Ad Petrum abbatem Cluniacensem. — Perjucundas sibi fuisse Petri litteras, sed occupationum mole præpedito non licuisse prolixius respondere. 593

Epist. CCCXC. — Ad Eschilum Lundensem archiepiscopum, sedis apostolica in Dacia et Suecia legatum. — Amorem ejus gratus et humilis agnoscit, suumque vicissim ostendit. 596

Epist. CCCXCI. — Ad Abbatissam Faberniacensem. — Monet de reficiendis non tantum domibus, sed et moribus, et de diligenti hospitalis cura. 597

Epist. CCCXCII. — Ad Radulfum patriarcham Antiochenum. — Humilitatem præcipue ei inculcat. 599

Epist. CCCXCIII. — Ad W. patriarcham Jerosolymorum. — Ad humilitatem eum hortatur. 600

Epist. CCCXCIV. — Ad archiepiscopum Lugdunensem. — Pro abbate Athanacensi apud Lugdunum. 602

Epist. CCCXCV. — Ad Alvisum Atrebatensem episcopum. — Non satis æquam ejus petitionem esse, ut Thomas de Sancto-Audomaro, qui se Clara-Vallensibus devoverat, dimittat Bertinensibus, qui eum sibi ex voto parentum vindicare volebant. 604

Epist. CCCXCVI. — Ad Ricinum episcopum Tullenensem. — Excusat se apud eum, quod ejus professum Wilhelmum ignorans susceperat. 605

Epist. CCCXCVII. — Ad Odonem abbatem Majoris-Monasterii prope Turones. — Monachos, de quibusdam relictibus cum clericis contententes, arbitrorum sententiæ acquiescere debere. 606

Epist. CCCXCVIII. — Ad Guidonem abbatem et fratres Arremarenses. — Rogatus ab Arremarensibus, ut Officium de sancto Victore ipsorum patrono componat, tenuitatem suam et operis difficultatem præterit, exponens qualia esse oportet quæ publice adhibentur divino cultui: cantus quoque ecclesiastici leges describit. 609

Epist. CCCXCIX. — Ad Leibertum abbatem Sancti-Michaelis. — Monachum quemdam a perverso peregrinationis proposito dehortatus, remittit ad suum monasterium. 612

Epist. CD. — Ad abbatem Lætiensem. — Fratrem Robertum recipi, et benignius tractari, ac statutum abbatibus sibi renuntiari cupit. 615

Epist. CDI. — Ad abbatem Balduinum de Castellione. — Timorem ei eximit, ex imprudenti cujusdam verbotum natum. 615

Epist. CDII. — Ad Balduinum Noviomensem episcopum. — Puerum ei facite commendat. 614

Epist. CDIII. — Ad Henricum archidiaconum. — An valeat Baptismus hac verborum forma collatus: « Baptizo te in nomine Dei, et sanctæ et veræ crucis. » 614

Epist. CDIV. — Ad Albertum inclusum. — Consultit ei semel in die redi, et mulierculas prorsus non admittit. 615

Epist. CDV. — Ad G. abbatem. — Fratri cuidam ad vivendum more communitatis sat virum esse. 616

Epist. CDVI. — Ad abbatem Sancti-Nicolai. 616

Epist. CDVII. — Ad Odonep abbatem Belli-Loci. — Monet depositum pauperi sine dilatione reddendum. 616

Epist. CDVIII. — Ad W. Abbatem Trecessem. — Clericum delicatum sæculo valedicentem abbati Trecesensi commendat, veritus rigori Clara-Vallensium imparem fore. 617

Epist. CDIX. — Ad Rorgonem de Abbatis-Villa. — Monet corpoream præsentiam non magni pendendam: rogat terram quamdam in cultum religiosum attribui. 618

Epist. CDX. — Ad Gilduinum abbatem Sancti-Victoris. — P. Lombardum commendat. 618

Epist. CDXI. — Ad Thomam Beverlacensem præpositum. — Suavissima sane et melliflua epistola que Thomam invitavit ad vitam religiosam, peccatis etiam quibusque non obstantibus. Bonæ conscientie nihil præferri posse in hoc mundo. 619

Epist. CDXII. — Ad T. adolescentem qui vitam monasticam voverat. 620

Epist. CDXIII. — Ad Rainaldum abbatem. — Novitum in proposito confirmatum benigne recipi postulat. 621

Epist. CDXIV. — Ad Alardum monachum. — Unde supra. Perstringit eum, quod predicto novitio expulso, ac jam reditum atque emendationem molientis, pertinacius obstat. 622

Epist. CDXV. — Ad quemdam pacti sui prævaricatore. — Hortatur ut, excusso voluptatis carnalis jugo, promissum religionis votum exsequatur. 625

Epist. CDXVI. — Ad incognitum. — Eleemosynas cõmittit Theobaldi a se non fuisse distributas asserit. 625

Epist. CDXVII. — Ad abbatem de Trunco-Berengarii. — Fratrem Dodonem ab eo humane recipi postulat. 624

Epist. CDXVIII. — Ad Hugonem archiepiscopum Rotomagensensem. — Donationem Saviniaco factam confirmari ab episcopo rogat. 625

Epist. CDXIX. — Ad Petrum abbatem Cellensem. — Furum Cellensibus dimittit. 626

Epist. CDXX. — Ad Nicolaum Cameracensem episcopum. (Fragmentum.) 626

Moxitur in sequentes triginta sex epistolas. 626

Epist. CDXXI. — Ad mar. et uxorem ejus. — Hortatur eos ad eleemosynam et pia opera. 629

Epist. CDXXII. — Ad quemdam abbatem. — Excusat se de epistolæ brevitate, remittitque illi quemdam adolescentem, quem admittere cum suis minime poterat. 629

Epist. CDXXIII. — Ad quemdam episcopum. — Commendat ei causam monasterii Sancti-Martini. 630

Epist. CDXXIV. — Ad quemdam amicum. — Excusat se quod cum eo ad ligatum ire non queat. 630

Epist. CDXXV. — Ad quemdam judicem. — Commendat ei causam abbatie Fontaneti. 631

Epist. CDXXVI. — Ad quemdam amicum. — Commendat ei latorem presentium. 631

Epist. CDXXVII. — Ad episcopum Trecessem. — Improbatur quod archidiaconatum puero dederit. 631

Epist. CDXXVIII. — Ad quemdam abbatem. — Laudat eum et hortatur ad emendationem sui monasterii et præcipue hospitalis. 632

Epist. CDXXIX. — Ad quemdam amicum. — Gratias agit Deo de rebus prospere gestis. 632

Epist. CDXXX. — Ad quemdam amicum. — Quod beneficia ecclesiastica non de laicali manu, sed de episcopi accipiendi sunt. 632

Epist. CDXXXI. — Ad Innocentium II papam. — Delegatus a summo pontifice iudex ad dirimendam litem inter duos contententes de archiepiscopatu Turonen-i, declarat Philippi electionem esse nullam. 633

Epist. CDXXXII. — Ad dominum papam. — In gratiam episcopi Trecesis. 633

Epist. CDXXXIII. — Ad eundem. — In gratiam episcopi Trecesis. 633

Epist. CDXXXIV. — Ad eundem. — Ejusdem argumenti. 633

Epist. CDXXXV. — Ad eundem. — Commendat ei litterarum latorem. 636

Epist. CDXXXVI. — Ad eundem. — Commendat ei quemdam amicum. 636

Epist. CDXXXVII. — Ad eundem. — In gratiam Trecesis episcopi. 636

Epist. CDXXXVIII. — Ad eundem. — In gratiam Trecesis episcopi. 636

Epist. CDXXXIX. — Ad eundem. — In gratiam Trecesis episcopi. 636

Epist. CDXL. — Ad anonymum. — Hortatur ut animæ curam præferens corporis sollicitudini, sæculo renuntiet. 637

Epist. CDXLI. — Ad Priorem quemdam. — Mittit ei adolescentem qui in Ordine recipi postulabat. 638

Epist. CDXLII. — Ad quemdam Ordinis S. Benedicti abbatem. — Mittit ei duos adolescentes ad ordinem Cisterciensem viribus impares, sed sibi non forte inutiles. 638

Epist. CDXLIII. — Ad quemdam amicum. — De quodam adolescente, cujus pravae mores narrat, qui nobilium matrimonium ambiebat. 638

Epist. CDXLIV. — Ad quemdam abbatem. — De quodam monacho qui ad alium Ordinem transire volebat, quod fieri improbatur. 639

Epist. CDXLV. — Ad quemdam abbatem. — Commendat ei L. fugitivum revertentem, quem benigne suscipi rogat. 639

Epist. CDXLVI. — Ad anonymum. — Scribit se ex morbo gravi convalescere, et mortis januas evasisse. 639

Epist. CDXLVII. — Ad Amedeum Altae-Cumbæ abbatem. — Rogat ut nuntios mittat Montem-Pessulanum, quo ascendere debebant regis Siciliae naves, ut apud regem eum excusent, quod fratres in Sicilia non miserat. 640

Epist. CDXLVIII. — Ad anonymum. — Commendat ei abbatem Farlensem sanctæ Ecclesiæ Romanæ cardinalem. 640

Epist. CDXLIX. — Ad regem Francorum. — Excusat se a suscipienda dignitate ad quam electus erat. 641

Epist. CDL. — Ad amicum. — Scribit se tandem convalescere et a mortis faucibus ereptum. 642

Epist. CDLI. — Ad fratres. — Hortatur ad eleemosynas famis tempore faciendas. 642

Epist. CDLII. — Ad quemdam abbatem. — Hortatur ut benigne fugitivum recipiat, nec prælati dignitatem abiciat. 643

Epist. CDLIII. — Ad anonymum. — Laudat ejus prudentiam et humilitatem. 644

Epist. CDLIV. — Ad anonymum. — Stephano, si perseveraverit, promittit dignos penitentiae fructus. 644

Epist. CDLV. — Ad materiam imperatoris Hispaniarum. — Fratrum ei suffragia concedit, oratque ut contro-



versis, quæ inter suos et fratres de Careda erat, per episcopos terminetur. 644  
 Prefatio in epistolam sequentem. 645  
 Epist. CDLVI. — Ad Raymundum dominum Castri Ambrusii. 647  
 Epist. CDLVII. — Ad universos fideles. — De expeditione in terram sanctam. Festum SS. Petri et Pauli quo apud Magdeburgum conveniunt, designat. 651  
 Epist. CDLVIII. — Ad Wladislaum duem, Magnates et populum Bohemie. — Omnes ad expeditionem Hierosolymitanam invitat, idemque negotium episcopo Moraviensi commendat. 652  
 Epist. CDLIX. — Ad G. de Stopho. 652  
 Monitum in sequentem epistolam. 653  
 Epist. CDLX. — Ad N. 653

## APPENDIX AD EPISTOLAS S. BERNARDI.

## I. EPISTOLÆ DUBIÆ VEL SPURIE.

Epist. CDLXI. — Ad Mattheum Albanensem episcopum. — Super Evangelio Lucae, cap. xvi, 1-9: « Homo quidam erat dives qui habebat villicum. » 661  
 Epist. CDLXII. — Ad quosdam noviter conversos. — Hortatur ad constantiam propositi vitæ religiosæ et ne antea vitæ peccatis se detergeri sinant. 662  
 Epist. CDLXIII. — Ad Alfonsum regem Portugallicæ. — Rex, obtenta de Saracenis victoria, reus voti de condendo Cisterciensibus monasterio tenebatur. Itaque postulat o Clara-Valle monachos Bernardus mittit in Lusitaniam. 668  
 Epist. CDLXIV. — Ad Joannem Ciritam. — Cognito divinitus ejus zelo ac desiderio, mittit e Clara-Valle monachos ad fundandum in Lusitania monasterium. 669  
 Epist. CDLXV. — Ad abbatem Sancti Benedicti. 670  
 Epist. CDLXVI. — Ad Ludovicum regem. 671

## II. NICOLAI CLARA-VALLENSIS IN PERSONA S. BERNARDI.

Epist. CDLXVII. — Nicolai Clara-Valleensis ad comitem et Barones Britannie, in persona domini Clara-Valleensis, pro negotio crucis. 671  
 Epist. CDLXVIII. — Ejusdem ad Manuelem Comitem Constantinopolitanum imperatorem, in persona domini Clara-Valleensis. — Ut filium comitis Theobaldi faciat novum militem. 671  
 Epist. CDLXIX. — Ejusdem ad Lucanum episcopum, in persona domini Clara-Valleensis. — Iniciativa ad fortitudinem. 675

## III. DIVERSORUM AD S. BERNARDUM ET ALIOS.

Epist. CDLXX. — Alfonsi regis ad S. Bernardum. 675  
 Epist. CDLXXI. — Sugerii abbatis S. Dionysii ad S. Bernardum. — Gratias agit de consolatione sibi in extremis agenti data, seque ipsius commendat orationibus. 675  
 Epist. CDLXXII. — Evervini Steinfeldensis præpositi ad S. Bernardum. — De hæreticis sui temporis. 676  
 Epist. CDLXXIII. — Henrici Remensis ad Bernardum. 680  
 Epist. CDLXXIV. — Joannis Aletani episcopi ad Bernardum. 680  
 Epist. CDLXXV. — M. Cracoviensis episcopi ad S. Bernardum. — Illum invitat ad conversionem Rutenorum. 681  
 Epist. CDLXXVI. — Thomæ quondam abbatis Mauriacensis ad S. Bernardum. 682  
 Epist. CDLXXVII. — Matronæ cujusdam ad S. Bernardum. 685  
 Epist. — CDLXXVIII. — B. ad S. Bernardum. — De indisciplinato monacho agit. 686  
 Epist. CDLXXIX. — Hugonis Metelli ad S. Bernardum. — In qua ejus laudes fuisse prosequitur. 687  
 Epist. CDLXXX. — Ejusdem Hugonis Metelli ad S. Bernardum. — Se suosque ab accusatione purgare conatur. 688  
 Epist. CDLXXXI. — Ejusdem Hugonis, in persona abbatis sui Guillelmi abbatem. — Excusat, quod ad Herberti sui calumnias aliquanto durius respondeat. 690  
 Epist. CDLXXXII. — Halmonis archidiaconi Catalaunensis ad Bernardum. 691  
 Epist. CDLXXXIII. — Ejusdem ad eundem. 691  
 Epist. CDLXXXIV. — G. ad S. Bernardum. — Ad excusandum Ambianensem episcopum ab expeditione transmarina. 692  
 Epist. — CDLXXXV. — Samsonis archiepiscopi Remensis ad sanctum Bernardum. — De conditione monasterii Morensis, diocesis Lingonensis. 693  
 Epist. CDLXXXVI. — Herici episcopi Trecentensis ad S. Bernardum de Bulençurte abbatia. 693  
 Epist. CDLXXXVII. — Gaufridi episcopi Carnotensis

ad Stephanum episcopum Parisiensem. — De pace inter ipsum et Stephanum de Garlanda. 694

Epist. CDLXXXVIII. — Hugonis episcopi ad capitulum Cisterciensem. — De morte Eugenii III. papæ. 694  
 Epist. CDLXXXIX. — Bartholomæi, ex episcopo monachi, ad Samsonem archiepiscopum Remensem. — Reddit rationem suæ administrationis. 696  
 Epist. CDXC. — Turstini archiepiscopi Eboracensis ad Willclmum Cantuariensem pontificem. 697  
 Epist. CDXCI. — Fastredi abbatis Clara-Valleensis tertii ad quemdam Ordinis sui abbatem. 704  
 Epist. — CDXCII. — Petri de Roya novitii Clara-Valleensis ad C. præpositum Norwicensem. — Transactæ vitæ errores enumerat, et Clara-Valle optinam laudat institutionem. 706  
 Epist. CDXCIII. — Capituli generalis nigrorum monachorum ad Adriam IV. — De amovendo abbate Latinacensi. 713  
 Epist. CDXCIV. — Eorumdem ad Alexandrum III. 714  
 Epist. CDXCV. — Ad abbatem Reatinensis monasterii. 716

## S. BERNARDI CHARTÆ.

I. — Pro abbata de Trunco-Berengarii. 715  
 II. — Pro Luxoviensi et Sancti-Apri monasteriis. 717  
 III. — Compositio facta inter Hugonem episcopum et Willclmum comitem Autissiodorensis. 717  
 IV. — Pro monasterio S. Victoris Parisiensis. 720  
 V. — Pro monasterio Sancti-Amantii. 720

## OPERA S. BERNARDI TOMUS SECUNDUS. — TRACTATUS MORALES, DOCTRINALES ET ASCETICI.

Prefatio in tomum II. 721  
 Monitum J. Merlonis Horstii ad lectores. 725  
 DE CONSIDERATIONE LIBRI QUINQUE ad Eugenium tertium. 727

Prologus. 727

LIBER PRIMUS. 727

Cap. I. — Pontifici, tam variis occupationibus presso. 727

condolet. 727

Cap. II. — Vis consuetudinis ad inducendos praves mores, et duritiam cordis. 729

Cap. III. — Indignum proceribus Ecclesiæ continue causis litigantium audiendis et decidendis incumbere. 731

Cap. IV. — Quæ servitus digna, quæ indigna servo servorum Dei. 732

Cap. V. — Non gerendam aliorum curam cum sui ipsius incuria et neglectu. 734

Cap. VI. — Non tam episcopis, quam principibus judicariam potestatem competere. 735

Cap. VII. — Pietati et rerum æternarum considerationi in primis vacandum esse. 736

Cap. VIII. — Ex pietate et contemplatione pulcherrimam quatuor virtutum harmoniam et connexionem oriri. 737

Cap. IX. — Recentia Pontificum exempla paulatim corrigenda, vetera imitanda. 739

Cap. X. — Abusus advocatorum, judicum, procuratorum, eorumque fraudes graviter perstringit. 739

Cap. XI. — In advocatos et procuratores, qui ex iniquitate questum faciunt, severe animadvertendum. 741

LIBER SECUNDUS. 741

Cap. I. — Apologiam instituit, ob infelicem successum expeditionis in Terram Sanctam susceptæ. 741

Cap. II. — Considerationis a contemplatione distinctio. 743

Cap. III. — Considerationis quatuor puncta designat. 743

Cap. IV. — Notitiam sui ipsius triplici consideratione sui complectitur; et primum quidem considerationis membrum hic exsequitur. 746

Cap. V. — Alterum membrum considerationis sui proponit: nempe, quis sit, et unde. 746

Cap. VI. — Quale debeat esse procerum Ecclesiæ studium. 747

Cap. VII. — Resumens priorem questionem, quis sit, diligentius expendit. 750

Cap. VIII. — De pontificiæ dignitatis et potestatis excellentia disserit. 751

Cap. IX. — Propriæ naturæ considerationem commendat. 752

Cap. X. — Tertium membrum considerationis sui, nempe qualis sit, exponit. 753

Cap. XI. — Serium examen sui Pontifici serio commendat. 754

Cap. XII. — Neque in prosperis animum rursus laxandum, neque in adversis deficientium. 755

CAP. XIII. — Ab otio et nugis vanisque sermonibus Pontificem dehortatur. 756

CAP. XIV. — Personarum acceptionem in iudiciis summo opere vitandam. 757

LIBER TERTIUS. 757

CAP. I. — Pontificis esse, non tam ut omnes suo dominio subijciat, sed ut omnes, quantum fieri potest, ad Ecclesiæ gremium perducatur. 757

CAP. II. — Quis nōdus in appellationibus ad sedem apostolicam adhibendus sit. 761

CAP. III. — Præsules Ecclesiæ non tam ut præsint, ac semetipsos pascant, quam ut aliis prosint, constitutos esse. 764

CAP. IV. — Gradus ordinum et dignitatum, quæ in Ecclesiæ sunt, non temere confundendos ac perturbandos. Hinc abusus querendi privilegia ac exemptiones perstringit. 766

CAP. V. Summo Pontifici incumbere curam de apostolicis decretis, et majorum institutis per totum orbem servandis 769

LIBER QUARTUS. 769

CAP. I. Tractat de iis quæ circa ipsum sunt. 771

CAP. II. — De cleri et populi Romani moribus agit, et de veterum pastorum cura ac vigilantia. 772

CAP. III. — De vestium pompa rescanda, et zelo Pontifici necessario. 775

CAP. IV. — Quales collaterales et coadjutores a Pontifice adhibendi: ubi de virtutibus prælatorum. 778

CAP. V. — Exemplis commendatur abstinencia munerum; et arrogantia ministrorum Papæ perstringitur. 782

CAP. VI. — Pontifici non convenire, utpote gravius intentio, rei domesticæ curam; proindeque alteri potius œconomio committendam. 784

LIBER QUINTUS. 787

CAP. I. — De his qui supra nos sunt, id est de Deo rebusque divinis, considerationem instituit, ad quas modo per creaturas erigimur. 787

CAP. II. — Assignat varios considerationis gradus. 789

CAP. III. — Ea quæ supra nos sunt, Deum scilicet et angelos, investigari opinione, fide et intellectu. 790

CAP. IV. — Angeli quomodo considerandi. 791

CAP. V. — Gratiæ ac dotes angelorum a Deo in ipsos derivari. 794

CAP. VI. — Principii et essentia rationem proprie soli Deo convenire. 795

CAP. VII. — Deum et simplicem et trinum esse. 797

CAP. VIII. — Personarum pluralitatem in Deo consurgere ex proprietatibus; essentiam tamen unam et simplicem esse. 799

CAP. IX. — Uti in Deo simplex natura est in tribus personis, sic contra in Christo plures naturas in unam personam coalescere. 800

CAP. X. — Parabola, quæ est apud Matthæum de tribus satis, Christi personæ accommodatur. 801

CAP. XI. — Continuatio considerationis de Deo. 802

CAP. XII. — Deum et bonorum operum pium remuneratorem, et scelorum æquissimum vindicem esse. 802

CAP. XIII. — De longitudine, latitudine, profunditate et sublimitate Dei profunde et eleganter discurrit. 804

CAP. XIV. — Modum, quo prædicta secundum Apostolum comprehendere possimus, ostendit. 805

Admonitio in opusculum sequens. 807

TRACTATUS DE MORIBUS ET OFFICIO

EPISCOPORUM. 809

Prologus. 809

CAP. I. — Arduum at periculosum esse munus episcopi; ideoque ei bonis consiliariis opus. 809

CAP. II. — Honorem et decus dignitatis ecclesiasticæ non consistere in externo splendore, sed in morum et victutum decore. 813

CAP. III. — Præsulum potissima et dignissima ornamenta, castitas, caritas, humilitas. 816

CAP. IV. — Cura sinceræ fidei, et caritatis non fictæ, præsul maxime necessaria. 818

CAP. V. — De virtute humilitatis omnibus quidem, sed prælatis in primis necessaria. 820

CAP. VI. — Laus et vera gloria in conscientia cuiusque reponenda; attamen non sine formidine, quia Deus est scrutator et Iudex cordium. 822

CAP. VII. — Ambitionem ecclesiasticorum, promotionem juniorum, et pluralitatem beneficiorum perstringit. 825

CAP. VIII. — Humilitatem et modestiam episcopo commendat. 828

CAP. IX. — Abbates exemptionibus præpostere studentes arguuntur. 830

Admonitio in opusculum sequens. 833

SERMO DE CONVERSIONE AD CLERICOS.

CAP. I. — Quod nemo converti ad Dominum, nisi Dei

voluntate præventus et ejus voce interius clamante, possit. 833

CAP. II. — Quod ipsa vox Domini omnibus se offerat, et animam sibi ipsi nolentem repræsentet. 835

CAP. III. — Quod per vocem Dei, animæ ratio, quasi in libro, omnia mala deprehendere, reprehendere, dijudicare et discernere valeat. 836

CAP. IV. — Quod diligens iniquitatem, odit animam, et carnem suam: et de penitentia infructuosa post mortem. 837

CAP. V. — Quod vermis conscientia in præsentem seniri et suffocari debet, non in immortalitatem foveri ac nutrir. 838

CAP. VI. — Difficultatem conversionis et luctum resistere parantis, graphice repræsentat. 839

CAP. VII. — Respiratio consolationis pauperibus spiritu seu animæ miseriam agnoscendi. 841

CAP. VIII. — Carnales voluptates, et divitiæ esse omnino vanas, fallaces, et momentaneas. 841

CAP. IX. — Quod impossibile sit peccantem latere. 844

CAP. X. — Non solum declinando a malo, sed et faciendo bonum salutem obtineri. 845

CAP. XI. — Converti molientes acrius a solitis vitiis tentari, ipsis vero luctum esse necessarium. 846

CAP. XII. — Quomodo voluntas suaviter inducenda ad amandum et desiderandum coelestia. 847

CAP. XIII. — Conversos mira suavitate ac deliciis vitam piæ ac spiritualis refici. 847

CAP. XIV. — In terrenis non esse ullam satietatem nisi fastidio conjunctam: at coelestium desideria experiendo semper crescere. 848

CAP. XV. — Purganda memoria a peccatorum sordibus fiducia divinæ misericordiæ. 849

CAP. XVI. — Misericordiam divinam obtineri, miserendo sibi ipsi primum; deinde proximo. 850

CAP. XVII. — Oculis cordis continuo mundandos, ut Deus videri possit. 850

CAP. XVIII. — Pacifico merito beatificari nomine filiorum Dei. 851

CAP. XIX. — Graviter perstringit ambitiosos, qui temere et indigne sacras Ecclesiæ functiones usurpant. 852

CAP. XX. — Arguit incontinentes, qui sacros Ordines impudenter temerare non verentur. 853

CAP. XXI. — Serio cohortatur ad penitentiam. 853

CAP. XXII. — Bonorum pastorum est docere; nec fugere persecutiones propter justitiam. 853

Admonitio in opusculum sequens. 857

LIBER DE PRÆCEPTO ET DISPENSATIONE.

Epistola ad abbatem Columbensem, de opere sequenti. 859

Præfatio ad monachos Carnotenses in tractatum sequentem. 861

CAP. I. — An monasticæ Regulæ instituta præcepta sint, an consilia donata. 861

CAP. II. — In constitutionibus majorum quando et a quibus dispensandum. 862

CAP. III. — Dispensationem in lege divina soli Deo reservatam esse. At quæ sunt legis æternæ, omnino etiam Deo esse immutabilia. 864

CAP. IV. — Quid prælatis circa dispensationem Regulæ liceat. 865

CAP. V. — Legem obedientia non esse extendendam a prælatis ultra limites professionis, neque citra contrahendam. 867

CAP. VI. — Religiosum perfectionis cupidum non debere obedientiam intra certos professionis limites constringere. 868

CAP. VII. — Obedientiæ gradus, et inobedientiæ gravitas quomodo noscenda, juxta distinctiones præmissas. 868

CAP. VIII. — Gravius peccari legum contemptu quam neglectu. 870

CAP. IX. — Prælato tanquam Deo obediendum esse. 871

CAP. X. — Obedientiam non esse gravem et molestatam, nisi imperfectis, invidis et carnalibus; cæteris suavem et facilem. 874

CAP. XI. — Præcepta esse imparia, ideoque transgressionem. 875

CAP. XII. — In Regula æque ac in lege divina disparitatem esse inobedientiæ. 877

CAP. XIII. — Refellit monachos, difficultatem, vel etiam impossibilitatem obedientiæ religiosæ nimium exaggerantes. 878

CAP. XIV. — Cur conscientia errans non æque convertat malum in bonum, uti bonum in malum. 880

Cap. XV. — An quantum obedientia valet ad meritum, tantum inobedientia valeat ad demeritum. 884

Cap. XVI. — Transitus et mutatio monasterii quatenus probanda. 885

Cap. XVII. — Ad dubia quædam ex Patribus proposita respondet. 888

Cap. XVIII. — Morte abbatis non licere professis mutare locum. 890

Cap. XIX. — Ad alia quædam dubia respondet. 891

Cap. XX. — Dinas Pauli sententias in speciem pugnantis conciliat. 892

Admonitio in opusculum sequens. 893

APOLOGIA S. BERNARDI ABBATIS AD GUILLELMUM THEODERICI ABBATEM. 895

Præfatiuncula. 895

Cap. I. — Profitetur se suosque ab obtreactione religiosi Ordinis prorsus alienos. 898

Cap. II. — Purgat se S. Bernardus, et Ordinem Cluniacensium commendat. 900

Cap. III. — Varietatem religiosorum Ordinum non debere præjudicare vinculo charitatis. 901

Cap. IV. — Se ceteros omnes Ordines charitate, unum professione tenere. 903

Cap. V. — Religiosos aliorum Ordinum æmulos et obtrectatores acri stylo aggreditur. 904

Cap. VI. — Arguit temere judicantes, et calumniantes modum vivendi Cluniacensium. 905

Cap. VII. — Spiritualis exercitatio fructuosior corporali. 907

Cap. VIII. — Cluniacensium vitia, virtutum nomine palliata, perstringit. 908

Cap. IX. — Eorundem intemperantiam comparat cum antiquorum monachorum parcimonia. 909

Cap. X. — Vestium ornatum luxumque in eisdem persequitur. 912

Cap. XI. — De causa cur superiores subditorum vitia non corrigant. Luxum et splendorem prælatorum apparatus perstringit. 913

Cap. XII. — Luxum et abusum in templis et oratoriis extruendis, ornandis, pingendis, arguit. 914

Cap. XIII. — Modos et media mutæ charitatis et pacis fovendæ summam colligit, denique transfugas instabilitatis notat. 916

Admonitio in opusculum sequens. 917

LIBER AD MILITES TEMPLI, de Laude novæ militiæ. 921

Prologus. 921

Cap. I. — De Laude novæ militiæ. 921

Cap. II. — De militia seculari. 923

Cap. III. — De Militibus Christi. 924

Cap. IV. — De conversatione Militum Christi. 925

Cap. V. — De Templo. 927

Cap. VI. — De Bethleem. 929

Cap. VII. — De Nazareth. 930

Cap. VIII. — De monte Oliveti et valle Josaphat. 931

Cap. IX. — De Jordane. 931

Cap. X. — De loco Calvarie. 932

Cap. XI. — De Sepulcro. 932

Cap. XII. — De Bethphage. 938

Cap. XIII. — De Bethania. 939

Admonitio in opusculum sequens. 940

TRACTATUS DE GRADIBUS HUMILITATIS ET SUPERBIE. 941

Præfatio. 941

Cap. I. — Christum esse viam humilitatis, qua pervenitur ad veritatem. 941

Cap. II. — Quo fructu ascendatur gradus humilitatis. 945

Cap. III. — Quo ordine gradus humilitatis ad propositum bravium veritatis perducant, et quomodo Christus per passionem didicit misericordiam. 944

Cap. IV. — Primus veritatis gradus est, primum seipsum attendere, seu propriam miseriam agnoscere. 948

Cap. V. — Secundus gradus veritatis est, ex agnitione propriæ infirmitatis, compati miserie proximi. 950

Cap. VI. — Tertius gradus veritatis, mundare oculum cordis ac contemplanda celestia et divina. 951

Cap. VII. — Quomodo sancta Trinitas hoc tres veritatis gradus in nobis operatur. 952

Cap. VIII. — Gradus iidem in raptu sancti Pauli declarantur. 954

Cap. IX. — Gemitus et suspiria sancti Bernardi, ad Veritatem anhelantis. 955

ALTERA PARS TRACTATUS. De duodecim gradibus superbie. 957

Cap. X. — De primo superbiæ gradu, qui est curiositas. 957

Cap. XI. — De secundo gradu superbiæ, qui est levitas animi. 963

Cap. XII. — De tertio gradu superbiæ, qui est inepta læstia. 965

Cap. XIII. — De quarto gradu superbiæ, qui est jactantia. 964

Cap. XIV. — De quinto gradu superbiæ, qui dicitur singularitas. 963

Cap. XV. — De sexto gradu superbiæ, id est arrogantia. 963

Cap. XVI. — De septimo gradu superbiæ, qui est præsumptio. 966

Cap. XVII. — De octavo gradu superbiæ, qui est defensio peccatorum. 966

Cap. XVIII. — De nono gradu superbiæ qui est simulata confessio. 966

Cap. XIX. — De decimo gradu superbiæ, qui est rebellio. 968

Cap. XX. — De undecimo gradu superbiæ, qui est libertas peccandi. 968

Cap. XXI. — De duodecimo gradu superbiæ, qui est consuetudo peccandi. 969

Cap. XXII. — An et quomodo orandum pro desperatis, et mortuis secundum animam. 969

Admonitio in opusculum sequens. 971

LIBER DE DILIGENDO DEO. 975

Præfatio. 975

Cap. I. — Quare et quomodo diligendus sit Deus. 974

Cap. II. — Deus quantopere ab homine mereatur amari, ob bona tuum corporis tum animæ. Quomodo ea agnoscenda et habenda citra donantis injuriam. 975

Cap. III. — Christiani quantos habeant stimulos amandi Deum præ infidelibus. 978

Cap. IV. — Quinam ex Dei recordatione consolationem cupiant: quive magis ad ejus amorem idonei. 980

Cap. V. — Christiano quantum incumbat debitum amoris. 982

Cap. VI. — Brevis anacephalæosis et summa prædictionum. 983

Cap. VII. — Non sine fructu et præmio diligendi Deus; et terrenis non satiari humani cordis appetitum. 984

Cap. VIII. — De primo gradu amoris, quo diligit homo se propter se. 987

Cap. IX. — De secundo et tertio gradu amoris. 989

Cap. X. — De quarto gradu amoris cum nec seipsum diligit homo nisi propter Deum. 990

Cap. XI. — Hac amoris perfectio non competit etiam solutis animabus beatorum, ante resurrectionem. 993

Cap. XII. — De charitate ex epistola ad Carthusianos scripta. 993

Cap. XIII. — De lege propriæ voluntatis et cupiditatis, servorum et mercenariorum. 996

Cap. XIV. — De lege charitatis filiorum. 997

Cap. XV. — De quatuor gradibus amoris, et felici statu patriæ celestis. 998

Admonitio in opusculum sequens. 999

TRACTATUS DE GRATIA ET LIBERO ARBITRIO. 1001

Præfatio. 1001

Cap. I. — Ad boni operis meritum, una cum gratia Dei, concurrere liberi arbitrii consensum. 1001

Cap. II. — Quid liberum arbitrium, seu in quo consistat libertas. 1003

Cap. III. — Triplicem esse libertatem, Naturæ, Gratiæ, Gloriæ. 1004

Cap. IV. — Qualis libertas competat animabus sanctis carne solutis: quæve Deo, et omni creaturæ rationali communis. 1006

Cap. V. — An libertas a miseria, seu complaciti, detur in hoc sæculo. 1008

Cap. VI. — Ad volendum bonum gratiam omnino esse necessariam. 1010

Cap. VII. — Utrum primi homines in paradiso trina illa libertate præditi fuerint, et post peccatum. 1013

Cap. VIII. — Libertatem arbitrii remanere post peccatum. 1014

Cap. IX. — Imaginem et similitudinem Dei ad quam conditi sumus, in triplici libertate consistere. 1016

Cap. X. — Similitudinem divinæ imaginis in nobis reformari per Christum. 1018

Cap. XI. — Libero arbitrio nihil derogari per gratiam, neque per tentationem. 1020

Cap. XII. — An negans fidem metu mortis et poenarum, excusetur a culpa, vel destituatur libero arbitrio. Ubi negatio Petri discutitur. 1021

Cap. XIII. — Merita hominis mera esse Dei munera. 1024

Cap. XIV. — Quid gratiæ, quid libero arbitrio in negotio salutis attribuendum. 1025

Admonitio in opusculum sequens. 1029



## TRACTATUS DE BAPTISMO ALIISQUE QUÆSTIONIBUS.

- Præfatio.** 1051
- CAP. I.** — Non obligas Baptismum, ex quo dictum fuit Nicodemus, « Nisi quis renatus, » etc. 1051
- CAP. II.** — Baptismi obligationem cepisse primum post sufficientem ejus promulgationem. In necessitate tamen articulo sufficere Baptismum fide et voto susceptum, sicut et martyrium. 1054
- CAP. III.** — Justos Veteris Testamenti non tam claram habuisse notitiam futurorum mysteriorum fidei, quam nos habemus præteritorem. 1058
- CAP. IV.** — Ostendit dari peccatum per ignorantiam, contra assertorem contrariæ opinionis. 1041
- CAP. V.** — Sententiam quandam suam male acceptam a calumnia vindicat, nempe, quod Angelos latuerit consilium Incarnationis Dominicæ. 1042
- Admonitio in opusculum sequens.** 1045
- CAPITULA HÆRESUM PETRI ABÆLARDI.**
- CAP. I.** — Horrenda similitudo de sigillo aëreo, de specie et genere ad Trinitatem. 1049
- CAP. II.** — Quod Spiritus sanctus non sit de substantia Patris. 1049
- CAP. III.** — Quod ea Deus solummodo possit facere, vel dimittere, vel eo modo tantum, vel eo tempore quo facit, non alio. 1049
- CAP. IV.** — Quod Christus non assumpsit carnem, ut nos a jugo diaboli liberaret. 1050
- CAP. V.** — Quod neque Deus et homo, neque homo persona, quæ Christus est, sit tertia persona in Trinitate. 1051
- CAP. VI.** — Quod Deus non plus faciat ei qui salvatur antequam cohareat gratiæ, quam ei qui non salvatur. 1051
- CAP. VII.** — Quod Deus non debeat mala impedire. 1052
- CAP. VIII.** — Quod non contraximus ex Adam culpam, sed poenam. 1052
- CAP. IX.** — Quod corpus Domini non cadit in terram. 1052
- CAP. X.** — Quod propter opera nec melior nec pejor efficiatur homo. 1052
- CAP. XI.** — Quod non peccaverunt qui Christum crucifixerunt ignoranter; et quod non sit culpæ ascribendum quicquid sit per ignorantiam. 1053
- CAP. XII.** — De potestate ligandi et solvendi. 1053
- CAP. XIII.** — De suggestionem, delectationem, et consensu. 1054
- CAP. XIV.** — Quod ad Patrem proprie vel specialiter pertinet omnipotentia. 1054

## TRACTATUS DE ERRORIBUS ABÆLARDI.

- Præfatio.** 1053
- CAP. I.** — Impia Abælardi de sancta Trinitate dogmata recenset, et explodit. 1053
- CAP. II.** — In Trinitate non esse admittendam ullam disparitatem, sed omnimodam æqualitatem. 1057
- CAP. III.** — Absurdum dogma Abælardi, nomina absoluta et essentia alia una personæ proprie et specialiter attribuentis, oppugnat. 1058
- CAP. IV.** — Refellit definitionem fidei, qua dicit Abælardus fidem, esse æstimationem. 1061
- CAP. V.** — Arguit Abælardum, sua sensa aut somnia unanimi Patrum sententiæ præferentem, præsertim ubi dicit Christum non ideo incarnatum, ut hominem liberaret de potestate Satanae. 1062
- CAP. VI.** — In opere liberationis humanæ non solum misericordiam, sed et justitiam relucere. 1065
- CAP. VII.** — Abælardum perstringit, impie ac temere Dei secreta scrutantem et extenuantem. 1067
- CAP. VIII.** — Quare Christus tam gravem ac laboriosum nos liberandi modum suscepit, cum sola ejus voluntas seu jussio sufficeret. 1068
- CAP. IX.** — Christum venisse in mundum, non solum instructionis nostræ, sed et liberationis causa. 1071

## VITA SANCTI MALACHIE.

- Præfatio Ad Conganum abbatem.** 1075

- CAP. I.** — Pueritia et adolescentia S. Malachie. 1075
- CAP. II.** — Religiosæ vitæ tirocinium. 1077
- CAP. III.** — Ordinibus initiatus episcopi vices gerit. 1078
- CAP. IV.** — Malcho episcopo plenius instituendus adhaeret. 1079
- CAP. V.** — Sorori defunctæ sacrificii oblatione succurrit. 1081
- CAP. VI.** — Monasterium Benchorense desolatum instaurat. 1082
- CAP. VII.** — Dyssenteria laborantem curat. 1085
- CAP. VIII.** — Episcopatum Conneretensem. licet invitus, suscipit. 1084
- CAP. IX.** — Monasterium Ibracense construit. 1085
- CAP. X.** — Fit archiepiscopus seu primas Hiberniæ. 1086
- CAP. XI.** — Insidias evadit incolumis, auctoribus male perditis. 1088
- CAP. XII.** — Hostes seu zelulos, in ipsum armatos, virtute animi et constanti in Deum fide lenit, et sibi conciliat. 1089
- CAP. XIII.** — Deus Malachie detractores punit. 1091
- CAP. XIV.** — Sedem metropolitanam paci redditam resignat. 1092
- CAP. XV.** — Romam proficisci deliberat, pallium a Pontifice petiturus. 1092
- CAP. XVI.** — Romam tendens, et inde rediens, Claram-Vallem visitat. 1094
- CAP. XVII.** — Diversa beneficia sanitarum per eum collata. 1095
- CAP. XVIII.** — Reversus in patriam, totus curæ pastoralis et reformationi incumbit. 1096
- CAP. XIX.** — Virtutum ejus insignia, et mores vero præstule digni. 1097
- CAP. XX.** — Energumenes vexatos a dæmonibus liberat. 1099
- CAP. XXI.** — Beneficia moribundis et partorientibus præstita. 1100
- CAP. XXII.** — Concubinario obstinato exitum denuntiat. 1100
- CAP. XXIII.** — Varia sanitarum beneficia variis præstita. 1101
- CAP. XXIV.** — Femina sine sacramento Extreme-Unionis defunctam resuscitat. 1103
- CAP. XXV.** — Alia diversa beneficia in diversis collata. 1104
- CAP. XXVI.** — Veritatem corporis Christi in Eucharistia propagat. 1105
- CAP. XXVII.** — Pacem et concordiam inter dissidentes mirabiliter conciliat. 1106
- CAP. XXVIII.** — Sacrum ædificium molienti, adversarium patitur, sed mox ultione divina correptum. 1108
- CAP. XXIX.** — Claret prophetiæ spiritu, et omni miraculorum gratia. 1111
- CAP. XXX.** — Locum et diem mortis suæ prædicit, et causa pallii denuo iter ad papam Eugenium suscipit. 1112
- CAP. XXXI.** — Rursus Claram-Vallem venit, moriturus loco et tempore quo desideraverat. 1114

## HYMNUS DE S. MALACHIA.

- Admonitio in opusculum sequens** 1118
- Prologus super Antiphonarium Cisterciensis ordinis.** 1121

## TRACTATUS DE CANTU.

## APPENDIX AD TRACTATUS MORALES ET DOCTRINALES.

- Monitum in opusculum sequens.** 1131
- S. BERNARDUS SUPER HYMNUM : Jesu nostra redemptio.** 1135
- Monitum in opuscula duo sequentia.** 1133
- LIBER DE PASSIONE CHRISTI ET DOLORIBUS MATRIS EJUS.** 1134
- TRACTATUS AD LAUDEM GLORIOSÆ V. MARIE** 1141
- Monitum in opusculum sequens.** 1147
- TRACTATUS DE CORPORE DOMINI.** 1159
- TRACTATUS CANTANDI GRADUALE.** 1151
- TONALE S. BERNARDI.** 1155

# INDEX ALPHABETICUS

## EPISTOLARUM S. BERNARDI.

## A

- (209) Abbati Sancti-Albini Andegavensis, epistola 204  
 Abbati Sancti-Benedicti, 421.  
 Abbati canonicorum regularium Sancti-Petri de Monte,  
 76.  
 Abbati cuidam, forte Bernardo Italo, 336.  
 Abbati Eboracensi, 94, 313.  
 Abbati Sancti-Nicasii Remensis, 32.  
 Abbati Trium-Pontium, 274.  
 Abbati de Trunco-Berengarii, 417.  
 Abbati cuidam Ordinis Sancti-Benedicti, 443.  
 Abbatibus Cistercii congregatis, 143.  
 Abbatibus Snessione congregatis, 91.  
 Abbatibus quibusdam, 102, 421, 427, 442, 444, 452.  
 Abbatissa Faberniacensi, 391.  
 Adamo monacho Morimundi, 3, 7.  
 Adelaïdi ducissæ Lotharingie, 119, 120.  
 Aildicurtis canonicis regularibus, 3.  
 Alardo monacho Cisterciensi, 414.  
 Alberico cardinali episc. Ostiensi, 219, 250-252.  
 Alberoni primicerio Metensi, 50.  
 Alberto incluso, 404.  
 Alexandro episcopo Lincolnensi, 64.  
 Alexandro Priori de Fontibus, 320.  
 Alfonso regi Portugallie, 508, 457.  
 Alpensis monachis, 143.  
 Alviso abbati Aquiscincti, 63.  
 Alviso episcopo Atrebatensi, 396.  
 Amedeo Alta-Cumba abbati, 447.  
 Amicis quibusdam, 424, 426, 429, 430, 443, 450.  
 Anastasi (Sancti-) monachis, 343.  
 Andrea avunculo suo, militi Templi, 288.  
 Angelberto comiti Engolismensi, 299.  
 Anonymis quibusdam, 440, 446, 448, 453, 454.  
 Aquitanie episcopis, 126.  
 Ardutioni Gebennensi electo, 27.  
 Ardutioni jam episcopo, 28.  
 Arnoldo abbati Bonæ-Vallis, 310.  
 Arnoldo abbati Morimundi, 4.  
 Ariado abbati Prulliacensi, 73.  
 Ascellino seu Anselmo episcopo Roffensi, 203.  
 Attoni episcopo Trecensi, 23.  
 Attoni et clero Trecensi, 203.

## B

- Balduino abbati de Castellione, 404.  
 Balduino jam episcopo Noviomensi, 402.  
 Balduino abbati Reatino, 201.  
 Beatrici nobili et religiosæ matronæ, 118.  
 Benedicti (Sancti-) abbati, 463.  
 Bernardo legato apostolico, 502.  
 Bernardo Priori Portarum, 250.  
 Bernardo de Portis Cartusiensi, 153, 154.  
 Bertini (Sancti-) monachis, 384, 385.  
 Blesensi comitissæ, 500.  
 Brunoni abbati de Clara-Valle, 281.  
 Brunoni Coloniensi, 6.  
 Brunoni Coloniensi electo, 8.  
 Brunoni jam archiepiscopo Coloniensi, 9, 10.  
 Burchardo abbati Balernensi, 146.  
 Burgundie ducissæ, 121.

(209) Notæ numerale epistolam designant

## C

- Capitulo Cisterciensi, 143.  
 Capitulo nigrorum monachorum, 91.  
 Celestino II papæ, 235, 358, 359.  
 Canonicis regularibus de Atidicurve, 3.  
 Cardinali presbytero, 335.  
 Cardinalibus Romanæ curiæ, 168, 188, 250-252, 256,  
 257.  
 Claræ-Vallensibus monachis, 143, 144.  
 Cisterciensi capitulo, 143, et ante 273.  
 Clero Mediolanensi, 132.  
 Clero et populo Franciæ orientalis, 363.  
 Conrado duci Zeringensi, 97.  
 Conrado regi Romanorum, 183, 244.  
 Cons'antiensi episcopo, 195.  
 Conversis quibusdam, 462.

## D

- Drogoni monacho Sancti-Nicasii Remensis, 34.  
 Duci et ducissæ Lotharingie, 119.  
 Ducissæ Burgundie, 121.  
 Ducissæ Lotharingie, 119, 120.

## E

- Ebaldo episcopo Catalaunensi, 58.  
 Eboracensi archiepiscopo, 95.  
 Eliæ cardinali, 295.  
 Eliæ monachi parentibus, 111.  
 Engolismensi comiti, 299.  
 Episcopis Aquitanie, 126.  
 Episcopis et cardinalibus Romanæ curiæ, 468, 188.  
 Episcopis Senonas convocandis, 187.  
 Episcopo cuidam, 100.  
 Episcopo cuidam, 422.  
 Episcopo Trecensi, 427.  
 Ermengardi quondam comit. Britanniæ, 116, 117.  
 Eskilo archiepiscopo Lundensi, 590.  
 Eugenio III papæ, 258-240, 245-249, 251, 252, 256-250,  
 261, 262, 268-270, 273, 275-278, 280, 283-286, 291, 294,  
 298, 305, 309.  
 Eustachio occupatori Valentiniæ sedis, 183.

## F

- Faberniacensi abbatissæ, 391.  
 Falconi decano Ecclesiæ Lugdunensis, 165.  
 Falconi electo archiepiscopo, 173.  
 Flaviacensibus monachis, 67, 68.  
 Franciæ orientalis clero et populo, 363.  
 Francorum regi, 448.  
 Fratribus, 430.  
 Fulconi adolescenti, 2.

## G

- G. abbati, 408.  
 G. cardinali, 332, 333.  
 G. cardinali diacono, 568.  
 Galtero episcopo Laudunensi, 272.  
 Gaufrido abbati Sanctæ-Mariæ Eboracensi, 94, 313.  
 Gaufrido abbati Sancti-Medardi, 66.  
 Gaufrido episcopo Carnotensi, 55, 56, 57.  
 Gaufrido Lexoviensi, 112.

Gaufrido de Latorio, 125.  
 Gaufrido de Perrona et sociis ejus, 109.  
 Gaufridi parentibus, 111.  
 Gerardo abbati Pultariensi, 81.  
 Gerardo cancellario sanctæ Romanæ Ecclesiæ, 219.  
 Gilduino abbati Sancti-Victoris Parisiensis, 410.  
 Gilleberto Universali episcopo Londoniensi, 24.  
 Godefrido Priori Clara-Vallensi, 317.  
 Gregorio Tarquinio cardinali, 555.  
 Gualtero de Calvo-Monte, 104.  
 Guarino abbati Alpensi, 254.  
 Guidoni abbati Arremarensi, 297, 398.  
 Guidoni abbati Molismensi, 80.  
 Guidoni abbati Trium-Fontium, 69, 70.  
 Guidoni cardinali et cancellario, 367.  
 Guidoni cardinali Pisano, 334.  
 Guidoni de Castello, 192.  
 Guidoni episcopo Lausannensi, 26.  
 Guidoni legato sanctæ Romanæ Ecclesiæ, 196.  
 Guidoni thesauro Ecclesiæ Lugdunensis, 165.  
 Guigoni Priori, et cæteris Carthusiæ majoris Religiosis, 11, 12.  
 Guillelmo episcopo Lingonensi, 59, 60.  
 Guillelmo abbati Sancti-Theodorici, 85, 86, 327.  
 Guillelmo comiti Pictavorum et duci Aquitanie, 127, 128.

## H

Haimérico cancellario sanctæ Romanæ Ecclesiæ, 15, 20, 48, 51-54, 157, 160, 162, 181, 311, 316, 358.  
 Helie cardinali, 295.  
 Helie monachi parentibus, 111.  
 Henrico archidiacono, 405.  
 Henrico archiepiscopo Moguntino, 363.  
 Henrico archiepiscopo Senonensi, 42, 43, 182, 316.  
 Henrico cardinali, 295.  
 Henrico de Mordach, abbati de Valle-Clara, 106, 321.  
 Henrico comiti Campanie, 279.  
 Henrico episcopo Virdunensi, 62, 63.  
 Henrico episcopo Wintonensi, 95.  
 Henrico regi Anglorum, 92, 158.  
 Herberto abbati Sancti-Stephani Divionensis, 254.  
 Hibernie fratribus, 374.  
 Hildeberto archiepiscopo Turonensi, 125, 124.  
 Hildebrando comiti Sancti-Egidi, 241.  
 Hildegardi abbatissæ, 566.  
 Hildegaro abbati Flaviacensi, 67, 68.  
 Honorio II papæ, 15, 14, 46, 47, 49, 50.  
 Hugoni abbati Pontiniacensi, 35.  
 Hugoni abbati Præmonstratensi, 255.  
 Hugoni abbati Trium-Fontium, 274.  
 Hugoni archiepiscopo Rothomagensi, 25, 418.  
 Hugoni cardinali episcopo Ostiensi, 287, 290, 296, 306, 307.  
 Hugoni comiti Campanie, Templi militi facto, 31.  
 Hugoni Parsito, 35, 36.  
 Hugoni novitio, postea Bonne-Vallis abbati, 522.  
 Hugoni de Sancto-Victore, 77.  
 Hugoni episcopo Rothomagensi, 418.  
 Humbaldo archiepiscopo Lugdunensi, 22.  
 Humberto abbati Ignaicensi, 141.

## I

Idæ comitissæ Nivernensi, 375.  
 Igmaro seu Ymaro carnalini episcopo Tusculano, 219, 250-252.  
 Ignotis quibusdam, 98, 416.  
 Imperatrici Romanorum, 157.  
 Innocentio II papæ, 156, 150, 152, 153, 156, 158, 159, 161, 164, 166, 167, 169, 171, 172, 176-180, 184, 189, 190, 191, 198, 199, 210-218, 314, 318, 325, 350, 337, 339, 340, 343, 346-351, 452.  
 Ivoni seu Yvoni cardinali, 195.

## J

Januensibus civibus, 129.  
 Jerosolymorum patriarchæ, 175, 195.  
 Jerosolymorum reginæ, 206, 289, 354, 388.  
 Joanni abbati de Buzio, 235.  
 Joanni Cirite abbati, 464.  
 Joanni Cremensti cardinali presbytero, 163.  
 Joannis (Sancti-) Carnotensis abbati, 82.  
 Joranno abbati Sancti-Nicasi Remensis, 52.  
 Josleno episcopo Suessionensi, 222, 225, 226, 227, 265, 342.  
 Judici cuidam, 425.

PATROL. CLXXXII.

Latiensi abbati, 400.  
 Laudunensi episcopo, 272.  
 Legatis apostolicis, 302.  
 Leiberto abbati Sancti-Michaelis, 399.  
 Lemovicensi episcopo, 329.  
 Leonio abbati Sancti-Berlini, 582, 585.  
 Lotharingæ duci et ducissæ, 119.  
 Lotharingæ ducissæ, 120.  
 Lothario imperatori, 139, 140.  
 Lucæ abbati Cuissiacensi, 79.  
 Ludovico Grosso regi Francorum, 45, 255.  
 Ludovico Juniori regi Francorum, 170, 220, 221, 226, 282, 303, 304.  
 Ludovico regi Francorum, 466.  
 Lugdunensi archiepiscopo, 394.  
 Lugdunensibus canonicis, 174.

## M

Malachie archiepiscopo Hiberniæ, 341, 356, 357.  
 Mar. et uxori ejus, 421.  
 Mariæ (Sanctæ-) Trecentis sanctimoniali cuidam, 115.  
 Materteræ imperatoris Hispaniarum, 455.  
 Mathildi comitissæ Blesenci, 500.  
 Mathildi ducissæ Burgundie, 121.  
 Mathildi reginæ Anglorum, 315.  
 Mattheo legato, 21.  
 Mattheo Albanensi episcopo, 461.  
 Mediolanensibus civibus, 151, 153.  
 Mediolanensi clero, 132.  
 Mediolanensibus novitibus, 154.  
 Milisendi Jerosolym. reginæ, 206, 289, 354, 355.  
 Monacho cuidam, 99.  
 Monachis de Sancto-Anastasio, 545.  
 Monachis Trium-Fontium, 71.

## N

Nicasi (Sancti-) Remensis abbati, 52.  
 Nicolai (Sancti-) de Saltu abbati, 85, 84, 406.  
 Novitibus Mediolanensibus, 154.  
 Novitibus ouibusdam, 462.

## O

Odoni abbati Belli-Loci, 407.  
 Odoni abbati Majoris-Monasterii, 397.  
 Ogerio canonico regulari, 87, 88, 89, 90.  
 Ostiensi episcopo, 287, 290, 296, 306, 307.

## P

Papæ in gratiam Trecentis episcopi, 452-459.  
 Patriarchæ Jerosolymitano, 175, 395.  
 Petro abbati Cellensi, 295, 419.  
 Petro abbati Cluniacensi, 147-149, 225, 265, 267, 364, 387, 389.  
 Petri (Sancti-) de Monte abbati, 76.  
 Petro decano Bisuntino, 197.  
 Petro diacono cardinali, 17, 18, 19.  
 Petro episcopo Palentino, 572.  
 Petro episcopo Papiensi, 155.  
 Petro presbytero cardinali, 16.  
 Philippo Turonensi Ecclesiæ invasori, 151.  
 Pisanis civibus, 150.  
 Præmonstratensi abbati, 255.  
 Prævaricatori cuidam poeti sui, 415.  
 Priori cuidam Vallis, 441.

## R

Radulfo patriarchæ Antiocheno, 392.  
 Rainaldo abbati Fusiniacensi, 72-74, 415.  
 Rainaldo archiepiscopo Remensi, 512.  
 Regi Francorum, 449.  
 Reginæ Jerosolymorum, 206, 289, 354, 355.  
 Religiosis quibusdam, 101.  
 Richardo abbati Fontanensi in Anglia, 96.  
 Richeræ imperatrici Romanorum, 157.  
 Ricuino episcopo Tullensi, 61, 396.  
 Roberto abbati de Dunis, 324, 325.  
 Roberto nepoti suo, 1.  
 Roberto Pullo cardinali cancellario, 362.  
 Roffensi episcopo, 205.  
 Rogerio regi Siciliae, 207, 208, 209.  
 Romanæ curiæ cardinalibus et episc., 256, 257.  
 Romanæ curiæ tribus episc., 219, 250, 251, 252.  
 Romano pontifici, 328.  
 Romano subdiac. sanctæ Romanæ Ecclesiæ, 105.



Romanis, sive senatui populoque Romano, 345.  
Rorgoni de Abbatibus-Villa, 409.  
Rualeno abbati Sancti-Anastasi, 360.

## S

Sæculari cuidam, 292.  
Sanctæ sorori imperatoris Hispaniæ, 301.  
Sanctimoniali cuidam, 114.  
Sanctimoniali de monasterio Sanctæ-Mariæ Trecensis, 115.  
Senonensi clero, 202.  
Simoni abbati S. Nicolai de Saltu, 83, 84, 406.  
Simoni duci Lotharingiæ, 119.  
Simoni filio Castellani Cameracensis, 186.  
Sophiæ virginis, 115.  
Spiritali populo, 363.  
Stephano abbati Sancti-Joannis Carnotensis, 82.  
Stephano cardinali episcopo Prænestino, 219, 224, 230-232, 351.  
Stephano episcopo Metensi, 29.  
Sugerio abbati, 78, 222, 266, 369-371, 576-581.

## T

T. adolescenti, qui vitam monasticam voverat, 412.  
Theobaldo archiepiscopo Cantuariensi, 361.  
Theobaldo comiti Campaniæ, 37-41, 271.  
Thomæ de Sancto-Audomaro, 108.  
Thomæ præposito de Beveria, 107, 411.  
Tolomanis civibus, 242.  
Trecensi clero, 205.  
Trecensi episcopo, 437.  
Trium-Fontium monachis, 71.  
Trunci-Berengarli abbati, 417.  
Turstino archiepiscopo Eboracensi, 93, 319.

## U

Ulgerio episcopo Andegavensi, 200.

## V

Vallis cuidam Priori, 441.  
Wilenso episcopo Lingonensi, 59, 60.  
Willelmo abbati de Rievalle, 353, 360.  
Willelmo abbati Trecensi, 408.  
Willelmo comiti Antissiodorensi, 464.  
Willelmi monachi Clara-Vallensis fratri, 105.  
Willelmo patriarchæ Jerosolymorum, 173, 595.

## Y

Ymario seu Ignario cardinali episcopo Tusculano, 219, 280-282.  
Yroni seu Ironi cardinali, 195.

## DIVERSORUM EPISTOLÆ AD BERNARDUM ET ALIOS.

A. ejusdem abbati Reatinensi, epist. 482.  
Abbatibus Spinæ ad S. Bernardum, epist. 375.  
Adriano IV. papæ capituli generalis nigrorum monachorum, epist. 480.  
Alexandro III. papæ capituli generalis nigrorum monachorum, epist. 481.  
Bartholomæi episcopi Laudunensis, ad Samsonem Remensem, epist. 476.

Bernardi abbatibus Itali ad Innocentium, epist. 343.  
Bernardi ejusdem ad S. Bernardum, epist. 354, 466.  
Britanniæ comiti et baronibus, Nicolai Clara-Vallensis in persona Bernardi, epist. 461.  
Celestino II. Clara-Vallensium, epist. 339.  
Capituli generalis nigrorum monachorum ad Adrianum IV, epist. 480.  
Capituli ejusdem ad Alexandrum III, epist. 481.  
Capitulo Cisterciensi Eugenii epistola, præmissa epist. 273.  
Capitulo eidem Hugonis episcopi Ostiensis, epist. 475.  
Clara-Vallensium ad Celestinum II, epist. 359.  
Episcopis apud Senones congregatis Innocentii II. papæ rescriptum, epist. 194.  
Eugenii III. papæ ad capitulum Cisterciense epistola, præmissa epist. 275.  
Fastredi abbatis Clara-Vallensis ad quemdam ordinis sui abbatem, epist. 478.  
G. ad S. Bernardum, epist. 472.  
Gaufridi episcopi Carnotensis ad Stephanum episcopum Parisiensem, epist. 437.  
Guillelmi abbatibus Sancti-Theoderici ad Gaufridum Carnotensem et Bernardum, epist. 326.  
Henrici episcopi Trecensis ad S. Bernardum, epist. 474.  
Hildeberti archiepiscopi Turonensis ad S. Bernardum, epist. 122.  
Haimonis archidiaconi Catalaunensis ad S. Bernardum, epist. 470, 471.  
Hugonis episcopi Ostiensis ad capitulum Cisterciense, epist. 437.  
Hugonis Metelli ad S. Bernardum, epist. 467-469.  
Hugonis Metelli in persona abbatibus sui ad Guillelmum abbatem, epist. 469.  
Innocentii II. papæ rescriptum ad episcopos Senonis congregatos, epist. 194.  
Innocentii II. papæ privilegium S. Bernardo concessum, epist. 332.  
Innocentio II. papæ Bernardi abbatibus Itali, epist. 343.  
Joannis abbatibus Casæ-Mariæ ad S. Bernardum, epist. 386.  
Lucano episcopo Nicolai Clara-Vallensis, epist. 463.  
Manueli Comneni imperatori Constantinopolitano Nicolai Clara-Vallensis, epist. 462.  
Nicolai Clara-Vallensis ad comitem et barones Britanniæ, in persona Bernardi, epist. 461.  
Nicolai Clara-Vallensis ad Manuelem Comnenum imperatorem Constantinopolitanum, epist. 462.  
Nicolai Clara-Vallensis ad Lucanum episcopum, epist. 465.  
Noviomensi præposito C. Petri de Roya, epist. 479.  
Petri Venerabilis, abbatibus Cluniacensis, ad S. Bernardum, epist. 229, 264, 388.  
Petri de Roya novitii Clara-Vallensis ad C. præpositum Noviomensem, epist. 479.  
Reatinensi abbati ejusdem A. epist. 482.  
Samsonis archiepiscopi Remensis ad S. Bernardum, epist. 473.  
Stephano episcopo Parisiensi Gaufridi episcopi Carnotensis, epist. 463.  
Turstini archiepiscopi Eboracensis ad Willelmum Cantuariensem pontificem, epist. 477.  
Willelmo Cantuariensi pontifici Turstini archiepiscopi Eboracensis, epist. 477.

# INDEX EPISTOLARUM S. BERNARDI

## PRO ARGUMENTI QUALITATE DISPOSITUS.

### (310) EPISTOLÆ ECCLESIASTICÆ.

#### *De rebus theologicis, et de disciplina ecclesiastica.*

De tempore quo cepit obligare baptismus, 77, modo tractatus 11 in tomo II.

Super Evangelio Lucae, 461

De forma baptismi, 403.

Contra errores Petri Abaelardi, 187-195, 526, 537, 530-538.

Contra errores Arnaldi Brixiensis, 195, 196.

Contra Henricum hæreticum; 241, 242.

Contra schisma, 219.

Judeos non esse persequendos, 563.

De bello contra hostes Ecclesiæ, 236, 563

De ejus successu, 298, 386.

De penitentia ob defectum in Missa commissum, 69.

De penitentia ob crimina imponendis, 61, 62.

De impedimento matrimonii ob consanguinitatem, 571.

Contra divortium et nuptias post ipsum, 216, 220, 221.

De qualitate divinorum officiorum, 598.

De conceptione beate Mariæ, 174.

De festo Machabeorum, 98.

Adversus clericum conjugatum et militem, 203.

Adversus eos qui beneficia pueris conferunt, 271, 426

Contra turbas ecclesiarum, 156, 157, 250, 318, 454

Contra occisores clericorum, 158, 163.

Pro diversis causis ecclesiasticis, 19, 20, 22, 30, 59, 261, 261, 262, 270, 283, 283, 514.

Pro juribus ecclesiarum seu monasteriorum, 14, 15, 16, 43, 44, 60, 263, 291, 552.

De exemptionibus monasteriorum, 179, 188, 525

#### *e summo pontifice et curia Romana.*

Hortatoriæ ad suscipiendum Innocentium, 121-134, 158-140.

Congratulatoriæ de Eugenio electione, 257, 258.

Pro reconciliatione Romanorum cum Eugenio, 245, 244

De morte ejusdem Eugenio, 457.

Pro reverentia erga pontificem, 176, 183.

Paræneticæ ad pontificem pro defensione oppressorum, 198, 199, 217.

Pro pace procuranda, 538.

Pro monasteriis, 275.

Admonitoriæ ad cancellarium sanctæ Romanæ Ecclesiæ, 511, 562.

Contra quemdam legatum, 290.

#### *De episcopis.*

Pro electione episcopi, 202.

Pro confirmatione episcoporum, 15, 170-172, 249, 548.

Deliberativa, an acceptandus episcopatus, 8.

Contra quasdam electiones, 153, 164-170, 220, 275, 280, 528-450.

De recta episcopalis dignitatis administratione, 9, 10, 23-28, 42.

Exhortatoriæ ad humilitatem, 592, 595.

Congratulatoriæ ob pacem procuratam, 29.

Congratulatoriæ ob amorem pauperum et paupertatis, 23, 24.

Commendatoriæ pro Remensi archiepiscopo, 247, 281.

Commendatoriæ pro aliis episcopis, 294-296, 302, 303, 307, 339, 340, 343, 428, 432, 454, 457, 459.

(210) Notæ numerales epistolam designant.

Pro episcopis depositis, 212, 246, 257.

Apologeticæ episcoporum apud reges, 45, 46, 47.

Apologeticæ episcoporum apud Franciam, 49, 50, 51, 183, 413.

Pro juribus episcoporum, 177-180, 429.

Contra quosdam episcopos, 183, 248, 252, 268.

Contra intrusos, 150, 151, 183, 233, 256, 259, 240, 546, 547.

Quomodo se gerendum erga episcopum intrusum 553

360.

Contra testamentum episcopi, 276.

Deliberativa, an abdicandus episcopatus, 349.

Reddita ratio administrationis, 437

### EPISTOLÆ MORALES.

#### *De virtutibus et vitiis.*

De caritate et compassione, 11, 12.

De eleemosynis, 25, 24, 93, 100, 207, 416, 430, 431.

De eleemosynis in monasteria, 316.

De restitutione, 279, 285.

De reddendo deposito, 407.

De vera amicitia, 271, 521, 409.

De perseverantia, 454.

Contra avaritiam, 103.

Contra duella, 576.

#### *Ad reges et principes.*

De reverentia papæ et episcopis ab eis exhibenda, 43, 183.

Pro pace cum Ecclesia, 220-226.

Pro concilio celebrando, 255.

Pro confirmatione episcoporum, 282.

Pro vitando excommunicato, 503.

De charitate et eleemosyna, 207, 208, 209.

Contra Ecclesiæ vexationes, 224

Contra exactioes, 299.

Dehortatoria a bello, 97.

#### *Ad ministros regios.*

Pro pace, 222-227.

Hortatoria ad zelum, 577.

Ad studium bonæ famæ, 581

#### *Ad viduas nobiles.*

De modo vivendi in viduitate, 289.

Quomodo se gerat regina vidua, 354.

Consolatoria de filii vita degeneri, 500

### EPISTOLÆ ASCETICÆ.

#### *De vocatione, statu et virtutibus religiosis.*

Hortatoria, ut animæ cura præferatur corporis sollicitudini, et ut sæculo renuntiatur, 440.

Paræneticæ ad ingressum in religionem, 101-108, 411, 412.

Ad profectum, 254, 515, 583.

Ad studium disciplinæ regularis, nunc præmissa epistolæ 275.

De capitulis generalibus nigrorum monachorum, 91, 493.

De moribus primorum Cisterciensium, 188, 492.

Congratulatoria de electione vite religiosæ 51, 51, 109, 151, 332.

De reformatione monasterii, 480.

Ad revocandos eos, qui in laxiora desciverant, 1.

Ad revocandos apostatas, 2, 112, 415.

Ad revocandos errantes, 4-7.

Contra eos qui alios a vita religiosa advocant, 292.

Excusatoria ad parentes eorum qui ad vitam monasticam confugerant, 61, 111.

De amore solitudinis et silentii, 21, 48, 52, 69.

De vitanda monachis peregrinatione, 57, 599.

De usu pharmacorum, 345.

De consorcio mulierum monachis vitando, 79, 403.

Pro pace inter Cluniacenses et Cistercienses, 229.

De brevitate et paritate litterarum, 88, 90.

De Religioso qui nupsit, 76.

De transitu ad aliam religionem, 94, 515, 445.

Apologem de admissione alienorum Religiosorum, 3, 52, 55, 65-68, 255, 295, 582, 595, 596.

#### Ad sanctimoniales.

De virginis prerogativa, 115.

An eremi propositum sanctimoniali conveniat, 115.

Congratulatio ad sanctimoniales, omne ad meliorem frugem se recepérat, 114.

#### Pro abbatibus et superioribus.

De abbatis electione, 530, 531.

Pastoralis officii munia describuntur, 301.

Mortatoria ad curam animarum, 54.

Ad onera prelatum patienter toleranda, 75, 260.

Querela de imposita prefectura, 344, 575.

Ad leniter recipiendos errantes, 55, 70, 80, 84, 101, 267, 400, 414, 417, 421, 444, 452.

De electione incorrigibilium, 102.

De monacho indisciplinato, 166.

De novitio dyscolo, 325.

De fundatione monasteriorum, 75, 512.

Pro reformatione monasteriorum, 58, 91, 96, 391, 427.

Congratulatoria de ipsa reformatione, 78, 142, 254, 369.

Consolatoria de constu reformationis frustrato, 85.

Responsoria de abdicando onere pastoralis, 82, 86, 87, 453.

De amovendo abbate indisciplinato, 495.

Contra eos qui curam pastorem temere abjecerant, 141, 235.

Commendatoria pro abbatibus, 591, 147.

#### EPISTOLÆ VARLE.

##### Pro se ipso.

Apologetice pro se ipso, 48, 81, 205, 218, 223, 230, 506, 597, 423.

Retractoria, 269, 274.

Excusatoria, 416, 448.

Urbanæ seu familiares, 71, 85, 116, 116, 143, 144, 145, 147, 148, 201, 228, 442, 445, 449.

Ad agendas gratiarum actiones, 120, 147, 181, 504, 512, 541, 568, 581, 590, 428.

Modestæ, 18, 72, 123, 135, 146, 155, 218, 223, 265.

##### Pro aliis

Pacificæ, 56, 97, 121, 136, 157, 148, 200, 255, 501, 577.

Commendatoria pro afflictis et pauperibus, 55, 57-40, 56, 227, 551, 422, 424, 425.

Pro amicis, 55, 228, 277, 278, 500, 435, 456.

Pro consanguineo, 206.

Pro abbate vexato, 251.

Pro alio abbate inope, 579.

Pro religiosis, 41, 53, 173, 173, 186, 198, 208, 535, 537, 583, 418, 419, 442.

De adolescente qui se in ordine recipi postulabat, 441.

Consolatoria de morte amici, 574.

Inceptoraria, 281.

De bello sacro, 457, 458.



FINIS TOMI CENTESIMI OCTOGESIMI SECONDI



00  
7.  
9.  
7,  
4.